


Luda yã takada kõn  
Bokobaru yã



The New Testament and portions of the Old Testament in the  
Bokobaru language of Nigeria

## **Luda yá takada kǝn Bokobaru yáo**

### **The New Testament and portions of the Old Testament in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 23 Aug 2023 from source files dated 9 Oct 2020  
c31548a1-5316-53c2-be42-674e0e4c5ae5

## Contents

NAANA . . . . .	1
BONA . . . . .	43
NARONA . . . . .	65
DOKAGBĒSISINA . . . . .	76
YOSUA . . . . .	79
YĀGĠGĠRINŌ . . . . .	90
RUTU . . . . .	101
1 SAMUĒLI . . . . .	104
2 SAMUĒLI . . . . .	130
1 KINANŌ . . . . .	155
2 KINANŌ . . . . .	181
EZĒRA . . . . .	206
NĒEMAYA . . . . .	212
ESITA . . . . .	220
AYUBA . . . . .	227
SAAMUNŌ . . . . .	243
YAASINŌ . . . . .	377
LAASUDEE . . . . .	419
DANIĒLI . . . . .	431
YUNUSA . . . . .	444
ZAKARI . . . . .	446
MALAKI . . . . .	452
MATIU . . . . .	455
MAAKU . . . . .	488
LUKU . . . . .	508
YOHANA . . . . .	543
ZĪRINŌ . . . . .	566
ROMUDEENŌ . . . . .	596
1 KŌRINTIDEENŌ . . . . .	610
2 KŌRINTIDEENŌ . . . . .	622
GALATIANŌ . . . . .	631
EFESUDEENŌ . . . . .	636
FILIPIDEENŌ . . . . .	641
KŌLŌSEDEENŌ . . . . .	645
1 TĒSALONIKADEENŌ . . . . .	648
2 TĒSALONIKADEENŌ . . . . .	651
1 TIMŌTI . . . . .	653
2 TIMŌTI . . . . .	657
TITU . . . . .	660
FILIMŌ . . . . .	662
EBERUNŌ . . . . .	663
YEMISI . . . . .	674
1 PITA . . . . .	678
2 PITA . . . . .	682
1 YOHANA . . . . .	684
2 YOHANA . . . . .	688
3 YOHANA . . . . .	689
YUDA . . . . .	690
ZIA YĀ . . . . .	691

## NAANA Musa takada káaku

Adamu 1:1-5:32  
Nuu 6:1-11:32  
Ibraĩ 12:1-20:18  
Isaaku 21:1-26:35  
Yakubu 27:1-36:43  
Yusufu 37:1-50:26

### *Anduna naana*

<sup>1</sup> À káaku Luda musu kǝn tɔtɛo kè. <sup>2</sup> Guu da pãme à kekenaro, gusiaa bé à da ísiaala, ben Luda Ninii e yàa paa í pìla. <sup>3</sup> Ben Luda bè: Guu pu! Ben guu pù. <sup>4</sup> À è gupuraa pì maa, ben à gupuraa kèkǝa kǝn gusiaao. <sup>5</sup> À tó kpà gupuraane fáantɛ, gusiaa sǝ gwãavĩ. Guu sǝ guu dǝ, à gurɔ káakun gwe.

<sup>6</sup> Ben Luda bè: Bàtuma gǝ kú ínɔ dagura le à í pìnɔ kèkǝa. <sup>7</sup> Ben à bàtuma kè le, à í kè kú bàtuma gĩzĩ kèkǝa kǝn í kè kú à musuo. <sup>8</sup> Ben à tó kpà bàtuma pìne ludambe. Guu sǝ guu dǝ, à gurɔ plaadeen gwe.

<sup>9</sup> Ben Luda bè: Í kè kú gĩzĩ kakǝa gu dǝnkǝn, gukori bɔ. Ben à kè le. <sup>10</sup> À tó kpà gukori pìne tɔtɛ, ben à tó kpà í kè kàkǝaane ísiaa. Ben à è à kè maa. <sup>11</sup> Ben Luda bè: Lánɔ bɔe tɔtɛ kǝn sè wéedeeno kǝn lí nédeeno, baade kǝn a boriio. Ben à kè le, <sup>12</sup> lánɔ bɔe tɔtɛ kǝn sè wéedeeno kǝn lí nédeeno, baade kǝn a boriio. Ben Ludaa è à kè maa. <sup>13</sup> Guu sǝ guu dǝ, à gurɔ aagǝdeen gwe.

<sup>14</sup> Ben Luda bè: Pó gupurinɔ gǝ kú musu aǝgǝ fáantɛ kèkǝa kǝn gwãavĩo, aǝgǝ wè sèedano kǝn gurɔɔno kǝn wèno ɔɔaáne. <sup>15</sup> Aǝgǝ de pó gupurinɔ ũ musu le wàgǝ anduna puu. Ben à kè le. <sup>16</sup> À pó gupuri ìsinɔ kè mèn plaa, à kè gbãaa ègǝ kí blee fáantɛ, à kè buse ègǝ kí blee gwãavĩ. À sɔsɔnenɔ kè dɔ. <sup>17</sup> À ní pépe musu le aǝgǝ anduna puu <sup>18</sup> aǝgǝ kí blee fáantɛ kǝn gwãavĩo, aǝgǝ gupura kèkǝa kǝn gusiaao. Ben à è à kè maa. <sup>19</sup> Guu sǝ guu dǝ, à gurɔ siigǝdeen gwe.

<sup>20</sup> Ben Luda bè: Pó wèndideeno í pa yélele, bãano dagula musu aǝgǝ vĩaa bàtuma. <sup>21</sup> Ben à pó wèndidee kè aǝè lili o í guuno kè kǝn kpò gbèntɛno pínɡi, baade kǝn a boriio. À bãano kè pínɡi dɔ, baade kǝn a boriio. Ben à è à kè maa. <sup>22</sup> À aubarika dàngu à bè, aǝgǝ né ii aǝgǝ kǝɔ, kpònɔ ísiaa pa, bãano kǝ tɔtɛ. <sup>23</sup> Guu sǝ guu dǝ, à gurɔ sɔɔrodeen gwe.

<sup>24</sup> Ben Luda bè: Pó wèndideeno bɔe tɔtɛa, pókádeeno kǝn pótáa'onkuseano kǝn nòbɔsɛtenɔ, baade kǝn a boriio. Ben à kè le. <sup>25</sup> Luda nòbɔsɛtenɔ kè baade kǝn a boriio. À pókádeeno kè baade kǝn a boriio. À pótáa'onkuseano kè baade kǝn a boriio. Ben à è à kè maa.

<sup>26</sup> Ben Luda bè: Wà gbèntee ke wa taka ũ, aǝgǝ de wa bà, aǝgǝ kí blee kpònɔa kǝn bãano kǝn pókádeeno kǝn nòbɔsɛtenɔ kǝn pótáa'onkuseano pínɡi. <sup>27</sup> Ben Luda gbèntee kè a zĩnda taka ũ. À zĩnda takan à ní ké à ũ. À ní ké gǝgbè kǝn nɔgbèo. <sup>28</sup> À aubarika dàngu à bèné: Àgǝ né ii àgǝ kǝɔ à anduna pa àgǝ gbãaa bleea. Àgǝ kí blee kpònɔa kǝn bãano kǝn pó wèndidee kè aǝè táa o tɔtɛano pínɡi. <sup>29</sup> Ben Luda bè: Ma pó wéedee kè kú tɔtɛano kpàawa a póblee ũ pínɡi kǝn lí nédeeno pínɡi. <sup>30</sup> Ma sènɔ kǝn lánɔ kpà pó wèndideeno a pínɡi ní póblee ũ, nòbɔno kǝn bãano kǝn pótáa'onkuseano pínɡi. Ben à kè le. <sup>31</sup> Luda pó kè à kènɔ è pínɡi, à kè maa wásawasa. Guu sǝ guu dǝ, à gurɔ swèedodeen gwe.

## 2

<sup>1</sup> Len Luda musu kɔn tɔtɛo kɛ lɛ kɔn n pɔnɔ pɪngi. <sup>2</sup> Ai à gurɔ swɛɛplaadee zĩ gɔ ká, à zĩ kè èe kɛɛ pì yáa. À gurɔ swɛɛplaadee pìn à kámma bò kɔn zĩ kè à kènɔ pɪngi. <sup>3</sup> Ben à aubarika dà gurɔ swɛɛplaadee pìn à diè a pò ũ, kè zĩ been à kámma bò kɔn zĩ kè à kènɔ pɪngi yānzi.

### *Edeni swadako*

<sup>4</sup> Musu kɔn tɔtɛo naana yān yè. Gurɔ kè Dii Luda tɔtɛ kɔn musuo kè, <sup>5</sup> bura pókée e bɔɛ tɔtɛa kòro, baa sɛ, zaake Dii Ludaa e tó lou màro, bensɔ gbɛkee kuu à tɔtɛ zĩ kero. <sup>6</sup> Sukaa bé è kpá andunala, ben è mɔɔ pisi tɔtɛa pɪngi.

<sup>7</sup> Dii Luda gɔgbɛ í kàsa kɔn bùsutio, ben à ía wɛndidee vù à yīn, ben gɔgbɛ pì gɔ gbɛ bɛɛ ũ. <sup>8</sup> Dii Luda swadako diè ɔfántɛbɔɛ kpa kè wè be Edeni, ben à gɔgbɛ kè à kè pì dà gwe. <sup>9</sup> Dii Luda tò lí bori pɪngi bɛ tɔtɛa. Lí pɪnɔ maa, bensɔ n bɛ blena nna. Lí wɛndidee kú dako pì gura. Lí kè è dɔna maa kɔn à zaaao ínne kú gwe dɔ.

<sup>10</sup> Swaa kú Edeni ègɔ mɔɔ pisi dako pì. Bɔna gwe à ɔne kè siigɔ. <sup>11</sup> À káaku tón Pisɔ, àmbe à liga Avila bùsuzi pɪngi. Vura kú bùsu pì guu, <sup>12</sup> vura pì maa. Gbɛ bɛɛdeenɔ kú gwe dɔ. <sup>13</sup> Swaa pì ɔne plaade tón Giɔ, à liga Kusu bùsuzi pɪngi. <sup>14</sup> À ɔne aagɔde tón Tigiri, à dɔro tà Asiria bùsu ɔfántɛbɔɛ kpa. Swaa pì ɔne siigɔde tón Yuflati.

<sup>15</sup> Dii Luda gɔgbɛ pì diè Edeni dako pì guu lɛ àgɔ à zĩ ke àgɔ gwaa. <sup>16</sup> Ben à yā dienne à bè: Né fɔ n dako pì lí pɪngi bɛɛ ble, <sup>17</sup> mɔde nton lí kè è dɔna maa kɔn à zaaao ínne bɛɛ blero. Tó n blè, n game.

<sup>18</sup> Dii Luda bè: Gɔgbɛ kuuna adoo maaro. Mé dɔnlɛri kenne à gbɛndoo ũ. <sup>19</sup> Ben Dii Luda bùsu kò à nɔbɔnɔ kèo pɪngi kɔn bāanɔ pɪngi, ben à mɔnyo gɔgbɛ pì kiia lɛ à e dian eé tó kpáinne nà. Tó kè gɔgbɛ pì kpà pò wɛndidee pìnɔne pɪngi gɔ n tó ũ. <sup>20</sup> Gɔgbɛ pì tó kpà pókádeenɔne pɪngi kɔn bāanɔ kɔn nɔbɔsɛtɛnɔ pɪngi, mɔde èe dɔnlɛri e n tɛ à gbɛndoo ũro. <sup>21</sup> Ben Dii Luda i isi dà gɔgbɛ pìla. Kè èe ii oo, ben à à gbàntɛwa mèn doo bò, ben à à mèbaasi tàta a gbèn. <sup>22</sup> Ben à gɔgbɛ gbàntɛwa kè à bò pì liè nɔgbɛ ũ, ben à gāo à kiia. <sup>23</sup> Ben gɔgbɛ pì bè:

Kèki wá bò ma wá guume,

à mè sɔ bò ma mè guume.

Weé à sísi nɔgbɛ,

kè Luda à bò gɔgbɛ guu yānzi.

<sup>24</sup> Beee yānzin gɔgbɛ è a de kɔn a dao tó, aɛè nakɔa kɔn a naɔo wà gɔ mè doo ũ. <sup>25</sup> Gɔgbɛ kɔn a naɔo kú bũu n plaa n pɪngi, wí sɔ è n kũro.

## 3

### *Gbɛntee kɛkɔana kɔn Ludao*

<sup>1</sup> Mlè bé à mɔnafiki vī de pò kè Dii Ludaa kènɔla pɪngi, ben à nɔgbɛ là à bè: Luda bè àton dako pì lí ke bɛɛ blenloo? <sup>2</sup> Ben nɔgbɛ wè mlè pìla à bè: Wé fɔ wà dako pì líbɛɛ ble, <sup>3</sup> mɔde lí kè kú dako pì gura súusu, Luda bè wàton à bɛɛ blero wàton ɔ kea sero, lɛ wàton garo yānzi.

<sup>4</sup> Ben mlè bène: É ga sero! <sup>5</sup> Zaake Ludaa dɔ kè tó á blè, a wéé é kè é gɔ lán a bà, égɔ à maa dɔ kɔn à zaaao.

<sup>6</sup> Kè nɔgbɛ è lí pì bɛɛ maa, bensɔ à blena égɔ nna eé tó gbɛ wéé kè, ben à à bɛɛ wò à blè. À kpà a zāa sɔ, ben à blè. <sup>7</sup> Aɔ plaa n pɪngi wéé kè, ben aɔ dɔ sa kè aɔ kú bũu. Ben aɔ gooda lá nàbi wà nānzi.

<sup>8</sup> Kè gɔgbɛ kɔn a naɔo Dii Luda kī mà èe taa oo dako pì guu uusie, ben aɔ ùtɛne dako pì lán. <sup>9</sup> Ben Dii Luda lé zù gɔgbɛzi à bè: N kú máme? <sup>10</sup> À wèàla à bè: Kè ma n kī mà, ben vīa ma kũ kè má kú bũu yānzi, ben ma ute. <sup>11</sup> Ben Dii Luda à là à bè: Dé bé à ònne n kú bũuu? Lí kè ma ginne n à bɛɛ ble, n blèn yó? <sup>12</sup> À wèàla à bè: Nɔgbɛ kè n kpàma àgɔ kúmao

bé à lí pì bεε kpàma má blè. <sup>13</sup> Ben Dii Luda nɔgbē là à bè: Bóyānzi n kè lɛzi? À wèàla à bè: Mlè bé à ma kεε, ben má blè. <sup>14</sup> Ben Dii Luda bè mlènε:

Kè n kè lε, négō dε láari pó ũ  
pókádeenɔ kɔn nòbɔsētεnɔ té píngi,  
n gbεεεn négō gáεε,  
bùsutin négō blee ai n wèndi lén.

<sup>15</sup> Mé íbetε da mpi kɔn nɔgbēo dagura,  
n bori kɔn à borii dagura.

À borii é n mì wí,  
né à gbátoge kēna.

<sup>16</sup> Ben à bè nɔgbēnε:  
Mé n nòsina wāwāa kaaranne,  
négō né ii wāwāo.

N zā nii égō kúmmame,  
eégō gbāa vī n musu.

<sup>17</sup> Ben à bè gōgbēnε:  
Lán n n naō yā mà nà,  
lí kè ma ginnε n à bεε blee n blè,  
tɔtε gō láari pó ũ n yānzi,  
ɔsi kɔn ɔsiion négō póblee en  
ai n wèndi lén.

<sup>18</sup> Éé lènɔ kɔn lá ũkádeenɔ bɔenne,  
gbasa n bura pónɔ ble.

<sup>19</sup> Ísimmagaakpana guun né póblee en  
ai n liara n gē bùsu guu,  
zaake gwen ma n bɔn.  
Bùsutin n ũ,  
né liara n gō bùsuti pì ũmε.

<sup>20</sup> Adamu tó kpà a naōnε Awau, zaake gbē píngi dazimε. <sup>21</sup> Dii Luda báa uta kè Adamunε kɔn à naō, ben à dàrínε. <sup>22</sup> Ben à bè: Gbēntee à maa kɔn à zaaao dō sa, à gō lán wa bà. Wé gínε à lí wèndide bεε wo à ble, lε àtongō kuu gurɔ píngiro yānzi. <sup>23</sup> Ben Dii Luda pèa à à bò Eɗeni dàko pì guu. Ben Adamu gàa à tɔtε kè Luda à bòn zīi kε. <sup>24</sup> Kè Dii Luda pèa, ben à kerubunɔ kàe Eɗeni dàko ɔfántēbɔε kpa, lε aōgō lí wèndide zé dākpa kɔn fēɗdaa kè èe té kεε èe lieliεεo.

## 4

### *Kaini kɔn Abilao*

<sup>1</sup> Adamu a naō Awau dō nɔgbē ũ, ben à nò sī à Kaini ì. Ben à bè: Ma gōgbē ì kɔn Dii gbāaao. <sup>2</sup> Ben à à dāaro Abila ì dɔ. Abila kè sādāri ũ, Kaini sō kè búbari ũ. <sup>3</sup> Zīkea Kaini mò kɔn a bura pónɔ gbaa ũ Diinε. <sup>4</sup> Abila sō mò kɔn a sānε káaku mēkpanao. Abila yā kà Diinε, ben à à gbaa sī. <sup>5</sup> Kaini sō yā e ká Diinero, ben èe à gba síro. Ben Kaini pɔ fē maamaa à uu yàkōtε. <sup>6</sup> Ben Dii bè Kaininε: Bóyānzi n pɔ fēzi? À kè dia n uu yàkōtεε? <sup>7</sup> Tó n yā maa kè, mé n síroo? Tó néε yā maa kε sōro, durun naenne n kpεε. N nii e à dεε, séde n zī blea.

<sup>8</sup> Ben Kaini bè a dāaro Abilanε: Wà gá sèn. Kè aō kà gwe, ben à fēε a dāarozi à à dè. <sup>9</sup> Dii Kaini là à bè: Mán n dāaro Abila kún? À wèàla à bè: Má dōro. Ma dāaro dākparin ma ũs? <sup>10</sup> Ben Dii bè: Bɔ n kè? N dāaro aru e lé zuumazi zaa tɔtε. <sup>11</sup> Tia sa négō láari pò ũmε, négō zà kɔn tɔtε kè n dāaro aru mì n ɔzīo. <sup>12</sup> Tó n bú bà, tɔtε é àre kenne. Négō sōki kpákpa n gō likōaa zōo anduna guu. <sup>13</sup> Ben Kaini bè Diinε: Íadamma beε gbāa demala, mé

f̄ro. <sup>14</sup>Néε pεema t̄ote k̄ea gb̄aame sa. Mé k̄ek̄s̄anyo sa. Méḡs̄ s̄oki kp̄ákpaa màḡs̄ lik̄s̄aa z̄s̄o anduna guu, gb̄ē k̄ē kp̄ákūmao é ma de. <sup>15</sup>Ben Dii bène: Lenlo! Tó gb̄ē n de, weé ḡēε bonne ḡèn sw̄εεplaame. Ben Dii w̄éz̄á ke k̄ē Kainia, le gb̄ē k̄ē kp̄ákūo tón à dero yānzi. <sup>16</sup>Ben Kaini dà z̄én à k̄ē Diia. À gà à v̄ēε N̄odu bùsun Edeni ɔf̄ánt̄ēb̄oε kpa.

<sup>17</sup>Kaini dàε k̄s̄n a nāso, ben à n̄ò s̄i à Enōku ì. À gbera Kaini w̄éte k̄àε, ben à a né p̄i t̄ó kp̄à w̄éte p̄iε. <sup>18</sup>Enōku Irada ì, Irada M̄euyaeli ì, M̄euyaeli Metusaeli ì, Metusaeli Lameki ì. <sup>19</sup>Lameki n̄o s̄è m̄èn plaa, à doo t̄ón Ada, à doo s̄s̄ Zila. <sup>20</sup>Ada Yabala ì. Àmbe p̄ód̄ari k̄ē ās̄èḡs̄ kú bisakutaa guun̄o dezi k̄áaku ū. <sup>21</sup>À d̄āaro t̄ón Yubala. Àmbe m̄ōr̄ōlerin̄o k̄s̄n kureperin̄o dezi k̄áaku ū. <sup>22</sup>Zila s̄s̄ bé à Tubala Kaini ì. Sian à ū. È p̄ó p̄íngi pi k̄s̄n m̄òsio k̄s̄n m̄ògot̄ēo. À d̄āre t̄ón Naama. <sup>23</sup>Ben Lameki bè a nās̄ōn̄oε:

Ada k̄s̄n Zilao, à ma ȳā ma,  
ma nās̄ōn̄o, à sw̄ā kp̄á ma ȳāzi.  
Gb̄ēke ma k̄ēna, ben ma à d̄ē,  
ḡs̄kparε p̄i ma l̄εmε, ben ma à k̄àate.

<sup>24</sup>Tó weé Kaini ḡēε bone ḡèn sw̄εεplaa,  
mam̄ōma Lameki ma p̄ó s̄s̄,  
ḡèn baaaḡs̄ akuri aw̄εεsw̄εεplaame.

<sup>25</sup>Adamu dàε k̄s̄n a nāso d̄o, ben à néḡs̄gb̄ē ì. À t̄ó kp̄àε Seti à bè, Luda a gba né p̄ānde Abila k̄ē Kaini d̄ē ḡēε ūmε. <sup>26</sup>Seti s̄s̄ néḡs̄gb̄ē ì, ben à t̄ó kp̄àε Enōsu. Zaa z̄i beeean w̄à n̄à Dii s̄ísinaa.

## 5

### *Adamu boriin̄o*

<sup>1</sup>Adamu boriin̄o yān ȳē. Gur̄ō k̄ē Luda gb̄ēnteen̄o k̄ē, à n̄í k̄é lán a bàme. <sup>2</sup>À n̄í k̄é ḡs̄gb̄ē k̄s̄n n̄ogb̄ēo, ben à aubarika dàngu. À t̄ó kp̄à̄n̄ε gb̄ēntee.

<sup>3</sup>Adamu w̄ē basw̄εedo akuridee guun à né ì a taka ū à b̄òk̄s̄bao, ben à t̄ó kp̄àε Seti. <sup>4</sup>Seti ina gbera à k̄ē w̄ē w̄àa siiḡs̄ à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>5</sup>K̄ē à k̄à w̄ē w̄àa siiḡs̄ kp̄é basw̄εedo akuri, ben à gà.

<sup>6</sup>Seti w̄ē bas̄ōro as̄ōrodee guun à Enōsu ì. <sup>7</sup>À gbera à k̄ē w̄ē w̄àa siiḡs̄ aw̄εεsw̄εεplaa à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>8</sup>K̄ē à k̄à w̄ē w̄àa siiḡs̄ kp̄é bas̄ōro akuri aw̄εεplaa, ben à gà.

<sup>9</sup>Enōsu w̄ē basiiḡs̄ akuridee guun à Kenana ì. <sup>10</sup>À gbera à k̄ē w̄ē w̄àa siiḡs̄ k̄s̄n ḡēroo à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>11</sup>K̄ē à k̄à w̄ē w̄àa siiḡs̄ kp̄é bas̄ōro as̄ōro, ben à gà.

<sup>12</sup>Kenana w̄ē baaaḡs̄ akuridee guun à Malaleli ì. <sup>13</sup>À gbera à k̄ē w̄ē w̄àa siiḡs̄ kp̄é baplaa à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>14</sup>K̄ē à k̄à w̄ē w̄àa siiḡs̄ kp̄é bas̄ōro akuri, ben à gà.

<sup>15</sup>Malaleli w̄ē baaaḡs̄ as̄ōrodee guun à Yarēdi ì. <sup>16</sup>À gbera à k̄ē w̄ē w̄àa siiḡs̄ k̄s̄n baaakurio à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>17</sup>K̄ē à k̄à w̄ē w̄àa siiḡs̄ kp̄é bas̄ōro as̄ōrosai, ben à gà.

<sup>18</sup>Yarēdi w̄ē bas̄ōraaḡs̄ aw̄εεplaadee guun à Enōku ì. <sup>19</sup>À gbera à k̄ē w̄ē w̄àa siiḡs̄ à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>20</sup>K̄ē à k̄à w̄ē w̄àa siiḡs̄ kp̄é bas̄ōraaḡs̄ aw̄εεplaa, ben à gà.

<sup>21</sup>Enōku w̄ē baaaḡs̄ as̄ōrodee guun à Metusela ì. <sup>22</sup>À gbera à t̄áa ò k̄s̄n Ludao ai w̄ē w̄àa do kp̄é bas̄ōro à né p̄ānden̄o ì d̄o ḡs̄gb̄ēn̄o k̄s̄n n̄ogb̄ēn̄o. <sup>23</sup>À k̄à w̄ē w̄àa do kp̄é bas̄ōraaḡs̄ as̄ōro. <sup>24</sup>À t̄áa ò k̄s̄n Ludao, ben w̄à k̄òrazi, k̄ē Luda à s̄è b̄ona anduna guu yānzi.

<sup>25</sup> Metusela wè bakēndo awεεswεεplaa dee guun à Lameki ì. <sup>26</sup> À gbera à kè wè wàa aagõ kpé bakēndo awεεplaa à né pāndenõ ì do gõgbēnõ kõn nõgbēnõ. <sup>27</sup> Kè à kà wè wàa siigõ kpé basõraagõ akuri dosai, ben à gà.

<sup>28</sup> Lameki kè wè bakēndo awεεplaa, ben à négõgbē ì. <sup>29</sup> À tó kpàne Nuu à bè: Gbē beee bé eé wa làakari kpáewe zī gbāaa kè wée ke yānzi. Wée zī gbāaa pì kee Dii láarikena tõtene yānzime. <sup>30</sup> Nuu ina gbera Lameki kè wè wàa aagõ sõrosai à né pāndenõ ì do gõgbēnõ kõn nõgbēnõ. <sup>31</sup> Kè à kà wè wàa aagõ kpé basõraagõ akuri awεεswεεplaa, ben à gà.

<sup>32</sup> Kè Nuu kà wè wàa plaa kpé basõro, à Semu kõn Hamuo kõn Yafetio ì.

## 6

### *Gbēnteenõ yakana*

<sup>1</sup> Ke gbēnteenõ nà parikūnaa aõce daagula aõce nénéngbēnõ ii, <sup>2</sup> ben Luda nénéõ è gbēntee nénéngbē pìnõ maa, ben aõce ñ sεε ñ poyezia. <sup>3</sup> Ben Dii bè: Ma Ninii égõ kú gbēnteenõ guu gurõ pínigiro, zaake mèbaadeeme. À gurõnõ égõ wè baswεedo. <sup>4</sup> Gbē gbāanõ kú anduna guu gurõ beee kõn gurõ beee gberaao do, gurõ kè Luda né pìnõ gbēntee nénéngbēnõ dõ nõgbēnõ ù, ben aõ néno ìnyo. Aõ né pìnõ gõsagbāaa kè aõ tó bò zaa káakunõ ù.

<sup>5</sup> Dii è kè gbēnteenõ yā zaa kena bíta anduna guu. Gurõ pínigiro yā zaa laasuun aõégõ lεε ado, <sup>6</sup> ben à nòse yàka gbēntee kè à kè tõtēa yā musu. À laasuu pānde lè, <sup>7</sup> ben à bè: Mé gbēntee kè má kè tõtēa waa, gbēnteenõ kõn nõbõnõ kõn pótāa'onkuseanõ kõn bāanõ, zaake ma nòse yàka ñ kena yā musu. <sup>8</sup> Mõde Nuu Dii ponnaa è.

### *Nuu yá*

<sup>9</sup> Nuu boriinõ yānyè. Nuu né gbē maaame. Kè à kuu, à mèn doo bé à taari víro, à taa ò kõn Ludao. <sup>10</sup> Nuu négõgbēnõ ì gõn aagõ, Semu kõn Hamuo kõn Yafetio. <sup>11</sup> Ludaa è anduna gbēnõ yàka ñ pínigiro, taarikena anduna pà. <sup>12</sup> Kè Luda anduna gwà, à è à yàka, zaake gbē sānda pínigiro kè ñ zéa.

<sup>13</sup> Ben Luda bè Nuune: Mé gbē sānda pínigiro kaate, zaake aõ yānzin taarikena dà andunalazi. Mé ñ kaate lεdo kõn andunaome. <sup>14</sup> Ñ góro'ite keke kõn lí lèetεgεo ñ kpénenõ ke à guu ñ kōntaa kea à guu kõn à kpεεo. <sup>15</sup> Né góro pì ke lán kè bà. À gbāaa gāsāsuu wàa do kpé basõro, à yàasa gāsāsuu baplaa akuri, à lezī sõ gāsāsuu baaakuri. <sup>16</sup> Ñ góro pì musu pápa, gbasa ñ guforoo tótó à dagura gwe gāsāsuu doodo zaa à musu kpa. Ñ gbà da góro pì kpado ñ góro pì ke didikõana lεo aagõ.

<sup>17</sup> Mapi sõ mé tó í da andunala lε mà pó wèndidee kè aõ wesa bonõ kaate ñ pínigiro. Pó kè aõ kú anduna guunõ é gaga pínigiro. <sup>18</sup> Mõde ma bà égõ kúnio. Né gē góro pì guu kõn ñ négõgbēnõ kõn ñ naõ kõn ñ nénéõ naõnõ. <sup>19</sup> Né pó wèndidee pínigiro sé ñ gēnyo mèn plaplaa lε aõégõ kú wèndio. <sup>20</sup> Bā boriinõ kõn nõbõ boriinõ kõn pótāa'onkusea boriinõ pínigiro aõé mó ñ kiia mèn plaplaa lε wàgõ kuu. <sup>21</sup> Ñ póblee kè wè ble pínigiro sé ñ kakõa a kūsāe ù, apinõ kõn pó pìnõ. <sup>22</sup> Ben Nuu kè lε à yā kè Ludaa òne kè pínigiro.

## 7

### *Í dana andunala*

<sup>1</sup> Ben Dii bè Nuune: Ñ gē góro guu kõn ñ bēdeenõ, zaake míbe ma ñ e yānnadee ù tōrigbēnõ té. <sup>2</sup> Ñ nõbõ kè de sa'opõ ùunõ sé ñ gēnyo da kõn à kyào mèn swεεplaplaa, ñ nõbõ kè wè sa ooroonõ sé mèn plaplaa da kõn à kyào. <sup>3</sup> Ñ bāanõ sé ñ gēnyo do da kõn à kyào mèn swεεplaplaa lε ñ boriinõ gõ kú anduna guu pínigiro. <sup>4</sup> Zaake gurõ swεεplaaa gbera mé tó lou ma tõtēa ai gurõ baplaa fāantē kõn gwāavĩo, lε mà pó wèndidee kè má kènõ waa tõtēa pínigiro.



<sup>5</sup> Nuu yā kè Dii ònè kè pínghi. <sup>6</sup> Gurɔ kè í dà andunala, Nuu kuu wè wàa aagɔme. <sup>7</sup> À gè góro'ite guu kɔn a néno kɔn a naɔ kɔn a néno naɔnɔnɔ ɛ aɔ bɔ í pì yān. <sup>8</sup> Ben nòbɔ kè de sa'opɔ úunɔ kɔn nòbɔ kè wè saa ooroonɔ kɔn bāano kɔn pótāa'onkuseanɔ <sup>9</sup> mò Nuu kiia góro guu mèn plaplaa da kɔn à kyàò lán Ludaa ònè nà. <sup>10</sup> Gurɔ swεεplaaa gbera í daa pì dà andunala. <sup>11</sup> Nuu wè wàa aagɔdee guu à mɔ plaade gurɔ gëro awεεplaadee zī, ben í kè kú tɔɔte gīzīnɔ pùtā pínghi, ben ludambe fòonɔ fṣ. <sup>12</sup> Lou mà ai gurɔ baplaa fāantē kɔn gwāāvīo.

<sup>13</sup> Zī beean Nuu gè góro guu kɔn a néno Semu kɔn Hamuo kɔn Yafetio kɔn api naɔ kɔn a néno naɔnɔnɔ gɔon aagɔ, <sup>14</sup> kɔn nòbɔsētɛnɔ pínghi n boriia kɔn pókādeennɔ pínghi n boriia kɔn pótāa'onkuseanɔ pínghi n boriia kɔn pó vīanano pínghi n boriia, bāano kɔn pó dèbēdeenɔ pínghi. <sup>15</sup> Pó kè aṣè wesaa bonɔ mò Nuu kiia góro guu bori kɔn boriio mèn plaplaa. <sup>16</sup> Pó wèndideennɔ bori pínghi gè da kɔn à kyàò lán Ludaa dienne nà. Ben Dii gbà tàtānlɛ.

<sup>17</sup> Lou mà ai gurɔ baplaa. Kè í e kaara, ben à góro pì sè tɔɔtela. <sup>18</sup> Í fεε à kàara maamaa à dà tɔɔtela, ben góro pì fù íla. <sup>19</sup> Í kàara à dà tɔɔtela lée à dà kpìi lezī kè kú anduna guunɔla míomio. <sup>20</sup> Í fεε à dà kpìiii pìnɔla ai gāsāsuu gëro. <sup>21</sup> Pó wèndidee kè aṣè táa o tɔɔteanɔ gàga pínghi, bāano kɔn pókādeenɔ kɔn nòbɔsētɛnɔ kɔn pótāa'onkuseanɔ kɔn gbēnteeɔ n pínghi. <sup>22</sup> Pó kè aṣè wesaa boo kè aṣò kú sīsīaano gàga pínghi. <sup>23</sup> Luda pó wèndidee kè aṣò kú sīsīaano kàate pínghi. À gbēnteeɔ kɔn nòbɔnɔ kɔn pótāa'onkuseanɔ kɔn bāano kàate anduna guu. Nuu bé à bò ado kɔn pó kè aṣò kúo góro guunɔ. <sup>24</sup> Ben í gè da andunala ai gurɔ baswεεplaa akuri.

## 8

### *Í gona andunala*

<sup>1</sup> Nuu kɔn nòbɔsētɛnɔ kɔn pókādee kè aṣò kúo góro guunɔ pínghi yā dɔ Ludan. Kè à ía gbàre tɔɔtea, ben í nà babanaa. <sup>2</sup> Í kè kú tɔɔte gīzīnɔ kɔn ludambe fòonɔ tàta, ben lou kè. <sup>3</sup> Í pì e babaa busebuse èe lagoo ai gurɔ baswεεplaa akuri. <sup>4</sup> À mɔ swεεplaade gurɔ gëro awεεplaadee zī góro pì dì kpìiii kè wè be Ararataa. <sup>5</sup> Í pì e lagoo ai mɔ kuridee guu. Mò kuridee pì gurɔ káaku zī kpìiinɔ mìsɔntēnɔ bòbɔ.

<sup>6</sup> Gurɔ baplaa gbera Nuu góro windo kè à bò yāa wè, <sup>7</sup> ben à bā kānkāna gbàre. Èe vīaa èe gaa èe suu ai í bàba tɔɔtea. <sup>8</sup> À pōtēe gbàre dɔ ɛ è à dɔ tó í làgo tɔɔtea. <sup>9</sup> Kè pōtēe e zɔkii ero, ben a liara à sù Nuu kiia góro guu, zaake í da andunala pínghime. Nuu ɔ bò à kù à gèò góro guu. <sup>10</sup> À kamma bò ai gurɔ swεεplaa, ben à èara à pōtēe gbàre dɔ. <sup>11</sup> Pōtēe pì liara à sù à kiia uusie à kù lá kàso à kpá a lézī. Ben Nuu dɔ ke í làgo tɔɔtea. <sup>12</sup> À kamma bò gurɔ swεεplaa dɔ, ben à èara à pōtēe pì gbàre, èe liara à sù à kiia dɔro. <sup>13</sup> Nuu wè wàa aagɔ awεεdodee guu à mɔ káaku gurɔ káaku zī, í bàba tɔɔtea, ben à góro pì musu gò. Kè à guu gwà, à è í yāa tɔɔtea. <sup>14</sup> À mɔ plaade gurɔ baaasɔro awεεplaadee zī í bàba tɔɔtea.

<sup>15</sup> Ben Luda yā ò Nuune à bè: <sup>16</sup> N bɔ góro guu kɔn n naɔ kɔn n négɔgbēnɔ kɔn n naɔnɔnɔ. <sup>17</sup> N pó wèndidee kè aṣò kúnyonɔ bɔe pínghi, bāano kɔn nòbɔnɔ kɔn pótāa'onkuseanɔ pínghi, ɛ aṣò fāakɔa tɔɔtea aṣṣò né ii aṣṣò kaara anduna guu. <sup>18</sup> Ben Nuu bò kɔn a néno kɔn a naɔ kɔn a né pìnɔ naɔnɔnɔ. <sup>19</sup> Nòbɔnɔ pínghi kɔn pótāa'onkuseanɔ pínghi kɔn bāano pínghi kɔn pó kè aṣè táa o tɔɔteanɔ pínghi bɔe góro guu bori kɔn boriio.

<sup>20</sup> Ben Nuu Dii gbāgbākii bò. À nòbɔ kɔn bāa kè wè saa oonɔ kù, ben à sa'opɔ kè wè ká tén à té kù òa. <sup>21</sup> Kè Dii à gūu mà, à kènɛ nna, ben à laasuu lè à bè: Mé ɛara mà láari zī tɔɔtea gbēntee yānzi dɔro, zaake gbēntee laasuu ègɔ zaa zaa à òwazikegurɔme. Mé ɛara mà pò wèndideennɔ kaate lán má kè nà dɔro. <sup>22</sup> Ai anduna gá àgɔ kuuo pótɔna kɔn pókɛkenao, ía kɔn guwāaao, buusie kɔn kwεεo, fāantē kɔn gwāāvīo, aṣ ke é yāaro.

## 9

*Luda bà kuuna kɔ̃n Nuuo*

<sup>1</sup> Ben Luda aubarika dà Nuun kɔ̃n à nɛ̀nɔ̀ à bè̀nne: Àgɔ̀ né ii àgɔ̀ kaara à anduna pa. <sup>2</sup> Nɔ̀bɔ̀nɔ̀ kɔ̃n bāanɔ̀ kɔ̃n pótāa'onkuseanɔ̀ kɔ̃n kpɔ̀nɔ̀ égɔ̀ a vīa vī pínɡi. Ma n̄ náare a ɔ̀zĩ. <sup>3</sup> Pó kè aɔ̀ è táa oonɔ̀ pínɡi égɔ̀ de a póblee ũ. Ma n̄ kpáawa pínɡi lán ma blɛɛ kè è bɔɛ tɔ̀tɛanɔ̀ kpàawa nà yā. <sup>4</sup> Mɔ̀de àton nɔ̀bɔ̀ kè wèè à kòto kpáro sóro, zaake à arun à wèndi ũ. <sup>5</sup> Mé a aru kè de a wèndi ũu gɛɛ boare. Tó nɔ̀bɔ̀ gbɛ̀ dè ke tó gbɛ̀ a gbɛ̀daaa dè, mé à aru gɛɛ bone. Mé gɛɛ bo gbɛ̀ kè à a gbɛ̀daaa dèa. <sup>6</sup> Tó gbɛ̀ a gbɛ̀daaa dè, weé à de, zaake ma gbɛ̀ntee kè ma taka ũme. <sup>7</sup> Àgɔ̀ né ii àgɔ̀ kaara, à da andunala àgɔ̀ kɔ̀.

<sup>8</sup> Luda bè Nuune kɔ̃n à nɛ̀nɔ̀ dɔ̀: <sup>9</sup> Ma bà égɔ̀ kúao kɔ̃n a boriinɔ̀ <sup>10</sup> kɔ̃n pɔ̀ wèndidee kè aɔ̀ kúao kè aɔ̀ bɔ̀ góro guunɔ̀ pínɡi, bāanɔ̀ kɔ̃n pókādeenɔ̀ kɔ̃n nɔ̀bɔ̀sɛ̀tɛnɔ̀ kɔ̃n pɔ̀ kè aɔ̀ kú tɔ̀tɛanɔ̀ pínɡi. <sup>11</sup> Ma bà égɔ̀ kúao. Mé í da andunala mà pɔ̀ wèndideenɔ̀ kaate pínɡi dɔ̀ro. Í é da andunala à à kaate dɔ̀ro. <sup>12</sup> Ben Luda èara à bè: Ma bà égɔ̀ kúao kɔ̃n pɔ̀ wèndidee kè aɔ̀ kúao ai gurɔ̀ pínɡime. À sèedan yè. <sup>13</sup> Mé ludambefɛ̀daa bɔ̀ loua ma bà kuuna kɔ̃n andunao sèeda ũ. <sup>14</sup> Tó má tò lou sisi ludambefɛ̀daa bà, <sup>15</sup> lán ma bà kúao nà kɔ̃n pɔ̀ wèndide bori pínɡio, à yā é dɔ̀magume. Mé tó í da andunala à pɔ̀ wèndidee kaate pínɡi dɔ̀ro. <sup>16</sup> Tó ma ludambefɛ̀daa è loua, ma bà kuuna kɔ̃n pɔ̀ wèndide bori pínɡio ai gurɔ̀ pínɡi yā é dɔ̀magume. <sup>17</sup> Ben Luda bè Nuune: Ma bà kuuna kɔ̃n pɔ̀ wèndidee kè aɔ̀ kú anduna guu pínɡio sèedan gwe.

*Nuu nɛ̀nɔ̀*

<sup>18</sup> Nuu né kè aɔ̀ bɔ̀e góro guunɔ̀ tón yè: Semu, Hamu, Yafeti. Hamun Kanaa de ũ. <sup>19</sup> Nuu nɛ̀nɔ̀n gwe gɔ̀n aagɔ̀. Aɔ̀ boriinɔ̀ bé wà dàgula anduna guu pínɡi.

<sup>20</sup> Nuu né búbarime, ben à geepi líkpe bà. <sup>21</sup> Kè à geepiwɛɛ mì à kã, ben à daena bũu a kpén. <sup>22</sup> Kè Kanaa de Hamu a de bũukɛɛ è, à bɔ̀ à gàa à ò Semune kɔ̃n Yafetio. <sup>23</sup> Ben Semu kɔ̃n Yafetio utadaa sè aɔ̀ kà n̄ gàn n̄ plaa aɔ̀ táa ò kɔ̃n kpeɛo. N̄ aɛ dɔ̀na gu pãndea le aɔ̀ton n̄ de bũukɛɛ ero yãnzĩ, aɔ̀ gàa wà kù n̄ de bũukɛɛla. <sup>24</sup> Kè wɛɛ kè Nuua à fɛɛ, à mà lán a né zãa kèare nà, <sup>25</sup> ben à bè:

Kanaa égɔ̀ láari pɔ̀ ũme,  
àmbe égɔ̀ a gbɛ̀nɔ̀ zò zãa ũ.

<sup>26</sup> Ben à bè:

Aubarikadeen Dii, Semu Luda ũ,  
Kanaanɔ̀ égɔ̀ de Semunɔ̀ zònɔ̀ ũ.

<sup>27</sup> Luda kaarana ke Yafetine,  
Yafetinɔ̀ n̄ baka e Semunɔ̀ aubarika guu,  
Kanaanɔ̀ égɔ̀ de Yafetinɔ̀ zònɔ̀ ũ.

<sup>28</sup> Í dana andunala gbera Nuu kè wè wàa do kpé baswɛɛplaa akuri. <sup>29</sup> À kè wè wàa siigɔ̀ kpé baswɛɛplaa akuri, ben à gà.

## 10

*Nuu boriinɔ̀*

<sup>1</sup> Nuu négɔ̀gbɛ̀nɔ̀ Semu kɔ̃n Hamuo kɔ̃n Yafetio kɔ̃n n̄ négɔ̀gbɛ̀ kè aɔ̀ ì í dana andunala gberaanɔ̀ yãn yè. <sup>2</sup> Yafeti négɔ̀gbɛ̀nɔ̀ tón yè: Goma, Magɔ̀gu, Midia, Girisi, Tubala, Meseki kɔ̃n Tirasao. <sup>3</sup> Goma négɔ̀gbɛ̀nɔ̀ tón yè: Asakenaza, Rifa, Tɔ̀gama. <sup>4</sup> Girisi négɔ̀gbɛ̀nɔ̀ tón yè: Elisa, Tasisi, Sipiru, Rodanimu. <sup>5</sup> Borii pìnɔ̀ bé wà dàgula ísia geezi, aɔ̀ kɔ̀ kpàatete bũsu kɔ̃n bũsuo bori kɔ̃n boriio danɛdanɛ, baade kɔ̃n a boriyão.

<sup>6</sup> Hamu négɔ̀gbɛ̀nɔ̀ tón yè: Etiopia, Igipiti, Libia kɔ̃n Kanaao. <sup>7</sup> Etiopia négɔ̀gbɛ̀nɔ̀ tón yè: Seba, Avila, Sabata, Raama kɔ̃n Sabatekao. Raama négɔ̀gbɛ̀nɔ̀n Seba kɔ̃n Dedão ũ.

<sup>8</sup> Nimlɔ̀du né Etiopia boriime dɔ̀. Àmbe anduna gbãabitade tóde káaku ũ. <sup>9</sup> Tofe sàmɛ Dii

aezĩ. À yã bé à tò wè be: Lán Nimlodu de tofe sà ũ Dii aezĩ nà. <sup>10</sup> Babilonia bùsu kè à kí blèa káaku wétèdaan Babeli kǎn Èrekio kǎn Akadao kǎn Kalaneo ũ. <sup>11</sup> Bona gwe à gàa Asiria bùsun, ben à Nineva kàe kǎn Reobo'io kǎn Kalao <sup>12</sup> kǎn Resē kè kú Nineva dagura kǎn Kalao. Ninevan wétèda ìsi ũ.

<sup>13</sup> Iyipiti boriinon yè: Ludunon, Anamunon, Leabanon, Nafatunon, <sup>14</sup> Patarusinon, Kasalunon kǎn Keretino kè Filisitininon bòn ñ guunon.

<sup>15</sup> Kanaa daudu Sidō boriinon yè: Itinon, <sup>16</sup> Yebusinon, Amorinon, Gigasinon, <sup>17</sup> Ivinon, Akinon, Sininon, <sup>18</sup> Avadanon, Zemarinton kǎn Amatanon. Kanaa pìnon dàgula zāame. <sup>19</sup> Aō bùsu lézekiin yè. Bona zaa Sidō gana Gera kè kú Gaza sae ai Sodomu kǎn Gomorao kǎn Adamao kǎn Zeboimu kè kú Lasa saeo. <sup>20</sup> Hamu nэгōgbēnon gwe bori kǎn boriio bùsu kǎn bùsuo danedanē, baade kǎn a boriyāo.

<sup>21</sup> Yafeti dāaro Semu borii kè do. Àmbe Eberunon dezi káaku ũ. <sup>22</sup> Semu nэгōgbēnon tón yè: Elamu, Asiria, Apasada, Ludu kǎn Aramuo. <sup>23</sup> Aramu nэгōgbēnon tón yè: Uzu, Hulu, Geta kǎn Mesekio. <sup>24</sup> Apasada bé à Sela ì, ben Sela Eberu ì. <sup>25</sup> Eberu nэгōgbēnon ì gōon plaa. À doo tón Pelegi, zaake à gurōon wà kèkōa anduna guu. À dāaro tón Yokotā. <sup>26</sup> Yokotā nэгōgbēnon tón yè: Alamodada, Sefi, Azamavē, Yera, <sup>27</sup> Adoramuo, Uzala, Dikala, <sup>28</sup> Obala, Abimaeli, Seba, <sup>29</sup> Ofi, Avila kǎn Yobabuo. Yokotā nэгōgbēnon gwe píngi. <sup>30</sup> Bona Mesa gana Sefa kǎn kpiii kè kú ofantēboe kpaanon, àmbe ñ bùsu ũ. <sup>31</sup> Semu nэгōgbēnon gwe píngi bori kǎn boriio bùsu kǎn bùsuo danedanē, baade kǎn a boriyāo.

<sup>32</sup> Nuu nэгōgbēnon boriinon gwe danedanē bùsu kǎn bùsuo. Aō kiiian anduna bori píngi bòn aō dàgula í dana andunalaa gbera.

## 11

### *Babeli kpédidikšana*

<sup>1</sup> Anduna píngi guu boriyā mèn doome, yã dōnkōn wè o. <sup>2</sup> Lán gbēnon e sōki kpákpaafantēboe kpa nà, kè aō kà Babilonia bùsu gusararaan, ben aō vèe gwe. <sup>3</sup> Aō bèkōne: Wà gá wà kúnku bo wà kpáta maamaa. Kúnkun ñ gbè ũ, kōntaan ñ siminti ũ. <sup>4</sup> Ben aō bè: Wà wétèdaa kàe wà kpédidikšana bo à mìsōntē zō ludambēea. Wà wa zīnda tó bo le wātongō fāakšana doodo anduna guuro yānzi.

<sup>5</sup> Ben Dii pita à wétèdaa pì gwà kǎn kpé lezĩ kè gbēnteenon bòn. <sup>6</sup> Ben à bè: Aō píngi ñ borii dōnkōme, yã dōnkōn aōe o, ben yã kè aōe boonon yè? Yã kè aō à laasuu lè tia sa aōé kemē, pōke é kpáñne à kena guu doro. <sup>7</sup> Wà pita wà gá gwe wà ñ yã yākōtēñne le aōton kō yã ma doro. <sup>8</sup> Ben Dii ñ fāakōa gwe doodo anduna guu píngi, ben aō ñ wétèda kaena tò. <sup>9</sup> Beee yānzin wà tó kpà wéte pìne Babeli, zaake gwen Dii tò anduna bori píngi yã bòn. Zaa gwemē à ñ fāakōa anduna guu píngi.

### *Semu kǎn Terao boriinon*

<sup>10</sup> Semu boriinon yān yè. Semu wè basōrodee guun à Apasada ì ídana andunalaa gbera wè plaa. <sup>11</sup> À gbera à kè wè wàa plaa kpé basōro a né pāndenon ì do gōgbēnon kǎn nōgbēnon.

<sup>12</sup> Apasada wè baaakuri asōrodee guun à Sela ì. <sup>13</sup> À gbera à kè wè wàa plaa kǎn aagōon a né pāndenon ì do gōgbēnon kǎn nōgbēnon.

<sup>14</sup> Sela wè baaakuridee guun à Eberu ì. <sup>15</sup> À gbera à kè wè wàa plaa kǎn aagōon a né pāndenon ì do gōgbēnon kǎn nōgbēnon.

<sup>16</sup> Eberu wè baaakuri awēsiiigōdee guun à Pelegi ì. <sup>17</sup> À gbera à kè wè wàa plaa kǎn baaakurio a né pāndenon ì do gōgbēnon kǎn nōgbēnon.

<sup>18</sup> Pelegi wè baaakuridee guun à Reu ì. <sup>19</sup> À gbera à kè wè wàa do akuri dosai a né pāndenon ì do gōgbēnon kǎn nōgbēnon.

<sup>20</sup> Reu wè baaakuri awēsplaadee guun à Serugu ì. <sup>21</sup> À gbera à kè wè wàa do awēsweēplaa a né pāndenon ì do gōgbēnon kǎn nōgbēnon.

<sup>22</sup> Serugu wè baaakuridee guun à Nao ì. <sup>23</sup> À gbera à kè wè wàa do a né pāndenɔ ì do gɔgbēnɔ kɔn nɔgbēnɔ.

<sup>24</sup> Nao wè baaakuri dosaidee guun à Tera ì. <sup>25</sup> À gbera à kè wè baswεedo dosai a né pāndenɔ ì do gɔgbēnɔ kɔn nɔgbēnɔ.

<sup>26</sup> Tera kè wè baaagɔ akuri, ben à Abramɔ kɔn Nao kɔn Aranao ì. <sup>27</sup> Tera boriinɔ yān yè. Tera Abramɔ kɔn Nao kɔn Aranao ì, ben Arana Lutu ì. <sup>28</sup> Arana gà a de Tera wáa zaa Urume Kaladia būsun, guu kè wà à ìn. <sup>29</sup> Abramɔ kɔn Nao nɔɔ sè. Abramɔ naɔ tón Sarai, Nao naɔ sɔ tón Milika, Arana né. Arana pì bé à Isika ì do. <sup>30</sup> Sarai sɔ pāame, èe né iro.

<sup>31</sup> Ben Tera a né Abramɔ kɔn a dio Lutuo kɔn Abramɔ naɔ Saraio sè bɔna Uru, Kaladia būsun, aɔe gaa Kanaa būsun. Kè aɔ kà Arana, aɔ vèe gwe. <sup>32</sup> Tera wè wàa do asɔrodee guun à gà zaa Arana.

## 12

### *Dii ona Abramune à bɔ a būsun*

<sup>1</sup> Dii bè Abramune: Ñ bɔ n būsun n danenɔ té n de be, ñ tá būsɔ kè mé ɔɔannεen.

<sup>2</sup> Mé tó n borii ke pari,  
mé aubarika dangu mà n tó bɔ,  
n kiian weégae aubarika en.

<sup>3</sup> Mé aubarika da gbē kè aɔé sa maaa onnεenɔn,  
mé gbē kè aɔé sa zaaa onnεenɔ ká.  
Anduna bori píngi é aubarika e n gāzĩ.

<sup>4</sup> Ben Abramɔ dà zén lán Dii òne nà. Lutu gàao. À wè basiigɔ sɔɔrosaidee guun à bɔ Arana <sup>5</sup> kɔn a naɔ Saraio kɔn a v̄i né Lutuo kɔn ñ auziki kè aɔ v̄inɔ kɔn gbē kè aɔ sè gweenɔ. Len aɔ bɔ Arana le aɔ dà Kanaa zén. Kè aɔ kà gwe, <sup>6</sup> ben aɔ bɔe būsɔ pìn ai aɔ kà Mɔre gbí lí kiia Sekemu. Kanaanɔ kú būsɔ pìn gurɔ beee. <sup>7</sup> Ben Dii bɔ à mò Abramuzi à bè: Mé būsɔ kèkii kpá n boriinɔame. Ben à Dii gbāgbākii bɔ gwe. <sup>8</sup> Kè à fεe gwe, à mì pè kpíi kè kú Beteli ɔfāntɛbɔe kpaanɔa, ben à bura kàe gwe, Beteli kú ɔfāntɛgɛkpen kpa, Ai kú ɔfāntɛbɔe kpa. À Dii gbāgbākii bɔ gwe do, ben à à sisi. <sup>9</sup> Ben à dà zén do à mì pè Nεgevia.

<sup>10</sup> Kè dekaa kà būsɔ pìn, ben Abramɔ gàa gurɔ plaa ke Igipiti, zaake dekaa pì gè ɔla. <sup>11</sup> Kè à kà k̄i kɔn Igipitio, à bè a naɔne: Má dɔ nɔ maan n ũ. <sup>12</sup> Tó Igipitinɔ n e, aɔé be ma naɔn n ũ, aɔé ma de aɔé n tó. <sup>13</sup> Ñ beñe ma dāreme n ũ le wà ma sí ɔplaplaa n yānzi. Lán né ma mì sí nān gwe. <sup>14</sup> Kè aɔ kà Igipiti, Igipitinɔ è nɔgbē pì maaa gè. <sup>15</sup> Kè Igipiti kí Fili'auna ìbanɔ à è, aɔ à maaa ḡḡɔne, ben wà à sè wà ḡeɔ Fili'aunanε a be. <sup>16</sup> Ben à Abramɔ gwà maamaa à yānzi, à sāanɔ kpàa kɔn zùnɔ kɔn zaakinɔ kɔn gɔgbē zikerinɔ kɔn nɔgbē zikerinɔ kɔn lakuminɔ. <sup>17</sup> Ben Dii gyā pās̄inɔ kà Fili'aunan kɔn a bεdeenɔ Abramɔ naɔ pì yānzi. <sup>18</sup> Ben Fili'auna Abramɔ sisi à bène: Bó yā ñ kème gwee? Bóyānzi née omε kè n naɔnloo? <sup>19</sup> À kè dia n bè n dāreme, ben ma à sè nɔɔ ũu? N naɔn yè! Ñ n pó sé ñ táo. <sup>20</sup> Fili'auna yā ò a gbēnɔne Abramɔ yā musu, ben aɔ gàa wà zène kɔn a naɔo kɔn a auzikinɔ píngi.

## 13

### *Abramu kēkšana kɔn Lutuo*

<sup>1</sup> Ben Abramɔ bɔ Igipiti à sù Nεgevi kɔn a naɔo kɔn a auzikinɔ píngi kɔn Lutuo. <sup>2</sup> Abramɔ né auzikideeme, à pókādeenɔ v̄i pari kɔn kondogio kɔn vura. <sup>3</sup> Bɔna Nεgevi à s̄ki kpàkpa ai à gàa à kào Beteli, guu kè à bura kàen káaku Beteli dagura kɔn Aio, <sup>4</sup> guu kè à sa'okii bòn yā. Ben à Dii sisi gwe.

<sup>5</sup> Lutu ègɔ té kɔn Abramuo lɛdo. À sāanɔ kɔn zùnɔ kɔn bisakutaanɔ v̄i se. <sup>6</sup> Aɔ pókādeenɔ pari, guu pì sè e móm̄ma ñ píngiro. Beee yānzin aɔé f̄s wàgɔ kú gu d̄nk̄sa lɛdo d̄ro.

<sup>7</sup> Ben leokpak̄sa gè Abramɔ pódārinɔ kɔn Lutuo pódārinɔ dagura. Zĩ beee s̄ Kanaanɔ kɔn

Perizinoo kú búsú pín. <sup>8</sup> Ben Abramú bè Lutuné: À maa leokpakōa gō kú wa daguraro, ke ma pódárinoo kōn n pódárinoo dagura, zaake danenon wa ũ. <sup>9</sup> N búsú gwa da n ae píngi. Wà kèkōa. Tó n gaa ɔzezi, mé gá ɔplazi. Tó n gaa ɔplazime sō, mé gá ɔzezi. <sup>10</sup> Ke Lutu guu gwà, à è Yoda guzure píngi mōdo vī maamaa. Ai Dii gō gá Sōdomu kōn Gómōrao kaate, guzure pì de lán Dii swadako bà, lán Igititi búsú bà, ai à gàa pé Zoaa. <sup>11</sup> Ben Lutu Yoda guzure sè píngi. Aō kèkōa, ben Lutu dà zén à tà ɔfántēbōe kpa. <sup>12</sup> Abramú gō Kanaa búsun, Lutu sōo kú Yoda guzure wétēno dagura. À bùra kàe Sōdomu sae. <sup>13</sup> Sōdomudeeno sōo zaa, durunkeri sànon n ũ Dii aezī.

<sup>14</sup> Lutu tana gbera Dii bè Abramuné: Guu kè n zén n wée sé n gu'igbāro kōn sōometeo kōn ɔfántēbōeo kōn ɔfántēgēkpen-o gwa. <sup>15</sup> Tōote kè n è píngi, má kpamma, eégō de mpi kōn n boriino pō ũ ai gurō píngi. <sup>16</sup> Mé tó n boriino ke pari lán búsú'āatē bà. Tó gbēke é fō à búsú'āatē narō, ēndē é fō à n boriino narō. <sup>17</sup> N fēe n liga búsú pizi n à gbāa kōn à yāasao gwa, zaake má kpammame. <sup>18</sup> Abramú fēe à gàa à vēe Mamare gbí lí kè kú Eblonunoo sae, ben à Dii gbāgbākii bō gwe.

## 14

### *Lutu mīsina*

<sup>1</sup> Zīkea Babilōnia búsú kí Amarafeli kōn Elasa búsú kí Ariokio kōn Elamu búsú kí Kedōlaomao kōn Goyimu búsú kí Tidalao <sup>2</sup> e zī kaa kōn Sōdomu kí Berao kōn Gómōra kí Bisao kōn Adama kí Sinabuo kōn Zeboimu kí Semebao kōn Bela kè wè be tia Zoa kínao. <sup>3</sup> Kí gōon sōoro pino kō kākōa n píngi Sidimu guzuren. Ambe sèbe wisidee ũ tia. <sup>4</sup> Wè kuri awēplaaa dagura aōgō tángba kpaa Kedōlaomaa. À wè kuri awē'aagōdee guun aō gi bōnezi. <sup>5</sup> À wè gēro dosaidee guun Kedōlaoma kōn kína kè aōo kúono mò wà zī blè Refaimunōa zaa Asetero Kanaimu, aō zī blè Zuzinōa zaa Hamu, aō zī blè Eminōa zaa Save Kiriataimu, <sup>6</sup> aō zī blè Orinōa n kpīii kè wè be Seia ai à gàa pé Eli Parana gbāaa. <sup>7</sup> Ben aō liara wà sù Emisipa. Ambe wè be tia Kadesi. Aō zī blè Amaleki búsua píngi kōn Amōri borii kè aōo kú Azazōtamanōa do.

<sup>8</sup> Ben Sōdomu kína kōn Gómōra kínao kōn Adama kínao kōn Zeboimu kínao kōn Bela kè wè be tia Zoa kínao fēe wà gàa wà zī kányo Sidimu guzuren. <sup>9</sup> Aōe zī kaa kōn Elamu búsú kínao kōn Goyimu búsú kínao kōn Babilōnia búsú kínao kōn Elasa búsú kínao. Kí gōon siigōo pino e zī kaa kōn kí gōon sōoroono. <sup>10</sup> Sidimu guzure kōntaa wèe vī pari. Kè Sōdomu kína kōn Gómōra kínao e bàa lee, ben aō sī à guu, ben n gbē kpaaano bàa lè wà gàa gusīsīdeen. <sup>11</sup> Zīblerino Sōdomu kōn Gómōrao auzikino kōn n pōbleeno sèe píngi aō tào. <sup>12</sup> Gurōo mōa Abramú vīi né Lutuo kú Sōdomu, ben aō à kù wà tào kōn à auzikino.

<sup>13</sup> Ben gbē kè bō n ɔzī gàa à ò Eberu bori Abramuné zaa Mamare gbí líno sae. Mamare kōn a dāaronō Esekōlu kōn Anēo né Amōri boriinome, aōo de kō gbē ũ kōn Abramuo. <sup>14</sup> Kè Abramú mà wà a danē kù wà tào, ben à a be zīkarino sèe gōon wàa do kpé baswēedo plaasai à pèe kína pinozi, ben à n lé Dani. <sup>15</sup> Ben à a gbēno kpàatete, ben aō sī n té gwāavī. Aō zī blēmīma aō pēmīma ai Oba, Damasiku gu'igbāroo kpa. <sup>16</sup> À liara à sù kōn auziki pino píngi kōn a vīi né Lutuo kōn à auzikino. À sù kōn nōgbēno kōn gbē pāndenō do.

<sup>17</sup> Kè Abramú zī blè Kedōlaomaa kōn kína kè aōo kúono èe suu, ben Sōdomu kí bō à dàale Save Guzure kè wè be tia Kí Guzuren. <sup>18</sup> Ben Salēmu kí Melekizedeki mò kōn burēdio kōn geepiwēeo. Api né Luda Musude gbāgbārimē. <sup>19</sup> Ben à sa maaa ò Abramuné à bè:

Luda Musude musu kōn tōtēo Kēri aubarika da Abramun.

<sup>20</sup> Aubarikadeen Luda Musude

kè à n ibēeno nānne n ɔzī ũ.

Ben Abramú auziki kè èe suuno píngi kuridee kpàa. <sup>21</sup> Sōdomu kína bè Abramuné: N ma gbēno kpàma ngō auziki kūna n pō ũ. <sup>22</sup> Ben Abramú bène: Má sī kōn Dii Luda Musude

musu kōn tɔtɔeo Kèrio, <sup>23</sup> mé n pòke séro, baa kyateyĩba, le ñton be n ma ke auzikidee ũro yānzi. <sup>24</sup> Mé pòke séro, sé pòblee kè ma gbēnɔɔ blè baasiro. Mòde Anε kōn Esekɔluo kōn Mamare kè aɔ gàamaonɔ, ñ tó aɔ ñ baka sé.

## 15

### *Luda bà kuuna kōn Abramuo*

<sup>1</sup> Beee gbera Dii yā ò Abramunε wéεgupu'ena guu à bè:

Abramu! Ñton vĩa kero.  
Mámbe n sengbango ũ,  
n asaia éǵǵ bíta maamaa.

<sup>2</sup> Ben Abramuo bè: Dii Luda, bón né ma gbaa? Má né vĩro. Damasiku gbē Eliza bé éǵǵ de ma be túbiblyeri ũ. <sup>3</sup> Kè néε ma gba néro, ma be zĩkeri pì bé éǵǵ de ma túbiblyeri ũ. <sup>4</sup> Ben Dii bène: Àmbe éǵǵ de n túbiblyeri ũro. Né kè eé bɔ n plèn bé éǵǵ de n túbiblyeri ũ. <sup>5</sup> Ben à bòo bàazi à bè: Ñ musu gwa ñ sɔsɔnenɔ nara, tó né fɔ. Leme n boriinɔ éǵǵ de le. <sup>6</sup> À Dii náane kè, ben Dii tò yā bòo nna a náane kè à kè yānzi. <sup>7</sup> À bène do: Diin ma ũ, mámbe ma n bɔ Uru, Kaladia busun, le mà busu kèkii kpámma yānzi. <sup>8</sup> Ben Abramuo bè: Dii Luda, dian méǵǵ dɔ kè éǵǵ de ma pò ũu? <sup>9</sup> À wèàla à bè: Ñ zùnunu wè aagɔɔ sé kōn blè wè aagɔɔ kōn sákarò wè aagɔɔ kōn pòtētēngoo kōn lukulukuo. <sup>10</sup> Ben à pò pìnɔ sè à mòo píngi à pàrapara à gògokɔa, ben à kàε à ñ aε dɔdɔkɔa, mòde èε bāanɔ parapararo. <sup>11</sup> Kè yeberekunɔ mò wà zɔzɔ nòbɔ pìnɔa, ben Abramuo pèrĩma.

<sup>12</sup> Kè ofāntē e gēε kpén, i bíta Abramuo kù, ben gusia bíta vĩadee dààla. <sup>13</sup> Ben Dii bène: Ñǵǵ dɔ kè n boriinɔ éǵǵ nibɔ blee busu kè de ñ pò ũroo guu, aǵǵǵ zò blee gwe, weéǵǵ wéε tǵaĩma ai wè wàa plaa. <sup>14</sup> Mòde mé ña ke borii kè aǵǵε zò bleeĩnenɔa, n boriinɔ é bɔε kōn auziki bítao. <sup>15</sup> Mmɔn sɔ, néǵǵ aafiamε ai ñ gá zi kũo gbasa ñ ká n dezinɔla wà n vĩa. <sup>16</sup> N nasionɔ bé weé liara wà su kè, zaake Amɔrinɔ durun e papa kòro.

<sup>17</sup> Kè ofāntē gè kpén, guu sɪ, ben Abramuo è kii kè èε tésukpe bɔɔ kōn sètεo e gēε nòbɔ kè à pàrapara pìnɔ dagura. <sup>18</sup> Zĩ beean Dii bè a bà éǵǵ kú kōn Abramuo à bè: Mé busu kèkii kpá n boriinɔa zaa Igipiti gulezεki swaa ai swadaa kè wè be Yuflati, <sup>19</sup> busu kè Keninɔ kún kōn Kenizinɔ kōn Kadamɔnunɔ <sup>20</sup> kōn Itinɔ kōn Perizinɔ kōn Refaimunɔ <sup>21</sup> kōn Amɔrinɔ kōn Kanaanɔ kōn Gigasinɔ kōn Yebusinɔo.

## 16

### *Agyara kōn a né Sumailao*

<sup>1</sup> Abramuo naɔ Sarai e né iro. À nɔgbē zĩkeri vĩa Igipiti gbē ũ kè wè benε Agyara. <sup>2</sup> Ben Sarai bè Abramunε: Lán Dii ma ke páaa ũ nà, ñ daε kōn ma zĩkerio. Má sɪ kè mé nénɔ e à gǵzĩ. Ben Abramuo Sarai yā mà. <sup>3</sup> Abramuo wè kuri kena Kanaa busun gberan Sarai a zò Agyara kpàa nɔɔ ũ. <sup>4</sup> Abramuo dàεo, ben à nò sɪ. Kè à è á nòsina, à dɔkè a diio. <sup>5</sup> Ben Sarai bè Abramunε: Taari kè wà kèmmε gɔ n yā ũmε. Ma a zò kpámma. Kè à è á nòsina, ben èǵǵ dɔkεεmao. Mpi kōn mapio, Dii bé eé yā gǵgǵwe. <sup>6</sup> Ben Abramuo wèàla à bè: N zò kuu n pò ũmε. Ñ kenε lán ñ yezi nà. Kè Sarai ña dàa, ben à bàa lènε.

<sup>7</sup> Dii Malaika à è íbokiizi gbáan, bia pì kú Suru zé saemε. <sup>8</sup> Ben à à là à bè: Sarai zĩkeri Agyara, n bɔ máme? Néε gaa máme? Ben à wèàla à bè: Mée bàa lεε ma dii Sarainεmε. <sup>9</sup> Ben Dii Malaika bène: Ñ εara ñ tá n dii pì kiia ñǵǵ mì siεenε.

<sup>10</sup> Mé n borii kaara aǵǵ pari,  
weé fɔ wà ñ lé dɔro.

<sup>11</sup> Ñ nòsina, né né i gǵgbē ũ,  
né tɔ kpáne Sumaila,  
zaake Dii n yā mà n wéētamma guu.

12 Eégõ de lán zaakisête bà,  
eé íbete kpá kǝn gbê píngio,  
gbê píngi é íbete kpáo se.  
Eégõ kú kǝ yǎn kǝn a gbēnɔro.

13 Ben Agyara bè: Ma wée sǝ Luda kè è ma ele. Ben à tǝ kpà Dii kè yǎ ònɛɛ Ludakɛema'ee.

14 À yǎ bé à tò wà tǝ kpà lǝgɔ pǝne Ludabɛɛkɛema'ee lǝgɔ. À kú Kadɛsi kǝn Bɛɛedio dagurame.

15 Agyara négǝgbê ì kǝn Abramuo, ben Abramuo tǝ kpàne Sumaila. 16 Gurɔ kè Agyara Sumaila ì, Abramuo wè basiigǝ awɛɛswɛedomɛ.

## 17

### *Bàngukɛna yǎ*

1 Kè Abramuo kà wè basɔɔro dosai, Dii bò à mòzi à bè: Luda Gbāabitaden ma ũ. N tǎa omao ñgǝ kuu taari sai. 2 Ma bà kuunanyo égǝ gaa, mé n borii kaaranne maamaa. 3 Abramuo dàe a puua Luda aɛ, ben Luda bène: 4 Lán ma bà kúnyo nà, né gǝ bori pariino dezi ũ. 5 Weégae benne Abramuo dɔro, sé Ibraĩ, zaake mé n ke bori pariino dezi ũ. 6 Mé tǝ n bori ke pari, boriino kǝn kínanɔ é bɔ n kiia. 7 Ma bà égǝ kúnyo kǝn n boriino ai gurɔ píngi. Mégǝ de n Luda ũ kǝn n boriino n gbera. 8 Mé Kanaa bùsu kè n kú à guu nibɔ ũ kpámma píngi kǝn n boriino n gbera, le aǝgǝ vǝ gurɔ píngi, mégǝ de n Luda ũ.

9 Luda èara à bè Ibraĩne: Mpi kǝn n boriino, àgǝ ma bà kuunaaoyǎ kúna ai a borii. 10 Ma bà kuunaaoyǎ kè égǝ kúnan yè, mpi kǝn n boriino. Séde a gǝgbê píngi bǎngu ke. 11 À bǎngu ke ma bà kuunaaoyǎ sèda ũ. 12 Séde n bori négǝgbēnɔ bǎngu ke n gurɔ sɔraagǝdee zǝ ai n borii, né kè wà n í n bɛenɔ kǝn zò kè wà n lú bori pǎndenɔnɔ n píngi. 13 Wà à ì n ben yoo kesǝ wà lù zò ũn yoo, sé à bǎngu ke. Bee égǝ de ma bà kuunaaoyǎ gurɔ píngi sèda ũ a mèa. 14 Weé gefɔɔdee bɔ a gbēnɔ té, zaake gbê kè èe bǎngu kero yǎ kè má dìeare kúnaro.

15 Ben Luda èara à bè Ibraĩne: Nton be n naǝne Sarai dɔro, ñgae bene Sara sa. 16 Mé aubarika dan mà tǝ à né ì gǝgbê ũ, eé gǝ boriino dazi ũ, bùsu kínanɔ é bɔ à kiia. 17 Ben Ibraĩ dàe a puua Luda aɛ à yáa dǝ à bè a nǝse guu: Gbê kè kà wè basɔɔroo é né í? Lán Sara kà wè basiigǝ akuri nà, eé né í? 18 Ben à èara à bè Ludane: N sùu ke n Sumaila gwa. 19 Luda bè: Yǎpura n naǝ Sara é né ì gǝgbê ũ, né tǝ kpáne Isaaku. Ma bà égǝ kúo kǝn à boriino ai gurɔ píngi. 20 Sumaila yǎ musu, ma n yǎ mà. Mé aubarika dan, eé né ì à kaara maamaa. Eé négǝgbēnɔ ì gǝn kuri awɛɛplaa, aǝé gǝ kínanɔ ũ, à borii é ke pari. 21 Baa kǝn beeeo ma bà kuunanyo é gǝ Isaakuame. Zii mǝndaa'i Sara é à ì. 22 Kè Luda yǎ ò Ibraĩne à yǎa, ben à à tò à tǝ musu.

23 Ben Ibraĩ a né Sumaila sè kǝn a be gǝgbê kè wà n í a bɛenɔ kǝn zò kè wà n lúno n píngi, ben à bǎngu kèñne zǝ beee gǝ lán Ludaa òne nà. 24 Ibraĩ kà wè basɔɔro dosai, gbasa à bǎngu kè, 25 à né Sumaila sǝ wè kuri awɛɛ'aagǝ. 26 Gurɔ dǝnkǝ pǝ zǝ Ibraĩ bǎngu kè kǝn a né Sumailao 27 kǝn a be gǝgbê kè wà n í a bɛenɔ kǝn zò kè wà n lú bori pǎndeanɔ n píngi. Aǝ bǎngu kè gurɔ dǝnkǝ zǝme.

## 18

### *Nibɔnɔ mǝna Ibraĩ kiia*

1 Dii bò à mò Ibraĩzi Mamare gbíi líno saɛ. Ibraĩ vɛena a bisakuta kpɛɛle fáantɛ. 2 Kè à wée sè musu, à gǝn aagǝ è zena. Kè à n é le, ben à fɛe kpɛɛlea kǝn bào à gàa à dàñle à dàéñne a puua 3 à bè: Dii, tǝ ma n pǝnnaa è, nton gɛ mamɔma n zǝblerilaro. 4 Mé móare ío à gbá pípi à kámma bo lí gbáru kè. 5 Lán a bɔe ma bee kpa nà, mé móare pǝbleeo féte le à gbāaa e, gbasa à da zén. Ben aǝ bè: Tò, n ke lán n ò nà. 6 Ben à gàa Sara kiia kutaan à bè: N flawa kǝ zaka lé aagǝ n burɛdi ke kpakpaa. 7 Ben à bàa lè à gè a zùno té à zùne bǝro maaa kú à kpà a

zĩkeria, ben zĩkeri pì gàa à kèkè kpakpaa. <sup>8</sup> Ben Ibraĩ zwifãani kɔn zwi'ipuo kɔn zù kè wà kèkè pìo sè à gàa à dèñne. Gurɔɔ kè aɔɔe pɔ blee, àpi ze ñ sae lí gbáru gwe.

<sup>9</sup> Ben aɔ à là wà bè: N naɔ Sara kú máme? À bè: À kú kutaan gwe. <sup>10</sup> Ben Dii bè: Mé ɛara mà mɔ n kiia zii mɔndaa'i, n naɔ Sara é né i gɔgbɛ ũ. Sara kú à kpɛe kuta kpɛɛɛ èe maa. <sup>11</sup> Ibraĩ kɔn Sarao zi kù, Sara è nɔgbɛnɔ pɔ ke dɔro. Ben Sara yáa dò à bè a swè guu: <sup>12</sup> Ma zi kù, ben ma dii zi kù dɔ. Mé pɔnna yá pì dɔ dɔɔ? <sup>13</sup> Ben Dii Ibraĩ là à bè: À kè dia Sara yáa dò? À bè amɔ kè a zi kù é fɔ à né i dɔɔ? <sup>14</sup> Yáke ègɔ zĩ'umero. Zii mɔndaa'i tó à gurɔɔ kà, mé mɔ n kiia, gbasa Sara né i gɔgbɛ ũ. <sup>15</sup> Ben Sara lé sè à bè ée yáa dɔro, zaake vía à kù. Ben Dii bè: É'e, n yáa dò.

### *Ibraĩ aduakɛna Sɔɔɔmune*

<sup>16</sup> Kè gbɛ pìno fɛɛ, Ibraĩ gàa à zeñne, ben aɔ Sɔɔɔmu kpaa gwà. <sup>17</sup> Ben Dii bè: Mé yá kè má yezi mà keɛ ute Ibraĩnero. <sup>18</sup> À boriinɔ ègɔ bíta aɔégɔ gbãa ví. Anduna bori píngi é aubarika e à gázime. <sup>19</sup> Zaake ma à sè le à o a nénnɛ kɔn a boriinɔ a gbera aɔgɔ ma yá kúna aɔ yá maa zédee ke, le mà yá kè ma à lé gbène kene. <sup>20</sup> Ben Dii ɛara à bè: Yá kè wèe oo Sɔɔɔmu kɔn Gɔmɔrao musu pari, ñ durun gè ɔla. <sup>21</sup> Mé gá gwe sa mà gwa, tó yá kè aɔɔe keɛ zaa lán má mà nà. Tó aɔɔ de le sɔro, mé dɔ.

<sup>22</sup> Kè ñ gɔɔn plaaa pìno dà zén aɔɔe gaa Sɔɔɔmu, ben Dii gè kɔn Ibraĩo gwe. <sup>23</sup> Ben Ibraĩ sɔzi à bè: Né gbɛ maaanɔ wara ledɔ kɔn gbɛ zaaanɔn yɔ? <sup>24</sup> Tó gbɛ maaanɔ kú wéte pì guu aɔ kà gɔɔn baplaa akuri, né ñ waran yɔ? Né sùu ke wéte pìo gbɛ maa gɔɔn baplaa akuri pìno yãnzirɔo? <sup>25</sup> Ñ sùu ke! Ñton ke lero. Ñton gbɛ maaanɔ dede ledɔ kɔn gbɛ zaaanɔro, zaake aɔ dɔnkɔro. Ñ sùu ke! Ñton ke lero. Mmɔn kè ñ de anduna píngi yákpækɛri ũ, né yá ke a zéarɔo? <sup>26</sup> Ben Dii bè: Tó ma gbɛ maaanɔ è Sɔɔɔmu gɔɔn baplaa akuri, mé sùu ke wéte pìo ñ yãnzɔ. <sup>27</sup> Ben Ibraĩ ɛara à bè dɔ: Mamɔma kè má de bùsuti kɔn túbuo ũ, ñ gaafaa kemɛ mà yá onne, Dii. <sup>28</sup> Tó gɔɔn sɔɔroo kèsá gɔɔn baplaa akuri pì guu, gɔɔn sɔɔroo pìno yãnzɔ né wéte pì kaaterɔ? Ben Dii bè: Tó ma gbɛ maaanɔ è gɔɔn baplaa asɔɔro, mé wéte pì kaatero. <sup>29</sup> Ben Ibraĩ kpé èe yá oonɛ à bè: Tó gbɛ maaanɔ kà baplaa sɔ né? Ben Dii bè: Mé yáke kero gɔɔn baplaaa pìno yãnzɔ. <sup>30</sup> Ben à bè: Dii, n yá nna! Ñton pɔ fɛro, má yezi mà yá o dɔ. Tó gbɛ maaanɔ kà baaakuri sɔ né? À wèàla à bè: Tó ma gbɛ maaanɔ è aɔ kà gɔɔn baaakuri, mé yáke kero. <sup>31</sup> Ben à bè: Ñ gaafaa kemɛ dɔ Dii, mà yá onne. Tó gbɛ maaanɔ kà gɔɔn baroo sɔ né? À wèàla à bè: Mé wéte pì kaatero gɔɔn baroo pìno yãnzɔ. <sup>32</sup> Ben à bè: Dii, ñton pɔ fɛro, yá kèkii baasi mé yá o dɔro. Tó gbɛ maaanɔ kà gɔɔn kuri sɔ né? À wèàla à bè: Mé wéte pì kaatero gɔɔn kuri pìno yãnzɔ. <sup>33</sup> Kè Dii yá ò Ibraĩne à yáa, à gè zéla, ben Ibraĩ ɛara à tà be.

## 19

### *Sɔɔɔmu kɔn Gɔmɔrao kaatɛna*

<sup>1</sup> Kè malaika gɔɔn plaaa pìno kà Sɔɔɔmu uusie, Lutu vɛɛna Sɔɔɔmu bĩi kpɛɛɛ. Kè à ñ é, à fɛɛ à gàa à dàñle à kùɛñne à dàe a puua <sup>2</sup> à bè: Ma diinɔ, a yá nna! À mɔ à gá pita mamɔma a zɔbleri be. À zú o à i kè, zia kɔngɔ idɛ'idɛ é da zén. Aɔ bè: Auo, wé i gáaleme. <sup>3</sup> Lutu nàkɔrɛñma maamaa, ben aɔ gè à kpén. À ñ yàari kè maamaa à masa kèñne, ben aɔ sò.

<sup>4</sup> Ai aɔgɔ gá daɛ, Sɔɔɔmudeenɔ liga Lutu kpézi. Wéte pì gɔgbɛnɔ kàkɔa gwe mámmam, gɔkpárenɔ kɔn gbɛnsinɔ ñ píngi. <sup>5</sup> Aɔ lé zù Lutuzi wà bè: Gɔgbɛ kè aɔ pìta n be uusieanɔ kú máa? Ñ bɔɛnyowe, wà pápáa keñyo. <sup>6</sup> Lutu bɔ à zè kpɛɛɛ ñ kiia, à gbà tàta kpɛɛo <sup>7</sup> à bè: O'o ma gbɛnɔ, àton yá zaaa kero. <sup>8</sup> Má nénnɔgbɛnɔ ví gɔɔn plaa kè aɔ gɔgbɛ dɔro, mé ñ bɔɛare. Lán á yezi nà à keñyo, mɔde àton yáke ke gɔgbɛ kèkiinɔnero, zaake aɔ pìta ma beme. <sup>9</sup> Aɔ bène: Ñ guwe gwe! Ben aɔ bè dɔ: Gbɛ kè né gbɛ zĩtɔme, ben à yezi à ke wa yákpækɛri ũ.



Wé yā zaaa kenne de n pòla. Ben aṣ kùsia gbāaa, aṣe mo kpé gbà gboro. <sup>10</sup> Ben gṣon plaaa pìno bò wà Lutu kù aṣ gèò kpén, ben aṣ zé tàta. <sup>11</sup> Aṣò tò vĩa gbē kè aṣò kú kpèlèno kù n pìngi né fète gbēnsi, ben aṣe kpé gbà wete ai aṣ kpàsa. <sup>12</sup> Gṣon plaaa pìno bè Lutun: Dé n vī kè dṣò? Négṣgbēno, nénṣgbēno, n né anzurenṣ kṣn gbē kè aṣò de n gbē ũunṣ wéte guu n pìngi. N bṣeńyo, <sup>13</sup> zaake wa mo wà gura kè kaateme. Yā zaaa kè wèe oo wéte pì deenṣ musu gè Dii swān, ben à wa zī wà wéte pì kaate. <sup>14</sup> Lutu bò à gàa à ò a nénṣ anzurenṣne à bè: À fèe wà bṣe, zaake Dii é wéte kè pì kaate tiame. Ben aṣe daa èe fàadi boome.

<sup>15</sup> Kè guu dṣ malaika pìno nàkṣre Lutua wà bè: N fèe n n naṣ kṣn n nénṣgbē gṣon plaaa kèno sèe n bṣeńyo kè, le nton ga wéte pì kaatena guuro yānzi. <sup>16</sup> Kè Lutu e seka kee, Dii à wēnda bò, ben gṣon plaaa pìno à kù a ṣṣa kṣn à naṣo kṣn à nénṣgbē gṣon plaaano, aṣ bṣeńyo wéte kpèe. <sup>17</sup> Kè aṣ bṣeńyo le, ben malaika pìno doke bè Lutun: N bàa lé n n zīnda mì sí. Nton kpèe gwaro. Nton ze guzure pì guuro. N bàa lé n mì pé kpìinṣa le nton garo yānzi. <sup>18</sup> Ben à bène: Auo ma dii! N yā nna! <sup>19</sup> Mamṣma n zṣbleri ma n pṣnnaa è, n gbēke kème maamaa, n ma mì sí. Mṣde mé fṣ mà bàa lé mà kpìi pìno kii lero. Ai màgṣ gá ká gwe, kaatena pì é ma le mà ga. <sup>20</sup> N lakutu ke gwa kāaa. Lán à kīi nà, mé fṣ mà bàa lé mà gá gwe. Lakutu néngome sṣ. N tó mà bàa sí mà tá gwe, mégṣ aafia. Asa à néngoroo? <sup>21</sup> Ben à bène: Ma n gba zé, mé lakutu kè nēe oo pì kaatero. <sup>22</sup> N bàa lé n tá gwe kpakpaa, zaake mé yāke ke gīaro ai n gá káo gwe. Beee yānzin wà tṣ kpà lakutu pìne Zoa.

<sup>23</sup> Kè Lutu Zoa lè, ṣfāntē e fèee, <sup>24</sup> ben Dii tò té kṣn ṣfāntēgbṣo bṣ musu à kà Sṣṣomu kṣn Gṣṣraola. <sup>25</sup> À wéte pìno kàate kṣn gbēno kṣn guzure pìo kṣn línṣ kṣn sēno pìngi. <sup>26</sup> Kè Lutu naṣ a kpèe gwà, ben à lī à gṣ zena wisi gbē ũ.

<sup>27</sup> Kè guu dṣ, Ibraī fèe kṣngṣ ide'ide, à gàa guu kè à kún yā kṣn Diio pìn. <sup>28</sup> Kè à Sṣṣomu kṣn Gṣṣrao kpaa gwà kṣn guzure pìo pìngi, à è tésukpe e fèee tṣṣte lán mṣdate tésukpe bà. <sup>29</sup> Lemé kè Luda guzure kè Lutu kún wétenṣ kàate le, Ibraī yā dṣn, ben à Lutu bṣ wéte kè à kàate pìno guu.

### *Lutu boriino*

<sup>30</sup> Kè Lutu bṣ Zoa, à gàa à vèe kpìiino té kṣn a nénṣgbē gṣon plaaano, kè à kuuna Zoa vĩa vī yānzi. Ben à gṣ kú gbèween kṣn a nénṣgbē pìno. <sup>31</sup> Ben Yṣò bè Bāane: Wa de zi kù, ben gṣgbē kee kú bṣsun à daewao lán wè ke nàro. <sup>32</sup> N mṣ wà wèe kákane wé daeo, le wàgṣ wa borii e à gāzī. <sup>33</sup> Gwāavī beee aṣ wèe kákane, ben Yṣò gàa à dàeo. Lutu e dṣ gurṣṣ kè à dàeo ke gurṣṣ kè à fèero.

<sup>34</sup> Kè guu dṣ Yṣò bè Bāane: Ma dae kṣn ma deo gīa. Wà wèe kákane uusiea dṣ, né gá n daeo, le wàgṣ wa borii ee à gāzī. <sup>35</sup> Gwāavī beee dṣ aṣ wèe kákane, ben Bāa gàa à dàeo. Lutu e dṣ gurṣṣ kè à dàeo ke gurṣṣ kè à fèero. <sup>36</sup> Lemé Lutu nénṣgbē gṣon plaaa pìno kè le wà nṣ sio. <sup>37</sup> Yṣò né ì gṣgbē ũ, ben à tṣ kpàne Mṣabu. Àmbe Mṣabu borii kè aṣò kuu ai gbāano dezi káaku ũ. <sup>38</sup> Bāa né ì gṣgbē ũ se, ben à tṣ kpàne Benami. Àmbe Amṣni borii kè aṣò kuu ai gbāano dezi káaku ũ.

## 20

### *Ibraī kṣn Abimeleki*

<sup>1</sup> Ben Ibraī fèe gwe à gàa Negevi bṣsun Kadesi kṣn Suruo dagura. Kè à gàa à vèe Gera, <sup>2</sup> à bè a naṣ Sara né a dāreme, ben Gera kí Abimeleki gbē zī à à sè à sṣo. <sup>3</sup> Ben Luda bṣ à mṣ Abimelekizi nanaa guu gwāavī à bène: Né ga nṣṣ kè n sè pì yānzi, zaake nṣzāreeme. <sup>4</sup> À mṣ à lè Abimeleki e daeo kṣro, ben à bè: Dii, né borii kè aṣe yāke keroonṣ deden yṣ? <sup>5</sup> Àmbe à bène a dārenloo? Nṣgbē pì sṣ bè a dāgṣme. Ma yā kè a zéame, má taari vīro. <sup>6</sup> Ben Luda bène nanaa pì guu: Èè, má dṣ kè n yā kè a zéame. Beee yānzi ma kpanne nton durun

kemero, mée we n ɔ kè nɔgbē pìaro. <sup>7</sup>Tia sa, à gōgbē pì nɔɔ kpáa, zaake annabime. Eé adua kenne le ñ gō aafia. Tó nées à nɔɔ pì kpáa sōro, ñgō dō kè n game, mpi kōn n gbēnɔ a píngi.

<sup>8</sup> Ben Abimeleki fée kɔngɔ ide'ide, à a gbēnɔ sisi à yā pì tōkēñe n píngi, ben vīa n kū maamaa. <sup>9</sup> Ben Abimeleki Ibraī sisi à bène: Bóyānzi n kèwe lezi? Bó taarin má kenne gbasa n tò ma gō durundee ũ kōn ma būsuo? N yā kè de wà keroo kème. <sup>10</sup> Bó laasuu n lè gbasa n yā pì kè? <sup>11</sup> Ibraī wèala à bè: Mée daa yā gbēkee Luda vīa vī būsuo kèkii guuro, weé ma de ma naō yānzime. <sup>12</sup> Beee gbera nɔgbē pì né ma dāremε yāpura. Wa de dōnkōmε, baade kōn a dao, ben à gō ma nɔɔ ũ. <sup>13</sup> Kè Luda ma bɔ ma de be yā, mée likōaa zōɔ, ben ma bè ma nɔɔ pìne guu kè wé gán píngi, à gbēkee kemε àgae be a dāgōn ma ũ. <sup>14</sup> Ben Abimeleki mò kōn sāano kōn zūnɔ kōn gōgbē zīkerinɔ kōn nɔgbē zīkerinɔ à kpà Ibraīa, ben à à naō sòkpane. <sup>15</sup> Ben Abimeleki bè: Ma būsun yè, ñ vée guu kè n yezin. <sup>16</sup> Ben à bè Sarane: Ma kondogi ɔɔ bɔɔ doo kpà n dāgōa agbaakpabɔ ũ, le gbē kè aō kúnyonɔ dō n píngi kè nées taari kero. <sup>17</sup> Ben Ibraī wée kè Ludaa, ben Luda Abimeleki gbà aafia kōn à naō kōn à nɔ yìgisainɔ, le aō né i, <sup>18</sup> zaake Dii tò Abimeleki be nɔgbēnɔ pāa kù yā Ibraī naō yā musu.

## 21

### *Isaaku ina*

<sup>1</sup> Dii aubarika dà Saragu lán à ò nà, à kenne lán à lé gbēne nà. <sup>2</sup> Ben à nò si à né i kōn Ibraīo gōgbē ũ à zikū guu gurɔɔ kè Luda dienea. <sup>3</sup> Ibraī tó kpà né pìne Isaaku. <sup>4</sup> À bāngu kenne à gurɔ sɔraagōdee zī lán Ludaa diene nà. <sup>5</sup> À kà wè basɔɔro a né pì igurɔ. <sup>6</sup> Ben Sara bè: Luda yáadɔziyā kème, gbē kè mà píngi é yáa dōmao. <sup>7</sup> À bè dɔ: Weé we wà be Ibraīne yā mé gō nédandee ũ? Àe ma négōgbē ò a zikū guu.

<sup>8</sup> Kè né pì bíta kù à kè yōa, ben Ibraī à kēna yōa pɔnnaa kè. <sup>9</sup> Sara è né kè Igipiti nɔgbē Agyara i kōn Ibraīo ègō Isaaku yáa dɔmε, <sup>10</sup> ben à bè Ibraīne: Ñ pé zò pì a kōn a néo, zaake zò né pì é túbi ble kōn ma né Isaakuoro. <sup>11</sup> Yā pì Ibraī pɔɔ yāka maamaa, zaake à néme, <sup>12</sup> ben Luda bène: Ñton tó n nòse yaka n né kōn n nɔgbē zīkeri pìo yā musuro. Yā kè Sara e oonne píngi ñ ma, zaake Isaaku boriinɔn weégae beñne n boriinɔ ũ. <sup>13</sup> Mé tó zò né pì borii ke se, zaake n néme. <sup>14</sup> Ben Ibraī fée kɔngɔ ide'ide, à pòblee sè kōn í tūuo à kpà Agyaraa. À dìne, ben à à né kpàa dɔ. À à gbàre, ben à gāa èe likōaa zōɔ Beseba gbáan. <sup>15</sup> Kè í yāam̄ma, à gōkpare pì tò lí gbáru, <sup>16</sup> ben à gāa à vée ae kàzuleeki zā lén, zaake à bè á yezi à a né gana ero. Kè à gāa à vée kāa le, ben à nà sɔdɔnaa.

<sup>17</sup> Luda gōkpare pì sɔ dɔɔ mà, ben Luda Malaika lé zù Agyarazi zaa musu à bè: Bó bé à n lee Agyara? Ñton vīa kero, zaake Luda né pì sɔ dɔɔ mà guu kè à kún. <sup>18</sup> Ñ fée ñ n né pì sé ñ à kù a ɔɔa, zaake mé tó à gō bori isi ũ. <sup>19</sup> Luda nɔgbē pì wée kenne, ben à lògɔ è. À gāa à í tò a tūu pa, ben à mò à kpà a né pì a mì.

<sup>20</sup> Ludaa kú kōn né pìo ai à isi kù. Ègō kú gbáan, ben à gō tofekari ũ. <sup>21</sup> Gurɔɔ kè à kú Parani gbáa pì guun à da Igipiti būsuo nɔɔ sène.

### *Ibraī kōn Abimelekiò ledolekena*

<sup>22</sup> Gurɔ beea Abimeleki kōn a zīkpeenɔ gbēnsi Fikɔluo gāa Ibraī kiia aō bène: Ludaa kúnyo yā kè nées kee guu píngi. <sup>23</sup> Ñ la dame kè gōɔ ñ sí kōn Ludao kè né bɔ ma kpeero ke ma néno ke ma boriinɔ. Lán ma gbēkee kenne nà, ñ kemε le kōn būsuo kè n kú à guu gbē zītɔ ũuo. <sup>24</sup> Ben Ibraī bène: Ma la dānne. <sup>25</sup> Ben Ibraī lògɔ kè Abimeleki gbēnɔ sia yā sèe à sìnne. <sup>26</sup> Abimeleki bè: Má gbē kè aō yā beee kēnɔ dōro, nées omε yāro, gbāan má mà. <sup>27</sup> Ben Ibraī sāano kōn zūnɔ kù à kpà Abimeleki, ben aō ledole kè kō. <sup>28</sup> Ben Ibraī sānununu mèn swēplaaanɔ bɔ à kàe ñdona. <sup>29</sup> Abimeleki à là à bè: Sā mèn swēplaaa kè n n kàe ñdona pìnɔ yā de diamε? <sup>30</sup> Ben à wèala à bè: Ñ sā mèn swēplaaa pìnɔ sí sèeda ũ kè námbe ma

lògɔ pì yò. <sup>31</sup> Beee yānzi wà tó kpà guu pìnɛ Beseba, zaake gwen aɔ la dānkōnɛ. <sup>32</sup> Len aɔ ledole kè Beseba le, ben Abimeleki kōn a zīkpeɛnɔ gbēnsi Fikɔluo liara wà tà Filisitininɔ būsun. <sup>33</sup> Ibraī sāma lí tò Beseba, ben à Dii Luda Gurɔpingide sisi gwe. <sup>34</sup> Ben à gurɔplaa kè Filisitininɔ būsɔ pì guu.

## 22

### *Isaaku kpana sa'opɔ ũ*

<sup>1</sup> Beee gbera Luda Ibraī yò à gwà à bènɛ: Ibraī! Ben à wèàla à bè: Maɛ kè! <sup>2</sup> Ben Luda bènɛ: Ñ n né mèn doo kè ñ yezi Isaaku sé ñ gáo Mɔria būsun, ñ sa'opɔ kè wè ká tén à té kũ oo kpīii kè mé onnɛɛa. <sup>3</sup> Kè à fɛɛ kɔngɔ ide'ide, à gàari yì a zaakinɛ, ben à a zīkerinɔ sè gɔɔn plaa kōn a né Isaaku pìo. À sa'oyaka pàra, ben à dà zén, èe gaa guu kè Ludaa ònɛn. <sup>4</sup> À gurɔ aagɔdee zī kè à wée sè, à guu pì è kaa. <sup>5</sup> Ben à bè a zīkeri pìnɔnɛ: À gɔ kōn zaakio kè. Mapi kōn gɔkpare kèo wé gá aɛ wà dɔnzi ke Ludanɛ, wé liara wà su wà a le kè. <sup>6</sup> Ibraī sa'oyaka sè à dī a né pìnɛ, ben à té kũna kōn fɛɛo, aɔɔe gaa ledɔ. <sup>7</sup> Ben Isaaku yā ò a denɛ à bè: Baa! À wèàla à bè: Bómɛɛ né? Ben à bènɛ: Wá té kũna kōn yàkao, sãnɛ bɔrɔ kè wé ká tén à té kũ kú máme? <sup>8</sup> Ben Ibraī bè: Ma né, Luda bé eé sa'osā kpá. Ben aɔɔ tékɔzi wèe gaa. <sup>9</sup> Kè aɔ kà guu kè Ludaa ònɛn, à sa'okii bò gwe à yàka kpàkpaàla, ben à a né pì yì à dà yàka pila sa'okii musu. <sup>10</sup> Kè à fɛɛ sè à ɔ bò le à a né pì kòto kpá, <sup>11</sup> ben Dii Malaika lé zùzi zaa musu à bè: Ibraī! Ibraī! À wèàla à bè: Maɛ kè! <sup>12</sup> Ben à bè: Ñton ɔ na né pìaro ñton yàke kenɛro. Má dɔ sa kè ñ ma vīa vī, néɛ gíme kōn n né mèn dooro. <sup>13</sup> Ibraī wée sè, ben à sākaro è líwakaa kà à kobazi. Ben à gàa à à kũ à sa'opɔ kè wè ká tén à té kũ òo a né gɛɛ ũ. <sup>14</sup> Ben à tó kpà guu pìnɛ Diiékpa, ben wègɔ oo ai kōn a gbàao wè be: Dii é kpá a kpīii musu.

<sup>15</sup> Dii Malaika èara à lé zù Ibraīzi zaa musu dɔ <sup>16</sup> à bè: Mamɔma Dii má sì kōn ma kuunao ma bè, lán n yā pì kè nà, néɛ gí kōn n né mèn dooro, <sup>17</sup> mé aubarika dangu mà n boriī kaaranɛ lán sɔsɔnɛnɔ bà, aɔégɔ pari lán ísiale būsɔ'āatɛ bà. N boriinɔ égɔ gbāa vī n ibɛɛnɔa. <sup>18</sup> Mé aubarika da anduna bori pínigin n boriī gāzī, kè n ma yā mà yānzi.

<sup>19</sup> Kè Ibraī liara à sù a zīkerinɔ kiia, aɔ fɛɛ wà tà Beseba, ben à gurɔplaa kè gwe.

<sup>20</sup> Beee gbera wà ò Ibraīnɛ wà bè: N vīi Nao naɔ Milika négɔgbēnɔ ì. <sup>21</sup> À daudu tón Uzu. À dāaronɔ tón yè: Buzu, Aramu de Kemuɛli, <sup>22</sup> Kesedi, Azo, Pilidasa, Yidilafa kōn Betuelio. <sup>23</sup> Betueli pì bé à Rebeka ì. Né gɔgbē gɔɔn sɔraagɔɔ kè Milika ì kōn Ibraī vīi Naon gwe. <sup>24</sup> À nɔ yìgisai Ruma né nɔ tón yè: Teba, Gaamu, Tasa kōn Maakao.

## 23

### *Sara gana*

<sup>1</sup> Sara kè wè baswɛɛdo awɛɛswɛɛplaa, <sup>2</sup> gbasa à gà zaa Kiriataba kè wè be tia Eblɔnu, Kanaa būsun. Ben Ibraī à sósobi kè à ɔɔ dò à gana yā musu. <sup>3</sup> Kè à gù a naɔ gè kiia, à gàa à bè Iti boriinɔnɛ: <sup>4</sup> Nibɔ kōn gbē zītɔon ma ũ a té. À tɔɔte yáma gèvīikii ũ mà gè vīin. <sup>5</sup> Ben Iti boriinɔ bènɛ: <sup>6</sup> Maree, ñ wa yā ma. Luda gbē aubarikadeen n ũ wa té. Ñ n gè vīi gbèwɛɛ kè kènne maaa guu. Wa gbēke é n tɛ gbèwɛɛ kè né n gè vīi à guuro. <sup>7</sup> Ben Ibraī fɛɛ à kùɛ būsɔ pì deenɔnɛ <sup>8</sup> à bènɛ: À ma yā ma, tó a we mà a gè vīi kè. À wée kemɛ Zoa né Eflɔnu <sup>9</sup> à Makpɛla gbèwɛɛ kè kú à bú lézi yā ma à ɔɔa, eé gɔ ma gèvīikii ũ a būsun.

<sup>10</sup> Eflɔnu vɛɛna ñ té a wéte bīilen gwe, ben à ò Ibraīnɛ Itinɔ wáa ñ pínigi à bè: <sup>11</sup> Auo mare, ñ ma yā ma. Ma n gba buraa pì kōn gbèwɛɛ kè kú gweeo. Ma n gba ma gbēnɔ wáa. Ma n gbame, le ñ n gè vīin. <sup>12</sup> Ibraī kùɛ būsɔ pì deenɔnɛ, <sup>13</sup> ben à bè Eflɔnunɛ ñ pínigi wáa: Ñ swā kpá ñ ma yā ma. Mé buraa pì fīa bonne. Ñ ma ɔɔ sí, mé ma gè vīin. <sup>14</sup> Ben Eflɔnu bènɛ: <sup>15</sup> Maree, ñ ma yā ma. Tɔɔte kè à ɔɔ kà kondogi wáa plaame, bón beee ũ wa dagura? Ñ n gè vīin. <sup>16</sup> Ibraī à yā mà, ben à kondogi kè à ò yòne gbēnɔ wáa laatarinɔ zakaa. <sup>17</sup> Lemɛ

Eflonu bú kè kú Makpela, Mamare sae, gò Ibraĩ pò ũ lɛ kɔn gbèwɛɛ kè kú gweeo kɔn lí kè kú gweeno zaa bú pì lézi píngi. <sup>18</sup> À gò Ibraĩ pò ũ Iti kè aɔ mò wéte bĩileano píngi wáa.

<sup>19</sup> Beee gbera Ibraĩ a naɔ v̄ii Makpela bura gbèwɛɛ pì guu Mamare kè wè be tia Eblonu sae, Kanaa bùsun. <sup>20</sup> Len bú kɔn gbèwɛɛ kè de Itinò pò ũ yáao gò Ibraĩne gèv̄iikii ũ lɛ.

## 24

### *Nɔwɛtɛna Isaakune*

<sup>1</sup> Ibraĩ zi kù à gurɔɔnò kà zà, ben Dii aubarika dàn yā píngi guu. <sup>2</sup> Ben à ò a zòblerinò gbēnsi kè de a pò píngi yāgōgōri ũune à bè: Ñ ɔ sɔɔ ma gbáda gbáru, <sup>3</sup> mé tó ñ sí kɔn Dii musu kɔn tɔɔtɛo Luda tó kè né Kanaa kè má kú ñ ténò nɔɔ sé ma nénero. <sup>4</sup> Ñ gá ma be bùsun ma danenò guu, ñ nɔɔ sé ma néne gwe. <sup>5</sup> Ben à zòbleri pì à là à bè: Tó nɔgbē pì e we à tɛmazi à sùmao bùsu kèkiin sɔro né? Mé gá kɔn n néo bùsu kè n bɔnn yó? <sup>6</sup> Ibraĩ bène: Ñ làakari ke! Ñton gá kɔn ma néo gwero. <sup>7</sup> Dii Luda Musude ma bɔ ma de be ma danenò bùsun, ben à yā òme à la dà à bè é bùsu kèkii kpá ma boriinɔame. Àmbe eé a Malaika zī à dɔnne ae. Gwen né nɔɔ sɛn ma néne. <sup>8</sup> Tó nɔgbē pì e we à tɛnziro, n bɔ ladana kè ñ la dàme kè guu. Ñton gá gwe kɔn ma néoro fá! <sup>9</sup> Ben à zòbleri pì a ɔ sɔɔ a dii gbáda gbáru, à la dànɛ yā pì musu.

<sup>10</sup> Zòbleri pì a dii lakuminò sè mèn kuri kɔn a dii auziki bori píngio, ben à fɛɛ à gáa Nao be wéte zaa Siria Mesopotamia bùsun. <sup>11</sup> Kè à kà gwe, à tò lakuminò kámma bò lɔgɔ sae wéte kpɛɛ. Kè uusie kè, gurɔɔ kè nɔgbēnò è bɔɛ í tó, <sup>12</sup> ben à adua kè à bè: Dii, ma dii Ibraĩ Luda, ñ gbēkɛɛ ke ma diine ñ tó ma tá ke nna uusiea. <sup>13</sup> Ñ gwa, má zena lɔgɔ sae. Tó wéte nɔkparenò bɔɛ í tó, <sup>14</sup> nɔkpare kè má òne à a loo pita à í tóme mà mi, tó à bème mà mi, ben à kpà ma lakuminòa dɔ, èndɛ mé dɔ kè n gbēkɛɛ kè ma diine, nɔgbē kè ñ diè n zòbleri Isaaku pò ũun gwe. <sup>15</sup> Èe yā pì o à yáaro, ben Betueli né Rebeka bò kɔn loo dina a gàn. Betueli né Ibraĩ v̄ii Nao né kè à ì kɔn a naɔ Milikaome. <sup>16</sup> Né pì maa bensɔ à lezime, gōgbē kee e daeo zikiro. À mò lɔgɔzi, à í tó à a loo pà, ben à liara èe taa. <sup>17</sup> Ben zòbleri pì bàa lè à gáa à zé zòne à bè: Ñ ma gba í mà mi, baa féte. <sup>18</sup> Nɔgbē pì bè: Ñ mi Baa! Ben à a loo pita gɔɔ à í kpàa à mì. <sup>19</sup> Kè à í kpàa à mì à yáa, à bè: Mé tó n lakuminòne dɔ, aɔ mi ai aɔ kã. <sup>20</sup> Ben à a lo'i kà pónò ímibɔn gɔɔ, à liara à bàa lè à gáa à í tó lɔgɔn, ben à í tó lakuminòne píngi. <sup>21</sup> Gōgbē pì zena èe à gwaa tíii, lɛ à e à dɔ tó Dii é tó a tá ke nna, ke eé ke nnaro. <sup>22</sup> Kè lakuminò í mì aɔ yáa, ben gōgbē pì vura tãnga maaa dà nɔɔ pìne a yā, à vura zãa dànɛ mèn plaa. Tãnga pì tiisi kà giramu sɔɔro, zãa pìno sɔ giramu basɔsɔro. <sup>23</sup> Ben à à là à bè: Ñ omɛ, dé nɛn n ũu? Wé ikii e n de beɔ? <sup>24</sup> Ben à wèàla à bè: Betueli nɛn ma ũ, Milika kɔn Nao dio. <sup>25</sup> Sè kɔn tàgaaò din wa be, ben ikii kuu dɔ. <sup>26</sup> Ben gōgbē pì kùe à dɔnzi kè Diine à bè: <sup>27</sup> Dii ma dii Ibraĩ Luda aubarika v̄i kè èe gí gbēkɛ kɔn náaneo yā kɛnero yãanzi. Mapi sɔ, Dii dɔme ae ma dii danenò be.

<sup>28</sup> Ben nɔkpare pì bàa lè à gáa à yā pì tókè a bɛdeenɔne. <sup>29</sup> Rebeka pì dāgɔ v̄i kè wè bene Labā. À bò wéte kpɛɛ kɔn bào à gáa à gōgbē pì lè lɔgɔ léa, <sup>30</sup> zaake à è a dàre tãnga kɔn zãao dana, ben à yā kè gōgbē pì òne mà. Kè à gáa à à lè kɔn lakuminò lɔgɔ léa, <sup>31</sup> à bè: Ñ mó mmɔn kè Dii aubarika dangu! À kè dia ñ zena wéte kpɛɛ? Ma kpé kèkenne kɔn lakuminò bàdɔkiio. <sup>32</sup> Gōgbē pì gè ua, ben Labā lakuminò asoo pòro à sèla kori kɔn tàgaaò kpàmma à í kpà gōgbē pì a a gbá pípio kɔn à gbēnò ñ píngi.

<sup>33</sup> Wà pòblee diene, ben à bè: Mé pò ble gīaro ai mà yā kè ma mɔo o. Ben Labā bè: Ñ o. <sup>34</sup> Ben à bè: Ibraĩ zòblerin ma ũ. <sup>35</sup> Dii aubarika kè ma diine maamaa, ben à gò auzikidee ũ. À à gbà sãano kɔn zùnò kɔn kondogio kɔn vuraò kɔn gōgbē zīkerinò kɔn nɔgbē zīkerinò kɔn lakuminò kɔn zaakinò. <sup>36</sup> Ma dii pì naɔ Sara né ì gōgbē ũ a zikū guu, ben ma dii pò kè à v̄ii kpà né pìà píngi. <sup>37</sup> Ma dii tò ma la dà, zaake à bè màton Kanaa kè à kú ñ ténò nɔɔ sé a

nénero. <sup>38</sup> À bè mà gá a de be a borii guu mà nɔɔ sé a néne gwe. <sup>39</sup> Ben ma a dii là ma bè, tó nɔgbɛ̀ pì e we à témazi sɔro né? <sup>40</sup> À wèmala à bè, Dii kè a táa òo bé eé a Malaika zĩ à gá zeme, le ma tá ke nna, mé nɔɔ sé a néne a de be danenɔ té. <sup>41</sup> À bè tó ma gaa a borii kiia, tó wèe wero, mé bɔ ladana kè má la dàaree guu. <sup>42</sup> Kè ma ka lɔgɔ kiia gbàa ma bè: Dii, ma dii Ibraĩ Luda, tó n we, ò tó ma tá ke nna. <sup>43</sup> Má kú lɔgɔ léa. Nɔkpare kè mò í tó, ben ma bène à ma gba í féte mà mi, <sup>44</sup> tó à bè mà mi, ben à tò ma lakuminɔne dɔ, mé dɔ kè nɔkpare kè ñ diè à ke ma dii né pò ũun gwe. <sup>45</sup> Ai màgɔ yá pì o ma nɔse guu mà yáa, ben Rebeka bò kɔn looo dina a gán à mò lɔgɔ léa à í tò. Ben ma bène à ma gba í mà mi. <sup>46</sup> À a loo pita gɔɔ, à bè mà mi, é kpá ma lakuminɔa dɔ. Kè má mì, ben à kpà ma lakuminɔa. <sup>47</sup> Ben ma à là, dé nén à ũu? À bè Betueli nén a ũ, Milika kɔn Nao dio. Ben ma tanga dànɛ a yá, ma zaa dànɛ a ɔɔnɔa. <sup>48</sup> Ben ma kue ma dɔnzi kè Dii ma dii Ibraĩ Ludane ma sáabu kpàa, zaake à dɔme aɛ zé maaa guu, le mà a dii v̄i dio sé à néne. <sup>49</sup> Tia sa tó é we à gbɛke kɔn náanɛo yá ke ma diine, à omɛ. Tó ée we sɔro, à omɛ, mé gá gu pãndea. <sup>50</sup> Labā kɔn Betuelio wèàla wà bè: Yá pì bò Dii kiame, wá yáke ona v̄iro, à maaa ke à zaaa. <sup>51</sup> Rebekan yè, ñ à sé ñ táo, à gɔ n dii né naõ ũ lán Dii ò nà. <sup>52</sup> Kè Ibraĩ zòbleri pì ñ yá mà, à dàe tɔɔte Diine. <sup>53</sup> Ben à zablebɔ kè wà kè kɔn kondogio kɔn vuraò kɔn pókāsāanɔ bɔe à kpà Rebekaa. À à v̄i kɔn à dao gbà pò ɔɔdeenɔ dɔ. <sup>54</sup> Ben à pì kɔn gbɛ̀ kè aɔɔ kúonɔ pò blè aɔ í mì, ben aɔ ì gwe.

Kè aɔ fèe kɔngɔ à bè: À ma gbare mà tá ma diizi. <sup>55</sup> Nɔɔ v̄i kɔn à dao bè: Ñ tó né pì gɔwao baa gurɔ kuri, é gbasa à tá. <sup>56</sup> Ben gɔgbɛ̀ pì bèñne: Lán Dii ma tá kè nna nà lán kè bà, àton ma dādā dɔro. À ma gbare mà tá ma dii kiia. <sup>57</sup> Ben aɔ bè: Wà né pì sísi wà à la. <sup>58</sup> Ben wà Rebeka sísi wà à là wà bè: Né tá kɔn gbɛ̀ pìoó? Ben Rebeka bè: Mé táo. <sup>59</sup> Ben aɔ Rebeka gbàre kɔn gwàri kè à à gwà zaa à néngo zĩo, aɔɔe taa kɔn Ibraĩ zòblerio kɔn à gbɛ̀nɔ. <sup>60</sup> Aɔ sa maaa ò Rebekane wà bè: Né, ñ gɔ gbɛ̀ pariinɔ dazi ũ, n boriinɔ gɔ gbàa v̄i ñ zangurinɔa.

<sup>61</sup> Ben Rebeka fèe kɔn a nɔgbɛ̀ zikerinɔ, aɔ di lakuminɔ kpee aɔɔ té gɔgbɛ̀ pìzi, ben à tànyo.

<sup>62</sup> À mò à lè Isaaku sù kɔn lɔgɔ kè wè be Ludabɛ̀kɛema'eeo à v̄èe Nɛgevi bùsun. <sup>63</sup> À bò à gàa à laasuu lé sɛn uusie, ben kè à wée sè, à è lakuminɔɔ e mɔɔ. <sup>64</sup> Rebeka wée sè à Isaaku è se, ben à pita a lakumi kpee kpakpaa <sup>65</sup> à zòbleri pì là à bè: Dén gɔgbɛ̀ kè èe táa oo sɛn èe mɔɔ dawale káaa ũu? Ben zòbleri pì wèàla à bè: Ma diime. Ben Rebeka a pódangán sè à kù a uua. <sup>66</sup> Kè aɔ kà Isaaku kiia, zòbleri yá kè à kè tɔkène píngi. <sup>67</sup> Isaaku gè kɔn Rebekao a da Sara bisakutaan, ben à à sè à gɔ à nɔɔ ũ. À ye nɔɔ pìzi, ben à làakari kpaena a da gaa gbera.

## 25

### *Ibraĩ gaa*

<sup>1</sup> Ibraĩ nɔ pãnde sè dɔ à tón Ketura. <sup>2</sup> Né kè à ionɔ tón yè: Zimara, Yɔkɔsā, Mɛdā, Midiā, Isibaki, Sua. <sup>3</sup> Yɔkɔsā bé à Seba kɔn Dedāo ì. Dedā boriinɔn Asunɔ kɔn Letusinɔ kɔn Lemuinɔ ũ. <sup>4</sup> Midiā négɔgbɛ̀nɔ tón yè: Efa, Efa, Anɔku, Abida, Eleda. Aɔ píngi Ketura boriinɔme.

<sup>5</sup> Ibraĩ a auziki kpà Isaakua píngi, <sup>6</sup> ben à gba dà a nɔ yìgisai nénonɛ à ñ gbáe ɔfántɛ̀bɔe kpa le à kpé à ga, le aɔtongɔ kú kɔn Isaakuoro yãnzì.

<sup>7</sup> Ibraĩ kè wè bakendo ɔɔrosai, <sup>8</sup> ben à gà. À zi kù kótokoto, gbasa à kà a gbɛ̀nɔla gèwāa. <sup>9</sup> À néno Isaaku kɔn Sumailao à v̄i Makpela gbèwee guu, Mamare ɔfántɛ̀bɔe kpa, buraa kè de Iti bori Zoa né Eflonu pò ũ yá <sup>10</sup> kè Ibraĩ pì lù Itinɔa. Gwen wà à v̄in kɔn a naõ Sarao.

<sup>11</sup> Ibraĩ gana gbera Luda aubarika dà à né Isaakun. À v̄èena Ludabɛ̀kɛema'ee lɔgɔ sae.

### *Sumaila boriinɔ*

12 Ibraĩ né Sumaila boriinɔ yān yè. Sara zĩkeri Agyara, Igipiti nɔgbē bé à né pì ìo. 13 Sumaila nɛgɔgbɛnɔ tɔn yè lán wà ní í nà. À daudu tɔn Nɛbayo. À dāaronɔ tɔn yè: Keda, Adabeli, Mibisamu, 14 Misima, Duma, Masa, 15 Adada, Tema, Yetu, Nafisi kɔn Kedemao. 16 Sumaila nɛgɔgbɛnɔ tɔn gwe. Aɔ baade a tó kpà a lakutu ke a bùranɛ. Aɔmbe à bori kuri awɛɛplaaanɔ kɔnanɔ ũ.

17 Sumaila kè wè baswɛɛdo akuri awɛɛswɛɛplaa, ben à gà à kà a gbɛnɔla gèwāa. 18 À boriinɔ vèè zaa Avila ai à gàa pé Surua, Igipiti ofāntɛbɔɛ kpa gana Asiria bùsu kpa. Aɔè kɔ té kpákpa kɔn Ibraĩ bori kpaanɔro.

### *Isau kɔn Yakubuo ina*

19 Ibraĩ né Isaaku boriinɔ yān yè. Ibraĩ Isaaku ì. 20 Kè Isaaku kà wè baplaa, ben à Labā dāre Rɛbeka sè. Àmbe Siria bùsu gbɛ Betueli kè bɔ Mɛsɔpɔtamia bùsun né ũ. 21 Isaaku wée kè Diia a naɔnɛ, zaake pāaamɛ, ben Dii à adua sɔ, à naɔ pì nò sɔ. 22 Sikanɔ e ɔsi kaa à gbɛɛn, ben à bè: Bóyānzi yā beee taka ma lezi? Ben à gàa à Dii là. 23 Dii bènɛ: Bori mèn plaaa kú n né'isɔn, gɔɔn plaaa kè aɔ kú n gbɛɛɛn pìnɔ é kɛkɔa. Bori mèn doo gbāaa égɔ de a doola, à kè bɔ káaku égɔ zò né ũ zāanɛ.

24 Kè à né'igurɔ kà, ben à sikanɔ ì gɔgbɛnɔ ũ. 25 Kè gbɛ káaku e bɔɔ, à bɔ tɛɛ zónzon. À mèkā vī lán uta kádee bà, ben wà tó kpànɛ Isau. 26 Beee gbera kè né plaadee e bɔɔ, à dò Isau gbátogea, ben wà tó kpànɛ Yakubu. Isaaku wè baaagɔdee guun à né pìnɔ ì.

27 Né pìnɔ bíta kù. Isau kè tofekarì gbāaa kè è kè sètɛaroo ũ. Yakubu sɔ begwarimɛ. 28 Isaaku ye Isauzi kè à nòbɔ lóu vī yānzi. Rɛbeka sɔ ye Yakubuzi.

29 Zĩkea Yakubu e dò kukuu, ben Isau sù kɔn sètɛo nɔaa e à deɛ. 30 Ben à bè Yakubunɛ: N yā nna! Ñ tó mà dò tɛa beee ble, zaake nɔaa e ma deɛmɛ. Beee yānzi wà tó kpà Isaunɛ Edɔmu. 31 Yakubu bè: Ñ n daudukɛze kpáma gĩa. 32 Ben Isau bè: Má kú gaa lézĩ, bón ma daudukɛze é kemɛɛ? 33 Ben Yakubu bènɛ: Ñ lù séme gĩa. Ben à lù sènɛ à a daudukɛze kpàa. 34 Ben Yakubu burɛdi kpàa kɔn bládo pìo. À blè à í mì, ben à fɛɛ à bɔ. Lemɛ Isau kè le, à a daudukɛze diɛ pā.

## 26

### *Isaaku kɔn Abimɛlekio*

1 Dekaa kà bùsu pìn à káakupɔ kè kà Ibraĩ gurɔ baasi, ben Isaaku fɛɛ à gàa Filisitininɔ kí Abimɛleki kiia Gera. 2 Ben Dii bɔ à mɔzi à bè: Ñton tá Igipitiro, ñ vɛɛ guu kè mé onnɛɛn. 3 Ñgɔ kú bùsu kèkiin gĩa, mégɔ kúnɔyò mà aubarika kennɛ. Mé bùsu kèkii kpámma pínɡi kɔn n boriinɔ, mé lù kè má sè n denɛ papannɛ. 4 Mé n borii kaara lán sɔsɔnɛnɔ bà, mé bùsu kèkii kpámma pínɡi. Borii kè aɔ kú tɔɔtɛnɔ é aubarika e n borii gāzĩ ní pínɡi 5 kè Ibraĩ ma yā mà yānzi. À ma ɔɔkii gwà, ben à yā kè má diɛnɔ kũna kɔn ma yādannɛnanɔ kɔn ma dokayānɔ.

6 Ben Isaaku gɔ Gera. 7 Kè wéte pì deenɔ e à laa à naɔ yā musu, à bè a dāremɛ. Èe vīa kɛɛ, zaake èe daa tó à bè a naɔmɛ, weé a de nɔɔ pì yānzi, zaake nɔɔ pì né nɔ maaamɛ. 8 Kè a gurɔplaa kè gwe, Filisitininɔ kí Abimɛleki wée kpàe windo guu, ben à è Isaaku e bɔnda gaa kɔn a naɔ. 9 Ben à Isaaku sɔsi à bè: Ase n naɔmɛ! À kè dia n bè n dāremɛ? À wèàla à bè: Méɛ kpákpa weé ma de à yānzimɛ. 10 Abimɛleki bè: Bó yā ní kèwe lɛɛ? Féte bé à gɔ kè wa gbɛke é daɛ kɔn n nɔɔ pìo, le ñ wa da taarin. 11 Ben Abimɛleki gbɛnɔ swā sùkǎñne pínɡi à bè: Gbɛ kè ɔ kè gɔgbɛ pìà kɔn à naɔ, weé à de.

12 Isaaku pó tɔ bùsu pìn, ben à pó è wè beee leɔ basɔro, kè Dii aubarika dàn yānzi. 13 À kàara, à auziki e kaara ai à kè auzikide bíta ũ. 14 À sāanɔ kɔn zùnɔ vī pari kɔn zònɔ, ben

Filisitininɔ zàn. <sup>15</sup> Ben aɔ lògɔ kɛ à de Ibraĩ gbɛnɔ yò a gurɔɔanɔ tàta bùsuo píngi. <sup>16</sup> Ben Abimɛlɛki bè Isaakunɛ: Ñ fɛɛ wa kiia, zaakɛ n gbàaa dɛwala maamaa.

<sup>17</sup> Ben Isaaku bò gwe à bùra kàe Gera guzurɛn, ben à gurɔplaa kɛ gwe. <sup>18</sup> Lògɔ kɛ wà yò à de Ibraĩ gurɔɔa ben Filisitininɔ tàta à de gaa gbɛraanɔn à èara à bɔbɔ à tó dɔnkɔ kɛ a de kpàné yáanɔ kpàné dɔ. <sup>19</sup> Isaaku zòblerinɔ lògɔ pānde yò guzurɛ pìn, ben aɔ bò í maaaa. <sup>20</sup> Ben Gera pódārinɔ swèe kɛ kɔn Isaaku pódārinɔ wà bè: Wa ímɛ. Ben à tó kpà lògɔ pìne Swèe, kɛ aɔ swèe kɛo yānzi. <sup>21</sup> Aɔ lògɔ pānde yò, ben wà swèe kɛ lògɔ pì yā musu dɔ, ben à tó kpàne Íbetɛ. <sup>22</sup> À bò gwe, ben à lògɔ pānde yò dɔ, aɔɔe swèe kɛ à yā musu dɔro. Ben à tó kpàne Mèporokii, zaakɛ à bè: Dii tò wa mɛ pòro, wé dagula sa.

<sup>23</sup> Beee gbera à gàa Bɛsɛba. <sup>24</sup> Dii bò à mòzi gwāavī beee à bè: Mámbe n de Ibraĩ Luda ũ, ñton vīa kero, zaakɛ má kúnyo. Mé aubarika kennɛ mà n borii kaara ma zòbleri Ibraĩ yānzi.

<sup>25</sup> Gwen à sa'okii bòn à Dii sisi. Ben à bùra kàe gwe à gbɛnɔ e lògɔ yò. <sup>26</sup> Ben Abimɛlɛki bò Gera à mò Isaaku kiia kɔn a kpàasi Auzao kɔn a zìkpɛɛnɔ gbɛnsi Fikɔluo. <sup>27</sup> Isaaku n lá à bè: Kɛ a zamagu a pɛma a bɛ, à kɛ dia a mɔ ma kiia? <sup>28</sup> Aɔ wèàla wà bè: Wá è Dii kúnyo, ben wa bè à maa wà lɛdole kɛ wà lù sɛkɔne à yā musu <sup>29</sup> kɛ né yā zaa ke kɛwero, zaakɛ wée wée tāmmaro. Yā maaan wá kennɛ wa n gbarɛ aafia, ben Dii aubarika kennɛ. <sup>30</sup> Ben Isaaku n yàari kɛ, aɔ pò blè aɔ í mì. <sup>31</sup> Kɛ aɔ fɛɛ kɔngɔ, aɔ lù sɛkɔne, ben Isaaku zɛñne, aɔ bò à kiia aafia. <sup>32</sup> Zì beee Isaaku gbɛnɔ mò wà lògɔ kɛ aɔ yò yā òne wà bè: Wa í è. <sup>33</sup> Ben à tó kpàne Sɛba. Beee yānzin wè wéte pì sísi Bɛsɛba ai kɔn a gbàao.

<sup>34</sup> Kɛ Isau kà wè baplaa, à Iti nɔɔ sè mèn plaa, Beri né Yudi kɔn Èloni né Basɛmao. <sup>35</sup> Isaaku kɔn Rebekao nòsɛ ègɔ yakana n yānzimɛ.

## 27

### *Isaaku sa'olekɛna Yakubunɛ*

<sup>1</sup> Isaaku zi kù à wée gbàa dɔro, èe guu ee maaro. Ben à a daudu sisi à bè: Né! Ben à wèàla à bè: Maɛ kɛ. <sup>2</sup> Isaaku bè: Ma zi kù má a gagurɔɔ dɔro. <sup>3</sup> Ñ n sá sé kɔn n gbàrao ñ gá ñ nòbɔsɛte wɛtɛmɛ. <sup>4</sup> Ñ ma pɔyezi dò kuku ñ mómɛ mà ble, mé sa'ole kennɛ lɛ mà kpé mà ga.

<sup>5</sup> Rebeka yā kɛ Isaaku ò Isaunɛ pì mà. Kɛ Isau fɛɛ à gàa tofe ká, <sup>6</sup> ben à gàa à ò Yakubunɛ à bè: Má mà n de yā ò n vīine à bè <sup>7</sup> à gá à nòbɔ dɛare à a pɔyezi dò kukuoare à ble, é sa'ole kennɛ kɔn Dii tó lɛ á kpé à ga. <sup>8</sup> Ben Rebeka èara à bè: Ñ ma yā ma ñ yā kɛ má dànnɛ kɛ. <sup>9</sup> Ñ gá blè kpàsa guu ñ blène maaa kù mèn plaa ñ suo. Mé n de pɔyezi dò kukunɛ, <sup>10</sup> né gáone à ble, eé sa'ole kennɛ lɛ à kpé à ga. <sup>11</sup> Ben Yakubu bè a danɛ: Ma vīi mèkā vī, ben ma mè pórɔpɔrɔ. <sup>12</sup> Tó ma de ɔ kɛma, tó à ma dɔ, eé be mée a kɛɛ pāpāme, eé lé kemɛ sa'ole gɛɛ ũ. <sup>13</sup> Ben à da bè: Luda tó lékenannɛ pì gɔmɛ. Ñ ma yā ma dé! Ñ gá ñ de ñ suome.

<sup>14</sup> Ben Yakubu gàa à blè pìnɔ dè à sùo a danɛ, ben à à de pɔyezi dò kùkunɛ. <sup>15</sup> Ben à a daudu pókāsā maaa kɛ kú a kpé guunɔ sè à dà a né sabideenɛ. <sup>16</sup> À blène báa pìnɔ fīfī à ɔɔnɔa kɔn à waa pórɔpɔrɔ. <sup>17</sup> Ben à dò kɔn buredi kɛ à kɛo kpàa.

<sup>18</sup> Yakubu gàa a de kiia à bè: Baa! Ben à de bè: Maɛ kɛ! Ma né kpareemɛ? <sup>19</sup> Yakubu wèàla à bè: Mámbe Isau n daudu. Lán n òmɛ nà, má kɛ lɛ. Ñ fɛɛ ñ vɛɛ ñ ma ɔzī ble lɛ ñ sa'ole kemɛ. <sup>20</sup> Ben Isaaku bè a néne: O'o! Ñ è kòs? À wèàla à bè: Dii n Luda bé à ma tá kɛ nna. <sup>21</sup> Ben Isaaku bè: Ñ sòmazi mà ɔ kemma lɛ mà dɔ tó ma né Isaumɛ yāpura. <sup>22</sup> Yakubu sò a dezi, ben à ɔ kɛa à bè: Kòto kèkii né Yakubu kòtome, ɔ kèkii sɔ Isau ɔɔmɛ. <sup>23</sup> Ben è à dɔro, kɛ à ɔɔnɔ ká vī lán Isau pò bà yānzi. À yezi à sa'ole kennɛ, <sup>24</sup> ben à à là gīa: Ma né Isaun n ũ yāpura? À wèàla à bè: Mámbee! <sup>25</sup> Ben à bè: Ñ pò kpàma mà n ɔzī ble, mé sa'ole

kenne. Kè à diene, ben à blè. À m̀ne k̀n w̄eo, à mì d̀. <sup>26</sup> Ben à de pì bène: Ñ s̄mazi n̄ lé p̄ema. <sup>27</sup> Ben à s̄zi à lé p̄ea. Kè Isaaku à p̄k̄ās̄ān̄o ḡū mà, ben à sa'ole k̄ene à bè:

Ma né ḡū de

l̄an buraa k̄è Dii aubarika d̄an bà.

<sup>28</sup> Luda n̄ gba m̄d̄o b̄ona musu,

à n̄ gba t̄t̄e maaa.

Bl̄ew̄ee k̄n̄ geepiw̄eo é ḡō dinzi.

<sup>29</sup> Gb̄ēn̄o é z̄ò blenne,

boriino é k̄úe n̄ ae,

né ḡō de n̄ gb̄ēn̄o dii ũ,

n̄ da n̄ēn̄o é k̄úenne.

Luda é lé ke gb̄ē k̄è āō lé k̄enn̄een̄n̄e,

eé aubarika da gb̄ē k̄è āō sa maaa ònn̄een̄n̄.

<sup>30</sup> Kè Isaaku sa'ole k̄è Yakubune à ȳaa, ben Yakubu ḡù à kiia. Kè à v̄i s̄ù k̄n̄ tofekao ḡō,

<sup>31</sup> ben à p̄blee k̄è a den̄e d̄o à ḡaone, ben à bène: Baa! Ñ f̄ee n̄ ma z̄zi ble n̄ sa'ole kem̄e.

<sup>32</sup> Ben à de à là à bè: M̄be dé ũu? À w̄èl̄a à bè: M̄ambe n̄ daudu Isau. <sup>33</sup> Ȳa p̄i Isaaku sw̄è

z̄ò èe lugalugaa à bè: Dé bé à n̄b̄o d̄è à m̄ome ȳa ai n̄ḡō ḡá su má s̄ò? Ma sa'ole k̄ene k̄ò,

àmbe eé aubarika e. <sup>34</sup> Kè Isau a de ȳa p̄i mà, à p̄t̄ā à ́ gb̄āaa d̄ò à k̄è w̄enda, ben à bè:

Baa! Ñ sa'ole kem̄e d̄o. <sup>35</sup> Ben à bè: N̄ d̄āaro m̄ò k̄n̄ ònd̄ōo à n̄ sa'ole s̄i k̄ò. <sup>36</sup> Ben Isau bè:

À t̄n̄ Yakuburoo? À ma k̄eke à k̄è ḡēn̄ plaan gwe sa. À ma dauduk̄eze s̄ima ȳa, ben à ma

sa'ole s̄ima tia d̄o. Mé sa'ole e d̄oro? <sup>37</sup> Isaaku w̄èl̄a à bè: Ma à dīe n̄ dii ũ, ma à dan̄en̄o k̄è

à z̄b̄lerin̄o ũ n̄ p̄ingi, ma bl̄ew̄ee k̄n̄ geepiw̄eo kp̄aa. B̄ón̄ mé e mà k̄enne d̄o? <sup>38</sup> Isau bè

a den̄e: Baa, sa'ole been̄ n̄ v̄i ad̄o? Ñ sa'ole p̄ānde kem̄e d̄o Baa. Ben Isau wii gb̄āaa l̄è.

<sup>39</sup> Ben à de w̄èl̄a à bè:

T̄t̄e k̄è né ḡō k̄ún̄ é ḡō maaro,

m̄d̄o é b̄onne zaa musuro.

<sup>40</sup> Né ḡō f̄ēda k̄ūna,

né z̄ò ble n̄ d̄aron̄e.

L̄eme d̄o n̄ l̄ākari é ḡō kpaenaro,

né à gb̄óngo gonla.

<sup>41</sup> Isau íbete s̄è k̄n̄ Yakubuo sa'ole k̄è à de k̄ene ȳānzi, ben à bè a n̄òse guu: Ma de gaa

z̄āro, gbasa mé ma d̄āaro de. <sup>42</sup> W̄a ȳa k̄è Isau ò k̄ōm̄ō k̄è Rebekane, ben à Yakubu sisi à

bè: Isau yezi à ḡēe bomma à n̄ de. <sup>43</sup> Ñ ma ȳa ma sa. Ñ f̄ee n̄ baale n̄ ḡá ma d̄āḡō Labā be

zaa Arana <sup>44</sup> n̄ḡō k̄úo gwe ḡīa ai n̄ v̄i p̄i p̄of̄ē kp̄āe. <sup>45</sup> T̄ó à n̄òse kp̄āe, t̄ó ȳa k̄è n̄ k̄ene s̄ān̄, mé

gb̄ē z̄i w̄a n̄ gb̄è sé. Má yezi mà kora a ḡōn̄ pl̄aaan̄zi p̄ingi gur̄o doro.

<sup>46</sup> Ben Rebeka bè Isaakune: Iti n̄gb̄ēn̄o nii b̄òmagu. T̄ó Yakubu Iti n̄o s̄è b̄usu k̄èkiin̄ l̄an̄

Isau n̄gb̄ē been̄o bà, ma kuuna é ḡō nname d̄oro.

## 28

### *Yakubu tana Labā kiia*

<sup>1</sup> Ben Isaaku Yakubu sisi à sa'ole k̄ene à ȳa d̄āne à bè: Ñton n̄o sé Kanaa n̄gb̄ēn̄o t̄éro.

<sup>2</sup> Ñ f̄ee n̄ ḡá Mes̄opotamia b̄usun n̄ da de Betueli be, n̄ n̄o sé gwe n̄ des̄ē Labā n̄ēn̄o t̄é. <sup>3</sup> Luda

Gb̄āapingide aubarika dangu à t̄ó n̄ né i maamaa, āḡō kaara le n̄ ḡō boriino dezi ũ. <sup>4</sup> Luda

aubarika k̄è à dà Ibraīn̄ dangu k̄n̄ n̄ boriino, le b̄usu k̄è n̄ee nib̄o bleen̄ ḡōn̄ne, b̄usu k̄è à kp̄à

Ibraīa. <sup>5</sup> Ben Isaaku Yakubu gb̄are à ḡá Labā kiia Mes̄opotamia b̄usun. Labā né Siria b̄usu

gb̄ē Betueli néme, Yakubu k̄n̄ Isauo des̄ēme.

<sup>6</sup> Isau mà Isaaku sa'ole k̄è Yakubune à à gb̄are Mes̄opotamia le à n̄o sé gwe. Kè à sa'ole

p̄i k̄ene, à bè àton n̄o sé Kanaa n̄gb̄ēn̄o t̄éro. <sup>7</sup> À t̄āsi k̄è k̄è Yakubu a de k̄n̄ a dao ȳa mà à



dà Mesopotamia zén. <sup>8</sup> Ben à dǝ sa ke a de pɔɔ nna kɔn Kanaa bɔsu nɔgbɛnɔro. <sup>9</sup> Ben à gàa Ibraĩ né Sumaila kiia à à né Maala sè à nà a nɔ káakunɔa. Maala né Nebayo dāremɛ.

### *Yakubu nana'ona Beteli*

<sup>10</sup> Yakubu bɔ Bɛɛɛba à dà Arana zén. <sup>11</sup> Kè à kà gukea, à yezi à i gwe kè ɔfāntɛ gɛ̀ kpén yānzi. Ben à gbè sè guu pìn a mìdibɔ ũ à dàɛ gwe. <sup>12</sup> Ben à nanaa ò à gára è pɛɛna tɔɔtɛ ai à gàa à zǝ ludambɛɛa, Luda malaikanɔɔ e didiia aɔɔe pitaa. <sup>13</sup> À Dii è zenaala à bè: Mámbe Dii n dezi Ibraĩ kɔn n de Isaakuo Luda ũ. Mé bɔsu kè ní daɛa kèki kpámma, mpi kɔn n boriinɔ. <sup>14</sup> N boriinɔ éǝ pari lán bɔsuti bà, aɔ́é dagula ɔfāntɛbɔɔe kpa kɔn ɔfāntɛgɛ̀kpen-o kɔn gu'igbārooo kɔn sɔɔmetɛo. Anduna bori pínɡi é aubarika e mpi kɔn n boriio gāzĩ. <sup>15</sup> Méǝ kúnɔyɔ, méǝ n dākpa guu kè nɛɛ gaan pínɡi, mé ɛara mà sunyo bɔsu kèkiin, zaake mé n tónlo mé yā kè má ònnɛɛ ke.

<sup>16</sup> Kè Yakubu vù kɔn iio à bè: Dii kú gura kè, ben méɛ dǝro! <sup>17</sup> Vĩa à kũ à bè: Guu kè ma ká fɛɛ. Luda bɛɛmɛ, ludambɛ zémɛ.

<sup>18</sup> Yakubu fɛɛ kɔngɔ à gbè kè à kè mìdibɔ ũu pì sè à pèɛ dɔngupɔ ũ, ben à nɔsi kù. <sup>19</sup> Ben à tó kpà guu pìnɛ Beteli, mɔde wéte kè wà kàɛ gwe tó káakun Luzu. <sup>20</sup> Yakubu lù sè Diinɛ à bè: Tó n kúmao, tó né ma dākpa ma wéte kèkii gana guu, tó né ma gba póblee kɔn pókāsāanɔ <sup>21</sup> ai ma gaa ma su ma de be aafia, néǝ de ma Luda ũ, <sup>22</sup> gbè kè má pèɛ dɔngupɔ ũu pì é gǝ n gbāgbākii ũ, pó kè n ma gba pínɡi, mé à kuridee kpámma.

## 29

### *Yakubu kana Labā bɛ*

<sup>1</sup> Yakubu ɛara à dà zén à gàa ɔfāntɛbɔɔekpadeenɔ bɔsun. <sup>2</sup> Kè à kà gwe, à lǝgɔ è sɛn sã kpàsa lɛo aagǝ kaena à saɛ, zaake lǝgɔ pì ín wè kpámma. Gbè bíta tatana lǝgɔ pìlɛ. <sup>3</sup> Tó kpàsa pìnɔ kākɔa gwe pínɡi, ben wè gbè pì go lǝgɔ pìlɛ wà í kpámma, ben wè ɛara wà gbè pì tataàlɛ a gbèn. <sup>4</sup> Ben Yakubu sādārinɔ là à bè: Gbɛnɔ, a bɔ máme? Aɔ wèàla wà bè: Wa bɔ Araname. <sup>5</sup> Ben à ní lá à bè: Á Nao dio Labā dǝɔ? Aɔ wèàla wà bè: Wá à dǝ. <sup>6</sup> Ben à ní lá à bè: À aafiaɔ? Aɔ bè: À aafia. N à né Raseli gwa, è mɔɔ kɔn sāanɔ kāaa. <sup>7</sup> Ben Yakubu bè: ɔfāntɛ kpé gbāa, sāanɔ tágurɔɔ e ká kòro. À í kpámma à gá n dā. <sup>8</sup> Ben aɔ bè: Wé fǝro. Tó è ke sã kpāsano kākɔa pínɡi baasiro, wè gbè go lǝgɔ pìlɛ wà í kpámmaro.

<sup>9</sup> Kè è yā ooinɛ lɛ, Raseli mò kɔn a de sāanɔ, zaake sādārin à ũ. <sup>10</sup> Kè Yakubu a desɛ Labā nɛnɔgbɛ Raseli è kɔn à de sāanɔ, à sǝ lǝgɔzi à gbè gò lǝgɔ pìlɛ, ben à í kpà a desɛ sāanɔa. <sup>11</sup> Ben à lé pè Raselia à pɔnna ɔɔ dǝ. <sup>12</sup> Ben à ònɛ kè à de danɛ Rebeka nɛn a ũ. Ben Raseli bàale à gàa à ò a denɛ. <sup>13</sup> Kè Labā a dāre né Yakubu baaru mà, à bàale à gàa daàlɛ. Kè à kà, ben à kùsia à lé pèa à tào a bɛ. Ben Yakubu yā kè kènɔ ònɛ pínɡi. <sup>14</sup> Ben Labā bènɛ: Ma arumɛ n ũ yāpura.

### *Yakubu Lea kɔn Raselio sɛna*

Yakubu kè Labā bɛ mɔ do, <sup>15</sup> ben Labā bènɛ: Kè ní de ma danɛ ũ yānzin né zĩ kemɛ pǝɔ? Dia mé fĩa bonnɛ nà n omɛ. <sup>16</sup> Labā sǝ nɛnɔgbɛnɔ vĩ gǝɔn plaa. Yǝ tón Lea, Bāa sǝ Raseli. <sup>17</sup> Lea wéɛ busana, Raseli sǝɔ nɔkparɛ maaamɛ, ben à kakana maa. <sup>18</sup> Yakubu ye Raselizi, ben à bè Labānɛ: Mé zĩ kennɛ wè swɛɛplaa n né bāade Raseli yānzi. <sup>19</sup> Labā bè: À sǝ mà à kpámma de mà à kpá gbɛ pāndeala. Nǝ kú ma bɛ kè.

<sup>20</sup> Ben Yakubu zĩ kènɛ wè swɛɛplaa Raseli yānzi, ase à kènɛ lán gurɔ plaa bàmɛ kè à yezi yānzi. <sup>21</sup> Ben à bè Labānɛ: Kè ma zĩ gurɔ pàpa, n ma nɔɔ kpáma mà sé. <sup>22</sup> Ben Labā gwedeɛnɔ kākɔa n pínɡi à nɔɛpɔblee kèrɛnɛ. <sup>23</sup> Kè uusie kè, ben à a né Lea sè à kpàa, ben Yakubu dàɛo. <sup>24</sup> Labā a nɔgbɛ zĩkeri Zilipa kpà Leaa zĩkeri ũ. <sup>25</sup> Kè guu dǝ Yakubu è Leame, ben à bè Labānɛ: Bóyānzi ní kèmmɛ lɛɛ? Raseli yānzin ma zĩ kènneziroo? Bó bé à tò n ma kɛkɛ? <sup>26</sup> Labā bè: Wa kiia wè Bāa kpá gǝɔa Yǝ āro. <sup>27</sup> N azuma doo ke kɔn gbɛ beeeo gĩa, mé à gbèndoo kpámma zĩ kè né ɛara n kemɛ wè swɛɛplaa pānde pó ũ. <sup>28</sup> Yakubu wèzi à

azuma doo pì kè kǒn Leao, ben Labā a né Raseli kpàa nɔɔ ũ. <sup>29</sup> Labā a nɔgbē zīkeri Bila kpà Raselia zīkeri ũ. <sup>30</sup> Yakubu dàe kǒn Raselio sɔ, ben à yezi de Leala. Ben à èara à zīi kè Labāne ai wē swεεplaa dɔ.

### *Yakubu nénɔ*

<sup>31</sup> Dii è Yakubu ye Leaziro, ben à à kè nédandee ũ, Raseli sɔ pāaame. <sup>32</sup> Lea nò sɔ à né ì gɔgbē ũ, ben à tó kpàne Rubeni, zaake à bè: Dii ma nawεakεna gwà. Ma zā égɔ yemazi sa. <sup>33</sup> Kè à nò sɔ dɔ, à né ì gɔgbē ũ, ben à bè: Dii mà ma zā yemaziro, ben à èara à né kèkii kpàma dɔ. Ben à tó kpàne Simεɔ. <sup>34</sup> Kè à èara à nò sɔ dɔ, à né ì gɔgbē ũ à bè: Kèkii sa ma zā é ma diekii ero, zaake ma négɔgbē ìo mèn aagɔ. Ben à tó kpàne Levi. <sup>35</sup> À èara à nò sɔ dɔ à né ì gɔgbē ũ à bè: Kèkii sa ma Dii sáabu kpà, ben à tó kpàne Yuda. Ben à né'ii zè.

## 30

<sup>1</sup> Kè Raseli è ée né ii kǒn Yakubuoro, à gɔaano kpà kǒn a v̄io. Ben à bè Yakubune: Ñ nò dɔmagu. Tó mée e sɔro, mé game. <sup>2</sup> Yakubu pɔ fēzi à bè: Mámbe Luda ũ kè n tē néɔ? <sup>3</sup> Ben Raseli bè: Ma zīkeri Bilan yè. Ñ gá io à nénɔ ime, mé borii e se à gāzī. <sup>4</sup> Ben à a zīkeri Bila kpàa nɔɔ ũ. Yakubu dàeo, <sup>5</sup> ben à nò sɔ à né ì gɔgbē ũ. <sup>6</sup> Ben Raseli bè: Luda a tò yā bɔmao nna à ma yā mà, à ma gba négɔgbē. Ben à tó kpàne Dani. <sup>7</sup> Raseli zīkeri pì èara à nò sɔ à né ì gɔgbē ũ dɔ, <sup>8</sup> ben Raseli bè: Ma ɔsi ìsi kà kǒn ma v̄io ma ɔsii nè. Ben à tó kpàne Nafatali.

<sup>9</sup> Kè Lea è a né'ii zè, ben à a zīkeri Zilipa kpà Yakubua nɔɔ ũ dɔ. <sup>10</sup> Ben Lea zīkeri pì né ì gɔgbē ũ kǒn Yakubuo. <sup>11</sup> Ben Lea bè: Mìnnaame. Ben à tó kpàne Gada. <sup>12</sup> Ben Lea zīkeri pì né ì gɔgbē ũ dɔ kǒn Yakubuo. <sup>13</sup> Ben Lea bè: Ma pɔɔ kè nna, zaake nɔgbēnɔ é be pɔnnadeen ma ũ. Ben à tó kpàne Asa.

<sup>14</sup> Rubeni bò ésekεguro à yenzi ézē è sèn, ben à bòbo à sùo a da Leanε. Ben Raseli bène: Ñ n né yenzi ézē pì dāme. <sup>15</sup> Lea bène: Kè n ma gɔɔ sɔma, beee e mómmaro, ben n yezi n ma né yenzi ézē sí dɔɔ? Raseli bè: Tó n kpàma, r̄be né io gbàa.

<sup>16</sup> Kè Yakubu e suu kǒn burao uusie, Lea bò à gàa à dàale à bè: Mámbe mé inyo gbàa, zaake ma n sēkã ma né yenzi ézē yānzime. Ben à ìo gwāavī beee. <sup>17</sup> Luda Lea wéεkeε sɔ, ben à nò sɔ à Sāani ì kǒn Yakubuo. <sup>18</sup> Ben Lea bè: Luda láada kpàma, kè ma a zīkeri kpà ma zāa yānzì. Ben à tó kpàne Isaka. <sup>19</sup> Lea èara à nò sɔ dɔ à Tori ì, <sup>20</sup> ben à bè: Luda gba maa dàme. Kèkii sa ma zā é ma kpe da, zaake ma négɔgbēnɔ ìo mèn swεedo. Ben à tó kpàne Zεbuluni. <sup>21</sup> Zāazāa à nénɔgbē ì, ben à tó kpàne Dina.

<sup>22</sup> Ben Raseli yā dò Ludan à à wéεkeε sɔ, ben à kè nédandee ũ. <sup>23</sup> À nò sɔ à négɔgbē ì, ben à bè: Luda wí bɔme. <sup>24</sup> Ben à tó kpàne Yusufu à bè: Dii èara à négɔgbē pānde kaaramε dɔ.

### *Yakubu pónɔ dāna Labāne*

<sup>25</sup> Kè Raseli Yusufu ì, Yakubu bè Labāne: Ñ ma gbare mà tá ma be bùsun. <sup>26</sup> Ma zīi kènne ma nɔɔnɔ kǒn ma nénɔ yānzì. Ñ n kpàma mà tá, zaake n dɔ lán ma zīi kènne nà. <sup>27</sup> Ben Labā bène: Tó ma n pɔnnaa è, n gɔmao kè. Ma màso kè má è Dii aubarika kème n yānzì. <sup>28</sup> Ñ n asaiapɔ omε, mé kpámma. <sup>29</sup> Yakubu bène: Ñ dɔ lán ma zīi kènne nà. Ñ dɔ lán n pókādeenɔ kè ma ɔzī nà, <sup>30</sup> zaake à féte kè n v̄i zaale mée móroo kàara maama. Dii aubarika dāngu guu kè ma gaan n be píngi. Bɔren mé ma zīinda be zīi ke sɔɔ? <sup>31</sup> Labā à là à bè: Bón mé fīa boonnεε? Yakubu wèala à bè: Ñton pókε kpámaro, mode n yā kè keme, mégɔ n pónɔ dāanne. <sup>32</sup> Ñ tó mà gē n pónɔ té gbàa mà sã bakebakenɔ kǒn à togetogenɔ pleple ma asaiapɔ ũ kǒn sãne bɔrɔ siaanɔ kǒn blè bakebakenɔ kǒn à togetogenɔ. <sup>33</sup> Tó n ma asaiapɔ gwà gana guro aezī, né dɔ tó má yāpuraa v̄i. Blè kè kuu bakebakero ben à togetogero, ke sãne bɔrɔ kè siaro, èndē ma kpāi òme. <sup>34</sup> Labā bè: Tò! Àgɔ de lán n ò nà. <sup>35</sup> Zī beee Labā à blèkoffi bakebakenɔ sè kǒn à wēzādeenɔ kǒn blèda togetogenɔ kǒn à bakebakenɔ, aɔ pò kè

aɔ puraa vīno píngi kɔn sãne bɔro siaano píngi, à n ná a nɛgɔgbɛnɔne n ɔzĩ. <sup>36</sup> Ben à kpàngu dà n dagura kɔn Yakubuo lán guro aagɔ tá bà, ben Yakubu e Labā pɔ kpaaano dāa.

<sup>37</sup> Yakubu lí bori aagɔ gā búsunɔ zòzò à n wɛzā kpàkpa à n wɛzā kè púu. <sup>38</sup> Ben à lí kè à n wɛzā kpàkpa pìno pèpèe póno gbāngo ímikiia, pɔ kè aɔe moɔ í mino wéen, zaake gwen aɔe kpákpa on. <sup>39</sup> Tó aɔ kpákpa ò lí pìno sae, ben aɔegɔ né wɛzādeenɔ ii kɔn à togetogenɔ kɔn à bakebakenɔ. <sup>40</sup> Yakubu è póno pìno pleple adona è à wɛzādeenɔ kɔn à siaano ká Labā póno guu. Leme à a zĩnda kpàsa bò le, èe ká Labā póno guuro. <sup>41</sup> Tó pɔbori maaano fèe kɔn kpákpa'onao, Yakubu è lí pìno pèpèe póno aezĩ ímikiia, le aɔ kpákpa o n sae. <sup>42</sup> Tó pɔ ginanome sɔ, è lí pèpèeñero. Len pɔ ginano gò Labā pɔ ũ le, ben pɔbori maaano gò Yakubu pɔ ũ. <sup>43</sup> Ben Yakubu auziki ègɔ kaara maamaa à póno pari kù kɔn no gbɛ zikerino kɔn gɔgbɛ zikerino kɔn lakumino kɔn zaakinɔ.

## 31

### *Yakubu bàale na Labāne*

<sup>1</sup> Yakubu yā kè Labā nɛno e oo mà kè aɔ bè: Yakubu wa de póno sia píngi. Wa de auziki guun à kaarana èn. <sup>2</sup> Yakubu dɔ Labā wéea, kè a yā kú à nɔse guu lán yāa bà dɔro. <sup>3</sup> Ben Dii bène: N ɛara n tá n dezi búsun n danɛno be, mégɔ kúnyo. <sup>4</sup> Ben Yakubu Raseli kɔn Leao sisi aɔ mó a póno kiia sɛn. <sup>5</sup> À bène: Má dɔ a de wéea kè ma yā kú à nɔsen lán yāa bà dɔro. Baa kɔn beeeo ma de Ludaa kúmao. <sup>6</sup> Á dɔ a zĩdane kè ma zĩ kè a denɛ ma gbāa lémmɛ. <sup>7</sup> A de ɔndɔ kème à ma láada liè gèn kuri, ben Ludaa e tó à yāke kèmero. <sup>8</sup> Tó à bè sã bakebakenɔ ma baka ũ, sãano ègɔ né bakebakenɔ ii. Tó à bè à wɛzādeenɔ bé wà ma baka ũ, sãano ègɔ né wɛzādeenɔ ii. <sup>9</sup> Luda a de sãano sia à kpàma.

<sup>10</sup> Gurɔ kè blèno e kpákpa oo, ma nanaa ò, ben nanaa guu má è blèkofii kè aɔe kpákpa oono né blè wɛzādeenome kɔn à bakebakenɔ kɔn à togetogenɔ. <sup>11</sup> Ben Luda Malaika bème nanaa pì guu: Yakubu! Ben ma weàla ma bè: Mae kè! <sup>12</sup> À bè: N wée sé n gwa. Blèkofii kè aɔe kpákpa oono píngi blè wɛzādeenome kɔn à bakebakenɔ kɔn à togetogenɔ, zaake ma yā kè Labā kènnɛ è píngi. <sup>13</sup> Mámbe Luda kè bò à mɔnzi Beteli ũ, guu kè n gbè pèen n nɔsi kua n lù sèma. Tia sa n fèe n bɔ búsu kèn n tá n be búsun. <sup>14</sup> Ben Raseli kɔn Leao bène: Wá túbi ví wa de be dɔ? <sup>15</sup> Èe wa diee gbɛ zítɔno ünloo? A wa yamma, ben à à ɔ blè píngi. <sup>16</sup> Auziki kè Ludaa sì wa dea gò wa pɔ ũ píngime kɔn wa nɛno. N yā kè Ludaa ònnɛ ke píngi sa.

<sup>17</sup> Ben Yakubu fèe à a nɛno kɔn a noɔno di lakumino kpɛɛ. <sup>18</sup> À a pókádeenɔ kɔn auziki kè à è Mesopotamiano sèe píngi, ben à dà zén èe taa a de kiia Kanaa búsun. <sup>19</sup> Kè Labā gaa a sãano ká kèe, ben Raseli à tãano sè kpāi à kpɛɛ. <sup>20</sup> Yakubu sɔ ɔndɔ kè Siria bori Labāne èe lé zaaro. <sup>21</sup> À fèe à bàale kɔn a póno píngi à bikù Yuflatia, ben à mì pè Giliada gusĩsidea.

### *Labā pɛna Yakubuzi*

<sup>22</sup> À guro aagɔdee zĩ wà bè Labāne Yakubu bàale. <sup>23</sup> À a gbɛno kàkɔa, ben à pèezi. À taa ò guro swɛɛplaa, ben à à lè Giliada gusĩsideen. <sup>24</sup> Ben Luda bò à mɔzi gwāavĩ nanaa guu à bène: N làakari ke yā kè né o Yakubunɛzi à maaa ke à zaaa.

<sup>25</sup> Labā Yakubu bùra lè pɛna Giliada gusĩsideen, ben à bùra kàe gwe kɔn a gbɛno se. <sup>26</sup> Ben Labā gaa à bè Yakubunɛ: Bóyānzi n ɔndɔ kème n ma nɛno sèe n taño lán zìzoɔ bà? <sup>27</sup> Bóyānzi n ɔndɔ kème n wure kpāi nɛe lé zamaro, le ma gaa zenne kɔn ponnakenao kɔn lèsinao kɔn gāgāo kɔn mɔro. <sup>28</sup> Nɛe tó ma lé zà ma nɛno kɔn ma dionɔaro. N yɔnkoyā kè. <sup>29</sup> Ma gbāaa kà mà yā zaaa keare, ben n de Luda yā òme gwāavĩ à bè mà làakari ke yā kè mé onnɛzi à maaa ke à zaaa. <sup>30</sup> Nɛe taa sa, kè nɛe n de be bege kee yānzi. À kè dia n ma tãano sè kpāii? <sup>31</sup> Yakubu weàla à bè: Ma vía kè mée daa né n nɛno símame. <sup>32</sup> Gbɛ kè n n tãano è à kiia, wà à de. N ma póno gwagwa wa gbɛno wáa. Tó n n pɔ è, n sé. Yakubu sɔ

dɔ̄ kɛ Raseli Labā pɔ̄ sɛ kpāiro. <sup>33</sup> Labā gɛ̄ Yakubu bisa kutaan à gɛ̄ Lea kutaan à gɛ̄ nɔ̄gbɛ̄ zīkeri gɔ̄n plaa pìnɔ̄ kutaan èe pɔ̄ke ero. Kè à bɔ̄ Lea kutaan, à gɛ̄ Raseli kutaan. <sup>34</sup> Raseli tāa pìnɔ̄ sɛ̄ à ùte lakumi gàari guumɛ, ben à vɛ̄ɛa. Labā à kuta guu gwàgwa píngi, èe pɔ̄ke ero. <sup>35</sup> Raseli bè a denɛ: Baa, ñton pɔ̄ fɛ̄maziro, zaake mée e mà fɛ̄ero kè má ɔ̄ kúna yānzi. Lemɛ Labā a tãanɔ̄ wɛ̄te le èe ero. <sup>36</sup> Ben Yakubu pɔ̄ fɛ̄ à léfɔ̄tɔ̄ kà Labāzi à bè: Bó dàn má kè? Bɔ̄ durunn má kè ben n pɛ̄emazi wāawāa lán kè bà? <sup>37</sup> Kè n ma pónɔ̄ gwàgwa píngi, n n be pónɔ̄ è gweɔ̄? Ñ bɔ̄o gupuraa ma gbɛ̄nɔ̄ kɔ̄n n gbɛ̄nɔ̄ wāa, aɔ̄ yā nnaa kpá gbɛ̄ kè a yā nnaaa. <sup>38</sup> Ma ke n be wè baro. N sãanɔ̄ kɔ̄n n blèno e nò bɔ̄ero, mée n sãa ke sóro. <sup>39</sup> Mée sunne kɔ̄n pɔ̄ kè nòbɔ̄ pāsīnɔ̄ kù keoro, mɛ̄ à fīa bonne ma zīndame. Nɛ̄ pɔ̄ kè wà à kpāi ò gwāavī ke fāantɛ̄ fīa lama. <sup>40</sup> Ɔ̄fāntɛ̄ è ma le fāantɛ̄, ĩa è ma de gwāavī, mɛ̄ itɛ̄ ke. <sup>41</sup> Len ma ke n be le ai wè baro. Wè gɛ̄ro dosai ma zīi kènne n nénɔ̄gbɛ̄ gɔ̄n plaaanɔ̄ yānzi. Ma wè swɛ̄edoo kè n kpāsa yā musu. N ma láada liè gèn kuri. <sup>42</sup> Tó èe ke ma dezi Ibraī Luda kè ma de Isaaku à vīa vīi zèmao baasiro, le n ma gbarɛ ɔ̄kori. Luda zīi kè má kè kɔ̄n nawɛ̄ao è, ben à kpākɛ̄nzi gīa gwāavī.

<sup>43</sup> Ben Labā wè Yakubula: Nɔ̄gbɛ̄ kèkiinɔ̄ sɔ̄ ma nénɔ̄mɛ. Né kèkiinɔ̄ sɔ̄ ma dionɔ̄mɛ. Pókādee kèkiinɔ̄ sɔ̄ ma pókādeenɔ̄mɛ. Pɔ̄ kè ñ è kè píngi ma pómɛ. Bón mé ke ma nénɔ̄gbɛ̄nɔ̄ kɔ̄n né kè aɔ̄ ñonɛ gbāa? <sup>44</sup> Ñ tó wà lɛ̄dole ke àgɔ̄ de sèeda ũ wa dagura. <sup>45</sup> Ben Yakubu gbè sè à pɛ̄ɛ yā pì dɔ̄ngupɔ̄ ũ. <sup>46</sup> À bè a gbɛ̄nɔ̄nɛ aɔ̄ gbɛ̄nɔ̄ sée, ben aɔ̄ sèe aɔ̄ didikōa, ben aɔ̄ pɔ̄ blè à saɛ. <sup>47</sup> Ben Labā tó kpà gbèdidikōana pìne Yega Saaduta. Yakubu tó kpàne Galɛ̄di. <sup>48</sup> Labā bè: Gbèdidikōana kèkiin sèeda ũ wa dagura gbāa. Bee yānzi wà tó kpàne Galɛ̄di. <sup>49</sup> Wè be dɔ̄ Mizipa, zaake Labā bè: Dii wa dākpa wa kékōana gbera le wàton zakōnlo yānzi. <sup>50</sup> Tó n ĩa dà ma nénɔ̄gbɛ̄nɔ̄a ke tó n nɔ̄ pāndenɔ̄ sè dɔ̄, baa tó wá kú kō kiiaro, ñgɔ̄ dɔ̄ sānsān kè Ludan wa yā pì sèedadee ũ. <sup>51</sup> Ben Labā bène dɔ̄: Ñ gbèdidikōana kèkii gwa kɔ̄n gbè kè má pèe wa dagurao. <sup>52</sup> Eégɔ̄ de sèeda ũ kè mé vīàla mà mó mà à zaaa kennero, mpi sɔ̄ né vīàla ñ mó ñ à zaaa kemero. <sup>53</sup> Ibraī kɔ̄n Naoo kɔ̄n ñ deo Ludan wa yákpakɛ̄ri ũ.

Ben Yakubu si kɔ̄n Luda kè a de Isaaku à vīa vī tó. <sup>54</sup> À saa ò gusīsīdeen gwe, ben à a gbɛ̄nɔ̄ sisi aɔ̄ pɔ̄ ble. Kè aɔ̄ pɔ̄ blè, ben aɔ̄ ñ gwe. <sup>55</sup> Labā fɛ̄ɛ kɔ̄ngɔ̄ ide'ide, à lé zà a dionɔ̄a kɔ̄n a nénɔ̄ à sa maaa ònne, ben à liara à tà a be.

## 32

### *Yakubu gbɛ̄nɔ̄ zīna Isaua*

<sup>1</sup> Yakubu dà zén, ben Luda malaikanɔ̄ dààle. <sup>2</sup> Kè à ñ é, à bè: Luda bùran kè. Ben à tó kpà guu pìne Manaimu. <sup>3</sup> À zìrinɔ̄ zī a aɛ a vīi Isaua Sei bùsu kè wè be dɔ̄ Edɔ̄mu bùsun. <sup>4</sup> À bè a zìrinɔ̄nɛ: À gá à o ma dii Isaune à zòbleri Yakubu gurɔ̄ plaa kè Labā be èe suu sa. <sup>5</sup> À onɛ má zùnɔ̄ vī kɔ̄n zaakinɔ̄ kɔ̄n sãanɔ̄ kɔ̄n blèno kɔ̄n gɔ̄gbɛ̄ zīkerinɔ̄ kɔ̄n nɔ̄gbɛ̄ zīkerinɔ̄. Mámbe ma a zī à onɛ le ma à pɔ̄nnaa e.

<sup>6</sup> Kè zìrinɔ̄ èara wà sù Yakubu kiia, aɔ̄ bè: Wa gaa n vīi kiia, èe mó à danle kɔ̄n gɔ̄n wàa plaaanɔ̄. <sup>7</sup> Vīa Yakubu kù èe bídi keɛ maamaa, ben à gbɛ̄ kè aɔ̄ kúonɔ̄ kpàate leo plaa kɔ̄n sãanɔ̄ kɔ̄n blèno kɔ̄n zùnɔ̄ kɔ̄n lakuminɔ̄ à bè: <sup>8</sup> Tó Isau mò à si à leo dooa, à leo doo kè gɔ̄ é bɔ̄. <sup>9</sup> Ben à adua kè à bè: Dii, ma dezi Ibraī kɔ̄n ma de Isaakuo Luda, ñ òmɛ mà su ma bùsun ma danɛnɔ̄ kiia, né aubarika damagu. <sup>10</sup> N gbɛ̄keɛ kɔ̄n náane yāo kèmmɛ maamaa ma bèe e káro. Gurɔ̄ kè ma bikū Yodaa, gò bé à na ma ɔ̄zī ado. Tia sa ma su kɔ̄n auziki leo plaaa kènɔ̄. <sup>11</sup> Ma wée kèmma ñ ma sí ma vīia, zaake mée vīa keɛne kè eé sí wa té à nɔ̄gbɛ̄nɔ̄ kɔ̄n nénɔ̄ dede yānzi. <sup>12</sup> Mpi sɔ̄, n bè né aubarika damagu né ma borii kaara lán ísialea bùsu'aatɛ̄ bà weé fɔ̄ wà ñ naroro ñ pari yānzi.

<sup>13</sup> Gwen Yakubu ñ. Pɔ̄ kè à plèple à a vīi gbaanɔ̄n yè: <sup>14</sup> Blèda mèn wàa do, à kofīi mèn baro, sãda mèn wàa do, à karo mèn baro, <sup>15</sup> lakumida mèn baaakuri kɔ̄n ñ né bòronɔ̄, zùda

mèn baplaa, à sware mèn kuri, zaakida mèn baro, à kyà mèn kuri. <sup>16</sup> À n ná a zòblerinɔne n ɔzĩ bori kɔn boriio, ben à bèñne: Àgɔ té ma aε à kpàngu da a dagura gà kɔn gào. <sup>17</sup> À bè gbē káakune: Tó ma v̄iì dānle à n la à bè: Dème n dii ũu? Née gaa máme? Dé bé à pò kè née dāa kènɔ v̄iì? <sup>18</sup> N̄ onε à zòbleri Yakubu pómε, pò kè à a dii gbà à kpàsānenɔn gwe, àpi e suu kpεε. <sup>19</sup> À yā dōnkɔ pì ò gbē plaadeenε kɔn gbē aagɔdeeo kɔn pódārinɔ n̄ píngi à bè: Tó a da Isaulε, à onε le. <sup>20</sup> À onε à zòbleri Yakubu e suu kpεε. Zaake à laasuu lè à bè: Mé à làakari kpáε kɔn pò kè má kpà aε kènɔ, wé wée sikɔle. Eé gí gbāake kpámazi sa? <sup>21</sup> Gbaa pìnɔ dònε aε, ben à gò bùran gwāavī m̀a à ì gwe.

### *Yakubu ɔsikana kɔn Ludao*

<sup>22</sup> À f̄εε gwāavī à a nɔ mèn plaaanɔ s̄εε kɔn a nɔgbē zĩkeri ḡɔn plaaanɔ kɔn a négɔgbē ḡɔn kuri awεεdoonɔ, ben à bikũnyo Yaboku íbikũkiia. <sup>23</sup> Kè à bikũnyo, ben à pò kè à v̄iino s̄εε à bikũo píngi. <sup>24</sup> Yakubu gò ado, ben ḡɔgbē ke mò èε ɔsi kaa ai guu kà dɔna. <sup>25</sup> Kè ḡɔgbē pì è é f̄ɔ à à néro, à à lè a gisipek̄ɔrekiia, ben à gisi bòkũn ɔsikana pì guu. <sup>26</sup> Ḡɔgbē pì bè: N̄ ma gbare, zaake guu e dɔɔ. Ben Yakubu bène: Tó èε ke n̄ aubarika damagu baasiro, mé n̄ gbarero. <sup>27</sup> Ḡɔgbē pì à là à bè: N tón diaa? À wèàla à bè: Ma tón Yakubu. <sup>28</sup> Ben à bè: Weé benne Yakubu d̄ɔro, séde Isaraili, zaake n̄ ɔsi kà kɔn Ludao kɔn gbēnteenɔ, ben n̄ ɔsii nè. <sup>29</sup> Yakubu bène: N̄ n tó omε se. A wèàla à bè: Bóyānzi née ma tó gbekaazi? Ben à aubarika dān gwe. <sup>30</sup> Yakubu tó kpà guu p̄ine Penieli, zaake à bè: Wa wée sikɔle kɔn Ludao, ben mée garo. <sup>31</sup> À b̄o Penieli ɔfāntēb̄ena, èε t̄ɔt̄εε a gisi yānzi. <sup>32</sup> Bee yānzi ai gbāa Isarailinɔ è n̄b̄o t̄ugisi sóro, kè Luda Yakubu lè à t̄ugisia yānzi.

## 33

### *Yakubu wéesina Isaulε*

<sup>1</sup> Kè Yakubu wée s̄ε, à è Isau e m̄ɔɔ kɔn ḡɔn wāa plaaanɔ. À a néno kpàatete Leane kɔn Raselio kɔn nɔgbē zĩkeri mèn plaaanɔ. <sup>2</sup> Ben à nɔgbē zĩkeri p̄inɔ gbàre āɔ d̄o aε kɔn n̄ néno. Beee gbera Lea kɔn a néno, ben Raseli kɔn Yusufuo té n̄ kpεε. <sup>3</sup> À d̄ónne aε à kùε t̄ɔt̄ε gèn swεεplaa ai à gàa à kào a v̄iì pì kiia. <sup>4</sup> Ben Isau bàale à mò à dààle à ml̄ea, à ɔɔ dà à ḡan à lé p̄ea, ben āɔ ɔɔ d̄o. <sup>5</sup> Isau wée s̄ε à nɔgbēn̄o è kɔn néno, ben à bè: Déno bé wà kúnyo kè? Yakubu wèàla à bè: Né kè Luda ma gbaan̄omε. <sup>6</sup> Ben nɔgbē zĩkeri p̄inɔ s̄ónzi kɔn n̄ néno āɔ kùε. <sup>7</sup> Ben Lea kɔn a néno s̄ónzi d̄o āɔ kùε. Beee gbera Yusufu kɔn Raselio s̄ónzi āɔ kùε. <sup>8</sup> Isau bè: Pò kè ma dañle kènɔɔ de diamε? Yakubu wèàla à bè: Le ma n̄ ponnaa e yānzime. <sup>9</sup> Isau bè: Ma gbē, ma pónɔ mòma, ñḡɔ n̄ pónɔ kũna. <sup>10</sup> Ben Yakubu bè: Auo! N̄ yā nna! Tó ma n̄ ponnaa è, ñ ma gba sí, zaake wa wéesik̄ɔlena k̄emε lán wéesik̄ɔlena kɔn Ludao bàme, ben n̄ gbāake kpámazi. <sup>11</sup> N̄ gbaa kè ma m̄on̄neε sí, zaake Luda aubarika dàmagu, pòkee e k̄sāmaro. Lemε à nàk̄ɔrea le, ben à sì.

<sup>12</sup> Ben Isau bè: Wà da zén wà tá. Mé gányo. <sup>13</sup> Ben à wèàla à bè: Ma dii, n̄ d̄ɔ kè néno gbāa v̄īro, ben má s̄āa kɔn z̄une b̄ɔrɔnɔ v̄i. Tó wa tá gbāaa ò gurɔ d̄o, pòk̄adeenɔ é gaga píngime. <sup>14</sup> N̄ d̄omε aε ma dii, m̄oma n̄ zòbleri méḡɔ té pónɔ kpεε kɔn néno busεbusε ai mà mó mà n̄ le Sei. <sup>15</sup> Isau bè: Mé ma gbēkenɔ tónyo. Yakubu bè: À kè dea né ke le d̄ɔɔ? N̄ tó mà n̄ ponnaa e dii. <sup>16</sup> Zĩ beean Isau dà Sei zén. <sup>17</sup> Ben Yakubu gàa Suko. À b̄εε b̄o gwe, ben à lá kutaanɔ d̄o pónɔne. Bee yānzi wà tó kpà guu p̄ine Suko.

<sup>18</sup> Kè Yakubu sù kɔn Mes̄ɔptamiao, à kà wéte kè wè be Sekemu, Kanaa bùsun aafia, ben à bùra kàe wéte pì saε. <sup>19</sup> À a bùrakaekii lù Sekemu de Am̄o nénoa kondogi bas̄ɔro. <sup>20</sup> Gwen à sa'okii bòn, à tó kpàne Luda Isarailinɔ Luda.

## 34

### *Sekemu kusina Dinaa*

<sup>1</sup> Lea nénɔgbɛ Dina kɛ à ì kɔn Yakubuo bɔ̀ à wɛɛ kpáɛ b̀usu pì nɔgbɛnɔzi. <sup>2</sup> Kɛ̀ b̀usu pì kí Amɔ̀ né Sekemu, Ivi borii à è, à à sè gbãaaɔ, ben à dàɛo. <sup>3</sup> À pɔɔ dɔ nɔkparɛ pìà à yezi, ben à yã nnannaa ònɛ. <sup>4</sup> Ben Sekemu bè a densɛ: Ñ nénɔkparɛ beee wɛtɛmɛ mà sé. <sup>5</sup> Kɛ̀ Yakubu mà wà a nénɔgbɛ kɛ̀ b̀ò, à nénɔ̀ kú sɛ̀n kɔn à pókãdeenɔ, ben à ỳtɛ ai aɔ̀ sù. <sup>6</sup> Ben Sekemu de Amɔ̀ gàa à Yakubu le à yã pì onɛ. <sup>7</sup> Kɛ̀ Yakubu nénɔ̀ b̀ò sɛ̀n wà sù, ben aɔ̀ yã pì mà gɔ̀. Aɔ̀ ǹsɛ̀ yàka aɔ̀ pɔ̀ fɛ̀ maamaa, kɛ̀ Sekemu wíyã kɛ̀ Isarailinɔne yãnzɛ, à dàɛ kɔn Yakubu nénɔgbɛ̀ò à yã kɛ̀ de wà keroo kɛ̀. <sup>8</sup> Ben Amɔ̀ bèñnɛ: Ma né Sekemu pɔɔ dɔ a nénɔgbɛ̀a. A yã nna. À à kpáa nɔ̀ ù. <sup>9</sup> Wà lɛdole kɛ̀ wàgɔ̀ wa nénɔgbɛ̀nɔ kpãsaakɔa. <sup>10</sup> Àgɔ̀ kúwao, wa b̀usu kuu a pɔ̀ ùmɛ. À vɛ̀en àgɔ̀ laa taan àgɔ̀ tɔɔtɛ vɛ̀. <sup>11</sup> Ben Sekemu ò Dina de kɔn à dàgɔnɔne à bè: À tó mà a pɔnnaa e. Pɔ̀ kɛ̀ a be mà kpáawa mé kpá. <sup>12</sup> À anzureblebɔ̀ lé dame bíta kɔn gbaanɔ paripari. Pɔ̀ kɛ̀ á ò mé kpá. À nénɔkparɛ pì kpáma nɔ̀ ù.

<sup>13</sup> Ben Yakubu nénɔ̀ wɛ̀ Sekemu kɔn à de Amɔ̀ola kɔn mɔnafikio kɛ̀ Sekemu ñ dàre kɛ̀ b̀ò yãnzɛ. <sup>14</sup> Aɔ̀ bèñnɛ: Wé fɛ̀ wà beee kero, wé fɛ̀ wà wa dàre kpá gɛfɔɔdeearo, zaake wíyãme wa kiia. <sup>15</sup> Wé we a yãziro, séto à gɔ̀ lán wapinɔ̀ bà a gɔ̀gbɛ̀nɔ̀ b̀angu kɛ̀ ñ píngi. <sup>16</sup> Tó a b̀angu kɛ̀, wé wa nénɔ̀ kpãsaawa wé a nénɔ̀ sé nɔ̀ ù. Wé gɔ̀ kúao, wé gɔ̀ bori dɔnkɔn ù. <sup>17</sup> M̀de tó ée we wa yãziro, tó ée b̀angu kero, wé wa dàre sé wà táomɛ. <sup>18</sup> Yã pì kɛ̀ Amɔ̀ kɔn a né Sekemuone nna. <sup>19</sup> Gɔ̀kparɛ pì yã pì gɔ̀gɔ̀ kpakpaa kɛ̀ Yakubu nénɔgbɛ̀ yã kàne yãnzɛ. À bèɛ vɛ̀ deñla a de bɛdeeno tɛ̀.

<sup>20</sup> Amɔ̀ kɔn a né Sekemu gàa ñ wɛ̀tɛ b̀iilea, ben aɔ̀ yã ò kɔn wɛ̀tɛdeeno wà bè: <sup>21</sup> Gbɛ̀ pìnɔ̀ yàke vɛ̀waoro. Wà tó aɔ̀gɔ̀ kú wa b̀usun aɔ̀gɔ̀ laa taa, zaake b̀usu pì yàasa eé mówa. Wé ñ nénɔgbɛ̀nɔ̀ sé wé wa nénɔ̀ kpáíma. <sup>22</sup> Gbɛ̀ pìnɔ̀ sɔ̀ é we wàgɔ̀ kúwao le wà gɔ̀ bori dɔnkɔ̀ ùro, séto èe kɛ̀ wa gɔ̀gbɛ̀ píngi b̀angu kɛ̀ lán ñ bà baasiro. <sup>23</sup> Aɔ̀ pókãdeeno kɔn ñ auzikinɔ̀ kɔn ñ zùnɔ̀ píngi é gɔ̀ wa pɔ̀ úroo? Wà weñnɛ le aɔ̀gɔ̀ kúwao. <sup>24</sup> Wɛ̀tɛ pì deeno Amɔ̀ kɔn a né Sekemu yã mà, ben aɔ̀ gɔ̀gbɛ̀nɔ̀ b̀angu kɛ̀ ñ píngi.

<sup>25</sup> À gurɔ̀ aagɔ̀dee zɛ̀, kɛ̀ aɔ̀ kú kɔn wãwãao aɔ̀ kú kɔn yàke laasuuoro, Yakubu né gɔ̀n plaaanɔ̀ Simeɔ̀ kɔn Levio, Dina v̀inɔ̀, aɔ̀ baade a fɛ̀daa sè aɔ̀ si wɛ̀tɛ aɔ̀ gɔ̀gbɛ̀nɔ̀ dèdɛ ñ píngi. <sup>26</sup> Aɔ̀ Amɔ̀ kɔn a né Sekemu dèdɛ, ben aɔ̀ Dina sè aɔ̀ b̀ò Sekemu kpén aɔ̀ tàò. <sup>27</sup> Wɛ̀tɛdeeno dèdɛna gbera Yakubu nénɔ̀ m̀ò wà wɛ̀tɛ pónɔ̀ nàkɔa kɛ̀ wà wí dà ñ dàrea yãnzɛ. <sup>28</sup> Aɔ̀ ñ sãanɔ̀ kɔn ñ blèno sèe kɔn ñ zùnɔ̀ kɔn ñ zaakinɔ̀, pɔ̀ kɛ̀ aɔ̀ kú wɛ̀tɛ guunɔ̀ kɔn pɔ̀ kɛ̀ aɔ̀ kú ñ buraanɔ̀ píngi. <sup>29</sup> Aɔ̀ ñ auzikinɔ̀ sèe píngi kɔn ñ nénɔ̀ kɔn ñ nɔgbɛ̀nɔ̀ kɔn pɔ̀ kɛ̀ kú ñ bɛeno píngi.

<sup>30</sup> Ben Yakubu bè Simeɔ̀ne kɔn Levio: A sumɛ̀ yã zaaao. Kanaanɔ̀ kɔn Perizinɔ̀ kɔn b̀usu kèkii bori pãdeno é gɔ̀ ye ma kãziro. Lán wá pariɔ̀ nà, tó aɔ̀ ligawazi, tó aɔ̀ s̀iwagu, aɛ̀ ma de kɔn ma boriinɔ̀ píngimɛ. <sup>31</sup> Ben aɔ̀ wèala wà bè: Kɛ̀ à wa dàre diɛ kaarua ù, beee maan gweó?

## 35

### *Luda aubarikadana Yakubun Beteli*

<sup>1</sup> Luda bè Yakubune: Ñ fɛ̀ ñ tá Beteli ñ vɛ̀e gwe. Ñ ma gbãgbákii bo gwe, zaake ma b̀ò ma mɔnzɛ gwe gurɔ̀ kɛ̀ néɛ bàa lɛɛ n v̀inɛ. <sup>2</sup> Ben Yakubu bè a bɛdeeno kɔn gbɛ̀ kɛ̀ aɔ̀ kúonɔ̀ ñ píngi: À bori z̀itɔnɔ̀ tãa kɛ̀ á v̀inɔ̀ kwéé à zú o à a pókãsãanɔ̀ lendee kpá. <sup>3</sup> Wé fɛ̀ wà tá Beteli. Mé Luda gbãgbákii bo gwe, zaake à d̀male ma nawɛ̀akɛgurɔ̀, é gɔ̀ kúmao guu kɛ̀ ma gaan píngi. <sup>4</sup> Ben aɔ̀ bori z̀itɔnɔ̀ tãa kɛ̀ aɔ̀ v̀inɔ̀ kpàa kɔn swãí kɛ̀ aɔ̀ dananɔ̀, ben à pɔ̀ pìnɔ̀ v̀i gbíi lí gbáru Sekemu saɛ. <sup>5</sup> Kɛ̀ Yakubu kɔn a nénɔ̀ dà zén, Ludaa tò v̀ia wɛ̀tɛ kɛ̀ kú ñ saeno deeno kù maamaa, ben aɔ̀ gbɛ̀kee e pééziro. <sup>6</sup> Ben Yakubu kɔn gbɛ̀ kɛ̀ aɔ̀ kúonɔ̀

ń pínɡi kà Luzu kè wè be tia Beteli, Kanaa bùsun. <sup>7</sup> À sa'okii bò gwe, ben à tó kpà guu pìne Beteli Luda, zaake gwen Luda bò à m̀zin gurɔ̀ kè èe bàa sii a v̄ine. <sup>8</sup> Debora kè de Rebeka gwàri ũ yāa gā gwe, ben wà à v̄i gbí lí gbáru Beteli sae. Ben wà tó kpàne Ɔ̀ɔ̀ɔ̀lizi.

<sup>9</sup> Luda bò à m̀ Yakubuzi ɔ̀ à suna k̄n Mesɔ̀pɔ̀tamiao gbɛra, à aubarika dàn <sup>10</sup> à bè: N tón Yakubu, m̀de weé benne Yakubu ɔ̀ro, sé Isaraili. Lemɛ à tó kpàne Isaraili ɛ. <sup>11</sup> Luda bène ɔ̀: Luda Gbāapingiden ma ũ. Àḡō né ii àḡō kaara. Borii é b̀ n kiia k̄n bori pariinɔ̀ ɔ̀, n bori kenɔ̀ éḡō de k̄nanɔ̀ ũ. <sup>12</sup> Mé bùsu kè má kpà Ibraĩ k̄n Isaakuoa kpámma k̄n n boriinɔ̀ n gaa gbɛra. <sup>13</sup> Ben Luda f̄ɛ à bò guu kè à yā ònen. <sup>14</sup> Yakubu gbè p̄ɛ guu kè Luda yā ònen ɔ̀ngupɔ̀ ũ. À í t̄s̄a à n̄si k̄a. <sup>15</sup> Ben Yakubu tó kpà guu kè Luda yā ònen p̄ine Beteli.

### *Raseli k̄n Isaakuo gaa*

<sup>16</sup> Ben ā f̄ɛ Beteli wà dà zén. Kè ā kà k̄i k̄n Eflatao, Raseli né'igurɔ̀ kà, ben né'ii k̄a z̄i'ũ. <sup>17</sup> Né'iwāwāa à kù gbāa, ben néseeri bène: N̄ton v̄ia kero, n néḡōgb̄ɛ ì ɔ̀. <sup>18</sup> Raseli gbāa v̄i ɔ̀ro èe gaa, ben à tó kpà a né p̄ine Benoni, ben à de tó kpàne Beyāmi. <sup>19</sup> Kè Raseli gā, wà à v̄i Eflata kè wè be tia Betelɛmu zén. <sup>20</sup> Yakubu gbè ɔ̀ngupɔ̀ p̄ɛ à miraa. Raseli mira gbè p̄i kú gwe ai k̄n a gbāao.

<sup>21</sup> Isaraili èara à dà zén, ben à bùra k̄a sādārinɔ̀ gugwagba ae. <sup>22</sup> Gurɔ̀ kè à kú bùsu p̄in Rubeni gāa à dàe k̄n Bilao, Yakubu n̄ ȳigisai, ben Yakubu yā p̄i mà.

Yakubu néḡōgb̄ɛnɔ̀ ì m̄n kuri awɛɛplaa. <sup>23</sup> Lea néḡōgb̄ɛnɔ̀ yè: Yakubu daudu Rubeni, Simɛ, Levi, Yuda, Isaka k̄n Zebulunio. <sup>24</sup> Raseli n̄nɔ̀n Yusufu k̄n Beyāmio ũ. <sup>25</sup> Raseli z̄ikeri Bila n̄nɔ̀n Dani k̄n Nafatalio ũ. <sup>26</sup> Lea z̄ikeri Zilipa n̄nɔ̀n Gada k̄n Asao ũ. Néḡōgb̄ɛ kè wà ń í k̄n Yakubuo Mesɔ̀pɔ̀tamianɔ̀n gwe.

<sup>27</sup> Ben Yakubu kà a de Isaaku kiia Mamare. À kú Kiriataba kè wè be tia Eblonu sae, guu kè Ibraĩ k̄n Isaakuo v̄ɛn. <sup>28</sup> Isaaku kà wè bak̄endo <sup>29</sup> à zi kù kótokoto, ben à gā à kà a gb̄ɛnɔ̀la, ben à n̄nɔ̀ Isau k̄n Yakubuo à v̄i.

## 36

### *Isau boriinɔ̀*

<sup>1</sup> Isau kè wè bene ɔ̀ Edomu boriinɔ̀ yān yè. <sup>2</sup> Isau Kanaa n̄gb̄ɛnɔ̀ sè, Iti bori Elni né Ada k̄n Ivi bori Ana né Ɔ̀olibama, Zibēs̄ dioo. <sup>3</sup> À Sumaila né Basema, Nebayo dāre sè ɔ̀. <sup>4</sup> Ada Elifaza ò, ben Basema Rueli ì. <sup>5</sup> Ɔ̀olibama Yeusu k̄n Yalamuo k̄n Korao ì. Isau néḡōgb̄ɛ kè wà ń í Kanaa bùsunɔ̀n gwe.

<sup>6</sup> Isau a n̄nɔ̀ sèe k̄n a néḡōgb̄ɛnɔ̀ k̄n a n̄nɔ̀gb̄ɛnɔ̀ k̄n a b̄edeenɔ̀ ń pínɡi k̄n a p̄ókādeenɔ̀ k̄n a auziki kè à è Kanaa bùsunɔ̀ pínɡi, ben à gā Sei bùsun à z̄a kù k̄n a dāaro Yakubuo, <sup>7</sup> zaake ā auziki b̄ita bé à t̄ò āé f̄ w̄àḡō kú k̄oro. Bùsu kè ā kún e m̄óm̄maro, kè ā p̄ónɔ̀ pari yānzi. <sup>8</sup> Isau v̄ɛ Sei gus̄is̄ideen kè wè be tia Edomu.

<sup>9</sup> Isau kè de Edomunɔ̀ dezi káaku ũ boriinɔ̀n yè. <sup>10</sup> Isau néḡōgb̄ɛnɔ̀ tón yè: Ada né Elifaza k̄n Basema né Ruelio. <sup>11</sup> Elifaza néḡōgb̄ɛnɔ̀n Temana, Omaa, Zefo, Gatamu k̄n Kenazio ũ. <sup>12</sup> Elifaza n̄ ȳigisain Timina ũ. Àmbe à Amaleki ò. Isau n̄ Ada dionɔ̀n gwe.

<sup>13</sup> Rueli néḡōgb̄ɛnɔ̀n yè: Naata, Zera, Sama k̄n Mizao. Isau n̄ Basema dionɔ̀n gwe.

<sup>14</sup> Isau n̄ Ana né Ɔ̀olibama, Zibēs̄ dioo néḡōgb̄ɛnɔ̀n yè: Yeusu, Yalamu k̄n Korao.

<sup>15</sup> Isau bori k̄nanɔ̀n yè: Isau daudu Elifaza bori k̄nanɔ̀n Temana, Omaa, Zefo, Kenazi, <sup>16</sup> Kora, Gatamu k̄n Amalekio ũ. Elifaza bori k̄nanɔ̀, Ada dionɔ̀n gwe. Ā kú Edomunɔ̀ bùsun.

<sup>17</sup> Isau né Rueli bori k̄nanɔ̀n yè: Naata, Zera, Sama k̄n Mizao. Rueli bori k̄nanɔ̀, Basema dionɔ̀n gwe. Ā kú Edomunɔ̀ bùsun.

<sup>18</sup> Isau n̄ Ɔ̀olibama bori k̄nanɔ̀n yè: Yeusu, Yalamu k̄n Korao. Ana né Ɔ̀olibama dionɔ̀n gwe. <sup>19</sup> Isau kè wè bene ɔ̀ Edomu néḡōgb̄ɛnɔ̀n gwe, à bori k̄nanɔ̀n gwe.

*Sei boriins*

<sup>20</sup> Sei, Ori borii kè kú Edɔmunɔ bɔsun zaa káaku négɔgbɛnɔn yè: Lotana, Sobala, Zibeɔ, Ana, <sup>21</sup> Disɔ, Eza kɔn Disão. <sup>22</sup> Lotana négɔgbɛnɔn yè: Ori kɔn Omamuo. Lotana daren Timina ũ. <sup>23</sup> Sobala négɔgbɛnɔn yè: Alavã, Manaa, Ebala, Sefo kɔn Onamuo. <sup>24</sup> Zibeɔ négɔgbɛnɔn yè: Aya kɔn Anao. Ana pì bé à bò bia wãaa zaa gbáan gurɔ kè èe a de zaakinɔ dãa. <sup>25</sup> Ana négɔgbɛn Disɔ ũ, à nɛnɔgbɛ sɔ ɔɔlibama. <sup>26</sup> Disɔ négɔgbɛnɔn yè: Emɛdã, Esebã, Itirana kɔn Keranao. <sup>27</sup> Eza négɔgbɛnɔn yè: Bilana, Zavã kɔn Akanao. <sup>28</sup> Disã négɔgbɛnɔn yè: Uzu kɔn Aranao.

<sup>29</sup> Ori bori kɔnanɔn yè: Lotana, Sobala, Zibeɔ, Ana, <sup>30</sup> Disɔ, Eza kɔn Disão. Ori bori kɔnanɔ kɔn n borii kè aɔ kú Sei bɔsunɔn gwe.

<sup>31</sup> Kina kè aɔ kí blè Edɔmunɔ bɔsun Isarailinɔ kɔnanɔ ãanɔn yè. <sup>32</sup> Bɛɔ né Bela, Dinaba gbɛ bé à kí blè Edɔmu káaku. <sup>33</sup> Kè à gà, ben Zera né Yobabu, Bɔzɔra gbɛ kí blè à gɛɛ ũ. <sup>34</sup> Kè à gà, ben Temana bɔsu gbɛ Usamu kí blè à gɛɛ ũ. <sup>35</sup> Kè à gà, ben Bedada né Adada, Avi gbɛ kí blè à gɛɛ ũ. Àmbe à zì blè Midiãnɔ Mɔabunɔ bɔsun. <sup>36</sup> Kè à gà, ben Masareka gbɛ Samala kí blè à gɛɛ ũ. <sup>37</sup> Kè à gà, ben Reobo kè kú Yuflatì sae gbɛ Saulu kí blè à gɛɛ ũ. <sup>38</sup> Kè à gà, ben Akabo né Baali Ana kí blè à gɛɛ ũ. <sup>39</sup> Kè à gà, ben Pau gbɛ Adada kí blè à gɛɛ ũ. À nɔɔ tɔn Metabeli, Matarɛdi néme, Mezaba dio.

<sup>40</sup> Isau bori kɔnanɔ tɔn yè kɔn n bɔsunɔ: Timina, Alava, Yetɛ, <sup>41</sup> ɔɔlibama, Ela, Pinɔ, <sup>42</sup> Kenazi, Temana, Mibiza, <sup>43</sup> Magadieli kɔn Iramuo. Edɔmunɔ kɔnanɔn gwe wéte kɔn wéteɔ bɔsu kè aɔ vɛɛn. Isau kè de Edɔmunɔ dezi ũu boriinɔn gwe.

**37***Yusufu nana'ona*

<sup>1</sup> Yakubu kú Kanaa bɔsun guu kè a de vɛɛn. <sup>2</sup> Yakubu boriinɔ yãn yè. Yusufu né gɔkpareme. À wè gɛro awɛɛplaadee guu kè èe sãanɔ dãa kɔn a vɛinɔ, à de nɔɔnɔ Bila kɔn Zilipao nɛnɔ, ben à dà zaaa kè aɔ kè kɔmɔɔ kè a denɛ. <sup>3</sup> Isaraili ye Yusufuzi de a né kpaanɔla kè à à i a zikú guu yãnzì, ben à utagyaba zɔnɛ. <sup>4</sup> Kè à vɛinɔ è nì dee ye Yusufuzi deñla, ben aɔ zàn aɛè we wà yã nnaa ooro.

<sup>5</sup> Yusufu nanaa ò, ben à tɔkè a vɛinɔnɛ, ben aɔ èara wà zàn de zi pòla. <sup>6</sup> À bènnɛ: À nanaa kè má ò ma. <sup>7</sup> Má è wée ése yiyii bura, ben ma ése bakaa fɛɛ à zè. A pónɔ ligazi, ben aɔ nàenɛ. <sup>8</sup> Ben à vɛinɔ bènnɛ: Né kí blewan yó? Né gbãaa blewan yó? Ben aɔ èara wà zàn de yã pòla nanaa kè à ò pì yãnzì.

<sup>9</sup> Yusufu èara à nanaa ò dɔ, ben à tɔkè a vɛinɔnɛ à bè: Ma èara ma nanaa ò dɔ. Má è ɔfãntɛ kɔn mɔvurao kɔn sɔsɔnɛ mèn kuri awɛɛdoonɔ e naɛɛme. <sup>10</sup> À nanaa pì tɔkè a denɛ dɔ, ben à de pàtaa à bè: Nana kparee takan n ò lɛɛ? Mapi kɔn n dao kɔn n vɛinɔ, wé mó wà kúe n aɛn yó? <sup>11</sup> À vɛinɔ nòsegɔaanɔ kpào. À de sɔ nanaa pì yã kúna a nòse guu.

<sup>12</sup> À vɛinɔ gàa nì de sãanɔ dã Sekemu. <sup>13</sup> Ben Isaraili bè Yusufunɛ: N vɛinɔ e sãa dãa Sekemu. Mé n zì n kiia. À wèala à bè: Ma yãa. <sup>14</sup> Ben à bènnɛ: N gá n n vɛinɔ gwa kɔn sãanɔ, tó aɔ aafia. N èara n sumɛ kɔn aɔ baaruɔ. Ben à à gbàre, à bò Eblɔnu guzurɛn à gàa Sekemu. <sup>15</sup> Èe likɔaa zɔɔ sèn, ben gɔgbɛ ke dàalɛ à à là: Bón née wetɛɛ? <sup>16</sup> À wèala à bè: Mée ma vɛinɔ wetɛɛme. Tó n n sãdákii dɔ, n omɛ. <sup>17</sup> Gɔgbɛ pì bè: Kè aɔ bò gura kè, má mà aɔ bè wèe gaa Dotãme. Ben Yusufu pèènzì à nì lé Dotã.

<sup>18</sup> Kè aɔ à è kãaa, ai àgɔ gá ká n kiia, aɔ lé kpàkɔsɔzi wà bè wà à de. <sup>19</sup> Aɔ bèkɔnɛ: À gwa, nana'ori e mɔɔ kãaa. <sup>20</sup> À tó wà à de wà à zu lɔgɔ kènɔ doke guu, wé be nòbɔ pãsi bé à à dè à sò. Èndɛ wé e lán à nanaanɔ é mì de nà. <sup>21</sup> Kè Rubeni yã pì mà, à yezi à à mì sí, ben à bè: Wàton à dero, <sup>22</sup> àton aru bɔaro. À à zu lɔgɔ kèkiin gbáan kè. Àton à dero. Rubeni òinne lɛ, kè à yezi à à mì sí à à kpá a dea yãnzime. <sup>23</sup> Kè Yusufu kà a vɛinɔ kiia, aɔ à uta bò, à



utagyaba maaa pì. <sup>24</sup> Ben aõ à sè wà à zù lògɔ pìn. Lògɔ pì da korimɛ à í vīro. <sup>25</sup> Ben aõ v̄ɛ wèe pò blee. Kè aõ w̄ɛ sè, aõ Sumaila bori laatarinɔ è, aõ bò Giliada bùsun aõɛ gaa Iyipiti. Aõ lakuminɔ dò pónɔ kɔn lí'ɔ ɛz̄ɛɔ kɔn lí'ɔ gū nnannaao sɛna. <sup>26</sup> Ben Yuda bè a gb̄ɛnɔnɛ: Tó wa wa dāaro dè, ben wa à gè ùtɛ, bó àren wé ee? <sup>27</sup> À tó wà à yá Sumaila borii pìnɔa. Wàton à dero, wa dāaronloo? Wa aru d̄nkɔmɛ. Ben à gb̄ɛnɔ à yā mà. <sup>28</sup> Kè Midiā laatari pìnɔɔ e mɔɔ gē zéla, ben aõ Yusufu gà wà bò lògɔn, aõ à yà Sumaila borii pìnɔa kondogi baro, ben wà tào Iyipiti.

<sup>29</sup> Kè Rubeni mò lògɔ pì kiia, èe Yusufu e gwe d̄ro, ben à a pókāsāanɔ gà à kèkè, <sup>30</sup> ben à gaa a dāaronɔ kiia à bè: Né pì kú gwe d̄ro. Mé gá má kɔn beeeo? <sup>31</sup> Aõ blèkoffi kù wà dè, ben aõ Yusufu uta pì sè wà màɛ à aru guu. <sup>32</sup> Ben aõ à utagyaba pì sè wà gāao n̄ denɛ aõ bè: Pó kè wá èn yè. N né utan yó, ke à pónlo? <sup>33</sup> À d̄, ben à bè: Ma né utamɛ, n̄bɔ pāsī bé à à sò. Wāiyoo, wà ma né Yusufu kāsākāsākɔmɛ. <sup>34</sup> Ben à a utadaa gà à kè à pókāsāa sè à dà, ben à a né pì sósobi kè gikɛna. <sup>35</sup> À négɔgb̄ɛnɔ kɔn à nénɔgb̄ɛnɔ mò à làakari kpáɛnɛ n̄ pín̄gi, mɔde à gí a làakari kpáɛzi à bè: Mégɔ ma né pì gè ɔɔ d̄ɔmɛ ai mà gá tào à kiia gèwāan. Ben èe sósobi ɔɔ d̄ɔ a né pì yā musu.

<sup>36</sup> Midiā pìnɔ s̄ Yusufu yà P̄otifaa Iyipiti. Fili'auna ìba kemɛ, àmbe à dogarinɔ gb̄ɛnsi ũ.

## 38

### *Yuda kɔn Tamao*

<sup>1</sup> Zī beea Yuda bò a gb̄ɛnɔ kiia à gaa à v̄ɛ Adulamu gb̄ɛ kè wè benɛ Ira bɛ. <sup>2</sup> Gwen à dāk̄ɔrɛ kɔn Kanaa bùsu gb̄ɛ kè wè benɛ Sua nénɔgb̄ɛo, ben à à sè nɔɔ ũ. <sup>3</sup> À nò s̄i à né ì ḡɔgb̄ɛ ũ, ben à tó kpàɛ ɛɛ. <sup>4</sup> À èara à nò s̄i d̄ɔ à négɔgb̄ɛ ì, ben à tó kpàɛ Ona. <sup>5</sup> À èara à négɔgb̄ɛ ì d̄ɔ, ben à tó kpàɛ Sela. Gurɔ kè à né pì ì, à kú Kezibimɛ.

<sup>6</sup> Ben Yuda nɔgb̄ɛ kè wè benɛ Tama sè a daudu ɛɛnɛ. <sup>7</sup> ɛɛ kè Diinɛ zaa, ben à à dè. <sup>8</sup> Ben Yuda bè Onanɛ: N̄ n v̄i gyaanɔ s̄é n̄ borii ke n v̄inɛ, lán wè ke nà. <sup>9</sup> Kè Ona d̄s̄ kè né kè é ì kɔn a v̄i gyaanɔɔ éḡɔ de a borii ũro, tó à dàɛo ben à yezi a z̄inda e, è à ḡɔgb̄ɛ pó kwéɛmɛ, le àton borii ke a v̄inero yānzi. <sup>10</sup> Yā kè èe keɛ pì kè Diinɛ zaa, ben à à dè d̄ɔ. <sup>11</sup> Ben Yuda bè a né gyaanɔ Tamane: N̄ gá ñḡɔ gyaanɔ blee n de bɛ ai ma né Sela ìsi kù. Zaake èe daa Sela é ga lán a v̄inɔ bàɛ. Ben Tama gaa à v̄ɛ a de bɛ.

<sup>12</sup> Kè à gurɔ gí kè, ben Yuda naõ gà. Kè à n̄sɛ kpàɛ, à dà zén èe gaa a sākāk̄ɛerinɔ kiia Timina kɔn a gb̄ɛnna Irao. <sup>13</sup> Ben wà à baaru kpà Tamane wà bè: N zā de e gaa Timina a s̄aanɔ k̄a k̄ɛɛ. <sup>14</sup> Ben à a gyaanɔblepɔnɔ bò à pódangān sè à kù a uua, ben à gaa à v̄ɛ Enaimu b̄iileɛ Timina zén. Zaake à è Sela bíta kù, wè à kpáa nɔɔ ũro. <sup>15</sup> Kè Yuda à è, ben à à diɛ kaarua ũ kè à pò kù a uua yānzi. <sup>16</sup> Ben à s̄ɔzi zé saɛ à bè: N̄ tó mà daɛnyo. Èe à d̄s̄ a né gyaanɔ ũro. Ben nɔgb̄ɛ pì bè: Tó n daɛmao, bón né kpámaa? <sup>17</sup> À wèala à bè: Mé ma kpàsa blèɛ mèn doo kpāsānɛ. Ben à bè: N̄ tɔɔba diemɛ ai ñḡɔ gaa kpāsā. <sup>18</sup> Ben à à là à bè: Bó tɔɔban mé diennɛɛ? A bè: N̄ n sèedakebɔ kɔn a bào kɔn gò kè n̄ kūnao kpáma. Ben à kpàa à dàɛo à nò d̄n. <sup>19</sup> Ben nɔgb̄ɛ pì f̄ɛɛ à tà bɛ à a pódangān bò à a gyaanɔblepɔnɔ sè à dà. <sup>20</sup> Yuda a gb̄ɛnna Adulamu gb̄ɛ z̄i kɔn blèɛo à tɔɔba boo nɔgb̄ɛ pì kiia. Kè à kà, èe à ero. <sup>21</sup> Ben à gwedeeno làla à bè: Kaarua kè kú Enaimu zé saɛ kè yā kú máa? Aõ wèala wà bè: Kaarua kee kú kèro fá! <sup>22</sup> Ben à èara à tà, à bè Yudanɛ: Méɛ à ero. Gwedeeno bè wà kaarua ke d̄s̄ gwe yā sero. <sup>23</sup> Ben Yuda bè: Àḡɔ pò pìnɔ kūna. Wé tó gb̄ɛnɔ wa yāa d̄ro. Ma n zī kɔn blè pio, néɛ à ero.

<sup>24</sup> Mɔ aaḡɔ gbera wà mò wà ò Yudanɛ wà bè: N né naõ Tama kaarua kà, ben à nò s̄i a pāpāk̄ɛna pì guu. Yuda bè: À bɔo wà té s̄a. <sup>25</sup> Kè wèe bɔɔo bàazi, à lékpāsā kè a zā denɛ à bè: Gb̄ɛ kè pò kèkiinɔ v̄i bé à nò d̄magu. N̄ sèedakebɔ kɔn a bào kɔn gò kèkiio gwa, tó n̄ à de

d5. <sup>26</sup> Yuda pò pìno d5, ben à bè: Nɔgbɛ̀ pì yā nna demala, zaake mée à kpá ma né Selaaro. Yuda e daeo dɔro. <sup>27</sup> Kè à kà né'ina, à mò à lè sikanɔ bé wà kú à gbɛɛɛ guu. <sup>28</sup> Gurɔɔ kè èe né ii, a5 gbɛndoo ɔ̀ bɔ̀, ben nésɛeri wɔɔ tɛaa dɔ̀a à bè: Né kèkii bé à bɔ̀ káaku. <sup>29</sup> Kè né pì a ɔ̀ ɔ̀ sòkpa, ben né plaadee bɔ̀, ben nɔgbɛ̀ pì bè: N bɔ̀ bùime fá! Ben wà tó kpàne Pɛɛzi. <sup>30</sup> Beee gbera kè à gbɛndoo kè wà wɔɔ tɛaa dɔ̀ à ɔ̀a bɔ̀, ben wà tó kpàne Zera.

## 39

### *Yusufu kɔn Pɔtifa na5o*

<sup>1</sup> Kè Sumaila boriino kà kɔn Yusufuo Iyipiti, ben Iyipiti gbɛ̀ Pɔtifa à lùm̄ma. Fili'auna iba kemɛ, àmbe à dogarino gbɛnsi ũ. <sup>2</sup> Dii kú kɔn Yusufuo à à dākɔre kɔn m̄innao. À kú a dii Iyipiti gbɛ̀ pì be. <sup>3</sup> Kè à dii pì è Dii kúo ègɔ̀ à dakɔre kɔn saao yā kè èe keeno guu p̄ingi, <sup>4</sup> ben Yusufu à pɔnnaa è. Pɔtifa à diɛ a begwari ũ à pò kè à v̄ino nàne a ɔ̀z̄i p̄ingi. <sup>5</sup> Zaa gurɔɔ kè à à diɛ a begwari ũ, Dii aubarika dà à been Yusufu yānzi. Dii aubarika dà pò kè de à pò ũunɔn p̄ingi, be p̄ono kɔn bura p̄ono mámmam. <sup>6</sup> Ben Pɔtifa a pò p̄ingi nà Yusufune a ɔ̀z̄i. À bà kú yākeoro, tó èe ke pòblee baasiro. Yusufu s̄o né gɔ̀ òwazime, ben à zena maa.

<sup>7</sup> Zīkea Yusufu nii gɛ̀ a dii na5gu, ben à bène: Ñ daɛmao. <sup>8</sup> Ben à ḡi à bè: Ñ gwa, ma dii bà kú yākeo ua kè guu dɔro, à pò kè à v̄ino nàme ma ɔ̀z̄i p̄ingi. <sup>9</sup> À gbāaa demala ua kè guuro, èe ḡime kɔn pòkeoro, sé mpi, kè n̄ de à nɔɔ ũ yānzi. Mé f̄5 mà yā zaa beee taka ke mà durun ke Ludanero. <sup>10</sup> Baa kè nɔgbɛ̀ pì ègɔ̀ oone baabɔre, èe we à dàero, à yezi àgɔ̀ kúo sero.

<sup>11</sup> Zīkea kè Yusufu gɛ̀ kpén a z̄i ke, à mò à lè ua z̄ikeri kee kú kpé guuro. <sup>12</sup> Ben nɔgbɛ̀ pì à kù a utaa à bè: Ñ daɛmao. Ben Yusufu a uta t̄one gwe à bàa lè à bɔ̀ bàazi. <sup>13</sup> Kè nɔgbɛ̀ pì è à a uta t̄oare à bàa lè à bɔ̀ bàazi, <sup>14</sup> ben à ua z̄ikerino s̄isi à bèñne: À gwa, wà mòwe kɔn Eberuo, ben èe d̄okeewao. À ḡemazi à daɛmao, ben ma wii lè. <sup>15</sup> Kè à mà ma wiii d̄awa, ben à a uta t̄o kaena ma sae à bàa lè à bɔ̀ bàazi. <sup>16</sup> Ben nɔgbɛ̀ pì uta pì kàe a sae ai Yusufu dii s̄u, <sup>17</sup> ben à bène: Eberu zò kè n suowe d̄okèmao à ḡemazi. <sup>18</sup> Kè ma wiii d̄a, ben à à uta t̄o kaena ma sae à bàa lè à bɔ̀ bàazi. <sup>19</sup> Kè nɔgbɛ̀ pì yā pì ò a zāne à bè, lán n zò k̄eme n̄an gwe, ben Yusufu dii p̄o f̄è maamaa. <sup>20</sup> Ben à bè wà Yusufu k̄u wà à da kpésiaan, guu kè k̄ina p̄isinanɔ k̄aen, ben à gurɔplaa kè gwe.

<sup>21</sup> Baa kɔn beeeo Dii kúo à gb̄eke ke k̄ene à t̄o à yā kà p̄isinanɔ dākparin. <sup>22</sup> Ben dākpari pì p̄isinanɔ nà Yusufune a ɔ̀z̄i n̄ p̄ingi, wè yāke ke à sairo. <sup>23</sup> P̄isinanɔ dākpari pì bà ègɔ̀ kú Yusufu yāoro, kè Dii kúo yānzi, ben ègɔ̀ à daakɔre kɔn saao yā kè èe kee guu p̄ingi.

## 40

### *Yusufu p̄isinanɔ nana b̄ok̄t̄ena*

<sup>1</sup> Beee gbera Iyipiti kí Fili'auna w̄ekpaateri kɔn a buredikero taari k̄ene. <sup>2</sup> À p̄o f̄è a iba ḡɔɔn plaaa p̄inozi, à w̄ekpaateri kí kɔn à buredikero kío. <sup>3</sup> Ben à n̄ kà kpésiaan a dogarino gbɛnsi be, kpé kè wà Yusufu d̄an. <sup>4</sup> Dogarino gbɛnsi pì Yusufu diɛ àgɔ̀ n̄ gwaa, ben a5 gurɔplaa kè kpé p̄in gwe.

<sup>5</sup> Gwāāvī d̄onk̄ōa Iyipiti k̄ina w̄ekpaateri kɔn buredikero p̄io nanaa ò n̄ ḡɔɔn plaaa n̄ p̄ingi, baade kɔn a p̄o kɔn a b̄ok̄tenao. <sup>6</sup> Kè Yusufu mò n̄ gwa k̄ongɔ, à è a5 uu s̄isi. <sup>7</sup> Ben à n̄ lá à bè: Bó yā bé à t̄o a uu sisina gbāa? <sup>8</sup> A5 wèala wà bè: Nanaan wá ò, gb̄eke kú kè kè à à b̄ok̄t̄ena owero. Ben à bèñne: Luda bé à nana b̄ok̄t̄ena v̄iroo? À a nanaa p̄ino om̄e mà ma. <sup>9</sup> Ben w̄ekpaateri kí a pò òne à bè: Ma nanaa guu ma geepi lí è ma sae. <sup>10</sup> Geepi lí pì ḡà aaḡom̄e. À lá bɔ̀ à v̄u kè à né ì à mà. <sup>11</sup> Má Fili'auna togo k̄ūna, ben ma geepi be p̄ino s̄è má f̄è à togo pì guu má kp̄aa. <sup>12</sup> Yusufu bène: Nanaa pì b̄ok̄t̄enan yè. Lígā aaḡɔɔ p̄ino né gurɔ aaḡɔɔm̄e. <sup>13</sup> Gurɔ aaḡɔɔ gbera Fili'auna é n m̄i sí. Eé ɛara à n da n z̄i guu, né ɛara n̄gɔ̀ geepiw̄e b̄ɔne lán n̄eègɔ̀ kee nà yā. <sup>14</sup> Tó yā b̄onyo nna, n̄ tó ma yā ḡɔ d̄ongu. Ñ gb̄eke

ke me n̄ ma yā o Fili'aunan̄ e à ma b̄o kpésiaa kè guu. <sup>15</sup> Zaake wà ma k̄u kpāi zaa Eberu b̄usun, ben baa Igipiti kè m̄eé yāke ke à kà wà ma da w̄e kè guuro.

<sup>16</sup> Kè bur̄edik̄eri kí è Yusufu nanaa p̄i b̄ok̄t̄ena b̄o k̄n̄ w̄ekpaaterio nna, ben à bène: Ma nanaa guu s̄o má è má bur̄edi sena gb̄íi aaḡo dik̄ōana. <sup>17</sup> Gb̄íi kè k̄u musu, bur̄edi bori parii kè má kè Fili'aunan̄ ká à guu, ben b̄ān̄o e blee ma musu. <sup>18</sup> Yusufu bène: À b̄ok̄t̄enan̄ yè. Gb̄íi aaḡo p̄in̄o gur̄o aaḡo m̄e. <sup>19</sup> Gur̄o aaḡo gbera Fili'auna é n̄ m̄i z̄o à n̄ logo lía, b̄ān̄o é n̄ ble.

<sup>20</sup> À gur̄o aaḡo dee s̄o Fili'auna igur̄o làa k̄k̄ōm̄e, ben à p̄oble kè a ìban̄ōne. À w̄ekpaateri kí k̄n̄ bur̄edik̄eri kí o b̄òe kp̄én a ìban̄o w̄áa. <sup>21</sup> Ben à èara à w̄ekpaateri kí dà a z̄īn̄ à èara àḡo í b̄ōare. <sup>22</sup> Ben à bur̄edik̄eri kí lògo lía lán Yusufu n̄ nanaan̄o b̄ok̄t̄ena òñne nà. <sup>23</sup> Yusufu yā e d̄o w̄ekpaaterikin d̄oro, à yā s̄ān̄.

## 41

### *Yusufu Fili'auna nana b̄ok̄t̄ena*

<sup>1</sup> W̄e plaa papana gbera Fili'auna nanaa ò, à è á zena Nili léa. <sup>2</sup> À è z̄uda maa m̄ekpanan̄o b̄òe swaa p̄i w̄e n̄ m̄en sw̄eplaa āo e s̄e blee t̄afe guu. <sup>3</sup> Ben à z̄uda yāyāna w̄òz̄oḡow̄oz̄oḡo è m̄en sw̄eplaa d̄o. Āo b̄ò swaw̄e n̄ wà t̄e à k̄áakup̄on̄o kp̄ee āo z̄e n̄ sae swa léa. <sup>4</sup> Ben z̄u yāyāna w̄òz̄oḡow̄oz̄oḡo p̄in̄o z̄u maa m̄ekpana p̄in̄o m̄òm̄o, ben Fili'auna v̄u.

<sup>5</sup> À èara à ii ò, ben à nanaa ò d̄o. À è ése s̄áko maa w̄éede pia ése lí d̄ōnk̄ōa s̄áko sw̄eplaa. <sup>6</sup> Ben à ése s̄áko w̄éé wodowodoo kè lou'i k̄ēsān̄man̄o è, à pia n̄ gbera d̄o s̄áko sw̄eplaa. <sup>7</sup> Ben ése s̄áko w̄éé wodowodoo p̄in̄o ése s̄áko maa w̄éede p̄in̄o m̄òm̄o. Kè Fili'auna v̄u, à è nanaan̄ á ò.

<sup>8</sup> Kè guu d̄ò, à k̄u bídi guu, ben à Igipiti m̄asokerin̄o k̄n̄ w̄éez̄erin̄o s̄isi n̄ píngi. À a nanaan̄o t̄k̄ēñne, m̄ode āo gb̄ēkee e f̄o à à b̄ok̄t̄ena òñero. <sup>9</sup> Ben w̄ekpaateri kí f̄e à yā ò Fili'aunan̄ è bè: Taari kè má kè yāa d̄omaḡu gb̄āa. <sup>10</sup> Kí, n̄ p̄o f̄e n̄ z̄òblerin̄ozi yā, ben n̄ ma da kp̄ésiaan̄ n̄ dogarin̄o gb̄ēnsi b̄e l̄edo k̄n̄ bur̄edik̄erik̄io. <sup>11</sup> Gw̄āav̄i d̄ōnk̄ōa wa nanaa ò, wa baade k̄n̄ a p̄ó k̄n̄ à b̄ok̄t̄ena. <sup>12</sup> Eberu ḡokpare kee k̄uwao gwe, n̄ dogarin̄o gb̄ēnsi z̄òm̄e. Kè wa wa nanaan̄o t̄k̄ēñne, ben à wa baade p̄o b̄ok̄t̄ena òne. <sup>13</sup> Yā p̄in̄o kè lán à òwe nà. N̄ èara n̄ ma da ma z̄īn̄, ben n̄ bur̄edik̄eri kí p̄i lògo lía.

<sup>14</sup> Ben Fili'auna gb̄ē z̄i wà Yusufu s̄isi, ben wà gàa wà à b̄ò w̄e n̄ kpakpaa. À m̄i b̄ò à a p̄ókāsāan̄o l̄ie, ben à gàa Fili'auna kiia. <sup>15</sup> Ben Fili'auna bène: Ma nanaa ò, gb̄ēkee e f̄o à à b̄ok̄t̄ena òñero. Má mà wà bè tó wà ònne, n̄e f̄o n̄ à b̄ok̄t̄ena oñne. <sup>16</sup> Yusufu bène: Èe ke m̄ámbeero! Luda bé eé à b̄ok̄t̄ena onne, kí. <sup>17</sup> Ben Fili'auna bène: Ma nanaa guu má è má zena Nili léa. <sup>18</sup> Má è z̄uda maa m̄ekpana m̄en sw̄eplaaan̄o b̄òe swaw̄e n̄ āo e s̄e blee t̄afe guu. <sup>19</sup> Ben ma z̄uda p̄ānden̄o è d̄o m̄en sw̄eplaa āo yāyāna w̄òz̄oḡow̄oz̄oḡo, m̄e z̄u yāyāna beee takan̄o e Igipiti kè zik̄iro. <sup>20</sup> Ben z̄uda yāyāna w̄òz̄oḡow̄oz̄oḡo p̄in̄o z̄u m̄ekpana k̄áakup̄o m̄en sw̄eplaaa p̄in̄o m̄òm̄o. <sup>21</sup> Baa kè āo n̄ m̄òm̄o, āo ḡò yāyāna lán yāa b̄am̄e, gb̄ēke é d̄o kè āo n̄ m̄òm̄o sero. Ben ma vu. <sup>22</sup> Nanaa guu d̄o má è, ése s̄áko maa w̄éede pia ése lí d̄ōnk̄ōa s̄áko sw̄eplaa. <sup>23</sup> Ben má è ése s̄áko tee w̄éé wodowodoo kè lou'i k̄ēsān̄man̄o pia n̄ gbera d̄o s̄áko sw̄eplaa. <sup>24</sup> Ben ése s̄áko w̄éé wodowodoo p̄in̄o ése s̄áko w̄éede p̄in̄o m̄òm̄o. Kè má ò m̄asokerin̄ōne, āo gb̄ēkee e f̄o à à b̄ok̄t̄ena òñero.

<sup>25</sup> Ben Yusufu bène: Kí, nanaa kè n̄ ò p̄in̄o b̄ok̄t̄ena d̄ōnk̄ōm̄e. Luda yā kè à yezi à kee òd̄ann̄em̄e, kí. <sup>26</sup> Z̄u maa m̄en sw̄eplaaa p̄in̄o né w̄e sw̄eplaame. Ése s̄áko w̄éede s̄áko sw̄eplaaa p̄in̄o s̄o w̄e sw̄eplaame. Nanaa p̄in̄o b̄ok̄t̄ena d̄ōnk̄ōm̄e. <sup>27</sup> Z̄u yāyāna w̄òz̄oḡow̄oz̄oḡo m̄en sw̄eplaaa kè āo b̄òe wà t̄e à k̄áakup̄on̄o kp̄ee p̄in̄o né w̄e sw̄eplaame. Lem̄e ése s̄áko w̄éé wodowodoo kè lou'i k̄ēsān̄ma s̄áko sw̄eplaaa p̄in̄o d̄e l̄e d̄o. Been̄ōm̄e w̄e sw̄eplaaa kè dekaa é ká ũ. <sup>28</sup> Lán má ònne nà tia, kí, ma bè Luda e yā kè à yezi à kee

ᵋᵋᵋᵋᵋᵋᵋᵋ. <sup>29</sup> Blēwēē éǵᵋ di Igipiti gu pínǵia maamaa ai wē swēēplaa. <sup>30</sup> Beee gbēra dekaa é ká ai wē swēēplaa, kána gbāaa pì yā é sá Igipitinᵋn. Dekaa pì é bùsu pì de. <sup>31</sup> Dekaa kè eé mᵋ pì éǵᵋ pāsī maamaa, kána gbāaa pì yā é dᵋ gbēken dᵋro. <sup>32</sup> Kí, kè gèn plaan n nanaa pì ò, kè Luda bé à diē yānzimē. Eé ke tiamē, à seka vīro. <sup>33</sup> Tia sa kí, n wēēzēri ᵋndᵋdee wētē n diē àǵᵋ de gbāadee ũ Igipiti. <sup>34</sup> Kí, n gbēnᵋ diē gbēnsinᵋ ũ Igipiti aǵᵋ blēwēē sᵋᵋrodee kaakᵋa wē swēēplaaa kè blēwēē éǵᵋ din pì guu. <sup>35</sup> Aǵé blēē kakᵋa wē maaa kè èe mᵋᵋnᵋ guu wà blēwēē ká dᵋnᵋ guu wētē kᵋn wētēo kᵋn n tᵋo, aǵéǵᵋ dākpa. <sup>36</sup> Tó dekaa kè é ke wē swēēplaaa pì ká Igipiti, blēē pì éǵᵋ de pᵋ zikana ũ le dekaa pì tᵋn Igipitinᵋ dēdero yānzi.

### *Yusufu kíblena Igipiti*

<sup>37</sup> Yā pì kè Fili'aunanē kᵋn a ibanᵋ n pínǵi, <sup>38</sup> ben à bèñne: Gbē kèkii Luda Nini vī. Wé gbēke e lán à bà dᵋᵋ? <sup>39</sup> Ben à bè Yusufunē: Lán Ludaa tò n yā beeenᵋ dᵋ pínǵi nà, wēēzēri ᵋndᵋde kee kuu lán n bàro. <sup>40</sup> Mbe néǵᵋ de ma ua gbēnsi ũ, ma gbēnᵋ éǵᵋ mī siēenne n pínǵi. Kpata bé é tᵋ mǵᵋ denla ado. <sup>41</sup> Ben à èara à bène: Néǵᵋ gbāa vī Igipiti bùsu gu pínǵia. <sup>42</sup> Ben à tānga sēedakebᵋ bᵋ a ᵋne a dà Yusufunē a ᵋne, à babagaa uta dāne à vura kāmbeē dāne a waaa. <sup>43</sup> À a sᵋgoro plaadee kpàa taa'obᵋ ũ, ben gbē kè aᵋᵋ dᵋne aenᵋ éǵᵋ pataa: À kúe! À kúe! Lemē Fili'auna tò Yusufu gbāa vī Igipiti bùsun le. <sup>44</sup> À bène dᵋ: Mámbe Fili'auna, gbēke é fᵋ à yāke ke Igipiti kè n lé saero. <sup>45</sup> À tᵋ kpāne Zafena Panēa, ben à Eliᵋᵋoli wētē sa'ori Potifera nēnᵋgbē Asēna kpāa nᵋ ũ.

<sup>46</sup> Gurᵋᵋ kè Yusufu zī sē Igipiti kí Fili'auna be, à wē baaakurimē. Ben à bᵋ Fili'auna kiia à gāa à lili ò Igipiti gu pínǵia. <sup>47</sup> Kána gbāaa kuu ai wē swēēplaa, blēwēē din maamaa. <sup>48</sup> Ben Yusufu blēwēē kè din Igipiti wē swēēplaaa pìnᵋ kākakᵋa wētē kᵋn wētēo pᵋ zikana ũ, wētē pínǵi kᵋn a buraa kè ligazinᵋ pᵋo. <sup>49</sup> A blēwēē kākᵋa bítabita lán ísiale bùsu'āatē bà, ben wà zē à zaka lé yᵋnaa, kè weé fᵋ wà à lé dᵋro yānzi.

<sup>50</sup> Ai dekaa ḡᵋ gá ká Yusufu naᵋ Asēna, Potifera né, néǵᵋgbēnᵋ ì mēn plaa. <sup>51</sup> Yusufu tᵋ kpà a daudunē Manase à bè: Ludaa tò ma de bēdeenᵋ kᵋn nawēa kè má kēo yā sāmagu pínǵi. <sup>52</sup> Ben à tᵋ kpà à plaadeenē Eflaimu à bè: Ludaa tò ma ḡᵋ nédee ũ bùsu kè wà wēē tāmāan.

<sup>53</sup> Kè kána gbāaa kè kú Igipiti wē swēēplaaa pì yāa, <sup>54</sup> ben wē swēēplaaa kè dekaa é ká nà lán Yusufu ò nà. Dekaa kà bùsu kᵋn bùsuo pínǵi, mᵋde blēwēē di Igipiti gu pínǵiame. <sup>55</sup> Kè nᵋaa ḡē Igipitinᵋn pínǵi, aᵋ wii lē Fili'aunanē à pᵋblee kpámma. Ben à bèñne n pínǵi: À gá Yusufu kiia à ke lán eé oare nà. <sup>56</sup> Dekaa dà bùsu pila pínǵi, ben Yusufu dᵋnᵋ wēwē à blēwēē yāya Igipitinᵋa, kè dekaa pì gbāa kᵋ n bùsun yānzi. <sup>57</sup> Ben gbēnᵋ bᵋ anduna gu pínǵia wà mò Igipiti blēwēē lú Yusufua, zaake dekaa gbāa kᵋ anduna guu pínǵime.

## 42

### *Yusufu vīinᵋ mᵋna blēwēē lú Igipiti*

<sup>1</sup> Kè Yakubu mà blēwēē kú Igipiti, à bè a nēnᵋne: Éǵᵋ káe kè pās? <sup>2</sup> Má mà blēwēē kú Igipiti. À gá lúwe gwe, le wāton garo, wǵᵋᵋ kuu aafia yānzi. <sup>3</sup> Ben Yusufu vīinᵋ ḡᵋn kurinᵋ gāa Igipiti blēwēē lú. <sup>4</sup> Yakubu e Yusufu dāaro Bēyāmi zīnyoro, zaake à bè: Wēǵᵋ dᵋro tᵋ yā zaaa é à le. <sup>5</sup> Ben Isaraili né pìnᵋ gāa blēwēē lú kᵋn gbē pāndenᵋ, zaake dekaa pì ká Kanaa bùsun dᵋ.

<sup>6</sup> Yusufu bé à bùsu pì gbēnsi ũ. Àmbe è blēwēē yā baade pínǵia. Ben à vīinᵋ mò wà kùene aᵋ n aē pēe tᵋᵋᵋ. <sup>7</sup> Kè à a vīinᵋ è, à n dᵋ, ben à a zīnda kēñne nibᵋ ũ. Ben à yā òñne pāsīpāsī à n lá à bè: A bᵋ máa? Aᵋ wēàla wà bè: Wa bᵋ Kanaa bùsun wa mᵋ blēwēē lúme. <sup>8</sup> Yusufu a vīinᵋ dᵋ, mᵋde aᵋᵋe à dᵋro. <sup>9</sup> Nanaa kè à ò yā n yā musu dᵋn, ben à bèñne: Gu'asiigwarinᵋn a ũ, a mᵋ wa bùsu kēsākii gwamē. <sup>10</sup> Aᵋ wēàla wà bè: Auo dii! N zᵋblerinᵋn wa ũ, wa mᵋ

blɛwɛɛ lúmɛ. <sup>11</sup> Dedõnkõdeenɔn wa ũ wa píngi. Náanɛdeenɔn wa ũ. Wapinɔ n zòblerinɔ, gu'asiigwarinɔn wa ũro. <sup>12</sup> Ben à bènnɛ: Egeɛmɛ! Amɔ wa bùsu asii dõmɛ. <sup>13</sup> Aõ bè: Wapinɔ n zòblerinɔ, dedõnkõdeenɔn wa ũ, wa gõɔn kuri awɛɛplaamɛ. Kanaa bùsu gbɛnɔn wa ũ. Wa dãaro gò be kɔn wa deo, wa gbɛndoo kuuro. <sup>14</sup> Ben Yusufu bènnɛ: Lán má òare nà, gu'asiigwarinɔn a ũ. <sup>15</sup> Yã kè é tó mà a yãpuraa dõn yè. Kɔn Fili'auna kuunao é bɔɛ kèro, séto a dãaro pì mò kè baasiro. <sup>16</sup> À a gbɛndoo zĩ à a dãaro sé, a gbɛ kpaaanɔ é gõ kpésiaan kè, mé dõ tó a yã yãpuraamɛ. Tó lenlo, kɔn Fili'auna kuunao gu'asiigwarinɔn a ũ. <sup>17</sup> Ben à n ká kpén ai gurɔ aagõ. <sup>18</sup> À gurɔ aagõdee zĩ à bènnɛ: Má Luda vĩa vĩ. À yã kè mé oaree kɛ, é bɔ aafia. <sup>19</sup> Tó náanɛdeenɔn a ũ, à a gbɛndoo tó da kpén kè, a gbɛ kpaaanɔ é tá kɔn blɛwɛɛo a bɛde nɔaderinɔnɛ, <sup>20</sup> é ɛara à mómɛ kɔn a dãaro pìo, mé dõ kè a yã yãpuraamɛ, weé a dɛdɛ dɔro. Ben aõ wèzi lɛ.

<sup>21</sup> Aõ bèkõnɛ: Yãpuraamɛ taarideenɔn wa ũ yã kè wá kè wa dãaronɛ yã yãnzì. Wá è gurɔ kè èe agbaa kpaaawe, à kè wɛnda, ben wée à yã maro. Beee yãnzin yã kè wa lezi. <sup>22</sup> Ben Rubeni bènnɛ: Kè má òare àton yãke kɛ né pìnɛro, ée ma yã maro. À aru gɛɛn Ludaa e boowa kè. <sup>23</sup> Aõ dõ Yusufu e maaro, zaake kè èe yã ooñnɛ, wèe lieñnɛmɛ. <sup>24</sup> Ben à gù n kiià à gàa à sò dò. Kè à sù, à yã órñnɛ, ben à Simɛɔ bò n guu à à yì n wáa. <sup>25</sup> Yusufu bè, wà blɛwɛɛ kánnɛ n sàkinɔ pa wà n baade ɔ danɛ à pón wà zé kúsãe keñnɛ. Kè wà kèñnɛ lɛ, <sup>26</sup> aõ n blɛwɛɛnɔ di n zaakinɔnɛ, ben aõ dà zén.

<sup>27</sup> Kè aõ kà guu kè aõɛ iin, kè aõ gbɛndoo a sàki pòro lɛ à pò kpá a zaakia, ben à a ɔ è a sàki lén. <sup>28</sup> Ben à bè a gbɛnɔnɛ: À ma sàki guu gwa, wà ma ɔ sòkpamɛ! Ben swè kèngu, aõ bèkõnɛ kɔn luganao: Bó yãn Ludaa kèwe lɛɛ? <sup>29</sup> Kè aõ kà n de Yakubu kiià Kanaa bùsun, aõ yã kè n lé tókènnɛ píngi wà bè: <sup>30</sup> Bùsu gbɛnsi pì yã òwe pāsīpāsī à wa diɛ gu'asiigwarinɔ ũmɛ. <sup>31</sup> Wa bènnɛ náanɛdeenɔn wa ũ, gu'asiigwarinɔn wa ũro. <sup>32</sup> Dedõnkõdeenɔn wa ũ, wa gõɔn kuri awɛɛplaamɛ, wa gbɛndoo kuuro, wa dãaro gò Kanaa bùsun kɔn wa deo. <sup>33</sup> Ben bùsu gbɛnsi pì bèwe yã kè eé tó à wa dõ náanɛdeenɔ ũun yè. À bè wà wa gbɛndoo tóao, wà blɛwɛɛ sé wà táo wa bɛde nɔaderinɔnɛ, <sup>34</sup> wà liara wà móare kɔn wa dãaroo, é dõ sa kè gu'asiigwarinɔn wa ũro, náanɛdeenɔn wa ũ, é wa gbɛndoo kpáwa, wé laa tá bùsu pìn.

<sup>35</sup> Kè aõɛ blɛwɛɛ bɔɛ n sàkinɔ guu, aõ baade a ɔɔɔnɔ è a pò guu. Kè aõ n ɔnɔ è lɛ, vĩa n kũ n píngi kɔn n deo. <sup>36</sup> Ben aõ de bènnɛ: Á yezi mà gõ né sain yó? Yusufu kuuro, Simɛɔ kuuro, ben á yezi à Beyãmi síma dɔó? Yã píngi e bɔɔmɛ zaamɛ. <sup>37</sup> Ben Rubeni bè a denɛ: Tó mée suonnero, n ma négõgbɛ plaaanɔ dɛdɛ. N à kpáma, mé suonne. <sup>38</sup> Ben Yakubu bè: Ma né é gáaoro, zaake à v̄i dadõnkõdee gà, àmbe à gò ado. Ma zi kù. Tó yãke à lè tá kè ée oo guu, eé tó mà tá miran kɔn pɔsíaamɛ.

## 43

### *Yusufu v̄inɔ ɛara à gana Iyipiti kɔn Beyãmio*

<sup>1</sup> Dekaa pāsī kù Kanaa bùsun. <sup>2</sup> Kè aõ blɛwɛɛ kè aõ bò Iyipiti blè wà yàa, aõ de bènnɛ: À ɛara à gá blɛwɛɛ lú féte dɔ. <sup>3</sup> Ben Yuda bènnɛ: Gõgbɛ pì òwe sãnsãmmɛ à bè, tó wa dãaro kúwaoro, wé wée sikòlɛro. <sup>4</sup> Tó né we wa dãaro gáwao, wé gá wà blɛwɛɛ lúnne. <sup>5</sup> Tó née we sòro, wé gáro, zaake gbɛ pì òwe, tó wa dãaro kúwaoro, wé wée sikòlɛro. <sup>6</sup> Ben Isaraili bè: Bóyãnzin a ãa dàmazi, kè á ò gbɛ pìnɛ á dãaro v̄i? <sup>7</sup> Aõ wèala wà bè: Àmbe à yã gbèkawa kɔn wa bɛdeenɔ yão à bè: A de kuu ai tiaó? Á dãaro v̄i? Yã beeenɔ musun wa wèala. Wá dõ yã eé be wà mó kɔn wa dãaroon yó? <sup>8</sup> Ben Yuda bè a denɛ: N tó né pì gámao. Wé fɛɛ wà gá gõmɛ, lɛ wapinɔ kɔn mpio kɔn wa nénɔ tón gagaro yãnzì, wégõ kuu aafia. <sup>9</sup> À gò ma yã ũmɛ. Ma a zĩnda wèndi diɛ à pò gɛɛ ũ. Tó mée suonne aafiario, ma gõ n taaridee ũmɛ. <sup>10</sup> Tó wée seka kɛ yãro, lɛ wa gaa gɛn plaadeeo wa su. <sup>11</sup> Ben aõ de bènnɛ: Tó lɛmɛ, à yã kèkii kɛ. À wa bùsu pò maaanɔ sée à ká a sàkinɔ guu à gá à gõgbɛ pì gba. À lí'ɔ èzɛ sé féte kɔn zó'io

féte kōn dò póno kōn lí'ò gū nnannaao kōn gòr'ò kōn sīo. <sup>12</sup> À gá kōn ɔɔo leo plaa à ɔɔ kè wà dàare a sàkinɔ guu ɔɔkpañne. Ke wà sàsán yá, á dōro. <sup>13</sup> À a dāaro sé à ɛara à gá gōgbē pì kiia. <sup>14</sup> Luda Gbāapingide tó gbē pì a wēnda gwa à a gbēndo kōn Beyāmio gbarɛ aɔ suao. Mapi sō, tó Luda ma néno sīmame, à sīman gwe.

<sup>15</sup> Aɔ pò kè aɔé gá wà à gbaa pìnɔ sèe kōn ɔɔo leo plaa kōn Beyāmio aɔ fèe wà gàa Iyipiti, ben aɔ gàa Yusufu kiia. <sup>16</sup> Kè Yusufu Beyāmi è n̄ té, à bè a begwarine: N̄ gá kōn gbē beeno ma be. N̄ n̄bò de n̄ keke, zaake gbē pìnɔ é pò blemao fāantēame. <sup>17</sup> Begwari pì yā kè Yusufu dànɛ kè à gāányo à be. <sup>18</sup> Kè wèe gāányo Yusufu be le, vīa n̄ kū aɔ bè: ɔɔ kè wà dà wa sàkinɔ guu yā bé à tò wèe mɔɔwao kè. Aɔ yezi wà léewa wà gbāaa mówe wà wa kūkū zòno ū, wà wa zaakinɔ séeame. <sup>19</sup> Kè aɔ kà Yusufu be kpee, aɔ sò à begwari pìzi aɔ bè: <sup>20</sup> Maree, n yā nna! Wa mɔ wà blɛwee lú kè yā káaku. <sup>21</sup> Kè wa ka guu kè wé iin, wa wa sàkinɔ pòro, ben wa baade a ɔɔ è a sàki lén papana. Ben wa su ɔɔ pìo wa ɔzī. <sup>22</sup> Wa mɔ ɔɔ pāndeo le wà ble pānde lúo. Wá dō gbē kè ɔɔ pì dà wa sàkinɔ guuro. <sup>23</sup> Begwari pì bè: Àton bídi kero, àton vīa kero. A Luda, a de Luda bé à ɔɔ pì dàare a sàkinɔ guu. A ɔɔ ma kii lè. Ben à Simeɔ bòñne. <sup>24</sup> Begwari pì gēnyo Yusufu ua guu, à í kpámma aɔ zú oo, ben à sè kpà n̄ zaakinɔa. <sup>25</sup> Ben aɔ pò kè aɔé Yusufu gbaa pì yā kèke ai àgō gá su fāantē, zaake aɔɔ mà weé pò ble à beme.

<sup>26</sup> Kè Yusufu sù be, aɔ à gbà pò kè aɔ m̀ò pìnɔ aɔ dàe tɔɔte à ae. <sup>27</sup> À n̄ aafia gbèka, ben à bè: A de zikūna kè a à yā ò pì gbāaɔ? À kú wèndioɔ? <sup>28</sup> Aɔ wèla wà bè: Wa de n zòbleri gbāa à kuu ai tia. Ben aɔ kùene wà ae pèe tɔɔtea. <sup>29</sup> Yusufu wée sè à a dāaro dadōnkōde Beyāmi gwà à bè: A dāaro kè a à yā òmɛe pìn yèɔ? Ben à bè Beyāmine: Luda aubarika dangu. <sup>30</sup> Kè à a dāaro gwà, à pɔɔ kè nna bíta à yezi à ɔɔ do, ben à gè kpétu kpakpaa, à ɔɔ dō gwe. <sup>31</sup> Kè à uu pìpi, ben à b̀ò à a zīnda kù à bè wà mó pòbleo.

<sup>32</sup> Wà pòblee diene ado, aɔ pò s̄ adona, Iyipiti kè aɔ kúono pò adona do, zaake Iyipitino è pò ble kōn Eberunɔro aɔe kakōányoro. <sup>33</sup> Wà n̄ vēvèe à ae n̄ sáakeea, zaa daudua ai n̄ gbē zāaa, ben aɔ lé àe wà kō gwàgwa. <sup>34</sup> Ben wà pòblee kè kú Yusufu ae kpàateteñne. Beyāmi pò bíta de gbē kpaaano pòla leo ɔɔoro. Ben aɔ pò blè aɔ í mì kōn Yusufu ai wà kà.

## 44

### *Kondogi togo dana sàkin*

<sup>1</sup> Yusufu bè a begwarine: N̄ blɛwee káka gbē pìnɔne n̄ sàkinɔ pa lán aɔé f̄o wà sé nà. N̄ baade ɔɔ danɛ a sàki lén <sup>2</sup> n̄ ma kondogi togo sé n̄ da n̄ dāaro sàkin kōn à blɛwee ɔɔo. Ben à kè lán Yusufu òne nà. <sup>3</sup> Kè guu dò gɔɔ, wà n̄ gbáe kōn n̄ zaakinɔ. <sup>4</sup> Ai aɔgō gá ká zà, ben Yusufu bè a begwarine: N̄ f̄ee n̄ pééñzi. Tó n̄ n̄ lé, n̄ n̄ la n̄ be bóyānzin aɔ f̄ia b̀ome à zaaao à maaa ḡee ūzi? <sup>5</sup> Bóyānzin aɔ ma togoo kè meè í mio mà m̀aso keo sè kpāii? N̄ oñne kè aɔ yā zaaa kè.

<sup>6</sup> Kè à n̄ lé, à yā pì òñne, <sup>7</sup> ben aɔ wèla wà bè: Maree, à kè dia n̄ ò lee? Kúku! Wamɔwa n zòblerino, weè yā beee taka kero. <sup>8</sup> ɔɔ kè wá è yā wa sàkinɔ lé guu, wée ɛara wa suonne b̀ona zaa Kanaaroo? Wé f̄o wà kondogi ke vura sé kpāi n̄ dii beɔ? <sup>9</sup> Maree, wa gbē kè n̄ è à kiia, adee gà, wa píngi wé ḡo n̄ zòno ū. <sup>10</sup> À bè: Tò, à ke lán á ò nà. Gbē kè wà è à kiia é ḡo ma zò ūme, a gbē kpaaano é ḡo taari sai. <sup>11</sup> Ben aɔ baade a sàki pìta à pòro ḡo. <sup>12</sup> Ben begwari pì n̄ sàkinɔ gwàgwa. À nà n̄ v̄li pòa ai à gàa à kào n̄ dāaro pòa, ben à togoo pì è Beyāmi pò guu. <sup>13</sup> Aɔ n̄ utano gà wà kèkè, ben aɔ baade a asoo yì a zaakine aɔ ɛara wà gè wéte guu. <sup>14</sup> Kè Yuda kōn a gbēno kà Yusufu be, aɔ à lè gwe, ben aɔ kùe à ae tɔɔtea. <sup>15</sup> À bèñne: Bóyānzin á kè lezi? Á dō kè ma taka è m̀aso keroo? <sup>16</sup> Yuda wèla à bè: Dii, wé benne diamɛ? Á yāke ona v̄iro. Wé ke dia wà wa zīnda b̀o yān? Luda bé à b̀ò wa taaria. Dii, wa ḡo n̄ zòno ū kè, wapino kōn gbē kè wà togoo pì è à kiiao. <sup>17</sup> Ben Yusufu bè: Kai! Mé

fɔ̀ mà beee kɛro. Gbɛ̀ kɛ̀ wà togoo pì èa bé eé gɔ̀ ma zò ũ, a gbɛ̀ kpaaanɔ̀ é ɛara à tá a de kiia aafia.

### *Yuda wéekena Yusufua Beyāmine*

<sup>18</sup> Ben Yuda sòzi à bè: N yā nna dii! Ñ tó mamɔma n zòbleri mà yā onne. Ñton pɔ̀ fɛmaziro dii, zaake ñ sáa kɔ̀n Fili'aunaome. <sup>19</sup> Dii, n wa la yā tó wá de vī ke dāaro. <sup>20</sup> Ben wa bè wa de zi kù, bensɔ̀ wa dāaro kuu dɔ̀, wa de à ì a zikū guume. Né pì vīi dadɔ̀nkɔ̀dee gà, àmbe à gò ado, ben wa de pì yezi maamaa. <sup>21</sup> Ñ ò wamɔwa n zòblerinɔ̀ne wà à sé wà mɔ̀onne le ñ wée siàle. <sup>22</sup> Dii, wa bènne né pì é fɔ̀ à a de tóro. Tó à à tò, de pì é game. <sup>23</sup> Ben n bèwe, tó wée mó kɔ̀n wa dāaro pìoro, wé wée sikɔ̀lero. <sup>24</sup> Kè wa ta wa de kiia, wa n yā òne. <sup>25</sup> Ben wa de pì bè wà ɛara wà gá blɛwɛɛ lú féte dɔ̀. <sup>26</sup> Wa bè, tó èe ke wa dāaro kúwao baasiro, wé fɔ̀ wà gáro, zaake tó à kúwaoro, wa wée é sikɔ̀lero. <sup>27</sup> Ben wa de bèwe, wá dɔ̀ kè a naɔ̀ né ì mèn plaa. <sup>28</sup> Kè à doo bò à bɛ, èe à e dɔ̀ro ai gbàa. À bè nòbɔ̀ pásī bé à à sò. <sup>29</sup> À bè tó wa né beee siawa, ben yā zaaa à lè, lán a zi kù nà, wé tó à tá miran kɔ̀n pɔ̀siaaome. <sup>30</sup> Tia sa, tó ma ta ma de kiia, ben à né pì kúwaoro, eé game, zaake à pɔ̀ɔ̀ nàame. <sup>31</sup> Tó wa dee e né pì e wa téro, eé tá miran a zikū guu kɔ̀n pɔ̀siaaome. <sup>32</sup> Ma a zīnda kpà ma dea né pì gɛɛ ũme, ma bè tó mée suonero, mé gɔ̀ à taaridee ũ ai ma wèndi lén. <sup>33</sup> Dii, n yā nna! Ñ tó mà gɔ̀ n zò ũ né pì gɛɛ ũ, le à tá kɔ̀n a vīinɔ̀. <sup>34</sup> Tó èe ke kɔ̀n né pìoro, mé fɔ̀ mà tá ma de kiia. Ñton tó mà yā zaaa kè eé ma de lee ero.

## 45

### *Yusufu zīnda tɔ̀kɛna a vīinɔ̀ne*

<sup>1</sup> Yusufu e fɔ̀ à a zīnda kù a ìba kè aɔ̀ kú gweenɔ̀ aɛzī dɔ̀ro, ben à pùtā à bè: Amɔa kè á kú kènɔ̀, à bɔɛ a píngi! Kè gbɛ̀kee kú gwe dɔ̀ro, ben à a zīnda tɔ̀kè a vīinɔ̀ne sa. <sup>2</sup> Èe ɔ̀ dɔ̀ɔ̀ gbāngbān ai Iqipitinɔ̀ mà, ben Fili'auna bɛdeenɔ̀ à baaru mà. <sup>3</sup> Ben à bè a gbɛ̀ pìnɔ̀ne: Yusufun ma ũ. Ma de kuu ai tiaɔ̀? Ben swè kèngu, aɔ̀e fɔ̀ wà wèàlaro. <sup>4</sup> Ben Yusufu bèrɛne: À sɔ̀mazi. Kè aɔ̀ sòzi, ben à bè: Mámbe a dāaro Yusufu kè á yà wà sùo Iqipiti kè ũ. <sup>5</sup> Tia sa àton tó a nòse yakaro. Àton pɔ̀ fɛ ma yana yā musuro, zaake gbɛ̀nɔ̀ m̀sina yānzin Luda ma zī a aɛ kèzi. <sup>6</sup> Dekaa kana b̀sun kè wè plaadeen yè. Weé bú baro weé pɔ̀ kɛro ai wè sɔ̀ɔ̀ro. <sup>7</sup> Ludaa tò ma dɔ̀are aɛ le wa borii bɔ̀ aafia anduna guu, mà a mì sí maamaa. <sup>8</sup> Èe ke ámbe a ma zī kèro, Ludame. À ma die Fili'auna lédammari ũ, à begwari ũ, Iqipiti gu píngi gbɛ̀nsi ũ. <sup>9</sup> À ke kpakpaa, à gá wa de kiia à onɛ à né Yusufu bè Luda a die Iqipiti b̀su gbāadee ũ. À su ma kiia kè gɔ̀. <sup>10</sup> Àgɔ̀ kúmao kīi à vɛɛ Gosɛ̀ b̀sun kɔ̀n a néno kɔ̀n a dionɔ̀ kɔ̀n a sáanɔ̀ kɔ̀n a blèno kɔ̀n a zùnɔ̀ kɔ̀n pɔ̀ kè à vīinɔ̀ píngi. <sup>11</sup> Mé à gwa kè, zaake dekaa égɔ̀ kuu ai wè sɔ̀ɔ̀ro dɔ̀me. Tó lenlo, àpi kɔ̀n a bɛdeenɔ̀ kɔ̀n pɔ̀ kè à vīinɔ̀ é kaate píngi. <sup>12</sup> Apinɔ̀ kɔ̀n Beyāmio, á è wéeo kè mamɔma Yusufu mámbe mée yā ooare. <sup>13</sup> À bèe kè má vī Iqipiti kè yā o ma denɛ kɔ̀n pɔ̀ kè á èo píngi. À gá à suo kè kpakpaa. <sup>14</sup> À vī à lògo a dāaro Beyāmi waaa à ɔ̀ dɔ̀, ben Beyāmi mlèa à ɔ̀ dɔ̀ se. <sup>15</sup> Ben à lé pèpɛ a vīinɔ̀a ñ píngi kɔ̀n ɔ̀ dɔ̀ɔ̀. Beee gbera a vīinɔ̀ yā òo.

<sup>16</sup> Kè Yusufu vīinɔ̀ mɔ̀na baaru kà Fili'auna bɛ, à kènɛ nna kɔ̀n a ìbanɔ̀. <sup>17</sup> Ben à bè Yusufune: Ñ o n vīinɔ̀ne aɔ̀ ñ asoo yi ñ zaakinɔ̀ne aɔ̀ fɛɛ wà gá Kanaa, <sup>18</sup> aɔ̀ ñ de sé kɔ̀n n bɛdeenɔ̀ aɔ̀ suño ma kiia kè. Mé Iqipiti b̀su gu maaa kpámma aɔ̀gɔ̀ nnaa maa. <sup>19</sup> Ñ oñne dɔ̀ aɔ̀ Iqipiti z̀goronɔ̀ sé ñ né fétenɔ̀ kɔ̀n ñ nɔ̀gbɛnɔ̀ yānzī, aɔ̀ ñ de sé wà suo. <sup>20</sup> Aɔ̀ton laasuu lé pɔ̀ kè aɛ tó gweenɔ̀aro, zaake Iqipiti gu maaa é gɔ̀ ñ pɔ̀ ũme.

<sup>21</sup> Ben Isaraili né pìnɔ̀ kè le. Yusufu z̀goronɔ̀ kpámma lán Fili'auna ò nà. À zé kūsāɛ kèrɛne dɔ̀. <sup>22</sup> À ñ gbá uta ìsinɔ̀ ñ píngi, ben à Beyāmi gbà kondogi ɔ̀ mèn wàa do kpé basɔ̀ro

kɔ̃n uta ìsino mèn sɔ̃ro. <sup>23</sup> À Igipiti pɔ̃ maaano kpàsá a denɛ zaaki aso kuri kɔ̃n blɛwɛɛo kɔ̃n pɔ̃bleeo zaaki aso kuri a de zé kūsáɛ ũ. <sup>24</sup> Kè à ñ gbáɛ à bè: Àton swèe ke zénlo! Ben aɔ̃ tà.

<sup>25</sup> Aɔ̃ bɔ̃ Igipiti, ben aɔ̃ kà Kanaa bùsun ñ de Yakubu kiia. <sup>26</sup> Aɔ̃ bène: Yusufu kú wèndio ai tia, àmbe Igipiti bùsu gbènsi ũ. Ben Yakubu kè sàii, èe síro. <sup>27</sup> Ben aɔ̃ yá kè Yusufu ò́nne ò́ne píngi. Kè Isaraili zùgoro kè Yusufu gbàre à a sɛ́no è, ben à laasuu kè do sa, <sup>28</sup> ben à bè: Kèkii mò! Ma né Yusufu kú wèndio ai tia. Mé gá mà wéɛ siàle le má kpé mà ga.

## 46

### *Yakubu tana Igipiti kɔ̃n a nɛ́no*

<sup>1</sup> Isaraili dà zén kɔ̃n pɔ̃ kè a ṽino píngi. Kè à kà Beseba, à saa ò a de Isaaku Ludaa. <sup>2</sup> Ben Luda bɔ̃ à m̀zi wéegupu'ena guu gwáaṽi à bè: Yakubu! Yakubu! À wèàla à bè: Maɛ kè! <sup>3</sup> Ben à bè: Mámbe Luda ũ, n de Luda. Ñton bídi ke Igipiti gana yá musuro, zaake gwen mé n borii kaaran maamaa. <sup>4</sup> Mé gányo Igipiti mà ɛara mà su kɔ̃n n boriino. Yusufu gbádaan né gan.

<sup>5</sup> Ben Yakubu f̃ɛ Beseba. À nɛ́no à dà zùgoro kè Fili'auna gbàre wà à sɛ́ono guu kɔ̃n ñ nɛ́no kɔ̃n ñ naɔ̃ono. <sup>6</sup> Aɔ̃ ñ pókádeenɔ̃ kɔ̃n auziki kè aɔ̃ è Kanaa bùsu guuno sèe wà tào Igipiti. <sup>7</sup> Yakubu tà gwe kɔ̃n a négɔ̃gbɛ́no kɔ̃n a nɛ́no gbɛ́no kɔ̃n a diono ñ píngi. <sup>8</sup> Isaraili kè aɔ̃ tà Igipitino tónon yè, Yakubu kɔ̃n a boriino.

Yakubu daudu Rubeni. <sup>9</sup> Rubeni négɔ̃gbɛ́non Anoku, Palu, Ezeronu kɔ̃n Kaamio ũ. <sup>10</sup> Simɛno négɔ̃gbɛ́non Yemueli, Yami, Oada, Yakí, Zoa kɔ̃n Saulu kè à à ì kɔ̃n Kanaa no gbèoo ũ. <sup>11</sup> Levi négɔ̃gbɛ́non Gesonu, Koa kɔ̃n Merario ũ. <sup>12</sup> Yuda négɔ̃gbɛ́non Eɛ, Ona, Sela, Pɛɛzi kɔ̃n Zerao ũ, m̀de Eɛ kɔ̃n Onao gà Kanaame. Pɛɛzi négɔ̃gbɛ́non Ezeronu kɔ̃n Amuluo ũ. <sup>13</sup> Isaka négɔ̃gbɛ́non Tola, Pua, Yasubu kɔ̃n Simirɔnuo ũ. <sup>14</sup> Zebuluni négɔ̃gbɛ́non Seredi, Eloni kɔ̃n Yalelio ũ. <sup>15</sup> Négɔ̃gbɛ́ kè Lea ñ í kɔ̃n Yakubuo Mesopotamianon gwe. Àmbe à a nɛ́no gbɛ́ Dina ì do. Aɔ̃ borii p̃ino ñ píngi g̃ɔ̃n baaakuri awɛɛ'aagɔ̃me.

<sup>16</sup> Gada négɔ̃gbɛ́non Zefɔ̃, Agi, Suni, Ezebɔ̃, Eri, Arodi kɔ̃n Areluo ũ. <sup>17</sup> Asa négɔ̃gbɛ́non Imina, Isiva, Isivi kɔ̃n Beriao ũ kɔ̃n ñ dāre Serao. Beria négɔ̃gbɛ́non Eberu kɔ̃n Malakielio ũ. <sup>18</sup> Labá bé à Zilipa kpà Leaa. Borii kè Zilipa kè kɔ̃n Yakubuon gwe. Aɔ̃ g̃ɔ̃n g̃ero awɛɛdome.

<sup>19</sup> Yakubu naɔ̃ Raseli négɔ̃gbɛ́non Yusufu kɔ̃n Beyāmio ũ. <sup>20</sup> Yusufu Manase kɔ̃n Eflaimuo ì Igipiti kɔ̃n a naɔ̃ Asena, Eliopoli sa'ori Potifera néo. <sup>21</sup> Beyāmi négɔ̃gbɛ́non Bela, Beke, Asabeli, Gera, Naama, Ehi, Rosu, Mupimu, Upimu kɔ̃n Adao ũ. <sup>22</sup> Borii kè Raseli kè kɔ̃n Yakubuonon gwe. Aɔ̃ g̃ɔ̃n g̃ero dosaimɛ.

<sup>23</sup> Dani négɔ̃gbɛ́ Usimu. <sup>24</sup> Nafatali négɔ̃gbɛ́non Yazieli, Guni, Yɛzɛ kɔ̃n Silemuo ũ. <sup>25</sup> Labá bé à Bila kpà Raselia. Borii kè Bila kè kɔ̃n Yakubuonon gwe. Aɔ̃ g̃ɔ̃n swɛɛplaame.

<sup>26</sup> Yakubu borii kè aɔ̃ t̃ányo Igipitinon gwe. Aɔ̃ g̃ɔ̃n baaagɔ̃ awɛɛswɛɛdome à né naɔ̃ono baasi. <sup>27</sup> Kè Yusufu né ì Igipiti g̃ɔ̃n plaa, ben Yakubu borii kè aɔ̃ tà gweeno kè g̃ɔ̃n baaagɔ̃ akuri.

<sup>28</sup> Yakubu Yuda z̃i à d̃one aɛ Yusufu kiia, le à Gosɛ bùsu zé ɔ̃d̃ane. Kè aɔ̃ kà gwe, <sup>29</sup> ben Yusufu g̃è a s̃goron à gàa da a delɛ gwe. Kè à à lè, à mlèa à ɔ̃ d̃ò g̃ikena. <sup>30</sup> Ben Isaraili bè Yusufune: Lán ma wéɛ sinle nà má è ñ kú wèndio, gaa è f̃ɔ̃ à ma sé sa.

<sup>31</sup> Yusufu bè a ṽino ñe kɔ̃n a de b̃deenɔ̃: Mé gá mà o Fili'aunanɛ ma ṽino kɔ̃n ma de b̃dee kè aɔ̃ kú Kanaa bùsunno sù ma kiia. <sup>32</sup> Mé onɛ kè s̃d̃arinon a ũ, á pókádeenɔ̃ ṽi, ben a m̃o kɔ̃n a s̃aano kɔ̃n a bl̃eno kɔ̃n a z̃uno kɔ̃n pɔ̃ kè á ṽino píngi. <sup>33</sup> Tó Fili'auna a sisi, ben à a la b́o z̃iin èe ke, <sup>34</sup> à onɛ à be á pókádedeenɔ̃ ũ zaa a g̃ɔ̃kparɛkɛgurɔ̃ ai kɔ̃n a gb̃ao lán a dezino bà. Tó á òne le, é e à ṽɛ Gosɛ bùsun, zaake Igipitino è kak̃ɔ̃a kɔ̃n s̃d̃arinoro.



## 47

*Isarailinɔ vɛɛna Iyipiti*

<sup>1</sup> Yusufu gaa à yã ò Fili'aunanɛ à bè: Ma vɛinɔ bɔ Kanaa bɔsun kɔn n sãanɔ kɔn n blɛnɔ kɔn n zùnɔ kɔn pɔ kɛ aɔ vɛinɔ pɛngi, aɔ mò Gosɛ bɔsun. <sup>2</sup> Ben à a vɛinɔ sɛ gɔɔn sɔɔro à n ɔɔa Fili'aunanɛ. <sup>3</sup> Fili'auna n lá à bè: Bɔ zɛin eè kɛɛ? Aɔ wɛ̀àla wà bè: Wamɔwa n zɔ̀blerinɔ, sãdãrinɔn wa ũ lán wa dezinɔ bà. <sup>4</sup> Ben aɔ bènɛ: Wa mɔ vɛɛ bɔsun kɛ gurɔ plaamɛ, zaakɛ dekaa kú Kanaa bɔsun maamaa, sɛ kuu kɛ wa sãanɔ blero. Wamɔwa n zɔ̀blerinɔ, n wa gba zé wà vɛɛ Gosɛ bɔsun. <sup>5</sup> Ben Fili'auna bè Yusufunɛ: Lán n de kɔn n vɛinɔ sù n kiia nà, <sup>6</sup> n n káɛ Iyipiti gu maaan. Aɔ vɛɛ Gosɛ bɔsun. Tó làakarideenɔ kú n té, n ma pɔnɔ nañne n ɔzi.

<sup>7</sup> Ben Yusufu a de Yakubu sɛ à gaa à ɔɔa Fili'aunanɛ. Ben Yakubu sa maaa ònɛ. <sup>8</sup> Fili'auna à là à bè: N ka wɛ̀n gbaa? <sup>9</sup> À wɛ̀àla à bè: Ma kuuna anduna guu wɛ̀ baswɛ̀ɛdo akurideen yè. Ma wɛ̀ e ká ma dezinɔ pɔ ũro, ben à yã'ɔamma vɛ. <sup>10</sup> À sa maaa ò Fili'aunanɛ ɔ, ben à bɔ à kiia.

<sup>11</sup> Yusufu a de kɔn a vɛinɔ kàɛ Iyipiti bɔsu gu maaan, à n gbá bɔsu kɛ Ramɛɛ de à wɛ̀tedaa ũ lán Fili'auna ò nà. <sup>12</sup> Yusufu blɛwɛɛ kpà a dea kɔn a vɛinɔ kɔn a de bɛdeenɔ n pɛngi ua kɔn uao n pari lén.

*Dekaa gbãakūna*

<sup>13</sup> Dekaa kɛ gbãa, blɛwɛɛ kú gukearo. Iyipitinɔ kɔn Kanaanɔ gbãaa yãa. <sup>14</sup> Wɛ̀e blɛwɛɛ luu, ben Yusufu ɔ kɛ kú Iyipiti kɔn Kanaa sɛ pɛngi à tào Fili'auna bɛ. <sup>15</sup> Kɛ Iyipitinɔ kɔn Kanaanɔ ɔ yãa, Iyipitinɔ mò Yusufu kiia n pɛngi aɔ bè: ɔ kuu dɔro. N wa gba blɛwɛɛ. Nton tó wà ga n wáaro. <sup>16</sup> Yusufu bè: Lán ɔ kuuro nà, à mɔ kɔn a pɔkãdeenɔ, mé blɛwɛɛ kpáawa à musu. <sup>17</sup> Ben aɔ mò Yusufunɛ kɔn pɔkãdeenɔ, ben à blɛwɛɛ kpámma sɔnɔ kɔn sãanɔ kɔn blɛnɔ kɔn zùnɔ kɔn zaakinɔ musu. Wɛ̀ beee à blɛwɛɛ kpámma n pɔkãdeenɔ musumɛ.

<sup>18</sup> Kɛ wɛ̀ beee gɛ̀tɛ, ben aɔ mò à kiia à wɛ̀ làa wà bènɛ: Dii, wé fɛ̀ wà yãke utennɛro. ɔ yãa, ben wa pɔkãdeenɔ gɛ̀ n pɔ ũ. Pókee e gɔ̀ wà kpámmaro, wapinɔ kɔn wa buraanɔ baasiro. <sup>19</sup> Nton tó wà ga n wáa kɔn wa buraanɔro. N wa lú kɔn wa buraanɔ n fɛ̀a bo kɔn blɛwɛɛo wà gɔ̀ Fili'auna zɔ̀nɔ ũ, wapinɔ kɔn wa buraanɔ. N wa gba blɛwɛɛ lɛ wàton garo wàgɔ̀ kuu, lɛ ɔ wa buraanɔ tón gɔ̀ taagaa ũro. <sup>20</sup> Ben Yusufu Iyipiti buraanɔ lù Fili'aunanɛ pɛngi, zaakɛ Iyipitinɔ baade a buraa yà, kɛ nɔaa n kú gbãa yãanzi, ben bɔsu gɛ̀ Fili'auna pɔ ũ. <sup>21</sup> Yusufu Iyipitinɔ sɛ zɔ̀nɔ ũ n pɛngi zaa n bɔsu lén kɛ gana à lé kãa. <sup>22</sup> Mɔde è sa'orinɔ buraanɔ lúro, zaakɛ Fili'auna diɛ àgɔ̀ blɛwɛɛ kpámma gurɔ sãnda pɛngi. Lán aɔ kú kɔn blɛwɛɛ kɛ Fili'auna è kpámmao nà, aɔɛ n buraanɔ yáro.

<sup>23</sup> Ben Yusufu bè gbɛ̀nɔnɛ: Ma a lu kɔn a buraanɔ sa, a gɔ̀ Fili'auna pɔ ũ. Blɛwɛɛn yè. À gá à tɔ. <sup>24</sup> Pókɛgurɔ àgae à lɛo sɔɔrode kpá Fili'aunaa, à kpaá é gɔ̀are blɛwɛɛ ũ kɔn pɔbleeo. Àgae beee ble kɔn a né nɔ kɔn a bɛdeenɔ a pɛngi. <sup>25</sup> Ben aɔ bè: N wa mì sɛ. N tó wà n pɔnnaa e dii, wà gɔ̀ Fili'auna zɔ̀nɔ ũ. <sup>26</sup> Ben Yusufu yã diɛ Iyipiti à bè, burapɔ lɛo sɔɔrodee é gɔ̀ de Fili'auna pɔ ũ. Yã pì kuu ai kɔn a gbãao. Sa'orinɔ bɔsu bé èe gɔ̀ Fili'auna pɔ ũro ado.

*Yakubu wɛ̀kɛna zãa*

<sup>27</sup> Isarailinɔ kú Gosɛ bɔsun zaa Iyipiti. Aɔ n zɛinda tɔtɛ vɛ gwe, ben aɔ né ì wà kàara maamaa. <sup>28</sup> Yakubu kɛ wɛ̀ gɛro awɛɛplaa Iyipiti, à wɛ̀ pɛngipɛngi baswɛɛplaa awɛɛswɛɛplaamɛ. <sup>29</sup> Kɛ à kà gana, à a né Yusufu sisi, ben à bènɛ: N yã nna! Tó ma n pɔnnaa è, n n ɔ da ma gbáda gbáru n gbɛkɛ kɔn náaneo yã kemɛ. Nton n ma vɛi Iyipitiro. <sup>30</sup> Tó ma ka ma dezinɔla, n ma sé n bɔmao Iyipiti kɛ n ma vɛi ma dezi pɛnɔ mirawɛɛn. Ben Yusufu bènɛ: Mé yã kɛ n ò kennɛ. <sup>31</sup> Ben Yakubu bè: N la damɛ. Kɛ à la dànɛ, ben Yakubu gbãa è a gò à dɔnzi kɛ.

## 48

*Yakubu Eflaimu kɔn Manaseo diena a zĩnda nɛnɔ ũ*

<sup>1</sup> Gurɔ plaa gbera wà ò Yusufunɛ à dee e gyãa keɛ, ben à a né gɔɔn plaaanɔ Manase kɔn Eflaimuo sɛɛ à gaańyo. <sup>2</sup> Kè wà ò Yakubunɛ à né Yusufu m̀ò à gwa, à aĩa kè à fɛɛ à vɛɛ a gádo musu. <sup>3</sup> À bè Yusufunɛ: Luda Gbãapingide b̀ò à m̀mazi zaa Luzu, Kanaa b̀usun à aubarika dàmagu <sup>4</sup> à bèmɛ é tó mà né i maamaa, é ma kaara mà gɔ boriinɔ dezi ũ, é b̀usu p̀i kpá ma boriinɔa ma gbera ń p̀ó ũ ai gurɔ p̀ingi. <sup>5</sup> Tia sa né gɔɔn plaa kè ń ń í Iyipiti ai màgɔ m̀ó n kiianɔ ma p̀onɔmɛ. Eflaimu kɔn Manaseo g̀ò ma nɛnɔ ũ lán Rubeni kɔn Simeɔo de nà. <sup>6</sup> Né kè né ń i ń gberaanɔ bé weégɔ de n p̀ó ũ, aɛé ń túbi e ń v̀iinɔ kiia. <sup>7</sup> Zaake kè m̀ée suu kɔn Mesɔptomiao, n da Raseli g̀à zén Eflata kè wè be tia Betelému lézi zaa Kanaa b̀usun, ben ma à v̀ii zén gwe.

<sup>8</sup> Ben Isaraili Yusufu nɛnɔ gwà à bè: Dénɔn gwee? <sup>9</sup> À bè a denɛ: Né kè Luda ma gba kènnɔn gwe. Ben Isaraili bè: N m̀ónyo ma kiia mà sa'ole kéńne. <sup>10</sup> Zikũ Isaraili wée b̀usa èe guu ee maaro, ben Yusufu s̀zi kɔn né p̀inɔ. Isaraili lé p̀epɛm̀ma à ń kpá a k̀ula, <sup>11</sup> ben à bè Yusufunɛ: M̀ée kpákpa yã mà wée sinle d̀oro, ben Ludaa tò ma n e kɔn n nɛnɔ d̀o. <sup>12</sup> Yusufu ń gú a de gbála, ben à k̀unenɛ à a ae p̀ɛɛ. <sup>13</sup> Ben Yusufu a nɛnɔ k̀ù ń plaa ń p̀ingi. À Eflaimu k̀ù kɔn ɔplaa Yakubu ɔzezi, ben à Manase k̀ù a ɔzezi Yakubu ɔplaazi, ben à s̀zi kɔn né p̀inɔ. <sup>14</sup> Ben Yakubu a ɔɔ p̀akɔla à a ɔplaa nà Eflaimu kè de d̀aaro ũu m̀ia à a ɔze nà Manase kè de daudu ũu m̀ia. <sup>15</sup> Ben à sa'ole kè Yusufunɛ à bè:

Luda kè ma dezinɔ Ibraĩ

kɔn Isaakuo t́aa ɔo,

Luda kè d̀mɛ ae

ma kuuna guu ai kɔn a gbãao,

<sup>16</sup> à Malaika kè ma b̀ò à zaaan p̀ingi,

à aubarika da né k̀ekiinɔn,

à tó wàgɔ ń s̀isii ma t́aa,

kɔn ma dezinɔ Ibraĩ kɔn Isaakuo t́oo,

à tó aɔgɔ k̀oo maamaa anduna guu.

<sup>17</sup> Kè Yusufu è a de a ɔplaa nà Eflaimu m̀ia, èe kenɛ nnaro. À a de ɔɔ k̀ù le à gu Eflaimu m̀ia à na Manase p̀oa <sup>18</sup> à bè: Lenlo Baa, gbẽ k̀ekii bé à daudu ũ. N n ɔplaa na à m̀ia. <sup>19</sup> Ben à de gi à bè: Má d̀o ma né, má d̀o. Àpi s̀o eé gɔ borii ũ, eégɔ bíta, m̀ode à d̀aaro bíta égɔ deàla, à borii égɔ pari. <sup>20</sup> Zĩ beea à sa'ole kéńne à bè:

Isarailinɔ é sa maa okɔne kɔn a t́oo

aɛé be Luda t́o n gɔ

lán Eflaimu kɔn Manaseo bà.

Lɛmɛ à Eflaimu d̀ò Manasenɛ ae le.

<sup>21</sup> Ben Isaraili bè Yusufunɛ: Ma ka gana, m̀ode Luda égɔ k̀úao, eé ɛara à t́aa a dezinɔ b̀usun. <sup>22</sup> Sɛkemu b̀usu maa kè má s̀i Amɔrinɔa kɔn ma f̀ɛdaao kɔn ma s̀ao, ma n gba, mmɔn kè ń de n v̀iinɔla.

## 49

*Yakubu sa'olekena a nɛnɔnɛ*

<sup>1</sup> Yakubu a nɛnɔ sisi, ben à bè:

À k̀o kakɔa

mà yã kè eé a le ziakpɛɛ zĩ oare.

<sup>2</sup> À k̀o kakɔa ma nɛnɔ à swã kpá,

à a de Isaraili yã ma.

<sup>3</sup> Rubeni ma daudu ma gbãaa,

ma kana gɔ̃ lézĩ né káaku,  
n bèe deńla kɔ̃n n gbāaa.

<sup>4</sup> ń pāsĩ lán ísɔ̃ bà,  
mɔ̃de négɔ̃ deńlaro,  
zaake n didi n da n de gádoa,  
n dae kɔ̃n ma nɔ̃nɔ̃ dokeo.

<sup>5</sup> Simeɔ̃ kɔ̃n Levio bé wà kɔ̃ gbēnɔ̃ ũ,  
aɔ̃ pāsĩ kɔ̃n fēdaao.

<sup>6</sup> Ma lé kú aɔ̃ kakɔ̃ana guuro,  
ma baka kú aɔ̃ yāgɔ̃gɔ̃na guuro,  
zaake aɔ̃ gbēnɔ̃ dède pɔ̃fē guu,  
aɔ̃ zù gbátĩkyanɔ̃ zòzɔ̃ lán aɔ̃ yezi nà.

<sup>7</sup> Luda láari zĩm̃ma ń pɔ̃fē bíta yānzi,  
à lé keńne ń pāsĩke yānzi.  
Mé ń kēkɔ̃a Yakubu boriinɔ̃ té,  
mé ń boriinɔ̃ fāakɔ̃a Isarailinɔ̃ guu.

<sup>8</sup> Yuda, n gbēnɔ̃ é n tɔ̃ kpá.  
Né n ibeɛnɔ̃ kũ ń waaa,  
n de nēnɔ̃ é kúenne.

<sup>9</sup> Yuda de lán músu bà,  
ma né pì è su kɔ̃n tofekao.

È gáe è dae a tòn.  
de bé é fɔ̃ à à fēe?

<sup>10</sup> Kpata é gu Yudalaro,  
à boriinɔ̃ bé weégɔ̃ gò kũna  
ai Silo gá mɔ̃,  
bori píngi é mì siene.

<sup>11</sup> Eé a zaaki dɔ̃ geepi lía,  
eé a zaakinε yi geepi lí maaaa.  
Geepiwēε égɔ̃ dizime

eé a pókásāanɔ̃ pípíio  
eé a uta pípí kɔ̃n geepi'io.

<sup>12</sup> Geepiwēε é à wéε tēa kũ,  
zwii é a swaa pura kũ.

<sup>13</sup> Zεbuluni égɔ̃ kú ísīaa sae,  
à b̀usu égɔ̃ de góro'itenɔ̃ bàdɔ̃kii ũ,  
à b̀usu lé é ze Sidɔ̃.

<sup>14</sup> Isaka de lán zaaki gbāaa  
kè daena aso mèn plaaa dagura bà.

<sup>15</sup> Tó à boriinɔ̃ è ń kámmabokii maa,  
bensɔ̃ aɔ̃ b̀usu pì vēena nna,  
aɔ̃é nae asosenane wà zòzĩ ke.

<sup>16</sup> Dani é a gbēnɔ̃ bɔ̃ yān  
Isaraili boriinɔ̃ doke ũ.

<sup>17</sup> Dani égɔ̃ de lán mlè kè kú zé sae bà,  
lán pitigoo kè kú zéwewe guu bà.  
È sɔ̃ lé a gbáa,

le gbẽ kè di à musu léε a kpεεgānda.

<sup>18</sup> Dii, mεε wée dɔ n m̀sinazi.

<sup>19</sup> Gada sɔ, z̀kpεεnɔ é singu,  
mɔde aɔ́é léε n gbẽ zāadeenɔa.

<sup>20</sup> Asa blewεε égɔ́ nɔ́si v̄i,  
póblee kè à blena nna ḱinanɔ́nen eé kpá.

<sup>21</sup> Nafatali de lán gb̄εε lí  
kè è ḡá maaanɔ́ kεε bà.

<sup>22</sup> Yusufu de lán lí né'iri  
kè kú bia saε bà,  
à ḡānɔ́ è poro à da gùla.

<sup>23</sup> Kàzurinɔ́ é íbetε kpáo,  
aɔ́é péa k̄ɔ́n kào.

<sup>24</sup> Eégɔ́ a sá kūna degena sai  
Yakubu Luda Gbāabitade gāzī,  
à ɔ́ gbāaa égɔ́ wāa  
Isarailinɔ́ Gbèsi kè è dɔ́nε aε yānzi.

<sup>25</sup> N de Luda é dɔ́nε,  
Gbāapingide é aubarika dangu  
k̄ɔ́n lou'i kè è bɔ́ musuo,  
k̄ɔ́n aubarika kè kaεna tɔ́tε ḡĩz̄io,  
le n nɔ́ɔ́nɔ́ k̄ɔ́n n pónɔ́ gɔ́ de nédandeenɔ́ ũ.

<sup>26</sup> Sa'olε kè n de k̄ennεε  
de ma dezinɔ́ póla,  
à bíta de kp̄ii ziinɔ́la.  
Luda tó aubarika k̄enɔ́ gɔ́ Yusufu m̄ia,  
gb̄ε kè wà diε adona a gb̄enɔ́ té musu.

<sup>27</sup> Beyāmi de lán lewan pāsī bà,  
eé léε gb̄enɔ́a kɔ́ngɔ́  
eé n pónɔ́ kpaate uusie.

<sup>28</sup> Isaraili bori m̄en kuri awεεplaaanɔ́n gwe ń píngi. Sa'olε kè aɔ́ dee k̄é́n̄en gwe baade  
k̄ɔ́n a póo.

### *Yakubu ga k̄ɔ́n à v̄inao*

<sup>29</sup> Ben à bè́n̄ε: Tó ma anduna tò, à ma v̄i ma dezinɔ́ gb̄ewεε kè kú Iti bori Eflɔ́nu buraa  
guu. <sup>30</sup> Gb̄ewεε p̄i kú Makpelamε, Mamare ɔ́fánt̄εbɔ́ε kpa Kanaa b̄usun, buraa kè Ibraī lù  
Iti bori Eflɔ́nua mirawεε ũ. <sup>31</sup> Gwen wà Ibraī k̄ɔ́n a naɔ́ Sarao v̄iin. Gwen wà Isaaku k̄ɔ́n  
a naɔ́ Rebekao v̄iin. Gwen ma Lea v̄iin. <sup>32</sup> Wà buraa p̄i k̄ɔ́n a gb̄ewεεo lù Itinɔ́amε. <sup>33</sup> Kè  
Yakubu lé diε a n̄é́n̄ε à yāa, à èara à dàε, ben à ḡà.

## 50

<sup>1</sup> Yusufu k̄usi a dea à ɔ́ dɔ́ à musu à lé p̄ε̄εa. <sup>2</sup> Ben à ò a z̄ikeri ēzēdeenɔ́nε aɔ́ ēzē kè è tó  
gè v̄āroo máma a de ḡèa. Ben aɔ́ m̄ama Isaraili ḡèa <sup>3</sup> ai gurɔ́ baplaa le àton yai k̄ūro yānzi,  
zaake len Igipitinɔ́ è ke le, ben aɔ́ à gè ɔ́ dɔ́ gurɔ́ baaagɔ́ akuri. <sup>4</sup> Kè aɔ́ à gè ɔ́ dɔ́ wà yāa,  
Yusufu bè Fili'auna bēdeenɔ́nε: A yā nna! Tó ma a p̄onnaa è, à omε Fili'aunanε à be: <sup>5</sup> Kè  
ma dee e gaa, à tò ma la dàne à bè mà a v̄i mirawεε kè à ȳò a z̄inda p̄o ũ Kanaa b̄usun. N̄

ma gba zé mà gá mà a de v̄i sa, mé liara mà su. <sup>6</sup> Ben Fili'auna bène: Ñ gá ñ n de v̄i, zaake à tò n la dàare.

<sup>7</sup> Kè Yusufu e gaa a de v̄i, Fili'auna ìbano k̄n a be gb̄ensino k̄n Iyipiti bùsu gb̄adeeno ḡao ñ píngi. <sup>8</sup> Yusufu b̄edeeno k̄n a v̄ino k̄n a de b̄edeeno ḡao ñ píngi do. Aõ né féteno k̄n ñ s̄aano k̄n ñ bl̄eno k̄n ñ z̄uno bé wà ḡò Gos̄e bùsun ñt̄e. <sup>9</sup> S̄ogoron k̄n s̄odeeno ḡao do. Gb̄e k̄e aõ ḡaa zene p̄ino pari maamaa. <sup>10</sup> Kè aõ kà Atada bl̄ew̄egb̄ekiia Yoda baa, gwen aõ wii gb̄aaa l̄en ai, aõ ḡe só do maamaa, ben Yusufu a de s̄osobi k̄e ai gur̄o sw̄eplaa. <sup>11</sup> Kè Kanaa bùsudeeno è lán w̄e ḡe kee nà Atada bl̄ew̄egb̄ekiia, ben aõ bè: Iyipitino ḡekena bítan ȳe. Beee ȳanzi wà tó kp̄a Yoda baa guu p̄ine Abeli Iyipiti.

<sup>12</sup> Len Yakubu n̄eno k̄e le lán à òñne nà. <sup>13</sup> Aõ à ḡe s̄e wà ḡao Kanaa bùsun, ben aõ à v̄i Makp̄ela bura gb̄ew̄e k̄e Ibraĩ lù Iti bori Efl̄nua miraw̄e ùu guu Mamare òf̄ant̄e k̄e k̄e. <sup>14</sup> Kè Yusufu a de v̄i à ȳaa, à liara à tà Iyipiti k̄n a v̄ino k̄n gb̄e k̄e aõ ḡaa zene à de ḡe v̄ino ñ píngi.

### *Yusufu náanekpana a v̄ino*

<sup>15</sup> Kè Yusufu v̄ino è ñ de ḡa, ben aõ bè: Tó Yusufu íbete kp̄awao, ben à yezi à à zaaa k̄e wá k̄ene píngi f̄ia bowe s̄o né? <sup>16</sup> Ben aõ lékp̄as̄a k̄ene wà bè: Le n dee kp̄é à ga à bè <sup>17</sup> wà onne ñ wa taari k̄n wa durun-o k̄ewe, zaake à zaaan wá k̄enne. N ȳa nna! Ñ wa taarino k̄ewe. N de Luda z̄òblerino wa ù. Kè wà ȳa p̄i ò Yusufune, ben à só do. <sup>18</sup> Ben à v̄ino mò a k̄iia aõ k̄uè à aez̄i aõ bè: N z̄onon wa ù. <sup>19</sup> Ben Yusufu bèñne: Àton v̄ia kero. Ludan ma ùs? <sup>20</sup> Á yezi à à zaaa keme ȳa, ben Ludaa liè à maaa ù, le à e à gb̄eno mì sí pari lán èe kee nà tia. <sup>21</sup> Àton v̄ia kero. Mé a gwa k̄n a n̄eno. Ben à náane kp̄ámma à ñ làakari kp̄ae.

### *Yusufu gana*

<sup>22</sup> Yusufu kú Iyipiti k̄n a de b̄edeeno ai à kà w̄e bas̄oro akuri. <sup>23</sup> À w̄e s̄i Eflaimu sw̄akp̄eenole, ben à w̄e s̄i Manase né Maki n̄enole do. <sup>24</sup> Ben Yusufu bè a gb̄enone: Ma ka gana. Luda bé eé mó doale à boao bùsu k̄en à ḡao bùsu k̄e à à lé gb̄e Ibraĩne k̄n Isaakuo k̄n Yakubuo guu. <sup>25</sup> Ben Yusufu tò Isarailino la dàare à bè: Gur̄o k̄e Luda é mó doale, à ma w̄ano s̄e à boo guu k̄en. <sup>26</sup> Yusufu w̄e bas̄oro akurideen à ḡa. Ben wà èz̄e k̄e è tó ḡe v̄aroo màma à ḡea wà dà àkpati guu Iyipiti.

## BONA Musa takada plaadee

Musa kuuna Iyipiti 1:1-11:10

Luda bɔna kɔn Isarailinɔ Iyipiti 12:1-15:21

Isarailinɔ likɔazɔna gbáan 15:22-18:27

Luda bà kuuna kɔn Isarailinɔ 19:1-20:26, 23:1-24:18

Bisakuta yā 31:1-18

Isarailinɔ Luda bà kuunaŋyo yā gborona 32:1-34:35

Bisakutadɔna 40:1-38

### *Wéetana Isarailinɔa Iyipiti*

<sup>1</sup> Isaraili né kè aɔ tà Iyipiti kɔn n̄ de Yakubuo, baade kɔn a be gbɛnɔ tɔn yè: <sup>2</sup> Rubeni, Simeɔ, Levi, Yuda, <sup>3</sup> Isaka, Zebuluni, Beyāmi, <sup>4</sup> Dani, Nafatali, Gada kɔn Asao. <sup>5</sup> Yakubu borii p̄nɔ n̄ p̄ngi gɔɔn baaagɔ akurime. Yusufu sɔ ḡake à kú Iyipiti kò. <sup>6</sup> Ben Yusufu gà kɔn a v̄inɔ kɔn gbɛ kè aɔ kuu a gurɔanɔ n̄ p̄ngi. <sup>7</sup> Isarailinɔ né ì wà kò, aɔ kàara wà pari kù maamaa, aɔ dà bùsu p̄la p̄ngi.

<sup>8</sup> Kína dufu kè Yusufu d̄roo kpata blè Iyipiti, <sup>9</sup> ben à bè a gbɛnɔne: À Isarailinɔ gwa, aɔ pari kù wà dàwala. <sup>10</sup> Wà gà wà ɔndɔ daeñzi le aɔton kaararo yānzi. Tó z̄i f̄e, aɔé na wa ibeɛnɔ aɔ z̄i káwao aɔé bɔe wa bùsun.

<sup>11</sup> Ben wà gbɛnɔ diɛñne n̄ diinɔ ũ aɔ wée tām̄ma kɔn z̄i gbāaa kenao. Len aɔ Pitomu kɔn Rameseo kàe Fili'aunane a p̄oblekaekiinɔ ũ le. <sup>12</sup> M̄de dian wèe ĩa daam̄ma nà, len aɔègɔ kaara le aɔe daagula, ben swè kè Iyipitinɔn n̄ yā musu. <sup>13</sup> Ben wà n̄ dá z̄z̄i p̄as̄in <sup>14</sup> wà n̄ n̄se yàka wà ḡu z̄i gbāaa dàñne kɔn kúnkubonano kɔn bura z̄i p̄ngio. Wà z̄i p̄nɔ dàñne p̄ngi p̄as̄ip̄as̄i.

<sup>15</sup> Ben Iyipiti kína Eberu néseerinɔ sisi, à doo tɔn Sifira, à doo sɔ tɔn Pua. <sup>16</sup> À bèñne: Tó é né i Eberu nɔgbɛnɔne sa, tó ḡɔgbɛme, à à de. Tó nɔgbɛme sɔ, à à tó. <sup>17</sup> Nɔgbɛ p̄nɔɔ Luda v̄ia v̄i, aɔe yā kè à òñne kero, aɔe négɔgbɛnɔ too. <sup>18</sup> Ben kína p̄i n̄ sisi à n̄ lá à bè: À kè dia á kè le a négɔgbɛnɔ tò? <sup>19</sup> Aɔ wèala wà bè: Eberu nɔgbɛnɔɔ de lán Iyipiti nɔgbɛnɔ bàro, aɔ wāa, ai wàgɔ gá ká, aɔé né i. <sup>20</sup> Len Isarailinɔ e kaara le aɔe pari kúu. Ben Luda yā maa kè néseeri p̄nɔne <sup>21</sup> à n̄ gbá n̄nɔ, kè aɔ à v̄ia v̄i yānzi. <sup>22</sup> Ben Fili'auna yā diè a gbɛnɔne n̄ p̄ngi à bè: À Eberu négɔgbɛ kè wà n̄ inɔ ká Nili in̄ n̄ p̄ngi, m̄de à n̄nɔgbɛnɔ tó.

## 2

### *Musa ina*

<sup>1</sup> Levi bori ḡɔgbɛ Levi bori nɔgbɛ sè. <sup>2</sup> Nɔɔ p̄i n̄ s̄i à né ì ḡɔgbɛ ũ. Kè à è né p̄i maa, ben à à ùte m̄o aagɔ. <sup>3</sup> Kè è f̄s̄ à à ùte d̄ro, à kebu gbíi sè à kontaa lèa le í tón ḡe à guuro. Ben à né p̄i dàn à ḡaa à diè Nili í léa waa guu. <sup>4</sup> Né p̄i d̄aree ze k̄aaa èe gwaa yā kè eé à le.

<sup>5</sup> Ben Fili'auna n̄nɔgbɛ ḡaa zú o swaa p̄izi, à gbɛnɔ e lili oo swaa p̄i léa. À gbíi è diena waan, ben à a z̄nɔkpare z̄i à ḡaa à à sè. <sup>6</sup> Kè à wè, à né è dan, èe ɔɔ dɔɔ. À kène wènda à bè: Eberu négɔgbɛme. <sup>7</sup> Ben né p̄i d̄are mò à bè Fili'auna né p̄ine: N̄ yezi mà gá mà Eberu nɔgbɛ sísinne àgɔ yɔ kpaanne né p̄ian yɔ? <sup>8</sup> À wèala à bè: Ee, n̄ gá! Ben n̄nɔgbɛ p̄i ḡaa à né p̄i da sisi. <sup>9</sup> Fili'auna n̄nɔgbɛ p̄i bène: N̄ né p̄i sé n̄ táo n̄gɔ à gwaame, mégɔ f̄ia boonne. Ben à né p̄i sè à tàò, èe à gwaa. <sup>10</sup> Kè né p̄i bíta kù, à à sè à ḡaa Fili'auna n̄nɔgbɛ p̄ine, ben à à sì a né ũ. À tó kp̄ane Musa, zaake à bè, a à b̄ò í guume.

### *Musa bàa lé à tana Midia bùsun*

<sup>11</sup> Zĩkea kè Musa kè bíta, à gàa a bori Eberunɔ gwa, ben à zĩ gbāaa kè aɔɔe kɛɛ è. À è Iyipiti gbē e a bori daa gbēɛ. <sup>12</sup> Kè à guu gwàgwa, èe gbēke ero, ben à Iyipiti gbē pì dè à à ùte bùsu'āatɛn.

<sup>13</sup> Kè guu dɔ, à bɔ à Eberunɔ è gɔɔn plaa, aɔɔe swèe kɛɛ. Ben à gbē kè à yā nnaroo là à bè: Bóyānzi née n gbēndoo gbēɛzi? <sup>14</sup> À wèàla à bè: Dé bé à n die kí yāgɔgɔri ũwee? N̄ yezi n̄ ma de lán n Iyipiti gbē dè n̄n yó? Ben vĩa Musa kù à bè: Wà yā kè má kè dɔ fá!

<sup>15</sup> Kè Fili'auna yā pì mà, èe wɛɛɛ à Musa de, ben à bàa lène à tà Midiā bùsun, ben à vèe lɔgɔ sae gwe. <sup>16</sup> Midiā sa'ori n̄nɔgbēnɔ vĩ gɔɔn swɛɛplaa, ben aɔ mò wà í tò, aɔ kà pókādeenɔ gbāngo ímikiin n̄ de pókādeenɔne. <sup>17</sup> Kè sādāri kenɔ mò aɔɔe pɛɛm̄ma, ben Musa fèe à yā s̄nyo, ben à í kpàñne n̄ pókādeenɔa. <sup>18</sup> Kè aɔ tà n̄ de Rueli kiia, à n̄ lá à bè: À kè dia a su ide le gbāa? <sup>19</sup> Aɔ wèàla wà bè: Iyipiti gɔgbē ke bé à wa si sādārinɔa. Àmbe se à í tò à kpàwe wa pókādeenɔa. <sup>20</sup> Ben à n̄ lá à bè: Adee pì kú māmɛ? Bóyānzi a gɔgbē pì tò gwezi? À à sísi à mó à pó blewao. <sup>21</sup> Musa mò, ben à wè à vèe kɔn gɔgbē pìo, ben gɔgbē pì a n̄nɔgbē Zipora kpàa nɔɔ ũ. <sup>22</sup> Ben Zipora né ì gɔgbē ũ, ben Musa tó kpàne Gesɔmu, à bè: Gbē z̄itɔn ma ũ gbē pāndenɔ bùsun kè.

<sup>23</sup> Kè à gì kè, ben Iyipiti kína gà. Isarailinɔ e mboo zòz̄i kè aɔɔe kɛɛ yānzi, aɔɔe wii lɛɛ, ben aɔ wii pì Luda lè. <sup>24</sup> À n̄ mbona mà, à bà kè kú kɔn Ibraĩ kɔn Isaakuo kɔn Yakubuo e s̄anlo. <sup>25</sup> Luda Isarailinɔ gwà, ben aɔ kènne wēnda.

### 3

#### *Luda Musa sisina*

<sup>1</sup> Musa e a anzure Midiā bùsu sa'ori pókādeenɔ dāa à v̄i gbáala ai à kà kp̄iii kè wè sísi Orebu kiia. <sup>2</sup> Ben Dii Malaika bɔ à m̄zi tévura guu gyanton. Musa gyanto pì gwà à è té kúa, m̄ode èe té kuro. <sup>3</sup> Ben à bè: Mé gá mà dabuyā pì gwa mà d̄ɔ pó kè tò gyanto pì e té kuro. <sup>4</sup> Kè Dii è à mò gwa, ben à lé z̄uzi zaa gyanto pì guu à bè: Musa! Musa! Ben à wèàla à bè: Mae kè! <sup>5</sup> Luda bène: N̄ton s̄ziro. N̄ n kyatee bɔbɔ, zaake guu kè n̄ zen kú adoname. <sup>6</sup> Ben à bè: Mámbe n̄ dezinɔ Ibraĩ kɔn Isaakuo kɔn Yakubuo Luda ũ. Ben Musa pó kù a wéaa, kè à Luda gwana vĩa v̄i yānzi. <sup>7</sup> Ben Dii bè: Ma yā'amma kè ma gbēnɔ kúo Iyipiti è, ma wii kè aɔ wéetāmmarinɔ tò aɔɔe lɛɛ mà. Má wahaa kè aɔ kúo d̄ɔ. <sup>8</sup> Ma pita mà n̄ sí Iyipitinɔa mà n̄ bɔe bùsu p̄in mà gányo bùsu maa yàasan, guu kè zwi kɔn zó'io din, bùsu kè Kanaanɔ kún kɔn Itinɔ kɔn Am̄rinɔ kɔn Perizinɔ kɔn Ivinɔ kɔn Yebusinɔ. <sup>9</sup> Isarailinɔ wiilena kà ma kiia tia sa, ma ĩaa kè Iyipitinɔ e daam̄ma è. <sup>10</sup> N̄ gá tia sa, ma n̄ zĩ Fili'aunaamɛ le n̄ ma gbē Isarailinɔ bɔe Iyipiti. <sup>11</sup> Ben Musa bè Ludane: Dén ma ũ kè mé gá Fili'auna kiia mà Isarailinɔ bɔe Iyipiti? <sup>12</sup> Luda bène: Mégɔ kúnyo. Zĩna kè ma n̄ z̄i s̄edan yè. Tó n̄ n̄ bɔe Iyipiti, é donzi kemɛ kp̄iii kè kiia.

<sup>13</sup> Ben Musa bè Ludane: Tó ma gaa má ò Isarailinɔne ma bè, aɔ dezinɔ Luda bé à ma z̄im̄ma, tó aɔ ma la n̄ t̄zi s̄ né? Mé beñne diamɛ? <sup>14</sup> Luda wèàla à bè: Mámbe gbē kè má de à ũu ũ. N̄ oñne kè māmbe ma n̄ z̄im̄ma. <sup>15</sup> Luda bène dɔ: N̄ o Isarailinɔne kè mamɔma Dii aɔ dezinɔ Ibraĩ kɔn Isaakuo kɔn Yakubuo Luda bé à n̄ z̄im̄ma. Ma t̄n̄ gwe gurɔ píngi. Agɔ ma sisii le ai a boriia. <sup>16</sup> N̄ gá n̄ Isaraili gbēnsinɔ kakɔa n̄ oñne kè mamɔma Dii aɔ dezinɔ Ibraĩ kɔn Isaakuo kɔn Yakubuo Luda bé à bɔ à m̄nzi. N̄ oñne kè mée n̄ ee ma yā kè wèe kɛɛñne Iyipiti è. <sup>17</sup> Mé n̄ bɔe Iyipiti guu kè wèe wéee t̄aam̄ma p̄in, mé gányo bùsu kè Kanaanɔ kún kɔn Itinɔ kɔn Am̄rinɔ kɔn Perizinɔ kɔn Ivinɔ kɔn Yebusinɔ, guu kè zwi kɔn zó'io din. <sup>18</sup> Aɔé n̄ yā ma. Mpi kɔn Isaraili gbēnsinɔ à gá à Iyipiti kína le à onɛ kè mamɔma Dii Eberunɔ Luda ma bɔ ma m̄azi, ma bè à a gba zé à gá gurɔ aagɔ ke gbáan le à saa o mamɔma Dii a Luda. <sup>19</sup> Má d̄ɔ kè Iyipiti kína é we à gáro, séto ma gā n̄aa. <sup>20</sup> Mé ɔ t̄ɔ Iyipitinɔa, mé dabuyānɔ ke mà kp̄aon̄zi, eé gbasaa à a gbarɛ. <sup>21</sup> Mé tó Iyipitinɔ a wéee gwa, le tó ée taa, é tá ɔkoriro. <sup>22</sup> A n̄gbē píngi kondogi ke vura n̄maablebɔnɔ kɔn pókāsāanɔ gbeka a Iyipiti n̄gbē daa kɔn

ń nɔgbɛ̀ kè aɔ̀ kú a bɛ̀nɔ̀, à da a nɛ̀gɔ̀gbɛ̀nɔ̀nɛ̀ kɔ̀n a nɛ̀nɔ̀gbɛ̀nɔ̀. Len é Iɔ̀ipitiɔ̀ pɔ̀nɔ̀ símɔ̀ma le maamaa.

## 4

### *Musa gbana dabuyàkena zé*

<sup>1</sup> Musa wèàla à bè: Tó aɔ̀ɔ̀e ma náane kero, ben aɔ̀ɔ̀e ma yā maro, tó aɔ̀ bè rúbe n bɔ̀ n mɔ̀mazirow sɔ̀ né? <sup>2</sup> Ben Dii a là à bè: Bón ń kúna gwee? À wèàla à bè: Gòmɛ. <sup>3</sup> Dii bène: Ñ gò pì pãe tɔ̀ɔ̀te. Kè à pãe, ben à lì mlè ù, ben Musa bòru kpɛɛ. <sup>4</sup> Dii bène: Ñ ɔ̀ bɔ̀ ñ kú à vláa. Kè à kù, ben à èara à lì gò ù à ɔ̀zĩ. <sup>5</sup> Dii bène: Len né ke le, le aɔ̀ sí kè mamɔ̀ma Dii aɔ̀ dezinɔ̀ Ibraĩ kɔ̀n Isaakuo kɔ̀n Yakubuo Luda bé à bò à m̀nzi.

<sup>6</sup> Dii èara à bène dɔ̀: Ñ n ɔ̀ ɔ̀sɔ̀tɔ̀ n utan. Ben à sòtɔ̀n. Kè à bò, à è a ɔ̀ lì kusu ù, à kè púu lán buu bà. <sup>7</sup> Dii bène: Ñ èara ñ n ɔ̀ ɔ̀sɔ̀tɔ̀ n utan. À èara à sòtɔ̀n. Kè à bò, à è à kè a gbèn. <sup>8</sup> Dii bène: Tó aɔ̀ɔ̀e n náane ke wà sèeda káakupɔ̀ sɔ̀ro, aɔ̀é à zāa pò sí. <sup>9</sup> Tó aɔ̀ɔ̀e sèeda plaa pìnɔ̀ sí wà n yā mà sɔ̀ro, ñ Nili í tó ñ kwéɛ tɔ̀ɔ̀te, eé li aru ù.

<sup>10</sup> Ben Musa bène: N yā nna Dii! Zaa zi yā'ona aagamaoro. Baa zaa gurɔ̀ kè n yā òmɛ, ma lé tiisimɛ. <sup>11</sup> Ben Dii bène: Dé bé à lé dò gbɛ̀nteeɛ? Dé bé è à néne nae ke è à swádo kúu? Dé bé è tó à guu e ke è à v̄ia kúu? Mamɔ̀ma Dii, mámbeeroo? <sup>12</sup> Ñ gá! Mé n ïan ká yā'onao, mé yā kè né oo danne. <sup>13</sup> Ben à bè: N yā nna Dii! N yā nna! Ñ gbɛ̀ pãnde zĩ. <sup>14</sup> Ben Dii pɔ̀ f̄ɛ Musazi à bè: N v̄ii Aruna Levi borii kuuroo? Má d̄s kè yā'ona zĩ'ũoro. Èe mɔ̀ɔ̀ danle. Tó à wéɛ s̄inle, à pɔ̀ɔ̀ é ke nna. <sup>15</sup> Ñ yā oo ñ yā kè eé oo dane. Mapi, mégɔ̀ à ïan ká kɔ̀n yā'onao, mégɔ̀ yā kè é kee daaare. <sup>16</sup> Eé yā o gbɛ̀nɔ̀nɛ̀ n ḡɛ ù, eégɔ̀ de n légbekpari ù, nɛ̀gɔ̀ de n lán Luda bà. <sup>17</sup> Ñ gò kè sé ñgɔ̀ kúna ñ sèedanɔ̀ keo.

### *Musa earana Igipiti*

<sup>18</sup> Musa tà a anzure Yɛtoro kiia à bène: Ñ ma gba zé mà tá ma gbɛ̀nɔ̀ kiia Igipiti, mà e tó aɔ̀ kpé kú wèndio ai tia. Yɛtoro bène: Ñ pita aafia. <sup>19</sup> Àe sɔ̀ Dii ḡiake à bè Musane Midiã b̀sun: Ñ f̄ɛ ñ tá Igipiti, zaake gbɛ̀ kè aɔ̀ɔ̀e n weteɛ wà n de yāanɔ̀ gàga ñ p̄ngi. <sup>20</sup> Ben Musa a naɔ̀ sè kɔ̀n a nɛ̀gɔ̀gbɛ̀nɔ̀ à ñ dí zaakia, à liara èe taa Igipiti à Luda gò pì kúna. <sup>21</sup> Ben Dii bène: Tó n ka Igipiti, ñ dabuyā kè ma à gbāaa kp̄ammaanɔ̀ ke Fili'auna ae p̄ngi. Mɔ̀de mé à kùgbāa kú, eé gí gbɛ̀nɔ̀ gbarɛzi. <sup>22</sup> Ñ one mamɔ̀ma Dii ma bè, Isaraili boriin ma daudu ù, <sup>23</sup> ben ma bène à ma daudu gbarɛ à gá dɔ̀nzi kemɛ. Lán à gí à gbarɛzi nà, mé à daudu de sa.

<sup>24</sup> Zé guu Musa e ii gukea, ben Dii à lè gwe à yezi à à de. <sup>25</sup> Ben Zipora gbè f̄ɛ sè à a né b̄angu kèo à a gefɔ̀ nà Musa gbāa à bè: Yāpurame, ñ demɛ gɔ̀ arudee ù. <sup>26</sup> B̄angukena beee yānzin à bène gɔ̀ arudeezi. Ben Dii Musa tò.

<sup>27</sup> Dii bè Arunane: Ñ gá da Musale gbāan. Ben à gāa à à lè Luda kp̄iii kiia, à lé pè à gasua. <sup>28</sup> Musa yā kè Dii a zĩ à oo t̄kè Arunane kɔ̀n sèeda kè à bène à keɛnɔ̀. <sup>29</sup> Ben Musa kɔ̀n Arunao tà Igipiti aɔ̀ Isaraili gbɛ̀nsinɔ̀ kàk̄o. <sup>30</sup> Aruna yā kè Dii ò Musane t̄kèñne ñ p̄ngi, ben Musa dabuyā pìnɔ̀ kè Isarailinɔ̀ wāa. <sup>31</sup> Aɔ̀ yā pì sì. Kè aɔ̀ mà Dii bé à mò ñ gwa à ñ yā'ɔ̀amma è, ben aɔ̀ kùe wà dɔ̀nzi kène.

## 5

### *Musa kɔ̀n Arunao gana Fili'auna aezĩ*

<sup>1</sup> Beee gbera Musa kɔ̀n Arunao gāa wà Fili'auna lè aɔ̀ bène: Yā kè Dii Isarailinɔ̀ Ludaa òn yè. À bè ñ a gbɛ̀nɔ̀ gbarɛ aɔ̀ gá z̄ibaa keare gbāan. <sup>2</sup> Fili'auna wèñla à bè: Dén Dii ù kè mà à yā ma mà Isarailinɔ̀ gbarɛɛ? Má Dii d̄sro. Mé Isarailinɔ̀ gbarɛro. <sup>3</sup> Ben aɔ̀ bène: Eberunɔ̀ Luda bé à bò à m̀wazi. Ñ wa gba zé wà gá wà gurɔ̀ aagɔ̀ ke gbāan wà saa o Dii wa Luda pia, le àton gyāa káwaguro kesɔ̀ zĩ. <sup>4</sup> Ben Igipiti kína pì bè Musa kɔ̀n Arunane: À kè dia á



tò gbě̀nɔ̀ làakari e goo n̄ zīia? À sɔ̀kpa a zīia. <sup>5</sup> Ben à èara à bè: Kè gbě̀nɔ̀ pari kù sa, ben á yezi ās kámma bo k̄n n̄ zīiōs?

<sup>6</sup> Zī beea Fili'auna yā diè Isaraili wéetāmmarinɔ̀nɛ k̄n n̄ d̄n'aedeennɔ̀ à bè: <sup>7</sup> Àton sèburu kpámma ās kúnku bɔ̀ lán eè ke nà yā d̄ro. Ās gá wà n̄ p̄o kē n̄ zīnda. <sup>8</sup> M̄ode ās kúnku bɔ̀ lán āsè bɔ̀ nà yā lén. Àton lagon̄nero, zaake m̄adeennɔ̀m̄e. Beee yānzi ās wiii èḡɔ̀ d̄o, āsɔ̀e bee wà yezi wà gá saa o n̄ Ludaazi. <sup>9</sup> À zīi kaarañne le āsɔ̀ton ìampakii e ās làakari kpá eḡeyānɔ̀a d̄ro.

<sup>10</sup> Ben ās wéetāmmari p̄inɔ̀ k̄n n̄ d̄n'aedeennɔ̀ m̄ò ās bèñne: Fili'auna bè wàton sèburu kpáawa d̄ro. <sup>11</sup> À gá à wete a zīnda guu kè é en. Baa k̄n beeeo wé zīi lagoonero, baa féte. <sup>12</sup> Ben ās f̄aak̄ɔ̀a wà ḡaa Igipiti gu p̄ingi sè kē sèburu ũ. <sup>13</sup> Ās wéetāmmari p̄inɔ̀ èḡɔ̀ nak̄ɔ̀r̄eem̄ma lán guu e d̄o nà, le ās n̄ zī n̄e lán āsè n̄e nà gur̄ɔ̀ kè wèe sèburu kpaam̄ma. <sup>14</sup> Wà gbě̀na kè Isaraili d̄n'aedee kè ās wéetāmmarinɔ̀ d̄iennɔ̀nɛ wà bèñne: À kè dia ée kúnku bɔ̀ gb̄aa ke ḡia à kà lán wà a lé dièare nà yāroo? <sup>15</sup> Ben Isaraili d̄n'aedeennɔ̀ ḡaa wà wii lè Fili'aunaa wà bè: À kè dia née kee wam̄owa n z̄̀blerinɔ̀nɛ lee? <sup>16</sup> Wèe sèburu kpaawa d̄ro, ben wèe bee wà kúnku bɔ̀. Wèe wa gb̄e, m̄ode n gbě̀nɔ̀ bé wà taari v̄i. <sup>17</sup> Ben à bè: M̄adeennɔ̀n a ũ. Len á de le! Beee yānzi eèḡɔ̀ bee é gá saa o Diiazi. <sup>18</sup> À gá zīi ke. Weé sèburu kpáawa d̄ro, baa k̄n beeeo é kúnku bɔ̀ lán wà dàare nà lémm̄e.

<sup>19</sup> Kè wà ò Isaraili d̄n'aedeennɔ̀nɛ āsɔ̀ton gur̄ɔ̀ doo kúnkub̄ona lagoro, āsɔ̀ d̄s kè wà yā è sa. <sup>20</sup> Kè ās b̄ò Fili'auna kiia, ās d̄ak̄ɔ̀re k̄n Musao k̄n Arunao, āsɔ̀e n̄ d̄aa, <sup>21</sup> ben ās bèñne: Dii a yā gwa à yākpae keao, zaake á tò Fili'auna k̄n a gbě̀nɔ̀ ye wa k̄ziro. A wa dena gb̄aaa kp̄am̄man gwe. <sup>22</sup> Ben Musa liara à ḡaa à bè Diine: Dii, b̄oyānzi n̄ ìa dà gb̄e p̄inɔ̀a? Beee yānzin n̄ ma zīzi? <sup>23</sup> Zaa gur̄ɔ̀ kè ma gaa ma yā ò Fili'aunanɛ k̄n n̄ t̄so, ben èe ìa da n gbě̀nɔ̀a, ben née n̄ bɔ̀ s̄ro né!

## 6

### *Dii légbě̀na Musanɛ Isarailinɔ̀ m̄isina yā musu*

<sup>1</sup> Ben Dii bèñne: Né yā kè mé ke Fili'aunanɛ e tia. Eé n̄ gbare ma gb̄aa bíta yānzi. Eé pémma a b̄usun ma gb̄aa bíta yānzi. <sup>2</sup> Ben Luda èara à yā ò Musanɛ à bè: Mámbe Dii ũ, <sup>3</sup> ma bɔ̀ ma m̄o Ibraĩ k̄n Isaakuo k̄n Yakubuozi Luda Gb̄aapingide ũ, m̄ode āsɔ̀e ma d̄s ma t̄o Diiaro. <sup>4</sup> Ma bà kún̄yo, ma bè mé Kanaa b̄usu kè āsɔ̀ kú à guu gb̄e z̄̀t̄o ũ kpámma. <sup>5</sup> Ma Isarailinɔ̀ mbona mà ās z̄̀blena Igipitinɔ̀nɛ yānzi, ben ma bà kè kún̄yo p̄i yā e s̄amaguro. <sup>6</sup> Beee yānzi n̄ o Isarailinɔ̀nɛ kè mámbe Dii ũ. Mé a bɔ̀ zī gb̄aaa kè Igipitinɔ̀ dàaree guu, mé a bɔ̀ z̄̀bleen. Mé yākpae keñyo mà a bɔ̀ k̄n ma ḡas̄a gb̄aaa. <sup>7</sup> Mé a sé ma gbě̀nɔ̀ ũ, méḡɔ̀ de a Luda ũ, èḡɔ̀ d̄s kè mámbe Dii a Luda kè à a bɔ̀ Igipiti zī gb̄aaa guu ũ. <sup>8</sup> Mé ḡaa b̄usu kè ma à lé gb̄e Ibraĩne k̄n Isaakuo k̄n Yakubuo guu. Mé a gba àḡɔ̀ v̄i. Mámbe Dii ũ.

<sup>9</sup> Musa yā p̄i ò Isarailinɔ̀nɛ, m̄ode āsɔ̀e à yā maro kè z̄̀z̄i p̄as̄i n̄ mè yò yānzi. <sup>10</sup> Ben Dii ò Musanɛ à bè: <sup>11</sup> N̄ gá n̄ o Igipiti kí Fili'aunanɛ à Isarailinɔ̀ gbare ās b̄ɔ̀e a b̄usun. <sup>12</sup> Ben Musa wè Diila à bè: Lán Isarailinɔ̀ è ma yā maro nà, mam̄ma kè ma lé tiisi, dian Fili'auna é ma yā ma nà?

### *Musa k̄n Arunao bori b̄zia*

<sup>13</sup> Dii yā ò Musanɛ k̄n Arunao Isarailinɔ̀ yā musu k̄n Igipiti kínao, à òñne ās b̄ɔ̀e k̄n Isarailinɔ̀ Igipiti. <sup>14</sup> Ās bori uabede káakunɔ̀ t̄on yè. Isaraili daudu Rubeni néḡɔ̀gbě̀nɔ̀n yè: An̄ku, Palu, Ezer̄onu, Kaami. Rubeni boriinɔ̀n gwe dan̄dan̄e. <sup>15</sup> Sim̄eɔ̀ néḡɔ̀gbě̀nɔ̀n yè: Yemueli, Yami, Oada, Yakĩ, Zoa k̄n Kanaa n̄gb̄e né Soluo. Sim̄eɔ̀ boriinɔ̀n gwe dan̄dan̄e. <sup>16</sup> Levi néḡɔ̀gbě̀nɔ̀n t̄on yè ās boriinɔ̀a: Ges̄onu, Koa, Merari. Levi kè wè basw̄eedo akuri aw̄esw̄eep̄laame. <sup>17</sup> Ges̄onu néḡɔ̀gbě̀nɔ̀n yè ās boriinɔ̀a dan̄dan̄e: Libini

kɔn Simɛio. <sup>18</sup> Koa nɛgɔgbɛnɔ tɔn yɛ: Amlamu, Iza, Eblɔnu, Uzieli. Koa kɛ wɛ baswɛɛdo akuri awɛɛ'aagɔmɛ. <sup>19</sup> Mɛrari nɛgɔgbɛnɔn Mali kɔn Musio ũ. Levi boriinɔn gwe danɛdanɛ.

<sup>20</sup> Amlamu a dasɛ Yɔkɛbɛdi sɛ nɔɔ ũ, ben à Aruna kɔn Musao io. Amlamu kɛ wɛ baswɛɛdo akuri awɛɛswɛɛplaamɛ. <sup>21</sup> Iza nɛgɔgbɛnɔn Kora kɔn Nefɛgio kɔn Zikirio ũ. <sup>22</sup> Uzieli nɛgɔgbɛnɔn Misaili kɔn Elɛzafão kɔn Sitorio ũ. <sup>23</sup> Aruna Aminadabu nɛ Elisɛba, Nasɔ dãre sɛ nɔɔ ũ, ben à Nadabu kɔn Abiuo kɔn Elɛzao kɔn Itamao io. <sup>24</sup> Kora nɛgɔgbɛnɔn Asi kɔn Elɛkanao kɔn Abiasafao ũ. Kora boriinɔn gwe danɛdanɛ. <sup>25</sup> Aruna nɛ Elɛza Putieli nɛnɔgbɛnɔ doke sɛ nɔɔ ũ, ben à Finɛasi io. Levi bori uabɛde kãakunɔn gwe danɛdanɛ.

<sup>26</sup> Aruna kɔn Musa kɛ Dii ònne aɔ Isarailinɔ bɔɛ Iyipiti gãli kɔn gãlion gwe. <sup>27</sup> Aɔpinɔ bɛ wà yã ò Iyipiti kí Fili'aunanɛ lɛ aɔ Isarailinɔ bɔɛ Iyipiti. <sup>28</sup> Kɛ Dii yã ò Musanɛ Iyipiti, <sup>29</sup> à bè ambe Dii ũ, yã kɛ ée oonɛn à o Fili'aunanɛ píngi. <sup>30</sup> Ben Musa bènɛ a lé tiisi, dian Fili'auna é a yã ma nà?

## 7

### *Kisia mèn kuri zĩna Iyipitia*

<sup>1</sup> Ben Dii bè Musanɛ: Ñ gwa! Ma n kɛ lán ma bà Fili'aunanɛ, bensɔ n v̄i Aruna dɛ n légbɛkpari ũ. <sup>2</sup> Ñ yã kɛ má ònne píngi o n v̄i Arunanɛ, ée o Fili'aunanɛ à Isarailinɔ gbare aɔ bɔɛ a b̄usun. <sup>3</sup> Baa kɔn beeeo mé à kùgbãa kũ. Mé sɛedanɔ kɔn dabuyãnɔ kɛ Iyipiti pari, <sup>4</sup> mɔde Fili'auna é a yã maro. Mé ɔ tɔ Iyipitia mà yãkpɛ kɛnyo pãsipãsi, mé bɔ kɔn ma zìkpɛ Isarailinɔ. <sup>5</sup> Tó ma bɔ ma gbãaa Iyipitia, mé Isarailinɔ bɔɛn, Iyipitinɔ é dɔ sa kɛ mámbe Dii ũ. <sup>6</sup> Ben Musa kɔn Arunao kɛ lán Dii ònne nà. <sup>7</sup> Gurɔɔ kɛ aɔ yã ò Fili'aunanɛ, Musa kuu wɛ basiigɔ, Aruna sɔ wɛ basiigɔ awɛɛ'aagɔ.

<sup>8</sup> Ben Dii bè Musanɛ kɔn Arunao: <sup>9</sup> Tó Fili'auna dabuyã gbèkamma, ò o Arunanɛ à a gò sé à pãɛ à aɛ, ée li mlɛ ũ. <sup>10</sup> Kɛ Musa kɔn Arunao gàa Fili'auna kiia, aɔɔ kɛ lán Dii ònne nà. Aruna a gò sɛ à pãɛ Fili'auna kɔn a ìbanɔ aɛ, ben à li mlɛ ũ. <sup>11</sup> Ben Fili'auna Iyipiti wɛɛzɛrinɔ kɔn ɛzɛdeenɔ sisi, ben aɔ dabuyã dɔnkɔ pìnɔ kɛ se n̄ ɛzɛdekɛɛ guu. <sup>12</sup> Kɛ aɔ baade a gò pãɛ, ben aɔ gò pìnɔ li mlɛnɔ ũ, ben Aruna gò n̄ pónɔ mòmɔ. <sup>13</sup> Fili'auna swã gbãa, èe n̄ yã maro lán Dii ò nà.

### *Íno lina aru ũ*

<sup>14</sup> Dii bè Musanɛ: Fili'auna kù gbãa à gì gbɛnɔ gbarezi. <sup>15</sup> Ñ gá ò à le zia kɔngɔ gurɔɔ kɛ èe gaa swaazi. Ñgɔ à dãa Nili saɛ gwe. Ñgɔ n gò kɛ li mlɛ ũu pì kũna. <sup>16</sup> Ñ benɛ mamɔma Dii Eberunɔ Luda ma n zĩa, n̄ ònɛ à ma gbɛnɔ gbare aɔ gá dɔnzi kemɛ gbáan, mɔde ai tia à gìmazi. <sup>17</sup> Mamɔma Dii ma bè, yã kɛ ée tó agɔ dɔ kɛ mámbe Dii ũun yɛ. Tó n Nili í lè kɔn gò kɛ n̄ kũnao, ée li aru ũ. <sup>18</sup> Kpò kɛ aɔ kú í pì guunɔ é gaga, Nili í é gũu sɔ, Iyipitinɔ é fua wà mi.

<sup>19</sup> Ben Dii ɛara à bè Musanɛ: Ñ o Arunanɛ à a gò sé à dɔ Iyipiti ínɔla, aɔ swaanɔ kɔn n̄ swa'ɔnɛnɔ kɔn n̄ íbokiinɔ kɔn n̄ íkakiinɔ píngi é gɔ aru ũ. Aru égɔ dagula Iyipiti, baa kpɛɛnɔ kɔn orozã guunɔ.

<sup>20</sup> Ben Musa kɔn Arunao kɛ lán Dii ònne nà. Aruna a gò pì sɛ, à Nili í lèo Fili'auna kɔn a ìbanɔ wáa, ben í pì gɔ aru ũ píngi. <sup>21</sup> Kpò kɛ aɔ kú à guunɔ gaga, ben Nili í pì gũu sɔ, Iyipitinɔ fua wà mi. Aru dagula Iyipiti. <sup>22</sup> Iyipiti ɛzɛdeenɔ kɛ le se n̄ ɛzɛdekɛɛ guu, ben Fili'auna kùgbãa kũ, èe n̄ yã maro lán Dii ò nà. <sup>23</sup> Fili'auna liara à tà a bɛ, èe yã pì da sero. <sup>24</sup> Iyipitinɔ íbókii yòyɔ Nili baa lɛ wà í mi, zaake aɔɔɛ fɔ wà swada í mìro. <sup>25</sup> À kuu lɛ ai gurɔ swɛɛplaamɛ Dii Nili lɛna gbera.

## 8

### *Blònɔ dagulana*

<sup>1</sup> Ben Dii bè Musane: Ñ gá ñ o Fili'aunane, mamoma Dii ma bè à ma gběno gbare aã gá dɔnzi kemε. <sup>2</sup> Tó à gí ñ gbarezi sɔ, mé tó blòno da à bùsu gu pín-gila. <sup>3</sup> Blòno é Nili pa ai aã bikú baa, aãé gē à ua guu ai à kpén, aãé didi à gádo. Aãé gē à ìbano uano guu kɔn à gběno uano. Aãé ká à kíno kɔn à góno guu. <sup>4</sup> Blòno é didia kɔn à gběno kɔn à ìbano ñ pín-gi.

<sup>5</sup> Dii èara à bè Musane: Ñ o Arunane à a gò sé à dɔ swaanola kɔn swa'oneno kɔn íbokiino, blòno é da Igipiti bùsula. <sup>6</sup> Kè Aruna a gò dɔ Igipiti ínola, ben blòno bɛ wà dà bùsu pila. <sup>7</sup> Ben èzèdeé pínno kè le se ñ èzèdekeε guu, aã tò blòno dà Igipitila.

<sup>8</sup> Ben Fili'auna Musa kɔn Arunao sìsi à bè: À agbaa kpá Diine à blòno kēma kɔn ma gběno, mé a gběno gbare aã gá saa oa. <sup>9</sup> Ben Musa bè Fili'aunane: Ñ gurɔ dieme mà agbaa kpánne Diine kɔn n ìbano kɔn n gběno, le à blòno kēmma kɔn n uano aãégɔ kú swaazi ado. <sup>10</sup> Fili'auna bè: Zia. Ben Musa bè: Eé ke lán ñ ò nà le ñgɔ dɔ kè gbēkee de lán Dii wa Luda bàro. <sup>11</sup> Blòno é kēmma kɔn n uano kɔn n ìbano kɔn n gběno aãégɔ kú swaazi ado.

<sup>12</sup> Kè Musa kɔn Arunao gù Fili'auna kiia, Musa wée kè Diia blò kè aã dà Fili'aunalaano yā musu. <sup>13</sup> Dii Musa wéεkeε sì, ben blòno gàga kpénno guu kɔn uano kɔn buraano. <sup>14</sup> Wà ñ kákakɔa, ben bùsu gūu sò pín-gi. <sup>15</sup> Kè Fili'auna è à kè sã, à swā kpé gbāa, ben à gí Musa kɔn Arunao yā mazi lán Dii ò nà.

### *Gai dagulana*

<sup>16</sup> Dii bè Musane: Ñ o Arunane à a gò sé, à tɔtε léo, bùsuti é li gāi ũ Igipiti gu pín-gia. <sup>17</sup> Ben aã kè le. Aruna a gò sè à tɔtε lèo, ben bùsuti lì gāino ũ, aã dà gbēnteenola kɔn nòbɔno. Igipiti bùsuti lì gāino ũ pín-gi. <sup>18</sup> Èzèdeeno yɔ wà gwà se ñ èzèdekeε guu, ben aã fua. Gāino dà gbēnteenola kɔn nòbɔno. <sup>19</sup> Ben èzèdeeno bè Fili'aunane: Luda ogbeme. Mɔde Fili'auna swā kpé gbāa, à gí ñ yā mazi lán Dii ò nà.

### *Ifiino dagulana*

<sup>20</sup> Dii bè Musane: Ñ fεe kɔngɔ ide'ide ñ gá ñ Fili'auna le gurɔ kè èe gaa swaazi, ñ one mamoma Dii ma bè, à ma gběno gbare aã gá dɔnzi kemε. <sup>21</sup> Tó à gí ñ gbarezi, mé ifiino daàla kɔn à ìbano kɔn à gběno kɔn à kpénno. Igipiti kpénno é pa kɔn ifiino, baa tɔtε aãé daàla. <sup>22</sup> Gurɔ beee mé Gosé bùsu guu kè ma gběno kún tó ado. Gwen ifiino é dan gularo, le àgɔ dɔ kè mámbe Dii ũ à bùsun. <sup>23</sup> Mé ma gběno dɔkɔzi kɔn à gběno. Zian sèeda pì é ke.

<sup>24</sup> Ben Dii kè le. Ifiino kà Fili'auna ua guu kɔn à ìbano uano. Igipiti yàka pín-gi ifiino yānzi. <sup>25</sup> Ben Fili'auna Musa kɔn Arunao sìsi à bè: À gá saa o a Ludaa bùsu kèn. <sup>26</sup> Ben Musa bène: Eé sí ke wà ke lero, zaake pɔ kè wé saa oo Dii wa Ludaa pì de Igipitinone tē ũme. Tó wa saa ò kɔn pɔ kè deñne tē ũuo ñ wáa, aãé wa pápa gbèò wà wa dederoo? <sup>27</sup> Wé taa o gbáan gurɔ aagɔme, wé gbasa wà saa o Dii wa Ludaa lán à òwe nà. <sup>28</sup> Ben Fili'auna bè: Mé a gbare à gá saa o Dii a Ludaa gbáan, mɔde àton gá zàro. À agbaa kpaneme sa. <sup>29</sup> Musa bène: Tó ma ta, mé agbaa kpáne, eé ifiino kēmma zia kɔn n ìbano kɔn n gběno. Mɔde ñton mɔnafiki ke dɔro. Ñ tó gběno gá saa o Diia. <sup>30</sup> Kè Musa bɔ Fili'auna kiia, à agbaa kpáne Diine. <sup>31</sup> Dii à wéεkeε sì, ben ifiino kè Fili'aunaa kɔn a ìbano kɔn a gběno. Èe gɔ gukearo, baa mèn do. <sup>32</sup> Mɔde Fili'auna swā kpé gbāa ai tia, à gí ñ gbarezi.

## 9

### *Pókadeeno gagana*

<sup>1</sup> Dii bè Musane: Ñ gá ñ Fili'auna le ñ one Dii Eberuno Luda bè à ma gběno gbare aã gá dɔnzi kemε. <sup>2</sup> Tó à gí ñ gbarezi, tó à kpé ñ kúna ai tia, <sup>3</sup> mé tɔ à pókadeeno bura. Mé gagyā pásí ká à sɔnɔn kɔn à zaakinɔ kɔn à lakuminɔ kɔn à zùnɔ kɔn à sãanɔ kɔn à blèno. <sup>4</sup> Mé Isaraili pókadeeno dɔkɔzi kɔn Igipitinɔ pónno. Isarailino pókadeeno ke é garo. <sup>5</sup> Mamoma Dii ma à gurɔ diε. Zian mé beee ke bùsu kèn.

<sup>6</sup> Kè guu dò, ben Dii kè le. Igipitinɔ pókādeenɔ gāga píngi, mɔde Isarailinɔ pókādeenɔ kee e garo. <sup>7</sup> Fili'auna yā kè kè pì gbèka, à mà Isarailinɔ pókādeenɔ kee e garo, mɔde à swā kpé gbāa, à gì gbē pìnɔ gbarɛzi.

### *Bògĩ kana Igipitinɔn*

<sup>8</sup> Dii bè Musanɛ kɔn Arunao: À mɔdakpe túbu kɔ ɔkũ doodo, Musa fā Fili'auna aɛ. <sup>9</sup> Eé da Igipiti búsula píngi lán lutē bà, eé ká gbēnteenɔn kɔn nòbɔnɔ bògĩ ũ gu píngia. <sup>10</sup> Ben aɔ mɔdakpe túbu sèe aɔ gāao Fili'auna kiia. Kè Musa túbu pì fà musu, ben à ká gbēnteenɔn kɔn nòbɔnɔ bògĩ ũ. <sup>11</sup> Ezēdeenɔ e fɔ wà gāa Musa kiiaro bògĩ pìnɔ yānzi, zaake à dàila kɔn Igipitinɔ n píngi. <sup>12</sup> Ben Dii Fili'auna kù kè gbāa lán à ò Musanɛ nà, ben à gì n yā mazi.

### *Lougbe mana*

<sup>13</sup> Dii bè Musanɛ: Ì fɛe kɔngɔ ide'ide ñ gá ñ Fili'auna le, ñ onɛ mamɔma Dii Eberunɔ Luda ma bè à ma gbēnɔ gbarɛ aɔ gá dɔnzi kemɛ. <sup>14</sup> Tia sa mé yā pāsī píngi daàla kɔn a ìbanɔ kɔn à gbēnɔ, le àgɔ dɔ kè anduna guu píngi gbēkee de lán ma bàro. <sup>15</sup> Zaake tó ma ɔ tɔm̃ma ma gagyāa kàngu yā, le àpì kɔn a gbēnɔ yāa anduna guu. <sup>16</sup> Ma à ká kpatan le mà a gbāaa ɔdɔanɛ, wà ma tó kpá anduna guu píngi. <sup>17</sup> Lán èe a zīnda sɛe lezī de ma gbēnɔla nà ai tia, èe ñ gbarɛro, <sup>18</sup> zia mɔndaa'i mé tó lougbe pāsī ma maamaa, lougbe kè a taka e ma Igipiti zikiro zaa lán wà à kàe nà ai mɔna gbāa. <sup>19</sup> Ì onɛ à gbēnɔ zī aɔ à pókādeenɔ kɔn pò kè à vī buraanɔ sɛe wà káka kpén píngi. Gbēnteenɔ kɔn pò kè aɔ kú bàazinɔ, tó wèe gēnyo kpénlo, lougbe é maɔma aɔe gagamɛ.

<sup>20</sup> Fili'auna ìba kenɔ vīa kè Dii yānɛ, aɔ ñ zīkerinɔ kɔn ñ pókādeenɔ kàka kpén. <sup>21</sup> Mɔde gbē kè aɔe Dii yā daroonɔ ñ zīkerinɔ kɔn ñ pókādeenɔ tò bàazi. <sup>22</sup> Ben Dii bè Musanɛ: Ì ɔ sé musu, lougbe é ma gbēnteenɔ kɔn pókādeenɔ kɔn bura pónɔa Igipiti búsua gu píngia. <sup>23</sup> Kè Musa a gò dò musu, Dii tò lou e pūtāa èe maa kɔn gbèò èe pii, ben laa e pɛɛɛ tɔtɛa. Dii tò lougbe mà Igipitinɔla. <sup>24</sup> Lougbe e maa, lou e pii. Lougbe pì pāsī. Zaa lán Igipiti búsua kuu nà, lou beee taka e ma zikiro. <sup>25</sup> Lougbe pì pò kè kú bàazi Igipiti búsua guunɔ ásarua kè píngi, gbēnteenɔ kɔn pókādeenɔ kɔn bura pónɔ píngi. À sète líno è'e píngi. <sup>26</sup> Gosɛ búsua guu kè Isarailinɔ kúnn lougbe pì e kánlo ado.

<sup>27</sup> Fili'auna Musa kɔn Arunao sisi à bèñne: Tia sa ma durun kè. Dii yā bé à nna, mapi kɔn ma gbēnɔ taarideenɔn wa ũ. <sup>28</sup> À agbaa kpáne. Lapatana kɔn lougbe kèkiio mò le. Mé a gbarɛ sa, mé gíare dɔro. <sup>29</sup> Musa bène: Tó ma bɔ wéte kpeɛ, mé ma ɔnɔ dɔ Dii kúkiia, lapatana é zɛ, lougbe é yāa, le ñgɔ dɔ kè tɔtɛ né Dii pómɛ. <sup>30</sup> Mɔde má dɔ kè mpi kɔn n ìbanɔ, èe vīa kee Dii Ludanero ai tia.

<sup>31</sup> Nagā kɔn gbadoo yāka, zaake nagāa gīake à pì, gbadoo mɔree bò. <sup>32</sup> Ése kɔn weaao e yakaro kè aɔe ma zāa yānzi. <sup>33</sup> Musa bò Fili'auna kiia à gāa wéte kpeɛ à a ɔnɔ dò Dii kúkiia, ben lapatana kɔn lougbeo zè, lou e ma dɔro. <sup>34</sup> Kè Fili'auna è lou kɔn lougbeo kɔn lapatanao zè, ben à kpé èe durun kee, à swā kpé gbāa, àpì kɔn a ìbanɔ. <sup>35</sup> À kù kpé gbāa à gì Isarailinɔ gbarɛzi lán Ludaa dà Musanɛ à òne nà.

## 10

### *Sutɛnɔ dagulana*

<sup>1</sup> Dii bè Musanɛ: Ì gá Fili'auna kiia, zaake ma à kùgbāa kù kɔn à ìbanɔ, le mà a dabuyā kèkiinɔ ke ñ té, <sup>2</sup> le ñ e ñ o n nɛnɔne kɔn n dionɔ lán ma wéɛ tà Igipitinɔa nà kɔn dabuyā kè má kè ñ ténɔ, àgɔ dɔ kè māmbe Dii ũ. <sup>3</sup> Ben Musa kɔn Arunao gāa wà bè Fili'aunanɛ: Dii Eberunɔ Luda bè négɔ kuu mìsiɛnaare sai ai bɔremɛ? Ì a gbēnɔ gbarɛ aɔ gá dɔnzi keare. <sup>4</sup> Tó n gi ñ gbarɛzi, zia eé sutɛnɔ ká n búsun. <sup>5</sup> Aɔé da tɔtɛla, weé guu ero. Aɔé léɛ pò kè gònnɛ lougbe gberaanɔa kɔn líno píngi. <sup>6</sup> Aɔé pa n kpénɔ guu kɔn n ìbanɔ pónɔ kɔn Igipitinɔ

póno píngi. N deno kón n dezin e à taka e zikiro zaa gurɔ kè aɔ vɛɛ b̀usu kèn ai m̀ona gb̀aa. Ben Musa liara à b̀o Fìli'auna kiia.

<sup>7</sup> Fìli'auna ìbanɔ bène: Gbɛ̀ p̀ino é g̃o m̀onzi kpaawazi le ai b̀oreme? Ǹ gbɛ̀ p̀ino gbare aɔ gá d̀onzi ke Dii ǹ Ludane. Ǹ d̃ kè I gipiti kàateroo? <sup>8</sup> Ben wà èara wà sù kón Musao kón Arunao Fìli'auna kiia, à bène: À gá d̀onzi ke Dii a Ludane. A déno bé wé gáa? <sup>9</sup> Musa wèala à bè: Né féte gb̀ensi. Wé gá wa píngime kón wa né g̃gb̀eno kón wa néné gb̀eno kón wa sãano kón wa blèno kón wa z̀uno, zaake Dii z̀ibaan wé gaa ke. <sup>10</sup> Ben à bène: Tó ma a gbare kón a ǹgb̀eno kón a néné a píngi, ásarume, Dii a b̀o! À làakari ke! Ée wetee à f̀emaome. <sup>11</sup> Auo! A g̃gb̀eno bé wé gá d̀onzi ke Diine, zaake len á gb̀eka le. Ben wà p̀emma Fìli'auna aez̃i.

<sup>12</sup> Dii bè Musane: Ǹ n ɔ do I gipiti b̀usula, sut̃eno é ká wà sè kón lá kè b̀e loughbe gberaano ble píngi. <sup>13</sup> Kè Musa a gò d̀o I gipitila, Dii b̀o kón ìao ɔfánt̃e b̀e kpa, èe paa b̀usu pia f̀aant̃e kón gwãaṽio zena sai. Ke guu d̀o, ɔfánt̃e b̀e ìa pì sù kón sut̃eno. <sup>14</sup> Ben sut̃e p̀ino mò wà dà I gipiti b̀usula píngi. Aɔo pari de à yã p̀onla, à taka é ke ziki d̀oro. <sup>15</sup> Aɔ dà t̀otela gu píngi, ben t̀ote sia kù. Aɔ sè kón lán kón líbèe kè b̀o loughbe gberaano blè píngi. Sè kón láo kú I gipiti b̀usun d̀oro.

<sup>16</sup> Gwe g̃o Fìli'auna Musa kón Arunao sìsi à bè: Ma durun kè Dii a Ludane kón apino. <sup>17</sup> À sùu gèn doo kèkii kemé kón ma durun-o à agbaa kpáme Dii a Ludane à gagana kèkii kema. <sup>18</sup> Kè à b̀o Fìli'auna kiia, à agbaa kpà Diine. <sup>19</sup> Ben Dii b̀o kón ìa gb̀aaao ɔfánt̃e g̃kpen kpa, à mò à sut̃eno sèe à kà Isia T̃ëaan. Baa sut̃e mèn doo e g̃o I gipiti d̀oro. <sup>20</sup> Mòde Dii Fìli'auna kù kè gb̀aa, ben à g̀o Isarailino gbarezi.

### *Gusia dana I gipitila*

<sup>21</sup> Dii bè Musane: Ǹ ɔ sé musu, gusiaa kè weé f̃o wà ɔ kea é da I gipitila. <sup>22</sup> Kè Musa a ɔ d̀o musu, ben gusia níginigi dà I gipiti gu píngia ai gurɔ aag̃o. <sup>23</sup> Wè k̃o ero, gb̀eke e gu a gb̀enlo ai gurɔ aag̃o pia. Mòde gupuraa kú guu kè Isarailino kún píngi.

<sup>24</sup> Ben Fìli'auna Musa sìsi à bè: À gá d̀onzi ke Diine kón a ǹgb̀eno kón a néné a píngi, mòde à a sãano kón a blèno kón a z̀uno tó. <sup>25</sup> Musa bè: Ǹ tó wà g̃o wa sa'opono kón sa'opo kè wé ká tén à té k̃no k̃na, le wà e wà Dii wa Luda gb̀agb̀ao. <sup>26</sup> Séto wà gá kón wa pókadeeno, baa mèn doo é g̃oro, zaake aɔ tén wé sa'opono b̀on wà Dii wa Luda gb̀agb̀ao. Le wà kpé wà ká gwe, wá d̃o p̃o kè wé sé wà saa ooa g̃aro. <sup>27</sup> Dii Fìli'auna kù gb̀aa kù, èe we à ǹ gbarero. <sup>28</sup> Fìli'auna bè Musane: Ǹ gu ma ae! Ǹton tó wa wé ke siig̃o d̀oro. Z̃i kè wa wé sik̃le, n game. <sup>29</sup> Ben Musa bè: Lán ǹ ò nà, né wé simale d̀oro.

## 11

### *I gipiti dauduno gagana yã*

<sup>1</sup> Àe s̃o Dii g̃ake à bè Musane: Mé ìa da Fìli'aunaa kón I gipiti b̀usuo gèn do do, eé gbasa à a gbare. Tó èe a gbarèe, eé péawame! <sup>2</sup> Ǹ o gb̀enone aɔ baade g̃gb̀e kón ǹgb̀eo kondogi p̀ono kón vura p̀ono gbeka a I gipiti gb̀e daaaa. <sup>3</sup> Mé tó Isarailino ke I gipitino nna. Musa s̃o é g̃o bèe ṽi I gipiti guu Fìli'auna ìbanone kón a gb̀eno.

<sup>4</sup> Ben Musa bè Fìli'aunane: Dii bè gwãaṽi lezãndo é ba I gipiti b̀usula, <sup>5</sup> I gipiti dauduno é gaga ǹ píngi s̃ena zaa Fìli'auna kè ṽena kpatan néa ai à gaa pé ǹgb̀e z̃ikeri kè aɔe w̃isi lono néa kón pókade nékya káakuno ǹ píngi. <sup>6</sup> Weé sósobi ɔ gb̀aa do I gipiti gu píngia, à taka e ke yãro, eé ke ziki d̀oro. <sup>7</sup> Mòde Isarailino té baa gb̀e é gbon ke gb̀entee ke pókadeearo, le ñg̃o d̃o kè Dii I gipitino d̃ok̃zi kón Isarailino. <sup>8</sup> Ǹ ìba kèkiino é mó ma kiia ǹ píngi aɔe kúeme, aɔe be mà gá kón ma gb̀eno ǹ píngi. Beee gbera sa mé gá. Ben Musa b̀o Fìli'auna kiia kón p̃of̃e bítao.

<sup>9</sup> Dii bè Musane yā: Fili'auna é n yā maro, le ma dabuyākenano e à pari kũ Igipiti. <sup>10</sup> Musa kōn Arunao dabuyā pìnò kè Fili'auna ae pínghi, ben Dii à kùgbāa kũ. À gĩ Isarailinò gbarèzi aō bò a būsun.

## 12

### *Banla zĩbaa*

<sup>1</sup> Dii yā ò Musane kōn Arunao Igipiti à bè: <sup>2</sup> Mòò kèkii égō deare mò káaku ũ wè kōn wèò. <sup>3</sup> À o Isarailinone n pínghi, mòò kèki gurò kuridee zĩ aōé sāa bóbò mèn doodo uale kōn ualeo pínghi. <sup>4</sup> Tó ua gbēno parii e ká aō sā mèn doo só sōro, aō kpaate kōn ua kè aō kú kō saeo à gbēno lén, le a kpaaa tón gōro yānzi. <sup>5</sup> À sākaro ke blèkoffi né bōro kè see vīroo bō. <sup>6</sup> Isarailinò pínghi, baade a pò gwa ai mòò kèki gurò gēro dosaidee zĩ. Uusien weé de, <sup>7</sup> weé à aru ma kpé kè weé à nòbò sòn kpeele gūno oplazi kōn ozazio kōn musuo. <sup>8</sup> Gwāavĩ dōnkō pia weé nòbò pì kpá téa, weé só kōn buredi sésé'èzēsai kōn lá kyàkyāo. <sup>9</sup> Àton só búsu ke fufukenaro. À kpá téa kōn a miò kōn a gbánò kōn a póguunò. <sup>10</sup> Àton tó guu dō à kpaaraaro. Tó à kpaaa gò, à kpáta à té kũ. <sup>11</sup> Tó ée soo, à asaa dōawa à kyatee kpá, a gò gō nana a ozi. À só kpakpaa, zaake Dii Banla sa'opome.

<sup>12</sup> Gwāavĩ pia mé ba Igipitila mà daudunò dede búsu pì gu pínghia kōn pókāde nékya káakunò n pínghi, mé wí da Igipiti tāanò. Mámbe Dii ũ. <sup>13</sup> Aru pì égō de sèeda ũ kpé kè á kú à guunò. Tó mée o tōo Igipitinò, tó ma aru pì è, mé gēala, gagana pì é a lero. <sup>14</sup> À gurò pì die ma zĩbaa gurò ũ dōngu yānzi, àgō zĩbaa pì kee kèatokōnepò ũ ai a boriia.

### *Buredi Sésé'èzēsai zĩbaa*

<sup>15</sup> Gurò swēplaaa guu à buredi sésé'èzēsai só. À gurò káakudee zĩ à buredisese'èzē kè kú a kpé guunò kwéé, zaake gbē kè pōsesena sò gurò swēplaaa pì guu, weé a bō Isarailinò té wà à demé. <sup>16</sup> À gurò káakudee zĩ kōn à gurò swēplaaadeo à kō kakōa à dōnzi kemé. Àton zĩ ke ke gurò mōnòaro, sé pōblekena baade pínghine baasiro, à lén gwe. <sup>17</sup> À Buredi Sésé'èzēsai zĩbaa ke, zaake zĩ beean ma a bōe Igipiti lán zìkpēno bà. A boriinò gō zĩbaa pì kee kèatokōnepò ũ. <sup>18</sup> Mò káaku gurò gēro dosaidee zĩ uusie, àgō buredi sésé'èzēsai soo ai à gurò baro awēdodee zĩ uusie. <sup>19</sup> Gurò swēplaaa guu buredisese'èzē tón gō kú a bero, zaake gbē kè pōsesena sò, gbē zītōn yoo, bēdeen yoo, weé à bō Isarailinò té wà à demé. <sup>20</sup> Àton pōsesena só gurò piaro. Guu kè á kún pínghi, àgae buredi sésé'èzēsai só.

### *Banla zĩbaa káaku*

<sup>21</sup> Musa Isaraili gbēnsinò sisi n pínghi à bèné: À gá à a ua sā kũ à de Banla zĩbaakero ũ. <sup>22</sup> À sēsōvlāa sé à zō aru kè kú taa guu à máma a kpeele gūa, oplazi kōn ozazio kōn à musuo. A gbēke tón bō bàaziro ai guu dō. <sup>23</sup> Tó Dii e baa búsula èe Igipitinò dede, tó à aru è kpeele gūno, eé gēalamé. Eé tó gbēdederi gēazi à a dēdero. <sup>24</sup> Apinò kōn a boriinò àgō yā pì kũna keatokōnepò ũ ai a boriia. <sup>25</sup> Tó a gē búsu kè Dii é a gbaan lán à à lé gbēare nà, àgō dōnziyā pì kũna. <sup>26</sup> Tó a nēno dōnziyā pì mì gbēkaawa, <sup>27</sup> à oñne kè Banla saa kè wè o Diame, zaake kè à Igipitinò dede, à gè wa Isarailinò kpéla, èe wa dēdero. Ben gbēno kùe aō dōnzi kè Diine. <sup>28</sup> Kè aō tà, aō kè lán Dii ò Musa kōn Arunane nà.

### *Igipiti daudunò gagana*

<sup>29</sup> Gwāavĩ lezāndo Dii Igipiti daudunò dede n pínghi, naana zaa Fili'auna kè vēena kpatan néa ai à gà pé pisinano nēno kōn pókāde nékya káakunò n pínghi. <sup>30</sup> Fili'auna fēe gwāavĩ kōn a ìbanò kōn Igipitinò n pínghi, ben sósobi ó dà Igipitila, zaake ua kee kuu gè sairo. <sup>31</sup> Gwāavĩn Fili'auna Musa kōn Arunao sisi à bèné: À fēe kōn Isarailinò à bōe ma gbēno té. À gà dōnzi ke Diine lán á ò nà. <sup>32</sup> À a blēno kōn a sāano kōn a zūno sée lán á ò nà. À gà à sa máaa omé se.

<sup>33</sup> Igipitino nàkõre gbẽ pìnɔa aɔ bɔɛ́ne ní b̀usun kpakpaa, zaake aɔ bè: Wé gaga wa p̀ngime. <sup>34</sup> Isarailino ní flawadɛnanɔ kà taano guu a sésɛ'ɛzɛ sai, aɔ ní utano fífia aɔ dàda ní gàn. <sup>35</sup> Aɔ kè lán Musa ò́ne nà, aɔ kondogi p̀no k̀n vura p̀no k̀n p̀kàsãano gbèka Igipitino. <sup>36</sup> Dii tò aɔ kè k̀o nna, ben aɔ kpàmma. Leme aɔ Igipitino p̀no sìmma le.

### *Isarailino dana zén*

<sup>37</sup> Isarailino dà zén k̀se, aɔ b̀e k̀n Rameseo aɔ tà Suko. Gõgbẽno g̀on b̀o wàa aagõme, néno k̀n nɔgbẽno baasi. <sup>38</sup> Bori z̀tɔno tànyo pari do. Blèno k̀n sãano k̀n z̀no parii kè bíta. <sup>39</sup> Aɔ buredi sésɛ'ɛzɛsai kè k̀n flawadɛna kè aɔ b̀o Igipitio. Aɔ kè sésɛ'ɛzɛ sai, zaake wà p̀mma Igipiti k̀ndome. Aɔ e wà p̀blee kè wà sè k̀sãe ũro.

<sup>40</sup> Isarailino kuuna Igipiti kè wè wàa plaa k̀n baaakurio. <sup>41</sup> Wè wàa plaa k̀n baaakurio p̀ papana gbera, z̀baa p̀ z̀n Dii z̀kpɛe p̀no b̀e Igipiti ní p̀ngi. <sup>42</sup> Gwãavĩ p̀ né Dii p̀me. Isarailino égõ a itɛ kee ai ní boriia, zaake gwãavĩ p̀n Dii Isarailino b̀na Igipiti itɛ kè.

### *Banla z̀baa*

<sup>43</sup> Dii bè Musane k̀n Arunao: Banla yã kè má dien yè. Bori z̀tɔ ke toga à à ǹbo sóro, <sup>44</sup> m̀de z̀ kè á lù, tó à b̀ngu kè, eé só. <sup>45</sup> Nibo ke asaiaz̀keri toga à sóro. <sup>46</sup> À só kpén, àton b̀ k̀n à ǹbo p̀o bàaziro. Àton sãa p̀ wá ke éro. <sup>47</sup> Isarailino p̀ngi gae z̀baa p̀ ke. <sup>48</sup> Tó gbẽ z̀tɔ kú a té, tó à yezi à Banla z̀baa ke Diine, à a be g̀gbẽno b̀ngu ke ní p̀ngi à gõ bɛde ũ, eé gbasa à ke. Gefɔdeede toga à sóro. <sup>49</sup> Bede k̀n gbẽ z̀tɔ kè kúao, doka d̀nkõ p̀me. <sup>50</sup> Ben Isarailino kè lán Dii ò Musa k̀n Arunaone nà ní p̀ngi. <sup>51</sup> Z̀ beean Dii Isarailino b̀e Igipiti g̀li k̀n g̀lio.

## 13

### *Buredi Sésɛ'ɛzɛsai z̀baa k̀n dauduno kpána Ludaao*

<sup>1</sup> Dii yã ò Musane à bè: <sup>2</sup> Àgae Isaraili dauduno k̀n p̀kãde nékya káakuno kpáma, zaake ma p̀no me ní p̀ngi.

<sup>3</sup> Musa bè gbẽno: A b̀na Igipiti z̀blenan gurɔ kèki yã gõ doagu, zaake Dii bé à a b̀e Igipiti k̀n a ɔ gbãaao. Àton p̀sesena só gurɔ p̀aro. <sup>4</sup> Ée b̀e Igipiti gbãame m̀ káaku kè wè sísi Abibu guu. <sup>5</sup> Dii lé gbè a dezinone à bè é b̀usu kè zwi k̀n zó'io din, kè Kanaano k̀n Itino k̀n Amorino k̀n Ivinɔ k̀n Yebusinɔ kún kpáawa. Tó à tò a ka, à z̀baa p̀ ke m̀o kèkiin. <sup>6</sup> Àgae buredi sésɛ'ɛzɛsai só ai gurɔ swɛɛplaa. À gurɔ swɛɛpladee p̀ z̀ égõ deare Dii z̀baa gurɔ ũ. <sup>7</sup> Àgae buredi sésɛ'ɛzɛsai só ai gurɔ swɛɛplaaa p̀ papa. P̀sesena ke buredi ɛzɛ ke tóngõ kú ua ke guu a b̀sunlo. <sup>8</sup> Z̀ p̀a àgae o a négõgbẽno ée kee le yã kè Dii kèare kè à a b̀e Igipiti yãnzime. <sup>9</sup> Z̀baa p̀ égõ deare sèeda ũ lán p̀ dana ɔa bà, ke lán dɔngu p̀ yina m̀'aea bà, le Dii doka gõ kú a lén, zaake àmbe à a b̀e Igipiti k̀n a ɔ gbãaao. <sup>10</sup> Àgae dokayã p̀ ke a gurɔa wè k̀n wèo.

<sup>11</sup> Tó Dii tò a ka Kanaa b̀sun, ben à kpáawa lán à à lé gbèare nà k̀n a dezinɔ, <sup>12</sup> àgae a dauduno kpáa ní p̀ngi. A p̀kãde nékya káakuno égõ de à p̀ ũ ní p̀ngi. <sup>13</sup> Àgae a zaaki nékya káaku tɔba bo k̀n sãneo. Tó ée boro, à à waa fĩ. Àgae a dauduno tɔba bo ní p̀ngi. <sup>14</sup> Tó a négõgbẽno a la à m̀zi zia wà bè, bó yã gwee, à béne kè Dii a b̀e z̀bleen Igipiti yã k̀n a ɔ gbãaao yãnzime. <sup>15</sup> Kè Fili'auna kùgbãaa kè à g̀ wa gbarezi, ben Dii Igipiti dauduno dède ní p̀ngi k̀n p̀kãde nékya káakuno ní p̀ngi. Beee yãnzin weè saa oa k̀n p̀kãde nékya káakunzi p̀ngi, weè wa dauduno tɔba bo. <sup>16</sup> Kèkii égõ de sèeda ũ lán p̀ dana wa ɔa bà ke p̀ yina wa m̀'aea bà, zaake Dii bé à wa b̀e Igipiti k̀n a ɔ gbãaao.

### *Isarailino b̀na Igipiti*

17 Kè Fili'auna Isarailinɔ gbàre, Luda e boŋyo Filisitininɔ bɔsu zé kparo, baa kɔn à kíkεεo, zaake à bè: Tó wà fεéŋzi kɔn zìo, aṣé n nòse lie wà liara Iyipiti. 18 Luda pà zé pìne, ben à gbáa zé sèŋyo Isia Tēaa kpa. Isarailinɔ bɔe Iyipiti aṣ n gòkeboŋo kùna.

19 Musa Yusufu wánɔ sè èe taa, zaake Yusufu tò Isarailinɔ lé gbèare yā à bè, tó Luda m̀ò n bɔ, aṣé a wánɔ sée wà bo gwe.

20 Kè aṣ b̀ò Suko, aṣ gaa wà bùra kàe gbáa léa zaa Etamu. 21 Dii ègɔ dɔɔŋne ae téluguu guu fāantē le àgɔ zé dɔɔaŋne. Gwāavī s̄ ègɔ dɔɔŋne ae ténene guu, le àgɔ guu puuŋne aṣgɔ taa oo fāantē kɔn gwāavīo. 22 Téluguu pì è gu n ae fāantēro, ténene pì è gu n ae gwāavīro.

## 14

### *Iyipitinɔ pεena Isarailinɔzi*

1 Dii bè Musane: 2 N̄ o Isarailinɔne aṣ eara wà gá bùra káe Pi'airo sae Migidolu kɔn ísiaa dagura, aedokɔana kɔn Baali Zefɔo. À bùra káe ísiaa sae gwe. 3 Fili'auna ègɔ daa a sāsā, gbáa a kùme. 4 Mé a kùgbāa kù, eé pεeazi, mé tó b̀ò Fili'auna kɔn a zìkpeeno yā sàabu, Iyipitinɔ ègɔ d̄s kè mámbe Dii ū. Ben Isarailinɔ kè le.

5 Kè wà ò Iyipiti kí Fili'aunane gbē pìnɔ bàa lè, ben àpi kɔn a ìbanɔ nòse lie Isarailinɔ yā musu wà bè: Bón wá kè, ben wá tò aṣ b̀ò zòblenaween? 6 Ben Fili'auna goro d̀ò a s̄ne à a zìkpeeno kàkɔa. 7 À s̄goro maaanɔ sè mèn wàa aagɔ kɔn Iyipiti s̄goronɔ pínɡi kɔn zìkari gbēnsinɔ ká n̄ guu. 8 Dii Iyipiti kí Fili'auna kùgbāa kù, ben à p̄e Isaraili kè aṣe boe kɔn kùgbāaaonɔzi. 9 Ben Iyipitinɔ p̄eŋzi kɔn Fili'auna s̄nɔ kɔn à s̄goronɔ kɔn à s̄deenɔ kɔn à zìkpeeno n̄ pínɡi, ben aṣe moɔ n̄ le n̄ bùran ísiaa sae k̄i kɔn Pi'airoo aedokɔana kɔn Baali Zefɔo.

10 Kè Fili'auna kà k̄i, Isarailinɔ wée sè, ben aṣ Iyipitinɔ è té n̄ kpeε. Vīa n̄ kù maamaa, ben aṣ wii p̄e Diizi. 11 Aṣ bè Musane: Miranɔ kú Iyipitinloo? Bóyānzi n̄ moɔwao gbáan kè wà gagazi? À kè dia n̄ moɔwao Iyipiti? 12 Asa wá ònne Iyipiti wà bè n̄ wa tó t̄ee wà zò ble Iyipitinɔne! Zòblenaŋne maawe de gagana gbáa kènla. 13 Musa bèŋne: Àton tó vīa a k̄uro. À ze t̄ee é e lán Dii é a m̀i sí nà gbáa, zaake Iyipiti kè ée n̄ ee gbáa kènɔ, é n̄ e ziki d̄ro. 14 Dii bé eé z̄i káare. Àgɔ yītena kítikiti dé!

### *Isarailinɔ bikūna Isia Tēaala*

15 Dii Musa là à bè: Bó wiiin n̄eε pεemazii? N̄ o gbēnɔne aṣ f̄e wà b̀o kɔn táo. 16 N̄ n̄ gò d̀ò ísiaala à zòk̄re, le Isarailinɔ e wà ḡte à dagura gukoria. 17 Mapi, mé Iyipitinɔ kùgbāa kù, aṣé ḡn n̄ gbera, mé tó b̀ò Fili'auna kɔn a zìkpeeno kɔn a s̄goronɔ kɔn a s̄deenɔ yā sàabu. 18 Tó ma tó b̀ò Fili'auna kɔn a s̄goronɔ kɔn a s̄deenɔ yā sàabu, Iyipitinɔ ègɔ d̄s sa kè mámbe Dii ū. 19 Luda Malaika kè d̀ò Isarailinɔne ae liara à gaa n̄ kpeε kpa, ben téluguu kè kú n̄ ae liara à gaa n̄ kpeε d̀ò 20 aṣpinɔ kɔn Iyipitinɔ dagura. Téluguu pì guu pù Isarailinɔne à gusiaa kpà Iyipitinɔne, ben aṣ gbēkee e e à s̄s̄ a daazi gwāavī beeearo.

21 Kè Musa a ɔ d̀ò ísiaala, ben Dii b̀ò kɔn ía gbāaa o fānt̄boε kpa. À kàka ai guu gaa d̀ò à ísiaa lè à kp̄atek̄re, ben gukori b̀ò. Kè í zòk̄re, 22 ben Isarailinɔ taa ò gukoria aṣ bikù. Í b̄i b̀ò aṣ oplaazi kɔn ɔezio. 23 Ben Iyipitinɔ p̄eŋzi. Fili'auna s̄nɔ kɔn a s̄goronɔ kɔn a s̄deenɔ pínɡi té n̄ kpeε ísiaa guu. 24 Gudɔnao Dii Iyipiti zìkpeeno gwà zaa ténene guu, ben à tò aṣ lik̄a. 25 À tò aṣ s̄goronɔ vl̄e, à tò aṣ taa'ona kè z̄i'ū, ben aṣ bè: Wà bàa lé Isarailinɔne, zaake Dii e z̄i kaawaon̄neme.

26 Dii bè Musane: N̄ n̄ ɔ d̀ò ísiaala, í é da Iyipitinɔla kɔn n̄ s̄goronɔ kɔn n̄ s̄deenɔ. 27 Ben Musa a ɔ d̀ò ísiaala, ben í e suu a gbèn gudɔnao. Lán í e suu nà, ben Iyipitinɔ bàa s̄i aṣo yezi wà boε. Gwen Dii tò ísiaa dànlan. 28 Í s̄u a dà s̄goronɔla kɔn s̄deenɔ kɔn Fili'auna zìkpeε kè aṣ ḡe ísiaa guu Isarailinɔ gberaanɔ n̄ pínɡi. Aṣ kee e boɔ, baa mèn do. 29 Isarailinɔ s̄ taa ò



í dagura gukoriamε. Í bñi bò aõ ÷plaazi kñn ÷ezio. <sup>30</sup> Zĩ beeean Dii Isarailinõ sì Igipitinõa, ben Isarailinõ Igipiti pìnõ gènõ è ísiasa baa. <sup>31</sup> Kè Isarailinõ Dii gbāa bíta kè à mò Igipitinõne è, aõ vĩa kènε, ben aõ à náane kè kñn à zòbleri Musao.

## 15

### *Isarailinõ lè*

<sup>1</sup> Ben Musa kñn Isarailinõ n pínzi lè kè sì Diine wà bè:

Mé lè sí Diine, zaake à tó bõna,  
à sòdeenõ kñn n sònõ kà ísiaan.

<sup>2</sup> Dii bé ma gbāaa ũ, mé lé maa,  
àpi bé à ma mì sì.

Àmbe ma Luda ũ, mé à tó kpá.

Àmbe ma de Luda ũ, mé à tó sé lezĩ.

<sup>3</sup> Dii né zĩkarime, à tón Dii.

<sup>4</sup> À Fili'auna sōgoronõ kñn à zĩkpeenõ kà ísiaan,  
à zĩkari gbēnsinõ vlēε Isia Tēaan.

<sup>5</sup> Í lōdee pì dàńla,  
aõ kpàε gĩzĩ lán gbè bà.

<sup>6</sup> Dii, n ÷plaan gbāaa kún kñn bítakeεo,  
Dii, n n ibeenõ dúgu zò kñn n ÷plaa.

<sup>7</sup> N n zangurinõ nè n gakui bíta guu,  
n pò fè n n náε lán sè bà.

<sup>8</sup> N pò bò n yĩzĩ, ben í zòkõre,  
à gò zena lán bñi bà,  
ísiāa ì ai a guragura.

<sup>9</sup> Wa ibee pìnõ bè,  
aõé péεwazi aõ wa leme,  
aõé wa pónõ séε lán aõ yezi nà,  
aõé n fēεdaanõ woto aõ wa dεdεo.

<sup>10</sup> N n lé'ĩa vù, ben ísiāa dàńla,  
aõ kpàε lán beoma bà í bíta pìn.

<sup>11</sup> Dii, tãanõ té à kparee bé à dε lán n bà?  
Dén weé lékōzinyo?

Yábõnsackeri, n bítakeε adona,  
n gakui naasi vĩ.

<sup>12</sup> N n ÷plaa pòro, ben tōtε n mómõ.

<sup>13</sup> Wamõwa kè n wa bo zòbleenõ  
né dõwe aε n gbēkεε guu,  
né gáwao n būsun kñn n gbāaa.

<sup>14</sup> Tó boriinõ mà, aõé lugaluga,  
Filisitini būsudeenõ kù égõ vñi.

<sup>15</sup> Eðmunnõ kínannõ é bídi ke,  
swè é kē Mõabu dõn'aεdeenõn,  
Kanaa būsudeenõ mè é yó n pínzi.

<sup>16</sup> Vĩa bíta é n kũ, swè é kēńgu,  
aõé gõ kítikiti lán gbè bà

n gbāa bíta yānzi Dii,  
ai wamõwa kè n wa se n pò ũunõ gēte.

<sup>17</sup> Dii, né gáwao kpĩĩ kè n sè n pò ũu kiia,

né wa kāsāa péε guu kè n̄ diε n̄ vēεkii ūun,  
n̄ kúkii kè n̄ kèkε n̄ zīndanε p̄i.

<sup>18</sup> Dii égō kí blee gurō p̄ingimε.

<sup>19</sup> Kè Fili'auna sōnō kōn à sōgoronō kōn à sōdeenō gè ísīaa guu, ben Dii sù kōn ío à dàníla, mōde Isarailinō táa ò gukoria ísīaa p̄i guu. <sup>20</sup> Ben annabi Miriamu, Aruna dāre, a sēgēsēgē sē, ben nōgbēnō bō wà tézi n̄ p̄ingi, aōε sēgēsēgē paa aōε ō wāa. <sup>21</sup> Miriamu lè s̄innε à bè:

À lè sí Diinε, zaake à tó bōna,  
à sōdeenō kōn n̄ sōnō kà ísīaan.

### *Í kyàkyā*

<sup>22</sup> Musa dà zén kōn Isarailinō, aō kè Isia Tēāaa aō gè Suru gbáan. Aō táa ò gurō aagō gbáa p̄in aōε í ero. <sup>23</sup> Kè aō kà guu kè wè sísi Mara, aōε f̄ō wà à í m̄iro kè à kè kyàkyā yānzi. Beee yānzi wà tó kpà guu p̄inε Mara. <sup>24</sup> Ben gbēnō zōka kà Musazi wà bè: Bón wé mii? <sup>25</sup> Musa wii pè Diizi, ben Dii lí òdōanε. Kè Musa lí p̄i zù ín, ben í p̄i kè nna. Gwen Dii yā diéñnε kōn dokao à n̄ lé à n̄ gwá <sup>26</sup> à bè: Tó a làakari dō mamōma Dii a Luda yāa ée yā kè má yezi kεε, tó a yā kè má dienō mà, ben á ma dokanō kūna p̄ingi, mé gyāa kè má kà Igipitinōn ke káaguro, zaake māmbe Dii kè è a gba aafia ū. <sup>27</sup> Beee gbera aō kà Elimu, guu kè íbōki mèn kuri awεεplaaanō kún kōn damina lí mèn baaagō akurinō. Ben aō bùra kàe í p̄i saε gwe.

## 16

### *Mana kōn b̄urunō*

<sup>1</sup> Isarailinō f̄εε Elimu n̄ p̄ingi, ben aō kà Sini gbáa kè kú Elimu kōn Sinaio dagura aō bōna Igipiti mō plaadee guu gurō gērodee zī. <sup>2</sup> Ben aō zōka kà Musa kōn Arunaōzi gbáan gwe n̄ p̄ingi <sup>3</sup> aō bèñnε: Bóyānzi Dii e wa dεdε Igipitirozi? Gwe weε vēε wà pó ble kōn n̄bōo ai wà ká, ben a mōwao gbáan kè à wa dεdε kōn nōāao.

<sup>4</sup> Dii bè Musanε: Bōna musu mé póblee fáκεare. Gbēnō é bōε wà gurō doo pó sée lán gu e dōo nà n̄ blena lén, lε mà n̄ yō mà gwa tó aō ma doka kūna. <sup>5</sup> Gurō swεedodee zī gurō plaaa pón aōé sée aō à póblee kε. <sup>6</sup> Ben Musa kōn Arunaō bèñnε n̄ p̄ingi: Uusīea é dō kè Dii bé à a bōε Igipiti, <sup>7</sup> zia kōngō é Dii gakui e. À zōka kè á kàazii mà. Bón wa ū kè é gbasa a zōka kàwazii? <sup>8</sup> Musa èara à bè: Dii é a gba n̄bōo à só uusīea, zia kōngō eé póblee kpáawa a blena lén, kè à zōka kè á kàazii mà yānzi. Póken wa ūro. Èe kε wámbe a zōka kàwaziro, Diimε.

<sup>9</sup> Ben Musa bè Arunanε: Ñ o Isarailinōnε n̄ p̄ingi aō sō Diizi, zaake à n̄ zōkakana mà. <sup>10</sup> Kè Aruna e yā oónnε, aō aε dō gbáa kpa, ben aō è Dii gakui bō à m̄ónzi téluguu guu. <sup>11</sup> Ben Dii yā ò Musanε à bè: <sup>12</sup> Ma Isarailinō zōkakana mà. Ñ oónnε uusīea aōé n̄bōo só, zia kōngō aōé pó ble wà ká, aōé dō kè māmbe Dii n̄ Luda ū.

<sup>13</sup> Uusīe b̄urunō mō wà dà n̄ b̄urala. Kè guu dō kp̄ii kpà à lìgañzi. <sup>14</sup> Kè kp̄ii kè, ben pó gō kaena tōtεa p̄uu ketekete lán pó kokū bà. <sup>15</sup> Kè Isarailinō è, aō bèkōnε: Bón gwee? Zaake aōε dō tó bónlo. Musa bèñnε: Pó kè Dii kpàawa à bleen gwe. <sup>16</sup> Yā kè Dii diεareen yè: A baade sée a blena lén. À sée a baade m̄ia zaka lé doodo a uadeenō pari lén. <sup>17</sup> Isarailinō kè lε. Aō sèε, gbēkenō pó bíta, gbēkenō pó néngo. <sup>18</sup> Kè wà zaka dàn, gbē kè sèε bíta pó e diziro, gbē kè sèε fète pó e kēsāaro. <sup>19</sup> Musa bèñnε: Gbēke tón à kpaa tó ai guu d̄aro. <sup>20</sup> Gbēkenō e Musa yā maro, aō à kpaaa tò ai guu dō, ben à kòkō kà à v̄a, ben Musa pō f̄ε gbē p̄inōzi.

<sup>21</sup> Lán guu e dōo nà baade è sée a blena lén. Tó f̄antē gbà, à kè gō tōtεa è yómε. <sup>22</sup> Gurō swεedodee zī aō póblee sèε leo plaa, baade m̄ia zaka lé plaplaa. Ben aō gbēnsinō gāa wà ò Musanε n̄ p̄ingi. <sup>23</sup> À bèñnε: Len Dii diε lε. Zia né kámmabogurō zīmε, Dii gurōmε. À pó kè á yezi à kpá téa kpá téa. À pó kè á yezi à disa disa, à à kpaaa kè gō diε ai guu dō. <sup>24</sup> Aō diε ai guu dō lán Musa ò nà. Beekii e v̄āro èe kòkō káro. <sup>25</sup> Ben Musa bèñnε: À ble gbāa, zaake

kámmabogurɔ zĩme, é e gukea gbàaro. <sup>26</sup> Àgae sée ai gurɔ swεedo. À gurɔ swεεplaadee né kámmabogurɔ zĩme, eégɔ̄ kuu zĩ pìaro.

<sup>27</sup> Gurɔ swεεplaadee zĩ gbēkenɔ̀ bò wà gàa sée, ben aɔ̀e ero. <sup>28</sup> Ben Dii bè Musane: Égɔ̄ kú kɔ̀n doka kè má diε masaio ai bɔ̀re me? <sup>29</sup> Àgɔ̄ dɔ̀ kè mamɔ̀ma Dii mámbé ma kámmabogurɔ diεare. Beee yānzi gurɔ swεedodee zĩ mὲ gurɔ plaaa pɔ̀blee kpáawa. Baade gɔ̄ kú a gbèn, gbēke tón gu a gbèn gurɔ swεεplaadee pì zĩro. <sup>30</sup> Ben aɔ̀ kámma bò gurɔ swεεplaadee zĩ. <sup>31</sup> Isarailinɔ̀ tó kpà pɔ̀blee pìne mana. À de lán pówεε pura keteketenò bàme. À í nna lán kàra zódee bà.

<sup>32</sup> Musa bè: Yā kè Dii dien yè: Wà mana zaka lé doo diε wa boriinɔ̀ne, le aɔ̀ pɔ̀blee kè à kpàwa wá blè gbáan wa bɔ̀na Igipiti gberaa e se. <sup>33</sup> Ben Musa bè Arunane: Ñ loo sé ñ mana zaka lé doo kán ñ diε Dii ae, le àgɔ̄ diena wa boriinɔ̀ne. <sup>34</sup> Ben Aruna diε gbè walaanɔ̀ sae le àgɔ̄ diena lán Dii ò Musane nà. <sup>35</sup> Isarailinɔ̀ mana blè wè baplaa ai aɔ̀ gàa wà kào bùsu kè gbènɔ̀ kún. Aɔ̀ mana pì blè ai aɔ̀ gàa wà kào Kanaa bùsu léa. <sup>36</sup> Zaka lé doo né lita plaaame.

## 17

### *Íbɔ̀na gbèn*

(Nar 20:2-13)

<sup>1</sup> Isarailinɔ̀ fɛε Sini gbáan ní pínɡi, aɔ̀e bùra káεkaεε lán Dii ò́nne nà, ben aɔ̀ gàa wà bùra kàe Refidimu. Aɔ̀e í e wà mì gwero, <sup>2</sup> ben aɔ̀ zɔ̀ka kà Musazi wà bè: Ñ wa gba í wà mi. À bè́nne: Bóyānzi ée leokpakɔ̀a keεmaozi? A kè dia ée Dii leε ée gwaa? <sup>3</sup> Kè ímii e ní deε, ben aɔ̀ zɔ̀ka kà Musazi wà bè: Bóyānzi n bɔ̀wao Igipitizi? Ñ yezi ímii wa de kɔ̀n wa néno kɔ̀n wa pɔ̀kádeenɔ̀on yó? <sup>4</sup> Ben Musa wii pè Diizi à bè: Dian mé ke kɔ̀n gbē pìnɔ̀ nà? À gò fète kè aɔ̀e ma pápa gbèò wà ma de. <sup>5</sup> Dii bène: Ñ Isaraili gbēnsinɔ̀ sée à dɔ̀ gbē pìnɔ̀ne ae. Ñ n gò kè n Nili lèò sé dɔ̀. <sup>6</sup> Mé ze n ae Orebu gbèsi sae gwe. Ñ gbèsi pì lé, í é bɔ̀ le aɔ̀ mi. Ben Musa kè le Isaraili gbēnsinɔ̀ wáa. <sup>7</sup> Ben wà tó kpà guu pìne Masa, zaake gwen aɔ̀ Dii yònn wà gwà wà bè: Dii kúwaon gweó? Wà tó kpàne Meriba dɔ̀, kè Isarailinɔ̀ zɔ̀ka kà gwe yānzi.

### *Zìkana kɔ̀n Amalekinɔ̀*

<sup>8</sup> Amalekinɔ̀ mò zì ká kɔ̀n Isarailinɔ̀ Refidimu. <sup>9</sup> Ben Musa bè Yɔ̀suanε: Ñ gbēnò pleple wa té à gá zì ká kɔ̀n Amalekinɔ̀. Zia mégɔ̄ zena s̄is̄i kèkii mìs̄ont̄ea kɔ̀n Luda gòò kúna. <sup>10</sup> Yɔ̀sua kè lán Musa òne nà, à gàa zì ká kɔ̀n Amalekinɔ̀. Ben Musa kɔ̀n Arunao kɔ̀n Uruo dìdi s̄is̄i pì mìs̄ont̄ea. <sup>11</sup> Tó Musa a ɔ̀nò sè, Isarailinɔ̀ ègɔ̄ zì blee Amalekinɔ̀ame, mɔ̀de tó à a ɔ̀nò diε s̄, Amalekinɔ̀ ègɔ̄ zì blee Isarailinɔ̀a. <sup>12</sup> Kè Musa ɔ̀nò wá, wà gbè sè wà diε à gbáru à v̄εea, ben Aruna kɔ̀n Uruo à ɔ̀nò kúkúna, gbē doo ɔ̀plazi, gbē doo ɔ̀zezi, ben à ɔ̀nò gò zena ai ɔ̀fánt̄e gàa à ḡèò kpén. <sup>13</sup> Ben Yɔ̀sua zì blè Amalekinɔ̀a à ní déde kɔ̀n f̄εεdaao.

<sup>14</sup> Dii bè Musane: Ñ kèkii kē takada guu le àgɔ̄ de dɔ̀ngu pò ũ ñ o Yɔ̀suanε, zaake mé Amalekinɔ̀ borii bɔ̀ anduna guu ní pínɡi. <sup>15</sup> Musa gbāgbākii bò, ben à tó kpàne Diin ma tuuta ũ <sup>16</sup> à bè: Ma ɔ̀ sè Dii kpata kpa. Dii égɔ̄ zì ká kɔ̀n Amalekinɔ̀ gurɔ pínɡi.

## 18

### *Yétoro gana Musa gwa*

<sup>1</sup> Musa anzure Yétoro, Midiā sa'ori, yā kè Ludaa kè Musane kɔ̀n a gbē Isarailinɔ̀ mà, lán Dii ní b́e Igipiti nà. <sup>2</sup> Àe kè s̄ Musa ḡiake à a naɔ̀ Zipora zì be <sup>3</sup> kɔ̀n a négɔ̄gbē mèn plaaanɔ̀. À doo tón Gesomu, zaake Musa bè gbē z̄it̄on a ũ danɔ̀ bùsun. <sup>4</sup> À doo tón Elieza, zaake Musa bè a de Luda a faaba kè à a bɔ̀ Fili'auna f̄εεdaa lézĩ. <sup>5</sup> Ben Yétoro f̄εε èe mɔ̀ Musa kiia kɔ̀n à néno kɔ̀n à naɔ̀ guu kè à bùra kàen Luda kp̄iii sae gbáan. <sup>6</sup> À lékpāsā kè Musane à bè: Méε mɔ̀ n kiia kɔ̀n n naɔ̀ kɔ̀n n né mèn plaaanɔ̀. <sup>7</sup> Musa bò à gàa à dà a anzure à

kùe à lé pè à gasua. Aã kō aafia gbèka, ben aã gè kpén. <sup>8</sup> Musa yā kè Dii kè Fili'aunanε kōn Igipitinō Isarailinō yānzi tōkène píngi kōn nawēa kè aō è zé guunō píngi kōn lán Dii n b́ nà. <sup>9</sup> Yetoro pō kè nna yā maaa kè Dii kè Isarailinōnea píngi kōn lán à n b́ Igipitinō ozi nà. <sup>10</sup> Ben à bè: Wà Dii sáabu kpá lán à a b́ Fili'auna kōn Igipitinō ozi nà. <sup>11</sup> Má dō sa kè Dii bíta de tāanola n píngi. Kè Igipitinō kya kàagu, à yā mōné. <sup>12</sup> Ben Yetoro sa'opō kè wè ká tén à té kù ò Ludaa kōn sa'opō pāndenō dō. Ben Aruna kōn Isaraili gbēnsinō n píngi mò wà pó blèo Luda aε.

### *Yāgōgrinō diena*

<sup>13</sup> Kè guu dō Musa vèe èe yā gōgōné, aō káezi zaa kōngō ai uusie. <sup>14</sup> Kè Musa anzure yā kè èe kèné è píngi, ben à à là à bè: Bón née kèe kōn gbē kēnō leε? Bóyānzi née yākpae kèné ndo, baade píngi káenzi zaa kōngō ai uusie? <sup>15</sup> Musa wèla à bè: Gbēnō è mó ma kiia aō Luda poyeziyā mame. <sup>16</sup> Tó aō yākete vī, aōé mó ma kiia mà yā pì gōgōné mà Luda doka kè à dieno oñe.

<sup>17</sup> Musa anzure bène: Yā kè née kèe maaro. <sup>18</sup> Né kpasá, gbē kè aō kúnynō é kpasá dō, zaake zī pì denla, né fō n ke ndoro. <sup>19</sup> N ma yā ma sa, mé lé damma, Luda égō kúnyo. Négo déné yāgōgōri ũ, négo gaa kōn n yānō Luda kiia, <sup>20</sup> négo doka kè Ludaa dieno daáne, négo zé kè de aō sé dōané kōn yā kè aōé kēnō. <sup>21</sup> N gbē làakaride náanede kè aō Luda vīa vī ben aōé dōnkpeεgbaa síroonō pleple n té, n n die gōn wàa sōsōroonō dōn'aedeeno ũ kōn gōn basōsōroo kōn gōn baplaa akurio kōn gōn kurikurio, <sup>22</sup> le aōgō yā gōgō gbē pìnōne gurō píngi. Aōé mó n kiia kōn yā zī'ūunō píngi, mōde aōé yā néngonō gōgō n zīnda. Bee bé ée n asoo lagonne. <sup>23</sup> Tó Dii wène, tó n kè le, né fuaro, gbē pìnō é tá be làakario kpaena.

<sup>24</sup> Musa a anzure yā mà à kè lán à òare nà píngi. <sup>25</sup> À gbē làakarideeno plèple Isaraili boriino té píngi à n díe gōn wàa sōsōroonō dōn'aedeeno ũ kōn gōn basōsōroo kōn gōn baplaa akurio kōn gōn kurikurio. <sup>26</sup> Ben aōégō yā gōgōné gurō píngi. Yā zī'ūun aōé móo Musa kiia, ben aōé yā néngonō gōgō n zīnda. <sup>27</sup> Musa gāa à zè a anzurenε, ben à tà a būsun.

## 19

### *Sinai kpīi saε*

<sup>1</sup> Isarailinō bōna Igipiti mō aagōdee guu <sup>2</sup> aō fεε Rεfidimu. Kè aō kà Sinai gbáan, ben aō bùra kàe gwe Sinai kpīi saε. <sup>3</sup> Musa didi à gāa Luda kiia kpīi pì musu, ben Dii lé zūzi à bè: N yā kèkii o Yakubu bori Isarailinōne: <sup>4</sup> Á è lán má kè Igipitinōne nà, lán ma a se ma suao ma kiia, lán kúu è a né sé a dēbea nà. <sup>5</sup> Tó a ma yā mà á ma bà kuunao yā kūna tia sa, égō de ma gbē yenzideeno ũ bori píngi té. Baa kè anduna de ma pó ũ píngi, <sup>6</sup> égō demε kīnānō kōn sa'orinō ũ, ma gbē kè aō kú adonano ũ. Yā kè né o Isarailinōnen gwe.

<sup>7</sup> Musa pita à gbēnsinō sīsī, ben à yā kè Dii òne tōkèné píngi. <sup>8</sup> Gbēnō wèla n píngi wà bè: Yā kè Dii òwe píngi wé ke. Ben Musa gāa à yā kè wà ò tōkè Diine. <sup>9</sup> Dii bène: Mé mō n kiia tésukpe gègete guu, le gurō kè mée yā oonne, aōé ma aōégō n náane vī gurō píngi. Ben Musa yā kè gbēnō ò tōkè Diine. <sup>10</sup> Ben Dii bène: N gá n kiia n oñe aō gbāsī b́ n zīndan gbāa kōn ziaao, aō n pókāsāano pípi. <sup>11</sup> Aōgō kú soru guu ziando, zaake à gurō aagōdee zī mé pita mà ze Sinai kpīi musu baade píngi wáa. <sup>12</sup> N tōte lé sèda daáne kpīi pì gēzi ai à ligazi píngi. N oñe aō làakari ke. Aōton didi kpīi pìaro. Aō gbēke tón o kea sero. Gbē kè o kèa, wà adee de. <sup>13</sup> Wāton o ke adeearo. Wà à pápa gbèo ke wà à pápa kào wà de. Pókādeen yoo, gbēnteen yoo, à gāme. Tó aō mà wà kuru pè wà à bà gā, aō sō kpīi pìzi.

<sup>14</sup> Musa pita kpīi pìà à mò à gbēnō lè à òñe aō gbāsī b́ n zīndan aō n pókāsāano pípi. <sup>15</sup> À èara à bèné: Ágō kú soru guu gurō aagōdee zī yānzi. Àton dae kōn nōgbēoro. <sup>16</sup> Kè guu dō à gurō aagōdee pìà, ben laa e pataa èe pii, ben lou sīsī kpīi musu. Kè aō kuru'ō gbāaa mà, ben vīa gbē kè aō kú bùrannō kù n píngi aōe lugalugaa. <sup>17</sup> Musa bōnyo bùran à gānyo

Luda kiia, ben aã zè gĩĩ kpii pi sae. <sup>18</sup> Tésukpe dà Sinai kpiiila kè Dii pita gwe kɔn téo yãnzì. Tésukpe pi fèe lán mɔda tésukpe bà, ben kpii pi e nigãnigãa maamaa. <sup>19</sup> Kuru'ò gbãaa e kaara. Kè Musa yã ò, ben Luda wèla lapatana guu.

<sup>20</sup> Dii pita à zè Sinai kpii mĩsɔntèa à Musa sìsi, ben à didi à gàa gwe. <sup>21</sup> Dii bène: Ñ pita ñ kpákè gbènzì, aɔton vĩ gulela aɔ mɔ wà ma gwaro, le aɔ paridee tón gagaro yãnzì. <sup>22</sup> Baa sa'ori kè aɔè sɔmaziinɔ, aɔ gbãsí bɔ ñ zĩndan le màton fènzìro yãnzì. <sup>23</sup> Musa bè Diine: Aɔé didiro, zaake n kpákèwazi n bè wà tɔtè lé sèeda da kpii pi gèzi à gɔ n pɔ ùme. <sup>24</sup> Ben Dii bène: Ñ pita ñ Aruna sé ñ suo, mɔde sa'orinɔ kɔn gbè kpaaanɔ tón vĩ guu baa aɔ mɔ ma kiiaro le màton fènzìro yãnzì. <sup>25</sup> Ben Musa pita gbè pìnɔ kiia à yã pi ònne.

## 20

### *Dokayã mèn kurinɔ*

<sup>1</sup> Luda yã kèkii ò píngi à bè: <sup>2</sup> Mámbe Dii a Luda ũ. Ma a bɔe zòbleen Igititi.

<sup>3</sup> Àton gɔ dii ke vĩ ma gberaro.

<sup>4-5</sup> Àton pòke taka ke à kúe à donzi kenero, pò kè kú musu ke tɔtèa ke í guun yoo, zaake mamɔma Dii a Luda má nɔsegãanɔ vĩ. Mèè gbè kè yemaziroonɔ yã zaa wí ñ boriinɔ musu ai à gá pé ñ swákpeenɔa kɔn ñ nasionɔ. <sup>6</sup> Gbè kè aɔo yemazi aɔo ma dokayãnɔ kũnanɔ sɔ, mèègɔ gbèkèe vĩnyome ai ñ boriia.

<sup>7</sup> Àton mamɔma Dii a Luda tó sí pãpãro, zaake gbè kè ma tó sì pãpãa mé tó à bɔ pãro.

<sup>8</sup> Àgae don kãmmabogurɔ zĩ né ma pómè. <sup>9</sup> Àgae a bura zĩ kɔn a zĩ píngio ke gurɔ swèedo, <sup>10</sup> à swèeplaadee gɔ deare kãmmabogurɔ ũ, zaake mamɔma Dii a Luda ma pómè. Àton zĩ ke ke gurɔ pi zĩro, apinɔ ke a nɛgɔgbè ke a nɛnɔgbè ke a zĩkeri gɔgbè ke nɔgbè ke a pókãdee ke nibɔ kè kú a be. <sup>11</sup> Zaake gurɔ swèedon ma musu kɔn tɔtèo kè kɔn ísiaa kɔn pò kè kú ñ guunɔ píngi, ben ma kãmma bò à gurɔ swèeplaadee zĩ. Beee yãnzì ma aubarika dà kãmmabogurɔ pinzi, má diè ma pò ũ. <sup>12</sup> Àgae bèe lí a de kɔn a daone, le à gí ke bùsu kè mamɔma Dii a Luda mée kpaaawaan.

<sup>13</sup> Àton gbè dero.

<sup>14</sup> Àton zina kero.

<sup>15</sup> Àton kpãi oro.

<sup>16</sup> Àton yã di a gbèdaaaaro.

<sup>17</sup> Àton a gbèdaaa ua ni dero. Àton à nɔo ni dero ke à zĩkeri gɔgbè ke nɔgbè ke à zù ke à zaaki ke pò kè à vĩnɔ píngi.

<sup>18</sup> Baade píngi lapatana mà kɔn kuru'òo, aɔ loupina è kɔn tésukpeo dɔ kpii musu, ben vĩa ñ kũ aɔe lugalugaa aɔo ze kãaa. <sup>19</sup> Aɔ bè Musane: Ñ yã owe n zĩnda, wé ma. Ñton tó Luda yã owero, le wàton gagaro yãnzì. <sup>20</sup> Musa bèñne: Àton tó vĩa a kũro, zaake kè à a yɔ à gwa yãnzin à mòzi, le àgɔ à vĩa vĩ bensɔ àton durun kero yãnzì. <sup>21</sup> Aɔo ze kãaa, ben Musa sè tésukpe gègete pìzi, guu kè Ludaa kún pìn.

### *Dii gbãgbãki yã*

<sup>22</sup> Ben Dii bè Musane: Ñ yã kèkii o Isarailinɔne: Á mà a zĩndanda lán ma yã òare zaa musu nà. <sup>23</sup> Àton tãa ke ke à namaro. Àton kondogi ke vura pi tãanɔ ũro. <sup>24</sup> À ma gbãgbãkii bo kɔn èe à saa oa kɔn sãanɔ kɔn zùnɔ, sa'opɔ kè wè ká tén à té kũ kɔn kennakɔo sa'opɔo. Guu kè má dièare àgɔ ma sísin, mé mɔ a kiia mà aubarika daagu. <sup>25</sup> Tó ée ma gbãgbãkii pi boo kɔn gbèò, àton bo kɔn gbè anaoro, zaake tó a gã pèea, á tò à gbãsí lèn gwe. <sup>26</sup> Àton ma gbãgbãkii bo à à didikii kero, le a bũukèe tón oɔaaro yãnzì.

## 23

### *Yãkena a zéa*

<sup>1</sup> Àton wàpe baaru kpáro. Àton ze kōn gbē zaaao ege sèedadee ũro. <sup>2</sup> Àton té pariizi yāzaakena guuro. Àton ze kōn pariio yākpae guu à bɔ yāzede kpeero. <sup>3</sup> Tó takaaside yā nnaro, àton zeoro. <sup>4</sup> Tó n ibee zù ke à zaaki sàsā bensō n kpakūo, n kū n gáone be. <sup>5</sup> Tó n n zanguri zaaki è èe fuu asooa, n à ãan ká, nton à tónlo.

<sup>6</sup> Tó takaaside yā nna, àton bɔ à kpeero. <sup>7</sup> À zà kū kōn mɔnafikio. Àton taarisaidee ke gbē maaa dero, zaake mé tó taaridee bɔ pāro. <sup>8</sup> Àton ɔɔnkpeegbaa síro, zaake ɔɔnkpeegbaa è tó wéedeeno vīa kūme, bensō è gbē maaano yā lie kpeegānda. <sup>9</sup> Àton wée tā bɔamɔaro. Á bɔamɔkee dō, zaake bɔamɔnon a ũ yā zaa Iyipiti. <sup>10</sup> Àgae pɔ tō a buraano à keke ai wè swedo, <sup>11</sup> à wè sweeplaadeen à tó tɔte kámma bo à ãam pá, le a takaasideeno e wà à zà kè bɔe gweeno kɔo we, nɔbɔsɛteno e wà à kpaa só. À ke le dɔ kōn a geepi búo kōn a kùkpeo. <sup>12</sup> Àgaegō zīi kee ai gurɔ swedo, à sweeplaadeen àgae kámma bo, le a zùno kōn a zaakinɔ e wà kámma bo, bensō a zòno kōn bɔamɔno é e wà ãam pá. <sup>13</sup> Àgō yā kè má òareno kūna píngi. Àton tãano tó síro. Wàton n tó ma a lén sero.

*Zībaa mèn aagōno*  
(Bɔn 34:18-26)

<sup>14</sup> Wè kōn wèò àgae mó zībaa kemé gèn aagō. <sup>15</sup> Àgae Buredi Sésé'èzēsai zībaa ke lán má diiare nà, àgae buredi sésé'èzēsai só ai gurɔ sweeplaa mɔo kè wè be Abibu guu a gurɔo, zaake mɔo pì guun a bɔe Iyipiti. Gbēke tón mó ma kiia ɔkoriro. <sup>16</sup> Àgae Pókekena zībaa ke gurɔo kè a na pókekena, à a bura pɔ káakuno kpáma. Àgae Pódufublena zībaa ke wè yāanaa, gurɔo kè a a bura pɔno kákōa píngi. <sup>17</sup> Wè kōn wèò gèn aagō a gōgbē píngi mó kákōana ke mamoma Dii a Luda aezi. <sup>18</sup> Àton pòsesena kpáma ledò kōn sa'opɔ aruoro. Àton zībaa sa'opɔ nòsi dié guu dɔaro. <sup>19</sup> Àgae gá mamoma Dii a Luda ua kōn a bura pɔ káakuno. Àton blène nòbɔ kuku kōn à da yò'ioro.

*Luda Malaika é dɔ a gbènoe ae*

<sup>20</sup> Mé Malaika gbare à dɔare ae à a dākpa zén à káao guu kè má kèken. <sup>21</sup> À làakari dɔ à yāa à à yā ma. Àton bɔ à kpeero, zaake eé sùu keao a taari yā musuro kè ma tó kúa yānzi. <sup>22</sup> Tó a à yā mà bensō a yā kè má òaree kè píngi, mégō de a ibeenɔ ibee ũme, a wederinɔ wederi ũ. <sup>23</sup> Ma Malaika pì é dɔare ae à gá zere busu kè Amɔrinɔ kún kōn Itinɔ kōn Perizinɔ kōn Kanaanɔ kōn Ivinɔ kōn Yebusinɔ, mé n kaate. <sup>24</sup> Àton kúe n tãanoe à zò bleńnero, àton n kèna kero. À n gboro à n gbèno wíwi. <sup>25</sup> À dɔ Dii a Ludazi, eé aubarika daare a pòbleen kōn a íminao, eé gyāano kēawa. <sup>26</sup> Nɔgbèno é nò bɔe a busunlo bensō pāaa égō kuuro. Mé a wèndi bà dɔare kōn mòkyakoo. <sup>27</sup> Mé vīa dada gbē kè aɔo kú a aenɔzi mé tó bídi gē borii kè a ka n kiianɔn, mé tó a ibeenɔ kpe kápaa. <sup>28</sup> Mé zōmantēno gbare a ae aɔ ká Ivinɔn kōn Kanaanɔ kōn Itinɔ aɔ pémmaare. <sup>29</sup> Èe ke mé pémmaare wè doo guu gōnlo, le busu pì tón gō lákpe ũ nɔbɔsɛteno daalaro yānzi. <sup>30</sup> Mégō pémmaare busebuseme ai à gá pari kú à ká à busu pì sí. <sup>31</sup> Mé a busu lé keare zaa Isia Tēa léa ai Filisitininɔ Isia léa, zaa gbáa lén ai Yuflati léa. Mé busu pì deeno naare a ɔzī à pémma. <sup>32</sup> A bà tóngō kú n yān ke n tãano yānlo. <sup>33</sup> Àton tó aɔgō kú a busunlo, le aɔton tó à durun kemero, zaake tó a n tãano gbāgbā, a takutee kpákpa a zīndaneme.

## 24

*Luda bà kuuna kōn Isarailinɔ sèeda*

<sup>1</sup> Dii bè Musane: Mmɔn kōn Arunao kōn Nadabuo kōn Abiuo kōn Isaraili gbēnsi gōn baaagō akurinɔ, à didi kpíia à mó ma kiia, à dɔnzi kemé zaa káaa. <sup>2</sup> Mbe né sōmazi ndo, gbē kpaaano tón mó kīro bensō parii tón didiño kpíi kè musuro.

<sup>3</sup> Musa gaa à yā kè Dii ò t̄kè́nne píngi k̄n dokayān̄o píngi. Ās wè ledole n̄ píngi wà bè: Yā kè Dii ò píngi wé ke. <sup>4</sup> Ben Musa yā kè Dii ò p̄n̄o kè takada guu píngi.

À f̄e k̄nḡo ide'ide à gbāgbākii b̄o kpiiḡezi, ben à gbè p̄epee mèn kuri aw̄eplaa Isaraili bori kuri aw̄eplaaan̄o p̄o ũ. <sup>5</sup> À Isaraili ḡkparen̄o z̄i k̄n z̄uswarene b̄or̄n̄o, ben ās sa'op̄o kè wè ká tén à té k̄ū òo Diia k̄n sáabukpana sa'op̄n̄o. <sup>6</sup> Ben Musa z̄u p̄n̄o aru s̄i à kp̄ate leo plaa. À à leo doo dīe k̄n taaò à à leo doo àe gbāgbākii. <sup>7</sup> Ben à Dii bà kuunaño takada sè à à kyó kè́nne. Ben ās bè: Yā kè Dii ò píngi, wé ke wé m̄i siene. <sup>8</sup> Ben à aru p̄i sè à f̄am̄ma à bè: Dii bà kuunaaò arun gwe lán á mà nà píngi.

<sup>9</sup> Musa k̄n Arunao k̄n Nadabuo k̄n Abiuo k̄n Isaraili gb̄ensi ḡōn baaaḡo akurin̄o didi kpiia. <sup>10</sup> Ās Isarailin̄o Luda è. Safia gbè gusararaa kaena à gbá ḡz̄i, à í de búgu wásawasa lán ludambe búgu bà. <sup>11</sup> Ludaa e p̄oke ke Isaraili gb̄adee p̄n̄onero. Ās w̄e siàle, ben ās p̄o blè ās í m̄i.

### *Musa kuuna Sinai kpii musu*

<sup>12</sup> Dii bè Musane: Ñ didi kpiia n̄ m̄o ma kiia ñḡo kú gwe. Mé gbè walaa kè ma a dokayān̄o k̄eān̄o kp̄amma, le ñ e ñ dañne. <sup>13</sup> Ben à f̄e k̄n a kp̄asi Ȳosuaò, ās gaa didi Luda kpiia. <sup>14</sup> Ben Musa bè gb̄ensin̄o: Aḡo wa d̄aa kè, wé eara wà su a kiia. Aruna k̄n Uruo éḡo kúao. Tó gb̄eke yāke v̄i, à gáo n̄ kiia. <sup>15</sup> Ben Musa didi kpii p̄ia. Tésukpe dà à m̄is̄nt̄ela, <sup>16</sup> ben Dii gakui p̄ita Sinai kpii p̄ia. Tésukpe p̄i daàla le ai gur̄o sw̄edo, à gur̄o sw̄eplaadeen Dii lé z̄u Musazi zaa tésukpe p̄i guu. <sup>17</sup> Isarailin̄o Dii gakui è lán té kè è n̄ blee bà kpii p̄i m̄is̄nt̄ea. <sup>18</sup> Ben Musa ḡe téluguu p̄i guu à èara à didi kpii p̄ia. À kú gwe ai gur̄o baplaa f̄aant̄e k̄n gw̄av̄io.

## 31

### *Luda bisakutaa*

<sup>1</sup> Dii yā ò Musane à bè: <sup>2</sup> Ñ ma! Ma Uri né Bezaleli, Uru dio, Yuda borii sè. <sup>3</sup> Má tò ma Ninii kúa, ben à ònd̄o k̄n gonio k̄n d̄nao è ōz̄i píngi guu. <sup>4</sup> À z̄a ble p̄n̄o a d̄s k̄n vuraò k̄n kondogio k̄n m̄ogot̄eo. <sup>5</sup> À gbè bèede ana d̄s k̄n à dana p̄o guuo k̄n lí'anao k̄n ōz̄i s̄anda píngio. <sup>6</sup> Beee gbera ma Aisamaki né Ōliabu, Dani borii dīe à d̄n̄leri ũ. Ma ōz̄ikerin̄o gbà ònd̄o n̄ píngi, le ās e wà p̄o kè má dīenne ke píngi: <sup>7</sup> Dak̄reki kuta k̄n doka àkpatio k̄n à nékp̄aeo k̄n kp̄e p̄i p̄o keten̄o píngi, <sup>8</sup> teebu k̄n a p̄o keten̄o, vura at̄e dabu k̄n a p̄o keten̄o píngi, tuaetikpatakii, <sup>9</sup> sa'op̄o kè wè ká tén à té k̄ū oki k̄n a p̄o keten̄o píngi, dàga k̄n a dib̄o, <sup>10</sup> p̄ok̄s̄aa kè wà t̄an̄o, sa'ori Aruna p̄ok̄s̄aa kè eé s̄omaziin̄o k̄n à néno sa'op̄ok̄s̄aan̄o píngi, <sup>11</sup> p̄o kyaken̄osi k̄n bisakuta tuaetiti ḡu nnao. Ās p̄o p̄n̄o ke, lán má dīenne nà píngi.

### *Kámmabogur̄o yā*

<sup>12</sup> Dii yā ò Musane à bè: <sup>13</sup> Ñ o Isarailin̄o ās kámmabogur̄o kè má dīe yā da, zaake à de s̄eda ũ mapi k̄n apin̄o dagura ai a borii, le à e à d̄s mam̄ma Dii ma a se ma gb̄en̄o ũ. <sup>14</sup> Àgae kámmabogur̄o p̄i yā da, zaake gur̄o p̄i kuuare adoname. Gb̄e kè gur̄o p̄i t̄e kè, adee ḡame. Gb̄e kè z̄i kè gur̄o p̄ia, wà adee b̄o a gb̄en̄o té wà de. <sup>15</sup> Àgae z̄i ke gur̄o sw̄edo, à gur̄o sw̄eplaadeen é kámma bo, zaake mam̄ma Dii ma p̄ome. Gb̄e kè z̄i kè kámmabogur̄o ḡame. <sup>16</sup> Isarailin̄o gaeḡo kámmabogur̄o p̄i yā k̄na ās dīe gur̄o isi ũ ai n̄ borii ma bà kuunaño yā ũ. <sup>17</sup> Eéḡo de s̄eda ũ mapi k̄n Isarailin̄o dagura gur̄o píngi, zaake mam̄ma Dii ma musu k̄n andunao kè gur̄o sw̄edom̄e, ben má yāa ma kámma b̄o à gur̄o sw̄eplaadee z̄i. <sup>18</sup> Kè Dii yā ò Musane Sinai kpii musu à yāa, ben à dokayā kè gbè walaan̄o mèn plaa k̄n a z̄inda on̄eo à kp̄aa.

## 32

*Vura zùswarene bòro*

<sup>1</sup> Kè gbēnwò è kè Musa e pita kpìii musu kpaaro, aṣ kàkṣa Arunazi aṣ bène: N fèe n tãa kenḡ kewē lē aṣ dḡwe aē, zaakē Musa kè wa bḡe Igipiti pì, wá dṣ yā kè à à lèro. <sup>2</sup> Ben Aruna bèñne: À a nḡgbēnwò vura swāinḡ bḡe kḡn a nḡḡgbēnwò pḡnḡ kḡn a nḡnḡgbēnwò pḡnḡ à mḡome. <sup>3</sup> Ben n pìngi a vura swāinḡ bḡbḡ aṣḡ kpà Arunaa. <sup>4</sup> À sì à kàsa lán zùswarene bòro bà, ben à lḡbḡ. Ben wà bè: Isarailinḡ, a tãan yè! Àmbe à a bḡe Igipiti. <sup>5</sup> Kè Aruna è lē, à sa'okii bḡ zù pì aē, ben à kpàakpa kè à bè: Dii zībaa kuu zia. <sup>6</sup> Kè guu dḡ, gbēnwò fèe wà sa'opḡ kè wè ká tén à té kù òa kḡn kennakḡo sa'opḡo. Gbēnwò vèe wèe pḡ blee wèe í mii, ben aṣ fèe wèe pāpāa kēē.

<sup>7</sup> Ben Dii bè Musane: N pita n gá! N gbē kè n bḡnyo Igipitinḡ yàka. <sup>8</sup> Aṣ kè zé kè má òḡḡaṣneā kpakpaa, aṣ vura kàsa tãa ũ lán zùswarene bòro bà, aṣ kùene aṣ saa òa wà bè, Isarailinḡ tãa kè à n bḡe Igipitin gwe. <sup>9</sup> Ben Dii liara à bè Musane: Má è gbē pìnḡ swā gbāame. <sup>10</sup> N gumala lē mà a pētē fēñzi mà n kaate, mḡde mé n boriinḡ kē bíta. <sup>11</sup> Ben Musa agbaa kpà Dii a Ludane à bè: Dii, bḡyānzin n pētē é fēe n gbēnwazi kè n n bḡe Igipiti kḡn n gbāa bítao kḡn n gāsā gbāao? <sup>12</sup> Igipitinḡ é be aṣ kaatena yānzin n n bḡezi, lē n e n n dēde kpìiinḡ musu n n yāa anduna guu. N n pḡfē kpáe n yā kè n yezi n pita n gbēnwḡa pì bḡ n nḡsen. <sup>13</sup> N dḡ n zḡblerinḡ Ibraī kḡn Isaakuo kḡn Isarailio yān, zaakē n sìnne kḡn n kuunao n bè, né n borii kaara lán sḡsḡnēnwò bà, né bùsu kè n à yā òñne kpá n boriinḡa wāḡḡ vī gurḡ pìngi. <sup>14</sup> Ben Dii yā kè à bè é pita a gbēnwḡa pì bḡ a nḡsen.

<sup>15</sup> Musa èara à pita kpìiia, à doka gbē walaa mèn plaaa pìnḡ kùna a ḡzī. Yā kēna gbē pìnḡa kpa plaplaa pìngi. <sup>16</sup> Luda bé à gbē walaa pìnḡ à, àmbe à yā kēñma. <sup>17</sup> Yḡsua gbēnwò wii mà, ben à bè Musane: N zī wii ma dḡ bḡran. <sup>18</sup> Musa bè: Zīblena wiii bé à dḡ gwero, wēnda sḡḡḡnan gwe sḡro, gbēnwò lèsinan mēē maa. <sup>19</sup> Kè à kà kīi kḡn bùrao, à è wèe ṣ wāa zùswaree pì aē, ben à pḡ fèe. A gbē walaa kè à kùna pìnḡ pàē kpìigēzi gwe, aṣ wīwi. <sup>20</sup> Ben à zùsware kè wà pì pì sè à dà tén. À à tí bḡ, ben à kà ín à kpà Isarailinḡa, aṣ mī. <sup>21</sup> Ben Musa Aruna là à bè: Bḡn gbē pìnḡ kènnē, gbasa n tḡ aṣ durun bíta kè taka kè? <sup>22</sup> Ben à wèàla à bè: Nton pḡ fēro, mare. N gbē pìnḡ dḡ, kè aṣḡ zaa. <sup>23</sup> Aṣmbe aṣ bème mà tãa ke ke à dḡñne aē. Aṣ bè Musa kè wa bḡe Igipiti pì, wá dṣ yā kè à à lèro. <sup>24</sup> Ben ma bèñne gbē kè aṣ vura vīinḡ bḡe wà mḡo. Kè aṣ mḡo, ben má kà tén, ben à bḡ zùswarene bòro pì ũ.

<sup>25</sup> Musa è Aruna tḡ gbēnwò e n pḡyezi kēē, ben aṣ ḡḡ fabona pḡ ũ n ibēnwḡe. <sup>26</sup> Ben à zè bùra gēkīia à bè: Gbē kè aṣḡ kú Dii kpaanḡ mḡ ma kuu. Ben Levi boriinḡ kàkṣa à kuu. <sup>27</sup> À bèñne: Dii Isarailinḡ Luda bè, a baade a fēdaa logo à dḡḡḡ bùrazi gule kḡn guleo, a baade a gbēnwò kḡn a gbēnnanḡ kḡn a gbēdaaanḡ dēde. <sup>28</sup> Levi boriinḡ kè lán Musa dàñne nà. Gbē kè wà n dēde zī pìanḡ kà ḡḡḡn bḡro aagḡ taka. <sup>29</sup> Ben Musa bè Levi borii pìnḡne: Lán a bḡ a nḡnḡ kḡn a gbēnwò kpēē nà, a a zīnda kpà Diia gbāa, Dii aubarika dàagu gbāan gwe.

*Musa agbaakpana Diine Isarailinḡe*

<sup>30</sup> Kè guu dḡ Musa bè gbēnwḡe: A durun bíta kè, baa kḡn beeeo mé èara mà didi kpìiia mà gá Dii kiia dḡ, wèḡḡ dṣro ke mé e mà agbaa kpánēare a durun yā musu. <sup>31</sup> Ben à èara à gāa Dii kiia à bè: N yā nna! Gbē pìnḡ durun bíta kè, aṣ tãa ke kè n zīndane kḡn vuraḡ. <sup>32</sup> N sùu kē! N n durun kēñne. Tḡ lēnlo, n ma tḡ gogo takada kè n kè guu. <sup>33</sup> Dii bène: Gbē kè durun kēme tḡn mé gogo ma takada guu. <sup>34</sup> N gá kḡn gbēnwò guu kè má ònnēē sa. Ma Malaika é dḡnnē aē. Baa kḡn beeeo tḡ ma wētāmmana gurḡḡ kà, mé wēē tām̄ma n durun yānzi. <sup>35</sup> Ben Dii gagyāa kà gbēnwḡn zùswaree kè aṣḡ tḡ Aruna pì yānzi.



### 33

<sup>1</sup> Dii bè Musane: Ñ fεε ñ gu kè, mpi kōn gbē kè n bōnyo Igipitin, ñ gányo būsū kè má la dà Ibraïne kōn Isaakuo kōn Yakubuo ma bè mé kpá ñ boriinan. <sup>2</sup> Mé Malaika gbare à d̄bare aε mé péare Kanaan̄a kōn Am̄orin̄o kōn Itin̄o kōn Perizin̄o kōn Ivin̄o kōn Yebusin̄o. <sup>3</sup> À gá būsū kè zwi kōn z'io din pì guu. M̄ode mé gáaoro, le m̄aton a kaate zénlo yānzi, zaake swāgbāadeen̄on a ũ. <sup>4</sup> Kè gbēn̄o yā pāsī pì mà, ās̄ ɔ̄ d̄ò, ben gbēkee e a zābleb̄on̄o da d̄oro. <sup>5</sup> Zaake Dii gīake à yā ò Musane à o Isarailin̄one à be: Swāgbāadeen̄on ñ ũ, baa tó ma taa ònyo kèse do, mé ñ kaate. Ās̄ baade ñ zābleb̄on̄o b̄ob̄o, méḡō d̄ō dian mé keño ná. <sup>6</sup> Ben Isarailin̄o ñ zābleb̄on̄o b̄ob̄o, ās̄e da d̄oro zaa Orebu kp̄ii kiia.

<sup>7</sup> Musa è bisakuta sé à gá à d̄o b̄ura kpeε b̄oruna kōn b̄ura p̄io féte. À tó kpà kutaa p̄ine dak̄reki kutaa. Gbē kè ye Dii yāzi adee è b̄o à gá dak̄reki kutaa p̄i kiia b̄ura kpeε gwe. <sup>8</sup> Tó Musa b̄ò èe gaa kpé p̄i kiia, baade è b̄o à ze a kpeεlea àḡō à gwaa ai à gá à gēn. <sup>9</sup> Tó Musa gè kpé p̄in, téluguu è p̄ita àḡō d̄o kpeεlea, ben Dii è yā oo. <sup>10</sup> Tó gbēn̄o è téluguu p̄i d̄o kpeεlea p̄ia, baade è d̄onzi ke a kpeεlea. <sup>11</sup> Dii è yā o kōn Musao tētētē, lán gbē è yā o kōn a gbēn̄o ná. Musa è eara à su b̄uran, m̄ode Nuni né Ȳosua à kp̄aasi è b̄o kpé p̄inlo.

#### *Dii b̄o à m̄ona Musazi*

<sup>12</sup> Musa bè Diine: N bème mà gá kōn gbē p̄in̄o, m̄ode née gbē kè née daameε om̄ero. Àe kè s̄o n bè, ñ ma d̄ō n gbēn̄a ũ bens̄ō ma n p̄onnaa è. <sup>13</sup> Zaake ma n p̄onnaa è, ñ tó mà n laasuun̄o d̄ō sa, le mà e màḡō n d̄ō màḡō nnanyo yāpura. Ñḡō d̄ō kè borii kèkii né n gbēn̄ome. <sup>14</sup> Ben Dii wèala à bè: Ma wée éḡō téazi mà a gba kammabona. <sup>15</sup> Musa bè: Tó né wée téwaziro, ñton wa fεε kèro. <sup>16</sup> Tó née gáwaoro, dian weé e wà d̄ō kè mapi kōn n gbē p̄in̄o wá nnanyo? Weé wa d̄ok̄zi kōn bori p̄anden̄o anduna guu diam̄e? <sup>17</sup> Dii bène: Yā kè ñ gbèkamaa p̄i mé ke, zaake n ma p̄onnaa è, má n d̄ō ma gbēn̄a ũ.

<sup>18</sup> Musa bè: Ñ n gakui ɔ̄dam̄e. <sup>19</sup> Ben Dii wèala à bè: Mé tó ma maake p̄ingi b̄o n aε, mé ma tó Dii sísi n aε, zaake gbē kè má yezi mà s̄uu keon mé keo, bens̄ō gbē kè má yezi mà wēnda d̄onen mé d̄ōne. <sup>20</sup> Ben à bè: Né f̄ō ñ ma uu gwaro, zaake gbēntee é f̄ō à wée simale àḡō kuuro. <sup>21</sup> Dii bè: Ñ guu gwa da ma sae kè. Ñ ze gbè musu gwe. <sup>22</sup> Tó ma gakui p̄i e gēe, mé n ɔ̄to gbèkotoon mà a ɔ̄ kúnla ai mà gēte. <sup>23</sup> Tó ma a ɔ̄ gònla, né ma kpeε kpaa e sa, m̄ode weé f̄ō wà ma uu ero.

### 34

#### *Gbè walaa dufun̄o*

<sup>1</sup> Dii bè Musane: Ñ gbè walaa ke m̄èn plaa lán káakup̄on̄o bà, mé yā kè kú à káakup̄o kè ñ w̄in̄o kēm̄ma. <sup>2</sup> Ñḡō kú soru guu k̄onḡo. Ñ didi Sinai kp̄iia ñ ze ma aε à mìs̄ntēa. <sup>3</sup> Gbēke tón m̄onyoro. W̄aton gbēke e gukea kp̄iii p̄ia sero. Baa s̄aa ke zù tón m̄ó p̄o ble à ḡiz̄iro.

<sup>4</sup> Musa gbè walaa à m̄èn plaa lán káakup̄on̄o bà. À f̄eε k̄onḡo ide'ide, ben à didi Sinai kp̄iia à gbè walaa m̄èn plaaa p̄in̄o k̄ūna a ɔ̄z̄i lán Dii òne ná. <sup>5</sup> Dii p̄ita tésukpe guu à zè à sae, ben à a z̄inda tó sísi. <sup>6</sup> Kè Dii e gēe à aε, à a tó sísi à bè: Dii, Dii Luda wēndad̄on̄neri s̄uudeen ma ũ. Ma p̄oo è f̄ε kpaaro, má gbēke kōn náaneo v̄i b̄ita. <sup>7</sup> M̄eéḡō gbēkeε v̄i kōn gbēn̄o ai ñ bori lémm̄e, mé ñ yā zaaan̄o kēñe kōn ñ taarin̄o kōn ñ durunn̄o. M̄ode m̄eε tó taaridee b̄o p̄āro. M̄eε den̄o yā zaaa wí ñ n̄en̄o musu kōn ñ dion̄o kōn ñ swākp̄een̄o kōn ñ nasion̄o. <sup>8</sup> Musa dàe a puua à d̄onzi k̄ene ḡō <sup>9</sup> à bè: Dii, zaake ma n p̄onnaa è, ñ gáwao. Baa kè gbē p̄in̄o swā gbāa, ñ s̄uu kewao kōn wa yā zaaan̄o kōn wa durunn̄o, ñ wa sé n p̄on̄o ũ.

#### *Luda bà kuuna kōn Isarailin̄o (B̄on 23:14-19)*

<sup>10</sup> Dii bè: Ma bà éḡō kúaom̄e. Mé yāb̄onsae ke a p̄ingi wáa kè gbēkee e a taka ke bori ke guu andunan zik̄iro. Borii kè ās̄o ligaaziin̄o é ma yāk̄ena e, zaake mé yā naasidee keao. <sup>11</sup> Àḡō yā kè má òare gbāa k̄ūna, mé péare Am̄orin̄o kōn Kanaan̄o kōn Itin̄o kōn Perizin̄o

kōn Ivinō kōn Yebusinō. <sup>12</sup> À làakari kē! Àton ledole kē kōn būsū kè ée gaa gēn deenōoro, le àton takutēē kpákpa a zīndanero yānzi. <sup>13</sup> À n sa'okiinō gboro à n taa gbēnō wíwi à Asera línō zōzō. <sup>14</sup> Àton kúe tāanero, zaake mamōma Dii ma tón Nòsegōaanō, mèè nòsegōaanō kpá. <sup>15</sup> À làakari kē! Àton lédole kē kōn būsū pì deenōoro, zaake tó aōe pāpāa kē n tāanō yā musu, aōe saa oomā, aōe a sísi à n sa'onōbō sónyome. <sup>16</sup> Àton nōo sé a nēnōne n tēro, zaake tó aō nēnōgbēnō e pāpāa kē n tāanō yā musu, aōe tó a nēnō pāpāa kēnyo se. <sup>17</sup> Àton mò pi taa ūro.

<sup>18</sup> Àgae Burēdi Sésē'ēzēsai zībaa kē. Àgae burēdi sésē'ēzēsai só gurō swēēplaa mōo kè wè sísi Abibu guu lán má diēare nà, zaake mōo pì guun a bōe Iqipiti. <sup>19</sup> A daudunō né ma pónōme n píngi kōn a pókāde nékya káakunō n píngi, zù ke pò ketenō. <sup>20</sup> Àgae zaaki nékya káaku bo kōn sāao. Tó ée boro, à à waa fī à dē. Àgae a daudunō bo. Gbēke tón mó ma kiia okoriro. <sup>21</sup> Àgae zī kē gurō swēēdo à kámma bo à gurō swēēplaadee zī, baa búwigurō ke pókēgurō.

<sup>22</sup> Àgae Pókēna zībaa kē gurō kè a na bura pò káaku kēkenaa. Àgae Pódufublena zībaa kē wè yāanaa. <sup>23</sup> Wè kōn wèo gōgbē píngi gae mó mamōma Dii Isarailinō Luda aezī gēn aagō. <sup>24</sup> Mé péare boriinōa mé a būsū lé kaaraare. Gbēke é a būsū nii dē gurō kè ée mōo mamōma Dii a Luda aezī wè kōn wèo gēn aagōro. <sup>25</sup> Àton pōsesena kpáma ledō kōn sa'opō aruoro. Àton Banla sa'onōbō diē guu dōaro. <sup>26</sup> Àgae gá mamōma Dii a Luda ua kōn a bura pò káakunō. Àton blēne nōbō kuku kōn à da yō'ioro.

<sup>27</sup> Ben Dii bè Musanē: Ñ yā pìnō kē takadan, zaake ma bà kuunanyo kōn Isarailinō yānōme. <sup>28</sup> Musa kú kōn Diio gwe ai gurō baplaa fáantē kōn gwāavīo póblena sai ímina sai. Ben Dii a bà kuunañyo yā mèn kurinō kè gbè walaa pìnōa.

### *Musa uu tékena*

<sup>29</sup> Kè Musa pita Sinai kpíiia, à gbè walaa mèn plaaa kè doka kēa pìnō kūna a ozi. À dō kè a uu e té kēe aō yā'ona kōn Diio yānzīro. <sup>30</sup> Kè Aruna kōn Isarailinō à è n píngi, à uu e té kēe, vīa n kū wà sōzi. <sup>31</sup> Ben Musa n sísi. Aruna kōn gbēnsinō èara wà mò à kiia, ben à yā ònyo. <sup>32</sup> Beee gbera Isarailinō sōzi n píngi, ben à yā kè Dii diēne Sinai kpíiia musu ònne píngi. <sup>33</sup> Kè à yā ònne à yāa, à sáta kù a uua. <sup>34</sup> Tó à gē à yā o Diio, è sáta go le à kpé à bō. Tó à bō, è yā kè Dii diēne o Isarailinōne, <sup>35</sup> ben aōe e kè à uu e té kēe. Musa è èara à sáta kú a uua le à kpé à gē à yā o Diio.

## 40

### *Bisakuta kyakena*

<sup>1</sup> Dii bè Musanē: <sup>2</sup> Ñ kutaa dō kè dē dakōreki kutaa ū mō káakun gurō káaku zī <sup>3</sup> n àkpati kè doka gbè walaanōo kú à guu diēn n lábure mò kpázi. <sup>4</sup> Ñ gē kōn teebu mòo n à taanō káea zéazea. Ñ gē kōn dabu mòo n à fitianō kēkē. <sup>5</sup> Ñ vura tuaetikpatakii mò diē doka àkpati aē n kuta kpēēe lábure logo n tataàle. <sup>6</sup> Ñ sa'opō kè wè ká tén à té kù okii diē dakōreki kpēēlea, <sup>7</sup> n dàga mò diē dakōreki kutaa dagura kōn sa'okiio n í kán. <sup>8</sup> Ñ kara mò kpá n ligazi, n lábure kpá kara pì léa.

<sup>9</sup> Ñ pò kyakenōsi mò sé n kú kpé pì kōn pò kè kú à guunō píngi n diē ma pò ū kōn à zīkēbōnō, aōe gō ma pò ū. <sup>10</sup> Ñ nōsi pì kú sa'okii pì kōn a zīkēbōnō píngi. Ñ sa'okii pì diē ma pò ū, eégō dē ma pò ū deñla. <sup>11</sup> Ñ nōsi pì kú dàga pì kōn a dibōo, aōe gō ma pò ū. <sup>12</sup> Ñ mó kōn Arunao kōn a nēnō dakōreki kpēēlea n n zú o gwe. <sup>13</sup> Ñ sa'ori pókāsāa mōnō da Arunanē, n nōsi kúa n à diē ma pò ū, eé gō ma gbàgbāri ū. <sup>14</sup> Ñ mó kōn à nēnō dō n utagyaba mōnō dadañne, <sup>15</sup> n nōsi kúkurūma lán n kù n dea nà, aōe ma gbàgbā. Nōsikurūmana pì bé eé tó aōgō dē ma gbàgbārinō ū ai n boriia. <sup>16</sup> Musa kè lán Dii òne nà píngi.

<sup>17</sup> Aã bona Igipiti wè plaade mo káaku gurɔ káaku zĩn wà kutaa pì dɔ̀. <sup>18</sup> Kè Musa e kutaa pì dɔ̀, à à zebɔ̀ m̀nɔ̀ pèpɛɛ gĩa, ben à à lípɛɛ m̀nɔ̀ pèpɛn à à líkpanno kpàkpan, ben à lípɛɛnɔ̀ pèpɛɛ. <sup>19</sup> À bisa dààla, ben à báa kpààla lán Dii òne nà. <sup>20</sup> À sèeda gbè walaanɔ̀ sè à kà àkpati pì guu, à àkpati pì sèlinɔ̀ dà à zãanɔ̀ guu, ben à à né kùea. <sup>21</sup> À gèò kpén, ben à lábure kpà sèeda àkpati pìzi lán Dii òne nà. <sup>22</sup> À teebu diɛ dakɔ̀reki kutaan lábure pì kpɛɛɛ kpa gu'igbároo kpa. <sup>23</sup> À buredi kàea Diine zéazea lán à òne nà. <sup>24</sup> À dabu diɛ dakɔ̀reki kutaan aɛdɔ̀kɔ̀ana teebua sɔ̀metɛ kpa, <sup>25</sup> à fitianɔ̀ nàna Dii aɛ lán à òne nà. <sup>26</sup> Ben à vura tuaetikpatakii pì diɛ dakɔ̀reki kutaan lábure sas, <sup>27</sup> ben à tuaetiti gũ nnaa kpàtaa lán Dii òne nà. <sup>28</sup> Ben à lábure kpà kutaa pì léa.

<sup>29</sup> À sa'opɔ̀ kè wè ká tén à té kũ okii diɛ dakɔ̀reki kpɛɛɛa, ben à sa'opɔ̀ kè wè ká tén à té kũ òa kɔ̀n flawao lán Dii òne nà. <sup>30</sup> À dàga mò diɛ dakɔ̀reki kutaa dagura kɔ̀n sa'okiio, ben à í kàn. <sup>31</sup> Gwen Musa kɔ̀n Arunao kɔ̀n a négɔ̀gbɛnɔ̀ è n̄ ɔ̀nɔ̀ kɔ̀n n̄ gbánɔ̀ pípín. <sup>32</sup> Tó aɔ̀ɛ gɛɛ dakɔ̀reki kutaan, ke tó aɔ̀ɛ sɔ̀ sa'okiizi, aɔ̀ è n̄ ɔ̀nɔ̀ kɔ̀n n̄ gbánɔ̀ pípín lán Dii ò Musane nà. <sup>33</sup> Ben à kara kpà à liga kutaa pìzi kɔ̀n sa'okiio, ben à lábure kpà kara pì léa. Len Musa zĩi pì kè à yàa lɛ.

*Dii gakui pitana bisakutaan*  
(Nar 9:15-23)

<sup>34</sup> Ben téluguu pì dà dakɔ̀reki kutaa pìla, Dii gakui kutaa pì pà. <sup>35</sup> Musa e fɔ̀ à gè dakɔ̀reki kutaa pìnlo, kè téluguu dààla bensɔ̀ kè Dii gakui kutaa pì pà yãnzì.

<sup>36</sup> Isarailinɔ̀ táa'ona guu, tó téluguu pì gò kutaa pìla, ben aɔ̀ è fɛɛ kɔ̀n táo. <sup>37</sup> Tó téluguu pì e goaro, aɔ̀ è fɛɛ kɔ̀n táoro, sé zĩ kè à gò. <sup>38</sup> Fãantɛ Dii téluguu è da kutaa pìla, gwãavĩ sɔ̀ té ègɔ̀ kú téluguu pì guu. Len Isarailinɔ̀ è e lɛ n̄ pínɡi n̄ táa'ona guu pínɡi.

## NARONA Musa takada siigõdee

Isarailinɔ kuuna gbáan 9:1-14:45, 20:1-21:35

Balamu 22:1-24:25

### 9

#### *Banla zĩbaakena*

<sup>1</sup> Dii yã ò Musanɛ Sinai gbáan Isarailinɔ bɔna Iyipiti wɛ plaade mɔ káaku guu à bè: <sup>2</sup> Isarailinɔ gae Banla zĩbaa ke à gurɔɔa. <sup>3</sup> À zĩbaa pì ke mɔɔ kèkii gurɔ gɛrodosaideen uusie. À ke lán má dàare nà píngi kɔn à dokayã kè má dàareno.

<sup>4</sup> Musa ò Isarailinɔne aɔ Banla zĩbaa ke, <sup>5</sup> ben aɔ zĩbaa pì kè Sinai gbáan mɔ káaku gurɔ gɛrodosaideen uusie. Aɔ kè lán Dii ò Musanɛ nà píngi. <sup>6</sup> Gbɛkenɔ kú gwe aɔ gbãsi kè aɔ kè gèa yãnzì, ben aɔ e wà Banla zĩbaa kè zĩ beeearo. Ben aɔ gèa wà Musa kɔn Arunao lè zĩ beeeaa gɔɔ <sup>7</sup> aɔ bè Musanɛ: Gè yã musu wa gbãsi lè. Bóyãnzì wà gèwe wà mɔ kɔn gbaano Diine kɔn wa gbɛno à gurɔɔazi? <sup>8</sup> Musa wɛnla à bè: À zɛ ai mà ma lán Dii é o a yã musu nà. <sup>9</sup> Ben Dii bè Musanɛ: <sup>10</sup> Nò Isarailinɔne, tó aɔ gbɛkenɔ ke aɔ boriinɔ kpé gbãsi gè yã musu, ke aɔ gèa wéte zãazã ken, aɔ é fɔ wà Banla zĩbaa kemɛ zãa. <sup>11</sup> Mɔ plaadee gurɔ gɛrodosaidee uusien aɔ zĩbaa pì ke. Aɔ é sã nòbɔ só kɔn buredi sésɛ'èzɛsaio kɔn lá kyãkyão. <sup>12</sup> Aɔton à ke tó guu d̀aro bensɔ aɔton sãa pì wá ke éro. Aɔ é Banla zĩbaa pì ke lán má dìare nà píngi. <sup>13</sup> Gbɛ kè èe gbãsi léro bensɔ èe gá wéte kearo, tó à gè Banla zĩbaa pì kezi, wà adee bɔ a gbɛno té, zaake èe mómɛ kɔn gbaao à gurɔɔaro. À taari é wí à musu. <sup>14</sup> B̀amɔ kè kú a té bensɔ à yezi à Banla zĩbaa kemɛ, séde à ke lán ma à doka dìare nà. B̀amɔ kɔn bedeeo n̄ píngi yã d̀nkɔmɛ.

#### *Téluuu dana bisakutaalaa*

(Bɔn 40:34-38)

<sup>15</sup> Zĩ kè wà bisakutaa mò d̀, téluuu pì dà sèeda kutaa pìla. Zaa uusie ai guu gèa à d̀o téluuu pì kú kutaa pì musu lán té bà. <sup>16</sup> Len ègɔ kuu le gurɔ píngi, ègɔ kú kutaa pìla fáantɛ, gwãavĩ s̄ lán té bà. <sup>17</sup> Tó à gò kutaa pia, ben Isarailinɔ è fɛɛ kɔn táo. Guu kè téluuu pì zèn, gwen aɔ è b̀ra káen. <sup>18</sup> Tó Dii òdɔañne le, aɔ è b̀ra fɛɛ. Tó à òdɔañne d̀, aɔ è ɛara wà b̀ra káe. Tó téluuu pì da kutaa pìla s̄, aɔ b̀ra ègɔ kaename. <sup>19</sup> Tó téluuu pì e gurɔ plaaa ke kutaa pìla, aɔ ègɔ Dii yã maa, aɔ è b̀ra fɛero. <sup>20</sup> Zĩkenɔa téluuu pì è gurɔ plaaa ke kutaaloro. Tó Dii òdɔañne, aɔ è b̀ra káe, tó Dii ɛara à òdɔañne d̀, ben aɔ è b̀ra fɛɛ. <sup>21</sup> Zĩkenɔa s̄ téluuu pì è zɛ gu d̀nkɔ féte zaa uusie ai kɔngɔ. Tó à gò kɔngɔ, ben aɔ è b̀ra fɛɛ. Fáantɛ ke gwãavĩn yoo, tó téluuu pì gò, aɔ è b̀ra fɛeme. <sup>22</sup> Tó téluuu pì gò zena kutaa pìla gurɔ do ke mɔ do ke wè don yoo, aɔ ègɔ kaena b̀ramme, aɔ è fɛero. Tó à gò, ben aɔ è b̀ra fɛɛ. <sup>23</sup> Aɔ è b̀ra káe ke wà b̀ra fɛɛ Dii lé saero. Aɔ ègɔ Dii yã maa lán à dà Musanɛ à ónne nà.

### 10

#### *Kondogi kákáki mèn plaaanɔ*

<sup>1</sup> Dii yã ò Musanɛ à bè: <sup>2</sup> N̄ kákáki pì mèn plaa kɔn kondogi kè wà gbɛgbɛ maamaaoo gbɛno kakɔabɔ ũ le aɔgae b̀ra fɛɛ. <sup>3</sup> Tó wà kákáki pìnɔ pè, gbɛno é mɔ wà kakɔanzi n̄ píngi dakɔrɛki kpɛɛɛa. <sup>4</sup> Tó kákáki mèn doon wà pè, Isaraili bori d̀n'aedee kè aɔ de kí ũno bé wé mɔ wà kakɔanzi. <sup>5</sup> Tó wà kákáki pìnɔ pè sikɔkenao, gbɛ kè aɔ b̀ra kú ɔfántɛbɔe kpaano bé wé b̀ra fɛɛ káaku. <sup>6</sup> Tó wà à gèn plaadee pè sikɔkenao, gbɛ kè aɔ b̀ra kú sɔmɛte kpaano bé wé b̀ra fɛɛ. Kákákipena sikɔkenao pìn gbɛno dana zén sèeda ũ. <sup>7</sup> Tó wà yezi wà gbɛno kakɔa, wàgae pé sikɔkena sai.

<sup>8</sup> Aruna né sa'orino bé wé kākāki pino pé. Eégō deare doka ũ gurō píngi, apino kōn a boriino. <sup>9</sup> Gurō kè a ka a būsun, tó ée gaa zī ká kōn a ibee kè aōé gà wà fεεaono, àgae kākāki pino pé sikōkenao, le a yā e à dō mamoma Dii a Ludan, mé a bō a ibee pino ozi. <sup>10</sup> Gurō kè ée ponnaa kee sō, zībaan yoo, mō dufu gurō káaku zīn yoo, àgae kākāki pino pé a sa'opo kè wè ká tén à té kūnoa kōn a sáabukpana sa'opono, a yā é dōmagu. Mámbe Dii a Luda ũ.

### *Isarailino fεena Sinai*

<sup>11</sup> Wè plaade mō plaade gurō barodee zī, téluguu gò sèeda kutaala, <sup>12</sup> ben Isarailino bùra fεe Sinai gbáan, aōe sōki kpákpaai téluguu gaa à zè Parani gbáan. <sup>13</sup> Aō bùra fεena káakun gwe. Aō kè lán Dii dà Musane à ònne nà.

<sup>14</sup> Yuda zìkpεeno bé wà bùra fεe gāli kōn gālio káaku kōn n tuutao. Aminadabu né Nasōn n dōn'aedee ũ. <sup>15</sup> Zua né Netanelin Isaka zìkpεeno dōn'aedee ũ. <sup>16</sup> Eloni né Eliabun Zebulun zìkpεeno dōn'aedee ũ. <sup>17</sup> Gesōnu boriino kōn Merari boriino kutaa pì gbōro, ben aō sè wà dào zén.

<sup>18</sup> Ben Rubeni zìkpεeno bùra fεe gāli kōn gālio kōn n tuutao. Sedeu né Elizun n dōn'aedee ũ. <sup>19</sup> Zurisadai né Selumielin Simēo zìkpεeno dōn'aedee ũ. <sup>20</sup> Deweli né Eliasafan Gada zìkpεeno dōn'aedee ũ. <sup>21</sup> Ben Koa boriino Luda pōno sè wà dào zén. Wà kutaa pì dō ai aōgō ká.

<sup>22</sup> Ben Eflaimu zìkpεeno bùra fεe gāli kōn gālio kōn n tuutao. Amiudu né Elisaman n dōn'aedee ũ. <sup>23</sup> Pedazu né Gamalielin Manase zìkpεeno dōn'aedee ũ. <sup>24</sup> Gideoni né Abidān Beyāmi zìkpεeno dōn'aedee ũ.

<sup>25</sup> Ben Dani zìkpεeno bùra fεe gāli kōn gālio kōn n tuutao. Aōmbe aōgō té kpεe. Amisadai né Ayeznan aō dōn'aedee ũ. <sup>26</sup> Okorana né Pagielin Asa zìkpεeno dōn'aedee ũ. <sup>27</sup> Enana né Airan Nafatali zìkpεeno dōn'aedee ũ. <sup>28</sup> Lán Isarailino è bùra fεεfεe wāgō tétékōzi nān gwe gāli kōn gālio.

<sup>29</sup> Obabun Musa anzure Rueli né ũ, Midiā boriime. Musa bène: Wée daa zén gana bùsu kè Dii bè é wa gbaan. N mō n gáwao, wé yā maaa kenne, zaake Dii nnamana gwe lé gbèwe. <sup>30</sup> Ben à bène: Mé gáro, mé εara ma būsun ma bēdeen kiiame. <sup>31</sup> Musa bè: N yā nna. Nton wa tónlo, zaake n bürakaeki maaa dō bensō ríbe né ke wa wéedee ũ. <sup>32</sup> Tó n gaawao, wé yā maaa kè Dii é kewe kenne se.

<sup>33</sup> Isarailino bùra fεe Dii kpīi sae aō táa ò gurō aagō. Wà dō ae kōn Dii bà kuunaño àkpatio le à bürakaekii oboñne. <sup>34</sup> Tó aō fεe wà dà zén, Dii téluguu pì ègō kúla fáantē. <sup>35</sup> Tó wà dà zén kōn àkpatio, Musa è be:

N fεe Dii, le n ibeeno fáakōa,  
le n zangurino bàa lénne.

<sup>36</sup> Tó wà diε, Musa è be:

Dii, n εara n su Isaraili boro ũgbangbanoa.

## 11

### *Dii téfεena*

<sup>1</sup> Isarailino zōka kà Diizi n nawēakena yānzi. Kè Dii mà, à po fεe, ben à té fεe n té, aō bùra kpadoo té kù. <sup>2</sup> Ben gbēno wii pè Musazi. Kè à wée kè Diia, ben té pì zè. <sup>3</sup> Ben wà tó kpà guu pìne Tabera, kè Dii té fεe n té gwe yānzi.

### *Dii bùruno gbarena*

<sup>4</sup> Bori pāndenō kú Isarailino té, aōe pōble pānde nii deε, ben Isarailino e óo dōo se wà bè: Mán wé nōbo en wà sóo? <sup>5</sup> Wée kpò kè wá sò Igipiti wa poyezia bege kee kōn plēno kōn gbεzεeno kōn εfōno kōn aubasano kōn aubasa gizonōo. <sup>6</sup> Tia sa wa lé gà, zaake weε pōke ero, tó è ke mana kè baasiro.

<sup>7</sup> Mana pì wée kete, à de lán lí'ɔ̀ bàmɛ. <sup>8</sup> Isarailino è sée wà ló gbèn ke aõè zõ gón. Aõè disa wà kàra keo. À nna lán kàra tēngo bà. <sup>9</sup> Tó kpíi kpà bùran gwāavī, ben mana pì è kwé se.

<sup>10</sup> Musa mà wèe ɔ̀ doo uale kɔ̀n ualeo. Dii pɔ̀ fɛ̀ maamaa, ben à kè Musanɛ ìi <sup>11</sup> à bènɛ: Bóyānzin nées wée tāmazi? Ma yā kparee bé à kènne zaa, ben n gbē pìno gwana asoo òmɛɛ? <sup>12</sup> Mámbe ma gbē pìno nò sìó? Mámbe ma n íó? Bóyānzi n bèmɛ mà n kú kpɛɛ lán nédandee bà mà gáño búsú kè n la dà aõ dezinɔ̀nɛnzi? <sup>13</sup> Mákpan mé nòbo en mà kpá gbē pìno n pínɡii? Zaake aõe wii pɛemazi wèe bee mà n gba nòbo wà só. <sup>14</sup> Mé fɔ̀ mà gbē pìno kú kpɛɛ n pínɡi madoro, zaake aõ asoo demala. <sup>15</sup> Tó len né kemɛ le, n tó ma n pɔ̀nnaa e n ma de gɔ̀. Nton tó mà nawēa pì ke dɔ̀ro. <sup>16</sup> Ben Dii bènɛ: N Isaraili gbēnsi kè n n dɔ̀ dɔ̀n'ædee ũno kákɔ̀a gɔ̀n baaagɔ̀ akuri n mónyo dakɔ̀reki kuta kiia aõgɔ̀ kúnyo gwe. <sup>17</sup> Mé pita mà yā onne gwe mà a Ninii kè kúmmaa kpadoo go mà diñne, aõé gbēno gwana aso sényo le ñtongɔ̀ n sena ndo dɔ̀ro yānzi. <sup>18</sup> N o gbēnoe aõ gbāsī bo n zīndan zia yānzi, aõé nòbo e wà só. Zaake aõ wii pɛmazi wà bè, mán wé nòbo en kè wà sóo? Aõ bè wà sã Igipiti. Beee yānzin mé n gba nòbo aõ sózi. <sup>19</sup> Aõé só èe ke gurɔ̀ donlo, gurɔ̀ plaanlo, gurɔ̀ sɔ̀ronlo, gurɔ̀ kurinlo, gurɔ̀ baronlo. <sup>20</sup> Aõé só mo do gbāngbān ai à bo n yīn à nii bo n pɔ̀ guu. Zaake mamoma Dii má kú n té, ben aõ pā kpāmazi. Aõ zɔ̀ka dɔ̀ma wà bè, bóyānzi wà bò Igipitizi? <sup>21</sup> Ben Musa bè: Gɔ̀gbēno kúmao tá guu gɔ̀n bɔ̀ro wàa aagɔ̀, ben n bè né nòbo kpámma wà só ai mo do gbāngbān-ó? <sup>22</sup> Baa tó wà sãano kɔ̀n zuno dède paripari, eé mómmaó? Tó wà ísia kpòno sèe pínɡi, eé mómmaó? <sup>23</sup> Dii wèala à bè: Ma gbāaa é kánloo? Né e tia, tó yā kè má ònne é ke ke é kero.

<sup>24</sup> Musa bò à Dii yā pìno ónne. À Isaraili gbēnsino kákɔ̀a gɔ̀n baaagɔ̀ akuri à n zé wà liga kutaa pìzi. <sup>25</sup> Ben Dii pita téluguu guu à yā òo. À a Ninii kè kúa kpadoo gò à di gbēnsi gɔ̀n baaagɔ̀ akuri pìnoe. Kè à a Ninii pì diñne le, aõ annabikɛɛ kè, beee gbera aõe ɛara wà kè dɔ̀ro. <sup>26</sup> Gbē kè Musa n sé gɔ̀n plaaano gò bùran, gbē doo tɔ̀n Èledada, gbē doo sɔ̀ Mɛdada. Aõe gá kutaa kiiaro, mode Ninii pì sùmma se, ben aõ annabikɛɛ kè bùran. <sup>27</sup> Gɔ̀kpare ke bàa lè à gàa à bè Musanɛ: Èledada kɔ̀n Mɛdadao e annabikɛyā oo bùran. <sup>28</sup> Nuni né Yɔ̀suan Musa kpàasi ũ zaa a òwazikɛgurɔ̀, ben à bè: Baa Musa, n gínne. <sup>29</sup> Ben Musa bènɛ: Né nòsegɔ̀aano keéño ma yā musun yó? Tó Dii a Ninii di a gbēnoe aõ gò annabino ũ n pínɡi, à maaroo? <sup>30</sup> Ben Musa ɛara bùran kɔ̀n Isarailino gbēnsi pìno.

<sup>31</sup> Dii tò ìa bò ísaa kpa à mò kɔ̀n bùruno, aõ dà bùrala. Aõ liga bùrazi baama pínɡi à kà tágurɔ̀ doo ũ, bensɔ̀ aõ vīana lezī kà gàsásuu plaa. <sup>32</sup> Fāantɛ beea kɔ̀n gwāavīo kɔ̀n à gu làa dɔ̀nao aõ fɛ̀e wà gàa wà bùruno kùkù. Gbē kè èe kùkù bítaroo kùkù sùu baro. Ben aõ fàe à gàa. <sup>33</sup> Kè aõ à nòbo dà n lén gɔ̀, aõe e wà só bítaroo, ben Dii pɔ̀ fɛ̀nzi à gagyāa kàngu. <sup>34</sup> Ben wà tó kpà guu pìne Lóudeeno Mira, zaake gwen wà gbē kè nòbo lóu n kúnno vīin. <sup>35</sup> Ben Isarailino fɛ̀e gwe aõ gàa Azero aõ gurɔ̀plaa kè gwe.

## 12

### *Miriamu kɔ̀n Arunao Musa taari'ena*

<sup>1</sup> Miriamu kɔ̀n Arunao Musa taari è Etiopia noo kè à sè yā musu, zaake à Etiopia noo sè. <sup>2</sup> Aõ bè: Musa adon Dii diè à yā ò à gāzīó? Èe o wa gāzī seroo? Dii yā pì mà. <sup>3</sup> Musa né gbē busɛmɛ, à sáa kú anduna guuro. <sup>4</sup> Gwe gɔ̀ Dii bè Musa kɔ̀n Arunao kɔ̀n Miriamuonɛ: À boe à gá dakɔ̀reki kuta kiia a gɔ̀n aagɔ̀a. Ben aõ gàa n gɔ̀n aagɔ̀a n pínɡi. <sup>5</sup> Dii pita téluguu guu à zè kutaa pì kpɛɛle. À Aruna kɔ̀n Miriamuo sisi, ben aõ sòzi n plaa n pínɡi. <sup>6</sup> À bèñne: À ma yā ma. Tó ma annabi kee kú a té, mɛè bo mà mózi wéegupu guu mɛè yā onɛ nanaa guumɛ. <sup>7</sup> Mode à de le kɔ̀n ma zòbleri Musaoro. Zíkɛri náanedeemɛ ma ua gbēno té n pínɡi.

<sup>8</sup> Weè yā bɔ kɔ lén. Mèè yā onè mà à ke utenéro. È wée si ma takalé. À kè dia ée ma zòbleri Musa taari'ena vīa keroo? <sup>9</sup> Ben Dii pɔ fɛ́nzi, à a taa o.

<sup>10</sup> Kè téluguu pì gò kutaa pìla, kusu dà Miriamula gɔɔ, à pura kù lán buu bà. Kè Aruna lie à à gwà, à è kusu dààla, <sup>11</sup> ben à bè Musané: N yā nna Baa! Nton tó wà mìsaiyā taarikena gbè ero. <sup>12</sup> Nton tó àgɔ de lán né kè wà ì gè à mè kpadoo yakana bàro. <sup>13</sup> Musa wii pè Diizi à bè: Luda, n yā nna! N à kèkɔa. <sup>14</sup> Ben Dii bèné: Tó à de bé à lóu sù à uua, eé kene wíyā ũ ai gurɔ swɛɛplaroo? Wà bɔɔ bùra kpɛɛ gurɔ swɛɛplaa gĩa, gbasa wà à sí. <sup>15</sup> Miriamu kú bùra kpɛɛ ai gurɔ swɛɛplaa. Isarailinɔ e da zénlo sé kè wà èara wà à sì. <sup>16</sup> Beee gbera aɔ fèe Azero aɔ gàa wà bùra kàe Parani gbáan.

## 13

### *Gu'asiigwari gɔɔn kuri awɛɛplaaanɔ zīna*

<sup>1</sup> Dii bè Musané: <sup>2</sup> N gbɛnɔ zī aɔ gá Kanaa bùsu kè mée kpaá Isarailinɔa gwa. N n dezino bori gbè kè aɔɔ de dɔn'aedee ũunɔ sé mèn doodo n n zī. <sup>3</sup> Ben à n gbáe le bɔna Parani gbáan lán Dii ò nà. Gbè pìnɔ né Isaraili dɔn'aedeenɔmɛ n píngi. <sup>4</sup> Aɔ tónɔn yè:

Rubeni boriinɔ guu Zaku né Samua,

<sup>5</sup> Simeɔ boriinɔ guu Ori né Safata,

<sup>6</sup> Yuda boriinɔ guu Yefuné né Kalɛbu,

<sup>7</sup> Isaka boriinɔ guu Yusufu né Igali,

<sup>8</sup> Eflaimu boriinɔ guu Nuni né Osea,

<sup>9</sup> Beyāmi boriinɔ guu Rafu né Paliti,

<sup>10</sup> Zɛbuluni boriinɔ guu Sodi né Gadieli,

<sup>11</sup> Yusufu né Manase boriinɔ guu Susi né Gadi,

<sup>12</sup> Dani boriinɔ guu Gemali né Amieli,

<sup>13</sup> Asa boriinɔ guu Mikaeli né Setu,

<sup>14</sup> Nafatali boriinɔ guu Vofosi né Nabi,

<sup>15</sup> Gada boriinɔ guu Maki né Gueli.

<sup>16</sup> Gbè kè Musa n zī bùsu gwaanɔn gwe. Musa tó kpà Nuni né Oseané Yɔsua.

<sup>17</sup> Kè Musa e n zī Kanaa bùsu gwa, à bèné: À bɔe kɔn Nɛgevi gbáao à di bùsu gusísídeea.

<sup>18</sup> À gwa lán bùsu pì de nà, tó à gbɛnɔ gbáa kesɔ aɔɔ buse, tó aɔɔ pari kesɔ aɔɔ pariro, <sup>19</sup> tó aɔɔ bùsu maa kesɔ à zaa, tó aɔ wétɛnɔ bīi vī kesɔ à vīro, <sup>20</sup> tó à tɔɔte gbáa kesɔ à bùsa, tó à línɔ vī kesɔ à vīro. À aīa ke à bùsu pì líbɛenɔ sée à suo. Zaake geepi be káakunɔ magurɔɔn yè.

<sup>21</sup> Ben aɔ gàa wà bùsu pì asii gwāgwa zaa Zini gbáan ai Reobo, Lebo Amata kpa. <sup>22</sup> Kè aɔ bɔe kɔn Nɛgevi gbáao, aɔ kà Eblɔnu, guu kè Anaki boriinɔ Aima kɔn Sesaio kɔn Talamaio kún. Eblɔnu kaena Zoā kè kú Igipiti ā wè swɛɛplaamɛ. <sup>23</sup> Kè aɔ kà Esekɔlu guzurɛn, aɔ geepi yɔ doo zɔ gwe aɔɔ lògo lía, ben gɔɔn plaaanɔ sɛna. Aɔ biisioo kɔn kākāpuraaɔ sè dɔ. <sup>24</sup> Wà tó kpà guu pìnɛ Esekɔlu guzurɛ, geepi yɔ kè Isarailinɔ zɔ gwe yānzi. <sup>25</sup> Kè aɔ bùsu pì yakè gurɔ baplaa, ben aɔ èara wà sù.

### *Gu'asiigwarinɔ baarukpana*

<sup>26</sup> Kè aɔ sù Kadési, Parani gbáan, aɔ gàa Musa kɔn Arunao kɔn Isarailinɔ kiia píngi. Aɔ sù kɔn baaruɔ Isarailinɔne n píngi, ben aɔ bùsu pì líbɛenɔ òdɔañɛ. <sup>27</sup> Aɔ yā pì gbà Musané wà bè: Wa gaa bùsu kè n wa zīn. Zwi kɔn zó'io di gwe. À líbɛenɔn yè. <sup>28</sup> Mòde bùsu pì deenɔ gbáa. Aɔ wétɛnɔ bīi vī bensɔ aɔ wéte pìnɔ bíta maamaa. Wa Anaki boriinɔ è gwe se. <sup>29</sup> Amalekinɔ kú Nɛgevi gbáan. Itinɔ kɔn Yebusinɔ kɔn Amɔrinɔ kú bùsu gusísídeen, bensɔ Kanaanɔ kú ísīaa sae kɔn Yoda saeo. <sup>30</sup> Kalɛbu gbɛnɔ lé yīte Musa ae, ben à bè: Wà gá wà bùsu pì sí, zaake wé fɔ wà zī blemma. <sup>31</sup> Ben gbè kè aɔ gàaonɔ bè: Wé fɔ wà léé gbè pìnɔaro, zaake aɔ gbáa dɛwala. <sup>32</sup> Ben aɔ bùsu kè aɔɔ yakè pì fabò Isarailinɔne wà bè: Bùsu kè wá

yakè pì né b̀usu k̀è è a gb̃enɔ́ mómɔ́mɛ. Gb̃è k̀è wa n̄ é gweenɔ́ n̄ píngi né gb̃è gb̃aanɔ́mɛ. <sup>33</sup> Wa gb̃è gb̃aagb̃aanɔ́ è gwe Anaki boriinɔ́ ũ. Wa a z̃inda è lán babanɛnɔ́n bà, len wá de le n̄ w̃éen se.

## 14

### *Isarailinɔ́ b̃ona Dii kp̃e*

<sup>1</sup> Isarailinɔ́ e wii gb̃aaa p̃e n̄ píngi, ãɔ́e ɔ́ɔ d̃ɔɔ gw̃aaṽi beee. <sup>2</sup> Ãɔ́ z̃ɔka d̀ò Musaa k̃ɔn Arunao n̄ píngi wà bènñe: Tó wa gaga Igipiti kes̃ gb̃áan k̀è, le à k̀è maa. <sup>3</sup> B́óỹanzin Dii e taawao b̀usu p̃inzi? Weé wa dede k̃ɔn f̃eɛdaaomɛ, weé wa n̄gb̃enɔ́ k̃ɔn wa néno k̀úkú. Wa sokpana Igipiti s̃áɔroo? <sup>4</sup> Ben ãɔ́ bèk̃ɔñe: Wà d̃ɔn'aedee diɛ wà ɛara wà tá Igipiti.

<sup>5</sup> Musa k̃ɔn Arunao dàe n̄ puua gb̃è píngi ae. <sup>6</sup> Ben gu'asiigwarinɔ́ g̃ɔn plaa Nuni né Ỹosua k̃ɔn Yefunɛ né Kalebuo n̄ utanɔ́ g̀aga wà k̀èk̀è <sup>7</sup> ãɔ́ bè gb̃enɔ́ñe: B̀usu k̀è wa b̃ɛn wá yakè pì maa maamaa. <sup>8</sup> Tó wa ỹà k̀à Diinɛ, eé g̀awao b̀usu p̃in, b̀usu k̀è zwi k̃ɔn z̃'io din pì, à wa gba. <sup>9</sup> Àton b̃ɔ Dii kp̃eero. Àton ṽia ke b̀usu pì deenɔ́ñero, zaake wa bl̃enɔ́mɛ, ãɔ́ utekii ṽi d̃ɔro. Dii k̀úwao, àton ṽia kero.

<sup>10</sup> Baade píngi e bee wà n̄ pápa k̃ɔn gb̃è, ben Dii gakui b̀ò à m̀ò Isarailinɔ́zi dak̃ɔreki kuta kiia. <sup>11</sup> Dii bè Musanɛ: Gb̃è p̃inɔ́ ég̃ɔ kya kaamagu gurɔ́ píngin ý? Baa k̃ɔn dabuỹa parii k̀è má k̀è n̄ ténɔ́, ãɔ́ég̃ɔ gii ma náane kezi gurɔ́ píngin ý? <sup>12</sup> Mé gagỹa kp̃anzi mà n̄ kaate, mé n̄ boriinɔ́ ke pari, ãɔ́ gb̃aaa ég̃ɔ de gb̃è p̃inɔ́la. <sup>13</sup> Ben Musa bè Diinɛ: Mbe n̄ gb̃è p̃inɔ́ b̀òe Igipiti k̃ɔn n̄ gb̃aaa. Tó Igipitinɔ́ mà, <sup>14</sup> ãɔ́é gí o b̀usu k̀è deenɔ́ñeziro. Zaake ãɔ́ d̃ɔ́ k̀è n̄ k̀úwao, nè b̃ɔ n̄ m̀ówazi t̃ét̃ent̃é. Ãɔ́ d̃ɔ́ k̀è n̄ t̃eluguu èg̃ɔ k̀ú wa musu, nè d̃ɔ́we ae à guu f̃aant̃é, gw̃aaṽi s̃ɔ́ té guu. <sup>15</sup> Tó n̄ gb̃è p̃inɔ́ d̀è k̃ando g̃ɔ, borii k̀è ãɔ́ ỹà pì m̀ano é be: <sup>16</sup> Dii f̃ua à g̀a k̃ɔn gb̃è p̃inɔ́ b̀usu k̀è à la dànñen, beee ỹanzin à n̄ déde gb̃aanzi. <sup>17</sup> Dii, n̄ n̄ gb̃aa bíta ɔ́ɔãñe sa, lán n̄ ò nà n̄ bè <sup>18</sup> n̄ p̃ɔ́ è f̃e kpaaro, n̄ gb̃èk̃e ṽi bíta, nè gb̃enɔ́ ỹà zaaanɔ́ k̃ɔn n̄ taarinɔ́ k̃é̃ñe, m̀ode nè tó taaridee b̀ò p̃aro. Nè denɔ́ ỹà zaaanɔ́ wí n̄ boriinɔ́ musu ai à g̀a à pé n̄ sw̃akp̃eɛnɔ́a k̃ɔn n̄ nasionɔ́. <sup>19</sup> Lán n̄ s̀u k̀è k̃ɔn gb̃è p̃inɔ́ nà zaa Igipiti ai ãɔ́ g̀aa wà k̀ao k̀è, n̄ n̄ durun k̃é̃ñe n̄ gb̃èk̃e bíta guu.

### *Z̃ɔkakarinɔ́ w̃é̃t̃ammana*

<sup>20</sup> Ben Dii bè: Lán n̄ w̃é̃e k̀ema nà, mé s̀u k̃é̃nyo. <sup>21</sup> M̀ode lán m̃ẽg̃ɔ kuu nà bens̃ɔ́ ma gakui dà andunala píngi, <sup>22</sup> gb̃è k̀è ãɔ́ ma gakui è k̃ɔn dabuỹa k̀è má k̀è Igipiti k̃ɔn gb̃aa guuo k̀è ãɔ́ ma le wà ma gwa g̃èn kuri ãɔ́ g̀i ma ỹà mazinɔ́, <sup>23</sup> n̄ gb̃èk̃e é w̃é̃e si b̀usu k̀è ma la dà n̄ dezinɔ́ñe p̃ilero. Gb̃è k̀è ãɔ́ kya k̃amaguunɔ́ ke é w̃é̃e siàlero. <sup>24</sup> Lán ma z̀ɔbleri Kalebu ǹòsɛ b̀ò ado nà, à t̃emazi k̃ɔn ǹòsɛo do, mé tó à g̃e b̀usu k̀è à g̀aan pì guu, à boriinɔ́ é e túb̃i ũ. <sup>25</sup> Zaake Amalekinɔ́ k̃ɔn Kanaanɔ́ k̀ú guzuren gwe, à ɛara à da gb̃aa z̃én zia Isia T̃éaa kpa.

<sup>26</sup> Dii bè Musanɛ k̃ɔn Arunao: <sup>27</sup> Gb̃è zaaa k̀enɔ́ é z̃ɔka k̃amazi gurɔ́ píngin ý? Ma z̃ɔka k̀è ãɔ́e kaamazii mà. <sup>28</sup> N̄ bẽñe mamɔ́ma Dii ma bè má kuu. Lán ãɔ́ w̃é̃e k̀ema nà, len mé k̃é̃ñe le. <sup>29</sup> Ãɔ́ g̃enɔ́ é g̃ɔ kaena gb̃áan k̀è, ãɔ́ gb̃è k̀è ãɔ́ k̀à w̃è baro ke deàlaanɔ́ píngi. Ãɔ́ gb̃è k̀è wà n̄ náro bens̃ɔ́ ãɔ́ z̃ɔka k̃amaziinɔ́ <sup>30</sup> é g̃e b̀usu k̀è ma à lé gb̃é̃ñenlo, séde Yefunɛ né Kalebu k̃ɔn Nuni né Ỹosua baasiro. <sup>31</sup> Ãɔ́ né k̀è ãɔ́ bè weé n̄ k̀úkúñon mé g̃é̃nyo, le ãɔ́ b̀usu k̀è n̄ denɔ́ g̀izi pì nnaa ma. <sup>32</sup> Ãɔ́p̃inɔ́ s̃ɔ́, ãɔ́ g̃enɔ́ é g̃ɔ kaena gb̃áan k̀emɛ. <sup>33</sup> Ãɔ́ néno é p̃ónɔ́ d̃ád̃a gb̃áan k̀è ai w̃è baplaa, ãɔ́ n̄ denɔ́ náane sai gb̃è e. Ãɔ́ denɔ́ g̃enɔ́ é g̃ɔ gb̃áan k̀è n̄ píngi. <sup>34</sup> Lán wà b̀usu pì yakè gurɔ́ baplaa nà, len ãɔ́ég̃ɔ n̄ ỹà zaaa gb̃è e le ai w̃è baplaa, w̃è doodo gurɔ́ doodo, ãɔ́ég̃ɔ d̃ɔ́ lán íbetekpanamao de nà. <sup>35</sup> Mamɔ́ma Dii m̃ámbe ma ỹà pì ò, lemɛ s̃ɔ́ mé ke gb̃è zaaa k̀è ãɔ́ k̃ak̃amazii p̃inɔ́ñe le. Ãɔ́é gaga gb̃áan k̀è n̄ píngi.

<sup>36</sup> Gb̃è k̀è Musa n̄ z̃i ãɔ́ b̀usu yakè k̀è ãɔ́ s̀u ãɔ́ kya k̀à b̀usu p̃in ãɔ́ t̃ò wà z̃ɔka d̀anɔ́, <sup>37</sup> Dii gagỹaa k̀à gb̃è p̃inɔ́n, ben ãɔ́ g̀aga. <sup>38</sup> Gb̃è k̀è ãɔ́ g̀aa wà b̀usu yakè p̃inɔ́ té, Nuni né Ỹosua k̃ɔn Yefunɛ né Kalebuo bé wà g̃ò w̃èndio.



<sup>39</sup> Musa yā pìno tskè Isarailinone pìngi, ben aō òò dō maamaa. <sup>40</sup> Aō fèe kongo ide'ide, aō mi pè kpìinò aō bè: À gwa, wée gaa guu kè Dii òn. Wa wa durun dō sa. <sup>41</sup> Musa bè: Bóyānzi ée pāa Dii yānzi? Beee é sí kero. <sup>42</sup> Àton gáro, zaake Dii kúaoro. A ibeeno é zì bleawa. <sup>43</sup> Amalekinò kōn Kanaanò kú a ae gwe. Aōé a dede kōn fēdaao. Dii égō kúaoro, kè a gi tézizi yānzi. <sup>44</sup> Ben aō wada yā kè aō mi pè kpìinò, baa kè Dii bà kuunaño àkpati gò büran kōn Musao. <sup>45</sup> Ben Amalekinò kōn Kanaa kè aōò kú gusĩĩdee pìnno lèerĩma aō zì blèĩma wà pèĩma ai òma.

## 20

### *Íbɔna gbèn* (Bɔn 17:1-7)

<sup>1</sup> Isarailinò kà Zini gbáan n pìngi mɔ káaku guu, ben aō vèe Kadesi. Gwen Miriamu gàn, wà à v̄i. <sup>2</sup> Í kuu wà miro, ben aō kàkōa Musa kōn Arunaozi. <sup>3</sup> Aō zɔka kà Musazi wà bè: Tó wa gaga yā kōn gbē kè aō gàga Dii aeno, le beee sàò. <sup>4</sup> Bóyānzi a mɔwao gbáa kèkiin le wà gaga kè kōn wa pókádeenòzi? <sup>5</sup> Bóyānzi a bɔewao Iyipiti a mɔwao gu zaaa kè guuzi? Pówee ke kākā lí ke geepi beee ke biisioo kú kèro, bensō í kú kè wà miro. <sup>6</sup> Musa kōn Arunao parii tò aō gàa dakōreki kpelea aō dàe n puua, ben Dii gakui bò à mònzì. <sup>7</sup> Dii yā ò Musane à bè: <sup>8</sup> Ì gò sé, mpi kōn n v̄i Arunao à gbē pìno kakōa à yā o gbèsi kèkāane n wáa, í é bɔn. Len né í bɔĩne gbè pìn aō mi le kōn n pókádeenò.

<sup>9</sup> Musa gò sè Dii aezĩ lán à òne nà. <sup>10</sup> Musa kōn Arunao n kákōa gbèsi pì ae, ben à bèĩne: À ma a swāgbáadeenò! Á yezi wà í bɔare gbè kèkii guun yó? <sup>11</sup> Ben Musa òò sè musu à gbè pì lè kōn a gòò gèn plaa. Í bò maamaa, ben aō mi kōn n pókádeenò. <sup>12</sup> Ben Dii bè Musane kōn Arunao: Zaake ée ma náane ke a ma tó bò Isarailinòero, é gēĩyo b̀usu kè mée kpaarĩmanlo. <sup>13</sup> Meriba íbòkiin gwe, guu kè Isarailinò zɔka kàn Diizi, ben à a ludakēe òdɔañe.

### *Edɔmunɔ gina Isarailinone aō bɔe kōn n b̀usuo*

<sup>14</sup> Musa gbēno zì aō bò Kadesi wà gàa Edɔmunò kína kiia aō bè: Wamɔwa n danɛ Isarailinò bè, n nawēa kè à wa leeno dō pìngi. <sup>15</sup> Wa dezinò gàa Iyipiti, ben wa gi kè gwe. Iyipitinò ĩa dàwa kōn wa dezinò. <sup>16</sup> Wa wii pè Diizi, ben à yā s̄iwao. À a Malaika zì à b̀wao Iyipiti. Tia sa wá kú Kadesi, n b̀usu lézekiia. <sup>17</sup> Ì wa gba zé wà bɔe kōn n b̀usuo. Wé gē buraano ke geepi búnonlo, wé a l̀gɔ'i miro. Wégō té kína zédaa guume. Wé lie ɔplazi ke ɔeziro ai wà gá gēteo n b̀usula. <sup>18</sup> Ben Edɔmunò bèĩne: É e à bɔe kōn wa b̀usuro. Tó a gi, wé bɔ wà daale kōn fēdaao. <sup>19</sup> Isarailinò bèĩne: Wé bɔe kōn zédaaome. Tó wapino ke wa pókádeenò a í mì, wé à f̄ia bo. Wá yezi wà bɔemme pā. <sup>20</sup> Edɔmunò bè: É e à ḡero. Ben aō z̄ikarinò b̀e paripari aō mò dañle kōn gbáaao. <sup>21</sup> Zaake Edɔmunò gi Isarailinone aō gē kōn n b̀usuo, ben Isarailinò pāĩne.

### *Aruna gana*

<sup>22</sup> Isarailinò bò Kadesi n pìngi aō kà Oru kp̄ii kiia <sup>23</sup> Edɔmunò b̀usu lézekiia. Gwen Dii yā òn Musane kōn Arunao à bè: <sup>24</sup> Aruna é ká a dezinòla tia, eé gē b̀usu kè mée Isarailinò gbaa guuro, kè a ḡɔn plaaa a gi ma yā mazi zaa Meriba yānzi. <sup>25</sup> Ì Aruna kōn a né El̄ezao sé ñ didiño Oru kp̄iia <sup>26</sup> ñ Aruna pókāsāano b̀ea ñ da à né El̄ezane gwe. Gwen Aruna é gan à ká a dezinòla.

<sup>27</sup> Musa kè lán Dii òne nà. À d̄idi Oru kp̄iia gbēno wáa pìngi <sup>28</sup> à Aruna pókāsāano b̀ea à dà à né El̄ezane, ben Aruna gà kp̄ii pì musu gwe. Kè Musa kōn El̄ezao pita kp̄ii p̄ia <sup>29</sup> bensō Isarailinò mà kè Aruna gà, ben aō à gē s̄osobi kè gurò baaakuri.

## 21

*Zìblena Kanaanɔ Negevi bùsun*

<sup>1</sup> Aradi kè kú Negevi bùsun kína né Kanaa gbẽme. Kè à mà Isarailinɔ té Atarimu zén aɔɔe mɔɔ, ben à bɔ̀ à dàńle kɔ̀n zìlɔ̀ à n gbẽkenɔ̀ kũkũ. <sup>2</sup> Ben Isarailinɔ̀ lù sè Diine wà bè: Tó n gbẽ pinɔ̀ nàwe wa ɔ̀zĩ, wé n wétenɔ̀ kaate mámmam. <sup>3</sup> Dii Isarailinɔ̀ yá mà, ben à Kanaa pinɔ̀ kpámma. Aɔ̀ n káate kɔ̀n n wétenɔ̀ píngi, ben wà tó kpà guu pinɔ̀ ɔ̀ma.

*Mògotɛ mlɛ̀*

<sup>4</sup> Kè aɔ̀ fɛɛ Oru kpíi pi kii, aɔ̀ Isia Tɛa zé sè lɛ̀ wà pã Edɔmunɔ̀ bùsunɛ. Ben aɔ̀ fù menaa zén <sup>5</sup> aɔ̀ Luda kɔ̀n Musao taari è wà bè: Bóyānzin a bɔ̀wao Igipiti lɛ̀ wà gaga gbáan kèzi? Póblee kuuro, í kuuro, wa za poble gina kèn. <sup>6</sup> Ben Dii mlɛ̀ pásinɔ̀ zímma aɔ̀ n léle, ben aɔ̀ gaga paripari. <sup>7</sup> Gbẽnɔ̀ mò Musa kii wà bè: Wa durun kè, zaake wa Dii kɔ̀n mpio taari è. N agbaa kpánɛwe lɛ̀ à wa kékɔ̀a kɔ̀n mlɛ̀ kènɔ̀. Ben à agbaa kpánɛnɛ. <sup>8</sup> Dii bènɛ: N mlɛ̀ pi n logo lía n péɛ. Tó mlɛ̀ gbẽ lè, tó à wéɛ sè à gwà, eé aafia e. <sup>9</sup> Ben à mògotɛ̀ pi mlɛ̀ ũ à lògo lía à pèɛ. Tó mlɛ̀ gbẽ lè bensɔ̀ à wéɛ sè à mògotɛ̀ mlɛ̀ pi gwà, è aafia e.

*Isarailinɔ̀ pãna Edɔmu kɔ̀n Mɔ̀abunɔ̀ bùsunɔ̀nɛ*

<sup>10</sup> Isarailinɔ̀ dà zén, ben aɔ̀ bùra kàɛ Obo. <sup>11</sup> Bɔ̀na Obo aɔ̀ gàa wà bùra kàɛ Ie'abarimu gbáan Mɔ̀abunɔ̀ bùsu ɔ̀fántɛ̀bɔ̀ɛ kpa. <sup>12</sup> Bɔ̀na gwe aɔ̀ gàa wà bùra kàɛ Zeredi guzuren. <sup>13</sup> Bɔ̀na gwe aɔ̀ bùra kàɛ Anɔ̀ baa kãa kpa, gbáa kè kú Amɔ̀rinɔ̀ bùsu lézekiia. Anɔ̀ pin Mɔ̀abu kɔ̀n Amɔ̀rinɔ̀ bùsunɔ̀ lézekii ũ. <sup>14</sup> Beee yānzin wà bè Dii zìkatakada guu: Waɛbu kè kú Sufa bùsun kɔ̀n Anɔ̀ swa'ɔ̀nɛnɔ̀ <sup>15</sup> kɔ̀n n guzure kè tà ai Aranɔ̀ Mɔ̀abunɔ̀ bùsu lézekiio. <sup>16</sup> Bɔ̀na gwe dɔ̀ aɔ̀ gàa Lògɔ̀, guu kè Dii bèn Musanɛ: N gbẽnɔ̀ kakɔ̀a mà í kpámma. <sup>17</sup> Gwen Isarailinɔ̀ lè kèkii sin:

Í bɔ̀ lògɔ̀n, gbasà wà lè síne,

<sup>18</sup> lògɔ̀ kè wa dɔ̀n'aedeenɔ̀ yò kɔ̀n líno,

lògɔ̀ kè wɛɛnɛnɔ̀ pà kɔ̀n n gònɔ̀.

Bɔ̀na gbáan aɔ̀ gàa Matana. <sup>19</sup> Matana gbera Nalieli, Nalieli gbera Bamɔ̀. <sup>20</sup> Bamɔ̀ gbera guzure kè kú Mɔ̀abunɔ̀ bùsun, guu kè Pisiga misɔ̀ntɛ̀ aɛ dɔ̀ gbáaa.

*Zìblena Siɔ̀ kɔ̀n Oguoa*

<sup>21</sup> Isarailinɔ̀ gbẽnɔ̀ zì Amɔ̀rinɔ̀ kí Siɔ̀a aɔ̀ bè: <sup>22</sup> N wa gba zé wà bɔ̀ɛ kɔ̀n n bùsuo. Wé gẽ buraanɔ̀ ke geepi búnonlo, wé a lògɔ̀'í miro. Wégɔ̀ té kína zédaa guume ai wà gá gẽteo n bùsula. <sup>23</sup> Siɔ̀ e n gba zé aɔ̀ gẽte a bùsunlo. À a zìkarinɔ̀ kákɔ̀a n píngi, aɔ̀ bɔ̀ɛ wèè gaańzi gbáan. Kè aɔ̀ kà Yaza, aɔ̀ zì kà kɔ̀n Isarailinɔ̀, <sup>24</sup> ben Isarailinɔ̀ n dède kɔ̀n fɛɛdaao aɔ̀ n bùsu símma zaa Anɔ̀ ai Yabokuzi Amɔ̀ninɔ̀ bùsun, zaake Amɔ̀ninɔ̀ bùsu lézekii pi pásĩ, è sí gẽnlo. <sup>25</sup> Isarailinɔ̀ Amɔ̀ri wétenɔ̀ sì píngi kɔ̀n Esebɔ̀ kɔ̀n a lakutunɔ̀ píngi, ben aɔ̀ vɛ̀ɛn. <sup>26</sup> Esebɔ̀n Amɔ̀rinɔ̀ kí Siɔ̀ wétedaa ũ. Siɔ̀ zì kà yá kɔ̀n Mɔ̀abunɔ̀ kína káakuo, ben à à bùsu sia ai Anɔ̀ swaazi. <sup>27</sup> Beee yānzin kerɛnɔ̀ è be:

À mó Esebɔ̀,

wà Siɔ̀ wétedaa pi keke wà káɛ!

<sup>28</sup> Té bɔ̀ Esebɔ̀ yá,

zìkarinɔ̀ bɔ̀ Siɔ̀ wéte pi guu,

aɔ̀ Mɔ̀abunɔ̀ bùsu wéteda Ara káate

Anɔ̀ mì sísí gbẽ pinɔ̀.

<sup>29</sup> Wáiyoo Mɔ̀abunɔ̀!

Kemɔ̀si gbàgbàrinɔ̀, a kaateme!

Kemɔ̀si tò a gɔ̀gbẽnɔ̀ fàakɔ̀a,

à a nɔ̀gbẽnɔ̀ kpà Amɔ̀rinɔ̀ kí Siɔ̀a zìzɔ̀nɔ̀ ũ.

<sup>30</sup> Ben wa n fú,

wa n déde zaa Esebō ai Dibō.

Wa n káate ai Nōfa kōn Medebao.

<sup>31</sup> Len Isarailinō vèe Amōrinō būsun le. <sup>32</sup> Musa gbēno zì Yaza asii gwa, ben Isarailinō gwee sì kōn à lakutunō píngi, aō pè Amōri kè aō kú gweenōa.

<sup>33</sup> Ben Isarailinō liè aō Basā zé sè. Ben Basā kí Ogu gaañzi kōn a zìkpēeno n píngi aō zì kànyo Ederēi. <sup>34</sup> Dii bè Musane: Nton vīa kenēro, zaake ma à nanne n ozi kōn à gbēno kōn à būsuo píngi. N kenē lán n kè Amōrinō kí Siō kè kí blè Esebōne nà. <sup>35</sup> Ben aō Ogu dè kōn à néno kōn à zìkpēeno n píngi, baa gbē mèn doo e boro, ben aō à būsuo pì sì.

## 22

### *Mōabunō kí Balaki Balamu sisina*

<sup>1</sup> Isarailinō dà zén, ben aō bura kàe Mōabunō būsuo sèn Yoda baa kaa kè ae do Yerikoa kpa.

<sup>2</sup> Zipo né Balaki Mōabunō kina è lán Isarailinō kè Amōrinōne nà, <sup>3</sup> ben swè kè Mōabunōn, vīa n kú Isarailinō parikēe yānzi. <sup>4</sup> Ben Mōabunō bè Midiā gbēnsinōne: Parii kèkii é pò kè ligawaziinō ble píngi lán zù è sè ble nà. <sup>5</sup> Ben Balaki gbēno zì Beo né Balamua ai Peto, Yuflati sae à be būsun. À bèñne aō à sísi à mó aō bene: Gbēkeno bò Igipiti aō dàgula aō káe ma sae. <sup>6</sup> N yā nna! N mó n n káme, zaake aō gbāaa demala. Wègō dōro ke mé e mà zì bleñma mà péñma būsuo kèn gwēe. Má dō kè gbē kè n sa maaa òne égō de aubarikadee ùme. Gbē kè sō n sa zaaa òne, eégō de kana pò ùme.

<sup>7</sup> Mōabu kōn Midiā gbēnsinō dà zén, aō māsokena gbaa kè aō da Balamune kūna. Kè aō kà à kiia, aō yā kè Balaki n zīo òne. <sup>8</sup> À bèñne: À i kè, mé yā kè Dii é omēe oare. Ben Mōabu kine pino i Balamu be. <sup>9</sup> Ben Luda bò à mò Balamuzi à à là à bè: Dénōn gbē kè aō kúnyo kèkiinō uu? <sup>10</sup> À wèàla à bè: Zipo né Balaki, Mōabunō kina bé à n zīma. Aō bè <sup>11</sup> gbē kenō bò Igipiti aō dàgula. Ben à bè mà mó mà n káare le à e à zì bleñma à péñma. <sup>12</sup> Ben Luda bène: Nton téñziro. Nton sa zaaa oñnero, zaake ma aubarika dàngu kò. <sup>13</sup> Kè Balamu fēe kōngō, à bè Balaki kinenōne: À tá a būsun, zaake Dii gime mà téazi. <sup>14</sup> Ben Mōabu kine pino fēe wà tà Balaki kiia aō bè: Balamu gi mówaozi.

<sup>15</sup> Balaki èara à kine pāndenō zì do, aō pari kōn n gakuio de gbē káakunōla. <sup>16</sup> Kè aō kà Balamu kiia, aō bè: Zipo né Balaki bè nton tó pòke kpánne kōn mōna a kiiaoro, <sup>17</sup> zaake eé gbaa kenne maamaa. Pò kè n òne píngi é ke. N yā nna! N mó n gbē pino káme. <sup>18</sup> Ben Balamu bè Balaki ziri pino: Baa tó Balaki kondogi kōn vura kè kú a beeo kpàma píngi, mé fō mà bō Dii ma Luda yā kpēero, baa féte. <sup>19</sup> À i kè gwāavīa lán gbē káakunō kè nà ai mà ma do yā kè Dii é kaaramē. <sup>20</sup> Luda bò à mōzi gwāavī à bène: Zaake gbē kēno mò n sísi, n fēe n gányo, mōde yā kè mé oon n ke.

### *Balamu zaaki yá'ona*

<sup>21</sup> Balamu fēe kōngō à gàari yì a zaakine, ben à gàa kōn Mōabu kine pino. <sup>22</sup> Luda pò fē à gana yānzi, ben Dii Malaika gàa à ze à zé zōne. Balamu di a zaaki kpēe, à zikeri gōon plaaanōn téo. <sup>23</sup> Kè zaaki pì è Dii Malaika zena zé guu à fēedaa wòto à kūna, ben à liè sèn. Balamu à lè, ben à èara à dà zén. <sup>24</sup> Dii Malaika gàa à zè zé wéwen geepi líkpe kè gbè kara ligazinō dagura. <sup>25</sup> Kè zaaki pì Dii Malaika è, à nà gūa à Balamu gbá lōa. Ben Balamu èara à à lè do. <sup>26</sup> Dii Malaika èara à gàa ae do à zè gu kpaatogoo kè liékii vīroon. <sup>27</sup> Kè zaaki pì Dii Malaika pì è, à kùe kōn Balamuo. Ben Balamu pò fē à à lè gòo. <sup>28</sup> Ben Dii zaaki pì gbà lé à yā ò Balamune à bè: Bón má kēne n ma le ai gēn aagō? <sup>29</sup> Balamu wèàla à bè: Kè n yōnkōyā kēme yānzime. Tó má fēe kūna, le ma n de gōo. <sup>30</sup> Ben zaaki pì bène: N zaaki kè

neègõ diia gurõ sãnda píngia mɔna gbãan ma ũroo? Má kènne le zikió? À bè: Auo. <sup>31</sup> Ben Dii Balamu wée kènne, à à Malaika è zena zén à fɛɛdaa wòto à kũna. Ben à kùe à mì pèe.

<sup>32</sup> Dii Malaika à là à bè: Bóyãnzin n n zaaki lè ai gèn aagõzi? Ma mɔ zé zõnneme, zaake n wãme. <sup>33</sup> Kè zaaki pì ma e, ben à lieme ai gèn aagõ. Tó èe lieme yãro, le ma n de ma à tò.

<sup>34</sup> Balamu bè Dii Malaika pìne: Ma durun kè, zaake má dõ kè n zé zõmɛro. Zaake ma gana kènne zaa, mé ɛara mà tá. <sup>35</sup> Ben Dii Malaika bè Balamune: Ñ gá kõn gbẽ pìno, yã kè mé dannen ñ o. Ben Balamu gaa kõn Balaki kine pìno.

<sup>36</sup> Kè Balaki mà Balamu e mɔ, ben à gaa à dàale wéte kè kú Anɔ baa, Mɔabunɔ bùsu lézekiia. <sup>37</sup> Ben à bè Balamune: Kè ma gbẽno zì wà n sisi yã, à kè dia née móroo? Mé fõ mà gbaa kenneloo? <sup>38</sup> Balamu wèala à bè: Ma mɔ sa, mɔde má yã sãnda píngi ona zé vïro. Yã kè Luda é damen mé o. <sup>39</sup> Ben Balaki gaa kõn Balamuo Kiria'uzo. <sup>40</sup> À saa ò kõn zùnɔ kõn sãanɔ à à nòbɔ kpà Balamua kõn kine kè aõ kúo ledoonɔ. <sup>41</sup> Kè guu dò, à Balamu sè à gaaò Bamɔ Baali. Gwen Balamu Isarailinɔ bùra kpadoo èn.

## 23

### *Balamu yã káaku kè à è ona*

<sup>1</sup> Balamu bè Balakine: Ñ gbãgbákii bome kè mèn swɛɛplaa, ñ móme kõn zùswareenɔ mèn swɛɛplaa kõn sãkaronɔ mèn swɛɛplaa. <sup>2</sup> Balaki kè lán Balamu òne nà, ben aõ saa ò kõn zùswareeo kõn sãkaroo gbãgbákii pìnoa píngi. <sup>3</sup> Ben Balamu bène: Ñ ze n sa'opɔzi. Mé gá mà gwa tó Dii é mó yã omɛ, mé yã kè eé omɛɛ onne. Ben à gaa à zè gu lezĩ gbáagbaaa. <sup>4</sup> Luda mò à à lè, ben Balamu bène: Ma gbãgbákii bò mèn swɛɛplaa, ben ma saa òmãma píngi kõn zùswareeo kõn sãkaroo. <sup>5</sup> Dii yã dàne à lén, ben à bè: Ñ ɛara ñ gá ñ Balaki le ñ one lán má dannen nà. <sup>6</sup> Ben à ɛara à gaa à à lè zena a sa'opɔzi kõn Mɔabu kinenɔ ñ píngi, <sup>7</sup> ben à yã kè à è ò à bè:

Mɔabunɔ kí Balaki ma sisi Siria bùsun,  
ben ma bɔ ɔfãntɛbɔe kpa kpìiinɔ kiia ma mɔ.

À bè mà bɔare Isarailinɔ kpɛɛ,  
mà mó mà sa zaaa oare Yakubu borii pìnonɛ.

<sup>8</sup> Mé ke dia mà gbẽ kè Luda e ñ káronɔ káa?  
Mé ke dia mà bɔ gbẽ kè Dii e bɔ ñ kpɛɛronɔ kpɛɛɛ?

<sup>9</sup> Zaa kpìi mìsõntɛan mée ñ ee,  
zaa gulezĩan mée wée siiñle.

Gbẽ pìno kú ñdona,  
aõ ñ zĩnda diɛ ñdona kõn bori pãndenɔ.

<sup>10</sup> Yakubu boriinɔ pari lán bùsu'ãatɛ bà,  
weé fõ wà Isarailinɔ naro wà ñ lé dõro.  
Luda tó ma gaa gõ de lán a gbẽno pó bà,  
ma yãana gõ de lán ñ pó bà.

<sup>11</sup> Ben Balaki bène: Ñ kème dian gwee? Ma mɔnyo le ñ ma ibɛenɔ káme, ben sa maaan ñ ònéé? <sup>12</sup> À wèala à bè: Yã kè Dii dàme ma lénn mé oroo?

### *Balamu yã plaadee kè à è ona*

<sup>13</sup> Balaki bène: Ñ mó wà gá gu pãndea, guu kè né ñ en. Ñ ñ káme gwe, zaake aõ kpadoon né e, né ñ e ñ píngi. <sup>14</sup> Ben à gaaò gudãkparinɔ guun Pisiga kpìi mìsõntɛa. À gbãgbákii bò gwe mèn swɛɛplaa, ben à saa òmãma píngi kõn zùswareeo kõn sãkaroo. <sup>15</sup> Ben Balamu bène: Ñ ze n sa'opɔzi kè, mé gá mà à le gwe. <sup>16</sup> Ben Dii mò à yã dàne à lén, ben à bène: Ñ ɛara ñ gá ñ Balaki le ñ one lán má dannen nà. <sup>17</sup> Ben à ɛara à gaa à à lè zena a sa'opɔzi kõn Mɔabu kinenɔ. Balaki à là à bè: Dii bè diame? <sup>18</sup> Ben à yã kè à è ò à bè:  
Zipo né Balaki,

̀̀n swā kpá ̀̀n ma yā ma!

<sup>19</sup> Luda né gbēntenlo gbasa à εγεε to,  
è nòse liε lán busānsi bàro.  
Eé gí yā kè à ò kezió?

Eé gí lé kè à gbḗnne papazió?

<sup>20</sup> À bème mà sa maaa óneme.

À aubarika dàngu, mé f̄s mà gíro.

<sup>21</sup> Mée yā zaa ke e Yakubu boriinɔaro,  
mée yā'ɔamma ke e Isarailinɔaro.

Dii ń Ludaa kúnyo,

āsè à kíkε tó bɔ ń té.

<sup>22</sup> Luda ń b́e Igipiti,

ās gbāaa v̄i lán zùsēte bà.

<sup>23</sup> Weé f̄s wà pó da Yakubu boriinɔaro,

weé f̄s wà àisi zaaa kpá Isarailinɔziro.

Zaa gbāa weégae o ń yā musu,

kè yā kè Ludaa kèn gwe.

<sup>24</sup> Borii pì è fεε lán músudaa bà,

è a zīnda sé lán musukya bà.

È daero ai à gá pó kū à só,

ai à gá pó kè à dènɔ aru mio.

<sup>25</sup> Balaki bène: Nton ń káro. Nton sa maaa óne sero. <sup>26</sup> Balamu bène: Mée onne kè yā kè  
Dii dàmeen mé oroo?

### *Balamu yā aagōdee kè à è ona*

<sup>27</sup> Balaki bè Balamune: N mós sa, mé gányo gu pāndea. Wègō d̄ro tó eé ke Ludane ̀̀n  
gbē pìnɔ káme gwe sa. <sup>28</sup> Ben Balaki gāao Peo kp̄iii musu kè ae d̄o gbāaa. <sup>29</sup> Balamu bène:  
N gbāgbāk̄ii bome kè mèn swεεplaa, ̀̀n mómε k̄n zùswareenɔ mèn swεεplaa k̄n sākaronɔ  
mèn swεεplaa. <sup>30</sup> Balaki kè lán à òne nà à saa ò́mma k̄n zùswaree pìnɔ k̄n sākaro pìnɔ.

## 24

<sup>1</sup> Kè Balamu è sa maa ona Isarailinɔne kà Diin, èe gá màso ke lán yāa bà d̄ro, ben à ae  
d̄o gbāaa. <sup>2</sup> Kè à wée zù, ben à Isarailinɔ è kaena ń boriia. Luda Nini p̄itaa, <sup>3</sup> ben à yā kè à  
è ò à bè:

Bεɔ né Balamu yān yè,

mamɔma kè ma wée kēna yān yè.

<sup>4</sup> Mamɔma kè mēè Luda yā ma yān yè.

Ma Gbāapingide wéeεgupu è,

má daena ma puua, ma wée wēna.

<sup>5</sup> Yakubu boriinɔ b̄urakaena maa fá!

Isaraili bisakutaanɔ maa!

<sup>6</sup> Ās kaena lán guzure d̄akonɔ bà,

lán swa d̄rɔ kara búɔ bà.

Ās de lán zà lí kè Dii b̄anɔ bà,

lán sida lí kè ās kú í saenɔ bà.

<sup>7</sup> Í é ń orozānɔ pa yélele,

ās pót̄nanɔ é í e maamaa.

Ās kina gbāaa égō de Agagala,

ās kpata é tó bɔ.

<sup>8</sup> Luda ń b́e Igipiti,

ās gbāaa v̄i lán zùsēte bà.

Aṣè zì ble borii kè aṣ íbetε kpànyonᵛa,  
aṣè n wánᵛ wíwi aṣè n pápa kào.

<sup>9</sup> Aṣè sᵛpεε wà daε lán músu bà,  
dé bé eé fᵛ à n fεεε?

Luda aubarika da gbε kè aṣé sa maaa ońnenᵛn,  
à gbε kè aṣé sa zaaa ońnenᵛn ká.

<sup>10</sup> Balaki pᵛ fε Balamuzi à ɔnetee dᵛa à bè: Ma ibεenᵛ kana yānzin ma n sisizi, ben n sa maaa òńne gèn aagᵛᵛ? <sup>11</sup> N̄ tá n be tia gᵛᵛ. Ma bè mé gbaa kennεme yā, mᵛde Dii ginne n láada e. <sup>12</sup> Balamu bène: Mée o gbε kè n n̄ zĩmaanᵛneroo! <sup>13</sup> Ma bè baa tó n ma gba n beε kè pana kᵛn kondogio kᵛn vuraο, mé bᵛ Dii yā kpεε mà yā ke kᵛn ma zĩnda pᵛyezioro, à maaa ke à zaaa. Yā kè Dii bè mà oon mé o. <sup>14</sup> Mée taa ma gbēnᵛ kiia sa. N̄ mó mà onne lán gbε p̄nᵛ é ke n gbēnᵛne nà zia.

*Balamu yā siigᵛdee kè à è ona*

<sup>15</sup> Ben Balamu yā kè à è ò à bè:

Beᵛ né Balamu yān yè,  
mamᵛma kè ma wée kēna yān yè.

<sup>16</sup> Mamᵛma kè mεε Luda yā ma yān yè.

Má Luda Musude nᵛseguuyā dᵛ.  
Ma Gbāapingide wéeεgupu è,  
má daena ma puua, ma wée wēna.

<sup>17</sup> Mée Isarailinᵛ ee, èε ke tianlo,  
mée n̄ gwaa, à gurᵛᵛ e ká gĩaro.  
Sᵛsᵛne é bᵛ Yakubu boriinᵛ té,  
kpatableri é bᵛ Isarailinᵛ té,  
eé Mᵛabunᵛ m̄i wíwi,  
eé zᵛkakari p̄nᵛ m̄iwatoro fᵛfᵛ.

<sup>18</sup> Eᵛᵛmunᵛ bᵛsu é gᵛ à pᵛ ũ,  
à ibεε Sei bᵛsu é gᵛ à pᵛ ũ,  
Isarailinᵛ gbāaa égᵛ kaaramε.

<sup>19</sup> Yakubu bori ke é kí bler̄ma,  
eé gbε kpaaa kè aṣ gᵛnᵛ kaateε.

<sup>20</sup> Balamu Amaleki boriinᵛ è, ben à yā kè à è ò à bè:  
Amaleki boriinᵛ né boriinᵛ m̄ideemeε,  
mᵛde aṣé kaateε zāa.

<sup>21</sup> Kè Balamu Keninᵛ è, ben à yā kè à è ò à bè:  
A kúkii gbāa gín̄gin,  
a sà kú gbè musu.

<sup>22</sup> Baa kᵛn beeeo weé a kaateεmeε,  
Asirianᵛ é a kúkū z̄izᵛnᵛ ũ.

<sup>23</sup> Balamu yā kè à è ò dᵛ à bè:  
O'o, tó Ludaa kè lε, dé bé eé bᵛᵛ?

<sup>24</sup> Góro'itenᵛ é bᵛ Sipiru bᵛsun,  
aṣé z̄i ble Asirianᵛ kᵛn Eberunᵛa,  
mᵛde aṣpinᵛ é kaateε se.

<sup>25</sup> Balamu fεε à tà a be, ben Balaki dà zén se.

## DOKAGBĒSISINA Musa takada sɔɔrodee

### 30

#### *Dii Isarailinɔ sɔkpana n̄ gwena ziin*

<sup>1</sup> Tó aubarika kɔn kana yā kè má diɛaree kèkiinɔ a le píngi, àgɔ dɔn borii kè Dii a Luda é péawa à a fáakɔa n̄ ténɔ guu. <sup>2</sup> Tó apinɔ kɔn a nénɔ èara wà aɛ dɔ Dii a Ludaa, tó a à yā kè mée diɛare gbàa mà píngi kɔn nòsɛo do kɔn pɔyezinao, <sup>3</sup> Dii a Luda é a wènda gwa, é éara à a kakɔa zaa borii kè à a fáakɔa n̄ ténɔ guu à suao a gwena ziin. <sup>4</sup> Baa tó à pèawa à a fáakɔa bùsu kè aɔ kú ai anduna léanɔ guu, é a boriinɔ kakɔa gwe à suńyo. <sup>5</sup> É éarańyo bùsu kè de aɔ dezinɔ pɔ ũu guu. Tó aɔ bùsu pì kù, é aubarika dańgu, é tó aɔ pari kù de n̄ dezinɔla. <sup>6</sup> Dii a Luda é a swè pípiare kɔn a boriinɔ, a ninii égɔ yezi kɔn nòsɛo do le àgɔ kú wèndio. <sup>7</sup> Dii a Luda é láari kèkiinɔ zĩ a ibɛ kè aɔ zàagu aɔɛ wée tãaawaanɔ, <sup>8</sup> é éara à Dii yā ma àgɔ zĩ keɛ kɔn à yādiɛna kè mée ooare gbàanɔ. <sup>9</sup> Dii a Luda é aubarika daagu a zĩ píngin, é tó a nénɔ kɔ kɔn a pókādeenɔ kɔn a bura pónɔ. À pɔɔ é éara à keawa nna, é à maa keare lán à pɔɔ kè nna a dezinɔa nà. <sup>10</sup> Tó a Dii a Luda yā mà a à ɔɔkii gwà bensɔ á à yādiɛna kè aɔ kú doka takada kèkii guunɔ kũna, tó a aɛ dɔ Dii a Ludaa kɔn nòsɛo do kɔn pɔyezinao, é beeenɔ keare píngi.

#### *Wèndi ke gaa*

<sup>11</sup> Yā kè mée diɛare gbàa pì zĩ'ũu de a gbàa lélaro. À sɔ zàaoro. <sup>12</sup> À kú ludamɛro, gbasa à be, dé bé éé gá ludamɛ à pitao le à ma à zĩ kea. <sup>13</sup> À kú ísɔaa baa kãa kparo, gbasa à be, dé bé éé bikũ ísɔaa baa à suo le à ma àgɔ kũna. <sup>14</sup> Yā pì kúao kĩkĩ, à kú a lén kɔn a nòsɛo le à e à zĩ kea. <sup>15</sup> À ma! Mée wèndi kɔn yā maaao diɛ a are gbàa kɔn gaao kɔn yā zaaao. <sup>16</sup> Mée diɛare gbàa, àgɔ ye Dii a Ludazi àgɔ té à kèɛgbɛzi, à à ɔɔkii gwa àgɔ à yādiɛnanɔ kɔn à dokayānɔ kũna, le àgɔ kuu à pari kù, Dii a Luda é aubarika daagu bùsu kè ée gaa sí guu. <sup>17</sup> Mòde tó a kpɛɛ lɛne bensɔ ée à yā maro, tó a kēa bensɔ a tãanɔ gbàgbā a dɔnzi kèńne, <sup>18</sup> mée ooare gbàa, a kaaten gwe! É gí ke bùsu kè ée bikũu Yodaa ée gaa sí guuro. <sup>19</sup> Ludamɛ kɔn tɔɔteon ma sèedadeenɔ ũ gbàa a yā musu. Ma wèndi kɔn gaao diɛ a are, aubarika yānɔ kɔn kana yānɔ. À wèndi sé le apinɔ kɔn a nénɔ e àgɔ kuu. <sup>20</sup> Àgɔ ye Dii a Ludazi àgɔ à yā maa à naa, zaake àmbe a wèndi ũ. É tó à gí ke bùsu kè à la dà a dezi Ibraĩ kɔn Isaakuo kɔn Yakubunɔne, à bè é kpámma guu.

### 31

#### *Yɔsua diɛna Musa gɛɛ ũ*

<sup>1</sup> Kè Musa yā kèkiinɔ ò Isarailinɔne à yāa, <sup>2</sup> à bè: Tia la ma ka wè baswɛedo, mé fɔ mà dɔare aɛ dɔro. Dii bèmɛ mé bikũ Yodaaro. <sup>3</sup> Dii a Luda bé éé dɔare aɛ à bikũ. Éé borii kè aɔ kú gweenɔ kaateare le à n̄ bùsu sí. Yɔsua bé eégɔ dɔare aɛ sa lán Dii ò nà. <sup>4</sup> Dii é ke borii pinɔne lán à kè Amɔrinɔ kɔnanɔne nà Siɔ kɔn Oguo kɔn n̄ bùsuo kè à n̄ káate. <sup>5</sup> Dii é n̄ naare a ɔzĩ, é keńne lán má diɛare nà píngi. <sup>6</sup> À a làakari kpáe àgɔ wɔrɔngɔ vĩ! Àton tó vĩa a kũro, àton tó swè kɛagu n̄ yānzɔro, zaake Dii a Luda bé èe gaaao. Éé a tónlo éé pā kpáazɔro.

<sup>7</sup> Ben Musa Yɔsua sìsi Isarailinɔ píngi wáa à bène: Ñ ze gbàa n̄gɔ wɔrɔngɔ vĩ, zaake mbe né gá kɔn gbɛ kènɔ bùsu kè Dii la dà n̄ dezi káakunɔne à bè é kpámma guu. Mbe né bùsu pì kpaatɛtɛńne. <sup>8</sup> Dii bé éé dɔnne aɛ. Àmbe eégɔ kúnɔyo, éé n̄ tónlo éé pā kpánzi zikiro. Ñton tó vĩa n̄ kũro ñton bídi kero.

<sup>9</sup> Musa doka pì kè takada guu à kpà sa'ori Levi borii kè aṣègṣ Dii bà kuunańyo àkpati senanṵa kṵn Isaraili gbēnsinṵo n pínghi. <sup>10</sup> Musa yā diēńne à bè: Wè swēēplaplaaa gbera, wè kè wè fiadeenṵo kē Kutadṵna zibaagurṵo, <sup>11</sup> tó Isarailinṵo mò wà n zīnda òḍṵa Dii n Ludanē n pínghi guu kè eé sé guu, àgae doka takada kèki kyó keńne wà ma. <sup>12</sup> Àgae n kakṵa, gṵgbēnṵo kṵn nṵgbēnṵo kṵn né fétenṵo kṵn bṵamṵo kè aṵṵo kú a wétennṵo, le wà ma wà dada, wà e wàgṵo Dii a Luda vīa vī, wàgṵo dokayā pìnṵo kūna pínghi wàgṵo zīi keēa. <sup>13</sup> Aṵ né kè aṵ yā pì dṵroonṵo é ma, aṵégṵo vīakena Dii a Ludanē dadaa gurṵo kè á kú bṵsu kè ée bikūu Yodaa à gá sí pì guu.

### *Dii gīake à Isarailinṵo bṵna a kpēē yā ò*

<sup>14</sup> Dii bè Musanē: N gagurṵo kà kīi. N Yṵsua sísi à gá ze dakṵrekiia, mé zīi nanē a ṵzī. Ben Musa kṵn Yṵsuaṵo gāa wà zè dakṵrekiia. <sup>15</sup> Dii bṵ à mṵńzi gwe tēluguu kè zēna kutaa pì kpēēle guu. <sup>16</sup> Ben Dii bè Musanē: Tó n ka n dezinṵla, gbē pìnṵo é fēē wà pāpāa ke wà dṵ bṵsu kè aṵṵe gēēn tāanṵzi. Aṵé pā kpámazi aṵ ma bà kuunańyo yā gboro. <sup>17</sup> Zī pīa mé pṵ fēńzi mà pā kpánzi, mé kpēē lińne wà n kaate. Kisianṵo é wí n musu bíta aṵé nawēanṵo ke. Zī pīa aṵé be: Kisia pìnṵo wí wa musu kè wa Ludaa kúwaoro yānzin yee? <sup>18</sup> Zī pian mé kpēē lińne yā zaaa kè aṵṵo kè yānzī, aṵ ae dṵ tāanṵa.

<sup>19</sup> N lè kèkii kē takadan sa n dada Isarailinṵone aṵ sí, le àgṵo demē aṵ bṵna ma kpēē sèeda ũ. <sup>20</sup> Tó ma gaańyo bṵsu kè má la dà n dezi káakunṵone guu, bṵsu kè zwi kṵn z'io din pì, tó aṵ kà wà mē kpà, aṵé ae dṵ tāanṵame wà n gbāgbā. Aṵé pā kpámazi wà ma bà kuunańyo yā gboro. <sup>21</sup> Tó kisia pìnṵo n lé bíta aṵṵe nawēa keē, lè pì bé eé n yā zaaa káńne n ṵzī, zaake à yā é sā n boriinṵnlo. Má yā kè kú n nṵsen gbāa dṵ ai màgṵo gáńyo bṵsu kè má la dàńne guu. <sup>22</sup> Musa lè pì kè takadan zī pīa, ben à dà Isarailinṵone.

<sup>23</sup> Dii yā diē Nuni né Yṵsuanē à bè: N làakari kpáe nṵgṵo wṵrṵngṵo vī! Mbe né gá kṵn Isarailinṵo bṵsu kè má la dàńne guu, bensṵo mapì mégṵo kúnyo.

<sup>24</sup> Kè Musa dokayā pìnṵo kè takadan à yāa pínghi, <sup>25</sup> à yā diē Levi borii kè aṵégṵo Dii bà kuunańyo àkpati senanṵone à bè: <sup>26</sup> À doka takada kèkii sí à diē Dii a Luda bà kuunaṵo àkpati saē, àgṵo kú gwe a bṵna Dii kpēē sèeda ũ. <sup>27</sup> Zaake má a swāgbāaa dṵ, lán eè gí yāzi nà. Zaa gurṵo kè má kúao eègṵo bṵṵo Dii yā kpēēme ai kṵn à tiaao. Weē ma gaa gbera pṵ o dṵṵ? <sup>28</sup> À a bori gbēnsinṵo kṵn a dṵn'aedeēnṵo kakṵame, le mà yā kènṵo dańne n swāla, ludambe kṵn tṵṵtēo égṵo de ma sèedadeēnṵo ũ a yā musu. <sup>29</sup> Zaake má dṵ kè é a zīnda yaka ma gaa gbera, é kē zé kè má òḍṵaareea. Beee gbera kisia é a le, zaake é yā kè zaa Diine ke, eé pṵ fēazi tāa kè á kènṵo yānzī.

<sup>30</sup> Ben Musa lè pì yā dà Isaraili kè aṵ kakṵananṵone n swāla mámmam.

## 34

### *Musa gana*

<sup>1</sup> Musa bṵ Mṵabunṵo bṵsu sēte à dīdī Nebo kpīiia ai Pisiga kpīi mīṵṵntē kè ae dṵ Yerikoa, ben Dii bṵsu pì òḍṵane pínghi zaa Giliada bṵsun ai Daninṵo bṵsun <sup>2</sup> kṵn Nafatalinṵo bṵsuo pínghi kṵn Eflaimunṵo bṵsuo kṵn Manasenṵo bṵsuo kṵn Yudanṵo bṵsuo pínghi ai ísīaa kè kú ṵfāntēgēkpen kpa <sup>3</sup> kṵn Negevio kṵn Yeriko daminalide guzurēo ai Zoa. <sup>4</sup> Ben Dii bène: Bṵsu kè ma la dà Ibrańne kṵn Isaakuo kṵn Yakubuo ma bè mé kpá n boriinṵa pìn gwe. Má tò n wēē siàle, mṵde né bikū Yodaa n gēnlo.

<sup>5</sup> Ben Dii zṵbleri Musa gā Mṵabunṵo bṵsun gwe lán Dii ò nà. <sup>6</sup> Ben Dii à vīi guzurēn gwe Betepeo kpa. Gbēkee à mira kii dṵro ai kṵn a gbāao. <sup>7</sup> Musa gā a wè baswēedodee guume. À wēē nna bensṵo à gbāaa e lagoro. <sup>8</sup> Isarailinṵo à gè kè gurṵo baaakuri Mṵabunṵo bṵsu sēte, ben à gēsosobikēna kṵn ṵṵo dṵṵo yāa.

<sup>9</sup> Nuni né Yṵsua pana ṵndṵṵo kè Musa ṵ nāa yānzī. Isarailinṵo à yā mà, aṵṵo kè lán Dii dà Musanē nà. <sup>10</sup> Annabi kee e bṵ Isarailinṵo guu lán Musa bà dṵro. È yā o kṵn Diio tētētē



<sup>11</sup> bensõ à sèedanõ kõn dabuyã kè Dii à zìonõ kè Igipiti, Fili'auna kõn a ìbanõ kõn a gbẽnõ aε ñ píngi. <sup>12</sup> Gbẽkee e yã naaside bíta ke kõn iko gbãaa lán Musa bà Isarailinõ wéε siàε òro.

## YOSUA

Ziblena Kanaa būsua 1:1-11:23

Yosua lézamma kōn à ganao 23:1-24:33

### *Dii yádiēna Yosua*

<sup>1</sup> Dii zòbleri Musa gaa gbera Dii yā ò Musa kpàasi Yosua, Nuni néne à bè: <sup>2</sup> Ma zòbleri Musa gà. Ì fεε ò bikū Yodaa kè sa, mpi kōn Isarailino ò píngi, à gē būsua kè má kpàawaan. <sup>3</sup> Guu kè a gbá pèen píngi, má kpàawa lán má ò Musane nàme. <sup>4</sup> Sena zaa gbáan ai gana Lēbano būsua, sena zaa swa bíta kè wè be Yuflati ai gana ísīaa kè kú ɔfántēgēkpen kpa, Itino būsua pì é gō a būsua ū píngime. <sup>5</sup> Ai ò gá gao gbēke é e à n gāsā fīro. Lán má kú kōn Musao nà, len mégō kúnyo le. Mé n tónlo, mé pā kpánzi zikiro.

<sup>6</sup> Ì ze gbāa ògō wórōngō vī, zaake mbe né būsua kè ma à lé gbè a dezi káakunone ma bè mé kpámma sí ò kpá gbē kēnoa. <sup>7</sup> Ì ze gbāa ògō wórōngō vī dé! Ì làakari do doka kè ma zòbleri Musa dānneea ògō kūna píngi. Ìnton kēa ò na ɔplazi ke ɔeziro, n tá égae ke nna. <sup>8</sup> Ì tó Musa doka takada pì yā gō da n lén, ògō laasuu leea fáantē kōn gwāavīo. Ì làakari do yā kè kú à guunoa píngi ò zīi kea, n tá égō nna n yā égae bo maa. <sup>9</sup> Mámbe ma yā dienneroo? Ì ze gbāa ògō wórōngō vī. Ìnton tó vīa n kūro. Ìnton bídi kero, zaake mamoma Dii n Luda, mégō kúnyo guu kè née gaan píngi.

<sup>10</sup> Ben Yosua bè Isaraili don'aēdeenone: <sup>11</sup> À gēte búrān à o gbēnone aō kūsāe soru ke, zaake gurō aagōo gbera aōé bikū Yodaa kè, aōé gá būsua kè Dii ò Luda kpámma wāgō vī sí. <sup>12</sup> Yosua bè Rubenino kōn Gadanō kōn Manasenō kpadoo: <sup>13</sup> À do yā kè Dii zòbleri Musa diēaree kēkiin, à bè Dii a Luda é tó à kāmabokii e à būsua kēkii kpàawa. <sup>14</sup> Bēe yānzi a nōgbēno kōn a né féteno kōn a pókādeenō gō būsua kè Musa kpàawaan Yoda baa kè kpa, a zīkpeeno do ò gbēnone ae wà bikū ò píngi, aōgō ò gōkēbōno kūna aō donle <sup>15</sup> ai Dii gō tó a gbēno kāmabokii e lán à kēare nà, aōpino sō égō būsua kè Dii a Luda e kpaámma vī. Bēe gbera é su būsua kè gō a pō ūu kè guu, é vēe būsua kè Dii zòbleri Musa kpàawa Yoda baa kè ɔfántēboe kpa pìn. <sup>16</sup> Ben aō wèala wà bè: Yā kè ò diēwe píngi wé ke. Guu kè n wa zīin píngi wé gāme. <sup>17</sup> Lán wa zīi kè Musa yāa nà píngi, len wé zīi ke n yāa le se. Dii n Luda gō kúnyo, lán à kú kōn Musao nà. <sup>18</sup> Gbē kè bō n yā kpee à gì yā kè ò diēne kezi, adee gāme. Ì ze gbāa ògō wórōngō vī dé!

## 2

### *Gu'asiigwarino zīna Yeriko*

<sup>1</sup> Zaa Sitimu Nuni né Yosua gu'asiigwarino zī gōon plaa asii guu à bè: À gá à wēe kpáe būsua pizi, atēnsa Yeriko. Ben aō gāa gwe, aō gāa wà pita kaarua kè wè sísi Rahabu bēen. <sup>2</sup> Ben wà bè Yeriko kīnane: Isaraili kenō gē kè uusia le wà wa būsua asii gwa. <sup>3</sup> Ben kīna pì gbēno zī Rahabua aō bè: Ì bo kōn gōgbē kè aō mò n kiiano, zaake wa būsua píngi asii gwana yānzin aō mòzi. <sup>4</sup> Àe sō nōgbē pì gīake à gōon plaaa pino ùte kò, ben à bè: Gbē pino mò ma kiia kè yāpura. Má dō guu kè aō bōnlo. <sup>5</sup> Kè guu sì bīizetaturō, aō bōe. Má dō tó mákpan aō tànlo. À ò gbè sé kpakpaa, é ò le. <sup>6</sup> Àe sō à gīake à ò sé à gāányo kpé musu à ò ùte gbōo lí kè kaena gween kò. <sup>7</sup> Zīrinō pēēnzi zēn ai Yoda bikūkiia, ben wà bīize tāta ò kpee gōo.

<sup>8</sup> Ai gu'asiigwari pino gō dae, Rahabu didi ò kiia kpé musu <sup>9</sup> à bēnne: Má dō kè Dii būsua kè kpàawa. A vīa wa kū, ben būsua kè deeno kā gá ò píngi a yānzi. <sup>10</sup> Wa mà lán Dii Isia Tēaa zōkōreare nà gurō kè a boe Igipiti kōn yā kè á kè Siō kōn Oguone, a Amōrinō kīna gōon plaaa pino kè dúgudugu Yoda baa kāa kpa. <sup>11</sup> Kè wá mà, swè kēwagu, wa ninii dà batan

a yānzi, zaake Dii a Ludan musu kōn tɔtɔe Luda ũ. <sup>12</sup> Zaake ma gbēke kèare, apinɔ sɔ à síme sa kōn Dii tɔo kè é gbēke ke ma de bedeene. À sèda keme le màgɔ dɔ sãnsã <sup>13</sup> kè é ma de kōn ma dao kōn ma v̄inɔ kōn ma dāaronɔ kōn wa gbēnɔ mì sí n̄ píngi à wa bɔ gaa lézĩ. <sup>14</sup> Ben gɔgbē pinɔ wèala wà bè: Mbe wa wèndi ũ, wámbe n wèndi ũ se. Tó n̄é wa yá o gbēkee màro, tó Dii bùsu kè kpàwa, wé gbēke kenne yāpura.

<sup>15</sup> Ben à n̄ bóe windo guu à n̄ píta b̄i kpee kōn bào, zaake à bee kè à kún kú wéte b̄i musume. <sup>16</sup> À bèné: À mì pé kp̄iinɔa le a gbèserinɔ tón dakɔreaoro yānzi. Àgɔ utena gwe gurɔ aagɔ ai a gbèserinɔ su, é gbasa à da zén. <sup>17-18</sup> Ben gɔgbē pinɔ bèné: Tó wa eara wa gē a bùsun, n̄ wɔ tēaa kèkii dɔ windo kè n̄é wa b̄een kèa, n̄ n de kōn n dao kōn n v̄inɔ kōn n dāaronɔ kōn n de bedeene kakōanzi n̄ píngi n kpé kèkiin. Tó n̄é ke lero, wa bà égɔ kú ladana kè n̄ tò wá la dānneen dɔro. <sup>19</sup> Tó aɔ gbēke b̄o n kpén à gaa gāale, à a zīnda dèn gwe, wa yān dɔro. Tó aɔ gbēkee kún̄yo kpén, ben wà à dè, wámbe à gana yá é wí wa musu. <sup>20</sup> Tó n wa kómɔtò kè gbēnɔne sɔ, wa bà égɔ kú ladana kè n̄ tò wá la dānne pin dɔro. <sup>21</sup> Ben Rahabu bè: Àgɔ de lán á ò nà. Ben à n̄ gbáe aɔ tà. Ben à wɔ tēaa pì d̄o a windoa.

<sup>22</sup> Kè aɔ píta b̄iia le, aɔ mì pè kp̄iinɔa, ben aɔ ì gwe gurɔ aagɔ ai n̄ gbèserinɔ gaa sùo. Aɔ gbèseri pinɔ n̄ wéte zé sae píngi aɔe n̄ ero. <sup>23</sup> Ben gɔɔn plaa pinɔ dà zén aɔ píta kp̄iii pinɔa aɔ bikū swaaa. Kè aɔ kà Nuni né Yosua kiia, aɔ yá kè à n̄ lé gbāne píngi <sup>24</sup> wà bè: Dii bùsu pì nàwe wa ɔzĩ píngi. Bùsu pì deenɔ kã gà n̄ píngi wa yānzi.

### 3

#### *Isarailinɔ bikūna Yodaa*

<sup>1</sup> Yosua f̄ee kɔngɔ ide'ide kōn Isarailinɔ n̄ píngi. Bona Sitimu aɔ gaa Yodazi, ben aɔ bùra kàe gwe ai aɔgɔ gá bikū. <sup>2</sup> Gurɔ aagɔo gb̄era Isaraili d̄on'aedeene d̄o d̄o bùrazi <sup>3</sup> aɔ yá d̄ie gbēnɔne wà bè: Tó á è Levi bori sa'orinɔ Dii a Luda bà kuunawao àkpati sena, à da zén àgɔ té n̄ kpee, <sup>4</sup> le à e à d̄o zé kè é sé, zaake ée zé pì sé zikiro. Àgɔ té zāazā lán kiloo do taka bào! Àton sɔ àkpati p̄iziro. <sup>5</sup> Ben Yosua bè gbēnɔne: À gbāsī bɔ a zīndan, zaake Dii é yāb̄onsae ke a té zia. <sup>6</sup> Ben à èara à bè sa'orinɔne: À Dii bà kuunawao àkpati sé à d̄o gbēnɔne ae à bikūo. Ben aɔ àkpati pì sè wà d̄o gbēnɔne ae.

<sup>7</sup> Dii bè Yosuan̄e: Mé na n sena lezīa Isarailinɔne gbāa, aɔégɔ d̄o kè má kún̄yo lán má kú kōn Musao nà. <sup>8</sup> N̄ o sa'ori kè aɔo ma bà kuunaao àkpati senanɔne, tó aɔ kà Yodazi, aɔ gē wà ze à ín. <sup>9</sup> Ben Yosua bè Isarailinɔne: À mó kè à Dii a Luda yá ma. <sup>10</sup> Ben à èara à bè: Len égɔ d̄o kè Luda Wèndidee kúao le, bens̄o eé péare Kanaanɔa kōn Itinɔ kōn Ivinɔ kōn Perizinɔ kōn Gigasinɔ kōn Am̄orinɔ kōn Yebusinɔo. <sup>11</sup> À gwa! Anduna píngi Dii bà kuunawao àkpati é d̄are ae ai Yoda ín. <sup>12</sup> À gɔɔn kuri aw̄eplaaanɔ sé a té, bori kōn boriio gbē mèn doodo. <sup>13</sup> Tó sa'ori kè aɔo anduna píngi Dii àkpati senanɔ gbá pèe Yoda ín, í pì é z̄k̄ore, í kè èe b̄oo swaa musu é b̄i ke à ḡo zena a gbèn.

<sup>14</sup> Kè gbēnɔ bùra f̄ee wà dà zén, aɔe gaa bikū Yodaa, sa'ori kè aɔo Dii bà kuunaño àkpati senanɔo té n̄ ae le. <sup>15</sup> Pók̄ekegurɔ píngi swaa pì è pa ai à dà s̄is̄ila, m̄ode gurɔo kè àkpatiseri pinɔ kà swaa p̄izi, kè aɔ gbá pèe ín, <sup>16</sup> ben í kè èe b̄oo swaa pì musu z̄k̄ore à b̄i kè à ḡo zena a gbèn zaa zāazā wéte kè wè be Adamu sae Zaretā bùsun. Í kè èe taa sèbe wisideen z̄k̄ore m̄iom̄io, ben gbēnɔ bikū aed̄ok̄ana kōn Yerikoo. <sup>17</sup> Sa'ori kè aɔo Dii bà kuunaño àkpati senanɔ ḡo zena Yoda wèen tɔtɔe koria gín̄gin, ben Isaraili bori píngi té gukori p̄in ai aɔ gaa wà bikū n̄ píngi wà yāa.

### 4

#### *Gbè mèn kuri aw̄eplaaanɔ didik̄ana sèda ũ*

<sup>1</sup> Kè Isaraili bori píngi bikù Yodaa wà yàa, ben Dii bè Yòsuanɛ: <sup>2</sup> A bori mèn kuri awɛɛplaaanɔ té à gbɛnɔ sɛn doodo <sup>3</sup> n ɔ́nne aɔ gbè sɛe swawɛen mèn kuri awɛɛplaa guu kè sa'orinɔ zen súusu, aɔ bikùo wà káe guu kè é in gwáavíá. <sup>4</sup> Ben Yòsua gɔɔn kuri awɛɛplaaanɔ diɛ Isaraili boriinɔ té doodo, ben à n sísí <sup>5</sup> à bè́nne: À gá Yoda wèen Dii a Luda àkpati aɛ, a baade gbè sé à di a gán a Isaraili boriinɔ pari lén. <sup>6</sup> Gbè kèkiinɔ é gɔare sèeda ũ. Tó a nɛnɔ a la zia, bɔn gbè kènɔɔ deare à ũu, <sup>7</sup> à bénne, kè wèe bikúu kɔn Dii bà kuunawao àkpatio, ben à í zòkɔre, ben gbè pìnɔ gò Isarailinɔne à dɔngu pɔ ũ ai gurɔ píngi. <sup>8</sup> Len Isarailinɔ kè le lán Yòsua ɔ́nne nà. Aɔ gbè sèe Yoda wèen mèn kuri awɛɛplaa Isaraili boriinɔ pari lén lán Dii ɔ́ Yòsuanɛ nà. Aɔ bikùo aɔo kàe guu kè aɔ in. <sup>9</sup> Gbè mèn kuri awɛɛplaa kè wà sèe swawɛen sa'ori kè aɔ àkpati sɛna pìnɔ zekiian Yòsua dìdikɔa, aɔo kú gwe ai kɔn a gbáao.

<sup>10</sup> Sa'ori kè aɔo àkpati pì senanɔ gò zena swawɛen ai yá kè Dii diɛ Yòsuanɛ à ɔ́ gbɛnɔne gàa à kèo píngi lán Musa diɛne nà. Gbɛnɔ kè kpaa aɔ bikù. <sup>11</sup> Kè aɔ bikù n píngi wà yàa, gbasa sa'orinɔ bikù kɔn Dii àkpatio gbɛnɔ wáa. <sup>12</sup> Rubeni bori gɔgbɛnɔ kɔn Gada bori gɔgbɛnɔ kɔn Manasenɔ kpado gɔgbɛnɔ bé wà dɔ Isaraili bori kpaaanɔne aɛ wà bikù lán Musa ɔ́nne yá nà. Aɔ n gòkebɔnɔ kúna. <sup>13</sup> Aɔ zìkpeɛnɔ kà gɔɔn bɔrɔ baplaa taka. Aɔ bikù Dii aɛ aɔ gàa Yeriko gbáan kɔn zì soruo. <sup>14</sup> Zì beean Dii Yòsua sè lezì Isarailinɔne n píngi, ben aɔ à yá mà ai à gàa à gào lán aɔ Musa yá mà nà.

<sup>15</sup> Ben Dii bè Yòsuanɛ: <sup>16</sup> N ɔ sa'ori kè aɔo doka àkpati senanɔne aɔ bɔ swawɛen. <sup>17</sup> Ben Yòsua ɔ́nne aɔ bɔ swawɛen, <sup>18</sup> ben aɔ bòn. Kè aɔ gbá pèe sísíá, ben swa'i èara à sù a gbèn gɔo. À pà à dàgula ai à dà sísíla lán káakupɔ bà.

<sup>19</sup> Mɔ káaku gurɔ kuridee zín Isarailinɔ bò Yoda swawɛen aɔ gàa wà bùra kàe Giligala, Yeriko ɔ́fántɛbɔe kpa. <sup>20</sup> Yòsua gbè mèn kuri awɛɛplaa kè wà sèe Yoda wèen pìnɔ dìdikɔa Giligala gwe. <sup>21</sup> À bè gbɛnɔne: Tó a nɛnɔ gà wà n denɔ là zia wà bè, gbè kènɔ yáasi de diamɛ? <sup>22</sup> À bénne, a bikúna Yodaa gukoria sèedame, <sup>23</sup> zaake Dii a Luda à í bàbaare a zén, ben a bikù lán a bikù Isia Tèaa kè à à í bàbaaree nà. <sup>24</sup> Dii kè le, le anduna bori píngi gò dɔ kè à gbáa ví, apinɔ sɔ àgò Dii a Luda vía ví gurɔ píngi.

## 5

<sup>1</sup> Kè Amɔrinɔ kína kè aɔo kú Yoda ɔ́fántɛgɛkpen kpaanɔ kɔn Kanaanɔ kína kè aɔo kú ísía saenɔ mà lán Dii Yoda í zòkɔre Isarailinɔne aɔ bikù nà, ben swè kèngu aɔ ká gá n píngi Isarailinɔ yánzi.

### *Bàngukɛna Isarailinɔne Giligala*

<sup>2</sup> Gurɔ beea Dii bè Yòsuanɛ: N gbè fɛenɔ ke n èara n bangu ke Isarailinɔne. <sup>3</sup> Ben Yòsua bè wà gbè fɛenɔ ke, ben wà bangu kèo Isarailinɔne guu kè wè be tia Gefɔo Sísí. <sup>4</sup> Yá kè tò à bangu kè́nne yè. Isarailinɔ bɔena Iyipiti gbera, aɔ tá guu, gò gbáaa kè aɔ bangu kènɔ gàga gbáan n píngi. <sup>5</sup> Gbè kè aɔ bɔe Iyipitinɔ bangukɛna n píngi. Gbè kè wà n í gbáan zé guu bɔna Iyipiti gberaanɔ, aɔmbe aɔo bangu kero. <sup>6</sup> Isarailinɔ té gbáan wè baplaa ai gbè kè aɔo de gò gbáaanɔ ũ gurɔ kè aɔ bɔe Iyipitinɔ gàa wà gàgao n píngi, zaake aɔo Dii yá maro. Dii bè́nne aɔé wée si bùsu kè a à lé gbè n dezinɔne à bè é kpármalero, bùsu kè zwi kɔn z'io din pì. <sup>7</sup> Aɔ né kè Dii tò aɔ fèe n gberaanɔn Yòsua bangu kè́nne, zaake gefɔodeenɔmɛ, wèe bangu kè́nne zénlo. <sup>8</sup> Kè Isarailinɔ bangu kè n píngi wà yàa, aɔ gò guu kè aɔ bùra kàen gwe ai n bò gàa à yáao. <sup>9</sup> Ben Dii bè Yòsuanɛ: Ma wí kè Iyipitinɔ dàawaa bɔare gbáan gwe. Ben wà tó kpà guu pìnɛ Giligala ai kɔn a gbáao.

<sup>10</sup> Isarailinɔ bùra kaena Giligala ben aɔ Banla zíbaa kè Yeriko gbáan gwe mɔo pì gurɔ gèro dosaidee zì uusie. <sup>11</sup> Kè wà zíbaa pì kè guu dɔ aɔ bùsu pì bura pónɔ blè, burɛdi sésɛ'èzɛsainɔ

kɔn pɔwɛɛ kpatanao. <sup>12</sup> Aɔ bɔsu pɔ bura pɔnɔ blena gbera, kɛ guu dɔ, manakwɛɛna zɛ, ɛɛ kwɛɛnɛ dɔro, ben aɔ Kanaa bɔsu blɛɛ blɛ wɛ beea sa.

### *Dii zɔkpɛɛnɔ dɔn'aɛdee*

<sup>13</sup> Kɛ Yosua kɔ kɔn Yerikoo, à wɛɛ sɛ à guu gwà, ben à gɔgbɛ ke è zɛna a aɛ kɔn fɛɛdaao na à ɔzɔ. Ben Yosua sɔzi à à là à bè: N kú wa kpɛɛn yɔ, ke wa ibɛɛnɔ kpɛɛ? <sup>14</sup> À wɛ̀àla à bè: Lenlo. Dii zɔkpɛɛnɔ dɔn'aɛdeen ma ũ, ma kanan yɛ. Ben Yosua kùɛɛ à mì pɛɛ, ben à à là à bè: Bɔn ma Dii é o mamɔma a zɔblerinɛ? <sup>15</sup> Dii zɔkpɛɛnɔ dɔn'aɛdee pɔ wɛ̀àla à bè: N n kyatee bɔbɔ, zaake guu kɛ n zɛn kú adona. Ben Yosua kɛ lɛ.

## 6

### *Yeriko bɔi lɛna*

<sup>1</sup> Wà Yeriko bɔize gbàno tàta gíngin Isarailinɔ yãnzɔ. Gbɛkee e bɔro, gbɛkee e gɛro. <sup>2</sup> Ben Dii bè Yosuanɛ: N gwa, ma Yeriko nànnɛ n ɔzɔ kɔn à kɔnao kɔn à zɔkpɛɛnɔ. <sup>3</sup> Mpi kɔn n zɔkpɛɛnɔ à gá liga wɛ̀tɛ pɔzi gɛ̀n do a píngi à su. Àgɔ ligaaazi lɛ gɛ̀n doodo ai gurɔ swɛɛdo. <sup>4</sup> Sa'ori gɔɔn swɛɛplaaanɔ dɔ àkpatinɛ aɛ aɔgɔ kuu kúna. À gurɔ swɛɛplaaadee zɔ à liga wɛ̀tɛ pɔzi gɛ̀n swɛɛplaa gurɔ kɛ sa'ori pɔnɔ e n kuu pɛɛ. <sup>5</sup> Tó aɔ kuu pɛ aɔɛ à bà gaa, ben a à s mà, gbɛ píngi wii lɛ gbãngbã, wɛ̀tɛ bɔi é lɛɛ, a baade é sin súusu.

<sup>6</sup> Ben Nuni né Yosua sa'orinɔ sisi à bènnɛ: À Dii bà kuunawao àkpati sɛ, a gɔɔn swɛɛplaaanɔ é dɔnɛ aɛ, a baade égɔ kuu kúna. <sup>7</sup> Ben à bè gbɛnɔnɛ: À fɛɛ à gá liga wɛ̀tɛzi gɛ̀n do. Zɔkpɛɛnɔ bé wà dɔ Dii àkpatinɛ aɛ. <sup>8</sup> Kɛ Yosua yã ò gbɛnɔnɛ, ben sa'ori gɔɔn swɛɛplaa kɛ aɔ kuu kúna pɔnɔ fɛɛ wà dɔ Dii bà kuunaño àkpatinɛ aɛ, aɔɛ n kuu pɛɛ. <sup>9</sup> Zɔkpɛɛnɔ té sa'ori pɔnɔ aɛ, parii té àkpati kpɛɛ, bensɔ kuunɔ s dɔ. <sup>10</sup> Yosua gɔake à ò gbɛnɔnɛ à bè: Àton wii léro. Àton tó wà a kɔi maro. Àton tó yãke bɔ a lɛnlo ai gurɔ kɛ mé oare à wii lɛ, gbasà à lɛ. <sup>11</sup> Aɔ gàa wà liga wɛ̀tɛ pɔzi kɔn àkpatio gɛ̀n do lɛ, ben aɔ ɛara wà tà n bɔran aɔ i gwe.

<sup>12</sup> Yosua fɛɛ kɔngɔ idɛ'idɛ, ben sa'orinɔ Dii àkpati sɛ. <sup>13</sup> Sa'ori gɔɔn swɛɛplaa kɛ aɔ kuu kúna pɔnɔ dɔ Dii àkpatinɛ aɛ, aɔɛ pɛɛ. Zɔkpɛɛnɔ dɔnnɛ aɛ, parii té àkpati pɔ kpɛɛ, bensɔ kuunɔ s dɔ. <sup>14</sup> Aɔ liga wɛ̀tɛ pɔzi gɛ̀n do à gurɔ plaadee zɔ, ben aɔ ɛara wà tà n bɔran. Aɔ kɛ lɛ ai gurɔ swɛɛdo. <sup>15</sup> À gurɔ swɛɛplaaadee zɔ aɔ fɛɛ idɛ'idɛ gudɔnao, ben aɔ ɛara wà gàa wà liga wɛ̀tɛ pɔzi lán aɔɛ ke nà. Mɔde zɔ beea aɔ ligazi gɛ̀n swɛɛplaame. <sup>16</sup> À gɛ̀n swɛɛplaaadee pɔ gurɔ kɛ sa'orinɔ e gaa n kuu pé gbãngbã, ben Yosua bè gbɛnɔnɛ: À wii lɛ, zaake Dii wɛ̀tɛ pɔ kpàawame. <sup>17</sup> Dii wɛ̀tɛ pɔ kɔn pɔ kɛ kúnno dɛ a pɔ ũ. Wà n kaate n píngi. Kaarua Rahabu kɔn gbɛ kɛ aɔ kúo à beɛnɔ bé wé bɔ n̄tɛɛ, zaake àmbe à gu'asiigwari kɛ wà n zɔnɔ ùtɛ. <sup>18</sup> À làakari ke! Àton pɔ kɛ Dii tɛ ke séro, lɛ àton kaatero yãnzɔ. Tó á sɛ, é yã gáɛ a bɔranɛ à gɔ kaatena pɔ ũ. <sup>19</sup> Kondogi kɔn vuraɔ kɔn mɔgotɛ pɔnɔ kɔn mɔsi pɔnɔ píngi né Dii pómɛ. Séde wà ká Dii auziki utekiin.

<sup>20</sup> Kɛ wà kuu pɛ bensɔ Isarailinɔ wii lɛ gbãngbã lɛ, wɛ̀tɛ bɔinɔ lɛɛ. Ben aɔ baade sin súusu, ben aɔ wɛ̀tɛ pɔ sɔ. <sup>21</sup> Aɔ pɔ kɛ kúnno dɛ Dii pɔ ũ, ben aɔ gbɛnɔ kàate n píngi kɔn fɛɛdaao, gɔgbɛnɔ kɔn nɔgbɛnɔ, né fétenɔ gbɛnsinɔ kɔn zùnɔ kɔn sãanɔ kɔn zaakinɔ.

<sup>22</sup> Yosua bè gɔɔn plaa kɛ aɔ gàa wà bɔsu pɔ asii gwànɔnɛ: À gɛ kaarua pɔ beɛn à bɔo kɔn a gbɛnɔ, lán a à lɛ gbɛnɛ nà. <sup>23</sup> Ben gɔkpare pɔnɔ gàa wà bɔ kɔn Rahabu kɔn a deo kɔn a dao kɔn a vɔinɔ kɔn a dàaronɔ kɔn a gbɛnɔ n píngi. Aɔ sùo kɔn à danɛn n píngi, ben aɔ n káɛ Isarailinɔ bura saɛ. <sup>24</sup> Ben aɔ té sɔ wɛ̀tɛ pɔ kɔn pɔ kɛ kúnno píngi, tó è ke kondogi kɔn vuraɔ kɔn mɔgotɛ pɔnɔ kɔn mɔsi pɔ kɛ aɔ sɛɛ wà kàɛ Dii bisakuta auziki utekiin baasiro. <sup>25</sup> Yosua tò kaarua Rahabu bɔ aafia kɔn à de beɛdenɔ kɔn à gbɛnɔ n píngi, kɛ à gu'asiigwari kɛ Yosua n zɔ Yeriko asii gwaanɔ ùtɛ yãnzɔ, ben aɔ gɔ Isarailinɔ té ai kɔn a gbãao. <sup>26</sup> Gurɔ beea Yosua lɛ kɛ à bè: Dii láari ke gbɛ kɛ eé fɛɛ à Yeriko wɛ̀tɛ kɛ keke à káɛa.

Tó à à b̄i ɛɛ kpàɛ, à daudu é ga.  
 Tó à à gbàno p̄ɛɛ s̄o, à né zāadee é ga.  
 27 Dii kú k̄n Yosua, ben à tó dà bùsu p̄ila p̄ingi.

## 7

### *Akã durun yã*

1 Isarailino t̄ɛ p̄o k̄. Kaami né Akã, Zimiri dio, Zera swãkp̄ɛɛ, Yuda borii bé à t̄ɛ p̄o k̄no s̄ɛ, ben Dii p̄o f̄ɛ Isarailinozi.

2 Yosua gb̄ɛno z̄i à bè, ās b̄o Yeriko wà gá Ai k̄ kú Betav̄ɛ saɛ Beteli ɔf̄ant̄ɛboɛ kpa l̄ɛ wà bùsu p̄i asii gwa. Ben ās ḡaa wà Ai asii gwà. 3 K̄ɛ ās s̄u Yosua kiia, ās bène: Aideeno ɔpariro, èe ká wà gá gwe wa p̄ingiro. Tó ḡɔno wàa kuri ke wàa ḡeroo ḡaa, ās w̄ɛt̄ɛ p̄i sí. N̄ton ãa da gb̄ɛno ān p̄ingiro. 4 K̄ɛ ḡɔno wàa ḡeroon ɔḡaa gwe, ben Aideeno ān f̄u 5 ās p̄ɛm̄ma b̄ona zaa ān w̄ɛt̄ɛ b̄iile āi gb̄ɛwikiia, ās ān d̄ɛd̄ɛ s̄īs̄iḡɛɛzi ḡɔno baaakuri aw̄ɛɛsw̄ɛɛdo. Ben sw̄ɛ k̄ɛ Isarailino ān ninii dà batan.

6 Yosua a uta gá à k̄ɛ à dàɛ a puua Dii àkpati aɛ ai uusiɛ. Àpi k̄n Isaraili gb̄ɛnsino bùsu kùku ān miã. 7 Ben Yosua bè: Á'a, Dii Luda! À k̄ɛ dia n wa bikū Yodaa n wa na Am̄ɔrin̄noɛ ān ɔz̄i ās wa kaat̄ɛɛ? Tó wá v̄ɛɛna Yoda baa k̄aa kpa yã né! 8 N yã nna Dii! Zaak̄ɛ Isarailino b̄oru kp̄ɛɛ ān ib̄ɛɛnoɛ, mé be dia saa? 9 Kanaan ɔk̄n bùsu k̄ɛ deeno é yã p̄i ma ān p̄ingi, ās ligawazi ās wa kaat̄ɛ andunan. N tó b̄itak̄ɛ s̄o né? Né k̄ɛo diam̄ɛ? 10 Ben Dii bè Yosuan̄ɛ: N̄ f̄ɛɛ n̄ z̄ɛ! À k̄ɛ dia ān daena n puua? 11 Isarailino durun k̄ɛ, ās ma bà kuunaño yã gb̄oro. Ās t̄ɛ p̄o k̄no s̄ɛ, ās kp̄ai ò, ās m̄onafiki k̄ɛ, ās p̄o p̄i dà ān p̄ono guu. 12 Bee yãnz̄i āsɔɛ f̄s wà ān ib̄ɛno ḡá f̄iro. Ās b̄oru kp̄ɛɛn̄ɛ, k̄ɛ ās ḡo kaat̄ɛna p̄o ũ yãnz̄i. M̄éḡo kúao d̄oro, s̄eto a t̄ɛ p̄o k̄ɛ kú a t̄ɛno k̄aat̄ɛ. 13 N̄ f̄ɛɛ n̄ gá gb̄as̄i b̄o n gb̄ɛno. N̄ beñ̄ɛ ās gb̄as̄i b̄o ān z̄indan ai guu ḡo gá d̄o, zaak̄ɛ mam̄oma Dii Isarailino Luda ma bè, t̄ɛ p̄o kú a t̄ɛm̄ɛ. É f̄s à z̄ɛ a ib̄ɛno aɛro s̄eto à p̄o p̄i b̄ò a t̄ɛ. 14 Tó guu d̄ò, à s̄m̄azi bori k̄n borii. Borii k̄ɛ má s̄ɛ é s̄m̄azi dan̄dan̄ɛ, dan̄ɛ k̄ɛ má s̄ɛno é s̄m̄azi ual̄ɛ k̄n ual̄ɛo, ual̄ɛ k̄ɛ má s̄ɛ s̄o, à ḡogb̄ɛno é s̄m̄azi doodo. 15 Gb̄ɛ k̄ɛ wà gá wà t̄ɛ p̄o p̄i èa, w̄ɛɛ adee kpata k̄n p̄o k̄ɛ à v̄ino p̄ingi, zaak̄ɛ à ma bà kuunaao yã gb̄orom̄ɛ, à wí dà Isarailino.

16 Yosua f̄ɛɛ k̄onḡo id̄ɛ'id̄ɛ, à tò Isarailino s̄ò Diizi bori k̄n borii, ben gb̄ɛ Yuda borii s̄ɛ. 17 Ben à tò Yudan̄o s̄òzi dan̄dan̄ɛ, ben gb̄ɛ Zera dan̄no s̄ɛ. À tò Zera dan̄no s̄òzi ual̄ɛ k̄n ual̄ɛo, ben gb̄ɛ Zimiri ua s̄ɛ. 18 Ben à tò à ua ḡogb̄ɛno s̄òzi doodo, ben gb̄ɛ Kaami né Akã, Zimiri dio, Zera swãkp̄ɛɛ, Yuda borii s̄ɛ. 19 Ben Yosua bè Akãɛ: Né, n̄ yãpuraa o n̄ bèɛ lí Dii Isarailino Ludan̄ɛ. N̄ yã k̄ɛ ān k̄ɛ om̄ɛ. N̄ton à ke ut̄ɛm̄ɛro. 20 Ben Akã w̄ɛla à bè: Yãpuram̄ɛ, ma durun k̄ɛ Dii Isarailino Ludan̄ɛ. Yã k̄ɛ má k̄ɛn ȳɛ. 21 Ma Babilonia gumusu maa ān ān p̄ono t̄ɛ k̄n kondogio kiloo plaa k̄n vura kiloo kusuo, ben à nii ḡɛmagu má s̄ɛ. À ut̄ɛna w̄ɛn ma kp̄ɛn, kondogi kú ḡiz̄i. 22 Ben Yosua gb̄ɛno z̄i gwe. Ās k̄ɛ kpaa ās ḡaa wà ḡɛ à kp̄ɛn, ben ās è ut̄ɛna gwe, kondogi kú ḡiz̄i. 23 Ben ās s̄ɛɛ wà m̄o Yosuan̄ɛ k̄n Isarailino ān p̄ingi, ās k̄ɛ Dii aɛ. 24 Ben Yosua k̄n Isarailino Zera swãkp̄ɛɛ Akã s̄ɛ k̄n kondogi p̄io k̄n gumusu p̄io k̄n vura p̄io k̄n à n̄ḡogb̄ɛno k̄n à n̄n̄ogb̄ɛno k̄n à z̄un̄o k̄n à zaakin̄o k̄n à s̄aano k̄n à bisakutaa k̄n à p̄ono p̄ingi, ās ḡaaño Akoo guzuren. 25 Ben Yosua bè: N yã ḡaɛw̄ɛ fá! Dii é yã m̄on̄n̄ɛ gb̄aa s̄o. Ben Isarailino à p̄apa gb̄ɛo ān p̄ingi, ās à d̄ɛ k̄n à gb̄ɛno ān p̄ingi, ben ās ān kp̄ata. 26 Ās gb̄ɛ k̄akaala, gb̄ɛdidik̄ana b̄ita p̄i kú gwe ai k̄n a gb̄aa. Ben Dii p̄of̄ɛ kp̄aɛ. Bee yãnz̄in w̄ɛ be guu p̄in̄ɛ Akoo guzuren.

## 8

### *Ai kaat̄ɛna*

<sup>1</sup> Dii bè Yosuanε: Nton tó vĩa n kũro. Nton bídi kero. N zĩkpeeno sée n gányo n píngi, à léε Aia, zaake ma Ai kína nanne n ɔzĩ kɔn à gbēno kɔn à wéteo kɔn à bũsuo. <sup>2</sup> N ke Ai kɔn a kínaone lán n kè Yeriko kɔn a kínaone nà, mɔde é fɔ à n póno kɔn n pókádeeno sée a pó ũ sa. N naéne n wéte kpeε. <sup>3</sup> Ben Yosua kɔn a zĩkpeeno gàa wà léε Aia n píngi. À gɔsagbāaano sè gɔon boro baaakuri, ben à n gbáε gwāavĩ <sup>4</sup> à bène: À swā kpá! À naéne n wéte kpeε. Àton ke zà wéte pìoro. Àgɔ kú soru guu a píngi. <sup>5</sup> Mapi kɔn gbē kè aɔ kúmaano wé sɔ wéte pizi. Tó aɔ bò dawale, wégɔ bàa léne lán káaku bà. <sup>6</sup> Aɔé péwa ai aɔé kè n wéte zà, zaake aɔégɔ daa wée bàa léne lán káaku bàme. Tó wée bàa léne le, <sup>7</sup> à fεε a utekiia à wéte pì sí. Dii a Ludaa nàare a ɔzĩme. <sup>8</sup> Tó a wéte pì sí, à té sɔa lán Dii ò nà. À làakari ke, à ke lán má diεare nà.

<sup>9</sup> Ben Yosua n gbáε, aɔ gàa guu kè aɔé e wà n zamba ken. Aɔ nàε Beteli kɔn Aio dagura Ai ɔfántégékpen kpa. Gwāavĩ beea Yosua i bũran gwe kɔn a gbēno. <sup>10</sup> À fεε kongo idε'idε à gbēno kákɔa, ben àpi kɔn Isaraili gbēnsino dónne ae ai aɔ gàa káo Ai. <sup>11</sup> Zĩkpeε kè aɔ kúono sò wéte pizi n píngi. Kè aɔ kào kũ, aɔ bùra kàε à ae gu'igbāroo kpa. Guzure kú n dagura kɔn Aio. <sup>12</sup> Yosua gbēno sè boro soro. À gĩake à n úte Beteli kɔn Aio dagura kò Ai ɔfántégékpen kpa. <sup>13</sup> Isarailino bùra kàε wéte gu'igbāroo kpa, bensɔ gbē kè aɔ naena pino kú wéte ɔfántégékpen kpa. Gwāavĩ beea Yosua i guzurremme.

<sup>14</sup> Kè Ai kína Isarailino è le, àpi kɔn a wéteeno fεε wà kè kpaa wà gàanzi kɔn zĩo guu kè ae dò Araba gbáaa. À dɔ kè gbēno naena a wéte kpeero. <sup>15</sup> Yosua kɔn Isarailino e keε lán wà be Aideeno e n fuu bà, aɔε bàa léne aɔ mì pè gbáaa. <sup>16</sup> Aideeno kò sisi n píngi aɔ bɔε wà pé Yosuanɔa, ben aɔ pèmma ai aɔ gàa wà kè n wéte zàazã. <sup>17</sup> Gɔgbē kee e gɔ wéte guuro, aɔ bɔε wà pè Isarailino n píngi, ben aɔ n wéte bĩle tò wēna, aɔε pεε Isarailino.

<sup>18</sup> Dii bè Yosuanε: N sári kè n kũna do Aia, zaake má nanne n ɔzĩme. Ben Yosua a sári pì dò Aia. <sup>19</sup> Kè à ɔ pòro le, ben gbē kè aɔ naenano fεε wà sì wéte gɔ aɔ sì, ben aɔ kè kpaa wà té sɔa. <sup>20</sup> Kè Aideeno liε wà n kpeε gwà, ben aɔ è tésukpe fεε à dà n wétela, ben aɔε gákii e doro, zaake Isaraili kè aɔ bàa lè wà mì pè gbáano liε wà ae dò n pemmari pino. <sup>21</sup> Kè Yosua kɔn Isarailino è n gbē kè aɔ naenano wéte sì bensɔ tésukpe fεε à dà wétela, ben aɔ èara wà lèε Aidee pino. <sup>22</sup> Isaraili kpaaano bɔε wéte pìn aɔ gàa Aideenozi kɔn zĩo, ben aɔ ligañzi. Aɔ lèmma, ben aɔ gbēkee e e à boro, aɔ gbēkee e e à bàa lèro. <sup>23</sup> Mɔde aɔ Ai kína kù bēε aɔ gàao Yosuanε.

<sup>24</sup> Isarailino Aideeno dède míomi buraano kɔn sèteno guu kè aɔ n lén. Kè aɔ Aideeno dède kɔn fεεdaao le, ben aɔ èara wà gè wéte pìn, aɔ gbē kè aɔ gò gweeno dède do. <sup>25</sup> Gbē kè aɔ gàga zĩ pìano gɔgbēno kɔn nɔgbēno n píngi gɔon boro kuri awεεplaame. Aideeno sɔ lén gwe. <sup>26</sup> Yosua ɔ kè à sári kũnao pì kpé do ai wà gàa wà Aideeno dúgu zɔo. <sup>27</sup> Isarailino wéte pì pókádeeno kɔn à póno nàkɔa wà tào lán Dii ò Yosuanε nà. <sup>28</sup> Len Yosua té sò Aia le, à tò à gò bezĩ ũ, ben à gò da kori ai kɔn a gbāao. <sup>29</sup> Ben à Ai kína lògo lía ai uusie. Kè ɔfántε e gεε kpén, à bè wà à gè baké lía wà zu wéte bĩle gwe. Ben wà gbè kákɔaa paripari, gbèdidikɔana pì kú gwe ai kɔn a gbāao.

### *Dii bà kuuna kɔn Isarailino kekεna Ebalá kpìii musu*

<sup>30</sup> Yosua Dii Isarailino Luda gbāgbākii bò Ebalá kpìii musu <sup>31</sup> lán Dii zòbleri Musa diε Isarailinoε nà. À bò lán Musa kè a doka takada guu nà, à bè wà bo kɔn gbè kè wèε gā péεa wà àroono. Ben wà sa'opo kè wè ká tén à té kù ò Diia gwe kɔn sáabukpana sa'opono. <sup>32</sup> Ben Yosua doka kè Musa kè pì kè gbè pino gwe Isarailino wáa. <sup>33</sup> Isarailino píngi, bèdeeno kɔn bàmano kɔn n gbēnsino kɔn n don'aadeeno kɔn n yákpækεerinɔ zena àkpati saε ɔplazi kɔn ɔzezio. Aɔ ae dò Levi bori sa'ori kè aɔégɔ Dii bà kuunaño àkpati senano. Gbē kpadoono ae dona Gerizimu kpìiia, gbē kpadoono sɔ Ebalá kpìiia, lán Dii zòbleri Musa gĩake à diε wà

sa maaa o Isarailinɔne nà. <sup>34</sup> Beee gbera Yosua dokayā pìno kyó kèñne píngi, aubarika kè Dii è dańgunɔ kɔn kè è bɔńgunɔ lán à kú Musa doka takada guu nà. <sup>35</sup> Yā kè Musa dienɔ té píngi, à kee e gɔ kè Yosua gi à kyó ke pariineziro. Baa nɔgbɛnɔ kɔn né fétenɔ kɔn bɔamɔ kè aɔ kú n ténɔ kú gwe n píngi.

## 9

### *Gibiɔdeenɔ ɔndɔkena Isarailinɔzi*

<sup>1</sup> Borii kè aɔ kú Yoda ɔfántɛgɛkpen kpaanɔ, sɔsɔideenɔ kɔn gusararadeenɔ kɔn ísialɛadeenɔ ai à gàa pé Lebanɔ búsua, Itinɔ kɔn Amɔrinɔ kɔn Kanaanɔ kɔn Perizinɔ kɔn Ivinɔ kɔn Yebusinɔ, kè aɔ kɔnanɔ Ai yā pì baaru mà, <sup>2</sup> ben aɔ kɔ kàkɔa n píngi le wà gá wà zì ká kɔn Yosua kɔn à gbɛ Isarailinɔ.

<sup>3</sup> Kè Gibiɔdeenɔ yā kè Yosua kè Yerikonɛ kɔn Aio baaru mà, <sup>4</sup> aɔ ɔndɔ dāeńzi. Aɔ kūsāe kàka sàki zikūnanɔ guu aɔ didi zaakinɔne kɔn geepiwē tūu zi parana nabinabinanɔ. <sup>5</sup> Aɔ kyate nambata nanananɔ kpákpana, aɔ pɔsia utanɔ dadana. Aɔ buredi kūsāe gagana bensɔ à pù kpà.

<sup>6</sup> Aɔ fɛe wà gaa wà Yosua lè kɔn a gbɛnɔ Giligala búrān, ben aɔ bèñne: Bùsu kè wa bɔn zā. Wá yezi à ledole kewao. <sup>7</sup> Ben Isarailinɔ bè Ivi pìnɔne: Tó a bee kú kè kīime, wé ledole keaoro yooo! <sup>8</sup> Ben aɔ bè Yosuanɛ: N zɔblerinɔn wa ũ. Ben Yosua n lā à bè: Dénɔn a ũu? A bɔ máme? <sup>9</sup> Aɔ wèàla wà bè: Wamɔwa n zɔblerinɔ, wa bɔ bùsu zāazāmmɛ Dii n Luda tó kè dàgula yāzi. Wa à baaru mà kɔn yā kè à kè Igipitinɔ píngi <sup>10</sup> kɔn yā kè à kè Amɔrinɔ kína gɔɔn plaaa kè aɔ kú Yoda baa kaa kpaanɔne, Esebɔ kɔn Basā kɔn Ogu kè kú Asataroo. <sup>11</sup> Wa gbɛnsinɔ kɔn wa búsudeenɔ bè wà kūsāe sé wà mó wà a le, wà beare a zɔblerinɔn wa ũ. Beee yāzi à ledole kewao. <sup>12</sup> Wa kūsāen yè. Wa bɔo be buredi wāaa ũme gurɔ kè wa da zén wée mɔ a kiia. À gwa dian à kori kù nà à pù kpà. <sup>13</sup> Wa geepiwē tūunɔn yè. Wa geepiwēe kàn tūu dufu ũme. À gwa dian aɔ pàrapara nà. À wa utanɔ kɔn wa kyateenɔ gwa. Aɔ yàkayaka tá gbāa kè wá ò yāzi. <sup>14</sup> Ben Isarailinɔ n kūsāe blènyo Dii lé sae. <sup>15</sup> Yosua ledole kènyo à bè é n dèdero, ben Isaraili dɔn'aedeenɔ la dà à yā musu.

<sup>16</sup> Aɔ ledolekenanyo gbera à gurɔ aagɔdee zī, ben aɔ mà kè aɔ bee zānyoro, aɔ kú kɔ saeme. <sup>17</sup> Ben Isarailinɔ dà zén, à gurɔ aagɔdee zī aɔ kà n wéténɔ kiia, Gibiɔ kɔn Kefirao kɔn Beroo kɔn Kiriayarimuo. <sup>18</sup> Aɔe léemmaro, zaake aɔ dɔn'aedeenɔ sìnne kɔn Dii n Luda tóme. Gbɛ píngi e wisɔ n dɔn'aedeenɔzi, <sup>19</sup> ben dɔn'aedee pìnɔ bèñne: Wámbe wá sìnne kɔn Dii wa Luda tó. Èe kɔ sío kè wà ɔ namma dɔro. <sup>20</sup> Yā kè wé keńnen yè. Wé n tó gwe ladana kè wá kèñne yāzi, le Dii pɔfɛ tón pita wa musuro. <sup>21</sup> Ben aɔ èara wà bè: Wà n tó, aɔégɔ de wa yàkawerinɔ ũ kɔn wa ítɔtrinɔ. Ben Isarailinɔ zè kɔn n dɔn'aedeenɔ yā pìo.

<sup>22</sup> Ben Yosua Gibiɔdeenɔ sisi à bèñne: Bóyāzin a ege tòwe lezi? Ase wá kaena kɔ gbálame, ben a bè a kúkii zāwao? <sup>23</sup> A gɔ kana pɔ ũ ma Luda kiia sa. Égɔ de à kpé yàkawerinɔ ũ kɔn à ítɔtrinɔ gurɔ píngi. <sup>24</sup> Ben aɔ bèñne: Wà bè wamɔwa n zɔblerinɔne súusu lán Dii n Ludaa ò a zɔbleri Musane nà. À bè é bùsu pì kpáawa píngi à gbɛ kè aɔ kúnno kaatɛare n píngi. Vīa wa kú maamaa wa wèndi yā musu, bee yāzi wa kè lezi. <sup>25</sup> Wá kú n ɔzime sa. Yā kè kèñne maa bensɔ à zé vīn kewé. <sup>26</sup> Len Yosua kè le à n bó Isarailinɔ ɔzī, aɔe n dèdero. <sup>27</sup> Zī beean à n díe Isarailinɔ yàkawerinɔ kɔn n ítɔtrinɔ ũ, aɔégɔ yàka wée, aɔégɔ í tɔtɔ Dii gbāgbākiine guu kè Dii é dien. Ben aɔ kuu le ai kɔn a gbāao.

## 10

### *ɔfántɛ zena a gbèn*

<sup>1</sup> Yerusalemu kí Adonizɛdeki mà kè Yosua Ai si à kène dúgudugu, à kè Aine kɔn a kínao lán à kè Yeriko kɔn a kínaone nà. À mà dɔ kè Gibiɔdeenɔ kɔ yā mà kɔn Isarailinɔ bensɔ aɔ kú kɔ sae. <sup>2</sup> Ben vīa Yerusalemudeenɔ kù maamaa, zaake Gibiɔ né mæwime lán kína



wéte ke bà. À bíta de Aila bensō à gōgbēno né zìkari gbāaanome. <sup>3</sup> Ben Yerusalemu kí Adonizēdeki lēkpāsā kè Eblonu kí Oamune kōn Yamu kí Piramuo kōn Lakisi kí Yafiao kōn Egeloni kí Debio à bè: <sup>4</sup> À mós à dōmale wà gá léé Gibiōdeenɔa, zaake aō kō yā mà kōn Yosua kōn Isarailino. <sup>5</sup> Ben Amōrino kína gōon sōoro pino, Yerusalemu kína kōn Eblonu kinao kōn Yamu kinao kōn Lakisi kinao kōn Egeloni kinao kōn n zìkpēno kō kākōa. Aō gāa wà bùra kàe Gibiō sae, ben aō gāanzi kōn zìo.

<sup>6</sup> Ben Gibiōdeenɔ gbēno zì Yosuaa Giligala bùran aō bè: Nton pā kpá wamowa n zòblerinoziro. N ke kpaa n mós n wa mì sí. N mós n dōwale, zaake Amōrino kína kè aō kú gusīsideenno kākōawazi n píngi. <sup>7</sup> Ben Yosua kōn a gōsagbāano kōn a zìkpēno bōe Giligala, aōe moō n píngi. <sup>8</sup> Ben Dii bè Yosuanē: Nton vīa kēnnero. Ma n nānne n ozi, aō gbēke é fō à n gā fīro. <sup>9</sup> Bona Giligala Yosua táa ò gwāavī ai guu gāa à dōo à sūrma kāndo zena sai. <sup>10</sup> Ben Dii tò aō kè giri aō lēkōa Isarailino ae, ben Isarailino lēemma aō n dēde maamaa Gibiō gwe, ben aō pērma Betoroni zén do. Aō n dēde ai à gāa pé Azeka kōn Makēdaoa. <sup>11</sup> Kè aōe bàa lēe Isarailinone zé kè bō Betoroni kè à gāa Azeka guu, Dii lougbe gbēntē sì n té. Gbē kè lougbe pì n dēdeno pari de gbē kè Isarailino n dēde kōn fēdaaonola.

<sup>12</sup> Gurō kè Dii Amōri pino nà Isarailinone n ozi, ben Yosua yā ò Diio Isarailino wāa à bè: N tó ofāntē ze a gbèn Gibiōla!

N tó moō ze tēe Ayaloni guzurela!

<sup>13</sup> Ben ofāntē zè a gbèn le, ben moō zè do ai Isarailino gāa wà gēe bō n ibeenoa. Yā pì kú Yasa takadan. Ofāntē gō zena mīdangura, èe gu a gbènlo ai gurō do gbāngbān. <sup>14</sup> Wèe gurō beee taka e zikiro, bensō wèe e à gberaro. Dii gbēntee yā mà, zaake èe zì kaa Isarailinoneme.

<sup>15</sup> Ben Yosua tà Giligala bùran kōn a gbēno n píngi.

### *Yosua Amōri kīnana dēdena*

<sup>16</sup> Kè kí gōon sōoro pino bàa lè, wà gāa wà ùte gbèwēen zaa Makēda, <sup>17</sup> ben wà bè Yosuanē: Wà bō kí gōon sōoro mōnɔa gbèwēen zaa Makēda. <sup>18</sup> Ben Yosua bè: À gbè gbēntēno yīpa à tata gbèwēe pile, à gbēno die gwe wāgō dākpaa. <sup>19</sup> Aton zero. À pēe a ibeenozi à lēemma kpēe kpa. Aton tó aō n wētēno lero, zaake Dii a Luda n náare a ozi.

<sup>20</sup> Yosua kōn a gbēno n dēde ai aō yezi wà yāa, aō gbē kè aō bōno kà n wéte bīideeno guu. <sup>21</sup> Ben Isarailino sù Yosuaa bùran Makēda aafia n píngi. Gbēkee e fō à yāke ò Isarailino yā musu doro. <sup>22</sup> Ben Yosua bè: À gbè go gbèwēe pile à bōeme kōn kí gōon sōoro pino. <sup>23</sup> Ben aō kè le aō bōene kōn kí gōon sōoro pino, Yerusalemu kína kōn Eblonu kinao kōn Yamu kinao kōn Lakisi kinao kōn Egeloni kinao. <sup>24</sup> Kè wà n bōe le, ben à Isaraili zìkpēno sisi n píngi à bè n dōn'aēdee kè aō gāaonone: À sō kīi à gbá zēze kína kēno waaa. Ben aō mò wà gbá zēze n waaa. <sup>25</sup> Yosua bène: Aton tó vīa a kūrō, àton bídi kero. À ze gbāa agō wōrōngō vī, zaake len Dii é ke le kōn a ibeē kè é zì kányono n píngi. <sup>26</sup> Beee gbera Yosua n dēde à n lógo lía, baade kōn a lío, ben aō gō logologona gwe ai uusie. <sup>27</sup> Kè ofāntē e gēe kpén, à bè wà n gēno bakē lí pino wà n zu gbèwēe kè aō ùten pìn. Ben wà kè le, wà gbè gbēntēno tàta wèe pile, à kú gwe ai kōn a gbāao. <sup>28</sup> Zī beeean Yosua Makēda sì. À à kína kōn à gbēno dēde n píngi kōn fēdaao à n káate. Baa gbē mēn doo e boro. Ben à kè Makēda kīnane lán à kè Yeriko kīnane nà.

### *Yosua zìblena Amōrino būsua*

<sup>29</sup> Yosua kōn Isarailino bōe Makēda n píngi, ben aō gāa Libina aō lēea. <sup>30</sup> Dii wéte pì kōn a kinao nānne n ozi, ben aō n dēde kōn fēdaao n píngi, aō gbēkee e boro. Ben aō kè à kīnane lán aō kè Yeriko kīnane nà. <sup>31</sup> Ben Yosua kōn a gbēno bōe Libina aō gāa Lakisi. Aō ligazi aō lēea. <sup>32</sup> Dii Lakisi nānne n ozi, à gurō plaadee zīn aō sì. Aō gbē kè aō kúnno dēde kōn fēdaao n píngi lán aō kè Libinane nà. <sup>33</sup> Kè Geza kí Oramu mò à do Lakisideenole, ben

Yosua zì blèa kōn à zìkpreenɔ, aɔ gbēkee e boro. <sup>34</sup> Aɔ bò Lakisi, ben aɔ gàa wà lîga Egelbnizi aɔ lèea. <sup>35</sup> Aɔ wéte pì sî zî beeea gɔɔ, ben aɔ gbē kè aɔ kúnno dède kōn fēdaao aɔ n̄ káate lán aɔ kè Lakisine nà. <sup>36</sup> Kè aɔ b̄e Egelbni, ben aɔ gàa Eblonu aɔ lèea. <sup>37</sup> Aɔ wéte pì sî aɔ à gbēno kōn à kínao dède kōn fēdaao kōn à lakutudeenɔ. Aɔ gbē kè aɔ kúnno káate, aɔ gbēkee e boro, lán aɔ kè Egelbnine nà. <sup>38</sup> Ben aɔ gàa Debi aɔ lèea. <sup>39</sup> Aɔ wéte pì sî kōn à kínao kōn à lakutuno píngi. Ben aɔ n̄ dède kōn fēdaao aɔ gbē kè aɔ kúnno káate lán aɔ kè Eblonune nà, aɔ gbēkee e boro. Aɔ kè Debine kōn à kínao lán aɔ kè Libinane kōn à kínao nà.

<sup>40</sup> Yosua bùsu pì deenɔ kōn à kínano dède n̄ píngi, gusísídeenɔ kōn Negevideenɔ kōn gusararadeenɔ kōn s̄is̄igedeenɔ n̄ píngi. Èe gbēke tó b̄ero, à gbē kè aɔ kú gweenɔ káate lán Dii Isarailino Ludaa òne nà. <sup>41</sup> À n̄ dède sena zaa Kadesi Ban̄ea ai à gàa pé Gazaa, zaa Gos̄e bùsun píngi ai à gàa pé Gibiṣa. <sup>42</sup> Yosua zì blè kína p̄noa kōn n̄ bùsunɔ gèn do gɔɔ, kè Dii Isarailino Ludaa e zì kaañne yānzi. <sup>43</sup> Ben à èara kōn a gbēno b̄uran zaa Giligala.

## 11

### *Yosua zì ble à mìdena Kanaa bùsua*

<sup>1</sup> Kè Azo kí Yabī à baaru mà, à gbēno zì Madō kí Yobabua kōn Simirɔnu kínao kōn Akasafa kínao <sup>2</sup> kōn kína kè aɔ kú gu'igbāroo kpaano n̄ píngi, kína kè aɔ kú gukpiideenɔ kōn s̄etepɔtu kè kú Galili s̄oomete kpaao kōn gusararaao kōn Doro gusísídee kè kú ofāntēḡkpen kpaao. <sup>3</sup> Ben à èara à gbēno zì do Kanaa kè aɔ kú ofāntēb̄e kpaanoa kōn ofāntēḡkpen kpaano n̄ píngi, Amorino kōn Itino kōn Perizino kōn Yebusi kè aɔ kú gukpiideenɔ kōn Ivi kè aɔ kú Mizipa bùsun Em̄oni gbè saenɔ. <sup>4</sup> Aɔ b̄e kōn n̄ zìkpreenɔ n̄ píngi paripari lán ísiale bùsu'aatē bà. Aɔ s̄ono kōn n̄ s̄ogoronɔ pari. <sup>5</sup> Ben kína p̄no k̄ kākōa aɔ mò wà b̄ura kàe ledò Meromu ín̄o sae, le wà zì ká kōn Isarailino.

<sup>6</sup> Ben Dii bè Yosuan̄e: N̄ton v̄ia keñnero. Zia m̄ndaa'i mé n̄ na Isarailinoe n̄ ɔz̄i aɔ n̄ dède. N̄ n̄ s̄ono gbátikyanɔ z̄z̄ n̄ n̄ s̄ogoronɔ kpata. <sup>7</sup> Ben Yosua kōn a zìkpreenɔ gaañzi z̄lo kándo n̄ píngi aɔ dànl̄a Meromu ín̄o sae gwe. <sup>8</sup> Dii n̄ náñne n̄ ɔz̄i, ben aɔ n̄ dède aɔ pè n̄ gbēkenɔa ai Sid̄o m̄ewin kōn Misirefo Maimuo kōn Mizipa guzure kè kú ofāntēb̄e kpaao. Aɔ n̄ dède, aɔ gbēkee e boro. <sup>9</sup> Yosua kèñne lán Dii òne nà, à n̄ s̄ono gbátikyanɔ z̄z̄ à n̄ s̄ogoronɔ kpata.

<sup>10</sup> Z̄i p̄ia Yosua liara à gàa à Azo s̄i, ben à à kína dè kōn fēdaao. Azo p̄in kína p̄ino wéte m̄idee ū guro beeea. <sup>11</sup> Isarailino gbē kè aɔ kúnno dède kōn fēdaao aɔ n̄ káate, aɔ gbēkee e goro, ben aɔ té s̄a. <sup>12</sup> Yosua wéte p̄ino s̄i píngi kōn n̄ kínano, à n̄ dède kōn fēdaao à n̄ káate lán Dii z̄òbleri Musa ò nà. <sup>13</sup> M̄ode Isarailino e té s̄o wéte kè wà èara wà kàe n̄ bez̄i gbènn̄aro, séde Azo kè Yosua té s̄a p̄i baasiro. <sup>14</sup> Isarailino wéte p̄ino p̄ono nàkōa n̄ p̄o ū kōn n̄ p̄okádeenɔ aɔ t̄ao. Aɔ n̄ gbēno dède kōn fēdaao n̄ píngi ai aɔ n̄ káate, aɔe gbēke tó b̄ero. <sup>15</sup> Yá kè Dii ò a z̄òbleri Musan̄e, Musa yā p̄i ò Yosuan̄e, ben Yosua kè le píngi, èe yā kè Dii ò Musan̄e ke t̄oro.

<sup>16</sup> Len Yosua bùsu pì s̄i le píngi, à gukpiide kōn Negevio píngi kōn Gos̄e bùsuo píngi kōn gusararaao kōn s̄etepɔtuo píngi. À Isaraili gukpiide kōn gusararaao s̄i <sup>17</sup> sena zaa Alaki gbè kè kú Sei bùsun ai à gàa pé Baali Gada kè kú Lebanɔ bùsu guzuren̄ Em̄oni gbè sae. À n̄ kínano kùkū n̄ píngi à n̄ dède. <sup>18</sup> À z̄ikana ḡi kè kōn kína p̄ino n̄ píngi. <sup>19</sup> Ivi kè aɔ kú Gibiṣno baasiro wéte kee e k̄ yā mà kōn Isarailino, aɔ n̄ blé z̄lo píngi. <sup>20</sup> Dii bé à tò aɔ swā gbāgbā, ben aɔ z̄i kà kōn Isarailino, le Isarailino e wà n̄ kaate n̄ wēndagwana sai, à yāñyo m̄ammam lán à ò Musan̄e nà.

<sup>21</sup> Gurɔ p̄ian Yosua gàa à Anakinɔ dède gukpiideen kōn Eblnuo kōn Debio kōn Anabuo. À n̄ káate à n̄ wétenɔ kè dúgudugu Yuda gukpiideen kōn Isaraili gukpiidee píngi. <sup>22</sup> Anaki bori kee e ḡo Isarailino bùsun doro, séde Gaza kōn Gatao kōn Asad̄odio. <sup>23</sup> Yosua bùsu pì

sì píngi lán Dii ò Musanɛ nàme, ben à kpà Isarailinɔ à kpàateteíne danɛdane túbi ũ. Ben b̀usu p̀i g̀ò kaena aafia z̀i sai.

## 23

### *Yosua lézana Isarailinɔ*

<sup>1</sup> À gurɔplaa k̀è k̀è Dii tò Isarailinɔ kámma bò ǹ í ibɛɛ k̀è aɔ lígańzinɔ yá musu, bensɔ Yosua zi k̀ù kótokoto. <sup>2</sup> Ben à Isarailinɔ sìsi, aɔ gb̀ensinɔ k̀ɔn ǹ m̀ideenɔ k̀ɔn ǹ yákpækɛrinɔ k̀ɔn ǹ dɔn'aɛdeenɔ ǹ píngi, à bè́ne: Ma zi k̀ù kótokoto. <sup>3</sup> A wéɛ è yá k̀è Dii a Ludaa k̀è bori beeenɔne a yáanzi. Dii a Luda bé à z̀i kàare. <sup>4</sup> Ma borii k̀è aɔ g̀ò Yoda dagura k̀ɔn ɔfántɛg̀kpen kpa ísia bítaonɔ b̀usu kpàate a boriinɔne túbi ũ k̀ɔn borii k̀è ma ǹ káatenɔ p̀ó. <sup>5</sup> Dii a Luda é ɔ s̀ńziare eé péńmaare, é ǹ b̀usunɔ síńma le àg̀ò v̀i lán à à lé gb̀èare nà. <sup>6</sup> À zɛ gb̀aa maamaa. À làakari ke àg̀ò z̀i ke yá k̀è kú Musa doka takada guua. Àton pãne ɔplazi ke ɔzeziro. <sup>7</sup> A bà tóngò kú k̀ɔn borii k̀è aɔ g̀ò a té p̀inɔoro. Àton ǹ tãanɔ tó sísiro, àton la dańyoro. Àton dɔńzi à kúéńnero. <sup>8</sup> Àg̀ò naa Dii a Ludazi ado lán ée keɛ nà ai k̀ɔn a gb̀aa. <sup>9</sup> Dii ɔ s̀àare bori bíta gb̀aadeenɔzi, gb̀èkee e f̀ò à a g̀à f̀iɔ ai k̀ɔn a gb̀aa. <sup>10</sup> A gb̀è m̀en doo è g̀ɔn wàa s̀ɔroonɔ fu, k̀è Dii a Ludaa e z̀i kaaare lán à à lé gb̀èare nà yáanzi. <sup>11</sup> À làakari ke maamaa àg̀ò ye Dii a Ludazi.

<sup>12</sup> Tó a kpɛɛ l̀ine, ben a na borii k̀è aɔ g̀ò a té p̀inɔa, tó a ǹ nɔgb̀enɔ s̀è bensɔ a kakɔańyo, <sup>13</sup> àg̀ò d̀s̀ansán k̀è Dii a Luda é péare borii p̀inɔa dɔro. Aɔé g̀òare takutɛɛ ke mò ũ ke fl̀anɔ ũ a kpɛɛgura kesɔ k̀òkɔnɔ ũ a wéɛn ai a gaa kaateo b̀usu maaa k̀è Dii a Ludaa kpàawa k̀èkii guu. <sup>14</sup> À gwa! Ma ka gana anduna píngi gákiia sa. Á d̀s̀ a ǹsen k̀ɔn a laasuuo píngi k̀è sa maaa k̀è Dii a Ludaa òareenɔ guu, baa m̀en doo e ke pãro. À pãpa píngi, aɔ kee e lée pãro. <sup>15-16</sup> Lán sa maaa k̀è Dii a Ludaa òaree pãpa a musu nà píngi, tó a Dii a Luda bà kuunaa yá k̀è à dìearee gb̀oro, a gaa a d̀ tãanɔzi a kuéńne, Dii é tó sa zaa k̀è à ò p̀inɔ píngi a le ai à gá à a kaateo b̀usu maaa k̀è à kpàawaa k̀èkii. Dii é p̀ɔf̀e pitaawa, é kaate g̀ɔ b̀usu maaa k̀è à kpàawaa k̀èkii p̀in.

## 24

### *Yosua gb̀enɔ gbana làakari zaa Sekemu*

<sup>1</sup> Yosua Isaraili boriinɔ kàkɔa Sekemu. À Isaraili gb̀ensinɔ k̀ɔn ǹ m̀ideenɔ k̀ɔn ǹ yákpækɛrinɔ k̀ɔn ǹ dɔn'aɛdeenɔ sìsi, ben aɔ mò wà z̀è Luda aɛ. <sup>2</sup> Ben Yosua bè́ne: Yá k̀è Dii Isarailinɔ Ludaa òn yè: A dezinɔ kú Yuflati baa kãa kpame yá, aɔ d̀ tãanɔzi. Ibraĩ k̀ɔn Naonɔ de Tera kú ǹ té. <sup>3</sup> Ben ma a dezi káaku Ibraĩ s̀è zaa Yuflati baa kãa kpa, ma g̀ɛteo Kanaa b̀usun píngi, ben má tò à borii k̀ò. Ma à gbà Isaaku, <sup>4</sup> ben ma Isaaku gbà Yakubu k̀ɔn Isauo. Ma Isau gbà Sei gusĩsĩdee. Yakubu k̀ɔn a ǹenɔ s̀ò aɔ tã Igipiti.

<sup>5</sup> Ma Musa k̀ɔn Arunao z̀i, ben ma wéɛ tã Igipitinɔa k̀ɔn yá k̀è má k̀è ǹ ténɔ, ben ma a bɔen. <sup>6</sup> K̀è ma a dezinɔ b̀òe Igipiti, k̀è a ka ísiaazi, ben Igipitinɔ p̀èeazi k̀ɔn s̀ogoronɔ k̀ɔn s̀odeenɔ ai Isia Tãaazi. <sup>7</sup> K̀è a wii p̀emazi, ben ma gusiaa dà a dagura k̀ɔn Igipiti p̀inɔ, ben má tò ísiaa dàńla míomio. A wéɛ yá k̀è má k̀è Igipitinɔne è. Beee gb̀era a gurɔplaa k̀è gb̀aan.

<sup>8</sup> Ma m̀ao Am̀ori k̀è aɔ kú Yoda ɔfántɛb̀ɔe kpaanɔ b̀usun. K̀è aɔ f̀èeazi z̀i, ben ma ǹ náare a ɔz̀i. Ma ǹ káate, ben aɔ b̀usu g̀ò a p̀ó ũ. <sup>9</sup> K̀è Zipo né Balaki, M̀abunɔ kína f̀èeazi z̀i, à Bɛɔ né Balamu sìsi à a ká. <sup>10</sup> Ben ma gi Balamu yá mazi má tò à sa maaa òare, ma a b̀o Balaki ɔz̀i. <sup>11</sup> Beee gb̀era a bikũ Yodaa a ka Yɛriko. Ben Yɛrikodeenɔ z̀i kàao. Am̀orinɔ k̀ɔn Pɛrizinɔ k̀ɔn Kanaanɔ k̀ɔn Itinɔ k̀ɔn Gigasinɔ k̀ɔn Ivinɔ k̀ɔn Yebusinɔ z̀i kàao d̀, ben ma ǹ náare a ɔz̀i. <sup>12</sup> Ma z̀mántɛnɔ gb̀are a aɛ, aɔ p̀èare Am̀orinɔ kína g̀ɔn plaaanɔa. Èe ke a

fēedaa ke a kà bé à pèím̄maro. <sup>13</sup> Ma tɔɔte kè ámbé a à zīi kèroo kpàawa kɔ̄n wéte kè ámbé á kàeroonɔ, ben á kú wéte pìnɔ guu. Ée geepi lí kɔ̄n kù lí kè ámbé á bàroonɔ beε blee.

<sup>14</sup> Ben Yosua bè: Àgɔ̄ Dii vīa vī àgɔ̄ dɔɔzi yāpura kɔ̄n nòseɔ do. À tāa kè a dezinɔ dɔ̄nzi Yuflati baa kāa kpa kɔ̄n Igitipionɔ bɔ a té à dɔ Diizi. <sup>15</sup> Tó zòblena Diine kèare zaa, ēndē à ze kɔ̄n tāa kè á yezi à dɔzio gbāa, tāa kè a dezinɔ dɔ̄nzi Yuflati baa kāa kpaanɔn yoo, kesɔ̄ Amɔri kè á kú n̄ būsunnɔ pɔ. Mɔde mamɔma kɔ̄n ma bedeenɔ, Diin wégɔ̄ dɔɔzi. <sup>16</sup> Ben gbēnɔ wèala wà bè: Gyam! Wé fɔ̄ wà pā kpá Diizi wà dɔ tāanɔziro. <sup>17</sup> Dii wa Luda bé à wa bɔ zòbleen Igitipi būsunnɔ kɔ̄n wa denɔ. Àmbé à dabuyā bíta pìnɔ kè wa wāa, à wa dākpa wa tāa'ona guu pín̄gi à wa bɔ borii kè wa gēte n̄ guunɔ ɔzī n̄ pín̄gi. <sup>18</sup> Dii bé à pèwe Amɔrinɔa kɔ̄n borii kè aɔ̄ kú būsunnɔ kèkiinnɔ. Beee yānzi wégɔ̄ dɔ Diizi se, zaake àmbé wa Luda ũ.

<sup>19</sup> Ben Yosua bè gbēnɔne: É fɔ̄ à dɔ Diiziro. Zaake à kú adona, Luda nòsegɔ̄aanɔdeeme. Eé a taarinɔ kɔ̄n a durunnɔ kēarero. <sup>20</sup> Baa kè à yā maa kèare yā, tó a pā kpàzi a dɔ bori zītɔnɔ tāanɔzi, eé εara à kisia zīawa à a kaate. <sup>21</sup> Ben gbēnɔ bè Yosuanε: Lenlo! Diin wégɔ̄ dɔɔzi. <sup>22</sup> Ben Yosua bènnε: Àmbé a zīnda sèedadeenɔ ũ, kè a zeo àgɔ̄ dɔ Diizi. Ben aɔ̄ bè: Ee! À sèedadeenɔn wa ũ. <sup>23</sup> Ben Yosua bè: Tó lemε, à bori zītɔnɔ tāa kè aɔ̄ kúaaonɔ bɔ a té à a swē kpá Dii Isarailinɔ Ludaa. <sup>24</sup> Ben gbēnɔ bènnε: Dii wa Ludan wégɔ̄ dɔɔzi wàgɔ̄ à yā maa.

<sup>25</sup> Zī beean Yosua εara à Dii bà kuunañyo yā kèke gbēnɔne. Zaa Sekemu gwe à dokayānɔ kɔ̄n yādienanɔ zé kpàénnε, <sup>26</sup> ben à yā pìnɔ kè Luda doka takadan. Ben à gbè gbèntē sè à pèε gbí lí gbáru Dii gbāgbākiiia gwe. <sup>27</sup> Ben à bè gbēnɔne: À gwa! Gbè kèkii bé eégɔ̄ dewe sèedadee ũ. Gbè pì yā kè Dii òwee mà pín̄gi. Eégɔ̄ deare sèedadee ũ le àton mɔnafiki ke a Ludanero. <sup>28</sup> Yosua gbēnɔ gbàre, ben baade tà a būsunnɔ kè wà kpàa túbi ũu guu.

<sup>29</sup> Yā beeenɔ gbera Dii zòbleri Yosua, Nuni né gà. À kè wē basɔɔro akuri. <sup>30</sup> Wà à v̄i guu kè de à túbi ũu guu Timina Sera, Eflaimunɔ gukpiideen Gaasi kp̄iii gu'igbāroo kpa. <sup>31</sup> Isarailinɔ dɔ Diizi Yosua gurɔ pín̄gi kɔ̄n gbēnsi kè aɔ̄ kuu à gberaanɔ gurɔɔ do. Gbēnsi pìnɔ wéε s̄i yā kè Dii kè Isarailinɔnele pín̄gi.

<sup>32</sup> Yusufu wánɔ kè Isarailinɔ bɔo Igitipi sɔ, aɔ̄ v̄i Sekemu tɔɔte guu, kè Yakubu lù Sekemu de Amɔ nénɔa kondogi basɔɔro. Tɔɔte pì kú Yusufunɔ túbi guume. <sup>33</sup> Kè Aruna né Eleaza gà, ben wà à v̄i zaa Gibea, wéte kè wà kpà à né Finεasia túbi ũ Eflaimunɔ gukpiideen.

## YĂGŎGŎRINŎ

Isarailinŏ pākpana Diizi 1:1-3:6

Yăgŏgŏri káakunŏ 3:7-3:31

Deborá 4:1-24

Gidion 6:1-8:35

Samusĩ 13:1-16:31

*Isarailinŏ zĩkana kŏn Kanaa borii kè aŏ gŏnŏ*

<sup>1</sup> Yŏsua gaa gbera Isarailinŏ Dii gbèka wà bè: Dénŏ bé weé gá zĩ káwe kŏn Kanaanŏ káakuu? <sup>2</sup> Ben Dii bè: Yudanŏ bé weé gá. À ma! Ma bùsu pì nàńne nĩ ɔzĩme. <sup>3</sup> Ben Yudanŏ bè nĩ danɛ Simɛɔnɔne: À mŏ à gá zɛwe guu kè Ludaa kpàwa túbi ũu guu, wà zĩ ká kŏn Kanaanŏ wé gbasa wà gá zɛare guu kè à kpàawaan. Ben Simɛɔnŏ gàányo. <sup>4</sup> Kè Yudanŏ gàa lɛ, Dii Kanaanŏ kŏn Pɛrizinŏ nàńne nĩ ɔzĩ, ben aŏ nĩ déde zaa Bezeki bŏrŏ kuri. <sup>5</sup> Gwen aŏ Adonibɛzeki lèn aŏ zĩ kàò, ben aŏ Kanaanŏ kŏn Pɛrizi pìnŏ dède. <sup>6</sup> Kè kína pì e bàa lɛɛ, ben aŏ pèa. Aŏ à kũ, ben aŏ à ɔnemidaanŏ kŏn à gbánemidaanŏ zŏzŏ. <sup>7</sup> Ben Adonibɛzeki bè: Ma kí gŏn baaagŏ akurinŏ ɔnemidaanŏ kŏn nĩ gbánemidaanŏ zŏzŏ, ben aŏ pŏblee kè lèe ma teebu gĩzĩ kŏwè. Lán má kè gbè pìnŏne nà, à fĩan Ludaa bŏmɛ. Ben aŏ gàao Yerusalemu, gwen à gàn.

<sup>8</sup> Kè Yudanŏ lèe Yerusalemua, aŏw sị, ben aŏ à gbèno dède kŏn fɛɛdaao aŏ té sŏa. <sup>9</sup> Beee gbera Yudanŏ gàa wà zĩ ká kŏn Kanaa kè aŏw kú gusĩsideennŏ kŏn Nɛgevio kŏn gusararaao. <sup>10</sup> Aŏw gàa wà lèe Kanaa kè wà kú Eblŏnunŏa. Eblŏnu tŏn Kiriataba yá. Gwen aŏ zĩ blèn Sesai kŏn Aimaŏ kŏn Talamaioa.

<sup>11</sup> Bŏna gwe aŏw gàa lèe Dɛbideenŏa. Dɛbi tŏn Kiriasɛfa yá. <sup>12</sup> Ben Kalebu bè: Gbè kè lèe Kiriasɛfa pìà à sìn, mé ma nénŏgbè Akasa kpáa nŏw ũ. <sup>13</sup> Kalebu dāaro Kenazi né Ɖtŏniɛli bé à sị, ben Kalebu a nénŏgbè pì kpáa. <sup>14</sup> Kè à à sè, ben à nàkŏrɛa à gá tŏtɛ wéɛ kɛ a dea. Kè nŏgbè pì pìta a zaakia, ben Kalebu à là à bè: Bŏn nĩ yezi? <sup>15</sup> Ben à wèàla à bè: Nĩ gbaa kɛmɛ. Zaake guu kè n ma gbaa kú Nɛgevi gbáan, nĩ ma gba à íbŏkidee dŏ. Ben Kalebu à gbà guu kè à íbŏkii kún sịsị musu kŏn kè à íbŏkii kú guzurɛ guuo.

<sup>16</sup> Musa anzure borii kè wè be Keninŏ bŏ wéte daminalideen kŏn Yudanŏ, aŏw gàa wà vèéńyo nĩ bùsun Aradi sae Nɛgevi gbáan. <sup>17</sup> Ben Yudanŏ kŏn nĩ danɛ Simɛɔnŏ gàa wà lèe Kanaa kè aŏw kú Zɛfanŏa. Aŏw wéte pì kàate mámmam, ben aŏw tŏ kpàne Ɖŏma. <sup>18</sup> Yudanŏ Gaza kŏn Asakɛlŏnio kŏn Ekɛrŏnuo kŏn nĩ guunŏ sị. <sup>19</sup> Dii kúńyo, ben aŏw nĩ gukpidee sị, mŏde aŏwɛ fŏ wà pè gusararadeenŏaro, kè gbè pìnŏ sŏgoro mŏpŏnŏ vĩ yánzi. <sup>20</sup> Wà Eblŏnu kpà Kalebua, lán Musa à lè gbè nà, ben à pè Anaki bori gŏn aagŏnŏa gwe. <sup>21</sup> Bɛyáminŏ sŏw e pé Yebusi kè aŏw kú Yerusalemunŏaro, ben Yebusinŏw kúńyo Yerusalemu ai kŏn a gbáao.

<sup>22</sup> Yusufunŏ sŏw lèe Betelia bensŏ Dii kúńyo. <sup>23</sup> Beteli tŏn Luzu yá. Kè aŏw gbèno zĩ Beteli asii gwa, <sup>24</sup> gu'asiigwari pìnŏ gŏgbè ke è èe bŏw wéte pìn, ben aŏw bène: Nĩ owe dian wé kɛ nà wà gè wéte guu wé gbèkɛɛ kenne. <sup>25</sup> Kè à zé ɔdŏańne, ben aŏw wéte pì deenŏ dède kŏn fɛɛdaao, ben aŏw gŏgbè pì tŏ kŏn à danenŏ nĩ pínɡi. <sup>26</sup> Gŏgbè pì gàa Itinŏ bùsun à wéte kàe gwe, ben à tŏ kpàne Luzu. Tŏw beee bé à gŏne ai kŏn a gbáao.

<sup>27</sup> Manasenŏw e pé Kanaa kè aŏw kú Betesá kŏn Tanakio kŏn Dŏruo kŏn Ibleamuo kŏn Mɛgidoo kŏn nĩ lakutunŏaro, zaake aŏw gí wà kpé vèe bùsu pìmmɛ. <sup>28</sup> Kè Isarailinŏ gbáaa è, ben aŏw Kanaanŏ dà zŏzĩin, aŏwɛ péńma nĩ pínɡiro. <sup>29</sup> Lemɛ se Eflaimunŏw e pé Kanaa kè aŏw kú Gɛzanŏaro, ben aŏw kú gwe ledŏ. <sup>30</sup> Lemɛ dŏ Zɛbuluninŏw e pé Kanaa kè aŏw kú Kitironu kŏn Naloluonŏaro, ben aŏw nĩ dá zŏzĩin. <sup>31</sup> Lemɛ dŏ Asanŏw e pé gbè kè aŏw kú Ako kŏn Sidŏo kŏn Alabuo kŏn Akazibuo kŏn Elɛbao kŏn Afɛkio kŏn Reobuoaro, <sup>32</sup> ben aŏw vèe ledŏ kŏn Kanaa

bùsudee pìnɔ. <sup>33</sup> Lɛmɛ dɔ Nafatalinɔ e pé Bɛsɛmɛsideenɔ kɔn Bɛtanadeenɔaro, ben aɔ vɛɛ lɛdo kɔn Kanaa bùsudee pìnɔ aɔ n̄ dá zòzĩin. <sup>34</sup> Amɔrinɔ Daninɔ yĩpa aɔ n̄ kpá gukpiideen, aɔɔe weñne aɔ mɔ vɛɛ gusararaanlo. <sup>35</sup> Amɔri pìnɔ gĩ wà kpé vɛɛ Ɛresi kpĩĩia kɔn Ayalɔnio kɔn Salabimuo. Kè Yusufunɔ gbãaa kàara, ben aɔ n̄ dá zòzĩin. <sup>36</sup> Amɔrinɔ bùsu lézekii nàa zaa Swí Gbèkotozen ai à gàa pé Selaai ai à gàao aɛ kpa.

## 2

### *Dii Malaika bɔ à mɔna Isarailinɔzi zaa Bokimu*

<sup>1</sup> Dii Malaika bɔ Giligala à gàa Bokimu à bè: Ma a bɔɛ Igititi, ma gɛao bùsu kè ma la dà a dezinɔne kèkii guu. Ma bè mé ma bà kuunao yã gboro zikiro. <sup>2</sup> Má òare a yã tón kakɔa kɔn bùsu kè deenɔoro. Má òare à n̄ sa'okiinɔ gboro, ben ée ma yã maro. À kè dia á kè lɛɛ? <sup>3</sup> Tò! Mée ooare, mé pémmaare dɔro. Aɔégɔ deare lè ũ a gbàntɛa bensɔ aɔ tãanɔ égɔ deare takutɛe ũ. <sup>4</sup> Kè Dii Malaika yã pì ò Isarailinɔne, aɔ ɔɔ dɔ gbãngbã. <sup>5</sup> Ben aɔ tó kpá guu pĩne Bokimu, ben aɔ saa ò Diia gwe.

### *Isarailinɔ kpɛlina Ludane*

<sup>6</sup> Yɔsua gbɛnɔ gbarɛna gbera baade gàa à guu kè wà kpàa túbi ũu kù. <sup>7</sup> Aɔ dɔ Diizi Yɔsua gurɔɔa pĩngi kɔn gbɛnsi kè aɔɔ kuu à gberaanɔ gurɔɔo dɔ. Gbɛnsi pìnɔ wée si yã bíta kè Dii kè Isarailinɔnele pĩngi. <sup>8</sup> Kè Dii zòbleri Nuni né Yɔsua kè wè basɔɔro akuri, ben à gà. <sup>9</sup> Wà à v̄ii guu kè de à túbi ũu guu zaa Timina Ɛresi, Ɛflaimunɔ gukpiideen, Gaasi kp̄ii gu'igbãroo kpa.

<sup>10</sup> Kè Yɔsua gurɔ gbɛnɔ gàga n̄ pĩngi, né kè aɔ fɛɛ n̄ gberaanɔ Dii dɔro, bensɔ aɔ yã kè à kè n̄ dezinɔne dɔro. <sup>11</sup> Ben aɔ yã kè zaa Diine kè aɔ dɔ tãanɔzi. <sup>12</sup> Aɔ pã kpà Dii n̄ dezinɔ Luda kè à n̄ bɔɛ Igititizi, aɔ tɛ borii kè aɔɔ ligañzinɔ tãanɔzi aɔ dɔnzi kèñne, ben aɔ Dii pɔɔ fè. <sup>13</sup> Aɔ pã kpàzi aɔ dɔ Baalizi kɔn Asatorɛo. <sup>14</sup> Ben Dii pɔ fèñzi à n̄ ná n̄ wétãmmarinɔne n̄ ɔzĩ aɔ n̄ wáa. À n̄ kpá n̄ ibɛɛ kè aɔɔ ligañzinɔa, ben aɔɔe f̄s wà gĩ n̄ zĩndao n̄ ibɛɛ pìnɔ ɔzĩro. <sup>15</sup> Gurɔɔ kè aɔ gàa zĩ ká pĩngi, Dii è bɔ n̄ kpɛɛmɛ lɛ yã tón bɔñyo nnaro yãnz̄i, lán à dàñne n̄ swãla nà, ben aɔ ḡs̄ wétãmma bíta guu.

<sup>16</sup> Ben Dii yãgɔgɔrinɔ bòbò n̄ té lɛ aɔ n̄ sí n̄ wétãmmarinɔa. <sup>17</sup> Mɔde aɔè n̄ yãgɔgɔri pìnɔ yã maro, aɔ pãpãa kè wà dɔnzi kè tãanɔne. Aɔ kè zé kè n̄ dezinɔ sèa kpakpaa, aɔégɔ yã kè Dii diɛñnenɔ kũna lán n̄ dezi pìnɔ bàro. <sup>18</sup> Tó Dii yãgɔgɔri bò n̄ té, ègɔ kú kɔn yãgɔgɔri pìo, ben ègɔ n̄ sí n̄ ibɛɛnɔ ɔzĩ ai yãgɔgɔri pì wèndi lén, zaake tó aɔ m̄bo gbɛ kè aɔɔe ɔ t̄ɔm̄ma aɔɔe ãa dam̄manɔ yãnz̄i, Dii è n̄ wènda gwamɛ. <sup>19</sup> Tó yãgɔgɔri gà s̄s̄, aɔè ɛara wà yaka de n̄ denlamɛ. Aɔè dɔ tãanɔzi aɔè n̄ gbãgbã aɔè dɔnzi kèñne. Aɔè n̄ yãzaakena pìnɔ kɔn n̄ swãgbãaa tóro.

<sup>20</sup> Ben Dii pɔ fèñzi à bè: Zaake borii kè ma bà kuuna kɔn n̄ dezinɔ yã gbòro aɔɔe ma yã maro, <sup>21</sup> mé péñne borii kè Yɔsua gà à n̄ tó n̄ bùsunno kea dɔro. <sup>22</sup> Mé n̄ swi ke Isarailinɔa lɛ mà n̄ ȳs̄ mà gwa, tó aɔé ma zé sé aɔḡs̄ ma yã kũna lán n̄ dezinɔ kù nà, ke tó aɔé ke lero. <sup>23</sup> Beee yãnz̄in Dii borii pìnɔ tò gwezi. Èe n̄ na Yɔsuanɛ a ɔzĩ à pèmma gɔɔro.

## 3

<sup>1</sup> Dii borii pìnɔ tò gwe lɛ à Isaraili kè wèe Kanaa bùsu zĩ ká n̄ wáaroonɔ ȳs̄ à gwao, <sup>2</sup> lɛ dɔ à zĩkana dada gbɛ kè aɔɔ zĩkana d̄s̄ yãroo pìnɔne. Borii pìnɔn yè: <sup>3</sup> Filisitininɔ kĩna ḡɔn s̄ɔroonɔ kɔn Kanaanɔ pĩngi kɔn Sidɔdeenɔ kɔn Ivi kè aɔɔ kú Lebano gukpiideenno zaa Baali Ɛm̄oni gbèa ai à gàa pé Lebo Amataa. <sup>4</sup> À n̄ tó lɛ à Isarailinɔ ȳs̄ à gwao, tó aɔégɔ yã kè à diɛ n̄ dezinɔne Musa gãzĩnɔ kũna. <sup>5</sup> Beee yãnz̄in Isarailinɔ vɛɛ Kanaanɔ té kɔn Itinɔ kɔn Amɔrinɔ kɔn Perizinɔ kɔn Ivinɔ kɔn Yebusinɔzi. <sup>6</sup> Aɔ n̄ nénɔgbɛnɔ sè nɔɔ ũ bensɔ aɔ n̄ nénɔgbɛnɔ kpàsã borii pìnɔ négɔgbɛnɔa, ben aɔ dɔ n̄ tãanɔzi.

*Ōtonieli*

<sup>7</sup> IsarailinŌ yā kè Dii gīzi kè. Dii n̄ Luda yā sǎngu, ben aŏ dò Baalizi kōn Asatorεo. <sup>8</sup> Ben Dii pō fēnzi à n̄ yá Mesopotamia bŏsu kí Kusārisataimua, ben aŏ zò blène ai wè soraagŏ. <sup>9</sup> Kè aŏ wii pè Diizi, ben à m̄siri bòhne, àmbe Kalebu dāaro Kenazi né Ōtonieli ũ. Àmbe à n̄ bŏ. <sup>10</sup> Dii Nini sù, ben à yā gŏgŏ IsarailinŌne à dòhne ae zì guu. Dii Mesopotamia bŏsu kí Kusārisataimu nàne a ɔzī, ben à gbāaa m̀ne. <sup>11</sup> Ben aŏ bŏsu gŏ kaena aafia wè baplaa ai Kenazi né Ōtonieli gāa gao.

*Eudu*

<sup>12</sup> IsarailinŌ èara wà yā kè Dii gīzi kè dŏ, ben Dii tò M̄abu kí Egeloni gbāaa m̀ne à zaaa kè aŏ kè pì yānzi. <sup>13</sup> Egeloni Am̄ninŌ kōn AmalekinŌ nàawa, ben aŏ mò wà lèe IsarailinŌa aŏ wéte daminalidee s̄i. <sup>14</sup> IsarailinŌ zò blè M̄abu kí Egelonine ai wè baro plaasai. <sup>15</sup> Ben aŏ wii pè Diizi, ben à m̄siri bòhne, àmbe Gera né Eudu, Beyāmi borii ũ. ɔzedeeme. IsarailinŌ à zì tángba kpá M̄abu kí Egelonia. <sup>16</sup> Eudu f̄e lékpaaplaadee pì à gbāa kà gāsasu do. À nà a gbáda ɔplaaa a uta gbáru, <sup>17</sup> ben à gāa à tángba kpá Egelonia. Egeloni s̄i né gbē m̀deeme maamaa. <sup>18</sup> Kè Eudu kōn gbē kè aŏ tángba sè wà gāaonŌ tángba kpāa wà yāa, ben Eudu a gbē p̄nŌ gbāre zén. <sup>19</sup> Ben à èara t̄aa kè kú Giligala sae à sù kina pì kiia dŏ à bè: Má asiiyā ke vī mà onne. Ben kina pì bè: À tó mà yā ma, ben à ìba kè aŏ kúonŌ b̀e. <sup>20</sup> Egeloni vēena ado kpé musu ãampakiin, ben Eudu s̄zi à bè: Má yā kè b̀ Luda kiia vī mà onne. Kè kina pì f̄e a kitan, <sup>21</sup> ben Eudu a f̄e gā à wòto kōn ɔzeεo a gbáda ɔplaaa, ben à à z̄o a gbεεn. <sup>22</sup> Ben f̄e pì gè à gbεεn kōn a páo píngi ai à b̀ à kpeε kpa. Eudu e f̄e pì wotoro ai à gbεε n̄si dàala. <sup>23</sup> Eudu b̀ kpeεlea à kpé ãampakii pì zé t̄ata à m̀ne k̄a.

<sup>24</sup> À b̄ona gbera Egeloni z̄irinŌ mò aŏ ãampakii pì zé è k̄ana, ben aŏ bè: Eégŏ b̄iikpeε keε kpé ãampakiian yee? <sup>25</sup> Aŏe à d̄aa ai aŏ bídi kè. Kè aŏ è èe zé w̄h̄nero, ben aŏ m̀ne sè wà wè aŏ gè wà n̄ dii è daena t̄ote gè ũ. <sup>26</sup> Gurŏ kè aŏ kpé wèe kí d̄aa le, Eudu bàa lè à d̀ t̄aa p̄nŌzi à tà Seira. <sup>27</sup> Kè à kà gwe, à tò wà kuu pè Eflaimu gukpiideen, ben IsarailinŌ p̄tao kpiiinŌa, Eudu dòhne ae. <sup>28</sup> À bèh̄ne: À témazi, zaake Dii a ìbεε M̄abunŌ nàare a ɔzī. Aŏ t̄ezi, ben aŏ Yoda bikūkii kè è gá M̄abunŌ b̄usun s̄i, aŏe we gbēke bikū d̄oro. <sup>29</sup> Z̄i beee aŏ M̄abu gŏ gbāaanŌ d̄ede lán b̄oro kuri bà, aŏ gbēkee e b̄oro. <sup>30</sup> Z̄i beeean IsarailinŌ gbāaa mò M̄abunŌne, ben aŏ bŏsu gŏ kaena aafia ai wè basiigŏ.

*Samaga*

<sup>31</sup> Eudu gbera Anata né Samaga FilisitininŌ d̄ede gŏon wàa aagŏ kōn z̄udāgoo. À IsarailinŌ mì s̄i se.

**4***Debora kōn Barakio*

<sup>1</sup> Kè Eudu gā, IsarailinŌ èara wà yā kè Dii gīzi kè dŏ. <sup>2</sup> Ben Dii n̄ yá Kanaa kí Yabī kè vēena Azoa. À z̄ikpeεnŌ gbēnsi tón Sisera. À b̄een Arose Goyimu. <sup>3</sup> À s̄goro m̀p̄onŌ vī m̀en wàa siigŏ kpé bas̄oro. À gbāaa mò IsarailinŌne p̄s̄ip̄s̄i ai wè baro, ben IsarailinŌ wii pè Diizi.

<sup>4</sup> Gurŏ beee n̄gbē annabi kè wè benε Debora, Lapido naŏ de IsarailinŌ yāgŏgŏri ũ. <sup>5</sup> È yā gŏgŏh̄ne a damina lí gbáru Rama kōn Betelio dagura EflaimunŌ gukpiideen. IsarailinŌ ègŏ gaa à kiia gwe. <sup>6</sup> Ben à AbinŌamu né Baraki kè kú Kedesi, NafatalinŌ b̄usun s̄isi à bène: Dii IsarailinŌ Luda bè n̄ f̄e n̄ gá NafatalinŌ kōn ZebuluninŌ sé gŏon b̄oro kuri n̄ gányo Tabo kpiia. <sup>7</sup> Dii é Yabī z̄ikpeεnŌ gbēnsi Sisera gáe à móo Kisŏ swaazi kōn à s̄goronŌ kōn à z̄ikpeεnŌ paripari, gwen eé à nanne n̄ ɔz̄in. <sup>8</sup> Ben Baraki bène: Tó né gámao dé, mé gá. Tó né gámao s̄oro, mé gáro. <sup>9</sup> Ben Debora bè: Mé gányo, m̀de zaake n̄ ò le, èe ke n̄ tó bé eé b̄oro.

Nɔgbɛn Dii ɛ Sisera nane a ɔzĩ sa. Ben Debora fɛɛ à g̃aao Kɛdɛsi. <sup>10</sup> Ben Baraki Zɛbuluninɔ kɔn Nafatalinɔ kàkɔa Kɛdɛsi, ben à dà zɛn kɛsɛ kɔn g̃ɔn bɔrɔ kuri p̃inɔ. Debora kú n̄ tɛ.

<sup>11</sup> Keni bori Eberu b̃ò Keninɔ b̃usun yā, à m̃ò à b̃ura kàɛ gb̃í lí kè kú Zanimu gb̃áru Kɛdɛsi saɛ. Keninɔ né Musa anzure Obabu boriinɔ dokemɛ.

<sup>12</sup> Wà ò Siseranɛ kè Abinɔamu né Baraki g̃aa Tabo kp̃iia, <sup>13</sup> ben à a s̃goro m̃ɔpɔnɔ kàkɔa mèn wàa siig̃ɔ kɔn basɔroo kɔn z̃ikari kè ãɔ kúonɔ. À n̄ sé Arose Goyimu, ãɔ g̃aa Kis̃ swaazi. <sup>14</sup> Ben Debora bè Barakinɛ: N̄ gá, zaake gb̃aan Dii ɛ Sisera nane n̄ ɔzĩ. À de Dii g̃iake à d̃onne aɛ kò fá. Ben Baraki p̃ita Tabo kp̃iia kɔn z̃ikari g̃ɔn bɔrɔ kuri p̃inɔ. <sup>15</sup> Dii tò Sisera kɔn à s̃goronɔ kɔn à z̃ikarinɔ lèkɔa Baraki f̃ɛdaane, ben Sisera b̃ò a s̃goron à bàa lè. <sup>16</sup> Baraki p̃ɛɛ Sisera z̃ikarinɔ kɔn n̄ s̃goronɔzi ai Arose Goyimu. Gwen à n̄ déden kɔn f̃ɛdaa n̄ p̃ingi, baa gb̃ɛ mèn do èe g̃ɔro. <sup>17</sup> Ben Sisera bàa lè kɛsɛ à g̃aa Keni bori Eberu nã Yaeli kuta kiia, zaake Azo kí Yab̃i kɔn Eberu b̃edeeno k̃ɔ yā mà yā. <sup>18</sup> Yaeli b̃ò à dààlɛ à bè: N̄ m̃ò n̄ g̃ɛ kp̃én, Maree. N̄ g̃ɛ! N̄ton tó ṽia n̄ k̃uro. Kè à g̃ɛ, ben nɔgb̃ɛ p̃i bisa dààla, <sup>19</sup> ben Sisera bène: Ímii e ma deɛ. N̄ ma gba í mà mi. Ben à zwi t̃uu sè à t̃onɛ à mì, ben à ɛara à bisa kùàla. <sup>20</sup> Sisera bène: N̄ ze kp̃ɛɛ. Tó gb̃ɛke m̃ò à n̄ la à be, gb̃ɛke kú kèó, n̄ bene, auo. <sup>21</sup> Kpasa'ii à sè, ben Eberu nã Yaeli kuta káro sè kɔn ereeo à s̃ò Siserazi t̃ɛɛɛ, ben à káro p̃i p̃è à sw̃agea à pà ai à g̃ɛ à g̃aa à t̃ɔtɛ kù, ben à g̃aa. <sup>22</sup> Baraki s̃ɔ e p̃ɛɛ Siserazi, ben Yaeli b̃ò à g̃aa à dààlɛ à bè: N̄ m̃ò mà gb̃ɛ kè n̄ɛ w̃ɛɛ ɔɔanne. Kè à g̃ɛ kp̃én, ben à Sisera è daena, à g̃aa kɔn káro p̃ena à sw̃agea. <sup>23</sup> Z̃i beean Luda Kanaa kí Yab̃i b̃usa Isarailinɔne. <sup>24</sup> Ben Isarailinɔ p̃ás̃kɛɛ e kaara ai ãɔ g̃aa wà Kanaa kí Yab̃i d̃eo.

Ben ãɔ b̃usu g̃ò a làakaria ai w̃ɛ baplaa.

## 6

### *Midiānɔ t̃ɔna Isarailinɔ*

<sup>1</sup> Isarailinɔ ɛara wà yā kè Dii g̃izi kè d̃ɔ, ben Dii n̄ ná Midiānɔne n̄ ɔzĩ ai w̃ɛ sw̃ɛplaa. <sup>2</sup> Kè Midiānɔ e ɔ t̃ɔm̃ma, ben Isarailinɔ utekiinɔ kèke gukpiideenɔn kɔn gb̃ɛw̃ɛnɔ kɔn s̃ɛɛp̃ɔtunɔ. <sup>3</sup> Tó ãɔ p̃ó t̃ò, Midiānɔ kɔn Amalekinɔ kɔn ɔf̃ant̃ɛb̃ɔɛ kpa bori p̃andenɔ è m̃ò wà léim̃mame. <sup>4</sup> Ãɔ è m̃ò wà b̃ura káɛ n̄ b̃usun, ben ãɔ è n̄ bura p̃onɔ yakañne ai à gá péo Gazaa. Ãɔ è p̃óke tó Isarailinɔnero ke s̃aa ke zù ke zaaki. <sup>5</sup> Ãɔ è m̃ò kɔn n̄ p̃ókādeenɔ kɔn n̄ bisakutaanɔ paripari lán sut̃ɛnɔ bà. Gb̃ɛke èg̃ɔ m̃pinɔ kɔn n̄ lakuminɔ lé d̃ɔro. Ãɔ è m̃ò wà b̃usu yakamɛ. <sup>6</sup> Midiānɔ Isarailinɔ kpà takaasik̃ɛzi, ben ãɔ wii p̃è Diizi.

<sup>7</sup> Kè ãɔ wii p̃è Diizi Midiānɔ yā musu lán beee bà, <sup>8</sup> ben Dii annabi b̃òñne à bè: Mam̃ma Dii Isarailinɔ Luda ma bè ma a b̃ò z̃òbleen ma a b̃ɔɛ Igititi. <sup>9</sup> Ma a b̃ò Igititinɔ ɔzĩ kɔn gb̃ɛ kè ãɔ ɔ t̃òawaanɔ n̄ p̃ingi ma p̃ém̃maare, ben ma n̄ b̃usu kp̃àawa. <sup>10</sup> Kè ma bèare m̃ámbe Dii a Luda ũ, àton Am̃ri kè á kú n̄ b̃usuññ t̃aanɔ gb̃ágb̃áro, ben a gi ma yā mazi.

### *Dii Malaika b̃ò à m̃ona Gid̃onzi*

<sup>11</sup> Dii Malaika m̃ò à ṽɛɛ gb̃í lí gb̃áru zaa ɔfla, Abieza bori Yoasi be w̃ɛtɛ. À né Gid̃on e bl̃ɛw̃ɛ gb̃ɛɛ geepi'if̃ɛki w̃ɛn le Midiānɔ t̃on à ero yānzi. <sup>12</sup> Kè Dii Malaika b̃ò à m̃òzi, à bène: G̃ɔ gb̃aaa, Dii kúñyo. <sup>13</sup> Ben Gid̃on bène: Maree, tó Dii kúwao, b̃óyānz̃in yā k̃enɔ wa lezi p̃ingii? Dabuyā kè wa denɔ à yā t̃ók̃ɛweenɔ kú máme? Ãɔ bè Dii wa b̃ɔɛ Igititi, m̃ode tiala à p̃a kp̃awazi, ben à wa na Midiānɔne n̄ ɔzĩ. <sup>14</sup> Ben Dii aɛ d̃ò à bè: N̄ gá kɔn gb̃aaa kè n̄ ṽio n̄ Isarailinɔ b̃ò Midiānɔ ɔzĩ. À de m̃ámbe m̃ɛɛ n̄ z̃i fá. <sup>15</sup> Ben Gid̃on à là à bè: Maree, mé f̃ɔ mà Isarailinɔ b̃ò diamɛ? Ma ua bé à k̃ɛs̃ana Manasenɔ t̃ɛ bens̃ m̃ámbe má néngo deñla ma de b̃edeeno t̃ɛ. <sup>16</sup> Dii w̃èàla à bè: Még̃ɔ kúñyo, né Midiānɔ lé n̄ ne lán gb̃ɛ mèn doo bà. <sup>17</sup> Ben Gid̃on bène: Tó ma n̄ p̃oñnaa è, n̄ s̃èda ɔɔamɛ le màg̃ɔ d̃ò kè m̃be n̄ɛ yā ooma. <sup>18</sup> N̄ton gu k̃ero ai mà su. Mé m̃ónne kɔn gb̃aao mà dienne. Ben à w̃èàla à bè: Még̃ɔ kú kè ai n̄ ɛara n̄ su.



<sup>19</sup> Gidion gaa à blène dè à kèkè, à buredi sése'ēzēsai kè kōn wísiti kilo kurio. À nòbò kà gbíin à dò kà oroon à gāao gbí lí pì gbáru gwe, ben à diene. <sup>20</sup> Luda Malaika bène: Ñ nòbò kōn buredio sé ñ káe gbè kèkiia ñ dò eea. Ben à kè le. <sup>21</sup> Ben Dii Malaika gò kè à kūna zò nòbò kōn buredi pìoa, ben té bò gbè pì guu à kù nòbò kōn buredi pìoa, ben Dii Malaika pì gusii lè. <sup>22</sup> Kè Gidion dō Dii Malaikame, à bè: Kúku Dii Luda, ase n Malaikan ma wée siàle tētētēs? <sup>23</sup> Ben Dii bène: Ñgō kú aafia! Ñton tó vīa n kūro. Né garo. <sup>24</sup> Gidion Dii gbāgbākii bò gwe, ben à tó kpà guu pìne Dii Aafiade. À kú Ōfla Abieza gwe ai kōn a gbāao.

### *Tāa gbāgbākii gborona*

<sup>25</sup> Zī beee gwāavī Dii bène: Ñ n de zùswaree kè kà wè swēplaa kū ñ Baali gbāgbākii kè n dee vīi gboro ñ Asera lí kè ze à sae zō ñ ne. <sup>26</sup> Ñ mamoma Dii n Luda gbāgbākii bo a zéa gu gbāaa kèkii musu. Ñ Asera lí kè ñ zò sée yàka ũ ñ sa'opò kè wè ká tén à té kū oma kōn zù pìo. <sup>27</sup> Ben Gidion a zīkerino sè gōon kuri à kè lán Dii òne nà. Kè èe vīa kee a de bēdeenone kōn wētēdeenō yānzi, èe we à kè fāantēro, gwāavīn à kè.

<sup>28</sup> Kè wētēdeenō fēe kongō, aō è wà Baali gbāgbākii gbòro wà Asera lí kè ze à sae zò wà nè wà saa ò kōn zùo sa'oki dufu kè wà bòa. <sup>29</sup> Ben aō kō lala: Dé bé à kèkii kè? Kè wà dōnzi wà gbèkagbeka, ben aō mà wà bè: Yoasi né Gidion bé à kè le. <sup>30</sup> Ben wētēdeenō gaa wà bè Yoasine: Ñ bò kōn n néo wà à de, zaake à Baali gbāgbākii gbòro bensō à Asera lí kè ze à sae zò à nè. <sup>31</sup> Ben Yoasi bè gbē kè aō ligaaziinone: Ámbe é yā sí kōn Baalioó? Ámbe é à bōó? Weé gbē kè yā sio de ai guu gō gá dō. Tó tāan à ũ, à gí a zīndao à gbāgbākii kè wà gbòro yānzi. <sup>32</sup> Zī beeean wà tó kpà Gidionne Yerubaali wà bè: Wà à tó kōn Baalio, zaake à gbāgbākii à gbòro.

### *Gidion sèedagbekana Diia*

<sup>33</sup> Midiāno kōn Amalekinō kōn fāntēbōe kpa gbē pāndenō kō kākōa ñ píngi aō bikù Yodaa, ben aō bùra kàe Yezerili guzuren. <sup>34</sup> Dii Nini sù Gidion-a, ben à Abiezanō sisi kōn kuo le aō mó wà téazi. <sup>35</sup> À gbēno zī Manasenō bùsu gu píngia wà ñ sísi se aō mó wà téazi. Ben à gbēno zī Asanō bùsun kōn Zebulunino bùsuo kōn Nafatalino bùsuo. Ben aō mò wà nāmma.

<sup>36</sup> Gidion bè Ludane: Tó né Isarailino bō ma gāzī lán n à lé gbēmè nà, <sup>37</sup> ñ gwa, mée sākā kaee blewēgbēkiia. Tó kpíi kpà sākā pìo ado, bensō tōte gō kori, mé dō sa kè né Isarailino bō ma gāzī lán ñ ò nà. <sup>38</sup> Ben à kè le. Kè guu dō, ben à fēe ide'ide, à sākā pì fē, à í taa pà. <sup>39</sup> Ben Gidion bè Ludane: Ñton pò fēmaoro. Má yezi mà yā gbekamma gèn do dō. Ñ tó mà gwa sākāa gèn do dō. Kèkii sa, ñ tó kpíi kpà tōtea ado, sākā gō kori. <sup>40</sup> Gwāavī beee Ludaa kè le. Kpíi kpà tōtea gu píngia, sākā bé à gō kori ado.

## 7

### *Gidion kōn a gbēno zìblena Midiāno*

<sup>1</sup> Gidion kōn gbē kè aō kúono fēe kongō ide'ide aō gaa wà bùra kàe Arodi íbokiia. Midiāno bùra kú guzuren gu'igbāroo kpa Mōre sīsigezi. <sup>2</sup> Ben Dii bè Gidionne: Gbē kè aō kúnyono kè pari, mé Midiāno nañne ñ zīro. Tó má ñ náñne ñ zī, aōé ía dā wà be ñ zīnda gbāaa bé à ñ bó. <sup>3</sup> Ñ kpàakpa ke gīa ñ beñne, gbē kè swè kèn, ben èe lugalugaa, adee eara. Ben gōon bōro baro awēplaaa èara, gōon bōro kuri bé à gō. <sup>4</sup> Ben Dii bè Gidionne: Aō kpé pari ai tia. Ñ gányo í kiia, mé ñ pleplenne gwe. Gbē kè má ònne aōé gányono bé weé gá, gbē kè má ònne aōé gányoroonō sō bé weé gō. <sup>5</sup> Kè à gāányo í kiia, Dii bène: Ñ gbē kè ñ è aō lé pè ía lán gbēe bànō plékōte kōn gbē kè aō kùe ñ kosooa wà í dà ooo wèe miino. <sup>6</sup> Gbē kè aō lé pè íano gōon wà do kpé basōrome. Gbē kpaaano sō kùe ñ kosooa aō í mì. <sup>7</sup> Ben Dii bè Gidionne: Mé Midiāno naare a zī kōn gōon wà do kpé basōroo kè aō lé pè íano sa mà a bō. Ñ gbē

kpaaano gbare, aã baade tá a be. <sup>8</sup> Ben Gidion gɔon wàa do kpé basɔroo pino sè, aã gbè kè aɔɔe taa beeno kūsāeno kɔn n kuuno sīmma, ben à n gbáe.

Gidion kú sīsī musu, Midiāno bura kú guzuren à gīzī. <sup>9</sup> Gwāavī beee Dii yā òne à bè: N fεε n gánzi n bŭran, zaake ma n nánne n ɔzī. <sup>10</sup> Tó vīa e n kŭu n gánzime, n pita n gá lɛdo kɔn n zīkeri Puraō <sup>11</sup> n swā kpá yā kè aɔɔe oozī. Yā pì é n gba swè le n gánzi n bŭran. Ben à pita kɔn a zīkeri Puraō aã sò n bura lézi. <sup>12</sup> Midiāno kɔn Amalekinɔ kɔn ɔfāntɛbɔe kpa gbè pāndenɔ kaena guzuren n pīngi, aã kpá lán sutēno bà. Wèe fɔ wà n lakuminɔ nāroro, aã pari lán ísiale bŭsu'āatē bà.

<sup>13</sup> Kè Gidion kà gwe, à gbèke lè, èe a nanaa tɔkēe a gbēndoone à bè: N nanaa kè má ò ma. Má è burɛdi kɔɔ kporogoo e gbegere paa, ben à lèe wa bŭran à sī bisakutaaa, ben kutaa pì lèe kpεegānda à gò kaena. <sup>14</sup> Ben à gbēndoo pì bène: Yoasi né Gidion, Isaraili bori fēedaan n è gwe, èe ke pò pāndenlo. Luda Midiāno kɔn wa buraō nane à ɔzī pīngi. <sup>15</sup> Kè Gidion nanaa pì yā mà kɔn à bɔkɔtenao, à donzi kè Diine. Ben à èara Isarailino bŭran à bè: À fεε! Dii Midiāno nàwe wa ɔzī. <sup>16</sup> À gɔon wàa do kpé basɔroo pino kpàate gāli aagɔ, ben à kuu kɔn lo korio kpà n baadea. Ben wà sè té sòtɔsòtɔ loo pino guu. <sup>17</sup> À bèñne: Mée gaa ai n bura léa. Àgɔ ma gwaa. Lán á è má kè nà, à ke le se. <sup>18</sup> À liga n bŭrazi pīngi. Tó mapi kɔn gbè kè aã kúmaono wa kuu pè, à a pò pé se à wii lé à be: Dii pómε kɔn Gidion-o.

<sup>19</sup> Gidion kɔn gɔon basɔroo kè aã kúono kà bura léa lezāndo gudākparino kō lendekena gbera gɔɔ. Ben aã n kuu pè n pīngi, aã loo kè aã kŭnanao wīwi. <sup>20</sup> Ben gāli aagɔ pino baade a kuu pè aã n loono wīwi. Aã sè ténɔ kŭna ɔzεεo, aã kuu kè aɔɔe pεeno kŭna ɔplaan. Ben aã wii lè wà bè: Dii kɔn Gidion-o fēedaame. <sup>21</sup> Baade ze a gbèn ligana bŭrazi, ben bŭradeeno fēe wà lè kōa kɔn wīiio aã bàa lè. <sup>22</sup> Kè wà kuu mèn wàa do kpé basɔroono pè le, Dii tò bura pì deeno kō dède kō tēe kɔn fēedaao. Zīkari pino bàa lè wà tà Betesita kɔn Zererao ai Abeli Mɛɔla léa Taba kpa. <sup>23</sup> Wà Nafatalino kɔn Asano sīsī kɔn Manaseno n pīngi, ben aã pèe Midiānozi. <sup>24</sup> Ben Gidion gbēno zī aã gāa Eflaimuno gukpiideen pīngi, aã bèñne: À pita à gá Midiānozi. À zé zōñne Yoda bikŭkiinɔa ai Betebara. Ben wà Eflaimuno sīsī n pīngi aã gāa wà zé zōñne Yoda bikŭkiinɔa ai Betebara. <sup>25</sup> Ben Eflaimuno Midiā kīnanao kŭ gɔon plaa, Orebu kɔn Zebu. Aã Orebu dè gbè sae, kè wè be tia Orebu gbè. Aã Zebu dè dɔ, guu pìn wè be tia Zebu geepi'ifékii. Ben aã èara wà pè Midiānoa. Ben wà kīna pino mì zòzò wà gāao Gidionne Yoda baa kāa kpa.

## 8

<sup>1</sup> Eflaimuno Gidion là wà bè: Bóyānzin n kèwe lezi? Kè née gaa zī ká kɔn Midiāno, ben née wa sísiroo? Ben aã wisòzi le pāsīpāsī, <sup>2</sup> ben à bèñne: Bón má kè kè kà a pò ũu? A Eflaimuno geepi kɔɔwena maa de wamowa Abiezano geepikekenala. <sup>3</sup> Luda Midiā kīnanao Orebu kɔn Zebu nàare a ɔzī. Bón ma fɔ má kè kè kà a pò ũu? Kè à òñne le, ben aã pɔfē gbasa à kpàe sa.

### *Zeba kɔn Zalamunao dɛdɛna*

<sup>4</sup> Gidion kɔn a gbè gɔon wàa do kpé basɔroono kpé wèe pεεε Midiānozi, baa kè aã gbāaa bŭsa. Kè aã kà Yodazi, ben aã bikŭ. <sup>5</sup> Ben à bè Sukodeenone: À ma gbēno gba pòblee. Aã gbāaa bŭsa bensò má kpé mée pεεε Midiā kīnanao Zeba kɔn Zalamunaozi. <sup>6</sup> Ben Suko gbēnsino bè: Zeba kɔn Zalamunao gè n ɔzī kɔn yó? À kè dia wé n zīkarino gba pòblee? <sup>7</sup> Gidion wèñla à bè: Zaake á ò le, tó Dii Zeba kɔn Zalamunao nàme ma ɔzī, mé a ke gyáigyai kɔn gbāa lèo. <sup>8</sup> Zaa gwe à gāa Penieli, ben à wée kēm̄ma le dɔ. Penielideeno wèala lán Sukodeeno wèala nàme dɔ, <sup>9</sup> ben à bèñne se: Tó ma gaa ma su aafia, mé gudākpaiki lezī kè gboro.

<sup>10</sup> Zeba kɔn Zalamunao kú Kako kɔn n zīkarino gɔon boro gero. ɔfāntɛbɔe kpa zīkpεε kè aã gñon gwe. Aã fēedadeeno gāga gɔon boro baswεedo. <sup>11</sup> Gidion laatarino zé sè Nɔba kɔn

Yogbeao ofantēbɔe kpa, ben à si zikari pino té gurɔ kè aɔ sà n zīnda yān. <sup>12</sup> Midiā kina pino Zeba kōn Zalamunao bàa lè, ben à pènzī à n kükū, ben à tò n zikarinɔ lèkōa n pīngi.

<sup>13</sup> Kè Yoasi né Gidion bò zīlan èe suu, à bɛ Eresi Gbèkotozen, <sup>14</sup> ben à Suko gōkpare ke kù à à lala yāzi, ben gōkpare pì Suko gbēnsinɔ tó kènɛ takadan gōn baaagō akuri aweswεplaa. <sup>15</sup> Ben Gidion gāa à Sukodeenɔ lè à bè: Zeba kōn Zalamunao yè. A ma lalandi kè yā à bè, Zeba kōn Zalamunao e gē ma ɔzī kòro. É fɔ à ma gbē kè n gbāaa būsano gba pòbleero. <sup>16</sup> Ben à wéte pì gbēnsi pino kükū à n ké gyáigyai kōn gbāa lèo, aɔ dō n mēa. <sup>17</sup> Ben à gāa à Penieli gudākpaki lezī gbòro à wéte gōgbēnɔ dèdɛ.

<sup>18</sup> Ben à Zeba kōn Zalamunao là à bè: Gbē kè a n dèdɛ Tabonɔ de diamɛ? Aɔ wèla wà bè: Aɔ de lán n bàme, aɔ kakana de lán kīnenɔ bà. <sup>19</sup> Ben Gidion bènnɛ: Ma vīi dadōnkōdeenɔn gwe. Tó a n tó yā, kōn Diio mé a dɛdɛro. <sup>20</sup> Ben à bè a daudu Yetanɛ: N fεε n n dɛdɛ. Né pì e a fēdaa wotoro, vīa à kù, zaake né fétemɛ. <sup>21</sup> Ben Zeba kōn Zalamunao bè: N fεε n wa dɛdɛ n zīnda. Baade kōn a gbāaaomɛ. Ben Gidion fεε à n dèdɛ à mò kāmbeε kè da n lakuminɔ waale bɛ.

<sup>22</sup> Isarailinɔ bè Gidionnɛ: N gō wa mīdee ū kōn n boriinɔ. Zaake mbe n wa bɔ Midiānɔ ɔzī. <sup>23</sup> Ben Gidion bènnɛ: Mé gō a mīdee ūro, baa ma né. Diin a kí ū. <sup>24</sup> Ben à èara à bènnɛ: Mée wée keεawa: A baade swāi kè à sīmma kpáma mèn doodo. Midiānɔ ègō vura swāi dana, zaake Sumaila boriinɔmɛ. <sup>25</sup> Aɔ bènnɛ: Wé kpámma kōn nòseɔ do. Aɔ bisa kpàe, ben baade swāi kè à sīmmanɔ dàn mèn doodo. <sup>26</sup> Vura swāi kè à gbèkañma pino tiisi kà kilo baro, mòkāmbeεnɔ kōn swāinɔ kōn gumusu tēaa kè Midiā kīnanɔ dananɔ kōn mòkāmbeε kè da n lakuminɔ waalenɔ baasi. <sup>27</sup> Ben à pì māsokɛbɔ ū à pèe a bε wéten zaa ɔfla. Ben Isarailinɔ pāpāa kè wà dōzi n pīngi, ben à gō takutεε ū Gidionnɛ kōn à bēdeenɔ.

<sup>28</sup> Len Isarailinɔ Midiānɔ gbāaa būsala. Midiānɔ e e wà mi bò dɔro. Ben Isarailinɔ būsua gō kaena aafia Gidion gurɔ ai wè baplaa.

### *Gidion gana*

<sup>29</sup> Yoasi né Gidion gāa à vèe a bε. <sup>30</sup> À négōgbē kè à n inɔ gōn baaagō akurimɛ, zaake à nɔnɔnɔ pari. <sup>31</sup> À nɔpɔsεε vī dɔ zaa Sekemu kè à négōgbē io, ben wà tó kpàne Abimεleki. <sup>32</sup> Yoasi né Gidion gā a zikūmmɛ, ben wà à mira kpākōzi kōn a de pōo zaa ɔfla Abieza.

<sup>33</sup> Kè Gidion gā gō, ben Isarailinɔ èara wà pāpāa kè wà dō Baalizi. Ben aɔ taa kè wè be Baalibaakuwao pèe n dii ū, <sup>34</sup> ben Dii n Luda kè à n bó n ibεε kè aɔo ligañzi kpa pīngianɔ ɔzī yā sàngu. <sup>35</sup> Aɔe gbēkεε ke Gidion kè wè benɛ dɔ Yerubaali bēdeenɔne yā maaa kè à kēnnɛ pīngi musuro.

## 13

### *Samusī ina*

<sup>1</sup> Isarailinɔ èara wà yā kè Dii gīzi kè dɔ, ben Dii n ná Filisitininɔne n ɔzī ai wè baplaa. <sup>2</sup> Gōgbē kee kú Zɔra, Dani boriimɛ, à tón Manɔa. À naɔ né pāaamɛ, èe né iro. <sup>3</sup> Dii Malaika bò à mò nɔgbē pīzi à bè: N ma! Pāaan n ū, néε né iro, mōde né nò sí n né i gōgbē ū. <sup>4</sup> N làakari ke! Nton geepiwεε ke í gbāa ke miro. Nton tē ke blero. <sup>5</sup> Né nò sí n né i gōgbē ū. Gēε tón na né pì mīaro, zaake éégō de Luda pō ūmɛ zaa a igurɔ. Àmbe eé na Isarailinɔ bōnaa Filisitininɔ ɔzī.

<sup>6</sup> Ben nɔgbē pì gāa à ò a zāne à bè: Luda gbēke mò ma kiia. Tó n à è, à de lán Luda Malaika bà à naasi vī maamaa. Mée à la tó mán à bōnlo, bensō èe a tó omɛro. <sup>7</sup> À bèmɛ mé nò sí mē né i gōgbē ū. À bèmɛ mātɔn wεε ke í gbāa ke miro, bensō mātɔn tē ke blero, zaake né pì éégō de Luda pō ūmɛ zaa a igurɔ ai à wèndi lén. <sup>8</sup> Ben Manɔa wée kè Diia à bè: N yā nna Dii! N tó gbē kè n zī èara à mó dɔ à yā kè wé ke kōn né pìo à ina gberaa dawε. <sup>9</sup> Luda Manɔa yā mà, ben Luda Malaika pì èara à mò nɔgbē pīzi gurɔ kè à kú bura. À zā Manɔa kúo gwero,

<sup>10</sup>ben à kè kpaa à bàa lè à gàa à ònè à bè: Gōgbē kè bō à mò mazi zī mōa kè dōe! <sup>11</sup>Manṵa fēe à tè a naōzi. Kè à kà gōgbē pì kiia, à à là à bè: Mbe n yā ò ma naōó? À wèàla à bè: Mámbee!  
<sup>12</sup>Ben Manṵa à là à bè: Tó n yā pì gàa à kè le, né pì kuuna égō de diame? Bó zīin eégō kee?  
<sup>13</sup>Dii Malaika wèàla à bè: N naō gō yā kè má ònè kūna píngi. <sup>14</sup>Àton geepi lí pōke blero. Àton wēe ke í gbāa ke miro. Àton tē ke blero. Àgō yā kè má diene kūna píngi. <sup>15</sup>Ben Manṵa bène: N yā nna, ò ze gīa ai wà blène bōrō kekenne. <sup>16</sup>Dii Malaika wèàla à bè: Baa tó ma gō kè, mé n pōke blero. Tó n sa'opō kè wè ká tén à té kū soru kè, ò o Diia. Manṵa e dō kè Dii Malaikanlo, <sup>17</sup>ben à à là à bè: N tón diaa? Tó yā kè ò pì kè, wé sáabu kenne. <sup>18</sup>Dii Malaika wèàla à bè: Bóyānzin née ma tó gbekaazi? Tó bōnsaeme. <sup>19</sup>Ben Manṵa blène bōrō kù à flawa sè à Dii gbāgbāo gbè ke musu. Kè Manṵa kōn a naōo wé kà wèe gwaa, ben Dii yābōnsae kè <sup>20</sup>à tò té bō sa'okii pìn à fēe musu, ben Dii Malaika fēe ténene pì guu à tà musu. Kè Manṵa kōn a naōo è le, ben aō dàe ní puua.

<sup>21</sup>Dii Malaika e gà à mò Manṵa kōn a naōozi dōro, ben Manṵa dō sa kè Dii Malaikame.  
<sup>22</sup>Manṵa bè a naōne: Wa gan gweee! Zaake wa wéé si Ludale. <sup>23</sup>Ben à naō bène: Tó Dii yezi à wa deme, le èe saa kè wá òa kōn flawao síro, le èe yā kènō owero bensō èe yā pì òbawero.

<sup>24</sup>Nōgbē pì né ò gōgbē ū, ben à tó kpàne Samusī. Né pì bíta kù, bensō Dii aubarika dàn.

<sup>25</sup>Dii Nini nà zīkena a à guu gurō kè à kú Daninō bōran, Zōra dagura kōn Esetaoluo.

## 14

### *Samusī nōsena Filisitininō té*

<sup>1</sup>Samusī gàa Timina, ben à Filisitini nénokpare ke è gwe. <sup>2</sup>Kè à sù, ben à bè a de kōn a daone: Ma Filisitini nénokpare ke è zaa Timina. À gá à à weteme mà sé nō ū. <sup>3</sup>Ben à de kōn à dao bène: Nō kú n danenō ke n boriinō ténloo? Ben né gá ò nō sé Filisitini gefōodeenō téo? Ben Samusī bè a denē: Ò gá ò à weteme dé, zaake nōkpare pìn má yezi. <sup>4</sup>À de kōn à dao e dō kè yā pì bō Dii kiianlo, zaake Dii e zé wetee à yā mō Filisitininōneme. Gurō beee Filisitininō bé wèe kí blee Isarailinōa.

<sup>5</sup>Ben Samusī e gaa Timina kōn a de kōn a dao. Kè aō kà Timina geepi bura, músune bōrō bō Samusīzi èe pūtāa. <sup>6</sup>Dii Nini sù, ben à músu pì kù à kèkōre lán wà be blène bōrō à kèkōre bà. À pōke kūna à zī sōro. Èe yā kè à kè pì o a de ke a danero. <sup>7</sup>Ben à gàa à yā ò kōn nōkpare pìo, nōkpare pì sō kènne maa.

<sup>8</sup>Kè à gurōplaa kè, à fēe èe gaa nō pì sé sa, ben à liè à gàa músu gè pì gwa. Ben à è zóno sà dō à gèa ai aō í kè. <sup>9</sup>Ben à ò dàn à à sà gà à wōto èe blee, ben èe tao. Kè à kà a de kōn a dao kiia, à líne aō blè, mōde èe oñne kè a bō músu gè guunlo.

### *Samusī gara gbooto dana Filisitininōne*

<sup>10</sup>À de gàa nōkpare pì kiia, ben Samusī pōnna pōblee kèñne lán nōseri è ke nà. <sup>11</sup>Kè à mò, wà gōkparenō sisi gōn baaakuri wàgō kúo. <sup>12</sup>Ben Samusī bèñne: Má gara gbooto ke vī mà daare. Ai pōblena gurō swēeplaaa kè gá papao, tó a fō à gara pì bōme, mé bisa kpáawa pii baaakuri kōn utao waa baaakuri. <sup>13</sup>Tó ée fō à bōme sōro, ámbé é bisa pii baaakuri kōn uta waa baaakurio kpáama. Ben aō bène: Ò ò gara pì dawé wà ma. <sup>14</sup>À bèñne:

Pōblee bō pōsori guu,

pō nnaa bō pō gbāaa guu.

Ben aōe fō wà gara pì bōro ai gurō aagō. <sup>15</sup>À gurō siigōdee zīn aō bè Samusī naōne: Ò òndō ke n zāzi à gara pì bowe. Tó lenlo, wé n kpata kōn n de bēdeenō. Ase a wa sisi le à wa pónō síwame? <sup>16</sup>Ben Samusī naō e sō dōne à bè: N zamagu! N yemaziro! N gara ke dà ma gbēñne, bensō née bomero. Ben à bène: Mée bo ma de ke ma danero. Bó bé à tò mé onne? <sup>17</sup>Èe sō dōne ai gurō swēeplaaa pì gàa à pàpao. À gurō swēeplaaadee pì

zĩ ben Samusĩ gara pì bònè kè à nàkōrea yānzi, ben nɔɔ pì gàa à ò a gbēnɔnɛ. <sup>18</sup> À guro swēplaadee zĩ ai ɔfántē gō gá gē kpén wéte pì gōkparenɔ bènɛ:

Bó nnaa bé à de zólaa?

Bó gbāaa bé à de músulaa?

Ben Samusĩ bèñnɛ: Tó èe kɛ a bú wì kōn ma zùnunuoro, lɛ ée fō a ma gara pì bòro. <sup>19</sup> Dii Nini sù, ben à gàa Asakeloni à gōgbēnɔ dède gōn baaakuri à n pókāsānɔ pìtiríma, ben à gàa à kpà gbē kè aō à gara pì bònɛnɔa. Ben à pɔ fè à tà a de bɛ. <sup>20</sup> Ben wà Samusĩ nɔɔ pì kù wà kpà à gbēnna kè zè à sae nɔɔ pì ségurɔɔ zĩa.

## 15

### *Samusĩ tésōna Filisitininɔ buraaa*

<sup>1</sup> Kè à kè guro plaa, burapɔnɔkɛkɛgurɔɔ kà, ben Samusĩ blènɛ bòrɔ kù à gàa a nɔɔ pì gwao. À bè: Má yezi mà gá ma naōzi kpé guu. Ben à nɔɔ pì de e à gba zéro <sup>2</sup> à bè: Mée daa n yezinlo, ben ma à kpà n gbēnnaa. À dāaro maa deàla. N̄ à sé à gēe ũ. <sup>3</sup> Samusĩ bèñnɛ: Tó ma yā zaaa kè a Filisitininɔnɛ sa, mégō taari vī doro.

<sup>4</sup> Samusĩ gàa à gbēngboonɔ kùkù wàa do kpé basɔro, ben à sè yìyi sòɔɔɔɔɔ. À gbēngboo pìnɔ vlāa yìyi kōa plaplaa, ben à sè pì yìyi n vlāa pìnɔa. <sup>5</sup> À té nà sè pìnɔa, ben à gbēngboo pìnɔ gbàre Filisitininɔ bura. Aō blɛwɛɛ té kù píngi kōn n blɛwɛɛ gbànɔ kōn n geepi búɔ kōn n kùkpɛnɔ píngi. <sup>6</sup> Ben Filisitininɔ bè: Dé bé à yā kè taka kèwee? Ben wà bè: Samusĩme, Timina gbē anzure. À anzure pì à nɔɔ siame, ben à kpà à gbēnnaa. Ben Filisitininɔ gàa wà té sò nɔɔ pia kōn a deo. <sup>7</sup> Samusĩ bèñnɛ: Zaake á kè lɛ, mé kámma boro ai ma gaa gēe booawa. <sup>8</sup> À si n té à n ké dúgudugu, aō dɛdɛna pì gè ɔla, ben à gàa à vèe Etamu gbèwɛɛn.

### *Filisitininɔ dɛdɛna kōn zaaki gɛɛwao*

<sup>9</sup> Filisitininɔ gàa wà bùra kàe Yudanɔ bùsun, aōgō kpá guula ai Gɛɛwa sae. <sup>10</sup> Ben Yudanɔ n lá wà bè: Bóyānzin a mɔwazi kōn zìozì? Ben aō bè: Wa mɔ wà Samusĩ kùme, lɛ wà kɛnɛ lán à kèwe nà. <sup>11</sup> Ben Yudanɔ gōn bɔrɔ aagōnɔ gàa Etamu gbèwɛɛ kiia aō bè Samusĩnɛ: N̄ dō kè Filisitininɔ bé wèe kí bleewaroo? Bó yān n kèwe gwee? À wèñla à bè: Pó kè aō kèmɛɛn má kèñnɛ. <sup>12</sup> Ben aō bè: Wa mɔ wà n yi wà n kpámame. Ben Samusĩ bè: À la damɛ kè é ma de a zīndaro. <sup>13</sup> Ben aō bèñnɛ: Auo! Wé n dero. Wé n yi kōn bàomɛ wà n nañnɛ n ɔzĩ. Ben aō à yì kōn bà dufuo mèn plaa aō bò gbèwɛɛ pì guu. <sup>14</sup> Kè wà kào Gɛɛwa, ben Filisitininɔ mò wà daàlɛ, aōɛ wuu kaaa. Dii Nini sù Samusĩa, ben bà kè wà à yìo a ɔnɔa gò lán zīndoo tékūna bà, ben bà pìnɔ zōzōkōrɛ à ɔa. <sup>15</sup> À zaaki gè dufu gɛɛwa è, ben à nàe à sè à gōn wàa sɔɔroonɔ dèdɛo. <sup>16</sup> Samusĩ bè: Zaaki gɛɛwan ma gōn wàa sɔɔroonɔ dèdɛo, zaaki gɛɛwan ma n tōtōkōla.

<sup>17</sup> Kè à yā pì ò à yāa, ben à gɛɛwa pì zīnna. Ben wà tó kpà guu pìnɛ Gɛɛwa sīsĩ.

<sup>18</sup> Ímii à kù gbāa, ben à wii pè Diizi à bè: N̄ tò mamɔma n zòbleri ma zì blè maamaa, ben né tó mà ga kōn ímiiò mà lée Filisitini gɛfɔɔdeenɔ ɔzĩ? <sup>19</sup> Luda Gɛɛwa gu zòoto pàra, ben í bòn. Samusĩ mì, ben à wèndi sù à gbāaa è. Beee yānzin wè guu pì sísi Enakore. À kú Gɛɛwa ai kōn a gbāao. <sup>20</sup> Samusĩ yā gōgō Isarailinɔnɛ ai wè baro Filisitininɔ kíbblemmanaguro.

## 16

### *Samusĩ Gaza gēkii gbà gborona*

<sup>1</sup> Samusĩ gàa Gaza à kaarua ke è gwe, ben à gè à dae. <sup>2</sup> Wà bè Gazadeenɔnɛ: Samusĩ kú kè. Ben aō liga guu pìzi, wèe à kpákpa wéte gēkiia gwāavĩ. Aō yìte gwāavĩ pia wà bè: Tó guu dò, wé à demɛ. <sup>3</sup> Samusĩ dàe gwe ai lezāndo, ben à fèe à gàa à wéte gēkii gbà kù

kŏn a lípɛɛ mèn plaaanŏ à wùrɛ kŏn à gbāngao lɛdo. À dà a gàn à gàa à zìnnà sìsì kè aɛ do Eblɔnua musu.

### *Samusī kŏn Delilao*

<sup>4</sup> Beee gbɛra Samusī yè nɔgbɛ kezi zaa Sɔrɛki guzuren, à tón Delila. <sup>5</sup> Ben Filisitininŏ kɔnanŏ gàa wà nɔgbɛ pì lè aŏ bène: Ñ òndŏ daezi lɛ ñ e ñ à gbāa bíta pì asii dŏ kŏn dian wé kɛ nà wà gbāaa mŏnɛo. Tó wa à yì bào wa à gbāaa bùsa, wa baade é n gba kondogi ɔɔ mèn wàa ɔɔro kpé basɔro. <sup>6</sup> Ben Delila bè Samusīne: Ñ n gbāa bíta asii omɛ kŏn dian weé kɛ nà wà n yi bào wà n gbāaa busao. <sup>7</sup> À wèàla à bè: Tó wà ma yi kŏn kyā yī mèn swɛɛplaaao, beee bé eé ma busa màgŏ dɛ lán baade bà. <sup>8</sup> Filisitininŏ kɔnanŏ mò Delilane kŏn kyā yī kè èe kori kùrooo mèn swɛɛplaaa, ben à à yìo. <sup>9</sup> À kùrinŏ utena kpétu, ben Delila bè Samusīne: Samusī! Filisitininŏɛ zenla fá! Ben à kyā pìnŏ kèkè lán bà muna bà, wèè à gbāaa asii dŏro.

<sup>10</sup> Ben Delila bène: Néɛ ma lalandi kɛɛ, néɛ egɛɛ toomɛɛ. Ñ omɛ sa dian weé n yi nà. <sup>11</sup> Ben à bène: Tó wà ma yi kŏn bà gègete dufu kè wèè zī kɛo zikirooo, eé ma busa màgŏ dɛ lán baade bà. <sup>12</sup> Ben Delila bà pì sè à à yìo. À kùrinŏ utena kpétu, ben à bè: Samusī! Filisitininŏɛ zenlaee! Ben Samusī bà kè do a ɔɔa pì kèkè lán ɔɔbuba bà. <sup>13</sup> Delila bène: Néɛ ma lalandi kɛɛ ai tia. Néɛ egɛɛ toomɛɛ. Ñ omɛ sa dian weé n yi nà? Ben à bène: Tó n ma mìkã gbāa mèn swɛɛplaaanŏ kù ñ dà àsan ñ tã, ben n káro pèa, mé busa màgŏ dɛ lán baade bà. Delila tò ii à sè, ben à à mìkã gbāa mèn swɛɛplaaa pìnŏ kù à tã lán bisatāna bà <sup>14</sup> à káro pèa. Ben à bè: Samusī! Filisitininŏɛ zenlaee! Ben à vù à àsa pì gà à wùrɛ kŏn a mìkão.

<sup>15</sup> Delila èara à bène do: Nèègŏ bee n yemazi, bensŏ nèè ma náane kero né? N ma lalandi kè à kà gèn aagŏ. Néɛ n gbāa bíta asii omɛro. <sup>16</sup> Len ègŏ nakŏrɛɛa lɛ kŏn yā beee takao yāana sai. Èe a zīnda busaane ai à gàa à fù menaa à yezi à ga. <sup>17</sup> Ben à yā kè kú a swèn òne píngi sa à bè: Gèe e na ma mìa zikiro, zaake wà ma kɛ Luda pŏ ũmɛ. Tó wà ma mì bò, ma gbāaa é bɔmagu, mé busa màgŏ dɛ lán baade bà. <sup>18</sup> Kè Delila è à yā kè kú à swèn òare píngi, ben à lékpāsã kè Filisitininŏ kɔnanŏne à bè: À èara à mó gèn do do, zaake à à píngi òmɛ sa. Ben aŏ èara wà mò à kiia, aŏ kondogi pì kūna. <sup>19</sup> Delila tò ii Samusī sè a gbála, ben à gŏgbɛ ke sisi. À à mìkã gbāa mèn swɛɛplaaa pìnŏ bò, ben à nà busanaa à gbāaa pì bòn. <sup>20</sup> Delila bè: Samusī! Filisitininŏɛ zenlaee! Ben à vù èe daa é kɛ lán yāa bà à a zīnda bɔmɛ. À dŏ kè Dii a tonlo. <sup>21</sup> Ben Filisitininŏ à kù, wà à wéenŏ bŏbŏ, ben aŏ gāao Gaza. Aŏ mŏgotɛ gata kpàne, ben wà à dà èe wísi lŏ kpésiaan. <sup>22</sup> À mìkã pì èara à nà kpaɛnaa do à bona gbɛra.

### *Samusī gana*

<sup>23</sup> Filisitininŏ kɔnanŏ kŏ kàkŏa lɛ wà ñ tãa Dagŏni gbāgbā, ben aŏɛ pŏnnaa kɛɛ wèè bè: Wa tãa wa ibɛɛ Samusī nàwe wa ɔzī. <sup>24</sup> Kè Filisitininŏ à è, aŏ ñ tãa sáabu kpà wà bè:

Wa ibɛɛ wa bùsu dè,  
à wa gbɛnŏ dèdɛ dúgudugu,  
ben wa tãa à nàwe wa ɔzī.

<sup>25</sup> Lán aŏ pŏɔ kè nna nà aŏ bè: À Samusī sisi à kŏkŏ owe. Ben wà à bŏ kpésiaan à yáadoziyā kèñne.

Kè wà à zè kpé wesagbanŏ dagura, <sup>26</sup> à bè gŏkparɛ kè à à ɔ kŏnanɛ: Ñ gámao wesagba kè aŏ kpé senanŏ sae lɛ mà ɔ nanaa mà gbāaa ea. <sup>27</sup> Tãakpɛ pì pà, gŏgbɛnŏ kŏn nɔgbɛnŏ kú gwe kŏn Filisitininŏ kɔnanŏ ñ píngi. Gbɛ kè aŏ kú kpé pì musu kà gŏn bŏrŏ aagŏ, kè aŏ mò Samusī kŏkŏ gwa.

<sup>28</sup> Samusī wéɛ kè Diia à bè: Dii Luda, ñ tó ma yā dŏngu. Luda, ñ ma gba gbāaa gèn do do lɛ mà gèe boo Filisitininŏa ma wéɛ mèn plaa yā musu. <sup>29</sup> À ɔ nàna wesagba mèn plaaa kè aŏ kpé pì kūna gura súusunŏa, à ɔplaa kú à dooa à ɔzɛ kú à dooa do. <sup>30</sup> À bè: Ñ tó mà

ga kōn Filisitininō! À nàε, ben à ɔ yìpazi kōn gbāaaο, ben kpé pì gbòro à sì Filisitininō kínanōa kōn gbē kè aō kú à guunō ń píngi. Gbē kè Samusī ń déde a gagurōonō pari de gbē kè à ń déde gurō kè à kú wēndiola. <sup>31</sup> À dāaronō kōn à de bεdeenō mò ń píngi aō à gè sè wà tàο, ben aō à mira kpàkōzi kōn à de Manōa pōο, Zōra kōn Εεetaoluo dagura. À yā gōgō Isarailinōε ai wē baro.

## RUTU

### *Naomi kɔn Rutuo*

<sup>1</sup> Gurɔɔ kɛ yāgɔgɔrinɔɔ e kɪ bleɛ Isarailinɔ bɔsun, dekaa kà, ben gɔgbɛ ke bɔ Betɛlemu, Yudanɔ bɔsun, à gāa gurɔplaa ke Mɔabunɔ bɔsun kɔn a naɔ kɔn a nɛgɔgbɛ gɔɔn plaaanɔ.

<sup>2</sup> Gɔgbɛ pɪ tɔn Elimɛleki. À naɔ tɔn Naomi. À nɛnɔ tɔn Malonu kɔn Kiliɔo. Eflata bɔsu gbɛnɔmɛ. Aɔ gāa Mɔabunɔ bɔsun, ben aɔ kú gwe. <sup>3</sup> Gwen Naomi zā Elimɛleki gàn, ben à gɔ gwe kɔn a nɛ gɔɔn plaaa pɪnɔ. <sup>4</sup> Aɔ Mɔabu nɔgbɛnɔ sɛ nɔɔnɔ ũ, à doo tɔn Opa, à doo sɔ Rutu. Aɔ kú gwe lán wɛ̀ kuri taka bà, à gberan <sup>5</sup> Malonu kɔn Kiliɔo gà n plaa n pɪngi, ben Naomi gɔ gɔɔ sai nɛ sai.

<sup>6</sup> Kè à kú Mɔabunɔ bɔsun gwe, à mà kè Dii a gbɛnɔ wɛnda gwà à n gbá pɔblee, ben à soru kè à ta kɔn a nɛ naɔ pɪnɔ. <sup>7</sup> Ben à fɛɛ guu kè à kún à dà zén kɔn a nɛ naɔ pɪnɔ, aɔɔe taa Yudanɔ bɔsun. <sup>8</sup> Ben à bè a nɛ naɔ pɪnɔnɛ: À liara à tá a danɔ kiia. Dii gbɛkɛɛ keare lán á kè a gɔ kè aɔ gànɔnɛ nà kɔn mapio. <sup>9</sup> Dii tó a baade ɛara à zā ke à vɛɛkii e. Kè à lé zàmmá, ben aɔ ɔ̀ dɔ gbāngbān. <sup>10</sup> Aɔ bènɛ: Wé tányo n gbɛnɔ kiiame. <sup>11</sup> Ben à bè a nɛ gyaanɔ pɪnɔnɛ: À liara! Bóyānzi é támaozi? Mé ɛara mà nɛgɔgbɛnɔ i lɛ à e à zā kɛm̄ma dɔn yó? <sup>12</sup> À liara à tá! Ma zi kũ, mé e mà zā ke dɔro. Baa tó ma bè mé wɛɛ dɔ zākenazi, ben má è uusiaa ma nɛgɔgbɛnɔ ò, <sup>13</sup> é fɔ à n dā ai aɔ bíta kú? É fɔ àgɔ kuu pɔɔɛ n yānzió? Auo, ma nɛnɔ! Dii kpɛɛ limemɛ. Yā kè à a lee pɪ e kɛmɛ nnaro fá!

<sup>14</sup> Aɔ ɛara wà nà ɔ̀ dɔɔa, ben Opa lé zà a zā da pɪa, mɔde Rutu gi à nàa. <sup>15</sup> Ben Naomi bènɛ: N̄ gwa, n gbɛndoo e taa a gbɛnɔ kɔn a tāanɔzi. N̄ liara n̄ táo. <sup>16</sup> Ben Rutu bènɛ: N̄ton nakɔrema mà n tón mà táro. Guu kè n kɛɛ e pɛɛɛn, wégɔ ledome. Guu kè n pítan, gwen mé pítan. N gbɛnɔ é gɔ ma gbɛnɔ ũ, n Luda é gɔ ma Luda ũ. <sup>17</sup> Guu kè n gan, gwen mé gan wà ma v̄i gwe. Gaa baasiro póke é wa kɛkɔaro. Tó ma kɛmma, Dii yā kɛmɛ pāsīpāsī. <sup>18</sup> Kè Naomi è à zèò à táaomɛ, èe yāke onɛ dɔro.

<sup>19</sup> Ben aɔ plaa n pɪngi gāa ɛ ai aɔ kà Betɛlemu. Kè aɔ kà gwe, wéte lògo n yā musu. Gbɛnɔ bè: Naomin gwe sɔsɔ? <sup>20</sup> Ben à bènɛ: Àtongae ma sísi Naomi dɔro, séde Mara, zaake Gbāapingide pɔsiayā kɛmɛ. <sup>21</sup> Ma gaa wétea kɔn póo, ben Dii sùmao ɔkori. Bó yā bé à tò é ma sísi Naomii? Dii bɔ ma kpɛɛ, Gbāapingide yā'ɔamma kpàmazi. <sup>22</sup> Lán Naomi sù kɔn Mɔabunɔ bɔsuo n̄an gwe kɔn a nɛ naɔ Rutu, Mɔabu boriio. Aɔ kà Betɛlemu gurɔɔ kè wà nà nagākɛnaamɛ.

## 2

### *Rutu dakɔrena kɔn Bɔazao*

<sup>1</sup> Naomi zā Elimɛleki be gɔgbɛ kee kuu, gbɛnsi auzikideemɛ, à tɔn Bɔaza. <sup>2</sup> Mɔabu nɔgbɛ Rutu bè Naominɛ: N̄ tó mà gá bura nagā kɔɔ we màgɔ té gbɛ kè ma wɛnda gwà kpɛɛ. Ben à bè a nɛ gyaanɔ pɪnɛ: N̄ gá! <sup>3</sup> Ben à fɛɛ à gāa nagā kɔɔ we bura, ègɔ té pókɛrinɔ kpɛɛ. À mò à lè buraa kè à gāan pɪ nɛ Elimɛleki danɛ Bɔaza buraamɛ. <sup>4</sup> Ben Bɔaza bɔ Betɛlemu. Kè à kà gwe, à ì kpà pókɛrinɔ à bè: Dii gɔ kúao! Ben aɔ bènɛ: Dii aubarika dangu! <sup>5</sup> Bɔaza bè a zikeri kè de à pókɛrinɔ gwàri ũnɛ: Dé bé à nɔkpare kèkāa v̄i? <sup>6</sup> Ben à wèala à bè: Nɔkpare pɪ nɛ Mɔabu nɔgbɛ kè Naomi bɔo Mɔabunɔ bɔsun à sùome. <sup>7</sup> À bè mà tó à nagāa kɔɔ we pókɛrinɔ kpɛɛ, ben èe zīi kɛɛ zaa kɔngɔ. Tian à mò kámma bo féte kutaa guu.

<sup>8</sup> Ben Bɔaza gāa à bè Rutunɛ: N̄ ma yā ma. N̄ton gá nagā kɔɔ we bú pānde guuro. N̄ton gɛwalaro. N̄ gɔ kè kɔn ma nɔgbɛ zikerinɔ. <sup>9</sup> N̄ wɛɛ dɔ zīi kè aɔɔe kɛɛzi ñgɔ té n̄ kpɛɛ. Má ò ma gɔkparenɔnɛ aɔton ña dammaro. Tó ímii e n deɛ, n̄ gá n̄ í kè aɔɔ kà orozānɔn mi. <sup>10</sup> À kùɛnɛ à mì pɛɛ à bè: À kè dia mamɔma kè bori pānde nɔgbɛn ma ũ, n làakari dɔma, ben n yā maa



kèmɛɛ? <sup>11</sup> Ben Bɔaza wèàla à bè: Wà yā kè ní kè n zā danɛ n zā gaa gbɛraa òmɛ píngi, lán n n de kɔn n dao tò nà kɔn n bùsuo, ben n mɔ n vɛɛ gbɛ kè ní ní dɔ yároonɔ té. <sup>12</sup> Dii fīa bonnɛ yā kè ní kè musu. Lán n mɔ n sɔɔ Dii Isarailinɔ Luda ɔru guu nà, à fīa bonnɛ maamaa. <sup>13</sup> Rutu bè: Baa, n yā maa kè mɛ fá! N ma làakari kpàemɛ, n yā nnaa ò mamɔma n zīkerinɛ, baa kè n zīkerinɔ doken ma ũro.

<sup>14</sup> Póblegurɔ Bɔaza bènɛ: Ñ mɔ n pó ble kè ñgɔ burɛdi zɔɔ dɔa. Ben à vɛɛ pókɛrinɔ saɛ. Bɔaza pówɛɛ kpatana kpàa, ben à pó blè à kà ai à kpaaa gɔ. <sup>15</sup> Kè à fɛɛ èe gaa pó kɔɔ wɛ, ben Bɔaza ò gɔkparɛnɔnɛ à bè: Baa tó èe pó kɔɔ wɛɛ nagāa kè kaena té, àton wí daaro. <sup>16</sup> À à sà kenɔ bɔbɔnɛ nagāa guu à tó à kɔɔ wɛ. Àton pataaro.

<sup>17</sup> Ben à pó kɔɔ wè ai uusie. Kè à zɔ à à wɛɛ bɔ, à kà koto lé do taka bà. <sup>18</sup> Kè à sè à tàò bɛ, ben à pó kè à kɔɔ wè pì òdɔa a zā danɛ. À pó kè à fūa à blee pì kpàa dɔ. <sup>19</sup> Ben à zā da à là à bè: Mákpan n pó kɔɔ wèn gbàa? N zīi kè mámɛ? Luda aubarika da gbɛ kè làakari dɔmmaan. Ben à gbɛ kè à zīi kè à bura yā ònɛ à bè: Gbɛ kè ma zīi kè à bura gbàa tón Bɔaza. <sup>20</sup> Ben Naomi bè: Ma Dii sáabu kè! À kpé èe gbɛkɛɛ kɛɛ wamɔwa kè wá bɛɛnɔnɛ kɔn wa gbɛ kè aɔ gànɔ. Ben à èara à bè: Gbɛ pì né wa danɛ fɛfɛ bòrinɔ dokemɛ. <sup>21</sup> Ben Mɔabu nɔgbɛ Rutu bè: À bèmɛ mà na a zīkerinɔa ai aɔ gá pó kɛ wà yáao. <sup>22</sup> Ben Naomi bè a né gyaanɔ pìnɛ: À maa ñ gá kɔn à nɔgbɛ zīkerinɔ le wàton ĩa damma bura pāndearo yānzi. <sup>23</sup> Ben à nà Bɔaza nɔgbɛ zīkerinɔa. Ègɔ pó kɔɔ wɛɛ ní kpɛɛ ai wà gāa wà nagā kɔn gbadoo kè wà yāa. À kú a zā da bɛmɛ.

### 3

#### *Rutu kɔn Bɔazao zaa blɛwɛɛgbɛkiia*

<sup>1</sup> Naomi bè a né gyaanɔ pìnɛ: À maa mà bɛɛ wɛtɛnnɛ, guu kè né e ñgɔ kún aafia. <sup>2</sup> Bɔaza kè ní kú kɔn à zīkerinɔ né wa danɛnloo? Àmbe èe pówɛɛ gbɛɛ uusiea. <sup>3</sup> Ñ zú o ñ nɔsi kemma. Ñ n pó maa da ñ gá blɛwɛɛgbɛkiia. Ñton tó à n yā dɔro ai à pó blè à í mì à yāa. <sup>4</sup> Tó à dàɛ, ñ guu kè à dàɛn gwa, ñ gá ñ à bisa lé sé ñ daɛ à gbá saɛ. Eé yā kè né kɛɛ onnɛ. <sup>5</sup> Ben à bènɛ: Yā kè ní ò píngi, mé kemɛ. <sup>6</sup> Ben à gāa blɛwɛɛgbɛkiia à yā kè a zā daa ònɛ pì kè píngi.

<sup>7</sup> Bɔaza pó blè à í mì, à pɔɔ kè nna. À gāa à dàɛ pówɛɛ tò saɛ kāa kpa, ben Rutu lɔtèzi tɛɛɛ, à bisa gò à gbála à dàɛ gwe. <sup>8</sup> Lezāndo kè Bɔaza kè giri, à vù kɔn iio à liɛ, ben à è nɔgbɛ bé à daɛna a gbá saɛ. <sup>9</sup> Kè à bè, démɛ, ben Rutu wèàla à bè: N zīkeri Rutumɛ. Ñ n bisa lé kúmala, zaake ma danɛ fɛfɛ kè eé ma boon n ũ. <sup>10</sup> À bènɛ: Dii aubarika dangu! Gbɛkɛɛ kè ní kè zāa kèkii de à káakupɔla. Néé gá n gɔkparɛ wètero, takaasidee kesɔ auzikidee. <sup>11</sup> Ñton tó vīa n kūro. Pó kè n wɛɛ kè píngi, mé kɛnnɛ, zaake wétɛdeenɔ dɔ ní píngi kè nɔ maaan n ũ. <sup>12</sup> Yápuraamɛ! N danɛn ma ũ, mɔde danɛ fɛfɛ pāndee kuu à fɛfɛkɛɛ demala. <sup>13</sup> Ñ i kè gwāavīa, zia kɔngɔ tó à yezi à n bome, à maa, à n bo. Mɔde tó èe weziro, má sì kɔn Diio mé n bo. Ñ i kè ai guu dɔ.

<sup>14</sup> À daɛna à gbá saɛ gwe ai gukɛkɔanao, ben à fɛɛ ai guwɛɛ gɔ gá kɛ, zaake Bɔaza bènɛ àton tó gbɛkee dɔ kè à mò blɛwɛɛgbɛkiiaro. <sup>15</sup> À bènɛ dɔ: Ñ n pódangān poro ñgɔ kūna. Kè à kūna, ben Bɔaza nagāa kànnɛ zaka lé swɛɛdo à dìnɛ, ben à tàò bɛ. <sup>16</sup> Kè à kà bɛ, à zā da à là à bè: Yā kè dia gwee? Ben à yā kè gɔgbɛ pì kènɛ ònɛ píngi <sup>17</sup> à bè: À ma gba nagā zaka lé swɛɛdo kèkiimɛ. À bè à maa mà tá ma zā daa ɔkoriro. <sup>18</sup> Ben Naomi bè: Ñ vɛɛ tɛɛɛ ai ñ yā pì mīdena dɔ, zaake gɔgbɛ pì é kamma bo gbàa yā pì mīdena sairo.

### 4

#### *Rutu zākɛna Bɔazao*

<sup>1</sup> Bɔaza gàa à vɛɛ wéte bĩilea, ben à è danɛ fɛ̀fɛ̀ bòri kè à à yā ò pì e mɔɔ. Ben à bè: Ma gbɛ̀, ò mɔ̀ ò vɛɛ. <sup>2</sup> Ben à wéte gbɛ̀nsinɔ̀ sìsi gɔ̀ɔn kuri à bè aɔ̀ vɛɛ. <sup>3</sup> Ben à bè danɛ fɛ̀fɛ̀ pìnɛ: Naomi kè sù kɔ̀n Mɔ̀abunɔ̀ b̀suo e wa v̄i Elimelɛki bura kpadoo yaa. <sup>4</sup> Ben má è à maa mà à yā onne, ɛ̀ ò lú wa gbɛ̀nsi kè aɔ̀ vɛɛna kènɔ̀ wáa. Tó ò yezi ò bome, ò bo. Tó ò yezi ò bo sɔ̀ro, ò ome mà ma, zaake r̀be ò à bona zé v̄i. Tó ò baka gè, sé mapi. Ben gɔ̀gbɛ̀ pì bè: Mé bo. <sup>5</sup> Ben Bɔaza bè: Tó ò tɔ̀te pì lù Naomi kɔ̀n Mɔ̀abu nɔ̀gbɛ̀ Rutuoa, né gbɛ̀ kè gà gyaanɔ̀ e dɔ̀, ɛ̀ à tó e à gɔ̀ à túbia. <sup>6</sup> Ben danɛ fɛ̀fɛ̀ bòri pì bè: Tó ɛ̀n à de ɛ̀, mé boro, ɛ̀ màton ma zĩnda túbì yakaro yānzi. Ò ò pɔ̀ bo, zaake mé f̄s mà boro. <sup>7</sup> Isarailinɔ̀ b̀sun yā tó gbɛ̀ e tɔ̀te boo ke è è à lendee kpaa, tó è yā m̀ deɛ, è a kyate gbá doo bɔ̀ à dɔ̀ gbɛ̀nɛmɛ yā pì m̀dena sèeda ũ Isarailinɔ̀nɛ. <sup>8</sup> Kè danɛ fɛ̀fɛ̀ bòri pì bè Bɔazanɛ à lú, ben à a kyatee b̀ à kpà Bɔazaa. <sup>9</sup> Ben Bɔaza bè gbɛ̀nsi p̀nɔ̀nɛ kɔ̀n gbɛ̀ kpaaanɔ̀ ò p̀ngi: Ámbe sèedadeenɔ̀ ũ gbãa, kè ma Elimelɛki kɔ̀n Malonuo kɔ̀n Kilišo p̀nɔ̀ lù Naomia p̀ngi. <sup>10</sup> Ben ma Malonu gyaanɔ̀ Rutu, Mɔ̀abu nɔ̀gbɛ̀ è nɔ̀ ũ dɔ̀, ɛ̀ gbɛ̀ kè gà pì tó e à gɔ̀ kú à túbia, ɛ̀ à tó tón ga à gbɛ̀nɔ̀ té ke à wéte kè guuro. Ámbe yā pì sèedadeenɔ̀ ũ gbãa.

<sup>11</sup> Ben gbɛ̀nsi p̀nɔ̀ kɔ̀n gbɛ̀ kè aɔ̀ kú gānu guunɔ̀ bè ò p̀ngi: Wámbe sèedadeenɔ̀ ũ. Dii tó nɔ̀gbɛ̀ kè èe gɛ̀e ò ua pì gɔ̀ lán Raseli kɔ̀n Leao bà. Aɔ̀ plaa ò p̀ngi bé wà Isarailinɔ̀ borii kè. Eé tó ò gbãa kú Eflata b̀sun ò tó bɔ̀ Betelɛmu. <sup>12</sup> Dii tó borii kè eé kpámma kɔ̀n nɔ̀gbɛ̀ p̀nɔ̀ gɔ̀ lán Pɛ̀rezi kè Tama ò Yudanɛ borii ò bà.

#### *Dauda bori bɔ̀zia*

<sup>13</sup> Ben Bɔaza Rutu sè nɔ̀ ũ. À dàeɔ, ben Dii tó à ò s̀, ben à né ò gɔ̀gbɛ̀ ũ. <sup>14</sup> Ben nɔ̀gbɛ̀nɔ̀ bè Naominɛ: Wa Dii sáabu kè, èe ò tó borii sai gbãaro. Luda tó né pì tó bɔ̀ Isarailinɔ̀ té. <sup>15</sup> Eé ò làakari kpáenne, eé ò gwa ò zikū guu, zaake ò né gyaanɔ̀ kè yenzi bé à à ònne, à s̄ à maanne de négɔ̀gbɛ̀ gɔ̀ɔn swɛɛplaaanɔ̀la. <sup>16</sup> Ben Naomi né pì sè à kpà a kùla à gɔ̀ à gwàri ũ. <sup>17</sup> Ben nɔ̀gbɛ̀ kè aɔ̀ kú gweenɔ̀ bè: Wà négɔ̀gbɛ̀ ò Naominɛ. Ben aɔ̀ tó kpàne Ɔbedi. Ámbe Yɛ̀sɛ de, Dauda dezi ũ.

<sup>18</sup> Pɛ̀rezi borii ò zékpaen yè:

Pɛ̀rezi bé à Ezerɔ̀nu ò,

<sup>19</sup> Ezerɔ̀nu Ramu ò, Ramu Aminadabu ò,

<sup>20</sup> Aminadabu Nas̄ ò, Nas̄ Salamɔ̀ ò,

<sup>21</sup> Salamɔ̀ Bɔaza ò, Bɔaza Ɔbedi ò,

<sup>22</sup> Ɔbedi Yɛ̀sɛ ò, ben Yɛ̀sɛ Dauda ò.

## SAMUËLI TAKADA KAAKU

Samuëli 1:1-7:17

Solu 8:1-15:35

Solu kɔ̃n Daudao 16:1-31:13

### *Elekana kɔ̃n a gbɛ̃nɔ*

<sup>1</sup> Gɔ̃gbɛ̃ kee kú Rama, Eflaimu bùsu gusĩsĩdeen. Zufu boriime, à tón Elekana, Yeroamu néme. Eflaimu borii kè wè bene Zufu pì bé à Tohu ì, ben Tohu Eliu ì, ben Eliu Yeroamu pì ì. <sup>2</sup> Elekana nɔ̃nɔ vī mèn plaa, à káaku tón Ana, à plaade tón Penina. Penina bé à nénɔ vī, Ana sɔ̃ e né iro. <sup>3</sup> Wè kɔ̃n wèo gɔ̃gbɛ̃ pì è bɔ a wéte guu à gá dɔnzi ke Dii Zìkpɛdene zaa Silo à saa oa. Eli négɔ̃gbɛ̃ mèn plaaanɔ ɔfini kɔ̃n Fin easio kú gwe Dii gbàgbàrinɔ ũ. <sup>4</sup> Gurɔ̃ kè Elekana saa ò, è à nòbɔ kpá a naɔ Peninaa kɔ̃n à négɔ̃gbɛ̃nɔ kɔ̃n à nénɔgbɛ̃nɔ n pínɡi, <sup>5</sup> ben è à leo plaaa kpá Ana kè à yezi yānzi, baa kè Dii à kè pāaa ũ. <sup>6</sup> À gɔ̃aanɔ pì sɔ, ègɔ̃ à faboo kè à kuu pāaa ũ yānzi, le à à nòse fɛene. <sup>7</sup> Len ègɔ̃ keene le wè kɔ̃n wèo. Tó Ana gàa Dii kpé guu, à gɔ̃aanɔ pì è à fabo, ben è ɔ̃ dɔ ai à fua à pó ble. <sup>8</sup> Ben à zā è à lá: Ana, bó bé à n le néé ɔ̃ dɔ̃, ben n gi pó blezii? À kè dia n nòse yàka? Má denne négɔ̃gbɛ̃ mèn kurilaroo?

<sup>9</sup> Zíkea kè aɔ̃ kú Silo, aɔ̃ pó blè wà yāa, sa'ori Eli vɛena kítaa Dii kpé kpɛele, ben Ana fɛe <sup>10</sup> kɔ̃n nòseyakana bítao, à wée kè Diia kɔ̃n ɔ̃ dɔ̃o maamaa. <sup>11</sup> Ben à lù sè Diine à bè: Dii Zìkpɛde, n tó mamɔma n zòbleri yā dɔngu! N ma wènda gwa! Tó ma yā e sānguro, bensɔ̃ n ma gba négɔ̃gbɛ̃, mé à kpámma n pó ũ ai à wèndi lén, gɛe é na à mìa zikiro. <sup>12</sup> Kè à wéekena Diia pì e yāaaro, ben Eli e à lé tàasi kee. <sup>13</sup> Ana e adua pì kee a swè guu, à lé bé èe kee zúgizugi, èe yā o à bɔ a lén gbɛ̃kee mào. Eli e daa wɛe e à deeme, <sup>14</sup> ben à bène: Wèe ègɔ̃ n dee ai bɔreeme? N mi kè wɛea. <sup>15</sup> Ben Ana wèala à bè: Èe ke lenlo Baa! Nɔgbɛ̃ pɔsiadeen ma ũ, mée wèe ke í gbāa ke miro. Mée ma yā ɔ̃sammanɔ oo Diineme. <sup>16</sup> Nton mamɔma n zòbleri die nɔgbɛ̃ pāpādee ũro. Ma nòse kè yàka kɔ̃n ma kuuna bídi guuo bé à tò mée wée kee gura kè ai tia. <sup>17</sup> Ben Eli bène: N tá kɔ̃n aafiao. Isarailinɔ Luda n gba pó kè n wée kèa. <sup>18</sup> Ben Ana bè: N tó mapi n zòbleri yā kánne. Ben à tà à pó blè à uu wère.

### *Samuëli ina*

<sup>19</sup> Kè guu dɔ̃, aɔ̃ fɛe ide'ide aɔ̃ gàa wà dɔnzi kè Diine. Ben aɔ̃ èara wà tà n be wéte zaa Rama. Kè Elekana dàe kɔ̃n a naɔ Ana, à yā dɔ̃ Diin. <sup>20</sup> Gurɔ̃ beeean à nò sɔ̃ à né ì gɔ̃gbɛ̃ ũ, ben à tó kpàne Samuëli, zaake à bè: Ma à wée kè Diiamɛ.

<sup>21</sup> Ben Elekana fɛe kɔ̃n a bɛdeenɔ n pínɡi, aɔ̃ èara wà gàa saa kè wè o wè kɔ̃n wèo o Diia, aɔ̃ lù kè aɔ̃ sène fīa bo. <sup>22</sup> Mɔde Ana e gáro. À bè a zāne: Tó né pì kè, ben mé gá à ɔ̃dɔa Diine, eégɔ̃ kú gwe gurɔ̃ pínɡi. <sup>23</sup> Ben à zā bène: Lán à kènnne maa nà n ke. N tó ai à kè. Dii tó yā pì ke. Ben nɔgbɛ̃ pì a né gwà ai à gàa à kèo.

<sup>24</sup> Kè à kè, ben à à sè à gāao Dii kpén zaa Silo kɔ̃n zùsware wè aagɔ̃o kɔ̃n wísitio konko do kɔ̃n geepiwéero tūu do. Né pì kè gɔ̃kpare ũ. <sup>25</sup> Kè aɔ̃ zùswaree pì kòto kpà, ben aɔ̃ gàa kɔ̃n né pìo Eli kiia. <sup>26</sup> Ben Ana bène: Baa, n gaafaa kemɛ! Kɔ̃n n kuunao mámbe nɔgbɛ̃ kè ze mée wée kee Diia n wáa gura kè ũ. <sup>27</sup> Né kèkiin ma wée kè Diia, ben à ma gba pó kè má gbèkaa pì. <sup>28</sup> Beee yānzin ma mɔ̃ à kpá Diiazi, le àgɔ̃ kuu à pó ũ ai a wèndi lén. Ben aɔ̃ dɔnzi kè Diine gwe.

## 2

### *Ana aduakɛna* (Luk 1:46-55)

<sup>1</sup> Ben Ana adua kè à bè:

Ma ǹ̀se e ýaa d̀̀o Diia,  
 ma m̀̀ da'iana Dii ýanzi.  
 Ḿ́e woo kaa ma ibeena,  
 ma p̀̀o k̀̀e nna, k̀̀e à ma m̀̀ si.  
<sup>2</sup> Gbēkee kú adona lán Dii bàro,  
 gbēkee kuu lán à bàro,  
 gb̀̀esi kee kuu lán wa Luda bàro.  
<sup>3</sup> Àton yá b̀̀e k̀̀n ỳ̀nk̀̀oro,  
 àton tó wadayá b̀̀o a lénlo,  
 zaake Dii Ludan yá d̀̀ori ũ,  
 àmbe è wa yá kenaǹ̀o ỳ̀ à gwa.  
<sup>4</sup> G̀̀sagb́́aaǹ̀o sá è'è,  
 m̀̀de gb̀̀e funaǹ̀o gb́́a asaa d̀̀o ǹ̀ pii.  
<sup>5</sup> Gb̀̀e kána e a ź́inda aya kee p̀̀blee ýanzi,  
 m̀̀de naa e gb̀̀e k̀̀e èe à de ýaa de d̀̀oro.  
 Páaa né ì m̀̀n swēplaa,  
 m̀̀de né pari'iri g̀̀o wēnda.  
<sup>6</sup> Dii bé è tó gb̀̀e ga,  
 bens̀̀o è tó gb̀̀e g̀̀o kuu.  
 Àmbe è tó gb̀̀e g̀̀e bùsu guu,  
 bens̀̀o è g̀̀e vu.  
<sup>7</sup> Dii bé è m̀̀o k̀̀n takaasio k̀̀n kuuna nnao,  
 è t̀̀o gb̀̀ekeǹ̀o, è gb̀̀ekeǹ̀o sé lezì.  
<sup>8</sup> È wēndadeeǹ̀o b̀̀o bùsutitin,  
 è takaasideeǹ̀o b̀̀o tubura.  
 È ǹ̀ v̀̀e gu d̀̀nk̀̀n k̀̀n ḱ́ineǹ̀o,  
 è tó à̀o kpata ble k̀̀n gakuio.  
 Zaake t̀̀ote kásápeekiiǹ̀o né Dii p̀̀me,  
 ben à anduna káa.  
<sup>9</sup> È a gb̀̀eǹ̀o gb́́apeeki dákpańe,  
 è zaakeriǹ̀o dúgu z̀̀o gusiaan.  
 Gb̀̀eke é f̀̀o à osii ne k̀̀n a ź́inda gb́́aaaoro.  
<sup>10</sup> Dii é a ibeena ú ló,  
 eé pata a ibeena zaa musu,  
 eé yákpae keńyo ai anduna lézekiia.  
 Eé gb́́aaa kpá kína k̀̀e à kàa,  
 eé gb̀̀e k̀̀e à sè p̀̀i m̀̀i da ía.  
<sup>11</sup> Ben Elekana tà a be wéte zaa Rama, ben nég̀̀ogb̀̀e p̀̀i g̀̀o, èe ź́i kee Diine k̀̀n sa'ori Elio.

### *Eli nég̀̀ogb̀̀e*

<sup>12</sup> Eli nég̀̀ogb̀̀e né né pásiǹ̀me, à̀e Dii daro. <sup>13</sup> Yá k̀̀e sa'ori p̀̀iǹ̀o è keńnen yè. Tó gb̀̀e saa ò, gur̀̀o k̀̀e èe ǹ̀b̀̀o p̀̀i f̀̀ufu kee, sa'ori ìba ke è m̀̀o k̀̀n saka gb̀̀adá aag̀̀o deeo kúna. <sup>14</sup> Ben è pee taa guu ke oroo ke m̀̀'oroo, ben sa'ori è p̀̀o k̀̀e saka p̀̀i b̀̀o sé a p̀̀o ũ ṕ́ingi. Len à̀e ke Isaraili k̀̀e à̀o m̀̀o Siloǹ̀e le ǹ̀ ṕ́ingi. <sup>15</sup> Baa ai wá g̀̀o gá ǹ̀b̀̀o kpá téa à ǹ̀si ýaa, sa'ori ìba ke è m̀̀o à be gb̀̀e k̀̀e saa ò p̀̀iǹ̀e: Ǹ̀ ǹ̀b̀̀o kpá sa'oria à kpá téa, zaake eé we à ǹ̀b̀̀o f̀̀ufukena símmaro, sé à búsu. <sup>16</sup> Tó gb̀̀e p̀̀i bène é ǹ̀b̀̀o kpá téa ǵ́ia a ǹ̀si ýaa, gbasa p̀̀o k̀̀e à yezi à sé sa, ben ìba p̀̀i è be: Auo! Ǹ̀ kpáma g̀̀o! Tó n gi, mé b̀̀o k̀̀n gb́́aaa. <sup>17</sup> G̀̀okpare p̀̀iǹ̀o durun k̀̀e bíta Diine maamaa, zaake à̀o e kya kaa à sa'oǹ̀ob̀̀mme.

<sup>18</sup> Né g̀̀ogb̀̀e Samueli s̀̀o è g̀̀o ź́i kee Diine k̀̀n dansiki utao dana. <sup>19</sup> À da è uta gyaba néngo z̀̀ne. Tó èe m̀̀o saa o k̀̀n a ź́ao wè k̀̀n wèo, ben è m̀̀one. <sup>20</sup> Eli è sa maaa o Elekanaǹ̀e k̀̀n

a nɔɔ pìo à be: Dii n gba né dɔ kɔn n nɔɔ pìo, né kè à à wée kè ben à kpà Diia pì gɛɛ ũ. Ben aɔ̀ è tá n bé. <sup>21</sup> Ben Dii aubarika dà Anan, à èara à né ì mèn sɔɔro, gɔ̀gbɛ̀nɔ̀ gɔ̀ɔn aagɔ̀, nɔ̀gbɛ̀nɔ̀ plaa. Né gɔ̀gbɛ̀ Samuéli sɔɔ e bíta kũu Dii ɔ̀zĩ.

<sup>22</sup> Eli zi kũ kótokoto, à yã kè a nénɔ̀ e kɛɛ Isarailinɔ̀nɛ mà píngi kɔn lán aɔ̀ è dae kɔn nɔ̀gbɛ̀ kè aɔ̀ègɔ̀ zĩ kɛɛ dakɔ̀rɛki kuta kpɛɛlɛnɔ̀ nà. <sup>23</sup> Ben à n lã à bè: Bó bé à tò ée yã kɛɛ lɛɛ? Má mà baade píngi e a yãzaakɛna oo. <sup>24</sup> Àton kɛ lero ma nénɔ̀! Baaru kè má mà kè èe daagula Dii gbɛ̀nɔ̀ té pì maaro. <sup>25</sup> Tó gbɛ̀ durun kè a gbɛ̀daaanɛ, Luda é à yã gɔ̀gɔ̀, mɔ̀de tó gbɛ̀ durun kè Diinɛ, dé bé eé agbaa kpánɛ? Ben aɔ̀ gi n de yã mazi, zaakɛ Dii zè kɔn n dɛdɛna yãomɛ. <sup>26</sup> Né gɔ̀gbɛ̀ Samuéli sɔɔ e bíta kũu èe kaara. Ègɔ̀ nna kɔn Diio kɔn baade píngio.

### *Àisi zaa dɔna Eli bɛdeenɔa*

<sup>27</sup> Ben Luda gbɛ̀ke mò à bè Elinɛ: Dii bè, gurɔ̀ kè n dezi Aruna bɛdeenɔ̀ e zò blee Firi'aunanɛ zaa Igipiti, a bɔ a mɔ̀nzi tètɛntɛ, <sup>28</sup> Isaraili boriinɔ̀ té píngi n dezi Arunan á sè a gbàgbãri ũ. Ben à a gbàgbã, à tuaetiti kàare tén kɔn sa'o'utao dana. Dii bè, a sa'opɔ̀ kè Isarailinɔ̀ è kpáta kpà à boriinɔ̀a píngi. <sup>29</sup> Dii bè, bó bé à tò eè a sa'onɔ̀bɔ̀ zɔ̀ kɔn gbáo kɔn gbaa kè á diè aɔ̀ mɔ̀oare a kpé guuo? À bè, bóyãnzɛ nɛè n nénɔ̀ diè dɛalazi, ben ée mè kpaa kɔn a gbɛ̀ Isarailinɔ̀ sa'onɔ̀bɔ̀ maaao? <sup>30</sup> Beee yãnzɛ Dii Isarailinɔ̀ Luda bè, á diè yã n boriinɔ̀ kɔn n dezi boriinɔ̀ bé wàgae a gbàgbã ai gurɔ̀ píngi, mɔ̀de tia ée we beeezi dɔro. À bè, gbɛ̀ kè à a kpe dàn é bèe líne, gbɛ̀ kè kya kàaguun é ke pɔ̀ ũro. <sup>31</sup> N ma! À bè, gurɔ̀ke é mó, é n bɛ gbãaa símma kɔn n de bɛ pɔ̀o. Mare zi ke égɔ̀ kú n ua dɔro. <sup>32</sup> Né nawɛa e a bɛ. Baa tó a aubarika pìsi Isarailinɔ̀a n píngi, mare zi ke égɔ̀ kú n uaro ai gurɔ̀ píngi. <sup>33</sup> N uadeenɔ̀ é gaga zégbãn n píngi. N gbɛ̀ kè ée à bɔ a gbàgbãzĩnloo é tó n wée wo kɔn ɔ̀ dɔɔo, n pɔ̀ é sia kũ. <sup>34</sup> N né gɔ̀ɔn plaa ɔ̀fini kɔn Finɛasio é gaga gurɔ̀ dɔnkɔ̀ zĩ aɔ̀ plaa n píngi. Beee égɔ̀ dɛnne sèeda ũ kè yã kè á ò é ke píngi. <sup>35</sup> Dii bè, é gbɛ̀ sé sa'ori náanɛdee ũ, eé a pɔ̀yezɛyã ke lán á yezi nà. É à boriinɔ̀ gba gbãaa gíngin, eégɔ̀ zĩ kɛɛ kína kè é kánɛ ai gurɔ̀ píngi. <sup>36</sup> N borii kè aɔ̀ gɔ̀nɔ̀ é mó wà kúe kɛnɛ ɔ̀ ke burɛdi yãnzɛ aɔ̀ be: N sa'ori zĩ ke dawɛ wà ke, lɛ wà pɔ̀ fète e wàgɔ̀ blee.

## 3

### *Dii lézuna Samuelizi*

<sup>1</sup> Né gɔ̀gbɛ̀ Samuéli e zĩ kɛɛ Diinɛ Eli ɔ̀zĩ. Gurɔ̀ beee Dii yã è su gbɛ̀a kpakpaaro, ben wéegupu'ena kuu pariro. <sup>2</sup> Zĩkea Eli daena a daekiia. À wée bùsa, èe guu ee maamaa dɔro. <sup>3</sup> Samuéli daena Dii kpén, guu kè Luda àkpati kún. Luda fitia e ga kòro. <sup>4</sup> Ben Dii lé zù Samuelizi. À wèàla à bè: Maɛ kè! <sup>5</sup> Ben à bàa lè à gàa Eli kiia à bè: N lé zùmazin yó? Maɛ kè. Ben à bènɛ: Méé lé zunziro. N gá dae. Ben à èara à gàa à dàe. <sup>6</sup> Dii èara à lé zùzi dɔ, ben à èara à gàa Eli kiia à bè: N lé zùmazin yó? Maɛ kè. Ben à bè: Ma né, méé lé zunziro. N gá dae. <sup>7</sup> Samuéli sɔɔ Dii dɔ gĩaro, Dii yã e sua kòro. <sup>8</sup> Dii èara à lé zùzi à gènn aagɔ̀deeo, ben à fèe à gàa Eli kiia dɔ à bè: N lé zùmazin yó? Maɛ kè. Ben Eli dɔ sa kè Dii bé èe lé zuu gɔ̀kparɛ pìzi. <sup>9</sup> Ben à bènɛ: N gá dae. Tó à lé zùnzi sa, n be: N yã o Dii, n zòbleri swã dɔ. Ben Samuéli gàa à dàe a daekiia.

<sup>10</sup> Dii mò à zè gwe, à lé zùzi lán yã pɔ̀ bà à bè: Samuéli! Samuéli! Ben Samuéli bè: N yã o Dii, mamɔ̀ma n zòbleri ma swã dɔ. <sup>11</sup> Ben Dii bènɛ: N ma! Mé yã ke Isarailinɔ̀ té, gbɛ̀ kè à à baaru mà é keke à swã wɛmɛ. <sup>12</sup> Gurɔ̀ beee mé àisi kè má kpà Eli bɛdeenɔ̀zi ke píngi zaa à daenaa ai à mìdɛnaa. <sup>13</sup> Ma bènɛ mé tó yã gae wí à bɛdeenɔ̀ musu ai gurɔ̀ píngi à zaaa kè à à yã dɔ yãnzɛ. À nénɔ̀ n zĩnda kpe bɔ̀, ben èe gínɛro. <sup>14</sup> Beee yãnzɛ ma la dà Eli bɛdeenɔ̀ yã musu ma bè: Sa'ona ke gbadana é Eli bɛdeenɔ̀ taari kɛ́rɛma zikiro.

15 Samuéli dàe ai guu dò, ben à Dii kpé gbàno wèwě. À wéegupu kè à è ona Èline vĩa vĩa. 16 Ben Eli à sisi à bè: Samuéli ma né! À wèàla à bè: Maε kè! 17 Ben à à là à bè: À bènne diamε? Nton yā pì utemero. Tó n yā kè à ònneε ke ùtemε, Luda yā kenne pásípāsī. 18 Ben Samuéli yā pì tókène píngi, èe à ke utemero. Ben Eli bè: Diin à ũ. Lán à kène maa nà à ke.

19 Samuéli e bíta kũu, bensõ Dii kúo. Èe tó yā kè à ò lèε páro. 20 Ben Isaraili kè aõ kú zaa Dani ai Besebano dò n píngi sa kè Samuéli né Dii annabime yāpura. 21 Dii ègõ boõ àgõ moõ Samuélizi zaa Silo, guu kè à a zĩnda òdoanen káaku. È yā onε, ben Isarailino e à yā maa n píngi.

## 4

### *Filisitinno Dii àkpati sina*

1 Isarailino bèe aõ gàa Filisitinnozi zĩo. Aõ bùra kàe Ebeneza, Filisitinno sõo kú Afeki. 2 Filisitinno zĩ'õo pòro aõ gàao Isarailinozi. Kè zĩ gbãa kù, ben Filisitinno Isarailino blè aõ n dede zĩlan gwe lán gõon boõo siigõ taka bà. 3 Kè Isarailino sù n bùran, aõ gbẽnsino bè: Bóyãzi Dii tò Filisitinno wa ble zĩo gbãazi? Wà gá wà Dii bà kuunawao àkpati sé zaa Silo wà suo àgõ kúwao, le àgae wa bo wa ibeεno zĩ. 4 Ben aõ gbẽno zĩ Silo aõ gàa wà Dii bà kuunaño àkpati sè wà sùo. Àmbe Dii Zĩkpede kiblekita ũ kerubuno dagura. Eli né gõon plaaano Ofini kõn Fineasio kú kõn àkpati pìo gwe. 5 Kè wà kào Isarailino bùran, aõ vĩa kõn ponna wiio n píngi ai tóte nìgã. 6 Kè Filisitinno wiio pì mà, aõ bè: Bó wii gbãaa bé à do Eberuno bùran lèε? Kè aõ dõ Dii àkpati bé à pita n bùran, 7 vĩa n kũ aõ bè: Tãa ke pita n bùramme. Yā gĩwao sa! Yā beee taka e ke zikiro. 8 Yā gĩwao! Dé bé eé wa bo tãa gbãadee pino zĩi? Tãa pino bé wà yā gàe Igipitinone gbáan. 9 Wamowa Filisitinno wà swè die wà gõgbèkeε ke. Tó wée ke lero, wé zò ble Eberunone lán aõε bleewe nàme. Wà gõgbèkeε ke wà zĩ kányo.

10 Ben Filisitinno fèε Isarailinozi kõn zĩo aõ n fu, ben aõ baade bàa lè wà tà be, zaake aõ dedena kè bíta. Filisitinno n gbè kè aõ té kèseno dede gõon boõo baaakuri. 11 Aõ Luda àkpati sìmma, ben wà Eli né gõon plaaano Ofini kõn Fineasio dède.

12 Beyãmi bori gbèke bõ zĩlan à bàa lè à gàa Silo zĩ pia. À a pókãsaano gà à kèkè à bùsu kù a mìa. 13 Kè à kà, à Eli lè vèena kítaa zé saε, èe guu dákpa, zaake à làakari kpaenaro Luda àkpati yãzi. Kè gbè pì gè wétεn, à baaru kpà wétεdeenone, ben aõε ó doõ n píngi. 14 Kè Eli wiio pì mà à bè: Zoka beee bõ máme? Ben gbè pì kè kpakpa à gá onε. 15 Eli zii kà wè basõro plaasai, à wée gò dāadāa, èe guu e doõro. 16 Ben gbè pì bène: Tian ma bo zĩlan, ma bo zaa gwe kõn bào gbãame. Ben Eli à là à bè: Bó bé à kè gwee, ma gbè? 17 Baarukpari pì wèàla à bè: Isarailino bàa lè Filisitinone, ben Filisitinno n dede paripari. N né gõon plaaano Ofini kõn Fineasio gàga do. Wà Luda àkpati sìmma do. 18 Kè à Luda àkpati yā ò, Eli bõ a kitan à lèe a kpεεgãnda wéte bĩle saε, ben à waa è à gà, zaake à zi kù, bensõ gbè kãname. À dò Isarailinone aε ai wè baplaa.

19 Eli né Fineasi naõ nõsina, à kà né'ina. Kè à Luda àkpati sina baaru mà kõn a zã de ganao kõn a zã ganao, ben à kùe à né ì, zaake nõwãwãa fèεa. 20 Kè èe gbãsi lèε, gbè kè aõ à kũkũnano bène: Nton tó vĩa n kũro, zaake n né ì gõgbè ũ. Mõde èe weńlaro, èe n yā daro. 21 Ben à tó kpà né pìne Ikabodu à bè: Isarailino gakui kò è. Zaake wà Luda àkpati sìmma, bensõ à zã de kõn à zão gàga do. 22 À bè: Isarailino gakui kò è, zaake wà Luda àkpati sìmma.

## 5

### *Luda àkpati kuuna Filisitinno kiia*

<sup>1</sup> Kè Filisitininɔ Luda àkpati sì, aɔ̀ b̀ò Ebeneza aɔ̀ t̀ào Asadɔ̀di. <sup>2</sup> Ben aɔ̀ g̀èò ń t̀aa Dagɔ̀ni kpén aɔ̀ diè à sae. <sup>3</sup> Kè guu d̀ò, Asadɔ̀dideenɔ̀ f̀èè idè'idè, ben aɔ̀ è Dagɔ̀ni l̀èè t̀òtè a puua Dii àkpati ae. Ben aɔ̀ Dagɔ̀ni s̀è wà p̀èè a gbèn. <sup>4</sup> Kè guu d̀ò d̀ò, aɔ̀ f̀èè idè'idè, ben aɔ̀ è Dagɔ̀ni l̀èè t̀òtè a puua d̀ò Dii àkpati ae. À mì k̀òn à ɔ̀ɔ̀nɔ̀ wòk̀òrè kaena kpèèlè tintia. À gbàn g̀ò diena ado. <sup>5</sup> Beee ỳanzi Dagɔ̀ni gb̀àgb̀arinɔ̀ k̀òn gb̀è k̀è aɔ̀wè g̀èè à kpén Asadɔ̀dinɔ̀ è k̀èèè p̀èè à kpèè kpèèlè tintiarozi ai k̀òn a gb̀aao.

<sup>6</sup> Dii ɔ̀ t̀ò Asadɔ̀dideenɔ̀ à ń ásarú k̀è à gb̀ènè k̀àngu, Asadɔ̀di k̀òn a lakutunɔ̀ p̀ingi. <sup>7</sup> Kè Asadɔ̀dideenɔ̀ è l̀è, aɔ̀ bè: Isarailinɔ̀ t̀aa àkpati é e àg̀ò k̀úwao k̀è d̀òrò, zaake èè ɔ̀ t̀òwa k̀òn wa t̀aa Dagɔ̀ni p̀ásip̀ási. <sup>8</sup> Ben aɔ̀ gb̀ènɔ̀ z̀ì aɔ̀ ń k̀inanɔ̀ k̀àk̀òa ń p̀ingi, ben aɔ̀ ń lá wà bè: Dian wé kè nà k̀òn Isarailinɔ̀ t̀aa àkpatioeè? Ben aɔ̀ bè: Wà g̀áo Gata. Ben aɔ̀ g̀aao.

<sup>9</sup> Kè aɔ̀ k̀ào gwe, Dii ɔ̀ t̀ò wéte gwe deenɔ̀ d̀ò, ben wéte p̀ì lògo. Dii gagyáa k̀àngu, gb̀ènè dàńla ń p̀ingi né féte gb̀ènsi. <sup>10</sup> Ben aɔ̀ g̀aa k̀òn Luda àkpati p̀ìò Èkerɔ̀nu. Kè aɔ̀wè g̀èèò, wéte p̀ì deenɔ̀ wii l̀è wà bè: Wà g̀èwazi k̀òn Isarailinɔ̀ t̀aa àkpatio l̀è aɔ̀ wa dèdè wa boriiame. <sup>11</sup> Ben aɔ̀ gb̀ènɔ̀ z̀ì aɔ̀ ń k̀inanɔ̀ k̀àk̀òa ń p̀ingi aɔ̀ bèńne: À Isarailinɔ̀ t̀aa àkpati sé à t̀áo a gb̀èn, l̀è àton wa dèdè wa boriiaro. Zaake gagaa t̀ò wéte p̀ì lògo, Luda ɔ̀ t̀òńma gwe maamaa. <sup>12</sup> Gb̀ènè k̀à gb̀è k̀è aɔ̀wè garoonɔ̀, ben wéte p̀ì deenɔ̀ wiii k̀à ludambe.

## 6

### *Earana k̀òn àkpatio Isaraili b̀usun*

<sup>1</sup> Dii àkpati k̀ú Filisitininɔ̀ b̀usun ai m̀ò swèeplaa, <sup>2</sup> ben aɔ̀ sa'orinɔ̀ k̀òn m̀àsokerinɔ̀ k̀àk̀òa aɔ̀ ń lá wà bè: Dian wé kè nà k̀òn Dii àkpatioeè? À owe lán wé kè nà wà t̀áo à gb̀èn. <sup>3</sup> Ben aɔ̀ wèńla wà bè: Tó ée taa k̀òn Isarailinɔ̀ t̀aa àkpatio, àton t̀áo koriro. À à gba p̀ó a taari ỳanzi, é k̀èk̀òa, é ỳa k̀è à t̀ò èè ɔ̀ goawaroo d̀ò. <sup>4</sup> Ben aɔ̀ ń lá wà bè: Bón wé à gba wà t̀áo wa taari ỳanzii? Aɔ̀ wèńla wà bè: À vura p̀ì lán gb̀ènè bà m̀èn s̀òrò k̀òn èenɔ̀ d̀ò m̀èn s̀òrò a k̀inanɔ̀ pari lén, zaake gyá d̀ònk̀ò p̀ì a le k̀òn a k̀inanɔ̀ a p̀ingi. <sup>5</sup> À a gb̀ènèenɔ̀ taka p̀ì k̀òn èè k̀è aɔ̀wè wa b̀usu yakaanɔ̀, à Isarailinɔ̀ t̀aa kpe dao. Ke eé ɔ̀ gowa k̀òn wa t̀aanɔ̀ k̀òn wa b̀usuo gwèè? <sup>6</sup> Bóyánzin á yezi à swágb̀aaa kè lán Igitinɔ̀ k̀òn Firi'aunao k̀è nàee? Kè à wéè t̀ámma ai aɔ̀ Isarailinɔ̀ gb̀àrè aɔ̀ t̀à, à ỳa e d̀aguroo? <sup>7</sup> Tia sa à gá à z̀ùgoro dufu kè, à m̀ó k̀òn z̀ù nédande m̀èn plaaa k̀è wèè gb̀óngo dańne zikiroonɔ̀. À goro p̀ì d̀ómma, à ń né k̀è aɔ̀ t̀éńzinɔ̀ k̀éńma à tányo ń kara guu. <sup>8</sup> À Dii àkpati sé à da goro p̀ì guu, à vura p̀ó k̀è ée kpásaa a taari ỳanzinɔ̀ ká batan à diè àkpati p̀ì sae, à z̀ùnɔ̀ da zén aɔ̀ gáo <sup>9</sup> àg̀ò gwaa. Tó àkpati p̀ì a b̀usu zé s̀è èè gaa Besemesi kpa, èndè àmbe à kisia bíta p̀ì z̀ìwa. Tó èè zé sé gwe kpa s̀òrò, wég̀ò d̀ò k̀è àmbe à ɔ̀ t̀òwaro, ỳa bé à s̀ù lè.

<sup>10</sup> Ben aɔ̀ k̀è l̀è, aɔ̀ goro d̀ò z̀ù nédande m̀èn plaaanɔ̀ aɔ̀ ń néenɔ̀ k̀à kara guu, <sup>11</sup> ben aɔ̀ Dii àkpati dà goro p̀ì guu k̀òn bata k̀è vura èenɔ̀ k̀òn gb̀ènè takanɔ̀ k̀ú à guuo. <sup>12</sup> Ben z̀ù p̀inɔ̀ zé s̀è súusu aɔ̀ ae d̀ò Besemesi zéa, aɔ̀wè gaa aɔ̀wè ɔ̀ d̀ò, aɔ̀wè l̀ie ɔ̀plazi ke ɔ̀zeziro. Filisitininɔ̀ k̀inanɔ̀ t̀é ń kpèè ai Besemesi b̀usu lézekiin.

<sup>13</sup> Besemesideenɔ̀ e p̀ówèè kèkèè guzuren. Kè aɔ̀ wéè s̀è musu, aɔ̀ àkpati p̀ì è, ben aɔ̀ p̀ò k̀è nna k̀òn à enao. <sup>14-15</sup> Kè goro p̀ì k̀à Besemesi gb̀è Ỳosua búgbea, ben à zè gbè gb̀èntè ke sae gwe. Ben Levinɔ̀ Dii àkpati p̀ì b̀ò k̀òn bata k̀è vura p̀ónɔ̀ k̀ú à guuo, aɔ̀ k̀àè gbè gb̀èntè p̀ia. Ben Besemesideenɔ̀ goro p̀ì lí z̀òz̀òk̀òrè ỳaka ũ, aɔ̀ sa'opɔ̀ k̀è wè ká tén à t̀é k̀ú ò Diia k̀òn z̀ù p̀inɔ̀. Z̀ì beee aɔ̀ sa'opɔ̀ k̀è wè ká tén à t̀é k̀únò ò Diia k̀òn sa'opɔ̀ p̀ándenɔ̀. <sup>16</sup> Filisitininɔ̀ kína g̀òon s̀òròonɔ̀ ỳa p̀ì è, ben aɔ̀ èara wà t̀à Èkerɔ̀nu z̀ì beee z̀ì. <sup>17</sup> Vura gb̀ènè k̀è Filisitininɔ̀ kpásá Diine ń taari ỳanzinɔ̀ yè: Asadɔ̀di p̀ó m̀èn do, Gaza p̀ó m̀èn do, Asakelɔ̀ni p̀ó m̀èn do, Gata p̀ó m̀èn do, Èkerɔ̀nu p̀ó m̀èn do. <sup>18</sup> Vura èenɔ̀ kuu d̀ò Filisitini m̀èewi p̀inɔ̀ pari lén, aɔ̀ kína g̀òon s̀òròonɔ̀ p̀ó ũ. Aɔ̀ m̀èewi b̀ĩdee p̀inɔ̀ baade k̀òn a lakutunɔ̀. Gbè gb̀èntè k̀è wà

Dii àkpati dìeà Beseemesi gbě Yɔsua búgbèa pìn sèda ũ ai kɔn a gbàao. <sup>19</sup> Ben Dii Beseemeside kenɔ dèdɛ, kè aɔ a àkpati guu gwà yānzi. À n̄ dɛdɛ gɔɔn baaagɔ akurimɛ, ben wà sósobi ɔɔ dɔ, kè Dii kaate bíta kpànzí yānzi. <sup>20</sup> Ben Beseemesideenɔ bè: Dé bé eé fɔ à zɛ Dii Luda kè kú adona pì aɛɛ? Wé àkpati pì kpāsá déno kiia saa? <sup>21</sup> Ben aɔ gběno zì Kiriayarimudeenɔa aɔ bè: Filisitininɔ sù kɔn Dii àkpatio. À mɔ à sé à táo a kiia.

## 7

### *Samuèli dɔna Isarailinɔne aɛ*

<sup>1</sup> Ben Kiriayarimudeenɔ mò wà Dii àkpati pì sè aɔ tào Abinadabu bɛ sɔsɔ musu. Ben aɔ à né Elɛaza dìe à dākpari ũ. <sup>2</sup> Àkpati pì kú Kiriayarimu à gì kè, à kè gwe wè baro.

Isarailinɔ e wii pɛɛ Diizi n̄ píngi, aɔɔe à kii wetɛɛ. <sup>3</sup> Ben Samuèli bè Isarailinɔne n̄ píngi: Tó a aɛ dɔ Diia kɔn n̄sɛo do, à bori zítɔnɔ tãanɔ kɔn Asatoreno bɔɛ a té, à a zīnda kpá Diia àgɔ dɔɔzi ado, eé a bɔ Filisitininɔ ɔzī. <sup>4</sup> Ben Isarailinɔ Baalinɔ kɔn Asatoreno bɔɛ n̄ té, aɔɔe dɔɔ Diizi ado.

<sup>5</sup> Ben Samuèli bè: a Isarailinɔ à kɔ kakɔa Mizipa a píngi, mé agbaa kpáare Diine. <sup>6</sup> Kè aɔ kɔ kakɔa gwe, ben aɔ í tò aɔ kwèè Dii aɛ. Zī beean aɔ lé yì aɔ bè: Wa durun kè Diine. Ben Samuèli yā gɔgɔ Isarailinɔne Mizipa gwe.

<sup>7</sup> Kè Filisitininɔ mà Isarailinɔ kɔ kakɔa Mizipa, ben aɔ kɔnanɔ gàa léérma. Kè Isarailinɔ mà, vīa n̄ kú, <sup>8</sup> ben aɔ bè Samuèline: N̄tongɔ yītenaro! N̄ wii pé Dii wa Ludazi lɛ à wa sí Filisitininɔa. <sup>9</sup> Ben Samuèli sãne yɔmiri sè à sa'opɔ kè wè ká tén à té kú ò Diia, ben à wii pèzi Isarailinɔne. Ben Dii sio. <sup>10</sup> Kè Samuèli e saa pì oo, Filisitininɔ e mɔɔ Isarailinɔa kɔn zìo. Zī beean Dii tò la gbàaa pàta Filisitininɔa. Aɔ bídi kè wà lèkɔa, ben Isarailinɔ n̄ ásarú kè. <sup>11</sup> Kè Isarailinɔ bɔɛ Mizipa aɔ pè Filisitininɔa, aɔ n̄ dɛdɛ aɔ n̄ kpá ai Bɛtɛka. <sup>12</sup> Ben Samuèli gbè pè Mizipa kɔn Senio dagura à tó kpàne Èbɛnɛza, zaake à bè: Dii bé à wa ïan kà ai wa kao kè.

<sup>13</sup> Len aɔ Filisitininɔ fù lɛ, ben aɔɔe fɔ wà èara wà mònzí zìo n̄ bùsun dɔro. Dii ɔ gbàaa mò Filisitininɔne ai Samuèli kuuna gurɔ zakan. <sup>14</sup> Wéte kè Filisitininɔ sù Isarailinɔa yāanɔ èara à gɔ n̄ pɔ ũ zaa Èkerɔnu ai à gàa pé Gataa. Isarailinɔ wéte pìnɔ kɔn n̄ bùsunɔ sù Filisitininɔa píngi. Isarailinɔ kɔn Amɔrinɔ sɔɔ kú kɔo yākete sai.

<sup>15</sup> Samuèli né Isarailinɔ dɔn'aɛdeeme ai a kuuna gurɔ zakan. <sup>16</sup> Wè kɔn wèò ègɔ gaa Bɛteli kɔn Giligalao kɔn Mizipao, è yā gɔgɔ Isarailinɔne wéte pìnɔ guu. <sup>17</sup> Ben è èara à tá Rama, zaake à bɛen gwe. È yā gɔgɔ Isarailinɔne gwe dɔ. Gwen à Dii gbāgbākii bòn.

## 8

### *Isarailinɔ kína gbekana*

<sup>1</sup> Kè Samuèli zi kù, à a nénɔ dìe Isarailinɔne dɔn'aɛdeenɔ ũ. <sup>2</sup> À n̄égɔgbě káaku tón Yoeli, à plaadee Abia. Aɔmbe aɔè yā gɔgɔn̄ne Beseba. <sup>3</sup> Mòde à né pìnɔ e té à tuubaziro. ɔɔyā n̄ swè blè, aɔè ɔdɔnkpɛɛgbaa sí, aɔè yā gɔgɔ a zéaro. <sup>4</sup> Ben Isaraili gběnsinɔ kɔ kakɔa, aɔ gàa wà Samuèli lè Rama <sup>5</sup> aɔ bè: N̄ gwa, n̄ zi kù, ben n̄ nénɔ té n̄ tuubaziro. N̄ kína diɛwe sa lɛ àgɔ dɛ wa dɔn'aɛdee ũ, lán bori píngi a pɔ vī nà. <sup>6</sup> Kè aɔ bè à kí káɔne àgɔ dɛ n̄ dɔn'aɛdee ũ, yā pì e kɛ Samuèlinero, ben à wéè kè Diia. <sup>7</sup> Ben Dii bè Samuèline: N̄ gbě pìnɔ yā ma, zaake n̄be aɔ gínziro. Mámbe aɔ gímazi lɛ màton kí bleńnero yānzi. <sup>8</sup> Lán aɔɔe kɛɛ nà zaa gurɔ kè ma n̄ bɔɛ Igipiti ai gbàa, aɔ pā kpàmazi aɔ dɔ tãanɔzi, len aɔɔe kɛɛnne lɛ dɔ. <sup>9</sup> N̄ n̄ yā ma sa, n̄ lé daríma n̄ tó aɔgɔ dɔ lán gbě kè eé kí bleńne yāno ègɔ dɛ nà.

<sup>10</sup> Ben Samuèli Dii yā pì tɔkè gbě kè aɔɔe kína gbekaaanɔne píngi <sup>11</sup> à bè: Lán gbě kè eé kí bleare yāno ègɔ dɛ n̄an̄ yè. Eé a n̄égɔgběno sí à n̄ diɛ a sɔgorodeenɔ kɔn a sɔdeenɔ ũmɛ. Aɔégɔ taa oo à sɔgoro aɛ kɔn bào. <sup>12</sup> Eé n̄ diɛ gɔɔn wàa sɔsɔro ke gɔɔn baplaa akurikurinɔ



gbēnsinɔ ũ. Aṣégṣ à bú wiine, aṣégṣ à póno kekεεne, aṣégṣ à zikabonɔ piine kōn à sṣgoro póno. <sup>13</sup> Eé a nénɔgbēnɔ sí à n̄ die n̄sīgūnnakerinɔ kōn p̄oblekerinɔ kōn burēdikerinɔ ũ. <sup>14</sup> Eé a buraanɔ kōn a geepi búno kōn a kùkpe maaanɔ síawa à kpá a ibanɔa. <sup>15</sup> Eé a blēweε kōn a geepi beεnɔ leo kuridee síawa à kpá a begwarinɔ kōn a ibanɔa. <sup>16</sup> Eé a zṣgṣgbēnɔ kōn nṣgbēnɔ sí kōn a zù maaanɔ kōn a zaakinɔ àgṣ a zīnda zīi keεo. <sup>17</sup> Eé a p̄ókādeenɔ leo kuridee síawa, apinɔ é gṣ à zònɔ ũ. <sup>18</sup> Gurɔ beεea sa é wii pé Diizi gbē kè á sè a kína ũu p̄i yānzi, m̄ode eé weala gurɔ beεea d̄oro.

<sup>19</sup> Ben aṣ gi Samuēli yā mazi aṣ bè: Auo! Wá yezi wàgṣ kína v̄ime, <sup>20</sup> wégṣ de lán bori kpaaanɔ bà se. Wa kína bé eégae yā gṣgṣwe, àmbe eégae d̄owe ae z̄i guu. <sup>21</sup> Kè Samuēli n̄ yā mà p̄ingi, à gāa à gbā Diine. <sup>22</sup> Ben Dii bène: N̄ n̄ yā ma, n̄ kína káine. Ben Samuēli bè Isaraili p̄inɔne: A baade tá a wéte.

## 9

### *Samuēli k̄'ena kōn Soluo*

<sup>1</sup> Beyāmi bori kee kuu, à tón Kisi. Auzikideemε. Beyāmi borii bé à Afia ì, Afia Bekora ì, Bekora Zero ì, Zero Abieli ì, ben Abieli Kisi p̄i ì. <sup>2</sup> À négṣgbē v̄i, à tón Solu. Gṣkparε maaame. À maa sáa kú Isarailinɔ téro, aṣ gbēke gbāa e v̄i à gānlaro.

<sup>3</sup> Kè Kisi p̄i zaakinɔ sāsā, ben à bè a né p̄ine: N̄ fεε n̄ zīkerinɔ m̄en doo sé à gá zaaki p̄inɔ wete. <sup>4</sup> Ben aṣ Eflaimu b̄usu gusísīdee p̄ara kōn Salisa b̄usuo, aṣe n̄ ero. Ben aṣ Salimu b̄usu p̄ara, m̄ode aṣo kú gwero. Ben aṣ Beyāmi b̄usu p̄ara, aṣe zaaki p̄inɔ ero. <sup>5</sup> Kè aṣ kà Zufu b̄usun, Solu bè zīkeri kè aṣo té ledoo p̄ine: N̄ mó wà εara. Tó wée táro, ma maree é bídi ke wa yāzi, eé zaakinɔ yā da d̄oro. <sup>6</sup> Ben à wèàla: N̄ ma! Luda gbēkee kú wéte kè guu. À bèε v̄i, yā kè à ò bé è ke. Wà gá gwe. Ke eé zé kè wé sé wà wa zaaki p̄inɔ eo owe gwεε. <sup>7</sup> Ben Solu wèàla à bè: Tó wée gaa, bón wé gáone? P̄oble kee e gṣ wa b̄okon d̄oro. Wá p̄oke v̄i wà Luda gbē p̄i gbaro. Ke bón wá v̄ii? <sup>8</sup> Ben zīkeri p̄i εara à bè Solune: N̄ gwa! Má o v̄i féte kè. Mé à gba, eé wa da zé kè de wà séa. <sup>9</sup> Isarailinɔ b̄usun yā, tó gbē e gaa yā gbeka Ludaa è be: N̄ mó wà gá wéεgupu'eri kiia. Zaake gbē kè wè sísi gbāa annabi ũ, àmbe wè sísi yā wéεgupu'eri ũ. <sup>10</sup> Ben Solu bè a zīkerine: N̄ yā maaa ò. Wà gá. Ben aṣe gaa wéte kè Luda gbē p̄i kún-a.

<sup>11</sup> Kè aṣe wéte p̄i sísi k̄uu, aṣ dāk̄ore kōn n̄okparenɔ, aṣe gaa í tó. Ben aṣ n̄ lá wà bè: Wéεgupu'eri kú beṣ? <sup>12</sup> Aṣ wèná wà bè: Eè, à kú ae gwe. À ke kpakpaa. Gbāan à sù, zaake wà yezi wà saa o gbāgbākiiame. <sup>13</sup> Tó a gē wéten, é à e ai àgṣ gá p̄o ble gbāgbākii p̄ia. Zaake weé p̄o ble ḡiāro, à gṣ ai à mó, àpi bé eé aubarika da sa'op̄obleen ḡia, gbasa gbē kè wà n̄ sísinɔ p̄o ble. Àgṣ wāa, zaake à egurɔ zakan yè.

<sup>14</sup> Kè aṣ gē wéte p̄i guu, ben aṣ dāk̄ore kōn Samuēlio gṣo, à b̄ò èe gaa gbāgbākii p̄ia. <sup>15</sup> Ai Solu gṣ gá mó, Dii ḡiāke à yā kè dà Samuēline a swāla à bè: <sup>16</sup> Zia m̄ondaa'i mé Beyāmi b̄usu gbē z̄imma. N̄ n̄osi kúa n̄ à die ma gbē Isarailinɔ d̄on'aεdee ũ. Eé ma gbē p̄inɔ b̄o Filisitininɔ ozi. Ma a gbē p̄inɔ wiia mà, ben ma n̄ wēnda gwà.

<sup>17</sup> Kè Samuēli Solu è, Dii bène: Gbē kè ma à yā ònneε p̄in gwe. Àmbe eé kí ble ma gbēnɔne. <sup>18</sup> Ben Solu s̄ò Samuēlizi wéte b̄iilea à à là à bè: Wéεgupu'eri beε kú máme? N̄ oṣame. <sup>19</sup> Ben Samuēli wèàla à bè: Mámbe adee p̄i ũ. N̄ d̄ome ae wà gá gbāgbākii, né p̄o blemao gbāa. Zia k̄ongɔ mé n̄ n̄seguuyā onne p̄ingi, gbasa mà n̄ gbarε. <sup>20</sup> N̄ton n̄ zaaki kè sāsā zaa gurɔ aagṣonɔ damu kero, zaake wà n̄ é. Dén Isarailinɔ yezi n̄ p̄ingii, tó èe ke mpi kōn n̄ de bedeenɔ baasiro? <sup>21</sup> Ben Solu bè: Beyāmi boriiin ma ũroo? Ma borii bé à néngṣ de Isaraili boriiinla n̄ p̄ingi, ben ma danenɔ bé wà kēsānañzi Beyāmi boriiinɔ té. Bóyānzi n̄eε yā beε taka oomezi?

<sup>22</sup> Ben Samuéli Solu kɔ̄n a zĩkerio sè à gènyo pɔ́blekpen, à wèeki maaa kpàmma gbē kè wà ñ sísinɔ́ té. Gbē pìnɔ́ kà gɔ̄ɔn baaakuri taka bà. <sup>23</sup> Ben Samuéli bè pɔ́blekerine: Ñ nòbɔ́ kè má kpàmma ma bè ñ à diekii kɛɛ pì sé ñ mó. <sup>24</sup> Ben pɔ́blekeri pì mò kɔ̄n nòbɔ́ gbá pìo à die Solu aɛ. Ben Samuéli bè: Pó kè wà dienneen yè. Ñ só, zaake wà dienne ai mɔ̄ndaa'i kɔ̄n gbē kè ma ñ sísinɔ́. Ben Solu pɔ́ blè kɔ̄n Samuélio zĩ beea.

<sup>25</sup> Kè aɔ́ pìta gbāgbākii pìà, aɔ́ gè wéte guu, ben Samuéli gàa à yā ò kɔ̄n Soluo a kpé musu. <sup>26</sup> Ben aɔ́ ì gwe. Kè guu yezi à dɔ́, ben Samuéli lé zù Soluzi kpé musu gwe à bè: Ñ fɛɛ, mà gá zenne. Kè Solu fɛɛ, àpi kɔ̄n Samuélio aɔ́ bò bàazi ñ plaa. <sup>27</sup> Kè aɔ́ kà wéte kpeɛ, ben Samuéli bè Solunɛ: Ñ o n zĩkerine àgɔ́ gaa, mpi ñ ze gĩa le mà yā kè Dii ò onne.

## 10

### *Samuéli nɔ́sikuna Solu mìa*

<sup>1</sup> Ben Samuéli nɔ́si tũu sè à nɔ́si kù Solunɛ a mìa, ben à lé pèa à bè: Dii bé à n die dɔ̄n'aɛdee ũ a gbē Isarailinɔ̄nɛ. Né kí ble Dii gbēnɔ̄nɛ ñ ñ bɔ́ ñ ibɛɛ kè aɔ́ ligańzinɔ́ ɔ̄zĩ. Sèeda kè eé tó ñ dɔ́ kè Dii bé à n die a gbēnɔ́ dɔ̄n'aɛdee ũun yè. <sup>2</sup> Tó wa kèkɔ́a kè tia, né da gɔ̄ɔn plaaanɔ́le Zeleza, Raseli mira sae, Beyāmi bùsu lézekiia. Aɔ́é benne: Wà zaaki kè n gaa wetɛnɔ́ è. Aɔ́ yā n de kũna gbāa dɔ̄ro, n yā kàhānn èe kɛɛ sa, èe bee dian é ke a né yā musu nà? <sup>3</sup> Bɔ́na gwe, tó n gaa aɛ, tó n ka gbíi lí beee kiia zaa Tabo, gɔ̄ɔn aagɔ́ é danle gwe dɔ́, aɔ́e gaa Luda gbāgbā zaa Beteli. Aɔ́ gbē doo blènenɔ́ kũna mèn aagɔ́, aɔ́ gbē doo buredi kũna mèn aagɔ́, ben aɔ́ gbē doo geepiwē kũna tũu do. <sup>4</sup> Aɔ́é n aafia gbeka, aɔ́é buredi mèn plaa kpámma, né sí. <sup>5</sup> Beee gbera tó n ka Luda sìsĩ kè kú Gibea, guu kè Filisitininɔ́ gudākpakii kún, tó n ka kii kɔ̄n wéte pìo, né kpákɔ́a kɔ̄n annabinɔ́ aɔ́o tétékɔ́zi, aɔ́e pitaa gbāgbākii. Wèe dɔ̄ɔ́nɛ aɛ kɔ̄n kuntiginɔ́ kɔ̄n gágānɔ́ kɔ̄n kurenɔ́ kɔ̄n mɔ̄rɔ̄nɔ́, aɔ́e annabikɛyā oo. <sup>6</sup> Dii Nini é summa, né annabikɛyā ońyo, né li gbē dufu ũ. <sup>7</sup> Tó sèeda beeenɔ́ kè le, ñ yā kè n à kena zé è ke, zaake Ludaa kúnyo. <sup>8</sup> Ñ dɔ̄me aɛ gana Giligala, mé n le gwe, mé sa'opɔ́ kè wè ká tén à té kũ o kɔ̄n kennakɔ́o sa'opɔ́o. Ñ ma dā gwe ai gurɔ́ swɛɛplaa, mé mó mà n le gwe, mé yā kè né kɛɛ onne.

<sup>9</sup> Kè Solu kpeɛ li Samueline, èe taa, Luda à nòse liene, ben sèeda pìnɔ́ kè zĩ beee zĩ píngi. <sup>10</sup> Kè aɔ́ kà Gibea, annabinɔ́ dààle aɔ́o tétékɔ́zi, ben Luda Nini sùà, èe annabikɛyā oońyo. <sup>11</sup> Kè gbē kè aɔ́o à dɔ̄nɔ́ à è, èe annabikɛyā oo kɔ̄n annabinɔ́, aɔ́ kɔ́ lala wà bè: Bó bé à Kisi né lèee? Solu kú annabinɔ́ tème see? <sup>12</sup> Ben Gibea gbēke yā wèńla à bè: Gbē kpaaanɔ́ denɔ́n déno ũ sɔ́o? Ben à gò pena pò ũ wè be: Solu kú annabinɔ́ tème see? <sup>13</sup> Kè Solu annabikɛyā ò à yāa, ben à gàa gbāgbākii pìà.

<sup>14</sup> Kè Solu tà be kɔ̄n a zĩkerio, à desē ñ lá à bè: A gaa máme? Solu wèàla à bè: Wa gaa zaakinɔ́ wetɛme. Kè wée ñ ero, ben wa gaa Samuéli kiia. <sup>15</sup> Ben Solu desē bène: Yā kè Samuéli òaree tɔ́kɛme. <sup>16</sup> Ben Solu bè: À bèwe wà zaaki pìnɔ́ è. Mòde èe kpata yā kè Samuéli òne tɔ́kɛnero.

### *Samuéli bɔ́na kɔ̄n Solu kíblena yāo gupuraa*

<sup>17</sup> Ben Samuéli Isarailinɔ́ kàkɔ́a Dii aɛ Mizipa. <sup>18</sup> À bènne: Dii a Luda bè, a a bɔ́e Igitipi, a a si Igitipinɔ́ kɔ̄n borii kè aɔ́ ɔ́ tɔ́awaanɔ́ ɔ̄zĩ ñ píngi. <sup>19</sup> Luda a bɔ́ a yā'ɔ́ammanɔ́ kɔ̄n a nawɛakenanɔ́ guu píngi, ben a gizi gbāa, a bène à kí káare kpatan. Tò, à mó à ze Dii aɛ sa bori kɔ̄n boriio, uale kɔ̄n ualeo. <sup>20</sup> Kè Samuéli mò kɔ̄n Isaraili boriinɔ́ ñ píngi, ben Beyāmi boriinɔ́ kàbankpe blè. <sup>21</sup> Ben à mò kɔ̄n Beyāmi boriinɔ́ uale kɔ̄n ualeo. Ben Matari ua kàbankpe blè. Uadee pìnɔ́ té Kisi né Solu bé à blè. Kè wà à wète, wèe à ero. <sup>22</sup> Ben wà èara wà Dii là dɔ́ wà bè: Gɔ́gbē pì mò kè kòó? Ben Dii bè: À utena asoonɔ́ dagura. <sup>23</sup> Ben wà bàa lè wà gàa wà à bò wà sùo ñ té. Kè à zè ñ té, aɔ́ píngi gbāa zè à gǎ lén. <sup>24</sup> Ben Samuéli bènne ñ píngi: A gbē kè Dii sè èó? Gbēkee kuu lán à bà a téro. Ben baade píngi wii lè wà bè:

Luda wa kína dǝ kǝn aafiao! <sup>25</sup> Ben Samueli kíblena zé b̀̀k̀̀t̀̀eínn̄e, ben à k̀̀e takadan à dīe Dii kp̀̀én. Ben à n̄ gb̀̀áe, baade tà a b̄e. <sup>26</sup> Solu s̄o tà a b̄e zaa Gib̄ea. Ḡo w̄or̄onḡodee k̀̀e Luda z̄i k̀̀e n̄ sw̄è guun̄o t̀̀èzi. <sup>27</sup> Ben gb̄e p̄a ken̄o b̀̀e: Gb̄e beee bé eé wa mì sí? Ben āo kya k̀̀an, āo e m̄ón̄e k̀̀n p̄ókeoro, m̄ode Solu a ȳīt̄e o.

## 11

### *Solu z̄ibl̄ena Am̄nin̄o*

<sup>1</sup> Am̄ni bori Naasa mò k̀̀n a z̄ikp̄een̄o, āo b̀̀ura k̀̀e Yabesi Giliada sae, ben Yabesideen̄o b̀̀e Naasan̄e: N̄ l̄edole kewao, wé mì sienn̄e. <sup>2</sup> Ben Naasa bènn̄e: Tó ma a baade w̄é e ɔplakpap̄o b̀̀b̄o, ben wí Isarailin̄o k̀̀u n̄ píngi, mé gbasa mà l̄edole keao. <sup>3</sup> Ben Yabesi gb̄ensin̄o bènn̄e: N̄ wa gba gur̄o sw̄eplaaa l̄e wà gb̄en̄o z̄i Isarailin̄o b̀̀usu guu píngi. Tó gb̄eke kuu à wa mì síro, wé wa z̄inda kp̄amma.

<sup>4</sup> K̀̀e z̄iri p̄in̄o k̀̀a Solu b̄e zaa Gib̄ea, āo ȳa p̄i ònn̄e, ben wà s̄osobi ɔo d̀̀. <sup>5</sup> Gur̄o beee Solu e suu k̀̀n buraa, à té a z̄un̄zi, ben à b̀̀e: Bó ȳa bé à mò, ben w̄é ɔo d̄o? Ben wà Yabesidee p̄in̄o ȳa t̄k̄enn̄e. <sup>6</sup> K̀̀e Solu ȳa p̄i mà, Luda Nini s̄ua, ben à p̄o f̄è maamaa. <sup>7</sup> À z̄u s̄è m̄èn plaa à d̀̀ à z̄òz̄k̄ore, ben à gb̄en̄o z̄i Isarailin̄o b̀̀usu guu píngi āo b̀̀e: Len weé ke gb̄e k̀̀e e té Soluzi k̀̀n Samuelioro z̄un̄ne l̄e. Ben v̄ia n̄ k̄u Dii ȳa musu, āo b̀̀o wà t̄n̄zi l̄edo n̄ píngi. <sup>8</sup> Solu n̄ náro zaa Bezeki. Isarailin̄o k̀̀a ḡon̄ b̄oro wàa do kp̄e bas̄oro. Yudan̄o k̀̀u n̄ té ḡon̄ b̄oro baaakuri.

<sup>9</sup> Ben wà b̀̀e z̄iri k̀̀e āo mò p̄in̄ne: À gá à o a gb̄en̄ne, zia ai ɔf̄ant̄e ḡo gá gb̄a, wé n̄ mì sí. K̀̀e z̄irin̄o tà, āo ȳa p̄i baaru kp̄a Yabesideen̄ne, ben āo p̄oo k̀̀e nna. <sup>10</sup> Āo b̀̀e Am̄nin̄ne: Wé wa z̄inda kp̄aawa zia, é a p̄oyeziȳa kewo.

<sup>11</sup> Solu a gb̄en̄o kp̄aat̄e ḡali aaḡo. Gud̄naon āo sì Am̄nin̄on n̄ b̀̀uran āo n̄ d̄ede ai ɔf̄ant̄e ḡaa à f̄ēo. Ben gb̄e k̀̀e āo ḡon̄o f̄aak̄o doodo.

<sup>12</sup> Ben wà b̀̀e Samueline: Déno bé wà b̀̀e Solu é kí bleweroo? À b̄eíno wà n̄ d̄ede. <sup>13</sup> Ben Solu b̀̀e: Weé gb̄eke d̄e gb̄aaro, zaake Dii Isarailin̄o mì sì gb̄aam̄e. <sup>14</sup> Ben Samueli b̀̀e gb̄en̄ne: À m̄o wà gá Giligala wà eara wà Solu kp̄a kpatan gwe d̄o. <sup>15</sup> Ben āo ḡaa Giligala n̄ píngi, āo eara wà Solu kp̄a kpatan Dii ae gwe d̄o, āo kennak̄o saa ò Diia, ben Solu k̀̀n Isarailin̄o p̄onnaa k̀̀e gwe n̄ píngi maamaa.

## 12

### *Samueli ɔgbarena kpatazi*

<sup>1</sup> Samueli b̀̀e Isarailin̄ne n̄ píngi: Ma ȳa k̀̀e á òm̄e mà píngi, ma kí k̀̀are kpatan. <sup>2</sup> Àpi bé eé d̄are ae sa. Mapi s̄o ma zi k̄u, ma mìk̄a pura k̀̀u ben ma n̄en̄o k̄úao. Ma d̄are ae zaa ma ḡokparekegur̄o ai k̀̀n a gb̄aao. <sup>3</sup> Mae k̀̀e! À ke ma s̄edadeen̄o ũ Dii k̀̀n kí k̀̀e à kp̄ao ae. Ma z̄u ke zaaki sì a gb̄ekeaó? Ma a gb̄eke bl̄éó? Ma w̄é t̄a a gb̄ekeaó? Ma ɔd̄onkp̄eegbaa sì a gb̄ekea ai à ma w̄é t̄ataó? Tó má k̀̀e l̄e, mé à f̄ia bon̄e. <sup>4</sup> Ben āo w̄èla wà b̀̀e: Né̄e wa b̄lero, né̄e w̄é t̄awaro, né̄e p̄oke sí wa gb̄ekearo. <sup>5</sup> Samueli bènn̄e d̄o: Dii k̀̀n kí k̀̀e à k̀̀on a s̄edadeen̄o ũ gb̄aa, k̀̀e ée taari emaro. Āo b̀̀e: Dii bé wa s̄edadee ũ. <sup>6</sup> Ben Samueli bènn̄e: Dii bé à Musa k̀̀n Arunao dīe, ben āo b̀̀o k̀̀n a dezin̄o Igipiti. <sup>7</sup> À ze t̄ee Dii ae, mé ȳa maaa k̀̀e à k̀̀are k̀̀n a dezin̄o t̄k̄eare. <sup>8</sup> Yakubun̄o gana Igipiti gbera a dezin̄o wii p̄è Diizi, ben à Musa k̀̀n Arunao dīe, āo n̄ b̄e Igipiti, ben āo n̄ k̄ae b̀̀usu k̀̀ekiin̄. <sup>9</sup> K̀̀e Dii n̄ Luda ȳa s̄angu ȳanzi, ben à n̄ kp̄a Azo z̄ikp̄een̄o gb̄ensi Siseraa k̀̀n Filisitinin̄o k̀̀n M̄abun̄o kíó, āo e z̄i kaaño. <sup>10</sup> Ben āo wii p̄è Diizi wà b̀̀e: Wa durun k̀̀e wa p̄a kp̄anzi wa d̀̀ Baalin̄zi k̀̀n Asator̄en̄o. N̄ wa b̄o wa ib̄en̄o ɔz̄i sa, wéḡo d̄onzi. <sup>11</sup> Ben Dii Gidion̄ dīe k̀̀n Barakio k̀̀n Yefetao k̀̀n Samus̄io āo a b̄o a ib̄e p̄in̄o ɔz̄i baama píngi, ben a ḡo kaena aafia.

12 Kè á è Amɔni kí Naasa e mɔɔ léεawa, baa kè Dii a Ludan a kína ũ, a bèmε: Lenlo! Kín á yezi! 13 Tia la kína kè á gbèka á sèn yè, àε kè Dii à dìεare. 14 Tó á Dii vĩa vĩa ben ée dɔɔzi, tó ée à yá maa ben ée bɔ à yá kpεero, tó apinɔ kɔn gbē kè èe kí bleeareeo té Dii a Ludazi, égɔ aafia. 15 Tó ée Dii yá ma sɔro, ben a bɔ à yá kpεε, eé ɔ tɔawamε lán à kè a dezinɔne nà. 16 À zε à yá bíta kè Dii é kearee e. 17 Ésekēgurɔɔn wá kún kèroo? Mé Dii sísi, eé tó lou vĩa à ma, égɔ dɔ kè a kína gbekana kè Diine zaa maamaa.

18 Ben Samueli Dii sísi, ben Dii tò lou vĩa à mà zĩ beea. Ben baade píngi vĩa kè Diine kɔn Samuelio maamaa. 19 Ben aɔ bènε: Ñ wée kewe Dii n Ludaa le wapinɔ n zòblerinɔ tón gagaro. Wa yá zaaa kà wa durunnɔla, kè wa kína gbèka.

20 Samueli bèrínε: Àton tó vĩa a kũro. A yá zaaa pì kè píngimε, mɔde àton kē Diiaro. Àgɔ dɔɔzi kɔn nòseo do. 21 Àton kēa à té pɔ ginanɔziro. Aɔ àre vĩro, aɔé fĩ wà gbē bɔro, zaake pɔ pāanɔmε. 22 Dii é a gbēnɔ zĩnnaro a zĩnda tó bíta yānzi, zaake à kènε à a ke a gbēnɔ ũ. 23 Mapi sɔ, Dii tón tó mà durun keare mà aduakεnaare tóro. Mé zé maaa kè de à sé ɔɔaare. 24 À vĩa ke Diine, àgɔ dɔɔzi kɔn náanεo kɔn nòseo do. À laasuu lé yá bíta kè à kèareenɔa. 25 Tó a gi a tε à zaaazi, apinɔ kɔn a kínao, weé a kaate a píngi.

## 13

### *Samueli kpakēna Soluzi*

1 Kè Solu kí blè Isarailinɔne wè plaa, 2 à n zĩkarinɔ sè gɔɔn bɔro aagɔ. Gɔɔn bɔro plaaa kúo Mikimasa kɔn Beteli gusĩsideeo. Gɔɔn bɔro doo kú kɔn à né Yonatāo Gibea, Beyāmi b̀usun. Ben à gbē kpaanɔ gbàre, baade tà a bε.

3 Yonatā lèε Filisitini gudākpakii kè kú Gebaa, ben Filisitininɔ à baaru mà. Ben Solu zĩ kuu pè Isarailinɔ b̀usu gu píngia à bè Eberunɔ ma! 4 Ben Isarailinɔ mà n píngi wà bè, Solu lèε Filisitini gudākpakii, ben Filisitininɔ Isarailinɔ kyākyāma b̀o. Ben wà Isarailinɔ sísi, aɔ m̀ wà nà Solua Giligala. 5 Ben Filisitininɔ kɔ kākɔa aɔ zĩ ká kɔn Isarailinɔ. Aɔ sɔgoronɔ kà bɔro baaakuri, aɔ sɔgorodeenɔ kà bɔro swεedo, ben aɔ kèsedeenɔ pari lán ísiale b̀usu'āatē bà. Ben aɔ fēε wà gāa wà b̀ura kàε Mikimasa, Betavē ɔfántēbɔε kpa. 6 Kè Isarailinɔ è wà kú nawēa guu wèε naakɔrēm̄ma, ben aɔ ùte gbèwεenɔ guu kɔn dàkonɔ kɔn gbè sòtonɔ kɔn kokotēwεenɔ kɔn l̀ogɔnɔ. 7 Aɔ gbēkenɔ toke lè wà bikũ Yodaa ai Gada b̀usun kɔn Giliada b̀usuo. Solu kpé kú Giligala, vĩa e gbē kè aɔ kúonɔ kũu maamaa.

8 À Samueli dà gurɔ swεεplaa lán à dienε nà. Kè èe móro, ben à gbēnɔ e fāakɔa. 9 Ben Solu bè: À m̀mε kɔn sa'opɔ kè wè ká tén à té kũo kɔn sáabukpa sa'opɔnɔ. Ben à sa'opɔ kè wè ká tén à té kũ pì ò. 10 Kè à yáa, Samueli e kaa, ben Solu pì gāa à dààle à gbāake kpàzi. 11 Ben Samueli bènε: Bó yān n kè gwee? Solu wèàla à bè: Kè má è ma gbēnɔ e fāakɔa, bensɔ néε m̀ gurɔ kè n diεaro yānzimε. Filisitininɔ e kɔ kaakɔa Mikimasa, 12 ben ma bè, aɔton léεma Giligala kè ai mà Dii gbeka. Ben ma saa pì ò tiasi. 13 Ben Samueli bènε: N faasaiyā kè! N yā kè Dii n Ludaa diennεε kũnaro. Tó n kũna yāme, le Dii é tó n boriinɔ gɔ kpata blee Isarailinɔne gurɔ píngi. 14 Tia la né gi ke kpatanlo. Lán n yā kè Dii diennεε kũnaro nà, à gĩake à gbē kè à pɔ kènε wète, à à diε a gbēnɔ don'aεdee ũ. 15 Ben Samueli fēε Giligala à gāa Gibea, Beyāmi b̀usun. Ben Solu a zĩkari kè aɔ kúonɔ nàro, aɔ kà gɔɔn wàa aagɔ taka bà.

16 Solu kɔn a né Yonatāo kɔn a zĩkari kè aɔ kúnyonɔ kú Gibea, Filisitininɔ sɔ b̀ura kàε Mikimasa. 17 Zĩkari gāli aagɔɔnɔ b̀de Filisitininɔ b̀uran aɔ gāa léε Isarailinɔa. Gāli doo gāa ɔfla kpa Suali b̀usun, 18 gāli doo gāa Betoroni kpa, ben à aagɔdee gāa Isarailinɔ b̀usu lén, sísi kè aεdɔna kperanɔ guzurea kɔn gbáao.

19 Sia kú Isarailinɔ b̀usunlo, zaake Filisitininɔ bè, Eberunɔ tón fēεda ke sári piro. 20 Filisitininɔ kiian Isarailinɔ è gá swaaronɔ kɔn z̀uswaaronɔ kɔn kpásanɔ kɔn kontonɔ lé

kekɛn píngi. <sup>21</sup> Swaaro kɔ̄n zùswaaro lékekɛna kà kondogi ɔ̄ plaplaa, sakanɔ̄ kɔ̄n kpásano sɔ̄ kondogi ɔ̄ doodo. <sup>22</sup> À yā bé à tò zì pì káguro Solu kɔ̄n Yonatāo zìkarinɔ̄ fɛɛda ke sári kúnaro, sé Solu kɔ̄n Yonatāo baasiro.

<sup>23</sup> Filisitini gudákparinɔ̄ gàa Mikimasa gbèkotoon.

## 14

### *Yonatā zìblena Filisitininɔ̄*

<sup>1</sup> Zíkea Solu né Yonatā bè gɔ̄kparɛ kè à a zìkapɔ̄nɔ̄ kúnanɛ: Ñ mɔ̄ wà gá Filisitini gudákii kpa káa. Èe o a denɛ sɔ̄ro. <sup>2</sup> Solu kú biisio lí gbáru zaa Migirɔ̄nu, Gibea sae kɔ̄n zìkpɛɛnɔ̄ gɔ̄n wàa aagɔ̄. <sup>3</sup> Sa'ori Ahia kú n̄ té, à a dansiki dana. Ikabodu v̄i Aitubu nème. Aitubu pì né Finɛasi nème, Eli kè de Luda gbàgbāri ũ zaa Silo diomɛ. Aɔ̄ gbèkee dɔ̄ Yonatā gàa gukearo.

<sup>4</sup> Gbèkotoo kè Yonatā yezi à gɛ̄n à Filisitini gudákparinɔ̄ le, gbè sɔ̄ntɛnɔ̄ pɛɛpɛɛnan ɔ̄plazi kɔ̄n ɔ̄zezio. A doo tón Bozezi, a doo sɔ̄ Senɛ. <sup>5</sup> A doo kú gu'igbāroon Mikimasa kpa, a doo sɔ̄ ɔ̄ɔ̄mɛte Gɛba kpa. <sup>6</sup> Ben Yonatā bè gɔ̄kparɛ pìnɛ: Ñ mɔ̄ wà gá gɛfɔ̄de gudákpari pìnɔ̄ kiia. Ke Dii é wa ïan ká gwɛɛ? Zaake póke é fɔ̄ à kpá Diinɛ à gí wà mì síziro, baa tó wá pari kesɔ̄ wá pari. <sup>7</sup> Ben à zìkapɔ̄nɔ̄seri pì bènɛ: Lán à n pɔ̄ɔ̄ gbà nà píngi dé, ñ kɛ. Lán n̄ sè nà, má kúnɔ̄ kɔ̄n n̄sɛo domɛ. <sup>8</sup> Ben Yonatā bè: Tò, wà gánzi wà wa zīnda ɔ̄ɔ̄aɛnɛ. <sup>9</sup> Tó aɔ̄ bèwe wà ze wà n̄ dāme, wé ze wa gbèn, wé gánzi dɔ̄ro. <sup>10</sup> Tó aɔ̄ bè wà mómɛ sɔ̄, wé gánzi, zaake beee bé eégɔ̄ de sèeda ũ kè Dii n̄ náwe wa ɔ̄zī.

<sup>11</sup> Ben aɔ̄ n̄ zīnda ɔ̄ɔ̄a Filisitini gudákpari pìnɔ̄nɛ. Ben Filisitini pìnɔ̄ bè: À gwa! Eberunɔ̄ e bɔ̄ɔ̄ wèe kè aɔ̄ ùtɛnnɔ̄ guu. <sup>12</sup> Ben gudákpari pìnɔ̄ lé zù Yonatāzi kɔ̄n a zìkapɔ̄nɔ̄serio wà bè: À mɔ̄ wà yāke oare kè. Ben Yonatā bè a zìkapɔ̄nɔ̄serinɛ: Ñgɔ̄ té ma kpɛɛ, zaake Dii n̄ ná Isarailinɔ̄nɛ n̄ ɔ̄zīmɛ. <sup>13</sup> Ben Yonatā e lɔ̄ɔ̄tɛ kuena, ben à zìkapɔ̄nɔ̄seri té à kpɛɛ. Kè Yonatā n̄ né, ben à zìkapɔ̄nɔ̄seri pì n̄ dɛde. <sup>14</sup> Léemmana káaku pì guu Yonatā kɔ̄n a zìkapɔ̄nɔ̄serio n̄ dɛde gɔ̄n baro taka bà. Guu pì kpàngu kà lán bàlena basɔ̄oro taka bà. <sup>15</sup> Ben swè kè Filisitininɔ̄n n̄ búrann̄ kɔ̄n zìlan-o píngi. V̄ia n̄ zìkpɛɛnɔ̄ kù, gudákparinɔ̄ kɔ̄n gbè kè aɔ̄e gá léɛ Isarailinɔ̄nɔ̄ n̄ píngi. Ben tɔ̄ɔ̄te nìgānigā. Luda bé à tò swè kèngu le.

<sup>16</sup> Kè Solu gudákpari kè aɔ̄ kúo Gibeanɔ̄ è Filisitini zìkpɛɛnɔ̄ bàa lè wèe fāakɔ̄a baama píngi, <sup>17</sup> ben Solu bè gbè kè aɔ̄ kúaaonɔ̄nɛ: À wa gbènnɔ̄ dɔ̄dɔ̄ à gwa, wé dɔ̄ gbè kè aɔ̄ bɔ̄ wa té. Kè aɔ̄ gwà, aɔ̄ è Yonatā kɔ̄n a zìkapɔ̄nɔ̄serio bé wà kú n̄ tɛro. <sup>18</sup> Ben Solu bè Ahianɛ: Ñ mɔ̄ kɔ̄n n̄ dansiki utao wà gbeka Diia. Zaake zī beee à sa'o'uta pì dana Isarailinɔ̄ té gwemɛ. <sup>19</sup> Gurɔ̄ kè Solu e yā oo sa'ori pìnɛ, zɔ̄ka kè dɔ̄ Filisitininɔ̄ búrann̄ kèkɛ èe kaara, ben Solu bènɛ à tó gwe. <sup>20</sup> Solu a zìkpɛɛnɔ̄ kàkɔ̄a n̄ píngi, aɔ̄ gè zīn, ben aɔ̄ è swè kè Filisitininɔ̄n maamaa, aɔ̄e kɔ̄ ásarukɛ fɛɛdaao. <sup>21</sup> Eberu kè aɔ̄ v̄ɛɛ Filisitininɔ̄ té yā kè aɔ̄ m̀n̄yo n̄ bura guunɔ̄ èara wà nà n̄ gbè kè aɔ̄ kú kɔ̄n Soluo kɔ̄n Yonatāoa. <sup>22</sup> Kè Isaraili kè aɔ̄ utɛna ɛflaimu b̄usu gus̄is̄ideen gweenɔ̄ mà Filisitininɔ̄ e bàa lɛɛ, aɔ̄ nà n̄ gbènnɔ̄ dɔ̄ aɔ̄ pèɛr̄zi zīn. <sup>23</sup> Len Dii Isarailinɔ̄ b̄o le zī beee, ben aɔ̄ zī blè ai Betav̄ɛ.

### *Yonatā zóblena*

<sup>24</sup> Isarailinɔ̄ naw̄ɛa kè zī beee, zaake Solu lù sè kɔ̄n Luda tóo a zìkpɛɛnɔ̄nɛ à bè: Ai uusie gá keo, gbè kè pò blè ai màgɔ̄ gá gèe bo ma ibɛɛnɔ̄a, adee ḡò láaripɔ̄ ũmɛ. Ben aɔ̄ gbèkee e pò blero. <sup>25</sup> Zìkpɛɛnɔ̄ sì lákpen n̄ píngi, ben aɔ̄ zó'i è di guu pìn. <sup>26</sup> Kè aɔ̄ sì lákpen le, aɔ̄ è zó'i e bàa lɛɛ, m̀ode aɔ̄ gbèkee e ɔ̄ zɔ̄a à dà a lénlo, kè aɔ̄e v̄ia kɛɛ ladana kè Solu kè yānzi. <sup>27</sup> Yonatā s̄ɔ̄ e yā kè a dee diɛ a zìkpɛɛnɔ̄nɛ maro, ben à a gò kè à kúna zò zósa p̄ia. À ɔ̄ kèa à dà a lén, ben à wé kè. <sup>28</sup> Ben zìkari ke bènɛ: N de lù sè a zìkpɛɛnɔ̄nɛ kɔ̄n Luda tóo à bè, gbè kè pò blè gbàa, adee ḡò láaripɔ̄ ũmɛ. Beee yānzin n̄ baade píngi mè b̄usazi. <sup>29</sup> Ben Yonatā

bè: Ma dee e ïa darímmame. Ñ gwa lán ma wéé kè nà, kè ma zó pì m̀ò̀s̀o f́éte ýãnzì. <sup>30</sup> Tó gbě̀ǹo p̀ò̀ kè àẁo s̀ì ñ ibeẽ̀ǹo blè gb̀aa ýã dé, lè â Filisitiniño dède de beela.

<sup>31</sup> Zì beeean Isarailino Filisitiniño dède sèna za Mikimasa ai Ayabni. Â kpàsa búgubugu, <sup>32</sup> ben â s̀ì ñ p̀ókádeẽ̀ǹo té, â s̀aãǹo k̄n zùn̄o k̄n zùnen̄o kùkù â dède gwe g̀w̄o, âw̄e soo k̄n a aruo. <sup>33</sup> Ben wà à baaru kpà Solunè wà bè: Ñ gwa! Wèe durun ke Diine, wèe n̄b̄o soo k̄n à aruo. Ben Solu bè: A b̄o Dii yã kpɛɛ. À gbè gbèntè gbegere pá à suome kè kpakpaa. <sup>34</sup> Ben à bè: À fáak̄a ñ té, à beńne â baade mó ma kiia k̄n a zùo ke a s̄aa, â kòto kpá gura kè wà só. Àton durun ke Diine à n̄b̄o só k̄n à aruro. Ben baade mò k̄n a zùo gwāav̄i beee, à à kòto kpàkpa gwe. <sup>35</sup> Solu Dii gbāgbākii b̀ò gwe. Sa'okii kè à b̀ò káakun gwe.

<sup>36</sup> Ben Solu bè: Wà p̄éé Filisitiniñozi gwāav̄ia wàḡo ñ dede ai guu gá d̄o. Wàton ñ gbèke t́oro. Ben wà bène: Ñ ke lán à kènnè maa nà. Ben sa'ori bè: À tó wà gbeka Ludaa kè ḡia. <sup>37</sup> Ben Solu gbèka Ludaa: Wà p̄éé Filisitiniñozi, né ñ nawe wa w̄zìs? Ben èe weala zì beee z̄iro. <sup>38</sup> Ben Solu bè: a z̄ìkpɛ gbě̀nsin̄o a p̄ingi, à s̄mazi kè, lè wà e wà d̄s durun kè wà kè gb̀aa. <sup>39</sup> K̄n Dii Isarailino M̄isiri t́o, baa tó ma né Yonata bé à durun kè, séde à ga. Ben gbèkee e yã siàlaro. <sup>40</sup> Ben à bèńne: À ze kpado k̄aa, mapi k̄n ma néo wéḡo kú kpado kè. Ben wà bène: Ñ ke lán à kènnè maa nà. <sup>41</sup> Solu bè Dii Isarailino Ludane: Ñ tó wà yapuraa d̄s. Ben yã Yonata k̄n Soluo blè, ben parii m̀ì b̀ò bàn. <sup>42</sup> Solu bè: À gbè la mapi k̄n ma néo musu. Kè yã Yonata blè, <sup>43</sup> ben Solu bène: Ñ yã kè ñ kè om̄e. Ben Yonata bène: Ma gò lé s̄nten má z̄ò z̄óa, f́éte má m̀ò̀s̀o. Ma kè! Mà ga. <sup>44</sup> Ben Solu bè: Yonata, tó née garo, Luda yã kem̄e p̄as̄ip̄as̄i. <sup>45</sup> Ben wà bè Solunè: Yonata ga! Àm̀o kè tò wa z̄ì blès? Auo! K̄n Ludao wée we kè baa à mikā mèn doo léé t̄̀̀t̄̀ero, zaake Luda d̄onlen à beee k̀ò gb̀aa. Len wà Yonata m̀ì s̀ì lè, èe garo. <sup>46</sup> Ben Solu kámma b̀ò k̄n p̄eena Filisitiniñozio, ben Filisitiniño tà ñ b̀usun.

<sup>47</sup> Kè Solu v̄éé Isarailino kpatan à yãa, à z̄ì kà k̄n a ibeẽ̀ǹo gu p̄ingia: M̄oabun̄o k̄n Am̄onino k̄n Ed̄mun̄o k̄n Zoba k̄nan̄o k̄n Filisitiniño. Kpaa kè à lien p̄ingi, è z̄ì blem̄mame. <sup>48</sup> À w̄or̄nḡo kè t́ò b̀ò à z̄ì blè Amalekin̄o, à Isarailino s̀ì ñ wéet̄m̄marin̄o. <sup>49</sup> Yonata k̄n Isiboseo k̄n Malakisuaon Solu néḡgb̄ẽ̀ǹo ũ. À nénḡb̄ẽ̀ǹo v̄i ḡ̀w̄on plaa. À káaku t́on Meraba, à plaade t́on Mikala. <sup>50</sup> À nās̄ t́on Ainoama, Aímaza néme. À z̄ìkp̄eẽ̀ǹo gb̄ẽ̀nsi t́on Abana. Solu p̀ì d̄aarome, à des̄e Ner̄e néme. <sup>51</sup> Solu de Kisi k̄n Abana de Ner̄eon Abieli néno ũ. <sup>52</sup> Solu guro èḡo p̄as̄i k̄n Filisitiniño guro p̄ingi. Tó Solu ḡsagb̄aa ke w̄or̄nḡodee è, è à sí à na a z̄ìkp̄eẽ̀ǹoam̄e.

## 15

### *Dii gina Soluzi kí ũ*

<sup>1</sup> Samueli bè Solunè: Mámbe Dii ma z̄i, ben ma n̄osi k̀umma n kpatablana à gbè Isarailino sèeda ũ. T̀ò! Ñ sw̄a kpá Dii ȳazi sa. <sup>2</sup> Dii Z̄ìkpede bè, é ḡé bo Amalekin̄o yã kè âw̄o kè Isarailino, kè â zé z̄̀ńne ñ b̄eena Iqipiti gbera yãnzì. <sup>3</sup> Ñ gá léẽmma sa, ñ ñ kaate ñ p̄ingi. Ñton ñ gbèke t́oro. Ñ ñ dede ñ p̄ingi, ḡo gb̄ẽ̀ǹo k̄n n̄gb̄ẽ̀ǹo k̄n néno k̄n nékp̄ant̄ẽ̀ǹo k̄n zùn̄o k̄n s̄aãǹo k̄n lakumin̄o k̄n zaakin̄o.

<sup>4</sup> Ben Solu a gb̄ẽ̀ǹo sisi à ñ kak̄a Telaimu. À z̄ìkpɛ kèsedeẽ̀ǹo ḡ̀w̄on b̄or̄o w̄aa dome. Yudan̄o kuu d̄o ḡ̀w̄on b̄or̄o kuri. <sup>5</sup> Ben Solu gàa Amalekin̄o wéte, à nae èe ñ kpakpaa swaw̄eẽn. <sup>6</sup> Solu lékp̄as̄á kè Kenino à bè: À b̄e Amalekin̄o té lè m̀aton a dedeńyoro yãnzì, zaake ámbè a yã maaa kè Isarailino ñ b̄eena Iqipiti gbera. Kè Kenino b̀ò Amalekin̄o té, <sup>7</sup> ben Solu gàa à lè Amaleki p̄in̄o sèna za Avila ai à gàa péo Suru kè kú Iqipiti ofánt̄ẽ̀b̄o kpaa. <sup>8</sup> À Amaleki kí Agaga k̀ b̄e, ben à à gb̄ẽ̀ǹo dède k̄n f̄ẽdaao ñ p̄ingi. <sup>9</sup> Solu k̄n a

zìkpεεnɔ e Agaga dero, bensõ aã sã maaanɔ sɛɛ kɔn zùnɔ kɔn zùne mɛkpananɔ kɔn sãne bɔrɔnɔ kɔn pɔ maaanɔ pínɡi, aɔwe we wà n dɛdɛro. Pɔ ginanɔ kɔn pɔ yãyananɔn aɔ dɛdɛ pínɡi.

<sup>10</sup> Ben Dii yã sù Samuélia à bè: <sup>11</sup> Ma Solu kana kpatan tò ma nòse yàka, zaake à kpeε limε. Lán má dànɛ nà, è ke lero. Yã pì dì Samuélia, ben à wii pè Diizi ai guu gaa à dɔo.

<sup>12</sup> Kè Samuéli fɛε kɔngɔ idɛ'idɛ, à gaa da Solulɛ, ben wà bène: Solu gaa Kameli. À sèeda pèε gwe a zĩnda dɔngupɔ ũ, ben à gɛte à tà Giligala. <sup>13</sup> Kè Samuéli Solu lè, ben Solu bène: Dii aubarika dangu! Má kè lán Dii òmɛ nà. <sup>14</sup> Ben Samuéli à là à bè: Sã wiii kè ma swã e maa de diamε? Zù wiii kè mée maa bò máme? <sup>15</sup> Ben Solu wèala à bè: Amalekinɔ pónɔmε, zaake wà n sãanɔ kɔn n zù maaanɔ sɛɛ wà sùo wà saa oo Dii n Ludaamε. Wa n kpaanɔ dɛdɛ. <sup>16</sup> Ben Samuéli bène: N yĩte lɛ, mé yã kè Dii òmɛ gwãavĩa onne. Ben Solu bè: N o. <sup>17</sup> Ben Samuéli bè: Kè n n zĩnda féte bò yã, néε gɔ Isaraili boriinɔ dɔn'aedee ũroo? Dii n ka kpatan Isarailinɔ kina ũ, <sup>18</sup> ben à n zĩ bɔkɔte keare kè à bè: N gá n Amalekinɔ dɛdɛ, zaake durunkerinɔmε. N gá n zĩ kányo ai n n kaate. <sup>19</sup> À kè dia n gi Dii yã mazi, n lɛε n pónɔa, n yã kè Dii yeziroo kè? <sup>20</sup> Ben Solu bène: Ma Dii yã mà, ma bɔkɔte kè à ma zĩ mà keε kè. Ma Amalekinɔ dɛdɛ n pínɡi, ben ma su kɔn n kí Agagao. <sup>21</sup> Ben zìkarinɔ sã maaanɔ kɔn zù maaanɔ bò pɔ kè wà sɛε pínɔ té, lɛ wà saa oo Dii n Ludaa zaa Giligala kè. <sup>22</sup> Ben Samuéli bè:

Dii yã kũna maanɛ de  
sa'opɔ kè wè ká tén à té kũla.  
Mìsienanɛ de sa'onala.  
À yãmana de  
sa'ona kɔn sãkaro mɛkpanaola.

<sup>23</sup> Gina à yã mazi durun sɛnkpe kɔn mäsokɛnaomε.  
Dɔkenao zaa sɛnkpe kɔn táagbãgbãnaomε.  
Lán n gi Dii yã mazi nà,  
àpi gi n kíεεzi se.

<sup>24</sup> Ben Solu bène: Ma durun kè. Ma pã Dii yã kè n òmɛnɛ, zaake ma vĩa kè gbɛnɔnɛ, ben ma n yã mà. <sup>25</sup> N sùu kemao kɔn ma durun pìo sa. N ɛara n gámao lɛ mà e mà dɔnzi ke Diinε. <sup>26</sup> Ben Samuéli bène: Mé gányoro. N gi Dii yãzi, ben à ginnε ngɔ de Isarailinɔ kina ũ.

<sup>27</sup> Kè Samuéli kpeε lè, èe taa, ben Solu à kũ a uta léa, ben à kè à zĩ. <sup>28</sup> Ben Samuéli bène: Dii n bɔ Isarailinɔ kpatan zaa gbãa, ben à n gbɛdaaa kè à maa denlaa kàn. <sup>29</sup> Isarailinɔ Luda Gakuide è egεε toro, è a laasuu liero, zaake gbɛnteenlo, gbasa à a laasuu liε. <sup>30</sup> Ben Solu bène: Ma durun kè. Baa kɔn beeeo n yã nna, n ma kpe da Isaraili gbɛnsinɔ kɔn gbɛ pínɡio aε. N gá zεmε lɛ mà e mà dɔnzi ke Dii n Ludanε. <sup>31</sup> Ben Samuéli ɛara à gaa à zɛnɛ, ben Solu dɔnzi kè Diinε.

<sup>32</sup> Ben Samuéli bè: À mó kɔn Amaleki kí Agagao. Kè kina pì e mɔɔ, èε kpákpa kè yãkee kuuro, zaake èe daa a bɔ gaa lézĩmε. <sup>33</sup> Ben Samuéli bè: Lán n fɛɛdaa tò nɔgbɛ paridee kòra a nézi nà, len n da é kora a nézi lɛ se. Ben à Agaga zòzòkòrɛ Dii aε Giligala gwe. <sup>34</sup> Ben à tà Rama. Solu sɔ tà a bε Gibεa. <sup>35</sup> Baa kè Solu kè Samuéli n wɛnda, Samuéli e gá à wée kpáεzi dɔro ai à gaa gao, zaake Dii pɔɔ yàka kè à Solu kà Isarailinɔ kina ũ yãnzì.

## 16

### *Samuéli nɔsikuna Dauda mià*

<sup>1</sup> Dii bè Samuéli nɛ: Né gɔ ɔɔ dɔɔ Solu yã musu ai bɔrɛmε? Ma ginε à kí ble Isarailinɔnɛ. N nɔsi ká koban à pa n da zén. Ma n zĩ Betɛlemu gbɛ Yεsε kiia, zaake à né nɔ doken má sè à gɔ kí ũ. <sup>2</sup> Ben Samuéli bè: Dian mé ke nà mà gá gwee? Tó Solu mà, eé ma de. Ben Dii bène:

Ñ zùnunu sé ñ gáo ñ be n mɔ ma gbāgbāme. <sup>3</sup> Ñ Yese sísi saa pì onaa, mé yā kè né kee onne, né nósi kúme gbē kè mé ɔɔbannεe mìa.

<sup>4</sup> Samuēli yā kè Dii òne kè. Kè èe kaa Betelēmu, lakutu pì gbēnsinɔ gaa wà dààle. Vīa n kú, ben aɔ à là wà bè: Aafian n mɔ kèó? <sup>5</sup> À bè: Aafiamε. Ma mɔ Dii gbāgbāme. À gbāsī bɔ a zīndan à gámao saa o. Ben à gbāsī bɔ Yesen kɔn a négɔgbēnɔ à n sísi sa'onaa. <sup>6</sup> Kè aɔ kà, Samuēli Eliabu è, ben à laasuu lè à bè: Gbē kè Dii sè bé à zena à ae gwe. <sup>7</sup> Ben Dii bène: Ñton à zena ke à gbāakεε gwaro, ma gizimε. Mèè gbē gwa lán gbēntee è gwa nàro. Gbēntee è gbē gwa a mèamε, mapi sɔ, swèn mèè gwa. <sup>8</sup> Ben Yese Abinadabu sísi, à mɔ Samuēli ae, ben à bè: Dii e gbē kèkii séro. <sup>9</sup> Ben Yese Sama sísi, à mɔ Samuēli ae ɔɔ, ben à bè: Dii e gbē kèkii séro. <sup>10</sup> Ben Yese a négɔgbē gɔɔn swεεplaaanɔ sísi, aɔ mɔ Samuēli ae, ben à bè: Dii e n gbēke séro. <sup>11</sup> Ben à Yese là à bè: N gɔkparenɔ lén yè n pínjí? À wèàla à bè: Aɔ gbē zāadee bé à kú kèro, èe sãa dāamε. Ben Samuēli bène: Ñ gbē zī wà à sísi. Wé póke kero séto à sù. <sup>12</sup> Ben à gbē zīa, à mɔ. Né pì né gbē tēamε, à zena maa bensɔ à uu kékɔana. Ben Dii bè: Ñ fεe ñ nósi kú à mìa, zaake àpin gwe. <sup>13</sup> Ben Samuēli koba pì sè à nósi kú à mìa à vīinɔ wáa. Zaa zī beean Dii Nini sù Daudaa. Beee gbera Samuēli èara à tà Rama.

### *Dauda zīkena Soluε*

<sup>14</sup> Dii Nini gò Solua, ben Dii tò zīn pāsī súa. <sup>15</sup> À ìbanɔ bène: Ludaa tò zīn pāsī e wée tāamma. <sup>16</sup> Kí, ñ tó wamɔwa n ìbanɔ gbē kè mɔɔlɛna dɔɔ wete. Tó Ludaa tò zīn pāsī pì sùmma, eégae mɔɔ lénne, ñgae e ñ ke sàɔ. <sup>17</sup> Ben à bè a ìbanɔne. À gbē kè mɔɔlɛna dɔ maamaa wete à mómε. <sup>18</sup> Ben à ìbanɔ doke bène: Ma Betelēmu gbē Yese né ke è, à mɔɔlɛna dɔ. Zìkpe wɔɔngɔdeemε, bensɔ à yā'ona dɔ. Gɔ maaamε, bensɔ Dii kúo. <sup>19</sup> Ben Solu gbēnɔ zī Yesea, aɔ gaa wà bène: Solu bè ñ n né Dauda kè è sãanɔ dā gbarεare.

<sup>20</sup> Ben Yese buredi di zaakinε kɔn geepiwēεo tùu do kɔn blèkoffine bɔɔɔ, à a né Dauda gbàreɔ Solua. <sup>21</sup> Kè à kà Solu kiia, à gɔ à zīkeri ũ. Solu yezi maamaa, ben à à diε a zīkapɔnɔserinɔ doke ũ. <sup>22</sup> Ben Solu gbē zī Yesea à bè: Ñ tó Dauda gɔ ma zīkeri ũ, zaake à yā è kemε nna. <sup>23</sup> Tó Ludaa tò zīn pì sù Solua, ben Dauda è a mɔɔ sé àgɔ lεεne. Tó zīn pì gò, ben è ke sàɔ, à su a làakaria.

## 17

### *Dauda kɔn Gɔlaya*

<sup>1</sup> Filisitininɔ n zìkpeεnɔ kàkɔa, aɔɔe zī soru kee Soko zaa Yudanɔ bùsun, ben aɔ bùra kàε Efesi Damimu, Soko kɔn Azekao dagura. <sup>2</sup> Solu kɔn Isarailinɔ sɔ kɔ kàkɔa aɔ bùra kàε Ela gusararaan, aɔɔe soru kee aɔ gá Filisitininɔzi zīo. <sup>3</sup> Filisitininɔ kú sísi kaa kpa, Isarailinɔ sɔ kú sísi kè kpa, guzure kú n dagura. <sup>4</sup> Ben Gata gɔsagbāaa kè wè sísi Gɔlaya bɔ Filisitininɔ bùran. À gbāa kà gàsásuu swεεdo. <sup>5</sup> À mɔgotē fura kuna, à mɔgotē uta kè de lán kpòteε bà dana kè à tiisi kà kiloo baaagɔ. <sup>6</sup> À mɔgotē sòkoto yina ɔɔ, bensɔ à mɔgotē sári lèetegeε logona a kpeε kpa. <sup>7</sup> À sári sɔnte kúna, à pá de lán bisatāri àsa lí bà. À wée tiisi kà kiloo swεεplaa. À sengbangoseri tena à ae.

<sup>8</sup> Gɔlaya zè à lé zù Isaraili zìkpeεnɔzi à bè: Bóyānzin a bɔε kɔn zīozi? Á dɔ kè Filisitinin ma ũroo? Amɔa sɔ, Solu zònon a ũ. À gbēke bɔ a té à pita à mɔ ma kiia. <sup>9</sup> Tó eé fɔ à zī kámao à ma de, ma gbēnɔ é gɔ a zòno ũ. Tó mámbe ma à de sɔ, é gɔ wa zòno ũ, é gɔ zò bleewe. <sup>10</sup> Ben Filisitini pì èara à bè: Mée kùse biii Isaraili zìkpeεnɔa gbāa. À gbē wetemε le wà zī ká ledɔ. <sup>11</sup> Kè Solu kɔn Isarailinɔ à yā pì mà n pínjí, aɔ bídi kè, swè kèngu.

<sup>12</sup> Dauda né Eflata gbē Yese néme. Yese né Betelēmu kè kú Yudanɔ bùsun gbēme. À négɔgbēnɔ ì gɔɔn sɔraagɔ. Solu guro gbē zikūname. <sup>13</sup> À né gbāa gɔɔn aagɔnɔ kú zīlan kɔn



Soluo. À nэг̃gbē káaku tón Eliabu, à plaade tón Abinadabu, à aag̃de tón Sama. <sup>14</sup> Daudan Yese né zāadee ũ. À ṽi pìnɔɔ té Soluzi, <sup>15</sup> mode Dauda è gá Solu kiia à ɛara à su Betelému à a de sãanɔ dā. <sup>16</sup> Filisitini pì è bɔ à a zĩnda ɔɔaɳne kɔngɔ kɔn uusieo ai guro baplaa.

<sup>17</sup> Zĩkea Yese bè a né Daudane: Ñ ése kpatana kp̃e doo kè kɔn buredi mèn kuri kènɔ sé n gáo n ṽiinɔne kpakpaa n b̃uran. <sup>18</sup> Ñ gási mèn kuri kènɔ sé n kpá n gáli gb̃ensia. Ñ gá n n gwa, tó aɔ aafia, n su sèedao kè aɔ kuu aafia. <sup>19</sup> Aɔ kú kɔn Soluo kɔn Isarailinɔ p̃ingi Ela guzuren, aɔe zĩ kaa kɔn Filisitininɔ.

<sup>20</sup> Dauda f̃e kɔngɔ ide'ide, à a sãanɔ tò kɔn sādári pāndeo. À a asoo sè, ben à dà zén lán Yese òne nà. Kè à kà z̃ikp̃eenɔ b̃uran, à mò à lè aɔe gaa z̃ilan, aɔe wii gb̃āaa l̃e. <sup>21</sup> Isarailinɔ kɔn Filisitininɔ e soru kee aɔ ae dɔkɔa. <sup>22</sup> Ben Dauda a asoo nà pódākparine a ɔzĩ, ben à bà lè à gaa z̃ilan. À a ṽinɔ lè gwe, ben à ì kpàɳma. <sup>23</sup> Kè èe yā oońyo, Filisitininɔ g̃sagbāa Gɔlaya, Gata gb̃e b̃o Filisitini z̃ikp̃eenɔ té, à ɛara à f̃e kɔn a yā p̃io. Dauda yā p̃i mà. <sup>24</sup> Kè Isarailinɔ à è, swè kèńgu, aɔ l̃ekɔa n p̃ingi. <sup>25</sup> Aɔe ookɔne wèe bee: Ée g̃gb̃e p̃i e à b̃oro? Tó à b̃o, è kùse biiwame. Gb̃e kè à à dè, kina é adee gba auziki bíta, eé a nénɔgb̃e kpáa dɔ nɔ ũ, bens̃o à b̃edeenɔ é be'ɔ kpá doro.

<sup>26</sup> Ben Dauda gb̃e kè aɔ zena a saenɔ là à bè: Bón weé ke gb̃e kè à Filisitini p̃i dè à Isarailinɔ b̃o wí guune? Dén Filisitini gef̃oodee p̃i ũ, gbasa àg̃ Luda Wèndide z̃ikp̃eenɔ lé gwa yāzii? <sup>27</sup> Ben wà bène lán gb̃enɔ e oo nà: Len weé ke gb̃e kè à à dène l̃e. <sup>28</sup> Kè à ṽi gb̃enside Eliabu mà Dauda e yā oo kɔn gb̃enɔ, à p̃o f̃ezi à bè: À kè dia n mɔ kè? Dén n sã féte kègweenɔ t̃one gb̃aan? Má n wada kɔn n ñose zaaao d̃o. N mɔ z̃i gwame. <sup>29</sup> Dauda bè: Bón má kè? Yān má gb̃ekaroo? <sup>30</sup> Ben à kp̃e l̃ine à gaa à yā d̃nk̃o p̃i là gb̃e pāndeo. Lán gb̃e káaku òne nà, len wà òne l̃e d̃o. <sup>31</sup> Wà yā kè Dauda ò p̃i t̃k̃e Solune, ben à gb̃e z̃i wà à sìsi.

<sup>32</sup> Kè Dauda mò, à bè Solune: Gb̃eke tón tó swè k̃eagu Filisitini p̃i yā musuro. Mamɔma n z̃òbleri, mé gá z̃i káo. <sup>33</sup> Ben Solu bène: Né f̃o n gá z̃i ká kɔn Filisitini p̃oro. Né féten n ũ. G̃gb̃e p̃i s̃o né z̃ikarime zaa a g̃okparekeguro. <sup>34</sup> Ben Dauda bène: Mamɔma n z̃òbleri, mámbè meèg̃o ma de sãanɔ dāa. Tó músu ke kpera mò à sãa kù kp̃asan, <sup>35</sup> meè à gb̃ese mà lé mà sãa p̃i b̃o à lézĩ. Tó à ɛaramazi, ben meè à k̃u a létánkaa mà lé mà de. <sup>36</sup> Mapi n z̃òbleri, ma músu dè, ma kpera dè. Filisitini gef̃oodee p̃i é g̃o lán n bà, zaake èe Luda Wèndide z̃ikp̃eenɔ lé gwaa yāzi. <sup>37</sup> Dauda ɛara à bè: Lán Dii ma b̃o músu kɔn kperao lézĩ nà, len ée ma b̃o Filisitini p̃i ɔzĩ l̃e. Ben Solu bène: Ñ gá! Dii g̃o kúnyo.

<sup>38</sup> Solu a z̃ika'uta d̃ane à a mògot̃e f̃ura k̃une, ben à a mò uta d̃ane. <sup>39</sup> Dauda Solu f̃eadaa lògo z̃ika'uta p̃ia. Kè à ỹo t̃aa, ben à f̃ua, zaake èe k̃o d̃oro. Ben à bè Solune: Mé f̃o mà gá kɔn p̃o p̃inoro, zaake mée k̃o d̃oro. Ben à p̃o p̃inɔ b̃e p̃ingi à k̃ae. <sup>40</sup> À a gò sè, ben à gaa à gb̃e p̃o p̃o sèe swaween mèn s̃oro à kà a sādábokɔn. Ben èe s̃o Filisitini p̃izi, à a gb̃emba k̃una.

<sup>41</sup> Ben Filisitini p̃i e s̃o Daudazi, à sengbangoseri té à ae. <sup>42</sup> Kè à Dauda gwà, à è né féte t̃ea maaame, ben à d̃k̃eo <sup>43</sup> à bène: Gb̃een ma ũ, ben n gbasa née m̃omazi kɔn g̃oo? Ben à à kà kɔn a t̃aa t̃oo. <sup>44</sup> Ben à ɛara à bè: Ñ s̃omazi n gwa, b̃aanɔ é n ble, ñb̃o p̃as̃inɔ é n só. <sup>45</sup> Dauda bène: F̃eada kɔn s̃ari l̃et̃egẽeo kɔn s̃ari s̃nt̃eon née m̃oo mazi. Mapi s̃o, Dii z̃ikp̃ede Isarailinɔ Luda kè n à lé gwà yāzi tón mée m̃oonzi. <sup>46</sup> Dii é n name ma ɔzĩ gb̃aa. Mé n de mà n m̃i z̃o, mé Filisitini z̃ikp̃eenɔ g̃enɔ kpá b̃aanɔa kɔn ñb̃o p̃as̃inɔ gb̃aa aɔ só, anduna é d̃o kè Ludaa kú kɔn Isarailinɔ. <sup>47</sup> Gb̃e kè aɔ k̃ak̃oa gura kènɔ é d̃o kè Dii è z̃i ble kɔn f̃eadao ke kɔn s̃arioro. Dii bé à z̃i ṽi, eé a nawe wa ɔzĩ.

<sup>48</sup> Gurɔ kè Filisitini p̃i e s̃o Daudazi, à mó dak̃reo, ben Dauda bà lè èe gaazi guu kè weé z̃i kán. <sup>49</sup> Ben à ɔ g̃e a b̃okɔn à gb̃e b̃o à dà a gb̃emban. Kè à Filisitini p̃i gb̃ao, ben à à p̃a a aea. Gb̃e p̃i g̃e à aewan, ben à l̃e a puua. <sup>50</sup> Gb̃emban Dauda z̃i bl̃eo Filisitini p̃ia. À à

pàò a nè, baa fēdaa à kŭnaro. <sup>51</sup> Ben à bàà lè à gàa à zèàla, à à fēdaa wòto à kpén à à dè à à mì z̄ò. Kè Filisitinin̄ è n̄ ḡsagbāaa pì gà, ben ā lèk̄ōa. <sup>52</sup> Ben Isarailin̄ k̄n̄ Yudan̄ p̄eēn̄zi k̄n̄ wiio, ā p̄ēm̄ma ai Gata b̄iilea k̄n̄ Eker̄nu b̄iileo. Gbē kè ā n̄ d̄ed̄en̄ ḡn̄ ḡ kaena s̄ena zaa Saraïmu z̄én ai Gata k̄n̄ Eker̄nuo. <sup>53</sup> Kè ā s̄u k̄n̄ pena Filisitinin̄ao, ben ā n̄ b̄ura p̄on̄ n̄ak̄ōa wà ḡt̄eo. <sup>54</sup> Dauda Filisitini pì mì s̄e à gàao Yerusalemu, à à ḡk̄eb̄on̄ k̄aè a kpén.

<sup>55</sup> Gur̄ kè Dauda e s̄o Filisitini p̄izi, Solu e à gwaa, ben à a z̄ikp̄een̄ gbēnsi Abana là à bè: Dé n̄én n̄éḡgb̄e pì ūu? À wèàla à bè: Kí, k̄n̄ n̄ kuunao, má d̄ōro. <sup>56</sup> Ben k̄ina bè: N̄ gbeka n̄ ma tó dé n̄én ḡk̄pare pì ū. <sup>57</sup> Kè Dauda s̄u k̄n̄ Filisitini pì denao, Abana à s̄e à gàao Solu kiia, à Filisitini pì mì k̄una. <sup>58</sup> Ben Solu à là à bè: Ḡk̄pare, dé n̄én n̄ ūu? À wèàla à bè: N̄ z̄òbleri Yese, Betelemu gbē n̄én ma ū.

## 18

### *Solu ìbet̄kpana k̄n̄ Daudao*

<sup>1</sup> Kè Dauda yā ò k̄n̄ Soluo à yāa, ben Yonatā gbēnna kpào à yezi lán a z̄inda w̄endi bà. <sup>2</sup> Zaa z̄i beean Solu à dīe a be, èe we à tá a de be d̄oro. <sup>3</sup> Yonatā yā yìo kè à yezi lán a z̄inda w̄endi bà yānzi. <sup>4</sup> Ben à a utadaa kè à dana b̄ò à à gbà k̄n̄ a z̄ika'utao k̄n̄ a fēdaao k̄n̄ a sáo k̄n̄ a asaa. <sup>5</sup> Guu kè Solu Dauda gbàren z̄i ká píngi, è saa k̄ūme, ben à à dīe z̄ikp̄een̄ gbēnsi ū. À yā è ke baade píngine nname k̄n̄ Solu ìban̄ n̄ píngi.

<sup>6</sup> Kè z̄ikp̄een̄ e suu Dauda Filisitini pì dena gbera, n̄gb̄en̄ b̄ò Isaraili w̄eten̄ guu píngi, ā gà da n̄ kí Solule, āo lè sii āo ò wāa, āo ḡgā lee āo p̄onnaa kee āo s̄eḡs̄eḡ paa. <sup>7</sup> Āo lè sii w̄e d̄ok̄n̄e, āo ò wāa w̄e bee: Solu gb̄en̄ d̄ede ḡon̄ wàa s̄o s̄oro, Dauda s̄o ḡon̄ b̄oro leo ūgbangba.

<sup>8</sup> Yā pì kè Solune zaa maamaa, ben à p̄o f̄e à bè: Wà ḡon̄ b̄oro leo ūgbangba kpà Daudaa, mapì s̄o wàa s̄o s̄oro. Kpata bé à ḡò à sí sa. <sup>9</sup> Zaa z̄i beean à w̄e d̄one.

<sup>10</sup> Kè guu d̄ò, ben Ludaa tò Solu z̄in̄ p̄ās̄i pì dīa, èe yābuu t̄aa a kpén, ben Dauda a m̄oro s̄e, èe lee lán è lé nà. Solu a s̄ari k̄una, <sup>11</sup> ben à à gb̄o, èe daa é Dauda páo le à nak̄ōa k̄n̄ gūome. Ben Dauda a z̄inda gb̄ēne ai ḡen̄ plaa. <sup>12</sup> Solu e v̄ia kee Daudane kè Dii k̄úo bens̄o à kp̄ee liare yānzi. <sup>13</sup> Ben à p̄e Daudaa a kiia, à à dīe z̄ikp̄e ḡon̄ wàa s̄o roon̄o gb̄ēnsi ū. Àmbe èḡo d̄on̄e ae z̄ilan. <sup>14</sup> Guu kè à ḡan̄ píngi è saa k̄ūme, kè Dii k̄úo yānzi. <sup>15</sup> Kè Solu è èḡo saa k̄ūu, ben à v̄ia k̄ene de káakula. <sup>16</sup> Isarailin̄ k̄n̄ Yudan̄ s̄o ye Daudazi n̄ píngi, kè èḡo d̄on̄e ae z̄ilan yānzi.

<sup>17</sup> Ben Solu bène: Mé ma n̄én̄gb̄e káaku Meraba kpámma n̄o ū. N̄ w̄or̄onḡo ke n̄ Dii z̄i káme. Zaake Solu laasuu lè à bè: Mé o naaro, Filisitinin̄ bé wé à de. <sup>18</sup> Ben Dauda bène: Dén ma ūu? Dén ma b̄ed̄een̄ k̄n̄ ma de boriin̄ ū kè mé gbasa mà ḡo n̄ anzure ūu? <sup>19</sup> Kè Meraba kà wà à kpà Daudaa, ben Solu à kpà Meola gbē Adarielia.

<sup>20</sup> Solu n̄én̄gb̄e Mikala ye Daudazi. Kè wà yā pì ò Solune, à k̄ene nna <sup>21</sup> à bè: Mé à kpáame, eé ḡone takut̄e ū, Filisitinin̄ é à de. Ben à bè Daudane: Né ma né p̄ande e n̄ sé sa. <sup>22</sup> Ben à bè a ìban̄ne: À yā o Daudane asii guu, à one à yā káme, bens̄o ma ìban̄o yezi n̄ píngi. À ma n̄én̄gb̄e sé. <sup>23</sup> À ìban̄o yā pì dà Daudane a swāla, ben à bène: Ḡona k̄ina né z̄a ūu né yā aagan̄ yó? Takaasideen̄ ma ū, dé bé à ma d̄o? <sup>24</sup> Kè Solu ìban̄o s̄u, ā Dauda yā pì t̄k̄ene. <sup>25</sup> Ben Solu bè: À one má ye anzure p̄okeziro, sé à ḡe bome ma ib̄e Filisitinin̄ao, à sume k̄n̄ n̄ ḡf̄on̄o m̄en̄ bas̄oro. Èe kpákpaa Filisitinin̄ é à dem̄e.

<sup>26</sup> Kè ìba p̄in̄o yā pì t̄k̄e Daudane, ḡona k̄ina né z̄a ūu k̄ene nna sa. Ai n̄o pì ségur̄o ḡo gá ká, <sup>27</sup> Dauda k̄n̄ a z̄ikp̄een̄ f̄e wà gàa wà Filisitinin̄ d̄ede ḡon̄ wàa do, ben à s̄u k̄n̄

ń gɛwɔwɔ à kpà kínaa píngi, ɛ à e à gɔ à né zā ũ yānzi. Ben Solu a né Mikala kpàa nɔɔ ũ. <sup>28</sup> Kè Solu è ɛ, à dɔ kè Dii kú kɔn Daudao bensɔ a né Mikala yezi, <sup>29</sup> ben à vīakenane kàara, à gɔ à ibɛɛ ũ ai à gàa gào. <sup>30</sup> Gurɔw kè Filisitininɔ kínanɔw e bɔɛɛ wà gá zì ká, Dauda è saa kú dɛ Solu ìba kpaaanɔla, ben à tó bò maamaa.

## 19

### *Solu wɛtena à Dauda dɛ*

<sup>1</sup> Solu ò a né Yonatāne kɔn a ìbanɔ ń píngi aɔ Dauda dɛ. Mɔde Yonatā yezi à ɔ gɛ, <sup>2</sup> ben à gbà làakari à bè: Ma dee e wɛtɛɛ à n dɛ. Ngɔ n zīnda kūna dɔ zia kɔngɔ. N̄ utɛkii wɛtɛ ngɔ kú gwe. <sup>3</sup> Mé bɔ wétɛ kpɛɛ kɔn ma deo, wé zɛ guu kè n uten. Mé n yā onɛ. Lán à òmɛ nà, mé onnɛ.

<sup>4</sup> Ben Yonatā gàa à Dauda maa bò a denɛ à bè: Baa, n̄ton yā zaaa kɛ n zòbleri Daudanɛro, zaa kɛ èe zaa kɛ kennɛro. À yākenanɔw àrɛ vīnne maamaa. <sup>5</sup> Kè à Filisitini pì dè, à gí a wèndizimɛ, ben Dii tò wa zì bíta blè wa píngi. N̄ è, ben n pɔɔ kè nna. Bóyānzi ń yezi n̄ yā zaaa kɛ taarisaidɛ pìnɛzi n̄ à dɛ pāa? <sup>6</sup> Solu à yā mà, ben à lù sè à bè: Kɔn Diio weé à dɛro. <sup>7</sup> À gbera Yonatā Dauda sisi, à yā pì tɔkène píngi, ben à gàa kɔn Daudao Solu kiia, ben è zīi kɛɛnɛ lán a zii bà.

<sup>8</sup> Zì èara à fɛɛ, ben Dauda gàa zì ká kɔn Filisitininɔ. À sìnɔgu à zì blèmma búgubugu, ben aɔ bàa lènɛ.

<sup>9</sup> Dii tò Solu zīn pāsī pì èara à dìa gurɔw kè à vɛɛna a kpén. À a sári kūna, ben Dauda e a mɔrɔ lɛnɛ. <sup>10</sup> Solu wétɛ à Dauda páo ɛ à à nakɔa kɔn guo. Kè à gbèɛnɛ, ben sári pì gàa à gù pà. Gwāavī beean Dauda bàa lè à tà.

<sup>11</sup> Ben Solu gbɛnɔ zì Dauda bɛ, ɛ aɔ à dādā aɔ à dɛ kɔngɔ, ben à naɔ Mikala à gbà làakari à bè: Tó néɛ bàa sí gwāavīaro, weé n dɛ zia. <sup>12</sup> Ben Dauda bò windo guu, Mikala à gbàrɛ kɔn bào tɔtɛ, ben à bàa lè à gɛ zéla. <sup>13</sup> Ben Mikala tāa sè à dàɛ gádoɔ, à blè báa sè à kù tāa pì mīla, ben à bisa kùàla. <sup>14</sup> Kè Solu gbɛnɔ zì Dauda kú, Mikala bè à gbāaro. <sup>15</sup> Ben Solu èara à gbɛnɔ zì Dauda gwa à bènɛ: À à sé kɔn a gádoɔ lɛdo, à suome ɛ mà à dɛ. <sup>16</sup> Kè aɔ gɛ kpén, tāa pìn aɔ è gádoɔ, blè báa kú à mīla. <sup>17</sup> Ben Solu Mikala là à bè: Bóyānzi n bɔ ma kpɛɛ n ma ibɛɛ gbàrɛ à pìtimaguzi? Mikala wèàla à bè: À bèmɛ mà tó à gɛ zéla. Tó ma gi sɔ, é ma dɛ.

<sup>18</sup> Kè Dauda bàa lè à gɛ zéla, à gàa Samuɛli gwa zaa Rama. À yā kè Solu kènɛ tɔkène píngi, ben aɔ gàa wà vɛɛ Nayo lɛdo. <sup>19</sup> Kè wà ò Solunɛ Dauda kú Nayo zaa Rama, <sup>20</sup> ben Solu gbɛnɔ zì à kú. Kè aɔ kà gwe, aɔw lè annabi gáli e dɛdɛɛ, Samuɛli kú ń tɛ ń dɔn'aɛdɛɛ ũ. Ben Luda Nini sù zīri pìnɔa, aɔwɛ dɛdɛɛ se. <sup>21</sup> Kè wà ò Solunɛ, ben à gbɛ pāndɛnɔ zì, ben aɔw dɛdɛ ɛ dɔ. Solu èara à gbɛnɔ zì à gɛn aagɔdɛɛ, ben aɔw dɛdɛ se dɔ. <sup>22</sup> Ben Solu pì fɛɛ èe gaa Rama a zīnda sa. Kè à kà lògɔ bíta kè kú Seku saɛ, à gbɛnɔ gbèka à bè: Samuɛli kɔn Daudao kú máme? Ben wà bènɛ: Aɔw kú Nayo zaa Rama. <sup>23</sup> Kè èe gaa gwe, ben Luda Nini sù baa àpia se, èe dɛdɛɛ èe gaa ai à gàa à kào Nayo zaa Rama. <sup>24</sup> À a pókāsāanɔ pìtiawa, à dɛdɛ Samuɛli aɛzī. Zī beea fāantɛ kɔn gwāavīo píngi ègɔ daɛna búumɛ. À yā bé à tò wè be: Solu kú annabinɔ tɛmɛ se dɔw?

## 20

### *Dauda kɔn Yonatāo*

<sup>1</sup> Dauda bò Nayo zaa Rama, à bàa lè à gàa à Yonatā lè, ben à à là à bè: Bón má kè? Dà kpareen má kè? Yā zaa kpareen má kè n denɛ kè èe wɛtɛɛ à ma dɛɛ? <sup>2</sup> À wèàla à bè: Gyam! Né garo. N̄ gwa, ma de è yāke kɛ à gí damɛ ma swálaziro, yā bíta kɛ à néngon yoo. Ma de égɔ yā beee taka kɛɛ à gí omɛzís? Mée síro! <sup>3</sup> Ben Dauda bè dɔ: N dee dɔ sānsān kè ma n pɔnnaa è. Beee yānzin èe tó n yā pì màro, ɛ n pɔɔ tón yakaro yānzi. Kɔn Dii kuunao kɔn

n kuunao má kú gaa lézĩme. <sup>4</sup> Ben Yonatā bène: Pó kè ní yezi píngi mé kenne. <sup>5</sup> Ben Dauda bène: Ì gwa, mọ dufu zĩbaame zia. À kù mà v̄e mà pó ble kōn kínaome. Ì tó mà gá mà ute s̄ete ai ziando uusie. <sup>6</sup> Tó n de ma gbeka, ñ ben ma zé gbèkamma mà gá ma be w̄ete Betelému kpakpaa, kè ma bēdeen p̄ngi e saa kè wè o w̄è kōn w̄è o gwe yānzi. <sup>7</sup> Tó à bè à maa, méḡo aafia, m̄de tó à p̄ f̄e maamaa, nḡo d̄o kè yā zaaan à zèo à keme gwe. <sup>8</sup> Ì gb̄eke ke mamoma n zòblerine, zaake n yā yimao kōn Dii d̄onaome. Tó má taari v̄i, ñ ma de n zĩnda. Ìnton ma kpá n dearo. <sup>9</sup> Ben Yonatā bè: Gyam! Tó má d̄o kè ma de zèo à zaa kenne, le mé onneroo? <sup>10</sup> Ben Dauda à là à bè: Tó n de gà à yā p̄s̄i ònne, dé bé eé omee? <sup>11</sup> Ben Yonatā bène: Ì mó wà gá s̄ete. Ben āo b̄e wà gaa s̄ete ní plaa.

<sup>12</sup> Ben Yonatā bè: Má s̄i kōn Dii Isarailino Ludao, ai ziando m̄ndaa'i mé ma de ȳo mà gwa. Tó n yā k̄ane, mé lékp̄s̄a kenne. <sup>13</sup> Tó ma dee yezi à à zaa kenne s̄o, ben méé lékp̄s̄a kenne ma n gbar̄e n ta aafiaro, Dii yā keme p̄s̄ip̄s̄i. Dii ḡo kúnyo lán à kú kōn ma deo yā nà. <sup>14</sup> Lán má kpé kú w̄endio nà ñ gb̄eke keme lán Dii è k̄ine nà, kè w̄aton ma dero yānzi. <sup>15</sup> Ì gb̄eke tón yāa kōn ma bēdeen zikiro, baa tó Dii tò n ibeen yāa anduna guu. <sup>16</sup> Len Yonatā yā yì kōn Daudao le, ben à bè: Dii ḡe bonne n ibeen. <sup>17</sup> Ben Yonatā tò Dauda èara à lù s̄eare d̄o a yenzi yānzi, zaake à yezi lán a zĩnda w̄endi bàme.

<sup>18</sup> Ben Yonatā bène: Mọ dufu zĩbaa kuu zia. Tó w̄e gb̄eke e n v̄ekiinlo, weé n gbeka. <sup>19</sup> Ziando ñ gá ñ ute guu kè n uten yāa p̄i naanaguro, néḡo kú gbè kè de t̄ote lé s̄eda ũu sae gwe. <sup>20</sup> Mé kà zu gbè p̄i sae w̄en aaḡo lánd̄o méé pó gb̄aa bà, <sup>21</sup> mé néḡogb̄e ke z̄i à gá kà p̄ino wete. Tó ma bène, k̄ano kú à kpe, à s̄e à móo, ñ mó, má s̄i kōn Diio néḡo aafiam̄e, kari kuuro. <sup>22</sup> Tó ma bène k̄ano kú à ae s̄o, ñ gá, zaake Dii bé à n gbar̄e. <sup>23</sup> Yā kè wá yì k̄o s̄o, Dii bé eé ḡo de yā p̄i s̄edadee ũ guro p̄ngi.

<sup>24</sup> Ben Dauda gaa à ùte s̄en. Kè mọ dufu b̄o, kína v̄e le à pó ble. <sup>25</sup> À v̄e a v̄ekiaa ḡu sae. Yonatā v̄e à ae, Abana kú à sae. Dauda v̄ekii s̄o, gb̄eke kú gwero. <sup>26</sup> Solu e yāke o z̄i beeeero, zaake èe daa yāke bé à à lè, à kú gb̄as̄iome, beee bé à kp̄ane. <sup>27</sup> Kè guu d̄o mọ guro plaadee z̄i, Dauda v̄ekii ḡo da kori, ben Solu a né là à bè: B̄oyānzi Yese né e mó pó ble ḡia kōn gb̄aaroo? <sup>28</sup> Ben à bène: À zé gb̄ekama, à bè é gá Betelému. <sup>29</sup> À bè mà tó à gá, zaake a bēdeen e saa oo w̄ete p̄i guume, ben a v̄i bèare à mó. À bè tó à k̄eme, mà a gbar̄e à gá a v̄ino gwa. Beee yānz̄in èe mó pó blenyorozi. <sup>30</sup> Ben Solu p̄o f̄e Yonatāzi à bè: Né faasai sw̄agb̄aade! Má d̄o kè n ze Yese né kpeeme. N w̄i dà n zĩndaa kōn n dao. <sup>31</sup> Tó Yese né p̄i ḡo kú k̄u w̄endio, né e ñ kpata b̄lero. Ì gb̄en z̄i āo à k̄u wà suome tia. Séto à ga. <sup>32</sup> Ben Yonatā à là à bè: B̄oyānz̄in eé gazi? B̄on à kè? <sup>33</sup> Ben Solu Yonatā gb̄a kōn s̄ario le à e à à de, ben Yonatā d̄o sa kè a de zè kōn Dauda denaome.

<sup>34</sup> Yonatā f̄e à gò p̄obleela kōn p̄f̄e, èe gà à pó blè mọ guro plaadee p̄i z̄i d̄oro, zaake à n̄se yāka Dauda yā musu, kè à de à diè gb̄e futaa ũ yānzi.

<sup>35</sup> Kè guu d̄o, Yonatā b̄o à gaa Dauda le guu p̄in. Néḡogb̄e kee tézi. <sup>36</sup> Ben à bè né p̄ine. Ì bàà lé ñ gá k̄aa. Tó ma kà z̄u, né wete. Kè né p̄i bàà lè èe gaa, ben Yonatā kà z̄u à m̄ila. <sup>37</sup> Kè né p̄i kà guu kè Yonatā kà p̄en, ben à lé z̄u né p̄izi à bè: Kà p̄ino kú n ae k̄aa. <sup>38</sup> Ben Yonatā èara à lé z̄uzi d̄o à bè: Ì gá kpakpaa, ñnton zero. Ben né p̄i kà p̄ino s̄e à s̄uo a diine. <sup>39</sup> Né p̄i e yā p̄i d̄oro, séde Yonatā kōn Daudao. <sup>40</sup> Ben Yonatā a ḡok̄e b̄ono kpà né p̄ia à bè: Ì sí ñ táo be.

<sup>41</sup> Kè né p̄i tà, Dauda f̄e gb̄e kpe à mò à k̄u Yonatāne ḡen aaḡo à dàe a puua. Ben āo lé p̄ek̄o āo d̄o ñ plaa ñ p̄ngi, Dauda pó bé à b̄ita. <sup>42</sup> Ben Yonatā bène: Ì tá aafia, zaake wa lù s̄e kōn Dii t̄o wa bè, Diin wa s̄edadee ũ ma boriino kōn n boriino dagura ai guro p̄ngi. Dauda b̄o gwe, ben Yonatā èara à tà a be.

## 21

### *Dauda kuuna Nɔbu*

<sup>1</sup> Kè Dauda e gaa sa'oriki Aimɛlɛki kiia zaa Nɔbu, Aimɛlɛki pì bò à gàa à daàlɛ. Vĩa à kù, ben à à là à bè: Bó bé à tò n̄ té ndo, gbɛke kúnyoroee? <sup>2</sup> Dauda wèàla à bè: Kí bé à zĩi dàmɛ, à bè màton tó gbɛke yã kè á diɛmɛ à ma zĩ mà kɛɛ d̄ɔro. Ben wa guu z̄k̄ɔnɛ k̄ɔn ma ìbanɔ āɔ d̄ɔmɛ aɛ. <sup>3</sup> Póble kp̄areen n̄ vĩ kè tiaa? Ñ ma gba burɛdi mèn s̄ɔɔro kes̄ɔ pó kè n̄ vĩ píngi dé. <sup>4</sup> Ben sa'oriki pì bè: Burɛdi p̄a kuuro, séde kè wà kàɛ Ludanɛ baasiro. Tó n gbɛn̄ɔ e kak̄ɔa k̄ɔn n̄ɔgb̄ɛoro, mé kp̄ámma. <sup>5</sup> Ben Dauda bènɛ: À de lɛ kò, wá wa zĩnda kũna n̄ɔgb̄ɛn̄ɔ yã musu, lán weè kɛ nà wà gbasa wà da zén wà gá zĩ ká. Ma gbɛn̄ɔ mèn̄ɔ gb̄asĩro. Baa gur̄ɔ kè wée p̄oyezi taa oo, ās̄èḡɔ gb̄asĩro, at̄ɛnsa tá kè wée oo gb̄aaro. <sup>6</sup> Ben sa'oriki pì Luda burɛdi sè à kp̄aa, zaake burɛdi kee kú gwero, sé kè wà kàɛ Ludanɛ. Wè burɛdi pì sé Dii aɛmɛ, ben wè à lende kp̄a k̄ɔn burɛdi dufuo.

<sup>7</sup> Solu ìbanɔ dokee kú gwe gur̄ɔ pia, à t̄ɔn Doɛgi. Ed̄ɔmu boriimɛ, àmbe Solu s̄ad̄ariki ũ. <sup>8</sup> Ben Dauda Aimɛlɛki là à bè: N̄ s̄ári ke f̄ɛɛdaa vĩ kèɔ? Mée e ma a f̄ɛɛda ke ḡɔkɛbo ke s̄ero, zaake kí zĩ kùrukuru dàmɛmɛ. <sup>9</sup> Sa'oriki pì wèàla à bè: Gɔlaya, Filisitini kè n̄ dè Ela guzuren f̄ɛɛdaa kú kè. À kú dansiki kp̄ɛɛ, bisa fifia. Tó n̄ yezi, n̄ sé, zaake à p̄andee kú kè d̄ɔro, séde beee pì. Ben Dauda bè: Ñ kp̄ama, à s̄aa kuuro.

### *Dauda ìadeyãn̄ɔ kekɛna*

<sup>10</sup> Dauda bàa lè Solunɛ zĩ beee, à tà Gata kí Akisi kiia. <sup>11</sup> Ben Akisi ìbanɔ bènɛ: Isarailin̄ɔ bùsu kí Daudan yèroo? Àpin wè ɔ wã wà lè sí à yã musuroo? Wè be:

Solu gb̄ɛn̄ɔ d̄ɛdɛ ḡɔɔn wàa s̄ɔs̄ɔro,  
Dauda s̄ɔ ḡɔɔn b̄ɔɔ leo ũgbangba.

<sup>12</sup> Yã pì Dauda kù gb̄aa, èe vĩa kɛɛ Akisinɛ maamaa. <sup>13</sup> Ben à a zĩnda liɛ, èe ìadeyãn̄ɔ kekɛɛ n̄ aezĩ. À ɔgbɛ ḡaɛḡaɛ b̄i zé gb̄an̄ɔa, à tò lóu e plaa a lét̄ankaa. <sup>14</sup> Ben Akisi bè a ìban̄ɔnɛ: À gwa! Gb̄ɛ pì né ìadeemɛ. Bóyãnzin a à sè a m̄ɔo ma kiiazi? <sup>15</sup> Ìadeen̄ɔ kès̄amamɛɛ, ben a gb̄ɛ pì sè a m̄ɔo ma kiia lɛ à ìadeyãn̄ɔ kekɛm̄ɛɔ? Eé e à ḡɛ ma uaro.

## 22

### *Solu Nɔbu sa'orin̄ɔ dɛdɛna*

<sup>1</sup> Dauda bò gwe à bàa lè, à gàa à gè Adulamu gbèwɛɛn. Kè à v̄in̄ɔ k̄ɔn à de bɛdeen̄ɔ à baaru mà, āɔ gàa wà à lè gwe. <sup>2</sup> Yã'ɔammadeen̄ɔ k̄ɔn f̄iadeen̄ɔ k̄ɔn gb̄ɛ kè yã è keñneroon̄ɔ k̄ak̄ɔazi n̄ píngi, ben à ḡò n̄ gb̄ɛnsi ũ. Āɔ kà ḡɔɔn wàa plaa taka bà. <sup>3</sup> B̄ona zaa gwe Dauda gàa Mizipa, M̄ɔabun̄ɔ bùsun, à bè M̄ɔabu k̄inanɛ: Ñ ma de k̄ɔn ma dao gba zé āɔḡɔ kúnyo ai mà d̄ɔ lán Luda é kɛmɛ nà. <sup>4</sup> Ben à n̄ tó k̄ɔn M̄ɔabu k̄inao gwe. Āɔ kúo gur̄ɔ kè Dauda kú s̄ɛtɛ p̄òr̄ɔtu. <sup>5</sup> Beee gb̄era annabi Gada mò à yã ò Daudanɛ à bè: Ñtonḡɔ kú s̄ɛtɛ p̄òr̄ɔtu d̄ɔro. Ñ ɛara n̄ tá Yudan̄ɔ bùsun. Ben à f̄ɛɛ à gàa ɛreti líkpen.

<sup>6</sup> Zĩkea Solu v̄ɛɛna s̄ama lí gb̄aru Gibɛa s̄is̄ia. À a s̄ári kũna, à ìban̄ɔ ligazi n̄ píngi. Ben à mà wà Dauda k̄ɔn gb̄ɛ kè āɔ kúon̄ɔ kúkii d̄ò. <sup>7</sup> Ben à bè a ìba p̄in̄ɔnɛ: a Beyãmi boriin̄ɔ, à ma yã ma a píngi. Yɛɛ né é buraan̄ɔ k̄ɔn geepi búno kp̄áawaɔ? Eé a die z̄ikari ḡɔɔn wàa s̄ɔs̄ɔro ke ḡɔɔn bas̄ɔs̄ɔroon̄ɔ gb̄ɛnsin̄ɔ ũɔ? <sup>8</sup> A píngi a lé kp̄ak̄ɔs̄mazimɛ. Kè ma né yã yì k̄ɔn Yɛɛ néo, a gb̄ɛke e omɛro. A gb̄ɛke e ma w̄ɛnda gwaro. Èɛ dame ma sw̄ala kè ma né ma ìba pì n̄sɛ f̄ɛɛ àḡɔ ma wɛtɛɛ à ma de, lán èe kɛɛ nà tiaro. <sup>9</sup> Ed̄ɔmu bori Doɛgi kú k̄ɔn Solu ìban̄ɔ gwe, ben à bè: Ma Yɛɛ né è, à mò Aitubu né Aimɛlɛki kiia zaa Nɔbu. <sup>10</sup> À yã gb̄èkanɛ Diia, ben à k̄us̄aɛ kp̄aa k̄ɔn Filisitini bori Gɔlaya f̄ɛɛdaao.

<sup>11</sup> Ben k̄ina gb̄ɛn̄ɔ zĩ āɔ sa'oriki Aimɛlɛki sísi k̄ɔn a de bɛdee kè āɔ de sa'orin̄ɔ ũ zaa Nɔbun̄ɔ n̄ píngi. Ben āɔ mò k̄ina kiia n̄ píngi. <sup>12</sup> Ben Solu bènɛ: Ñ sw̄a kp̄a n̄ ma, Aitubu

né. À wèàla à bè: Ma swā dɔ, Baa. <sup>13</sup> Ben Solu à là à bè: Bóyānzin mmɔn kɔn Yese néo a lé kpàkɔsɔmazizi? Bóyānzin n pɔblee kpàa kɔn fɛdaaozi? N yā gbèkanɛ Ludaa, lɛ à fɛmazi àgɔ ma wetɛɛ à ma dɛ, lán èe kɛɛ nà tia. <sup>14</sup> Aimɛlɛki wèàla à bè: N ìbanɔ té píngi, dé bé à náane vī à kà Dauda ũu? N né zāme, n zīnda dogarinɔ kiname, bensɔ à tɔ bɔ n bɛ. <sup>15</sup> Mɛɛ gbekane Ludaa zikiroo? Kai! Baa, n̄ton yā di mamɔma n zɔ̀bleriaro ke ma de bɛdeenɔ, zaake má yāke dɔ yā pì musuro pátipati. <sup>16</sup> Ben kí bène: Né game, mpi kɔn n de bɛdeenɔ n píngi. <sup>17</sup> Ben à ò dogari kè aɔ kú gweenɔne à bè: À fɛɛ à Dii gbàgbārinɔ dɛdɛ, zaake n̄ ɔ kú Dauda yāmmɛ. Aɔ à bàalena yā dɔ, ben aɔɔe omɛro. Mɔde à ìba pìnɔ e wezi wà ɔ sè wà Dii gbàgbāri pìnɔ dèdɛro. <sup>18</sup> Ben kí bè Doeginɛ: N̄ fɛɛ n̄ sa'ori pìnɔ dɛdɛ. Ben à fɛɛ à n̄ dɛdɛ gɔɔ. À sa'o'utadari pìnɔ dèdɛ gɔɔn basiigɔ asɔromɛ. <sup>19</sup> Ben Solu èara à sa'ori pìnɔ wéte Nɔbudeenɔ dèdɛ dɔ, gɔgbɛnɔ kɔn nɔgbɛnɔ kɔn né gbāaanɔ kɔn nékpāntɛnɔ kɔn zùnɔ kɔn zaakinɔ kɔn sāanɔ. Wà n̄ dɛdɛ kɔn fɛdaao n̄ píngi.

<sup>20</sup> Ben Aimɛlɛki né ke pitiíngu, à tón Abiata. À bàa lè à gàa à nà Daudaa. <sup>21</sup> À bè Daudane, Solu Dii gbàgbārinɔ dèdɛ n̄ píngi. <sup>22</sup> Ben Dauda bène: Kè ma Edɔmu bori Doegi è gwe zī beee, má dɔ sānsān kè eé o Solunɛ. Ma yānzin wà n de bɛdeenɔ dèdɛzi n̄ píngi. <sup>23</sup> N̄gɔ kúmao. N̄ton tó vīa n kūro. Gbɛ kè èe n wetɛɛ à n dɛɛ e ma wetɛɛ à ma demɛ se. Yāke é n le ma kiario.

## 23

### *Dauda Keiladeenɔ m̄sina*

<sup>1</sup> Wà ò Daudane wà bè: N̄ gwa, Filisitininɔ e zī kaa kɔn Keiladeenɔ, aɔɔe n̄ pówɛenɔ naakɔa. <sup>2</sup> Ben Dauda gbèka Diia à bè: Mà gá mà lɛɛ Filisitini pìnɔan yó? Ben Dii bène: N̄ gá n̄ léém̄ma n̄ Keiladeenɔ m̄i sí. <sup>3</sup> Ben Dauda gbɛnɔ bène: Lán vīa e wa kūu Yudano bùsu kèn nà, wé fɔ wà gá wà zī ká kɔn Filisitininɔ Keilaó? <sup>4</sup> Dauda èara à gbèka Diia dɔ, ben Dii bène: N̄ fɛɛ n̄ gá Keila, zaake mé Filisitininɔ nanne n ɔzī. <sup>5</sup> Ben Dauda gàa Keila kɔn a gbɛnɔ, à zī ká kɔn Filisitininɔ, ben à n̄ pókādeenɔ s̄im̄ma. À Filisitininɔ dèdɛ paripari, ben à Keiladeenɔ m̄i sí. <sup>6</sup> Kè Aimɛlɛki né Abiata bàa lè èe gaa Dauda kiia yā, à a sa'o'uta kūna, ben à gàao Keila.

### *Solu pɛena Daudazi*

<sup>7</sup> Kè Solu mà Dauda gàa Keila, à bè: Luda ḡizime, ben à à nàme ma ɔzī, zaake à a zīnda tàta wéte b̄iidee guumɛ. <sup>8</sup> Solu a z̄ikpɛenɔ kàkɔa n̄ píngi, lɛ aɔ gá Dauda kagura ke kɔn à gbɛnɔ zaa Keila. <sup>9</sup> Kè Dauda mà Solu e à zaa kpaakɔsɔazi, ben à bè sa'ori Abiatane à mó kɔn sa'o'utao. <sup>10</sup> Ben Dauda bè: Dii Isarailinɔ Luda, mapi n zɔ̀bleri má mà Solu e zé wetɛɛ à mó Keila à wéte kè kaate ma yānzi. <sup>11</sup> Keiladeenɔ é ma kpáan yó? Solu é mó kè lán má mà nàn yó? Dii Isarailinɔ Luda, n̄ o mamɔma n zɔ̀blerinɛ. Ben Dii bène: Eé mó. <sup>12</sup> Ben Dauda à là dɔ: Keiladeenɔ é ma kpáa kɔn ma gbɛnɔn yó? Ben Dii bè: Aɔé a kpáame. <sup>13</sup> Ben Dauda kɔn a gbɛnɔ fɛɛ, aɔ kà gɔɔn wàa aagɔ taka bà. Kè aɔ bɔ Keila, ben aɔɔe s̄ɔki kpákpa. Kè Solu mà Dauda bɔ Keila, èe gà à gàa gwe dɔro.

<sup>14</sup> Dauda kú zeki gbāaan gbāan Zifi bùsu s̄is̄ideen. Lán guu e dɔ nà Solu ègɔ à wetɛɛ à dɛ, mɔde Ludaa e Dauda nanɛ à ɔzīro. <sup>15</sup> Gurɔ kè Dauda kú Zifi bùsu líkpen, à mà Solu kɔn à gbɛnɔ e mɔ a dɛ. <sup>16</sup> Ben Solu né Yonatā fɛɛ à gàa à Dauda lè zaa líkpe pìn, à à gbà swè kɔn Luda tó. <sup>17</sup> À bène: N̄ton tó vīa n kūro, zaake ma de é e à ɔ namm̄aro. M̄be né kí ble Isarailinɔne, mapi s̄ɔ mégɔ dɛ n plaadee ũ. Ma de pì beee dɔ se. <sup>18</sup> Ben aɔ yā yì k̄o n̄ plaa Dii aɛ. Dauda ḡò líkpen gwe, ben Yonatā tà bɛ.

<sup>19</sup> Beee gbera Zifideenɔ gàa wà Solu lè Gibɛa aɔ bè: Dauda utena wa bùsun s̄ɛte pòrtu. À kú líkpen Akila s̄is̄igɛɛzi Yesimɔ s̄ɔm̄ete kpa. <sup>20</sup> Kí, gurɔ kè n̄ yezi píngi, n̄ mó gwe, wé à kpám̄ma. <sup>21</sup> Ben Solu bè: Dii aubarika daagu kè a ma wēnda gwà yānzi. <sup>22</sup> À tá à èara à

soru ke. À guu kè è gán gbekagbeka kɔn gbɛ kè aɔ à ènɔ, zaake má mà wà bè, à ɔndɔ né ɔndɔnlo. <sup>23</sup> À gbekagbeka le à e à à utekiinɔ dɔ píngi, à ɛara à mɔ à ma le, le mà à sãnsãn ma, mé gáao. Tó à kú a bɔsun gweme, mé péezi Yuda boriinɔ té píngi. <sup>24</sup> Ben aɔ dà zén, aɔ dò Solune aɛ gana Zifi. À ɛ sɔ Dauda kɔn a gbɛnɔ gĩake wà kú Maɔni gbáan sɛte Yesimɔ sɔɔmete kpa.

<sup>25</sup> Kè Solu kɔn a gbɛnɔ e mɔɔ péezi, à à baaru mà, ben à pita kpíi pía à gáa à kú Maɔni gbáan. Kè Solu mà, ben à péezi Maɔni gbáan gwe. <sup>26</sup> Solunɔ e táa oo kpíi kpe káa kpa, Daudanɔ e táa oo à kpe kè kpa, aɔɔe wáa aɔɔe bà lee Solune. Gurɔ kè Solu kɔn a gbɛnɔ e ligaa Daudanɔzi aɔ ní kú, <sup>27</sup> ben gbɛke mò à baaru kpà Solune à bè: N ke kpakpaa, Filisitininɔ mò wà lèe wa bɔsua. <sup>28</sup> Ben Solu pɛena Daudazi tò, à gáa Filisitininɔ le. Beee yãnzì wè guu pì sísi Kɔkpaatekpíi. <sup>29</sup> Beee gbɛra Dauda bò gwe à gáa à vèe sète pòrɔtu, guu kè wè sísi Engedi.

## 24

### *Dauda gina Solu denazi gbèwɛɛn*

<sup>1</sup> Kè Solu sù kɔn pɛena Filisitininɔzio, wà bène Dauda kú Engedi gbáan. <sup>2</sup> Ben à Isaraili zìkpeɛnɔ sèe gɔɔn bɔrɔ aagɔ à dànyo zén, le aɔ Daudanɔ wete guu kè wè sísi Zɔnɔ Gbèa. <sup>3</sup> Kè à kà sãanɔ kara kè kú zé sae kiia, à gbèwɛɛ è gwe, ben à gɛn à gáa dɔzezi ke. Dauda kɔn a gbɛnɔ sɔ kú gbèwɛɛ pìn zaa à lézekiia. <sup>4</sup> Ben Dauda gbɛnɔ bène: N gwa, à gurɔn gbàa kè Dii bè é n ibee nanne n ɔzì n yá ke n lán ní yezi nà. Ben Dauda fɛe tɛe, à Solu utagumusu lé zò à sae. <sup>5</sup> À gbɛra Dauda gè laasuun Solu uta lé kè à zò pì yãnzì, <sup>6</sup> à bè a gbɛnɔne: Kai! Dii tón tó mà yá beee taka ke ma dii kè à à kpànero. Mé ɔ naaro, zaake Dii bé à à kpà kpatan.

<sup>7</sup> Dauda kpàkè a gbɛnɔzi kɔn yá pìo, èe tó aɔ Solu dèro. Kè Solu bò gbèwɛɛn, èe gèe zéla, <sup>8</sup> ben Dauda bò gbèwɛɛ pìn, à lé zùzi à bè: Ma dii kí! Kè Solu liè à a kpe gwà, ben Dauda kùe à dàe a puua. <sup>9</sup> Ben à bè Solune: Tó wà bè ma yá zaaa kpàkpa n musu, bó yá bé à tò nèe síi? <sup>10</sup> N gwa! N wée è gbàa lán Dii n name ma ɔzì nà gbèwɛɛn. Wà bème mà n de, ben ma n wènda gwà, ma bè mé ɔ na ma diiaro, zaake Dii bé à à kpà kpatan. <sup>11</sup> N gwa kè Baa! N gwa, má n uta lé kùna kè! Ma n uta lé zò, mɔde mée n dero. N dɔ sa kè má n kùna kɔn nòse zaaaoro. Mée taari kennero, ben nées ma wete n ma de. <sup>12</sup> Dii yá gɔgɔwe à gèe bommame, mɔde mapi mé ɔ nammaro. <sup>13</sup> Lán wà yáasi zù zaa zi nà wà bè, yá zaaa è bɔ zaakerinɔ kiame, mé ɔ nammaro. <sup>14</sup> N Isarailinɔ kína, dé yãnzìn n bɔzi? Dén nées péezi? Gbɛe gèn yó? Ke kòkò néngo? <sup>15</sup> Dii ma yá gwa à yá gɔgɔwe. À yá nnaa kpáma à zemaɔ à ma bɔ n ɔzì.

<sup>16</sup> Kè Dauda yá beee ò Solune à yáa, Solu bè: Ma né Dauda, n kòton gweó? Ben Solu vè wiiio <sup>17</sup> à bè Daudane: N yá nnaa demala, zaake yá zaaan má kenne, ben n fía bòme kɔn à maaao. <sup>18</sup> N yá maaa kè n kème ò tia. Kè Dii ma nanne n ɔzì, nées ma dero. <sup>19</sup> Tó gbɛ bò a ibeaa, è tó à tá aafiaó? Dii yá maaa kè n kème gbàa fía bonne. <sup>20</sup> Má dɔ sa kè né gɔ kí ù, négɔ kí blee Isarailinɔne. <sup>21</sup> N síme kɔn Dii tóo kè né ma borii kaatero, né ma tó de ma de bedeeno téro. <sup>22</sup> Ben Dauda la dà Solune. Kè Solu tà be, ben Dauda kɔn a gbɛnɔ ɛara wà tà sète pòrɔtu.

## 25

### *Dauda kɔn Nabalao kɔn Abigailio*

<sup>1</sup> Samuéli gá, ben Isarailinɔ kàkɔa ní píngi, aɔɔe ɔɔ dɔɔ à gaa musu, ben wà à vèi a be zaa Rama. Beee gbɛra Dauda gáa Parani sète. <sup>2</sup> Maɔni gbɛkee kuu, à bɔkòte vè Kameli gwe. Auzikide sàme, à sãanɔ vè bɔrɔ aagɔ kɔn blèno wàa sɔɔro. Ben à mò Kameli le à a sãanɔ ká kèe. <sup>3</sup> À tón Nabala, à naɔ tón Abigaili. Nɔgbɛ pì làakari vè bensɔ à kakana maa, mɔde à gɔɔ pì gbɛke wí vèro, à yákenanɔ dèro vèro. Kalɛbu boriime.

4 Gurɔɔ kɛ Dauda kú sɛtɛ, à mà Nabala mò a sãano kã kɛɛ. 5 Ben à a ìbano zì gɔɔn kuri à bènnɛ: À fɛɛ à gá Nabala kiia zaa Kameli, à ì kpáame 6 à onɛ à be: Luda n dɔ aafiao kɔn n uao kɔn n gbɛnɔ n píngi. 7 Má mà n mɔ kɔn sákákɛerinɔ. Kɛ n sádárinɔ kúwao, wée ãa dammaro, n kuuna Kameli guu, pókee e kɛsám̄maro. 8 Ñ n zíkɛri pìnɔ la, aɔɛ onnɛ. Ñ tó ma ìbano n pɔnnaa e, zaake zĩbaa zĩmɛ. N zòbleri pìnɔ kɔn mamɔma n néo n wa gba pɔ kɛ n è.

9 Kɛ Dauda ìba pìnɔ kà, aɔ yã pì tɔkɛ Nabalanɛ kɔn Dauda tɔo, ben aɔ sòkpazi. 10 Ben Nabala bènnɛ: Dén Dauda ũu? Dén Yɛɛ né pì ũu? Zò kɛ aɔ kɛ n diinɔa gbãanɔɔ pari. 11 Á yezi mà a buredi kɔn ma ío kɔn nòbɔ kɛ má dɛ ma sákákɛerinɔnɛo sɛɛ mà kpá gbɛ kɛ má n bɔkii dɔroonɔan yɔ? 12 Ben Dauda gbɛnɔ èara wà dà zén aɔ tà. Kɛ aɔ kà, aɔ yã pìnɔ gbànɛ píngi. 13 Ben Dauda bè a gbɛ pìnɔnɛ: A baade a fɛɛdaa logo. Ben n baade a fɛɛdaa lògo kɔn Daudao se. Gbɛ kɛ aɔ gàa kɔn Daudaonɔ kà wàa plaa taka, ben gɔɔn wàa doo gò kɔn asoonɔ.

14 À mò à lè zíkɛri pìnɔ doke gàa à ò Nabala naɔ Abigailinɛ à bè: Dauda gbɛnɔ zì aɔ bò sɛtɛ aɔ mò wà ì kpá wa diia, ben à pàtam̄ma. 15 Gbɛ pìnɔ sɔ yã maaa kèwe maamaa, aɔɔe ãa dawaro. Kɛ wá kúnyo sɛtɛ, póke è sãsáwaro. 16 Gurɔɔ kɛ wée sãa dãa n sae fáantɛ kɔn gwãavĩo píngi, aɔègɔ ligawazi lán bĩ bà. 17 Ñ laasuu lé yã kɛ né keɛa, zaake aɔ zèo wà yã zaaa ke wa diinɛ kɔn à uadeenɔ n píngi. Àpi maaro, è gbɛ lédamma síro.

18 Ben Abigaili buredi nàkɔa kpakpaa mèn wàa do kɔn geepiwɛɛo tũu plaa kɔn sãa kɛ wà kèkenɔ mèn sɔɔro kɔn pówɛɛ kpatanao kpɛɛ sɔɔro kɔn geepi kàranɔ mèn basɔɔro kɔn kákã be kori kàranɔ mèn wàa do, aɔɔ yì zaakinɔnɛ. 19 Ben à bè a zíkɛrinɔnɛ: Àgɔ dɔɔ aɛ, mégɔ té a kpɛɛ. Èe yãke o a zã Nabalanero. 20 Ben à di a zaakia, èe pitaa sìsĩa. Kɛ à bò sìsì kpɛɛ, aɔ dákɔrɛ Daudao, èe pitaa sìsĩa se kɔn à gbɛnɔ, aɔɔe mɔɔ. 21 Dauda e oo a gbɛnɔnɛ: Ma gbɛ pì pónɔ dàkpane sɛtɛ pãme. Wée à póke séro, ben à yã maaa kɛ má kènɛ fĩa bòmɛ kɔn à zaaao. 22 Tó ma à gògbɛ ke tò bɛɛ ai guu gò gá dɔ, Luda yã kemɛ pásĩpásĩ.

23 Kɛ Abigaili à è, ben à pìta a zaakia kpakpaa, à kùɛ Daudanɛ à aɛ pɛɛ. 24 Ben à kùɛ à gbá sae à bè: Baa, taari pì gò ma mèn do musu. Ñ mamɔma n zòbleri gba zé mà yã onnɛ. Ñ swã kpá mamɔma n zòbleri yãzi. 25 Baa, Nabala maaro. Ñton à yã daro. À yãnɔɔ dɛ lán a tó bàme. À tón Misaide, bensɔ mìsaiyãn ègɔ keɛ. Mamɔma n zòbleri sɔ, mée gbɛ kɛ n n zĩnɔ ero. 26 Baa, lán Dii kuu bensɔ n kuu nà, Dii ginnɛ n gbɛ dɛ n gɛɛ bo n zĩnda. Dii tó n ibɛenɔ kɔn gbɛ kɛ aɔɔe n kpákpaà à zaaaonɔ gò lán Nabala bà. 27 Tia sa Baa, n gbaa kɛ mamɔma n zòbleri ma mɔonnnɛ kɛ sí n kpá n ìbanoa. 28 Ñ sũu ke kɔn mamɔma n zòblerio kɔn ma taario dɔ. Dii é tó n boriinɔ gò kí blee ai gurɔ píngi, zaake nɛ zì ká Diinɛmɛ, weé à zaa ke emma zikiro. 29 Baa tó gbɛke fɛɛ èe pɛɛenzi à n dɛ, Dii n Luda é n wèndi dàkpa, eé n ibɛenɔ wèndi da gbèmban à zu. 30 Baa, tó Dii yã maaa kènne lán à lé gbènnɛ nà píngi, tó à n diɛ Isarailinɔ gbɛnsi ũ, 31 ñton gɛ laasuun à n da yã gbɛdɛna pã ke gɛɛbona n zĩndanɛ yã musuro. Baa, tó Dii yã maaa kènne, n tó mamɔma n zòbleri ma yã gò dɔngu.

32 Ben Dauda bè Abigailinɛ: Wà Dii Isarailinɔ Luda sáabu kpá, zaake à n zì n damale gbàa. 33 Ma n sáabu kpá se kɔn lédamma kɛ n ma gbaao, zaake mbe n kpame gbàa, ben mée gbɛ dɛ ma gɛɛ bò ma zĩndanero. 34 Tó beenlo, kɔn Dii Isarailinɔ Luda kɛ gime mà yã zaaa kennɛɛo, tó nɛɛ wã n mɔ n damale yãro, lɛ guu é dɔ Nabala négògbɛ kearo. 35 Ben Dauda pɔ kɛ Abigaili mɔnɛ sɔ à bè: Ñ ká be aafia. Ma n yã mà, ma n yodaado kɛ.

36 Kɛ Abigaili kà Nabala kiia, à è èe pò blee lán kina bà. À pɔɔ kɛ nna, à wɛɛ gbɛ à kã. Ben à naɔ pì e lé bɔ à yãke ònɛro, sé kɛ guu dò. 37 Kɛ guu dò, Nabala wɛɛ kɛ, ben à naɔ yã kɛ à kɛ pì ònɛ. Ben swè kèn, à gò lán gbè bà. 38 Kɛ à kɛ lán gurɔ kuri bà, ben Dii gò tɔa, à gà.

39 Kɛ Dauda Nabala gana baaru mà, à bè: Wà Dii kɛ zèmao sáabu kpá, à wí kɛ Nabala dàmaa bòmɛ. À gime mà yã zaaa ke, ben à tò Nabala zaakɛna wì à zĩnda musu. Bɛɛe gɛɛra



Dauda gbě̀nɔ zì Abigailia aɔ onɛ á yezi à à sé nɔɔ ũ. <sup>40</sup> Kè Dauda ìba pìnɔ kà Abigaili kiia zaa Kameli, aɔ bè̀nɛ: Dauda bé à wa zĩmma, à yezi à n sé nɔɔ ũ. <sup>41</sup> Ben à fɛ̀ɛ à kùɛ à a mì pè̀ɛ à bè̀: À zòblerin ma ũ, má yāana mà a dii ìbanɔ gbá pípińne. <sup>42</sup> Ben à fɛ̀ɛ à dì zaakia gɔɔ. À nɔgbɛ̀ zĩkerinɔ gāao gɔɔn sɔɔro. Aɔ dà zén kɔn Dauda zĩrinɔ, ben à gò à nɔɔ ũ. <sup>43</sup> Dauda Yezɛrili gbɛ̀ Ainɔama kũna nɔɔ ũ dɔ. Aɔ plaa n pĩngi kè à nɔɔnɔ ũ. <sup>44</sup> Solu a né Mikala kè de Dauda nɔɔ ũ yāa kpà Laisi né Palatieli, Galimu gbɛ̀a.

## 26

### *Dauda gina Solu denazi gɛ̀n plaadee*

<sup>1</sup> Zifideenɔ gāa wà Solu lè Gibɛa aɔ bè̀nɛ: Dauda utena Akila sĩsĩgɛɛzi kè aedɔna Yesimɔa. <sup>2</sup> Ben Solu gāa Zifi sɛ̀tɛ kɔn Isaraili zĩkpɛɛnɔ gɔɔn bɔɔɔ aagɔ, aɔɔe Dauda wetɛɛ wà à de sè̀ pìn. <sup>3</sup> Solu bùra kàɛ zé saɛ Akila sĩsĩgɛɛ kè aedɔna Yesimɔa, ben Dauda kú sèn. Kè à mà Solu e pɛɛɛazi, <sup>4</sup> ben à gu'asiigwarinɔ zì, gbasa à dɔ sa kè Solu kà. <sup>5</sup> Ben Dauda fɛ̀ɛ à gāa guu kè Solu bùra kàɛn. À Solu kɔn a zĩkpɛɛnɔ gbɛ̀nsi Nɛɛ né Abanao daekii è. Solu daena bùra guu, à gbě̀nɔ kàɛ wà ligazi. <sup>6</sup> Ben Dauda Iti bori Aimɛlɛki kɔn Zeruya né Abisaio là à bè̀: Dé bé eé gāmao bùra pìn Solu kiia? Ben Abisai bè̀nɛ: Mámbe mé gányo. <sup>7</sup> Kè Dauda kɔn Abisaio bɔtè gbɛ̀ pìnɔzi gwāavĩ, ben aɔ Solu è daena, èe ii oo bùra guu, à sári pɛɛna à mìzi. Abana kɔn a gbě̀nɔ daena wà ligazi n pĩngi.

<sup>8</sup> Ben Abisai bè̀ Daudanɛ: Luda n ibɛɛ nānne n ɔzĩ gbāa. N tó mà à zɔ kɔn sário mà à nakɔa kɔn tɔtɛo. Mé à zɔ gɛ̀n domɛ, èe ke gɛ̀n plaanlo. <sup>9</sup> Ben Dauda bè̀nɛ: Nton à dero. Dé bé eé fɔ à ɔ na kína kè Dii kàa à bɔ pāa? <sup>10</sup> Ben Dauda èara à bè̀: Dii kuu! Dii bé eé gò tɔa à ga, tó à gurɔɔ pàpa kesɔ à gà zĩlan. <sup>11</sup> Kai! Dii tón tó mà ɔ na kína kè à kàaro. Wà gá wà sári kè kú à mìzi sé kɔn à í zèrɛo wà táo. <sup>12</sup> Dauda sári kɔn í zèrɛ kè kú Solu mìzio sè, ben aɔ tào. Aɔ gbɛ̀keɛ e n ero, aɔ n yā dɔro, aɔɔe ii oo n pĩngi. Aɔ gbɛ̀keɛ e vuro, zaake Dii bé à tò i ìsi dàńla.

<sup>13</sup> Kè Dauda bikù guzure baa kāa kpa, ben à zè sĩsĩ musu zāazā, gu yàasa dana n dagura. <sup>14</sup> Ben à lé zù Abanazi kɔn a gbě̀nɔ à bè̀: Abanaooo! N yĩtenan yó? Abana wè̀ala à bè̀: Dé bé èe lé zuu kínazi? <sup>15</sup> Dauda bè̀nɛ: Gɔsagbāaan n ũroo? Gbɛ̀ke kà lán n bà Isarailinɔ būsunn yó? Gbɛ̀ke m̀ò n dii kína de. Bó yā bé à tò nɛ̀ɛ à dākparoo? <sup>16</sup> Nɛ̀ɛ yā ke a zéaro. Má si kɔn Diio a kɔ sio wà a dedɛɛ, zaake ée a dii kína kè Dii kpà kpatan dākparoo. N gwa! Kí sári kɔn à í zèrɛ kè kú à mìzio kú máme? <sup>17</sup> Solu Dauda kòto dɔ, ben à bè̀: Dauda ma né, n kòton gweó? À wè̀ala à bè̀: Ma dii kí, ma kòtome. <sup>18</sup> Dauda èara à bè̀: Bó yā bé à tò ma dii e pɛɛ mamɔma a zòbleriazì? Bón má kè? Bó taarin má kè? <sup>19</sup> Ma dii kí, n swā kpá mamɔma n zòbleri yāzi sa. Tó Dii bé à n swi kèma, à ma sa'ona gũu ma. Tó gbɛ̀nteenɔme sɔ, Dii láari kerĩma, zaake aɔ pè̀ma wà ma bɔ Dii gbě̀nɔ tɛ, aɔ bè̀ mà gá mà dɔ tāanɔzime. <sup>20</sup> Nton tó wà ma de zà kɔn Diioro. Isarailinɔ kína b̀ò, èe kòkò néngo wetɛ à de, lán wè̀gɔ pɛɛ dɔɔa sĩsĩnɔ musu nà. <sup>21</sup> Ben Solu bè̀: Ma durun kè. Ma né Dauda, n èara n su. Mé ĩa damma dɔro, zaake n ma wè̀ndi bè̀e kè gbāa. Yāpurame, ma yɔnkoyā kè, ma zā yāa maamaa. <sup>22</sup> Ben Dauda bè̀nɛ: N sárin yè. N tó n ìbanɔ doke bikù à mó à sí. <sup>23</sup> Dii è fĩa bo baadenɛ à maakena kɔn a náanɛo musu. Dii n name ma ɔzĩ gbāa, m̀ode mɛɛ we mà ɔ nāmmaro kè Dii bé à n ka kpatan yānzì. <sup>24</sup> Lán ma n wè̀ndi bè̀e kè gbāa nà, Dii ma wè̀ndi bè̀e dɔ le, à ma sí yā zaa pĩngia. <sup>25</sup> Ben Solu bè̀nɛ: Luda aubarika dangu ma né Dauda. Né yā ìsi ke, n mì égɔ da'iana. Kè Dauda gè zéla, ben Solu tà bɛ.

## 27

### *Dauda kuuna Filisitininɔ b̀usun*

<sup>1</sup> Dauda laasuu lè à bè: Solu é ma de zĩkea. Tó mée bàà lé ma ta Filisitiniño bùsunlo, eé bɔmao nnaro. Tó ma bàà lè, Solu é mì kě ma wɛtɛnaa, mé bɔ à ɔzĩ. <sup>2</sup> Ben Dauda fɛɛ à gàa Gata kí Akisi, Maɔku né kiia. Gɔɔn wàa aagɔɔnɔ gàao. <sup>3</sup> Ben Dauda kɔn a gbɛnɔ vɛɛ Gata kɔn Akisio, baade kɔn a bɛdeenɔ. Dauda kú gwe kɔn a nɔɔnɔ mèn plaa, Yɛzɛrili gbɛ Ainɔama kɔn Kameli gbɛ Abigaili kè de Nabala nɔɔ ũ yáao. <sup>4</sup> Kè wà ò Solunɛ Dauda bàà lè à tà Gata, èe péɛzi dɔro.

<sup>5</sup> Dauda bè Akisine: Tó ma n pɔnnaa è, ò ma gba zé mà vɛɛ gukea n lakutunɔ doke guu. Mamɔma n zɔbleri má yezi màgɔ kúnyo n mɛɛwinlo. <sup>6</sup> Zĩ beeean Akisi Zikilaga kpàa, ben à gɔ Yudanɔ kɔnanɔ pó ũ ai kɔn a gbàao. <sup>7</sup> Dauda kuuna Filisitiniño bùsun kà wè do kɔn mɔ siigɔɔ.

<sup>8</sup> Ben Dauda kɔn a gbɛnɔ gàa wà lɛɛ Gesurunɔa kɔn Gizinɔ kɔn Amalekinɔ. Gbɛ pìnɔ kú bùsu pìn zaa zimɛ bɔna zaa Suru ai à gàa pé Igipitia. <sup>9</sup> Tó Dauda zĩ blè bùsu pì lakutunɔa, è gɔgbɛ ke nɔgbɛ ke tó bɛero, sãanɔ kɔn zùnɔ kɔn zaakinɔ kɔn lakuminɔ kɔn pókásãanɔn è nakɔa. Tó à tà, è gá Akisi kiia. <sup>10</sup> Tó Akisi à là guu kè à lɛɛn gbɛnɔa gbàa, Dauda è bene a gaa Nɛgevi bùsun, Yudanɔ ke Yerameli boriinɔ ke Keninɔ kiia. <sup>11</sup> Dauda è gɔgbɛ ke nɔgbɛ ke tó bɛɛ wà suo Gataro, zaake èe bee: Gbɛke é kɔmɔtɔ keñne à be dia má kè nàn yè. Lɛn ègɔ keɛ le gurɔɔ kè à kú Filisitiniño bùsun. <sup>12</sup> Akisi Dauda náanɛ kè à bè a zĩndanɛ: Isarailinɔ gí à kázimɛ. Eégɔ de ma zɔbleri ùmɛ gurɔ pínɡi.

## 28

### *Solu kɔn nɔgbɛ weegunnade gèsisirio*

<sup>1</sup> Gurɔ beeenɔa Filisitiniño n zìkpɛɛnɔ kàkɔa, aɔ yezi wà gá wà zĩ ká kɔn Isarailinɔ. Ben Akisi bè Daudanɛ: Asa n dɔ kè mmɔn kɔn n gbɛnɔ é gámao zĩ ká sɔɔ? <sup>2</sup> Ben Dauda bènɛ: Tò, né e sa lán mamɔma n zɔbleri mé ke nà. Ben Akisi bènɛ: Tó lemɛ, mé n ke ma dākpari ũ ai gurɔ pínɡi.

<sup>3</sup> Samuéli sɔ gĩake à gà kò, Isarailinɔ kàkɔa n pínɡi, aɔ ɔɔ dɔ à ga yá musu, ben aɔ à vɛ a bɛ wɛtɛn zaa Rama. Solu pè weegunnadeenɔa kɔn gèsisirinɔ Isarailinɔ bùsun. <sup>4</sup> Kè Filisitiniño kɔ kàkɔa, aɔ mò wà bùra kàɛ Sunɛmu. Ben Solu Isarailinɔ kàkɔa n pínɡi, aɔ bùra kàɛ Giliboa. <sup>5</sup> Kè Solu Filisitini zìkpɛɛnɔ è, vĩa à kù, swè kèn maamaa. <sup>6</sup> À gbèka Diia, ben Dii e weàla nanaa guu ke kɔn Urimuo ke annabinɔ gāzĩro. <sup>7</sup> Ben Solu bè a ìbanɔnɛ: À nɔgbɛ wegunnade gèsisiri ke wɛtɛmɛ, le mà gá mà yá gbekaa. Ben aɔ bènɛ: Nɔgbɛ wegunnade gèsisiri kee kú Endo.

<sup>8</sup> Ben Solu a zĩnda liè à pókásã pāndenɔ dà, ben à gàa à nɔgbɛ pì lè gwāavĩ, à gɔɔn plaaanɔ tɛzi. À bènɛ: N tó n zĩn mɔ n gè kè mé à tó onne sísimɛ. <sup>9</sup> Ben nɔgbɛ pì bènɛ: N dɔ sãnsãn yá kè Solu kè, kè à a bùsu zé zò wegunnadeenɔnɛ kɔn gèsisirinɔ. Bó yá bé à tò néɛ takutɛɛ kpákpaamɛ le wà ma dezi? <sup>10</sup> Ben Solu sinɛ kɔn Dii tɔo à bè: Má sɔ kɔn Diio weé ìa damma yá kè musuro. <sup>11</sup> Ben nɔgbɛ pì bè: Gè kpāreen mà sísinɛɛ? À bè: Samuéli gèmɛ. <sup>12</sup> Kè nɔgbɛ pì Samuéli è, à vɛ wiiio à bè Solunɛ: Ase ríbe Solu ũu? Bóyānzin n ɔndɔ kèmezì? <sup>13</sup> Ben kí bènɛ: Nton tó vĩa n kũro. Bón n è? À bènɛ: Gèwāadeen má è, èe bɔɔ tɔɔtɛn. <sup>14</sup> Ben Solu à là à bè: À kè diamɛ? À bènɛ: Mare zi ke bé èe mɔɔ, à utadaa dana. Ben Solu dɔ kè Samuélime, ben à kùɛ à dàɛ a puua. <sup>15</sup> Ben Samuéli à là à bè: Bóyānzin n ìa dàmazì, kè n ma sisiee? À wèàla à bè: Ma nawɛa bíta èmɛ. Filisitiniño bé wà mò zĩ kámao, ben Luda kpɛɛ limɛ. È wemala annabi gāzĩ ke nanaa guu dɔro. Beee yānzin ma n sisizi. N onne lán mé ke nà. <sup>16</sup> Samuéli bènɛ: Dii kpɛɛ linne à gɔ n ibɛɛ ũ, ben n mɔ néɛ yá gbekaaama sɔ né? <sup>17</sup> Dii kènne lán à dàme má ònne nà. À n bɔ kpatan à n gbèdaa Dauda kàn. <sup>18</sup> Dii beee kènne gbàa, kè néɛ à yá maro yānzimɛ. Néɛ pɔfɛ pāsì bɔbɔnɛ Amalekinɔaro. <sup>19</sup> Dii é Isarailinɔ kɔn mpio kpá Filisitiniñamɛ. Mmɔn kɔn n nɛgɔgbɛnɔ égɔ kúmao kè zia. Dii é Isaraili zìkpɛɛnɔ kpá

Filisitininɔ. <sup>20</sup> Samuɛli yā pì tò vīa Solu kù maamaa, ben à lèe a puua sòrɔrɔ gɔɔ. À gbāaa yāa, zaake èe pòke ble gurɔ beee ke gwāavī beeeero.

<sup>21</sup> Kè nɔgbē pì mò Solu kiia, à è swè kèn maamaa, ben à bène: Mamɔma n zòbleri ma n yā mà, ma a zīnda kpà karizi, ma yā kè n òmɛe kè. <sup>22</sup> N n zòbleri yā ma sa. N tó mà pòblee dienne n ble, le n gbāa e n da zén. <sup>23</sup> Ben Solu gi à bè: Mé pò blero. Kè à ibanɔ nàkɔrea lèdo kɔn nɔgbē pìo, ben à n yā mà. Ben à fèe tɔɔte à vèe gádoa. <sup>24</sup> Nɔgbē pì zù né bɔrɔ mèkpana vī bàdɔna a be. À gàa à dè gɔɔ, ben à flawa sè à dè, à buredi sésé'èzèsai kèo. <sup>25</sup> À diè Solune kɔn à ibanɔ. Aɔɔ blè, ben aɔ fèe wà tà gwāavī beee gɔɔ.

## 29

### *Filisitininɔ kɔnanɔ Dauda gbarɛna Zikilaga*

<sup>1</sup> Filisitininɔ n zìkpeɛnɔ kàkɔa Afeki, bensɔ Isarailinɔ bùra kú Yezèrili íbɔkiia. <sup>2</sup> Filisitininɔ kɔnanɔ e gètɛe kɔn n zìkpe gálinɔ, aɔ kenɔ gɔɔn basɔɔɔro, aɔ kenɔ wàa sɔɔɔro. Dauda kɔn a gbɛnɔ tɛ n kpɛe kɔn Akisio. <sup>3</sup> Ben Filisitininɔ kina pìnɔ Akisi là wà bè: Eberu kènɔ sɔ né? À wènila à bè: Daudan yè. Isarailinɔ kí Solu ìba kemɛ yā. À gurɔplaa kèmao. À kúmao de wè doola. Naana zaa gurɔ kè à mò ma kiia ai gbāa, mée taari ke earo. <sup>4</sup> Ben kina pìnɔ pètɛ kèo wà bè: N gɔgbē pì gbarɛ à tá guu kè n kpàan. Eé e à gáwao zìlanlo, le àton bɔ wa kpɛe gwero yānzi. Dian eé e à ke nna kɔn a diio nà, tó èe ke à tà kɔn wa gbèkenɔ mìo baasiroo? <sup>5</sup> Dauda kè wà lè sɔ wà ɔ wà à yā musun gweroo? Kè wà bè:

Solu gbɛnɔ dède gɔɔn wàa sɔɔɔro,  
Dauda sɔ gɔɔn bɔrɔ lèo ũgbangba.

<sup>6</sup> Ben Akisi Dauda sɔsi à bène: Má sɔ kɔn Diio n kuu gbē maaa ũ ma kiia, n ganamao zìlan kème nna, zaake naana zaa gurɔ kè n mɔ ma kiia ai gbāa, mée taari ke emmaro. Mɔde n yā e ke wa kɔnanɔero. <sup>7</sup> N ɛara n tá kɔn aafiao le nton yāke ke à keíne zaaro. <sup>8</sup> Ben Dauda Akisi là à bè: Bón má kè? Naana zaa gurɔ kè ma mɔ n kiia ai gbāa, bón n émaa? Bóyānzin mé e mà gá mà zì ká kɔn ma dii kí íbɛɛnɔroo? <sup>9</sup> Ben Akisi bène: Má dɔ kè n maame lán Luda malaika bà, mɔde wa kɔnanɔ bè nton gáwao zìlanlo. <sup>10</sup> Tó guu dè, n fèe kɔngɔ idè'idè kɔn n dii Solu zòbleri kè aɔ mɔnyonɔ, à tá. <sup>11</sup> Ben Dauda fèe kɔngɔ idè'idè kɔn a gbɛnɔ, aɔɔe taa Filisitininɔ bùsun. Filisitininɔ sɔ gàa Yezèrili.

## 30

### *Dauda Amalekinɔ kaatɛna*

<sup>1</sup> Dauda kɔn a gbɛnɔ kà Zikilaga à gurɔ aagɔdee zì. À mò à lè Amalekinɔ mò wà lèe Negèvi bùsua kɔn Zikilagao n kpɛe. Aɔ lèe Zikilagaa aɔ tɛ sɔa. <sup>2</sup> Aɔ nɔgbē kè aɔ kú gweenɔ kùkù, nènɔgbɛnɔ kɔn nɔgbē ìsinɔ n píngi. Aɔɔe n gbèke dero, aɔ n sée wà tànɔyo. <sup>3</sup> Kè Dauda kɔn a gbɛnɔ kà n be wéte, aɔ è wà tɛ sɔa wà n nɔgbɛnɔ kɔn n nɛgɔgbɛnɔ kɔn n nènɔgbɛnɔ kùkù wà tànɔyo. <sup>4</sup> Ben Dauda kɔn gbē kè aɔ kúonɔ wii lè aɔ ɔɔ dè ai aɔ gbāaa yāa, ai aɔɔe fɔ wà ɔɔ dè dɔro. <sup>5</sup> Wà Dauda nɔɔnɔ kùkù wà tànɔyo n plaa Ainɔama kɔn Abigailio. <sup>6</sup> Dauda wéetamma è maamaa, zaake wèe bee wà à pápa gbèo wà demɛ. Aɔ baade píngi nòse yàka aɔ nɛgɔgbɛnɔ kɔn n nènɔgbɛnɔ yā musu. Mɔde Dauda gbāa è Dii a Ludaa, <sup>7</sup> ben à bè sa'ori Abiatane: N mó kɔn n dansiki utao. Kè à gaaone, <sup>8</sup> ben Dauda yā gbèka Diia, à à là à bè: Mà pée gbāamɔnnɛri pìnɔzi mé n leɔ? À bène: N pèéñzi, né n le n n gbɛnɔ mì sí. <sup>9</sup> Ben Dauda dà zén kɔn gɔɔn wàa aagɔɔnɔ. Kè aɔ kà Beso swaazi, gbèkenɔ gɔ gwe. <sup>10</sup> Gɔɔn wàa doonɔ gbāaa yāa, aɔɔe fɔ wà bikù swaa piaro, ben Dauda bikù, à tɛ n gbèzi kɔn gɔɔn wàa plaaanɔ.

<sup>11</sup> Aɔ Igipiti gbèke è sète, ben aɔ gáao Dauda kiia. Wà pòblee kpàa à blè, wà í kpàa à mì. <sup>12</sup> Ben aɔ kākā be kori kpàa kɔn geepi kàrao mèn plaa à sò. Ben à mè sù, zaake à kè fāantɛ

kɔn gwāavĩo gurɔ aagɔ pɔblesai ímisai. <sup>13</sup> Ben Dauda à là à bè: Dé gbɛn n ũu? N bɔ máme? Ben Iyipiti gbɛ pì bè: Amaleki zòn ma ũ. À gurɔ aagɔdeen yè, ma dii pā kpàmazi kè méε gyāa kεε yānzi. <sup>14</sup> Wa lεε Nεgevi bùsuame, guu kè Kiritinɔ kún kɔn Yudanɔ kɔn Kalebu boriinɔ, ben wà té sò Zikilagaa. <sup>15</sup> Ben Dauda à là à bè: Né fɔ n gámao gbɛ pìnɔ kiiaó? À wèala à bè: Tó n sime kɔn Luda tóo kè né ma dero, tó né ma kpá ma diiaro, mé gányo n kiia.

<sup>16</sup> Ben à gāao. Kè aɔ kà, aɔ n lé, aɔ fāakɔana gu pínɡia, aɔe pɔ blee, aɔe í mii, aɔe pɔnnaa kεε pɔ bíta kè aɔ sèε Filisitininɔ bùsunno kɔn Yudanɔ bùsuo yānzi. <sup>17</sup> Ben Dauda si n té à n dede naana zaa uusie ai gu làa gāa à dɔo uusie. Aɔ gbɛkee e bokii ero, séde gɔkpare gɔon wāa plaaa kè aɔ di lakumia aɔ bàa lènɔ baasiro. <sup>18</sup> Dauda gbɛ kè Amalekinɔ n kúkúnɔ mì si n pínɡi kɔn a nɔnɔ n plaa. <sup>19</sup> Aɔ gbɛkee e sāsáro, né féte gbɛnsi, négɔgbɛnɔ kɔn nénɔgbɛnɔ n pínɡi. Baa pɔ kè aɔ sèenɔ, Dauda èara à pɔ pìnɔ si pínɡi. <sup>20</sup> À sāano kɔn zùnɔ nàkɔa, ben à gbɛnɔ pɔkádee pìnɔ kpan'ae kè aɔ bè: Dauda pónɔn yè.

<sup>21</sup> Ben Dauda kà gɔon wāa doo kè aɔ gbāaa yāa aɔe fɔ wà gāaoro aɔ gò Beso swaazinɔ kiia. Aɔ bɔe wà dàale kɔn gbɛ kè aɔ kúonɔ. Kè Dauda sònízi, à ì kpámma, <sup>22</sup> ben gbɛ pásí gaabudee kè aɔ té Daudazinɔ bè: Lán aɔe gāwaoro nà, wé pɔ kè wá sìnɔ ke kpámmaro, tó èe ke aɔ baade naɔ kɔn a nénɔ baasiro. Aɔ n sé wà tányo. <sup>23</sup> Ben Dauda bè: Auó! Ma gbɛnɔ, àton ke lε kɔn pɔ kè Dii kpàwaanɔro, zaake à wa dákpa à gbāamɔnneri kè aɔ lèewaano nàwe wa zĩ. <sup>24</sup> Dé bé é yā kè á ò kèkii sí sɔo? Gbɛ kè aɔ gò aɔe pónɔ dákpaano asaia éɡɔ dɔnkɔ kɔn gbɛ kè aɔ gāa zìlannɔme. Wé kpaatetekɔne sáasaame. <sup>25</sup> Kè Dauda yā pì diε, ben à gò doka ũ Isarailinɔe zaa zĩ beea ai kɔn a gbāao.

<sup>26</sup> Kè Dauda kà Zikilaga, à pɔ kè à si kenɔ kpāsá Yudanɔ bùsu gbɛnsi kè aɔ de a gbɛnna ũunɔne à bè: Gbaa kè á è pɔ kè wá si Dii ibeenɔa guunɔn gwe. <sup>27</sup> À kpāsáine Beteli kɔn Ramɔ Nεgevio kɔn Yatio <sup>28</sup> kɔn Aroao kɔn Sifimɔ kɔn Esetemɔao <sup>29</sup> kɔn Rakalao kɔn Yerameli bori wétɔnɔ kɔn Keni wétɔnɔ <sup>30</sup> kɔn ɔɔmao kɔn Borasáo kɔn Atakao <sup>31</sup> kɔn Eblɔnuo kɔn guu kè Dauda lili òn kɔn a gbɛnɔ pínɡi.

## 31

### *Solu gana kɔn a négɔgbɛnɔ*

<sup>1</sup> Filisitininɔ zĩ kà kɔn Isarailinɔ, ben Isarailinɔ bàa lèrne ai aɔ paridee gāga Giliboa sísígeezi. <sup>2</sup> Filisitininɔ pèε Solu kɔn a négɔgbɛnɔzi, ben aɔ à né pìnɔ Yonatá kɔn Abinadabuo kɔn Malakisuaò dède. <sup>3</sup> Zĩ kè wèe kaa Solu saε pásí kù, ben kàzurinɔ à pà, à kèna maamaa. <sup>4</sup> Ben à bè a zìkapɔnɔserine: N n fēdaa woto n ma zɔ n ma deo. Tó lenlo, gefɔdee kènɔ é ma zɔ aɔ kòkò omao. Ben vĩa à zìkapɔnɔseri kù, èe weziro, ben Solu a fēdaa sè, à a zĩnda ò'òala. <sup>5</sup> Kè à zìkapɔnɔseri è à gà, ben à a zĩnda ò'o a fēdaala se à gà. <sup>6</sup> Len Solu kɔn a négɔgbɛ gɔon aagɔ kɔn a zìkapɔnɔserio kɔn a gbɛnɔ gāga ledò le zĩ dɔnkɔ pì zĩ n pínɡi.

<sup>7</sup> Kè Isaraili kè aɔ kú guzuren gweenɔ kɔn n gbɛ kè aɔ kú Yoda baa kaa kpaano è n zìkpεenɔ bàa lè, bensɔ Solu kɔn a nénɔ gāga, aɔ bàa lè aɔ n wétɔnɔ tò gwe, ben Filisitininɔ mò wà vèen. <sup>8</sup> Kè guu dɔ, ben Filisitininɔ mò aɔe pónɔ bɔbɔo gbɛ kè aɔ gāganɔa, ben aɔ Solu kɔn a né mèn aagɔ pìnɔ gè è kaena Giliboa sísígeezi. <sup>9</sup> Ben aɔ Solu mì zò aɔ à gòkebɔnɔ bɔea, ben aɔ gbɛnɔ zĩ aɔ à baaru kpàkpa Filisitininɔ bùsu gu pínɡia kɔn n tākpenɔ. <sup>10</sup> Wà à gòkebɔnɔ kàe taa kè wè sísi Asatore kpén, ben wà à gè lògo Betesá bĩa.

<sup>11</sup> Kè Yabesi Giliadadeenɔ yā kè Filisitininɔ kè Solunε pì mà, <sup>12</sup> ben aɔ gòsagbāaano fèε n pínɡi aɔ tá gwāavĩ ò zĩ beea, aɔ Solu kɔn a nénɔ gènɔ bàkè Betesá bĩa, ben aɔ tàò Yabesi aɔ té sòmma gwe. <sup>13</sup> Aɔ n wánɔ sèε aɔ vĩi sāma lí gbáru Yabesi gwe, ben aɔ lé yì gurɔ swεεplaa.

## SAMUELI TAKADA PLAADDEE

Dauda kíblena Yudanɔne 1:1-4:12

Dauda kíblena Isaraili bori pínginɔne 5:1-12:31

Abusalomu bɔna Dauda kpɛɛ 13:1-20:26

Dauda kíblena zãa 21:1-24:25

### *Dauda Solu ga baaru mana*

<sup>1</sup> Solu gana gbera Dauda sù kɔn zìblena Amalekinɔao, ben à gò Zikilaga gurɔ plaa. <sup>2</sup> À gurɔ aagòdee zì gògbè ke bò Solu bùran à mò. À pókàsãanɔ kèkèna, bùsu ká à mìn. Kè à kà Dauda kiia, à kùene à dàe a puua. <sup>3</sup> Dauda à là à bè: N bɔ máme? À wèàla à bè: Ma bɔ Isarailinɔ bùramme. <sup>4</sup> Ben Dauda à là dɔ: À kè diamɛ? Ñ omɛ. Ben à wèàla à bè: Isarailinɔ bò zìlan wà bàa lè. Aɔ paridee lèe wà gàga. Solu kɔn a né Yonatão gà dɔ. <sup>5</sup> Ben Dauda gòkparɛ kè èe baaru pì kpaane là à bè: N ke dian n dɔ kè Solu kɔn a né Yonatão gà? <sup>6</sup> À wèàla à bè: Àe sɔ má kú Giliboa kpiigeezi gwemɛ, ben ma Solu è, èe gbãa ee a sária. Sɔgorodeenɔ kɔn sɔdeenɔ e kaaò kii. <sup>7</sup> Kè à lèe ma kpa, à ma e, ben à ma sisi. Ma bè: Máe kè! <sup>8</sup> Ben à ma la, mámbé dé ũu? Ben ma wèàla ma bè Amaleki boriin ma ũ. <sup>9</sup> Ben à bèmɛ mà sɔazi mà a de, zaake á kú gaa lézime, baa kè a wée kpé kèna féte. <sup>10</sup> Ben ma sɔzi ma à dè, zaake má dɔ eé fɔ à ble à lèna gbera dɔro. Ben ma à kífura kè à kuna sè kɔn zãa kè à danao, ben ma suonne kè ma dii. <sup>11</sup> Ben Dauda a pókàsãanɔ gà à kè, ben gbè kè aɔ kúonɔ n pónɔ kèkè se. <sup>12</sup> Aɔ Solu kɔn a né Yonatão gana óò dò kɔn Dii gbè Isarailinɔ, zaake zì n blé. Wée'i bòmma, ben aɔ lé yì ai uusie.

<sup>13</sup> Dauda gòkparɛ kè à baaru pì kpàne là à bè: N bæe kú máme? Ben à bène: Bòamɔ nén ma ũ, Amaleki borii. <sup>14</sup> Ben Dauda à là à bè: À kè dia kína kè Dii kà dena vĩa e n kúroo? <sup>15</sup> Ben Dauda a gòkparɛnɔ doke sisi à bè: Ñ à lé n de se. Ben à à lè à dè. <sup>16</sup> Zaake Dauda gĩake à bène: N n zĩnda dème. N zĩnda lé bé à n da yãn, n bè n kína kè Dii kà dè.

### *Sósobìlè kè Dauda sù Solu kɔn Yonatão ga yã musu*

<sup>17</sup> Dauda sósobi lè kè sù Solu kɔn a né Yonatão ga yã musu. <sup>18</sup> À bè wà lè pì dada Yudanɔne.

À kú Yasa takadan.

<sup>19</sup> Isarailinɔ gakuideenɔ gàga sìsĩgeezi,  
gòsagbãaanɔ ii òmɛ!

<sup>20</sup> Àton à baaru kpá Gata zédaanlo,  
lè Filisitini nɔgbènɔ tón à pɔnnaa kero yãnzì.

Àton à kpàakpa ke Asakelɔniro,  
lè gefɔde nénɔgbènɔ tón áyuwi kero.

<sup>21</sup> Kpíi tón kpá Giliboa gbè musua dɔro,  
lou tón ma buraa kè aɔ kú gweenɔa dɔro,  
gwen wà ɔ sò gòsagbãaanɔ sengbangonɔzi,  
nósi dɔkɔna Solu sengbangoa lé zè!

<sup>22</sup> Kè wèe gòsagbãaa aru fáa guua,  
wèe n gbèe paraa,  
Yonatã kàzuri pásì è kpɛɛ gwaro,  
Solu fèedade pásì è su koriro.

<sup>23</sup> Solu kɔn Yonatão,  
gbè maa yenzideenɔmɛ!

Aɔe kèkõa wèndi ke gaanlo.  
Aɔ wãaa de kúunɔla,

aɔ gbãaa de m̀usunla.

<sup>24</sup> Isaraili nɔgbẽnɔ,

à wée'i kán Solu ga yã musu.

À bisa t̄aa ỳiare k̄n nɔmaablebɔnɔ,

à a pókásãanɔ k̀k̄eare k̄n z̄ablebɔ k̀è wà p̀i k̄n vuraonɔ.

<sup>25</sup> Ḡsagbãaanɔ ii ò z̀lan fá!

Yonatã daena g̀è ù s̀s̄ĩḡezi.

<sup>26</sup> Ma gb̄e Yonatã,

ma ḡɔ naw̄ea guu n yãnz̄i,

ń maame wásawasa.

Yenzi k̀è ń v̄ĩmao s̄aa v̄ĩro,

à de nɔ yenzila.

<sup>27</sup> Ḡsagbãaanɔ ii ò fá!

Aɔ ḡɔkebɔnɔ k̀àate.

## 2

### *Dauda kana Yudanɔ kpatan*

<sup>1</sup> Beee gbera Dauda Dii là à bè: Mà gá Yuda wétenɔ doke guuɔ? Dii bène à gá, ben Dauda èara à à là à bè: Mákpan mà gán? Dii wèala à bè: Eblɔnu kpa. <sup>2</sup> Ben Dauda gàa gwe k̄n a nɔ m̀en plaaanɔ, Yez̄erili gb̄e Ainɔama k̄n Nabala gyaanɔ Abigaili, Kameli gb̄eo. <sup>3</sup> Dauda gàa k̄n gb̄e k̀è aɔ kúonɔ dɔ, baade k̄n a b̄edeenɔ, ben aɔ v̄èe Eblɔnu k̄n à lakutunɔ. <sup>4</sup> Ben Yudanɔ gb̄ensinɔ mò wà n̄s̄i k̀ù Dauda m̄ia gwe, aɔ à kà Yudanɔ k̄ina ù.

K̀è Dauda mà Yabesi Giliadadeenɔ bé wà Solu v̄i, <sup>5</sup> à gb̄enɔ z̀ĩm̄ma, aɔ gàa wà bène: Dauda bè Dii aubarika daagu, k̀è a gb̄eke k̀è Solu a diine a à v̄i. <sup>6</sup> Dii gb̄eke yã k̄n náane yão keare. Mapi s̄ò mé à maaa keare k̀è a yã p̀i k̀è yãnz̄i. <sup>7</sup> Tia sa àḡɔ gb̄aa à k̀ugbãaa ke. A dii Solu gà ben Yudanɔ ma ka ń k̄ina ù.

<sup>8</sup> Nere né Abana, Solu z̀ikp̄eenɔ gb̄ensi ḡĩake à gàa se k̄n Solu né Isiboseo Manaimu. <sup>9</sup> Ben à à kà k̄i ù Giliada b̀usun k̄n Asa boriinɔ b̀usuo k̄n Yez̄erilio k̄n Eflaimu boriinɔ b̀usuo k̄n Beyãmi boriinɔ b̀usuo k̄n Isarailinɔ b̀usu kpaaanɔ p̄ingi. <sup>10</sup> Solu né Isibose w̄è baplaadee guun à ḡɔ Isarailinɔ k̄ina ù. À k̄i bl̄è w̄è plaa. Yudanɔ s̄ò, Daudan aɔ z̄eo. <sup>11</sup> Dauda k̄i bl̄è Yudanɔne zaa Eblɔnu ai w̄è sw̄eplaa k̄n m̄o sw̄eedoo.

### *Isarailinɔ z̀ikana k̄n Yudanɔ*

<sup>12</sup> Nere né Abana k̄n Solu né Isibose z̀ikp̄eenɔ b̀ò Manaimu wà gàa Gibiɔ. <sup>13</sup> Zeruya né Yoabu k̄n Dauda z̀ikp̄eenɔ f̄èe wà gàa dañle Gibiɔ ikaekii sae. Aɔ ḡali doo k̀ù í baa k̀è kpa, aɔ ḡali doo k̀ù í baa k̄aa kpa. <sup>14</sup> Ben Abana bè Yoabune: Ì tó ḡokpare keno f̄ee k̄zi wà gwa. Ben Yoabu bè: Aɔ gá. <sup>15</sup> Ben Beyãmi z̀ikarinɔ f̄èe ḡɔn kuri aw̄eplaa Isibose p̄ó ù, ben Dauda z̀ikarinɔ f̄èe ḡɔn kuri aw̄eplaa se. <sup>16</sup> Baade ɔ kà a ɔsikari daa mikp̄ezi, ben aɔ k̄ɔ z̄ɔz̄ɔ k̄ɔ gb̄ant̄ea k̄n f̄èe aɔ l̄èe ledole. Ben wà tó kpà Gibiɔ guu p̄ine F̄elennabura. <sup>17</sup> Z̄i k̀è wà kà z̄i beee pās̄i maama, ben Dauda z̀ikp̄eenɔ z̄i bl̄è Abana k̄n Isarailinɔ.

<sup>18</sup> Zeruya néḡgb̄e ḡɔn aaḡɔnɔ k̀ù gwe, Yoabu k̄n Abisaio k̄n Asahelio. Asaheli s̄ò bà nna lán z̄ò bà. <sup>19</sup> Ben à p̄èe Abanazi, èe lie ɔplazi ke ɔzeziro. <sup>20</sup> K̀è Abana a kp̄e gwà à à è, ben à bè: Asaheli, m̄be gweɔ? À wèala à bè: Mámbee! <sup>21</sup> Ben Abana bène: Ì lie n ɔplaazi ke ɔzezi, Ì ḡokparenɔ doke k̀ù Ì à p̄onɔ s̄ia. M̄de Asaheli e z̄enero. <sup>22</sup> Abana èara à bène dɔ: Ìnton s̄omaziro. Ì yezi mà n den yó? Tó ma n de, mé we wa wée ke siiḡɔ k̄n n v̄i Yoabuo dɔɔ? <sup>23</sup> M̄de Asaheli ḡi, èe z̄enero, ben Abana à z̄ò a gb̄een k̄n a s̄ari páo ai à b̀ò kp̄e kpa. Gwen à l̄en à gà ḡɔ. K̀è baade p̄ingi kà guu k̀è à l̄èe à gà p̄in, aɔ z̄è w̄èe gwaa.

<sup>24</sup> Ben Yoabu kɔ̃n Abisaio pè Abanazi ai ɔ̃fántɛ̀ gàa à gèò kpén. Ã kà Ama sìsì kè kú Gia ɔ̃fántɛ̀bɔ̃e kpa Gibiɔ̃ gbáa zén. <sup>25</sup> Beyāmi boriinɔ̃ kàkɔ̃a Abanazi gāli do, ben ã gàa wèe gii kɔ̃n n̄ zīndao sìsì musu. <sup>26</sup> Ben Abana lé zù Yoabuzi à bè: Wé zε̃ kɔ̃dɛ̀dɛ̀nanɛ̀roo? N̄ d̄s̄ kè yā pì é mì dε̃ kɔ̃n pɔ̃siaaoroo? Né o n gbēnɔ̃nε̃ ã zε̃wε̃ ã ε̃ara wà tároo? <sup>27</sup> Ben Yoabu wèàla à bè: Ludaa kuu! Tó n̄ε̃ lé sí yāro, ma gbēnɔ̃ é zε̃arero ai gu gá dɔ̃o. <sup>28</sup> Kè Yoabu kuru pè, ben à gbēnɔ̃ kámma bò, ãɔ̃e gá Isarailinɔ̃a zìo dɔ̃ro.

<sup>29</sup> Gwāāvī beea Abana kɔ̃n a gbēnɔ̃ taa ò sèn ã bikù Yodaa, ben ã d̄ò swadɔ̃zi ai ã gàa wà kà Manaimu. <sup>30</sup> Kè Yoabu sù kɔ̃n pɛ̀na Abanaao, ben à a zìkpɛ̀nɔ̃ kàkɔ̃a n̄ p̄ngi. Dauda gbēnɔ̃ té ḡɔ̃n baro dosai bé wà kuuro, Asaheli baasi. <sup>31</sup> Ã Beyāmi kè ãɔ̃ kú kɔ̃n Abanaonɔ̃ d̄ɛ̀dε̃ ḡɔ̃n wàa do kɔ̃n basɔ̃raaḡɔ̃o. <sup>32</sup> Ã Asaheli gè sè ãɔ̃ v̄i à de miran Betelɛ̀mu. Ben Yoabu kɔ̃n a gbēnɔ̃ taa ò gwāāvī ã kà Eblɔ̃nu gudɔ̃nao.

### 3

<sup>1</sup> Zì kè Solu bɛ̀dɛ̀nɔ̃ kà kɔ̃n Dauda bɛ̀dɛ̀nɔ̃ ḡi kè. Dauda gbāaa e kaara, Solu bɛ̀dɛ̀nɔ̃ s̄s̄ gbāaa e lagoo.

#### *Dauda néḡɔ̃gbēnɔ̃*

<sup>2</sup> Néḡɔ̃gbē kè Dauda ò Eblɔ̃nunɔ̃ tón yè. À káaku tón Aminɔ̃. À da tón Ainɔ̃ama, Yezɛ̀rili gbēm̄ε̃. <sup>3</sup> À plaade tón Kiliabu. À da tón Abigaili, Nabala gyaanɔ̃ Kameli gbēm̄ε̃. À aaḡɔ̃de tón Abusalomu. À da tón Maaka, Gesuu kína Talamai né̄m̄ε̃. <sup>4</sup> À siiḡɔ̃de tón Adonia. À da tón Agi. À sɔ̃ɔ̃rode tón Sefatia. À da tón Abitali. <sup>5</sup> À swε̃ɛ̀dode tón Itiriamu. À da tón Egela. Dauda nɔ̃ɔ̃n né p̄inɔ̃ ò Eblɔ̃num̄ε̃.

#### *Abana nana Daudaa*

<sup>6</sup> Gurɔ̃ kè Solu bɛ̀dɛ̀nɔ̃ e zì kaa kɔ̃n Dauda bɛ̀dɛ̀nɔ̃, Abana e gbāa k̄u Solu bɛ̀dɛ̀nɔ̃ guu. <sup>7</sup> Solu nɔ̃ yìgisai v̄i yā, à tón Rizipa, Aya né̄m̄ε̃. Isibose bè Abananε̃: N ke dia n dae kɔ̃n ma de nɔ̃ɔ̃o? <sup>8</sup> Abana pɔ̃ f̄ɛ̀ maamaa Isibose yā p̄i yānzi à bè: Gbēε̃ gèn ma ū Yudanɔ̃ kpaɔ̃? M̄ε̃ gbēkε̃ε̃ kee n de Solu bɛ̀dɛ̀nɔ̃nε̃ kɔ̃n à dāaronɔ̃ kɔ̃n à gbēnnanɔ̃ ai kɔ̃n a gbāao. M̄ε̃ n na Daudanε̃ a ɔ̃z̄iɔ̃, ben n̄ε̃ ma taari ee nɔ̃gbē p̄i yā musu saa? <sup>9</sup> Tó m̄ε̃ lé kè Dii gbè Daudanε̃ kenε̃ro, Luda yā kemε̃ pās̄ipās̄i. <sup>10</sup> Mé kpata sí Solu bɛ̀dɛ̀nɔ̃a mà tó Dauda ḡɔ̃ Isarailinɔ̃ kɔ̃n Yudanɔ̃ kína ū sena zaa Dani ai à gá péo Bε̃ε̃sɛ̃baa. <sup>11</sup> Isibose e sí à wè Abanala dɔ̃ro, kè èe v̄ia keε̃nε̃ yānzi.

<sup>12</sup> Abana gbēnɔ̃ zì Daudaa kɔ̃n a tó à bè̄nε̃: Dé bé à b̄usu v̄i? Wà lɛ̀dole ke, mé d̄onle le Isarailinɔ̃ bà e àḡɔ̃ kúnyo n̄ p̄ngi. <sup>13</sup> Ben Dauda bè: À maa, mé lɛ̀dole kenyo, m̄ode yā mèn doon m̄ε̃ gbekaamma. Tó n̄ε̃ m̄ɔ̃ ma gwa, tó n̄ε̃ m̄óm̄ε̃ kɔ̃n Solu n̄nɔ̃gbē Mikalaoro, n̄ton tó wa wéε̃ sik̄l̄ero. <sup>14</sup> Dauda lékpās̄ā kè Solu né Isibosε̃nε̃ à bè: N̄ ma nās̄ Mikala sukpam̄ε̃. Ma anzure blè kɔ̃n Filisitininɔ̃ gε̃f̄ɔ̃o mèn basɔ̃ro. <sup>15</sup> Ben Isibose gbēnɔ̃ zì, ã nɔ̃gbē p̄i s̄i a zā Palatieli, Laisi né̄a. <sup>16</sup> Ben à zā p̄i e gaao à tézi ai Bahurimu, èe ɔ̃o dɔ̃o. Ben Abana ònε̃ à ε̃ara à tá, ben à èara.

<sup>17</sup> Abana yā ò kɔ̃n Isaraili gbēnsinɔ̃ à bè: Zaa zi ée wε̃tε̃ε̃ Dauda ḡɔ̃ de a kína ū. <sup>18</sup> À à ká sa, zaake Dii lé gbē̄nε̃ à bè, é a gbē Isarailinɔ̃ bɔ̃ Filisitininɔ̃ kɔ̃n n̄ ibε̃nɔ̃ ɔ̃z̄i n̄ p̄ngi a z̄ɔ̃bleri Dauda p̄i gāz̄im̄ε̃. <sup>19</sup> Abana yā p̄i dà Beyāmi boriinɔ̃nε̃ n̄ swāla dɔ̃. Ben à gàa Eblɔ̃nu, le à yā kè à kè Beyāmi boriinɔ̃ kɔ̃n Isarailinɔ̃nε̃ p̄i o Daudanε̃. <sup>20</sup> Kè à kà Dauda kiia zaa Eblɔ̃nu kɔ̃n ḡɔ̃n baroo kè ã kúonɔ̃, ben Dauda pɔ̃nna p̄óblee k̄é̄nε̃. <sup>21</sup> Ben Abana bè Daudanε̃: Ma dii kí, n̄ tó mà fε̃ mà gá mà Isarailinɔ̃ kak̄ɔ̃anne n̄ p̄ngi, le ã lɛ̀dole kenyo, néḡɔ̃ de b̄usu kè n p̄ɔ̃ yezi p̄ngi kína ū. Ben Dauda Abana gbàre, à tá aafia.

#### *Abana d̄ena*

<sup>22</sup> Zĩ beeea Yoabu kɔn Dauda gbɛnɔ sù kɔn léemmanao. Aɔ pónɔ sù gbɛnɔa maamaa aɔ sùo. Abana kú kɔn Daudao gwe dɔro, zaake à à gbàre, à tá aafia. <sup>23</sup> Kè Yoabu kɔn zĩkari kè aɔ kúonɔ kà, wà òne Nere né Abana mò kína gwa, ben à à gbàre à tá aafia. <sup>24</sup> Ben Yoabu gàa à kína lè à bè: Bó yān n kè gwee? Kè Abana mò n kiia, bóyānzi n tò à tàzi? <sup>25</sup> N Nere né Abana dɔroo? À mò ɔndɔo kenzi, le à e àgɔ n gágurɔo kɔn n sugurɔo dɔ kɔn n yákenano píngi. <sup>26</sup> Kè Yoabu bò Dauda kiia, ben à gbɛnɔ zĩ, aɔ pèe Abanazi. Aɔ à lè Sira lògɔ kiia, ben aɔɔe suuo, mɔde Dauda à yā dɔro. <sup>27</sup> Kè wà kà kɔn Abanao Eblonu wéte bĩilea, ben Yoabu à sisi lándɔ à yezi à asiiyā one bà, ben à à zò a gbèen, à à dè. À dāaro Asaheli dena gēen à bòa gwe.

<sup>28</sup> Beee gbɛra kè Dauda mà, à bè: Mapi kɔn ma kíkeeo, mégɔ taari vī Diine Nere né Abana dena yā musuro. <sup>29</sup> Yā pì é wí Yoabu musume kɔn à de bɛdeenɔ n píngi. Yoabu bɛdeenɔ égɔ kuu kentudee ke kusu ke ere ke gbɛ kè zĩ à blè ke nɔaderi sairo. <sup>30</sup> Yoabu kɔn Abisaio Abana dè, kè àmbe à n dāaro Asaheli dè zĩlan zaa Gibiɔ yānzi. <sup>31</sup> Ben Dauda bè Yoabune kɔn gbɛ kè aɔ kúonɔ n píngi: À a pókāsāano gága à kèkè, à uta kāsāano dada, àgɔ té a e kɔn Abana gèo kɔn ɔo dɔo. Kí Dauda sɔo té n kpe. <sup>32</sup> Ben wà à vīi Eblonu gwe. Kína sósobi ɔo dɔo gbāngbān Abana miraa, ben baade píngi ɔo dɔo se. <sup>33</sup> Ben kína sósobile kèkii sù Abana yā musu à bè:

Abana gana lán m̀saidee bà maan gweó?

<sup>34</sup> Wèe n gá yinne n kpe kparo,

wèe gata kpánnero,

n ga lán gbɛ kè gè zaakerinɔ ɔzĩ bà.

Ben baade píngi èara wà ɔo dɔo. <sup>35</sup> Baade píngi mò wà ò Daudane à pò ble ai guu gɔ gá si, mɔde à ladà à bè: Tó ma buredi ke pòble ke dà ma lén ɔfāntē gēna kpén sai, Luda yā kemē pāsīpāsī. <sup>36</sup> Baade píngi wée tē yā pizi, ben à kèine maa. Yā kè kí e kee píngi è ke gbɛnɔne maame. <sup>37</sup> Zĩ beeea Dauda gbɛnɔ kɔn Isarailinɔ píngi dɔ sa kè kí lé kú Nere né Abana dena yānlo. <sup>38</sup> Ben à bè a gbɛ pìnɔne: Á dɔ kè Isaraili dɔn'aede bíta gà gbàaroo? <sup>39</sup> Mamoma sɔ, baa kè Luda ma ka kí ũ, ma busa gbàa. Zeruya né pìnɔ yákēna pāsī de ma póla. Dii bé eé fīa bo zaakerine a zaa lén.

## 4

### *Isibose dena*

<sup>1</sup> Kè Solu né Isibose mà Abana gà Eblonu, à kā gà, ben Isarailinɔ gɔ bídi guu n píngi. <sup>2</sup> Solu né pì zĩkpe gbɛnsinɔ vī gɔon plaa, à doo tón Baana, à doo sɔ Rekabu. Beero gbɛ Rimɔ, Beyāmi bori nénome. Wà Beero diē Beyāmi būsú pò ũ yāme, <sup>3</sup> zaake Beerodeenɔ bàa lè wà tà Gitaimu aɔo kú gwe ai kɔn a gbàao. <sup>4</sup> Solu né Yonatā sɔ né vī ere ũ. Gurɔo kè né pì kà wè sɔoro, ben Solu kɔn Yonatāo gana Yezzerili baaru sù. Kè à gwàri à sè èe bàa lèeo, à wāna guun né pì pitia à lèe. Bee bé à tò à ere kù. À tón Mefibose.

<sup>5</sup> Beero gbɛ Rimɔ né pìnɔ Rekabu kɔn Baanao fēe, ɔfāntē gbāaazin aɔ kà Isibose be, gurɔo kè èe i fāantē oo. <sup>6</sup> Ben Rekabu kɔn a dāaro Baanao gè kpén aɔo kè lándɔ wèe gaa pówee koo bà. <sup>7</sup> Kè aɔ gè kpén, Isibose daena a gádoa, ben aɔ gèzi kpéne guu aɔ à zò wà dè. Ben aɔ à mì zò aɔo sè wà tào. Aɔ pèe Yoda sèn, ben aɔ táa ò ai guu gàa à dɔo. <sup>8</sup> Aɔ mò Dauda kiia Eblonu kɔn Isibose m̀io aɔ bène: N gwa, n ibee Solu kè à wète à n de né Isibose m̀in yè. Wa dii kí, Dii gēe bònne Solu kɔn a boriinɔa gbàa. <sup>9</sup> Dauda wènila à bè: Dii kuu! À ma bo ma nawēakēna guu píngi. <sup>10</sup> Kè gbɛke mò ma kiia Zikilaga yā à bè Solu gà, èe daa baaru nnaan ée kpa, ben ma à kù má dè. À baaru àren gwe. <sup>11</sup> Debeelana lán amɔa gbɛ zaaano a taarisaidee dè a gádoa a kpén nà, mé à dena gēe boawa mà a wèndi bo se. <sup>12</sup> Ben Dauda yā ò a gbɛnɔne,



ben aã ní dæde. Aã ní òla kǝn ní gbálanǝ zǝzǝ, ben aã ní gènnǝ lògo Eblǝnu ítǝkii sae. Ben wà Isibosè mì sè wà vǝi Abana miran zaa Eblǝnu.

## 5

### *Dauda kana Isarailinǝ kpatan*

<sup>1</sup> Isarailinǝ mò ní boriia ní píngi Dauda kiia zaa Eblǝnu aã bè: Wa aru dǝnkǝmè. <sup>2</sup> Zaa zi gurǝ kè Solu de wa kí ũ, míbe nèè dǝwe aè zǝlan, gana kǝn sunao. Ben Dii bènnè, míbe nègǝ de a gbè Isarailinǝ dǝn'aædee ũ, aã kína ũ. <sup>3</sup> Kè Isaraili gbènsinǝ mò kí Dauda kiia zaa Eblǝnu ní píngi, gwen à lædolè kènnǝyo Dii aè, ben aã nǝsi kù à mià aã à kà Isarailinǝ kpatan. <sup>4</sup> Dauda kè wè baaakuri gurǝ kè à nà kíblenaa, à vèè kpatan wè baplaa. <sup>5</sup> À kí blè Yudanǝnè zaa Eblǝnu wè swæeplaa kǝn mǝ swæedoo, ben à kí blè Yudanǝnè kǝn Isarailinǝ píngi zaa Yerusalemu wè baaakuri awæe'aagǝ.

<sup>6</sup> Kí kǝn a gbènnǝ gàa Yerusalemu læ à zǝ ká kǝn Yebusi kè aã kú gweenǝ. Ben aã bè Daudanè: Né gè kèro, baa vǝannǝ kǝn erennǝ aãé pémma. Aãde daa Dauda é e à gè gwero. <sup>7</sup> Kǝn beeeo Dauda wéte bíidee kè wè sísi dǝ Zayǝn pì sì, ben à gǝ à wétædaa ũ. <sup>8</sup> Zǝ beeea Dauda bè: Tó gbè yezi à Yebusinǝ dæde, séde à gè íze kè wà yǝ gbèn guu, eé erennǝ kǝn vǝa pinnǝ le. Dauda ibæennè. Bee yǝnzi wè be, vǝannǝ kǝn erennǝ é gè kíbero. <sup>9</sup> Ben Dauda bæ kù wéte bíidee pì guu, à a zǝnda tó kpànè, Dauda Wéte. À kpènnǝ bòbo à ligazi ai gura kè wà wèè tàtan, wè be Milo. <sup>10</sup> Dauda gbāaa e kaara, zaake Dii Luda Zǝkpædee kúo.

<sup>11</sup> Taya kí Hiramu gbènnǝ zǝ Daudaa kǝn sida linnǝ kǝn lí'arinǝ kǝn gbè'arinǝ, ben aã bæè bònè. <sup>12</sup> Ben Dauda dǝ sa kè Dii a ka Isarailinǝ kí ũmè, bensǝ à a kpata kàaraare kè Isarailinǝ de Dii gbènnǝ ũ yǝnzi.

<sup>13</sup> Dauda bǝna Eblǝnu gbèra à èara à nǝ pǝndenǝ sè à kàara Yerusalemu dǝ kǝn nǝ yǝgisainǝ, ben à nègǝgbènnǝ kǝn nènǝgbènnǝ ínǝyo. <sup>14</sup> Nègǝgbè kè à ní í Yerusalemu pinnǝ tǝn yè: Samua, Sobabu, Natā, Sulemanu, <sup>15</sup> Ibaa, Elisua, Nefegi, Yafia, <sup>16</sup> Elisama, Eliada kǝn Elifeletio.

<sup>17</sup> Kè Filisitininǝ wà wà Dauda kà Isarailinǝ kí ũ, ben aã gàa wè wæte wà à de ní píngi. Kè à ní baaru mà, ben à gàa sète pǝrǝtu. <sup>18</sup> Filisitininǝ zǝ'ǝ pǝro Refaimu guzuren, <sup>19</sup> ben Dauda Dii là à bè: Mà gá mà læ Filisitininǝa, né ní name ma zǝzǝ? Ben Dii wèala à bè: Ñ gá, mé ní nannè n zǝ. <sup>20</sup> Ben Dauda gàa Baali Pèrazimu, à zǝ blènnèma gwe. Ben à bè: Dii dǝmè aè, à bǝ à mò ma ibæennǝzi bùi lán í è guu fǝ nà. Ben à tó kpà guu pinnè Baali Pèrazimu. <sup>21</sup> Filisitininǝ ní tǝannǝ tò gwe, ben Dauda kǝn a gbènnǝ sèè wà tào.

<sup>22</sup> Filisitininǝ èara wà mò dǝ, aã zǝ'ǝ pǝro Refaimu guzuren. <sup>23</sup> Ben Dauda èara à Dii là dǝ. Ben Dii wèala à bè: Ñton gǝnnǝ sùusuro. Ñ liganzi kpæ kpa ñ léennèma kpè líkpæ sae. <sup>24</sup> Tó a kèse kǝi mà lí pinnǝ musu, à ke kpakpaa, zaake mámbe ma bǝ ma dǝare aè gwe, læ mà zǝ bleare Filisitini zǝkpæennǝa yǝnzi. <sup>25</sup> Dauda kè lán Dii ònè nà, ben à zǝ blè Filisitininǝa sena zaa Gibiǝ ai à gàa pé Gezaa.

## 6

### *Suna kǝn Dii àkpatio Yerusalemu*

<sup>1</sup> Dauda èara à Isaraili kè à ní sénnǝ kàkǝa gǝnnǝ bǝrǝ baaakuri. <sup>2</sup> Ben à fèè à dànnǝ zén, aã gàa Baala kè kú Yuda bùsun, læ aã Luda àkpati sé wà suo. Dii Zǝkpæde ègǝ vèèna kpatan àkpati pì malaika dèbèdeenǝ dagura, bee yǝnzin wè be à tó kúazi. <sup>3</sup> Aã àkpati pì dà zùgoro dufu guu Abinadabu be sìsǝ musu, ben aã dào zén. Abinadabu nènǝ Uza kǝn Ahioo bé aãde dǝ zùgoro pìzi, <sup>4</sup> Luda àkpati kún. Ahioo bé à té aè, <sup>5</sup> ben Dauda kǝn Isarailinǝ e ò wāa ní píngi Dii aè ní gbāa zaka lén kǝn læsinao. Wèè mǝrǝ læ kǝn kúuo kǝn sègèsègèo kǝn fagao kǝn sègèo.

<sup>6</sup> Kè aã kà Nakõ ésegbẽkiiia, zùno gèn sì, ben Uza ɔ̀ b̀̀ à nà Luda àkpatia. <sup>7</sup> Ben Dii pɔ̀ f̀̀zi, à à lè a dè àkpati sae gwe dà kè à kè yānzi. <sup>8</sup> Dauda nòse yàka, kè Dii pɔ̀ f̀̀ Uzazi yānzi, ben wè guu pì sísi Pɔ̀f̀'uzazi ai kɔ̀n a gbàao. <sup>9</sup> Zĩ beea vĩa Dauda kù Dii yā musu à bè: Dian mé ke nà mà Dii àkpati sé mà táo? <sup>10</sup> Ben èe we à táo a wéte guu dɔ̀ro, à liè à tàò Gata gbẽ Ɖbedi Èdɔ̀mu bɛ.

<sup>11</sup> Dii àkpati kú à bɛ ai mɔ̀ aagɔ̀, ben Dii aubarika dàn kɔ̀n à bɛdeenɔ̀ ń píngi. <sup>12</sup> Wà bè kí Daudane: Dii aubarika dà Ɖbedi Èdɔ̀mu bɛdeenɔ̀n kɔ̀n pɔ̀ kè à vĩno píngi a àkpati yānzi. Ben Dauda gàa gwe, à Luda àkpati sè èe suuo a wéte guu kɔ̀n pɔ̀nnaao. <sup>13</sup> Kè gbẽ kè aɔ̀ Dii àkpati senano gbá sè gèn swɛedo, ben Dauda saa ò kɔ̀n zùswareeo kɔ̀n zùne b̀̀ro m̀̀kpanao. <sup>14</sup> Dauda sa'o'uta dana, èe ɔ̀ wãa Dii aɛ a gbãa zaka lén. <sup>15</sup> Àpi kɔ̀n Isarailino píngi e suu kɔ̀n Dii àkpatio, aɔ̀e pɔ̀nna wii lɛɛ, aɔ̀e kuru pɛɛ. <sup>16</sup> Kè Dii àkpati e gɛɛ Dauda wéte guu, ben Solu né Mikala e tɔ̀te gwaa windo guu. Kè à è kí Dauda e vĩvĩ èe ɔ̀ wãa Dii aɛ, à kya kàn a swè guu. <sup>17</sup> Kè wà sù kɔ̀n Dii àkpatio, wà diè a gbèn bisakutaa kè Dauda d̀̀ne guu. Ben à sa'opɔ̀ kè wè ká tén à té kù ò Dii aɛ kɔ̀n kennakɔ̀ sa'opɔ̀. <sup>18</sup> Kè à saa ò à yàa, à sa maaa ò gbɛnɔ̀ne kɔ̀n Dii Zìkpede tɔ̀. <sup>19</sup> Ben à buredi kpàatete Isaraili kè aɔ̀ kakɔ̀ana gweenɔ̀ne k̀̀ doodo g̀̀gbɛno kɔ̀n nɔ̀gbɛno ń píngi kɔ̀n damina kàrao m̀̀n doodo kɔ̀n geepi kàrao m̀̀n doodo.

<sup>20</sup> Kè Dauda e suu bɛ lɛ à sa maaa o a bɛdeenɔ̀ne, ben Solu né Mikala b̀̀ à gàa à dàale à bè: Mmɔ̀n Isarailino kína, gbẽ b̀̀ede yān ń kè gwe gbàaá? N n zĩnda mè òdɔ̀a n ìba nɔ̀gbẽ zìkerinɔ̀ne, lán wísaiidee è a zĩnda mè ɔ̀dɔ̀ańne nà. <sup>21</sup> Ben Dauda bè Mikalane: Diin ma ɔ̀ wàne. Dii bé à ma se n de kɔ̀n a bɛdeenɔ̀ gɛɛ ũ, à ma ke a gbẽ Isarailino dɔ̀n'aɛdee ũ. <sup>22</sup> Mé gbẽ futa yā ke de beela, mé ma zĩnda kɛsã n ena guu, m̀̀de nɔ̀gbẽ zìkeri kè ń tɛ́mma pino bé aɛé ma b̀̀e ke. <sup>23</sup> Solu né Mikala sɔ̀ e né iro ai à gàa à gà o.

## 7

### *Luda légbɛna Daudane*

<sup>1</sup> Kè kí v̀̀e a bɛ, Dii à b̀̀ ibɛɛ kè aɔ̀ ligazino ɔ̀zĩ à à gbà ãampakii, <sup>2</sup> ben kí bè annabi Natāne: Á'a! Kpé kè wà d̀̀ kɔ̀n sida líon mégɔ̀ v̀̀een, Luda àkpati g̀̀ diena bisakutaan-ó? <sup>3</sup> Natā wèala à bè: Lán à kɛnne nà n ke, zaake Dii kúnyo. <sup>4</sup> Gwãavĩ beea Dii yā sù Natāa à bè: <sup>5</sup> Ñ gá n o ma z̀̀bleri Daudane kè ma bè, àmbe eé kpé kè mégɔ̀ kún dɔ̀mero. <sup>6</sup> Zaa gurɔ̀ kè ma Isarailino b̀̀de Igipiti ai gbàa mée bɛɛ kũro. Mègɔ̀ s̀̀ki kpákpaame, bisakuta bé ma kúkii ũ. <sup>7</sup> Guu kè ma s̀̀ki kpàkpan kɔ̀n ma gbẽ Isarailino ń píngi mèè dɔ̀n'aɛdeenɔ̀ die aɔ̀ d̀̀ne aɛ. Má ò ń gbẽkenɛ, à kè dia èe kpé dɔ̀me kɔ̀n sida líoro zikió? <sup>8</sup> Ñ gá n o ma z̀̀bleri Daudane, mamɔ̀ma Dii Zìkpede ma bè, ma à sè sādākiiia lɛ àgɔ̀ de ma gbẽ Isarailino dɔ̀n'aɛdee ũ. <sup>9</sup> Má kúo guu kè à gàan píngi, ben ma à ibɛenɔ̀ d̀̀denɛ. Mé à tɔ̀ bɔ̀ maamaa sa, eégɔ̀ kú anduna t̀̀deenɔ̀ té. <sup>10</sup> Mé bùsu kpá ma gbẽ Isarailinoa, mé ń káen, aɛé v̀̀en ń pɔ̀ ũ. Aɔ̀ làakari g̀̀ kpaena. Gbẽ zaaano é e wà wéé tã́mma lán aɔ̀ wéé tã́mma káaku <sup>11</sup> gurɔ̀ kè ma dɔ̀n'aɛdeenɔ̀ diéńne nà dɔ̀ro. Mé à bɔ̀ a ibɛɛ pino ɔ̀zĩ ń píngi.

Mamɔ̀ma Dii mée oone, mámbɛ mé ua péene à boriino gbãa'ekii ũ. <sup>12</sup> Tó à gurɔ̀ pàpa à gà, mé à borii kè b̀̀ à m̀̀n ke sé lezĩ, mé à kpá kpatan. <sup>13</sup> Àpi bé eé kpé dɔ̀ kè ma tɔ̀ égɔ̀ kúa, mé à kpatablana gbá péé, eégɔ̀ kí blee ai gurɔ̀ píngi. <sup>14</sup> Mégɔ̀ denɛ De ũ, eégɔ̀ de ma né ũ. Tó à taari kè, mé wéé tãa kɔ̀n gòome, lán gbɛntee è gbẽ gbẽ nà. <sup>15</sup> M̀̀de ma gbẽke é k̀̀kɔ̀ao lán má k̀̀kɔ̀a kɔ̀n Solu kè má à b̀̀ Dauda aɛzĩ nàro. <sup>16</sup> À boriino égɔ̀ kpata blee gurɔ̀ píngi. À kpata pì égɔ̀ yāana vĩro.

<sup>17</sup> Ben Natā yā pì gbà Daudane lán Dii òne nà píngi.

### *Dauda wéekena Diia*

18 Ben kí Dauda gè à vèè Dii aε à bè: Dii Luda, bón ma ũu? Dénɔn ma bεdeenɔ ũ kè n ma ka gwena kè takaa? 19 Dii Luda, bee né yā néngomε n kiia, ben n mamɔma n zòbleri borii kè aṣégɔ kú ziaanɔ yā ò dɔɔ? Len nεè keíne leɔ, Dii Luda? 20 Dii Luda, mé benne diamε dɔɔ? Mamɔma n zòbleri n ma dɔ. 21 N yā bíta pì kè lán n pɔɔ yezi nà yā kè n ò yānzi, ben n tò mamɔma n zòbleri má dè. 22 Dii Luda, n bíta fá! Weé gbēke lékɔzinyoro. N baasiro dii ke kuuro, lán wá mà kɔn wa swāo nà. 23 Dén weé lékɔzi kɔn n gbē Isarailinɔ? Anduna boriinɔ té bori mèn doo pìn n bɔ n gaa n bò, le aṣgɔ de n gbēnɔ ũ. N n zīnda tó bò, n yā bíta bɔnsaenɔ kè n gbē pìnɔne, n pe bori kenɔa kɔn n tãanɔ n gbē kè n n bó Igipitinɔ aεzī. 24 N Isarailinɔ diε aṣgɔ de n gbēnɔ ũ ai gurɔ pínɡi. Dii, n gɔ n Luda ũ. 25 Dii Luda, lé kè n gbē mamɔma n zòblerine kɔn ma boriinɔ yā musu, ñgɔ zī keεa gurɔ pínɡi. N ke lán n ò nà 26 le n tó bɔ maamaa ai gurɔ pínɡi. Gbēnɔ é be Dii Zìkpεde bé Isarailinɔ Luda ũ. Mamɔma n zòbleri Dauda, né ma boriinɔ kāsāa péε, 27 zaake Dii Zìkpεde Isarailinɔ Luda, n òmε n bè, né ma ua péεmε ma boriinɔ gbāa'ekii ũ. Bee yānzi mamɔma n zòbleri ma kùgbāaa kè ma wéεkeε kè kèmmazi. 28 Dii Luda, mbe Luda ũ, n yā náane vī, ben n yā maa kènɔ lé gbē mamɔma n zòblerine. 29 N aubarika da mamɔma n zòbleri boriinɔn sa, n wéε égɔ téńzi gurɔ pínɡi. Dii Luda, n yā ò n aubarika dà mamɔma n zòbleri boriinɔn, aṣégɔ aubarika vī ai gurɔ pínɡi.

## 8

### *Dauda zìblena bori pāndenɔa*

1 Beee gbera Dauda zì blè Filisitininɔa à n búsa à n mεεwi Gata sīmma. 2 À zì blè Mɔabunɔa, ben à tò aṣ dàε kɔ sae tɔɔte. À bà yòmma. Tó à gbē kè aṣ kú bà plaa dagura dède, è gbē kè aṣ kú bà do dagura tó bēε. Ben Mɔabunɔ gɔ Dauda zòblerinɔ ũ, ben aṣégɔ tángba kpaane. 3 Dauda zì blè Reobo né Adadeza, Zoba kínaa, gurɔ kè kí pì èara èε gaa ɔ tɔ Yuflati swasaεdeenɔa. 4 Ben à à sɔgoronɔ kùkū mèn wàa sɔɔro kɔn sɔgorodeenɔ gɔɔn bɔɔ swεεplaa kɔn gbē kè aṣ té kèsenɔ gɔɔn bɔɔ baro. Ben à n sɔnɔ gbátīkyanɔ zòzɔ pínɡi, mèn basɔɔro bé aṣ bò. 5 Siria kè aṣ kú Damasakunɔ mò ɔ da Adadezaa, ben Dauda n gbēnɔ dède gɔɔn bɔɔ baro awεεplaa. 6 À gudākparinɔ diεdie Siria busun, ben aṣ gɔ à zòblerinɔ ũ, aṣégɔ tángba kpaane. Dii tò Dauda zì blè guu kè à gāan pínɡi. 7 Dauda Adadeza ibanɔ vura sengbangonɔ sèε à tàò Yerusalemu. 8 À mògotē sèε bítabita Adadeza wéte kè wè sísi Teba kɔn Berotaio guu.

9 Kè Amata kí Tou mà Dauda zì blè Adadeza zìkpεenɔa n pínɡi, 10 ben à a né Adoramu zì ì kpáa. À à sáabu kpà zì kè à blè Adadezaa yānzi, zaake Tou zì kàò yā. Adoramu mò kɔn vura pónɔ kɔn kondogi pónɔ kɔn mògotē pónɔ, 11 ben kí Dauda kàε Dii pó ũ lán à kè kɔn borii kè à gbāaa blémmanɔ kondogi pónɔ kɔn vura pónɔ nà pínɡi, 12 Eɔmunɔ kɔn Mɔabunɔ kɔn Amɔninɔ kɔn Filisitininɔ kɔn Amalekinɔ. Len à kè le kɔn pó kè à sì Zoba kí Adadeza, Reobo néao. 13 Len Dauda tó bò le. Kè à zì blè Sirianɔa à sù, à Eɔmunɔ dède Guzuré Wisideen gɔɔn bɔɔ baro plaasai. 14 Ben à gudākparinɔ diεdie Eɔmu busun dɔ, ben Eɔmu pìnɔ gɔ à zòblerinɔ ũ. Guu kè Dauda gāan pínɡi Dii è tó à zì bleme.

15 Daudan Isaraili bori pínɡi kína ũ, à yā maa kè a gbēnɔne a zéa. 16 Zeruya né Yoabun zìkpεenɔ gbēnsi ũ. Ailudi né Yosafatan baarukpari ũ. 17 Aitubu né Zadɔki kɔn Abiata né Aimεlekion sa'orikinɔ ũ. Serayan takadakēri ũ. 18 Yoyada né Benayan dogarinɔ gbēnsi ũ. Dauda zīnda négɔgbēnɔn a kpāsino ũ.

## 9

### *Dauda gbēkeε kena Mefibosεne*

<sup>1</sup> Dauda gbě̀nɔ̀ là: Solu bori kee e g̃oro? Má yezi mà gbě̀keε keε Yonatā yānzi. <sup>2</sup> Solu be zīkeri ke kuu, à tón Ziba, ben wà à sìsi kí Daudanε. À à là à bè: M̃be Ziba ṹ? À wè̀ala à bè: Ee, n zòblerin ma ṹ. <sup>3</sup> Ben kí pì à là à bè: Solu bori ke kuu ai tiaó? Má yezi mà Luda gbě̀keε kenεme. Ben Ziba wè̀ala à bè: Yonatā né ke kuu ai tia. Eεme. <sup>4</sup> Ben kí à là à bè: À kú māmε? Ziba wè̀ala à bè: À kú Amieli né Maki be zaa Lodeba. <sup>5</sup> Kí Dauda gbě̀nɔ̀ zì, ben wà m̀ò. <sup>6</sup> Kè Yonatā né Mefibose, Solu dio kà Dauda kiia, à kùene à dàe a puua. Ben Dauda bè: Mefibose! À wè̀ala à bè: N zòblerin ma ṹ. <sup>7</sup> Ben Dauda bène: Ñton tó vīa n kũro, zaake mé gbě̀keε kenne n de Yonatā yānzime. Mé n dezi Solu buraanɔ̀ sukpanne píngi, négaeg̃o m̃o pó blemao gurɔ̀ píngi. <sup>8</sup> Mefibose kùene à bè: Bón mamoma n zòbleri ṹ kè né ma wēnda gwaa? Má de lán gbēε gè b̃aro?

<sup>9</sup> Ben kí Dauda Solu zīkeri Ziba sìsi à bène: Pó kè de Solu pó ṹ k̃n à bedeeno pó píngi, má kpà n dii dioame. <sup>10</sup> Mpi k̃n n ñnɔ̀ k̃n n zīkerinɔ̀, àgae à t̃ote zī keε, à à pónɔ̀ keke, le à e àg̃ kūsáε vī. N dii dio Mefibose égaeg̃o pó blemao gurɔ̀ píngi. Ziba s̃o nég̃gbě̀nɔ̀ vī g̃̃on g̃̃ero k̃n zīkerinɔ̀ g̃̃on baro. <sup>11</sup> Ben Ziba bè kine: Yá kè ma dii kí ò mamoma a zòblerine, mé ke píngime. Ben Mefibose èg̃o pó blee k̃n kíó, à g̃̃o lán kina ñnɔ̀ doke bà. <sup>12</sup> Mefibose nég̃gbē vī, à tón Mika, bens̃o Ziba bedeeno g̃̃o Mefibose zīkerinɔ̀ ṹ n píngi. <sup>13</sup> À kú Yerusalemu, zaake èg̃o pó blee k̃n kíó gurɔ̀ píngime. Bens̃o εren à ṹ.

## 10

### *Dauda zìblena Am̃ninɔ̀a*

<sup>1</sup> Beee gbera Am̃ni kina gà, ben à né Anuni ṽεε à g̃εε ṹ. <sup>2</sup> Dauda bè: Mé gbě̀keε ke Naasa né Anunine lán à de gbě̀keε k̃eme yā nà. Ben Dauda a ìba kenɔ̀ zì, le ão gá Am̃ninɔ̀ bùsun wà à làakari kpáene à de ga yā musu. Kè Dauda ìba p̃nɔ̀ kà gwe, <sup>3</sup> Am̃ni k̃ineno bè ñ dii Anunine: Néε daa Dauda gbě̀nɔ̀ z̃imma n de gè kpedana yānzi le à n làakari kpáennen yó? À ñ zī le ão m̃o wa wéte asii gwame, le ão εara wà m̃o wà wéte ble z̃io. <sup>4</sup> Ben Anuni Dauda ìba p̃nɔ̀ kùkù à n létánka ká b̃o kpadokpado, à n pókāsāanɔ̀ z̃z̃ ñ p̃r̃onɔ̀ dagura, ben à n gbáε. <sup>5</sup> Kè wà ò Daudanε, ben à gbě̀nɔ̀ z̃i ão gá dañle, zaake wí ñ kũ maamaa. Ão bèñne: Kí bè, à ṽεε Yeriko ai a létánka ká kú, é gbasá à su.

<sup>6</sup> Kè Am̃ninɔ̀ è Dauda ye ñ k̃azi d̃oro, ben ão fīa b̃o gbě̀nɔ̀ne le ão z̃i káñne: Siria kè ão kú Betereobu k̃n Zobao kè ão té k̃esenɔ̀ g̃̃on b̃oro baro k̃n kí Maaka z̃ikp̃εenɔ̀ g̃̃on b̃oro do k̃n Tobudeeno g̃̃on b̃oro kuri awεεplaa. <sup>7</sup> Kè Dauda mà le, ben à Yoabu gbàreím̃ma k̃n z̃ikarinɔ̀ ñ píngi. <sup>8</sup> Am̃ninɔ̀ b̃o wà z̃i'ɔ̀ p̃oro ñ wéte b̃iileá, ben Zoba k̃n Betereobuo Sirianɔ̀ k̃n Tobudeeno k̃n Maaka gbě̀nɔ̀ kú s̃en ñt̃εε. <sup>9</sup> Kè Yoabu è wà z̃i'ɔ̀ p̃oro a εe k̃n a kp̃εeo, ben à Isaraili z̃ikari maaanɔ̀ pl̃εle à ñ kpáatete ão gá léε Sirianɔ̀. <sup>10</sup> Ben à z̃ikari kpaaanɔ̀ nà a d̃aro Abisaine a ɔ̃z̃i, ben à ñ gbáε ão gá léε Am̃ninɔ̀a. <sup>11</sup> À bè: Tó Sirianɔ̀ gbāaa e ma fuu, ñ m̃o ñ ɔ̀ dama. Tó Am̃ninɔ̀ gbāaa e n fuume s̃o, mé m̃o mà ɔ̀ damma. <sup>12</sup> Ng̃o gbāaa, wà g̃̃gbě̀keε ke wa gbě̀nɔ̀ k̃n wa Dii wétenɔ̀ yā musu. Dii é yā kè k̃ene maa ke. <sup>13</sup> Ben Yoabu k̃n z̃ikari kè ão kúonɔ̀ g̃̃a Sirianɔ̀a k̃n z̃io, ben Siria p̃nɔ̀ bàa l̃ēñne. <sup>14</sup> Kè Am̃ninɔ̀ è Sirianɔ̀ bàa l̃ε, ben ão bàa l̃ε Abisaine se ão sì wéte guu, ben Yoabu ñ tó gwe à tà Yerusalemu.

<sup>15</sup> Kè Sirianɔ̀ è Isarailinɔ̀ z̃i bl̃ém̃ma, ben ão εara wà k̃o k̃ak̃ōa. <sup>16</sup> Ben Adadeza gbě̀nɔ̀ z̃i, ão sù k̃n Siria kè ão kú Yuflati baa k̃aa kpaanɔ̀, ben ão g̃̃a Elamu. Sobakin Adadeza z̃ikp̃εe p̃nɔ̀ gb̃ensi ṹ. <sup>17</sup> Kè Dauda mà le, ben à Isarailinɔ̀ k̃ak̃ōa ñ píngi, à bikùnyo Yodaa à g̃̃a Elamu. Ben Sirianɔ̀ z̃i'ɔ̀ p̃orozi, ben ão s̃ik̃n. <sup>18</sup> Kè ãoε bàa l̃ε Isarailinɔ̀ne, ben Dauda ñ d̃ede s̃ogorodeeno g̃̃on w̃aa aag̃o kpé bas̃oro k̃n gb̃e kè ão té k̃esenɔ̀ g̃̃on b̃oro baplaa. Gwen wà ñ z̃ikp̃εenɔ̀ gb̃ensi Sobaki d̃en. <sup>19</sup> Kè kí kè ão de Adadeza zòblerinɔ̀ ṹ è Isarailinɔ̀

zì blèńma ɛ, ben aɔ ɛdole kè kɔn Isarailinɔ aɔ gò n zòblerinɔ ũ. Vĩa Sirianɔ kù, aɔɔe gá wà ɔ da Amɔninɔa dɔro.

## 11

### *Dauda yena Basebazi*

<sup>1</sup> Kè í kè tɔɔɛa, gurɔɔ kè kɔnanɔ è gá zì ká, ben Dauda Yoabu zì kɔn a ìbanɔ kɔn Isarailinɔ n píngi. Aɔ Amɔninɔ ásarɔ kè, ben aɔ ligaa Rabazi. Dauda sɔɔ kú Yerusalemu. <sup>2</sup> Kè uusie kè, ben Dauda fɛe a gádoɔ, èe ligaa a kpé musu. Zaa kpé musu gwe ben à nɔgbɛ ke è, èe zú oo. Nɔgbɛ pì né nɔ maaame maamaa, <sup>3</sup> ben à gbɛ zì wà nɔgbɛ pì yá gbeka. Ben wà bène: Eliamu né Baseban gwe, Iti bori Uria naɔme. <sup>4</sup> Ben Dauda gbɛnɔ zì wà à sísi. Kè à m̀, ben Dauda dàeɔ, ben nɔgbɛ pì tà be. Àe sɔ à zúbae gbāsī b̀ dufume. <sup>5</sup> Kè à ǹ s̀, ben à lékpāsā kè Daudane à bè a ǹ s̀.

<sup>6</sup> Ben Dauda gbɛ zì Yoabua à bè: N Iti bori Uria gbareme. Ben Yoabu à gbàrene. <sup>7</sup> Kè Uria pì m̀, ben Dauda Yoabu aafia gbèka kɔn zìkpɛenɔ kɔn zì kè aɔɔe kaao. <sup>8</sup> Ben Dauda bène: N tá be n zú o. Kè Uria b̀ kibe, ben kina gbɛ zì kɔn pòblee. <sup>9</sup> M̀de Uria e tá a bero, kibe gānu guun à ìn kɔn kibe zikerinɔ. <sup>10</sup> Kè wà ò Daudane wà bè, Uria e tá a bero, ben à Uria là à bè: À de n b̀ tázi n sume gwɛe? À kè dia née tá beero? <sup>11</sup> Uria wèala à bè: Àkpati kɔn Isarailinɔ kɔn Yudanɔɔ kú bisakutaanɔ guu. Ma dii Yoabu kɔn a gbɛnɔɔ kú zìlan. Mé f̀ mà tá be mà p̀ ble mà í mi, mà dae kɔn ma naɔoro. Kɔn n kuunao mé yá pì taka kero. <sup>12</sup> Ben Dauda bène: N gò kè gbàa d̀, zian mé n gbare. Ben Uria gò Yerusalemu zì beea kɔn a gudɔ làao d̀. <sup>13</sup> Dauda à sísi à p̀ blè à í m̀, ben Dauda í kàkanɛ. M̀de kè à b̀ uusie, à gaa à ì kɔn a dii kina zikerinɔome, èe tá a bero. <sup>14</sup> Kè guu d̀ Dauda takada kè Yoabune, ben à Uria gbàeɔ. <sup>15</sup> Takada pì guu à bè: À Uria d̀nne ae guu kè zì pāsīn, é b̀ à kpɛe ɛ wà è wà à de.

<sup>16</sup> Gurɔɔ kè Yoabu e ligaa wéte pizi, ben à Uria dà guu kè à d̀ g̀sa gbāaanɔ kún. <sup>17</sup> Kè wéte deenɔ b̀e wèe zì kaa kɔn Yoabuo, aɔ Dauda zìkari kenɔ dède. Iti bori Uria kú n té.

<sup>18</sup> Ben Yoabu gbɛ zì Daudaa ɛ à zì yá gbāne píngi. <sup>19</sup> À bè zìri pìne: Tó n zì yá gbà kine píngi n yáa, <sup>20</sup> tó à ǹse fɛe à n la à bè: B̀ bé à tò a s̀ wétezi kíkíi kɔn zìo? À d̀ kè b̀imɔsudeenɔ è kà gbareńzi tɔɔteroo? <sup>21</sup> Dé bé à Gidion né Abimeleki dè? Nɔgbɛ bé à ɔ s̀ wísilgbɛzi zaa b̀i musu, ben à à dè Tebeziroo? À kè dia a s̀ b̀izi kíkíi ɛe? Tó à ònne ɛ, ǹ bene a zòbleri Uria, Iti borii gá d̀. <sup>22</sup> Ben zìri pì dà zén. Kè à kà Dauda kiia, à yá kè Yoabu dāne òne píngi. <sup>23</sup> À bè: Gbɛnɔ b̀e wéte guu wèe gbāa m̀owe b̀i kpɛeme, ben wa pɛńma ai n wéte b̀ilea. <sup>24</sup> Aɔ kàzurinɔɔ kú zaa b̀i musume, ben aɔ kà f̀ n gbɛnɔ té tɔɔte aɔ n gbɛkenɔ dède. N zòbleri Uria, Iti borii gá se. <sup>25</sup> Ben Dauda bè zìri pìne: N o Yoabune àton tó yá pì à ǹse yakaro. Wègɔ d̀ gbɛ kè zì é n b̀ero. À zì ká wéte pìo kɔn gbāaao à kaate. N à gba swè ɛ. <sup>26</sup> Kè Uria naɔ mà a zā gá, à s̀ d̀. <sup>27</sup> Kè wà gè kè wà yáa, Dauda gbɛnɔ zì aɔ s̀uo a be, ben à gò à nɔɔ ũ. À né ìo g̀gbɛ ũ, ben yá kè Dauda kè pì kè Diine zaa.

## 12

### *Annabi Natā kpākēna Daudazi*

<sup>1</sup> Dii Natā zì Daudaa. Kè à kà, à bène: G̀gbɛ g̀ɔn plaa kenɔ bé wà kú wéte ke guu, gbɛ doo né auzikideeme, gbɛ doo s̀ takaasideeme. <sup>2</sup> Auzikidee pì sāanɔ kɔn zùnɔ vī paripari, <sup>3</sup> takaasidee pì s̀ p̀ke vīro, sā núnɔ néngo mèn doken à lù. Ben à dàto ai à bíta kù à be kɔn à néno. Aɔègɔ p̀ d̀nkɔ blee aɔègɔ í mii ta d̀nkɔn, è dàe à p̀te, ben èe à gwaa lán a zīnda nénokpāre bà. <sup>4</sup> Kè nibɔ pita auzikidee pì, ben èe we à sāa ke zù kù a kpāsa guu à nibɔ pì yàari kero. Takaasidee sā núnɔ néngo pìn à sia à a nibɔ pì yàari kèo. <sup>5</sup> Ben Dauda

pɔ fɛ̃ auzikidee pì yā musu maamaa, à bè Natāne: Kōn Dii kuunao, à kō sio wà gbē kè yā pì kè demε. <sup>6</sup> Kè à kè le, èe à wēnda gwaro, ɛ̃ndɛ̃ à s̃aa pì f̃ia bo leo siigō. <sup>7</sup> Ben Natā bè Daudane: M̃be adee pì ũ. Dii Isarailinɔ Luda bé à yā kè ò à bè: Ma n ka Isarailinɔ kí ũ, ma n bɔ Solu ɔzĩ, <sup>8</sup> ben ma n dii pì bεε kpàmma, ma à nɔɔnɔ ñanne n ɔzĩ. Ma Isarailinɔ kōn Yudanɔ kpàmma n gbēnɔ ũ. Tó beeenɔ kèmma néngo yā, le mà à pāndenɔ kaaranne dɔ. <sup>9</sup> Bóyānzi n kya kà ma yānzi? N yā kè má yeziroo kè, n Iti bori Uria dè kōn f̃eɛdaao, n à nɔɔ sia ñ sè. Ñ tò Amōninɔ à dè zĩ guu. <sup>10</sup> Zaa gb̃aa yā pāsĩ é kē n bεεa ziki d̃oro, zaake n kya kàmagu, n Iti bori Uria nɔɔ sia ñ sè. <sup>11</sup> Ben Dii ɛara à yā kè ò dɔ à bè: Ñ ma! Mé tó n zĩnda bedeenɔ m̃nzi kenne. Mé n nɔɔnɔ s̃imma mà ñ kpá n gbēdaa kea n wáa, eé daɛnyo gupuraa. <sup>12</sup> N yā pì kè asii guume. Mapi s̃o mé yā pì kenne gupuraa Isarailinɔ wáa ñ píngi.

<sup>13</sup> Ben Dauda bè Natāne: Ma durun kè Diine. Ben Natā bène: Dii n durun kèmma, né garo. <sup>14</sup> M̃ode lán n d̃oke Diio maamaa nà kōn yā pì kenao, bee yānzi négōgbē kè nɔgbē pì inyo é game. <sup>15</sup> Kè Natā tà be, ben Dii tó né kè Uria naɔɔ ì kōn Daudao pì gyā kù. <sup>16</sup> Ben Dauda e kúe kee Ludane né pì yā musu kōn léyinao, gwāāvĩ è dae t̃otεme. <sup>17</sup> À be gbēnsinɔ ègō zèàla le ãs̃ à f̃eε t̃otε, m̃ode è weziro, è p̃ó blẽnyoro. <sup>18</sup> À gurɔ swεεplaadee z̃in né pì gà. Ṽia Dauda ìbanɔ kù, ãɔɔe f̃ɔ wà òne kè né pì gàro. Ãs̃ bè: Gurɔ kè né pì kuu, wa yā òne, èe wa yā maro. Dian wé one nà sa kè né pì gà? Eé yā zaa ke. <sup>19</sup> Dauda è a ìbanɔ e yā kpāi ookōne, ben a d̃ò kè né pì g̃ame. À ñ lá à bè: Né pì g̃an yó? Ben ãs̃ wèàla wà bè: Ee! À g̃ame. <sup>20</sup> Dauda f̃eε t̃otε à zú ò, à ñosi kèawa à a p̃ókāsāano liε, ben à g̃aa à kùe Diine a kpén. Kè à ɛara à tà be, à p̃óblee gbèka, ben wà kp̃aa à blè. <sup>21</sup> À ìbanɔ à là wà bè: À kè dia néε yā kee leε? Gurɔ kè né pì kuu, n lé yì ñ s̃o d̃ò. Kè à g̃a sa, n f̃eε ñ p̃ó blè. <sup>22</sup> À wè̃nla à bè: Gurɔ kè né pì kuu, ma lé yì ma s̃o d̃ò, zaake ma bè, ke Dii é ma wēnda gwa à tó né pì g̃o kuu gwεε, dé bé à d̃ɔɔ? <sup>23</sup> Lán à g̃a nà sa, b̃óyānz̃in mégō léỹinazi d̃ɔɔ? Mé f̃ɔ mà à vun yó? Mé gá à k̃iamε, m̃ode eé ɛara à su ma k̃ĩaro.

<sup>24</sup> Dauda a nãs̃ Baseba làakari kp̃aene, ben à g̃aa à dàεo. À né ì g̃ōgbē ũ, ben à tó kp̃ane Sulemanu. Dii yezi, <sup>25</sup> ben à annabi Natā z̃ia à tó kp̃a né p̃ine Yedidia Dii yenzi pì yānzi.

### *Raba sina Amōninɔ*

<sup>26</sup> Ai tia Yoabu kpé e z̃i kaa kōn Amōninɔ zaa Raba, ben à k̃ibεε s̃i. <sup>27</sup> Ben à gbēnɔ z̃i Daudaa à bè: Ma z̃i kà kōn Rabadeenɔ, ben ma ñ ìt̃okii s̃imma. <sup>28</sup> Ñ z̃ikpe kp̃aaano kakōa sa, ñ m̃ó ñ liga wéte p̃izi ñ sí. Tó lenlo, mé sí, weé ma tó kp̃ane. <sup>29</sup> Ben Dauda z̃ikp̃eenɔ kàkōa ñ píngi, à g̃aa à lèε Rabaa à s̃i. <sup>30</sup> Wà ñ k̃ina vura f̃ura gò wà kù Daudane. À t̃iisi kà kiloo baaakuri, bens̃o gbè bèedeε kúa. À wéte pì p̃ónɔ ñakōa maamaa, <sup>31</sup> ben à gbē kè ãs̃o kú gweenɔ kùkù à b̃òé̃nyo, à ñ dá sagasigi z̃iin kōn diga z̃iio kōn kp̃asa z̃iio, bens̃o à tó ãs̃o kúnku b̃ò. Len à kè Amōni wétenone le píngi, ben à ɛara à tà Yerusalemu kōn a z̃ikp̃eenɔ ñ píngi.

## 13

### *Aminɔ yena a dāre Tamazi*

<sup>1</sup> Beee gb̃era Dauda né Abusalomu dāre maa ṽi, à tón Tama, ben Dauda né Aminɔ yezi. <sup>2</sup> Yā pì e ìa daa Aminɔ p̃ia ai à kà gyāk̃ena a dāre Tama pì yānzi, zaake à g̃ōgbē d̃oro, eé f̃ɔ à yāke k̃enεro. <sup>3</sup> Aminɔ gbēnna ke ṽi, à tón Yonadabu, Dauda ṽii Simeεa néme. Yonadabu ɔ̃nd̃s̃ gb̃aa, <sup>4</sup> ben à Aminɔ là à bè: À kè dia n k̃ine'ina n m̃è ègō busana lán guu e d̃ɔɔ nà leε? Né omεroo? Ben Aminɔ wèàla à bè: Má ye ma dāaro Abusalomu dāre Tamazimε. <sup>5</sup> Ben Yonadabu bène: Ñ gá ñ dae n gádoε lán gyāreen n ũu bà. Tó n de mò n gwa, ñ one ñ yezi n dāre Tama m̃ó à p̃óblee kp̃amma. À m̃ó à k̃εke n wáa le n wéε g̃o ee, gbasa à nanne n ɔzĩ. <sup>6</sup> Ben Aminɔ dàε lán gyāree bà. Kè kí mò à gwa, ben à bène: Ñ tó ma dāre Tama m̃ó à k̃ara

ke me ma wáa, à kpáma kōn a ɔɔo. <sup>7</sup> Ben Dauda gbē zī Tamaa a be à bè: Ñ gá n vīi Aminɔ kpén n póblee ke ne. <sup>8</sup> Kè Tama gè à kpén, à à lè daena, ben à wísiti yà à kàra kàsao à wáa. <sup>9</sup> Ben à taa sè à kàra pì kànnε. Aminɔ gí sózi à bè: Ñ pé gbēnɔa aɔ bɔε n pínɡi. Kè gbē kè aɔ kúonɔ bɔε n pínɡi, <sup>10</sup> ben à bè Tamane: Ñ mó kōn póblee pìo kpéne guu kè n kpáma. Ben Tama kàra kè à kè sè à gèò a vīi Aminɔ pì kiia kpéne guu. <sup>11</sup> Kè à sòzi, èe mɔɔ kpáa à só, ben à a dàre pì kù à bè: Ñ tó mà daenyɔ.

<sup>12</sup> Ben à bè a vīi pìne: Auo! Ñton gbāa mómεro. Zaake wa Isarailinɔ weè yā beee taka kεro. Ñton yā dɔrɔsai beee taka kemεro. <sup>13</sup> Mé gē máme kōn wíyā beeeo? Mmɔn sɔ, Isarailinɔ é n die gbē pāa ũ. Ñ sùu ke! Ñ yā o kine, eé gí ma kpámmaziro. <sup>14</sup> Èe we à à yā màro. À gbāa m̀ne, ben à kùsia à dàεo. <sup>15</sup> Ben Aminɔ zàn pāsīpāsī. Zangu kè à sè kōn Tama pìo de yenzi kè à vīo yāala. Ben à bène: Ñ fεε n bɔ. <sup>16</sup> Ben nɔgbē pì bè a vīi pìne: Auo! N penama taari bíta de pò kè n kè mεela. Baa kōn beeeo èe we à à yā màro. <sup>17</sup> Ben Aminɔ a zīkeri gōkpare sisi à bè: Ñ pé nɔgbē kèa à bɔme ma kpén, n gbà tata n à m̀ne ká. <sup>18</sup> Ben à zīkeri pì à sè à b̀o bàazi, à gbà tata à à m̀ne kà. Nɔgbē pì uta gbāa dana, zaake uta beee takan kí nénɔkpare leziinɔ ègɔ dana. <sup>19</sup> Ben Tama túbu gbè a mìa, à a uta gbāa kè à dana pì gá à kè à ɔ dì a musu, èe ɔɔ dɔɔ èe taa.

<sup>20</sup> À dāgɔ dadɔnkɔde Abusalomu bène: N dāgɔ Aminɔ dàenyon yó? Ñton o gbēke maro, zaake n dāgɔme. Ñtongɔ yā pì kùna n swè guuro. Ben Tama vèε a dāgɔ Abusalomu be ǹseɔ yakana. <sup>21</sup> Kè kí Dauda yā pì mà, à pɔ fè maamaa. <sup>22</sup> Abusalomu e yāke o Aminɔnεro, yā zaaa ke à maaa. À zàn, kè à kùsi a dàre Tamaa yānzi.

### *Aminɔ dena*

<sup>23</sup> Wè plaa gbera Abusalomu kú Baali Azo, Eflaimu b̀usu lén kōn a sākākēerinɔ, ben à kína nénɔ sisi pɔnna póbleea n pínɡi. <sup>24</sup> Ben à gáa à kí lè à bè: Kí, wèe mamɔma n z̀bleri sāanɔ kā kēεε. Mpi kōn n ibanɔ é témaziroo? <sup>25</sup> Ben kí wè a né pìla à bè: Auo! Wé fɔ wà gá wa pínɡiro. Wé kenne asoo ũ. À nākɔrea, m̀de èe gáro, ben à sa maaa òne. <sup>26</sup> Ben Abusalomu bè: Tó né gáro, n tó ma vīi Aminɔ gáwao. Kí à là à bè: Bóyānzi n yezi à gányozi? <sup>27</sup> Abusalomu nākɔrea, ben kí tò Aminɔ gāao kōn a né kpaanɔ n pínɡi.

<sup>28</sup> Abusalomu yā diε a gbēnɔne à bè: À swā kpá! Tó í Aminɔ kù, tó má òare à à zɔ, à à de. Àton tó vīa a kùro. Mámbε ma a dan! À ze gbāa à gōgbēkεε ke. <sup>29</sup> Abusalomu gbēnɔ kè lán à dieñne nà aɔ à dè, ben kína né kpaanɔ fεε wà di n bāagāsɔnɔ kpeε aɔ bàa lè. <sup>30</sup> Gurɔ kè aɔ tē zén, Dauda à baaru mà wà bè: Abusalomu kí nénɔ dède n pínɡi, aɔ gbēkee e gɔro. <sup>31</sup> Dauda fεε à a pókāsāanɔ gá à kè, ben à dàε tɔɔte. À iba kè aɔ zεzεzinɔ n pókāsāanɔ gá wà kèkè se. <sup>32</sup> Ben Dauda vīi Simεa né Yonadabu bè: Baa, ñtongɔ daa wà n né gōkparenɔ dède pínɡiro, Aminɔ ado bé à gá. Wà yā pì dè Abusalomu wéεa zaa gurɔ kè Aminɔ kùsi a dàre Tamaame. <sup>33</sup> Ma dii kí, ñtongɔ yā pì kùna n ǹse guuro. N négōgbēnɔ e gaga pínɡiro, séde Aminɔ ado. <sup>34</sup> Abusalomu sɔ bàa lè.

Kè gōkpare gudākpari wéε zù, à è wà té Oronaimu zén s̀s̀igeεzi paripari. À gáa à bè kine: Ma gbēnɔ è té s̀s̀igeεzi Oronaimu kpa. <sup>35</sup> Ben Yonadabu bè kine: Ñ ès? N nénɔ bé aɔε suu gwe lán má ònne nà. <sup>36</sup> Kè à yā pì ò à yāa, ben kína né pìnɔ kà gɔɔ, aɔε sósobi ɔɔ dɔɔ. Kí kōn a ibanɔ ɔɔ dè n pínɡi maamaa dɔ.

<sup>37</sup> Abusalomu bàa lè à tà Amiudu né Talamai, Gesuu kína kiia. Kí Dauda sɔ ègɔ a né ga ɔɔ dɔɔ gurɔ pínɡi. <sup>38</sup> Kè Abusalomu bàa lè à tà Gesuu, à kú gwe ai wè aagɔ. <sup>39</sup> Kè kí Dauda ǹse kpàε Aminɔ ga yā musu, ben èε Abusalomu bege kεε sa.

## 14

*Abusalomu suna Yerusalemu*

<sup>1</sup> Zeruya né Yoabu dɔ̀ kɛ́ kɛ́ pɔ̀ kɛ́ kú Abusalomua, <sup>2</sup> ben à gbɛ̀nɔ̀ zɪ̀ Tekoa, aɔ̀ nɔ̀gbɛ̀ ɔ̀ndɔ̀de ke sè wà sùo. Ben à bè̀nɛ̀: Ñ kɛ́ lándɔ̀ nɛ́e sósobi kɛɛ̀ bà. Ñ gyaanɔ̀ pókàsáanɔ̀ da. Ñton nósi kemmaro. Ñ kɛ́ lán nɔ̀gbɛ̀ kɛ́ à gbɛ̀ gà, èe à ɔ̀ ɔ̀ ɔ̀ à gɪ̀ kɛ́ bà. <sup>3</sup> Ñ gá kɪ̀ kiia lɛ, ñ yá kɛ́ onɛ. Ben Yoabu yá kàka nɔ̀gbɛ̀ pìnɛ. <sup>4</sup> Kɛ́ Tekoa nɔ̀gbɛ̀ pì gàa à kɪ̀ lè, à kùenɛ̀ à mì pèenɛ̀ à bè̀: Kí, ñ ma mì sí! <sup>5</sup> Ben kɪ̀ pì à là à bè̀: Bón ñ yezi? À wè̀la à bè̀: Gyaanɔ̀n ma ũ, ma zā gā. <sup>6</sup> Mamɔ̀ma n zòbleri, má nɛ̀gɔ̀gbɛ̀nɔ̀ vɪ̀ gɔ̀n plaa. Kɛ́ aɔ̀e swèe kɛɛ̀ ñ kɔ̀ tɛɛ̀ bura, gbɛ̀kee kuu à ñ yokɔ̀aro. Ben gbɛ̀ doo a gbɛ̀ndoo lè à dè. <sup>7</sup> Ben ma bɛ̀deenɔ̀ fɛɛ̀ ñ píngi, aɔ̀ bè mamɔ̀ma n zòblerinɛ̀ mà ma né kɛ́ à a gbɛ̀ndoo dè pì kpámma wà de, kɛ́ à a gbɛ̀ndoo dè yānzi. Aɔ̀ yezi wà yàka témio kɛ́ gòme túbibleri ũu pì té demɛ, lɛ ma zā tóngɔ̀ tó ke borii vɪ̀ anduna guu dɔ̀ro yānzi. <sup>8</sup> Ben kɪ̀ bè nɔ̀gbɛ̀ pìnɛ: Ñ tá be, mé yá die n yá pì musu. <sup>9</sup> Ben Tekoa nɔ̀gbɛ̀ pì bè̀: Ma dii kɪ̀, taari pì wí ma musu kɔ̀n ma de bɛ̀deenɔ̀, mpi ñgɔ̀ kuu taari sai kɔ̀n n kíkɛɛo. <sup>10</sup> Ben kɪ̀ bè̀: Tó gbɛ̀ke lé pà yá pì, ñ mɔ̀o ma kiia kɛ́, eé n lé wɛtɛo dɔ̀ro. <sup>11</sup> Ben nɔ̀gbɛ̀ pì bè̀: Kí, ñ lé gbɛ̀ kɔ̀n Dii n Luda tɔ̀o, lɛ gɛ̀ebori tón ma né doo kɛ́ gò laata kpáro yānzi. Ben kɪ̀ pì bè̀: Kɔ̀n Diio n né pì mìkã ke é léɛ tɔ̀tɛro. <sup>12</sup> Ben nɔ̀gbɛ̀ pì bè̀: Ma dii kɪ̀, mamɔ̀ma n zòbleri ñ ma gba zé mà ɛara mà yá onnɛ. À wè̀la à bè̀: Ñ o! <sup>13</sup> Ben à bè̀nɛ̀: À kɛ́ dia nɛ́e Luda gbɛ̀nɔ̀ kpákpa kɔ̀n à zaaao? Yá kɛ́ ñ òmɛɛ̀ bé à n da yān, zaake nɛ́e gbɛ̀ kɛ́ n pɛa gbɛsɛ n suoro. <sup>14</sup> Wa píngi wé ga, wégɔ̀ de lán í kɛ́ kwèe tɔ̀tɛ gbɛ̀kee e e à sèe dɔ̀roo bà. Luda è gbɛ̀ kɛ́ wà pèa wè̀ndi bɔ̀ro, è zé wɛtɛ adee ɛara à suawamɛ. <sup>15</sup> Ma mɔ̀ yá pì o ma dii kɪ̀nɛmɛ, zaake gbɛ̀nɔ̀ tò vɪ̀a ma kũ. Ben mamɔ̀ma n zòbleri ma bè̀ mé yá pì gbānnɛ. Wégɔ̀ dɔ̀ro ke né ma wéekɛna sí <sup>16</sup> ñ ma bɔ̀ gbɛ̀ kɛ́ yezi à mapi kɔ̀n ma néo tɔ̀tɛ kɛ́ Ludaa tòwe sí wa ɔ̀zɪ. <sup>17</sup> Ma dii kɪ̀, mamɔ̀ma n zòbleri ma bè̀ n yá é tó ma làakari kpáɛ, zaake ñ de lán Luda malaika bàme, nɛ̀ swā kpá yá maa kɔ̀n a zaaaozi píngimɛ. Dii n Luda gɔ̀ kúnyo.

<sup>18</sup> Ben kɪ̀ bè̀nɛ̀: Ñton gɪ̀ yá kɛ́ mɛ́e n laa oziro. Ben nɔ̀gbɛ̀ pì bè̀: Ñ o ma dii kɪ̀! <sup>19</sup> Ben kɪ̀ à là à bè̀: Yoabu lé kú yá pì guuɔ̀? Nɔ̀gbɛ̀ pì wè̀la à bè̀: Ma dii kɪ̀, kɔ̀n n kuunao yá kɛ́ ñ ò pì gagana vɪ̀ro. Ee, n zòbleri Yoabu bé à yá pì kàkamɛ píngi. <sup>20</sup> N zòbleri Yoabu kɛ́ lɛ, lɛ à e à yá kɛ́ logona tiaa kɛ́ kɛkɛ yānzimɛ. Ma dii, ñ ɔ̀ndɔ̀ lán Luda malaika bàme, ñ yá kɛ́ kɛ́ anduna guu dɔ̀ píngi. <sup>21</sup> Ben kɪ̀ gàa à bè̀ Yoabunɛ̀: Tò, mé yá pì kɛ́ sa. Ñ gá ñ gòkparɛ Abusalomu gbɛsɛ ñ suo. <sup>22</sup> Ben Yoabu kùe kɪ̀nɛ̀ à mì pèenɛ̀, à à sáabu kpà à bè̀: Ma dii kɪ̀, mamɔ̀ma n zòbleri, má dò gbāa sa kɛ́ ma yá kànnɛ, zaake n ma yá mà. <sup>23</sup> Ben Yoabu fɛɛ̀ à gàa à Abusalomu gbɛsɛ zaa Gesuru à sùo Yerusalemu. <sup>24</sup> Ben kɪ̀ bè̀: Ñ onɛ̀ à gá wèe a zīnda be, wa wéé é ke siigɔ̀ro. Ben Abusalomu gàa à wèe a be, aɔ̀e wéé sikɔ̀lɛ kɔ̀n kíoro.

<sup>25</sup> Gɔ̀ maa kee kú Isarailinɔ̀ té lán Abusalomu bàro. Wégɔ̀ à maake yá oo maamaa. Sena zaa à kèseɛa ai à gàa pé à mìdangura see kee kúaro. <sup>26</sup> Ègɔ̀ a mì boo wè kɔ̀n wèomɛ. È kea tiisi. Tó à bò, è yɔ̀ kilooa, à tiisi ègɔ̀ de kiloo plaala. <sup>27</sup> À nɛ̀gɔ̀gbɛ̀nɔ̀ ñ gɔ̀n aagɔ̀ kɔ̀n nɛ̀nɔ̀gbɛ̀o mèn do. Nɛ̀nɔ̀gbɛ̀ pì tón Tama. Nɔ̀ maaamɛ. <sup>28</sup> Abusalomu kú Yerusalemu ai wè plaa wéesina kɪ̀lɛ sai.

<sup>29</sup> Ben à Yoabu sìsi à gáare kɪ̀ kiia, mɔ̀de Yoabu e we à mò à kiiaro. Ben à ɛara à à sìsi dɔ̀, èe we à mòro. <sup>30</sup> Ben à bè̀ a zīkerinɔ̀nɛ̀: À Yoabu buraa kɛ́ kú ma pɔ̀ saɛ gwa, à nagāa mà. À gá à té sɔ̀a. Ben Abusalomu zīkerinɔ̀ gàa wà té sò Yoabu buraa pì. <sup>31</sup> Ben Yoabu fɛɛ̀ à gàa Abusalomu be, à à là à bè̀: Bóyānzi n zīkerinɔ̀ té sò ma buraaazi? <sup>32</sup> Ben Abusalomu wè̀la à bè̀: Ñ gwa, ma gbɛ̀ zìmma ma bè̀ ñ mó mà n zī kía, lɛ ñ à la bó bé à tò à ma gbɛsɛ zaa Gesuru à sùmaozi? Ma kuuna gwee sàomɛ de gura kèla! Má yezi mà kɔ̀ e kɔ̀n kío tia. Tó má taari ke vɪ̀, èndè à ma de. <sup>33</sup> Ben Yoabu gàa à yá pì ò kɪ̀nɛ. Ben kɪ̀ Abusalomu sìsi. Kɛ́ à mò, à kùenɛ̀ à dàe a puua. Ben kɪ̀ lé pèa.



## 15

*Abusalomu bɔna Dauda kpɛɛ*

<sup>1</sup> Beee gbera Abusalomu sɔgoro ɛ a zĩndane kɔn sɔnɔ kɔn gɔgbɛnɔ gɔɔn baplaa akuri kɛ aɔɛgɔ baa lɛɛ à aɛnɔ. <sup>2</sup> È fɛɛ kɔngɔ idɛ'idɛ àgɔ zɛna bĩile saɛ. Tó gbɛ yã vĩ kɔn a gbɛdaaaɔ ɛe gaao kí kiia à kɛkɛnɛ, Abusalomu ɛ adee sísi à benɛ: Wéte kpareen n bɔn? Tó à wèàla à bè: Mamɔma n zɔbleri ma bɔ Isaraili borii kɛ guumɛ, <sup>3</sup> ben Abusalomu ɛ benɛ: N yã nname, bensɔ à zé vĩ, mɔde kí gbɛkee kuu à swã kpá n yãziro. <sup>4</sup> Abusalomu ɛ ɛara à be: Tó wà ma kɛ yãkpaɛkɛri ũ wa bɔsun, gbɛ kɛ yã vĩ ke gbɛ kɛ ɛe gbɛ gbekaa yãkpaɛkɛkiia n pĩngi eégae mɔ ma kiia, mégae à yã kɛkɛnɛ a zéa. <sup>5</sup> Tó gbɛ mɔ à kùɛ à aɛ, ɛ ɔ bɔ à adee kũ à lé péame. <sup>6</sup> Len ɛgɔ kɛɛ lɛ Isaraili kɛ aɔɔe mɔ yãkpaɛ kɛ kí kiianɔnɛ n pĩngi, ben aɔ swè tà à kpa.

<sup>7</sup> Wè siigɔ gbera à bè kine: N ma gba zé mà gá lù kɛ má sè Diine saa o zaa Eblɔnu. <sup>8</sup> Mamɔma n zɔbleri ma lù pì sɛnɛ gurɔɔ kɛ má kú Gesuru, Siria bɔsun ma bè: Tó Dii tò ma su Yerusalemu, mé saa oa Eblɔnumɛ. <sup>9</sup> Kí bènɛ: N gá n su aafia! Ben à fɛɛ à gà Eblɔnu. <sup>10</sup> À gbɛnɔ zĩ Isaraili boriinɔ kiia pĩngi à bè: Tó a kuru'ɔ mà dɔ, à be Abusalomu bé à kí blè Eblɔnu. <sup>11</sup> Gurɔɔ kɛ ɛe fɛɛ Yerusalemu à gbɛnɔ sìsi gɔɔn wàa do aɔ gá zɛare, ben aɔ gà kɔn nɔsɛo do, aɔ yã pì asii dɔro. <sup>12</sup> Gurɔɔ kɛ ɛe saa oo, à Gilo gbɛ Aitofeli, Dauda lédammari sìsi zaa à be wéten, ben lékpakɔsɔna Daudazi e kaara. Gbɛ kɛ aɔ kú kɔn Abusalomuonɔ pari kù wèe kaara.

*Dauda bàalena*

<sup>13</sup> Baarukpari mɔ à bè Daudanɛ: Isarailinɔ swè tà Abusalomu kpa. <sup>14</sup> Ben Dauda bè a ìba kɛ aɔ kúao Yerusalemunɔnɛ: À fɛɛ wà bàa lé. Tó wée ke lero, wé piti Abusalomunlo. Wà ke kpakpaa. Tó wée ke kpakpaaro, eé wa le kɛ, eé wa ásarɔ ke, eé wétedeenɔ dɛdɛ kɔn fɛɛdaaomɛ. <sup>15</sup> Kí ìbano bènɛ: Wa dii kí, yã kɛ n zɛo pĩngi, wamɔwa n zɔblerinɔ wá yãaname. <sup>16</sup> Ben kí dà zén. À bɛdeenɔ bɔ wà tɛzi n pĩngi, mɔde à a nɔ yìgisai mèn kurinɔ tò gwe aɔgɔ bɛɛ gwaa. <sup>17</sup> Kí dà zén lɛ kɔn a gbɛnɔ. Kɛ aɔ kà wéte kpɛɛ, à liɛ à zè. <sup>18</sup> Ben à ìbano pĩngi kɔn a dogarinɔ kɔn Gatadeenɔ gɔɔn wàa aagɔ kɛ aɔ tɛzi zaa Gatano gète n pĩngi.

<sup>19</sup> Ben kí bè Gata gbɛ Itaine: Bóyãnzɛ nɛe gaawaozi? N ɛara n tá ngɔ kú kɔn kí dufuo, zaake gbɛ zĩtɔn n ũ, n bɔ n bɔsumɛ. <sup>20</sup> N suna e gurɔplaa kero, ben n yezi ngɔ likɔaa zɔwaoɔ? Má dɔ guu kɛ méɛ gaanlo. N n gbɛnɔ kakɔa n tányo. Dii gbɛke kɔn náanɛ yão kennɛ. <sup>21</sup> Ben Itai wèàla à bè: Ma dii kí, kɔn Dii kuunao kɔn n kuunao, guu kɛ n kún pĩngi, mamɔma n zɔbleri mégɔ kú gwemɛ, gaan yoo kesɔ wèndi yoo. <sup>22</sup> Ben Dauda bènɛ: N dɔmɛ aɛ wà gá! Ben Gata gbɛ Itai ɛara à dà zén kɔn a gbɛnɔ kɔn a danɛ kɛ aɔ kúonɔ n pĩngi. <sup>23</sup> Kɛ aɔɔe gɛɛ zéla n pĩngi, ben bɔsudeenɔ wiili sìn. Kɛ kí bikù Kidironua, ben aɔ pĩngi aɔ gbáa zé sè.

<sup>24</sup> Zadɔki kú gwe dɔ kɔn Levinɔ n pĩngi. Aɔ Luda bà kuunańyo àkpati sena. Aɔ àkpati pì diɛ Abiata saɛ ai gbɛnɔ bɔɛ wéten wà yãa n pĩngi. <sup>25</sup> Ben kí bè Zadɔkinɛ: N Luda àkpati sé n gɛo wéte guu. Tó ma Dii ma pɔnnaa ɛ, eé tó mà su mà wéɛ siàlɛ kɔn à kúkiio. <sup>26</sup> Tó à bè ma yã e káaguro sɔ, ma yãa. À kemɛ lán à kɛnɛ maa nà. <sup>27</sup> Ben kí ɛara à bè sa'ori Zadɔkinɛ: Wéegupu'erin n ũroo? N ɛara n tá wéte guu aafia kɔn n né Aimazao kɔn Abiata né Yonatão. À tá kɔn a né gɔɔn plaaa pìnɔ. <sup>28</sup> Mégɔ zɛna swabikúkiiia sète ai mà baaru ma a kiia. <sup>29</sup> Ben Zadɔki kɔn Abiatao Luda àkpati sè wà tào Yerusalemu, ben aɔ gɔ gwe. <sup>30</sup> Dauda e Kùkpe sìsĩ kũu ɛe ɔɔ dɔɔ. À pɔ kù a mìa, à kyatee kpanaro. Gbɛ kɛ aɔ kúonɔ pɔ kù n mìa n pĩngi, aɔɔe ɔɔ dɔɔ wèe gaao. <sup>31</sup> Kɛ wà bè Daudanɛ Aitofeli kú gbɛ kɛ zè kɔn Abusalomuonɔ té, ben Dauda adua kɛ à bè: Dii, n tó à lédamma gɔ dɛ faasaiyã ũ.

<sup>32</sup> Kɛ Dauda kà sìsĩ mìsɔntɛa, guu kɛ dɔnzikɛkii kún, Aki gbɛ Usai mɔ à dààlɛ, à uta kɛna bensɔ bɔsu kú à mìa. <sup>33</sup> Dauda bènɛ: Tó n gaamao, nɛgɔ demɛ asoo ũmɛ. <sup>34</sup> Tó n ɛara n

ta wéten, ben ní bè Abusalomunε à zòblerin n ũ s̄, né Aitofeli lédamma gboromεε. N̄ bene à de zòblerin n ũ yā, m̄de tia n ḡs̄ à zòbleri ũme sa. <sup>35</sup> Sa'orinɔ Zadɔki k̄n Abiatao ḡs̄ kúnyo gwe. N̄ yā kè ní mà kíbεε t̄sk̄éñne píngi. <sup>36</sup> Ās̄ né ḡs̄n plaaanɔ kúnyo gwe, Zadɔki né Aimaza k̄n Abiata né Yonatāo. Tó n yāke mà, n̄ né p̄inɔ z̄i ās̄ m̄ wà omε. <sup>37</sup> Ben Dauda gbēnna Usai p̄i tà, à kà Yerusalemu gurɔ kè Abusalomu e ḡε.

## 16

### *Dauda k̄n Zibao k̄n Sim̄ei*

<sup>1</sup> Kè Dauda v̄i s̄is̄i midangurala féte, à è Mεfibose begwari Ziba ḡari yì zaakinɔne mèn plaa, èe m̄ɔ daale. Ās̄o bur̄edi sena mèn wàa do k̄n geepi kàrao mèn basɔro k̄n kākā kàrao mèn basɔro k̄n geepiw̄εo t̄u do. <sup>2</sup> Ben Dauda Ziba là à bè: Bó bé à tò n m̄ k̄n beeeo? Ziba wèàla à bè: Kí, zaakinɔ né n bedeenɔ p̄ome ās̄ dia. Bur̄edi k̄n kàranɔ né n gbēnɔ p̄obleemε. Geepiw̄εe s̄, gb̄ε kè ās̄ kp̄asa gb̄aa guunɔ íminamε. <sup>3</sup> Kí à là à bè: N̄ dii kè kè sai dio kú m̄amε? Ziba wèàla à bè: À ḡs̄ Yerusalemu, zaake èe daa Isarailinɔ a ká a dezi kpatan gb̄amε. <sup>4</sup> Ben kí bène: Pó kè Mεfibose v̄i píngi ḡs̄ n p̄o ũ. Ben Ziba bè: M̄aε kúε kè! Ma dii kí, n̄ tó màḡs̄ n p̄onnaa e le.

<sup>5</sup> Kè kí Dauda s̄ò Bahurimuzi, à è ḡs̄gb̄ε ke b̄ò. À tón Sim̄ei, Gera néme. Àmbe bori d̄n̄k̄s̄ k̄n Solu bedeenɔ. À b̄ò wéte guu, èe Dauda kaa. <sup>6</sup> Èe kí Dauda k̄n à gbēnɔ gb̄agb̄aa k̄n gb̄èo, baa kè à z̄ikarinɔ k̄n à dogarinɔ kú à ɔplaazi k̄n à ɔzεεzio n̄ píngi. <sup>7</sup> Èe à s̄s̄s̄o èe bee: N̄ gá! N̄ gá! Gb̄ederi! Pó p̄a! <sup>8</sup> Dii f̄ia b̄onne Solu kè n kí blè à gbèn bedeenɔ dedena yā yānzi. Dii n b̄o kpatan à n né Abusalomu kàn. Ásarú k̄mma sa, zaake gb̄ederin n ũ. <sup>9</sup> Ben Zeruya né Abisai bè k̄ine: Ma dii kí, à maa gb̄εε ḡε kè ḡs̄ n s̄s̄s̄o. N̄ tó mà gá mà à mì z̄s̄. <sup>10</sup> Ben kí bè: Zeruya n̄nɔ, bó bé à wa kak̄aa? Tó Dii bé à òne à ma s̄s̄s̄, ben èe ma s̄s̄s̄o, dé bé eé f̄s̄ à à la à be, b̄óyānzi èe keε lezi? <sup>11</sup> Ben Dauda ò Abisaine k̄n a ìbanɔ n̄ píngi à bè: À gwa, ma z̄inda né'ina bé èe weteε à ma de, ènd̄ε weé Beyāmi bori k̄eki né o d̄o? À à tó gwe. Tó Dii bé à bène à ma s̄s̄s̄, à maame. <sup>12</sup> Wèḡs̄ d̄s̄ro ke Dii é ma naw̄εakena gwa à f̄ia bomε k̄n à maaao s̄s̄s̄ kè wèe keemε gb̄aa kè yānzi gwεε. <sup>13</sup> Kè Dauda té z̄én k̄n a gbēnɔ, Sim̄ei té s̄is̄i p̄ande ḡεzi, èe à s̄s̄s̄o èe à gb̄agb̄aa k̄n gb̄èo èe bùsu f̄aa. <sup>14</sup> Kè kí k̄n a gb̄ε kè ās̄o kúonɔ kà swaazi, ās̄ kp̄asa, ben ās̄ k̄mma b̄ò gwe.

### *Abusalomu kana Yerusalemu*

<sup>15</sup> Abusalomu kà Yerusalemu k̄n Isarailinɔ n̄ píngi. Aitofeli kúo. <sup>16</sup> Ben Dauda gbēnna Usai, Aki gb̄ε ḡaa à Abusalomu là à bène: Luda n̄ d̄s̄ k̄n aafiao Zaaki! Luda n̄ d̄s̄ k̄n aafiao Zaaki! <sup>17</sup> Abusalomu à là à bè: Gb̄εkeε kè ní v̄i k̄n n gbēnnaon gwe? À kè dia néε gá k̄n n gbēnnaoroo? <sup>18</sup> Usai wèàla à bè: Lenlo! Gb̄ε kè Dii s̄ε k̄n gb̄ε k̄ekiinɔ p̄on ma ũ. Ma zε k̄n k̄ina kè Isarailinɔ kà p̄io. <sup>19</sup> Beeε ḡbera d̄o, dé bé à maa mà zò blene, n baasiroo? Lán ma zò blè n denε n̄a, len mé blenne le.

<sup>20</sup> Abusalomu bè Aitofeline: À lé dawa. Bón wé keε? <sup>21</sup> Ben Aitofeli wèàla à bè: N̄ gá n̄ daε k̄n n de n̄o ȳigisai kè à n̄ tó kè ās̄o beε gwaanɔ, le Isarailinɔ e wà d̄s̄ n̄ píngi kè ní tò n dee ye n k̄aziro, gb̄ε kè ās̄o kúnyonɔ gb̄aaa é kaara. <sup>22</sup> Ben wà bisakutaa d̄ò Abusalomunε kpé musu, ben à ḡaa à dàε k̄n a de n̄o p̄inɔ gwe Isarailinɔ píngi wáa. <sup>23</sup> Gurɔ beeenɔa lé kè Aitofeli è dam̄ma de lán gb̄ε kè yā gb̄eka Ludaa yā bàme. Len Aitofeli lédamma de le Daudanε k̄n Abusalomuo n̄ píngi.

## 17

### *Usai ònd̄s̄kena Abusalomunε*

<sup>1</sup> Aitofeli bè Abusalomunε: Tó m̄ambee, mé z̄ikarinɔ sé ḡs̄n b̄orɔ kuri awεεplaa mà p̄ééñyo Daudazi gw̄āv̄ia. <sup>2</sup> Mé léεa gurɔ kè à kp̄asa à ɔò bùsa, mé à fu. À gbēnɔ é bàa lé

ń pínɡi, mé à de ado, <sup>3</sup> mé sunne kǝn gbē pínɔ ń pínɡi. Gbē kè nēe wetee ñ à dee gaan gbē pínɔ suna ũ ń pínɡi. Tó à gà, gbē kpaaanɔ é gɔ aafia ń pínɡi. <sup>4</sup> Yā pì kè Abusalomune nna kǝn Isaraili gbēnsinɔ ń pínɡi. <sup>5</sup> Ben Abusalomu bè: Wà Aki gbē Usai sísi dɔ wà ma lán eé o nà se. <sup>6</sup> Kè Usai kà, Abusalomu bène: Lán Aitofeli ò nà n yè. Wà ke lán à ò nà n yó? Ke wàton ke lero. ń è diamé? <sup>7</sup> Usai wèàla à bè: Lé kè Aitofeli dàawa gbàa kèkii maaro. <sup>8</sup> ń n de dɔ kǝn a gbēnɔ. Zìkari maaanɔn ń ũ, aɔ pāsī lán músu nédandee kè wà à né nɔ sia bàme. N de né zìkari gbāame, eé we à i gu dǝnkǝn kǝn a gbēnɔoro. <sup>9</sup> Guu kè à kún tia, eégɔ utena gbèwee guu ke gukea. Tó à gà à lèe wa gbēnɔa káaku sɔ, gbē kè à à baaru mà é be, wà zì blè Abusalomu zìkpeneame. <sup>10</sup> Baa gɔsagbāaa kè wórɔngɔ vī lán músu bànɔ swè é kèngume, zaake Isarailinɔ dɔ ń pínɡi kè n de né zìkari pāsīme, bensɔ gɔsagbāaanɔ kúo. <sup>11</sup> Beee yānzi lédamma yā kè má vīin yè. ń Isarailinɔ kakǝanzi ń pínɡi zaa Dani ai gana Beseba, aɔgɔ pari lán ísiale búsua'aatē bà, ñ dǝnne ae zìlan. <sup>12</sup> Wé à le guu kè à kún pínɡi, wé léa lán kpíi è kwé tɔotea nà. Àpi kǝn gbē kè aɔ kúonɔ ń pínɡi, aɔ gbēke é boro. <sup>13</sup> Tó à gà à gè wéte ke guume sɔ, Isaraili baade pínɡi é bà sé à gáo gwe, aɔé wéte pì kaebɔnɔ gáe wà táo guzuren. Baa à gbè kaso ke, weé e gwe doro. <sup>14</sup> Ben Abusalomu kǝn Isarailinɔ bè ń pínɡi: Usai lédamma maa de Aitofeli póla. Dii bé à zèò à Aitofeli lédamma maaa pì gboro, le à e à Abusalomu ásarua ke yānzi.

<sup>15</sup> Ben Usai ò sa'ori Zadokine kǝn sa'ori Abiatao à bè: Aitofeli lé dà Abusalomua kǝn Isaraili gbēnsinɔ à bè à ke lán kè bà, ben ma lé dàmma ma bè aɔ ke lán kè bà. <sup>16</sup> À gbēnɔ zī kpakpaa aɔ gá wà o Daudane àton i swabikūkiaro, à bikū kpakpaa, le wàton àpi kǝn gbē kè aɔ kúonɔ dúgu zɔro yānzi. <sup>17</sup> Yonata kǝn Aimazao kú Enlogeli, zaake aɔé fɔ wà bɔ gupuraaa Yerusalemuro. Ben nokpare zìkeri ke gaa à ònne aɔ gá baaru pì kpá kí Daudane. <sup>18</sup> Bensɔ gɔkpare ke ń é, ben à gaa à ò Abusalomune. Gɔn plaaa pínɔ dà zén gɔo aɔ gaa gbēke be Bahurimu. Lògɔ kú uan gwe, ben aɔ gèn. <sup>19</sup> Ben be dee pì naɔ lògɔ pì né kpàale à pówee fàea, gbēkee à yā doro. <sup>20</sup> Kè Abusalomu gbēnɔ mò nɔgbē pì be aɔ bè: Aimaza kǝn Yonatao kú máme? À wèníla à bè: Aɔ bikū swa'onea. Aɔ ń wéte, aɔe ń ero, ben aɔ èara wà tà Yerusalemu. <sup>21</sup> Kè aɔ tà, ben gɔn plaaa pínɔ bde lògɔ pì guu, aɔ gaa wà bè kí Daudane: ń bikū swaaa kpakpaa, zaake Aitofeli n kpakpa kǝn à zaaaome. <sup>22</sup> Dauda dà zén kǝn gbē kè aɔ kúonɔ ń pínɡi, aɔ bikū Yodaa. Kè guu dò, aɔ gbēkee e goro, aɔ bikū ń pínɡi. <sup>23</sup> Kè Aitofeli è wè zīi ke a lédammaaro, à fèe à gàari yì a zaakine à tà a be wéte. À a be pónɔ nàkɔa, ben à a zīnda lògo à gà, ben wà à vīi a de miraween.

<sup>24</sup> Dauda gaa Manaimu, ben Abusalomu bikū Yodaa kǝn Isarailinɔ ń pínɡi. <sup>25</sup> Abusalomu Amasa diè zìkpene gbēnsi ũ Yoabu gèe ũ. Amasa né Sumaila bori Yeta néme. À dan Naasa né Abigaili ũ, Yoabu da Zeruya dāarome. <sup>26</sup> Isarailinɔ kǝn Abusalomuo bura kàe Giliada busun.

<sup>27</sup> Kè Dauda kà Manaimu, Naasa né Sobi, Raba wéte kè kú Amninɔ busun gbē mò kǝn Lodeba gbē Amieli né Makio kǝn Rogelimu kè kú Giliada busun gbē Bazilaio. <sup>28</sup> Aɔ mò kǝn daebɔnɔ kǝn taanɔ kǝn oroonɔ kǝn éseo kǝn nagāao kǝn wísitio kǝn pówee kpatanao kǝn bláo kǝn dò pónɔ <sup>29</sup> kǝn zóo kǝn zwifāanio kǝn sã nòbɔo kǝn gāsio, aɔ kpà Daudaa kǝn gbē kè aɔ kúonɔ aɔ ble, zaake aɔ bè: Nɔa kǝn ímiio gbē pínɔ de gbáan, aɔ kpásame.

## 18

### *Abusalomu gaa*

<sup>1</sup> Dauda gbē kè aɔ kúonɔ kàkɔa, ben à gbēnsinɔ dièdie gɔn boro doodoonone kǝn gɔn basɔɔroonɔ. <sup>2</sup> Ben à a zìkari pínɔ kpàatete gáli aagɔ. À gáli doo nà Zeruya né Yoabune a zī, à doo sɔ Yoabu dāaro Abisai zī, à doo sɔ Gata gbē Itai zī. Ben kí bè a zìkarinone: Mámbe mé dware ae. <sup>3</sup> Ben gbēnɔ bè: ńton gáro. Tó wa gà wa bàa lè, aɔé wa yā daro. Baa

tó wa gbē kpadoonɔ gàga, ašé wa yā daro. Mmɔn ašɔe n gwaa de gɔɔn bɔrɔ kurinɔla. N dɔnawale wéte guu bé à maa. <sup>4</sup> Ben kí bèñne: Lán à kèare maa nán mé ke. Kí gàa à zè bñile sae, ben zìkarinɔ bɔe gáli kɔn gálio gɔɔn basɔɔroonɔ kɔn gɔɔn bɔrɔ doodonɔ. <sup>5</sup> Ben kí yā diè Yoabunɔ kɔn Abisaio kɔn Itαιο à bè: À ke gɔkpare Abusalomunɔ busebuse ma yānzi. Zìkarinɔ yā kè kí diè gbēnsinɔnɔ Abusalomu yā musu mà n píngi. <sup>6</sup> Zìkparenɔ bɔe wà gàa lákpen, le wà zì ká kɔn Isarailinɔ, ben aš sikhɔn Eflaimu dàkon. <sup>7</sup> Dauda zìkparenɔ zì blè Isarailinɔa. Gbē kè aš gàga zì beeanɔ pari, gɔɔn bɔrɔ barome. <sup>8</sup> Zì pì dà bùsu pìla píngi, ben zì beea sète gbēnɔ blè pari de fēdaala.

<sup>9</sup> Kè Abusalomu kpàkɔa kɔn Dauda gbēnɔ, à dina bāagāsɔ kpɛɛ. Ben bāagāsɔ pì gàa gbíi lí isi gānɔ gbáru, ben à waa kpà lígān gíngin, ben à sɔ pì gè zéla, à gò logona lígān gwe. <sup>10</sup> Kè gbēke à è, à gàa à bè Yoabunɔ: Ma Abusalomu è kpána lígān. <sup>11</sup> Ben Yoabu bè gbē kè baaru pì kpànenɔ: Bɔɔ? N à ès? Bóyānzin nées à lé n nèziroo? Le yā ma n gba kondogi ɔ mèn kuri kɔn zìka'asaa. <sup>12</sup> Ben gbē pì wè Yoabula à bè: Baa tó wà kondogi ɔ wàa sɔroo yò wà kà ma ɔn, mé fɔ mà ɔ pá kína né piaro, zaake kí yā dienne kɔn Abisaio kɔn Itαιο wa swā mà, à bè wà ke gɔkpare Abusalomunɔ busebuse. <sup>13</sup> Tó ma à dè, le ma ásarú kè ma zīndaneme. À kee utena kīnanero, mmɔn sɔ né zemaoro. <sup>14</sup> Yoabu bè: Mé ze mà n dā doro. Ben à sári sɔnte sè mèn aagɔ, à gàa à Abusalomu zò a swèn gurɔ kè à kpána lígān bē. <sup>15</sup> Ben Yoabu zìkapɔnɔseri gɔɔn kurinɔ ligazi aš à dè.

<sup>16</sup> Ben Yoabu kuru pè à a zìkarinɔ milɛ blè, ben aš kámma bò kɔn pɛena Isarailinɔzio. <sup>17</sup> Aš Abusalomu gè sè aš zù wèe bíta guu lákpen gwe, ben aš gbè kàkɔaa, à gò gbèdidikɔana bíta ũ. Isarailinɔ sɔ bàa lè, baade tà a bɛ.

<sup>18</sup> Gurɔ kè Abusalomu kuu, à gbè pèe a zīndane Kína guzuren, zaake à bè á négɔgbē vīro, ben á yezi a tó garo. À a zīnda tó kpà gbè kè à pèe pìne, ben wè gwe sísi Abusalomu Dɔngupɔ ai kɔn a gbàao.

### *Dauda Abusalomu ga baarumana*

<sup>19</sup> Zadɔki né Aimaza bè: N tó mà bàa lé mà gá baaru kpá kine, lán Dii yā nnaa kpàa nà à à bò a ibeɛnɔ ɔzì. <sup>20</sup> Ben Yoabu bène: Né e n baaru kpá gbàaro, sé gurɔ pānde zì. Gbàa pò kèkiin né kpáro, kè kína né gà yānzi. <sup>21</sup> Ben Yoabu bè Etiopia boriiɔ: N gá n yā kè n è o kine. Ben Etiopia borii pì kùe Yoabunɔ à fɛe kɔn bào. <sup>22</sup> Zadɔki né Aimaza èara à bè Yoabunɔ: Baa à fɔ à ke dia, n tó mà bàa lé màgɔ té Etiopia borii pì kpɛɛ. Ben Yoabu bène: Né, bóyānzin n yezi n gázi? Baaru pì égɔ àre ke vīnnero. <sup>23</sup> Ben Aimaza bè: Baa à fɔ à kè dia, má yezi mà gáme. Ben Yoabu bène: N gá! Ben à bàa lè à gàa à bɔe swaa sae zéo, à Etiopia borii pì kè.

<sup>24</sup> Dauda vèena wéte bñile gbà mèn plaaanɔ dagura. Gudákpari didi bñia ai gānu pì musu. Kè à wèe zù, à gbēke è à té kɔn bào. <sup>25</sup> À lé zù kızı à òne. Ben kí bè: Lán à té ado nà, èe mɔɔ kɔn baaru nnaaome. Kè èe mɔɔ, à kà kīi. <sup>26</sup> Ben gudákpari pì gbē pānde è dɔ, èe bàa lé. À lé zù zédákparizi à bè: Gbē pāndee té à kpɛɛ káa kɔn bào, èe mɔɔ dɔ. Ben kí bè: Èe mɔɔ kɔn baaru nnaaome se dɔ. <sup>27</sup> Ben gudákpari pì bè: Má è gbē káaku bàalena de lán Zadɔki né Aimaza bàalena bà. Ben kí bè: Gbē maaame, baaru nnaan èe mɔɔ. <sup>28</sup> Aimaza lé zù kızı à bè: Aafia kuu! Ben à kùe kine à mì pèe tɔɔtea à bè: Wà Dii n Luda sáabu kpá, à gbē kè aš kùse bñimmaanɔ nānne n ɔzì, ma dii kí. <sup>29</sup> Ben kí à là à bè: Gɔkpare Abusalomu kú aafiao? Aimaza wèala à bè: Kè Yoabu e n zòbleri zì kɔn mamɔma n zòblerio, má mà zɔka fɛe maamaa, mɔde má dɔ tó bó bé à sùro. <sup>30</sup> Kí bè: N ze kpado kè gĩa. Ben à zè gwe.

<sup>31</sup> Kè Etiopia borii sù, à bè: Ma dii kí, ma mɔnne kɔn baaru nnaaome. Dii yā nnaa kpamma gbàa, à n bɔ gbē kè aš bò n kpɛɛnɔ ɔzì. <sup>32</sup> Ben kí à là à bè: Gɔkpare Abusalomu kú aafiao? Etiopia borii pì wèala à bè: Ma dii kí, Luda tó n ibeɛnɔ kɔn gbē kè aš fɛe wèe ãa

daammaanɔ ɡɔ lán ɡɔkparɛ pì bà. <sup>33</sup> Swè kè kín, à didi à ɡè kpé kè kú ɡānu pì musu, ben à ɔɔ dɔ ɡwe. Gurɔɔ kè ɛe didii ɡwe à bè: O'o ma né Abusalomu! Ma né Abusalomu! Ma gana n ɡɛɛ ũu sãɔ yã! Abusalomu ma né! Ma né!

## 19

### *Yoabu kpakēna Daudazi*

<sup>1</sup> Wà bè Yoabunɛ: Kí e ɔɔ dɔɔ, ɛe sósobi keɛ Abusalomu yã musu. <sup>2</sup> Zĩ beeea zĩkarinɔ zĩblena pɔnnaa li sósobikɛna ũ, zaake aɔɔ mà wà bè, kí nɔsɛ yàka a né yã musu. <sup>3</sup> Zĩ beeea zĩkarinɔ ɡɛ wétɛn sɔɔɔɔɔɔ lán gbɛ kè aɔ bàa lè zĩlan, wí n kũnɔ bà. <sup>4</sup> Kí pɔ kù a wéela, ɛe sósobi ɔɔ dɔɔ ɛe bee: O'o ma né Abusalomu! Abusalomu ma né! Ma né!

<sup>5</sup> Ben Yoabu ɡàa à kí lè kpén à bè: N wí dà n gbɛnɔa gbàa. Aɔ n bɔ gbàa kɔn n néɡɔgbɛnɔ kɔn n nénɔgbɛnɔ kɔn n naɔnɔ kɔn n nɔ yìɡisainɔ. <sup>6</sup> N zangurinɔn n yezi, ben n za n yenzideenɔn. N òdɔawe gbàa, kè wamɔwa n zĩkpe gbɛnsinɔ kɔn wa gbɛnɔ wée kánne póke ũro. Má dɔ sa, tó Abusalomu kuu gbàa, ben wapinɔ wa gaga wa píngi, beee bé eé kenne nna. <sup>7</sup> N fɛɛ n bɔ sa. N ɡá n yã nnaa o n gbɛnɔnɛ. Má sinne kɔn Diio, tó nɛe ɡáro, aɔ gbɛke é inyo kè ɡwãavĩaro. Bee é kenne zaa de yã zaaa kè à n le zaa n òwazikɛgurɔ ai mɔna gbàala. <sup>8</sup> Ben kí fɛɛ à ɡàa à vɛɛ bĩilea. Kè wà ò gbɛnɔnɛ kí vɛɛna ɡānulea, ben aɔ mò wà zè à aɛ n píngi.

### *Dauda gbɛsɛna*

Isarailinɔ bàa lè, baade tà a be. <sup>9</sup> Isaraili boriinɔ té píngi gbɛnɔ e lɛokpakɔa keɛ wà bè: Kí wa si wa ibɛnɔa à wa bɔ Filisitininɔ ɔzĩ, ben à bàa lè à bɔ wa bùsun Abusalomu yānzi.

<sup>10</sup> Wa Abusalomu kpà kpatan, ben à ɡà zĩlan. Bón ɛe dāa kɔn kína gbɛsɛnao dɔɔ?

<sup>11</sup> Kí Dauda gbɛnɔ zĩ sa'ori Zadɔkia kɔn sa'ori Abiatao à bè: Yã kè Isarailinɔ e oo píngi ɡɛ ma swán zaa ma kúkiia kè. À yã kèkii gbeka Yuda gbɛnsinɔa à be: Bóyānzi a ɡɔ kpɛɛ kɔn ma gbɛsɛnaozi? <sup>12</sup> Ma gbɛnɔ, pɔ dɔnkɔnɔn wa ũ, wa aru dɔnkɔmɛ. À kè dia a ɡi kè kɔn ma gbɛsɛnao? <sup>13</sup> N o Amasane pɔ dɔnkɔnɔn wa ũ, wa aru dɔnkɔmɛ. Tó mée tó à ɡɔ ma zĩkpɛɛnɔ gbɛnsi ũ Yoabu gbɛn zaa gbàaro, Luda yã kemɛ pāsĩpāsĩ. <sup>14</sup> À yã Yudanɔ swè blè, aɔ lé kè do, ben aɔ lɛkpāsā kɛnɛ wà bè: N su kɔn n gbɛnɔ n píngi.

<sup>15</sup> Kí e suu, à kà Yodazi, ben Yudanɔ ɡàa daàle zaa Giligala, le wà bikũo swaa pì. <sup>16</sup> Gera né Simeĩ, Beyāmi borii kè kú Bahurimu wà à ɡá da kí Daudale kɔn Yudanɔ. <sup>17</sup> Beyāmi boriinɔ kúo ɡɔɔn wàa sɔɔro. Solu begwari Ziba ɡàa dɔ kɔn a néɡɔgbɛ ɡɔɔn ɡɛroonɔ kɔn a zĩkeri ɡɔɔn baroonɔ. Aɔ wà wà kà Yoda léa kí ā, <sup>18</sup> le wà e wà bikũ kɔn kíbedeenɔ, aɔ yã kè eé ke kine nnaa ke yānzi. Ben Gera né Simeĩ dàe kí aɛ ai à ɡɔ ɡá bikũ Yodaa. <sup>19</sup> À bène: Ma dii, nton ma taari yã daro. Yã zaaa kè mamɔma n zòbleri má kenne gurɔɔ kè n bɔ Yerusalemu tón dɔnguro. Ma dii kí, nton ɡɔ yã pì kũna n swè guuro. <sup>20</sup> Mamɔma n zòbleri, má dɔ kè ma durun kè. Yusufu boriinɔ té píngi, mámbe ma dɔnne aɛ ma mɔ danle gbàa ma dii kí. <sup>21</sup> Ben Zeruya né Abisai bè: Simeĩ láari bɔ kí kè Dii kàn. Èe ká wà à deroo? <sup>22</sup> Ben Dauda bè: Zeruya nɛnɔ, bón wa vĩ kɔo? Á yezi à zé zɔmɛ gbàan yó? Wé gbɛke de Isarailinɔ bùsun gbàaro, zaake má dɔ gbàa kè mámbe Isarailinɔ kína ũ. <sup>23</sup> Ben kí bè Simeinɛ: Né ɡaro. Ben kí la dàne.

<sup>24</sup> Solu dio Mefibose ɡàa da kílɛ. Zaa gurɔɔ kè kí bɔ wéte ai gurɔɔ kè à sù aafia, Mefibose e a ɡbá pípiro, ɛe a yĩkã zɔzɔro, ɛe a pónɔ pípiro. <sup>25</sup> Kè à bɔ Yerusalemu à mò à dà kílɛ, ben kí à là à bè: Mefibose, à kè dia nɛe ɡamaaroo? <sup>26</sup> À wèla à bè: Ma dii kí, ma zĩkeri bé à ɔndɔ kèmazì. Má òne à ɡàari yime ma zaakinɛ mà dia mà ɡányo, zaake ɛren ma ũ. <sup>27</sup> Ma dii kí, ben à ɡàa à mamɔma n zòbleri yàka n kiia. Ma dii kí n de lán Luda malaika bàme. N ke lán à kenne maa nà. <sup>28</sup> Ma dii kí, à de yã n ma de bedeenɔ dède n píngi, ben n mamɔma n zòbleri

baka kàkɔ̃a kɔ̃n n gbɛ̀ kɛ̀ ãɛ̀ pɔ̀ ble lɛ̀doonɔ̀. Má zé vĩ mà kúe ke kennɛ̀ dɔ̀ro. <sup>29</sup> Ben kí bènɛ̀: Yá kpareen né o dɔ̀ɔ̀? Má diɛ̀ kɛ̀ mpi kɔ̃n Zibao, à tɔ̀tɛ̀ kpaatekɔ̃nɛ̀mɛ̀. <sup>30</sup> Ben Mɛ̀fibosɛ̀ bè kíne: Ma dii kí, zaake n su be aafia, ò tó à sé pínɡi.

<sup>31</sup> Giliada bùsu gbɛ̀ Bazilai bò Rogelimu à gàa ze kíne ai Yoda baa kãa kpa. <sup>32</sup> Bazilai zi kù maamaa, à kà wè basiiɡɔ̀. À kí yàari kè gurɔ̀ kè à kú Manaimu, zaake auzikide bitame. <sup>33</sup> Ben kí bènɛ̀: Ñ bikúmao, mé n gwa ma be zaa Yerusalemu. <sup>34</sup> Bazilai wèla à bè: Wè ùgba bé à ɡɔ̀mɛ̀ anduna guu kè mà tányo Yerusalemu? <sup>35</sup> Ma ka wè basiiɡɔ̀ kò. Má pɔ̀ maa kɔ̃n à zaaao dɔ̀kɔ̀zi dɔ̀ɔ̀? Mamɔ̀ma n zòbleri mé fĩ mà pòblena ke pómína nnaa ma dɔ̀ɔ̀? Mé ɡɔ̀gbɛ̀ ke nɔ̀gbɛ̀ lèsirinɔ̀ kòto ma dɔ̀ɔ̀? Ma dii kí, ò tó mà asoo lagonne. <sup>36</sup> Mamɔ̀ma n zòbleri wé Yoda bikú lɛ̀do, mà zennɛ̀ kíkíi gwe. À kè dia n yezi ò fía bomɛ̀ lɛɛ̀? <sup>37</sup> Mamɔ̀ma n zòbleri, ò tó mà ɛ̀ara mà tá ma be wéte, le gaa tón ma sé màɡɔ̀ zã kɔ̃n ma de kɔ̃n ma da miraoro. Ñ ma né n zòbleri Kimamu gwa kè. Ma dii kí, ò tó à bikúnyo. Ñ kenɛ̀ lán à kènnɛ̀ maa ná. <sup>38</sup> Ben kí bè: Kimamu é bikúmao. Mé yá kè à kènnɛ̀ maaa kenɛ̀, yá kè ò gbèkama sɔ̀ pínɡi mé kennɛ̀.

<sup>39</sup> Baade pínɡi bikú Yodaa, ben kí bikú. Kí lé pè Bazilaia à sa maaa ònɛ̀, ben Bazilai ɛ̀ara à tà a be. <sup>40</sup> Kè kí bikú à gàa Giligala, Kimamu bikúo.

Yuda zìkarinɔ̀ ò pínɡi kɔ̃n Isaraili zìkari kpadoonɔ̀ kí bikú. <sup>41</sup> Ben Isaraili bori pínɡi mò wà kí lè ãɛ̀ bènɛ̀: À kè dia wa gbɛ̀ Yudanɔ̀ bikúao kpáí, mmɔ̃n kɔ̃n n bɛ̀deenɔ̀ kɔ̃n n gbɛ̀nɔ̀ pínɡii? <sup>42</sup> Ben Yudanɔ̀ wènlá wà bè: Kè kí de wa danɛ̀ ù yãnzimɛ̀. Bóyãnzí yá beee kèare zaazi? Wée kí kúsáɛ̀ blero, wée à pòke sí wa pò úro. <sup>43</sup> Ben Isarailinɔ̀ bè Yudanɔ̀nɛ̀: Zaake wa bori leo kurimɛ̀, wa baka kú kɔ̃n kí Daudao de a pòla. Bóyãnzí a wa diɛ̀ futazi lɛɛ̀? Wámbe wa kí gbɛ̀sɛ̀na yá ò káakuroo? Mòde Yudanɔ̀ wena pãsí de Isarailinɔ̀ pòla.

## 20

### *Seba bɔ̀na Dauda kpɛɛ̀*

<sup>1</sup> Gaabude ke bé à kú gwe, à tón Seba, Bikiri né, Beyãmi boriimɛ̀. Ben à kuru pè à bè: Wa baka kakɔ̀ana kɔ̃n Daudaoro, wa bà kú kɔ̃n Yɛ̀sɛ̀ néoro, a Isarailinɔ̀, a baade tá a be.

<sup>2</sup> Ben Isarailinɔ̀ kè Daudaa ò pínɡi ãɛ̀ gàa wà ná Bikiri né Sebaa, mòde Yudanɔ̀ zè kɔ̃n ò kío bɔ̀na zaa Yodazi ai Yerusalemu. <sup>3</sup> Kè Dauda sù a be Yerusalemu, à a nɔ̀ yìɡisai ɡɔ̀ɔ̀n kuri kè à tò ãɛ̀ be gwaanɔ̀ sè à ò ká kpén wàɡɔ̀ ò dákpa. Dauda ò gwá, mòde èe daɛ̀nyo dɔ̀ro. Wà ò káka kpén gyaanɔ̀nɔ̀ ùmɛ̀ ai ãɛ̀ gàa wà gàgao.

<sup>4</sup> Ben kí bè Amasanɛ̀: Ñ Yuda zìkpɛɛ̀nɔ̀ sísi ãɛ̀ kakɔ̀amazi gurɔ̀ aagɔ̀ dagura. Mmɔ̃n sɔ̀, néɡɔ̀ kú kèmmɛ̀. <sup>5</sup> Amasa gàa à Yudanɔ̀ sísi, mòde à ɡì kè de gurɔ̀ kè kí diɛ̀nɛ̀la. <sup>6</sup> Ben Dauda bè Abisainɛ̀: Bikiri né Seba é ìa dawa tia de ìaa kè Abusalomu dàwaala. Ñ ma gbɛ̀nɔ̀ sée à péezi, le àton sí wéte b̃iideen à piti wa ɔ̀zĩro yãnzí. <sup>7</sup> Ben Yoabu gbɛ̀nɔ̀ kɔ̃n kí dákparinɔ̀ kɔ̃n zìkarinɔ̀ ò pínɡi wà bɔ̀e Yerusalemu wà pèe Bikiri né Sebazi.

<sup>8</sup> Gurɔ̀ kè ãɛ̀ kú gbɛ̀ gbɛ̀ntɛ̀ kè kú Gibiɔ̀ saɛ̀, ben Amasa mò dañle. Yoabu zìka'uta dana, à f̃ɛɛ̀ dɔ̀na à pii. Kè à sɔ̀ Amasazi, à f̃ɛɛ̀ pì wòto a kpéɛ̀n <sup>9</sup> à bènɛ̀: Ma gbɛ̀, ò aafiaɔ̀? Ben à Amasa kù a létánkaa kɔ̃n a ɔ̀ plaaao lán à yezi à lé péa bà. <sup>10</sup> Amasa e f̃ɛɛ̀ kè kú Yoabu ɔ̀n tàasi káro, ben Yoabu à z̃ɔ̀ a gbɛ̀ɛ̀n, à nɔ̀aɛ̀nɔ̀ bɔ̀e à kàe tɔ̀tɛ̀. Yoabu e gà à z̃ɔ̀ ɡɛ̀n plaa dɔ̀ro, zaake à gà kò. Ben Yoabu kɔ̃n a dāaro Abisaio pèe Bikiri né Sebazi.

<sup>11</sup> Yoabu ibanɔ̀ doke ɡɔ̀ zɛ̀na Amasala à bè: Gbɛ̀ kè zè kɔ̃n Yoabuo kɔ̃n Daudao, à dɔ̀ Yoabuzi. <sup>12</sup> Aru daa Amasa ɡɛ̀la zédaan, ben zìkari kè ãɛ̀ be mɔ̀ɔ̀nɔ̀ zè ãɛ̀ be gwaa ò pínɡi. Kè Yoabu ìba pì è gbɛ̀ kè ãɛ̀ be mɔ̀ɔ̀ gweenɔ̀ ò pínɡi wà zè wèe gwaa, ben à Amasa ɡɛ̀ gàɛ̀ à

gùo zén à diè sèn, ben à uta kùàla. <sup>13</sup> Kè à gàè à gùo zén lè, baade píngi bò à tè Yoabuzi, ben aṣ Bikiri né Seba gbèse.

<sup>14</sup> Seba lili ò Isaraili boriino bùsun píngi ai Abeli Betemaka, ben Beri boriino mò wà kàkōa wà tēzi gwe. <sup>15</sup> Yoabuno mò wà lìgazi zaa Abeli Betemaka. Wà bùsu kàkē wéte bīi sae, ben aṣoe wete wà bīi pì gboro. <sup>16</sup> Ben nōgbē òndōde ke lé zù zaa wéte guu à bè: À swā kpá! À swā kpá! Ñ o Yoabune à mó kè, mà yā onē. <sup>17</sup> Kè Yoabu sò nōgbē pìzi, ben à à là à bè: Mbe Yoabu ūs? À wèàla à bè: Mámbee! Ben à bène: Ñ swā kpá mamoma n zòbleri yāzi. À bè: Ma swā kpá. <sup>18</sup> Ben nōgbē pì bè: Wè be yā, ñ yā gbeka Abelideeno, yā e à mì de. <sup>19</sup> Wá kuu yākete sai Isaraili gbē náanedeeno ū, ben nēe wete ñ Isaraili wéte tódee kè kaatē? Bóyānzi n yezi ñ Dii wéte dezi? <sup>20</sup> Yoabu wèàla à bè: Agya! Lenlo! Má yezi mà a dèdèro. Má yezi mà a wéte kaatèro. <sup>21</sup> Lenlo! Gbē kè wè sísi Bikiri né Seba, Eflaimu boriino bùsu sìside gbē bé à fēe kí Daudazi. À gbē mèn doo pì kpáma, mé go a wétela. Ben nōgbē pì bène: Ñ ma! Weé à mì zunne zaa bīi musu.

<sup>22</sup> Nōgbē pì gàa à a gbēno lè kōn a òndōkeyāo, ben wà Bikiri né Seba mì zò wà zù Yoabune. Yoabu kuru pè, ben wà fāakōa, wà wéte pì tò gwe. Baade tà a be, ben Yoabu pì tà kí kiia Yerusalemu.

### *Dauda iban*

<sup>23</sup> Yoabun Isaraili zìkpeeno píngi gbēnsi ū. Yoyada né Benayan dogarino gbēnsi ū. <sup>24</sup> Adoniramu bé zòno gbēnsi ū. Ailudi né Yosafatan baarukpari ū. <sup>25</sup> Sevan takadakēri ū. Zadōki kōn Abiataon sa'orikino ū. <sup>26</sup> Yairi gbē Iran Dauda kpàasi ū.

## 21

### *Gēbona Gibiḍdeenone*

<sup>1</sup> Dekaa kuu Dauda gurōa, à gì kè ai wè aagō. Dauda Dii wé wéte, ben Dii bè: Solu yānzime. Gbēdeyā wì à be musu, kè à Gibiḍdeenno dède yānzi. <sup>2</sup> Ben kí Gibiḍdeenno sìsi, à yā óñne. Gibiḍdeenno de Isarailino ūro, Amōri borii kè gōno. Isarailino la dàñne yā wà bè weé n dèdèro, ben Solu wéte à n laata kpá a aīakena Isarailinone kōn Yudanō yānzi. <sup>3</sup> Ben Dauda Gibiḍdeenno là à bè: Bón á yezi mà kearee? Mé agbaa kpáare diame, lè à e à Dii gbēno sáabu kpáa? <sup>4</sup> Aṣ wèàla wà bè: Wá zé vī wà kondogì ke vura gbeka Solua ke a bedeeano, bensō wá zé vī wà Isaraili gbēke dero. Ben Dauda n lá à bè: Ée bee diame? Bón mé kearee? <sup>5</sup> Aṣ wèàla wà bè: Gbē kè à wa dède à lé kpàkōsōwazi à wa yāa lè à e à wa borii bō Isarailino guu yānzi, <sup>6</sup> tó wà à bori gōgbē mèn swēplaaano kpáwa, wé n logo lía Dii ae Gibea, kí Solu kè Dii kà pì be wéten. Ben kí bè: Mé n kpáawa. <sup>7</sup> Kí e Yonatā né Mefibose, Solu dio kpámamaro, lé kè aṣ kè Diia ledō kōn Yonatāo yānzi. <sup>8</sup> À négōgbē gōon plaaa kè Aya nēnōgbē Rizipa ì kōn Soluo sè. Aṣ tón yè: Aamōni kōn Mefiboseo. À négōgbē gōon sōoro kè Solu nēnōgbē Meraba ì kōn Mēola gbē Bazilai né Adieliono sè do. <sup>9</sup> À n ná Gibiḍdeenone n zī, ben aṣ n logo lía sìsī musu Dii ae. Gōon swēplaaa pino gà ledome, wà n dède pó dúfu kekeguro.

<sup>10</sup> Aya né Rizipa pōsia utano sè à kpàe a zīndane gbèa gwe. Zaa pó dúfu kekeguro ai lou gàa à gè pino gbè, ègō gii bāano aṣ zōmā fāantē, ègō gii sète nòbōno aṣ sōnzi gwā. <sup>11</sup> Wà yā kè Solu nō yìgisai pì kè ò Daudane, <sup>12</sup> ben à gàa à Solu kōn à né Yonatāo wāno sèe Yabesi Giliadadeeno kiia. À mò à lè wà n gèno sèe kpāi Betesā gāale, guu kè Filisitino n logo bīia Solu dena Giliboa gbera. <sup>13</sup> Dauda tò wà n gèwa pino sèe wà tàò, wà kàkōa kōn gbē kè wà n logo pino gèwano, <sup>14</sup> ben wà vīi Solu de Kisi miran Zela, Beyāmi boriino bùsun. Wà yā kè kina diè kè píngi, ben Luda adua kè wà kè Isarailino bùsu yā musu sìnyo.

### *Gbē gbàagbāano dèdena*

<sup>15</sup> Filisitininɔ ɛara wà zì kà kɔn Isarailinɔ dɔ. Dauda kɔn a gbɛnɔ gaa wà zì kànyo. Kè Dauda gbāaa yāa, <sup>16</sup> ben gbɛ gbāanɔ bori Isibi Benɔbu bè é Dauda demɛ. À m̀gotɛ sári tiisi de kiloo aagɔla, à fɛɛda dufu logona. <sup>17</sup> Ben Zeruya né Abisai d̀àlɛ à Filisitini pì dè. Ben Dauda gbɛnɔ la d̀anɛ wà bè: Né gáwao zìlan d̀oro, lɛ wa Isarailinɔ fitia tón garo yānzi.

<sup>18</sup> Beee gbera aɔɔe zì kaa kɔn Filisitininɔ Gobu, ben Usa gbɛ Sibekai gbɛ gbāa borii kè wè sísi Safa dè. <sup>19</sup> Zì ɛara à fɛɛ kɔn Filisitininɔ Gobu dɔ, ben Betɛlemu gbɛ Yairi né Elana Gata gbɛ Gɔlaya d̀aaro Lami dè. Lami sári pá de lán bisatári àsa lí bàme. <sup>20</sup> Kè aɔɔe zì kaaɔyɔ Gata dɔ, gbɛ bíta kee kú gwe, à ɔnɛnɔ kɔn à gbánɛnɔ m̀en swɛɛdodome, à kè píngi baaasɔoro dosai. Gbɛ gbāanɔ boriime dɔ. <sup>21</sup> À kùse bìi Isarailinɔa, ben Dauda v̄i Simea né Yonatã à dè. <sup>22</sup> Gɔɔn siigɔo pìnɔ né Gata gbɛ gbāanɔ boriinɔme. Dauda kɔn a gbɛnɔ bé wà n̄ dede.

## 22

### *Dauda Dii sáabukpana a z̀iblena yā musu (Saa 18)*

<sup>1</sup> Kè Dii kí Dauda b̀ Solu kɔn à ibɛɛ kpaanɔ ɔzì, à lè dà kɔn Dii tóo <sup>2</sup> à bè: Diin ma gbèsi kɔn ma zeki gbāaaɔ ũ, ma m̀sirime.

<sup>3</sup> Ma Ludan ma gbèsi ũ, m̀è nazi.

Àmbe ma sɛngbango ũ  
ma m̀siri gbāa kɔn ma gulezìo,  
ma uteki kɔn ma b̀kiio,  
è ma sí gbɛ pāsĩnɔa.

<sup>4</sup> Dii kà wà à sáabu kpá.

M̀è à sísi, è ma b̀ɔ ma ibɛɛnɔ ɔzì.

<sup>5</sup> Goro'ite vl̀ɛmao,  
ísɔ kè è n̄ kaate e ma blee.

<sup>6</sup> Mira bànɔ lìgamazi,  
gaa takuteɛ kpàkpame ma aɛ.

<sup>7</sup> Kè má kú nawɛa guu lɛ, ma Dii sìsi,  
ma wii pè ma Ludazi,  
ben à ma k̀oto mà zaa a bɛ,  
ma wiii kà à kiia, à gè à swān.

<sup>8</sup> Tɔɔte lùgaluga à nìgānigā,  
kp̄iinɔ d̀egedege ai n̄ kāsāan.

Aɔ lùgaluga kè à pɔ f̀è yānzi.

<sup>9</sup> Tésukpe b̀ɔ à yìzì,  
té kè è n̄ kpata b̀ɔ à lén,  
à ỳnɔɔ e té kee à aɛ.

<sup>10</sup> À musu wè à p̀ita,  
lou sìsi à gbá gĩzì.

<sup>11</sup> Èe v̄iaa dina kerubu kpɛɛ,  
èe yāa paa ìala.

<sup>12</sup> À gusiaa dà a z̀indala,  
ludambe sia k̀ù à k̀ukiila.

<sup>13</sup> Zaa à gakui tékena guu  
lou e pii pāsĩpāsĩ.

<sup>14</sup> Dii p̀ata zaa musu,



Luda Musude kòto dɔ lapatana ũ.

15 À kà fǎ ma ibɛɛnɔa à n̄ fǎakɔa,  
à tò lou pìrɔma à pèrɔma.

16 Kè Dii pàtańma,  
kè à pɔ bɔ a yĩzĩ,  
ísia tɔɔte bɔ gupuraa,  
anduna kásáa gɔ kaena pɔtē.

17 À ɔ bɔ zaa musu à ma kũ,  
à ma bɔ swadaa guu.

18 À ma si ma ibɛɛ gbáaa ɔzĩ  
kɔn ma zanguri kè aɔ gbáaa demalaano.

19 Aɔ lèɛma ma mɔnzikɛguro,  
mɔde Dii zèmao.

20 À ma bɔ à ma gba mèporokii,  
à ma mì sì, kè à yemazi yānzi.

21 Dii yā kèɛɛ ma nɔse maa lén,  
à fīa bòmɛ ma gbāsisaikɛ lén.

22 Zaakɛ má Luda yādienano kũna,  
mèɛ à zaaa kɛ ma a Luda tònlo.

23 À dokayāno ègɔ dɔɔmɛ aɛ píngi,  
mèɛ kpɛɛ li yā kè à diɛnɔnɛro.

24 Má kuuna taari vī Diinero,  
má a zīnda kũna durun sai.

25 Dii fīa bòmɛ ma nɔse maa lén,  
zaakɛ à è má kuu gbāsī sai.

26 Náanɛdeen n ũ náanɛdeenɔnɛ,  
taarisaidɛn n ũ taarisaidɛnɔnɛ.

27 N̄ wásawasa gbɛ wásawasanɔnɛ,  
mɔde nè è íbetɛ kpá kɔn gbɛ dɔrɔsaidɛnɔ.

28 Nè è zīndabusarinɔ mì sí,  
nè è gbɛ kè aɔ è n̄ zīnda sé lezīno sɔɛ.

29 Dii, m̄be ma fitia ũ,  
Dii, nè è ma gusiaa liɛ gupuraa ũ.

30 Kɔn n gbáaa mé fɔ mà kù kpá karaa,  
ma Luda gāzī mé fɔ mà vī gūla.

31 Luda kèkii sɔ yākɛna bɔɛzina,  
Dii yā see vīro, à wásawasa,  
à de sɛngbango ũ gbɛ kè aɔ nàzinɔnɛ.

32 Dii baasiro, dén Luda ũu?  
Wa Luda baasiro, dén gbèsi ũu?

33 Luda bé è ma gba gbáaa,  
àmbe è zé poromɛ súusu.

34 È tó ma gbá kái gɔ nna lán zɔ pɔ bà,  
è tó màgɔ táa oo gulezīno musu.

35 È zìkana dadamɛ,  
ai ma gāsā é fɔ à m̀gotē sá gá.

36 Nè è n zìblesɛngbango kpáma,

neè nae ò ma tó bo.

<sup>37</sup> Neè ma zé yàasa kũme,  
le ma gbá tón sataro.

<sup>38</sup> Ma pɛɛ ma ibɛɛnɔzi ma í dúgu zò,  
mée ɛara mà suro, sé kè ma gaa ma í dɛdɛ.

<sup>39</sup> Ma í wiwi dúgudugu, aɔɔe fɔ wà fɛɛ dɔro,  
aɔ lèe wà gò kaena ma gbá gĩzĩ.

<sup>40</sup> N ma gba gbāaa ma zĩ kào,  
í tò ma ibɛɛnɔ mì nàeme.

<sup>41</sup> N tò ma zangurinɔ kpɛɛ lì,  
ben ma a ibɛɛ pìnɔ kàate.

<sup>42</sup> Aɔ wii lè, gbẽkee e í mì síro,  
aɔ lé zù Diizi, èe weńlaro.

<sup>43</sup> Ma í ké tíketike lán bùsutiti bà,  
ma taa òm̃ma lán zé guu bɔtɔnga bà.

<sup>44</sup> N ma bo ma gbẽ kè aɔ fɛɛmaziinɔ ɔzĩ,  
n ma ke boriinɔ mĩdee ũ.

Borii kè má í dɔroonɔ è zò blemɛ,

<sup>45</sup> bori zĩtɔnɔ è na í sàsa ma aɛ.

Tó aɔ ma yā mà, aɔè mì siemɛ.

<sup>46</sup> Aɔ kã è ga,  
aɔè bo í zeki gbāaanɔn kɔn luganao.

<sup>47</sup> Dii kuu! Aubarikadeen ma gbèsi ũ!

Wà Luda ma gbèsi ma mĩsiri tó bo!

<sup>48</sup> Luda bé è gɛɛ bome,

è tó boriinɔ mì siemɛ,

<sup>49</sup> è tó mà piti ma ibɛɛnɔn.

N ma gba gbāaa dɛ ma zangurinɔla,

n ma bo gbẽ pāsĩnɔ ɔzĩ.

<sup>50</sup> Beee yānzĩ mé n sáabu kpá boriinɔ té,  
mé n tó kpá, Dii.

<sup>51</sup> Dii è zĩ bíta ble kína kè à à sènɛ,

è gbẽkɛɛ ke kína kè à à kànɛ,

mamɔma Dauda kɔn ma boriinɔ

ai gurɔ píngi.

## 23

### *Yā zāa kè Dauda ò*

<sup>1</sup> Yā zāa kè Dauda òn yè.

Yɛɛ né Dauda yān yè,  
gbẽ kè Luda à gbà gbāaa yā'oname.

Yakubu Luda à kà kí ũ,

àmbe Isarailinɔ lèdari maaa ũ.

<sup>2</sup> Dii Nini yā dàmɛ,

à yā da ma lén.

<sup>3</sup> Isarailinɔ Luda yā ò,

Isarailinɔ Gbèsi bèmɛ:

Tó gbẽ kí blè gbɛnɔnɛ a zéa,

tó à kí blè vīakena Ludane guu,  
<sup>4</sup> ègō de lán ɔfāntē bɔena gupuraa bàme,  
 lán gudɔna gukēkɔana bà,  
 lán lou kè è tó sè bɔe bà.  
<sup>5</sup> Ma bēdeenɔ nna kɔn Ludaoroo?  
 À bà ègō kúmao ai gurɔ píngi.  
 À à yā gōgō píngi, à seka vīro.  
 Eé ma m̀sina yā kēkē à pàparoo?  
 Eé pó kè má à nii vī kpáma píngiroo?  
<sup>6</sup> Gbē pāanɔ de lán lè bàme,  
 wè zō wà zīnname, è sí kū kyáuro.  
<sup>7</sup> Gbē kè yezi à ɔ páa,  
 séto àgō gōkēbɔ ke gò kūna,  
 è té s̄sa guu kè à kún.

### *Dauda gōsagbāaanɔ*

<sup>8</sup> Dauda gōsagbāaanɔ tón yè. Takemɔ gbē Yasɔbeamun z̀ikari tóde gōɔn aagōɔnɔ gbēnsi ũ. Àmbe à sári sè gōɔn wàa siigōɔnɔzi à n̄ zōzōo n̄ píngi gurɔ d̄onkō zī. <sup>9</sup> Gbē beee gbera Dodai né Eleaza, Ahoa gbē kú z̀ikari gōɔn aagōɔ pìnɔ té dɔ. À kú kɔn Daudao gurɔ kè Isarailinɔ kākɔa aō zī kà kɔn Filisitininɔ zaa Pasadamimu. Isarailinɔ bɔru kpɛɛ, <sup>10</sup> àmbe à f̄ɛɛ à Filisitininɔ dèdè ai à ɔ yàa à gbàgbā à gō f̄ɛɛda pá kūna. Dii tò à zī blè maamaa zī beee. Z̀ikari kpaaanɔ èara wà sù aō à lè, m̄ode pónɔ pitina gènɔa yānzime. <sup>11</sup> Gbē beee gbera Age né Sama gus̄is̄ide gbē. Kè Filisitininɔ gālì kākɔa guu kè blá bú kún, Isarailinɔ bàa lèñne, <sup>12</sup> àmbe à zè à gì bú pì dagura. À bú pì s̄imma à Filisitininɔ dèdè. Dii tò à zī blè maamaa.

<sup>13</sup> Pókēgurɔ wórɔngɔde gōɔn baaakurinɔ té, gōɔn aagōɔnɔ b̀ò wà gàa Dauda kiia zaa Adulamu gbèwɛɛn. Filisitininɔ gālì bùra kaena Refaimu guzuren. <sup>14</sup> Gurɔ beee Dauda kú s̄ète p̀rɔtu, Filisitini gudākparinɔ s̄ɔ kú Betelemu. <sup>15</sup> Dauda e a be í ni d̄ɛɛ à bè: Dé bé eé gá à Betelemu b̄iile l̀gɔ'í tómɛɛ? <sup>16</sup> Wórɔngɔde gōɔn aagōɔ pìnɔ bé wà gàa wà gè Filisitininɔ bùran, aō Betelemu b̄iile l̀gɔ'í tò wà s̄ùo Daudane. Ben èe we à m̀ìro, à kw̄ɛɛ Dii aɛ sa'o'í ũ. <sup>17</sup> À bè: O'o Dii, mé f̄s̄ mà í kè miro. Gbē kè aō gì n̄ wèndizinɔ arumɛ. Èe we à m̀ìro. Wórɔngɔde gōɔn aagōɔ pìnɔ yākenan gwe.

<sup>18</sup> Zeruya né Abisai, Yoabu dāaro bé wórɔngɔde gōɔn baaakurinɔ gbēnsi ũ. Àmbe à sári sè gōɔn wàa do kpé basɔroonɔzi à n̄ d̄ɛɛ, ben à tó b̀ò gōɔn baaakuri pìnɔ té. <sup>19</sup> À tó b̀ò de wórɔngɔde gōɔn aagōɔ pìnɔla, ben à gō n̄ gbēnsi ũ, m̄ode à kú wórɔngɔde tóde gōɔn aagōɔ pìnɔ téro. <sup>20</sup> Yoyada né Benaya, Kabazeli gbēn z̀ikari wórɔngɔdee ũ. À yākenanɔ pari. À M̄abu z̀ikari tódeenɔ dèdè gōɔn plaa. À gè wèe guu gurɔ kè lougbe kw̄ɛɛ, à músu dè. <sup>21</sup> À Igipiti gōsagbāaa kè sári kūna dè. À s̄ɔzi kɔn gòo à à sári sia à à dèo. <sup>22</sup> Yoyada né Benaya bé à yā pìnɔ kè, ben à tó b̀ò wórɔngɔde gōɔn baaakuri pìnɔ té. <sup>23</sup> À tó b̀ò de wórɔngɔde gōɔn baaakuri pìnɔla, m̄ode à kú wórɔngɔ tóde gōɔn aagōɔ pìnɔ téro. Ben Dauda à d̄ie a dākparinɔ gbēnsi ũ.

<sup>24</sup> Gōɔn baaakuri pìnɔ tón yè:

Yoabu dāaro Asaheli,  
 doodo né Elana Betelemu gbē,  
<sup>25</sup> Arodi gbēnɔ Sama kɔn Elikao,  
<sup>26</sup> Paliti gbē Elezi,  
 Tekoa gbē Ikési né Ira,  
<sup>27</sup> Anato gbē Abieza,  
 Usa gbē M̄ebunai,

28 Ahoa gbě Salamɔ,  
 Nɛtɔfa gbě Marai,  
 29 Nɛtɔfa gbě Baana né Elɛbu,  
 Gibɛa kè kú Bɛyāmi b̀sun gbě Ribai né Itai,  
 30 Piratɔ gbě Bɛnaya,  
 Gaasi guzurɛ gbě Idai,  
 31 Araba gbě Abialabɔ,  
 Bahurimu gbě Azamavɛ,  
 32 Salaboni gbě Eliabu,  
 Yasɛ ńnɔ,  
 33 gusĩsĩde gbě Sama né Yonatā,  
 gusĩsĩde gbě Saraa né Ahiamu,  
 34 Maaka gbě Asabai né Elifeleti,  
 Gilo gbě Aitofɛli né Eliamu,  
 35 Kamɛli gbě Ezɛro,  
 Larubu bori Parai,  
 36 Zoba gbě Natā né Igali,  
 Gada bori Bani,  
 37 Amɔni bori Zɛlɛki,  
 Bero gbě Narai, Zeruya né Yoabu z̀kapɔnɔsɛri,  
 38 Yɛta gbɛnɔ Ira kɔn Garebuo  
 39 kɔn Iti bori Uriao.  
 Aɔ ṕngi aɔ gɔn baaakuri awɛɛswɛɛplaamɛ.

## 24

### *Dauda z̀kpɛɛnɔ narona*

1 Dii ɛara à pɔ fɛ Isarailinɔzi, ben à Dauda dà à ɔ kà yāzi à bè: Ń gá n̄ Isarailinɔ kɔn Yudanɔ nara. 2 Ben kí bè Yoabunɛ kɔn z̀kpɛ gbɛnsi kè aɔ kúonɔ à bè: À Isaraili boriinɔ b̀su para sɛna zaa Dani ai à gá pé Bɛsɛbaa, à z̀karinɔ nara lɛ mà e mà n̄ pari lé d̄s. 3 Ben Yoabu bè ḱnɛ: Ma dii kí, Dii n̄ Luda n̄ gbɛnɔ kɔnnɛ lɛo basɔro n̄ wɛɛ siàlɛ, mɔde ma dii kí, à kè dia n̄ yezi n̄ kɛ lɛɛ? 4 Baa kɔn beeeo kí yā Yoabu kɔn z̀kpɛ gbɛnsinɔ blè, ben aɔ b̀ɛ kí kiia aɔ gàa Isarailinɔ nara. 5 Kè aɔ bikù Yodaa, ben aɔ b̀ra kàe Aroa saɛ. Wéte pì kú guzurɛmmɛ. Ben aɔ lili ò Gada b̀sun ai Yaza. 6 Aɔ lili ò Giliada b̀sun aɔ gàa Kadɛsi, Itinɔ b̀sun ai Daniyani, ben aɔ gàa Sidɔ kpa. 7 Aɔ gàa Taya wéte b̄ideen kɔn Ivi wétɛnɔ kɔn Kanaa wétɛnɔ ṕngi, ben aɔ gàa Yudanɔ b̀su sɔmɛte kpa ai Bɛsɛba. 8 Aɔ lili ò b̀su pìn ṕngi. Mɔ k̄ndo kɔn gurɔ barooo gbera aɔ ɛara wà sù Yerusalemu. 9 Ben Yoabu gbɛ kè à n̄ naronɔ lé ò ḱnɛ. Isaraili gɔgbɛ kè aɔ fɛɛdaa d̄ɔnɔ gɔn bɔrɔ wàa siigɔ. Yudanɔ s̄ gɔn bɔrɔ wàa plaa kpé basɔro.

10 Gbɛ p̀nɔ narona gbera Dauda kú tóadɔyāa guu, ben à bè Diinɛ: Ma durun kè yā pì kɛna guu maamaa. Dii, mamɔma n̄ z̀bleri, n̄ ma taari k̄mɛ sa, zaake ma yɔnkɔyā kè. 11 Ai Dauda gɔ gá fɛɛ kɔngɔ, Dii yā d̄idi annabi Gada, Dauda wéɛgupu'eria à bè: 12 Ń gá n̄ o Daudanɛ kè ma bè, mé yā mèn aagɔ kpáɛ à aɛzĩ. À yā p̀nɔ doke gwa à sé, mé kɛnɛ. 13 Ben Gada gàa à Dauda lè à bènɛ: Dekaa kana n̄ b̀sun w̄ɛ swɛɛplaa ke n̄ ibɛnɔ pɛnanzi n̄ bàa ĺnɛ mɔ aagɔ ke gagyāa ḡna n̄ b̀sun gurɔ aagɔ, à kpáren n̄ sè? N̄ laasuu léa n̄ gwa, mé gá mà o Luda kè ma z̄inɛ. 14 Ben Dauda bè Gadannɛ: Má kú nawēa bíta guu. Má s̄i wà lɛɛ wà da Dii ɔzĩ, zaake à w̄nda v̄i maamaa. Àton tó mà lɛɛ mà da gbɛntee ɔzĩro. 15 Ben Dii tò gagyāa ḡɛ Isarailinɔn zaa kɔngɔ beeeo ai gurɔ kè à zèo. Sɛna zaa Dani ai à gàa pé Bɛsɛbaa Isarailinɔ gàga gɔn bɔrɔ baaagɔ akuri. 16 Kè malaika ɔ b̀ ò Yerusalemudeenɔ kaate, Dii a

nòse liè yã pì musu, ben à bè malaika kè èe ní kaateε pìne: Ñ ze le! Ñ n ɔɔ sɔkpa sa. Yebusi bori Arauna blēwεεgbēkiin Dii malaika pì kún. <sup>17</sup> Gurɔɔ kè Dauda malaika pì è èe ní dεdεε, à bè Diine: Mámbe ma durun kè ma taari kè. Gbē pìnɔ né ma kpàsa sāanɔme, aɔɔe yāke kero. Ñ tó n pɔfē pita mapi kɔn ma de bεdeenɔa.

<sup>18</sup> Zī beee Gada gàa à Dauda lè à bène: Ñ gá Dii gbāgbākii bo Yebusi bori Arauna pówεεgbēkiia. <sup>19</sup> Ben Dauda gàa lán Dii à yã ò Gadanε nà. <sup>20</sup> Kè Arauna wée zù, à è kí kɔn a gbēnɔɔ e mɔɔ a kiia, ben à gàa à kùene à dàe a puua <sup>21</sup> à bè: Ma dii kí, à kè dia née mɔɔ mamɔma n zòbleri kiia lee? Dauda wèala à bè: Ma mɔ mà n pówεεgbēki lúmma mà Dii gbāgbākii bomme, le gagyāa pì e à go gbēnɔa yānzi. <sup>22</sup> Ben Arauna bè Daudanε: Ma dii kí, ñ pɔ kè kènne maaa sé ñ saa oo. Ñ zùnɔ gwa sa'opɔ ũ. Ñ pówεεgbēgonɔ kɔn gbóngonɔ sée yàka ũ. <sup>23</sup> Kí, ma n gbaa píngi. Arauna èara à bène dɔ: Dii n Luda sínne. <sup>24</sup> Ben kí bène: Auo! Mé lúmmame, mé à fīa bonne. Mé saa o Dii ma Ludaa pã fīabosairo. Ben à pówεεgbēkii pì kɔn zùnɔ lùà kondogi baplaa akuri. <sup>25</sup> Ben à Dii gbāgbākii bò gwe à sa'opɔ kè wè ká tén à té kũ òa kɔn kennakɔo sa'opɔnɔ. Dii sìne à bùsu yã musu, ben gagyāa pì zè.

## KINANŌ TAKADA KAAKU

Sulemanu kíblena 1:1-2:46

Kí Sulemanu yā 3:1-11:43

Yudanŋ kŋn Isarailinŋ kŋkpaatena 12:1-16:34

Ilia yā 17:1-22:54

### *Adonia a zīnda kana kí ũu*

<sup>1</sup> Gurŋŋ kè kí Dauda zi kŋ kŋtokoto, baa tó wà bisanŋ kùàla, ĩa ègŋ kpεε à deεμε. <sup>2</sup> Ben à ĩbanŋ bène: Wa dii kí, ñ tó wà ñkpare wetenne, àgŋ zīi keenne àgŋ n gwaa, àgŋ daεε n saε le ĩa tón n de dŋro. <sup>3</sup> Ben wà gaa wà kpáε kè ñkpare maaazi Isarailinŋ bùsun píngi, ben wà bŋ Sunemu ñgbε Abisagaa, wà à sè wà sùo kīnane. <sup>4</sup> Ñkpare pí né ño maaame. Ègŋ kīna gwaa àgŋ zīi keene, mode kí à dŋ ñgbε ũro.

<sup>5</sup> Dauda naŋ Agi né Adonia a zīnda diε kè a ka, ben à bè ámbε é kí ble. Ben à sŋgoronŋ sè kŋn sŋdeeno kŋn gŋgbε gŋŋn baplaa akuri kè aŋégŋ bàa leε wàgŋ téare aeno. <sup>6</sup> À dee e kpákēzi ziki à be, à kè dia néε keε leero. Àpi sŋ né gŋ maaame. Abusalomu bé à yŋ mì à kpàa. <sup>7</sup> Ben à ledole kè kŋn Zeruya né Yoabuo kŋn sa'ori Abiatao, ben aŋ zèo. <sup>8</sup> Mode sa'ori Zadŋki kŋn Yoyada né Benayao kŋn annabi Natāo kŋn Simēio kŋn Dauda gbēnnanŋ kŋn à dogarinŋ e zeoro. <sup>9</sup> Adonia saa ò kŋn sāanŋ kŋn zūnŋ kŋn zūne mēkpananŋ Mlēgbe kè kú Enlogeli saea. À a dāaro kīnenŋ sīsi ñ píngi kŋn Yuda kè aŋ de kīna ĩba ũunŋ ñ píngi. <sup>10</sup> Èe annabi Natā sīsiro ke Benaya ke Dauda dogarinŋ ke a zīnda dāaro Sulemanu.

<sup>11</sup> Ben Natā gaa à Sulemanu da Baseba là à bè: Néε ma kè Agi né Adonia kí blè wa dii kí Dauda dŋna sairoo? <sup>12</sup> Tŋ, ñ tó mà lé damma sa lán né ke nà, ñ n zīnda mì sí kŋn n né Sulemanu pŋo. <sup>13</sup> Ñ fεε ñ gá kí Dauda le ñ bene, kè à la dāne yā à bè n né Sulemanu bé eé kí ble a gēε ũ à vεε a kpatan sŋ né? À kè dia Adonia gŋ kí ũu? <sup>14</sup> Gurŋŋ kè ñ kpé néε yā oone, mé gē mà yā'i kaara se. <sup>15</sup> Ben Baseba gaa à kīna lè à kpén, guu kè Sunemu ñgbε Abisaga e à gwaan. Kí sŋ zi kŋ. <sup>16</sup> Baseba kùε à mì pēne, ben kí à là à bè: Bŋn ñ yezi? <sup>17</sup> À wèàla à bè: Ma dii, mbe ñ sī mamŋma n zŋblerine kŋn Dii n Luda tŋo, n bè ma né Sulemanu bé eé kí ble n gēε ũ à vεε n kpatan. <sup>18</sup> Tia sŋ ma dii kí, Adonia bé à kè kí ũ, bensŋ ñ à yā dŋro. <sup>19</sup> À saa ò kŋn zūnŋ kŋn zūne mēkpananŋ kŋn sāanŋ paripari, à n néno sīsi ñ píngi kŋn sa'ori Abiatao kŋn zīkpe dŋn'aede Yoabuo, mode èe n zŋbleri Sulemanu sīsiro. <sup>20</sup> Ma dii kí, mbe Isarailinŋ píngi sŋkpanzi, wà ma tó dé bé eé ke kí ũ n gbèn. <sup>21</sup> Ma dii kí, tó n gaa n dezīnŋ kŋkīia, mapi kŋn ma né Sulemanu, weégŋ wa gwaa taarideeno ũme.

<sup>22</sup> Kè à kpé èe yā oo kŋn kīnao, ben annabi Natā mò. <sup>23</sup> Wà ò kīne kè annabi Natā kú kè. Ben Natā gè à kùε kīnane à dàε a puua <sup>24</sup> à bè: Ma dii kí, mbe n bè Adonia ke kí ũ à vεε kpatan n gēε ũs? <sup>25</sup> Zaake à gaa à saa ò gbāa kŋn zūnŋ kŋn zūne mēkpananŋ kŋn sāanŋ paripari. À n néno sīsi ñ píngi kŋn n zīkpe dŋn'aedeeo kŋn sa'ori Abiatao. Aŋe pŋ bleo, wèε í mii tia, aŋe bee: Luda kí Adonia dŋ kŋn aafiao! <sup>26</sup> Mode èe mamŋma n zŋbleri sīsiro ke sa'ori Zadŋki ke Yoyada né Benaya ke n zŋbleri Sulemanu. <sup>27</sup> Ma dii kí, ase le n kè leε, ben n gi gbε kè eé vεε kpatan n gēε ũu o wamŋwa n zŋblerinŋneziŋ?

### *Sulemanu kana kí ũ*

<sup>28</sup> Ben kí Dauda bè: À Baseba sīsiime. Kè Baseba mò à gē, à mò à zè kí aε. <sup>29</sup> Ben kīna la dàne à bè: Kŋn Dii kuunao! Àmo kè à ma bŋ nawēa píngi guu. <sup>30</sup> Ladana kè má kēne kŋn Dii Isarailinŋ Luda tŋo, ma bè n né Sulemanu bé eé kí ble ma gbèn à vεε kpatan ma gēε ũ, mé papa gbāa kānkāmmε. <sup>31</sup> Ben Baseba kùε à mì pēε tŋte kīnane à bè: Ma dii kí Dauda, Luda n dŋ kŋn aafiao gurŋ píngi!

<sup>32</sup> Ben kí Dauda bè: À sa'ori Zadoki sísimε kōn annabi Natāo kōn Yoyada né Benayao. Kè aō mò kína kiia, <sup>33</sup> à bèñne: À ma ìbano kakōa é ma né Sulemanu sé à à di ma bāagāsōa, é gáo Giō. <sup>34</sup> Gwen sa'ori Zadoki kōn annabi Natāo é nōsi kúa aō à ká Isarailino kí ũ, é kuru pè à wii lé à be: Luda kí Sulemanu dō kōn aafiao! <sup>35</sup> Beee gbera é suo, eé v̄εε kpatan àgō kí blee ma gbèn. Àmbe má diε Isarailino kōn Yudanō dōn'aεdee ũ. <sup>36</sup> Ben Yoyada né Benaya bè kínane: À ke le! Dii n Luda n légbε sí ma dii kí! <sup>37</sup> Lán Dii kúnyo nà ma dii kí, àgō kú kōn Sulemanuo le, à à kíkε sé lezī de n póla se.

<sup>38</sup> Ben sa'ori Zadoki kōn annabi Natāo kōn Yoyada né Benayao kōn dogarino gāa wà Sulemanu di kí Dauda bāagāsōa, aō gāa zeεε Giō. <sup>39</sup> Ben sa'ori Zadoki nōsi tūu sè Dii kpén, à nōsi pì kù Sulemanua. Ben wà kuu pè, baade píngi wii lè wà bè: Luda kí Sulemanu dō kōn aafiao! <sup>40</sup> Ben baade píngi bō wà tēzi, aōεε suu aōεε gaasia pεε, aōεε pōnnaa keε maamaa ai tōtε nīgā kīi kè aōεε keε pì yānzi.

<sup>41</sup> Kè Adonia kōn gbē kè à n̄ sisino pó blè wà yāa, aōεε mōo fεε, ben aō kīi pì mà. Kè Yoabu kuru'ò pì mà, ben à bè: Bó zōka bé à dō wéte guu leε? <sup>42</sup> Èe yā pì o à yāaro, ben sa'ori Abiata né Yonatā gāa káo gōo. Ben Adonia bè: Ñ gē. Gbē bèedeēn n ũ, mée sii baaru nnaan n suo. <sup>43</sup> Ben Yonatā bè Adoniane: Lenlo! Wa dii kí Dauda Sulemanu kpà kpatan. <sup>44</sup> À sa'ori Zadoki kōn annabi Natāo kōn Yoyada né Benayao kōn a dogarino gbàre aō gáo, ben aō gāa wà à di kína bāagāsōa. <sup>45</sup> Ben sa'ori Zadoki kōn annabi Natāo nōsi kúa aō à kà kí ũ zaa Giō. Kè aō bō gwe, aō sù kōn pōnnakenao, ben wéte lògo. Kīi kè á màn gwe. <sup>46</sup> Baa diamε Sulemanu v̄εε kpatan kò. <sup>47</sup> Ben wa dii kí Dauda ìbano mò wà ì kpàa se, aō bè Luda Sulemanu tó bō de à póla! Luda à kíkεε gba gbāaa de à póla! Ben Dauda mì nàε à dōnzi kè Diine a daεbōa <sup>48</sup> à bè: Wà Dii Isarailino Luda sáabu kpá, kè à tò ma wéε sì ma gēε kana kí ũle gbāa.

<sup>49</sup> Kè gbē kè Adonia n̄ sisino mà le, ben aō làakari fεε, baade a zé kù. <sup>50</sup> Kè Adonia e vīa keε Sulemanunε yānzi, ben à fεε à gāa à nà Dii gbāgbākiizi, à a koba kù. <sup>51</sup> Ben wà bè Sulemanunε: Adonia e vīa keεnne, à gāa à nà Dii gbāgbākiizi à a koba kūna, èe bee n̄ la da amōa n zōblerinε gbāa, kè né a dero. <sup>52</sup> Ben Sulemanu bè: Tó à a zīnda kūna dō gbē maaa ũ, baa à mikā wén do eé léε tōtεro. Tó wà gā wà à zaa ke èa sō, à gāmε. <sup>53</sup> Ben kí Sulemanu gbēno zī, aō Adonia gò Dii gbāgbākiia. Kè Adonia pì mò à kùεε, ben Sulemanu bène: Ñ tá n be.

## 2

### *Dauda lédiεna Sulemanunε*

<sup>1</sup> Kè Dauda gagurōo kà kīi, à lé diε a né Sulemanunε à bè: <sup>2</sup> Mée gaa anduna gbē píngi gákii. Ñ ze gbāa, né n zīnda oōa kè négōgbēn n ũ! <sup>3</sup> Ñgaegō Dii n Luda yāno kūna, négō té à zézi, négō à oōkii gwaa, négō à yādiεnanō kūna kōn à dokayāno kōn à yā'onnenano, lán à kú Musa doka takadan nà, yā kè néε keε píngi égō bōo maa, n tá píngi égō nna. <sup>4</sup> Len Dii é yā kè à òmεε papa le à bè, tó ma nēno n̄ zīnda kūna dō bensō aō té ma zézi kōn nòsεo do kōn poyezinao píngi, ma boriino égō v̄εεna Isarailino kpatan gurō píngi.

<sup>5</sup> Ñ yā kè Zeruya né Yoabu kēmεε dō, lán à Isaraili zīkpe dōn'aεde gōon plaaano dède nà, Nεε né Abana kōn Yeta né Amasao. À gbē pino dède, èe ke sō zī gurōnlo. Aō aru gō à musu, à kù à asaaa kōn à kyateeno. <sup>6</sup> Ñ yā keε n òndōna lén. Ñton tó à mikā pura kū gbasa à daε miran yīi guuro. <sup>7</sup> Ñ gbēkeε ke Giliada gbē Bazilai négōgbēnoε. Ñ n̄ diε gbē kè égō pó blee ledoonō té, zaake aōmbe aō zēmao gurōo kè mée bàa sii n v̄i Abusalomunε. <sup>8</sup> Beyāmi bori Gera né Simēi, Bahurimu gbē kúnyo dō. À ma ka pásīpāsī gurōo kè mée gaa Manaimu. Kè à mò à ma le Yodazi, má sine kōn Diio kè mé à dero. <sup>9</sup> Baa kōn beeo ñton à tó pā wētāmma sairo. Ñ òndō, n̄ dō dian né keε nà à ga zēgbān à gē miran.

<sup>10</sup> Ben Dauda gà. Yerusalemu fáandi kè wà à v̄iin wè be Dauda wéte. <sup>11</sup> À kè Isarailinŋ kí ũ ai wè baplaa, Eblonu wè swεεplaa, Yerusalemu wè baaakuri awεε'aagŋ. <sup>12</sup> Sulemanu v̄εε a de gbèn bensŋ à kpata kāsāa pεena.

### *Adonia gana*

<sup>13</sup> Agi né Adonia gàa à Sulemanu da Baseba lè, ben Baseba à là à bè: Aafian n mŋó? À wèàla à bè: Aafiame! <sup>14</sup> Adonia èara à bè: Má yā v̄i mà onne. Baseba bè: Ñ o! <sup>15</sup> Ben Adonia bè: Ñ dŋ kè kpata né ma pŋme yā. Isarailinŋ wée kúma n̄ píngi mà ke n̄ kí ũ, ben yā liε, ma dāaro bé à kpata blè, zaake Dii bé à à kà. <sup>16</sup> Tia sa yā mèn doon mée wée keemma, n̄ton gí kemεziro. Baseba bè: Ñ o! <sup>17</sup> Ben à bè: Ñ wée kemε kí Sulemanua à Sunemu nŋgbē Abisaga kpáma nŋ ũ, zaake eé gíonn̄ero. <sup>18</sup> Baseba bè: Tò, mé onenne.

<sup>19</sup> Kè Baseba gàa à kí Sulemanu lè Adonia yā pì musu, ben kína pì f̄εε à gàa à dàale à kùene, ben à èara à mò à v̄εε a kiblekitan. Ben wà mò Basebanε kŋn kiblekita pāndeŋ, ben à v̄εε kí ɔplaazi. <sup>20</sup> Baseba bè: Pŋken má yezi mà wée kemma, n̄ton ma t̄ero. Ben kí bè: Ñ wée ke Naa, mé n t̄ero. <sup>21</sup> Ben Baseba bè: Ñ tó wà Sunemu nŋgbē Abisaga kpá n v̄i Adoniaa à à sé nŋ ũ. <sup>22</sup> Ben kí Sulemanu a da là à bè: Bŋyānz̄in néε Sunemu nŋgbē Abisaga wée keε Adonianεzi? Ñ kpata wée keεε gŋm̄εεε! Zaake ma v̄iime. Néε kpata wée keεεε kŋn sa'ori Abiataŋ kŋn Zeruya né Yoabuomε. <sup>23</sup> Ben kí Sulemanu si kŋn Diiŋ à bè: Tó Adonia e kora a wèndizi yā kè à wée kè kè yānz̄i, Luda yā kemε pās̄ipās̄i. <sup>24</sup> Zaake Dii ma ka kpatan, à ma diε ma de Dauda ḡεε ũ, à ma borii gbà gbāaa lán à à lé gbè nà, má si kŋn Diiŋ Adonia é ga gbāame. <sup>25</sup> Ben kí Sulemanu Yoyada né Benaya dà, à gàa à Adonia lè à dè.

### *Sulemanu p̄ena Abiataa kŋn Yoabu ganaŋ*

<sup>26</sup> Kína bè sa'ori Abiatane: Ñ èara n̄ tá n guun Anato. À kŋ sio n̄ game, m̄ode mé n de tiaro, zaake m̄be n Dii Luda àkpati sè n dŋo ma de Daudanε aε, bensŋ n zεŋŋ à nawēa píngi guu. <sup>27</sup> Len Sulemanu p̄e Abiataa lε, à à bŋ Dii gbāgbāna z̄iin, lε yā kè Dii ò Eli b̄edeeno musu zaa Silo e à papa yānz̄i.

<sup>28</sup> Kè Yoabu yā pì baaru mà, ben à bàa si à gàa Dii bisakuta kiia, à nà Dii gbāgbākiizi à à koba kũ. Yoabu zè kŋn Adoniaomε yā, m̄ode èε zε kŋn Abusalomuoro. <sup>29</sup> Wà ò kí Sulemanunε kè Yoabu bàa lè à gàa Dii bisakuta kiia, à kú sa'okii pì saε, ben Sulemanu bè Yoyada né Benayanε à gá à yāao gwe. <sup>30</sup> Kè Benaya kà Dii bisakuta kiia, à bè: Kína bè n̄ bŋ gwe! Ben Yoabu bè: Auo! Gura kèn mé gan. Ben Benaya gb̄enŋ z̄i kínaa à bè: Lán Yoabu wèmalà nàn yè. <sup>31</sup> Ben kína bè: Ñ kenε lán à ò nà. Ñ à de, né à v̄i, lε à gb̄edena pā yā tŋn wí mapi kŋn ma de b̄edeeno musuro. <sup>32</sup> Dii é tó à gb̄edena yā wí à musu, zaake à l̄εε taarisaidε gŋn plaa kè aŋ maaa dealaanŋ. À Nεε né Abana, Isaraili z̄ikpε dŋn'aεde kŋn Yeta né Amasa, Yuda z̄ikpε dŋn'aεdeeo d̄ede ma de lé saε. <sup>33</sup> Aŋ dena yā égŋ wii Yoabu kŋn a boriinŋ musu gurŋ píngi, m̄ode Dii égŋ Dauda kŋn a boriinŋ kŋn a uao kŋn a kpataŋ gbaa aafia gurŋ sānda píngia. <sup>34</sup> Ben Yoyada né Benaya gàa à Yoabu lè à dè, ben wà à v̄i a bε zaa gbāan. <sup>35</sup> Ben kína Yoyada né Benaya diε z̄ikpε dŋn'aεdee ũ Yoabu gbèn, sa'ori Zadŋki sŋ, Abiata gbèn.

### *Simεi gana*

<sup>36</sup> Kína gb̄enŋ z̄i aŋ Simεi sisi, ben à bè: Ñ bεε bo Yerusalemu kè n̄gŋ kún. N̄ton bŋ bεa kè n̄ gá gukearo. <sup>37</sup> N̄gŋ dŋ s̄ans̄an z̄i kè n bikù Kidironua, n gan gwe. M̄ode m̄be n n z̄inda d̄ε. <sup>38</sup> Ben Simεi bè kine: Yā maaan n̄ ò ma dii kí. Mamŋma n z̄ŋbleri mé ke lán n̄ ò nà. Ben à kú Yerusalemu lε ai à gi kè.

<sup>39</sup> Wè aagŋŋ gbera Simεi zò gŋn plaaanŋ bàa si wà tà Maaka né Akisi, Gata kína kiia, ben wà bè Simεine: N z̄ŋnŋ kú Gata. <sup>40</sup> Ben Simεi f̄εε à gàari yì a zaakinε, à gàa Akisi kiia



Gata a zò pìnɔ wɛtɛ. Kè à n̄ é, ben à n̄ sée Gata à sùnyo. <sup>41</sup> Ben wà ò Sulemanunɛ, Simeɪ bò Yerusalemu à gàa Gata à èara à sù. <sup>42</sup> Ben kína gbɛnɔ zĩ aɔ Simeɪ sɪsiare, ben à bène: Má tò n̄ sɪ kɔn Diio, ben ma lé dàmma ma bè, zĩ kè n bɔ kè n gaa gukea, ògɔ dɔ kè n game. Ben n̄ bème, yã maaame, n̄ mà. <sup>43</sup> Bóyānzin n bɔ ladana kè n̄ kè kɔn Dii tɔo kpɛɛzi kɔn yã kè má dànnɛo? <sup>44</sup> Ben kína èara à bène dɔ: Yã zaaa kè n̄ kè ma de Daudanɛ dɔngu pínɡi. Dii bé eé tó à zaaa pì wí n musu sa, <sup>45</sup> mɔde eé aubarika damagu à tó Dauda kpata kāsāa gɔ pɛena ai gurɔ sānda pínɡia. <sup>46</sup> Kína Yoyada né Benaya dà, ben à gàa à Simeɪ lè à dè. Len Sulemanu kpata kāsāa pèe le.

### 3

#### *Sulemanu ɔndɔ wéekeɛna*

<sup>1</sup> Sulemanu lɛdole kè kɔn Iɡipiti kí Fili'aunao, à à nénɔgbɛ sè nɔɔ ũ à sùo Dauda wétɛn àton a bɛ kɔn Dii uao kɔn Yerusalemu b̄iio bo à mì dɛ. <sup>2</sup> Gurɔ beee wée kpé bo Diine kòro, ben wègɔ saa oo kp̄iii musu t̄agb̄agb̄akiinɔa. <sup>3</sup> Sulemanu ye Diizi, à a de Dauda yādiɛnanɔ k̄una, mɔde è saa o gb̄agb̄akii p̄inɔa, ben ègɔ tuaetiti kpata gwe.

<sup>4</sup> Ben à gàa saa o zaa Gibiɔ, zaake gb̄agb̄akii p̄i bé à dɛ à kpaanɔla. À sa'opɔ kè wè ká tén à té k̄ũ ò gwe mèn wàa sɔɔro. <sup>5</sup> Gwen Dii bò à m̀zi nanaa guu gwāav̄i à bè: N̄ pó kè n̄ yezi wée keɛma. <sup>6</sup> Ben Sulemanu bè: N gb̄ɛkeɛ kè n zòbleri ma de Daudanɛ maamaa, kè à denne gb̄ɛ maa náanede n̄sɛpuradee ũ yānzi. N gb̄ɛke bíta kènɛ, n̄ tò mamɔma à né e kí blee à ḡɛ ũ gb̄aa kèa. <sup>7</sup> Tia sa Dii ma Luda, n mamɔma n zòbleri kà kí ũ ma de Dauda gbèn. Né féten ma ũ, má yāke gbá d̄ɔro. <sup>8</sup> Mamɔma n zòbleri, má kú n gb̄ɛ kè n̄ sènɔ té. Aɔɔ pari, wé f̄ɔ wà n̄ naro wà n̄ lé d̄ɔro. <sup>9</sup> N̄ mamɔma n zòbleri gba ɔndɔɔ, le m̄gae yã ḡɔḡɔ n gb̄ɛnɔne a zéa, m̄gɔ à maa d̄ɔk̄ɔzi kɔn à zaaao. Tó lenlo, dian mé ke nà mà yã ḡɔḡɔ n gb̄ɛ pari daa p̄inɔne? <sup>10</sup> Yã kè Sulemanu wée kè p̄i kè Diine, <sup>11</sup> ben à bène: Zaake yã kè n̄ wée kèn gwe, né wèndi gb̄aa wée kero ke auziki ke n ibɛɛnɔ gaa, séde yāḡɔḡɔna a zéa d̄ɔnan n̄ wée kè, <sup>12</sup> mé ke lán n̄ wée kè nà, mé n gba ɔndɔ kɔn wéez̄ɛɛo. Gb̄ɛ kee kuu n̄ ā ke n gbera kè eé ḡɔ ɔndɔ lán n b̄aro. <sup>13</sup> Mé pó kè né wée kero kpámma dɔ. Mé n gba auziki kɔn gakuio pínɡi ai n wèndi lén. Kína ke é ká n ũro. <sup>14</sup> Tó n̄ t̄emazi, bens̄o n̄ ma yā'onnenanɔ kɔn ma yādiɛnanɔ k̄una lán n de Dauda k̄una nà, mé n wèndi d̄ɔnnɛ kɔn m̀kyakoo. <sup>15</sup> Ben Sulemanu vù, à è kè nanaan á ò. Ben à tà Yerusalemu, à gàa à zè Dii bà kuuna kɔn Isarailinɔ àkpati aɛ, à sa'opɔ kè wè ká tén à té k̄ũnɔ kɔn kennak̄ɔo sa'opɔnɔ ò gwe, ben à p̄onna p̄oble kè a ibanɔne.

#### *Sulemanu yāḡɔḡɔna kaaruanɔne*

<sup>16</sup> Zĩkea kaarua ḡɔɔn plaa kenɔ m̀ Sulemanu kiia, aɔ zè à aɛ. <sup>17</sup> Aɔ gb̄ɛ doo bè: N̄ gaafaa keɛme kí. Mapi kɔn nɔgb̄ɛ kèò wá kú kpé d̄ɔnk̄ɔmmɛ. Ben ma né ì wámbe wa plaa kpé p̄i guu. <sup>18</sup> À gurɔ aaḡɔdee zĩ nɔgb̄ɛ p̄i né ì se. Wámbe wa plaa kpé p̄i guu, gb̄ɛke kúwao gwero. <sup>19</sup> Kè nɔgb̄ɛ p̄i dàɛ a né ḡɔgb̄ɛ pia gwāav̄i, ben à gà. <sup>20</sup> Ben à f̄ɛ gwāav̄i lezāndo, à ma né ḡɔgb̄ɛ sè ma saɛ gurɔ kè mamɔma n zòbleri e ii oo, à dàɛ a saɛ, ben à a né gè kii sè à dàɛme ma saɛ. <sup>21</sup> Kè ma vu kɔngɔ mà ȳɔ kpá ma néa, ben má è gè. Kè má gwà tíii, ben má è ma n̄nlo. <sup>22</sup> Ben nɔgb̄ɛ p̄i gb̄ɛndoo bè: Egɛɛme! Ma né bé à b̄ɛɛ, n pó bé à gà. Ben nɔgb̄ɛ káaku bè: Egɛɛme! N̄ né bé à gà, ma pó bé à b̄ɛɛ. Ben aɔɔe leokpak̄ɔa keɛ kína aɛzĩ.

<sup>23</sup> Ben kína bè: Gb̄ɛ kèkii e bee a né bé à b̄ɛɛ, n pó bé à gà, bens̄o gb̄ɛ kèk̄aa e bee, egɛɛme, n né bé à gà, a pó bé à b̄ɛɛ. <sup>24</sup> Ben kína bè: À m̀mɛ kɔn f̄ɛdaao. Ben wà m̀onɛ. <sup>25</sup> Ben kína bè: À né kè b̄ɛ z̄ɔk̄ɔre plaa, à à kpadoo kpá gb̄ɛ dooa, é à kpadoo kpá dooa. <sup>26</sup> Nɔgb̄ɛ kè a né b̄ɛ s̄ɔ, né p̄i kènɛ wènda, ben à bè k̄inane: Kí, n̄ né kè b̄ɛ p̄i kpáa, n̄ton à dero. Ben à gb̄ɛndoo bè: Wà à z̄ɔk̄ɔre plaa, wa pínɡi wà korazi. <sup>27</sup> Ben kína yã mì dè à bè: À né kè b̄ɛ p̄i kpá nɔgb̄ɛ káakua. Àton à dero. À dan gwe. <sup>28</sup> Kè Isarailinɔ yākpae kè kína kè p̄i mà, aɔ v̄ia kènɛ, zaake aɔɔ è Luda à gbà ɔndɔɔ à yã ḡɔḡɔ a zéa.

## 4

*Sulemanu ibano*

<sup>1</sup> Kí Sulemanu Isaraili bori píngi kína ũ. <sup>2</sup> À bùsu dɔn'aedeeno tón yè: Zadɔki né Azarian sa'oriki ũ. <sup>3</sup> Sisa nénɔ Eliɔrefi kɔn Ahiaon à takadakērinɔ ũ. Ailudi né Yosafatan yāzibaarukēri ũ. <sup>4</sup> Yoyada né Benayan à zíkpe dɔn'aedee ũ. Zadɔki kɔn Abiataon sa'orinɔ ũ. <sup>5</sup> Natā né Azarian à gu dɔn'aedeeno gbēnsi ũ. Sa'ori Zabudu, Natā nén à kpàasi ũ. <sup>6</sup> Aisan à begwari ũ. Abada né Adoniramun zòzĩ gbēnsi ũ.

<sup>7</sup> Kí Sulemanu Isarailinɔ bùsu gbēnsinɔ diēdie guunɔa gɔɔn kuri awεεplaa. Wè kɔn wèo aɔ baade è mó kína kɔn a uadeenɔne kɔn pɔbleeo aɔ baade kɔn a mɔɔo. <sup>8</sup> Aɔ tón yè: Benuru bé à Eflaimu boriinɔ gu s̄s̄idee vī. <sup>9</sup> Benideka bé à Makaza kɔn Salabimuo kɔn Besemesio kɔn Elɔni Betanao vī. <sup>10</sup> Benesedi bé à Arubo kɔn Sokoo vī kɔn Efa guuo píngi dɔ. <sup>11</sup> Benabinadabu bé à Dɔru gus̄s̄idee vī. Sulemanu nénɔgbē Tafame à nɔɔ ũ. <sup>12</sup> Ailudi né Baana bé à Tanaki vī kɔn Megidoo kɔn Betesā guu kè k̄i kɔn Zaretāo Yezerili ḡĩzĩ kpa píngi zaa Betesā ai Abeli Mɛɔla ai Yɔkemeamu k̄aa kpa. <sup>13</sup> Benigeba bé à Ramɔ Giliada vī kɔn Manase né Yairi lakutu kè kú Giliada guunɔ kɔn Agobu guu kè kú Basāo kɔn à mεwi b̄iide mèn baaaḡɔɔnɔ. Wà n̄ zé gbānganɔ kè kɔn m̀ogot̄eome. <sup>14</sup> Ido né Ainadabu bé à Manaimu guu vī. <sup>15</sup> Aimaza bé à Nafatali guu vī. Àmbe à Sulemanu nénɔgbē Basema sè nɔɔ ũ. <sup>16</sup> Usai né Baana bé à Asa guu vī kɔn Alotio. <sup>17</sup> Parua né Yosafata bé à Isaka guu vī. <sup>18</sup> Ela né Simei bé à Beyāmi guu vī. <sup>19</sup> Uri né Geba bé à Giliada guu vī. Amɔrinɔ kí S̄is̄ kɔn Basā kí Oguo bé wà kú gwe yā. Geban guu p̄i dɔn'aedee ũ ado. <sup>20</sup> Yudanɔ kɔn Isarailinɔ pari lán ísiale bùsu'āatē bà. Aɔḡɔ p̄o blee wàḡo í mii wà p̄onnaa ke.

*Sulemanu nnamana kɔn à ɔndɔɔ*

<sup>21</sup> Zaa Yuflati ai Filisitininɔ bùsun kɔn Iyipiti bùsu léo, Sulemanu bé à kí blè bùsu p̄inɔa píngi. Bùsu p̄inɔ gbēnɔ èḡo tángba kpaaa ai à wèndi lén. <sup>22</sup> Sulemanu ua gurɔ do bleen yè: Flawa sàki baplaa akuri, wísiti sàki basɔɔro. <sup>23</sup> Zù m̀ekpana kè wà gwà be mèn kuri, kpàsa zù mèn baro, s̄a mèn basɔɔro kɔn ḡānɔ kɔn z̄ɔnɔ kɔn dùanɔ kɔn ko maaanɔ dɔ. <sup>24</sup> Zaake à kí blè bùsu kè kú Yuflati ɔf̄ant̄eḡekp̄en kpaanɔa píngi sena zaa Tifisa ai Gaza, bens̄o yākete kú gukearo. <sup>25</sup> Sulemanu gurɔɔa Yudanɔ kɔn Isaraili kè aɔ kú zaa Dani ai Besebanɔ kaena n̄ bùsun n̄ làakaria, baade kɔn a geepi línɔ kɔn a k̄ākāpura línɔ.

<sup>26</sup> Sulemanu s̄o kè aɔ è goro gáenɔ kése b̄orɔ siiḡo. À s̄o kè wè dir̄manɔ s̄o, b̄orɔ kuri awεεplaa. <sup>27</sup> Gu gbēnsi p̄inɔ s̄o, aɔ baade èḡo mɔɔne kɔn bleeo a mɔɔn kí Sulemanu kɔn gbē kè aɔ è mó p̄o bleonɔ p̄o ũ. P̄oke è kēsām̄maro. <sup>28</sup> Aɔḡɔ mɔɔ s̄o p̄inɔne kɔn éseo kɔn s̄èo dɔ guu kè aɔ kún, lán wà diē n̄ baadenɔ nà.

<sup>29</sup> Luda Sulemanu gbà ɔndɔ kɔn wéεz̄εeo maamaa. Weé f̄o wà à d̄ona lé d̄oro, lán weé f̄o wà ísiale bùsu'āatē lé d̄oro nà. <sup>30</sup> Sulemanu ɔndɔ de ɔf̄ant̄eb̄okpadeeno kɔn Iyipitinɔ p̄ola n̄ píngi. <sup>31</sup> À ɔndɔ de gbē píngila. À de Ezera bori Etani p̄ola kɔn Maɔli nénɔ Emani kɔn Kalak̄olio kɔn Daadao. À t̄o b̄o bùsu kè ligazinɔ guu píngi. <sup>32</sup> À yāasi zù b̄orɔ aaḡo bens̄o lè kè à dànɔ kà b̄orɔ do kɔn mèn s̄oroo. <sup>33</sup> À línɔ kɔn lánɔ yā b̄ok̄t̄ena kè, naana zaa sida lí kè kú Lebanɔ bùsun ai à ḡaa pé s̄ēs̄vlāa kè è b̄oe b̄ianɔa. À n̄b̄onɔ yā dàrne dɔ kɔn b̄āanɔ kɔn p̄ot̄aa'onkuseanɔ kɔn kp̄onɔ. <sup>34</sup> Kína kè aɔ kú anduna guunɔ à ɔndɔ baaru mà n̄ píngi. Bùsu kɔn bùsuo píngi n̄ gbēnɔ z̄i wà ḡa à ɔnd̄oyā ma.

## 5

*Dii ua kaena soru*

<sup>1</sup> Kè Taya kí Hiramun mà kè wà Sulemanu kà kí ũ a de ḡee ũ, à a ìba kenɔ z̄la, zaake Dauda gbēnname yā. <sup>2</sup> Ben Sulemanu lékpāsā kè Hiramunɔ à bè: <sup>3</sup> N̄ d̄o kè ma de Dauda e e à kpé b̄o Dii a Ludanero, kè borii kè aɔ ligazinɔ e z̄i kaao yānzi, ai Dii ḡaa à n̄ kéné tinti ũ. <sup>4</sup> Tia

sa Dii ma Ludaa tò ma ãampakii è. Ibεε kee kú gukearo, mónzi kee kuuro. <sup>5</sup> Beee yānzin má yezi mà kpé bo Dii ma Ludanezi, lán Dii ò ma de Daudane nà, à bè à né kè é kpá kpatan à gēe ũu bé eé kpé boare. <sup>6</sup> Ñ gbēno da aō Lebano sida líno zōzōme. Ma zīkerino é zīi pì ke kōn n zīkerino ledò, mé n zīkeri pino fīa bonne lán n ò nà píngi. Ní dō kè wá gbēke vī à lízōna dō lán a Sidōdeenò bàro.

<sup>7</sup> Kè Hiramú Sulemanu yā pì mà, à pōo kè nna maamaa à bè: Wà Dii tó kpá gbāa, zaake à Dauda gbà né òndōdee, èe dōo a gbē pariinoe ae. <sup>8</sup> Ben Hiramú gbēno zī Sulemanua à bè: Ma lékpāsā kè n kēmee mà. Mé ke lán n yezi nà sida líno kōn pini líno yā musu. <sup>9</sup> Ma zīkerino é lí pino sé zaa Lebano kpiino musu, aōé pitao ísialea, mé yiyi mà gbēno zīonne ísiaala. Guu kè n òmen, gwen mé tó wà káennne, gbasa n táo. Mpi sō, yā kè má yezi n kēmeen yè: Ní póblee kpá ma uadeenoa. <sup>10</sup> Len Hiramú ègō sida líno kōn pini líno kpaa Sulemanua le lán à yezi nà. <sup>11</sup> Sulemanu sō ègō pówee kpaa wè kōn wèò tōn wàa plaa kōn nōsio lita boro wàa plaa. <sup>12</sup> Dii Sulemanu gbà òndō lán à à lé gbēne nà. Hiramú kōn Sulemanuo nna kōo, ben aō ledole vī.

<sup>13</sup> Kí Sulemanu gbēno sēse Isaraili boriino té píngi à n dá zīi pì guu gōon boro baaakuri. <sup>14</sup> Ègō n zī Lebano būsun mo kōn moo gōon boro kuri. Gbē pino è ke Lebano mo do, ben aōe su wà ke be mo plaplaa. Adoniramun zōzīi pì gbēnsi ũ. <sup>15</sup> Sulemanu gbē'arino vī gukpiideen gōon boro basiigō, à sēserino sō gōon boro baaagō akuri. <sup>16</sup> Gbē pino baasi, Sulemanu gbēno diēdie gōon boro aagō kōn wàa aagōo, aagō wée tee zīi pizi. <sup>17</sup> Kína yā diē, ben wà gbè gbētē maaano yōyō wà à, wà sèe wà sùo kpé pì ēdaebono ũ. <sup>18</sup> Len Sulemanu zīkerino kōn Hiramú zīkerino kōn Gebalideeno lí zōzō le aō kèke, aō gbè kèke kpé pì bobo ũ.

## 6

### *Dii ua kaena*

<sup>1</sup> Isarailino bōna Iyipiti wè wàa plaa kpé basiigōo gbera, Sulemanu kíblena wè siigōdeen, à mo plaadee kè wè be Zivi guu, ben à nà Dii ua kaena. <sup>2</sup> Kpé kè à bò Diine pì gbāa kà gāsāsuu baaagō, à yàasa baro, à lezī baaakuri. <sup>3</sup> Kpé pì gbàadaaa vī a ae, à gbāa sēnkpeo gāsāsuu baro, à yàasa sō gāsāsuu kuri. <sup>4</sup> À à windono bōbo, à lénno de yàasa, à guu kpaa de kpaatogo. <sup>5</sup> À kpéno bōbo à liga kpé pizi kōn a Ludakukii kpa plaplaa kōn a kpeeo. <sup>6</sup> À didikōana aagōgō, kpéne kè kú tōtēno yàasa kà gāsāsuu sōsōoro, kè kú guranō swēedodo, kè kú musunō swēeplaplaa. Dii kpé gbè kè kú musunō yàasa kēsā tōte pōzi, le wà e wà kpéne pì zāno didia kpé pì gbēfōna sai.

<sup>7</sup> Kè wèe kpé pì boo, wà bò kōn gbè kè wà à zaa a yōkiiāome. Wèe eree ke gā ke zīkebo ke kīi ma kpé pì bokiiaro. <sup>8</sup> Kpéne kè kú tōtēno píngi gēkii kú à sōomete kpame. Didikii gāa kpéne kè kú guranō kōn kpéne kè di à musunō kiia. <sup>9</sup> Kè à kpé pì bò à yāa, à dō kōn zà líno kōn sida lí lētegeeno. <sup>10</sup> À kpéne pino bò kpé pì gbāa lémmē. À píngi lezī gāsāsuu sōsōrome, bensō wà n pépe kpé pì kōn sida lío.

<sup>11</sup> Ben Dii yā ò Sulemanu à bè: <sup>12</sup> Kpé kè nēe boo kēki yā musu, tó nēe ma oōkii gwaa, tó n ma yādannenano kè, tó n yā kè má diēneno kūna nēe zīi keea, mé lé kè má gbè n de Daudane papanne. <sup>13</sup> Mégō kú ma gbē Isarailino té, mé n tónlo.

<sup>14</sup> Kè Sulemanu kpé pì bò à yāa, <sup>15</sup> à sida lí lētegeeno nāna à gūa à guu sélele zaa tōte ai à sātazi, ben à pini lí lētegeeno kpāe à tōte píngi. <sup>16</sup> À kpéne kè kpé pì guu Ludakukii ũ, à gbāa kà gāsāsuu baro, ben à sida lí lētegeeno nāna à gūa sélele zaa tōte ai à sātazi. <sup>17</sup> Kpé pì gānu gbāa kà gāsāsuu baplaa. <sup>18</sup> Sida lí kè wà nāna kpé pì guu, wà oōzīi kēa lán tūu kōn lāvu pianaò bà. À píngi né sida líme, wè gbè ke e gupuraaro. <sup>19</sup> À kpé pì kpéne kèke Dii bà kuuna kōn Isarailino àkpati diēkii ũ. <sup>20</sup> Kpéne pì gbāa kà gāsāsuu baro, à yàasa dō baro, à

lezĩ s̄o baro. À vura at̄e nàna kp̄ene p̄i gũa píngi. À tuaetikpatakii k̄e wà k̄e k̄on sida lío nàna k̄on vura do. <sup>21</sup> À vura at̄e nàna ḡanu gũa do, ben à mòkyakoo k̄e wà p̄i k̄on vuraon̄o lògologo kp̄ene gũ k̄e à vura nànaa p̄ia kp̄eele kpa. <sup>22</sup> À vura nàna kp̄e p̄i guuguu sélele k̄on tuaetikpatakii k̄e kú kp̄ene p̄i saeo.

<sup>23</sup> À kù lí à kerubun̄o ũ mèn plaa, à dīe kp̄ene guu. Kerubu p̄in̄o lezĩ kà ḡàs̄asuu kuri. <sup>24</sup> Ās̄ d̄eb̄en̄o gb̄aa kà ḡàs̄asuu s̄os̄oro. Zaa d̄ebe do léa k̄e ai à do léa k̄aa à gb̄aa ḡàs̄asuu kuri. <sup>25</sup> Kerubu mèn plaaa p̄in̄o b̄òk̄oba, ās̄o s̄enk̄p̄eme. <sup>26</sup> Ās̄ plaa n̄ píngi lezĩ kà ḡàs̄asuu kurikuri. <sup>27</sup> Ben à n̄ k̄áe kp̄e p̄i kp̄ene guu. Ās̄ d̄eb̄en̄o poroporona, à doo d̄ebe ḡaa à p̄e gũa k̄aa, à doo p̄o p̄e gũa k̄e, ben ās̄ d̄ebe k̄e ḡon̄o p̄e k̄oa kp̄ene p̄i guragura. <sup>28</sup> À vura nàna kerubu p̄in̄o do. <sup>29</sup> À ɔz̄i k̄e kp̄e p̄i ḡun̄o ḡanu k̄on kp̄eneo píngi, à kerubun̄o w̄ez̄a k̄e k̄on damina líno k̄on lávu pianano. <sup>30</sup> À vura kp̄ae kp̄e p̄i t̄ote do, ḡanu k̄on kp̄eneo píngi. <sup>31</sup> À kp̄ene p̄i gb̄ano k̄on à líp̄een̄o k̄e k̄on kù lío. À musu k̄e s̄onte. <sup>32</sup> À ɔz̄i k̄e kù lí gb̄a mèn plaaa p̄in̄o, à kerubun̄o w̄ez̄a k̄e k̄on damina líno k̄on lávu pianano, ben à vura nànaa. <sup>33</sup> À ḡanu gb̄a lí k̄e kusua siiḡs̄ k̄on kù lío do. <sup>34</sup> À à gb̄ano k̄e k̄on pini lío ɔla plaa. Gb̄a p̄in̄o ɔla píngi è nak̄oa guragura. <sup>35</sup> Ben à ɔz̄i k̄e gb̄a p̄in̄o, à kerubun̄o w̄ez̄a k̄e k̄on damina lío k̄on lávu pianano, ben à vura nànaa.

<sup>36</sup> À b̄i b̄o à liga à uazi. B̄i p̄i gb̄e k̄e wà àno v̄i didik̄šana leo aaḡḡs̄, ben sida lí k̄e wà z̄on̄o kp̄ákpa à musu. <sup>37</sup> Wà Dii kp̄e p̄i ̄e kp̄ae Sulemanu kíblena w̄e siiḡden, à mōo k̄e w̄e be Zivi guume, <sup>38</sup> ben wà à laata kp̄a à w̄e kuri aw̄edodeen, à mōo s̄oraaḡdee k̄e w̄e be Bulu guu lán à kp̄e z̄i dīe nà. À bona k̄on à k̄ekenao kà w̄e sw̄eplaa.

## 7

### *Sulemanu be bona*

<sup>1</sup> Sulemanu a be bona z̄i k̄e píngi w̄e kuri aw̄e'aaḡme. <sup>2</sup> À kp̄e k̄e w̄e be Leban̄o líkpe b̄o, à gb̄aa kà ḡàs̄asuu bas̄oro, à yàasa kà ḡàs̄asuu baplaa akuri, à lezĩ s̄o baaakuri. À sida líno p̄eep̄e d̄oro siiḡs̄, ben à sida lí k̄e wà àno kp̄ákpañla <sup>3</sup> mèn baplaa as̄oro, d̄oro k̄on d̄oro ḡeroḡero leo aaḡs̄, ben à sida líno kp̄ákpa lí k̄e wà kp̄a p̄in̄o. <sup>4</sup> À à windon̄o b̄òb̄o d̄oro aaḡḡs̄ didik̄šana aeo d̄òd̄k̄sa. <sup>5</sup> Kp̄e p̄i lén̄o lezĩ k̄on à yàasao píngi s̄enk̄p̄ek̄p̄eme. À lén̄o mèn aaḡḡs̄ k̄aa kpa k̄on k̄e kp̄aao aeo d̄òd̄k̄sa. <sup>6</sup> À wesagban̄o p̄eep̄e kp̄e p̄i kp̄eele. Kp̄eele p̄i gb̄aa kà ḡàs̄asuu baplaa akuri, à yàasa s̄o baaakuri. À ḡanu b̄o wesagba p̄in̄o ae, ben à wesagban̄o p̄eep̄e à gb̄adaaa d̄o ḡanu p̄i léa.

<sup>7</sup> À a kíblekita dīe ḡanu p̄in̄. Gwen è ȳa ḡoḡon, ben w̄e be Ȳakpaek̄ek̄pe. À sida lí l̄eet̄egeen̄o nàna à gũa zaa t̄ote ai à s̄ataa. <sup>8</sup> À kp̄e k̄e è in kù ae. À b̄òk̄oba k̄on ḡanu p̄io. Len kp̄e k̄e à d̄o Fili'auna n̄en̄gb̄e k̄e à s̄e n̄o ũune de le do. <sup>9</sup> Kp̄e p̄in̄o bona, gb̄e maaan̄on wà ̄e d̄āeo ai à ḡaa pé à s̄ataa. Wà gb̄e p̄in̄o ȳȳȳ ḡbasa wà z̄òz̄k̄ore k̄on sagasigio kpa plaplaa píngi. Leme ua guu kp̄aa de le k̄on bàazi kp̄aao. <sup>10</sup> Wà kp̄e p̄in̄o ̄e d̄āe k̄on gb̄e gb̄ent̄e maaan̄o, à ken̄o gb̄aa kà ḡàs̄asuu kuri, à ken̄o s̄o s̄oraaḡs̄, <sup>11</sup> ḡbasa wà b̄o k̄on gb̄e maaa k̄e wà ȳȳȳ wà àno k̄on sida lío. <sup>12</sup> À b̄i b̄o à liga ua bíta p̄izi, à gb̄e k̄e wà àno v̄i didik̄šana d̄oro aaḡs̄, ben sida lí k̄e wà àno kp̄ákpa à musu, lán Dii kp̄e k̄on à gb̄adaaao ua b̄i de nà.

### *Dii ua p̄on̄o*

<sup>13</sup> Kí Sulemanu gb̄en̄o z̄i Huramu sísi zaa Taya, ben wà s̄uo. <sup>14</sup> Huramu p̄i da né Nafatali boriime, bens̄o gyaan̄ome. À de né Taya gb̄eme, bens̄o m̄ogot̄e ɔz̄ikerime. Huramu p̄i w̄ēz̄ēe v̄i k̄on d̄ona m̄ogot̄e z̄i píngi guu. K̄e à mò kí Sulemanu kiia, ben à z̄i k̄e à d̄ane k̄e píngi. <sup>15</sup> À wesagba p̄i mèn plaa k̄on m̄ogot̄eo. À píngi lezĩ kà ḡàs̄asuu baro plaasai, à lé yàasa s̄o kuri aw̄eplaa. <sup>16</sup> À à m̄ifura p̄i k̄on m̄ogot̄eo mèn plaa à dīe wesagba p̄in̄o musu.

Mìfura pìno lezĩ kà gàsāsuu sɔsɔro. <sup>17</sup> À mòkyakoonɔ pì, ben à fìfì à mì pìnɔa lán kàmbeɛ bà, aɔɔ logologona mèn swɛɛplaa. <sup>18</sup> À pónɔ pì lán biisio beɛnɔ bà à dòdɔ wesagba mì pìnɔa à ligazi dòrɔ plaa, mòkyakoo pìnɔ gĩzĩ kɔn à musuo. À mì pìnɔ sɛnkpɛ píngi. <sup>19</sup> À Dii kpé gbàadaaa wesagba mì pìnɔ pì kɔn dɔnao lán ítebaagunna vú bà. Ítebaagunna vú pìnɔ lezĩ kà gàsāsuu siisiigɔ. <sup>20</sup> Biisio beɛ pìnɔ dɔdɔ wesagba mì pìnɔ kùdɔkii musu mèn wàa doodo ligana mòkyakoo pìnɔzi dòrɔdòrɔ. <sup>21</sup> Ben à wesagba pìnɔ pèpɛɛ kè aɔɔ Dii kpé gbàadaa kúna. À tó kpà ɔplaa kpa pónɛ Eé Káɛ, ɔzɛɛ kpa pó sɔ Gbāaa Kúa. <sup>22</sup> Wesagba pìnɔ mìnɔ bò lán ítebaagunna vú bà. Len à wesagba pìnɔ pì lɛ píngi.

<sup>23</sup> À mò kàsa íkakii ũ bòotoko. À lɛ kè kpa ai à lɛ káa kpa kà gàsāsuu kuri, à lezĩ kà gàsāsuu sɔro, à lɛ yàasa sɔ baaakuri. <sup>24</sup> À ɔzĩ kè íkakii pì lán tũunɔ bà, à liga à lézi gĩzĩ dòrɔ plaa, gàsāsuu do píngi tũu mèn kuri. À íkakii pì kàsa lɛdo kɔn tũu wɛzādee pìnɔ. <sup>25</sup> Íkakii pì di zùsware mèn kuri awɛɛplaaanɔ musu. Zù mèn aagɔɔnɔ mì dɔ gu'igbāroo kpa, mèn aagɔɔnɔ ɔfántɛgɛkpen kpa, mèn aagɔɔnɔ sɔomɛɛ kpa, mèn aagɔɔnɔ sɔ ɔfántɛbɔɛ kpa. Íkakii pì di n̄ musu, bensɔ aɔ pòrɔnɔ dɔdɔ gura. <sup>26</sup> Íkakii pì gègete kà ɔla yàasa ũ. À swā de lán oro swā bà, lán ítebaagunna swā bà. Gānɔ lɛ wàa do ín è sí.

<sup>27</sup> À tadibɔnɔ pì kɔn m̀gotɛo mèn kuri. Aɔ píngi gbàa kà gàsāsuu siigɔ, à yàasa dɔ siigɔ, à lezĩ sɔ aagɔ. <sup>28</sup> Kè wà tadibɔ pìnɔ pì, wà mò lèetɛgɛnɔ kpà à gbánɔ dagura. <sup>29</sup> Ben wà músu wɛzānɔ kè mò lèetɛgɛ pìnɔa píngi kɔn zùsware wɛzānɔ kɔn kerubu wɛzānɔ. Wà lāvutāna wɛzā kè músu pìnɔ kɔn zùswaree pìnɔ musu kɔn à gĩzĩ. <sup>30</sup> Tadibɔ pìnɔ m̀gotɛ górogba kɔn gòo vī mèn siisiigɔ. Aɔ gbá vī mèn siisiigɔ dɔ. Gbá pìnɔ musun wè taa dìn. Wà gbá pìnɔ kàsa, wà lāvutāna wɛzā kè à kpa siigɔa. <sup>31</sup> Tadibɔ pìnɔ lɛ wɛna bòotoko, à lɛ kpa bɔna gàsāsuu do, bensɔ à zòoto kà ɔtā do. Wà wɛzā kè à lɛ kè bò musua dɔ. Tadibɔ pìnɔ mò lèetɛgɛ goodadeenɔ vī, aɔɔ de bòotokoro. <sup>32</sup> Górogba pìnɔ kú mò lèetɛgɛ pìnɔ gĩzĩ. À gònɔ pépena tadibɔ pìnɔ gbánɔa. Górogba pìnɔ lezĩ kà gàsāsuu do kɔn a kusuo. <sup>33</sup> Wà górogba pìnɔ pì lán sɔgoro pó bàme. Wà à gònɔ kɔn à górogbanɔ kɔn à m̀teeenɔ kɔn à oroonɔ kàsa kɔn m̀gotɛo píngi. <sup>34</sup> Tadibɔ pìnɔ kúkii vī mèn siisiigɔ a goodanɔa. <sup>35</sup> Tadibɔ pìnɔ musu de bòotoko, à lezĩ kà ɔtā do. À gbánɔ kɔn à mò lèetɛgɛnɔ na tadibɔ pìnɔ musu. <sup>36</sup> À kerubu wɛzā kè à gbánɔ kɔn à mò lèetɛgɛnɔa kɔn músu wɛzānɔ kɔn damina líno wɛzānɔ, guu kè à è píngi. À lāvutāna wɛzā kè à ligazi dɔ. <sup>37</sup> Len à tadibɔ pìnɔ pì lɛ. À kàsa pó dɔnkɔ guume, aɔ bítake kɔn n̄ bɔnao sɛnkpɛme.

<sup>38</sup> Ben à dàga pì kɔn m̀gotɛo mèn kuri. À píngi è í sí à kà gānɔ lɛ siisiigɔ. Dàga pìnɔ yàasa kà gàsāsuu siisiigɔ. Kè à dàga pìnɔ didi tadibɔ mèn kuri pìnɔa, <sup>39</sup> ben à kàe Dii kpé ae, mèn sɔroo ɔplazi, mèn sɔroo ɔzezi. À íkakii pì di ɔzezi Dii kpé gooda kè kú ɔfántɛbɔɛ sɔomɛɛ kpa saɛ. <sup>40</sup> Ben Huramu oro túbukabɔnɔ kɔn a séebɔnɔ kɔn ta arusibɔnɔ pì dɔ. Len à Dii ua zĩ kè kí Sulemanu dāne kè lɛ, à à laata kpà píngi. <sup>41</sup> Zĩ kè à kè pìnɔn yè: Wesagba mèn plaa, à mì kè bò lán loo bà kè kú wesagba pìnɔ musu mèn plaa, mòkyakoo kè à zā blèo à mì pìnɔa mèn plaa, <sup>42</sup> biisio beɛ kè à dòdɔ mòkyakoo pìnɔa musu mèn wàa plaa. À kè ai dòrɔ plaa zāblebɔ ũ wesagba mì pìnɔa. <sup>43</sup> Tadibɔ pìnɔ mèn kuri kɔn à dàganɔ mèn kuri. <sup>44</sup> Íkakii mèn do kɔn zùswaree kè kú à gĩzĩnɔ mèn kuri awɛɛplaa. <sup>45</sup> Túbukabɔ pìnɔ kɔn a séebɔnɔ kɔn ta arusibɔnɔ. Pó kè Huramu pì kí Sulemanunɛ Dii ua pó ũunɔ píngi, à n̄ pí kɔn m̀gotɛ lɔbnaome. <sup>46</sup> Kína tò wà pó pìnɔ kàsa kɔn Yoda guo zaa Suko kɔn Zaretāo dagura. <sup>47</sup> Sulemanu e tó wà pó kè wà pì kɔn m̀gotɛo pìnɔ yɔ kilooa à à t̄isi dòro, kè à kè pari yānzi.

<sup>48</sup> Sulemanu pó kè kú Dii kpé guunɔ pì dɔ, tuaetitkatakii kè wà kè kɔn vuraɔ kɔn vura teebu kè wè Dii burɛdi káɛao <sup>49</sup> kɔn dabu kè wà kàe gānu guu kpéne ae ɔplazi kɔn ɔzezio mèn sɔroo. Wà pì kɔn vuraɔ atɛɛ kɔn à fitianɔ kɔn à kpàkonɔ píngi, wà lāvɔ wɛzā kè m̄ma. <sup>50</sup> À vura ímibɔnɔ pì dɔ kɔn fitiadɛbɔnɔ kɔn taanɔ kɔn ḡmbɔnɔ kɔn tésibɔnɔ kɔn kpéne kè

wè be Ludakuki gbà asigbeno kōn gānu pōno. <sup>51</sup> Kè kí Sulemanu Dii ua zīi pì kè à yāa pīngi, ben à mò kōn vuraò kōn kondogio kōn pò kè a de Dauda diē Dii pò ūunò, ben à kà Dii ua auzikikaekiin.

## 8

### *Tana kōn Dii àkpatio a kpén*

<sup>1</sup> Ben kí Sulemanu Isaraili gbēnsino sìsi Yerusalemu, aō borii don'aēdeenò kōn n uabēdeenò n pīngi, lē aō mó wà Dii bà kuunaño àkpati sé Dauda wéte kè wè be Zayōn wà suo. <sup>2</sup> Ben Isarailino kākōa à aē n pīngi mō swēēplaade Etanimu zībaaguroō zī. <sup>3</sup> Kè Isaraili gbēnsino pèkōre n pīngi, ben sa'orino Dii àkpati pì sè <sup>4</sup> kōn dakōreki kutaaò kōn Dii pò kè kú à guunò. Sa'orino kōn Levi boriino bé wà pò pino sè wà sūo, <sup>5</sup> ben kí Sulemanu kōn Isaraili kè aō kākōa à aēno saa ò kōn sāano kōn zūno àkpati pì aē. Pò kè aō saa òo pinoō parii kè bíta, èe sí naroro. <sup>6</sup> Ben sa'orino gè kōn Dii bà kuunaño àkpatio à kpén ai kpéne kè wè be Ludakukiin. Aō diē à diēkiia gwe kerubuno gīzī. <sup>7</sup> Kerubu pino dēbenoō poroporona àkpati pì kōn à sélinola. <sup>8</sup> À séli pinoō gbàa ai wè n lé e Dii kpé gānu guu, mōde wè e ua kparo. Lí pinoō kú gwe ai kōn a gbàao. <sup>9</sup> Pókee kú àkpati pì guuro, tó èe ke gbè walaa mèn plaaa kè Musa dàn zaa Orēbu, guu kè Dii bè a bà égō kú kōn Isarailino aō bōna Igipiti gberaa baasiro.

<sup>10</sup> Kè sa'orino bōe Dii kpén, tésukpe kpé pì pà, <sup>11</sup> aōe fō wà gè wà n zīi ke gwero tésukpe pì yānzi, zaake Dii gakui a kpé pà. <sup>12</sup> Ben Sulemanu bè: Dii bè égō kú tésukpe siaa guume. <sup>13</sup> Ben à bè Diine: Ma kpé naasidee kèkii bōnne, ñgō kú à guu guro pīngi. <sup>14</sup> Ben à liē à aē dō parii à sa maaa ònne. <sup>15</sup> Ben à bè: Wà Dii Isarailino Luda sáabu kpá! À lé gbè ma de Daudane, ben à pàpa. Zaake à bè, <sup>16</sup> zaa guroō kè a a gbē Isarailino bōe Igipiti, ée Isaraili wéte ke diē wà kpé bon arero. Daudan a sè a gbē Isarailino don'aēdee ū. <sup>17</sup> Kè ma de Dauda yezi à kpé bo Dii Isarailino Ludane, <sup>18</sup> ben Dii bène kpébonaare lē a tó gō kúa laasuu kè à kè pì maa, <sup>19</sup> mōde èe ke àpi bé eé boarero, à zīnda né ke bé eé boare. <sup>20</sup> Ben Dii kè lán à à lé gbè nà. Ma gō ma de Dauda gēe ū, ma vēe Isaraili kpatan lán Dii Isarailino Luda à lé gbè nà, ben ma kpé kè bōne lē à tó gō kúa yānzi. <sup>21</sup> Gwen ma Dii àkpati diēkii kēken. Dii bà kuuna kōn wa dezinò aō bōna Igipiti gbera yā kú à guu.

### *Sulemanu aduakena a gbēnoe*

<sup>22</sup> Sulemanu aē dō Dii gbāgbākiia Isaraili kè aō kakōana gweeno wāa n pīngi, ben à a oonò sè musu <sup>23</sup> à bè: Dii Isarailino Luda, gbēke è sí lékōzinyo musu ke tōtōero. N gbēkeē guu n bà kú kōn n zōbleri kè aō té n zén kōn nōse dooono. <sup>24</sup> N yā kè n à lé gbè n zōbleri ma de Daudane pàpa. N ò kōn léome yā, gbàa san n pàpa. <sup>25</sup> Tia sa Dii Isarailino Luda, n lé gbè n zōbleri ma de Daudane n bè, tó à boriino n zīnda kūna dō bensō aō té n zén lán à tézi nà, aōégō kú Isaraili kpatan guro pīngi. <sup>26</sup> Isarailino Luda, n tó yā kè n ò n zōbleri ma de Daudane ke yāpuraa ū sa. <sup>27</sup> Mōde Luda, négō kú tōte kè yāpuran yó? Musu kōn a lezīkeēo é fō à n síro, benle kpé kè má bōnneē kèkii saó? <sup>28</sup> Dii ma Luda, n làakari dō mapi n zōbleria, n ma aduakena kōn ma agbaakpananneo sí. N swā kpá wiii kè mapi n zōbleri mēe pēenziizi kōn adua kè mēe kēmmaao gbàa. <sup>29</sup> N tó n wēe gō pena kpé kèkiia gwāavī kōn fāantēo, guu kè n bè n tó égō kúa kèkii pì. N adua kè mapi n zōbleri mēe kēe aedōna guu kèkiia ma. <sup>30</sup> Tó mapi n zōbleri ke n gbē Isarailino aē dō guu kèkiia, tó wa wēe kēmma, ñgae wa wēekena sí zaa n kúkiia musu n sūu kewao.

<sup>31</sup> Tó gbē taari kè a gbēdaaane, ben wà bène à la da, tó à mò à la dà n gbāgbākii kè aē, <sup>32</sup> ñgae zēnyo zaa n kúkiia musu n odoañne. Ngae yā gōgō n zōblerinoe n yā da taarideela, lē à yākena wí à musu n yā nnaa kpá taarisaideea, lē wà e wà dō kè à yāke vīro. <sup>33</sup> Tó n gbē Isarailino ibēenoō zī blēmna durun kè aō kēnne yānzi, aō tànyo, tó aō èara wà aē dōmma

wà n sisi, tó aǎ wée kemma wà agbaa kpànnε kpé kèkii, <sup>34</sup> zaa n kúkiia musu ñgae zeńyo ñ sùu keńyo kǎn n durunno, ñ earańyo bǔsu kè n kpà n dezinɔa kèkii pì guu.

<sup>35</sup> Tó ludambεε gǔ da wáawaa, lou gí mazi kè aǎ durun kenne yǎnzi, tó aǎ ae dǔ guu kèkii aǎ wée kemma aǎ n sisi, bensǔ aǎ kpεε li n durunne kè n wée tǎmma yǎnzi, <sup>36</sup> zaa n kúkiia musu ñgae zeńyo ñ sùu keńyo kǎn n durunno. Ñgae n da zé maaan, né tó lou ma n bǔsu kè n kpà n gbēnɔa aǎ pǔ ũu kè guu. <sup>37</sup> Tó dekaa ke gagyāa kà bǔsu kèn, ke pǔwεεpǔsi ke pǔpukpana ke sutēnɔ ke kwaanɔ ke tó ibεεnɔ liga n wéte kezi ke tó mǔnzi ke gyāa gè n té, <sup>38</sup> tó aǎ gbēke yǎ kè à a lee dǔ, tó à a ɔ dǔ kpé kèkii kpa, tó à wée kemma à agbaa kpànnε, <sup>39</sup> zaa n kúkiia musu ñgae zeo ñ sùu keo, né dǔàle. Ñgae fīa bone a yákenaa, zaake n à nǔse dǔ. Mbe n baade píngi nǔse dǔ. <sup>40</sup> Len aǔégǔ vīa kenne le ai n wēndi len bǔsu kè n kpà n dezinɔa kè guu.

<sup>41-42</sup> Zaake wee n tó bíta kǎn n gǎsǎ gbāaa kǎn n ɔ kè poronao baaru ma, tó gbē zǐtɔ kè de n gbē Isaraili borii ũroo bǔ bǔsu zǎazǎn à mǔ n tó yǎnzi, tó à ae dǔ kpé kèa à wée kemma, <sup>43</sup> zaa n kúkiia musu ñgae zeo ñ yǎ kè à wée kemmaa kene, le anduna bori píngi e à n tó dǔ, wà vīa kenne lán n gbē Isarailinɔ è kenne nà, aǔégǔ dǔ kè n tó kú kpé kè má bǔ kèa.

<sup>44</sup> Tó n gbēnɔ bǔe wà gǎa zǐ ká kǎn n ibεεnɔ, baa guu kè n n zīn píngi, tó aǎ ae dǔ wéte kè n sè kèa kǎn kpé kè má bǔnnεe kèo, tó aǎ wée kemma, <sup>45</sup> zaa n kúkiia musu ñgae zeńyo agbaa kè aǔo kpànnε yǎnzi, ñ yǎ nnaa kpámma. <sup>46</sup> Zaake gbēke è gí durun keziro, tó aǎ durun kenne, tó n pǔ fēńzi n n ná n ibεεnɔne n ɔzǐ, tó aǎ tǎńyo n bǔsun zǐzɔnɔ ũ bǔsu zǎazǎ ke à kīin yoo, <sup>47</sup> tó aǎ nǔse lie bǔsu kè aǔe zǔ bleen pì guu, tó aǎ eara wà agbaa kpànnε gwe wà bè: Wa durun kè, wa taari kè, wa yǎ zaaa kè, <sup>48</sup> tó aǎ ae dǔmma kǎn nǔseo do kǎn pǔyezinao píngi zaa bǔsu kè aǔe zǔ bleen n ibεεnɔne pì guu, tó aǎ ae dǔ bǔsu kè n kpà n dezinɔa kǎn wéte kè n sèo kǎn kpé kè má bǔnnεe kèoa, tó aǎ wée kemma, <sup>49</sup> zaa n kúkiia musu ñgae zeńyo agbaa kè aǔo kpànnε yǎnzi, ñ yǎ nnaa kpámma. <sup>50</sup> Ñgae sùu ke kǎn n gbē kè aǎ durun kenneεnɔ kǎn taari kè aǔo kèo, ñ tó gbē kè aǔe zǔ bleen n n wēnda gwa, <sup>51</sup> zaake n pǔvīnanɔme, n gbē kè n n bǔe Igitinɔ wéetǎmma pǎsǐ guunɔme.

<sup>52</sup> Ñ tó n wée gǔ kú mapi n zǔbleria, ñ swǎ kpá agbaa kè má kpànnεezi kǎn agbaa kè n gbē Isarailinɔ kpànnεeo. Ñ swǎ kpánzi gurɔ kè aǎ wii pēnzi píngi. <sup>53</sup> Dii Luda, zaake anduna bori píngi guu aǔpinɔn n n sé n gbēnɔ ũ, lán n ò n zǔbleri Musa gǎzǐ nà gurɔ kè n wa dezinɔ bǔe Igititi.

<sup>54</sup> Gurɔ kè Sulemanu e wée kee Diia, à kuena a kosooame kǎn à ɔnɔo porona musu. Kè à adua kè à yǎa, ben à fēe à zè Dii gbǎgbǎkiia gwe, <sup>55</sup> ben à sa maaa ò Isaraili kè aǔo kú gweenɔne n píngi, à ò gbǎngbǎn à bè: <sup>56</sup> Wà Dii sǎabu kpá, zaake à wamɔwa a gbē Isarailinɔ gbà ĩampakii lán à ò nà. Yǎ maaa kè à à lé gbè a zǔbleri Musa gǎzǐnɔ pǎpa píngi, à kee e léε pǎro. <sup>57</sup> Dii wa Luda gǔ kúwao, lán à kú kǎn wa dezinɔ nà. Àton wa tónlo, àton pǎ kpáwaziro. <sup>58</sup> À tó wà swè gǔ kúawa wǎgǔ té à zén, wǎgǔ à yǎdienanɔ kǔna kǎn yǎ kè à dà wa dezinɔnenɔ, wǎgǔ à ɔɔkii gwaa. <sup>59</sup> Adua kè má kè Dii wa Ludaa gǔ dǔn fǎantē kǎn gwǎavīo. Àgǔ yǎ nnaa kpá mamɔma a zǔbleria kǎn a gbē Isarailinɔ lán guu e dǔo nà, <sup>60</sup> anduna bori píngi é à dǔ kè Dii né Ludame, à pǎndee kuuro. <sup>61</sup> À kú à a swè kpá Dii wa Ludaa mámmam, àgǔ à ɔɔkii gwaa, àgǔ à yǎdienanɔ kǔna lán á kǔna gbǎa nà.

### *Dii ua kyakena*

<sup>62</sup> Ben kína kǎn Isarailinɔ n píngi saa ò Diia. <sup>63</sup> Sulemanu kennakǔo saa ò Diia kǎn zùnɔ bɔrɔ baro awεεplaa kǎn sǎanɔ bɔrɔ baswεedo. Len kína kǎn Isarailinɔ n píngi Dii ua kya kè le. <sup>64</sup> Zǐ pǎa kína gbǎsǐ gò ua kè kú Dii kpé aea, ben à sa'opɔ kè wè ká tén à té kǔ ò gwe kǎn pǔwεε gbāao kǎn kennakǔo sa nǔsio, zaake sa'okii kè à kè kǎn mǔgotēo kè kú Dii kpé ae bítarɔ, èe fǔ à sǐ píngiro. <sup>65</sup> Zǐ beea Sulemanu kǎn Isarailinɔ n píngi zǐbaa kè Dii n Ludane

ai gurɔ swɛɛplaa, ben aɔ Kutadɔna zĩbaa kɛ gurɔ swɛɛplaa dɔ. À pĩngi kɛ gurɔ gɛro dosai. Wà pari maamaa, wà bɔ zaa Lebo Amata ai à gàa pé Igitipi gulezeki swaaa. <sup>66</sup> À gurɔ sɔraagɔdee zĩ à n gbáe, ben aɔ lé zàa aɔ tà n be kɔn pɔnnaao. Aɔ pɔɔ kɛ nna yã maaa kɛ Dii kɛ a zòbleri Dauda kɔn a gbɛ Isarailinɔne pĩngi yãnzĩ.

## 9

### *Dii bɔ à mɔna Sulemanuzi*

<sup>1</sup> Kɛ Sulemanu Dii ua kàe à yãa kɔn a uao kɔn zĩi kɛ à pɔɔ kúano pĩngi, <sup>2</sup> ben Dii èara à bɔ à mɔzi à gɛn plaadeeo lán à bɔ à mɔzi Gibiɔ nà <sup>3</sup> à bène: Ma adua kɛ n kɛ kɔn agbaa kɛ n kpàmɛeo mà. Ma kpé kɛ n bɔ pì diɛ ma pɔ ũ, ma tɔ égɔ kúa yãana sai. Ma wée égɔ kúa, ma pɔɔ égɔ kúa. <sup>4</sup> Mpi sɔ, tó n té ma zén súusu kɔn nɔse puraa lán n de Dauda bà, tó n yã kɛ má diennɛnɔ kúna kɔn ma yã'onnenanɔ, tó nɛe ma ɔɔkii gwaa, <sup>5</sup> mé n kpata kàsãa péɛ Isarailinɔ té, eégɔ yãana vĩro, lán ma à lé gbè n de Daudanɛ nà, ma bè à boriinɔ égɔ kú Isaraili kpatan gurɔ pĩngi. <sup>6</sup> Tó mpi ke n nɛnɔ kpɛɛ limɛ sɔ, tó á ma dokayãnɔ kɔn yã kɛ má diɛareenɔ kúnaro, tó a gaa a dɔ tãanɔzi ai ée n gbãgbãa, <sup>7</sup> mé Isarailinɔ bɔe bùsu kɛ má kpàmman, mé gí kpé kɛ má diɛ ma pɔ ũu pìzi, aɛé gɔ fabona pɔ ũ, pena pɔ ũ bori pĩngine. <sup>8</sup> Baa kɔn kpé pì naasikɛeo, à yã é bɔ gbɛ kɛ aɔɔe gɛtɛɛ à saenɔ sae. Aɛé sio gá wà be: À kɛ dia Dii kɛ bùsu kɛ kɔn kpé kɛonɛ lɛe? <sup>9</sup> Weé beñne: Kɛ aɔ pã kpà Dii n Luda kɛ à n dezinɔ bɔe Igititizi yãnzime. Aɔ zè kɔn tãanɔ, aɔɔe n gbãgbãa aɔɔe kuɛɛñne. Beee yãnzin Dii mɔnzi beee kpànzĩ pĩngizi.

### *Sulemanu yãkɛna kpaaanɔ*

<sup>10</sup> Sulemanu ua mɛn plaa pìnɔ kàe wè barome, Dii ua kɔn à zĩnda uao. Beee gberan <sup>11</sup> à Galili bùsu wéte kpà Taya kí Hiramua mɛn baro, zaake Hiramua sida lí kɔn pini lío kɔn vuraɔ kpàa lán à yezi nà. <sup>12</sup> Kɛ Hiramua bɔ Taya à gàa à wéte kɛ Sulemanu kpàawaanɔ gwà, èe kenɛro, <sup>13</sup> ben à bè: Ma gbɛ, wéte kparee takanɔn n kpàma gwee? Ben wà tɔ kpà guu pìne Kabulu ai kɔn a gbãao. <sup>14</sup> Hiramua gĩake à vura kpàsã Sulemanunɛ yã tɔn siigɔ.

<sup>15</sup> Gbɛ kɛ Sulemanu n dá zòzĩinɔ yã yè. Gbɛ pìnɔ bé wà Dii ua kɔn Sulemanu uao zĩi kɛ. Aɔ Milo wèe tàta kɔn bùsuo, aɔ Yerusalemu bĩi bɔ, aɔ èara wà Azo kɔn Mɛgidoo kɔn Gezao kèkɛ wà kàe. <sup>16</sup> Igitipi kí Fili'auna lèe Geza pia yã, ben à sɔ à té sɔa à Kanaa kɛ aɔɔ kú à guunɔ dèdɛ, ben à kpà a nɛnɔgbɛa zãkɛna gbaa ũ gurɔɔ kɛ à à kpàsã Sulemanua. <sup>17</sup> Ben Sulemanu èara à Geza pì kèkɛ à kàe kɔn Betoroni gĩzĩ pɔo <sup>18</sup> kɔn Baalao kɔn Tadamo kɛ kú à bùsu gbáan-ɔ <sup>19</sup> kɔn wéte kɛ à kúsãe kàennɔ kɔn wéte kɛ à sɔgoronɔ kɔn à sɔnɔ kúnɔ kɔn kpé kɛ à yezi à dɔ Yerusalemunɔ kɔn Lebanɔ kɔn bùsu kɛ èe kí bleeannɔ pĩngi. <sup>20</sup> Borii kɛ aɔɔ de Isaraili ũroonɔ: Amɔrinɔ, Itinɔ, Perizinɔ, Ivinɔ kɔn Yebusi kɛ aɔ gònɔ n pĩngi, <sup>21</sup> gbɛ kɛ Isarailinɔ e fĩ wà n dederoonɔ, aɔ borii kɛ aɔ gɔ n bùsu pìnnɔn Sulemanu n dá zòzĩin, ben aɔègɔ zĩi pì keɛ lɛ ai kɔn a gbãao. <sup>22</sup> Èe Isarailinɔ da zòzĩinlo. Aɔmbe à n díe a zìkpɛenɔ ũ, a ibanɔ, a kina daanɔ, a gbɛnɔ dɔn'aɛdeenɔ, a sɔgorodeenɔ, a sɔdeenɔ. <sup>23</sup> Aɔmbe zĩi kɛ wèe keɛ pì gbɛnsinɔ ũ dɔ, aɔɔ gɔɔn wàa plaa kpé baswɛɛplaa akuri.

<sup>24</sup> Kɛ Fili'auna nɛnɔgbɛ bɔ Dauda wéte à tà a kpé kɛ Sulemanu bɔnen, à gberan Sulemanu Milo wèe tàta. <sup>25</sup> Wè kɔn wèo Sulemanu ègɔ saa oo gɛn aagɔgɔ. È sa'opɔ kɛ wè ká tén à té kú kɔn kennakɔo sa'opɔo o sa'okii kɛ à bɔ Diinɛa, è tuaetiti kpata Dii aɛ gwe dɔ. Len à Dii ua zĩinɔ kɛ lɛ mámmam.

<sup>26</sup> Kí Sulemanu goro'itenɔ kɛ Eziɔ Geba Elata sae Edomunɔ bùsun Isia Tɛa léa. <sup>27</sup> Hiramua a gorodee kɛ aɔ ísɔa dɔɔnɔ zĩ, ben aɔ dà ísɔaala lɛdo kɔn Sulemanu gbɛnɔ. <sup>28</sup> Aɔ gàa Ofi, aɔ vura sèe gwe tɔn gɛro aɔ sùo kí Sulemanunɛ.

## 10

### *Seba bùsu kina kɛ de nɔgbɛ ũ mɔna Sulemanu kiia*



<sup>1</sup> Kè Seba bùsu kína kè de nɔgbē ũu mà lán Sulemanu tó bò nà Dii yā musu, ben à mò à yō à gwa kōn yāgbekana zī'ūuo. <sup>2</sup> À kà Yerusalemu kōn a ìbanɔ paripari kōn pɔ gū nnannaanɔ kōn vura sà bítao kōn gbè bèede kè lakuminɔ senanɔ, ben à gāa Sulemanu kiia à yā kè kú a nɔse guu fàadi bòo píngi. <sup>3</sup> Ben Sulemanu yā kè à làlaanɔ bòkɔtɛne píngi. À ke bokɔtɛna e à furo. <sup>4</sup> Kè nɔgbē pì Sulemanu òndɔyānɔ mà píngi, bensɔ à à be kè à bò è <sup>5</sup> kōn pɔblee kè è bleenɔ kōn à ìbanɔ gwenaɔ kōn à be zikerinɔ kuunao kōn ní pókāsāanɔ kōn à wēkpaaterinɔ kōn sa'opɔ kè wè ká tén à té kú kè à ò Dii uanɔ, yā pì à kú gbāa, ben à lé àe. <sup>6</sup> Ben à bè kínane: N yākenanɔ kōn n òndɔ baaru kè má mà zaa ma bùsun-o né yāpurame. <sup>7</sup> Mée yā pìnɔ síro ai ma gaa ma kao kè, ben ma wée siàle sa. Wèe omɛ píngi sero fá! N òndɔ kōn n auzikinɔ de lán ma à baaru mà nàla zà. <sup>8</sup> Mínnadeenɔ n gbēnɔ ũ kōn n ìba kè aṣègɔ kúnyo gurɔ píngi, aṣgɔ n òndɔyā maanɔ! <sup>9</sup> Wà Dii n Luda sáabu kpá, zaake n yā kàne, ben à n ka Isarailinɔ kín. Yenzi kè Dii vī kōn Isarailinɔ gurɔ píngi bé à tò à n ka kí ũzi, le òngɔ yā gɔgɔ́nne a zéa. <sup>10</sup> Ben nɔgbē pì kína gbà vura tɔn siigɔ kōn pɔ gū nnannaanɔ paripari maamaa kōn gbè bèede. Pɔ gū nnanna kè à kí Sulemanu gbà pìnɔ bíta, gbēkee e mɔone à kà le ziki dɔro. <sup>11</sup> Hiramú góro'ite kè aṣ sù kōn Ofio kōn vuraonɔ sù kōn lí bèede maamaa kōn gbè bèede dɔ. <sup>12</sup> Ben kína Dii ua pónɔ kèò kōn a zīnda be pónɔ, à mɔrɔnɔ kōn kúunɔ kèò lèsirinɔne dɔ. Wèe mɔ kōn lí pì borio à kà le ziki dɔro, wèe wée si à takale dɔro ai kōn a gbāao. <sup>13</sup> Pɔ kè Seba bùsu kína pì yezi píngi à gbèka kí Sulemanu, ben à à gbà, gbaa kè à kène yɔnkɔyɔnkɔnɔ baasi. Ben à èara à tà a bùsun kōn a ìbanɔ.

### *Sulemanu gakuikɛ*

<sup>14</sup> Vura kè è gē Sulemanuzi wè kōn wèò è ká tɔn baro awɛɛ'aagɔ, <sup>15</sup> tángba kè táa'orinɔ kōn latarinɔ kōn Larubu kínanɔ kōn a bùsu gbēnsinɔ è mɔone baasi. <sup>16</sup> À sɛngbango bítanɔ kè kōn vura kè wà gbègbèò mèn wàa do, aṣ baade tìisi kà kiloo aagɔgɔ kōn a kusuo. <sup>17</sup> À sɛngbango néngonɔ kèò dɔ, aṣ baade tìisi yezi à ká kiloo plaplaa. À sɛngbango pìnɔ kàe kpé kè wè be Lebano Líkpen. <sup>18</sup> Kína kiblekita bíta kè kōn wesa swaao, ben à vura atɛe kùea. <sup>19</sup> Kíta pì didikii vī, à gbápɛekii mèn swɛedo. À kpɛenaki musu de mòɔɔ gooda sai. À gàsādikiinɔ vī, músu taka kè wà kènɔ zɛzɛna gàsādikii pìnɔ sae. <sup>20</sup> Músu pìnɔ zɛzɛna gbápɛekii pìnɔa kpa plaplaa, à píngi kà kuri awɛɛplaa. Wèe kíta pì taka ke bùsu ken zikiro. <sup>21</sup> Kí Sulemanu togoonɔ né vurame píngi. Kpé kè wè be Lebano Líkpe pónɔ píngi né vurame atɛe. Kondogi pókee kú gwero, zaake wè kondogi diɛ póke ũ Sulemanu gurɔaro.

<sup>22</sup> Kína góro'itenɔ ègɔ dana ísiaala kōn Hiramú góronɔ. Wèe aagɔ píngi aṣègɔ suu kōn vuraò kōn kondogio kōn wesa swaao kōn gbakūnɔ kōn zànɔ. <sup>23</sup> Kí Sulemanu auziki kōn à òndɔò bíta de anduna kínanɔ póla ní píngi. <sup>24</sup> Baade píngi e zé wɛtɛɛ à wée si Sulemanu à à òndɔyā kè Luda dāne à swèn ma. <sup>25</sup> Wè píngi baade ègɔ mɔone kōn a gbāao: Kondogi pónɔ, vura pónɔ, utanɔ, gṣkebonɔ, pɔ gū nnannaanɔ, sōnɔ kōn bāagāsōnɔ. <sup>26</sup> Sulemanu sōgoronɔ kōn sōnɔ kàkōa. À sōgoro pìnɔ kà wàa swɛɛplaa, à sōnɔ sō borɔ kuri awɛɛplaa. Wè à sō pìnɔ gwa à sōgoro wétɛnɔ guu kōn à be Yerusalemu. <sup>27</sup> Kína tò kondogi gɔ di Yerusalemu lán gbè bà, bensɔ sida lí kè wè kpé dɔo pari lán bète lí bà sèn. <sup>28</sup> Wè bɔ kōn Sulemanu sō pìnɔ zaa Igipiti kōn Silisia bùsuome. Kína latarinɔ bé wè gá lúlu gwe. <sup>29</sup> Aṣè sōgoronɔ lúlu Igipiti kondogi ɔ mèn wàa aagɔme, sōnɔ sō mèn baswɛɛplaa akuri, ben è èara à sō pìnɔ yá Iti kínanɔa kōn Sirianɔ kínanɔ.

## 11

### *Sulemanu nɔnɔ*

<sup>1</sup> Kí Sulemanu ye bori pānde nɔgbēnɔzi pari. Fili'auna néngbē baasi, ben à Mɔabunɔ kōn Amɔninɔ kōn Edɔmunɔ kōn Sidɔdeenɔ kōn Itinɔ sèse nɔnɔ ũ. <sup>2</sup> Dii bè Isarailinɔne aṣton borii pìnɔ séro, zaake aṣé ní sāsāme, le aṣó té ní tāanɔzi. Baa kōn beeeo aṣ yenzi Sulemanu

swè blè. <sup>3</sup> À kíneno sèse noono ù g̃oon wàa aag̃o kpé basoo, bens̃o à no yìgisaino vī do wàa do kpé basoo. Ben à noo pino à sàsà. <sup>4</sup> Kè zikú e g̃een, à noono tò à tè tãañzi, èe a swè kpá Dii a Ludaa mámmam lán a de Dauda bàro. <sup>5</sup> À tè Sid̃deeño tãa Asatorezi k̃on Am̃onino tãa M̃oleki kè Luda zàn-o. <sup>6</sup> À yā kè Dii yeziroo kè, èe tézi k̃on ñd̃seo do lán a de Dauda bàro. <sup>7</sup> Ben à g̃aa à tāagbāgbākii bò s̃is̃i kè kú Yerusalemu ɔf̃ant̃ɔɔe kpaa musu M̃abuño tãa gina Kem̃osine k̃on Am̃onino tãa gina M̃olekio. <sup>8</sup> Len à kè le a bori p̃ande nooñne ñ píngi, ben ão tuaetiti kp̃ata ñ tãañne ão saa òmma.

<sup>9</sup> Ben Dii Isarailino Luda p̃o f̃e Sulemanuzi, kè à kpee line à swè kúa doo yānzi, zaake Dii bò à mòzi yā g̃èn plaa. <sup>10</sup> Baa kè Dii bène, àton té tãañziro, èe yā kè Dii diè p̃i maro. <sup>11</sup> Ben Dii bène: Zaake ñ kè le, née ze k̃on ma bà kuunanyo yā kè má dienñeoro, mé kpata bo ñ ozi mà ñ z̃bleri ke ká ñ g̃ee ù. <sup>12</sup> M̃ode ñ de Dauda yānzi mé ke le ñ gur̃oaro, ñ ñén mé kene. <sup>13</sup> Baa k̃on beeeo mé kpata bo à ozi mámmanno. Bori leo doon mé tó ñ né pine ma z̃bleri Dauda k̃on Yerusalemu kè má sè ma p̃o ũuo yānzi.

### *Sulemanu ib̃ene*

<sup>14</sup> Ben Dii tò Ed̃omu gb̃e Adada kè de w̃ene ù íbete kpà k̃on Sulemanuo. <sup>15</sup> Gur̃o kè Dauda e z̃i kaa k̃on Ed̃omuño yā, à z̃ikp̃eeño don'aedee Yoabu g̃aa à Isarailino g̃eño ṽi, ben à Ed̃omuño b̃usu g̃ōgb̃eño d̃ede gwe ñ píngi. <sup>16</sup> Àpi k̃on a gb̃eño kú gwe ai m̃o sw̃edo ai ão g̃aa wà Ed̃omuño b̃usu g̃ōgb̃e p̃ino d̃edeo ñ píngi. <sup>17</sup> Kè Adada bàa s̃i, èe taa Igititi k̃on a de iba keño. Gur̃o beeeo s̃o Adada né g̃ōkpareme. <sup>18</sup> Ão bò Midiã ão g̃aa Parani, ben ão Paranide keño sè wà g̃aanyo Igititi kí Fili'auna kiia. Fili'auna kpé kpaa k̃on p̃obleeo k̃on tooteo. <sup>19</sup> Adada yā kà Fili'aunañe maamaa, ben à a não Tap̃enesi d̃aaro kpaa noo ù. <sup>20</sup> Ben Tap̃enesi d̃aaro p̃i né ù g̃ōgb̃e ù, wè bene Genuba, ben Tap̃enesi né p̃i gwà Fili'auna ua k̃on Fili'auna ñeño led̃o. <sup>21</sup> Gur̃o kè Adada kú Igititi, à mà kè Dauda g̃aa bens̃o à z̃ikp̃eeño don'aede Yoabu g̃aa do. Ben à bè Fili'aunañe: Ñ ma gba zé mà tá ma b̃usun. <sup>22</sup> Ben Fili'auna à là à bè: Bó bé èe k̃es̃amma ma kiia, kè tò ñ yezi ñ tá ñ b̃usun? À wèla à bè: Pókee e k̃es̃amaro, ñ ma gba zé dé!

<sup>23</sup> Ben Ludaa tò do Eliada né Rez̃o kè bàa s̃i a dii Zoba kí Adadezañe yāa f̃ee Sulemanuzi. <sup>24</sup> Kè Dauda Adadeza gb̃eño d̃ede, ben Rez̃o gb̃eño kàk̃oazi ão kè gb̃aam̃nerino g̃ali ù, ben à g̃ō ñ don'aedee ù. Ão g̃aa wà ṽee Damasiku, ben à gwee s̃i. <sup>25</sup> Rez̃oñ Isarailino ib̃ee ù ai Sulemanu w̃endi lén, yáketè kè Adada f̃eeo baasi. À kpata blè Siria b̃usun, à g̃i Isarailino k̃azi.

### *Yeroboamu b̃ona Sulemanu kpee*

<sup>26</sup> Nebati né Yeroboamu né Sulemanu iba keme. Eflaimu boriime, kè bò Zer̃eda, ben à bò Sulemanu kpee. À da né gyaañome, à tón Zer̃ua. <sup>27</sup> Lán à kè nà à bò kina k̃eeñ yè. Sulemanu w̃ee kè wè be Milo t̃ata b̃usuo, ben à a de Dauda w̃ete b̃i bò à p̃ek̃ore. <sup>28</sup> Yeroboamu né nég̃ōgb̃e làakarideeme. Kè Sulemanu è kè òwazi p̃i aia ṽi, ben à à diè z̃i gb̃aaa kè Yusufu boriino e kee p̃i gb̃ensi ù. <sup>29</sup> Gur̃o beeeo Yeroboamu bò Yerusalemu, ben à dàk̃ore k̃on annabi Ahia, Silo gb̃eo z̃én, à uta dufu dana. Ão kú s̃eñ gwe ñ plaa. <sup>30</sup> Ben Ahia a uta dufu p̃i g̃a à kè à p̃arapara leo kuri aw̃eplaa. <sup>31</sup> Ben à bè Yeroboamuñe à à parana p̃i s̃ee m̃eñ kuri, zaake Dii Isarailino Luda bè: Mé Sulemanu bo kpatamme mà Isaraili bori leo kuri kp̃amma. <sup>32</sup> Mé bori leo doo t̃one ma z̃bleri Dauda k̃on Yerusalemu kè má sè Isaraili bori píngi w̃eteño t̃eo yānzi. <sup>33</sup> Mé kene le, kè à ma z̃inna à g̃aa èe Sid̃deeño tãa Asatore k̃on M̃abuño tãa Kem̃osio k̃on Am̃onino tãa M̃olekio gb̃āgb̃aa yānzi. Èe témaziro, èe yā kè maamee kero, èe ma ɔɔk̃ii gw̃aro, à ma dokayāño k̃una lán a de Dauda bàro. <sup>34</sup> Baa k̃on beeeo mé kpata bo à ozi mámmanno, zaake ma g̃iake ma à kè kí ù ai a w̃endi lémm̃e ma z̃bleri Dauda kè má sè yānzi, kè à ma ỹadienaño k̃una bens̃o à ma ɔɔk̃ii gw̃a. <sup>35</sup> À ñén mé kpata sí à ozi, mà Isaraili bori leo kurino kp̃amma. <sup>36</sup> Isaraili bori leo doon mé

tó à né pìnɛ, ɛ ma zòbleri Dauda borii g̃s kí bleemɛ Yerusalemu gurɔ pínɡi, wéte kè má sè ma tó g̃s kúa pì. <sup>37</sup> Mpi s̃s, ma n sɛ Isarailinɔ kína ũ, ɛ ñg̃s kí blee pó kè n pɔɔ yezia pínɡi. <sup>38</sup> Tó néɛ yā kè má diennɛɛ keɛ pínɡi, tó n tɛmazi, néɛ yā kè maamɛɛ keɛ, tó néɛ ma ɔɔkii gwaa bens̃s n ma yādienanɔ kūna lán ma zòbleri Dauda bà, még̃s kúnɔ, még̃s n boriinɔ kaa Isaraili kpatan gurɔ pínɡi, lán ma Dauda boriinɔ kàn nà. <sup>39</sup> Mé Dauda boriinɔ ɛara kpɛɛ yā kè aɔɔ kè pì yānzi, mɔde èe ke ai gurɔ pínɡinlo.

<sup>40</sup> Sulemanu zé wéte à Yeroboamu de, ben à fɛɛ à bàa s̃s à tà Igipiti kí Sisaki kiia, à g̃s gwe ai Sulemanu g̃a à g̃a. <sup>41</sup> Sulemanu yā kpaaanɔ k̃n ɔ̃nd̃yā kè à kènɔ pínɡi kú Sulemanu yānɔ takadan. <sup>42</sup> Sulemanu kè Isaraili bori pínɡi kína ũ Yerusalemu wè baplaamɛ. <sup>43</sup> Kè à g̃a, wà à ṽi à de Dauda wéte, ben à né Reoboamu ṽɛ à gbèn.

## 12

### *Isarailinɔ b̃na Reoboamu kpɛɛ*

<sup>1</sup> Reoboamu g̃a Sɛkemu, zaake gwen Isaraili bori pínɡi g̃an ɛ wà à ká kí ũ. <sup>2</sup> Kè Nɛbati né Yeroboamu à baaru mà, ben à b̃s Igipiti à sù, zaake gwen à kún zaa gurɔ kè à bàa s̃s Sulemanunɛ. <sup>3</sup> Ben Isaraili kè aɔ k̃s kàk̃sa pìnɔ à sisi, ben aɔ g̃a wà yā ò ledɔ k̃n Reoboamuo wà bè: <sup>4</sup> N de z̃i gb̃aa dawe p̃s̃p̃s̃i. Mm̃n s̃s, ñ z̃i gb̃aa pì k̃n aso t̃isi kè à diweo lago, wé m̃i siennɛ. <sup>5</sup> Ben à wè̃la à bè: À tá g̃i ai gurɔ aag̃s, gbasa à ɛara à mó. Ben aɔ tà.

<sup>6</sup> Kí Reoboamu yā pì gb̃a gb̃ensi kè aɔ de a de Sulemanu ìba ũunɔne à bè: Yā kp̃reen á è à maa mà sí gb̃e p̃inɔlaa? <sup>7</sup> Ben aɔ wè̃la wà bè: Tó n m̃i sié̃ne gb̃aa, ben n yā maa s̃ĩla, aɔég̃s de n zòblerinɔ ũ gurɔ pínɡi. <sup>8</sup> Ben Reoboamu g̃i gb̃ensi pìnɔ lédamhazi, à g̃a à yā pì gb̃a a ìba g̃kparɛ kè aɔ né blè ledoonɔne. <sup>9</sup> Á n lá à bè: Gb̃e kè aɔ bèmɛ mà z̃i gb̃aa kè ma dee d̃inne lagõne pìnɔ, yā kp̃reen á è à maa wà s̃ĩlaa? <sup>10</sup> Ben g̃kparɛ pìnɔ wè̃la wà bè: Gb̃e kè aɔ bènnɛ n de aso t̃isi d̃inne ñ lagõne pìnɔ, ñ õne n ɔ̃ez̃aa gb̃ere de n de piila. <sup>11</sup> N de aso t̃isi d̃inne, mm̃n s̃s, né asoo pì kaarãne. N de wéɛ t̃ãmma k̃n fl̃ome, mɔde fl̃a lèdeen né wéɛ t̃ãoma.

<sup>12</sup> À gurɔ aag̃sdee z̃i Yeroboamu k̃n Isarailinɔ ɛara wà mò wà Reoboamu lè n pínɡi, lán à ò̃ne nà à bè, aɔ ɛara wà mó gurɔ aag̃s gbera. <sup>13</sup> Ben kína g̃i gb̃ensinɔ lédamhazi à yā wè̃la p̃s̃p̃s̃i. <sup>14</sup> À tɛ g̃kparɛnɔ lédamhazi à bè: Aso t̃isin ma dee diare, mamɔma s̃s mé asoo pì kaaraamɛ. Fl̃an ma de wéɛ t̃ãoawa, mapi s̃s, fl̃a lèdeen mé wéɛ t̃ãoawa. <sup>15</sup> Ben kína g̃i Isarailinɔ yā mazi, zaake yā pì b̃s Dii kiiamɛ, ɛ yā kè à ò Nɛbati né Yeroboamunɛ annabi Ahia, Silo gb̃e g̃az̃i e à ke yānzi.

<sup>16</sup> Kè Isarailinɔ è kína g̃i n yā mazi, aɔ bène:

Wa bà kú k̃n Daudaoro,

wa lé kú Yɛɛ né yānlo.

Isarailinɔ, a baade tá a be!

Dauda bori, ñ n z̃inda be k̃u!

Ben Isarailinɔ tà n be. <sup>17</sup> Isaraili kè aɔ kú Yuda boriinɔ wéte guunɔn Reoboamu g̃s n kína ũ ado. <sup>18</sup> Kí Reoboamu a zòz̃i gb̃ensi Adoniramun z̃i Isarailinɔ, ben aɔ à p̃apa gb̃eò wà à dè. Ben kí Reoboamu fɛɛ k̃n w̃aaò à s̃i a s̃goron à bàa s̃s à tà Yerusalemu. <sup>19</sup> Len Isarailinɔ g̃i Dauda boriinɔzi ɛ ai k̃n a gb̃aa. <sup>20</sup> Kè Isarailinɔ mà n pínɡi kè Yeroboamu sù, ben aɔ à sisi kàk̃ana guu, ben aɔ à kà Isaraili boriinɔ kína ũ. Isaraili bori kee e ze k̃n Dauda boriinɔ d̃ro, tó èe ke Yuda boriinɔ baasiro.

<sup>21</sup> Kè Reoboamu kà Yerusalemu, à Yudanɔ kàk̃a n pínɡi k̃n Beyāmi boriinɔ. Z̃ikari pìnɔ g̃ɔn b̃ro bak̃endome. Ben aɔe gaa z̃i ká k̃n Isarailinɔ, ɛ wà e wà Sulemanu né Reoboamu kpata s̃ine wà kp̃aa d̃. <sup>22</sup> Ben Luda yā sù Luda gb̃e kè wè be Semayaa à bè: <sup>23</sup> Ñ o Yudanɔ kí Sulemanu né Reoboamunɛ k̃n Yudanɔ n pínɡi k̃n Beyāmi boriinɔ k̃n

gbē kpaaanŋ, <sup>24</sup> mamŋma Dii ma bè, àton gá zì ká kŋn a Isaraili daanŋoro. A baade tá a be, zaake yā kè kè pì bò ma kiiame. Ben aŋ yā kè Dii ònne mà aŋ tà.

<sup>25</sup> Yeroboamu Sekemu kè kú Eflaimu gu kpiideen bīi bò, ben à vèen. Zaa gwen à gaa à Penieli kèkè à kàe. <sup>26</sup> Ben à laasuu lè à bè: Weé εara wà Dauda borii sokpa kpatamme fá! <sup>27</sup> Tó Isarailinŋ e gaa saa o Dii ua Yerusalemu, aŋε εara wà ze kŋn n̄ dii Yudanŋ kí Reoboamuome, aŋε ma de wà zeo. <sup>28</sup> Kè kína yā pì gwà, ben à vura zùswarene bŋrŋnŋ pì mèn plaa, ben à bè gbēnŋne: Isarailinŋ, a gana Yerusalemu mò le. A dii kè aŋ a bŋe Igiipitinŋ yè! <sup>29</sup> Ben à à doo diε Beteli, à doo sŋ ai Dani. <sup>30</sup> Ben yā pì gŋŋne durun ū, aŋε gá dŋnzi ke à doone Beteli, à doo sŋ ai Dani. <sup>31</sup> Yeroboamu kpé bò zù pìnŋne tāagbāgbākiiinŋa, ben à gbē diε sa'orinŋ ū, baa kŋn gbē kè aŋ de Levi borii ūroonŋ. <sup>32</sup> Ben à mŋ sŋraagŋde gurŋ gērodee diε zībaa ū lán Yudanŋ pŋ bà se, ben à saa ò tāagbāgbākii kè kú Beteli pía. À saa ò zùswaree kè à pì pìnŋa, ben à sa'orinŋ diε gwe. <sup>33</sup> Ben à saa ò sa'okii kè à kè Beteli pía mŋ sŋraagŋde gurŋ gērodee zī. Gurŋ pìn à diε a zīnda pŋyezia zībaa ū Isarailinŋne.

## 13

### *Luda gbē lékena Beteli sa'okiine*

<sup>1</sup> Luda gbēke bŋ Yudanŋ bùsun à mò Beteli lán Dii dànε nà gurŋ kè Yeroboamu zena sa'okii pì sae le à saa o. <sup>2</sup> Ben à sa'okii pì kà à bè: Sa'oki, sa'oki, Dii bè weé né i Dauda be, weé tŋ kpáne Yosia. Àpi bé eé saa omma kŋn tāagbāgbākii sa'ori kè aŋε zīi keε kènŋ, eé gbēntee wánŋ kpátamma. <sup>3</sup> Gwe gŋŋ Luda gbē pì yā pì kena sèeda ònne à bè: Sèeda kè Dii òn yè. Sa'okii pì é parakŋre à túbu é kwéε.

<sup>4</sup> Kè kí Yeroboamu lé kè Luda gbē pì kè Beteli sa'okii pìnε mà, ben à òdŋa zaa sa'okiia gwe à bè: À à kŋ! Ben ŋŋ kè à dŋa pì gbāgbā, eé fŋ à kòko dŋro. <sup>5</sup> Ben sa'okii pì parakŋre à túbu kwèε lán Dii dà Luda gbē pìnε à ò nà. <sup>6</sup> Ben kína bè Luda gbē pìnε: N̄ agbaa kpámε Dii n Ludanε. N̄ wéε keame le ma ŋŋ e à su a gbèn. Ben Luda gbē pì agbaa kpà Diine, ben à ŋŋ sù a gbèn lán a zii bà. <sup>7</sup> Ben kína bè Luda gbē pìnε: N̄ mó wà gá ma be wà pŋ ble, mé gba dannε. <sup>8</sup> Ben à bè kína pìnε: Baa tŋ n n auziki kpadoo kpàma, mé gányoro. Mé pŋ ble ke mà í mi guu kèro, <sup>9</sup> zaake Dii bème màton pŋ ble kèro, màton í mi kèro, màton sŋ tá kŋn zé kè ma mŋoro. <sup>10</sup> Ben à zé pānde sè, èe zé kè à mò Beteli sé dŋro.

<sup>11</sup> Annabi zi kee kú Beteli gwe. Kè à nénŋ sù, aŋ yā kè Luda gbē pì kè gwe zī beea tŋkè n̄ denε kŋn yā kè à ò kinanεo pīngi. <sup>12</sup> Ben aŋ de n̄ lá à bè: Zé kpareen à sè? Ben à nénŋ zé kè Luda gbē kè bŋ Yudanŋ bùsun pì sè gŋŋŋne. <sup>13</sup> Ben à bènne: À gàari yime zaakine. Ben aŋŋ yìnε aŋ à di à kpεε. <sup>14</sup> Kè à pèε Luda gbē pizi, ben à à lè vèena gbíi lí gbáru. Ben à à là à bè: Luda gbē kè bŋ Yudanŋ bùsumn n ūŋ? À wèala à bè: Mámbee! <sup>15</sup> Ben annabi zii pì bène: N̄ mó wà gá ma be, n̄ pŋ ble. <sup>16</sup> À wèala à bè: Mé fŋ mà εara mà tányoro. Mé fŋ mà pŋ ble ke mà í minyo guu kèro, <sup>17</sup> zaake Dii bème màton pŋ ble ke mà í mi kèro, màton sŋ tá kŋn zé kè ma mŋoro. <sup>18</sup> Ben annabi zii pì bène: Annabin ma ū lán n bà. Malaika ke bé à Dii yā òme à bè mà péenzi mà sunyo ma be, le n̄ pŋ ble n̄ í mi. Mŋde egεen annabi pì e too. <sup>19</sup> Ben Luda gbē pì εarao, à pŋ blè à be à í mi. <sup>20</sup> Gurŋ kè aŋŋ vèena pŋbleezi, Dii yā sù annabi zii kè sùo pía, <sup>21</sup> ben à wii lè Luda gbē kè bŋ Yudanŋ bùsun pía à bè: Dii n Luda bè, lán n gi a yā mazi nà, néε yā kè à ònneε maro, <sup>22</sup> n εara n mŋ n pŋ blè n̄ í mi guu kè à ònne n̄ton pŋ blenlo n̄ton í minlo pì, weé n vīi kŋn n dezinŋoro. <sup>23</sup> À pŋblena kŋn à íminao gbera, annabi kè sùo pì gàari yìnε zaakia. <sup>24</sup> Kè à dà zén, ben à kpàkŋ kŋn músuo, músu pì à dè. À gè gŋ diena zén, ben zaaki kŋn músuo gŋ zena à gè pizi. <sup>25</sup> Kè gbē kè aŋŋε gēteεnŋ à gè è daena zén gwe kŋn músu kè zezio, ben aŋ gaa wà à baaru kpà wéte kè annabi zii pì kún guu. <sup>26</sup> Kè annabi kè sùo pì à baaru mà, à bè: Luda gbē kè gi Dii yā mazin gwe. Ben Dii à kpà músua, à à è'ekŋre à dè lán Dii ònε nà. <sup>27</sup> Ben à bè a nénŋne: À gàari yime zaakine. Ben aŋŋ yìnε. <sup>28</sup> À dà

zén, ben à gàa à à gè lè daena, zaaki kōn músuo zēzi. Músu pì e gè pì sóro bensō èe zaaki pì é'ekōrero. <sup>29</sup> Ben annabi pì Luda gbē pì gè sè à di zaaki musu à sùo a be wétēn, le à gè sò dō à à vīi. <sup>30</sup> Ben à à vīi a zīnda mirawēn, à sò dō à bè: Wāiyoo ma gbē! <sup>31</sup> Kè à à vīi à yāa, à bè a nēnōnē: Tó ma ga, à ma vīi mirawēn kè ma Luda gbē pì vīin à wa gè kpákōzi. <sup>32</sup> Zaake yā kè Dii dànē à ò Beteli sa'okii musu kōn tāakpē kè kú Samaria būsū wéte tāagbāgbākiiianō é ke yāpura.

<sup>33</sup> Baa kōn beeeo Yeroboamu e kpēe li a yāzaakenanero, à èara à Isaraili bori pīngi diē tāagbāgbāki sa'orinō ū dō. Gbē kè aō yezi wà gō tāagbāgbāki sa'orinō ūun à n̄ kē à ū.

<sup>34</sup> Durun kè tò wà Yeroboamu boriinō dúgu zō aō yāa anduna guun gwe.

## 14

### *Annabi Ahia yā kè eé Yeroboamu lee ona*

<sup>1</sup> Guro beea gyāa Yeroboamu négōgbē Abia kù. <sup>2</sup> Ben Yeroboamu bè a naōnē: N̄ fēe n̄ n zīnda liē, le wàton n dō ma nō ūro, n̄ gá Silo. Annabi Ahia kú gwe. Àmbe à bèmē mégō de Isarailinō kína ū. <sup>3</sup> N̄ buredi sé mēn kuri kōn kàranō kōn zó tùuo, n̄ gáonē. Eé yā kè eé né pì lee onnē. <sup>4</sup> Ben Yeroboamu naō kè le, à fēe à gàa Silo à gè Ahia be. Ahia wéē e guu e dōro, zaake à zi kù à wéē gō dáadāa. <sup>5</sup> Dii gīake à ò Ahianē kè Yeroboamu naō né e gyāa kee, ben èe mō le à yā gbekamma. N̄ onē la, n̄ onē la, zaake tó à mò, eé a zīnda liennē gbē pānde ūmē.

<sup>6</sup> Kè Ahia à kēsē kīi mà, èe gēe kpén, à bè: N̄ gē Yeroboamu naō! Bóyānzin n̄ n zīnda liē lezi? Yā pāsīn Luda bè mà onnē. <sup>7</sup> N̄ gá n̄ o Yeroboamunē, Dii Isarailinō Luda bè, àmbe a n se n gbēnō té, a n ke a gbē Isarailinō dōn'aedee ū. <sup>8</sup> A kpata bō Dauda boriinō zī, ben a n kpan, mōde n̄ de lán à zòbleri Dauda bàro, kè à a yādienanō kūna, à tézi kōn nōsēo do à yā kè á yezi kè. <sup>9</sup> N̄ yā zaa kè de gbē kè aō dōnnē aenōla, n̄ gaa n̄ tāanō kè n zīdanē, mò kè n̄ kàsa pìnō, ben n̄ kpēe liare, n̄ a pō fē. <sup>10</sup> Beee yānzin é mónzi kpá n boriinōzizi, é n gōgbēnō kaate Isarailinō guu zōnō kōn wēenēnō n̄ pīngi, é té sō n beea, lán wè té sō zùgbōa nà ai à té kù à yāa pīngi. <sup>11</sup> Gbēenō é n borii kè aōé gaga wētēnō só, bāanō é n gbē kè aōé gaga sēnnō ble. Dii bé à ò le. <sup>12</sup> Mmōn sō nōgbē, n̄ fēe n̄ tá be. Tó n kēsē pēe wéte guu gō, né pì é ga. <sup>13</sup> Isarailinō é à gè sò dō wà à vīi. Yeroboamu boriinō té n̄ pīngi, àmbe weé vīi ado, zaake àmbe ado kè Dii Isarailinō Luda yā maaa èa Yeroboamu ua. <sup>14</sup> Dii é kína pānde diē a gbē Isarailinōnē. Àmbe eé Yeroboamu boriinō dedē. Gbāa kèa! Bóō? Lēmē, tiaaemē! <sup>15</sup> Dii é gò tō Isarailinōa, aōé gō lán kàba kè èe nigāa í guu bà. Eé Isarailinō bōe būsū maaa kè à kpà n̄ dezinōa kèn à n̄ fāakōa Yuflati baa kāa kpa, kè aō Asatore lí pēepēe aō Dii pō fēonē yānzi. <sup>16</sup> Eé Isarailinō kpámma durun kè Yeroboamu kè à Isarailinō dà à kenan yānzi.

<sup>17</sup> Ben Yeroboamu naō fēe èe taa. Kè à kà Tiza, kè à kēsē zè kpēlea gō, ben négōgbē pì gā. <sup>18</sup> Wà à vīi, ben Isarailinō sò dō n̄ pīngi lán Dii ò a zòbleri annabi Ahia gāzī nà. <sup>19</sup> Yeroboamu yā kpaanō kú Isarailinō kīnanō gīayākenanō takadan, zī kè à kànō kōn à kīkeyānō pīngi. <sup>20</sup> Yeroboamu kī blè wè baro awēeplaamē. Kè à gā, ben à né Nadabu vèe à gbèn.

### *Yudanō kī Reoboamu*

<sup>21</sup> Sulemanu né Reoboamun Yudanō kína ū. À kī blè a wè baplaa awēedodeemmē, ben à kī blè Yerusalemu wè gēro awēeplaa, wéte kè Dii sè Isaraili bori pīngi wētēnō té le à tó gō kúa. À da tón Naama, Amōni boriimē. <sup>22</sup> Yudanō yā kè Dii yeziroo kè, aō à pō fē de n̄ dezinōa n̄ pīngi n̄ durun kè aō kè yānzi. <sup>23</sup> Aō tāagbāgbākiiinō bō n̄ zīdanē sīsī lezī sānda pīngi musu kōn lí bita sānda pīngi gbáruo, aō gbēnō kōn línō pēepēen. <sup>24</sup> Baa se tāagbāgbāki kaaruanō kú Isarailinō būsūn gōgbēnō kōn nōgbēnō. Lēmē Isarailinō borii kè Dii pēmmanēnō dà zaaanō sèe le pīngi.

<sup>25</sup> Kí Reoboamu kíblena wè sɔɔrodee guun Igipiti kí Sísaki mò à lèe Yerusalemua. <sup>26</sup> À Dii ua auzikinɔ kɔn kíbɛ pónɔ nàkɔ̃a à vura sɛngbango kè Sulemanu pìnɔ sèe pínɡi. <sup>27</sup> Ben kí Reoboamu sɛngbango pìnɔ gɛɛ pì kɔn mògotɛ̀o à nà a bɛ dogari dɔn'aɛdeenɔne n̄ ɔzĩ a bɛ kpɛɛɛ. <sup>28</sup> Tó kína e gaa Dii ua, dogari pìnɔ ègɔ sɛngbango pìnɔ kũna. Tó aɔ èara wà sù, aɔè èara wà káe n̄ kpén.

<sup>29</sup> Reoboamu yā kpaaanɔ kɔn yā kè à kènɔ pínɡi kú Yudanɔ kínanɔ gĩayākenanɔ takadan. <sup>30</sup> Reoboamu kɔn Yeroboamu ègɔ zĩ kaa kɔo gurɔ pínɡi. <sup>31</sup> Kè Reoboamu gà, wà à mira kpàkɔzi kɔn a dezinɔ pɔo Dauda wéte. À da tón Naama, Amɔni boriime. Ben à né Abia vèe à gbèn.

## 15

### *Yudanɔ kí Abia*

<sup>1</sup> Nebati né Yeroboamu kíblena wè baro plaasaidee guun Abia gò Yudanɔ kína ũ <sup>2</sup> à kí blè Yerusalemu wè aagɔme. À da tón Maaka, Abusalomu boriime. <sup>3</sup> À durun kè a dee kènɔ kè pínɡi, èe a zĩnda kpá Dii a Ludaa lán a dezi Dauda bàro. <sup>4</sup> Mɔde Dauda yānzin Dii à Ludaa tò à bori kí blè Yerusalemu, à à borii pì diè à gɛɛ ũ à tò Yerusalemu gbāaa è. <sup>5</sup> Zaake Dauda yā kè Dii yezi kè, èe gí yā kè Dii diene maziro ai a wèndi lén, tó èe ke yā kè à kè Iti bori Uriane baasiro.

<sup>6</sup> Abia kɔn Yeroboamu ègɔ zĩ kaa kɔo ai Abia wèndi lén. <sup>7</sup> Abia yā kpaaanɔ kɔn yā kè à kènɔ pínɡi kú Yudanɔ kínanɔ gĩayākenanɔ takadan. <sup>8</sup> Kè à gà, wà à vĩ Dauda wéte, ben à né Asa vèe à gbèn.

### *Yudanɔ kí Asa*

<sup>9</sup> Isarailinɔ kí Yeroboamu kíblena wè barodee guun Asa gò Yudanɔ kína ũ, <sup>10</sup> ben à kí blè Yerusalemu wè baplaa awɛɛdo. À dazi tón Maaka, Abusalomu boriime. <sup>11</sup> Kí Asa yā kè Dii yezi kè lán a dezi Dauda bà. <sup>12</sup> À pè tāagbāgbāki kaaruanɔa a busun, ben à taa kè a dezinɔ kènɔ kwè pínɡi. <sup>13</sup> Baa se à a dazi Maaka bò kpatan, kè à Asatore lí gina pèe yānzi. Kí Asa lí pì zè à té sɔ̃a Kidironu guzuren. <sup>14</sup> À a zĩnda kpà Diia ai a wèndi lén, mɔde èe tāagbāgbākii kè wà bònɔ gbororo. <sup>15</sup> À vura kɔn kondogio kɔn pò pānde kè api kɔn a deo diè Dii pò ũunɔ sèe à kàe Dii ua.

<sup>16</sup> Asa kɔn Isarailinɔ kí Baasao ègɔ zĩ kaa kɔo ai n̄ kíblena gurɔlén. <sup>17</sup> Baasa bé à gà à lèe Yudanɔ búsua, ben èe bĩ boo à liga Ramazi, le gbèke tón bɔ ke à gɛ Yudanɔ kí Asa busunlo yānzi. <sup>18</sup> Ben Asa kondogi kɔn vura kè gò Dii ua làasinɔ sèe kɔn pò kè kú a bɛ làasinɔ, à nà a ibanɔne n̄ ɔzĩ, ben à n̄ zĩ Damasiku, Siria búsua kí Benadada, Tabirimɔ né, Eziɔ dio kiia à bè: <sup>19</sup> Wà ledole ke lán ma de kɔn n̄ deo kè nà yā. À kondogi kɔn vuraon yè. N̄ ledole kè n̄ vĩ kɔn Isarailinɔ kí Baasao gboro, le à gumala kɔn a zìkpɛɛnɔ. <sup>20</sup> Ben Benadada ledole kè kɔn Asao à a zìkpɛɛnɔ gbàre aɔ gà wà lèe Isaraili wéténɔa. Aɔ Iyona sì kɔn Danio kɔn Abeli Betemakao kɔn Genesareti guuo kɔn Nafatali boriinɔ guuo dɔ pínɡi. <sup>21</sup> Kè Baasa à baaru mà, ben à bĩbona Ramazi tò à tà Tiza. <sup>22</sup> Ben kí Asa kpàakpa kè Yudanɔne n̄ pínɡi, èe gbèke tè boro à bè, aɔ Rama gbènɔ kɔn lí kè Baasa e bĩ boonɔ sée. Ben à bĩ bòo à liga Gèba kè kú Beyāmi boriinɔ guuzi kɔn Mizipao. <sup>23</sup> Kí Asa yā kpaaanɔ kú Yudanɔ kínanɔ gĩayākenanɔ takadan, à négɔgbèkeyānɔ kɔn yā kè à kènɔ pínɡi kɔn wéte bĩ kè à bònɔ. Kè à zi kù, gyāa à kù a gbálanɔa. <sup>24</sup> Kè à gà, wà à mira kpàkɔzi kɔn a dezinɔ pɔo a dezi Dauda wéte, ben à né Yosafata vèe à gbèn.

### *Isarailinɔ kí Nadabu*

<sup>25</sup> Yudanɔ kí Asa kíblena wè plaadee guun Yeroboamu né Nadabu kè Isarailinɔ kína ũ à kí blè wè plaame. <sup>26</sup> À yā kè Dii yeziroo kè kè à zè kɔn yā kè a dee kè à Isarailinɔ dà durun guuo. <sup>27</sup> Ahia né Baasa, Isaka bori lé kpàkɔsɔzi gurɔ kè à pi kɔn Isarailinɔ e ligaa Filisitini

wéte Gibetōzi, ben à à dè gwe. <sup>28</sup> À à dè Yudanó kí Asa kíblena wè aagōdee guume, ben à vèe à gbèn. <sup>29</sup> Kè à nà kíbлена, ben à Yeroboamu boriinó dèdè ní píngi, èe ní gbēke tóro, à ní káate lán Dii ò a zòbleri Ahia, Silo gbē gāzī nà. <sup>30</sup> Yā pì kè le durun kè Yeroboamu kè yānzi, kè à Isarailinó dà à kenan à Dii Isarailinó Luda pɔɔ fèone. <sup>31</sup> Nadabu yā kpaaanó kōn yā kè à kènó píngi kú Isarailinó kínano gīayākenanó takadan. <sup>32</sup> Kí Asa kōn Isarailinó kí Baasao zī kà kōo ai ní kíblena gurɔlemme.

### *Isarailinó kí Baasa*

<sup>33</sup> Yudanó kí Asa kíblena wè aagōdee guun Ahia né Baasa kè Isarailinó kína ũ. À kí blè Tiza wè baro awεεsiigō. <sup>34</sup> À yā kè Dii yeziroo kè, kè à zè kōn Yeroboamu yākenao kōn durun kè à Isarailinó dà à kenan-o.

## 16

<sup>1</sup> Dii yā sù Anani né Yehua, ben à yā ò Baasané à bè: <sup>2</sup> Ma n bɔ̀ b̀sutin, ma n ke ma gbē Isarailinó dɔn'aedee ũ, ben n ze kōn Yeroboamu yākenanó n ma gbē Isarailinó dà durun guu, ben aɔ durun pìnɔ ma pɔɔ fè. <sup>3</sup> Mmɔn kōn n boriinó, mé a dúgu zōme sa. Mé ke n uane lán má kè Nebati né Yeroboamu uane nà. <sup>4</sup> Gbēenó é n gbē kè aɔ́é gaga wéte guunó só, bāanó é n gbē kè aɔ́é gaga sènnó ble. <sup>5</sup> Baasa yā kpaaanó, yā kè à kènó kōn à négōgbēkeyānó kú Isarailinó kínano gīayākenanó takadan. <sup>6</sup> Kè Baasa gà, wà à v̄i Tiza, ben à né Ela vèe à gbèn.

<sup>7</sup> Dii yā pì ò Baasané kōn a boriinó annabi Yehu, Anani né gāzī, yā zaaa kè à kè à Dii pɔɔ fèone lán Yeroboamu boriinó kè nà yānzi kōn Yeroboamu borii kè à ní kaatenó yāo dɔ.

### *Isarailinó kí Ela*

<sup>8</sup> Yudanó kí Asa kíblena wè baaasɔɔro awεεdodee guun Baasa né Ela kè Isarailinó kína ũ à vèe Tiza wè plaa. <sup>9</sup> À ibanó do Zimirin à s̄goronó kpadoo gbēnsi ũ, ben à lé kpàkōsōzińyo. Gurɔ kè í Ela kù a begwari Aza kpén zaa Tiza, <sup>10</sup> ben Zimiri gè à à dè Asa kíblena wè baaasɔɔro awεεplaadee guu, ben à vèe à gbèn. <sup>11</sup> Kè à kí blè gɔɔ, ben à Baasa boriinó dèdè ní píngi, èe gōgbē ke tó à danenó ke à gbēnnanó téro. <sup>12</sup> À Baasa borii pìnɔ kàate ní píngime, lán Dii ò annabi Yehu gāzī nà. <sup>13</sup> Baasa kōn a né Elao Dii Isarailinó Luda pɔɔ fène durun kè aɔ kè taa pāpāanó yā musu, ben dɔ aɔ Isarailinó dà à kenan yānzi. <sup>14</sup> Ela yā kpaaanó kōn yā kè à kènó píngi kú Isarailinó kínano gīayākenanó takadan.

### *Isarailinó kí Zimiri*

<sup>15</sup> Yudanó kí Asa kíblena wè baaasɔɔro awεεplaadee guun Zimiri kí blè Tiza gurɔ swεεplaa. Gurɔ beee Isaraili z̄ikpεenó bùra kú Filisitini wéte Gibetō sae. <sup>16</sup> Kè z̄ikpεe pìnɔ mà Zimiri lé kpàkōsō kōn gbēnó kínazi à à dè, ben aɔ ní dɔn'aede Omiri kà Isarailinó kína ũ ní bùran gwe gɔɔ. <sup>17</sup> Ben Omiri kōn Isaraili z̄ikpεenó fèe Gibetō aɔ gaa wà liga Tizazi. <sup>18</sup> Kè Zimiri è aɔ a wéte siawa, ben à didi à gè a be kpédidikōana musun à té s̄a, ben à té kù, à gà <sup>19</sup> durun kè à kè yānzi. À yā kè Dii yeziroo kè kè à zè kōn Yeroboamu yākenao. À durun kè, ben dɔ à Isarailinó dà à kenan. <sup>20</sup> Zimiri yā kpaaanó kōn lé kè à kpàkōsōńyo Elazio kú Isarailinó kínano gīayākenanó takadan.

### *Isarailinó kí Omiri*

<sup>21</sup> Isarailinó kpàate leo plaa. Aɔ kpadoonó yezi wà Ginati né Tibini ká kí ũ, ní kpadoonó s̄ Omiri. <sup>22</sup> Kè gbē kè aɔ zè kōn Omirionó gbāaa dè gbē kè aɔ zè kōn Ginati né Tibinionɔla, ben wà Tibini dè, Omiri kí blè. <sup>23</sup> Yudanó kí Asa kíblena wè baaakuri awεεdodee guun Omiri kè Isarailinó kína ũ, à kí blè wè kuri awεεplaa. À kè Tiza wè swεedo, <sup>24</sup> ben à Samaria s̄is̄i lù Sema kōn kondogio kiloo baaagō akuri, ben à wéte kàea à tó kpàne Samaria kè Sema bé à s̄is̄i pì v̄i yā yānzi. <sup>25</sup> Omiri yā kè Dii yeziroo kè à durun kè de gbē kè aɔ d̄one aenó p̄ola ní píngi. <sup>26</sup> À zè kōn Nebati né Yeroboamu yākenao píngi. À Dii Isarailinó Luda pɔɔ fène kōn

durun kè à kè tãa pãpãanŋ yã musuo à Isarailinŋ dà à kenan do. <sup>27</sup> Omiri yã kpaaanŋ kŋn yã kè à kèno kŋn à nэггgbẽkeyãno kú Isarailinŋ kınanŋ gıayãkenanŋ takadan. <sup>28</sup> Kè à gà, wà à vıi Samaria, ben à né Ahabu vèè à gbèn.

### *Isarailinŋ kí Ahabu*

<sup>29</sup> Yudanŋ kí Asa kíblena wè baplaa plaasaidee guun Omiri né Ahabu kè Isarailinŋ kına ũ à kí blè Samaria wè baro awεεplaame. <sup>30</sup> À yã kè Dii yeziroo kè de gbẽ kè aŋ dŋne aenŋ pŋla ń píngi. <sup>31</sup> À zena kŋn Nebati né Yeroboamu durunkenao e kenε yãke ũro, ben à Sidŋdeenŋ kí Etabaali nénŋgbẽ Yezebeli sè noŋ ũ, ben à nà Baali tãagbãgbãnaa, ègŋ kuεεne. <sup>32</sup> À kpé bŋ Baaline Samaria, ben à à gbãgbãkii pèe kpé pì guu. <sup>33</sup> À Asera lí pèen do à èara à Dii Isarailinŋ Luda pŋo fène de Isarailinŋ kına kè aŋ dŋne aenŋ pŋla ń píngi.

<sup>34</sup> Ahabu gurŋan Beteli gbẽ Iyeli Yeriko kèke à kàe. Kè à à bĩ εε dàe, ben à nэггgbẽ káaku Abiramu gà. Kè à à zé gbànŋ pèe, ben à né zãade Segubu gà lán Dii ò Nuni né Yŋsua gãzĩ nà.

## 17

### *Gbáa kánkãnanŋ annabi Ilia gwana*

<sup>1</sup> Tisibe gbẽ Ilia bŋ a be Giliada bŋsun à gàa à Ahabu lè à bè: Kŋn Dii Isarailinŋ Luda kè mée doŋzi kuunao, zaa wè kèa kpíi é kpáro, lou é maro, séde gurŋo kè má ò baasiro.

<sup>2</sup> Ben Dii yã sù Iliaa à bè: <sup>3</sup> N fεε ń gá ɔfántɛbŋe kpa, ń ute Keriti swawεεn Yoda baa kãa kpa. <sup>4</sup> Nэгг swaa pì í mii. Má diε gbáa kánkãnanŋne aŋgŋ n gwaa gwe. <sup>5</sup> Ben à gàa à kè lán Dii òne nà, à vèe Ke riti swawεεn Yoda baa kãa kpa. <sup>6</sup> Gbáa kánkãnanŋ ègŋ moŋne kŋn buredio kŋn nŋbŋo kŋngŋ kŋn uusieo, ben ègŋ swaa pì í mii.

### *Zarɛfa gyaanŋ Ilia gwana*

<sup>7</sup> Gurŋo plaa gbera swaa pì í bàba kè lou e ma bŋsu pìnlo yãnzı. <sup>8</sup> Ben Dii yã sùà à bè: <sup>9</sup> N fεε ń gá Zarɛfa Sidŋ bŋsun, nŋgŋ kú gwe. Ma gyaanŋ ke diε àgŋ n gwaa gwe. <sup>10</sup> Ben à fèe èe gaa Zarɛfa. Kè à kà wéte pì sae, à gyaanŋ ke lè, èe yàka wεε gwe. Ben Ilia lé zù gyaanŋo pìzi à bè: Ń gá móme kŋn ío, baa féte, mà mi. <sup>11</sup> Kè èe gaa tŋ, Ilia èara à lé zùzi à bè: Ń móme kŋn buredi kusuo do. <sup>12</sup> Ben nŋgbẽ pì bène: Kŋn Dii n Luda kuunao, baa buredi má vıro, séde wísiti ɔkŋ doo kè gŋ gbaka guu kŋn nŋsio féte tũu guu baasiro. À yàkan mée wεε kè, le mà tá be mà pŋblee keo, wà ble kŋn ma néo wàgŋ ga dãa. <sup>13</sup> Ben Ilia bène: Nton tó vıa n kũro. Ń gá ke lán ń ò nà, mŋde n buredi keo féte ń móme gıa, né gbasa ń n pŋ ke kŋn n néo. <sup>14</sup> Zaake Dii Isarailinŋ Luda bè, wísiti gbaka pì ègŋ da koriro, bensŋ nŋsı é yãa tũu pìnlo ai gurŋo kè eé tŋ lou ma bŋsu pìn. <sup>15</sup> Gyaanŋo pì gàa à kè lán Ilia òne nà, ben pŋblee mŋmma ai gurŋo ũgbangba, àpi kŋn a bɛdeenŋ kŋn Iliao. <sup>16</sup> Wísiti e yãa gbaka pìnlo, bensŋ nŋsı e yãa tũu pìnlo, lán Dii ò Ilia gãzĩ nà.

<sup>17</sup> Beee gbera nŋgbẽ bɛdee pì né e gyãa keε. Kè gyãa gbãaa kpà maamaa, ben à wèndi bŋ. <sup>18</sup> Ben nŋgbẽ pì bè Iliane: Luda gbẽ, bó bé à wa ka kè n mŋmazii? N mŋ ma durun do Ludan le à ma né de yãnzın yŋ? <sup>19</sup> Ben Ilia bène: Ń n né pì kpáma. Ben à né pì sı nŋgbẽ pì ɔzĩ à didio kpé musu guu kè à pítan. À à dàe a gádoa gwe, <sup>20</sup> ben à wii pè Diizi à bè: Dii ma Luda, mbe ń tŋ gyaanŋo kè ma pita à be né gà n pŋsıaa kpázı? <sup>21</sup> Ben à dàe à a zĩnda pŋro nэггgbẽ pıla gèn aagŋ à wii pè Diizi à bè: Dii ma Luda, ń tŋ à wèndi èara à su à mè guu. <sup>22</sup> Dii Ilia wiipena mà, ben wèndi èara à sù né pia à fèe. <sup>23</sup> Kè Ilia nэггgbẽ pì sè à pítao, à gèo kpén, ben à à kpà à daa à bè: Ń gwa, n né pì wèndi sù! <sup>24</sup> Ben nŋgbẽ pì bè Iliane: Má dŋ sa kè Luda gbèn n ũ. Dii yã kè bŋ n lén né yãpuraame.



## 18

*Ilia kɔn Obadio*

<sup>1</sup> À gurɔ plaaa kè, ben Dii yā sù Iliaa lousaiwē aagɔdee guu à bè: N̄ gá n̄ n zīnda ɔɔɔa Ahabunε, mé tó lou ma à b̄usun. <sup>2</sup> Ben Ilia f̄εε èe gaa a zīnda ɔɔɔa Ahabunε.

Kè dekaa gbāaa kpà Samaria, <sup>3</sup> ben Ahabu a bεgwari Obadia sisi. Obadia pì s̄ɔɔ Dii vīa vī maamaa. <sup>4</sup> Kè Yezebeli e Dii annabinɔ dεdε yā, ben Obadia n̄ gbē kenɔ s̄εε ḡɔɔn basɔɔro à n̄ úte gb̄wεenɔ guu ḡɔɔn baplaa akurikuri, ben à n̄ gwá kɔn pɔbleeo kɔn ío. <sup>5</sup> Ben Ahabu bè Obadianε: Wà dɔɔɔ guuzi wà gá íbɔkiinɔ kɔn swawεenɔn p̄ingi. Wègɔ d̄ɔro ke wé s̄ε e wà kpá wa s̄ɔnɔa kɔn wa bāagās̄ɔnɔ. <sup>6</sup> Ben ās̄ guu kpàate, ās̄ baade a zé s̄ε. <sup>7</sup> Kè Obadia tena, ben ās̄ kpàk̄ɔa kɔn Iliao. À à d̄s̄, ben à d̄aε a puua à bè: Ma dii Ilia, m̄be gweɔ? <sup>8</sup> Ilia wèàla à bè: Mámbeel! N̄ gá o n̄ diinε má kú kè. <sup>9</sup> Ben Obadia bè: Bó taarin má kè, kè néε mamɔma n̄ z̄ɔɔbleri naa Ahabunε a ɔz̄i à ma d̄εε? <sup>10</sup> Má sì kɔn Dii n̄ Ludao bori ke b̄usu kee kuu kè ma dii ḡi gb̄enɔ z̄im̄ma wà n̄ wεtenziro. Tó wà bè n̄ kú gwero, è tó ās̄ ladame. <sup>11</sup> Ben néε oome dɔ mà gá mà o ma dii Ahabunε kè n̄ kú k̄εɔ? <sup>12</sup> Tó ma da z̄én, m̄égɔ d̄s̄ guu kè Dii Nini é n̄ sé à tányoro. Tó ma gaa má ò Ahabunε, tó à mò èe n̄ ero, eé ma demε. Mamɔma n̄ z̄ɔɔbleri s̄ɔ má Dii vīa vī zaa ma ðwazikεgurɔmε. <sup>13</sup> Ma dii Ilia, kè Yezebeli e Dii annabinɔ dεdεε, néε yā kè má kè maroo? Mámbe ma n̄ gb̄ekenɔ s̄εε ḡɔɔn basɔɔro, ma n̄ úte gb̄wεenɔ guu ḡɔɔn baplaa akurikuri, ma n̄ gwá kɔn pɔbleeo kɔn ío. <sup>14</sup> Ben n̄ bèmε dɔ mà gá mà o ma dii Ahabunε n̄ kú k̄εɔ? Eé ma d̄εε. <sup>15</sup> Ben Ilia bè: Má sì kɔn Dii Z̄ikp̄ede kè m̄éε d̄ɔɔzio, mé ma zīnda ɔɔɔanε gbāa sa.

*Ilia kɔn Baali tāagbāgbārinɔ Kameli kp̄iii musu*

<sup>16</sup> Ben Obadia gāa à dà Ahabulε à yā p̄i ònε, ben Ahabu gāa da Ilialε. <sup>17</sup> Kè Ahabu Ilia è, à bènε: Isarailinɔ b̄usu d̄eri, m̄be gweɔ? <sup>18</sup> Ben Ilia bè: Èe kε māmbe ma Isarailinɔ b̄usu d̄ero, m̄be kɔn n̄ de b̄edeenɔ ámbε á d̄ε, zaake a p̄a kpà Dii yādienanɔzi a dɔ Baalizi. <sup>19</sup> N̄ Isarailinɔ sisi n̄ p̄ingi, wà dak̄ɔre Kameli kp̄iii musu l̄edo kɔn Baali tāagbāgbāri ḡɔɔn wàa plaa kp̄é baplaa akuri kɔn Asera tāade ḡɔɔn wàa plaaa kè ās̄ è p̄o ble kɔn Yezebelinɔ.

<sup>20</sup> Ahabu Isarailinɔ sisi n̄ p̄ingi, ben à tāadee p̄inɔ kàk̄ɔa Kameli kp̄iii musu. <sup>21</sup> Ben Ilia s̄s̄ gb̄enɔzi à n̄ lá à bè: A laasuu égɔ kpaatena ai b̄ɔremε? Tó Dii né Ludame, à tézi. Tó Baalimε s̄s̄, à tézi. Ās̄ɔe yāke siàlaro, <sup>22</sup> ben Ilia bènnε: Dii annabinɔ té māmbe ma ḡɔ mado. Baali tāagbāgbārinɔ s̄s̄, ḡɔɔn wàa plaa kp̄é baplaa akurimε. <sup>23</sup> À z̄uswareenɔ kp̄áwa m̄èn plaa, tāadee p̄inɔ à m̄èn doo sé ās̄ z̄ɔz̄ɔk̄ɔre wà ká yàkala, ās̄ton té naaro. Mamɔma s̄s̄, mé à doo k̄εk̄ε mà ká yàkala, mé té naa sero. <sup>24</sup> Ās̄m̄ɔnnɔ é Baali sisi, mamɔma s̄s̄ mé Dii sisi. Ās̄ gb̄ē kè mà, ben à sù téo, àmbε Luda ū. Ben baade p̄ingi bè: Yā maaame! <sup>25</sup> Ben Ilia bè tāadee p̄inɔnε: À z̄usware m̄èn doo sé à k̄εk̄ε káaku, zaake ámbε á pari. À a t̄aa sisi, m̄ode àton té naaro. <sup>26</sup> Ben ās̄ z̄uswaree kè wà kp̄ám̄ma sì ās̄ k̄èk̄ε, ben ās̄ɔe Baali sisii zaa k̄ongɔ ai ɔf̄ant̄ε gāa káo m̄idangura. Ās̄ɔe ɔ wāa, ās̄ɔe ligaa sa'okii kè wà b̄òzi, ās̄ɔe bee: Baali, né yā mawaroo? Baa kɔn beeeo ās̄ɔe yāke maro, èe yā mar̄maro. <sup>27</sup> Kè ɔf̄ant̄ε kà m̄idangura, ben Ilia e n̄ lalandi k̄εε à bè: À wii lé gbāa à kaara, à dε diimε gwεε! Ke à laasuu tà gu p̄āndεame. Ke à gāa b̄iikp̄εε k̄εmε. Ke à gāa w̄éteame. Ke èe ii oome, ben ée à vuroo? <sup>28</sup> Ben ās̄ɔe wii l̄ε kɔn k̄òto gbāaa, ās̄ɔe n̄ zīnda lili kɔn f̄εdaao kɔn s̄ario lán ās̄ k̄ɔ d̄s̄o nà, ai aru e plaa n̄ mèa. <sup>29</sup> Kè ɔf̄ant̄ε gò m̄ià, ben ās̄ɔe yā yaa ai sa uusie ogurɔɔ gāa à kào. Baa kɔn beeeo èe yāke síl̄laro, èe yā mar̄maro, èe swā kp̄ánziro.

<sup>30</sup> Ben Ilia bè pariinε: À s̄m̄azi kè! Kè ās̄ s̄s̄zi n̄ p̄ingi, ben à Dii gb̄āgbākii kè gb̄òro k̄èk̄ε èe boo. <sup>31</sup> À gb̄è s̄εs̄ε m̄èn kuri awεεplaa Yakubu boriinɔ pari lén. Yakubun Dii yā ònε yā à bè wàgae benε sa Isaraili. <sup>32</sup> Kè à Dii gb̄āgbākii p̄i b̄ò, ben à w̄èe ȳò à ligazi. W̄èe p̄i kà à í sí lita ḡero. <sup>33</sup> À yàka kà sa'okii p̄ila, à z̄ù p̄i z̄ɔz̄ɔk̄ɔre à kà yàka p̄ia à bè: À í tó lo siiḡɔ, é ká sa'op̄o p̄ia kɔn yàka p̄io. <sup>34</sup> Kè ās̄ɔe t̄ò, ben à bè: À εara à tó dɔ. Kè ās̄ɔe t̄ò, ben à bè: À εara à tó

à ke gèn aagõ. Ben aõ tò ai gèn aagõ. <sup>35</sup> Í pì bàa lè à lîga sa'okii pìzi ai wèe pì pà. <sup>36</sup> Sa uusie oguro ben annabi Ilia sòzi à bè: Dii, Ibraĩ kōn Isaakuo kōn Isarailio Luda, ñ tó wà dõ gbãa kè r̄be Isarailinõ Luda ù bensõ n zòblerin ma ù, mée yā kè kee kè r̄be n ma dan yānzi. <sup>37</sup> Ñ yā mama Dii! Ñ yā mama, le gbē kènõ e wà dõ kè Dii, r̄be ñ Luda ù bensõ n̄e ñ n̄se lieñne le aõ εara wà summa. <sup>38</sup> Ben Dii té sù sa'obõ pì kōn yàkao kōn gbènõ kōn būsuo, aõ té kù, ben í kè kú wèe pìn bàba. <sup>39</sup> Kè gbēnõ è, ben aõ dàe ñ puua wà bè: Diime Luda ù! Diime Luda ù! <sup>40</sup> Ben Ilia dàñne à bè: À Baali t̄aagb̄gb̄ari pìnõ kùkù, aõ gbēke tón pitiaguro. Kè wà ñ kùkù, ben Ilia gàányo Kisõ guzuren à ñ d̄ede gwe.

<sup>41</sup> Ilia bè Ahabune: Ñ gá pò ble ñ í mi, zaake ma lou k̄i mà dõ. <sup>42</sup> Ben Ahabu ḡaa pò ble à í mi. Ben Ilia d̄idi à ḡaa Kameli mìs̄ont̄eà à v̄e à mì kà tú. <sup>43</sup> À bè a z̄ikerine: Ñ gá guu gwa ís̄iaa kpa. Ben à ḡaa à gwà. Kè à sù à bè: Pókee kú gwero. Ben Ilia bène à εara à gá gwa dõ, ben à ḡaa le ai gèn sw̄eεplaa. <sup>44</sup> À gèn sw̄eεpladeeo z̄ikeri pì bè: Ma lou s̄eda è set̄eεge lán òla bà, è f̄ee ís̄iaala. Ben Ilia bène: Ñ gá ñ o Ahabune à s̄goro dõ s̄nõa à gèn à pita kp̄iiaa ai lou ḡõ gá à d̄ād̄ā. <sup>45</sup> Lou e sisii busebuse, z̄aga'īa f̄e, ben lou mà maamaa. Ahabu kú s̄goron, è taa Ȳezerili. <sup>46</sup> Dii gb̄aaa mò Iliaa, ben à a utadaa k̄akak̄õa à kù, à bàa lè à Ahabu kè ai à ḡaa k̄áo Ȳezerili.

## 19

### *Dii yā'ona Iliao Orebu*

<sup>1</sup> Ben Ahabu yā kè Ilia kè t̄k̄e Ȳezebeline p̄ingi, lán à t̄adee pìnõ d̄ede n̄a kōn f̄eεdaao ñ p̄ingi. <sup>2</sup> Ben Ȳezebeli lékp̄as̄à kè Iliane à bè: Ai zia m̄ndaa'ī, tó mée kenne lán ñ kè t̄adeen̄one n̄aro, t̄aanõ yā kem̄e p̄ās̄ip̄ās̄ī! <sup>3</sup> Ben v̄ia Ilia kù, ben à f̄e à bàa s̄i à a z̄inda m̄ib̄okii w̄ete. Kè à kà B̄eseba, Yudanõ b̄usun, gwen à a z̄ikeri t̄on, <sup>4</sup> ben à t̄aa ò gb̄aan guro do. À ḡaa à v̄e s̄e lí gb̄aru, ben à adua kè à e à ga à bè: Dii, yā k̄ekii mòma le. Ñ ma w̄endi sé ḡõ, zaake má de ma dezin̄laro. <sup>5</sup> Ben à dàe èe ii oo s̄e lí pì gb̄aru.

Èe ḡi k̄ero ben malaika mò à ò k̄ea à bè: Ñ f̄e ñ pò ble. <sup>6</sup> Kè Ilia guu gwà, ben à k̄ara aasana è kōn í t̄uuo kaena a mìzi. Ben à pò blè à í mì à εara à dàe. <sup>7</sup> Dii Malaika εara à mò à gèn plaadeeo, à ò k̄ea à bè: Ñ f̄e ñ pò ble, zaake tá gb̄aan n̄eε m̄oo o. <sup>8</sup> Ben à f̄e à pò blè à í mì. Pòblee pì tò à gb̄aaa è, ben à t̄aa ò guro baplaa f̄aant̄e kōn gw̄aav̄io ai à ḡaa à kà Luda kp̄iiaa kè wè be Orebu. <sup>9</sup> Ben à ḡe gb̄ew̄een à ì gwe, ben Dii yā s̄ua à bè: Ilia, b̄on n̄eε kee kè? <sup>10</sup> À w̄eàla à bè: Dii Luda Z̄ikp̄ede, ma làakari f̄eε maamaa, zaake Isarailinõ p̄a kp̄a n bà kuunañyo yāzi, ben aõ n gb̄agb̄akiinõ gb̄oro aõ n annabinõ d̄ede kōn f̄eεdaao. Mámbe ma ḡõ mado, ben aõεe ma w̄eε se. <sup>11</sup> Ben Dii bè: Ñ b̄o ñ gá ze ma ae kp̄iiaa musu, mé ḡete n ae.

Z̄aga'īa gb̄aaa f̄eε, èe kp̄iiaa pìnõ paraa èe gb̄enõ wiwii Dii ae, m̄ode Dii kú īa pì guuro. Īa pì gbera t̄ote niḡaniḡā, m̄ode Dii kú t̄ote niḡaniḡāna pì guuro. <sup>12</sup> T̄ote niḡāna pì gbera ben té b̄ò, m̄ode Dii kú té pì guuro. Té pì gbera ben k̄oto buse b̄ò t̄eeε. <sup>13</sup> Kè Ilia k̄oto pì mà, à a utadaa kù a w̄eela. Ben à b̄ò à ḡaa à z̄e gb̄ew̄ee pì léa, à mà wà bèare: Ilia, b̄on n̄eε kee kè? <sup>14</sup> À w̄eàla à bè: Dii Luda Z̄ikp̄ede, ma làakari f̄eε maamaa, zaake Isarailinõ p̄a kp̄a n bà kuunañyo yāzi, ben aõ n gb̄agb̄akiinõ gb̄oro aõ n annabinõ d̄ede kōn f̄eεdaao. Mámbe ma ḡõ mado, ben aõεe ma w̄eε se. <sup>15</sup> Ben Dii bène: Ñ εara ñ tá Damasiku gb̄aan. Tó n ka gwe, ñ Azaili k̄a Sirianõ k̄ina ù, <sup>16</sup> né Nimisi dio Yehu k̄a Isarailinõ k̄ina ù, né Ab̄eli M̄eola gb̄e Safata né Elisa ke n ḡeε ù annabi ù. <sup>17</sup> Gb̄e kè b̄ò Azaili f̄eεdaa léz̄i, Yehu bé eé à de. Tó à b̄ò Yehu f̄eεdaa léz̄i s̄õ, Elisa bé eé à de. <sup>18</sup> Baa kōn beeeo má Isarailinõ k̄una ḡõn b̄oro sw̄eεplaa, kè aõ gb̄ekee e kúε Baaline à lé p̄earo.

### *Elisa sisina*

<sup>19</sup> Ben Ilia fêe à bô gwe à gâa à Safata né Elisa lè, èe bú wii kôn zùnɔ swaaro kuri awεεplaa. Àmbe à té zù swaaro kpεεdeezi. Ben Ilia sôzi à a gyaba gò à dààla. <sup>20</sup> Ben Elisa a zùnɔ tò gwe à bàa lè à bô à té Ilia kpεε, ben à bène: Ñ tó mà gá lé za ma de kôn ma daoa gĩa, mé gbasa mà mó mà ténzi sa. Ben Ilia bène: Ñ gá ñ εara ñ su. Asa ñ dō yā kè má kènne. <sup>21</sup> Ben Elisa εara à gâa à a zùnɔ kòto kpà à té lè kôn a zù swaaro gbóngoo, ben à zù pìnɔ nòbɔ fùfu kè à kpà gbēnɔa aō sò. Ben à bô à tè Iliazi, à gò à plaadee ũ.

## 20

### *Benadada kôn a zìkpεεnɔ ligana Samariazi*

<sup>1</sup> Siria kí Benadada a zìkpεεnɔ kàkôa ñ píngi. Kí gōɔn baaakuri awεεplaaanɔ kúo kôn ñ sōnɔ kôn ñ sōgoronɔ. Ben aō gâa wà liga Samariazi aō lèεa. <sup>2</sup> Ben à gbēnɔ zì Ahabua wéte guu à bè: Ma Benadada ma bè, <sup>3</sup> n kondogi kôn n vuraο gò ma pò ũ. N nɔ maaanɔ kôn n né maaanɔ gò ma pò ũ dɔ. <sup>4</sup> Ben Isarailinɔ kína bè: Ma dii kí, mapi kôn pò kè má vīnɔ gò n pò ũ píngi lán ñ ò nà. <sup>5</sup> Ben Benadada εara à gbēnɔ zì dɔ à bè: Ma Benadada ma gbēnɔ zì ma n kondogi kôn n vuraο kôn n nɔɔnɔ kôn n néno lamma. <sup>6</sup> Zia mɔndaa'i mé ma gbēnɔ zìmma aō n bεε kpoke kôn n gbēnɔ bεεnɔ, aōé a pò bèedeeno sée wà suome píngi. <sup>7</sup> Ben Isarailinɔ kína a bùsu gbēnsinɔ sisi ñ píngi à bèñne: Á è lán èe ma lé wεteεo nàó? Kè à gbēnɔ zìma, à ma nɔɔnɔ kôn ma néno kôn ma kondogio kôn ma vuraο lamma, méε gionero. <sup>8</sup> Ben gbēnsi pìnɔ kôn gbē kpaaanɔ bène: Ñton à yā maro, ñton wenero. <sup>9</sup> Ben à bè Benadada zìrinɔne: Á gá à o ma dii kine, pò kè à là mamɔma a zòbleria káakun mé ke. Pò kè à làma zāa kèkiin mé kero. Ben zìri pìnɔ εara wà gâa Benadadaa kôn lékpāsā pìo. <sup>10</sup> Ben à εara à gbēnɔ zì Ahabua dɔ à bè: Tó Samaria bùsuti gò à kà kè ma gbēnɔ e à kɔkɔ ɔkū doodo, tāanɔ yā keme pāsīpāsī! <sup>11</sup> Ben Isarailinɔ kína bè: Á gá à onε, gbē kè èe zìka'uta daa tón ña dā lán gbē kè uta pì bô à kàε bàro. <sup>12</sup> Kè Benadada yā pì mà gurɔ kè èe í mii kôn a kína daanɔ ñ bisakutaanɔ guu, ben à bè a gbēnɔne aō soru ke. Ben aō gâa soru ke.

### *Ahabu zìblena Benadadaa*

<sup>13</sup> Annabi ke mò à Isarailinɔ kí Ahabu lè à bène: Dii bè, n zìkpe parii kègweenɔ èó? É ñ nannε n ɔzì gbâa, négō dō kè ámbe Dii ũ. <sup>14</sup> Ben Ahabu à là à bè: Dé bé eé beεe keε? À wèàla à bè: Dii bè, n bùsu gu gbēnsinɔ òwazi zìkarinɔ bé wé ke. Ben Ahabu à là dɔ: Dé bé eé na zì káakuu? À wèàla à bè: Mbeε! <sup>15</sup> Ben Ahabu gu gbēnsinɔ òwazi zìkari pìnɔ kàkôa gōɔn wàa do kpé baaakuri awεεplaa. Ben à a zìkpεεnɔ kàkôa ñ píngi, aō kè gōɔn bɔrɔ swεεplaa. <sup>16</sup> Aō fêe wéten ɔfántēo di mīdangura, gurɔ kè í e Benadada kôn a kína daa pìnɔ dεε ñ bisakutaanɔ guu. <sup>17</sup> Ben gu gbēnsinɔ òwazi zìkari pìnɔ bòε káaku. Ben Benadada zìrinɔ gâa wà òne, gbēnɔ e bɔɔ Samaria. <sup>18</sup> Ben Benadada bè: Tó aafian aōεe mɔɔn yoo ke kôn zìo, à ñ kùkù bēε. <sup>19</sup> Kè gu gbēnsinɔ òwazi pìnɔ bô wéte guu, zìkpεεnɔ té ñ kpεε, <sup>20</sup> ben aō baade a ibεε dè. Kè Sirianɔ lèkôa, ben Isarailinɔ pèñma, ben Siria kí Benadada kôn a sōde kenɔ bàa sī wà ñ kē sō musu. <sup>21</sup> Ben Isarailinɔ kína bô à gâa à sōdeenɔ kôn sōgorodeenɔ dède à Sirianɔ ásarú kè maamaa. <sup>22</sup> Annabi pì εara à mò à Isarailinɔ kína lè à bè: Ñ n zìkpεεnɔ kaara ñgō kú kôn soruo, zaake tó Sētántē kà, Sirianɔ kína é εara à mó léemma dɔ.

<sup>23</sup> Ben Sirianɔ kína ibanɔ bène: Isaraili tāanɔ né sīsī tāanɔmε. Beee yānzin aō gbâaa dεwalazi. Tó wée zì kaányo gusararaan, wa gbâaa égō deñla. <sup>24</sup> Ñ n kína daanɔ lendee kpá, né dɔn'aede pāndenɔ diēdie ñ gbēn. <sup>25</sup> Séde n zìkpεεnɔ kôn n sōnɔ kôn n sōgoronɔ gō pari lán káakupɔ kè n korazinɔ bà, wé zì kányo gusararaan, wa gbâaa égō deñla. Kína ñ yā mà, ben à kè le.

<sup>26</sup> Kè Sètántē kà, Benadada Sirianŋ kàkōa, ben à gàa zì ká kōn Isarailinŋ zaa Afeki. <sup>27</sup> Wà Isarailinŋ kàkōa wà kūsāe kèñne, ben aō gaañzi. Sirianŋ dàgula baama píngi, ben Isarailinŋ bùra kàe lán blè kpàsa néngŋ seteegē leŋ plaaanŋ bà, wà aē dōkōa. <sup>28</sup> Ben Luda gbē pì mò à bè Isarailinŋ kínane: Dii bè, zaake Sirianŋ e daa sīsīnŋ diin a ũ, guzurē diin a ũro, é à zìkari parii kèkiinŋ nanne n zī, négō dō kè ámbē Dii ũ. <sup>29</sup> Aō bùranŋ aē dōdōkōa le ai gurŋ swēplaa, à gurŋ swēplaađee pìn aō nà zīa. Ben Isarailinŋ Siria kēsēdeenŋ dēde gōon bōro basōro zī pià. <sup>30</sup> Kè gbē kpaaanŋ lèkōa wà sī Afeki wétēn, ben à bīi lèe à sīmma. Gbē pìnŋ kà gōon bōro baaasōro awēswēplaa. Benadada sō bàa sī à sī wéte pìn se, à gàa à ùte kpétu. <sup>31</sup> Ben à ibanŋ bène: Wá mà Isarailinŋ kínanŋ gbēkeē vī. Wà pōsia utanŋ dō wa pii, wà bà dō wa waale, wà bō wà gá wà à le. Wègō dōro ke eé n tó wèndio. <sup>32</sup> Ben aō pōsia utanŋ dō ní pii, aō bà dō ní waale, aō gàa wà Isarailinŋ kína lè wà bè: N zòbleri Benadada bè n a tó wèndio. Ben Isarailinŋ kína bè: Ase à kpé kuuó? Ma gbēme. <sup>33</sup> Yā pì kè gbē pìnŋne àisi maa ũ, ben aō yā pì dà wà kù wà bè: Ee, Benadada né n gbēme. Ben kína bè: À gá à à sé à suo. Kè Benadada sù, ben Ahabu bène à gēao a sōgoron. <sup>34</sup> Ben Benadada bène: Wéte kè ma de sī n deanŋ mé ēara mà sōkpanne, négō laa yaa Damasiku lán ma dee kè nà Samaria. Ben Ahabu bè: Wà ledole ke beee musu, mé n gbare. Ben à ledole kèo à à gbare.

### *Annabi yádana kí Ahabula*

<sup>35</sup> Dii bè annabi gáli gbēkenē à o a gbēdaaanē à a lé. Kè annabi pì òne, ben à gi. <sup>36</sup> Ben à bène: Zaake née Dii yā maro, tó wa kèkōa gō, músu é n demē. Kè aō kèkōa, ben músu à è à dē. <sup>37</sup> Annabi pì gbēke è dō, ben à bène à a lé. Ben à à lè à kèna. <sup>38</sup> Ben annabi pì bisa kù a wéela à a zīnda liē, ben à gàa èe kína dāa zé léa. <sup>39</sup> Kè kína e gēteē, ben annabi pì lé zùzi à bè: Mamōma n zòbleri, kè ma gaa zīlan, ben gbēke mò ma kiia kōn gōgbē keo, à bè mágō à dākpa. Tó má tò à pìtimagu, ma wèndi musu, kesō mà fīa bō kōn kondogio kiloo baplaa sōrosai. <sup>40</sup> Kè ma làakari tà gu pāndea, ben gōgbē pì gè zéla. Ben Isarailinŋ kína bène: Lán weé wéē tāmma nán ní ò gwe. <sup>41</sup> À bisa pì gò a wéela kpakpaa, ben Isarailinŋ kína à dō annabi ũ. <sup>42</sup> Ben annabi pì bène: Dii bè, zaake n gōgbē kè á diē à gaa gbare, né ga à gēē ũ, n gbēnŋ é gaga à gbēnŋ gēē ũ. <sup>43</sup> Ben Isarailinŋ kína dà zén à tà a be zaa Samaria. À nòse yàka à uu sīsi.

## 21

### *Nabōti geepi líkpe*

<sup>1</sup> Beee gbera Yezerili gbēkee kuu, à tón Nabōti. À geepi líkpe vī gwe Samaria kí Ahabu beē sae. <sup>2</sup> Ben Ahabu bène: Ñ n geepi líkpe kpáma mà ke dō kara ũ, zaake à kú ma beē sae. Mé geepi líkpe kè à maa de beela kpámma à gēē ũ. Tó ní yezi, mé fīa bonne kōn kondogio lán à kù nà. <sup>3</sup> Ben Nabōti bè Ahabune: Kai, eé sí kero! Mé fō mà túbi kè ma dezinŋ tòmeē kpámmaro. <sup>4</sup> Ben Ahabu nòse yàka, à tà be kōn pōsiaao kè Yezerili gbē Nabōti bène é túbi kè a dezinŋ tòare kpáaro yāñzi. Ben à dàe a gádoa à aē dō gūa à gi pò blezi. <sup>5</sup> À naō Yezebeli mò à à là à bè: Bó bé à n le n uu sīsi, née pò bleroo? <sup>6</sup> Ben à wèala à bè: Ma bè Yezerili gbē Nabōtine à a geepi líkpe kpáma, mé fīa bone kōn kondogio. Tó geepi líkpe pānden à yezi sō, mé kpáa à gēē ũ. Ben à bè é kpámaro. <sup>7</sup> Ben à naō Yezebeli bène: N Isarailinŋ kí ina yākenan yèé? Ñ fēe n pò ble kōn pōnnaao, mé Yezerili gbē Nabōti geepi líkpe sínne.

<sup>8</sup> Ben à takadanŋ kèkē kōn Ahabu tóo à à tambari lèa, à kpàsákpàsá gbēnsinŋ kōn kine kè aō kú Nabōti wéte guunŋne. <sup>9</sup> Takada pìnŋ guu à bè: À léyigurŋ die à à kpàakpa ke. À vèekii maa kpá Nabōtia gbēnŋ té <sup>10</sup> à gbē ginanŋ wete gōon plaa à ní kàe à aē, le aō yā dia wà be à Luda kōn kinao tó zaaa sī. À à kù à bōo wéte kpeē, é à pápa gbèo à de. <sup>11</sup> Ben Nabōti wéte gbēnsinŋ kōn kinenŋ kè lán Yezebeli ò takada kè à kpàsáñnenŋ guu nà. <sup>12</sup> Aō léyigurŋ

dìe, ben aõ v̄ekii maaa kpà Nabotia gbēno té. <sup>13</sup> Ben gbē gina gōon plaaa pino mò wà v̄e à ae, aõ yā dia gbēno wáa wà bè à Luda kōn kínao tó zaaa sì. Ben wà à kũ wà bò wéte kpe wà à pàpa gbèò wà dè. <sup>14</sup> Ben wà lékpāsā kè Yezebeline wà bè, wà Naboti pàpa gbèò wà dè.

<sup>15</sup> Kè Yezebeli mà wà Naboti pàpa gbèò wà dè, ben à gàa à bè Ahabune: Ñ f̄e ñ gá Naboti geepi líkpe kè à gionne pi sí n pò ũ, zaake à kuu d̄oro à gà. <sup>16</sup> Kè Ahabu mà Naboti gà, ben à f̄e èe gaa le à à geepi líkpe sí a pò ũ.

<sup>17</sup> Ben Dii yā sù Tisibe gbē Iliaa à bè: <sup>18</sup> Ñ f̄e ñ gá Samaria kí Ahabu le. À gàa Naboti geepi líkpe sí, à kú gwe. <sup>19</sup> Ñ on̄e kè mamoma Dii ma bè, à gbē dè à mò à túbi sín gweroo? Né on̄e d̄o kè guu kè gbēno Naboti aru sāsān, gwen aõ èpi pò sāsān se.

<sup>20</sup> Kè Ahabu Ilia è à bè: Ma ib̄e, ai tia n̄e ma tóroo? Ben Ilia bène: Ee, m̄e n tóro, zaake n n z̄inda dà yā kè zaa Diine kenan. <sup>21</sup> Ben Dii bè é m̄onzi kpánzi é n boriino kaate, n gōgbē ke é gō Isarailino b̄usunlo, baa w̄ene kesō zò. <sup>22</sup> É ke n uane lán à kè Nebati né Yeroboamu uane nà, lán à kè Ahia né Baasa uane nà, zaake n Isarailino dà durunkenan n à p̄o f̄e. <sup>23</sup> Yezebeli s̄o, Dii bè gbēno é à só Yezzerili b̄i sae. <sup>24</sup> Gbēno é n gbē kè aõé gaga wéte guuno só, b̄ano é n gbē kè aõé gaga s̄enno ble.

<sup>25</sup> Gbēkee kuu ziki kè à a z̄inda dà yā kè Dii yeziroo kenan lán Ahabu bàro, bens̄o à naõ Yezebeli è té kán. <sup>26</sup> À yā kè wà t̄eno kè maamaa, à t̄e tāanz̄i lán Am̄orino kè nà, kè Dii p̄emma Isarailinoe.

<sup>27</sup> Kè Ahabu mà le, ben à a uta gà à kè à p̄osia utano dà ai à io, ben à lé yì à gō té kōn p̄osiaao. <sup>28</sup> Ben Dii yā sù Iliaa: <sup>29</sup> Ñ è dian Ahabu a z̄inda n̄eme n̄o? Zaake à a z̄inda n̄eme, mé yā zaaa p̄i ke à b̄ene à gur̄oaro. À n̄egōgb̄en mé yā zaaa p̄i ke à b̄ene.

## 22

### *Mikaya annabik̄eyā zaa ona Ahabune*

<sup>1</sup> À kà w̄e aagō kè Siriano kōn Isarailino e z̄i ká k̄oro. <sup>2</sup> À w̄e aagōdee p̄i guun Yudano kí Yosafata gàa à Isarailino kína lè. <sup>3</sup> Isarailino kína bè a gb̄enone: Á d̄o kè Ramo Giliada né wa p̄ome yāroo? M̄ode w̄e à sina Siriano kínaa yā kero. <sup>4</sup> Ben à Yosafata là à bè: Né gámao z̄i ká kōn Ramo Giliadadeenoro? Ben Yosafata w̄eàla à bè: Pò d̄onkōn wa ũ, ma gb̄eno né n gb̄enome. Ma s̄ono né n s̄onome. <sup>5</sup> Ben à èara à bène: Ñ Dii gbeka ñ ma ḡia. <sup>6</sup> Ben Isarailino kína annabino kākōa lán gōon w̄a plaaa bà, ben à n l̄a à bè: Mà gá z̄i ká kōn Ramo Giliadadeenon yó, ke m̄aton gáro? Ben aõ w̄eàla wà bè: Ñ gá! Dii é n n̄anne n o z̄i. <sup>7</sup> Ben Yosafata bè: Dii annabi kee kú kè wà à laroo? <sup>8</sup> Ben Isarailino kína w̄eàla à bè: Gōgbē kee kuu d̄o, à t̄on Mikaya, Imlā n̄eme. Eé f̄o à yā gbekawe Diia, m̄ode má ye à yāziro, zaake è yā maaa e à om̄e zikiro, séde à zaaa. Ben Yosafata bè: Kí, ñton o lero! <sup>9</sup> Ben Isarailino kína a ìbano doke sìsi à bène: Ñ gá ñ Imlā né Mikaya sísi à mó kpakpaa.

<sup>10</sup> Isarailino kí kōn Yudano kí Yosafatao baade a kible'uta dana, aõ v̄ena n kiblekitaa p̄ow̄egb̄ekii kè kú Samaria b̄ilea, ben annabi p̄ino e annabik̄eyā oo n̄ ae n̄ píngi.

<sup>11</sup> Kenana né Zedekia m̄osi p̄i lán koba bà à bè: Dii bè koba k̄enon né Siriano z̄ōz̄o ñ n̄ d̄ede n̄ píngi. <sup>12</sup> Ben annabi p̄ino e yā d̄onkō oo n̄ píngi w̄e bee: Ñ gá lée Ramo Giliadaa, né fuaro. Dii é n n̄anne n o z̄i.

<sup>13</sup> Gbē kè gàa Mikaya sísi bène: N annabi daano lé kè don yee! Yā nnaan aõe oo k̄inane. Ñ yā d̄onkō p̄i o se ñ yā nnaa on̄e. <sup>14</sup> Ben Mikaya bè: Má sì kōn Dii kuunao, yā kè Dii òm̄en mé o k̄inane.

<sup>15</sup> Kè à kà, ben kína à là à bè: Mikaya, wà gá z̄i ká kōn Ramo Giliadadeenon yó, ke w̄aton gáro? Ben à w̄eàla à bè: Ñ gá léemma! Né fuaro. Dii é n n̄anne n o z̄i. <sup>16</sup> Ben kína bène: Ḡen ūgban mé n da ñ sí kōn Dii t̄o kè yāpuraan né om̄e? <sup>17</sup> Ben Mikaya bè: Ma Isarailino è f̄aakōana s̄is̄ino ḡezi lán s̄a kè aõ d̄ari v̄iroonò bà. Ben Dii bème, gbē p̄ino d̄on'aedee v̄iro.

Aã baade tá a be aafia. <sup>18</sup> Ben Isarailinŋ kína bè Yosafatanε: Née ma gweroo? Mée onne kè è yã nnaa e à omε zikiro, séde à zaaa? <sup>19</sup> Ben Mikaya èara à bè: Ñ Dii yã ma! Ma Dii è vεena a kpatan, ludambe zikpεεnŋ zεzε à saε n píngi ɔplazi kŋn ɔzεzio. <sup>20</sup> Ben Dii bè: Dé bé eé ɔndŋ daεmε Ahabuzi à gá léε Ramŋ Giliadaa lé à ga gwee? Ben gbεke bè la, gbε pãnde bè la dŋ. <sup>21</sup> Ben nini ke bŋ à mò à zè Dii aε à bè: Mámbe mé gá ɔndŋ daεzi. Ben Dii à là à bè: Né ke diame? <sup>22</sup> Ben à wèàla à bè: Mé gá mà ke nini egεdee ũ mà yã sóso mà ká à annabinŋne n lén. Ben Dii bè: Né ɔndŋ daεzi, né fuaro. Ñ gá ke le. <sup>23</sup> Len Dii tò nini egεdee pì yã sòso à kà n annabi kènŋne n lén le n píngi. Mónzin Dii kpànzi. <sup>24</sup> Ben Kenana né Zedekia gaa à Mikaya sãn kè à bè: Bŋren Dii Nini gòmala à gaa à yã ònnε? <sup>25</sup> Ben Mikaya wèàla à bè: Né dŋ zĩ kè n bàa lè n gaa utε kpétu. <sup>26</sup> Ben Isarailinŋ kína bè: À Mikaya kũ à táo wéte kí Amŋ kŋn ma né Yoasio kiia, <sup>27</sup> é óñne ma bè wà à da kpésiaan, wàgŋ buredi kpáa kŋn ío fétefete ai mà gá suo aafia. <sup>28</sup> Ben Mikaya bè: Tó n gaa n su aafia, èndē Dii e yã o ma gãzĩro. Ben Mikaya èara à bè: Asa a baade píngi ma yã pì mà.

### *Ahabu gana zaa Ramŋ Giliada*

<sup>29</sup> Isarailinŋ kí kŋn Yudanŋ kí Yosafatao gaa Ramŋ Giliada. <sup>30</sup> Ben Isarailinŋ kína bè Yosafatanε: Mé ma zĩnda liε mà si zĩn. Mmŋn sŋ, ñgŋ kú kè kŋn n kible'utao dana. Ben Isarailinŋ kína a zĩnda liε à si zĩn. <sup>31</sup> Sirianŋ kína gĩake sŋ à ò a sŋgoro dŋn'aede gŋn baaakuri awεεplaaanŋne à bè: Àton aε pé gbεkea zĩnlo, baa déme, séde Isarailinŋ kína ado. <sup>32</sup> Kè sŋgoro dŋn'aedee pìnŋ Yosafata è, aŋŋe daa Isarailinŋ kiname. Kè aŋ sŋ dàa, ben Yosafata wii lè. <sup>33</sup> Kè aŋ è Isarailinŋ kinanlo, ben aŋ à tò gwe.

<sup>34</sup> Kè gbεke kà gbàre, ben à gaa à Isarailinŋ kína pà à gè à mò'uta pékŋrekii dagura. Ben à bè a sŋgorodeenε: Ñ sŋ lé liε wà bŋ zĩn, wà ma kènname gwe. <sup>35</sup> Zĩ pì gbãa kpà zĩ beea, ben wà kína pì kũkũna a sŋgoro guu, wà aε dŋ Sirianŋa. Guu kè wà à kènnan pì e aru bŋ èε kwεεε sŋgoro guu. Zĩ pì uusien à gá. <sup>36</sup> Kè ɔfántē e gēε, zikpεεnŋ wiii kàkũn wà bè, baade tá a bŋsun ai a be wéte. <sup>37</sup> Len kína pì gá le, ben wà à gè sè wà sùo Samaria wà v̄i. <sup>38</sup> Wà à sŋgoro pìpì Samaria íkaekiia, guu kè kaaruanŋ è zú on, ben gbεnŋ mò wà à aru sàsã lán Dii gĩake à ò nà.

<sup>39</sup> Ahabu yã kpaaanŋ kú Isarailinŋ kinanŋ gĩayãkenanŋ takadan, yã kè à kènŋ píngi kŋn kpé kè à bŋ kŋn wesa swaao kŋn wéte kè à kèke à kàenŋ. <sup>40</sup> Kè Ahabu gá, ben à né Aazia v̄εε à gbèn.

### *Yudanŋ kí Yosafata*

<sup>41</sup> Isarailinŋ kí Ahabu kiblena wè siigŋdee guun Asa né Yosafata kè Yudanŋ kína ũ. <sup>42</sup> À wè baaakuri aŋŋrodee guun à kè kí ũ, ben à kí blè Yerusalemu wè baaasŋro. À da tŋn Azuba, Sili néme. <sup>43</sup> À zè kŋn a de Asa yãkenanŋ zé píngi guu, è pãnero, à yã kè Dii yezi kè. Baa kŋn beeeo èε tãagbãgbãkii kè wà bŋnŋ gbororo. Wà kpé wè saa ooa wèε tuaetiti kpataa gwe.

<sup>44</sup> Yosafata kŋn Isarailinŋ kinao kú kŋo aafia. <sup>45</sup> À yã kpaaanŋ kú Yudanŋ kinanŋ gĩayãkenanŋ takadan, à négŋgbεkeyãnŋ kŋn zĩ kè à kànŋ píngi. <sup>46</sup> Tãagbãgbãki kaarua kpaaa kè aŋ gŋ à bŋsun zaa a de Asa gurŋanŋ, à pèmmã gŋgbēnŋ kŋn nŋgbēnŋ n píngi. <sup>47</sup> Edŋmunŋ bŋsu kína v̄i gurŋ beeearo, séde gbēnsi kè Yudanŋ kí diε.

<sup>48</sup> À gŋro'ite latabŋnŋ kè le aŋ gá vura sé Ofi, mŋde aŋŋe e wà bŋ táo ísiaalaro, zaake gŋro pìnŋ w̄iwi zaa Eziŋ Geba. <sup>49</sup> Gurŋ beeean Ahabu né Aazia bè Yosafatanε à tó a gbēnŋ da ísiaala kŋn à gbēnŋ lèdo, mŋde Yosafata e wero. <sup>50</sup> Kè Yosafata gá, wà à mira kpàkŋzi kŋn a dezin pŋo a dezi Dauda wéte, ben à né Yoramũ v̄εε à gbèn.

### *Isarailinŋ kí Aazia*

<sup>51</sup> YudanƆ kí Yosafata kíblena wè gẽro awεεplaadee guun Ahabu né Aazia kè IsarailinƆ kína ũ Samaria, à kí blè wè plaa. <sup>52</sup> À yā kè Dii yeziroo kè kè à zè kɔn a de kɔn a dao yāo kɔn dɔ Nebati né Yeroboamu kè IsarailinƆ dà durunkεnan yāo. <sup>53</sup> À dɔ Baalizi à à gbàgbā, ben à Dii IsarailinƆ Luda pɔɔ fɛnε lán à dee kè nà.

## KINANŌ TAKADA PLAADĒE

Ilia yā 1:1-2:18

Elisa yā 2:19-8:15

Yudano kīnanao kōn Isarailino kīnanao 8:16-16:20

Isarailino gōna zīzōno ū 17:1-17:41

Yudano kīnanao 18:1-24:20

Yudano gōna zīzōno ū 25:1-25:30

### *Ilia kōn kī Aaziao*

<sup>1</sup> Ahabu gaa gbera Mōabuno n zīnda sī Isarailino. <sup>2</sup> Gurō kē Aazia bō à lēe zaa a kpé musu windo guu Samaria, à kēna maamaa. Ben à gbēno zī à bè: À gá à Ekero nu taa Baalizebubu gbekame, tó mé kēkōa. <sup>3</sup> Ben Dii Malaika bè Tisibe gbē Iliane: N fēe n gá da Samaria kīna zīrinole n n la, asa Luda kú Isarailino būsuno, àmbe à tò aōe gaa yā gbeka Ekero nu taa Baalizebubua? <sup>4</sup> Beee yānzin ma bè, Aazia é fēe a gyāpe kē à daaaro, eé game. Ben Ilia gāa à ò le.

<sup>5</sup> Kē zīri pīno èara wà tà kīna kiia, ben à n lá à bè: À kē dia a èara a su kpakpa lēe? <sup>6</sup> Ben aō wèala wà bè: Gōgbē ke bé à mò à dàwale à bèwe wà èara wà su wà onne, Dii bè á kú Isarailino būsuno, ben n gbēno zī wà yā gbeka Ekero nu taa Baalizebubua? Beee yānzin né fēe n gyāpe kē n daaaro, né game. <sup>7</sup> Ben kī n lá à bè: Gōgbē kē mò à dàale à yā òaree pī de diamē? <sup>8</sup> Aō wèala wà bè: Pókā utan gōgbē pī dana, bensō à báa asaa dō a pii. Ben kī bè: Tisibe gbē Iliame gwe.

<sup>9</sup> Kī a zīkpe gōon baplaa akuri kōn n dōn'aedeeo zī wà Ilia kū, ben aō gāa wà à lè vēena sīsī musu. Dōn'aedee pī bène: Luda gbē, kīna bè n pita n mó! <sup>10</sup> Ilia wèala à bè: Tó Luda gbēn ma ū, té bō ludambe à a dēde kōn n zīkpe gōon baplaa akurino. Ben té bō ludambe à n dēde n píngi. <sup>11</sup> Ben kī èara à zīkpe gōon baplaa akuri pāndeno zī dō kōn n dōn'aedeeo. Dōn'aedee pī bè: Luda gbē, kī bè n pita n mó kpakpaa! <sup>12</sup> Ilia bène: Tó Luda gbēn ma ū, té bō ludambe à a dēde kōn n zīkpe gōon baplaa akurino. Ben Luda té bō zaa musu à n dēde n píngi. <sup>13</sup> Ben kī èara à zīkpe gōon baplaa akuri pāndeno zī kōn n dōn'aedeeo à gēn aagōdee zī. Dōn'aedee pī gāa à kùe Iliane à agbaa kpāne à bè: Luda gbē, mapi kōn n zōbleri gōon baplaa akuri kēno, n wa wēndi bèe gwa. <sup>14</sup> Té bō ludambe à dōn'aede gōon plaa káakupōno dēde kōn n zīkpeeno n píngi. Tia sa n ma wēndi bèe gwa. <sup>15</sup> Ben Dii Malaika bè Iliane: N pita n tézi, nton vīa kenero. Ben à pita, aō gāa kī pī kiia ledō. <sup>16</sup> Ben Ilia bè kīne: Dii bè, asa á kú Isarailino būsuno, àmbe à tò n gbēno zī wà yā gbeka Ekero nu taa Baalizebubua? Beee yānzin né fēe gyāpe kē n daaaro, né game. <sup>17</sup> Ben kī Aazia gā lán Dii ò Ilia gāzī nà.

Yudano kī Yehoramu, Yosafata né kīblena wē plaadee guun Yoramu vēe Aazia gbēn, kē Aazia négōgbē vīro yānzī. <sup>18</sup> Aazia yā kpaaano kú Isarailino kīnanao gīayākenano takadan kōn yā kē à kēno.

## 2

### *Ilia tana Dii kiia*

<sup>1</sup> Gurō kē Dii yezi à Ilia sé kōn zāga'īao à táo a kiia, Ilia kōn Elisao bō Giligala aō té zén. <sup>2</sup> Ben Ilia bè Elisane: N zē kē! Dii ma zī Beteli. Ben Elisa bè: Kōn Dii kuunao kōn n kuunao mé kēmmaro. Kē aōe gaa Beteli, <sup>3</sup> ben annabino gāli gbē kē aō kú Betelino bō wà mò wà Elisa là wà bè: Asa n dō kē Dii yezi à n dii símma gbāa? À wēla à bè: Má dō. À beee tó! <sup>4</sup> Ben Ilia bè Elisane: N zē kē! Dii ma zī Yeriko. Ben à wèala à bè: Kōn Dii kuunao kōn n kuunao mé kēmmaro. Ben aō gāa Yeriko ledō. <sup>5</sup> Annabino gāli gbē kē aō kú Yerikonō bō



wà mò wà Elisa là wà bè: Asa n̄ d̄s k̄è Dii yezi à n̄ dii símma gb̄aa? À wè̀nla à bè: Má d̄s! À beee tó! <sup>6</sup> Ben Ilia bè̀n̄: N̄ z̄e k̄è! Dii ma z̄i Yodazi. Ben à wè̀la à bè: K̄õn Dii kuunao k̄õn n̄ kuunao mé k̄emmaro.

Ben āõ ték̄õzi, <sup>7</sup> annabi ḡõõn baplaa akurin̄õ tén̄zi. K̄è ḡõõn plaaa p̄in̄õ z̄è Yoda baa, ben annabi p̄in̄õ z̄è k̄aa wè̀e n̄ gwaa. <sup>8</sup> Ben Ilia a utagyaba b̄ò à f̄ik̄õa à í l̄èo, ben í p̄i z̄òk̄õr̄e zaa baa k̄è kpa ai baa k̄aa kpa. Gukori b̄ò, ben āõ ḡõõn plaaa p̄in̄õ bikù. <sup>9</sup> K̄è āõ bikù, ben Ilia Elisa là à bè: B̄õn̄ n̄ yezi mà kenne ai Luda ḡõ gá ma símmaa? Elisa wè̀la à bè: N̄ tó n̄ annabik̄e gb̄aaa k̄è n̄ v̄i ḡõm̄e túbi ù l̄eo plaa. <sup>10</sup> Ben Ilia bè̀n̄: Yã k̄è n̄ gbèkamaa p̄i z̄i'ù. Gur̄õ k̄è Ludaa e ma siimma, tó n̄ ma e, eé ḡõnn̄e. Tó n̄e ma e s̄õro, né ero. <sup>11</sup> K̄è āõ t̄ena, wè̀e yã oo l̄edo, ben s̄õgoro t̄ede k̄õn s̄õ t̄edeenn̄õ n̄ k̄èk̄õa, ben Ilia tà musu k̄õn zàga'iao. <sup>12</sup> K̄è Elisa è l̄e, à wii l̄è à bè: Baa! Baa! M̄be Isaraili s̄õgoron̄õ k̄õn à s̄õdeenn̄õ ù. Zaa gwe èe à e d̄õro, ben à a p̄ókāsāan̄õ ḡà à k̄èk̄õr̄e. <sup>13</sup> À Ilia utagyaba k̄è b̄ò à l̄èea s̄è, ben à èara à ḡà à z̄è Yoda baa. <sup>14</sup> À í l̄è k̄õn Ilia utagyaba k̄è à k̄ūna p̄iò à bè: Dii Ilia Ludaa kú máme? K̄è à í l̄èo, ben í p̄i z̄òk̄õr̄e zaa baa k̄è kpa ai baa k̄aa kpa, ben à bikù.

<sup>15</sup> Annabin̄õ ḡáli gb̄è k̄è āõ b̄ò Yerikon̄õ e à gwaa, ben āõ bè: Ilia annabik̄e gb̄aaa ḡò Elisane. Ben āõ mò wà dààl̄e wà k̄ūn̄e <sup>16</sup> wà bè: Wam̄õwa n̄ z̄òblerin̄õ, wá ḡõsagb̄aa ḡõõn baplaa akurin̄õ v̄i. N̄ tó āõ gá n̄ dii wet̄e. Wèḡõ d̄õro tó Dii Nini à s̄è à zù kp̄ii ke musu ke guzure ken gw̄e. Ben Elisa bè: Àton n̄ z̄īro. <sup>17</sup> Āõ n̄ak̄õrea, ben à n̄ wí d̄è à bè: À n̄ z̄i. Ben āõ ḡõõn baplaa akuri p̄in̄õ gb̄àr̄e, āõ kp̄áe k̄è Iliazi gur̄õ aaḡõ, āõe b̄õaro. <sup>18</sup> K̄è āõ èara wà s̄ù, āõ Elisa l̄è Yeriko, ben à bè̀n̄n̄e: À de má òare àton gá à à weteroo?

### *Elisa dabuyã káakunõ*

<sup>19</sup> Wéte p̄i deenn̄õ bè Elisane: N̄ gwa dii! Wa wéte kaena maa lán n̄ è nà. À í bé à nnaro, à t̄õte è p̄ó ke maaro. <sup>20</sup> Ben à bè: À wisi ká ta dufun à m̄óm̄e. Ben wà m̄õn̄e. <sup>21</sup> À ḡàa íb̄õkiia, ben à wisi p̄i k̄àn à bè: Dii bè a gb̄ās̄i b̄ò í p̄in̄. Í p̄i é mó k̄õn gagaa ke t̄õte p̄ókemaasaio d̄õro. <sup>22</sup> Ben í p̄i k̄è nna ai k̄õn a gb̄àao lán Elisa ò nà.

<sup>23</sup> K̄è Elisa b̄ò gwe, èe gaa Beteli. Gur̄õ k̄è à t̄é z̄én, ben ḡõkpare ken̄õ b̄òe wéte guu āõ à k̄è p̄õõp̄õ wà bè̀n̄e: M̄igbaasude, òḡõ gaa! M̄igbaasude, òḡõ gaa! <sup>24</sup> À l̄iè à n̄ gwá, ben à n̄ ká k̄õn Dii t̄ó. Ben n̄òb̄õ p̄ās̄in̄õ b̄òe líkpen mèn plaa, āõ né ḡõõn baplaa aw̄eplaaa p̄in̄õ k̄èk̄èk̄õr̄e. <sup>25</sup> K̄è Elisa b̄ò gwe, à ḡàa Kameli kp̄iii musu, ben à èara à tà Samaria.

## 3

### *M̄õabun̄õ n̄ z̄inda sina Isarailin̄õ*

<sup>1</sup> Yudan̄õ kí Yosafata kíblena wè̀ baro plaasaidee guun Ahabu né Yoram̄u k̄è Isarailin̄õ kína ù Samaria, à kí bl̄è wè̀ kuri aw̄eplaa. <sup>2</sup> À yã k̄è Dii yeziroo k̄è, m̄õde èe ká a de k̄õn a dao p̄ó ùro. À Baali gb̄è k̄è à dee p̄èe wùr̄e, <sup>3</sup> m̄õde à z̄è k̄õn durun k̄è Nebati né Yeroboamu Isarailin̄õ dà à kenan-o, èe p̄ān̄ero.

<sup>4</sup> M̄õabu kí Mesa s̄ā kp̄āsān̄õ v̄i, èḡõ s̄ān̄e b̄òr̄õn̄õ t̄angba kpaa Isarailin̄õ kínaa b̄õr̄õ bas̄õr̄õ k̄õn s̄ākaro b̄õr̄õ bas̄õr̄õon̄õ k̄āo. <sup>5</sup> K̄è Ahabu ḡà, ben M̄õabu kína a z̄inda s̄i Isarailin̄õ kínaa. <sup>6</sup> Gwe ḡõó kí Yoram̄u b̄ò Samaria à Isarailin̄õ k̄àk̄õa n̄ p̄ingi. <sup>7</sup> À gb̄ènn̄õ z̄i Yudan̄õ kí Yosafataa à bè: M̄õabu kína a z̄inda s̄ima. Né ḡāmao z̄i ká k̄õn M̄õabun̄õroo? À wè̀la à bè: Mé gá, zaake p̄ó d̄õnk̄õn wa ù. Ma z̄ikp̄eenn̄õ né n̄ z̄ikp̄eenn̄õm̄e, ma s̄õn̄õ né n̄ s̄õn̄õm̄e.

<sup>8</sup> K̄è Yosafata mò, ben à Yoram̄u là à bè: M̄ákpan wé s̄éenn̄ wà léem̄maa? Yoram̄u wè̀la à bè: Wé s̄éè Ed̄õmu gb̄āa kpam̄e. <sup>9</sup> Ben Isarailin̄õ kína dà z̄én k̄õn Yudan̄õ kínao k̄õn Ed̄õmun̄õ kínao. K̄è āõ l̄iga guuzi gur̄õ sw̄eplaa, ben í yãa z̄ikp̄eenn̄õa k̄õn n̄ p̄ókādeenn̄õ. <sup>10</sup> Ben Isarailin̄õ kína bè: Yã ḡi! Dii wa kína ḡõõn aaḡõõn̄õ k̄àk̄õa à wa na M̄õabun̄õn̄e n̄ z̄i'ís? <sup>11</sup> Ben Yosafata bè: Dii annabi kee kú k̄è à gbekawe Diiaroo? Ben Isarailin̄õ kína ìbanõ

doke bè: Safata né Elisa kuu. Àmbe è í kú Ilianε a oɔa yā. <sup>12</sup> Ben Yosafata bè: Dii kúo. Ben Isarailino kína kōn Yosafatao kōn Edomunɔ kínao gaa Elisa kiia. <sup>13</sup> Ben Elisa bè Isarailino kínane: Wa bà kú kōo máme? Ñ gá n de kōn n dao tãagbãgbãrinɔ kiia. Ben Isarailino kína wèala à bè: Auo! Wa kína gōon aagōonɔ, Dii bé à wa kakōa à wa na Mɔabunonε n̄ ozi. <sup>14</sup> Ben Elisa bène: Kōn Dii Zìkpe de kè mée zīi keene kuunao, tó èe ke Yudanɔ kí Yosafata yānzinlo, mé wée sé mà n gwa sero. <sup>15</sup> À mómε kōn mɔɔlerio. Kè mɔɔleri pì nà à lenaa, ben Dii gbāaa sù Elisaa <sup>16</sup> à bè: Dii bè à wée yōyō swawεε kèkiin. <sup>17</sup> Dii bè é zàga'īa kōn louo ero, mɔde í é guzure kèkii pa, é mi kōn a pókādeenɔ. <sup>18</sup> Dii kiian yā pì zī'ūro. Eé Mɔabunɔ naare a ozi me do. <sup>19</sup> É léε aō wéte maa bñideenɔa píngi. É lí kè wè à beε bleenɔ zōzō píngi. É íbokiino tata píngi. É búgbe maaanɔ yaka kōn gbèo píngi. <sup>20</sup> Kè guu dō sa kōngɔ oguro, ben í bō Edomunɔ bùsu kpa à dà tɔtela píngi.

<sup>21</sup> Kè Mɔabunɔ mà kína pìno mò zī kányo, aō gbē kè aō kà wà zī kánɔ sisi n̄ píngi né fète gbēnsi, ben aō n̄ kákōa n̄ bùsu lézekiia. <sup>22</sup> Kè aō fèε kōngɔ, ofāntē dō í pia n̄ ae, à kèñne tēε lán aru bà. <sup>23</sup> Ben aō bè: Arun gwe fá! Kína pìno ae dō kōa aō kō dède! Mɔabunɔ, wà gá wà n̄ pónɔ séε! <sup>24</sup> Kè aō kà Isarailino bùran, ben Isarailino fèε wà lèem̄ma, ben Mɔabu pìno lèkōa. Ben Isarailino sì n̄ bùsun aō n̄ dède. <sup>25</sup> Aō n̄ wétenɔ wìwi. Baade gbè sèε wà zùzu búgbe maaanɔ, aō dà búgbe pìno la píngi. Aō íbokiino tata píngi. Aō lí kè wè à beε bleenɔ zōzō píngi. Aō mēewi Kirareε bé à gō lēzi ado, ben gbèzurino lìgazi, aōε wéte pì bñi papaa kōn gbè bítanɔ. <sup>26</sup> Kè Mɔabu kína è wà yezi wà zī bleawa, ben à fèεdadeenɔ sè gōon wàa aagō kpé basɔɔro, le aō gbēno kēguu gana Edomunɔ kína kiia, mɔde aō fùu. <sup>27</sup> Ben à a négōgbē káaku kè eé kí ble à gberaa sè à saa òo bñia. Ben vīa Isarailino kù, aō gù Mɔabunɔ la wà tà n̄ bùsun.

## 4

### *Gyaanɔ n̄osi tūu yā*

<sup>1</sup> Annabinɔ gāli gbēke naō wii pè Elisazi à bè: Ma zā kè de n gbē ūu gā. N̄ dō kè n gbē pì Dii vīa vī. À fīadee e mɔɔ à ma négōgbē gōon plaaanɔ séε a zōnɔ ū. <sup>2</sup> Ben Elisa bène: Bón n̄ yezi mà kennεε? Ñ omε, bón n̄ vī n̄ kpén? Ben à bè: Mamɔma n zòbleri, n̄osi kè kú tūu guu baasiro má póke vīro. <sup>3</sup> Ben Elisa bè: Ñ gá bàazi n̄ ta korinɔ gbekagbeka n gbēdaaanɔa n̄ píngi, àgō pari, <sup>4</sup> né gē kpén n̄ zé tatanle kōn n nénɔ, ñgō n̄osi kákaa taa pìno guu, taa kè pà né diε kpado.

<sup>5</sup> Ben nɔgbē pì fèε à bō à kiia à gaa ke le. À gè kpén kōn a nénɔ à zé tàta, aōε taa dɔone, ben èe n̄osi kákaan. <sup>6</sup> Kè taa pìno pà píngi, à bè a nénɔ dokenε à ta pānde dɔare, ben à bène ta kee kuu dɔro, ben n̄osi pì yona zè. <sup>7</sup> À gaa à ò Luda gbē pìne, ben Luda gbē pì bè: Ñ gá n̄ n̄osi pì yā n̄ fīa boo, mpi kōn n nénɔ égō pó blee kōn à kpaaa kè gōo.

### *Elisa Sunemu nɔgbē né fēena gaan*

<sup>8</sup> Zīkea Elisa gaa Sunemu. Nɔgbē tóde kee kú gwe, à nākōrea à bè, à pó ble a be, ben à pó blè. Zaa guro beeeε tó èe gētεε, è bɔε à pó ble gwe. <sup>9</sup> Ben nɔgbē tódee pì bè a zāne: Má dō kè gbē kè ègō gētεε kè gèn baaagō pì né Luda gbēme súusu. <sup>10</sup> Wà kpéne bo wa kpé musu wà gádo diεne gwe kōn teebuɔ kōn kitao kōn fitiao. Tó à mò wa gwa, eégae pita gwe.

<sup>11</sup> Zīkea kè Elisa mò gwe, à gè a kpé pìn à dàε. <sup>12</sup> Ben à bè a zīkeri Geazine. Ñ Sunemu nɔgbē pì sísi. Kè à à sísi, ben à mò à zè Elisa ae. <sup>13</sup> Ben Elisa bè Geazine: Ñ one à nibɔkeε kèwe maamaa. Bón à yezi wà keare sɔɔ? À yezi wà yāke oare kínane ke zìkpe dɔn'aedeenεs? Ben nɔgbē pì bè: Pókee e kēsāma ma gbēno téro. <sup>14</sup> Ben Elisa Geazi là à bè: Bón à de wà keε? Ben Geazi wèala à bè: Too, à négōgbē ke vīro, bensō à zā zi kù. <sup>15</sup> Ben Elisa bè: Ñ à sísi. Kè

à à sisi, ben à mò à zè kpεεε. <sup>16</sup> Ben Elisa bène: Zii mɔndaa'i négɔ négɔgbē kūna n ɔzĩ. Ben nɔgbē pì bè: Auo ma dii Luda gbē, ñton mamɔma n zòbleri kekero.

<sup>17</sup> Ben nɔgbē pì nò sì. Kè wè làa kà, à né ì gɔgbē ũ lán Elisa òne nà. <sup>18</sup> Kè né pì ìsi kù, ben zĩkea à gàa à a de lè bura kɔn pókērinɔ. <sup>19</sup> Ben à bè a de pìne: Ma mì! Ma mì! Ben à de pì bè a zĩkerine: Ñ né pì sé ñ táo a danε. <sup>20</sup> Kè à à sè à tàò a danε, ben à da pì à sè à kpà a gbála. Kè ɔfántē kà mìdangura, ben à gà. <sup>21</sup> Ben à à sè à dìo Luda gbē pì kpén à à dàε à gádoa, ben à bò à zé tàtaàε. <sup>22</sup> Ben à a zā sisi à bène: Ñ zĩkerinɔ doke gbareme kɔn zaakio. Má yezi mà gá Luda gbē kiia mà su kpakpaa. <sup>23</sup> Ben à à lá à bè: À kè dia néε gaa à kiia gbáa? Mɔ dufu ke kámmabogurɔ zĩn gbàaro né! Ben nɔgbē pì bè: Beeε yáke vīro. <sup>24</sup> À gàari yì zaakine à dia, ben à bè a zĩkerine: Ñ à kpake wà gá. Ñton zero, séto ma ònne. <sup>25</sup> Aǎ dà zén wà gàa Luda gbē pì kiia zaa Kameli kpìii musu. Kè Luda gbē pì à è té káaa, à bè a zĩkeri Geazine: Ñ Sunemu nɔgbē gwa, à té káa! <sup>26</sup> Ñ bàa lé ñ gá daàε, né à la, tó à aafia kɔn a zāo kɔn a néo. Ben nɔgbē pì wèàla à bè: Aafiame! <sup>27</sup> Kè à kà Luda gbē kiia kpìii pì musu, ben à à kù a gbáa. Kè Geazi mò à ɔ sɔzi, ben Luda gbē pì bè: Ñ à tó. À nòse yakaname, mɔde Dii beee ùteme, èe omero. <sup>28</sup> Ben nɔgbē pì bè: Ma dii, ma négɔgbē wéε kèmmann yó? Mée be ñton ma kekerooro?

<sup>29</sup> Ben Elisa bè Geazine: Ñ n asaa dɔmma ñ ma gò sé ñ gá. Tó n da gbēkele, ñton ì kpáaro. Tó gbēke ì kpàmma sɔ, ñton wero. Ñ gá ñ ma gò pì na né pì aεa. <sup>30</sup> Ben né pì da bè: Kɔn Dii kuunao kɔn n kuunao mé tá n sairo. Ben Elisa bò à tézi. <sup>31</sup> Geazi dò aε à gàa à gò pì nà né pì aεa, mɔde èe kī ke kero, èe nigāro. Ben Geazi èara à gàa à dà Elisale à bène: Né pì e fεero. <sup>32</sup> Kè Elisa kà beε pìn, à né pì è daena a gádoa gè ũ. <sup>33</sup> Ben à gè né pìzi ado, à zé tàta à wéε kè Diia. <sup>34</sup> Ben à dàε né pì. À lé pè à léa à wéε pè à wéen à ɔ dàda à ɔɔnɔn. Lán à dàε né pì nà, ben à mè kè lógolɔgɔ. <sup>35</sup> Elisa fèε à zè à táa ò kpé pìn à gàa à sù, ben à èara à dàε né pì a dɔ. Ben né pì yī sà gèn swεεplaa à wéε wè. <sup>36</sup> Ben Elisa Geazi sisi à bène: Ñ Sunemu nɔgbē pì sísi. Kè à à sisi à mò, ben Elisa bène: N nén yè. <sup>37</sup> Ben à kùε à mì pèε à gbá sae à a né pì sè à bòo.

### *SeWεε kana do'oroon*

<sup>38</sup> Elisa tà Giligala. Gurɔ beee dekaa kú bùsu pìn. Annabinɔ káε à aε, ben à bè a zĩkerine: Ñ dàga di téa, né dò kuku annabi kènɔne. <sup>39</sup> Kè aǎ gbēke gàa dò pónɔ wete bura, ben à bò sète boboa. À à beε bòbo à kà a uta lébaan à pà. Kè à sùo, ben wà pàrapara wà kà dòn, gbēkee dɔ lán à de nàro. <sup>40</sup> Kè wà dò pì tò gbē pìnɔne aǎ pɔ bleo, kè aǎ dà, aǎ wii lè wà bè: Luda gbē, gaa bé à kú do'oroo pìn. Ben aǎε fɔ wà blèro. <sup>41</sup> Ben Elisa bè: À flawa sé à móo. Ben à kò à kà do'oroo pìn à bè: Ñ kpaateíne aǎ ble. Ben seWεε pì yàa do'oroon.

### *Póblekpana gɔɔn basɔrooa*

<sup>42</sup> Gbēke bò Baali Salisa à mò Luda gbē pìne kɔn buredi kè wà kè kɔn pɔwεε káakuo mèn baro kɔn gbado dufuo. Ben Elisa bè: Ñ kpá gbēnɔa aǎ só. <sup>43</sup> Ben à zĩkeri à là à bè: Gbē pìnɔ kà gɔɔn basɔro, dian mé beee kpaateíne nà? À wèàla à bè: Ñ kpámma aǎ só, zaake Dii bè aǎé só, à kpaa é gɔ. <sup>44</sup> Ben à kpámma, aǎ sò, à kpaaa gò lán Dii ò nà.

## 5

### *Naama kékɔana kɔn a kusuo*

<sup>1</sup> Naaman Sirianɔ kína zĩkpεεnɔ dɔn'aεdee ũ. À bèε vī a dii ɔzĩ bensɔ à tó bò, zaake à gázĩn Dii tò Sirianɔ zì blèzi. Né gɔgbēme zì guu, mɔde à kusuo kù. <sup>2</sup> Gurɔ kè Siria zĩkari gbāamɔnnerinɔ gàa Isarailinɔ bùsun yā, aǎ nénɔkpare ke kù, ben à gò Naama naǎ zĩkeri ũ. <sup>3</sup> Ben nénɔkpare pì bè a diine: Tó wa bedee é fɔ à gá annabi kè kú Samaria kiia yā, lé à à kèkɔa kɔn a kusuo. <sup>4</sup> Ben Naama gàa kína kiia à bè: Yā kè nɔkpare kè bò Isarailinɔ bùsun

òn yè. <sup>5</sup> Ben Sirianŋ kína bè: Ñ gá, mé takada kē Isarailinŋ kínane. Ben Naama kondogi sèe kiloo wàa do kpé baswεεplaa kōn vurao kiloo baaagō akuri kōn utao waa kuri. <sup>6</sup> À gàa kōn takada kè kína kē Isarailinŋ kínane do. Takada pì guu kína bè: Ma takada kè kpàsānne kōn ma ìba Naamao, le ñ à kēkōame kōn à kusuo. <sup>7</sup> Kē Isarailinŋ kína takada pì kyó kè, à a utadaa gá à kè à bè: Ludan ma ū kè mé gbē wēndi bō mà sōkpane dō? Bóyānzin à gbē kè gbàrema mà à kēkōa kōn a kusuozi? À gwa lán èe ma lé wεεε nà fá!

<sup>8</sup> Luda gbē Elisa mà kē Isarailinŋ kína a utadaa gá à kē, ben à lékpāsā kēne à bè: Bóyānzin n n utadaa gá ñ kēzi? Ñ tó adee pì mó ma kiia, eé dō kè annabi kú Isarailinŋ bùsun. <sup>9</sup> Ben Naama gē a sōgoron à gàa à zè Elisa be gāale. <sup>10</sup> Ben Elisa gbē zīa à bè: Ñ gá ñ zú o Yoda swaan gēn swεεplaa, n mè é εara à su a gbèn, né kēkōa wásawasa. <sup>11</sup> Ben Naama pētē kè, èe taa à bè: Mée daa eé bō ua à mó à zε ma aε à Dii a Luda sísi à o liga ma bōzi, le ma kusu pì yāame. <sup>12</sup> Damasuku swaanŋ Abana kōn Faapao í maa de Isaraili swaanŋ ílaroo? Mé fō mà zú o gwe mà gō wásawasaroo? Ben à εara kōn pōfēo, èe taa.

<sup>13</sup> Ben à ìbanŋ tēzi wà bè: Baa, tó yā zī'ūun annabi pì dānne yā, né keroo? Kè à bènne ñ gá zú o, né gō wásawasa, beee é n fuó? <sup>14</sup> Ben à gàa à a zīnda kpàε Yoda ín gēn swεεplaa lán Luda gbē pì òne nà. Ben à mè εara à sù a gbèn wásawasa lán né féte pó bà. <sup>15</sup> Ben Naama kōn a ìbanŋ εara wà gàa Luda gbē kiia ñ píngi. À zè à aε à bè: Má dō sa kè Ludaa kú gukea anduna guuro, séde Isarailinŋ bùsun. Ñ gbaa kè mamōma n zòbleri ma mōonne kè sí. <sup>16</sup> Ben Elisa bè: Kōn Dii kè mèè zīi kēne kuunao mé síro. Naama nākōrea à sí, baa kōn beeeo à gí sízi. <sup>17</sup> Ben Naama bè: Tó née síro, ñ mamōma n zòbleri gba zé mà bùsu sé bāagāsō aso plaa, zaake mé saa o táaa doro, séde Dii. <sup>18</sup> Dii sùu kεmao kōn yā kēkiio. Tó ma kína gàa Rimŋ gbāgbā à kpén, tó ma gaa zεne, tó ma kue Rimŋ kpé pìn, Dii sùu kεmao kōn yā pìo. <sup>19</sup> Ben Elisa bène: Ñ ká be aafia!

Kè à dà zén, à taa ò féte, <sup>20</sup> ben Luda gbē Elisa zīkeri Geazi laasuu lè à bè: Ma dii tò Siria gbē Naama e taa pā, èe pó kè à mōone síro. Kōn Dii kuunao mé péezi mà póke sía. <sup>21</sup> Ben Geazi pēε Naamazi. Kè Naama è à té ñ kpεε kōn bāo, ben à bō a sōgoron, èe à dāa. Kè à kà, ben Naama à là à bè: Aafian yó? <sup>22</sup> À wèàla à bè: Aafiamε. Ma dii bé à ma zīmma, à bè annabinŋ gāli gōkpare gōon plaa kenŋ bé wà bō εflaimu gusīsīdeen aō mò a kiia tia. Ñ ñ gba kondogi kiloo baplaa kōn utao waa plaa. <sup>23</sup> Ben Naama bè: Èndē ñ kondogi kiloo basiigō sí gō. À kàne sàkin mèn plaa kōn utao waa plaa. À kpà a ìba gōon plaaanŋa, ben aō sè wà dō Geazine aε. <sup>24</sup> Kè aō kà Elisa be sīsī musu, ben Geazi pó pìnŋ sīmma à kàe a kpén, ben à gbē pìnŋ gbàre aō tà. <sup>25</sup> Kè à gàa a dii Elisa kiia, ben Elisa à là à bè: Geazi, mán n gaan? À wèàla à bè: Mamōma n zòbleri, méε gá gukearo. <sup>26</sup> Ben Elisa bène: Kè gōgbē pì bō a sōgoron, èe n dāa, ñ dō kè ma ninii kúnyo gweroo? Kondogi ke utanŋ sīmmana gurōon yèro né, ke kùkpenŋ ke geepi búno ke sāano ke zūno ke gōgbē kōn nōgbē zīkerinŋo. <sup>27</sup> Naama kusu é gōnne kōn n boriinŋ ai gurŋ píngi. Kè à bō Elisa kiia, ben kusu pì dààla púu lán buu bà.

## 6

### *Kpásawεε funa íla*

<sup>1</sup> Annabi gāli gbēno bè Elisane: Ñ gwa, guu kè wèe kakōana kēen kèwe néngo. <sup>2</sup> Wà gá Yodazi, wa baade é lí zō wà kpé dōo gwe, guu kè wégō kun. Ben Elisa bè: À gá. <sup>3</sup> Ben aō gbēke bè: Né sùu ke ñ gáwaoroo? Ben à bè: Mé gá. <sup>4</sup> Ben à gāaño. Kè aō kà Yodazi, aōe lí zōzō. <sup>5</sup> Kè aō gbēkee e lí zō, ben à kpása wée bō a pán à zú ín bùdum, ben à wii lè Elisazi à bè: O'o dii, ma kpása pì sēmame fá! <sup>6</sup> Ben Luda gbē bè: Mákpan à zùn súusuu? Kè à òdane, ben Elisa lí zō à zù ín gwe, à tò kpása pì wée fù íla. <sup>7</sup> Elisa bè: Ñ sé ñ bōo! Ben gbē pì o bō à kù.

### *Siria zīkpenŋ vīakūna*

<sup>8</sup> Siria kí fêe Isarailinɔzi kɔn z̄i. À lé kpàkɔs̄s̄ kɔn a ìbanɔ, ben à bèñne gukean weé bùra káen. <sup>9</sup> Ben Luda gbē lékpāsā kè Isarailinɔ kɔnanɛ à bè, àḡo guu pì dākpaà àton gēàlaro, zaake Sirianɔ e mɔɔ gwemɛ. <sup>10</sup> Ben Isarailinɔ kina gbēnɔ z̄i guu kè Luda gbē à yā òne pì guu. Len Elisa èḡo lé daaa gèn baaaḡo le, ben è tó wàḡo guu pìnɔ dākpaà. <sup>11</sup> Ben Sirianɔ kina làakari fêe yā pì yānzi. À a ìbanɔ kàkɔa, ben à n̄ lá à bè: Wa dé bé à de Isarailinɔ kina gbē ũu? À omɛ. <sup>12</sup> À ìba pìnɔ doke wèàla à bè: Ma dii kí, èe ke wa gbēke né à gbēnlo. Isarailinɔ bùsu annabi Elisa bé è yā kè neè o zaa n kpé guu gbā Isarailinɔ kɔnanɛ. <sup>13</sup> Ben kina bè: À gá à à wete guu kè à kún, mé gbēnɔ z̄i wà à kú. Ben wà bène: À kú Dotāme. <sup>14</sup> Ben kina z̄ikpɛnɔ gbàre gwe paripari kɔn s̄odeenɔ kɔn s̄ogoronɔ. Ās̄ ḡaa gwe gwāavī ās̄ liga wéte pìzi.

<sup>15</sup> Kè Luda gbē z̄ikeri fêe kɔngɔ idɛ'idɛ, à b̄ò, ben à z̄ikpɛe pìnɔ è ligana wétezi kɔn s̄odeenɔ kɔn s̄ogoronɔ. Ben à bè Elisane: O'o dii, wé ke diamɛ? <sup>16</sup> À wèàla à bè: N̄ton tó v̄ia n kuro. Gbē kè ās̄o kúwaonɔɔ pari de gbē kè ās̄o kúnyonola. <sup>17</sup> Ben Elisa wéte kè à bè: Dii, n̄ à wéte kēne. Ben Dii z̄ikeri pì wéte kēne. Kè à guu gwà do, ben à s̄odeenɔ kɔn s̄ogoro tédeenɔ è ligana Elisazi, ās̄ dà s̄is̄i p̄ila. <sup>18</sup> Kè Sirianɔ e mɔɔ Elisa k̄ū, ben à wéte kè Diia à bè: N̄ tó gbē pìnɔ v̄ia kú. Ben Dii tò ās̄o v̄ia k̄ū lán Elisa wéte kèa nà. <sup>19</sup> Ben Elisa bè Siria z̄ikpɛe pìnɔne: Zé kèkiinlo! Wéte kèkiinlo! À témazi mà gáao gbē kè ée wete kiia. Ben à ḡaányo Samaria. <sup>20</sup> Kè ās̄o ḡè wéte pì guu, ben Elisa bè: Dii, n̄ n̄ wéte wēñne sa. Kè Dii n̄ wéte wēñne, ās̄o guu gwà ās̄o è kè Samarian wà kún. <sup>21</sup> Kè Isarailinɔ kina n̄ é, à Elisa là à bè: Mà n̄ deden yó? Baa, mà n̄ deden yó? <sup>22</sup> Ben Elisa wèàla à bè: N̄ton n̄ dedero. Neè gbē kè n̄ n̄ k̄uk̄ū z̄ilannɔ deden yó? N̄ p̄oblee kpár̄mma ās̄o ble. N̄ í kpár̄mma ās̄o mi, gbasa wà tá n̄ diia. <sup>23</sup> Ben kina p̄onna p̄oblee kēñne, ās̄o blè wà í mi, ben wà n̄ gbáe, ās̄o tà n̄ diia. Beee gbera Siria gbāam̄onnerinɔ e eara wà mò lée Isarailinɔ bùsua d̄oro.

### *Sirianɔ Samaria kagurakɛna*

<sup>24</sup> Gurɔ plaaa gbera Siria kí Benadada a z̄ikpɛnɔ kàkɔa n̄ píngi, ben ās̄o mò wà Samaria kagura kè. <sup>25</sup> Ben n̄oaa gbāa k̄ū wéte pìn, wà à kagura kè à ḡi kè ai wèe zaaki mì yaa kondogi kiloo do, lukuluku gb̄ò zaka néngo lé doo s̄o kondogi ɔ mèn s̄oro. <sup>26</sup> Kè Isarailinɔ kina té b̄i musu, ben n̄ogbē ke wii pèzi à bè: Ma dii kí, n̄ ma mì sí. <sup>27</sup> Ben kina bène: Tó Dii e n̄ mì síro, mé e mà n̄ mì sí diamɛ? Má bl̄ewee ke geepiwēe v̄in yó? <sup>28</sup> Ben à èara à à là à bè: Bó bé à n̄ lee? Ben n̄ogbē pì wèàla à bè: N̄ogbē ke bé à bème mà mó kɔn ma néḡogbēo wà só gbāa, zian s̄o wé a p̄ó só. <sup>29</sup> Ben wa ma né k̄uku wá s̄o. Kè guu d̄ò, ben ma bène à mó kɔn a p̄ó s̄o wà só, ben à a p̄ó kii ùte. <sup>30</sup> Kè kina mà yā kè n̄ogbē pì ò, ben à a utadaa gá à kè. Kè wà wéte sè wà à gwà lán à té b̄i musu nà, wà à è kɔn p̄osia utanɔ dana a utadaa ḡiz̄i. <sup>31</sup> Ben kina bè: Tó mée Safata né Elisa mì z̄o gbāaro, Luda yā kemɛ p̄as̄ip̄as̄i.

<sup>32</sup> Elisa v̄eena a kpén kɔn gbēnsinɔ. Ben kina gbē z̄i à d̄oare ae à gá Elisa k̄ū ai àḡo ká. Ai z̄iri pì ḡo gá ká gwe, ben Elisa bè gbēnsi pìnɔne: Gbēderi pì gbē z̄i, èe mɔɔ à ma mì z̄o. À làakari ke! Tó z̄iri pì kà, à zé tatane, àton tó à ḡero. Ée à dii kèse k̄i ma do à kp̄eroo? <sup>33</sup> Kè à kpé èe yā oon̄ne, ben z̄iri pì kà à kiia. Ben kina pì kà à bè: M̄onzi kè b̄ò Dii kiiame, bó mé wéte d̄ozi d̄o?

## 7

<sup>1</sup> Ben Elisa bè: À Dii yā ma! À bè zia m̄ndaa'i weé flawa yá Samaria b̄iilea zaka lé do kondogi ɔ mèn do, p̄owee s̄o, zaka lé plaa kondogi ɔ mèn do. <sup>2</sup> Ben kina kp̄asi yā s̄i Luda gbē p̄ila à bè: Baa tó Dii ludambe f̄oonɔ f̄of̄o, yā pì é sí keó? Ben Elisa bène: Né wéte siàle, m̄ode né e n̄ b̄lero.

### *Kusunɔ baaru nna kpana*

<sup>3</sup> Kusu g̃ɔɔn siig̃ɔɔnɔɔ kú b̃iileá. Ben ã b̃èk̃ɔnɛ: Bóyānzin wég̃ɔ ṽɛena k̃è ai wà gá gagaa? <sup>4</sup> Tó wa bè wé g̃é w̃éte guu, nɔaa kú gwe, wé gagame. Tó wa g̃ɔ k̃è s̃ɔ, ga d̃ɔnk̃ɔ p̃ime. Wà f̃ɛɛ wà gá na Sirianɔ b̃uraa. Tó ã wa to b̃ɛɛ, wég̃ɔ kuu. Tó ã wa dedeme s̃ɔ, wa gagan gwe. <sup>5</sup> Ben ã f̃ɛɛ uusie, ãɔɛ gaa Sirianɔ b̃uran. K̃è ã kà b̃ura lézi, ãɔ è gb̃èkee kú gwero. <sup>6</sup> Dii tò Siria b̃uradeenɔ s̃ɔgoronɔ k̃ɔn s̃ɔnɔ k̃ɔn z̃ikpe pariinɔ k̃i mà, ben ã b̃èk̃ɔnɛ, Isarailinɔ k̃ina f̃ia bò Iti k̃inanɔnɛ k̃ɔn Iqipiti k̃inanɔ ã mó wà léewa. <sup>7</sup> Ben ã bàa sì uusie p̃ia g̃ɔ ã n̄ bisakutaanɔ tò gwe k̃ɔn n̄ s̃ɔnɔ k̃ɔn n̄ zaakinɔ. Ã n̄ b̃ura tò gwe lán à de nà, ã l̃èk̃ɔa ã n̄ z̃inda m̃ib̃okii w̃éte.

<sup>8</sup> K̃è kusu p̃inɔ kà b̃ura p̃in gwe, ã g̃è bisakutaa p̃inɔ doke guu, ã p̃ó blè wà í mì, ben ã kondogi k̃ɔn vuraɔ k̃ɔn p̃ókāsāanɔ s̃èe ã gaa wà ùte. K̃è ã èara wà sù, ã g̃è bisakuta pānden do, ã p̃ónɔ nàk̃ɔa ã gaa wà ùte. <sup>9</sup> Ben ã b̃èk̃ɔnɛ: Yá k̃è w̃éee k̃ee k̃è maaro. Gb̃aa bé à de wà baaru nnaa kpá, ben wá ỹitenãs? Tó wa ỹite le ai guu gaa à d̃ò, à gò é wa lé. Wà f̃ɛɛ g̃ɔ wà gá o k̃ibedeennɛ. <sup>10</sup> K̃è ã kà gwe, ã lé zù w̃éte z̃édákparinɔzi wà bè: Wa gaa Sirianɔ b̃uran, w̃éee gb̃èke e gwero, w̃éee gb̃èke k̃i maro. Ã s̃ɔnɔ k̃ɔn n̄ zaakinɔ bé wà bàd̃ɔɔna gwe, bens̃ ã bisakutaanɔ kú n̄ gb̃èn gborona sai. <sup>11</sup> K̃è z̃édákpari p̃inɔ lé zù wà òn̄n̄e w̃éten, ben wà à baaru kpà k̃ibe ua guu. <sup>12</sup> Ben k̃ina f̃ɛɛ gwāaṽi, à bè a ibanɔnɛ: Mé yá k̃è Sirianɔ k̃èwee oare. K̃è ãɔ d̃s̃ k̃è nɔaa wa k̃i gb̃aa, beee yānzin ã b̃èe n̄ b̃uranzi ã gaa wà ùte s̃èn. Ãɔɛ daa wé b̃ɔe w̃éten gbasá wà wa k̃ük̃ü b̃ɛɛ wà wa w̃éte síme. <sup>13</sup> Ben à ibanɔ doke bène: Zaake wamɔwa k̃è wa g̃ɔɔnɔ wá kú gaa léz̃ime, n̄ tó wà s̃ɔ m̃èn s̃ɔɔroo k̃è ã g̃òɔn̄ sé wà gb̃èno z̃i, le wà yá k̃è k̃è gwa. <sup>14</sup> Ben ã s̃ɔgoronɔ s̃è m̃èn plaa k̃ɔn s̃ɔnɔ, ben k̃ina n̄ gb̃áe à bè: À gá à Siria z̃ikpeennɔ gb̃ese à gwa! <sup>15</sup> Ben ã n̄ gb̃ese ai Yodazi. Ãɔ è k̃è Sirianɔ bàa sìme, ã n̄ p̃ókāsāanɔ k̃ɔn n̄ g̃òk̃eb̃onɔ f̃àak̃ɔa z̃é guu gwe. Ben z̃iri p̃inɔ èara wà sù ã yá p̃i gb̃á k̃inanɛ.

<sup>16</sup> Ben wà b̃èe wà gaa Sirianɔ b̃uran wà p̃ónɔ s̃èe, ben w̃èe flawa yaa zaka lé do kondogi ɔɔ m̃èn do, p̃ów̃ee zaka lé plaa kondogi ɔɔ m̃èn do lán Dii ò nà. <sup>17</sup> K̃ina a kpàasi diè b̃iile dákpari ù, ben gb̃èno k̃èse z̃èz̃ea b̃iileá gwe à gà, lán Luda gb̃è g̃iake à ò nà gurɔ k̃è k̃ina mò à be. <sup>18</sup> À k̃è lán Luda gb̃è p̃i ò k̃inanɛ nà à bè: W̃éee flawa yá zia m̃ondaa'i Samaria b̃iileá zaka lé do kondogi ɔɔ m̃èn do, p̃ów̃ee s̃ɔ zaka lé plaa kondogi ɔɔ m̃èn do. <sup>19</sup> K̃ina kpàasi yá sì Luda gb̃èla à bè: Baa tó Dii ludambe f̃onɔ f̃ò, yá p̃i é k̃é? Ben Luda gb̃è bène: Né w̃éee siàle, m̃ode né e n̄ b̃lero. <sup>20</sup> Len à k̃è le s̃ɔ, wà k̃èse z̃èz̃ea b̃iileá à gà.

## 8

### *Kína Sunemu n̄gb̃è bura s̄kpanena*

<sup>1</sup> Elisa bè n̄gb̃è k̃è à à né f̃ɛɛ p̃ine à f̃ɛɛ à tá b̃usu pānden k̃ɔn a b̃edeennɔ à gurɔ plaa ke gwe, zaake Dii diè nɔaa é g̃é Isarailinɔ b̃usun ai w̃è sw̃eeplaa. <sup>2</sup> Ben n̄gb̃è p̃i k̃è lán Luda gb̃è òn̄e nà. Àp̃i k̃ɔn a b̃edeennɔ gaa wà ṽèe Filisitininɔ b̃usun ai w̃è sw̃eeplaa. <sup>3</sup> W̃è sw̃eeplaa p̃i gberan à bò Filisitininɔ b̃usun à sù, ben à gaa w̃éee ke k̃ina a be k̃ɔn a buraaɔ yá musu. <sup>4</sup> Gurɔ beee k̃ina e f̃aadi boo k̃ɔn Luda gb̃è z̃ikeri Geazio à bè: N̄ yá b̃ita k̃è Elisa k̃èno t̃òk̃ème. <sup>5</sup> Gurɔ k̃è èe à g̃èf̃ena yá oo k̃inanɛ, ben n̄gb̃è k̃è à à nég̃gb̃è f̃èene p̃i mò w̃éee ke k̃ina p̃ia, le à a be k̃ɔn a buraaɔ s̄kpaare. Ben Geazi bè: Ma dii kí, n̄gb̃è k̃è Elisa à né f̃èene p̃in yè k̃ɔn a néo. <sup>6</sup> K̃è k̃ina à làla yá p̃izi, ben n̄gb̃è p̃i yá p̃i t̃òk̃ène. Ben k̃ina bè a ibanɔ dokenɛ: N̄ n̄gb̃è p̃i p̃ónɔ s̄kpane k̃ɔn bl̃ee k̃è k̃è à buraaɔ zaa gurɔ k̃è à f̃èe k̃è ai k̃ɔn a gb̃aaoo.

### *Azaili kí Benadada dena*

<sup>7</sup> Elisa gaa Damasiku gurɔ k̃è Siria kí Benadada e gyāa kee. K̃è wà òn̄e Luda gb̃è mò k̃è, <sup>8</sup> ben k̃ina bè Azailine: N̄ gbaa sé n̄ gá dao Luda gb̃èle n̄ kpáa n̄ on̄e à Dii gbekame, tó mé f̃ɛɛ k̃ɔn gyāa k̃èkiio. <sup>9</sup> Ben Azaili Damasiku p̃ó maaanɔ s̃èe lakumi aso baplaa, ben à gaa dao Elisale. K̃è à kà à kiia à bè: N z̃òbleri Siria kí Benadada bé à ma z̃imma mà n gbeka, tó

é fεε a gyāpεa. <sup>10</sup> Ben Elisa wèàla à bè: Ñ gá ñ onε eé fεε kōn beeeo, mōde Dii òdōamε kè eé gamε. <sup>11</sup> Ben Luda gbē wée pè Azailia ai wí à kù, ben Luda gbē nà ódōnaa. <sup>12</sup> Ben Azaili à là à bè: Ma dii, b́yānzin née ó dōzi? À wèàla à bè: Kè má yā zaa kè né ke Isarailinōne dō yānzimε. Né té sō n̄ zeki gbāaanōa, né n̄ gōkparεnō dedε kōn fēdaao, né n̄ n̄nō yāmiyāmi, né n̄ n̄sindadeenō gbεεε fōfō. <sup>13</sup> Ben Azaili bè: Mamōma n zòbleri, dén ma ũ mà gbasa mà yā bíta beee taka kεε? Ben Elisa bènε: Dii òdōamε kè né gō Sirianō kína ũ.

<sup>14</sup> Kè à bò Elisa kiia, à èara à tà a dii kiia. Kè kína à là yā kè Elisa ònεzi, ben à bè: À bèmε né fεε aafia. <sup>15</sup> Kè guu dò, Azaili bisa gègete sè à yàku, ben à kù kína uula ai à gà, ben Azaili v̄εε à gbèn.

### *Yudanō kí Yehoramū*

<sup>16</sup> Isarailinō kí Ahabu né Yoramū kíblena wè sōrodee guu, Yudanō kí Yosafata né Yehoramū nà kíblena. <sup>17</sup> À wè baaakuri awεεplaadeen à kí blè, à v̄εε kpatan Yerusalemū wè sōraagō. <sup>18</sup> À zè kōn Isarailinō kinanō yākenao lán Ahabu bεdeenō bà, zaake à Ahabu n̄nōgbē sè nō ũ, ben à yā kè Dii yeziroo kè. <sup>19</sup> Baa kōn beeeo Dii e we à Yudanō dúgu zòro a zòbleri Dauda yānzi, zaake à lé gbènε à bè, à borii égō kí blee ai gurō ṕngi.

<sup>20</sup> Yehoramū kiblegurōan Edōmunō n̄ zīnda sì Yudanōa aō n̄ zīnda kína kà. <sup>21</sup> Beee yānzi Yehoramū gà Zai kōn a sōgoronō ṕngi, ben Edōmunō ligazi kōn a sōgorodeenō. À fεε à n̄ kēguu gwāavī à tà, ben à z̄ikpεεnō bàa sì wà tà be. <sup>22</sup> Edōmunō n̄ zīnda sì Yudanōa ai kōn a gbāao. Gurō beean Libinadeenō n̄ zīnda sì Yudanōa se. <sup>23</sup> Yehoramū yā kpaanō kōn yā kè à kènō ṕngi kú Yudanō kinanō gīayākenanō takadan. <sup>24</sup> Yehoramū gà, wà à mira kpàkōzi kōn a dezinō ṕo Dauda wéte, ben à né Aazia v̄εε à gbèn.

### *Yudanō kí Aazia yā*

<sup>25</sup> Isarailinō kí Ahabu né Yoramū kíblena wè kuri awεεplaadee guun Yudanō kí Yehoramū né Aazia nà kíblena. <sup>26</sup> À wè baro awεεplaadee guun à kí blè, à v̄εε kpatan Yerusalemū wè dome. À da tón Atalia, Isarailinō kí Ōmiri diomε. <sup>27</sup> Aazia zè kōn Ahabu bεdeenō yākenao, à yā kè Dii yeziroo kè lán Ahabu bεdeenō bà, zaake à anzurenōmε. <sup>28</sup> À gàa à nà Ahabu né Yoramū, ben aōe z̄i kaa lēdo kōn Siria kí Azailio zaa Ramō Giliada. Kè Sirianō Yoramū kènna, <sup>29</sup> ben à èara à tà Yez̄erili ai a bò pì gō yāa. Ben Aazia gàa wée kpáezi gwe.

## 9

### *Yehu kana Isarailinō kína ũ*

<sup>1</sup> Annabi Elisa annabi gāli gbēke sìsi, ben à bènε: Ñ asaa dōmma ñ kù, ñ n̄osi tūu kè sí ñ gáo Ramō Giliada. <sup>2</sup> Tó n ka gwe, ñ kpáε ke Yosafata né Yehu, Nimisi diozi ñ b̄o a gbēnō té, né gēo kpén ai kpétu. <sup>3</sup> Ñ tūu pì n̄osi kú à mià, né onε kè Dii bè a à kà Isarailinō kína ũ. Beee gbera ñ zé wē, né bàa sí ñ su. Ñton gí ke gwero. <sup>4</sup> Ben annabi gōkparε pì gàa Ramō Giliada. <sup>5</sup> Kè à kà gwe, à z̄ikari d̄on'aεdeenō è kaena, ben à bè: D̄on'aεde, má yā v̄i mà onne. Ben Yehu à là à bè: Wa dén n̄ téa? À wèàla à bè: M̄bee d̄on'aεde. <sup>6</sup> Kè Yehu fεε à gè kpén, ben gōkparε pì n̄osi kù à mià à bè: Dii Isarailinō Luda bè a n ka a gbē Isarailinō kína ũ. <sup>7</sup> Ñ Ahabu bεdeenō dedε, Dii é a zòbleri annabinō gēε boṃma kōn a zòbleri kè Yez̄ebeli n̄ déno n̄ ṕngi. <sup>8</sup> Ñ Ahabu bεdee p̄inō dedε z̄onō kōn wēenεnō n̄ ṕngi. Aō gōgbē ke tón gō Isarailinō b̄usunlo, <sup>9</sup> Ahabu ua é gō lán Nebati né Yeroboamu ua bà, lán Ahia né Baasa ua bà. <sup>10</sup> Gbēenō é Yez̄ebeli gè só Yez̄erili b̄iikpεεmε, gbēke é à v̄iro. Ben annabi pì zé wè à bàa sì. <sup>11</sup> Kè Yehu bò à gàa a d̄on'aεde daanō kiia, ben aō à là wà bè: À kè diamε īadee pì mò n kiiaee? À wèñla à bè: Á à dō kè yāz̄ōz̄irimε. <sup>12</sup> Ben aō bè: Egεεmε! Ñ owe. Ben à bè: Yā kè à

òμεεν yè. À bè Dii bè a ma ka Isarailino kína ũ. <sup>13</sup> Ben aõ baade kè kpakpaa à a utadaa sè à kàe à gbá gĩĩ didikiia, ben aõ kuu pè wà bè: Yehu kè kí ũ.

<sup>14</sup> Ben Yehu lé kpàkòsònyo Yoramuzi. Gurɔ beea sɔ kí Yoramu pì kɔn Isarailino n pĩngi e gii kɔn Ramɔ Giliadao, aɔɔe zĩ kaa kɔn Siria kí Azailio. <sup>15</sup> Kè Siriano à kèenna, ben à èara à tà Yezèrili ai à kèkɔa. Ben Yehu bè a gbè pìnɔnɛ: Tó a zemaome, àton tó gbèke bɔ wétɛn à gá yā kè baaru kpá Yezèriliro. <sup>16</sup> Ben Yehu gè a sɔgoron, èe gaa Yezèrili. Yoramu dae gwe kènnana, Yudano kí Aazia kú gwe dɔ, à gàa wée kpáezi. <sup>17</sup> Kè gudákpári kè kú Yezèrili gudákpári lezĩ musu Yehu è kɔn a gbèno, aɔɔe mɔɔ, ben à wii lè à bè: Ma gbèno è, aɔɔe mɔɔ. Ben Yoramu bè: N sɔdee gbare à gá dańlè à n la tó aafian aɔɔe mɔɔo. <sup>18</sup> Ben sɔdee bò à gàa à Yehu lè à bè: Kína bè, aafian née mɔɔoó? Yehu wèala à bè: N bà ũgba kɔn aafiaome? N mɔ ñgɔ témazi. Ben gudákpári bè: Zĩri pì n lé, mɔde èe ɛara à sùro. <sup>19</sup> Ben kína sɔde plaadee gbare dɔ. Kè à n lé, à bè: Kína bè, aafian née mɔɔoó? Ben Yehu wèala à bè: N bà ũgba kɔn aafiaome? N mɔ ñgɔ témazi. <sup>20</sup> Ben gudákpári pì bè: À n lé, mɔde èe sɔ ɛara à sùro. Gbè pì górofina de lán Nimisi dio Yehu bà, è góro baka lán ñadee bà.

<sup>21</sup> Ben kí Yoramu bè: N góro dɔme sɔnoa! Kè wà dɔa, ben à bò wétɛn kɔn Yudano kí Aazia, baade kɔn a sɔgoroo, aɔɔe gaa da Yehule. Ben aõ dàkɔre Yezèrili gbè Naboti kè wà à dè yāa bura. <sup>22</sup> Kè Yoramu wée si Yehule, ben à à là à bè: Yehu, aafian née mɔɔoó? À wèala à bè: Aafia kú máme? Zaake n da Yezèbeli táagbāgbāna kɔn à pódammanao dàgula. <sup>23</sup> Kè Yoramu liè èe bàa sii, ben à lé zù Aaziazi à bè: Bɔnkpeeyāme Aazia! <sup>24</sup> Ben Yehu a sá gá à Yoramu pàò a kafatawa dagura. Kà pì gàa à à swè zò, ben à kè yòkɔ a sɔgoron. <sup>25</sup> Ben Yehu bè a zĩkpe gbènsi Bidikanɛ: N à gè sé n zu Yezèrili gbè Naboti bura gwe. Ma dɔn kè wá kú sɔgoro guu lèdo yā wa plaa, wá té à de Ahabu kpe, gurɔ m̀a Dii gĩake à lé kè à yā musu à bè <sup>26</sup> á è lán wà Naboti dè nà kɔn a nɛno. Bura kèn é Naboti pò gèe bonɛ Ahabua. Beee yānzin n à gè sé n zĩna bura gwe lán Dii ò nà.

<sup>27</sup> Kè Yudano kí Aazia è lɛ, ben à dà Betagā zén kɔn bào. Ben Yehu pèezi èe bee: À à de se. Ben wà à pà a sɔgoro guu gurɔ kè èe Guru s̀sĩ kũ Ibleamu sae. Ben à n kè à tà Mɛgido, gwe à gàa à gàn. <sup>28</sup> À ìbano à gè sè wà dà sɔgoro guu wà tàò Yerusalemu, ben aõ à mira kpàkòzi kɔn a dezinɔ pòo Dauda wéte. <sup>29</sup> Ahabu né Yoramu kíblena wè kuri awɛedodee guun Aazia kè Yudano kí ũ.

### *Yezèbeli gana*

<sup>30</sup> Kè Yehu mò Yezèrili, Yezèbeli à baaru mà, ben à kiroo kà à a mìkã kèke. Zaa bĩi kpé musu windo guun èe wée kpaee. <sup>31</sup> Kè Yehu gè bĩilea, ben Yezèbeli bè: N ke sènkpe kɔn Zimirio, n n dii dè. Aafian n mɔo kès? <sup>32</sup> Kè Yehu wée sè musu, à windo gwà, ben à bè: Dé bé à zèmao? Dé bé à kú ma kpaa? Kè kibe zĩkeri gɔon plaa ke aagɔonɔ mò wà wée kpàe windo guu, <sup>33</sup> ben Yehu bènɛ: À ɔ yĩpazi à à pãe. Kè aɔ ɔ yĩpazi aɔ à pãe, ben Yehu kiti pàa kɔn sɔgoroo ai à aru fàfà gũa kɔn a sɔno. <sup>34</sup> Kè Yehu gè kibe, à pò blè à í mì, ben à bè: Baa kè wà láari bò nɔgbè pìn, wà à v̄i, zaake kí boriime. <sup>35</sup> Kè wà gàa wà à gè sé wà v̄i, ben wèe pòke ero, tó èe ke à mìwatoro kɔn à gbálanɔ kɔn à ɔlanɔ baasiro. <sup>36</sup> Ben wà èara wà gàa wà ò Yehune, ben à bè: Yā kè Dii ò a zòbleri Tisibe gbè Ilia gāzĩn gwe, à bè: Gbèenɔ é Yezèbeli nòbɔ só Yezèrili bĩi kpe. <sup>37</sup> Yezèbeli gè é gɔ káe tɔɔte lán pókàde gbò bà Yezèrili bĩi kpe. Gbèke é e à be Yezèbelin yèro.

## 10

### *Ahabu boriino dedena*

<sup>1</sup> Ahabu boriino kú Samaria gɔgbèno ũ gɔon baaagɔ akuri. Ben Yehu takada kè à kpàsá Samaria gbàadeenɔnɛ kɔn gbènsino kɔn gbè kè aɔɔe Ahabu né gwaanɔ à bè: <sup>2</sup> Tó takada kèkii gè a ɔzĩ, zaake a dii Ahabu boriino kúao bensɔ á sɔgoronɔ v̄i kɔn sɔno kɔn wéte bĩidee



kɔn gɔkɛbɔnɔ, <sup>3</sup> à a dii né kè kèare maa de gbɛ kpaaanɔlaa ká à de kpatan à zì ká a dii pì bɛdeenɔne. <sup>4</sup> Ben vīa n kũ maamaa aɔ bè: Zaake kí gɔɔn plaaanɔ e fɔ wà gínɛro, wámbe wé fɔ wà gínɛɔ? <sup>5</sup> Ben kíbe dákpari kɔn wéte dɔn'aɛdeeo kɔn gbɛnsinɔ kɔn négwari pínɔ gbɛnɔ zì Yehua wà bè: N zòblerinɔn wa ũ. Yā kè n òwe píngi wé ke. Wé gbɛke ká kí ũro. N kè lán à kènnɛ maa nà. <sup>6</sup> Ben Yehu takada pānde kènnɛ à bè: Tó a zɛmao, ée ma yā maa, à a dii Ahabu négɔgbɛ pínɔ mì zɔzɔ à mómɛ Yɛzɛrili zia mɔndaa'i.

Kíne pínɔ sɔ kà gɔɔn baaagɔ akuri, aɔ kú kɔn wéte gbɛnsi kè aɔɔe n tò to kɛenɔ. <sup>7</sup> Kè takada pì kà, ben aɔ kíne gɔɔn baaagɔ akuri pínɔ kùkũ aɔ n dɛde n píngi, ben aɔ n mìnɔ zɔzɔ wà kàka gbíin aɔ kpàsāne zaa Yɛzɛrili. <sup>8</sup> Kè zìri pì kà, ben à bè Yehune: Wà mò kɔn kíne pínɔ mìnɔ. Ben Yehu bè wà káe bīilea leo plaa ai guu dɔ.

<sup>9</sup> Kè guu dɔ, ben Yehu bò à gāa à zè gbɛnɔ aɛ à bè: Amɔanɔ á yāke vīro, mámbe ma bɔ ma dii kpɛe ma à dè, mɔde dé bé à gbɛ kènnɔ dède. <sup>10</sup> Àgɔ dɔ sa kè yā kè Dii gīake à ò Ahabu bɛdeenɔ yā musu, à ke é léɛ pāro. Dii kè lán à ò a zòbleri Ilia gāzī nà. <sup>11</sup> Ben Yehu Ahabu bɛdee kè aɔ gɔ Yɛzɛrilinɔ dède n píngi kɔn à lba gbɛnsinɔ kɔn à gbɛnnanɔ kɔn à sa'orinɔ. Èe à gbɛke tó wèndioro.

<sup>12</sup> Ben à fɛɛ à dà Samaria zén. Kè à kà sādārinɔ bùrakækiia, <sup>13</sup> ben à dākɔre kɔn Yudanɔ kí Aazia danenɔ à n lā à bè: Dénɔn a ũu? Aɔ wèala wà bè: Aazia danenɔn wa ũ, wa mɔ ò kpá kí Yoramu bɛdeenɔamɛ kɔn à da Yɛzɛbɛli bɛdeenɔ. <sup>14</sup> Ben Yehu bè a gbɛnɔne: À n kùkũ bɛɛ! Ben aɔ n kùkũ aɔ n dɛde bùra pín lɔgɔ sae. Aɔ gɔɔn baplaa awɛɛplaame, aɔ gbɛkee e bɔro.

<sup>15</sup> Kè à bò gwe, à dākɔre kɔn Rekabu né Yonadabuo, èe mɔɔ daàle. Ben Yehu à là à bè: N swè kúma lán ma swè kúmɔmà nà? Yonadabu wèala à bè: Ee! Ben Yehu bè: Zaake lɛmɛ, n nɔɔ dɔmɛ. Kè à ò dɔ Yehuzi, ben Yehu à kù à gèò a sɔgoro guu. <sup>16</sup> Yehu bè: Wà gá lɛdo, né aīa kè má vī kɔn Dii yāo e. Ben à tò à gāaa lɛdo a sɔgoro guu. <sup>17</sup> Kè Yehu kà Samaria, à Ahabu borii kè aɔ gɔ gweenɔ dède mámmam. À n dúgu zè lán Dii ò Ilia gāzī nà.

### *Baali tāagbāgbārinɔ dɛdɛna*

<sup>18</sup> Yehu gbɛnɔ kàkɔa n píngi, ben à bènnɛ: Ahabu dɔnzi kè Baaline fétengomɛ, mamɔma Yehu, mé dɔnzi kɛnɛ maamaa. <sup>19</sup> N Baali tāadeenɔ sísimɛ n píngi kɔn à gbāgbārinɔ kɔn à gēsāndeennɔ n píngi. Aɔ gbɛke tón gí mɔziro, má yezi mà sa bíta o Baaliame. Gbɛ kè gí mɔzi, à gāmɛ. Yehu e òndɔ kɛnnɛ lɛ à e à Baali gbāgbāri pínɔ kaatɛmɛ. <sup>20</sup> Ben à bè: À zībaa diɛ Baali pɔ ũ. Ben wà à kpàakpa kè. <sup>21</sup> À lékpāsā kè Isarailinɔ bùsun píngi, ben Baali gbāgbārinɔ mò n píngi, aɔ gbɛkee e gɔro. Kè aɔ gè Baali kpén, aɔ kpé pì pà zīnzīm, gbápɛekii kuuro. <sup>22</sup> Ben Yehu bè kpé pì utakaeki dākparinɛ: N bɔɛ kɔn utanɔ Baali gbāgbārinɔne n píngi. Ben à bɛnnɛ kɔn uta pínɔ. <sup>23</sup> Yehu kɔn Rekabu né Yonadabuo gè Baali kpén, ben Yehu bè Baali gbāgbāri pínɔne: À wéɛ té gbɛnɔzi à n gwagwa maamaa, lɛ Dii gbāgbārinɔ tóngɔ kúao kèro, sé a Baali gbāgbārinɔ atɛɛ. <sup>24</sup> Ben Yehu kɔn Yonadabuo gè lɛ wà saa o. À mò à lè Yehu gīake à gbɛnɔ kàekae bàazi gɔɔn basiigɔ. À kpàkènzì à bè tó aɔ gbɛkee tò gbɛ kè èe n naanɛ n zīnɔ doke pítingu, à wèndi musumɛ. <sup>25</sup> Kè Yehu sa'opɔ kè wè ká tén à té kũ ò à yāa, ben à bè dogarinɔ kɔn zìkpɛ gbɛnsi pínɔne: À gè à n dɛde! Àton tó aɔ gbɛke pitiaguro. Kè aɔ n dɛde kɔn fɛɛdaao aɔ n gènnɔ kwèɛ bàazi, ben aɔ gè Baali kúkiia. <sup>26</sup> Aɔ Baali tāakpɛ gbèpɛɛ sè wà bò aɔ té sàa, <sup>27</sup> ben aɔ wīwi aɔ à kpé gbòro, ben wà guu pì kè bīikpɛekèkii ũ ai kɔn a gbāao.

<sup>28</sup> Len Yehu Baali tāagbāgbāna mì dè lɛ Isarailinɔ bùsun. <sup>29</sup> Baa kɔn beeeo èe kpɛe li durun kè Nɛbati né Yeroboamu Isarailinɔ dà à kenannɛro, à té vura zùswarene bɔro kè aɔ kú Bɛteli kɔn Daninɔzi. <sup>30</sup> Dii bène: Zaake n yā kè maa, n yā kè má yezi kè, n kè Ahabu bɛdeenɔne lán ma zɛo nà, n borii égɔ vɛɛna Isaraili kpatan ai n nasionɔa. <sup>31</sup> Mɔde Yehu

e ze kɔn Dii Isarailinɔ Luda dokaoro, ɛe laakarɩ dɔa kɔn nɔseo doro. Ɛe kpɛe li durun kɛ Yeroboamu Isarailinɔ dɔa kɛnannɛro.

<sup>32</sup> Gurɔ beeean Dii tɔ Isarailinɔ bɩsu nɔ lagonaa. Azaili gbɔaa blɛ Isarailinɔ bɩsu <sup>33</sup> kɛ kɩ Yoda ɔfɔntɛbɔe kpaaa pɩngi sɛna zaa Aroa kɛ kɩ Anɔ swadɔɔzi ai Giliada kɔn Basɔ bɩsuo. Gada boriinɔ kɔn Rubɛni boriinɔ kɔn Manase boriinɔ kɩ gwe. <sup>34</sup> Yehu yɔ kpaaa kɛ ɔ kɛnɔ kɩ Isarailinɔ kɩnanɔ gɩayɔkɛnanɔ takadan kɔn ɔ nɛgɔgbɛkɛyɔnɔ pɩngi. <sup>35</sup> Yehu gɔ, wɔ ɔ vɩ Samaria, ben ɔ nɛ Yoaza vɛɛ ɔ gbɛn. <sup>36</sup> Yehu vɛɛ Samaria ɔ kɩ blɛ Isarailinɔnɛ wɛ baaakuri plaasai.

## 11

### *Yoasi kɔn a dazi Ataliao*

<sup>1</sup> Kɛ Aazia da Atalia ɛ a nɛ gɔ, ben ɔ fɛɛ ɛe kɩ boriinɔ dɛdɛɛ nɩ pɩngi. <sup>2</sup> Ben kɩ Yehoramunɛnɔgbɛ Yosɛba, Aazia dɔre, Aazia nɛ Yoasi sɛ nɩ saɛ kɩnɛ kɛ wɛɛ nɩ dɛdɛɛnɔ tɛ. ɔ ɔ ɩtɛ Atalianɛ kpɛ kɛ gɔdonɔ kaenan kɔn nɔgbɛ kɛ ɛe yɔ kpaaaɔ lɛdo, ben wɛɛ e wɔ ɔ dɛro. <sup>3</sup> Nɛ pɩ gɔ utɛna Dii ua kɔn a gwari pɩo ai wɛ swɛɛdo. Gurɔ beeean Atalian Yudanɔ bɩsu kɩna ɩ.

<sup>4</sup> ɔ wɛ swɛɛplaadeɛ guun sa'oriki Yoyada kɩbɛ dogari gbɛnsinɔ kɔn zɩkpɛ gbɛnsinɔ sɩsi, ben wɔ mɔnyo ɔ kiia Dii ua. Ben ɔ yɔ yɩnyo ɔ tɔ aɔ la dɔ Dii ua gwe, ben ɔ kɩ nɛgɔgbɛ pɩ ɔdɔanɛ. <sup>5</sup> Ben ɔ yɔ dɛɩnɛ ɔ bɛ: Yɔ kɛ ɛ kɛn yɛ. Tɔ a mɔ guu dɔkpa kɔmmabogurɔ zɩ, a gɔli kɔaku ɛgɔ kɩbɛɛ dɔkpa, <sup>6</sup> a gɔli plaadeɛ sɔ Suru gɔnu, a gɔli aagɔdee ɛgɔ gɔnu kɛ kɩ dogari kpaaanɔ kpɛɛ dɔkpa. <sup>7</sup> A gɔli plaa kɛ aɔɛ kɔmma boɔ kɔmmabogurɔ zɩnɔ ɛgɔ kɩna pɩ dɔkpa Dii ua. <sup>8</sup> ɔ ligazi, a baade kɔn a gɔkɛbɔ kɩna. Gbɛ kɛ gɔ ɔ sɔzi, ɔ ɔ dɛ. ɔgɔ tɛ kɩna pɩzi guu kɛ ɛe gaan pɩngi.

<sup>9</sup> Zɩkpɛ gbɛnsinɔ kɛ lɔn sa'oriki Yoyada ɔnɛ nɔ. Aɔ baade a gbɛnɔ sɛ ɔ gɔnyo Yoyada kiia, gbɛ kɛ aɔɛ kɔmma boonɔ kɔn gbɛ kɛ aɔɛ mɔ nɩ lɛnde kpɔnɔ nɩ pɩngi. <sup>10</sup> Ben Yoyada kɩ Dauda sɔrinɔ kɔn ɔ sengbango kɛ kɩ Dii uanɔ kpɔ zɩkpɛ gbɛnsi pɩnɔ. <sup>11</sup> Ben dogari pɩnɔ mɔ wɔ kɛ Dii kpɛ kɔn sa'okiiɔ kpɛɛɛɛ sɛna zaa Dii ua ɔplazi ai ɔ ɔzezi, baade kɔn a gɔkɛbɔ kɩna, lɛ wɔgɔ kɩna pɩ dɔkpa. <sup>12</sup> Ben Yoyada bɔ kɔn kɩ nɛgɔgbɛ pɩo ɔ kɩfura kɩnɛ ɔ doka takada kpɔa. Kɛ wɔ nɔsi kɩ ɔ mɩa wɔ ɔ kɩ kɩ ɩ, ben wɔ ɔpa lɛ wɔ wɩ lɛ wɔ bɛ: Luda kɩna dɔ kɔn aafiao! <sup>13</sup> Kɛ Atalia dogarinɔ kɔn gbɛ kpaaanɔ kɩ pɩ mɔ, ben ɔ fɛɛ ɔ gɔa nɩ kiia Dii ua. <sup>14</sup> Kɛ ɔ wɛɛ sɛ, ɔ kɩna pɩ ɛ zɛna wesagba saɛ lɔn wɛ kɛ nɔ. Zɩkpɛ gbɛnsinɔ kɔn kɔkɔkipɛrinɔ zɛna ɔ saɛ, bɛnsɔ baade pɩngi e pɔnnaa kɛɛ aɔɛ kɔkɔki pɛɛ. Ben Atalia a pɔkɔsɔanɔ gɔ ɔ kɛ ɔ vɩ wɩiɩ ɔ bɛ: Wɔ bɔ ma kpɛɛ! Wɔ bɔ ma kpɛɛ! <sup>15</sup> Ben sa'oriki Yoyada bɛ zɩkpɛ gbɛnsi pɩnɔnɛ: ɔ nɔgbɛ pɩ sɛ ɔ boɔ bɔazi, ɛ gbɛ kɛ aɔ bɔ wɔ tɛzinɔ dɛdɛ kɔn fɛɛdaao. Zaake ɔ bɛ wɔton ɔ dɛ Dii uaro. <sup>16</sup> Gurɔ kɛ nɔgbɛ pɩ kɔ kɩbɛ gɔnule kɛ sɔnɔ ɛ gɛn kiia, ben wɔ ɔ pɛɛa gwe wɔ ɔ dɛ.

<sup>17</sup> Yoyada tɔ kɩna kɔn a gbɛnɔ Dii bɔ kuunaɩnyo yɔ kɛkɛ, lɛ aɔ e wɔgɔ dɛ Dii gbɛnɔ ɩ yɔnzi. ɔ tɔ kɩna kɔn a gbɛnɔ lɛdole kɛ kɔo dɔ. <sup>18</sup> Ben aɔ gɔa wɔ Baali kpɛ gbɔro, aɔ ɔ gbɔgbɔkiinɔ kɔn ɔ tɔanɔ wɩwi dɩgudugu, ben aɔ Baali gbɔgbɔari Matɔ dɛ gbɔgbɔkii pɩnɔ saɛ.

Yoyada Dii ua nɔ gudɔkparinɔnɛ nɩ ɔzɩ, <sup>19</sup> ben ɔ zɩkpɛ gbɛnsinɔ sɛɛ kɔn dogarinɔ kɔn gbɛ kpaaanɔ nɩ pɩngi, aɔ bɔ Dii ua kɔn kɩna pɩo, aɔ kɩbɛ gɔnule kɛ dogarinɔ ɛ gɛn zɛ sɛ. Kɛ aɔ kɔ kɩbɛ, ben kɩna pɩ vɛɛ kpatan, <sup>20</sup> ben bɩsu pɩ baade pɩngi pɔ kɛ nna, bɛnsɔ wɛtɛ gɔ kaena yɔkete sai, kɛ wɔ Atalia dɛ kɔn fɛɛdaao kɩbɛ yɔnzi. <sup>21</sup> Yoasi kɩ blɛ a wɛ swɛɛplaadeɛ guumɛ.

## 12

### *Dii ua kɛkɛna*

<sup>1</sup> ɔ kɛ kɩ ɩ Yehu kɩblɛna wɛ swɛɛplaadeɛ guu, ben ɔ kɩ blɛ Yerusalemu wɛ baplaa. ɔ da nɛ Bɛsɛba gbɛmɛ, ɔ tɔn Zibia. <sup>2</sup> Gurɔ kɛ sa'oriki Yoyada lɛ dɔ Yoasia, ben ɔ yɔ kɛ maa Diinɛ kɛ. <sup>3</sup> Mɔde ɛe tɔagbɔgbɔkii kɛ wɔ bɔnɔ gbororo, wɔ kpɛ wɛɛ saa oo gwe, wɛɛ tuaetiti kpataa.

4 Yoasi bè sa'orinŋe: À ɔ̀ kè wà m̀ò Dii ua kakɔ̄a, ɔ̀ kè wà lìli baadene k̄n légbēna ɔ̀ɔ̀ k̄n p̄yezi gbaanŋ p̄ngi. 5 Sa'orinŋ gae ɔ̀ p̄i sí ɔ̀sirinŋa wà Dii ua guu kè yàkanŋ kekeo. 6 Ben Yoasi kí blè ai wè̄ baro awɛɛ'aagɔ̄, m̀de sa'orinŋ e Dii ua guu kè yàkanŋ kekeero, 7 ben kí Yoasi sa'oriki Yoyada sìsi k̄n sa'orinŋ n̄ p̄ngi à n̄ lá à bè: À kè dia ée Dii ua guu kè yàkanŋ kekeero? Àton ɔ̀ sí ɔ̀sirinŋa d̄ro. À tó wàgae Dii ua guu kè yàkanŋ kekeo. 8 Ben sa'orinŋ wè̄ kè aṣé ɔ̀ ke sí gbēnŋa d̄ro, aṣé s̄ Dii ua guu kè yàkanŋ kekeero. 9 Ben sa'oriki Yoyada àkpati sè à à nékpae f̄, ben à diè sa'okii sae tó wèe ḡe Dii kpé ua ɔ̀plaazi. Ben sa'ori kè aṣe kpé zé dākpaanŋ è ɔ̀ kè wà m̀ò Dii ua kán p̄ngi. 10 Tó aṣe è àkpati p̄i ɔ̀ kè bíta, ben kína takadak̄eri k̄n sa'orikio è narò wà káka sàkinŋ guu. 11 Aṣe ɔ̀ p̄i dennabaru ke wà na gbē kè wà Dii ua z̄i dànnenŋe n̄ ɔ̀z̄i, ben aṣe f̄ia boo lí'arinŋe k̄n kpéborinŋ 12 k̄n gùborinŋ k̄n gbè'arinŋ. Ben aṣe lí k̄n gbè ananŋ lùluo d̄, le wà Dii ua guu kè yàkanŋ kekeo yānzi k̄n kpé kekena z̄i pāndenŋ p̄ngi. 13 Wèe Dii ua kondogi taanŋ p̄i k̄n ɔ̀ kè wà m̀ò Dii ua p̄loro, ke fitia tédebŋ ke arusibŋ ke kākākinŋ ke vura p̄onŋ ke kondogi p̄o kpaaanŋ. 14 Dii ua kèkerinŋ wè̄ f̄ia boónne. 15 Gbē kè wà ɔ̀ p̄i kpàmma aṣe f̄ia boo z̄ikerinŋenŋ, wè̄ n̄ gbeka ɔ̀ p̄i yāziro, zaake gbē p̄inŋ né gbē náanedeennne. 16 ɔ̀ kè wà kpà taari fiabobŋ ke durun agbaakpabŋ ūunŋ, wè̄ ḡe Dii uaro, sa'orinŋ p̄ome.

17 Gurŋ beean Siria kí Azaili ḡa à lèe Gataa à sì, ben à èara èe m̀o lée Yerusalemua d̄. 18 Ben Yudanŋ kí Yoasi p̄o kè a dezi Yudanŋ k̄nanŋ Yosafata k̄n Yoramuo k̄n Aaziao kpà Diianŋ sèe k̄n kè à kpà Diianŋ d̄ k̄n vura kè kú Dii ua laasi guuo k̄n a be laasi guuo p̄ngi, à kp̄as̄a Azailine, ben Azaili gù Yerusalemula. 19 Yoasi yā kpaaanŋ k̄n yā kè à k̄nŋ p̄ngi kú Yudanŋ k̄nanŋ ḡiayākenanŋ takadan. 20 À ìbanŋ lé kpākōs̄zi, ben aṣe à dè zaa Bete Milo Sila zén. 21 Gbē kè aṣe à dè p̄inŋ tón yè: Simɛata né Yozabada k̄n Soma né Yehozabadao. Kè Yoasi ḡa, wà à mira kpākōzi k̄n a dezinŋ p̄o Dauda w̄ete, ben à né Amazia v̄e à gbèn.

## 13

### *Isarailinŋ kí Yoaza*

1 Yudanŋ kí Aazia né Yoasi kíblena wè̄ baro awɛɛ'aagɔ̄dee guun Yehu né Yoaza kè Isarailinŋ kí ū, ben à kí blè Samaria wè̄ ḡero awɛɛplaa. 2 À yā kè Dii yeziroo kè kè à zè k̄n durun kè Nebati né Yeroboamu Isarailinŋ dà à kenan-o, èe pānero. 3 Ben Dii p̄o f̄e Isarailinŋzi à n̄ ná Siria kí Azailine a ɔ̀z̄i k̄n a né Benadadao ai Yoaza kíblena lén. 4 Yoaza agbaa kpà Diine, ben Dii wè̄ne, zaake à è dian Sirianŋ kína p̄i e w̄e t̄aa Isarailinŋa nà. 5 Dii tó aṣe m̀siri è, ben aṣe b̄o Sirianŋ ɔ̀z̄i, ben baade kú a ua lán à zii bà. 6 M̀de aṣe kp̄e li durun kè Nebati né Yeroboamu n̄ dá à kenannero, aṣe z̄e. Asera lí s̄o kpé p̄ena Samaria. 7 Yoaza z̄ikp̄eenŋ kà yāana, séde s̄ode ḡon baplaa akurinŋ k̄n s̄goro m̀en kurinŋ k̄n z̄ikp̄e kèsede ḡon b̄ro kurinŋ bé wà ḡe, zaake Sirianŋ kína n̄ ké dúgudugu, aṣe ḡe lán b̀suti bà. 8 Yoaza yā kpaaanŋ, yā kè à k̄nŋ k̄n à négōgb̄ekeyānŋ kú Isarailinŋ k̄nanŋ ḡiayākenanŋ takadan. 9 Kè Yoaza ḡa, ben wà à v̄i Samaria, ben à né Yehoasi v̄e à gbèn.

### *Isarailinŋ kí Yehoasi*

10 Yudanŋ kí Yoasi kíblena wè̄ baaakuri awɛɛswɛɛplaadee guun Yoaza né Yehoasi kè Isarailinŋ kí ū, ben à kí blè wè̄ ḡero awɛɛdo. 11 À yā kè Dii yeziroo kè, èe kp̄e li durun kè Nebati né Yeroboamu Isarailinŋ dà à kenannero, à kpé èe kee. 12 Yehoasi yā kpaaa kè à k̄nŋ k̄n à négōgb̄ekeyānŋ k̄n z̄i kè à kà k̄n Yudanŋ kí Amaziao kú Isarailinŋ k̄nanŋ ḡiayākenanŋ takadan. 13 Kè à ḡa, wà à mira kpākōzi k̄n Isarailinŋ k̄nanŋ p̄o Samaria, ben Yeroboamu v̄e à gbèn.

### *Elisa gana*

14 Elisa e gyāa kee, eé f̄e à ble d̄ro, ben Isarailinŋ kí Yehoasi ḡa à à lè, èe ɔ̀ ɔ̀ ɔ̀ à bène: Baa! Baa! M̀be Isarailinŋ s̄goronŋ ū k̄n n̄ s̄deenŋ. 15 Ben Elisa bène: N̄ s̄a sé k̄n k̄n.

Kè à sè, <sup>16</sup> ben Elisa bène: Ñ kà kpá sála. Kè à kpà sála, ben Elisa a ɔɔnɔ didi kína pì ɔɔnɔ <sup>17</sup> à bè: Ñ ɔfántɛbɔe kpa windo wɛ. Kè à wɛ, ben Elisa bè: Ñ kà pì zu. Kè à zù, ben Elisa bè: Dii zìblena kàn gwe. Zìblena Sirianɔ kàmɛ. Né Sirianɔ kaate mámmam zaa Afeki. <sup>18</sup> Ben Elisa bè: Ñ kà pìnɔ sée. Kè à sèe, ben Elisa bène: Ñ ɔɔte léo. À lèo gèn aagɔ, ben à ɔ zè. <sup>19</sup> Ben Luda gbɛ pì pɔ fèzi à bè: Wà be n ɔɔte lèo gèn sɔɔro ke swɛedomɛ yã, le n zì blè Sirianɔ mámmam. Tia sa né zì blemma gèn aagɔmɛ.

<sup>20</sup> Elisa gà, ben wà à v̄ii. Tó Sètántɛ kà, ben Moabu gbãamɔnnerinɔ è mó lée Isarailinɔ bùsua. <sup>21</sup> Zì kèa gbɛnɔ e gè v̄iii. Kè aɔ gbãamɔnnerinɔ gáli è, ben aɔ gè pì sè wà zù Elisa miran. Kè gè pì lèe à nà Elisa wánɔa, ben à wèndi è à f̄e à zè.

<sup>22</sup> Siria kí Azaili gbãaa mò Isarailinɔne ai Yoaza kíblena lén. <sup>23</sup> Ben Dii sùu kènyo à wènda d̄ñne, à n wée gwà a bà kuuna k̄n Ibraïo k̄n Isaakuo k̄n Yakubuo yãnzì. Èe we à n dúgu z̄ro, èe n z̄innaro ai k̄n a gbãao. <sup>24</sup> Kè Siria kí Azaili gà, ben à né Benadada v̄e à gbèn. <sup>25</sup> Kè Yoaza né Yehoasi zì kà k̄n Azaili né Benadada pìo, à èara à wéte kè Azaili s̄i a de Yoazaanɔ s̄ia. Yehoasi zì blèa gèn aagɔmɛ, ben à Isaraili wéte pìnɔ s̄ia.

## 14

### *Yudanɔ kí Amazia*

<sup>1</sup> Isarailinɔ kí Yoaza né Yehoasi kíblena wè plaadee guun Yoasi né Amazia kè Yudanɔ kína ũ. <sup>2</sup> À wè baaasɔrodee guun à kí blè, à v̄e kpatan Yerusalemu wè baaakuri dosai. À da né Yerusalemu gbɛmɛ, à tón Yoadini. <sup>3</sup> À yã kè Dii yezi kè, m̄de èe ká a dezi Dauda pò ũro. À a de Yoasi zékpaɛ sè súusu. <sup>4</sup> Èe tãagbãgbákii kè wà bònɔ gbororo, wà kpé wèe saa oom̄ma wèe tuaetiti kpataa gwe. <sup>5</sup> Kè à kpata kásãa pèe à yãa, ben à a ìba kè aɔ a de dènɔ dède se. <sup>6</sup> Lán à kú Musa doka takadan nà, èe gbɛderi pìnɔ nènɔ dèdero. Takada pì guu Dii bè wàton denɔ dède n nènɔ durun yãnzìro, bens̄ wàton nènɔ dède n denɔ durun yãnzìro. Baade é ga a z̄inda durun yãnzimɛ. <sup>7</sup> Amazia bé à zì blè Edɔmunɔa ḡɔn bɔɔro kuri zaa Guzure Wisideen. Zì pì guun à Sela s̄i, ben à tó kpàne Yòkɔteli, tó pì kpé kúa ai k̄n a gbãao.

<sup>8</sup> Beee gbera Amazia gbɛnɔ zì Isarailinɔ kí Yoaza né Yehoasi, Yehu dioa, à bène: Ñ mó wà dak̄re z̄ilan. <sup>9</sup> Isarailinɔ kí Yoasi wèala à bè: Lebanɔ bùsu lèkara lékpásã kè Lebanɔ bùsu sida línɛ à bè à a nènɔgbɛ kpásã a néa, ben Lebanɔ bùsu n̄bɔ pásì mò à kiti pà lèkara p̄ia. <sup>10</sup> N zì blè Edɔmunɔa, ben n n z̄inda sè lez̄i. Ñ ze k̄n n tómaak̄eɛo n̄ v̄e teeɛ. À kè dia néɛ ɔ kaa yã pás̄izi? Beee é sunne k̄n m̄nzio k̄n Yudanɔ se. <sup>11</sup> M̄de Amazia yã pì kpà swákoto, ben Yehoasi mò léɛa. Aɔ dak̄re zaa Besem̄esi Yudanɔ bùsun. <sup>12</sup> Isarailinɔ zì blè Yudanɔa, ben Yudanɔ bàa s̄i wà tà n be. <sup>13</sup> Besem̄esi gwen Yehoasi Amazia kùn à ḡaao Yerusalemu. À a b̄i gbòro lán mita wàa doo bà zaa Eflaimu ḡanu lè ai gana Gooda ḡanulea. <sup>14</sup> À vura k̄n kondogio k̄n pò kè kú Dii uanɔ k̄n pò kè kú k̄ibe laasinno sèe píngi, ben à gbɛkenɔ kùkù à t̄ányo Samaria z̄izɔnɔ ũ.

<sup>15</sup> Yehoasi yã kpaaa kè à kènɔ k̄n a néḡgb̄k̄eyãnɔ kú Isarailinɔ k̄inanɔ ḡiayákenanɔ takadan. Lán à zì kà k̄n Yudanɔ kí Amaziao nà kú gwe dɔ. <sup>16</sup> Kè Yehoasi kà a dezinɔla, wà à mira kpàk̄zi k̄n Isarailinɔ k̄inanɔ p̄o Samaria, ben à né Yeroboamu v̄e à gbèn.

<sup>17</sup> Yudanɔ kí Amazia kè wè ḡero Yehoasi gana gbera. <sup>18</sup> Amazia yã kpaaanɔ kú Yudanɔ k̄inanɔ ḡiayákenanɔ takadan. <sup>19</sup> Wà lé kpàk̄s̄zi Yerusalemu, ben à bàa s̄i à tà Lakisi. Ben wà gbɛnɔ gbàre wà pèezi wà à dè gwe. <sup>20</sup> Ben wà à gè sè k̄n s̄o wà s̄o Yerusalemu, wà à mira kpàk̄zi k̄n a dezinɔ p̄o Dauda wéte. <sup>21</sup> Ben Yudanɔ Uzia kè kà wè ḡero awɛedoo kà kí ũ à de Amazia gbèn. <sup>22</sup> Àmbe à Elata s̄i à kèkè à kàe Yudanɔne a de gana gbera.

### *IsarailinƆ kí Yeroboamu plaadee*

<sup>23</sup>YudanƆ kí Yoasi né Amazia kíblena wɛ̀ gɛ̀rodee guun IsarailinƆ kí Yoasi né Yeroboamu kɛ̀ kí ũ Samaria, à vɛ̀e kpatan wɛ̀ baplaa awɛ̀edo. <sup>24</sup>À yá kɛ̀ Dii yeziroo kɛ̀, ɛ̀e kpɛɛ li durun kɛ̀ Nebati né Yeroboamu IsarailinƆ dà à kenannero. <sup>25</sup>Àmbe à ɛ̀ara à IsarailinƆ bɔ̀su sɔ̀nne zaa Lebo Amata ai gana Ísia Wisideezi, lán Dii IsarailinƆ Ludaa ò a zòbleri Amitai né Yunusa, Gatefa gbɛ̀ gāzĩ nà. <sup>26</sup>Zaake Dii ɛ̀ IsarailinƆ e nawɛ̀a kɛɛ maamaa, zòno kɔ̀n wɛ̀enenó ń píngi, bensɔ̀ aɔ̀ gbɛ̀ke vĩ à dɔ̀lɛro. <sup>27</sup>Dii e be ɛ̀ Isaraili tó dɛ̀de anduna guuro, ben à ń mì sɔ̀ Yehoasi né Yeroboamu gāzĩ. <sup>28</sup>Yeroboamu yá kpaa kɛ̀ à kɛ̀no kɔ̀n zĩ kɛ̀ à kànnó kú IsarailinƆ kɔ̀nanɔ́ gĩayākenanɔ́ takadan. Lán à ɛ̀ara à Damasiku kɔ̀n Amatao sɔ̀ IsarailinƆne nà kú gwe dɔ̀. <sup>29</sup>Kɛ̀ à kà a dezinɔ̀la, wà à mira kpàkɔ̀zi kɔ̀n a dezi IsarailinƆ kɔ̀nanɔ́ pɔ̀o, ben à né Zakari vɛ̀e à gbèn.

## 15

### *YudanƆ kí Uzia*

<sup>1</sup>IsarailinƆ kí Yeroboamu kíblena wɛ̀ baaasɔ̀ro awɛ̀eplaadee guu Amazia né Uzia kɛ̀ YudanƆ kína ũ. <sup>2</sup>À wɛ̀ gɛ̀ro awɛ̀edodee guun à kí blè, ben à vɛ̀e kpatan Yerusalemu wɛ̀ baplaa akuri awɛ̀epla. À da né Yerusalemu gbɛ̀me, à tón Yekolia. <sup>3</sup>À yá kɛ̀ Dii yezi kɛ̀ lán à de Amazia kɛ̀ nà. <sup>4</sup>Mɔ̀de ɛ̀e tãagbāgbākii kɛ̀ wà bònno gbororo, wà kpé wɛ̀e saa oomma wɛ̀e tuaetiti kpataa gwe. <sup>5</sup>Dii tò à kusu kù, à kúo ai à gàa à gào. Wà kpé bɔ̀ne ado. À né Yotamu bé à kibe ua kúna, àmbe YudanƆ dɔ̀n'adee ũ. <sup>6</sup>Uzia yá kpaaanɔ́ kú YudanƆ kɔ̀nanɔ́ gĩayākenanɔ́ takadan kɔ̀n yá kɛ̀ à kɛ̀no píngi. <sup>7</sup>Kɛ̀ à kà a dezinɔ̀la, wà à vɛ̀i kɔ̀n a dezinɔ́ Dauda wéte, ben à né Yotamu vɛ̀e à gbèn.

### *IsarailinƆ kí Zakari*

<sup>8</sup>YudanƆ kí Uzia kíblena wɛ̀ baplaa plaasaidee guun Yeroboamu né Zakari kɛ̀ IsarailinƆ kína ũ Samaria, à kí blè mɔ̀ swɛ̀edo. <sup>9</sup>À yá kɛ̀ Dii yeziroo kɛ̀ lán à dezinɔ́ kɛ̀ nà. Ɛ̀e kpɛɛ li durun kɛ̀ Nebati né Yeroboamu IsarailinƆ dà à kenannero. <sup>10</sup>Ben Yabesi né Salumu lé kpàkɔ̀sɔ̀zi kɔ̀n gbènɔ́ à à dè zaa Ibleamu, ben à vɛ̀e à gbèn. <sup>11</sup>Zakari yá kpaaanɔ́ kú IsarailinƆ kɔ̀nanɔ́ gĩayākenanɔ́ takadan. <sup>12</sup>Len yá kɛ̀ Dii ò Yehune kɛ̀ ɛ̀, à bè à boriinɔ́ bé wégɔ́ IsarailinƆ kí blee ai à gá pé à nasionɔ̀a.

### *IsarailinƆ kí Salumu*

<sup>13</sup>Yabesi né Salumu kɛ̀ kí ũ YudanƆ kí Uzia kíblena wɛ̀ baplaa dosaidee guu, à kí blè Samaria mɔ̀ do. <sup>14</sup>Ben Gadi né Menahemu bò Tiza à gàa Samaria, ben à Yabesi né Salumu lè à dè gwe, ben à vɛ̀e à gbèn. <sup>15</sup>Salumu yá kpaaanɔ́ kɔ̀n lé kɛ̀ à kpàkɔ̀sɔ́ kɔ̀n gbènɔ́ Zakarizio kú IsarailinƆ kɔ̀nanɔ́ gĩayākenanɔ́ takadan. <sup>16</sup>Guro beean Menahemu bò Tiza à gàa à lèe Tifisaa kɔ̀n gbɛ̀ kɛ̀ aɔ̀ kú à guuno kɔ̀n guu kɛ̀ ligazinɔ́ píngi, zaake aɔ̀ gí zé wɛ̀enzi. À nòsindadeenɔ́ gbɛɛɛ pàrapara ń píngi dɔ̀.

### *IsarailinƆ kí Menahemu*

<sup>17</sup>YudanƆ kí Uzia kíblena wɛ̀ baplaa dosaidee guun Gadi né Menahemu kɛ̀ IsarailinƆ kí ũ, ben à kí blè Samaria wɛ̀ kuri. <sup>18</sup>À yá kɛ̀ Dii yeziroo kɛ̀ ai a wɛ̀ndi lén. Ɛ̀e kpɛɛ li durun kɛ̀ Nebati né Yeroboamu IsarailinƆ dà à kenannero.

<sup>19</sup>Kɛ̀ Asiria kí Tigila Pilesa lèe IsarailinƆ bɔ̀sua, ben Menahemu à gbà kondogi tɔ̀n baaakuri awɛ̀esiigɔ̀, ɛ̀ Tigila Pilesa e à ɔ̀ daawa, à kpata kāsāa e à pée yānzi. <sup>20</sup>Menahemu tò IsarailinƆ kondogi pì fīa bò, ben ɔ̀deenɔ́ kondogi ɔ̀ kpà ń miamia mèn baplaa akurikuri Asirianɔ́ kína pɔ̀ ũ. Ben Asirianɔ́ kína pì ɛ̀ara à tà, ɛ̀e ze ń bɔ̀sun dɔ̀ro. <sup>21</sup>Menahemu yá kpaaanɔ́ kú IsarailinƆ kɔ̀nanɔ́ gĩayākenanɔ́ takadan kɔ̀n yá kɛ̀ à kɛ̀no píngi. <sup>22</sup>Kɛ̀ à kà a dezinɔ̀la, ben à né Pekaya vɛ̀e à gbèn.

### *IsarailinƆ kí Pekaya*

<sup>23</sup> YudanƆ kí Uzia kíblena wè baplaa akuridee guun Menahemu né Pekaya kè IsarailinƆ kí ũ, à kí blè Samaria wè plaa. <sup>24</sup> À yā kè Dii yeziroo kè, èe kpɛɛ li durun kè Nebati né Yeroboamu IsarailinƆ dà à kenannero. <sup>25</sup> À zikari gbɛnsi Remalia né Peka lé kpàkɔsɔzi kɔn gbɛnɔ. Ben à Giliada bɔsudeenɔ sè gɔɔn baplaa akuri à sɔnyo kina pizi à zeki gbãan Samaria, à à dè kɔn Agobuo kɔn Arieo, ben à vɛɛ à gbèn. <sup>26</sup> Pekaya yā kpaaanɔ kú IsarailinƆ kɔnanɔ gɔyãkenanɔ takadan kɔn yā kè à kènɔ píngi.

### *IsarailinƆ kí Peka*

<sup>27</sup> YudanƆ kí Uzia kíblena wè baplaa akuri awɛɛplaadee guun Remalia né Peka kè IsarailinƆ kí ũ, à kí blè Samaria wè baro. <sup>28</sup> À yā kè Dii yeziroo kè, èe kpɛɛ li durun kè Nebati né Yeroboamu IsarailinƆ dà à kenannero. <sup>29</sup> Peka gurɔan Asiria kí Tigila Pilesa mò à Iyona si kɔn Abeli Betemakao kɔn Yanɔao kɔn Kedesio kɔn Azoo. À Nafatali boriinɔ guu si dɔ, Giliada kɔn Galilio píngi, ben à guu pì deenɔ kùkù à tànyo Asiria. <sup>30</sup> Ela né Osea lé kpàkɔsɔ kɔn gbɛnɔ Pekazi, ben à à dè à vɛɛ à gbèn Uzia né Yotamu kíblena wè barodee guu. <sup>31</sup> Peka yā kpaaanɔ kú IsarailinƆ kɔnanɔ gɔyãkenanɔ takadan kɔn yā kè à kènɔ píngi.

### *YudanƆ kí Yotamu*

<sup>32</sup> IsarailinƆ kí Remalia né Peka kíblena wè plaadee guun Uzia né Yotamu kè YudanƆ kí ũ. <sup>33</sup> À wè baaasɔrodee guun à kí blè, ben à vɛɛ kpatan Yerusalemu wè gɛro awɛɛdo. À da tɔn Yerusa, Zadoki néme. <sup>34</sup> À yā kè Dii yezi kè lán à de Uzia kè nà. <sup>35</sup> Mɔde èe tãagbãgbãkii kè wà bònɔ gbororo, wà kpé wèe saa oomma wèe tuaetiti kpataa gwe. Àmbe à Dii ua gānu kè kú musu kpaa kèkè. <sup>36</sup> Yotamu yā kpaaanɔ kú YudanƆ kɔnanɔ gɔyãkenanɔ takadan kɔn yā kè à kènɔ píngi. <sup>37</sup> Gurɔ beean Dii tò Siria kí Rezī kɔn Remalia né Pekao nà leena Yudanɔaa. <sup>38</sup> Kè Yotamu kà a dezinla, wà à mira kpàkɔziŋyo Dauda wéte, ben à né Aaza vɛɛ à gbèn.

## 16

### *YudanƆ kí Aaza*

<sup>1</sup> Remalia né Peka kíblena wè gɛro awɛɛplaadee guun Yotamu né Aaza kè YudanƆ kí ũ. <sup>2</sup> À wè barodee guun à kí blè, ben à vɛɛ kpatan Yerusalemu wè gɛro awɛɛdo. Èe yā kè Dii a Ludaa yezi kè lán a dezi Dauda bàro. <sup>3</sup> À zè kɔn IsarailinƆ kɔnanɔ yãkenao ai sé à sa'opɔ kè wè ká tén à té kú ò kɔn a négɔgbɛo. À yā zaaa kè lán borii kè Dii pèmma Isarailinɔnɔnɔ è kè nà yā. <sup>4</sup> À saa ò à tuaetiti kpàta tãagbãgbãkii kè wà bònɔa kɔn sɔsɔ musunɔ kɔn lí bíta píngi gbáruo.

<sup>5</sup> Beee gbɛra Siria kí Rezī kɔn IsarailinƆ kí Remalia né Pekao mò zì ká Yerusalemu. Gwen aɔ ligan Aazazi, mɔde aɔɔe fɔ wà zì blèaro. <sup>6</sup> Gurɔ beean Rezī pè Yudanɔa à n bɔɛ Elata à èara à gwee sɔmma, ben Edɔmunɔ mò wà vɛɛ gwe ai kɔn a gbàao. <sup>7</sup> Ben Aaza gbɛnɔ zì Asiria kí Tigila Pilesaa à bè: N zòblerin ma ũ, n nén ma ũ. N mɔ n ma bɔ Sirinɔ kina kɔn IsarailinƆ kina kè aɔ fɛemaziinɔ ɔzì. <sup>8</sup> Aaza kondogi kɔn vura kè kú Dii ua kɔn a be laasi guuo sèe à Asirianɔ kina gbà à kpàsãne. <sup>9</sup> Ben Asirianɔ kina à yā mà, à gaa à lèe Damasikua à si. À Rezī dè, ben à tà kɔn Damasikudeenɔ ai Kiri. <sup>10</sup> Kí Aaza gaa à dà Asiria kí Tigila Pilesale zaa Damasiku. À sa'okii è gwe, ben à à taka gà takada guu à kpàsã sa'ori Uriane kɔn à kena takao píngi. <sup>11</sup> Sa'ori Uria sa'okii pì kè lán kí Aaza kpàsãne nà déede, à à mì dè kí pì ton su kɔn Damasikuo. <sup>12</sup> Kè à sù, à sa'okii pì è, ben à sɔzi. <sup>13</sup> À sa'opɔ kè wè ká tén à té kú òa à wísiti kàn à í tɔa à kennakɔo sa'o'aru kua. <sup>14</sup> Dii gbãgbãkii kè wà pì kɔn mògotɛo kú sa'oki dufu pì kɔn Dii kpéo dagura, ben Aaza sè à diɛ sa'oki dufu pì ɔplazi. <sup>15</sup> Ben à yā diɛ sa'ori Uriane à bè: Négae sa'o kɔngɔ pɔ kè wè ká tén à té kú o sa'oki bíta pía kɔn uusie

pówεetitio kōn kína sa'opɔ kè wè ká tén à té kũo kōn à pówεetitio gbaao kōn gbēnɔ sa'opɔ kè wè ká tén à té kũo kōn n̄ pówεetitio gbaao kōn n̄ sa'o'io. Négae sa'opɔ kè wè ká tén à té kũ aru kúa kōn kennakōo sa'o'aru. Sa'okii kè wà pì kōn m̀gotēo s̄, eéḡo de ma m̀sokekii ũ.  
 16 Ben sa'ori Uria kè lán kí Aaza òne nà.

17 Kí Aaza m̀ lèetεgeenɔ g̀ogo tadibɔnɔa à n̄ taano gò à diε. À íkakii gò m̀gotē zùswaree kè aɔ kú à gĩzĩnɔa à diε gbè k̄ia. 18 À kína tinti kè wà b̀ Dii ua kōn à gānu kè kú gweeo gb̀oro misiεna Asirianɔ k̄inane yānzi. 19 Aaza yā kpaaanɔ kú Yudanɔ k̄inanɔ ḡiayākenanɔ takadan kōn yā kè à kènɔ p̄ngi. 20 Aaza kà a dezinɔla, ben wà à mira kpākōzińyo Dauda wéte, ben à né Ezekaya v̄ε à gbèn.

## 17

### *Osea, Isarailinɔ kí z̄aadee*

1 Yudanɔ kí Aaza k̄iblena wè kuri awεεplaadee guun Ela né Osea kè Isarailinɔ kí ũ Samaria, à kí blè wè k̄endo. 2 À yā kè Dii yeziroo kè, m̀de èe ke lán Isarailinɔ kína kè aɔ òne aenɔ kè n̄aro. 3 Asiria kí Samanesa m̀ à lèea, ben Osea kè à z̀bleri ũ, èe tángba kpaa. 4 Osea gbēnɔ z̄i Iyipiti kí Soa, ben èe tángba kè è kpá Samanesaa wè kōn wèo kpáa d̄oro. Kè Samanesa è Osea b̀ a kpεε, ben à à kũ à à dà kp̄esiaan. 5 Ben Samanesa lèε Isarailinɔ b̀sua p̄ngi. À gbēnɔ m̀ wà Samaria kagura kè ai wè aaḡo. 6 Osea k̄iblena wè k̄endodee guun Samanesa Samaria si à tà kōn Isarailinɔ a b̀sun, à n̄ káεkaε Ala kōn Gozā kè kú Abo baa kōn Midia b̀su wétenɔ guo.

### *Isarailinɔ ḡsna z̄izɔnɔ ũ n̄ durun yānzi*

7 Yā p̄i kè le, kè Isarailinɔ durun kè Dii n̄ Ludane kè à n̄ b̀o Iyipiti kí Fero ɔz̄i yānzi. Aɔ d̄onzi kè t̄aanɔne 8 aɔ borii kè Dii p̄m̄mańnenɔ z̄εkpae sè aɔ zè kōn yā kè Isarailinɔ k̄inanɔ òn̄nenɔ. 9 Aɔ yā d̄rosai diε Dii n̄ Luda yā gbèn aɔ tāagbāgbākiinɔ b̀o n̄ z̄indane n̄ wétenɔ guu p̄ngi zaa gudākpakiia gana ai wéte b̄iideea. 10 Aɔ gbēnɔ kōn l̄inɔ p̄εp̄ε s̄is̄i lez̄inɔa p̄ngi kōn lí b̄ita p̄ngi gb̄aru. 11 Aɔ tuaetiti kp̄ata tāagbāgbākii kè aɔ b̀o p̄inɔa p̄ngi lán borii kè Dii p̄m̄mańnenɔ kè nà. Yā zaa kè aɔ kè p̄inɔ bé à Dii p̄o f̄εne. 12 Aɔ ò t̄aanɔzi, baa kè Dii b̄érne aɔton kero. 13 Dii Isarailinɔ kōn Yudanɔ swā ḡa a annabinɔ kōn wéεgupu'erinɔ ḡaz̄i n̄ p̄ngi à bè, aɔ kpεε li n̄ yā zaaanɔne, aɔḡo Dii yādienanɔ kōn à yādannenao k̄una, lán à kú doka takada kè à diε n̄ dezinɔne guu nà, ben à èara à ò a z̀bleri annabinɔ ḡaz̄i.

14 Baa kōn beeeo Isarailinɔ ḡi mazi, aɔ swā gbāa lán n̄ dezi kè aɔe Dii n̄ Luda náane keroonɔ p̄o bàme. 15 Aɔ ḡi à ɔd̄kii gwazi, aɔ à bà kuuna kōn n̄ dezinɔ yā gb̀oro, aɔe lé kè à n̄ańne yā daro. Aɔ t̄e p̄o p̄āpāanɔzi, ben aɔpinɔ kè p̄ā. Aɔ borii kè aɔo ligan̄zinɔ z̄εkpae sè, borii kè Dii bè aɔton n̄ dà séroo p̄inɔ. 16 Aɔ p̄ā kp̄a Dii n̄ Luda yādienanɔzi, aɔ m̀ k̄asa m̄en plaa lán zùswareenɔ bà n̄ t̄aanɔ ũ, aɔ Asera lí p̄ε, aɔ s̄os̄onɔnɔ gbāgbā, aɔ ò Baalizi. 17 Aɔ sa'opɔ kè wè ká tén à té kũ ò kōn n̄ n̄n̄, ḡogbēnɔ kōn n̄ogbēnɔ, aɔ m̀aso kè aɔ ēz̄ē kè, aɔ n̄ z̄inda kp̄a yā kè Dii yezirooa, aɔ à p̄o f̄εne. 18 Ben Dii p̄o f̄éńzi maamaa à p̄m̄ma. Yudanɔ bé wà ḡo n̄t̄ε. 19 Baa se Yudanɔ e Dii n̄ Luda yādienanɔ maro, aɔ Isarailinɔ z̄εkpae sè. 20 Ben Dii ḡi Isaraili borii p̄inɔzi n̄ p̄ngi. À wéε t̄am̄ma à n̄ ná gb̄ē kè aɔe gbāaa m̄ońnenɔne n̄ ɔz̄i ai à ḡa p̄éom̄ma.

21 Kè Dii Isarailinɔ kè Dauda boriinɔa, ben aɔ Nebati né Yeroboamu diε n̄ kína ũ. Yeroboamu bé à Isarailinɔ swā gbāgbā Diine, à tò aɔ durun b̄ita kè. 22 Isarailinɔ kpé wèe durun kè Yeroboamu kènɔ keε, aɔe kpεε linero, 23 ben Dii p̄m̄ma lán à ò a z̀bleri annabinɔ ḡaz̄i nà. Asirianɔ Isarailinɔ s̄ε n̄ b̀sun aɔ t̄ányo z̄izɔnɔ ũ, ben aɔo kú gwe ai kōn a gbāao.

### *Samariadeenɔ yā*

<sup>24</sup> Asirianŏ kína tò gbēnŏ b̀̀e Babilŏnu kŏn Kutao kŏn Avao kŏn Amatao kŏn Sefavaimuo, ben à ń káekae Samaria wétənŏ guu Isarailinŏ gbèn. Len aŏ Samaria bùsu k̀̀è ń pŏ ũ ɛ, aŏ v̀̀eɛv̀̀e à wétənŏ guu. <sup>25</sup> K̀̀è aŏ kà gwe káaku, aŏ̀̀e dŏnzi ke Diinero, ben à músunŏ gbà̀̀eríma, aŏ̀̀e ń gbēkenŏ dede. <sup>26</sup> Ben wà g̀̀a wà ò Asirianŏ kínane wà b̀̀e: Gbē k̀̀è ń ń sé ń káekae Samaria wétənŏ guunŏ, aŏ̀̀e bùsu pì t̀̀aakekena dŏro, ben à músunŏ gbà̀̀eríma, aŏ̀̀e ń dede. <sup>27</sup> Ben Asirianŏ kína b̀̀e: Wà Samaria sa'ori k̀̀è wa suńyonŏ doke gbare, à tá gwe à bùsu pì t̀̀aakekena dadańne. <sup>28</sup> Ben Samaria sa'orinŏ doke èara à tà gwe à v̀̀e Beteli. À dàda gbēnŏne dian aŏ̀̀e ke nà wà dŏnzi ke Diine.

<sup>29</sup> Gurŏ beea gbē k̀̀è aŏ̀̀e mò wà v̀̀e wéte pínŏ guunŏ, bori píngi kŏn a t̀̀aao, ben aŏ̀̀e ń t̀̀a pínŏ taka k̀̀è aŏ̀̀e p̀̀eɛɛ t̀̀aagb̀̀agb̀̀akii k̀̀è Isarailinŏ̀̀e b̀̀onŏ kpénŏn. <sup>30</sup> Babilŏnudeenŏ Sukobenŏti t̀̀a k̀̀è, Kutadeenŏ Negali t̀̀a k̀̀è, Amatadeenŏ Asima t̀̀a k̀̀è, <sup>31</sup> Avadeenŏ Nibazi kŏn Tatakio t̀̀a k̀̀è, Sefavaimudeenŏ sa'opŏ k̀̀è ẁ̀e ká tén à té kũ ò kŏn ń nénŏ ń t̀̀a Adaramelekia kŏn Anamɛlekio. <sup>32</sup> Ben aŏ̀̀e èara wà dŏnzi k̀̀è Diine dŏ. Gbēnŏ diena t̀̀aagb̀̀agb̀̀akii pínŏ sa'orinŏ ũ t̀̀e v̄́nnero, ben aŏ̀̀e gŏ saa ońne t̀̀aagb̀̀agb̀̀akii pínŏ kpénŏ guu. <sup>33</sup> Aŏ̀̀e dŏnzi k̀̀è Diine, ben aŏ̀̀e ń t̀̀aano gb̀̀agb̀̀aa lán bùsu k̀̀è aŏ̀̀e b̀̀on f̀̀eakaarayá de nà. <sup>34</sup> Len aŏ̀̀e ń f̀̀eakaarayá kũna ɛ ai kŏn a gb̀̀aao. Aŏ̀̀e v̄́a ke Diinero, zaake aŏ̀̀e à ɔ̀̀ɔkii gwaro, aŏ̀̀e gŏ à ỳ̀adannenena kũnaro ke à doka ke yá k̀̀è à diè Yakubu k̀̀è à èara à t̀̀o kp̀̀ane Isaraili boriinŏnenŏ. <sup>35</sup> K̀̀è Dii b̀̀e a bà é gŏ kú kŏn Isaraili pínŏ yá, à b̀̀e aŏ̀̀ton dŏ t̀̀aanoziro aŏ̀̀ton kúéńnero, aŏ̀̀ton ń gb̀̀agb̀̀aro aŏ̀̀ton saa ońmaro, <sup>36</sup> séde amŏa k̀̀è à ń b̀̀e Igipiti kŏn a gb̀̀aa bítao kŏn a g̀̀asá gb̀̀aao. Ambe aŏ̀̀e dŏnzi keare, aŏ̀̀e kuere, aŏ̀̀e saa ooawa. <sup>37</sup> À b̀̀e aŏ̀̀e a ɔ̀̀ɔkii gwaa, aŏ̀̀e a ỳ̀adannenano kũna kŏn a dokayánŏ kŏn ỳ̀adiena k̀̀è à k̀̀éne takada guunŏ ai gurŏ píngi. Aŏ̀̀ton dŏnzi ke t̀̀aanoero. <sup>38</sup> Aŏ̀̀ton t̀̀o a bà kuunańyo yá sańguro. Aŏ̀̀ton t̀̀aano sísiro. <sup>39</sup> Aŏ̀̀gae dŏnzi ke amŏa Dii ń Ludane ado. Ámbe é ń b̀̀o ń ibeenŏ ɔ̀̀zĩ ń píngi.

<sup>40</sup> Baa kŏn beeo aŏ̀̀e g̀̀i mazi, ben aŏ̀̀e z̀̀e kŏn ń f̀̀eakaarayá. <sup>41</sup> Borii pínŏ dŏnzi k̀̀è Diine, m̀̀ode aŏ̀̀e kp̀̀e ẁ̀e ń t̀̀aano gb̀̀agb̀̀ame dŏ, ben aŏ̀̀e nénŏ kŏn ń dionŏ e kee lán ń dezinŏ k̀̀è nà ai kŏn a gb̀̀aao.

## 18

### *Yudanŏ kí Ezekaya yá*

<sup>1</sup> Isarailinŏ kí Ela né Osea kíblena ẁ̀e aagŏdee guun Aaza né Ezekaya k̀̀è Yudanŏ kí ũ. <sup>2</sup> À ẁ̀e baaasŏrodee guun à kí bl̀̀e, à v̀̀e kpatan Yerusalemu ẁ̀e baaakuri dosai. À da t̀̀on Abia, Zakari néme. <sup>3</sup> À yá k̀̀è Dii yezi k̀̀è lán à dezi Dauda k̀̀è nà píngi. <sup>4</sup> À t̀̀aagb̀̀agb̀̀akii k̀̀è wà b̀̀onŏ gb̀̀oro à t̀̀a gb̀̀enŏ w̄́wi à Asera lípenŏ z̀̀z̄́. À m̀̀ogot̄́ ml̀̀e k̀̀è Musa pì gb̀̀egb̀̀e à è'ek̄́re, zaake ai gurŏ beea Isarailinŏ̀̀e kp̀̀e ẁ̀e tuaetiti kpataaa. M̀̀e p̄́n wà t̀̀o kp̀̀ane Neusutá. <sup>5</sup> Ezekaya Dii Isarailinŏ Luda náane k̀̀è. Yudanŏ kína kee e sí lék̄́ziro, gb̀̀e k̀̀è aŏ̀̀e kí bl̀̀e à áano kesŏ gb̀̀e k̀̀è aŏ̀̀e kí bl̀̀e à kp̄́enŏ. <sup>6</sup> À nà Diizi, èe kp̄́e linero. À yá k̀̀è Dii dà Musanenŏ kũna. <sup>7</sup> Dii kúo, ben yá k̀̀è à k̀̀enŏ saa k̀̀e píngi. À b̀̀o Asirianŏ kína yá kp̄́e, èe z̀̀e blene dŏro. <sup>8</sup> À z̄́ bl̀̀e Filisitininŏa ai Gaza kŏn guu k̀̀è ligazinŏ sena zaa gudákpakiia ai wéte b̄́ideea.

<sup>9</sup> Kí Ezekaya kíblena ẁ̀e aagŏdee guu, Isarailinŏ kí Ela né Osea kíblena ẁ̀e sw̄́eplaadee guun Asiria kí Samanesa mò wà Samaria kagura k̀̀è. Aŏ̀̀e kaena gwe <sup>10</sup> ai ẁ̀e aagŏ, aŏ̀̀e wéte pì sí Ezekaya kíblena ẁ̀e sw̄́edodee guu. Isarailinŏ kí Osea kíblena ẁ̀e k̀̀endodeen gwe. <sup>11</sup> Asirianŏ kína Isarailinŏ̀̀e s̀̀e à t̀̀ańyo a b̀̀usun à ń káekae Ala kŏn Gozā k̀̀è kú Abo baa kŏn Midiá bùsu wétənŏ guuo. <sup>12</sup> Yá pì k̀̀è ɛ k̀̀è aŏ̀̀e Dii ń Luda yá maro yánzim. Aŏ̀̀e à bà kuunańyo yáno kũnaro, aŏ̀̀e yá k̀̀è Dii z̀̀obleri Musa diè ma wà z̄́i k̀̀earo.

### *Asirianŏ kína v̄́adadana Yerusalemudeenzi*



<sup>13</sup> Kí Ezekaya kíblena wè gëro dosaidee guun Asiria kí Senakeribi mò à lèe Yuda wéte bīideeno à sī píngi. <sup>14</sup> Ben Yudano kí Ezekaya gbēno zī Asiriano kínaa zaa Lakisi à bè: Ma taari kè. N̄ gumala, mégō fīa bonne lán né líme nà. Ben Asiriano kína kondogi li Ezekayane ton kuri kōn vuraō ton do. <sup>15</sup> Ben Ezekaya kondogi kè à è Dii ua kōn a be laasi guuo kpàa píngi. <sup>16</sup> Guro beee à vura gò Dii kpé gbàno kōn pò kè à kùe gbà pìno lípèeno à kpà Asiriano kínaa.

<sup>17</sup> Ben Asiriano kína a kpàasi kōn a ìbano gbēnsio kōn a zìkpe gbēnsio zī, aō bò Lakisi aō mò Yerusalemu kí Ezekaya kiia kōn zìkpeeno paripari. Kè aō kà Yerusalemu, aō mò wà zè musu kpa íkaekii sae òsiwèela zén. <sup>18</sup> Aō kína sīsī, ben kíbégwari Ilikia né Eliakimu kōn à takadakēri Sebenao kōn à yāzibaarukēri Asafa né Yoao bò wà gàa n̄ kiia. <sup>19</sup> Ben zìkpeeno gbēnsi pì bèñe: À gá o Ezekayane, Asiriano kína ìsi bé èe à laa à bè: Bón à kèse pèea lee? <sup>20</sup> À bè á zìkana gbá dō bensō á gbāa, mōde yā pā korime. Dén èe náane kee, ben à bò ma yā kpe? <sup>21</sup> À Iqipiti kína kè èe à náane kee pì gwa. À de lán kapa gò ena bàme. Gbē kè gbāa èa, è à lí a ɔɔame. <sup>22</sup> Tó a bème Dii a Ludan á náanekena, à de à táagbāgbākiino kōn à sa'okiino Ezekaya gbòro fá! Ben à bè Yerusalemudeeno kōn Yudano n̄ píngi aō mó wà donzi ke sa'okii kèa Yerusalemu. <sup>23</sup> À gōgō à dōkōzi kōn ma dii Asiriano kínao, mé à gba sō boro plaa, tó á gbēno vī kè aō dimma dé! <sup>24</sup> Zaake èe Iqipiti sōgorono kōn sōdeeno náane kee, dian ée fō à kpá baa ma dii zìkari gbēnsi kè kēsānzino dokene? <sup>25</sup> Èe daa ma dii mò lée gura kèa à kaate Dii lé saen yó? Dii bé à bène à lée bùsu kè pìà à kaate.

<sup>26</sup> Ben Eliakimu kōn Sebenao kōn Yoao bè zìkpeeno gbēnsi pìne: N̄ yā o wamowa n zòblerino kōn Siria yāo, zaake weè beee ma. N̄ton yā owe kōn Eberu yāoro, le gbē kè aō kú bīi musuno tón maro yāzi. <sup>27</sup> Ben gbēnsi pì wènlà à bè: Ma dii e ma zī mà yā pì òare kōn a diio atēero, kōn gbē kè aō vèena bīi musunome se, zaake aōé n̄ zīnda boto ble, aōé n̄ zīnda osoro mi lán a bà. <sup>28</sup> Ben gbēnsi pì fèe à pùtā kōn Eberu yāo à bè: À Asiriano kína ìsi yā ma! <sup>29</sup> Kína pì bè, àton tó Ezekaya a kekero, zaake ée fō à a bō a ɔzīro. <sup>30</sup> Ezekaya bè Dii é a bō ée a wéte kè kpá Asiriano kínaaro. Àton Ezekaya yā ma à Dii náane ke yā beee musuro. <sup>31</sup> Àton Ezekaya yā maro. Asiriano kína bè, à a yā ma à su a kpa, a baade é a zīnda geepi be kōn a zīnda kākā beeo ble, ée a zīnda orozā í mi <sup>32</sup> ai àgō mō a sée à táao bùsu kè de lán a pò bà guu. Pówee kōn geepiwē nnaao dimme, buredi kōn geepi búo kōn kù líno kōn zó'io dimme. À ze kōn wèndio. Àton ze kōn gaaoro. Ezekaya bè Dii é a bō, mōde àton weziro, àton tó à a kekero. <sup>33</sup> Boriino taa ke fō à gí Asiriano kínae kōn n̄ bùsuo le àton símmaró? <sup>34</sup> Amata kōn Apadao táano kú máme? Sefavaimu ke Ena ke Iva táano kú máme? Samaria táano fō wà gíne kōn n̄ wéteos? <sup>35</sup> Bùsu pìno kparee taa bé à fō à gíne kōn a bùsuo? Wàton be Dii é fō à gíne kōn Yerusalemuo?

<sup>36</sup> Gbēno yītēna kítikiti, aōe yā siàlaro, zaake aō kína bèñe aōton yā siàlaro. <sup>37</sup> Ben kíbégwari Ilikia né Eliakimu kōn à takadakēri Sebenao kōn Asafa né Yoa à yāzibaarukerio n̄ pókāsāno kèkè aō èara wà sù Ezekayaa aō zìkpeeno gbēnsi yā pì gbàne.

## 19

### *Ezekaya wékena Diia*

<sup>1</sup> Kè kí Ezekaya yā pì mà, à a uta gà à kè, ben à uta kāsāa dàala à gàao Dii ua. <sup>2</sup> À a begwari Eliakimu kōn a takadakēri Sebenao kōn sa'orikino zī annabi Isaya, Amozu néa kōn pōsia utano dadana. <sup>3</sup> Aō bène: Ezekaya bè yā gí gbāa, wà kpākēwazi wà wí dàdawa. Wa gō lán nōgbē kè à né kà bōna à gbāaa vī à iroo bà. <sup>4</sup> Asiriano kína a zìkpe gbēnsi zī, à mò à Luda Wèndide lalandi kè. Dii n̄ Luda yā pì mà, ée kpākēzi yā pì ona yāzin yó, wá dōro. N̄ adua ke wamowa gbē kpaaa kè wa gōono.

<sup>5</sup> Kè kí Ezekaya zìri pìnɔ gàa wà Isaya lè lɛ, <sup>6</sup> à bèńne: À gá o a diine, Dii bè àton tó vĩa à kú Asirianɔ kína ìbanɔ dɔkɛnaao yā kè à mà pì yānzìro. <sup>7</sup> À ma! Tó Asirianɔ kína baaru ke mà, Dii é tó laasuu gēn à tá a b̀sun, Dii é tó wà à de kōn fēdaao gwe.

<sup>8</sup> Kè z̀kpe gbēnsi mà Asirianɔ kína fēe Lakisi, ben à èara à gàa à à lè, èe z̀i kaa kōn Libinadeenɔ. <sup>9</sup> Kè Asirianɔ kína mà Etiopia kí Tiraka e mɔɔ z̀i káao, ben à èara à z̀irinɔ gbàre Ezekayaa kōn takadao à bè: <sup>10</sup> À o Yudanɔ kí Ezekayane, tãa kè èe à náane kee gbasa à bè é Yerusalemu name ma ɔz̀iroo, àton tó tãa pì a kekero. <sup>11</sup> Èe ma lán Asirianɔ kinanɔ kè b̀sunɔne nà à ñ dúgu z̀ò píngi-ro? Àmbe eé b̀o ado saa? <sup>12</sup> Borii kè ma dezinɔ ñ káate Gozã kōn Aranao kōn Rezeḡfio kōn Eḡeni kè kú Telasaonɔ, aḡ tãanɔ ñ b̀oɔ? <sup>13</sup> Amata kína kú máa? Apada kína kú máa? Sefavaimu ke Ena ke Iva kinanɔ kú máa?

<sup>14</sup> Ezekaya Asirianɔ takada si z̀iri pìnɔa. Kè à à kyó kè, ben à gàa Dii ua à pòro à ae <sup>15</sup> à wée kèa à bè: Dii Isarailinɔ Luda, ñ kú kerubunɔ dagura, m̀be b̀usu kè kú anduna guu píngi Luda ũ. M̀be n musu kè kōn tɔtɛo. <sup>16</sup> Ñ swā kpá ñ yā ma, Dii. Ñ wée sé ñ guu gwa, Dii. Ñ dɔkɛna kōn n Luda Wēndideo lékpāsā kè Senakeribi kè ma fá! <sup>17</sup> Yāpurame Dii, Asirianɔ kinanɔ borii pìnɔ káate ñ píngi, aḡ b̀sunɔ g̀ò bezĩ ũ. <sup>18</sup> Aḡ ñ tãanɔ kà tén aḡ ñ kpáta, zaake pò pìnɔ kú pòke lézĩro, pò kè gbēntee kè kōn lío kōn gbèonɔme. <sup>19</sup> Dii wa Luda, ñ wa b̀o à ɔz̀i, lè b̀usu kè kú anduna guu píngi g̀ò d̄ kè n Dii, m̀be Luda ũ ndo.

### *Senakeribi gana*

<sup>20</sup> Ben Amɔzu né Isaya lékpāsā kè Ezekayane à bè: Dii Isarailinɔ Luda bè a adua kè ñ kè Asiria kí Senakeribi yā musu mà, <sup>21</sup> ben à lé kènɛ à bè:

Zayɔn nɔkpare lezii e kya kaangu,

èe n lalandi kee n kpee.

Yerusalemu nɔgbē e ère kee,

èe a mì dadaa a gān.

<sup>22</sup> Dén n dɔkɛo ñ s̀s̄s̄?

Dén n pataa n n mì dànɛ íaa?

Isarailinɔ Luda kè kú adonan n beee kènɛ.

<sup>23</sup> Ñ dà n z̀irinɔne, ben aḡ Dii s̀s̄s̄,

n bè n didi kpiiinɔ musu

kōn n s̀goronɔ paripari

ai Lebanɔ b̀usu kp̄ii m̀s̄ntēa.

N sida lí gbāanɔ z̀z̄z̄,

n pini lí bítanɔ nē,

n ka à léa musu ai à líkpe sisinan.

<sup>24</sup> N l̀gɔ ỳò bori pāndenɔ b̀sun,

n à í mì,

n kèse p̀epee Igipiti swaanɔa ai ñ í bàba.

<sup>25</sup> Kè m̀ambe má d̄ie lɛ zaa zi,  
néé maroo?

Ma z̄eo à g̀i kè, ben má tò à kè.

Má tò n ñ wéte b̄ideenɔ gb̀oro b̀itimm,

à gbènɔ g̀ò kaena.

<sup>26</sup> Wétepidenɔ gbāaa kèsā,

aḡ g̀ò s̀umm, wí ñ kũ,

aḡ de lán s̀è bà, lán s̀èla b̀orɔ bà,

lán s̀è kè b̀èe kpé musu à g̀aga g̀o bà.

<sup>27</sup> Má n kúkii d̄,

má n gana kōn n sunao d̄,

má n fεenamazii d̄s.

<sup>28</sup> Zaake n fεemazi,

n wéekaka kè n̄ vī yā ḡē ma swān,

mé bà kánne n yīn,

mé aizi kánne n lén,

mé tó n̄ εara n̄ tá k̄ōn zé kè n m̄oo.

<sup>29</sup> Ezekaya, yā kèkii égō dennε sèeda ū:

É pó zà ble wēnzi,

zii d̄o é ble gwe.

Zii k̄aa sa é pó t̄s é pó kekε,

é geepi lí pépe é à beε ble.

<sup>30</sup> Yuda kpaaa kè ās ḡōn̄o

é k̄āsāa péε t̄oote gbasa ās né kpá musu.

<sup>31</sup> Zaake gbē kpaaan̄o é b̄o Yerusalemume,

gbē kè ās ḡō p̄in̄o é o tá zaa Zayōn kpiia.

Dii Z̄ikp̄ede aīa bé eé beee ke.

<sup>32</sup> Beee yānzin ma yā kè ò Asirian̄o kína musuzi:

Eé gē wéte kènlo,

eé kà zunlo,

eé a s̄engbango d̄onero,

eé ligazi à gbà lezī daziro.

<sup>33</sup> Eé εara à tá k̄ōn zé kè à m̄oo,

eé gē wéte kènlo.

Mam̄oma Dii m̄ambe má ò.

<sup>34</sup> Mé gí k̄ōn wéte kèome,

mé à mì sí ma zīnda yānzi

k̄ōn ma z̄òbleri Dauda yāo d̄o.

<sup>35</sup> Gwāavī beeean Dii Malaika b̄o à ḡà Asirian̄o b̄uran à gbēn̄o d̄ede b̄oro bakēndo asoro.

Kè ās f̄εe k̄onḡo, ben ās ḡēn̄o è kaena gu s̄ānda p̄ingia. <sup>36</sup> Ben Asiria kí Senakeribi f̄εe a b̄ura p̄in̄ à εara à tà Ninεva à ḡō gwe. <sup>37</sup> Z̄ikea kè à kuena a t̄aa Nisiroku kp̄én, ben à nén̄o Adaramel̄eki k̄ōn Sarezao à d̄e k̄ōn f̄εe daao. Ās bàa s̄i w̄à tà Ararata b̄usun, ben à né Esarad̄ō v̄ēε à gb̄n̄.

## 20

### *Ezekaya gyākēna*

<sup>1</sup> Gur̄o beeeε Ezekaya gyāa kè à kà gana, ben annabi Isaya, Am̄ozu né ḡaa à à lè à bène: Dii bè n̄ lé die n gbēn̄one, zaake néε m̄oo game, né f̄εe d̄oro. <sup>2</sup> Ben Ezekaya aε d̄ò ḡua à wéε kè Diia <sup>3</sup> à bè: Dii, n yā nna! Zaake ma d̄onzi k̄ōn yāpurao, bens̄o ma yā kè n̄ yezi kè k̄ōn n̄s̄eo do, n̄ tó à d̄ongu. Ben à wēnda s̄o d̄ò. <sup>4</sup> Le Isaya ḡō gá b̄o ua, ben Dii yā s̄ua à bè: <sup>5</sup> N̄ gá n̄ o ma gbēn̄o d̄on'aede Ezekayanε, kè mam̄oma Dii à dezi Dauda Luda, ma bè ma à aduakena mà, ma à wéε'i è. Mé à k̄ēk̄ōa, à gur̄o aaḡōdee zī eé gá ma kp̄én. <sup>6</sup> Ma à gur̄o k̄āranε w̄ē ḡero. Mé à sí Asirian̄o k̄inaa k̄ōn wéte k̄eo. Mé gí k̄ōn wéte k̄eo ma zīnda yānzi k̄ōn ma z̄òbleri Dauda yāo.

<sup>7</sup> Isaya bè w̄à k̄ākā beε ló. Kè w̄à l̄ò, w̄à d̄òko à b̄oḡīia, ben à k̄ēk̄ōa. <sup>8</sup> Ben Ezekaya Isaya là à bè: Zaake Dii bè é ma k̄ēk̄ōa mé gá a kp̄én à gur̄o aaḡōdee zī, b̄ó bé eéḡō de à sèeda ūu? <sup>9</sup> Ben Isaya w̄èala à bè: Sèeda kè Dii é kenne lé kè à gb̄enne yā musun yè. Jra kè of̄ant̄e e suuo Aaza didikiin̄o, n̄ yezi à gá ai à gb̄apeki m̄èn kurian yó, ke à εara à su kp̄εε kpa m̄èn kuriamε? <sup>10</sup> Ben Ezekaya w̄èala à bè: Jra pitana gb̄apeki m̄èn kuria zī'ūro. À tó à εara à

sɔkpa kpɛɛ kpa gbápekɪ mèn kuria. <sup>11</sup> Kè annabi Isaya Dii wéɛ kè, ben ɔra kè ɔfántɛ e suuo èara à sɔkpa gbápekɪ mèn kuri kè à pítáa yáanɔa.

### *Babilɔnu bùsu zìrinɔ mɔna Yerusalemu*

<sup>12</sup> Gurɔ beea Baladā né Merodaki Baladā, Babilɔnu kína takada kpàsā Ezekayanɛ kɔn gbaao, kè à à gyākɛna baaru mà yānzi. <sup>13</sup> Ezekaya gbāakɛɛ kpà zìri pìnɔzi à gàańyo a laasin, à a kondogi pónɔ òɔbańne kɔn vura pónɔ kɔn pɔ gū nnannaanɔ kɔn nɔsi maaao. À gàańyo a g̃kɛbɔkaekiin dɔ à a auzikinɔ òɔbańne mámmam. Pókee kú à be ke à bùsun kè à gi ɔɔbańnezɪro. <sup>14</sup> Ben annabi Isaya gàa à à lè à à là à bè: Yá kpareen gbɛ pìnɔ ɔnnɛɛ? Zaa mákpan aɔ bòn wà m̀n kiiiaa? Ben Ezekaya wèàla à bè: Aɔ bɔkii zā, Babilɔnun aɔ bòn. <sup>15</sup> Ben Isaya à là à bè: Bón aɔ è n beɛ? À wèàla à bè: Aɔ ma be pɔ píngi è. Ma auziki kee kuu kè ma gi ɔɔbańnezɪro. <sup>16</sup> Ben Isaya bène: Ñ yā kè Dii ò ma: <sup>17</sup> Gurɔ e mɔɔ, weé n be pɔ píngi kɔn auziki kè n dezinɔ tònne n kūna ai gbàanɔ sée wà táo Babilɔnu. Dii bè à ke é g̃ro. <sup>18</sup> Weé né kè né n i kenɔ sée wà táńyo, aɔé g̃ Babilɔnu kibe zikerinɔ ũ. <sup>19</sup> Ben Ezekaya bè Isayanɛ: Dii yā kè n òmɛɛ pì maa. Zaake èe daa véena aafia yākete sai ég̃ kuu ai a wèndi lémmɛ. <sup>20</sup> Ezekaya yā kpaaanɔ kɔn à nég̃gbɛkeyánɔ kú Yudanɔ kinanɔ g̃ayākenanɔ takadan. Lán à íkaekii kè nà kɔn íbaaze kè à b̀ gbèn è m̀ kɔn ío wéte guu kú gwe dɔ. <sup>21</sup> Kè à kà a dezinɔla, ben à né Manase véè à gbèn.

## 21

### *Yudanɔ kí Manase*

<sup>1</sup> Manase wè kuri awɛɛplaadee guun à kí blè, ben à véè kpatan Yerusalemu wè baaag̃ sɔɔrosai. À da tón Efɛziba. <sup>2</sup> À yā kè Dii yeziroo kè kè à zè kɔn borii kè Dii pèrɪma Isarailinɔnɔnɔ yāzaakenanɔ. <sup>3</sup> À tāagbāgbākii kè a de Ezekaya gbòronɔ kèke à b̀ kɔn Baali sa'okiinɔ. À Asera lí pèè lán Isarailinɔ kí Ahabu kè nà yā. À kùe sɔsɔnɔnɔnɔ à n gbāgbā. <sup>4</sup> À sa'okiinɔ b̀ Dii ua guu Yerusalemu, guu kè Dii bè a tó ég̃ kúa pì. <sup>5</sup> À sa'okiinɔ b̀ Dii ua mèn plaaanɔ guu sɔsɔnɔnɔnɔ píngi. <sup>6</sup> À sa'opɔ kè wè ká tén à té kū ò kɔn a nég̃gbɛo, à pɔ dàrɪma à màsonɔ kè, à yā gbɛka gèsisirinɔa kɔn weegūnnadeenɔ, à yā kè Dii yeziroo kè maamaa, ben à à pɔɔ fène. <sup>7</sup> À Asera tāa kè à kè pì diè Dii ua guu kè Dii bè Daudanɛ kɔn à né Sulemanuo a tó ég̃ kúa gurɔ píngi, zaake Isaraili wétenɔ té píngi Yerusalemun à sè. <sup>8</sup> À bè, tó Isarailinɔ yā kè á diènnɔnɔ kūna píngi, tó aɔ zè kɔn doka kè a zòbleri Musa kpàrɪmao píngi, é ɛara à n b̀e bùsu kè á kpà n dezinɔanlo, é tó aɔ likɔaa z̃ dɔro. <sup>9</sup> Baa kɔn beeeo aɔ gi à yā mazi. Manase n sāsā, ben aɔ yā zaaa kè de borii kè Dii n kaate n dezinɔnɔnɔ pɔla.

<sup>10</sup> Ben Dii yā ò a zòbleri annabinɔ gāzī à bè: <sup>11</sup> Zaake Yudanɔ kí Manase yā kè à de t̃e ũunɔ kè à yā zaaa kè de Amɔri kè aɔ kú a āanɔla, à Yudanɔ dà durunkenan tāa kè à kènɔ yā musu, <sup>12</sup> beee yānzin mamɔma Dii Isarailinɔ Luda ma bè, mé m̀nzi kpá Yerusalemuzi kɔn Yudanɔ bùsuo píngi. Gbɛ kè aɔ à baaru mànɔ é ke g̃ri. <sup>13</sup> Zaka kè má ỹo Samarianɛn mé ỹo Yerusalemunɛ se. Mé kenɛ lán má kè Ahabu beɛnɛ nà. Mé Yerusalemu wawa lán wè taa wawa wà à lé kúe nà. <sup>14</sup> Mé pā kpá ma gbɛ kpaaa pìnɔzi mà n na n ibɛɛnɔnɛ n ɔzī. Aɔé n pónɔ nakɔa wà n sée, <sup>15</sup> zaake aɔ yā kè má yeziroo kè, aɔég̃ ma pɔɔ fèɛɛ zaa gurɔ kè aɔ dezinɔ b̀ Iyipiti ai kɔn a gbāao.

<sup>16</sup> Manase taarisaidɛenɔ dède paripari ai aɔ gènɔ Yerusalemu pà zaa à léa kè ai à léa kāa, durun kè à kè à Yudanɔ dà yā kè Dii yeziroo kenan baasi. <sup>17</sup> Manase yā kpaaanɔ kɔn durun kè à kènɔ píngi kú Yudanɔ kinanɔ g̃ayākenanɔ takadan. <sup>18</sup> Kè à kà a dezinɔla, wà à ṽi a be, Uza karan, ben à né Amɔ véè à gbèn.

### *Yudanɔ kí Amɔ*

<sup>19</sup> AmƆ wɛ̃ baro awɛɛplaadee guun à kí blè, ben à vɛ̃ɛ kpatan Yerusalemu wɛ̃ plaa. À da tón Mesulɛmɛ, Aruzu né, Yɔtɔba gbɛ̃mɛ. <sup>20</sup> À yā kè Dii yeziroo kè lán à de Manase kè nà. <sup>21</sup> À a de zékpaɛ sè píngi. À dɔ̃ tãa kè a de dɔ̃nɔzi à kùɛ̃nɛ. <sup>22</sup> À Dii a dezinɔ Luda tòn, èè à zé séro. <sup>23</sup> Ben à ibanɔ lé kpàkɔsɔzi wà à dè a bɛ. <sup>24</sup> Kè Yudanɔ gbɛ̃ kè aɔ̃ lé kpàkɔsɔzi pìnɔ dèdɛ n̄ píngi, ben aɔ̃ à né Yosia kà kí ũ à gbèn. <sup>25</sup> AmƆ yā kpaaanɔ kú Yudanɔ kɔnànɔ g̃iayākenanɔ takadan kɔn yā kè à kènɔ píngi. <sup>26</sup> Kè wà à ṽi Uza karan, ben à né Yosia vɛ̃ɛ à gbèn.

## 22

### *Yudanɔ kí Yosia*

<sup>1</sup> Yosia wɛ̃ sɔraagɔdee guun à kí blè, ben à vɛ̃ɛ kpatan Yerusalemu wɛ̃ baaakuri awɛɛdo. À da tón Yedida, Adaya né, Bɔzɔka gbɛ̃mɛ. <sup>2</sup> À yā kè Dii yezi kè à a dezi Dauda zékpaɛ sè píngi, èè pānɛ ɔplazi ke ɔzeziro. <sup>3</sup> À kɔblena wɛ̃ baro plaasaidee guun à a takadakɛri Safana, Azalia né, Mesulamu dio z̃i Dii ua à bè: <sup>4</sup> N̄ gá sa'oriki Ilikia kiia n̄ onɛ à ɔ̃ kè wà m̀o Dii ua kè zédákparinɔ s̄i n̄ ɔz̄i naro <sup>5</sup> à na gbɛ̃ kè wà n̄ díe Dii ua z̄ikerinɔ gbɛ̃nsi ũunɔnɛ n̄ ɔz̄i, aɔ̃ f̄ia boo gbɛ̃ kè aɔ̃ɛ kpé p̄i guu kè yàkanɔ kekɛɛnɔnɛ, <sup>6</sup> lí'arinɔ kɔn kpéborinɔ kɔn gbè'arinɔ. Wà lí lúo dɔ̃ kɔn gbè ananɔ wà kpé p̄i kekɛo. <sup>7</sup> Wàton gbeka lán aɔ̃ ɔ̃ kè wà nānɛ n̄ ɔz̄i p̄i blè nàro, zaake gbɛ̃ nānɛdeenɔmɛ.

<sup>8</sup> Sa'oriki Ilikia bè takadakɛri Safananɛ a bɔ Musa doka takadaa Dii ua, ben à kpàa. Kè à à kyó kè, <sup>9</sup> ben à gàa kina kiia à à yā gbānɛ à bè: N̄ ibanɔ ɔ̃ kè kú Dii ua b̀ɛ wà nà ua z̄ikerinɔ gbɛ̃nsinɔnɛ n̄ ɔz̄i. <sup>10</sup> À èara à bènɛ sa'ori Ilikia takada kpàawa, ben à à kyó kè kɔnɛ. <sup>11</sup> Kè kina Musa doka takada p̄i yā mà, ben à a utadaa gà à kè. <sup>12</sup> Ben à bè sa'ori Ilikianɛ kɔn Safana né Aikamuo kɔn Mikaya né Akaboo kɔn takadakɛri Safanao kɔn a iba Asayao à bè: <sup>13</sup> À gá gbekamɛ Diia Yudanɔnɛ n̄ píngi takada kè wà b̀a kè yā musu. Dii pɔ̃ f̄ɛwazi à kè bíta, zaake wa dezinɔ e wa yā kè kú takada kè guu ma wà z̄i kèaro. <sup>14</sup> Ben sa'ori Ilikia kɔn Aikamuo kɔn Akaboo kɔn Safanao kɔn Asayao gàa wà yā p̄i ò nɔgbɛ̃ annabi Uludanɛ. Nɔgbɛ̃ p̄i kú Yerusalemu fáandi plaadee guumɛ, à z̄a tón Salumu, Tikiva né, Arasa diomɛ. Arasan Dii ua utakaeki dákpari ũ. <sup>15</sup> Dii Isarailinɔ Luda yā sù nɔgbɛ̃ p̄ia à bè: À gá à o gbɛ̃ kè à a z̄i maanɛ, <sup>16</sup> mamɔma Dii ma bè mé m̀nzi kpá gu kèkiizi kɔn gbɛ̃ kè aɔ̃ kúnno lán à kú takada kè Yudanɔ kina à kyó kè p̄i guu nà. <sup>17</sup> Mé pɔ̃f̄ɛ pita gu kèkiia, ma pɔ̃f̄ɛ p̄i é kpáero, zaake aɔ̃ ma ton aɔ̃ tuaetiti kpàta tãanɔa aɔ̃ ma pɔ̃ɔ f̄ɛmɛ tãa kè aɔ̃ kè pìnɔ yānzi. <sup>18</sup> À o Yudanɔ kina kè à a z̄i à gbekamaanɛ, yā kè à mà p̄i musu, mamɔma Dii Isarailinɔ Luda ma bè <sup>19</sup> yā kè má ò guu kèkiia kɔn gbɛ̃ kè aɔ̃ kúnno, ma bè eé g̃ɔ bez̄i ũ kana pó ũmɛ, zaake à swè kpà yā p̄ia à a z̄inda b̀usa à a utadaa gà à kè à ɔ̃ d̀, beee yānzin ma à yā màzi. Mamɔma Dii māmbe má ò. <sup>20</sup> Beee yānzin mé tó à ga, weé à ṽi ȳiȳi. Eé wɛ̃ɛ si m̀nzi kè mé kpá guu kèzilero. Ben z̄iri pìnɔ èara wà tà kina kiia kɔn yā p̄io.

## 23

### *Yosia zena kɔn Dii bà kuuna kɔn Isarailinɔ yānɔ*

<sup>1</sup> Kina Yerusalemu gbɛ̃nsinɔ kɔn Yuda gbɛ̃nsinɔ s̄isi, ben aɔ̃ kàkɔazi n̄ píngi. <sup>2</sup> À gàaño Dii ua kɔn sa'orinɔ kɔn annabinɔ kɔn Yerusalemudeenɔ kɔn Yudanɔ n̄ píngi, né fète gbɛ̃nsi, ben à tò wà Dii bà kuunaño takada kè wà è à ua p̄i kyó kè n̄ wáa píngi. <sup>3</sup> Kina zena kpé wesagba saɛ, ben à èara à zè kɔn Dii bà kuunaño yānɔ. À bè á té Diizi, égɔ à yādiananɔ kɔn à yādannenanɔ k̄una, égɔ à ɔdɔkii gwaa kɔn ǹsɛo do kɔn a pɔyezinao píngi, lán à kú takada p̄i guu nà. Ben baade píngi zè kɔn Dii bà kuunaño yāo dɔ.

<sup>4</sup> Kina bè sa'oriki Ilikianɛ kɔn à kpàasio kɔn Dii ua zédákparinɔ aɔ̃ pó kè wà kè Baalinɛ kɔn Aserao kɔn sɔsɔnɛnɔ s̄ɛɛ wà b̀o Dii ua guu. Ben à gàa à té s̄s̄a Yerusalemu b̄i kpɛɛ

Kidironu guzure búgben, ben wà à túbu sèe wà tàò Beteli. <sup>5</sup> Ben kína pè tãa sa'orinɔa kè Yudanɔ kinanɔ n díe aɔ saa o Yuda wéte táagbāgbākiiɔa kɔn pɔ kè līga Yerusalemuzinɔ n píngi kɔn sa'ori kè aɔ saa ò Baalianɔ kɔn ɔfántɛo kɔn mɔvurao kɔn sɔsɔne tódeenɔ kɔn sɔsɔne kpaaanɔ píngi. <sup>6</sup> À Asera lípee sè à bòò Dii ua à gàa à té s̄s̄a Yerusalemu b̄i kpee zaa Kidironu guzuren, ben à à tí bò à fàke talakanɔ miranɔa. <sup>7</sup> À gōgbē kaaruanɔ kpé kè kú Dii ua guunɔ gbòro dɔ. Kpé pìnɔ guun nɔgbēnɔ è Asera kuta bisanɔ tãn. <sup>8</sup> À tò sa'ori kè aɔ kú Yuda wétennɔ sù Yerusalemu, ben à táagbāgbākii kè wà bò kè sa'orinɔ saa òanɔ gbāsī lè sena zaa Gɛba ai Beseba. À táagbāgbākii kè kú wéte dɔn'aede Yɔsua gānulea wéte pì b̄iile ɔzezinɔ gbòro. <sup>9</sup> Baa kè táagbāgbākii sa'ori pìnɔ è saa ò Diia Yerusalemuro, aɔè bureɔdi sése'ēzēsai só kɔn n sa'ori daanɔ. <sup>10</sup> À tò sa'okii kè kú Tofeti, Beninɔmu guzuren gbāsī lè, le gbēke tón sa'opɔ kè wè ká tén à té kú o Mɔlekia kɔn a négōgbē ke a nénɔgbēo dɔro. <sup>11</sup> À s̄s̄ kè Yudanɔ kinanɔ kyakè ɔfántɛ pɔ ũunɔ Dii kpé kpeelea gò, ben à s̄s̄ pìnɔ góronɔ kpàta. S̄s̄ pìnɔ kú gbāade Natāmɛleki kpé sae. <sup>12</sup> À sa'okii kè Yudanɔ kinanɔ bò Aaza kpé musuanɔ gbòro kɔn kè Manase bò Dii ua mèn plaaa guunɔ. À wìwi dúgudugu, ben à à bùru sèe à kwèe Kidironu guzuren. <sup>13</sup> Isarailinɔ kí Sulemanu táagbāgbākiiɔa bò yā Sidódeenɔ tãa Asatorene kɔn Mɔabunɔ tãa Kemɔsio kɔn Amɔninɔ tãa Mɔlekio Yerusalemu ɔfántɛbɔe kpa zaa Kùkpe s̄s̄igeezi sɔmɛte kpa, ben Yosia tò táagbāgbākii pìnɔ gbāsī lè. <sup>14</sup> À à gbèpeenɔ wìwi à à lípeenɔ z̄z̄z̄, ben à gbēntee gèwanɔ fàakɔa guu pìnɔla.

<sup>15</sup> Baa táagbāgbākii kè Nebati né Yeroboamu bò Beteli kɔn à sa'okiio à Isarailinɔ dào durunkenan pì, Yosia gbāgbākii pì kɔn a sa'okiio gbòro. À gbāgbākii pì gbènɔ wìwi à à tí bò à té s̄s̄ Asera lípeea dɔ. <sup>16</sup> Kè à wée zù, à miranɔ è s̄s̄ia gwe, ben à gèwanɔ bèn à kpàta sa'okii pì à tò à gbāsī lè, lán Dii ḡiake à ò nà Luda gbē gāzī. <sup>17</sup> Ben kína bè: Dé miran wà sèeda kèa kãaa? Ben wétepiddeenɔ bè: Luda gbē kè bò Yudanɔ bùsumme. Àmbe à ḡiake à yā kè n kè Beteli sa'okii kèkiine pì ò. <sup>18</sup> Ben kína bè: À à tó gwe. Gbēke tón à wá sé à s̄s̄ki kpáoro. Ben wà à wánɔ tò gwe kɔn annabi kè bò Samaria pɔo. <sup>19</sup> Táagbāgbākii kpé kè Isarailinɔ kinanɔ bò Samaria bùsu wétenɔ guu aɔ Dii pɔo f̄eonenɔn Yosia wìwi píngi lán à kè Beteli pónè nà. <sup>20</sup> Ben à gbāgbākii pìnɔ sa'orinɔ kòto kpàkpa sa'okii kè aɔè saa oanɔa n píngi à gbēntee gèwanɔ kpàtaa, ben à èara à tà Yerusalemu.

<sup>21</sup> Kína bè baade píngine: À Banla z̄iɔbaa ke Dii a Ludanɛ lán à kú Dii bà kuunawao takada kè guu nà. <sup>22</sup> Zaa gurɔ kè yāgōgōrinɔ dɔ Isarailinɔne aɛ kɔn gurɔ kè Isarailinɔ kinanɔ kɔn Yudanɔ kinanɔ e kí bleo píngi, wèe Banla z̄iɔbaa pì ke à kà lero. <sup>23</sup> Kí Yosia kíblena wè baro plaasaidee guun wà Banla z̄iɔbaa pì kè Yerusalemu. <sup>24</sup> Beee gbera à yāa kɔn gèsisirinɔ kɔn weegūnnadeenɔ kɔn kpé guu tãanɔ kɔn ua tãanɔ kɔn t̄e pɔ kè wà è Yerusalemu kɔn Yudanɔ bùsuonɔ píngi, le à z̄i ke dokayā kè kú takada kè sa'oriki Ilikia b̄oà Dii ua pìnɔa. <sup>25</sup> Kína kè aɔ kú à āanɔ kɔn kína kè aɔ kú à gberaanɔ té, aɔ gbēkee e aɛ dɔ Diia kɔn n̄s̄eo do kɔn pɔnnaao píngi lán à bàro. À Musa doka kūna píngi a gbāa lén. <sup>26</sup> Baa kɔn beeeo Dii pɔf̄ena Yudanɔzi kɔn p̄t̄e p̄s̄io yā zaa kè Manase kè yānz̄i e kpáero. <sup>27</sup> Dii bè: Mé pé Yudanɔa mà n gomala lán ma p̄e Isarailinɔa ma n gomala nà. Mé gí Yerusalemu kè má s̄ezi kɔn kpé kè ma bè ma tó égō kúao. <sup>28</sup> Yosia yā kpaaanɔ kú Yudanɔ kinanɔ ḡiayākenanɔ takadan kɔn yā kè à kènɔ píngi.

<sup>29</sup> Kí Yosia gurɔa kè Igitipi kí Fero Neko e gaa Asirianɔ kína le Yuflat̄i, ben Yosia gāa z̄i káo Megido. Kè aɔ k̄ lè, ben Neko à d̄e. <sup>30</sup> À ibanɔ à gè sè wà dà s̄goro guu, aɔ s̄uò Yerusalemu wà v̄i. Ben Yudanɔ à né Yoaza kà kí ũ à gbèn.

### *Yudanɔ kí Yoaza*

<sup>31</sup> Yoaza wè baro awɛɛ'aagōdee guun à kí blè, ben à v̄e kpatan Yerusalemu m̄o aagō. À da tón Amutali, Yɛɛmaya né, Libina gb̄m̄e. <sup>32</sup> À yā kè Dii yeziroo kè lán à dezinɔ kè nà.

<sup>33</sup> Ben Fero Neko mò kàa Ribla, Amata bùsun, le àtongɔ de kí ũ Yerusalemuro yānzi, ben à bè Yudanɔ fīa boare kondogi tɔn aagɔ kɔn a kusuo kɔn vuraɔ kiloo baaakuri asɔro. <sup>34</sup> Ben à Yosia né Eliakimu diɛ kí ũ a de gɛɛ ũ, ben à à tɔ liɛɛ Yoyakimu. Ben à Yoaza sè à tàò Iyipiti, gwen à gàn. <sup>35</sup> Yoyakimu kondogi kɔn vura kè Fero Neko gbèkaa sì a bùsudeenɔa baade gbāa lén, ben à kpàa.

### *Yudanɔ kí Yoyakimu*

<sup>36</sup> Yoyakimu wè baaasɔrodee guun à kí blè, ben à vèɛ kpatan Yerusalemu wè kuri awɛɛdo. À da tɔn Zebida, Pedaya né, Ruma gbɛmɛ. <sup>37</sup> À yā kè Dii yeziroo kè lán a dezinɔ kè nà.

## 24

<sup>1</sup> Yoyakimu kíblegurɔɔan Babilɔnu kí Nebukanɛza mò à lèɛ Yudanɔ bùsua, ben Yoyakimu gè à zòbleri ũ ai wè aagɔ. Beee gbera Yoyakimu nòsɛ liɛ, ben à bò à kpɛɛ. <sup>2</sup> Dii Babilɔnia gbāamɔnnɛrinɔ gbàɛa kɔn Sirianɔ kɔn Mɔabunɔ kɔn Amɔninɔ. À n gbáɛ wà Yudanɔ bùsu kaatɛ lán à ò a zòbleri annabinɔ gāzī nà. <sup>3</sup> Yā pì Yudanɔ lè kè Dii bé à ò yānzi, le à pémma à n goala durun kè Manase kènɔ yānzi kɔn yā kè à kènɔ píngi <sup>4</sup> kɔn taarisaidee kè à n dedɛnɔ yāo. Manase tò Yerusalemu pà kɔn taarisaidee kè à n dedɛnɔ aruo. Beee yānzi Dii e we à sùu kèoro. <sup>5</sup> Yoyakimu yā kpaaanɔ kú Yudanɔ kɔnanɔ gāyākenanɔ takadan kɔn yā kè à kènɔ píngi. <sup>6</sup> Kè à kà a dezinɔla, ben à né Yoyakini vèɛ à gbèn. <sup>7</sup> Iyipiti kína e eara à bò a bùsun dɔro, zaake Babilɔnu kína bùsu kè de Iyipiti pɔ ũ yā sia píngi zaa Iyipiti gulezeki swaazi ai gana Yuflatizi.

### *Yudanɔ kí Yoyakini*

<sup>8</sup> Yoyakini wè baro plaasaidee guun à kí blè, ben à vèɛ kpatan Yerusalemu mɔ aagɔ. À da tɔn Neusuta, Elenatā né, Yerusalemu gbɛmɛ. <sup>9</sup> À yā kè Dii yeziroo kè lán a dee kè nà. <sup>10</sup> Gurɔ beean Babilɔnu kí Nebukanɛza zìkpɛɛnɔ mò Yerusalemu aɔ à kagura kè. <sup>11</sup> Ben Nebukanɛza mò gwe gurɔ kè à zìkpɛɛ pìnɔ ligazi. <sup>12</sup> Ben Yudanɔ kí Yoyakini bò à gāa à a zīnda kpàa, àpi kɔn a dao kɔn a ibanɔ kɔn a asakpaanɔ kɔn a kpàasinɔ. Babilɔnu kína Yoyakini kù a kíblena wè sɔraagɔdee guu. <sup>13</sup> Ben à Dii ua auzikinɔ nākɔa à bò gwe kɔn kibe auzikinɔ píngi. À vura pɔ kè Isarailinɔ kí Sulemanu kè Dii kpé pɔ ũunɔ zòzòkɔɛ píngi lán Dii gīake à ò nà. <sup>14</sup> À Yerusalemu gbɛnsinɔ kɔn zìkpɛɛnɔ kùkù à tànyo zìzɔnɔ ũ n píngi. Aɔ kà gɔɔn bɔɔɔ kuri. À tà kɔn lí'arinɔ kɔn sianɔ dɔ. Gbɛkee e gɔro, séde talakanɔ. <sup>15</sup> Len à Yoyakini kù Yerusalemu le kɔn à dao kɔn à nɔɔnɔ kɔn à kpàasinɔ kɔn bùsu gbɛnsinɔ à tànyo Babilɔnu zìzɔnɔ ũ. <sup>16</sup> À tà Babilɔnu kɔn gɔ gbāaanɔ gɔɔn bɔɔɔ swɛɛplaa kɔn ɔzikerinɔ kɔn sianɔ gɔɔn wàa sɔro. Aɔ píngi zìkari gbāaanɔmɛ. <sup>17</sup> À Yoyakini desɛ Matania diɛ kí ũ à gbèn, ben à à tɔ liɛɛ Zedekia.

### *Yudanɔ kí Zedekia*

<sup>18</sup> Zedekia wè baro awɛɛdodee guun à kí blè, ben à vèɛ kpatan Yerusalemu wè kuri awɛɛdo. À da tɔn Amutali, Yeremaya né, Libina gbɛmɛ. <sup>19</sup> À yā kè Dii yeziroo kè lán Yoyakimu kè nà. <sup>20</sup> Dii pɔfɛ bé à tò yā pì Yerusalemu kɔn Yudanɔ bùsuo lè píngi ai à gāa pémma à n goala. Ben Zedekia bò Babilɔnu kína kpɛɛ.

## 25

### *Yerusalemu kaatɛna*

<sup>1</sup> Zedekia kíblena wè kèndodee guu, à mɔ kuri gurɔ kurideen Babilɔnu kí Nebukanɛza mò lée Yerusalemua, àpi kɔn a zìkpɛɛnɔ n píngi. Aɔ bùra kàɛ à bīi saɛ, ben aɔ gbà lezīnɔ dɔ wà ligazi. <sup>2</sup> Aɔ wéte pì kagura kè le ai kí Zedekia kíblena wè kuri awɛɛdodee guu. <sup>3</sup> À mɔ

siigɔ gurɔ kɛndodeen noaa gbāaa kpà wéte pìn, gbēke pòblee vī doro. <sup>4</sup> Kè wà bīi fɔ̄, baa kè Babilonianɔ ligana wéte pizi, ben Yuda zìkpɛɛno bàa sì ń píngi, aɔ̀ b̀e kɔn ḱibe karao aɔ̀ b̀e wéte gēkiia gwāavī, ben aɔ̀ p̀e Yoda sèn. <sup>5</sup> Ben Babilonia zìkpɛɛno p̀e kína pizi aɔ̀ à lè sèn Yeriko kpa. Kè Zedekia zìkpɛɛno lèkɔa wà à tòn, <sup>6</sup> ben wà à kù wà tào Babilonu ḱinane zaa Ribla, ben wà yā dàala. <sup>7</sup> Wà à nénɔ̀ dède à wáa, ben wà à wéɛ̀ b̀òb̀ò wà m̀ogotē gata kpàne wà tào Babilonu.

<sup>8</sup> Babilonu kína ḱiblena wè̀ baro dosaidee guu, à m̀o sɔ̀oro gurɔ swɛɛplaadee zī à ìba Nebuzaradā̀ m̀ò Yerusalemu. Àmbe Nebukanɛza dogarino gbēnsi ũ. <sup>9</sup> À t́e s̀ò Dii uaa kɔn ḱibeɛo kɔn Yerusalemu kpénɔ̀ píngi. Kpé kè de kpé bíta ũ píngi dé, à t́e s̀òamɛ. <sup>10</sup> Ben à t̀ò Babilonia zìkpɛɛno ń píngi Yerusalemu bīi gb̀oro. <sup>11</sup> À gbē kè aɔ̀ g̀ò wéte p̀i guuno s̀e à tányo Babilonu kɔn gbē kè aɔ̀ g̀aa wà nà Babilonu kínaano kɔn gbē kpaaano. <sup>12</sup> Talakanɔ̀n à t̀on le aɔ̀g̀ò geepi búno kɔn búgbeno s̀e waa.

<sup>13</sup> Babilonianɔ Dii ua m̀ogotē wesagbano kɔn tadibono kɔn íkaki bítao wíwi aɔ̀ tào Babilonu. <sup>14</sup> Aɔ̀ túbukabono kɔn a s̀eɛbono kɔn fitiadebono kɔn g̀ombono kɔn m̀ogotē p̀o p̀ande kè wè Dii zīi keono nàkɔa wà tào do. <sup>15</sup> Ben dogarino gbēnsi p̀i takasono kɔn arusibono kɔn p̀o kè wà p̀i kɔn vuraò ke kɔn kondogiono s̀e píngi. <sup>16</sup> Wesagba mèn plaa kɔn íkakii p̀io kɔn tadibo kè Sulemanu p̀i Dii ua p̀o ũno, wè fɔ̄ wà à m̀ogotē ỳò kilooaro, à tiisi kè bíta. <sup>17</sup> Wesagba p̀ino lezī kà g̀as̄asuu baro plaplaasai, bens̄o à m̀ifura kè kú musuno lezī kà g̀as̄asuu sɔ̀oro. M̀okyakotāna kɔn z̄zi kè wà kè lán biisio beɛ̀ b̀ano ligana m̀ifura p̀inozi píngi. Wesagba mèn plaaa p̀ino s̀enkɛmɛ.

<sup>18</sup> Dogari gbēnsi p̀i sa'oriki Seraya kù kɔn à plaade Zefanayao kɔn zédākpari g̀ono aag̀ono. <sup>19</sup> À gbēnsi kè de z̀ikpe don'aɛdee ũu kù wéte guu kɔn kína ìba g̀ono sɔ̀oro kè à b̀òr̀ma wéte guuno do kɔn z̀ikpe gbēnsi takadakēri kè è gbēno t̀o da sozan-o kɔn à gbēno g̀ono baaag̀o kè wà b̀òr̀ma wéte guuno. <sup>20</sup> Nebuzaradā̀ ń s̀e à tányo Babilonu ḱinane zaa Ribla, <sup>21</sup> ben Babilonu kína ń dède Ribla gwe Amata b̀usun. Len wà Yudanɔ̀ s̀e ń b̀usun wà tányo le.

### *Gedalia diena Yudanɔ̀ b̀usu gbēnsi ũ*

<sup>22</sup> Babilonu kí Nebukanɛza Aikamu né Gedalia, Safana dio diɛ gbē kè aɔ̀ g̀ò Yudanɔ̀ b̀usunno gbēnsi ũ. <sup>23</sup> Kè z̀ikpe don'aɛdeenɔ̀ kɔn ń gbēno m̀à Babilonu kína Gedalia diɛ gbēnsi ũ, ben aɔ̀ m̀ò à kiia Mizipa. Netania né Sumaila kú ń t́e kɔn Karea né Yoananao kɔn Tanumɛ né Seraya, Netofa gbēo kɔn Maaka gbē né Yazaniao kɔn ń gbēno. <sup>24</sup> Ben Gedalia la dànnɛ kɔn ń gbē p̀ino à bè: Àton vīa ke Babilonia gbāadeenɔ̀nero. À v̀e wa b̀usun kè à z̀ò ble Babilonu ḱinane, ég̀o aafia. <sup>25</sup> M̀ode à m̀o swɛɛplaadee guun Netania né Sumaila, Elisama dio kè de ḱine ũu m̀ò kɔn g̀ono kurino à Gedalia dè kɔn Yuda kè aɔ̀ kúo Mizipano kɔn Babilonia kè aɔ̀ kúo gweeno. <sup>26</sup> Ben Yudanɔ̀ f̀e, né féte gbēnsi ń píngi kɔn z̀ikpe don'aɛdee p̀ino, aɔ̀ bàa sì wà t̀à Igipiti, kè aɔ̀e vīa keɛ Babilonianɔne yānzi.

### *Yoyakini gbarɛna*

<sup>27</sup> Yudanɔ̀ kí Yoyakini tana Babilonu wè̀ baaakuri awɛɛswɛɛplaade, à m̀o kuri awɛɛplaa gurɔ baaasoro awɛɛplaadeen Babilonu kí Èvili Merodaki à b̀ò kpésiaan a ḱiblena wè̀ káaku guu. <sup>28</sup> À yā maaa òne, ben à v̀ekii kpàa kè de à kína daa kè aɔ̀ kúo Babilunono p̀ola. <sup>29</sup> Ben Yoyakini a kpésia uta b̀ò à kàe, èg̀o p̀o blee kɔn kínao ledò ai a wèndi lén. <sup>30</sup> Lán guu e doo nà kína èg̀o p̀oble kè à yezi kpaa ai à g̀aa à g̀aa.



## EZERA

### *Sirusu Isarailinɔ gbarɛna*

<sup>1</sup> Pesianɔ kí Sirusu kíblena wɛ̀ káaku guu Dii té kàn lɛ yã kè à dà Yeremayanɛ à ò e à kɛ yãnzì. Ben Sirusu kpàakpa kè a bùsun píngi, gbasà à kè takadan à bè: <sup>2</sup> Yã kè mamɔma Sirusu, Pesianɔ kína má òn yè. Dii Luda Musudee tò anduna kpata píngi gò ma pò ù, ben à ma diɛ mà kpé boare Yerusalemu, Yudanɔ bùsun. <sup>3</sup> Gbɛ̀ kè dɛ̀ à gbɛ̀ ù a té, Luda gɔ́ kúo à tá Yerusalemu, Yudanɔ bùsun, à kpé bo Dii Isarailinɔ Luda kè dɛ̀ Dii ù Yerusalemunɛ gwe. <sup>4</sup> Aɔ́ gbɛ̀ kè aɔ́ gò pìnɔ gbɛ̀daaanɔ dɔ́n lɛ̀ kɔ́n kondogio kɔ́n vuraɔ kɔ́n auzikinɔ kɔ́n pókádeenɔ kɔ́n Luda kpé kè aɔ́e gaa bo Yerusalemu gbaanɔ.

<sup>5</sup> Ben Yudanɔ kɔ́n Beyāminɔ uabedeenɔ kɔ́n sa'orinɔ kɔ́n Levinɔ kɔ́n gbɛ̀ kè Luda té kàngunɔ fɛ̀e aɔ́e gaa Dii kpé bo Yerusalemu. <sup>6</sup> Aɔ́ gbɛ̀daaanɔ ɔ̀ dàrɔ́ma aɔ́ n̄ gbá kondogi pónɔ kɔ́n vura pónɔ kɔ́n auzikinɔ kɔ́n pókádeenɔ kɔ́n pò ɔ́deenɔ kɔ́n Dii kpé gbaanɔ píngi. <sup>7</sup> Ben Pesianɔ kí Sirusu bò kɔ́n Dii kpé pò kè Nebukanɛza sèe yã zaa Yerusalemu à kàe a tãa kpé guunɔ. <sup>8</sup> À bè a ɔ́'uteri Mitiredanɛ̀ à pò pìnɔ nara à kpá Yudanɔ kí Sesebazaa, ben à kè lɛ̀. <sup>9</sup> Pò pìnɔ pari lén yè:

Vura taa baaakuri,  
kondogi taa bɔ́rɔ̀ do,  
tapɛ̀enti baaakuri dosai,  
<sup>10</sup> vura togoo baaakuri,  
kondogi togoo wàa plaa kɔ́n kurio,  
ta bori pāndenɔ bɔ́rɔ̀ do.

<sup>11</sup> Vura kɔ́n kondogi taanɔ fɛ̀e píngi mèn bɔ́rɔ̀ ɔ́ɔ́ro kpé wàa plaa. Kè zìzò pìnɔ b̀e Babilonu aɔ́ sù Yerusalemu, ben Sesebaza mò kɔ́n pò pìnɔ píngi.

## 2

### *Zìzò kè aɔ́ sùnɔ*

<sup>1</sup> Babilonu kí Nebukanɛza Isarailinɔ kùkù zìzò ɔ́ ù yã à tànyo Babilonu, ben aɔ́ gbɛ̀kenɔ b̀ zìzòkɛ̀e pìn aɔ́ sù Yerusalemu, Yudanɔ bùsun sa, ben n̄ baade tà a wéte. <sup>2</sup> Aɔ́ dɔ́n'aɛdeenɔn yè: Zerubabeli, Yesua, Nɛemaya, Seraya, Relaya, Mɔdekai, Bilisã, Misipa, Bigivai, Reumu kɔ́n Baanao. Isaraili gògbɛ̀ kè aɔ́ sùnɔ pari lén yè.

<sup>3</sup> Parosu boriinɔ gɔ́ɔ́n bɔ́rɔ̀ plaa kɔ́n mèn basɔ́raagɔ́ akuri awɛɛplaa.

<sup>4</sup> Sefatia boriinɔ gɔ́ɔ́n wàa do kɔ́n mèn basɔ́raagɔ́ akuri awɛɛplaa.

<sup>5</sup> Ara boriinɔ gɔ́ɔ́n wàa aagɔ́ kɔ́n mèn bakèndo ɔ́ɔ́rosaio.

<sup>6</sup> Pamɔabu borii kè aɔ́ dɛ̀ Yesua kɔ́n Yoabuo boriinɔ ùunɔ gɔ́ɔ́n wàa gɛ̀ro dosai kɔ́n kuri awɛɛplaa.

<sup>7</sup> Elamu boriinɔ gɔ́ɔ́n wàa swɛ̀do kɔ́n mèn baplaa akuri awɛɛsiigɔ́.

<sup>8</sup> Zatu boriinɔ gɔ́ɔ́n wàa siigɔ́ kɔ́n mèn baswɛɛplaa aɔ́ɔ́roo.

<sup>9</sup> Zakai boriinɔ gɔ́ɔ́n wàa aagɔ́ kɔ́n mèn basɔ́raagɔ́.

<sup>10</sup> Bani boriinɔ gɔ́ɔ́n wàa aagɔ́ kɔ́n mèn baplaa awɛɛplaa.

<sup>11</sup> Bebai boriinɔ gɔ́ɔ́n wàa aagɔ́ kɔ́n mèn baro awɛɛ'aagɔ́.

<sup>12</sup> Azagada boriinɔ gɔ́ɔ́n wàa swɛ̀do kɔ́n mèn baro awɛɛplaa.

<sup>13</sup> Adonikamu boriinɔ gɔ́ɔ́n wàa aagɔ́ kɔ́n mèn baaagɔ́ awɛɛswɛ̀do.

<sup>14</sup> Bigivai boriinɔ gɔ́ɔ́n bɔ́rɔ̀ plaa kɔ́n mèn baplaa akuri awɛɛswɛ̀do.

<sup>15</sup> Adini boriinɔ gɔ́ɔ́n wàa plaa kɔ́n mèn baplaa akuri awɛɛsiigɔ́.

<sup>16</sup> Ata boriinɔ gɔ́ɔ́n basɔ́ro plaasai.

<sup>17</sup> Bezai boriinɔ gɔ́ɔ́n wàa do kɔ́n mèn baswɛ̀do awɛɛ'aagɔ́.

- 18 Yora boriinɔ ɡɔɔn basɔɔro akuri awɛɛplaa.  
 19 Asumu boriinɔ ɡɔɔn wàa do kɔn mèn baro awɛɛ'aagɔɔ.  
 20 Giba boriinɔ ɡɔɔn basɔɔro ɔɔrosai.  
 21 Betɛlemudeenɔ ɡɔɔn baswɛɛdo awɛɛ'aagɔɔ.  
 22 Nɛtofadeenɔ ɡɔɔn baplaa akuri awɛɛswɛɛdo.  
 23 Anatodeenɔ ɡɔɔn baswɛɛdo akuri plaasai.  
 24 Azamavɛdeenɔ ɡɔɔn baplaa awɛɛplaa.  
 25 Kiriayarimudeenɔ kɔn Kɛfiradeenɔ kɔn Berodeenɔ ɡɔɔn wàa aagɔ kɔn mèn baswɛɛplaa awɛɛ'aagɔɔ.  
 26 Ramadeenɔ kɔn Gɛbadeenɔ ɡɔɔn wàa aagɔ kɔn mèn baro awɛɛdoo.  
 27 Mikimasadeenɔ ɡɔɔn baswɛɛdo awɛɛplaa.  
 28 Betɛlideenɔ kɔn Aideenɔ ɡɔɔn wàa do kɔn mèn baro awɛɛ'aagɔɔ.  
 29 Nɛbodeenɔ ɡɔɔn baplaa akuri awɛɛplaa.  
 30 Magbɛsideenɔ ɡɔɔn baswɛɛplaa akuri awɛɛswɛɛdo.  
 31 Elamu pànde boriinɔ ɡɔɔn wàa swɛɛdo kɔn mèn baplaa akuri awɛɛsiigɔɔ.  
 32 Arimu boriinɔ ɡɔɔn wàa do kɔn mèn baswɛɛdoo.  
 33 Lodudeenɔ kɔn Adidideenɔ kɔn Onɔdeenɔ ɡɔɔn wàa aagɔ kɔn mèn baswɛɛdo asɔɔroo.  
 34 Yɛrikodeenɔ ɡɔɔn wàa do kɔn mèn baswɛɛplaa asɔɔroo.  
 35 Senadeenɔ ɡɔɔn wàa baro plaasai kɔn mèn baaakurio.  
 36 Sa'ori borii kè aɔ sùnɔn yè:  
 Yesua bori Yedaya boriinɔ ɡɔɔn wàa siigɔ kɔn mèn basɔraagɔ akuri awɛɛ'aagɔɔ.  
 37 Ima boriinɔ ɡɔɔn bɔɔɔ do kɔn mèn baplaa akuri awɛɛplaa.  
 38 Pasu boriinɔ ɡɔɔn wàa swɛɛdo kɔn mèn baplaa awɛɛswɛɛplaa.  
 39 Arimu boriinɔ ɡɔɔn bɔɔɔ do kɔn mèn ɡɛro awɛɛplaa.  
 40 Levi kè aɔ sùnɔn yè:  
 Odavia bori Yesua kɔn Kadamiɛlio boriinɔ ɡɔɔn baaagɔ akuri awɛɛsiigɔɔ.  
 41 Asafa bori lèsirinɔ ɡɔɔn baswɛɛdo akuri plaasai.  
 42 Zédákpari kè aɔ de Salumu kɔn Atao kɔn Talamɔo kɔn Akubuo kɔn Atitao kɔn Sobaio borii ũunɔ ɡɔɔn baswɛɛplaa dosai.  
 43 Gbɛ kènɔ boriinɔ bé Luda ua zíkɛrinɔ ũ:  
 Zia, Asufa, Tabao,  
 44 Kerosu, Sia, Padɔ,  
 45 Lebana, Agabu, Akubu,  
 46 Agabu, Salamai, Anana,  
 47 Gidɛli, Gaa, Raya,  
 48 Rezĩ, Nɛkoda, Gazamu,  
 49 Uza, Pasea, Besai,  
 50 Asana, Mɛunimu, Nɛfusimu,  
 51 Bakabuku, Akufa, Aru,  
 52 Bazalu, Mɛida, Asa,  
 53 Bakosi, Sisera, Tema,  
 54 Nɛzia kɔn Atifao.  
 55 Sulemanu zɔɔbleri kènɔ boriinɔ bé wà bɔ zĩzɔkɛɛn wà sù:  
 Sotai, Asofɛɛ, Peruda,  
 56 Yaala, Dakɔ, Gidɛli,  
 57 Sefatia, Atili, Pɔkɛɛ Azebaimu kɔn Amio.  
 58 Luda ua zíkɛri pìnɔ kɔn Sulemanu zɔɔbleri borii pìnɔ kà ɡɔɔn wàa do kɔn mèn bakɛndo akuri awɛɛplaa.  
 59 Gbɛkenɔ bɔ Tɛlemela kɔn Tɛlasao kɔn Kɛrubuo kɔn Adɔo kɔn Ima o, ben aɔɔe e wà n̄ bori bɔzia ónnɛ kè Isarailinɔn n̄ ũro. <sup>60</sup> Delaya kɔn Tobiao kɔn Nɛkodao boriinɔmɛ, aɔ kà ɡɔɔn wàa aagɔ kɔn mèn baplaa akuri awɛɛplaa. <sup>61</sup> Sa'ori borii kè aɔ de Obaya kɔn

Akozuo kɔn Bazilaio boriinɔ ũu sù dɔ. Bazilai pì Giliada bùsu gbɛ Bazilai né sè yā, ben à a anzure pì tó sè. <sup>62</sup> Gbɛ pìnɔ n̄ tó wɛtɛ bori bɔzia takadan, mɔde aɔɔe bɔaro, ben wà gínɛ sa'orikɛɛo. <sup>63</sup> Bùsu dɔn'aɛdee bènnɛ, tó èe kɛ sa'ori n̄ yā gwà kɔn Urimuo kɔn Tumimuo baasiro, aɔton sa'opɔ blero.

<sup>64</sup> Gbɛ pìnɔ n̄ píngi gɔɔn bɔrɔ baplaa awɛɛplaa kpé wàa do kɔn basɔraagɔome. <sup>65</sup> Aɔ zòbleri gɔgbɛnɔ kɔn nɔgbɛnɔ kuu dɔ gɔɔn bɔrɔ swɛɛplaa kpé wàa do kɔn baswɛɛdo akuri awɛɛswɛɛplaa. Lèsirinɔ gɔgbɛ kɔn nɔgbɛo kúnɔyo dɔ gɔɔn wàa do. <sup>66</sup> Aɔ sɔ ví mèn wàa aagɔ kɔn baswɛɛdo akuri awɛɛswɛɛdo, bāagāsɔ mèn wàa do kɔn baplaa aɔɔroo, <sup>67</sup> lakumi wàa plaa kɔn baplaa sɔɔrosaio, zaaki bɔrɔ swɛɛdo kpé wàa aagɔ kɔn baswɛɛdo.

<sup>68</sup> Kè aɔ kà Dii kpé bokiiia Yerusalemu, aɔ uabedeeno gba dàda lɛ wà e wà Luda kpé kɛkɛ wà boo a gbèn. <sup>69</sup> Aɔ gba dà kpé zī ɔɔdakii guu n̄ gbāa lén, vura kiloo wàa plaa kpé basɔro, kondogi tɔn aagɔ kɔn sa'ori gyabano basɔro. <sup>70</sup> Sa'orinɔ kɔn Levinɔ kɔn lèsirinɔ kɔn zédákparinɔ kɔn Luda ua zīkerinɔ kɔn gbɛ kpa keno vèevɛe lakutu kè wà kèkènnɛnɔ guu, ben Isaraili kpaano vèe n̄ wétɛnɔ guu.

### 3

#### *Dii gbāgbaki bona*

<sup>1</sup> Kè wè mɔ swɛɛplaadee kà, Isarailinɔ vèena n̄ wétɛnɔ guu, ben aɔ kɔ kàkɔa Yerusalemu gbɛ dɔnkɔ ũ. <sup>2</sup> Yozadaka né Yesua kɔn a sa'ori daano kɔn Sealatieli né Zerubabelio kɔn a gbɛnɔ Isarailinɔ Luda gbāgbākii bò, lɛ wà sa'opɔ kè wè ká tén à té kũ oa lán Luda gbɛ Musa ò a doka guu nà. <sup>3</sup> Baa kè aɔɔe vīa kɛɛ gbɛ kè aɔ kú bùsu pì guunɔnɛ, aɔ gbāgbākii pì bò a gbɛmmɛ, ben aɔ sa'opɔ kè wè ká tén à té kũ ò Diia kɔngɔ kɔn uusieo. <sup>4</sup> Aɔ Kutadɔna zībaa kè lán à kú takada guu nà, aɔègɔ sa'opɔ kè wè ká tén à té kũ oo lán guu e dɔɔ nà lán wà à lé diɛ nà. <sup>5</sup> Beee gbera aɔ sa'opɔ kè wègɔ ká tén à té kũ gurɔ píngi ò kɔn mɔ dufu pɔo kɔn zībaa kè Dii diɛnɔ pɔo kɔn gbaa kè wè mɔnɔnɔ. <sup>6</sup> Mɔ swɛɛplaade gurɔ káaku zīn aɔ nà Dii gbāgbānaa lɛ, baa kè wèe à kpé bo kòro.

<sup>7</sup> Aɔ ɔɔ kpà gbè'arinɔ kɔn lí'arinɔ, ben aɔ pòble kɔn íminao kɔn nòsio kpà Sidɔdeeno kɔn Tayadeeno, lɛ aɔ sida lí zɔzɔ Lebano bùsun aɔ yiya wà gáo ai Yɔpa funa ísiaala, lán Pesianɔ kína Sirusu n̄ gbá zé nà. <sup>8</sup> Aɔ kana Luda kpé bokiiia Yerusalemu wè plaade mɔ plaadee guu, Sealatieli né Zerubabeli kɔn Yozadaka né Yesua nà zīia kɔn n̄ gbɛ kpaano, sa'orinɔ kɔn Levinɔ kɔn gbɛ kè aɔ bò zìzɔkɛen wà sù Yerusalemunɔ n̄ píngi. Aɔ Levi kè aɔ kà wè baro ke aɔ deàlaano diɛ Dii kpé zīi pì gbɛnsinɔ ũ. <sup>9</sup> Yesua kɔn a boriinɔ nàkɔa kɔn Kadamielio kɔn à né Odavia boriinɔ, ben aɔ gò zīi pì gbɛnsinɔ ũ kɔn Enadadao kɔn à boriinɔ. Levinɔmɛ n̄ píngi. <sup>10</sup> Kè Dii kpéborinɔ e kpé pì èe daɛɛ, sa'orinɔ zɛzɛ gwe sa'ori pókāsāano dadana, aɔ n̄ kuunɔ kũkũna, bensɔ Levi né Asafa boriinɔ kú gwe dɔ kɔn sègɛnɔ lɛ wà Dii táaki léo, lán Isarailinɔ kí Dauda diɛ yā nà. <sup>11</sup> Aɔ lè sɔ aɔ Dii táaki lè aɔ à sáabu kpà wà bè:

Dii maa,

à gbɛkɛɛ kɛna wa Isarailinɔnɛ yāana vīro.

Ben baade píngi wii gbāaa lè aɔ Dii táaki lè, kè wà Dii kpé èe dàe yānzi. <sup>12</sup> Mɔde sa'ori parideeno kɔn Levinɔ kɔn bɛdee kè aɔ zi kũ aɔ wɛɛ sɔ kpé káakulenɔ, kè aɔ kpé pì èbona è, aɔ sósobi ɔɔ dɔ. Gbɛ parideeno sɔ, aɔɔe pɔnna wii lɛɛ. <sup>13</sup> Gbɛkɛe e pɔnna wiii dɔkɔzi kɔn sósobi ɔ kè wèe dɔɔo dɔro, kè baade e wii gbāaa lɛɛ yānzi, bensɔ wà wisɔ pì mà zà.

### 4

#### *Íbetekpana kɔn Dii kpéborinɔ*

<sup>1</sup> Kè Yudanɔ kɔn Beyāminɔ ibɛɛnɔ mà zìzɔ kè aɔ sùnɔ e kpé boo Dii Isarailinɔ Ludane, <sup>2</sup> aɔ m̀ wà Zerubabeli kɔn uabedeeno lè aɔ bènnɛ: À tó wà kpé boao, zaake wèe a Luda kii wɛtɛ lán a bàme se. Weègɔ à gbāgbāame zaa gurɔ kè Asirianɔ kí Esaradɔ sùwao kè. <sup>3</sup> Ben

Zerubabeli kɔn Yesuao kɔn Isaraili bɛde kpaaanɔ bɛnnɛ: Wa Luda kpɛ bona de a yā ũro. Wɛ wa pɔ bo Dii Isarailinɔ Ludanɛ watɛɛ lán Pesianɔ kí Sirusu diɛwe ná. <sup>4</sup> Ben bɔsu pì deenɔ e wɛtɛɛ aɔ Yudanɔ nɔsɛ yaka, aɔɔe wɛɛ tãarɩma le aɔton kpɛ pì boro yānzi. <sup>5</sup> Aɔ fɩa bò kína lédammarinɔnɛ zaa Sirusu gurɔ ai à gaa pé Pesianɔ kí Dariusu kíblegurɔɔa, ben aɔ gɩnne kɔn yā kè aɔɔe pɛɛao.

<sup>6</sup> Aɔ takada kè Asuerunɛ à kíblenaɔ gɔɔ, aɔ gbɛ kè aɔɔ kú Yerusalemunɔ kɔn Yudanɔ bɔsuo píngi káara kpà à kiia. <sup>7</sup> Bisilamu kɔn Mitiredao kɔn Tabelio kɔn n gbɛ kpaaanɔ takada kè Pesianɔ kí Atasesɛnɛ dɔ à kíblegurɔɔa. Aɔ kɛnɛ kɔn Siria yāo, ben wà bòkɔtɛnɛ. <sup>8</sup> Bɔsu gbɛnsi Reumu kɔn a takadakɛri Simisaio takada kè kí Atasesɛnɛ Yerusalemu yā musu dɔ wà bè: <sup>9</sup> Bɔsu gbɛnsi Reumu kɔn a takadakɛri Simisaio kɔn n gbɛ kpaa yākpækɛrinɔ kɔn gbãadeenɔ kɔn Tiripɔlideenɔ kɔn Pesianɔ kɔn ɛɛkideenɔ kɔn Babilɔnudeenɔ kɔn Susadee kè aɔ bɛ Elamu bɔsu guunɔ <sup>10</sup> kɔn gbɛ kè kína bíta bèede Asubanipali n bɔɛ n bɔsun à n vɛɛvɛɛ Samaria wɛten kɔn Yuflati baa kè kpa gu pāndenɔ, <sup>11</sup> wamɔwa Yuflati baakekpadeenɔ n zɔblerinɔ bé wà takada kè kɛnnɛ, kí Atasesɛ, wa bè:

<sup>12</sup> Kí, ñgɔ dɔ kè Yuda kè aɔ bò n kiia aɔ sù kɛnɔ gaa wɛ Yerusalemu wɛtɛ zaa pāsɩ pì kaɛɛ, aɔ ɛara wɛɛ à bɩi boo dɔ, aɔɔe à bezɩ fɛɛɛ. <sup>13</sup> Kí, ñgɔ dɔ dɔ, tó aɔ ɛara wà wɛtɛ pì kàɛ aɔ à bɩi bò wà yāa, aɛé tángba kpámma dɔro ke yàra'ɔɔ ke bɔsu'ɔɔ, n ɔɔ kè nɛɛ sí é lago. <sup>14</sup> Tia lán kè bà kí, lán n bɛ wisin wɛɛ ble ná, èe kɔ sío wà n kpɛɛ ero. Beee yānzin wa takada kèkii kpàsānɛzi le wà yā pì onnɛ. <sup>15</sup> N wɛtɛ n dezinɔ takadanɔ guu n gwa, né e n dɔ dia wɛtɛ pì deenɔ swā gbāa, aɔ ïa dà kɩnanɔa kɔn bɔsu gbãadeenɔ. Zaa zi wɛtɛ pì deenɔ yāketɛ kè bíta. Beee yānzin wà wɛtɛ pì gbòrozi. <sup>16</sup> Kí, wɛɛ oonnɛ, tó wà ɛara wà wɛtɛ pì fɛɛ wà ɛara wà à bɩi bò wà yāa, nɛgɔ pòke vɩ Yuflati baa kè kpa dɔro.

<sup>17</sup> Beee gbɛra kína takada kpàsānɛ à bè: Bɔsu gbɛnsi Reumu kɔn à takadakɛri Simisaio kɔn a gbɛ kpaa kè aɔɔ kú Samaria kɔn Yuflati baa kaa kpaanɔ, ma ì kpàawa. <sup>18</sup> Takada kè á kpàsāme, wà à kyó kè wà bòkɔtɛmɛ. <sup>19</sup> Ma bè wà wɛtɛ takada ziinɔ guu, ben wà è yāpuramɛ, wɛtɛ pì deenɔ ègɔ bɔɔ kɩnanɔ kpɛɛmɛ. Zaa zi yāketedeennɔmɛ. <sup>20</sup> Kína ïsinɔ kpata blè Yerusalemu gwe, aɔ gbāaa blè Yuflati baakāakpadeenɔa n píngi, wà tángba kpámma kɔn yàra'ɔɔo kɔn bɔsu'ɔɔo. <sup>21</sup> À yā die gbɛ pìnɔnɛ aɔ kámma bo sa. Aɔton ɛara wà wɛtɛ pì vuro ai mà n gba lé. <sup>22</sup> À làakari kɛ! Aton nigāzɩi kpá yā pìziro, le à zaaa pì tón ɔ tá à wa ásarɩ kero yānzi.

<sup>23</sup> Kè wà kí Atasesɛ lá pì kyó kè wà bòkɔtɛ Reumunɛ kɔn à takadakɛri Simisaio kɔn n gbɛ kpaaanɔ, ben aɔ fɛɛ wà gaa wà Yudanɔ lè Yerusalemu gɔɔ. Aɔ gɩnne pāsɩpāsɩ wà bè aɔ kámma bo. <sup>24</sup> Len aɔ kámma bò le kɔn Luda kpɛ zɩi kè aɔɔe kɛ Yerusalemu ai Pesianɔ kí Dariusu kíblena wɛ plaadeɛ guu.

## 5

### *Tatenai takadakɛna kí Dariusunɛ*

<sup>1</sup> Annabi Agai kɔn annabi Zakari, Ido néo annabikɛɛ kè Yuda kè aɔɔ kú Yerusalemunɔ kɔn Yudanɔ bɔsuo kɔn Isarailinɔ Luda tɔo. <sup>2</sup> Ben Sealatieli né Zerubabeli kɔn Yozadaka né Yesuao fɛɛ wà ná Luda kpɛ bonaa Yerusalemu. Luda annabi pìnɔ kúnyo aɔɔe dɔɔnle. <sup>3</sup> Gwe gɔɔ Yuflati baa kè kpa dɔn'aɛde Tatenai kɔn Seta Bozenaio kɔn n gbɛnɔ mò wà n lé aɔ n lá wà bè: Dé bé à a gba zé à kpɛ kè kɛkɛ à boo? <sup>4</sup> Aɔ gbɛ kè aɔɔe kpɛ pì boonɔ tɔ gbɛka dɔ. <sup>5</sup> Mɔde Ludaa e wɛɛ tɛ Yuda gbɛnsi pìnɔzi, ben aɔɔe oñnɛ aɔ kámma boro. Aɔ bè wɛɛ lékpāsā kɛ Dariusunɛ gɩa, wɛɛ takada kè eé kè à yā musu e. <sup>6</sup> Yuflati baa kè kpa dɔn'aɛde Tatenai kɔn Seta Bozenaio kɔn n gbɛ Pesianɔ takada kè, ben aɔ kpàsā kí Dariusunɛ. <sup>7</sup> Lékpāsā kè aɔ kɛnɛn yè, aɔ bè:

Kí Dariusu, wa ì kpámma maamaa. <sup>8</sup> Kí, ñgɔ dɔ kè wa gaa Yudanɔ bɔsun ai Luda kè bíta kpén. Wɛɛ kpɛ pì boo kɔn gbɛ gbɛntɛnɔ wɛɛ lí lɛɛtɛgɛ kpaaɛ kpɛ pì gùnɔn. Wɛɛ zɩi pì kɛɛ

kɔn làakario èe táa oo. <sup>9</sup> Wa yā làla n gběnsinɔa wa bè: Dé bé à a gba zé à kpé kèkii kèkè à boo? <sup>10</sup> Wa n tó gbèka lè wà e wà onne, ben wa n don'aedee pìnɔ tó dà takadan. <sup>11</sup> Dia aɔ yā siwala nà n yè. Aɔ bè, musu kɔn tɔtɔe Luda zòblerinɔn n ũ. Kpé kè wà bò yā à wè kèn wà kèkè wèe boo dɔ. Isarailinɔ kí bíta bé à bò yā. <sup>12</sup> Aɔ bè n dezinɔ Luda Musude pɔ fè, ben à n ná Kaladia bori Nebukanɛza, Babilɔnu kɔnanɛ a zĩ, ben à kpé pì wìwi à gbè pìnɔ sèe à tànyo Babilɔnu. <sup>13</sup> Mɔde Babilɔnu kí Sirusu kɔblena wè káaku guu à yā diè à bè wà ɛara wà Luda kpé pì bo dɔ. <sup>14</sup> Baa vura kɔn kondogi pó kè Nebukanɛza sèe Luda kpén zaa Yerusalemu à kàe a tãa kpén Babilɔnunɔ, kí Sirusu bɛe à kpà Sesebaza kè à diè bùsu don'aedee ũua. <sup>15</sup> À bène à pó pìnɔ sé à gá à káe Luda kpén zaa Yerusalemu, tó wà kpé pì kèkè wà bò. <sup>16</sup> Ben Sesebaza mò Luda kpé ɛe dàe. Wèe kpé pì boo zaa gurɔ beea ai kɔn a gbàao, mɔde èe yāa kòro. <sup>17</sup> Kí, tó à kènne maa, n takada wete kɔnanɔ takadakaekiia zaa Babilɔnu n gwa tó kí Sirusu yā diè wà Luda kpé bo Yerusalemu. Lán n è nà, n lékpāsā kewe.

## 6

### *Dariusu yádiɛna Luda kpé bona yā musu*

<sup>1</sup> Kí Dariusu yā diè, ben wà takada wete takada kè wà kàe Babilɔnu takadakaekiianɔ té. <sup>2</sup> Ben wà bò takada kokonaa Ekɛbatana wete bĩideen Midiā bùsun. Yā kèkii kú à guu lè wàton sãńlo yãzi:

<sup>3</sup> Kí Sirusu kɔblena wè káaku guu à yā diè Luda kpé kè kuu Yerusalemu musu, à bè wà kpé pì bo sa'okii ũ. Wà à ɛe dae, kpé pì lezĩ ká gàsásuu baaagɔ, à yàasa gàsásuu baaagɔ.

<sup>4</sup> Wàgae gbè gbèntè mèn aagɔ didikɔa, lí lèetɛge mèn do, gbè gbèntè aagɔ, lí lèetɛge mèn do. Weé à fĩa bo kɔn kibe dɔ. <sup>5</sup> Vura kɔn kondogi pó kè Nebukanɛza sèe Luda kpén Yerusalemu à sùo Babilɔnunɔ sɔ, weé ɛara wà gá káe à gbèn Luda kpén Yerusalemu.

<sup>6</sup> Ben kí Dariusu lékpāsā kè à bè: Tia sa Yuflati baa kãa don'aede Tatenai kɔn Seta Bozenaio kɔn a gbè kè aɔ kú Yuflati baa gweenɔ, à a zĩnda gá gwe. <sup>7</sup> À Luda kpé bòrinɔ tó tɛɛ. À tó Yuda don'aedeenɔ kɔn n gběnsinɔ Luda kpé pì kèkè wà bo. <sup>8</sup> Mée yā kè àton ke Yuda gběnsinɔne Luda kpé pì bona musu diɛɛare. À pó kè aɔ yezinɔ sèe ma auzikikaekiin gwe kɔn Yuflati baa kãa kpa tángba kè wà kpào, à kpámma pínɡi lè zĩ pì tón ze doro yãzi. <sup>9</sup> Pó kè aɔ yezi pínɡi, zùswaree, sãkaro, sãne bòrɔ kè aɔ Luda Musude gbāgbāo, pówɛɛ, wisi, geepiwɛɛ, nòsi, àgɔ kpaa Yerusalemu sa'orinɔ lán guu e dɔ nà lán aɔ gbèka nà funa sai, <sup>10</sup> lè aɔ e wà saa kè kà Luda Musuden oa, aɔ wée keame kɔn ma négɔgbènɔ. <sup>11</sup> Tó gbèke yā kè má diè kèkii liè, weé adee kpé lí wo wà à páa wà péé wà à bɛe ke tuburaa ũ. <sup>12</sup> Tó kína ke bori kee e weteɛ à yā pì liè ke èe weteɛ à Luda kpé kè kú Yerusalemu pì wí, Luda kè tò a tó kúa à kaate. Mamɔma Dariusu màmbe ma yā pì diè. Wà zĩ kea maamaa.

### *Luda kpé kyakɛna*

<sup>13</sup> Kè kí Dariusu lékpāsā pì kè lè, Yuflati baa kè kpa don'aede Tatenai kɔn Seta Bozenaio kɔn n gbènɔ yā pì kè kɔn làakario. <sup>14</sup> Ben Yuda gběnsinɔ kpébona e gaa aɛ lán annabi Agai kɔn annabi Zakari Ido néo annabikɛe kè nà. Aɔ kpé pì dɔ wà yā lán Isarailinɔ Ludaa ò nà, lán Pesianɔ kɔnanɔ Sirusu kɔn Dariusuo kɔn Ataseseɔ à yā diè nà. <sup>15</sup> Aɔ Luda kpé mì dè Ada gurɔ aagɔdee zĩ kí Dariusu kɔblena wè swɛedodee guu. <sup>16</sup> Ben Isarailinɔ Luda kpé kyakè kɔn pɔnnaao, sa'orinɔ kɔn Levinɔ kɔn gbè kpaaa kè aɔ sù kɔn zìzɔkɛɛonɔ n pínɡi. <sup>17</sup> Luda kpé kyakɛna pì yãzi aɔ saa ò kɔn zùswareenɔ mèn basɔro kɔn sãkaronɔ mèn wàa do kɔn sãne bòrɔnɔ mèn wàa plaa, ben aɔ saa ò kɔn blèkoffinɔ mèn kuri awɛɛplaa Isaraili bori pari lén aɔ pínɡi durun agbaakpabɔ ũ.

<sup>18</sup> Aɔ sa'orinɔ dièdiè gáli kɔn gálio, ben aɔ Levinɔ dièdiè gáli kɔn gálio dɔ lè aɔ zĩ ke Ludane Yerusalemu lán à kú Musa takada guu nà. <sup>19</sup> Mɔ káaku gurɔ kuri awɛɛsiigɔdee zĩ, zìzɔ kè aɔ sù pìnɔ Banla zĩbaa kè. <sup>20</sup> Sa'orinɔ kɔn Levinɔ gbāsĩ bò n zĩndan aɔ gò gbāsĩ sai n

píngi, ben aã Banla sã kòto kpàkpa zìzò kè aã sùnɔnɛ kɔ̃n n̄ sa'ori daanɔ pɔ́o kɔ̃n n̄ zĩnda pɔ́o. <sup>21</sup> Isaraili zìzò kè aã sù pìnɔ bé wà sò kɔ̃n gbē kè aã n̄ zĩnda kè bori pãndenɔ yãbēekenanɔ aãɔe Dii Isarailinɔ Luda kii wɛtɛɛnɔ. <sup>22</sup> Ben aã Burɛdi Sésɛ'ɛzɛsai zĩbaa kè kɔ̃n pɔ̃nnaao ai gurɔ swɛɛplaa. Dii tò aã pɔɔ kè nna, zaake à tò Asirianɔ kína nòsɛ liɛ n̄ yã musu, ben à dɔ̃nle à kpé bona zĩ guu, Isarailinɔ Luda pì.

## 7

### *Ezera su à Yerusalemu sorukena*

<sup>1-5</sup> Yã beeenɔ gbera Pesianɔ kí Atasɛɛ kiblegurɔɔa Ezera bò Babilɔnu à sù. Sa'oriki ìsi Aruna bé à Elɛaza ì, Elɛaza Finɛasi ì, Finɛasi Abisua ì, Abisua Buki ì, Buki Uzi ì, Uzi Zeraya ì, Zeraya Mɛrayo ì, Mɛrayo Azaria ì, Azaria Amaria ì, Amaria Aitubu ì, Aitubu Zadɔkí ì, Zadɔkí Salumu ì, Salumu Ilikia ì, Ilikia Azaria ì, Azaria Seraya ì, ben Seraya Ezera pì ì. <sup>6</sup> Ezera né yãdannɛrimɛ, à Musa doka kè Dii Isarailinɔ Ludaa diɛ dɔ̃ sãnsãn. Lán Dii à Luda ɔ kúa nà, kína pɔ́ kè à wéɛ kèa kpàa píngi. <sup>7</sup> Kí Atasɛɛ kíblena wè swɛɛplaaɛɛ guu Isaraili kenɔ sù Yerusalemu dɔ. Sa'orinɔ kú n̄ té kɔ̃n Levinɔ kɔ̃n lèsirinɔ kɔ̃n zédãkparinɔ kɔ̃n Luda ua zìkerinɔ. <sup>8</sup> Ezera kà Yerusalemu kína kíblena wè swɛɛplaaɛɛ mɔ sɔɔroɔɔɛ guu. <sup>9</sup> À fèɛ Babilɔnu mɔ káaku gurɔ káaku zĩ, ben à kà Yerusalemu mɔ sɔɔro gurɔ káaku zĩ. À Luda ɔ kúa, <sup>10</sup> zaake Ezera mè kpà Dii doka wàaripanaa kɔ̃n à kenao, le à e à yãdienanɔ kɔ̃n à dokayãno dada Isarailinɔnɛ.

### *Takada kè kí Atasɛɛ kpà Ezeraa*

<sup>11</sup> Takada kè kí Atasɛɛ kpà sa'ori Ezeraa yãn yè, kè è Dii yãdienanɔ kɔ̃n à dokayãno da Isarailinɔnɛ. <sup>12</sup> Atasɛɛ, kínano kí bé à takada kèkii kè Luda Musude dokadannɛri sa'ori Ezeraɛ. Ma ì kpamma. <sup>13</sup> Ma yã diɛ, ma bè Isaraili ke sa'ori ke Levi kè kú ma bùsun kè yezi à gányo Yerusalemu gá. <sup>14</sup> Mapi kɔ̃n ma iba gɔ̃n swɛɛplaaanɔ bé wa n gbarɛ, le ñ gá Yerusalemu kɔ̃n Yudanɔ bùsuo píngi yã gwagwa n Luda doka kè n̄ kúna musu. <sup>15</sup> Ñ kondogi kɔ̃n vura kè mapi kɔ̃n ma ìbanɔ wa Isarailinɔ Luda kè à bɛɛ kú Yerusalemu gbà sée ñ gáo <sup>16</sup> kɔ̃n kondogio kɔ̃n vura kè n̄ è Babilɔnu bùsun-o píngi kɔ̃n pɔ́ kè gbɛnɔ kɔ̃n sa'orinɔ kpà n̄ Luda kpé pɔ́ ù Yerusalemu. <sup>17</sup> Ñ zùswareenɔ kɔ̃n sãkaronɔ kɔ̃n sãnɛ bɔ̃rɔnɔ lúlu kɔ̃n ɔ pìo n làakaria ñ saa kè oo n Luda kpé gbãgbãkiiia zaa Yerusalemu kɔ̃n flawa gbaao kɔ̃n pómína gbaao. <sup>18</sup> Mpi kɔ̃n n gbɛnɔ à ke kɔ̃n kondogio kɔ̃n vura kè gɔ̃o lán à kèare maa nà, lán a Ludaa yezi nà. <sup>19</sup> Ñ pɔ́ kè wà nannɛ n ɔzĩ n Luda kpé dɔ̃nzikɛbɔ ùunɔ kpá Luda kè kú Yerusalemu pia. <sup>20</sup> Tó n̄ ye Luda kpé pɔ́ kpaanɔzi, tó à kekɛna gò n̄ yã ùmɛ, ñ sé ma làasin gwe. <sup>21</sup> Ma kí Atasɛɛ, ma yã diɛ Yuflati baa kãa kpa ɔ'uterinɔnɛ n̄ píngi. À wéekɛɛ kè Luda Musude dokadannɛri sa'ori Ezera kèawa kpàa gɔ̃o píngi. <sup>22</sup> Kondogi tón de tɔ̃n aagɔ̃ɔlaro. Pówɛɛ tón de tɔ̃n baaakurilaro. Geepiwɛ kɔ̃n n̄sio tón de lita wàa basɔɔrolaro. Wisi sɔ̃, lán à yezi nà lén. <sup>23</sup> Lán Luda Musudeɛ diɛ píngi nà, à kpá gɔ̃o à kpé pɔ́ ù, le àton pɛtɛ ke kɔ̃n ma kíkeɛo ke kɔ̃n ma nénɔoro. <sup>24</sup> Àgɔ̃ dɔ̃ sɔ̃ kè á zé v̄i à tángba ke yàra'ɔɔ ke bɛ'ɔɔ sí Luda ua pì zìkerinɔaro ke sa'orinɔ ke Levinɔ ke lèsirinɔ ke zédãkparinɔ ke zìkeri pãndenɔ.

<sup>25</sup> Mpi sɔ̃ Ezera, ñ yãkpaɛkerinɔ kɔ̃n yãgɔ̃gɔ̃rinɔ diɛdiɛ òndɔ̃o kè n Ludaa kpamma lén, le aãgae yã kekɛ a zéa gbē kè aão kú Yuflati baa kãa kpaanɔnɛ n̄ píngi. Aãégɔ̃ de gbē kè aão n Luda doka dɔ̃nɔ ù. Gbē kè aão dɔ̃roonɔ sɔ̃, ñ dadañnɛ. <sup>26</sup> Gbē kè n Luda doka kɔ̃n bùsu dokao kúna ɔplaplaaro, wéé yã daàla, à dɛna ke à bɔna bùsun ke à auziki sinaa ke à dana kpésiaann yoo.

<sup>27</sup> Ben Ezera bè: Wà Dii wa dezínɔ Luda sáabu kpá! À laasuu maaa dà kínane a swɛn, ben kína pì gbãaa kpà à kpé kè kú Yerusalemua le. <sup>28</sup> À tò ma yã kà kína kɔ̃n a ìbanɔn kɔ̃n à kí gbãade daanɔ n̄ píngi. Lán Dii ma Luda ɔ kúma nà, ma kù kè gbãa, ben ma Isaraili dɔ̃n'aɛdeenɔ kàkɔ̃a aã gámao.

## NĚEMAYA

### *NĚemaya Yerusalemu damukena*

<sup>1</sup> Akalia né NĚemaya yān yè. Atasese kібlena wĕ barode moo kè wè be Kisilevi guu má kú kibe Susa wĕtedaan. <sup>2</sup> Ben ma dāaro Anani bò Yudanò b̀usun à mò kōn gbĕkeno. Ma yā gbĕkarma Yuda gbĕ kpaaa kè aō b̀ò z̀izokēennò musu kōn Yerusalemuo. <sup>3</sup> Aō wēmala wà bè, gbĕ kè aō b̀ò z̀izokēen wà tà Yudanò b̀usu guunoo e nawĕa kee maamaa, wèe n lalandi kee, zaake Yerusalemu b̄i gborona bensō à b̄ile gb̀ano tĕkūna. <sup>4</sup> Kè ma yā pì mà, ma vĕe, ben wĕe'i b̀oma. Ma so d̀ò gurò plaa, mĕe lé yii, mĕe wĕe kee Luda Musudea <sup>5</sup> ma bè: N yā nna Dii Luda Musude! N b̄ita bensō n naasi v̄i. Gbĕkee guu n bà èḡo kú kōn gbĕ kè aōo yenzi aōo n yādienano kūnanao. <sup>6</sup> N wĕe té mamoma n z̀òblerizi n swā kpá adua kè mĕe kee fāantĕ kōn gwāav̄io n z̀òbleri Isarailinonezi. Mĕe durun kè wá kēnnēe yā oo. Baa mapi kōn ma de bedeenò wa durun kè se. <sup>7</sup> Wa yā zaa kēnnēe maamaa, wĕe n yādienano daro, wĕe n odo kii gwaro, wá n doka kè n diē n z̀òbleri Musane kūnaro. <sup>8</sup> N tó yā kè n diē n z̀òbleri Musane kĕkii dongu. N bè tó wa bo n kpeē, né wa fāakōa boriino té. <sup>9</sup> N bè do tó wa eara wa ae dōmma bensō wá n yādienano kūna wĕe z̄i keea, baa kè n pèwa ai anduna léa, né wa kakōa né suwao guu kè n sè ben n tó kúa p̄in. <sup>10</sup> Gbĕ p̄ino né n z̀òblerinome, n gbĕ kè n n bó kōn n iko b̄itao kōn n gāsā gbāaaonome. <sup>11</sup> N yā nna Dii, n swā kpá mamoma n z̀òbleri aduakēnazi kōn n z̀òbleri kè n yā è kĕine nna bensō aōo n v̄ia v̄iino aduakēnao. N mamoma n z̀òbleri dakōre kōn minnaao gbāa le kina ma wĕnda gwa.

Gurò beea s̄o, kina p̄i wĕkpaaterin ma ū.

## 2

### *Kí Atasese NĚemaya z̄ina Yerusalemu*

<sup>1</sup> Kí Atasese kібlena wĕ barode moo kè wè be Nisā guu kina yezi à geepiwĕe mi, ben má sè má kpāa. Èe ma e kōn uusisinao zikiro, <sup>2</sup> ben à ma la à bè: Bó yā bé à tò n uu sisina? Nĕe gyāa kero. N n̄se bé à yāka? V̄ia ma kū maamaa, <sup>3</sup> ben ma bène: Luda n d̄s kōn aafiao, Zaaki! Ma uu sisina, zaake wĕte kè ma dezino mira kún ḡò bez̄i ū. À b̄ile gb̀ano té k̄. <sup>4</sup> Ben à bène: N yezi mà ke diamē? Ma wĕe kè Luda Musudea ḡia, <sup>5</sup> ben ma weala ma bè: Kí, tó à kēnnēe maa bensō mamoma n z̀òbleri yā kangu, n ma z̄i Yudanò b̀usu wĕte kè ma dezino mira kún p̄ia, le mà e mà keke mà káe. <sup>6</sup> Kina p̄i naōo vĕena à sae, ben à ma la à bè: Dian n tá é ḡi ke nà? Boren né suu? Kè kina wè ma ganazi, ben ma gurò diene. <sup>7</sup> Ma bène: Tó à kēnnēe, n takada kĕ Yuflati baa k̄aa kpa don'aedeenone n kpāma. N onne aō tó mà gĕte n b̀usun ai mà gá káo Yudanò b̀usun. <sup>8</sup> N takada kĕ n líkpe dākpari Asafane do. N one à ma gba lí mà zeki gbāaa kè kú Luda kpé sae lé keo kōn b̄ilenò kōn kpé kè méḡo kún p̄o. Ben kina p̄o kè má gbĕka kpāma, zaake ma Luda oo kúma. <sup>9</sup> Kina soza b̄adeenò kōn s̄odeenò d̄ame aō gámao. Ben ma gaa ma Yuflati baa k̄aa kpa don'aedeenò le ma kina lano kpāmma. <sup>10</sup> Kè Oronu gbĕ Sambala kōn à iba Tobia, Am̄oni boriio mà gbĕke mò Isarailino gwena kaara, à kēinne ii maamaa.

<sup>11</sup> Kè ma ka Yerusalemu, ma kamma b̀ò ḡia gurò aaḡo. <sup>12</sup> Ben ma fĕe gwāav̄i kōn gbĕkeno, mĕe yā kè ma Ludaa dà ma swĕn mà ke Yerusalemu o gbĕkenero. Má di zaaki kpeē, gbĕ kpaananoo té kèse. <sup>13</sup> Ma bo Guzure b̄ilen gwāav̄i ma m̄i pè Gbĕngbo l̄oḡa kōn Tubura b̄ileo. Mĕe Yerusalemu b̄i kè wà gb̀oro gwagwa kōn à b̄ile kè té kùnò. <sup>14</sup> Ben ma gaa ae ai Íboki b̄ilea kōn Kina íkakiio. Gu kee kú gwe, ma zaaki e f̄s à ḡenlo, <sup>15</sup> ben má té swawēen gwāav̄i, mĕe b̄i gwagwaa. Ben ma eara ma su ma gĕ Guzure b̄ilen. <sup>16</sup> Gbāadeenoo guu kè ma gaan

ke yā kè má kè dōro, zaake mée yāke o Yudanone gīaro, baa sa'orino ke kineno ke gbāadeeno ke gbē kpaana kè ašé zīi pì keeno. <sup>17</sup> Ben ma bèñne: A nawēa kè wa lee éso? Yerusalemu gò bezī ũ, à bīileno té kù. À tó wà εara wà bīi bo do le wàtongō de fabona pò ũ doro yānzi. <sup>18</sup> Ma bèñne do lán ma Luda do kuma nà kōn yā kè kina òmεεo. Ben aš bè: Wà fεε wà na à bonaa. Ben aš nà zīi maaa pì a oplaplaa.

<sup>19</sup> Kè Oronu gbē Sambala kōn a iba Tobia, Amōni boriio kōn Larubu bori Geεemuo à baaru mà, aš wa fabò aš kya kàwagu aš bè: Bón ée kεε gwee? Ée boò kina yā kpeen yó? <sup>20</sup> Ben ma yā siñla ma bè: Luda Musude é wa dakōre kōn mìnnaao. Wamōwa à zòblerino, Yerusalemu bīibonan wé naa kè. Amōa sō a baka kúnlo. A yā kú kè doro, a tó égō do gbēken wéte kè guu doro.

## 4

### *Íbetekpana kōn Yerusalemu bīiborino*

<sup>1</sup> Kè Sambala mà wa Yudanō wée Yerusalemu bīi boò, à pò fē à làakari fεε maamaa, ben èe wa kεε pónonono. <sup>2</sup> À bè a gbēno kōn Samaria zìkpeeno wáa: Bón Yuda gina pìnno e kεε? Ašé fō wà εara wà bīi pì boó? Ašé saa o aš zīi pì né guro doó? Ašé fō wà wéte pì vu kōn gbè kè té kù à kaena pìnno? <sup>3</sup> Amōni bori Tobia kú à sae, ben à bè: Bīi kè ašoe boò pì, tó gbēngboo didia, à gbēno é gboro fá!

<sup>4</sup> Ben ma bè: Wa Luda, n wa yā ma, zaake aš dokèwao. N tó wa lalandi kè ašoe kεε wí n musu. N tó wà n kükü wà tányo zìzono ũ. <sup>5</sup> Nton lá kú n taarinlaro. Nton n durunno gogoro, zaake aš bīiborino sōsō. <sup>6</sup> Len wa bīi pì bò le ai à pèkōa, ben à lezī kà guragura, zaake gbēno e zīi pì kεε kōn nòseο dome.

<sup>7</sup> Kè Sambala kōn Tobiao kōn Larubuno kōn Amōnino kōn Asadōdideeno mà Yerusalemu bīiekεena e gaa ae, bensō guforonno e tataa, aš pò fē maamaa. <sup>8</sup> Ben aš lé kpàkōsō n píngi aš bè weé mó wà léε Yerusalemua wà yáketε ligañzi. <sup>9</sup> Ben wa wée kè wa Ludaa, bensō wa gudākparino diediε fāantē kōn gwāavīo aš yānzi. <sup>10</sup> Ben Yudanō bè: Asoserino gbāaa e yāaa. Gbè kè wà gbōro wà dàε pari, wé fō wà bīi pì bo wà à mì dero. <sup>11</sup> Wa ibεeno bè, ai wàgō gá n yā dō, weé siwagu wà wa dede, zīi pì é gō kpana zén. <sup>12</sup> Wa gbē kè aš kú n saeno mò wà bèwe à kà gèn kuri aš bè: Ašoe boò gu píngia, aš yezi wà mó wà léewa. <sup>13</sup> Ben ma gbēno diediε bīi fōonzi kōn à guu kè kè εetenno. Ma n diediε danεdane, baade kōn a fēdaao kōn a sario kōn a sáo. <sup>14</sup> Kè ma wée tē guunzi, ma fεε ma bè kinenone kōn gbāadeeno kōn gbē kpaano: Àton vīa keñnero. Àgō dō kè Dii bíta à naasi vī. À zī ká a gbēno kōn a négōgbēno kōn a nēno gbēno kōn a nōno kōn a beeno. <sup>15</sup> Kè wa ibεeno mà Luda n fú à tò wa n lékpakōsōna asii mà, ben wa píngi wa εara wa na bīibonaa, baade kōn a zīio.

<sup>16</sup> Zaa guro beee ma gbēno kpàate leo plaa. Gbēkeno e zīi kεε, gbēkeno sári kúna kōn sengbangoo kōn sáo kōn mò'utao dana. Gbēnsino zena gbē kè ašoe bīi boonno kpeε. <sup>17</sup> Gbē kè aš asoo senano aso kúna odo, gōkebo odo. <sup>18</sup> Bīiborino fēdaa dōna n piia n píngi. Kuruperi égō kú ma sae. <sup>19</sup> Ben ma bè kinenone kōn gbāadeeno kōn gbē kpaano: Zīi pari bensō bīi pì gbāa, ben wa kō kpàatete à lézi. <sup>20</sup> Guu kè á mà wée kuu pεen, à kō kakōawazi gwe, wa Luda é zī káwe. <sup>21</sup> Ben wa εara wa na zīia, gbēkeno sári kúna zaa bùgubugua ai sōsoneno gaa wà bōeo. <sup>22</sup> Zī beean ma bè gbēno: A baade gae i Yerusalemu kè kōn a ibanō, le àgae e à gu dākpa gwāavī, àgae zīi ke fāantē. <sup>23</sup> Mapi kōn ma dāaronno kōn ma ibanō kōn gudākpari kè aš kúmaono, weé wa pókāsāa boro, baade égō a gōkebo kúna a oplamme.

## 5

### *Neemaya zena kōn takaasideeno*



<sup>1</sup> Guro beean wa Yuda kenɔ kɔn n naɔnɔ e wii lee n gbɛnɔa maamaa. <sup>2</sup> Aɔ gbɛkenɔ bè: Wapinɔ kɔn wa nɛnɔ wá pari. Wá ye pówɛɛzi wà pò ble wà e wàgɔ aafia. <sup>3</sup> Aɔ gbɛkenɔ bè dɔ: Nɔaa kuu, ben wa wa buraanɔ kɔn wa geepi búno kɔn wa kpɛnɔ tɔɔba kpà pówɛɛ yānzi. <sup>4</sup> Aɔ gbɛkenɔ bè: Wa ɔ sɛkã le wà wa buraanɔ kɔn wa geepi búno tángba bɔ kɔnanɛ yānzi. <sup>5</sup> Baa tó wa borii dɔnkɔmɛ, bensɔ wa nɛnɔ dɔnkɔ kɔn n nɛnɔ, wée wa nɛnɔ yaamɔma zɔnɔ ũ tiasi. Wa nɛnɔgbɛ kenɔ e zò blee kò bensɔ wa gbāaa e ká wà pòke kèro, zaake wa buraanɔ kɔn wa geepi búno gɔ n pò ũmɛ.

<sup>6</sup> Kè ma n wii pì mà kɔn gbɛnɔ káara kè aɔ kèò, ma pò fɛ maamaa. <sup>7</sup> Ma yā pì wàari pà ma swɛ guu, ben ma zɔka dɔ kɔnanɔ kɔn gbāadeenɔa ma bènnɛ: A baade e ɔ'i kaara a gbɛdaaanɛ. Ben ma bè wà parii kakɔa aɔ yā pì yānzi. <sup>8</sup> Ma bènnɛ: Wa wa gbɛ Yuda kè aɔ gɔ bori pāndenɔ pò ũunɔ bò wa gbāa lén, ben á tò a gbɛnɔ e n zīnda yaawa dɔɔ? Ben aɔ yīte kpɛkpɛ, aɔɔe yāke e wà òro. <sup>9</sup> Ben ma ɛara ma bè: Yā kè ée keɛ pì maaro. Àgɔ wa Luda vīa vī le wa ibɛɛ bori pāndenɔ tón wa sɔsɔro yānzi. <sup>10</sup> Mapi kɔn ma danɛnɔ kɔn ma ibanɔ, wa ɔ kɔn pówɛɛo sɛkãñne dɔ. À ɔ'ikaaranɛna tó sa, <sup>11</sup> à n buraanɔ kɔn n geepi búno kɔn n kùkpenɔ kɔn n kpɛnɔ sɔkpañne kɔn pò basɔrodee kè ée siimɔma ɔ'i ũuo, ɔ kɔn pówɛɛo kɔn geepiwɛɛo kɔn nɔsio píngi. <sup>12</sup> Ben aɔ bè: Wé sɔkpañne, wé pòke wɛɛmɔma dɔro. Wé ke lán n ò nà. Ben ma sa'orinɔ sisi má tò gbɛ pìnɔ la dà n wáa lán aɔ à lé gbɛ nà. <sup>13</sup> Ma a utadaa kpòke ma bè: Luda gbɛ kè èe zī ke lé kè à gbɛ pìaroo kpoke le à à be kɔn à auzikinɔ sía. Luda à kpoke le à gɔ kori le. Gbɛ pariinɔ bè: Aami! Ben aɔ Dii sáabu kpà. Ben gbɛnɔ kè lán aɔ à lé gbɛ nà.

<sup>14</sup> Beee gbɛra zaa gurɔ kè kí Atasese ma diɛ Yudanɔ búsu dɔn'aɛdee ũ a kíblena wɛ barodeen ai à wɛ baaakuri awɛɛplaaɛ guu, à kà wɛ kuri awɛɛplaa, mapi kɔn ma danɛnɔ wée dɔn'aɛdeke pò blero. <sup>15</sup> Dɔn'aɛde káaku kè à dɔmɛ aenɔ aso tisi tɔ gbɛnɔa, aɔ pòble kɔn geepiwɛɛo si baadea kɔn kondogi ɔ mèn baplaplaao. Aɔ ibanɔ gbāaa blémɔma dɔ. Mapi sɔ, mée ke lero, zaake má Luda vīa vī. <sup>16</sup> Ma mɛ kpà bīi pì bonaa, mée tɔɔte sé ma pò ũro. Ma ibanɔ kakɔana gwe zī pì yānzi. <sup>17</sup> Yudanɔ ègɔ pò blee ma be gɔn baswɛɛplaa akurikuri, gbāadeenɔ kɔn gbɛ kè aɔ bò borii kè aɔ liganawaziinɔ kiianɔ. <sup>18</sup> Lán guu è dɔ nà wègɔ zù kekeɛmɛ mèn doodo kɔn sã mèkpananɔ mèn swɛedodo kɔn koonɔ, bensɔ wègɔ geepiwɛɛ baa bítabita gurɔ kuri kɔn gurɔ kurio. Baa kɔn beeeo mée dɔn'aɛdeke pòblee gbekamɔmaro, zaake zī kè gbɛ beenɔ e keɛ bíta. <sup>19</sup> Ma Luda, yā maa kè má kè gbɛ beenɔne píngi gɔ dɔngu.

## 6

### *Neemaya ibɛnɔ zéwetɛna wà ɔndɔ kezi*

<sup>1</sup> Ma bīi bò má yāa à foo kú gukea dɔro, mɔde mée à bīile gbànɔ péɛpɛe gīaro. Kè Sambala kɔn Tobiao kɔn Larubu bori Gesɛmuo kɔn ma ibɛɛ kpaaanɔ à baaru mà, <sup>2</sup> Sambala kɔn Gesɛmu pìo lékpāsá kèmmɛ wà bè mà mɔ mà danɛ Onɔ guzuree lakutu ke guu. À zaaan aɔɔe wɛɛɛmao. <sup>3</sup> Ma gbɛnɔ zīmɔma ma bè: Mée zī bíta keɛmɛ, mé e mà mɔro. Mé e mà zīi pì tó mà mɔ a kiiao. <sup>4</sup> Aɔ lékpāsá pì kèmmɛ gɛn siigɔ, ben ma yā mèn doo pì sínla. <sup>5</sup> À gɛn sɔrode Sambala a iba ke zīma. À takada kè wèe kã'ɔ naaro kúna. <sup>6</sup> Wà kè lá pì guu wà bè: Wa yāke wàpe mà bori pāndenɔ kiia, ben Gesɛmu bè yāpuramɛ. À bè mpi kɔn Yuda kpaaanɔ a zɛo à bɔ kína yā kpɛmɛ. Beee yānzin ée bīi pì bozi. Wà bè dɔ n yezi n gɔ Yudanɔ kína ũmɛ, <sup>7</sup> ben n annabinɔ diɛ aɔ o Yerusalemu kè mbe n kína ũ. Kína é yā pì ma. Beee yānzin n mɔ wà lé kpakɔsɔzi. <sup>8</sup> Ben ma lékpāsá kènnɛ ma bè: Yā kè nɛe oo kuuro. Mbe n yā pì ò n zīndaa. <sup>9</sup> Aɔ píngi aɔ yezi vīa ma kūmɛ, aɔɔe daa wa ɔ é gɔ dɔwazimɛ, wé e wà zīi pì mɔ dɛro. Ma Luda, n ma ɔ gba gbāaa.

<sup>10</sup> Ma gaa Delaya né Semaya, Metabeli dio be, zaake à a zĩnda yì a kpén. À bè: Wà kpakõa Luda kpén wà à gbà tatawale, zaake gbẽnɔ e mɔɔ n demɛ. Aǎé mó wà n de gwãavĩme. <sup>11</sup> Ben ma bè: Ma taka è bàa síú? Ma taka é f̃ à gá ute Luda kpén ma zĩnda mìsina yãnzíú? Mé gáro. <sup>12</sup> Má d̃ ma zĩndaa à yã pì e bɔ Luda kiiaro. À annabikɛyã pì ò ma yã musu kè Tobia kɔn Sambalao f̃ia bònɛ yãnzimɛ. <sup>13</sup> À f̃ia bònɛ le ṽia e à ma kũ mà durun ke mà gá gwe, aǎé gbasa wà ma tó yaka wà ma s̃s̃s̃. <sup>14</sup> Ma Luda, Tobia kɔn Sambalao yãkɛna pì g̃ dɔngu. Nɔgbɛ annabi Nɔadia yã g̃ dɔngu dɔ kɔn annabi kpaa kè aǎo yezi ṽia ma kũnɔ.

### *Yerusalemu b̃i m̃dena*

<sup>15</sup> Gurɔ baplaa akuri awɛɛplaa gbera wà b̃i pì mì dè Elulu mɔ gurɔ baaasɔrodeea. <sup>16</sup> Kè wa ibɛnɔ à baaru mà bens̃ borii kè aǎo ligawaziinɔ wée siàlɛ, aǎ kã gá aǎ d̃ sa kè wa z̃i pì kè kɔn wa Luda gbãaa. <sup>17</sup> Gurɔ beean Yudanɔ k̃inɛnɔ e takada kpãsa Tobiane pari, bens̃ Tobia pì e kpãsañɛ. <sup>18</sup> Yudanɔ yã yìo pari, zaake Ara né Sekanian à anzure ù bens̃ Berekia né Mesulamu bé Tobia né Yoanana anzure ù. <sup>19</sup> Aǎé à sáabu kpá ma wáa dɔ, ben aǎé ɛara wà ma yã t̃kɛnɛ. Tobia pì lánɔ kpãsamɛ dɔ le ṽia e à ma kũ.

## 7

<sup>1</sup> Kè wa b̃i bò bens̃ ma à lé gbànɔ p̃ɛɛɛ, wà zédãkparinɔ kɔn lèsirinɔ kɔn Levinɔ diɛ. <sup>2</sup> Ben ma a dãaro Anani diɛ Yerusalemu gb̃ensi ù kɔn zeki gbãaa gb̃ensi Ananiao, zaake gb̃é náanɛdeemɛ. À Luda ṽia ṽi de gb̃é pariinɔla. <sup>3</sup> Ma bèñnɛ: Wátongae Yerusalemu b̃iile gbànɔ w̃ero ai ɔf̃ant̃é gá gbãa kũ. Wàgae zé tata wà gb̃anganɔ dan ai zédãkparinɔ tá. Wà Yerusalemudeenɔ diɛdiɛ gudãkparinɔ ù dɔ, aǎ gb̃ekenɔ g̃ kú dãkpakia, aǎ gb̃ekenɔ ñ be saɛ.

## 8

### *Ezera Musa doka kyókɛna*

<sup>1</sup> Baade píngi kàkõa kɔn ledoleo g̃aalɛ kè kú Í b̃iile saɛ, ben wà bè danneri Ezeraɛ à bɔ kɔn Musa doka kè Dii diɛ Isarailinɔnɛ takadao. <sup>2</sup> Mɔ swɛɛplaa gurɔ káakun sa'ori Ezera bò kɔn Musa dokao parii aɛ. G̃gb̃enɔ kɔn nɔgb̃enɔ kɔn gb̃é kè aǎé f̃ wà yã maanɔ ñ píngi kú gwe. <sup>3</sup> À aɛ d̃ g̃aalɛ kè kú Í b̃iile pì saɛa, ben è takada pì kyó keɛ zaa kɔngɔ idɛ'idɛ ai ɔf̃ant̃é kà midangura g̃gb̃enɔ kɔn nɔgb̃enɔ kɔn gb̃é kè aǎé f̃ wà maanɔ wáa. Baade píngi swá d̃ Musa doka takada pì kyókɛnazi. <sup>4</sup> Danneri Ezera zena tinti lez̃i kè wà kè kɔn lío musu lá pì kyókɛna yãnzì. Matitia kɔn Semaio kɔn Anayao kɔn Uriao kɔn Ilikiao kɔn Masiao kú à ɔplaazi. Pedaya kɔn Misailio kɔn Malakiao kɔn Asumuo kɔn Asabadanao kɔn Zakario kɔn Mesulamuo kú à ɔzɛɛzi. <sup>5</sup> Kè Ezera takada wè, baade píngi è, zaake à zekii lez̃i deñla. Kè à wè, baade píngi f̃ɛ wà zè. <sup>6</sup> Ezera Dii Luda Bítade sáabu kpà, ben baade píngi ɔ sè musu aǎ bè: Aami! Aami! Ben aǎ mì p̃ɛɛ t̃ɔtɛ wà d̃nzi kè Diinɛ. <sup>7</sup> Gurɔ kè gb̃enɔ zena gwe, Levi kenɔ Musa doka dàdañɛ. Levi p̃inɔ t̃n yè: Yesua, Bani, Serebia, Yami, Akubu, Sabetai, Odia, Masia, Kelita, Azaria, Yozabada, Anana kɔn Pelayao. <sup>8</sup> Aǎ Luda doka takada pì kyó kè, ben aǎ b̃k̃ɔtɛ wà à wée wèñnɛ, le aǎ e wà kyó pì d̃. <sup>9</sup> Ben b̃usu gbãade Neemaya kɔn danneri sa'ori Ezerao kɔn Levi kè aǎo yã dadaa gb̃enɔnɛnɔ bèñnɛ: Gurɔ kèkii né Dii a Luda pómɛ. Àton ke wèndaro àton ɔɔ d̃ro. Zaake kè aǎo Musa doka yã maa, aǎo ɔɔ d̃ ñ píngi. <sup>10</sup> Neemaya bè: À gá à p̃ó ñsidee ble à í nnannaa mi. À li gb̃é kè aǎ p̃oke ṽiroonɛ. Gurɔ kèkii né wa Dii pómɛ. Àton s̃s̃obi ɔɔ d̃ro, zaake p̃onnaa kè Dii è kpáwa de a gbãa'ekii ù. <sup>11</sup> Levinɔ g̃aa wà gb̃enɔ ñsɛ kp̃aɛñnɛ wà bè: À ỹitɛ! Gurɔ kèkii né Luda pómɛ, àton s̃s̃obi ɔɔ d̃ro. <sup>12</sup> Ben aǎ f̃ɛ wà g̃aa wà p̃ó blè aǎ í mì, aǎ lik̃nɛ aǎ p̃onnaa kè maamaa, zaake aǎ yã kè wà ònɛ mà sa. <sup>13</sup> Mɔ pì gurɔ plaadeea uabedeennɔ kɔn sa'orinɔ kɔn Levinɔ kàkõa danneri Ezerazi, le wà e wà wée té Musa dokazi. <sup>14</sup> Ben aǎ yã kè Dii diɛ Musanɛ è gwe à bè, Isarailinɔ g̃ kú

lá kutaano guu mo swεεplaade zībaaguroa, <sup>15</sup> aō yā kèkii kpàakpa ke ní lakutuno guu kōn Yerusalemuo wà be: À boε à gá sèn à kù lánò kaso à suo kōn sãma lánò kōn swà lánò kōn damina lánò kōn lí orade lánò, le à lá kutaano doo lán à kú takadan nà. <sup>16</sup> Ben gbēno gaa wà kàsokaso wà sùo, baade kutaa dōo a kpé musu ke ua ke Luda ua ke Í bīile gāale ke Eflaimu bīile gāale. <sup>17</sup> Gbē kè aō bō zīzokεen pino lá kutaano dōdō ní píngi, ben aō kú à guu. Zaa Nuni né Yosua gurō ai gurō beee Isarailino e zībaa pì ke lero. Ben aō ponnaa kè maamaa. <sup>18</sup> Ezera egō Luda doka takada kyó kee lán guu è do nà naana zaa zībaaguro káakua ai à gaa à mì dèo. Aō zībaa pì kè gurō swεεplaame. A gurō soraagōdeea aō kakōana kè lán wà diε nà.

## 9

### *Isarailino ní durunno ona Ludane*

<sup>1</sup> Mo dōnkō pì gurō baro awεεsiigōdeea Isarailino kō kākōa kōn léyinao kōn posia utano dadana, būsuo ká ní mìn. <sup>2</sup> Aō ní zīnda kè bori pādeno ben aō zena, aōe ní durunno kōn ní dezinō yāzaakenano oo. <sup>3</sup> Aō gō zena guu kè aō kún, ben wà Dii ní Luda doka takada kyó kèñne awa aagō, ben aō ní durunno ò aō donzi kè Dii ní Ludane awa aagō. <sup>4</sup> Levi kenō zena tinti kè wà kèñne musu, aō lé zù Dii ní Ludazi gbāngbān. Aō tōnon yè: Yesua, Bani, Kadamieli, Sebania, Buni, Serebia, Bani kōn Kenanio. <sup>5</sup> Levinō Yesua kōn Kadamielio kōn Banio kōn Asabaniao kōn Serebio kōn Odiao kōn Sebaniao kōn Petayao bè:

À fεε à Dii a Luda táaki lé!

À kuu zaa káaku ai gurō píngi.

Wà n tó gakuidee bō,

à de gbē tókpana kōn táakiola píngi.

<sup>6</sup> Mbe Dii ũ ndo.

N bātuma kè kōn n beε kè kú musuo kōn pó kè kú gweeno píngi.

N anduna kè kōn pó kè kúnno.

N ísīaa kè kōn pó kè kú à guuno.

Neε wēndi kpá ní píngia,

n be malaika pariino è donzi kenne.

<sup>7</sup> Mbe Dii Luda kè à Abramuo sè ũ,

n boo Uru, Kaladia būsun,

n à tó liene Ibraī.

<sup>8</sup> N è à n náane vī a swè guu,

ben n bè n bà égō kúo,

né Kanaa būsuo kpáa kōn à boriino,

būsuo kè Itino kōn Amōrinō kún

kōn Perizino kōn Yebusino kōn Gigasino.

Ben n lé kè ní gbēne pì pàpa,

kè ní maa yānzi.

<sup>9</sup> N nawēa kè wa dezinō kè Igipiti è,

n wiii kè aō lè Isia Tēaazi mà.

<sup>10</sup> N sèedanō kōn dabuyāno kè Fili'aunanε,

ní mōnzi kpāzi kōn à ibanō

kōn à būsudeeno ní píngi,

zaake ní dō lán aō aīa pāsī kè kōn wa dezinō nà.

N tó bō lán à kuu ai kōn a gbāao nà.

<sup>11</sup> N ísīaa zōkōrēne,

ben aō táa ò gukorin aō bikū.

N gbē kè aō pēñzino zù í lòn,

n n̄ zú lán gbè bà í ìsi pì guu.

<sup>12</sup> N dɔ n gbɛ̃nɔnɛ aɛ tɛluguu guu fãantɛ,  
gwãavĩ sɔ́ tɛ guu.

N zé kè de aɔ́ sé pù́nɛ.

<sup>13</sup> N pita Sinai kp̄iii musu,

n yã ò́nɛ zaa musu.

N doka zéde yãpuradee kp̄ám̄ma  
k̄ɔn yã maaa kè n̄ diɛnɔ.

<sup>14</sup> N̄ tò aɔ́ kámmabogurɔɔ d̄̄ n pó ũ.

N n̄ yãdiɛnanɔ k̄ɔn n̄ ɔɔk̄iio  
k̄ɔn n̄ dokao dà n zòbleri Musanɛ  
ben à kp̄ám̄ma.

<sup>15</sup> Kè nɔaa n̄ dé,

n póblee gbàɛ́nɛ zaa musu.

Kè ímii n̄ dé,

n í bò́nɛ gbèsin.

Bùsu kè n̄ à lé gbè́nɛ n̄ bè né kp̄ám̄man

n̄ bè́nɛ aɔ́ gá wà sí n̄ pó ũ.

<sup>16</sup> Baa k̄ɔn beeeo wa dezi p̄inɔ karambaani v̄i,

aɔ́ swã gbãa kù,

aɔ́èḡɔ n̄ yãdiɛnanɔ k̄unaro.

<sup>17</sup> Aɔ́ ḡi n̄ yã mazi,

dabuyã kè n̄ kè́nɛnɔ yã sã́ngu.

Aɔ́ swã gbãa kù aɔ́ bò n̄ yã kp̄ɛɛ

aɔ́ dɔn'aɛdee diɛ à ɛara à tányo zòbleen.

Luda, nɛè gbɛ̃nɔ durun kɛ́nɛ,

n̄ sùu v̄i k̄ɔn sósobio,

n̄ pɔɔ è f̄ɛ kpaaro,

n̄ gbɛ́kɛɛ v̄i b̄íta,

ben néɛ pã kp̄án̄ziro.

<sup>18</sup> Baa kè aɔ́ mò kàsa lán zùswarenɛ b̄òrɔ bà,

aɔ́ bè n̄ dii kè à n̄ bóɛ Igipitin gwe,

bens̄ɔ aɔ́ dɔkènyo maamaa,

<sup>19</sup> néɛ pã kp̄án̄zi gbáanlo

n̄ sósobi b̄íta yãnz̄i.

Tɛluguu p̄i d̄ò́nɛ aɛ à zé ò́dɔánɛ fãantɛ,

tɛ p̄i zé kè de aɔ́ sé pù́nɛ gwãavĩ,

èè n̄ tón zik̄iio.

<sup>20</sup> N n̄ Ninii kp̄ám̄ma à yã dà́nɛ.

Néɛ n̄ t̄ɛ manaro,

kè ímii e n̄ deɛ, n̄ n̄ gbá í.

<sup>21</sup> N n̄ gwá gbáan wè baplaa,

pókee e k̄ɛsám̄maro.

Aɔ́ pókásãanɔ e yakaro,

aɔ́ gbá e sésero.

<sup>22</sup> N boriinɔ kp̄ám̄ma k̄ɔn n̄ bùsunɔ,

n̄ n̄ bùsu p̄inɔ kp̄àaténɛ míɔm̄iɔ.

Aɔ́ ɛseb̄ɔ k̄i Sīs̄ bùsu s̄i n̄ pó ũ

k̄ɔn Basã k̄i Ogu p̄ó.

<sup>23</sup> N̄ tò aɔ́ boriinɔ pari kù lán sɔsɔnɛnɔ bà,

n gēnyo b̀usu k̀e n ò n denɔne ās gá wà sí n p̀o ũu guu.

<sup>24</sup> K̀e ās ńeno g̀aa wà b̀usu p̀i sí n p̀o ũ,  
ben n Kanaa k̀e ās k̀u gweenɔ k̀a d̀eńne,  
n n náńne n ɔzĩ k̀ɔn n ḱnana n ṕngi,  
n b̀usu p̀i boriino kp̀ámma,  
ās n p̀oyeziyá k̀eńma.

<sup>25</sup> Ās wéte b̄ideeno sí k̀ɔn t̀ote maaao,  
ās kp̀eno sí k̀ɔn p̀o maa k̀e ās k̀unno  
k̀ɔn l̀ogɔ k̀e wà ỳɔno  
k̀ɔn geepi búno k̀ɔn k̀ukpeno  
k̀ɔn lí k̀e wè à bee bleeno à k̀e bíta.  
Ās p̀o blè wà k̀a ās m̀e kp̀a,  
ās nnamana mà n aubarika bíta ỳanzi.

<sup>26</sup> Baa k̀ɔn beeeo ās swá gb̄aa k̀u,  
ben ās b̀ò n yá kp̀ee,  
ās kp̀ee lí n dokane.

Ās annabi k̀e ās lé dàńma  
le ās summaanɔ d̀ede,  
ās d̀okènyo maamaa.

<sup>27</sup> N n ná n íbɛenɔne n ɔzĩ,  
ās gb̄aaa m̀ńne,  
ben ās wii l̀enzi n naẃakena guu.  
Zaa musu n n wéekɛe sí  
n s̀osobi bíta ỳanzi,  
n m̀isirino d̀ieńne,  
ben ās n b̀o n íbɛe p̀ino ɔzĩ.

<sup>28</sup> Tó ās à ỳi è,  
ās èara wà yá k̀e à zaannee keme,  
ben n n kp̀a n íbɛenɔa,  
ās gb̄aaa blèńma.  
Ās èara wà wii l̀enzi,  
ben zaa musu n n wéekɛe sí,  
n n b̀o g̀en ũgbangba n s̀osobi ỳanzi.

<sup>29</sup> N lé dàńma ās ae d̀o n dokaa,  
m̀ode ās d̀okènyo,  
ās èḡo n yádienanɔ k̀unaro,  
yá k̀e t̀o gb̄e k̀una eéeḡo kuu à g̀azĩ.  
Ās zà n yá p̀ino ās kp̀ee linne,  
ās swá gb̄aa k̀u ās g̀i n yá mazi.

<sup>30</sup> N menáńyo à wè pari,  
n Ninii yá dà n annabinɔne,  
ben ās lé dàńma ās swá d̀oziro,  
ben n n ná bori p̀andenɔne n ɔzĩ.

<sup>31</sup> N s̀osobi bíta guu née n m̀i dero,  
Luda s̀uude s̀osobideen n ũ,  
née p̀a kp̀ánziro.

<sup>32</sup> Beee ỳanzi wa Luda,  
n bíta, n gb̄aa bens̄o n naasi v̄i,  
lán n bà èḡo k̀uwao n gb̄ekɛe guu nà,  
naẃea k̀e à wa le  
k̀ɔn wa ḱnana k̀ɔn wa d̀on'aedeenɔ

kɔ̃n wa sa'orinɔ̃ kɔ̃n wa annabinɔ̃  
 kɔ̃n wa dezinɔ̃ kɔ̃n n gbɛ̃nɔ̃ n pɪ̃ngi  
 zaa Asirianɔ̃ kɪ̃nanɔ̃ gurɔ̃ ai kɔ̃n a gb̃ãao,  
 ñton tó à kennɛ fétero.

<sup>33</sup> Yã kè à wa leenɔ̃ pɪ̃ngi musu n maa,  
 baa kè wa yã zaaa kè, n náanɛ vɪ̃.

<sup>34</sup> Wa kɪ̃nanɔ̃ kɔ̃n wa dɔ̃n'aɛdeenɔ̃  
 kɔ̃n wa sa'orinɔ̃ kɔ̃n wa dezinɔ̃  
 aɔ̃ɔe zɪ̃i kɛ n dokaaro,  
 aɔ̃ɔe laakari dɔ̃ n yãdiɛnanɔ̃aro  
 ke lé kè n dàmmannɔ̃.

<sup>35</sup> Baa gurɔ̃ɔ̃ kè aɔ̃ n zɪ̃nda vɪ̃  
 bensɔ̃ aɔ̃ pɔ̃ maa parii kè n n gb̃ánɔ̃ vɪ̃  
 kɔ̃n bùsu yàasa taakidee kè n kpàmm̃ao,  
 aɔ̃ɔe dɔ̃nziro,  
 aɔ̃ɔe kpɛɛ li n yã zaaanɔ̃nɛro.

<sup>36</sup> Ñ gwa! Zònnɔ̃n wa ù gb̃ãa.  
 Bùsu kè n kpà wa dezinɔ̃a  
 aɔ̃ à líbɛɛnɔ̃ kɔ̃n à pɔ̃ maaanɔ̃ ble,  
 zònnɔ̃n wa ù à guu.

<sup>37</sup> Kína kè n tò aɔ̃ kí blewaanɔ̃,  
 wa búgbe yàasanɔ̃ gɔ̃ n pɔ̃ ù  
 wa durunnɔ̃ yãanzi.  
 Aɔ̃è kí blewa kɔ̃n wa pɔ̃kãdeenɔ̃  
 lán aɔ̃ yezi nà.

Wá kú wéetãmma bíta guu.

<sup>38</sup> Yã beeenɔ̃ yãanzi pɪ̃ngi wée ledole kɛɛnyo kɔ̃n yãpuraao wée kɛɛ lá guu. Wa dɔ̃n'aɛdeenɔ̃  
 kɔ̃n Levinɔ̃ kɔ̃n wa sa'orinɔ̃ɔ̃ e n sèeda kɛɛa.

## ESITA

### *Kí Asueru naṣ Vasati bɔna kpatan*

<sup>1</sup> Kí Asueru gurɔ à kí blè b̀usu m̀en baswɛedo awɛeswɛɛplaaanɔ sena zaa India b̀usun ai à gàa pé Etiopia b̀usua. <sup>2</sup> Vɛɛna à be zaa Susa wɛtɛdaan <sup>3</sup> à kiblɛna wɛ̀ aagɔdee guu à gbãadeenɔ kɔn a ibanɔ kàkɔa ń píngi zĩbaa pɔbleea. Pɛsia kɔn Midião b̀usu zĩkari bàdeenɔ kú gwe kɔn gbɛ̀ b̀ɛdeenɔ kɔn b̀usu gbãadeenɔ. <sup>4</sup> À a kpata auziki bítanɔ kɔn a bítakɛ gakuio ò̀ɔaĩne ai mɔ swɛedo. <sup>5</sup> Kè gurɔ beeenɔ pàpa, à zĩbaa pɔblee kè gbɛ̀ kè aɔ̀ kú Susanɔne, kínenɔ kɔn talakanɔ ń píngi. Wà zĩbaa pɔ̀ blè ai gurɔ swɛɛplaa à be ua líkpen. <sup>6</sup> Wà bisa pura kɔn à búguo d̀ò̀d̀ò kondogi tãnganɔ kɔn bà puraanɔ kɔn bà gaarura'ideenɔ, ben wà lògo kpé wesagba kè wà b̀ò kɔn gbɛ̀punɔa. Vura kɔn kondogi daɛbɔnɔ kaena gusararaa kè wà kè kɔn gbɛ̀puo kɔn gbɛ̀tɛo kɔn gbɛ̀ siaa kɔn gbɛ̀ búguoa. <sup>7</sup> Wà wɛɛ d̀ò̀nne gwe kɔn vura ímibɔnɔ. Ímibɔ̀ pìnɔ bori doodo píngime. Kína wɛɛ̀ pì kpàĩma à gè̀ ɔla. <sup>8</sup> Kína dìe kè wàton gí wɛ̀mirinɔnero. À bè a begwarinɔne aɔ̀ wɛ̀ kpá baadea lán à yezi nà.

<sup>9</sup> Kí Asueru naṣ Vasati zĩbaa pɔblee kè nɔgbɛ̀nɔne kibe dɔ. <sup>10</sup> À gurɔ swɛɛplaaadee zĩ kína pɔ̀ kè nna wɛɛa, ben à bè a dogari gɔ̀n swɛɛplaaa kè wà ń fɛɛ kènɔne: Mɛuma, Bizita, Abona, Bigita, Abagata, Zeta kɔn Kakasao <sup>11</sup> aɔ̀ móare kɔn a naṣ Vasatio kɔn à kí naṣ f̀urao kuna, le à à maakɛ ɔ̀ɔa gbɛ̀nɔne kɔn gbãadeenɔ, zaake nɔgbɛ̀ pì né nɔɔme. <sup>12</sup> Kè kína dogari pìnɔ yã pì ò̀ à naɔne, à gí mózi, ben kína pɛ̀tɛ̀ kè à f̀ɛzi maamaa. <sup>13</sup> Kína yã pì ò̀ wɛɛzɛri sɔ̀sɔneyãd̀rinɔne, zaake ègɔ̀ yã píngi gbekaa gbɛ̀ kè aɔ̀ b̀usu doka d̀ɔ̀nɔame. <sup>14</sup> Pɛsia kɔn Midião gbãadee kè aɔ̀ègɔ̀ kú à sae gɔ̀n swɛɛplaaanɔ tón yè: Kasena, Seta, Adamata, Tasisi, Mɛresi, Masena kɔn Mɛmukão. Aɔ̀mbe à kpàasinɔ ù. À kpata gbãadeenɔn gwe. <sup>15</sup> À bèĩne: Ma a dogarinɔ zĩ ma naṣ Vasatia kɔn yão, ben à gí mazi. Wé keo diame? Doka bè diame? <sup>16</sup> Ben Mɛmukã̀ bè kinanɛ kɔn gbãadee pìnɔ: Kí, m̀be n naṣ Vasati taari kènne ndoro, à taari kè gbãadeenɔne kɔn n b̀usu gbɛ̀ sãnda píngio. <sup>17</sup> Yã kè n naṣ pì kè é dagula, nɔgbɛ̀ píngi é ma aɔ̀é kya ká ń zãnɔn wà be: Kí Asueru bè wà a naṣ Vasati sísiare, ben à gí mózi. <sup>18</sup> Pɛsia kɔn Midião b̀usu gbãadeenɔ nɔ̀ kè aɔ̀ n naṣ yã pì mànɔ égae yã sí ń zãnɔla tia. Lɛ'ɛ'ena kɔa kɔn zɔkao é ke bíta. <sup>19</sup> Kí, tó à kènne, ń yã dìe Vasatine àton wɛɛ sinle doro, ń nɔgbɛ̀ kè deàla kpá kpatan à gɛ̀ ù. Weé yã pì kè Pɛsia kɔn Midião doka kè wè gbororo takada guu. <sup>20</sup> Tó wà yã kè ń dìe kpàakpa kè n b̀usu bíta guu píngi, nɔgbɛ̀nɔ é bèe lí ń zãnɔne, nɔ gbãadeenɔ kɔn nénɔkparenɔ ń píngi. <sup>21</sup> Yã pì kà kinanɛ kɔn gbãadeenɔ ń píngi, ben à kè lán Mɛmukã̀ òne nà. <sup>22</sup> Ben à lékpãsà kè b̀usu kè èe kí bleemmanɔne píngi, b̀usu kɔn b̀usuo kɔn à lákɛna borio, bori kɔn borio baade kɔn a boriyão. À bè gɔ̀gbɛ̀ bé eégɔ̀ gbãaa blee a ua guu, à boriyãn wàgae o ua pì guu.

## 2

### *Esita gɔ̀na kína naṣ ù*

<sup>1</sup> Yã beeenɔ gbera kè kí Asueru pɔ̀ wèrea, yã kè Vasati kènɛ kɔn yã kè à dìe à yã musuo e sãnlo. <sup>2</sup> Ben kína ibanɔ bène: Kí, ń tó wà nɔkpare maaanɔ wɛtɛnne. <sup>3</sup> Ń gbɛ̀nsinɔ dìe n b̀usunɔ guu píngi aɔ̀ nɔkpare maaanɔ kakɔa aɔ̀ mó wà ká n nɔgbɛ̀nɔla Susa kè. N nɔgbɛ̀nɔ gwàri Egai kè wà à f̀ɛe kè é ń gwa kɔn n nɔɔnɔ, weé ń keke kɔn nɔmaablebɔnɔ wásawasa. <sup>4</sup> Nɔgbɛ̀ kè kènne é gɔ̀ n naṣ ù Vasati gɛ̀ ù. Yã pì kè kinanɛ nna, ben à zèo le.

<sup>5</sup> Yuda kee kú Susa Beyãmi boriime, à tón Mɔdekai, Yairi néme. Simeĩ kɔn Kisio kú à dezinɔ té. <sup>6</sup> À kú zĩzɔ̀ kè Babilɔnu kí Nebukanɛza ń kũkũ Yerusalemu kɔn Yudanɔ kí Yekɔniao à tãnyonɔ té. <sup>7</sup> Èe a desɛ̀ né Adasa kè wè bene dɔ Esita gwaa, zaake à de kɔn à dao kuuro. Nɔkpare pì kakana maa bensɔ̀ à maa. Kè à de kɔn à dao gà, Mɔdekai à sè a né ù.

<sup>8</sup> Kè wà yā kè kína diè pì mà, ben wà gàa kǝn nǝkparɛnǝ paripari Susa wà n ná Egainɛ a ɔzĩ. Ben wà Esita sè wà gàao kíbɛ kína nǝgbɛnǝ gwàri pìnɛ. <sup>9</sup> Nǝkparɛ pì kènɛ maa, ben à gbɛkɛɛ kènɛ à bè wà à kɛkɛ kǝn nǝmaablebǝnǝ wásawasa gǝɔ, wà pǝble maaa kpáa. À kíbɛ nǝkparɛ kè à sè gǝɔn swɛɛplaaanǝ kpáa, ben à kpé maaa kpáa kína nǝgbɛnǝ bɛ. <sup>10</sup> Esita e a borii ke a bɛ bùsu o gbɛkenɛro, zaakɛ Mǝdekai bènɛ àton tó gbɛkɛɛ dǝro. <sup>11</sup> Lán guu e dǝɔ nà Mǝdekai ègǝ kína nǝgbɛnǝ bɛ gāalɛ zé sǝ, lɛ à e àgǝ Esita kuuna dǝ kǝn yā kè èe à leeo.

<sup>12</sup> Ai nǝkparɛnǝ zé e wàgǝ gá i kǝn kí Asueruo, séto aǝ yā kè wà diéñnɛ kɛ gĩa ai mǝ kuri awɛɛplaa. Wègǝ nǝsi kè wà kè kǝn lí'ɔ gũ nnannaao kɛmǝma ai mǝ swɛɛdo, ben wègǝ n kɛkɛ kǝn tuaenǝ kǝn nǝgbɛ mɛkɛkɛbǝnǝ ai mǝ swɛɛdo. <sup>13</sup> Nǝkparɛ kè kína bè ina kàa, kí naǝnǝ bɛ pǝ kè à gbɛka pínɡi wè kpáa à gáome. <sup>14</sup> È gá uusie à su kí naǝnǝ bɛ kǝngǝ gwàri kè wè benɛ Sasagaza kè wà à fɛɛ kè fáandi. Àmbe è ɔ liga kí nǝ yìgisai pìnǝzi. È e à ɛara à gá kína kiia dǝro, séto à yā kà kína pìnɛ à à sìsi dǝ baasiro. <sup>15</sup> Kè ina kà Abiaili né Esita kè à desɛ Mǝdekai à sè né ũu pìà, èe pǝkɛ gbekaro, séde pǝ kè kína nǝgbɛnǝ gwàri Egai pì ònɛ baasiro. Esita yā kà gbɛ kè aǝ wée siàlɛnǝnɛ n pínɡi. <sup>16</sup> Kína kíbɛna wè swɛɛplaaadee guu wà gàao à bɛ mǝ kuride Tɛbɛ guu. <sup>17</sup> Kína ye Esitazi dɛ a nǝ kpaaanǝla n pínɡi. À yā kànɛ, à kènɛ maa dɛ nǝkparɛ kpaaanǝla n pínɡi, ben à kí naǝ fùra kùnɛ à à diè a nǝ Vasati gɛɛ ũ. <sup>18</sup> Ben kína pì zĩbaa pǝblee kè à gbāadeenǝ kǝn a ìbanǝ kàkǝa Esita sɛna yā musu. À diè kè wà zĩbaa bíta kɛ, ben wà à kpàakpa kè bùsu kǝn bùsuo, ben à gba dà gbɛnǝnɛ à gè ɔla.

### *Mǝdekai kǝn Amanao*

<sup>19</sup> Nǝkparɛnǝ kakǝana gèn plaadee Mǝdekai vɛɛna kíbɛ gānu guu. <sup>20</sup> Esita e a bɛ bùsu ke a boriiyā o gbɛkɛɛ màro lán Mǝdekai ònɛ nà. À tɛ Mǝdekai yāzi lán ègǝ kɛɛ nà zaa gurǝɔ kè èe à gwaa. <sup>21</sup> Kè Mǝdekai vɛɛna kíbɛ gānu guu lɛ, kí Asueru dogari zédákpari gǝɔn plaaanǝ pǝɔ fɛ kínazi, ben aǝ lé kpàkǝsǝzi wà à dɛ. Aǝ tǝn yè: Bigitana kǝn Tɛɛsio. <sup>22</sup> Kè Mǝdekai yā pì kpāi mà, à ò kína naǝ Esitanɛ, ben Esita ò kinanɛ kǝn Mǝdekai tǝo. <sup>23</sup> Wà yā pì gwàgwa wà è yāpuramɛ, ben wà gǝɔn plaa pìnǝ lògo lía aǝ gà. Wà yā pì kè bùsu gĩayākenanǝ takadan kína wáa.

## 3

<sup>1</sup> Yā beenǝ gbɛra kí Asueru Amɛdata né Amana, Agaga borii gwena kàara à à gbà gbāa, à vɛɛkii kè dɛ a gbāade daanǝ pínɡi pǝlaa kpáa. <sup>2</sup> Kína ìba kè aǝ kú à bɛ gānu guunǝ è daɛ n puaa wà mì siɛ Amananɛ lán kína diè nà, mǝdɛ Mǝdekai è daɛ a puua à mì siɛnɛro. <sup>3</sup> Ben kína ìba pìnǝ Mǝdekai là wà bè: À kè dia néɛ kína yā maroo? <sup>4</sup> Lán guu e dǝɔ nà aǝègǝ ɔonɛ lɛ, mǝdɛ è n yā daro, à bè Yudan a ũ. Ben aǝ ò Amananɛ lɛ wà e wà dǝ tó eé Mǝdekai yākɛna pì fɛ. <sup>5</sup> Kè Amana è Mǝdekai è daɛ a puua à mì siɛarero, ben à pǝ fɛ. <sup>6</sup> Kè wà Mǝdekai borii ònɛ, à mèn do dena kènɛ néngo, ben èe zé wɛtɛɛ à Mǝdekai bori Yuda kè aǝ kú Asueru bùsu guunǝ kaatɛ n pínɡi.

### *Amana lékpakǝsǝna Yudanǝzi*

<sup>7</sup> Kí Asueru kíbɛna wè kuri awɛɛplaaadeen à mǝ káaku Nisā guu, Amana gbè kè wè be purimu là, lɛ à mǝɔ kè eé yā pì kɛa dǝ kǝn à gurǝɔo. Ben yāgbekana pì bǝ mǝ kuri awɛɛplaaa kè wè be Ada guu. <sup>8</sup> Ben Amana bè kí Asuerunɛ: Bori kee kuu à gbɛnǝ fàakǝa bori pāndenǝ tɛ n bùsu pariinǝ guu pínɡi. Aǝ fɛɛakaarayānǝ bǝ doodo kǝn bori kpaaanǝ pǝo, aǝ n doka daro. Èe kǝ sío n n tó tɛɛero. <sup>9</sup> Kí, tó à kènɛnɛ nna, n yā diè lɛ wà n kaatɛ, mé kondogi tǝn wàa plaa kpá n ɔ'uterinǝ aǝ ká n auzikikaɛkiin. <sup>10</sup> Kína a tānga sèedakɛbǝ bǝ à kpà Amɛdata né Amana, Agaga bori Yudanǝ zanguri pìà <sup>11</sup> à bè: N kɛ borii pìnɛ lán à kènɛnɛ maa nà, nǝgǝ kondogi pì kùna n pǝ ũ.

<sup>12</sup> Mǝ káaku gurǝ kuri awɛɛ'aagǝdee zĩ Amana kína takadakɛrinǝ sìsi. Aǝ yā kè Amana diè kína ìbanǝ kǝn kína kè aǝ kú bùsu kǝn bùsuonǝ, bori kǝn borii o gbāadeenǝnɛ dà takadan.



Aṣṣò kẹ̀ bori kṣn boriione, baade kṣn a yāo, bṣsu kṣn bṣsuo kṣn à takadakēna boriio. Aṣṣò kẹ̀ kṣn kí Asueru tóo, ben aṣ à sèeda kẹ̀ takada pìà kṣn à tāngao. <sup>13</sup> Aṣ takada pìno nà zìrinṣne n zī aṣ n gbáe kí bṣsu parideenṣ guu. Takada pì guu wà bè wà Yudanṣ dede wà n kaate wà n borii bṣ, né fète gbēnsi, gṣgbēnṣ kṣn nṣgbēnṣ gurṣ doo guu, mṣ kuri awεεplaade Ada gurṣ kuri awεε'aagṣdee zī, wà n pṣnṣ nakṣa. <sup>14</sup> Weé yā kẹ̀ à diè pì takada kpāsā bṣsu kṣn bṣsuo pìngi le àgṣ de doka ũ, weé à kpàakpa ke bori pìngine le aṣgṣ kú soru guu gurṣ pì zī. <sup>15</sup> Zìrinṣ wà wà gàa gṣṣ yā kẹ̀ kína diè pì yānzi, ben wà à kpàakpa kẹ̀ Susa wétεdaan. Kína kṣn Amanao vṣε aṣṣe í sée. Susadeenṣ sṣ bídi kẹ̀ yā pìà.

## 4

### *Mṣdekai wéekena Esitaa le à lé da yan*

<sup>1</sup> Kẹ̀ Mṣdekai yā kẹ̀ wà kẹ̀ pì mà, à a pṣkāsānṣ gà à kẹ̀, ben à pṣsia utanṣ kùàla à túbu gbè a mià, ben èe lili oo wétε guu èe wēnda ṣ gbāaa dṣṣ. <sup>2</sup> À gàa ai kibe gāale, zaake gbēke è fṣ à gṣ kibe gānu guu kṣn pṣsia utanṣ danaro. <sup>3</sup> Wà yā kẹ̀ kína diè doka ũu pì kpàakpa kẹ̀ bṣsu kṣn bṣsuo pìngi, ben Yudanṣ nà ṣṣṣnaa maamaa baama pìngi kṣn léyinao. Aṣṣe wéε'i kwεεε aṣṣe sṣsobi ṣṣ dṣṣ. Aṣ gbē paridee pṣsia utanṣ kùàla aṣ túbu gbè n mìnṣa.

<sup>4</sup> Kẹ̀ Esita iba nṣgbēnṣ kṣn gṣgbēnṣ mò wà òne, à nṣse yāka maamaa. À pṣkāsānṣ kpāsā Mṣdekaine à da pṣsia utanṣ gbèn, mṣde èe we à sìro. <sup>5</sup> Ataka kẹ̀ wà à fṣε kèn dogari kẹ̀ kína diè àgṣ kú Esita sae ũ. Esita à sisi à à zī Mṣdekaia à gá à à lá: Bṣ yā bé à sù? Bṣyānzin èe keε lezi? <sup>6</sup> Ataka bṣ kibe gāale à Mṣdekai lè. <sup>7</sup> Mṣdekai yā kẹ̀ à à lee tṣkēne pìngi, ben à kondogi kẹ̀ Amana bè é ká kína auzikikaekiin Yudanṣ dedena yānzi lé òne papana. <sup>8</sup> À yā kẹ̀ wà diè Yudanṣ dedena yā musu kẹ̀ wà à kpàakpa kẹ̀ Susa takada kpàa dṣ le à ṣṣṣa Esitane à à bṣkṣte kenε. À bè à o Esitane à gá kína kiia à kúε kenε à wéε kea a gbēnṣ yā musu. <sup>9</sup> Ataka tà à yā kẹ̀ Mṣdekai ò tṣkē Esitane.

<sup>10</sup> Ben Esita bène à gá à yā kẹ̀ o Mṣdekaine: <sup>11</sup> Kína ibanṣ kṣn a bṣsu gbēnṣ dṣ n pìngi kẹ̀ tó gṣgbē ke nṣgbē sṣ kínazi à kpé guu, tó èe à sísiro, doka kuu mèn domε. Wé adee demε, tó èe ke kína a vura gò dṣ adeea le à e àgṣ kuu baasiro. Mapi sṣ, à kà gurṣ baaakuri kẹ̀ wéε ma sisi mà gá kína kiiaro. <sup>12</sup> Kẹ̀ à gàa à Esita yā pì tṣkē Mṣdekaine, <sup>13</sup> ben Mṣdekai èara à lékpāsā kēne à bè: Nṣngṣ daa mbe né bṣ ndo Yudanṣ té n kuuna kibe yānziro. <sup>14</sup> Tó n yītεna gurṣ kẹ̀ taka guu, dṣnle é bṣ gukea à Yudanṣ mì sí à n bṣ. Mpi kṣn n de bεdeenṣ sṣ é gaga. Tó gurṣ kẹ̀ taka yānzin n gṣ kína naṣ ũzi, dé bé à dṣṣ? <sup>15</sup> Ben Esita lékpāsā kẹ̀ Mṣdekaine à bè: <sup>16</sup> N gá n Yuda kẹ̀ aṣṣ kú Susanṣ kakṣa n pìngi, à lé yi ma yā musu. Àton pṣ blero àton í miro gurṣ aagṣ fāanté kṣn gwāavīo. Mapi kṣn ma ibanṣ wé lé yi le se. Beee gbera mé gá kína kiia, baa tó má gana zé vīro. Tó mé game, mà ga. <sup>17</sup> Ben Mṣdekai tà à yā kẹ̀ Esita òne kẹ̀ pìngi.

## 5

### *Esita wéekena kínaa*

<sup>1</sup> À gurṣ aagṣdee zī Esita a kí naṣ bisanṣ yì, ben à gàa à zè kibe ua guu kpé kẹ̀ à kún kpεεlea. Kína vṣεna kiblekitaa kpé guu gwe, à ae dṣna kpεεlea. <sup>2</sup> Kẹ̀ à a naṣ Esita è zena kpεεlea, à pṣṣ kèa nna, ben à a vura gò kẹ̀ à kùna dṣa. Esita sṣzi, à ṣ zṣ à gò pì léa. <sup>3</sup> Kína à là à bè: Esita, bṣ n yezi? Bṣn née gbekaamaa? Baa ma kpata kpadoomε mé kpámma. <sup>4</sup> À wèàla à bè: Kí, tó à kēnnε maa, n Amana sisi pṣblee kẹ̀ mée kεennεea gbāa. <sup>5</sup> Ben kína bè wà mó kṣn Amanao gṣṣ, le aṣ gá wà yā kẹ̀ Esita gbèka pì ke. Ben kína kṣn Amanao gàa le wà pṣblee kẹ̀ Esita kēinne pì ble.

<sup>6</sup> Kẹ̀ aṣṣe wṣε mii, kína Esita là à bè: Bṣn née wéε keε maa? Mé kēnnε. Yā kpāreen née gbekaamaa? Baa ma kpata kpadoomε mé kpámma. <sup>7</sup> Esita wèàla à bè: Yā kẹ̀ mée wéε

keemmaan yè. <sup>8</sup> Kí, tó ma n ponnaa è, tó à kànnè, ò yā kè mée wée keemmaa kemé, à mó à pòblee kè mé keare ziaa ble, mé yā kè n ma lazi onne.

<sup>9</sup> Kè Amana bò zī beee, à pɔɔ kè nna èe yāa dɔɔ. Mɔde kè à Mɔdekai è kibe gānu guu èe fɛarero èe vīa kearero, ben à pɔ fɛzi. <sup>10</sup> À a zīnda kù à tà be. Kè à a gbēnnanɔ sisi kōn a naō Zeresio, <sup>11</sup> ben èe ĩa dāa a auziki bīta kōn a négōgbē pariino yā musu. À bè kīna a gwena kàara à a gba gbāaa de à ĩba kpaanɔla kōn gbāadeenɔ n pīngi. <sup>12</sup> À bè dɔ: Mámbe mado kè kīna naō Esita ma sisi à pòblee kème kōn kīnao. À èara à ma sisi mà pò ble kōn kīnao zia dɔ. <sup>13</sup> Baa kōn beeeo tó ma Yuda bori Mɔdekai è vēena kibe gānu guu, yā beeenɔ pīngi è kemé pòke ūro. <sup>14</sup> Ben à naō Zeresi kōn à gbēnnanɔ bène: Ñ tó gbēnɔ lí péenne à lezī kà gāsāsuu baplaa akuri, ò wée ke kīnaa zia kōngɔ à n gba zé ò Mɔdekai logoa, né gbasà ò gā kōn kīnao pò ble kōn ponnao. Yā pì kà Amananè maamaa, ben à lí pì pèe.

## 6

### *Bèekaarana Mɔdekainè*

<sup>1</sup> Gwāavī beee kīna e fɔ à ii òro. Ben à bè wà mó kōn a bùsu gīayākenanɔ takadao. Wà à kyó kènè, <sup>2</sup> ben wà Mɔdekai yā è gwe, lán kīna dogari zédákpari gōn plaaanɔ Bigitana kōn Teresio lé kpàkōsōzi nà, ben Mɔdekai bōo. <sup>3</sup> Kīna a ĩbanɔ là à bè: Wà Mɔdekai bèe kàara wà à gbà gbāaa yā pì yānzi diame? Aō wèàla wà bè: Wèe yāke kenero. <sup>4</sup> Ben kīna bè: Dé bé à kú ua guu gwee? Àe sō Amana gè kibe ua guu gō le à Mɔdekai logona lí kè à pèe pīa yā onè. <sup>5</sup> Ben kīna ĩbanɔ wèàla wà bè: Amana bé à kú uan gwe. Ben kīna bè à gē. <sup>6</sup> Kè à gè, kīna à là à bè: Bón weé ke gōgbē kè má yezi mà à gwena kaaranè? Amana laasuu lè à bè: Dén kīna yezi à bèe kaaranè de mapilaa? <sup>7</sup> Ben à wèàla à bè: Tó n yezi ò gbē bèe kaara, <sup>8</sup> weé kīna gumusu kè n dà yā sé wà mó kōn n sō kè wà kífura kùao. <sup>9</sup> Ñ gumusu pì kōn sō pìo kpá n gbāade bèedeennɔ gbē mèn dooa, à gumusu pì da gbē kè n yezi ò à bèe kaaraanè à à dī sōa àgō té à ae wéte zédaanɔ guu àgō pūtā àgō bee: Len kīna è ke le gbē kè à yezi à à bèe kaaranè. <sup>10</sup> Ben kīna bène: Ñ gā ò gumusu pì sé gō kōn sōo lán n ò nà, ò yā pì ke Yuda bori Mɔdekai kè ègō vēena ma be gānu guunè. Ñton yā kè n bè wà kenè pì ke tóro.

<sup>11</sup> Amana gāa à gumusu pì sè kōn sō pìo à sùo. Ben à gumusu pì dà Mɔdekainè à à dī sōa, à té à ae wéte zédaanɔ guu, èe pūtā à bè: Len kīna è ke le gbē kè à yezi à à bèe kaaranè. <sup>12</sup> Kè aō sù, Mɔdekai gāa à vèe kibe gānu guu, ben Amana ɔ kù a wéa à tà be kōn ɔɔɔɔ. <sup>13</sup> À yā kè a lee tōkè à naō Zeresinè kōn a gbēnnanɔ n pīngi. Ben à lédamari pìno kōn Zeresio bène: Zaake Mɔdekai kè née kēsāazi pì né Yuda boriime, né à fɔ doro, eégō gbāaa bleemmame. <sup>14</sup> Gurɔ kè aōe yā pì oone, kīna dogari kè wà n fèe kènɔ kà, ben aō à sè kpakpaa aō gāao pòblee kè Esita kèa.

## 7

### *Amana logona lía*

<sup>1</sup> Ben kīna kōn Amanao gāa pò ble kōn Esitao. <sup>2</sup> Gurɔ kè aōe wèe mii à gurɔ plaadee pì zī, ben kīna Esita là à bè: Esita, bón né wée kemaa? Mé kenne. Yā kpareen née gbekaamaa? Baa ma kpata kpadoo mé kpámma. <sup>3</sup> À wèàla à bè: Tó ma n ponnaa è bensō yā pì kànnè, ò tó màgō kú wèndio. Wéekèe kè má kemmaan gwe. Ñ tó ma gbēnɔ gō wèndi vī. Yā kè má gbèkan gwe. <sup>4</sup> Zaake mapi kōn ma gbēnɔ, wà diè kè wà wa dede wà wa kaate wà wa borii bome. Tó wèe wa yaa zònɔ ū yāme, le má yītena. Nawēa beee taka e ká mà ĩa dammaro. <sup>5</sup> Ben kīna à là à bè: Démèe? Dé bé eé fɔ à ze kōn yā beee taka bori kenaoee? <sup>6</sup> À wèàla à bè: Amana vāii kèn ibeè kè zàwaguu pì ū. Swè kè Amanan kīna kōn a naō pìo yā musu. <sup>7</sup> Kīna fèe a wèela pɔfè guu à gāa líkpen a ua guu. Amana sō gō gwe kōn Esitao, ben Amana e kúe keene a wèndi yā musu, zaake à è kè kīna zèo à zaaa keareme. <sup>8</sup> Kè kīna bò líkpen à sù pòblekiia

gɔɔ, Amana lèe kíta daebɔ kè Esita gɛekeskenaa ben à bè: À yezi à kusi ma naɔa ma wáa kpé guu kèn yɔ? Kè yá pì bò kína lén gɔɔ, wà mò wà pɔ yì Amana uua. <sup>9</sup> Kína dogarinɔ doke Abona bène: Lí peena Amana pì beɛ sae à kà gàsásuu baplaa akuri. Àpì bé à lí pì pèe le à Mɔdekai kè yá maaa kènnɛe logoa. Ben kína bè: À à logo lí pì. <sup>10</sup> Kè aɔ Amana lògo lí kè à pèe Mɔdekaine pì, ben kína pɔfè kpàe.

## 8

### *Kína yá pānde diena Yudanɔ yá musu*

<sup>1</sup> Zì beeean kí Asueru Yudanɔ zanguri Amana beɛ kpà a naɔ Esitaa. Esita bè kínane Mɔdekain a danɛ ũ, ben Mɔdekai sò kínazi. <sup>2</sup> Kína a tǎnga kè à sì Amanaa bò à dà Mɔdekaine, ben Esita Amana beɛ nàne à ɔzì.

<sup>3</sup> Esita èara à gàa yá o kínane dɔ. À dàe à gbá sae èe wée'i kwɛɛɛ, à kúe kène le à à zaaa kè Agaga bori Amana à lé kpàkɔsɔ Yudanɔzi gboro. <sup>4</sup> Kína vura gò dɔa, ben à fèe à zè à ae <sup>5</sup> à bè: Tó à kènnɛe bensɔ ma n pɔnnaa è, tó yá kè zé vī bensɔ ma yá kànnɛe, zaake Amɛdata né Amana, Agaga borii zèo à Yuda kè aɔ kú n bùsu guunɔ dede n pínɡi, n o n takadakèrinɔne aɔ takada kè wà Amana yá pì liɛ kpeegānda. <sup>6</sup> Mé ke dia màgɔ mɔnzi kè eé ma gbèno lee gwaa? Mé ke dia màgɔ ma boriinɔ dedena gwaa? <sup>7</sup> Ben kí Asueru bè a naɔ Esitanɛ kɔn Mɔdekaio: À gwa, ma Amana beɛ kpà Esitaa, ben ma Amana pì lògo lía kè à à zaaa kpàkɔsɔ Yudanɔzi yānzi. <sup>8</sup> À takada kè Yudanɔ yá musu lán à kèare maa nà. À kè kɔn ma tóo à ma tǎnga sèeda kea, zaake takada kè wà kè kɔn ma tóo wà ma tǎnga sèeda kèa gborona vīro. <sup>9</sup> Gwe gɔɔ aɔ kína takadakèrinɔ sisi. Mɔ aagɔde Sivá gurɔ baro awɛɛ'aagɔdee zīn aɔ yá kè Mɔdekai diɛ Yudanɔne kɔn kína ibanɔ kɔn kínano kɔn bùsu gbāadeenɔ kè pínɡi bùsu mèn baswɛedo awɛɛswɛɛplaaanɔne sena zaa India bùsun ai à gàa pé Etiopia bùsua. Aɔ takada kè bùsu kɔn bùsuo kɔn n lákèna boriio, bori kɔn boriio kɔn n yāo. Aɔ takada kè Yudanɔne kɔn n lákèna takao kɔn n boriyāo dɔ. <sup>10</sup> Mɔdekai takada kè kɔn kí Asueru tóo à kína tǎnga sèeda kèa à takada pìnɔ nà zīrinɔne n ɔzì, ben aɔ dī sɔ bàaleri kè aɔ bò kína sɔ gānu guunɔa aɔ gāao.

<sup>11</sup> Yá kè kína diɛ pì Yuda kè aɔ kú wéte kɔn wéteonɔ gbà zé aɔ kɔ kakɔa aɔ gí kɔn n zīndao. Tó borii ke bùsu zīkpeɛ ke lèémma kɔn n néno kɔn n nɔgbèno, aɔ n dede aɔ n kaate aɔ yāaño aɔ n pónɔ sɛɛ. <sup>12</sup> À n gbá zé aɔ beee ke kí Asueru bùsunɔ guu pínɡi mɔ kuri awɛɛplaade Ada gurɔ kuri awɛɛ'aagɔdee zī. <sup>13</sup> Wà yá kè à diɛ pì takada kpàsá bùsu kɔn bùsuo pínɡi doka ũ. Wà à kpàakpa kè bori pínɡine le Yudanɔ gɔ kú soru guu aɔ yá yá n ibɛenɔa zī beee yānzi. <sup>14</sup> Kína yādiɛna pì yānzin zīri pìnɔ kè kpakpaa dina kína sɔ bàalerinɔa aɔ gàa. Bensɔ wà yá pì kpàakpa kè Susa wétèdaan. <sup>15</sup> Mɔdekai bò kibe à kíkɛ pɔ pura kɔn pɔ búguo dana, à kífura bíta kè wà pì kɔn vuraɔ kuna. À táaru bisa gumusu tēaa dana dɔ, ben Susadeenɔ guda kè kɔn pɔnnaao. <sup>16</sup> Guu pù Yudanɔne zī beee, aɔɔe pɔnnaa keɛ kɔn yáadɔɔo, zaake wà n gbá gbāaa. <sup>17</sup> Bùsu kɔn bùsuo wéte kɔn wéteo, guu kè kína yá diɛna pì kàn pínɡi Yudanɔ pɔnnaa kè kɔn yáadɔɔo aɔ zībaa kè kɔn pòblenao. Bori pāndenɔ gò Yudanɔ ũ pari, kè vīa n kú Yudanɔ yá musu yānzi.

## 9

### *Yudanɔ zīblena n ibɛenɔa*

<sup>1</sup> Mɔ kuri awɛɛplaade Ada gurɔ kuri awɛɛ'aagɔdee zīn yá kè kína diɛ kegurɔ ũ. Zī beeean Yudanɔ ibɛenɔ wée dɔzi yá kè aɔ gbāa mɔ Yudanɔne, mɔde yá pì liɛ kpeegānda, ben Yudanɔ gbāaa mò n ibɛenɔne. <sup>2</sup> Kí Asueru bùsunɔ guu pínɡi Yudanɔ kɔ kàkɔa fáandi kè aɔ kún le wà lée gbè kè aɔ à zaaa kpàkɔsɔnɔnɔ. Gbèkee e fɔ à n furo, zaake bori pāndenɔ vīa kènnɛe n pínɡi. <sup>3</sup> Bùsu gbāadeenɔ, kí ibanɔ kɔn kínano kɔn à zīkerinɔ n pínɡi zè Yudanɔ kpeɛ, kè aɔɔe

vĩa keε Mɔdekaine yānzi. <sup>4</sup> Mɔdekai bèε vĩ kibe, ben à tó dà bùsu píngila, zaake à gbāaa e kaara.

<sup>5</sup> Yudanɔ́ n̄ ibeεnɔ́ dèdε kɔ́n fεεdaao aɔ́ n̄ káate n̄ píngi aɔ́ n̄ pɔyezi kè n̄ zanguri pìnɔ́a. <sup>6</sup> Aɔ́ gɔ́gbēnɔ́ dèdε Susa wétεdaan gɔ́ɔn wàa plaa kpé basɔ́ɔro. <sup>7</sup> Aɔ́ Pasandata kɔ́n Dalafɔ́o kɔ́n Asapatao <sup>8</sup> kɔ́n Poratao kɔ́n Adaliao kɔ́n Aridatao <sup>9</sup> kɔ́n Pamasatao kɔ́n Arisaio kɔ́n Aridaio kɔ́n Vaizatao dèdε dɔ́. <sup>10</sup> Gbē pìnɔ́ né Amεdata né Amana, Yudanɔ́ zanguri négɔ́gbē gɔ́ɔn kurinɔ́mε. Baa kɔ́n beeeo aɔ́ɔe ɔ́ ke n̄ pókearo.

<sup>11</sup> Gurɔ́ dɔ́nkɔ́ pì zĩ wà gbē kè wà n̄ dèdε Susanɔ́ pari lé gbà kínanε. <sup>12</sup> Ben à bè a naɔ́ Esitanε: Yudanɔ́ gɔ́gbēnɔ́ dèdε Susa kè gɔ́ɔn wàa plaa kpé basɔ́ɔro kɔ́n Amana négɔ́gbē gɔ́ɔn kurinɔ́. Bón aɔ́ kè ma bùsu kpaaanɔ́ guu sεε! Yā kpareen néε wéε keεma dɔ́ɔ? Mé kenne. Bó yān néε gbekaamaa? Mé kpámma. <sup>13</sup> Esita wèàla à bè: Kí, tó à kenne maa, n̄ Yuda kè aɔ́ kú Susa kènɔ́ gba zé aɔ́ yā kè n̄ diε aɔ́ ke gbàa ke zia dɔ́, wà Amana négɔ́gbē gɔ́ɔn kuri pìnɔ́ logo lía. <sup>14</sup> Kína bè, wà ke le. Wà à kpàakpa kè Susa, ben wà Amana né pìnɔ́ gè lògologo. <sup>15</sup> Yuda kè aɔ́ kú Susanɔ́ kɔ́ kàkɔ́a Ada gurɔ́ gēro dosaidee zĩ, ben aɔ́ gɔ́gbēnɔ́ dèdε dɔ́ gɔ́ɔn wàa dɔ́ kpé basɔ́ɔro. Baa kɔ́n beeeo aɔ́ɔe ɔ́ ke n̄ pókearo.

<sup>16</sup> Yuda kpaa kè aɔ́ kú kína búsunɔ́ guunɔ́ n̄ píngi kɔ́ kàkɔ́a le wà gí kɔ́n n̄ zĩndao aɔ́ bɔ́ n̄ ibeεnɔ́ yān, ben aɔ́ n̄ zanguri pìnɔ́ dèdε gɔ́ɔn bɔ́ɔɔ basiigɔ́ ɔ́ɔro sai. Baa kɔ́n beeeo aɔ́ɔe ɔ́ ke n̄ pókearo. <sup>17</sup> Aɔ́ yā pì kè Ada gurɔ́ kuri awεε'aagɔ́dee zĩmε, à gurɔ́ gēro dosaidee zĩn aɔ́ kámma bò. Aɔ́ gurɔ́ pì diε zĩbaa ũ le wà zĩbaa póblee ke wà pɔ́nnaa ke gurɔ́ pì.

<sup>18</sup> Yuda kè aɔ́ kú Susanɔ́ kɔ́ kàkɔ́a à gurɔ́ kuri awεε'aagɔ́dee zĩ kɔ́n à gurɔ́ gērodosaidee zĩo, ben aɔ́ kámma bò à gurɔ́ gērodee zĩ. Aɔ́ gurɔ́ pì diε zĩbaa ũ le wà zĩbaa póblee ke wà pɔ́nnaa ke gurɔ́ pì. <sup>19</sup> Beee yānzin Yuda búbari kè aɔ́ kú lakutu guunɔ́ è zĩbaa pì ke Ada gurɔ́ gēro dosaidee zĩ aɔ́ zĩbaa póblee ke wà pɔ́nnaa ke, aɔ́ póblee dakɔ́nε.

### *Purimu zĩbaa diena*

<sup>20</sup> Mɔdekai yā pìnɔ́ kè takada guu, ben à kpàsá Yuda kè aɔ́ kú kí Asueru bùsu guunɔ́nε n̄ píngi, gbē kè aɔ́ kú kīnɔ́ kɔ́n gbē kè aɔ́ kú zānɔ́ n̄ píngi. <sup>21</sup> À diéne kè aɔ́gae zĩbaa pì ke wè kɔ́n wèo Ada gurɔ́ gēro dosaidee zĩ kɔ́n à gurɔ́ gērodee zĩo. <sup>22</sup> Gurɔ́ pìnɔ́n Yudanɔ́ bɔ́na n̄ ibeεnɔ́ ɔ́zĩ zĩbaa ũ. Mɔɔ pì guu aɔ́ pɔ́siaa liε pɔ́nnaa ũ, aɔ́ sósobikena liε zĩbaakena ũ. Aɔ́gae zĩbaa pì ke gurɔ́ pìnɔ́ zĩ, aɔ́gae zĩbaa póblee ke wàgae pɔ́nnaa ke, aɔ́gae póblee dakɔ́nε, aɔ́gae gba da takaasideenɔ́nε. <sup>23</sup> Yudanɔ́ zè kɔ́n yā kè Mɔdekai kènnεo, ben zĩbaa kè aɔ́ kè pì gɔ́nne fεεakaarayā ũ.

<sup>24</sup> Amεdata né Amana, Agaga bori Yudanɔ́ píngi zanguri à zaaa kpàkɔ́sɔ́nzi à n̄ dèdε, ben à gbè kè wè sísi purimu gbèka le à e à n̄ fu à n̄ dèdε. <sup>25</sup> Mɔde kè kína yā pì asii mà, à yā diε takada guu, le à zaaa kè à à lé kpàkɔ́sɔ́ Yudanɔ́zi pì wí à musu. Ben wà à lògo lía kɔ́n a négɔ́gbēnɔ́ ledɔ́. <sup>26</sup> Beee yānzi wè gurɔ́ pìnɔ́ sísi Purimu, zaake gbè kè à là tón gwe. Yā kè Mɔdekai kè takada pì guu kɔ́n yā kè à n̄ léno yānzin <sup>27</sup> aɔ́ sì kè wà zĩbaa ke gurɔ́ plaa pìnɔ́ guu wè kɔ́n wèo. Aɔ́ bè n̄pìnɔ́ kɔ́n n̄ néno kɔ́n gbē kè aɔ́ n̄ammanɔ́ é gí zĩbaa pì keziro, wàgae ke à gurɔ́a lán wà kè lán nà. <sup>28</sup> Wè kɔ́n wèo gurɔ́ pìnɔ́ yā gae dɔ́ngu, aɔ́gae à zĩbaa ke uale kɔ́n ualeo wéte kɔ́n wéteo bùsu kɔ́n bùsuo, le Purimu zĩbaa pì tón m̄ de Yudanɔ́ kiiaro yānzi, à kegurɔ́ tón yāa n̄ boriinɔ́aro.

<sup>29</sup> Kína naɔ́ Esita, Abiaili né takada plaadee kè kɔ́n a ikoo píngi Purimu yā musu, à gbāaa kpàò takada kè Yuda bori Mɔdekai kèa. <sup>30</sup> Mɔdekai takada pì kpàsá Yuda kè aɔ́ kú kí Asueru bùsu mèn baswεεdo awεεswεεplaa guunɔ́nε. À kuuna aafia làakario kpaena yā ònne, <sup>31</sup> ben à Purimu zĩbaa pì diε a gurɔ́a, lán àpì kɔ́n kína naɔ́ Esitao diéne nà, lán aɔ́pìnɔ́ sɔ́ sì wà ke nà kɔ́n n̄ boriinɔ́ n̄ kpεε kɔ́n léyinao kɔ́n ɔ́ dɔ́ɔo. <sup>32</sup> Yā kè Esita diε pì gbāaa kpà Purimu doka pìnɔ́a, ben wà kè takadan.

**10***Kí Asueru kǝn Mǝdekaio yǎ*

<sup>1</sup> Kí Asueru tò gbě kè aǝ kú a bǝsu guunǝ píngi kǝn ísia luannǝ tángba kpáawa. <sup>2</sup> Yǎ bíta kè à kènǝ kǝn à ikokeyǎnǝ kǝna Midiǎnǝ kǝn Pǝsianǝ kínanǝ gǝyǎkǝnanǝ takadan. Lán kína Mǝdekai gbà gbǎaa à gǝ gběnsi ũ nà, à yǎ kú takada pì guu dǝ. <sup>3</sup> Yuda bori Mǝdekain kí Asueru kpàasi ũ. À tó bǝ Yudanǝ té bensǝ à yǎ kà nǝ gbě parideen, zaake à a gběnǝ aafia wète, ben à kuuna nna zé kèke a borii pìnǝnǝ.

## AYUBA

Setān Ayuba yōna 1:1-2:13  
 Ayuba kyakana a igurɔɔn 3:1-3:26  
 Ayuba gbēnnanɔ yāsialana 4:1-5:22  
 Ayuba wena a gbēnnanɔ 14, 19, 31  
 Dii wena Ayubala 38:1-41:34  
 Ayuba yā mīdena 42:1-42:17

### *Setān Ayuba yōna káaku*

<sup>1</sup> Gōgbē kee kú Uzu būsun yā à tón Ayuba. Gbē maaame, ègō taari vīro. À Luda vīa vī bensō à gī yāzaakenazi. <sup>2</sup> À négōgbēnɔ vī gōɔn swēεplaa, nénɔgbēnɔ gōɔn aagō. <sup>3</sup> À sāanɔ vī bɔɔ swēεplaa, lakuminɔ bɔɔ aagō, zùnɔ bɔɔ do, zaakinɔ wāa plaa kpé basɔɔro, bensō à zikerinɔ pari maamaa. À auziki bíta de ofāntēbɔε kpa gbēnɔ póla píngi. <sup>4</sup> À négōgbēnɔ ègō pɔnna póblee keekōne be kōn beεo, ašè n̄ dāre pìnɔ sísi aš mō wà pó ble wà í mińyo lēdo. <sup>5</sup> Gurɔɔ kè aš pɔnna pó blè wà yāa píngi, Ayuba è gbē zīm̄ma wà gbāsī bɔńgu. Tó à guu dò, è fεε kɔngɔ idε'idε à sa'opɔ kè wè ká tén à té kū o aš baadenε à be: Wègō dšro ma nénɔ durun kè aš dɔkè kōn Ludao n̄ swèn gwεε. Len Ayuba ègō kee le gurɔɔ píngi.

<sup>6</sup> Zīkea malaikanɔ mò wà zè Dii aε, bensō Setān kú n̄ té. <sup>7</sup> Ben Dii bè Setānne: N bɔ māmε? À wèàla à bè: Mée gaa mée suu mée likōaa zōɔ anduna guume. <sup>8</sup> Ben Dii bène: N ma zòbleri Ayuba ès? À sáa kú anduna guuro. Gbē maaame, à taari vīro. À ma vīa vī bensō à gī yāzaakenazi. <sup>9</sup> Ben Setān bè Diine: Ayuba n vīa vī pān yó? <sup>10</sup> M̄be n kara kpà n ligazi kōn à beεo kōn pó kè à vīnɔ píngi. N aubarika dà à zīin, ben à pónɔ kò à dàgula. <sup>11</sup> N̄ ɔ bɔ n̄ pá à pónɔa píngi n̄ gwa, tó èe yā zaaa onnero. <sup>12</sup> Ben Dii bène: Tò! Ma à pó píngi nānne n̄ ɔzī, mōde n̄ton ɔ pá à mèaro. Ben Setān gù Dii aε.

<sup>13</sup> Zīkea Ayuba négōgbēnɔ kōn à nénɔgbēnɔ e pó blee ašɔe geepiwēε mii n̄ vīi be. <sup>14</sup> Ben gbēke mò Ayuba kiia à bè: Zùnɔ e bú wii bensō zaakinɔ e sè blee n̄ saε, <sup>15</sup> ben Sebanɔ lèém̄ma aš n̄ sée wà tàn̄yo, aš n̄ dārinɔ dèdε kōn fēεdaao. Mámbe ma bɔ mado ma mɔ à baaru kpánne. <sup>16</sup> Èe yā o à yāaro, ben gbē pānde mò à bè: Laa pèε n̄ sá kpāsana aš té kù, pódārinɔ gāga. Mámbe ma bɔ mado ma mɔ à baaru kpánne. <sup>17</sup> Èe yā o à yāaro, ben gbē pānde mò à bè: Kaladianɔ kō kpàate gālī aagō aš mò wà lèe n̄ lakuminɔa wà n̄ sée wà tàn̄yo, wà n̄ dārinɔ dèdε kōn fēεdaao. Mámbe ma bɔ mado ma mɔ à baaru kpánne. <sup>18</sup> Èe yā o à yāaro, ben gbē pānde mò à bè: N négōgbēnɔ kōn n̄ nénɔgbēnɔ e pó blee ašɔe geepiwēε mii n̄ vīi be, <sup>19</sup> ben zàga'īa gbāaa kàka à bò gbāan à sù n̄ kpé gooda siigōnɔa, ben à lèe à s̄i né pìnɔa aš gāga. Mámbe ma bɔ mado ma mɔ à baaru kpánne.

<sup>20</sup> Ben Ayuba fεε à a uta gā à kè à a mi bò. Ben à dàε a puua à dɔnzi kè Ludanε <sup>21</sup> à bè: Ma bɔ ma da gbεεn ɔkori bensō mé εara mà tá ɔkori. Dii kpàma ben à èara à sìma. Wà Dii sáabu kpá.

<sup>22</sup> Yā pìnɔ guu píngi Ayuba e durun ke à Luda taari èro.

## 2

### *Setān Ayuba yōna gèn plaadee*

<sup>1</sup> Zīkea malaikanɔ èara wà mò wà zè Dii aε, Setān sō kú n̄ té. À zè Dii aε, <sup>2</sup> ben Dii à là à bè: N bɔ māmε? À wèàla à bè: Mée gaa mée suu mée likōaa zōɔ anduna guume. <sup>3</sup> Ben Dii

bènɛ: N ma zòbleri Ayuba ès? À sáa kú anduna guuro. Gbē maaamɛ, à taari vīro. À ma vīa vī bensō à gí yāzaakenazi. Baa kè n ma swā vūmɛ, ma mónzi kpàzi pā, à kpé kuu taari sai ai tia. <sup>4</sup> Ben Setān bènɛ: Ñ kemɛ mà kennɛ. Pó kè gbē vī píngi eé kpá a mìsina yānzi. <sup>5</sup> Ñ n ɔɔ bɔ ñ pá à mèa ñ gwa. Eé yā zaaa onnɛ. <sup>6</sup> Ben Dii bènɛ: Tò! Ma à nannɛ n ɔɔzī, mɔde ñ à wèndi tó.

<sup>7</sup> Setān gù Dii aɛ, ben à bògī zī Ayubaa sɛna zaa à kèsea ai à gāa pé à midangura. <sup>8</sup> Ben Ayuba takaso sè à gāa à vèe tubura, èe a zīnda waao. <sup>9</sup> À naō bènɛ: Négō kpɛɛ kuu taari sai ai tian yó? Ñ yā zaaa o Ludanɛ ñ ga. <sup>10</sup> Ben à bènɛ: Néɛ yā oo lán nɔgbē yōnkɔɔ bà. Wégō à maaa ee Luda ɔɔzī wà gí à zaaa ezió? Yā pìnɔ guu píngi Ayuba e durun kɛ a yā'ona guuro.

### *Ayuba gbēnnanɔ mɔna à kīia*

<sup>11</sup> Kè Ayuba gbēnna gōɔn aagōɔnɔ kisia kè à à lèno baaru mà, aō baade bò a be aō kō kàkōa, ben aō gāa wà sósobi keo aō à làakari kpáɛnɛ. Aō tónɔn yè: Temana gbē Elifaza, Sua gbē Bilidada kōn Naamati gbē Zofao. <sup>12</sup> Kè aō à wèndē kè zāazā, aōɔe à dōro, ben aō ɔɔ dò, baade a uta gā à kè, ben aō bùsu kò wà fā musu à kú ñ mìa. <sup>13</sup> Ben aō vèeo tɔɔte gurɔ swɛɛplaa fāantē kōn gwāavīo. Aō gbēkee e yāke ooro, zaake aō è lán à nawēa kè bíta nà.

## 3

### *Ayuba kyakana a igurɔɔn*

<sup>1</sup> Beee gbera Ayuba lé wè à yā zaaa ò a igurɔɔ musu <sup>2</sup> à bè:

<sup>3</sup> Luda ma igurɔɔ ke pā  
atēnsa gwāavī kè wà ma nò sì pì.

<sup>4</sup> Gurɔɔ pì li gusiaa ũ,  
zaa musu Luda tón à yā daro,  
àton tó guu puaro.

<sup>5</sup> Gusia kū níginigi gurɔɔ pì,  
ludambɛ siaa kúɛa,  
gusia bitim daàla.

<sup>6</sup> Gwāavī pì sō sia kū níginigi,  
wàton da wè gurɔɔnɔ té dōro,  
wàton naro mɔ gurɔɔnɔ guuro.

<sup>7</sup> Gwāavī pì ke gwāavī fī ũ,  
guda tóngō dɔ gurɔɔ beeeero.

<sup>8</sup> Pódamari kè aō tó ɔfāntē guu puroonɔ láari ke gurɔɔ pì,  
gbē kè aō dō lán wè ɔ ká kùkukuzi pìnɔ.

<sup>9</sup> À gudɔnao sɔɔnɛnɔ sia kū,  
weé à gudɔna dā pā, guwɛɛ é kēro.

<sup>10</sup> Zaake gurɔɔ pì e ma da né'isɔ zé tatamalero,  
à tò ma wéɛ sì nawēale.

<sup>11</sup> À kè dia wèe ma i gè ũroo?  
Bóyānzi mée bɔ gbɛɛɛn ma sɔkpa gōɔroo?

<sup>12</sup> À kè dia wà ma kpa gbálaa?  
Bóyānzín wà yō kpàma má mìzi?

<sup>13</sup> Tó ma ga yā, le ma gō kítikiti,  
le ma ii ò ma kámma bò

<sup>14</sup> kōn kīnanɔ kōn anduna guu lédamari  
kè aō kíbe ziinɔ kèkè wà bò ñ zīndanɛnɔ,

<sup>15</sup> wèɛnɛ kè aō vura kàkōanzinɔ  
bensō aō kondogi kà ñ kpén à pà.

- 16 À maa yā wà ma vīi lán nòbɔɛɛnɛ bà,  
lán né kè m̀ò gè ũ èe anduna eroo bà.
- 17 Gwen zaakɛrinɔ è n̄ zaakɛna tón  
bensɔ gbɛ busananɔ è kámma bon.
- 18 Zizɔnɔ è Ìampakii e gwe,  
aṣè n̄ wéetámmarinɔ kòto ma d̄oro.
- 19 Gbāadeenɔ k̄n talakanɔ kú gwe n̄ píngi,  
bensɔ zò èḡɔ de a dii p̀ó ũ gwe d̄oro.
- 20 B́yānzi Luda è guu pu wēndadeenɔnɛzi?  
À kè dia è wēndi kpá gbɛ kè aṣ p̀oo siaanɔa?
- 21 Aṣ wéɛ èḡɔ d̄o gaazi aṣè ero,  
aṣè kpáɛ kezi de auziki kè utenala.
- 22 Tó aṣ gà wà n̄ vīi, aṣè p̀onnaa ke,  
aṣ ǹòsɛ è ke nna.
- 23 Luda n̄ zia yā ùtɛn̄nɛ,  
à kara lìgánzi kpa sánda píngia.
- 24 Wesakak̄s̄a à bo bé à ḡs̄ ma p̀óblee ũ,  
ma m̀bona è yāaro.
- 25 Yā kè ma vīa kènɛ p̀i bé à ma le,  
yā kè ma k̄a ḡizi p̀i bé à s̀uma.
- 26 Má Ìampana vīro, ma làakari kpaɛnaro.  
Má kámmabona vīro, ma nawēakɛna è yāaro.

## 4

### *Elifaza yāsina Ayubala*

- 1 Ben Temana gbɛ Elifaza yā siàla à bè:  
2 Asa tó gbɛ yā ònnɛ, né p̀o f̄eroo?  
Zaake mé f̄o màḡo yītɛnaro.
- 3 N̄ d̄on lán n̄ lé dà gbɛnɔa pari nà,  
n̄ gbɛ kè aṣ gbāaa yāanɔ gbà swè.
- 4 N̄ yā gbɛ kè aṣɔe fuunɔ sè lezī,  
n̄ gbɛ kè aṣɔ busananɔ gbà gbāaa.
- 5 Kè yā n̄ le sa, ben néɛ fuu,  
kè à s̀umma, ben n̄ bídi kè.
- 6 N̄ vīakɛna Ludanɛ e n̄ làakari kpáeroo?  
N̄ kuuna taari sai è tó ñḡo t̄amaa vīroo?
- 7 N̄ laasuu lé ñ gwa!  
Kisia taarisaidee lè ziki ai à g̀á?  
Mán wà gbɛ maaanɔ kàatɛn zikii?
- 8 Gbɛ kè yā zaa bú wì à yākete t̄s̄a,  
má è beee bé è bɔɛnɛ.
- 9 Luda lé'íá bé è à kaatɛ,  
à p̀o b̄ona a yīn bé è à dúgu z̄s̄.
- 10 À p̀utána k̄n kòto gbāaaò lán músu bà è yāa,  
Luda è à swaa woronɛ.
- 11 È ga lán músu kè ǹòbɔ wètɛ à k̀orazi bà,  
à n̄nɔ é gbasa wà f̄aak̄s̄a.
- 12 Ma yā kp̄ai mà ìala,



yā pì asii gè ma swān.

<sup>13</sup> Gurɔɔ kè méε nana bèε oo gwāavī,

gurɔɔ kè gbēnɔ ii ò wà kà zā,

<sup>14</sup> vīa ma kū méε lugalugaa,

ma mè píngi e lugaa.

<sup>15</sup> Īa ke borii ma pa ma uua,

ma mèkāsεε fēε à zè.

<sup>16</sup> Kè à zè, méε à taka dōro,

pó pì kú ma aε,

ben ma à kòto kpāi mà à bè,

<sup>17</sup> gbēntee é f̄s àḡs de yānnadee ū Ludanéó?

Gbē é f̄s àḡs zēna a Kèri aεó?

<sup>18</sup> Zaaके Luda è a malaikanɔ náane kero,

bens̄s è a zòbleri pìnɔ taari e,

<sup>19</sup> wamɔwa kè wa mè de lán gù kpé bà,

wa kasana de bùsu kori ū

bens̄s wè wa dúgu z̄s lán dāmboo bà,

weé wa pó o d̄óó?

<sup>20</sup> Zaa kɔngɔ ai uusie gbēnɔ è gaga,

āsè kaate ai gurɔ píngi,

wè n̄ tàasi kero.

<sup>21</sup> Luda è n̄ kuta lí gboróne,

ben āsè ga ònd̄ókūsai.

## 5

<sup>1</sup> N̄ lé zú sa n̄ ma, tó gbēke é wenla.

Malaika kpareen né aε d̄oa?

<sup>2</sup> Íbetekpana è ȳnkɔɔ de,

n̄sεḡoanɔ è m̄saidee kaate.

<sup>3</sup> Má è ȳnkɔɔ kāsāa p̄εε,

ben kāsāa p̄i ȳò kāndo.

<sup>4</sup> À n̄nɔɔ z̄ā k̄n̄ aafia'ekii,

wè n̄ yā máεmaεñne yākpaekekiia,

gbēke è ze n̄ kpεεro.

<sup>5</sup> N̄oaderinɔ è à bura p̄ónɔ ble,

baa pó kè à lè ligazinɔ,

ímiderinɔ è luga à auzikizi.

<sup>6</sup> Kisia è fεε bùsunlo,

nawēa è b̄ε t̄ot̄ero.

<sup>7</sup> Lán t̄épūtāna gana seka vīro nà,

len gbē kè wà ì píngi è nawēa e le.

<sup>8</sup> Tó māmbee s̄s, Ludan mé gbeka,

mé ma yā kpáε à aεzī.

<sup>9</sup> È yā bíta ke kè weé f̄s wà à gbá d̄ōro,

weé f̄s wà à yāb̄nsaεkenanɔ lé d̄ōro.

<sup>10</sup> È tó lou ma t̄ot̄ea,

è tó à í dagula s̄ēte.

<sup>11</sup> È gbē busananɔ sé lezī,

è sósobikerinɔ gba p̄onnaa.

12 È yā kè m̀nafikideeǹ e p̀eεa gboro,  
le n̄ ɔ̀zi tóngɔ aubarika v̄iro yānzi.

13 È ɔ̀ndɔriǹ k̄ū n̄ w̄εεz̄ε guu,  
è tó yālekpeε'oriǹ yāgɔgɔna ke p̄ā.

14 Guu è sia k̄ūmma f̄āant̄e,  
āsè ɔ̀ máεmaε f̄āant̄e lán gwāav̄i bà.

15 È takaasideeǹ b̀ɔ gaa lézi,  
è p̀osaideeǹ b̀ɔ gbāam̀n̄neriǹ ɔ̀zi.

16 Beee yānzi gbāasaideeǹ t̄āmaa v̄i,  
yāzεdesaideeǹ è ȳite kyɔ.

17 Aubarikadeen gb̄e kè Luda è à tòto keε ũ.  
Tó Gbāapingidee e n swā gagaa, ònton yābuu tāro.

18 Zaake è gb̄e k̄enna ben è à b̀ɔ gwa,  
è gb̄e w̄iwi ben è à k̄k̄ɔa.

19 Eé n b̀ɔ yān ḡen swεεdo,  
baa tó à kà ḡen swεεplaa, kisia é n lero.

20 Eé n sí gaaa dekaagur̀,  
eé n b̀ɔ f̄εεdaa lézi z̄llan.

21 Dii é n b̀ɔ gb̄eyakariǹ ɔ̀zi,  
tó m̀nzi m̀, v̄ia é n k̄uro.

22 Né m̀nzi k̄n̄ n̄aaao yāa d̀,  
né v̄ia ke n̄b̀ɔ p̄as̄in̄ero.

23 Zaake négɔ kuu aafia k̄n̄ gb̄eǹ,  
négɔ nna k̄n̄ n̄b̀ɔs̄eteǹ,

24 négɔ d̄ kè n ua égɔ nna,  
tó n gaa n kp̄asan, p̀oke é k̄s̄aro.

25 Négɔ d̄ kè n n̄eǹ é ke pari,  
n boriiǹ é dagula lán s̄è bà.

26 Né zi k̄ū kótokoto ò gbasa ò ga  
lán ése kè mà wà kè à gur̀ɔa bà.

27 Kè wa yā p̄i asii gb̄eka, len à d̄e le.  
N̄ yā p̄i sí négɔ d̄ kè n z̄inda yāme.

## 14

### *Ayuba yā'ona Ludane*

1 Gb̄entee è b̀ɔ n̄gb̄e kiiame,  
à w̄endi kusu, égɔ kuu yākete sairo.

2 È pia lán l̄avu bà è kori k̄ū,  
è ḡete lán ɔ̀ra bà è ḡi kero.

3 Gb̄e beee takan né w̄εε d̄one  
n̄ yākp̄ae keoó?

4 P̀ɔ gb̄ās̄i é f̄ɔ à p̀ɔ gb̄ās̄isai ió?  
Eé sí kero.

5 N̄ gb̄entee gur̀ɔ diene,  
à m̀ lé kú n ɔ̀zi,  
n à w̄è lé d̄ane, eé f̄ɔ à v̄iàlaro.

6 N̄ w̄εε goa ò à tó gwe  
ai à gur̀ɔ lé papa lán ayaz̄ikeri bà.

<sup>7</sup> Lí ègõ tãmaa vĩme,  
zaake tó wà zõ, è εara à pìto pá,  
bensõ à pìto dufu pì è furo.

<sup>8</sup> Baa tó à kãsãa zi kù tɔɔte guu,  
bensõ à kusu gà b̀sun,

<sup>9</sup> tó à í gũu mà, eé pìto pá,  
eé gà b̀ lán lí kè wà pè bà.

<sup>10</sup> Tó gbẽ gà s̄, ègõ daena s̀r̀r̀r̀,  
è tá ègõ kuu d̀ro.

<sup>11</sup> Lán s̀be'i è lago nà,  
bensõ swa'i è baba à yãa,

<sup>12</sup> len gbẽntee è dae le è fεε d̀ro,  
ai ludambεε gá g̃εteo, eé vuro,  
eé vu k̄n ii p̀oro.

<sup>13</sup> Tó né ma ute gèwãan  
n̄ ɔ kúma ai n p̀ɔ wèrema dé!  
Tó né gurɔ lé dieme gwe  
gbasa n̄ dɔ ma yãn dé!

<sup>14</sup> Tó gbẽ gà, eé εara àgõ kuuó?  
Tó lemε, mégõ wée d̀ɔ ma vunazi  
ma ɔsikana guu gurɔ píngi.

<sup>15</sup> Né lé zumazi mé wenla,  
né mamɔma kè má de n ɔz̄i ũu begeε ke.

<sup>16</sup> Gurɔ beea n wée ègõ té ma yãkenanɔzi,  
m̄de né ma durun yã da d̀ro.

<sup>17</sup> Né ma taarinɔ ká b̀k̄n n̄ yi n̄ die,  
né lá kú ma zaakena p̀n̄la.

<sup>18</sup> Lán kp̄iii è gboro à fãak̄ɔa nà,  
bensõ s̀s̄i musu gbè gbèntē è s̄ki kpá,

<sup>19</sup> lán swa'i è gbè lólɔ nà,  
bensõ í è b̀su s̄εε à táo,  
len neè gbẽntee tãmaa n̄n̄ε le.

<sup>20</sup> Neè gbãaa m̄ne à tá, è su d̀ro,  
neè tó à uu lie à anduna tó.

<sup>21</sup> Tó à néno ḡò gbẽ bèedeeno ũ, eé d̄ro,  
tó ā kè gbẽ féteno ũme s̄, eé ero.

<sup>22</sup> Wãwãan eégõ maa ado,  
à z̄inda p̄siaan ègõ keε.

## 19

### *Ayuba wena a gbènnanɔla*

<sup>1</sup> Ben Ayuba wè a gbènnanɔla à bè:

<sup>2</sup> Ai b̀ren ègõ ãa daama,  
àgõ ma n̄se yakaame k̄n yãz̄z̄ɔɔ?

<sup>3</sup> A ma s̄s̄ à kè g̃en kuri sa,  
éé ma faboo, wí è a k̄ro.

<sup>4</sup> Tó ma s̄s̄ame yãpura,  
ma taari de ma z̄inda yã ũme.

5 Tó a gi ée a zĩnda sɛɛ lezĩ demala,  
 bensõ ée ma taari ee yã kè ma lee musu,  
 6 àgõ dõ kè Luda bé à yã kè kème kpɛɛgãnda,  
 à takutɛɛ kpàkpame à ma kũ.  
 7 Mɛè faaba wii lé, gbẽke è wemalaro,  
 mɛè mìsina ɔɔ dɔ, yãzedeɛ kuuro.  
 8 Luda zé zòmɛ, gẽkii kuuro,  
 à gusiaa dà ma zéla.  
 9 À ma kpɛ bò,  
 à ma fùra gò.  
 10 È ma wíwi kpɛ píngia ai ma yãa,  
 è ma tãmaa nɛ lán wè lí nɛ nà.  
 11 È a pɔfɛ bɔbɔma,  
 è ma diɛ a ibɛɛ ũ.  
 12 À zĩkpɛɛnɔ è fɛɛmazi lɛdo,  
 aɔè ma kagura kɛ,  
 aɔè bùra káɛ wà liga ma kpézi.  
  
 13 À tò ma gbɛnɔ è kakɔamao dɔro,  
 gbẽ kè aɔɔ ma dɔɔnɔ lè zò wà tãtamalɛ.  
 14 Ma danɛnɔ pã kpàmazi,  
 ma gbɛnnanɔ sã ma yãn.  
 15 Ma gõ nibɔ ũ ma be zĩkerinɔnɛ,  
 ma gõnɛ lán bori zĩtɔ bà.  
 16 Tó ma a begwari sisi, è wemala dɔro,  
 baa tó ma agbaa kpàne kɔn ma zĩnda léo.  
 17 Ma lé'ia è kɛ ma naɔnɛ léfɔna ũmɛ,  
 ma v̄inɔ kɔn ma dãaronɔ yemazi dɔro.  
 18 Baa né ketenɔ è kya kámagu,  
 tó ma tɛna, aɔègõ ma faboomɛ.  
 19 Ma kpàasinɔɔ ye ma yãziro,  
 ma gbẽ yenzideenɔ bò ma kpɛɛ.  
 20 Ma mè yitoo kù,  
 à gõ féte kè mé ga.  
  
 21 À ma wɛnda gwa ma gbɛnnanɔ,  
 à ma wɛnda gwa, zaakɛ Luda ɔ tòmamɛ.  
 22 À kè dia eè wéɛ dɔmɛ lán Luda è wéɛ dɔmɛ nà?  
 Ma nòbɔ sona e mɔ́awa leroo?  
 23 Lɛ wà ma yãnɔ kè  
 wà kà lán.  
 24 Lɛ wà kè gbèa kɔn gão,  
 wà beoma kpàen àgõ kuu ai gurɔ píngi.  
 25 Zaakɛ má dõ kè ma Zɛnyodeɛ kuu,  
 eé fɛɛ à zɛ ma sèedadeɛ ũ zãazãa.  
 26 Tó ma mèbaa kèkii kàate,  
 mé wéɛ si Ludalɛ mè sai.  
 27 Mé wéɛ siàlɛ ma zĩnda,  
 eé kemɛ gbẽ zĩtɔ ũro.

Yā pì ma kūna gbāa ma swè guu.

<sup>28</sup> À kè dia a wée dòmε,  
a bè mámbe ma a zīnda lèo?

<sup>29</sup> À vīa κε Luda fεεdaane,  
zaake eé pɔfε bɔbɔo zaakerinɔa,  
le àgɔ dɔ kè yákpae e a dāa.

## 31

### *Ayuba zena kɔn a taarisaikεεo*

<sup>1</sup> Ma la dà kè ma wée égɔ kú nɔkparεaro.

<sup>2</sup> Bó bé eé gɔ gbēntee baka ũ Luda kiia zaa musuu?

Bó túbin eé e Gbāapingide kiia zaa ludambεε?

<sup>3</sup> Gbē zaaanɔn kisia è n leroo?  
Zaakerinɔn mɔnzi è gēnziroo?

<sup>4</sup> À de Ludaa e ma yákenanɔ ee  
à ma kèεεεna lé dɔroo?

<sup>5</sup> Mèègɔ táa oo kɔn mɔnafikion yó?  
Mèè wā mà gbē sāsān yó?

<sup>6</sup> Luda ma yɔ a zéa à gwa,  
eé dɔ kè má taari vīro.

<sup>7</sup> Tó ma pā zéεε,  
bensɔ pɔ kè ma wée ènɔ bé èe ma swè blee,  
ke tó ma ɔ kú yā zaa ke guu,  
<sup>8</sup> èndē mà pɔ tɔ gbē pāndenɔ ble,  
wà pɔ kè má bànɔ biebie.

<sup>9</sup> Tó gbēke nɔɔ nii gè ma swèn,  
tó ma naguzi ma gbēdaaa nɔɔ yānzi,

<sup>10</sup> èndē gbē pānde gbá di ma naɔa,  
àgɔ kīi keε danɔne.

<sup>11</sup> Zaake tó ma yā pì kè, dà zaaame,  
durun kè à kà wà à yā gɔgɔmε.

<sup>12</sup> Yā pì né té pɔkaaterimε,  
kè de à dɔ ma bura pɔnɔa à té kū kororo.

<sup>13</sup> Tó ma gɔgbē ke nɔgbē zīkeri yā vīmao,  
tó méε gɔgɔ a zéaro,

<sup>14</sup> mé κε diamε, tó Luda fεεmazii?  
Tó à mòmazi, mé bene diamε?

<sup>15</sup> Luda kè à ma í kàsa né'isɔn bé à adee í kàsa seroo?  
Luda mèn doo pì bé à wa baade kè à da gbεεεnloo?

<sup>16</sup> Tó ma takaasidee tē pɔ kè èe à nii deε,  
tó ma gi gyaanɔ wēnda bozi,

<sup>17</sup> tó ma pɔ blè,  
ma tone kè gwàri vīroo tē sɔ, tì!

<sup>18</sup> Lenlo! Zaa ma gɔkparεkegurɔ  
tonenɔ den ma ũ.  
Zaa lán ma bɔ ma da né'isɔn nà  
gyaanɔnɔ dɔnlerin ma ũ.

19 Tó ma gbēke è kè ãa e à dεε,  
 ke tó ma takaasidee è kè à bisa vī à kúaláro,  
 20 tó èe ma sáabu kpá  
 kè ma a sākā bisa kùàla à mè kè lógɔɔgɔro,  
 21 tó ma gbāaa mò tonενε,  
 kè má dǔ kè weé zεmao yākpaεkenan yānzi,  
 22 ma gǎ bɔkūn,  
 ma gāsā wó a pékiia.  
 23 Má Luda wétāmma vīa vī,  
 à bitake yānzi mé fǔ mà yā beee taka kεro.

24 Tó vuran ma gbāaa èa,  
 tó ma bè vura atēen má náanekεna,  
 25 tó ma auziki bítan ma pɔɔ dɔa,  
 ɔɔdaa kè à gè ma ɔzī pì,  
 26 tó ɔfāntē tékenan má tézi,  
 ke mɔvura táa'ona kōn à maakεεo,  
 27 ben aǔ yā e ma swè blee busebuse,  
 ai ma lé pè ma ɔɔa ma ì kpàomma,  
 28 beee né durun kè à kà wà à yā gǔgǔme,  
 mɔnafikikεna Luda Musudenεn gwe.

29 Mée pɔnnaa ke ma zanguri mónzi'ena yā musuro,  
 mée à yáa dɔ kè yā à lè yānziro.  
 30 Mée we ma durun kè ma à kàro.  
 31 Dé bé à pítama kè èe pó ble à kàroo?  
 Ma bεdeenɔn ma sèedadeenɔ ũ.  
 32 Ma be zé ègǔ wēna nibɔnɔne,  
 mèe we gbē kè èe gētεε ì gāalero.  
 33 Ma a taarinɔ ùte gbēnɔnéó?  
 Ma lá kù ma durunnɔan yó?  
 34 Parii vīa ma kū ai ma fua mà yā óó?  
 Kè weé kya kámagu yānzín ma gi bɔ kpénzió?

35 O'o! Dé bé eé ma yā kè mamaa?  
 Ma zεo. Gbāapingide wemala sa.  
 Luda kè yā vīmao pì kē takadan.  
 36 Mé takada pì sé mà da ma gǎn,  
 mé kú fùra ũ,  
 37 mé gá mà yā kè má kènɔ tǔkēne píngi,  
 mé gázi lán wēεne bà.

38 Tó ma buraa e giimazi,  
 bensǔ à dǔrɔnɔɔ e wii lεεma,  
 39 tó ma bura pó blè bensǔ mée tɔɔte pì fīa boro,  
 ke tó ma gbē kè aǔ vī yāanɔ dèdε,  
 40 ēndē lèkara bɔε gbado gēε ũ,  
 pampaa sǔ bɔε ése gbèn.

Ayuba yā lén gwe.

## 38

*Dii a kíkεε ɔɔɔana Ayubane*

- <sup>1</sup> Ben Dii yā sɔ̀ Ayubala zàga'ĩa guu à bè:  
<sup>2</sup> Dé bé èe faasaiyā kaa ma ɔ̀ndɔ̀ɔlaa?  
<sup>3</sup> N̄ fεε n̄ ze lán négɔ̀gbē bà,  
 mé n la yāzi, né wemala.  
<sup>4</sup> Kè ma anduna kàε, n̄ kú máme?  
 Tó n̄ dɔ̀na vī, n̄ omε.  
<sup>5</sup> Dé bé à à tɔ̀tε lézekiinō lè?  
 Dé bé à bà yāa à gwà? A de n̄ dɔ̀o?  
<sup>6</sup> Bó bé à tɔ̀tε kūna?  
 Dé bé à à ēε dàε  
<sup>7</sup> gurɔ̀ kè gudɔ̀na sɔ̀sɔ̀nenɔ̀ e guda kεε,  
 Luda malaikanō pɔ̀nna wiiō dɔ̀ n̄ píngii?  
<sup>8</sup> Kè ísɔ̀aa guu f̄ɔ̀ à bò,  
 dé bé à zé tàtaàlεε?  
<sup>9</sup> Ma ludambε luguu dàne pókāsāa ũ,  
 ma gusiaa yine bisa ũ.  
<sup>10</sup> Ma à lézekii dàne,  
 ma zénō tàtaàlε ma gbānganō dàdan.  
<sup>11</sup> Ma bène: Négae ká kè n̄ton vīàlaro,  
 n̄ ísɔ̀kana gbāaanō é ze kè.  
<sup>12</sup> Zaa lán wà n̄ i nà n̄ yā diε kɔ̀ngɔ̀nεs̄?  
 N̄ bɔ̀kii òdɔ̀a gudɔ̀nanε zikiós?  
<sup>13</sup> Gudɔ̀na è anduna kū a léa  
 le à gbāke lán bisa bà à zaakεrinō kwéε.  
<sup>14</sup> È anduna lie kodekode lán kwā kpeε bà,  
 kp̄iinō è bɔ̀ gupuraa lán uta yiyikɔ̀ana bà.  
<sup>15</sup> È gí zaakεrinōne aɔ̀ n̄ gusia yā ke,  
 è n̄ ɔ̀ sena musu é'ε.  
<sup>16</sup> N̄ gaa ai zaa ísɔ̀a íbɔ̀kiinōaɔ̀?  
 N̄ táa ò í lò pì gānulεa zikiós?  
<sup>17</sup> Wà gaa kpeεε gbànō òdɔ̀anneɔ̀?  
 N̄ gèwāa gānulenō éɔ̀?  
<sup>18</sup> N̄ anduna yàasa lé tàasi kèɔ̀?  
 Tó n̄ yā beenō dɔ̀ píngi, n̄ omε.  
<sup>19</sup> Gupuraa be zén máa?  
 N̄ gusiakukii dɔ̀s̄?  
<sup>20</sup> Né f̄ɔ̀ n̄ gányo n̄ b̄usun-ó?  
 N̄ n̄ be zé dɔ̀roo?  
<sup>21</sup> N̄ dɔ̀ sera, à de wà n̄ i gurɔ̀ beee!  
 À de n̄ wè lé vīroo?  
<sup>22</sup> N̄ gē làasi kè ma gu yīi kàen-ó?  
 N̄ ma loubε d̄ èɔ̀?  
<sup>23</sup> Mèè ute ai nawēakegurɔ̀a,  
 mèè gbarε z̄ikagurɔ̀ zī.

24 Gupuraa è bɔ́ máme à dagulaa?  
Ɔfántɛ̀bɔ̀e kpa ãa è bɔ́ à da tɔ̀tɛ̀la diamɛ?

25 Dé bé è zé bɔ́ lou bitanɛ?  
Dé bé è guu para lapatananɛ?

26 È mɔ̀dɔ̀ pisi tɔ̀tɛ̀ kè gbɛ̀kee kúnlooa,  
baa gbáa kè gbɛ̀ntee kúnloo.

27 È bezia kɔ̀n taagaa yĩ kũ,  
è tó sè̀ bɔ̀e gwe.

28 Lou de vĩs?  
Dé bé à kpíi ì?

29 Dé né'isɔ̀n lougbe è bɔ̀n?  
Dé bé è sukaa i gbasa à kpáa?

30 Dé bé è tó í li à ke gbè ũ  
è tó ísia musu ke kpàkpaakpa?

31 Né fɔ̀ òn sɔ̀sɔ̀ne mèn swɛɛplaaanɔ̀ yi òn kakɔ̀aɔ̀?

Né fɔ̀ òn sɔ̀sɔ̀ne flɛ̀ngonɔ̀ fãakɔ̀aɔ̀?

32 Né fɔ̀ òn mɔ̀gaakiblee bɔ́ a gurɔ̀aɔ̀?  
Né fɔ̀ òn guu ɔ̀dɔ̀a sɔ̀sɔ̀ne ko nédande kɔ̀n a nénɔ̀neɔ̀?

33 Ní musu pónɔ̀ doka dɔ̀sɔ̀?  
Né fɔ̀ òn ní kpá kpatan tɔ̀tɛ̀laɔ̀?

34 Né fɔ̀ òn lé zu louzi le à sisi  
à í bɔ́ à n yakuɔ̀?

35 Né fɔ̀ òn loupinanɔ̀ gbarɛ aɔ̀ da zén yó?  
Aɔ̀è mó wà benne wáe kèɔ̀?

36 Dé bé à òndɔ̀ dà ludambe luguunɔ̀ne à lou maa?  
Dé bé à dɔ̀na kpà sukaaa à kpáa?

37 Dé òndɔ̀ bé à kà à ludambe luguunɔ̀ naroo?  
Dé bé eé fɔ̀ à musu orozãnɔ̀ kpákaziaa?

38 Tó à í bɔ̀e, b̀usu kori è gɔ̀ bɔ̀tɔ̀nga ũ,  
làkpakɔ̀nɔ̀ è nanakɔ̀a.

39-40 M̀be neè tofe ká músudaane,  
tó èe nòbɔ̀ dãdãa d̀ako guuɔ̀?

M̀be neè póblee kpá à nénɔ̀a aɔ̀ kã  
gurɔ̀ kè aɔ̀ kú ní tòn-ó?

41 Tó gbáa kãnkãna nénɔ̀ e ligaligaa guuzi,  
aɔ̀e lé zuu Ludazi kè póblee kèsãrĩma yãnzì,  
dé bé è póblee kpámmaa?

## 39

1 Ní zɔ̀ né'igurɔ̀ dɔ̀sɔ̀?  
N gãsi è gurɔ̀ kè èe né iiɔ̀?

2 Neè ní nò mɔ̀ dɔ̀dɔ̀sɔ̀?  
Neè ní né'igurɔ̀ dɔ̀sɔ̀?

3 Aɔ̀è kúe wà né ime,  
ben aɔ̀ né'iwãwãa è kpáe.

4 Aɔ̀ nénɔ̀ è gbãa kũ sèn aɔ̀è pée,  
aɔ̀è gè zéla aɔ̀è su ní danɔ̀a d̀bro.



5 Dé bé à tò zaakisēte gò a zīndanē?  
Dé bé à à pòro à à gbàreē?

6 Ma sēte diēne à beē ūme,  
ma tōte wisidee kènne à kúkii ũ.

7 È pā kpá wéte kīzi,  
è a kpàkeri zōka maro.

8 Ègō té sīsīno à gō sè weteē,  
ègō kpáe keē pò ísinzi píngi.

9 Zūsēte é we à zīi kenneós?  
Eé we à i n zūno karan yó?

10 Né bà dōa le à bú wínnēs?  
Né gbóngo danē le à kpasee kēnnēs?

11 Né náane dōa à gbāa bíta yānzii?  
Né n zīi tónēs?

12 Né à náane ke à n pówēē sése  
à suonne pówēēgbēkīiaós?

13 Taataa è a dèbekāno poro kōn pōnnaao,  
mōde eé sí lékōzi kōn tokū dèbekāoro.

14 È négbere da tōte,  
è tó būsū'āatē négbere pīno wā à pipi.

15 À sǎn kè weé gā wà kèse péēa à wíwi,  
kešō nòbōsētēno é táa oa.

16 Ègō pāsī kōn a nēno,  
négō dō se à zīnda nēnonlo,  
zī pā kēna è kēne yāke ūro.

17 Zaake mēē à gba ōndōoro,  
mēē à baka da faadeeno téro.

18 Mōde tó à fēē à bō kōn bào,  
è gē sōla à à òri yāa dō.

19 Mbe neè tó sō gō gbāaa vīó?

Mbe n sèsekā pèpene à waaaós?

20 Mbe neè tó àgō vīvīi lán kwaa bàós?

À pò bōna à yīn kīi gbāaa è tó vīa ní kū.

21 È a gbá gáegae guzuren,  
è pōnnaa ke a gbāaa yānzi,  
ben è gá da zīkpēenole.

22 È pò kè wè vīa kēne yāa dō,  
swè è kēnlo, è bōru kpēē fēēdaanero.

23 Kà ègō kīi keē gbàran à musu,  
sári lēetege kōn sári gésedeeo è pí.

24 Tó wà zīkuu pè, ègō a zīnda dakii dōro,  
ègō tōte lélē ègō vīvīi ègō keē kèekeē.

25 Tó wà kuu pè,  
è pò bō a yīn à be, ēhē!

Ègō zī ía séseē zaa zāazā  
kōn gbēnsino wii gbāaaao kōn kuukenao.

26 N ɔ̃ndɔ̃ bé à tò blea è yàa pá,  
à a dèbe poro à gá sɔɔmetε kpaó?  
27 Mbe n̄ diε kúune  
àgae v̄ia zāazāa à a sà da zaa musuó?  
28 Ègɔ̃ kú gbè musu, gwen è in,  
è zɔ̃ gbè mìsɔ̃ntēa a aafia'ekii ũ.  
29 Zaa gwen ègɔ̃ kpáε keε póbleezi,  
è wéε pá pónɔa kāaa.  
30 Arun à nénɔ póblee ũ,  
guu kè pò gè kún, gwen ègɔ̃ kún.

## 40

### *Gbēntee è f̄s̄ à Luda zaaa boro*

1 Ben Dii èara à bè Ayubane:  
2 Mamɔma Gbāapingide,  
né ma taari e n̄ ma gba làakarió?  
Ludazaabori, n̄ yā wemala sa.  
3 Ben Ayuba wèàla à bè:  
4 Póken ma ũro fá! Dian mé wenla nà?  
Séde mà ɔ kú ma léa.  
5 Ma yā ò gè̃n do, mé εara mà o dɔro,  
má ò gè̃n plaa se, mé yā sínla dɔro.  
6 Ben Dii èara à yā ò Ayubane zàga'īa guu à bè:  
7 N̄ fεε n̄ ze lán négɔ̃gbē bà,  
mé n lala yāzi, né wemala.  
8 Né lá kú ma yākena a zéalan yó?  
N̄ yezi n̄ ma taari e le n yā bɔ nnan yó?  
9 N̄ gāsā gbāaa kà ma pò ũó?  
N̄ koto é f̄s̄ à guu nigā lán ma pò bàó?  
10 N̄ bítake kōn kíkεεo da pókāsā maaano ũ,  
n̄ gakui kōn bèεo da utadaa ũ.  
11 N̄ n pofē bɔbɔm̄ma,  
n̄ ãdārinɔ gwa kōn wéε zaaao n̄ wí dar̄ma.  
12 N̄ ãdārinɔ gwa kōn wéε zaaao n̄ n̄ pāε,  
n̄ n̄ dúgu zɔ̃ guu kè aɔ̃ kún,  
13 n̄ n̄ ká tú n̄ píngi,  
n̄ n̄ yiyi n̄ n̄ ká gèwāan,  
14 mé gbasa mà n̄ sáabu kpá,  
kè n̄ z̄l̄ blè kōn n̄ gāsā gbāaaao yānzi.

### *Bɔre yā*

15 N̄ bɔre gwa,  
kè ma à kè lán ma n̄ ke nà.  
È sè ble lán zù bàme.  
16 À gbāaa kú à wógbaame,  
à yèε kú à gbεε báasiame.  
17 À vlāa porona lán sida lí bà,

à gbáda t̄i de lán bàtāna bà.

18 À wánᵛᵛ gbāa lán m̀ogotē bà,  
à gbánᵛᵛ de lán m̀ò gò bà.

19 À bíta bé à de p̀ó b̄ēē k̀è má k̀ènᵛla píngi,  
à K̀eri ado bé eé à f̄ᵛ.

20 S̄is̄inᵛ musun è p̀ó blen,  
gwen ǹòbᵛs̄ētēnᵛ è k̀ōk̄ᵛ on n̄ píngi.

21 È dae l̀è'ite gbáru,  
èḡᵛ sᵛᵛᵛ v̄ᵛn d̀ādā guu.

22 L̀è'ite ᵛra è daàla,  
swagbaranᵛ è ligazi.

23 Baa t̀ó ís̄ᵛ e v̄iv̄i, è bídi k̄ero,  
tó Yoda ís̄ᵛp̄ēna e à lé paa,  
à làakari èḡᵛ k̄paename.

24 Weé f̄ᵛ wà à w̄ēē w̄iwi wà à k̄ūᵛ?  
Weé f̄ᵛ wà ᵛnd̄ᵛᵛ daezi wà à ȳi f̄ᵛᵛ?

## 41

### *K̀ùkuku*

1 Né f̄ᵛ n̄ k̀ùkuku k̄ū k̄ᵛn daburuo  
n̄ ḡāe n̄ bᵛᵛᵛᵛ?

Né f̄ᵛ n̄ bà dᵛ à n̄éneáᵛ?

2 Né f̄ᵛ n̄ bà ká à ȳin-ᵛ?

Né f̄ᵛ n̄ à lét̄anka f̄ᵛ k̄ᵛn k̄úraᵛᵛ?

3 Eé agbaa k̄pákpanne n̄ a gbareᵛᵛ?

Eé benne n̄ s̄u k̄eᵛᵛ?

4 Eé wenne n̄ a sé n̄ z̀ò ù

ai a w̄ēndi lén yᵛᵛ?

5 Né à dato lán w̄è b̄āa dato nàᵛᵛ?

Né bà dᵛa n̄ k̄pá n̄ n̄énᵛgb̄ēnᵛᵛᵛᵛ?

6 Sᵛᵛᵛkᵛᵛᵛ é k̀ùkuku p̄i t̄k̄ēm̄maᵛᵛ?

Aᵛᵛ è líli l̄atarinᵛᵛᵛᵛᵛᵛ?

7 Né f̄ᵛ n̄ à pápa k̄ᵛn sakao n̄ à báa f̄ᵛᵛ?

Né f̄ᵛ n̄ à mì k̄e gyágya k̄ᵛn s̄arioᵛᵛ?

8 N̄ w̄et̄e n̄ ᵛ k̄ea n̄ gwa!

ᵛs̄ii p̄i ȳā é sānguro,

n̄é s̄i n̄ à taka k̄e d̄oro.

9 T̀ó n̄éē daa né à f̄ᵛ, n̄éē n̄ z̄inda k̄ek̄eeme,

t̀ó n̄ w̄éē siàle, n̄ mè è ganzime.

10 Zaake gb̄ēke k̀ùgbāaa e ká à à go a gb̄enlo,

dé bé eé f̄ᵛ à ze ma ae s̄ᵛᵛ?

11 Dé f̄iā bé à d̄oma, k̀è mé bone?

P̀ó k̀è k̄ú anduna guu píngi né ma p̄óme.

12 Mé ḡi k̀ùkuku p̄i gbánᵛ ȳā oziro

ke à ḡᵛsagb̄āakee ke à maak̄ee.

13 Dé bé eé f̄ᵛ à à t̄ēē gogoo?

Dé bé eé we à aizi k̄āne?

14 Dé bé eé we à à lé w̄ēk̄ᵛa?

À swaa kà à gb̄ē naasi k̄ū.

15 À t̄ēē de lán sengbangonᵛ bà à k̄p̄ēa,

à didikōana foo sai dōrōdōrō.

<sup>16</sup> À tēē pīnō nana kōamē,  
baa ĩa è gēkii ero.

<sup>17</sup> Aō pépēkōrena gīngin,  
aōé sí gokōaro.

<sup>18</sup> Tó à yī sà, guu è pumē,  
à wēē de lán ɔfāntē bōena kōngō bà.

<sup>19</sup> Tēnēnē è bō à lén,  
téputāna è bōn dō.

<sup>20</sup> Tēsukpē ègō bōē à yīn  
lán í kè wà dì téa èe pipii puusu bà.

<sup>21</sup> À lé'ĩa è tó sīsīi té sé,  
tēnēnē è bō à lén.

<sup>22</sup> À gbāaa kú à waaamē,  
gbē kè bōa mè è ke kpām.

<sup>23</sup> À báasi ègō sōsōkōana gīngin,  
à naa gbāngbān, è nigāro.

<sup>24</sup> À kù gbāa lán gbè bà,  
lán wísilgbē daa bà.

<sup>25</sup> Tó à fēē, swē è kē gōsagbāaanōn,  
aōè kō kēguu wà kora gākīizi.

<sup>26</sup> Fēēdaa kè wà à lèo píngi è bōaro  
ke sári ke kà ke saka.

<sup>27</sup> È mōsi gwa lán kàba bàme,  
mògotē ègō dēnē lán lí muna bàme.

<sup>28</sup> È bàa lé kànerō,  
gbèmba gbè ègō dēnē lán ése ūkā bàme.

<sup>29</sup> Ègō gò gwaa lán sè kori bàme,  
sári kīi ègō dēnē yáadōziyā ūmē.

<sup>30</sup> À gbēē tēē de lán takaso bà,  
à gbè ègō té bōtōngan  
lán zūsuaaro guwībō bà.

<sup>31</sup> È í ya a lòn lán í kè èe pipii oroon bà,  
è ísīaa de lán nōsidēna bà.

<sup>32</sup> Í kutuwina ègō té à kpēē,  
ísīaa pì è ya à kpēē púu.

<sup>33</sup> À sáa kú anduna guuro,  
ma pókenanō té àmbe à vīa vīro.

<sup>34</sup> È nòbō kè aōē n zīnda diē bítanō da póke ūro,  
àmbe nòbō kè aō diē wà kànō kína ū.

## 42

### *Ayuba m̀siēna Ludanē*

<sup>1</sup> Ben Ayuba bè Diinē:

<sup>2</sup> Má dō kè né fō n yā píngi ke,  
gbēke é fō à kpá n poyezinanēro.

<sup>3</sup> N bè, dé bé èe kpaa òndōōnē dōsaii?  
Yāpuramē, ma yā kè má à gbá dōroo ò,

yābɔnsaε kè de ma dñalaa.

<sup>4</sup>N bè mà swā kpá, né yā o,  
né yā lalama, mé wenla.

<sup>5</sup>Ma n yā mà kɔn swāomε yā,  
tia sa ma wéε sɪnlε.

<sup>6</sup>Beee yānzi ma kya kà ma zīndan,  
ma a nòsε liε ma véε bùsutin tubura.

*Dii ɛara à Ayuba kāsā pεena*

<sup>7</sup>Dii yā beeenɔ ona gbera à yā ò Temana gbē Elifazane à bè: Ma pɔ fɛnzi kɔn n gbēnna gɔɔn plaaanɔ, zaake ée ma yā o a zéa lán ma zòbleri Ayuba bàro. <sup>8</sup>À zùsware sé mèn swεεplaa kɔn sākaroo mèn swεεplaa, à gáo ma zòbleri Ayuba kiia à sa'opɔ kè wè ká tén à té kũ oo, ma zòbleri Ayuba é adua keare. Mé à aduakena sí mé keare a yɔnkɔkenaaro. Ée ma yā o a zéa lán ma zòbleri Ayuba bàro. <sup>9</sup>Ben Temana gbē Elifaza kɔn Sua gbē Bilidadao kɔn Naamati gbē Zofao gaa wà kè lán Dii òínε nà, ben Dii Ayuba aduakennena sì.

<sup>10</sup>Ayuba aduakena a gbēnnanɔne gbera Dii tò à sù a gwena ziin. À ɛara à pɔ kè à vī yāa kàaranε leo plaa. <sup>11</sup>À vīi kɔn à dāaronɔ mò à kiia n pínɡi kɔn à gbē dñnanɔ n pínɡi. Aɔ pɔ blèo a be aɔ sósobi kèo, aɔ à làakari kpàenε yā kè Dii tò à à lè pínɡi yānzi. Ben aɔ baade à gbà kondogi ɔɔ kɔn vura tǎngao mèn doodo.

<sup>12</sup>Dii aubarika dà Ayuban zāa de káakupɔla. À sāanɔ vī bɔrɔ gēro dosai, lakuminɔ bɔrɔ swεεdo, zùnɔ bɔrɔ plaa kɔn zaakinɔ bɔrɔ do. <sup>13</sup>À néɡɔgbēnɔ ì gɔɔn swεεplaa kɔn nénɔgbēnɔ mèn aagɔ do. <sup>14</sup>À nénɔgbē káakudee tón Yemima, à plaade tón Kezia, à aagɔde tón Kerεnapuku. <sup>15</sup>Bùsu pì guu pínɡi nɔgbē kee kuu à maaa kà Ayuba nénɔgbē pìnɔ ũro. Aɔ de n túbi diénnε kɔn n dāɡɔnɔ.

<sup>16</sup>Ayuba nawεakena gbera à kè wè baswεεplaa do, à wéε sì a dionɔ kɔn a swākpeenɔ kɔn a nasionɔle. <sup>17</sup>À zi kũ kótokoto àton gà.

## SAAMUNO TAKADA KAAKU

### 1

#### *Saamu 1-41*

#### *Aubarikadee*

<sup>1</sup> Aubarikadeen gbē kè è gbē zaaano lédamma maroo ũ,  
è kifinɔ zé séro,  
è v̄εε kōn gbē faborinɔoro.

<sup>2</sup> Dii doka bé è keεε,  
ègō laasuu leεa fāantē kōn gwāavĩo.

<sup>3</sup> À de lán lí kè wà pè swaa saε bà,  
à lá è kori kũro,  
ègō né ii à gurɔɔa,  
yā kè è ke píngi kaarana vĩ.

<sup>4</sup> À de le kōn gbē zaaanɔoro.  
Aɔɔ de lán ése ũkā kè ĩa è séε bà.

<sup>5</sup> Gbē zaaano é bɔ maa yākpaekegurɔɔ zĩro,  
kifinɔ é ze gbē maaano saero.

<sup>6</sup> Dii gbē maaano zé d̄s̄,  
gbē zaaano zé s̄s̄ m̄i pé kaatena.

### 2

#### *Kí kè Ludaà kà*

<sup>1</sup> Bóyānzin boriinɔ e zɔka kaazi?  
À kè dia wèe lé pāa kpaak̄s̄ɔɔ?

<sup>2</sup> Anduna kinanɔ e zĩ soru keε,  
kpatablerinɔ e kaak̄ɔa Diizi  
kōn Kí kè à kào.

<sup>3</sup> Aɔɔe bee: Wà ní m̄òkyakoonɔ kēkē,  
wà ní bà porowa.

<sup>4</sup> Dii e ní faboo,  
à v̄εεna musu, èe ní yāa dɔɔ.

<sup>5</sup> Èe pataańma kōn pof̄εo,  
à p̄t̄ε è tó v̄ia ní kũ.

<sup>6</sup> À bè a a Kí kà a kp̄ii Zayɔn musu.

<sup>7</sup> Mé yā kè Dii diemεε o kè à bè:  
Ma Nén n ũ, gbàan ma n i.

<sup>8</sup> N̄ wée kema, mé bori píngi kpámma n p̄ó ũ,  
mé n gba anduna gooda siiḡɔɔ.

<sup>9</sup> Né kí blem̄ma kōn m̄ò gòo,  
né ní wíwi lán wè oroo wí nà.

<sup>10</sup> Kínanɔ, à lédamma kèkii ma,  
anduna kpatablerinɔ, à ɔnd̄ɔ kũ sa.

11 À dɔ Diizi kɔ̃n ṽiao,  
à pɔ̃naa keo kɔ̃n luganao.

12 À lé pé à Néa  
le à pɔ̃ tón f̃eazi à gaga zénlo,  
zaake à pɔ̃ è f̃e k̃andome.

Aubarikadeen gb̃e kè nàzi ũ.

### 3

#### *Lézuna Ludazi ibeeno yá musu* (2Sa 15:13-17)

Lè kè Dauda dà gurɔ̃ kè à bàa lè a né Abusalomune.

1 Dii, ma wɛderinɔ̃ kpáme fá,  
gb̃e kè aɔ̃ íbete kpàmaonɔ̃ pari.

2 Wèe ma yá oo pari,  
wèe bee Luda é ma mì síro.

3 Mpi s̃o Dii, neè ɔ̃ ligamazi sengbango ũ,  
ma gakuin n ũ, neè tó ma mì g̃o da'ilana.

4 Mèè wii pé Diizi,  
è wemala zaa a kúkiia kp̃iii musu.

5 Mèè dae mà ii o mà vu,  
zaake Diin ma k̃una ũ.

6 G̃ɔ̃n b̃ɔ̃ɔ̃ baaag̃o akurikurinɔ̃ e ma wɛɛ kpa s̃anda píngia,  
m̃ode mèè ṽia keñnero.

7 Ñ f̃eɛ, Dii,  
ñ ma mì sí, ma Luda,  
ñ ma ibeeno sw̃an keke,  
ñ gb̃e zaaa p̃inɔ̃ swaa é'ɛ.

8 Dii bé è gb̃e mì sí.

Ñ aubarika da n gb̃enɔ̃n.

### 4

#### *Uusie aduakena*

Dauda lè. Wè sí k̃ɔ̃n m̃ɔ̃ɔ̃lenaome.

1 Tó ma n sisi, ñ wemala Luda ma zenyode,  
tó má kú naw̃ea guu, ñ ma gba m̃eporokii,  
ñ ma w̃enda gwa ñ ma aduakena sí.

2 Gb̃enɔ̃, é gí àg̃o wí daa ma Luda Gakuidea ai b̃ɔ̃reme?

Ég̃o ye p̃o p̃aanɔ̃zi àg̃o té t̃aanɔ̃zin yó?

3 Àg̃o d̃s̃ kè Dii a gb̃enɔ̃ diè ñdona,  
tó ma à sisi, éé ma yá ma.

4 Tó a p̃o f̃è, àton durun kero,  
à laasuu lé a daebɔ̃ musu à ỹite.

5 À saa kè de à oo o,  
à Dii náane ke.

6 Gbē paridee è be: Dé bé eé yā maaa keweew?  
 Ì uu werewa, Dii, ì aubarika dawagu.  
 7 Baa tó pówee kōn wēeo diñzi,  
 pōnnaa kè ñ dàmē ma swèn de ñ pōla.  
 8 Mèè dae mà ii o nnanna,  
 zaake Dii, ñbe neè tó màgō kú ma làakaria.

## 5

### *Kōngō aduakena*

Dauda lè. Wè sí kōn kurepenaomē.

1 Ì swā kpá ma yāzi, Dii,  
 ñ làakari dō ma ñbonaa.  
 2 Ma Kína, ñ ma wiilena ma,  
 ma Luda, mée wée keemma.  
 3 Dii, neè ma yā'ona ma gudōnao,  
 mèè ma yāno dōdōnne kōngō,  
 ma wée ègō dōnzi.

4 N Luda n tèn à zaaa ũ,  
 neègō gbē zaaao ledoro.  
 5 Ìadāri è e à ze n aezīro,  
 n za yāzaakerinōn ñ píngi.  
 6 Dii, neè egēdeenō mì de,  
 ñ ye gbēderinō kōn gbēblerinō kāziro.

7 Mapi sō, mé gē n ua n gbēke bíta yānzi,  
 mé kúe mà ae dō n kpéa mà mì sienne.  
 8 Dii, ñ ma da zéa n náanekena yānzi,  
 ñ zé poromē ma wēderinō yānzi.

9 Zaake aō yāke náane vīro,  
 aō nòse de lán kākā bee bàme,  
 aō kòto de lán mira wēna bàme,  
 aō lénnaa kásañne.  
 10 Ì tó yā vēemma Luda,  
 ñ tó yā zaaa kè aōe kpákpaano wí ñ musu.  
 Ì péñma n aezī aō taari pariino yānzi,  
 zaake aō gí n yā mazi.

11 Ì tó gbē kè aō utena n kiiano yáa dō,  
 aōgō lè sii kōn pōnnaao gurō píngi.  
 Ì kú gbē kè aō yenziinola,  
 le aō pōnnaa ke n yā musu.  
 12 Dii, neè aubarika da gbē maaanōn,  
 neè ligañzi yenzio lán sengbango bà.

## 6

### *Faaba wiipena Ludazi*

Dauda lè. Wè sí kōn mōrōlenaomē.

1 Dii, ñton kpākēmazi kōn pētōoro,



nton ma toto kɔn pɔfɛoro.

<sup>2</sup> N ma wɛnda gwa, Dii,  
zaake ma a'ã,  
n ma kɛkɔa, Dii,  
zaake ma wánɔɔ e wii.

<sup>3</sup> Ma pɔɔ yàka búgubugu, Dii,  
bɔren né dɔmalɛɛ?

<sup>4</sup> N ɛara n ma mì sí, Dii,  
n ma faaba ke n gbɛke yãnze.

<sup>5</sup> Zaake gè é e à n tó kpáro,  
weé n sáabu kpá mira guuro.

<sup>6</sup> Ma mbona ma kpasa,  
ma mibɔkɔ è ga kɔn wée'io,  
ma daɛbɔ è yĩ kũ ai guu gá dɔo.

<sup>7</sup> Ma wée kakana kɔn pɔsia ódɔnao,  
èe gaa kè ma ibɛɛnɔɔ pari yãnze.

<sup>8</sup> À gu ma kiia zaakerinɔ,  
zaake Dii ma ódɔna mà.

<sup>9</sup> Dii ma wiipɛna mà,  
Dii ma aduakɛna sì.

<sup>10</sup> Wí é ma ibɛɛnɔ kũ n píngi aɔ gɔ bídi guu,  
aɔé fu kãndo aɔ kpɛɛ li.

## 7

### *Nyã nnaa kpáma, Dii!*

Lè kè Dauda sì Diine Beyãmi bori Kusu yã musu.

<sup>1</sup> Dii ma Luda, ma nanzi,  
n ma mì sí n ma faaba ke  
gbɛ kè aɔ pɛɛmaanɔ ɔzĩ.

<sup>2</sup> Tó lenlo, aɔé ma ke gyáigyai  
lán músu è kɛíne nàme,  
aɔé ma kɛkɛkɔre,  
gbɛke é ma mì síro.

<sup>3</sup> Dii ma Luda, tó ma taari ke kè,  
tó ma ɔ kú yã zaaan,

<sup>4</sup> tó ma à zaaa kè ma gbɛdaaanɛ,  
ke tó ma gbãaa mà ma ibɛɛnɛ pã,

<sup>5</sup> n tó ma ibɛɛ pì pɛɛma à ma kũ,  
à kèse pɛɛpɛma tɔte,  
à ma vĩ búsu'ãatɛn.

<sup>6</sup> N fɛɛ n ze kɔn pɔfɛo, Dii,  
n fɛɛ ma ibɛɛnɔzi n nòse kpàkpã yãnze.

N vú, ma Luda,  
n yã gɔgɔ a zéa.

<sup>7</sup> N tó gbɛnɔ kakɔanzi,  
n kí bleíne zaa musu.

<sup>8</sup> Dii, nɛ̀ yákpae ke kɔ̀n gbɛ̀no.  
 Dii, ǹ tó yá bɔ́mao nna ma yázede lén,  
 Luda Musude, ǹ yá kemɛ ma nòsepura lén.

<sup>9</sup> Luda, ríbe n̄ maa,  
 nɛ̀ nòse kɔ̀n laasuuo kpoke.  
 Ǹ gbɛ̀ zaaano pásikena mì de,  
 ǹ gbɛ̀ maaano gba zekii.

<sup>10</sup> Luda Musuden ma sengbango ũ,  
 è gbɛ̀ kè aɔ̀ nòse maaano mì sí.

<sup>11</sup> Luda è yákpae ke a zéa,  
 è tó yá gɔ̀ vɛ̀émma guro píngi.

<sup>12</sup> Tó gbɛ̀ e a nòse liero,  
 Luda è a fɛ̀eda lé ke  
 è a sá kú à ká.

<sup>13</sup> È a gɔ̀kebo kè è gaa ínɛ̀no keke,  
 è a kà tédeenɔ̀ kpá sála.

<sup>14</sup> Ǹ gwa, yá zaaa è nò do gbɛ̀n,  
 ben è wahaa nò sí à né i egɛɛ ũ.

<sup>15</sup> È wɛ̀e yɔ̀ gbɛ̀noɛ zàazá takutɛɛ ũ,  
 ben è zu wɛ̀e kè à yɔ̀ pí guu.

<sup>16</sup> À àisi pásí è wí à musu,  
 à wétána gbɛ̀noa è wí à mìa.

<sup>17</sup> Mé Dii sáabu kpá a maakɛɛ yánzi,  
 mé Dii Musude tó bo kɔ̀n lèsinao.

## 8

### *Luda gakui yá'ona*

Dauda lè.

<sup>1</sup> Dii wa Dii, n tó bɔ́na anduna gu píngia,  
 n gakui bɔ́na gupuraa musu.

<sup>2</sup> Ǹ dà né fétenɔ̀ne kɔ̀n nékpántɛ̀no aɔ̀ n sáabu kpá  
 le n ibɛ̀no kɔ̀n n zanguri gɛ̀ebommarino yíte.

<sup>3</sup> Kè ma n z̄i gwà musu,  
 moɔ̀vura kɔ̀n soɔ̀no kè n̄ pèpe gweenɔ̀,

<sup>4</sup> ma bè bón gbɛ̀ntee ũ kè à yá ègɔ̀ dɔ̀nguu?  
 Bón à ũ kè nɛ̀ l̄akari doa?

<sup>5</sup> Ǹ à kè kēsána malaikanɔ̀zi féte,  
 n à kà kín kɔ̀n gakuio kɔ̀n bèeo.

<sup>6</sup> Ǹ tó à kí blè pó kè n̄ kɛ̀noa,  
 n̄ tó pó s̄anda píngi mì siɛɛ,

<sup>7</sup> s̄ano kɔ̀n z̄uno kɔ̀n nòbɔ̀sɛ̀teno píngi,

<sup>8</sup> b̄ano kɔ̀n kpòno kɔ̀n pó kè kú ísiaanno.

<sup>9</sup> Dii wa Dii, n tó bɔ́na anduna guu píngi.

## 9

*Luda sáabukpana kè è yá kèkè gbě̀nɔ̀nɛ yānzi*

Dauda lè.

<sup>1</sup> Dii, mé n sáabu kpá kɔ̀n nɔ̀sɛo do,  
mé n yá̀bɔ̀nsaekɛnanɔ̀ kpàakpa kɛ́nɛ.

<sup>2</sup> Mé pɔ̀nnaa kɛ mà ãa dā n yá musu,  
Luda Musude, mé n tó kpá kɔ̀n lèsinao.

<sup>3</sup> Ma ibɛɛnɔ̀ è kɛɛ li,  
aɔ̀è lɛɛ wà gaga n aɛ.

<sup>4</sup> Zaake n zɛmao n yá nnaa kpàma,  
vɛɛna n tintia n yá gògò a zéa.

<sup>5</sup> N kpākē boriinɔ̀zi,  
n gbē zaaanɔ̀ kàate n n tó dèdè míómíó.

<sup>6</sup> N mónzi kè è yáaroo kpà ma zangurinɔ̀zi,  
n n wétɛnɔ̀ gbòro, aɔ̀ yá dɔ̀ gbēken dɔ̀ro.

<sup>7</sup> Dii è kí ble gurɔ̀ pínɡi,  
à a kpata diɛ yákpækɛna yānzi.

<sup>8</sup> Eé yákpae kɛ kɔ̀n anduna gbě̀nɔ̀ súusu,  
eé kí ble boriinɔ̀ a zéa.

<sup>9</sup> Diin utekii ũ gbē kè wèe gbāaa mɔ̀ɔ̀nɛnɔ̀nɛ,  
à deíne aafia'ekii ũ nawɛakɛgurɔ̀.

<sup>10</sup> Dii, gbē kè aɔ̀ n tó dɔ̀nɔ̀ n náane vī,  
nɛè n kii wèterinɔ̀ zīnnaro.

<sup>11</sup> À lè sí Diine, èe kí blee zaa Zayɔ̀n,  
à à yákenanɔ̀ kpàakpa kɛ bori pínɡine.

<sup>12</sup> Zaake è gɛɛ bo gbēderia, yá è sánlo,  
è takaasideenɔ̀ wiilɛna yá da.

<sup>13</sup> Dii, n gwa lán ma ibɛɛnɔ̀ e ãa daama nà,  
n ma wɛnda gwa n ma bɔ̀ gaa lézī,

<sup>14</sup> lɛ mà n tó kpá Zayɔ̀n bīilɛa,  
mà pɔ̀nnaa kɛ kè n ma mì sì yānzi.

<sup>15</sup> Boriinɔ̀ sì wèe kè aɔ̀ yò̀n,  
aɔ̀ gbá zù bà kè aɔ̀ kpàkpa guu.

<sup>16</sup> Wà Dii dɔ̀ kɔ̀n yákpækɛna a zéao,  
è tó gbē zaaa yákená wí à musu.

<sup>17</sup> Gbē zaaanɔ̀ è tá gèwāan,  
borii kè aɔ̀è Luda yá daroo pínɔ̀.

<sup>18</sup> Wɛndadeenɔ̀ yá é sán zikiro,  
takaasidee sɔ̀ wéedɔ̀zina yāana vīro.

<sup>19</sup> N fɛɛ Dii, nton tó gbě̀ntee n gá fīro,  
n bori pínɡi kakɔ̀a n yákpae kɛ́nyo.

<sup>20</sup> Dii, n tó vīa boriinɔ̀ kū,  
lɛ aɔ̀ e wà dɔ̀ kè gbě̀nteenɔ̀ n ũ.

## 10

*Wéekena Luda a yákpae ke gbēnteenɔne*

<sup>1</sup> Dii, b́yānzi n zena zāazāzi?

À kè dia neè n zīnda ute nawēakeguro?

<sup>2</sup> Gbē zaaa è gbāasaidee wete à de wadakee guu,  
è monafiki kene à à kũ.

<sup>3</sup> Gbē zaaa è a pónidenano ĩa dā,  
è sánkarade sáabu kpá è Dii tó zaaa sí.

<sup>4</sup> Gbē zaaa wada bé à tò è Dii kii wetero,  
à Luda laasuu vīro.

<sup>5</sup> Yā kè è ke píngi è bonε maame,  
è a zīnda kaara, è n doka daro,  
è lézukii ke a ibeenɔa.

<sup>6</sup> È be é kpágularo,  
égō kú ponnaan wahaa sai.

<sup>7</sup> Ege kōn gbēkanao kōn yā pāsīo à lé pà,  
kisia yā kōn yā zaaao bé ègō daa à lén.

<sup>8</sup> È naε taarisaideenε lakutu kpeε  
le à e à à de asii guu,  
è mizaadee kpákpa gusae.

<sup>9</sup> È naε gbēnɔne asii guu lán músu bà,  
è naε lákpen le à e à gbāasaidee kũ.  
Tó à à kũ, è à gáε kōn a bào.

<sup>10</sup> Gbē kè à lè à kũ ègō daena sòrɔɔ,  
gbāaa bé à à nè.

<sup>11</sup> Gbē zaaa è be Luda è yā tàasi kero,  
è ɔ kú a wéεame è guu ero.

<sup>12</sup> Dii, n fεε n mó kōn n gbāaaao,  
Luda, ngō takaasideenɔ tàasi keε.

<sup>13</sup> Luda, b́yānzín gbē zaaa è dokenyo lezi?  
È be a swè guu né ĩa daawaro.

<sup>14</sup> Baa kōn beeeo neè gbēnɔ yā'ɔamma e sánsán,  
neè n pɔsia yā da le n e n ɔ daríma.  
Gbāasaidee è a zīnda kpámma,  
tone kè gwàri vīroo donlerin n ũ.

<sup>15</sup> N gbē zaaanɔ kōn gbē pāsīnɔ gàsā éñne,  
n n yā zaaa kè aɔɔe daa wà dōroo wí n musu.

<sup>16</sup> Dii ègō kí blee guro píngi,  
à yādarisaideenɔ é kaate à bùsun.

<sup>17</sup> Dii è takaasideenɔ wéekena sí,  
è n gba swè, è swā kpá n wiipenazi.

<sup>18</sup> È ze kōn tone kè gwàri vīroonɔ  
kōn gbē kè wèe wéε tāmmanɔ,  
le gbēntee kè de bùsuti ũ  
tón tó swè kē gbēnɔn dɔro yānzi.

## 11

*Làakarikpaena*

Dauda lè.

<sup>1</sup>Ma na Diizi.

Bóyānzin ée beeme mà vĩa  
mà tá kpíi musuzi lán bāa bà?

<sup>2</sup>À zaakerinɔ gwa, aɔ kà kpà sála,  
aɔ nàe gusae aɔ n sá gà,  
aɔ kà zù nòsemaadeenzi.

<sup>3</sup>Tó fεakaarayā e kaateε,  
gbē maaanɔ é ke diamε?

<sup>4</sup>Dii kú a kpé kè kú adona guu,  
à vεena kpatan musu gwe.

È wée té gbēnteenɔzi à n tāsasi ke.

<sup>5</sup>Dii è gbē maaanɔ yɔ à gwa,  
mɔde à zà zaakerinɔn  
kɔn gbē kè yā pāsī è keñne nnaanɔ.

<sup>6</sup>Eé téyɔ kɔn ɔfántēgbɔo kú zaakerinɔa,  
īa wāaa bé eégɔ de n baka ũ.

<sup>7</sup>Zaake Dii è yā ke a zéa,  
yāmaakena è kenε nna,  
gbē maaanɔ é wée siàε.

## 12

*Gbēntee zaakeε*

Dauda lè. Wè sí kɔn mɔrɔlεnaomε.

<sup>1</sup>N ma mì sí, Dii,  
zaake gbē maa kee kuu dɔro,  
nāanedeε yāa gbēnteenɔ té.

<sup>2</sup>Baade è egεε to a gbēdaaanε,  
è lénnaa kásañne kɔn nòseɔ plaa.

<sup>3</sup>Dii, n lénnade lé kò é  
kɔn gbē kè è a zīnda sé lezĩo.

<sup>4</sup>Aɔè be n lé bé eé tó wà zĩ ble,  
wà n lé vī, dé bé eé kí bleñmaa?

<sup>5</sup>Wétāna gbē busenɔa  
kɔn wēndadeenɔ mbonao yānzi  
Dii bè é fεε sa  
à n gba zébɔkii kè aɔɔe à ni deε.

<sup>6</sup>Dii yā see vīro,  
à de lán kondogi kè wà yò tévura guu  
wà bàasa gēn swεεplaaa bà.

<sup>7</sup>Mpi Dii, négɔ wa dākpaā gurɔ píngi,  
né wa sí gbē beε takanɔa.

<sup>8</sup>Tó gbēnɔ yā bēε kù ɔplaplaa,  
gbē zaaanɔ ègɔ lili oo kɔn īadānao gu píngia.

## 13

*Wiipena Ludazi*

Dauda lè.

<sup>1</sup> Ai bɔre, Dii?

Ma yã éǵɔ sãangu gurɔ sãnda píngin yó?

Négɔ mìkpɛɛ zuumɛ ai bɔremɛ?

<sup>2</sup> Mégɔ kɔdɛɛ kɛɛ kɔn ma laasuunɔ ai bɔremɛ?

Ma pɔɔ èǵɔ sia lán guu e dɔɔ nà,

ma ibɛɛ éǵɔ gbãaa bleema ai bɔremɛ?

<sup>3</sup> Dii ma Luda, ò ma gwa né ma yã ma,

ò ma uu weremɛ le màton garo yãnzì,

<sup>4</sup> Le ma ibɛɛ tón be a ma nero yãnzì,

le ma zangurinɔ tón pɔnnaa ke ma funa yã musuro.

<sup>5</sup> Mée n gbẽke náane kɛɛ,

ma pɔɔ kè nna kè n ma mì sì.

<sup>6</sup> Mé lè sí Diine,

zaake à yã maaa kème.

## 14

*Yɔnkɔɔyá'ona*

Dauda lè.

<sup>1</sup> Yɔnkɔɔ è be a swèn Ludaa kuuro.

Gbènɔ yàka, aɔ yãkɛna zaa,

yãmaakeri kee kú n téro.

<sup>2</sup> Zaa musu Dii è gběnteenɔ tàasi ke

à gwa tó gbẽke ɔndɔɔ kà à a kii wete.

<sup>3</sup> Aɔ sãsa n píngi aɔ ǵɔ dɔrɔ sai míomìɔ,

yãmaakeri kee kú n téro, baa mèn do.

<sup>4</sup> Zaakerinɔ dɔna vɛnloo?

Aɔè ma gbènɔ mómɔ lán ú bà,

aɔè Dii sísiro.

<sup>5</sup> Gwen vĩa n kún maamaa,

zaake Ludaa kú kɔn gbẽ maaanɔ.

<sup>6</sup> Wè kpá takaasideene a pɔyezikenaa,

mɔde Diin à utekii ù.

<sup>7</sup> Luda, ò bɔ Zayɔn ò mó ò Isarailinɔ mì sí!

Tó Dii sòkpa kɔn a gbènɔ n gwena ziin,

Yakubu boriinɔ é pɔnnaa ke,

Isarailinɔ é yáa dɔ.

## 15

*Ludayadari yá'ona*

Dauda lè.

<sup>1</sup> Dii, dé bé à zé vĩa à ǵɛ n be ua?

Dé bé eé fɔ àǵɔ kú n kpíii musuu?

<sup>2</sup> Gbẽ kè èǵɔ kuu taari sai,

è yā ke a zéa,  
 è yāpuraa o zaa a nòsen.  
<sup>3</sup> È yā di gbēkearo,  
 è taari ke a gbēdaaanero,  
 è a gbēndoo sōsōro.  
<sup>4</sup> È kya ká ludayādarisainon,  
 è bēe li ludayādarinone,  
 è a lùsena papa, baa tó à kène zĩ'ũ.  
<sup>5</sup> È ɔɔ sēkāñne a dialena yānziro,  
 è bɔ taarisaidee kpɛɛ ɔɔɔnkpɛɛgba yānziro.

Gbē kè è ke lɛɛ é kpágula zikiro.

## 16

### *Nana Ludazi adua*

Dauda lè.  
<sup>1</sup> N ma dākpa Luda,  
 mbe ma nanzi.  
<sup>2</sup> Ma bè Diine: Mbe ma Dii ũ,  
 n baasiro má pɔ maa ke vīro.  
<sup>3</sup> N gbē kè aɔ kú būsú kè guunɔ,  
 aɔmbe gakuidee kè wà kèmɛɛnɔ ũ.  
<sup>4</sup> Gbē kè aɔè wā wà gá tãa kiiannɔ  
 è yā'ɔamma kpá n zĩndazime.  
 Mé sa'o'aru kwééñyoro,  
 weé n tãannɔ tó ma ma lézĩro.  
<sup>5</sup> Dii, mbe má n vīndo,  
 n ma ka ma bakaa,  
 ma wèndi kú n ɔzĩmɛ.  
<sup>6</sup> N tɔɔtɛ lézɛkiinnɔ kèmɛ gu maaa guu,  
 gbaa kè n dàmmɛ kèmmɛ.  
<sup>7</sup> Mé Dii sáabu kpá kè è lé dama yānzi,  
 baa gwāavĩ è tó ma swè ma gba làakari.  
<sup>8</sup> Mɛégɔ Dii ee ma wéɛn,  
 lán à kú ma ɔplaazi nà, pɔke é ma degero.  
<sup>9</sup> Beee yānzi ma pɔɔ ègɔ nnazi,  
 ma nòsɛguu pù.  
 Má tãmaa vī kè ma mè égɔ kuu,  
<sup>10</sup> zaake né ma tó mira guuro,  
 né we n gbē kè kú adona yai kũro.  
<sup>11</sup> N ma da wèndi zéa,  
 ma pɔnnaa égɔ pana n kiia,  
 pɔ maaannɔ égɔ kú n ɔzĩ gurɔ píngi.

## 17

### *Taarisaidee aduakɛna*

Dauda aduakɛna  
<sup>1</sup> Dii, n ma yāzɛdee ma,  
 n swā kpá ma wiipɛnazi,

ò ma wéekena sí,  
 zaake méε keε kōn mōnafikioro.  
<sup>2</sup> N kiian mé yā nnaa en,  
 n wéε e yā kè zé vī ee sānsān.  
<sup>3</sup> N ma swè gwà, n wéε témazi gwāavī,  
 n ma tàasi kè, néε yāke emaro,  
 zaake ma zεo kè ma lé é ma kari keo.  
<sup>4</sup> Mèè té gbēntee yākenanōziro,  
 mèè gbē pāsīno zékpaε séro.  
<sup>5</sup> Ma lili ò n zén súusu,  
 méε pā n yānero.

<sup>6</sup> Méε lé zuunzi, zaake né wemala.  
 Luda, ò swā kpá ma aduakenazi.  
<sup>7</sup> Ò n gbēke bōnsae yā keme,  
 ò gbē kè aō nānziino bō n ibεεno ozi.  
<sup>8</sup> Ò làakari dōma lán n wéεne bà,  
 ò ma soto n oru.  
<sup>9</sup> Ò ma sí gbē zaaa kè aōè ïa damaanoa,  
 ma ibεε kè aōo liganamazii pino.  
<sup>10</sup> Aōè gbēke wéε gwaro,  
 aō lé è ïadāyā o.  
<sup>11</sup> Aō pèεma wà ligamazi,  
 aō wéε biima le wà e wà ma pāε toote.  
<sup>12</sup> Aōo yezi wà ma ke gyáigyai  
 lán músu noaderi è ke nà,  
 lán músu kè naena gusae bà.  
<sup>13</sup> Dii, ò fεε ò dañle ò n ne,  
 ò ma sí gbē zaaanoa kōn n fēεdaao.  
<sup>14</sup> Ò ma bō n ozi kōn n gbāaao.  
 Aō baka kú anduna kèkii guu,  
 aō auziki ègō diñzi, aō néno è kā,  
 aōè pó kè diñzino káε n nénoε.  
<sup>15</sup> Mapi sō, mé wéε sinle ma nōse maaa yānzi,  
 tó ma n e ma fεεgurō, beε é móma.

## 18

### *Zìblena sáabu* (2Sa 22:1-51)

Lè kè Dii zōbleri Dauda sìne gurōo kè à à bō Solu kōn a ibεε kpaaanoo ozi.

<sup>1</sup> Má yenzi Dii, mbe ma gbāaa ũ.  
<sup>2</sup> Diin ma gbèsi ũ kōn ma zεki gbāaao,  
 ma mìsirime.  
 Ma Ludan ma gbèsi ũ, mèè nazi.  
 Àmbe ma sengbango ũ,  
 ma mìsiri gbāa kōn ma guleziō.  
<sup>3</sup> Dii kà wà à sáabu kpá.  
 Mèè à sísi, è ma bō ma ibεεno ozi.



<sup>4</sup> Góro'ite vl̥ēmao,  
ís̄ k̄ è n̄ kaate e ma blee.

<sup>5</sup> Mira b̄ano ligamazi,  
gaa takutee kp̄akpame ma ae.

<sup>6</sup> K̄e má kú nawēa guu, ma Dii sisi,  
ma wii p̄e ma Ludazi,  
ben à ma k̄oto mà zaa a be,  
ma wiii k̄a à kiia, à ḡe à swān.

<sup>7</sup> T̄ote l̄ugaluga à n̄gānigā,  
kpiiino d̄egege ai n̄ kāsāan.

Ā l̄ugaluga k̄e à p̄o f̄ē yānzi.

<sup>8</sup> T̄esukpe b̄o à yīzī,  
té k̄e è n̄ kpata b̄o à l̄én,  
à ȳn̄o e té kee à ae.

<sup>9</sup> À musu w̄e à p̄ita,  
lou sisi à gbá gīzī.

<sup>10</sup> Èe v̄iaa dina kerubu kpee,  
èe ȳa paa īala.

<sup>11</sup> À gusiaa dà a zīndala,  
ludambe sia k̄ū à k̄ukiila.

<sup>12</sup> Zaa à gakui t̄ekena guu lou e sisii,  
lougbe e kw̄ee, lou e pii p̄āsīp̄āsī.

<sup>13</sup> Dii p̄ata zaa musu,  
Luda Musude k̄oto d̄o lapatana ū.

<sup>14</sup> À k̄a f̄a ma ib̄ēnoa à n̄ f̄ākōa,  
à tò lou p̄īm̄ma à p̄èr̄ma.

<sup>15</sup> K̄e n̄ patāma, Dii,  
k̄e n̄ p̄o b̄o n̄ yīzī,  
isiaa t̄ote b̄o gupuraa,  
anduna kāsāa ḡe kaena p̄ōt̄e.

<sup>16</sup> À o b̄o zaa musu à ma k̄ū,  
à ma b̄o swadaa guu.

<sup>17</sup> À ma si ma ib̄ee gb̄āaa ozi  
k̄ōn̄ ma zanguri k̄e āo gb̄āaa demalaano.

<sup>18</sup> Ā l̄ema ma m̄onzik̄eguro,  
m̄ode Dii z̄ēmao.

<sup>19</sup> À ma b̄o à ma gba m̄eporokii,  
à ma m̄i s̄i k̄e à yemazi yānzi.

<sup>20</sup> Dii yā k̄eme ma n̄se maa l̄én,  
à f̄ia b̄ome ma gb̄āsīsaik̄e l̄én.

<sup>21</sup> Zaake má Luda ȳadienano k̄ūna,  
m̄ee à zaaa ke ma a Luda t̄onlo.

<sup>22</sup> À dokaȳano èḡo d̄ome ae p̄ingi,  
m̄ee kpee li yā k̄e à dīen̄ero.

<sup>23</sup> Ma kuuna taari v̄i Dīinero,  
má a zīnda k̄ūna durun sai.

<sup>24</sup> Dii f̄ia b̄ome ma n̄se maa l̄én,

zaake à è má kuu gbāsī sai.

<sup>25</sup> Náanɛdeen n ũ náanɛdeenɔɛ,  
taarisaiden n ũ taarisaidenɔɛ.

<sup>26</sup> Ń wásawasa gbē wásawasanɔɛ,  
mɔde neè íbetɛ kpá kɔn gbē dɔrɔsaidenɔ.

<sup>27</sup> Neè zĩndabusarinɔ mì sí,  
neè gbē kè aɔè n zĩnda sé lezĩnɔ sɔɛ.

<sup>28</sup> Dii, neè ma fitia té tó nana,  
ma Luda, neè ma gusiaa lie gupuraa ũ.

<sup>29</sup> Kɔn n gbāaao mé fɔ mà kù kpá karaa,  
ma Luda gāzĩ mé fɔ mà vĩ gùla.

<sup>30</sup> Luda kèkii sɔ yākɛna bɔɛzina,  
Dii yā see vĩro, à wásawasa,  
à de sɛngbango ũ gbē kè aɔ nàzinɔɛ.

<sup>31</sup> Dii baasiro, dén Luda ũu?  
Wa Luda baasiro, dén gbèsi ũu?

<sup>32</sup> Luda bé è ma gba gbāaa,  
àmbe è zé poromɛ súusu.

<sup>33</sup> È tó ma gbá kai gɔ nna lán zɔ pɔ bà,  
è tó màgɔ taa oo gulezĩnɔ musu.

<sup>34</sup> È zìkana dadamɛ  
ai ma gāsā fɔ à m̀gotɛ sá gá.

<sup>35</sup> Neè n zìblesɛngbango kpáma,  
n ma kũna kɔn n ɔplaaɔ,  
neè nae n ma tɔ bɔ.

<sup>36</sup> Neè ma zé yàasa kũmɛ  
le ma gbá tón sataro.

<sup>37</sup> Ma pɛɛ ma ibɛɛnɔzi ma n kũkũ,  
mée ɛara ma suro, sé kè ma gaa ma n dedɛ.

<sup>38</sup> Ma n wíwi, aɔɔe fɔ wà fèe dɔro,  
aɔ lèe wà gò kaena ma gbá gĩzĩ.

<sup>39</sup> N ma gba gbāaa ma zĩ kào,  
n tò ma ibɛɛnɔ mì nàemɛ.

<sup>40</sup> Ń tò ma zangurinɔ kpɛɛ lì,  
ben ma a ibɛɛ pìnɔ kàatɛ.

<sup>41</sup> Aɔ wii lè, gbēkee e n mì síro,  
aɔ lé zù Diizi, èe weńlaro.

<sup>42</sup> Ma n ké tíketike lán bùsuti kè ãa sèe bà,  
ma taa òmma lán zé guu bɔtɔnga bà.

<sup>43</sup> N ma bɔ gbē kè aɔ fɛɛmaziinɔ ɔzĩ,  
n ma ke boriinɔ mĩdee ũ.

Borii kè má n dɔroonɔ è zò blemɛ,  
<sup>44</sup> bori zĩtɔnɔ è na n sàsaa ma aɛ.

Tó aɔ ma yā mà, aɔè mì siemɛ.  
<sup>45</sup> Aɔ kã è ga,

aɔè bɔ n zeki gbāaanɔn kɔn luganao.

46 Dii kuu! Aubarikadeen ma gbèsi ũ!

Wà Luda ma mìsiri tó bɔ.

47 Luda bé è gɛɛ bomɛ,

è tó boriino mì siemɛ,

48 è tò mà piti ma ibeenon.

N ma gba gbāaa de ma zangurinɔla,

n ma bɔ gbɛ pāsino ozī.

49 Beee yānzi mé n sáabu kpá boriino té,  
mé n tó kpá, Dii.

50 Dii è zī bíta ble kína kè à à sènɛ,

è gbɛkɛɛ kɛ kína kè à à kàne,

mamɔma Dauda kɔn ma boriino  
ai gurɔ píngi.

## 19

### *Ludambɛ gakui kɔn Luda yā gakuio*

Dauda lè.

1 Musu è Luda gakui bɔ gupuraa,

bàtumapɔnɔ è à zīi ɔɔańne.

2 Len èegɔ yā oo lɛ lán guu e dɔɔ nà,

è dɔna kpámma gwāavī kɔn gwāavio.

3 È yā oro, à yā'ona borii kuuro,

wè à kīi maro.

4 À kòto è da andunala píngi,

à yā'ona è gá ai tɔɔte lézekiia.

Luda kpé bò ɔfāntɛne gwe,

5 è bɔ kpén à fɛɛ lán nɔseri bà,

è fɛɛ táo kɔn pɔnnaao lán gɔsagbāaa bà.

6 È fɛɛ ludambɛla kè,

è bikū à gá ai à léa kāa,

póke ègɔ utena à puusunero.

7 Dii doka papana,

è ní kuuna kɛkɛ à kɛńne dɔ.

Dii yā náane vī,

è lé da ɔndɔsaidéenɔ.

8 Dii ɔɔkii bé à súusu, è ní pɔɔ kɛ nna.

Dii yādienenɔ gbāsī vīro, è ní uu wereńne.

9 Misiɛna Diine zé pì wéebɔna,

weégɔ tézi gurɔ píngi,

Dii yákpækɛna yāpuraa vī,

ègɔ maa wásawasa.

10 À maaa de vurala, baa vura maaa,

à nnaa de zó'ila, baa zó búsu.

11 Beee musu neè lé da mamɔma n zòbleria,

gbɛ kè n yā kūna àre ègɔ bíta.

12 Dé bé eé fɔ à yā kè à zāanɔ dɔɔ?

Ñ sùu kemao kɔn ma taari kè utenameenɔ.

13 Nton tó mamɔma n zòbleri taari kenne gĩanziro,

n̄ton tó durunɔ kí blemaro,

mégõ kuu wásawasa taari bíta sai.

<sup>14</sup> Ñ tó yā kè èe bɔɔ ma lén kenne  
kõn laasuu kè kú ma swè guuo,  
Dii, ma gbèsi, ma mìsiri.

## 20

### *Zìblena wéekεε*

Dauda lè.

<sup>1</sup> Dii yā sínyo n nawēakegurɔ,  
Yakubu Luda n dākpa.

<sup>2</sup> À dɔnε zĩmma bɔna a kúkiia,  
à n ïan ká bɔna zaa Zayɔn.

<sup>3</sup> À n sa'ona sí píngi,  
à dɔ n sa'opɔ kè wè ká tén à té kũnɔ yān.

<sup>4</sup> À pɔ kè n pɔɔ yezi kenne,  
à tó ñ pɔ kè néε pεεa le.

<sup>5</sup> Wé guda ke zĩ kè ñ blè yā musu,  
wé tuuta logo kɔn wa Luda tóo.  
Dii wéekεε kè ñ kè sí píngi.

<sup>6</sup> Má dɔ sa kè Dii è kína kè à à kà mì sí,  
è yā sío zaa a bεε kè kú adonan,  
è tó à zĩ ble kɔn a gàsā gbāaa.

<sup>7</sup> Gbēkenɔ è sɔgoronɔ náane ke,  
gbēkenɔ è sɔnɔ náane ke,  
wapinɔ sɔ, Dii wa Ludan weè náane ke.

<sup>8</sup> Aóé gèn sí wà léε,  
wapinɔ sɔ wégɔ zεna gíngin.

<sup>9</sup> Dii, ñ tó kína zĩ ble,  
tó wa n sisi, ñ wewala.

## 21

### *Zìblena sáabu*

Dauda lè.

<sup>1</sup> Dii, kína e pɔnnaa keε kɔn n gbāaa,  
à pɔɔ nna maamaa kè ñ tó à zĩ blè.

<sup>2</sup> Ñ pɔ kè à pɔɔ yezi kpàa,  
néε gí à wéekεna síziro.

<sup>3</sup> Ñ daàε kɔn aubarika bítao,  
n vura fura kũne.

<sup>4</sup> À wēndi gbékamma, ben ñ kpàa,  
ñ tó àgɔ kuu ai gurɔ píngi.

<sup>5</sup> À gakui bíta kè ñ tó à zĩ blè,  
n bεε kɔn bítakeεo kpàa.

<sup>6</sup> Néégɔ aubarika daan gurɔ píngi,  
n kuuna bé à tó à pɔɔ kè nna.

<sup>7</sup> Zaake kína náane dɔ Diia,

Luda Musude gbēke yānzi eé nigāro.

- <sup>8</sup> N ɔɔ é n ibeeno kū n pínɡi,  
né n zangurino kū kōn n ɔplaa.  
<sup>9</sup> Né n ke m̀odate yàka ũ n m̀oguro,  
Dii é n kaate a ɔfēguro, eé tó té n ble.  
<sup>10</sup> Né n neno m̀i de anduna guu,  
né n boriino kē gbēnteenɔa.  
<sup>11</sup> Baa tó aɔ lé kpàk̀s̀nzi,  
aɔ ɔyeziyā é zīi kero.  
<sup>12</sup> Né kà d̀d̀d̀ n wéea,  
né tó aɔ kpe li.

<sup>13</sup> N gbāakee guu, Dii, n n zīnda sé lezī,  
wé lè sí wà n bítakee sáabu kpá.

## 22

### *Wipeɛna Ludazi*

Dauda lè.

- <sup>1</sup> Ma Luda, ma Luda,  
à kè dia n ma ton-ee?  
Ma wii pè,  
à kè dia née mó ma m̀i síroo?  
<sup>2</sup> Ma Luda,  
ma lé z̀nzi fāantē, m̀ode née wemalaro,  
ma wii p̀enzi gwāavī d̀, mée yītero.

<sup>3</sup> N kú adona n vēna kpatan,  
mm̀n kè Isarailino è n sáabu kpá.

<sup>4</sup> M̀be wa dezino n náane kè,  
aɔ n náane kè, ben n n m̀i sí.

<sup>5</sup> Aɔ lé z̀nzi, ben aɔ b̀kii è,  
aɔ n náane kè, ben wí e n kuro.

<sup>6</sup> K̀k̀o néngon ma ũ, gbēnteen ma ũro,  
wèe ma s̀s̀ɔ, wèe kya kaamagu.

<sup>7</sup> Gbē kè aɔɔe ma gwaanɔ e ma faboo,  
aɔɔe lézukii keema,  
aɔɔe n m̀i kee degūdegū wèe bee:

<sup>8</sup> Lán èe Dii náane kee nà, ēndē à à m̀i sí,  
tó à yā kàeme, à à m̀i sí.

<sup>9</sup> M̀be n ma b̀ɔ ma da gbēen,  
n ma gwa aafia ma ỳmiguro.

<sup>10</sup> Má na n ɔzī zaa né'isomme,  
ma Ludan n ũ zaale má kú ma da gbēen.

<sup>11</sup> Ǹtongɔ kúmao z̀aro,  
zaake wahaa kīi kúmao,  
gbēkee kuu à d̀malero.

<sup>12</sup> Wà ligamazi paripari lán z̀swareeno bà,  
wà ma kagura kè lán Basā bùsu z̀swareno gbāano bà.

13 Wèe lé aεemazi lán músu óòdòri  
kè aòòe pò kεε gyáigyainò bà.

14 Ma gbāaa yāa lán í kwεena bà,  
ma gupεkiinò bòkūn píngi,  
ma mè yò lán zósa bà.

15 Ma kòto gàga lán pēε korii bà,  
ma néné nà ma lé musu,  
wà ma daε lán gè bà bùsutin.

16 Lewannò gáli liganamazi,  
gbē zaaa pìnò nànakòrema,  
aō ma òòòò kōn ma gbánò zòzò.

17 Mé fō mà a wánò naro píngi,  
wà wéε bìibiia, wèe ma gwaa.

18 Aō ma pókāsāanò kpàatetekōne,  
aō kàbankpe kè ma uta yā musu.

19 Dii, òntongò kúmao zàro,  
mbe ma gbāaa ũ,  
nè mó nè òmalε kpakpaa.

20 Nè ma bò aō fēεdaa lézī,  
nè ma wēndi sí lewan pìnò.

21 Nè ma bò músu pìnò lézī,  
nè ma si zùsēte pìnò kobaa.

22 Mé n tó bò ma gbēnò té,  
mé n sáabu kpá kakōana guu.

23 A Dii vīakerinò, à à sáabu kpá,  
a Yakubu boriinò, à à tó bò,  
a Isarailinò, à mì siεne.

24 Zaake èe kya ká takaasideenlo,  
èe à wēndakεε faboro,  
èe mìkpeε zunεro,  
à swā kpà à wiipεnazi.

25 Mé n sáabu kpá pari kakōana guu,  
mé lù kè má sēnne papa n vīakerinò aεzī.

26 Takaasideenò é pò ble wà kã,  
Dii kii wēterinò é à sáabu kpá,  
aōégò kú wēndio gurò píngi.

27 Andunalezekideenò égò Dii dō aō aε òòà,  
borii kè aōò kuunò é kúεne ní píngi,

28 zaake kíblena né Dii pómε,  
è kí ble bori píngia.

29 Anduna auzikideenò é òòzi kεne ní píngi  
kōn gbē kè aōò kú gaa lézīnò,  
gbē kè aō gàa gákiiànò é mì siεne ní píngi.

30 Zia gbēnò é òòzi,  
aōé Dii yā tókē gbē kè aōé suunòne,

31 Aōé mìsina yā o gbē kè wèe ní i kòroonòne

zaake à gĩake à kè.

## 23

### *Diin ma d̄ari ũ*

Dauda lè.

<sup>1</sup>Diin ma d̄ari ũ,  
póke é kēsámaro.

<sup>2</sup>È ma dae s̄ela b̄òr̄on̄on̄,  
è gámao í kaena kítikiti sae.

<sup>3</sup>È ma kuuna keke d̄o,  
è d̄ome aε zé maaan̄o guu a tó b̄ona yānzi.

<sup>4</sup>Baa tó ma t̄aa ò guzure sia p̄ās̄in̄,  
mé à zaaa v̄ia kero, zaake n̄ kúmao,  
n s̄ari k̄on̄ n gòo è ma làakari kp̄áeme.

<sup>5</sup>Neè p̄óblee káeme ma aε ma ibeεn̄o wáa,  
neè n̄ósi gūnnadee kú ma m̄ia,  
neè í ká ma togoon ai à pa yélele.

<sup>6</sup>Yápara Dii gb̄eke k̄on̄ à yenzio éḡo kúmao gur̄o p̄ingi,  
méḡo kú à ua ai ma w̄endi lén.

## 24

### *Dii ḡena a kp̄é guu*

Dauda lè.

<sup>1</sup>T̄ote k̄on̄ p̄o kè kúnno p̄ingi né Dii p̄ome,  
anduna k̄on̄ gb̄e kè āo kúnno n̄ p̄ingi.

<sup>2</sup>À t̄ote k̄as̄aa p̄eε ísiaan,  
à anduna k̄ae k̄on̄ swaan̄o.

<sup>3</sup>Dé bé à zé v̄i à didi Dii kp̄iii musuu?  
Dé bé eé f̄o à ḡe à ua?

<sup>4</sup>Gb̄e kè taari v̄iro bens̄o à n̄se puraa,  
gb̄e kè a làakari è tá t̄aan̄o kparo  
bens̄o è yā sí k̄on̄ t̄aa t̄oroo.

<sup>5</sup>Dii é aubarika da adeen,  
Luda à m̄isiri é tó yā b̄oo nna.

<sup>6</sup>L̄en à de le k̄on̄ à kii w̄eterin̄o,  
Yakubu boriin̄o Luda w̄ée w̄eterin̄o.

<sup>7</sup>À b̄iilen̄o w̄ēw̄ē,  
à gb̄a ziin̄o w̄ēw̄ē,  
à tó Kína gakuidee ḡe.

<sup>8</sup>Dén Kína gakuidee p̄i ũ s̄o?  
Dii gb̄āabitadem̄e,  
àmbe Dii z̄ikari gb̄āadee p̄i ũ.

<sup>9</sup>À b̄iilen̄o w̄ēw̄ē,  
à gb̄a ziin̄o w̄ēw̄ē,  
à tó Kína gakuidee ḡe.

<sup>10</sup>Dén Kína gakuidee p̄i ũ s̄o?  
Dii Z̄ikp̄eden Kína gakuidee p̄i ũ.

## 25

*Luda wa dākpari*

Dauda lè.

<sup>1</sup> Dii, míbe ma a swè kpàmma,

<sup>2</sup> Ma Luda, má n náanekena,

nton tó wí ma kũro,

nton tó ma ibeeno ma nero.

<sup>3</sup> Wí é gbè kè aṣ wée donziino kũ zikiro,  
sé gbè kè aṣ bò n kpee yákoḍana saino.

<sup>4</sup> Dii, ñ n zé ḍame,  
ñ n yā dadame.

<sup>5</sup> Ñ ma da n yāpura zéa,

ñ à yā dadame,

zaake Luda ma m̀sirin n ũ,

ma wée ègṣ donzime gurṣ píngi.

<sup>6</sup> N wēnda kōn n yenzio gṣ dongu,  
zaake beeno kúnyo zaa zi, Dii.

<sup>7</sup> Nton taari kè má kēno yā daro  
ke durun kè má kè ma gṣkparekegurono.

Ñ tó ma yā gṣ dongu yenzi guu,  
kè n maa yānzi, Dii.

<sup>8</sup> Dii maa, è yā ke a zéa,  
bee yānzin è a yā dada durunkerinenzi.

<sup>9</sup> È zīndabusarino da a zéa,  
è yā maa dadañe.

<sup>10</sup> Dii ègṣ yenzi kōn náaneo vī  
kōn gbè kè aṣ a bà kuunaño yā kũnan.

<sup>11</sup> Baa kè ma durun bíta Dii,  
ñ kēme n tóbna yānzi.

<sup>12</sup> Dé bé à Dii vīa vīi?  
Dii è adee da zé kè de à séa.

<sup>13</sup> Adee ègṣ kú nnamana guu,  
à boriino bé wégṣ ǹ búsu vī.

<sup>14</sup> Dii ègṣ nna kōn a vīakerino,  
è tó aṣgṣ a bà kuunaño yā dṣ.

<sup>15</sup> Ma wée ègṣ pé Diia,  
zaake àmbe è ma gbá bo bàn.

<sup>16</sup> Ñ ae ḍoma, né ma wēnda gwa,  
zaake má kú mado wétamma guu.

<sup>17</sup> Ma yā'ṣammano kàara ma nḍse guu,  
ñ ma bo ma nawēa pìn.

<sup>18</sup> Ñ ma wétamma kōn ma pṣiaao gwa,  
né ma durunno kēma píngi.

<sup>19</sup> Ñ gwa lán ma ibeeno dàgula nà,  
aṣ zāmagu pāsīpāsī.

<sup>20</sup> Ñ ma wēndi dākpa, né ma mì sí,  
nton tó wí ma kũro, zaake ma nanzi.



21 Ì tó yāpura kǒn kuuna maaao gǔ ma dākpa, zaake ma wée ègǔ dǒnzi.

22 Luda, ì Isarailinǒ bǒ ñ nawēanǒn píngi.

## 26

### *Gbē maaa aduakena*

Dauda lè.

1 Ì yā nnaa kpáma Dii, zaake ma yā kè a zéa, ma n náane kè seka sai.

2 Ì ma lé ñ ma gwa Dii, né ma nǒse kǒn ma laasuunǒ gwa,

3 zaake n yenzi ègǔ dǒme ae, mée zǐi ke n yāpuraaa.

4 Mée vée kǒn egēdeenǒoro, mée gē mǒnafikideenǒ téro.

5 Ma za durunkerinǒ kakǒanan, mée vée kǒn gbē zaaanǒoro.

6 Ma ǒ pìpi ma taarisaideke sèeda ũ, mée ligaa n gbāgbākiizi, Dii,

7 le mà e mà n sáabu kpá lèsina guu, mé n yābǒnsaenǒ kpàakpa ke.

8 Dii, má ye n kpé kè neègǔ kúnzi, guu kè n gakui è pitan.

9 Ìnton ma kakǒa kǒn durunkerinǒoro, ñton ma baka kakǒa kǒn gbēderinǒ pǒoro.

10 Laasuu zaaa bé ègǔ dǒñne ae, aǒ ǒ ègǔ pana kǒn ǒdǒnkpeegbaanǒ.

11 Mapi sǒ, mée yā ke a zéa, ñ ma wēnda gwa, ñ ma mì sí.

12 Ma zekii è gu maaan, mé Dii sáabu kpá pari kakǒana guu.

## 27

### *Diin ma gupuraa ũ*

Dauda lè.

1 Diin ma gupuraa ũ kǒn ma mǐsirio, dén mé vǐa kene?

Diin ma utekii ũ, dé vǐa bé eé ma kǔu?

2 Tó gbē zaaanǒ lèema le wà ma ke gyáigyai ke tó ma ibeenǒ kǒn ma zangurinǒ fèemazi, aǒé gèn sí wà lé.

3 Baa tó zǐkarinǒ lìgamazi, ma kù é vǐro,

baa tó gbēnǒ fèemazi kǒn zǐo, ma làakari ègǔ kpaename.

4 Yã mèn don mée gbekaa Diia,  
 yã pìn mée wete maamaa.  
 Má yezi màgõ kú Dii ua ai ma wèndi lén,  
 le màgõ à wée wete à kpén gwe,  
 mé wée pé à maakea.  
 5 Eé ma ute a kpén nawēakegurɔ,  
 eé ma gwa a bisakutaan,  
 eé ma ze gbè musu aafia.  
 6 Ma mì é gbã à de ma ibee kè aõ ligamaziinɔ póla,  
 mé saa o Dii ua kɔn gudakenao,  
 mé lè sí mà à sáabu kpá.  
 7 Tó ma n sisi Dii, ò wemala,  
 ò ma wènda gwa, né ma yã ma.  
 8 Ma nòse e lé daama mà n wée wete,  
 Dii, mée n wée wete.  
 9 Nton mikpe zu mamoma n zòblerinero,  
 òton kpee lime kɔn pɔfɔoro.  
 Ma donlerin n ũ, òton ma zĩnaro,  
 Luda ma mìsiri, òton ma tónlo.  
 10 Tó ma de kɔn ma dao pã kpàmazi,  
 Dii é ma sí.  
 11 Dii, ò n yãzede dame,  
 ò dome ae zé súusu guu ma wétãmmarinɔ yãnzì.  
 12 Nton tó ma ibeenɔ poyeziyã ke ma musuro,  
 zaake sèeda egdeenɔ e yã diima,  
 gbè pãsinɔ e pó bɔɔ n yĩzĩ.  
 13 Má yã kèkii náanekena,  
 kè Dii é à maaa kemε anduna kè guu.  
 14 Ñ wée do Diizi,  
 ò ze gbãa, né n làakari kpáε,  
 ò wée do Diizi.

## 28

### *Wéekena kɔn sáabukpanao*

Dauda lè.  
 1 Dii, mbe ma gbèsi ũ, mée n sisii,  
 òton ma yã kpá swákotoro.  
 Tó n yĩtemala,  
 mé gõ lán gbè kè aõ sì gèwãa guunɔ bàme.  
 2 Mée donle wii pemma,  
 ò swã kpámazi,  
 mée ma ɔ seε n kúkii kpa.  
 3 Nton ma gáε ledɔ kɔn gbè bèenɔ ke zaakerinɔoro.  
 Aõè yã nnaa o n gbèdaaanε,  
 mode zangu bé à kú n swèn.  
 4 Ñ kéñε aõ yákenaa kɔn n zaakenao,  
 ò fía boñε n dà  
 le aõ yã zaaa wí n musu.

<sup>5</sup> Aãè Dii yãkɛna kɔ̃n à zĩkɛnao yã daro,  
eé n fɛɛ dɔro.

<sup>6</sup> Aubarikadeen Dii ũ,  
zaakɛ à swã kpà ma wɛnda wiipɛnazi.

<sup>7</sup> Diin ma gbãaa ũ kɔ̃n ma sɛngbangoo,  
má à náanɛ vĩ ma swɛn.  
È ma ãan ká, ma pɔɔ è kɛ nna,  
mɛè à sáabu kpá kɔ̃n lèsinao.

<sup>8</sup> Diin a gbɛ̃nɔ gbãaa ũ,  
à dɛ utɛkii ũ kí kè à kàɛ, è à mì sí.

<sup>9</sup> N n gbɛ̃nɔ mì sí n aubarika daŋgu,  
n n dākpa n̄gɔ n kũna gurɔ píngi.

## 29

### *Dii yã'ona zàga'ĩa guu*

Dauda lè.

<sup>1</sup> A malaikanɔ, à Dii tó kpá,  
à gakui kɔ̃n gbãaa dɔ̃ Diinɛ.

<sup>2</sup> À Dii tó kpá,  
à kúɛ Diinɛ à kúadona gupuraan.

<sup>3</sup> Dii kòto dɔ ìnɔla,  
Luda Gakuide è tó lou pūtã,  
Dii kòto kĩ dɔ ìnɔ musu.

<sup>4</sup> Dii kòto gbãaa dɔ,  
Dii kòto gakui vĩ.

<sup>5</sup> Dii kòto è sida línɔ para,  
Dii è Lɛbanɔ bùsu sida línɔ para.

<sup>6</sup> È tó Lɛbanɔ kpíinɔ vĩvĩ lán zùɛ bà,  
ɛmɔni gbè sɔ lán zùswanɛ bòrɔ bà.

<sup>7</sup> Dii kòto è bɔ kɔ̃n loupinao,

<sup>8</sup> Dii kòto è gbáa nigã,  
Dii è Kadɛsi gbáa nigã.

<sup>9</sup> Dii kòto è línɔ nigã,  
è líkpɛnɔ pu,  
gbɛ kè aɔɔ kú à ua guunɔɔ e beɛɛ,  
Gakuideen à ũ.

<sup>10</sup> Dii kú í kè dana andunalaa musu,  
Dii vɛɛna Kí ũ gurɔ píngi.

<sup>11</sup> Dii è a gbɛ̃nɔ gba gbãaa,  
Dii è aubarika daŋgu aɔgɔ aafia.

## 30

### *Dii sáabukpana*

Lè kè Dauda dà Luda ua kyakɛna yã musu.

<sup>1</sup> Mé n tó sé lezĩ Dii,  
zaakɛ n ma kaara,

néé tó ma ibɛɛnɔ ma nɛro.

<sup>2</sup> Dii ma Luda, ma wii pɛnzi,

ben n ma gba aafia.  
<sup>3</sup> Dii, n ma si miraa,  
 née tó ma si gèwāanlo.  
<sup>4</sup> Dii gbēnɔ, à à tó kpá,  
 à à tó kè kú adona sáabu kpá.  
<sup>5</sup> Zaake à pofēna è gi kero,  
 à aubarika bé ègɔ kuu ai gbē wēndi lén.  
 Ɔɔɔna ègɔ kuu gwāavī,  
 ben guu è dɔ kɔn pɔnnaao.  
<sup>6</sup> Kè má kú nnamana guu ma bè:  
 Mé kpágula zikiro.  
<sup>7</sup> Dii, kè n aubarika dàmagu,  
 n ma ze gíngin lán kpíii bà.  
 Mɔde kè n mìkpee zùme,  
 ma gɔ bídi guu.  
<sup>8</sup> N Dii, mbe ma n sisi,  
 ma kúe kè ma diine ma bè:  
<sup>9</sup> Bó àren ma gaa vīi ke ma sina gèwāan?  
 Ma mira é n tó kpán yó?  
 Eé n náane kpàakpa ken yó?  
<sup>10</sup> Ñ ma yā ma Dii ñ ma wēnda gwa,  
 Dii, ñgɔ de ma dɔnleri ũ.  
<sup>11</sup> N ma ɔɔɔna liè ɔwāna ũ,  
 n ma pɔsia utano pítima,  
 n pɔnnaa dàme pókāsāa ũ.  
<sup>12</sup> Mégɔ yītenaro, mégɔ n tó kpaame,  
 Dii ma Luda,  
 mégɔ n sáabu kpaa gurɔ píngi.

## 31

### *Zīndakpana Diia*

Dauda lè.  
<sup>1</sup> Dii, mbe ma nanzi,  
 ñton tó wí ma kú zikiro.  
 Ñ ma mì sí n maakena yānzi,  
<sup>2</sup> Ñ swā kpámazi, ñ ma faaba ke kpakpaa,  
 ñ gɔ ma uteki gbè ũ,  
 zeki gbāaa kè eé ma faaba kee ũ.  
<sup>3</sup> Ma gbèsi kɔn ma zeki gbāaaon n ũ,  
 ñ dɔme ae ñ ma da zéa n tó yānzi.  
<sup>4</sup> Ñton tó mà si bà kè wà kpàkpameenlo,  
 zaake ma mìsirin n ũ.  
<sup>5</sup> Ma a nini nānne n ɔzī,  
 ñ ma mì sí Dii Luda yāpurade.  
<sup>6</sup> Ma za gbē kè aḡè na tāanɔan,  
 Diin má náane kè.  
<sup>7</sup> Mé yāa dɔ mà pɔnnaa ke kɔn n yenzio,  
 zaake n ma yā'ɔamma è,  
 n ma nawēakena dōme.

<sup>8</sup> Née ma na ma ibeenone ní ɔzĩro,  
n ma gba m̀eporokii.

<sup>9</sup> N̄ ma wēnda gwa Dii,  
zaake má kagurakename,  
pɔsɪaa tò ma wée g̃è sùkusuku,  
ma pɔɔ sia kù ma n̄sɛ yàka.

<sup>10</sup> Pɔsɪaa e ma wèndi lagoo,  
m̀bna e ma wè yāaa,  
laasuu tò má gbāaa vī d̄oro,  
ma wánɔ b̀usa.

<sup>11</sup> Ma gbēdaaanɔ è kya kámagu ma ibeenɔ yānzi,  
ma yā è ma gbēnɔ vīa kù maamaa,  
gbē kè weè dak̄ore gāalenɔ è pāme.

<sup>12</sup> Ma yā e d̄o gbēken d̄oro,  
ma g̃ó lán gè bà,  
ma g̃óñne lán oo kándo bà.

<sup>13</sup> M̄eè ma kè gbēnɔ e ma pee pari,  
vīapɔnɔ ligamazi.  
Āsè kak̄ɔa wà lé kpák̄s̄mazi,  
āsè l̄edole ke ma wèndib̄ona yānzi.

<sup>14</sup> M̄ode m̀be ma n náane kè Dii,  
m̄eè be ma Ludan n ũ.

<sup>15</sup> Ma wèndi èg̃ó kú n ɔzĩ gurɔ p̄ingime,  
n̄ ma sí ma ibee kè āɔe ma wetee  
wà ma deenɔ ɔzĩ.

<sup>16</sup> N̄ uu were mamɔma n z̀bberia,  
n̄ ma mì sí n yenzi guu.

<sup>17</sup> Dii, n̄ton tó wí ma k̄uro,  
zaake ma wii p̄enzi.

N̄ tó wí zaakerinɔ k̄u,  
n̄ tó ās lé g̃ó nak̄ana gèwāan,

<sup>18</sup> n̄ tó egetori p̄inɔ néne nae.  
Āsè d̄oke k̄ɔn gbē maaanɔ,  
āsè kya kán̄gu k̄ɔn ñadānao.

<sup>19</sup> Auziki kè ní kàk̄ɔa n vīakerinone bíta,  
n̄eè aubarika da gbē kè āɔ nanziinɔn gbē p̄ingi wāa.

<sup>20</sup> Tó gbēnɔ lé kpák̄s̄ñzi, n̄eè ní ute n kuu,  
tó wèe l̄eokpak̄ɔa keñ̄yo, n̄eè ní dākpa n kukiia.

<sup>21</sup> Aubarikadeen Dii ũ,  
zaake à yenzi bíta òd̄ame  
wéte kè wà ligazi guu.

<sup>22</sup> Swè k̄emagu gwe,  
ben ma bè, wà n kii zé z̄me.  
Kè ma faaba lé z̄unzi,  
n ma wēnda wiipena mà.

<sup>23</sup> Àg̃ó ye Diizi, am̄ɔa a gbēnɔ.

Dii è a náanekerino dākpa,  
 è fīa bo ĩadārinone pāsīpāsī.  
<sup>24</sup> Amɔa kè a wée dɔ Diizino,  
 àgõ gbāa à a swè kpáe.

## 32

### *Durun'ona Ludane*

Dauda lè.

<sup>1</sup> Aubarikadeen gbè kè Luda pɔ kù à taarinɔla  
 à à durunno kènne ũ.

<sup>2</sup> Aubarikadeen gbè kè Dii è à durun yā daroo ũ,  
 bensɔ mɔnafiki kú à nòse guuro.

<sup>3</sup> Kè ma yīte kɔn ma durun-o, ma yāyā,  
 ma wiī ègɔ dɔ zaa kɔngɔ ai uusie.

<sup>4</sup> Nɔ tɔma fāantē kɔn gwāavīo,  
 ma gbāaa yāa lán guwāaguro ɔfāntē bé à ma lee bà.

<sup>5</sup> Ben ma wenne ma durunzi,  
 méé ma yā zaaa utenne dɔro.  
 Ma bè, mé ma taarinɔ o Diine,  
 ben à ma durun kēmē.

<sup>6</sup> Beee yānzi n náanekeri wée kemma a gurɔɔazi,  
 tó yā zī'ūu e mɔɔ, eé à lero.

<sup>7</sup> Ma utekiin n ũ,  
 neè ma bɔ wéetamma guu,  
 neè ligamazi n ma mì sí.

<sup>8</sup> Mé yā danne mà n da zé kè de n séa,  
 mé lé damma, ma wée gɔ ténzi.

<sup>9</sup> Ntongɔ kuu laasuu sai  
 lán sɔ ke bāagāsɔ bàro,  
 tó née aizi káinne kɔn a bàoro,  
 ašè da n dɔrɔaro.

<sup>10</sup> Yā'šamma è da gbè zaaanɔla,  
 Dii yenzi è liga à náanekerinozi.

<sup>11</sup> Gbè maaanɔ, à pɔnnaa ke Dii yānzi,  
 nòsepuradeenɔ, à guda ke à yāa dɔ.

## 33

### *Luda sáabukpana*

<sup>1</sup> À guda dɔ Diia gbè maaanɔ,  
 à kɔ sio nòsepuradeenɔ à sáabu kpá.

<sup>2</sup> À Dii tó kpá kɔn kuntigio,  
 à lè síne kɔn mɔrɔo.

<sup>3</sup> À lè dufu síne,  
 à p'ɔnnanɔ lé kɔn dɔnao kɔn pɔnna wiīio.

<sup>4</sup> Zaake yā kè Dii ò né yāpurame,  
 à náane vī a yākēna píngi guu.

<sup>5</sup> À ye maakεεzi kōn yāzεdeeo,  
Dii yenzi anduna pà.

<sup>6</sup> Dii yā'ona bé à musu kè,  
à lé'īa bé à musupɔnɔ pεpε.

<sup>7</sup> À í kàε gu dōnkō, à gō ísīaa ũ,  
à íno kàkōa, à gō í lō ũ.

<sup>8</sup> Anduna gbε píngi, à vīa ke Diine,  
gbε bēeno píngi, à mì siene.

<sup>9</sup> Zaake à yā ò, ben anduna gō kaena,  
à yā diε, ben pó píngi gō kun.

<sup>10</sup> Dii è lé kè boriinɔɔ kpàkōsō ke pā,  
è kpá būsudeenɔne kōn pó kè aōɔe pεεao.

<sup>11</sup> Yā kè Dii zεo ègō diena gíngin,  
yā kè à à pɔɔ gbà ègō kuu gurɔ píngi.

<sup>12</sup> Aubarikadeen borii kè Dii de à Luda ũu ũ,  
gbε kè à n sέ a pó ũunɔ.

<sup>13</sup> Zaa musu Dii è guu gwa gīzī,  
è gbēnteenɔ e n píngi.

<sup>14</sup> Zaa à kúkiia è gbε kè aō kú  
anduna guunɔ tāsasi ke n píngi.

<sup>15</sup> Àmbe à baade píngi swè kè,  
è n yākenanɔ dō píngi.

<sup>16</sup> Kína ke è zī ble a zīkpe parikεε yānzīro,  
zīkari ke è bɔ a gōsagbāake yānzīro.

<sup>17</sup> Sō náanekena à n bɔɔ né egεεme,  
baa kōn à gbāakεεo eé fō à gbε mì síro.

<sup>18</sup> Dii wée kú a vīakerinɔa,  
gbε kè aō wée dɔ à yenzizinɔ.

<sup>19</sup> Eé n bɔ gaa lézī,  
eé n gwa dekaagurɔ.

<sup>20</sup> Wa wée ègō dɔ Diizi,  
àmbe wa dɔnléri ũ kōn wa sεngbangoo.

<sup>21</sup> Zaake Diin wa pɔɔ ègō nnaa,  
wá à tó kè kú adona náane vī.

<sup>22</sup> Dii, n tó n yenzi gō kúwao  
lán wa wée dɔnzi nà.

## 34

### *Dii maakena*

Lè kè Dauda dà gurɔ kè à a zīnda diε īadee ũ Abimeleki aε, ai Abimeleki pèa à tà.

<sup>1</sup> Mégō Dii tó sée lezī gurɔ yāana sai,  
mégō à tó kpaa lán guu e dɔɔ nà.

<sup>2</sup> Mégō īa dāa Dii yā musu,  
takaasideenɔ é ma aō pɔnnaa ke.

<sup>3</sup> À bítakεε dō Diinεmao,  
à tó wà à tó bɔ lεdo.

<sup>4</sup> Ma Dii kii wète, ben à wèmala,

à ma bo ma vīano guu.

<sup>5</sup> Gbē kè aō wée dozinu uu égō werena,  
wí é gē n wéen zikiro.

<sup>6</sup> Takaasidee kè Dii sisi, ben à wèàla,  
à à bō à nawēano guu píngi.

<sup>7</sup> Dii Malaika égō kú à vīakerino sae,  
è n mì sí.

<sup>8</sup> À dā à gwa, é e kè Dii nna,  
aubarikadeen gbē kè nàzi ũ.

<sup>9</sup> Dii gbēno, à vīa kene,  
póke è kēsā à vīakerinoro.

<sup>10</sup> Noaa è músunu de, póblee è kēsāmma,  
mode pō maa ke è kēsā Dii kii wèterinoro.

<sup>11</sup> Gbēno, à mó à ma yā ma,  
mà vīakena Diine dadaare.

<sup>12</sup> Amoa kè á yezi a wēndi gō maa  
bensō á yezi a kuuna gō nna,

<sup>13</sup> à a lé kū kōn yāzaa'onao,  
àton tó ege bo a lénlo.

<sup>14</sup> À kpεε li à zaaane à à maaa ke,  
à aafia zé wete agō tézi.

<sup>15</sup> Dii égō gbē maaano tàasi kee,  
è swā kpá n wiipenazi.

<sup>16</sup> Dii è mikpεε zu zaakerinone,  
le aō yā tón do gbēkenlo yānzi.

<sup>17</sup> Tó gbē maaano lé zù Diizi, è ma,  
è n bo n nawēano guu píngi.

<sup>18</sup> Dii kīi kōn gbē kè aō pōo yàkano,  
è do gbē kè aō uu sisinanole.

<sup>19</sup> Wahaa égō gbē maaa lee gèn baaagō,  
mode Dii è à bo à guu píngi.

<sup>20</sup> È à wáno dākpa píngi,  
à ke è éro, baa mèn do.

<sup>21</sup> Kisia é gbē zaaano dede,  
yā é vεε gbē maaa ibeenoa.

<sup>22</sup> Dii è a zōblerino mì sí,  
yā é vεε gbē kè naziaro.

## 35

### *Gbē maa wiipena Diizi*

Dauda lè.

<sup>1</sup> Dii, n íbete kpá kōn ma ibeeno,  
n zì ká kōn gbē kè aōe zì kaamaono.

<sup>2</sup> N n sengbango kōn n gōkebono sée,  
n fεε n domale.



3 Ì n sári kǒn n fēdaao sé do,  
 ò fēe gbē kè aṣṣe ma gbeseenṣi.  
 Ì beme ma mìsirin n ũ.

4 Gbē kè aṣṣe ma wete wà ma deenṣi,  
 ò tó aṣ kpe li, wí n kú.  
 Gbē kè aṣṣe à zaaa gṣgṣmaziinṣi,  
 ò tó aṣ fua, mà n kpe e.

5 Aṣgṣ de lán ése ũká kè ìa sèe bà,  
 Dii Malaika périma.

6 Aṣ zé gṣ gusiaa ũ kǒn gu zāeo,  
 Dii Malaika ṣ yīpañzi.

7 Zaake aṣ wèe yṣme pā,  
 mée yāke keñnero, ben aṣ bà kpàkpame.

8 Ì tó mǒnzi n le à keñne ásarú ũ,  
 ò tó bà kè aṣṣo kpàkpamee n kú,  
 aṣ lée wèe kè aṣṣo yṣ pì guu.

9 Ma pṣṣ é gbasa à ke Diia nna,  
 mé pṣṣnaa ke kè à ma mì sì yānzi.

10 Mé be kǒn nṣe do,  
 Dii, dé bé à de lán n bà?  
 Neè takaasideenṣi sí gbāamṣnnerinṣi,  
 neè wēndadeenṣi bṣ n wētāmmarinṣi ṣzĩ.

11 Sèeda egedeenṣi è fēemazi,  
 aṣè yā kè má à yā dṣroo lalama.

12 Aṣè à maaa fīa bome kǒn à zaaao,  
 ben ma gṣ gbē miradodee ũ.

13 Tó aṣṣe gyāa kee yā sṣ,  
 mēè uta kāsāa dame,  
 mēè ma zīnda busa kǒn léyinao,  
 mēè adua keñne yāana sai,

14 lán wà be aṣṣo de ma gbēnna ke ma danṣi ũu bà.  
 Mēègṣ lili oo mṣpeena kǒn pṣsiaao,  
 lán wà bè ma danṣi mée wēnda keene bà.

15 Mṣde kè ma gēn sṣ,  
 aṣ lìgamazi kǒn pṣnnaao,  
 aṣ ma zāmba kè aṣ lèema,  
 aṣ ma yaka yāana sai.

16 Aṣ ma fabò pāsīpāsī,  
 aṣ swaa pṣtimazi.

17 Dii, négṣ ma gwaa le ai bṣreme?  
 Músu pṣnṣo e ma kee gyáigyai,  
 ò ma símma màgṣ kú wēndio.

18 Mé n sáabu kpá pari kakṣana guu,  
 mé n tó kpá gbēnṣi wáa.

19 Ìnton tó ma ibeenṣi ma yáa dṣro,  
 ònton tó gbē kè aṣ zāmagu pāanṣi  
 ma gwa kǒn wēe zaaaoro.

20 Yā nnaa è bṣ n lénlo,

aõè yã di nòseyĩideenɔa.

<sup>21</sup> Aõè lé aε wà be;  
Èhě, èhě, wa wée è.

<sup>22</sup> Dii, n wée è, òntongõ yĩtenaro,  
ma Dii, òntongõ zãmaoro.

<sup>23</sup> Ma Luda, ò fεε ò zεmao,  
ma Dii, ò tó yã bɔmao nna.

<sup>24</sup> Nεè yã kε a zéa,  
Dii ma Luda, ò yã nnaa kpáma,  
ònton tó aõ ma yáa dɔro.

<sup>25</sup> Ònton tó aõ be ò swèn wà ma nero,  
ònton tó aõ be wà ma mɔ bēero.

<sup>26</sup> Lán aõεe pɔnnaa kεε ma wéetãmma musu ná,  
ò tó wí ò kũ mà ò kpeε e.

Lán aõεe bítakeε ɔɔɔame ná,  
ò wí dańma ò ò kpe bɔ.

<sup>27</sup> Gbē kè ma bɔna maaa è kεńne nnaano  
ò tó aõ pɔnnaa kε aõ guda kε.  
Gbē kè ma bɔna aafia è kεńnenɔ  
ò tó aõgõ bee Dii bé à bíta.

<sup>28</sup> Mapi sɔ, mé n maake yã o,  
mégõ ò sáabu kpaa gurɔ píngi.

## 36

### *Gbēntee zaaa*

Dii zòbleri Dauda lè.

<sup>1</sup> Gbē zaaa durun yã da ma swèn,  
à wée ègõ Luda wí vĩro.

<sup>2</sup> Zaake ègõ a zĩnda ee gbē maaa ũme,  
è a durun dõ gbasa à zanlo.

<sup>3</sup> Ege kɔn mɔnafikio kú à lén,  
à ɔndõ kɔn maakenao tò.

<sup>4</sup> È yã zaaa laasuu lé a daekiia,  
è gí yã pãsíziro,  
è a zĩnda da zé faasaideea.

<sup>5</sup> Dii, n yenzi bíta kà ludambe,  
ò náane vĩ maamaa, à zõ sɔsɔnenɔa.

<sup>6</sup> N maakena bíta lán kpíiino bà,  
n yãzedeke lé vĩro lán ísia lò bà.

Dii, nεè gbēnteenɔ kɔn nòbɔnɔ bɔ píngi.

<sup>7</sup> Luda, n yenzi bèε vĩ fá,  
gbēnteenɔ è ute n ɔru.

<sup>8</sup> Aõè n ua póble nósidee ble wà kã,  
nεè n swa'í pɔnnade kpámma aõ mi.

<sup>9</sup> Zaake mbe wèndibɔkii ũ,  
wa kuuna n gupuraan bé à wa wée kè.

<sup>10</sup> Ngõ yenzi ɔɔa gbē kè aõ n dõɔnɔne ògõ gaa,

ngõ kpεε ñgõ nòsepuradeenõ mì sii.  
 11 Ñton tó ñadārinõ ma dúgu zõro,  
 ñton tó zaakerinõ ɔ yĩpamaziro.  
 12 Ñ gwa, mɔnafikidee pìnõ lèe,  
 aõ gõ daena sòrɔrɔ, aõé fõ wà fεε dɔro.

## 37

*Gbē maaanõ kōn gbē zaaanõ ziaa zī*

Dauda lè.

1 Ñton tó gbē zaaanõ yā n kū gbāaro,  
 ñton zaakerinõ gwena ni dero,  
 2 zaake aõé kori kū wà gaga tia lán sè bàme,  
 aõ maakεε é yāa lán sèla ísi bà.  
 3 Ñ Dii náane ke, ñgõ yā maaa keε,  
 ñgõ kú bùsu kèn, ñgõ nnaa maa.  
 4 Ñ tó n pɔɔ gõ nna Diia,  
 eé pó kè n nòse yezi kpámma.

5 Ñ ze kōn Diio ñ à náane ke,  
 eé yā kènõ kenne.  
 6 Eé tó yā bɔnyo nna lán gudɔna bà,  
 eé tó ñ bɔ maa lán fāantē gupuraa bà.

7 Ñ lé yĩte Dii ae ñ sɔkpazi,  
 ñton tó auzikide yā n kū gbāa  
 gurɔɔ kè à bò kōn a wéεzē zaaaoro.

8 Ñ pɔfē tó ñ mì kē pētēa.  
 Ñton tó yā beeenõ n kū gbāaro,  
 è mó kōn yāzaakεnaome.  
 9 Zaake gbē zaaanõ é kaate,  
 gbē kè aõ wéε dɔ Diizinõ bé wégõ bùsu vī.

10 À gõ féte kè gbē zaaanõ égõ kuu dɔro,  
 baa tó n ñ wéte, né ñ ero.  
 11 Zīndabusarinõ bé wégõ bùsu vī,  
 aõégõ pɔnnaa keε kōn aafia bítao.

12 Gbē zaaa è à zaaa kpákpa gbē maaazi,  
 è fēzi.  
 13 Mɔde Dii ègõ à yāa dɔɔ,  
 zaake à dõ kè à gurɔɔ é papa.

14 Gbē zaaanõ è fēɛdaa woto,  
 aõè ñ kà kpá sála,  
 le wà e wà takaasideenõ kōn wēndadeenõ dεdεo,  
 aõé gbē kè ñ yākεna maaanõ kaate.  
 15 Aõ zīnda fēɛdaa é ñ zõ ñ swèn,  
 weé ñ sánõ é'εñne.

16 Pó fète kè gbě maaa vī  
 de gbě zaa pariino auzikila,  
 17 zaake gbě zaaano gbāaa é mì de,  
 mode Diin gbě maaano kūna ũ.

18 Dii taarisaideeno yā dō,  
 aō baka ègō de ní pō ũ gurō pínɡi.  
 19 Wí é ní kū yā pásī gurō zīro,  
 baa tó dekaa kà, aōégō kāna.

20 Gbě zaaano sō é kaate,  
 Dii ibeeno é yāa lán sèla bōro nà,  
 aōé gēte lán tésukpe bà.

21 Gbě zaaa è pō sēkām̄ma à à fīa boro,  
 gbě maaa sō è gba da maamaa.  
 22 Gbě kè Dii aubarika dànguno bé wégō bùsu vī,  
 gbě kè à lé kènneno sō é kaate.

23 Dii è gbě da zé kè de à séa,  
 à pō ègō nna à kuunaa.  
 24 Baa tó à gèn sì, eé léero,  
 kè Dii à kūna yānzi.

25 Zaa ma gōkparekegurō  
 ai ma gaa ma zi kùo la,  
 mée e Luda gbě maaa zīnna zikiro,  
 mée e à nēno e baa keero.  
 26 Ègō gba daa gurō pínɡi  
 ègō pō sēkāān̄eme,  
 à nēno ègō aubarika vī.

27 Ñ kpe li yā zaaane ñgō à maaa kee,  
 nēgō kú bùsu kèn gurō pínɡi.  
 28 Zaake Dii ye yāzeezi,  
 eé a náanekerino zīnnao.

Aōégō kuu aafia gurō pínɡi,  
 gbě zaaano sō é kaate.  
 29 Gbě maaano bé wégō bùsu vī,  
 aōégō kún gurō pínɡi.

30 Òndōyā è bō gbě maa lén,  
 à lé è yāzee o.  
 31 À Luda doka kú à swèn,  
 à gbá è sata pōkearo.

32 Gbě zaaa è gbě maaa kpákpa  
 le à e à à de,  
 33 mode Dii é à tó à zīro,  
 eé we yākpae à nero.

34 Ì sòkpa Diizi ògò à yá kúna,  
eé n kaara lè ògò búsu ví,  
né gbè zaaanò kaatena e.

35 Ma gbè zaa gbáade ke è yá,  
à gbà à ọ tà lán lí kè tótè kèné nnaa bà.

36 Kè tá ma kpa gwe, à kú gwe doro,  
ma à wètè, mée à ero.

37 Ì taarisaide yá gwa,  
ò gbè maa yá tàasi kè,  
zaake nòsèyíidee boriinò é gò borii ũ.

38 Durunkerinò sò é kaatè lèdole,  
gbè zaaanò borii é mì dè.

39 Dii bé eé gbè maaanò mì sí,  
eégò deńne utekii ũ nawèakeguro.

40 Dii é dónlè à ń ọ,  
eé ń sí gbè zaaanò à ń mì sí  
kè aó nàzi yánzi.

## 38

### *Takaasidee aduakena*

Dauda lè.

1 Dii, ònton ma toto kón ọfèoro,  
ònton ma swá sòkámè kón pètèoro.

2 N kànò ma papa  
n ọ tòmá.

3 Ma mè gbáaa yáa n pètè yánzi,  
ma wá aafiaro ma durun yánzi.

4 Ma taarinò dàmala,  
aó tòmá lán aso tìisi bà.

5 Ma bònò fì,  
aó yai kù ma yònkòkèe yánzi.

6 Má kuna, ma gò zòlòlò,  
mèègò té uuo sisina guro píngi.

7 Ma kpèewa e wii maamaa,  
ma mè gbáaa víro.

8 Má gbáaa víro, ma mè kè búgubugu,  
mée wii lèe ma ọyakana yánzi.

9 Dii, ń ọ kè má yezi dō píngi,  
nèè ma m̀bna ma s̀ns̀n.

10 Ma kù e víi gbì gbì, ma gbáaa yáa,  
ma uu e té kèe doro.

11 Ma gbènnanò kón ma gbèno è gbèemè,  
ma danenò è bàa léme ma bònò yánzi.

12 Gbè kè aó wètè wà ma denò è bà kpákpamè,  
ma wèderinò è yá zaaa kpakòsòmazi,  
aóègò m̀nafikiyá wàari paa kòo guro píngi.

13 Ma gō lán swādoò bà, mèè yā maro,  
lán gbē kè à néné nàè bà, mèè lé è wēkōaro.

14 Má de lán gbē kè è yā maroo bà,  
mèè weñlaro.

15 Dii, mbe ma wée donzi,  
né ma yā ma, Dii ma Luda.

16 Ma bè, ònton tó aō yōgō kemaro,  
ònton tó aō ña dā ma satana yānzìro.

17 Ma ka leena,  
mèègō kú yā'ōamma guume.

18 Mé ma yā zaaano onne sa,  
zaake ma durun yānzìn ma pōo yakanazi.

19 Ma ibee pāsīnoo lé vīro,  
gbē kè aō zāmagu pāpāanoo pari.

20 Aōè à maaa fīa bomē kōn à zaaao,  
yā maaan má tézi, ben aō íbetē kpāmao.

21 Dii, ònton ma zīnnaro,  
ma Luda, òntongō kúmao zāro.

22 Ñ mó ñ òmale kpakpaa,  
ma Dii, ma mīsiri.

## 39

### *Takaaside wiipena Ludazi*

Dauda lè.

1 Ma bè, mégō ma zīnda kūna dō,  
mé tó ma lé ma da durunkena guuro.  
Tó gbē zaaa kúmao, mé ma lé kū.

2 Ma lé nakōa, ma yī kítikiti,  
mée yāke oro, baa yā maaa se,  
ben ma yā'ōamma sòkpa à kàara.

3 Ma swè puusu bō ma guu,  
kè ma laasuu lè, ma swè té bō,  
ben ma lé bō ma bè:

4 Dii, ñ tó mágō ma wèndiguro lé dō,  
kōn ma guro pari zaka léo.  
Ñ tó mágō dō lán ma wèndi é gē zéla nà kāndo.

5 N ma wèndi lé yō n òla zakan,  
ma kuuna de wée kōn yīola n kiiaro.  
Baade píngi è gē zéla lán ña bàme,

6 gbēntee tena ègō de lán òra bàme.  
È bāabāa bo à auziki kakōa,  
mōde à dō tó dén eé gōnero.

7 Tó leme, bó tāmaan mégō vīi?  
Mbe ma wée donzi, Dii.

8 Ñ ma taarino kēme,  
ònton tó yōnkōono ma faboro.

9 Ma lé nakōana, mée ma lé wēkōaro,

zaake mbe n ya beee ke.

<sup>10</sup> Nton ma le doro,  
ma gbasi le n oku yanzi.

<sup>11</sup> Ne e gb e toto ne e we e ta a a durun yanzi,  
ne e a auziki yaka lan ble ba.  
Baade pingi e ge zela lan ia bame.

<sup>12</sup> N ma aduakena si Dii,  
n swa kpa ma wiipenazi.  
Nton ma odona kpa swakotoro,  
zaake n nibon ma u,  
ma de gb e zito u lan ma dezin ba.

<sup>13</sup> N uu goma le ma po e ag o nna do,  
ai mago ga anduna to.

## 40

### *Dii saabukpana*

Dauda le.

<sup>1</sup> Ma we e do Diizi maamaa,  
ben a ae doma a ma wiipena ma.

<sup>2</sup> A ma bo kokoteween,  
a ma bo foo guu.

A ma gba pe e gb esi musu,  
a ma ze gwe gingin.

<sup>3</sup> A le dufu dame ma len,  
wa Luda saabukpana po u.  
Gb en e e pari, via e n ku,  
ase Dii naane ke.

<sup>4</sup> Aubarikadeen gb e ke Dii naane vii u,  
bens o e ae do idarin kon tagbagbarin oaro.

<sup>5</sup> Dii ma Luda, n yabonsaekenan o pari,  
we e fo wa ya ke ne e pe ewee doro.  
To me e tokenne, a le viro,  
me fo ma o pingiro.

<sup>6</sup> Ni ye sa'opo ke gbaaziro,  
ben n ma gba swa ma ya mao.  
Ne e sa'opo ke we ka ten a te ku  
ke durun agbaakpabo gbekaro.

<sup>7</sup> Ben ma be: Ma e ke,  
ma mo lan wa ke takadan ma ya musu na.

<sup>8</sup> Ma ye n poyezi keme, ma Luda,  
n doka ku ma sw e guu.

<sup>9</sup> Me ya edee baaru kpa pari kakana guu,  
me ma le nakaro, lan n do na Dii.

<sup>10</sup> Me e n ya edee utehnero,  
ma n naane kon n misinao ya o.

Mée gí n yenzi kǝn n yāpuraao o pari kakǝana guuziro.

<sup>11</sup> Dii, ñton gí ma wēnda gwaziro, n yenzi kǝn n yāpuraao gǝ ma dākpa.

<sup>12</sup> Zaake yā zaaa kè liganamazi lé vīro, ma taarinǝ dāmala, mée guu eero, à pari de ma mikāla, swè kèmagu.

<sup>13</sup> Dii, ñ sùu ke ñ ma mì sí, Dii, ñ ke kpakpa ñ mó ñ dǝmale.

<sup>14</sup> Ñ tó wí gbē kè aǝbe ma wεε wà ma deeno kǝ, aǝ ñ mì péε.

Ñ tó gbē kè aǝ yezi mà mǝnzi eenǝ kpεε li, aǝ uu yākǝte.

<sup>15</sup> Gbē kè aǝè beme taale taalεeno, ñ tó wí ñ kǝ aǝ ke gǝri.

<sup>16</sup> Gbē kè aǝbe n kii wεεeno, ñ tó aǝ pǝ kemma nna aǝ yāa dǝ. Gbē kè aǝ ye n mǝsinazinǝ gǝ bee Dii bíta.

<sup>17</sup> Takaaside wēndadeen ma ũ, ñ laasuu lé ma yāzi, Dii.

Mbe ma dǝnleri ũ kǝn ma mǝsirio, ma Luda, ñton gí kero.

## 41

### *Gyāree aduakena*

Dauda lè.

<sup>1</sup> Aubarikadeen gbē kè è gbāasaide yā daa ũ, Dii è à bǝ nawεakεgurǝ.

<sup>2</sup> Dii é à dākpa à à gba wēndi gbāa, eé aubarika dan a bǝsun, eé à na à ibεeno ǝzǝ aǝ ñ pǝyezi kearo.

<sup>3</sup> Dii é à dākpa à gyāpεa, eé tó à a gyāa pǝ ble.

<sup>4</sup> Ma bè: Dii, ma durun kēnne, ñ ma wēnda gwa ñ ma gba aafia.

<sup>5</sup> Ma ibεeno è ma kpákpa gaao wà be: Bǝren eé ga le à tó kaatεε?

<sup>6</sup> Tó aǝ mò ma gwa, εgεyān aǝè omε, aǝè baaru zaaa wεte ma yā musu, ben aǝè fεε wà gá wàgǝ yā pǝ fāa bàazi.

<sup>7</sup> Ma zangurinǝ è ma kpákpa à zaaa, aǝ pingi aǝè àisi zaaa kpámazi wà be:

<sup>8</sup> Gagyāa bé à à lè, eé fεε a daekiia dǝro.



<sup>9</sup> Baa ma gbēna kè ma à náane kè,  
kè weè ɔ kakɔa ta dɔnkɔ guu bɔ ma kpɛɛ.

<sup>10</sup> Mmɔn sɔ Dii, ñ ma wēnda gwa,  
ñ ma gba aafia ɛ mà fīa boñne.

<sup>11</sup> Tó ma ibeɛnɔ e ma yògɔ kemaro,  
mégɔ dɔ sa kè ma yā kànnɛ.

<sup>12</sup> Ñ ma kūna ma nòse maaa yānzi,  
ñ tò màgɔ kú n aezĩ gurɔ píngi.

<sup>13</sup> Aubarikade Dii, Isarailinɔ Luda  
zaa káaku ai gurɔ píngi!  
Aami! Aami!

## TAKADA PLAADDEE

*Saamu 42-72*

## 42

*Zìzɔ ɔɔdɔna*

Kora boriinɔ lè.

<sup>1</sup> Lán zɔ ègɔ swasae ni deɛ nà,  
ɛn n nii kú ma swèn ɛ, Luda.

<sup>2</sup> Ma ninii e Luda ni deɛ, Luda Wèndide pì,  
bɔren mé e mà gá wée siàlee?

<sup>3</sup> Wée'i bé à gɔ ma pɔblee ũ  
fāantē kɔn gwāavĩ.

Wègɔ beeme gurɔ píngi:

N Luda kú māmeee?

<sup>4</sup> Ma nòse wènnɛ, ben yā kèkiinɔ dòmagu,  
lán mée gá parii guu nà ai Luda ua,  
gbēnɔ ègɔ tété ma kpɛɛ kɔn gudakenao,  
zĩbaakerinɔ ègɔ té ma kpɛɛ kɔn sáabukpanao.

<sup>5</sup> Bóyānzin ma nòse yàkazi?

À kè dia ma làakari fèee?

Séde màgɔ wée dɔɔ Ludazi,  
zaake mé ɛara màgɔ à sáabu kpaá,  
ma Mìsiri, ma Luda.

<sup>6</sup> Ma nòse yàka, ben n yā dòmagu  
zaa Miza kpiigezi ai Yoda mìa,  
zaa Emɔni gbènɔ musu.

<sup>7</sup> Nèè tó ísɔpɛena kīi gɔ dɔ,  
í lònɔ e lé zuukɔzi.

Ñ tò í e daamala,  
à sɔ e taamao.

<sup>8</sup> Dii è yenzi ɔɔame fāantē,  
à lè ègɔ da ma lén gwāavĩ,  
mée wée keɛ Luda kè de ma wèndi ũua.

<sup>9</sup> Mée be Luda ma gbèsine:

Bóyānzin ma yā sǎnguzi?  
 À kè dia n̄ tò màgō té kōn p̄siaao  
 ma ibeε wéētamma yānzii?  
<sup>10</sup> Ma ãdammarin̄ è ma s̄s̄s̄,  
 beε yānzi ma wán̄ ègō wii,  
 āègō beε gur̄ p̄ngi:  
 N Luda kú māmεε?

<sup>11</sup> Bóyānzin ma n̄se yàkazi?  
 À kè dia ma làakari f̄εε?  
 Séde màgō wéε d̄o Ludazi,  
 zaake mé εara màgō à sáabu kpaa,  
 ma M̄siri, ma Luda.

## 43

<sup>1</sup> N̄ ma yā nnaa kpáma Luda,  
 n̄ yā símao bori ludad̄risaideen̄ yā musu,  
 n̄ ma b̄ gb̄ zaa m̄nafikideen̄ ōz̄i.  
<sup>2</sup> Luda, m̄be ma utekii ũ,  
 bóyānzin n̄ gimazii?  
 À kè dia n̄ tò ma gō té kōn p̄siaao  
 ma ibeε wéētamma yānzii?  
<sup>3</sup> N̄ n̄ gupura kōn n̄ yāpuraao z̄ima,  
 à d̄m̄ ε n̄ kp̄iii musu,  
 à gámao ai n̄ kúkiia gwe.  
<sup>4</sup> Mé gbasa mà gá n̄ gbāgbākiia Luda,  
 ma p̄o é kemma nna, Luda ma p̄onnaa,  
 mé n̄ tó kpá kōn m̄ōo,  
 Luda ma Luda.

<sup>5</sup> Bóyānzin ma n̄se yàkazi?  
 À kè dia ma làakari f̄εε?  
 Mégō wéε d̄o Ludazi,  
 zaake mé εara màgō à sáabu kpaame,  
 ma M̄siri, ma Luda.

## 44

### *Isarailin̄ faaba wéékεna*

Kora boriin̄ lè.  
<sup>1</sup> Luda, yā kè n̄ kè zaa gikεna wa dezin̄ gur̄,  
 āo òwe wa swā mà.  
<sup>2</sup> N̄ ō ȳpa bori pānden̄zi n̄ ã dàmma,  
 n̄ wa dezin̄ kàε n̄ gb̄n̄,  
 n̄ n̄ kaara āo dàgula.  
<sup>3</sup> Āo f̄εdaa bé à n̄ ká bùsu kèaro,  
 āo gāsā gbāaan āo z̄i blèoro.  
 N̄ z̄inda gāsā gbāaa bé à tò,  
 n̄ ε d̄m̄ma kè n̄ yeñzi yānzi.

<sup>4</sup> M̄be ma Kína ũ ma Luda,  
 neè tó Yakubu boriin̄ z̄i ble.

<sup>5</sup> N gāzīn weè ɔ yīpa wa ibeɛnɔzi,  
kɔn n tɔn weè wa zangurinɔ dúgu zɔ.

<sup>6</sup> Èe ke má sá náanekenanlo,  
èe ke ma fēdaa bé è ma bɔro.

<sup>7</sup> Zaake mbe neè wa sí wa ibeɛnɔa,  
neè wí da wa zangurinɔa.

<sup>8</sup> Luda, weègɔ n sáabu kpaa gurɔ píngi,  
weègɔ n tó kpaa yāana sai.

<sup>9</sup> Baa kɔn beeeo n giwazi n tó wí wa kũ,  
neè bɔ kɔn wa zìkpeɛnɔ dɔro.

<sup>10</sup> N tó wa bɔru kpeɛ wa ibeɛnɔne,  
n tó wa zangurinɔ wa pónɔ nàkɔa.

<sup>11</sup> N n gbá zé aɔ wa deɛe lán sāanɔ bà,  
n wa fāakɔa boriinɔ té.

<sup>12</sup> N n gbēnɔ yà aaga,  
néè àre e à guuro.

<sup>13</sup> N tó wa gbēdaaanɔ wa sɔsɔ,  
gbē kè aɔ kú wa saenɔ wa lalandi kè.

<sup>14</sup> N tó wa gɔ pena pɔ ũ boriinɔne,  
gbēnɔ è n mì ke degūdegū wa yānzi.

<sup>15</sup> Mèègɔ kú kɔn wíyāo gurɔ píngi,  
wí ègɔ kú ma wéɛn

<sup>16</sup> ma faborinɔ kɔn ma sòsɔrinɔ yānzi  
kɔn ma ibeɛ kè aɔ yezi wà gēe bomaanɔ yāo.

<sup>17</sup> Bee wa le píngi,  
baa kè n yā e sāwaguro,  
wée n bà kuunawao yā gbororo.

<sup>18</sup> Wa laasuu e kēmmaro,  
wée kē n zéaro.

<sup>19</sup> N wa wiwi,  
n wa būsú kè gbēngboonɔ tékii ũ,  
n gusia níginigi dàwala.

<sup>20</sup> Tó wa Dii tó sāwagu yā,  
ke tó wa wéè dɔ bori zítɔnɔ tāazi,

<sup>21</sup> Luda é gí eziɔ?  
Zaake àmbe à wa nòseguuyānɔ dɔ píngi.

<sup>22</sup> N yānzi wá kú gaa lézīzi zaa kɔngɔ ai uusiɛ,  
wè wa diɛ lán sāa kè weé n kòto kpánɔ bà.

<sup>23</sup> N vu Dii! À kè dia néè ii oo?  
N fɛɛ! Nton gíwazi gurɔ píngiro.

<sup>24</sup> À kè dia n mìkpeɛ zùwee?

Wa wēndake kɔn gbāaa kè wèe mɔwweo sàngun yó?

<sup>25</sup> Wa gɔ yina bùsutin,  
wa gɔ daɛna tɔɔte.

<sup>26</sup> N fɛɛ n dɔwale,

̀̀n m3 ̀̀n wa bo n yenzi yānzi.

## 45

### *Kína n3sena lè*

Yenzi lè kè Kora boriin33 dà.

<sup>1</sup> Yā nnaa e pipii ma swè guu,  
lān mée lè kèkii daa kīnanε nà.  
Ma lé nna lān takadakēri lākēb33 bà.

<sup>2</sup> N maakeε de gbē píngila,  
n légbε èg33 nna,  
aubarika kè Ludaa dànguu yāana vīro.

<sup>3</sup> N zīkari pāsī, ̀̀n n fēεdaa sé ̀̀n logo  
n kíkεgakui sèeda ũ.

<sup>4</sup> ̀̀n di s3a ̀̀n gá zī ble n gakuikεε guu  
yāpura k3n n3sεdooo k3n yāzεdeeo yānzi,  
̀̀n yā naasideen33 kε k3n n 3plaa gbāaa33.

<sup>5</sup> Kí, n kà33 lé s3nte,  
è gē à n ibεεn33 swè z3,  
boriin33 è léε n gbá saε.

<sup>6</sup> Luda, nég33 vēεna kpatan gur33 píngi,  
nég33 n kíkεgo kūna yāzεdee ũ.

<sup>7</sup> ̀̀N ye yāmaakenazi, n za yāzaakenan.  
Bee yānzi Luda, n Luda, n ka kpatan,  
à p3nnaa pīsīmma de n gbēn33la.

<sup>8</sup> Lí'33 gū nnannaa pīsī n p3kāsāan33,  
m3r33'33 è n p33 kε nna  
n kpé kè wà kèkε k3n wesaswaa33 guu.

<sup>9</sup> Kí nén33gbēn33 kú n n3 yenzideen33 té,  
n n3 dufu kú n 3plaazi,  
à Ofi b3su vura zābleb33n33 dana.

<sup>10</sup> Nén33kparε, ̀̀n swā kpá ̀̀n ma!  
N de be k3n n gbēn33 yā t3n d3nne aεro.

<sup>11</sup> N n3maakeε e kí mē lugaa,  
̀̀n mī siεnε, zaake n diin à ũ.

<sup>12</sup> Tayadeen33 é m3 wà gba danne,  
auzikideen33 é n wée wεtε.

<sup>13</sup> Kí nén33kparε vēεna kpéne guu k3n gakuio,  
wà 3zī kè à p3kāsāan33 k3n vura bà33.

<sup>14</sup> Wèε suuo kīnε  
k3n à p3kāsā wēzādeen3333 dana.

Nén33kparε zennεrin3333 tézi,  
a333ε suuo à kiia.

<sup>15</sup> Wèε gēényo kībe,  
wèε p3nnaa kεε k3n gudakenao.

<sup>16</sup> N nég33gbēn33 é g3 n den33 gēε ũ,  
né ń diēdiē kīnan33 ũ anduna guu píngi.

<sup>17</sup> Mé t3 n t3 g3 d3 gbēn33n yāana sai,  
boriin33 é g3 n sáabu kpaa gur33 píngi.

## 46

*Ludaa kúwao*

Kora boriino lè.

<sup>1</sup> Ludan wa utekii ũ kōn wa gbāaao,  
ègō dōwale gurō pínghi wa nawēa guu.

<sup>2-3</sup> Beee yānzi baa tó anduna yàka  
bensō kpriino lèe wà sì ísiaan,  
baa tó í pì kàka à fùta dō  
bensō kpriino dège kōn kīio,  
swè é kēwaguro.

<sup>4</sup> Swa kee kuu kè à í è mó pōnnaao Luda wéte guu,  
Luda Musude kúkii kè kú adona pì.

<sup>5</sup> Ludaa kú wéte pì guu, eé gō bezi ũro,  
Luda é dōale gudōnao.

<sup>6</sup> Boriino e wii lee, kpatanō e yāaa,  
Luda pūtā, ben anduna yò.

<sup>7</sup> Dii Zìkpedee kúwao,  
Yakubu Ludan wa utekii ũ.

<sup>8</sup> À mó à Dii yākenanō gwa,  
lān à yā yà andunaa nā.

<sup>9</sup> Àmbe è zì mì de ai anduna lén,  
è sánō é'è è sárinō dúgu zō,  
è té sō sēngbangonōa.

<sup>10</sup> À ze tee agō dō kè māmbe Luda ũ.  
Boriino é ma tó sé lezi,  
weé ma tó kpá anduna guu pínghi.

<sup>11</sup> Dii Zìkpedee kúwao,  
Yakubu Ludan wa utekii ũ.

## 47

*Ludan anduna pínghi kína ũ*

Kora boriino lè.

<sup>1</sup> Bori pínghi, à opa lé,  
à pōnna wii lé Ludanē kōn gudao.

<sup>2</sup> Zaake Dii Musude naasi vī,  
àmbe anduna pínghi Kína bíta ũ.

<sup>3</sup> À tò wa zì blè boriino,  
à tò wa s tō gbēno.

<sup>4</sup> À wa tōte baka kpàwá,  
à yenzide Yakubu boriino ñadābo ũ.

<sup>5</sup> Luda fēe, wèe guda kee,  
Dii zena, wèe kākāki pee.

<sup>6</sup> À lè sí Ludanē, à lè síne,  
à lè sí wa Kínanē, à lè síne.

<sup>7</sup> Zaake anduna pínghi Kínan à ũ,

à lè síne kǝn dǝnao.

<sup>8</sup>Ludaa e kí blee boriino, à vǝena a kpata kè kú adonaa.

<sup>9</sup>Boriino kpatablerinoo e kǝ kaakǝa gbǝ kè aǝo de Ibraĩ Luda gbǝno ũ, zaake anduna kınano né Luda pǝme.

À deńla n pıngi.

## 48

### *Zayon né Luda wéteme*

Kora boriino lè.

<sup>1</sup>Dii bíta, à kà wà à sáabu kpá maamaa wa Luda wéte guu à kpıii kè kú adona musu.

<sup>2</sup>Zayon gbè kaena maa, à de anduna gbǝ pıngine ponnaa ũ. Kına bíta wéte kú gbè pı gu'igbáaroo kpame.

<sup>3</sup>Ludaa kú à gudákpakiino guu, à tò wà a dǝ aafia'ekii ũ.

<sup>4</sup>Kè kınano ledole kè le wà mó wà léea ledoo,

<sup>5</sup>kè aǝ wéte pı è le, ben à bǝ n sae, vıa n kũ, ben aǝ bàa lè.

<sup>6</sup>Gwen aǝo lugaan lán no gbǝ nõwáwákeri bà.

<sup>7</sup>N n wiwi lán ofántǝbe ĩa è latarino goro'iteno wıwi nà.

<sup>8</sup>Yá kè wá màn wa wée è Dii Zıkpede wa Luda wéte guu. Luda wéte pı kàe àgǝ kuu gurǝ pıngi.

<sup>9</sup>Luda, wá kú n kpé ua, wée laasuu lee n yenzikéea.

<sup>10</sup>Luda, lán n tó dàgula ai anduna lén nà, len n sáabukpana dàgula le do. Neè yá gǝgǝ n gbǝnoe a zéa.

<sup>11</sup>Zayon kpiideenoo e ponnaa kee, Yudano búsu wétedeeno pǝo kè nna, yákpae kè n keno yánzi.

<sup>12</sup>À do do kǝzi à liga Zayonzi, à à bıi dákpaki lezı pariino naro.

<sup>13</sup>À à bıino tàasi ke kǝn à zeki gbáaano le à e à tǝkǝ kpéedeeno.

<sup>14</sup>Zaake Luda kèn wa Luda ũ gurǝ pıngi, è do we ae ai wà gá gáo gákiiame.

## 49

### *Auziki náanekena né mısaiyāme*

Kora boriino lè.

1 Bori píngi, à yā kèkii ma,  
anduna píngi, à swā kpá,  
2 kínano kōn talakanɔ,  
auzikideeno kōn takaasideeno a píngi.  
3 Ɔndɔyā kú ma lén,  
dōna kú ma swèn.  
4 Mé swā dɔ yáasi yāzi  
mà à bɔkɔte ke kōn mɔɔlenao.

5 Mé vīa ke yā pāsī gurɔɔnero,  
baa tó ma zangurino ligamazi.  
6 Aɔ n̄ auziki náane vī,  
aɔè n̄ ɔɔdaa ía dā.  
7 Gbēke é fɔ à gí a gbēdaaanɛ gaa kè eé à séziro,  
eé e à póke kpá Ludaa à à wèndi booro.  
8 Zaake gbē wèndi bona zī'ū,  
auziki é fɔ à bo zikiro.  
9 Eé fɔ à tó agɔ kuu gurɔ píngiro,  
eé fɔ à gíne àton wéɛ si gèwāalero.  
10 Zaake wà dɔ kè baa ɔndōrinɔ è ga,  
mìsaideeno kōn yōnkɔɔno è kaate le se,  
aɔè n̄ auziki tó gbē pāndenɔne.  
11 Baa kè wà n̄ tónɔ kpà būsunoɔne yā,  
aɔ mira égɔ de n̄ beɛ ūme gurɔ píngi,  
eégɔ n̄ kúkii ū ai n̄ boriiia.

12 Gbēntee kōn a bèekεεo  
égɔ kuu gurɔ píngiro,  
eé kaate lán nòbɔno bàme.  
13 Mìsaideeno yāanan gwe,  
lén à de le dɔ kōn gbē kè aɔo té n̄ tuubazino.  
14 Aɔé si gèwāan lán sāano bà,  
gaa bé eégɔ de n̄ dāri ū,  
gbē maaano é kí bleńma ziaa zī.  
Aɔ mènɔ é yai kū miran,  
gèwāa bé eégɔ de n̄ beɛ ū.  
15 Mɔde Luda é ma wèndi sí gèwāaa  
à gbāake kpámazi.

16 Tó gbē e keɛ auzikidee ū  
bensɔ à be tó nnaa e kaara,  
nton tó à kenne yāke ūro,  
17 zaake eé e à póke sé à táo a gagurɔro,  
à auzikino é péziro.  
18 Baa tó à a zīnda dō aubarikadee ū a wèndi gurɔ  
bensɔ wà à sáabu kpà à nnamana yānzi,  
19 eé ká a dezinɔlamɛ,  
eé wéɛ si gupuraale ziki dɔro.  
20 Gbēntee kōn a bèekεεo,  
tó à wéɛ e kéro,  
eé gēte lán nòbɔno bàme.

## 50

*Danzikena yapuraa*

Asafa lè.

<sup>1</sup> Dii Luda Gbâapingidee e yã oo,  
èè lé zuu anduna gbēnɔzi  
zaa ɔfântɛbɔɛ kpa ai à gɛkii kpa.

<sup>2</sup> Luda gakui e bii Zayɔn,  
wéte kè à maakɛɛ papana.

<sup>3</sup> Wa Ludaa e mɔɔ, eégɔ yĩtenaro.  
Té kè è ní blee kú à aɛ,  
zàga'ĩa pásĩ ligazi.

<sup>4</sup> Èe musudeenɔ kɔn tɔɔɛdeenɔ sisii  
le à e à yãkpaɛ ke kɔn a gbēnɔ.

<sup>5</sup> À bè: À ma yāmarinɔ kakɔamɛ,  
gbē kè ma bà kúnyo sa'ona gāzĩnɔ.

<sup>6</sup> Ludan yãkpaɛkeri ũ,  
musudeenɔ è à yãkena a zéa kpàakpa ke.

<sup>7</sup> À ma, ma gbēnɔ, má yã vĩ mà oare,  
Isarailinɔ, mé a bɔbɔ a dàn,  
mámbe Luda a Luda ũ.

<sup>8</sup> Mée kpákɛɛazi a sa'ona yānziro,  
ke sa'opɔ kè eégɔ kaa tén à té kũ baa bɔɛ.

<sup>9</sup> Má zùswaree kè kú a kpàsan nii vĩro,  
ke blè kè kú a kara guu,

<sup>10</sup> Zaake nòbɔsɛtenɔ né ma pónɔmɛ  
kɔn pókāde kpàsa kè aɔɔ kú s̄is̄i pariinɔ musuo.

<sup>11</sup> Má kp̄ii musu bāanɔ d̄ɔ píngi,  
s̄ɛte p̄ɔ ketenɔɔ kuu ma p̄ɔ ũmɛ.

<sup>12</sup> Tó nɔaa e ma deɛ, mé oarero,  
zaake má anduna vĩ kɔn à p̄ɔ kè kunno píngi.

<sup>13</sup> Mèè zùsware nòbɔ sòn yó?  
Mèè blèkoffi aru min yó?

<sup>14</sup> À saa oma kēnnak̄ɔ p̄ɔ ũ,  
à lù kè á sè ma Luda Musudea f̄ia bo.

<sup>15</sup> À ma sísi nawēakegurɔ,  
mé a bɔ, é bèè límɛ.

<sup>16</sup> Ben Luda bè zaak̄erinɔnɛ:  
À kè dia ée ma yādienanɔ dɔdɔɔ,  
bóyānz̄in ma bà kuunañyo yã da a lénzi?

<sup>17</sup> Á ye ma yādanneziro,  
a ma yānɔ kpà kpeɛ.

<sup>18</sup> Tó a kp̄ai è, eè à ke a gbēnna ũmɛ,  
bens̄ɔ eégɔ kaak̄ɔa kɔn zinakerinɔ.

<sup>19</sup> A légbɛ zaa,  
eè lénnaa kásañnɛ.

<sup>20</sup> Eégɔ a gbēndoo pee,  
eè a da né ege bo.

<sup>21</sup> A yã beenɔ kè, ben má yĩtena.



Ée daa má de lán a bàme,  
mòde mé kpákēazi mà a bɔbɔ a dàn.

<sup>22</sup> Amɔa kè ma yā sàaguunɔ, à yā pì ma.  
Tó len sōro, mé a ke gyáigyai,  
gbēke é fɔ à a símaro.

<sup>23</sup> Gbē kè kennakɔo saa òmaa bèe lìme,  
èe ma gba zé mà ɔɔaare  
lán meè gbēnɔ mì sí nà.

## 51

### *Yānza wéekena Ludaa*

Lè kè Dauda dà gurɔ kè annabi Natā gāa à kiia à zinakena kōn Basebao gbera

<sup>1</sup> Luda, ñ ma wēnda gwa n yenzi guu,  
ñ ma taarinɔ gogo n maa bíta yānzi.

<sup>2</sup> Ñ ma yā zaaa kēma mà gō wásawasa,  
ñ ma durun kēme míomi.

<sup>3</sup> Má a taarinɔ dō sa,  
ma durun égō sāmāguro.

<sup>4</sup> Mbe ma durun kēne,  
ma yā kè ñ yeziroo kè.  
Tó n yā ò, n yā égō zé vī,  
tó n yákpae kēmao, n yā égō nna.

<sup>5</sup> Zaa ma da nōsen má zaa,  
má durun vī zaa ma igurɔme.

<sup>6</sup> Nòse maaa bé è kánne,  
ñ ɔndɔɔ dame ma swè guu.

<sup>7</sup> Ñ ma zú o kōn saboo le mà zē wásawasa,  
ñ ma nòse pípime le mà gō pú fénfen.

<sup>8</sup> Ñ tó mà pɔnnaa ke kōn yáadɔnao,  
ñ tó ma wá kè ñ búsano were.

<sup>9</sup> Ñton ma durunɔ yā daro,  
ñ ma yā zaaanɔ bɔ ñ zīnna píngi.

<sup>10</sup> Luda, ñ nòsepuraa dame,  
ñ εara ñ tó ma làakari gō kpaena.

<sup>11</sup> Ñton ma zīnnao,  
ñton n Ninii símaro.

<sup>12</sup> Ñ εara ñ tó ma pɔɔ ke nna  
kè n ma mì sí yānzi.

Ñ ma ninii gbaa màgō n yā maa

<sup>13</sup> mé gbasa mà n yā dada zaakerinɔne,  
durunkerinɔ é εara wà ae dɔmma.

<sup>14</sup> Ñ ma bɔ gbēdena yān,  
Luda, Luda ma mìsiri,  
mé lè sí n yákena a zéa musu.

<sup>15</sup> Dii, ñ ma gba lé  
mà n sáabu kpá.

16 Sa'ona è kenne nnaro,  
 tó lenlo le má ò.  
 Sa'opo kè wè ká tén à té kũ è kánnero.  
 17 Saa kè mée oommaan ma nòseyĩ ù,  
 neè kya ká wëndade sùudeenlo.

18 Luda, ò aubarika da Zayon  
 n poyezi maaa guu,  
 ò Yerusalemu bĩi gba gbāaa,  
 19 sa'ona a zéa é gbasa à kánné  
 kōn sa'opo kè wè ká tén à té kũo,  
 weé saa o kōn zùswareenō n gbāgbākiia.

## 52

### *Auzikide ñadāna*

Lè kè Dauda dà gurō kè à gāa Aimeleki be, ben Edomu gbē Doegi gāa à ò Soluné

1 N gōsagbāaa, Luda gbēkē kuu gurō pínghi,  
 à kè dia née ña dāa kōn yā zaaao?

2 Neègō léfotō kaa gbēnōzi gurō pínghi,  
 n lé nna lán gē mibobo bà,  
 neè gbēnō gbá séeo.

3 N ye à zaaazi de à maaala,  
 egetona è kenne nna de yāpuraala.

4 N ye gbēkaatena yāzi,  
 monafikiyā bé à da n lén.

5 Luda é n gbāaa kò é ai gurō pínghi,  
 eé n kũ à bonyo n kpén,  
 eé n bō gbē bēenō té.

6 Tó gbē maaanō è, vĩa é n kũ,  
 ašé n lalandi kē wà be:

7 Gbē kè èe Luda kē a utekii ūroon yè!  
 À náane kpà a auziki bítaa,  
 à gō gbāadee ū gbēkaatena guu.

8 Má de lán kù lásiadee kè kú Luda ua bà,  
 mégō zē kōn Luda yenzio gurō pínghime.

9 Mégō n sáabu kpaa gurō pínghi  
 yā kè n kè yānzi,  
 mé n tó sé lezĩ n yāmarinō aezĩ,  
 kè n maa yānzi.

## 53

### *Misaidee yā'ona*

Dauda lè.

1 Yōnkō è be a swèn Ludaa kuuro.  
 Gbēnō yāka, aš yākēna zaa,  
 yāmaakeri kee kú n téro.

2 Zaa musu Luda è gbēnteenō tàasi kē  
 à gwa tó gbēke òndō kà à a kii wete.

<sup>3</sup> Aã sãã ñ píngi aã gò dòro sai míomi,  
yãmaakeri kee kú ñ téro, baa mèn do.

<sup>4</sup> Zaakerinoo dõna vïroo?  
Aõe ma gbẽno mómo lán ú bà,  
aõe Luda sísiro.

<sup>5</sup> Gwen vĩa ñ kün maamaa,  
vïapoo kú gwe sïro.  
Ludaa tò gbẽ kè aã lèeawaano gò kaena gèno ù,  
a wí dàmma kè Luda gínzi yãzi.

<sup>6</sup> Luda, ñ bo Zayon ñ mó ñ Isarailino mì sí!  
Tó Luda sòkpa kòn a gbẽno ñ gwena ziin,  
Yakubu boriino é ponnaa ke,  
Isarailino é yáa do.

## 54

### *Gbẽ kè wèe wée táaa aduakena*

Lè kè Dauda dà guroo kè Zifideeno gaa wà bè Solune, Dauda utena ñ bùsun.

<sup>1</sup> Luda, ñ ma mì sí n tó yãzi,  
ñ yã símao kòn n gbãao.

<sup>2</sup> Luda, ñ ma aduakena ma,  
ñ swã kpá ma yá'onazi.

<sup>3</sup> Zaake bori pãdeno fèemazi,  
gbẽ pãsinoo e ma wèe wà ma de,  
aõe Luda yã daro.

<sup>4</sup> Ludan ma donleri ù,  
Dii bé à ma kúna.

<sup>5</sup> Ñ ma zangurino zaaa sòkpañma,  
ñ ñ dúgu zõ n náane yãzi.

<sup>6</sup> Mé saa omma kòn ma poyezio,  
mé n tó bo Dii, zaake ñ maa.

<sup>7</sup> À ma bo ma nawëano guu píngi,  
à tò ma yògõ kè ma ibeenoa.

## 55

### *Aduakena kuuna wéetamma guu*

Dauda lè. Wè sí kòn mɔɔɔmɛ.

<sup>1</sup> Luda, ñ ma aduakena ma,  
nton lá kú ma yálaro.

<sup>2</sup> Ñ swã kpá ma yãzi ñ wemala,  
ma laasuu ma likõa ma gõ bídi guu

<sup>3</sup> ma ibeeno yá'ona yãzi  
kòn gbẽ zaaano wéebiimano,  
zaake aõe ña daama,  
aõe ma kúna kòn pofeo.

<sup>4</sup> Swè kèmagu,  
ga vĩa gèmagu.

<sup>5</sup> Vĩa ma kū, mée lugalugaa,  
ma ninii dà batan.

<sup>6</sup> Tó má dèbe vī lán pōtēē bà,  
le mé vĩa mà gá kámma bo,

<sup>7</sup> mé bàà lé mà gá zàazã,  
mé gá mà vēē gbáan.

<sup>8</sup> Mé wā mà gá mà utekii wete,  
le zàga'ĩa gbāaa tón ma lero yānzi.

<sup>9</sup> Ì n̄ yā gboro, Dii, ì n̄ yā yākōtēine,  
zaake má è zōka kōn swèeo kú wéte guu.

<sup>10</sup> Aṣè kpáe ke bīi musu fáantē kōn gwāavīo,  
yā zaa kōn yā gbāaa di wéte guu.

<sup>11</sup> Gbēdeyā bé à wéte pì pà,  
gbāamōnna kōn mōnafikio è kē à gāalero.

<sup>12</sup> Tó ma ibeē bé èe ma sōsō yā, mé mena,  
tó ma zanguri bé à fēemazi, mé utene.

<sup>13</sup> Mōde mbeee, mmōn kè wá sáa,  
ma gbēndoo, ma gbēnna!

<sup>14</sup> Weè fàadi bo kōo yā nnanna,  
weègō tékōzi parii té Luda ua.

<sup>15</sup> Gaa é zāmba ke ma ibeēnōne,  
aṣé si gèwāan ñ gbāagurō,  
zaake zaaa vēekii è ñ guu.

<sup>16</sup> Mapi sō, mēè Luda sísi,  
Dii è ma mì sí.

<sup>17</sup> Kōngō, fáantē kōn uusieo  
mēègō ma yā'ōammanō bōene kōn m̄bnao,  
bensō è ma yā ma.

<sup>18</sup> Baa kè ma ibeēnō pari,  
è ma sí à ma bō swèen aafia.

<sup>19</sup> Luda ègō vēena kpatan gurō píngi,  
eé ma yā ma, eé wí daríma,  
zaake aṣè ñ dà liero, aṣō Luda vĩa vīro.

<sup>20</sup> Ma gbē pì swèe kè kōn a gbēnōo,  
à bō ledole kè aṣō kè kōo kpēe.

<sup>21</sup> È yā nnaa o lán zó bà,  
mōde swèe laasuu kú à swēn.  
È lēnnaa kásaíne páipai,  
mōde yáadōmma bà da à bōkōmme.

<sup>22</sup> Ì n̄ yā'ōammanō tó Diine,  
eégō n kūna,  
è tó gbē maaa fu zikiro.

<sup>23</sup> Gbēderi náanesaideenō é ñ gurō dagura lero,  
Luda, né tó aṣ si gèwāa tūtuwēen.

Mapi sɔ̃, mégɔ̃ n náane kee.

## 56

### *Zĩndakpana Luda*

Lè kè Dauda dà gurɔ̃ kè Filisitiniɔ̃ à kũ zaa Gata.

<sup>1</sup> Ñ ma wẽnda gwa Luda, wèe pɛɛɛmazi,  
wègɔ̃ zĩ kaamao wàgɔ̃ wéé tãama gurɔ̃ píngi.

<sup>2</sup> Ma kpàkparinɔ̃ ègɔ̃ pɛɛɛmazi gurɔ̃ píngi,  
aɔ̃ wada yãnzin aɔ̃ɔe zĩ kaamaozi.

<sup>3</sup> Tó vĩa e ma kũu, mé n náane kee.

<sup>4</sup> Mé Luda tó kpá yã kè à ò yãnzɪ,  
má Luda náane vĩ, mé vĩa kero.  
Bón gbẽntee é fɔ̃ à kemee?

<sup>5</sup> Aɔ̃ègɔ̃ ma yã liɛɛ kpɛɛgãnda gurɔ̃ píngi,  
aɔ̃ègɔ̃ ma kpákpaà à zaaao.

<sup>6</sup> Aɔ̃è kɔ̃ kakɔ̃amazi wà naeme,  
aɔ̃è ma kpákpa wàgɔ̃ yezi wà ma de.

<sup>7</sup> Luda, ñton tó aɔ̃ gbẽke bɔ̃ro,  
n boriinɔ̃ ne kɔ̃n pɔ̃fɛo.

<sup>8</sup> Ñ ma nawẽa yã da,  
n ma wéé'ikwɛena ká n sère guu.  
À kú n takada guuroo?

<sup>9</sup> Tó ma Luda sisi,  
ma ibeeno é bɔ̃ru kpɛɛ,  
mégɔ̃ dɔ̃ kè à yã sìmao.

<sup>10</sup> Mé Luda tó kpá yã kè à ò yãnzɪ,  
ee, mé Dii tó kpá yã pì ona yãnzɪ.

<sup>11</sup> Má Luda náane vĩ, mé vĩa kero.  
Bón gbẽntee é fɔ̃ à kemee?

<sup>12</sup> Luda, mé lù kè má sɛmmaanɔ̃ fĩa bo,  
mé kennakɔ̃o saa omma.

<sup>13</sup> Zaake n ma si gaa lézĩ, néé tó ma gèn sìro,  
le màgɔ̃ táa oonyo gupuraa kè è wèndi kpámma guu.

## 57

### *Wiipena Luda Musudezi*

Lè kè Dauda dà gurɔ̃ kè à bàa lè Solune à ùte gbèwɛen.

<sup>1</sup> Ñ ma wẽnda gwa Luda, n ma wẽnda gwa,  
zaake míbe ma nanzi.  
Ñ ma sɔ̃to n ɔ̃ru ai ma bɔ̃ gaa lézĩ.

<sup>2</sup> Mée wii pɛɛ Luda Musudezi,  
Luda kè è yã kè à ò papameɛ pì.

<sup>3</sup> Éé tó dɔ̃nlɛ bɔ̃ zaa musu à ma mì sí,  
éé wí da gbẽ kè aɔ̃ɔe pɛɛɛmaziinɔ̃a,

eé a gbêke kōn a náaneyāo kemε.

<sup>4</sup> Má kú músunɔ té,  
ma gɔ daena nòbɔ pāsīnɔ dagura.  
Gbê pìnɔ néne nna lán fēdaa bà,  
aɔ swaa né sárime kōn kào.

<sup>5</sup> Luda, ñ n zīnda tó sé lezī ai musumusu,  
ñ tó n gakui da andunala píngi.

<sup>6</sup> Aɔ bà kpàkpame ma zén, ben nawēa tōma,  
aɔ wèe yǒ ma aε, ben aɔ zù à guu.

<sup>7</sup> Ma làakari kpaena Luda, ma làakari kpaena,  
mé lè sí mà n táaki lé.

<sup>8</sup> Ñ vu, ma swè!  
Ma mɔɔ kōn ma kuntigio kú máa?  
Mé gudɔɔ pá m̀io.

<sup>9</sup> Dii, mé n sáabu kpá boriinɔ té,  
mé n táaki lé gbēnɔne.

<sup>10</sup> Zaake n gbêke bíta kà n kiia,  
n náane ludambe luguu lè.

<sup>11</sup> Luda, wà n tó sé lezī ai musumusu,  
ñ tó n gakui da andunala píngi.

## 58

### *Gbē zaaanɔ tona kōn Ludao*

Dauda lè.

<sup>1</sup> Gbāadeenɔ, eè yā o a zéa sɔɔ?  
Eè yākpae ke kōn gbēnɔ súsusú?

<sup>2</sup> Eè yā zaa wàari pá a swè guu,  
eè gbāaa mɔ gbēnɔne a b̀usun.

<sup>3</sup> Gbē zaaanɔ sàsā zaa ní igurɔme,  
egedeenɔ yàka zaa ní da gbεεεmmε.

<sup>4</sup> Aɔ légbε de lán mlè seweε bà,  
aɔ de lán káre kè à a swā tàta bà,

<sup>5</sup> le àton a kōkō'ori gaasia ó maro,  
le mlè p̀i tón a dabokeri gonikeε ero.

<sup>6</sup> Luda, ñ ní swaa é'énne ní lén,  
Dii, ñ músu pìnɔ swaa sōntenɔ é'énne.

<sup>7</sup> Ñ tó aɔ gē zéla lán í bàalena bà.  
Tó aɔ sá gà, ñ ní kànɔ é'énne.

<sup>8</sup> Ñ tó aɔ kori kū zén lán kɔntɔ lóu bà,  
aɔgɔ de lán nòbɔene kè èe ofántē eroo bà.

<sup>9</sup> Ai yàka té gɔ oroo wā,  
gbē zaaanɔ é gē ãa.

<sup>10</sup> Gbē maaanɔ é pɔnnaa ke,  
zī kè Luda gēε b̀ónne gbē zaaanɔa,

kè aṣ́ n gbá pìpi n aru guu.

<sup>11</sup> Gbēno é be: Gbē maaano láada ví fá!  
Ludaa kuu, è yākpae ke anduna guu.

## 59

### *N ma sí ma ibeena*

Lè kè Dauda dà gurɔɔ kè Solu gbēno zì aṣ́ à dādā à be wà à de.

<sup>1</sup> Ma Luda, n ma sí ma ibeena,  
n ma bo gbē kè aṣ́ fēmaziino zī.

<sup>2</sup> N ma sí zaakerinɔa,  
n ma bo gbēderino zī.

<sup>3</sup> N gwa, aṣ́e ma kpákpa,  
gbē pāsīno e swèe keema.  
Dii, mée taari ke durun keńnero,  
<sup>4</sup> mée sāsāńne yākearo,  
ben aṣ́ kú soruo wà nakōrema.  
N ma wēnda gwa n fēe n mó n dōmale!

<sup>5</sup> N Dii Luda Zīkpede, Isarailino Luda,  
n fēe n wée tā borii mōno n píngi.  
Nton bōnkpede zaaa mōno wēnda gwaro.

<sup>6</sup> Aṣ́è ɛara wà su uusie dɔ,  
aṣ́è likṣaa zṣ́ wéten,  
aṣ́è hūu kema lán gbēeno bà.

<sup>7</sup> N gwa, aṣ́ lóu e tṣ́,  
fēe kpá n lén,  
aṣ́è be gbēkee e n maaro.

<sup>8</sup> Mpi sṣ́ Dii, neè n yáa dɔ,  
neè borii pino lalandi ke n píngi.

<sup>9</sup> Luda ma gbāa, ma wée dōnzi,  
mbe ma aafia'ekii ũ.

<sup>10</sup> Luda é dōme ae a gbēkee guu,  
eé tó mà yṣ́gṣ́ ke ma zangurinɔa.

<sup>11</sup> Dii wa sēngbango, nton n dēdero,  
le aṣ́ yā tón sá ma gbēnonlo yānzi.  
N tó aṣ́ likṣaa zṣ́ n n sṣ́e kōn n gbāaao.

<sup>12</sup> Yā kè è bo n lén né durun yāme.

N tó aṣ́ wadakena n kū,  
zaake aṣ́è egēe to, aṣ́è gbē ká.

<sup>13</sup> N n kaate kōn pofēo,  
n n dúgu zṣ́, aṣ́tongṣ́ kuu doro  
de aṣ́gṣ́ dṣ́ ai zaa anduna léa  
kè Ludaa e kí blee Yakubu boriinɔa.

<sup>14</sup> Aṣ́è ɛara wà su uusie dɔ,  
aṣ́è likṣaa zṣ́ wéte guu,  
aṣ́è hūu ke lán gbēeno bà.

<sup>15</sup> Aṣ́è ligaliga wàgṣ́ póblee wete,

tó āōe k̄āro, āè wii pé.

<sup>16</sup> Mapi s̄ō, mé lè sí n gb̄āaa yā musu,  
mà guda ke k̄onḡo n gb̄ēke yānzi,  
zaake m̄be ma aafia'ekii ũ,  
m̄be ma utekii ũ nawēakegur̄o.

<sup>17</sup> Luda ma gb̄āaa, mé n táaki lé,  
zaake m̄be ma aafia'ekii ũ,  
Luda kè è gb̄ēk̄ee kem̄ee.

## 60

### *Wé z̄i ble k̄ōn Luda gb̄āaa*

Lè kè Dauda dà gur̄ō kè à z̄i kà k̄ōn Siria kè āō kú Mesopotamia b̄usun k̄ōn Zoba b̄usu guun̄o, ben Yoabu mò à Ed̄mun̄o d̄ede Guzur̄e Wisideen̄o ḡōn b̄oro kuri awēeplaa.

<sup>1</sup> Luda, n p̄o f̄ewazi,  
n o gb̄àrewazi n wa z̄inna.

Ñ sokpa ò āe d̄owa sa.

<sup>2</sup> Ñ tò wa b̄usu n̄igā ai à p̄ara.

Ñ eara ò tata a gb̄èn,  
zaake à ḡò kp̄amme.

<sup>3</sup> Ñ tò yā z̄i'ūu s̄u n gb̄ēn̄o,  
n wa kaka í gb̄āaa,  
ben wée tàtaataa boo.

<sup>4</sup> M̄ode n tuuta d̄ò n v̄akerin̄o,  
le āo e wà b̄o gb̄ēn̄o s̄ágana léz̄i.

<sup>5</sup> Ñ wewala ò wa mì sí k̄ōn n ḡāsā gb̄āaa  
le wam̄wa n gb̄ē yenzideen̄o e wà b̄o.

<sup>6</sup> Luda yā ò zaa a kúkiia à bè:  
Mé Sek̄emu kpaatete k̄ōn z̄iblena wiiio,  
mé gba da k̄ōn Suko guzur̄eo.

<sup>7</sup> Giliada b̄usu né ma p̄ome,  
Manase boriin̄o b̄usu né ma p̄ome,  
Eflaimu boriin̄o b̄usu né ma m̄ofurame,  
Yudan̄o b̄usu né ma ḡome.

<sup>8</sup> M̄abun̄o b̄usu né ma ōpipib̄ome,  
m̄eè ma kyatee k̄áe Ed̄mun̄o b̄usun,  
m̄eè z̄iblewiii d̄o Filisitinin̄o b̄usua.

<sup>9</sup> Dé bé eé ḡēmao w̄ete b̄iidee guuu?  
Dé bé eé d̄ome āe ai Ed̄mun̄o b̄usun?

<sup>10</sup> Luda, à de m̄be n o gb̄àrewazi,  
n̄eè b̄o k̄ōn wa z̄ikp̄een̄o d̄oro?

<sup>11</sup> Ñ o dawa wa ib̄een̄o yānzi,  
zaake gb̄ēntee d̄onle né yā p̄āame.

<sup>12</sup> Wé z̄i ble k̄ōn Luda gb̄āaa,  
àmbe eé k̄iti pá wa ib̄een̄o.



## 61

*Kína aduakena*

Dauda lè.

<sup>1</sup> Luda, ò swā kpá ma wiipenzi,  
ò ma aduakena ma.

<sup>2</sup> Kuuna zaa anduna léa ma wii pèenzi,  
kè ma suuna lè, ben ma n sisi.

Ò gámao gbèsi kè lezĩ demalaa kiia.

<sup>3</sup> Zaake mbe ma aafia'ekii ũ,  
ma uteki gbāaa ũ ma ibeenɔ ae.

<sup>4</sup> Má yezi màgõ kú n ua gurɔ píngi,  
màgõ sɔtɔ n ɔru.

<sup>5</sup> Luda, zaake n lù kè ma sènnɛɛ mà,  
n n vīakerinɔ baka kpàma.

<sup>6</sup> Ò kína dõ aafiao,  
ò tó à ká a gurɔɔa.

<sup>7</sup> Àgõ kpata blee n dõna guu gurɔ píngi,  
ò à dákpa n gbèke kɔn n náanekenao yānzi,

<sup>8</sup> mé gbasa màgõ n táaki lee lán guu e dɔɔ nà,  
mégõ lù kè má sènnɛɛ fīa boo gurɔ píngi.

## 62

*Ludan utekii ũ*

Dauda lè.

<sup>1</sup> Luda ado bé à tò ma làakari kpáena,  
àmbe è ma mì sí.

<sup>2</sup> Àmbe ma gbèsi ũ kɔn ma m̀sirio,  
mèè gbāa ea, mé nigā zikiro.

<sup>3</sup> Gènn ũgban égõ fɛɛɛ gbèzi?

É à nɛ lán gũ kè è à kpán  
ke kara zi wòkɔwòkɔ bàn yó?

<sup>4</sup> À guna a tíla lén ée kpaakõsõ,  
egɛtona bé è keare nna.

Eè sa maaa o gbène kɔn léome,  
ben eè n ká a swè guu.

<sup>5</sup> Luda ado bé à tò ma làakari kpáena,  
zaake àpin ma wée dɔzi.

<sup>6</sup> Àmbe ma gbèsi ũ ma m̀siri ũ,  
mèè gbāa ea, mé nigā zikiro,

<sup>7</sup> Ma aafia kɔn ma bèeo è bɔ à kiiame,  
àmbe ma gbèsi gbāaa ũ, ma utekii ũ.

<sup>8</sup> Gbènnɔ, àgõ à náane kee gurɔ píngi,  
à a swè wène, àmbe wa utekii ũ.

<sup>9</sup> Talakanɔɔ de lán lé'ĩa bàme,  
gbāadeenɔ e ká póke lézĩro.

Tó wà n yõ kilooa,

aã píngi égõ de fákuume.

<sup>10</sup> Àton gběble'ɔ náane kero,  
àton ãa dā kōn kpāi póoro.  
Tó a auziki e kō,  
àton tó a swè gō kúaro.

<sup>11</sup> Yā mèn doon Ludaa ò,  
yā mèn plaaa kènɔn má mà:  
Luda, mbe n gbāaa vī,

<sup>12</sup> Dii, mbe n gbēkēē vī,  
ben nēē fīa bo baadenē a yākenaa.

## 63

### *Luda nidena*

Lè kè Dauda dà gurɔ kè à kú Yuda gbáan.

<sup>1</sup> Luda, mbe ma Luda ũ,  
mēē n wēē wētēē,  
ma ninii yenzi, mēēgõ lugaanzi  
lán tɔtē kori kè ye ízi bà.

<sup>2</sup> Ma n e n kúkiin,  
ma wēē sī n gbāa kōn n gakuiole.

<sup>3</sup> Zaake n gbēkēē maame de wèndila,  
n sáabukpana égõ kú ma lén.

<sup>4</sup> Mégõ n tó kpaa ai ma wèndi lén,  
mē ɔ sé musu mà n sísi.

<sup>5</sup> Ma nòse é ká lán wè pó maaa ble wà ká nà,  
n táakilena égõ kú ma lén kōn gudakenao.

<sup>6</sup> N yā è dɔmagu ma daekiia,  
mēē laasuu lénzi gwāavī.

<sup>7</sup> Ma sɔtɔna n ɔru, mēē lè sii,  
zaake mbe ma dɔnleri ũ.

<sup>8</sup> Ma ninii namma,  
n ma kūna n ɔplan.

<sup>9</sup> Gbē kè aɔɔe ma wēenɔ é kaate,  
aɔé gē tɔtēn.

<sup>10</sup> Luda é tó wà n dede kōn fēdaao,  
aɔé gõ gbēngboonɔ póblee ũ.

<sup>11</sup> Kína sō é pɔnnaa ke kōn Ludao.  
Gbē kè aɔè be wà sī kōn Ludaonɔ é à sáabu kpá,  
egēdeenɔ sō lé égõ nakōana.

## 64

### *N ma sí gbē zaaanɔ ɔzĩ*

Dauda lè.

<sup>1</sup> Luda, n ma mbna ma,  
n ma bo ma ibēē kè aɔɔe vīa daamaziinɔ ɔzĩ.

<sup>2</sup> N ma ute gbē zaaa kè aɔ lé kpàkōsōmaziinɔne,  
zaakeri zɔkadee pìnɔ.

<sup>3</sup> Aɔè n lé lé ke lán fēdaa bà,

yā pāsīno è bo ní lén lán kà sɛwɛɛdee bà.  
<sup>4</sup> Aṣè taarisaidèe dādā lɛ wà à pá,  
 aṣè à pá kāndo, vīa è ní kūro.

<sup>5</sup> Aṣè kō yīpa wà da zaakɛna guu,  
 aṣè bàkpakpanɛna gusae yā gōgō  
 aṣè be: Gbēke é wa ero.

<sup>6</sup> Aṣè zaakɛna yā gōgō wà be,  
 yā kè wa à lé kpàkōsō bɔɛzina.  
 Gbēntee nòsɛguuyāno asii bíta.

<sup>7</sup> Mɔde Luda é ní pá kào,  
 eé ní kēna kāndo.

<sup>8</sup> Eé tó yā kè aṣò ò wí ní musu,  
 gbē kè ní é píngi égō mì ke degūdegū wà be taale.

<sup>9</sup> Vīa é baade píngi kū,  
 aṣé Luda yākɛnanɔ tōkē,  
 aṣégō yā kè à kèno laasuu lɛɛ.

<sup>10</sup> Gbē maaano, àgō pɔnnaa kɛɛ Dii guu à nazi,  
 nòsɛpuradeeno, àgō à táaki lɛɛ á píngi.

## 65

### *Bori píngi wée dɔ Ludazi*

Dauda lè.

<sup>1</sup> Luda, à kō sio wà n táaki lé Zayon,  
 wà lù kè wà sènnɛɛno fīa bo.

<sup>2</sup> Mmɔn kè nɛè aduakɛna ma,  
 n kiian bori píngi é sun.

<sup>3</sup> Wa yā zaaano wa fu,  
 ben n wa taarinɔ kēwe.

<sup>4</sup> Aubarikadeen gbē kè ní sè n gēo n ua ũ.  
 N kpé pó maaano m̀wa,  
 n kpé kè kú adona pì.

<sup>5</sup> Nèè wewala kōn yā maa naasideeno, Luda wa Misiri.  
 Andunalezekideeno kōn ísiabaadeeno wée dɔnzi ní píngi.

<sup>6</sup> N gbāaa dānla,  
 n kpiiino kè kōn n ikoo.

<sup>7</sup> Nèè ísia kōn a sōno kīi kpáɛ,  
 nɛè boriino zɔka yāaíne.

<sup>8</sup> N dabuyāno è swè kē  
 gbē kè aṣò kú zaa tɔtɛleanon,  
 wè guda dɔmma zaa ɔfántēbɔɛ kpa  
 kōn a gēkpen kpaa.

<sup>9</sup> Nèè làakari dɔ andunaa, nɛè à gba í,  
 nɛè taaki ká tɔtɛne, n swaano pa kōn ío,  
 nɛè tó blɛwɛɛ ke, zaake len ní dīe lɛ.

<sup>10</sup> Nèè í dagula ai búgbaruno pa,  
 nɛè guuno foo f̃ kōn louo,

neè aubarika da pò kè bènɔn.

<sup>11</sup> Neè aubarika da burazĩin wè kɔn wèo,  
ble nɔsidee è kwé n tuuban.

<sup>12</sup> Pódádákiinɔ sè lá bɔrɔ kù sètɛ,  
sĩsĩnɔ pɔnnaa dà uta ũ.

<sup>13</sup> Pókádeenɔ dàgula n dádákiinɔa,  
blewɛɛ dàgula s̄s̄ĩgɛɛzi.  
Wèe pɔnna wii lɛɛ, wèe lè sii.

## 66

### *Luda sáabukpana*

<sup>1</sup> Anduna gbě píngi,  
à guda dɔ Diia.

<sup>2</sup> À lè sí à tó gakuikɛɛ musu,  
à à táaki lé à à tó bɔ.

<sup>3</sup> À be Ludanɛ: N yákenanɔ naasi vĩ,  
n gbāa bíta è tó n ibɛnɔ na n sàsaa.

<sup>4</sup> Anduna píngi è kúenne,  
āsè n táaki lé wà n tó bɔ.

<sup>5</sup> À mó à Luda yákenanɔ gwa,  
yā kè à kè gběnteenɔne naasi vĩ.

<sup>6</sup> À ísīaa lī gukori ũ,  
ās swaa bikù kèɛɛ.  
Wà pɔnnaa kɛ à yā musu.

<sup>7</sup> Ègɔ kī blee kɔn a gbāaaogurɔ píngi,  
à wéɛ ègɔ kú boriinɔa.  
Swāgbāadeenɔ tón dɔkɛoro.

<sup>8</sup> Boriinɔ, à wa Luda sáabu kpá,  
à táakilɛna gɔ kú a lén.

<sup>9</sup> À wa wèndi dàkpawe,  
èe tó wa gbá sataro.

<sup>10</sup> Luda, zaake n wa yɔ n wa gwa,  
n wa baasa lán kondogi bà.

<sup>11</sup> N wa ka kpésiaan,  
n aso t̄isi diwe wa kpɛɛ.

<sup>12</sup> N̄ tó wà diwa lán s̄o bà,  
wa wéɛ té mà, í dàwala,  
ben n mɔwao gunnamana guu.

<sup>13</sup> Mé mó n ua mà sa'opɔ kè wè ká tén à té kũ o,  
mé lù kè má sènnɛnɔ fīa bonne,

<sup>14</sup> yā kè bò ma lén ma nawēakɛgurɔ.

<sup>15</sup> Mé saa omma kɔn pò mèkpananɔ,  
mé sākaronɔ kpatanne,  
mé n gbāgbā kɔn zùswareenɔ kɔn blèkoffinɔ.

<sup>16</sup> Amɔa kè á Luda vīa vīinɔ,  
à mó à ma a píngi,

mé yā kè à kèmεε oare.

<sup>17</sup>Ma wii pèzi,

à táakilena da ma lén.

<sup>18</sup>Tó ma yā zaaa dà ma swèn,

le Dii gì ma yā mazi.

<sup>19</sup>Mòde à ma yā mà,

ben à ma aduakena sì.

<sup>20</sup>Aubarikadeen Luda ũ,

èe gí ma aduakena maziro,

èe gíme a gbēkεεoro.

## 67

### *Aubarika gbekana Ludaa*

Lè kè wè sí kōn mɔrɔnɔ.

<sup>1</sup>Luda, ò wa wēnda gwa,

ò n uu werewa ò aubarika dawagu,

<sup>2</sup>Le anduna gbēnɔ gō n zé dō,

bori píngi dō lán nèè gbē mì sí nà.

<sup>3</sup>Wà n táaki lé Luda,

baade píngi n táaki lé.

<sup>4</sup>Boriinɔ pɔnnaa ke à guda ke,

zaake nèè yākpae ke kōn gbēnɔ a zéa,

nèè dɔ anduna boriinɔne ae.

<sup>5</sup>Wà n táaki lé Luda,

baade píngi n táaki lé,

<sup>6</sup>gbasa tɔɔte bleε ke,

Luda wa Luda é aubarika dawagu.

<sup>7</sup>Luda é aubarika dawagu,

anduna lezekideenɔ é vīa kenε n pingi.

## 68

### *Luda bitakeε*

Dauda lè.

<sup>1</sup>Luda é fεε, à ibεenɔ é fāakōa,

à zangurinɔ é bàa léne.

<sup>2</sup>Lán tésukpe è gē kōn ĩao nà,

ò tó aō gēte le.

Lán zósa è yó nà té saε,

zaakerinɔ é kaate Luda ae le.

<sup>3</sup>Gbē maaanɔ sō pɔnnaa ke,

aō yáa dɔ Luda ae,

aō vīvī kōn pɔnna bitao.

<sup>4</sup>À lè sí Ludane à lé maa,

à di ludambe luguua, à à tó bɔ,

à tón Dii, à pɔnna wii pé à ae.

<sup>5</sup>Kuuna a kpé kè kú adona guu,

Luda né tonenɔ demε,

gyaanɔnɔ zenyodeemε.

<sup>6</sup>Luda è beε ke gbē kè gbē vīroone,

è pisinano bɔɛ à ní da nnamanan,  
swāgbāadeeno sɔ́ égɔ́ kú gukori guume.

<sup>7</sup> Luda, kè n dɔ n gbɛnɔnɛ aɛ,  
gurɔɔ kè n táa ònyo gbáan,  
<sup>8</sup> tɔɔtɛ nìgānigā, ludambɛɛ lou gbàrɛ n aɛ,  
mmɔn kè n yā ò Sinai kpìii musu aɛ,  
Luda, Isarailino Luda.

<sup>9</sup> Luda, ní tò mɔdɔ kpà ní bùsua kɔ́sɔ́kɔ́sɔ́,  
n n gbɛ kpasananɔ gbà gbāaa.  
<sup>10</sup> N gbɛnɔ vɛɛ à guu, Luda,  
ben n wɛndadeeno gbà pɔ́ n maakɛɛ yānzi.

<sup>11</sup> Dii yā ò,  
ben nɔgbɛnɔ gɔ́ à baarukparino ũ pari.  
<sup>12</sup> Kínano kɔ́n ní zìkpɛɛnɔɔ e bàa lɛɛ kpakpaa,  
nɔgbɛ kè aɔ́ gɔ́ bɛɛnɔɔ e ní pónɔ kpaatɛtɛ.  
<sup>13</sup> Baa kè a daɛ kpàsa gura,  
kondogi í kú ma pɔ́tɛɛ dèbenɔa,  
à kánɔɔ e té kɛɛ lán vura bà.  
<sup>14</sup> Kè Gbāapingide kínano fāakɔ́a,  
aɔ́ kwè Zalamɔ kpìiia lán loughɛ bà.

<sup>15</sup> Basā kpìii gakui vī,  
Basā kpìii mìsɔ́ntɛnɔɔ pari.  
<sup>16</sup> Amɔa kpìii mìsɔ́ntɛnɔ,  
bóyānzin ée kpìii kè Ludaa sè  
a kiblekii ũu gwaa nòsɛgɔ́aanɔɔzi?  
Gwen Dii égɔ́ kún gurɔ́ píngi.

<sup>17</sup> Luda sɔ́goronɔɔ lé vīro,  
à kà bɔrɔ́ lɛo ũgbangba.  
Dii b̀ò zaa Sinai,  
à m̀ò à p̀ita a guu kè kú adonan.  
<sup>18</sup> N fɛɛ n ta musu dɔna zìzɔ́nɔnɛ aɛ,  
n gbaa sì gbɛnɔa ai kɔ́n swāgbāadeeno,  
ben n vɛɛ gwe, Dii Luda.

<sup>19</sup> Aubarikadeen Dii Luda wa mìsiri ũ,  
àmbe ègɔ́ wa asoonɔ sɛna lán guu e dɔɔ nà.  
<sup>20</sup> Wa Luda né Luda kè è ní mì símɛ,  
Dii Luda bé è wa bɔ́ gaa lézì.

<sup>21</sup> Luda é a ibɛɛnɔ mì wíwiínɛ,  
gbɛntee mìkpɛɛ kádee kè aɔ́o té ní durun-onɔ.  
<sup>22</sup> Dii bè: Mé ní bɔɛ Basā bùsun,  
mé ní bɔɛ ísia lòn,  
<sup>23</sup> lɛ à a gbá ya a ibɛɛnɔ arun,  
a gbɛnɔ é nɛnɛ máen wà ní baka ble.

<sup>24</sup> Luda, wa n gbɛnɔ è aɔ́o tétékɔ́zi,

ma Luda ma Kína, aṣoṣe mṣṣ n kúkiia.

<sup>25</sup> Lèsirinṣṣ té ae, batanṣṣ té ní kpee,  
nṣkpare sēgēsēgēparinṣṣ té ní gura.

<sup>26</sup> À Luda tó bṣ pari kakṣana guu,  
à Dii sáabu kpá amṣa Isaraili boriinṣṣ.

<sup>27</sup> Né zāade Beyāmi boriinṣṣ bé aṣṣ tēna ae gwe,  
beee gbēra Yuda kínēnṣṣ kṣn ní gbēnṣṣ  
kṣn Zēbuluni bori kínēnṣṣ  
kṣn Nafatali bori kínēnṣṣ.

<sup>28</sup> Luda, n n gbāaa ṣṣṣawe,  
Luda, n bṣ kṣn n gbāaa kè ní ṣṣṣawe yāao.

<sup>29</sup> Kínanṣṣ é mṣnnē kṣn ní gbaanṣṣ  
n kpé kè kú Yerusalemu yānzi.

<sup>30</sup> N kpākē Iyipiti ítenṣṣṣṣi,  
n pata boriinṣṣ zṣwareenṣṣa kṣn ní gbēnṣṣ.

N kondogi gò tṣmma,  
n gbē kè zṣkana è keñne nnaanṣṣ fāakṣa.

<sup>31</sup> Iyipitinṣṣ é zṣrinṣṣ gbaremma,  
Etiopianṣṣ é ṣṣṣnzi, Luda.

<sup>32</sup> Anduna kpatablerinṣṣ, à lè sí Ludanē,  
à Dii táaki lé,

<sup>33</sup> àmṣ kè à di ludambēē kè kuu zaa ziziia.  
À ma, èe pṣtāa gbāngbān.

<sup>34</sup> À Luda gbāaa kpàakpa ke,  
wà à bítakēē dṣ Isarailinṣṣa,  
à gbāaa kú ludambē puraan.

<sup>35</sup> Luda, ní naasi vī n kúkiia,  
Isarailinṣṣ Luda è gbāaa kṣn ikoo kpá a gbēnṣṣa.

Aubarikadeen Luda ũ!

## 69

### *Wéstamma guu aduakēna*

Dauda lè.

<sup>1</sup> Luda, n ma mì sí,  
zaakē í ma kṣ ma waalē.

<sup>2</sup> Foo e ma mṣṣ ma ka zā,  
kèsepēkii kuuro,

ma kpaē í lòn,  
ísṣ e ma blee.

<sup>3</sup> Ma wii lè ma kpasa,  
ma kòto nàē,  
ma wéē dṣ ma Ludazi  
ai ma wéē kè yṣṣṣ.

<sup>4</sup> Gbē kè aṣ zāmagu pāanṣṣ  
pari de ma mikānṣṣla.

Ma ibēenṣṣ lé vīro,  
aṣṣ yezi wà ma de pṣke wínne sai.  
Pṣ kè mēē à kpāi oroon

aõ bè mà i mà kpámma.

<sup>5</sup> Luda, ní ma yǎnkoyǎno dǎ,  
ma taarinno utenannero.

<sup>6</sup> Dii Luda Zìkpede,  
gbē kè aõ wéε donziino  
nton tó wí ní kú ma yǎnziro.

Isarailino Luda,  
gbē kè aõè n kii weteno  
nton tó aõ tó yaka ma yǎnziro.

<sup>7</sup> Zaake n yǎnzi n méε menaa kǎn sǎsǎozi,  
ben wí gè ma wéεn

<sup>8</sup> Ma gǎ gbē zító ù ma gbēno té,  
ma gǎ gbē miradodee ù ma da bedeenó té.

<sup>9</sup> N ua yǎ ma kú gbāa maamaa,  
gbēno dokenanyo gǎmε.

<sup>10</sup> Tó ma lé yì pǎsiala guu,  
wègǎ ma sǎsǎo.

<sup>11</sup> Tó ma pǎsia utano fífíma,  
wègǎ ma faboomε.

<sup>12</sup> Gbē kè aõ vèena gǎalenó è ma pe,  
ígbāamirino è lè damao.

<sup>13</sup> Mode tó à gǎ ma yǎnzi, Dii,  
ríbe mégǎ wéε kemma a gurɔɔa.

N wemala Luda n gbēke bíta yǎnzi,  
n ma mì sí yǎpura.

<sup>14</sup> N ma bɔ foon,  
nton tó mà vlɛnlo.

N ma bɔ í lòn,  
n ma sí ma zangurino.

<sup>15</sup> Nton tó ísǎ ma blero,  
nton tó mà kpáε í lònlo,  
nton tó wéε tatamalero.

<sup>16</sup> N wemala Dii, zaake n gbēkeε maa,  
n aε doma n sùu bíta guu.

<sup>17</sup> Nton mìkpeε zu n zǎblerinero,  
n wemala kpakpaa,  
zaake ma gǎ kagurakena.

<sup>18</sup> N sǎmazi n ma mì sí,  
n ma faaba ke ma ibeenó yǎnzi.

<sup>19</sup> N ma sǎsǎna dǎ  
kǎn ma wídammao kǎn ma kpebonao,  
néε gbē kè aõ ma kúna yǎonó ee.

<sup>20</sup> Sǎsǎna ma swè zǎ, ma gǎ gbāaa sai,  
gbē kè eé ma wènda gwaan má wète, méε ero,  
gbē kè eé ma nǎse kpáemεen ma wéε dǎzi, à kuuro.

<sup>21</sup> Aõ èzè zaaa kàme pǎbleen,



kè ímii ma de, aǎ wē kpàkpàa kpàma ma mi.

<sup>22</sup> Aǎ zǐbaakena gǎ́nne takutee ũ  
à n kũ à yā lú́nne.

<sup>23</sup> Aǎ wēe sisi le aǎton guu ero,  
aǎ wó gǎ kokona.

<sup>24</sup> Ñ n pētē pitańma,  
n n pǎfē pāsī pisińma.

<sup>25</sup> Aǎ bee gǎ bezī ũme,  
aǎ gbēke tóngǎ kuu le à vēe n kpén doro.

<sup>26</sup> Zaake aǎe wēe tā gbē kè n n lénna,  
aǎe gbē kè n n kari kènna wāwā yā o.

<sup>27</sup> Ñ n yā píngi taari dińne,  
aǎ baka tóngǎ kú n mĩsina guuro.

<sup>28</sup> Ñ n tǎ gogo wēndi takada guu,  
le aǎ tǎ tóngǎ kú kǎn gbē maaana tóoro.

<sup>29</sup> Luda, má kú wāwāa guu kǎn yā'ammao,  
n ma sé lezī le mà bǎ aafia.

<sup>30</sup> Mé Luda tǎ bǎ lèsina guu,  
mé à sáabu ke mà à tǎ sé lezī.

<sup>31</sup> Bee e ká Diinne de sa'ona kǎn zùola,  
baa zùsware kobadee.

<sup>32</sup> Takaasideenna e e aǎ ponnaa ke,  
a Luda kiweterinna égǎ wēndi vī.

<sup>33</sup> Zaake Dii e wēndadeenna yā ma,  
e kya ká a gbē kè aǎ de zǎzǎ ũunna.

<sup>34</sup> À à táaki lé musu kǎn tǎtǎo,  
ísia kǎn pǎ kè kú à guuna píngi.

<sup>35</sup> Zaake Luda e Zayna mĩ sí,  
eé eara à Yuda wétenna káe,  
à gbēna e vēen n pǎ ũ.

<sup>36</sup> À zǎbleri nenna bé wégǎ vī,  
gbē kè aǎ ye à tǎ nnaazinna égǎ kún.

## 70

### *Wiipena mĩsirizi* (Saa 40:14-18)

Dauda lè.

<sup>1</sup> N yā nna Luda, n ma mĩ sí,  
Dii, n ke kpakpaa n mǎ n dǎmale.

<sup>2</sup> Ñ tǎ wĩ gbē kè aǎe ma wēe wà ma deenna kũ,  
aǎ n mĩ pée.

Ñ tǎ gbē kè aǎ yezi mà mǎnzi eenna kpēe li,  
aǎ uu yǎkǎte.

<sup>3</sup> Gbē kè aǎe beme taale taalenna,  
n tǎ aǎ eara kǎn wiyāo.

<sup>4</sup> Gbē kè aǎe n kii wētenna pǎ kemma nna aǎ yāa dǎ.

Gbè kè aṣo ye n m̀sinazinṣ gṣ bee Luda b́ta.

<sup>5</sup> Takaaside ẁendadeen ma ũ,  
Luda, ñ ke kpaá.  
M̀be ma d̀nl̀eri ũ k̀n ma m̀sirio,  
Dii, ñton g̀i kero.

## 71

### *Mare isi aduakena*

<sup>1</sup> Dii, m̀be ma nanzi,  
ñton tó wí ma kũ zikiro.  
<sup>2</sup> N ma bṣ ñ ma m̀ sí n maakena ỳanzi,  
ñ swá kpámazi ñ ma faaba ke.  
<sup>3</sup> N gṣ de ma uteki gbè kè mégae gá uten ũ.  
N dié ñ ma m̀ sí,  
zaake ma gbèsi k̀n ma zeki gbáaaon n ũ.  
<sup>4</sup> Ma Luda, ñ ma bṣ zaakerinṣ o zĩ,  
ñ ma si gbè zaa pásĩna.  
<sup>5</sup> M̀be ma wéé d̀nzi, Dii Luda,  
m̀be má n náanekena zaa ma gṣkparekεgurṣ.  
<sup>6</sup> Ma gbáa èmma zaa ma igurṣ,  
m̀be n ma bṣ ma da gbéén.  
N táakin m̀égṣ lé.  
<sup>7</sup> Ma kuuna de ỳabṣnsae ũ gbēnṣe pari,  
zaake m̀be ma uteki gbáaa ũ.  
<sup>8</sup> N táakilena égṣ da ma lén,  
m̀égṣ n maakee boṣ kṣngṣ k̀n uusieo.  
<sup>9</sup> Nton ma tón ma zikúke ỳanziro,  
ñton ma zĩna ma gbáa ỳana ỳanziro.  
<sup>10</sup> Zaake ma ibénnṣ e ma pee,  
ma wēderinṣ e lé kpaakṣṣmazi ma ẁendi bṣna ỳanzi.  
<sup>11</sup> Aṣ bè: Luda g̀izime né, wà péa wà kũ,  
gbèke kuu kè à à m̀ síro.  
<sup>12</sup> Luda, ñton kemao z̀aro,  
ma Luda, ñ ke kpaá ñ m̀ó ñ dṣmale.  
<sup>13</sup> N tó wí gbè kè aṣo yá diimaanṣ kũ  
le aṣ kaate,  
ñ tó sṣsṣ da gbè kè aṣo wéé t́amaanla  
le aṣ tó yaka.  
<sup>14</sup> Mapi sṣ, ma wéé égṣ d̀nzi,  
m̀égṣ n táaki lé m̀gṣ gaa.  
<sup>15</sup> N maakena égṣ da ma lén gurṣ píngi  
k̀n n m̀sina kè má à lé dṣrooo.  
<sup>16</sup> Mé m̀ó mà n gbáabitakεyānṣ o, Dii Luda,  
n m̀n do maakeen mé à kpàakpa ke gbēnṣe.  
<sup>17</sup> N yá dàme zaa ma gṣkparekεgurṣ,  
Luda, ai tia m̀é n ỳabṣnsaenṣ oo.

18 Baa kè ma zi kù, ma mìkã pura,  
 ònton ma tónlo, Luda,  
 le mà e mà n gbãaa tókè tiadeenone,  
 mà n gbãakeyã da gbè kè aõe feenone ñ píngi.

19 Luda, n maakena zò sòsonenona,  
 n yã bíta kè, dén weé lékòzinyo?

20 Ñ tò nawëa pásí ma le paripari,  
 mode né eara ñ ma gba wèndi do,  
 né eara ñ ma bo tóte guu.

21 Né ma bèe kaaramé,  
 né eara ñ ma làakari kpáeme do.

22 Ma Luda, mé n sáabu kpá  
 kòn mowo n náanekke yãnzì.  
 Isarailino Luda kè ñ kú adona,  
 mé n táaki lé kòn kungidio.

23 Guda égò do ma lén,  
 mamoma kè n ma mì sì mé n táaki lé.

24 Mégò n yamaakena oo gurò píngi,  
 zaake wí gbè kè aõ ma wete zaaaono kù,  
 aõ gò kòn bídio.

## 72

### *Aduakena kínane*

Sulemanu lè.

1 Luda, ñ dada kínane à yãkpae ke kòn yãpuraao,  
 ñ tó kine yã maaa ke lán neè ke nà,

2 le à do n gbènone ae a zéa,  
 à yã gògò talakanone súusu,

3 kpíino é gbasa wà mó gbènone kòn aafiao,  
 sísino é tó aógò kú nnamana guu.

4 Kína é tó yã bo kòn talakanoo nna,  
 eé takaaside néno mì sí,  
 eé gbãamannerino dúgu zò.

5 Eégò kuu lán ofántè ègò kuu nà,  
 lán movura ègò kuu nà wè kòn wèo.

6 Eégò de lán loumana buraa bà,  
 lán mado kè è kpá tótea bà.

7 Gbè maaano é o tá a guròo,  
 nnamana égò bíta ai moo tóngò kuu doro.

8 Eé kí ble zaa ísia baa kè kpa kòn baa kãa kpao,  
 sena zaa Yuflatia ai gana anduna léa.

9 Borii kè aõ kú gbáa guuno é mó wà kúene,  
 à ibeno é dae ñ puua à ae.

10 Taasisi kína kòn ísia baa kínano é tángba kpáa,  
 Seba kòn Seba kínano é mó wà gba dane.

11 Kínano é mó wà kúe à ae ñ píngi,  
 bori píngi é zò blene.

12 Zaake eé wëndadee kè aõ wiii dɔɔno bɔme,  
eé takaasidee kè aõ dɔnlɛri vīroono mì sí.

13 Eé gbāasaideeno wēnda gwa,  
eé takaasideeno bɔ gaa lézī.

14 Eé n bɔ gbāamɔnnɛrinɔ ɔzī kɔn gbē pāsīno,  
zaake à ye n arukwɛnaziɔ.

15 Luda kína dɔ kɔn aafiao!  
Wàgɔ à gbaa Seba bùsu vura,  
wàgɔ adua kɛnɛ yāana sai,  
wàgɔ sa maaa oonɛ gurɔ píngi.

16 N tó burapɔno ke à bùsun maamaa,  
à lán gɔ da sīsīno musu sí plèplɛ,  
aõ né i wà pia lán Lɛbanɔ lákpe bà,  
aõ gbā lán kàbapu bà sètɛ.

17 N tó à tó gɔ kuu gurɔ píngi  
lán ɔfántɛ bà,  
bori píngi é aubarika e à gāzī,  
wé à tó nnaa sí.

18 Aubarikadeen Dii Luda, Isarailino Luda!  
Àmbe è yābɔnsaɛno ke ado.

19 Wàgɔ à tó gakuidee bɔɔ gurɔ píngi!  
À tó à gakui da andunala píngi!  
Aami! Aami!

20 Yɛɛ né Dauda aduakɛna lén gwe.

## TAKADA AAGɔDEE

*Saamu 73-89*

## 73

### *Zaakerino nnamana*

Asafa lè.

1 Luda è yā maaa ke Isarailinoɛ yāpuramɛ,  
atēnsa nòɛpuradeeno.

2 Mapi sɔ, ma kīi kù lɛnao,  
ma gbá yezi à satamɛ yā.

3 Kè ma zaakerino kuuna maaa è,  
ma ïadāri pino gwena ni dè.

4 Yāke è kpánnero,  
aafia mòmma bensɔ aõ mèkpana.

5 Aõè nawēa ke lán danɔ bàro,  
aõè gyāa ke lán danɔ bàro.

6 Aõè ïadāna da n waale lán kāmbeɛ bà,  
aõè pāsikɛɛ da pókāsāa ũ.

7 Aõ swè kè gbāa yāzaakɛnao,  
yā vāi n nòɛ pà.

8 Aõè gbē lalandi ke aõè yā zaaa limma,  
aõè gbāaa móhne n gwena bitakɛɛ yānzì.

9 Aõè be: Luda pita wà ɔsi ká,

bensõ aõ yã bé è ble anduna guu.

<sup>10</sup> Bee yãnzì wè tá ñ kpa,  
wè yã kè aõ ò píngi sí yápuraa ũ.

<sup>11</sup> Aõè be: Luda é ke dea à dõõ?  
Luda Musude dõna kà len yó?

<sup>12</sup> Ñ gwa, zaakerinõ è yãke kãhãn kero,  
aõ gwena ègõ kaara gurõ píngime.

<sup>13</sup> Ase ma nõse pura pãn yó?  
Ma a õõ bõe taarin wásawasa pãmeó?

<sup>14</sup> Neègõ ma gbẽe gurõ píngi,  
neègõ ma swã sukãame lán guu e dõõ nà.

<sup>15</sup> Tó ma ze kõn yã beee taka onao,  
bee égõ de bõna n gbẽnõ kpere yã ũme.

<sup>16</sup> Kè ma laasuu lè yã pizi mà e mà dõ,  
à kème zĩ'ũ.

<sup>17</sup> Sé kè ma gẽ Luda kúkiin,  
ben ma wée gbasa à kè lán aõé yãa nà.

<sup>18</sup> N ñ kpá guzãea yãpura,  
neè õ sõnzì aõ léé wà kaate.

<sup>19</sup> Aõè gõ kaatena pó ũ kãndo,  
vĩapõnõ è ñ le aõ yãao.

<sup>20</sup> Lán nanaa è gẽ ãa nà tó gbẽ vù,  
tó n fere Dii, ñ tó aõ gẽ ãa le.

<sup>21</sup> Kè ma nõse yàka,  
bensõ ma põõ sia kũ,

<sup>22</sup> ma ke yõnkõ, má yãke dõro,  
ma gõnne lán nõbõsète bà.

<sup>23</sup> Baa kõn beeeo meègõ kúnyo,  
ñ ma kũna ma õplaaa.

<sup>24</sup> Neè dõme ae kõn n lédammanao,  
né yãa ñ ma sí ai n gakui guu.

<sup>25</sup> N baasiro, dén ma wée dõzi musuu?  
N baasiro póke nii e ma de anduna guuro.

<sup>26</sup> Baa tó ma mè kõn ma swèõ e yãaa,  
Ludan ma swè gbãa'ekii ũ,  
àmbe ma baka ũ gurõ píngi.

<sup>27</sup> Gbẽ kè aõ kèmmaanõ é mì de,  
né gbẽ kè aõ bõ n kpereõ kaate.

<sup>28</sup> Luda, ma sõnzina bé à kème nna,  
Dii Luda, ma n ke ma utekii ũ,  
mé n yãkenanõ tõkẽíne.

## 74

*Wiipena Ludazi à kpé kè wà wì yãnzì*

Asafa lè.

<sup>1</sup> Luda, bõyãnzìn n giwazi ai gurõ píngizi?

À kè dia n pētē e fēē n kpàsa sāanɔzi?

<sup>2</sup> Ñ tó gbē kè n ń sí zaa ziinɔ yā dɔngu,  
borii kè ń bò aɔ gò n pó ũunɔ  
kɔn Zayɔn kpīii kè ń kè n kúkii ũuo.

<sup>3</sup> N ibēenɔ n kúkii gbè wà dàe mámmam,  
n dɔdɔzi n gwa, à gbòro píngi

<sup>4</sup> N zangurinɔ zɔka dɔ guu kè weè danlɛn,  
aɔ ń zīnda tuutanɔ pèe gwe sèeda ũ.

<sup>5</sup> Wá è, aɔ kpása dɔ musu,  
aɔe kee lán wègɔ dàko kēē nà.

<sup>6</sup> Lí ana maaa kè wà nàna n kpé gù, a,  
aɔ gbè wà gbòro kɔn kpásao kɔn aadao.

<sup>7</sup> Aɔ té sò n kúkiia à kwè,  
aɔ tó kpé kè n tó kúa pì gbāsī lè.

<sup>8</sup> Aɔ bè ń nòsen: Wà ɔ tɔm̄ma mámmam.  
Aɔ té sò wa bùsu aduakekpēnɔa.

<sup>9</sup> N kpé sèedanɔ kuu dɔro,  
annabi ke kuu dɔro.  
Wégɔ kuu lɛ ai bɔrɛmɛ?  
Wa gbēkee dɔro.

<sup>10</sup> Luda, né tó n ibēenɔ gɔ n yáa dɔɔ ai bɔrɛmɛ?  
N zangurinɔ égɔ kya kaangu yāana sain yó?

<sup>11</sup> Bóyānzin n ɔ kpà n kùlazi?  
Ñ ɔ bɔe n utan ń ń dɛdɛ.

<sup>12</sup> Ludan ma kína ũ zaa káaku,  
àmbe è gbē mì sí anduna guu.

<sup>13</sup> Mbe n ísīaa zòkɔrɛ kɔn n gbāaa,  
n kùkuku mìnɔ wìwi í guu.

<sup>14</sup> N Igipitinɔ kàate gwe,  
n ń gèndɔ kpà gbáa nòbɔnɔa póblee ũ.

<sup>15</sup> N swaanɔ bò n zé wè bianɔne,  
n swaa kè à í babana vīroo zòkɔrɛ.

<sup>16</sup> Fāantē kɔn gwāavio kú n pó ũ,  
n mɔvura kɔn ɔfāntēo kúkii kèñne.

<sup>17</sup> Mbe n anduna gulezekinɔ kè píngi,  
n kwēe kɔn buusieo gurɔɔ dīe.

<sup>18</sup> N yá kè n ibēenɔ dɔ yāa dɔngu Dii,  
yɔnkɔnɔ kya kà n tón.

<sup>19</sup> Nton n pōtēe kpá nòbɔ pásīnɔaro,  
n gbē wēndadeenɔ yā tón sānguro.

<sup>20</sup> Ñ làakari dɔ n bà kuunawaoa,  
zaake wa bùsu gusaenɔɔ pásī píngi.

<sup>21</sup> Nton tó wa gwenawēndadeenɔ bɔru kpēe kɔn wíoro,  
n tó takaasideenɔ kɔn póniderinɔ n táaki lé.

<sup>22</sup> Luda, n fēe ń gí kɔn n zīndao,

ñ n yá kè yǎnkɔɔnɔ e dɔɔ zena sai ma dé!  
<sup>23</sup> Ñton zɔka kè n ibeɛnɔ e kaanzi kpá swákotoro,  
 n zangurino kǐi digõ dɔ yāana sai.

## 75

### *Ludan yākpækeri ũ*

Asafa lè.

<sup>1</sup> Wa sáabu kènne Luda, wa sáabu kènne.  
 Tó wà n yābɔnsaenɔ tǔkè, neègõ kú kǐi.

<sup>2</sup> Luda bè: Ma gurɔɔ diè  
 kè mé yākpæ ke a zéa.

<sup>3</sup> Tó anduna nìgã kǔn gbè kè aǎ kúnno ñ píngi,  
 máambe meè à wesagbanɔ kú gíngin.

<sup>4</sup> Meè o wadadeenɔne aǎton ña dāro,  
 meè o zaakerinɔne aǎton kùse biiro.

<sup>5</sup> Aton kùse bii ludambearo,  
 àton waa nɔnɔmaziro.

<sup>6</sup> Zaake gbāaa è bɔ ɔfāntēbɔe kpa ke a gēkpen kparo,  
 è bɔ gbáanlo,

<sup>7</sup> Ludan yākpækeri ũ,  
 àmbe è gbè doo lago à gbè doo kaara.

<sup>8</sup> Togoo kú Dii ɔzĩ, í gbāaa kán à pà,  
 èe seese à pɔfè ũ.

È kú anduna zaakerinɔne ñ píngi,  
 ben aǎ mi wà yāa láe kǔn à gbò.

<sup>9</sup> Mapi sǎ, mégõ yā pì oo gurɔ píngi,  
 mé Yakubu Luda táaki lé.

<sup>10</sup> Mé zaakerinɔ koba é'è,  
 gbè maaanɔ koba sǎ, mé sé musu.

## 76

### *Ludan zǐblena gbāaa ũ*

Asafa lè. Wè sí kǔn mɔɔɔnɔ.

<sup>1</sup> Wà Luda dǎ Yuda bǔsumme,  
 à tǔ bíta Isarailinɔ té.

<sup>2</sup> À bisakutaa kú Salemu,  
 à kúkii kú Zayɔn.

<sup>3</sup> Zaa gwen à kà wāaanɔ è'en  
 kǔn sengbangonɔ kǔn fēedaanɔ kǔn zǐkabɔnɔ.

<sup>4</sup> Neè guu pu neègõ té kee,  
 n bitakēe de kpíii kè aǎ kuu gurɔ pínginla.

<sup>5</sup> N kùgbāadeenɔ gbāaa sírma,  
 aǎ daena kǔn ga'iiio,  
 gõ gbāaa pìnɔ dokee e fǎ à a ɔɔ sèro.

<sup>6</sup> Yakubu Luda, n kpákēñzi,  
 ben sǎnɔ kǔn ñ sǎgoronɔ gǎ kaena.

<sup>7</sup> Mbe ñ naasi vĩ ndo,

tó n pò b̀ò n yĩzĩ,  
 dé bé eé f̄õ à zε n aεε?  
<sup>8</sup>Zaa musu n yãkpaε k̀è,  
 vĩa anduna kũ, à yĩte kítikiti,  
<sup>9</sup>zĩ k̀è Luda, n fεε ñ yã ḡõḡõ andunanε  
 le ñ gbãasaideenõ mì sí.

<sup>10</sup>N p̄of̄ena gbēnõzi è n tó b̀ò,  
 n p̄of̄ε kpaaa èḡõ d̀ò n pii.

<sup>11</sup>À lù sé Dii a Ludanε à à f̄ia bo.  
 Amõa k̀è á ligawaziinõ, à m̄ó  
 à Luda k̀è de wàḡõ à vĩa v̄i gba p̄ó.

<sup>12</sup>È kpatablerinõ kã busa,  
 è tó vĩa anduna ḱinanõ kũ.

## 77

### *Luda d̄onle beεkεna nawēa guu*

Asafa l̀è.

<sup>1</sup>Ma wii p̀è Ludazi ma à sisi,  
 ma wii p̀è Ludazi le à ma yã ma.

<sup>2</sup>K̀è má kú nawēa guu ma Dii kii ẁetε,  
 ma ò s̀è musu gwãavĩ kãmmabona sai,  
 ma làakari ẁè à kpáero.

<sup>3</sup>K̀è ma laasuu tà Luda kiia, ben ma á'á,  
 k̀è ma à yã wàari pà, ben ma suuna k̀è.

<sup>4</sup>N ma wéε t̀è iii,  
 ma ḡõ bídi guu ma kora yãzi mà o.

<sup>5</sup>Ma d̀ò yã ziinõn

k̄õn ẁè k̀è g̀ētεnõ.

<sup>6</sup>Ma laasuu l̀è ma sẁè guu gwãavĩ,  
 ma a zĩnda là mà wεtε mà d̀õ.

<sup>7</sup>Ma bè: Dii g̀iwazi mámmann yó?

À p̄õ é kεwa nna d̄roo?

<sup>8</sup>À gbēkεε yãa mámmann yó?

À yã éḡõ fεena gurõ píngin yó?

<sup>9</sup>Wa wēndagwana yã sà Ludann yó?

À p̄õ f̀èwazi, eé sósobi kεwao d̄roo?

<sup>10</sup>Ben ma bè: Yã k̀è òmaan yè.

Luda Musude ò b̀úsawe.

<sup>11</sup>Mé laasuu lé Dii yãb̄õnsaεnõ,  
 mé d̀ò yã k̀è à k̀è yãanõn.

<sup>12</sup>Mé n dabuyãkenanõ wàari pá píngi,  
 mé n yãbitakenanõ da ma sẁèn.

<sup>13</sup>Luda, n zé kú adona.

Dii kpare bíta bè à kà lán wa Luda bà?

<sup>14</sup>M̀be Luda yãb̄õnsaεk̄eri ũ,  
 n n gbãaa mò boriinõnε.

<sup>15</sup>N n gbēnõ mì sì k̄õn n gàsã gbãaaõ,



wamɔwa Yakubu kɔn Yusufu boriinɔ.

16 Kè ísia wée sínle Luda,  
kè ísia wée sínle, ben à kótɔ kpà,  
à dègedege ai a lòn.

17 Ludambɛɛ í kwèɛ,  
lapatana kīi gɔ dɔ musu,  
n kànɔɔ e fāa loupina ũ.

18 N pūtāna kīi dɔ zāga'īa guu,  
n loupina anduna pù pīngi,  
tɔɔtɛ kè gīri, à nīgānīgā.

19 N zé bɔ ísiaan,  
n gēkii kè í bítanɔ dagura,  
wèe n kèsegbɛ ero.

20 N dɔ n gbēnɔnɛ aɛ lán sã kpàsa bà  
Musa kɔn Arunao gāzī.

## 78

### *Lè kè Isarailinɔ yā wa gbao làakari*

Asafa lè.

1 Ma gbēnɔ, à ma yādannɛna ma,  
à swā kpá ma yāzi.

2 Mé yā oare kɔn yáasio,  
mé yā kè utena zaa zii bɔkɔtɛ keare,

3 yā kè wá mà bensɔ wá dɔ,  
yā kè wa denɔ tɔkèwee.

4 Wé yā pì ute wa nénɔnɛro,  
wé Dii táakilɛna da wa dionɔnɛ,  
à gbāaa kɔn yābɔnsaɛ kè à kènɔ.

5 À yā diɛ Yakubu boriinɔnɛ,  
à a doka dà Isarailinɔnɛ,  
à diɛ wa dezinɔnɛ kè aɔ tó n nénɔ gɔ dɔ,

6 Iɛ à gɔ n borii kè aɔ kpénɔnɛ fɛɛakaarayā ũ,  
aɔ gbasa wà fɛɛ wà dada n nénɔnɛ se,

7 Iɛ aɔ e wà Luda náanɛ kɛ,  
à yākenanɔ tón sãngu,  
mɔde aɔégɔ à yādienanɔ kūna.

8 Aɔgɔ dɛ lán n dezinɔ bàro,  
zaakɛ aɔ swāgbāaa kè aɔ gī Luda yāzi,  
aɔ swè kú Ludaaro, aɔ yāpuraa vīnɛro.

9 Eflaimu boriinɔ né kàzurinɔmɛ,  
ben aɔ bɔru kpɛɛ zī guu.

10 Aɔɔe ze kɔn Luda bà kuunañyo yāoro,  
aɔ gī té à dokazizi.

11 À yākenanɔ sãngu  
kɔn yābɔnsaɛ kè à òdɔańnenɔ.

12 À dabuyānɔ kè aɔ dezinɔ wáa  
Zoã wéte guu, Igipiti būsun.

13 À ísīaa zòkɔre à bikùńyo,

à tò í gò zena lán bǐi bà.

14 À dònne ae tɛluguu guu fáantɛ,  
gwǎavĩ sǒ kǒn tɛ gupuraaoo.

15 À gbèsi pàra gbáan,  
à í kpàrǐma bíta lán ísia'i bà.

16 À tò í bònne gbèn,  
à tò í bàa lè lán swadaa bà.

17 Ben aǒ kpé wèe durun keene,  
aǒ gí Luda Musude yǎ mazi gbáan.

18 Aǒ Luda yò wà gwà kǒn nòseplaaoo,  
aǒ ní poyezi póblee gbèkaa.

19 Aǒ Luda zaa bò wà bè:  
Luda é fǒ à wa gba póblee gbáan kèn yó?

20 Baa kè à gbè lè, í bò à dàgula,  
éé fǒ à póblee ke nòbo kpáwa doó?

21 Kè Dii yǎ pì mà, à pǒ fè,  
ben tɛ fèe à dà Yakubu boriinola,  
à pǒfè pìta Isarailinola.

22 Zaake aǒe Luda yǎ síro,  
aǒe à mìsina gbǎa náane kero.

23 Baa kǒn beeeo à yǎ diè bàtumanɛ,  
à musu zé wè,

24 ben à mana kwèéne aǒ blè,  
à póblee kè bò musu kpàrǐma.

25 Aǒ malaikanò póblee blè,  
à kǔsǎe kène, à gè ola.

26 À tò ía gbáaa bò ofántɛboe kpa,  
à pè soomete kpa íaa do kǒn a gbáaaoo,

27 ben à nòbo kwèéne pari lán lutè bà,  
bǎanò dàríla lán ísiale búsu'áatè bà.

28 À tò aǒ pìtapita ní bùran,  
aǒ gò káe ligana ní kpénzi.

29 Luda pò kè aǒe à ni deeno kpàrǐma,  
ben aǒ blè wà kǎ gínjin.

30 Le à ni kpé à bóngu,  
gurò kè póblee pì kpé da ní lén,

31 Luda pǒfè fèézi,  
à Isaraili gò gbáaanò dède,  
à ní gòkpareno lè à nè.

32 Baa kǒn beeeo aǒ kpé wèe durun kee,  
baa kǒn à yábonsaekenano, aǒe à náane kero.

33 Ben à ní wèndi kène pǎ lán lé'íà bà,  
à tò mónzi ní lé.

34 Tó à ní gbèkenò dède, ben aǒe à kii wete,  
aǒe eara wà ae doo kǒn wáaaoo.

35 Ben aǒ dòn sa kè Ludan ní gbèsi ũ,  
Luda Musudeme ní mìsiri ũ.

36 Gurò màa sa aǒe lé maa,

aõè εγεε tone,

37 aõ swè kúaro,

aõ à bà kuunańyo yā gbòro.

38 Àpi sõ ní wēnda gwà,

à ní durun kèńne, èe ní kaatero.

Ègõ a zīnda pɔfē kpaεε baabɔre,

è a pētēpitamma ɔzā gba.

39 À ní gbēnteekeε dõńma,

kè aõè gēte suna sai lán ĩa bà.

40 Aõ swāgbāaa kènε gbáan gèn ũgbangba!

Aõ à pɔɔ yāka sēte gwe à kè bíta.

41 Aõ Luda yò wà gwà, aõ Luda yò wà gwà,

aõ Isarailinɔ Luda kè kú adona pɔɔ fē.

42 À iko gbāaa sàńgu,

lán à ní sí ní ibεεnɔa nà,

43 lán à dabuyanɔ kè Igipiti nà,

bensɔ à yābɔnsaεnɔ kè Zoā busun.

44 À ní swa ínɔ lì aru ũ,

ben aõεe fɔ wà à í mì dɔro.

45 À ifiínɔ kàńgu, aõ ní soso,

kɔn kasonɔ dɔ, à mɔnzi kpàńzi.

46 À tò kwaanɔ ní bura pówεεnɔ blè,

à sutēnɔ kà ní burapɔnɔn.

47 À tò loughε ní geepi líkpenɔ kè dúgudugu,

zàga'ĭa ní kākā línɔ è'ε.

48 À ní pókādeenɔ kàate kɔn loughεo,

laa pēε ní kpàsanɔa.

49 À a pɔfē bíta bòbɔńzi,

à kèńyo ĩi kɔn pɔfēo kɔn pētēo,

à malaika kisiadeenɔ gbàεńma.

50 À a pɔfē zé wè, èe gí gaane dɔro,

à gagyāa kàńgu.

51 À Igipiti daudunɔ dède ní píngi,

Hamu bori négōgbē káakunɔ gàga.

52 Mɔde à bò kɔn a gbēnɔ lán sāanɔ bà,

à dònne ae gbáan lán sã kpàsanɔ bà.

53 À téńyo làakario kpáena vĭa sai,

aõ ibεεnɔ sɔ, ísĭaa dàńla.

54 À kàńyo a būsū lézi,

gusĩsĩdee kè à sí kɔn a gbāao pì.

55 À pèńne boriinɔa,

ben à ní būsū kpàateteńne ní pɔ ũ,

à ua kpàkpa Isaraili boriinɔa.

56 Ben aõ Luda yò wà gwà aõ gí à yā mazi,

aõ Luda Musude yādiεnanɔ kūnarɔ.

57 Aõ èara wà bò à kpεε lán ní denɔ bà,

aã náane vïro lán sá kotina bà.  
 58 Aã à pɔɔ fɛ̃ kɔ̃n n̄ sa'okiinɔɔ,  
 aã à n̄sɛgɔ̃aano fɛ̃ kɔ̃n n̄ tãano.  
 59 Kɛ̃ Ludaa d̄ɛ̃ lɛ̃, ben à pɔ fɛ̃,  
 à g̃i Isarailinɔ̃zi zaazaa.  
 60 À a bisakutaa tò zaa Silo gwe,  
 à bɛɛ kè à d̄ò gb̃ɛnteenɔ̃ té p̄i.  
 61 À tò aã wɛdɛrinɔ̃ mò wà a àkpati sè,  
 àmbe à gb̃aa kɔ̃n à gakuibɔ̃kiio ũ.  
 62 À tò wà a gb̃ɛnɔ̃ dèdɛ kɔ̃n fɛ̃ɛdaao,  
 à pɔ fɛ̃ borii kè n̄ sézi.  
 63 Aã g̃ɔ̃kparɛnɔ̃ té k̄ũ z̄i guu,  
 aã n̄ɔ̃kparɛnɔ̃ e e wà z̄akɛɛ s̄i d̄oro.  
 64 Wà n̄ sa'orinɔ̃ dèdɛ kɔ̃n fɛ̃ɛdaao,  
 aã gyaanɔ̃nɔ̃ e f̄ɔ̃ wà ɔ̃ d̄oro.  
 65 Ben Dii fɛ̃ sa lán i'ori bà,  
 lán g̃ɔ̃sa kè vù kɔ̃n wɛ̄'iiio bà.  
 66 À n̄ wɛdɛrinɔ̃ gb̃ɛ̃, aã b̄òru kpɛɛ,  
 à tò aã g̃ò kɔ̃n wíyão gurɔ̃ p̄ingi.  
 67 À g̃i ɛ̄flaimu boriinɔ̃zi,  
 èe Yusufu borii p̄i sé d̄oro.  
 68 Yuda boriin à sè sa  
 kɔ̃n Zayɔ̃n kp̄iii kè à yezio.  
 69 À a kúkii b̄ò musumusuu gwe,  
 eég̃ɔ̃ kuu gurɔ̃ p̄ingi lán anduna kaena bà.  
 70 Ben à a z̄òbleri Dauda sè,  
 à à b̄ò s̄ákpasan.  
 71 À à b̄ò s̄ádán, à d̄ò Isarailinɔ̃ne aɛ,  
 Luda gb̃ɛ̃ Yakubu boriinɔ̃ kíname.  
 72 Dauda n̄ kpá a kpɛɛ kɔ̃n n̄sɛo do,  
 à d̄ò́nɛ aɛ kɔ̃n a ɔ̃ aubarikadeeo.

## 79

### *Wɛ̄nda ɔ̃ɔ̃ɔ̃na Yerusalemu wina yã musu*

Asafa lè.  
 1 Luda, bori p̄andenɔ̃ s̄i n̄ b̄usun,  
 aã n̄ kpé kè à kú adona yàka,  
 aã Yerusalemu w̄iwi wà dàɛ.  
 2 Aã n̄ z̄òblerinɔ̃ gè kpà b̄aanɔ̃a,  
 aã n̄ yámarinɔ̃ mè tò n̄b̄ɔ̃ p̄ásinɔ̃ne p̄óblee ũ.  
 3 Wà n̄ aru kwèɛ lán í bà Yerusalemu b̄iikpɛɛ,  
 gb̃ɛke kuu à n̄ v̄iïro.  
 4 Wa g̃ɔ̃ s̄ɔ̃s̄ɔ̃na p̄ó ũ wa saɛdeenɔ̃ne,  
 fabona p̄ó ũ gb̃ɛ kè aão ligawazinɔ̃ne.  
 5 Dii, nég̃ɔ̃ pɔ fɛ̃ɛwazi ai b̄ɔ̄ɛmɛ?  
 N̄ p̄ɛt̄ɛ té ég̃ɔ̃ k̄ũ gurɔ̃ p̄ingin yó?  
 6 N̄ p̄ɔ̄f̄ɛ p̄ita borii kè aão n̄ d̄ɔ̄roonɔ̃a,  
 gb̃ɛ kè aãè n̄ s̄ísiroonɔ̃ b̄usunɔ̃a.

7 Zaake aɔ Yakubu boriino blè,  
aɔ ǹ bùsu dè.  
8 Ǹton wa deno durunno wí wa musuro.  
Ǹwènda dõwe kpakpaa,  
zaake wa busa wa gõ búgubugu.

9 Ǹ dõwale, Luda wa m̀siri.  
Ǹ wa mì sí lè n tó bõ,  
n wa durunno kèwe n tó yãnzì.  
10 Bõyãnzìn né tó bori pãndenõ wa la wà be:  
Wa Ludaa kú mãmeee?  
Ǹ tó bori pãndenõ gõ dõ wa wáa  
kè nèè n zòblerino dèdèna gèè boríma.  
11 Ǹ tó zìzõnõ ódõna gè n swãn,  
n gbè kè aõ kú ga lézì pìnõ bõ  
kõn n gãsã gbãaaõ.

12 Ǹ lalandi kè bori pãnde kè ligawazinõ kènnèè  
fíã boríma gèn swèeplaa, Dii.  
13 Wamõwa n gbènõ, n kpàsa sãanõ,  
wé gbasa wàgõ n sáabu kpaa gurõ píngi,  
wégõ n tó tókèéíne ai wa boriia.

## 80

### *Isarailinõ suna n gwena ziia aduakena*

Asafa lè.  
1 Ǹ swã kpá, Isarailinõ Dõn'aede,  
mmõn kè nèè Yusufu boriino dã lán sãa bà.  
Ǹ bõ n mó, mmõn kè n vèèna kerubunõ dagura,  
2 n dõ Eflaimu boriinõne ae  
kõn Beyãmi boriino kõn Manase boriino.  
Ǹ fèè kõn n gbãaaõ, n mó n wa mì sí!  
3 Luda, n tó wà èara wà su wa gwena ziin,  
n uu werewa, n wa mì sí.  
4 Dii Luda Zìkpède,  
né fèè n gí n gbènõ aduakena sízi ai bõrème?  
5 Ǹ wée'i dõnè n pómína ù,  
n n wée'i yõnè n à pó pà, aõò mì.  
6 Ǹ tó wa gõ fabona pó ù wa saèdeenõne,  
wa ibèenõ e wa lalandi kèè.  
7 Luda Zìkpède, n tó wà su wa gwena ziia,  
n uu werewa n wà mì sí.  
8 N geepi lí wùre Igipiti,  
n pè boriinõa, ben n lí pì pè aõ gbèn.  
9 N guu kèkène n kãsãa pèè,  
ben n tó tã à guu sì.

10 À ɔra dà kpíiinɔla,  
à gǎnɔ de sida lí bítanɔla.

11 À ɔ tà à kà ai ísia léa,  
à ɔnenɔ kà ai Yuflatizi.

12 Bóyānzin n à kara gbòrozi  
le gbē kè aɔɔe gētēenɔ gɔ ɔ maee à nézi?

13 Kyàkpanɔ è lé kázi wà bi,  
nòbɔsētēenɔ è mó wà à lá ble.

14 N yā nna! Luda Zìkpede, ò ɛara ò aɛ dɔwa!  
Zaa musu ò wée kpáe ò gwa!

Ò làakari dɔ geepi lí kèa,

15 borii kè ò pè n zīndaa,  
né kè ò sì n pó ũu pì.

16 Wà n geepi lí pì zò, wà té sɔa,  
n wée tēaa pìtīmma, ben aɔɔe kaatee.

17 Ò kúe gbē kè kú n ɔplaazia,  
gbēntee né kè ò sè n pó ũu pì,

18 wé kemma dɔro.

Ò wa kuuna kɛkɛ ò kewe, wé n sísi.

19 Dii Luda Zìkpede,  
ò tó wà su wa gwena ziia,  
ò uu werewa ò wa mì sí.

## 81

### *Isarailinɔ zībaa lè*

Ašafa lè.

1 À guda dɔ Luda wa gbāaaa,  
à pɔnna wii pé Yakubu boriinɔ Ludaa.

2 À lè dɔ à bata lé  
kɔn mɔrɔ'ɔ nnaao kɔn kuntigio.

3 À kuu pé mɔ dufu bɔnao,  
à pé tó mɔɔ ɔzi kè wa zībaagurɔ,

4 zaake à de doka ũ Isarailinɔnemɛ.  
yā kè Yakubu boriinɔ Ludaa dien gwe.

5 À yā pì dà Yusufu boriinɔne  
gurɔ kè à vī Igipiti būsula.  
Aɔ kòto kè wà dōroo mà à bè:

6 Ma asoo gò a gǎn,

ma a ɔɔ bɔe ɛɛbona zīin.

7 A wii pēmazi nawēakɛgurɔ, ben ma a bɔ,  
ma weala zaa louvīnan,  
ma a le ma a gwa zaa Meriba í kiia.

8 À swā kpá ma gbēnɔ, mé lé daawa,  
amɔa Isarailinɔ, tó é ma yā ma dé!

9 Àtongɔ bori zītɔnɔ tāa vī a téro,  
àton kúe dii pāndenɛro.

10 Mámbe Dii a Luda ũ,  
ma a bɔɛ Igipiti.  
À a lé wě, mé tó àgō kāna.

11 Mɔde Isarailinɔ̀ gì ma yā mazi,  
ma gbě pìnɔ̀ e mì siemero.  
12 Ben ma n̄ tó kōn n̄ swāgbāakεεo,  
aɔ̀ té n̄ zīnda pɔ̀yezizi.  
13 Tó wà be Isarailinɔ̀ é ma yā ma,  
tó ma gbēnɔ̀ té ma yāzi,  
14 Ie mé n̄ ibεεnɔ̀ s̄ɛ ḡɔ̀ḡɔ̀,  
mé ɔ̀ s̄ n̄ zangurinɔ̀zi.  
15 Ma zangurinɔ̀ é na n̄ sàsaa ma aε,  
aɔ̀ wéetāmmāna égō yāana vīro.  
16 Mé gbasa mà a gwa kōn pówεε maaao,  
mé εara mà gbè zó'i kpáawa à mójawa.

## 82

### *Yākpae kēna kōn gbāadeenɔ̀*

Asafa lè.  
1 Luda a v̄εena pari kakōana guu,  
èe yākpae kεε kōn Ludaɔ̀ à bè:  
2 Ai bɔ̀ren égō yākpae kεε a kpεεgānda  
à yā sí kōn zaakerinɔ̀?  
3 À yā nnaa kpá gbāasaideenɔ̀a kōn tonenɔ̀,  
à zε kōn takaasideenɔ̀  
kōn gbě kè wèe wéε tāammanɔ̀.  
4 À gbāasaideenɔ̀ kōn wēndadeenɔ̀ mì sí,  
à n̄ bɔ̀ zaakerinɔ̀ ɔ̀zī.  
5 Aɔ̀ yāke dōro, aɔ̀ à ke gbá zé dōro,  
aɔ̀ kú gusiaa guume,  
ben anduna nīgā ai a gīzī.  
6 Ma bè Ludaɔ̀n a ũ,  
Luda Musude n̄enɔ̀n a ũ a p̄ngi.  
7 Baa kōn beeeo é ga gbēntee gana ũme,  
é kpá guuzi lán gbāade kpaaanɔ̀ bàme.  
8 Luda, n̄ fεε n̄ yākpae kε kōn andunao,  
zaake bori p̄ngi né n̄ pómε.

## 83

### *Ibεεnɔ̀ kpāna Luda*

Asafa lè.  
1 Luda, n̄tongō yītenaro,  
n̄ lé tóngō nakōanaro,  
n̄ton zε sitiigiro, Luda.  
2 N̄ n̄ ibεεnɔ̀ gwa lán aɔ̀ f̄εε wà zè nà,  
n̄ zangurinɔ̀ e n̄ mì zuzu.  
3 Aɔ̀ɔ̀e ɔ̀ndɔ̀ kεε n̄ gbēnɔ̀zi,

aõe lé kpaakõsõ n gbẽ yenzideenõzi.

<sup>4</sup>Aõe bee: À mó wà ní borii bõ,  
le aõ tó Isaraili tóngõ dõ gbẽken dõro.

<sup>5</sup>Aõ lé kpàkõsõ, aõ yã kõsè,  
aõ ledole kè kõo wà fɛɛzi.

<sup>6</sup>Edõmunõ kõn Sumaila boriinõ  
kõn Mõabunõ kõn Agyara boriinõ

<sup>7</sup>kõn Gebalideenõ kõn Amõninõ  
kõn Amalekinõ kõn Filisitininõ kõn Tayadeenõ.

<sup>8</sup>Baa se Asirianõ nãmã dõ,  
le aõ ɔ da Lutu boriinõa.

<sup>9</sup>Ñ kɛ́nɛ lán n̄ kè Midiãnɔnɛ nà,  
lán n̄ kè Sisera kõn Yabõone nà Kisõzi.

<sup>10</sup>N n̄ kè dúgudugu Endõ,  
ben aõ gõ kaena tɔtɛ lán busa bà.

<sup>11</sup>Ñ kɛ́ n̄ wɛɛnɛnɔnɛ  
lán wà kè Orebu kõn Zeebuone nà.

Ñ kɛ́ n̄ kíɛnɔnɛ  
lán wà kè Zeba kõn Zalamunaone nà.

<sup>12</sup>Aõpinõ bé wà bè yã,  
wà Luda sãdãkii sé n̄ pó ũ.

<sup>13</sup>Ma Luda, ñ tó aõ gõ lán ãampuu sè bà  
lán ése ũkã kè ãa e séɛɛ bà.

<sup>14</sup>Lán dàko è té kũ nà,  
kesõ lán té è kpíinõ ble nà,

<sup>15</sup>ñ péɛ́n̄zi kõn n zàga'íao,  
ñ tó n ãa pãsí swè kɛ́ngu.

<sup>16</sup>Ñ tó wí gɛ́ n̄ wéɛn,  
le aõ n gbãaa dõ Dii.

<sup>17</sup>Wí égõ n̄ kũu gurõ píngi kõn bídio,  
aõé bõru kpɛɛ wà kaatɛ.

<sup>18</sup>Ñ tó aõgõ dõ kè n tón Dii,  
mbe Luda Musude ũ anduna guu píngi.

## 84

### *Luda ua begekɛna*

Kora boriinõ lè.

<sup>1</sup>N kúkii maa fá, Dii Zìkpɛde!

<sup>2</sup>Méɛ Dii ua bege kɛɛ ai guu e liima,  
ma nini kõn ma mèò e lugaa Luda Wèndidezi.

<sup>3</sup>Dii Zìkpɛde ma Kína ma Luda,  
baa sãtè sà dõ n gbãgbãkii saɛ,  
taakaso kpé bõ gwe à a nénõ kàn.

<sup>4</sup>Aubarikadeenõn gbẽ kè aõ kú n ua guunõ ũ,  
aõègõ n táaki lɛɛ gurõ píngi.

<sup>5</sup>Aubarikadeenõn gbẽ kè aõ gbãaan n ũunõ ũ,  
n ua gana yã kú n̄ swè guu.

<sup>6</sup>Tó aõe gɛtɛɛ Baka guzurela,



è gɔ́ lán guu kè ibòkiinɔ́ vīi bà,  
 pótɔ́gurɔ́ lou è tó aubarika dagula.  
 7 Aɔ́ gana guu aɔ́ gbāaa ègɔ́ kaaramɛ  
 ai aɔ́ gá káo n kiia Zayɔ́n.

8 Dii Luda Zìkpɛde, ò ma aduakɛna sí,  
 ò swā kpá ma yāzi, Yakubu Luda.  
 9 Luda, ò kína kè de wa sɛngbango ũu gwa,  
 ò wéɛ gɔ́ té kí kè ò kàzi.

10 Kuuna n ua gurɔ́ doo maamɛ  
 de kuuna gu pāndea gurɔ́ wāa sɔɔroola.  
 Ma Luda ua zédākparikɛɛ sɪ  
 de kuuna ua lɛdo kɔ́n zaakɛrinɔ́la.  
 11 Dii Ludaa deñne ɔ́fāntē kɔ́n sɛngbangoo ũ,  
 Dii è gbēkɛɛ kɛ́ñne kɔ́n bèɛo,  
 è gí pɔ́ maaa kpá taarisaideenɔ́ziro.  
 12 Dii Zìkpɛde,  
 aubarikadeen gbē kè èe n náane kɛɛ ũ.

## 85

### *Aafia wéekɛna Ludaa*

Kora boriinɔ́ lè.  
 1 N aubarika dà n bùsun, Dii,  
 n ɛara ò su kɔ́n Yakubu boriinɔ́ ò gwena ziin.  
 2 N n gbēnɔ́ taarinɔ́ gògo,  
 n ò durunnɔ́ kɛ́ñne píngi.  
 3 N n pɔ́ kpàkpa tò píngi,  
 n n pɔ́fē pásì tò.

4 Ò sòkpawao wa gwena ziin, Luda wa Mìsiri,  
 ò pētē kè ò kèwao lago.  
 5 N pɔɔ ègɔ́ fēnawazi gurɔ́ píngin yó?  
 Né gɔ́ n pɔ́fɛgurɔɔ gagaa wè kɔ́n wèon yó?  
 6 Né ɛara ò n gbēnɔ́ kuuna kɛkɛ ò kɛ́ñne dɔ́,  
 lɛ aɔ́ pɔɔ e à kemma nnaroo?  
 7 Dii, ò n gbēkɛɛ ɔ́dɔ́awe,  
 ò wa mì sí kɔ́n n gbāaa.

8 Ma swā dɔ́ Dii Luda yā'onazi,  
 zaake è aafia lé gbē a yāmarinɔ́ne,  
 tó aɔ́ɔe ɛara wà sòkpa ò yònkɔ́yānɔ́ziro.  
 9 À vīakerinɔ́ m̀sina gurɔɔ zāro,  
 lɛ à gakui e àgɔ́ kú wa bùsun yānzi.  
 10 Gbēkɛ kɔ́n náaneò è dakɔ́re,  
 yāzede kɔ́n aafiao è ɔ́ kpákɔ́a.  
 11 Náane è ɔ́ poro musu,  
 yāzedeè è ɔ́ nɔ́nɔ́ tɔ́tɛa.  
 12 Dii é à maaa kɛwe,  
 wa tɔ́tɛ é pɔ́blee kɛ.

13 Yázedee ègõ té à ae,  
è zé kekene.

## 86

### *Dɔnlɛ wéekena Luda*

Dauda lè.

1 Dii, ò swā kpá ma yāzi ò wemala,  
zaake takaaside wēndadeen ma ũ.

2 Ò ma wēndi dākpa,  
zaake má a zīnda kpàmma.

Ò mamoma n zòbleri mì sí,  
zaake mée n náane kee.

Mbe ma Luda ũ.

3 Ò sùu kemao, Dii,  
zaake mègõ n sisii kongo kòn uusieo.

4 Ò mamoma n zòbleri pɔɔ ke nna,  
zaake ma làakari tà n kiia, Dii.

5 Ò maa bensõ ò sùu vī, Dii,  
n gbēke bíta n s̀sirinone.

6 Dii, ò swā kpá ma wéekenazi,  
ò làakari dɔ ma wēnda wiia.

7 Mé n sísi ma nawēakegurɔɔ zī,  
zaake neè wemala.

8 Taa ke é sí lékõzinyoro, Dii,  
gbēkee è fõ à n kena kero.

9 Borii kè ò kènɔ é mó wà kúenne,  
aõ n tó bɔ ò píngi.

10 Zaake ò bíta bensõ neè dabuyãno ke,  
mbe Luda ũ ndo.

11 Ò n zé ɔɔame, Dii, mégõ táa oo n yāpuraa guu,  
ò ma laasuu keme do, le màgõ n vīa vī.

12 Mé n sáabu kpá kòn ǹsɛo do,  
Dii ma Luda, mégõ n tó bɔɔ gurɔ píngi.

13 Zaake gbēkee kè ò kèmee bíta,  
n ma wēndi b̀ gèwāa lòn.

14 Luda, karambaanideenɔ e fεεemazi,  
gbē pásĩnɔ e ma wee, aõè n yā daro.

15 Ò Dii, Luda sósobideen n ũ,  
ò sùu vī bensõ n pɔɔ è fē kpaaro,  
n gbēke kòn n náaneo bíta.

16 Ò ae dɔma ò ma wēnda gwa,  
ò n zòbleri gba gbāaa,  
ò mapi n z̀nɔkpare né mì sí.

17 Ò yāmaakena gbè ɔɔame  
le ma zangurinɔ e, wí ò kũ,  
zaake Dii, n dɔmale,  
n ma làakari kpàeme.

## 87

*Zayon né Luda wéteme*

Kora boriino lè.

<sup>1</sup> Luda a wéte kàe  
kpíi kè à kú adona musu,

<sup>2</sup> Dii ye Zayon bíilenzi  
de Yakubu boriino wéte kpaanola píngi.

<sup>3</sup> Luda wéte,  
Luda gakui yá ò n musu à bè:

<sup>4</sup> Mé Igipitino kón Babilonudeeno da  
gbè kè aṣo ma dṣono té.

Filisitininoo kú à guu do  
kón Tayadeeno kón Etioipiano.  
Weé be, wà gbè beeno ì gweme.

<sup>5</sup> Zayon yá musu weé be:  
Wà wāane kón wāaneo ì gweme,  
Luda Musude bé è à kāsāa péé gíngin.

<sup>6</sup> Tó Dii e gbēno tó daa takadan,  
eé be: Wà gbè kè ì gweme.

<sup>7</sup> Lèsirino kón ṣwārinoo n píngi aṣé be:  
Wa maake píngi è bo Zayommé.

## 88

*Kuuna gaa lézī aduakena*

Ezera bori Emani lè.

<sup>1</sup> Dii Luda ma Mísiri,  
mée wii peenzi fáantē kón gwāavio.

<sup>2</sup> N tó ma aduakena ká n kiia,  
n swā kpá ma wiipenazi.

<sup>3</sup> Zaake yá'ṣamma ma nòse pà,  
ma wèndi kú gaa lézī.

<sup>4</sup> Wà ma da gbè kè aṣo sii gèwāanno té,  
ma gṣ gbāasaidee ũ.

<sup>5</sup> Wà pā kpāmazi wà ma da gèno té  
lán gbè kè aṣo daena miran sṛṛṛono bà,  
lán gbè kè aṣo yá dṣngu dṛo  
aṣo bà kúnyo dṛroono bà.

<sup>6</sup> N ma zu wèe zán  
ai tṛṛte tú kokotēwee gusiaan.

<sup>7</sup> N pṛfē tōma,  
à ísṣo dāmala.

<sup>8</sup> N tó ma gbēno ma zīnna,  
n tó aṣo ye ma kāziro.  
Wà ma kagura kè, bokii kuuro,

<sup>9</sup> nawēa ma wée sisi.

Mée n sisii zaa kṛngoo ai uusia,  
ma ṣṣṣṣo dṣnzi.

<sup>10</sup> Gènon neè yābṣnsae kéhneó?

Gèwāadeenɔ bé wè fεε wà n sáabu kpáɔ?

<sup>11</sup> Wè n gbēkeε tōkē mira guun yó?

Wè n náanekεyā o gèwāann yó?

<sup>12</sup> Wà n dabuyānɔ dō gusiaa guun yó?

N maakεnanɔ dōna kú yāsāngukii guun yó?

<sup>13</sup> Dii, mée wii pεenzi,  
ma aduakεna kɔngɔ è ká n kiia.

<sup>14</sup> Bóyānzin née giimazizi, Dii?

À kè dia n mìkpeε zùmεε?

<sup>15</sup> Má kú gaa lézī wēndawēnda zaa ma gōkparεkεgurɔ,  
n yā pāsīnɔ tōma, ma gō sàii.

<sup>16</sup> N pɔfēnamazii dāmala,  
n vīapɔnɔ ma kaate.

<sup>17</sup> Aō dāmala lán í bà zaa kɔngɔ ai uusie,  
aō lìgamazi mámmam.

<sup>18</sup> N tó ma gbēnɔ kōn ma gbēnnanɔ ma zīnna,  
gusiaa bé à gō ma kpàasi ũ.

## 89

### *Luda légbēna Daudanε*

Ezεra bori Etani lè.

<sup>1</sup> Dii, mégō lè sii n gbēkeε yā musu yāana sai,  
mégō n náanekεyā kpàakpa keε wè kōn wèo.

<sup>2</sup> Mé o kè n gbēkeε yāana vīro,  
n náanekεε kāsāa pεena n be zaa musu.

<sup>3</sup> N bè: Ma bà kú kōn gbē kè má sèo,  
ma lé gbè ma zòbleri Daudanε.

<sup>4</sup> Né tó à borii gō kí blee gurɔ píngi,  
né à kpata gba gbāaa ai à borii.

<sup>5</sup> Musudeenɔ è n dabuyānɔ sáabu kpá, Dii,  
malaikanɔ è n náanekεyā o n kakōana guu.

<sup>6</sup> Zaake gbēkeε kú musu kè kà Dii ũro,  
malaika ke é sí lékōziro.

<sup>7</sup> Luda vīa è malaikanɔ kú n kakōanan,  
à naasi vī de gbē kè aō ligazinɔla.

<sup>8</sup> Dii Luda Zīkpede, dé bé à sēnkpenyo?  
N gbāaa vī kōn náanεo yā píngi guu.

<sup>9</sup> Nεè gbāaa mɔ ísiaanε,  
tó à sō fèε vīvīnao, nεè à gbāaa fō.

<sup>10</sup> N Igipitinɔ dúgu zō, aō gō gènɔ ũ,  
n n zangurinɔ fāakōa kōn n gāsā gbāaa.

<sup>11</sup> Musu né n pómε, tɔtε dɔ né n pómε,  
n anduna kàε kōn pó kè kú à guunɔ píngi.

<sup>12</sup> N gu'igbāro kōn sɔɔmetεo kè,  
Tabo kōn εmɔni gbènɔ è guda ke kōn n tó.

13 N gāsā né gbāaa pómé,  
n ɔ gbāaa bensɔ n ɔplaa dɔ musu.

14 Maake kɔn yāzedekeɛon n kpata kāsāa ũ,  
gbēke kɔn náaneo bé à dɔnne ae.

15 Aubarikadeenɔn gbē kè aɔɔ gudadɔmmaano ũ,  
kè aɔè táa o gupuraa kè kú n kuunzi, Dii.

16 Aɔègɔ pɔnnaa kee kɔn n tɔo gurɔ píngi,  
aɔè ía dā kɔn n maakeɛo.

17 Zaake aɔ gakui kɔn n gbāaaon n ũ,  
n zenawao é wa sé lezĩ.

18 Wa kína né Dii pómé,  
wa sengbango pí né Isarailino Luda pómé.

19 N yā ò n yāmarinɔne yā wéegupu'ena guu  
n bè: Ma dɔnle kè gɔ gbāaane,  
ma gɔkpare sè musu a gbēno té.

20 Ma a zòbleri Dauda è,  
ma a nɔsi kùa ma à dìe.

21 Mégɔ à kùna ma ɔzĩ,  
ma gāsā gbāaa égɔ kúo.

22 Ibɛe ke é fɔ à tángba síaro,  
gbē zaa ke é e à ɔ tɔaro.

23 Mé à wɛderino ú ló à ae,  
mé à zangurino ne.

24 Mé gbēkeɛ keɛne kɔn náaneo,  
weé à sé lezĩ kɔn ma tɔo.

25 Mé ísíaa nanɛ a ɔzĩ,  
eégɔ iko ví swaanɔa.

26 Eé ma sísi à be,  
má de a De ũ kɔn a Ludao,  
a gbèsi ũ kɔn a mìsirio.

27 Mé à ke ma daudu ũ,  
eégɔ de anduna kínano mĩdee ũ.

28 Mégɔ gbēkeɛ vío gurɔ píngi,  
ma bà kè kúo gborona víro.

29 Mé tó à borii gɔ kí blee gurɔ píngi,  
à kpata égɔ kuu lán ludambɛe égɔ kuu nà.

30 Tó à boriino pã kpà ma dokazi,  
bensɔ aɔɔe té ma yādiɛnanɔziro,

31 tó aɔ bò ma yā kpɛɛ,  
bensɔ aɔ ma yādannenano kúnaro,

32 mé gò tɔm̃ma n taarino yānzi,  
mé n ke búgubugu n zaakena musu.

33 Mɔde gbēkeɛ kè má vío é yāaro,  
mé fɔ mà náanesaiyā kero.

34 Mé ma bà kuunao yā gbororo,  
mé yā kè bò ma lén liero.

35 Má sì kɔn ma kuunao gènn do,  
mé egɛe to Daudanero, kè ma bè,

36 à borii éǵō kuu gurō píngi,  
à kpata éǵō kuu ma wáa lán ɔfántē bà.  
37 Lán mɔvura de sèeda náanedeē ũ musu nà,  
len à kpata éǵō kuu gurō píngi le.

38 Baa kōn beeeo n gi kína kè n kàzi,  
n ɔ gbàrezi n pɔ fēzi maamaa.

39 N n bà kuuna kōn n zòblerio yā gbòro,  
n kya kà à kífuran n pǎe tɔɔte.

40 N à wéte bīino gbòro,  
n à zeki gbāaano gbè n dàe.

41 Gbē kè aɔɔe gēe zélaano n baka bòn n píngi,  
à gò fabona pó ũ a bori daano.

42 N à wederino gǎ dò musu,  
n tò à ibeeno ponnaa kè.

43 N à fēda gbāaa è,  
née zεo zǐ guuro.

44 N à kíkεgo sia,  
n à kíkɔpata lé kùe.

45 N tò à zi kù a gbāaan,  
n wí dàa gumusu ũ.

46 Dii, néǵō utenawe ai bɔremε?  
N pɔfē té éǵō kuu gurō píngin yó?

47 N laasuu lé ma wèndi kusukεεa.  
N gbēntee kè pǎn yó?

48 Dé bé eéǵō kuu à gí gazii?  
Dé bé eé fɔ à a zīnda sí mira gbāaaa?

49 Dii, gbēkεε kè n vī yāa gāa máme?  
N yenzi kè n à lé gbè Daudanε kōn náanεo sō né?

50 N tó n zòbleri fabona yā dɔngu,  
boriino ma atafii kè wà ma nòse yàka.

51 N ibeeno kína kè n kà lalandi kè  
ai guu kè à kèse pèen, Dii.

52 Aubarikadeen Dii ũ ai gurō píngi!  
Aami! Aami!

## TAKADA SIIGODEE

*Saamu 90-106*

## 90

*Luda kōn gbēnteeo*

Luda gbē Musa aduakena.

1 Dii, wa utekiin n ũ wè kōn wèo.

2 Le n kpé n kpīino ke,  
le n kpé n tɔɔte kōn andunao káε,  
Ludan n ũ zaa káaku ai gurō píngi.

3 N diε kè gbēntee é sokpa tɔɔte,  
neè beñne aɔ εara bùsutin.

4 Wè wàa sɔɔroo denne lán gurɔ doo bà,  
à denne lán gĩa ke gwāavī zaka bà.

5 Nèè gbēntee sé kɔn ga'io,  
aɔɔ de lán sè yīi bà kɔngɔ.

6 È bɔe kɔngɔ à gbā,  
è yitoo kū à gaga uusie.

7 N pɔfē è wa kaate,  
n patamma è swè kēwagu.

8 Wa yā zaaanɔ kaena n ae,  
wa asiyyānɔ bɔ gupuraaa n kuu.

9 Wa gurɔɔ è gēte n pētē yānzi,  
wa wēndi è yāa kɔn m̀bnao.

10 Wa wè è ká baaagɔ akuri,  
tó wá gbāa sɔ, basiigɔ.  
Nawēa kɔn pɔsīaaon wè pìnɔ è móowe,  
aɔè gēte gɔɔgɔɔ, ben weè kpá guuzi.

11 Dé bé à n pɔfē gbāa lé dɔɔ?  
N pētē bíta kà vīa kè à de wà kennēe ũ.

12 N̄ dawē wàgɔ wa wēndi kusuke lé dɔ,  
le wà ɔndɔɔ e wa swè guu.

13 Dii, bɔren né n pɔfē kpáee?  
N̄ n zɔblerinɔ wēnda gwa.

14 N̄ tó n gbēkeee mówa lán guu e dɔɔ nà,  
le wàgɔ pɔnnaa kee kɔn gudakenao ai wa gurɔ lén.

15 N̄ wa pɔɔ ke nna ɔɔ kè n̄ tɔwa gurɔ lén,  
nawēa kè wá kè wè lén.

16 N̄ n yākenanɔ ɔɔɔa wamɔwa n zɔblerinɔne,  
n̄ tó wa néno n gbāaa gakui dɔ.

17 Dii wa Luda, n̄ tó wà n pɔnnaa e,  
n̄ tó wa zīi kaarana e,  
ee, n̄ tó wa zīi kaarana e.

## 91

### *Ludan wa dākpari ũ*

1 Gbē kè utena Luda Musude ɔzī  
égɔ kú Gbāapingide ɔrazi.

2 Eé be Diin a zeki gbāaa ũ,  
a Ludan a utekii ũ, á à náane vī.

3 Àmbe é n sí karia,  
eé n m̀i sí gagyāaa.

4 Eé n sɔɔ a pɔte, négɔ utena à ɔru,  
à náanekēe bé eé n dākpa lán sengbango bà.

5 Gwāavī kainɔ kɔn fāantē kà vīananɔ  
aɔ ke vīa é n kūro,

6 ke gagyāa kè ègɔ té gusiaan

ke gyāgēwete kè è n le fāantē gbāaa.  
<sup>7</sup>Baa tó gōn wàa sōoro e lēē n sae,  
 ke gōn boro kuri e gaa n oplaazi,  
 pōke é n lero.

<sup>8</sup>Né wée sé n gwa,  
 né e lán wè wée tā zaakerinōa nà.

<sup>9</sup>Tó n Luda Musude kè n utekii ũ,  
 tó n Dii kè n kúkii ũ,

<sup>10</sup>yā zaa ke é n lero,  
 mōnzi é gē n uaro.

<sup>11</sup>Zaake eé n yā o a malaikanōe,  
 le aō n dākpa guu kè nēe gaan pīngi.

<sup>12</sup>Aōé n sé n ōzī  
 le nton gēn sí gbèaro yānzi.

<sup>13</sup>Né kēse ze mūsua kōn kárēo,  
 né kēse pépēe gbèkaa kōn pitigooo.

<sup>14</sup>Dii bè: Zaake à nāmazi, mé à bo,  
 zaake à ma dō, mé o kúa.

<sup>15</sup>Eé ma sísi, mé weàla,  
 tó yā nākōrea, mégō kúo,  
 mé à mì sí mà à kpe da.

<sup>16</sup>Mé à pōo ke nna kōn wēndi gbàao,  
 mé tó à e lán mèè gbē mì sí nà.

## 92

### *Luda sáabukpana*

Kámmaboguro lè.

<sup>1</sup>À maa wà n sáabu kpá, Dii,  
 wà lè sí wà n tó bo, Luda Musude,

<sup>2</sup>wà n gbēkēē tōkē kōngō,  
 wà n náanēkeyā o gwāavī,

<sup>3</sup>wà n táaki lé kōn mōroo  
 kōn kuntigi ó nnaao.

<sup>4</sup>N yākenanō è ma pōo ke nna, Dii,  
 mèè guda dō n ōzīkenanōa.

<sup>5</sup>Dii, n yākenanō bíta maamaa,  
 n laasuunōo zā à kè bíta.

<sup>6</sup>Yōnkōo yā pì dōro,  
 misaidee é fō à dōro dōro.

<sup>7</sup>Baa tó gbē zaaanō fēe wà gbà lán sē bà  
 bensō zaakerinō kaarana è n pīngi,  
 aō ziaa né kaatēna yāanasaimē.

<sup>8</sup>Mmōn sō Dii,  
 nēgō kú musu guro pīngi.

<sup>9</sup>N gwa, n ibēenōo e yāaa,  
 zaakerinōo e fāakōa n pīngi.

<sup>10</sup>N ma gba gbāaa lán zūsēte bà,



n nósi maaa kù ma mà.

<sup>11</sup> Ma wéé sì ma wèterino leenalé,  
ma swā ma ibéé zaaano wiii mà do.

<sup>12</sup> Gbē maaano é gbā lán damina lino bà,  
aṣé ke bíta lán Lebanṣo sida lino bà.

<sup>13</sup> Aṣ pena Dii béé guu,  
aṣé gbā wa Luda ua.

<sup>14</sup> Baa kōn n zikúkéero aṣégō né iime,  
aṣ lá égō té kéé sí plèplé.

<sup>15</sup> Aṣé be, Dii maa,  
àmbe wa gbèsi ũ, zaa kee kú à guuro.

## 93

### *Dii Kí ũ*

<sup>1</sup> Dii bé èe kí blee,  
à bítakeé dana uta ũ.  
Dii bítakeé dana,  
à gbāaa dò a pii,  
à anduna kàe gíngin,  
eé degero.

<sup>2</sup> N kpata pēna zaa zizi,  
n kuu zaa káaku.

<sup>3</sup> Í bíta dàgula Dii,  
í bíta kīi do,  
í bíta e gāgā lé.

<sup>4</sup> Dii kú musu, à bíta,  
à bíta de í bíta kīila,  
à gbāaa de ísia sō vīvīnala.

<sup>5</sup> Dii, n yādienanoṣo gborona vīro,  
à kō sio n kpé gō kú adona ai guro píngi.

## 94

### *Ludanyākpaekeri ũ*

<sup>1</sup> Dii Luda gēeboṣmari,  
Luda gēeboṣmari, n bṣo gupuraaa!

<sup>2</sup> Anduna yākpaekeri, n fēé,  
n fīa bo wadadeenone n yākenaa.

<sup>3</sup> Gbē zaaano égō n zīnda sēé lezī ai bṣoeme?  
Ai bṣoeme, Dii?

<sup>4</sup> Zaakerino è wada yā o,  
aṣè yā bṣe aṣè ĩa dā n píngi.

<sup>5</sup> Dii, aṣè n gbēno dúgu zō,  
aṣè gbāaa mo gbē kè n n sēno.

<sup>6</sup> Aṣè gyaanoṣo kōn bṣamonoṣo dede,  
aṣè toneno kaate.

<sup>7</sup> Aṣè be Dii e n ero,  
Yakubu boriino Luda làakari kúmaro.

8 A yōnkōōnō, à làakari kē!  
 A mīsaideenō, é ōndō kū bōren yee?  
 9 Luda bé à swā dō, eé gí yā mazió?  
 À wéé kè, eé gí guu ezió?  
 10 È boriinō tòto kē, eé gí n swā gágazió?  
 È yā dañne, à dōna vīnloo?  
 11 Dii gbēntee laasuu dō,  
 kè yā pāame.

12 Aubarikadeen gbē kè neè tòto kē  
 n n doka dane ū, Dii.  
 13 Neè à gba kámmabona nawēakegurō,  
 ai wàgō wèe yō zaakerine.  
 14 Dii é pā kpá a gbēnōziro,  
 eé gbē kè à n sé a pó ūunō zīnaro.  
 15 Weé eara wà yākpae kē a zéa,  
 nòsepuradeenō é zeo.

16 Dé bé eé fēeme gbē zaaanōzi?  
 Dé bé eé zēmao zaakerinō yā musuu?  
 17 Tó èe kē Dii dōnle kēmenlo,  
 le má kú miran kítikiti kò.  
 18 Kè ma bè gu zāe e ma sēēē,  
 n ma kū n gbēkēe guu, Dii.  
 19 Kè laasuu ma swè pà,  
 n ma làakari kpāeme n ma pōō kè nna.  
 20 N bà égō kú kōn yālekpeegōgōrinō kpataoó?  
 Aō yādienanō è móñne kōn nawēao,  
 21 Aōè lé kpakōsō gbē maaazi,  
 aōè yā da taarisaideela wà à de.  
 22 Diin ma zeki gbāaa ū,  
 ma Ludan gbèsi kè mēè uten ū.  
 23 Eé n zaakena sōkpañma,  
 eé n borii bō aō taarinō yānzi.  
 Dii wa Luda é n borii bō.

## 95

### *Luda táakilena*

1 À mó wà pōnna lè sí Diine,  
 wà guda dō Gbèsi kè è wa mì sía.  
 2 Wà mó à ae wà à sáabu kpá,  
 wà lè sí wà à táaki lé.  
 3 Zaake Dii né Luda kè bítame.  
 Kí bítame, à de dii píngila.  
 4 Tōote zà gīzīgīzī kú à ozi,  
 kpīi mīsōntēnō né à pómē.  
 5 Ísia né à pómē, zaake à kè,  
 àmbe à tōote í kàsa kōn a oōo.

<sup>6</sup> À mó wà kúe wà dɔnzi ke  
wà dae Dii wa Kèri ae.  
<sup>7</sup> Zaake àmbe wa Luda ũ,  
à kpàsa gbɛnɔn wa ũ,  
à sãa kè èe n̄ dāanɔ ũ.

Tó a à kòto mà gbãa,  
<sup>8</sup> àton swāgbãaa ke  
lán a dezinɔ kè nà zaa Meribaro  
ke Masa gurɔɔ kè aɔɔ kú gbáan.  
<sup>9</sup> Baa kè aɔ ma yākenanɔ è,  
aɔ ma le wà ma gwa gwe.  
<sup>10</sup> Ben ma pɔ fè gbē pìnɔzi ai wè baplaa,  
ma bè gbē sāsānanɔn n̄ ũ,  
aɔɔ ma zénɔ dōro.  
<sup>11</sup> Ben ma la dà ma pɔfè guu ma bè,  
aɔé gē ma kámmabokiinlo.

## 96

### *Diin Kí bíta ũ*

<sup>1</sup> À lè dufu sí Diine,  
anduna gbē píngi, à lè sí Diine.  
<sup>2</sup> À lè sí Diine à à tó bɔ,  
àgɔ à m̄sina baaru kpaa lán guu e dɔɔ nà.  
<sup>3</sup> À à gakuikɛyā o boriinɔne,  
à à yābɔnsaenɔ tɔkē baade píngine.  
  
<sup>4</sup> Dii bíta, à kà wà à táaki lé,  
à kɔ sio wà vīa kene de tāanɔla n̄ píngi.  
<sup>5</sup> Boriinɔ tāanɔ né pɔ ginanɔme,  
mɔde Dii bé à musu kè.  
<sup>6</sup> Bítake kɔn bèeo kúa,  
gbãa kɔn gakuio kú à kúkiame.  
  
<sup>7</sup> À gakui kɔn gbãaaao d̄s Diine,  
bùsu píngi gbɛnɔ, à d̄s Diine.  
<sup>8</sup> À Dii tó gakui d̄sne,  
à mó kɔn gbãao à gēo à ua.  
<sup>9</sup> À dɔnzi ke Diine à kúadona maakɛen,  
tɔtɛdeenɔ, àgɔ lugaa à ae a píngi.  
<sup>10</sup> À o boriinɔne, Dii e kí blee.  
Anduna kaena gíngin, à nigāna vīro,  
eé yākpae ke kɔn baade píngio a zéa.  
<sup>11</sup> Musudeenɔ, à pɔnnaa ke,  
tɔtɛdeenɔ, à vī kɔn pɔnnaao,  
ísia kɔn pɔ kè kúnno, à kīi dɔ.  
<sup>12</sup> Sète kɔn pɔ kè kúnno, à pɔnna wii lé,  
lí kè kú dàko guunɔ, à guda ke a píngi.  
<sup>13</sup> Aɔé pɔnnaa ke Dii ae, zaake èe mɔɔ,  
èe mɔɔ yākpae ke kɔn andunao.  
Eé yākpae ke kɔn andunao a zéa,

à yā gōgō gbēnōne kōn yāpuraao.

## 97

### *Dii mōna*

<sup>1</sup> Dii bé èe kí blee!

Tōtēdeenō pōnnaa ke,

ísiabaadeenō gō kú pōnnaa guu.

<sup>2</sup> Ludambe sia kōn gusia níginigio ligazi,  
maake kōn yāzēdeenō à kpata kāsāa ũ.

<sup>3</sup> Té ègō kūu à ae,

è ibee kè aō ligazinō kpata.

<sup>4</sup> À loupina è tōte pu,

tó anduna è, è luga.

<sup>5</sup> Kpiinō è yó lán zōsa bà Dii ae,

anduna píngi Dii ae.

<sup>6</sup> Musudeenō è à maakee kpàakpa ke,

bori sānda píngi è à gakui e.

<sup>7</sup> Wí è tāagbāgbārinō kū n píngi,

gbē kè aōè ía dā kōn pō ginanō.

Tāanō é dōnzi kee n píngi.

<sup>8</sup> Zayōndeenō mà wà pōnnaa kè,

Yuda wētēdeenō kú pōnnaa guu

n yākpaekeenanō yānzi, Dii.

<sup>9</sup> Zaake n kú musu de anduna píngila,

Dii, n de tāanōla n píngi.

<sup>10</sup> Dii ye gbē kè aō zà yā zaaannōzi,

ègō a yāmarinō wēndi dākpa,

è n bō zaakerinō zī.

<sup>11</sup> Guu è dō gbē maaanōa,

nōsepuradeenō pōnnaa vī.

<sup>12</sup> Gbē maaanō, à pōnnaa ke Dii guu,

à à tó kè kú adona bō.

## 98

### *Dii mōna táakilena*

<sup>1</sup> À lè dufu sí Diine,

zaake à yābōnsaenō kè,

à zī blè kōn a opla kè kú adona gbāao.

<sup>2</sup> Dii tò wà a mīsina dō,

à a maakena òdōa boriinōne.

<sup>3</sup> Gbēke kōn náane kè à vī kōn Isarailinō dōn,

andunalezekideenō wa Luda mīsina è n píngi.

<sup>4</sup> Anduna píngi, à pōnna wii pé Diine,

à gudakena kakōn.

<sup>5</sup> À mōrolena ó dō Diine,

à mōrō léne kōn lèsinao

<sup>6</sup> kɔ̃n kākākipenaɔ kɔ̃n kuru'ɔɔ.  
À pɔ̃nna wii pé Dii wa Kínane.

<sup>7</sup> Ísia kɔ̃n pɔ́ kè kúnno kīi ke,  
anduna kɔ̃n gbē kè aɔ̃ kúnno ń píngi.

<sup>8</sup> Swaanɔ̃ ɔpa lé Dii ae,  
kpíiinɔ̃ guda ke ledole,

<sup>9</sup> zaake èe mɔ̃ yākpae ke tɔ̃tɛme.  
Eé yākpae ke kɔ̃n andunao a zéa,  
eé yā gōgō gbēnɔ̃ne kɔ̃n yāpuraao.

## 99

### *Luda kè kú adona*

<sup>1</sup> Dii e kí blee, boriinɔ̃ luga,  
à v̄ēna kerubunɔ̃ dagura,  
anduna nigã.

<sup>2</sup> Dii bíta Zayɔ̃n,  
à de bori píngila.

<sup>3</sup> Aɔ̃ à tó bíta naasidee bɔ̃,  
à kú adona.

<sup>4</sup> Kína pì gbāaa vī, à ye yāzedezi,  
àmbe à yākpaekena a zéa d̄ie,  
à yā gōgō Yakubu boriinɔ̃ne a zéa.

<sup>5</sup> À Dii wa Luda tó sé lezī,  
à kúe à tinti ae,  
à kú adona.

<sup>6</sup> Musa kɔ̃n Arunao kú à gbàgbārinɔ̃ té,  
Samuelin à s̄isirinɔ̃ doke ũ,  
aɔ̃ à s̄isi, ben à wēńla.

<sup>7</sup> Zaa téluguu guun à yā òńne,  
aɔ̃ à doka kɔ̃n à yādannenano kūna.

<sup>8</sup> Dii wa Luda, n weńla,  
ńbe Luda kè è ń taari kēńne ũ,  
baa kɔ̃n beeeo ń ń yā zaaanɔ̃ w̄ínne ń musu.

<sup>9</sup> À Dii wa Luda tó sé lezī,  
à d̄onzi keke à kpíii kè kú adona musu,  
zaake Dii wa Ludaa kú adona.

## 100

### *Dii sáabukena*

Sáabukena lè.

<sup>1</sup> Anduna píngi, à pɔ̃nna wii pé Diizi.

<sup>2</sup> À d̄onzi ke Diine kɔ̃n pɔ̃nnaao,  
à mó à kiia kɔ̃n gudakenao.

<sup>3</sup> À d̄s kè Diin Luda ũ,  
àmbe à wa ke, wá de à pɔ́ ũ,  
wá de à gbēnɔ̃ ũ, à kpàsa s̄āanɔ̃ ũ.

<sup>4</sup>À gē à ualen kōn sáabukenaο,  
 à gē à ua kōn à táakilenaο,  
 à sáabu kene à à tó sé lezī.  
<sup>5</sup>Zaake Dii maa, à gbēkēē yāana vīro,  
 ègō náane vī gurō píngi.

## 101

### *Kína légbēna Ludane*

Dauda lè.  
<sup>1</sup>Mé lè da n gbēkē kōn yāzedeo musu,  
 mé lè sínne, Dii.  
<sup>2</sup>Mé làakari ke màgō kuu taari sai,  
 bōren né mómazii?  
 Mégō kú ma ua kōn nòsepuraao,  
<sup>3</sup>Ma wéē ègō kú pò ginaaro,  
 mé za yādōrōsaikenan, eé namaro.  
<sup>4</sup>Ma nòse ègō mōnafiki vīro,  
 ma bà ègō kú kōn yā zaaaoro.  
<sup>5</sup>Mé gbē kè è a gbēdaaa yaka à kpēē kaate,  
 mé sùu fō kōn wadadeenō kōn ñadārinōoro.  
<sup>6</sup>Ma wéē ègō kú ma bùsu náanedeeno,  
 le aōgō kúmao,  
 gbē kè ègō kú taari sai ègō de ma zīkeri ũ.  
<sup>7</sup>Mé we gbēsāsāri gō kú ma bero,  
 mé tó mōnafikidee ze ma aero.  
<sup>8</sup>Mégō ma bùsu gbē zaaano kaate lán guu e dōo nà,  
 mégō zaakerino borii bōo Dii wéte guu.

## 102

### *Gbāasaidee aduakēna*

Wēndade gbāasaidee kè èe a yā'ōammanō bōēē Diine aduakēna.  
<sup>1</sup>Dii, ñ ma aduakēna ma,  
 ñ tó ma wiii n kii le.  
<sup>2</sup>Nton wéē gá ñ zume ma nawēakēgurōro,  
 ñ swā kpámazi,  
 tó ma n sisi, ñ wemala kpakpaa,  
<sup>3</sup>Zaake ma gurōo e gēteē lán tésukpe bà,  
 ma mè e puusu bōo lán téyō bà.  
<sup>4</sup>Ma nòse yàka, ma gō lán sè kori bà,  
 ma sã póblyān.  
<sup>5</sup>Ma mbona gbāngbān bé à tò  
 ma gō wákabaran ũ.  
<sup>6</sup>Ma gō lán gbáa tiongoo bà,  
 lán bezī koroo bà.  
<sup>7</sup>Ii è gē ma wéenlo,  
 ma gō lán bāa kè zō kpé musu adoo bà.  
<sup>8</sup>Ma ibeenō ègō ma sōsōo gurō píngi,  
 ma faborino è gbē ká kōn ma tóo.  
<sup>9</sup>Túbun mèè ble póblee ũ,  
 ma wéē'i è ká ma íminan  
<sup>10</sup>n pofē kōn n pētēo yānzi,

zaake n ma se n ma zinna.

<sup>11</sup> Ma gurɔɔ e gɛtɛɛ lán ɔra bà,  
ben mée gagaa lán sè bà.

<sup>12</sup> Mpi sɔ Dii,  
nɛɛgɔ kú kpatan gurɔ píngi,  
n tó é garo ai wa boriia.

<sup>13</sup> Né fɛɛ n Zayɔn wɛnda gwa, zaake gurɔɔ kà,  
gurɔɔ kè n diɛ kà, kè né à pɔnnaa wɛtɛ.

<sup>14</sup> À gbɛnɔ kè n zɔblerinɔnɛ maa,  
à gborona bùsu è kɛ́nɛ wɛnda.

<sup>15</sup> Bori píngi é vĩa kɛnnɛ, Dii,  
anduna kɛnanɔ é n kíkɛɛ dɔ́ n píngi.

<sup>16</sup> Zaake Dii é Zayɔn keke à bo dɔ,  
eé bɔ à mómma kɔ́n gakuio.

<sup>17</sup> Eé takaasideenɔ aduakɛna sí,  
eé n wéekɛna kpá swākotoro.

<sup>18</sup> À tó yā kè gɔ kɛna kpɛɛdeenɔ yānzi  
lɛ gbɛ kè aɔ kpénɔ Dii táaki lé.

<sup>19</sup> Dii tɔɔtɛ gwà zaa a kúkiia,  
zaa musu à wée kpàɛ gízí,

<sup>20</sup> lɛ à gbɛnɔ zɔblena wii ma  
à n bɔ gaa lézí yānzi,

<sup>21</sup> Weé Dii tó bɔ Zayɔn,  
weé à táaki lé Yerusalemu.

<sup>22</sup> zī kè gbɛnɔ é kɔ́ kakɔ́a gwe,  
kɔ́n kpatablerinɔ wà dɔnzi kɛnɛ.

<sup>23</sup> À ma gbāaa bùsa zégbān,  
à ma wɛndi kè kusu,

<sup>24</sup> ben ma bè: Ma Luda,  
nton ma wɛndi bɔ gugbānlo,  
mmɔn kè n kuu ai wa boriia.

<sup>25</sup> N anduna kāsāa pɛɛ zaa káaku,  
musu né n ɔzīime.

<sup>26</sup> Aɔ píngi é gɛtɛ, mɔde négɔ kuu,  
aɔ́é zi kú lán pókāsāa bà,  
né n liɛ lán uta bà n n zinna.

<sup>27</sup> Mpi sɔ n kuuna ɛgɔ dɔ́nkɔ́,  
n gurɔɔ yāana vīro.

<sup>28</sup> N zɔblerinɔ nɛnɔ ɛgɔ kuu aafia,  
aɔ boriinɔ é kāsāa pɛɛ n kuu.

## 103

### *Luda gbɛkɛɛ*

Dauda lè.

<sup>1</sup> Ma swɛ́, n Dii sáabu kpá,  
ma baabɔ píngi, n à tó kè kú adona bɔ.

<sup>2</sup> Ma swɛ́, n Dii sáabu kpá,  
nton sã à yāmaakɛna kenlo.

<sup>3</sup> È ma taarinɔ kēmε píngi,  
 è ma kēkōa kōn ma gyāanɔ píngi.  
<sup>4</sup> È ma wèndi bɔ gèwāan,  
 è à nnaa dialεmε a gbēkε kōn a wēndao guu.  
<sup>5</sup> È tó pɔ maaa kè má yezinɔ mɔma,  
 le ma gɔkparekεε e àgɔ dufu lán kúu pɔ bà.

<sup>6</sup> Dii è yā kε a zéa,  
 è tó yā bɔ kōn gwenawēndadeenɔ nna.  
<sup>7</sup> À tò Musa a pɔyeziyā dɔ,  
 à a yābɔnsaenɔ òdɔa Isarailinɔε.  
<sup>8</sup> Dii sùu vī kōn wēndaaɔ,  
 à pɔɔ è fē kpaaro,  
 à gbēkε bíta maamaa.  
<sup>9</sup> Eé n taari e gèn baaagɔro,  
 eé pɔfē da a nòsen gurɔ píngiro.  
<sup>10</sup> È yā kεwe lán wa durunnɔɔ de nàro,  
 è fīa bowe lán wa zāzāanɔɔ de nàro.  
<sup>11</sup> Lán ludambε lezī kà nà kōn tɔtεo,  
 len à gbēkεε bíta le kōn à vīakerinɔ.  
<sup>12</sup> Lán ɔfāntēbɔε kpa a zā kōn a gēkpen kpaao nà,  
 len è wa taarinɔ kēwa le.  
<sup>13</sup> Lán de è wēnda dɔ a nénɔne nà,  
 len Dii è a vīakerinɔ wēnda gwa le,  
<sup>14</sup> Zaake à dɔ pɔ kè à wa kεo,  
 à dòn kè bùsun wa ũ.  
<sup>15</sup> Gbēntee wèndi kusu lán sè bà,  
 ègɔ gakui vī gurɔ plaa lán lāvɔ bà.  
<sup>16</sup> Tó ãa pàa, è gēte,  
 guu kè à kún pì è dɔ à yān dɔro.  
<sup>17</sup> Dii ègɔ gbēkεε vī kōn a vīakerinɔ  
 zaa káaku ai gurɔ píngi,  
 è à maaa kε n nénɔne kōn n dionɔ,  
<sup>18</sup> gbē kè zè kōn à bà kuunańyo yāo  
 bensɔ aɔ yā kè à dienɔ kūnanɔ.

<sup>19</sup> Dii a kpata diε musu,  
 à gbāaa vī gbē píngia.  
<sup>20</sup> À Dii sáabu kpá, amɔa à malaikanɔ,  
 a gbāadee kè eè à yā ma à zīi kεanɔ.  
<sup>21</sup> À Dii sáabu kpá, a ludambε zīkpenɔ a píngi,  
 à zīkeri kè eè à pɔyeziyā kεenɔ.  
<sup>22</sup> À Dii sáabu kpá, amɔa à pókεnanɔ a píngi  
 guu kè èe kí bleennɔ baama píngi.

Ma swè, n Dii sáabu kpá.

## 104

### *Dii Pópingikeri táakilena*

<sup>1</sup> Ma swè, n Dii sáabu kpá.



Dii ma Luda, ń bíta maamaa,  
 ń gakui dana pókásāa ũ, èe té kee,  
 2 n gupuraa kùnla lán bisa bà,  
 n musu kpàe lán pè bà,  
 3 n beε bò ínola musu.  
 N ludambe luguu kè n sōgoro ũ,  
 neè di Ìa ɔɔa.  
 4 Neè Ìa ke n zīrinɔ ũ,  
 neè tévura ke n zīkerinɔ ũ.

5 N anduna kàe, n à kāsāa pèe,  
 à nigāna vī zikiro.  
 6 N ísīaa dāne uta gumusu ũ,  
 í pì dà kpīiinɔla.  
 7 N kpākē í pìzi, ben à bàa lè,  
 n pataa, ben à nàguzi.  
 8 Kpīiinɔ bò gupuraa, guzurenɔ s̄e,  
 ben í tà guu kè n dīenen.  
 9 N lézekii dà í pìnɛ, eé f̄s̄ à vīàlaro,  
 eé ɛara à da tɔtela ziki d̄oro.

10 Neè tó íb̄akiinɔ í pisi swa'ɔnenɔn,  
 ben à í èḡɔ bàa lɛɛ kpīiinɔ dagura.  
 11 S̄ete p̄ó p̄ingi èḡɔ à í mii,  
 à í è saginɔ í nii k̄ēm̄ma.  
 12 Bāanɔ è sà d̄o swaanɔ sae,  
 ās̄èḡɔ kú à d̄ako guu, ās̄ wiii èḡɔ d̄o.  
 13 Zaa n be musu neè lou gbarɛ kpīiinɔa,  
 n zī gbè è anduna kā.  
 14 Neè tó s̄è b̄ɔe pókādeenɔne,  
 neè tó burapɔnɔ b̄ɔe gb̄ēnteenɔne,  
 neè p̄óblee b̄ɔe n̄ne tɔtɛa,  
 15 geepiw̄e kè è n̄ p̄ɔɔ ke nnaa  
 k̄ɔn n̄osi kè è n̄ uu té keeɔ  
 k̄ɔn blɛɛ kè è n̄ gba gb̄āaa.  
 16 Dii línɔ è m̄ɔd̄o e maamaa,  
 sida lí kè à bà Lɛbanɔnɔ.  
 17 Gwen bāanɔ è sà d̄ɔd̄ɔn,  
 zùbaaninɔ è beε d̄o pini lí musu.  
 18 Kpīi lezīnɔɔ de kpasaanɔ kúkii ũ,  
 gb̄èkotoonɔ de gb̄è'ɛenɔ utekii ũ.

19 N m̄ɔvura kè gurɔ t̄aasikebɔ ũ  
 k̄ɔn ɔf̄ānt̄e kè à a ḡēna kp̄én gurɔ d̄ɔɔo.  
 20 Neè tó guu si, ben gw̄āavī è ke,  
 l̄ákpɛpɔnɔ è f̄eε t̄áo p̄ingi.  
 21 M̄usunɔ è n̄ad̄ena ɔɔ d̄o,  
 ās̄è p̄óblee wetɛ Ludaa.  
 22 Tó ɔf̄ānt̄e b̄òe, ās̄è l̄ɔɔɛ  
 ās̄ tá dae n̄ t̄on.  
 23 Gb̄ēntee è b̄ɔ à gá zī ke,  
 èḡɔ yā ma a zīndaa ai uusie.

24 Dii, n yākenanoo pari fá!

À píngi bò n òndòo guume,  
anduna pana kòn pò kè ñ kènò.

25 Ísia kuu, à bíta bensò à yàasa,  
pò bēe kè kú à guuno lé vīro,  
à néngo kòn à bítao píngi.

26 Góro'itenò ègò táa oon  
kòn kúkukuu kè ñ kè à kōkō o à guuo.

27 Pò pìnò è wée donzi ñ píngi  
le ñ pòblee kpámma a gurōoa.

28 Nēè kpámma, aōè sée,  
nēè o poroñne, ben pò maaano è mómma.

29 Tó n mìkpee zùrne, aōè bídi keme,  
tó n wèndi sìmma, aōè ga wà εara wà tá bùsutin.

30 Tó n n Ninii gbàre, pónò è wèndi e,  
nēè tó tōte εara à ke dufu.

31 Wà tó Dii gakui gō kuu gurō píngi,  
wà tó Dii pōo ke nna a yākenanōa.

32 Àmbe è tōte gwa, ben è dege,  
è o ke kpíiinōa, ben tésukpe è bō.

33 Mé lè sí Diine ai ma wèndi lén,  
mé ma Luda táaki lé ai ma gurō lén.

34 Ñ tó ma laasuu kánne, Dii,  
lán méε pōnnaa kenyo nà.

35 Durunkerinò mì de anduna guu,  
zaakerinò tóngō kuu dōro.

Ma swè, ñ Dii sáabu kpá.  
Aleluya!

## 105

### *Luda a gbēno mīsina*

1 À Dii sáabu ke à à tó kpá,  
à tó boriinò à yākenanò dō.

2 À lè sí à à táaki lé,  
à à yābonsaekenanò tōkē píngi.

3 À ĩa dá kòn Dii tó kè kú adonao,  
a Dii kiweterinò à pōnnaa ke,

4 À Dii kii wete à gbāaa wée kea,  
àgō à uu weteε yāana sai.

5 À tó yābonsae kè à kènò dōagu,  
à dabuyākenanò kòn à yākpaekenanò,

6 a Dii zòbleri Ibraī boriinò,  
a Yakubu borii kè à a seeno.

7 Àmbe Dii wa Luda ũ,

à yākpaekena kú anduna guu píngi.

<sup>8</sup> À bà kuunawao yā è sán zikiro,  
yā kè à diè égō kuu ai wa boriia.

<sup>9</sup> À bà kú kōn Ibraĩo,  
à ɛara à sì kōn a kuunao Isaakunɛ dɔ.

<sup>10</sup> À yā pì pàpa Yakubunɛ dokayā ũ,  
ben à kú kōn Isarailinɔ ai gurɔ píngi.

<sup>11</sup> À bè é Kanaa bùsu kpámma,  
eégō de ní baka ũ kè aōgō vī.

<sup>12</sup> Gurɔ beeea aōo pari, wè ní yā daro,  
aōo kú Kanaa bùsun bàmɔnɔ ũmɛ.

<sup>13</sup> Aōégō likōaa zōo bori kōn boriionɔ té,  
aōégō lili oo bùsu kōn bùsuo.

<sup>14</sup> Èe we wà gbāaa m̀̀nnero,  
à kpàkè kínanɔzi aō yā musu à bè,

<sup>15</sup> aōton ɔ na gbē kè a ní sɛnɔaro,  
aōton wéɛ tã a annabinɔaro.

<sup>16</sup> Ben à tò nɔaa gè bùsu pìn,  
à tò aō kūsāɛ yāa píngi.

<sup>17</sup> Ben à Yusufu gbàre à d̀̀nne ní aɛ,  
wà à yà zò ũ.

<sup>18</sup> Wà m̀̀kyakoo kà à gbáa,  
wà m̀̀ dà à waale

<sup>19</sup> ai yā kè à gīake à ò gaa à pàpao,  
ben yā kè Dii dāne tò yā b̀̀o nna.

<sup>20</sup> Kè kína gbē zì, ben wà à gbàre,  
bùsu gbēnsi pì à b̀̀ bàn.

<sup>21</sup> À à diè a bùsu d̀̀n'aɛdee ũ,  
à tò à iko vī a auzikinɔa píngi.

<sup>22</sup> Yusufu à kínɛnɔ tòto a poyezia,  
à ɔndɔo dàda à ibanɔne.

<sup>23</sup> Ben Yakubu sù Igipiti,  
Isarailinɔo kuu nibɔnɔ ũ Hamu boriinɔ bùsun.

<sup>24</sup> Dii tò a gbēnɔ k̀̀ gwe maamaa,  
à tò aō pari k̀̀ de ní ibɛɛnɔla.

<sup>25</sup> À ní ibɛɛ pìnɔ swā gbàgbāńne,  
ben aō zà à gbēnɔn, aō ɔndɔo kè à z̀̀blerinɔzi.

<sup>26</sup> À a z̀̀bleri Musa z̀̀m̀ma  
kōn Aruna kè à à s̀̀o.

<sup>27</sup> Aō dabudabuyānɔ kè Igipitinɔne,  
aō yābɔnsaɛnɔ kè Hamu boriinɔ bùsun.

<sup>28</sup> À gusiaa gbàreńma, guu s̀̀ ní bùsun,  
kè aō g̀̀ à yā mazi yāanzi.

<sup>29</sup> À ní ínɔ lì aru ũ,  
ben ní kp̀̀nɔ g̀̀aga.

<sup>30</sup> Kasoonɔ dà ní bùsula  
kōn ní gbāadeenɔ daekiinɔ píngi.

31 À yā ò, ben ifiino dàńla,  
gāino sì n̄ té ai aō b̄usu lén p̄ingi.  
32 À lough̄e kw̄eēn̄e lou ḡēē ũ,  
lapatana dà n̄ b̄usula p̄ingi.  
33 À n̄ geepi lino è'ε k̄ōn n̄ kākāpura lino,  
à n̄ b̄usu lino k̄e d̄ugudugu.  
34 À yā ò, ben kwaano k̄āngu,  
sutēno k̄a aō lé v̄iro.  
35 Aō n̄ b̄usu s̄ē k̄ōn lāo bl̄e w̄a n̄e,  
aō n̄ burap̄ono bl̄e p̄ingi.  
36 À n̄ b̄usu dauduno d̄ede n̄ p̄ingi,  
n̄ né daudu k̄e aō ì n̄ òwazikegur̄ono.

37 À b̄ò k̄ōn Isarailino,  
aō kondogi k̄ōn vuraō s̄ena,  
aō bori gb̄ēke e ḡēn sí z̄enlo.  
38 K̄e aō b̄òe, Igitino p̄oo k̄e nna,  
k̄e v̄ia n̄ k̄ū Isarailino yā musu.  
39 À t̄eluguu dà a gb̄ēn̄la,  
à k̄e té ũ gw̄āav̄i à guu p̄ūn̄e.  
40 Aō w̄éē k̄ea, ben à m̄òn̄e k̄ōn b̄uruno,  
à musu p̄óblee kp̄àmma, aō m̄òmma.  
41 À gb̄esi p̄ara, ben í b̄òn,  
í bàa l̄e gb̄aan gwe lán swa i bà.  
42 Zaake à d̄ò lé k̄e à gb̄è  
a z̄òbleri Ibraīne yān.  
43 À b̄ò k̄ōn a gb̄ēno, aōe p̄onnaa k̄ee,  
gb̄ē k̄e à n̄ s̄en̄o e guda k̄ee.  
44 À boriino b̄usu kp̄àmma,  
aō z̄īi k̄e dan̄o k̄e àre bl̄e,  
45 Ie aō e w̄aḡō à yādienano k̄ūna,  
aō à dokayāno da.  
Aleluya!

## 106

### *Isarailino n̄ durunno ona Ludane*

1 Aleluya!  
À Dii s̄áabu ke, zaake à maa,  
à gb̄ēk̄ee yāana v̄iro.  
2 Dé bé eé f̄ō à Dii yābitakenano oo?  
Dé bé eé f̄ō à à táaki lé p̄ingii?  
3 Aubarikadeen̄on gb̄ē k̄e aōē yā ke a z̄éano ũ,  
k̄e aōē yā maaa ke gur̄o p̄ingi.  
4 Tó n̄éē à nnaa k̄ee n̄ gb̄ēnoe,  
n̄ tó ma yā ḡō d̄ongu, Dii,  
tó n̄éē n̄ m̄i sii, n̄ ma w̄éē gwa,  
5 Ie ma baka e àḡō k̄ú n̄ gb̄ēno nmanan,  
m̄a p̄onnaa ke k̄ōn borii k̄e n̄ n̄ s̄en̄o,

le mé n táaki lé n gbě pìno té.

<sup>6</sup> Wa durun kè lán wa dezinò bà,  
wa taari kè wa yā zaaa kè.

<sup>7</sup> Kè wa dezinò kú Igipiti,  
aṣṣe Dii dabuyākenanò yā daro,  
gběkeyā parii kè à kènnenò sǎngu,  
ben aṣ swāgbāaa kè Isia Tēaa sae.

<sup>8</sup> Baa kōn beeeo à ní mì sì a tó yānzi,  
le à à gbāa bíta ɔɔa.

<sup>9</sup> À kpàkē Isia Tēaazi, ben gukori bò,  
à gěnyo à wēen, aṣ bikù lán wà be gbáan bà.

<sup>10</sup> À ní bó ní ibeenò ɔɔĩ,  
à ní sí ní zangurinò gbāaaa.

<sup>11</sup> Í dà ní wēderinòla,  
baa aṣ gbě mèn do èe boro.

<sup>12</sup> Ben aṣ à yā kè à ò sì,  
aṣ à táaki lè.

<sup>13</sup> Mɔde à yākenanò sǎngu gɔɔ,  
ben aṣṣe ze le à lé dammaro.

<sup>14</sup> Aṣ pòble pānde ni dè gbāan,  
ben aṣ Dii yǎ wà gwà sète gwe.

<sup>15</sup> À pò kè aṣ wéε kèa kpàríma,  
ben à mè'ibabagyāa zǎríma.

<sup>16</sup> Aṣ nòsegṣaanò kpà kōn Musao búràn  
kōn Aruna kè kú adona Diineo.

<sup>17</sup> Tɔɔte pàra à Datani mò,  
à sikkōre Abiramua kōn a gbēno.

<sup>18</sup> Té fēε aṣ ìbanò té,  
ténenε gbě zaaanò blè.

<sup>19</sup> Aṣ mò pì zaa Orɛbu lán zùswaree bà,  
aṣ dɔnzi kè ní tǎa kè aṣò pìnε.

<sup>20</sup> Aṣ Luda Gakuide lendee kpà  
kōn zù sēsori takao.

<sup>21</sup> Aṣ sǎ Luda ní mìsiri yān,  
kè à yā bítanò kèínε zaa Igipiti,

<sup>22</sup> kè à dabuyānò kè Hamu boriinò bùsun,  
kè à naasiyānò kè Isia Tēaazi.

<sup>23</sup> Beee yānzin à bè é a gbēno kaate,  
ben Musa kè à à sè kpànε,  
à tò à pɔɔ kpàε, èe gàa à ní kaatero.

<sup>24</sup> Aṣ kya kà bùsu nidee mòn,  
aṣ gì Dii yā náanε kezi.

<sup>25</sup> Aṣ yābuu tà ní bisakutaanò guu,  
aṣṣe do Dii yāziro.

<sup>26</sup> Ben à ɔ dò à la dàínε à bè,

é tó aã gaga gbáan,  
 27 é tó aã boriinɔ gaga boriinɔ té,  
 é ní fāakōa būsuno guu.

28 Aã dò Peo tãazi,  
 aã pò kè wà saa òo pógɛnɔa blè.

29 Aã yākenanɔ Dii pɔɔ fɛ̀,  
 ben gagyāa sīngu.

30 Finɛasi fɛ̀ ɛ̀ à yā pì mī zò,  
 ben gyāa pì zè.

31 Ben Dii tò yā b̀o nna,  
 à bà kúo ai à boriia.

32 Aã Dii pɔɔ fɛ̀ Mɛriba í kiia,  
 ben yā b̀ Musao zaa aã yānzi.

33 Zaake aã à ǹsɛ yàka,  
 ben à yā ò laasuulɛna sai.

34 Aã ɛ̀ b̀su pì deenɔ kaate  
 lán Dii diɛ́nɛ ǹro.

35 Aã yākɔ́tɛ kɔ́n borii p̀nɔ,  
 aã ní fɛɛakaara zékpɛ sè.

36 Aã d̀ ní tãanɔzi,  
 ben yā pì g̀́nɛ takutɛ ɔ́.

37 Aã ní négɔ́gbɛ́nɔ kè sa'opɔ ɔ́,  
 aã saa ò tãanɔa kɔ́n ní nénɔ́gbɛ́nɔ.

38 Aã taarisaideenɔ k̀to kpàkpa,  
 aã négɔ́gbɛ́nɔ kɔ́n ní nénɔ́gbɛ́ p̀nɔ.

Aã saa ò́nyo Kanaa b̀su tãanɔa,  
 ben aã b̀su pì gbāsī kè.

39 Aã gbāsī lè ní yākenanɔ yānzi,  
 aã g̀ náanɛsaideenɔ ɔ́ ní yākenanɔa.

40 Ben Dii pɔ́fɛ̀ fɛɛ́nzi,  
 à ye gbɛ̀ kè à ní sɛ́nɔ kãzi d̀ro.

41 À ní ná boriinɔnɛ ní ɔ́zī,  
 ben aã zangurinɔ kí blè ní musu.

42 Aã ibɛɛnɔ gbāaa m̀́nɛ,  
 aã ɔ́ t̀́ma.

43 Ègɔ́ ní bɔɔ g̀ɛn baaagɔ́,  
 m̀de aã zè kɔ́n ní swāgbāakenao,  
 ben aã s̀ɛ ní durun yānzi.

44 Baa kɔ́n beeeo tó à ní wiii mà,  
 è ní nawɛakɛna yā da.

45 Aã yānzi è d̀ a bà kuunańyo yān,  
 è a ǹsɛ lie a gbɛ̀kɛ bíta yānzi.

46 À tò gbɛ̀ kè aã ní k̀k̀ z̀z̀ ɔ́unɔ  
 ní wɛ́nda gwà.

47 Dii wa Luda, ò wa mì sí!  
 Ñ wa bɔɛ boriino té ñ wa kakɔa,  
 le wà n tɔ kè kú adona bɔ  
 wà ìa dā kɔn n táakilenao.

48 Aubarikade Dii, Isarailino Luda  
 zaa káaku ai guro píngi!  
 Gbē píngi be aami!  
 Aleluya!

## TAKADA SƆRODEE

*Saamu 107-150*

### 107

#### *Dii sáabukena*

1 À Dii sáabu ke, zaake à maa,  
 à gbēkɛɛ yāana vīro.

2 Gbē kè Dii ñ bóno o le,  
 gbē kè à ñ bó ñ ibeɛno ɔZino.

3 Gbē kè à ñ bó būsuo kɔn būsuo à ñ kakɔa  
 bɔna ɔfāntēbɔɛ kpa kɔn a gēkpen kpaao  
 kɔn gu'igbāroo kpaao kɔn sɔɔmetɛ kpaao.

4 Aɔ gbēkeno likɔaa zò gbáan,  
 aɔɔe wéte kè weé gá vɛɛn zé dōro.

5 Nɔaa ñ dé, ímii ñ dé,  
 aɔ wèndi suuna kè.

6 Ben aɔ wii pè Diizi ñ nawēakenan,  
 ben à ñ bó ñ wétamma guu.

7 À ñ dá zé súusun  
 ai aɔ kà wéte kè aɔé vɛɛn.

8 Wà Dii sáabu ke à gbēke yānzi  
 kɔn yābɔnsaɛ kè è ke gbēnɔno.

9 Zaake è ímiderino koto yī kūhne,  
 è pó maaa kpá nɔaderinɔa aɔ kã.

10 Aɔ gbēkeno kú ga gusisin,  
 aɔɔe nawēa kɛɛ yina kɔn mòkyakoo.

11 Zaake aɔ gi Luda yā mazi,  
 aɔ kya kà Luda Musude lédamman.

12 À tò wà ñ busa kɔn zī gbāao,  
 aɔ gɛn si wà lèɛ, donlɛri kuuro.

13 Ben aɔ wii pè Diizi ñ nawēakena guu,  
 ben à ñ bó ñ wétamma guu.

14 À ñ bó ga gusisin,  
 à ñ mòkyakoono gà à kèkè.

15 Wà Dii sáabu ke à gbēke yānzi  
 kɔn yābɔnsaɛ kè è ke gbēnɔno.

16 Zaake è bīle gbà kè wà pì kɔn mògotɛo gboro,  
 è m̀si gbāngano é'ɛ.

17 Aɔ gbēkeno likɔa ñ swāgbāa yānzi,

aõ wéetãmma è ñ taarinõ yãnze.

18 Póblee nii bò ñ pɔɔn,

aõ kà gana.

19 Ben aõ wii pè Diizi ñ nawëakenan,  
ben à ñ bó ñ wéetãmma guu.

20 À a yã zímma, ben aõ kèkõa,  
à ñ bó gaa lézĩ.

21 Wà Dii sáabu ke a gbêke yãnze  
kõn yãbõnsae kè è ke gbẽnõneo.

22 Wà kennakõo saa oa,  
wà à yãkenanõ tõkè kõn gudakenao.

23 Aõ gbêkenõ dà ísiaala góro guu,  
aõe laa taa í bíta pìla.

24 Aõ Dii yãkenanõ è,  
kõn yãbõnsae kè è ke í dagulanõo.

25 À yã ò, ben zàga'ĩa gbãaa kàka,  
ísiãa sõ fëe musumusu.

26 Aõe fëe musu, wèe suu gĩzĩ,  
aõ kú kari lézĩ, ben swè kèngu.

27 Gó nìgãnigãnyo,  
aõ tàtaataa bò lán wèderi bà,  
íte'õndõ píngi yàámma.

28 Ben aõ wii lè Diizi ñ nawëakenan,  
ben à ñ bó ñ wéetãmma guu.

29 À ã gbãaa zè, à gò ã fëe ù,  
à ísõ kpàe, ben í zè kítikiti.

30 Kè guu yì, aõ pɔɔ kè nna,  
ben à gàányo íkpare kè aõ yezi.

31 Wà Dii sáabu ke à gbêke yãnze  
kõn yãbõnsae kè è ke gbẽnõneo.

32 Wà à tó bõ pari kakõana guu,  
wà à táaki lé dõn'aedeeno kakõanan.

33 À swa ídeeno liè gbáa ù,  
à tò íbõkiinõ gò gukori ù.

34 À tɔɔte aubarikadee li gu wìsidee ù  
gbê kè aõ vëeno yãzaakena yãnze.

35 À gbáa li sèbe ù,  
à tò gukori gò íbõkiinõ ù.

36 À nɔaderinõ kàe gwe,  
ben aõ wéte kàe wà vëen.

37 Aõ burapõnõ tò, aõ geepi línõ bà,  
ben à né ínne maamaa.

38 À aubarika dàngu, aõ pari kù maamaa,  
èe tó aõ pókãdeeno làgoro.

39 Ben à ñ lago dõ, aõ bùsa  
gbãamõnnena kõn mónzio kõn põsiaa yãnze.



40 À wí dà wēenenɔa,  
à tò aõ likōaa zò gukori zésaidee guu.  
41 Mɔde à wēndadeenɔ bò takaasikēen à n̄ sé lezĩ,  
à tò aõ ua kò lán kpàsapɔnɔ bà.  
42 Tó gbē maaanɔ è, aṣè pɔnnaa ke,  
gbē zaaanɔ s̄ è n̄ lé nakōa.  
43 Ɔndōdee làakari dɔ yā pìnɔa,  
à Dii gbēkēe gwa lán à de nà.

## 108

### *Luda bé è tó wà zì ble*

Dauda lè.

1 Ma làakari kpaena, Luda,  
mé lè sí mà n táaki lé kōn n̄s̄eɔ do.  
2 Ma mɔɔ kōn ma kuntigio kú máa?  
Mé gudɔ pá m̄io.  
3 Dii, mé n sáabu kpá boriinɔ té,  
mé n táaki lé gbēnɔn̄e.  
4 Zaake n gbēkēe bíta kà n kiia,  
n náan̄e ludambe luguu lè.  
5 Luda, wà n tó sé lezĩ ai musumusu,  
n̄ tó n gakui da andunala píngi.  
6 N̄ wewala n̄ wa mì sí kōn n gāsā gbāaaɔ,  
le wamɔwa n gbē yenzideenɔ e wà bɔ.  
7 Luda yā ò zaa a kúkiià à bè:  
Mé Sekemu kpaatete kōn z̄iblena wiiiɔ,  
mé gba da kōn Suko guzureɔ.  
8 Giliada b̄usu né ma p̄óm̄e,  
Manase boriinɔ b̄usu né ma p̄óm̄e,  
Eflaimu boriinɔ b̄usu né ma m̄ɔfurame,  
Yudanɔ b̄usu né ma gòm̄e.  
9 Mɔabunɔ b̄usu né ma ɔpipibɔm̄e,  
m̄eè ma kyatee káe Ed̄munɔ b̄usun,  
m̄eè z̄iblewiii dɔ Filisitininɔ b̄usua.  
10 Dé bé eé gēmao w̄éte b̄iidee guuu?  
Dé bé eé d̄óm̄e ae ai Ed̄munɔ b̄usun?  
11 Luda, à de m̄be n ɔ gb̄arewazi,  
n̄eè bɔ kōn wa z̄ikp̄eenɔ d̄ɔroo?  
12 N̄ ɔ dawa wa ib̄eenɔ yānzi,  
zaake gb̄entee d̄onle né yā p̄āame.  
13 Wé z̄i ble kōn Luda gbāaaɔ,  
àmbe eé k̄iti pá wa ib̄eenɔa.

## 109

### *Sa zaaa ona ib̄eene*

Dauda lè.

1 Luda, m̄be m̄eè n táaki lé,  
n̄tongō ȳitenaro.

<sup>2</sup> Zaake gbē zaa bɔnkpɛɛdeenɔ è ma yaka,  
ašè lé bɔ wà egeyā dima.

<sup>3</sup> Ašè ligamazi kɔn zangu yāo,  
ašè swèe kemao póke wíwinnena sai.

<sup>4</sup> Ašè yenzi sɔkpame kɔn yādimmanao,  
baa kè mèè adua keíne.

<sup>5</sup> Ašè à maaa fīa bome kɔn à zaaao,  
yenzi sɔ, kɔn zanguo.

<sup>6</sup> N̄ Setān swi kea,  
n̄ à kpakɔzi kɔn Ibilisio.

<sup>7</sup> N̄ tó yākpae à ble,  
n̄ tó à aduakena kene taari ũ.

<sup>8</sup> À wēndi gɔ kusu,  
gbē pānde gɔ à gēe ũ.

<sup>9</sup> À n̄nɔ gɔ de sai,  
à naɔ gɔ gyaanɔ ũ.

<sup>10</sup> À n̄nɔ gɔ likɔazɔrinɔ ũ wàgɔ baa kee,  
wàgɔ n̄ kpakɛe n̄ be zīnɔ guu.

<sup>11</sup> À fīadee à pónɔ nakɔa píngi,  
gbē zítɔnɔ à zī àre ble.

<sup>12</sup> Gbēke tón gbēke kekenero,  
wàton à né kè à tònɔ wēnda boro.

<sup>13</sup> À boriinɔ kaate,  
aš tó tóngɔ kú borii kè ašé fɛenɔ téro.

<sup>14</sup> À dezinɔ zaakena yā gɔ dɔ Diin,  
n̄ton tó à da durun kēa zikiro.

<sup>15</sup> Aš durun gɔ dɔn Diin,  
aš yā sā gbēnɔn anduna guu.

<sup>16</sup> Zaake èe dɔn à gbēke ke gbēkenero,  
è wée tā takaasideenɔa kɔn wēndadeenɔ  
kɔn pɔsiadeenɔ ai gēwāan.

<sup>17</sup> À ye sa zaa onnenazi,  
n̄ tó à wí à musu.

Sa maa onnena è kánero,  
n̄ tó aubarika keo zā.

<sup>18</sup> À lékennena dà lán uta bà,  
à à mè yàku lán í bà,

à gē à wánɔn lán n̄osi bà.

<sup>19</sup> Kana pì gɔ daàla lán uta bà,  
àgɔ dɔ à pii lán asaa bà.

<sup>20</sup> Dii fīa bo ma yādimmarinɔne le  
kɔn gbē kè ašè yā zaaa o ma musunɔo.

<sup>21</sup> Dii Gbāapingide,  
n̄ ma wēnda gwa n̄ tó yānzi,  
n̄ ma bɔ n̄ maake kɔn n̄ gbēkeeo yānzi.

<sup>22</sup> Zaake takaaside wēndadeen ma ũ,  
ma pɔɔ yàka búgubugu.

<sup>23</sup> Mée gēte lán uusie ɔra bà,

má de lán kwaa kè ãa e sɛɛ bà.

<sup>24</sup> Léyina tò ma gbá è sí sé dɔro,  
ma yáya ma gɔ wòzɔgɔ.

<sup>25</sup> Ma gɔ yáadɔzipɔ ũ ma yádimmarinɔne,  
aɔè ma gwa wà mì gbáke.

<sup>26</sup> N̄ dɔmale, Dii ma Luda,  
n̄ ma mì sí n gbêke yãzi,

<sup>27</sup> Ie aɔ dɔ kè n ɔɔ bé à kè,  
ríbe Dii, n kename.

<sup>28</sup> Baa tó aɔ ma ka, né aubarika damagu,  
tó aɔ fɛemazi, wí é n̄ kũ,  
mapi n zòbleri mé pɔnnaa ke.

<sup>29</sup> Tó zaaa gɔ ma yádimmarinɔne uta ũ,  
aɔ wí da n̄ zĩndaa lán gumusu bà.

<sup>30</sup> Mé Dii sáabu kpá kɔn kòto gbāaa,  
mé à táaki lé pari kakɔana guu.

<sup>31</sup> Zaa ke è ze kɔn wɛndadeenɔ,  
è n̄ sí gbê kè aɔè yá vɛɛrmanɔa.

## 110

### *Mesaya kíkeɛ*

Dauda lè.

<sup>1</sup> Dii bè ma diine à vɛɛ a ɔplaazi  
ai àgɔ à ibeenɔ kene à tinti ũ.

<sup>2</sup> Dii é tó n iko dagula,  
né kí ble n ibeenɔa zaa Zayɔn.

<sup>3</sup> N gbɛnɔ é n̄ zĩnda kpámma zikaguro  
kpii kè kú adona musu,  
n gɔkparenɔ é mó n kiia lán gudɔnao kpíikpana bà.

<sup>4</sup> Dii la dà, eé lé sɔkparo à bè:  
Négɔ de sa'ori ũ ai guro píngi  
Mɛlekizɛdɛki zékpaɛa.

<sup>5</sup> Dii kú n ɔplaazi,  
eé kɔnanɔ dúgu zɔ a pɔfɛguro.

<sup>6</sup> Eé yákpae ke kɔn boriinɔ,  
aɔ gɛnɔ égɔ kpá,  
eé anduna píngi kɔnanɔ dúgu zɔ.

<sup>7</sup> Eé í mi swaazi zé léa,  
beee yãzin à mì égɔ dana ílazi.

## 111

### *Dii tɔbɔna*

<sup>1</sup> Aleluya!

Mé Dii sáabu kpá kɔn n̄sɛo do  
gbê maaanɔ kakɔana guu.

<sup>2</sup> Dii yákenanɔ bíta,  
gbê kè à yá kèrɛne nnaanɔ è wetɛ wà dɔ.

<sup>3</sup> À yákenanɔ̀ b̀èè vī kōn gakuio,  
 à yāmaakena yāana vīro.  
<sup>4</sup> Dii tò wà dɔ̀ a yābɔ̀nsaekenanɔ̀n,  
 à sùu vī kōn wēndaaɔ̀.  
<sup>5</sup> È póblee kpá a vīakerinɔ̀a,  
 ègɔ̀ dɔ̀ a bà kuunańyo yān.  
<sup>6</sup> À a yákenanɔ̀ gbáaa òdɔ̀a a gbēnɔ̀nɛ,  
 à bori pāndenɔ̀ b̀usunɔ̀ sì à kpàńma.  
<sup>7</sup> À yákenanɔ̀ náanɛ vī bensɔ̀ à zé vī,  
 à yādannenanɔ̀ yāpuraa vī píngi.  
<sup>8</sup> Yá pìnɔ̀ kāsáa pɛena gurɔ̀ píngi,  
 è yā ke a zéa kōn náanɛo.  
<sup>9</sup> À m̀siri z̀ì à a gbēnɔ̀ b̀ò,  
 à bà kúńyo gurɔ̀ píngi.  
 À tó kú adona, à naasi vī.  
<sup>10</sup> Vīakena Diinen òndɔ̀ m̀i ũ,  
 gbē kè aɔ̀ à vīa vīinɔ̀n asānsideenɔ̀ ũ.  
 À táakilena ègɔ̀ yāana vīro.

## 112

### *Gbē kè Dii vīa vīi*

<sup>1</sup> Aleluya!  
 Aubarikadeen gbē kè Dii vīa vīi ũ,  
 bensɔ̀ Dii yādienanɔ̀ è káanɛ maamaa.  
<sup>2</sup> À nénɔ̀ ègɔ̀ gbāadeenɔ̀ ũ ǹ b̀usun,  
 ǹsɛpuradee boriinɔ̀ ègɔ̀ de aubarikadeenɔ̀ ũ.  
<sup>3</sup> Ɔ̀ kōn auzikio di à be,  
 à yāmaakena yāana vīro.  
<sup>4</sup> Baa gusiaan guu è pu gbē maaanɛ,  
 ǹsɛpuradee kè sùu kōn wēndaaɔ̀ vīi.  
<sup>5</sup> Gbē kè è ɔ̀ poro, kè è pó s̀kǎńne,  
 bensɔ̀ è yā ke a zéa, yā è b̀oo nna.  
<sup>6</sup> Póke é gbē maaa lá ble zikiro,  
 à yā ègɔ̀ dɔ̀ńgu gurɔ̀ píngi.  
<sup>7</sup> Baaru zaaa è à vīa kũro,  
 à làakari ègɔ̀ kpaena, ègɔ̀ Dii náanɛ vī.  
<sup>8</sup> À kù è vīro, vīa è à kũro  
 ai à gá à ỳgɔ̀ ke a ibɛenɔ̀a.  
<sup>9</sup> È gba da takaasideenɔ̀nɛ maamaa,  
 à yāmaakena yāana vīro,  
 à gbáaa ègɔ̀ kaara kōn b̀èeo.  
<sup>10</sup> Gbē zaaa è à e à pɔ̀ f̀è,  
 è swaa kakũn à naguzi,  
 gbē zaaa pɔ̀yezina è ke pǎ.

## 113

*Dii táakilena*

<sup>1</sup> Aleluya!

Dii zòblerino, à à táaki lé,  
à Dii tó bo!

<sup>2</sup> Wà Dii sáabu kpá  
zaa tia ai gurɔ píngi.

<sup>3</sup> Wà Dii tó bo  
zaa ɔfántɛboε kpa ai à gɛkpen kpaao.

<sup>4</sup> Dii bíta de bori píngila,  
à gakui da musula.

<sup>5</sup> Dé bé à kà Dii wa Luda ũu?  
À vēena kpatan zaa musu,

<sup>6</sup> è wée zu gĩĩ  
à musu kɔn tɔtɛo gwa.

<sup>7</sup> È gbāasaideeno bo bùsu té à n fεε,  
è wëndadeeno bo tubura à n sé lezĩ.

<sup>8</sup> È n da kinenɔ té,  
borii kè à sè kinenɔ.

<sup>9</sup> È páaa kaara a been,  
è à ke nédande ponnadee ũ.  
Aleluya!

## 114

*Banla zĩbaa lè*

<sup>1</sup> Kè Isarailino bò Igipiti,  
kè Yakubu boriino bò gbē zĩtɔno té,

<sup>2</sup> Yudano bùsu gò Dii kúkii ũ,  
Isarailino bùsu gò à kíblekii ũ.

<sup>3</sup> Isia Tēaa wée sìnle à bàa lè,  
Yoda í kpeε lì.

<sup>4</sup> Kpiino vĩvĩ lán sákarono bà,  
sĩsĩno kɔɔ lè lán sãnenɔ bà.

<sup>5</sup> Ísia, bó bé à n le n bàa lè?  
Yoda, à kè dia n kpeε lì?

<sup>6</sup> Kpiino, bóyãnzín a vĩvĩ lán sákarono bàzi?  
Sĩsĩno, à kè dia a kɔɔ lè lán sãnenɔ bà?

<sup>7</sup> Anduna, n lugaluga Dii aε,  
Yakubu Luda aεzĩ.

<sup>8</sup> À gbèsi kè íkaekii ũ,  
à gbèpukaa li íbɔkii ũ.

## 115

*Dii bé è aubarika dańgu*

<sup>1</sup> Èe ke wámbeero Dii,  
èe ke wámbeero,

ńbe ń de wà n tɔ bɔ  
n gbēke kɔn n náane yānzi.

<sup>2</sup> À kè dia boriinɔ è wa la  
wà be wa Ludaa kú máme?

<sup>3</sup> Wa Ludaa kú musu,  
pó kè à yezin è ke.

<sup>4</sup> Aɔ ń táanɔ pì kɔn kondogio kɔn vurao,  
gbēntee ɔzĩme.

<sup>5</sup> Aɔ lé vī, mɔde aɔè yā oro,  
aɔ wéé vī, mɔde aɔè guu ero.

<sup>6</sup> Aɔ swā vī, mɔde aɔè yā maro,  
aɔ yī vī, mɔde aɔè pó gūu maro.

<sup>7</sup> Aɔ ɔ vī, mɔde aɔè pó kūro,  
aɔ gbá vī, mɔde aɔè táa oro,  
aɔè kòto kekero.

<sup>8</sup> Aɔ pìrinɔ sēnkpeńyome  
kɔn gbē kè aɔe ń náane keɛnɔ ń píngi.

<sup>9</sup> Isarailinɔ, à Dii náane ke!  
Àmbe a dɔnleri ũ kɔn a sengbangoo.

<sup>10</sup> Aruna boriinɔ, à Dii náane ke!  
Àmbe a dɔnleri ũ kɔn a sengbangoo.

<sup>11</sup> Dii vīakerinɔ, à Dii náane ke!  
Àmbe a dɔnleri ũ kɔn a sengbangoo.

<sup>12</sup> Dii dɔ wa yān,  
eé aubarika dawagu.  
Eé aubarika da Isaraili boriinɔn,  
eé aubarika da Aruna boriinɔn,  
<sup>13</sup> eé aubarika da a vīakerinɔn,  
né féte gbēnsi.

<sup>14</sup> Dii a bori kɔare,  
apinɔ kɔn a nénɔ.  
<sup>15</sup> Dii aubarika daagu,  
àmɔ kè musu kɔn tɔtɔe kè.

<sup>16</sup> Musu né Dii pómé,  
mɔde à tɔtɔe nà gbēnteenɔne ń ɔzĩ.

<sup>17</sup> Èe ke gèɔ bé wè Dii táaki léro,  
kesɔ gbē kè aɔ lé yĩtenɔ.

<sup>18</sup> Wámbe, wégɔ Dii sáabu kpaa  
zaa tia ai gurɔ píngi.  
Aleluya!

## 116

*Gbē kè bɔ gaa lézĩ Dii sáabukpana*

<sup>1</sup> Má ye Diizi, zaake à ma yā mà,  
à ma wiipenaazii mà.

<sup>2</sup> Mégɔ à sisii ai ma wèndi lén,

kè à swā kpàmazi yānzi.

<sup>3</sup> Ga bà fīkāmazi yā,  
mira wāwāa tōma,  
wétāmma kōn pōsiaao dāmala.

<sup>4</sup> Ben ma Dii sìsi ma bè:  
Dii, n yā nna, n ma mì sí.

<sup>5</sup> Dii sùu vī bensō à maa,  
wa Ludaa wēnda vī.

<sup>6</sup> Dii è gbāasaideenō dākpa,  
kè ma busa, à ma mì sì.

<sup>7</sup> Ma swē, n kēkē n kpáε,  
zaake Dii yā maaa kēnnε.

<sup>8</sup> Dii, n ma bō gaa lézī,  
n wéε'i gōgome, néε tó ma gēn síro,

<sup>9</sup> Ie màgō té n aε gbē bēεnō kukiia kè.

<sup>10</sup> Baa kè nawēa tōma ma gō búgubugu,  
má kpé à náane vī, ben ma yā ò.

<sup>11</sup> Ma bídi kè ma bè:  
Gbē píngi né εgedeenōme.

<sup>12</sup> Bón mé fīa boo Diine  
à maaa kè à kēmεε musu píngii?

<sup>13</sup> Mé Dii mìsina togo sé musu,  
mé à sísió.

<sup>14</sup> Mé lù kè má sè Diinεnō papa  
à gbēnō wáa n píngi.

<sup>15</sup> Dii yāmarinō gana bèε vīne.

<sup>16</sup> Dii, n yā nna, n zòblerin ma ũ,  
nōgbē kè à dōnzi nēn ma ũ,  
n ma bō bàn.

<sup>17</sup> Mé kennakōo saa omma,  
mé n sísió, Dii.

<sup>18</sup> Mé lù kè má sè Diinεnō papa  
à gbēnō wáa n píngi

<sup>19</sup> à kpé ua Yerusalemu guu.  
Aleluya!

## 117

### *Dii táakilena*

<sup>1</sup> Amōa bori pínginō à Dii tó kpá,  
amōa bùsu píngi gbēnō à à táaki lé,

<sup>2</sup> Zaake gbēkεε kè à vīwao kè bíta,  
Dii náane vī gurō píngi.

Aleluya!

## 118

### *Gana Dii ua kōn sáabukenao*

<sup>1</sup> À Dii sáabu ke, zaake à maa,  
à gbēkeε yāana vīro.

<sup>2</sup> Isarailinɔ o:  
À gbēkeε yāana vīro.

<sup>3</sup> Aruna boriinɔ o:  
À gbēkeε yāana vīro.

<sup>4</sup> À vīakerinɔ o:  
À gbēkeε yāana vīro.

<sup>5</sup> Ma Dii sisi ma nawēa guu,  
ben à wèmala à ma gba mèporokii.

<sup>6</sup> Dii kúmao, vīa é ma kūro.  
Bón gbēntee é fɔ à kemεε?

<sup>7</sup> Dii kúmao ma dɔnlɛri ũ,  
mé ma ibεenɔ tí dɔ.

<sup>8</sup> À maa wà na Diizi de  
gbēntee náanekenala.

<sup>9</sup> À maa wà na Diizi de  
gbāadeenɔ náanekenala.

<sup>10</sup> Bori píngi lìgamazi,  
ben ma ní kaate kɔn Dii tóo.

<sup>11</sup> Aɔ lìgamazi kpa píngi,  
ben ma ní kaate kɔn Dii tóo.

<sup>12</sup> Aɔ fīma lán zónɔ bà,  
ben aɔ gāga lán kāε té bà,  
ma ní kaate kɔn Dii tóo.

<sup>13</sup> Aɔ ma yīpa kpeε, má yezi mà léε,  
ben Dii dɔmale.

<sup>14</sup> Dii bé ma gbāaa ũ, à táakin mεè lé,  
àmbe à gò ma m̀siri ũ.

<sup>15</sup> À ma, pɔnna wiii dɔ gbē maaanɔ bùran,  
Dii ɔplaa zī bíta kè.

<sup>16</sup> Dii ɔplaa kú musu,  
Dii ɔplaa zī bíta kè.

<sup>17</sup> Mé garo, mégɔ kuu,  
mégɔ Dii yākenanɔ tɔkēε.

<sup>18</sup> Dii ma toto maamaa,  
mɔde èε tó gaa ma sero.

<sup>19</sup> À zé maaa gbànɔ wēmε,  
le mà gē mà Dii sáabu kpá.

<sup>20</sup> Dii ua zén yè,  
gbē maaanɔ bé wè gēn.

<sup>21</sup> Ma n sáabu kè Dii, zaake n wemala,  
n gɔ ma m̀siri ũ.



22 Gbè kè kpéborinɔ pã kpàzi  
bé à g̃ò kpé gooda gbè m̃idee ũ.

23 Dii bé à beee kè,  
ben à kèwe yãbɔnsae ũ.

24 Gurɔɔ kè Dii dien yè,  
wà pɔnnaa ken wà nòse ke nna.

25 N yã nna Dii! Ñ wa mì sí!

Ñ s̃uu ke Dii! Ñ wa dak̃ɔre m̃innao!

26 Aubarikadeen gb̃e kè èe m̃ɔɔ k̃ɔn Dii tóo ũ,  
zaa Dii ua wée gb̃aake kpaanzi.

27 Diin Luda ũ, à guu p̃uwe.

À zà lá kpákpa àg̃ó t̃éo z̃ibaakerinɔzi  
ai sa'oki kobanɔ kiia.

28 Ma Ludan n ũ, mé n sáabu ke,  
ma Luda, mé n tó sé lezĩ.

29 À Dii sáabu ke, zaake à maa,  
à gb̃ek̃ee yãana ṽiro.

## 119

### *Luda yã sena lezĩ*

1 Aubarikadeenɔn gb̃e kè ãɔ kuu taari sai  
wà Dii doka k̃ūnanɔ ũ.

2 Aubarikadeenɔn gb̃e kè ãɔ Dii yã k̃ūna  
wà à kii wet̃e k̃ɔn ñòseɔ doonɔ ũ.

3 Ãɔ̃e yã kp̃eeg̃anda k̃ero,  
ãɔ̃eg̃ó t̃é à z̃é guu.

4 N ñ ɔd̃okii òd̃ɔawe,  
le wàg̃ó t̃ézi k̃ɔn làakario.

5 Má yezi màg̃ó kú ma d̃òr̃ɔa  
màg̃ó n yãdannenɔn k̃ūna.

6 Tó má n yãdienanɔ k̃ūna píngi,  
bee é tó wí ma k̃ūro.

7 Gurɔɔ kè mé̃e n dokayã maaanɔ dadaa,  
mé n sáabu kpá k̃ɔn ñòsepuraaɔ.

8 Mé̃g̃ó n yãdannenɔn k̃ūna,  
ñton ma tón m̃ámm̃anlo.

9 Dian g̃ɔkpar̃e e àg̃ó kuu gb̃ásĩ sai nà?  
Séde à yãkena k̃ó sé k̃ɔn n yão.

10 Mé̃e n kii wet̃ee ñòseɔ do,  
ñton tó mà z̃á n yãdienanɔaro.

11 Ma n yã dà ma sw̃è guu  
le màton durun kenñero yãanzi.

12 Aubarikadeen mm̃ɔn Dii ũ,  
ñ n yãdienanɔ dame.

13 Dokayã kè ãɔ b̃ò n l̃énñɔ píngi,  
mé t̃ók̃é̃ñe k̃ɔn ma léo.

14 M̃è̃e p̃ɔnnaa ke k̃ɔn n yãnɔ

lán wè ke kōn auziki bítao nà.

15 Mèè laasuu lé n ɔ̀ɔ̀kiia,  
ma wée kú n zénɔ̀a.

16 Ma pɔ̀ɔ̀ kè nna n yáɔ̀ɔ̀nanaɔ̀a,  
n yá é sāmāguro.

17 Ñ yā maaa ke mɔ̀ma n zɔ̀blerine  
le màgɔ̀ kuu wèndio, mégɔ̀ n yā kūna.

18 Ñ ma wée kēme  
le mà wée si yābɔ̀nsaenɔ̀le n dokan.

19 Nibɔ̀n ma ũ anduna guu,  
ñton n yáɔ̀ɔ̀nanaɔ̀ utemero.

20 N dokayānɔ̀ nidena baabɔ̀re  
ma swè blè.

21 Nèè kpākē wadadeenɔ̀ kè lé n kūnɔ̀zi,  
gbē kè aɔ̀ zā n yáɔ̀ɔ̀nanaɔ̀anɔ̀.

22 Ñ ma bɔ̀ sɔ̀sɔ̀nan kōn ɔ̀kenyoo,  
zaake má n yānɔ̀ kūna.

23 Baa kè kinenɔ̀ vèe wà lé kpākɔ̀sɔ̀mazi,  
ma laasuu égɔ̀ kú n yádannenanɔ̀a.

24 N yānɔ̀ è ma pɔ̀ɔ̀ ke nna,  
n yā pì è lé dama.

25 Ma gɔ̀ daena tɔ̀te,

ñ ma wèndi dākpa lán n ò nà.

26 Ma a yákenanɔ̀ dɔ̀ɔ̀nnɛ, ben n wemala,  
ñ n yádannenanɔ̀ dame.

27 Ñ tó mà n ɔ̀ɔ̀kiinɔ̀ dɔ̀,  
ma laasuu égɔ̀ kú n yābɔ̀nsaenɔ̀a.

28 Ma pɔ̀ɔ̀ sia à kè bíta,  
ñ ma gba gbāa lán n ò nà.

29 Ñ ma kē mɔ̀nafiki zéa,  
ñ ma gba zé mà ze kōn n dokao.

30 Ma yāpura zé sè,  
ma swè ègɔ̀ kú n dokaa.

31 Má n yānɔ̀ kūna ɔ̀plaplaa,  
ñton tó wí ma kūro, Dii.

32 Mèè wā n yáɔ̀ɔ̀nanaɔ̀ zézi,  
zaake n ma làakari kpàeme.

33 Dii, ñ n yádannenanɔ̀ zé ɔ̀ɔ̀ame  
le màgɔ̀ kūna ai ma wèndi lén.

34 Ñ ma gba ɔ̀ndɔ̀ màgɔ̀ n doka kūna,  
màgɔ̀ zīi kea kōn nòseɔ̀ do.

35 Ñ ma da n yáɔ̀ɔ̀nanaɔ̀ zén,  
zaake bee bé è kámagu.

36 Ñ tó ma swè gɔ̀ kú n yānɔ̀a,  
àton tá bīni zénlo.

37 Ñ ma wée go pɔ̀ pāanɔ̀a,

̀n ma w`endi d`akpa l`an n`i `o na.

38 N`ya k`e n`i `o papa ma ma n z`blerin`e,  
l`e k`e n`i gb`e n v`iak`erin`o`n`e.

39 N`to s`os`ona k`e m`e`e `a v`ia k`e`e gomala,  
zaak`e n dokay`an`o`o maa.

40 M`a ye n `o`o`kiizi f`a,  
̀n ma w`endi d`akpa n maak`e`e guu.

41 Dii, n` mo n` gb`e`k`e`e k`e`m`e,  
̀n ma mi si l`an n`i `o na,

42 gbasa ma ya si ma s`os`orila,  
zaak`e m`e`e n ya na`ane k`e`e.

43 N`ton ya`pura ya si ma l`enlo,  
zaak`e n ya`z`e`deen ma w`e`e d`ozi.

44 M`e`g`o n doka k`una  
ai guro p`ingi,

45 M`e`g`o t`e aafia,  
zaak`e ma n `o`o`kii w`e`t`e.

46 M`e n ya`n`o o k`in`an`o a`e,  
wi `e ma k`u s`oro.

47 N ya`di`en`an`o `e k`e ma p`o`o`n`e,  
zaak`e ma ye ya p`in`ozi.

48 Ma g`a s`e n ya`di`ena k`e ma ye`zin`o`n`e,  
m`e`e laasuu l`e n ya`d`ann`en`an`o`a.

49 N`d`o ya k`e n`i `o n z`blerin`en`e,  
zaak`e n`to ma w`e`e d`ozi.

50 Ya k`e `e ma laakari kp`a`e ma naw`e`ak`en`an` y`e,  
n l`e`gb`e`na b`e `e ma w`endi d`akpa.

51 Wadadeen`o`o e ma faboo ya`ana sai,  
baa k`on beeeo m`e`e z`a n dokaaro.

52 M`e`e d`o n dokay`a k`e k`u zaa ziin`on`n,  
ben a`o`e ma n`o`se yi k`u`m`e, Dii.

53 M`e`e p`o f`e maamaa,  
k`e zaak`erin`o `e p`a kp`a n dokazi ya`nzi.

54 M`e`e l`e si n ya`d`ann`en`an`o musu  
ma kuuna anduna k`e`kii guu.

55 N ya `e`g`o d`o`magu gw`a`av`i, Dii,  
m`e`e`g`o n dokay`an`o k`una.

56 Ma ya beeen`o k`o d`o,  
zaak`e m`e`e`g`o n `o`o`kii gwaa.

57 Dii, m`be ma baka u,  
ma l`e gb`e k`e m`e n ya ma.

58 M`e`e k`u`e k`e`n`n`e k`on n`o`se`o do,  
n` suu k`e`mao l`an n`i `o na.

59 Ma a ya`k`en`an`o laasuu l`e,  
ben ma s`okpa n dokay`an`o`a.

60 M`e w`a, m`e gb`a g`a`ero,  
l`e ma n ya`di`en`an`o da.

61 Baa kè gbě zaaano bà fikāmazi,  
n dokayāno é sāmaguro.

62 Mèè fèè mà sáabu kenne lezāndo  
n dokayā maaano musu.

63 N vīakeri pingi gbēnnan ma ũ,  
gbě kè aōè n ɔɔkii gwaanɔ.

64 Dii, n gběkeε anduna pà,  
n n yādienanɔ dame.

65 N à maaa kè mɔma n zòblerine,  
lán n ò nà, Dii.

66 N wéézèε kɔn dōnao dame,  
zaake ma n yādienanɔ si.

67 Le n kpé n ɔ tōma, má sāsāname,  
mɔde tia sa má n yā kūna.

68 N maa bensɔ n yākenanɔ maa,  
n n yādienanɔ dame.

69 Baa kè wadadeenɔ yāsiaa nàma,  
mèègɔ n ɔɔkii gwaa kɔn nòseɔ do.

70 Aō swā gbāgbā, èe yā maro,  
mɔma sɔ ma pɔɔ nna n dokaa.

71 N ɔtōmana kème maa,  
le mà e mà n yādannenano dada.

72 Doka kè bò n lén maame  
de vura kɔn kondogi bɔɔ ũgbangbanɔla.

73 N ɔɔ ma í kàsa à ma ke,  
n ma gba ɔndɔ mà n yādienanɔ dada.

74 N vīakerinɔ é ma e wà pɔnnaa ke,  
zaake n yān ma tāmaa dɔa.

75 Dii, má dɔ kè n dokayānɔ maa,  
kè n náane vī yānzin n ɔ tōmazi.

76 N gběkeε keme le ma nòse kpáε,  
lán n ò mɔma n zòblerine nà.

77 N mó n wēnda dōme le màgɔ kuu,  
zaake n dokayānɔn ma pɔnnaa ũ.

78 N tó wí wadadee kè aō taari kème pānɔ kũ,  
mapi sɔ mé laasuu lé n ɔɔkiia.

79 N vīakerinɔ su ma kiia,  
gbě kè aō n yānɔ dɔnɔ.

80 N tò ma nòse gɔ pura n yānɔ musu  
le wí tón ma kũro yānzi.

81 N m̀sina yā e ma swè blee,  
n yān ma wéε dɔzi.

82 Ma wéε dɔ n légbēnazi ai ma kpasa,  
bɔren né ma nòse yīi kũmεε?

83 Má de lán báa bòkɔ kè tésukpe mà bà,  
baa kɔn beeeo n yādienanɔ è sāmaguro.

84 Mɔma n zòbleri mégɔ n dāa ai bɔremε?

Boren né ña da ma wéetāmmarinɔa?

<sup>85</sup> Wadadeenɔ è wèe yōme mà zun,  
aã yã è kō sé kōn n dokaoro.

<sup>86</sup> N yādienanɔ píngi náane vī,  
n òmale, zaake wèe wée tāama pāme.

<sup>87</sup> À gò féte kè aãé yāamao anduna guu,  
moma sō méé pã kpá n òòkiiziro.

<sup>88</sup> Ñ ma wèndi dākpa n gbēke yānzi,  
mé n yānɔ da.

<sup>89</sup> Dii, n yã ègō kuu gurɔ píngi,  
à kāsāa pēena zaa musu.

<sup>90</sup> Ñ náane vī wè kōn wèò,  
n anduna kàe, ben à kpé kuu.

<sup>91</sup> Pó píngi kpé kuu gbāa n doka musu,  
zaake pó píngi è ònzi.

<sup>92</sup> Tó n dokan ma pōnnaa ũ yāro,  
le ma kaate ma nawēakena guu.

<sup>93</sup> N òòkii é sāmāgu zikiro,  
zaake à gāzīn n ma wèndi dākpa.

<sup>94</sup> N pón ma ũ, n ma mì sí,  
zaake ma n òòkii wète.

<sup>95</sup> Gbē zaaanɔ e ma kpákpa wà ma de,  
mòde ma làakari kú n yānɔa.

<sup>96</sup> Má è kè pó maa píngi zaka lé kuume,  
mòde n yādienanɔ bíta lé vīro.

<sup>97</sup> Má ye n dokazi à kè bíta fá,  
mèègō laasuu lēea zaa kōngɔ ai uusie.

<sup>98</sup> N yādienanɔ è tó ma òndō gō de ma ibeenɔ póla,  
zaake à kú ma swèn gurɔ píngi.

<sup>99</sup> Ma wéézēe de ma yādannerinɔ póla n píngi,  
zaake ma laasuu ègō kú n yānɔame.

<sup>100</sup> Ma òndō de mareenɔ póla,  
zaake mèègō n òòkiinɔ gwaa.

<sup>101</sup> Mèè mì kē zé zaa píngia  
le mà e màgō n yã kūna yānzi.

<sup>102</sup> Mée kē n dokayānɔaro,  
zaake mbe n dāme.

<sup>103</sup> N yānɔ nname à kè bíta,  
à nna de zóla ma lén.

<sup>104</sup> N òòkii è ma gba làakari,  
Bee yānzin ma za sāsāna zé pínginzi.

<sup>105</sup> N yān fitia ũ ma gbáne,  
è guu pume zén.

<sup>106</sup> Ma la dà ma sō zeo,  
kè mégō té n dokayā maaanɔzi.

<sup>107</sup> Ma wéetāmmāna kè bíta, Dii.  
n ma wèndi dākpa lán n ò nà.

- 108 Ì ma sáabukpana sí,  
gbasa ò n dokayáño dame, Dii.
- 109 Mèègõ ma zīnda da kari guu,  
baa kōn beeeo n dokayáño è sāmāguro.
- 110 Zaakerinō takutēē kpàkpamē,  
mōde mēē zā n ɔ̀ɔ̀kiiaro.
- 111 N yānōn ma túbi ũ ai gurō pīngi,  
aōmbe ma pōnnaa ũ.
- 112 Ma swè kú n yādannenanō kenaa  
ai ma wèndi lén.
- 113 Ma za nòsēplaadeenōn,  
n dokan má yezi.
- 114 Mbe ma utēki kōn ma sēngbangoo ũ,  
n yān ma wēē dōzi.
- 115 À gumala a zaakerinō  
lē mǎgõ ma Luda yādiēnanō kūna.
- 116 Ngõ ma kūna lán ní ò nà, mēgõ kuu,  
̀nton tó tāmāa ma nēro.
- 117 Ì ma sé musu lē mà bō aafia,  
ma wēē égõ pé n yādannenanōa.
- 118 Nèè gí gbē kè aō zā n yādannēnaanōzi,  
aō mōnafikikēna né pāmē.
- 119 Nèè anduna zaakerinō kwēē lán mōgbō bà,  
beee yānzin má ye n yānōzizi.
- 120 Ma mè è fēē n vīa yānzi,  
n dokayānō naasi vīmē.
- 121 Ma yā kè a zēa sūusu,  
̀nton ma tó ma wētāmmarinōnēro.
- 122 Ì kpégaau sé mamōma n zòblerinē lē mà bō maa,  
̀nton tó wadadeenō wēē tāmāro.
- 123 Ma wēē dō n mīsinazi ai ma kpasa,  
má sōkpa n légbēna maaazi.
- 124 Ì yā kemē n gbēkēē guu,  
̀n n yādannenanō da mamōma n zòblerinē.
- 125 N zòblerin ma ũ, ò ma gba làakari  
lē mà n yānō dōrō dō.
- 126 Yākēna gurō kà, Dii,  
zaakē wēē bō n doka kpēē.
- 127 Má ye n yādiēnanōzi dē vurala,  
baa vura baasana.
- 128 Má è n ɔ̀ɔ̀kii maa,  
beee yānzin sāsāna zé pīngi è kemerozi.
- 129 N yānō dēmē yābōnsaē ũ,  
beee yānzin má kūna ma swèenzi.
- 130 N yā bōkōtēna è guu puñē,  
è nòsēdodeenō gba làakari.
- 131 Ma lé aēna, mēē wesaa boo fēkuufēkuu,

zaake n dokayāno nii e ma dee.

132 Ñ ae doṃa ñ sùu kemao,  
lán nɛè ke gbē kè aṣo ye n tózinone nà.

133 Ñ ma da zéa lán ní ò nà,  
nton tó yā zaa ke kí blemaro.

134 Ñ ma bo gbē takiikerino ozi  
le mà n oḍkii gwa.

135 Ñ uu were mamoma n zòbleria,  
n tó mà n yādannenano dṣ.

136 Wée'i e plaa ma wéen  
kè wà n doka kūnaro yānzi.

137 Dii, ní maa,  
n dokayāno zé vī.

138 N n yāno di e a zéa,  
aṣ náane vī maamaa.

139 Ma ibeeno sà n yān,  
ben aṣ yā ma kū gbāa maamaa.

140 Wà n yā yò wà gwà à see ke vīro,  
mamoma n zòbleri, má yezi maamaa.

141 Póken ma ūro, wè kya kámagu,  
baa kōn beeeo n oḍkii è sāmaguro.

142 N yāmaakena yāana vīro,  
n doka yāpuraa vī.

143 Nawēa kōn yā'ṣammao ma le,  
mḍe n yādienanōn ma pōnnaa ũ.

144 N yāno maa guro píngi,  
n ma gba làakari le màgō kuu.

145 Mèè n sísi kōn nòseo do Dii,  
n wemala, mégō n yādienanō kūna.

146 Mèè wiipenzi n ma mì sí,  
mégō n yāno kūna.

147 Mèè fèe ide'ide mà wii péenzi,  
n yān ma wée dozi.

148 Ii è na ma wéen gwāavīro  
le mà e mà laasuu lé n yāa yānzi.

149 Ñ ma yā ma n gbēke yānzi, Dii,  
n ma wèndi dākpa lán n yāzedeke de nà.

150 Gbē kè aṣè lé kpaakōsōmaziino kīmao,  
mḍe aṣo zà kōn n dokao.

151 Ñ kīmao Dii,  
n yādienanō píngi yāpuraa vī.

152 Zaa gikena má dṣ n yāno  
kè ní di e àgō kuu guro píngi.

153 Ñ ma nawēakena gwa n ma mì sí,  
zaake n doka e sāmaguro.

154 Ñ zemaon n ma bo,

̀n ma w`endi d`akpa l`an n `a l`e gb`e n`a.

155 N m`isina z`a k`on zaake`rin,`  
zaake a`se n ya`dann`enan,` wetero.

156 N w`enda b`ita, Dii,

̀n ma w`endi d`akpa l`an n ya`zedeke`e de n`a.

157 Ma i`be`e k`e a`se w`ee ta`maan,` pari,  
m`ode m`ee z`a n ya`n,`aro.

158 M`a ye n na`an`esaideen,` k`a`ziro,  
k`e a,`o n ya` k`unaro ya`nzi.

159 N` gwa l`an m`a ye n o`dokiizi n`a.

Dii, ̀n ma w`endi d`akpa n gb`eke`e ya`nzi.

160 N ya` pingi`pingi n`e ya`puraame,  
n dokay`an,` maa a,`o ya`ana v`iro.

161 Gb`aadeen,` e w`ee ta`ma p`a,  
m`ode n ya` v`ia e ma k`u.

162 M`e`e p`onnaa k`e k`on n l`egb`ena,`o,  
l`an ma auziki b`ita s`e`e z`i guu b`a.

163 Ma za m`onafikin,` m`a ye `a ya`ziro,  
n dokan m`a yezi.

164 M`e`eg,`o n ta`aki l`ee gu,`o do g`en sw`eeplaplaa  
k`e n dokay`an,` maa ya`nzi.

165 Gb`e k`e a,`o ye n dokazin,`o aafia b`ita,  
ya`ke e t`o a,`o furo.

166 Ma w`ee d`ozi ̀n ma m`i s`i, Dii,  
m`e`e t`e n ya`dienan,`ozi.

167 M`a n ya`n,`o k`una,  
zaake m`a yezi maamaa.

168 M`e`e n o`doki gwa m`e`e n ya`n,`o ma,  
zaake ma ya`kena pingi k`u n o`zime.

169 N` t`o ma wiip`ena n kii le, Dii,  
̀n ma gba la`akari l`an n`i o` n`a.

170 N` t`o ma aduak`ena ka` n kiia,  
̀n ma m`i s`i l`an n l`e gb`e n`a.

171 N ta`akil`ena g,`o da ma l`en,  
zaake n`e`e n ya`dann`enan,`o dame.

172 M`e`e l`e s`i n l`egb`ena musu,  
zaake n ya`dienan,`o maa pingi.

173 N`g,`o k`u soruo ̀n o` d,`o male,  
zaake ma z`e k`on n o`dokiio.

174 M`ee `a ni d`ee ̀n ma m`i s`i, Dii,  
n dokan ma p`onnaa u.

175 N` t`o ma g,`o kuu, m`e`g,`o n ta`aki l`ee,  
̀n t`o n dokay`an,`o g,`o ma k`una.

176 Ma k`e z`ea l`an s`aa k`e s`as`a b`a,  
̀n mam,`o ma n z`bleri wete,  
zaake n ya`dann`enan,`o e s`amaguro.



**120***Kuuna yāketedeeno té*

Gana Yerusalemu lè.

<sup>1</sup>Ma nawēakena guu ma Dii sìsi,  
ben à wèmala.

<sup>2</sup>N ma sí yāsiadeeno ɔzĩ  
kõn mɔnafikideeno léo.

<sup>3</sup>Mɔnafikide, Luda é kenyo dia nà?  
Ke bón eé kennεε?

<sup>4</sup>Eé wée tamma kõn gōsagbāaa kà lé nnaano  
kõn sē lí sīsĩ wāaaao.

<sup>5</sup>Wāiyoo mamoma kè má kú Mesekinɔ té,  
má vεε Kedano bisakutaan.

<sup>6</sup>Ma vεε à gĩ kè maamaa  
kõn gbē kè aō zà aafianno.

<sup>7</sup>Vēena aafian má yezi,  
mode tó ma yā ò, swèen aōè fεεomazi.

**121***Dii wa Dākpari*

Gana Yerusalemu lè.

<sup>1</sup>Ma wée do sīsĩno kpa,  
guu kè ma donle è bõn.

<sup>2</sup>Ma donle è bõ Dii kiiame,  
àmbe à musu kõn tɔtεo kè.

<sup>3</sup>Eé tó n gbá sataro,  
n dākpari é igoba páro.

<sup>4</sup>Isarailino dākpari é igoba páro fá,  
eé sō ii oro.

<sup>5</sup>Diin n dākpari ũ,  
Dii denne ɔra ũ n ɔplaazi.

<sup>6</sup>Ɔfántē é n lé fāantēro,  
kesō mɔvura gwāavĩ.

<sup>7</sup>Dii é n sí kisira sānda píngia,  
eé n wèndi dākpanne.

<sup>8</sup>Dii é n dākpa n gana guu kõn n sunao  
zaa tia ai gurɔ píngi.

**122***Dauda aduakena Yerusalemune*

Gana Yerusalemu lè.

<sup>1</sup>Kè wà bème wà gá Dii ua,  
ma pɔɔ kè nna.

<sup>2</sup>Wá zena n bīilea sa, Yerusalemu.

<sup>3</sup>Wà Yerusalemu kàe nanakōana gíngin.

<sup>4</sup>Gwen Isaraili boriino è gēn,  
borii kè Dii sè pino.

Aṣè gá Dii sáabu kpá  
 lán à diéñne nà.  
<sup>5</sup> Gwen yāgṣṣṣrino kitanoo káen  
 Dauda boriino kpata kitanoo ũ.

<sup>6</sup> À aafia wée ke Yerusalemune à be:  
 Luda tó gbè kè aṣo yenziino aubarika e!

<sup>7</sup> Aafia gṣ kú n bīino dagura,  
 n gudákpakiino gṣ kaena nna.

<sup>8</sup> Ma gbēno kṣn ma gbēnnano yānzi mé be,  
 Luda n gba aafia.

<sup>9</sup> Dii wa Luda kpé yānzi  
 mé à maaa wée kenne.

## 123

### *Wéedna Ludazi*

Gana Yerusalemu lè.

<sup>1</sup> Ma wée sè, méé n kii gwaa,  
 mmṣn kè n kpatan kú musu.

<sup>2</sup> Lán zò wée ègṣ do pṣzi a bedee ɔzĩ nà  
 bensṣ zṣnṣgbè wée ègṣ do a dazi,  
 len wa wée ègṣ do Dii wa Ludazi lè  
 ai à gá wa wēnda gwao.

<sup>3</sup> Ñ wa wée gwa, Dii, ñ wa wée gwa,  
 zaake gbēno kyakanawaguu wa kpaasa maamaa.

<sup>4</sup> Wa ñadarino lalandikena fṣ maamaa  
 kṣn wadadeeno kyakangunao.

## 124

### *Dii wa zenyodee*

Gana Yerusalemu lè kè Dauda dà.

<sup>1</sup> Tó Dii kúwao yāro,

Isarailino o:

<sup>2</sup> Tó Dii kúwao yāro  
 gurṣ kè wà fṣwazi,

<sup>3</sup> lè wà wa mṣmo bṣe kè aṣ pṣ fṣwazi,

<sup>4</sup> lè aṣ dàwala lán í bíta è dańla nà,  
 lè aṣ wa sṣe wà tàwao lán swa pana bà,

<sup>5</sup> lè aṣ wa wara lán í fṣna bà.

<sup>6</sup> Aubarikadeen Dii ũ,  
 kè èè tó wà wa ke gyáigyairo.

<sup>7</sup> Wa bo takutṣen lán bāa bà,  
 bà kè, wa pitiríma.

<sup>8</sup> Wa donlè è bo Dii kiame,  
 àmbe à musu kṣn tṣṣṣe kè.

## 125

### *Luda gbēno kuuna aafia*

Gana Yerusalemu lè.

<sup>1</sup> Dii náanekerinoo de lán Zayon kpíi ba,  
à degena vīroo, ègō kuu gurō pīngi.

<sup>2</sup> Lán kpíiinoo ligana Yerusalemuzi nà,  
len Dii ligana a gbēnōzi le  
zaa tia ai gurō pīngi.

<sup>3</sup> Gbē zaaano é e wàgō kí blee  
gbē maaano bùsun wàgō gaaro,  
le gbē maaano tón o da zaakenanlo yānzi.

<sup>4</sup> Dii, n à maaa ke gbē maaano,ne,  
gbē kè aō nōse puraano.

<sup>5</sup> Gbē kè aō zé kotina sēno sō,  
Dii é n wara kōn zaakerinome.

Luda Isarailino gba aafia!

## 126

### *Isarailino suna n gwena ziia*

Gana Yerusalemu le.

<sup>1</sup> Kè Dii wa bo zòbleen à sùwao Zayon,  
à dēwe lán nanaa bàme.

<sup>2</sup> Wa vī kōn yáo wa guda kè,  
ben boriino bèkōne,  
Dii yā bíta kèwe.

<sup>3</sup> Dii yā bíta kèwe,  
ben wée ponnaa kee.

<sup>4</sup> Dii, n suwao wa gwena ziin,  
lán neè su kōn ío gbáan nà.

<sup>5</sup> Gbē kè aō pó tō kōn wée'ionoo,  
adeeno é kē kōn gudakenaome.

<sup>6</sup> Gbē kè bō kōn sō dōo kōn pówēeo kūna,  
adee é eara à su kōn gudakenao  
kōn ése bakaao sēna.

## 127

### *Pó pīngi né ludangbaame*

Gana Yerusalemu le kè Sulemanu dà.

<sup>1</sup> Tó èe ke Dii bé à kpé boro,  
ēndē à bōrinoo e zī pāa keeme.

Tó èe ke Dii bé à wéte dàkparo,  
ēndē à dākparinoo e itē kee pāme.

<sup>2</sup> Fēna ide'ide, daena lezāndo,  
zībāabāakēna pōblee yānzi né yā pāame,  
zaake Dii è a gbē yenzideeno gba kāmabona.

<sup>3</sup> Négōgbēno né Dii gbaame,  
néno né à láadame.

<sup>4</sup> Lán kánoo de nà zīkari ozi,  
len n gōkparēkegurō négōgbēnoo de le.

<sup>5</sup> Aubarikadeen gbē kè à gbàra panaño ũ,

tó à ibeεno à lè gāale, wí é à kūro.

## 128

*Yā maaa kè Dii vīakeri è ee*

Gana Yerusalemu lè.

<sup>1</sup> Aubarikadeen gbē kè Dii vīa vī  
bensō à té à zén ũ.

<sup>2</sup> Né n zī àre ble,  
négō aubarika vī, négō kuu aafia.

<sup>3</sup> N naō égō kú n ua  
lán geepi lí né'iri bà,  
n négōgbēno égō liga n teebuzi  
lán kù lí keteno bà.

<sup>4</sup> Len gbē kè Dii vīa vīi  
égō aubarika vī ε.

<sup>5</sup> Zaa Zayon Dii aubarika dangu  
ai n wèndi lén.

À tó ò wée si Yerusalemu nmanale,

<sup>6</sup> à tó ò n dionno e kōn wéεo.

Dii Isarailino gba aafia!

## 129

*Isarailino sa zaa ona í ibeεnoε*

Gana Yerusalemu lè.

<sup>1</sup> Zaa wa néngo zī wà wée tàwa gèn ũgbangba.  
Isarailino o:

<sup>2</sup> Zaa wa néngo zī wà wée tàwa gèn ũgbangba,  
mode wèe fō wà wa furo.

<sup>3</sup> Wà wa kpeεgura bú wì,  
wà à dōro kè gbàagbāa.

<sup>4</sup> Dii maa,  
à gbē zaaano bà zōwe.

<sup>5</sup> Gbē kè aō zà Zayonno  
soƙpa kpeε kōn wíyāo.

<sup>6</sup> Aōgō de lán sè kè bōε kpé musu bà,  
ai àgō gbā à gāga.

<sup>7</sup> Eé sèkēri okū paro,  
eé bakaa ke à sí yi wà da gānlo.

<sup>8</sup> Gbē kè aōε gēteεno tón be,  
Dii aubarika dańguro,  
ke wà aubarika dańgu kōn Dii tóo.

## 130

*Wéεna Diizi*

Gana Yerusalemu lè.

<sup>1</sup> Zaa í lòn ma wii pè Diizi ma bè,

<sup>2</sup> Dii, ò ma yā ma,  
ò swā kpá ma wiipenazi ò ma wée gwa.

<sup>3</sup> Dii, tó nɛ̀ wa durunno kɛ̀ ò diemɛ,  
Dii, dé bé eé bɔɔ?

<sup>4</sup> Mbe ní durunkɛ̀nnɛna zé vī,  
beee yānzin wè vīa kɛ̀nnɛzi.

<sup>5</sup> Ma wéɛ ègɔ̀ do Diizi, mée à dāa,  
à yān má sɔ̀kpazi.

<sup>6</sup> Lán gudākparino wéɛ ègɔ̀ do gudɔ̀nazi nà,  
ma wéɛ ègɔ̀ do Diizi deńla,  
ee, à de gudākparino wéɛdo na gudɔ̀nazila.

<sup>7</sup> A Isarailino, à wéɛ do Diizi,  
zaake Dii gbɛ̀kɛɛ vī,  
à m̀sina gbāaa vī papana.

<sup>8</sup> Àmbe eé Isarailino bo  
aɔ̀ durunno guu píngi.

## 131

### *Nana Diizi*

Gana Yerusalemu lè kè Dauda dà.

<sup>1</sup> Dii, ñadāna kú ma swè guuro,  
mèè gbɛ̀no gwa mà ní ke pɔ̀pɔ̀ro,  
mèè ɔ̀ ká yā kè demalaaziro,  
kesɔ̀ yā kè zī'ũmɛɛ.

<sup>2</sup> Lenlo! Ma a laasuu kè do,  
ma a làakari kpàe  
lán né yɔ̀miri kè kú à da ɔ̀zī bà,  
ma nòse de lán né yɔ̀miri pó bà.

<sup>3</sup> A Isarailino, a wéɛ gɔ̀ do Diizi  
zaa tia ai guro píngi.

## 132

### *Dauda boriino vɛ̀na kpatan Zayon*

Gana Yerusalemu lè.

<sup>1</sup> Dii, ñ tó Dauda yā gɔ̀ do ngu  
kɔ̀n nawɛ̀a kè à kèno píngi.

<sup>2</sup> À la dà Diine,  
à lù sè Yakubu Luda gbāadeene à bè,

<sup>3</sup> é gɛ̀ kpénlo,  
é dae a gádoaro,

<sup>4</sup> é we à igoba páro,  
é tó ii na a wéɛnlo,

<sup>5</sup> ai à gá guu eo Diine  
à kpé do Yakubu Luda gbāadeene.

<sup>6</sup> Wa à baaru mà Eflata bùsun,  
wa bɔ̀a Yarimu bura.

<sup>7</sup> Wà gá à kúkiia,  
wà kúe à tinti aɛ.

<sup>8</sup> Dii, ñ fɛ̀ ñ su n pitakiia,

mpi kōn n ikoke àkpatio.

<sup>9</sup> N gbàgbārinɔ maakεε da uta ũ,  
n yāmarinɔ guda gō dɔ.

<sup>10</sup> Nton mikpεε zu kína kè n kànero  
n zòbleri Dauda yānzi.

<sup>11</sup> Dii sì kōn a kuunao Daudanε,  
à náanε vī, eé lé liero, à bè:  
Mé n boriinɔ doke ká n kpatan.

<sup>12</sup> Tó n boriinɔ ma bà kuunañyo yā dà,  
tó aō yā kè má dàñnenɔ kūna,  
aō boriinɔ égō vεε n kpatan gurɔ píngi.

<sup>13</sup> Zaake Dii Zayɔn sè,  
à yezi àgō de a vεεkii ũ, à bè:

<sup>14</sup> Guu kèn mégō kún gurɔ píngi,  
gura kèn mégō vεenan, zaake à ma pɔɔ gbàme.

<sup>15</sup> Mé aubarika dan maamaa,  
mé póblee kpá à takaasideenɔa à mómma.

<sup>16</sup> Mé m̀sina da à sa'orinɔne uta ũ,  
ma yāmarinɔ guda égō dɔ.

<sup>17</sup> Gwen mé Dauda bori kína gbāadee bɔn,  
gwen kína kè má kà té égō dɔn.

<sup>18</sup> Mé wí da à ibεenɔa,  
à kífura égō té keε à m̀ia.

## 133

### *Kuuna kōo ledole guu*

Gana Yerusalemu lè kè Dauda dà.

<sup>1</sup> À gwa lán à maa bensō à nna nà,  
tó Luda gbēnɔɔ kuu kōo ledole guu.

<sup>2</sup> À de lán kyakena nōsi  
kè wà kù Aruna m̀ia bà,  
kè plà à létānkakāa ai à kà à uta léa.

<sup>3</sup> À de lán wà be  
Emɔni kpíi bé èe kpaa bà Zayɔn kpiiinɔa.  
Gwen Dii a aubarikadanguna dien  
wèndi kè eé yāaroo ũ.

## 134

### *Dii sáabukpana gwāavī*

Gana Yerusalemu lè.

<sup>1</sup> A Dii zīkerinɔ,  
à Dii sáabu kpá a píngi,  
amɔa kè ée zīi keε Dii ua gwāavĩnɔ.

<sup>2</sup> À a ɔɔ sé musu Dii kúkii kpa,  
à à sáabu kpá.

<sup>3</sup> Zaa Zayɔn Dii aubarika daagu,  
àmbe à musu kōn tɔtεo kè.

## 135

*Dii táakilena*

<sup>1</sup> Aleluya!

À Dii tó bọ!

À Dii sáabu kpá, amọ́a à zĩkerinọ!

<sup>2</sup> Amọ́a kẹ̀ eè zĩi ke wa Dii benọ,  
a gbě̀ kẹ̀ eèg̃ọ zena wa Luda uano.

<sup>3</sup> À Dii tó bọ, zaake à maa,  
à à táaki lé, zaake beee bé à nna.

<sup>4</sup> Dii Yakubu boriinọ sè a pọ́ ń,  
à Isarailinọ diẹ a gbě̀ yenzideenọ ń.

<sup>5</sup> Má d̃ọ̀ kẹ̀ Dii bíta,  
wa Luda bé à de tãanọla ń píngi.

<sup>6</sup> Dii è yā̀ kẹ̀ à yezi ke  
musu k̃n t̃ọ̀t̃eọ,  
ísiaano guu k̃n a l̃nọ.

<sup>7</sup> È tó lou sisi ai anduna lézekiia,  
è tó lou ma k̃n à pinao,  
è bọ̀ k̃n zàga'íao a pókækiin.

<sup>8</sup> À Igipiti daudunọ dèdè  
k̃n pókãde né káakunọ píngi.

<sup>9</sup> À sèedanọ k̃n dabuyãno kẹ̀ Igipiti,  
à wéé tã Fili'aunaa k̃n a ìbanọ ń píngi.

<sup>10</sup> À boriinọ kàate pari,  
à kína gbãadeenọ dèdè,

<sup>11</sup> Am̃rinọ kí Sís̃  
k̃n Basã kí Oguo  
k̃n Kanaa b̃usu k̃nanọ ń píngi.

<sup>12</sup> À ń b̃usu s̃i à kpà  
a gbě̀ Isarailinọa túbi ń.

<sup>13</sup> Dii, n tó ègọ kuu gurọ píngi,  
Dii, n yā̀ ég̃ọ dọ gbēñn ai wa boriia.

<sup>14</sup> Zaake Dii é tó a gbēnọ bọ maa,  
eé a zòblerinọ wēnda gwa.

<sup>15</sup> Boriinọ ń tãano p̃i k̃n kondogio k̃n vurao,  
gbēntee ọ̀z̃iñm̃e.

<sup>16</sup> Ã lé ṽi, m̃ode ãè yā̀ oro,  
ã wéé ṽi, m̃ode ãè guu ero,

<sup>17</sup> ã swā ṽi, m̃ode ãè yā̀ maro,  
ãè wesaa boro.

<sup>18</sup> Ã p̃iriñọ s̃enkpeńyome  
k̃n gbě̀ kẹ̀ ãọ ténzinọ ń píngi.

<sup>19</sup> Isarailinọ, à Dii sáabu kpá!  
Aruna boriinọ, à Dii sáabu kpá!

<sup>20</sup> Levi boriinọ, à Dii sáabu kpá!

Dii vīakerinɔ, à Dii sáabu kpá!  
 21 Aubarikadeen Dii ũ zaa Zayɔn,  
 àmɔ kè kú Yerusalemu.  
 Aleluya!

## 136

### *Dii sáabukena*

- 1 À Dii sáabu ke, zaake à maa,  
à gběkeε yāana vīro.
- 2 À Luda kè de tāanɔla sáabu ke,  
à gběkeε yāana vīro.
- 3 À Dii kè de diinɔla sáabu ke,  
à gběkeε yāana vīro.
- 4 Àmbe è dabuyā bítanɔ ke ado,  
à gběkeε yāana vīro.
- 5 À musu kè kōn a ɔndɔɔ,  
à gběkeε yāana vīro.
- 6 À tɔɔte kàe í musu,  
à gběkeε yāana vīro.
- 7 À pógupuri bítanɔ kè,  
à gběkeε yāana vīro.
- 8 À ɔfāntē kè à kí ble fāantē,  
à gběkeε yāana vīro.
- 9 À mɔvura kōn sɔsɔnɛnɔ kè aɔ kí ble gwāavī,  
à gběkeε yāana vīro.
- 10 À Iyipiti daudunɔ dède,  
à gběkeε yāana vīro,
- 11 À Isarailinɔ bɔe ní té,  
à gběkeε yāana vīro.
- 12 À a gāsā pòro kōn a iko gbāaaɔ,  
à gběkeε yāana vīro.
- 13 À Isia Tēaa zòkɔre plaa,  
à gběkeε yāana vīro.
- 14 À tò Isarailinɔ gēte à dagura,  
à gběkeε yāana vīro.
- 15 À Fili'auna kōn a zìkpεenɔ kà Isia Tēaan,  
à gběkeε yāana vīro.
- 16 À dɔ a gbēnɔne aε gbáan,  
à gběkeε yāana vīro.
- 17 À kí bítanɔ lè à nè,  
à gběkeε yāana vīro.
- 18 À kí gbāadeenɔ dède,  
à gběkeε yāana vīro.
- 19 Amɔrinɔ kí Sís,  
à gběkeε yāana vīro.
- 20 Kōn Basā kí Oguo,  
à gběkeε yāana vīro.
- 21 À ní būsu sì à gba dào,



à gbêkêe yāana vīro.

<sup>22</sup> À kpà a zòbleri Isarailinɔa túbi ũ,  
à gbêkêe yāana vīro.

<sup>23</sup> À dò wa yān wa gwena zaaan,  
à gbêkêe yāana vīro.

<sup>24</sup> À wa bɔ wa ibeɛnɔ ɔzĩ,  
à gbêkêe yāana vīro.

<sup>25</sup> È pòblee kpá pò sānda píngia,  
à gbêkêe yāana vīro.

<sup>26</sup> À Luda Musude sáabu ke,  
à gbêkêe yāana vīro.

## 137

### *Zìɔnɔ wiipena*

<sup>1</sup> Kè wa vɛɛ Babilɔnu swaanɔ sae,  
Zayɔn yā dòwagu, ben wa ɔɔ dò.

<sup>2</sup> Wa wa mɔrɔnɔ tò logona swagbara línɔa gwe.

<sup>3</sup> Gwen gbê kè aɔɔ wa kúnanɔ bè wà lè sííne,  
wa wéetámmarinɔ yezi wà kòkò oíne,  
wà Zayɔn lènɔ doke sííne.

<sup>4</sup> Dian wé Dii lènɔ sí nà  
bori pāndenɔ bùsu guuu?

<sup>5</sup> Tó n yā sāmagu Yerusalemu,  
ma ɔplaa ga.

<sup>6</sup> Tó Yerusalemu yā e dɔmaguro,  
tó méɛ à diɛ ma pɔnnakena mì úro,  
ma néné nae.

<sup>7</sup> Dii, ñ dɔ yā kè Eɔɔmunɔ kèn  
zĩ kè wà yā mò Yerusalemune  
aɔ bè: À gbê à dae,  
à gbê à dae mámmán.

<sup>8</sup> Babilɔnudeenɔ né pò kaatenanɔmɛ!  
Aubarikadeen gbê kè eé yā kè á kèwee fīa boaree ũ,

<sup>9</sup> kè eé a nénɔ kùkù à ñ pá gbèa.

## 138

### *Dii sáabukpana à gbêkêe yānzi*

Dauda lè.

<sup>1</sup> Mé n sáabu kpá kɔn nòsɛo do,  
mé n táaki lé gbāadeenɔ aɛ.

<sup>2</sup> Mé kúe mà aɛ dɔ  
n kpé kè kú adona kpa,  
mé n tó bɔ n gbêkêe kɔn n náaneɔ yānzi,  
zaake n n tó kɔn n yāo sè lei de pò píngila.

<sup>3</sup> Kè ma n sisi, n wemala,  
n ma kù ke gbāaa, n ma swè kpáɛ.

<sup>4</sup> Tó anduna kínanɔ yā kè ñ ò mà,  
aɔ n sáabu kpá ñ píngi, Dii.

<sup>5</sup> Aṣ lè sí Dii yákenanṵ musu,  
zaake Dii gakui bíta.

<sup>6</sup> Baa kṵn Dii kuunamusukεεo,  
è gbē kēsānanṵ wēnda gwa,  
è wée pā gbē kè aṵṵe daa wà kànṵla.

<sup>7</sup> Baa tó wétāmma ligamazi,  
nèè ma wēndi dākpa,  
nèè ma ibεεnṵ pṵfē kpáε,  
nèè ma mì sí kṵn n gāsā gbāaa.

<sup>8</sup> Dii é yā kè à ò papame.  
Dii, n gbēkεε yāana vīro,  
ñton mamṵma kè n ma kεε tóro.

## 139

### *Dii yā sānda píngi dṵ*

Dauda lè.

<sup>1</sup> Dii, n ma yā gwàgwa n dṵ,  
<sup>2</sup> n ma vēεna kṵn ma fεεnao dṵ,  
zaa zāazā n ma laasuunṵ dṵ.  
<sup>3</sup> Nèè ma taa'ona kṵn ma daεnao tàasi kε,  
n kṵ dṵ kṵn ma yānṵ píngi.  
<sup>4</sup> Lε yā kpé à bṵ ma lén,  
Dii, n dṵ sānsān.

<sup>5</sup> N ligamazi kpεε kṵn aεo,  
n ṵṵ kúmala.  
<sup>6</sup> Dṵna beee demε dabuyā ūmε,  
à demala, ma òndṵṵ e káaro.

<sup>7</sup> Mán mé gán mà kē n Niniia?  
Mán mé bàa sí mà gán mà koranzii?  
<sup>8</sup> Tó ma fεε ma gaa musu, n kú gwe!  
Tó ma daekii kè gèwāan, n yε gwa!  
<sup>9</sup> Tó ma fεε ma gaa ṵfāntēbṵε kpa,  
tó ma gaa vēε ísia baa ṵfāntēgēkpεn kpa,  
<sup>10</sup> baa gwemε má na n ṵzī,  
négṵ ma kūna n ṵplaa.

<sup>11</sup> Tó ma bè gusiaa damala,  
ke gupuraa kè ligamazii li gwāavī ū,  
<sup>12</sup> guu ègṵ siannεro,  
gwāavī ègṵ denne lán fāantē bàme,  
gupura kṵn gusiaao ègṵ sēnkpenne.

<sup>13</sup> Mbe n ma guu kè,  
n ma í kása ma da gbεεen.  
<sup>14</sup> Ma sáabu kè kēnne ma kena naasi vī  
bensṵ à yābonsaε vī.  
N yákenanṵ è bṵ n saε,  
má dṵ sānsān ma nṵsen.

15 Gurɔ kè n ma í kàsa né'iso guu,  
 ma wá kee utenannero.  
 Kè ma mè e lii asii guu gwe,  
 16 n wéε sɪ ma négberele.  
 Lán n ma gurɔ ðie nà píngi,  
 à lé kú n takadan  
 zaale à kee e naaro.

17 Luda, n laasuu bèε vīme maamaa,  
 à lé vīro fá!  
 18 Tó má yezi mà naro,  
 aɔɔ pari de bùsu'āatēla.  
 tó ma vu,  
 meègɔ kúnyo ai tia.

19 Luda, tó né gbē zaaano dede dé?  
 À gumala a gbēderino!  
 20 N ibeeno è n yā o kōn nòse zaaao,  
 n tó bèε vī n lénlo.  
 21 Dii, mèε za gbē kè aɔ zanguunonloo?  
 Mèε gí gbē kè aɔ fēenzino kāzi.  
 22 Má yāke vīñnero, se zangu,  
 mèε n ðie ma ibeeno ūme.

23 Luda, n ma gwagwa n ma nòse dɔ,  
 n ma yɔ n ma gwa n ma laasuu dɔ.  
 24 N gwa tó má laasuu zaa ke vī,  
 n ma da zé kè ègɔ kuu gurɔ píngia guu.

## 140

### *Aduakena gbē zaaano musu*

Dauda lè.

1 Dii, n ma sí gbē zaaano,  
 n ma dākpa gbē pāsino yānzi.  
 2 Aɔè yā zaaa laasuu lé n swè guu,  
 swèen aɔègɔ weteε gurɔ píngi.  
 3 Aɔè n lé keke lán mlè bà,  
 aɔ légbε né pitigoo seweεme.

4 Dii, nton tó gbē zaaano namaro,  
 n ma sí gbē pāsino,  
 aɔè lé kpakɔsɔ le wà ma pāε.  
 5 Wadadeeno wèε yòmε,  
 aɔ takuteε kpàkpame,  
 aɔ bà kpàme zén.

6 Dii, ma bènnε: Ma Ludan n ū,  
 n swā kpá ma wēnda wiiizi, Dii.  
 7 Dii Luda, ma mīsiri gbāaa,  
 mmɔn kè neè ɔ kúmala zīlan,  
 8 nton tó gbē zaaano n poyezi zé ero,

Dii, ònton tó aǎ lékpakǎsǎna kǎ séro.

<sup>9</sup> Gbǎ kǎ aǎ ligamaziinǎ,  
yǎ zaaa kǎ aǎe ma kpákpaao wí nǎ musu.

<sup>10</sup> Tǎyǎ wǎaa kúmma, wà nǎ zu tén,  
aǎ si wǎe kǎ aǎé bǎnloo guu.

<sup>11</sup> Ònton tó gbǎyakarinnǎ zekii e anduna guuro,  
nǎ tó kisira gǎ gbǎ pásinnǎ wǎe zena sai.

<sup>12</sup> Má dǎ kǎ Dii è yǎ nnaa kpá wǎndadeennǎ,  
è yǎ kekǎ takaasideennǎe a zǎa.

<sup>13</sup> Yǎpura, gbǎ maaannǎ é nǎ tó bǎ,  
nǎsǎpuradeennǎ é gǎ kú nǎ aezǎ.

## 141

### *Mǎsina aduakena*

Dauda lǎ.

<sup>1</sup> Dii, mǎe wii pǎenzi, nǎ kǎ kpákpa,  
tó ma nǎ sisi, nǎ swǎ kpá ma yǎzi.

<sup>2</sup> Ò tó ma aduakena kǎ nǎ kiia  
lán tuaetiti tǎsukpǎ bà.

Ò tó ma ǎ dǎna musu gǎ denne  
sa uusie ona ũ.

<sup>3</sup> Dii, nǎ lǎsǎ damǎ ma lǎne,  
nǎ tó mà a lǎ fǎ.

<sup>4</sup> Ònton tó yǎ zaaa ma swǎ gǎero,  
lǎ màton kakǎa kǎn zaakerinnǎ  
nǎ yǎzaakena guuro,  
lǎ màton nǎ pǎ nnaannǎ bleńyoro.

<sup>5</sup> Tó gbǎ maaa ma lǎ, à gbǎkekǎ kǎmǎmǎ!  
Tó à kpǎkǎmazi, mǎ gíziro,  
nǎsi kǎn a kpǎome.

Mǎegǎ adua kekǎ baabǎre  
lǎ gbǎ zaaannǎ yǎkena gboro.

<sup>6</sup> Tó wà nǎ gbǎadeennǎ kǎ sǎsǎgoo wǎen,  
zaakerinnǎ é sí kǎ ma yǎ bé à nna.

<sup>7</sup> Lán wǎ yǎka para à bǎu fǎakǎa nǎ,  
lǎn aǎ wǎ é gǎ fǎakǎana nǎ mirawǎe lǎa lǎ.

<sup>8</sup> Dii Luda, mǎbe ma wǎe dǎnzi,  
ma nanzi, ònton ma kpá gaaziro.

<sup>9</sup> Ò ma bǎ takutǎe kǎ wà kpǎkpamǎennǎ,  
bà kǎ zaakerinnǎ kpǎkpamǎe pinnǎ.

<sup>10</sup> Ò tó gbǎ zaaannǎ si nǎ zǎnda bà guu,  
mapi sǎ mǎ gǎte aafia.

## 142

*Aduakena gbèwɛɛn*

Dauda aduakena gurɔ kè à kú gbèwɛɛn.

<sup>1</sup> Mée ó gbāaa dɔɔ Diine,  
mée wɛnda wii pɛɛ Diizi.

<sup>2</sup> Mée ma yā'ɔamma bɔɛɛɛɛ,  
mée ma nawɛakena tɔkɛɛɛɛ.

<sup>3</sup> Tó ma nòse yàka búgubugu,  
ńbe nɛ̀gɔ ma tá kèse dɔ.

Wà takuteɛ kpàkpame ma zén.

<sup>4</sup> Ñ wée sé ñ ma ɔplaa gwa,  
gbɛke è ma yā daro.

Má nakii vī dɔro,  
gbɛke è ma aafia gbekaro.

<sup>5</sup> Dii, mée wii pɛɛnzi ma bè:

Íbe ma utekii ũ,  
ńbe ma baka ũ andunan.

<sup>6</sup> Ñ swā kpá ma wiipenazi,  
zaake ma gɔ múkumukume.

Ñ ma sí gbɛ kè aɔɔe pɛɛɛmaziinɔa,  
zaake aɔ gbāaa demala.

<sup>7</sup> Ñ ma bɔ kagurakena kèkiin,  
le mà n tó bɔ,

gbasa gbɛ maaanɔ ligamazi  
kè n yā maa kème yānzi.

## 143

*Kuuna ibɛɛnɔ ɔzī aduakena*

Dauda lè.

<sup>1</sup> Dii, ñ ma aduakena sí,  
ñ swā kpá ma wɛnda wiiizi,  
ñ wemala n náane kɔn n maaao yānzi.

<sup>2</sup> Ñton yákpae ke kɔn mamɔma n zɔ̀blerioro,  
zaake gbɛkee taari sai n kiiaro.

<sup>3</sup> Ma ibɛɛ pèɛma à ma ne,  
à tò má kú gusiaan  
lán gbɛ kè gà zaa gikena bà.

<sup>4</sup> Ben ma nòse yàka búgubugu,  
ma kã gà.

<sup>5</sup> Yā ziziinɔ dòmagu,  
mèè laasuu lé n zikɛnanɔa,  
mèè n yákenanɔ wàari pá.

<sup>6</sup> Ma a ɔɔ dɔnzi,  
mèè n ni dɛɛ lán gukori è í ni dɛ nà.

<sup>7</sup> Ñ wemala kpakpaa Dii,  
ma yèè vī dɔro.

Ñton mìkpɛɛ zumero,

le màton gō lán gbē kè aō sī gèwāanno bàro.

<sup>8</sup> Ñ n gbēkεε ɔɔame kɔngɔ,  
zaake mbe má n náane vī.

Ñ ma da zé kè de mà séa,  
zaake mbe ma swè tà n kiia.

<sup>9</sup> Ñ ma sí ma ibεεnɔa, Dii,  
mbe ma nanzi.

<sup>10</sup> Mbe ma Luda ũ,  
n n pɔyeziyā dame.

Ñ tó n Nini maaa dɔme ae gusararaan.

<sup>11</sup> Ñ ma wèndi dākpa n tó yānzi, Dii,  
n ma bɔ yā'ɔamma guu n maaa yānzi.

<sup>12</sup> Ñ ma ibεεnɔ kaate n gbēkεε yānzi,  
n ma zangurinɔ dede n pīngi,  
zaake n zòblerin ma ũ.

## 144

### *Aduakena mīsina yā musu*

Dauda lè.

<sup>1</sup> Aubarikadeen Dii ma gbèsi ũ,  
è zìkana dadame,  
è ma ɔ tòto ke zìkana yānzi.

<sup>2</sup> Àmbe ma utekii ũ, è gbēkεε keme,  
à de ma zeki gbāaa ũ, è ma mì sí.  
À de ma sengbango ũ kè meè nazi,  
è tó boriinɔ mì sieme.

<sup>3</sup> Dii, bón gbēntee ũ  
kè à yā ègō dɔnguu?  
Bón à ũ kè neè làakari dɔa?

<sup>4</sup> Gbēntee de lán kàsa kpíi bàme,  
à wèndi è gēte lán ɔra bà.

<sup>5</sup> Dii, n musu nae n pita,  
n ɔ ke kpíiinɔa le aō tésukpe bɔ.

<sup>6</sup> Ñ tó lou pí n gbēnɔ fāakōa,  
n kà fā n té aō lekōa.

<sup>7</sup> Ñ ɔ bɔ zaa musu n ma kũ,  
n ma bɔ í bíta guu,

n ma sí bori zítɔnɔa.

<sup>8</sup> Egetona n lé pà,  
aō ɔ pāe kōn lùsena pāao.

<sup>9</sup> Luda, mé lè dufu sínne,  
mé n táaki lé kōn mɔrɔ bà mèn kurideeo,

<sup>10</sup> mmɔn kè neè tó kínanɔ zì ble,  
neè n zòbleri Dauda bɔ fēeda pāsī lézī.

<sup>11</sup> Ñ ma sí n ma bɔ bori zítɔnɔ ɔzī,  
egetona n lé pà,

aṣè ɔ pãε kɔ̃n lùsena pãao.

<sup>12</sup> Wa nэгɔ̃gbɛ̃nɔ é fεε n̄ gɔ̃kparekεguro  
lán lí kè nnaa mà bà,  
wa nэнɔ̃gbɛ̃nɔ gɔ̃ de  
lán kíβε wesagba kè wà zãa blèa bà.

<sup>13</sup> Wa d̄nɔ é pa kɔ̃n pɔ̄ bori sãnda píngio.  
Wa sãanɔ é kɔ̄ lεo wãa do,  
aṣé ká bɔ̄rɔ ùgbangba wa kpàsan.

<sup>14</sup> Wa z̄unɔ é gɔ̃ de nédandeenɔ ù,  
nòbɔ̄ena é gɔ̃ kuuro,  
lagona é gɔ̃ kuuro,  
wènda'óodɔna é gɔ̃ kú gãalero.

<sup>15</sup> Aubarikadeenɔn gb̄ε kè aṣ kuuna de lεenɔ ù,  
aubarikadeenɔn gb̄ε kè Dii de n̄ Luda ùunɔ ù.

## 145

### *Dii táakilena a maakena yãzi*

Dii táaki kè Dauda lè.

<sup>1</sup> Mé n táaki lé, ma Luda ma Kína,  
mégɔ̄ n tó bɔ̄ɔ guro píngi.

<sup>2</sup> Mégɔ̄ n sáabu kpaa lán guu e dɔ̄ɔ nà,  
mégɔ̄ n táaki lεε yãana sai.

<sup>3</sup> Dii bíta, à kà wà à táaki lé,  
à bítake lé v̄iro.

<sup>4</sup> Kpàenɔ é n yãkenanɔ sáabu kpá Wurenɔne,  
aṣé n yãbitakenanɔ kpàakpa kε.

<sup>5</sup> Aṣé n maake bíta gakuide yã o,  
mé n yãbɔ̄nsaekenanɔ laasuu lé.

<sup>6</sup> Aṣé n yãkena naaside gbãa yã o,  
mé n bítakeε t̄k̄é̄n̄ε.

<sup>7</sup> Aṣé n maake bíta baaru kpá,  
aṣé guda kε n yãzedekenanɔ yãzi.

<sup>8</sup> Dii sùu v̄i kɔ̃n wèndaaɔ,  
è pɔ̄ f̄ε kpaaro, à gb̄εkεε v̄i bíta.

<sup>9</sup> Dii è à maaa kε baade píngine,  
è a pɔ̄ kè à kènɔ wènda gwa n̄ píngi.

<sup>10</sup> Pɔ̄ kè n̄ kènɔ é n sáabu kpá n̄ píngi,  
n yãmarinɔ é n tó sé lezĩ, Dii.

<sup>11</sup> Aṣé n kpata gakui gari kε,  
aṣé n iko gbãa yã o,

<sup>12</sup> le gb̄ε píngi n yãbitakenanɔ d̄s  
kɔ̃n n kpata maa gakuide yão.

<sup>13</sup> N kpata né kpata yãanasaimε,  
nэгɔ̄ de kí ù ai wa boriia.

Dii náane v̄i yã kè à ò píngi musu,  
à sùu v̄i kɔ̃n pɔ̄ kè à kènɔ n̄ píngi.

<sup>14</sup> Dii è gb̄ε kè aṣɔe lεenɔ kũ,

è gbě kè nawěa tòmmanɔ fεε.

<sup>15</sup> Pó píngi wée dɔnzi,  
neè póblee kpáríma à gurɔɔa.

<sup>16</sup> Neè ɔ porońne pó mómma,  
neè pó píngi pɔyezi bɔkɔtenε.

<sup>17</sup> Dii yákerinanɔ maa píngi,  
à gběkeε vī a yā píngi kena guu.

<sup>18</sup> Dii kīi kōn a sīsirinɔ n píngi,  
gbě kè aṣè à sísi kōn yápuraaonɔ.

<sup>19</sup> È a vīakerinɔ pɔyezi bɔkɔteńne,  
è n wiipena ma à n mī sí.

<sup>20</sup> Dii è gbě kè aṣo yeaziinɔ dákpa n píngi,  
mode eé zaakerinɔ kaate.

<sup>21</sup> Dii táakilena égɔ da ma lén,  
pó píngi gɔ à tó kè kú adona bɔɔ gurɔ píngi.

## 146

### *Dii làakaridɔna wëndadeenɔa*

<sup>1</sup> Aleluya!

Ma swè, n Dii táaki lé.

<sup>2</sup> Mégɔ Dii táaki lee ai ma wëndi lén,  
mégɔ lè sii ma Ludanε ai ma kuuna lén.

<sup>3</sup> Àton náane dɔ gbāadeenɔaro,  
mīsina kú gběntee kiiaro.

<sup>4</sup> Tó aṣ wëndi tà, aṣè εara wà gē būsun,  
zī beeean yā kè aṣoε pεεa è yāa.

<sup>5</sup> Aubarikadeen gbě kè Yakubu Luda de à dɔnlerī ũu ũ,  
kè à wée dɔ Dii a Ludazi,

<sup>6</sup> musu kōn tɔɔteo Kèri,  
ísia kōn pó kè kú à guunɔ píngi.

Dii náane vī gurɔ píngi,

<sup>7</sup> è yā sí kōn gbě kè wée gbāaa mɔɔńnenɔ,  
è póblee kpá nɔaderinɔa.

Dii è bà poro gbě kè aṣo yinanɔa,

<sup>8</sup> Dii è vīanɔ wée wěńne,  
Dii è gbě kè nawěa tòmmanɔ fεε,

Dii ègɔ ye gbě maaanɔzi.

<sup>9</sup> Dii è bàmɔnɔ gwa,  
è ɔ da gyaanɔnɔa kōn tonenɔ,  
mode è zé yákɔte gbě zaaanɔε.

<sup>10</sup> Dii ègɔ kí blee gurɔ píngi,  
Zayɔndeenɔ, a Luda ègɔ kuu ai a boriia.  
Aleluya!



## 147

*Pó píngi kú Luda ɔzĩ*

1 Aleluya!

Lèsina wa Ludane maa,  
à nna bensõ à kõ sio wà à táaki lé.

2 Dii e Yerusalemu fεεε do,  
èe Isaraili zìzɔno kaakɔa, èe eara à suńyo.

3 È gbě kè aõ nòse yàkanɔ làakari kpáéńne,  
è ń bò pípińne.

4 À sɔsɔnenɔ lé dõ,  
è ń baade sísi a tóa.

5 Wa Dii bíta, à iko vĩ maamaa,  
à ɔndɔɔ lé vĩro.

6 Dii è zĩndabusarinɔ gba gbāaa,  
mɔde è ɔ tɔ zaakerinɔa ai tɔtɔea.

7 À lè sí Diine kɔn à sáabukenao,  
à wa Luda táaki lé kɔn mɔrɔo.

8 È tó lou sisi,  
è tɔtɔe gba lou,  
è tó sè bɔe sɔsɔnɔa.

9 È pɔblee kpá nòbɔnɔa  
kɔn gbāa kánkāna nénɔ, tó aɔɔe wii pεε.

10 Èe ke sɔ gbāakεε bé è kánero,  
èe ke gɔsagbāakεε bé è kenero.

11 Gbě kè aɔɔ à vĩa vĩinɔ bé è káne,  
gbě kè aõ wée do à gběkeezinɔ.

12 Yerusalemudeenɔ, à Dii tó bɔ,  
Zayɔndeenɔ, à a Luda táaki lé.

13 Zaake è aubarika daagu,  
è a wéte bíilenɔ gbāaa kaaraare.

14 È a gba aafia ai a búsule lén,  
è pɔbori maaa kpáawa à mɔawa.

15 È yā o à kpāsā tɔtɔene,  
à yā è ká gɔɔgɔɔ.

16 È tó loughε kwé púu lán buu bà,  
è tó kpíi kpá lán túbu bà,

17 è loughε fã lán gbèkɔsɔ bà.  
Dé bé eé fɔ à ze à ãa yĩizi?

18 È yā o à kpāsā, loughε è yó,  
è ãa gbare, à í è bàa lé.

19 È tó Yakubu boriinɔ gɔ a yā dõ,  
è doka kè a dienɔ da Isarailinɔne.

20 Èe beee ke bori pānde kenero,  
aɔɔ à yādienanɔ dõro.

Aleluya!

## 148

*Dii pò kè à kènɔ à táakilena*

1 Aleluya!

À Dii táaki lé, à bɛdeenɔ,  
à à táaki lé zaa musu!

2 À à táaki lé, à malaikanɔ a píngi,  
à à táaki lé, à ìbanɔ a píngi!

3 À à táaki lé, ɔfántɛ kɔn mɔvurao,  
à à táaki lé, sɔsɔnɛ ínnaanɔ píngi!

4 À à táaki lé, bàtuma musumusu pónɔ  
kɔn í kè da ludambɛelaanɔ.

5 Aǎ Dii tó bɔ,  
zaake à yǎ ò, ben aǎ kuu.

6 À n pɛpɛ n pékiia  
le aǎgɔ kú gwe gurɔ píngi,  
à doka diénɛ, aǎé fǎ wà vǎàlaro.

7 À Dii táaki lé, pò kè kú tɔtɛnɔ,  
kpò gbèntɛnɔ kɔn ísia lònɔ,

8 kɔn loupinao kɔn loughɛo kɔn lousisinao  
kɔn zàga'ía kè è mì sie à yǎnɛo,

9 kɔn kpíiinɔ kɔn sǎsǎnɔ píngi  
kɔn lí né'irinɔ kɔn sida línɔ píngi,

10 kɔn nòbɔsɛtɛnɔ kɔn pókádeenɔ píngi  
kɔn pótáa'onkuseanɔ kɔn bǎanɔ,

11 kɔn anduna kínanɔ kɔn boriinɔ píngi  
kɔn kínɛnɔ kɔn bùsu gbǎadeenɔ n píngi,

12 kɔn gɔkparɛnɔ kɔn nɔkparɛnɔ n píngi,  
gběnsi né féte.

13 Aǎ Dii tó bɔ,  
zaake à mèn doo tó bé à bíta,  
à gakui de musu kɔn tɔtɛo póla.

14 À kí kà a gběnɔnɛ,  
kè à yǎmarinɔ è à táaki lé,  
Isaraili kè aǎ kǎionɔ.  
Aleluya!

## 149

*Dii gbɛnɔ yákpasɛna kɔn boriinɔ*

1 Aleluya!

À lè dufu sí Diine,  
à à táaki lé à gbɛnɔ kakɔana guu.

2 Isarailinɔ pɔɔ ke nna n Kèria,  
Zayɔndeenɔ pɔnnaa ke kɔn n kínao.

3 Aǎ ɔ wǎ wà à tó bɔ,  
aǎ à táaki lé kɔn mɔrɔɔ kɔn sɛgɛsɛgɛo.

4 Zaake Dii gbɛnɔ yǎ è kánɛ,  
è mìsina fùra kú zǎndabusarinɔnɛ,

5 Dii yǎmarinɔ pɔnna wii pé n zǎblena yǎnzi,

aõ guda do ñ daebɔ musu.

<sup>6</sup>Luda táakilena gõ da ñ lén,  
fɛɛda kpaplaplaaa gõ naa ñ ɔzĩ,

<sup>7</sup>Le aõ gɛɛ boo boriinɔa,  
aõ wɛɛ tão bùsu píngi gbɛnɔa,

<sup>8</sup>Le aõ ñ kɪnanɔ yiɪ kɔn m̀kyakoonɔ,  
aõ m̀gata ká ñ wɛɛnɛnɔa,

<sup>9</sup>Le aõ yã danla lán à kɛna takada guu nà.  
Gakui kè Dii yāmarinɔ é een gwe.

Aleluya!

## 150

### *Dii táakilena*

<sup>1</sup>Aleluya!

À Luda táaki lé à kúkiia,  
à à táaki lé bàtuma bíta guu.

<sup>2</sup>À à táaki lé à gbãake yānzi,  
à à táaki lé kè à bíta deñla yānzi.

<sup>3</sup>À à táaki lé kɔn kākākipɛnao,  
à à táaki lé kɔn mɔɔɔ kɔn kungidio.

<sup>4</sup>À à táaki lé kɔn gāgāo kɔn ɔwānao,  
à à táaki lé kɔn googeo kɔn kureo.

<sup>5</sup>À à táaki lé kɔn sègɛpanao,  
à à táaki lé kɔn sègɛ ɔ gbāaaao.

<sup>6</sup>Pó bɛɛ píngi, à Dii táaki lé!  
Aleluya!

## YAASINŌ

### *Yā kè à yānzin wè yáasi zuzi*

- <sup>1</sup> Yáasi kè Dauda né Sulemanu, Isarailino kína zù,  
<sup>2</sup> le gbēno ɔndɔ kũ aɔgɔ làakari vī,  
 aɔ dɔna yā dada,  
<sup>3</sup> aɔ gɔ wéezēri làakarideeno ũ  
 maakena kɔn yāzedeo kɔn náaneo yā guu.  
<sup>4</sup> Yáasi kēno è nɔsedodee gba làakari,  
 è tó òwazi gɔ kú à dɔroa kɔn dɔnao.  
<sup>5</sup> Làakaridee é ma, à yādadana e à kaara,  
 nɔsedee é lédamma e à guu,  
<sup>6</sup> eé yáasi kɔn yālekɔzinao mì dɔ  
 kɔn ɔndɔrinɔ yā'onao kɔn n̄ gara gbooto yāno.  
<sup>7</sup> Vīakena Diinen dɔna kāsā ũ,  
 yɔnkɔ bé è kya ká ɔndɔn kɔn lédammanao.

### *Làakarikena gbē zaa mɔnafikizi*

- <sup>8</sup> Ma né, n̄ n de yā'onnenena ma,  
 n̄ton pā kpá n da lédammaziro.  
<sup>9</sup> Eégɔ de fura maaa ũ n mìa,  
 eégɔ de kāmbeε ũ n waale.  
<sup>10</sup> Tó durunkerinɔ e ɔndɔ daenzi,  
 n̄ton wero, ma né.  
<sup>11</sup> Aɔè be: N̄ mó wà gá gbēno dādā wà n̄ dede,  
 wà taarisaideeno kpákpa wà n̄ kũkũ.  
<sup>12</sup> Wà n̄ mó mɔ bēε lán mira è n̄ mó mɔ nà,  
 wà n̄ mó zaa lán gèwāa è n̄ mó zaa nà,  
<sup>13</sup> wé pɔ ɔɔde bori sānda píngi e,  
 wa kpénɔ é pa kɔn pɔ kè wá nàkɔano.  
<sup>14</sup> N̄ mó wà wa baka kakɔa,  
 wa píngi wa ɔɔsɔ é gɔ dɔnkɔ.  
<sup>15</sup> Ma né, n̄ton gányoro,  
 n̄ton zé sényoro.  
<sup>16</sup> Zaake aɔégɔ wāa kɔn yāzaakenao,  
 aɔ kpaa kɔn gbēdenao.  
<sup>17</sup> Bàkpakpana bāano wāa né yā pāame.  
<sup>18</sup> Aɔe takutεε kpákpa n̄ zīndanεε,  
 aɔ toke bé à n̄ paa.  
<sup>19</sup> ɔɔzaa'erinɔ ziaan gwe n̄ píngi,  
 aɔ lugana pɔzi bé è n̄ wèndi bɔ.

### *ɔndɔ e wa sisii*

- <sup>20</sup> ɔndɔ e wii leε gāale,  
 à lé dɔ zédaan.  
<sup>21</sup> Èe lé zuu zé kè wè kakɔan léa,  
 èe kpàakpa keε wéte bīilenɔ guu à be:  
<sup>22</sup> ɔndɔsaideeno, é gɔ kuu kɔn ɔndɔsaikεεo ai bɔreεe?

Faborinŋ, é zε kŋn ma fabonao ai bŋremε?  
 Yŋnkŋŋŋ, éǵŋ zaa dŋnan ai bŋremε?

<sup>23</sup> Tó a ma lédamma mà yǎ,  
 le ma a dŋna pisiawa,  
 mé tó àǵŋ ma laasuu vī.

<sup>24</sup> Lán ma a sisi a gi swǎ kpázi nà,  
 ma ɔ pòroare, a gbēkee e làakari kero,

<sup>25</sup> lán a ma lédamma kpà swākoto nà píngi,  
 ée we làakari kè ma a gbaaziro,

<sup>26</sup> tó mŋnzi a le, mé a yáa dŋmε,  
 tó yǎ a le, mé a lalandi kemε,

<sup>27</sup> baa tó yǎ a le lán zàga'īa bà,  
 ke tó mŋnzi a le lán toto bà,  
 ke tó takaasi kŋn yǎ'ŋammao gèazi.

<sup>28</sup> Zī beee a é lé zumazi, mé sŋ wero,  
 é ma kii wetε, é ma e sŋro.

<sup>29</sup> Zaake a za dŋnan,  
 ée zε kŋn vīakena Diinεoro.

<sup>30</sup> Ée we ma lédammaziro,  
 a kya kà làakari kè ma a gbaan.

<sup>31</sup> É a dà gbè e,  
 yǎ zaaa kè a zεo é wí a musu.

<sup>32</sup> Kpεelina ŋndŋŋε é ŋndŋsaideenŋ dεdε,  
 laasuusai é yŋnkŋŋŋ dúgu zŋ.

<sup>33</sup> Gbē kè ma yǎ kŋna sŋ éǵŋ kuu aafia,  
 eéǵŋ kuu làakario kpaena vīakena zaaanε sai.

## 2

### *Tεna ŋndŋzi àre*

<sup>1</sup> Ma né, tó n ma yǎ sì,  
 tó n ma yǎdienanŋ kŋna n swèn,

<sup>2</sup> tó n ée swǎ kpaa ŋndŋyǎzi,  
 tó n swè kpà asānsia,

<sup>3</sup> tó n lé zù wéezēezi,  
 tó n wii lè yǎ dŋrŋ dŋnazi,

<sup>4</sup> tó n kpáε kèzi lán kondogi bà,  
 tó n wètε lán auziki kè utena bà,

<sup>5</sup> néǵŋ vīakena Diinε dŋ sa,  
 né bŋ Luda dŋnaa.

<sup>6</sup> Zaake Dii bé è n gba ŋndŋŋ,  
 dŋna kŋn asānsio è bŋ à kiiamε.

<sup>7</sup> À zīblena kŋna gbē maaanŋε,  
 à dε sεngbango ū taarisaidenŋε.

<sup>8</sup> È ɔ liga gbē maaanŋzi aŋ zé guu,  
 è a yǎmarinŋ dākpa n tǎa'ona guu.

<sup>9</sup> Néǵŋ yǎzεdee dŋ sa kŋn yǎ súusuo  
 kŋn yǎ maaao kŋn zé maaao píngi.

<sup>10</sup> Zaake ŋndŋŋ é gē n swèn,  
 dŋna é n pŋŋ ke nna.

11 N làakari é n dākpa,  
asānsi é ɔ liganzi.

12 Eé n bɔ gbē zaaano zén  
eé n sí yābē'orino ɔzĩ.

13 Gbē pìno pà zé súusune,  
aō gusia zé sè.

14 Aōè pɔnnaa ke zaakena guu,  
aōè yā zaa faasai nnaa ma.

15 Aō yākena súusuro,  
aōègō yā kee mɔnafiki guume.

16 Ɔndɔ pì é n bɔ zinakeri ɔzĩ,  
eé n sí kaarua yānnanna'onnenaa.

17 Nɔgbē pì pā kpà a nénɔkparekeguro gōɔzi,  
à Luda bà kuunao yā gbòro.

18 À beè è mì pényo gaaame,  
à kpé zé è tányo gèwāan.

19 Gbē kè gèzi è nòse liero,  
è wèndi zé le dɔro.

20 Ɔndɔ pì é n da gbē maaano zéa,  
négō dɔrɔdeenɔ zé kūna.

21 Zaake nòsepuradeenɔ bé wé gō bùsu vī,  
taarisaidenɔ bé wégō kú à guu.

22 Zaakerino sɔ, weé pémma wà ní bɔ bùsumme,  
weé náanesaidenɔ kpake à guu.

### 3

#### *Dii náanekena è ní gba ɔndɔ*

1 Ma né, ònton tó ma yādannenaa sānguro,  
ngō yā kè má diennenenɔ kūna n swèn.

2 Zaake eé n ká wèndi gbāaa,  
eé aafia kaaranne.

3 Gbēke kɔn náaneo tón kēmmaro,  
ngō dana kāmbeè ũ,  
n kē n swèa lán wè pó kē walaaa nà,

4 n tó égō nna,  
négō maa Luda kiia kɔn gbēnteenɔ.

5 N Dii náane ke kɔn nòseo do,  
ònton gbāaa kpá n zīnda dōnaaro.

6 Ngō à dō n yāpingikena guu,  
eé zé poronne súusu.

7 Nton n zīnda gwa ɔndɔdee ũro,  
ngō Dii vīa vī n kē yā zaaaa.

8 Beeè égō de n mè aafia èzè ũ,  
eé n wáno gba gbāaa.

9 N bèè lí Diine kɔn n auzikio  
kɔn n bura pó káakunɔ píngi,

10 pówɛɛ é n dǒ pa ai àgǒ kwée,  
 n lo ìsino é pa yélele kǒn geepiwě dufuo.  
 11 Ma né, tó Dii e n totoo, ònton dǒke à yǎoro,  
 tó à kpàkēnzi, ònton tó à kenne ñiro.  
 12 Zaake gbě kè Dii yezin è toto,  
 lán de è ke a né kè kènne maaane nà.

*Ɔndǒ àre*

13 Aubarikadeen gbě kè ɔndǒ lè à kù  
 à dǒna è à pàpa ũ.  
 14 Zaake à àre vī de kondogila,  
 è kaarana keñne de vurala.  
 15 À bèe vī de gbèbaila,  
 pǒ kè ñ à nii vīino kee e ká à ũro.  
 16 Wèndi gbàa kú à ɔplaan,  
 auziki kǒn gakuio kú à ɔzeen.  
 17 À yákenanɔ nna,  
 à zé píngi aafia vī.  
 18 À de lí wèndidee ũ gbě kè kūnanɔne,  
 aubarikadeenɔn gbě kè aǒ sino ũ.

19 Dii gonikɛɛ guu à tǒte kàe,  
 à ɔndǒ guu à musu kè.  
 20 À ísia wèe bò a dǒna guu,  
 à tò ludambe luguu mǒdǒ vī.

21 Ma né, ñgǒ wéɛzɛɛ vī kǒn faao,  
 ònton wéɛ vīàlaro.  
 22 Eégǒ de n ninii wèndi ũ,  
 eégǒ de kǎmbɛɛ ũ n waale.  
 23 Néǒ té n làakaria,  
 pǒke é kpánnero.  
 24 Tó n dae, vīa é n kǔro,  
 né dae ñ ii o nna.  
 25 Né vīa ke karinero,  
 ke mǒnzi kè è zaakerinɔ le kǎndoo.  
 26 Zaake Dii éǒ de n mìnakii ũme,  
 eé tó n gbá vī takutɛɛla.  
 27 Tó n ɔ e n kpeɛ lee,  
 gbě kè de ñ à maaa kene, ònton gí keneziro.  
 28 Tó ñ ñankana zé vī,  
 ònton be n gbědaaane à gá gĩa ai ziario.  
 29 N gbědaaa kè kú n sae kè à n náanekena,  
 ònton à zaaa kpákǒsǒziro.  
 30 Tó gbě e yáke kennero,  
 ònton leokpakǒa keo pǎro.  
 31 Ñnton gbáamɔnneri gwena ni dero,  
 ònton té à yákɛna keziro.  
 32 Zaake Dii tèn mɔnafikideenɔ ũ,  
 nǒsepuradeenɔn è ke a kpaasinɔ ũ.  
 33 Dii è láari zĩ gbě zaaanɔ uaa,

è aubarika da gbě maaanŋ bεen.

<sup>34</sup> È lalandideenŋ lalandi ke,  
mŋde à gběkeε vī kŋn zīndabusarinŋ.

<sup>35</sup> Ūndŋdee è bεe e,  
yŋnkŋ sŋ è wī da a zīndaa.

## 4

### *Gběnsi lédamma*

<sup>1</sup> Ma néŋ, à gběnsi lédamma ma,  
à làakari dŋa le à asānsi e.

<sup>2</sup> Dŋna súusun mée daaare,  
àton pā kpá ma yādanneziro.

<sup>3</sup> Kè má kuu né ū ma de ŋzī,  
má busana ma da né mēn do léle ū.

<sup>4</sup> Ma de yā dāmε à bè:

Ŋgŋ ma yā kūna n swè guu,  
n ma yādienanŋ da négŋ kuu.

<sup>5</sup> Ŋ ŋndŋ kū ŋgŋ dŋna vī,  
n̄ton sān n̄ pā ma yānεro.

<sup>6</sup> Ŋton pā kpá ŋndŋziro, eé n dākpa,  
n̄gŋ yezi, eé ŋ kúnla.

<sup>7</sup> Ŋ ŋndŋ kū, àmbe yā píngi mī ū,  
n̄ dŋna wεε kŋn auziki kè n̄ vīio píngi.

<sup>8</sup> Ŋ à kū gbāngbān, eé n kaara,  
n̄ à kū ŋplaplaa, eé bεe línne.

<sup>9</sup> Eégŋ de fūra maaa ū n mīa,  
eégŋ denne kífura gakuidee ū.

<sup>10</sup> Ma né, n̄ swā kpá ma yāzi,  
n̄ yā pī da, n̄ wēndi égŋ gbāa.

<sup>11</sup> Ma ŋndŋ zé òdŋanne,  
ma n̄ da à zé súusu guu.

<sup>12</sup> Tó née táa oon, pŋke é kpánneero,  
tó née bàa leen, né gēn síro.

<sup>13</sup> Ŋgŋ ma lédamma kūna, n̄ton ŋ gbarεziro,  
n̄ à kū gbāa, zaake àmbe n̄ wēndi ū.

<sup>14</sup> Ŋton zaakεrinŋ zé séro,  
n̄ton té gbě zaaanŋ zéziro.

<sup>15</sup> Ŋ pāñne, n̄ton nammaro,  
n̄ kēm̄ma n̄ n gāao.

<sup>16</sup> Tó aŋe zaaa e wà kèro, aŋe ii oro,  
tó aŋe gbě e wà kari kεro, ii è gē n̄ wéenlo.

<sup>17</sup> Zaake zaakεnan n̄ pŋblee ū,  
wétāna gbēnŋan n̄ ímina ū.

<sup>18</sup> Gbě maaanŋ zé de lán gudŋna bàme,  
à gupuraa ègŋ bŋ lán ŋfāntē bŋna bà.

<sup>19</sup> Zaakerinŋ zé de lán gusia níginigi bàme,  
aŋe pŋ kè tò wè gēn sí dŋro.



20 Ma né, ò làakari dɔ yā pìnɔa,  
 ò swā kpá ma yā'onnenazi.  
 21 N̄ton kpá swākotoro,  
 òngō kūna n swè guu.  
 22 Zaake à de wèndi ũ gbē kè lè à kùne,  
 à de mè píngi aafia ũ.  
 23 Kè denlaa ò làakari dɔ n swè yāa,  
 zaake wèndi kāsāa bò swè kiame.  
 24 N̄ bɔ yāzaa'onan,  
 ò mì kē yālekpe'e'ona.  
 25 N̄ wée dɔ n ae,  
 ò guu gwa n kuu súusu.  
 26 N̄ zé sé súusu,  
 n yākenanɔ píngi é bɔ maa.  
 27 N̄ton na ɔplazi ke ɔzeziro,  
 òton gbá péé à zaa zénlo.

## 5

### *Làakarikena kaaruazi*

1 Ma né, ò làakari dɔ ma dōnaa,  
 ò swā kpá ò ma òndō yā ma,  
 2 le òngō kú n làakaria,  
 dōna yā égō kú n lén.  
 3 Kaarua yā'ona ègō nna lán zó bàme,  
 è ò gáe kōn lénnaao,  
 4 mɔde zāazāa è kéne kyàkyā lán sewee bà,  
 à lé nna lán fēeda kpaplaplaaa bà.  
 5 À zé è mì pényo gaaa,  
 è si kōn gbē kè aō tēzinɔ gèwāan.  
 6 È laasuu lé wèndi zéaro,  
 à dō a kē zé piaro.

7 Ma né, ò swā kpá ma yāzi sa,  
 òton kpee li ma lédammanero.  
 8 N̄ pā nɔgbē beee takane zāazā,  
 òton sō à be gāaleziro,  
 9 le n bèe tón gō gbē pāndenɔnero,  
 le òton n wèndi kpá gbē pāsīnɔaro,  
 10 le n auzikinɔ tón gō danɔnero,  
 le n zī àre tón gō ua pānde deenɔnero.  
 11 Néngō mboo n gurɔ yāanaa,  
 né yāyā n gbāaa é yāa.  
 12 Né be: Ma gi lédamhazi fá!  
 Ma dɔkena totonao bé à tò.  
 13 Mée lédammarinɔ yā'onnenena maro,  
 mée swā kpá ma yādannerinɔziro.  
 14 Féte bé à gō kè mé kpe bɔ  
 anduna píngi wāa.

15 Ñ n zĩnda orozā í mi,  
 ñ ze kōn n zĩnda lòg'io.  
 16 N í kwεena bàazi maaro.  
 N í fāna gāale zé vīro.  
 17 Ñ tó àgō de n naō pó ũ ado,  
 àtongō de gbē pānde pó ũro.  
 18 Luda aubarika da n íbókii pìn,  
 ñ ponnaa ke kōn n gōkparεkeguro nɔɔɔ.  
 19 N gā yenzidee! N gbikyao maaa!  
 Ñ tó à bōndagana gō keenne nna,  
 ñ a yenzi ni de lán guu e dɔɔ nà.  
 20 Ma né, bōyānzin né kaarua ni dezi?  
 Bōyānzin né bōnda gá kōn gbē pānde nɔɔɔzi?  
 21 Gbēntee yākεna kee utεna Diinero,  
 ègō zé kè à sè dō píngi.  
 22 Zaakeri taari è bà kpákpane,  
 à durun è à kŭ.  
 23 À lédammamasai é a kpá gaazi,  
 à yōnkε bita é à sāsā.

## 6

### *Fīa kōn meao kōn gbēntee pāao yā*

1 Ma né, tó n n gbēdaaa fīa dì n musu,  
 tó n kpégaau sè gbēne,  
 2 tó n lé n ásarú kè,  
 tó n yā'ona n da yān,  
 3 ñ ke lán kè bà, ma né, ñ lé bɔ yā pìn,  
 zaake n na n gbēdaaa ɔzĩ.  
 Ñ gá ñgō zεzε n gbēdaaa pìzi,  
 ñ agbaa kpáne.  
 4 Ñton tó ii gē n wéenlo,  
 ñton tó n wébaa tiisi kŭro,  
 5 ñ n zĩnda sía lán gāa è n kē nà,  
 lán bāa è bɔ bàkpakpari ɔzĩ nà.  
 6 Meade, ñ gá zèno gwa,  
 ñ a yākεna tàasi ke, né ɔndō kŭ.  
 7 À dɔn'aεdee vīro,  
 à gbēnsi ke dii vīro.  
 8 È kŭsāε zi di kwεεme,  
 è a póblee kakōa pókéguro.  
 9 Meade, négō daεna ai bɔrεme?  
 Bɔren né vu iin?  
 10 Nεè kamma bo féte nεè ii o féte,  
 nεè daε féte ɔkpana n kŭsεa.  
 11 Takaasi é gēnzi lán kpāi wéedewe bà,  
 pókēsāmmana é summa  
 lán gbē kè gōkebɔ kŭna bà.  
 12 Gbēntee pāa né gbē zaaame,

ègō lili oo kōn egeeo da à lén.

13 È yā o kōn wéeo kōn ɔɔo,  
è sèeda keńne kōn gbáo.

14 Mɔnafiki bé à à nòse pana,  
yā zaa wàarin ègō paa gurɔ píngi.

15 Beee yānzin mónzi é móa lézana sai,  
kaatena é gēzi kāndo, eégō fēena vīro.

16 Yā mèn swēedoo kuu kè Dii zàn,  
à kà se swēeplaa kè denē tē ũ.

17 Wada, egetona, taarisaide dena,

18 yā pāsī wàaripana, wāna zaaazi,

19 sèeda egetona kōn danenɔ dɔkōanao.

*Làakarikena zinakenazi*

20 Ma né, ñgō n de yādiēnanɔ kūna,  
ñton pā kpá n da yādanneziro.

21 Ñgō kūna n swè guu,  
ñgō dana kāmbeē ũ.

22 Eé dɔnne aē n taa'ona guu,  
eé n dākpa n daena guu.

Tó n vu, eé lé damma.

23 Zaake yādiēna pìnɔ né fitiamē,  
yādannena pì né gupuraamē,  
lédamma kōn totonao né zé wèndideemē.

24 Eé n sí nɔgbē zaaa ɔzī,  
eé n bɔ gbē pānde nɔ yānnanna'onan.

25 Ñton à maakēē ni dero,  
ñton tó à wéekpāntēdaenzina n kūro.

26 Kaarua è tó í gō kori,  
gbē pānde nɔɔ sō è í wèndi bèēdee kaatē.

27 Tó gbē té sè à dà a pɔtē,  
à pókāsāa é gí té kūzís?

28 Tó gbē kèse pèe tégōa,  
eé gí à kpatazís?

29 Len à de le kōn gbē kè gè a gbēdaaa nɔɔzio,  
zaake tó à ɔ kèa, eé bɔ pāro.

30 Tó nɔaa e gbē deē, tó à kpāi ò,  
wè à yā da pás?

31 Tó wà à kù, eé à fīa bo leo swēeplaa,  
eé pó kè à vī a uan kpá píngi.

32 Zinakeri laasuu vīro,  
gbē kè è beee kēē è a zīnda kaatēme.

33 Gbēna maa kōn kpēbɔnaon à baka ũ,  
à tó zaaa é kēaro.

34 Zaake gōgbē nòsegōaano bé eé su pɔfēo,  
tó èe gēe boómma, eé í wēnda gwaro.

35 Eé agbaakpabɔ ke síro,  
baa tó à gba bíta dànē, eé weziro.

## 7

*Làakarikena kaaruazi*

- 1 Ma né, ñgõ ma yānõ kūna,  
 ñ ma yādienanõ da n nòsen.
- 2 Ñgõ ma yādienanõ kūna négõ kú wèndio,  
 ñ làakari dõ ma yādannenaa lán n wéene bà.
- 3 Ñ da n ɔnea tānga ũ,  
 ñ kē n swèa lán wè kē walaaa nà.
- 4 Ñ o ñndõɔne n dāren à ũ,  
 ñ asānsi sísi n gbē ũ.
- 5 Eé n dākpa bõna kaarua ɔzĩ,  
 eé n bõ gbē pānde nõ yānnanna'onan.
- 6 Má zena ma kpé windo guu,  
 mée bàazi gwaa.
- 7 Ben ma òwazi kenõ è, ñndõ kèsāńma,  
 gõkparɛ kee kú í té, à laasuu vīro.
- 8 Èe likõaa zõ gāale,  
 èe waalogũ kekɛɛ nɔgbē kezi,  
 èe gētɛɛ à bɛ kpa gèn baaagõ
- 9 zaa ɔfāntē leenaõ ai gwāavĩ,  
 ai guu gāa à sì kũo maamaa.
- 10 Ben nɔgbē pì bò à mò daàle ñndõ'ñndõ,  
 èe ɔ maa a zĩndaa lán kaarua bà.
- 11 Kùgbāadeemɛ, à wísai vī,  
 à pòrõ è péɛ bɛro.
- 12 Zīkenɔa ègõ kú zédaan, zīkenɔa gāale,  
 ègõ kpáɛ keɛ zéñkpakõa.
- 13 Ben à òwazi pì kũ à lé pèa,  
 à wéekpāntē dàɛzi à bè:
- 14 Sáabukpa sa'ona kúma yā,  
 ben ma lù kè má sè pì fīa bò gbāa.
- 15 Wa kõ'ena yānzin ma bõzi,  
 mée n wɛtɛɛ ma n e kè sõ.
- 16 Ma kuntu kpáɛ ma gádoa  
 kõn Igipiti bùsu bisa wéɛ maaao.
- 17 Ma tuaetiti fà ma daekiia  
 kè wà kè kõn lí'õ gũ nnannaõ kõn líteɛo.
- 18 Ñ mó wà yenzi ke ai guu gá dõ,  
 wà wa pɔyezi ke ai à mówa.
- 19 Zaake ma zā kú bɛro,  
 wéte kè à gāan zā.
- 20 À ɔɔsɔ yì à gāao,  
 ai àgõ gá su mɔɔ é ɔsi ke.
- 21 À à swè blè kõn yā pari bõenaõ,  
 à gā nàa kõn yānnanna'onao.
- 22 Ben òwazi pì bò à tèzi gõ,  
 lán zù kè wèe gaa kòto kpá bà,

lán gāa kè èe gbá p̄̄̄e b̄̄̄n d̄̄̄,  
 23 lán b̄̄̄a kè èe w̄̄̄a à s̄̄̄i taan bà.  
 Èe d̄̄̄5 kè a a z̄̄̄inda kp̄̄̄a gaazinlo,  
 ai kà ḡ̄̄a à à sw̄̄̄è k̄̄̄.

24 Tia sa, ma n̄̄̄n̄̄̄, à ma ȳ̄̄a ma,  
 à làakari d̄̄̄o ȳ̄̄a kè èe b̄̄̄o ma l̄̄̄n-a.

25 Àton tó a laasuu tá à kiiaro,  
 àton s̄̄̄as̄̄̄ à ḡ̄̄ē à z̄̄̄nlo.

26 Gb̄̄̄ē kè à n̄̄̄ né à n̄̄̄ kaaten̄̄̄o pari,  
 gb̄̄̄ē kè à n̄̄̄ d̄̄̄ede p̄̄̄in̄̄̄o lé v̄̄̄iro.

27 À b̄̄̄e né mira z̄̄̄edaame,  
 è ḡ̄̄ēnyo ḡ̄̄ew̄̄̄a kp̄̄̄en̄̄̄.

## 8

### *Ōnd̄̄̄5 e wa sisii*

1 Ōnd̄̄̄5̄̄̄o bé èe lé zuuwaziroo?  
 W̄̄̄é̄̄̄z̄̄̄ē̄̄̄ bé èe wa sisiiroo?

2 À kú s̄̄̄is̄̄̄i musu z̄̄̄é ḡ̄̄eezi,  
 à z̄̄̄ena z̄̄̄ē̄̄̄n̄̄̄kpak̄̄̄o.

3 À kú w̄̄̄é̄̄̄te b̄̄̄iile sae,  
 à kòto d̄̄̄o b̄̄̄iile p̄̄̄i gb̄̄̄àn̄̄̄o kiia.

4 Gb̄̄̄ē̄̄̄n̄̄̄, ámbe m̄̄̄é̄̄̄ a sisii,  
 gb̄̄̄ē̄̄̄nteen̄̄̄o, m̄̄̄é̄̄̄ lé zuuazi.

5 Niḡ̄̄az̄̄̄ideen̄̄̄o, à làakari w̄̄̄ete àḡ̄̄ō v̄̄̄i,  
 ȳ̄̄n̄̄̄k̄̄̄ō̄̄n̄̄̄o, à tó àḡ̄̄ō laasuu v̄̄̄i.

6 À sw̄̄̄ā kp̄̄̄á, zaake ȳ̄̄a t̄̄̄isin mé oare,  
 ȳ̄̄a d̄̄̄ò̄̄̄dee bé eé b̄̄̄o ma l̄̄̄n.

7 Zaake ma lé è ȳ̄̄apuraa o,  
 ma za à zaaan.

8 Ȳ̄̄a kè ā̄̄o kú ma l̄̄̄enn̄̄̄o maa,  
 ā̄̄o kee m̄̄̄onafiki ke s̄̄̄as̄̄̄ana v̄̄̄iro.

9 À súusu as̄̄̄ansideen̄̄̄on̄̄̄e p̄̄̄ingi,  
 à z̄̄̄é v̄̄̄i gb̄̄̄ē kè ā̄̄o d̄̄̄ona v̄̄̄iin̄̄̄on̄̄̄e.

10 À ma l̄̄̄edamma sé de kondogila,  
 à d̄̄̄ona sé de vura maaala.

11 Zaake ōnd̄̄̄5̄̄̄o b̄̄̄ē̄̄̄ v̄̄̄i de gb̄̄̄ebain̄̄̄ola,  
 p̄̄̄oke nii kúmma kè kà à ūro.

12 Mam̄̄̄o ma ōnd̄̄̄5̄̄̄, má làakari v̄̄̄i,  
 má ȳ̄̄ak̄̄̄ena a z̄̄̄éa d̄̄̄ona v̄̄̄i.

13 V̄̄̄iak̄̄̄ena Diinen̄̄̄ zana à zaaan ū.  
 Ma za z̄̄̄ind̄̄̄as̄̄̄ena lez̄̄̄in̄̄̄ k̄̄̄n̄̄̄ Ìad̄̄̄ánao  
 k̄̄̄n̄̄̄ kuuna zaaao k̄̄̄n̄̄̄ ȳ̄̄al̄̄̄ek̄̄̄p̄̄̄e'ona.

14 L̄̄̄edamma k̄̄̄n̄̄̄ faakē̄̄ē̄̄o né ma p̄̄̄óm̄̄̄e,  
 ma kiian gb̄̄̄āaa è b̄̄̄on̄̄̄ k̄̄̄n̄̄̄ as̄̄̄ansik̄̄̄ē̄̄o.

15 K̄̄̄inan̄̄̄o è kpata ble ma ḡ̄̄āz̄̄̄im̄̄̄e,  
 kpatablerin̄̄̄o è ȳ̄̄az̄̄̄ē̄̄dee dī̄̄e k̄̄̄n̄̄̄ ma gb̄̄̄āaaom̄̄̄e.

16 Gb̄̄̄āadeen̄̄̄o è iko ke ma ḡ̄̄āz̄̄̄im̄̄̄e  
 k̄̄̄n̄̄̄ anduna kpatadeen̄̄̄o n̄̄̄ p̄̄̄ingi.

17 Má ye gb̄̄̄ē kè ā̄̄o yemaziin̄̄̄ozi,

gbē kè aǎè ma wɛtɛnɔ bé wè ma e.

18 Auziki kǎn gakuio kú ma ɔzĩ  
kǎn ɔɔda kaaranao kǎn kuuna nnaao.

19 Né kè mɛè iǎne sǎɔ de vura maaala,  
kaarana kè mɛè keǎne de kondogi wásawasala.

20 Má té yǎzede zén,  
mɛè táa o zé súusu guu.

21 Mɛè gbē kè aǎɔ yemaziinɔ gba pɔ,  
mɛè n̄ auzikikaekiinɔ paǎne.

22 Dii ma ke zaa a zĩ naanagurɔ,  
ai àgɔ gá yǎ kè à kè zaa káakunɔ ke.

23 À ma diɛ zaa káakume,  
zaa à daɛgurɔ, le èè anduna ke kòro.

24 À ma i zaale ísɔaa kuuro,  
íɔki kee kuu gurɔ beeearo.

25 À ma i kpíiinɔ ā,  
ai àgɔ gá s̄s̄inɔ kǎsǎa péɛ,

26 ai àgɔ gá anduna káɛ,  
ke s̄ɛɛ ke b̄usu wén doo.

27 Kè èe pɔ kè kú musunɔ keɛ,  
kè èe b̄atuma daa ísɔaala,

28 kè èe lou naa musu,  
kè èe tɔɛ í zé f̄ɔɔ,

29 kè èe ísɔa zeki lé keɛ,  
le à í tón v̄i à zeki lélaro,  
kè èe anduna kaɛɛ, má kú gwe.

30 Má kú à sae ɔzĩkeri maaa ũ,  
ma pɔɔ ègɔ nna à aezĩ lán guu e dɔɔ nà,  
mɛègɔ pɔnnaa keɛo gurɔ s̄anda píngi.

31 Ma pɔɔ ègɔ nna Dii andunaa,  
gbēnteenɔɔ de ma pɔnnakeɔ ũ.

32 Tia sa, ma nénɔ, à ma yǎ ma,  
aubarikadeen gbē kè ma zé k̄una ũ.

33 À ma lédamma ma à ɔndɔ k̄u,  
àton p̄a kpáziro.

34 Aubarikadeen gbē kè èe swā kpaa ma yāzi ũ  
kè ègɔ ma wɛtɛɛ ma kpɛɛɛ,  
kè ègɔ ma dāa gurɔ s̄anda píngia.

35 Zaake gbē kè ma ee wèndi è,  
eégɔ nna kǎn Diio.

36 Gbē kè kòramazii yǎ zaaa ì a zĩndaneme,  
gbē kè zàmaguunɔ ye gaazime.

## 9

### *Ɔndɔ kǎn yǎnkɔkeɛo*

1 Ɔndɔɔ a kpé b̄o,  
à a wesagbanɔ à mèn swɛɛplaa à p̄ɛɛɛɛ,  
2 à n̄ɔɔ dè à w̄ɛɛ bà,

à póbleenɔ soru kè à kàε.

<sup>3</sup> À a nɔkparε zīkerinɔ zī,

èe lé zuu wéte sīsī mīsōntēa à bè:

<sup>4</sup> A faasaideenɔ à εara à mó kè!

A laasuusaideenɔ mée ooare,

<sup>5</sup> à mó à ma póblee ble,

à wēε kè má bà mi.

<sup>6</sup> À a yōnkɔkεε tó, égō kú wèndio,

à táa o wéekēna zén.

<sup>7</sup> Gbē kè èe fabori daa zéa e sōsō wεtεεmε,

gbē kè èe kpākēε zaakerizi e taari wεtεε a zīndanεmε.

<sup>8</sup> Nton kpākē favoriziro, zaake eé kenyo ïime,

n òndōdee da zéa, eégō yenzi.

<sup>9</sup> N yā da òndōrine, à òndō é diàle,

n yā o gbē maaanε, à dōna é kaara.

<sup>10</sup> Vīakεna Diinen òndō kāsāa ũ,

Luda kè kú adona dōnan wéekēna zé ũ.

<sup>11</sup> Zaake né gī ke ma gāzī,

n wèndi gbāa é kaara.

<sup>12</sup> Tó n òndō, n zīndanεmε,

tó favorin n ũ, n mì musu.

<sup>13</sup> Mìsaikεε de lán nɔgbē lédee bàme,

à òndō vīro bensō à yāke dōro.

<sup>14</sup> È vēε kītaa a kpeεε,

à kpé kú wéte sīsīa,

<sup>15</sup> èe lé zuu gbē kè aōε gēteεnɔzi,

èe bee gbē kè aō té n zén súusunɔne:

<sup>16</sup> A faasaideenɔ à εara à mó kè!

A laasuusaideenɔ, mée ooare,

<sup>17</sup> í kpāi mina ègō nna,

póblena asii guu né zómε.

<sup>18</sup> Gbē pìnɔɔ dō kè beee né gèwāa zénlo,

gbē kè mìsaikεε n sīsino sì gèwāa tūtuwεen.

## 10

### *Sulemanu yáasino*

<sup>1</sup> Né òndōdee è tó a de pɔɔ ke nna,

né yōnkɔ è a da nòse yakanε.

<sup>2</sup> ɔɔ zaaa è àre kero,

yākεna a zéa è n sí gaa ɔzī.

<sup>3</sup> Dii è tó nɔaa gbē maaa dero,

è zaakerinɔ tē pó kè aō yezi.

<sup>4</sup> ɔ meadee è mó takaasio,

zīkεna ɔplaplaa sō è mó auzikio.

<sup>5</sup> Né kè pówεε kākōa kwεε né làakarideemε,

né kè è ii o pókēguro wí vīro.

<sup>6</sup> Gbē maaa mì ègō aubarika vī,

mòde yā pāsī bé à zaakeri lé pà.

7 Gbē maaa è ga kōn a tóro,  
 zaakeri tó è kaateme.  
 8 Ōndōdee è zīi ke yādienanōa,  
 yābōeri è a zīnda ne.  
 9 Gbē kè è yā ke a zéa kú a làakaria,  
 zézaaseri yā é bō gupuraa.  
 10 Gbēgwana kōn wéé pāsō è mó yāo,  
 gbē kè è yā ute a nòse guuroo è íbetè mì de.  
 11 Gbē maaa lé né íbōki wèndideeme,  
 yā pāsī è zaakeri lé pa.  
 12 Zangu è swèe da,  
 yenzi è lá ká taari píngila.  
 13 Ōndō yā ègō kú làakaridee lén,  
 flàn faasaidee pó ū a kpεεa.  
 14 Ōndōrinō è dōna zi ká,  
 làakarisaidè lé è à kaate aagamε.  
 15 Ōodee auziki ègō denε lán wéte bīidee bà,  
 takaasidee takaasi sō è à kaate.  
 16 Gbē maaa asaia è mónε wèndio,  
 zaakeri àre è wétámma inε.  
 17 Gbē kè è lédamma maa è wèndi zé odoáñε,  
 gbē kè è pā kpá totonazi è n sāsā.  
 18 Gbē kè è zangu ute né egedeeme,  
 guderì né yōnkōomε.  
 19 Yā pari bōena ègō durun sairo,  
 gbē kè è a lé kú né làakarideeme.  
 20 Gbē maaa lé de lán kondogi wásawasa bà,  
 zaakeri nòse bèe vīro.  
 21 Gbē maaa yā'ona è paridee da zéa,  
 làakarisaidè è ga faasaikεε guu.  
 22 Dii aubarika è n ke auzikidee ū,  
 zīkena nawēao è póke kaararo.  
 23 Zaakena de yōnkōonε kōkō yā ū,  
 ōndō è ke làakarideenε nna.  
 24 Yā kè zaakeri e vīa keenε bé eé à le,  
 Luda é pó kè gbē maaa yezi kpáa.  
 25 Tó zàga'īa kàka à gè, zaakerinō ègō kuu dōro,  
 gbē maaa kāsāa ègō pεena gurō sānda píngi.  
 26 Lán lεvūu kpàkpā è ke swaanε nà,  
 lán tésukpε è ke wéenε nà,  
 len mεadee de le gbē kè aō à zīnōnε.  
 27 Vīakena Diine è wèndi gbàa kaara,  
 zaakerinō sō, n wèndi ègō kusumε.  
 28 Gbē maaanō wéé ègō dō pōnnaazi,  
 zaakerinō sō, tāmaa é n ne.  
 29 Dii zé de utekii ū gbē maaanōnε,  
 zaakerinō sō, è n kaateme.  
 30 Weé gbē maaa fεε à gbèn zikiro,  
 gbē zaaa sō é vēekii e būsunlo.  
 31 Ōndō yā è bō gbē maaa lén,



lézaadee s̄, weé à n̄n̄ z̄k̄r̄m̄.  
<sup>32</sup> Gb̄e maa yā k̄ k̄ s̄ío wà ōn̄e d̄,  
 yākp̄egānda'ona èḡ da gb̄e zaaa l̄n̄.

## 11

<sup>1</sup> Dii zà p̄ȳna k̄n̄ m̄nafikion,  
 kilooȳna s̄úusun à yezi.  
<sup>2</sup> Z̄indasena lez̄i è m̄ó w̄iyāo,  
 z̄indabusanan ònd̄yā ũ.  
<sup>3</sup> Gb̄e maaa n̄s̄epuraa è a da z̄éa,  
 náanesaidee n̄s̄e zaaa è à yaka.  
<sup>4</sup> Auziki àre v̄i yākp̄aek̄egur̄o z̄īro,  
 yākena a z̄éa s̄ è n̄ sí gaaa.  
<sup>5</sup> Taarisaidee maak̄ena è z̄é poron̄e,  
 zaakeri zaak̄ena è à n̄e.  
<sup>6</sup> N̄s̄epuradee maak̄ena è à b̄o,  
 náanesaidee p̄onid̄ena s̄ è à k̄ū.  
<sup>7</sup> Tó gb̄e zaaa gà, à t̄āmaa è m̄i d̄e,  
 p̄ó k̄ è à náan̄ek̄ena a gb̄āagur̄o p̄íngi è yāa.  
<sup>8</sup> Gb̄e maaa è b̄o w̄ét̄āmm̄an,  
 ben gb̄e zaaa è ḡēn̄ à ḡē ũ.  
<sup>9</sup> Ludayādarisai l̄ è à gb̄ēdaaa yaka,  
 m̄ode d̄na è gb̄e maaa b̄on̄.  
<sup>10</sup> Tó gb̄e maaan̄o k̄ú nnamanan,  
 w̄éte èḡ nna,  
 tó gb̄e zaaan̄o ḡāga, w̄è guda k̄e.  
<sup>11</sup> W̄éte è kaara n̄s̄epuradeen̄o ḡāz̄i,  
 gb̄e zaaan̄o l̄ è w̄éte d̄e.  
<sup>12</sup> Faasaidee è a gb̄ēdaaa fabo,  
 làakaridee è a l̄é k̄ū.  
<sup>13</sup> K̄m̄ot̄odee è b̄o asiiyāo gupuraa,  
 gb̄e náan̄e d̄e è n̄ asii ta.  
<sup>14</sup> D̄on'āedesaik̄e è tó gb̄ēn̄o fu,  
 yākek̄eri pariin̄o è tó wà z̄i ble.  
<sup>15</sup> Tó n̄ gb̄e p̄ānde f̄iā d̄i n̄ musu,  
 n̄ ka w̄ét̄āmm̄alam̄e,  
 gb̄e k̄ è a b̄on̄ è ḡo a làakaria.  
<sup>16</sup> Gb̄āam̄n̄neri èḡ auziki v̄i,  
 m̄ode n̄gb̄e n̄s̄emaadee èḡ b̄è v̄iñ̄e.  
<sup>17</sup> S̄uudee è maaa i a z̄indan̄e,  
 gb̄e p̄ās̄i è a z̄inda kp̄á naw̄ēazi.  
<sup>18</sup> Gb̄e zaaa asaia èḡ aubarika v̄īro,  
 yāmaat̄ōri è àre e yāpura.  
<sup>19</sup> Kuuna maa yāpura è n̄ k̄á w̄ēndia,  
 tena à zaaazi è m̄ó gaa.  
<sup>20</sup> Dii t̄ēn̄ n̄s̄ezaadeen̄o ũ,  
 à p̄o è k̄e nna taarisaideen̄o.  
<sup>21</sup> Yāpura, gb̄e zaaan̄o é b̄o p̄āro,  
 m̄ode gb̄e maaan̄o é b̄o aafia.  
<sup>22</sup> Lán vura t̄ānga d̄e nà al̄ede ȳin̄,

len nɔ maa ɔndɔsaiɔee dɛ lɛ.  
<sup>23</sup> Gbɛ maaanɔ pɔyezi ɛ n ká nmanan,  
 gbɛ zaaanɔ tãmaa ɛ n nɛ.  
<sup>24</sup> Gbɛ kɛ ɛ gbaa daa ɛ kaarana e,  
 gbɛ kɛ gɪ pɔ kɛ dɛ à kpá kpázi ɛ gɔ takaasimmɛ.  
<sup>25</sup> Gbɛntee aubarikadee ɛ nnaa ma,  
 gbɛ kɛ ɛ n pɔyĩ kũ ɛ pɔyĩ e se.  
<sup>26</sup> Wè gbɛ kɛ ɛ pɔwɛɛ utɛ ká,  
 wè sa maaa o gbɛ kɛ ɛ yámmanɛ.  
<sup>27</sup> Gbɛ kɛ ɛ à maaa wɛtɛ égɔ nna kɔn gbɛnɔ,  
 gbɛ kɛ ɛ à zaaa wɛtɛ, yã zaaa ɛ à le.  
<sup>28</sup> Gbɛ kɛ ɛ a auziki náanɛ kɛ ɛ lɛɛ,  
 gbɛ maaa ɛ ɔ tá lán lí ládee bà.  
<sup>29</sup> Gbɛ kɛ yã ì a uanɛ ɛ gɔ kori,  
 yɔnkɔɔ ɛ gɔ ɔndɔdee zò ũ.  
<sup>30</sup> Gbɛ maa yãkɛnnɛna né lí wɛndideemɛ,  
 gbɛ kɛ ɛ gbɛnɔ ee ɔndɔvĩ.  
<sup>31</sup> Zaakɛ Luda ɛ fĩa bo gbɛ maaanɛ andunan,  
 weé ludayãdarisai kɔn durunkerio pɔ o dɔɔ?

## 12

<sup>1</sup> Gbɛ kɛ lédamma ɛ kɛnɛ nnaa ye dɔnazi,  
 gbɛ kɛ totona ɛ kɛnɛ zaaa m̀ĩ vĩro.  
<sup>2</sup> Gbɛ maaa ɛ Dii pɔnnaa e,  
 mɔde Dii ɛ yã da mɔnafikideela.  
<sup>3</sup> Zaakɛna ɛ gbɛke kãsãa péero,  
 gbɛ maaa kãsãa ɛgɔ degena vĩro.  
<sup>4</sup> Nɔ maaa dɛ a zãnɛ lán fùra bà,  
 nɔ wídammari dɛnɛ lán m̀kɛmuna bà.  
<sup>5</sup> Gbɛ maaanɔ ɛgɔ pɛɛ yãzɛdeea,  
 gbɛ zaaanɔ lédamma mɔnafiki vĩ.  
<sup>6</sup> Gbɛ zaaanɔ yã né gbɛdɛna yãmɛ,  
 gbɛ maaanɔ lé sɔ ɛ n bɔ.  
<sup>7</sup> Wè gbɛ zaaanɔ liɛ n kɛɛgãnda aɔ m̀ĩ dɛ,  
 mɔde gbɛ maaanɔ ua ɛgɔ kuu.  
<sup>8</sup> Wè gbɛ tɔ bɔ a ɔndɔ lémmɛ,  
 wè kya ká faasaideen.  
<sup>9</sup> Gbɛ futa kɛ à zĩri vĩi sãɔ dɛ  
 gbɛ kɛ ɛ a zĩnda diɛ pɔke ũ bensɔ à pɔblee vĩroola.  
<sup>10</sup> Gbɛ maaa a pɔkãdeenɔ gwana dɔ,  
 gbɛ zaaanɔ dà pãsi kɔn n pɔnɔ.  
<sup>11</sup> Búbari aĩadee ɛgɔ kãna,  
 laasuu kɛsã gbɛ kɛ ɛ pé gukoríaa.  
<sup>12</sup> Gbɛ zaaa ɛ ɔ zaaa ni dɛ,  
 mɔde gbɛ maaa kãsãa ɛgɔ mɔdɔ vĩ.  
<sup>13</sup> Gbɛ zaaa lé zaaa ɛ à kũ,  
 mɔde gbɛ maaa ɛ bɔ yãketen.  
<sup>14</sup> Lé maaa ɛ n ká pɔ maaaa,  
 zĩi kɛ gbɛ kɛ àrɛ ɛ gɛ a ɔzĩ.  
<sup>15</sup> Yɔnkɔɔ yãkɛna ɛ kɛnɛ maa,  
 ɔndɔdee sɔ ɛ lédamma ma.

16 Yōnkoo è tó wà à pɔfē dō gō,  
 làakaridee sō è sōsō daro.  
 17 Yāpura'ori è yāzede o,  
 sèeda'egede yā ègō mōnafiki vīme.  
 18 Laasuusaiyā è nī swè zō lán fēdaa bà,  
 ōndōdee légbè è mō aafiao.  
 19 Yāpuraa kè wà ò ègō gikena,  
 egge sō è gē zéla lán wé'ibakena bà.  
 20 Mōnafiki kú zaalekpakōsōrinō swèn,  
 gbē'aafiaweterinō bé aō pōnnaa vī.  
 21 Zaa ke è gbē maaa lero,  
 gbē zaaanō sō, yā è dańla.  
 22 Dii tèn egede ū,  
 à pō ègō nna yāpuradeea.  
 23 Làakaridee ègō a dōna kūna a swèn,  
 yōnkoo è yā faasai kpàakpa ke.  
 24 Zīkena ɔplaplaa è tó gbē kí ble,  
 meà è gbē da zòbleen.  
 25 Kuuna bídi guu è gbē sōe,  
 yānna'onnenà è nī pō ke nna.  
 26 Gbē maaa è a gbēdaaa da zéa,  
 gbē zaaanō yākena è nī sāsā.  
 27 Meadee è a nòbō kā wawaro,  
 aīadee è làakari dō a pōnōa.  
 28 Kuuna yāzede zén wèndi vī,  
 zé pì sena è nī kpá gaaziro.

## 13

1 Né ōndōdee è a de lédamma ma,  
 fabori è gí kpākēnazi.  
 2 Légbè nnaa è gbē ká pō maaaa,  
 náanesaidee è ble a pásī guume.  
 3 Gbē kè è a lé kū è a wèndi dākpa,  
 gbē kè à lé è kúroo è a zīnda yaka.  
 4 Meadee è pō kè à yezi ero,  
 aīade sō è nnaa ma.  
 5 Gbē maaa zà mōnafikiyān,  
 gbē zaaa è wí daríma è nī kpè bō.  
 6 Maakena è zémaaseri mī sí,  
 zaakena è durunkeri lie a kpēgānda.  
 7 Gbēkenō è nī zīnda diē auzikidee ū,  
 mōde aōègō pōke vīro.  
 Gbēkenō è nī zīnda diē takaasidee ū,  
 mōde aōègō pō vī bíta.  
 8 Auzikidee è a zīnda bō kōn a auzikikēo,  
 takaasidee sō è vīadaanzina ero.  
 9 Gbē maaanō gupuraa ègō puna,  
 gbē zaaanō fitia è garíma.  
 10 Zīndasena lezī è swè da,  
 lédammana è tó wà ōndō kū.  
 11 Ō zaaa è gá aéro,

ɔɔ kè wà è ísimma guu s̄ è k̄s̄.

<sup>12</sup>Támaa gikena è n̄ n̄s̄e yaka,  
p̄ó kè wà yezi ena è m̄ó wèndi dufuo.

<sup>13</sup>Gbē kè è yā daroo é yā e,  
gbē kè è yā ma é àre e.

<sup>14</sup>Ōndōdee yādannenan íb̄oki wèndidee ū,  
è n̄ b̄o ga bàn.

<sup>15</sup>Wéézē maaa è tó gbē dakōre gòmio,  
m̄ode náanesaideen̄o zé èḡō p̄āsī.

<sup>16</sup>Làakarideen̄o è yā ke k̄n̄ d̄ōnao,  
ȳn̄k̄ɔɔ è a faasaik̄ee ɔɔb̄aíne.

<sup>17</sup>Z̄iri zaaa è ḡē yān,  
ìba náanedee è s̄u aafia.

<sup>18</sup>Gina totonazi è m̄ó takaasio k̄n̄ wíyāo,  
lédammamana è b̄èe lííne.

<sup>19</sup>P̄ónidena ena è n̄ p̄o ke nna,  
m̄ode ȳn̄k̄ɔɔ ye k̄ēna yā zaaaaziro.

<sup>20</sup>Gbē kè té ōndōrin̄zi è ōndō k̄ū,  
gbē kè kakōana k̄n̄ ȳn̄k̄ɔɔn̄o è yā e.

<sup>21</sup>M̄ónzi èḡō té durunk̄erin̄zi,  
nnamanan gbē maaan̄o àre ū.

<sup>22</sup>Gbē maaa è túb̄i tó a dion̄ne,  
durunk̄eri s̄o auziki é ḡō gbē maaane.

<sup>23</sup>Takaaside bura è p̄óble ke maamaa,  
m̄ode yākena lek̄pee è tó à korazi.

<sup>24</sup>Gbē kè è a né gbēroo zàn,  
gbē kè ye a nézi è à toto káaku.

<sup>25</sup>Gbē maaa è p̄ó ble à k̄ā,  
gbē zaaan̄o n̄s̄e èḡō da kori.

## 14

<sup>1</sup>N̄o gbē ōndōdee è ua k̄áe,  
à faasaidee s̄o è ua f̄āakōa.

<sup>2</sup>Gbē kè è yā ke a zéa Dii v̄ia v̄i,  
gbē kè è zé sé súusuroo s̄o è kya kán.

<sup>3</sup>Faasaide lén à gbēb̄o ū,  
ōndōdee yā'ona è à b̄o.

<sup>4</sup>Tó zù kuuro, p̄óble gbà èḡō da korime,  
wè àre b̄ita e k̄n̄ zùn̄o gb̄āao.

<sup>5</sup>Sèeda yāpuradee è eḡee toro,  
sèeda eḡede yā èḡō m̄onafiki v̄i.

<sup>6</sup>Fabori è kp̄áe ke ōndōzi à korazi,  
yādōna aaga làakarideene.

<sup>7</sup>N̄ k̄ē ȳn̄k̄ɔɔa z̄àazā,  
zaake né d̄ōna earo.

<sup>8</sup>Ōndō è tó làakaridee laasuu lé a zéa,  
ȳn̄k̄ɔɔ faasaik̄ee è à s̄āsā.

<sup>9</sup>Faasaideen̄o è kya k̄á taari kúekenan,  
gbē maaan̄o èḡō nna k̄ō.

<sup>10</sup>Baade a z̄inda yā'ōamma d̄s̄,

gbē pɔnnaa ègɔ de gbē pānde pɔ ũro.

11 Gbē zaaanɔ ua é m̀i de,  
gbē maaanɔ be é ɔ tá.

12 Zé ke kuu è ke gbēnɔne maa,  
mɔde à m̀idekii né gaame.

13 Baa yáadɔna guu ǹse è yaka,  
pɔnnaa kuu kè è m̀i de kɔn pɔsiaao.

14 Bɔrukpeede yákena è wí à musu,  
gbē maaa è a yákena gbè e.

15 Laasuusaidee è yá píngi síme,  
làakaridee è yá náane ke laasuulena sairo.

16 Ɔndɔdee ègɔ zaakena v̄ia v̄i è pāne,  
yɔnkɔɔ è náane kpá a zĩndaa ègɔ wāna.

17 Pɔf̄eri è yá futaa ke,  
mɔnafikidee è zangu i a zĩndanɛ.

18 Ɔndɔsaideenɔ è gɔ faa sai,  
làakarideenɔ è d̄ona kú f̄ura ũ.

19 Gbē zaaanɔ é m̀i siɛ gbē maaanɔne,  
zaakɛrinɔ é kúe ǹsepuradeenɔ kpɛɛɛa.

20 Takaasidee, baa à gbēdaaa è zan,  
mɔde auzikide gbēnnanɔ ègɔ pari.

21 Kyakana n gbēdaaan né durumme.  
Aubarikadeen gbē kè è wēnda d̄o takaasideenɔne ũ.

22 Zaalekpakɔs̄rinɔ s̄as̄anaroo?  
Maawaariparinɔɔ s̀u v̄i kɔn náaneɔ.

23 M̀ekpana z̄ia ègɔ àre v̄i,  
yábɔena p̄aa è m̀ó kēsānao.

24 Ɔndɔdeenɔ auzikime n̄ f̄ura ũ,  
yɔnkɔɔnɔ faasaikɛɛ è m̀ó kɔn faasaiyāo.

25 Sèeda yāpuradee è gbē m̀i sí,  
mɔde sèeda egɛdee yá mɔnafiki v̄i.

26 V̄iakena Diine né gbāa'eki náanedeeme,  
à de m̀isikii ũ à n̄enɔne.

27 V̄iakena Diine né íb̄oki w̄endideeme,  
è tó wà b̄o ga bàn.

28 Tó kina gbēnɔɔ pari, ègɔ gakui v̄i,  
b̀usugb̄esaikɛɛ né kpatableri m̀onzime.

29 Gbē kè è pɔ f̄e kpaaro w̄é kēna,  
pɔf̄eri è a futakɛɛ sé lez̄i.

30 Làakarikpaena né m̀e aafiamɛ,  
zangu è m̀ekpetɛ kpánzi.

31 Wēndade w̄étāmmari è à K̄eri kpe b̄o,  
takaaside w̄égwari è à K̄eri kpe da.

32 Tó kisia ḡè zaakɛrizi, è à neme,  
baa tó gbē maaa gà, à utekii v̄i.

33 Ɔndɔ è v̄ɛkii e làakaridee ǹsen,  
mɔde wè e yɔnkɔɔaro.

34 Yázɛdee è b̀usu sé lez̄i,  
durun s̄o è wí da gbēnɔa, baa déme.

35 Z̄ɔbleri làakaride yá è ká kinanɛ,

mɔde è a pɔfɛ bobo à wídammaria.

## 15

- 1 Yāwenlana dɔɔ è pɔfɛ kpáε,  
yā pāsī è n pɔɔ fɛ.
- 2 Ɔndɔdee yā'ona è n gba dɔna,  
mɔde yɔnkɔɔ yā ègɔ faa sai.
- 3 Dii wéε kú gu píngia,  
ègɔ gbɛ zaaanɔ kɔn gbɛ maaanɔ tàasi kεε.
- 4 Yābuse'ona è n gba wèndi dufu,  
yālekpeε è n kā dε.
- 5 Faasaidee è kya ká a de totonan,  
lédamamari sɔɔ làakari vī.
- 6 Gbɛ maaa ua ègɔ auziki vī bíta,  
gbɛ zaa pónɔ ègɔ yākete vī.
- 7 Ɔndɔdee lé è dɔna fā,  
yɔnkɔɔnɔ sɔ, aɔɔ nòse vīro.
- 8 Dii tèn gbɛ zaaanɔ sa'ona ũ,  
mɔde gbɛ maaanɔ wéεkena è kánε.
- 9 Dii zà gbɛ zaaa yākenan,  
à ye gbɛ kè aɔɔ té yāzεdeezinɔzi.
- 10 Totona pāsīn gbɛ kè pà zéne pó ũ,  
gbɛ kè ye lédammaziroo sɔ é gameε.
- 11 Lán Dii gèwāa kɔn kaatenao yā dɔ nà,  
weé gbɛntee swè pó o dɔɔ?
- 12 Fabori ègɔ yezi wà a gba làakariro,  
è gá ɔndɔrinɔ kiiaro.
- 13 Nòse nnaa è tó uu gɔ werena,  
nòse yakana è gbɛ kā dε.
- 14 Laasuudee è dɔna wεte,  
yɔnkɔɔ è yāfaasai mómɔ.
- 15 Gurɔ píngi ègɔ pāsī wèndadeenεmε,  
pɔnnadee ègɔ kú zībaa guu.
- 16 Pó vīna féte vīakena Diine guu  
maa dε auziki bíta kūna wahaa guula.
- 17 Dò pā blena yenzi guu  
maa dε nòbɔ nòside sona kɔn zanguola.
- 18 Pɔfɛri è swèe da,  
nòseyīidee è zɔka mì dε.
- 19 Mεadee zé ègɔ denε lèkara ũmε,  
gbɛ maa zé né zédaamε.
- 20 Né ɔndɔdee è tó a de pɔɔ ke nna,  
gbɛntee yɔnkɔɔ è kya ká a dan.
- 21 Yāfaasai è ke laasuusaideenε nna,  
laasuudee è zé sé súsusu.
- 22 Lékpakɔsɔnasai è yā gboro,  
lédamari pariinɔ è tó yā ke.
- 23 Yāwenlana dɔɔ è a òri pɔɔ ke nna,  
yā'ona à gurɔɔa ègɔ nna fá!
- 24 Wèndi zé è gá kɔn làakarideenɔ musu

le aŋton sí gèwāanlo yānzi.

<sup>25</sup> Dii è ìadāri ua wí,  
è gyaanɔ gulezeki dākpa.

<sup>26</sup> Dii zà laasuu zaaan,  
yānna'ona è kεε gbāsīro.

<sup>27</sup> ɔzaaweteri è ìa da a uaa,  
gbē kè zà ɔɔnkpεεgbaan égō kuu aafia.

<sup>28</sup> Gbē maaa è laasuu lé yā kè eé weńlaa,  
yā zaaa è bɔε gbē zaaanɔ lén gɔɔ.

<sup>29</sup> Dii zà kōn gbē zaaanɔ,  
è swā kpá gbē maaanɔ aduakεnazi.

<sup>30</sup> Uu werena è ní pɔɔ ke nna,  
baaru nnaa è ní wá were.

<sup>31</sup> Gbē kè è swā ɔɔ aafia lédamhazi  
égō bεdee ū ɔndōrinɔ té.

<sup>32</sup> Gbē kè gi totonazi zà a zīndan,  
lédamhazi sō è gō làakaridee ū.

<sup>33</sup> Vīakεna Diine è ɔndō dańne,  
zīndabusana è bèε líńne.

## 16

<sup>1</sup> Gbēntee è yā die a swēn,  
mɔde à mīdena è bɔ Dii lémmε.

<sup>2</sup> Baade è a yākεna e maamε,  
mɔde Dii ní nòseguuyānɔ yō à gwa.

<sup>3</sup> N̄ yā kè nēε kεε na Dii ɔzī,  
n poyeziyā é bɔ maa.

<sup>4</sup> Dii pó píngi kè a poyezi yānzimε,  
zaakerinɔ pón wétāmmagurɔ ū.

<sup>5</sup> Dii tēn ìadārinɔ ū,  
yāpuramε aōé bɔ páro.

<sup>6</sup> Gbēkεε kōn náanεo è lá ká taarila,  
vīakεna Diine è tó wà pā à zaaanε.

<sup>7</sup> Tó gbē yākεnanɔ kè Diine nna,  
è tó se à ibεenɔ kεo nna.

<sup>8</sup> Pó féte ena maakεna guu  
maa de àre zaa bíta enala.

<sup>9</sup> Gbēntee è zé kè èε seε laasuu lé,  
mɔde Dii è a kèε da zéa.

<sup>10</sup> Lán kína è yā die Luda gēε ū nà,  
à maa à yā bɔ yāzεdee kpεero.

<sup>11</sup> Zaka maaa kōn kiloo súusuo né Dii pómε,  
pótiisigwabɔ píngi né à pókεnanɔmε.

<sup>12</sup> Èε kō sío kína à zaaa kero,  
wè kpata kāsāa péε yāzεdee musumε.

<sup>13</sup> Yāzεde'ori è ke kīnanε nna,  
égō ye yāpura'orizi.

<sup>14</sup> Kína pɔfē de lán ga zīri bàme,  
mɔde ɔndōdee è à té de.

<sup>15</sup> Kína uu werena égō aafia vī,  
à maakεnna de lán pótōgurɔ lou bàme.

16 Ɔndōkūna maa de vurala zà,  
 gōna làakaridee ũu bēē vī de kondogi maaala.  
 17 Gbē maa zé kè è sé pà zé zaaane,  
 gbē kè à a zīndakūna dō è a wēndi dākpa.  
 18 Īadāna è mó leenaο,  
 zīndasena lezī è mó kaatenao.  
 19 Zīndabusana talakanο té maa  
 de baka kuuna kōn Īadārinola.  
 20 Gbē kè è yā'onne maa è à maaa e,  
 Dii náanekerī ègō pōnnaa vī.  
 21 Gbē kè à nōse papanan wè sísi làakaridee,  
 gbē kè à lé nnaan wè à yādōna zé e.  
 22 Làakarīn wēndi mī ũ gbē kè aō vīinone,  
 faasaideenο yāfaasai è wéē tārīma.  
 23 Ɔndōdee laasuu è à lé da zéa,  
 à lé è tó wà à yādōna zé e.  
 24 Yānna'ona né zómē,  
 à nna nōsen bensō è mē gba aafia.  
 25 Zé kee kuu è ke gbēnne maa,  
 mōde à mīdekīī né gaamē.  
 26 Būbarī nōse è à da zīin,  
 zaake nōaa è té kāmme.  
 27 Gbē pāa è à zaaa gōgō,  
 à légbē de lán té ke èē kūu bāmē.  
 28 Gbē dōrōsaidee è swēē da,  
 kōmōtōdee è gbēnnanο kēkōa.  
 29 Gbē pāsī è mōnafīkī ke a gbēdaaane,  
 gbasa à à da zé zaaan.  
 30 Gbē kè èē wéē'igō kee laasuu ègō kpeegāndamē,  
 gbē kè èē lézūkī kee zè kōn à zaaaomē.  
 31 Mīkā puraa né fūra gakuideemē,  
 maakēna è nī káa.  
 32 Nōseyīidee maa de zīkarīla,  
 gbē kè à a zīndakūna dō maa de wétesīrīla.  
 33 Wè yā gbeka kōn οο puraaο,  
 mōde à bōkōtēna è bō Dii kīiamē.

## 17

1 Buređi kusu kori sona yākete sai  
 maa de nōbōgbēna ua swēēdeenla.  
 2 Zō làakaridee ègō gbāaa vī né wīdamari musu,  
 ègō baka vī ua túbi guu.  
 3 Wè kondogi kōn vurao baasa,  
 mōde Dii è nī swēē tāasi ke.  
 4 Gbē zaaa swā ègō nna kōn yā dōrōsaio,  
 egedee làakari ègō kú gbēperia.  
 5 Gbē kè è takaasidee faboo è kyaka à Kērimmē,  
 gbē kè è gbē yāa dō mōnzia é bō pāro.  
 6 Dionōmē nī dezinο gakui ũ,  
 denōmē nī nēnο Īadābο ũ.  
 7 Yāzede'ona è kōsi kōn yōnkōoro,



egɛɛ è kōsi kōn bèɛdeero.

<sup>8</sup> Ɔdɔnkpeɛgbaa de yɔbāndii ũ a dàrine,  
guu kè à liɛn píngi à tá ègō nname.

<sup>9</sup> Gbē kè lá kà taarilaa e yenzi weteɛme,  
yāzifɛeri sō è gbēnna kēkōa.

<sup>10</sup> Ɔndōri è kpākēnzina ma,  
yōnkɔɔ sɔɔ e gbēna gēn baaagɔɔ daro.

<sup>11</sup> Yā zaaa è dɔ swāgbāadeenɛ aɛ,  
weé zīri wēndadōrisaidee gbarezi.

<sup>12</sup> Dakōrena kōn músu kè wà à nénɔ sèɛo  
sāɔ de dakōrena kōn yōnkɔɔ mīsaikɛɛola.

<sup>13</sup> Tó gbē à maaa fīa bò kōn à zaaao,  
à zaaa é kē à uaaro.

<sup>14</sup> Lɛokpakōadana de lán ízewēna bàme,  
n̄ gu gwe ai swèe gō gá fɛɛ.

<sup>15</sup> Yā nna kpana taarideea  
kōn yādana taarisaideelao,

Dii zà yā beenɔn píngi.

<sup>16</sup> Bó àren yōnkɔɔ vī ɔɔblena kyódōna musuu?  
Zaake à nòse vīro.

<sup>17</sup> Gbēnna yenzi ègō kuu gurɔ sānda píngime,  
vīi kōn dāaronɔ kuu dōkōnena yānzime.

<sup>18</sup> Yōnkɔɔ è gbē fīa di a musu,  
è kpégaau sé a gbēdaaanɛ.

<sup>19</sup> Gbē kè ye swèezi ye durunzime,  
gbē kè à a gānule bò yāasa è mōnzi wete a zīndanɛ.

<sup>20</sup> Laasuukpeɛgāndadee è à maaa ero,  
léfɔtɔdee è léɛ à da yān.

<sup>21</sup> Yōnkɔɔ da pɔɔ ègō siame,  
faasaidee de pɔɔ ègō nnaro.

<sup>22</sup> Nòse nnaan ēzē maaa ũ,  
pɔsiaa è n̄ yāyā.

<sup>23</sup> Zaakeri è ɔdɔnkpeɛgbaa sɔtɔ a utan,  
le à yāzɛdee mī dɛo yānzime.

<sup>24</sup> Làakaride wéɛ ègō kú ɔndōɔa,  
mɔde yōnkɔɔ wéɛpekii ègō zāmɛ.

<sup>25</sup> Né yōnkɔɔ è tó a de pɔɔ gō sia,  
è a da'ina nòse yaka.

<sup>26</sup> À maa wà wéɛ tā taarisaideearo,  
bèɛdee gbēna a nòse maa yānzi zé vīro.

<sup>27</sup> Gbē kè è a lé kū dōna vī,  
nòseyīidee ègō làakari vī.

<sup>28</sup> Baa yōnkɔɔ, tó à yītɛna,  
wè à diɛ ɔndōdee ũmɛ,  
gbē kè è a lé kū né làakarideemɛ.

## 18

<sup>1</sup> Zīnda pɔyezi è dɔ gbē kè è kēmmanɛ aɛ,  
è gí lédamma píngizi.

<sup>2</sup> Yōnkɔɔ è pɔnnaa ke làakari yā musuro,

yā kè b̀̀ à lén è o.

<sup>3</sup> Zaakena è mó kyakanguome,  
kpɛbɔyā è wí ínne.

<sup>4</sup> Gbēntee légbɛ né í l̀̀me,  
swa'i bàalename, íb̀̀ki ẁ̀ndideeme.

<sup>5</sup> Kena zaakerine k̀̀rekerɛ  
ke yākena taarisaideene l̀̀kpɛɛ maaro.

<sup>6</sup> Ỳ̀nkɔ̀̀ lé è à da swèen,  
à yā'ona è à kpá gbēnazi.

<sup>7</sup> Ỳ̀nkɔ̀̀ lé è à yaka,  
à yā'ona è à k̀̀lán takutɛɛ bà.

<sup>8</sup> Gbēperi yā è k̀̀ínne lán zó bà,  
è gē lén d̀̀o ai ǹ̀se guu.

<sup>9</sup> Gbē kè è pā kpá a zīizi né  
m̀̀nzide dāarome.

<sup>10</sup> Dii tó né uteki lezīme,  
gbē maaa è bà lé à g̀̀en à aafia e.

<sup>11</sup> ɔ̀̀de auziki denɛ lán wéte kè wà l̀̀kaa lìgazi bà,  
lán bīi kè weé f̀̀o wà didiaroo bà.

<sup>12</sup> Zīindasena lezī è mó gbēne k̀̀n l̀̀ena,  
zīindabusana è mó b̀̀eɛo.

<sup>13</sup> Gbē kè è weñla swākpana sai,  
m̀̀saikɛɛ k̀̀n kpɛbɔnao g̀̀ne.

<sup>14</sup> Kāgbāakɛɛ è gbē gba gbāaa gyāpɛa,  
m̀̀de dé bé eé p̀̀siaa f̀̀o?

<sup>15</sup> Làakaridee è yā dada a swèen,  
ōndōdee swā èg̀̀o d̀̀o d̀̀nazi.

<sup>16</sup> Gbaa kè gbē dà è zé kekɛne,  
è zé wēne gana gbēnsinɔ̀̀ kiia.

<sup>17</sup> Gbē kè yā ò káakun wè à gwa yānnadee ũ,  
ai à ibɛɛ g̀̀o gá à egɛ bo.

<sup>18</sup> Kàbankpɛkena è swèe m̀̀i de,  
è g̀̀sa gbāaanɔ̀̀ yokōa.

<sup>19</sup> Danɛ kè wà taari k̀̀ne yā èg̀̀o gbāa lán bīi bà,  
aō swèe de lán zétatana k̀̀n l̀̀o bà.

<sup>20</sup> Yā'ona d̀̀o è mó gbēne k̀̀n kánao,  
à légbɛ è tó p̀̀móa.

<sup>21</sup> Gaa k̀̀n ẁ̀ndio kú lémmɛ,  
gbē kè ye yā'onazi è a gbè e.

<sup>22</sup> Gbē kè nɔ̀̀ è ń sé n p̀̀o maaa è,  
aubarika beee b̀̀o Dii kiiame.

<sup>23</sup> Takaasidee è yā o ẁ̀ndawēnda,  
auzikidee è weñla gbāngbān.

<sup>24</sup> Gbēnna bereketɛ è à zaaa ínne,  
gbēnna kenɔ̀̀ kuu aōèg̀̀o na gbēa de ua gbēla.

## 19

<sup>1</sup> Kuuna takaaside taarisaidee ũu maa  
de kuuna ỳ̀nkɔ̀̀ yāzaa'ori ũula.

<sup>2</sup> Aīa vīna d̀̀na sai maaro,  
wāna b́ta è ń kē zéame.

<sup>3</sup> Gbēntee faasaikεε è zé yakane,  
ben è Dii taari e.

<sup>4</sup> Auziki è tó wà gbēnna e pari,  
takaaside gbēnna è kēame.

<sup>5</sup> Sèeda εγεdee é bɔ pāro,  
εγεdee é gí wétāmma eziro.

<sup>6</sup> Gbē paridee è kpatableri tó nnaa sí,  
baade píngi ègɔ yezi gbadari gɔ de a gbē ūme.

<sup>7</sup> Takaasidee danεɔ è pā kpázime,  
weé à gbēnnaɔ kēana o dɔro.

Tó èe wεteε à yā onyo,  
aṣègɔ kú bεro.

<sup>8</sup> Gbē kè èe ɔndɔ kūu ye a zīndazime,  
gbē kè ye làakarizi è à maaa e.

<sup>9</sup> Sèeda εγεdee é bɔ pāro,  
εgetori é kaate.

<sup>10</sup> Lán nnamana e kōsi kōn yōnkɔɔo nàro,  
lɛn zò kíblena wēεεεɔa e kōsioro lε.

<sup>11</sup> Làakaridee pɔɔ é fē kpaaro,  
lákana taarilan à ìadābɔ ū.

<sup>12</sup> Kína pɔfēna de lán músu pūtāna bà,  
à maakennena de lán mɔdɔpisina sēa bàme.

<sup>13</sup> Né yōnkɔɔn a de yakana ū,  
nɔ swèedee de lán ítɔtɔna zεna sai bàme.

<sup>14</sup> Wè bεε kōn a auzikio e túbi ūme,  
mɔde nɔ làakaride ena è bɔ Dii kiiame.

<sup>15</sup> Mεakεna è n̄ da ibita'onan,  
nɔaa è gbē gina de.

<sup>16</sup> Gbē kè è yā'onnenena da è a wēndi dākpa,  
gbē kè è a zīnda yākεna daroo é ga.

<sup>17</sup> Gbē kè wēnda dɔ takaasideenε pó sèkā Diinεme,  
àmbe é à yākεnanɔ fīa bonε.

<sup>18</sup> N̄ n né toto a gurɔɔa,  
mɔde n̄ton tó à gē ɔla ai à garo.

<sup>19</sup> Pɔfēbitadee é fīa bome,  
tó n à bò, à bona égɔ lé vīro.

<sup>20</sup> N̄ lédamma ma n̄ totona sí,  
lε n̄ ɔndɔ kú gurɔ aezī yānzi.

<sup>21</sup> Laasuu kú gbēntee n̄sεn pari,  
mɔde yā kè Dii zèo bé è kε.

<sup>22</sup> Gbēkεεn wè wεte gbēntee,  
takaasidee maa de εγεdeela.

<sup>23</sup> Vīakεna Diinε è mó wēndio,  
gbē kè vīi è ii o làakario kpaεna,  
à zaaa è à lero.

<sup>24</sup> Mεadee è ɔ gē taan  
à fua à póblee lí à da a lén.

<sup>25</sup> N̄ fabori gbē, yōnkɔɔ é gɔ làakari vī,  
n̄ kpākē làakarideezi, eé yā dada.

<sup>26</sup> Né kè è a de gbē à pé a daa né

né gina kè è wí darímame.

<sup>27</sup> Ma né, tó n kámma bò kǝn lédammanaŋ,  
n pā yādǝnanen gwe.

<sup>28</sup> Sèeda zaadee è yāzedeede fabo,  
zaakeri è à zaaa mómmɔ zaa.

<sup>29</sup> Gò logona faborinɔla,  
gbēnan yǝnkɔɔnɔ pó ũ n kpeea.

## 20

<sup>1</sup> Wēe è lalandi zīrma,  
í gbāaa è n da yābɔen,  
gbē kè tò à a de ǝndǝ vīro.

<sup>2</sup> Kína pǝfēna de lán músu pūtāna bà,  
gbē kè tò à pɔ fē a zīnda kpà gaazime.

<sup>3</sup> Baasina leokpakǝane bèe vī,  
faasaideenɔ è kasake swèe kero.

<sup>4</sup> Meadee è bú wí a gurɔɔaro,  
tó à gàa bura pǝkēgurɔ, è pǝke ero.

<sup>5</sup> Gbēntee nǝseguuyā né í lǝme,  
mǝde asásidee bé à yā pínɔ tɔna dǝ.

<sup>6</sup> Gbē paridee è a maakena yā o,  
mǝde bɔna gbē náanedeeta zī'ũ.

<sup>7</sup> Gbē maaa ègǝ kuu taari sai,  
aubarikadeenɔn né kè à n tónɔ ũ.

<sup>8</sup> Kína kè vēena a yākpaekekiia  
è à zaa píngi dǝ a wēe guu à plékǝte.

<sup>9</sup> Dé bé é fǝ à o kè a nǝse yāke vīro,  
á kuu durun sai wásawasaa?

<sup>10</sup> Kilooyǝna zaaa kǝn mǝnafiki zakao,  
Dii zà beeenɔn píngi.

<sup>11</sup> Baa kǝkǝ'ona guu wè dǝ néa,  
tó à yākena maa ke à zé vī.

<sup>12</sup> Swā kè wè yā mao kǝn wēe kè wè guu eoo,  
Dii bé à n kè n píngi.

<sup>13</sup> Tó n ye i'onazi, né gǝ takaasidee ũme,  
n itē, pǝblee é mómma.

<sup>14</sup> Pǝluri è be: À maaro! À maaro!  
Tó à kào ae, è a zīnda sáabu kpá.

<sup>15</sup> Vura kun, ben òso din,  
mǝde dǝna kuuna lémmē gbè bèedeede ũ.

<sup>16</sup> Tó gbē nibɔ fīa dì a musu,  
n à uta sí nǝgǝ kūna tɔɔba ũ adee gēe ũ.

<sup>17</sup> Dibidibi pǝblee ègǝ nna gbēnemē,  
è yāa à gǝ n lén lán gbèwa bà.

<sup>18</sup> N ze yāo lédamma musu,  
n yā gwa maamaa, né gbasa n zī ká.

<sup>19</sup> Kǝmǝtǝdeede ègǝ lili oo kǝn danɔ asiiyāome,  
n ton kakǝa kǝn yābɔerioro.

<sup>20</sup> Gbē kè à a de ke a da kà,  
à fitia é ga gusia níginigimme.

<sup>21</sup> Túbiblena ide wahaakesai

èg̃õ aubarika vī zāaro.

<sup>22</sup> N̄ton à zaaa g̃ēεbona laasuu léro.

N̄ s̄kpa Diizi à n m̄i sí.

<sup>23</sup> Dii zà kilooȳona zaaan,

m̄onafiki zaka è kenεro.

<sup>24</sup> Dii bé è gb̄ēntee k̄εε da zéa.

Dian gb̄ē é yā k̄è eé k̄ε zé d̄õ?

<sup>25</sup> Gba légb̄ēna Ludanε kpaakpaa kari vī,

né yāa ñ laasuu lé lù k̄è ñ s̄enε p̄ia.

<sup>26</sup> Kína ònd̄õdee è gb̄ē zaaan̄o p̄leple

à ñ ká gb̄èn à ñ agaa pá.

<sup>27</sup> Dii fitia è gb̄ēntee laasuu pu,

è n̄s̄εguuyā tàasi k̄ε p̄ingi.

<sup>28</sup> Gb̄ēk̄εε k̄õn náan̄εon kína dākparin̄o ũ,

maakena è à kpata kāsā p̄éε.

<sup>29</sup> Ḡõkparεn̄o gb̄āaamε ñ ñadāb̄o ũ,

mare isin̄o m̄ikā puraamε ñ gakuī ũ.

<sup>30</sup> W̄éētāmmana è à zaaa k̄ēm̄ma,

fl̄à òamma è yā b̄ēε n̄s̄en.

## 21

<sup>1</sup> Kína n̄s̄ε kú Dii ɔzī lán íze bàme,  
è à liε guu k̄è à yezin.

<sup>2</sup> Baade èg̃õ ee a yāk̄ena maa,  
m̄ode Dii bé èg̃õ ñ n̄s̄ε d̄õ.

<sup>3</sup> Maak̄ena k̄õn yāk̄ena a zéao  
è k̄ε Diinε de sa'onala.

<sup>4</sup> Z̄īndasena lezī k̄õn ñadāao  
è zaak̄erin̄o durun b̄o gupuraaamε.

<sup>5</sup> Añadee laasuu è à ká nnamanaa,  
n̄s̄εwāadee è g̃ē takaasin.

<sup>6</sup> Auziki k̄è gb̄ē è εgetona guu  
é g̃ē ñala à ñ kpá gaazi.

<sup>7</sup> Zaak̄erin̄o pāsīk̄ena é tányo,  
zaak̄ε ās̄è we wà yāz̄εdee k̄εro.

<sup>8</sup> Taaride yāk̄ena èg̃õ d̄òr̄o vīro,  
taarisaidε yāk̄ena èg̃õ wásawasamε.

<sup>9</sup> Ina kp̄é làasin maa  
de kuuna kp̄én led̄o k̄õn n̄o sw̄èdeεola.

<sup>10</sup> Zaakeri sw̄è èg̃õ kú à zaaaamε,  
è a gb̄ēdaaa w̄enda gwaro.

<sup>11</sup> Tó wà w̄éε tà faboria,  
ȳõnk̄o è ònd̄õ k̄ūmε,

tó wà kp̄ák̄ē ònd̄õdeezi,  
à d̄õna è kaaramε.

<sup>12</sup> Ludaa maa, è zaak̄eri b̄εε tàasi k̄ε,  
è zaak̄erin̄o ká kaat̄enan.

<sup>13</sup> Gb̄ē k̄è èe sw̄ā kpá w̄endade wiiiziro,  
àpi é wii p̄é se, gb̄ēke é weàlaro.

<sup>14</sup> Gbadana asii guu è p̄of̄ē kp̄áε,

ɔ̀ɔ̀nkpɛɛgbaa sɔ̀tɔ̀na utan è pɔ̀fɛ̀ mì dɛ.  
 15 Yágògòna a zéa è gbɛ̀ maaa pɔ̀ɔ̀ kɛ nna,  
 mɔ̀dɛ è vīa dada zaakerizi.  
 16 Gbɛ̀ kè pà làakari zéne  
 é si gèwáadeenɔ̀ tème.  
 17 Gbɛ̀ kè nòsɛ kpà pɔ̀nnakɛnaa é gɔ̀ takaasin,  
 gbɛ̀ kè ye wɛ̀ezi kɔ̀n nòsio é kɛ auzikidee ũro.  
 18 Zaakerinɔ̀n gbɛ̀ maaanɔ̀ tɔ̀ɔ̀bakpabɔ̀ ũ,  
 Luda è wɛ̀e tā náanesaideenɔ̀a nòsɛpuradeenɔ̀ gɛ̀e ũ.  
 19 Kuuna gbáan maa  
 dɛ vɛ̀ena kɔ̀n nɔ̀ swèede pɛ̀tɛ̀deeola.  
 20 Póble maaa kɔ̀n nòsio ègɔ̀ kaena ɔ̀ndɔ̀dee bɛ,  
 mɔ̀dɛ yɔ̀nkɔ̀ è a pɔ̀ mómɔ̀ gɔ̀ɔ̀mɛ.  
 21 Gbɛ̀ kè è yázeɛde kɔ̀n gbɛ̀kɛeɔ̀ wɛ̀e  
 è wèndi kɔ̀n yá nnao kɔ̀n bèeɔ̀ e.  
 22 ɔ̀ndɔ̀dee è léɛ gɔ̀sa gbáaanɔ̀ wéteá,  
 è zekigbáaa kè aɔ̀e à náane kɛe gboro.  
 23 Gbɛ̀ kè à a lé fɛ̀ bensɔ̀ à a néne kù,  
 àmbe è a zīnda bɔ̀ yān.  
 24 Gbɛ̀ kè wada kɔ̀n ĩadānao vī tón fabori,  
 è yá kɛ kɔ̀n zaza bítaome.  
 25 Mɛadee pɔ̀yezi è à kpá gaazi,  
 kè à ɔ̀ gbàe zīizi yānzi.  
 26 Ègɔ̀ kú pónidenan gurɔ̀ sānda píngi,  
 gbɛ̀ maaa sɔ̀ è gba da nòsɛo do.  
 27 Gbɛ̀ zaaa sa'ona Diia né tème,  
 atɛnsa tó èe oo kɔ̀n mɔ̀nafikio.  
 28 Sèeda egɛdeɛ é gɛ̀ zéa,  
 gbɛ̀ kè à tɛ̀ à yázi é kaate ai gurɔ̀ píngi.  
 29 Gbɛ̀ zaaa wɛ̀e ègɔ̀ pásīme,  
 nòsɛpurade wɛ̀e ègɔ̀ té a yākenazi.  
 30 ɔ̀ndɔ̀ ke wɛ̀ezɛe ke lédamma,  
 aɔ̀ ke é fɛ̀ à Dii furo.  
 31 Wè sɔ̀ soru kɛ zī yānzime,  
 mɔ̀dɛ Dii bé à zīblena yá dɔ̀.

## 22

1 Tó nnaa dɛ auzikila,  
 nna kɔ̀n gbɛ̀nɔ̀ dɛ vura kɔ̀n kondogiola.  
 2 Auzikidee kɔ̀n takaasidee kāsāa dɔ̀nkɔ̀mɛ,  
 Dii bé à n kè n píngi.  
 3 Làakaridee è gīake à à zaaa e à utene,  
 ɔ̀ndɔ̀saidee ègɔ̀ gaa ai à wéetamma e.  
 4 Zīndabusana kɔ̀n vīakɛna Diineo gbèn  
 auziki kɔ̀n bèeɔ̀ kɔ̀n wèndio ũ.  
 5 Lè kɔ̀n takutɛe kú gbɛ̀ dɔ̀rɔ̀saide zén,  
 gbɛ̀ kè ye aafiazi è kɛ́rma.  
 6 N né féte da zé kè dɛ à séa,  
 tó à ìsi kù, eé kɛ́aro.  
 7 Auzikidee è gbáaa mɔ̀ takaasideene,

pósĕkārī è zò ble pódēenē.

<sup>8</sup> Gbē kè à à zaaa t̄s̄, adee é yā e à kēguro,  
à pāsīkēgo é à gbē.

<sup>9</sup> Luda é aubarika da gbē kè gbēkēē vīin  
kè è póblee kpaatē takaasideenōnē yānzi.

<sup>10</sup> N̄ pé faboria, swèe é mī dē,  
yākete kōn wío é yāa.

<sup>11</sup> N̄sēpuradee kè à légbē nna  
bé eégō dē kína gbēnna ū.

<sup>12</sup> Dii wée ègō té dōnazi,  
è mīkpeē zu náanesaide yānē.

<sup>13</sup> Mēadee è be músu kú bàazi,  
tó ma b̄, eé ma dē gāale.

<sup>14</sup> Kaarua lé né wèe zòotomē,  
gbē kè Dii p̄ f̄ēo è lée à sin.

<sup>15</sup> Faasaiyā ègō kú nēnō swèn,  
totona kōn flāo é tó aō kēa.

<sup>16</sup> Gbē kè è wée tā takaasideea lē à a auziki kaara  
kōn gbē kè è gba da ɔdeēnēo, aō píngi é kēsā.

### *Ɔndōdeēnō lédamma*

<sup>17</sup> N̄ swā kpá n̄ ɔndōrinō yā'onnenēna ma,  
n̄ n n̄sē wē ma yādannenēnē,

<sup>18</sup> zaakē à nna ñgō kūna n swē guu,  
àgō kú n lémmē.

<sup>19</sup> Baa mpi, mēē yā daannē gbāa,  
lē ñgō Dii náanē vī yānzimē.

<sup>20</sup> Ma yā'onnenēna kēnnē mēn baaakuri,  
yā p̄nō lédamma kōn dōnao vī.

<sup>21</sup> Mēē yāpuraa kè náanē vīi daannē,  
lē n̄ e n̄ yā weñla a zéamē.

<sup>22</sup> N̄ton gbāasaidee ble à gbāasaikē yānzīro,  
ñton gbāaa m̄ wēndadeēnē yākpaekēkiiaro,

<sup>23</sup> zaakē Dii é yā sínyo,  
eé wée tā gbē kè aōe wée tāámmanōa.

<sup>24</sup> N̄ton gbēnna kpá kōn p̄f̄erīoro,  
ñtongō té kōn pētēdeero,

<sup>25</sup> lē ñton à dà sēē  
n̄ n zīnda kpá yāzīro yānzi.

<sup>26</sup> N̄ton gbēke fīa di n musuro,  
ñton kpégauu sénerō.

<sup>27</sup> Tó n̄ p̄ke vī n̄ fīa booro,  
weé n daeb̄ sé n gīzī.

<sup>28</sup> N̄ton t̄ɔtē lé sēeda zii wurero,  
n dezīnō bé aō p̄ēē.

29 N gbē kè à a zīi dō maamaaa èó?  
Adee é zīi ke kīnanōne,  
èe ke talakanōn eé keńnero.

## 23

1 Tó n mọ́ pọ́ ble kōn gbāadeeo,  
ngō dō gbē kè kú n ae.

2 Tó sānkaradeeme n ũ,  
n fēe da n kōtoa.

3 Nton wākū ke à pọ́ble nósídeeziro,  
zaake pọ́blee pì de lán dabuuzunnena bàme.

4 Nton ĩa da n zīndaa ɔbitawetena yānziro,  
n ɔndō kū ngō n zīndakūna dō.

5 Wè wéé lé ɔa, ben è gē zéla,  
è dèbe ɔɔɔ à vīa lán kúu bà.

6 Nton aĩapāsīde pọ́ blero,  
nton wākū ke à pọ́ble nósídeeziro,

7 zaake ègō a ɔ naroo a nòsemme.

Eé benne n pọ́ ble n í mi,  
mode èe keke a nòsenlo.

8 Né à fète kè n blé pisime,  
sáabu kè n kè é ke pā.

9 Nton yā o yōnkɔ swānlo,  
zaake eé kyaka n ɔndōyāmmē.

10 Nton tɔɔte lé sèeda zii wurero,  
nton tonenɔ bú lé n ká n pólaro,

11 zaake aō Dākpari gbāa,  
eé ɔ n kpeé à yā sínyo.

12 N lédamma yā da n swèn,  
n làakari ɔ dōnayaā.

13 Nton gí n né totoziro.

Tó n à gbè flào, eé garo.

14 N à gbē flào,  
le n à ɔ gaa ɔzī.

15 Ma né, tó n ɔndō vī n swèn,  
ma pɔɔ é ke nna.

16 Tó yāzede e ɔɔ n lén,  
ma pɔɔ é ke nna.

17 Nton durunkerinɔ gwena ni dero,  
ngō Dii vīa vī gurɔ sānda píngi,

18 zaake négō ziaa vīme,  
tāmaa é n nero.



19 Ma né, ò ma yā ma le ò òndō kū,  
ò tó n swè gō té zé maaazi.

20 Nton kakōa kōn wēmiringoro,  
òntongō kú lóudeeno téro,

21 zaake wēderi kōn lóudeeo è gō takaasideeno ũ,  
aō mèkpete è ò da utakāsādanamme.

22 N n de'ina yā ma,  
tó n da zi kù, ònton kyakanlo.

23 Ngō yāpuraa wetee, ònton o kpáziro,  
ò òndō kū kōn yādadanao kōn wéezēeo.

24 Gbē maaa de pōo ègō nna maamaa,  
gbē kè né òndōdee ò pōo ègō nnaaame.

25 N tó n de kōn n dao pōo kemma nna,  
ò tó n da'ina guda dōmma.

26 Ma né, ò n òse wēme,  
n wée gō té ma yākenazi,

27 zaake kaarua né wēe zōotome,  
no pāpākeri né lōgō zāme.

28 È gbē kpákpa lán kpāi wéedewe bà,  
è tó gōgbē paridee gō náane sai.

29 Dén wè wāiyoo kene?

Dén wè o'oo kene?

Dé bé à leokpakōa vīi?

Dé bé à zōka vīi?

Dé bé è kēna pāa?

Dé wée bé à tēaa?

30 Gbē kè aōè gī ke wēmikiiano,  
kè aōè gá kpáe ke geepiwē yākōtenanozime.

31 Nton wée bii geepiwēea  
le à tēake wākū n kūro,  
zaake ègō pipii togoo guume  
à gēna lén ègō nna.

32 Eé yāa swaa tēmma lán mlè bà,  
eé n gbā à n kū lán pitigoo bà.

33 Né wée si pō kè née e yāroole,  
né laasuu kpēegānda lé n swèn.

34 Né gō de lán gbē kè daena góron ísiaalaa bà,  
lán gbē kè kú góro'ite bisa mìsōntēa bà.

35 Né be: Wà ma gbē, èe òmaro,  
wà ma ke búgubugu, mée à wāwāa maro.  
Bōren ma wée é were le mà í wete mà mi dōo?

## 24

1 Ntongō lugaa gbē zaaano gwenaziro,  
ònton kakōanyona ni de sero,

2 zaake yā gbāaa laasuu bé ègō kú ò swèn,  
yākete ègō kú n lēmma.

<sup>3</sup> Ɔndɔɔn wè be kpáeo,  
làakari è tó àgɔ pɛɛna.

<sup>4</sup> Dɔnan wè pɔ káo kpénɔ pa  
kɔn auziki maa bèɛdeeo.

<sup>5</sup> Ɔndɔdee gbāaa ègɔ kaaramɛ,  
d̄ri iko ègɔ gaa aɛmɛ.

<sup>6</sup> Baaru è tó wà z̄i asānsi d̄s,  
tó yākekɛrinɔ pari, è tó wà z̄i ble.

<sup>7</sup> Ɔndɔ lez̄i de faasaideela,  
lakutu k̄kak̄saa guu à lé ègɔ nak̄sanamɛ.

<sup>8</sup> Gbē kè ègɔ zaakennena laasuu v̄iin  
wè à sísi m̄nafikide.

<sup>9</sup> Yāfaasai wāaripana né durumɛ,  
gbēke ègɔ ye faboriziro.

<sup>10</sup> Tó n m̄kpetɛ kè nawēakɛgurɔ,  
n gbāaa bítarɔ.

<sup>11</sup> Ñ gbē kè aɔ mì pè gaaanɔ mì sí,  
n̄ gí gbē kè aɔ sòro wèe sii kaatenannɔnɛ.

<sup>12</sup> Tó n bè: O'o, wá d̄s yāro fá,  
Luda kè n̄sɛguuyā d̄s é eroo?  
N w̄endi gwàri à yā d̄s,  
eé f̄ia bo baadenɛ a yākenamɛ.

<sup>13</sup> Ma né, ñ zó ble, zaake à maa,  
zósá è ke léne nna.

<sup>14</sup> Len ɔndɔ è ke gbēne nna a n̄sen le.  
Tó n ɔndɔ k̄ù, négɔ ziaa v̄i,  
tāmaa é n n̄ero.

<sup>15</sup> Dàde, ñton gbē maaa ua kpákparo,  
ñton à be pónɔ kpokero.

<sup>16</sup> Baa tó gbē maaa lèe ḡèn swɛɛplaa,  
è ɛara à fɛɛmɛ,  
zaakerinɔ s̄s, m̄ónzi è n̄ fu.

<sup>17</sup> Tó n ibɛɛ lèe, ñton p̄onnaa kero,  
tó à fù, ñton à yāa d̄ro.

<sup>18</sup> Tó Dii è le, eé kenɛ nnaro,  
à p̄f̄é é yāa n ibɛɛ piame.

<sup>19</sup> Ñton tó gbē zaaanɔ yā n k̄ù gbāaro,  
ñton zaakerinɔ gwena ni dero,

<sup>20</sup> zaake gbē zaaa ègɔ ziaa v̄iro,  
Luda é zaakerinɔ f̄itia té de.

<sup>21</sup> Ma né, ñ v̄ia ke Diine k̄n k̄inao,  
ñton gbēna kpá k̄n gbē kè aɔ b̄ò n̄ kpɛɛnɔoro,

22 zaake yā é n̄ le kãndomε.  
Dé bé à d̄o lán weé n̄ ásarú kε nà?

*Ɔnd̄odeen̄o yān yè d̄o*

23 Ɔnd̄odeen̄o yān yè d̄o:

Gbēwεεgwana yākpae guu maaro.

24 Gbē kè è yā nnaa kpá taarideea,  
gbēn̄o é sa zaaa onε, boriin̄o é à ká.

25 Gbē kè è yā da taarideela éḡo à maaa ee,  
Luda é aubarika dan maamaa.

26 Yāwenlana súusu  
dε lán lépεna léa bàmε.

27 N̄n b̄aazi z̄i kε n̄n bura soru kε,  
né gbasa n̄ kpé bo sa.

28 N̄ton n gbēdaaa b̄ob̄o a d̄an p̄aro,  
n̄ton tó n lé gbēn̄o s̄ās̄aro.

29 N̄ton be: Mé kεnε lán à k̄emε n̄aro,  
kes̄o mé f̄ia bonε a yākenaa.

30 Ma p̄a m̄εade búne,  
ma d̄o faasaidee geepiwē búzi,

31 ben má è lè b̄òe à dàgula p̄ingi,  
à s̄è kù, ḡù kè à b̄ò k̄on gb̄èo l̄èe.

32 Ma yā beee gwà ma laasuu l̄èa,  
ben p̄ó kè má è yā dàdamε.

33 Tó n b̄è: Mé ii o féte, mé k̄amma bo féte,  
mé daε féte ɔkpana ma k̄ua,

34 takaasi é b̄o n̄ ā lán kp̄ai bà,  
p̄ók̄ēs̄amma é m̄onzi  
lán gbē kè ḡōk̄εb̄o k̄ūna bà.

## 25

*Sulemanu yáasi p̄ānden̄o*

1 Sulemanu yáasi kè Yuda kí Ezekaya gbēn̄o kè takada guun̄on yè.

2 Luda gakui v̄i à yā ute,  
k̄inan̄o gakui v̄i āo yā t̄asi kε.

3 Lán wé f̄o wà ludambε lez̄i k̄on t̄oote lòo d̄ōro nà,  
l̄en wé f̄o wà k̄ina laasuu d̄ōro lε.

4 N̄ kondogi gb̄ās̄i b̄oε,  
à p̄iri é p̄ó maaa pio,

5 n̄ zaakerin̄o b̄oε k̄ina aε,  
à kpata é gb̄aa k̄ū yāzεdee musu.

6 N̄ton n z̄inda sé lez̄i k̄ina aεro,  
n̄ton v̄èe gb̄ēnsin̄o v̄èek̄īaro.

7 Zaake à s̄āo à benne n̄ m̄ó aε kè  
dε à n̄ diε k̄ēs̄ana gbē b̄èedeēn̄o aela.

8 Yā kè n̄ w̄é è,  
n̄tonḡo w̄aa k̄on à ḡōḡōnaoro,  
zaake tó wà n̄ yā ege b̄ò,

bón né yāa ò kèe?

<sup>9</sup>Tó nées yā gōgō kōn n gbēdaaa,  
nton bō kōn gbē pānde asiioro.

<sup>10</sup>Tó à mà, eé wí dammame,  
n tó zaaa é yāa dōro.

<sup>11</sup>Yāmaa'ona a gurōa nna  
lán mango tēaa kè da kondogi taan bà.

<sup>12</sup>Ōndōdee lédamma maa gbē kè nòse vīne  
lán vura zāblebō bà.

<sup>13</sup>Lán í yīi ègō de nà pókērinone,  
len zīri náanēdee de le gbē kè aō à zīnone,  
è n nòse yīi kūñe.

<sup>14</sup>Gbē kè è gbadana lé gbē ben è daroo  
de lán lou kè sisi à ãa kàka èe maroo bàme.

<sup>15</sup>Mēnadee è tó kína a yāze e,  
kpaena yāzi è tó à yā ble.

<sup>16</sup>Tó n zó è, n ble mókōana yāo,  
le nton ble bíta n lé sōkparo yānzi.

<sup>17</sup>Nton n gbēdaaa be zé soro,  
le àton kpasanyo à zanguro yānzi.

<sup>18</sup>Gbē kè yā dì a gbēdaaaa  
de lán gò ke fēdaa ke kàle sōnte bàme.

<sup>19</sup>Làakarikpaena náanesaideea nawēakeguro  
de lán swaa gyāree ke gbá ere bàme.

<sup>20</sup>Pōnna lèsina pōsiadeene  
de lán utasimmana ãampuu guro  
ke yōnku kana bōa bàme.

<sup>21</sup>Tó nōaa e n ibee dee, n pōblee kpáa,  
tó ímiime sō, n à gba í.

<sup>22</sup>Tó n kè le, nées à o kaane a lémmē,  
Dii é fīa bonne.

<sup>23</sup>Lán gu'igbāroo kpa ãa è mó louo nà,  
len gbēpena è mó uusisinao le.

<sup>24</sup>Ina kpé làasin maa  
de kuuna kpén lēdo kōn nō swēedeola.

<sup>25</sup>Baaru nna bōna bùsu zāazān  
de lán íyīikpana gbē kè gbāaa yāaa bàme.

<sup>26</sup>Gbē maaa kè è we zaakerine  
de lán íbókii kè à í yana bàme,  
lán lògō kè à í yàka bà.

<sup>27</sup>Zóblena à o gēe maaro,  
gbē bèelina a zīndane gakui vīro.

<sup>28</sup>Gbē kè à a zīndakūna dōroo  
de lán wéte kè à bīi gborona bàme.

## 26

<sup>1</sup>Lán lousisina de nà kwēe,  
lan loumana de nà pókēgurōa,

len gakui e kōsi kōn yōnkɔɔoro le.

<sup>2</sup> Lán kíkoiá kōn taakasoo  
ègɔ vīavīa à gá kè à su kè nà,  
len gbēkana pāa è pòke wommaro le.

<sup>3</sup> Gezee né sɔ pómɛ,  
flà né zaaki pómɛ,  
yōnkɔɔ pón gò ù a kpɛɛa.

<sup>4</sup> Nton we yōnkɔɔla a faasaikɛɛaro,  
le nton gɔ lán à bàro yānzi.

<sup>5</sup> N yā we yōnkɔɔla a faasaikɛ lén,  
le àton a zīnda gwa òndòdee ūro yānzi.

<sup>6</sup> Tó n lékpāsā kè yōnkɔɔ gāzī,  
n n zīnda yàkamɛ, n yā wète n zīndane.

<sup>7</sup> Yáasi kè kú yōnkɔɔ lén  
de lán ɛɛ gbá kè e gbākɛɛ bàme.

<sup>8</sup> Bèelina yōnkɔɔne de lán gbèdana gbèmban bà.

<sup>9</sup> Yáasi kè kú yōnkɔɔ lén  
de lán lè kè dana wèderi ɔzī bàme.

<sup>10</sup> Gbē kè yōnkɔɔ ke gbē gèzéláa dà zīin  
de lán tofekari kè è nòbɔ píngi gbāa bàme.

<sup>11</sup> Yōnkɔɔ ɛarana a yāfaasaikɛnaa  
de lán gbēe kè èara a pisizi bàme.

<sup>12</sup> N gbē kè à a zīnda diè òndòdee ūu ès?

Yōnkɔɔ sãɔ deàla.

<sup>13</sup> Meadee è be: Músu kú zémme,  
nòbɔ pásī té gāaɛ.

<sup>14</sup> Lán gbà ègɔ nigāa a sigbea nà,  
len meadee ègɔ lieliɛ a daekiia le.

<sup>15</sup> Meadee è ɔ gē taan  
à fua à pòblee lí à da a lén.

<sup>16</sup> Meadee ègɔ daa a òndɔɔ  
de yāwenladōri gōɔn swɛɛplaaanɔla.

<sup>17</sup> Gbē kè vī à pèɛ danɔ leokpakōan  
de lán gbē kè gbēe kù a swāa bà.

<sup>18-19</sup> Gbē kè à a gbēdaaa sāsā  
gbasa à bène: Mée fàadi boome  
de lán bāndee kè e kà tédee  
kōn kà sewɛɛdeeo zuuñzi bàme.

<sup>20</sup> Tó yàka kuuro, té è game,  
tó kɔmɔɔdee kuuro, swèè è yāame.

<sup>21</sup> Lán sīsī è ke tégɔne nà,  
lán yàka è ke tène nà,  
len leokpakōadee è swèè da le.

<sup>22</sup> Kɔmɔɔde yā è keñne lán zó bà,  
è gē lén dō ai nòse guu.

<sup>23</sup> Nòsepāsīdee kè è yā nnannaa oñne  
de lán loo kè wà kondogi í lèa bàme.

24 Zanguri è a zĩnda kẹkẹ kɔ̃n léome,  
 mɔde mɔnafiki bé à kú à swèn.  
 25 Tó yā nnannaa b̀̀ à lén, ñton síro,  
 zaake yā zaa mèn swεεplaa bé à kú à swèn.  
 26 Baa tó à a zangu ùte mɔnafiki guu,  
 à zaaa è b̀̀ gupuraa pari wáa.  
 27 Gbē kè èe wèe yɔ́ónne é zu à guume,  
 gbē kè èe gbè gbegere paa, gbè pì é si adeea.  
 28 Egεdee è za gbē kè è n yakan,  
 mɔnafikidee è gbē kpá lεnazi.

## 27

1 Ñton n zĩnda sáabu kpá zia yā musuro,  
 zaake n d̄́ yā kè eé su ziaro.  
 2 Ñ tó wà n sáabu kpá,  
 ñton n zĩnda sáabu kpáro.  
 Ñ tó à b̀̀ gbēnɔ lén,  
 ñton tó à b̀̀ n lénlo.  
 3 Gbè t̄́isi, b̀̀usu'ãatē né asoomε,  
 mɔde yɔ́nkɔɔ pɔf̄́ t̄́isi de beeenla píngi.  
 4 Pētē pāsī, pɔf̄́ èḡ́ dańla,  
 mɔde dé bé eé n̄̀seḡ́aano f̄́ɔɔ?  
 5 Kpākēna gbēzi gbē pariino wáa maa  
 de yena gbēzi asii guula.  
 6 Gbēna yā'ɔamma kpáńzi náane v̄́i,  
 ibεε lépemma mɔnafiki v̄́i.  
 7 Gbē kè kána è zaza k̄́ zóame,  
 mɔde nɔaderi pó kyàkyā d̄́ro.  
 8 Gbē kè kè a uaa èe lik̄́a z̄́ɔ  
 de lán b̄́aa kè s̄́s̄́a a s̄́a b̄́ame.  
 9 N̄́si ḡ́u nnannaa k̄́n tuaetitio è n p̄́ɔ ke nna,  
 lédak̄́ana k̄́n n̄̀seo doo è gbēnnano ke nna.  
 10 Ñton p̄́a kpá n gbēnnaziro ke n de gbēnna.  
 Tó yā n le, ñton gá n v̄́i ke n d̄́aro bεro.  
 N gbēdaaa kè kúnyo k̄́i maa  
 de n be gbē kè kú z̄́ala.  
 11 Ma né, ñḡ́ ɔ̄́nd̄́, ma p̄́ɔ é kemma nna,  
 mé we ma s̄́s̄́rinla.  
 12 Làakaridee è yā pāsī e káaku, ben è utεne,  
 laasuusaidee è ḡ́i àḡ́ gaa, ben è yā e.  
 13 Tó gbē nibɔ f̄́ia d̄́i a musu,  
 ñ à uta sí ñḡ́ k̄́na t̄́ɔba ũ adee p̄́i ḡ́ε ũ.  
 14 Tó n yā ò gbāngbān  
 n sa maaa ò n gbēdaaane k̄́ngɔ ide'ide,  
 weé da sa zaaa ũme.  
 15 N̄́ swēedee  
 de lán í kè e t̄́t̄́ɔ zena sai lou z̄́a guro b̄́ame,  
 16 à d̄́ad̄́ana de lán ña d̄́ad̄́ana b̄́ame,

adee e nòsi'í kũu kõn ɔɔome.

<sup>17</sup> Lán m̀nɔ è k̄õ lé ke nà,  
len gbẽntee è a gbẽdaaa kekε le.

<sup>18</sup> Tó gbẽ làakari d̀ò kākā lía, eé à né ble,  
tó gbẽ a dii yā mà, eé a kpe da.

<sup>19</sup> Lán gbẽ è a ninii e ín nà,  
len gbẽnteenɔ èḡõ k̄õ laasuu d̄õ le.

<sup>20</sup> Lán g̀enɔ è mó gaaaro nà k̄õn g̀ewāao,  
len gbẽ ẃéε yena p̄ózi è m̄óaro le.

<sup>21</sup> Lán ẁè kondogi k̄õn vuraο maa d̄õ  
a baasana guu nà,  
len ẁè b̀èε lí gbẽnε à t̀óbɔna guu le.

<sup>22</sup> Baa tó n faasaidee dà gón  
n à sabò lán p̄ówεε bà,  
à faasaikε é k̄ēaro.

<sup>23</sup> Nḡõ n p̄ókādeenɔ kuuna d̄õ maamaa,  
ǹ làakari d̀ɔ n kp̄asa p̄ónɔa,

<sup>24</sup> zaakε auziki èḡõ kuu guro s̄anda p̄íngiro,  
baa kpata è ḡõ gbẽ p̄ó ũ ai a boriiaro.

<sup>25</sup> S̀è è yāa, à dufu è b̄ɔε,  
nεè à tàgaa kpá p̄ónɔa,

<sup>26</sup> nεè p̄ókāsāa ke k̄õn n s̄aanɔ k̄āo,  
nεè bú lú k̄õn n blè ɔɔo,

<sup>27</sup> n bl̀enɔ zwii èḡõ dinzi n p̄óblee ũ,  
nεè n uadeenɔ k̄õn n nɔgbẽ z̄ikerinɔ gwao.

## 28

<sup>1</sup> Zaakeri è baale, baa tó ẁè p̄éaro,  
gbẽ maa èḡõ w̄órɔngɔ v̄i lán m̄usu bà.

<sup>2</sup> Tó bùsu taari k̀è bíta, à k̄inanɔ èḡõ parime,  
m̄ode làakaride yād̄õri é tó aafia ḡõ kuu.

<sup>3</sup> Kína k̀è è ẃéε t̄ā takaasideenɔa  
de lán lou k̀è mà à bl̄enɔ yàka b̄ame.

<sup>4</sup> Dokayādarisaideenɔ è zaakerinɔ s̄áabu kpá,  
dokayādarinɔ s̄õ āè swèε keńyo.

<sup>5</sup> Gbẽ zaaanɔ yāzede gbá d̄õro,  
m̄ode gbẽ k̀è āè Dii aε w̄etenɔ d̄õ wásawasa.

<sup>6</sup> Takaaside taarisaidee maa  
de auzikide yálekpekerila.

<sup>7</sup> Né dokayādari asānsi v̄i,  
p̄āpādeenɔ gbẽnna è w̄i da a deame.

<sup>8</sup> Gbẽ k̀è è a auziki kaara ɔ̄dialena bíta guu  
e p̄ó kaak̄õa gbẽ k̀è è takaasideenɔ w̄ēnda gwaanεme.

<sup>9</sup> Gbẽ k̀è è doka kpá swākoto,  
Luda è za à aduakenan.

<sup>10</sup> Gbẽ k̀è è gbẽ maaanɔ da zé zaaaa  
é léε à da a z̄inda takutεεmme,  
taarisaideenɔ s̄õ āé b̄ɔ maa.

<sup>11</sup> Ɔ̄ɔdee è a z̄inda diε ɔ̄nd̄õdee ũme,  
m̄ode takaaside asānsidee è à ɔ̄nd̄õ d̄õame.

12 Tó gbē maaano zì blè,  
 gbē pingi ègō ìa dāame,  
 tó zaakerino kpata blè,  
 baade ègō mì kpaa guuzime.  
 13 Tó n n taarinŋ ùte, né gá aero,  
 tó n ò bensō n tò, Luda é n wēnda gwa.  
 14 Aubarikadeen gbē kè ègō Dii vīa vīi ū,  
 swāgbāadee sō è léε à da yān.  
 15 Gbē zaaa kè è kí ble takaasideenŋ  
 de lán músu kè èe pūtāa bàme,  
 lán gbèka kè èe kusiiṃma bà.  
 16 Dŋn'aedee kè è wéε tā a gbēnŋa faa vīro,  
 gbē kè zà ɔɔzaa'enan wēndi ègō gbāa.  
 17 Gbēderi kè a laasuu e ìa daaa  
 ègō baalεε ai à gá gaome.  
 Gbēke tón kpánero.  
 18 Gbē kè è yā ke a zéa ègō aafiamε,  
 yāɔɔsaikeri sō é léε kāndo.  
 19 Gbē kè è làakari ɔɔ a bú zīia ègō kāna,  
 gbē kè è pé gukoria sō ègō kú takaasi guume.  
 20 Luda é aubarika da náanεdeen maamaa,  
 gbē kè e wāa à ke ɔɔdee ū é ɔɔ pāro.  
 21 Gbēwεεgwana maaro,  
 baa kŋn beeeo gbē é taari ke buredi kusu yānzi.  
 22 Sānkaradee è wā kŋn auziki'enaŋ,  
 ègō dō kè takaasi é a lero.  
 23 Gbē kè è kpākē gbēzi ègō nnao  
 de gbē kè à à tó nnaa sila.  
 24 Gbē kè kpāi ò a de ke a daa,  
 ben èe bee, taarinlo,  
 adee sēnkpe kŋn kpāi wéεdewεome.  
 25 Gbē kè wéεkaka vīi è swèe dame,  
 gbē kè Dii náanε vī bé eé kaarana e.  
 26 Gbē kè e a zīinda náanε keε né yŋnkɔɔme,  
 gbē kè té ŋndōzi bé eé ɔɔ maa.  
 27 Pó è kēsā gbē kè è takaasideenŋ gba póaro,  
 wè gbē kè è n wéε gwaroo káme.  
 28 Tó zaakerino kpata blè,  
 baade ègō mì kpaa guuzime.  
 Tó aō gāga, gbē maaano è dagula.

## 29

1 Gbē kè wà kpākēzi maamaa, ben à gì mazi,  
 adee é kaate kāndo yōɔ sai.  
 2 Tó gbē maaano dàgula, gbēnŋ ɔɔ ègō nname,  
 tó gbē zaaa kú kpatan, wègō m boome.  
 3 Gbē kè ye ŋndōzi è a de ɔɔ ke nna,  
 kaaruanŋ be zéseri è a ɔɔ yaka.  
 4 Kína è tó a bùsu gbāa kaara yāzεdee musu,  
 ɔɔnkpeεgbasiri sō è a bùsu dεme.



- 5 Gbē kè èe lénnaa kεε a gbēdaaane  
e bà kpakpaa a zīndanεμε.
- 6 Gbē zaaa taarikεna è à kŭ takutεε ūμε,  
gbē maaa è guda κε kŏn pŏnnaao.
- 7 Gbē maaa è làakari dŏ takaaside yāgŏgŏnaa,  
zaakeri sŏ è à yā daro.
- 8 Gbē faborinŏ è wéte wā,  
ŏndŏrinŏ è gbēnŏ làakari kpáεñne.
- 9 Tó ŏndŏdee gāa yākpae κε kŏn yŏnkŏŏŏ,  
yŏnkŏŏ pì è pŏ fē è yāa dŏ, à lé è nakŏaro.
- 10 Gbēderinŏ è za taarisaideεμε,  
aŏègŏ gbē maaanŏ wetε wà n̄ de.
- 11 Yŏnkŏŏ pŏfē è bŏ à wéεame,  
ŏndŏdee sŏ è a pŏfē naawame.
- 12 Tó gbāadee e swā kpaa εγεyāzi,  
à ibanŏ è gŏ zaakerinŏ ū n̄ píngime.
- 13 Takaasidee kŏn gbāamŏnnerio yā mèn doo kè vī,  
Dii bé à tò n̄ wéε e guu ee n̄ píngi.
- 14 Kína kè è yākpae κε takaasideenŏne kŏn yāpuraao,  
à kpata kāsāπεεna égŏ gbāa gurŏ sānda píngi.
- 15 Totona kŏn flāo è tó gbē ŏndŏ kŭ,  
né kè wà à tò a zīdane è wí da a daame.
- 16 Tó zaakerinŏ dàgula, taarikεna è kŏme,  
mŏde gbē maaanŏ é n̄ kpεε e.
- 17 N̄ n né toto, eé n làakari kpáenne,  
eé tó n pŏŏ κε nna.
- 18 Guu kè Luda yā kunlo, wègŏ n̄ zīndakŭna dŏro.  
Aubarikadeen gbē kè à à doka kŭna ū.
- 19 Wè zò toto kŏn léoro.  
Baa tó à mà, eé zīi κεaro.
- 20 N gbē kè è wā à yā oo éŏ?  
Yŏnkŏŏ sāŏ de adeela.
- 21 Zò kè wà à zaza kŭ zaa à néngo zī,  
é yāa à gŏ guturu ūμε.
- 22 Pŏfēri è swèe da,  
nŏsefutadee è durun κε maamaa.
- 23 Īadāna è n̄ busame,  
zīndabusana bé è n̄ kaara.
- 24 Gbē kè è ble kŏn kpāio zà a zīdamme,  
è lada kŏn Ludao, mŏde è we à yāpuraao oro.
- 25 Vīakεna gbēnteeε né takutεεμε,  
gbē kè è Dii náane kεε mì égŏ da'iana.
- 26 Gbē paridee è gbāadee ae wetε,  
mŏde yākpaeκεna né Dii yāme.
- 27 Gbē maaa ye εγεdeeziro,  
gbē zaaa è za zésuususerimme.

## 30

### *Agu yā'ona*

- 1 Yake né Agu yā'oname.

Ma kpasa Luda, ma kpasa maamaa,  
<sup>2</sup> zaake ma yŋnkɔkeɛ de danɔ pɔla,  
 má gbēnteeke asānsi vīro.

<sup>3</sup> Mée ŋndɔɔ dadaro,  
 má Luda dɔna vīro.

<sup>4</sup> Dé bé à gaa ludambe yā à sù?

Dé bé à ĩa kàkɔa à kù a ɔzĩ?

Dé bé à lou'i kòko a pókāsāan?

Dé bé à tɔtɛ lé kè?

À tón diaa? À Né tón diaa?

Tó n dɔ.

<sup>5</sup> Luda yānɔ píngi see vīro,  
 ègɔ de sengbango ũ gbē kè nàzine.

<sup>6</sup> Nton yāke kaara à yā guuro,  
 le àton n ege kánne n ɔzĩro yānzi.

<sup>7</sup> Yā mèn plaaan mée gbekaamma Dii,  
 nton gíomero ai màgɔ gá ga.

<sup>8</sup> N ma kē yápá'onaa kōn egetonao,  
 ñgɔ ma gbaa pɔblee mɔkɔanayāo.

Nton ma ke takaaside kesɔ ɔɔde sà ũro,

<sup>9</sup> le pɔ tóngɔ dimazi mà lé sénzi

mà be dén Dii ũu yānzi,

le takaasi tón ma kù mà kpāi o

mà n tó yakaro yānzi.

<sup>10</sup> Nton yā di zàa a dii kiiaro,  
 le àton n ká à n lero yānzi.

<sup>11</sup> Gbēkenɔ kuu aɔè n denɔ káme,  
 aɔè sa maaa o n danero.

<sup>12</sup> Gbēkenɔ kuu aɔègɔ daa wà gbāsīro,  
 mɔde aɔ zaake e kḗm̄maro.

<sup>13</sup> Gbēkenɔ kuu aɔè n zĩnda sé lezĩ,  
 aɔè gbēnɔ gwa wà kwée.

<sup>14</sup> Gbēkenɔ kuu aɔ swaa de lán fēdaa bà,  
 aɔ swaa sōntenɔɔ de lán fēenɔ bà,

aɔè anduna takaasideenɔ  
 kōn gbēntee wēndadeenɔ keo gyaigyai.

<sup>15</sup> Misi nénɔgbēnɔ vī gɔɔn plaa,  
 aɔè be: N wa gbaa, n wa gbaa.

Pɔ mèn aagɔ kuu kè aɔè kāro,  
 à kà siigɔ se, aɔè be pɔ m̄m̄maro:

<sup>16</sup> Gèwāa kōn pāa né'isɔɔ  
 kōn tɔtɛo zaake í è mɔaro  
 kōn téo zaake è be a kāro.

<sup>17</sup> Wée kè né è a de faboo  
 bensɔ è kyakao a dan,  
 swawee gbāa kānkānanɔ é à wée pì bɔ,  
 yeberekunɔ é à gè ble.

18 Yā mèn aagɔ̄ kuu kè aɔ̄ de ma dɔ̄nala,  
à kà mèn siigɔ̄ se má n̄ m̄ dɔ̄ro:

19 Zé kè kúu ègɔ̄ téo musu,  
zé kè mlè ègɔ̄ táa oon gbè sàraa,  
zé kè góro'ite ègɔ̄ tén ísiaa dagura  
kɔ̄n zé kè gɔ̄gbè ègɔ̄ yeo nɔ̄kparezio.

20 Nɔ̄ zinakeri yákenan yè:  
È pɔ̄ ble à ɔ̄ ma a léa  
à be ée yā zaaa kero.

21 Yā mèn aagɔ̄ bé è tó tɔ̄te lugaluga,  
à kà siigɔ̄ se, tɔ̄te é yā p̄ino f̄iro:

22 Zò kè à kpata blè,  
yɔ̄nkɔ̄ kè pɔ̄ blè à kà,  
23 nɔ̄gbè kè wà zàn ben à zā kè  
kɔ̄n zò nɔ̄kpare kè gò a dii zā nɔ̄ ũuo.

24 Pɔ̄ néngonɔ̄ kú tɔ̄te mèn siigɔ̄,  
mɔ̄de aɔ̄ ɔ̄ndɔ̄ v̄i maamaa:

25 Babannenɔ̄ kuu pɔ̄ gbāaanɔ̄ ũro,  
mɔ̄de aɔ̄è ble zi di kwεεmε.

26 Gbè'ēenɔ̄ kuu pɔ̄ bítanɔ̄ ũro,  
mɔ̄de aɔ̄è bεε bo gbèkotoommε.

27 Kwaanɔ̄ ègɔ̄ kína v̄iro,  
mɔ̄de aɔ̄è bɔ̄e wà zεzε gāli kɔ̄n gāliomε.

28 Né f̄i n̄ zò kú kɔ̄n ɔ̄ɔ̄,  
mɔ̄de è gá na kína kpé s̄atazimε.

29 Pɔ̄ mèn aagɔ̄ kuu kè aɔ̄ tena maa,  
à kà siigɔ̄ se, aɔ̄ táa'ona nna:

30 Músu kè bíta nòbɔ̄nɔ̄ té,  
è bɔ̄ru kpeε pɔ̄kenero

31 kɔ̄n kokya kè toke bò kɔ̄n blèkof̄i lètādeeo  
kɔ̄n kína kè kú a z̄ikpeenɔ̄ aεo.

32 Tó n yɔ̄nkɔ̄yā kè z̄indasena lez̄i guu  
ke tó n yā zaaa laasuu lè,  
n̄ ɔ̄ kú n léa,

33 zaake lán wè zwii fagaa pá à n̄osi bɔ̄ nà,  
ke lán wè ȳi kú wà f̄i à aru bɔ̄ nà,  
len gbè p̄of̄ēna è swèe da ε.

## 31

### *Kí Lemueliyā*

1 Kí Lemueli da lé dàa à bè:

2 Diame, ma né? Bómεε, ma né'ina?

À kè diame, né kè ma à lé gbè Ludanε?

3 N̄ton n wó de nɔ̄gbēnɔ̄ kiiaro,  
n̄ton zé kè è kinanɔ̄ yaka séro.

4 Lemueli, geepiwēε de ḱinanŋ ṕómina ũro,  
 í gbāaa de kpatablerinŋ ṕómina ũro,  
 5 Iε aŋton mi, dokayānŋ sǎngu,  
 aŋ yǎ gōgō takaasideenŋε faa sairo yānzi.  
 6 À í gbāa kpá gbē kè aŋε mŋŋ gaanŋa,  
 à geepiwē kpá pŋsiadeenŋa  
 7 aŋ mi, aŋ takaasi sǎngu,  
 aŋ yǎ'ŋamma tóngō dŋngu dŋro.  
 8 N̄ yǎ o gbē kè aŋé fō wà yǎ oroonŋ gēε ũ,  
 n̄ yǎ sí gbē kè aŋŋ dŋnleri v̄iroonŋε.  
 9 N̄tongō ȳitenaro, n̄ yǎkpae ke a zéa.  
 N̄ takaasideenŋ kŋn wēndadeenŋ yǎ nnaa kpámma.

*Nŋ làakaridee*

10 Dé bé eé nŋ làakaridee ee?  
 À bēε v̄i de gbè bainŋla zǎ.  
 11 À zǎ ègō à náane keε kŋn n̄sεo dome,  
 ṕo maa ke è kēsāaro.  
 12 À maaan ègō keε a zǎne,  
 èε ke à zaaanlo ai a wēndi lén.  
 13 È sǎkǎ kŋn gbòbào wεε  
 à a ŋz̄i ke kŋn pŋnnaao.  
 14 È gá ble sé zǎ  
 lán góro'ite latari bà.  
 15 È fεε gukēkōanao à ṕobleε ke a uadeenŋε,  
 è z̄i kpaatεε a nŋkparεnŋε.  
 16 È tŋŋte maaa wεε à lú,  
 è geepi línŋ pépεn kŋn a z̄inda b̀̀gŋ ŋŋŋ.  
 17 È gbāaa dŋ a pii asaa ũ  
 à gāsāwa b̀̀b̀ŋ a z̄ia.  
 18 Ègō d̄ŋ kè é yàra e,  
 à fitia té ègō nana gwāav̄ime.  
 19 À ŋŋ ègō porona àgō buutábŋ k̄una,  
 ègō keke ŋ wǎ a ŋneŋ.  
 20 È ŋ poro wēndadeenŋε,  
 è ŋ liga takaasideenŋzi.  
 21 È ñampuu gurŋŋ v̄ia ke a bεdeenŋ yǎ musuro,  
 zaake à uadeenŋ è uta didi kōame.  
 22 È daεbŋ bisanŋ tā a z̄inda,  
 à ṕókāsāanŋ né táaru bisa kŋn bisa gaarura'ideenŋε.  
 23 À zǎ è tó bŋ fāadibokiia,  
 ègō v̄εena gu d̄nkō kŋn b̀̀su gbēnsinŋ.  
 24 Nŋgbē pi è ṕodangān ke àgō yaa,  
 è gère tā à kpá a latarinŋa.  
 25 Ègō gbāa kŋn gakuio dana ṕókāsāa ũ,  
 à kuuna zia yǎ è swē kēnlo.  
 26 Ŋnd̄yā ègō daa à lén,  
 è yǎ dañne kŋn yenzio.

27 À wéé ègō té a ua yākenazi,  
è meá pó blero.

28 À nénō è fée wà sa maaa oné,  
à zā è à sáabu kpá à be:

29 Nōgbě paridee aĩa vī fá,  
mōde mbe ní deńla ní píngi.

30 Kakana maaa ègō náané vīro,  
nōmaakéé è gě zélamé,  
nōgbě kè Dii vīa vīin wè sáabu kpá.

31 Ñ zīi kè à kè àre kpáa,  
n à tó kpá à yākena musu gāale.

## LAASUUDEE

### *Yā pínɡi pāme*

- <sup>1</sup> Laasuude Dauda né, Yerusalemu kína yān yè.
- <sup>2</sup> Ma laasuude ma bè:  
Yā pā búgubugu,  
yā pā búgubugu,  
à pínɡi pāme.
- <sup>3</sup> Bó àren gbēntee è e anduna guu  
nawēa kè èe kεε a zī pínɡi guua?
- <sup>4</sup> Kpàenɔ è gēte, wurenɔ è su,  
mɔde anduna ègɔ kuu gurɔ pínɡime.
- <sup>5</sup> Ɔfántē è bɔ, è gē,  
è wā à εara à gá guu kè è bɔn.
- <sup>6</sup> Īa è káka sɔɔmetε kpa,  
è liara à su gu'igbāroo kpa,  
ègɔ ligaligaa àgɔ gaa àgɔ suu.
- <sup>7</sup> Swa pínɡi í ègɔ kaa ísɔiaa guume,  
mɔde ísɔiaa è paro,  
í pìnɔ è εara wà su swaa pìnɔ mìame.
- <sup>8</sup> Pó pínɡi è n kpasá,  
kpasá pì yā gè onala.  
Gugwana è mɔ wéεaro,  
yāmana è swā paro.
- <sup>9</sup> Yā kè kuu yāa bé eé εara àgɔ kuu dɔ,  
yā kè wà kè yāan weé εara wà kε dɔ.  
À dufu kee kú anduna guuro.
- <sup>10</sup> Pókee kuu kε weé be:  
N̄ pɔ dufu ke gwaó?  
Auo! À gīake à kuu wa ā zaa zi kò.
- <sup>11</sup> Gbē káakunɔ yā ègɔ dɔ gbēken dɔro.  
Baa gbē kè aṣégɔ kuu ziaanɔ,  
aṣ yā é dɔ gbēken ziakpεε zīro.
- <sup>12</sup> Ma laasuude ma kí blè Isarailinɔa Yerusalemu. <sup>13</sup> Ma mē kpà yā kè wèe kεε anduna guu pínɡi tàasikεnaa, má gwàgwa ɔndɔ'ɔndɔ má è Luda zī pāsī dà gbēnteenɔne aṣ kε. <sup>14</sup> Ma yā kè wèe kεε anduna guu è pínɡi, à pínɡi né pāme, pεna gukoriaμε.
- <sup>15</sup> Pó kotina porona vīro,  
wè e wà pɔ kè kuuroo naroro.
- <sup>16</sup> Ben má ò ma n̄sε guu ma bè: N̄ gwa! Ma ɔndɔɔ bíta dε gbē kè aṣ kpata blè Yerusalemu ma āanɔla n̄ pínɡi, ma ɔndɔ kɔn ma d̄nao wéε b̄ɔ maamaa. <sup>17</sup> Ben ma mē kpà ɔndɔ asii d̄naa lε mà ȳɔnkɔkε kɔn m̄saiyāo asii d̄ɔ, ben má è beee né pεna gukoriaμε dɔ.
- <sup>18</sup> Ɔndɔ bíta è mó kɔn n̄sεyakana bítaome,  
wè yā'ɔamma e n̄ d̄na lémme.

## 2

### *Pɔnnakεna né yā pāame*

<sup>1</sup> Má ò ma zĩndane: Ñ fεε ñ pɔnnakεna yɔ ñ gwa ñ nnamana dɔ, ben má è beee né pãame dɔ. <sup>2</sup> Má è kè yáadɔna né yɔnkɔyãme. Pɔnnakεna sɔ, bɔn wè ea? <sup>3</sup> Ma pɔnnaa wètε wẽmina guu ma ɔ liga mìsaiyãzi, mɔde ma swè e dɔɔme aε òndɔɔ guu le mà dɔ yã kè maa gbẽnteeɛ à ke anduna guu a wèndi zaka lén.

<sup>4</sup> Ma zĩ bítanɔ ɔɔ kpà, ma kpéɛnɔ bò ma zĩndane ma geepi líɛnɔ pèpε kpétekpéte. <sup>5</sup> Ma karano kpàkpa ma swa dàkonɔ kèkε ma lí kè wè à né ble bori sãnda píngi bàban. <sup>6</sup> Ma íkakiinɔ kèkε aɔgɔ mɔdɔ pisi líkpe pìnɔa. <sup>7</sup> Ma zònɔ lùlu gɔgbēnɔ kɔn nɔgbēnɔ, wà n keno ì ma be. Má zùnɔ kɔn pókãde keteno vĩ paripari de gbē kè aɔ kú Yerusalemu ma ãanɔla n píngi. <sup>8</sup> Ma kondogi kɔn vurao kàkɔamazi kɔn kınano auzikinɔ kɔn n busu pónɔ. Ma lèsirinɔ sè gɔgbē kɔn nɔgbēnɔ, ma nɔgbē kè gɔgbē è lugañzinɔ sè pari. <sup>9</sup> Ma tó bɔ, má bíta de gbē kè aɔ kú Yerusalemu ma ãanɔla n píngi, ben má kpé òndɔɔ vĩ à píngi guu.

<sup>10</sup> Mée gí ma zĩndane  
kɔn pɔ kè ma wée blèoro.

Mée pɔ kè ma pɔɔ gbà ke tóro.

Ma pɔɔ kè nna ma zĩkεna píngia,  
àmbe ma ísimmagaakpana píngi láada ũ.

<sup>11</sup> Kè ma wée tè yã kè má kènɔzi píngi  
kɔn ísimma kè má gà má kpào à musu,  
má è à píngi né pãme, pɛna gukoriaɛ,  
à àre vĩ anduna guuro.

<sup>12</sup> Ben ma laasuu tà òndɔɔ  
kɔn yɔnkɔkεεo kɔn mìsaikεεo kpa.

Yã kè wà kè zaa zii baasiro,  
à kporeen kına gēɛbleri é ke dɔɔ?

<sup>13</sup> Má è òndɔɔ àre vĩ de mìsaikεεla  
lán gupuraa ègɔ àre vĩ de gusiaala nà.

<sup>14</sup> Òndɔdee wée ègɔ kú a aε,  
yɔnkɔɔ ègɔ lili oo gusiaan.  
Ben má è góro dɔnkɔ bé eé n bikũ n píngi.

<sup>15</sup> Ben ma laasuu lè ma swèn ma bè,  
zaake góro dɔnkɔ bé eé wa bikũ kɔn yɔnkɔɔnɔ,  
bɔ àren mé e ma òndɔɔa?

Ben ma bè, beee né yã pãame dɔ.

<sup>16</sup> Òndɔdee yã é dɔ gbēken de yɔnkɔɔlaro,  
aɔ píngi yã é sã gbēnɔn zia.  
Òndɔdee è ga lán yɔnkɔɔ bàme.

### *Ísimmagaakpana né yã pãame*

<sup>17</sup> Ben ma kya kà ma kuunan, zaake yã kè wèe kεε anduna guu píngi è kεme nòseyakayã ũme. À píngi né pãme, pɛna gukoriaɛ. <sup>18</sup> Ben ma kya kà zĩ kè má kè anduna guunɔn píngi kè mé tó ma gēɛblerine yãnzì. <sup>19</sup> Dé bé à dɔ tó òndɔdee ke yɔnkɔɔn à ũu? Baa kɔn beeeo zĩ kè má kè anduna guu kɔn òndɔɔo é gɔneme. Beee né yã pãame dɔ. <sup>20</sup> Ben ma pɔɔ yàka ísimma kè má gà má kpà anduna guu píngi yã musu. <sup>21</sup> Zaake gbē è zĩ ke kɔn òndɔɔo kɔn dɔnao kɔn gonio, ben è tó gbē kè èe à ke kεroone à gɔ à pɔ ũ. Beee né yã pãame dɔ, nòseyakayãme maamaa. <sup>22</sup> Bɔn gbē è e ísimma kè à gà à kpà anduna guu kɔn ɔsii kè à kào píngi yã musuu? <sup>23</sup> À kuuna anduna guu gurɔ píngi à zĩ ègɔ mɔɔne kɔn yã'ɔammao kɔn pɔyakanaome. Baa gwãavĩ à làakari ègɔ kpaɛnaro. Beee né yã pãame dɔ.

<sup>24</sup> Yã kè maa kɔn gbẽnteeo bé à de à pɔ ble à í mi à a zĩ sáabu kpá. Má è beee bò Luda ɔzĩme dɔ. <sup>25</sup> Luda dɔnle sai dé bé eé fɔ à pɔ ble à pɔnnaa kεε? <sup>26</sup> Luda è òndɔ kɔn dɔnao kɔn

pɔnnao kpá gbě kè à kènea, mɔde è auziki kakɔana zĩ da durunkerinε le à sí à kpá gbě kè à kènea. Beee né yā pāame dɔ, pɛna gukoriamε.

### 3

#### *Yā pínɡi kɔn a gurɔomε*

- <sup>1</sup> Yā pínɡi kɔn a gurɔomε,  
bɔkɔte pínɡi kɔn a kegurɔo.  
<sup>2</sup> Né'igurɔo kuu, gagurɔo kuu,  
pɔtɔgurɔo kuu, à wurεgurɔo kuu.  
<sup>3</sup> De gurɔo kuu, gbana aafia gurɔo kuu,  
gborogurɔo kuu, à dɔgurɔo kuu.  
<sup>4</sup> Ɔdɔgurɔo kuu, yáadɔgurɔo kuu,  
sósobikegurɔo kuu, kɔkɔ'ogurɔo kuu.  
<sup>5</sup> Gbèfáakɔana gurɔo kuu, gbèkakɔana gurɔo kuu,  
bɔndagagurɔo kuu, à kèna gurɔo kuu.  
<sup>6</sup> Pówεtegurɔo kuu, à ɔkpazina gurɔo kuu,  
pókūna gurɔo kuu, à gbarena gurɔo kuu.  
<sup>7</sup> Pógaakεgurɔo kuu, à nabigurɔo kuu,  
lékūna gurɔo kuu, yá'ona gurɔo kuu.  
<sup>8</sup> Yenzi gurɔo kuu, zangu gurɔo kuu,  
zìkagurɔo kuu, kaena aafia gurɔo kuu.

<sup>9</sup> Bó àren zĩkeri è e nawěa kè à kèa? <sup>10</sup> Ma zĩ kè Ludaa dà gběnteenɔne aɔ kee è. <sup>11</sup> Ludaa tò pɔ pínɡi maa a gurɔo. À kuuna gurɔo pínɡi laasuu dà gběntee swèn dɔ, baa kɔn beee eé fɔ à yā kè Luda e kee zaa anduna daena ai à mīdenaa gbá dɔro. <sup>12</sup> Má dɔ kè pókee maa kɔn gběnteeo de kuuna pɔnnaa guu kɔn maakεnao à wèndi lénlaro. <sup>13</sup> Tó gbě e pɔ blee èe í mii èe a zĩ pínɡi sáabu kpaa, Luda bé à à gbà. <sup>14</sup> Má dɔ kè yā kè Luda è kee égɔ kuu gurɔo pínɡimε. Weé fɔ wà póke kaaranlo, weé fɔ wà póke lagonlo. Ludaa kè le, le wàgɔ a vīa vī yānzimε. <sup>15</sup> Pó kè kuu tia gĩake à kuu zaa zi kò. Pó kè eégɔ kuu zia kuu yā kò. Luda è yā kè wà kè yāanɔ gbè sísi.

<sup>16</sup> Ma yā è anduna guu dɔ,  
guu kè de yāzεdee gɔ kún,  
yāzεsaidee bé à kú gwe,  
guu kè de yā maaa gɔ kún sɔ,  
yā zaaa bé à kú gwe.

<sup>17</sup> Ma bè ma swè guu,  
Luda é yākpae ke kɔn gbě maaanɔ  
kɔn gbě zaaanɔ n pínɡi,  
zaake yākena pínɡi kɔn a gurɔomε,  
bɔkɔte pínɡi kɔn a kegurɔo.

<sup>18</sup> Ma bè ma swè guu dɔ, gběnteenɔ sɔ, Luda è n yā wée wéine le aɔ dɔ n zĩndaa kè wà de lán nɔbɔnɔ bàme. <sup>19</sup> Baa zaa zi gběnteenɔ kɔn nɔbɔnɔ, góro dɔnkɔ bé èe n bikūu. Lán nɔbɔ è ga nà len gběntee è ga le se, aɔ wesabona dɔnkɔmε. Gběntee de nɔbɔlaro, zaake à pínɡi pāme. <sup>20</sup> Aɔ pínɡi è gá gu dɔnkɔmmε, zaake aɔ pínɡi bɔ būsuti guumε, aɔ pínɡi é εara à gɔ būsuti ūmε. <sup>21</sup> Tó gběntee ninii è tá musu, nɔbɔ pɔ sɔ è tá gĩzimε, dé bé à dɔ? <sup>22</sup> À yā bé à tò má è yākee maa kɔn gběnteeo de à a zĩ sáabu kpálaro, zaake à bakan gwe. Dé bé eé tó à dɔ yā kè eé ke à gberaa?



## 4

*Kuuna kōo*

<sup>1</sup> Ben ma gbāaa kè wèe mōo gbēnōne anduna guu yā gwà dō pīngi. Ma gbē kè wèe wée tãañmanō wée'i è, aōo làakarikpaeri vīro. Aō làakarikpaeri vīro, zaake aō wéetãmmari pīnō bé wà gbāaa vī. <sup>2</sup> Ben ma bè, gbē kè aō gānō sáabu vī de gbē kè aō kuunōla, <sup>3</sup> mōde gbē kè wèe i kōro bensō èe wée si à zaaa kè wè ke anduna guuleroo sãñmã ñ pīngi. <sup>4</sup> Má è kè pō kè tò gbē è zīi ke à mè kpáa, le àgō de a gbēdaaala yānzime. Beee né yā pāame dō, pena gukoriamε.

<sup>5</sup> Yōnkōo è o kpá a kùla ai à yāyā.

<sup>6</sup> Kuuna kōn pō okū doo làakario kpaena  
maa de kuuna kōn pō okū plaaao kōn  
ísimmagaakpanao kōn pena gukoriaola.

<sup>7</sup> Ben ma εara ma yā pā pānde è anduna guu dō. <sup>8</sup> Gbēke bé à kuu à né vīro, à vīi ke dāaro vīro. À ísimma è yāaro, baa kōn beeeo à auziki è móaro. Dé yānzin èe zīi keezi? Bóyānzi à nnamana tē a zīndanēzi? Beee né yā pāame dō, yābōkōte pāsīme.

<sup>9</sup> Plaaa de doola,  
zaake aō zīkena àre égō maa.

<sup>10</sup> Tó gbē mèn doo lèe, à gbēndoo é à sé.  
Wāiyoo gbē mèn do!

Tó à lèe, eégō sèri vīro.

<sup>11</sup> Tó gōon plaaa daena gu dōnkōn,  
aōé kō puusu ma.

Dian gbē mèn doo é ke nà à bō ïan?

<sup>12</sup> Wè gbāa mó gbē mèn doone,  
gōon plaaano sō aōè ze wà gíme.

Bà né aagōo è kē kpaaro.

<sup>13</sup> Gōkpare òndōde takaasidee maa de kína zikūna yōnkōo kè è lédamma ma dōroola, <sup>14</sup> baa tó gōkpare pì bō kpésiaa guu, ben à gō kí ũ, ke tó wà à ì bùsu pìn takaasidee ũ. <sup>15</sup> Má è anduna tē kína gēbleri gōkpare pizime. <sup>16</sup> Gurō beeeo à gbēnō pari lé vīro, à de ñ dōn'aēdee ũ. Mōde gbē kè aō mò zāanōo e à sáabu kpáro. Beee né yā pāame dō, pena gukoriamε.

## 5

*Légbēna Ludane laasuu sai*

<sup>1</sup> Tó n gaa Luda ua guu, ñgō kú kōn làakario. Ñ sōzi ñ à yā maa maa de yōnkōonō sa'ona gweela, zaake aō yādōnasai bé è tó aō yā zaaa ke. <sup>2</sup> N lé tóngō wāaro, ñton wā ñ yā o Ludanero. Lán à kú musu ñ kú tōote nà, ñton yā o pariuro. <sup>3</sup> Lán yābōkōte parii è mó kōn nana'onao nà, len yā pari bōena è mó kōn yōnkōyāo le. <sup>4</sup> Tó n lù sè Ludane, ñton à papana gurō gágaro. Ñ à papa, zaake yōnkōonō yā è kánero. <sup>5</sup> Lùsena Ludane sai maa de n lù sène papana saila. <sup>6</sup> Ñton tó n lé n da yānlo. Ñton o sa'orine n bè n sã lùsena yānlo. Ñ yezi Luda pō fēnzi n yā pì yānzi à zīi kè nēe kee kaaten yó? <sup>7</sup> Nana pari ona kōn yā pari bōena è mó kōn yā pāome. Beee yānzi ñgō Luda vīa vī.

*Auziki né yā pāame*

<sup>8</sup> Tó ñ è wèe gbāa mōo takaasideenōne gukea, wèe giínne kōn yāzēdeeo wèe yā gōgōñne a zéaro, ñton tó yā pì bō n saero, zaake bùsu pì gbāadeenōo e wée dōokōne, ben aō gbēnsinōo e wée dōñne dō. <sup>9</sup> Aō pīngi è bùsu pì baka blemε, zaake kína bé à buraano vī.

<sup>10</sup> Gbē kè ye ozi è kēsāa,

gbē kè ye auzikizi àre è móaro.

Beee né yā pāame dɔ.

<sup>11</sup> Tó auziki e kaara,  
à blérino ègɔ kaaramε.

Bó àren à vī a diine?

À wée biia baasiro.

<sup>12</sup> Zīgbāakeri è i nnaa o,  
baa tó à pɔ blè féte ke bíta.

Auzikidee sɔ pɔ parii è tó à ii oro.

<sup>13</sup> Ma nòseyakayā pāsī è anduna guu,  
gbēke zé tàta a ɔɔdaale

à a zīnda kari kè,

<sup>14</sup> ben à bɔkɔte zaaa kèo,  
à auziki kàate píngi.

Kè à négɔgbē ì, à pɔke vī kè à tónero.

<sup>15</sup> Gbēntee è bɔ a da gbεεεn būume.

Lán à mò nà len è liara à tá le dɔ,

è a zī àre ke e à sé à na a ɔzī à táoro.

<sup>16</sup> Yā kèkii né nòseyakayā pāsīme dɔ.

Lán gbē mò nà len è liara à tá le dɔ.

À ísimma gà à kpà à pè gukoria pā,

bó bé à gònε?

<sup>17</sup> Beee gbera à a gurɔ dè gusiaan

kɔn nòseyakana bítao

kɔn gyāao kɔn pɔfēo.

<sup>18</sup> Ben má è à maa kɔn gbēnteeo à pɔ ble à í mi à zīi kè à kè kɔn nawēao anduna guu sáabu kpá a wèndi zaka kè Luda à gbà lén, zaake à bakan gwe. <sup>19</sup> Beee gbera tó Luda gbē kà ɔɔdaaa kɔn auzikio, ben à à gbà zé à aufāni keo, à ze kɔn a bakao à a zī sáabu kpá. Luda bé à à gbà. <sup>20</sup> Ègɔ laasuu leε a wèndi zakaa pari dɔro, zaake Luda bé à yā màa kɔn pɔnnaao.

## 6

<sup>1</sup> Ma nòseyakayā è anduna guu dɔ kè ɔ tɔ gbēnteeɔa. <sup>2</sup> Luda gbē kà ɔɔdaaa à à gbà auziki kɔn bèεo, à pɔ kè de àgɔ à nii deε píngi vī, ben Ludaa e à gba zé à aufāni kèoro, gbē pānde bé à gò vī. Beee né yā pāame, nòseyakayā pāsīme dɔ.

<sup>3</sup> Tó gbē né ì mèn basɔro, ben à zi kù kótokoto, baa kɔn à gikenao, tó èe pɔnnaa keoro, tó à gà, tó à vīina kpedanaro, ma bè né kè wà ì gè ũu sàɔ deàla. <sup>4</sup> Zaake né pì mò pāme, ben à tà gusiaan, à tó gò gusiaan. <sup>5</sup> Baa kè èe ɔfāntē ero bensɔ à yāke dɔro, à mè kpaena de auzikidee pila. <sup>6</sup> À de gbē kè kuu wè bɔro plaa pɔnnakesaila. Aɔè gá gu dɔnkɔ ní pínginloo?

<sup>7</sup> Gbēntee ísimma kè à gà èe kpaa,

le à pɔ e à da lén yānzime,

mɔde à gbεεε è káro.

<sup>8</sup> Bón ɔndɔdee deo yɔnkɔɔlaa?

Bó àren yākεna a zéa è i takaasideene?

<sup>9</sup> Pɔnnakεna kɔn pɔ kè ní vīo

maa de à pānde nidεnala.

Beee né yā pāame dɔ, pεna gukoriaμε.

<sup>10</sup> Pɔ kè kè yā tó vī kò,

pɔ kè gbēntee de à ũ sɔ, wà dɔ kò.

Gbēntee é fɔ à leokpakɔa ke

kɔ̃n gbɛ̀ kɛ̀ à gbãaa dealaaoro.

<sup>11</sup> Yãbɔ̃ena parii è yã yaka.

Bó àren beee vī gbɛ̀nɛ?

<sup>12</sup> Dé bé à dɔ́ pɔ́ kɛ̀ maa kɔ̃n gbɛ̀nteeo à wɛ̀ndi kori zaka kɛ̀ è gɛ̀tɛ lán ɔra bà guuu? Dé bé eé fɔ́ à yã kɛ̀ eé kɛ̀ à kpɛɛ anduna guu one?

## 7

### *Ɔndɔ̃dannɛna*

<sup>1</sup> Tɔ́ nnaa maa de nɔ́si gū nna bèedeela,  
gagurɔ̃ maa de igurɔ̃la.

<sup>2</sup> Gɛ̀na ua kɛ̀ wèe gè ɔ́ dɔ̃n maa  
de gɛ̀na ua kɛ̀ wèe zĩbaa kɛ̀nla,  
zaake baade píngi yãanan gwe,  
à maa gbɛ̀ kɛ̀ aɔ̃ kuunɔ̃ yã pì da.

<sup>3</sup> Sósobikɛna maa de yáadɔ̃nala,  
pɔ́siakɛna gberan nɔ́se è wee.

<sup>4</sup> Ɔndɔ̃dee làakari ègɔ́ kú ua kɛ̀ wèe ɔ́ dɔ̃n-a,  
yɔ̃nkɔ̃ làakari ègɔ́ kú ua kɛ̀ wèe pɔ̃nnaa kɛ̀n-a.

<sup>5</sup> À maa ñ ɔ̃ndɔ̃dee kpákɛnzina da  
de ñ swã kpá yɔ̃nkɔ̃ gɔ́ n tó kpaala,

<sup>6</sup> zaake yɔ̃nkɔ̃nɔ̃ yáadɔ̃ de  
lán kyàkpa lí tɛ́pútãna kī guu bàme.

Bee né yã pãame dɔ̃.

<sup>7</sup> Gbãa mɔ̃na gbɛ̀nɔ̃nɛ è tó ɔ̃ndɔ̃dee yɔ̃nkɔ̃ kūme,  
ɔ̃dɔ̃nkpɛɛgbaa è gbɛ̀ yakame.

<sup>8</sup> Yã m̀dena maa de à daenala,  
mɛna maa de ñ zĩnda sena lezĩla.

<sup>9</sup> Nton tó ñ pɔ́ fɛ́ kpaaro,  
zaake yɔ̃nkɔ̃ bé ègɔ́ pɔ́fɛ́ vī.

<sup>10</sup> Nton be b́yãnzin yãgurɔ̃ maa de tia pólaro,  
zaake yálana beee taka né ɔ̃ndɔ̃yãnlo.

<sup>11</sup> Ɔndɔ̃ né pɔ́ maame lán túbi bà,  
à àre vī gbɛ̀ kɛ̀ aɔ̃e ɔ́fãntɛ́ eenɔ̃nɛ.

<sup>12</sup> Ɔndɔ̃ né utekiime,  
lán ɔ̃ de utekii ũ nà,  
mɔ̃de dɔ̃na àren yè:

Ɔndɔ̃ è gbɛ̀ kɛ̀ aɔ̃ vīnɔ̃ wɛ̀ndi dákpa.

<sup>13</sup> Ñ laasuu lé Luda yãkɛnanɔ̃a.

Dé bé eé fɔ́ à pɔ́ kɛ̀ à kɛ̀ kotina dɔ̃dɔ̃?

<sup>14</sup> Tó gurɔ̃ nnaa m̀mma, ñ pɔ̃nnaa keo.

Tó gurɔ̃ zaaame sɔ́, ñ laasuu lé.

Luda bé à à píngi kɛ̀,

le gbɛ̀ke tóngɔ́ à ziaa dɔ̃ro yãnzì.

<sup>15</sup> Ma wɛ̀ndi kori kɛ̀ guu

ma yã kɛ̀nɔ̃ è píngi.

Ma gbɛ̀ maaa è,

à gà a maakɛna guu,

ma gbɛ̀ zaaa è,

èe gí kɛɛ a yãzaakɛna guu.

16 Ìnton tó n maakena ɔ gẽro,  
 ònton tó n ɔ̀ndɔɔ ɔ gẽro.

À kè dia né n zĩnda kaatee?

17 N zaaa tón ɔ gẽro,  
 òntongɔ yɔ̀nkɔɔ ũro.

À kè dia né ga n gurɔɔ ǎa?

18 À maa ñgɔ yǎ mèn plaaa pìnɔ kũname,  
 ònton ɔ kpáziro,

zaake gbẽ kè Luda vĩa vĩ  
 è à plaaa pìnɔ zé e pínɡime.

19 Ɔ̀ndɔɔ è tó ɔ̀ndɔ̀dee gbáaa gɔ de  
 wéte gbáade gɔ̀ɔn kurinɔla.

20 Gbẽ maaa kè ègɔ yǎ maaa kee  
 kè è durun keroo kú anduna guuro.

21 Ìnton swǎ kpá yǎ kè gbẽnɔ e oozi pínɡiro,  
 le ònton ma n zĩkeri e n sɔ̀sɔ̀ro.

22 Zaake ñ dɔ n zĩndane,  
 kè mpi se n gbẽnɔ sɔ̀sɔ̀ pari.

23 Ma yǎ beeenɔ gwà kɔ̀n ɔ̀ndɔ̀ɔ pínɡi,  
 ma zeo kè mà ɔ̀ndɔ̀ kũ,

ben à zǎ kũmao.

24 Baa tó ɔ̀ndɔ̀ fɔ̀ àgɔ dia, à kúkii zǎ,  
 à asii bíta maamaa,

dé bé eé fɔ̀ à bɔa?

25 Ma ɔ̀ndɔ̀ kɔ̀n yǎ pínɡio mì tàasi kè,  
 má gwàgwa le mà e mà dɔ̀,

le mà yǎzaakena dɔ̀ yɔ̀nkɔ̀kee ũ,

le mà yɔ̀nkɔ̀kee dɔ̀ mìsaikée ũ.

26 Nɔ̀gbẽ kè de takutée ũ,

à swè né gbàngidime,

à ɔ̀nɔ né m̀̀kyakoomé,

à yǎ è ma pɔɔ yaka de gaala.

Gbẽ kè à yǎ kà Ludane è pitin,

mɔ̀de nɔ̀gbẽ pi è durunkeri kũmé.

27 Ma laasuude ma bè,

ò yǎ kè ma bɔa gwa.

Kè mée yǎ gwaa zéazea

le mà e mà à mì dɔ̀,

28 gurɔɔ kè mée wetée esai,

ma gɔ̀gbẽ maaa è mèn do

gɔ̀ɔn wàa sɔ̀roonɔ té,

mɔ̀de baa nɔ̀gbẽ maa mèn do

mée e ñ téro.

29 Yǎ kè ma bɔan yè.

Luda gbẽnteenɔ kè ǹ̀sepuradeenɔ ũmé,

ben aɔ̀ gè m̀̀nafiki zén.

## 8

<sup>1</sup> Dé bé à de lán ɔ̀ndɔ̀dee bà?

Dé bé à yǎnɔ bɔ̀kɔ̀tɛna dɔ̀ɔ?

Ɔ̀ndɔ̀ è gbẽntee uu werené,

è à wée pāsī lie wée maaa ũ.

<sup>2</sup> Ñ mi sie kína yāne,  
zaake n lù sène kōn Luda tóme.

<sup>3</sup> Ñton wā ñ gu à aezīro,  
ñton ze yā kè è kene zaaa kpeero,  
zaake yā kè kène nnaan è ke píngi.

<sup>4</sup> Zaake kína yā bé à zé vī,  
dé bé eé f̄ à benε: Bón néε keε gwee?

<sup>5</sup> Gbē kè mì siene é gē yānlo,  
gbē kè òndō é à gurō kōn à kenao dō.

<sup>6</sup> Yā píngi a gurō kōn a kenao vīme,  
baa tó yā'amma e tō gbēa maamaa.

<sup>7</sup> Zaake gbēkee ziaa dōro,  
dé bé eé f̄ à yā kè eé mō onε?

<sup>8</sup> Gbēkee a wèndi kūna gbāaa vīro,  
leme se gbēke é f̄ à a gagurō sō aεro.

Wè e wà bō sozan zì guuro,  
leme dō yā zaaa è a kèrinō gbarero.

<sup>9</sup> Kè ma yā kè wèe keε anduna guu laasuu lè píngi, má è gbēntee è gbāaa bleńma à ĩa kpánzi.

<sup>10</sup> Ben ma zaakeri kè wèe ní vīno è. Gbēno bō Luda ua guu aō mō ní tó nnaa sí wéte kè aō ní yā zaaa kèn guu. Beee né yā pāame dō. <sup>11</sup> Tó wèe ĩa da dàkeria kpakpaaro, à yā è tó gbēno zeo ní swèn wà à zaaa keme se. <sup>12</sup> Baa tó durunkeri dà kè gèn baaagō, ben à gí kè, má dō kè gbē kè aō Luda vīa vī bensō aōe mì sienenō sào deala. <sup>13</sup> Yā é bō zaakerinō nnaro kè aō Luda vīa vīro yānzi, aō gurō é gí kero lán ora bàme.

<sup>14</sup> Yā pā pāndee kuu èe keε anduna guu. Yā è gbē maaa le lándō zaakerin à ũu bà, yā è zaakeri le lándō gbē maaan à ũu bà. Ma bè beee né yā pāame dō. <sup>15</sup> Mèè pōnnakena sáabu kpá, zaake à maa kōn gbēnteeo anduna guu à pó ble à í mi à pōnnaa ke, pōnnaa pì é done ae à zíkēna guu lán Luda à gbà à wèndi lén nà anduna guu.

<sup>16</sup> Ma mè kpá òndōkūnaa, ben bōkōte kè wèe keε anduna guu kè ii è na ní wéenlo fáantē kōn gwāavīo, ma à laasuu lè <sup>17</sup> má è Ludaa tò gbēke é f̄ à yā kè èe keε anduna guu dōro. Baa tó gbē kpáe kèzi maamaa, eé à mì dōro. Baa tó òndōdee bè á dō, eé f̄ à bōaro.

## 9

### *Yā dōnkō bé èe baade píngi dāa*

<sup>1</sup> Ma beeno laasuu lè píngi, ben ma zeo kè gbē maaano kōn òndōrinō kōn ní yākenano kú Luda ožime. Gbēke egō dō tó yenzi ke zangu e a dāaro. <sup>2</sup> Yā dōnkō bé èe baade píngi dāa, yāpuradeeno kōn nòsepāsīdeeno, gbē maaano kōn gbē zaaano, gbāsīsaideeno kōn gbāsīdeeno, ludagbāgbārinō kōn ludagbāgbārisainō. Lán à de kōn gbē maaano nà, len à de le kōn durunkerinō. Lán à de nà kōn gbē kè aōe la daano, len à de le kōn gbē kè aōe la daroonō. <sup>3</sup> Yā kè è ke anduna guu píngi nòseyakayāme, kè yā dōnkō bé è gbē píngi le. Yā zaaa kō gbēnteeo swèn, yōnkoyā bé è dōne ae, à gbera aōe tá gèwāan. <sup>4</sup> Gurō kè gbē kú wèndio egō tāmaa vī. Gbēe kè bēe see sào de músu gèla. <sup>5</sup> Gbē bēeno dō kè aōe ga, gèno sōo póke dōro. Aō láada ke vī dōro, aō yā é dō gbēken dōro. <sup>6</sup> Aō yena gbēzi kōn ní zana gbēno kōn ní nòsegōaano gè zélan gwe. Aō bà egō kú kōn yā kè è ke anduna guuo ziki dōro. <sup>7</sup> Ñ gá ñ n pó ble kōn pōnnao, ñ n geepiwēe mi kōn yādōnao, zaake Luda n yākena pino sáabu kpá kò. <sup>8</sup> Ngō uta puraa dana gurō píngi. Ñtongō kuu nōsi dōkōna n mīa sairo. <sup>9</sup> Ñ pōnnaa

ke kɔ̃n n naɔ̃ yenzideeo n wɛ̃ndi kori kɛ̃ Ludaa kpamma anduna guu lɛ̃n, zaake n bakan gwe gurɔ̃ kɛ̃ n ísimma gà nɛ̃e kpaa anduna guu.

<sup>10</sup> Zii kɛ̃ n ɔ̃ nà a kɛ̃naa, ñ kɛ̃ n gbãa lɛ̃n, zaake zii ke yãgɔ̃gɔ̃na ke dɔ̃na ke ɔ̃ndɔ̃ kú gɛ̃wãan kɛ̃ nɛ̃e taanlo. <sup>11</sup> Má è anduna guu dɔ̃ kɛ̃

bàkpakɔ̃sɔ̃blena è kɛ̃ bà nna yãnlo,

zìblena è kɛ̃ gbãa yãnlo,

póble'ena è kɛ̃ ɔ̃ndɔ̃ yãnlo,

auziki'ena è kɛ̃ wéɛzɛ̃ yãnlo,

nna kɔ̃n gbɛ̃nɔ̃ è kɛ̃ kyódɔ̃na yãnlo,

zaake gurɔ̃ zaa kɔ̃n kisiao è ñ lé ñ píngi,

<sup>12</sup> gbɛ̃kee gurɔ̃ kɛ̃ yã zaaa é a lee dɔ̃ro.

Lán kpò kɛ̃ sì táaru guu bà,

lán bãa kɛ̃ bà kù bà,

lɛ̃n guu è dɔ̃ gbɛ̃nɛ̃ zaazaa à à kú kùsu lɛ̃.

### *ɔ̃ndɔ̃ de gbãaala*

<sup>13</sup> Ma ɔ̃ndɔ̃ ke taka è anduna guu, à yã ma kú gbãa. <sup>14</sup> Lakutu kee kuu yã, à gbɛ̃nɔ̃ pari-ro, ben kína gbãadee mò à lèea à liga à bĩzi. <sup>15</sup> Gɔ̃gbɛ̃ takaaside ɔ̃ndɔ̃de kee kú lakutu pì guu, à lakutu mì sì kɔ̃n a ɔ̃ndɔ̃ɔ̃, ben takaasidee pì yã e dɔ̃ gbɛ̃kenlo. <sup>16</sup> Ben ma bè ɔ̃ndɔ̃ de gbãaala, mɔ̃de wè kya ká takaaside ɔ̃ndɔ̃n, wè à yã daro.

<sup>17</sup> ɔ̃ndɔ̃de yã yĩyĩ kɛ̃ wà swã kpàzi

maa de yɔ̃nkɔ̃ɔ̃nɔ̃ kí patammanala.

<sup>18</sup> ɔ̃ndɔ̃ maa de gɔ̃kɛ̃bɔ̃nɔ̃la,

mɔ̃de durunkerì mèn doo è yã maa bíta yakamɛ̃.

## 10

### *Yɔ̃nkɔ̃ke kari*

<sup>1</sup> Lán ifi gɛ̃nɔ̃ è tó tuaekeri nósi gūu zaa kú nà, lɛ̃n yɔ̃nkɔ̃ke féte è gbɛ̃ kɛ̃ ɔ̃ndɔ̃ vī kɔ̃n bèeɔ̃ tó yaka lɛ̃.

<sup>2</sup> ɔ̃ndɔ̃de laasuu è tá ɔ̃plazi,

yɔ̃nkɔ̃ pò è tá ɔ̃zezi.

<sup>3</sup> Baa tó yɔ̃nkɔ̃ e táa oo zɛ̃n,

à ɔ̃ndɔ̃ ègɔ̃ kɛ̃sánamɛ̃,

è tó baade píngi a m̀saikɛ̃e dɔ̃.

<sup>4</sup> Tó gbãadee pɔ̃ fɛ̃nzi,

ñton gu n tílaro.

Kuuna n làakaria è lá ká taari bíta.

<sup>5</sup> Ma nòseyakayã ke è anduna guu,

à de gbãade sásána yãa ùmɛ̃.

<sup>6</sup> Wè yɔ̃nkɔ̃nɔ̃ ká gwena maaan pari, auzikideenɔ̃ sɔ̃ ègɔ̃ kú gwena kɛ̃sánan.

<sup>7</sup> Ma zòno è di sãa,

wɛ̃ɛnɛ̃nɔ̃ sɔ̃ e táa oo kɛ̃sɛ̃ lán zòno bà.

<sup>8</sup> Gbɛ̃ kɛ̃ èe wèe yɔ̃ é zu à guu,

gbɛ̃ kɛ̃ èe bii gboroo, mlɛ̃ é à só.

<sup>9</sup> Gbɛ̃ kɛ̃ èe gbè wii, gbè é à kɛ̃nna,

gbɛ̃ kɛ̃ èe yàka paraa, yàka é à kari ke.

<sup>10</sup> Tó kpása lé nnaro,

ben wèe à lé kekero,

sé ñ gàsáwa bɔ̃bɔ̃zi kɔ̃n gbãaao,

mɔde ɔ̃ndɔ̃ è tó wà à zé eme.

<sup>11</sup> Tó mlè bɔn'áa kè a kɔkɔ'orine à à sò,  
à àre vī à guu dɔro.

<sup>12</sup> Ɔndɔ̃dee légbɛ nna,  
mɔde yɔnkɔ̃ lé è à kaateme.

<sup>13</sup> È na yā'onaa yɔnkɔ̃yɔnkɔ̃,  
è à mì de kɔn misaiyā zaaao,

<sup>14</sup> zaake yɔnkɔ̃ è yā bɔeme.

Lán gbēke yā kè eé mó dɔro nà,  
dé bé eé fɔ̃ à yā kè eé ke à kpeɛ onɛ?

<sup>15</sup> Yɔnkɔ̃ zīi è à kpasame,  
ai se è zé dɔ̃ gana wéte guuro.

<sup>16</sup> Wāiyoo bɔsu kè à kína de gɔkpare ũ,  
à ìbano ègɔ̃ pɔ̃ gbēe zaa gudɔnao.

<sup>17</sup> Mìnnadeen bɔsu kè à kína de kine ũ,  
à ìbano è pɔ̃ ble à gurɔ̃a gbāakaarana yānzi,  
èe ke wēdena yānzinlo.

<sup>18</sup> Tó gbē meá vī,  
à kpé líkɔ̃kūnɔ̃ ègɔ̃ zunname,  
tó èe gwaa wéeo,  
à kpé é í bɔ.

<sup>19</sup> Wè pɔ̃ble bíta ke pɔ̃nnakena yānzime,  
wēmina è mó kɔn yáadɔ̃o,  
mɔde ɔ̃ bé è mó kɔn à píngio.

<sup>20</sup> Nton kína sɔ̃sɔ̃ro, baa n nɔ̃se guu,  
nton auzikide káro, baa n kpé guu,  
zaake bāa é yā pì sée à gá oñneme.

## 11

<sup>1</sup> N̄ gba da pɔ̃bleeo gbēnɔ̃ne,  
zīkea né e dɔ̃.

<sup>2</sup> N̄ kpaatete gɔ̃n swεεplaaanɔ̃ne ke sɔ̃raagɔ̃,  
zaake n̄ mɔnzi kè eé bɔsu lee dɔro.

<sup>3</sup> Tó ludambe sia kù kɔn ío,  
è ma tɔ̃tɛa lou ũme,  
tó lí lèe ɔ̃fāntēbɔe kpa ke ɔ̃fāntēgēkpen kpa,  
guu kè à lèen, gwen ègɔ̃ daeen.

<sup>4</sup> Gbē kè à wée dɔ̃ ĩazi è pɔ̃ tɔ̃ro,  
gbē kè èe ludambe siaa gwaa è pɔ̃ kēro.

<sup>5</sup> Lán n̄ wēndibɔ̃kii dɔro nà  
ke né kasana a da gbεeen,  
né fɔ̃ n̄ Luda Pɔ̃pingikeri zīi dɔro.

<sup>6</sup> N̄ pɔ̃ tɔ̃ kɔngɔ̃,  
nton meá ke uusiero,  
zaake n̄ dɔ̃ tó à kparee bé eé aubarika kero.  
Kèkiin yoo ke kèkāan yoo,  
ke aɔ̃égɔ̃ maa n̄ píngin yoo, n̄ dɔro.

<sup>7</sup> Gupura nna,  
wéesina ɔ̃fāntēle è kánne.

<sup>8</sup> Baa tó gbē wēndi gbāa fɔ̃ àgɔ̃ dia,

à pɔnnaa kɛn píngi.  
Baa kɔ́n beeeo à laasuu lé gusia gurɔɔa,  
zaake aṣégɔ́ parime.  
Yá kè èe mɔɔ píngi pāme.

### *Lédana gɔ́kparɛnɔa*

<sup>9</sup> Gɔ́kparɛ, ñ pɔnnaa kɛ n òwazikɛguro,  
ñ tó n pɔɔ kɛ nna n gɔ́kparɛkɛgurɔɔa.  
Ñ yá kè n pɔɔ gbà kɛ  
ñ té pɔ́ kè kènnɛzi,  
mɔde à píngi guu ñgɔ́ dɔ́  
kè Luda é yákpɛ kenyo.  
<sup>10</sup> Ñton tó n pɔɔ yakaro,  
ñ n mè'ɔammanɔ gonla,  
zaake gɔ́kparɛkɛ kɔ́n mikā siaao è gɛ zélame.

## 12

<sup>1</sup> Ñ tó n Kèri yá gɔ́ dɔ́ngu n gɔ́kparɛkɛguro  
ai guro zaaa gá ká,  
ai wè kè né be néɛ à nnaa ma dɔ́rooa.  
<sup>2</sup> Ñ tó à yá gɔ́ dɔ́ngu  
ai ɔ́fántɛ kɔ́n gupuraaɔ gɔ́ lago,  
ai mɔvura kɔ́n sɔ́sɔnɛnɔ gɔ́ sia kú,  
ai loumana gbera guweresai gɔ́ gá su.  
<sup>3</sup> Guro beeeo n ɔ́ɔnɔ é gɔ́ lugaluga,  
n gbánɔ é koko,  
n pɔ́sobɔnɔ é kámma bo kè aɔ́ pari dɔ́ro yánzi,  
n gugwabɔnɔ é guu e ní windo guu dáadāa.  
<sup>4</sup> Ñ lé é gɔ́ nakɔ́ana gāale,  
wísilgbɛ kīi é busɛ kūnnɛ.  
Bāanɔ wiii é n vu iin,  
nɔ́kparɛnɔ lè é kennɛ busɛ.  
<sup>5</sup> Né vīa kɛ gulezīnɛ kɔ́n lili'ona zé guuo,  
n mikā é pura kú lán desu vú bà.  
Né n zīnda gáɛ lán kwa taa'ona bà,  
póke é n mè fɛɛ dɔ́ro,  
zaake gbɛntee è gá a gákiiame,  
ben ɔ́dɔ́rinɔ è gɔ́ lili oo gāale.  
<sup>6</sup> Ñ tó n Kèri yá gɔ́ dɔ́ngu  
ai n kondogi bà gɔ́ gá kɛ,  
ai n vura taa gɔ́ gá kpaato kú,  
ai n í loo gɔ́ gá wíwi,  
ai n lògɔ́ googa gɔ́ gá wí,  
<sup>7</sup> ai n bùsuti gɔ́ ɛara à gá gɛ tɔ́tɛn,  
guu kè à bòn,  
ai n ninii gɔ́ gá tá  
Luda kè kpàmmaa kīia.  
<sup>8</sup> Ma laasuude ma bè:  
Yá pā búgubugu,  
à píngi pāme.



*Yã pì m̀dena*

<sup>9</sup> Beee gbera lán laasuudee pì ɔ̀ndɔ̀ nà, à dɔ̀na dàdańne. À laasuu lè à kpáe kè yãzi, ben à yáasinɔ̀ kè pari. <sup>10</sup> À kpáe kè yã maaazi, ben à yã pìnɔ̀ kè a zéa, bensɔ̀ yãpurame.

<sup>11</sup> Ɔ̀ndɔ̀dee yãɔ̀ɔ̀ de  
lán gò kè wè pókádeenɔ̀ zɔ̀o bàme,  
aɔ̀ yã'onanɔ̀ɔ̀ de  
lán kuusa kè wà pà gínginnɔ̀ bà.  
Sádãri mèn doo bé à yã pìnɔ̀ dà.

<sup>12</sup> Ma né, ñ làakari ke, ñton yãke kaaranlo. Wè takadanɔ̀ kè paripari, à lé vïro. Kyókena bíta sɔ̀ è mè kpasame. <sup>13</sup> Wà à píngi mà, à m̀denan yè:

Ñ vĩa ke Ludane,  
ngɔ̀ à yádienanɔ̀ kũna,  
zaake baade píngi yãn gwe.

<sup>14</sup> Luda é yãkpae ke wa yã píngi musu,  
kɔ̀n yã kè utenaɔ̀ píngi,  
baa à maa ke à zaaa.

## DANIËLI

### *Danieli gɔna Babilɔnu kina iba ũ*

<sup>1</sup> Yudanɔ kɪ Yoyakimu kɪblena wɛ aagɔdee guu, Babilɔnu kɪ Nebukanɛza mɔ̀ à Yerusalemu kagura kɛ. <sup>2</sup> Ben Dii kɪ Yoyakimu nàne à ɔzɪ kɔn Luda kpɛ pɔkenɔ, ben à tào Babilɔnia bùsun à kàe a tãakpɛ auzikikaekiin.

<sup>3</sup> Ben kina pì bè a begwari Asapenazane à mó kɔn Isaraili gɔkpare kɛ aɔ kuu kɪ ke gbãade borii ũunɔ, <sup>4</sup> gɔ maa seesai kɛ aɔ ɔndɔɔ kà wà yã píngi dada wàgɔ wɛɛzɛɛ vɪinɔ, gbɛ kɛ aɛ yã dɔrɔ dɔ kpakpaa bensɔ aɔ goni kà wà zɪi ke kɪbɛɛnɔ. Gwàri pì bé eé Babilɔnia yã dadañne kɔn à kyóo. <sup>5</sup> Kina diɛ kɛ wà pɔblee kɛ eè ble lán guu e dɔɔ nà líinne kɔn wɛɛ kɛ eè miio, wà yã dadañne ai wɛ aagɔ, beee gbera aɛ zɪi keare. <sup>6</sup> Yuda kenɔ kú n té, Danieli kɔn Ananiao kɔn Misailio kɔn Azariao. <sup>7</sup> Gwàri pì n tɔ liɛñne. À tɔ kpà Danieline Betesaza, Anania sɔ Sadaraka, Misaili sɔ Mesaki, Azaria sɔ Abedinego.

<sup>8</sup> Danieli zèo a swèn kɛ é kina pɔ ble kesɔ à à wɛɛ mi à gbãsi léro, ben à zé wɛte begwari pía le à pɔblee pì tó gwe. <sup>9</sup> Ludaa tɔ begwari pì gbɛkeɛ kɛ Danieline à à wɛnda gwà, <sup>10</sup> mɔde à bène: Má a dii kina vɪa vɪ, zaake àpi bé à a pɔble kɔn íminao diɛ. Tó à n e pɔsiaa guu de n sáa daanɔla sɔ né? Né tó yã pì wí ma musu kina aɛ. <sup>11</sup> Gwàri pì dákpari diɛ à làakari gɔ kú Danielia kɔn Ananiao kɔn Misailio kɔn Azariaoa, ben Danieli bène: <sup>12</sup> N wamɔwa n zòblerinɔ yɔ n gwa ai gurɔ kuri. Nɛɛgae dò lá atɛ kpáawa kɔn ío ado <sup>13</sup> n wa lékɔzi kɔn gɔkpare kɛ aɔ pɔble dɔnkɔ blee kɔn kinaonɔ, né gbasa n kewe lán n yezi nà. <sup>14</sup> À wèñne yã beeezi, ben à kèñne le ai gurɔ kuri.

<sup>15</sup> Kɛ gurɔ kuri pì pàpa, à n gwá, ben à è aɔ aafia vɪ aɔ mɛkpana de gɔkpare kpaaa kɛ aɔ pɔble dɔnkɔ blee kɔn kinaonɔla. <sup>16</sup> Ben aɔ dákpari pì e kina pɔble kɔn à wɛɛo kpámma dɔro, séde dò lá paa. <sup>17</sup> Luda gɔkpare gɔn siigɔ pìnɔ gbà dɔna kɔn wɛɛzɛɛo. Aɔ takada yáasi dɔ, ben aɔ laasuu vɪ n píngi. Danieli sɔ wɛɛgupu'ena kɔn nana bokɔtenao dɔ.

<sup>18</sup> Kɛ wɛ aagɔ kɛ kɪ Nebukanɛza diɛ wà yã dada gɔkpare pìnɔne lé kà, ben begwari pì gaañyo à kiia. <sup>19</sup> Kɛ kina fàadi bònɔyo, ben à è kɛ aɔ gbɛ kee sɛnkpɛ kɔn Danielioro kɔn Ananiao kɔn Misailio kɔn Azariao, ben aɔ gò à ibanɔ ũ. <sup>20</sup> Kina n lála ɔndɔ kɔn dɔnao yã musu píngi, ben à è aɔ de mäsokerinɔ kɔn wɛɛzɛri kɛ aɔ kú a bùsu guunɔla píngi léo kuri. <sup>21</sup> Danieli kú gwe ai Sirusu kɪblena wɛ káaku guu.

## 2

### *Nebukanɛza nana'ona anduna kpatanɔ yã musu*

<sup>1</sup> Nebukanɛza kɪblena wɛ plaadee guu à nanaanɔ ò. Nanaa pì yã à kú gbãa, eé fɔ à ii òro. <sup>2</sup> Ben à bè wà mäsokerinɔ kɔn asidɔrinɔ kɔn ɛzɛdeenɔ kɔn sɔsɔneyádɔrinɔ sísi le aɔ nanaa pì bokɔteare. Kɛ aɔ mɔ̀ à aɛ, <sup>3</sup> à bèñne: Ma nanaa ò, nanaa pì ma kú gbãa. Má yezi mà nanaa pì asii dɔ. <sup>4</sup> Ben aɔ bène kɔn Siria yão: Wà n dɔ aafiao, Zaaki! N nanaa pì yã o wamɔwa n zòblerinɔne, wé à bokɔtenne. <sup>5</sup> Kina bèñne: Yã kɛ ma zɛo mà keareen yè. Tó ée nanaa pì kɔn à bokɔtenao omero, weé a zɔzɔkɔre wà a uanɔ ke tuburaa ũ. <sup>6</sup> Tó a nanaa pì kɔn à bokɔtenao tɔkɛme sɔ, mé a kpe da maamaa, é gbaanɔ e a asaia ũ. À nanaa pì omɛ sa kɔn à bokɔtenao.

<sup>7</sup> Aɔ èara wà bène dɔ: Kí, n nanaa pì o wamɔwa n zòblerinɔne, wé à bokɔtenne. <sup>8</sup> Ben kina bèñne: Má dɔ sãnsã kɛ ée yã gágaame, kɛ á yã kɛ ma zɛo mà kearee dɔ yãnzɪ. <sup>9</sup> Tó ée nanaa pì omero, yã mèn doo bé à gɔare. A lé kpàkɔsɔ à egeɛ tòmɛ kɔn yálɛkpeɛomɛ ai yã gɔ gá lie. À nanaa pì omɛ, mé gɔ dɔ kɛ é fɔ à à bokɔte. <sup>10</sup> Ben aɔ bène: Kí, gbɛkee kú anduna guu kɛ eé fɔ à yã kɛ nɛe gbekaa kèkii bokɔtennero. Kina kee kuu kɛ à yã beee taka gbeka mäsokerinɔ

kɔ̃n asidɔ̃rinɔ̃ kɔ̃n sɔ̃sɔ̃neyɔ̃dɔ̃rinɔ̃aro, baa tó kí ìsi gbáadeeme. <sup>11</sup> Kí, yá kè nées gbekaa pì zĩ'ú. Gbēke é fɔ̃ à onnero, sé Luda, bensɔ̃ à beε kú gu dɔ̃nkɔ̃ kɔ̃n wamɔ̃wa gbēnteenɔ̃ro.

<sup>12</sup> Yá beee tò kína pētē kè à pɔ̃ fē maamaa, à bè wà Babilɔ̃nu ɔ̃ndɔ̃rinɔ̃ dede n pínɡi. <sup>13</sup> Kè wà ɔ̃ndɔ̃rinɔ̃ dedena yá kpàakpa kè, ben wè Danieli kɔ̃n a gbēnɔ̃ wεtεε wà n dede. <sup>14</sup> Kè kína dogarinɔ̃ gbēnsi Ariɔ̃ki gaa Babilɔ̃nu ɔ̃ndɔ̃rinɔ̃ dede, ben Danieli yāzedeε òne kɔ̃n asānsio <sup>15</sup> à à là à bè: Bóyānzi kína yá pásĩ pì diēzi? Ben Ariɔ̃ki yá pì tɔ̃kè Danieline. <sup>16</sup> Ben Danieli gaa à wée kè kínaa à sɔ̃ kɔ̃n gurɔ̃ɔ̃o aε féte gbasaa à nanaa pì bɔ̃kɔ̃tεne. <sup>17</sup> Ben à tà be à yá pì tɔ̃kè a gbēnɔ̃ne Anania kɔ̃n Misailio kɔ̃n Azariao. <sup>18</sup> À bèñne aɔ̃ wée ke Luda Musudea à wēnda dɔ̃ñne nanaa pì asii yá musu, le wàton n dede kɔ̃n Babilɔ̃nu ɔ̃ndɔ̃ri kpaanɔ̃ro yānzi.

<sup>19</sup> Gwāāvīn Danieli wéεgupu è, Luda Musude nanaa pì asii òne, ben Danieli à sáabu kpà à bè:

<sup>20</sup> Wàgɔ̃ Luda sáabu kpaa gurɔ̃ pínɡi, àmbe à ɔ̃ndɔ̃ kɔ̃n gbāaaο vī.

<sup>21</sup> È gurɔ̃ kɔ̃n à zakao lie, è kínano kpá kpatan è n bɔ̃n, è ɔ̃ndɔ̃ da ɔ̃ndɔ̃deenɔ̃ne, è dɔ̃na kpá wéεzērinɔ̃a.

<sup>22</sup> È asii yānɔ̃ kɔ̃n yá kè aɔ̃ utenanɔ̃ ɔ̃dɔ̃añne, à gusia yānɔ̃ dɔ̃, zaake àmbe è guu pu.

<sup>23</sup> Ma n sáabu kè ma dezinɔ̃ Luda, ma n tó kpà, zaake n ɔ̃ndɔ̃ kɔ̃n gbāaaο kàarame. N yá kè wá gbèkammaa tɔ̃kēmε, n nanaa kè kína ò ɔ̃dɔ̃awe.

### *Danieli nanaa bɔ̃kɔ̃tεna kínane*

<sup>24</sup> Ben Danieli gaa Ariɔ̃ki kè kína à diε à Babilɔ̃nu ɔ̃ndɔ̃rinɔ̃ dedeε kiia à bène: Nton Babilɔ̃nu ɔ̃ndɔ̃rinɔ̃ dedero. N gámao kína kiia le mà à nanaa bɔ̃kɔ̃tεne. <sup>25</sup> Gwe gɔ̃o Ariɔ̃ki Danieli sè à gāao kína kiia à bène: Ma gbē kè eé fɔ̃ à n nanaa bɔ̃kɔ̃tεnneε è Yuda zìzɔ̃nɔ̃ té. <sup>26</sup> Kína Danieli kè wè bene dɔ̃ Betesaza là à bè: Né fɔ̃ n nanaa kè má ò bɔ̃kɔ̃tεme n à yási tɔ̃kēmεɔ̃? <sup>27</sup> Danieli wèala à bè: ɔ̃ndɔ̃ri ke asidɔ̃ri ke māsokeri ke sɔ̃sɔ̃neyɔ̃dɔ̃ri ke é fɔ̃ à asiiyā kè n gbēka pì onnero. <sup>28</sup> Mɔ̃de Ludaa kú musu, àmbe è asiiyā oñne. Kí Nebukanεza, Luda yá kè eé mó ke ziaa ɔ̃dɔ̃annεme. Nanaa kè n ò n gádoa kɔ̃n wéεgupu kè n èon yè. <sup>29</sup> Kí, gurɔ̃ kè n daena n gádoa n laasuu tà yá kè eé mó keεa. Luda bé è asiiyā ɔ̃dɔ̃añne, ben à tò n yá kè eé mó keε dɔ̃. <sup>30</sup> Mapi sɔ̃, èe ke ma ɔ̃ndɔ̃o bé à de danɔ̃ póla gbasaa Luda asiiyā pì òmero. À òme le n è n à bɔ̃kɔ̃tε mamε n gɔ̃ laasuu kè kú n nòse guu dɔ̃.

<sup>31</sup> Kí, n guu gwà ben n póke taka è n aε lán gbēntee bà. À bíta èε té keε bensɔ̃ à naasi vī. <sup>32</sup> Pó taka pì mì né vurame atēε, à kùse kɔ̃n à gāsānɔ̃ né kondogi, à gbεεε kɔ̃n à gisinɔ̃ né m̀gotēmε, <sup>33</sup> à gbáno né m̀simε, à gbálanɔ̃ né m̀si kɔ̃n gũome. <sup>34</sup> Gurɔ̃ kè nées gwa, gbēsi ke gbòro, èe ke gbēke bé à ɔ̃ kèaro, ben à mò à sɔ̃ pó taka pì gbála kè de m̀si kɔ̃n gũo ũunɔ̃a, à n wíwi. <sup>35</sup> Gɔ̃ogɔ̃o m̀si kɔ̃n gũo kɔ̃n m̀gotēo kɔ̃n kondogio kɔ̃n vuraο wíwi, ben à gɔ̃ lán ése m̀sɔ̃iaa kè kú pówεεgbēkiia bà. À gète kɔ̃n ïao, wèe à gbè e dɔ̃ro, ben gbēsi kè sɔ̃ pó taka pì gɔ̃ kp̄ii gbēntē ũ à anduna pà pínɡi.

<sup>36</sup> Nanaa pìn gwe. Kí, wé à bɔ̃kɔ̃tεnneε sa. <sup>37</sup> Kí, m̀be kínano kína ũ. Luda Musude n kpa kpatan kɔ̃n ikoo kɔ̃n gbāaaο kɔ̃n gakuio. <sup>38</sup> À gbēnteenɔ̃ kɔ̃n ǹbɔ̃sētεnɔ̃ kɔ̃n bāanɔ̃ nānne n ɔ̃zĩ. Guu kè aɔ̃o kún pínɡi né gɔ̃ de n kína ũme. Mbe mì kè de vura pì ũ. <sup>39</sup> Kpata pānde é bɔ̃ n kpεε, eé ká n kpata ũro. Beeε gbera à aagɔ̃dee é bɔ̃ à da andunala pínɡi. Been m̀gotē

pì ù. <sup>40</sup> Kpata siigõdee é mo, eégõ gbãa lán m̀̀si bà, zaake m̀̀si è pò píngi wíwi à ń tí bome. Lán m̀̀si è pò wíwi nà, len eé kpata káakupõnõ mì de à ń ke dúgudugu le. <sup>41</sup> Lán n à gbálanõ kõn gbánenõ è nà, à gukenõ de gù kpatana ù bensõ à gukenõ de m̀̀si ù, len kpata pì égõ kēkēkõana le, m̀̀de m̀̀si gbãaa égõ kú à guume, zaake ń è m̀̀si kakõana kõn gùo. <sup>42</sup> Lán gbánenõ pì gukenõ de m̀̀si ù nà bensõ à gukenõ de gù ù, len kpata pì kpadoo égõ gbãa vī le, à kpadoo égõ busana. <sup>43</sup> Lán n m̀̀si è kakõana kõn gù kpatanao nà, len gbēntee boriinõ égõ kú gwe kakõana le, m̀̀de ašé kō síro lán ń è m̀̀si è kō sí kõn gùoro nà.

<sup>44</sup> Kína pìnõ gurõ Luda Musude é kpata kè è yāaroo fεε. Kpata pì m̀̀dena vīro, eé gõ bori pāndenõ pò ù zikiro. Kpata pì é kpata káakupõ pìnõ ke dúgudugu à ń mì de, àpi bé eégõ kuu gurõ píngi. <sup>45</sup> Lán ń è nà gbēsi ke gbòro kpíiia, èe ke gbēke bé à ò kèaro, ben à gaa à m̀̀si kõn m̀̀gotēo kõn gùo kõn kondogio kõn vuraò wíwi, kí, Luda Bítade yā kè eé mó ke ziaa ò̀̀anneme. Nanaa pì né yāpuraame, à bōkōtena náane vī.

<sup>46</sup> Ben kí Nebukanēza dàe a puua Danieli ae à bèe līne, ben à bè wà saa oa wà tuaetiti kpatane. <sup>47</sup> À bè Danieline: A Luda né tãanõ Ludame, kīnanõ diime yāpura. Àmbe è asiiyā bõnne gupuraa, zaake n fõ n bõwe kõn asii pìo. <sup>48</sup> Ben kína Danieli gbà gbãaa à à gbà pónõ à gè òla, à à kpà kpatan agõ wée téare Babilõnu bùsuzi, à à diè Babilõnu ò̀̀dõrinõ píngi gbēnsi ù. <sup>49</sup> Danieli wée kè kīnaa, ben à Sadaraka kõn Mesakio kõn Abēdinegoo diè Babilõnu bùsu gbāadeenõ ù. Danieli sõ kú kībeme.

### 3

#### *Gõn aagõ zuna m̀̀date guu*

<sup>1</sup> Kí Nebukanēza tãa pì kõn vuraò lán gbēntee bà. À lezī kà gāsāsuu baaagõ, à yàasa sõ gāsāsuu swēedome. Ben à pèe Dura guzuren Babilõnu bùsun. <sup>2</sup> Ben à lékpāsā kè a bùsu gbēnsinõne le aš kō kakõa, kīnanõ, lédammarinõ, zìkpe gbēnsinõ, gbāadeenõ, ò̀̀uterinõ, yākpækèrinõ, yāgõgõrinõ kõn a bùsu kpatablerinõ ń píngi, aš mó pò kè à pì à pèe pì kya ke. <sup>3</sup> Ben bùsu gbēnsi pìnõ kō kakõa pò taka pì kyakenazi aš zèze à ae. <sup>4</sup> Ben kpàakpækèri bè pariinõne gbāngbān: Bùsu píngi gbēnõ kõn bori píngio, à yā kè wà diēaree ma. <sup>5</sup> Tó a kuru'ò mà kõn kureo kõn googeo kõn kúuo kõn m̀̀rõõ kõn kōkõpõnõ píngi, à kúe à ò̀̀nzi ke pò taka kè kí Nebukanēza pì kõn vuraò à pèe pìnē. <sup>6</sup> Gbē kè gì kúe à ò̀̀nzi kenēzi, weé adee zu m̀̀date pāsī guu gõome. <sup>7</sup> Beee yānzi tó gbēnõ kōkõpõ pìnõ ó mà, bùsu píngi gbēnõ ke bori píngin yoo, aš kúe wà ò̀̀nzi ke vura pò taka pìnē.

<sup>8</sup> Gurõ beeean sõõnēyādõri kenõ mò wà Yuda kenõ káara kè <sup>9</sup> aš bè kí Nebukanēzane: Wà n dš aafiao Zaaki! <sup>10</sup> Kí, n yā diè n bè, tó gbēnõ kōkõpõnõ ó mà, aš kúe wà ò̀̀nzi ke pò taka kè ń pì kõn vuraò pìnē. <sup>11</sup> N bè gbē kè èe kúe à ò̀̀nzi kenēro, weé adee zu m̀̀date pāsī guume. <sup>12</sup> Tõ, Yuda kenõ kuu, n ń diè Babilõnu bùsu gbāadeenõ ù. Aš tón Sadaraka, Mesaki kõn Abēdinegoo. Kí, gbē pìnõ è n yā maro ašè n tãanõ gbāgbāro, bensõ ašè ò̀̀nzi ke vura pò taka kè ń pèe pìnēro. <sup>13</sup> Ben Nebukanēza fē maamaa à bè wà móare kõn Sadarakao kõn Mesakio kõn Abēdinegoo. Ben wà mò wà gbē pìnõ kpàa. <sup>14</sup> Nebukanēza ń lá à bè: Sadaraka, Mesaki kõn Abēdinegoo, ée gii ma tãanõ gbāgbāzi yāpuran yó? Ée gii ò̀̀nzi ke vura pò taka kè má pèenēzin yó? <sup>15</sup> Tó a soru kè à kúe à ò̀̀nzi ke pò taka kè má pì pìnē gurõ kè a pónõ ó mà, eé ke maa, m̀̀de tó ée ò̀̀nzi kenēro, weé a zu m̀̀date pāsī guu gõome. Tãa kpàree bé eé fõ à a bõ ma ò̀̀zī? <sup>16</sup> Aš bè: Kí, à zé vī wà wa zīnda bõro. <sup>17</sup> Kí, tó wà wa zu m̀̀date guu, wa Dii kè weé zò ò̀̀zi é fõ à wa bõn à wa sí n ò̀̀zī. <sup>18</sup> Baa tó èe ke sõro, ò̀̀gõ dš kè wé n tãanõ gbāgbāro. Wé ò̀̀nzi ke vura pò taka kè ń pèenēro. <sup>19</sup> Ben Nebukanēza pò fē pāsīpāsī à uu sīsīnzi. À bè wà m̀̀date kaara de yā póla leo swēeplaa. <sup>20</sup> Ben à ò a zìkpe gõsagbāa kenõne aš Sadaraka kõn Mesakio kõn Abēdinegoo yiyi wà ń zu m̀̀date pāsī pì guu. <sup>21</sup> Ben gõsa pìnõ ń yiyi kõn ń pókāsāa kè ašõ dananõ, utanõ kõn sòkotonõ kõn lawaninõ píngi, ben aš ń sé wà ń zu m̀̀date pāsī pì guu. <sup>22</sup> Lán kína yā diè pāsīpāsī nà bensõ m̀̀date

pì wà maamaa, ben té puusu g̃sagbāaa kè ãó ñ zún p̃ino lè à ñ déde. <sup>23</sup> G̃son aag̃o p̃ino s̃o ão g̃aa wà s̃i m̃odate gb̃āaa p̃i guu yiyina.

<sup>24</sup> Ben kí Nebukañza kè giri à f̃e à zè, ben à a ìbano là à bè: G̃son aag̃on wà zù tén yiyinaroo? Ãó wèàla wà bè: Lem̃e kí! <sup>25</sup> Ben à bè: À gwa! G̃son siig̃on má è. Ãó porona ãóe t̃aa oo té p̃i guu bens̃o èe p̃oke wor̃maro. Ãó g̃son siig̃odee b̃òk̃ba Luda Né keo. <sup>26</sup> Ben à s̃o m̃odate p̃i lézi à bè: Sadaraka, Mesaki k̃on Abedinẽgoo, Luda Musude z̃òblerino, à b̃oe. Ben ãó b̃òe té p̃in. <sup>27</sup> B̃usu gb̃ensino k̃on lédammarino k̃on z̃ikpe gb̃ensino k̃on gb̃āadeeno k̃on k̃inano k̃ak̃ãnzi ãó è té p̃i e f̃ à p̃oke wor̃maro. Baa ãó mik̃a e té k̃uro, ãó utaño e yakaro, wèe tésukpe g̃uu mam̃ma sero. <sup>28</sup> Ben Nebukañza bè: Wà Sadaraka k̃on Mesakio k̃on Abedinẽgoo Luda s̃áabu kpá! À a malaika z̃i à a z̃òbleri kè ãó à náane ṽino mì s̃i. Ãó g̃i ỹa kè má dĩe kezi ãó ñ z̃inda kp̃a gaaa, le w̃aton k̃úe wà d̃onzi ke dii p̃andeñnero ỹanzi, sé ñ Dii. <sup>29</sup> Beee ỹanzi ỹa kè má dĩen yè. Tó gb̃eke Sadaraka k̃on Mesakio k̃on Abedinẽgoo Luda t̃o zaaa s̃i, b̃usu p̃ingi gb̃e ke bori kpareen yoo, weé à z̃z̃k̃ore wà à ua ke tuburaa ùme. Zaake dii p̃ande é f̃ à gb̃e mì sí lero. <sup>30</sup> Ben k̃ina Sadaraka k̃on Mesakio k̃on Abedinẽgoo gwena k̃aarãne Babil̃onu b̃usun.

## 4

### *Nebukañza nana'ona lí ỹa musu*

<sup>1</sup> Kí Nebukañza bé èe ỹa kè oo gb̃e p̃ingine, b̃usu gb̃e p̃ingi k̃on borii kè kú anduna guu p̃ingio à bè: Àg̃o kuu k̃on aafiao maamaa! <sup>2</sup> Má è à kè maa mà dabuỹa k̃on ỹab̃onsae kè Luda Musude k̃em̃eno oare. <sup>3</sup> À dabuỹano b̃ita fá! À ỹab̃onsãeno p̃as̃i. À kpata ỹana ṽiro, à k̃iblena ég̃o kuu gur̃o p̃ingime.

<sup>4</sup> Mam̃ma Nebukañza má kú nnamana guu ma be, ma làakari kp̃aena, <sup>5</sup> ben ma nanaa ò ai ṽia ma k̃ú. Kè má daena ma g̃ádo musu ỹa kè má è k̃on laasuu kè má lèo tò swè k̃emagu. <sup>6</sup> Má dĩe kè wà m̃óme k̃on Babil̃onu ònd̃orino ñ p̃ingi ãó nanaa p̃i b̃òk̃teme. <sup>7</sup> Kè asid̃orino k̃on dabudabukerino k̃on s̃os̃onỹad̃orino k̃on m̃àsokerino m̃ò, ben ma nanaa p̃i ỹa òr̃ne, ãóe f̃ wà à b̃òk̃temero. <sup>8</sup> Z̃aaz̃aan Danieli kè wà ma t̃aa t̃o kp̃ane, kè wè bene Betesaza m̃ò ma kiia, ben ma nanaa p̃i òne. À Luda kè kú adona Ninii ṽi. <sup>9</sup> Ma bè: Betesaza, ònd̃orino gb̃ensi, má d̃ò kè ñ Luda kè kú adona Ninii ṽi, asiiỹa ég̃o z̃i'unñero. Ỹa kè má è nanaa guun yè. Ñ à b̃òk̃teme. <sup>10</sup> P̃ò kè má è ma laasuu guu gur̃o kè má daena ma g̃ádo musun yè. M̃é guu gwaa ben ma lí è zena t̃ote gura súusu, à lez̃i maamaa. <sup>11</sup> Lí p̃i b̃ita k̃ú à gb̃a ai à m̃is̃ont̃e g̃aa à z̃ò ludamb̃eaa. Wè lí p̃i e zaa anduna lé zekiino p̃ingi. <sup>12</sup> À láño maa, à né ì b̃ita, à p̃òblee m̃ò gb̃e p̃ingia. Ñòb̃s̃et̃eno ora è à gb̃aru, b̃aano è mó wà z̃z̃ à g̃ãno. P̃ò wèndide p̃ingi è p̃òblee ea.

<sup>13</sup> M̃é p̃ò p̃i ee w̃éegupu guu gur̃o kè má daena ma g̃ádo, ben ma malaika è b̃ona ludamb̃e. <sup>14</sup> À lé zù gb̃angb̃an à bè: À lí p̃i z̃ò à né à à g̃ãno k̃e. À à láño woro à à b̃eeno f̃aak̃a. À tó ñòb̃ono b̃aa lé wà k̃ea. À tó b̃aano b̃oe à láño guu. <sup>15</sup> M̃ode à lí p̃i kusu k̃on à k̃as̃aano t̃o t̃ote guu à m̃òsi gada kp̃ane k̃on m̃ògot̃e p̃ó s̃e guu gwe. Kp̃i é kp̃àala, eég̃o kú s̃en gwe k̃on ñòb̃ono. <sup>16</sup> À mì é lik̃a, à laasuu é g̃o láño ñòb̃ono p̃ò bà ai wè sw̃eplaa. <sup>17</sup> Malaikano bé wà ỹa kè Ludaa dĩe p̃i ò, à ìba p̃ino bé wà ỹa kè Luda z̃eo kp̃aakpa kè, le gb̃e kè ãó kuuno e wà d̃ò kè Luda Musude bé à iko ṽi gb̃ent̃ee kpatano. È gb̃e kp̃a kpatan láño à yezi nà, baa gb̃e kè k̃es̃ana. <sup>18</sup> Mam̃ma kí Nebukañza, nanaa kè má òn gwe. Betesaza, ñ à b̃òk̃teme sa, zaake ma kpata ònd̃ori kee e f̃ à b̃òk̃temero. M̃ode né f̃, zaake ñ Luda kè kú adona Ninii ṽi.

### *Danieli nana b̃òk̃tena k̃inane*

<sup>19</sup> Ben Danieli kè wè bene d̃o Betesaza bídi kè ỹa p̃ia. Laasuu kè èe l̃e tò swè k̃en. Ben k̃ina bè: Betesaza, ñton tó nanaa p̃i k̃on à b̃òk̃tenao n ṽia k̃uro. Ben Betesaza bène: Ma dii,

Luda tó nanaa pì g̃õ de n zangurino yā ũ. Luda tó à bókōtena g̃õ de n ibeeno yā ũ. <sup>20</sup> Lí kè ní è bíta bensõ à gbāa ai à mìsōntē z̃ò ludambēea, ben wè e zaa anduna lé zekiina píngi. <sup>21</sup> À lánõ maa, à né ì bíta, à póblee mò gbē píngia. Nòbòsētēno kú à gbáru, bāano è mó z̃z̃z̃ à gāno. <sup>22</sup> Kí, mbe lí pì ũ. N iko bíta bensõ ní gbāa vī. N bítakee gbà à z̃ò ludambēea, n kpata ò tà ai anduna léa. <sup>23</sup> Kí, n malaika ke è bōna ludambe à bè: À lí pì z̃õ à ke p̃p̃p̃, mōde à à kusu kōn à kāsāano tó tōten. À mōsi gada kpáne kōn mōgotēo s̃è guu gwe. Kpíi é kpáala, eég̃õ kú kōn nòbòsētēno ai w̃è swēplaa.

<sup>24</sup> Kí, à bókōtenan yè. Yā kè Luda Musude diē ma dii kína yā musun yè. <sup>25</sup> Weé pémma wà n b̃ò gbēntēno té, nég̃õ kú kōn nòbòsētēno nég̃õ s̃è soo lán zù bà. Kpíi é n gbē, nég̃õ kuu le w̃è swēplaa ai n̄ gá d̃õ kè Luda Musude bé à iko vī gbēntee kpatano, è gbē kpá kpatan lán à yezi nà. <sup>26</sup> Lán à bè wà líkus kōn à kāsāano tó nà, beee bè tó n Luda d̃õ ikodee ũ, eé εara à n kpá kpatan. <sup>27</sup> Beee yānzi kí, n̄ ma lédamma kè ma. N̄ kē n durunno n̄g̃õ yā kee a zéa. N̄ n yā zaakena tó n̄g̃õ gbēke kee takaasideenone, ke n nmanana ég̃õ gaa gwεε.

<sup>28</sup> Yā p̃ino kí Nebukanēza lè píngi. <sup>29</sup> M̃o kuri awēplaaa gbera kína e taa oo a be kpé bíta musu Babilonu. <sup>30</sup> Ben à bè: Babilonu bíta kè má kàe ma kiblekii ũun yèroo? Má kàe kōn ma iko gbāaao ma kíkε gakui yānzime. <sup>31</sup> Ai kína g̃õ yā pì o à yāa, kòto ke b̃ò ludambe à bè: Kí Nebukanēza, yā kè wà ò n yā musun yè: Wà n b̃ò kpatan sa. <sup>32</sup> Weé pémma wà n b̃ò gbēntēno té, nég̃õ kú kōn nòbòsētēno nég̃õ s̃è soo lán zù bà. Nég̃õ kuu le w̃è swēplaa ai n̄ gá d̃õ kè Luda Musude bé à iko vī gbēntee kpatano, è gbē kpá kpatan lán à yezi nà. <sup>33</sup> Gwe g̃õ yā kè wà ò Nebukanēza musu kè. Wà p̃èa wà à b̃ò gbēntēno té, à s̃è sò lán zù bà, kpíi à yàku. À mikā gbà lán kúu ká bà, à ònkòkò b̃òb̃ò s̃òs̃òs̃ò lán bā ònkòkò bà.

<sup>34</sup> Kè w̃è swēplaaa pì pàpa, mamoma Nebukanēza ma w̃éε s̃è ma musu gwà, ben ma su ma làakaria. Ben ma Luda Musude sáabu kpà ma Gur̃pingide tó kpà ma bèε liñε. Zaake à kíkεe yāana vīro, à kpata èg̃õ kuu gur̃ píngi. <sup>35</sup> Gbē kè ãõ kú anduna guuno ní píngi dene p̃óke ũro. È ke lán à yezi nà kōn gbāadee kè ãõ kú musuno kōn gbēntee kè ãõ kú tōteno. Gbēke è f̃õ à kpànero, gbēke è f̃õ à bene bón èεero.

<sup>36</sup> Gur̃ kè ma su ma làakaria, ben ma εara ma su ma kíkεgakuin kōn bèεo kōn bítakeεo. Ma iban̄o kōn ma bùsu gbāadeeno ma gbeka, ãõ ma ka kpatan, ben ma iko de káakupola. <sup>37</sup> Mamoma Nebukanēza m̃éε musu Kína sáabu kpaa sa m̃éε bèε liine m̃éε à tó kpaa, zaake à yākenano maa píngi, èg̃õ yā kee a zéa. Eé f̃õ à gbē kè è a zīnda sé lezī busa.

## 5

### *Yā kēna gūa*

<sup>1</sup> Kí Belisaza a bùsu gbāadeeno sisi zībaa póbleea g̃õn wàa s̃òro, ben èε w̃éε miiño. <sup>2</sup> Kè à p̃õ kè í p̃ia nna, à bè wà mó kōn vura ímib̃õn̄o kōn kondogi ímib̃ò kè a dezi Nebukanēza s̃èε Luda kpén Yerusalemuno le à í mio, àpi kōn a bùsu gbāadeeno kōn a n̄õn̄o kōn a n̄o yìgisain̄o. <sup>3</sup> Ben wà mò kōn togoo p̃ino, ãõε í mii. <sup>4</sup> Kè ãõε w̃éε mii, ãõε taa kè wà ní kè kōn vura kōn kondogio kōn mōgotēo kōn mōsio kōn lío kōn gb̃eo sáabu kpaa. <sup>5</sup> Gwe g̃õ gbēntee ò b̃ò fitia'izi, èε ògbε k̃éε kíbε gù kè l̃l̃õnaa. Kína ò p̃i è, èε p̃ó k̃éε, <sup>6</sup> ben à laasuu tò sw̃è k̃èn. À uu yākōte à gbāaa bùsa, ben à gbán̄o e lugalugaa. <sup>7</sup> À wii gbāaa lè à bè, wà mó kōn asid̃orino kōn s̃òs̃oneyād̃orino kōn māsokerino. Ben à bè Babilonu ònd̃õri p̃ino: Gbē kè ògbε k̃éki kyó kè ben à à b̃òk̃õtemε, mé gumusu t̃éa kōn vura k̃amb̃εεo danε, eé g̃õ ma bùsu gbāadeeno gbē aag̃õdee ũ. <sup>8</sup> Kè kína ònd̃õri p̃ino g̃è ní píngi, ben ãõ gbēke e f̃õ à ògbε p̃i kyó kè à à b̃òk̃õtenero. <sup>9</sup> Sw̃è εara à kè kí Belisazan maamaa, à εara à uu yākōte, ben à bùsu gbēnsino g̃ò bídi guu.

<sup>10</sup> Kè kí naṣ kína kōn b̀usu gb̀ensinṵ zɔka mà, à g̀ènzí p̀oblekiia à bè: Wà n d̄s kōn aafiao Zaaki! N̄ton tó n laasuu n ǹɔsɛ yakaro, n̄ton tó n uu ḡs sisinaro. <sup>11</sup> Gb̀ekee kú n b̀usun kè, à Luda kè kú adona Ninii v̄i. N dezi Nebukanɛza gurṵ wà è à làakari v̄i kōn ẃɛɛz̄ɛɛo kōn ɔ̄nd̄ɔo lán Luda bà. N dezi à diɛ ẃɛɛz̄ɛrinṵ kōn asid̄orinṵ kōn s̄os̄onɛyád̄orinṵ kōn màsokerinṵ gb̀ensi ũ. <sup>12</sup> À ɔ̄nd̄ɔ kōn à d̄ɔnao p̄as̄i, è yā p̄ingi ma. È nanaano b̀ok̄ɔtɛ è yā z̄i'ũunṵ yáasi t̄k̄ɛ kōn yālek̄ɔzinano. À t̄n Danieli. Kína tó kp̄anɛ d̄o Betesaza. N̄ à sísi se, eé yā p̄i b̀ok̄ɔtɛnɛ.

<sup>13</sup> Kè wà mò kōn Danielio kína p̄i kiia, ben kína bènɛ: M̀be z̄iz̄o kè wè be Danieli kè ma dezi b̀o Yudanṵ b̀usun ũs̄? <sup>14</sup> Má mà wà bè n̄ Luda Ninii v̄i, n̄ làakari v̄i kōn ẃɛɛz̄ɛɛo kōn ɔ̄nd̄ɔ ẃɛɛb̄ona. <sup>15</sup> Wà m̀mɛ kōn ɔ̄nd̄orinṵ kōn yā'asid̄orinṵ tia, lɛ aṣ ɔgbɛ kè kyó kɛ aṣ à b̀ok̄ɔtɛmɛ, m̀dɛ aṣɔɛ f̄ro. <sup>16</sup> Má mà wà bè nɛè f̄s̄ n̄ yānṵ b̀ok̄ɔtɛ nɛè f̄s̄ n̄ yālek̄ɔzinano t̄k̄ɛ. Tó n f̄s̄ n̄ ɔgbɛ kè kyó kè n̄ à b̀ok̄ɔtɛmɛ, mé gumusu t̄ɛa kōn vura k̄ambɛɛo danɛ, né ḡs ma b̀usu gb̄aadeenṵ gb̀ɛ aaḡɔdɛɛ ũ. <sup>17</sup> Ben Danieli bènɛ: N̄ n gbaano k̄ũ n̄ asaiapo p̄i kp̄a gb̀ɛ p̄andɛa. M̀dɛ baa kōn beɛɛo mé ɔgbɛ p̄i kyó kɛnɛ k̄i, mé s̄s̄ b̀ok̄ɔtɛnɛ. <sup>18</sup> Kí, Luda Musude bé à k̄ikɛ kōn b̄itakeɛo kōn gakuio kōn bèɛo kp̄a n dezi Nebukanɛzaa. <sup>19</sup> Lán à à sè lez̄i nà, gb̀ɛ p̄ingi à v̄ia v̄i, aṣè m̄i siɛnɛ, bori p̄ingi ke yā'ona bori p̄ingin yoo. Gb̀ɛ kè à yezi à à dɛ, è à demɛ. Gb̀ɛ kè à yezi à à b̄o, è à b̄omɛ. Gb̀ɛ kè à yezi à gwena kaaranɛ, è à kaara. Gb̀ɛ kè à yezi à à busa, è à busamɛ. <sup>20</sup> M̀dɛ kè à a z̄inda sè lez̄i à swā gb̄aa k̄ũ bens̄ à zaza k̄ũ, ben Luda à b̀o kpatan à à gakui k̄ò è. <sup>21</sup> Wà p̄ɛa wà à b̀o gb̀ɛntɛnṵ t̄ɛ, à laasuu ḡs̄ lán n̄b̄onṵ p̄o bà. À kú kōn sakenṵ à sè s̄o lán zù bà. Kp̄i à yaku, ben à d̄s̄ sa kè Luda Musude bé à iko v̄i gb̀ɛntɛ kpatanṵ, è gb̀ɛ kè à yezi kp̄a kpatan. <sup>22</sup> Mpi s̄s̄ Belisaza, à dion n̄ ũ. Baa kè n̄ yā p̄inṵ d̄s̄ p̄ingi, néɛ n̄ z̄inda busaro. <sup>23</sup> N d̄ok̄ɛ Dii Musudeo n̄ t̄o wà mò kōn à kp̄ɛ togoonṵ, ben mpi kōn n̄ b̀usu gb̀ensinṵ kōn n̄ n̄onṵ kōn n̄ n̄o ȳigisainṵ ẃɛɛ m̄io, ben n̄ t̄aa kè wà kè kōn vura kōn kondogio kōn m̀got̄ɛo kōn m̀s̄io kōn lío kōn gb̀ɛo s̄áabu kp̄a, p̄o kè aṣè guu ero aṣè yā maro bens̄ aṣ̄ d̄na v̄iroonṵ. N w̄ɛndi kōn n̄ ziaao kú Luda ɔ̄z̄imɛ, ben néɛ bèɛ línero. <sup>24</sup> Beeɛ yānzin à t̄o ɔ̄ p̄i mò à ɔgbɛ p̄i k̄ɛzi.

<sup>25</sup> Yā kè ɔ̄ p̄i k̄ɛn yè: M̄ɛnɛ, m̄ɛnɛ, tekeli, paasi. <sup>26</sup> Yā p̄inṵ b̀ok̄ɔtɛnan yè: M̄ɛnɛ bè, Luda n̄ k̄iblegurṵ n̄aro à à lé zè. <sup>27</sup> Tekeli bè, wà n̄ t̄isi lé gwà kilooa wà è néɛ kiloo séro. <sup>28</sup> Paasi bè, wà n̄ kp̄ata kp̄aatɛtɛ Midianṵ kōn Pesianṵnɛ.

<sup>29</sup> Belisaza yā ò à ibanṵnɛ, ben aṣ gumusu t̄ɛa kōn vura k̄ambɛɛo dà Danielinɛ wà kp̄aakpa kè wà bè, b̀usu gb̄aadeenṵ gb̀ɛ aaḡɔdɛɛn à ũ. <sup>30</sup> Gwāav̄i d̄onk̄o p̄i guun wà Babilonia kí Belisaza dè. <sup>31</sup> Midiā borii kè wè benɛ Dariusu bé à v̄ɛɛ à ḡɛɛ ũ a w̄ɛ baaaḡɔ awɛɛplaadɛɛ guu.

## 6

### *Danieli zuna músunṵ w̄ɛn*

<sup>1</sup> À kà Dariusunɛ à b̀usu gb̄aadeenṵ diɛ ḡɔn baswɛɛdo, ben à n̄ díediɛ a b̀usun p̄ingi. <sup>2</sup> À ḡɔn aaḡɔ diɛ n̄ gb̀ensinṵ ũ. Danieli né ḡɔn aaḡɔ p̄inṵ dokemɛ. B̀usu gb̄aadeenṵ è n̄ yānṵ t̄k̄ɛ gb̀ɛ p̄inṵnɛ, lɛ w̄aton ásarɛ kɛ k̄inanero yānz̄i. <sup>3</sup> Danieli ɔ̄nd̄ɔ ẃɛɛb̄ona dɛ gb̀ensinṵla kōn b̀usu gb̄aadeenṵ n̄ p̄ingi, ben kína z̄ɛo à à diɛ a b̀usu gb̀ensi ũ. <sup>4</sup> Ben gb̀ensinṵ kōn b̀usu gb̄aadeenṵ e zé wɛtɛɛ wà yāke ea kp̄ata kè à blè yā musu, m̀dɛ à taari v̄iro, aṣɔɛ yāke earo, zaake à náanɛ v̄i a yākɛna guu p̄ingi. È p̄a kp̄a yākeziro è s̄as̄a yākearo. <sup>5</sup> Ben aṣ bè: Wé yākeɛ e Danieliaro, tó èɛ kè à Luda doka musu baasiro. <sup>6</sup> Ben gb̀ensinṵ kōn gb̄aadeenṵ m̄i p̄èk̄ɔrɛ aṣ̄ ḡaa wà kína lè wà bè: Kí Dariusu, wà n̄ d̄s̄ kōn aafiao! <sup>7</sup> Wam̄ɔwa gb̀ensinṵ kōn k̄inanṵ kōn z̄ik̄pɛ gb̀ensinṵ kōn gb̄aadeenṵ kōn lédammarinṵ kōn n̄ ibanṵ n̄ p̄ingi, wa lé kp̄ak̄s̄s̄ wá è à maa n̄ yā kè diɛ n̄ḡɔ z̄i kɛɛa. Gurṵ baaakuri daguran tó gb̀ɛ ẃɛɛ kè dii kea kè gb̀ɛntɛn yoo, tó èɛ kɛ mpi baasiro, wà adɛɛ sé wà zu músunṵ w̄ɛn. <sup>8</sup> Kí, n̄ yā p̄i diɛ sa

̀n ɔ da takada k̀n, lɛ gb̃kɛ tɔn ỹ pì liero ỹnzi. Eégõ dɛ Midiãno k̃n Pesiano doka k̀ weé f̃ wà gbororo ũ. <sup>9</sup> Ben kí Dariusu ỹ pì diè à a ɔ da takadan.

<sup>10</sup> K̀ Danieli mà wà ỹ pì diè, à tà bɛ. À kpé k̀ kú musu windonɔ aɛ dɔ Yerusalemua w̃w̃ɛna. Ben à k̀ è à adua k̀ à Luda sáabu kpà, lán è kɛ nà lán guu e dɔ nà g̀n aagõgõ. <sup>11</sup> Ben gb̃ p̃nɔ mì p̀k̃rɛ aõ g̀a wà à è è adua k̃k̃ è d̃ñlɛ w̃é k̃k̃ Ludaa. <sup>12</sup> Ben aõ g̀a wà k̃na lè ỹ k̀ à diè pì musu wà bè: N ỹ diè n bè ai gurɔ baaakuri dagura gb̃ k̀ w̃é k̀ dii kea ke gb̃nteen yoo, tó è kɛ mpi baasiro, weé adee sé wà zu músunɔ w̃é guumɛ. Ben k̃na bè: Ỹ pì seka ṽro, à g̀ Midiãno k̃n Pesiano doka k̀ weé f̃ wà gbororo ũmɛ. <sup>13</sup> Ben aõ bè: Yudanɔ b̃usu z̃z̃ Danieli è n ỹ daro ke ỹ k̀ n diè pì. Ègõ adua k̃k̃ lán guu e dɔ nà g̀n aagõgõmɛ. <sup>14</sup> K̀ k̃na ỹ pì mà, à k̀nɛ zaa maamaa. À zèo à Danieli mì sí, ben è è à b̃na zé w̃tɛɛ ai ɔf̃ant̃ g̀a à g̀o kpén. <sup>15</sup> Ben gb̃ p̃nɔ èara wà p̀k̃rɛ wà g̀a wà k̃na lè wà bè: Kí, ñ Midiãno k̃n Pesiano doka d̃, wà bè ỹ k̀ k̃na diè k̃n ỹ k̀ à gizio liena ṽro. <sup>16</sup> Ben k̃na bè wà mó k̃n Danielio wà à zu músunɔ w̃en. K̃na bè Danielinɛ: N Luda k̀ nègõ d̃nzi k̃k̃nɛ gurɔ p̃ngi n b̃!

<sup>17</sup> K̀ wà à zù w̃é pì guu, wà gb̃ sè wà tàta w̃é pì léa, ben k̃na sèeda k̀a k̃n a t̃ngao k̃n a b̃usu gb̃adeenɔ t̃nganɔ, lɛ gb̃kɛ tɔn ỹkɛ liɛ Danieli musuro ỹnzi. <sup>18</sup> Ben k̃na tà bɛ à g̀ p̃ ble gw̃aṽi beeeazi, bens̃ è è a ñgb̃ ke ỹ gbekaro. È f̃ à ii òro. <sup>19</sup> K̀ guu d̃, guw̃e e k̃k̃, ben k̃na pì f̃ è à g̀a músunɔ w̃é pì kiia kpakpaa. <sup>20</sup> K̀ à s̃ w̃é p̃zi, à lé zù Danielizi k̃n p̃siaa à bè: Danieli, Danieli, Luda W̃ndide z̃b̃leri! N Luda k̀ nègõ d̃nzi k̃k̃nɛ gurɔ p̃ngi f̃ à n b̃ músunɔ léz̃i? <sup>21</sup> Danieli w̃èla à bè: Luda n d̃ aafiao Zaaki! <sup>22</sup> Ma Luda a malaika z̃i, à mò à músunɔ lé ñk̃sa, aõɛ ma k̃nnaro, zaakɛ ma d̃nɛ taarisaidee ũ. Kí, m̃é taari ke k̃nɛ zikiro. <sup>23</sup> K̃na p̃ k̀ nna maamaa, ben à bè wà Danieli g̀a wà à b̃ w̃é pì guu. K̀ wà à b̃, w̃e e à k̀nna gukearo k̀ à Luda náanɛ k̃na ỹnzi. <sup>24</sup> Ben k̃na bè wà mó k̃n gb̃ k̀ aõ ỹ di Danielianɔ, ben wà ñ z̃zu w̃é pì guu se k̃n ñ ñnɔ k̃n ñ naõnɔ. Ai aõgõ g̀a t̃ɔtɛ le, músunɔ ñ d̃ aõ ñ k̃k̃ aõ ñ w̃anɔ w̃iwi p̃ngi.

<sup>25</sup> Kí Dariusu takada k̀ gb̃ k̀ aõ kú a b̃usu guunɔnɛ ñ p̃ngi k̃n bori s̃nda p̃ngio à bè: Àgõ kú aafiao maamaa! <sup>26</sup> Ma ỹ k̀ diè ma b̃usu gb̃ p̃nginɛ, k̀ aõgõ Danieli Luda ṽia ṽi aõ d̃nzi k̃nɛ. Zaakɛ Luda W̃ndide k̀ kuu gurɔ p̃ngin à ũ. À kpata ỹana ṽro, ègõ kí b̃lee gurɔ p̃ngimɛ. <sup>27</sup> È gb̃ mì sí è ñ b̃. È dabuỹnɔ k̃n ỹb̃nsaenɔ ke musu k̃n t̃ɔtɛo. Àmbe à Danieli b̃ músunɔ léz̃i. <sup>28</sup> Danieli gb̃aa è Dariusu kíblegurɔ k̃n Pesia bori Sirusu kíblegurɔ.

## 7

### *Danieli w̃éegupu'ena p̃ b̃è m̃n siig̃ɔnɔ ỹa musu*

<sup>1</sup> Babilɔnu kí Belisaza kíblena w̃é k̃aku guu Danieli w̃éegupu è, à ỹkɛ è a laasuu guu gurɔ k̀ à daena a g̃adoa, ben à w̃éegupu pì ỹ k̀ takadan à à ỹ m̃nɔ ò. <sup>2</sup> Danieli bè: M̃é guu gwaa w̃éegupu'ena guu gw̃aṽi, ben ma ludambe ãa m̃n siig̃ɔ è, aõɛ kakaa ísia bíta. <sup>3</sup> Ben p̃ b̃é bíta m̃n siig̃ɔnɔ b̃ ísiaan, aõ borii b̃ doodo. <sup>4</sup> À k̃akudee b̃ lán músu k̀ à kúu d̃b̃enɔ ṽi bà. K̀ m̃é gwaa, wà à d̃b̃e w̃òwoa, ben wà à sè wà zè à gb̃a plaaaa lán gb̃ntee bà, ben wà gb̃ntee sw̃è d̃anɛ. <sup>5</sup> Ben ma p̃ b̃é plaadee è, à b̃ lán kp̃era bà. À g̃ek̃ek̃ena, gb̃ant̃wa m̃n aagõ kp̃ana à léz̃i. Ben wà bè è à f̃ è à ñb̃ só maamaa. <sup>6</sup> Beee g̃bera ma guu gwà, ben ma p̃ b̃é p̃ande è, à b̃ lán gb̃eka bà. À d̃b̃e ṽi a kp̃eaa lán b̃aa bà m̃n siig̃ɔ bens̃ à mì ṽi m̃n siig̃ɔ. Wà à kpà kp̃atan. <sup>7</sup> Beee g̃bera k̀ m̃é guu gwaa w̃éegupu pì guu gw̃aṽi lɛ, ma p̃ b̃é siig̃ɔdee è, è tó ṽia gb̃ k̃ ai sw̃è k̃n. À gb̃aaa s̃aa ṽro. À swaa né m̃simɛ bens̃ à bíta, è p̃ sóo, à w̃iwi, è k̃sɛ p̃épepe à kp̃aaa k̀ g̃õa. À b̃ ado k̃n p̃ b̃é k̀ aõ d̃nɛ aenɔ. À koba m̃n kuri. <sup>8</sup> K̀ m̃é laasuu lɛ à koba p̃nɔ ỹa musu, ben



ma koba pānde è, à néngo èe bɔɔ ní té, ben koba káaku mèn aagɔɔnɔ wòwo aɔ guu bònɛ. Má è koba néngo pì wée vī lán gbēntee pò bà. À lé vī dɔ kè égɔ wada yā oo.

<sup>9</sup> Kè mée gwaa, má è wà kiblekitanɔ kàɛ, ben Tontoride mò à vèɛa. À pókāsāanɔ de pú fénfen lán buu bà, à mìkã de lán sākã bà. À kiblekita de ténɛnɛ ũ, à górogbanɔ vī aɔɔe té bɔɔ. <sup>10</sup> Té bò à gīzī èe bàa lɛɛ à aɛ lán swaa bà. Gɔɔn bɔɔɔ lɛo bɔɔɔ e ìba bleenɛ, gbē kè aɔɔ zena à aɛnɔ kà gɔɔn miliɔ basɔɔro. Yákpækɛrinɔ vèɛ, ben wà takadanɔ wèwɛ. <sup>11</sup> Ben má kpé mée tàasi kɛɛ wada yā kè koba pì e oo yānzi, ben má kpé mée gwaa ai wà gàa wà pò bɛɛ pì dè wà à gè dúgu zɔ wà sè wà zù tén. <sup>12</sup> Wà pò bɛɛ pāndenɔ bò kpatan, mɔde wà ní tó wèndio ai gurɔ plaa.

<sup>13</sup> Kè mée guu gwaa gwāavī wéegupu pì guu lɛ, ben ma pò è lán gbēntee né bà, èe mɔɔ ludambɛ luguun. Kè à kà, ben wà à kpan'aɛ kè wà gàao Tontoride kiia. <sup>14</sup> À à kpà kpatan à iko kpàa kɔn gakuio, ben baade píngi dɔnzi kènɛ, bùsu píngi gbē kɔn bori sānda píngio. À iko égɔ kuu gurɔ píngi à yāana vīro, à kpata é mì de zikiro.

### *Wéegupu bókótɛna*

<sup>15</sup> Mamɔma Danieli ma pɔɔ yàka. Yā kè mée ee ma laasuu guu tò swè kèmagu. <sup>16</sup> Ma sɔ gbē kè aɔɔ zena gweenɔ dokezi ma yā pìnɔ yāpuraa gbèkaa píngi. Ben à yā òmɛ à yā pìnɔ bókótɛmɛ. <sup>17</sup> Pò bɛɛ bíta mèn siigɔɔ pìnɔ né kpata mèn siigɔɔ kè aɔɛ bɔ anduna guunɔmɛ. <sup>18</sup> Mɔde Luda Musude gbēnɔ bé wé kpata sí wà ble aɔégɔ vī gurɔ píngi, kpata pì égɔ yāana vīro. <sup>19</sup> Beee gbɛra má yezi mà yāpuraa dɔ pò bɛɛ siigɔde yā musu. À taka bò ado kɔn pò bɛɛ kpaaanɔmɛ, è tó vīa gbē kũ de à kpaaanɔla. À swaa né mɔsimɛ, à ɔnkɔkɔ né mògotɛmɛ, è pò só à wíwi è kèse pépɛɛ à kpaa kè gɔã. <sup>20</sup> Má yezi mà koba mèn kuri kè aɔɔ kú à mianɔ yáasi dɔ dɔ kɔn koba kè bò ben koba mèn aagɔɔnɔ wòwo wà guu tònɛo. Koba pì wée vī kɔn léo, è wada yā o, à zena gbāa de à kpaaanɔla. <sup>21</sup> Kè má kpé mée gwaa, koba pì e zì kaa kɔn Luda gbēnɔ èe ní fuu. <sup>22</sup> Ben Tontoride pì mò à yā nnaa kpà a gbē pìnɔa, zaake kpata gɔna Luda Musude gbēnɔ pò ũ gurɔɔ bé à kà.

<sup>23</sup> Wà bèmɛ lán kè bà. Pò bɛɛ mèn siigɔdee pì né kpata siigɔdee kè eé bɔ anduna guumɛ. À taka bò ado kɔn kpata kpaaanɔ, eé da andunala píngi à kèse pépɛɛa à wíwi. <sup>24</sup> Koba mèn kuri pìnɔ né kpata pì kína gɔɔn kuri kè aɔɛ kí bleenɔmɛ. Kína kè bò adona kɔn à káakupɔnɔ é fɛɛ ní gbɛra eé kí gɔɔn aagɔɔnɔ bɔ kpatan. <sup>25</sup> Eé Luda Musude tó zaa sí eé gbāa mɔ à gbēnɔnɛ eé wɛtɛ à zībaa gurɔɔnɔ kɔn doka kè Ludaa diɛnɔ lie. Wà Luda gbēnɔ nàɛ à ɔzī wè aagɔ kɔn a kusuo. <sup>26</sup> Mɔde yákpækɛrinɔ é vèɛ aɔ à bɔ kpatan, aɔɛ kpata pì mì de míɔmíɔ ai gurɔ píngi <sup>27</sup> gbasa wà anduna kpata píngi kíkɛ kɔn ikoo kɔn bítakeɛo kpà Luda Musude gbēnɔa. À kpata pì né kpata kè eé yāaromɛ, kpatablerinɔ é dɔnzi kènɛ aɔɛ mì siɛnɛ ní píngi. <sup>28</sup> Yā pì lén gwe. Mamɔma Danieli, ma laasuunɔ tò vīa ma kũ maamaa, ma uu lìɛ, ben má yā pì kũna ma swèn.

## 8

### *Sákarò swèkɛna kɔn blèkofīo*

<sup>1</sup> Belisaza kíblena wè aagɔdee guu mamɔma Danieli ma wéegupu è à kè má è káaku baasi. <sup>2</sup> Mée guu gwaa ma wéegupu'ena pì guu, ben má è má kú kibe Susa wétɛdaan Elamu bùsun. Má kú swaa kè wè be Ulai saɛ. <sup>3</sup> Ma wée sè ma guu gwà, ben ma sákarò è zena swaa pì léa. À koba vī mèn plaa. Aɔɔ gbāa, mɔde à doo gbāa de à doola, à kè gbāa pì bò zāamɛ. <sup>4</sup> Ma sákarò pì gwà, èe sɔ dadaa ɔfántɛgɛkpen kpa kɔn gu'igbároo kpaa kɔn sɔɔmɛtɛ kpaa, èe koba máɛmaɛɛ. Nòbɔ kee e fɔ à zè à gínɛro, gbēkɛe e fɔ à bò à gbāaa ɔzīro. Ègɔ a zīnda poyezi kɛmɛ, ben à a zīnda sè lezī.

<sup>5</sup> Mée laasuu læe yā pià, ben ma blèkoffi è bɔna ɔfántēgēkpen kpa, à bà andunala píngi à gbá e pée tɔtɔero. À koba bíta vī a wéegbātán. <sup>6</sup> À gàa sākaro kè zena swa léa pì kiia, ben à kúu òa kɔn pɔfē pāsio. <sup>7</sup> Kè má è à sùzi kɔn pɔfēo le, à à gbègbē ai à à koba mèn plaaa pìno è'e, ben sākaro pì e fɔ à pèaro. Blèkoffi à nè à kèse pèpèeaa, gbēkee e fɔ à à bò à ɔzīro. <sup>8</sup> Ben blèkoffi a zīnda dì, mɔde kè à pèe maamaa, à koba bíta pì è, ben koba pāndeno bɔe wà kpà mèn siigɔ à gēe ũ, aɔ lé dɔdɔ anduna gooda siigɔɔna.

<sup>9</sup> Koba pìno doke gbādā néngo bò, ben à bíta kù maamaa. À gàa sɔɔmete kpa kɔn ɔfántēbɔe kpaaɔ kɔn bɔsu maaa kpaaɔ. <sup>10</sup> À bíta kù ai à gàa pé ludambe zìkpeena, ben à sɔɔne kenɔ wòro à n kwée tɔte à kèse pèpèemá. <sup>11</sup> À a zīnda sè à kè sáa kɔn zìkpe pìno Kínao. À saa kè wègɔ ooa lán guu e dɔɔ nà mì dè à à kúkii kè bezī ũ. <sup>12</sup> Wà zìkari pìno nàne à ɔzī kɔn saa kè wègɔ oo lán guu e dɔɔ nào bɔnkpeeyā kè wà kè yānzi, ben à yāpuraa pàe tɔte. Yā kè à kè píngi bò maa. <sup>13</sup> Ben má mà malaika e yā oo, ben malaika pānde à là à bè: Wéegupu'ena yā pì é gá ke ai bɔremɛ? Saa kè wègɔ oo lán guu e dɔɔ nà yā pì kɔn bɔnkpeeyā kè è guu yaka pìo kɔn Luda kpé kparímanao kɔn kèsepepeena zìkpe pìnoao. <sup>14</sup> Ben à bème: Eégɔ gaa ai gurɔ wàa kuri awédo kpé basɔro sa'ona kɔngɔ kɔn uusieo gbera, Luda kpé é gbasa à bɔ maa.

### *Wéegupu bɔkɔtena*

<sup>15</sup> Gurɔ kè mamɔma Daniëli mée wéegupu pì ee le, mée zé weteɛ mà à yáasi dɔ, ben ma póke è zena ma ae à bò lán gɔgbē bà. <sup>16</sup> Ben ma gbēntee kòto mà bɔna Ulaizi à le zù à bè: Gabliëli, n wéegupu kè gbē pì è bɔkɔtenɛ. <sup>17</sup> À sòmazi ma zekiia. Kè èe mɔɔ, vīa ma kù, ben ma dae ma puua. À bème: Gbēntee né, ñgɔ dɔ kè wéegupu kè n è de andunayāagurɔ yā ũmɛ. <sup>18</sup> Gurɔ kè èe yā oome, ii ma kù gbāa, má daena ma puua. Ben à ɔ nàma à ma fɛe à ma ze. <sup>19</sup> À bè: Mée yā kè eé mó Luda pɔfēpitammagurɔ ziake zī oonnemɛ, zaake andunayāagurɔ yāme. <sup>20</sup> Sākaro kobamemplaadee kè n è pì de Midiānɔ kɔn Pesia kínano ũmɛ. <sup>21</sup> Blèkoffi sɔ né Girisi kpatame. Koba bíta kè dɔ à wéegbātán de à kína káaku ũ. <sup>22</sup> Koba mèn siigɔ kè aɔ bɔe koba kè è gēe ũu pì né kpata mèn siigɔ kè aɔe bɔe à borii guunome, mɔde aɔ gbāaa é ká lán à bàro.

<sup>23</sup> Aɔ kíblena gurɔ zāa zī, tó aɔ taarikena lé kà, kína uu fɛkpana mɔnafikide kàsara é fɛe. <sup>24</sup> À gbāaa é kaara, èe ke kɔn à zīnda gbāaaonlo. À pókaatena é swè kéngu. Yā kè eé ke píngi égɔ papaname, eé gɔsagbāaano kɔn Luda gbēno dúgu zɔ. <sup>25</sup> À ɔndɔ guu à mɔnafiki égɔ papaname, eégɔ daa a ka. Tó gbēno yáke dɔnaro, ben eé n dúgu zɔ paripari eé fɛe kɔn kínano Kínao. Weé à kaate, mɔde gbēntee ɔonlo.

<sup>26</sup> Sa kɔngɔ kɔn sa uusieo ogurɔ wéegupu kè n è né yāpuraame. N yā pì ká takadan, zaake eé ke ziake zīme. <sup>27</sup> Mamɔma Daniëli ma gbāaa yāa, ben ma gyāa kè gurɔ plaa. Kè ma fɛe, ma ɛara ma zīi kè kínane. Ma bídi kè wéegupu kè má è pì yāa, mée à bɔkɔtena dɔro.

## 9

### *Daniëli aduakena*

<sup>1</sup> Asueru né Dariusu, Midiā bori kíblena Babilɔnia bɔsun wè káaku guu, <sup>2</sup> mamɔma Daniëli ma yā kè Dii ò annabi Yeremayane è takadan à bè, Yerusalemu é gɔ bezī ũ wè baaagɔ akurime. <sup>3</sup> Ben ma ae dɔ Dii Ludaa ma kúe kène ma wée kèa kɔn léyinao kɔn túbuo kuna ma mià kɔn pɔsia utano dana. <sup>4</sup> Ma adua kè Dii ma Ludaa, ma a gbēno durunno òne ma bè:

N yā nna Dii Luda. N bíta bensɔ n naasi vī. Neégɔ n bà kuuna kɔn gbē kè aɔo yenzi aɔe n yā maano kúna náane guu. <sup>5</sup> Wa durun kè wa yā zaaa kè. Wa taari kène wa kpeɛ linne. Wa bɔ yā kè n dìe kɔn n dokano kpeɛ. <sup>6</sup> N zòbleri annabino yā ò wa kínano kɔn wa kpatablerinɔ kɔn wa dezino kɔn wa bɔsu gbēno n píngi kɔn n tóo, ben wée n yā maro.

<sup>7</sup> Dii, ní maa. Wapinɔ sɔ wa gɔ kɔn wíó gbáa, wamɔwa Yerusalemudeenɔ kɔn Yudanɔ pínɡi kɔn Isaraili kè aɔ kú kíinɔ kɔn Isaraili kè aɔ kú zà búsu kè n ní fáakɔan aɔ bɔna n kpɛɛ yānzinɔ ní pínɡi. <sup>8</sup> Dii, wí wa kú durun kè wá kènne yānzi, wapinɔ kɔn wa kɔnanɔ kɔn wa kpatablerinɔ kɔn wa dezinɔ. <sup>9</sup> Dii wa Luda, baa kè wa sāsá n yāa, ní wēnda ví kɔn sùuo. <sup>10</sup> Dii wa Luda, wée mì siennero wée té doka kè ní dà n zòbleri annabinɔne aɔ òweenɔziro. <sup>11</sup> Isarailinɔ pà n dokanɛ ní pínɡi aɔ gí n yā mazi. Ben n láari kèwa kè wa durun kènne yānzi, lán ní ò n zòbleri Musa doka takadan ná. <sup>12</sup> N yā kè n bè eé wa lee kèwe kɔn wa gbēnsinɔ. N mónzi kpàwazi, wèe yā kè Yerusalemu lè taka e anduna guu zikiro. <sup>13</sup> Wa Luda, yā pì wa le lán à yā kú Musa doka takadan ná, mɔde wée n kii wetero, wée kpɛɛ li wa durunɔne wa làakari dò n yāpuraaro. <sup>14</sup> Dii wa Luda, nées gí ke kɔn mónzi kpanawazioro, zaake n yā égɔ nna n yákena guu pínɡi, ben wée n yā maro. <sup>15</sup> Dii wa Luda, n bɔ kɔn wa gbē kè aɔ de n gbē ũunɔ zaa Iqipiti kɔn n gāsá gbāaa, n tó bò lán à kuu ai kɔn a gbāao ná. Wa durun kè wa taari kènne. <sup>16</sup> Dii, lán n yákenanɔ maa pínɡi ná, ñ n pɔfē kɔn n pētēo kè n wéte Yerusalemua kɔn n kpiiio sa, zaake Yerusalemu kɔn wamɔwa kè wá de n gbē ũunɔ gɔ fabona pò ũ gbē kè aɔ ligawaziinɔne ní pínɡi wa durunɔ kɔn wa dezinɔ yāzaakenao yānzi. <sup>17</sup> Wa Luda, ñ mamɔma n zòbleri wéekɛ kè mée keemma sí sa kɔn ma wēnda wiiio. Dii, ñ ae dɔ n kúkii kè gbòroa n tó yānzi. <sup>18</sup> Luda, ñ swā kpá ñ ma yā ma. Ñ wée sé ñ wéte kè n tó kúa bezĩ gwa. Èe ke wa maakena yānzin wée wée keemmaziro, n wēnda bíta yānzime. <sup>19</sup> Dii, ñ ma yā ma! Dii, ñ sùu ke! Dii, ñ swā kpá ma yāzi ñ ke kpakpaa! Ma Luda, ñton gí kero n tó yānzi, zaake n tó kú wéte pia kɔn n gbēnɔme.

### *Azuma baaagɔ akuri yā*

<sup>20</sup> Gurɔ kè mée yā oo le, mée adua kee mée ma durunɔ yā oo kɔn ma gbē Isarailinɔ durunɔ, mée wée kee Dii ma Ludaa à kpíi yā musu, <sup>21</sup> kè mée adua kee le, Gablieli, gbē kè má è wéegupu'ena guu yāa pì vĩa à mò ma kiia sa uusie oguro. <sup>22</sup> À yā òme à bè: Danieli, ma bɔ ma mɔnzi le mà n wée kēnneme, n dōna e à kaara. <sup>23</sup> Kè n na aduakēnaa, Luda n wéekɛ si, ben ma mɔ mà onne, zaake à gbē yenzideen n ũ. Ñ làakari dɔ yā kèa ñ laasuu lé wéegupu kè nées eea. <sup>24</sup> Luda azuma baaagɔ akuri diè n gbēnɔne kɔn n wéte pìo, le à taarinɔ mì de à durunɔ vĩa à yā zaaanɔ kēawa, eé bɔ kɔn bɔna maaa kè eé yāaroo, wéegupu'ena kɔn annabikɛ kenao lé é ká, weé Ludakukii kya ke. <sup>25</sup> Ñ laasuu lé yā kèa ñgɔ dɔ kè naana zaa gurɔ kè wà diè kè Yerusalemu é eara à su a gwena ziia ai à gàa pé Mesaya mógurɔa eégɔ de azuma swéplaa kɔn azuma baaagɔ awéplaa ũme. Weé eara wà káe weé à gáalenɔ keke kɔn zédaanɔ, mɔde nawēa égɔ kuu gurɔ pì. <sup>26</sup> Azuma baaagɔ awéplaa pì gbera weé Mesaya pì de, gbēke é zoro. Kína kè èe mɔ zikpɛenɔ é wéte pì kaate kɔn Luda kpéo. À mīdena é su lán í gublana bà. Ai à lé gɔ gá ká zíkana kɔn kaatenao égɔ kuu lán Ludaa diè ná. <sup>27</sup> Kína pì é ledole ke kɔn gbēnɔ pari ai azuma do. Azuma doo pì dagura eé sa'ona kɔn gbadanao mì de à tēpɔ guyakari pée gwe ai kaatena kè Ludaa diè guyakari pìne gá à leo.

## 10

### *Gakuidee bɔ à mɔna Danielizi*

<sup>1</sup> Pesianɔ kí Sirusu kíblena wē aagɔdee guu wà yā bíia Danieli kè wè bene dɔ Betesazane. Yā pì né yāpuraame, bensɔ zĩ gbāa yāme. À yā pì mà wéegupu'ena guume, ben wà à bòkòtene.

<sup>2</sup> Gurɔ beea mamɔma Danieli, mée pɔsiaa kee azuma aagɔ dagura. <sup>3</sup> Mée pò nnaa blero, nòbɔ ke wée e gē ma lénlo. Mée nòsi kemaro ai azuma aagɔ pì gàa à pàpao.

<sup>4</sup> Mɔ káaku gurɔ baro awéesiigɔdee zĩ má zena swa bíta kè wè sísi Tigiri sae. <sup>5</sup> Ma wée sè ma guu gwà, ben ma gbēke è à táaru bisa dana, vura maa asaa dɔna à pii. <sup>6</sup> À mè bò lán

gbè bèedeè bà, à uu de lán loupina bà. À wée de lán sèté bà, à ɔɔɔ kɔn à gbánɔ e té kee lán m̀ogoté l̀lona bà. À kòto de lán gbē parii kī bà. <sup>7</sup> Mamoma Danieli m̀ambe ma wéegupu pì è mado. Gbē kè aɔ kúmaonɔ e ero, m̀ode swè k̀éngu, ben aɔ bàa lè wà gaa wà ùte. <sup>8</sup> M̀ambe ma gɔ mado, m̀ée wéegupu bíta pì ee. Ma gbāaa yāa, ma uu liè, ma gɔ gbāaa sai.

<sup>9</sup> Ma à kòto mà, ben gurɔ kè m̀ée maa, ii ma kũ gbāa, ma dae ma puua. <sup>10</sup> Ben wà ɔ nàma wà ma se wà ma kue ma kosooa kɔn ma ɔɔ, m̀ée lugalugaa. <sup>11</sup> Ben wà bème: Luda gbē yenzide Danieli, ǹ làakari do yā kè m̀ée oonneea. Ǹ fèe ǹ ze, zaake wà ma zimmame. Kè à òme le, ma fèe ma ze, m̀ée lugalugaa. <sup>12</sup> Ben à èara à bème: Danieli, ǹton tó vīa ǹ kũro, zaake zaa gurɔ káaku kè ǹ ǹ ǹse kpà yā wàaripanaa bensɔ ǹ ǹ zīnda bùsa Ludane, à yā sìnyo. Ǹ yā pì yānzin ma m̀zi. <sup>13</sup> Pesia bùsu taa kí ma dādā gurɔ baro awèedo, ben malaika kíno do Mikaeli bé à m̀ à ma ĩan kà. <sup>14</sup> Ma m̀o le mà yā kè eé ǹ gbēno le gurɔ zāa zī bokōtenne, zaake wéegupu kè ǹee ee kuu zia yā ũme.

<sup>15</sup> Gurɔ kè èe yā pì oome, ma a m̀i pèe, má yītena kítikiti. <sup>16</sup> Gbē kè b̀o lán gbēntee bà pì ɔ kè ma léa, ben ma lé wè ma yā ò. Ben ma bè gbē kè zena ma aene: Dii, ma wāwāa mà p̀o kè m̀ee ee yānzì, ma gɔ gbāaa sai. <sup>17</sup> Dii, mamoma ǹ z̀bleri mé ke diame mà yā onyo? Má gbāa vī doro, wesabona kèmao zī'ũ. <sup>18</sup> Gbē kè b̀o lán gbēntee bà pì èara à ɔ kèma à ma gba gbāaa <sup>19</sup> à bè: Luda gbē yenzide, ǹton tó vīa ǹ kũro. Ǹgɔ kú kɔn aafiao! Ǹ tó ǹ làakari gɔ kpaena! Ǹ swè gɔ gbāa! Kè à yā òme, ben ma gbāa è ma bè: Dii, ǹ yā ome sa, zaake ǹ ma gba gbāaa. <sup>20</sup> Ben à bè: Ǹ yā kè t̀o ma m̀o ǹ kiia d̀ó? Mé èara mà gá zī ká kɔn Pesia taa p̀io tia. Tó ma ta, Giriki taa é m̀. <sup>21</sup> M̀ode mé yā kè kú Yápura Takadan onne gīa. Gbēkee e ze à ma ĩan káro, séde a malaika Mikaeli baasiro.

## 11

<sup>1</sup> Midiā bori Dariusu kíblena wè káaku guu, ma ze ma gi kɔn Mikaelio ma à dàkpa.

### *Sɔmte kína kɔn gu'igbāro kínao*

<sup>2</sup> Yápuraan m̀ee oonne. Kína pāndenɔ é fèe gɔɔn aagɔ aɔ kí ble Pesia bùsun. Aɔ siigɔdee té ǹ kpee, eégɔ auziki vī maamaa deńla. Eé gbāaa e a auziki pì yānzì eé t̀o gbē píngi fèe Girisi bùsuzi. <sup>3</sup> Kína gbāadee é fèe à kí ble bùsunɔa pari, eégɔ kee lán à yezi nà. <sup>4</sup> À fèena gbera à kpata é gboro à ke leo siigɔ, anduna gooda siigɔɔnɔ baade kɔn a p̀o. Èe ke à boriino bé wé kpata p̀ino blero, gbē pāndenɔ bé wé ble, à kpata p̀ino gbāaa é ká à káakupɔ ũro.

<sup>5</sup> Sɔmte kpa kína é gɔ gbāa vī, m̀ode à z̀kpeɔnɔ gbēnsi ke é gɔ gbāa vī deàla. Eé kí ble à kpata é gɔ bíta. <sup>6</sup> Gurɔ plaa gbera aɔé ledole ke. Sɔmte kpa kína é a ǹnɔkpare kpāsā gu'igbāro kínaa ledolekena k̀o sèeda ũ, m̀ode ǹgbē pì é gɔ iko vī gwero, kína pì kɔn à néo é g̀i kero. Weé ǹgbē pì kɔn gbē kè aɔ m̀onɔ kɔn à deo kɔn à ĩankario kpámma gurɔ beea. <sup>7</sup> Ǹgbē pì danɔ ke bé eé kí ble à de g̀ee ũ. Eé léé gu'igbāroo kpa kína z̀kpeɔnɔa eé g̀e à zeki gbāaan. Eé z̀i kányo à gbāa m̀ónne. <sup>8</sup> Eé ǹ tãano kɔn ǹ dii kè aɔ kàsanɔ sèe wà táo Igipiti kɔn ǹ p̀o bèedeè kè wà kè kɔn vurao kɔn kondogionɔ. Eé gu'igbāroo kpa kína tón gīa gurɔ plaa. <sup>9</sup> Gu'igbāro kpa kína pì é m̀ à léé sɔmte kpa kína pì bùsua se, m̀ode eé èara à tá a bùsun. <sup>10</sup> À ǹno é z̀i soru ke aɔ z̀kpeɔnɔ kakɔa paripari. Aɔé da zén aɔ dagula lán swapana bà. Aɔé z̀i ká ai aɔ gá káo à zeki gbāaan. <sup>11</sup> Sɔmte kpa kína é fèe eé gá z̀i ká kɔn gu'igbāroo kpa kínao kɔn z̀kpee kè à kàkɔa paripariino eé z̀i blemma. <sup>12</sup> Tó à z̀kpee p̀ino sèe à tányo, eé a zīnda sé lezī. Eé ǹ dede gɔɔn boro kuri, m̀ode eé e à z̀i blemma gurɔ píngiro. <sup>13</sup> Gu'igbāro kpa kína é èara à z̀kpeɔnɔ kakɔa paripari de à káakupɔla. Tó à gurɔ kà, eé m̀o kɔn a z̀kpe parii p̀ino, baade kɔn a g̀keɔnɔ.

<sup>14</sup> Gurɔ beea gbē paridee é fèe sɔmte kpa kínazi. Ǹ bori gɔ pāsīno é fèezi wéegupu kè ǹ è yāpapana yānzì, m̀ode aɔé m̀innaa kero. <sup>15</sup> Gu'igbāro kpa kína é m̀o à wéte bíide kagura ke eé sí. Sɔmte kpa z̀kpeɔnɔ gbāaa é f̀o à kpánnero, baa aɔ z̀kpe maaano. Aɔ gbāaa é

f̄ro. <sup>16</sup> Kína kè m̀ò à lèèa é ke lán à yezi nà, gbēke é f̄ à kpánero. Eé ze b̀usu maaan eéḡõ à kaatena zé v̄i. <sup>17</sup> Eé z̄eo à m̀ó k̄ñ a b̀usu ikoo píngi, m̀ode eé l̄edole ke k̄ñ s̄ōm̄ete kpa kinao. Eé a n̄én̄kpare kp̄s̄ãa le à e à à kpata yaka yānzi. Yā p̄i é zé kero, eéḡõ àre ke v̄inero. <sup>18</sup> Eé gbasa à ae d̄o ís̄iaa sae b̀usun̄o eé sí pari, ben z̄ìkp̄een̄o gb̄ensi ke é à wada mì de eé tó à wada w̄i à musu. <sup>19</sup> Eé ɛara à ae d̄o a be b̀usu zeki gb̄aaan̄o sa, m̀ode eé ḡèn sí à léè, weé à e d̄ro.

<sup>20</sup> À ḡeé é be'̄ōsiri gb̄aam̄on̄neri gbarēm̄ma le à a kíkegakui kaara yānzi, m̀ode gur̄o plaaa gbera eé game, èe ke p̄of̄e ke z̄i yānz̄inlo. <sup>21</sup> À ḡeé eéḡõ de gb̄e gina kè wèe à kpá kpatanloo ū. Gur̄o kè gb̄en̄o yāke danaro, eé m̀ó à l̄én̄naa k̄asān̄e à kpata sím̄ma. <sup>22</sup> Eé z̄ìkp̄een̄o w̄iwi a ae dúgudugu, eé n̄ kaate k̄ñ kína kè à l̄edole k̄eoo. <sup>23</sup> Ledolekenao gbera eé b̄o à kp̄ee, à gb̄aa é kaara, baa tó à gb̄en̄o pari. <sup>24</sup> Eé ḡe b̀usu auzikidee kè à gb̄en̄o yāke danaroon̄zi, eé yā kè a den̄o ke a dezin̄o e f̄ wà k̄eroo ke. Eé n̄ p̄ón̄o s̄eé eé n̄ p̄ók̄adeen̄o nak̄õa eé n̄ auziki p̄in̄o kpaatete a iban̄ne. Eé à zaaa kpak̄õs̄õ zeki gb̄aaan̄zi, m̀ode eé gur̄o plaaa kero. <sup>25</sup> Eé sw̄è die à té ká a z̄indan. Eé ḡe s̄ōm̄ete kpa k̄inazi k̄ñ z̄ìkp̄een̄o paripari. S̄ōm̄ete kpa kína p̄i é z̄i káo k̄ñ a z̄ìkp̄e parii kè ās̄ gb̄aa kè b̄itan̄o, m̀ode eé n̄ f̄ro, zaake weé lé kpak̄õs̄õzime. <sup>26</sup> Gb̄e kè ās̄e p̄o bleon̄o é z̄ib̄on̄kp̄ee kene. Weé p̄e à z̄ìkp̄een̄o wà n̄ paridee d̄ede. <sup>27</sup> Kí ḡõn plaaa p̄in̄o é v̄e teebu d̄on̄k̄õzi k̄ñ n̄s̄ezaaao ās̄ eḡe tok̄ne. Eé zé kero, zaake yā é mì de à gur̄oam̄e. <sup>28</sup> Gu'igb̄aro kpa kína é da a b̀usu z̄én̄ k̄ñ auziki b̄itao, m̀ode eé yā zaaa kpak̄õs̄õ gb̄e kè Luda bà kún̄yon̄zi. Eé yā lú̄n̄e gbasa à tá a b̀usun.

<sup>29</sup> Tó à gur̄o kà, eé ɛara à ḡe s̄ōm̄ete kpa b̀usuzi, m̀ode k̄ekii eéḡõ de lán à káakup̄o b̄aro. <sup>30</sup> Ɔf̄ant̄eḡek̄pendeen̄o é ḡine k̄ñ ḡoro'iten̄o. Eé na a s̄asaa, eé ɛara à gá p̄of̄e pita gb̄e kè Luda bà kún̄yon̄o. Eé ze k̄ñ gb̄e kè ās̄ Luda bà kuunānyo yā gb̄oron̄o. <sup>31</sup> À z̄ìkp̄een̄o é Luda kp̄e gb̄as̄i lé ās̄e saa kè w̄eḡõ oo lán guu e d̄o nà mì de ās̄e t̄ep̄o guyakari p̄een. <sup>32</sup> Eé gb̄e kè ās̄ Luda bà kuunānyo yā gb̄oron̄o mì lie k̄ñ m̄onafikio, m̀ode gb̄e kè ās̄ n̄ Luda d̄õn̄o é ze gb̄aa ās̄ ḡine. <sup>33</sup> Ās̄ gb̄e kè ās̄ ònd̄õ v̄in̄o é yā da gb̄en̄one pari, m̀ode gur̄o plaaa dagura weé n̄ gb̄eken̄o kw̄e k̄ñ f̄eadao weé n̄ gb̄eken̄o kp̄ata weé n̄ gb̄eken̄o ká kp̄esiaan weé n̄ p̄ón̄o sím̄ma. <sup>34</sup> Tó ās̄ l̄e le, weé n̄ ïan ká f̄ete, m̄onafikideen̄o é nam̄ma pari. <sup>35</sup> Ɔnd̄õri p̄i ken̄o é kp̄águla, le Luda e à n̄ baasa à n̄ gb̄as̄i worom̄ma, le ās̄ n̄s̄e e à pura k̄ũ ai gur̄o lé gá ká, zaake gur̄o p̄i é ká lán Ludaa die nam̄e.

### *Kína kè eé a z̄inda sé lez̄i*

<sup>36</sup> Kína ke bé eé ke lán à yezi nà eé a z̄inda sé lez̄i, eé b̄itakee d̄õ a z̄indane de t̄aan̄o la píngi eé d̄ok̄ena yā o Luda kè deñlaa musu. À yā eéḡõ gaame ai Luda p̄of̄ep̄itam̄magur̄o gá papao, zaake Luda é yā kè à z̄eo keme. <sup>37</sup> Kína p̄i é a dezin̄o t̄aan̄o yā daro ke t̄aa kè n̄ogb̄en̄o eéḡõ yezi. Eé t̄aa ke yā daro eé b̄itakee d̄õ a z̄indane deñla píngi. <sup>38</sup> Eé zeki gb̄aaan̄o t̄aa kpe da a dii ū ās̄ ḡe ū. Eé dii kè a dezin̄o d̄õroo p̄i kpe da k̄ñ vura k̄ñ kondogio k̄ñ gb̄e b̄ēdeeo k̄ñ p̄o auzikideen̄o. <sup>39</sup> Eé yā lú zeki gb̄aa gb̄ent̄en̄one bori z̄it̄on̄o t̄aa p̄i ḡaz̄i. Eé gb̄e kè ās̄o à d̄õn̄o kpe da maamaa. Eé tó ās̄ kí ble gb̄en̄o pari, eé b̀usu kp̄aatetēn̄e n̄ asaia ū.

<sup>40</sup> Tó à gur̄o lé kà, s̄ōm̄ete kpa kína é léèa z̄i, ben gu'igb̄aroo kpa kína é f̄eezi lán z̄aga'ia bà k̄ñ s̄õgoron̄o k̄ñ s̄õdeen̄o k̄ñ ḡoro'iten̄o paripari. Eé ḡe b̀usun̄zi pari à dagula. <sup>41</sup> Eé ḡe b̀usu maaazi d̄o. B̀usu paridee é léè, m̀ode ɛd̄omun̄o k̄ñ M̄abun̄o k̄ñ Am̄onin̄o gb̄ensin̄o é b̄o. <sup>42</sup> À iko é b̀usu pariin̄o le, Igipiti é b̄oro. <sup>43</sup> Eé gb̄aa ble Igipiti auziki kè utenan̄o, vura k̄ñ kondogio k̄ñ p̄o b̄ēdeen̄o píngi. Libian̄o k̄ñ Etiopian̄o é mì siene. <sup>44</sup> Baaru kè eé b̄o Ɔf̄ant̄eb̄o kpa k̄ñ gu'igb̄aroo kp̄aao é tó sw̄è k̄en, eé da z̄én̄ k̄ñ p̄of̄e b̄itao gb̄e parideen̄o kaatena k̄ñ n̄ m̄iden̄o yānzi. <sup>45</sup> Eé a kíke bisakutaa d̄o ís̄ia k̄ñ Luda kp̄ii maaao dagura. Gwen eé gan, gb̄eke é à ïan káro.

## 12

### *Gurɔ zāa zī*

<sup>1</sup> Gurɔ beeeea Mikaēli, malaika isi kè è zε kōn n gbēnɔ é fεε. Gurɔ beee nawēa égɔ bíta. Zaa boriinɔ naana gurɔ ai gurɔ beeeea à taka e ke zikiro. Gurɔ beeeea n gbē kè aɔ́ tó kú Luda takada guunɔ é bɔ. <sup>2</sup> Gbē parii kè aɔ́e ii oo tɔɔte guunɔ é vu. Aɔ́ gbēkenɔ égɔ wèndi kú eé yāaroo vī, aɔ́ gbēkenɔ sɔ́ lalandi kōn wí yāanasaio. <sup>3</sup> Gbē kè aɔ́ ɔ́ndɔ́ vīinɔ égɔ té keε lán musu pónɔ bà. Gbē kè aɔ́ tó parii bɔ maaa pìnɔ égɔ té keε lán sɔ́sɔ́nenɔ bà. <sup>4</sup> Mpi sɔ́ Daniēli, ñ yā pìnɔ ká takadan ñ koko ñ à lé nakɔ́a ai gurɔ́ pì lé gá ká. Gbē parideenɔ égɔ gaa weégɔ suu le wà dōna kaara.

<sup>5</sup> Mamɔ́ma Daniēli ma guu gwà, ben ma gɔ́n plaaanɔ è, gbē doo zεna swaa baa kè kpa, gbē doo baa káa kpa. <sup>6</sup> Aɔ́ gbē mèn doo bè gbē kè táaru bisa dana à zεna swa'ilaane: Yābɔ́nsae pìnɔ é mì de bɔ́remε? <sup>7</sup> Gbē kè táaru bisa dana à zεna swa'ilaai pì a ɔ́plaa kōn a ɔ́zεεo sè musu, ben má mà à bè kōn Gurɔ́pingide tó: Wè aagɔ́ kōn a kusuomε. Tó wà Luda gbēnɔ gbāaa fɔ́ wà yāa, yā pìnɔ gbasa wà mì de píngi. <sup>8</sup> Má mà, mɔ́de mée à bɔ́kɔ́tεna dōro, ben ma à là ma bè: Dii, yā pì gbè é bɔ́ diamε? <sup>9</sup> À wèmalaa à bè: Daniēli, ñ gá! Yā pìnɔ mì égɔ utenamε, weégɔ́ pɔ́ kúεa ai gurɔ́ lé gá ká. <sup>10</sup> Zī beeeea gbēnɔ gbāsī é kḗrma pari, aɔ́ nòse é pura kú lán wà ñ baasa bà, mɔ́de gbē zaaanɔ é keke wàgɔ́ zaa. Gbē zaa ke é yā pì dōro dōro, mɔ́de gbē kè aɔ́ ɔ́ndɔ́ vīinɔ bé wé ma. <sup>11</sup> Tó wà saa kè wè o lán guu e dɔ́ nà mì de wà tēpɔ́ guyakari pèen, gurɔ́ wàa swεεdo kpé basiigɔ́ akuri bé eégɔ́ kuu. <sup>12</sup> Aubarikadeen gbē kè eé gurɔ́ wàa swεεdo kpé baswεεplaa sɔ́rosai dā à ká ũ. <sup>13</sup> Mpi sɔ́, ñ gá ai n gurɔ́ léa. Né anduna tó gbasa ñ fεε ñ n baka le gurɔ́ zāa zī.

## YUNUSA

### *Yunusa bàalena Diine*

<sup>1</sup> Dii yā ò Amitai né Yunusanε à bè: <sup>2</sup> Ñ fεε ñ gá wétεda bíta kè wè be Nineva guu ñ kpákēñzi, zaake aō zaakεna ma kii lè. <sup>3</sup> Ben Yunusa bàa lè Diine à mì pè Tasisia. Kè à kà Yopa, à góro'ite è gwe kè èe gaa Tasisi. Kè à fīa bō, à gēn kōn gbē kè aōe gaa gweeno, èe bàa lεε Diine. <sup>4</sup> Dii ĩa gbāaa gbàre ísiaala, ben zàga'īa pāsī fēε ísiaala ai góro'ite yezi à para. <sup>5</sup> Vīa góro gbēno kù, baade e wii pεε a tāazi, ben aō góro pì asoono bōe aōe kaa ín lε góro e à futa kù. Yunusa sō pìta à gē à dàε góro gīzī, ben i bíta à sè. <sup>6</sup> Górodee gàa à à lè à bè: Bó iin néε oo lεε? Ñ fεε ñ wii pé n tāazi, wègō dōro tó eé wa wéε gwa à wa bo.

<sup>7</sup> Ben aō bèkōne: À mós wà kàbankpe kε lε wà dō gbē kè gēwazi kōn kisia kèo. Kè aō kàbankpe kè, ben à Yunusa kù. <sup>8</sup> Aō à là wà bè: Ñ owe gbē kè n de à ũ, mmōn kè n gēwazi kōn kisia kè takao. Zī kpareen néε kεε? N bo māmε? Bùsu kparee gbēn n ũu? Bori kpareen n ũu? <sup>9</sup> À wēnla à bè: Eberun ma ũ. Dii Luda Musude kè ísia kōn tōtεo kèn mεε dōnzi kεε. <sup>10</sup> Ben vīa gbē pìno kù, swè kēngu, aō bène: Bóyānzi n kè lezi? Gbē pìno dō kè èe bàa lεε Diinεmε, kè à òrīne lε yānzi. <sup>11</sup> Í kpé e góro zuzuu, ben aō à là wà bè: Dian wé kenne nà lε ísīaa busawee? <sup>12</sup> À bènne: À ma sé à ma zu ísiaan lε í busaare, zaake má dō kè māmbe ma gēazi kōn zàga'īa gbāaa kèo. <sup>13</sup> Aō nà górolīnaa lε wà e wà bikù, mōde aōe fōro, zaake í kpé e n zuzuume. <sup>14</sup> Ben aō wii pè Diizi wà bè: N yā nna Dii! Ñton wa kaate gbē kè wēndibōna yānzīro. Dii, ñton wa diε taarideeno ũ à dēna yā musuro, zaake n n poyezi dàwemε. <sup>15</sup> Ben aō Yunusa sè wà zù ísiaan, ben í pì zuzuna kpàε. <sup>16</sup> Dii yā pì tò vīa gbē pìno kù maamaa, ben aō saa òa aō lù sēne. <sup>17</sup> Ben Dii tò kpò gbēntē bō à Yunusa mō, ben à kè kpò pì gbēεen fāantē aagō gwāāvī aagō.

## 2

### *Yunusa aduakεna kpò gbēεen*

<sup>1</sup> Zaa kpò pì gbēεen Yunusa wéε kè Dii a Ludaa à bè:  
<sup>2</sup> Ma lé zù Diizi ma kagurakεna guu,  
 ben à wēmala.  
 Zaa gèwāa lòn ma wii pè,  
 ben à ma yā mà.  
<sup>3</sup> Ñ ma zu ísia lòn  
 ai zaa à guragura,  
 ísō dīdima kōn à kakanao,  
 n ísōkana fùta taa ò ma mīla.  
<sup>4</sup> Ma bè n pema bōna n kiia,  
 mōde mé εara mà wéε si  
 n kpé kè kú adonale.  
<sup>5</sup> Í ma kù ma waale,  
 í lò ma mō,  
 burugu fīkā ma mìzi.  
<sup>6</sup> Ma kpaε ai kpīiino kāsāazi,  
 tōtε zé kè wēna vīroo tātamale.  
 Ben n ma bo gèwāan,  
 n ma mì sī Dii ma Luda.  
<sup>7</sup> Kè má yezi mà anduna tó,  
 Dii, n yā dōmagu,

ben ma wée kèmma,  
à n kii le ai n kpé kè kú adonan.

<sup>8</sup> Gbē kè aō pò gina yā kūnanò kè Luda aubarikaa,

<sup>9</sup> mapi sō, mé saa omma kōn sáabukenaò,

mé lù kè má sènnèe fīa bo.

Dii bé è ní mì sí.

<sup>10</sup> Kè Dii yā dà kpò pìne, ben à Yunusa pìsi ísīaa lézi.

### 3

#### *Yunusa gana Nineva*

<sup>1</sup> Dii yā ò Yunusanè à gèn plaade do à bè: <sup>2</sup> N fèe n gá wétèda bíta kè wè be Nineva guu n yā kè má ònnèe kpàakpa keñne gwe. <sup>3</sup> Ben Yunusa fèe à gàa Nineva lán Dii òne nà. Nineva sō wéte bitame maamaa. Tá kè weé o wà wéte pì paa wà bōo kà gurò aagō tá ũ. <sup>4</sup> À gè wétèdaa pì guu à táa ò gurò do, ben à nà kpàakpakènaa à bè: Gurò baplaaa bé à gō kè weé Nineva kaate. <sup>5</sup> Ninévadeenò Luda yā sì, ben aō léyi kpàakpa kè aō pòsia utano kùníla, né féte kōn gbēnsio.

<sup>6</sup> Kè à baaru Nineva kína kii lè, à fèe a kiblekitaa à a gumusu bò à zù à uta kāsāa dà à lutè dàala nòselièna sèeda ũ. <sup>7</sup> À bè wà kpàakpa ke a wétèn lán kè bà: Lán kína kōn a ìbano diè nàn yè. Gbēnteenò kōn pókādeenò pìngi, pòblee tón gē ní lénlo, aōton í miro. <sup>8</sup> Gbēntee kōn pókādeenò uta kāsāa dada ní pìngi, aōgō wii pèe Ludazi wàgō zèàla. Baade bō a zé zaaan à ò bō yā pāsīn. <sup>9</sup> Dé bé à dō tó eé wa wènda gwa à nòse liè, à fèna pāsī yāa à wa bō kaatenan? <sup>10</sup> Kè Luda ní yākèna è kè aō bò ní zé zaaan, à ní wènda gwà, èe tó mónzi kè à diè à kpánzi ní le dōro.

### 4

#### *Dii yā dadana Yunusanè kè à gbēno wènda gwa*

<sup>1</sup> Yā pì kè Yunusanè zaa ai, ben à pò fè. <sup>2</sup> À wée kè Diia à bè: N yā nna Dii! Mée yā beee o zaa ma bùsunloo? Beee yānzin ma bàa sì mée taa Tasisizi! Zaake má dō ke ní sùu kōn wèndaao vī. N pōo è fè kpakpaaro, ní gbēke bíta vī, nèe yā da n nòsenlo. <sup>3</sup> Tia sa Dii, n ma sé, zaake ma ga wée sì de ma kuunala. <sup>4</sup> Dii bène: À maa n pò fèé?

<sup>5</sup> Yunusa bò wétèdaa pì guu à gàa à vèe òfántèbōe kpa. À kutaa dō gwe à kú à guu, èe yā kè eé wétèdaa pì lee dāa. <sup>6</sup> Ben Dii tò zāgā fèe à òra kpà Yunusala le à nawēa e à lago. Zāgā pì yā tò Yunusa pōo kè nna maamaa. <sup>7</sup> Kè guu dō, ben Ludaa tò kòkò mò à zāgā pì zō, ben à kori kù à gà. <sup>8</sup> Kè òfántè fèe à gbāa kù, Luda bò kōn ía wāaao òfántèbōe kpa, ben òfántè e à lèe a mìa. Kè à yèe vī dōro, ben à ga ni dè à bè: Ma ga wée sì de ma kuunala. <sup>9</sup> Ben Luda bène: À maa n pò fè zāgā beee yā musuó? Ben à bè: À maa, à kà mà pò fè ai mà ga. <sup>10</sup> Ben Dii bène: Zāgā kè née à zīi kero, míbe ní tò à gbàro, ben à kènne wènda. À fèe gwāavī dooa, ben à gà gwāavī do. <sup>11</sup> Mapi sō, à maa wétèda bíta Nineva keme wèndaroo? Aō né kè aō òplaa dōkōzi kōn òzèeroonòo parii de bōro baswèedoola bensō aō pókādeenò kpèese.



# ZAKARI

## 8

### *Dii légbēna Isarailinɔ yā musu*

<sup>1</sup> Dii Zìkpɛde yā sùma à bè:

<sup>2</sup> Mamɔma Dii Zìkpɛde ma bè,  
mée nòsɛgɔaanɔ kpaa Zayɔn yā musu maamaa,  
èe ma nòsɛ kpataa pāsīpāsī.

<sup>3</sup> Mamɔma Dii ma bè,  
mé ɛara mà su Zayɔn,  
mé v̄ɛ Yerusalemu.  
Weé be Yerusalemunɛ Wéte Yāpurade,  
weé be mamɔma Dii Zìkpɛde kpíiine Luda Kpíi.

<sup>4</sup> Mamɔma Dii Zìkpɛde ma bè,  
gɔ gbēnsinɔ kɔn nɔ gbēnsinɔ  
é ɛara wà káe Yerusalemu gāalenɔa,  
baade kɔn a gòo kūna  
kè aɔ zi kù yānzi.

<sup>5</sup> Gɔkparɛnɔ kɔn nɔkparɛnɔ  
é wéte pì gāalenɔ pa dɔ,  
aɔégɔ kɔkɔ oo à zédaanɔ guu.

<sup>6</sup> Mamɔma Dii Zìkpɛde ma bè,  
Yā pì é bɔ borii kè gbē kpaaa kè aɔ gɔnɔ sae gurɔ beee,  
mɔde eé bɔ ma saero.  
Mamɔma Dii Zìkpɛde mámbe má ò.

<sup>7</sup> Mamɔma Dii Zìkpɛde ma bè,  
mé ma gbēnɔ bɔɛ ɔfántɛbɔɛ kpa bùsunɔn  
kɔn ɔfántɛgɛkpen kpa bùsunɔo,

<sup>8</sup> mé suńyo aɔgɔ kú Yerusalemu,  
aɔé gɔ ma gbēnɔ ũ,  
mégɔ deńne Luda náanɛdee ũ a zéa.

<sup>9</sup> Mamɔma Dii Zìkpɛde ma bè, amɔanɔ kè ée yā kèkii maanɔ annabinɔ lézī zaa gurɔ kè wà ma kpé ɛe dàe ai gbàa, à aĩa ke kpé pì bonazi. <sup>10</sup> Ai gurɔ pì gàa à kào gbēnteenɔ kɔn pókādeen è asaiapɔ e zī guuro. Gbē kè èe gaa kɔn gbē kè èe suuo aafia vīro n̄ ibɛenɔ yānzi, zaake má tò wà íbete kpà kɔo kɔ t̄ɛɛ. <sup>11</sup> Mɔde mé yā ke borii kè gbē kpaaa kè aɔ gɔnɔne tia lán yāa bàro. Mamɔma Dii Zìkpɛde mámbe má ò. <sup>12</sup> Ludambɛɛ é mɔdɔ kpá, blɛwɛɛ égɔ aafia, geepi línɔ é né i, tɔɔte é pòblee ke. Mé pò pìnɔ kpá borii kè gbē kpaaa kè aɔ gɔnɔa gbaa ũ. <sup>13</sup> A Yudanɔ kɔn Isarailinɔ, lán a gɔ gbē kè boriinɔ è n̄ ká kɔn a tóonɔ ũ nà, len mé a mì sí mà tó wà aubarika dańgu kɔn a tóo le dɔ. Àton tó vīa a kūro. À aĩa ke.

<sup>14</sup> Mamɔma Dii Zìkpɛde ma bè, lán ma zɛo ma mónzi kpàazi gurɔ kè a dezinɔ ma pɔɔ f̄ɛme nà, ben mée a wēnda gwaro, <sup>15</sup> len ma zɛo le dɔ mà à maaa ke Yerusalemudeenɔne kɔn Yudanɔ n̄ pínɡi gurɔ kènɔa. Mamɔma Dii Zìkpɛde mámbe má ò. Àton tó vīa a kūro. <sup>16</sup> Yā kè égae keɛn yè. A baade gae yāpuraa o a gbēdaaanɛ. Àgae yā gɔgɔ a zéa nnanna a yākpaekɛkiinɔn. <sup>17</sup> A gbēke tón a gbēdaaaa kpákpa a zaaaro. Egetona kɔn ma tóo tón kearero, zaake ma za yā pìnɔn pínɡi. Mamɔma Dii Zìkpɛde mámbe má ò.

18 Dii Zìkpede yā àara sùma à bè: 19 Mamoma Dii Zìkpede ma bè, lé kè eègō yii mō siigōdee guu kōn mō sōrodeeo kōn mō swēēplaadeeo kōn mō kurideeo é gō a Yudanone zībaa maa kè é pōnnaa ken kōn yáadōnao ũ. Beee yānzi à wete àgō kuu kōn yāpuraao kōn aafiao. 20 Mamoma Dii Zìkpede ma bè, boriinō kōn wētēdeenō é mó pari ai tia. 21 Weé gá okōne wētē kōn wētēo wà be: Wà gá Dii kii wete wà Dii Zìkpede pì wēe wete. Mapi mé gá se. 22 Boriinō kōn būsū gbāade gbēnō é mó ma kii wete pari Yerusalemu le wà ma wēe ke. 23 Mamoma Dii Zìkpede ma bè, zī pìn gōōn kuri kè aō bō bori kōn boriio guunō e Yuda mèn do kū a uta léa wà benē, wé gānyomē, zaake wá mà kè Ludaa kúao.

## 9

### *Yā vēēna Isarailinō ibēēnōa*

1 Dii é yā da Adaraka būsula,  
eé tó yā vēē Damasikua,  
zaake gbēntee wēē kú Diia  
kōn Isaraili boriinō n pīngi.  
2 Yā pì é vēē Amataa dōme  
kōn Tayao kōn Sidō,  
baa kè ōndōrinōme maamaa.  
3 Tayadeenō bīi gbāaa bō wà liga n wētēzi,  
aō kondogi kākōānzi lán būsū'āatē bà,  
aō vura nānakōānzi lán zé guu būsuti bà.  
4 N gwa! Dii é n pōnō símā,  
eé zé kè aō vī ísiaala mī de.  
Té bé eé n wētē pì ble.  
5 Asakēbnideenō é e, vīa é n kū.  
Gazadeenō é petee bo kōn wāwāao  
kōn Ekēōnideenō dō,  
zaake tāmaa é n néme.  
Gazadeenō é kora n kīnazi,  
Asakēbni é gō bezi ũ.  
6 Bori pāndenō é Asadōdi sí,  
Dii é Filisitininō wada mī de.  
7 Eé nōbō kōtokpasai bō n lézi,  
eé tēpō bō n lén.  
Aō gbē kè gōnō é gō wa Luda pō ũme,  
aōé gō lán Yudanō bori gāli ke bà,  
Ekēōnudeenō é gō à gbēnō ũ  
lán Yebusinō kè nà.  
8 Dii é a būsū kōn a gbēnō dākpa  
zìkari kè aōe mō léēmānō yānzi.  
Gbāamōnnerinō é gbāaa bleńma dōro,  
zaake égō wēe tēnzime sa.

### *Zayōn Kína mōna*

9 A Zayōndeēnō à pōnnaa ke maamaa,  
a Yerusalemudeenō à áyuwi ke.  
À gwa, a kína e mōōwa,  
è yā ke a zéa bensō zīblerime.  
À nōse yīi bensō à di zaaki kpēē,  
à di zaakine bōrō kpēē.

10 Eé s̄goronɔ bɔɛ Eflaimu b̄usun,  
 eé tó z̄ikas̄onɔ ḡɔ kú Yerusalemu d̄oro,  
 weé z̄ikasanɔ é'ε.  
 Eé aafia kpàakpa ke bori p̄ingine,  
 eé kí ble zaa ísia léa kè k̄on à léa k̄āao,  
 zaa Yuflatizi ai anduna léa.

11 Amɔa kè á de z̄izonɔ ũ s̄,  
 mé a bɔɛ w̄éé ísai p̄in  
 ma bà kuunaao aru yānzi.

12 Z̄iz̄ɔ t̄āmaadeenɔ, à su a w̄éte b̄iideen,  
 baa gb̄āa méé ooare, mé s̄okpaare leo plaa.

13 Yudanɔn ma sá kè m̄éè gá ũ,  
 Eflaimunɔn ma kà kè m̄éè kpáàla ũ.  
 Mé Zayɔndee p̄inɔ gbare Girikinɔa,  
 ās̄é ḡōm̄e lán ḡōsagb̄āaa f̄ēdaa bà.

14 Zaa musu Dii é bɔ à mó a gb̄e p̄inɔa,  
 à kà é ḡēte lán loupina bà.  
 Dii Luda é k̄ākāki pé,  
 eé mó zaa s̄om̄ete kpa z̄aga'īa guu.

15 Dii Z̄ikpede é ɔ liga a gb̄ēnɔzi,  
 ās̄é n̄ ib̄eɛnɔ ke gyáigyai k̄on gb̄embagbenɔ.  
 Ās̄é n̄ aru mi wà pata lán w̄ēm̄iri bà,  
 ās̄é ke z̄im̄zim lán taa kè w̄é aru f̄āo sa'okiia bà.

16 Dii n̄ Luda é n̄ m̄i sí z̄i p̄ia a kpàsa s̄āanɔ ũ,  
 ās̄éḡō té kee à b̄usun lán k̄ifura gb̄è b̄ēdeɛnɔ bà.

17 Ās̄ maak̄eé é gb̄e w̄éé ble fá!  
 P̄ów̄eé é tó ḡōkparenɔ f̄eena ḡō nna,  
 geepiw̄eé é tó n̄okparenɔ m̄è kpá.

## 10

### *Dii ɔligana Yudanɔzi*

1 À lou gbeka Diia laud̄eɛdeguro,  
 zaake Dii bé è tó lou sisi,  
 è tó lou mañne,  
 è tó bura p̄onɔ ke baaden̄e.

2 T̄āanɔ è yā ḡè o,  
 m̄àsok̄er̄inɔ è yā ege e.  
 W̄éegupu'er̄inɔ yā né m̄onafikiyām̄e,  
 ās̄ gb̄ēnɔ n̄s̄ekpaenn̄ena né yā p̄āam̄e.  
 Beee yānz̄in gb̄ēnɔ lik̄ōana lán s̄āanɔ bà,  
 ās̄ kú naw̄ēan kè ās̄ d̄āri v̄iro yānzi.

3 Ma p̄ɔɔ f̄ēna ās̄ d̄ārinɔzi,  
 mé w̄éé t̄ā n̄ d̄on'āeɛde p̄inɔa.  
 Mam̄oma Dii Z̄ikpede  
 mé ɔ liga Yudanɔzi ma kpàsa p̄onɔ ũ,  
 mé n̄ ke lán s̄ō kè k̄ai nna z̄ilan bà.

4 Ēdāegbe é bɔ n̄ té,  
 kuta líp̄e k̄on z̄ikasao é bɔ gwe,  
 kpatabler̄inɔ é bɔ gwe n̄ p̄ingi.

<sup>5</sup> Aãégõ de gõsagbãaanõ ù,  
aãé kèse péεπεε ní ibεενοα zìkazenõn botõnga ù.  
Lán má kúnyo nà, aãé zì ká wà sõdeenõ fu.

<sup>6</sup> Mé Yudanõ gba gbãaa,  
mé Yusufu boriinõ mì sí,  
mé suñyo ní gwena ziin, kè má ní wēnda ví yānzi.  
Aãégõ de lán mée ní zīnna yāroo bà,  
zaake māmbe Dii ní Luda ù, mé yā weñla.

<sup>7</sup> Eflaimunõ égõ gõsagbãaanõ ù,  
aõ pɔɔ égõ nna lán wēε ní kū bà.  
Aã néno é e wà pɔnnaa ke,  
aõ pɔɔ é ke nna Diia.

<sup>8</sup> Mé swee péñzi mà ní kakõa,  
mé ní bo, aãé pari kū lán yāa bà.

<sup>9</sup> Baa tó ma ní fāakõa boriinõ té,  
ma yā égõ dõngu zaa bùsu zāazānoa.  
Aõpino kõn ní néno égõ kuu aõ su.

<sup>10</sup> Mé ní bɔε Igipiti bùsun mà suñyo,  
mé ní kakõa Asiria bùsun  
mà suñyo Giliada bùsun kõn Lebanoõ.  
Guu é móm̄maro.

<sup>11</sup> Aãé bikū Igipiti ísiaaa,  
aãé à í kokonano fu,  
Nili í lònõ é baba.  
Asirianõ wada é kpáε,  
Igitinõ iko é yāa.

<sup>12</sup> Mamõma Dii Zìkpεde ma bè,  
ma gbẽno é gbãa e ma guu aõgõ témazi.

## 11

<sup>1</sup> Lebanoõ bùsu, ñ zé wē  
le n sida línõ té kū.

<sup>2</sup> Pini línõ, à sósobi óɔ dɔ,  
zaake sida línõ lèε, gakuidee pino yàka.  
Basã bùsu gbíi línõ, à sósobi óɔ dɔ,  
zaake líkpε sisina pì kwè.

<sup>3</sup> Sādārinõ sósobi ó dɔ,  
zaake aõ sādāki maaano yàka.  
Músunõ wiii dɔ,  
zaake Yoda dàko kàate.

### *Sadāri maa kōn sādāri bèεsaideeo*

<sup>4</sup> Dii ma Luda bè mägõ sãa kè de wà ní kòto kpánõ dākpa, <sup>5</sup> zaake aõ lùrinõ è ní kòto kpámε, wè wée tām̄maro. Aõ yàrinõ sõ è be wa sáabu kè Diine, zaake wa ɔɔdaa lè wá kū. Aõ dāri pino è ní wēnda gwaro. <sup>6</sup> Dii bè é anduna gbẽno wēnda gwa dɔro, é tó aõ lée kō ɔzĩ kō ní kínano ɔzĩo dɔ. Aãé anduna dúgu zõ bensõ é gbēke bɔ ní ɔzĩro. <sup>7</sup> Ben ma sãa kè de wà ní kòto kpánõ dàkpa, atēnsa kè wèe wée tām̄mano. Ben ma gò sè mèn plaa ma tó kpánne. À doo tón Gbēkεε, à doo sõ Lεdole, ben mée sãa pino dākpaao.

<sup>8</sup> Mɔ doo guu ma sādāri gõon aagõ m̀no kàate. Ma sãano ye ma kãziro, ben ma fur̄ma. <sup>9</sup> Ma bè sãanoε mé ní dākpa dɔro, à kè aõε gaano ga, à kè aõε kaatenõ kaate, kpaaa kè g̀no kō só. <sup>10</sup> Ben ma a gò kè ma tó kpāne Gbēkεε sè má è ma a bà kuuna kōn bori pínio

gbòro. <sup>11</sup> Bàkuunańyo pì gboroguro ɔ̀ pìn sãa kè wée tãańmanɔ̀ kè aɔ̀e ma gwaanɔ̀ dɔ̀ sa kè yã pì b̀ Dii kiiame. <sup>12</sup> Ma bè sãanɔ̀ne tó à kèńne, aɔ̀ ma asaia kpáma. Tó len sɔ̀ro, aɔ̀gɔ̀ n̄ pɔ̀ kũna. Ben aɔ̀ fĩa b̀ome kondogi ɔ̀ mèn baaakuri. <sup>13</sup> Dii bème mà a luna ɔ̀ kè aɔ̀ tɔ̀kè pì zu oroborine, kè èe ɔ̀ b̀ de beelaroo pì, ben ma kondogi ɔ̀ mèn baaakuri pìnɔ̀ sè má zù oroborine Dii ua guu. <sup>14</sup> Ben ma a gò plaadee kè ma tó kpàne Lɛdole sè má è ma gbẽke kè Yudanɔ̀ kɔ̀n Isarailinɔ̀ v̄ĩ kɔ̀o gbòro.

<sup>15</sup> Ben Dii bème mà sãdãri bèesaidee dada sa, <sup>16</sup> zaake é sãdãri die n̄ b̀usun kè eéɔ̀ làakari dɔ̀ sãa kè aɔ̀e kaatenɔ̀aro, eé à kè fáakɔ̀aanɔ̀ wetero, eé èzè ke à kè kènnanɔ̀nero, eé à kè gbãaanɔ̀ gwaro. Eé sã mèkpananɔ̀ kèsesɔ̀ woto à n̄ só.

<sup>17</sup> Wãiyoo sãdãri bèesaidee kè è pã kpá sãanɔ̀zi!

Weé à lé fèedaao a gãsãa kɔ̀n a wée ɔ̀plaaɔ̀,  
à gãsã pì é gazi, à wée pì é nan kpáturugu.

## 12

### *Dii Yerusalemu b̀na bori píngi ɔ̀zĩ*

<sup>1</sup> Yã kè Dii ò Isarailinɔ̀ musun yè. Dii kè musu kpàe à tɔ̀te kàe bensɔ̀ è nini í kása gbẽntee guu bè: <sup>2</sup> À gwa! Mé Yerusalemu ke lán togoo kè à í é borii kè aɔ̀ ligazinɔ̀ tàtaa pá bà. Aɔ̀é Yerusalemu kagura ke kɔ̀n Yudanɔ̀ b̀usuo píngi. <sup>3</sup> Zĩ pìa tó anduna boriinɔ̀ píngi à kagura kè le, mé Yerusalemu ke bori píngine gbèsi kè sí séroo ũ. Gbẽ kè èe wetee à sé píngi é à zĩnda kèna. <sup>4</sup> Zĩ pìa mé tó gídi gè sɔ̀nɔ̀n píngi, mé b̄an zĩ n̄ dirinɔ̀a. Mamɔ̀ma Dii mámbe má ò. Ma wée éɔ̀ wèna Yudanɔ̀ yã musu, mé boriinɔ̀ sɔ̀nɔ̀ v̄ia kũńne. <sup>5</sup> Yudanɔ̀ kɔ̀nanɔ̀ é be n̄ swèn, Yerusalemudeenɔ̀ gbãa, kè Dii Zìkpeden n̄ Luda ũ yãnzì.

<sup>6</sup> Zĩ pìa mé tó Yudanɔ̀ kɔ̀nanɔ̀ gɔ̀ lán téyɔ̀ kè kú yàka gbáru bà, lán sète kè sɔ̀tɔ̀ sè bakaanɔ̀ guu bà. Aɔ̀é gbẽ kè aɔ̀ ligańzinɔ̀ sãsa ɔ̀plazi kɔ̀n ɔ̀zezio, Yerusalemu éɔ̀ kaena a gbèn. <sup>7</sup> Mamɔ̀ma Dii mé Yuda wétɛnɔ̀ b̀ káaku, le Dauda boriinɔ̀ gakui kɔ̀n Yerusalemudeenɔ̀ pɔ̀o tóngɔ̀ de Yuda kpaaanɔ̀ pɔ̀laro. <sup>8</sup> Zĩ pìa mamɔ̀ma Dii mé ɔ̀ kú Yerusalemudeenɔ̀la. Zĩ pìa aɔ̀ gbãasaideenɔ̀ é gbãa e lán Dauda bà, Dauda boriinɔ̀ sɔ̀ é gbãa e lán Luda bà, lán Dii Malaika kè dɔ̀ńne ae bà. <sup>9</sup> Zĩ pìa mé ze kɔ̀n borii kè aɔ̀ mò léé Yerusalemuanɔ̀ kaatenao n̄ píngi.

### *Yudanɔ̀ aedɔ̀na Diia*

<sup>10</sup> Mé ma Ninii pisi Dauda boriinɔ̀a kɔ̀n Yerusalemudeenɔ̀ n̄ píngi, le aɔ̀ ma sùu dɔ̀ aɔ̀ adua ke, aɔ̀ mamɔ̀ma kè aɔ̀ ma zɔ̀o gwa. Aɔ̀é sósobi ɔ̀ dɔ̀ à yã musu lán wè dɔ̀ né mèn doo gana yã musu nà. Aɔ̀é pɔ̀siaa kene lán wè ke daudu gana yã musu nà. <sup>11</sup> Zĩ pìa Yerusalemudeenɔ̀ sósobi ɔ̀dɔ̀na éɔ̀ de lán sósobi ɔ̀ kè wà d̀ Adadarimɔ̀ Megido gusararaan bà. <sup>12</sup> B̀usu pì gbènɔ̀ é sósobi ɔ̀ dɔ̀ fáandi kɔ̀n fáandio, Dauda boriinɔ̀ n̄tèe, aɔ̀ nɔ̀gbènɔ̀ n̄tèe, Natã boriinɔ̀ n̄tèe, aɔ̀ nɔ̀gbènɔ̀ n̄tèe, <sup>13</sup> Levinɔ̀ n̄tèe, aɔ̀ nɔ̀gbènɔ̀ n̄tèe, Simeì boriinɔ̀ n̄tèe, aɔ̀ nɔ̀gbènɔ̀ n̄tèe, <sup>14</sup> kɔ̀n bori kpaaanɔ̀ n̄tèetèe, aɔ̀ nɔ̀gbènɔ̀ n̄tèetèe dɔ̀.

## 13

<sup>1</sup> Zĩ pìa íbókii é wè Dauda boriinɔ̀ne kɔ̀n Yerusalemudeenɔ̀ durunkènnena kɔ̀n gbãsíbɔ̀nnenaɔ̀ yãnzì. <sup>2</sup> Zĩ pìa mé tãanɔ̀ tó mì de n̄ b̀usun, aɔ̀ yã éɔ̀ dɔ̀ gbẽken dɔ̀ro. Mamɔ̀ma Dii Zìkpede mámbe má ò. Mé annabi egeenɔ̀ mì de n̄ b̀usun kɔ̀n wegũna kè aɔ̀e n̄ gba lénɔ̀. <sup>3</sup> Tó gbẽ kpé e annabikéyã oo, à de kɔ̀n à da'inao é bene à gàn gwe, zaake à egee tó kɔ̀n ma tóme. Tó èe annabikéyã oo, à de kɔ̀n à da pìnɔ̀ bé wé à zɔ̀ wà de. <sup>4</sup> Zĩ pìa annabi sãnda píngi é wí de kɔ̀n yã kè èe ee onao. Aɔ̀é annabi pókã uta da aɔ̀ gbènɔ̀ sãsaɔ̀ dɔ̀ro. <sup>5</sup> Eé be annabin a ũro, búbarin a ũ, ée buraa kee zaa a òwazikegurɔ̀me. <sup>6</sup> Tó wà à là: Bó b̀ogbe bé kú n̄ ɔ̀nɔ̀a sɔ̀? Eé be: É'e! Ma kèna ma gbènɔ̀ beme. <sup>7</sup> Mamɔ̀ma Dii Zìkpede ma bè: Fèeda, n̄ fèe ma sãdãrizi, gɔ̀ kè de ma gbèndoo ũu pì.

Ñ ma sādāri pì lé, sāano é fāakōa,  
mé ɔ t̄s̄ aō gbē kpēedeena.

<sup>8</sup>Weé b̄usu gbēno leo plaaa lé wà n̄ d̄ede,  
m̄ode leo doo é ḡō à guu.

Mamoma Dii m̄ambe má ò.

<sup>9</sup>Mé leo doo pì baasa k̄on téo lán kondogi baasana bà.  
Mé n̄ maaa ȳō mà gwa lán wè vura maaa ȳō wà gwa nà.  
Aōé ma sísi, mé weñla.  
Mé be ma gbēnon n̄ ũ, aōé be Diin n̄ Luda ũ.

## 14

### *Z̄i z̄aade k̄on Dii sunao*

<sup>1</sup>À gwa, Dii gur̄o e m̄o, weé a p̄ono síawa wà kpaatetek̄one a wáa. <sup>2</sup>Dii é bori píngi kakōa Yerusalemuzi, le aō z̄i káao aō wéte pì sí. Aōé kp̄eno kpoke, aōé kusi n̄gbēno. Weé tá k̄on wéte pì deeno kpadoo z̄iz̄on ũ, m̄ode weé n̄ kpadoo kè aō ḡon b̄oe wéte pì guuro. <sup>3</sup>Dii é m̄o z̄i ká k̄on borii p̄ino lán è ke nà yā z̄ikagur̄o <sup>4</sup>Z̄i p̄ia Dii é gbá pée Kùkpe sísi m̄is̄ont̄ea Yerusalemu ɔf̄ant̄eb̄oe kpa. Sísi p̄i é parak̄ore plaa naana zaa ɔf̄ant̄eb̄oe kpa ai ɔf̄ant̄eḡekpen kpa, à guzure é ḡō bíta maamaa. Sísi p̄i kpadoo é tá gu'igb̄aroo kpa, à kpadoo s̄o s̄omete kpa. <sup>5</sup>É bàa lé à tá sísi p̄ino guzuren, zaake guzure p̄i é gá pé Azeliame. É bàa lé lán a dezino bàa lè t̄ote lugaluganan̄e Yudan̄o kí Uzia gur̄o nà, Dii ma Luda é m̄o k̄on a gbē kè aō kú adonan̄o l̄edo.

<sup>6</sup>Z̄i p̄ia gupuraa é ḡō kuuro, p̄ogupurino é guu pu d̄oro. <sup>7</sup>Z̄i p̄i é b̄o adona, f̄aant̄e ke gw̄av̄i é ḡō kuuro. Dii bé à gur̄o p̄i d̄o. Tó uusie kè, guu é pu. <sup>8</sup>Z̄i p̄ia í w̄endide é b̄o Yerusalemu à bàa lé, à kpadoo é tá ɔf̄ant̄eb̄oe kpa ai s̄ebe wisideen, à kpadoo é tá ɔf̄ant̄eḡekpen kpa ai ísiaan kw̄ee k̄on buusieo píngi. <sup>9</sup>Dii bé é ḡō de anduna píngi Kína ũ. Z̄i p̄ia àmbe é ḡō Dii ũ ado, à tó bé é ḡō kuu ado. <sup>10</sup>B̄usu p̄i píngi é ḡō gusararaa ũ naana zaa Geba ai Rim̄o kè kú Yerusalemu s̄omete kpa. M̄ode Yerusalemu é ḡō kaena a gb̄en musumusu naana zaa Beyāmi b̄iile ai B̄iile Káaku k̄on Gooda B̄iileo, naana zaa Anan̄eli b̄i lez̄i ai kí geepi'if̄ekia. <sup>11</sup>Weé ḡō kú à guume, weé kaate ziki d̄oro. Yerusalemu é ḡō aafia.

<sup>12</sup>Gagyāa kè Dii é ká borii kè aō l̄ee Yerusalemuan̄on̄n̄ yè. Aō m̄e é ḡō v̄aa zena, aō w̄ee é v̄a a t̄oon, aō n̄ene é v̄a n̄ lén. <sup>13</sup>Z̄i p̄ia Dii é tó ḡidi ḡéngu maamaa, aōé k̄o k̄uk̄u k̄o ɔɔa wà léek̄o. <sup>14</sup>Yudan̄o é z̄i ká Yerusalemu n̄ píngi aōé z̄i ble borii kè aō ligan̄zin̄o, aōé n̄ auziki nak̄o, vura k̄on kondogio k̄on p̄okāsāano kè bíta. <sup>15</sup>Gagyāa p̄i é ká s̄on̄on se k̄on b̄aagās̄on̄o k̄on lakumino k̄on zaakin̄o k̄on p̄okādee kè kú gbē p̄ino b̄uranno píngi.

<sup>16</sup>Bor̄ii kè aō m̄o wà l̄ee Yerusalemua p̄ino, aō gbē kè aō ḡon̄o é ḡō gaa gwe wè k̄on w̄eo le wà d̄onzi ke kí Dii Z̄ikpedene aō Kutad̄ona z̄ibaa ke. <sup>17</sup>Tó anduna bori kee e gá Yerusalemu d̄onzi ke kí Dii Z̄ikpeden̄ero, lou é mañ̄eo. <sup>18</sup>Tó Igipitino e gá z̄ibaa p̄i kero, lou é mañ̄ero bens̄o Dii é gagyāa kè è ká borii kè aōé gá z̄ibaa p̄i keroon̄on kán̄gume. <sup>19</sup>W̄ee kè eé t̄a Igipitino k̄on borii kè è gá z̄ibaa p̄i keroon̄an gwe. <sup>20</sup>Z̄i p̄ia weé k̄e s̄o angotan̄o wà be: Dii p̄o. Dii kp̄e d̄agan̄o é ḡō s̄enkpe k̄on sa'oki taan̄ome. <sup>21</sup>Oroo kè kú Yerusalemu k̄on Yudan̄o b̄usuono é ḡō Dii Z̄ikpede p̄o ũ píngi. Gbē kè aōé m̄o saa oono é sé wà n̄b̄o f̄ufu keo. Z̄i p̄ia latari é ḡō kú Dii Z̄ikpede ua d̄oro.

## MALAKI

### *Sa'onaya*

<sup>1</sup> Yá kè Dii ò Isarailinɔne Malaki gāzīn yè. <sup>2</sup> Mamɔma Dii ma bè má yeazi, ben a bè ma yeazi diamε? Mamɔma Dii ma bè Isau né Yakubu v̄inloo? Baa k̄n beeeo Yakubun má yezi <sup>3</sup> ma gi Isauzi, ben ma à gusīsīdee lì gugbagaaga ũ, ma à b̄usu kè gbáa gbēngboonɔ kúkii ũ. <sup>4</sup> Edomu gbē p̄inɔ bè wà n̄ wétɛnɔ dúgu z̄ò, weé εara wà n̄ bez̄inɔ fεε. Ben mamɔma Dii Z̄ikpɛde ma bè: Tó wà kèke wà kàε, mé gboro, weé beñne B̄usu Zaa gbēnɔ, gbē kè Dii pētē kēñzi ai guro p̄inginɔ! <sup>5</sup> É wée si yā p̄ilɛ à be Dii bíta ai Isarailinɔ b̄usu baa k̄aa kpa.

<sup>6</sup> Né è a de kpe da bens̄o z̄òbleri è a dii kpe da. Kè má de a De ũ, ée ma kpe daaó? Kè má de a Dii ũ, á ma v̄ia v̄iós? Mamɔma Dii Z̄ikpɛde mámbe mée a laa. A sa'orinɔ ámbɛ ée kya kaamagu. Eè be: Dian wa kya kàngu nà? <sup>7</sup> Kè a kya kà ma teebun yānzimε. Eè mó ma gbāgbākiiia k̄n p̄óble gbās̄io. Eè be: Dian wa n gbāgbākii gbās̄i lè? <sup>8</sup> Kè a m̄o saa oma k̄n p̄ókāde v̄ianɔ, yā zaaan gweroo? Kè a saa òma k̄n p̄ó εrenɔ k̄n à gyāreenɔ, yā zaaan gweroo? À gá kpá b̄usu gbēnsia à gwa, tó a yā é kánε à a sáabu kpá. Mamɔma Dii Z̄ikpɛde mámbe mée a laa.

<sup>9</sup> À agbaa kpámε mà a wēnda gwa. M̄ode tó p̄ó beee takanɔ kú a ɔz̄i, mé síó? Mamɔma Dii Z̄ikpɛde mámbe mée a laa. <sup>10</sup> Wà be a gbēke gaa à ma ua zé tàta yā, lε wàton gē wà té pek̄ore ma gbāgbākiiia p̄aro. Beee s̄aò. Mamɔma Dii Z̄ikpɛde mámbe má ò. A yā e keemε nnaro, mé a gba síro. <sup>11</sup> Zaa ɔfāntēb̄oε kpa ai à gēkiia ma tó éḡo bíta boriinɔ té. Weé tuaetiti kpátamε weé móme k̄n gba gbās̄isainɔ gu p̄ingia, zaake ma tó éḡo bíta boriinɔ té. Mamɔma Dii Z̄ikpɛde mámbe má ò. <sup>12</sup> M̄ode apinɔ eè d̄oke k̄n ma tóo eè be ma teebu gbās̄i v̄i, ben eè saa oa k̄n p̄ókāde ginanɔ. <sup>13</sup> Mamɔma Dii Z̄ikpɛde ma bè: Eè be a kpasao k̄n yā p̄io, ben eè lézukii kea. Tó a m̄o ma gbāgbā k̄n p̄ó k̄òkūnanɔ k̄n p̄ó εrenɔ k̄n p̄ó gyāreenɔ, mé beeenɔ síó? Mamɔma Dii mámbe mée a laa. <sup>14</sup> M̄onafikidee kè p̄ó kyà v̄i a kp̄asan kè à lé gbēmε, ben à gaa à ma gbāgbā k̄n p̄ó seedeeo à ḡε ũ, ma láari kè adeea. Zaake mámbe Kína bíta ũ, ma tó è boriinɔ naasi k̄u. Mamɔma Dii Z̄ikpɛde mámbe má ò.

## 2

<sup>1</sup> Mamɔma Dii Z̄ikpɛde ma bè: A sa'orinɔ a yān yè sa. <sup>2</sup> Tó ée ma yā maro, tó ée da a swèn à ma tó b̄oro, mé láari keawa lε àton ḡo aubarika v̄iro. Má b̄oagu se kò, zaake ée da a swèn a ma tó b̄oro. <sup>3</sup> À ma! Mé kpākē a boriinɔzi a yānzi, mé z̄ibaa sa'oponɔ gb̄ò l̄l̄b̄ a uua, weé a s̄ée wà a kwé. <sup>4</sup> Éḡo d̄o sa kè ma yā beee diεare lε ma bà kuuna k̄n Levi boriinɔ ḡo kuu. Mamɔma Dii Z̄ikpɛde mámbe má ò. <sup>5</sup> Ma bà kuunañyo p̄i guu ma wēndi k̄n aafiao kp̄ám̄ma lε aōḡo ma v̄ia keε, ben aō ma v̄ia kè, ma tó naasi n̄ k̄u. <sup>6</sup> Yādannena yāpura da n̄ lén, wée egeyā ma n̄ lénlo. Aō táa òmao k̄n ledoleo k̄n n̄s̄e puraa, aō gbēnɔ b̄ò à zaa guu pari. <sup>7</sup> À maa sa'ori ḡo d̄na v̄i lε gbēnɔ e wà yādannena ma à léz̄i, zaake àmbɛ mamɔma Dii Z̄ikpɛde z̄iri ũ. <sup>8</sup> Am̄o s̄o a kē zéa, a yādannenanɔ tó gbēnɔ fù pari, a ma bà kuuna k̄n Levi boriinɔ gb̄oro. Mamɔma Dii Z̄ikpɛde mámbe má ò. <sup>9</sup> Ben má tò wà kya kàagu ma a kēsā gbē p̄ingi kiia, kè ée té ma tuubaziro bens̄o eè gbēnɔ t̄è bo doka musu.

### *Gina n̄ɔzi yā*

<sup>10</sup> À de wa p̄ingi De mèn dome? À de Luda d̄onk̄o bé à wa keε? Bó bé à tò weé yāfεε kek̄nε? Wa Luda bà kuuna k̄n wa dezinɔ yā gb̄oro. <sup>11</sup> Yudanɔ yāfεε kè aō yā zaa kè Isarailinɔ b̄usun k̄n Yerusalemuo, zaake aō n̄o tāagbāgbārinɔ s̄è wà Dii kp̄é kè à yezi gbās̄i

lèo. <sup>12</sup> Gbē kè yā beee taka kè, Dii à kē Yakubu boriinɔ, baa tó déme, baa tó à mò kōn gbaanɔ Dii Zìkpɛdenɛ.

<sup>13</sup> Yā plaadee kè eè keen yè. Eègō ɔɔ dɔɔ àgō wii pɛɛ, a wée'i ègō kú Dii gbāgbākiia, kè èè wée sé à gbaa kè a mɔnɛ gwa gbasa à sìro yānzi. <sup>14</sup> Eè be: Bó bé à mò kōn yā kèo? Kè Dii bé sèedadee ũ a dagura kōn n gōkparekegurɔ nɔkpammao yānzime. Zaake n nɔkpamma pìn n gbēndoo kè a kō yā mà ũ, ben n yāfɛɛ kènɛ. <sup>15</sup> À de Dii a ke mè dōnkō ũ le a mè kōn a léo gō dōnkō yānzime? Bón Luda a pɛɛ a mèdōnkōkɛ pì musuu? Le a néno e wà à yā ma yānzime. Beee yānzi àgō a zīnda kūna dō le àton yāfɛɛ ke a nɔkpammanero. <sup>16</sup> Mamɔma Dii Isarailinɔ Luda ma bè, ma za yìgidenan yān kōn nɔ kpɛbɔnao. Mamɔma Dii Zìkpɛde mámbe má ò. Àgō a zīnda kūna dō, àton yāfɛɛ kenɛro.

<sup>17</sup> Á tò Dii kpàsa kōn a yā'onao. Eè be: Wa yā kparee bé à à kpàsa? Kè eè be zaakerinɔ maa Diine, ben aō yā è káne yānzi. Eè be dɔ Luda kè è yākpae ke kōn gbēnɔ a zéa pì kú máme?

### 3

#### *Dii yākpaekegurɔ zī*

<sup>1</sup> Mamɔma Dii Zìkpɛde ma bè: À ma! Mé ma zìri gbare à dɔme aɛ à zé kekeme. Dii kè eè à kii wete é gē a kpén kāndo. À ma, ma bà kuunaao Malaika kè a pɔɔ dɔa pì e mɔɔ! <sup>2</sup> Mɔde dé bé eè à mógurɔ fɔɔ? Tó à bɔ gupuraa, dé bé eè fɔ à zɛɛ? Zaake eégō de lán mɔbaasari té bàme, lán pópipiri mɔsɔɔ gbāaa bà. <sup>3</sup> Eé vɛɛ à gbēnɔ baasa à n gbāsī bɔ. Eé gbāsī bɔ Levi boriinɔn lán wè ke vura kōn kondogionɛ nà, gbēnɔ é gbasa wà mɔ Diine kōn gbaanɔ a zéa. <sup>4</sup> Zī pìà Yerusalemudeenɔ kōn Yudanɔ n píngi gbaa é ká Diine lán yāa bà, lán à zii bà.

<sup>5</sup> Mamɔma Dii Zìkpɛde ma bè: Mé mɔazi yākpaekekiia mégō wāa mà gbē kè aōɔ ma vīa vīroonɔ bɔbɔ n dān: Pódammarinɔ kōn zinakerinɔ kōn gbē kè aōè la da egeyā musunɔ kōn gbē kè aōè gbāaa mɔ n zīkerinɔne kōn gyaanɔnɔ kōn tonenɔ kōn bɔamɔnɔ.

#### *Kpāi'ona Luda*

<sup>6</sup> Mamɔma Dii mèè liero. Beee yānzin a Yakubu boriinɔ ée kaatero. <sup>7</sup> Mamɔma Dii Zìkpɛde ma bè: Zaa a dezino gurɔɔa a pā ma yāne á téziro. À aɛ dɔma, mé aɛ dɔawa. Eè be, dian wé aɛ dɔmmaa?

<sup>8</sup> Gbēntee è kpāi o Ludaá? Mɔde ée kpāi ooma. Eè be, bó musun ée kpāi ooma? A pò kuride kōn a gbaanɔ yā musume. <sup>9</sup> A bori píngi gō láari pò ũ kè ée kpāi ooma yānzi. <sup>10</sup> À mɔ kōn pò kurideeo píngi à ká ma auzikikaekiin, le pòblee gō kú ma kpén. Mamɔma Dii Zìkpɛde mámbe má ò. À ma lé beee musu à gwa, tó mée musu zé wē ma aubarika pisiare a kora à kákiiziro. <sup>11</sup> Mamɔma Dii Zìkpɛde ma bè: Mé kpá a bura pò yàkarinɔne le aōton a pónɔ kaatero. A geepi línɔ né é wororo. <sup>12</sup> Bori píngi é be aubarikadeenɔn a ũ, zaake a būsú égō nna. Mamɔma Dii Zìkpɛde mámbe má ò.

<sup>13</sup> Mamɔma Dii ma bè: A yā pāsī ò ma musu. Eè be, bó yān wá ò n musuu? <sup>14</sup> A bè zòblena Ludanɛ né yā pāame. Kè wa zīi kè Dii Zìkpɛde yāa bensō wa pɔsia utano dà à yānzi, bó àren wá è? <sup>15</sup> Tia la eè be wadadeenɔn aubarikadeenɔ ũ. Ée daa zaakerinɔ bé wèe kāsāa pɛɛɛ, gbē kè è be Luda pita wà ɔsi ká sō, yāke è à lero.

<sup>16</sup> Ben gbē kè aōɔ Dii vīa vīinɔ yā ò kōo, ben à swā kpà n yāzi à mà. Ben wà gbē kè aōɔ Dii vīa vīi kè aōè laasuu léanɔ tó kè dɔngu takadan à aɛ. <sup>17</sup> Mamɔma Dii Zìkpɛde ma bè gurɔɔ kè ma bɔ kōn yāo, aégō de ma pò ũ ma auziki ũ. Mé sùu keñyo lán gbē è sùu ke kōn a né kè èè zīi keɛnɛo nà. <sup>18</sup> É gbē maaanɔ kōn gbē zaaanɔ dōkōzi sa, gbē kè aōɛ dɔɔ Ludazinɔ kōn gbē kè aōɛ dɔɔziroonɔ.



## 4

*Dii mógurɔ*

<sup>1</sup> Mamɔma Dii Zìkpede ma bè: À ma! Gurɔ̀ pì e mɔ̀, eégɔ̀ wāa lán m̀̀datè bà, bensɔ̀ wadadeenɔ̀ kɔ̀n zaakerinɔ̀ égɔ̀ de lán s̀̀ kori bà. Gurɔ̀ pì é n̄ kpata n̄ píngi, aɔ̀ kāsāa ke aɔ̀ ɔ̀ne é gɔ̀ro. <sup>2</sup> Amɔa k̀̀ á ma v̄ia v̄iinɔ̀ s̄̀, a m̀̀sina Ɔf̄ant̄ē é bɔ̀, aafia égɔ̀ kú à gupuraaazi. É bɔ̀e àgɔ̀ v̄iv̄ii lán z̀̀ne k̀̀ wà n̄ gbáenɔ̀ bà. <sup>3</sup> Mamɔma Dii Zìkpede ma bè: Gurɔ̀ k̀̀ ma bɔ̀ kɔ̀n yāo, é kiti pá gb̄e zaaanɔ̀a, aɔ̀égɔ̀ de lán túbu bà a gbá ḡiz̄i.

<sup>4</sup> À tó doka k̀̀ má kpà ma z̀̀bleri Musaa zaa Orebu gɔ̀ dɔ̀agu, yā k̀̀ má dìe Isarailinɔ̀ne kɔ̀n yā k̀̀ má dànn̄e. <sup>5</sup> À ma! Mé annabi Ilia z̄iawa ai ma mógurɔ̀ bíta naasidee gɔ̀ gá ká. <sup>6</sup> Eé tó denɔ̀ pɔ̀ gɔ̀ kú n̄ n̄enɔ̀a bensɔ̀ n̄enɔ̀ pɔ̀ égɔ̀ kú n̄ denɔ̀a. Tó lenlo, mé mó mà ɔ̀ p̄ae a b̀̀sua mà lé keare.

## MATIU

### Baaru nnaa kè Matiu kè

Yesu Kirisi ina 1:1-2:23  
 Yaaya Batisikɛri waazikɛna 3:1-3:12  
 Yesu batisikɛna 3:13-4:11  
 Yesu yādannɛna Galili 4:12-18:35  
 Zaa Galili ai Yerusalemu 19:1-20:34  
 Yesu kuuna Yerusalemu 21:1-26:13  
 Yesu gana kɔn a fɛɛnao 26:14-28:20

*Yesu Kirisi bori bɔzia*  
*(Luk 3:23-38)*

- <sup>1</sup> Ibraĩ kɔn Daudao bori Yesu Kirisi bɔzian yɛ:
- <sup>2</sup> Ibraĩ Isaaku ì,  
Isaaku Yakubu ì,  
Yakubu Yuda ì kɔn a v̄inɔ kɔn a dāaronɔ,
- <sup>3</sup> Yuda Pɛrɛzi kɔn Zɛrao ì kɔn a nɔ Tamao,  
Pɛrɛzi Ezerɔnu ì,  
Ezerɔnu Ramu ì,
- <sup>4</sup> Ramu Aminadabu ì,  
Aminadabu Nasɔ ì,  
Nasɔ Salamɔ ì,
- <sup>5</sup> Salamɔ Bɔaza ì kɔn a nɔ Rahabuo.  
Bɔaza Ɔbɛdi ì kɔn a nɔ Rutuo,  
Ɔbɛdi Yɛsɛ ì,
- <sup>6</sup> ben Yɛsɛ kí Dauda ì.
- Ben Dauda Sulemanu ì kɔn Uria naɔo,
- <sup>7</sup> Sulemanu Reoboamu ì,  
Reoboamu Abia ì,  
Abia Asa ì,
- <sup>8</sup> Asa Yosafata ì,  
Yosafata Yehoramun ì,  
Yehoramun Uzia ì,
- <sup>9</sup> Uzia Yotamu ì,  
Yotamu Aaza ì,  
Aaza Ezerkaya ì,
- <sup>10</sup> Ezerkaya Manase ì,  
Manase Amɔ ì,  
Amɔ Yosia ì,
- <sup>11</sup> Yosia Yoyakini ì kɔn a dāaronɔ gurɔɔ kè wà gbɛnɔ kùkù wà tányo Babilɔnu.
- <sup>12</sup> Tana kɔn gbɛnɔ Babilɔnu gberan Yoyakini Sealatieli ì,  
Sealatieli Zɛrubabeli ì,
- <sup>13</sup> Zɛrubabeli Abiudu ì,  
Abiudu Eliakimu ì,  
Eliakimu Azɔ ì,
- <sup>14</sup> Azɔ Zadɔki ì,  
Zadɔki Akimu ì,  
Akimu Eliudu ì,
- <sup>15</sup> Eliudu Elɛaza ì,  
Elɛaza Matã ì,

Matā Yakubu ì,  
 16 Yakubu Mariama zā Yusufu ì,  
 ben Mariama Yesu kè wè benε Mesaya ì.

17 Zaa Ibraī gurɔɔɔa ai à gàa pé Daudaa, de kɔn a néo kuu gēro dosaimε. Zaa Dauda gurɔɔɔa ai gurɔɔ kè wà tà kɔn gbēnɔo Babilɔnu, de kɔn a néo kuu gēro dosaimε. Zaa tana kɔn gbēnɔo Babilɔnu ai à gàa pé Mesayaa, de kɔn a néo kuu gēro dosaimε.

*Yesu Kirisi ina  
 (Luk 2:1-7)*

18 Dian wà Yesu Kirisi ì nà n yè: À da Mariama kuu Yusufu nɔkpamma ũme. Ai àgɔ gá zā ke, à nò sɔ kɔn Luda Nini gbāaa. 19 À gɔkpamma Yusufu pì né gbē maaame, à yezi à wí daaro, ben à zèo kè é bɔ à yān asii guu. 20 Gurɔɔ kè èe laasuu lee yā pì, Dii malaika bɔ à mòzi nanaa guu à bène: Dauda bori Yusufu, nton bídi ke n nɔkpamma Mariama sena yā musuro, zaake nò kè à sina bɔ Luda Nini kiiame. 21 Eé né i gɔgbē ũ, né tó kpáne Yesu, zaake eé a gbēnɔ bɔ n durunnɔ guu. 22 Beee kè píngi, le yā kè Dii ò annabi gāzī ke, à bè:

23 Nɔkpare lezii bé eé nò sí  
 à né i gɔgbē ũ,  
 weé tó kpáne Imanueli.  
 Tó pì bè, Ludaa kúwao.

24 Kè Yusufu vù, à kè lán Dii malaika diene nà, à a nɔ pì sè. 25 Mɔde èe à dɔ nɔgbē ũro ai à gàa à négɔgbē pì ì. Ben à tó kpáne Yesu.

## 2

*Sɔsɔneyādrino mɔna Yesu gwa*

1 Wà Yesu ì Betelumu Yudea busun kí Herɔdu gurɔ. Ben sɔsɔneyādrino bɔ òfāntēbɔe kpa, aɔ mò Yerusalemu, 2 aɔ gbēnɔ là wà bè: Né kè wà ì Yudanɔ kína ũu kú máa? Wa à sɔsɔne è òfāntēbɔe kpa, ben wa mɔ kúene. 3 Kè kí Herɔdu yā pì mà, à bídi kè kɔn Yerusalemudeenɔ n píngi. 4 À Yuda sa'orikino kɔn ludayādannerinɔ kākɔa n píngi, ben à n lá guu kè weé Mesaya in. 5 Aɔ wèàla wà bè: Betelimumε zaa Yudea busun. Zaake lán annabi kè nà n yè:

6 Betelumu kè kú Yudanɔ busun,  
 n kēsāna Yuda wétɛnɔziro fá.  
 Zaake n guun kína é bɔn,  
 kè eé dɔ ma gbē Isarailinɔne aε.

7 Ben Herɔdu sɔsɔneyādrino sɔsi asii guu, à sɔsɔne pì bɔgurɔ sānsān gbèkarímma. 8 Ben à n gbarε Betelumu à bè: À gá à né pì baaru gbekagbeka kɔn làakario. Tó a à è, à mɔ à ome, mapi se, mé gá kúene.

9 Kè aɔ kína yā mà, ben aɔ dà zén. Ben sɔsɔne kè aɔ è òfāntēbɔe kpa yāa pì dɔ́ne aε dɔ ai à gàa à zè né pì kúkiila. 10 Kè aɔ sɔsɔne pì è, aɔ pɔɔ kè nna maamaa. 11 Aɔ gè kpén, aɔ né pì è kɔn a da Mariamao, ben aɔ kùe wà dɔnzi kène. Ben aɔ n auziki àkpatino wèwè, aɔ à gbà vura kɔn tuaetitio kɔn lí'ɔ gū nnannaao. 12 Ludaa ó́ne nanaa guu kè aɔton bɔe Herɔdu kiiaro, ben aɔ tà n busun kɔn zé pāndeo.

*Gana kɔn Yesuo Igipiti*

13 Aɔ tana gbera Dii malaika bɔ à mò Yusufuzi nanaa guu à bè: N'fεε n né pì sé kɔn a dao, n bàa lé n gányo Igipiti, négɔ kú gwe ai mà mɔ mà yā onne dɔ, zaake Herɔdu é né pì wete à demε.

14 Ben Yusufu fεε gwāavī, à né pì sè kɔn a dao, à gāányo Igipiti. 15 À kú gwe ai Herɔdu gàa à gào. Beee kè, le yā kè Dii ò annabi gāzī ke yānzime, à bè:  
 Ma a né gbèse Igipiti.

### *Négōgbēno dēdēna*

<sup>16</sup> Kè Herodu è sɔsɔneyādōrinɔ ɔndɔ kèazi, ben à pɔ fɛ maamaa. À sɔsɔne bɔgurɔ taka dɔ yā kè à gbèka sɔsɔneyādōri pìnɔa yānzi, ben à gbēno zì aɔ négōgbē kè aɔ kà wè plaaa ke kè aɔ kèsāzinɔ dēde Betelēmu kɔn a buraanɔ pिंगi. <sup>17</sup> Yā kè annabi Yeremaya ò kè sa, à bè:

<sup>18</sup> Wà wii gbāaa mà Rama,

wèe ɔɔ dɔɔ, wèe wii pɛɛ.

Raseli e a néno ɔɔ dɔɔ,

à gi agbaa mazi, zaake aɔ kuu dɔro.

### *Suna Igipitio*

<sup>19</sup> Kè Herodu gà, ben Dii malaika bò à mò Yusufuzi Igipiti nanaa guu <sup>20</sup> à bè: N fɛɛ n né pì sé kɔn a dao, n tányo Isarailinɔ busun, zaake gbē kè aɔwe wetɛɛ wà né pì wèndi bɔɔnɔ gàga.

<sup>21</sup> Ben à fɛɛ à né pì sè kɔn a dao, à tányo Isarailinɔ busun. <sup>22</sup> Kè à mà Akelau bé èe kí blee Yudea a de Herodu gɛɛ ũ, gwe vɛena vīa à kù. Luda yā òne nanaa guu, ben à tà Galili busun, <sup>23</sup> à gàa à vɛɛ wéte kè wè be Nazareti. Len yā kè annabinɔ ò pàpa le, kè aɔ bè: Weé à sísi Nazareti gbē.

## 3

### *Yaaya Batisikeri waazikena*

*(Maa 1:1-8, Luk 3:1-18, Yoh 1:19-28)*

<sup>1</sup> Beee gbera Yaaya Batisikeri mò Yudea gbáan, èe waazi keɛ <sup>2</sup> à bè: À nòse lie, kpata kè bò Luda kiia kà kīi. <sup>3</sup> À yān annabi Isaya ò yā à bè:

À baarukpari kòto ma dɔ gbáan,

èe bee à zé keke Diine,

à zé wéwɛnɔ porone súusu.

<sup>4</sup> Yaaya ègɔ pókāsāa kè wà tã kɔn lakumi kão dana, è baa asaa dɔ a pii. Sutɛ kɔn zó'ion à pòblee ũ. <sup>5</sup> Wègɔ bɔe Yerusalemu kɔn Yudea busu gu pिंगio kɔn Yoda dɔrɔzio wàgɔ mɔɔ à kiia. <sup>6</sup> Aɔè n durunnɔ o gupuraa, ben è n batisi ke Yodan.

<sup>7</sup> Kè Yaaya è Farisinɔ kɔn Sadusinɔ e mɔɔ a kiia pari aɔ batisi ke, ben à bè'ne: Gbēntee pitigoonɔ! Dé bé à lé dàawa à bàa sí pɔfɛ kè Luda é pitańmanɛ? <sup>8</sup> À nòseliɛna yā ke, weégɔ dɔ kè a lie. <sup>9</sup> Kè Ibraĩ de a dezi ũ, àtongɔ daa kè beee bé eé a bɔro. Mée ooare, Luda é fɔ à gbè kènɔ ke Ibraĩ boriinɔ ũ. <sup>10</sup> Kpása diena línɔzi kò. Luda é lí kè è né maaa iroo zɔ à zu té guu. <sup>11</sup> Mée a batisi ke a nòseliɛna sèeda ũme, mɔde gbēke é mó ma gbera à gbāaa demala, mée ká mà à kyatee séɛnero. Àmbe eé a batisi ke kɔn Luda Ninio kɔn téo. <sup>12</sup> À gbaka kūna a ɔzì ésegbēkiia. Tó à fã, eé a pówɛ ká a dñn, eé à sàko ká té kè è garoo guu.

### *Yesu batisikena*

*(Maa 1:9-11, Luk 3:21-22)*

<sup>13</sup> Ben Yesu bò Galili busun à mò Yaaya kiia Yodazi le à a batisi ke. <sup>14</sup> Yaaya yezi à gí à bè: Mamɔma kè má de n ma batisi ke n mɔ ma kiia? <sup>15</sup> Ben Yesu wèala à bè: Àgɔ de le gĩa, zaake à kɔ siwao le yā pिंगi kena a zéa yānzi. Ben à wèzi. <sup>16</sup> Kè Yesu batisi kè, à bikù gɔɔ. Zì beee ludambɛ wèkɔa, ben à è Luda Nini è e suu lán pɔtɛɛ bà à zɔawa. <sup>17</sup> Ben wà kòto mà bɔna ludambɛ à bè: Ma né mèn do léle yenzideen yè, kè ma pɔɔ nnaa maamaa.

## 4

### *Yesu yɔagwana*

*(Maa 1:12-13, Luk 4:1-13)*



<sup>3</sup> Aubarikadeenɔn gbɛ̀ kɛ̀ aɔ̀ n̄ kɛ̀s̄āna d̄ɔ̀nɔ̀ ũ,  
zaake kpata kɛ̀ b̀ Luda kiia de n̄ ṕ ũ.

<sup>4</sup> Aubarikadeenɔn p̄siadeenɔ̀ ũ,  
zaake Luda é n̄ làakari kpáéñne.

<sup>5</sup> Aubarikadeenɔn gbɛ̀ kɛ̀ aɔ̀ n̄ z̄inda b̀usanɔ̀ ũ,  
zaake aɔ̀mbe weéḡɔ̀ anduna v̄i.

<sup>6</sup> Aubarikadeenɔn ȳazede niderinɔ̀ ũ,  
zaake aɔ̀mbe aɔ̀é k̄ā.

<sup>7</sup> Aubarikadeenɔn w̄endad̄ɔ̀nn̄erinɔ̀ ũ,  
zaake Luda é n̄ w̄enda d̄ɔ̀.

<sup>8</sup> Aubarikadeenɔn n̄ɛpuradeenɔ̀ ũ,  
zaake aɔ̀mbe aɔ̀é w̄éé si Ludalɛ.

<sup>9</sup> Aubarikadeenɔn íbet̄emiderinɔ̀ ũ,  
zaake weé n̄ sísi Luda n̄énɔ̀.

<sup>10</sup> Aubarikadeenɔn gbɛ̀ kɛ̀ w̄é ãa dam̄ma ȳamaakena ȳanzinɔ̀ ũ,  
zaake kpata kɛ̀ b̀ Luda kiia de n̄ ṕ ũ.

<sup>11</sup> Aubarikadeenɔn a ũ,  
tó w̄a a s̄ɔ̀s̄ɔ̀, tó w̄a ãa d̄āawa,  
tó w̄a ȳa zaa p̄ingi diawa ma ȳanzi.

<sup>12</sup> À p̄onnaa ke à ȳaa d̄ɔ̀, zaake a láada bíta ludambe. Len w̄a ãa dà annabi kɛ̀ aɔ̀ kú a ãanɔ̀a le.

*Yesu ibanɔn wisi ũ k̄ɔn gupuraa*  
(Maa 9:50, Luk 14:34-35)

<sup>13</sup> Ámbe wisi ũ andunanɛ. Tó wisi i nnaa tà, dian weé ke nà à ḡɔ̀ wisi ũ d̄ɔ̀ɔ̀? À àre kee v̄i d̄ɔ̀ro, séde w̄a kwéé gb̄enɔ̀ táa oa.

<sup>14</sup> Ámbe gupuraa ũ andunanɛ. Wéte kɛ̀ w̄a k̄aé s̄īs̄i musu è f̄ɔ̀ àḡɔ̀ utenaro. <sup>15</sup> Wè fitia na w̄a gbaka kúɛaro. Wè di dabu musumɛ, le à guu pu gb̄ɛ̀ kɛ̀ aɔ̀ kú uanɔ̀ne. <sup>16</sup> À guu pu gb̄enɔ̀ne le, le aɔ̀ a maakenanɔ̀ e w̄a a De kɛ̀ kú musu tó kpá.

*Musa doka b̄ɔ̀k̄ɔ̀t̄ena*

<sup>17</sup> Àtonḡɔ̀ daa ma m̄ɔ̀ Musa doka k̄ɔn annabinɔ̀ ȳanɔ̀ gboronlo. Mée mó gbororo, ma m̄ɔ̀ le mà papamɛ. <sup>18</sup> Ȳápuraan mée ooare, ludambe k̄ɔn t̄ɔ̀t̄eó é ḡéte, m̄ode doka p̄i w̄ézá féte ke a ṕ kete ke é ḡétero, ȳa p̄ingi é ke. <sup>19</sup> Beee ȳanzi tó gb̄ɛ̀ ḡi ȳa kɛ̀ w̄a diè p̄inɔ̀ dokezi, baa à kɛ̀ k̄és̄ān̄anzi, tó è da gb̄enɔ̀ne aɔ̀ ke le, adee éḡɔ̀ k̄és̄ān̄anzi kpata kɛ̀ b̀ Luda kiia gb̄enɔ̀ t̄émɛ. Tó gb̄ɛ̀ k̄ūna, tó è dañne le s̄ɔ̀, adee éḡɔ̀ bíta kpata kɛ̀ b̀ Luda kiia gb̄enɔ̀ t̄é. <sup>20</sup> Mée ooare, tó a ȳamaakena de ludaȳadannerinɔ̀ k̄ɔn Farisinɔ̀ p̄olaro, é ḡɛ̀ kpata kɛ̀ b̀ Luda kiia guuro.

*P̄ɔ̀f̄ena*

<sup>21</sup> Á mà w̄a bè ȳadeenɔ̀ne, aɔ̀ton gb̄ɛ̀ d̄ero. Gb̄ɛ̀ kɛ̀ gb̄ɛ̀ d̄è, weé ȳakpaɛ keo. <sup>22</sup> Mapi s̄ɔ̀, mée ooare, gb̄ɛ̀ kɛ̀ p̄ɔ̀ f̄è a gb̄ɛ̀daaazi k̄a w̄a ȳakpaɛ keo. Gb̄ɛ̀ kɛ̀ a gb̄ɛ̀daaa s̄ɔ̀s̄ɔ̀ k̄a w̄a ḡáo gb̄āadeenɔ̀ kiia. Gb̄ɛ̀ kɛ̀ bè a gb̄ɛ̀daaanɛ m̄isaide s̄ɔ̀ k̄a à ḡé t̄én. <sup>23</sup> Tó n̄ m̄ɔ̀ n̄ Luda gba ṕ a gb̄āgb̄ākiia, tó n̄ d̄ɔn gwe kɛ̀ n̄ gb̄ɛ̀daaa n̄ ȳa k̄ūna, <sup>24</sup> n̄ n̄ gba tó sa'okii aɛ gwe, n̄ ḡá n̄ agbaa kpá adeenɛ ḡīa, gbasa n̄ mó n̄ saa o sa. <sup>25</sup> Tó n̄ ibɛɛ e gaanyo ȳakpaek̄ekiia, n̄ ke kpakpaa n̄ keo nna zaa z̄én, le àton n̄ kpá ȳakpaek̄eriario ȳanzi. Tó n̄é ke lero, ȳakpaek̄eri p̄i é n̄ kpá dogaria, dogari é n̄ da kp̄és̄iaan. <sup>26</sup> Ȳápuraan mée oonne, né b̄ɔ̀ gwero ai n̄ ḡá f̄īa boo p̄ingi. Baa k̄ɔ̀b̄ɔ̀ é ḡɔ̀ t̄énziro.

*Zinakena*

<sup>27</sup> Á mà w̄a bè, àton zina kero. <sup>28</sup> Mapi s̄ɔ̀, mée ooare, tó gb̄ɛ̀ n̄gb̄ɛ̀ gwà k̄ɔn laasuu p̄āndeo, adee zina k̄èon gwe k̄ò. <sup>29</sup> Tó n̄ w̄éé ɔ̀plaa è tó n̄ fu, n̄ b̄ɔ̀ n̄ z̄inna. N korana n̄ m̄ègu kezi maa de w̄a n̄ m̄è p̄ingi zu t̄énla. <sup>30</sup> Tó n̄ ɔ̀plaa è tó n̄ fu, n̄ z̄ɔ̀ n̄ z̄inna. N korana n̄ m̄ègu kezi maa de n̄ m̄è p̄ingi tana t̄énla.

*Yigidena**(Mat 19:9, Maa 10:11-12, Luk 16:18)*

<sup>31</sup> Wà bè dɔ, tó gbɛ e gii a naɔzi, à yìgidela kpáa. <sup>32</sup> Mapi sɔ, mée ooare, gbɛ kè gí a naɔzi, tó èe ke à gɔpɔsɛɛ kènlo, à zā pì bé è tó à gɔ zinakeri ũ. Gbɛ kè nɔɔ kè wà gízi sè sɔ zina kèn gwe.

*Ladana*

<sup>33</sup> Á mà wà bè yádeenɔne dɔ, aɔ yā kè aɔ sɔ kɔn Diio papa, aɔton fuaro. <sup>34</sup> Mapi sɔ, mée ooare, àton la da sero. Àton yā sí kɔn ludambɛɛoro, zaake Luda kiblekitame, <sup>35</sup> ke anduna, zaake Luda tintime, ke Yerusalemu, zaake Kína isi wéteme. <sup>36</sup> Nton yā sí kɔn n mioro, zaake né fɔ n n mikā mèn doo pura kū ke n à sia kūro. <sup>37</sup> Àgae be ee ke auo. Yā kè de beeelaa bò à zaaa guume.

*Gɛɛbona**(Luk 6:29-30)*

<sup>38</sup> Á mà wà bè, wà wée fía bo kɔn wéeo, swaa kɔn swaa. <sup>39</sup> Mapi sɔ, mée ooare, àton gɛɛ bo gbɛ kè zaaa kèarearo. Tó gbɛ n swān kè n gasu ɔplaaa, n à doo dɔne dɔ. <sup>40</sup> Tó gbɛ yezi à n dansiki yākpae kenyo, n n utadaa tóne dɔ. <sup>41</sup> Tó gbɛ gā namma n aso séare kiloo do, n gáone kiloo plaa. <sup>42</sup> Tó gbɛ pɔ wée kemma, n kpáa. Nton gbɛ kè yezi à pɔ sɛkamma tɛro.

*Yena ibɛɛzi**(Luk 6:27-28, 32-36)*

<sup>43</sup> Á mà wà bè, àgɔ ye a gbɛdaaazi, à za a ibɛɛn. <sup>44</sup> Mapi sɔ, mée ooare, àgɔ ye a ibɛɛnɔzi, à adua ke gbɛ kè aɔè wée tãawaanɔne, <sup>45</sup> le à gɔ a De kè kú musu néno ũ yāpura. Zaake è ɔfāntɛ bɔ gbɛ zaaanɔne kɔn gbɛ maaanɔ n pínɡi, è lou ma taarisaideenɔne kɔn taarideenɔ n pínɡi. <sup>46</sup> Tó gbɛ kè aɔ yeaziinɔn á yeñzi, é láada ke e Luda kiiaó? Baa be'ɔɔsirino è ke leroo? <sup>47</sup> Tó a gbɛnɔn eè ì kpákparíma ntɛɛ, bɔ á deo gbɛ pāndenɔlaa? Baa kifino è ke leroo? <sup>48</sup> Beee yānzi àgɔ kuu papana, lán a De kè kú musu kuu papana nà.

**6***Gbadana*

<sup>1</sup> Á làakari ke a dɔnzi yākɛna gupuraaazi. Àton ke gbɛntee wée yānziro. Tó ée keɛ le, é láada e a De kè kú musu kiiaro. <sup>2</sup> Tó née gba daa takaasideenɔne, nton a kpàakpa ke lán mɔnafikideenɔ bàro. Aɔè ke aduakɛkpenɔ guu kɔn gāalenɔ, le gbɛnɔ n tó nnaa sí yānzime. Yāpuraan mée ooare, aɔ n láada èn gwe kò! <sup>3</sup> Mpi, tó née gba daa takaasideenɔne, nton tó n ɔzɛ dɔ lán n ɔplaa e keɛ nàro. <sup>4</sup> N tó n gbadana ke asiiyā ũ, n De kè asiiyā dɔ é à fía bonne.

*Aduakɛna**(Luk 11:2-4)*

<sup>5</sup> Tó ée adua keɛ, àtongɔ de lán mɔnafikideenɔ bàro. Aɔègɔ yezi wà adua ke zena aduakɛkpen kɔn zéɔnkpakɔanɔ, le gbɛnɔ n e yānzi. Yāpuraan mée ooare, aɔ n láada èn gwe kò! <sup>6</sup> Mpi, tó née adua keɛ, n gɛ n kpé guu, n gbà tata, n wée ke n De kè kú gwe asii guua, n De kè asiiyā dɔ é sínyo. <sup>7</sup> Tó ée adua keɛ, àton yā bɔɛ pari lán kifino bàro. Aɔègɔ daa n yābɔena parii guun Luda é sínyo. <sup>8</sup> Àtongɔ de lán n bàro, zaake a De pɔ kè á à nii vīi dɔ ai àgɔ gá gbekaa. <sup>9</sup> Àgae adua ke lán kè bà:

Wa De kè kú musu,  
n tó wàgɔ dɔ kè n tó adona.

<sup>10</sup> N tó kpata kè bò n kiia bɔ gupuraa, wà n pɔyezi ke anduna guu, lán wè ke zaa musu nà.

<sup>11</sup> N wa gba ú kè wé ble gbàa.

<sup>12</sup> N wa taarino kɛwe,

lán weè kē gbē kè aṣ taari kèweenṅnè nà.

<sup>13</sup> Nton tó wà fu yṣagwanaaro, ò wa sí à zaaaa.

<sup>14</sup> Tó a gbēṅ taari kēínnè, a De kè kú musu é a pò kēare se. <sup>15</sup> Tó ée gbēṅ taarinṅ kēínnè sōro, a De é a taarinṅ kēarero.

### *Léyina*

<sup>16</sup> Tó á léyina sṣ, àton uu sisi lán mṅnafikideenṅ bàro. Aṣè n̄ uu yākṣṣte le gbēṅ gṣ dṣ kè aṣ léyina yānzi. Yāpuraan mée ooare, aṣ n̄ láada èn gwe kò! <sup>17</sup> Mpi, tó n̄ léyina, n̄ uu pípi, n̄ nṣi māmamma, <sup>18</sup> le gbēṅ tón dṣ n̄ léyinaro, sé n De kè kú asii guu baasiro. N De kè asiiyā dṣ é à fīa bonnè.

### *Auzikiyā*

*(Luk 11:33-36, 12:33-34, 16:13)*

<sup>19</sup> Àton auziki kakṣaazi anduna guu kèro, gura kè kòkṅṅ è pò yakan, pṅṅ è kṣṣtē kpán bensṣ kpāinṅ è gu fṣ aṣ pṅṅ sēen. <sup>20</sup> À a auziki kakṣa ludambè, gura kè kòkṅṅ è pò yakanlo, pṅṅ è kṣṣtē kpánlo bensṣ kpāinṅ è gu fṣ aṣ pṅṅ sēenlo. <sup>21</sup> Zaake guu kè n auziki kún, gwen n làakari ègṣ kún se.

<sup>22</sup> Wéén mè fitia ũ. Tó n wée aafia, n mè píngi égṣ gupuraa ũ. <sup>23</sup> Tó n wée gbāaro sṣ, n mè píngi égṣ gusiaa ũ. Tó gupuraa kè n̄ kūna de gusiaa ũ, gusiaa pì bíta. <sup>24</sup> Gbēke è fṣ à dṣ dii mèn plaaazi, zaake eé za gbē doon àgṣ ye gbē doozi, kesṣ eé na gbē doo à kya ká gbē doon. É fṣ àgṣ dṣ Ludazi kṅṅ ṣṣo ledoro.

### *Ludanaanekena*

*(Luk 12:22-31)*

<sup>25</sup> Beee yānzi mée ooare, àton a wèndi kàhān ke à be bón wé ble ke bón wé miro. Àton mè kàhān ke à be bón wé daro. Wèndi de pòbleelaroo? Mè de pòkāsāalaroo? <sup>26</sup> À gwa bāanṅa. Aṣè pò tōro, aṣè pò kēro, aṣè pò ká dṣ guuro, mṅde a De kè kú musu è pòblee kpárima. Á bēe vī maamaa de bāanṅaroo? <sup>27</sup> A té, dé bé eé fṣ à a wèndi gbāa kaara, baa gurṅ do, a kàhānkèna guuu?

<sup>28</sup> Bóyānzin eè pòkāsā kàhān kezi? À lá vúdeenṅ gwa sēn lán aṣṣ de nà. Aṣè zīi kero, aṣè buu tāro, <sup>29</sup> mṅde mée ooare, baa Sulemanu kṅṅ a auzikio, èe uta da à maa kà aṣ ke ũro. <sup>30</sup> Sèla kè kuu gbāa eé té kú ziaa, lán Luda è pò nazi le nà, amṅa ludanaanekēsānadeenṅ, weé a pò o dṣ? <sup>31</sup> Beee yānzi àton pòke kàhān ke à be bón wé ble ke bón wé mi ke bón wé daro. <sup>32</sup> Kifinṅ pò pṅṅ píngi yā è dṣnnè ae. Zaake a De kè kú musu dṣ kè pò pṅṅ kṣ siao, <sup>33</sup> à tó kpata kè bṣ à kiia kṅṅ à yāzedeo dṣare ae gīa, eé pò pṅṅ kaaraare dṣ píngi. <sup>34</sup> Beee yānzi àton ziaa kàhān kero, zaake ziaa a zīnda yā dṣ. Gurṅ píngi yāṣamma mṅa.

## 7

### *Kṣ taari'ena*

*(Luk 6:37-38, 41-42)*

<sup>1</sup> Àton gbē taari ero, Luda é a taari e sero. <sup>2</sup> Zaake lán neè gbē taari e nà, len Luda é n taari e le. Zaka kè n̄ eè yṣoñnen eé yṣonne. <sup>3</sup> Bóyānzi née sēburu kè da n gbēdaaa wéén eezi, bensṣ née líkusu kè da n wéén yā daaroo? <sup>4</sup> Kè líkusu da n wéén, à kè dia né be n gbēdaaanè à tó n sēburu kè da à wéén bonè? <sup>5</sup> Mṅnafikide! N̄ líkusu kè da n wéén bṅ gīa, né gbasa n̄ guu e wásawasa, le n̄ e n̄ sēburu kè da n gbēdaaa wéén bonè.

<sup>6</sup> Àton Luda pò kpá gbēenaro le aṣton sṅkpa wà a kari kero yānzi. Àton a gbè bēdeenṅ zu alēdenṅero le aṣton táa o'oaro yānzi.



*Wéekena*  
(Luk 11:9-13)

<sup>7</sup> À wée ke, Luda é kpáawa. À wete, é e. À gbà lé, Luda é wēare. <sup>8</sup> Zaake gbē kè wée kèn wè kpáa, gbē kè wete sō è e. Gbē kè gbà lèn weé wēne. <sup>9</sup> A té, dé bé eé gbè kpá a néa, tó à buredi wée kèa? <sup>10</sup> Tó à kpò wée kèa sō, eé mlè sé à kpáa? <sup>11</sup> Baa kōn a zaakeo, á pò maa kpana a nēnɔa dō. Weé a De kè kú musu pò maa kpana gbē kè aō wée kēanɔa pò o dō?

<sup>12</sup> À ke gbēnɔne lán á yezi aō keare nà. Musa doka kōn annabinɔ yānɔ mìn gwe.

*Zéle kpaatoo*  
(Luk 13:24)

<sup>13</sup> À gē zéle kpaatoo guu. Zé kè à lé yàasa ben à mēporokii vīi è gányo kaatena guume. Been gbē paridee e se. <sup>14</sup> Zé kè è gányo wēndi guu lé kpaato à nakōana, bensō gbē kè aō è wà seɔnɔo pari.

*Gbē dōna a yākenaa*  
(Luk 6:43-44, 13:25-27)

<sup>15</sup> À làakari ke annabi egeɔzi. Aō è mó a kiia sã báao dana, mōde lewan nɔaderinɔn n̄ ũ. <sup>16</sup> É n̄ dō n̄ yākenaa. Wè geepi bo lè líaro. Wè kākāa e babane láaro. <sup>17</sup> Lí maaa è né nnaa i, lí zaaa è né gina i. <sup>18</sup> Lí maaa è f̄s̄ à né gina ìro, lí zaaa è f̄s̄ à né nnaa ìro. <sup>19</sup> Wè lí kè è né maaa iroo z̄s̄ wà zu té guume. <sup>20</sup> Leme é n̄ dō n̄ yākenaa le.

<sup>21</sup> Èe ke gbē kè ègō ma sisii Dii, Dii, bé eé gē kpata kè bō Luda kiia guuro, sé gbē kè è ma De kè kú musu poyezi ke. <sup>22</sup> Yākpaekegurɔ zī gbē parideenɔ é beme: Dii, Dii, wa Luda yā ònne kōn n̄ tóo né! Wa zīnɔo gómma kōn n̄ tóo né! Wa dabuyānɔ kè pari kōn n̄ tóo né! <sup>23</sup> Mé beñne wásawasa: Má a dō zikiro. À gumala zaakerinɔ!

*Kpébori gōn plaaanɔ*  
(Luk 6:47-49)

<sup>24</sup> Beee yānzi gbē kè à ma yā kēnɔ mà, ben à zīi kèa de lán gbē làakaridee kè à a kpé bō gbèa bàme. <sup>25</sup> Kè lou mà, í dàgula, ìa kàka à sù kpé pìà, ben èe léero, kè wà à èe dàe gbèa yānzi. <sup>26</sup> Gbē kè ma yā kēnɔ mà, ben èe zīi kearoo de lán mīsaidee kè à a kpé bō bùsu'āatēa bàme. <sup>27</sup> Kè lou mà, í dàgula, ìa kàka à sù kpé pìà, ben à gbòro à lèe bitimm.

*Yesu iko*

<sup>28</sup> Kè Yesu yā beeenɔ ò à yāa, à yādannena bō parii sae, <sup>29</sup> zaake èe yā dañne lán ludayādannerinɔ bàro, à dañne ikoomē.

## 8

*Kusu kēkōana*  
(Maa 1:40-45, Luk 5:12-16)

<sup>1</sup> Kè Yesu pìta s̄s̄iã, parii tézi. <sup>2</sup> Ben kusu ke mò à kùe à ae à bè: Dii, tó n̄ yezi, né f̄s̄ n̄ ma kēkōa wásawasa. <sup>3</sup> Yesu ɔ bō à kèa à bè: Má yezi. N̄ gō wásawasa. Zaa gwe gō à kusu yāa. <sup>4</sup> Ben Yesu bène: N̄ton o gbēke maro. N̄ gá n̄ n̄ zīnda ɔɔa sa'orine, n̄ sa'opɔ kè Musa diè kpá n̄ kēkōana sèeda ũ gbēnɔne.

*Sozanɔ gbēnsi zīkeri kēkōana*  
(Luk 7:1-10)

<sup>5</sup> Kè Yesu e gēe Kapenamū, ben Romu sozanɔ gbēnsi mò à kiia, a wée kèa <sup>6</sup> à bè: Dii, ma zīkeri daena be, à kōo kù, mè e ɔɔa maamaa. <sup>7</sup> Ben Yesu bène: Mé gá mà à kēkōa. <sup>8</sup> Ben gbēnsi pì bène: Dii, mée ká n̄ gá ma bero. N̄ yā ò dé, ma zīkeri é kēkōa. <sup>9</sup> Zaake mapi se, wà iko vīmame, ben má iko vī sozanɔa. Mèè o aō gbē doone à gá, è sō gá. Mèè o à pāndene à mó, è sō mó. Mèè o ma zīkerine à kè ke, è sō ke.

<sup>10</sup> Kè Yesu yā pì mà, à bò à saε, ben à bè gbē kè aõ tēzinε: Yāpuraan mée ooare, mée e gbēke ma náane kè le Isarailinε téro. <sup>11</sup> Mée ooare, gbēnε é bε ɔfántēbεε kpa kōn ɔfántēgēkpen kpaao paripari aóé mót pót ble kōn Ibraiō kōn Isaakuo kōn Yakubuo kpata kè bò Luda kiia guu. <sup>12</sup> Gbē kè aõ de yā wàgō kú kpata pì guunε sō, weé n zu bàazi gusiaa guumε. Gwen aóé ɔɔ dōn wà ɔ di n musu. <sup>13</sup> Ben Yesu bè sozanε gbēnsi pìne: N tá be. À kenne lán n ma náane kè nà. Ben à zikeri pì gbāa kù gurεε m̀a gō.

*Gyāreenε kēkōana paripari*  
(Maa 1:29-34, Luk 4:38-41)

<sup>14</sup> Yesu gaa Pita be, ben à è à naō daa daena, èe m̀ewāaa keε. <sup>15</sup> Kè à ɔ kè à ɔɔa, ben à mè yīi kù, ben à fεε à pobleε kēne.

<sup>16</sup> Kè uusie kè, ben wà m̀one kōn zīndeeno paripari, ben à zīn pìnε gòm̄ma kōn yā'onao, à gyāreenε kēkōa n pīngi. <sup>17</sup> Len yā kè annabi Isaya ò p̄apa le à bè: À wa gbāasaikεε sè, à wa gyāano kēwa.

*Gbē kè aõ yezi wà té Yesuzinε*  
(Luk 9:57-62)

<sup>18</sup> Kè Yesu è parii kākōaazi, ben à bè a ìbanε: Wà bikū sèbe baa. <sup>19</sup> Ben ludayādanneri ke mò à bè Yesunε: Danneri, guu kè née gaan pīngi mégō tēnzi. <sup>20</sup> Yesu bène: Gbēngboonε n tò vī, bāanon n sà vī, Gbēntee Né sō ĩampakii vīro.

<sup>21</sup> Ben ìba pānde bène: Dii, n tò ai ma de kpá guuzi gā. <sup>22</sup> Ben Yesu bène: N tēmazī. N tò gēnε n gēnε vīi.

*Yesu zāga'īa zena*  
(Maa 4:35-41, Luk 8:22-25)

<sup>23</sup> Yesu gè goro'ite guu, ben à ìbanε tēzi aō dà zén. <sup>24</sup> Kāndo zāga'īa gbāaa kàka sèbela, í e vīvī èe kakaa n góron. Yesu e ii oo, <sup>25</sup> ben à ìbanε sōzi, aō à vù wà bè: Dii, n wa mì sí, wée kaatεmε. <sup>26</sup> Ben à bène: Ludanaanekēsānadeeno! À kè dia á vīa vī leε? Ben à fεε à gī ĩane kōn ío, ben guu yī kítikiti. <sup>27</sup> Yā pì bò gbē pìnε saε aō bè: Gbē kparee taka boriin yè? Baa ĩa kōn ío è à yā mamε.

*Zīnnε gēna alēdenε guu*  
(Maa 5:1-20, Luk 8:26-39)

<sup>28</sup> Kè Yesu bikū baa kāa kpa Gadara bùsun, zīnde gōon plaa kenε bò mirakpεtaε, aō mò wà dààle. Aō pāsī maamaa, gbēke è f̄ō à bεε gwero. <sup>29</sup> Aō wii lè wà bè: Bón wá vī kō ɔzī, Luda Né? N m̄o wée tāwa kè ai à gurεε gō kán yót? <sup>30</sup> Alēde kpàsa bíta kúnyo kāaa, aōε pót blee. <sup>31</sup> Ben zīn pìnε agbaa kpà Yesunε wà bè: Tó n pèwa, n wa gbarε alēde kpàsa kēkāa guu. <sup>32</sup> Ben Yesu bène: À gá. Ben aō gòm̄ma aō gè alēdenε guu. Ben alēde kpàsa pì wì bào pīngi, aō sòro s̄is̄igεεzi, aō s̄i sèben, ben aō gāga í guu gwe. <sup>33</sup> Ben alēdedārinε bàa lè wà gè wéte guu, aō yā pìnε tōkēnne kōn yā kè zīndeeno lèo pīngi. <sup>34</sup> Ben wétedeenε b̀e wà gaa da Yesule n pīngi. Kè aō à è, aō agbaa kpāne kè à b̀one n bùsun.

## 9

*Gbē kaena kēkōana*  
(Maa 2:1-12, Luk 5:17-26)

<sup>1</sup> Yesu gè goro guu, à èara à sèbe bikū à kà a be wéte. <sup>2</sup> Ben gbēkenε m̀one gbē kaenaoo daena gyāresεb̄on. Kè Yesu è aõ a náane vī, ben à bè gbē kaena pìne: Ma gbē, n n làakari kpáe! N durunnε kēmma. <sup>3</sup> Ludayādanneri kenε kú gwe, ben aõ ò n ǹse guu wà bè: Gbē beee e d̄kεε Ludaomε. <sup>4</sup> Yesu n laasuu d̄s, ben à n lá à bè: Bóyānzi ée laasuu zaaa leε a

nòse guuzi? <sup>5</sup> Tó ma bè, à durunnò kèa ke tó ma bè, à fèe à táa o, à kparee bé à aagaa? <sup>6</sup> Má ò le le àgò dō kè Gbēntee Né durunkēnnena iko vī tōote kēmē. Ben à bè gbē kaena pìne: Ñ fèe ñ n daebo sé ñ tá be. <sup>7</sup> Ben à fèe à tà be. <sup>8</sup> Kè parii è le, vīa n kū, aō Luda kè iko beee taka kpà gbēnteenōa tó bō.

*Matu sisina*  
(Maa 2:13-17, Luk 5:27-32)

<sup>9</sup> Yesu bō gwe, èe gētēe, ben à gbē kè wè be Matiu è vèena a be'ossikpen. À bène: Ñ mó ñ tēmazi. Ben à fèe à tēzi. <sup>10</sup> Kè Yesu e pò blee à be, be'ossirinò kōn durunkerinò kú gwe pari, aōe pò bleeo kōn à ibanò lèdo. <sup>11</sup> Kè Farisinò è le, ben aō à ibanò là wà bè: Bóyānzi a dii e pò blee kōn be'ossirinò kōn durunkerinòzi? <sup>12</sup> Kè Yesu yā pì mà à bè: Gbē kè aafia vīi bà kú kōn likita yāoro, sé gyāree. <sup>13</sup> À gá à laasuu lé yā kè kēna Luda yān beee mizi wà bè: Kō wēndagwanan má yezi, èe ke sa'onanlo. Mée mó gbē maaano sísiro, sé durunkerinò.

*Léyina*  
(Maa 2:18-22, Luk 5:33-39)

<sup>14</sup> Ben Yaaya Batisikeri ibanò mò aō Yesu là wà bè: À kè dia wapinò kōn Farisinò weè lé yi, ben ñ ibanò è yi seroo? <sup>15</sup> Ben Yesu yā lèkōziñne à bè: Nòseri gbēno é pòsīaa ke gurò kè à kúnyo nòse guun yó? Auo, mōde à gurò é mó kè weé nòseri pì bō n té, gbasa aōé lé yi sa. <sup>16</sup> Gbēke è uta zii nambata na kōn pòle dufuoro, zaake uta dufu é sōkōzi à kēkōre, à zii fōna é kaara. <sup>17</sup> Wè geepiwē dufu ká tūu zii guuro. Tó wà kè le, tūu é pūtāme, wēe pì é kwéé, tūu é yaka. Auo, wè geepiwē dufu ká tūu dufu guume, aōégō maa n píngi.

*Nénkparē fèe à bōna gaan kōn nōgbē kè o kè Yesu utaa*  
(Maa 5:21-43, Luk 8:40-56)

<sup>18</sup> Gurò kè Yesu e yā beeenò oōñne, gbāade ke mò à kùe à ae à bè: Ma nénōgbē gà tia. Ñ mó ñ o kea, eégō kú wēndio. <sup>19</sup> Ben Yesu fèe à tēzi kōn a ibanò.

<sup>20</sup> Nōgbē kee kú gwe, aru è bōea à kà wè kuri awēeplaa. À mò à o kè Yesu uta léa à kpeε kpa. <sup>21</sup> Zaake à bè: Baa tó ma o kè à utaa dé, mé kēkōa. <sup>22</sup> Yesu liè à à è, ben à bè: Ñ n làakari kpáε, nōgbē! Ma náane kè n kè bé à n kēkōa. Gwe gōo nōgbē pì kēkōa.

<sup>23</sup> Kè Yesu kà gbāadee pì be, à è wèe kure pεε, parii kīi dō. <sup>24</sup> Ben Yesu bè: À a zīnda gá. Né pì e garo, èe ii oome. Ben aōe à lalandi keε. <sup>25</sup> Kè wà pè gbēnoa aō bōe bàazi, ben Yesu gè kpén, à né pì kù a ooa, ben à fèe. <sup>26</sup> Ben yā pì baaru dà būsū pīla píngi.

*Vīano kēkōana*

<sup>27</sup> Kè Yesu bō gwe, vīa gōon plaaano tēzi kōn wīio wèe bee: Ñ wa wēnda gwa, Dauda Bori! <sup>28</sup> Kè Yesu kà be, vīa pìnò sōzi, ben à n lá à bè: Á ma náane vī kè mé fō mà yā pì keareó? Aō wèala wà bè: Leme, Dii. <sup>29</sup> Ben à o kè n wéea à bè: Àgō deare lán a ma náane kè nà. <sup>30</sup> Ben aō wéε guu è. Yesu kpākēnzi à bè: Àton o gbēke maro. <sup>31</sup> Baa kōn beeeo aō gāa wà à baaru fāakōa būsū pìn píngi.

*Nénēnaēnade kēkōana*

<sup>32</sup> Gurò kè vīano e bōee, wà mò Yesune kōn zīnde kè à néne naēnao. <sup>33</sup> Kè Yesu zīn pì gōa, ben à yā ò. Yā pì bō parii sae aō bè: Wée yā beee taka e Isarailinò būsūn yāro. <sup>34</sup> Ben Farisinò bè: È zīn gorūma kōn zīnno kīna gbāaaome.

*Yesu gbēno wēndadōna*

<sup>35</sup> Yesu gāa wētēnoa kōn lakutunò píngi, à yā dàñne n aduakεkpeno guu, à kpata kè bō Luda kiia baaru nnaa kpāñne, à gyāreenò kēkōa n píngi kōn gbāasaideenò n píngi. <sup>36</sup> Kè à parii è, ben aō kēne wēnda, zaake aō kú bīdin aō likōa lán sāa kè aō dāri vīroonò bà. <sup>37</sup> Ben

Yesu bè a ìbanṅne: Pókèkèna bíta, m̀de z̀k̀erinoṅ pariro. <sup>38</sup> À wéè ke Buradeea le à z̀k̀erinoṅ gbare aṅ a p̀ó k̀èk̀è.

## 10

*Yesu z̀iri g̀ṅṅn kuri awééplaaano diena*  
(Maa 3:13-19, Luk 6:12-16)

<sup>1</sup> Yesu a ìba g̀ṅṅn kuri awééplaaano sisi, ben à ǹ gba iko aṅ z̀innoṅ gorúmma, aṅ gyāreenoṅ k̀èk̀ṣa k̀ṅn gbāasaideenoṅ ǹ píngi. <sup>2</sup> Z̀iri g̀ṅṅn kuri awééplaaa p̀inoṅ t̀ṅṅn yè: Gbē káaku Simo k̀è wè bené Pita k̀ṅn à d̀aaro Anduruo, Zebedi né Yemisi k̀ṅn à d̀aaro Yohanao, <sup>3</sup> Filipi, Batolomiu, Tomasi, be'ṅṅsiri Matiu, Alafeu né Yemisi, Tadeu, <sup>4</sup> Simo Aĩade k̀ṅn Yudasi Isikarioti k̀è b̀ò à k̀p̀eṅo.

*Yesu z̀irinṅ z̀ina*  
(Maa 6:7-13, Luk 9:1-6)

<sup>5</sup> K̀è Yesu e g̀ṅṅn kuri awééplaaa p̀inoṅ z̀i, à bènnè: Àton gá bori pāndenṅ kiiaro. Àton gē Samaria wétènoṅ guuro. <sup>6</sup> À gá Isaraili k̀è aṅ sàsá lán s̄a b̄anoṅ kiia. <sup>7</sup> À gá àgṅ waazi k̀eṅ àgṅ gaa à be: Kpata k̀è b̀ò Luda kiia kà k̄i! <sup>8</sup> À gyāreenoṅ k̀èk̀ṣa, à g̀ṅṅn f̀eṅ b̄ona gaan, à kusunoṅ k̀èk̀ṣa wásawasa, à z̀innoṅ gorúmma. Lán á è p̀ókekpasai nà, à k̀énnè p̀ókesisai. <sup>9</sup> Àton ṅṅ da a b̀òk̀ṅno. <sup>10</sup> Àton b̀òk̀ologomma séro ke uta plaadee ke kyatee ke g̀ò, zaake z̀ik̀eri k̄ṅ s̄io à a p̀óblee e. <sup>11</sup> Wétè k̀è é kán píngi ke lakutu, à gbē maaa wete à pítāa, àgṅ kú gwe ai à gá gēo zéla. <sup>12</sup> Tó a gē ua guu, à ì nnaa k̀párimma. <sup>13</sup> Tó uadeenoṅ k̄ṅ s̄io, a ì nnaa é g̀ṅṅnè. Tó aṅṅe k̄ṅ s̄io s̄oro, a ì nnaa é éara à s̀okpaawa. <sup>14</sup> Guu k̀è wèè a sín ke wèè swā k̀pá a yāziro, à b̄o ua ke lakutu p̀in à lutē gogo a gbánṅa. <sup>15</sup> Yāpuraan m̀eṅ ooare, yākpæk̀eṅgurṅ z̀i wéetamma k̀è s̄oṅmu k̀ṅn Gṅṅradeenoṅ é ee égṅ s̄àṅ de wétè p̀i deenoṅ p̀óla.

*Yā k̀è eé Yesu ìbanṅ le onnèna*  
(Maa 13:9-13, Luk 21:12-17)

<sup>16</sup> M̀eṅ a z̀i lán s̄aanoṅ b̄a lewannṅ t̀eṅ. Àgṅ làakari v̄i lán ml̀ènoṅ b̄a, àgṅ de yākekerisaideenoṅ ũ lán p̀t̀ènoṅ b̄a. <sup>17</sup> À làakari ke gbēnteenṅzi, zaake aṅṅ a k̀ük̀ü wà a na yākpæk̀erinoṅ ǹ ṅz̄i, aṅṅ a gbēgbē ǹ aduakekpènoṅ guu. <sup>18</sup> Weé gáao bùsu gbēnsinoṅ k̀ṅn ḱinanṅ kiia ma yānzi. Égṅ deñnè ma s̀eṅdadeenoṅ ũ k̀ṅn bori pāndenṅ. <sup>19</sup> Tó wà a k̀párimma, àton yā k̀è é o ke yā k̀è é limma damu k̀ero. Z̀i beea Luda bé é yā k̀è é oo da a lén. <sup>20</sup> Èe ke ámbè é yā oro, a De Nini bé eé yā da a lén.

<sup>21</sup> V̄ii k̀ṅn d̀aaronṅ é k̄ṅ k̀párimma wà de. Denṅ é b̄o ǹ ǹénoṅ k̀p̀eṅ. Ǹénoṅ é b̄o ǹ denṅ k̀ṅn ǹ danṅ k̀p̀eṅ wà ǹ de. <sup>22</sup> Gbē píngi é zaagu ma yānzi, m̀de gbē k̀è z̄ena gbāa ai à guro léa é m̀isina e. <sup>23</sup> Tó wèè wéè t̄aaawa wétè ken, à b̄aa lé à tá à pānden. Yāpuraan m̀eṅ ooare, é gá Isarailinoṅ bùsu wétènoṅ guu à yāa píngiro, Gbēntee Né é ḡiake à m̀ó. <sup>24</sup> Ìba ègṅ de a dannèrilaro. Z̀iri ègṅ de a diilaro. <sup>25</sup> Tó ìba a yādanneri gwena lè ke tó z̀iri a dii gwena lè, beee m̀ò le. Tó wà tó k̀pá ua b̀eṅdeṅ Belezebubu, tó k̀è à zaa de beelaan weé k̀pá à b̀eṅdeṅṅ.

*Z̄ena k̀ṅn Yesuo gbēnoṅ aṅ*  
(Luk 12:2-9)

<sup>26</sup> Àton v̄ia k̀énnèro. P̀ókee kuu utena k̀è é b̄o gupuraaaro. Asiiyā kee kuu k̀è weé g̀i d̄ziro. <sup>27</sup> À yā k̀è m̀eṅ ooare gusiaan o gupuraa. À yā k̀è eé maa k̀páikpái k̀páakpa ke gāale. <sup>28</sup> Gbē k̀è aṅṅ m̀ebaa kaate, m̀de aṅṅ f̄ṅ wà ninii d̀eroonoṅ, àton v̄ia k̀énnèro. À v̄ia ke Ludané k̀è eé f̄ṅ à nini k̀ṅn m̀èò kaate té guu píngi. <sup>29</sup> Wè s̄atē m̀èn plaaa yá k̀ṅṅ donloo? M̀de aṅ ke è léè t̄ote a De yād̄na sairo. <sup>30</sup> Baa a mik̄anoṅ, à à lé d̄ṅ. <sup>31</sup> Beee yānzi àton v̄ia k̀ero. A b̀èe de s̄atē pariinola.

<sup>32</sup> Gbē k̀è z̄emaṅ gbēnoṅ aṅ, mé z̄eo ma De k̀è kú musu aṅ. <sup>33</sup> Gbē k̀è lé s̀emazi gbēnoṅ aṅ s̄ṅ, mé lé sézi ma De k̀è kú musu aṅ.

*Kèkèkōana Yesu yānzi*  
(Luk 12:51-53, 14:26-27)

<sup>34</sup> Àtongō daa ma mɔ le gbēnɔ gō nna kōo anduna guunlo. Mée mó le gbēnɔ gō nna kōo yānzinlo, sé fēena kōzi. <sup>35</sup> Ma mɔmɛ, le gōgbē bɔ a de kpɛɛ, nɔgbē bɔ a da kpɛɛ, nɔzāree bɔ a zā da kpɛɛ. <sup>36</sup> Gbē bēdeenɔ é gō à ibēenɔ ũ. <sup>37</sup> Gbē kè ye a de ke a dazi dɛmalaa e ká àgō dɛ ma ìba ũro. Gbē kè ye a négōgbē ke a nɔgbēzi dɛmalaa e ká àgō dɛ ma ìba ũro. <sup>38</sup> Gbē kè èe a líkpangbāroo sé àgō téomaziro, adee e ká àgō dɛ ma ìba ũro. <sup>39</sup> Gbē kè à a wèndi kūna, adee é korazi. Gbē kè gí a wèndizi ma yānzi sō, adee égō wèndi vī.

*Láada ena yā*  
(Maa 9:41)

<sup>40</sup> Gbē kè à a si ma simɛ. Gbē kè ma si sō, adee gbē kè ma zīi sime. <sup>41</sup> Gbē kè annabi si a annabike yānzi é annabi láada e. Gbē kè gbē maaa si a maakɛ yānzi é gbē maaa láada e. <sup>42</sup> Baa í yīin, gbē kè né kèkiinɔ doke gbà ma ìbakɛɛ yānzi, yāpuraan mée ooare, adee é kora a láadaziro.

## 11

*Yaaya Batisikeri zìrinɔ*  
(Luk 7:18-35)

<sup>1</sup> Kè Yesu yā beeenɔ dà a ìba gōɔn kuri awɛɛplaaanɔnɛ à yāa, à bò gwe, à gāa waazi kɛ ní wétenɔ guu, èe yā daañnɛ.

<sup>2</sup> Zaa kpésiaan Yaaya Kirisi yākenanɔ mà, ben à a ìba kenɔ zī <sup>3</sup> aō à la, àmbe gbē kè ée mó ũs, ke wàgō wée dɔɔ gbē pāndezimɛ? <sup>4</sup> Ben Yesu wènila à bè: À gá yā kè ée maa ée ee gbā Yaayanɛ à be, <sup>5</sup> vīanɔɔ e guu ee, ɛrenɔɔ e taa oo, kusunɔɔ e kèkōa, swādoonɔɔ e yā maa, gènɔɔ e fɛɛɛ, takaasideenɔɔ e baaru nna waazi maa. <sup>6</sup> Aubarikadeen gbē kè è fu ma yāaroo ũ.

<sup>7</sup> Kè Yaaya zìrinɔ tà, Yesu Yaaya yā ò pariinɛ à bè: Bón a gaa gwa gbáan? Kàba kè ìa e nigāan yó? <sup>8</sup> Bón a gaa gwa saa? Gbē kè pókāsā zāe danan yó? Pókāsāmaadarinɔ ègō kú kíbemɛ. <sup>9</sup> Bón a gaa gwa saa? Annabin yó? Lɛmɛ! Mée ooare, à dɛ annabila se. <sup>10</sup> Zaakɛ Yaayan wà à yā kè Luda yān wà bè: Mé ma zìri gbare n ā le à zé kekennɛ. <sup>11</sup> Yāpuraan mée ooare, nɔgbē né'ina guu gbēkee e bɔ à kà Yaaya Batisikeri ũro. Baa kōn beeeo gbē kè dɛ gbē kpɛɛdee ũ kpata kè bò Luda kiia guu dɛàla. <sup>12</sup> Zaa gurɔɔ kè Yaaya Batisikeri nà waazikenaa ai mɔna gbāa, wèe kōdɛe kɛɛ wà gē kpata pìn, ben kùgbāadeenɔɔ e gēɛn. <sup>13</sup> Musa kōn annabinɔ píngi gīake wà à yā ò ai à gāa pé Yaayaa. <sup>14</sup> Tó é fō à sí, Yaaya pì bé à Ìlia kè wà bè ée mó ũ. <sup>15</sup> Gbē kè swā vī à ma.

<sup>16</sup> Bón mé tōorigbēnɔ lékōzio? Aō dɛ lán né kè aō kú yàra guu aōɛ lé zuukōzinɔ bà <sup>17</sup> wèe bee:

Wa kure pèare, ée ò wāro,  
wa wènda lè siare, ée sósobi kero.

<sup>18</sup> Zaakɛ Yaaya mò, èe buredi sóro, èe wèe miro, ben wà bè zīndeemɛ. <sup>19</sup> Kè Gbēntee Né mò, è pò ble, è í mi, ben wà bè: Guturu wēmirimɛ, be'ɔɔsirinɔ kōn durunkerinɔ gbēnnamɛ! Mòde wè òndɔɔ dō a yākenaamɛ.

*Yesu zɔkakana wéte kenɔ deenszi*  
(Luk 10:13-15)

<sup>20</sup> Ben Yesu fèe à zɔka kà wéte kè à a dabuyā paridee kènnɔ gbēnɔzi, kè aōɛ ní nòse liero yānzi à bè: <sup>21</sup> Wāiyoo Kɔrazideenɔ! Wāiyoo Betesaidadeenɔ! Tó ma dabuyā kè má kè a ténɔ kè Taya kōn Sidōo yā, le wéte pì deenɔ pókāsāanɔ dàdānla, aō vèe tubura à gí kè nòseliena sèeda ũ. <sup>22</sup> Mée ooare, yākpakɛgurɔɔ zī a wétamma égō dɛ Tayadeenɔ kōn Sidōdeenɔ póla. <sup>23</sup> A Kapenamudeenɔ sō é gbā à zō Ludaan yó? Weé ɔ sōazi ai gèwāan. Zaakɛ tó wà dabuyā

kè má kèareenɔ kè Sɔdɔmu yā, le à kuu ai kɔn a gbāao. <sup>24</sup> Mée ooare, yākpaεkegurɔɔ zĩ a wéetamma égɔ de Sɔdɔmudeenɔ pɔla.

*Kámmabona Yesu kiia  
(Luk 10:21-22)*

<sup>25</sup> Zĩ beea Yesu bè: Baa, musu kɔn tɔtεo Dii, ma n sáabu kè, kè n yā beeenɔ ùte yādɔrinɔne kɔn ɔndɔrinɔ, n bɔo kyódɔrisainɔne. <sup>26</sup> Lemε, Baa, zaake n pɔyezinaμε. <sup>27</sup> Ma De pɔ píngi náme ma ɔzĩ. Gbēkee Luda Né dɔro, tó èe ke De Luda baasiro. Gbēkee De Luda dɔro, tó èe ke à Né kɔn gbē kè Né pì yezi à à ɔɔaɔnɔnɔ baasiro.

<sup>28</sup> À mó ma kiia amɔa kè á aso sɛna a kpasanɔ píngi, mé a gba zé à kamma bo. <sup>29</sup> À ma gbóngo sé à yā dada ma kiia, a làakari é kpáε, zaake má buse bensɔ ma nɔse yĩi. <sup>30</sup> Ma gbóngo sɛna zĩ'ũro, ma asoo tiisiro.

## 12

*Kámmabogurɔ yā  
(Maa 2:23-3:6, Luk 6:1-11)*

<sup>1</sup> Gurɔ beea Yesu e pāa buraanɔla kámmabogurɔɔ zĩ. Nɔaa e à ìbanɔ deε, ben aɔ pówεε wòro, aɔε soo. <sup>2</sup> Kè Farisinɔɔ è le, ben aɔ bène: Ñ n ìbanɔ gwa, aɔε yā kè wè ke kámmabogurɔɔ zĩroo keε. <sup>3</sup> Ben Yesu bènéne: Ée kyó ke á è lán Dauda kè nà kɔn a gbēno gurɔɔ kè nɔaa e n deeroo? <sup>4</sup> À gè Luda ua guu, àpi kɔn a gbēno buredi kè wà kàε Ludane sò, buredi kè aɔo à sona zé vĩro, sé sa'orinɔ. <sup>5</sup> Kè sa'ori kè aɔo kú Luda ua guu kámmabogurɔɔ zĩno è gurɔɔ pì yā daro, bensɔ èe kéne taari ũro, ée à kyó ke á è Luda yānloo? <sup>6</sup> Mée ooare: Pó kè à bíta de Luda ualaa kú kè. <sup>7</sup> Tó á yā kèkii mì dɔ, kè kɔwëndagwanan má yezi, èe ke sa'onanlo, le ée taarisaideenɔ taari ero. <sup>8</sup> Zaake Gbēntee Né bé à iko vĩ kámmabogurɔɔa.

<sup>9</sup> Kè Yesu bò gwe, ben à gè n aduakekpen. <sup>10</sup> Gɔgbē kee kú gwe, à ɔ doo fēfēna. Gbēkeno e zé wetεε wà yā di Yesua, ben aɔ à là wà bè: Gbēkēkɔana kámmabogurɔɔ zĩ zé vĩ? <sup>11</sup> Ben à wènlà à bè: Tó a gbēkee sāa vĩ à zù wèen kámmabogurɔɔ zĩ, à gí gá à bɔzi? <sup>12</sup> Gbēntee de sāala zā. Beee yānzi maakεna kámmabogurɔɔ zĩ zé vĩ. <sup>13</sup> Ben Yesu bè gɔgbē pìne: Ñ n ɔo pì poro. Kè à pòro, ben à kè a gbèn wásawasa lán à doo bà. <sup>14</sup> Ben Farisinɔ bɔε wà gāa wà yā gɔgɔ dian aɔé ke nà wà Yesu de.

*Zĩkeri kè Ludaa sè*

<sup>15</sup> Yesu dɔ, ben à gù gwe. Parii bò wà tēzi, ben à gyāree kè aɔo kú n ténɔ kèkɔa n píngi, <sup>16</sup> à giñne aɔ o gbē kè á de à ũ. <sup>17</sup> Len Luda yā kè annabi Isaya ɔ kè le, à bè:

<sup>18</sup> Ma zĩkeri kè má sèn yè,  
ma yenzidee kè à yā è kámaguu.

Mé ma Ninii di à musu,  
eé yāzεdee da boriinɔne.

<sup>19</sup> Eé leokpakɔa kero, eé patammaro,  
gbēke é à zɔka ma dɔ gāalero.

<sup>20</sup> Eé kàba kè kpá zén éro,  
eé fitia wéε'ibakεna dero,  
ai à tó yāzεdee zĩ ble.

<sup>21</sup> Bori píngi tāmaa égɔ dɔa.

*Zĩn gona gbēnɔa  
(Maa 3:20-30, Luk 11:14-23)*

<sup>22</sup> Ben wà mò Yesune kɔn zĩnde vĩa kè à néne naenao. Yesu à kèkɔa, èe yā oo sa, èe guu ee. <sup>23</sup> Ben yā pì bò gbēno sae n píngi wà bè: Dauda borii pìn yèroo? <sup>24</sup> Kè Farisinɔɔ mà, ben aɔ bè: Gbē kèkii é fɔ à zĩn goɔmmaro sé kɔn zĩnno kí Belezεbubu gbāaao. <sup>25</sup> Yesu n laasuu dɔ, ben à bè: Kpata kè à gbēno íbete kpà kɔo é kaate. Wéte ke ua kè à gbēno íbete kpà kɔo é gɔ

bezĩ ùmε. <sup>26</sup> Tó Setān e a zĩnda goo gbēnɔ, à íbete kpà a zĩndaon gwe. À kpata é gì ke diamε? <sup>27</sup> Tó Belezεbubu gbāaan mēgō zĩnno gooomma sō, a gbēnɔ è n go kōn dé gbāaaomε? Len a zĩnda gbēnɔ a εge bò le. <sup>28</sup> Tó Luda Nini gbāaan mēε zĩn goomma, àgō dō kè kí kè Ludaa kà mò à a len gwe.

<sup>29</sup> Dian gbē é ke nà à gē gōsagbāaa kpén à à póno séεε? Séto à à yì gĩa, gbasa à à kpé kpoke. <sup>30</sup> Gbē kè de ma gbē ūroo né ma íβεmε. Gbē kè èε pó kaakōamaoroo e fāakōamε. <sup>31</sup> Beee yānzi mēε ooare, Luda é gbēnɔ durunnɔ kēńne kōn a tó zaaa kè aōè sísinɔ pínɡi, mōde eé gbē kè à à Ninii tó zaaa sì kēro. <sup>32</sup> Tó gbē Gbēntee Né tó zaaa sì, Luda é kēne, mōde tó gbē Luda Nini tó zaaa sì, eé adee kē anduna tiaa kèkii guuro ke à kè èε mō.

### *Gbē dōna a yākεnaa* (Luk 6:43-45)

<sup>33</sup> Tó lí maa, à né égō maamε. Tó lí zaa sō, à né égō zaamε. Zaake líβεεn wè lí dōa. <sup>34</sup> Gbēntee pitigoonɔ! Kè á zaa, à kè dia é fō à yā maaa oo? Zaake yā kè swè pàn lé è o. <sup>35</sup> Gbē maaa è à maaa bɔ à maaa kè kaena a guumε. Gbē zaaa sō è à zaaa bɔ à zaaa kè kaena a guumε. <sup>36</sup> Mēε ooare, yākpaekegurɔ zĩ gbēnɔ é n faasaiyā kè aō ò tōkē Ludane pínɡi. <sup>37</sup> Zaake yā kè n ò bé eé yā nnaa kpámma kesō à yā danla.

### *Sèedagbekana Yesua* (Maa 8:11-12, Luk 11:29-32)

<sup>38</sup> Ben ludayādannerinɔ kōn Farisi kenɔ bè Yesunε: Danneri, wá yezi n sèeda ke ke wà e. <sup>39</sup> Ben Yesu wèńla à bè: Tōorigbē zaa ludanaanekerisaideenɔ bé wè sèeda gbekama, mōde mé sèeda ke kēńnero, sé annabi Yunusa pó. <sup>40</sup> Lán Yunusa kè kpò isi gbεεε guu nà fāantē kōn gwāavĩ ai gurɔ aagō, len Gbēntee Né é ke le tōten fāantē aagō gwāavĩ aagō. <sup>41</sup> Yākpaekegurɔ zĩ Ninεvadeenɔ é fεε wà yā da tōorigbēnɔla, zaake kè aō Yunusa waazi mà, aō n nòse liε, ben gbē kè bíta de Yunusalaa kú kè. <sup>42</sup> Yākpaekegurɔ zĩ sɔomεte kpa nɔgbē kína é fεε à yā da tōorigbēnɔla, zaake à bò zaa anduna léa à mò Sulemanu ōndōyā ma, ben gbē kè de Sulemanulaa kú kè sa.

### *Zĩεarana a bε ziiia* (Luk 11:24-26)

<sup>43</sup> Tó wà zĩn gō gbēa, ègō likōaa zōo gukorin àgō vēεkii wεtεε. Tó èε ero, <sup>44</sup> ben è be: Mé liara mà tá ma bε ziiamε. Tó à kà gwe, è e à da pā, à waana wásawasa zéazea. <sup>45</sup> Ben è gá à zĩn kè aō pāsĩ dealaano séε mèn swεεplaa à suńyo aōè gē wà vēεn. Lemε adee gwena zāa zaaa ègō de à káakupla. Góro dōnkō pì bé eé tōorigbē zaaano bikū sō.

### *Yesu danεnɔ* (Maa 3:31-35, Luk 8:19-21)

<sup>46</sup> Kè Yesu e yā oo gbēnɔne, ben à da kōn à dāaronɔ kà, aō zè bàazi, aō yezi wà yā oo. <sup>47</sup> Ben wà bène: N da kōn n dāaronɔ ze bàazi, aō yezi wà yā onyo. <sup>48</sup> Ben à wèala à bè: Dén ma da ūu? Dén ma dāaronɔ ūu? <sup>49</sup> Ben à ò dō a ibanɔ à bè: Ma da kōn ma dāaronɔn yè. <sup>50</sup> Zaake gbē kè è ma De kè kú musu poyezi keen ma dāaro kōn ma dāreo kōn ma dao ū.

## 13

### *Yālekōzina kōn pówεfārio* (Maa 4:1-20, Luk 8:4-15)

<sup>1</sup> Gurɔ dōnkō pì zĩ Yesu bò bε à gāa à vēε sèβε léa. <sup>2</sup> Wà pāzi paripari, ben à gē à vēε góro'iten, gbēnɔ gō zena sísíla n pínɡi. <sup>3</sup> Ben à yā lēkōzińne pari à bè: Búbari ke bé à bò à gāa pówεε fā. <sup>4</sup> Lán èε fāa nà, ben à kenɔ lèε zé guu, bāano mò wà blè. <sup>5</sup> À kenɔ lèε gbè sàra musu, gura kè bùsu vī bitaro, ben aō bōε gō, kè bùsu bíta gwero yānzi. <sup>6</sup> Kè ofāntē fēε, ben aō té kù wà gāga kè aō kāsāa vīro yānzi. <sup>7</sup> À kenɔ lèε lèno guu, ben lè fēε à nākōrēńma. <sup>8</sup> À

keno sɔ lɛɛ tɔtɛ maaa guu, aɔ fɛɛ wà né ì, à keno wée basɔɔɔro, à keno baaagɔgɔ, à keno baaakurikuri. <sup>9</sup> Gbɛ kè swā vī à ma.

<sup>10</sup> Ben Yesu ibanɔ sɔzi, aɔ à là wà bè: Bóyānzi née yā ooñe kɔn yālekɔzinaozi? <sup>11</sup> Ben à wèñla à bè: Luda a gba zé à kpata kè bɔ à kiia asiinɔ dɔ, mode èe ñ gba zéro. <sup>12</sup> Zaake gbɛ kè pɔ vīin, Luda é kaarane ai àgɔ dizi. Gbɛ kè pɔke vīroo sɔ, baa à néngo kè à vīi Luda é sía. <sup>13</sup> Beee yānzin mée yā ooñe kɔn yālekɔzinaozi, le aɔ guu gwa pɔke'ena sai, aɔ swā kpá yāmasai, à dɔro dɔna sai. <sup>14</sup> Luda yā kè annabi Isaya ò kèmma à bè:

Aɔégɔ swā kpaa yākemana sai,  
aɔégɔ guu gwaa pɔke'ena sai.

<sup>15</sup> Aɔo nòse vīro le aɔton ɔndɔ kuro yānzi,  
aɔ swā gbāa le aɔton yā maro yānzi,  
aɔ wée kpakɔrena le aɔton guu ero yānzi,  
zaake aɔ yezi wà ae dɔma mà ñ gba aafiaro.

<sup>16</sup> Aubarikadeenɔn a ũ kè a wée e guu ee, bensɔ a swā e yā maa. <sup>17</sup> Yāpuraan mée ooare, annabinɔ kɔn gbɛ maaanɔ kuu yā pari, aɔ yezi wà pɔ kè ée eenɔ e, aɔe ero, aɔ yezi wà yā kè ée maanɔ ma, aɔe maro.

<sup>18</sup> À pówɛfāri yā mì dɔ sa. <sup>19</sup> Tó gbɛ kpata kè bɔ Luda kiia yā mà ben èe dɔro, Setān è mɔ à pɔ kè wà tɔ à swè guu pì síame. Pówɛ kè lèe zé guu mìn gwe. <sup>20</sup> Pówɛ kè lèe gbè sàraa sɔ, been gbɛ kè yā mà à sì gɔo kɔn pɔnnao ũ. <sup>21</sup> Zaake à kāsāa vīro, è ke gurɔ plaaro. Tó yā'amma à lè ke tó wà wée taa yā pì yānzi, è fume gɔo. <sup>22</sup> Pówɛ kè lèe lenɔ guu de lán gbɛ kè yā mà a sì bà, mode anduna yā kāhānkɛna kɔn yena auzikizio è nakɔrea, ben è gɔ àre sai. <sup>23</sup> Pówɛ kè lèe tɔtɛ maaa guu de lán gbɛ kè yā pì mà à à dɔro dɔo bà. È ke kaarana pɔ ũ, aɔ keno basɔɔɔro, keno baaagɔgɔ, keno baaakurikuri.

### *Yālekɔzina kɔn sɛfɔo*

<sup>24</sup> Yesu yā pānde lèkɔziñne à bè: Lán kpata kè bɔ Luda kiia de nān yè: Gbɛke ése maaa tɔ a bura. <sup>25</sup> Gurɔo kè wèe ii oo, ben à ibee mò à fɔo wée fā ése pìn, ben à gè zéla. <sup>26</sup> Kè ése nò sì èe piaa, ben fɔo pì bɔ gupuraa. <sup>27</sup> Ben buradee zīkerinɔ mò wà bène: Dii, pówɛ maaan ñ tɔ n buranloo? Fɔo gāa bɔ mame? <sup>28</sup> Ben à bèñne: Ibèe bé à beee kè. Ben zīkerinɔ bène: N yezi wà gá wurɛwurɛn yó? <sup>29</sup> Ben à bè: Auo! Tó ée wurɛwurɛ, é wurɛ kɔn éseome. <sup>30</sup> À tó aɔ fɛɛ lɛdo ai pɔkɛgurɔ. Mé o pɔkɛrinɔne aɔ fɔo pì kè gīa, aɔ à bakaa yi té pɔ ũ, gbasa wà ése kè wà ká ma dɔn.

### *Yālekɔzina kɔn musadi wéeo (Maa 4:30-32, Luk 13:18-19)*

<sup>31</sup> Yesu yā pānde lèkɔziñne à bè: Kpata kè bɔ Luda kiia de lán musadi wée kè gbɛ sè à tɔ a buraa bàme. <sup>32</sup> À wée kete de pówɛenɔla píngi, mode tó à fèe, è ke bíta de dò pónɔla píngi. È lí ke ai bāanɔ è mó wà zɔzɔ à gānɔa.

### *Yālekɔzina kɔn buredisese'ézɛo (Luk 13:20-21)*

<sup>33</sup> Yesu yā pānde lèkɔziñne à bè: Kpata kè bɔ Luda kiia de lán buredisese'ézɛ kè nɔgbɛ sè à kà flawa zaka lé aagɔo guu à yākɔte píngi bà.

### *Pɔ kè tò Yesu yā lèkɔziñne (Maa 4:33-34)*

<sup>34</sup> Yesu yā beenɔ ò gbɛnɔne kɔn yālekɔzinao. Èe yāke oñne yālekɔzina sairo, <sup>35</sup> le yā kè annabi ò ke yānzi, zaake à bè: Mé lé wè mà yālekɔzina oñne, mé yā kè utena zaa andunakaɛgurɔo oñne.



### *Sèfɔ̄ yā bɔkɔ̄tɛna*

<sup>36</sup> Ben Yesu gbɛ̄nɔ̄ tò gwe à tà bɛ. À ìbanɔ̄ sòzi aɔ̄ bè: N̄ bura fɔ̄ yā bɔkɔ̄tɛ kewe. <sup>37</sup> Ben à bè̄n̄nɛ: Pówɛemaat̄ori né Gbɛ̄ntee Némɛ. <sup>38</sup> Bura né andunamɛ. Pówɛɛ maa né kpata kè b̀ Luda kiia gbɛ̄nɔ̄mɛ. Fɔ̄ né Setān gbɛ̄nɔ̄mɛ. <sup>39</sup> Ibɛɛ kè n̄ t̄ò né Ibilisimɛ. Pókɛkɛna né andunayāagurɔ̄mɛ. Pók̄erinɔ̄ né malaikanɔ̄mɛ. <sup>40</sup> Lán wè fɔ̄ kè wà ká tén nà, len eé ke le andunayāagurɔ̄. <sup>41</sup> Gbɛ̄ntee Né é a malaikanɔ̄ gbarɛ aɔ̄ gb̄k̄ek̄ek̄erinɔ̄ k̄ɔ̄n zaakerinɔ̄ bɔɛ a kpata gbɛ̄nɔ̄ té n̄ píngi, <sup>42</sup> aɔ̄ n̄ ká té pāsī guu. Gwen aɔ̄é ɔ̄ dɔ̄n wà ɔ̄ di n̄ musu. <sup>43</sup> Ben gb̄ maaanɔ̄ éḡɔ̄ té kɛɛ lán ɔ̄fānt̄ɛ bà kpata kè b̀ n̄ De kiia guu. Gb̄ kè swā vī à ma.

### *Yalɛk̄szina k̄ɔ̄n auzikio*

<sup>44</sup> Kpata kè b̀ Luda kiia de lán auziki kè utena tɔ̄tɛ guu bàme. Kè gb̄ke b̀a, à kèke à ùte, ben p̄nnaa guun à tà à p̄ kè à vīnɔ̄ yā píngi, ben à tɔ̄tɛ pì lù.

### *Yalɛk̄szina k̄ɔ̄n gb̄ èèdeeo*

<sup>45</sup> Lán kpata kè b̀ Luda kiia de n̄n̄ yè d̄. Laatari bé èe òso maaanɔ̄ wɛtɛɛ. <sup>46</sup> Kè à òso ɔ̄deee è, ben à tà à p̄ kè à vīnɔ̄ yā píngi, ben à òso pì lù.

### *Yalɛk̄szina k̄ɔ̄n táaru*

<sup>47</sup> Lán kpata kè b̀ Luda kiia de n̄n̄ yè d̄. Wà táaru kpà s̄ben, à kp̄ bori s̄anda píngi kù. <sup>48</sup> Kè à pà, wà ḡaè wà bikùo baa, ben wà v̄ɛè wà à maaanɔ̄ pl̄pl̄e wà kà gb̄in, wà à zaaanɔ̄ kwèè. <sup>49</sup> Len eé̄ḡɔ̄ de le andunayāagurɔ̄. Malaikanɔ̄ é m̄o gb̄ zaaanɔ̄ s̄éɛ wà n̄ b̄o gb̄ maaanɔ̄ té, <sup>50</sup> aɔ̄é n̄ ká té pāsī guu. Gwen aɔ̄é ɔ̄ dɔ̄n wà ɔ̄ di n̄ musu. <sup>51</sup> Ben Yesu n̄ lá à bè: A yā beeenɔ̄ mì d̄s̄ sa píngi? Aɔ̄ wèàla wà bè: Ee! <sup>52</sup> Ben à bè̄n̄nɛ: Tó yādanneri kpata kè b̀ Luda kiia yā dàda, eé̄ḡɔ̄ de lán bèdeee kè è p̄o dufu k̄ɔ̄n à ziio b̄o a làasi guu bàme.

### *Nazar̄tideenɔ̄ gina Yesuzi*

*(Maa 6:1-6, Luk 4:16-30)*

<sup>53</sup> Kè Yesu yā beeenɔ̄ l̄k̄ziín̄nɛ à yāa, à b̀ gwe, <sup>54</sup> à ḡaa a bɛ w̄tɛ, ben èe yā daañ̄nɛ n̄ aduak̄ek̄p̄n. À yā b̀ n̄ sae aɔ̄ bè: Mákpan ḡgb̄ pì ɔ̄nd̄s̄ k̄ɔ̄n dabuyā beeenɔ̄ èn? <sup>55</sup> Lí'ari n̄n̄ yèroo? À da t̄n̄ Mariamaroo? À d̄aron̄n̄ Yemisi k̄ɔ̄n Yusufuo k̄ɔ̄n Simɔ̄ k̄ɔ̄n Yudao ūroo? <sup>56</sup> À d̄arenɔ̄ kúwao kèroo? À yā beeenɔ̄ è máme píngi? <sup>57</sup> Ben aɔ̄ ḡizi. Yesu bè̄n̄nɛ: Annabi èḡɔ̄ bèè sairo, sé à bɛ w̄tɛ k̄ɔ̄n à uao. <sup>58</sup> Èe dabuyā ke gwe pariro, kè aɔ̄ɛ à náane kero yānzi.

## 14

### *Yaaya Batisikeri gana*

*(Maa 6:14-29, Luk 9:7-9)*

<sup>1</sup> Gurɔ̄ m̀a b̀usu pì kí Herɔ̄du Yesu baaru mà. <sup>2</sup> Ben à bè a ìbanɔ̄nɛ: Gb̄ pì né Yaaya Batisikerimɛ. À f̄ɛɛ b̄ona gaan, beee yānzin à gb̄aaa è èe dabuyānɔ̄ kɛɛzi. <sup>3</sup> Zaake Herɔ̄du Yaaya kù yā, à mò k̄aa, à à dà kp̄s̄iaan a v̄i Filipi naɔ̄ Herɔ̄dia yānzi. <sup>4</sup> Zaake Yaaya èḡɔ̄ beene: N Herɔ̄dia k̄una n̄o ū zé v̄iro. <sup>5</sup> Herɔ̄du yezi à à de, m̄de èe v̄ia kɛɛ gb̄n̄nɛ, zaake aɔ̄ à annabik̄ɛ s̄i.

<sup>6</sup> Herɔ̄du igurɔ̄ làa k̄k̄k̄ z̄i Herɔ̄dia n̄n̄k̄pare ɔ̄ wà gb̄ kè aɔ̄ mò gweenɔ̄nɛ, ben à kè Herɔ̄dunɛ nna maamaa. <sup>7</sup> Ben à lé gb̄ è à bè: Má la dà kè mé n̄ gba p̄o kè n̄ à w̄éè k̄ema píngi. <sup>8</sup> Ben à da yā k̄akanɛ à be: N̄ ma gba Yaaya Batisikeri mì dana p̄erenti guu kè tia. <sup>9</sup> Ben k̄ina p̄o yāka, m̄de kè à la dà nib̄n̄o w̄aa yānzin à bè wà kp̄aazi. <sup>10</sup> Ben à gb̄ z̄i wà Yaaya mì z̄ò kp̄s̄iaan. <sup>11</sup> Kè wà mò k̄ɔ̄n à mìo dana p̄erenti guu, wà kp̄a né p̄ia, ben à ḡaao a danɛ. <sup>12</sup> Ben Yaaya ìbanɔ̄ mò wà à ḡè s̄è wà v̄i, ben aɔ̄ ḡaa wà ò Yesunɛ.

### *Yesu p̄blekpana ḡgb̄ ḡɔ̄n b̄oɔ̄ s̄oɔ̄roonɔ̄a*

*(Maa 6:30-44, Luk 9:10-17, Yoh 6:1-15)*

<sup>13</sup> Kè Yesu yā pì mà, ben a gè góro'ite guu, èe gaa gusae le àgō kú ado. Kè gbēnɔ mà, aō bò wéte kōn wéteo pari wà pèezi kèse. <sup>14</sup> Kè Yesu bò góro guu, à gbēnɔ è paripari, ben aō kène wēnda, ben à gyāree kè aō kú n ténɔ kèkōa. <sup>15</sup> Kè uusie kè, à ìbanɔ sòzi aō bè: Gura kèkii né sète pòrotumε, bensō guu e sii. N gbēnɔ gbare aō tá lakutunɔ guu, aō pòblee wetε wà lú. <sup>16</sup> Ben Yesu wèníla à bè: Èe ke tiasi aō táro. À pò kpámma aō ble. <sup>17</sup> Ben aō bène: Buređi mèn sɔoro kōn kpò mèn plaaaon wá vī kè. <sup>18</sup> Yesu bènéne: À móme kè. <sup>19</sup> À ò gbē pìnɔne aō vèe sèa, ben à buređi mèn sɔoro kōn kpò mèn plaaa pìnɔ sè, à a wée sè musu, à aubarika dàn. Ben à buređi pì lìlikōre à kpà a ìbanɔa, aō kpàatete gbēnɔne. <sup>20</sup> Aō pò blè wà kà n píngi. Ben wà à kpaaa kè gōnɔ sèe gbíi kuri awεεplaaa pà. <sup>21</sup> Gōgbē kè aō pò blè nɔ kà gōnɔ bɔrɔ sɔoro taka, nɔgbēnɔ kōn né nɔ baasi.

*Yesu táa'ona sèbelaa*  
(Maa 6:45-52, Yoh 6:16-21)

<sup>22</sup> Yesu gā nà a ìbanɔa gō aō gē góro'iten, aō dɔne ae gana sèbe baa kãa kpa ai àgō parii gbare. <sup>23</sup> Aō gbarena gbera, à òdi sīsī musu à adua ke ado. Guu e sii, à kú gwe ado. <sup>24</sup> Góro'ite pì kà zà kōn í léao, ben í e gó pì yīpayīpaa kè zàgā'īa kàkãzi yānzi. <sup>25</sup> Gudɔnao Yesu gāa n kiiia, èe táa oo íla. <sup>26</sup> Kè aō à è èe táa oo íla, ben swè kèngu aō bè: Gèwāadeeme! Aō wii lè kōn vīao, <sup>27</sup> ben Yesu bènéne gō: À a làakari kpáε, māmbee! Àton tó vīa a kūro. <sup>28</sup> Ben Pita bène: Dii, tó mbeee, n tó mà táa o íla mà mó n kiiia. <sup>29</sup> Ben Yesu bè: N mó! Ben Pita bò góro guu, èe táa oo íla èe gaa à kiiia. <sup>30</sup> Kè à è ĩa e kakaa, ben vīa à kù. Èe vlēεε, ben à wii pè à bè: Dii, n ma mì sí. <sup>31</sup> Gwe gō Yesu ɔ bò à à kù, ben à bène: Ludanaanekēsānade! Bóyānzi n seka kèzi? <sup>32</sup> Kè aō gè góro guu, ĩa zè. <sup>33</sup> Ben gbē kè aō kú góro guunɔ dɔnzi kène aō bè: Luda Némε n ũ yāpura.

*Yesu gyāreenɔ kèkōna zaa Genesareti*  
(Maa 6:53-56)

<sup>34</sup> Kè aō bikù baa, aō kà Genesareti bùsun. <sup>35</sup> Gwedeeno Yesu dō, ben aō à baaru dàgula bùsu pìn píngi, ben wà mōne gyāreenɔ n píngi. <sup>36</sup> Wà wée kèa le wà ɔ ke baa à uta léa. Ben gbē kè aō ɔ kèanɔ kèkōa n píngi.

## 15

*Fεεakaarayā*  
(Maa 7:1-13)

<sup>1</sup> Farisi kenɔ kōn ludayādanneri kenɔ bò Yerusalemu aō mò Yesu kiiia, ben aō à là wà bè: <sup>2</sup> Bóyānzi n ìbanɔ ègō wa dezinɔ fεεakaarayā kúnarozii? Aō è ɔ pípi gbasa wà pò blero. <sup>3</sup> Ben Yesu wèníla à bè: Bóyānzin eè gí Luda yādiēnanɔzi àgō a fεεakaarayā kūna? <sup>4</sup> Zaake Luda bè, à bèe lí a de kōn a daone. À bè dɔ, gbē kè à a de ke a da kpε bò, wà adee de. <sup>5</sup> Apinɔ sō eè be, tó gbē bè a de ke a danε, pò kè á vī à n kpe dao gò Luda pò ũ, <sup>6</sup> àsun a de kpe daoro. Lemε eè Luda yā ke famma le, le àgō a fεεakaarayā kūna yānzi. <sup>7</sup> A mōnafikideeno! Isaya annabikεyā ò a yā musu wásawasa à bè:

<sup>8</sup> Bori beee è bèe limεε kōn léome,  
aō swè kúmaro.

<sup>9</sup> Aō ègō dɔnzi keene pāmε,  
gbēntee yāzεkparen aō è dañne.

*Yā kè è tó wàgō gbāsī*  
(Maa 7:14-23)

<sup>10</sup> Ben Yesu parii sīsiazii à bè: À swā kpá à yā ma. <sup>11</sup> Èe ke pò kè è gē lén bé è tó gbē gō gbāsīro. Yā kè è bɔ lén bé è tó gbē gō gbāsī. <sup>12</sup> Ben a ìbanɔ sòzi aō bè: N dō kè Farisinɔ yā

pì mà à n z̄ n̄ swènloo? <sup>13</sup> Yesu wènla à bè: Pó kè ma De kè kú musu e t̄ro weé wureme. <sup>14</sup> À n̄ tó gwe. V̄ia d̄n'aedeenome! Tó v̄ia gò k̄na v̄iane, ās plaa n̄ píngi é si wèemme. <sup>15</sup> Pita bène: N̄ yā pì b̄k̄tewe. <sup>16</sup> Ben Yesu bè: A laasuu kpé yī se? <sup>17</sup> Á d̄s kè p̄ kè ḡ lén è tá gb̄een gbasa à b̄ mènloo? <sup>18</sup> Yā kè è b̄ lén s̄ è b̄ swè guume. Àmbe è tó gb̄ ḡ gbāsī. <sup>19</sup> Zaake zaa swè guun laasuu zaaa è b̄n: Gb̄edena, zinakena, p̄p̄akena, kp̄ai'ona, eḡetona k̄n gb̄s̄s̄nao. <sup>20</sup> Yā beeno bé è tó gb̄ ḡ gbāsī, p̄blena op̄ipisai è tó gb̄ ḡ gbāsīro.

*N̄gb̄ z̄it̄ w̄ekena  
(Maa 7:24-30)*

<sup>21</sup> Ben Yesu b̄ gwe, à ḡa Taya k̄n Sid̄o b̄sun. <sup>22</sup> Kanaa n̄gb̄ kee kú b̄su p̄n, à mò à wii p̄zi à bè: Dii, Dauda Bori, n̄ ma w̄nda gwa. Z̄in e w̄e t̄a ma n̄n̄kparea maamaa. <sup>23</sup> Ben Yesu e weàlaro. À ìbano s̄zi, ās w̄e k̄a wà bè: N̄ pé n̄gb̄ p̄a, zaake èḡ t̄wazi k̄n wiiome. <sup>24</sup> Yesu wènla à bè: Isarilino s̄s̄ana lán s̄ano bàme. Ās kiian Luda ma z̄in ado. <sup>25</sup> Ben n̄gb̄ pì mò à k̄ene à bè: Dii, n̄ ma ìanka. <sup>26</sup> Yesu bène: À maa wà n̄no p̄blee sé wà zu gb̄en̄ero. <sup>27</sup> Ben n̄gb̄ pì bè: Yāpurame Dii! M̄de baa gb̄eno è p̄ble buru kè l̄e n̄ dii teebu ḡz̄ino s̄ese. <sup>28</sup> Ben Yesu wèla à bè: N̄gb̄, n̄ ma náane v̄i b̄ita. À k̄ene lán n̄ yezi nà. Ben à n̄n̄kpare p̄ aafia è z̄i p̄a ḡo.

*Yesu gȳareno k̄k̄ana pari*

<sup>29</sup> Yesu b̄ gwe à ḡa èe d̄o Galili s̄bezi, ben à bikù à v̄e s̄is̄ia. <sup>30</sup> Wà m̄ne k̄n er̄eno k̄n v̄ano k̄n gb̄ k̄k̄unan̄o k̄n sw̄adon̄o k̄n gȳare p̄anden̄o paripari. Wà n̄ k̄e à ae, ben à n̄ k̄k̄a. <sup>31</sup> Kè gb̄eno è sw̄adon̄o e yā oo, gb̄ k̄k̄unan̄o e ḡo w̄asawasa, er̄eno e t̄a oo, v̄ano e guu ee, yā pì b̄ n̄ sae, ben ās Isarilino Luda s̄abu kp̄a.

*Yesu p̄blekpana ḡon̄ b̄rō siiḡon̄a  
(Maa 8:1-10)*

<sup>32</sup> Yesu a ìbano s̄is̄iazi à bène: Gb̄ k̄eno k̄eme w̄nda, zaake ās ḡake wà kúmao gur̄o aaḡo, ben ās p̄ke v̄i wà blero. Má yezi mà n̄ gbare k̄n n̄aaoro, le guu tón lim̄ma z̄enlo ȳanzi. <sup>33</sup> Ben a ìbano à là wà bè: Mákp̄an wé p̄blee en s̄ete p̄rōtu kè, à parii kè taka k̄a? <sup>34</sup> Ben Yesu n̄ lá à bè: Burēdi mèn ūgb̄an á v̄i? Ās bè: Mèn sw̄eplaame k̄n kp̄o kete ken̄o. <sup>35</sup> Ben à bè parii v̄e t̄ote. <sup>36</sup> Ben à burēdi mèn sw̄eplaaa p̄no s̄e k̄n kp̄on̄o, à s̄abu kè, ben à lilik̄re à kp̄a a ìbano, ās kp̄a gb̄eno. <sup>37</sup> Baade píngi p̄ blè wà k̄a. Wà à kp̄aaa kè ḡon̄o s̄e ai gb̄i sw̄eplaaa p̄a. <sup>38</sup> Ḡgb̄ kè ās p̄ bl̄eno kà ḡon̄ b̄rō siiḡo, n̄gb̄eno k̄n n̄no baasi. <sup>39</sup> Kè Yesu gb̄eno gb̄are, ben à ḡe ḡoro'ite guu, à ḡa Magad̄a b̄sun.

## 16

*Farisinō m̄nafiki  
(Maa 8:11-21, Luk 12:54-56)*

<sup>1</sup> Farisinō k̄n Sadusinō mò Yesu kiia le ās à ȳ wà gwa, ben ās à gb̄eka à s̄eda ke k̄ene k̄n Luda gb̄aaao wà e. <sup>2</sup> Ben Yesu wènla à bè: Tó of̄ant̄e ḡe kp̄en eè be, ludambe e k̄k̄a, zaake à t̄e k̄. <sup>3</sup> Tó k̄nḡome eè be, lou é ma gb̄aa, zaake ludambe de t̄e ḡeḡe. Á ludambe w̄e d̄k̄zi, m̄de ée f̄s̄ à gur̄o k̄k̄i s̄eda d̄ro. <sup>4</sup> T̄or̄iḡb̄ zaa ludanaanekerisaideeno bé wè s̄eda gbekama, m̄de mé s̄eda ke k̄en̄ero, sé Yunusa p̄o. Ben à n̄ tó gwe à tà.

<sup>5</sup> Kè à ìbano bikù baa gwe, burēdi k̄s̄ae yā s̄angu. <sup>6</sup> Ben Yesu bène: Aḡo a z̄inda k̄na d̄s̄! À làakari ke Farisinō k̄n Sadusinō burēdis̄e'èz̄ezi. <sup>7</sup> Ben ās beek̄ne: Kè w̄e burēdi séro ȳanzin à ò lezi. <sup>8</sup> Yesu d̄m̄ma, ben à n̄ lá à bè: Ludanaanek̄s̄anadeeno, b̄oȳanzin ée beek̄ne kè á burēdi v̄iro ȳanzimezi? <sup>9</sup> Ai tia ée d̄roo? Burēdi mèn s̄oro kè má kp̄a ḡon̄ b̄rō s̄or̄on̄a yā e d̄aguroo? Á s̄e gb̄i ūgb̄ame? <sup>10</sup> Burēdi mèn sw̄eplaaa kè má kp̄a

g̃ōn b̃ōr̃ō siig̃ōñōa s̃ō, á s̃èe gb̃íi ũgbame? <sup>11</sup> B̃óyānz̃in ée d̃ō k̃è burẽdi yān m̃ée oarerorozi? À làakari ke Faris̃iñō k̃ōn Sadus̃iñō burẽdis̃e'ēz̃ēzi! <sup>12</sup> Ben ãō d̃ō sa èe ke burẽdis̃e'ēz̃ē yān èe ooñne wà làakari kez̃iro, Faris̃iñō k̃ōn Sadus̃iñō yādannename.

*Yesu mesayake ona*

*(Maa 8:27-30, Luk 9:18-21)*

<sup>13</sup> K̃è Yesu kà Sizarea Filipi b̃usun, ben à a ìbañō là à bè: Dén gb̃ēñō è be Gb̃ēntee Né de à ũu? <sup>14</sup> Ãō wèàla wà bè: Gb̃ēkeñō è be Yaaya Batisikerime, gb̃ēkeñō è be Ilia, gb̃ēkeñō è be d̃ō Ỹeremaya ke annabi yāañō doken n ũ. <sup>15</sup> Ben à ñ lá à bè: Apiñō s̃ō, dén èe be má de a ũu? <sup>16</sup> Sim̃ō Pita wèàla à bè: M̃esayan n ũ, Luda W̃èndide Né. <sup>17</sup> Ben Yesu bène: Aubarikadeeme n ũ, Yunusa né Sim̃ō! Zaake èe ke gb̃ēntee bé à yā beee dànñero, ma De k̃è kú musume. <sup>18</sup> M̃ée oonne: Pitame n ũ, gb̃èsi p̃in mé ma s̃osi káea. Gèwāa gb̃āa é z̃ì blearo. <sup>19</sup> Mé kpata k̃è b̃ò Luda kiia m̃ōñeñō kpámma. Pó k̃è ñ yì t̃ōt̃e yina musu. Pó k̃è ñ p̃òt̃o t̃ōt̃e potona musu. <sup>20</sup> Ben Yesu a ìbañō swā s̃ùk̃āñne le ãōton o gb̃ēkeñe k̃è M̃esayan a ũro.

*Yesu a ga k̃ōn a f̃ēnao yā'ona*

*(Maa 8:31-9:1, Luk 9:22-27)*

<sup>21</sup> Zaa gur̃ō beeean Yesu e a Yerusalemu gana yā b̃ok̃ōt̃ee a ìbañōne à bè, séde à w̃ét̃amma e maamaa gb̃ēns̃iñō k̃ōn sa'orikiñō k̃ōn ludayādanñeriñō z̃ī, wee a de, à gur̃ō aag̃ōdee z̃ī é f̃ee. <sup>22</sup> Ben Pita g̃āao kpado, èe giine à bè: Kai Dii! Bee é n lero! <sup>23</sup> Ben Yesu liè à bè Pitane: Ñ gum̃e gwe Setān! Ñ yezi ñ z̃é z̃ōmem̃e. N laasuu né Luda p̃ōnlo, gb̃ēntee p̃ōme.

<sup>24</sup> Ben Yesu bè a ìbañōne: Tó gb̃ē yezi à ke ma ìba ũ, séde à gí a z̃īnda w̃èndizi, à a líkpangb̃āroo sé à téomazi. <sup>25</sup> Gb̃ē k̃è yezi àg̃ō a w̃èndi k̃ūna é korazi. Gb̃ē k̃è g̃i a w̃èndizi ma yānzi s̃ō, adee bé eé g̃ō w̃èndi ṽi. <sup>26</sup> Tó gb̃ē g̃ō anduna ṽi p̃íngi, tó à k̃ōra a w̃èndizi, b̃ò àren eé ee? B̃ón gb̃ē é e a a w̃èndi lendee kpáó? <sup>27</sup> Zaake Gb̃ēntee Né é liara à su a De gakui guu k̃ōn a malaikañō, gbasa à f̃ia bo baadene a yākenaa. <sup>28</sup> Yāpuraan m̃ée ooare, gb̃ēkeñō kú gura k̃è ãé garo ai ãō Gb̃ēntee Né e, èe suu k̃ina ũ.

## 17

*Yesu lina*

*(Maa 9:2-13, Luk 9:28-36)*

<sup>1</sup> Gur̃ō sw̃eedoo g̃bera Yesu Pita k̃ōn Yemisio k̃ōn à d̃āaro Yohanao s̃èe à g̃āányo kp̃ii lez̃ia ñt̃ee. <sup>2</sup> Ben à li ñ wáa. A uu e té kee lán of̃ānt̃ē bà, à p̃ók̃āsāañō g̃ō p̃ú f̃énfen lán loupina bà. <sup>3</sup> Ben Musa k̃ōn Iliao b̃ò wà m̃òñzi, ãōe yā oo k̃ōn Yesuo. <sup>4</sup> Ben Pita bè Yesune: Dii, à maa k̃è wá kú k̃è. Tó ñ yezi, mé kutaa d̃ō m̃èn aag̃ō, n p̃ó m̃èn do, Musa p̃ó m̃èn do, Ilia p̃ó m̃èn do. <sup>5</sup> Gur̃ō k̃è èe yā oo, ludambe lugu tékena dàníla, ben ãō k̃òto mà à guu à bè: Àmbe ma Né m̃èn do léle yenzidee ũ, à yā è kámagu. À à yā ma. <sup>6</sup> K̃è à ìba p̃iñō k̃òto p̃i mà, ṽia ñ k̃ū maamaa, ãō dàe ñ puua. <sup>7</sup> Ben Yesu s̃òñzi, à ò k̃èmm̃a à bè: À f̃ee, àton ṽia kero. <sup>8</sup> K̃è ãō w̃ée s̃è musu, ãōe gb̃ēke ero, sé Yesu ado.

<sup>9</sup> K̃è ãōe pitaa kp̃iii pia, Yesu dieñne à bè: Àton w̃éegupu k̃è á è yā o gb̃ēke maro ai Gb̃ēntee Né f̃ee b̃ōna gaan. <sup>10</sup> Ben à ìbañō à là wà bè: B̃óyānz̃in ludayādanñeriñō è be Ilia bé eé mó káakuzi? <sup>11</sup> Ben à w̃èníla à bè: Ilia é mó yāpurame, eé yā p̃íngi keke a gb̃èn. <sup>12</sup> M̃ode m̃ée ooare, Ilia mò k̃ò, ben ãōe à d̃ōro, ben ãō ñ p̃oyezi k̃ène. Len ãé w̃ée tā Gb̃ēntee Néa le d̃ō. <sup>13</sup> Ben à ìbañō d̃ō k̃è Yaaya Batisikeriñō à téa.

*Né g̃ōgb̃ē z̃inde k̃ēk̃ōana*

*(Maa 9:14-29, Luk 9:37-42)*

<sup>14</sup> K̃è ãō kà pari guu, g̃ōgb̃ē ke mò à k̃ūe Yesune <sup>15</sup> à bè: Dii, ñ ma né w̃ènda gwa, zaake gasindadeeme. È naw̃ēa ke maamaa, èg̃ō léee t̃én ke ín baab̃ōe. <sup>16</sup> Ma m̃ōo n ìbañōne, ãōe f̃ō wà à k̃ēk̃ōaro. <sup>17</sup> Ben Yesu bè: T̃ōrig̃ē yakana ludanaañek̃erisaideeñō! M̃ég̃ō kúao ai

bɔrɛmɛ? Mэг̃ɔ mɛnaaaɔ ai bɔrɛmɛ? À mómɛ né pìò kè. <sup>18</sup> Yesu gì zĩn pìnɛ, ben à gò né pìà, à kèkōa gwe g̃ɔɔ.

<sup>19</sup> Beee gbera Yesu ìbanɔ s̃̀zi n̄tɛɛ, ãɔ à là wà bè: À kè dia wée f̃ɔ wa pé zĩn pìà à b̀roo? <sup>20</sup> À wèńla à bè: Kè á Luda náanɛ v̄i bítaro yānzimɛ. Yāpuraan mée ooare: Tó á Luda náanɛ v̄i féte lán ef̃ɔ wée bà, é o kp̄iii kèkiinɛ à gu kè à gá k̄aa, eé kɛ lɛ. Yáke é a furo. <sup>21</sup> Zĩn kè taka è sí b̀ro, sé k̄n aduakɛnao k̄n léyinao.

*Yesu ɛara à a ga k̄n a fɛnao yá'ona*  
(Maa 9:30-32, Luk 9:43-45)

<sup>22</sup> Gur̄ɔ kè à kú k̄n a ìbanɔ lɛdo Galili, à bèńnɛ: Weé Gb̄ɛntee Né nańnɛ n̄ ɔzĩ, <sup>23</sup> weé à de, à gur̄ɔ aag̃ɔdee zĩ eé fɛɛ. Ben ãɔ ǹsɛ yàka maamaa.

*Luda ua ɔɔ f̄abona*

<sup>24</sup> Kè ãɔ kà Kapɛnamu, Luda ua ɔɔsirinɔ mò wà Pita là wà bè: A dannɛri è Luda ua ɔɔ kpároo? <sup>25</sup> Pita wèńla à bè: È kpá. Kè Pita e g̃ɛɛ bɛ, Yesu g̃ĩakɛ à bènɛ g̃ɔɔ: Sim̄ɔ, dénɔn anduna kè k̄inanɔ è be'ɔɔ ke yàra'ɔɔ sír̄maa? Ãɔ nénɔn ȳɔɔ ke gb̄ɛ pāndenɔmɛ? N yā pì è diaa? <sup>26</sup> Pita bè: Gb̄ɛ pāndenɔmɛ. Yesu bènɛ: Tó lɛmɛ, ãɔ nénɔn bà kuuro. <sup>27</sup> M̄ode lɛ wa yā tón ɔ́r̄maro yānz̄i, n̄ gá n̄ daburu da sèbɛ guu. Kp̄ò káaku kè né k̄ũ, n̄ à lé w̄ɛ, né ɔɔ e à guu. N̄ bee sé n̄ kpám̄ma, mapi k̄n mp̄io p̄ó ũ.

## 18

*Tɛna Yesuzi lán né bà*  
(Maa 9:33-37, Luk 9:46-48)

<sup>1</sup> Zĩ beee Yesu ìbanɔ mò ãɔ à là wà bè: Dé bé à deńla kpata kè b̀ò Luda kiia gb̄ɛnɔ tée? <sup>2</sup> Ben Yesu né féte ke s̄isi à à zè n̄ aɛzĩ <sup>3</sup> à bè: Yāpuraan mée ooare, tó ée ǹsɛ lie a g̃ɔ lán né féte bàro, é g̃ɛ kpata kè b̀ò Luda kiia guuro. <sup>4</sup> Gb̄ɛ kè à a z̄inda bùsa à g̃ɔ lán né féte kèk̄ii bà, àmbe deńla kpata kè b̀ò Luda kiia gb̄ɛnɔ té. <sup>5</sup> Gb̄ɛ kè né beee taka sì ma ìbakɛɛ yānz̄i, mámbe à ma si.

*Yā kè è tó wà s̄as̄a*  
(Maa 9:42-48, Luk 17:1-2)

<sup>6</sup> Tó gb̄ɛ tò né kè ma náanɛ v̄i kèkiinɔ doke s̄as̄a, eég̃ɔ s̄āo adeenɛ wà w̄isilɔgbɛ gb̄ɛnt̄ɛ d̄ɔ à waalɛ wà à zu sèbɛ lòn. <sup>7</sup> W̄aiyoo anduna, kè yā kè è tó wà s̄as̄a kú à guu yānz̄i. Séde yā kè è tó wà s̄as̄a g̃ɔ kuu, m̄ode w̄aiyoo gb̄ɛ kè s̄as̄ana yā pì b̀ò à kiia. <sup>8</sup> Tó n̄ ɔɔ ke n̄ gbá bé è tó n̄ s̄as̄a, n̄ z̄ɔ n̄ z̄inna. À s̄āon̄nɛ n̄ g̃ɛ wèndi guu k̄n ɔ kusuo ke ɛrɛ ũ de n̄ g̃ɔ ɔ mèn plaa ke gbá mèn plaa v̄ila wà n̄ zu té kè è garoo guu. <sup>9</sup> Tó n̄ wée bé è tó n̄ s̄as̄a, n̄ b̄ɔ n̄ z̄inna. À s̄āon̄nɛ n̄ g̃ɛ wèndi guu k̄n wée dooo de n̄ g̃ɔ wée mèn plaa v̄ila wà n̄ zu té guu gèwāan.

*Yālek̄z̄ina k̄n s̄a s̄as̄anao*  
(Luk 15:3-7)

<sup>10-11</sup> À làakari ke d̄ɔkɛna k̄n né kènɔ dokezi, zaakɛ mée ooare, ãɔ malaikan̄ɔ kú musu, ãɔ kú k̄ wéɛn k̄n ma De kè kú gweeo baabɔɛ. <sup>12</sup> Ée daa diamɛ? Tó gb̄ɛ s̄aa v̄i mèn bas̄ɔro, tó à doo s̄as̄a, eé à mèn bas̄ɔro dosai tó s̄is̄iḡɛɛzi gwe, à gá à à s̄aa kè s̄as̄a pì wɛtɛroo? <sup>13</sup> Yāpuraan mée ooare, tó à bà, à p̄ɔɔ ég̃ɔ nnaa de à mèn bas̄ɔro dosai kè ãɔɛ s̄as̄aroonla. <sup>14</sup> Len a De kè kú musu yezi né kènɔ doke s̄as̄a s̄ɔro lɛ.

*S̄ũukɛna k̄ɔ*

<sup>15</sup> Tó n̄ gb̄ɛdaaa taari kè, n̄ gá n̄ à le ndo, n̄ yā pì b̄onɛ gupuraa. Tó à n̄ yā mà, n̄ n̄ gb̄ɛ pì mìlɛ blè. <sup>16</sup> Tó èe n̄ yā ma s̄ɔro, n̄ gb̄ɛ mèn doo ke g̃ɔɔn plaa sé n̄ namma, lɛ à yā pì sí s̄éedade g̃ɔɔn plaa ke aag̃ɔɔ musu. <sup>17</sup> Tó à ḡi n̄ yā mazi, n̄ yā pì o s̄osi gb̄ɛnɔnɛ. Tó à ḡi à s̄osi gb̄ɛ p̄inɔ yā mazi d̄ɔ, n̄ à die kifii ke gb̄ɛ z̄it̄ɔ ũ.

<sup>18</sup> Yāpuraan méε ooare, pó kè á yì tɔɔte yina musu, pó kè á pòto tɔɔte potona musu. <sup>19</sup> Méε ooare dɔ, tó a gɔɔn plaaanɔ lé kè do tɔɔte kè, yā kè a à wée kè ma De kè kú musua píngi, eé kεare. <sup>20</sup> Zaake guu kè gɔɔn plaa ke gɔɔn aagɔɔnɔ kàkɔan kɔn ma tóo, má kú n té.

<sup>21</sup> Beee gbera Pita mò à Yesu là à bè: Dii, gèn ũgban mà sùu ke kɔn ma gbē kè ègɔ taari keεmεεo? Gèn swεεplaan yó? <sup>22</sup> Yesu wèàla à bè: Méε oonne, èe ke gèn swεεplaanlo, gèn swεεplaa leo baaagɔ akurimε.

<sup>23</sup> Beee yānzi kpata kè bò Luda kiia de lán kè bà. Kína ke bé à yezi à a ɔɔ yā gɔgɔ kɔn a ìbanɔ. <sup>24</sup> Kè à nà ɔɔ pì yāa, ben wà m̀nε kɔn gbē kè à à fīa sena miliɔ wàa kurio. <sup>25</sup> Kè à ɔɔ vī à fīa pì boro, ben à dii bè wà à yá kɔn à naɔo kɔn à nénɔ kɔn pó kè à vīnɔ píngi gbasa wà à kē. <sup>26</sup> Ben ìba pì dàε a dii aezī, à agbaa kpàne à bè: N̄ mena kemao, mé n fīa bonne píngi. <sup>27</sup> Ben à dii à wēnda gwà à à gbàre, à fīa pì t̀one. <sup>28</sup> Kè ìba pì b̀o dé, à dàk̀ore kɔn a ìba daa kè à fīa dɔa kondogi ɔɔ m̀en basɔoro. Ben à à k̀ù, èe ɔ t̀ɔ a k̀otoa à bè: N̄ ma fīa bome. <sup>29</sup> À ìba daaa pì dàε à aezī, à agbaa kpàne à bè: N̄ menamε, mé n fīa bonne. <sup>30</sup> M̀ode èe wero. À tò wà à dà kpésiaan ai à à fīa bone. <sup>31</sup> Kè à ìba kpaaanɔ è le, aɔ ǹse yàka maamaa, ben aɔ gaa wà yā kè kè pì t̀k̀è n̄ diine píngi. <sup>32</sup> Ben dii pì à s̀isi à bè: Ìba pāsī! Ma n fīa t̀onne píngi, kè n agbaa kpàne yānzi. <sup>33</sup> Lán ma s̀uu k̀enyo nà, le n s̀uu kè kɔn n gbēdaaa le se. <sup>34</sup> À dii pì p̀o f̀è, à tò wà à dà kpésiaan, wàgɔ wée t̀aaa ai à gá à fīa pì boo píngi. <sup>35</sup> Ben Yesu èara à bè: Tó a baade è s̀uu ke kɔn a gbēdaaa kɔn ǹseo doro, len ma De kè kú musu é kεare le se.

## 19

### *Gina nɔɔzi yā (Maa 10:1-12)*

<sup>1</sup> Kè Yesu yā beeenɔ ò à yāa, à b̀ò Galili à gaa Yudea bùsu kpado Yoda baa kaa kpa. <sup>2</sup> Parii tézi, ben à n̄ gyāreenɔ k̀k̀s̄aáne gwe. <sup>3</sup> Farisi kenɔ mò wà à yɔ wà gwa, ben aɔ à là wà bè: Gɔgbē zé vī à gí a naɔzi yā píngi yānzin yó? <sup>4</sup> À wènlà à bè: Kè Luda n̄ ké gɔgbē kɔn nɔgbēo ũ zaa káaku, ée à kyó ke á m̀aroo? <sup>5</sup> Luda bè, beee yānzin gɔgbē é a de kɔn a dao tó, aɔé nakɔa kɔn a naɔo, aɔ gɔɔn plaa é gɔ mè doo ũ. <sup>6</sup> Aɔo kuu plaa doro, sé do. Beee yānzi gbē kè Luda n̄ náks̄anɔ, gbēntee t̀on n̄ k̀k̀s̄aro. <sup>7</sup> Ben Farisinɔ à là wà bè: B̀oyānzi Musa diε gɔgbē ỳigidetakada kpá a naɔa à à gbarεozi? <sup>8</sup> Yesu wènlà à bè: A swāgbāa yānzin Musa a gba zé à a nɔɔnɔ gbarεzi, m̀ode à de le zaa káakuro. <sup>9</sup> Méε ooare, gbē kè g̀i a naɔzi, tó èe ke à gɔpɔseε k̀enlo, tó à nɔ pānde s̀e, adee zina k̀en gwe.

<sup>10</sup> Ben à ìbanɔ bène: Tó len gɔgbē yā de le kɔn a naɔo, à maa wà nɔɔ séro. <sup>11</sup> Ben Yesu bènéne: Èe ke gɔgbē píngi bé eé yā pì f̀oro, sé gbē kè Luda n̄ gbá à zéno. <sup>12</sup> Zaake gbēkenɔ è nɔɔ séro, kè wà n̄ í le yānzi, gbēkenɔ ègɔ kuu le kè wà n̄ f̀èe kè yānzi, gbēkenɔ n̄ zīnda k̀ù le kpata kè b̀ò Luda kiia yānzi. Gbē kè eé yā pì f̀o à f̀o.

### *Aubarikadana nénɔn (Maa 10:13-16, Luk 18:15-17)*

<sup>13</sup> Wèe mó Yesunε kɔn nénɔ le à ɔ keím̄ma à adua keínne, ben à ìbanɔ gínne. <sup>14</sup> Ben Yesu bè: À tó nénɔ mó ma kiia. Àton gínnero, zaake aɔ takanɔ pón kpata kè b̀ò Luda kiia ũ. <sup>15</sup> Kè à ɔ k̀ek̀eím̄ma, ben à b̀ò gwe.

### *Auzikidee (Maa 10:17-31, Luk 18:18-30)*

<sup>16</sup> Ben gɔgbē ke mò Yesu kiia, à à là à bè: Danneri, bó maaan mé ke mà wèndi kè è yāaroo ee? <sup>17</sup> À wèàla à bè: À kè dia néε ma laa maakεna yāzi? Luda ado bé à maa. Tó n̄ yezi n̄ g̀è wèndi pì guu, n̄gɔ à yādienanɔ k̀ūna. <sup>18</sup> Ben à à là à bè: À kpareeme? Ben Yesu bè: N̄ton gbē dero, n̄ton zina kero, n̄ton kpāi oro, n̄ton yā di n gbēdaaaaro, <sup>19</sup> n̄gae bèε lí n de kɔn n

daone, ñgõ ye n gbēdaaazi lán n zīnda wèndi bà. <sup>20</sup> Gõkpare pì bène: Má yā beeno kūna píngi. À kparee bé à gòmε dɔɔ? <sup>21</sup> Yesu bène: Tó n yezi ñgõ papana, n gá n n pónɔ yá píngi, n à ɔɔ kpá takaasideeno, n mós n témazi, négõ auziki vī ludambe. <sup>22</sup> Kè gõkpare pì yā pì mà, à tà pɔsiaao, kè à auzikinɔ vī bíta yānzi.

<sup>23</sup> Ben Yesu bè a ibanone: Yāpuraan mée ooare, à zī'ũ auzikideene à gē kpata kè bò Luda kiia guu. <sup>24</sup> Mée ooare dɔ, lakumi gēna pɔɔyīn aaga de auzikide gēna kpata kè bò Luda kiia guula. <sup>25</sup> Kè à ibanɔ yā pì mà, ben à bò n sae maamaa aō bè: Tó lemε, dé bé eé fɔ à mīsina ee? <sup>26</sup> Ben Yesu n gwá tíii, à bèñne: Gbēntee é fɔro. Luda kiia baabɔ píngi è sí ke.

<sup>27</sup> Ben Pita wèla à bè: Wa baabɔ píngi tò wa tenzi. Bó bé eé gõwe saa? <sup>28</sup> Yesu bèñne: Yāpuraan mée ooare: Tó Gbēntee Né vèe a kiblekita gakuideea anduna dufu guu, amɔa kè á témaziino é vèe kiblekita mèn kuri awεεplaaano, àgõ yā gõgõ Isaraili bori mèn kuri awεεplaaano. <sup>29</sup> Gbē kè à a beε ke a vīino tò ke a dāaronɔ ke a de ke a da ke a néno ke a buraano ma yānzi, adee é εara à beee taka e leo basɔro, bensō eé wèndi kè è yāaroo e. <sup>30</sup> Mòde gbē káakuno égõ kpεedeeno ũ pari, kpεedeeno égõ gbē káakuno ũ pari.

## 20

### *Yalekõzina kōn ayakerinɔ*

<sup>1</sup> Lán kpata kè bò Luda kiia de nán yè: Uabede ke bé à bò kongo ide'ide, à gaa ayakerinɔ wete aō zīi keare a bura. <sup>2</sup> Aō yā kō sè à fīa boñne kondogi ɔ mèn doodo. Ben à n gbáe a bura. <sup>3</sup> À bò dɔ mò kēndo, ben à gbē pāndenɔ lè yàra guu kaena pā. <sup>4</sup> À bèñne: Apino sō, à gá à zīi ke ma bura, mé fīa boare a zéa. <sup>5</sup> Ben aō gaa. À εara à bò dɔ ɔfāntē mīdangura, ben à εara à bò ɔfāntē ɔra pitanao, à ò gbē pāndenone le dɔ. <sup>6</sup> Kè à bò uusie, à gbē pāndenɔ lè kaena, ben à n lá à bè: Bóyānzi á kaena kè pā zaa kongɔɔ? <sup>7</sup> Aō wèla wà bè: Kè wèe zīi dawero yānzime. À bèñne: À gá à zīi ke ma bura se. <sup>8</sup> ɔfāntē gēna kpénn buradee pì bè a ayakerinɔ gbēnsine: N ayakerinɔ sísi n fīa boñne. N naa gbē kpεedeeno ai à gá mī deo gbē káakuno. <sup>9</sup> Ben uusiedeeno mò, aō kondogi ɔ è mèn doodo. <sup>10</sup> Kè gbē káakuno mò, aōce daa n ɔɔ égõ de gbē kpεedeeno pólame, ben kondogi ɔ mèn doon aō è n píngi. <sup>11</sup> Kè aō n ɔɔ sī, ben aō léfɔtɔ kà bedee pizi <sup>12</sup> wà bè: Awa doon gbē zāadeeno zīi kè, ben n n kè sēnkpe kōn wamɔwa kè wa zī bíta kè ɔfāntē gbāaa guuo? <sup>13</sup> Ben à wè n gbē doo pila à bè: Ma gbē, mée n blero. Wa kō yā mà kondogi ɔ mèn doo musunloo? <sup>14</sup> N n pó sí n tá. Má yezi mà kpá gbē zāadee kèkiia lán n pó bàme. <sup>15</sup> Má zé vī mà ke kōn ma ɔɔo lán má yezi nàroo? Néε wée bɔbɔzi kè má gbēkεε vī yānzin yó? <sup>16</sup> Len kpεedeeno égõ gbē káakuno ũ le, gbē káakuno égõ kpεedeeno ũ.

### *Yesu εara à a ga kōn a fεnao yā'ona*

*(Maa 10:32-34, Luk 18:31-34)*

<sup>17</sup> Gurɔ kè Yesu e gaa Yerusalemu, à a ìba gōon kuri awεεplaaano sèε ndona, à yā òñne zén à bè: <sup>18</sup> Wée gaa Yerusalemume. Gwen weé Gbēntee Né kpá sa'orikinɔ kōn ludayādannerinɔ, aōé yā daàla à ga, <sup>19</sup> aōé a kpá bori pānde gbēno. Aōé à fabo, aōé à gbē flāo, aōé à pá lía wà à de, à gurɔ aagõdee zī eé fεε.

### *Yemisi kōn Yohanao wékena*

*(Maa 10:35-45)*

<sup>20</sup> Ben Zebedi néno da mò Yesu kiia kōn a néno. À yezi à wée kea, ben à kùene. <sup>21</sup> Ben à à là à bè: Bón n yezi? À wèla à bè: N tó ma né gōon plaaa kènɔ vèenyoye n kpatan, gbē doo n ɔplaazi, gbē doo ɔzεεzi. <sup>22</sup> Ben Yesu bè né pìnone: Á yā kè ée à wée keamaa dōro. Togo'i kè mé mi, é fɔ à míó? Aō wèla wà bè: Wé fɔ. <sup>23</sup> Yesu bèñne: Togo'i kè mé mii, é mi fá, mode vèena ma ɔplaazi ke ma ɔzεεzi né ma yānlo. Gbē kè ma Dee kèkèñne pómε. <sup>24</sup> Kè à ìba gōon kuri kpaaano yā pì mà, aō pɔ fè vī kōn dāaroo pizi. <sup>25</sup> Ben Yesu n kákōa à bèñne: Á

dĩ ke bori pãnde kınano è gbãaa ble nı gbẽno, gbãadeeno s̄ è iko m̄nne, <sup>26</sup> mode à de le a kiiaro. A té gbẽ kè yezi à ḡo gbẽnsi ũ, sé adee ke a z̄iri ũ. <sup>27</sup> Lem̄e do gbẽ kè yezi à ḡo gbẽ káaku ũ, sé adee ke a z̄ò ũ. <sup>28</sup> Zaake Gbẽntee Né e mó le wà z̄i ken̄ero, à mò le à z̄i ken̄eme, à a z̄inda w̄endi kpá le à gbẽno bo pari yãnzı.

*Via baakerino k̄ek̄ana*  
(Maa 10:46-52, Luk 18:35-43)

<sup>29</sup> Gur̄o kè āo b̄o Yeriko, parii té Yesuzi. <sup>30</sup> Via ḡo plaaano v̄ena zé léa, āo mà Yesu bé èe ḡete, ben āo lé gbãaa zuu wà bè: Dii, Dauda Bori, nı wa w̄enda gwa! <sup>31</sup> Wà ḡinne wà bè āo ȳite, ben āo lé gbãaa zuna kàara wèe bee: Dii, Dauda Bori, nı wa w̄enda gwa! <sup>32</sup> Ben Yesu zè à nı s̄isi, à nı lá à bè: Bón á yezi mà kearee? <sup>33</sup> Āo wèala wà bè: Dii, wá yezi wa w̄ee guu em̄e. <sup>34</sup> Yesu nı w̄enda gwà, à o kè nı w̄ee. Gwe ḡo āo w̄ee guu è, ben āo t̄ezi.

## 21

*Gbãakekp̄ana Yesuzi Yerusalemu*  
(Maa 11:1-11, Luk 19:28-40, Yoh 12:12-19)

<sup>1</sup> Kè āo kà k̄i k̄n Yerusalemu, āo kà Betefage lakutu kè kú Kùkpe s̄is̄igezi, ben Yesu a ìba z̄i ḡo plaa, <sup>2</sup> à bènne: À gá lakutu kè káe a ae k̄k̄aa guu. Tó a ḡe ḡo, é zaaki e k̄n a néo bàona gwe. À poro à suome. <sup>3</sup> Tó wà a la wà bè, à kè diaa, à be Dii bé à yezi, eé eara à suo tia. <sup>4</sup> À kè le le yā kè annabi ò ke yãnzime à bè:

<sup>5</sup> À o Zaȳndeene āo k̄ina bé èe mo nı kiia.  
À buse à di zaakine b̄o kpe.

<sup>6</sup> Ìba p̄ino gaa wà kè lán Yesu ònne nà. <sup>7</sup> Āo s̄u zaaki p̄o k̄n a néo, āo nı utano kp̄aer̄ma, ben Yesu dia. <sup>8</sup> Gbẽno e nı utano kpaee z̄en paripari, gb̄keno e lá z̄o, āo kpaee z̄en do. <sup>9</sup> Gbẽ kè āo té aez̄ino k̄n gbẽ kè āo té kpeeno e wii lee wèe bee:

Nı gbãaa ke, Dauda Bori!  
Aubarikadeen gbẽ kè èe mo k̄n Dii tó ũ!  
Wà gbãake kp̄azi ai ludambe.

<sup>10</sup> Kè Yesu ḡe Yerusalemu, w̄ete lògo, gbẽ p̄ingi e bee: Dén gbẽ beee ũu? <sup>11</sup> Parii bè: Annabi Yesume. À b̄o Nazareti, Galili b̄usun.

*Yesu kuuna Luda ua*  
(Maa 11:15-19, Luk 19:45-48, Yoh 2:13-22)

<sup>12</sup> Yesu ḡe Luda ua guu, à p̄e laayarino k̄n laalurin̄o à nı b̄e nı p̄ingi. A òlendekeerino teebuno k̄n p̄t̄eyarin̄o k̄tano ȳipa à kw̄inne. <sup>13</sup> À bènne: Wà kè Luda yān, ma kpé éḡo de aduakekpe ũ, ben á kè gb̄blerino tò ũ.

<sup>14</sup> V̄iano k̄n er̄no mò à kiia Luda ua guu gwe, ben à nı k̄k̄o. <sup>15</sup> Kè sa'orikino k̄n ludayādannerino yābonsae kè èe keeno è, bens̄o āo mà n̄eno e wii doo Luda ua guu āo bee, nı gbãaa ke, Dauda bori, ben āo p̄o f̄e. <sup>16</sup> Āo bènne: Nı mà lán āo oo nà? Yesu w̄ela à bè: Lem̄e! Kè Ludaa dà né féten̄e k̄n nékp̄ant̄eno āo a s̄abu kpá, ée à kyó ke á m̄aroo? <sup>17</sup> Ben à b̄o w̄ete p̄in à nı tón, à gaa à ì Betani.

*Kak̄a lí kana*  
(Maa 11:12-14, 20-24)

<sup>18</sup> Kè guu do k̄nḡo ide'ide, à liara e suu w̄eten, ben noaa e à dee. <sup>19</sup> À k̄k̄a lí è zé léa, ben à s̄zi èe p̄ke earo, sé à lán. Ben à bè lí p̄ine: Né né i ziki doo. Gwe ḡo lí p̄i kori k̄u à ḡaga. <sup>20</sup> Kè à ìban̄o è, ben à b̄o nı sae āo bè: À kè dia k̄k̄a lí p̄i kori k̄u le ḡo? <sup>21</sup> Yesu w̄ela à bè: Yāpuraan mée ooare, tó á Luda náane v̄i seka sai, èe ke k̄k̄a lí p̄i yān é ke adoro. Tó



à ò kpíi kènɛ à fɛɛ à a zĩnda sé à zu sèben, eé ke le. <sup>22</sup> Tó á Luda náane vĩ, yã kè a à wée kèa aduakena guu píngi, é e.

*Yesu gbekana a ikozi*

*(Maa 11:27-33, Luk 20:1-8)*

<sup>23</sup> Yesu gè Luda ua guu, èe yã daáɛ. Ben sa'orikinɔ kɔn gbẽnsinɔ m̀ wà à là wà b̀: Iko kpareen nées yã kènɔ keɛo? Dé bé à n gba iko pì? <sup>24</sup> Ben Yesu wèɛla à b̀: Mapi s̄, yã mèn doon mé gbekaawa. Tó á òme, mé iko kè mée yã kènɔ keɛo oare. <sup>25</sup> Dé ikon Yaaya gbẽnɔ batisi kè? À b̀ Luda kiian ȳ, ke gbẽntee kiiame? Ben ā yã ḡḡ wà b̀: Tó wa b̀ Luda kiiame, eé wa la, b́yãnzin wée Yaaya yã sírozi. <sup>26</sup> Tó wa b̀ gbẽntee kiiame s̄, wá gbẽnɔ v̄ia v̄i, zaake gb̄ píngi Yaaya annabikɛɛ s̄. <sup>27</sup> Ben ā wè Yesula wà b̀: Wá d̄ro. Ben Yesu bèɛne: Ènd̄ɛ mapi se, mé iko kè mée yã kènɔ keɛo oarero.

*Néḡgb̄ ḡɔn plaaɔ*

<sup>28</sup> Ben Yesu b̀: Gb̄ke néḡgb̄nɔ v̄i ḡɔn plaa. Ben à b̀ Worune: N̄ gá n̄ z̄i ke bura gb̄aa. <sup>29</sup> Woru b̀: Mé gáro. Ben à a n̄se liɛ z̄aa à ḡaa. <sup>30</sup> Maree p̄i ḡaa à b̀ Sabine le d̄. Sabi b̀: T̄. Ben èe gáro. <sup>31</sup> Á è diaa? Ḡɔn plaaa p̄nɔ guu, ā dé bé à a de p̄yezi kè? Ā b̀: Worumɛ. Ben Yesu bèɛne: Ȳpuraan mée ooare, be'ɔsirinɔ kɔn kaaruanɔ é ḡɛ kpata kè b̀ Luda kiia guu ā. <sup>32</sup> Zaake Yaaya m̀, à zé súusu òd̄aare, ée à yã síro. Be'ɔsirinɔ kɔn kaaruanɔ bé wà à yã sí. Baa kɔn beee enao ée a n̄se liɛ z̄aa a à yã síro.

*Geepi líkpɛ ayakerinɔ*

*(Maa 12:1-12, Luk 20:9-19)*

<sup>33</sup> À yã p̄ande ma d̄. Burade ke bé à kuu, à geepi líkpɛ bà à kara lìgazi, à wèe ȳ à guu geepi'ifèkii ũ à búd̄akpagba d̄. Ben à bú p̄i nà ayakerinɔne n̄ ɔz̄i, ben à fèe táo. <sup>34</sup> Kè geepiz̄gur̄ kà, ben à a z̄irinɔ z̄i ayakeri p̄nɔa, le ā a geepi beɛ sí. <sup>35</sup> Ben ayakeri p̄nɔ à z̄irinɔ kùkù, ā n̄ gb̄ doo gb̄, ā n̄ gb̄ doo d̄, ā n̄ gb̄ doo p̄apa gb̄o wà à d̄. <sup>36</sup> Ben à èara à z̄iri p̄andenɔ z̄im̄ma, ā parī de gb̄ káakunɔla, ben ā kèɛne le d̄. <sup>37</sup> Z̄aan à a né z̄im̄ma à b̀: Āsé ma né yã da. <sup>38</sup> Kè ayakeri p̄nɔ né p̄i è, ā bèk̄ne: Túbiblerin ȳ. À tó wà à de, à túbi é ḡ wa p̄ ũ. <sup>39</sup> Ben ā à kù wà b̀o buraa guu, ā à d̄. <sup>40</sup> T̄! Tó buradee p̄i s̄, b̄n̄ eé ke ayakeri p̄nɔne? <sup>41</sup> Ā wèala wà b̀: Eé gb̄ p̄s̄i p̄nɔ dede p̄s̄ip̄s̄i, eé buraa p̄i na ayakeri p̄ande kè āsé à baka kp̄aa à gur̄ɔanɔne n̄ ɔz̄i. <sup>42</sup> Ben Yesu bèɛne: Ée Luda yã kè kyó keroo?

Gb̄ kè kpéborinɔ p̄a kp̄azi

bé à ḡ kpé gooda gb̄ m̄idee ũ.

Dii bé à beee kè

ben à kèwe ȳab̄nsae ũ.

<sup>43-44</sup> Bee yãnz̄i mée ooare: Luda é a b̄ kpata kè b̀ a kiia guu, eé gb̄ kè āsé à baka kp̄aano kán.

<sup>45</sup> Kè sa'orikinɔ kɔn Farisinɔ Yesu ȳlɛk̄z̄ina p̄nɔ mà, ā d̄ kè n̄ yã èe oo. <sup>46</sup> Ben ā zé wète wà à kù, m̄de ā v̄ia kè pariine, kè wà à diɛ annabi ũ yãnz̄i.

## 22

*N̄se p̄nnakena*

*(Luk 14:15-24)*

<sup>1</sup> Yesu èara à yã lèk̄z̄in̄ne à b̀: <sup>2</sup> Lán kpata kè b̀ Luda kiia de n̄an ȳe d̄. Kína ke bé èe n̄se p̄nnaa keɛ a néne, <sup>3</sup> ben à a z̄irinɔ z̄i ā o gb̄ kè à n̄ sísi ā mó p̄ bleenɔne ā mó, m̄de ā yezi wà móro. <sup>4</sup> Ben à èara à z̄iri p̄andenɔ z̄i à bèɛne: À gá à o gb̄ kè ma n̄ sísinɔne ma sorumi mà, ma z̄uswareenɔ kɔn p̄k̄ade mèkpanano d̄ má kèke k̄. Ā mó n̄se p̄blekiia. <sup>5</sup> Ben ā se làakari d̄ yã p̄iaro, ā baade ḡaa a b̄k̄te kè. Gb̄kenɔ ḡaa n̄ bura, gb̄kenɔ ḡaa laa

tá. <sup>6</sup> Gbē kpaaano ziri pino kükü, aõ wí dàmma, aõ n' dède. <sup>7</sup> Ben kína pì pò fè à a sozano gbàre, aõ gaa wà gbèderi pino dède, ben aõ té sò n' wétea. <sup>8</sup> Ben kína pì bè a zirinone: Nõsepooble ma, mode gbē kè ma n' sísino e kò síoro. <sup>9</sup> À gá zéñkpakõano guu, à gbē kè á è píngi sísi nõsepooblea. <sup>10</sup> Ben ziri pino fèe wà gaa zéno guu, aõ gbē kè aõ n' éno kàkõa, gbē zaaano kòn gbē maaano n' píngi. Len nõse ponnakerino guu pà e.

<sup>11</sup> Kè kína pì gè à ponnakeri pino gwa, à gōgbē ke è gwe, à nõse ponna uta danaro, <sup>12</sup> ben à bène: Ma gbē, à kè dia n' gē kè nõse ponna uta dasaii? Ben à yītēna kítikiti. <sup>13</sup> Ben kína bè a dogarinone: À à wano yi kòn à gbáno, à à zu bàazi gusiaan. Gwen weé sò don wà o di n' musu. <sup>14</sup> Zaake gbē kè Luda n' sísino pari, mode gbē kè à n' sénno pari.

### *Be'wkpāna Sizaa yā*

*(Maa 12:13-17, Luk 20:20-26)*

<sup>15</sup> Beee gberan Farisino bò wà gaa wà yā gōgō lán aõé ke nà aõ Yesu kù a yā'ona guu. <sup>16</sup> Ben aõ n' ibanõ zia kòn Herõdu gbēno aõ bè: Danneri, wá dõ kè gbē yāpuradeen n' ũ. Nèe Luda zé dañne súusu, nèe gbē wéé gwaro, nèe gbē gwena gwaro. <sup>17</sup> Lán n' è nà n' owe. À zé vī wà be'w kpá Sizaa, ke à zé vīro? <sup>18</sup> Yesu n' nõse zaaa dõrma, ben à bè: Mõnafikideeno! Bóyānzin ée ma yō ée gwaazi? <sup>19</sup> À wò kè wè be'w kpáo wòame. Ben aõ wò pì doo kpaa. <sup>20</sup> Ben à n' lá à bè: Dé mì wēzān yè kòn à tó? <sup>21</sup> Aõ wèla wà bè: Siza pómē. Ben à bèñne: Èndē à pò kè de Siza pò ũ kpá Sizaa, é pò kè de Luda pò ũ kpá Ludaa. <sup>22</sup> Kè aõ yā pì mà, à bò n' sae, ben aõ tà wà à tò gwe.

### *Gèno fēena yā*

*(Maa 12:18-27, Luk 20:27-40)*

<sup>23</sup> Gurõ dõnkõ pì zī Sadusi kè aõé be gèno è fēeroonõ mò Yesu kiia, ben aõ à gbèka wà bè: <sup>24</sup> Danneri, Musa òwe tó gōgbē gā n'isai, à dāaro a vīi gyaanõ sé, le à né borii dato a vīine. <sup>25</sup> Tò. Dedõnkõdeenõ kú wa té yā gōon swēplaa. Woru nõ sè, ben à gā à nõ pì tò n'isai, ben gyaanõ gò Sabine. <sup>26</sup> À kè Sabine le do kòn Bibo ai à gaa pé n' swēpladeea. <sup>27</sup> Aõ píngi gberan nõ pì gā se. <sup>28</sup> Tò! Gèno fēegurõ zī aõ gōon swēplaaa pino té, dé bé eégõ nõ pì vīi? Zaake n' píngi aõ à dõ nõ ũ. <sup>29</sup> Ben Yesu wèla à bè: A sāsā a Luda takada kòn à gbāao dõsai yānzī. <sup>30</sup> Tó gèno fèe, aõé nõ séro, aõé zā kero, weégõ kuu lán malaikanõ kuu nà ludambeme. <sup>31</sup> Gèno fēena yā musu ée yā kè Ludaa òare kyó keroo? À bè, <sup>32</sup> ambe Ibraī kòn Isaakuo kòn Yakubuo Luda ũ. Luda è ke gèno Luda ũro, gbē bēeno Ludame. <sup>33</sup> Kè gbēno yā pì mà, à yādannena bò n' sae.

### *Dokayā kè deñlaa*

*(Maa 12:28-34, Luk 10:25-28)*

<sup>34</sup> Kè Farisino mà Yesu Sadusino fù, aõ kàkõa. <sup>35</sup> Ben aõ dokadõrinõ doke à yò à gwa, à là à bè: <sup>36</sup> Danneri, dokayā kparee bé à de a kpaaanõlaa? <sup>37</sup> Yesu wèla à bè: Ngõ ye Dii n' Ludazi kòn nõseo do kòn n' niniio píngi kòn n' laasuo píngi. <sup>38</sup> Dokayā kè à bèe vī de a kpaaanõlaan gwe. <sup>39</sup> À plaadee kè bòkõbaon yè: Ngõ ye n' gbèdaaazi lán n' zīnda wèndi bà. <sup>40</sup> Musa doka píngi kòn annabino yāo logona dokayā mèn plaa kènoame.

### *Mesaya bori yā*

*(Maa 12:35-37, Luk 20:41-44)*

<sup>41</sup> Lán Farisino kakõana nà, Yesu n' lá à bè: <sup>42</sup> Á è dia Mesaya yā musuu? Dé boriin à ũu? Aõ wèla wà bè: Dauda boriime. <sup>43</sup> Ben Yesu bèñne: À kè dia Luda Nini didi Daudaa, ben Dauda Mesaya sisi Diii? À bè, <sup>44</sup> Dii bè ma diine à vèe a wplaazi ai àgõ à ibēno káene a gbá gīzī.

45 Kè Dauda bène Dii, à kè dia eégõ de à borii ũ dɔɔ? 46 Gbēkee e fɔ à wèàlaro. Zaa guro beee gbēkee e gà à yāke laa dɔro.

## 23

*Ludayādann̄erinɔ kɔn Farisinɔ mɔnafiki  
(Maa 12:38-39, Luk 11:43, 46, 20:45-46)*

1 Beee gbera Yesu yā ò gbēnɔne kɔn a ìbanɔ 2 à bè: Ludayādann̄erinɔ kɔn Farisinɔ bé wà gò Musa gēe ũ. 3 Beee yānzi à yā kè aṣe oareenɔ ke píngi àgɔ kùna. Mɔde àton n̄ yākena kero, zaake aṣe yā kè aṣe oo kero. 4 Aṣe aso t̄isi yiye wà di gbēnɔne n̄ gān bensɔ baa ɔnetee do aṣègɔ yezi wà káziro. 5 Aṣe n̄ yā píngi ke le gbēnɔ n̄ e yānzime. Len aṣe Luda yā ēzēba gbēntē da le, aṣe bàkɔ gbàa da n̄ pókāsāanɔzi. 6 Aṣègɔ yezi wavèè pɔnna pòble vēeki maaanɔn kɔn aduakekpe vēeki maaanɔ. 7 Aṣègɔ yezi wàgɔ ì kpákpaar̄mma yàranɔa, wàgɔ n̄ sísi Rabi. 8 Àton tó wà a sísi Rabi, zaake a píngi v̄iino kɔn dāaronɔme a ũ, a Danneri mèn dome. 9 Àton gbēke sísi a de tɔɔte kèro, zaake a De mèn dome, àmbe à kú musu. 10 Àton tó wà a sísi aedero, zaake a Aedee mèn dome, àmbe Mesaya ũ. 11 A z̄irin gbēnsi ũ a té. 12 Gbē kè è a z̄inda kaara, Luda é à busa. Gbē kè è a z̄inda busa, Luda é à kaara.

*Yesu kpākēna ludayādann̄erinɔ kɔn Farisinɔzi  
(Luk 11:39-42, 44, 52)*

13 Wāiyoo a yādann̄erinɔ kɔn Farisinɔ! Mɔnafikideenɔ! Eè kpata kè b̄ Luda kiia zé tata gbēnɔne. Eè gē à guuro, bensɔ eè wezi gbē kè aṣo yezi wà gē à guunɔ gēn sero.

14 Wāiyoo a yādann̄erinɔ kɔn Farisinɔ! Mɔnafikideenɔ! Eè adua gbàa ke le gbēnɔ a e yānzi, ben eè gyaanɔnɔ kpé símma. Beee yānzi a wētāmma égɔ pāsī de gbē píngi pòla.

15 Wāiyoo a yādann̄erinɔ kɔn Farisinɔ! Mɔnafikideenɔ! Eè lili o tɔɔte kɔn ísiaa ìba mèn do ena yānzi. Tó a à è s̄o, eè à ke té p̄ ũ deala leo plaa.

16 Wāiyoo a v̄ia d̄on'aedeenɔ! Eè be, tó wà si kɔn Luda kpé, à yāke v̄iro, mɔde tó wà si kɔn Luda kpé vura, beee bé à yā v̄i. 17 V̄ia m̄isaideenɔ! À kperee bé à bítaa? Vuran yó, ke Luda kpé kè è tó vura ḡ à p̄ ũu? 18 Eè be d̄o, tó wà si kɔn sa'okiio, a yāke v̄iro, mɔde tó wà si kɔn sa'ob̄o kè kú gwee, beee bé à yā v̄i. 19 V̄ianɔ! À kperee bé à bítaa? Sa'ob̄on yó, ke sa'okii kè è tó sa'ob̄o ḡ Luda p̄ ũu? 20 Gbē kè yā si kɔn sa'okiio si kɔn p̄ kè kú gweenɔ píngime d̄o. 21 Gbē kè yā si kɔn Luda kpé si kɔn Luda kè kú à guome d̄o. 22 Gbē kè yā si kɔn ludamb̄eɔ si kɔn Luda kiblekitao kɔn Luda kè vēenaome.

23 Wāiyoo a yādann̄erinɔ kɔn Farisinɔ! Mɔnafikideenɔ! Eè tofeenɔ tɔɔtedo kɔn kpee'āao kɔn dà láo kuridee kpá Ludaa, ben eè dokayā t̄isinɔ tón, yāzede kɔn s̄uo kɔn náaneɔ. Yā beeenɔ bé à de àgɔ kùna à kpaana tona sai. 24 V̄ia d̄on'aedeenɔ! Eè m̄os̄o né b̄o a íminan, ben eè lakumi m̄o.

25 Wāiyoo a yādann̄erinɔ kɔn Farisinɔ! Mɔnafikideenɔ! Eè gbāsī b̄o togoonɔ kpee kɔn taanɔ, mɔde wākū kɔn z̄indakūnad̄saio bé à a n̄se p̄a. 26 N Farisi v̄ia! N̄ gbāsī b̄o togo guune ḡia, à kpee é ḡo gbāsī sai.

27 Wāiyoo a yādann̄erinɔ kɔn Farisinɔ! Mɔnafikideenɔ! Á de lán mira kè wà aali puraa lèanɔ bàme. Aṣ kpee maa wéene, mɔde gèwanɔ kɔn gbāsī píngio bé à n̄ guu p̄a. 28 Lem̄e apinɔ se d̄o, a kuuna maa gbēnɔ wéene, mɔde mɔnafiki kɔn yā zaaao bé à a guu p̄a.

29 Wāiyoo a yādann̄erinɔ kɔn Farisinɔ! Mɔnafikideenɔ! Eè p̄o bo annabinɔ miranɔa, eè z̄a ble Luda gbēnɔ p̄a 30 eè be: Tó wá kuu yā wa dezino guro, wa bà égɔ kúnyo annabinɔ dedena guuro. 31 Lem̄e á si kè gbē kè aṣ annabinɔ dèdenɔ boriinɔn a ũ. 32 À aīa ke, à a dezino kándagbe ba à à m̄i de sa! 33 Ml̄enɔ! Gbēntee pitigoonɔ! É ke dia à b̄o té yā kè danaalaa guuu? 34 Beee yānzi mé annabinɔ kɔn ɔnd̄rinɔ kɔn yādann̄erinɔ z̄iawa. É n̄ gbēkenɔ dede, é n̄ gbēkenɔ p̄a lía, é n̄ gbēkenɔ gbē flào a aduakekpenɔ guu, é p̄ér̄ma wéte

kōn wétεo. <sup>35</sup> Lεmε Luda gbē kè wà n̄ dεdεn̄o yā é wí a musu lε, sεna zaa gbē maa Abila dεnaa ai à gàa pé Bεrεkia né Zakari kè a à dè Luda kpé kōn sa'okiio daguraa. <sup>36</sup> Yāpuraan mée ooare, yā beeen̄o p̄ngi é wí t̄ōrigbēn̄o musumε.

*Yerusalemu yā*  
(Luk 13:34-35)

<sup>37</sup> Yerusalemudeen̄o, Yerusalemudeen̄o! Èè annabin̄o dεdε, èè gbē kè Luda n̄ zīawaano papa gbèo à n̄ dεdε. Mεèḡo yezi mà a kakōamazi gèn̄ baaaḡo, lán koo è a dèbε kú a n̄én̄la nà, m̄ode ée weziro. <sup>38</sup> Luda é a kpé tóare bezī ūmε sa. <sup>39</sup> Mée ooare, é ma e d̄oro ai à be, aubarikadeen gbē kè èe m̄o kōn Dii tóo ū.

## 24

*Yerusalemu yakana kōn andunayāagur̄o sèedan̄o*  
(Maa 13:1-20, Luk 21:5-24)

<sup>1</sup> Yesu b̄o Luda ua guu èe taa, ben à ìban̄o s̄ōzi wà lézukii kènε à kpén̄o. <sup>2</sup> Ben Yesu bèr̄nε: A beee è p̄ngi? Yāpuraan mée ooare, weé gbè ke tó dikōaro, weé gboro p̄ngime.

<sup>3</sup> Gur̄o kè Yesu v̄εna Kùkpe s̄is̄igεεzi, à ìban̄o m̄ò à kiia gusae, ās̄ à là wà bè: Ñ owe, b̄oren yā kèn̄o é keε? B̄ó bé eéḡo dε n̄ suna kōn andunayāagur̄o sèeda ūu? <sup>4</sup> Yesu wèr̄la à bè: À làakari ke, àton tó wà a sāsāro. <sup>5</sup> Zaake weé mó pari ma tóo, āséḡo bee Mesayan n̄ ū, āsé gbēn̄o sāsā pari. <sup>6</sup> É z̄in̄o baaru ma kōn à wàpeo. Àton bídi kero. Sé beeen̄o ke, m̄ode gur̄o yāana kpé. <sup>7</sup> Bori kōn boriio é fεek̄ōzi, lεmε d̄o b̄usu kōn b̄usuo. N̄o kōn t̄ote nigānigānao éḡo kú guken̄o. <sup>8</sup> Yā beeen̄o p̄ngi n̄wāwā naana ū. <sup>9</sup> Beee gb̄era weé a kùkū wà a kpám̄ma, wà wée tāawa wà a dε, bori p̄ngi é zaagu ma yānz̄i. <sup>10</sup> Gbēn̄o é fuma pari, āsé b̄o k̄o kpεε, āsé zakōn. <sup>11</sup> Annabi εgεen̄o é mó pari wà gbēn̄o sāsā pari, <sup>12</sup> yā zaa é k̄o, gbē parideen̄o yenzi é busa. <sup>13</sup> Gbē kè zena gbāa ai à gur̄o léa bé eé m̄isina e. <sup>14</sup> Weé kpata kè b̄o Luda kiia p̄i baaru kpá anduna baama p̄ngia sèeda ū bori p̄ngine, gbasa p̄o p̄ngi é m̄i dε.

<sup>15</sup> Tó a t̄ε guyakari kè annabi Danieli à yā ò è Luda ua, kyók̄eri ḡo d̄o, <sup>16</sup> gbē kè ās̄o kú Yudean̄o bàa sí wà m̄i pé kpiiin̄o. <sup>17</sup> Gbē kè kú a kpé musu tón pita à ḡε kpé guu à p̄oke sé à b̄oro. <sup>18</sup> Gbē kè kú buraa tón liara be à a uta séro. <sup>19</sup> Wāiyoo n̄s̄indadeen̄o kōn nédandeen̄o gur̄o beee. <sup>20</sup> À adua ke le bàasina p̄i tón ke buusie ke kammabogur̄o z̄iro. <sup>21</sup> Zaake gur̄o p̄i wét̄amma éḡo bíta. Zaa gur̄o kè Luda anduna kè ai gbāa, à taka e kero, bens̄o ée ke zik̄iro. <sup>22</sup> Tó Ludaa e gur̄o p̄in̄o lagoro, lε gbēke é b̄oro. M̄ode ée gur̄o p̄in̄o lago a gbē kè à n̄ séno yānz̄ime.

*Gbēntee Né suna*  
(Maa 13:21-37, Luk 17:20-37, 21:25-33)

<sup>23</sup> Gur̄o beee tó gbēke bèare, à Mesaya gwa kè kes̄o à Mesaya gwa k̄aa, àton síro. <sup>24</sup> Zaake Mesaya εgεen̄o kōn annabi εgεen̄o é mó wà sèeda bítan̄o kōn dabuyān̄o ke, lε wà baa gbē kè Luda n̄ séno sāsāo, tó eé sí ke. <sup>25</sup> À ma, ma ḡiake má òare zaa káaku k̄o. <sup>26</sup> Tó wà bèare à gwa, à kú s̄èn̄, àton gáro. Ke tó wà bèare à gwa, à kú kpétu, àton síro. <sup>27</sup> Zaake lán lou è p̄i à ludambεe pura kú zaa ofānt̄εb̄oε kpa ai à ḡεkpen kpa nà, lεn Gbēntee Né suna éḡo dε lε. <sup>28</sup> Guu kè gè kún, gwen yeberekun̄o é k̄o kakōan.

<sup>29</sup> Gur̄o p̄in̄o wét̄amma gb̄era ḡo ofānt̄ε é sia kú, m̄ovura é í kero, s̄os̄on̄en̄o é woro ludambε, gbāaa kè ās̄o kú musun̄o é nigā. <sup>30</sup> Gbēntee Né sèeda é gbasa à b̄o ludambε, bori kè ās̄o kú anduna guun̄o é n̄ z̄inda gbēgbē n̄ p̄ngi, āsé Gbēntee Né suna e ludambε luguun̄o kōn gbāaa kōn gakui bítao. <sup>31</sup> Éé a malaikan̄o z̄i kōn kākāki'̄o gbāaa, āsé a gbē kè à n̄ séno kakōa anduna gooda siiḡo zaa ludambε lé gura kè kōn à lé k̄ao.

<sup>32</sup> À yā dada kākā lía. Tó à ḡan̄o í kpākpa, èe lá b̄or̄o paa, á d̄o guwāagur̄o kà k̄i. <sup>33</sup> Lεmε s̄o, tó a yā p̄in̄o è p̄ngi lε, àḡo d̄o kè à suna kà k̄i, à kú kpεlea. <sup>34</sup> Yāpuraan mée ooare, gur̄o

kè gbě̀nó é gētero ai yā pìno gá keo píngi. <sup>35</sup> Musu kōn tóteó é gēte, mōde ma yāno gētena vīro.

<sup>36</sup> Gbēkee à gurɔ ke à gurɔ zaka dōro, baa malaika kè aō kú musunɔ ke Luda Né, sé De Luda. <sup>37</sup> Lán à de nà Nuu gurɔ, len eégō de le se Gbēntee Né sugurɔ. <sup>38</sup> Gurɔ kè í e da andunalaro, wèe pó blee wèe í mii, wèe nɔ se wèe zā kee ai Nuu gaa à gè góro'ite guu. <sup>39</sup> Aōe dōro, ben í m̀ à n sée n píngi. Len eégō de le se Gbēntee Né sugurɔ. <sup>40</sup> Gbē gōon plaaano égo kú bura, weé gbē doo sé wà gbē doo tón. <sup>41</sup> Nɔgbē gōon plaaano égo pó lɔo gbèn, weé gbē doo sé wà gbē doo tón. <sup>42</sup> Beee yānzi a wée go do, zaake á dō gurɔ kè a Dii é suro. <sup>43</sup> Agō kèkii dō. Tó bēdee gurɔ zaka kè kpāi é m̀a dō yā, le a wée go do, eé tó à a kpé fōro. <sup>44</sup> Beee yānzi apino sō, agō kú soruo, zaake Gbēntee Né é su gurɔ zaka kè a wée dōzirooame.

*Zīkeri náanede làakaridee*  
(Luk 12:41-48)

<sup>45</sup> Dén zīkeri náanede làakaridee kè à dii a zīkerino nàne a ozi le à poblee kpámma à gurɔa ũu? <sup>46</sup> Aubarikadeen zīkeri kè à dii à lè èe kee le a sugurɔa ũ. <sup>47</sup> Yāpuraan mée ooare, eé a auziki píngi nané a ozi. <sup>48</sup> Mōde tó zīkeri pì pásí, ben à bè a nòse guu a dii e gi kee, <sup>49</sup> ben à nà a zīkeri daano gbēgbēnaa, èe pó blee èe í mii kōn wēderino, <sup>50</sup> à dii é su gurɔ kè à wée dōzirooame, gurɔ zaka kè à dōroo, <sup>51</sup> eé à zōzōkōre, à à baka da kōn mōnafikideeno. Gwen weé o do n wà o di n musu.

## 25

*Nɔkpare gōon kurino*

<sup>1</sup> Gurɔ beee kpata kè b̀ Luda kiia égo de lán nɔkpare gōon kuri kè aō n fitiano sè wà b̀o, aōe gaa da nɔserile bàme. <sup>2</sup> Aō gōon sɔroono né m̀saideenome. Aō gōon sɔroono sōo làakarideenome. <sup>3</sup> À m̀saideeno n fitiano sè ǹsi kūsāe sai, <sup>4</sup> à làakarideeno sō n fitiano sè kōn ǹsi kūsāe. <sup>5</sup> Nɔseri e m̀ kpaaro, ben i n lé n píngi, aōe ii oo. <sup>6</sup> Lezādo wà wii lè: Nɔseri e m̀o! À fēe à gá daàle. <sup>7</sup> Ben nɔkpare pino vù n píngi, aō n fitiano kèke. <sup>8</sup> Ben m̀saideeno bè làakarideeno: À wa gba ǹsi fétero! Wa fitia e gaa né! <sup>9</sup> Ben làakaridee pino wēnla wà bè: Eé m̀wa kōn apino píngiro. À gá à a pó lú à yānno kiia. <sup>10</sup> Kè aō gaa lú, ben nɔseri kà. Gbē kè aō soru kēno gēo nɔse guu, ben wà gbà tātā. <sup>11</sup> Zāazāa nɔkpare kpaaa pino sù, aōe lé zuu: Dii, Dii! N ze wēwe! <sup>12</sup> Ben à wēnla à bè: Yāpuraan mée ooare, má a dōro. <sup>13</sup> Beee yānzi a wée go do, zaake á à gurɔ ke à gurɔ zaka dōro.

*Ɔɔdakena zīrinone*  
(Luk 19:11-27)

<sup>14</sup> Kpata kè b̀ Luda kiia de lán gbē kè èe gaa wétea bà, ben à a zīkerino sisi, à a auziki nàne n ozi. <sup>15</sup> À ɔɔdaa kè aō gbē doone zika sɔro, gbē plaadee zika plaa, gbē aagōdee zika do, aō baade gbāa lén, ben à gaa wétea. <sup>16</sup> Zikasɔrodee gaa à laa tà kōn o pìo gōo, ben à àre è zika sɔro. <sup>17</sup> Zikaplaadee kè le do, ben à àre è zika plaa. <sup>18</sup> Zikadodee sō gaa à wèe ỳ, ben à a dii o pì ũten. <sup>19</sup> Gurɔ plaaa gbera zīkeri pino dii sù, ben èe a o yā gōgōnyo. <sup>20</sup> Zikasɔrodee m̀ kōn zika sɔro pānde kè à èo à bè: Dii, n zika sɔroo kè n kpāmaa gwa, à àre kàarame zika sɔro do. <sup>21</sup> Ben à dii bène: N kè zīkeri maa náanede! Lán n náane vī kōn à féteo nà, mé à bíta nanne n ozi sa. N gē ma pōnnakena guu. <sup>22</sup> Zikaplaadee m̀ do à bè: Dii, n zika plaaa kè n kpāmaa gwa, à àre kàarame zika plaa do. <sup>23</sup> Ben à dii bène: N kè zīkeri maa náanede! Lán n náane vī kōn à féteo nà, mé à bíta nanne n ozi sa. N gē ma pōnnakena guu. <sup>24</sup> Ben zikadodee m̀ sa à bè: Dii, má dō kè n yāno zī'ũ. Nèe pó kē guu kè nēe tōnlo. Nèe pó kakōa guu kè nēe gbēnlo. <sup>25</sup> Ben vīa ma kũ, ma gaa ma n o ũte wēen. N p̀e kè. <sup>26</sup> Ben à dii bène: Zīkeri zaa mēade! N dō kè m̀e pó kē guu kè mée tōnlo, m̀e pó kakōa guu kè mée gbēnloo? <sup>27</sup> À maa yā n ɔɔdaa kèo gbēkené, le tó ma su, mà a pó sí kōn à àre. <sup>28</sup> À zika doo

pì sía à kpá zikasɔrodeea. <sup>29</sup> Zaake gbě kè pò vīn Luda é kaaranε ai à dizi. Gbě kè vīroo s̄s, baa kè à vīi Luda é síame. <sup>30</sup> Zikeri p̄aa kèkii s̄s, à à zu bàazi gusiaan. Gwen weé ó òn wà ò di n̄ musu.

### *Ziakpεε zīyākpaεkena*

<sup>31</sup> Tó Gbēntee Né mò a gakui guu k̄n a malaikan̄ n̄ p̄ngi, eé v̄ε a kiblekita gakuideea. <sup>32</sup> Anduna boriin̄ é kak̄ōa à aε n̄ p̄ngi, eé n̄ k̄k̄ōa, lán p̄d̄ari è s̄aan̄ k̄k̄ōa k̄n bl̄n̄ nà. <sup>33</sup> Eé s̄aan̄ kpá a ɔplaazi, bl̄n̄ ɔzεεzi. <sup>34</sup> Beee gb̄era Kína p̄i é be gbě kè āō kú a ɔplaazin̄: Am̄a kè ma De aubarika dàaguun̄, à m̄ó à kpata kè à à soru k̄are zaa andunakaεgur̄o ble. <sup>35</sup> Zaake kè n̄aa e ma d̄εε, a p̄blee kp̄ama. Kè ímii e ma d̄εε, a í kp̄ama. Kè má kuu nib̄o ū, a ma si. <sup>36</sup> Kè má kú b̄ū, a asii t̄ame. Kè m̄ée gyāa k̄εε, a ma gwa. Kè wà ma da kp̄esiaan, a m̄o w̄ée kp̄amazi.

<sup>37</sup> Gbē maaan̄ é bene: Dii, b̄oren wá è n̄aa e n̄ d̄εε wa p̄blee kp̄amma ke ímii e n̄ d̄εε wa í kp̄ammaa? <sup>38</sup> B̄oren wa n̄ e nib̄o ū wa n̄ si, ke n̄ kú b̄ū wa asii t̄anneε? <sup>39</sup> B̄oren wa n̄ e n̄ée gyāa k̄εε, ke wà n̄ da kp̄esiaan wa gaa w̄ée kp̄enzii? <sup>40</sup> Kína p̄i é weñla à be: Yāpuraan m̄ée ooare, yā kè á kè gbě k̄ēsānanε ma gbě k̄en̄o t̄é, m̄ambe á k̄eme.

<sup>41</sup> Beee gb̄era eé be gbě kè āō kú a ɔzεεzin̄: À gume gwe am̄a kè Luda lé k̄areen̄! À tá t̄é kè eé garoo kè Ludaa k̄εε Ibilisin̄ k̄n a iban̄o guu. <sup>42</sup> Zaake n̄aa e ma d̄εε, ée p̄blee kp̄amaro. Ímii e ma d̄εε, ée í kp̄amaro. <sup>43</sup> Má d̄e nib̄o ū, ée ma síro. Má kú b̄ū, ée asii t̄amero. M̄ée gyāa k̄εε ke wà ma da kp̄esiaan, ée m̄ó à w̄ée kp̄amazi. <sup>44</sup> Āóé gbasa wà à la wà be: Dii, b̄oren wa n̄ e k̄n n̄aa ke ímii ke nib̄o ū ke b̄ū ke gyāree ke pisina ū, ben w̄ée n̄ ïan k̄aroo? <sup>45</sup> Kína é weñla à be: Yāpuraan m̄ée ooare, lán ée ke gbě kè k̄ēsānanε gbě k̄en̄o t̄ero nà, m̄ambe ée k̄emero. <sup>46</sup> Gbē beean̄ é tá w̄ét̄amma kè è yāaroo guume, gbē maaan̄o s̄ w̄endi kè è yāaroo guu.

## 26

### *Lékpak̄s̄na Yesuzi*

*(Maa 14:1-2, Luk 22:1-2, Yoh 11:45-53)*

<sup>1</sup> Kè Yesu yā beean̄ ò p̄ngi à yāa, ben à bè a iban̄o: <sup>2</sup> Á d̄s̄ kè Banla zībaa ḡò gur̄o pla, weé Gbēntee Né kp̄ámma wà à pá lía.

<sup>3</sup> Beee gb̄era sa'orikin̄o k̄n Yuda gb̄ensin̄o k̄ak̄ōa sa'oriki ìsi kè wè be Kayafa be. <sup>4</sup> Āó yā ḡòḡò ònd̄o lán āé Yesu k̄ū wà à d̄e nà <sup>5</sup> wà bè: W̄aton ke zībaa zīro, le gb̄en̄o t̄on z̄oka k̄áro yānz̄i.

### *N̄osi gū nna kuna Yesu m̄ia*

*(Maa 14:3-9, Yoh 12:1-8)*

<sup>6-7</sup> Kè Yesu kú Betani, Sim̄o Kusu be, ée p̄o b̄lee ḡεk̄εsek̄ena, ben n̄ogb̄e ke s̄zi, à gb̄aa n̄ngo kè n̄osi gū nna ɔdee kú à guu k̄ūna, ben à kú Yesu m̄ia. <sup>8</sup> Kè à iban̄o è le, ben āo p̄o f̄ε wà bè: B̄on̄ p̄o laalaak̄ena kè ūu? <sup>9</sup> Le wà n̄osi p̄i yà yā k̄n ɔ b̄it̄ao wà kp̄a takaasideen̄o. <sup>10</sup> Yesu d̄m̄ma, ben à bènn̄e: B̄oyānz̄i ée ïa daa n̄ogb̄e p̄iazi? À zī maa k̄em̄ε. <sup>11</sup> Takaasideen̄o éḡo kúao gur̄o p̄ngi, mapi s̄o m̄éḡo kúao gur̄o p̄ngiro. <sup>12</sup> Kè à n̄osi p̄i kú ma m̄a, à kè le le à ma ḡε k̄εom̄ε. <sup>13</sup> Yāpuraan m̄ée ooare, guu kè wè ma baaru nna waazi k̄εen anduna guu p̄ngi, weéḡo yā kè n̄ogb̄e p̄i kè oo à d̄ngu yānz̄i.

### *Yudasi b̄ona Yesu kp̄ε*

*(Maa 14:10-11, Luk 22:3-6)*

<sup>14</sup> Beee gb̄era ḡon̄ kuri aw̄εεplaaan̄o doke kè wè ben̄ε Yudasi Isikarioti ḡaa sa'orikin̄o kiia <sup>15</sup> à bè: Tó ma Yesu kp̄aawa, b̄on̄ á yezi à kp̄amaa? Ben āo kondogi ɔ m̄en̄ baaakuri n̄aro wà kp̄aa. <sup>16</sup> Zaa gur̄o beean̄ è z̄é w̄εt̄ε à Yesu kp̄ámma.

*Banla pòble kekɛna**(Maa 14:12-21, Luk 22:7-14, Yoh 13:21-38)*

<sup>17</sup> Buredi Sése'èzēsai zībaa gurɔ káakudee zī Yesu ìbanɔ mò wà à là wà bè: Mán n̄ yezi wà gá kekɛnne ò Banla pò blen? <sup>18</sup> À wènlá à bè: À gá wéten gōgbēke kiia à benɛ, Dannɛri bè a gurɔ kà kīi. À ben é Banla pò blen kōn a ìbanɔ. <sup>19</sup> Yesu ìbanɔ kè lán à dànnɛ nà, aō Banla pòbleyá kèkɛ. <sup>20</sup> Kè uusie kè, Yesu gɛkɛsɛkɛna teebuzi kōn a gōɔn kuri awɛɛplaaa pìnɔ. <sup>21</sup> Gurɔ kè aōɔe pò blee à bè: Yápuraan méɛ ooare, a gbɛ mèn doo é ma kpármma. <sup>22</sup> Aō nòsɛ yàka maamaa, ben aōɔe à laa doodo: Asa mámbɛeroo, Dii? <sup>23</sup> Yesu wènlá à bè: Gbɛ kè wée ɔ kaakōa taa guu lɛdoo bé eé ma kpármma. <sup>24</sup> Gbɛntee Né é kpá guuzi lán à kɛna à yá musu nà, mɔde wáiyoo gbɛ kè eé Gbɛntee Né kpármma pì. Eé ke sàɔ adeenɛ tó wée à i yáro. <sup>25</sup> Ben Yudasi kè eé à kpármma pì bè: Asa mámbɛeroo, Rabi? Yesu bènɛ: M̄be n̄ ò gwe.

*Dii pòblee**(Maa 14:22-26, Luk 22:14-20, 1Kɔ 11:23-25)*

<sup>26</sup> Kè aōɔe pò blee, Yesu buredi sè à aubarika dàn, ben à likɔre à kpà a ìbanɔ à bè: À sí à só, ma mèn yè. <sup>27</sup> Ben à togoo sè à aubarika dàn, à kpármma à bè: À mi a pínghi. <sup>28</sup> Ma arun yè, Luda bà kuuna kōn gbɛ pariinɔ aru ũ, kè eé bɔɛma aō durunkɛnnɛna yānzi. <sup>29</sup> Méɛ ooare, zaa gbàa mé geepi'i kè mi dɔro ai kpata kè bò ma De kiia gá bɔo gupuraa, gbasaa mà à dufu miao sa. <sup>30</sup> Kè aō lè s̄i, ben aō b̄ɛ wà gàa Kùkpe s̄is̄igɛɛzi.

*Yesu ḡiake à d̄s̄ yá kè Pita é ke**(Maa 14:27-31, Luk 22:31-34, Yoh 13:36-38)*

<sup>31</sup> Ben Yesu bènnɛ: A pínghi é fuma gwāavīa, zaake wà kè Luda yān wà bè: Mé sādāri lé, sāanɔ é fāakōa. <sup>32</sup> Mɔde ma fɛna gbera mé dɔare aɛ gana Galili. <sup>33</sup> Ben Pita bènɛ: Baa tó aō fūmma n̄ pínghi, mé fumma zikiro. <sup>34</sup> Ben Yesu bènɛ: Yápuraan méɛ oonne, gwāavīa ai koo gō gá lé zu, né lé sémazi gèn aagō. <sup>35</sup> Pita bènɛ: Baa tó mé gà mà ganyo, mé lé sénzi zikiro. Ben à ìbanɔ ò le se n̄ pínghi.

*Yesu aduakɛna zaa Gɛtɛsɛmani**(Maa 14:32-42, Luk 22:39-46)*

<sup>36</sup> Ben Yesu kōn a ìbanɔ kà guu kè wè be Gɛtɛsɛmani, ben à bènnɛ: À v̄ɛ kè ai mà gá adua ke kāaa. <sup>37</sup> À Pita kōn Zebedi né gōɔn plaaanɔ sè à gāányo. À pɔɔ sia kù à nòseyɔgɔ s̄i. <sup>38</sup> Ben à bènnɛ: Ma pɔɔ sia kù maamaa ai gaa lézī. À ze kè à it̄ɛ kɛmao. <sup>39</sup> Kè à gāa aɛ féte, ben à kùɛ tɔtɛ à adua kè à bè: Baa, tó eé sí ke, ò tó togo'i kè ḡɛɛmala. Mɔde èe ke lán má yezi nānlo, séde lán n̄ yezi nà. <sup>40</sup> Ben a liara à sù à a ìbanɔ lè, aōɔe ii oo. Ben à bè Pitannɛ: Len yó? Ée f̄s̄ a it̄ɛ kɛmao baa awa doroo? <sup>41</sup> À it̄ɛ ke àgō adua keɛ, le àton fu yōagwanaaro yānzi. Ninii yezi, mɔde mè busɛ. <sup>42</sup> À kèmm̄a à gèn plaade, à adua kè à bè: Baa, tó togoo kè é ḡɛɛmala a í mi sairo, ò tó n̄ poyezi ke. <sup>43</sup> Kè à liara à sù à n̄ lé, aōɔe ii oo dɔ, zaake aōɔe imioo dɛdɛɛ. <sup>44</sup> Ben à n̄ tón dɔ, à gāa à wéɛ kè à gèn aagōde, à yá dōnkō pì ò dɔ. <sup>45</sup> Ben à liara à sù a ìbanɔ kiia à bènnɛ: Ée ii oo, ée kámma booo ai tian yó? À gwa! Gurɔ kà kīi. Wà Gbɛntee Né kpà durunkɛrinɔa. <sup>46</sup> À fɛɛ wà tá. Gbɛ kè ma nañnɛ n̄ ɔzī e mɔɔ.

*Yesu kūna**(Maa 14:43-50, Luk 22:47-53, Yoh 18:3-12)*

<sup>47</sup> Kè à kpé èe yá pì oo, ben Yudasi, à ìba gōɔn kuri awɛɛplaaanɔ doke mò kōn pariio, aō f̄ɛɛdaanɔ kūna kōn gònɔ, aō b̄ò sa'orikinɔ kōn Yuda gbɛnsinɔ kiia. <sup>48</sup> Bɔnkpeɛdee pì s̄s̄ s̄ɛda ònnɛ à bè: Gbɛ kè mé lé péa, àmbe gwe. À à kù. <sup>49</sup> Ben à mì pè Yesua gō à bè: Fɔɔ, Rabi! Ben à lé péa. <sup>50</sup> Yesu bènɛ: Ma gbɛ, ò n̄ kena ke! Ben wà mò wà ɔ pèɛ Yesua wà à kù. <sup>51</sup> Ben Yesu gbɛnɔ doke a f̄ɛɛdaa wòto, à sa'oriki is̄i z̄iri lèò à à swā gò. <sup>52</sup> Ben Yesu bènɛ: Ì n̄ f̄ɛɛdaa s̄ot̄o a kpéɛn. Zaake gbɛ kè zè kōn f̄ɛɛdaao, f̄ɛɛdaa bé eé à dɛ. <sup>53</sup> Tó má yezi ma De malaika

zìkpεεnɔ gbareme gɔɔ de gāli kuri awεεplaaanɔla, n̄ dɔ́ mé fua mà a wée kean yó? <sup>54</sup> Tó má kè le sɔ́, dian yā kè wà kè Luda yān wà bè eé ke leε é keε? <sup>55</sup> Ben Yesu bè pariine: Kpāi wéedewen ma ũ kè a mɔ́ à ma kũ kɔ́n fēedaanɔ kɔ́n gònɔ́ó? Mεègɔ́ v̄εεε Luda ua lán guu e dɔɔ nà mεègɔ́ yā daaare, ée ma kũro. <sup>56</sup> Mɔ́de yā pì kè píngi, le yā kè annabinɔ kè Luda yān ke yānzi. Ben à ìbanɔ b̄aa lè n̄ píngi aɔ́ à tòn.

*Yuda gbāadeenɔ yākpaekeɔna kɔ́n Yesuo*

*(Maa 14:53-65, Luk 22:54-55, 63-71, Yoh 18:13-14, 19-24)*

<sup>57</sup> Gbē kè aɔ́ Yesu kũnɔ gāao sa'oriki ìsi Kayafa be. Ludayādannerinɔ kɔ́n gbēnsinɔ kakɔ́ana gwe. <sup>58</sup> Pita té à kpεε k̄aaa ai sa'oriki ìsi pì be. À gè ua guu, à v̄εε kɔ́n dogarinɔ le à yā pì midena e. <sup>59</sup> Sa'orikinɔ kɔ́n Yuda yākpaekeerinɔ n̄ píngi e sèeda wetεε Yesuzi wà à de. <sup>60</sup> Baa kè gbēnɔ mò wà egɔ́yā didia pari, èe kero. Zāazāa gɔ́ɔn plaa kenɔ mò <sup>61</sup> aɔ́ bè: Gbē pì bè é f̄s̄ à Luda kpé wí à εara à bo gurɔ aagɔ́ɔ dagura sé! <sup>62</sup> Ben sa'oriki ìsi f̄εε à zè à bè Yesune: N̄ yāke v̄i n̄ weńlaroo? Yā kè wèe didiimmaa kè de diaa? <sup>63</sup> Yesu yīte kpē, ben sa'oriki ìsi pì bène: Ma nanne Luda Wēndidezi, n̄ owe tó Luda Né Mesayan n̄ ũ. <sup>64</sup> Yesu wèala à bè: Len n̄ ò le. Mapi sɔ́, méε ooare, zaa gbāa é Gbēntee Né e v̄εena Gbāapingide ɔ́plaazi, bensɔ́ é à suna e ludambe luguun. <sup>65</sup> Ben sa'oriki ìsi pì a utanɔ gā à kè à bè: A dɔ́kè Ludao! À kè dia wée sèedade pānde kenɔ wetεε d̄bee? Á mà lán à dɔ́kè Ludao nà. <sup>66</sup> Yā kpāreen a zεo tiaa? Ben aɔ́ wèala wà bè: À taari kà wà à de. <sup>67</sup> Ben wà lóu sù à uua, wà à l̄le ɔ́kũo. Gbēkenɔ à swān kèke <sup>68</sup> aɔ́ bè: Mesaya, n̄ annabikεyā o n̄ gbē kè n leε owe.

*Pita léseɔna Yesuzi*

*(Maa 14:66-72, Luk 22:56-62, Yoh 18:15-18, 25-27)*

<sup>69</sup> Pita v̄εena ua, ben z̄nɔkpāre ke mò à bène: Mpi sɔ́ neègɔ́ kú ledo kɔ́n Galili gbē Yesu piome. <sup>70</sup> Ben à lé sè n̄ píngi wāa à bè: Méε yā kè néε oo d̄rɔ d̄ro. <sup>71</sup> Ben à f̄εε à gè gānun. Nɔ́gbē pānde à è, ben à bè gbē kè aɔ́ kú gweenɔne: Gbē kèkii ledo kɔ́n Yesu Nazaretiome. <sup>72</sup> Pita εara à lé sè à la dà à bè: Má gbē pì d̄ro. <sup>73</sup> Kè à kè saa féte, gbē kè aɔ́ zena gweenɔ s̄s̄ Pitazi aɔ́ bè: Yāpurame, aɔ́ gbē doon n̄ ũ, zaake wá n̄ d̄s̄ n̄ yā'onaame. <sup>74</sup> Ben à f̄εε à a zīnda kà à la dà à bè: Má gbē pì d̄ro. Zaa gwe gɔ́ɔn koo lé zù. <sup>75</sup> Ben yā kè Yesu ò d̄s̄ Pitan kè à bè, ai koo ḡs̄ gá lé zu, eé lé séazi gèn aagɔ́. Ben Pita b̄ò b̄aazi à p̄sia ɔ́ d̄.

## 27

*Yudasi gana*

*(Zīr 1:18-19)*

<sup>1</sup> Kè guu d̄s̄ kɔ́ngɔ́ ide'ide sa'orikinɔ kɔ́n Yuda gbēnsinɔ n̄ píngi yā ḡḡḡ Yesuzi le wà à de. <sup>2</sup> Aɔ́ à yì, ben aɔ́ gāa wà à nà bùsu gbēnsi Pilatine a ɔ́zì. <sup>3</sup> Kè Yudasi kè b̄ò à kpεε è yā dàala, à ḡs̄ tómad̄yāa guu, ben à gāa kondogi ɔ́ mèn baaakuri pì ɔ́kpa sa'orikinɔne kɔ́n gbēnsinɔ <sup>4</sup> à bène: Ma durun kè, ma taarisaidee kpà gaazi. Ben aɔ́ bène: Wa bà ũgbaa? N̄ yān gwe. <sup>5</sup> Ben Yudasi ɔ́ pì zù Luda kpén, ben à tà à gāa à a zīnda lògo. <sup>6</sup> Ben sa'orikinɔ ɔ́ pì s̄εε aɔ́ bè: ɔ́ pì kana Luda kpé ɔ́dakii guu zé v̄iɔ́, zaake gbēde'ɔ́me. <sup>7</sup> Kè aɔ́ yā ḡḡḡ, ben aɔ́ orobori ḡt̄okii lù kɔ́n ɔ́ pìo nibɔnɔ v̄iikii ũ. <sup>8</sup> Beee yānzi ai kɔ́n a gbāao wè be t̄ɔ́te p̄ne T̄ɔ́te Arudeezi. <sup>9</sup> Ben yā kè annabi Yeremaya ò kè à bè: Wà kondogi ɔ́ mèn baaakuri pì s̄εε, ɔ́ kè Isarailinɔ z̄εo wà kpà à yā musu pì, <sup>10</sup> ben wà orobori ḡt̄okii lùo lán Dii dieme nà.

*Pilati yākpaekeɔna kɔ́n Yesuo*

*(Maa 15:2-5, Luk 23:3-5, Yoh 18:33-38)*

<sup>11</sup> Yesu zena bùsu gbēnsi aεzì. Ben gbēnsi pì à là à bè: M̄be Yudanɔ kina ũs̄? Yesu wèala à bè: Len n̄ ò le. <sup>12</sup> Gurɔ kè sa'orikinɔ kɔ́n gbēnsinɔ e yā didiia, èe yāke weńlaro. <sup>13</sup> Ben



Pilati bène: Née yā parii kè wèe didiimmaa maroo? <sup>14</sup> Mòde Yesu e yāke o yā pìno doke musuro, ben yā pì b̀̀ b̀̀su gbēnsi pì sae maamaa.

### *Yadana Yesula*

*(Maa 15:6-15, Luk 23:13-25, Yoh 18:39-19:16)*

<sup>15</sup> Banla zībaa zī píngi b̀̀su gbēnsi pì è pisinano doke kè gbēno yezi gbaréne. <sup>16</sup> Gurɔ̀̀ m̀̀da s̀̀s̀ pisina tódee kú gwe wè be Baraba. <sup>17</sup> Kè parii kàkɔ̀̀a, ben Pilati n̄ lá à bè: Dén á yezi mà gbaréaree? Baraban yó, ke Yesu kè wè be Mesaya? <sup>18</sup> Zaake à d̄̀s̀ kè nòseḡaano vīna k̄̀n Yesuo yānzin wà à kp̀̀awazi.

<sup>19</sup> Gurɔ̀̀ kè Pilati v̄̀ena a tintia, à naō gbē zīa à bè: N̄ton yāke ke gbē maa p̀̀nero, zaake nanaa kè má ò à yā musu gīa gwāavī īa d̄̀ama maamaa.

<sup>20</sup> Sa'orikino k̄̀n gbēnsino nàk̄̀re gbēnoa aō Baraba gbeka, aō be wà Yesu de. <sup>21</sup> Ben b̀̀su gbēnsi pì n̄ lá à bè: Ḡ̀on plaa p̀̀no guu, dén á yezi mà gbaréaree? Ben aō bè, Barabame.

<sup>22</sup> Ben Pilati n̄ lá à bè: Bón mé ke k̄̀n Yesu kè wè be Mesayao? Baade píngi bè: N̄ à pá lía.

<sup>23</sup> Ben à n̄ lá à bè: Bó dàn à kè? Ben aō wii lè wà kàara wà bè: N̄ à pá lía. <sup>24</sup> Kè Pilati é é f̄̀ à yāke kero, z̄̀ka e kaara, ben à í t̀̀, à a ɔ̀̀ p̀̀pi gbēno wáa à bè: Ma ɔ̀̀ b̀̀e gbē p̀̀ gana yān. A yāme. <sup>25</sup> Ben gbē p̀̀no bè: À dena yā wí wa musu k̄̀n wa n̄no. <sup>26</sup> Ben à Baraba gb̄̀aréne, à bè wà Yesu gbē fl̄̀o wà à pá lía.

### *Sozano Yesu fabona*

*(Maa 15:16-20, Yoh 19:2-3)*

<sup>27</sup> Ben Pilati sozano ḡ̀e Yesuo b̀̀su gbēnsi pì be, ben aō n̄ ḡ̀ali kàkɔ̀̀a n̄ píngi aō lìgazi. <sup>28</sup> Aō à p̀̀no b̀̀ea aō gumusu t̄̀aa d̄̀ane, <sup>29</sup> ben aō lè f̀̀ura t̄̀a aō k̀̀ne, aō k̄̀ba n̄ane a ɔ̀̀p̄̀laan gò ũ. Ben aōe kúekuene, aōe à faboo wèe bee: F̄̀o, Yudano kína! <sup>30</sup> Aō lóu s̀̀ua, aō k̄̀ba p̀̀i s̄̀e aō à l̄̀o a m̄̀ia. <sup>31</sup> Kè aō à fabò wà ȳ̀a, ben aō gumusu p̀̀i gòala aō à z̄̀inda p̀̀k̄̀s̄̀aano d̄̀ane, ben aōe gaa à pá lía.

### *Yesu pana lía*

*(Maa 15:21-32, Luk 23:26-43, Yoh 19:17-27)*

<sup>32</sup> Kè aō b̀̀e aōe gaa, aō d̄̀ak̄̀re k̄̀n Sir̄̀eni gbē kè wè be Simo, ben aō ḡ̀a n̄a à Yesu líkpangb̄̀aroo sé. <sup>33</sup> Ben aō k̄̀a guu kè wè be Ḡ̀ḡ̀ota kè bè m̄̀iwatorokii. <sup>34</sup> Ben aō geepiw̄̀e kè wà ȳ̀ak̄̀te k̄̀n ēz̄̀e d̄̀one à mi. Kè à í kè, ben à ḡ̀i mizi. <sup>35</sup> Kè aō à pá lía, ben aō k̄̀bankpe kè wà à p̀̀k̄̀s̄̀aano kp̄̀at̄̀etek̄̀ne. <sup>36</sup> Ben aō v̄̀e aōe à d̄̀akpaa gwe. <sup>37</sup> Wà yā kè wà dia kè wà n̄a à m̄̀ila wà bè:

Yudano kína Yesun ȳ̀e.

<sup>38</sup> Ben wà kp̄̀ai w̄̀edeweno pá lía à sae ḡ̀on plaa, gbē doo à ɔ̀̀p̄̀laazi, gbē doo à ɔ̀̀zezi. <sup>39</sup> Gbē kè aōe ḡ̀e z̄̀ela gweeno e n̄ m̄̀i k̄̀e deḡ̀udeḡ̀u, aōe à s̄̀s̄̀o <sup>40</sup> wà bè: M̄̀on kè n̄ bè né Luda kpé wí n̄ eara n̄ bo gurɔ̀̀ aaḡ̀o daguran gweroo? Tó m̄̀be Luda Né ũ, n̄ n̄ z̄̀inda m̄̀i sí n̄ pita lía. <sup>41</sup> Lem̄̀e d̄̀o sa'orikino k̄̀n ludaȳ̀adannerino k̄̀n gbēnsino e à faboo le wà bè: <sup>42</sup> À gbē p̄̀andeno m̄̀i sí, m̄̀ode eé f̄̀ à a z̄̀inda m̄̀i síro. Isarailino k̄̀nanloo? À pita lía tia, wé à náane ke. <sup>43</sup> À Luda náane v̄̀i. Tó Ludaa yezi, ēnd̄̀e à à b̄̀o sa, zaake à bè ambe Luda Né ũ. <sup>44</sup> Baa kp̄̀ai kè wà n̄ pá lía l̄̀doono e à s̄̀s̄̀o le d̄̀o.

### *Yesu gana*

*(Maa 15:33-41, Luk 23:44-49, Yoh 19:28-30)*

<sup>45</sup> Kè f̄̀ant̄̀e k̄̀a m̄̀idangura, ben gusiaa dà b̀̀su p̄̀la píngi ai f̄̀ant̄̀e mò aaḡ̀o. <sup>46</sup> F̄̀ant̄̀e mò aaḡ̀on Yesu wii lè gb̄̀angb̄̀an à bè: Eloi, Eloi, lema sabatani! Bee bè, ma Luda, ma Luda, à kè dia n̄ ma ton? <sup>47</sup> Kè gbē kè aō z̄̀ena gwe ken̄o yā p̀̀i mà, ben aō bè: Daa e Ilia sísii. <sup>48</sup> Zaa gwe ḡ̀o aō gbē doo bàa lè à ḡ̀a à sabo s̄̀e à dà geepiw̄̀e kp̄̀akp̄̀a guu, à f̄̀f̄̀i kapaa, ben à d̄̀o Yesune à mi. <sup>49</sup> Ben gbē kp̄̀aano bè: À ze ḡ̀ia wà gwa tó Ilia é mó à à m̄̀i sí. <sup>50</sup> Yesu eara à wii gb̄̀aaa lè d̄̀o, ben à a w̄̀endi gb̄̀are.

<sup>51</sup> Ben Luda kpé lábure kèkōre plaa bōna musu suna gĩzĩ. Tòote nìgānigā, gbèno pàrapara, <sup>52</sup> mirano wèwē, ben Luda gbèno fèe bōna gaan pari. <sup>53</sup> Yesu fèe bōna gaan gbèra aō bōe miran, aō gè Luda wétèn, gbèno n é pari. <sup>54</sup> Kè sozano gbènsi kōn a gbè kè aōe Yesu dākpaano tòote nìgānigāna pì è kōn yā kè aō kèno píngi, vĩa n kũ maamaa aō bè: Yāpurame Luda Nén gbè kè ũ. <sup>55</sup> Nōgbèno kú gwe pari, aōe guu gwaa kāaa. Aō té Yesuzi bōna Galilime, aōègō pōblee kèene. <sup>56</sup> N tén Mariama Magadaleni kún kōn Mariamao Yemisi kōn Yusufuo da kōn Zebedi néno dao.

*Yesu vĩana*

*(Maa 15:42-47, Luk 23:50-56, Yoh 19:38-42)*

<sup>57</sup> Kè uusie kè, Arimatea gbè doode kè wè benè Yusufu m̀. Yesu ìbame do. <sup>58</sup> À gaa à Yesu gè gbèka Pilatia, ben Pilati bè wà kpáa. <sup>59</sup> Kè Yusufu gè pì sè, a táaru bisa dufu fífia, <sup>60</sup> à à dà a zĩnda gbèwèe kè wà sò mira ũu guu. Ben à gbè bíta gbegere pà à tà wèe pìlè à tà. <sup>61</sup> Mariama Magadaleni kōn Mariama pānde pìo vèena gwe, aō aedōna miraa.

<sup>62</sup> Kè gurō lè, kámmabogurō zĩ kà, ben sa'orikinō kōn Farisinō gaa Pilati kiia lèdo <sup>63</sup> aō bè: Yā kè gbèkèkèri pì ò a bēe zĩ dōwagu à bè, gurō aagō gbèra é fèe. <sup>64</sup> N tó wàgō mira pì dākpaai à gurō aagōdee zĩ. Tó lenlo, à ìbano é mó wà à gè sé kpāi, aōé o gbènoe à fèe bōna gaan. Ege zāa beee égō de à káakupola. <sup>65</sup> Ben Pilati bèné: À sozano sí à gá à mira pì dākpa lán é fō nà. <sup>66</sup> Ben aō gaa wà sèeda kè mira lé gbèa, aō sozano tò gwe aōgō dākpaai.

## 28

*Yesu fèe à bōna gaan*

*(Maa 16:1-11, Luk 24:1-12, Yoh 20:1-10)*

<sup>1</sup> Kámmabogurō gbèra Azumanengo zĩ kōngō idè'idè Mariama Magadaleni kōn Mariama pānde pìo b̀ wà gaa mira gwa. <sup>2</sup> Ben tòote nìgānigā gbāngbān, zaake Dii malaika ke b̀ musu, à mò à gbè pì gbegere pà à guo mira léame, ben à vèea. <sup>3</sup> À uu de lán loupina bà, à uta de pú fénfen lán buu bà. <sup>4</sup> Vĩa gudākparinō kù, aōe lugalugaa, ben aō gō sãii. <sup>5</sup> Ben malaika pì bè nōgbè pìnōne: Àton tó vĩa a kũro. Má dō kè Yesu kè wà pà lán ée wete. <sup>6</sup> À kú kèro, à fèe lán à ò nà. À mó à guu kè wà à dàen gwa, <sup>7</sup> é gá à o à ìbanoe kpakpaai à fèe bōna gaan. Eé dōne ae gana Galili. Gwen é à en. Má òaren gwe.

<sup>8</sup> Ben aō b̀ miran kpakpaai kōn vĩa, m̀de aō pōo nna bíta. Aō bàa lè aōe gaa à baaru kpá à ìbanoe. <sup>9</sup> Ben Yesu dàíle gō, à ì kpàíma. Kè aō sòzi, aō dōnzi kène, ben aō ò kè a kèsekpeea. <sup>10</sup> Ben Yesu bèné: Àton tó vĩa a kũro. À gá à o ma gbènoe aō gá Galili. Gwen aōé ma en.

*Soza gudākparinō yāgbānne*

<sup>11</sup> Kè nōgbèno tà, ben soza gudākpari kenō gè wéte guu, aō yā kè kèno ò sa'orikinōne píngi. <sup>12</sup> Ben sa'oriki pìnō gbènsinō sisi, aō yā gògō, ben aō ò bíta kpà soza pìnōa gusae <sup>13</sup> aō bè: À be à ìbano bé wà mò gwāavĩ, aō à gè sè kpāi gurō kè ée ii oo. <sup>14</sup> Tó bùsu gbènsi yā pì mà, wé agbaa kpáne, é b̀ yāketen. <sup>15</sup> Sozano ò pì sì, ben aō kè lán wà dàíne nà. Ben yā pì gò Yudanōne baaru ũ ai kōn a gbāao.

*Yesu zĩ nana a ìbanoe n zĩ*

*(Maa 16:14-18, Luk 24:36-49, Yoh 20:19-23, Zĩr 1:6-8)*

<sup>16</sup> Yesu ìba gōon kuri awèedoono gaa Galili kpíii kè à à kii gògòne yāa musu. <sup>17</sup> Kè aō à è, aō dōnzi kène, m̀de aō gbèkenō e seka kee. <sup>18</sup> Ben Yesu sòñzi à bèné: Luda musu kōn tòoteo iko píngi kpàma. <sup>19</sup> Beee yānzi à gá à bori píngi ke ma ìbano ũ, à n batisi ke kōn De Luda tóo kōn à Né tóo kōn à Ninii tóo, <sup>20</sup> à yā kè má diareeno daíne aōgō kũna píngi. À ma, mégō kúao gurō píngi ai anduna gá yāao.

## MAAKU Baaru nnaa kè Maaku kè

Yesu batisikena 1:1-1:13  
 Yesu yādanna Galili 1:14-9:50  
 Zaa Galili ai Yerusalemu 10:1-10:52  
 Yesu kuuna Yerusalemu 11:1-14:9  
 Yesu gana kōn à fεnao 14:10-16:20

*Yaaya Batisikeri waazikena*  
 (Mat 3:1-12, Luk 3:1-18, Yoh 1:19-28)

<sup>1</sup> Luda Né Yesu Kirisi baarun yè. <sup>2</sup> À nàa lán à kú annabi Isaya takada guu nà, à bè: Mé ma z̄iri gbare n ā à zé kekenne.

<sup>3</sup> À kpàakpakeri kòto ma do gbáan à bè: À zé kēke Diine, à zé wéweno porone súusu.

<sup>4</sup> Len Yaaya Batisikeri kú gbáan le, èe waazi kee, à ò gbēnōne aō nòse lie aō batisi ke, Luda é n durun kēñne. <sup>5</sup> Yudea būsudeeno kōn Yerusalemudeeno gāa à kiia n píngi, aō n durunno ò gupuraa, ben à n batisi kè Yodazi. <sup>6</sup> Yaaya ègō uta kè wà tã kōn lakumi kão dana, à baa asaa dō a pii. Sutē kōn z’ion à póblee ũ. <sup>7</sup> À waazi kè à bè: Gbēke é mó ma gbera à gbāaa demala. Méé ká mà kúe mà à kyatee bōbōnero. <sup>8</sup> Mèè a batisi ke kōn íome, gbē pi sō eé a batisi ke kōn Luda Ninio.

*Yesu batisikena*  
 (Mat 3:13-17, Luk 3:21-22)

<sup>9</sup> Gurō beee Yesu bō Nazareti, Galili būsun, à mò, ben Yaaya à batisi kè Yodazi. <sup>10</sup> Kè Yesu bikù gō, à è ludambēe e wēekōa, Luda Ninii e suuawa lán pōtēe bà. <sup>11</sup> Ben à kòto mà bōna ludambē à bè: Mbe ma né mèn do léle yenzidee ũ, kè ma pōo nnamma.

*Yesu yōagwana*  
 (Mat 4:1-11, Luk 4:1-13)

<sup>12</sup> Ben Luda Nini à gbàre gbáan gō, <sup>13</sup> ben à kú gwe kōn nòbōsētēno ai gurō baplaa, Setān e à yōo à gwa. Ben malaikanō mò wà dōàle.

*Yesu iba káakunō sisina*  
 (Mat 4:12-22, Luk 4:14-15, 5:1-11)

<sup>14</sup> Yaaya kūna gberan Yesu tà Galili, èe baaru nnaa kè bō Luda kiia kpaa <sup>15</sup> à bè: À gurōo kà, kpata kè bō Luda kiia kà kii. À nòse lie à baaru nnaa pì sí.

<sup>16</sup> Kè Yesu e dōo Galili sèbezi, à Simō kōn a dāaro Anduruo è, aōe táaru kpaa sèbe pìn, zaake sōrōkōnōme. <sup>17</sup> Ben Yesu bèñne: À mó à témazi, mé a ke gbēweterino ũ. <sup>18</sup> Zaa gwe gōo aō n táarunō tòn aō bō wà tēzi. <sup>19</sup> Kè à gāa ae féte, à Zebedi né Yemisi è kōn a dāaro Yohanao. Aō kú goro'ite guu, aōe n táarunō kekēe. <sup>20</sup> À n sísi gōo, ben aō n de Zebedi kōn ayazikerino tò goro guu gwe aō bō wà tēzi.

*Yesu zīnde kēkōana Kapenamū*  
 (Luk 4:31-37)

<sup>21</sup> Aō gāa Kapenamū. Kè kāmabogurōo kà, Yesu gāa aduakēkpen, èe yā daañne. <sup>22</sup> À yādanna bō n sae, zaake è dañne ikoomē, èe ke lán ludayādannērino pō bānlo.

<sup>23</sup> Zī beee gōgbē zīnde kee kú aduakēkpen gwe. À wii lè à bè: <sup>24</sup> Bón wá vī kō zīi, Yesu Nazareti? N mō n wa kaaten yó? Má dō gbē kè n de a ũ, mbe Luda gbē kè kú adona ũ. <sup>25</sup> Ben

Yesu gi zĩn pĩne à bè: Ñ yĩte! Ñ go gbẽ pià. <sup>26</sup> Ben zĩn pì à nìgānigā à wii gbāaa lè, ben à gòà. <sup>27</sup> Bìdi gbēno kù ní píngi, aṣṣe kò lalaa: Bó taka bori yān gwee? Yādannena dufun yó? È yā dañne ikoo fá! Baa kōn zĩnno, tó à yā òñne, aṣṣe à yā mamε. <sup>28</sup> Ben kāndo à tó dà Galili būsula píngi.

*Yesu gyāreeno kēkōana pari*  
(Mat 8:14-17, Luk 4:38-41)

<sup>29</sup> Kè Yesu bò aduakekpen, ben à tà Simo kōn Anduruo be gṛo kōn Yemisio kōn Yohanao. <sup>30</sup> Simo naṣ daa daena, èe mēwāaa keε, ben wà à yā ò Yesunε gṛo. <sup>31</sup> À gāa à kiia à à kù a ṣṣa à à f̄εε. Ben à mè yīi kù ai à pòblee kēñne.

<sup>32</sup> Kè uusie kè, ṣfāntē e gēε kpén, wà mōne kōn gyāreeno kōn zĩndeenó ní píngi. <sup>33</sup> Wétēdeenó kākōa à kpé kpelea ní píngi. <sup>34</sup> À gbēno kēkōa pari kōn gyā bori sānda píngio, à zĩnno gò gbēnoa paripari. È zĩnno gba zé aṣ yā oro, zaake aṣṣo dṣ gbē kè à de a ũ.

*Yesu waazikena zaa Galili*  
(Luk 4:42-44)

<sup>35</sup> Kōngṛo ide'ide Yesu f̄εε à bò à gāa sēn gusaε, èe adua keε gwe. <sup>36</sup> Ben Simo kōn a gbēno pēezi. <sup>37</sup> Kè aṣ bòa, aṣ bène: Baade píngi e n gbekaa. <sup>38</sup> Ben à bèñne: Wà gá gu pāndea lakutu kè kú wa saeno guu, mé waazi ke gwe dṣ, zaake beee yānzin ma mṛzi. <sup>39</sup> Lemε ègṛo lili oo Galili būsun le, ègṛo waazi keε aṣ aduakekpeno guu, ègṛo zĩnno gogooñma.

*Kusu kēkōana*  
(Mat 8:1-4, Luk 5:12-16)

<sup>40</sup> Ben kusu ke mò à kiia à kùe à wée kèa à bè: Tó ní yezi, né f̄ñ n̄ ma kēkōa wásawasa. <sup>41</sup> À kè Yesunε wēnda, ben à ṣ bò à kèa à bè: Má yezi, n̄ gṛo wásawasa. <sup>42</sup> Zaa gwe gṛo à kusu yāa à kēkōa wásawasa. <sup>43</sup> Ben Yesu à gbàre gṛo à ḡine à bè: <sup>44</sup> Ñton o gbēke maro. Ñ gá n̄ n zĩnda ṣṣa sa'orine n̄ sa'opo kè Musa diε kpá n̄ kēkōana sèeda ũ gbēnoñe. <sup>45</sup> Kè à bò, à gāa èe yā pì o'ooñne. Yā pì dàgula, ben Yesu è f̄ñ à gē wétēn gupuraa dṛo. Ègṛo kú sēn gusaεme, ben wègṛo bṛo baama píngi wàgṛo mṛo à kiia.

**2**

*Gbē kaena kēkōana*  
(Mat 9:1-8, Luk 5:17-26)

<sup>1</sup> Gurṛo plaa gbera Yesu liara à tà Kapenamū. Kè wà mà à kú be, <sup>2</sup> ben wà pàzi paripari, gēkii kuu dṛo baa kpelea, èe Luda yā ooñne. <sup>3</sup> Ben wà mōne gbē kaena, gṛoñ siigṛo bé wà à sena. <sup>4</sup> Kè aṣṣe e wà sṣo Yesuziro parii yānzi, ben aṣ d̄io kpé musu, aṣ kpé f̄ñ guu kè Yesu kún. Kè aṣṣo f̄ñ, ben aṣ gyāree pì pita kōn à daεṣṣo. <sup>5</sup> Kè Yesu è aṣṣo a náane vī, a bè gbē kaena p̄ine: Ma gbē, n̄ durunno kēmma. <sup>6</sup> Ludayādanneri kenṛo vēena gwe aṣṣe oo ní n̄ṣe guu: <sup>7</sup> Bóyānzi gbē kè e oo lēzi? Èe d̄kεε Ludaomεee! Dé bé eé f̄ñ à durunno kēñne, tó èe ke Luda ado baasiroo? <sup>8</sup> Gwe gṛo Yesu dṣ a n̄ṣe guu laasuu kè aṣṣe lεε, ben à ní lá à bè: Bóyānzi ée laasuu beee taka lεε a n̄ṣe guuzi? <sup>9</sup> Tó ma bè gbē kaena p̄ine à durunno kèa, ke tó ma bè à f̄εε à a daεṣṣo sé à táa o, à kp̄aree bé à aagaa? <sup>10</sup> Má ò le le àgṛo dṣ kè Gbēntee Né durunkēnnena iko vī tṛṛte kè. Ben à bè gbē kaena p̄ine: <sup>11</sup> Ma bèñne n̄ f̄εε n̄ n̄ daεṣṣo sé n̄ tá be. <sup>12</sup> Ben à f̄εε gṛo à a daεṣṣo pì sè à b̄ò gbēno wáa ní píngi. Yā pì bò ní saε, ben aṣ Luda tó bò wà bè: Wée yā kè taka e yāro.

*Levi sisina*  
(Mat 9:9-13, Luk 5:27-32)

<sup>13</sup> Yesu liara à bò à gāa sēbe léa. Wèe mṛo à kiia paripari, ben èe yā daañne. <sup>14</sup> Gurṛo kè èe gētεε, ben à Alafeu né Levi è vēena a be'ṣṣsikpen. À bène: Ñ mó n̄ tēmazi. Ben à f̄εε à tēzi.

15 Zīkea kè Yesu e pò blee à be, be'ɔɔsirino kɔn durunkerinɔ e pò bleeo pari kɔn à ibano lɛdo. Zaake gbɛ beee takanɔ tɛzi pari. 16 Farisi kè aɔè Luda yā dañnenɔ kú gwe. Kè aɔ è Yesu e pò blee lɛdo kɔn be'ɔɔsirino kɔn durunkerinɔ, ben aɔ à ibano là wà bè: Bóyānzin èe pò blee lɛdo kɔn be'ɔɔsirino kɔn durunkerinɔozi? 17 Kè Yesu yā pì mà, à bèñne: Gbɛ kè aafia vī bà kú likita yāoro, sé gyāree. Mée mó gbɛ maaano sísiro, sé durunkerinɔ.

*Léyina*

*(Mat 9:14-17, Luk 5:33-39)*

18 Yaaya Batisikeri ibano kɔn Farisinɔ e lé yii, ben wà mò wà Yesu là wà bè: Yaaya ibano kɔn Farisi ibano è lé yi, ben n ibano è yi sero né? 19 Ben Yesu bèñne: Nɔseri gbɛno é lé yi gurɔ kè à kúnyo nɔse guun yó? Gurɔ kè nɔseri kúnyo, aɔé lé yiro. 20 À gurɔ é mó kè weé nɔseri bɔ n té, gbasa aɔé lé yi sa. 21 Gbɛke è uta zii nambata na kɔn pólɛ dufuro. Tó wà kè le, uta dufu é sɔkɔzi à kɛkɔre, à zii fɔna é kaara. 22 Wè geepiwɛ dufu ká tūu zii guuro. Tó wà kè le, wɛe pì é tūu pūtā, wɛ kɔn tūuo é yaka n píngi. Auo, wè geepiwɛ dufu ká tūu dufu guume.

*Kámmabogurɔ yā*

*(Mat 12:1-21, Luk 6:1-11)*

23 Kámmabogurɔ zīkea Yesu e pāa buraanɔla. Lán èe gaa nà à ibano pówɛe wòro, aɔɔe soo. 24 Ben Farisinɔ bèñne: Ñ gwa! Bóyānzin aɔɔe yā kè wè ke kámmabogurɔ zīroo keezi? 25 Ben Yesu wèñla à bè: Èe à kyó ke ziki á è lán Dauda kè gurɔ kè àpi kɔn a gbɛno e takaasi kee, kè nɔaa e n dɛeroo? 26 Sa'oriki Abiata gurɔa à gè Luda ua guu, à buredi kè wà kàe Ludane sò, kè gbɛkee à sona zé vīro, sé sa'orino, ben à kpà a gbɛnoa. 27 Yesu èara à bèñne dɔ: Luda kámmabogurɔ diè gbɛntee aafia yānzime. Èe ke kámmabogurɔ yānzin à gbɛntee kèziro. 28 Beee yānzi Gbɛntee Né iko vī kámmabogurɔa se.

**3**

1 Yesu èara à gàa aduakekpen. Gōgbɛ kee kú gwe à ɔ doo fɛfɛna. 2 Gbɛkeno e Yesu tàasi kee, tó eé à kɛkɔa kámmabogurɔ zī, le wà yā e wà dia. 3 Ben Yesu bè gbɛ kè à ɔ fɛfɛna pìne: Ñ fɛe n ze zà guu. 4 Ben à n lá à bè: Kámmabogurɔ zī à zé vī wà à maaa ken yóɔ, ke à zaaa? Wà gbɛ mì sín yó, ke wà demɛ? Ben aɔɔe yāke oro. 5 Yesu n gwá pɔfɛo à ligazi, zaake à pɔɔ yàka n swāgbāa yānzi. Ben à bè gōgbɛ pìne: Ñ n ɔ pì poro. Kè à pòro, ben à ɔ pì kè a gbɛn. 6 Ben Farisinɔ bɔe wà gàa wà yā gōgō kɔn kí Herɔdu gbɛno gɔɔ, dian aɔé ke nà wà Yesu de.

*Pari kɔkakɔaa sɛbe léa*

7 Yesu kɔn a ibano n zīnda gáñne gwe, aɔ gàa sɛbe léa. Ben parii bɔ Galili wà tɛzi. 8 Gbɛkeno bɔ Yudea dɔ kɔn Yerusalemuo kɔn Edɔmunɔ búsuo kɔn Yoda baa kaa kpaaɔ kɔn Tayao kɔn Sidɔo wà mò à kiia paripari, kè aɔ yā kè èe keeno baaru mà yānzi. 9 Parii yānzi Yesu ò a ibanone aɔ góro'ite soru keare, le wàton nakɔrearo yānzi. 10 Zaake Yesu gbɛno kèkɔa pari, ben gyāreeno e nakɔreera pari le wà ɔ kea. 11 Zīndeeno sɔ, tó aɔ à wée è, aɔé mó wà dae à aeme, aɔè wii lé wà be: Mbe Luda Né ũ. 12 Ben Yesu è gíñne aɔ o gbɛ kè á de à ũ.

*Yesu zìri gɔɔn kuri awɛɛplaaano diena*

*(Mat 10:1-4, Luk 6:12-16)*

13 Kè Yesu didi kpiia, à gbɛ kè à yezino sìsiazi, ben aɔ mò à kiia. 14 Ben à gɔɔn kuri awɛɛplaaano diè aɔgō kúao, le àgō n zī waazi ke, 15 aɔgō iko vī aɔ zīno gomma. À tó kpàñne zìrino. 16 Aɔ tón yè: Simɔ kè à tó kpàne Pita. 17 Zebedi né Yemisi kɔn a dāaro Yohanao. À tó kpàñne Bɔanɛge. Tó pì bè lapatammarinɔ. 18 Beee gbera Anduru, Filipi, Batɔlbmiu, Matiu, Tomasi, Alafeu né Yemisi, Tadeu, Simɔ Aīade 19 kɔn Yudasi Isikarioti kè bɔ à kpɛɛo.

*Zīngona gbɛnoa*

*(Mat 12:22-32, Luk 11:14-23, 12:10)*

<sup>20</sup> Kè Yesu tà be, ben gbēno èara wà kàkōa do pari, ben Yesu kōn a ìbanoo e zé e wà pó blè sero. <sup>21</sup> Kè à bēdeenoo yā pì mà, aō dà zén wà à gbese, zaake aōe bee ìa kàame.

<sup>22</sup> Ludayādanneri kè aō bò Yerusalemu wà mōno bè: À Belezzebubu vī, zīnno kína pì gbāaan è zīn goómma. <sup>23</sup> Ben Yesu n̄ sisiazi à yālekōzina ònne à bè: Setān é fō à a zīnda goómma? <sup>24</sup> Tó kpata gbēno íbete kpà kōo, kpata pì é gí keś? <sup>25</sup> Tó uadeenoo íbete kpà kōo, ua pì é gí keś? <sup>26</sup> Tó Setān íbete kpà kōn a zīnda gbēno aō kēkōa, eé gí kero, eé m̀i demē. <sup>27</sup> Gbēke é fō à gē gōsagbāaa kpén à à póno séero, séto à à yì gīa, gbasa à à kpé kpoke.

<sup>28</sup> Yāpuraan mée ooare, Luda é gbēno durunno kēñne kōn a tó zaaa kè aōè sísinoo píngi, <sup>29</sup> m̀ode tó gbē Luda Nini tó zaaa sísi, eé kēnero, zaake adee durun kè è sí kēñneroo kēmē. <sup>30</sup> Yesu ò le kè aō bè à zīn vī yānzime.

*Yesu daneno  
(Mat 12:46-50, Luk 8:19-21)*

<sup>31</sup> Kè à da kōn à dāaronoo kà, aō zè bàazi, ben aō gbē zì wà à sísi. <sup>32</sup> Gbēnoo vēena wà ligazi pari, ben wà bène: N̄ gwa! N da kōn n dāaronoo zé bàazi aōe n gbekaa. <sup>33</sup> Ben à wēnla à bè: Dén ma da kōn ma dāaronoo ūu? <sup>34</sup> Ben à gbē kè aō vēezinoo gwà à bè: Ma da kōn ma dāaronon̄ yē. <sup>35</sup> Gbē kè è Luda poyezi keen ma dāaro kōn ma dāreo kōn ma dao ū.

**4**

*Yālekōzina kōn pówēfario  
(Mat 13:1-23, Luk 8:4-15)*

<sup>1</sup> Yesu èara èe yā daañne sèbe sae. Wà pàzi paripari, ben à gè à vèe goro'iten ìla, gbēno gō kaena sìsì baa sèbe léa n̄ píngi. <sup>2</sup> À yā dàanne kōn yālekōzinanoo pari. Lán èe daañne nà à bè: <sup>3</sup> À swā kpá! Búbari ke bé à kuu à b̀ò à g̀aa pówēe fā. <sup>4</sup> Lán èe fāa nà, ben à kenoo lèe zé guu, bāano m̀ò wà blè. <sup>5</sup> À kenoo lèe gbè sàra musu, gura kè bùsu vī bítaroo, ben aō b̀òe gōo, kè bùsu bíta gwero yānzi. <sup>6</sup> Kè òfántē fēe, ben aō té kù wà g̀aga, kè aō kāsāa vīro yānzi. <sup>7</sup> À kenoo lèe lèno guu, ben lè fēe à nākōrēm̄ma aōe né iro. <sup>8</sup> À kenoo s̄ lèe t̀ote maaa guu. Aō b̀òe wà fēe aō né ì, à kenoo kaarana kè baaakurikuri, kenoo baaagōgō, kenoo basoooro. <sup>9</sup> Ben Yesu bè: Gbē kè swā vī à ma.

<sup>10</sup> Kè Yesu guñne gwe à kú ado, ben à gōon kuri awēplaaano kōn gbē kè aō kúzinoo m̀ò wà yā pìno m̀i gbekaa. <sup>11</sup> Ben à bēñne: Luda kpata kè b̀ò à kiia asii kpàawa àgō dō, m̀ode m̀eè yā píngi o gbē kpaaano kōn yālekōzinanoome,

<sup>12</sup> le aōgō guu gwaa póke'ena sai,  
aōgō swā kpakpaa à d̀oro d̀ona sai,  
le aōton ae do Ludaa,  
à n̄ durunno kēñnero yānzi.

<sup>13</sup> Ben Yesu n̄ lá à bè: Á yā pì d̀oro? É ke dia à yālekōzina ke d̀oo? <sup>14</sup> À ma! Búbari pì Luda yān èe fāa. <sup>15</sup> Gbēkenoo de lán zé guu pówēe bà, guu kè wà Luda yā fàn. Tó aō mà, ben Setān è mó à Luda yā kè wà fā n̄ té pì símma gōo. <sup>16</sup> Gbēkenoo de lán pówēe kè lèe gbè sàra musu bà. Tó aō Luda yā mà, aōè sí gōo kōn ponnaao. <sup>17</sup> Zaake aō kāsāa vīro, aōè ke guroo plaaro. Tó yā'amma n̄ lé ke tó wà wée tām̄ma yā pì yānzi, aōè fume gōo. <sup>18</sup> Gbēkenoo de lán pówēe kè lèe lèno guu bà. Aō Luda yā mà, <sup>19</sup> m̀ode anduna yā kàhānkēna kōn yena auzikizio kōn pò kpaaano nidēnao è nakōrēm̄ma, ben yā pì è gō àre sai. <sup>20</sup> Gbēkenoo de lán pówēe kè lèe t̀ote maaaano bà. Aōè Luda yā ma wà sí, ben aōè ke kaarana pò ū, aō kenoo baaakurikuri, kenoo baaagōgō, kenoo basoooro.

*Yālekōzina kōn fitiao  
(Luk 8:16-18)*

<sup>21</sup> Yesu bèñne: Wè fitia na wà gbaka kúea ke wà die gádo gbáruó? Dabu musun wè dinloo? <sup>22</sup> Asiiyā kee kuu kè weé gí bɔaziro. Pókee kuu utena kè eé bɔ gupuraaro. <sup>23</sup> Gbē kè swā vī à ma.

<sup>24</sup> À bèñne dɔ: À làakari ke yā kè ée maaa. Zaka kè eè yōónnen Luda é yōoare eé εara à kaaraare dɔ. <sup>25</sup> Gbē kè pó vīin Luda é kaaranε. Gbē kè póke vīroo sɔ, baa à néngo kè à vī Luda é sía.

*Yálekōzina kōn pówεεbɔεnao*

<sup>26</sup> À bè dɔ: Kpata kè bɔ Luda kiia de lán pówεε kè gbē fà buraa bà. <sup>27</sup> Gwāavī kōn fáantēo baa tó èe ii oo ke à bεε, pówεε pí è bɔre à isi kú, gbē pí ègɔ dɔ lán è ke nàro. <sup>28</sup> Tɔɔte bé è pówεε i a zīnda. È kà pá gīa, gbasa à nò sí, à gberan è pia. <sup>29</sup> Tó à mà, ben wè kē kontoo, zaake à kεkεgurɔɔ bé à kà.

*Yálekōzina kōn musadi wéεo*  
(*Mat 13:31-32, Luk 13:18-19*)

<sup>30</sup> À bè dɔ: Bón kpata kè bɔ Luda kiia bɔkɔbao? Bón wé e wà lékōzio? <sup>31</sup> À de lán musadi wéε bà, kè à wéε kete de pówεε kè wè tɔnɔla píngi, <sup>32</sup> mode tó wà tɔ, è bɔε à ke bíta de dò pónɔla píngi. È gā gègetenɔ ke ai bāanɔ è mós wà zōzō à lá ɔran.

<sup>33</sup> Yesu Luda yā òñne pari kōn yálekōzina beee takanɔ aɔ mana lén. <sup>34</sup> Èe yāke òñne yálekōzina sairo. Tó à kú kōn a íbanɔ ntεε, ben è yā píngi bɔkɔtεíne.

*Yesu zàgaíia zεna*  
(*Mat 8:23-27, Luk 8:22-25*)

<sup>35</sup> Kè uusie e kεε, à bè a íbanɔne: Wà bikū baa kāa kpa. <sup>36</sup> Zaake Yesu kú góro guu, ben aɔ gèò lɛdo aɔ dà zén lε wà parii tò gwe. Góro pāndenɔ gāańyo. <sup>37</sup> Ben zàgaíia gbāaa fεε. Í e góro yīpayīpaa èe kaa à guu ai à yezi à pa. <sup>38</sup> Yesu kú góro kpεε kpa, èe ii oo à mì di mibɔkɔa. Ben à íbanɔ à vù aɔ bène: Danneri! Kè wéε kaatεε, néε bídi keroo? <sup>39</sup> Ben à fεε à gí íane à bè íne: Ñ yíte! Ñ ze tεεε! Ben ía kpàε, guu yì kítikiti. <sup>40</sup> Ben à n lá à bè: À kè dia á seka vī lεee? Ase á ma náane vīro ai tiaó? <sup>41</sup> Ben aɔ gɔ bídi guu, aɔεe kɔ lalaa wà bè: Dén gbē kè ũee? Baa ía kōn ío è à yā mameε.

**5**

*Zīnnɔ gbarεna alɛdenɔa*  
(*Mat 8:28-34, Luk 8:26-39*)

<sup>1</sup> Aɔ kà Gadara bùsun sèbe baa kāa kpa. <sup>2</sup> Kè Yesu bɔ góro guu gɔɔ, zīnde ke bɔ mirakpεtea à mò à dààlε. <sup>3</sup> Ègɔ kú gbèwεε kè de mira ũunɔ guu. Baa mòkyakoo è fɔ à à yì dɔro. <sup>4</sup> Zaake wè à yi kōn mòkyakooome wè à da lín baabɔre, mode è mò pìnɔ kēkē è lí pìnɔ gborogboro. Gbēke è à gbāaa fīro. <sup>5</sup> Gwāavī kōn fáantēo píngi ègɔ taa oo mirakpεtea kōn sīsīgεezinɔ, ègɔ wii lεe ègɔ a zīnda lilii gbèò.

<sup>6</sup> Kè à Yesu è kāa, ben à bàa lè à mò à kùε à ae. <sup>7-8</sup> Kè Yesu bè zīn pí goa, ben à wii gbāaa lè à bè: Yesu, Luda Musude Né, bón wá vī kɔ zīi? Ma nanne Ludazi ñton wéε tāmáro. <sup>9</sup> Ben Yesu à là à bè: N tón diaa? Ben à wèàla à bè: Ma tón Pari, zaake wá pari. <sup>10</sup> Ben aɔ agbaa kpà Yesune maamaa wà bè àton pérímma bùsu pí guuro.

<sup>11</sup> Alɛde kpàsa bíta kú gwe, aɔεe pó blee sīsīgεezi. <sup>12</sup> Ben zīn pìnɔ wéε kè Yesua wà bè: Ñ wa gbare alɛdenɔ té wà gē n guu. <sup>13</sup> Yesu n gbá zé, ben zīn pìnɔ gòà wà gè alɛde pìnɔ guu. Ben alɛde kpàsa kè kà bɔro plaa taka pìnɔ wì bàò aɔ sòro sīsīgεezi aɔ sì sèben, ben aɔ gàga gwe. <sup>14</sup> Ben alɛdɛdārinɔ bàà lè wà gāa yā pí tōkēñne wéte guu kōn buraa. Ben gbēnɔ bɔε wà gāa yā kè kè pí gwa. <sup>15</sup> Kè aɔ mò Yesu kiia, aɔ gɔgbē kè zīn kú à guu pari yāa pí è vēena gwe, à uta dana à bān pí wèrea, ben vīa n kú. <sup>16</sup> Gbē kè aɔ yā pí è wéεonɔ yā kè zīndee pí lè tōkēñne kōn alɛdenɔ yāo. <sup>17</sup> Ben aɔ agbaa kpà Yesune kè à bɔñne n bùsun.

18 Kè Yesu e g̃εε góro'ite guu, g̃ōgbē kè z̃ĩnño ṽĩ yāa pì w̃éε k̃èa l̃e à táo. 19 Yesu e wero à bène: Ñ tá n be n gb̃ēño kiia, ñ yā kè Dii k̃ēnñεe õñne p̃íngi, dia à n w̃ēnda bò nà. 20 Ben g̃ōgbē pì tà, èe yā kè Yesu k̃ēne kp̃àakpa keε W̃étem̃enkuri bùsun, ben yā pì bò gb̃ē p̃íngi saε.

*Yairu né f̃εna k̃ōn ñōgbē k̃è ɔ̃ k̃è Yesu utaa  
(Mat 9:18-26, Luk 8:40-56)*

21 Yesu liara à bik̃ù s̃èbe baa k̃āa kpa k̃ōn góroo, ben parii k̃àk̃ōazi s̃èbe léa. 22 Aduak̃εkpe gb̃ēnsi k̃è w̃è benε Yairu mò gwe. K̃è à Yesu è, à d̃àε a puua à gb̃á saε, 23 ben à k̃úε k̃ēne maamaa à bè: Ma ñéñōgbē kú gaa léz̃ĩ. Ñ m̃ó ñ ɔ̃ kea, l̃e à gb̃āa k̃ū àg̃ō kú w̃ēndio. 24 Ben Yesu dào z̃én. Parii tézi ãɔ̃ε nak̃ōr̃εεa.

25 Ñōgbē kee kú gwe aru è b̃ɔ̃εa à k̃à w̃è kuri aw̃εεplaa. 26 Ez̃ēdeeño à k̃è takaasidee ũ maamaa, à a ɔ̃ bl̃é p̃íngi. Èe aafia ero, è k̃εk̃ε àg̃ō kaaramε. 27 K̃è à Yesu baaru mà, ben à s̃ò Yesuzi parii guu kp̃εε kpa. Ben à ɔ̃ k̃è à utaa, 28 zaak̃ε à bè: Baa tó ma ɔ̃ k̃è à utaa dé, mé k̃ék̃ōa. 29 Ben à arub̃ɔ̃ena pì z̃è g̃ɔ̃. À d̃ò a mè guu k̃è à k̃ék̃ōa k̃ōn a gyāa p̃ìo. 30 Zaa gwe g̃ɔ̃ Yesu d̃ò a mè guu k̃è gb̃āa ke b̃òagu, ben à liε parii guu à bè: Dé bé à ɔ̃ k̃è ma utaa? 31 Ben à ibaño bène: Ñ è lán gb̃ēño e nak̃ōr̃εεmma nà, ben n bè dé bé à ɔ̃ k̃ēm̃ma? 32 Ben Yesu gb̃ēño gwà à ligazi l̃e à gb̃ē k̃è yā pì k̃è e. 33 Ṽia ñōgbē pì k̃ù èe lugalugaa, zaak̃ε à d̃ò yā k̃è à à l̃è a mè guu, ben à mò à d̃àε a puua à gb̃á saε à à yāpuraa òne p̃íngi. 34 Ben Yesu bène: Ñōgbē, ma náane k̃è ñ k̃è bé à n k̃ék̃ōa. Ñ tá be aafia, n gyāa pì k̃ēm̃man gwe.

35 K̃è Yesu kp̃é èe yā oo, wà bò aduak̃εkpe gb̃ēnsi pì be wà mò wà bène: N né pì k̃è sai, ñton ña da danñeria d̃ɔ̃ro. 36 Yesu e swā kp̃á ñ yānz̃iro, ben à bè gb̃ēnsi p̃ine: Ñton tó sw̃è k̃ēnguro, ñ ma náane ke dé. 37 Èe we gb̃ēke gá z̃earero, sé Pita k̃ōn Yemisio k̃ōn Yemisi d̃āaro Yohanao. 38 K̃è ãɔ̃ k̃à gb̃ēnsi pì be, Yesu è w̃èε ɔ̃ d̃ɔ̃ w̃èε wii gb̃āaa l̃εε w̃èε kp̃āngeda keε maamaa. 39 K̃è à g̃è kp̃én, à ñ l̃á à bè: B̃óyānz̃i ée kp̃āngeda keε ée ɔ̃ d̃ɔ̃zi? Né pì e garo, èe ii oome. 40 K̃è ãɔ̃ε à lalandi keε, ben à p̃ēr̃mma ãɔ̃ b̃òε bàazi ñ p̃íngi. Sé né pì de k̃ōn à dao k̃ōn à ìba k̃è ãɔ̃ kúoño, ãm̃be à ñ sé à g̃ēnyo guu k̃è né pì kún. 41 Ben à né pì k̃ù a ɔ̃ɔ̃a à bène: Talita kum! Yā pì bè, ñéñokpare, ñ f̃εε. 42 Zaa gwe g̃ɔ̃ né pì f̃èε à t̃áa ò. Né pì s̃ò k̃à w̃è kuri aw̃εεplaa. Yā pì bò ñ saε maamaa. 43 Ben Yesu g̃íñne p̃átipati ãɔ̃ton o gb̃ēke maro. Ben à bè wà p̃òblee kp̃áa à ble.

**6**

*Nazar̃etideeño gina Yesuzi  
(Mat 13:53-58, Luk 4:16-30)*

1 Yesu bò gwe à g̃àa a be w̃éte, à ibaño tézi. 2 K̃è k̃ámmaboguro ɔ̃ k̃à, ben èe yā daãñne aduak̃εkpen. Ben parii k̃è ãɔ̃ à yā màño bídi k̃è wà bè: M̃ákp̃an g̃ōgbē pì yā k̃ēño èn? ɔ̃nd̃ò kp̃areen wà kp̃àa, ben èe dabuyā k̃è takaño keε? 3 Àm̃be lí'ari ũroo? Mariama ñéñloo? Yemisi k̃ōn Yusufuo k̃ōn Yudaο k̃ōn Sim̃oño ṽl̃iñ gweroo? À d̃āreño bé wà kúwao k̃èroo? Ben ãɔ̃ g̃iz̃i. 4 Ben Yesu bèñne: Annabi èg̃ō b̃èε sairo, sé à be w̃éte k̃ōn à dañeño kiiao k̃ōn à uao baasiro. 5 Yesu e f̃ò à dabuyā ke k̃è gwero, sé gyāree k̃è à ɔ̃ k̃ēm̃ma à ñ k̃ék̃ōa keño baasiro. 6 K̃è ãɔ̃ε à náane k̃ero, ãɔ̃ yā bò à saε maamaa.

*Yesu z̃ìriño z̃ĩna  
(Mat 10:5-15, Luk 9:1-6)*

Ben à g̃àa lakutu k̃ōn lakutuo, èe yā daãñne. 7 Ben à a ìba g̃ōño kuri aw̃εεplaaaño s̃is̃iazi, ben à ñ z̃ĩ g̃ōño plaplaa, à ñ gb̃á iko ãɔ̃ z̃ĩnño gor̃mma. 8 À bèñne: Àton p̃óke sé à gáoro, k̃ūs̃āε ke b̃òk̃ologomma ke ɔ̃, sé gò. 9 À kyatee kp̃á, m̃ode àton uta da m̃èñ plaaro. 10 Ua k̃è a p̃itan, àg̃ō kú gwe ai à gá b̃oo w̃éte pì guu. 11 Guu k̃è w̃èε a s̃íñ ke w̃èε swā kp̃á a yāz̃iro, tó



ée taa, à lutē gogo a gbánṵa n tona kōn Ludao sèeda ũ. <sup>12</sup> Ben aṣ dà zén. Aṣ nòseliēna waazi kè gbēnṵe <sup>13</sup> aṣ zīnṵo gòmṵa pari, aṣ nòsi màma gyāreenṵa pari aṣ n kēkōa.

*Yaaya Batisikeri gana  
(Mat 14:1-12, Luk 9:7-9)*

<sup>14</sup> Kí Herṵdu yā pínṵ mà, zaake Yesu tó kà gu pínṵa. Gbēkenṵ e bee Yaaya Batisikeri bé à fēe bṵna gaan, beee yānzin à gbāaa è èe dabuyānṵ keēzi. <sup>15</sup> Gbēkenṵ bè Iliame, gbēkenṵ bè annabime lán annabi yāanṵ doke bà. <sup>16</sup> Kè Herṵdu mà à bè: Yaaya kè ma à mì zò bé à fēe bṵna gaan.

<sup>17-18</sup> Zaake Herṵdu dōnkō pì bé à a vīi Filipi naṣ Herṵdia sia à sè. Kè Yaaya ègō oone à vīi nṵ sināa maaro, ben Herṵdu tò wà Yaaya kù wà mò kàa wà à dà kpésiaan. <sup>19</sup> Herṵdia sṵo Yaaya pētē kūna à yezi à à de, mṵde èe zé ero, <sup>20</sup> zaake Herṵdu dō kè Yaaya né Luda gbē súsume, ben è vīa kene è tó wà ĩa daaro. Tó à gāa à à yā ma, laasuu è gēmme. Baa kōn beeeo ègō ye à fāadibonazi.

<sup>21</sup> Herṵdia zé è Herṵdu iguro làa kōkō zī. Herṵdu gbāadeenṵ kōn soza gbēnsinṵ kōn Galili gbē gírimateenṵ kākōa pōblekiia. <sup>22</sup> Ben Herṵdia nénṵkpare gē à ṣ wà. À kè Herṵdune nna kōn a nibṵnṵ n pínṵi, ben kína bè né pìnṵe: Pó kè n yezi n à wée kema, mé n gba. <sup>23</sup> Ben à èara à bène: Ma la dāne pó kè n à wée kema pínṵi, mé n gbame, baa ma kpata kpaate. <sup>24</sup> Ben nénṵkpare pì bṵ à gāa à a da gbēka à bè: Bón mé wée kea? Ben à da bène, Yaaya Batisikeri mì. <sup>25</sup> Gwe gṵo à liara à sù kpakpaa à gāa à ò kínane: Má yezi n ma gba Yaaya Batisikeri mì dana perenti guu kè tia.

<sup>26</sup> Ben kína pṵo yàka maamaa, mṵde kè à la dà nibṵnṵ wāa yānzin èe fṵ à gí doro. <sup>27</sup> Ben kína pì a dogari ke zī gṵo, à bène à gá à à mì zṵ à mṵo. Ben à gāa à à mì zṵ kpésiaan <sup>28</sup> à dà perenti guu à mò à kpà né pìà, ben à kpà a daa. <sup>29</sup> Kè Yaaya ìbanṵ yā pì mà, ben aṣ mò wà à gè sè wà vīi.

*Pōblekpana gṵon bṵro sṵoroona  
(Mat 14:13-21, Luk 9:10-17, Yoh 6:1-15)*

<sup>30</sup> Yesu zīri pínṵ sù à kiia, ben aṣ yā kè aṣo kènṵ kōn yā kè aṣo dànnenṵ òne pínṵi. <sup>31</sup> Wèe gaa wèe suu, ben Yesu kōn a zīrinṵo e zé e aṣ pó blè sero parii yānzi. Ben à bèné: À mó wà gá gusae watēe wà kamma bo féte. <sup>32</sup> Ben aṣ dà zén goro'ite guu aṣo gaa gusae ntēe. <sup>33</sup> Kè gbēnṵ n gana è, aṣ n dṵ, ben aṣ bṵ wéte kōn wéteo pari wà bàa lè kèse wà kà gwe n ā. <sup>34</sup> Kè Yesu bṵ goro guu, à gbēnṵ è paripari, ben aṣ kènṵ wēnda, zaake aṣo de lán sāa kè aṣo dàri vīroonṵ bàme. Ben èe yā daané maamaa.

<sup>35</sup> Kè ofāntē bùsa, ben à ìbanṵ sṵzi aṣ bè: Gura kèkii né sète pòrṵtume, bensṵ guu e sii. <sup>36</sup> N gbēnṵ gbare aṣ tá bura kōn lakutu kè kú kīnṵa, aṣ pó wete wà lú wà ble. <sup>37</sup> Ben Yesu wēnla à bè: À pó kpámma aṣ ble. Ben aṣ bène: N yezi wà gá buredi lú kondogi ṵ wàa do wà kpámma aṣ blen yó? <sup>38</sup> Ben Yesu n lá à bè: Buredi mèn ũgban á vīi? À gá gwa. Kè aṣ kà, aṣ bè: Buredi kuu mèn sṵoro kōn kpò mèn plaa.

<sup>39</sup> Ben à bèné: À gbēnṵ vēevēe sēla bṵroa gāliagālia. <sup>40</sup> Ben aṣ vēevēe gāli kōn gālio, gāli kenṵ gṵon basṵoro, gāli kenṵ gṵon baplaa akuri. <sup>41</sup> Ben Yesu buredi mèn sṵoro kōn kpò mèn plaaa pìo sè à wée sè musu à aubarika dān. Ben à buredi pì lìlikṵe à kpà a ìbanṵa, aṣo kpàatete gbēnṵe. Ben à kpò mèn plaaa pìnṵ kpàateteñne n pínṵi. <sup>42</sup> Aṣ pó blè wà kà n pínṵi. <sup>43</sup> Ben wà buredi kpaa kōn kpò kpaaa kè gōnṵ sèe gbíi kuri awēeplaaa pà. <sup>44</sup> Gōgbē kè aṣ pó blènṵ kà gṵon bṵro sṵoro.

*Yesu táa'ona sèbela  
(Mat 14:22-33, Yoh 6:16-21)*

<sup>45</sup> Yesu gā nà a ìbanṵa gṵo aṣ gē goro'iten, le aṣ dōne ae gana Betesaida ai àgṵ parii gbare. <sup>46</sup> Kè à lé zámma, ben à didi kpii musu à gāa adua ke. <sup>47</sup> Kè uusie kè goro'ite kú sèbe dagura,

Yesu sɔɔ kú í baa ado. <sup>48</sup> Ben à è górofína e ïa daamúma, kè ïa gbāaa e kakaañzi yānzi. Gudɔnao à gaa n̄ kiia èe táa oo íla, ben à kè dian á yezi à gēñlaa bà. <sup>49</sup> Kè aɔ à è èe táa oo íla, aɔɔe daa gèwāadeeme, ben aɔ wii lè. <sup>50</sup> Zaake aɔ à è n̄ píngi, ben swè kèíngu. Ben Yesu yā bèñne gɔɔ: À a làakari kpáe, mámbee! Àton tó vīa a kūro. <sup>51</sup> Kè à gè goro guu, ben ïa zè, ben yā pì b̄ n̄ sae maamaa, <sup>52</sup> zaake aɔ wée e kē buredi yāaro kè laasuu kēsāñma yānzi.

*Yesu gyāreenɔ kēkōana zaa Genesareti*  
(Mat 14:34-36)

<sup>53</sup> Kè aɔ bikū baa, aɔ kà Genesareti, ben aɔ n̄ goro bà d̄ gwe. <sup>54</sup> Kè aɔ b̄e goro guu, wà Yesu d̄ gɔɔ, <sup>55</sup> ben aɔ bàa lè wà gaa bùsu pì lakutu píngia, wà gyāreenɔ sèe kōn n̄ daebɔnɔ, guu kè wà mà à kún píngi wègɔ m̄nyo à kiia. <sup>56</sup> Guu kè à gāan píngi, lakutunɔ ke wétɔnɔ ke buraanɔ, wègɔ m̄ɔne gyāreenɔ ai wà n̄ káe yāranɔa, ben wè wée kea le wà ɔ ke baa à uta léa. Ben gbē kè aɔ ɔ kèanɔ kēkōa n̄ píngi.

**7**

*Fεεakaarayā*  
(Mat 15:1-9)

<sup>1</sup> Farisinɔ kōn ludayādanneri kè aɔ b̄e Yerusalemu kenɔ m̄ Yesu kiia, <sup>2</sup> ben aɔ è à ïba kenɔ e p̄ blee ɔpipisai. <sup>3</sup> Zaake Farisinɔ kōn Yudanɔ n̄ píngi n̄ dezinɔ fεεakaarayā kūname, aɔè p̄ ble ɔpipi a zéa sairo. <sup>4</sup> Tó aɔ b̄e yāra wà sù, aɔè p̄ ble zú'osairo. Aɔɔ fεεakaarayā pāndenɔ kūna pari. Lemε aɔè togoonɔ kōn loonɔ kōn butanɔ pípi le. <sup>5</sup> Ben Farisinɔ kōn ludayādanneri p̄nɔ Yesu là wà bè: B̄yānzi n̄ ïbanɔ ègɔ wa dezinɔ fεεakaarayā kūnaziroo? Aɔè p̄ ble ɔpipisai. <sup>6</sup> Yesu wèñla à bè: A m̄nafikideenɔ, Isaya annabikéyā 0 a m̄nafikideenɔ yā musu wásawasa lán à kè Luda yān nà à bè:

Bori beee è bèe limε kōn léome,  
aɔ swè kúmaro.

<sup>7</sup> Aɔègɔ d̄nzi keeme pāme,  
gbēntee yāzekparɛɛn aɔè dañne.

<sup>8</sup> A pā kpà Luda yādannenazi, ben á gbēntee fεεakaarayā kūna. <sup>9</sup> Ben à bèñne d̄: A pā Luda yāne le à è àgɔ a fεεakaarayā kūna maan yó? <sup>10</sup> Musa bè, àgae bèe lí a de kōn a daone. À bè d̄, gbē kè à a de ke a da kpe b̄, wà adee de. <sup>11</sup> Apinɔ s̄, eè be tó gbē bè a de ke a danε, p̄ kè á vī à n̄ kpe dao né Kōbanime, <sup>12</sup> à zé vī à a de kōn a dao kpe dao d̄ro. Kōbanin p̄ kè wè kpá Ludaa ũ. <sup>13</sup> Lemε eè Luda yā ke famma a fεεakaarayā kè eè dañne yānzi. Yā beee takanɔn eè ke pari.

*Yā kè è tó wàgɔ gbāsī*  
(Mat 15:10-20)

<sup>14</sup> Ben Yesu èara à parii s̄siaz̄i à bè: À swā kpá à ma yā ma a píngi. <sup>15</sup> Pókee kuu kè è gē gbē guu kè è à ke gbāsīro. Pó kè è b̄ gbē guu bé è tó àgɔ gbāsī. <sup>16</sup> Gbē kè swā vī à ma. <sup>17</sup> Kè à parii tó gwe à tà bε, ben à ïbanɔ à gbēka yā pì m̄zi. <sup>18</sup> À bèñne: A laasuu kpé yī seó? Kè pókee kuu kè è gē gbē guu à tó àgɔ gbāsīro, á d̄roo? <sup>19</sup> Pó pì è gē a swè guuro, sé à gbεεen, gbasa à b̄ mèn. Len Yesu p̄ble píngi kè blena p̄ ũ le t̄ sai. <sup>20</sup> Ben à bè: Yā kè è b̄ gbē guu bé è tó àgɔ gbāsī. <sup>21</sup> Zaake zaa gbēntee swè guun laasuu zaaa è b̄n: Pāpākɛna, kpāi'ona, gbēdena, zinakɛna, <sup>22</sup> wākū, n̄sezaaa, m̄nafiki, wísaiyā, sānkara, gbēs̄s̄ona, wada kōn m̄saiyāo. <sup>23</sup> Yā zaaa p̄nɔ è b̄ swè guu píngi, àmbe è tó gbē gɔ gbāsī.

*N̄gbē z̄itɔ Yesu náanekɛna*  
(Mat 15:21-28)

24 Yesu bò gwe à gàa Taya bùsun, ben à pìta ua kea. À yezi wà a dōro, mōde èe e à a zīnda ùtero. 25 Nɔgbē kè à nénɔkpare zīn vīi Yesu baaru mà, ben à mò à dàe à ae gōo. 26 Nɔgbē pì sō Giriki gbēme wà à ì Siria Fenisia bùsun. À wée kè Yesua le à zīn goare a néa. 27 Ben Yesu bène: Ì tó wà pòblee kpá nénɔa gīa, zaake à maa wà nénɔ pòblee sé wà zu gbēenɔero. 28 Ben nɔgbē pì wèàla à bè: Dii, baa gbēe kè aōè daeńzinɔ è nénɔ pòble buru sésɛ. 29 Yesu bène: Kè n yáwenlana maa yānzi, ñ tá, n né zīn gòa. 30 Kè à kà be, à a né è daena pèa, zīn pì gòa.

*Swādo kēkōana*

31 Ben Yesu fēe Taya bùsun à gàa Sidō, ben à bōe kōn Wétɛmenkuri bùsuo ai à gàa à kà Galili sèbezi. 32 Ben wà mōne kōn swādo bebekario, wà wée kèa le à o kea. 33 Yesu bò parii guu kōn swādo pìo à a ontee pèpe à swān. Kè à lóu sù, ben à o kè à nénea. 34 À wée sè musu à wesaa kākōa à bō, ben à bène: Efata. Yā pì bè ñ wē. 35 Zaa gwe gōo gōgbē pì swā wē à néne gùe, ben à yā ò wásawasa. 36 Yesu bène aōton o gbēke maro, mōde dian èe giīne nà, leme aōe à kpàakpa keeńne le. 37 Yā pì bò ñ sae maamaa à gē onala, ben aō bè: À yā píngi kena ègō maame. È tó baa swādoonɔ yā ma, ben è tó bebekarinɔ yā o.

**8**

*Pòblekpana gōon boro siigōnɔa*  
(Mat 15:32-39)

1 Gurɔ mōnɔ guu dɔ gbēnɔ pāzi pari. Aō pòblee vī wà blero, ben Yesu a ìbanɔ sisiazi à bène: 2 Gbē kènɔ kème wēnda, zaake aō gīake wà kúmao gurɔ aagō, ben aō pòke vī wà blero. 3 Tó ma ñ gbáe aō tá be kōn nɔaao, guu é límma zé guu, zaake ñ gbēkenɔ bokii zà. 4 Ben à ìbanɔ à là wà bè: Mákpan wé pòblee en sēte pòrɔtu kè kè eé gbē pìnɔ kāa? 5 Ben Yesu ñ lá à bè: Buređi mèn ūgban á vīi? Aō bè: Mèn swēeplaame. 6 Ben à bè parii wēe tɔte. Ben à buređi mèn swēeplaa pìnɔ sè à sáabu kè, ben à lilikōre à kpà a ìbanɔa aō kpaatete pariine, ben aō kpàateteńne. 7 Aō kpò néngonɔ vī féte dɔ. Kè à aubarika dàn, à bène aō eara wà beee kpaateteńne dɔ. 8 Ben aō blè wà kà, ben wà à kpaaa kè gōnɔ sèe gbíi swēeplaa. 9 Gbē pìnɔ kà boro siigō. Kè Yesu ñ gbáe, 10 ben à gē goro'ite guu kōn a ìbanɔ, aō gàa Dalamanuta bùsun.

*Farisinɔ mōnafiki*  
(Mat 16:1-12)

11 Ben Farisinɔ mò aōe leokpakōa keeo aōe lípeea, aōe wete e à sèeda ke keńne kōn Luda gbāaao. 12 Ben à wesaa kākōa à bō à bè: Bóyānzi tōrigbēnɔ è sèeda gbekamazi? Yāpuraan mée ooare, mé sèeda ke keńnero. 13 Ben à ñ tó gwe à èara à gē goro'ite guu à tà baa kāa kpa. 14 À ìbanɔ sán aō buređi kūsāe sé. Buređi mèn doo bé à gōńne goro guu. 15 Ben Yesu lé dàmma à bè: Àgō a zīnda kūna dō. À làakari ke Farisinɔ kōn Herɔdu gbēnɔ buređise'e'ēzēzi. 16 Ben aōe beekōne: Kè wá buređi vīro yānzin à ò lezi. 17 Yesu dōńma, ben à ñ lá à bè: Bóyānzi ée bee kè á buređi vīro yānzimezi? Ai tia a wée e kē à dōroo? Á laasuu vīroo? 18 Á wée vī à guu eoroo? Á swā vī à yā maoroo? Yāke è dɔaguroo? 19 Kè ma buređi mèn sooroo lilikōre má kpà gōon boro sooroonɔa, a à kpaaa sèe gbíi ūgbame? Aō wèàla wà bè: Mèn kuri awēeplaame. 20 Ben à èara à ñ lá à bè: Kè ma buređi mèn swēeplaa lilikōre má kpà gōon boro siigōnɔa, a à kusu sèe gbíin ūgbame? Aō wèàla wà bè: Mèn swēeplaa. 21 Ben à bène: Ai tia a dōroo?

*Betesaida vīa wéewēna*

22 Kè aō kà Betesaida, ben wà mōne vīao wà wée kèa à o kea. 23 Ben à vīa pì kù a o a bōo wéte kpe. À lóu sù à wéea à o kèa, ben à à là à bè: Née guu ees? 24 Ben gōgbē pì a wée sè musu à bè: Mée gbēnɔ ee lán línɔ bà aōe táa oo. 25 Ben Yesu èara à o kè à wéea dɔ. Kè gōgbē

pì wée kè biibii, ben à wée wè èe pò píngi ee sa wásawasa. <sup>26</sup> Ben Yesu à gbàre à tá be à bè: Nton bɔe lakutu guuro.

*Yesu mesayake ona*  
(Mat 16:13-20, Luk 9:18-21)

<sup>27</sup> Kè Yesu e gaa kɔn a ìbanɔ Sizarea Filipi lakutunɔ guu, ben à a ìbanɔ là zé guu à bè: Dén gbēnɔ è be má de à ũu? <sup>28</sup> Aɔ wèàla wà bè: Gbēkenɔ è be Yaaya Batisikerime, gbēkenɔ è be Ilia, gbēkenɔ è be dɔ annabi yāanɔ doken n ũ. <sup>29</sup> Ben à n lá à bè: Apinɔ sɔ, dén eè be má de à ũu? Pita wèàla à bè: Mesayan n ũ. <sup>30</sup> Ben Yesu n swā sùkǎñne lɛ aɔton yā pì o gbēke maro.

*Yesu a ga kɔn a fɛɛnao yā'ona*  
(Mat 16:21-28, Luk 9:22-27)

<sup>31</sup> Ben à nà yādannɛnaa à bè: Séde Gbēntee Né wétámma e maamaa, gbēnsinɔ kɔn sa'orikinɔ kɔn ludayādannɛrinɔ é gízi, weé à de, à gurɔ aagɔdee zĩ eé fɛɛ. <sup>32</sup> À yā pì òñne wásawasa, ben Pita gāao kpado, èe giine. <sup>33</sup> Kè Yesu liè à a ìbanɔ gwà, ben à pàta Pitaa à bè: N̄ gumɛ gwe Setān! N laasuu né Luda pónlo, gbēntee pómɛ.

<sup>34</sup> Beee gbɛra Yesu parii sisiazi kɔn a ìbanɔ à bèñne: Tó gbē yezi à ke ma ìba ũ, séde à gí a zĩnda wèndizi à a líkpansé à téomazi. <sup>35</sup> Gbē kè yezi àgɔ a wèndi kũna é korazi. Gbē kè gí a wèndizi ma yānzĩ kɔn ma baaru yāo sɔ, adee égɔ wèndi vĩ. <sup>36</sup> Tó gbē gɔ anduna vĩ píngi, tó à kòra a wèndizi, bó àren à vĩ? <sup>37</sup> Bón gbēntee é e à a wèndi lendee kpáo? <sup>38</sup> Tó gbē mapi kɔn ma yānɔ wí dè tɔɔrigbē durunde ludanaanɛkerisaideenɔ, Gbēntee Né é adee wí de gurɔ kè eé su a De gakui guu kɔn à malaikanɔ.

## 9

<sup>1</sup> Ben à bèñne: Yāpuraan mée ooare, gbēkenɔ kú gura kè aɔé garo ai aɔ kí kè Ludaa kà e, èe suu kɔn gbāaao.

*Yesu lina*  
(Mat 17:1-13, Luk 9:28-36)

<sup>2</sup> Gurɔ swɛɛdoo gbɛra Yesu Pita kɔn Yemisio kɔn Yohanao sè à diño kp̄ii lezĩa nt̄ɛɛ. Ben à li n wáa, <sup>3</sup> à pókāsāanɔ e té keɛ pú fénfen. Gbēkee kú anduna guu kè eé fɔ à à pura kũ lero. <sup>4</sup> Ben Ilia kɔn Musao bò wà mòñzi, aɔɔe yā oo kɔn Yesuo. <sup>5</sup> Ben Pita bè Yesunɛ: Dannɛri, à maa kè wá kú kè. Wà kutaa dɔ mèn aagɔ, n pò mèn do, Musa pò mèn do, Ilia pò mèn do. <sup>6</sup> À dɔ yā kè ée ooro, zaake vĩa n kũ maamaa. <sup>7</sup> Ludambe luguu pita à dàñla, ben aɔ kòto mà à guu à bè: Àmbe ma Né mèn do léle yenzidee ũ. À à yā ma. <sup>8</sup> Kāndo kè aɔ guu gwàgwa, aɔɔe gbēke e dɔro, sé Yesu ado.

<sup>9</sup> Kè aɔɔe pitaa kp̄iii p̄ia, ben Yesu bèñne aɔton yā kè aɔɔ è pì o gbēke maro ai Gbēntee Né fɛɛ bɔna gaan. <sup>10</sup> Aɔ yā pì kũna, mɔde aɔɔe kɔ lalaa wèe bee: Fɛɛ bɔna gaan yā beee de diamɛ? <sup>11</sup> Ben aɔ à là wà bè: Bóyānzĩn ludayādannɛrinɔ è be Ilia bé eé mó káakuzi? <sup>12</sup> À wèñla à bè: Ilia é mó káaku yāpuramɛ, eé yā píngi keke à gbèn, mɔde à kè dia wà kè Luda yān wà bè, Gbēntee Né é wétámma e maamaa ai wà gízĩ? <sup>13</sup> Mɔde mée ooare Ilia mò kò, ben aɔ n poyezi kènɛ, lán wà à yā ò Luda yān nà.

*Négbē zĩnde kēkōana*  
(Mat 17:14-21, Luk 9:37-42)

<sup>14</sup> Kè aɔ sù n gbē kpaaanɔ kiia, aɔɔ è parii ligañzi, ben ludayādannɛrinɔ e lɛokpakōa keéño. <sup>15</sup> Kè parii Yesu è, à yā bò n sae, ben aɔ bàà lè wà gaa wà i kpàa gɔ n píngi. <sup>16</sup> Ben à a ìbanɔ là à bè: Bó lɛokpakōan ée keéño lɛee? <sup>17</sup> Ben gbēgbē ke wèàla zà guu à bè: Dannɛri, ma mɔnne ma néome, zĩn bé à à nène nàe. <sup>18</sup> Tó à didia, è à p̄ae tɔɔte, ègɔ lóufuta bɔɛɛ, ègɔ swaa soo, è gbāgbā sòrɔɔ. Ma bè n ìbanɔne aɔ pé zĩn p̄ia à bɔ, ben aɔ fùu. <sup>19</sup> Ben Yesu

bènnε: Tɔ̀origbē ludanaanekerisaideenɔ! Mэгɔ́ kúao ai bɔ̀remε? Mэгɔ́ menaaao ai bɔ̀remε? À móme né pìo kè.

<sup>20</sup> Kè wà m̀onε, kè zĩn pì Yesu è gɔ̀, ben à né pì nìgānigā à à pàε tɔ̀tε. Ben èe gbegere paa èe lóufuta bɔ̀εε. <sup>21</sup> Yesu né pì de là à bè: Zaa bɔ̀remε à kúo lεε? À wèàla à bè: Zaa à né féte zĩmε. <sup>22</sup> Ègɔ́ à zuu té kɔ̀n ío guu baabɔ̀re, ègɔ́ yezi à à dε. Tó né fɔ́ n pɔ́ke ke, n wa wēnda gwa n wa faaba ke. <sup>23</sup> Yesu bènnε: N bè, tó mé fɔ́? Baabɔ́ píngi è sí ke gbē kè ma náane vīine. <sup>24</sup> Ben né pì de wii lè gɔ̀ à bè: Má n náane vī. N n náane kè èe kēsāama kaaramε. <sup>25</sup> Kè Yesu è zà e nakɔ̀rεέmma, à gí zĩn pìne à bè: Zĩn swādo kpadugu, má ònne n go né pì. Nton gē à guu dɔ̀ro. <sup>26</sup> Ben zĩn pì wii lè à à nìgā pāsīpāsī, ben à gò. Né pì gɔ́ daena lán gè bà ai paridee bè à gāmε. <sup>27</sup> Ben Yesu à kù a ɔ̀a, à à fεε à zè.

<sup>28</sup> Kè Yesu gè ua guu, ben à ibanɔ́ à gbèka gusae wà bè: À kè dia wée fɔ́ wà pé zĩn pì à bɔ̀roo? <sup>29</sup> Ben à wèńla à bè: Kè taka è sí bɔ̀ro, sé kɔ̀n aduakεnao.

*Yesu εara à a ga kɔ̀n a fεεnao yā'ona*  
(Mat 17:22-23, Luk 43-45)

<sup>30</sup> Kè aɔ́ b̀ gwe, ben aɔ́ pà Galiline. Yesu yezi wàgɔ́ a kúkii dɔ̀ro, <sup>31</sup> zaake èe yā daa a ibanɔ̀nεmε. À bènnε: Weé Gbēntee Né na gbēnɔ̀ne n ɔ̀zĩ wà à dε, à gurɔ́ aagɔ́dee zĩ eé fεε. <sup>32</sup> Aɔ̀ε à yā pì dɔ̀ro dɔ̀ro, ben vīa n kù aɔ́ yā pì gbekaa.

*Tena Yesuzi lán né féte bà*  
(Mat 18:1-5, Luk 9:46-48)

<sup>33</sup> Ben aɔ́ kà Kapenamε. Gurɔ́ kè à kú be, à a ibanɔ́ là à bè: Bó leokpakɔ̀an ée keε zé guuu? <sup>34</sup> Ben aɔ́ yītεna, zaake aɔ̀ε leokpakɔ́a keε zé guu denlaa yā musumε. <sup>35</sup> Ben à v̀εε à gɔ̀n kuri awεεplaa pìno sisiazia à bè: Tó gbē yezi à ke gbē káaku ũ, adee gɔ́ kpεεdee ũ, à gɔ́ baade píngine zĩri ũ. <sup>36</sup> À né féte sè à à zè n aεzĩ, ben à à sè à à kpà a kùla à bènnε: <sup>37</sup> Gbē kè né kènɔ́ doke sì ma ibakeε yānzi, mámbe à ma si. Gbē kè ma si sɔ́, mámbe à ma si madoro, gbē kè ma zĩin á sì.

*Gbē kè èe íbete kpáwaoroo né wa baakpεεmε*  
(Luk 9:49-50)

<sup>38</sup> Ben Yohana bènnε: Danneri, wa gbēke è, èe zĩnno goorúmma kɔ̀n n tóo, ben wa gine, zaake wa gbēnlo. <sup>39</sup> Ben Yesu bè: Àton gínεro, zaake gbēke é fɔ́ à dabuyā ke kɔ̀n ma tóo à εara à ma tó zaa sí dɔ̀ro. <sup>40</sup> Gbē kè èe íbete kpáwaoroo né wa gbēmε. <sup>41</sup> Yāpuraan mée ooare, gbē kè à a gba ímina kè á kuu Kirisi pɔ́ ũ yānzi, adee é kora a láadaziro.

<sup>42</sup> Tó gbē tó né kè ma náane vīi kèkiinɔ́ doke sàsā, eégɔ́ sàɔ́ adeenε wà wísilɔ̀gbε gbēntē dɔ́ à waale wà à zu sèbe guu. <sup>43-44</sup> Tó n ɔ̀ bé è tó n fu, n zɔ́ n zĩnna. À sàɔ̀nne n gē wèndi kè è yāaroo guu kɔ̀n ɔ́ kusuo dε n gɔ́ kɔ̀n ɔ́ mèn plaaaola n gē té kè è garoo guu gèwāan. <sup>45-46</sup> Tó n gbá bé è tó n fu, n zɔ́ n zĩnna. À sàɔ̀nne n gē wèndi kè è yāaroo guu εre ũ dε n gɔ́ kɔ̀n gbá mèn plaaaola wà n zu tén. <sup>47</sup> Tó n wée bé è tó n fu, n bɔ́. À sàɔ̀nne n gē kpata kè b̀ Luda kiia guu kɔ̀n wée dooo dε n gɔ́ kɔ̀n wée mèn plaaaola wà n zu tén, <sup>48</sup> gura kè aɔ́ kòkɔ̀bii è yāaro, té pì è garo.

<sup>49</sup> Té é mè ɔ́ baade píngia lán wè pɔ́ keke kɔ̀n wisio nà. <sup>50</sup> Wisi né pɔ́ maaamε, m̀de tó à nnaa tà, dian weé ke nà à gɔ́ wisi ũ dɔ̀? À tó wisi gɔ́ kú a guu, égɔ́ nna kɔ́o.

## 10

*Gina nɔ̀zĩyā*  
(Mat 19:1-12)

<sup>1</sup> Ben Yesu b̀ gwe à gàa Yudea bùsun ai Yoda baa kāa kpa. Parii εara wà kàkɔ̀azi gwe, ben à yā dànnε lán è ke nà. <sup>2</sup> Farisi kenɔ́ mò wà à yɔ́ wà gwa, ben aɔ́ à là wà bè: Gɔ́gbē zé vī

à gí a naōzi? <sup>3</sup> À wèñla à bè: Musa dàare diaa? <sup>4</sup> Aō bè: Musa gōgbē gbà zé à yìgidetakada kē à a naō gbarεo. <sup>5</sup> Ben Yesu bèñne: A swāgbāa yānzin Musa doka beee dàarezi. <sup>6</sup> Zaa káaku kè Luda anduna kè, à gōgbē kè kōn nōgbēomε. <sup>7</sup> Beee yānzi gōgbē é a de kōn a dao tó, aōé nakōa kōn a naō, <sup>8</sup> aō gōōn plaaa é gō mè doo ũ. Aō kuu plaa dōro, sé do. <sup>9</sup> Beee yānzi gbē kè Luda n nakōano, gbētee tón n kēkōaro. <sup>10</sup> Kè Yesu tà be, à ìbanō à là yā pì mizi. <sup>11</sup> Ben à bèñne: Gbē kè gí a naōzi à nō pānde sè, adee zina kè a nō káakunε. <sup>12</sup> Nōgbē kè gí a zāzi à gō pānde sè sō, à zina kèn gwe.

*Yesu aubarikadana nēno*  
(Mat 19:13-15, Luk 18:15-17)

<sup>13</sup> Wèe mōo Yesunε kōn nēno le à o kerímma, ben à ìbanō gínne. <sup>14</sup> Kè Yesu è le, à pō fè à bèñne: À tó nēno mó ma kiia, àton gínnero, zaake aō takano pón kpata kè bō Luda kiia ũ. <sup>15</sup> Yāpuraan méε ooare, gbē kè èe kpata kè bō Luda kiia sí lán né féte bàroo é gēnlo. <sup>16</sup> Ben à nēno sè à n kpákpa a kùla, à o kèkerímma à aubarika dàngu.

*Auzikidee*  
(Mat 19:16-30, Luk 18:18-30)

<sup>17</sup> Kè Yesu dà zén èe gaa, ben gōgbē ke bàa lè à mò à kùε à ae à à là à bè: Danneri maa, dian mé ke nà mà wèndi kè è yāaroo ee? <sup>18</sup> Ben Yesu bène: À kè dia n bè má maaa? Gbēkee maaro, sé Luda ado. <sup>19</sup> N dokano dō: Nton gbē dero, nton zina kero, nton kpāi oro, nton yā di n gbēdaaaaro, nton gbē blero, ngae bèε lí n de kōn n daonε. <sup>20</sup> Ben à bè: Danneri, zaa ma néngo zī má yā beeno kūna píngi. <sup>21</sup> Ben Yesu à gwà yenzi wéεo à bène: Yā mèn doo bé à gōnne. N gá n pō kè n vīino yá píngi n à o kpá takaasideeno, n mó n témazi, négō auziki vī ludambe. <sup>22</sup> Ben gōgbē pì uu sisi yā pì yānzi, à tà pōsiaao kè à auzikino vī bíta yānzi. <sup>23</sup> Ben Yesu a ìbanō gwàgwa à bèñne: À zī'ū maamaa auzikideene à gē kpata kè bō Luda kiia guu. <sup>24</sup> À yā pì bō à ìbanō sae, ben Yesu èara à bèñne: Gbēno, à zī'ū gbēne maamaa à gē kpata kè bō Luda kiia guu! <sup>25</sup> Lakumi gēna pōyōyīn aaga de auzikide gēna kpata kè bō Luda kiia guula. <sup>26</sup> Ben yā pì bō à ìbanō sae maamaa, aō bèkōne: Tó lemε, dé bé eé fō à mīsina ee? <sup>27</sup> Yesu n gwá à bè: Gbēntee é fōro, sé Luda. Luda kiia baabo píngi è sí ke.

<sup>28</sup> Ben Pita bène: Wa baabo píngi tò wa tenzi. <sup>29</sup> Yesu bè: Yāpuraan méε ooare, gbē kè à a bæe tò ke a vīino ke a dāaronō ke a da ke a de ke a nēno ke a buraa ma yānzi kōn ma baarukpannena yāo, <sup>30</sup> adee é εara à beeno kōn vīino kōn dāaronō kōn danō kōn nēno kōn burano e leo basōoro anduna kè guu, mode kōn wétammaomε, eé wèndi kè è yāaroo e anduna kè èe mōo guu. <sup>31</sup> Gbē káakuno égō kpεedeeno ũ pari, kpεedeeno égō gbē káakuno ũ.

*Yesu εara à a ga kōn a fεnao yā'ona*  
(Mat 20:17-19, Luk 18:31-34)

<sup>32</sup> Aō èara wà dà zén aōe gaa Yerusalemu. Yesu dō a ìbanōne ae, ben yā pì bō n sae, vīa gbē kè aō té à kpεeno kù. Ben Yesu a gōōn kuri awεεplaaano sèe ndona, à èara à yā kè weé kearee ònne dō <sup>33</sup> à bè: À ma! Wée gaa Yerusalemumε. Weé Gbēntee Né kpá sa'orikino kōn ludayādannerino, aōé yā daàla à ga, aōé à kpá bori pāndenōa. <sup>34</sup> Aōé à fabo aōé lóu sua aōé à gbē flào aōé à de, à gurō aagōdee zī eé fεε.

*Yemisi kōn Yohanao wékena*  
(Mat 20:20-28)

<sup>35</sup> Ben Zebedi nēno Yemisi kōn Yohanao sō Yesuzi aō bène: Danneri, wá yezi n yā kè wée wée kemmaa kewe. <sup>36</sup> Ben à n lá à bè: Bón á yezi mà kearee? <sup>37</sup> Aō wèala wà bè: N tò wà vēnyo n kpata guu, gbē doo n oplaazi gbē doo ozeεzi. <sup>38</sup> Yesu bèñne: Á yā kè ée à wée kemmaa dōro. Togo'i kè mé mi, é fō à míó? Wétamma kè mé gēn é fō à gē à guuó? <sup>39</sup> Aō wèala wà bè: Wé fō. Ben Yesu bèñne: Togo'i kè mé mii é mi, wétamma kè mé gēn é gēn, <sup>40</sup> mode vēena ma oplaazi ke ma ozeεzi né ma yānlo. Gbē kè Ludaa kèkēneno pómε.

41 Kè à ìba g̃oṅn kuri kpaakaan̄ yā pì mà, ās p̄o f̄è Yemisi k̄n Yohanaozi. 42 Ben Yesu n̄ kák̄o à bènn̄e: Á d̄s kè gb̄e kè wèe n̄ gwaa bori p̄ande k̄inan̄o ũun̄o è gb̄aaa ble n̄ gb̄en̄o, gb̄aadeen̄o s̄s̄ è iko m̄ón̄ne, 43 m̄ode à de le a kiiaro. A té gb̄e kè yezi à ḡo gb̄ensi ũ, sé adee ke a z̄iri ũ. 44 Lem̄e d̄o gb̄e kè yezi à ḡo gb̄e káaku ũ, sé adee ke a p̄ingi z̄ò ũ. 45 Zaake Gb̄entee Né e m̄o le wà z̄i ken̄ero, à mò le à z̄i kēnn̄eme, à a z̄inda w̄endi kpá le à gb̄en̄o bo pari yānzi.

*Batimeu w̄éew̄ena  
(Mat 20:29-34, Luk 18:35-43)*

46 Ās kà Yeriko. Kè Yesu e b̄oo gwe k̄n a ìban̄o k̄n parii, v̄ia Tim̄eu né Batimeu v̄eena zé léa, èe baa kee. 47 Kè à mà wà bè Yesu Nazareti bé èe ḡete, ben à nà lé gb̄aa zunaa à bè: Yesu, Dauda Bori, n̄ ma w̄enda gwa! 48 Ben parii e giine wèe bee à ȳite. Ben à lé gb̄aa zuna kàara èe bee: Dauda Bori, n̄ ma w̄enda gwa. 49 Yesu zè à bè: À à sísi. Ben wà v̄ia pì sísi wà bène: N̄ n làakari kpáe n̄ fee. Èe n̄ sísii. 50 Ben v̄ia pì a uta b̄ò à v̄i à f̄e à mò Yesu kiia. 51 Ben Yesu à là à bè: B̄ón n̄ yezi mà ken̄ne? V̄ia pì wèàla à bè: Rabi, má yezi ma w̄ee guu eme. 52 Ben Yesu bène: N̄ gá, ma náane kè n̄ kè bé à n̄ k̄k̄o. Zaa gwe ḡo à w̄ee guu è, ben à dào zén.

**11**

*Gb̄aakekpana Yesuzi Yerusalemu  
(Mat 21:1-11, Luk 19:28-40, Yoh 12:12-19)*

1 Kè ās kà k̄i k̄n Yerusalemu, ās kà Betefage k̄n Betani kè kú Kùkpe s̄is̄igeezio, ben Yesu a ìban̄o z̄i g̃oṅn plaa 2 à bènn̄e: À gá lakutu kè káe a ae kèk̄aa guu. Tó a ḡe g̃oṅ, é zaakine b̄or̄o e bàd̄ona gwe, gb̄ekee e dia zikiro. À poro à suo. 3 Tó wà a la wà bè, b̄ón ée kee gwe, à be Dii bé à yezi, eé eara à suo tia. 4 Ben ās ḡaa ās zaaki è bà d̄ona kpelea bàazi. Kè ās̄e poroo, 5 ben gb̄e kè ās̄e z̄e gween̄o n̄ lá wà bè: B̄ón ée kee zaaki p̄io kè ée poroo? 6 Ās w̄en̄la lán Yesu ònn̄e nà, ben wà n̄ tó ās táo. 7 Ās s̄u zaaki p̄io Yesune, ās n̄ utano kpàea, ben Yesu dia. 8 Gb̄en̄o e n̄ utano kpaee zé guu pari, gb̄eken̄o e lán̄o z̄o s̄en̄ ās̄e kpaee d̄o. 9 Gb̄e kè ās̄e té aezīn̄o k̄n gb̄e kè ās̄e té kpeen̄o e wii lee wèe bee:

N̄ gb̄aaa ke!

Aubarikadeen gb̄e kè èe m̄oo k̄n Dii t̄o ũ.

10 Luda aubarika da wa dezi Dauda kpata kè èe b̄oo gupuraaan.

Wà gb̄aake kpázi ai ludambe.

11 Kè Yesu kà Yerusalemu, à ḡè Luda ua, ben à baab̄o p̄ingi gwà à ligazi. Kè of̄ant̄e e ḡee kpén yānzi, ben à b̄ò à ḡaa Betani k̄n a ìba g̃oṅn kuri aw̄eeplaaan̄o.

*Kākā lí kana k̄n Yesu kuuna Luda uao  
(Mat 21:12-22, Luk 19:45-48, Yoh 2:13-22)*

12 Kè guu d̄ò, ās b̄ò Betani, ben n̄oaa e Yesu de. 13 À kākā lí è k̄aaa à lá kù. Ben à ḡaa gwa ke tó à bee v̄i. Kè à kà gwe, èe p̄oke ero, sé à lán̄o, zaake kākā maguro e ká k̄oro. 14 Ben à bè lí p̄ine: Gb̄eke é n̄ bee ble ziki d̄oro. À ìban̄o yā pì mà.

15 Kè ās kà Yerusalemu, Yesu ḡè Luda ua guu, ben à p̄e laayarin̄o k̄n laalurin̄o à n̄ b̄oe. À òolendekerin̄o teebun̄o k̄n p̄t̄eyarin̄o k̄itan̄o ȳipa à kw̄ènn̄e. 16 Èe we gb̄eke a asoo sè à ḡeteo Luda ua guuro. 17 Ben à yā dà gb̄en̄one à bè: Wà kè Luda yān wà bè: Ma kpé éḡo de aduakekpe ũ bori p̄ingine, ben á kè gb̄eblerin̄o t̄ò ũ. 18 Sa'orikin̄o k̄n ludayādannerin̄o yā pì mà, ben ās̄e zé wete wà à de. Ās̄e v̄ia keene, zaake à yādannena b̄ò baade p̄ingi sae.

19 Kè uusie kè, ben Yesu k̄n a ìban̄o b̄òe w̄ete pì guu.

20 Kè guu d̄ò, ās̄e ḡete, ben ās kākā lí p̄i è à ḡaga k̄n a kāsāao. 21 Ben à yā d̄ò Pitan, ben à bè Yesune: Rabi, n̄ kākā lí kè n̄ kà gwa, à kori kù. 22 Yesu w̄en̄la à bè: Àḡo Luda náane v̄i.

23 Yápuraan mée ooare, tó gb̄e ò kpii k̄ene à fee à a z̄inda sé à zu s̄eben, tó èe seka ke a n̄s̄e

guuro, tó à náane vī kè yā kè à ò pì é ke, eé keneme. <sup>24</sup> Beee yānzi mée ooare, tó ée adua kee, yā kè a à wée kè píngi, à dié à gĩake á è kò, é sò e. <sup>25</sup> Tó a fée ée adua kee, tó á nòse zaaa vī gbēkeo, à kēne, le a De kè kú musu a durunnò kēare dɔ. <sup>26</sup> Tó ée gbēnò kē sòro, a De kè kú musu é a taarinò kēare sero.

*Yesu gbekana a ikozi*

*(Mat 21:23-27, Luk 20:1-8)*

<sup>27</sup> Ben aɔ kà Yerusalemu. Lán Yesu e lili oo Luda ua guu nà, sa'orikinò kòn lundayadannerinò kòn gbēnsinò mò <sup>28</sup> wà à là wà bè: Iko kpareen née yā kènò keeo? Dé bé à n gba yā pì kena iko? <sup>29</sup> Ben Yesu wèñla à bè: Yā mèn doon mé gbekaawa. À wemala, mé iko kè mée yā kènò keeo oare. <sup>30</sup> À omé. Yaaya gbēnò batisikena bò Luda kiian yó, ke gbēntee kiiame? <sup>31</sup> Ben aɔ yā gògò wà bè: Tó wa bè Luda kiiame, eé wa la bóyānzin wée Yaaya yā sírozi. <sup>32</sup> Tó wa bè gbēntee kiiame sò, tò! Aɔ gbēnò vīa vī, zaake gbē píngi Yaaya annabikese sì. <sup>33</sup> Ben aɔ wè Yesula wà bè: Wá d̄sro. Ben Yesu bèñne: Ëndē mapì se, mé iko kè mée yā kènò keeo oarero.

**12**

*Geepi líkpe ayakerinò*

*(Mat 21:33-46, Luk 20:9-19)*

<sup>1</sup> Ben Yesu fée èe yálekòziñne à bè: Gbēke bé à geepi líkpe bà à kara lìgazi, à wèe yò geepi'ifèkii ù à búdákpagba dà, ben à bú pì nà ayakerinòne n òzì, ben à fée táo. <sup>2</sup> Kè geepizògurò kà, ben à a z̄iri z̄i ayakeri pìnò, le à a geepi beé pì sí. <sup>3</sup> Ben ayakeri pìnò à kù wà à gbè, aɔ à gbàre okori. <sup>4</sup> Ben à èara à z̄iri pānde z̄i dɔ. Ben aɔ gbē beee lè a mìa aɔ wí dāa. <sup>5</sup> A èara à gbē pānde z̄i dɔ, ben aɔ gbē beee dè. Len à gbē pāndenò z̄i le pari, wà n gbēkenò gbè wà n gbēkenò dè. <sup>6</sup> À nэгògbē mèn do yenzidee bé à gònne sa, ben à à z̄i zāa à bè: Aɔé ma né yā da. <sup>7</sup> Ben ayakeri pìnò bèkōne: Túbiberin yè. À tó wà à de, à túbi é gò wa pò ù. <sup>8</sup> Ben aɔ à kù aɔ à dè, ben aɔ à gè sè wà bò buraa guu. <sup>9</sup> Tò! Bón buradee pì é kee? Eé mó à ayakeri pìnò dede à buraa pì na gbē pāndenòne n òzì. <sup>10</sup> Ée Luda yā kè kyó keero?

Gbè kè kpéborinò pā kpàzi

bé à gò kpé gooda gbè mīdee ù.

<sup>11</sup> Dii bé à beee kè,

ben à kèwe yābɔnsae ù.

<sup>12</sup> Ben aɔ zé wète wà à kù, zaake aɔ d̄s kè n yānzin à yálekòzina pì òzi, mōde aɔ vīa kè pariine, ben aɔ à tò gwe aɔ tà.

*Be'ɔkpana Sizaa yā*

*(Mat 22:15-22, Luk 20:20-26)*

<sup>13</sup> Ben wà Farisi kenò kòn Heròdu gbēnò z̄i Yesu kiia òndòo, le wà à kù a yā'ona guu. <sup>14</sup> Kè aɔ kà, ben aɔ bène: Danneri, wá d̄s kè gbē yāpuradeen n ù. Neè gbē wée gwaro, neè gbē gwena gwaro, neè Luda zé dañne súusu. À zé vī wà be'ɔ kpá Sizaaó, ke à zé vīro? Wà kpáan yó, ke wàton kpáaro? <sup>15</sup> Yesu n mɔnafikikese d̄m̄ma, ben à bèñne: Bóyānzin ée ma yòo ée gwaazi? À mó òo pì dooo mà gwa. <sup>16</sup> Kè aɔo kpàa, ben à bèñne: Dé mī wēzān yè kòn à tóo? Aɔ wèala wà bè: Siza pómé. <sup>17</sup> Ben Yesu bèñne: À pò kè de Siza pò ù kpá Sizaa, à pò kè de Luda pò ù kpá Ludaa. À yā bò n sae.

*Gènò fèena yā*

*(Mat 22:23-33, Luk 20:27-40)*

<sup>18</sup> Ben Sadusi kè aɔe be gènò è fèeroonò mò Yesu kiia, aɔ à gbèka wà bè: <sup>19</sup> Danneri, Musa òwe a takada guu à bè, tó gbē gà à a naɔ tòn né'isai, à dāaro gyaanòo pì sé, le à né borii dato a vīine. <sup>20</sup> Tò! Dedònkódeenòo kuu gòon swèeplaa. Woru nòo sè, ben à gà né'isai. <sup>21</sup> Ben



Sabi nɔɔ pì sè dɔ, ben à gà à nɔɔ pì tò né'isai. Ben Biɔ kè le dɔ <sup>22</sup> ai à gà pé í swεεplaadeea. Aɔ píngi gà né'isai. Aɔ píngi gberan nɔɔ pì gà se. <sup>23</sup> Gè̀nɔ fεεgurɔɔ zĩ aɔ dé bé eégɔ nɔɔ pì v̄i? Zaake aɔ ḡɔn swεεplaaa í píngi aɔ à d̄ɔ nɔɔ ũmε. <sup>24</sup> Ben Yesu wè̀nla à bè: A Luda yá k̄ɔn a gb̄aaao d̄ɔsai yānzin a sāsāziroo? <sup>25</sup> Tó gè̀nɔ f̄εε, aɔé nɔɔ séro, aɔé zā kero, weégɔ kuu lán malaikanɔɔ kuu nà ludambεmε. <sup>26</sup> Gè̀nɔ fεena yá musu, ée Musa takada kyó keroo? Gura kè à gyanto yá òn Luda bè̀ne ambe Ibraĩ k̄ɔn Isaakuo k̄ɔn Yakubuo Luda ũ. <sup>27</sup> Luda è ke gè̀nɔ Luda ũro, gb̄ε b̄εenɔ Ludamε. A sāsā à kè bíta.

*Dokayā kè deńlaa*

*(Mat 22:34-40, Luk 10:25-28)*

<sup>28</sup> Ludayādanneri kee kú gwe, à leokpakɔa kè aɔɔe kee mà. Kè à è Yesu yá wè̀nla maamaa, ben à s̄ɔzi à à là à bè: Dokayā kparee bé à de à kpaanɔla píngii? <sup>29</sup> Yesu wè̀la à bè: Yá kè deńlaan yè: Isarailinɔ à swā kpá. Dii wa Ludan Dii ũ ado. <sup>30</sup> Nḡɔ ye Dii n Ludazi k̄ɔn n̄ɔseo do k̄ɔn n niniio píngi k̄ɔn n laasuo píngi n gb̄aa lén. <sup>31</sup> À plaadeen yè: Nḡɔ ye n gb̄ēdaaazi lán n zĩnda wè̀ndi bà. Dokayā kee de beeenɔlaro. <sup>32</sup> Ben ludayādanneri pì bè̀ne: Yá maamε, danneri. N yāpuraa ò, n bè Luda m̄en domε, à pāndee kuuro, sé àpi. <sup>33</sup> Yena Ludazi k̄ɔn n̄ɔseo do k̄ɔn n laasuo píngi n gb̄aa lén k̄ɔn yena n gb̄ēdaaazi lán n zĩnda wè̀ndi bào de sa'opɔ kè wè ká tén à té k̄ula k̄ɔn sa'ona bori sānda píngio. <sup>34</sup> Kè Yesu è à yá wè̀la k̄ɔn làakario, à bè̀ne: Gēna kpata kè b̄ò Luda kiia guu z̄anyoro. Zaa gurɔ beea gb̄ēkee e gà à yáke laa d̄oro.

*Mesaya bori yā*

*(Mat 22:41-46, Luk 20:41-44)*

<sup>35</sup> Yesu èara èe yá daan̄ne Luda ua guu, ben à gb̄enɔ là à bè: À kè dia ludayādannerinɔ è be Dauda boriin Mesaya ũu? <sup>36</sup> Kè Luda Nini didi Daudaa, à bè: Dii bè ma diine à v̄εe a ɔplaazi ai àḡɔ à ib̄eenɔ káene a gbá ḡizĩ. <sup>37</sup> Kè Dauda bè̀ne Dii, à kè dia eégɔ de à borii ũ dɔɔ?

*Ludayādannerinɔ k̄ɔn Farisinɔ m̄onafiki*

*(Mat 23:1-36, Luk 20:45-47)*

Ben parii e à yá maa p̄onnaao. <sup>38</sup> À yādannena guu à bè: À làakari kee ludayādannerinɔzi. Aɔèḡɔ ye tetenazi k̄ɔn uta isinɔ dana, le wàḡɔ ì kpákpaam̄ma yàranɔa. <sup>39</sup> Aɔèḡɔ wεtεε wà v̄εe aduakekpe v̄εeki maaanɔ guu k̄ɔn zĩbaa v̄εeki maaanɔ. <sup>40</sup> Aɔè adua gb̄aa ke le gb̄enɔ í e yānzi, ben aɔè gyaanɔnɔ kpé símma. Aɔ wéetamma éḡɔ pāsīpāsī de gb̄ε píngi póla.

*Gyaanɔ takaasidee gb̄aa*

*(Luk 21:1-4)*

<sup>41</sup> Ben Yesu v̄εe Luda ua guu ɔɔdakii aε, èe gb̄enɔ gwaa lán aɔɔe ɔɔ daan nà. ɔɔde s̄anɔɔ e ɔɔ bíta daan. <sup>42</sup> Ben gyaanɔ takaasidee m̄ò à k̄ɔbɔ plaaa dàn, èe ká sue doro. <sup>43</sup> Ben Yesu a ìbanɔ kàk̄ɔa à bè̀ne: Yāpuraan m̄εe ooare, gyaanɔ takaasidee kè ɔɔ dà ɔɔdakii guu de gb̄ε píngila. <sup>44</sup> Zaake aɔ ɔɔ s̄a guun aɔ b̄on wà k̄an í píngi. Nɔgb̄ε kè s̄ɔ, à takaasikεε guun pó kè à v̄i à pó bleon à dàn píngi.

**13**

*Yerusalemu yakana k̄ɔn andunayāagurɔ sèedanɔ*

*(Mat 24:1-22, Luk 21:5-24)*

<sup>1</sup> Kè Yesu e b̄ɔɔ Luda ua guu, à ìbanɔ doke bè̀ne: Danneri, ò gwa lán wà kpé maaa kè takanɔ b̄ò nà k̄ɔn gb̄ε maaa kè takanɔ. <sup>2</sup> Ben Yesu bè̀ne: N kpé ìsi k̄enɔ è píngi? Gb̄ε kee kú guu kè kè weé tó dik̄aro, weé gboro píngimε.

<sup>3</sup> Yesu v̄eena Kùkpe s̄is̄iḡeezi aed̄ok̄ōana k̄ōn Luda uao, ben Pita k̄ōn Yemisio k̄ōn Yohanao k̄ōn Anduruo à gb̄eka gusae wà bè: <sup>4</sup> Ñ owe, b̄oren yā k̄ēn̄ é kee? Bó bé eéḡō de à píngi kegur̄ō s̄eeda ũu? <sup>5</sup> Ben Yesu bènn̄e: À làakari ke, àton tó wà a s̄āsāro. <sup>6</sup> Weé mó pari ma t̄ó, ās̄éḡō bee Mesayan n̄ ũ ās̄é gb̄ēn̄ s̄āsā pari. <sup>7</sup> Tó a z̄in̄ baaru mà k̄ōn à w̄apeo, àton bídi k̄ero. Sé beeen̄ ke, m̄ode anduna yāana kp̄é. <sup>8</sup> Bori k̄ōn boriio é f̄eek̄ōzi, lem̄e d̄o b̄usu k̄ōn b̄usuo. T̄ōte niḡāniḡāna éḡō kú guken̄n̄ k̄ōn n̄ōāao. Yā beeen̄n̄ n̄w̄āw̄ā naana ũ.

<sup>9</sup> À làakari ke. Weé a k̄ūkū wà a na yākp̄aek̄erinn̄e n̄ ozi, weé a gb̄ēgb̄ē aduakek̄pen̄o guu. Weé a ze b̄usu gb̄ēnsinn̄o k̄ōn k̄in̄an̄o ae ma yānzi, le àḡō deñ̄ne ma s̄eedadeen̄o ũ. <sup>10</sup> Sé wà ma baaru nna waazi ke bori píngi ma ḡā. <sup>11</sup> Tó wà ḡāao yākp̄aek̄ek̄iia, àton ḡiake à yā k̄è é o damu k̄ero. Yā k̄è Luda d̄āare a l̄en̄ gur̄ō m̄ān̄ à o, zaake ámbe é yā oro, Luda Ninim̄e. <sup>12</sup> V̄ii k̄ōn d̄āaron̄o é k̄ō kp̄ám̄ma wà de. Den̄o é b̄o n̄ n̄én̄o kp̄ee. N̄én̄o é b̄o n̄ den̄o k̄ōn n̄ dan̄o kp̄ee wà n̄ de. <sup>13</sup> Gb̄ē píngi é zaagu ma yānzi, m̄ode gb̄ē k̄è zena gb̄āa ai à gur̄ō léa é m̄isina e.

<sup>14</sup> Tó a t̄è guyakari è guu k̄è de àḡō kúnlo, kyók̄eri ḡō d̄ō, gb̄ē k̄è āō kú Yudean̄o bàa sí wà mì pé k̄piinn̄o. <sup>15</sup> Gb̄ē k̄è kú a kp̄é musu tón pita à ḡē kp̄é guu à p̄oke sé à b̄oro. <sup>16</sup> Gb̄ē k̄è kú buraa tón liara be à a uta séro. <sup>17</sup> W̄aiyoo n̄ōsindadeen̄o k̄ōn n̄édandeen̄o gur̄ō beee. <sup>18</sup> À adua ke le yā p̄i tón ke buusie gur̄ōro, <sup>19</sup> zaake w̄étāmma éḡō kuu gur̄ō p̄inn̄o. Zaa gur̄ō k̄è Luda anduna k̄è ai gb̄āa à taka e k̄ero, eé s̄ō ke zikiro. <sup>20</sup> Tó Dii e gur̄ō p̄inn̄o lagoro, le gb̄ēke é b̄oro. M̄ode à gur̄ō p̄inn̄o làgo a gb̄ē k̄è à n̄ séno yānzim̄e.

*Gb̄ēntee Né suna  
(Mat 24:23-44, Luk 21:25-38)*

<sup>21</sup> Gur̄ō beee tó gb̄ēke bèare, à Mesaya gwa k̄è kes̄ō à Mesaya gwa k̄āaa, àton síro. <sup>22</sup> Zaake Mesaya egeen̄o k̄ōn annabi egeen̄o é mó wà s̄eedan̄o k̄ōn dabudabuyān̄o ke, le wà gb̄ē k̄è Luda n̄ séno s̄āsāo, tó eé sí ke. <sup>23</sup> À làakari ke. Ma ḡiake ma yā píngi òare zaa k̄āaku k̄ò.

<sup>24</sup> Gur̄ō p̄inn̄o w̄étāmma gbera ɔf̄ānt̄ē é sia k̄ū, m̄ovura é í k̄ero, <sup>25</sup> s̄ōs̄ōn̄en̄o é woro ludambe, gb̄āaa k̄è āō kú musun̄o é niḡā, <sup>26</sup> gbasa wà Gb̄ēntee Né suna e ludambe luguun k̄ōn gb̄āa bítao k̄ōn gakuio. <sup>27</sup> Eé a malaikan̄o z̄i, le āō gb̄ē k̄è à n̄ séno kak̄ōa anduna gooda siiḡōa, zaa anduna léa ai ludambe léa.

<sup>28</sup> À yā dada k̄ākā lía. Tó à ḡān̄o í kp̄àk̄pa èe lá b̄or̄o paa, á d̄ō k̄è guw̄āagur̄ō k̄à k̄ii. <sup>29</sup> Lem̄e s̄ō, tó á è yā p̄inn̄o e kee le, àḡō d̄ō k̄è à suna k̄à k̄ii, à kú kp̄eelea. <sup>30</sup> Yāpuraan m̄ée ooare gur̄ō k̄è gb̄ēn̄o é ḡētero ai yā p̄inn̄o ḡá keo píngi. <sup>31</sup> Musu k̄ōn t̄ōteo é ḡēte, m̄ode ma yān̄o ḡētena v̄iro.

<sup>32</sup> Gb̄ēkee à gur̄ō ke à gur̄ō zaka d̄ōro, baa malaika k̄è āō kú musun̄o ke Luda Né, sé De Luda. <sup>33</sup> À làakari ke, a w̄ée ḡō d̄o, zaake á d̄ō gur̄ō k̄è eé suro. <sup>34</sup> À de lán gb̄ē k̄è èe gaa w̄étea bà. À a b̄ee t̄o a z̄ik̄erinn̄e baade k̄ōn a z̄iio, ben à bè a gud̄akparine a w̄ée ḡō d̄o. <sup>35</sup> Apinn̄o s̄ō, á d̄ō gur̄ō k̄è b̄edee é suro, uusien̄ yoo, lezāndon̄ yoo, kolezuon̄ yoo, ke gud̄ōnao. Beee yānzi a w̄ée ḡō d̄o, <sup>36</sup> le àton su k̄āndo à a le, ée ii ooro yānzi. <sup>37</sup> Yā k̄è m̄ée ooare m̄ée oo baade píngin̄em̄e, a w̄ée ḡō d̄o.

**14**

*L̄ékpak̄ōs̄ōna Yesuzi  
(Mat 26:1-5, Luk 22:1-2, Yoh 11:45-53)*

<sup>1</sup> Banla z̄iiba k̄ōn Bur̄edi Sése'ēz̄ēsai z̄iibaao ḡō gur̄ō plaa, ben sa'orikin̄o k̄ōn luda yādannerinn̄o e z̄é w̄eteē ɔnd̄ōo wà Yesu k̄ū wà de. <sup>2</sup> Zaake āō bè: W̄āton ke z̄iiba z̄iio, le gb̄ēn̄o tón z̄ōka k̄áro yānzi.

*N̄ōsi ḡū nna kuna Yesu m̄ià  
(Mat 26:6-13, Yoh 12:1-8)*

<sup>3</sup> Gurɔɔ kɛ Yesu kú Bɛtani, Simɔ kusu bɛ, ɛɛ pɔ ɓlee gɛɛkɛsɛkɛna, ben nɔgbɛ ke sɔzi à gbaaa néngo kɛ nɔsi gũ nna bori maa ɔɔdee kú à guu kúna. Ben à gbaaa pì waa ɛ, à nɔsi pì kù Yesu mia. <sup>4</sup> Gbɛkenɔ kú gwe, aɔ pɔɔ fɛɛ wà bè: Bɔn nɔsi pì laalaakɛna úu? <sup>5</sup> Weé fɔ wà yá dɛ kondogi wàa do kpé basɔroola wà à ɔɔ kpá takaasideenɔa. Ben aɔ léfɔtɔɔ kà nɔgbɛ pìzi. <sup>6</sup> Ben Yesu bè: À à tó gwe. Bóyānzin ɛɛ ĩa daaazi? À zĩ maaa kɛmɛmɛ. <sup>7</sup> Takaasideenɔ ɛgɔ kúao gurɔ píngi, gurɔɔ kɛ á yezi, ɛ fɔ à kɛ́nɛ. Mapi sɔ mégɔ kúao gurɔ píngiro. <sup>8</sup> À kɛ a gbāa lémmɛ, à gĩake à nɔsi kù ma mɛa lɛ à ma gɛ kɛomɛ. <sup>9</sup> Yāpuraan mɛɛ ooare, guu kɛ wɛɛ ma baaru nna waazi kɛɛn anduna guu píngi, weégɔ yā kɛ nɔgbɛ pì kɛ oo à dɔngu yānzi.

*Yudasi bɔna Yesu kpɛ  
(Mat 26:14-16, Luk 22:3-6)*

<sup>10</sup> Beɛe gɛɛra gɔɔn kuri awɛɛplaaanɔ doke kɛ wɛ benɛ Yudasi Isikarioti gāa sa'orikinɔ kiia, lɛ à Yesu kpámma. <sup>11</sup> Kɛ aɔ à yā mà, ben aɔ pɔɔ kɛ nna, ben aɔ lé gbɛnɛ kɛ weé ɔɔ kpáa. Ben ɛɛ zé wɛtɛɛ à Yesu kpámma.

*Banla pɔble kɛkɛna  
(Mat 26:17-25, Luk 22:7-14, 21-23, Yoh 13:21-30)*

<sup>12</sup> Bureɔdi Sése'ɛzɛsai zĩbaa gurɔ káakudee zĩ kɛ wɛ Banla sānɛ bɔrɔ kòto kpá, Yesu ìbanɔ à là wà bènɛ: Mán n̄ yezi wà gá kɛkɛnɛ n̄ Banla pɔ blen? <sup>13</sup> Yesu gɔɔn plaaa zĩ a ìbanɔ té à bènɛ: À gá wéte guu. Gɔgbɛ ke ɛ daale à í sɛna kɔn looo. À tézi <sup>14</sup> ai ua kɛ eé gɛn. À o ua pì bɛdeenɛ, dannɛri bè mán a pitakii kún, guu kɛ ɛ Banla pɔ blen kɔn a ìbanɔ? <sup>15</sup> Eé kpé musu bíta kɛ wà kɛkɛ ɔɔbaare. À pɔbleyā kɛkɛwe gwe. <sup>16</sup> Yesu ìba pìno dà zén, aɔ gɔ wéte pì guu, ben aɔ ɛ lán à ónɛ nà. Ben aɔ Banla pɔbleyā kɛkɛ gwe.

<sup>17</sup> Kɛ uusie kɛ, ben Yesu gāa gwe kɔn a gɔɔn kuri awɛɛplaaa pìno. <sup>18</sup> Kɛ aɔ vɛɛ wɛɛ pɔ ɓlee, ben à bè: Yāpuraan mɛɛ ooare, a gbɛ mɛn doo kɛ wɛɛ pɔ ɓlee lɛdoo ɛ ma kpámma. <sup>19</sup> Aɔ nɔsɛ yāka, ben aɔɔɛ à laa doodo: Asa māmbeeroo? <sup>20</sup> Ben à bènɛ: A gɔɔn kuri awɛɛplaaanɔ doke kɛ wɛɛ pɔ ɓlee taa guu lɛdomɛ. <sup>21</sup> Gbɛntee Né ɛ kpá guuzi lán à kɛna a yā musu nà, mɔde wāiyoo gbɛ kɛ eé bɔ Gbɛntee Né kpɛɛ pì. Eé kɛ sàɔ adeenɛ tó wɛɛ à i yāro.

*Dii pɔblee  
(Mat 26:26-30, Luk 22:14-20, 1Kɔ 11:23-25)*

<sup>22</sup> Kɛ aɔɔɛ pɔ ɓlee, Yesu bureɔdi sɛ à aubarika dàn, ben à lìkɔrɛ à kpá a ìbanɔa à bè: À sí, ma mɛn yè. <sup>23</sup> Ben à togoo sɛ à aubarika dàn à kpámma, ben aɔɔ m̄ n̄ píngi. <sup>24</sup> Ben à bènɛ: Ma arun yè, Luda bà kuuna kɔn gbɛ pariinɔ aru ũ, kɛ eé bɔɛmaa. <sup>25</sup> Yāpuraan mɛɛ ooare, mé geepi'i mi gīa dɔro ai kpata kɛ bɔ Luda kiia gá bɔo gupuraa, gbasa mà à dufu mi sa. <sup>26</sup> Kɛ aɔ lè s̄i, ben aɔ bɔɛ wà gāa Kùkpe s̄is̄igɛɛzi.

*Yesu gĩake à d̄s̄ yā kɛ Pita ɛ ke  
(Mat 26:31-35, Luk 22:31-34, Yoh 13:36-38)*

<sup>27</sup> Ben Yesu bènɛ: A píngi ɛ fuma, zaake wà kɛ Luda yān wà bè: Mé sādāri lé, sāanɔ ɛ fāakɔa. <sup>28</sup> Mɔde ma fɛɛna gɛɛra mé dɔare aɛ gana Galili. <sup>29</sup> Ben Pita bènɛ: Baa tó aɔ fù n̄ píngi, mé furo. <sup>30</sup> Ben Yesu bènɛ: Yāpuraan mɛɛ oonɛ, gwāavīa ai koo gɔ gá lé zu gɛn plaa, né lé sémazi gɛn aagɔ. <sup>31</sup> Ben Pita bè māmamm: Baa tó mé gà mà ganyo, mé lé sénzi zikiro. Ben aɔɔ ɔ lɛ se n̄ píngi.

*Yesu aduakɛna zaa Gɛtɛsɛmani  
(Mat 26:36-46, Luk 22:39-46)*

<sup>32</sup> Aɔ kà guu kɛ wɛ be Gɛtɛsɛmani, ben Yesu bè a ìbanɔnɛ: À vɛɛ kɛ ai mà gá adua kɛ. <sup>33</sup> À Pita kɔn Yemisio kɔn Yohanao sɛ à gāańyo. Sósobi à kũ à nɔsɛyɔgɔ s̄i. <sup>34</sup> Ben à bènɛ: Ma pɔɔ sia kù maamaa ai gaa lézĩ. À zɛ kɛ à it̄ɛ ke. <sup>35</sup> Kɛ à gāa aɛ féte, ben à kùɛ tɔɔte à adua kɛ tó eé sí kɛ, gurɔ zaka pì gɛtɛala. <sup>36</sup> À bè: Baa, ma De, baabɔ píngi ɛ sí kɛnɛ. N̄ togo'i kɛ

síma, mɔde èe kɛ yā kè má yezinlo, sé kè n̄ yezi. <sup>37</sup> Ben à liara à sù à a ìbano lè, aɔɔe ii oo. Ben à bè Pitane: Simɔ, née ii oon yó? Née fɔ n̄ itē kè baa awa doroo? <sup>38</sup> À itē kɛ àgɔ adua kɛ le àton fu yɔagwanaaro yānzi. Ninii yezi, mɔde mè buse. <sup>39</sup> À liara à gà adua kɛ, ben à yā dɔnkɔ pì ò dɔ. <sup>40</sup> Kè à liara à sù à n̄ lé, aɔɔe ii oo, zaake aɔɔe imioo dɛdɛɛ. Aɔ dɔ dian weé yā onɛ nàro. <sup>41</sup> À suna gèn aagɔdeeo à bènnɛ: Ée ii oo, ée kámma boo ai tian yó? À mò le. Gurɔ kà sa. À gwa, wà Gbēntee Né kpà durunkerinɔ. <sup>42</sup> À fɛɛ wà gá. Gbē kè ma kpańma pì e mɔɔ fá.

*Yesu kūna  
(Mat 26:47-56, Luk 22:47-53, Yoh 18:3-12)*

<sup>43</sup> Kè à kpé èe yā pì oo, ben Yudasi à gɔɔn kuri awɛɛplaaano doke mò kɔn pariiio, aɔɔ fɛɛdaano kúkūna kɔn gònɔ. Aɔ bɔ sa'orikinɔ kɔn ludayādannerinɔ kɔn gbēnsinɔ kiia. <sup>44</sup> Bɔnkɛɛdee pì sɔ sèeda ònnɛ à bè: Gbē kè mé lé péa, àmbe gwe. À à kú gbāa à táo. <sup>45</sup> Ben à m̀ pè Yesua gɔɔ à bènnɛ: Rabi! Ben à lé péa. <sup>46</sup> Ben wà ɔ pèe Yesua wà à kù gínjin. <sup>47</sup> Ben gbē kè aɔɔ zena gweenɔ doke a fɛɛdaa wòto à sa'oriki ìsi z̀iri ke lèo à à swā gò. <sup>48</sup> Ben Yesu bènnɛ: Kpāi wéedewen ma ũ, kè a mɔ à ma kú kɔn fɛɛdaano kɔn gònɔɔ? <sup>49</sup> Mɛègɔ kúao Luda ua lán guu e dɔɔ nà, mɛègɔ yā daaare, ée ma kuro. Mɔde sé yā kè wà kè Luda yān papa. <sup>50</sup> Ben à ìbano bàa lè n̄ pínji aɔ à tòn.

<sup>51</sup> Gɔkpare kee tézi à póke danaro, táaru bisan à kùala. Kè wà à kù, <sup>52</sup> ben à b̀ n̄ ɔzĩ à a bisa tònnɛ gwe à bàa s̀i à tà bũ.

*Yuda gbāadeenɔ yákpækɛna kɔn Yesuo  
(Mat 26:57-68, Luk 22:54-55, 63-71, Yoh 18:13-14, 19-24)*

<sup>53</sup> Ben aɔ gà Yesuo sa'oriki ìsi be. Sa'orikinɔ kɔn gbēnsinɔ kɔn ludayādannerinɔ kàkɔa gwe n̄ pínji. <sup>54</sup> Pita té à kɛɛ káaa ai à gà à gè sa'oriki ìsi be ua guu. À vɛɛ gwe, èe té kpákpa kɔn dogarinɔ lɛdo. <sup>55</sup> Sa'orikinɔ kɔn Yuda yákpækɛrinɔ n̄ pínji e sèeda wɛɛɛ Yesuzi wà à dɛ, ben aɔɔe ero. <sup>56</sup> Wà egɛyā didia pari, mɔde aɔ yákee e kɔ séro. <sup>57</sup> Ben gbēkenɔ fɛɛ wà egɛyā didia wà bè: <sup>58</sup> Wá mà à bè é Luda kpé kè gbēntee b̀ wí é à pānde bo gurɔ aagɔɔ dagura kè gbēntee e boro. <sup>59</sup> Baa kɔn beeeo aɔ yā e kɔ séro. <sup>60</sup> Ben sa'oriki ìsi fɛɛ à zè n̄ aɛ à Yesu gbèka: N̄ yáke v̄i n̄ weńlaroo? Yā kè wèè didiimmaa kè dɛ diaa? <sup>61</sup> Yesu yĩte kpé èe yáke weàlaro, ben sa'oriki ìsi pì èara à à gbèka: M̀be Mɛsaya, Luda Aubarikade Né ũs? <sup>62</sup> Ben Yesu bè: Mámbe à ũ. É Gbēntee Né e vɛɛna Gbāapingide ɔplaazi, bensɔ é à suna e ludambe luguun. <sup>63</sup> Ben sa'oriki ìsi pì a utanɔ gà à kè à bè: À kè dia wée sèedade pānde kenɔ wɛɛɛ dɔee? <sup>64</sup> Á mà lán à dɔkè Ludao nà. Yā kpāreen a zɛo tiaa? Ben aɔ yā dààla n̄ pínji aɔ bè wà à dɛ. <sup>65</sup> Ben gbēkenɔ fɛɛ wà lóu s̀ua. Ben wà pó yìne à uua, wèè à lélɛɛ ɔkũo wèè beens: N̄ annabikɛyā o n̄ gbē kè n̄ lɛɛ o. Ben dogarinɔ à kù aɔ à swān kèkɛ.

*Pita lésɛna Yesuzi  
(Mat 26:69-75, Luk 22:56-62, Yoh 18:15-18, 25-27)*

<sup>66</sup> Pita kú ua guu gĩzĩ, ben sa'oriki ìsi z̀onkparɛnɔ doke mò gwe. <sup>67</sup> Kè à Pita è èe té kpákpa, ben à wéɛ péa à bènnɛ: Mpi sɔ nɛègɔ kú lɛdo kɔn Yesu Nazaretiomɛ. <sup>68</sup> Ben à lé sè à bè: Má à d̄ro, mée yā kè née oo d̄ro d̄ro. Ben à fɛɛ à gè gānun. <sup>69</sup> Kè z̀onkpare pì à è gwe dɔ, ben à ò gbē kè aɔɔ zena gweenɔne à bè: Aɔ gbē mèn doon yè. <sup>70</sup> Ben Pita lé sè dɔ. Kè à kè saa féte, gbē kè aɔɔ zena gweenɔ bè Pitane: Yápuramɛ aɔ gbē doon n̄ ũ, zaake Galili gbēn n̄ ũ. <sup>71</sup> Ben à fɛɛ à e a zĩnda kà à la dà à bè: Má gbē kè ée à yā oo pì d̄ro. <sup>72</sup> Zaa gwe gɔɔn koo lé gèn plaadee z̀u, ben yā kè Yesu ò d̀ Pitán, kè à bè, ai koo gɔ gá lé zu gèn plaa, éé lé séazi gèn aagɔ. Ben à nà ɔɔdɔnaa.

# 15

## *Pilati yákpækéna kǝn Yesuo*

*(Mat 27:1-2, Luk 23:1-5, Yoh 18:28-38)*

<sup>1</sup> Kè guu dǝ gǝ sa'orikinǝ kǝn gbēnsinǝ kǝn ludayādannerinǝ kǝn gbāadeenǝ n píngi yā gǝgǝ, ben aǝ Yesu yì aǝ gàa wà à nà Pilatinε a ɔzǝ. <sup>2</sup> Ben Pilati à là à bè: Mbe Yudanǝ kína ús? Yesu wèàla à bè: Len n ò le. <sup>3</sup> Sa'orikinǝ e yā didiia, <sup>4</sup> ben Pilati à là dǝ: Né yáke oroo? Yā kè wèe didiimmaa ma fá! <sup>5</sup> Mǝde Yesu e yáke wenlaro, ben yā pì bǝ Pilati saε.

## *Yadana Yesula*

*(Mat 27:15-26, Luk 23:13-25, Yoh 18:39-19:16)*

<sup>6</sup> Banla zǝbaa zǝ wè pisinanǝ doke kè gbēnǝ à wéε kè gbareńne. <sup>7</sup> Gurǝ mǝa sǝ gbēkee kú kpésiaan wè be Baraba. À kú kǝn gbē gaabudee kè aǝ gbē dènǝ. <sup>8</sup> Ben parii sǝ Pilatizi aǝ wéε kèa à ke lán è keńne nà. <sup>9</sup> Ben Pilati n lá à bè: Á yezi mà Yudanǝ kína gbarearen yǝ? <sup>10</sup> Zaake à dǝ kè nǝsegǝaanǝ kè sa'orikinǝ vǝ kǝn Yesuo yánzin wà à kpàawazi. <sup>11</sup> Ben sa'orikinǝ gbēnǝ làakari fεε, le aǝ o Pilatinε à Baraba gbareńne. <sup>12</sup> Ben Pilati n lá à bè: Bón á yezi mà ke kǝn gbē kè eè be Yudanǝ kínao tiaa? <sup>13</sup> Ben aǝ wii lè wà bè: N à pá lía! <sup>14</sup> Ben Pilati bèńne: À kè diaa? Bó dǝn à kè? Ben aǝ wii lè wà kàara wà bè: N à pá lía! <sup>15</sup> Pilati yezi à gbēnǝ pǝnnaa wete, ben à Baraba gbareńne. À Yesu kpà sozanǝ aǝ à gbē flǝo aǝ à pá lía.

## *Yesu fabona*

*(Mat 27:27-31, Yoh 19:2-3)*

<sup>16</sup> Ben soza pǝnǝ gǝao bǝsu gbēnsi pì be, ben aǝ n gǝli kǝkǝa píngi. <sup>17</sup> Aǝ gumusu tǝaa dǝne, ben aǝ lè fǝra tǝ aǝ kǝnε. <sup>18</sup> Ben aǝε i kpaaa wà bè: Fǝo Yudanǝ kína! <sup>19</sup> Aǝε à leε gǝo a mǝa aǝε lóu suua, aǝε kuεε n kosooa wèe mǝ síεεε. <sup>20</sup> Kè aǝ à fabò wà yǝa, ben aǝ gumusu tǝaa pì gǝàla aǝ à zǝnda pǝkǝsǝa dǝne. Ben aǝ bǝo wèe gaa à pá lía.

## *Yesu pana lía*

*(Mat 27:32-44, Luk 23:26-43, Yoh 19:17-27)*

<sup>21</sup> Kè aǝε gaa, Sireni gbē kè wè benε Simǝ bǝ lakutu kea èe suu wéte guu, ben aǝ gǝ nàa à Yesu líkpansé. Àmbe Alesanda kǝn Rufuo de ũ. <sup>22</sup> Ben aǝ gǝa Yesuo guu kè wè be Gǝgǝta kè bè mǝwatorokii. <sup>23</sup> Ben aǝ geepiwéε kè wà yǝkǝte kǝn εzεo dǝne, mǝde èe miro. <sup>24</sup> Kè aǝ à pá lía, ben aǝ à pǝkǝsǝanǝ kpàatete wà kǝε, ben aǝ kǝbankpe kè lán aǝ baade é sé nà. <sup>25</sup> Aǝ à pá lía mǝ kǝndomε. <sup>26</sup> Wà yā kè wà dia kè wà nà lía à mǝla wà bè:

Yudanǝ kína.

<sup>27</sup> Wà kpǝi wéedewenǝ pá lía à saε gwe dǝ gǝon plaa, gbē doo à ɔplaazi, gbē doo à ɔzezi.

<sup>28</sup> Len yā kè wà kè Luda yǝn pǝpa le kè wà bè: Wà à kǝkǝa kǝn dǝkerinǝ.

<sup>29</sup> Gbē kè aǝε gǝε zéla gweenǝ e n mǝ keε degǝdegǝ, aǝε à sǝsǝo wà bè: Ehé! Mmǝn kè n bè né Luda kpé wí n eara n bo gurǝ aagǝo daguran gweroo? <sup>30</sup> N n zǝnda mǝ sí n pita lía!

<sup>31</sup> Lemε dǝ sa'orikinǝ kǝn ludayādannerinǝ e à faboo le wà bè: À gbē pǝndenǝ mǝ sí, mǝde eé fǝ à a zǝnda mǝ síro. <sup>32</sup> Tó Mesaya, Isarailinǝ kína pita lía tia wà e, wé à náane ke. Ben gbē kè wà n pá lía ledoonǝ e à sǝsǝo dǝ.

## *Yesu gana*

*(Mat 27:45-46, Luk 23:44-49, Yoh 19:28-30)*

<sup>33</sup> Kè fǝanté kǝ mǝdangura, ben gusiaa dà bǝsu pǝla píngi ai fǝanté mǝ aagǝ. <sup>34</sup> Fǝanté mǝ aagǝn Yesu wii lè gbǝngbǝn à bè: Eloi, Eloi, lεma sabatani! Bee bè: Ma Luda, ma Luda, à kè dia n ma ton? <sup>35</sup> Kè gbē kè aǝ zεna gwe kenǝ yā pì mà, ben aǝ bè: À ma, èe Ilia sísii.

<sup>36</sup> Ben gbēke bàa lè à gǝa à sabo sè à dà geepiwé kpǝkpǝ guu, à fǝfǝ kapaa, ben à dǝ Yesunε à mǝ. Ben à bè: À ze gǝa wà gwa tó Ilia é mó à à pita. <sup>37</sup> Yesu wii gbāaa lè à wèndi tǝ. <sup>38</sup> Ben Luda kpé lábure kèkǝre plaa bǝna musu suna gǝzǝ. <sup>39</sup> Kè sozanǝ gbēnsi kè ze Yesu aε gwee

è lán à gà nà, ben à bè: Yápuramε Luda Nén gbě kè ũ. <sup>40</sup> Nɔgbě kenɔ kú gwe dɔ aɔɔe guu gwaa káaa. N tén Mariama Magadaleni kún kɔn Mariamao Yemisi Néngo kɔn Yusufuo da kɔn Salomeo. <sup>41</sup> Gurɔɔ kè Yesu kú Galili, aɔmbe aɔègɔ tézi wàgɔ à ïan ká. Nɔgbě pândeno kú gwe dɔ pari kè aɔ gào Yerusalemu lèdo.

*Yesu vīna*

*(Mat 27:57-61, Luk 23:50-56, Yoh 19:38-42)*

<sup>42</sup> Azuma zī uusie. Kè wèe kámmabogurɔ soru keε, <sup>43</sup> Yusufu Arimatea gbě m̀. Gbě tódeemε Yuda gbáadeenɔ té. Àmɔ sɔɔ e kpata kè b̀ Luda kiia dāa. À kùgbāaa kè à gàa Pilati kiia à Yesu gè gbèkaa. <sup>44</sup> Kè Pilati mà Yesu gīake à gà k̀, à b̀ à saε. Ben à sozanɔ gběnsi sisi à à là tó Yesu gà k̀. <sup>45</sup> Kè Pilati gběnsi yā pì mà, ben à Yusufu gbà zé à gè pì sé. <sup>46</sup> Ben Yusufu gàa à táaru bisa lù, ben à gàa à à gè pìta lía à bisa pì fífīa. À à dà gbèwεε kè wà s̀ mira ũu guu, ben à gbè gbèntē gbegere pà à tàta wèε pìlε. <sup>47</sup> Mariama Magadaleni kɔn Mariama Yusufu dao è gura kè wà Yesu gè pì dàen.

## 16

*Yesu fεna gaan*

*(Mat 28:1-8, Luk 24:1-12, Yoh 20:1-10)*

<sup>1</sup> Kámmabogurɔ yāanao uusie Mariama Magadaleni kɔn Mariama Yemisi dao kɔn Salomeo nósi gū nnaa lù, lε wà gá wà kú Yesu m̀. <sup>2</sup> Azumanεngo zī kɔngɔ idε'idε aɔ b̀ wèe gaa mira pì kiia. <sup>3</sup> Aɔ k̀ là zén wà bè: Dé bé eé gbè m̀ gbegere pà à guowe mira léa sɔɔ? <sup>4</sup> Zaake gbè pì bíta maamaa. Kè aɔ wéε sè wà gwà, ben aɔ è wà gbè pì gbegere pà wà guo mira pì léa. <sup>5</sup> Kè aɔ gè mirawεε pì guu, ben aɔ gɔkpare ke è vεna ɔplazi à utagyaba puraa dana. Ben aɔ kè g̀ri. <sup>6</sup> À bèñne: Àton ke g̀riro, Yesu Nazareti kè wà pà lían ée wetεeroo? À fεε, à kú k̀ero. À guu kè wà à dàen gwa, <sup>7</sup> é gá à o à ìbanɔne kɔn Pitao kè èe dɔɔñne aε gana Galili. Gwen aɔé à en lán à óñne nà. <sup>8</sup> Aɔɔe lugalugaa yā pì b̀ n saε, ben aɔ b̀ miran aɔ bàa lè. Aɔɔe yáke o gbèkenεro kè vīa n kú yānzi.

*Yesu b̀ à m̀na a ìbanɔzi*

*(Mat 28:9-20, Luk 24:13-49, Yoh 20:11-23, Zīr 1:6-8)*

<sup>9</sup> Kè Yesu fεε Azumanεngo zī kɔngɔ idε'idε, à a zīnda òɔɔa Mariama Magadaleninε káaku. Nɔgbě pì guun Yesu pè zīn m̀en swεεplaaanɔa. <sup>10</sup> Ben nɔgbě pì gàa à ò gbě kè aɔ kúo yāanɔne. Aɔ ǹse yakana wèe ɔɔ dɔɔ. <sup>11</sup> Kè aɔ mà kè Yesu kú wèndio ai nɔgbě pì à è wéεo, aɔɔe síro.

<sup>12</sup> Beeε gbera gurɔɔ kè n g̀ɔn plaaanɔɔ té zé guu aɔɔe gaa wéte guu, à b̀ à m̀nzi lán gbě pānde bà. <sup>13</sup> Kè aɔ liara wà s̀, aɔ ò gbě kpaaanɔne, m̀de aɔɔe n yā síro. <sup>14</sup> Zāazāa à b̀ à m̀ a ìba g̀ɔn kuri awεεdoonɔzi kè aɔɔe p̀ ɔblee. Ben à kp̀k̀nzi n swāgbāa yānzi, zaake aɔɔe à náanε kero bensɔ aɔɔe gbě kè aɔ à è kè à fεenɔ yā síro. <sup>15</sup> Ben à bèñne: À gá anduna gu p̀ngia à ma baaru nnaa kp̀a gbēnɔne n p̀ngi. <sup>16</sup> Gbě kè sì ben à batisi kè bé eé m̀sina e. Gbě kè èe sí s̀ro, yā é vεε adeea. <sup>17</sup> Gbě kè aɔ baaru pì sìnɔ yākenanɔn yè: Aɔégae zīnno gom̀ma kɔn ma tó, aɔégae yáke borii o. <sup>18</sup> Aɔé mlè sé kɔn ɔɔo. Baa tó aɔ sεwεε m̀, p̀ke é n lero. Aɔégae ɔ ke gyāreenɔa aɔ gbāa kú.

*Tana Yesuo ludambε*

*(Luk 24:50-53, Zīr 1:9-11)*

<sup>19</sup> Kè Dii Yesu yā óñne à yāa, ben Luda à sè à tào musu, ben à vèε Luda ɔplaazi. <sup>20</sup> Ben à ìba p̀nɔ gàa wà waazi kè gu p̀ngia. Dii zī kènyo à a yā kásāa pèε kɔn dabuyā kè tézinɔ.

## LUKU

### Baaru nnaa kè Luku kè

Yesu Kirisi ina 1:5-2:52  
 Yaaya Batisikeri waazikena 3:1-3:20  
 Yesu batisikena 3:21-4:13  
 Yesu yādannena Galili 4:14-9:50  
 Zaa Galili ai Yerusalemu 9:51-19:27  
 Yesu kuuna Yerusalemu 19:28-22:46  
 Yesu gana kōn à fεεnao 22:47-24:53

<sup>1</sup> Gbē paridee ɔ kpà, le wà yā kè kè wa té tōkē takada guu zéazea, <sup>2</sup> lán gbē kè aɔ de yā pì sèedadeenɔ ũ kōn a baarukparinɔ ɔwe nà zaa káaku. <sup>3</sup> Tia sa mapi sɔ, lán ma wéε tē yā pìnɔzi nà doodo zaa a daena, má è à maa mà kēnne zéazea, ma gbē bèede Tiofilu, <sup>4</sup> le ñ yā kè wà dānne sānsān dɔ.

#### *Malaika gīake à Yaaya Batisikeri ina yā ò*

<sup>5</sup> Yudea bùsu kí Herɔdu gurɔ sa'ori kee kuu, à tón Zakari. À kú Abia sa'orinɔ gāli guume. À naɔ tón Elizabeti, Aruna boriime dɔ. <sup>6</sup> Aɔ plaaa n pínghi maa Ludane. Aɔégɔ kuu taari sai, aɔ Dii doka kōn yā kè à dienɔ kūna. <sup>7</sup> Mɔde aɔ né vīro, zaake Elizabeti né pāaame, ben aɔ gɔɔn plaaa n pínghi zi kù.

<sup>8</sup> Gurɔ kè sa'ona kà n gālia, Zakari bé èe sa'ona Ludaa zīi kee. <sup>9</sup> Lán sa'ori pìnɔ è ke nà, aɔ kàbankpe kè, ben kàbankpe Zakari kù, le à gá tuaetiti kpata Dii kpén. <sup>10</sup> Tuaetitikpatagurɔ parii kākōa kpεεlea pínghi aɔɔe adua kee. <sup>11</sup> Ben Dii malaika bò à m̀zi à zè tuaetitikpataki ɔplazi. <sup>12</sup> Kè Zakari à è, à kè g̀ri, vīa à kù. <sup>13</sup> Ben malaika pì bène: Nton tó vīa n kūro Zakari. Luda n wéεke si, n naɔ Elizabeti é né i g̀gbē ũ, né tó kpáne Yaaya. <sup>14</sup> N pɔɔ é ke nna, né yāa dɔ, gbēnɔ é ponnaa ke à ina yā musu pari, <sup>15</sup> zaake eégɔ de Diine gbēnsi ũme. Eé wéε ke í gbāa ke miro, Luda Nini éégɔ kúa zaa à da gbεεemme. <sup>16</sup> Eé tó Isarailinɔ ae dɔ Dii n Ludaa pari, <sup>17</sup> eé dɔ Diine ae kōn Luda Nini gbāaa kè Ilia vī yāao. Eé tó denɔ lé ke do kōn n nēnɔ, eé tó swāyāmarisaideenɔ gbē maaanɔ ɔndɔɔ sé. Eé tó gbēnɔ gɔ kú soru guu Diine.

<sup>18</sup> Ben Zakari bè malaika pìne: Mé yā pì sānsān dɔ diame? Zaake mare zikūnan ma ũ, ben ma naɔ zi kù dɔ. <sup>19</sup> Ben malaika pì wèala à bè: Mámbe Gablieli ũ, meégɔ zena Luda aezi. Àmbe à ma zī mà yā pì onne mà baaru nnaa pì kpánne. <sup>20</sup> N ma, n néne é nae, né fɔ ñ yā oro ai yā pì gá keo, kè née ma yā kè eé ke a gurɔɔa síro yānzi. <sup>21</sup> Gurɔ m̀da sɔ wè Zakari dāa. À gikena Luda kpén b̀ n sae. <sup>22</sup> Kè à b̀, èe fɔ à yā ònyoro, ben wà d̀ kè à wéεgupu è Luda kpémme. Lán à néne nàe nà, ben èe yā ooñne kōn ɔɔo. <sup>23</sup> Kè Zakari sa'ogurɔ pàpa, ben à tà be. <sup>24</sup> Beee gbera à naɔ Elizabeti nò si, ben à a zīnda ùte ai mɔ sɔɔro à bè: <sup>25</sup> Dii yā kè kème, à ma wēnda gwà, à ma bɔ wín.

#### *Malaika gīake à Yesu ina yā ò*

<sup>26</sup> À mɔ swεedodee guu Luda malaika Gablieli zī Galili lakutu kè wè be Nazareti guu. <sup>27</sup> À g̀a nɔkpare lezii kè à tón Mariama kiia. À g̀kamma vī Dauda borii ũ. À tón Yusufu. <sup>28</sup> Kè malaika pì g̀ à kiia, à bène: Fɔɔ aubarikade! Dii kúnno. <sup>29</sup> Mariama bídi kè maamaa yā pì, à laasuu lè à bè: Ì beee mì de diame? <sup>30</sup> Ben malaika pì bène: Mariama, nton tó vīa n kūro, zaake Luda gbēke kēnneme.

<sup>31</sup> N ma! Né nò sí ñ né i g̀gbē ũ, né tó kpáne Yesu.

<sup>32</sup> Eégɔ de gbēnsi ũ,

weé à sísi Luda Musude Né.

Dii Luda é à kpá

à dezi Dauda kpatan,

<sup>33</sup> eégõ kí blee Yakubu boriinone gurõ píngi,

à kíblena égõ yāana vīro.

<sup>34</sup> Ben Mariama bè malaika pinε: Kè má gōgbē dō zikiro, beee é sí ke diame? <sup>35</sup> Malaika wèàla à bè:

Luda Nini é summa,

Luda Musude gbāaa é danla.

Beee yānzi né kè né ii pì kuuna égõ adona,

weé à sísi Luda Né.

<sup>36</sup> N danε Elizabeti négōgbē nòsina se a zikū guu. Nōgbē kè wà diε pāaa ũu pì kú kōn nò mō swεdooo tia. <sup>37</sup> Zaake Luda kiian baabō píngi è sí ken. <sup>38</sup> Ben Mariama bè: Dii zòblerin ma ũ. À kemε lán n̄ ò nà. Ben malaika pì tà à à tòn.

### *Mariama gana Elizabeti gwa*

<sup>39</sup> Gurō mōa Mariama fēε à gàa lakutu kè kú Yudea bùsu gusīsīdeen gōō. <sup>40</sup> À gàa Zakari bε, ben à ì kpá Elizabetia. <sup>41</sup> Kè Elizabeti Mariama ì pì mà, à né vī à gbεεε guu, ben Luda Nini sù Elizabetia, <sup>42</sup> à wii gbāaa lè à bè: Aubarikadeen n ũ de nōgbē píngila. Aubarikadeen né kè kú n gbεεεn ũ dō. <sup>43</sup> Bón ma ũ kè ma Dii da mò ma gwaa? <sup>44</sup> Gurō kè ma n ì mà dé, né kè kú ma gbεεεn vī kōn pōnnao. <sup>45</sup> Aubarikadeen n ũ, mmōn kè n yā kè Dii ònnε s̄i, kè eé ke.

### *Mariama Dii tó s̄ena lezī*

<sup>46</sup> Ben Mariama bè:

Mée Dii tó s̄εε lezī ma swè guu,

<sup>47</sup> ma pōō e keε nna Luda ma Misiria,

<sup>48</sup> zaake à ma yā dà,

mamōma à zòbleri kè mée ká póke lézīroo.

Zaa tia ai gurō píngi weé bemε aubarikadeemε,

<sup>49</sup> zaake Luda gbāade yā bíta kēmε.

À tó kú adona.

<sup>50</sup> È wēnda dō gbē kè aōè a vīa keεnōne ai n̄ boriia.

<sup>51</sup> À a gāsā pòro à a gbāaa òdōaínε,

à ìadārinō fāakōa kōn n̄ laasuunō.

<sup>52</sup> À gbāadeenō bō kpatan,

à talakanō sè lezī.

<sup>53</sup> À pó maaanō kpà nōaderinōa aō kà, mōde à òdeēnō gbàre òkori.

<sup>54</sup> À a zòbleri Isarailinō ìan ká, aō yā e s̄anlo.

<sup>55</sup> À wēnda dō Ibraínε kōn a borii pìnō lán à ò wa dezinōne nà.

<sup>56</sup> Mariama v̄εε kōn Elizabetio lán mō aagōō bà, ben à tà bε.

### *Yaaya Batisikeri ina*

<sup>57</sup> Elizabeti né'igurōō kà, ben à né ì gōgbē ũ. <sup>58</sup> Kè à fáandideenō kōn à danεnōō mà lán Dii wēnda dōnε nà, aō pōnnaa kèo. <sup>59</sup> À gurō s̄oraagōdee zī aō mò bāngu ke né pinε, le wà à de Zakari tó kpánε, <sup>60</sup> ben à da bè: Auo! Weé à sísi Yaayamε. <sup>61</sup> Aō bènε: Gbēkee kú n danεnō té kè à tó beee vīro. <sup>62</sup> Ben aō yā ò à denε kōn òōo, le wà dō dian à yezi wà tó kpánε nà.

<sup>63</sup> Zakari walaa gbèka, ben à k̄εa: À tón Yaaya. Yā pì bō n̄ sae n̄ píngi. <sup>64</sup> Gwe gōō à néné gùε,



à lé b̀ èe yā oo èe Luda sáabu kpaá. <sup>65</sup> Ben vĩa ń fáandideeǹ k̀ ń píngi, ben Yudea b̀usu gusĩsĩde gbẽ̀ǹ e yā p̀i t̀k̀k̀e ń píngi. <sup>66</sup> Ben gbẽ̀ k̀e aõ yā p̀i màǹ k̀una ń ǹsẽ guu wà b̀e: Bón ńe p̀i égõ de a ù ziaa? Zaakẽ Dii ̀ǹ ligazimẽ.

### *Zakari annabikẽyā'ona*

<sup>67</sup> Luda Nini s̀u à de Zakaria, ben à annabikẽyā ò à b̀e:

<sup>68</sup> Wà Dii Isarailiǹ Luda sáabu kpá!

À m̀ à a gbẽ̀ǹ b̀.

<sup>69</sup> À M̀siri gbãadee b̀we

a z̀b̀leri Dauda bori té,

<sup>70</sup> lán à ò a annabiǹ gāzĩ nà zaa g̀ikena.

<sup>71</sup> Aõ b̀e eé wa sí wa ibeẽǹa,

eé wa b̀ gbẽ̀ k̀e aõ z̀awaguu p̀iǹ ̀zĩ.

<sup>72</sup> Lemẽ à wa deziǹ wẽnda gwà lẽ,

à bà kuunańyo yā e sãnlo.

<sup>73</sup> À la dà wa dezi Ibraĩnẽ

<sup>74</sup> à b̀e é wa b̀ wa ibeẽǹ ̀zĩ,

é wa gba zé wà d̀azi vĩa sai,

<sup>75</sup> lẽ wa kuuna gõnẽ adona gbẽ̀ maaaǹ ù

ai wa wẽndi lén.

<sup>76</sup> Mpi s̀ ma né,

weé n sísi Luda Musude annabi,

zaakẽ m̀be né d̀ Diinẽ aẽ ǹ zé kekẽnẽ.

<sup>77</sup> Né tó à gbẽ̀ǹ d̀ lán eé ń m̀ sí nà,

lán eé ń durunǹ kẽńnẽ nà.

<sup>78</sup> Zaakẽ wa Ludaa s̀u vĩ,

b̀na musu eé m̀ wa gwa lán gud̀na bà,

<sup>79</sup> lẽ à guu pu gbẽ̀ k̀e aõ kú gusiaa guuǹnẽ

k̀n gbẽ̀ k̀e aõ kú gaa lézĩǹ,

lẽ à wa gbá da aafia zén.

<sup>80</sup> Né p̀i bíta k̀ à g̀ kãgbãadee ù. A kú gbáan ai gur̀ k̀ à b̀ Isarailiǹnẽ gupuraa.

## 2

### *Yesu Kirisi ina* (Mat 1:18-25)

<sup>1</sup> Gur̀ m̀da Siza Ogõsutu b̀ k̀n yāo à b̀e wà a b̀usu gbẽ̀ǹ naro ń píngi. <sup>2</sup> Naronã káaku k̀e wà k̀en gwe gur̀ k̀e Kiriniu de Siria b̀usu gbẽ̀nsi ù. <sup>3</sup> Baade píngi g̀a a bẽ wéte lẽ wà à tó da takadan. <sup>4</sup> Yusufu s̀ b̀ Nazarẽti, Galili b̀sun à g̀a Dauda bẽ lakutu Betelemu, Yudea b̀sun, k̀e à de Dauda borii ù yãnzĩ. <sup>5</sup> À g̀a lẽ wà à tó da takadan gwe k̀n a ǹkpamma Mariama k̀e ǹsinao, <sup>6</sup> ben gur̀ k̀e aõ kú gwe, à né'igur̀ k̀a, <sup>7</sup> ben à a né daudu ì. À bisa fifia à à dàe p̀kãdeẽǹ p̀bleb̀n, k̀e aõe guu e nib̀ǹ pitakiiaro yãnzĩ.

<sup>8</sup> Sãdãriǹ kú b̀usu d̀nkõ p̀i guu, aõe ii s̀te aõe ń sãaǹ dãkpaá gwãavĩ. <sup>9</sup> Ben Dii malaika b̀ à m̀nzĩ, Dii gakui guu p̀ à ligãnzĩ, ben vĩa ń kú maamaa. <sup>10</sup> Malaika p̀i b̀nẽn:

Àton tó vĩa a k̀uro, zaakẽ ma m̀ mà baaru nnaa kpáareme, gbẽ̀ píngi p̀ e k̀e nna maamaa.

<sup>11</sup> Wà M̀siri ìare Dauda wéten gwãavĩa, àmbe Mesaya ù Dii ù. <sup>12</sup> Sèeda k̀e eé tó à à d̀on yè:

É nékpãntẽ e daena p̀kãdeẽǹ p̀bleb̀n, bisa fifia. <sup>13</sup> Kãndo ludambẽ z̀kpẽǹ kú k̀n malaika p̀io lèdo paripari, aõe Luda sáabu kpaá wà b̀e:

<sup>14</sup> Wà Luda tó b̀ zaa musu,

gbẽ̀ k̀e aõ yā k̀en nnaaǹ aafia e t̀t̀tea.

<sup>15</sup> Kè malaika pìno gùnlá aǎ tà ludambe, ben sǎdǎrinɔɔ bèkɔne: Wà gá Betelému, le wà yǎ kè kè pì e, yǎ kè Dii tò wá dǎ. <sup>16</sup> Ben aǎ fɛe wà gàa kpakpaa aǎ bɔ Mariama kɔn Yusufuoa kɔn nékpántɛ pìo daena pókádeenɔ pòblebɔn. <sup>17</sup> Kè aǎ à è, aǎ yǎ kè wà ònne né pì musu ò. <sup>18</sup> Ben yǎ kè sǎdǎrinɔɔ ò pì bɔ gbɛ kè aǎo mànɔ sae nì pìngi. <sup>19</sup> Mariama yǎ pì kùna a nòse guu pìngi èe laasuu leea. <sup>20</sup> Sǎdǎrinɔɔ liara wà tà, aǎo Luda tó sɛe lezì aǎo à sáabu kpaa yǎ kè aǎo mà ben aǎo è yǎnzi, zaake à kè lán wà ònne nà.

### *Tɔkpána Yesune*

<sup>21</sup> À gurɔ sɔraagɔdee zì né bǎngukegurɔɔ kà, ben wà tó kpàne Yesu, tó kè malaika ò zaale wèe à nò síroo.

### *Yesu ɔɔana Diine*

<sup>22</sup> Kè aǎ gbǎsìbɔgurɔɔ kà, aǎ à sè wà gàa à ɔɔa Diine Yerusalemu lán Musa doka ò nà. <sup>23</sup> Zaake à kú Dii doka takadan wà bè, wà daudunɔ kpá Diia. <sup>24</sup> Aǎ sa'opɔ kè wà diè Dii doka takadan kpà, wà bè pɔtɛe mèn plaaa ke lukulukune bɔro mèn plaa.

<sup>25</sup> Gbɛkee kú Yerusalemu à tón Simeɔ. Gbɛ maaame, à Luda vīa vī à wée dɔ Isarailinɔ mìnazi. Luda Ninii kúa, <sup>26</sup> ben à bène eé ga Dii gbɛ kè wè be Mesaya ena sairo. <sup>27</sup> Luda Nini dònne ae, ben à gè Luda ua guu. Kè Mariama kɔn Yusufuo mò kɔn nì né Yesuo yǎ kè wà diè doka takadan kena yǎnzi, <sup>28</sup> ben Simeɔ à sì a ɔzì à Luda sáabu kpà à bè:

<sup>29</sup> Ñ mamɔma n zòbleri gbare aafia guu sa

lán nì òme nà Dii,

<sup>30</sup> zaake ma wée sì Mìsiri kè nì dièe,

<sup>31</sup> kè n à yǎ kèke bori pìngi wáa.

<sup>32</sup> Eégɔ de gupuraa ũ le à guu pu bori pǎndenɔne

à n gbɛ Isarailinɔ tó sé lezì.

<sup>33</sup> Yǎ kè à ò né pì musu bɔ à de kɔn à dao sae. <sup>34-35</sup> Simeɔ sa maaa ònne, ben à bè né pì da Mariamanɛ:

Àmbe eégɔ de sèeda kè Isarailinɔ é gízi ũ,

pɔsiaa é n swè zò lán fèedaa bà.

Isaraili kenɔ é kaate aǎ kenɔ é mìnina e à gǎzì,

aǎ nòse guu yǎ é bɔ gupuraa.

<sup>36</sup> Nɔgbɛ annabi kee kú gwe à tón Ana, Fanuɛli né, Asa boriime. Nɔgbɛ pì zi kù kótokoto. À zǎ kè kɔn a gɔkpammao wè swɛeplaa, <sup>37</sup> ben à gò gyaanɔ ũ ai wè basiigɔ awɛesiigɔ. È bɔ Luda uaro, ègɔ dɔɔ Ludazi fáantɛ kɔn gwǎavĩo kɔn léyinao kɔn aduakɛnao. <sup>38</sup> Zì beee a gɔɔ à sòñzi, à Luda sáabu kpà, èe né pì yǎ oo gbɛ kè aǎ wée dɔ Yerusalemu bɔnazinɔne nì pìngi.

### *Liara tana Nazareti*

<sup>39</sup> Kè Yusufu kɔn Mariamao kè lán à kú Dii doka takadan nà pìngi wà yǎa, aǎ liara wà tà nì be wéte Nazareti, Galili busun. <sup>40</sup> Né pì fɛe à gbǎa kù. Ìndɔ m̀a, ègɔ kú kɔn Luda aubarikao.

### *Yesu gana Luda ua a néngo zì*

<sup>41</sup> Wè kɔn wèo Yesu de kɔn à dao è gá Banla zìbaa ke Yerusalemume. <sup>42</sup> Kè Yesu kà wè kuri awɛeplaa, aǎ liara wà gàa zìbaa ke lán aǎe ke nà. <sup>43</sup> Kè zìbaa yǎa, aǎo taa, ben aǎ né Yesu gò Yerusalemu, aǎo à yǎ dǎro. <sup>44</sup> Aǎo daa à kú nì gbènɔ téme. Kè aǎ tǎa ò gurɔ do, ben aǎo à wetee nì danenɔ kɔn nì gbɛ dǎnanɔ té. <sup>45</sup> Kè aǎo à ero, aǎ liara wà gàa à wetee Yerusalemu.

<sup>46</sup> À gurɔ aagɔdee zì aǎ à è Luda ua guu vɛena yǎdannerinɔ té, èe swǎ kpaa nì yǎzi, èe yǎ lalaamáma. <sup>47</sup> À yǎ dǎna kɔn à yǎwenlanao bɔ gbɛ kè aǎo à yǎ maanɔ sae nì pìngi. <sup>48</sup> Kè à de kɔn à dao à è, à bɔ nì sae, ben à da bène: Bóyǎnzi nì kèwe lezi? N de kɔn mapio bídi kè n wetena yǎnzi. <sup>49</sup> À wènlá à bè: À kè dia ée ma wetee? Á dǎ kè à kò sio mà a De bókòte kenloo?

<sup>50</sup> M̀ode aǎo yǎ kè à ònne pì d̀ro dǎro.

<sup>51</sup> Yesu liara à tànyo Nazareti à n̄ yā mà. À da yā p̄n̄o k̄na a n̄se guu p̄ngi. <sup>52</sup> Yesu b̄ita k̄, à ̄nd̄o k̄ara à nna k̄n̄ Ludao k̄n̄ gb̄enteen̄o.

### 3

*Yaaya Batisikeri waazikena*  
(*Mat 3:1-12, Maa 1:1-8, Yoh 1:19-28*)

<sup>1</sup> Siza Tiberia k̄blena w̄e ḡeroodee guu P̄ntiu Pilatin Yudea b̄usu gb̄ensi ũ, Her̄odu e kí blee Galili, à v̄i Filipi e kí blee Iturea b̄usun k̄n̄ Tarak̄niti b̄usuo, Lisania s̄o e kí blee Abilene b̄usun. <sup>2</sup> Anasa k̄n̄ Kayafaon sa'orikin̄o ũ. Gur̄o m̄o Luda yā ò Zakari né Yaayane gb̄aan. <sup>3</sup> Ben à f̄e è ligaa Yoda baa k̄a kpa k̄n̄ baa k̄e kpaaazi p̄ngi, è waazi kee gb̄en̄o. À òn̄e ā n̄ n̄se lie āo batisi ke, Luda é n̄ durunn̄o k̄é̄n̄e. <sup>4</sup> Lán à kú annabi Isaya takada guu nà à bè:

À baarukpari k̄oto ma ò gb̄aan,  
èe bee à zé keke Diine,  
à zé w̄ew̄en̄o porone s̄usu.

<sup>5</sup> Guzure p̄ngi é tata,  
kpiiin̄o k̄n̄ s̄is̄in̄o é dae p̄ngi.  
Zé kotinan̄o é poro s̄usu,  
zé wok̄wok̄un̄o é kpak̄s̄s̄,

<sup>6</sup> gb̄e s̄anda p̄ngi é e lán Luda è n̄ m̄i sí nà.

<sup>7</sup> Gb̄en̄o èḡo m̄o à kiia pari āo batisi ke, ben è bēn̄e: Gb̄entee pitigoon̄o! Dé bé à lé dàawa à bàa sí p̄f̄e k̄e Luda é pitām̄ane? <sup>8</sup> À n̄seliēna yā ke, weéḡo d̄o k̄e a lie. K̄e Ibraī de a dezi ũ, àtonḡo daa k̄e beee bé eé a b̄oro. M̄eē ooare, Luda é f̄s̄ à gb̄e k̄en̄o ke Ibraī boriin̄o ũ.

<sup>9</sup> Kp̄asa diēna l̄n̄zi k̄o. Luda é lí k̄e è né maaa iroo z̄s̄ à zu té guu.

<sup>10</sup> Gb̄en̄o à là wà bè: Tó lem̄e, wé ke diam̄e? <sup>11</sup> À w̄en̄la à bè: Gb̄e k̄e uta v̄i m̄en̄ plaaa à à doo kp̄a gb̄e k̄e v̄irooa. Gb̄e k̄e p̄oble v̄i à ke le ò. <sup>12</sup> Be'̄ōsirin̄o m̄o batisi ke, ben āo à là wà bè: Dann̄eri, wé ke diam̄e? <sup>13</sup> À w̄en̄la à bè: Àton be'̄ō s̄im̄ma de lán wà diē n̄l̄aro. <sup>14</sup> Sozan̄o à là: Wap̄in̄o s̄o, wé ke diam̄e? À bè̄n̄e: Àton gb̄aaa m̄o gb̄en̄o è n̄ b̄lero. À ze k̄n̄ f̄ia k̄e w̄e boareeo.

<sup>15</sup> Gb̄en̄o t̄amaa e kaara. Baade p̄ngi e laasuu lee a n̄se guu Yaaya yā, tó àmbe Mesaya ũ. <sup>16</sup> Yaaya bè̄n̄e n̄ p̄ngi: M̄eē a batisi ke k̄n̄ íom̄e, m̄ode gb̄eke é m̄o à gb̄aaa demala, m̄eē ká mà à kyatee b̄ob̄on̄ero. Àmbe eé a batisi ke k̄n̄ Luda Ninio k̄n̄ téo. <sup>17</sup> À gbaka k̄na k̄e eé p̄o f̄ao. Eé p̄w̄ee ká a d̄n̄, eé à s̄ako ká té k̄e è garoo guu. <sup>18</sup> Yaaya baaru nna kp̄ann̄ena guu à n̄ak̄r̄em̄ma k̄n̄ yā p̄anden̄o pari. <sup>19</sup> Ben à kp̄ak̄e kí Her̄oduzi a v̄i nāo Her̄odia yā musu k̄n̄ yā zaa p̄ande k̄e à k̄en̄o p̄ngi, <sup>20</sup> ben Her̄odu èara à yā zaaa k̄e ò, à Yaaya dà kp̄esiaan.

*Yesu batisikena*  
(*Mat 3:13-17, Maa 1:9-11*)

<sup>21</sup> K̄e Yaaya e gb̄en̄o batisi kee n̄ p̄ngi, à Yesu batisi k̄e se. Gur̄o k̄e Yesu e adua kee, ludamb̄ee w̄ek̄sa, <sup>22</sup> ben Luda Nini s̄ua, à de lán p̄t̄eè bà. Ben à k̄oto mà b̄ona ludamb̄e à bè: M̄be ma Né m̄en̄ do léle yenzidee ũ, k̄e ma p̄o n̄namma maamaa.

*Yesu bori b̄ozia*  
(*Mat 1:1-17*)

<sup>23</sup> Gur̄o k̄e Yesu nà a z̄ia, à kà w̄e baaakuri taka. W̄e daa Yusufu né'iname.  
Yusufu s̄o Eli néme,  
<sup>24</sup> Eli s̄o Matata néme,  
Matata s̄o Levi néme,  
Levi s̄o Meleki néme,

Meleki s̄ Yanai néme,  
<sup>25</sup> Yanai s̄ Yusufu néme,  
 Yusufu s̄ Matatia néme,  
 Matatia s̄ Amosi néme,  
 Amosi s̄ Naumu néme,  
 Naumu s̄ Eseli néme,  
 Eseli s̄ Nagai néme,  
<sup>26</sup> Nagai s̄ Maata néme,  
 Maata s̄ Matatia néme,  
 Matatia s̄ Semei néme,  
 Semei s̄ Yosēki néme,  
 Yosēki s̄ Yoda néme,  
 Yoda s̄ Yoanana néme,  
<sup>27</sup> Yoanana s̄ Resa néme,  
 Resa s̄ Zerubabeli néme,  
 Zerubabeli s̄ Sealatieli néme,  
 Sealatieli s̄ Neri néme,  
 Neri s̄ Meleki néme,  
<sup>28</sup> Meleki s̄ Adi néme,  
 Adi s̄ Kosamu néme,  
 Kosamu s̄ Elemadamu néme,  
 Elemadamu s̄ Ee néme,  
 Ee s̄ Yosua néme,  
<sup>29</sup> Yosua s̄ Elieza néme,  
 Elieza s̄ Yorimu néme,  
 Yorimu s̄ Matata néme,  
 Matata s̄ Levi néme,  
 Levi s̄ Simēo néme,  
<sup>30</sup> Simēo s̄ Yuda néme,  
 Yuda s̄ Yusufu néme,  
 Yusufu s̄ Yonamu néme,  
 Yonamu s̄ Eliakimu néme,  
 Eliakimu s̄ Melea néme,  
<sup>31</sup> Melea s̄ Mena néme,  
 Mena s̄ Matata néme,  
 Matata s̄ Natā néme,  
 Natā s̄ Dauda néme,  
 Dauda s̄ Yese néme,  
<sup>32</sup> Yese s̄ Ōbedi néme,  
 Ōbedi s̄ Baza néme,  
 Baza s̄ Salamō néme,  
 Salamō s̄ Nasō néme,  
 Nasō s̄ Aminadabu néme,  
<sup>33</sup> Aminadabu s̄ Ramu néme,  
 Ramu s̄ Ezerōnu néme,  
 Ezerōnu s̄ Perezī néme,  
 Perezī s̄ Yuda néme,  
 Yuda s̄ Yakubu néme,  
<sup>34</sup> Yakubu s̄ Isaaku néme,  
 Isaaku s̄ Ibraī néme,  
 Ibraī s̄ Tera néme,  
 Tera s̄ Nao néme,  
 Nao s̄ Serugu néme,  
<sup>35</sup> Serugu s̄ Reu néme,  
 Reu s̄ Pelegi néme,



<sup>20</sup> Ben à takada pì kòko à kpà dɔnlɛria à vɛɛ. Gbɛ̀ kɛ̀ aɔ̀ kú kpé guunɔ̀ wéɛ fīa ń pínɡi. <sup>21</sup> Ben à nà yá'onnɛnaa à bè: Luda yá kè pàpa gbáa lán ée maa nà. <sup>22</sup> Yá maaa kè da à lén b̀ ń sae ń pínɡi, aɔ̀ɛ à tó nnaa sii wà bè: Yusuƒu nén yèroo?

<sup>23</sup> Ben à bènnɛ: Má dɔ̀ sánsán kè é yáasi kè zumɛ. Tó m̀be likita ũ, ǹ n zĩnda kɛ̀kɔ̀a. É beme mà yá kè á mà má kè zaa Kapɛnamu kɛ ma be wéte guu kè dɔ. <sup>24</sup> Yáƒuraan méɛ ooare, annabi ègɔ̀ b̀ɛ vī a be wéte guuro. <sup>25</sup> Mée ooare yáƒura, kè ludambe zé tãta Iliã gurɔ̀, gyaanɔ̀ɔ̀ pari. Lou e maro ai wè aagɔ̀ kɔ̀n m̀ swɛɛdoo, ben dekaa bíta kà Isarailinɔ̀ b̀sun pínɡi, <sup>26</sup> m̀de Luda e Iliã zĩ ń gbɛ̀kearo, sé gyaanɔ̀ kè kú Zarɛfa, Sidɔ̀ sae. <sup>27</sup> Annabi Elisa gurɔ̀ sɔ̀, Isarailinɔ̀ b̀sun kusunɔ̀ dimme, m̀de èe ń gbɛ̀ke kɛ̀kɔ̀aro, sé Siria b̀su gbɛ̀ Naama.

<sup>28</sup> Kè gbɛ̀ kè aɔ̀ kú aduakɛkpɛ guunɔ̀ yá pì mà, aɔ̀ fè maamaa ń pínɡi. <sup>29</sup> Ben aɔ̀ b̀ kɔ̀n Yesuo wéte kpɛɛ aɔ̀ g̀ao s̀sĩ kè ń wéte káɛa g̀oroa, lɛ wà ɔ̀ sɔ̀zi à lée à sín yãnzĩ. <sup>30</sup> Ben à b̀ ń tɛ̀ à tà.

*Yesu zĩnde kɛ̀kɔ̀ana Kapɛnamu  
(Maa 1:21-28)*

<sup>31</sup> Yesu tà Kapɛnamu, Galili b̀sun, ben èe yá daánnɛ kámmabogurɔ̀ zĩ. <sup>32</sup> À yádannɛna b̀ ń sae, zaake à yá iko vī. <sup>33</sup> Gɔ̀gbɛ̀ zĩnde kee kú aduakɛkpen gwe, ben à wii gbáaa lè à bè: <sup>34</sup> Á'a! Bón wá vī kɔ̀ ɔ̀zĩ, Yesu Nazareti? N m̀ ǹ wa kaaten yó? Má dɔ̀ gbɛ̀ kè ń de a ũ, m̀be Luda gbɛ̀ kè kú adona ũ. <sup>35</sup> Ben Yesu g̀ zĩn pìnɛ à bè: N̄ yĩte! N̄ go gɔ̀gbɛ̀ pìã. Ben zĩn pì gɔ̀gbɛ̀ pì pàɛ gbɛ̀nɔ̀ tɛ̀ à g̀ò, èe à kɛ̀nnaro. <sup>36</sup> Gbɛ̀nɔ̀ bídi kè ń pínɡi, aɔ̀ɛ kɔ̀ lalaa: Bó taka bori yãn gwee? È yá da zĩnnɔ̀nɛ kɔ̀n iko gbáaa, ben aɔ̀ gońma. <sup>37</sup> Ben à tó dà b̀su pìla pínɡi.

*Gyãreenɔ̀ kɛ̀kɔ̀ana pari  
(Mat 8:14-17, Maa 1:29-34)*

<sup>38</sup> Kè à b̀ aduakɛkpen, ben à tà Simɔ̀ be. Simɔ̀ naɔ̀ daa e m̀wãaa kɛɛ maamaa, ben wà à yá ònɛ. <sup>39</sup> Yesu zèàla à g̀ m̀wãaa pìnɛ, ben à m̀ yĩ kù. Zaa gwe gɔ̀ à fɛɛ à pòblee kènnɛ.

<sup>40</sup> Kè ɔ̀fãntɛ̀ gè kpén, gbɛ̀ kè aɔ̀ gyãree vīinɔ̀ m̀ńyo Yesu kiia, ben à ɔ̀ kèke ń baadea à ń kɛ̀kɔ̀a kɔ̀n ń gyá bori sãnda pínɡio. <sup>41</sup> Zĩnnɔ̀ sɔ̀ e bɔ̀ gbɛ̀nɔ̀ guu kɔ̀n wiiio pari wà bè: M̀be Luda Né ũ. M̀de è gínne aɔ̀ yá o, kè aɔ̀ à dɔ̀ Mesaya ũ yãnzĩ.

*Yesu waazikɛna Galili  
(Maa 1:35-39)*

<sup>42</sup> Gukɛ̀kɔ̀ana Yesu b̀ wéte guu à g̀aa gusaɛ, ben gbɛ̀nɔ̀ e à wɛtɛɛ. Kè aɔ̀ b̀a, aɔ̀ yezi à ń tóro. <sup>43</sup> Ben à bènnɛ: Sé mà kpata kè b̀ Luda kiia baaru kpá wéte kpaaanɔ̀nɛ dɔ̀, zaake beee yãnzĩn Luda ma zĩzi. <sup>44</sup> Ben à g̀aa èe waazi kɛɛ Yudea b̀su aduakɛkpenɔ̀ guu.

## 5

*Yesu ìba káakunɔ̀ sisina  
(Mat 4:18-22, Maa 1:16-20)*

<sup>1</sup> Zĩkea Yesu zena Genɛsarɛti sèbe baa, ben gbɛ̀nɔ̀ kàkɔ̀azi pari lɛ wà Luda yá ma yãnzĩ, aɔ̀ɛ nakɔ̀rɛɛa. <sup>2</sup> Ben à g̀oro'ite è kaena baa m̀n plaa, sɔ̀rɔ̀kɔ̀nɔ̀ b̀ɛn aɔ̀ɛ ń táarunɔ̀ pipii. <sup>3</sup> Ben à gè g̀oro pìnɔ̀ doke guu kè de Simɔ̀ pó ũ, à wéɛ kèa à g̀oro pì yĩpa fète à gèo ín. Ben à vèɛ g̀oro pì guu à yá dà gbɛ̀nɔ̀nɛ.

<sup>4</sup> Kè à yá ò à yáa, ben à bè Simɔ̀nɛ: N̄ gá kɔ̀n g̀oro í lòn, à táaru zu, é kpò kù. <sup>5</sup> Simɔ̀ wèàla à bè: Danneri, wa zĩ kè ai guu g̀aa dɔ̀ wéɛ pòke kũro, m̀de lán ń ò nà, mé zu. <sup>6</sup> Kè aɔ̀ kè lɛ, aɔ̀ kpò kàkɔ̀a gídigidí ai aɔ̀ táarunɔ̀ yezi à kè. <sup>7</sup> Ben aɔ̀ ɔ̀ kè yáku ń g̀oro de daanɔ̀nɛ aɔ̀ mó wà ń ãan ká. Kè aɔ̀ m̀, aɔ̀ kpò kà g̀oro m̀n plaaa pìnɔ̀ guu à pà ai aɔ̀ yezi wà vlɛɛ. <sup>8</sup> Kè Simɔ̀ Pita è lɛ, à kùɛ Yesu gbá sae à bè: N̄ gu ma sae Dii, zaake durunkɛrin ma ũ. <sup>9</sup> Simɔ̀ bídi kè kɔ̀n

gbē kè aṣo kú lèdoonṣo ní pínghi kpò parii kè aṣo kù pì yānzi. <sup>10</sup> Leme do Yemisi kṣn Yohanao, Zebedi né kè aṣo de kṣ gbē ũ kṣn Simṣo bídi kè se. Ben Yesu bè Simṣe: Nton tó vīa n kūro. Zaa gbāa gbēnteen négṣ wεε. <sup>11</sup> Kè aṣ kà kṣn ní góroo baa, ben aṣ pó pínghi tòn wà tēzi.

### *Kusu kēkṣana*

*(Mat 8:1-4, Maa 1:40-45)*

<sup>12</sup> Zīkea Yesu kú wéte ke guu, ben gṣgbē kè kusu dààlaa mò. Kè à Yesu è, à dàe a puua à wée kèa à bè: Dii, tó ní yezi, né fṣ ò ma kēkṣa wásawasa. <sup>13</sup> Ben Yesu ṣò bṣ à kèa à bè: Má yezi, ò gṣ wásawasa. Zaa gwe gṣṣ à kusu yāa. <sup>14</sup> Ben Yesu bène: Nton o gbēke maro. N gá ò n zīnda ṣṣa sa'orine ò sa'opo kè Musa diε kpá n kēkṣana sèeda ũ gbēnṣe.

<sup>15</sup> Yesu baaru dàgula de yāala. Gbēnṣe è kakṣa pari wà à yā ma, le à ní kēkṣa kṣn ní gyāanṣo do. <sup>16</sup> Ben Yesu è bṣ ní té à gá adua ke gusae.

### *Gbē kaena kēkṣana*

*(Mat 9:1-8, Maa 2:1-12)*

<sup>17</sup> Zīkea Yesu e yā daañne. Farisi kenṣo kṣn ludayādanneri kenṣo vēena gwe. Aṣ bṣ Galili kṣn Yudea wétṣnṣo guu pínghi kṣn Yerusalemuo. Luda gbāaa kúo, ben èe gyāreenṣo kēkṣa. <sup>18</sup> Ben gbēkenṣo mò, aṣo gbē kaena sēna kṣn daebṣo, aṣoε zé wεteε wà gēo wà à diε Yesu ae. <sup>19</sup> Kè aṣoε gēkii ero parii yānzi, ben aṣ didio kpé musu, aṣ kpé fṣ, ben aṣ à pita kṣn à daebṣo zà guu Yesu ae. <sup>20</sup> Kè Yesu è aṣo a náane vī, à bè: Ma gbē, n durunṣo kēm̄ma. <sup>21</sup> Ludayādannerinṣo kṣn Farisi pìnṣo ò ní nṣe guu: Dén gbē kè èe dṣkeε Ludao kè ũ seε? Dé bé eé fṣ à durun kēñne, tó èe ke Luda ado baasiroo? <sup>22</sup> Yesu ní laasuu dṣ, ben à ní lá à bè: Bóyānzi ée laasuu beε taka leε a nṣe guuzi? <sup>23</sup> Tó ma bè à durunṣo kēa, ke tó ma bè à fεε à táa o, à kparee bé à aagaa? <sup>24</sup> Má ò le le àgṣ dṣ kè Gbēntee Né durunkēnnena iko vī tṣṣe kēm̄ε. Ben à bè gbē kaena pīne: Ma bēnne, ò fεε ò n daebṣo sé ò tá be. <sup>25</sup> Gwe gṣṣ à fεε à zé ní wáa, à a daebṣo pì sè à tà be, èe Luda sáabu kpaa. <sup>26</sup> Baade pínghi lé àε, ben aṣ Luda tó bṣ. Vīa guu aṣ bè: Wa dabuyā è gbāa.

### *Levi sisina*

*(Mat 9:9-13, Maa 2:13-17)*

<sup>27</sup> Beeε gbεra Yesu bṣ, ben à be'ṣsiri kè wè benε Levi è vēena a be'ṣsikpen. À bène: N mṣ ò tēmazi. <sup>28</sup> Ben à fεε à pó pínghi tòn à tēzi.

<sup>29</sup> Ben à pṣble bíta kè a be à Yesu sisia, be'ṣsirinṣo kṣn gbē pāndenṣo e pṣ bleéyo pari. <sup>30</sup> Ben Farisinṣo kṣn ní ludayādannerinṣo yākete kà a ìbanṣozi wà bè: Bóyānzi ée pṣ bleε ée í mii kṣn be'ṣsirinṣo kṣn durunkerinṣozi? <sup>31</sup> Ben Yesu wèñla à bè: Gbē kè aafia vīi bà kú likita yāoro, sé gyāree. <sup>32</sup> Mée mṣ gbē maaanṣo sísi aṣ ní nṣe liero, sé durunkerinṣo.

### *Léyina yā*

*(Mat 9:14-17, Maa 2:18-22)*

<sup>33</sup> Ben wà bène: Yaaya ìbanṣo ègṣ lé yii aṣègṣ adua keε baabṣe. Leme kṣn Farisi ìbanṣo do, mṣde n gbēnṣo ègṣ pṣ bleε aṣègṣ í miimε. <sup>34</sup> Ben Yesu wèñla à bè: É fṣ à be nṣeri gbēnṣo lé yi gurṣṣ kè à kúnyoṣ? <sup>35</sup> À gurṣṣ é mṣ kè weé nṣeri pì bṣ ní té, gbasa aṣé lé yi sa. <sup>36</sup> Yesu yā lēkṣziñne do à bè: Gbēke è uta dufu li wà di a ziilaro. Tó wà kè le, uta dufu é yakamε, à zii é kṣ sí kṣn uta dufu nambata pìoro. <sup>37</sup> Wè geepiwē dufu ká tūu zii guuro. Tó wà kè le, wē dufu pì é tūu pūtāmε, eé kwéε, tūu é yaka. <sup>38</sup> Auo, wè geepiwē dufu ká tūu dufu guumε. <sup>39</sup> Gbē kè kṣ dṣ kṣn wē zi minao è à dufu sáabu kpáro, è be à zii bé à nna.

## 6

### *Kámmaboguro yā*

*(Mat 12:1-14, Maa 2:23-3:6)*

<sup>1</sup> Kámmabogurɔɔ zĩkea Yesu e p̄aa buraanɔla, ben à ìbanɔ p̄wɛɛ wòro ās suguu p̄à ñ ɔɔn, āsɔe soo. <sup>2</sup> Ben Farisi kenɔ bèñne: Bóyānzin ée yā kè de wè ke kámmabogurɔɔ zĩroo keezi? <sup>3</sup> Yesu wèñla à bè: Ée à kyó ke á è lán Dauda k̄ɔn a gb̄enɔɔ kè nà gurɔɔ kè nɔaa e ñ deeroo? <sup>4</sup> À gè Luda ua guu à buredi kè wà kàe Ludane sè à sò, à kpà a gb̄enɔa, buredi kè gb̄ekeke à sona zé v̄iro, sé sa'orinɔ. <sup>5</sup> Ben Yesu bèñne: Gb̄entee Né bé à iko v̄i kámmabogurɔɔa.

<sup>6</sup> Kámmabogurɔ p̄ande zĩ dɔ Yesu gè aduakεkpen èe yā daañne. Gōgb̄e kee kú gwe à ɔplaa f̄ef̄ena. <sup>7</sup> Ludayādannerinɔ k̄ɔn Farisinɔɔ e Yesu tàasi kee, tó eé à k̄ek̄ɔa kámmabogurɔɔ zĩ, le wà yā e wà dia. <sup>8</sup> À ñ laasuu d̄s̄, ben à bè gb̄e kè à ɔɔ f̄ef̄ena p̄ine: Ñ f̄ee ñ ze zà guu. Kè à f̄ee à zè gwe, <sup>9</sup> ben Yesu bèñne: Mée a laame. À zé v̄i wà yā maa ke kámmabogurɔɔ zĩs̄, ke à zaaa? Wà gb̄e mì sín yó, ke wà demε? <sup>10</sup> Yesu ñ gwà à lìgañzi ñ píngi, ben à bè gōgb̄e p̄ine: Ñ n ɔɔ p̄i poro. Kè à p̄oro, ben à ɔɔ kè a gb̄en. <sup>11</sup> Farisinɔ p̄o f̄e maamaa, ben ās lé kpàk̄s̄s̄ Yesuzi, dian ās é keke nà.

*Z̄iri ḡɔɔn kuri awεεplaaanɔ diena*  
(Mat 10:1-4, Maa 3:13-19)

<sup>12</sup> Gurɔ beea Yesu b̄ò à gàa adua ke s̄is̄igezi, ben à wée kè Ludaa gwāav̄i ai guu gàa dɔ. <sup>13</sup> Kè guu d̄ò, ben à a ìbanɔ s̄isiazi, à ḡɔɔn kuri awεεplaaanɔ b̄ò ñ té, à ñ díe z̄irinɔ ũ. <sup>14</sup> Gb̄e p̄inɔ t̄on yè: Simɔ kè à tó kp̄ane Pita, à dāaro Anduru, Yemisi, Yohana, Filipi, Batɔlɔmiu, <sup>15</sup> Matiu, Tomasi, Alafeu né Yemisi, Simɔ kè wè benε Aĩade, <sup>16</sup> Yemisi né Yudasi k̄ɔn Yudasi Isikarioti kè ḡs̄ b̄onkp̄eεdee ũuo.

*Yesu yādannena Galili*  
(Mat 4:23-25)

<sup>17</sup> Yesu p̄itañyo à zè gusararaaa, guu kè à ìba kp̄aaanɔ k̄ɔn pariio kún. Ās b̄ò Yerusalemu k̄ɔn Yudea bùsuo píngi k̄ɔn ísialea wéte kè kú Taya k̄ɔn Sid̄o saenɔ. <sup>18</sup> Ās m̄ò à yā ma, le à ñ k̄ek̄ɔa k̄ɔn ñ gyāanɔ dɔ. Gb̄e kè z̄in e ĩa daam̄manɔ k̄ek̄ɔa dɔ. <sup>19</sup> Baade píngi e wεteε à ɔ kea, zaake gb̄aaa e b̄oo à guu, èe gb̄e píngi k̄ek̄ɔame.

*Aubarikadeenɔn Yesu ìbanɔ ũ*  
(Mat 5:1-12)

<sup>20</sup> Ben à wée sè à a ìbanɔ gwà à bè:  
Aubarikadeenɔn amɔa takaasideenɔ ũ,  
zaake kpata kè b̄ò Luda kiia de a p̄ó ũ.

<sup>21</sup> Aubarikadeenɔn amɔa kè nɔaa e a deε tiaanɔ ũ,  
zaake é k̄ā.  
Aubarikadeenɔn amɔa kè ée ɔɔ dɔɔ tiaanɔ ũ,  
zaake é yāa dɔ.

<sup>22</sup> Aubarikadeenɔn a ũ,  
tó wà z̄aagu, tó wà ḡlaz̄i, tó wà a s̄s̄s̄,  
tó wà a tó zaaa s̄i Gb̄entee Né yāñzi.

<sup>23</sup> Gurɔɔ kè yā beeenɔ a le, à p̄onnaa ke à v̄iv̄i k̄ɔn p̄onnaao, zaake a láada bíta ludambe. Len ās dezinɔ kè annabinɔne le.

<sup>24</sup> Wāiyoo amɔa ɔɔdeenɔ,  
a ḡiake a a m̄è nnaa mà k̄ò.

<sup>25</sup> Wāiyoo amɔa kè á k̄āna tiaanɔ,  
nɔaa é a de.

Wāiyoo amɔa kè ée yāa dɔɔ tiaanɔ,  
é s̄s̄obi ke à ɔɔ dɔ.

<sup>26</sup> Wāiyoo apinɔ, tó baade píngi e a tó nnaa sii,  
zaake len ās dezinɔ kè annabi εgedeenɔne le.



*Yena ibeεzi*  
(Mat 5:38-48)

<sup>27</sup> Mée oo amɔa kè ée ma yā maanɔne, àgɔ ye a ibeεnɔzi à à maaa ke gbē kè aɔ zàaguunɔne. <sup>28</sup> À sa maaa o gbē kè aɔè sa zaaa oareenɔne. À adua ke gbē kè aɔè ïa daawaanɔne. <sup>29</sup> Tó gbē n swān kè n gasu dooa, ñ à doo dɔne dɔ. Tó gbē n utadaa sɔmma, ñton gíne kɔn n dansikioro. <sup>30</sup> Tó gbē pɔ wée kemma, ñ kpáa. Tó gbē n pɔ sɔmma, ñton gbekaaro. <sup>31</sup> À ke gbēnɔne lán á yezi aɔ keare nà. <sup>32</sup> Tó gbē kè aɔ yeaziinɔn á yeñzi, bɔ sáabun á vīi? Baa durunkerinɔ ègɔ ye gbē kè aɔ yeñzinɔzi se. <sup>33</sup> Tó gbē kè aɔè à maaa keareenɔn eè à maaa keñne, bɔ sáabun á vīi? Baa durunkerinɔ è ke le se. <sup>34</sup> Tó gbē kè a wée dɔzi à pɔ eñmanɔn eè pɔ sēkǎñne, bɔ sáabun á vīi? Zaake durunkerinɔ è pɔ sēkǎkɔne, le aɔ e wà à gēe sí yānzime. <sup>35</sup> Àgɔ ye a ibeεnɔzi à à maaa keñne. À pɔ sēkǎñne wéedɔzisai, é láada bíta e, égɔ de Luda Musude néno ũ, zaake è à maaa ke guturunɔne kɔn gbē zaaanɔ. <sup>36</sup> Àgɔ wēnda vī lán a De wēnda vī nà.

*Kɔ taari'ena*  
(Mat 7:1-6)

<sup>37</sup> Àton gbē taari ero, Luda é a taari e sero. Àton yā vēe gbēaro, Luda é yā vēeawaro. À sùu ke kɔn gbēnɔ, Luda é sùu keao. <sup>38</sup> À gbē gba pɔ, Luda é a gba se. Eé zaka maaa kè à gbēgbē à wē à pà yélele káare a utalen. Zaake zaka kè eè yɔónnen Luda é yɔonne se.

<sup>39</sup> Ben à yā lèkɔziñne à bè: Vīa é fɔ à gò kũ vīaneɔ? Aɔ plaa ñ píngi é si wēenloo? <sup>40</sup> Ìba ègɔ de a dannerilaro, mɔde gbē kè yā dàda à bɔezi de lán a danneri bàme. <sup>41</sup> Bóyānzi nées sèburu kè da n gbēdaaa wéen eezi, bensɔ nées lí kè da n wéen yā daaroo? <sup>42</sup> Mmɔn kè nées líkususu kè da n wéen eero, né ke dia ñ be n gbēdaaanɔ, à tó ñ sèburu kè da à wéen bɔne? Mɔnafikide! Ñ líkususu kè da n wéen bɔ gīa, né gbasa ñ guu e wásawasa, le ñ e ñ sèburu kè kú n gbēdaa wéen bɔne.

*Gbē dɔna a yákenaa*  
(Mat 7:16-20, 12:33-36)

<sup>43</sup> Lí maaa è né zaaa iro, lí zaaa è né maaa iro. <sup>44</sup> Wè lí píngi dɔ a néame. Wè kǎkǎa bo lè líaro, wè geepi e gyantoaro. <sup>45</sup> Gbē maaa è à maaa bɔ à maaa kè kaena a guume. Gbē zaaa sɔ è à zaaa bɔ à zaaa kè kaena a guume. Zaake yā kè swè pàn lé è o.

*Kpébori gɔɔn plaaanɔ*  
(Mat 7:24-27)

<sup>46</sup> Bóyānzín eègɔ ma sísi Dii, Diizi, ben eè yā kè má ò keroo? <sup>47</sup> Gbē kè mɔ ma kiia, à ma yā mà ben à zīi kèa, mé ɔɔaare lán adee de nà. <sup>48</sup> À de lán ēbori kè wèe yò zázá à ēe kpàe gbèa bàme. Kè swaa pà, í dàgula à kà kpé pìzi, èe nigáro kè wà bɔ maa yānzi. <sup>49</sup> Gbē kè à ma yā mà ben èe zīi kearoo de lán ēbori kè ēe kpàe tɔtela pā wèeyɔsai bàme. Kè swa'i kàzi, ben à kwè bitim gɔɔ. Kpé pì yakana kè bíta.

## 7

*Sozanɔ gbēnsi zīkeri kēkɔana*  
(Mat 8:5-13)

<sup>1</sup> Kè Yesu yā beeenɔ ò gbēnɔne píngi à yāa, ben à gaa Kapenamɔ. <sup>2</sup> Romu sozanɔ gbēnsi kee kú gwe, à zīkeri vī kè à bèe vīne maamaa, ben èe gyāa kee ai à kà gana. <sup>3</sup> Kè gbēnsi pì Yesu baaru mà, à Yuda gbēnsinɔ zīa wà wée kea à mɔ à a zīkeri pì mì sí. <sup>4</sup> Kè aɔ kà Yesu kiia, aɔ wée kèa gbāngbān wà bè: Gbē pì kɔ sio ñ à ïan ká. <sup>5</sup> À ye wa boriizi, àmbe à aduakekpe dɔwe. <sup>6</sup> Ben Yesu gaañyo. Kè à kà kīi kɔn à beeo, ben gbēnsi pì a gbēnnanɔ zī wà yā kèkii onɔ: Dii, ñton ïa da n zīndaroo, mée ká ñ gē ma bero. <sup>7</sup> Beee yānzín má diɔ kè mée ká mà mɔ n kiia ma zīndaro. Ñ yā o, ma zīkeri é kēkɔa. <sup>8</sup> Zaake mapi se wà iko vīmame, má iko vī sozanɔa. Mée ò aɔ gbē doone à gá, è sɔ gá. Mée ò à pāndenɔ à mɔ, è sɔ mɔ. Mée ò ma zīkerine

à kè ke, è sɔ ke. <sup>9</sup> Kè Yesu yā pì mà, à bò à sae. Ben à liè à bè gbē kè aɔ tɛazinɔne: Mée ooare, mée e gbēke ma náane kè le Isarailinɔ téro. <sup>10</sup> Kè ziri pìno liara wà sù, aɔ è zikeri pì kèkɔa.

### *Gyaanɔ né mèn do léle fɛna gaan*

<sup>11</sup> Beee gbera Yesu gaa wéte kè wè be Naini guu. À ibanɔ kɔn gbē pāndenɔ gāao paripari. <sup>12</sup> Kè à kà kīi kɔn wéte pì bīleɔ, à è wà gè sena wèe boɔ. Gyaanɔ né mèn do léleme. Wétepiddeenɔ kú kɔn nɔgbē pìo pari. <sup>13</sup> Kè Dii à è, ben à kènne wēnda à bène: Nton ɔɔ dɔro. <sup>14</sup> Ben à sɔ gè pìzi à ɔ kè à àkpatia. Kè gbē kè aɔ senanɔ zè, ben à bè: Gɔkpare, má ònne n fɛe! <sup>15</sup> Ben gè pì fɛe à vɛe à nà yá'ona. Ben Yesu à kpà à daa. <sup>16</sup> Vīa gbēnɔ kù n pínɡi, aɔ Luda sáabu kpà wà bè: Wa annabi isi è wa té. Aɔ bè dɔ: Luda mò a gbēnɔ gwa. <sup>17</sup> Ben Yesu baaru dà Yudea bùsula kɔn bùsu kè ligazinɔ pínɡi.

### *Yaaya Batisikeri zirinɔ (Mat 11:2-19)*

<sup>18</sup> Yaaya ibanɔ yā pìno tɔkène pínɡi. Ben Yaaya n gɔɔn plaaanɔ sisi <sup>19</sup> à n zī Diia aɔ à la, àmbe gbē kè eé mó ũ, ke wàgɔ wée dɔɔ gbē pāndezime? <sup>20</sup> Kè gbē pìno kà Yesu kiia, aɔ bène: Yaaya Batisikeri bé à wa zī wà n la, mbe gbē kè eé mó ũ, ke wàgɔ wée dɔɔ gbē pāndezime? <sup>21</sup> Zaa gwe gɔɔ Yesu gbēnɔ kèkɔa pari kɔn n gyāanɔ kɔn n wāwāanɔ kɔn n zīnno. À tò vianɔ guu è pari dɔ. <sup>22</sup> Ben à bè Yaaya zirinɔne: À gá à yā kè á è bensɔ á mànɔ gbāne. À onɛ vianɔ e guu ee, erenɔ e táa oo, kusunɔ e kēekɔa, swādoonɔ e yā maa, gènɔ e fɛe, takaasideenɔ e baaru nna waazi maa. <sup>23</sup> Aubarikadeen gbē kè è fu ma yāaroo ũ.

<sup>24</sup> Kè Yaaya zirinɔ tà, Yesu Yaaya yā ò pariine à bè: Bón a gaa gwa gbáan? Kàba kè ĩa e nigāan yó? <sup>25</sup> Bón a gaa gwa saa? Gbē kè pókāsā zāe danan yó? Nnamari kè aɔè pókāsā maaa daanɔ ègɔ kú kíbeme. <sup>26</sup> Bón a gaa gwa saa? Annabin yó? Lemé! Mée ooare à de annabila se. <sup>27</sup> Zaake Yaayan wà à yā kè Luda yān wà bè:

Mé ma ziri gbare n ā  
à zé kekenne.

<sup>28</sup> Mée ooare, nɔgbē né'ina guu gbēkee e ká Yaaya ũro. Baa kɔn beeeo gbē kè de gbē kpɛede e kú kpata kè bò Luda kiia guu deàla.

<sup>29</sup> Kè baade pínɡi à yā mà, ai kɔn be'ɔɔsirinɔ sé, aɔ yā nnaa kpà Ludaa, zaake Yaaya n batisi kè. <sup>30</sup> Farisinɔ kɔn ludayādannerinɔ sɔ gi yā kè Ludaa diè à keínɛzi, ben aɔwe we Yaaya n batisi kèro.

<sup>31</sup> Ben Yesu bè: Bón mé tɔɔrigbēnɔ lékɔzio? Bón aɔ bókɔbao? <sup>32</sup> Aɔ de lán né kè aɔ kú yàra guu, aɔwe lé zuukɔzinɔ bà wèe bee:

Wa kure pèare, ée ɔ wāro.

Wa wēnda lè siare, ée ɔ dɔro.

<sup>33</sup> Zaake Yaaya Batisikeri mò, èe buredi sóro, èe wɛe miro, ben a bè zīndeeme. <sup>34</sup> Gbēntee Né mò, è pó ble è í mi, ben a bè: Guturu wémirimé, be'ɔɔsirinɔ kɔn durunkerinɔ gbēnname.

<sup>35</sup> Mòde wè òndɔ dɔ a yākenaame.

### *Nósi gūnnade kuna Yesu gbáa*

<sup>36</sup> Farisi ke Yesu sisi à mó à pó bleao. Yesu gaa à be, ben èe pó blee gɛkɛsɛkɛna. <sup>37</sup> Nɔgbē dàzaade kee kú wéte pì guu. Kè à mà Yesu e pó blee Farisi pì be, ben à mò gwe gbaaa néngoo kè nósi gū nnao kú à guu. <sup>38</sup> À zè à kpɛe à gbá sae, èe ɔ dɔ. À wé'e i e tɔɔ à kèsekɛɛa, ben èe gogoo kɔn a mikāo, à lé pèpe à gbáa, ben à nósi gū nnaa pì kua. <sup>39</sup> Kè Farisi kè à à sisi pì è le, ben à ò a swèn: Tó gbē pì né annabime, le à nɔgbē kè èe ɔ kɛɛa kè taka dɔ, kè dàzaadeeme.

<sup>40</sup> Ben Yesu bè Farisi pìne: Simɔ, má yáke vī mà onne. Simɔ bè: N o, Danneri. <sup>41</sup> Yesu bè: ɔɔdakeri ke bé à kuu, gɔɔn plaaanɔ à fīa kūna, gbē doo kondogi ɔ mèn wàa plaa kpé basɔro, gbē doo sɔ mèn baplaa akuri. <sup>42</sup> Kè aɔ póke vī wà fīa booro, ben à n kè aɔ plaa n pínɡi. Aɔ té, dé bé eégɔ yezi de a daalaa? <sup>43</sup> Simɔ wèala à bè: Mée daa gbē kè wà à kè kɔn

ɔɔ bítaome. Yesu bène: N we maa. <sup>44</sup> Ben Yesu ae dɔ̀ nɔgbɛ̀ pìà, à bè Simɔne: N nɔgbɛ̀ pì ès? Kè ma gɛ̀ n be, née í kpáma ma gbá pìpiro, nɔgbɛ̀ pì sɔ̀ ma gbá pìpi kɔ̀n a wée'io à gògo kɔ̀n a mìkáo. <sup>45</sup> Née lé pémaro, nɔgbɛ̀ pì sɔ̀, zaa gurɔ̀ kè ma gɛ̀ kè, èe kámma bo kɔ̀n lépena ma gbáaoro. <sup>46</sup> Née nɔ̀si ke ma miaro, nɔgbɛ̀ pì sɔ̀ nɔ̀si gúnnadee kù ma gbánɔa. <sup>47</sup> Beee yánzi mée oonne, à yemazi maamaa kè à durun bíta kèa yánzime. Gbɛ̀ kè wà à kè kɔ̀n à néngoo sɔ̀, yenzi néngon ègɔ̀ vī. <sup>48</sup> Ben à bè nɔgbɛ̀ pìne: N durunno kèmma. <sup>49</sup> Ben gbɛ̀ kè aɔ̀ɔe pɔ̀ blee ledoonɔ̀ bèkɔ̀ne: Dén gbɛ̀ pì ũ, kè èe durunno kèéne? <sup>50</sup> Ben Yesu bè nɔgbɛ̀ pìne: Ma náane kè n kè bé à n mì sɔ̀. N tá be aafia.

## 8

### *Nɔgbɛ̀ kè aɔ̀ɔe té Yesuzinɔ̀*

<sup>1</sup> Beee gbera Yesu liga wéte kɔ̀n wéteo, lakutu kɔ̀n lakutuo, èe waazi kee èe kpata kè bɔ̀ Luda kiia baaru nnaa kpaañne. À zìri gɔ̀ɔn kuri awɛɛplaaano gàao <sup>2</sup> kɔ̀n nɔgbɛ̀ kè à zīnno bɔ̀ n guu à n kèkɔ̀a kɔ̀n n gyāano. Mariama kè wè bene dɔ̀ Mariama Magadalenì kè Yesu zīn mèn swɛɛplaaano bɔ̀e à guu kú n té <sup>3</sup> kɔ̀n Herɔ̀du begwari Kuza naɔ̀ Yoanao kɔ̀n Suzanao kɔ̀n nɔgbɛ̀ pādeno pari. Aɔ̀ɔe Yesu kɔ̀n a zīrinɔ̀ gwaa kɔ̀n pɔ̀ kè aɔ̀ vīo.

### *Yálekɔ̀zina kɔ̀n pɔ̀wɛɛfario*

*(Mat 13:1-23, Maa 4:1-20)*

<sup>4</sup> Wà bɔ̀ wéte kɔ̀n wéteo wà kàkɔ̀a Yesuzi, ben à yā lèkɔ̀ziñne à bè: <sup>5</sup> Búbari ke bé à bɔ̀ à gàa pɔ̀wɛɛ fá. Lán èe fáa nà, à kenɔ̀ lèe zé guu wà táa òa, ben bāano mò wà blè. <sup>6</sup> À kenɔ̀ lèe gbè sàra musu. Kè aɔ̀ bɔ̀e, ben aɔ̀ gàga, kè aɔ̀ɔe mɔ̀ɔo ero yánzi. <sup>7</sup> À kenɔ̀ lèe lèno guu, ben lè fèeño ledò à nàkɔ̀rɛ̀mma. <sup>8</sup> À kenɔ̀ sɔ̀ lèe tɔ̀ɔte maaa guu, ben aɔ̀ bɔ̀e wà né i lèo basɔ̀oro. Kè à ò le, à pùtá à bè: Gbɛ̀ kè swā vī à ma.

<sup>9</sup> À ibanɔ̀ à là yā pì bɔ̀kɔ̀tenazi. <sup>10</sup> Ben à bè: Luda a gba zé à kpata kè bɔ̀ à kiia asiino dɔ̀, mɔ̀de mèe o gbɛ̀ kpaaanone kɔ̀n yálekɔ̀zinaome, le aɔ̀ guu gwa pòke'ena sai, aɔ̀ yā ma à dɔ̀ro dɔ̀na sai. <sup>11</sup> Yā pì bɔ̀kɔ̀tenan yè: Pɔ̀wɛɛ pì né Luda yāme. <sup>12</sup> Zé guu pónɔ̀ de lán gbɛ̀ kè aɔ̀e Luda yā maano bà, ben Ibilisi è mó à yā pì bɔ̀ n swè guu, le aɔ̀ton Luda náane ke à n mì síro yánzi. <sup>13</sup> Gbè sàra musu pónɔ̀ de lán gbɛ̀ kè aɔ̀e Luda yā ma wà sí kɔ̀n pɔ̀nnaano bà, mɔ̀de aɔ̀ kāsāa vīro. Aɔ̀e Luda náane ke gurɔ̀ plaa, mɔ̀de tó wà n yɔ̀ wà gwà, aɔ̀e fume. <sup>14</sup> Pɔ̀wɛɛ kè lèe lèno guunɔ̀ de lán gbɛ̀ kè aɔ̀e Luda yā maano bà, mɔ̀de anduna kàhānkena kɔ̀n auziki yāo kɔ̀n pɔ̀nnakenaò è nakɔ̀rɛ̀mma, aɔ̀e fɔ̀ wà né i à mào. <sup>15</sup> Tɔ̀ɔte maaa pónɔ̀ de lán gbɛ̀ kè aɔ̀e Luda yā ma kɔ̀n nɔ̀sepuraaò aɔ̀e sí kɔ̀n nɔ̀semaaaano bà, ben aɔ̀e mena fɔ̀ ai aɔ̀ keo kaarana pɔ̀ ũ.

### *Yálekɔ̀zina kɔ̀n fitiao*

*(Maa 4:21-25)*

<sup>16</sup> Wè fitia na wà taa kúea ke wà die daɛbɔ̀ gbáruro. Wè di dabu musume, le gbɛ̀ kè aɔ̀ɔe gɛ̀eno gupuraa e yánzi. <sup>17</sup> Pòkee kú utena kè weé gí bɔ̀o gupuraaziro. Asiiyā kee kuu kè weé ma wà gí o gupuraaziro. <sup>18</sup> Beee yánzi à yā ma kɔ̀n làakario. Gbɛ̀ kè pɔ̀ vīin Luda é kaaranɛ. Gbɛ̀ kè pòke vīroo sɔ̀, baa pɔ̀ kè èe daa á vīi Luda é sía.

### *Yesu danɔ̀*

*(Mat 12:46-50, Maa 3:31-35)*

<sup>19</sup> Yesu da kɔ̀n à dāaronɔ̀ mò à kiia, ben aɔ̀ɔe e wà sɔ̀ziro parii yánzi. <sup>20</sup> Ben wà bène: N da kɔ̀n n dāaronɔ̀ kú bàazi, aɔ̀ ye n kɔ̀enazi. <sup>21</sup> Ben à wèñla à bè: Gbɛ̀ kè aɔ̀e Luda yā ma aɔ̀ zīi keanon ma da kɔ̀n ma dāaronɔ̀ ũ.

### *Yesu zàga'ia zena*

*(Mat 8:23-27, Maa 4:35-41)*

<sup>22</sup> Zīkea Yesu gè góro'ite guu kōn a ìbanɔ, ben à bèńne: Wà bikū sèbe baa. Ben aɔ dà zén.  
<sup>23</sup> Gurɔ kè aɔɔe gaa, ii Yesu lè. Ben zàga'ia fɛe sèbela, í e kaa góro guu, aɔ kú kari lézī.  
<sup>24</sup> Ben à ìbanɔ sɔzi aɔ à vù wà bè: Danneri! Danneri! Wée kaatee! Ben à fɛe à gí ìane kōn í kè èe n góro yīpayīpaa, ben à zè, guu kè kítikiti. <sup>25</sup> Ben à bèńne: Á ma náane vīroo? Ben yā pì bò n sae, vīa n kū, ben aɔ bèkōne: Dén gbē kè ũ see? Baa ìa kōn ío, è yā dieńne, ben aɔ è à yā mame.

*Īade kēkōana*  
*(Mat 8:28-34, Maa 5:1-20)*

<sup>26</sup> Ben aɔ kà Gadara bùsun sèbe baa Galili bùsu ɔfántɛbɔe kpa. <sup>27</sup> Kè Yesu bikū í baa, à dàkōre kōn wéte gōgbē kè zīn vīio. À gurɔplaa kè èe pókāsāa naawaro. Ègɔ kú beero, sé mirakpetea. <sup>28-29</sup> Wè à yi kōn mōkyakoonɔ wè à da lín à kūna yānzi, mɔde è mōkyakoo pìno kēkēme, zīn pì è à si sèn. Kè à Yesu è, ben à wii lè à mò à kùe à aezī, ben à pùtā à bè: Yesu, Luda Musude Né, bón wá vī kō ɔzīi? N yā nna! Nton wée tamaro. À ò le kè Yesu bè zīn pāsī pì bɔ à guu yānzime. <sup>30</sup> Ben Yesu à là à bè: N tón diaa? Ben à wèla à bè: Ma tón Pari. Zaake zīnɔ kú à guu parime. <sup>31</sup> Ben zīn pìno agbaa kpà Yesune maamaa wà bè àton n gbare aɔ si gèwāa wèe zòoto guuro.

<sup>32</sup> Alɛɛ kpàsa bíta kú gwe, aɔɔe pò blee sīsīgeezi. Ben zīn pìno wée kè Yesua à n gba zé aɔ gè n guu. Yesu n gbá zé, <sup>33</sup> ben zīnɔ gò gbē pìà wà gè alɛɛ pìno guu. Ben alɛɛ kpàsa pì wì bào aɔ sòro sīsīgeezi wà si sèben wà gàga gwe. <sup>34</sup> Kè aɔ alɛɛdārinɔ è le, aɔ bàa lè wà gàa wà yā pì tōkēńne wéte guu kōn buraano. <sup>35</sup> Ben wà bɔe le wà yā kè kè pì gwa. Kè aɔ mò Yesu kiia, aɔ gbē kè zīnɔ gòà pì è vèena Yesu gbá sae pókāsāao dana, à kú a làakaria. Ben vīa n kū. <sup>36</sup> Kè gbē kè aɔ yā pì è wéenɔ òńne dian wà zīndee pì kēkōa nà, <sup>37</sup> ben Gadara bùsu gbēno píngi wée kè Yesua à bɔ n bùsun, zaake vīa n kū maamaa. Ben à gè góro'ite guu èe taa. <sup>38</sup> Gbē kè zīnɔ gòà pì agbaa kpàne le à táo, mɔde Yesu gine à bè: <sup>39</sup> N ɛara n tá n be n yā kè Ludaa kènnɛe ońne píngi. Ben à tà à yā kè Yesu kèaree kpàakpa kè wéte pì guu píngi.

*Yairu né fɛena gaan kōn nɔgbē kè ɔ kè Yesu utaa*  
*(Mat 9:18-26, Maa 5:21-43)*

<sup>40</sup> Kè Yesu ɛara à sù, ben gbēno gbāake kpàzi, zaake baade píngi e à dāame. <sup>41</sup> Ben gōgbē kè de aduakekpe gbēnsi ũu kè wè bene Yairu mò à dàe a puua Yesu gbá sae, à kúe kène le à gá a be, <sup>42</sup> kè à né mèn do léle e gaa yānzi. Né nɔgbē pì kà wè kuri awɛɛplaa. Kè Yesu e gaa, ben parii e nakōreɛa.

<sup>43</sup> Nɔgbē kee kú gwe, aru è bɔea à kà wè kuri awɛɛplaa. Pó kè à vī píngi à dè ɛzēdeeno kiia, mɔde gbēkee e fɔ à kēkōaro. <sup>44</sup> Kè à sɔ Yesuzi kpeɛ kpa, ben à ɔ kè à uta léa. Zaa gwe gɔɔ à arubɔena zè. <sup>45</sup> Ben Yesu bè: Dé bé à ɔ kèmaa? Ben baade píngi bè á à yā dōro. Ben Pita bè: Danneri, gbēnoo liganzi aɔɔe nakōreɛmma. <sup>46</sup> Ben Yesu bè: Gbēke ɔ kèma, zaake má dɔ kè gbāaa bò ma mè guu. <sup>47</sup> Kè nɔgbē pì è wà a yā dɔ, ben à mò èe lugalugaa à dàe a puua à gbá sae, ben à yā kè tò à ɔ kèa ò baade píngi wáa kōn dian à aafia è nào gɔɔ. <sup>48</sup> Yesu bène: Nɔgbē, ma náane kè n kè bé à n kēkōa. N tá be aafia.

<sup>49</sup> Kè Yesu kpé èe yā oo, wà bò aduakekpe gbēnsi pì be, wà mò wà bène: N né pì kè sai, nton ìa da danneria dɔro. <sup>50</sup> Yesu yā pì mà, ben à bè Yairune: Nton tó swè kēnguro. N ma náane ke dé, eé kēkōa. <sup>51</sup> Kè à kà à be, èe we gbēke gèaoro, sé Pita kōn Yohanao kōn Yemisio kōn né pì de kōn à dao. <sup>52</sup> Gbē kè aɔ kú gweenɔ e ɔɔ dɔɔ n píngi aɔɔe kpāngeda kee. Ben Yesu bè: Àton ɔɔ dɔro. Èe garo èe ii oome. <sup>53</sup> Ben aɔ à lalandi kè, zaake aɔ dɔ kè né pì gà kò. <sup>54</sup> Yesu à kù a ɔɔa, ben à pùtā à bè: Né nɔkparɛ, n fɛe! <sup>55</sup> Ben à wèndi sù, à fɛe gɔɔ. Yesu bè wà pòblee kpáa. <sup>56</sup> Yā pì bò né pì de kōn à dao sae, ben Yesu bène aɔton yā kè kè pì o gbēke maro.

## 9

*Yesu z̀irinɔ z̄ina*  
(*Mat 10:5-15, Maa 6:7-13*)

<sup>1</sup> Yesu a ìba ḡɔn kuri awɛɛplaaanɔ s̄isiazi, ben à n̄ gbá gbãa k̄ɔn ikoo ā z̄in bori píngi gom̄ma, ā gyãanɔ k̄ém̄ma. <sup>2</sup> Ben à n̄ z̄i ā kpata k̄è b̀ò Luda kiia yã waazi k̄e, ā gyãreenɔ k̄èk̄ɔa. <sup>3</sup> À bèñne: Àton p̄ɔke sé à gáoro, gò ke b̀òkologomma ke k̄ūsãe ke ɔɔ ke uta mèn plaa. <sup>4</sup> Ua k̄è a pitan, àḡɔ kú gwe ai à gá b̀oo w̄éte p̄i guu. <sup>5</sup> W̄éte k̄è w̄èe a sínlo, à b̀on à lut̄e gogo a gbánɔa n̄ tona k̄ɔn Ludao s̄èeda ũ. <sup>6</sup> Ben ā dà z̄én, ā lìga w̄éte k̄ɔn w̄éteo, ā baaru nnaa kpàñne, ā gyãanɔ k̄ém̄ma baama píngi.

*Herɔdu bídikena*  
(*Mat 14:1-12, Maa 6:14-29*)

<sup>7</sup> K̄è kí Herɔdu yã beeenɔ mà píngi, ben à bídi k̄è, zaake gb̄ekenɔ e be Yaaya Batisik̄eri bé à f̄e b̀ona gaan. <sup>8</sup> Gb̄ekenɔ bè Ilia bé à b̀ò à m̀ónzi, gb̄ekenɔ bè d̀o annabi yãanɔ doke bé à f̄e. <sup>9</sup> Herɔdu bè: Ma Yaaya mì z̀ò. Dén gb̄e k̄è ma à baaru mà p̄i ũ s̄e? Ben èe w̄ete à w̄é s̄iale.

*Yesu p̄oblekpana ḡɔgb̄e ḡɔn b̄ɔɔ s̄ɔɔroonɔa*  
(*Mat 14:13-21, Maa 6:30-44, Yoh 6:1-14*)

<sup>10</sup> K̄è z̄iri p̄inɔ s̄ù, ben ā yã k̄è āɔ k̄enɔ gb̄a Yesun̄e. Ben à n̄ sé n̄t̄e à ḡaányo w̄éte k̄è w̄è be Betesaida. <sup>11</sup> K̄è parii d̀ò, ben wà p̄ezi. À gb̄aake kpàñzi, à kpata k̄è b̀ò Luda kiia yã òñne, ben à gb̄e k̄è āɔ yezi wà n̄ k̄èk̄ɔanɔ k̄èk̄ɔa.

<sup>12</sup> K̄è ɔf̄ant̄e bùsa, z̄iri ḡɔn kuri awɛɛplaaanɔ s̄òzi ā bène: N̄ gb̄enɔ gb̄are ā gá pitaki k̄ɔn p̄óbleeo w̄ete lakutu k̄ɔn buraa k̄è kú k̄iinɔ guu, zaake s̄ète p̄òɔtun wá kún k̄è. <sup>13</sup> À bèñne: Apinɔ à p̄ó kpám̄ma ā ble. Ben ā bè: Burēdi mèn s̄ɔɔro k̄ɔn kp̄ò mèn plaaan wá v̄i. Séde wà gá p̄óblee lú gb̄e k̄en̄ne n̄ píngi. <sup>14</sup> Ḡɔgb̄enɔ kú gwe ḡɔn b̄ɔɔ s̄ɔɔroo taka. Ben à bè a ìban̄ne: À tó ā v̄ēv̄e ḡali k̄ɔn ḡalio ḡɔn baplaa akurikuri. <sup>15</sup> Ben āɔ k̄è l̄e, ā n̄ v̄ēv̄e n̄ píngi. <sup>16</sup> Ben à burēdi mèn s̄ɔɔro k̄ɔn kp̄ò mèn plaaa p̄inɔ s̄è à a w̄é s̄è musu à aubarika d̄an. Ben à lìlik̄ɔre à kpà a ìban̄na, āɔ kp̄aatete gb̄en̄ne. <sup>17</sup> Ā p̄ó bl̄e wà k̄à n̄ píngi, ben wà à kpaaa k̄è ḡɔn s̄e gb̄i kuri awɛɛplaaa p̄a.

*Yesu mesayake ona*  
(*Mat 16:13-19, Maa 8:27-29*)

<sup>18</sup> Z̄ikea k̄è Yesu e adua k̄e adò, à ìbanɔ m̀ò wà à l̄e, ben à n̄ lá à bè: Dén gb̄enɔ è be má d̄e à ũu? <sup>19</sup> Ā w̄èla wà bè: Gb̄ekenɔ è be Yaaya Batisik̄erim̄e, gb̄ekenɔ è be Ilia, gb̄ekenɔ è be d̀o annabi yãanɔ doke bé à f̄e. <sup>20</sup> Ben à n̄ lá à bè: Apinɔ s̄ò, dén èe be má d̄e a ũu? Pita w̄èla à bè: Luda gb̄e Mesayan n̄ ũ.

*Yesu a ga k̄ɔn a f̄enaoyã'ona*  
(*Mat 16:21-28, Maa 8:31-9:1*)

<sup>21</sup> Ben à ḡin̄ne āton yã p̄i o gb̄eke maro. <sup>22</sup> Ben à bè d̀o: Séde Gb̄ent̄ee Né w̄ét̄amma e maamaa, gb̄ensinɔ k̄ɔn sa'orikinɔ k̄ɔn ludaȳadann̄erinɔ é ḡizi, w̄é à d̄e, à gurɔ aaḡɔdee z̄i eé f̄e.

<sup>23</sup> Ben à bèñne n̄ píngi: Tó gb̄e yezi à k̄e ma ìba ũ, séde à gí a z̄inda w̄èndizi, àḡɔ a líkpangb̄aroo s̄e lán guu e d̀o nà àḡɔ téomazi. <sup>24</sup> Gb̄e k̄è yezi àḡɔ a w̄èndi k̄una é korazi. Gb̄e k̄è gí a w̄èndizi ma yãnz̄i s̄ò, adee éḡɔ w̄èndi v̄i. <sup>25</sup> Tó gb̄e ḡò anduna v̄i píngi, tó à a z̄inda kpà à ḡe ũ à k̀ora a w̄èndizi, bó àren à v̄i? <sup>26</sup> Tó gb̄e mapi k̄ɔn ma yão wí d̄e, Gb̄ent̄ee Né é adee wí d̄e gurɔ k̄è eé su a gakuì guu k̄ɔn a De gakuìo k̄ɔn a malaikanɔ gakuìo. <sup>27</sup> Yãpuraan m̄e ooare, gb̄ekenɔ kú gura k̄è āé garo ai ā kí k̄è Ludaa k̄à e.

*Yesu lina*  
(*Mat 17:1-8, Maa 9:2-8*)

<sup>28</sup> Yā pì ona gbera à kà azuma do taka, ben à Pita kōn Yohanao kōn Yemisio sè à dìnyo kpìiia lè à adua kε. <sup>29</sup> Kè èe adua kεε, à uu liè à pókāsāano kè pú fénfen. <sup>30</sup> Kāndo gōon plaaanoo kúo, Musa kōn Iliao, aōe yā kōn Yesuo. <sup>31</sup> Aō bō wà mōńzi gakui guu, aōe anduna kè eé tó zaa Yerusalemu yā ooo. <sup>32</sup> Ii Pita kōn a gbēno sè. Kè aō vù, aō Yesu gakui è kōn gōon plaaa kè aō zena à saeno. <sup>33</sup> Kè gōon plaaa pìnoo e kēe Yesua, Pita bène: Dii, à maa kè wá kú kè. Wà kutaa do mèn aagō, n pò mèn do, Musa pò mèn do, Ilia pò mèn do. À dō yā kè ée ooro. <sup>34</sup> Kè èe oo lε, ludambe luguu pita à dàńla. Kè aō kú à guu, vĩa n kũ, <sup>35</sup> ben aō kòto mà à guu à bè: Ma Né kè ma à sèn yè. À à yā ma. <sup>36</sup> Kòto pì mana gbera aō è Yesu gō gwe ado. Aō n lé kũ aōe yā kè aō è o gbēke ma gurōo m̀aro.

*Négbē zīnde kēkōana*

*(Mat 17:14-18, Maa 9:14-27)*

<sup>37</sup> Kè guu dō, aō pita kpìi pì musu, ben gbēno mò da Yesule pari. <sup>38</sup> Zà guu gōgbē ke pùtā à bè: Danneri, n yā nna! N ma né gwa, zaake né mèn doo kè má vīn gwe. <sup>39</sup> Zīn è fεεa, ben è wii lé kāndo. È à pāe àgō petee boo àgō lóu futa bōεε, è ĩa daa è goa kpakpaaro. <sup>40</sup> Ma wéε kè n ìbanōa aō pé zīn pìà à bō, ben aō fūa. <sup>41</sup> Yesu bè: Tōorigbē yakana ludanaanekerisaideeno! Mэгō kúao ai bōremε? Mэгō menaaao ai bōremε? N mō kōn n né pìo kè. <sup>42</sup> Ai né pì gō gá sōzi, ben zīn pì à pāe, èe petee boo. Ben Yesu gì zīn pìne à né pì kēkōa, ben à à kpà à dea. <sup>43</sup> Luda gbāa bíta yā pì bō n sae n píngi.

*Yesu εara à a ga yā'ona*

*(Mat 17:22-23, Maa 9:30-32)*

Gbēno lé àe Yesu yākenaa píngi, ben à bè a ìbanōne: <sup>44</sup> Àgō yā kēkii kūna a nòse guu. Weé Gbēntee Né na gbēnoe n zī tia. <sup>45</sup> Aōe yā pì dōro dōro, à mì utenańne, aō fūa, ben vĩa n kũ aō yā pì gbekaa.

*Denlaa yā*

*(Mat 18:1-5, Maa 9:33-37)*

<sup>46</sup> Ben aō fēε kōn leokpakōao denlaa yā musu. <sup>47</sup> Yesu laasuu kè kú n nòse guu dō, ben à né fēte sè à à zè a sae, <sup>48</sup> à bèńne: Gbē kè né kè taka sì ma ìbakεε yāńzi, mámbe à ma si. Gbē kè ma si sō, adee gbē kè ma zīi sìme. Gbē kè a zīnda dìe kēsāna a té bé à gbēnsi ũ.

*Gbē kè èe ìbetε kpáaoroo a baakpεεme*

*(Maa 9:38-40)*

<sup>49</sup> Ben Yohana bè: Dii, wa gbēke è, èe zīnnoa gooríma kōn n tóo, ben wa ginε zaake wa gbēnlo. <sup>50</sup> Ben Yesu bè: Àton gínoro, zaake gbē kè èe ìbetε kpáaoroo né a baakpεεme.

*Samaria b̀usu lakutu gina Yesuzi*

<sup>51</sup> Kè Yesu tana ludambe gurōo kà kīi, à mì pè Yerusalemua. <sup>52</sup> Ben à gbēno gbàre aō d̀are aε, ben aō gāa wà gē Samaria b̀usu lakutu ke guu lε wà soru kenε. <sup>53</sup> Ben lakutu pì deeno gì à sízi kè à mì pè Yerusalemua yāńzi. <sup>54</sup> Kè à ìba kenō Yemisi kōn Yohanao è lε, aō bè: Dii, n yezi wà be té bō ludambe à mó à n kaaten yó? <sup>55</sup> Ben Yesu liè à kpàkēńzi. <sup>56</sup> Ben aōe gaa lakutu pāndea.

*Tena Yesuzi*

*(Mat 8:19-22)*

<sup>57</sup> Kè aō té zén, gōgbē ke mò à bè Yesune: Guu kè néε gaan píngi, mэгō ténzi. <sup>58</sup> Yesu bène: Gbēngboonon n tò vī, bāanon n sà vī, Gbēntee Né sō ĩampakii vīro. <sup>59</sup> Yesu bè gbē pāndene: N mō n témazi. Ben gbē pì bè: Dii, n tó ai ma de kpá guuzi gĩa. <sup>60</sup> Yesu bène: N tó gēno n gēno vīi. Mpi sō, n gá kpata kè bō Luda kiia yā waazi kε. <sup>61</sup> Gbē pānde bè dō: Mэгō ténzi Dii, m̀ode n tó mà gá lé za ma bēdeenōa gĩa. <sup>62</sup> Yesu bène: Gbē kè swaaro na a zī, tó èe kpεε gwaa, adee e kō sí kōn kpata kè bō Luda kiiaoro.

## 10

*Gõn baaagõ akuri awεεplaanõ zĩna  
(Mat 11:20-27, 13:16-17)*

<sup>1</sup> Beee gbera Dii gõn baaagõ akuri awεεplaa pãndenõ diε, ben à nĩ zĩ gõn plaplaa aõ ðbare aε wéte kõn guu kè á yezi à gánnoo píngi. <sup>2</sup> À bèné: Pókεkena bíta, mɔde à zĩkerinõ pariro. À wéε ke Buradeea, le à zĩkerinõ gbarε aõ a pó keke. <sup>3</sup> À da zén. Mée a zĩ lán sãne bõrõnõ bà lewannõ téme! <sup>4</sup> Àton ɔɔɔ séro ke bòkologomma ke kyateenõ. Àton ze zén à ì kpá gbēkearo. <sup>5</sup> Ua kè a gën píngi à be gĩa Luda ua pì gba aafia. <sup>6</sup> Tó aafiadee kú gwe, a ì aafiadee é gõne. Tó à kú gwe sōro, eé liara à suawame. <sup>7</sup> Àgõ kú ua pì guu, à pó kè wà kpàawaa mi à ble, zaake zĩkeri kà à a asaia e. Àtongõ pitakii lendee kpákpaaro. <sup>8</sup> Wéte kè a gën ben wà a si, à pó kè wà m̀ooree ble. <sup>9</sup> À wéte pì gyāreenõ kékõa, à o gbēnõne kpata kè b̀ Luda kiia kànyo kii. <sup>10</sup> Tó a gē wéte guu, tó wèe a si sōro, à b̀e gāale à be: <sup>11</sup> Baa a wéte lutē kè kpà wa gbála, wa gògo a tona kõn Ludao sèeda ũ. Àgõ dõ sãnsãn kè kpata kè b̀ Luda kiia kà kii. <sup>12</sup> Mée ooare, yákpakegurõ zĩ wétamma kè Sɔɔmudeenõ é ee égõ sã de wéte pì deenõ póla.

<sup>13</sup> Wáiyoo Korazideenõ! Wáiyoo Betesaidadeenõ! Tó ma dabuyã kè má kè a ténõ kè Taya kõn Sidõo yã, le wéte pì deenõ pókāsãnõ dàdañla, aõ vèe tubura à gì kè nõseliena sèeda ũ. <sup>14</sup> Yákpakegurõ zĩ a wétamma égõ de Tayadeenõ kõn Sidõdeenõ póla. <sup>15</sup> A Kapenamudeenõ sõ é gbá à zõ Ludaan yó? Weé ɔ sãazi ai gèwãan.

<sup>16</sup> Ben Yesu bè a ìbanõne: Gbē kè à a yã mà ma yã màme. Gbē kè giāzi gĩmazime. Gbē kè gĩmazi sõ, adee gì gbē kè ma zĩizime.

<sup>17</sup> Gõn baaagõ akuri awεεplaaa pìnõ gaa, ben aõ liara wà sù kõn ponnaa aõ bè: Dii, baa zĩnnõ mì siεwe n tó yãnzì. <sup>18</sup> Yesu bèné: Ma Setãn è à lèe bõna ludambe lán loupina bà. <sup>19</sup> Ma a gba zé à taa o mlènõ kõn swínõ kõn a ìbεε gbãa pínginõa, póke é a kēnnaro. <sup>20</sup> Baa kõn beeeo àton ponnaa ke kõn mì kè zĩnnõ è siareeoro. À ponnaa ke kè a tó kú takadan ludambe yãnzì.

<sup>21</sup> Zĩ beee Luda Nini Yesu pɔɔ kè nna maamaa à bè: Baa, musu kõn tɔtεo Dii, ma n sáabu kè, kè n yã beeenõ ùte yãdõrinõne kõn òndõrinõ n b̀o kyódõrisainõne. Lemε, Baa, zaake n poyeziname. <sup>22</sup> Ma De pó píngi nãme ma ɔzĩ. Gbēkee Luda Né dõro, tó èe ke De Luda baasiro. Gbēkee De Luda dõro, tó èe ke à Né kõn gbē kè Né pì yezi à ɔɔañnenõ baasiro.

<sup>23</sup> Ben Yesu aε d̀ à ìbanõa n̄tēε, à bèné: Aubarikadeenõn a ũ pó kè ée ee wéεo yãnzì. <sup>24</sup> Mée ooare, annabinõ kõn kınanõ kuu yã pari aõ yezi wà pó kè ée eenõ e, aõε ero, aõ yezi wà yã kè ée maanõ ma, aõε maro.

*Samaria b̀usu gbē maa*

<sup>25</sup> Dokadõri ke fεε le à Yesu yõ à gwa à bè: Danneri, dian mé ke nà mà wèndi kè è yãaroo ee? <sup>26</sup> Yesu bène: Dian wà kè doka takadan nà? N kyó kè n̄ d̀rõ dõ diamε? <sup>27</sup> Gbē pì wèala à bè: Ngõ ye Dii n Ludazi kõn nõseo do kõn n niniio píngi kõn n laasuuo píngi n gbãa lén, beee gbera ngõ ye n gbēdaaazi lán n zĩnda wèndi bà. <sup>28</sup> Yesu bène: N we maa. Ngae ke le, négõ kuu. <sup>29</sup> Gbē pì yezi à yã nnaa kpá a zĩndaa, ben à Yesu là à bè: Dén ma gbēdaaa ũu?

<sup>30</sup> Ben Yesu bène: Gbēke bé à b̀ Yerusalemu èe gaa Yeriko, ben kpãi kàsaranõ zé zõne. Aõ à pókāsãnanõ sia aõ à gbè búgubugu ai à kà gana. Ben aõ à tòn aõ gè zéla. <sup>31</sup> À mò à lè sa'ori ke zé d̄nkõ pì sè. Kè à à è, ben à pãne à gète. <sup>32</sup> Lemε ðo kè Levi bori ke kà guu pìn à à è, ben à pãne à gète. <sup>33</sup> M̀de Samaria b̀usu gbēkee té zé pìn. Kè à mò à à è, ben à kènε wènda. <sup>34</sup> À s̄zi à ēzē màma guu kè kēnaanõa kõn nõsio kõn geepiwēεo, à pó yiyia. Ben à à sè à d̀ a zaaki kpεε à gaa nibõnõ pitakii, gura kè à à gwàn. <sup>35</sup> Kè guu d̀, ben à kondogi ɔ b̀ mèn

plaa à kpà pitakidee pìà à bè: Ñ à gwamε. Tó n ɔ̀ blè de kèla à musu, mé fīa bonne, tó ma su.

<sup>36</sup> Tò! Gɔ̀n aagɔ̀ pìnɔ̀ té dén née daa gbē kè kpáinɔ̀ lèea pì gbēdaaa ũu? <sup>37</sup> Dokadɔ̀ri pì wèala à bè: Gbē kè à à wēnda dòmε. Ben Yesu bène: Ñ gá n ke le se.

### *Yesu kuuna Maata kɔ̀n Mariamao be*

<sup>38</sup> Gurɔ̀ kè Yesu kɔ̀n a ìbanɔ̀ té zén, aɔ̀ kà wéte guu, ben nɔ̀gbē kè wè bene Maata Yesu sɔ̀ a be. <sup>39</sup> À dāaro vī wè à sísi Mariama, à vèe Dii gbá sae èe à yā maa. <sup>40</sup> Kīi zīi kè Maataa bíta, ben à m̀ Yesu kiia à bè: Dii, kè ma dāaro ma to zīila mado, èe kenne yāke ũroo? Ñ onε à ma ìan ká. <sup>41</sup> Ben Dii wèala à bè: Maata, Maata, née damu keε bíta, née ìa daa n zīndaa kɔ̀n yānɔ̀ pari. <sup>42</sup> Yā mèn doo bé à zé vī. Mariama baka maa sè, weé síaro.

## 11

### *Aduakεna*

*(Mat 6:9-13, 7:7-11)*

<sup>1</sup> Zīkea Yesu e adua keε gukea. Kè à yāa, à ìba ke bène: Dii, ñ aduakεna dadawe lán Yaaya dà a ìbanɔ̀ne nà. <sup>2</sup> Ben à bèñne: Tó ée adua keε, àgae be:

Baa, ñ tó wàgɔ̀ dɔ̀ kè n tó adona.

Ñ tó kpata kè b̀ n kiia b̀ gupuraa.

<sup>3</sup> Ñ wa gba pò kè wé ble lán guu e dɔ̀ nà.

<sup>4</sup> Ñ wa durunɔ̀ kēwe, zaake weé kē gbē kè aɔ̀ taari kèweenɔ̀ne ñ píngi.

Ñton tó wà fu yɔ̀agwanaaro.

<sup>5</sup> Ben à bèñne: Wà be a gbēke bé à gbēna vī, ben à gāa à kiia lezāndo à bène: Ma m̀ n kiiamε, ñ buredi sēkamε mèn aagɔ̀. <sup>6</sup> Nibɔ̀ pitama tiamε, má pòke vī mà kpáaro. <sup>7</sup> Ben à gbēna pì wèala zaa kpé guu à bè: Ñton ìa damaro, ma zé tàta k̀. Ma gē kpén kɔ̀n ma nénɔ̀, mé f̄ mà fεε mà pòke kpámmaro. <sup>8</sup> Mée ooare, baa tó èe fεε à kpàa gbēnnake yānziro, ée fεε à pò kè à yezi kpáa, kè à zèzi dāndān yānzi. <sup>9</sup> Mapi s̄ mée ooare, à wée ke, Luda é kpáawa. À wete, é e. À gbà lé, Luda é wēare. <sup>10</sup> Zaake gbē kè wée kèn wè kpáa, gbē kè wete s̄ è e, gbē kè gbà lèn, weé wēne. <sup>11</sup> Amɔ̀a kè á nénɔ̀ vī, tó a né kpò wée kèawa, a dé bé eé mlè sé à kpáa? <sup>12</sup> Ke tó à né konεgbee wée kèawa, a dé bé eé swí sé à kpáa? <sup>13</sup> Baa kɔ̀n a zaakeεo, á pò maa kpána a nénɔ̀a dɔ̀. Weé a De kè kú musu Nini kpána gbē kè aɔ̀ wée kèanɔ̀a pò o dɔ̀?

### *Zīngona gbēnɔ̀a*

*(Mat 12:22-30, 43-45, Maa 3:20-27)*

<sup>14</sup> Yesu e zīn swādo kpadugu goo gbēa. Kè zīn pì gòa, swādo pì nà yā'onaa, ben yā pì b̀ parii sae. <sup>15</sup> Ben aɔ̀ gbēkenɔ̀ bè: È zīn gor̄ma kɔ̀n zīnɔ̀ kí Belezεbubu gbāaaomε. <sup>16</sup> Ben gbē pāndenɔ̀ à ỳ wà gwà, aɔ̀ à gbèka à sèeda ke keñne kɔ̀n Luda gbāaa. <sup>17</sup> Kè Yesu ñ laasuu d̀, ben à bèñne: Kpata kè à gbēnɔ̀ ìbete kpà k̄o é kaate. Ua kè à gbēnɔ̀ ìbete kpà k̄o é ḡo bezi ũmε. <sup>18</sup> Tó Setān ìbete kpà kɔ̀n a gbēnɔ̀, à kpata é ḡi keɔ̀? Má ò le kè ée bee mē zīn gor̄ma kɔ̀n Belezεbubu gbāaa yānzime. <sup>19</sup> Tó Belezεbubu gbāaan mē zīnɔ̀ goor̄ma, a gbēnɔ̀ è gor̄ma kɔ̀n dé gbāaaomε? Lemε a zīnda gbēnɔ̀ a ege b̀ le. <sup>20</sup> Tó ma zīngomma né Luda ɔ̀gbemε, àgɔ̀ dɔ̀ kè kí kè Ludaa kà m̀ à a len gwe. <sup>21</sup> Tó ḡsagbāaa ḡkeɔ̀bɔ̀nɔ̀ kūna èe a ua dākpaao, à auzikinɔ̀ èḡo aafiamε. <sup>22</sup> M̀ode tó gbē kè à gbāaa deaalaa m̀ à gēzi à gbāaa m̀ne, ée à ḡkeɔ̀bɔ̀ kè à náane kenano s̄eé eé à auziki kpaateteñne. <sup>23</sup> Gbē kè kúmaoro b̀ ma kpeemε. Gbē kè è pò kakɔ̀amaoro è fākɔ̀amε.

<sup>24</sup> Tó wà zīn gò gbēa, èḡo lik̄ɔ̀aa z̄ɔ̀ gukorin àḡo v̄ekii weteε. Tó èe ero, ben è be: Mé liara mà tá ma be ziiamε. <sup>25</sup> Tó à kà gwe, è e à waana wásawasa zéazea, <sup>26</sup> ben è gá zīn kè aɔ̀ pāsī dealaano s̄eé mèn swεεplaa à suñyo, aɔ̀e gē wà v̄ēen. Lemε adee gwena zāa zaaa èḡo de à kākupɔ̀la.



### *Aubarika yá*

<sup>27</sup> Kè Yesu e oo le, nɔgbē ke pùtā zà guu à bè: Aubarikadeen nɔgbē kè n i à yɔ kpàmmaa ũ. <sup>28</sup> Ben Yesu bè: Auo! Aubarikadeen nɔgbē kè aɔ Luda yā mà aɔ kúnanɔ ũ.

### *Sèeda gbekana Yesua*

*(Mat 12:38-42)*

<sup>29</sup> Kè parii e kaara, ben Yesu bè: Tɔ̀rigbēnɔ zaa. Aɔ̀ sèeda gbekama, mɔ̀de mé sèeda ke kè̀nnero, sé Yona pó. <sup>30</sup> Lán Yunusa de sèeda ũ Ninevadeenɔ̀nè nà, len Gbēntee Né é̀gɔ̀ de sèeda ũ tɔ̀rigbēnɔ̀nè le. <sup>31</sup> Yàkpaekεgurɔ̀ zĩ sɔ̀mεte kpa nɔgbē kína é fεε à yā da tɔ̀rigbēnɔ̀la, zaake à b̀ zaa anduna léa à m̀ Sulemanu ɔ̀ndɔ̀yā ma, ben gbē kè de Sulemanulaa kú kè sa. <sup>32</sup> Yàkpaekεgurɔ̀ zĩ Ninevadeenɔ̀ é fεε wà yā da tɔ̀rigbēnɔ̀la, zaake kè Ninevadeenɔ̀ Yunusa waazi mà, aɔ̀ ǹ ǹ̀se liε, ben gbē kè bíta de Yunusalaa kú kè sa.

### *Wéén mè fitia ũ*

*(Mat 5:15, 6:22-23)*

<sup>33</sup> Wè fitia na wà diε gukpadozi ke wà gbaka kúεaro. Wè di dabu musumε, le gbē kè aɔ̀de gēenɔ̀ gupuraa e yānzi. <sup>34</sup> N wéén n mè fitia ũ. Tó n wéε aafia, n mè píngi é̀gɔ̀ gupuraa ũ. Tó n wéε gbāaro sɔ̀, n mè píngi é̀gɔ̀ gusiaa ũ. <sup>35</sup> Beee yānzi ǹ làakari ke le gupuraa kè nēε daa ǹ vī tóngɔ̀ de gusiaa ũro. <sup>36</sup> Tó n mè píngi gupuraa vī à kee kú gusiaa guuro, eé̀gɔ̀ guu puu wásawasa lán fitia'i dɔ̀mmaa bàme.

### *Yesu ludayādannεrinɔ̀ kɔ̀n Farisinɔ̀ b̀b̀nna ǹ dàn*

*(Mat 23:1-36, Maa 12:38-40, Luk 20:45-47)*

<sup>37</sup> Kè Dii yā ò à yāa, ben Farisi ke à s̀si à m̀ à gá pó bleao, ben à gē à vēε. <sup>38</sup> Kè Farisi p̀i è èε ɔ̀ da ín gbasa wà pó blero, à b̀ à saε. <sup>39</sup> Ben Dii bènε: A Farisinɔ̀ eè gbāsī b̀ togoonɔ̀ kpεε kɔ̀n taanɔ̀, m̀de wākū kɔ̀n yā zaaao bé à a ǹ̀se pà. <sup>40</sup> Yɔ̀nkɔ̀nɔ̀! Luda kè pó kpεε kè bé à à guu kè seroo? <sup>41</sup> À pó kè kú a taanɔ̀ guu dā wēndadeenɔ̀nε, a taa p̀inɔ̀ é gɔ̀are gbāsī sai.

<sup>42</sup> Wāiyoo a Farisinɔ̀! Eè tofeenɔ̀ tɔ̀tεdo kɔ̀n kpèe'āao kɔ̀n dò p̀onɔ̀ píngi kuridee kpá Ludaa, ben eè pā kpá yāzede kɔ̀n yena Ludazio. Yā beenɔ̀ bé à de àgɔ̀ kūna pākpana à kpaaanɔ̀zi sai. <sup>43</sup> Wāiyoo a Farisinɔ̀! Eègɔ̀ yezi à vēε aduakεkpε vēεki maaanɔ̀n, eègɔ̀ yezi wàgɔ̀ ì kpákpaawa yàranɔ̀a. <sup>44</sup> Wāiyoo amɔ̀anɔ̀! Á de lán mira kè wègɔ̀ táa ooa a yādɔ̀na sai bàme.

<sup>45</sup> Ben dokadōri ke bènε: Danneri, tó ǹ ò le, nēε wa s̀sɔ̀mε se. <sup>46</sup> Yesu bè: Wāiyoo a dokadōrinɔ̀ s̀! Eè gbēnɔ̀ da asosena zĩ'ũun, ben eè ɔ̀ darĩma kɔ̀n à senaoro, baa ɔ̀nεtee. Wāiyoo amɔ̀anɔ̀! <sup>47</sup> Eè pó bo annabi kè a dezino ǹ dédεnɔ̀ miranɔ̀a dɔ̀ngu yānzi. <sup>48</sup> Lemε á s̀i kè a zε kɔ̀n a dezino yākεnanɔ̀mε. Aɔ̀ annabinɔ̀ dède, ben eè pó bo ǹ miranɔ̀a. <sup>49</sup> Beee yānzi Luda wéεzēε guu à bè, é annabinɔ̀ kɔ̀n z̀irinɔ̀ zĩawa. É ǹ gbēkenɔ̀ dεde, é wéε tā ǹ gbēkenɔ̀a. <sup>50</sup> Lemε annabi kè wà ǹ dεde zaa anduna daεgurɔ̀ ai gbāanɔ̀ yā wí tɔ̀rigbēnɔ̀ musu le, <sup>51</sup> sena zaa Abila denaa ai à gāa pé Zakari kè wà à dè sa'oki kɔ̀n Luda kpéo daguraa. Eè, mēε ooare, yā beenɔ̀ píngi é wí tɔ̀rigbēnɔ̀ musumε. <sup>52</sup> Wāiyoo a dokadōrinɔ̀! A dɔ̀na gbà m̀nε wòto. Éε gē à guuro, ben a kpa gbē kè aɔ̀ yezi wà gē à guunɔ̀nε. <sup>53</sup> Kè Yesu b̀ gwe, ludayādannεrinɔ̀ kɔ̀n Farisinɔ̀ nàkōrea gbāngbān, aɔ̀de yā lalaaa pari, <sup>54</sup> aɔ̀de à kpákpa le wà à kū yā kè èε oo guu.

## 12

### *Làakarikana Farisinɔ̀ m̀nafikizi*

*(Mat 10:26-27)*

<sup>1</sup> Gurɔ̀ beee gbēnɔ̀ kàkɔ̀azi, wà ǹ lé dōro, ai aɔ̀de kèεε péεpεεkɔ̀a, ben à yā ò a ìbanɔ̀nε gĩa à bè: À làakari ke Farisinɔ̀ buredisεε'ēzēzi. Àmbe ǹ m̀nafiki ũ. <sup>2</sup> Pókee kuu utena kè

é bɔ gupuraaaro. Asiiyā kee kuu kè weé gí dōziro. <sup>3</sup> Leme dɔ yā kè á ò gusiaan weé ma gupuraa, asiiyā kè á ò kō swān kpétu weé à kpàakpa ke gāale.

*Zena kōn Yesuo gbēno ae*  
(Mat 10:19-20, 28-33, 12:32)

<sup>4</sup> Ma gbēnnanɔ, mée ooare, gbē kè ašé mēbaa kaate à gbera ašé fɔ wà yāke keare dɔroonɔ, àton vīa keñnero. <sup>5</sup> Mé gbē kè de à vīa keñe oare. À vīa ke Ludane kè gbāa vī à a zu té guu mēkaatena gbera. Eè, mée ooare, à vīa keñe. <sup>6</sup> Wè sātē mèn sɔro yá kɔbɔ plaaroo? Mɔde aš ke yā è sā Ludanlo. <sup>7</sup> Baa a mikānɔ, à à lé dō. Àton vīa kero, a bèe de sātē pariinla.

<sup>8</sup> Mée ooare, gbē kè zēmao gbēno ae, Gbēntee Né é zεo Luda malaikanɔ ae. <sup>9</sup> Gbē kè lé sēmazi gbēno ae sɔ, mé lé sézi Luda malaikanɔ ae. <sup>10</sup> Tó gbē Gbēntee Né zaa bò, Luda é kēne. Mɔde tó gbē Luda Nini tó zaa si, eé kēnero. <sup>11</sup> Tó wèe gaaao yākpækekiia aduakεkpen ke kīnanɔ kōn gbāadeenɔ ae, àton a zīnda bōna ke yā kè é o damu kero, <sup>12</sup> zaake Luda Nini bé eé yā kè de à oo daare zī beea.

*Yōnkɔ ɔɔdee*  
(Mat 6:19-34)

<sup>13</sup> Zà guu gbēke bè Yesune: Danneri, ñ o ma vīine à ma baka kpáma wa túbi guu. <sup>14</sup> Ben à wèala à bè: Ma gbē, dé bé à ma die a yākpækεri ke a yāgōgōri ũu? <sup>15</sup> Ben à bè gbēnoñe: Àgō a zīnda kūna dō. À làakari ke pó píngi aīapāsīkenazi, zaake auziki né gbēntee wēndinlo, baa tó à fɔ àgō dikōa dia.

<sup>16</sup> Ben à yā lèkōziñne à bè: ɔɔdee bé à kuu à buraa bleε kēne maamaa, <sup>17</sup> ben à laasuu lè à bè: Bón mé keε? Má blewεekakii vīro. <sup>18</sup> Ben à bè: Pó kè mé keεn yè: Mé ma pókaekiinɔ gboro, mé à bítanɔ bo, mé ma blewεε kán píngi kōn ma auzikinɔ. <sup>19</sup> Mé be ma zīndanε: Gbē, n gīake n pó maa vī bíta kè eé kányo wè ũgbangba? N kamma bo ñ pó ble ñ í mi ñ pōnnaa ke. <sup>20</sup> Ben Luda bène: Yōnkɔ, gwāavīa mé n wēndi gbekamma. Soru kè n kè é gō dé pó ũme? <sup>21</sup> Leme gbē kè auziki tōkōazi, mɔde à de ɔɔdee ũ Luda kiiaro yā de le.

*Ludanaanekena*  
(Mat 6:19-21, 25-34)

<sup>22</sup> Ben à bè a ibanone: Beee yānzi mée ooare, àton a wēndi kàhān ke à be bón wé blero, àton a mè kàhān ke à be bón wé daro. <sup>23</sup> Wēndi de pobleela. Mè de pókasāala. <sup>24</sup> À gbāa kánkānanɔ gwa. Ašè pó tōro ašè pó kēro, ašɔ dō ke gbàso vīro, baa kōn beeeo Luda è n gwa. Á bèe vī maamaa de bāanla fá! <sup>25</sup> A té, dé bé eé fɔ à a wēndi gbāa kaara, baa gurɔ do, a kàhānkεna guuu? <sup>26</sup> Tó é yā néngo kè fōro, bōyānzi ée yā kpaanɔ kàhān keεzi? <sup>27</sup> À lá vúdeenɔ gwa sēn lán ašɔ de nà. Ašè zīi kero ašè buu tāro, mɔde mée ooare baa Sulemanu kōn a auzikio, èe uta da à maa kà aš ke ũro. <sup>28</sup> Sèla kè kuu gbāa eé té kū zia, lán Luda è pó nazi le nà, amɔa ludanaanekēsānadeenɔ, weé a pó o dɔɔ? <sup>29</sup> Àton tó pó kè é ble ke pó kè é mi yā dɔare aεro. Àton à damu kero. <sup>30</sup> Pó pìnɔ píngi yā è dɔ anduna kè kifinone ae, a De sɔɔ dō kè pó pìnɔ kō siao. <sup>31</sup> À tó kpata kè bò à kiia yā dɔare ae, eé pó pìnɔ kaaraare. <sup>32</sup> Ma kpàsa néngo gbēno, àton vīa kero, zaake a De poyezime à a kpá kpata pìn. <sup>33</sup> À pó kè á vīinɔ yá à takaasideenɔ gba à ɔɔ. À ɔɔɔɔ kè è zi kūroo zō, ludambe auziki kè è yāaro kákii ũ, kè kpāi è sōziro, kòkò sō è à yakaro. <sup>34</sup> Zaake guu kè a auziki kún, gwen a làakari égō kún se.

*Zīkeri náanede làakaridee*  
(Mat 24:45-51)

<sup>35</sup> Àgō kú soru guu, à tó a fitia gō nana. <sup>36</sup> Àgō de lán gbē kè ašɔe n dii suna dāa à su kōn nɔse pōnnakenao bà, le gurɔɔ kè à mò à gbà lè, weé zé wēne gōɔ. <sup>37</sup> Aubarikadeenɔn zīkeri kè n dii é n le bēe a sugurɔɔa pìnɔ ũ. Yāpuraan mée ooare, dii pì é a pónɔ keke à yi, eé n vēe, eé pobleε kakōañne. <sup>38</sup> Baa tó à mò lezāndo ke kōngɔ ide'idε, tó à n lé le, aubarikadeenɔn n

ũ. <sup>39</sup> Àgõ yā kèkii d̄s. Tó b̄edee gurɔ zaka kè kp̄ai é m̄sa d̄s yā, l̄e eé tó à a kpé f̄ro. <sup>40</sup> Apinɔ s̄s, àgõ kú soruo, zaake Gb̄entee Né é su gurɔ zaka kè a w̄ée d̄z̄irooame.

<sup>41</sup> Pita bè: Dii, wa yānz̄in n yā p̄i l̄èk̄oz̄iz̄i, ke baade p̄ingi yānz̄ime? <sup>42</sup> Dii bè: Dén begwari náanede làakaridee kè à dii è a z̄ikerinɔ nan̄e a ɔz̄i l̄e à p̄óblee kpár̄ma à gurɔɔa ũu? <sup>43</sup> Aubarikadeen z̄ikeri kè à dii à l̄è èe kee l̄ee a sugurɔɔa ũ. <sup>44</sup> Yāpuraan m̄ée ooare, eé a auziki p̄ingi nan̄e a ɔz̄ime. <sup>45</sup> M̄ode tó z̄ikeri p̄i bè a n̄d̄e guu a dii suna e gi kee s̄s, ben à nà a z̄ikeri daanɔ gb̄ēgb̄ēnaa, ḡōgb̄ēnɔ k̄ōn n̄ōgb̄ēnɔ, èe s̄ānkara p̄ó blee èe w̄ēd̄ee kee, <sup>46</sup> à dii é su gurɔ kè à w̄ée d̄z̄irooame, gurɔ zaka kè à d̄rooa, eé à z̄ōz̄ōk̄ōre à à baka da k̄ōn kifinɔ.

<sup>47</sup> Z̄ikeri kè à a dii p̄oyezi d̄s, ben èe soru ke à à p̄oyeziyā k̄ero, weé à gb̄ē búgubugu. <sup>48</sup> Z̄ikeri kè à a dii p̄oyezi d̄ro, ben à yā kè de wā à gb̄ēzi kè s̄s, weé à gb̄ē féteme. Gb̄ē kè Luda à gbà bítan Luda é wet̄ea bíta. Gb̄ē kè Luda p̄ó nan̄e a ɔz̄i bítan, eé gbekaa deńla.

### *K̄ek̄ek̄ōana Yesu yānz̄i* (Mat 10:34-36)

<sup>49</sup> Tén ma m̄o na andunaa, m̄ée gizi té p̄i ḡō k̄ū se tiaro. <sup>50</sup> Má w̄ēt̄amma v̄i kè mé ḡēn, má kú laasuu bíta guu ai à gá yāao. <sup>51</sup> Èe daa ma m̄o l̄e gb̄ēnɔ ḡō nna k̄ōo anduna guun ȳó? Auo! M̄ée ooare, k̄ek̄ek̄ōana yānz̄in ma m̄zi. <sup>52</sup> Zaa tia ua kè ḡōn s̄ōōroonɔ k̄ún, ašé k̄ō kpaatete. Ḡōn aaḡōnɔ é b̄o ḡōn plaaanɔ kp̄ee, ḡōn plaaanɔ é b̄o ḡōn aaḡōnɔ kp̄ee. <sup>53</sup> De é b̄o a néḡōgb̄ē kp̄ee, néḡōgb̄ē é b̄o a de kp̄ee. Da é b̄o a n̄én̄ōgb̄ē kp̄ee, n̄én̄ōgb̄ē é b̄o a da kp̄ee. Zā da é b̄o n̄ōz̄aree kp̄ee, n̄ōz̄aree é b̄o a zā da kp̄ee.

### *Gurɔ k̄eki yáasi d̄na* (Mat 16:2-3)

<sup>54</sup> Yesu bè pariine: Tó á è lou e sisii ɔf̄ant̄ēḡēkp̄en kpa, é be ḡō lou é ma, ben è ke l̄e. <sup>55</sup> Tó á è ĩa e b̄o s̄ōōmet̄e kpa, é be guu é wā, bens̄ō è wā. <sup>56</sup> M̄ōnafikideenɔ! Á t̄ōt̄e k̄ōn ludamb̄eeo w̄ée d̄k̄ōzi, ben á gurɔ k̄eki yáasi d̄s s̄ro né?

### *Gaafaa wet̄ena* (Mat 5:25-26)

<sup>57</sup> B̄oyānz̄in á yākena a z̄éa d̄s a z̄indaaroo? <sup>58</sup> Tó n ib̄ee e gaanyo yākp̄aek̄ekiia, n̄ aĩa ke l̄e à gaafaa kenne zaa z̄én, l̄e àton n gáe à gányo yākp̄aek̄eri kiiaro yānz̄i. Tó née ke lero, yākp̄aek̄eri p̄i é n kpá dogaria, dogari é n da kp̄ésiaan. <sup>59</sup> M̄ée oonne, né b̄o gwero ai n̄ gá f̄ia boo p̄ingi. Baa k̄ōb̄o é ḡō t̄enziro.

## 13

### *N̄s̄elīena ke gaa*

<sup>1</sup> Gurɔ beea gb̄ēkenɔ m̄ò wā Galili gb̄ē kè Pilati n̄ d̄éde à n̄ aru yāk̄ōt̄e k̄ōn n̄ sa'ob̄o aruonɔ yā ò Yesune. <sup>2</sup> Ben Yesu bènn̄e: Kè Galili gb̄ē p̄inɔ gaa de l̄e, èe daa aš durun de Galili gb̄ē kpaaanɔ p̄olan ȳó? <sup>3</sup> Auo! M̄ée ooare, tó èe n̄d̄e liero, a p̄ingi é ga lán n̄ bàme. <sup>4</sup> Ḡōn baro plaasai kè Siloamu kp̄édidik̄ōana gb̄òro à s̄im̄ma aš ḡaganɔ s̄s, èe daa aš taari de gb̄ē kpaa kè aš kú Yerusalemunɔ p̄olan ȳó? <sup>5</sup> Auo! M̄ée ooare, tó èe n̄d̄e liero, a p̄ingi é ga lán n̄ bàme.

<sup>6</sup> Ben à yā k̄ek̄ii l̄èk̄ōziñ̄ne à bè: Gb̄ēke bé à k̄ākā lí bà a swadako guu, ben à ḡaa a b̄ee wet̄e èe ero. <sup>7</sup> Ben à bè a z̄ikerine: N̄ gwa, à w̄è aaḡōdeen ȳè, kè ma m̄o b̄ee wet̄e k̄ākā lí p̄ia m̄ée ero. N̄ z̄s, wé tó à guu sí p̄ān ȳó? <sup>8</sup> Ben z̄ikeri p̄i bènn̄e: Baa, n̄ tó ai zii d̄o. Mé guu bi mà ligazi mà taaki k̄āne. <sup>9</sup> Eé gí né i ziiziro. Tó èe né iro sa, ènd̄ē n̄ z̄s n̄ ne.

### *N̄ōgb̄ē k̄ōk̄una k̄ek̄ōana*

<sup>10</sup> Kámmabogurɔ z̄i Yesu e yā daan̄ne aduak̄ek̄p̄en. <sup>11</sup> N̄ōgb̄ē kee kú gwe, z̄in à k̄ōō k̄ù à kà w̄è baro plaasai. Èḡō kokoname è f̄s̄ à a z̄inda poro baa fétero. <sup>12</sup> Kè Yesu à è, ben à à s̄isi à bè: N̄ōgb̄ē, n̄ k̄ōōke ḡōmma. <sup>13</sup> Ben à ɔ k̄èa. Zaa gwe ḡō à p̄òro, ben à Luda s̄ábu kp̄a.

14 Ben aduakεkpe gbēnsi pɔ fɛ̀ kè Yesu à kèkɔ̃a kámmabogurɔɔ zĩ yānzi, ben à fɛ̀e à bè gbēnɔ̃nɛ: Gurɔ swɛɛdoo bé à kuu kè wè zĩ ken. Àgae mó wà a kèkɔ̃a gurɔ beeenɔ̃a, mɔde kámmabogurɔɔ zĩ baasi. 15 Ben Dii wèàla à bè: Mɔnafikideenɔ̃! Kámmabogurɔɔ zĩ a baade è a zù ke zaaki poro a bàdɔkiia à gá í kpáaroo? 16 Ibraĩ bori nɔgbɛ̀ kèkii sɔ̃, Setān à yì wè̀ baro plaasaimɛ̀. À bà pì poronaa kámmabogurɔɔ zĩ zé vīroo? 17 Kè à ò le, ben wí à ibɛɛnɔ̃ kù ní píngi, mɔde gbēnɔ̃ pɔɔ kè nna dabuyā kè èe kɛɛnɔ̃a píngi.

*Yálekɔ̃zina kɔ̃n musadi wéɛo*  
(Mat 13:31-32, Maa 4:30-32)

18 Ben Yesu bè: Bón kpata kè bɔ̀ Luda kiia bɔ̀kɔ̃bao? Bón mé lékɔ̃zio? 19 À de lán musadi wéɛ̀ kè gbɛ̀ sè à t̃s̃ a kara guu bà. Kè à bòɛ̀, à kè lí ũ, ben bāanɔ̃ mò wà zòzò à gānɔ̃a.

*Yálekɔ̃zina kɔ̃n burɛdisɛɛ'ɛ̃zɛo*  
(Mat 13:33)

20 Ben à bè dɔ̃: Bón mé kpata kè bɔ̀ Luda kiia lékɔ̃zio? 21 À de lán burɛdisɛɛ'ɛ̃zɛ̀ kè nɔgbɛ̀ sè à kà flawa zaka lé aagɔ̃ guu à yá̃kɔ̃te píngi bà.

*Zéle kpaatoo*  
(Mat 7:13-14, 21-23)

22 Gurɔ kè Yesu e gaa Yerusalemu, èe gɛ̀e wétɛnɔ̃ kɔ̃n lakutunɔ̃la èe yā daañne, 23 ben gbɛ̀ke à là wà bè: Baa, gbɛ̀ kè aɔ́é m̀sina e ziaa zĩnɔ̃o pari-roo? Ben Yesu bè gbēnɔ̃nɛ: 24 À aĩa ke à gɛ̀ zéle kpaatoo guu. Mée ooare, gbɛ̀ parideenɔ̃ é wete wà gɛ̀n, mɔde aɔ́é f̃ro. 25 Tó bɛdee f̃e à zé tàta, tó a g̃ò bàazi, ben ée gbà læ ée bee: Baa, ñ zé wɛ̀we, eé beare á a d̃s̃ gukearo. 26 Beee gbɛra tó a bène à pó blèao, à í m̀iao, à yā dàñne a be gāale, 27 eé beare á a d̃s̃ gukearo. À guala a zaakɛrinɔ̃ a píngi.

28 Tó a Ibraĩ kɔ̃n Isaakuo kɔ̃n Yakubuo kɔ̃n annabinɔ̃ è píngi kpata kè bɔ̀ Luda kiia guu, ben wà a zu bàazi, gwen é ɔ̃o dɔ̃n à ɔ̃ di a musu. 29 Gbēnɔ̃ é bɔ̃ ɔ̃fántɛbɔ̃ɛ kpa kɔ̃n ɔ̃fántɛg̃kpen kpaao kɔ̃n gu'igbāroo kpaao kɔ̃n sɔ̃mɛte kpaao, aɔ́é mó pó ble kpata kè bɔ̀ Luda kiia guu. 30 Len kpɛɛdeenɔ̃ é̃g̃o gbɛ̀ káakunɔ̃ ũ le, gbɛ̀ káakunɔ̃ é̃g̃o kpɛɛdeenɔ̃ ũ.

*Yerusalemu yá*  
(Mat 23:37-39)

31 Gurɔ beea g̃oo Farisi kenɔ̃ mò Yesu kiia aɔ́ bène: Ñ fɛ̀e gura kè, zaakɛ Hɛrɔdu yezi à n demɛ. 32 Ben à bèñne: À gá o flɛngɔ̃ p̃ine, mée zĩnnɔ̃o goom̃ma mée gyāreenɔ̃ kèkɔ̃a gbàa kɔ̃n ziaao, à gurɔ aagɔ̃dee zĩ s̃o mé ma zĩ papa. 33 Baa kɔ̃n beeo séto mà gá ae gbàa kɔ̃n ziaao kɔ̃n ziandoo, zaakɛ èe k̃o sío annabi ga gukearo, sé Yerusalemu. 34 Yerusalemudeenɔ̃, Yerusalemudeenɔ̃! Èe annabinɔ̃ dɛdɛ, eé gbɛ̀ kè Luda ñ zĩawaanɔ̃ pápa gbèo à ñ dɛdɛ. Mɛèg̃o yezi mà a kakɔ̃amazi gèn baaag̃o, lán koo è dèbe kú a nénɔ̃la nà, mɔde eè weziro. 35 Luda é a kpé tóare bezĩ ũmɛ sa. Mée ooare, é ma e dɔ̃ro ai à be, aubarikadeen gbɛ̀ kè èe mɔ̃o Dii tóo ũ.

## 14

*Yesu kuuna Farisi ke be*

1 Kámmabogurɔɔ zĩkea Yesu gaa pó ble Farisinɔ̃ gbēnsi ke be, ben gbɛ̀ kè aɔ̃o kú gweenɔ̃o e à kpákpa. 2 Kakagyākɛri kee kú Yesu ae gwe. 3 Ben Yesu dokad̃orinɔ̃ kɔ̃n Farisinɔ̃ là à bè: Wè gbɛ̀ kèkɔ̃a kámmabogurɔɔ zĩs̃ ke wè kèkɔ̃aro? 4 Ben aɔ̃o g̃o yĩtena kítikiti. Ben Yesu gyāree pì kú à à kèkɔ̃a à à gbàre. 5 Ben à ñ lá à bè: Tó a gbɛ̀kee né ke zù vī à zù lògɔ̃n kámmabogurɔɔ zĩ, eé à bɔ̃o g̃o-roo? 6 Aɔ̃o f̃s̃ wà wèàlaro.

7 Yesu è dian gbɛ̀ kè wà ñ sísinɔ̃o e ṽɛeki maa kũu nà, ben à yā lèkɔ̃ziñne à bè: 8 Tó wà n sisi nɔ̃se póbleea, ñton ṽɛe ṽɛeki maa guuro. Tó wà gbɛ̀ kè bèe vī denlaa sisi né! 9 Tó a sisiri mò à bèñne: Ñ fɛ̀e ñ ṽɛeki kpá gbɛ̀ p̃ia, né fɛ̀e ñ gá ṽɛe kpɛɛ kpa kɔ̃n wíomɛ. 10 Tó wà n sisi,

̀ngae v̄ee kp̄ee kpa, le tó n s̄isiri m̀, eé benne: Ma gb̄enna, ñ f̄ee ñ m̀ aε k̄e. Beee é n ke b̄eé v̄i gb̄e k̄e á kú l̄edoon̄ aε. <sup>11</sup> Gb̄e k̄e è a z̄inda sé lez̄in Luda é à busa. Gb̄e k̄e è a z̄inda busa s̄, Luda é à sé lez̄i.

<sup>12</sup> Ben Yesu bè a s̄isiri p̄ine: Tó n̄ee gb̄en̄o s̄isii p̄oble fáant̄e blenaa ke uusie p̄ó, ñton n gb̄ennan̄o s̄isiro ke n v̄iin̄o k̄on n d̄áaron̄o ke n dan̄en̄o ke n ɔ̄ode daan̄o. Tó ñ k̄e le, āsé eara wà n s̄isime se ās̄ f̄ia bonne. <sup>13</sup> Tó n̄ee gb̄en̄o s̄isii p̄obleea, ñ takaasideen̄o s̄isi k̄on gb̄e k̄òk̄unan̄o k̄on er̄en̄o k̄on v̄ian̄o, <sup>14</sup> né ḡõ aubarikadee ù, zaake ās̄ p̄oke v̄i wà f̄ia boonn̄ero. Luda bé eé f̄ia bonne gb̄e maaan̄o f̄ee gur̄o z̄i.

### *Yal̄ek̄szina k̄on p̄oble b̄itao*

*(Mat 22:1-10)*

<sup>15</sup> K̄e gb̄e k̄e ās̄ kú l̄edoon̄o doke yā p̄i mà, ben à bè Yesun̄e: Aubarikadeen gb̄e k̄e eé p̄ó ble k̄on kpata k̄e b̄ò Luda kiia gb̄en̄o ù. <sup>16</sup> Yesu bène: Gb̄eke bé à yezi à p̄oble ke, ben à gb̄en̄o s̄isi paripari. <sup>17</sup> P̄oble gur̄o z̄i à a z̄ikeri z̄i à o gb̄e k̄e à ñ s̄isin̄one ās̄ m̀, wà p̄ó píngi soru k̄e wà yā sa. <sup>18</sup> Ben ās̄ baade e wete e wà ñ k̄e. Gb̄e káaku bène: Ma bú lù, mé gá gwa. N yā nna, ñ ma k̄e. <sup>19</sup> Gb̄e p̄ande bè: Ma z̄ù z̄ikeb̄on̄o lù m̄en̄ kuri, mé gá ñ gwa. N yā nna, ñ ma k̄e. <sup>20</sup> Gb̄e p̄ande bè: Ma n̄o s̄e dufum̄e. Beee yānzi mé e mà m̀oro. <sup>21</sup> Ben z̄ikeri p̄i liara à tà à ñ légb̄e ò a diine. Ben bedee p̄i p̄o f̄e à bè a z̄ikerine: Ñ gá w̄ete guu kpakpaa ḡaal̄en̄o k̄on z̄edaan̄o, ñ takaasideen̄o k̄on gb̄e k̄òk̄unan̄o k̄on v̄ian̄o k̄on er̄en̄o kak̄õa ñ suño k̄e. <sup>22</sup> Beee gbera z̄ikeri p̄i m̀ à bène: Dii, ma yā k̄e ñ ò k̄e, m̄ode v̄ee ki kp̄e kuu. <sup>23</sup> Ben dii p̄i bè z̄ikeri p̄ine: Ñ gá z̄en̄o guu k̄on z̄e w̄ew̄en̄o píngi, ñ gā na gb̄en̄o ās̄ ḡe le ma ua pa. <sup>24</sup> M̄ee ooare, gb̄e k̄e ma ñ s̄isi p̄in̄o ke é lé z̄õ ma p̄oble piaro.

### *Ḡõna Yesu ìba ù*

*(Mat 10:37-38)*

<sup>25</sup> Wà té z̄en̄o k̄on Yesuo paripari, ben à liara à bène: <sup>26</sup> Tó gb̄e m̀ ma kiia, ben à ye a dezi demala ke a da ke a nās̄ ke a n̄en̄o ke a v̄iin̄o ke a d̄áaron̄o ke api z̄inda, eé f̄õ à ke ma ìba ùro. <sup>27</sup> Gb̄e k̄e èe a líkpangb̄aroo sé àḡõ téomaziro, adee é f̄õ à ke ma ìba ùro. <sup>28</sup> Tó a gb̄ekee yezi à kp̄édidik̄õana bo, eé v̄ee ḡià à à ɔ̄o d̄o d̄o à gwa, tó eé f̄õ à z̄i p̄i keroo? <sup>29</sup> Tó èe ke l̄ero, ben à eε kp̄aε, tó èe f̄õ à à yāaro, gb̄e k̄e è píngi é à lalandi ke <sup>30</sup> wà be: Gb̄e k̄ek̄ii nà kp̄ébonaa à f̄ua à à mì de. <sup>31</sup> Ke tó k̄ina yezi à gá z̄i ká k̄on k̄ina p̄andeo, eé v̄ee ḡià à a laasuu lé à gwa, tó a soza ḡali kurin̄o é f̄õ wà kù kp̄a soza ḡali baroo k̄e ās̄e suun̄aroo? <sup>32</sup> Tó à è é f̄õro, eé z̄irin̄o z̄i le ās̄ l̄edolekena z̄e wetea zaale èe ká k̄īro. <sup>33</sup> Lem̄e d̄o, tó a gb̄ekee e ɔ̄ kp̄a p̄ó k̄e à v̄iin̄ozi píngiro, eé f̄õ à ke ma ìba ùro.

<sup>34</sup> Wisi né p̄ó nnaame, m̄ode tó à í nnaa tà, dian weé ke nà à ḡõ nna d̄o? <sup>35</sup> À maa t̄o t̄e kes̄o z̄ùgb̄okaekiin̄ero, w̄e kw̄eεm̄e. Gb̄e k̄e swā v̄i à ma.

## 15

### *P̄ó k̄e s̄ās̄an̄o*

*(Mat 18:12-14)*

<sup>1</sup> Be'ɔ̄osirin̄o k̄on durunk̄erin̄o e s̄õ Yesuzi le wà à yā ma ñ píngi. <sup>2</sup> Ben Farisin̄o k̄on ludayādannerin̄o e yākete kaazi ās̄ bè: Gb̄e k̄ek̄ii è durunk̄erin̄o sí è se p̄ó bleño l̄edo. <sup>3</sup> Ben Yesu yā k̄ek̄ii l̄ek̄ziñ̄e à bè: <sup>4</sup> Wà be a gb̄ekee s̄aa v̄i m̄en̄ bas̄oro, ben à doo s̄ās̄a, è à bas̄oro dosai tó s̄en̄ à p̄ee s̄aa k̄e s̄ās̄a p̄izi ai à gá eroo? <sup>5</sup> Tó à b̄ò, è à sé à da a ḡan̄ k̄on p̄onnaao <sup>6</sup> à táo be à a gb̄ennan̄o k̄on a fáandideen̄o s̄isi à beñ̄e: À p̄onnaa kemao. Ma a s̄aa k̄e s̄ās̄a è. <sup>7</sup> Lem̄e d̄o m̄ee ooare, weé p̄onnaa ke ludambe durunk̄eri m̄en̄ doo k̄e n̄s̄e liε yā musu de gb̄e maa ḡõn bas̄oro dosai k̄e ās̄ n̄seliēna nii v̄i roon̄la.

<sup>8</sup> N̄ogb̄e k̄e kondogi ɔ̄ v̄i m̄en̄ kuri s̄õ né? Tó à m̄en̄ doo s̄ās̄a, è fitia na à kp̄e waa à wete busebuse ai à gá eroo? <sup>9</sup> Tó à b̄ò, è a gb̄ennan̄o k̄on a fáandideen̄o s̄isi à beñ̄e: À p̄onnaa

ke<sup>mao</sup>. Ma kondogi ɔ kè sàsá pì è. <sup>10</sup> Leme do méε ooare, Luda malaikano è ponnaa ke durunkeri mèn doo kè nòse lèe yá musu.

### *Néǵǵbē kè sàsá*

<sup>11</sup> Yesu bè do: Gbēke bé à kuu à néǵǵbēno vī ǵɔn plaa. <sup>12</sup> Ben Sabi bè a denε: Baa, n ma asaia kè méǵǵ vī túbi guu kpáma. Ben de pì a auziki kpàateteñne. <sup>13</sup> Èe ke gurɔ plaaro, ben Sabi a póno nàkɔa pínǵi à tà bùsu pānden zāazā. Gwen à a auziki kàaten pāpākena guu. <sup>14</sup> Kè à pò kè à vīino dè pínǵi, ben dekaa gbāaa kà bùsu pin, ben à ǵò takaasio. <sup>15</sup> À gàa à nà bùsu pì gbēkezi ayazīkeri ũ, ben gbē pì à gbàre a bura à pòblee kpá aledenɔa. <sup>16</sup> Èǵǵ yezi à pò tēε kè aledenɔ e blee ble à kā, mɔde wè pòke kpáaro. <sup>17</sup> Kè à làakari sù à bè: Ma de ayazīkerino pòblee vī diñzi, ben méε gaa kōn nɔaa kè. <sup>18</sup> Mé fεε mà tá ma de kiia, mé benε: Baa, ma durun kè Ludane kōn mpio se, <sup>19</sup> méε kō sío wà ma sísi n né ũ dɔro. N ma die n ayazīkerino doke ũ. <sup>20</sup> Ben à fεε èe taa a de kiia. Kè à té káaa èe suu, à de pì à è, ben à kènε wēnda. À bàa sɔ à gàa à kùsia, à lé pèa. <sup>21</sup> Ben né pì bè: Baa, ma durun kè Ludane kōn mpio, méε kō sío wà ma sísi n né ũ dɔro. <sup>22</sup> Ben de pì bè a zīkerinone: À gá kpakpaa, à utada maa kè de à kpaaanɔla sé à mós à danε, à tanga danε à kyatee kpáne. <sup>23</sup> À zùswarene bɔro mèkpana kù à de, wà só ponnakena guu, <sup>24</sup> zaake ma né pì gà à fεεε. À sàsáme, ben ma à è. Ben aɔ nà ponnakena.

<sup>25</sup> Woru sɔ kpé bura. Kè èe suu à kà kī kōn bεεo, ben à bata ó mà do kōn kōkō kīo. <sup>26</sup> Ben à zīkerino doke sísi à à là bón wèe keε. <sup>27</sup> Ben à wèala à bè: N dāaro bé à sù, ben n de zùswarene bɔro mèkpana dè, kè à à è aafia yānzi. <sup>28</sup> Ben Woru pò fè, à ǵi ǵē ua guuzi. Kè à de bò à agbaa kpáne, <sup>29</sup> ben Woru bè a denε: É'e, à kà wè ũgbangba kè méε zīi keenne, méε ǵi n yāzi zikiro, ben baa blèkofii gina néε kpáma mà ponnaa keo kōn ma gbēnnanɔoro. <sup>30</sup> Kè n né kè à n auziki kàate kaaruanone pì sù, n zùswarene bɔro mèkpana dènε. <sup>31</sup> Ben à de bè: Ma né, n kúmao gurɔ pínǵi. Pò kè má vī pínǵi n pómε. <sup>32</sup> À kō sío wà pò ble kōn ponnaaomε, zaake n dāaro pì gà à fεεε. À sàsáme, ben wà à è.

## 16

### *Auziki náanesai*

<sup>1</sup> Yesu bè a ibanone: ɔde ke bé à kuu à begwari die a zīkerinone. Ben wà mò wà komɔto kènε wà bè, èe à auziki kaateε. <sup>2</sup> Ben à à sísi à bè: Yá kè má mà n musu de diame? N yá kè néε keε n begwana guu tōkēmε. Né fɔ ñǵɔ de ma begwari ũ dɔro. <sup>3</sup> Ben begwari pì ò a swè guu: Ma dii e ma bɔo zīi guu, mé ke diame? Àε kè mé fɔ mà sè waro, ben baakena demε wíyá ũ. <sup>4</sup> Má dɔ yá kè mé ke le gbēno ma die n be, tó à ma bɔ zīin. <sup>5</sup> Ben à a dii fiadeeno sísi doodo à gbē káaku là à bè: N ma dii fīa kūna ũgbame? <sup>6</sup> À bè: Nósi gaawa lé basɔoro. Ben begwari pì bè: N fīa takadan yè. N vεε n kē baplaa akuri kpakpaa. <sup>7</sup> Ben à bè gbē pāndenε: Mpi sɔ, n fīa ũgbame? Ben à bè: Ése sàki basɔoro. Ben begwari pì bè: N fīa takadan yè, n kē basiigɔ. <sup>8</sup> Ben dii pì begwari náanesaidee pì sáabu kpà wéεzεε kè à kè yá musu. Zaake anduna kèki gbēno wéε zēna de gupuradeenɔla n kō tēε yākena guu.

<sup>9</sup> Mapi sɔ, méε ooare à gbēnnano wete kōn ɔ náanesaio, le gurɔ kè à yāaawa, Luda é a die bεε kè è yāaronɔ guu. <sup>10</sup> Gbē kè náane vī kōn à féteo éǵǵ náane vī kōn à bítaomε se. Gbē kè náane vī kōn à féteoro éǵǵ náane vī kōn à bítao sero. <sup>11</sup> Tó ée ke á náane vī kōn ɔ náanesaioro, Luda é a náane ke kōn à yāpuradeeó? <sup>12</sup> Tó ée ke á náane vī kōn gbē pānde pónoro, Luda é a zīnda pò kpáawaó? <sup>13</sup> Zīkeri è fɔ à do dii mèn plaaaziro, zaake eé za gbē doon àǵǵ ye gbē doozi, kesɔ eé na gbē dooa à kya ká gbē doon. É fɔ àǵǵ do Ludazi kōn ɔo ledoro.

<sup>14</sup> Farisinɔɔ ye ɔɔzi. Kè aɔ yā pì mà píngi, ben aɔɔe lézúkii kéε Yesua. <sup>15</sup> Yesu bènnε: Èè yā nnaa kpá a zĩndaa gbẽnteenɔ kiiamε, mɔde Ludaa a swè dɔ. Yā kè bíta gbẽnteenɔnɛn Luda è kya kán.

### *Ɔɔde kɔn Lazaruo*

*(Mat 5:31-32, 11:12-13, Maa 10:11-12)*

<sup>16</sup> Musa doka kɔn annabinɔ takadanɔ kuu ai Yaaya gurɔɔa. Zaa gurɔ beeean wèe kpata kè bò Luda kiia baaru kpaa, ben gbẽ píngi e wεtεε à gɛn kɔn gbãaa. <sup>17</sup> Ludambε kɔn tɔɔtεo gɛtεna aaga de doka pì wɛzã féte gogonala. <sup>18</sup> Gbẽ kè gí a naɔzi à nɔ pãnde sè, adee zina kɛmε. Gbẽ kè nɔɔ kè wà gízi sè sɔ zina kɛn gwe.

<sup>19</sup> Gɔgbẽ ɔɔde kee kuu è pókásã maa ɔɔdeenɔ da, ègɔ pɔnnaa kéε nnamana guu gurɔ píngi. <sup>20</sup> Baakeri kè wè benε Lazaru ègɔ daena à be gãnu, bònɔ dɔdɔ à mèa. <sup>21</sup> Ègɔ póblee kè è léε ɔɔdee pì teebu gĩzĩ blena ni deε. Gbẽenɔ bé wègɔ à bò pìnɔ sãsãa. <sup>22</sup> Baakeri pì gà, ben malaikanɔ à sè wà tào Ibraĩ kuu. Ɔɔdee pì gà se, ben wà à v̄ii. <sup>23</sup> Kuuna wéetãmma guu gèwãan, kè à wéε sè musu, ben à Ibraĩ è kãaa, Lazaru kú à saε. <sup>24</sup> Ben à lé zùzi à bè: Baa Ibraĩ, ñ ma wẽnda gwa, ñ Lazaru zĩ à a ɔnetee zɔ ía, à mó à tɔmε ma nénea, zaake méε wãwãa maa tévura kèkii guumε. <sup>25</sup> Ben Ibraĩ bè: Ma né, ñ tó nnamana kè liganzi n wèndigurɔ yã dɔngu kɔn takaasi bíta kè Lazaru kèo. À làakari kpaena gura kè sa, ben ñ kú wãwãa guu. <sup>26</sup> Beee gbɛra wèε zòoto kú wa dagura. Tó gbẽ yezi à bɔ kè à gá a kiia, eé f̄ro, gbẽke é f̄o à bɔ gwe à mó wa kiia s̄ro. <sup>27</sup> Ben ɔɔdee pì bè: N yā nna Baa, tó lemε, ñ à zĩ ma de be, <sup>28</sup> zaake má dāaronɔ v̄i ḡɔn s̄ɔro. À gá lé dar̄mma, le aɔton mó gu wãwãdee kè guuro. <sup>29</sup> Ben Ibraĩ bè: Aɔ Musa kɔn annabinɔ takadanɔ v̄i, aɔ ñ yā ma. <sup>30</sup> Ben ɔɔdee pì bè: Auo, Baa Ibraĩ! Tó gbẽke bò gaan à gaa ñ kiia, aɔé ñ n̄sε liε. <sup>31</sup> Ben Ibraĩ bènnε: Tó aɔɔe Musa kɔn annabinɔ yā maro, baa tó gbẽke bò gaan, aɔé à yā síro.

## 17

### *Yesu yãkenɔ*

*(Mat 18:6-7, 21-22, Maa 9:42)*

<sup>1</sup> Yesu bè a ibanɔnε: Yā kè è tó gbẽnɔ fuu ègɔ sairo, mɔde wãiyoo gbẽ kè è bɔ à kiia. <sup>2</sup> Èéɔ s̄aɔ adeenε wà wísilɔgbε gbẽntē dɔ a waale wà à zu s̄εbe guu de à tó né kèkiinɔ doke fula. <sup>3</sup> Àgɔ kú kɔn làakar̄io. Tó n gbẽndoo durun kè, ñ gá ñ à le. Tó à a n̄sε liε, ñ k̄enε. <sup>4</sup> Tó à durun k̄ennε gurɔ do ḡɛn sw̄εεplaa, ben à èara à b̄ennε ḡɛn sw̄εεplaa a n̄sε liε, ñ k̄enε. <sup>5</sup> Dii z̄ir̄inɔ bènnε: Ñ wa ludanaanek̄ena kaarawe. <sup>6</sup> Dii bè: Tó á Luda náanε v̄i féte lán εf̄o wéε bà, é o síi lí kèkiinε à a zĩnda wo à gá pé s̄εbe guu, eé a yā ma.

<sup>7</sup> Tó a gbẽkee zò v̄i èè s̄è waa ke èè s̄aanɔ d̄aa, tó à sù buraa, à dii é benε à mó à pò ble ḡɔn yó? <sup>8</sup> Auo, eé benε à póblee kéare, à a uta liε à móare póbleeo kɔn íminao, àpi é gbasa à pò ble à í mi. <sup>9</sup> Wè zò s̄áabu kpá kè à yā kè wà dànε kè yãnz̄in yó? <sup>10</sup> Lemε apinɔ s̄o, tó a yā kè Ludaa dàaree kè píngi, à be: Z̄ònɔn wa ũ, wa z̄iin wá kè.

### *Kusu ḡɔn kurinɔ k̄ék̄ɔana*

<sup>11</sup> Kè Yesu e gaa Yerusalemu, èe ligaa Samaria bùsu léz̄ekiizi kɔn Galilio. <sup>12</sup> Kè èe ḡεε lakutu ken, ben gɔgbẽ kusu ḡɔn kurinɔ dààle. Aɔɔ ze kãaa, <sup>13</sup> aɔ lé zùzi wà bè: Dii Yesu, ñ wa wẽnda gwa. <sup>14</sup> Kè à ñ é, ben à bènnε: À gá à a zĩnda ɔɔɔa sa'orinɔnε. Kè aɔɔe gaa, ben aɔ k̄ék̄ɔa. <sup>15</sup> Kè aɔ gbẽ doo è a k̄ék̄ɔa, ben à liara à sù, èe Luda s̄áabu kpaa kɔn kòto gbãaa. <sup>16</sup> À dàe a puua Yesu aε à ì kpàa. Gbẽ pì né Samaria gb̄mε. <sup>17</sup> Ben Yesu bè: Ḡɔn kurinɔ bé wà k̄ék̄ɔaroo? Ḡɔn k̄endoonɔ kú mámmε? <sup>18</sup> Aɔ gbẽkee e liara à mò Luda s̄áabu kpáro, sé gbẽ z̄it̄o k̄èɔ? <sup>19</sup> Ben Yesu bènnε: Ñ f̄εε ñ tá, ma náanε kè ñ kè bé à n k̄ék̄ɔa.

### *Gb̄ntee Né suna*

*(Mat 24:23-28, 37-41)*

<sup>20</sup> Farisinɔ Yesu là kpata kè bɔ̀ Luda kiia bɔ̀na gupuraaazi, ben à wènlà à bè: Kpata kè bɔ̀ Luda kiia è bɔ̀ gupuraa wà e kɔ̀n wéero. <sup>21</sup> Weé be à kú kè ke à kú káaro. Kpata kè bɔ̀ Luda kiia pì kú a té kème.

<sup>22</sup> Ben à bè a ìbanɔ̀ne: À gurɔ̀ e mɔ̀ kè é Gbèntee Né sugurɔ̀ pìnɔ̀ doke ena ni de, é ero. <sup>23</sup> Weé beare à kú káa ke à kú kè, mɔ̀de àton gáro, àton téńziro. <sup>24</sup> Lán loupina è guu pu ludambɛ lé gura kè kɔ̀n à lé káao nà, len eégɔ̀ de le Gbèntee Né sugurɔ̀a. <sup>25</sup> Séto à wéetámma è maamaa gía, tɔ̀origbèno é gízi. <sup>26</sup> Lán à de nà Nuu gurɔ̀, len eégɔ̀ de le se Gbèntee Né sugurɔ̀. <sup>27</sup> Gbèno e pɔ̀ blee wèe í mii, wèe nɔ̀ sɛe wèe zã kɛe ai Nuu gàa à gè góro'ite guu, ben í dà andunala, wà gàga píngi. <sup>28</sup> Lemɛ dɔ̀ Lutu gurɔ̀, wèe pɔ̀ blee wèe í mii, wèe pɔ̀ luu wèe pɔ̀ yaa, wèe pɔ̀ tɔ̀ wèe kpé boboo. <sup>29</sup> Gurɔ̀ kè Lutu bɔ̀ Sɔ̀dɔ̀mu, té kɔ̀n ɔ̀fántɛgbɔ̀ kwè bɔ̀na ludambɛ, ben wà gàga píngi. <sup>30</sup> Len eégɔ̀ de le gurɔ̀ kè Gbèntee Né é bɔ̀ gupuraa.

<sup>31</sup> Gurɔ̀ beea gbè kè kú a kpé musu tón pita à gè kpé guu à pónɔ̀ sée à bɔ̀oro. Lemɛ dɔ̀ gbè kè kpé buraa tón liara à pɔ̀ sé bero. <sup>32</sup> À tó Lutu naɔ̀ yã dɔ̀agu. <sup>33</sup> Gbè kè yezi àgɔ̀ a wèndi kúna é korazi. Gbè kè gí a wèndizi sɔ̀, adee égɔ̀ wèndi ví. <sup>34</sup> Mée ooare, gwãaví beea gɔ̀on plaaano égɔ̀ daena kɔ̀ sae, weé gbè doo sé wà gbè doo tón. <sup>35</sup> Nɔ̀gbè gɔ̀on plaaano égɔ̀ pɔ̀ lɔ̀ɔ̀ gu dɔ̀nkɔ̀n, weé gbè doo sé wà gbè doo tó. <sup>36</sup> Gɔ̀gbè gɔ̀on plaaano égɔ̀ kú bura, Luda é gbè doo sé, eé gbè doo tó. <sup>37</sup> Ben aɔ̀ à là wà bè: Dii, má kpaá? À wènlà à bè: Guu kè gè kún, gwen yeberekunɔ̀ é kɔ̀ kakɔ̀an.

## 18

### *Gyaanɔ̀ kè zè yákpækɛrila*

<sup>1</sup> Yesu yã lèkɔ̀ziinne le à ɔ̀ɔ̀aíne aɔ̀gɔ̀ adua kɛe kɔ̀sɔ̀kɔ̀sɔ̀ aɔ̀ton kpasaro. <sup>2</sup> À bè: Yákpækɛri ke bé à kú wéte kea, à Luda vía víro è gbèke yã daro. <sup>3</sup> Gyaanɔ̀ kee kú wéte pì guu, égɔ̀ mɔ̀ à kiia gènn baaagɔ̀ è be: N zemaɔ̀ ma ibɛe yã musu. <sup>4</sup> Èe wero ai gurɔ̀ plaa. Beee gbera à bè a zĩndanɛ: Baa tó má Luda vía víro, bensɔ̀ mèè gbèke yã daro, <sup>5</sup> lán gyaanɔ̀ pì e ía daama nà, mé zɛo. Tó mée ke lero, à zemalana yãana sai é ma á'ámɛ.

<sup>6</sup> Ben Dii bè: À yákpækɛri zaaa yã'ona ma. <sup>7</sup> Luda é zɛ kɔ̀n gbè kè à n sè aɔ̀e wii lɛɛa fáantɛ kɔ̀n gwãavĩnooro? Eé ke kɔ̀kɔ̀ kɔ̀n weńlanaon yó? <sup>8</sup> Mée ooare, eé zɛnyome gɔ̀. Baa kɔ̀n beeo tó Gbèntee Né sù, eé a náanɛkeri e anduna guu?

### *Farisi kɔ̀n be'ɔ̀sirio*

<sup>9</sup> Ben à èara à yã kèkii lèkɔ̀zi gbè kè aɔ̀è n zĩnda die maa aɔ̀ kya kágunɔ̀ne. <sup>10</sup> Gɔ̀on plaa kenɔ̀ bé wà gàa adua ke Luda ua guu, gbè doo né Farisimɛ, gbè doo sɔ̀ be'ɔ̀sirio. <sup>11</sup> Farisi pì zɛna èe adua kɛe. À bè a swè guu: Luda, ma n sáabu kè kè má de lán gbè kpaano bàro, dibidibikerinɔ̀, náanesaideenɔ̀, zinakerinɔ̀ ke lán be'ɔ̀sirio kè bà. <sup>12</sup> Mèègɔ̀ lé yii gurɔ̀ plaplaa azuma kɔ̀n azumaɔ̀. Pɔ̀ kè má è píngi mèè à kuridee bɔ̀nne. <sup>13</sup> Be'ɔ̀sirio pì sɔ̀ zɛ káaa, èe fɔ̀ à wéè sè à musu gwà sero. À kpàngeda kè à bè: Luda, n sùu kemao, durunkerin ma ũ. <sup>14</sup> Mée ooare, gɔ̀gbè pì tà a be Luda yásiona guumɛ, èe ke Farisi pìnlo. Zaake gbè kè è a zĩnda sé lezĩ Luda é à busa. Gbè kè è a zĩnda busa sɔ̀ Luda é à sé lezĩ.

### *Aubarikadana nénɔ̀n* (Mat 19:13-15, Maa 10:13-16)

<sup>15</sup> Wèe mɔ̀ Yesunɛ kɔ̀n n né fétenɔ̀ le à ɔ̀ kɛ́ma. Kè à ìbanɔ̀ è le, ben aɔ̀ gíinne. <sup>16</sup> Ben Yesu nénɔ̀ sìsi à bè: À tó nénɔ̀ mó ma kiia, àton gínnɛro, zaake aɔ̀ takano pón kpata kè bɔ̀ Luda kiia ũ. <sup>17</sup> Yãpuraan mée ooare, gbè kè eé kpata kè bɔ̀ Luda kiia sí lán né féte bàroo é gènlɔ̀.

### *Auzikidee* (Mat 19:16-30, Maa 10:17-31)

<sup>18</sup> Gbãade ke mɔ̀ à Yesu là à bè: Danneri maa, dian mé ke mà wèndi kè è yáaroo ee? <sup>19</sup> Yesu bène: À kè dia n bè má maaa? Gbèkee maaro, sé Luda ado. <sup>20</sup> N dokaɔ̀ dɔ̀:



Ñton zina kero, ñton gbē dero, ñton kpāi oro, ñton yā di n gbēdaaaaro, ñgae bèe lí n de kōn n daone. <sup>21</sup> Ben à bène: Zaa ma néngo zīn má yā beeno kūna píngi. <sup>22</sup> Kè Yesu yā pì mà, à bène: Yā mèn doo bé à gōnne. Ñ pò kè n vīno yá píngi ñ à o kpá takaasideenɔ, négō auziki vī ludambe. Beee gbera ñ mó ñ tэмazi. <sup>23</sup> Kè à yā pì mà, à nòse yàka, zaake auzikibitadeeme. <sup>24</sup> Kè Yesu à gwà, ben à bè: À zī'ū maamaa auzikideene à gē kpata kè bò Luda kiia guu. <sup>25</sup> Lakumi gēna pɔɔyīn aaga de auzikide gēna kpata kè bò Luda kiia guula. <sup>26</sup> Ben gbē kè aō yā pì màno bè: Dé bé eé fō à mīsina ee? <sup>27</sup> Yesu wèrila à bè: Yā kè gbēntee fūa à ke, Luda kiia è sí ke.

<sup>28</sup> Ben Pita bè: Wa baabo píngi tò wa tenzi. <sup>29</sup> Ben Yesu bènne: Yápuraan mée ooare, gbē kè à a bεε tò ke a naō ke a vīno ke a dāaronɔ ke a de ke a da ke a néno kpata kè bò Luda kiia yānzi, <sup>30</sup> adee é εara à beee taka e de yāala paripari anduna kè guu, eé wèndi kè è yāaroo e anduna kè èe moɔ guu.

*Yesu εara à a ga kōn a fεnao yā'ona*  
(Mat 20:17-19, Maa 10:32-34)

<sup>31</sup> Yesu a gōn kuri awεεplaaano kākōaazi, ben à bènne: Wée gaa Yerusalemu. Gwen yā kè annabinɔ kè Luda yān Gbēntee Né musu é papan píngi sa. <sup>32</sup> Weé à kpá bori pānde gbēno, aōé à fabo, aōé à sōsō, aōé lóu sua, aōé à gbē flāo, aōé à de, <sup>33</sup> à gurɔ aagōdee zī eé fεε. <sup>34</sup> Mòde à iba pīno e à ke mì dōro, zaake yā pì mì utenañne, aō dō yā kè èe ooro.

*Vīa baakeri kēkōana*  
(Mat 20:29-34, Maa 10:46-52)

<sup>35</sup> Kè Yesu kà kī kōn Yerikoo, vīa kee vēena zé léa, èe baa keε. <sup>36</sup> Kè à mà gbēno e gēteε pari, ben à n lá à bè, bōn wèe keε. <sup>37</sup> Ben wà bène, Yesu Nazareti bé èe gēteε gwe. <sup>38</sup> Ben à lé zūzi à bè: Yesu, Dauda bori, ñ ma wēnda gwa. <sup>39</sup> Gbē kè aō té aezīno gīne wà bè à yīte, ben à lé gbāa zuna kàara èe bee: Dauda bori, ñ ma wēnda gwa. <sup>40</sup> Yesu zè à bè wà móo. Kè à mò, ben Yesu à là à bè: <sup>41</sup> Bōn n yezi mà kennε? À wèla à bè: Dii, má yezi ma wée guu emε. <sup>42</sup> Ben Yesu bène: Ñ guu e. Ma náane kè n kè bé à n kēkōa. <sup>43</sup> Zaa gwe gō à wée guu è, ben à tēzi, èe Luda sáabu kpaa. Kè baade píngi è le, ben wà Luda tó bò.

## 19

### Zakeusi

<sup>1</sup> Kè Yesu kà Yeriko, èe gēteε à guu. <sup>2</sup> Gbēkee kú gwe à tón Zakeusi. Bε'oo sirino gbēnsime, bensō auzikideeme. <sup>3</sup> Èe weteε à e gbē kè Yesu de a ũ, mode gbē gbootoomε, èe fō à à èro parii yānzi. <sup>4</sup> Ben à bàa lè à gàa ae à dì síi lía le à Yesu e, zaake eé boε gwe kpame. <sup>5</sup> Kè Yesu kà gwe, ben à wée sè musu à bène: Zakeusi, ñ pita kpakpaa. Séde mà pita n be gbāa. <sup>6</sup> Ben Zakeusi pita kpakpaa à à sì kōn pōnnao. <sup>7</sup> Kè gbēno è le, ben aōe wisō kaa wà bè: À gàa pita durunkerì be. <sup>8</sup> Ben Zakeusi fεε à zè à bè Diine: Dii, mé ma auziki kpadoo kpaate takaasideenɔne. Tó ma gbēke takii kè sō, mé εara mà à gēε kpáa leo siigōmε. <sup>9</sup> Ben Yesu bène: Ua kè deeno mīsina è gbāa. Zaake gbē kēkii se né Ibraī boriime. <sup>10</sup> Gbēntee Né mò le à gbē kè sāsā wete à à mì síme.

*Ɔɔdakεna zīkerinɔne*  
(Mat 25:14-30)

<sup>11</sup> Gurɔ kè wèe à yā pì maa, ben à εara à yā kàarañne dɔ. Lán à kà kī kōn Yerusalemuo nà, wèe daa kpata kè bò Luda kiia é bo gupuraaa gōome, ben à yā lēkōziñne <sup>12</sup> à bè: Kína bori ke bé èe gaa bùsu zàazān le wà à kpá kpatan, eé liara à su. <sup>13</sup> Ben à a zīkerino sisi gōon kuri, à kondogi o kpà n baadea mèn basoooro, à bènne: Àgō laa tao ai màgō gá su. <sup>14</sup> À bùsudeeno sō zàn, ben aō zīrino zī à kpεε aō bè: Wé we gbē pì kí blewero. <sup>15</sup> Kè wà à kpá kpatan à sù, à bè wà zīkeri kè a o kpàmma pīno sísi, le à e à dō lán aō àre è nà. <sup>16</sup> Gbē káaku

mò à bè: Dii, n ɔɔ pì àrè kàarame leo kuri. <sup>17</sup> Ben à bène: Ní kè, zíkèri maa. Lán n náane ví kǒn à féteo nà, négǔ iko ví wéte mèn kurinɔa. <sup>18</sup> Gbē plaadee mò à bè: Dii, n ɔɔ pì àrè kè leo sɔɔro. <sup>19</sup> Ben à bène: Mmɔn sɔ, négǔ iko ví wéte mèn sɔɔroonɔa. <sup>20</sup> Ben gbē pānde mò à bè: Dii, n ɔɔe kè. Má ùte kokona bisa kāsāa guu. <sup>21</sup> Má n vīa vī, zaake n yānɔɔ zī'ū. Nèè pó kè nées diero sé, nèè pó kè nées t̄sro kē. <sup>22</sup> Ben à bène: Zíkèri zaa, n lé bé à n kari kè. Ní dǔ kè ma yānɔɔ zī'ū, mèè pó kè mée diero sé, mèè pó kè mée t̄sro kē. <sup>23</sup> Kè n dǔ le, b́yānzín nées ɔɔdaa keoñne, le tó ma su, mà a pó sí kǒn à àreoro? <sup>24</sup> Ben à bè gbē kè aɔ kú gweenɔne: À à ɔɔ pì sía à kpá gbē kè àrè è leo kuria. <sup>25</sup> Ben wà bène: Dii, à àrè leo kuri kūna kò. <sup>26</sup> Ben à wèñla à bè: Mée ooare, gbē kè pó vīin Luda é kaarané. Gbē kè vīroo sɔ, baa kè à vīi Luda é síame. <sup>27</sup> Ma ibeè kè aɔ yezi mà kí bleñneroonɔ sɔ, à ḿnyo kè à n dede ma ae.

### *Gbāakekpana Yesuzi Yerusalemu*

*(Mat 21:1-11, Maa 11:1-11, Yoh 12:12-19)*

<sup>28</sup> Kè Yesu yā pì ò à yāa, ben à dà zén, èe gaa Yerusalemu. <sup>29</sup> Kè à kà kīi kǒn Betefageo kǒn Betanio s̄s̄i kè wè be Kùkpe gēzi, ben à a ìba z̄i ḡɔn plaa <sup>30</sup> à bèñne: À gá lakutu kè kú a ae kèkāa guu. Tó a gē, é zaakiné b̄ro e bàdɔna gwe, gbēkee e dia zikiro. À poro à suo. <sup>31</sup> Tó wà a la wà be, à kè dia ée poroo, à be Dii bé à yezi. <sup>32</sup> Ben z̄irinɔ gàa, aɔ è lán à òñne nà. <sup>33</sup> Kè aɔze zaaki pì poroo, ben à diinɔ n lá wà bè: À kè dia ée zaaki pì poroo? <sup>34</sup> Aɔ wèñla wà bè: Dii bé à yezi. <sup>35</sup> Ben aɔ sù zaaki pìo Yesune, aɔ n utano kpàea, ben aɔ Yesu dia. <sup>36</sup> Lán èe gaa nà, gbēnɔ e n utano kpaee zén.

<sup>37</sup> Kè à kà kīi kǒn guu kè zé pì m̄ pè Kùkpe s̄s̄i guzureao, ben pɔnnaa guu à ìba kè aɔ t̄ezinɔ n p̄ngi nà Luda s̄abukpanaa kǒn kòto gbāaaao dabuyā kè aɔ ènɔ musu p̄ngi <sup>38</sup> wà bè:

Aubarikadeen kina kè èe m̄ɔɔ Dii tó ū.

Aafia kú ludambé, gakui kú musu.

<sup>39</sup> Farisi kè aɔ kú zà guu kenɔ bène: Danneri, n kpākē n ìbanɔzi. <sup>40</sup> Ben à wèñla à bè: Mée ooare, tó aɔ ȳite, gbènɔ bé weé wii pì lé.

### *Yesu s̄ɔɔna Yerusalemudeenɔne*

<sup>41</sup> Kè à s̄s̄ Yerusalemuzi, à gwà, ben à s̄ɔ d̄ò à musu <sup>42</sup> à bè: Tó n yā kè eé m̄nné kǒn aafiao d̄s̄ gbāa yā dé, le à ke nna. M̄ode tia sa à utenanneme. <sup>43</sup> À gurɔ é mó kè n ibeɔnɔ é gbà lez̄inɔ d̄ɔ wà liganzi wà n kagura ke <sup>44</sup> aɔé n gboro aɔé n gbēnɔ dúgu z̄s̄. Baa gbè ke aɔé tó didik̄aro, kè nées gurɔ kè Luda wée kpāenzii d̄s̄ro yānzi.

### *Yesu kuuna Luda ua*

*(Mat 21:12-17, Maa 11:15-19, Yoh 2:13-22)*

<sup>45</sup> Kè Yesu gè Luda ua guu, ben à pè laayarinɔa. <sup>46</sup> À bèñne: Wà kè Luda yān wà bè: Ma kpé éḡɔ de aduakekpe ūme, ben á kè gbēblerinɔ tò ū.

<sup>47</sup> Lán guu e d̄ɔɔ nà Yesu èḡɔ yā daañne Luda ua guu. Ben sa'orikinɔ kǒn lundayādannerinɔ kǒn gbēnsinɔ e zé wetee wà à de, <sup>48</sup> m̄ode aɔze à kena zé ero, kè baade p̄ngi swā kpá wèe à yā maa yānzi.

## 20

### *Yesu gbekana a ikozi*

*(Mat 21:23-27, Maa 11:27-33)*

<sup>1</sup> Zíkèa Yesu e yā daa gbēnɔne Luda ua guu, èe baaru nnaa kpaañne, ben sa'orikinɔ kǒn lundayādannerinɔ kǒn gbēnsinɔ mò <sup>2</sup> wà bène: N̄ owe, iko kpāreen nées yā kènɔ keeɔ? Dé bé à n gba iko pì? <sup>3</sup> Ben à wèñla à bè: Mapi se mé yā gbekaawa. À omé, <sup>4</sup> Yaaya gbēnɔ batisikena b̄ Luda kiiān ȳɔɔ, ke gbēntee kiiāme? <sup>5</sup> Ben aɔ yā ḡḡḡ wà bè: Tó wa bè Luda kiiāme, eé wa la, b́yānzín wée Yaaya yā sírozi? <sup>6</sup> Tó wa bè gbēntee kiiāme s̄s̄, gbē p̄ngi

é wa pápa gbèò aǎ wa dǎdǎ, zaake aǎ Yaaya annabikǎe sǐ. <sup>7</sup> Ben aǎ wèàla wà bè: Wá dǎ tó mán à bǎnlo. <sup>8</sup> Ben Yesu bèǎnǎ: Èndǎ mapi se mé iko kè méé yǎ kènǎ kǎeo oarero.

### *Geepi líkpe ayakerinǎ*

*(Mat 21:33-46, Maa 12:1-12)*

<sup>9</sup> Ben Yesu yǎ kèkii lèkǎziǎnǎ à bè: Gbǎke bé à geepi líkpe bà, ben à nà ayakerinǎnǎ nǎ ǎzǐ à fǎe táo à gurǎplaa kè gwe. <sup>10</sup> Kè geepizǎgurǎ kà, ben à a zǐri zǐ ayakeri pǎnǎ, le aǎ a geepi bǎe pǐ kpáa, ben ayakeri pǎnǎ à gbǎ, aǎ à gbàre ǎkori. <sup>11</sup> Ben à èara à zǐri pǎnde zǐ dǎ, ben aǎ à gbǎ aǎ wǐ dàa aǎ à gbàre ǎkori. <sup>12</sup> Ben à èara à gbǎ aagǎdee zǐ dǎ, ben aǎ à kǎnna aǎ pǎa. <sup>13</sup> Ben buradee pǐ bè: Mé ke diamǎ saa? Mé ma nǎgǎgbǎ mèn do yenzidee zǐmǎ. Ke aǎé à yǎ da gwǎe? <sup>14</sup> Kè ayakeri pǎnǎ à è, aǎ bèkǎnǎ: Túbiberin yǎ, wà à dǎ, à túbi é gǎ wa pǎ ũ. <sup>15</sup> Ben aǎ bǎo buraa guu, aǎ à dǎ.

Tǎ! Bǎn buradee pǐ é kǎnyǎ? <sup>16</sup> Eé mǎ à ayakeri pǎnǎ dǎdǎ à buraa pǐ na gbǎ pǎndenǎnǎ nǎ ǎzǐ. Kè gbǎnǎ yǎ pǐ mà aǎ bè: Wàton ero! <sup>17</sup> Ben Yesu nǎ gwa tíi à bè: Yǎ kè wà kè Luda yǎn kèkii dǎ diamǎ?

Gbǎ kè kpéborinǎ pǎ kpàzi

bé à gǎ kpé gooda gbǎ mǐdee ũ.

<sup>18</sup> Gbǎ kè lǎe gbǎ pǎa é wǐwime, tó à lǎe à sǐ gbǎa sǎ, eé à ú lǎme.

### *Be'ǎkpana Sizaa yǎ*

*(Mat 22:15-22, Maa 12:13-17)*

<sup>19</sup> Ludayǎdannerinǎ kǎn sa'orikinǎ dǎ kè nǎ yǎnzin à yǎlekǎzina pǐ òzi, ben aǎ zé wète wà à kǎ gǎ, mǎde aǎ vǐa kè gbǎnǎnǎ. <sup>20</sup> Aǎe à kpákpa, ben aǎ zǎmbadee kè aǎe nǎ zǐnda diǎe gbǎ maaa ũunǎ zǐa, le wà e wà à kǎ a yǎ'ona guu, wà à kpá nǎ bǎsu gbǎadee à gbǎaa mǎnǎ. <sup>21</sup> Ben zǎmbadee pǎnǎ à là wà bè: Danneri, wá dǎ kè nǎe yǎ o nǎ yǎ dǎnǎ a zǎa. Nǎe gbǎ wǎe gwaro, nǎe Luda zé dǎnǎ kǎn yǎpuraao. <sup>22</sup> À zé vǐ wà be'ǎ kpá Sizaa ke wàton kpáaro? <sup>23</sup> Yesu nǎ mǎnafikikǎe dǎmǎ, ben à bèǎnǎ: <sup>24</sup> À ǎ pǐ doo ǎdǎme mà gwa. Dé mǐ wǎzǎn yǎ kǎn à tǎo? Aǎ wèa la wà bè: Siza pǎme. <sup>25</sup> Ben à bèǎnǎ: Tǎ, à pǎ kè dǎ Siza pǎ ũ kpá Sizaa, à pǎ kè dǎ Luda pǎ ũ kpá Ludaa. <sup>26</sup> Ben aǎ fǎa wà à kǎ à yǎ'ona guu gbǎnǎ wǎa. À yǎwenlana bǎ nǎ sae, ben aǎ nǎ lé yǎte.

### *Gǎnǎ fǎena yǎ*

*(Mat 22:23-33, Maa 12:18-27)*

<sup>27</sup> Ben Sadusi kè aǎe be gǎnǎ é fǎeroonǎ mǎ Yesu kiia, aǎ à gbǎka <sup>28</sup> wà bè: Danneri, Musa òwe a takada guu à bè: Tó gbǎ gǎ à a nǎo tǎ nǎ'isai, à dǎaro gyaanǎ pǐ sé, le à nǎ borii dato a vǐine. <sup>29</sup> Lemǎ dedǎnkǎdeenǎ kuu gǎnǎ swǎeplaa. Woru nǎ sǎ, ben à gǎ nǎ'isai. <sup>30</sup> Ben Sabi nǎ pǐ sǎ dǎ. <sup>31</sup> Sabi gbera Bi sǎ dǎ. Aǎ kè le nǎ gǎnǎ swǎeplaa nǎ pǎngi, aǎ gǎga nǎ'isai. <sup>32</sup> Aǎ pǎngi gberan nǎ pǐ gǎ se. <sup>33</sup> Tǎ! Gǎnǎ fǎegurǎ zǐ aǎ dé bé eé gǎ nǎ pǐ vǐi? Zaake aǎ gǎnǎ swǎeplaa nǎ pǎngi aǎ à dǎ nǎ ũme. <sup>34</sup> Ben Yesu wǎnla à bè: Anduna kè gbǎnǎ è nǎ sǎ aǎe zǎ kǎ, <sup>35</sup> mǎde gbǎ kè Ludaa diǎ kè aǎ kǎ sǎo wà bǎ gaan aǎ anduna dufu leenǎ é nǎ séro, aǎe zǎ kǎero. <sup>36</sup> Weé gǎ kuu lán malaikanǎ kuu nǎme, weé ga dǎro. Weé gǎ dǎ Luda nǎnǎ ũme, gǎafǎenǎ ũ. <sup>37</sup> Baa Musa à gǎnǎ fǎena yǎ pǐtiaǎne gura kè à gyanto yǎ òn à bè, Diin Ibraǐ kǎn Isaakuo kǎn Yakubuo Luda ũ. <sup>38</sup> Dii é ke gǎnǎ Luda ũro, gbǎ bǎenǎ Ludame, zaake gbǎ pǎngi bǎe Ludanǎ. <sup>39</sup> Ben ludayǎdanneri kenǎ fǎe wà yǎ ò wà bè: Danneri, n yǎ maaa ò. <sup>40</sup> Ben aǎe gǎ wà yǎke làa dǎro.

### *Mǎsaya bori yǎ*

*(Mat 22:41-46, Maa 12:35-37)*

<sup>41</sup> Yesu nǎ lá à bè: À kè dia wè be Dauda boriin Mǎsaya ũu? <sup>42</sup> Zaake Dauda bè Saamu takada guu:

Dii bè ma diine à v̄εε a ɔplaazi

<sup>43</sup> ai àg̃ɔ à ibεεnɔ kenε tinti ũ.

<sup>44</sup> Kε Dauda bène Dii, à kè dia eég̃ɔ de à borii ũ dɔɔ?

*Ludayādannεrinɔ k̄ɔn Farisinɔ m̄ɔnafiki*

*(Mat 23:1-36, Maa 12:38-40)*

<sup>45</sup> Kε baade p̄ingi e à yā maa, ben à bè à ibanɔne: <sup>46</sup> À làakari ke ludayādannεrinɔzi. Aṣ̄ég̃ɔ yezi wàg̃ɔ tetenazi k̄ɔn uta gbāanɔ dana, le wàg̃ɔ ì kpaam̄ma yàranɔa. Aṣ̄ég̃ɔ yezi wà v̄εε aduakεkpε v̄εεki maaanɔn k̄ɔn p̄onna p̄oble v̄εεki maaanɔ. <sup>47</sup> Aṣ̄è adua gbāa ke le gbēnɔ n̄ e yānzi, ben aṣ̄è gyaanɔnɔ kpé símma. Aṣ̄ wéetāmma ég̃ɔ pās̄i de gbē p̄ingi p̄ola.

## 21

*Gyaanɔ takaaside ɔdana*

*(Maa 12:41-44)*

<sup>1</sup> Kε Yesu wéε sè musu, ben à è ɔdeenɔ e n̄ gbaanɔ daa ɔdakii guu. <sup>2</sup> Ben à gyaanɔ takaaside ke è gwe, à kɔbɔ plaaa dàn. <sup>3</sup> Ben à bè: Yāpuraan m̄εε ooare, gyaanɔ takaasidee p̄iɔɔ dàn de gbē p̄ingila. <sup>4</sup> Zaake aṣ̄ ɔɔ sà guun aṣ̄ b̄on wà kàn n̄ p̄ingi. Nɔgbē p̄i s̄, à takaasikεε guu p̄ó kè à v̄i à p̄ó bleon à dàn p̄ingi.

*Yerusalemu kaatena k̄ɔn andunayādagurɔ s̄edano*

*(Mat 24:1-21, Maa 13:1-19)*

<sup>5</sup> Gbēkenɔ e Luda ua yā oo, aṣ̄ bè wà à kp̄enɔ kèke maa k̄ɔn gbè maaanɔ k̄ɔn p̄ó kè wà Luda gbànɔ, ben Yesu bè: <sup>6</sup> Gurɔke é su kè p̄ó kè á è k̄enɔ, baa gbè ke weé tó dik̄aro, weé gboro p̄ingime.

<sup>7</sup> Ben aṣ̄ à là wà bè: Danneri, b̄oren yā k̄enɔ é keε? Bó bé eég̃ɔ de à kegurɔ s̄eda ũu? <sup>8</sup> Ben à wēn̄la à bè: À làakari ke, àton tó wà a sās̄aro, zaake weé mó pari k̄ɔn ma tóo, aṣ̄ég̃ɔ bee Mesayan n̄ ũ, gurɔɔ p̄i s̄ kà k̄ii. Àton ténziro. <sup>9</sup> Tó a z̄inɔ baaru mà ke tó á mà wà fεek̄zi yānɔ, àton tó v̄ia a k̄uro. Sé beeenɔ ke káaku ḡia, m̄ode anduna é yāa ḡoro. <sup>10</sup> Ben à bèn̄ne: Bori k̄ɔn boriió é fεek̄zi, lemε dɔ b̄usu k̄ɔn b̄usuo. <sup>11</sup> Tɔɔte nigānigāna pās̄inɔ k̄ɔn nɔaa k̄ɔn gagyāanɔ ég̃ɔ kú gukenɔa. Àisi zaa v̄ia yānɔ é b̄o ludambε.

<sup>12</sup> Le yā p̄inɔɔ kpé à su p̄ingi weé a k̄ukū wà wéε tāawa. Weé a na aduakεkpεdeenɔne n̄ ɔz̄i, weé a ká kp̄esiaan, weé gáao k̄inanɔ k̄ɔn b̄usu gbēnsinɔ aε ma tó yānzi, <sup>13</sup> ég̃ɔ deñne ma s̄edadeenɔ ũ. <sup>14</sup> À a làakari kp̄áε, àton yā kè é o damu ke káakuro, <sup>15</sup> zaake māmbe mé yā daare a lén, mé a gba ɔnd̄ɔ, le a ibεε ke tón gí à yāzi ke à a εge boro. <sup>16</sup> Baa a de k̄ɔn a dao k̄ɔn a v̄iinɔ k̄ɔn a dāaronɔ k̄ɔn a danenɔ k̄ɔn a gbēnnanɔ é a kp̄ám̄ma, wà a gbēkenɔ de. <sup>17</sup> Baade p̄ingi é zaagu ma yānzi, <sup>18</sup> m̄ode baa a mikā wén doo é z̄innaro. <sup>19</sup> Zena gbāaa guu é wēndi e.

<sup>20</sup> Tó á è z̄ikp̄eenɔ liga Yerusalemuzi, àg̃ɔ d̄ɔ kè à kaatena z̄à d̄oro. <sup>21</sup> Gbē kè aṣ̄ kú Yudeanɔ bàa sí wà mì pé kp̄iinɔa, gbē kè aṣ̄ kú Yerusalemunɔ fāak̄o. Lakutudeenɔ tón gē à guuro. <sup>22</sup> Zaake gurɔɔ p̄i né wéetāmmagurɔɔmε, le yā kè wà kè Luda yān papa p̄ingi yānzi. <sup>23</sup> Wāiyoo n̄sindadeenɔ k̄ɔn nédandeenɔ gurɔ beee, zaake b̄usu p̄i nawēa ég̃ɔ bíta, Luda p̄ofē é pita gbē p̄inɔa. <sup>24</sup> Weé n̄ gbēkenɔ d̄ede f̄εdaao, weé n̄ gbēkenɔ k̄ukū wà tányo b̄usu p̄ingi guu z̄iz̄onɔ ũ, bori pāndenɔ é kiti pá Yerusalemua ai aṣ̄ gurɔɔ papa.

*Gbēntee Né suna*

*(Mat 24:29-35, Maa 13:24-31)*

<sup>25</sup> S̄edano ég̃ɔ kú ɔfānt̄ea k̄ɔn m̄ovurao k̄ɔn s̄ɔɔnenɔ, bori p̄ingi ég̃ɔ kú p̄osiaa guu tɔɔte. Aṣ̄ég̃ɔ kú bídi guu ísia k̄ii k̄ɔn à zuzunao yānzi. <sup>26</sup> V̄iakena yā kè èe m̄ɔɔ andunaa yānzi ḡidi é tó gbēnɔ gbās̄i lé, zaake p̄ó kè kú ludambεenɔ é sās̄á n̄ kúkiia, <sup>27</sup> weé gbas̄a wà Gbēntee

Né suna e ludambe luguun kɔn gbãaa kɔn gakui bitao. <sup>28</sup> Tó yã beeno ná kenaa, à fɛɛ à zɛ à a mì sé musu, zaake a mìsina bé à kà kɔi.

<sup>29</sup> Yesu yã lèkɔziinne à bè: À kākā lí gwa kɔn lí kpaaano. <sup>30</sup> Tó á è aɔ lá bɔro pà, èè dɔ a zɔnda kè guwāaguro kà kɔi. <sup>31</sup> Leme sɔ, tó á è yã pɔno e kee le, àgɔ dɔ kè kina kè bɔ Luda kiia suna kà kɔi. <sup>32</sup> Yāpuraan mée ooare, guro kè gbɛno é gɛtero ai yã pɔno gá keo píngi. <sup>33</sup> Musu kɔn tɔtɛo é gɛte, mode ma yāno gɛtena vɔro.

<sup>34</sup> À làakari ke. Àton tó mìsaiyã kɔn wɛdekɛnao kɔn wɛndi kãhãnkɛnao a làakari síawaro, le à suguro tón a kú kãndo lán takutee b̄aro yānzi. <sup>35</sup> Zaake eé kúe gbɛ kè aɔ kú tɔtɛna baama píngi. <sup>36</sup> À itɛ ke, àgɔ adua kee baabore, le à fɔ à piti yã kè èè mɔa píngi à zɛ Gbɛntee Né aɛ.

<sup>37</sup> Lán guu e dɔo ná Yesu ègɔ yã daañne Luda ua. Tó uusie kè, è bɔ à gá i Kùkpe s̄is̄igeezi.

<sup>38</sup> Kɔngɔ ide'idɛn baade píngi è fɛɛ à gá à yã ma Luda ua guu.

## 22

### *Lèkpakɔsɔna Yesuzi*

*(Mat 26:1-5, Maa 14:1-2, Yoh 11:45-53)*

<sup>1</sup> Bureɔi Sése'èzɛsai zɔbaa kè wè be Banlaa kà kɔi. <sup>2</sup> Sa'orikinɔ kɔn ludayādannerinɔ e zé weteɛ wà Yesu de, zaake aɔɔe v̄ia kee gbɛnoɛ.

### *Yudasi bɔna Yesu kpɛɛ*

*(Mat 26:14-16, Maa 14:10-11)*

<sup>3</sup> Ben Setān gɛ Yudasi kè wè bene Isikarioti guu, gɔɔn kuri awɛɛplaaano dokeme. <sup>4</sup> Ben Yudasi gaa à lé kpakɔsɔ kɔn sa'orikinɔ kɔn Luda ua dākpari gbɛnsinɔ dian é ke ná à Yesu kpámma. <sup>5</sup> Aɔ pɔo kè nna, ben aɔ ledole kè wà o kpáa. <sup>6</sup> À zèo, ben èè zé weteɛ à Yesu kpámma parii mikpɛɛ.

### *Banla pɔble kekɛna*

*(Mat 26:17-25, Maa 14:12-21, Yoh 13:21-30)*

<sup>7</sup> Bureɔi Sése'èzɛsai zɔbaa guro kà, guro kè wè Banla s̄ane b̄oro kòto kpá. <sup>8</sup> Ben Yesu Pita kɔn Yohanao z̄i à bè: À gá Banla pɔbleyã kekewe. <sup>9</sup> Ben aɔ à là wà bè: N̄ yezi wà keke máme? <sup>10</sup> Ben à wènila à bè: Tó a gaa wéte guu, gɔgbɛ ke é daale à í s̄ena looo. À tézi ai ua kè eé gɛn. <sup>11</sup> À o ua pì b̄edeene, Danneri bè mán pitakii kún, guu kè é Banla pɔ blen kɔn a ìbano? <sup>12</sup> Eé kpé musu bita kè wà kèke oɔbaare. À pɔbleyã kekɛ gwe. <sup>13</sup> Kè aɔ gaa, aɔ è lán Yesu ónne ná, ben aɔ Banla pɔbleyã kèke gwe.

### *Dii pɔblee*

*(Mat 26:26-30, Maa 14:22-26, 1Kɔ 11:23-25)*

<sup>14</sup> Kè à guro kà, Yesu mò à v̄ɛɛ gwe kɔn a z̄irinɔ ledoo. <sup>15</sup> Ben à bèinne: Banla pɔblee kè blenaoo nii e ma deɛ maamaa ai màgɔ gá nawɛa ke, <sup>16</sup> zaake mée ooare, mé ble d̄oro ai kpata kè bɔ Luda kiia gá b̄oo gupuraa, gbasa zɔbaa yāpura gá mó. <sup>17</sup> Kè à togoo sè, à Luda s̄áabu kpà, ben à bè: À sí à d̄oɔkɔne, <sup>18</sup> zaake mée ooare, mé geepi'i mi d̄oro ai kpata kè bɔ Luda kiia gá b̄oo gupuraa. <sup>19</sup> Kè à bureɔi sè, ben à aubarika d̄an à lik̄ore à kpámma à bè: Ma mè kè má kpà a yānzin yè, àgaegɔ beee kee ma yã d̄onaagu yānzi. <sup>20</sup> Kè aɔ pɔ blè wà yāa, à togoo pì sè le d̄o à bè: Ma aru kè eé b̄ɛareen yè, Luda bà kuuna kɔn gbɛnoo dufu aru ũ. <sup>21</sup> Ma b̄onkpɛɛdee o kúmao taagu, <sup>22</sup> zaake Gbɛntee Né é kpá guuzi lán Ludaa diene n̄ame. Wāiyoo gbɛ kè eé à kpámma pì. <sup>23</sup> Ben aɔ ná k̄o lalanaa wà bè: Wa dé bé eé yã beee kee?

### *Denlaya*

<sup>24</sup> Ben leokpakɔa f̄ɛɛ n̄ té, kè aɔ yezi wà d̄ɔ n̄ gbɛ kè de a daala. <sup>25</sup> Ben Yesu bèinne: Bori p̄ande k̄inano è gbãaa ble n̄ gbɛnoa, gbãadeeno s̄ɔ è n̄ z̄inda sísi yāmaakerino. <sup>26</sup> Mode àton

ke lero. Séde gbě kè bíta a té gō de lán gbě kè kēsāazii bà. Séde a dɔn'aedee gō de lán gbě kè èe zīi keereee bà. <sup>27</sup> Póbleri kɔn zīrio, aō dé bé à bítaa? Póblerinloo? Mapi sō má kú a té lán zīri bàme. <sup>28</sup> Gbě kè zèmao ma nawēakena guunɔn a ũ. <sup>29</sup> Lán ma De ma kpa kpatan nà, len mé a kpá kpatan le se, <sup>30</sup> é pó blemao ma kpatan, é v̄ee kiblekitan àgō yā gōgō kɔn Isaraili bori mèn kuri awēplaaanɔne.

*Yesu gĩake à dō yā ké Pita é ke  
(Mat 26:31-35, Maa 14:27-31, Yoh 13:36-38)*

<sup>31</sup> Simɔ, Simɔ, ñ ma. Setān zé w̄ete à a fāfā lán wè pówee fāfā nà. <sup>32</sup> Ben ma adua kènne le ma náane kè ñ v̄i tón kēsāmmaro. Tó n liara n suma, ñ n gbēnɔ gba gbāaa. <sup>33</sup> Pita bène: Dii, má sì wà ma da kpésiaan mà ganyo. <sup>34</sup> Yesu bè: Pita, mée oonne, ai koo gō gá lé zu gbāa, né lé sémazi gèn aagō.

<sup>35</sup> Ben à ñ lá à bè: Kè ma a zī ɔɔɔ kɔn b̀̀kologommao kɔn kyateenɔ sai, p̀̀ke kēsāawaó? Ben aō bè: Auo. <sup>36</sup> Ben à bèñne: Tia sa gbě kè ɔɔɔ v̄i, à sé. Lem̄e dɔ kɔn b̀̀kologommao. Gbě kè f̄ēdaa v̄i s̄oro, à a uta yā à lú. <sup>37</sup> Mée ooare, séto yā kè wà kè Luda yān ma musu papa kè wà bè: Wà à dīe d̄onk̄o kɔn taarikerinɔ. Yā kè wà kè ma musu p̄i bé èe kee sa. <sup>38</sup> Aō bè: Dii, f̄ēda mèn plaan yè. Ben à bèñne: Beee mò.

*Yesu aduakena zaa Kùkpe s̄is̄igeezi  
(Mat 26:36-46, Maa 14:32-42)*

<sup>39</sup> Yesu b̀̀ à ḡaa Kùkpe s̄is̄igeezi lán è ke nà. À ìbanɔ tézi. <sup>40</sup> Kè à kà guu kè èe gaan, à bèñne: À adua ke le àton fu ȳagwanaaro. <sup>41</sup> Ben à kèmma à kà lán wè gbè zu à lé zaka bà. Ben à kùe à adua kè <sup>42</sup> à bè: Baa, tó ñ yezi, ñ togo'i kè síma, m̄ode èe ke ma p̄oyeziyānlo, séde n p̄o. <sup>43</sup> Ben malaika b̀̀ ludambe à m̀̀zi à à gbà gbāaa. <sup>44</sup> Kuuna w̄étamma guu èe adua kee kɔn aīao. Ben à ísimma e t̄ɔ t̄ɔtea lán arut̄na bà. <sup>45</sup> Kè à adua kè, à f̄ē à liara à sù à a ìbanɔ lè, aōe ii oo kɔn p̄siaao. <sup>46</sup> Ben à bèñne: À kè dia ée ii oo? À f̄ē à adua ke le àton fu ȳagwanaaro.

*Yesu k̄na  
(Mat 26:47-56, Maa 14:43-50, Yoh 18:3-11)*

<sup>47</sup> Kè à kpé èe yā oo, ben wà kà paripari. Gbě kè wè bene Yudasi, à ìba ḡɔn kuri awēplaaanɔ doke bé à d̄ñne ae. Kè à s̄̀zi le à lé péa, <sup>48</sup> ben Yesu bène: Yudasi, lépenaan né Gbēntee Né kp̄aom̄maó? <sup>49</sup> Kè gbě kè aō kú kɔn Yesuonɔ yā kè èe m̄ɔ è aō bè: Dii, wà ñ léle kɔn f̄ēdaaon yó? <sup>50</sup> Ben aō gbě doo sa'oriki ìsi z̄iri lè à à swā ɔplakpapɔ gò. <sup>51</sup> Ben Yesu bè: À beee tó. Kè à ɔ kè à swāa, ben à kè a gbèn. <sup>52</sup> Ben à bè sa'orikinɔ kɔn Luda ua d̄akparinɔ kɔn gbēnsi kè aō m̀̀zinɔne: A m̄mazi kɔn f̄ēdaanɔ kɔn gònɔ lán kp̄ai w̄éedewen ma ũu bàó? <sup>53</sup> Lán guu e d̄ɔ nà m̄èḡo kúao Luda ua, ben ée ɔ kemaro. M̄ode gurɔ kè de a p̄o ũme, gusia kiblena gurɔme.

*Pita lésena Yesuzi  
(Mat 26:57-58, 69-75, Maa 14:53-54, 66-72, Yoh 18:12-18, 25-27)*

<sup>54</sup> Kè aō Yesu k̄ wà s̄̀o, aō ḡaao sa'oriki ìsi be. Pita té ñ kp̄ee k̄aaa. <sup>55</sup> Kè wà té lè ua gura, wà k̄e wà ligazi, ben Pita mò à s̄̀to ñ té. <sup>56</sup> Z̄̀nɔkpare ke à è, ben à w̄ee p̄ea à bè: Gbě k̄k̄ii kúo s̄̀ né. <sup>57</sup> Ben à lé s̄̀zi à bè: N̄ogbē, má à d̄oro. <sup>58</sup> Kè à kè saa f̄ete gbē p̄ande à è, ben à bè: Mpi se, aō gbē doon n ũ. Ben Pita bè ḡogbē p̄ine: Mámbeero! <sup>59</sup> Kè gurɔ zaka ḡete lán awa doo bà, gbē p̄ande n̄ak̄rea à bè: Ȳapura gbē k̄k̄ii kúome, zaake Galili gbēme. <sup>60</sup> Ben Pita bè: Má d̄o yā kè ñ téaro. Zaa gwe ḡo kè èe yā oo, ben koo lé zù. <sup>61</sup> Dii liè à w̄ee p̄e Pita, ben yā kè à ò d̄o Pitan kè à bè, ai koo ḡo gá lé zu gbāa, eé lé séazi gèn aagō. <sup>62</sup> Ben Pita b̀̀ bàazi à p̄sia ɔɔ d̄o.

*Yesu fabona**(Mat 26:67-68, Maa 14:65)*

<sup>63</sup> Gbē kè aḵe Yesu dākpaanḵ à fabò aḵ à gbē. <sup>64</sup> Aḵ pò yìe a uua, ben aḵe à lalaa wà bè: Ñ annabikēyā o, dé bé à n lēe? <sup>65</sup> Dḵkeona guu aḵ yā pari pāndenḵ òne dḵ.

*Yuda gbēnsinḵ yākpaekeḵna kḵn Yesuo**(Mat 26:59-66, Maa 14:55-64, Yoh 18:19-24)*

<sup>66</sup> Kè guu dḵ, Yuda gbēnsinḵ kḵ kākḵa, sa'orikinḵ kḵn ludayādannerinḵ n pīngi, ben aḵ Yesu sè wà gāao n yākpaekeḵkīia. <sup>67</sup> Ben aḵ à là wà bè: Mēsayan n ūó? Ñ owe. À wèñla à bè: Tó má òare, é síro. <sup>68</sup> Tó ma yāke làawa sḵ, é wero. <sup>69</sup> Zaa tia la Gbēntee Né égḵ vēena Luda Gbāade ḵplaazi. <sup>70</sup> Ben baade pīngi bè: Ase Luda Né n ūó? Ben à wèñla à bè: Lán á ò nà, māmbe à ū. <sup>71</sup> Ben aḵ bè: Wa bà ūgba kḵn sèedadeeo dḵḵ? Wá mà à lézī kḵ.

**23***Pilati yākpaekeḵna kḵn Yesuo**(Mat 27:1-2, 11-14, Maa 15:1-5, Yoh 18:28-38)*

<sup>1</sup> Ben aḵ fēe n pīngi aḵ gāao Pilati kīia. <sup>2</sup> Aḵe yā diia wà bè: Wa gbē kè è èe gudēe kee wa bùsun, è gínne wà be'ḵḵ kpá Sizaa, ben à a zīnda diē Mēsaya ū, kí ū. <sup>3</sup> Ben Pilati à là à bè: Mbe Yudano kīna ūó? À wèàla à bè: Len n ò le. <sup>4</sup> Ben Pilati bè sa'orikinḵ kḵn parii kè aḵḵ kú gweenḵne: Mēe taari e gḵgbē pīaro. <sup>5</sup> Ben aḵ nākḵrea wà bè: Ègḵ té kaa gbēnḵn a yādanneḵna guu Yudea bùsun pīngi. À nàa Galilime ai à gāa à kào kè sa.

<sup>6</sup> Kè Pilati mà le, ben à gbēka tó Galili gbēn à ū. <sup>7</sup> Kè à dḵ kè à bḵ Herḵdu bùsumme, ben Herḵdu pì sḵḵ kú Yerusalemu zī beea, ben à à gbàre à kīia. <sup>8</sup> Kè Herḵdu Yesu è, ben à pḵḵ kè nna maamaa. À à baaru mà, ben à yezi n wēe sikḵle zaa gikēna. À wēe dḵzi à Yesu dabuyākeḵna e. <sup>9</sup> À yānḵ làlaa pari, ben Yesu e à ke weàlaro. <sup>10</sup> Sa'orikinḵ kḵn ludayādannerinḵ zena gwe aḵe yā didiia pásīpāsī. <sup>11</sup> Herḵdu kḵn a sozano kya kà Yesun aḵ à fabò aḵ uta wēedee dànne, ben à èara à à gbàre Pilati kīia. <sup>12</sup> Zī beeean Herḵdu kḵn Pilatio gḵḵ kḵ gbē ū, zaake aḵ íbete kpà kḵome yā.

*Yādana Yesula**(Mat 27:15-26, Maa 15:6-15, Yoh 18:39-19:16)*

<sup>13</sup> Pilati sa'orikinḵ kḵn gbāadeenḵ kḵn gbē kpaaanḵ kākḵa <sup>14</sup> à bèñne: A mómme kḵn gḵgbē kè a bè guderimeo. Ma à làla a wāa yā kè á didianḵ musu, mēe e à taari ke kèro. <sup>15</sup> Len Herḵdu e ero le se, zaake à èara à à gbàrewame. À gwa, èe yāke ke kè à kà wà à dero. <sup>16-17</sup> Mé tó wà mè ḵa, gbasa mà à gbare. <sup>18</sup> Ben aḵ wii lè n pīngi ledo wà bè: Ñ gḵgbē pì de! Ñ Baraba gbarewe! <sup>19</sup> Baraba pì sḵ wà à dà kpésiaan yā bḵna gbāadeenḵ kpēe kḵn gbēdenao yānzime. <sup>20</sup> Pilati yezi à Yesu gbare, ben à gbēnḵ làakari gāe à sùoawa. <sup>21</sup> Ben aḵ èara wà wii lè wà bè: Ñ à pá lía! Ñ à pá lía! <sup>22</sup> À gēn aagḵdeeo Pilati bèñne: Bó dàn à kè? Mēe taari kè kà wà à dee earo. Mé tó wà mè ḵa, gbasa mà à gbare. <sup>23</sup> Ben aḵ zèzi aḵe gbekaaa kḵn wii gbāaao à à pá lía. Ben aḵ zḵkakana tò aḵ yā blè. <sup>24</sup> Ben Pilati diē kè wà ke lán aḵḵ gbēkaawa nà. <sup>25</sup> Gḵgbē kè wà dà kpésiaan bḵna gbāadeenḵ kpēe kḵn gbēdenao yānzì kè aḵḵ gbēka pìn à gbàreñne, ben à Yesu kpà gaazi lán aḵḵ yezi nà.

*Yesu pana lía**(Mat 27:32-44, Maa 15:21-32, Yoh 19:17-27)*

<sup>26</sup> Kè wèe gaao, ben Sireni gbē Simḵ e suu kḵn burao, ben wà à kḵ wà líkpangbāroo dìne àgḵ téo Yesuzi. <sup>27</sup> Parii bḵ wà tézi kḵn nḵgbē kè aḵḵ ḵḵ dḵḵ aḵḵ sósobi keenḵnḵ. <sup>28</sup> Yesu liē à ae dḵmḵma à bè: Yerusalemu nḵgbēnḵ, àton ḵḵ dḵ ma yānzìro. À ḵḵ dḵ a zīnda yānzì kḵn a néno. <sup>29</sup> Zaake à gurḵḵ e mḵḵ kè weé be: Aubarikadeenḵn páaa kè aḵḵ né iro, né e yḵ mirḵmaroonḵ ū.

<sup>30</sup> Guro beea weé be  
kpiiino léé à simma,  
sĩsĩno léé à dańla.

<sup>31</sup> Kè wèe yā kè taka kee kōn lí búsuo, lí kori pó égō de diame?

<sup>32</sup> Wèe gaa kōn dāpāsikeri gōon plaa kenō do, le wà n dede kōn Yesuo ledō. <sup>33</sup> Kè aō kà guu kè wè be Miwatorokiia, ben aō à pà lía gwe kōn dāpāsikeri pino, gbē doo à ɔplaazi, gbē doo à ɔzezi. <sup>34</sup> Ben Yesu bè: Baa, n n kē, zaake aō dō pó kè wèe keero. Ben aō kàbankpe kè wà à pókāsāano kpàatetekōne. <sup>35</sup> Gbēnoo zena gwe wà wée kà wèe à gwaa, ben Yuda gbāadeeno e lézúkii keea wà bè: A gbē pādeno mi si. Tó Mesaya kè Ludaa dien à ũ, à a zīnda mi síme! <sup>36</sup> Sozanoo e à faboo do. Ben aō sōzi aō geepiwē kpàkpā dōne <sup>37</sup> aō bè: Tó Yudano kīnan n ũ, n n zīnda mi sí. <sup>38</sup> Sèeda kee na à mīla wà kēa:

Yudano kīnan yè!

<sup>39</sup> Dàkeri kè aō logona lía pino doke dokena yā òne à bè: Mesayan n ũroo? N n zīnda mi sí kōn wapino ledō. <sup>40</sup> Ben à gbēndoo kpàkēzi à bè: Née vīa kee Ludaneroo? Yā dōnkō bé à vèewa. <sup>41</sup> Wapino, wa pó kú a zéame. Pó kè wá tō bé à bēwe, mōde gōgbē kè daa e yā zaa ke kero. <sup>42</sup> Ben à bè: Yesu, tó n mō kpata ble, n do ma yān. <sup>43</sup> Ben à wèala à bè: Yāpuraan mée oonne, gbāa négō kúmao auzenna.

### *Yesu gana*

*(Mat 27:45-56, Maa 15:33-41, Yoh 19:28-30)*

<sup>44</sup> Kè ɔfāntē kà midangura, ben gusiaa dà bùsu pīla píngi ai fáantē mō aagō. <sup>45</sup> Luda kpé lábure kèkōre plaa. <sup>46</sup> Yesu wii gbāaa lè à bè: Baa, ma a wèndi nāne n ɔzī. Kè à ò le, ben à wèndi tà. <sup>47</sup> Kè sozanoo gbēnsi yā kè kè pì è, à Luda sáabu kpà à bè: Yāpurame gbē maaan à ũ. <sup>48</sup> Parii kè aō kākōa wà mō guu gwaanō, kè aō yā kè kēno è, aō liara wà tà aōe kpāngeda kee. <sup>49</sup> Yesu gbē dōnāno kōn nōgbē kè aō tézi bōna Galilino píngi zena kāaa aōe guu gwaa.

### *Yesu vīna*

*(Mat 27:57-61, Maa 15:42-47, Yoh 19:38-42)*

<sup>50</sup> Gōgbē kee kuu à tón Yusufu. Yuda gbāadeeno dokeme. Gbē maaame, bensō à bèe vī. <sup>51</sup> Èe lé da yā kè à gbēno zè kōn a kenao pinlo. Yuda lakutu Arimatea gbēme, à wée do kpata kè bō Luda kiiazi. <sup>52</sup> À gāa Pilati kiia à Yesu gè gbēkaa. <sup>53</sup> Ben à gè pì pita à táaru bisa fīfīa à dà gbèwee kè wà sò mira ũu guu, wèe gbēke dan zikiro. <sup>54</sup> Guroo pì né Azuma zīme, kāmaboguroo e kaa. <sup>55</sup> Nōgbē kè aō té Yesuzi bōna Galilinoo té Yusufu pì kpee, aō mirawee pì è dian à Yesu gè dàe à guu nà. <sup>56</sup> Ben aō tà wà gāa nōsi gū nna kōn ēzē kè è tó gè vāroo soru ke. Kāmaboguroo zī aō kamma bō lán Ludaa diè nà.

## 24

### *Yesu fēe bōna gaan*

*(Mat 28:1-10, Maa 16:1-8, Yoh 20:1-10)*

<sup>1</sup> Azumanengo zī kōngō ide'ide nōgbē pino bō wà gāa mira pì kiia kōn nōsi gū nnaa kè aō à soru kèo. <sup>2</sup> Aō lè wà gbè gò mira léa. <sup>3</sup> Kè aō gè, aōe Dii Yesu gè ero. <sup>4</sup> Aō kú bídi guu, ben gōgbē gōon plaa kenō bō wà mōńzi kōn pókāsāa kè èe té keeno dana. <sup>5</sup> Vīa n kú aō n mi nàe, ben gōgbē pino bèńne: À kè dia ée gbē bēe weteé gēno tée? <sup>6</sup> À kú kero, à fēe. À tó yā kè à òare guroo kè à kú Galili doagu <sup>7</sup> à bè, séde wà Gbēntee Né kpá durunkerinōa aō à pá lía, à guroo aagōdee zī eé fēe. <sup>8</sup> Ben à yā pì dōngu. <sup>9</sup> Bōna mira kiia, aō gāa wà yā pì baaru kpà zīri gōon kuri awēdoonōne kōn gbē kpaaano. <sup>10</sup> Mariama Magadaleni kōn Yoanao kōn Yemisi da Mariamao kōn nōgbē kpaaa kè aō kúnyono bé wà yā pì ò zīri pinōne. <sup>11</sup> Ben nōgbē pino yā pì kēńne lán fāadi yā bà, aōe síro. <sup>12</sup> Ben Pita fēe à bāa si à gāa mira pì kiia. Kè à wée kpàe mira pin, èe pōke ero, sé táaru bisano, ben à liara à tà laasuu guu, yā pì à kù gbāa.



*Zaa Emausi zén*  
(Maa 16:12-13)

<sup>13</sup> Gurɔ dɔnkɔ pì zĩ Yesu ìba gɔɔn plaa kenɔ e gaa lakutu kè wè be Emausi. À zà kɔn Yerusalemuo lán kiloo kuri awɛɛdoo bà. <sup>14</sup> Aɔɔe yā kè kè pínɡi fàadi bookɔne, <sup>15</sup> ben gurɔ kè aɔɔe à fàadi boo aɔɔe à laasuu le, Yesu n̄ lé zén, ben aɔɔe táa oo lɛdo. <sup>16</sup> Ben n̄ wée s̄isi aɔɔe à d̄ɔro. <sup>17</sup> Ben à n̄ lá à bè: Bó yān á té ée oo k̄o? Ben aɔ zè uuo sisina. <sup>18</sup> Aɔ gb̄e doo kè wè benɛ Keleopa wèàla à bè: Mmɔn nibɔn n̄ ũ ndo Yerusalemu gwɛɛ, kè n̄é yā kè kè gurɔplaa kèa d̄ɔro? <sup>19</sup> Ben à n̄ lá à bè: Yā kparemɛ? Aɔ wèàla wà bè: Yesu Nazareti yāme. Annabi ìsime. Baade pínɡi d̄ɔ kè à yākɛna kɔn à yā'onaò b̄ò Luda kiiame. <sup>20</sup> Ben sa'orikinɔ kɔn wa gb̄adeenɔ daa kp̄ámma, le wà yā daàla yānzi, ben wà à pà lía wà à d̄e. <sup>21</sup> Wapinɔ s̄ɔ, daan wée daa eé Isarailinɔ mì sí. Beee gb̄era yā pì kɛna gurɔ aagɔdeen gb̄aa. <sup>22</sup> Ben yā kè wa nɔgb̄e kenɔ ò b̄ò wa sae. Kè aɔ ḡaa à mira kiia kɔngɔa id̄e'id̄e, <sup>23</sup> aɔɔe à gè ero. Aɔ s̄u aɔ bè malaikanɔ b̄ò wà m̄ónzi aɔ bèñne à kú w̄endio. <sup>24</sup> Ben wa gb̄ekenɔ ḡaa wà mira pì gwà, aɔ è lán nɔgb̄e pìnɔ ònne nà, à kú gwero. <sup>25</sup> Ben Yesu bèñne: Laasusaideenɔ, eè yā kè annabinɔ ò sí kpakpaaro. <sup>26</sup> Ludaa e diɛ Mesaya wétámma e lán kè bà gbasa à ḡe a gakui guuroo? <sup>27</sup> Naana zaa Musa takadaa ai à ḡaa pé annabinɔ p̄óa pínɡi, Yesu yā kè k̄ena Luda yān a musu b̄òk̄teñne pínɡi.

<sup>28</sup> Kè aɔ kà k̄i kɔn lakutu kè aɔɔe gaan-o, Yesu kè lán é ḡe zélaa bà. <sup>29</sup> Ben aɔ à k̄ükü aɔ bè: N̄ ḡowao kè. Uusie kè, guu e m̄oo si. Ben à ḡe ua guu à ḡónyo. <sup>30</sup> Gurɔ kè èe p̄ó bleeño, ben à buredi sè à aubarika dàn, ben à lik̄ɔre à kp̄ámma. <sup>31</sup> Ben aɔ wée kè aɔ à d̄ò sa, ben aɔ à wète wà k̄òrazi. <sup>32</sup> Ben aɔ bèk̄ɔne: Kè èe yā oowe zén èe Luda yā b̄òk̄teewe, wa n̄òse guu e puuroo? <sup>33</sup> Ben aɔ f̄eɛ gwe ḡoo aɔ liara wà ḡaa Yerusalemu. Aɔ à z̄iri ḡɔn kuri awɛɛdoonɔ è kak̄ana gwe kɔn gb̄e kè aɔ n̄ámmanɔ <sup>34</sup> aɔɔe bee: Dii f̄eɛ yāpurame, à b̄ò à mò Simɔzi. <sup>35</sup> Ben ḡɔn plaa pìnɔ zé guu yā t̄òk̄éñne kɔn dian aɔ à d̄ò nà buredi lik̄ɔrena guuo.

*Yesu b̄ò à m̄ona a ìbanzi*  
(Mat 28:16-20, Maa 16:14-18, Yoh 20:19-23, Z̄ir 1:6-8)

<sup>36</sup> Kè aɔɔe yā pì oo le, k̄ando aɔ à è zena n̄ té, ben à bèñne: Àḡó kú aafiao! <sup>37</sup> Ben swè k̄éngu aɔ kè ḡiri, aɔɔe daa gèw̄adeen wà è. <sup>38</sup> Ben à bèñne: À kè dia a n̄òse f̄eɛ? À kè dia á kú kɔn n̄òseplaaoo? <sup>39</sup> À ma ɔɔnɔ kɔn ma gb̄ánɔ gwa, kè m̄ámbee! À ɔ kema à gwa. Gèw̄adee èḡò mè kɔn wáoo v̄i lán á è má v̄i n̄àro. <sup>40</sup> Kè à ò le, ben à a ɔɔnɔ kɔn a gb̄ánɔ òd̄oñne. <sup>41</sup> P̄onnaa guu aɔɔe à yā síro, kè à b̄ò n̄ sae yānzi. Ben à n̄ lá à bè: P̄óble kee kuuɔ? <sup>42</sup> Ben aɔ kp̄ò kp̄átea k̄ò kp̄aa, <sup>43</sup> ben à s̄i à s̄ò n̄ wáa.

<sup>44</sup> Ben à bèñne: Yā kè má òare gurɔ kè má kúao bé à kè. Ma bè séde yā kè wà ò ma musu Musa doka takadan kɔn annabinɔ takadao kɔn Saamu takadao papa pínɡi. <sup>45</sup> Ben à n̄ n̄òse w̄éñne le aɔ yā kè kú takada pìnɔ guu d̄òro d̄ò. <sup>46</sup> À bèñne: Wà kè Luda yān wà bè Mesaya é wétámma e, à gurɔ aagɔdee zĩ eé f̄eɛ b̄ona gaan, <sup>47</sup> weé waazi ke bori pínɡine kɔn à t̄ó naana zaa Yerusalemu, le aɔ n̄òse lie aɔ durunno k̄émma. <sup>48</sup> Ámbe yā pì s̄edadeenɔ ũ. <sup>49</sup> Mapi s̄ɔ, mé gb̄aa kè ma De à lé gb̄è kp̄as̄aare. Àḡó kú w̄éte guu kè ai gb̄aa b̄ò ludambe à daala.

*Yesu tana ludambe*  
(Maa 16:19-20, Z̄ir 1:9-11)

<sup>50</sup> Kè Yesu b̄ónyo w̄éte kp̄eɛ ai Betani sae, ben à a ɔɔnɔ sè lez̄i à aubarika dàngu. <sup>51</sup> Kè èe aubarika daangu le, ben à k̄émma, Luda à sè à t̄ào a kiia. <sup>52</sup> Ben aɔ d̄onzi k̄ène aɔ liara wà tà Yerusalemu kɔn p̄onna bítao. <sup>53</sup> Aɔèḡó kú Luda ua guu gurɔ pínɡi aɔḡó Luda s̄áabu kp̄aa.

## YOHANA

### Baaru nnaa kè Yohana kè

Yaaya Batisikeri kɔn Yesu ìba káakunɔ 1:1-1:51

Yesu yádannena 2:1-12:50

Yesu kuuna Yerusalemu 13:1-17:26

Yesu gana kɔn à fɛɛnao 18:1-20:31

Yesu bɔ à mɔna a ìbanɔzi 21:1-21:35

#### *Yesu Kirisi mɔna anduna guu*

<sup>1</sup> Zaa káaku Yá kuu, Yá pì kú kɔn Ludao, Yá pìn Luda ũ. <sup>2</sup> À kú kɔn Ludao zaa káaku. <sup>3</sup> Luda pɔ píngi kè à gāzĩme, pókee kuu kè à kè à sairo. <sup>4</sup> À guun wèndi kún, ben wèndi pì de gupuraa ũ gbɛnɔne. <sup>5</sup> Gupuraa pì è pu gusiaan, ben gusiaa pì é e à daàlaro.

<sup>6</sup> Luda gbɛke zĩ à tɔn Yaaya. <sup>7</sup> À mò gupuraa pì sèedadee ũme, à gupuraa pì yá ò gbɛnɔne, le baade píngi à náane ke à gāzĩ. <sup>8</sup> Àmbe gupuraa pì ũro, à mò gupuraa pì sèedadee ũme.

<sup>9</sup> Gupura yāpuradee kè è guu pu baade píngine bé èe mɔɔ anduna guu.

<sup>10</sup> Yá pì kú anduna guu. Baa kè Luda anduna kè à gāzĩ, anduna e à dɔro. <sup>11</sup> À mò a be, ben à gbɛnɔ e à síro. <sup>12</sup> Gbɛ kè aɔ zèo wà à náane kènɔ sɔ, à n gbá zé aɔ gò Luda nénɔ ũ. <sup>13</sup> Aɔ ina pì e bɔ gbɛke aru guuro, èe bɔ mɛfɛna ke gɔgbɛ pɔyezi kiïaro, Luda bé à n í. <sup>14</sup> Yá pì kè gbɛntee ũ, à gurɔplaa kèwao, ben wa à gakuì è, De Luda Né mèn do léle gakuime, à gbɛke kɔn yāpuraa papana.

<sup>15</sup> Yaaya à sèeda kè à pùtā à bè: Gbɛ kè ma à yá òn yè, ma bè gbɛ kè èe mɔɔ ma gberaa demala kè à kuu ma ā yānzi. <sup>16</sup> À gbɛke papana guu à gbɛke kè wa baadenɛ, ben wa aubarika è didikɔa. <sup>17</sup> Luda a doka kpàwa Musa gāzĩ, à gbɛke kɔn yāpuraa kèwe Yesu Kirisi gāzĩme. <sup>18</sup> Gbɛke e wée si Ludale zikiro. Luda Né mèn do léle kè kú a De kuu pì bé à tò wà à dɔ.

#### *Yaaya Batisikeri sèedakena Yesu yā musu*

*(Mat 3:1-12, Maa 1:1-8, Luk 3:1-18)*

<sup>19</sup> Yuda gbāadee kè aɔ kú Yerusalemunɔ sa'ori kenɔ kɔn Levi bori kenɔ zĩ Yaayaa, ben aɔ à là wà bè: Dén n ũu? Yá kè à ónnen yè. <sup>20</sup> À ónne wásawasa, èe yáke uteínero à bè: Mesayan ma ũro. <sup>21</sup> Ben aɔ à là wà bè: Dén n ũ sɛɛ? Iliamen ũs? À wèníla à bè: Auo! Ben aɔ èara wà à là dɔ: Annabi ìsin n ũs? À wèníla à bè: Auo! <sup>22</sup> Ben aɔ bène dɔ: Dén n ũ sɔɔ? N owe le wà gá wà ò gbɛ kè aɔ wa zĩnɔne. Dian née oo nà zĩnda yā musuu? <sup>23</sup> Ben à bè lán annabi Isaya ò nà:

Gbɛ kè a kòto dɔ gbáann ma ũ,

kè èe bee wà zé poro Diine.

<sup>24</sup> Gbɛ kè wà n zĩ pìnɔ sɔ bɔ Farisinɔ kiïame. <sup>25</sup> Ben aɔ à là wà bè: Zaake Mesayan n ũro ke Ili ke annabi ìsi, bɔyānzi née gbɛnɔ batisi keɛzi? <sup>26</sup> Yaaya wèníla à bè: Mèe gbɛnɔ batisi ke kɔn ío, mɔde gbɛke kú a té á à dɔro. <sup>27</sup> Àmbe é mó ma gbera, mée ká mà à kyatee bɔbɔnero.

<sup>28</sup> Yá pìnɔ kè Betani kè kú Yoda baame, guu kè Yaaya e gbɛnɔ batisi keɛn.

#### *Sāne Bòrɔ kè Ludaa kpà*

<sup>29</sup> Kè guu dɔ, Yaaya Yesu è èe mɔɔ a kiïa, ben à bè: Sāne Bòrɔ kè Ludaa kpà à anduna durun goon yè. <sup>30</sup> Gbɛ pì yān má ò yā ma bè, gbɛ kè èe mɔɔ ma gberaa demala, kè à kuu ma ā yānzi. <sup>31</sup> Má à dɔ yāro, mɔde ma mɔ, mée gbɛnɔ batisi keɛ le Isarailinɔ à dɔ yānzime.

<sup>32</sup> Yaaya à sèeda kè à bè: Má è Luda Nini bɔ ludambe lán pɔtɛɛ bà à mò à zɔa. <sup>33</sup> Mée à dɔ yāro. Kè Luda ma zĩ gbɛnɔ batisi ke, à bème gbɛ kè má è a Ninii mò à pítāa, àmbe eé gbɛnɔ batisi ke kɔn Ninii pìo. <sup>34</sup> Ma beee è, ma sɔ sèeda kè kè àmbe Luda Né ũ.

*Yesu iba káakunɔ*

<sup>35</sup> Kè guu dɔ, Yaaya èara à kú gwe dɔ kɔn a ìba gɔɔn plaaanɔ. <sup>36</sup> Kè à Yesu è èe gētεε, à bè: Sānε Bɔrɔ kè Ludaa kpàn gwe! <sup>37</sup> Kè ìba gɔɔn plaa pìnɔ yā pì mà, aɔ bɔ wà tè Yesuzi. <sup>38</sup> Yesu liε à è aɔ téazi, ben à n lá à bè: Bɔn á yezi? Aɔ bènε: N bεε kú máme Rabi? Tó pì bè Danneri. <sup>39</sup> À wènlá à bè: À mɔ à gwa. Ben aɔ gàa wà guu kè à kún è, ben aɔ gɔɔ zĩ beeeε. Uusie mò siigɔ taka.

<sup>40</sup> Gɔɔn plaa kè aɔ Yaaya yā mà aɔ bɔ wà té Yesuzi pìnɔ, aɔ gbē doo né Simɔ Pita dāaro Andurume. <sup>41</sup> À gàa à a v̄ii Simɔ lè gīa, ben à bènε: Wa Mesaya è. Tó pìn wè be dɔ Kirisi. <sup>42</sup> Ben à gàao Yesu kiia. Yesu à gwà tíii à bè: Yohana né Simɔn n ũ. Weé benne Pitame sa. Tó pì bè gbè.

<sup>43</sup> Kè guu dɔ, Yesu yezi à tá Galili bùsun, ben à dà Filipile à bènε: N̄ témazi. <sup>44</sup> Filipi pì né Anduru kɔn Pitao be wéte Betesaida gbēme. <sup>45</sup> Ben Filipi gàa à Natanaeli lè à bè: Gbē kè Musa a yā ò a doka guu, bensɔ annabinɔ a yā ò dɔ, wa à è. Yusufu né Yesume. Nazareti gbēme. <sup>46</sup> Natanaeli bènε: Gbē maaa é bɔ Nazaretiɔ? Filipi bènε: N̄ mɔ n̄ gwa. <sup>47</sup> Kè Yesu Natanaeli è èe mɔɔ a kiia, à à yā ò à bè: Isaraili yāpuradeen yè, à n̄n̄se mɔnafiki v̄iro. <sup>48</sup> Ben Natanaeli bènε: N̄ ma dɔ máme? Ben Yesu wèla à bè: Ai Filipi gɔ gá n̄ sísi, ma n̄ e kākā lí gbáru. <sup>49</sup> Ben Natanaeli bènε: Rabi, Luda Nén n̄ ũ, Isarailinɔ Kínan n̄ ũ. <sup>50</sup> Yesu bènε: Kè má ònne ma n̄ e kākā lí gbáru bé à tò n̄ ma náane kèɔ? Né yā bíta e de kèla. <sup>51</sup> À èara à bènε dɔ: Yāpuraan méε ooare, é ludambεε e wēkɔana, Luda malaikanɔ égɔ didii Gbēntee Néa aɔgɔ pitaaa.

**2***Nɔsena zaa Kana*

<sup>1</sup> À gurɔ aagɔdee zĩ wèe nɔɔ sεε zaa Kana, Galili bùsun. Yesu da kú gwe, <sup>2</sup> ben wà Yesu kɔn a ìbanɔ s̄isi n̄ose kiia dɔ. <sup>3</sup> Kè geepiwēε kēsā, Yesu da bènε: Aɔ wēε v̄i dɔro né. <sup>4</sup> Ben Yesu wèla à bè: À kè dia n̄ ma le beeeoee? À gurɔ e káme kòro. <sup>5</sup> Ben à da bè zĩkerinɔnε: Lán eé oare nà, à ke le. <sup>6</sup> Gbè orozānɔ kú gwe mèn swεedo Yudanɔ gbās̄ibɔ'ikabɔnɔ ũ. À kenɔ è í sí lita basiigɔme, à kenɔ s̄o baswεedo. <sup>7</sup> Ben Yesu bè zĩkerinɔnε: À í káka orozā kènɔn à pa. Ben aɔ í kákan à pà yélele. <sup>8</sup> Ben à bènε: À tó à gáo k̄k̄s'orinɔ gbēnsine sa. Ben aɔ tò wà gàaone. <sup>9</sup> Kè gbēnsi pì í liena wēε ũu pì dà, èe dɔ guu kè à b̄onlo, m̄de zĩkeri kè aɔ í pì t̄onɔ dɔ. Ben gbēnsi pì n̄ozā s̄isi <sup>10</sup> à bènε: Wē nnaan wè kpár̄mma gīa. Gurɔ kè í n̄ k̄u, ben wè mɔ kɔn gεbuo sa. Mpi s̄o, n̄ wē nnaa tò zāa. <sup>11</sup> Yesu dabuyákεna káakupɔn gwe, kè à kè zaa Kana, Galili bùsun. À tó bɔ, ben à ìbanɔ à náane kè. <sup>12</sup> Beee gbera Yesu gàa Kapenam̄u kɔn a dao kɔn a dāaronɔ kɔn a ìbanɔ, m̄de aɔɔe gurɔplaa ke gwero.

*Yesu kuuna Luda ua*

(Mat 21:12-13, Maa 11:15-17, Luk 19:45-46)

<sup>13</sup> Kè Yudanɔ Banla z̄ibaa kà k̄i, ben Yesu gàa Yerusalem̄u. <sup>14</sup> À è wèe z̄unɔ kɔn s̄aanɔ kɔn lukulukunɔ yaa Luda ua guu, ɔlendekeirinɔ v̄εena gwe. <sup>15</sup> Ben à bàflā tà à pènm̄ma aɔ b̄oε kɔn s̄aanɔ kɔn z̄unɔ p̄ingi. À ɔlendekeiri p̄inɔ ɔɔ f̄aakɔa, à n̄ teebunɔ ȳipa à kwènnε. <sup>16</sup> Ben à bè lukulukuyari p̄inɔnε: À pó p̄inɔ s̄εε à b̄o p̄ingi. Àton ma De ua ke yàra ũro. <sup>17</sup> Ben yā kè kēna Luda yān k̄k̄ii dɔ à ìbanɔn kè à bè: N̄ ua yā ma k̄u gbāa maamaa. <sup>18</sup> Ben Yuda gbāadeenɔ à là wà bè: Dabuyā kpareen né kewe le wà dɔ kè n̄ yā beee kēna iko v̄i? <sup>19</sup> Yesu wènlá à bè: À Luda kpé kè wí, mé εara mà kpé pì f̄εε gurɔ aagɔɔ dagura. <sup>20</sup> Ben gbāadee p̄inɔ bènε: Wè baplaa awεeswεedon wà kpé pì b̄o, ben mm̄on né f̄εε gurɔ aagɔɔ guu? <sup>21</sup> M̄de Luda kpé kè à téa pì, à mè yān èe oo. <sup>22</sup> Kè Yesu f̄εε b̄ona gaan, yā kè à ò pì dɔ à ìbanɔn, ben aɔ yā kè kēna Luda yān s̄i kɔn yā kè Yesu ò p̄io.

*Yesu baade p̄ingi n̄n̄se d̄s*

<sup>23</sup> Kè Yesu kú Yerusalemu Banla zĩbaa zĩ wà à náane kè pari, kè wà dabuyā kè à kènɔ è yānzi. <sup>24</sup> Yesu e ń náane kero, zaake à baade píngi nòse d̄s. <sup>25</sup> Èe kè séto gbēke gbē yā ònɔ, zaake à yā kè kú baade nòse guu d̄s.

### 3

#### *Yesu kɔn Nikodemuo*

<sup>1</sup> Farisi kee kuu kè wè bene Nikodemu. Yuda gbāadeenɔ dokeme. <sup>2</sup> À mò Yesu kiia gwāavĩ à bène: Rabi, wá d̄s kè mbe danneri kè b̄ Luda kiia ũ, zaake gbēke é f̄ à dabuyā kè nèe keenɔ kero, sé Ludaa kúo. <sup>3</sup> Ben Yesu bène: Yāpuraan mée oonne, tó èe kè wà gbē kèke wà à ì d̄s baasiro, eé f̄ à ḡ k̄pata kè b̄ Luda kiia d̄sro.

<sup>4</sup> Ben Nikodemu Yesu là à bè: Weé gbē kè zi kù i diamɛ? Eé ɛara à ḡ a da gbēen le wà keke wà à ì d̄n yó? <sup>5</sup> Ben Yesu wèala à bè: Yāpuraan mée oonne, tó èe kè wà gbē ì k̄n ío k̄n Luda Ninio baasiro, eé f̄ à ḡ k̄pata kè b̄ Luda kiia guuro. <sup>6</sup> Gbēntee né'ina né mē yāme, Luda Nini né'ina né nini yāme. <sup>7</sup> N̄ton tó yā kè má ònne b̄ n saero, séto wà keke wà a ì d̄s. <sup>8</sup> Īa è káka guu kè à yezin. Nèè à k̄i ma, ń d̄s guu kè à b̄n ke guu kè èe gaanlo. Len èḡ de le k̄n gbē kè Luda Nini à ìo.

<sup>9</sup> Ben Nikodemu à là à bè: Yā beee é sí ke s̄s? <sup>10</sup> Yesu wèala à bè: N Isarailinɔ yādanneri ina ben ń beee d̄sroo? <sup>11</sup> Yāpuraan mée oonne, yā kè wá d̄sɔn wée oo. Yā kè wá è sèedan wée kpaa, ben ée gii wa yā sízi. <sup>12</sup> Lán ma anduna yā òare nà, ben a gi sízi, tó ma ludambe yā òare, é sí? <sup>13</sup> Gbēkee e gá ludambe zikiro, sé Gbēntee Né kè b̄ gwee baasiro. <sup>14</sup> Lán Musa mlè sè à d̄s musu gbáan nà, len weé Gbēntee Né sé wà d̄s musu le, <sup>15</sup> le gbē kè èe à náane kee ḡ wèndi kè è yāaroo v̄i. <sup>16</sup> Zaake Ludaa ye andunazi à kè bíta, ben à a Né mèn do léle kpà, le gbē kè èe à náane kee tón garo, sé àḡ wèndi kè è yāaroo v̄i. <sup>17</sup> Ludaa e a Né zĩ anduna guu le à yā v̄e andunaa yānzinlo, le anduna m̄sina e à ḡzĩ yānzime. <sup>18</sup> Yā é v̄e à náanekeriaro. Yā ḡake à v̄e à náanekerisaia kò, kè èe Luda Né mèn do léle p̄i náane kero yānzi. <sup>19</sup> Pó kè tò yā v̄e gbēnɔan yè: Gupuraa mò anduna guu, m̄de gbēnɔ ye gusiaazi de gupuraa p̄ila, kè ās yākenanɔ zaa yānzi. <sup>20</sup> Zaake zaakeri píngi è za gupuraamme, è mó gupuraa kiiaro, le à yākenanɔ tón b̄ gupuraaaro yānzi. <sup>21</sup> Gbē kè è zĩ ke yāpuraaa, àmbe è mó gupura kiia, le wàḡ d̄s kè kuuna Luda guun à yā p̄inɔ kèn.

#### *Yaaya Batisikeri sèedakena Yesu yā musu*

<sup>22</sup> Beee gbera Yesu ḡaa Yudea b̄sun k̄n a ìbanɔ. À gurɔplaa kènyo gwe, èe gbēnɔ batisi kee. <sup>23</sup> Yaaya e gbēnɔ batisi kee se zaa Ainɔ, Salimu sae, zaake í di gwe. Wèḡ m̄ɔ à kiia, ben è ń batisi ke. <sup>24</sup> Zaake wèe Yaaya da kpésiaan k̄ro. <sup>25</sup> Gurɔ beee Yaaya ìba kenɔ nà leokpak̄ak̄enaa k̄n Yuda gbāade keo gbās̄ib̄na yā musu. <sup>26</sup> Ben ās s̄s Yaayazi wà bè: Rabi, gbē kè kúnyo yā Yoda baa k̄aa kpa, kè n à yā òwee bé èe gbēnɔ batisi kee tia, baade píngi e gaa à kiia. <sup>27</sup> Yaaya bène: Gbēke è f̄ à p̄oke e à síro, tó èe kè Luda à gbà baasiro. <sup>28</sup> Àmbe ma sèedadeenɔ ũ kè ma bè m̄ambe Mesaya ũro. Ma bè Luda ma zĩ mà d̄ne aeme. <sup>29</sup> N̄s̄eri bé à n̄ɔ v̄i. N̄s̄eri gbēnna s̄s èḡ ze à sae è swā kpá à yāzi, n̄s̄eri kòto è à p̄ɔ ke nna. Len s̄s ma p̄onnaa kè bíta le. <sup>30</sup> Séde àp̄i ḡs̄ kaara map̄i s̄s m̄aḡ lagoo.

#### *Gbē kè b̄ musu*

<sup>31</sup> Gbē kè b̄ musu de baade píngila. Gbē kè b̄ t̄ɔte né anduna gbēme, anduna yān è o. Gbē kè b̄ ludambe s̄ɔ de baade píngila, <sup>32</sup> èḡ pó kè à è k̄n yā kè à m̄ao sèeda kee, ben gbēkee e à yā siiro. <sup>33</sup> Gbē kè à à yā s̄i zèò kè Luda né yāpuradeeme. <sup>34</sup> Gbē kè Luda à z̄i p̄i è Luda yā o, zaake Luda a Ninii kp̄aa papaname. <sup>35</sup> De Ludaa ye a Nézi, ben à pó píngi n̄ane a z̄i. <sup>36</sup> Gbē kè èe Né p̄i náane kee wèndi kè è yāaroo v̄i. Gbē kè èe gii à yā mazi é wèndi p̄i ero, Luda p̄f̄é kpé kúame.

## 4

*Yesu kɔn Samaria nɔgbɛo*

<sup>1</sup> Farisinɔɔ mà kɛ Yesu e gbɛnɔ batiasi kɛɛ èè ìbanɔ ee de Yaayala. <sup>2</sup> Èe ke Yesu bé è ñ batiasi ke a zĩndaro, à ìbanɔ bé wè ke. <sup>3</sup> Kɛ Yesu yā pì mà, à fɛɛ Yudea à èara èe taa Galili. <sup>4</sup> Kɛ èe gaa sɔ, à kù à bɔɛ Samaria bùsun. <sup>5</sup> Ben à kà Samaria wéte kè wè be Sika. À zà kɔn tɔɔte kè Yakubu kpà a né Yusufuaoro. <sup>6</sup> Yakubu lògɔ kú gwe. Yesu táa ò à kpàsa, ben a vɛɛ lògɔ pì saɛ. Ɔfántɛ kà midangura.

<sup>7</sup> Samaria nɔgbɛ ke mò í tó, ben Yesu bène: Ñ ma gba í mà mi. <sup>8</sup> À ìbanɔ sɔ gaa póblee lú wéte guu. <sup>9</sup> Ben nɔgbɛ pì bène: Yudan n ũ, Samaria nɔgbɛn ma ũ, ben nées ímina wéɛ kɛɛmaa? Zaake Yudanɔ kɔn Samariadeenɔ yā è kɔ séro. <sup>10</sup> Ben Yesu bène: Tó ñ gbaa kè Luda è dañne dɔ kɔn gbɛ kè èe í wéɛ kɛɛmmaao, le mbe né wéɛ kea à n gba í wèndidee.

<sup>11</sup> Nɔgbɛ pì bène: Baa, ñ googa vĩro. Lògɔ kè sɔ wèe zã. Né í wèndidee pì e máme? <sup>12</sup> Ñ de wa dezi káaku Yakubula gwɛɛ? Àmbe à lògɔ pì tòwe. Àpì à í mì kɔn a néno kɔn a pókãdeenɔ. <sup>13</sup> Ben Yesu bène: Gbɛ kè í kè mì, ímii é eara à à demɛ dɔ. <sup>14</sup> Gbɛ kè eé í kè mé kpáa mi sɔ, ímii é à de ziki dɔro. Zaake í kè mé kpáa é gɔ à nɔɛ guu íbɔki í kè eé bɔɛne wèndi kè eé yáaroo ùme.

<sup>15</sup> Ben nɔgbɛ pì bène: Baa, ñ ma gba í pì, le ímii tón ma de mà mò í tó kè dɔro. <sup>16</sup> Yesu bène: Ñ gá n zã sísi à mó ledò. <sup>17</sup> Nɔgbɛ pì wèàla à bè: Má gɔo vĩro. Ben Yesu bène: Kè n bè, ñ gɔo vĩro, n yā ò a zéame. <sup>18</sup> N zã kè gènn sɔɔro, ben gɔgbɛ kè ñ kúo tiaa né n zãno. N yápuraa ò. <sup>19</sup> Ben nɔgbɛ pì bène: Baa, má dɔ sa kè annabin n ũ. <sup>20</sup> Wa dezinɔ dɔnzi kè Ludane kpìii kè musu, apinɔ sɔ èe be Yerusalemu bé guu kè wà dɔnzi kenne ũ. <sup>21</sup> Yesu bène: Nɔgbɛ, ñ ma yā sí. Gurɔkee e suu kè é dɔnzi ke De Ludane kpìii kè musu ke Yerusalemu dɔro. <sup>22</sup> Apinɔ, èe dɔnzi ke Ludane, mɔde á à dɔro, wapinɔ sɔ, wèe dɔnzi kene, bensɔ wá à dɔ, zaake mìsina è bɔ wa Yudanɔ kiiame. <sup>23</sup> Gurɔ e suu à kà kò, kè dɔnziri yápuradeenɔ é dɔnzi ke De Ludane kɔn yápuraa kɔn à Ninii gbãaa. Gbɛ beee takanɔn De Luda e weteɛ aɔ dɔnzi keare. <sup>24</sup> Luda né niniime, séde gbɛ kè aɔɛ dɔnzi kenenɔ dɔnzi kene kɔn yápuraa kɔn à Ninii gbãaa.

<sup>25</sup> Ben nɔgbɛ pì bène: Má dɔ kè Mesaya kè wè benɛ Kirisi é mó. Tó à mò, eé yā píngi bɔkɔtewe. <sup>26</sup> Ben Yesu bène: Mamɔma kè mée yā oonne, máambe à ũ.

<sup>27</sup> Gurɔ beee Yesu ìbanɔ sù, aɔ à lè èe yā oo kɔn nɔgbɛo. À bò ñ saɛ, mɔde aɔ gbɛkee e à la bɔn à yeziro ke bóyãnzì èe yā oo kɔn nɔgbɛ pìoziro. <sup>28</sup> Ben nɔgbɛ pì a loo tò gwe, à gè wéte guu à bè gbɛnɔne: <sup>29</sup> À mó à gɔgbɛ ke gwa. À yā kè má kènɔ òme píngi. Ke Mesaya pìme gwɛɛ? <sup>30</sup> Ben aɔ bèe wéte guu, aɔɛ gaa Yesu kiia.

<sup>31</sup> Gurɔ beee sɔ Yesu ìbanɔ bène: Rabi, né pɔ bleroo? <sup>32</sup> Ben à bène: Má póblee ke vī kè á dɔro. <sup>33</sup> Ben à ìbanɔ kɔ lala wà bè: Gbɛke mɔne póbleeon yó? <sup>34</sup> Ben Yesu bène: Ma póbleen gbɛ kè ma zĩ pɔyezikenà ũ ai mà zĩ kè à dàmeɛ mì de. <sup>35</sup> Apinɔ èe be mɔ siigɔo bé à gɔ kè pókɛgurɔ é ká. Mée ooare, à wéɛ sé à buraano gwa, zaake pónɔ mà aɔ kà kèna. <sup>36</sup> Pókèri e a asaia ee kò, èe gbɛnɔ kaakɔa wèndi kè è yáaro pɔ ũ, le pótɔri kɔn pókèrio pɔnnaa ke ledò. <sup>37</sup> Zaake yā kèkii né yápuraaɛ: Gbɛke bé è pɔ tɔ, gbɛke kè. <sup>38</sup> Ma a zĩ pɔ kè gura kè èe zĩ kenenlo. Gbɛ pãndenɔ bé wà zĩ kè gwe, ben èe ñ zĩ àre blee.

<sup>39</sup> Samaria gbɛ kè aɔ kú wéte pì guuno Yesu náane kè pari yā kè nɔgbɛ pì òñne yãnzì, kè à bè à yā kè á kènɔ òare píngi. <sup>40</sup> Beee yãnzì kè aɔ kà Yesu kiia, aɔ wéɛ kèa à gɔnyo, ben à kènyo gurɔ plaa. <sup>41</sup> Kè Yesu yā òñne, gbɛ pãndenɔ a náane kè paripari. <sup>42</sup> Ben aɔ bè nɔgbɛ pìne: Èe ke yā kè ñ òwe yãnzin wa à náane kèzi adoro. Wa à yā mà wa zĩndame, ben wá dɔ sa kè anduna Misirin à ũ yápuraa.

*Gbãadee né kèkšana*

<sup>43</sup> Kè à gurɔplaa kènyo, à gberan à tà Galili, <sup>44</sup> zaake à bè annabi ègɔ bèe vī a zīnda būsuno. <sup>45</sup> Kè à kà Galili, Galilideenɔ gbāake kpàzi, zaake aɔ gaa wà Banla zībaa kè Yerusalemume, ben aɔ yā kè à kè zībaa pì zīnɔ è píngi. <sup>46</sup> Ben Yesu èara à gaa Kana, gura kè à í lien geepiwēe ũ. Bùsu gbāade kee kú gwe, à négɔgbē e gyāa kee zaa Kapenamumu. <sup>47</sup> Kè à mà Yesu bɔ Yudea à sù Galili, ben à gaa à kiia à wée kèa à gá a né kēkōa, zaake à kú gaa lézī. <sup>48</sup> Ben Yesu bène: Tó èe ke a dabuyānɔ kɔn yābɔnsaenɔ è baasiro, é ma náane kero. <sup>49</sup> Ben gbāadee pì bène: Baa, n̄ mɔ le ma né kpé à ga. <sup>50</sup> Yesu bène: N̄ tá be. N né é garo. Gɔgbē pì yā kè Yesu òne sì, ben à dà zén. <sup>51</sup> Kè à té zén, à dàkɔre kɔn a zīrinɔ, ben aɔ bène à né kuu. <sup>52</sup> Ben à n̄ lá à bè: Gurɔ zaka kparee takan à kè sàò? Ben aɔ bène: Gĩa fāantē m̀ do zakan m̀ewāaa pì kèa. <sup>53</sup> Ben de pì d̄ kè gurɔ zaka kè Yesu òare kè a né é garoon gwe. Ben aɔ à náane kè, àpì kɔn a bēdeenɔ n̄ píngi. <sup>54</sup> Sèeda plaadee kè Yesu kè bɔna Yudea suna Galilin gwe.

## 5

### *Gyāre kēkōana dada'okiia*

<sup>1</sup> Beee gbera Yudanɔ zībaa ke kà, ben Yesu èara à gaa Yerusalemumu. <sup>2</sup> Dada'okii kú gwe Sā Gēkii sae kè wè be Beteseda kɔn Eberu yāo. Dada'okii pì kámmabokii vī leo sɔɔro, <sup>3</sup> gyāreenɔ ègɔ daenan paripari, vianɔ kɔn erenɔ kɔn gbē kè aɔ m̀guu fēfēnanɔ. <sup>4-5</sup> Gɔgbē kee kú gwe èe gyāa kee à kà wè baplaa plaasai. <sup>6</sup> Kè Yesu à è daena gwe, à d̄ kè èe gyāa kee a gì kè maamaa, ben à bène: N̄ yezi n̄gɔ aafia? <sup>7</sup> Ben gyāree pì wèala à bè: Maree, má gbēke vī à ma da í guu gurɔ kè à dègero. Tó mée gaa gēn, gbē pānde è gīake à gē ma āme. <sup>8</sup> Yesu bène: N̄ fēe n̄ ze, n̄ n pè sé n̄ táa o. <sup>9</sup> Gwe gɔo gɔgbē pì aafia è. À a pè sè à táa ò. Gurɔ pì né kámmabogurɔ zīme, <sup>10</sup> ben Yuda gbāadeenɔ bè gɔgbē kè kēkōa pīne: Kámmabogurɔ zīn gbāa. À zé vī n̄gɔ n̄ pè senaro. <sup>11</sup> À wènlá à bè: Gbē kè ma gba aafia bé à òme mà a pè sé mà táa o. <sup>12</sup> Ben aɔ à là wà bè: Dé bé à bènne n̄ n̄ pè sé n̄ táa oo? <sup>13</sup> Gbē kè kēkōa pì d̄ tó dénlo, zaake Yesu gète parii kè aɔ kú gweenɔ tème. <sup>14</sup> Beee gbera Yesu à è Luda ua guu, ben à bène: N̄ ma, n̄ aafia è. N̄ton durun ke d̄ro, le yā kè zaa de beeelaa tón n̄ le d̄ro yānzī. <sup>15</sup> Ben gɔgbē pì gaa à ò Yuda gbāadeenɔne kè Yesu bé à tò a aafia è.

<sup>16</sup> Ben gbāadee pìnɔ wée tá Yesua, kè è yā beee takanɔ ke kámmabogurɔ zī yānzī. <sup>17</sup> Ben Yesu wènlá à bè: Ma De ègɔ zīi kee kámmabosaimē, len mée kee le se. <sup>18</sup> Yā beee yānzī gbāadee pìnɔ e Yesu wetee wà à d̄zi de káakula. Èe ke kè è kámmabogurɔ zī yā daro ado yānzīnlo, kè è be Ludan a De ũ, èe a zīnda kee sēnkpe kɔn Ludao yānzime.

### *Luda Né iko*

<sup>19</sup> Yesu èara à wènlá à bè: Yāpuraan mée ooare, Luda Né è f̄ à yāke ke kɔn a zīnda gbāaaoro, sé yā kè à è a Dee e kee baasiro, zaake yā kè à De è ke píngi, àmbe à Né pì è ke se. <sup>20</sup> Zaake De Ludaa ye a Nézi, è yā kè è ke píngi ɔɔane. Eé yā kè bíta de beeelaa ɔɔane, eé bɔ a sae. <sup>21</sup> Lán De Luda è gènɔ vu à wèndi kpámma nà, len à Né è wèndi kpá gbē kè à yezinɔa le. <sup>22</sup> De Luda è yākpae ke kɔn gbēkeoro, à yākpaekeena gbāa píngi kpà a Néa, <sup>23</sup> le baade píngi bèe li a Néne, lán aɔ è li De Ludane nà. Gbē kè èe bèe li Luda Nénero, adee e bèe lii à De kè à à zīnero. <sup>24</sup> Yāpuraan mée ooare, gbē kè èe ma yā maa, bens̄ èe gbē kè ma zī náane kee, adee wèndi kè è yāaroo vī. Yā é vēaro, adee bɔ gaan à gè wèndi guume. <sup>25</sup> Yāpuraan mée ooare, gurɔkee e suu à kà kò, kè gènɔ é Luda Né kòto ma, aɔ gbē kè aɔ m̀ànɔ é fēe. <sup>26</sup> Lán De Luda wèndikpammana gbāa vī nà, len à wèndikpammana gbāaa kpà a Néa le d̄. <sup>27</sup> À yākpaekeena gbāaa kpàa d̄, kè à de Gbēntee Né ũ yānzī. <sup>28</sup> Àton tó beee bɔ a saero, zaake gurɔkee e suu kè gè kè aɔ kú mira guunɔ é à kòto ma <sup>29</sup> wà bɔe n̄ píngi. Maakerinɔ é fēe wà gē wèndi guu, zaakerinɔ s̄ yāvēmmana guu. <sup>30</sup> Mèe f̄ mà yāke

ke kōn ma zīnda gbāaaoro. Mèè yākpae ke lán à òme nàme, mèè yākpae ke a zéa, zaake mèè ma zīnda poyezi wetero, sé gbē kè ma zīi pì pò.

### *Yesu iko sèedadeen*

<sup>31</sup> Tó má de ma zīnda sèedadee ũ, le ma yā náane vīro. <sup>32</sup> Sèedade pāndee kuu kè è ma yā o, má dō kè ma yā kè è oo náane vī. <sup>33</sup> Baa apinɔ, a gbēnɔ zì Yaayaa, ben à yāpuraa òare. <sup>34</sup> Mée mè kpá gbēntee sèedadekenaaro, mée beee ooare le à e à bɔ zia yānzime. <sup>35</sup> Yaaya de lán fitia kè nana èe guu puu bà, ben a we à ponnaa kè à gupuraazi gurɔ plaa. <sup>36</sup> Yā kè De Ludaa dàme mà keenɔ, kè mée kee pinɔɔ deare sèeda ũ, kè De Luda bé à ma zī. Ma sèeda pì de Yaaya póla. <sup>37</sup> Ma De kè ma zīi ma yā ò dɔ. Ée à kòto ma zikiro, ée wée siàlero, <sup>38</sup> à yā e vèekii e a swè guuro, kè ée gbē kè à zì náane kero yānzì. <sup>39</sup> Èe Luda yā tàasi ke, zaake eègɔ daa gwen é wèndi kè è yāaroo en. Ma yān takada pì e oo sɔ, <sup>40</sup> mɔde ée gii mó ma kiiazì le à wèndi pì e. <sup>41</sup> Mée sáabu wete gbēntee kiiraro, <sup>42</sup> mɔde má a dō, má dō kè á ye Ludaziro. <sup>43</sup> Ma mɔ kōn ma De tó, ben ée ma síro. Tó gbē pānde mò kōn a zīnda tó, é à sí. <sup>44</sup> Lán èe sáabu wete kɔa nà, mɔde èe sáabu wete Luda mèn do lélea lero, é ke dia à ma yā sí? <sup>45</sup> Àtongɔ daa mámbe mé gá kōn a yāo ma De kiiraro, Musa kè a wée dɔzi bé eé gá a yāo. <sup>46</sup> Tó a Musa yā sì, le a ma yā sì se, zaake ma yān à kè Luda yān. <sup>47</sup> Kè ée yā kè à kè Luda yānno síro, é ke dia à ma yā sí?

## 6

### *Póblekana gōgbē gōon bɔɔ sɔɔroonɔa*

*(Mat 14:13-21, Maa 6:30-44, Luk 9:10-17)*

<sup>1</sup> Beee gbera Yesu bikù Galili sèbe kè wè be dɔ Tiberia baa. <sup>2</sup> Gbēnɔ gɔ tézi paripari, kè aɔ à dabuyānɔ è dian èe gyāreenɔ kèekɔana yānzì. <sup>3</sup> Ben Yesu didi à vèe sìsì kōn a ìbanɔ. <sup>4</sup> Yudano Banla zībaa kà kīi. <sup>5</sup> Kè Yesu wée sè musu, à è gbēnɔ e mɔɔ a kiia paripari, ben à Filipi là à bè: Mákpan wé póblee lún le gbēnɔ bleee? <sup>6</sup> À beee ò le à Filipi yɔ à gwa yānzime, zaake à dō lán é ke nà. <sup>7</sup> Ben Filipi wèala à bè: Kondogi ɔ mèn wàa do buredi, baa tó wà lìli baadené fétefete, eé mómmaro. <sup>8</sup> À ìbanɔ doke Anduru, Simɔ Pita dāaro bène: <sup>9</sup> Né gōgbē kee kú kè, à buredi aaga vī mèn sɔɔro kōn kpò néngonɔ mèn plaa. Bón beee é ke parii kènne? <sup>10</sup> Yesu bè: À gbēnɔ vèevèe. Sè di guu pìn, ben aɔ vèevèe. Gōgbēnɔ kà gōon bɔɔ sɔɔro taka. <sup>11</sup> Yesu buredi pinɔ sè à aubarika dàn, ben à kpàatete gbē kè aɔ vèena pinne lán aɔ yezi nà. Len à kpò kpàmma le dɔ. <sup>12</sup> Kè aɔ kà ní píngi, à bè a ìbanne: À à kpaaa kè gò sée píngi, le à ke tón ke pāro. <sup>13</sup> Ben aɔ buredi mèn sɔɔroo kè wà sò pì kpaaa kè gōnɔ sèe gbíi kuri awèplaa pà. <sup>14</sup> Kè wà dabuyā kè Yesu kè pì è wà bè: Gbē pì né annabi kè èe mɔɔ anduna guume yāpura. <sup>15</sup> Yesu dō kè wà yezi wà mó wà a kú wà a ká kí ũ kōn gbāaaome, ben à gùne gwe à èara à didi sìsì musu ado.

### *Yesu táa'ona sèbela*

*(Mat 14:22-33, Maa 6:45-52)*

<sup>16</sup> Kè uusie kè, à ìbanɔ gàa sèbe baa. <sup>17</sup> Ben aɔ gè góro'ite guu, aɔbe bikúu sèbe pì baa kaa Kapenamú kpa. Guu gīake à sì Yesu e ká ní kii kòro. <sup>18</sup> Zàga'íà gbāaa kàka, ben í e fèe. <sup>19</sup> Kè à ìbanɔ góro lì wà kà kiloo sɔɔro ke swèdo taka, ben aɔ Yesu è èe táa oo íla, èe sɔo ní górozi, ben vīa ní kú. <sup>20</sup> Ben à bène: Mámbee! Àton tó vīa a kúro. <sup>21</sup> Aɔ wèzi à gè góro guu, ben góro pì kà guu kè aɔbe gaan gɔ.

### *Gbēnɔ Yesu wetea*

<sup>22</sup> Kè guu dō parii kpé zena sèbe baa kaa. Aɔ dō kè góro'ite kú gwe yā mèn dome, Yesu sɔ èe gè góro pì guu kōn a ìbanɔ, aɔ tà ntèeme. <sup>23</sup> Zāazāa góro'ite pāndeno bɔ Tiberia, aɔ mò guu kè kīi kōn guu kè wà buredi sòn-o, kè Dii sáabu kpá. <sup>24</sup> Kè parii pì è àpì ke à ìbanɔ kú gwe dɔro, aɔ gè góro pinɔ guu aɔ gàa à wete Kapenamú.

*Yesu bé póblee kè è ní ká wèndia ũ*

<sup>25</sup> Kè aõ à è sèbe baa gwe, aõ bène: Rabi, n ka kè bɔɔɛme? <sup>26</sup> Yesu bène: Yāpuraan mée ooare, ée ma wɛɛɛ buredi kè á sò a ká yānzime, èe ke dabuyā kè á ènɔ yānzinlo. <sup>27</sup> Àton zīi ke póblee kè è yāa yānziro, sé póblee kè è ní ká wèndi kè è yāarooa. Gbēntee Né bé eé a gba póblee pì, zaake àpin De Luda a sèeda kèa.

<sup>28</sup> Ben aõ à là wà bè: Dian wé ke nà wà yā kè Ludaa yezi wà kee kee? <sup>29</sup> Yesu wènila à bè: Yā kè Ludaa yezi à keen yè: À gbē kè à à zī náane ke. <sup>30</sup> Aõ bène: Dabuyā kporeen né kewe, le wà e wà n náane kee? Yā kporeen né kee? <sup>31</sup> Wa dezinɔ mana blè gbáan lán wà kè Luda yān nà wà bè: A póblee kè bò musu kpàmma aõ blè. <sup>32</sup> Ben Yesu bène: Yāpuraan mée ooare, èe ke Musa bé à póblee kè bò musu kpàawaro. Ma De bé è póblee yāpuradee kè bò musu kpáawa. <sup>33</sup> Póblee kè Ludaa kpà pìn gbē kè bò musu è wèndi kpá andunaa ũ.

<sup>34</sup> Aõ bène: Mare, ògõ póblee beee taka kpaawa gurɔ píngi. <sup>35</sup> Ben Yesu bène: Mámbe póblee kè è ní ká wèndia ũ. Nɔaa é gbē kè mò ma kiia deɔ, ímii é ma náanekeri de zikiro. <sup>36</sup> Baa kɔn beeeo lán má òare nà, baa kè a ma e, ée ma náane kero. <sup>37</sup> Gbē kè ma Dee kpàmaa é mó ma kiia, mé pé gbē kè mò ma kiiaa zikiro. <sup>38</sup> Èe ke ma zīnda poyezi yānzin ma bɔ musu ma mɔziro, sé gbē kè ma zī pɔ. <sup>39</sup> Pɔ kè gbē kè ma zīi pì yezin yè: Māton tó gbē kè à kpàmaanɔ ke sāsāro. À yezi mà ní fɛɛ ziaa zī. <sup>40</sup> Zaake pɔ kè ma Dee yezin yè: Gbē kè wéɛ pè à Néa bensɔ èè à náane kee gõ wèndi kè è yāaroo vī, mé à fɛɛ ziaa zī.

<sup>41</sup> Ben Yuda gbāadeenɔ zɔka kàzi, kè à bè ambe póblee kè bò musu ũ yānzì. <sup>42</sup> Aõ bè: Gbē pì né Yesu Yusufulu nénloo? Wá à de kɔn à dao dɔ né! Ben èe bee a bɔ musume. <sup>43</sup> Yesu bène: Àton zɔka káro. <sup>44</sup> Gbēke é fɔ à mɔ ma kiiaro, tó èe ke ma De kè ma zīi à sìsi baasiro, mé à fɛɛ ziaa zī. <sup>45</sup> À kēna annabinɔ takada guu wà bè: Luda bé eé yā da baadenɛ. Gbē kè De Luda yā mà bensɔ à à yā dà, àmbe è mó ma kiia. <sup>46</sup> Èe ke gbēke De Luda è kɔn wéonlo. Gbē kè bò à kiia bé à à è ado. <sup>47</sup> Yāpuraan mée ooare, ma náanekeri wèndi kè è yāaroo vī. <sup>48</sup> Mámbe póblee kè è ní ká wèndia ũ. <sup>49</sup> A dezinɔ mana blè gbáan, baa kɔn beeeo aõ gàga. <sup>50</sup> Póblee kè è bɔ musu sɔ, tó gbē blè, eé garo. <sup>51</sup> Mámbe póblee wèndidee kè bò musu pì ũ. Tó gbē à kè blè, eégõ kuu gurɔ píngi. Póblee kè mé kpámma ma mēbaasi ũ, le anduna gõ wèndi vī yānzì.

<sup>52</sup> Ben gbāadee pìnɔ e leokpakɔa kee kɔo wà bè: Gbē pì é fɔ à a mēbaasi kpáwa wà sɔn yó? <sup>53</sup> Ben Yesu bène: Yāpuraan mée ooare, tó ée Gbēntee Né mēbaasi sò a à aru mīro, égõ wèndi vīro. <sup>54</sup> Gbē kè è ma mēbaasi sò à ma aru mii wèndi kè è yāaroo vī. Mámbe mé à fɛɛ ziaa zī. <sup>55</sup> Zaake ma mēbaasi né póblee yāpuraame, ma aru né ímina yāpuraame. <sup>56</sup> Gbē kè è ma mēbaasi sò à ma aru mii kú ma guu, má sɔ kú à guu. <sup>57</sup> Lán De Luda Wèndide ma zī bensɔ má kuu à yānzì nà, len gbē kè è ma mēbaasi sò égõ kuu ma yānzì le. <sup>58</sup> Póblee kè bò musun gwe. À de lán póblee kè a dezinɔ blè aõ gà bàro. Póblee beee blèri égõ kuu gurɔ sànda píngime. <sup>59</sup> Yesu yā beenɔ ò gurɔ kè èe yā daáne Kapenamun aduakεkεmme.

*Yesu iba kenɔ bɔrukpekena*

<sup>60</sup> Kè à ìbanɔ yā pì mà, aõ paridee bè: Yā gbāaame, dé bé eé beee fɔ? <sup>61</sup> Yesu dɔ a swè guu kè a ìbanɔ e zɔka kaa yā pì musu, ben à bène: Yā pì e a fuu? <sup>62</sup> Tó á è Gbēntee Né fɛɛ èè taa guu kè à kún yā sɔ né? <sup>63</sup> Luda Nini bé è wèndi kpámma, mēbaasi né pòkenlo. Yā kè má òareenɔn Luda Nini kè è ní ká wèndia yā ũ. <sup>64</sup> Mòde a gbēkenɔ e ma náane kero. Zaake Yesu gbē kè aɔɔe a náane keroonɔ dɔ zaa káaku kɔn gbē kè eé a kpámmao. <sup>65</sup> Ben à bè dɔ: Beee yānzin má òarezi, gbēke é fɔ à mó ma kiiaro, séto De Luda à gbà zé.

<sup>66</sup> Zaa gurɔ beee à ìba kenɔ bɔru kpeε paripari, aɔɔe tézi dɔro. <sup>67</sup> Ben Yesu à ìba gɔon kuri awεεplaaanɔ là à bè: Á yezi à tá sen yó? <sup>68</sup> Simɔ Pita wèala à bè: Dij, dé kiian wé gán? Ní wèndi kè è yāaroo yā vī. <sup>69</sup> Wa n náane kè, wá dɔ ke Luda gbē kè à kú adonan n



ũ. <sup>70</sup> Yesu bèńńe: A g̃õn kuri awεεplaaa k̃ñn má s̃eroo? Baa k̃ñ beeeo a gb̃e doo né ibilisimε. <sup>71</sup> Yudasi, Sim̃ Isikarioti ññ à téa. Àpin g̃õn kuri awεεplaaa p̃ño doke k̃e eé à kp̃ár̃ma ũ.

## 7

### *Yesu k̃ñ a d̃áaroñ*

<sup>1</sup> Beee gbera Yesu g̃aa Galili w̃éte k̃ñ w̃éteo, zaake à yezi à lili o Yudearo, k̃e Yuda gb̃áadeeño e à w̃éte w̃à à de ỹanzi. <sup>2</sup> Yudano Kutad̃na z̃íbaa k̃a k̃i, <sup>3</sup> ben à d̃áaroñ bèńńe: Ñ f̃e gura k̃e ñ g̃á Yudea, le ñ ìba k̃e ãõ kú gweeño ỹa k̃e ñeε keεño e se. <sup>4</sup> Tó gb̃e yezi à tó b̃o, è a ỹaño ke utenaro. Lán ñeε ỹa k̃eño taka keε ña, ñ ñ z̃inda õõa andunanε. <sup>5</sup> Baa à d̃áaro p̃ño ãõe à náanε k̃ero. <sup>6</sup> Ben Yesu bèńńe: À gur̃o e k̃ame k̃òro. Am̃oaño s̃õ á zé ṽi gur̃o s̃ánda p̃ingi. <sup>7</sup> Anduna é we à zaaguro, m̃ode à z̃amagu k̃e m̃eε be à ỹak̃ena zaa ỹanzi. <sup>8</sup> À g̃a z̃íbaakekiia, m̃eε gaaro, zaake à gur̃o e k̃ame k̃òro. <sup>9</sup> K̃e à ỹa p̃i ò, ben à g̃ò Galili.

### *Yesu gana Kutad̃na z̃íbaakekiia*

<sup>10</sup> K̃e à d̃áaro p̃ño g̃aa z̃íbaakekiia, gbasa àton g̃á. Èe g̃a gb̃eño w̃áaro, à g̃aa asii guume. <sup>11</sup> Yuda gb̃áadeeño e à w̃éte z̃íbaakekiia ãõ bè: Àpi kú máa? <sup>12</sup> Parii guu w̃e ỹabuu t̃aa maamaa à musu. Gb̃ekeño bè: Gb̃e maaamε. Gb̃ekeño bè: Auo, èe gb̃eño s̃ás̃amε. <sup>13</sup> Gb̃eke e a ỹa o gupuraaaro, k̃e w̃e ṽia keε gb̃áadee p̃iññe ỹanzi.

<sup>14</sup> K̃e z̃íbaa k̃a a dagura, Yesu g̃aa Luda ua guu, èe ỹa daańne. <sup>15</sup> À ỹa b̃ò gb̃áadee p̃ño sae w̃à bè: Gb̃e k̃e èe kyó k̃eroo bé à takada d̃õ l̃e? <sup>16</sup> Ben Yesu bèńńe: Ỹa k̃e m̃eε dańne né ma z̃inda ỹañlo, gb̃e k̃e ma z̃i ỹame. <sup>17</sup> Gb̃e k̃e yezi à ze k̃ñ Luda p̃oyezikenao é g̃õ d̃õ tó ma ỹadannena de Luda p̃ó ũ, kes̃õ ma z̃inda ỹañ m̃eε oo. <sup>18</sup> Gb̃e k̃e è a z̃inda ỹa oo e w̃éte à tó b̃omε. Gb̃e k̃e è w̃ete à gb̃e k̃e a z̃i tó b̃o náanε ṽi, m̃onafiki kú à guuro. <sup>19</sup> Musa e doka daareroo? A gb̃eke ỹa p̃i k̃una s̃oro. B̃oỹanziñ ée w̃éte à ma dezi?

<sup>20</sup> Ben gb̃eño bèńńe: Ñ z̃iñ ṽimε. Dé bé èe w̃éte à ñ deε? <sup>21</sup> Yesu bèńńe: Dabuỹa m̃eñ don má k̃e, ben à b̃ò a p̃ingi sae. <sup>22</sup> Musa b̃anguk̃ena ỹa dàare, ben eè b̃angu ke k̃ammabogur̃o z̃i. Ase èe ke Musa kiiañ à ñañlo, à b̃ò a dezi k̃áakuño kiame. <sup>23</sup> Lán w̃e b̃angu ke néne k̃ammabogur̃o z̃i ña le w̃aton b̃o Musa doka kp̃eero ỹanzi, à k̃e dia a p̃o f̃enamazi, k̃e ma gb̃e gb̃a aafia w̃asawasa k̃ammabogur̃o z̃i? <sup>24</sup> Àton ỹa gwa lán a w̃eε e ee ñaro. À ỹa gwa a z̃éa.

### *Yesun M̃esaya ũs?*

<sup>25</sup> Ben Yerusalemudeeño bè: Gb̃e p̃i né gb̃e k̃e w̃eε à w̃éte w̃à à deεnloo? <sup>26</sup> À gwa, èe ỹa oo gupuraa, ben gb̃eke e ỹa liaro. Gb̃áadeeño à d̃õ M̃esaya ũ ỹapuraañ yó? <sup>27</sup> Wá d̃õ guu k̃e gb̃e k̃ekii b̃òn. Tó M̃esaya m̃ò, weég̃õ d̃õ guu k̃e à b̃ònlo. <sup>28</sup> Beee ỹanzi gur̃o k̃e Yesu e ỹa daańne Luda ua guu, à p̃ut̃a à bè: Á ma d̃õ bens̃õ á d̃õ guu k̃e ma b̃on. Ase m̃eε mó k̃ñ ma z̃indaoro. Gb̃e k̃e ma z̃i né ỹapuradeemε, ben á à d̃õro. <sup>29</sup> Má à d̃õ, zaake ma b̃o à kiame, àmbe à ma z̃i.

<sup>30</sup> Ben ãõe à w̃éte w̃à à k̃u, m̃ode gb̃eke e o naaro, zaake à gur̃o e papa k̃òro. <sup>31</sup> Zà guu w̃à Yesu náanε k̃e pari w̃à bè: Tó M̃esaya m̃ò, eé dabuỹa ke pari de k̃e gb̃e k̃ekii k̃elañ yó?

### *Dogarino z̃ina ãõ Yesu k̃u*

<sup>32</sup> K̃e Farisiño mà w̃eε ỹabuu t̃aa zà guu à ỹa musu, ben sa'orikiño k̃ñ Farisi p̃ño dogariño z̃i w̃à à k̃u. <sup>33</sup> Ben Yesu bè: Ma kuunaao g̃ò féte, gbasa mà tá gb̃e k̃e ma z̃i kiia. <sup>34</sup> É ma w̃ete à koramazi, zaake é f̃õ à g̃a guu k̃e má k̃uñlo.

<sup>35</sup> Ben gb̃áadee p̃ño e k̃õ lalaa: Mán à yezi à gán k̃e wé korazi? À yezi à g̃a wa gb̃e k̃e ãõ f̃aak̃õa Giriki b̃usuño guu kiia le à ỹa da Giriki p̃iññeñ yó? <sup>36</sup> Ỹa k̃e à ò p̃i mì de diamε? K̃e à bè wé a w̃ete w̃à koraazi bens̃õ guu k̃e á k̃uñ wé f̃õ w̃à g̃a gwero né.

### *Í kè è ní ká wèndia*

<sup>37</sup> Zĩbaa gurɔ zãa bíta zĩ Yesu fèe à pùtã à bè: Gbè kè ímii e à dee à mó ma kiia à í mi, <sup>38</sup> gbè kè èe ma náane kee sɔ, í kè è ní ká wèndia égɔ bàa lee zaa à nòse guu lán wà kè Luda yã nà. <sup>39</sup> À yã kè ò Luda Nini kè gbè kè aɔɔe a náane kee nɔ é sí yã musume. Aɔɔ Luda Nini pì vĩ gĩaro, kè Yesu e gĩake à tó bɔ kòro yãnzì.

### *Gbènɔ kèkèkɔana Yesu yãnzì*

<sup>40</sup> Kè gbènɔ yã pì mà, gbèkenɔ bè: Gbè kèkii né annabi pime yãpura. <sup>41</sup> Gbèkenɔ bè: Gbè kèkii né Mesayame. Mòde gbèkenɔ bè: Mesaya é bɔ Galili sɔɔ? <sup>42</sup> Wà kè Luda yã nà wà bè, Mesaya né Dauda boriime, eé bɔ Dauda be wéte Betelemume. <sup>43</sup> Ben gbènɔ kèkèkɔa Yesu yãnzì. <sup>44</sup> Aɔ gbèkenɔ yezi wà à kũ, mòde gbèkee e ɔ naaro.

### *Yuda gbãadeenɔ è Yesu náane kero*

<sup>45</sup> Ben dogarinɔ èara wà tà sa'orikinɔa kɔn Farisinɔ. Ben aɔ ní lá wà bè: Bóyãnzì ée à kũ a suoziroo? <sup>46</sup> Dogari pìnɔ wènlá wà bè: Gbèkee e yã o lán gbè kèkii bà zikiro. <sup>47</sup> Ben Farisinɔ bèñne: À a likɔa sen yó? <sup>48</sup> Gbãadee ke Farisi ke à náane kèn yó? <sup>49</sup> Pari beee Luda yã d̄ro, Luda lé kèñneme. <sup>50</sup> Nikodemu kè gàa Yesu kiia yãa né gbãadee pìnɔ dokeme. À bèñne: <sup>51</sup> Wa doka guu wà bè, wàton yã da gbèla a yã mana sairo ke yã kè à kè d̄na sairo. <sup>52</sup> Aɔ bène: Galili gbèn n ù seɔ? Ñ tàasi ke ñ gwa, né e kè annabi ke è bɔ Galiliro. <sup>53</sup> Ben baade tà a be.

## 8

### *Nɔgbè kè wà kũ zinakena guu*

<sup>1</sup> Yesu gàa Kùkpe s̄s̄igeezi. <sup>2</sup> Kè guu d̄ò ḡɔ, à èara à gàa Luda ua guu. Baade píngi mò à kiia, ben à v̄ee èe yã daañne. <sup>3</sup> Ben ludayãdannerinɔ kɔn Farisinɔ mò à kiia kɔn nɔgbè kè wà kũ zinakena guu, aɔ à zè zà guu <sup>4</sup> aɔ bè Yesune: Danneri, wà nɔgbè kè kũ kɔn ḡɔpɔseeeo wéedewe. <sup>5</sup> Wa doka guu Musa diè wà nɔgbè kè taka pápa gbèò wà à deme. Ní è dia s̄ɔɔ? <sup>6</sup> Aɔ beee ò le aɔ à ȳò wà gwa wà e wà yã daàla yãnzime. Ben Yesu nàe èe ɔgbè kèe tɔtɔea. <sup>7</sup> Kè aɔ kpé wèe à lalaa, ben à a mì sè lezĩ à bèñne: A gbè kè èe durun ke zikiroo à pá gbèò káaku. <sup>8</sup> Ben à èara à nàe èe ɔgbè kèe tɔtɔea d̄o. <sup>9</sup> Kè aɔ mà le, ben aɔ f̄aakɔa doodo sena zaa gbènsinɔa. Ben aɔ Yesu tò ado kɔn nɔgbè pìo. <sup>10</sup> Ben à èara à a mì sè lezĩ à bène: Nɔgbè, aɔ tà máme? Wèe yã danla d̄roo? <sup>11</sup> Nɔgbè pì wèala à bè: Baa, aɔ gbèkee kú kè d̄ro. Ben Yesu bène: Mapi se, mé yã danlaro. Ñ gá. Zaa gbãa ñton durun ke d̄ro.

### *Yesun gupuraa ù andunane*

<sup>12</sup> Ben Yesu yã ò gbènɔne d̄o à bè: Mámbe gupuraa ù andunane, gbè kè témazii égɔ kú gusiaan d̄ro, gupuraa kè è ní ká wèndian adee égɔ vĩ.

<sup>13</sup> Ben Farisinɔ bène: Ní de n zĩnda sèedadee ù, n yã náane v̄iro. <sup>14</sup> Ben Yesu wènlá à bè: Baa tó mée ma zĩnda yã oo, ma yã náane v̄i, zaake má d̄o guu kè ma b̄on kɔn guu kè mée taan-o. Amɔanɔ s̄ɔ, á guu kè ma b̄on kɔn guu kè mée taan-o d̄ro. <sup>15</sup> Ée ma taari ee gbènteekeemm̄e. Mée gbèke taari e s̄ro. <sup>16</sup> Tó ma gbè taari è s̄ɔ, taari'ena pì égɔ náane v̄i, zaake má kú madoro, ma De kè ma zĩ kúmao. <sup>17</sup> À kú a doka takadan wà bè, sèedade ḡɔn plaaanɔ yã bé à náane v̄i. <sup>18</sup> Mámbe ma zĩnda sèedadee ù. Ma De kè ma zĩ né ma sèedadeeme d̄o.

<sup>19</sup> Ben aɔ à là wà bè: N dee kú máme? Yesu wènlá à bè: Á ma d̄ro, bens̄o á ma De d̄ro. Tó a ma d̄, le a ma De d̄. <sup>20</sup> Yesu yã beee ò ɔsikiia, gurɔ kè èe yã daañne Luda ua guume. Wèe à kũro, zaake à gurɔ e papa kòro.

### *É f̄s̄ à gá guu kè mée taanlo*

<sup>21</sup> Ben Yesu bèñne dɔ: Mée taa, é ma wete, mɔde é ga a durun guume. É fɔ à gá guu kè mée taanlo. <sup>22</sup> Ben gbāadee pìnɔ bè: À bè wé fɔ wà gá guu kè ée taanlo. Eé a zīnda den yó? <sup>23</sup> Ben Yesu bèñne: Tɔɔte kè gbēnɔn a ũ, musu gbēn ma ũ. Anduna kèki gbēnɔn a ũ, anduna kèki gbēn ma ũro. <sup>24</sup> Beee yānzin ma bèare é ga a durun guume. Tó ée sí kè mámbe gbē kè má de à ũu ũro, é ga a durun guume.

<sup>25</sup> Ben aɔ à là wà bè: Déme n ũu? Yesu wèñla à bè: Gbē kè má òare zaa káakun ma ũ. <sup>26</sup> Má yā vī pari mà o a musu mà yā daoala. Gbē kè ma zīi né yāpuradeeme, yā kè má mà à kiian mēè o andunanε.

<sup>27</sup> Aɔɔe dɔ kè De Ludan à téaro, <sup>28</sup> ben Yesu bèñne: Tó a Gbēntee Né sè á dɔ musu, é gbas a dɔ kè mámbe gbē kè má de à ũu ũ. Mēè yāke ke kɔn ma zīndaoro, yā kè ma Dee dāmεen mēè o. <sup>29</sup> Gbē kè ma zīi kúmao, èe ma tó madoro, zaake mēègɔ yā kè è káne keε gurɔ píngi. <sup>30</sup> Gurɔ kè Yesu e yā pìnɔ oo, wà à náane kè pari.

### *Wēenεnɔ kɔn zɔnɔ*

<sup>31</sup> Ben Yesu bè Yuda gbāadee kè aɔ à yā sìnɔne: Tó á ma yā kūna, égɔ de ma ìbanɔ ũ yāpura. <sup>32</sup> Égɔ yāpuraa dɔ, yāpuraa pì é tó à gɔ a zīnda vī.

<sup>33</sup> Ben aɔ bène: Ibraī boriin wa ũ, wée zò ble gbēkenε zikiro. Ben née bee wé gɔ wa zīnda vīs? <sup>34</sup> Yesu wèñla à bè: Yāpuraan mée ooare, gbē kè è durun keε né durun zòme. <sup>35</sup> Zò kuu ua gbē ũ gurɔ píngi, ua nén ua gbē ũ gurɔ píngi. <sup>36</sup> Tó Luda Né a bo zòbleen, é gɔ a zīnda vī yāpura. <sup>37</sup> Má dɔ kè Ibraī boriin a ũ, mɔde ée ma wete à ma de kè ma yā kú a nòse guuro yānzì. <sup>38</sup> Yā kè má è ma De kiian mée oo, yā kè á mà a de kiian ée keε.

<sup>39</sup> Ben aɔ bène: Ibraīn wa de ũ. Ben Yesu bèñne: Tó Ibraī nénɔn a ũ, le a Ibraī dà sèe. <sup>40</sup> Tia sa ée ma wete à ma de, mamɔma kè ma yāpuraa kè má mà Luda kiia òaree. Ibraī e yā beee taka kero. <sup>41</sup> Ée a de yākena keεme. Ben aɔ bène: Gitasɔtɔnεnɔn wa ũro. De mèn doon wá vī, àmbe Luda ũ. <sup>42</sup> Yesu bèñne: Tó a den Luda ũ, le á yemazi, zaake Luda kiian ma bɔn ma mɔ. Mée mó kɔn ma zīndaoro, àmbe à ma zī. <sup>43</sup> À kè dia ée ma yā dɔrɔ dɔroo? Kè eè fɔ à ma yā dɔrɔ dɔro yānzime. <sup>44</sup> A de Ibilisi pón a ũ, à pɔyezín á yezi à ke. Gbēderin à ũ zaa káaku, è ze kɔn yāpuraaoro, kè yāpuraa kú à nòse guuro yānzì. Tó à egεε tò, à zīnda dàn gwe, zaake egεdeen à ũ, egε mīmε. <sup>45</sup> Mapi sɔ, mēè yāpuraa o. Beee yānzì eè ma yā síro. <sup>46</sup> A té, dé bé eé be ma durun kè? Kè yāpuraan mée oo, à kè dia ée ma yā siiroo? <sup>47</sup> Gbē kè de Luda pó ũu è yā kè Ludaa e oo mamε. Á de Luda pó ũro, beee yānzín eè ma yā maziro.

### *Yesu de na Ibraīla*

<sup>48</sup> Ben gbāadee pìnɔ bène: Samaria gbēn n ũ! N zīn vīme! Ke yāpuraanlo? <sup>49</sup> Ben Yesu bè: Má zīn vīro. Mēè bèe li ma Denε, mɔde eè ma kpe bɔ. <sup>50</sup> Mēè wete mà a zīnda tó bɔro, gbēke bé è wete me, àmbe yāgɔgɔri ũ. <sup>51</sup> Yāpuraan mée ooare, gbē kè è dɔ ma yāzi é ga zikiro.

<sup>52</sup> Ben gbāadee pìnɔ bène: Wá dɔ sa kè n zīn vī. Ibraī gà kɔn annabinɔ píngi, ben née bee gbē kè è dɔ n yāzi é ga zikiro? <sup>53</sup> N de wa dezi Ibraī kè gálan yó? Annabinɔ gága dɔ. Dén née n zīnda diεe à ũu? <sup>54</sup> Ben Yesu bè: Tó mée ma zīnda tó bɔme, beee bèe vīro. Ma De kè ée bee à de a Luda ũ, àmbe è ma tó bɔ. <sup>55</sup> Á à dɔro, mɔde má à dɔ. Tó ma bè má à dɔro, mēgɔ de egεdee ũ lán a bàme. Má à dɔ, ben má à yā kūna. <sup>56</sup> A dezi káaku Ibraī pɔnnaa kè ma gurɔ ena yā musu. À è, ben à pɔɔ kè nna.

<sup>57</sup> Ben gbāadee pìnɔ bène: Née ká wèe baplaa akuri kòro, ben n Ibraī ès? <sup>58</sup> Yesu bèñne: Yāpuraan mée ooare, le wèe Ibraī i kòro, má kuu. <sup>59</sup> Ben aɔ gbè sèe le wà à pápao. Ben a a zīnda ùte à bò Luda ua guu.

## 9

### *Gɔgbē kè wà ì vīa ũ kēkōana*

<sup>1</sup> Kè Yesu e lili oo, à gɔgbē kè wà ì vīa ũu è. <sup>2</sup> Ben à ìbanɔ à là wà bè: Rabi, dé durun yānzín wà gbē pì ì vīa ũzi? À zīnda pó yānzín yóɔ, ke à de kɔn à dao pómε? <sup>3</sup> Yesu wèñla à

bè: Èe ke àpi ke à de kōn à dao durun yānzinlo. Le wà Luda yākēna ea yānzime. <sup>4</sup> Séde wà gbē kè ma zīi zīi ke zaa gupura wéēzī. Gusiaa e suu kè gbēke é zī ke e à ke dōro. <sup>5</sup> Gurɔɔ kè má kú anduna guu, má de gupuraa ũ andunanē.

<sup>6</sup> Kè à ò le, à lóu sù tɔtɛ, ben à yà à màma à wéēnɔa. <sup>7</sup> À bène: N̄ gá ñ uu pípi Siloamu í guu. Tó pí bè, í gbarēna. Ben à gāa à uu pípi, ben à sù wéēo wēna. <sup>8</sup> À fáandideenɔ kōn gbē kè aɔ à d̄s baakeri ũunɔ bè: Gbē kè èḡɔ baa keē vēēna pìn gweroo? <sup>9</sup> Gbēkenɔ bè: Àpime. Gbēkenɔ bè: Auo, adee b̄k̄s̄baome. Ḡɔgbē pí bè: Mámbee! <sup>10</sup> Ben aɔ à là wà bè: À kè dia n wéē wē? <sup>11</sup> À wēnla à bè: Gbē kè wè benē Yesu bé à bùsu yà à màma ma wéēa, à bè mà gá uu pípi Siloamu í guu. Kè ma gaa ma uu pípi, ben ma guu è. <sup>12</sup> Ben aɔ à là wà bè: Àpi kú máme? À bè: Má d̄ro.

### *Farisinɔ yālalana gbē kè de v̄ia ũ yāaa*

<sup>13</sup> Ben aɔ gāa Farisinɔ kiia kōn gbē kè de v̄ia ũ yāa pìo. <sup>14</sup> Bens̄ kámmabogurɔɔ zīn Yesu bùsu yà à à wéē wēonē. <sup>15</sup> Ben Farisinɔ à là d̄o: Dian í kè nà n guu è? À wēnla à bè: À b̄ɔtɔnga mà ma wéēame. Kè má pípi, ben ma guu è. <sup>16</sup> Ben Farisi kenɔ bè: Gbē pí e b̄o Luda kiianlo, zaake è kámmabogurɔɔ zī yā daro. Aɔ gbēkenɔ bè: Durunkeri é f̄s̄ à dabuyā beeenɔ taka keɔ? Ben aɔ k̄k̄k̄k̄ɔa. <sup>17</sup> Ben aɔ à là d̄o: Mm̄on s̄o, gbē kè à n wéē wēnnēe, néē à yā daa diamē? À bè: Annabimē. <sup>18</sup> Baa kōn beeeo gbāadeenɔ e sí kè v̄ian à ũ gbasa à wéē wēro, ben aɔ gāa wà à de kōn à dao sisi. <sup>19</sup> Aɔ í lá wà bè: A n̄én ȳeɔ? A à ì v̄ia ũn ȳo? À kè dia èe guu ee saa? <sup>20</sup> Ben à de kōn à dao wēnla wà bè: Wá d̄s̄ kè wa néme. Wa à ì v̄ia ũme. <sup>21</sup> M̄ode lán à kè nà èe guu ee sa, ke gbē kè à à wéē wēnē, wá d̄ro. À à la gwe. Gbē ōnd̄oname, eé f̄s̄ à a zīnda yā o. <sup>22</sup> À de kōn à dao ò le, kè aɔve v̄ia keē gbāadeenɔne yānzime. Zaake aɔ z̄eò kè gbē kè bè Yesu né M̄esayame, wà aduakekp̄e z̄é z̄ōnē. <sup>23</sup> Beee yānzin à de kōn à dao bè, gbē ōnd̄oname, aɔ à lazi.

<sup>24</sup> Gbē kè de v̄ia ũ yāa pí sisina gèn plaadee guun aɔ bène: N̄ yāpuraa o Luda yānzi. Wá d̄s̄ kè ḡɔgbē pí né durunkirimē. <sup>25</sup> Ben à bè: Tó durunkirimē, má d̄ro. Yā m̄èn don má d̄s̄. V̄ian ma ũ yā, ben méē guu ee sa. <sup>26</sup> Ben aɔ à là wà bè: Bón à kēnnēe? Dian à kè nà à n wéē wēnnēe? <sup>27</sup> À wēnla à bè: Má òare kò, ée swā kpáro. B̄oyānzin á yezi à mazi d̄oɔ? Á yezi à ḡɔ à ìbanɔ ũ sen ȳo? <sup>28</sup> Ben aɔ z̄oka d̄ò wà bè: M̄be í de à ìba ũ gwe! Wam̄owa s̄o Musa ìbanɔn wa ũ. <sup>29</sup> Wá d̄s̄ kè Luda yā ò Musao. Àm̄o s̄o, wá d̄s̄ guu kè à b̄onlo. <sup>30</sup> Ben ḡɔgbē pí bèñne: À yāb̄onsae ma gwe! À ma wéē wēmē, ben á d̄s̄ guu kè à b̄onloɔ? <sup>31</sup> Wá d̄s̄ kè Luda è swā kpá durunkerinɔ yāziro, m̄ode è swā kpá a yāmari kè aɔè a p̄oyezi keēnɔ yāzi. <sup>32</sup> Zaa lán Luda anduna kàe nà, wèe ma gbēke gbē kè wà à ì v̄ia ũu wéē wēnē zikiro. <sup>33</sup> Tó èe ke gbē pí b̄o Luda kiaro, eé f̄s̄ à p̄oke kero. <sup>34</sup> Ben aɔ bène: Wà n i durun guu m̄iɔm̄iɔmē, ben néē yā daaweɔ? Ben aɔ p̄ea.

### *Ludad̄sai né v̄iakūname*

<sup>35</sup> Yesu mà kè wà p̄ea. Kè à à è, à à là à bè: Néē Gbēntee Né náane keeɔ? <sup>36</sup> Ḡɔgbē pí wèala à bè: Mare, dén à ũ le mà e mà à náane kee? <sup>37</sup> Yesu bène: N à è, àmbe e yā oonyo. <sup>38</sup> Ben ḡɔgbē pí bène: Dii, méē n náane kee. Ben à d̄onzi kēnē. <sup>39</sup> Ben Yesu bè: Gbēnɔ k̄k̄k̄k̄ɔana yānzin ma m̄ozi anduna guu kè, le wéesiadeenɔ wéē kē, wéek̄erinɔ ḡɔ wéesiadeenɔ ũ.

<sup>40</sup> Farisi kenɔ kú gwe. Kè aɔ yā pí mà, aɔ bène: Wapinɔ, v̄ianɔn wa ũ seɔ? <sup>41</sup> Ben Yesu bèñne: Tó v̄ianɔn a ũ, le á durun v̄iro. M̄ode kè ée bee a wéē kēna yānzi, a durun kp̄é kúaome.

<sup>1</sup> Yāpuraan mée ooare, gbē kè è gē sā karalɛnlo, mɔde è vī karala gu pānden, adee né kpāime, kpāi wéedeweme. <sup>2</sup> Gbē kè è gē karalɛn sɔ, adeen sādāri ũ. <sup>3</sup> Kara dākpari è zé wē adeene, sāanɔ sɔ à kòto dɔ. È a sāanɔ sísi aɔ baade tɔa à bɔɛnyo. <sup>4</sup> Tó à bɔɛnyo, è doíne aɛ aɔégɔ tézi kè aɔ à kòto dɔ yānzi. <sup>5</sup> Aɔè we wà té gbē pāndeziro. Aɔè bà léne kè aɔ gbē pānde kòto dɔro yānzi. <sup>6</sup> Yesu yā pì lèkɔziíne, ben aɔɔe dɔ tó bó yān èe ooínero.

### *Yesu né sādāri maaame*

<sup>7</sup> Beee yānzi Yesu èara à bèíne: Yāpuraan mée ooare, mámbé karalɛ ũ sāanɔne. <sup>8</sup> Gbē kè aɔ dɔme aenɔ né kpāinɔme, kpāi wéedewenɔme ń píngi, ben sāanɔɔ e ń yā maro. <sup>9</sup> Mámbé karalɛ ũ. Gbē kè gè ma guu é aafia e. Eégɔ gē è àgɔ bɔɔ eé pɔblekii e. <sup>10</sup> Kpāi'ona yānzin kpāi è mózi è pɔ de è pɔ kaate. Ma mɔme, le gbēnɔ gɔ wèndi vī aɔgɔ vī papana. <sup>11</sup> Mámbé sādāri maaa ũ. Sādāri maaa è gí a wèndizi a sāanɔ yānzi. <sup>12</sup> Ayazíkɛri né sādāri maaanlo. Kè sāanɔɔ de à pɔ ũro yānzi, tó à è lewan e mɔɔ, è sāanɔ tón à bàa léme, ben lewan è sí sāanɔ té à ń fāakɔa. <sup>13</sup> Gbē pì bà ègɔ kú kɔn sāanɔoro, kè à de ayazíkɛri ũ yānzi. <sup>14</sup> Mámbé sādāri maaa ũ. Má a sāanɔ dɔ, ma sāanɔ sɔ ma dɔ, <sup>15</sup> lán De Ludaa ma dɔ bensɔ má à dɔ nà. Mèè gii ma wèndizi aɔ yānzi. <sup>16</sup> Má sā pāndenɔ vī kè aɔ kú kara kè guuro. Sé mà suíyo se. Aɔè ma kòto ma, kpàsa é gɔ mèn do kɔn dārio mèn do. De Ludaa yemazi <sup>17</sup> kè mée gii ma wèndizi yānzi, le mà èara mà sí dɔ. <sup>18</sup> Gbēke é ma wèndi símaro, mé gízi kɔn ma zīndaome. Má à gizina zé vī, má à sina zé vī dɔ. Yā kè ma Dee diemɛen gwe.

<sup>19</sup> Yā pì yānzi Yuda gbāadeenɔ kèkèkɔa dɔ. <sup>20</sup> Aɔ té gbē paridee bè: À zīn vīme, à mì liè. Bóyānzin ée swā kpaa à yāzizi? <sup>21</sup> Aɔ gbēkenɔ bè: Zīnde yā'onan gwero. Zīn é fɔ à vīa wéé wéɔ?

### *Yesu a ludake onnena*

<sup>22</sup> Luda kpé kyakena zībaa kà zaa Yerusalemu. Buusie guume, <sup>23</sup> ben Yesu e lili oo Luda ua guu, zaa guu kè wè be Sulemanu gbaadaan. <sup>24</sup> Ben Yuda gbāadeenɔ ligazi, aɔ à là wà bè: Né wa tó logona ai bɔremɛ? Tó Mesayan n ũ, n owe wásawasa. <sup>25</sup> Ben Yesu wènlà à bè: Má òare, ée síro. Yā kè mée kee kɔn ma De tó pìnɔn à sèeda ũ. <sup>26</sup> Amɔanɔ sɔ ée síro, kè á de ma sāanɔ ũro yānzime. <sup>27</sup> Ma sāanɔ è ma kòto ma. Má ń dɔ, ben aɔégɔ témazi. <sup>28</sup> Mèè wèndi kè è yāaro kpámma, aɔé ga zikiro. Gbēke é fɔ à ń bɔ ma ɔzīro. <sup>29</sup> Ma De kè à ń kpámaa de baade píngila. Gbēke é fɔ à ń bɔ à ɔzīro. <sup>30</sup> Mapi kɔn ma Deo wá dɔnkɔme.

<sup>31</sup> Gbāadee pìnɔ gbè sèse dɔ le wà à pápao wà à de. <sup>32</sup> Ben Yesu bèíne: Ma yā maaa kè ma Dee dāmɛenɔ kèare pari. Yā maa kperee yānzin á yezi à ma pápa gbèozí? <sup>33</sup> Ben gbāadee pìnɔ wèlà wà bè: Wá yezi wà n pápa gbèo yā maaa kè ń kè yānzinlo. Kè n dɔkè kɔn Ludao yānzime. Gbēnten n ũ, ben n n zīnda diè Luda ũ. <sup>34</sup> Ben Yesu wènlà à bè: Ludaa ò a doka takadan à bè Ludanɔn ń ũ. <sup>35</sup> Luda e gbē kè èe yā ooíne pìnɔ sísi ludaanɔroo? À yā gogona vī sɔro. <sup>36</sup> Mamɔma kè ma De ma diè adona à ma zī anduna guu sɔ, kè ma bè Luda Nén ma ũ, bóyānzi a bè ma dɔkè kɔn Ludaozi? <sup>37</sup> Tó mée ma De kena keero, àton ma yā síro. <sup>38</sup> Tó mée kee sɔ, baa tó ée ma yā síro, à ma náane ke ma yākenanɔ yānzi, le àgɔ dɔ sánsán kè De Ludaa kú ma guu, ben má kú à guu sɔ. <sup>39</sup> Ben aɔ èara wèe zé wetɛe wà à kú, ben à pítiŋgu.

<sup>40</sup> Ben à èara à gàa Yoda baa kãa kpa, guu kè Yaaya gbēnɔ batisi kèn káaku. À gurɔplaa kè gwe, <sup>41</sup> ben wà mò à kiia paripari wà bè: Baa kè Yaaya e dabuyá ke kero, yā kè à ò gbē kèkiimusu píngi né yāpuraame. <sup>42</sup> Ben wà à náane kè gwe pari.

## 11

### *Lazaru gana*

<sup>1</sup> Gbē kè wè bene Lazaru e gyāa kee zaa Betani wéte kè Mariama kɔn a vīi Maatao kún. <sup>2</sup> Mariaman nɔgbē kè nɔsí gūnnadee kù Dii gbáa à gògo kɔn a mìkáo ũ. <sup>3</sup> Ben Lazaru dāre

pìnò lékpāsá kè Yesunε wà bè: Dii, n gbēnnaa e gyāa kεε. <sup>4</sup> Kè Yesu yā pì mà à bè: Gyāa pì é mì de gaaoro. Le wà Luda gakui e yānzimε, le Luda Né sǒ tó bǒ à musu. <sup>5</sup> Yesu ye Maata kǒn à dāaroozi kǒn Lazaruo. <sup>6</sup> Kè à mà Lazaru e gyāa kεε, ben à gǒ guu kè à kún gīa gurǒ plaa. <sup>7</sup> Beee gberan à bè a ìbanǒnε: Wà εara wà gá Yudea. <sup>8</sup> Ben à ìbanǒ bènε: Rabi, gbāadeenǒ yezi wà n pápa gbèò èe gí kero, ben n yezi wà εara wà gá gwe dǒǒ? <sup>9</sup> Yesu bè: Fāantē doo né awa kuri awεεplaanloo? Gbē kè èe táa oo fāantē è gèn síro, kè èe guu ee anduna kèkii gupuraazi yānzi. <sup>10</sup> Tó èe lili oo gwāavī, è gèn sí kè à gupuraa pì vīro yānzi.

<sup>11</sup> Yā pì ona gberan Yesu bèñnε: Wa gbēnna Lazaru ii òmε. Mé ga mà à vu. <sup>12</sup> Ben à ìbanǒ bènε: Dii, tó èe ii oomε, eé aafia e. <sup>13</sup> Lazaru ga yān Yesu e ooñnε, ben aǒe daa i'oname yāpura. <sup>14</sup> Ben Yesu òñnε wásawasa sa à bè: Lazaru gàmε. <sup>15</sup> Ma pǒǒ kè nna kè má kú gwero, le à e à ma náanε ke yānzi. Wà gá à kiia. <sup>16</sup> Ben Tomasi kè wè benε Sika bè a gbēnǒnε: Wà gá kǒn Diio wà ga wa píngi.

### *Yesun gbē kè è gènǒ vu à wèndi kpámma ũ*

<sup>17</sup> Kè Yesu kà gwe, à mò à lè wà Lazaru vīi à gīake à kè gurǒ siigǒ kò. <sup>18</sup> Betani kú kīi kǒn Yerusalemuo lán kiloo aagǒǒ bà. <sup>19</sup> Yuda gbāadeenǒ bǒ zaa gwe pari aǒ mò Maata kǒn Mariamao kiia, le wà sùu kpánne aǒ dāgǒ ga yā musu. <sup>20</sup> Kè Maata mà Yesu e mǒǒ, à bǒ à gāa daàle, mǒde Mariama zè be. <sup>21</sup> Ben Maata bè Yesunε: Dii, tó n kú kēmε yā, le ma dāgǒ e garo. <sup>22</sup> Baa tia má dǒ kè yā kè n gbèka Ludaa, eé kennε. <sup>23</sup> Yesu bènε: N dāgǒ é fεε. <sup>24</sup> Maata bènε: Má dǒ kè eé fεε zī kè gènǒ é fεε ziaa zī. <sup>25</sup> Yesu bènε: Mámbe gbē kè è gènǒ fεε à wèndi kpámma ũ. Baa tó ma náanekeri gà, eégǒ kpεε kuu. <sup>26</sup> Gbē kè kuu, ben èe ma náanε kεε é ga zikiro. N beee sǒǒ? <sup>27</sup> Maata bènε: Eè, Dii, má sì kè Mesayan n ũ, Luda Né kè wà bè eé mó anduna guu.

### *Yesu wée'i kàn*

<sup>28</sup> Kè Maata ò le, ben à gāa à a dāaro Mariama sisi, ben à ònε asii guu à bè: Danneri mò èe n gbekaa. <sup>29</sup> Kè Mariama yā pì mà, à fεε kpakpaa èe gaa à le. <sup>30</sup> Yesu e gīake à gē wéte guu kǒro, à kpé kú guu kè Maata dàalen. <sup>31</sup> Gbāadee pìnǒ kú kpén kǒn Mariamao, aǒe sùu kpaanε. Kè aǒ è à fεε kpakpaa à bǒ, aǒ bǒ wà tēzi, zaake wèe daa èe gaa ǒǒ dǒ miraamε.

<sup>32</sup> Kè Mariama kà guu kè Yesu kún, kè à à è, à kùe à gbá sae à bènε: Dii, tó n kú kēmε yā, le ma dāgǒ e garo. <sup>33</sup> Yesu è èe ǒǒ dǒǒ, ben gbāadee kè aǒ kúo pìnǒ e ǒǒ dǒǒ dǒ. Ben à nǒseyǒǒ sǐ à pǒǒ yàka. <sup>34</sup> Ben à bè: A à vīi máme? Aǒ wèala wà bè: Maree, n mó n gwa. <sup>35</sup> Yesu wée'i kàn. <sup>36</sup> Ben gbāadee pìnǒ bè: À gwa lán à yezi nà. <sup>37</sup> Ben aǒ gbēkenǒ bè: Àmǒ kè vīa wée wè, eé fǒ à gí Lazarunε àton garoo?

### *Lazaru fεena*

<sup>38</sup> Kè Yesu e gaa mira pì kiia, ben à nǒseyǒǒ sǐ dǒ. Mira pì né gbèwεemε, gbè gbèntē tataàle. <sup>39</sup> Yesu bè: À gbè pì go à léa. Ben gbē kè gà pì dāre Maata bènε: Dii, èe gūu sǒǒ, zaake à kè gurǒ siigǒn yè. <sup>40</sup> Yesu bènε: Mée onnε kè tó n ma náanε kè, né Luda gakui eroo? <sup>41</sup> Kè wà gbè pì gò, ben Yesu wée sè musu à bè: Baa, ma n sáabu kè kè n ma yā mà. <sup>42</sup> Má dǒ kè neégǒ ma yā maa gurǒ píngi, mǒde má ò le parii kè aǒ kú kènǒ yānzimε, le aǒ e wà sí kè ríbe n ma zī. <sup>43</sup> Kè à ò le, ben à pùtā kǒn kòto gbāaaò à bè: Lazaru, n bǒ. <sup>44</sup> Ben gbē kè gà pì bǒ, pǒle fīfī à mèa, bisa yina à mìa. Yesu bèñnε: À pǒ poroa à à gbarε.

### *Lékpakǒsǒna Yesuzi*

*(Mat 26:1-5, Maa 14:1-2, Luk 22:1-2)*

<sup>45</sup> Yuda gbāadee kè aǒ mò Mariama kiia pìnǒ, kè aǒ yā kè Yesu kè pì è, aǒ a náanε kè pari. <sup>46</sup> Mǒde aǒ gbēkenǒ gāa Farisinǒ kiia, aǒ yā kè Yesu kè tǒkèñnε. <sup>47</sup> Ben sa'orikinǒ kǒn Farisi pìnǒ gbāadeenǒ sisi kakǒanaa wà bè: Gbē pì e dabuyā kεε pari, wée kεε diame? <sup>48</sup> Tó wá tò èe kεε le, baade é à náanε ke, Romudeenǒ é mó wà wa Luda kpé kǒn wa boriio kaate

píngi. <sup>49</sup> Ben Kayafa aɔ gbɛ mèn doo kè de sa'oriki isi ũ wè beea bèñne: Á yáke dɔro. <sup>50</sup> Á dɔ kè gbɛ mèn do gana wa píngi gɛe ũu maa de wa bori kaatenalaroo? <sup>51</sup> Èe yā pì o a zīnda poyezioro. Kè à de sa'oriki isi ũ wè beea yānzin à annabikɛyā ò kè Yesu é ga Yudanɔ gɛe ũ. <sup>52</sup> Èe ke Yudanɔ ntɛenlo, ai kɔn Luda né kè aɔ fāakɔananɔ do, le à n ke mè dɔnkɔ ũ. <sup>53</sup> Zaa zī beean gbāadee pìno zè kɔn Yesu denao. <sup>54</sup> Beee yānzi Yesu e bɔ gupuraaa n té dɔro. Ben à gàa lakutu kè kú gbáa sae kè wè be Eflaimu. À gurɔplaa kè gwe kɔn a ìbanɔ.

<sup>55</sup> Yudanɔ Banla zībaa kà kīi. Wà bɔ lakutunɔ guu paripari, wà gàa Yerusalemu gbāsìbɔna yānzi ai zībaa pì gɔ ká. <sup>56</sup> Aɔe Yesu wete, aɔ zena Luda ua guu, aɔe kɔ lalaa wèe bee: Èe daa diamɛ? Èe we à mɔ zībaa kè keɔ? <sup>57</sup> Sa'orikinɔ kɔn Farisinɔ diè kè tó gbɛke Yesu kúkii dɔ, à onne le aɔ e wà à kū.

## 12

### *Nósi gū nna kuna Yesu gbáa (Mat 26:6-13, Maa 14:3-9)*

<sup>1</sup> Banla zībaa gɔ gurɔ swɛedo, ben Yesu mɔ Betani, Lazaru kè à à fɛe bɔna gaan be wete. <sup>2</sup> Wà pɔblee kè Yesune gwe. Maata bé èe pɔblee kpaatete, Lazaru sɔo kú pɔblerinɔ té kɔn Yesuo. <sup>3</sup> Ben Mariama nósi bori maa doo sè à mɔo, à kú Yesu gbáa, ben à à gbá gògo kɔn a mikáo. Nósi gūu dàgula kpé pì guu. <sup>4</sup> Yesu ìbanɔ doke Yudasí Isikarioti kè eé Yesu kpámma bè: <sup>5</sup> Nósi kè do kà kondogi wàa do kpé basoo. Bóyānzi wèe yá wà à do kpà takaasideenɔaziroo? <sup>6</sup> Èe beee o takaasideenɔ wɛndagwana yānzinlo, kè à de kpāi ũ yānzime. Àmbe ègɔ doo kūna àgɔ do kokɛ. <sup>7</sup> Ben Yesu bè: N nɔgbɛ daa tó. À beee diè ai ma gè kegurɔame. <sup>8</sup> Takaasideenɔ ègɔ kúao gurɔ píngi, mapi sɔ mégɔ kúao gurɔ píngiro.

### *Lékpakɔsɔna Lazaruzi*

<sup>9</sup> Yuda gbāadeenɔ mà kè Yesu kú Betani, ben aɔ gàa gwe paripari. Èe ke Yesu yānzin aɔ gàazi adoro, le do aɔ Lazaru kè Yesu à fɛe bɔna gaan e yānzime. <sup>10</sup> Ben sa'orikinɔ zèo wà Lazaru de se do, <sup>11</sup> zaake beee yānzin gbāadeenɔ e kɛrɛmma pari, aɔe Yesu náane kezi.

### *Gbāakekpana Yesuzi zaa Yerusalemu (Mat 21:1-11, Maa 11:1-11, Luk 19:28-40)*

<sup>12</sup> Kè guu do, parii kè aɔ mɔ zībaa ke Yerusalemunɔ mà kè Yesu e mɔo, <sup>13</sup> ben aɔ kpakpa lánɔ zɔzɔ aɔ gàa daàleo. Aɔe wii le wèe bee:

N gbāaa ke!

Aubarikadeen gbɛ kè èe mɔo Dii tóo ũ!

Aubarikadeen Isarailinɔ Kína ũ!

<sup>14</sup> Yesu zaaki è à dia lán à kɛna Luda yān nà wà bè:

<sup>15</sup> Zayondeenɔ, àton vīa keo.

A kína e mɔo à di zaakine bɔro kpe.

<sup>16</sup> À ìbanɔ e yā pì mɔ dɔ gīaro. Yesu fɛe à tana gakui guu gberan aɔ dɔ sa kè wà yā pì kè à musume, ben aɔpino bé wà à píngi kène.

<sup>17</sup> Kè Yesu Lazaru sisi à à fɛe bɔna miran, gbɛ kè aɔ kúono à baaru kpàkpañne. <sup>18</sup> Beee yānzin parii gàa wà dààlezi, zaake aɔ mà kè à dabuyā pì kè. <sup>19</sup> Ben Farisinɔ bèkɔne: Á ès? Wé fɔ wà pòke woaro. À gwa lán anduna bɔ à tézi nà.

<sup>20</sup> Girikinɔ kú gbɛ kè aɔ mɔ donzi ke zībaakekpana té, <sup>21</sup> ben aɔ gàa Filipi kè bɔ Betesaida, Galili busun kiia, aɔ wée kèa wà bè: Maree, wá ye Yesu kɔ'enazi. <sup>22</sup> Filipi gàa à ò Andurune, ben aɔ gàa wà ò Yesune ledò.

### *Yesu a ga y'ona*

<sup>23</sup> Yesu bèñne: Gbɛntee Né tɔbɔgurɔ kà. <sup>24</sup> Yāpuraan mée ooare, tó pówɛe e gɛ bɔsu guu à fɛmba bɔro, ègɔ kuu adome. Tó à fɛmba bɔ sɔ, è né i maamaa. <sup>25</sup> Gbɛ kè ye a wɛndizi é

korazi. Gbē kè gí a wèndizi anduna kèkiin sō, adee égō kūna ai gurō píngi. <sup>26</sup> Tó gbē yezi à zīi keme, àgō témazi. Ma zīkeri égō kú guu kè má kún. Tó gbē e zīi keme, ma De é a kpe da. <sup>27</sup> Tia sa ma pōo yàka. Bón mé oo? Mé be, Baa, ò ma bō yā kè èe mōōmaan yó? Auo! Ma mō yā kè èe mōōmaa pì yānzime. <sup>28</sup> Baa, ò tó bō. Ben kòto bō ludambe à bè: Ma tó bō kò, bensō mé éara mà bō dō.

<sup>29</sup> Kè gbē kè aōo kú gweenōo mà, aō bè: Lou bé à pūtā. Gbēkenō bè: Malaika bé à yā òne. <sup>30</sup> Ben Yesu bèñne: Èe ke ma yānzin kòto pì bōziro, a yānzime. <sup>31</sup> Yā é vèe anduna kèkiia sa. Weé anduna kèki kína bō kpatan sa. <sup>32</sup> Mapi sō, tó wà ma se wà ma dō musu, mé bori sānda píngi gáe aō su ma kiia.

<sup>33</sup> Kè Yesu ò le, à gaa kè eé gaa takan à téa. <sup>34</sup> Ben gbēno bène: Wá mà à kú doka takadan wà bè Mesaya égō kuu gurō píngime, ben n bè weé Gbēntee Né sé wà dō musu sō né? Dén Gbēntee Né pì ũu? <sup>35</sup> Yesu wèñla à bè: Gupura kuunao gō féteme. Gurō kè gupuraa pì kúao, àgō taa oon, le guu tón sia kūawaro yānzi. Gbē kè èe taa oo gusiaan dō guu kè èe gaanlo. <sup>36</sup> Gurō kè á gupuraa pì vī, à gupuraa pì náane ke, le à gō gupuradeeno ũ.

Kè Yesu ò le, ben à gāa à ùteñne.

### *Gbēno e Yesu náane kero*

<sup>37</sup> Baa kōn dabuyā parii kè à kè ñ wáano, aōe à náane kero, <sup>38</sup> le yā kè annabi Isaya ò e à papa yānzi kè à bè:

Dii, gbēkee e baaru kè wá kpà síro.

Wà n gbāaa è wèe dōro.

<sup>39</sup> Aōe we wà à náane kero, zaake Isaya bè dō:

<sup>40</sup> Luda ñ wée vīa kùñne

le aōton guu ero.

À ñ kù keñne gbāa

le aōton yā ma aō ae dōa à ñ kēkōaro.

<sup>41</sup> Isaya beee ò kè à Yesu gakui è yānzime, ben à à yā ò. <sup>42</sup> Baa kōn beeeo gbāadee pino Yesu náane kè pari. Farisino yānzin aōegō yezi wà dōm̄maro, le wàton aduakεkpe zé zōñnero yānzi. <sup>43</sup> Zaake aōo yezi gbēntee ñ sáabu kpá de Luda ñ sáabu kpála.

<sup>44</sup> Ben Yesu pūtā à bè: Gbē kè èe ma náane kee, èe ke mapin èe náane kee adoro, èe gbē kè ma zī náane keme se dō. <sup>45</sup> Gbē kè èe ma ee e gbē kè ma zī eeme se. <sup>46</sup> Ma mō anduna guu gupuraa ũme, le gbē kè èe ma náane kee tón gō gusiaan dōro. <sup>47</sup> Gbē kè ma yā mà ben à kūnaro, èe ke mámbe mé yā vèeero, zaake mée mó yā vèe andunaanlo, ma mō anduna mì síme. <sup>48</sup> Gbē kè gímazi ben èe ma yā síro, yákpakena e à dāa. Yā kè má òne pì bé eé vèea ziaa zī. <sup>49</sup> Zaake mée yāke o kōn ma zīndaoro. Yā kè má ò kōn yā kè má dàñneo, ma De kè ma zīi bé à dieme. <sup>50</sup> Má dō kè yā kè à dieme né wèndi kè è yāaro yāme. Beee yānzi yā kè mée oo, mée oo lán ma Dee dāme nāme.

## 13

### *Yesu a ìbano gbá pipina*

<sup>1</sup> Le Banla zībaa kpé à ká, Yesu dō kè a bōna anduna kèkii guu tana a De kiia gurō kà. Lán à ye a gbēnozi anduna guu nà, à yeñzi ai a wèndi lémmε. <sup>2</sup> Kè aōe uusie pō blee, Ibilisi gīake à yā dà Simō Isikarioti né Yudasi swèn kò, le à Yesu kpámma. <sup>3</sup> Yesu dō kè a De pō píngi nàare a zī. À dō kè a bō Luda kiiame, bensō é éara à tá à kiiame. <sup>4</sup> Gurō kè aōe pō blee, Yesu fèe à a uta bō à kàe, ben à tawei sè à dō a pii. <sup>5</sup> Beee gbera à í kà taa guu, ben à nà a ìbano gbá pipinaa, èe gogoo kōn tawei kè à dō a pii. <sup>6</sup> Kè à kà Simō Pita kiia, Pita bène: Dii, mbe né ma gbá pipimeó? <sup>7</sup> Yesu wèla à bè: Ñ yā kè mée kee dō gīaro, mode né yāa ñ dō. <sup>8</sup> Pita bène: Né ma gbá pípiro fá! Yesu bène: Tó mée n gbá pípiro, n bà kúmao dōro. <sup>9</sup> Simō Pita bène: Dii, èe ke ma gbáme adoro, ma o kōn ma mīome dō. <sup>10</sup> Yesu bène: Gbē kè



zú ò bà kú kōn a mēgu ke pipinaoro, séde à gbá, zaake à zēname. Á gbāsīro, mōde èe ke a pínginlo. <sup>11</sup> À gbē kè eé a kpámma dō. Beee yānzin à bè aō gbāsīsai ní píngiro.

<sup>12</sup> Kè à ní gbá pìpiíne à yāa, à a uta sè à dà, ben à èara a gbèn. À bèñne: Á yā kè má kèaree dō? <sup>13</sup> Èe ma sísi Danneri kesō Dii. Ée oo a zéame, zaake má de à ūme. <sup>14</sup> Lán mamoma kè má de a dii kōn a dannerio ūu a gbá pipiare nà, àgae kō gbá pípii le se. <sup>15</sup> Ma à taka kèare. Àgae ke lán má kèare nà. <sup>16</sup> Yāpuraan mée ooare, zòbleri ègō de a diilaro, zìri ègō de gbē kè à à zìlaro.

<sup>17</sup> Lán a yā beee dō nà, aubarikadeenon a ū tó ée kee le. <sup>18</sup> Èe ke a píngi yān mée ooro. Má gbē kè ma ní sénō dō. Séde yā kè kēna Luda yān kè papa kè wà bè: Gbē kè wee o kakōa ta dōnkō guu bé à bō ma kpēe. <sup>19</sup> Mée ooare tia le à kpé à mó, le tó à mò, é sí kè mámbe à ū. <sup>20</sup> Yāpuraan mée ooare, gbē kè ma zìri si ma simē. Gbē kè ma si sō, adee gbē kè ma zīi simē.

*Yesu gĩake à dō yā kè Yudasi é ke*

*(Mat 26:20-25, Maa 14:17-21, Luk 22:21-23)*

<sup>21</sup> Kè Yesu ò le, à nōseyogō sī, ben à òñne wásawasa à bè: Yāpuraan mée ooare, a gbē mèn doo bé eé ma kpámma. <sup>22</sup> Ben à ìbanō kō gwāgwa kō wéezī aō bídi kè gbē kè à téa. <sup>23</sup> Ìba doo kè Yesu yezi gēkēsēkēna à sae. <sup>24</sup> Ben Simō Pita lézukii kēne à Yesu la tó dén à téa. <sup>25</sup> Ben ìba pì nà Yesuzi à à là à bè: Dii, déme? <sup>26</sup> Yesu wèàla à bè: Mé lōma zō dōa mà kpá adee. Ben à lōma zō dōa à kpá Simō Isikarioti né Yudasia. <sup>27</sup> Kè Yudasi lōma pì sī, Setān gēn gō. Ben Yesu bène: Yā kè né ke ò ke kpakpaa. <sup>28</sup> Gbē kè aōe pō bleenō kee e dō tó bōyānzi Yesu òne leziro. <sup>29</sup> Kè Yudasi bé ègō oōo kūna, ben gbēkenō e daa Yesu bène à gá zībaa pō kè aō yezinō lúme ke à gá pōke kpá takaasideenōa. <sup>30</sup> Kè Yudasi lōma pì sī, à bō gō. Gwāavīme sō.

*Yesu gĩake à dō yā kè Pita é ke*

*(Mat 26:31-35, Maa 14:27-31, Luk 22:31-34)*

<sup>31</sup> Kè Yudasi bō, ben Yesu bè: Tia sa Gbēntee Né é tó bō, Luda sō é tó bō à yā musu. <sup>32</sup> Tó Luda tó bō à musu sō, Luda é à tó bō a kiia, bensō eé bō gōme. <sup>33</sup> Ma néno, ma kuunao gō fēteme. É ma wete, mōde mée ooare tia lán má ò gbāadeenōne nà, é fō à gá guu kè mée taanlo. <sup>34</sup> Mée yā dufu diēare, àgae yekōzi. Lán má yeazi nà, apinō sō àgae yekōzi le dō. <sup>35</sup> Tó á yekōzi, baade píngi é a dō ma ìbanō ū.

<sup>36</sup> Simō Pita à là à bè: Dii, née taa mame? Yesu wèàla à bè: Guu kè mée taan, né fō ò tēmazi gīaro, mōde né yāa ò mó. <sup>37</sup> Pita bène: Dii, bōyānzi mé fō mà tēnzi tiaroo? Mé gí ma wēndizi n yānzi. <sup>38</sup> Yesu bè: Né gí n wēndizi ma yānzi sō? Yāpuraan mée oonne, ai koo gō gá lé zu, né lé sémazi gēn aagō.

## 14

*Yesun ludambe zé ū*

<sup>1</sup> Àton tó a nōse yakaro. À Luda náane ke, à ma náane ke dō. <sup>2</sup> Ma De be kpénenō kuu pari, tó à de lero, le má òare. Mée gaa guu kekeare. <sup>3</sup> Lán mée gaa guu kekeare nà, mé èara mà mó mà a sée mà táao ma kiia, le apinō se àgō kú guu kè má kún. <sup>4</sup> Á guu kè mée taan zé dō. <sup>5</sup> Ben Tomasi bène: Dii, wá dō guu kè née taanlo. Wé fō wà à zé dō diamē? <sup>6</sup> Yesu wèàla à bè: Mámbe zé ū, mámbe yāpuraa kōn wēndio ū. Gbēke è e à gá ma De kiia ma gbákūna sairo. <sup>7</sup> Tó á ma dō, le á ma De dō. Zaa tia a à dō, bensō a à è.

<sup>8</sup> Ben Filipi bène: Dii, ò n De oōawe. Bee é mówa. <sup>9</sup> Yesu bène: Filipi, má kúao zaa gikēna, ben ní ma dōroo? Gbē kè ma ee ma De ème. Bōyānzin née bee mà a De oōaarezi? <sup>10</sup> Kè má kú ma De guu, bensō ma Dee kú ma guu, née síroo? Yā kè mée ooare mée oo kōn ma zīndaoro. Ma De kè kú ma guu bé è a yākenanō ke. <sup>11</sup> Kè ma bè má kú ma De guu, ma De sō kú ma guu, à ma yā sí. Tó len sōro, à sí dabuyākēna pìnō yānzi. <sup>12</sup> Yāpuraan mée

ooare, gbē kè èe ma náane kεε é yā kè mée ke pìno ke. Baa kè à de beeenɔlaa se, kè mée taa ma De kiia yānzi. <sup>13</sup> Pó sánda píngi kè é wée ke kōn ma tón mé ke le ma De tó bɔ ma musu yānzi. <sup>14</sup> Pó kè é à wée kema kōn ma tó píngi, mé ke.

### *Yesu légbēna a Nini yā musu*

<sup>15</sup> Tó á yemazi, égō yā kè má dienɔ kūna. <sup>16</sup> Mé wée ke ma Dea, eé a gba Zenyode pānde kè eégō kúao gurɔ píngi <sup>17</sup> Nini Yāpurademe. Anduna gbēnɔ é fō wà à síro, zaake aɔɔe a eero, bensō aɔɔ à dōro. Mɔde á à dō, zaake à kúao, bensō eégō kú a guu. <sup>18</sup> Mé a tó adoro, mé εara mà mó a kiia. <sup>19</sup> À gò féte kè anduna é ma e dōro, mɔde é ma e. Kè má kuu yānzi, égō kuu se. <sup>20</sup> Zī pìan égō dō kè má kú ma De guu, á kú ma guu, bensō má kú a guu. <sup>21</sup> Gbē kè ma yādienanɔ dà bensō à kūna, adee bé à yemazi. Ma De égō ye gbē kè yemaziizi, mapi sō mégō yezi mé ma zīnda ɔɔɔane.

<sup>22</sup> Ben Yudasi à là, èe ke Yudasi Isikaristinlo, à bè: Dii, à kè dia né n zīnda ɔɔɔawe, ben anduna sō eé n eroo? <sup>23</sup> Ben Yesu wèàla à bè: Tó gbē yemazi, eégō ma yā kūna. Ma De égō yezi, wé mó à kiia wà vée ledo. <sup>24</sup> Gbē kè yemaziroo ma yā kūnaro. Yā kè ée maa pì e bɔ ma kiiaro, à bɔ ma De kè ma zī kiiame. <sup>25</sup> Ma yā pì òare gurɔ kè má kpé kúao. <sup>26</sup> Ma De é a Ninii zī kōn ma tó Zenyodee ũ. Ámbe eé yā píngi dadaare, eé tó yā kè má òaree ɔɔagu píngi. <sup>27</sup> Mée a too kōn aafiao, ma zīnda aafian mée a gbaa. Mée a gbaa lán anduna è n gba nàro. Àton tó a nòse yakaro, àton tó vīaa a kūro. <sup>28</sup> Á mà má òare mée taa mé εara mà mɔ a kiia. Tó á yemazime, le a pɔɔ nna kè mée taa ma De kiia yānzi, zaake ma Dee demala. <sup>29</sup> Má òare tia le à kpé à ke, le tó à kè, é ma náane ke. <sup>30</sup> Mé e mà yā oao à gí kè dōro, zaake anduna kèki kína e mɔɔ. À gbāa vī ma musuro, <sup>31</sup> mɔde lán ma Dee dàme nán mée kee, le anduna e à dō kè má yezi. À fee wà gu gura kè.

## 15

### *Yesun geepi lí yāpuraa ũ*

<sup>1</sup> Mámbe geepi lí yāpuraa ũ, ma Den geepi lí búdee ũ. <sup>2</sup> È lígā kè péma né'ina sai píngi zō, bensō è à né'iri píngi ɔne kée le à né'ina kaara yānzi. <sup>3</sup> Apinɔ sō á zēname yā kè má òare yānzi. <sup>4</sup> Àgō kú ma guu lán má kú a guu nà. Lígā è fō à né kpá a zīndaoro, séde àgō kú lídaa. Lemε apinɔ é fō à né kpáro, séto àgō kú ma guu baasiro. <sup>5</sup> Mámbe geepi lídaa ũ, ámbe à gānɔ ũ. Gbē kè kú ma guu, bensō má kú à guu, ámbe eé né kpá maamaa, zaake é fō à póke ke ma sairo. <sup>6</sup> Tó gbē kú ma guuro, weé à zīnna, lán wè lígā zō wà zīnna à kori kú wà sée wà ká tén à té kú nà. <sup>7</sup> Tó á kú ma guu, bensō ma yā kú a guu, à pó sánda píngi kè á yezi wée ke, é e. <sup>8</sup> Tó a né kpá maamaa, gbēnɔ égō dō kè ma íbanɔn a ũ yāpura, ma De tó é bɔ. <sup>9</sup> Má yezi lán ma Dee yemazi nà. Àgō kú ma yenzi guu. <sup>10</sup> Tó á yā kè má dienɔ kūna, égō kú ma yenzi guu, lán má yā kè ma Dee dienɔ kūna nà, bensō má kú a yenzi guu. <sup>11</sup> Ma yā pìno òare, le pɔnnaa kè má vī gō kú a guu yānzime, a pɔnnaa égō papana. <sup>12</sup> Yā kè má diareen yè: Àgō yekōzi lán má yezi nà. <sup>13</sup> Tó gbē gí a wèndizi a gbēnnanɔ yānzi, gbēkee yenzi vī de beelaro. <sup>14</sup> Tó ée yā kè má diaree kee, ma gbēnnanɔn a ũ. <sup>15</sup> Mée a sísi zòblerinɔ dōro, zaake zòbleri ègō a dii bókote dōro. Ma a sísi ma gbēnnanɔme, zaake yā kè má mà ma De kiian má òare píngi. <sup>16</sup> Ámbe a ma sero, mámbe ma a se, ben ma a zī à gá né ká, nékana kè eé yāaroo, gbasá De Luda a gba pó sánda píngi kè a wée kèa kōn ma tó. <sup>17</sup> Yā kè má diareen yè: Àgō yekōzi.

### *Anduna zana Yesun kōn a íbanɔ*

<sup>18</sup> Tó anduna zāagu, àgō dō kè à zāmagu a ā. <sup>19</sup> Tó anduna gbēnɔn a ũ, le anduna yezi. Lán ma a se ma a bɔ anduna guu nà, á de à gbēnɔ ũro. Bee yānzin anduna zāaguzi. <sup>20</sup> À tó yā kè má òaree gō ɔɔagu. Zòbleri ègō de a diilaro. Lán aɔ wée tāma nà, len aɔé tāawa le. Tó aɔɔ ma yā kūname, aɔégō a yā kūna se ɔɔ. <sup>21</sup> Aɔé yā beeenɔ keare píngi ma tó yānzi, zaake

aõ gbẽ kè ma zĩi dõro. <sup>22</sup> Tó mée mó ma yã ònne yãro, le aõ taari vĩro. Mòde tia la aõ taari agbaa vĩro. <sup>23</sup> Gbẽ kè zàmaguu zà ma Demme se. <sup>24</sup> Tó mée yã kè wèe ke yãroo ke aõ téro, le aõ taari vĩro. Mòde tia la aõ yã kè má kènò è, ben aõ zàmagu kòn ma Deo wa píngi, <sup>25</sup> le yã kè kú aõ doka guu papa, kè wà bè aõ zàmagu pãme. <sup>26</sup> Tó Zenyodee kè mé à gbarɛawaa bò ma De kiia à m̀, Nini Yápurade kè è b̀ à kiia pì, eé ma sèeda ke. <sup>27</sup> Apinò s̄ é ma sèeda ke, kè á kúmao zaa káaku yãnzì.

## 16

<sup>1</sup> Ma yã kènò òare le àton furo yãnzime. <sup>2</sup> Weé aduakεkpe zé zõare. À gurɔɔ e suu se kè gbẽ kè eé a de égõ daa Luda zĩin ée kee. <sup>3</sup> Aõé yã pìnò keare, kè aõ ma De kòn mapio dõro yãnzì. <sup>4</sup> Ma yã kènò òare le tó à gurɔɔ kà, égõ d̄ kè má òare kò.

### *Luda Nini zĩ*

Mée yã kènò oare zaa káakuro, kè má kúao yãnzì. <sup>5</sup> Mée taa gbẽ kè ma zĩi kiia sa, mòde a gbẽkee e ma la guu kè mée taanlo. <sup>6</sup> A ǹse yàka sa kè ma yã kènò òare yãnzì. <sup>7</sup> Yápuraan mée ooare, ma tana é àre keare, zaake tó mée táro, Zenyodee pì é mó a kiiaro. Tó ma ta, mé à zĩawa. <sup>8</sup> Tó à sù, eé tó anduna a yã zé d̄ durun kòn maakenaò kòn yãv̄emmanao musu. <sup>9</sup> Aõé à yã zé d̄ durun yã musu, kè aõe ma náane kero yãnzì. <sup>10</sup> Aõé à yã zé d̄ maakena yã musu, kè mée taa ma De kiia, é ma e d̄ro. <sup>11</sup> Aõé à yã zé d̄ yãv̄emmana musu, kè yã v̄ee anduna kèki kínaa yãnzì. <sup>12</sup> Má yã v̄i d̄ pari mà oare, mòde é yã pìnò f̄ gĩaro. <sup>13</sup> Tó Nini Yápurade sù, eé òare aε yápura píngi guu. Eé yã o a zĩnda d̄naoro, yã kè à màn eégae o, eé yã kè èe suuno baaru kpáare. <sup>14</sup> Eé ma tó b̀, zaake eé ma yãno s̄eé à t̄k̄eare. <sup>15</sup> Pó kè ma Dee v̄i píngi né ma póm̄. Bee yãnzin ma bè eé ma yãno s̄eé à t̄k̄earezi.

### *P̄sia liena p̄nnaa ũ*

<sup>16</sup> À ḡò féte kè é ma e d̄ro, à ḡò féte kè é ma e d̄. <sup>17</sup> Ben à ìba kenò bèk̄on̄e: Bó yãn èe oowe gwee? À bè à ḡò féte kè wé a e d̄ro, à ḡò féte kè wé a e d̄. À bè d̄, ée taa a De kiiame. <sup>18</sup> Ben aõ bè: À ḡò féte kè à ò pì de diam̄? Wée yã kè èe oo pì d̄ro d̄ro. <sup>19</sup> Yesu d̄ kè aõ yezi wà a la, ben à bènn̄e: Kè ma bè à ḡò féte kè é ma e d̄ro, bens̄ à ḡò féte kè é ma e d̄, been ée k̄o lalaazí? <sup>20</sup> Yápuraan mée ooare, é s̄o d̄ à s̄osobi ke, mòde anduna é p̄nnaa ke. Égõ kú p̄siaa guu, mòde a p̄siaa pì é lie p̄nnaa ũ. <sup>21</sup> Tó n̄gb̄e yezi à né i, à p̄o è yaka kè à wãwãkegurɔɔ kà yãnzì. Tó à né ì s̄, wãwãa kè à kè pì è d̄n d̄ro. À p̄o è ke nna, kè à né dufu ì anduna guu yãnzì. <sup>22</sup> Len apinò s̄ a ǹse yakana le ḡia. Mé eara mà a e d̄, a p̄o é ke nna, gbẽke s̄ é f̄ à a p̄nnaa pì síawaro. <sup>23</sup> Zĩ p̄ian é yãke lama d̄ro. Yápuraan mée ooare, ma De é p̄o s̄anda píngi kè é w̄ee kea kòn ma tóo kpáawa. <sup>24</sup> Ai tia ée p̄oke w̄ee ke kòn ma tóro. À w̄ee ke, é e le a p̄nnaa ḡo papana.

### *Yesu z̄i blè andunaa*

<sup>25</sup> Ma yã pìnò lèk̄ziareme. À gurɔɔ e suu kè mé yã oare kòn yãlek̄zinao d̄ro, mé ma De yã oare wásawasa. <sup>26</sup> Zĩ p̄ian é w̄ee ke kòn ma tóo. Mée oare kè mámbe mé w̄ee keare ma Dearo, <sup>27</sup> zaake ma De a zĩndan̄e yezi kè á yemazi yãnzì, bens̄ a ma b̄ona à kiia s̄i. <sup>28</sup> Ma b̀ ma De kiia ma m̄o anduna guu. Tia sa mée anduna too mée taa à kiia.

<sup>29</sup> Ben à ìbanò bènn̄e: Tò, née yã oo kòn yãlek̄zinao d̄ro, née oo wásawasame sa. <sup>30</sup> Wá d̄ sa kè ñ yã píngi d̄, èe ke séto wà yãke gbekamm̄aro. Bee yãnzin wa n b̄ona Luda kiia s̄izi. <sup>31</sup> Ben Yesu bènn̄e: Ée ma náane kee saó? <sup>32</sup> À gurɔɔ e suu à kà kò, kè é f̄ak̄õa, a baade é tá a be à ma tó mado. Baa kòn beeo má kuu madoro, zaake ma Dee kúmao. <sup>33</sup> Ma yã kènò òare, le a làakari ḡo kpaena kuuna ma guu. É w̄et̄amma e anduna guu, mòde à ǹse kpáe, ma ḡiake ma z̄i blè andunaa.

## 17

### *Yesu aduakena a ibanɔɔ*

<sup>1</sup> Yesu yā pì ona gbera à wée sè musu à bè: Baa, à gurɔɔ kà. N̄ n Né tó bɔ, le n Né n tó bɔ.  
<sup>2</sup> N̄ tó má iko vī gbē sānda píngi musu, le mà wèndi kè è yāaro kpá gbē kè n̄ kpàmaanɔa.  
<sup>3</sup> Mmɔn Luda mèn do léle yāpurade kɔn mapi Yesu Kirisi kè n̄ zìo dɔnan wèndi kè è yāaroo pì ũ.  
<sup>4</sup> Ma n tó bɔ tɔɔtea. Zī kè n̄ dàme mà ke má kè ma yāa.  
<sup>5</sup> Baa, n̄ gakui kpáma n̄ kiia tia sa, lán n̄ kpáma nà n̄ kiia zaale anduna kaenaro.  
<sup>6</sup> Gbē kè n̄ n̄ sé andunan n̄ n̄ kpámaanɔ má tò aɔɔ n̄ dɔ. N̄ pónɔme, ben n̄ n̄ kpáma. Aɔɔ n̄ yā kūna,  
<sup>7</sup> aɔɔ dɔ sa kè yā kè n̄ dàme píngi bɔ n̄ kiiame.  
<sup>8</sup> Ma yā kè n̄ dàme dàñne. Aɔɔ sì, ben aɔɔ dɔ kè ma bɔ n̄ kiiame yāpura. Aɔɔ sì s̄ kè m̄be n̄ ma zī.  
<sup>9</sup> Mée wée keeñne, èe ke andunagbēnɔn̄ mée keeñnero, séde gbē kè n̄ n̄ kpámaa p̄nɔ, zaake n̄ pónɔme.  
<sup>10</sup> Ma gbēnɔ né n̄ gbēnɔme n̄ píngi, n̄ pónɔ né ma pónɔme píngi. Mée tó bɔ n̄ gāzī.  
<sup>11</sup> Mée suu n̄ kiia, mégɔ kú anduna guu dɔro, mɔde aɔp̄nɔ égɔ kú anduna guu. Ma Baa Kuadonade, ngɔ n̄ kūna kɔn n̄ tó kè n̄ kpáma gbāaa, le aɔgɔ kuu m̄ dɔnkɔ lán wa bà.  
<sup>12</sup> Gurɔɔ kè má kúnyo, má n̄ kūna kɔn tó kè n̄ kpámaa p̄nɔ gbāaa. Ma n̄ dákpa, ben aɔ gbēkee e sāsáro, séde gbē kè m̄ pè kaatenaa le n̄ yā e à papa yānzi.  
<sup>13</sup> Tia sa mée suu n̄ kiia. Ma yā kè n̄ ò anduna guu, le aɔgɔ p̄nnaa kè má vī vī àgɔ papana n̄ guu.  
<sup>14</sup> Ma n̄ yā dàñne, ben anduna zàngu, kè anduna gbēnɔme n̄ ũro yānzi, lán mapi má de anduna gbē ũro nà.  
<sup>15</sup> Mée wée keemma, èe ke le n̄ n̄ bɔ anduna guunlo, mɔde le n̄ n̄ dákpa zaaa yānzime.  
<sup>16</sup> Anduna gbēnɔme n̄ ũro, lán mapi má de anduna gbē ũro nà.  
<sup>17</sup> N̄ tó aɔ kuuna gɔ adona kɔn yāpura gbāaa. N̄ yān yāpuraa pì ũ.  
<sup>18</sup> Lán n̄ ma zī anduna guu nà, len mapi s̄ ma n̄ zī anduna guu le.  
<sup>19</sup> Mèe ma zīnda kpaamma aɔ yānzi, le aɔgɔ kuu n̄ gbēnɔ ũ yāpura.  
<sup>20</sup> Èe ke mée wée keeñne n̄donlo, kɔn gbē kè aɔé ma náane ke n̄ yā yānzinɔme dɔ,  
<sup>21</sup> le aɔ píngi gɔ kuu m̄ dɔnkɔ ũ. Baa, lán n̄ kú ma guu nà bens̄ má kú n̄ guu, aɔp̄nɔ s̄ gɔ kú wa guu le, le anduna e à sí kè m̄be n̄ ma zī.  
<sup>22</sup> Gakui kè n̄ kpámaan̄ má kpám̄ma, le aɔgɔ kuu m̄ dɔnkɔ lán wa bà.  
<sup>23</sup> Má kú n̄ guu, bens̄ n̄ kú ma guu, le aɔgɔ kuu m̄ dɔnkɔ ũ mámmam, le anduna gɔ dɔ kè m̄be n̄ ma zī, bens̄ n̄ yeñzi lán n̄ yemazi nà.  
<sup>24</sup> Baa, gbē kè n̄ kpámaanɔ, má yezi aɔgɔ kú guu kè má kún, le aɔ wée si ma gakuile, gakui kè n̄ kpáma kè n̄ yemazi zaale anduna kaenaroo.  
<sup>25</sup> Baa Maa, anduna n̄ dɔro, mɔde má n̄ dɔ, ben gbē kè n̄ dɔ kè m̄be n̄ ma zī.  
<sup>26</sup> Má tò aɔɔ n̄ dɔ, mégae tó aɔgɔ n̄ dɔ, le yenzi kè n̄ vīmao gɔ kú n̄ guu, le mapi s̄ màgɔ kú n̄ guu.

## 18

### *Yesu kūna*

*(Mat 26:47-56, Maa 14:43-50, Luk 22:47-53)*

<sup>1</sup> Yesu yā pì ona gbera à bɔ kɔn a ibanɔ, ben aɔ bikù Kidironu baa k̄aa kpa. Swadako kú gwe, ben à gèn kɔn a ibanɔ.  
<sup>2</sup> Yudasi bɔnkpedee s̄ɔ guu pì dɔ, zaake Yesu kɔn a ibanɔ ègɔ kaakɔa gwe baabɔre.  
<sup>3</sup> Ben Yudasi ḡaa gwe kɔn soza ḡali dooo kɔn dogari kè sa'orikinɔ kɔn Farisinɔ n̄ zīnɔ. Aɔɔ fitianɔ kūna kɔn s̄t̄enɔ kɔn ḡok̄ebɔnɔ.  
<sup>4</sup> Yesu yā kè eé a lee dɔ píngi, ben à bɔ à dàñle à n̄ lá à bè: Dén ée w̄et̄ee?  
<sup>5</sup> Aɔ wèàl̄a wà bè: Yesu Nazaretim̄e. À bèñne: Mámbe à ũ. Yudasi bɔnkpedee pì kúnyo.  
<sup>6</sup> Kè Yesu bèñne, mámbe à ũ, ben aɔ tatakpe kè, aɔ bɔ wà lèe.  
<sup>7</sup> Yesu n̄ lá dɔ: Dén ée w̄et̄ee? Ben aɔ bè: Yesu Nazaretim̄e.  
<sup>8</sup> Yesu wèñla dɔ à bè: Má òare kè mámbe à ũ. Tó mámbe ée ma w̄et̄ee, à tó gbē kè n̄ tá.  
<sup>9</sup> À ò le le yā kè à ò yāa e à papa yānzime, kè à bè: Gbē kè n̄ n̄ kpámaanɔ, aɔ gbēkee e sāsáro.  
<sup>10</sup> Simɔ Pita f̄eedaa logona, ben à wòto à sa'oriki ìsi z̄iri lèò à à swā ɔplaa gò. Z̄iri pì t̄ón Malaku.  
<sup>11</sup> Ben Yesu bè Pitane: N̄ n̄ f̄eedaa s̄ɔɔ a kp̄een. Mé togo'i kè ma Dee dieme í miroo?

<sup>12</sup> Ben sozanɔ kɔn n̄ gbēnsio kɔn Yuda dogarinɔ Yesu kù aɔ à yì.  
<sup>13</sup> Ben aɔ ḡaa Anasa kiia ḡia. Anasa né Kayafa kè de sa'oriki ìsi ũ wè beee a anzureme.  
<sup>14</sup> Kayafa bé à lé dà Yuda gbāadeenɔa yā à bè: À maa gbē mèn doo ga baade píngi ḡee ũme.

*Pita lésena Yesuzi**(Mat 26:69-70, Maa 14:66-68, Luk 22:55-57)*

<sup>15</sup> Simo Pita kɔn iba pānde tɛ Yesu kpɛɛ. Sa'oriki isi iba pānde pì dɔ, ben iba pì tɛ Yesuzi à gɛ sa'oriki isi pì bɛ ua, <sup>16</sup> mɔde Pita gɔ zɛ kpɛɛlɛa gāare. Ben iba kɛ sa'oriki isi dɔ pì gāa à yā ò nɔgbɛ kɛ èe zɛ pì dākpaane, ben à tò Pita gɛ. <sup>17</sup> Ben nɔgbɛ zédākpari pì Pita là à bɛ: Gɔgbɛ pì ibanɔ dokemɛ n ūroo? Pita wèlala à bɛ: Mámbeero! <sup>18</sup> Zìrinɔ kɔn dogarinɔ e tɛ kɛ aɔ lè kpákpa a kɛ ìa kuu yānzi. Pita kúnyo gwe, èe tɛ kpákpa se.

*Sa'oriki yālalana Yesua**(Mat 26:59-66, Maa 14:55-64, Luk 22:66-71)*

<sup>19</sup> Ben sa'oriki isi e Yesu lalaa à ibanɔ yāzi kɔn à yādanneao. <sup>20</sup> Yesu wèlala à bɛ: Ma yā ò baade pingingɛ gupuraa. Ma yā dàdānɛ aduakɛkpɛnɔ guu kɔn Luda uao, guu kɛ Yudanɔ è kɔ kakɔan n pingingi. Mée yāke o asii guuro. <sup>21</sup> Bóyānzi nɛɛ ma lalaazi? N ma yāmarinɔ la, aɔ yā kɛ má ònɛ dɔ. <sup>22</sup> Kɛ Yesu yā ò lɛ, dogari kɛ aɔ kú gweenɔ doke à swān kɛ à bɛ: Wè yā we sa'oriki isila lero. <sup>23</sup> Yesu wèlala à bɛ: Tó yā zaaan má ò, n o wà ma. Tó yāpuraan má ò sɔ, bóyānzin n ma lɛzi? <sup>24</sup> Ben Anasa Yesu gbāre sa'oriki isi Kayafa kiia yina.

*Pita ɛara à lésena Yesuzi dɔ**(Mat 26:71-75, Maa 14:69-72, Luk 22:58-62)*

<sup>25</sup> Pita kpɛ zɛ gwe èe tɛ kpákpa a. Ben wà à là wà bɛ: À ibanɔ doken n ūroo? Pita lɛ sè à bɛ: Mámbeero! <sup>26</sup> Sa'oriki isi zìrinɔ doke nɛ gbɛ kɛ Pita à à swā gò danɛmɛ, ben à bɛ: Mée a e lɛdo swadako guuroo? <sup>27</sup> Ben Pita lɛ sè dɔ. Zaa gwe gɔ koo lɛ zù.

*Pilati yākpakɛna kɔn Yesuo**(Mat 27:1-2, 11-14, Maa 15:1-5, Luk 23:1-5)*

<sup>28</sup> Gukèkɔanao ben Yuda gbāadeenɔ bò kɔn Yesuo Kayafa bɛ, aɔ gāao bùsu gbɛnsi bɛ. Aɔɛ gɛ à bero, lɛ aɔtongɔ gbāsīro yānzi, zaake aɔ yezi wà Banla zībaa kemɛ. <sup>29</sup> Bee yānzi Pilati bò à mò n kiia à bɛ: Bó yān a be gbɛ kɛ kɛ? <sup>30</sup> Aɔ wèlala wà bɛ: Tó zaakɛrinlo, lɛ wée mó wà à kpámmaro. <sup>31</sup> Ben Pilati bènɛ: À à sé à gá yākpakɛ keo a zīnda dokaa. Ben gbāadee pìnɔ bènɛ: Wá gbɛdɛna zɛ vīro. <sup>32</sup> Bee kɛ lɛ yā kɛ Yesu ò e à papa yānzime, kɛ à ga yā taka ò. <sup>33</sup> Ben Pilati ɛara à gɛ ua. À Yesu sisi, ben à à là à bɛ: Mbe Yudanɔ kína ūs? <sup>34</sup> Yesu wèlala à bɛ: Nɛɛ oo lɛ kɔn n zīndaon yó, ke wà ma yā ònnemɛ? <sup>35</sup> Pilati bè: Yudan ma ūs? N boriinɔ kɔn n sa'orikinɔ bé wà n kpama. Bón n kɛ? <sup>36</sup> Yesu bè: Ma kpata nɛ anduna kèki pónlo. Tó ma kpata nɛ anduna kèki pómɛ, lɛ ma ibanɔ zì kà lɛ wàton ma kpá Yuda gbāadeenaro. Ma kpata nɛ anduna kèki pónlo. <sup>37</sup> Ben Pilati bènɛ: Ase kiname n ūu? Yesu wèlala à bɛ: N ò a zéa kɛ kinan ma ū. Wà ma i, ben ma mɔ anduna guu yāpura sèedadee ū. Gbɛ kɛ dɛ yāpura pò ū e ma yā ma. <sup>38</sup> Pilati bè: Bón yāpuraa ūu?

*Yādana Yesula**(Mat 27:15-31, Maa 15:6-20, Luk 23:13-25)*

Kɛ à ò lɛ, à ɛara à bò à gāa Yuda gbāadeenɔ kiia à bènɛ: Mée taari ke e gbɛ kèaro. <sup>39</sup> Á fɛɛakaarayā vī kɛ mɛè pisinanɔ doke gbarɛare Banla zībaa zī. Á yezi mà Yudanɔ kína gbarɛaren yó? <sup>40</sup> Ben aɔ wii lè dɔ wà bɛ: Àmbeero, Barabame! Baraba pì sɔ nɛ kpāi wéedewemɛ.

**19**

<sup>1</sup> Ben Pilati bè, wà Yesu kú wà à gbɛ flāo. <sup>2</sup> Ben sozanɔ lè fūra tã aɔ kùnɛ aɔ gumusu tɛaa dànɛ. <sup>3</sup> Aɔɛ sɔzi doodo aɔɛ bee: Fɔ, Yudanɔ kína! Ben aɔɛ à swān kɛkɛ. <sup>4</sup> Pilati ɛara à bò dɔ, ben à bè gbɛnɔnɛ: À gwa, mée bɔɔoare bàazi kɛ, lɛ à e à dɔ kɛ mée yāke earo. <sup>5</sup> Yesu bò bàazi, à lè fūra pì kuna à gumusu wéedee pì dana. Ben Pilati bènɛ: Gɔgbɛ pìn yè! <sup>6</sup> Kɛ sa'orikinɔ kɔn dogarinɔ à è, aɔ wii lè wà bɛ: N à pá lía! N à pá lía! Ben Pilati bènɛ: À à kú

à pá lía a zīnda, zaake mée taari ke earo. <sup>7</sup> Yuda gbāadee pìno wèàla wà bè: Wá doka vī, bensō doka pì bè séde à ga, kè à a zīnda diè Luda Né ũ yānzi.

<sup>8</sup> Kè Pilati yā pì mà, ben vīa kèkè à à kù. <sup>9</sup> À èara à gè kōn Yesuo ua do, ben à à là à bè: N bō māmè? Yesu e weàlaro, <sup>10</sup> ben Pilati bène: Né yā o maaroo? N dō kè má n gbarèna iko vī, bensō má n pana lía iko vīroo? <sup>11</sup> Yesu wèàla à bè: N iko ke vī ma musuro, sé kè Ludaa kpàmmaa. Bee yānzi gbè kè ma kpammaa durun bé à bíta. <sup>12</sup> Zaa gurō beea Pilati e zé wete è à à gbarè, mōde Yuda gbāadeenō wii lè wà bè: Tó n gbè pì gbàre, Siza gbènnamè n ũro. Gbè kè à a zīnda diè kína ũ íbete kpà kōn Sizaomè. <sup>13</sup> Kè Pilati yā beee mà, à bè wà bō kōn Yesuo bàazi. Ben à vèè a tintia guu kè wè be gbè gusararaan, kōn Eberu yāo sō, Gabata. <sup>14</sup> Banla zībaa sorukègurō zīme, ofántè kà mīdangura. Ben Pilati bè Yuda gbāadee pìno: A kīnan yè. <sup>15</sup> Ben aōe wii lèe wèe bee: N à de. N à de. N à pá lía. Pilati bèné: Mé a kína pá lía? Sa'orikinō bè: Siza baasiro, wá kína ke vīro. <sup>16</sup> Ben Pilati Yesu kpámma aō à pá lía.

### *Yesu pana lía*

*(Mat 27:32-44, Maa 15:21-32, Luk 23:26-43)*

Ben aō à sè wà tàò. <sup>17</sup> Yesu bō wéte guu à a zīnda líkpangbāroo sèna, à gàa guu kè wè be Mīwatorokiia, kōn Eberu yāo sō Gōgōta. <sup>18</sup> Gwen wà à pá lía kōn gōon plaa pāndenō, gbè doo à oplaazi gbè doo à ozezi, ben Yesu kú n dagura. <sup>19</sup> Pilati takada kè à nà Yesu líkpangbāroo pīa. Yā kè à kè pìn yè:

Yesu Nazareti, Yudanō kína.

<sup>20</sup> Yudanō takada kè à kè pì kyó kè pari, zaake guu kè wà Yesu pá lían pì zà kōn wéteoro. Wà lá pì kè kōn Eberu yāo kōn Romudeenō yāo kōn Giriki yāomè. <sup>21</sup> Ben Yuda sa'orikinō bè Pilatinè: Nton kè n be Yudanō kīnaro, mōde n kè kè à mbe à bè Yudanō kīnan a ũ. <sup>22</sup> Pilati bè: Yā kè má kèn má kè. <sup>23</sup> Kè sozanō Yesu pá lía wà yāa, ben aō à pókāsāanō sèe wà kpàatete leo siigō baade mīa. Aō à utagyaba kè wà tà nabina sai zaa musu ai gīzī sè do, <sup>24</sup> ben aō bèkōnè: Wāton uta pì kèkèkōrero. Wà kàbankpe ke le wàgō dō gbè kè eé gōnè. Aō kè le, le yā kè wà kè Luda yān e à papamè, kè wà bè:

Aō ma pókāsāanō kpàatetekōnè,

aō kàbankpe kè ma uta yānzi.

Bee yānzin sozanō kè lezi. <sup>25</sup> Yesu da kōn à da dāaroo kōn Kolopa naō Mariamao kōn Mariama Magadalenio kú lí kè wà Yesu pàa sae. <sup>26</sup> Kè Yesu a da kōn a ìba kè à yezio è zena kō sae, à bè a danè: Nōgbè, n nén yè! <sup>27</sup> Ben à bè ìba pìnè: N dan yè! Zaa zī beean ìba pì à sè à tàò a be.

### *Yesu gana*

*(Mat 27:45-56, Maa 15:33-41, Luk 23:44-49)*

<sup>28</sup> Beee gbera Yesu dō kè à píngi pàpa. Le yā kè kēna Luda yān e à papa ben à bè: Ímii e ma de. <sup>29</sup> Loo kú gwe, geepiwè kpàkpā kán pana. Ben wà sabo kpàe wèe pì guu wà pè sèlia wà dō Yesunè a léa. <sup>30</sup> Kè à wèe pì mì à bè: Yā yāa. Ben à a mì pèe à a wèndi gbàre.

### *Yesu zōna kōn sário*

<sup>31</sup> Kámmabogurō sorukègurō zīme. Yuda gbāadeenō yezi gènō gō lía ai kámmabogurō zīro, zaake kámmabogurō zī pì né gurō ìsime. Ben aō gàa wà wèe kè Pilatia wà n gbá é'e wà n pita. <sup>32</sup> Ben sozanō gàa wà gbè káaku kè wà pá lía lèdo kōn Yesuo gbá é'e kōn à plaade póo do. <sup>33</sup> Kè aō kà Yesu kiia, aō è à gīake à gá kò, ben aōe à gbá é'ero. <sup>34</sup> Ben sozanō doke Yesu zò kōn sário a gbàntèa. Gwe gōo aru kōn ío bōe. <sup>35</sup> Gbè kè yā pì è wéero bé à ò. À sèedakèna yāpuraa vī, à dō kè yāpuraan ée oo, le apino sō à e à Yesu náanè ke. <sup>36</sup> Yā beeno kè le yā kè kēna Luda yān kèkii papamè, wà bè: Weé à wá ke éro. <sup>37</sup> À kēna Luda yān do wà bè: Aōé gbè kè wà à zò gwa.

*Yesu vīna**(Mat 27:57-61, Maa 15:42-47, Luk 23:50-56)*

<sup>38</sup> Beee gbera Yusufu Arimatea gaa à wée kè Pilatia, le à a gba zé à Yesu gè pita. Yesu ìbamé asii guu, kè èe vīa kē Yuda gbāadeenōne yānzi. Pilati wēne, ben à gaa à à gè sè à tàò. <sup>39</sup> Nikodemu kè gaa Yesu kiia gwāavī gaa se kōn lí'oo yākōtēna kōn ēzē kè è tó gè vārooo à kà kiloo baaakuri taka. <sup>40</sup> Ben aō Yesu gè sè aō táaru bisano fīfī kōn ēzē pìò, lán Yudano è gè kpe da nà n fēeakaarayā guu. <sup>41</sup> Kara kú guu kè wà Yesu pà lía pìn. Gbèwēe kè wà sò mira ū dufu kú kara pì guu, wèe gbēke dan zikiro. <sup>42</sup> Gwen aō Yesu dàen, kè à zānyoro, kè dō Yudano kámmaboguroo e kaa yānzi.

**20***Yesu fēe à bōna gaan**(Mat 28:1-8, Maa 16:1-8, Luk 24:1-12)*

<sup>1</sup> Azumanengo zī kōngō idē-idē Mariama Magadaleni bō à gaa mira kiia, ben à lè gbè gona mira léa. <sup>2</sup> Ben à bàa lè à gaa Simo Pita kiia kōn ìba pānde kè Yesu yezi pìò à bèñne: Wà Dii bō miran, wá dō guu kè wà à dànlò. <sup>3</sup> Ben Pita kōn ìba pānde pìò fēe wà gaa mira kiia. <sup>4</sup> Aō gōon plaa n pīngi e bàa lēe ledò, ben ìba pānde pì bà nna de Pitala, à kà mira kiia káaku. <sup>5</sup> Kè à wée kpāen, ben à táaru bisano è kaena, mōde èe gē à guuro. <sup>6</sup> Kè Simo Pita kà à gbera, ben à gè miran. À táaru bisa pì è kaena <sup>7</sup> kōn bisa kè wà fīfī à mīao. Bisa pì pekōrena kōn pólē pīnoro, à kokona diena adome. <sup>8</sup> Ben ìba kè kà mira kiia káaku pì gè se. À è, ben à sī. <sup>9</sup> Ai tia aōe yā kè kēna Luda yān dōro dōro kè wà bè, eé fēe bōna gaan. <sup>10</sup> Ben ìba gōon plaaa pīnò èara wà tà bē.

*Yesu bō à mōna Mariama Magadaleni**(Mat 28:9-10, Maa 16:9-11)*

<sup>11</sup> Mariama zena mirawēe léa, èe sō dōo. Lán èe sō dōo nà le, ben à wée kpāe mirawēen. <sup>12</sup> Ben à malaika gōon plaaano è vēena guu kè wà Yesu gè dàen yāa. À doo kú mīzi kpa, à doo sō gbá kpa. Aō uta puraa dana. <sup>13</sup> Ben aō à là wà bè: Nōgbē, bó bé à n le nēe sō dōo? À wēnla à bè: Wà ma Dii sè wà tàome, má dō guu kè wà à dànlò. <sup>14</sup> Kè à ò le, ben à liè à Yesu è zena, mōde èe dō kè Yesunlo. <sup>15</sup> Yesu à là à bè: Nōgbē, bōyānzin nēe sō dōozi? Dén nēe wēte? Mariama e daa karadeeme, ben à bène: Maree, tó mbe n à sè n bōo, n omē guu kè n à dàen le mà gá mà à sé. <sup>16</sup> Yesu bène: Mariama! Ben à ae dōa à bène kōn Eberu yāo: Rabi! Tó pì bè Danneri. <sup>17</sup> Yesu bène: Nton o kemaro, mēe tá ma De kiia kōro. N gá n o ma gbēnōne mēe taa ma De kōn n Deo kiia, ma Luda kōn n Ludao kiia. <sup>18</sup> Ben Mariama Magadaleni gaa à à baaru kpà à ìbanōne à bè: Ma Dii è. Ben à yā kè à òne tōkēñe.

*Yesu bō à mōna a ìbanōzi**(Mat 28:16-20, Maa 16:14-18, Luk 24:36-49)*

<sup>19</sup> Azumanengo beee uusia à ìbanō kakōana kpén, aō gbà tàtañle aō mōne kà, ke aōe vīa kē Yuda gbāadeenōne yānzi. Ben Yesu mò à zè n té à bèñne: Àgō kú aafiao! <sup>20</sup> Kè à ò le, ben à a oonò òdōañne kōn a gbāntēo. Kè ìba pīnò Dii è, aō pōo kè nna maamaa. <sup>21</sup> Yesu èara à bèñne: Àgō kuu aafiao! Lán ma De ma zī nà, len mēe a zī le. <sup>22</sup> Kè à ò le, ben à ìa vùnma kōn léo à bè: À Luda Nini sí. <sup>23</sup> Gbē kè a n kē kōn n durunnō, à kēmman gwe. Gbē kè èe n kēnero sō, eé kēmmaro.

*Yesu kōn Tomasi*

<sup>24</sup> Gurōo kè Yesu mò, Tomasi, à ìba gōon kuri awēeplaaano doke kè wè bene Sika kúnyoro. <sup>25</sup> Ben à ìba kpaaano bène: Wa Dii è. Ben à bèñne: Tó mēe kuusa gbè e à oonò guu ma onete pēnlo, bensō mēe o zō à gbāntēaro, mé síro. <sup>26</sup> À gurō làa à ìbanō kú kpén dō, Tomasi kúnyo sa. Aō gbà tàtañle aō mōne kà, ben Yesu mò à zè n té à bè: Àgō kuu aafiao! <sup>27</sup> Ben à bè

Tomasine: Ñ n ɔnetee pé ma ɔɔ guu kè ñ gwa, ñ n ɔɔ zɔ ma gbàntēa. Ñton seka ke dɔro. Ñ ma náane ke. <sup>28</sup> Tomasi wèàla à bè: Ma Dii, ma Luda. <sup>29</sup> Yesu bène: Kè n ma e yānzin n ma náane kèzi. Aubarikadeenɔn gbē kè aɔ ma náane kè ma ena sainɔ ũ.

<sup>30</sup> Yesu dabuyā pāndenɔ kè pari a ìbanɔ wée wáa kè wèe kè takada kè guuro. <sup>31</sup> Mòde wà yā kènɔ kè, le à e à Yesu sí Luda Né Mesaya ũ à wèndi e à náanekena guu yānzime.

## 21

### *Yesu a zīnda òdɔa a ìbanɔne sèbe léa*

<sup>1</sup> Beee gbera Yesu èara à a zīnda òdɔa a ìbanɔne dɔ Tiberia sèbe léa. Lán kè bàn à a zīnda òdɔaíne. <sup>2</sup> Simɔ Pita kú lèdo kɔn Tomasi kè wè bene Sikao kɔn Natanaeli kè bò Kana, Galili būsuo kɔn Zebedi néno kɔn Yesu ìba gɔɔn plaa pāndenɔ. <sup>3</sup> Simɔ Pita bèíne: Mée gaa kpò we. Ben aɔ bène: Wapino se wé gányo. Ben aɔ gàa wà gè góro'ite guu, mɔde aɔɔe pòke kú gwāaví beeeero. <sup>4</sup> Kè guu e mɔɔ dɔ, Yesu zena baa, mɔde a ìbanɔ e dɔ kè àmbeeero. <sup>5</sup> Ben à lé zùnízi à bè: Gbēno, ée pòke e á kùroo? Aɔ bè: Auo! <sup>6</sup> Ben à bèíne: À kàmbèe táaru zu góro ɔplazi é pò kú. Kè aɔ zù, aɔ kpò kú paripari aɔ fúa wà sé. <sup>7</sup> Ben ìba kè Yesu yezi pì bè Simɔ Pitane: Diime. Pita uta danaro. Kè à mà wà bè Diime, ben à a uta sè à dà à kùsi ía. <sup>8</sup> Ìba kpaaanɔ e kàmbèe táaru gáee pana kɔn kpò aɔɔe suuo kɔn góroo, zaake aɔ zà kɔn baaoro, à de mita basɔɔro takalaro. <sup>9</sup> Kè aɔ bikù baa, aɔ buredi è kaena gwe kɔn kpò kpákpatana. <sup>10</sup> Yesu bèíne: À mɔ kɔn kpò kè á kú tiaao kenɔ. <sup>11</sup> Ben Simɔ Pita gè góro guu à kàmbèe táaru gàe à bikùo baa. À pana kɔn kpò gbèntēno mèn baswèeplaa akuri awèe'aagɔ. Baa kè à pari le, táaru pì e kéro. <sup>12</sup> Yesu bèíne: À mɔ à pò ble. À ìba kee e fɔ à lé bò à à là dén à ũro, zaake aɔ dɔ kè Diime. <sup>13</sup> Yesu gàa à buredi sè à kpámma. Len à kè le kɔn kpò dɔ. <sup>14</sup> Yesu a zīnda ɔdɔana a ìbanɔne gèn aagɔdeen gwe à fèena bɔna gaan gbera.

### *Yesu kɔn Pitao*

<sup>15</sup> Kè aɔ pò blè wà yàa, Yesu Simɔ Pita là à bè: Yohana né Simɔ, ní yemazi de gbē kènɔláš? À wèàla à bè: Eè Dii, ní dɔ kè má yenzi. Yesu bène: Ñ pòblee kpá ma sáne bòronɔa. <sup>16</sup> À gèn plaade Yesu èara à à là dɔ à bè: Yohana né Simɔ, ní yemazió? À wèàla à bè: Eè Dii, ní dɔ kè má yenzi. Yesu bène: Ñ ma sáanɔ dāmɛ. <sup>17</sup> À à là à gèn aagɔde à bè: Yohana né Simɔ, ní yemazió? Kè Yesu Pita là à gèn aagɔde tó à yeazi, à pɔɔ yàka, ben à bène: Dii, ní yā píngi dɔ. Ñ dɔ kè má yenzi. Yesu bène: Ñ pòblee kpá ma sáanɔa. <sup>18</sup> Yápuraan méee oonne, kè ní de gɔkpare ũ, nɛè pò da n zīnda ñ gá guu kè ní yezin, mɔde tó n zi kú, né n ɔɔno poro, gbē pānde é danne à gányo guu kè ní yeziroon. <sup>19</sup> Kè Yesu ò le, Pita gaa kè eé Luda tó bɔɔn à téa. Beee gbera Yesu bène: Ñ témazi.

### *Yesu kɔn ìba kè Yesu yezi*

<sup>20</sup> Pita liè à ìba kè Yesu yezi pì è ténzi. Gbē pì bé à nà Diizi gurɔɔ kè aɔɔe pò ble, à à là gbē kè eé à kpámhazi. <sup>21</sup> Kè Pita à è, à bè Yesune: Dii, gbē kè sɔ né? <sup>22</sup> Yesu bène: Tó má yezi àgɔ kú wèndio ai màgɔ gá su, à yā n e mame? Ngɔ témazi dé. <sup>23</sup> Ben yā pì dàgula Yesudeenɔ té kè ìba pì é garo. Mòde Yesu e onɛ kè eé gí gazine. À bè, tó á yezi àgɔ kuu ai àgɔ gá su, à yā à e mame?

<sup>24</sup> Ìba pì bé à yā kènɔ sèeda kè. Àmbe à takada kè kè, ben wá dɔ kè à sèedakena náane ví.

### *Mìdena*

<sup>25</sup> Yesu yā pāndenɔ kè paripari dɔ. Tó wà kè takada guu doodo píngi, mée daa anduna a zīdane é fɔ à takada kè wà kè pìno síro.



## ZĪRINŌ YĀKENANŌ

Yesu tana ludambe 1:1-1:26

Luda Nini pitana 2:1-2:47

YudanŌ Yesu yā sīna 3:1-12:25

Pɔlu wéteḡana káakudee 13:1-14:28

Pɔlu wéteḡana ḡèn plaadee 15:1-18:22

Pɔlu wéteḡana ḡèn aagōdee 18:23-21:16

Pɔlu gana Romu 21:17-28:31

### *Légbēna Luda Nini yā musu*

<sup>1</sup> Tiofilu, má ònne ma takada káaku guu lán Yesu kè nà kōn yā kè à dàrīnenŌ pīngi zaa à naana gurŌ <sup>2</sup> ai gurŌ kè à yā diè a zīrinŌne kōn Luda Nini gbāaaŌ, ben Luda à sè à tàŌ a kiia. <sup>3</sup> Zaake à gana gbera à a zīnda òdɔaīne à sèeda yānŌ kēīne pari kè tò aō dō seka sai kè à bēe. À a zīnda òdɔaīne ai gurŌ baplaa à kpata kè bò Luda kiia yā ònne. <sup>4</sup> Kè aō kakōana, ben à bēīne: Àton bŌ Yerusalemuro. Àgō lé kè ma Dee gbèare dāa, lán ma à yā òare nà. <sup>5</sup> Zaake Yaaya gbēnŌ batisi kè í guume, mōde gurŌ plaa kèa mé a batisi ke Luda Nini guu.

### *Tana Yesuo ludambe (Maa 16:19-20, Luk 24:50-53)*

<sup>6</sup> Kè aō kakōana le, ben aō à là wà bè: Dii, gurŌ kè guun né IsarailinŌ kpata sukpaīneŌ? <sup>7</sup> À wēīla à bè: Á zé vī àgō gurŌ kesō gurŌ zaka kè ma Dee diè kōn a zīnda ikoo dōro. <sup>8</sup> Tó Luda Nini pītaawa, é gbāaa e àgō de ma sèedadeenŌ ū Yerusalemu kōn Yudea būsuo gu pīngio kōn Samaria būsuo ai à gá pé anduna léa. <sup>9</sup> Yā bee ona gbera Luda à sè ní wāa ai à gāa à sāsā ní wēen à ḡè ludambe luguun. <sup>10</sup> À tana guu lán aō wēe pé ludambeēa nà, ben ḡōn plaa kenŌ bò wà zè ní sae aō pókāsā puraano dana. <sup>11</sup> Aō bè: Galili būsudeenŌ, à kè dia á zena ée ludambeē gwaa? Yesu kè Luda à bò a té à tàŌ a kiia pì, eé eara à mó lán á è èe taa gwe nà.

### *Yudasi ḡēekana*

<sup>12</sup> Ben aō pīta Kùkpe sīsīa aō sù Yerusalemu. Sīsī pì zà kōn YerusalemuŌ à kà lán kiloo do taka bà. <sup>13</sup> Kè aō kà, ben aō didi kpé musu, guu kè aōḡō kún. Pīta kú gwe kōn YohanaŌ kōn Yemisio kōn AnduruŌ kōn Filipio kōn Tomasio kōn Batɔlɔmiuo kōn MatiuŌ kōn Alafeu né Yemisio kōn SimŌ AīadeeŌ kōn Yemisi né Yudasio. <sup>14</sup> Aō pīngi ní zīnda kpà aduakēnaa lèdo kōn Mariama Yesu dao kōn Yesu dāaronŌ kōn nḡbē kpaaano.

<sup>15</sup> GurŌ beēea Pīta fēe à zè Yesu ìba kè aō kà ḡōn baswēedo takano té à bè: <sup>16</sup> Ma gbēnŌ, yā kè Dauda ò kōn Luda Nini gbāaaŌ Yudasi kè dō gbē kè aō Yesu kùnŌne ae yā musu, tiasime Luda yā pì papa. <sup>17</sup> Wa gbēndoomē yā à baka kú wa zīi kēkii guu. <sup>18</sup> À tōte lù kōn ō kè à è a zaakēna guuo. Gwen à bàkē à lēen, à gbēēē pūtā à nḡaenŌ bōe pīngi. <sup>19</sup> YerusalemudeenŌ pīngi yā pì mà, ben aō tó kpà guu pīne Akēledama kōn ní bori yāo. Tó pì bè gbēderi tōte. <sup>20</sup> Wà à yā ò Saamu takada guu wà bè:

À bēe ḡō bēzī ūmē,

gbēke tōngō kuu le à vēe à guu dōro.

Wà bè dō:

Gbē pānde ḡō à ḡēe ū.

<sup>21-22</sup> Bee yānzi gbē kè aōḡō téwazi gurŌ kè wá lèdo kōn Dii Yesuo zaa Yaaya gbēnŌ batisikegurŌ ai gurŌ kè Luda à bò wa ténŌ, wà ní gbēn doo bŌ àgō de à fēena gaan sèedadee ūwao. <sup>23</sup> Ben wà ḡōn plaaano bò, Yusufu kè wè benē Basaba wè benē dŌ Yusutu kōn Matiao. <sup>24</sup> Ben aō adua kè wà bè: Dii, ní baade pīngi nòse dō. ḡōn plaaa kēnŌ té nì gbē

kè nì b̀ò ɔ̀dɔawe, <sup>25</sup> lɛ à bà g̃õ kú wamɔwa z̃irino z̃i k̀k̃ii guu yānzi, z̃i k̀k̃e Yudasì b̀òn à g̀àa guu k̀k̃e k̃õ s̃io guu. <sup>26</sup> Ben ãõ k̀abankpɛ k̀k̃e g̃õn plaaa p̃ino yā musu. Ben k̀abankpɛ Matia k̀k̃e, ben ãõ à dà z̃iri g̃õn kuri awɛɛdoonɔ t̃e.

## 2

### *Luda Nini pitana*

<sup>1</sup> K̀k̃e Pentikɔsi z̃iɓaa gurɔ̀ k̀à, ãõ kú gu d̃õnk̃õa ñ p̃ingi. <sup>2</sup> K̀ãndo ãõ k̃i m̀à b̀ona ludambe lán z̀àg`i`a gb̃aaa bà, ben kp̃é k̀k̃e ãõ ṽɛn w̃à. <sup>3</sup> Ãõ p̃ó è lán t̃ɛnɛnɛnɔ̀ b̀à à f̀àak̃õa à z̃õ ñ baadea. <sup>4</sup> Ben Luda Nini p̃ita`m`ma ñ p̃ingi, ben ãõ ñà ỳakebori`onaa lán Ninii p̃i ñ gb̀á l̃e ñà.

<sup>5</sup> Yuda kenɔ̀ kú Yerusalemu gwe, ludaỹadari k̀k̃e ãõ b̀ò anduna b̀usu p̃ingi guunɔ̀ ù. <sup>6</sup> K̀k̃e ãõ ñ z̃ɔka p̃i m̀à, ãõ k̀ak̃õa`nzi paripari, ben ãõ b̃idi k̀k̃e, k̀k̃e ãõ m̀à w̃è ñ baade p̃ingi bori yā oo. <sup>7</sup> Yā p̃i ñ kú gb̃aa à b̀ò ñ sae ãõ bè: Yā`ori p̃ino ñé Galilideenɔ̀m̃e ñ p̃ingiroo? <sup>8</sup> À k̀k̃e dia w̃à m̀à ãõe wa baade b̀usu yā oo? <sup>9</sup> Paatianɔ̀ k̃õn Midianɔ̀ k̃õn Elamunɔ̀n wa ù k̃õn gb̃ɛ k̀k̃e ãõ kú Mesɔ̀ptamianɔ̀ k̃õn Yudeao k̃õn Kapadosiao k̃õn P̃ontuo k̃õn Asiao <sup>10</sup> k̃õn Firigiao k̃õn Pamfiliao k̃õn Igitipio k̃õn Libia b̀usu k̀k̃e kú Sireni sae k̃õn gb̃ɛ k̀k̃e ãõ b̀ò Romunɔ̀. <sup>11</sup> Yudanɔ̀ k̃õn gb̃ɛ k̀k̃e ãõ ñ d̃onzi z̃é s̃ɛnɔ̀n wa ù k̃õn Keretino k̃õn Larubunɔ̀, ben w̃èe maa ãõe Luda ỳab̃onsae kenanɔ̀ oo k̃õn wa baade boriyānɔ̀. <sup>12</sup> Yā p̃i ñ kú gb̃aa ãõ b̃idi k̀k̃e, ãõe k̃õ lalaa w̃èe bee: Yā kpare takan gwee? <sup>13</sup> Gb̃ekenɔ̀ s̃õ e ñ lalandi k̃eɛ w̃à bè: Ãõ í s̃è w̃à k̃am̃e.

### *Pita waazikena*

<sup>14</sup> Ben Pita f̃ɛe à z̃è k̃õn a gb̃ɛ kpaa g̃õn kuri awɛɛdoonɔ̀, à yā ò gb̃angb̃an à bè: Amɔ̀a Yudanɔ̀ k̃õn gb̃ɛ k̀k̃e á kú Yerusalemunɔ̀ p̃ingi, à sw̃á kp̃á à t̃ó m̀à yā p̃i oare. <sup>15</sup> Í e gb̃ɛ p̃ino kú lán ée daa ñaro, zaake k̃ongɔ̀ mò k̃endoon tia. <sup>16</sup> Yā k̀k̃e annabi Yoeli òn ỹè:

<sup>17</sup> Luda bè:

Ziaa z̃i mé ma Ninii pisi gb̃ɛ p̃ingia,  
a ñé g̃õgb̃enɔ̀ k̃õn a ñénɔ̀gb̃enɔ̀ é annabik̃eyā o,  
a g̃õkparenɔ̀ é w̃éegupu e,  
a mare ìsinɔ̀ é nanaa o.

<sup>18</sup> Gurɔ̀ beeenɔ̀a  
mé ma Ninii pisi ma z̀òblerinɔ̀a  
g̃õgb̃enɔ̀ k̃õn ñogb̃enɔ̀ ñ p̃ingi  
ãõé annabik̃eyā o.

<sup>19</sup> Mé s̃èedanɔ̀ ke musu,  
mé ỳab̃onsaenɔ̀ ke anduna guu,  
aru k̃õn t̃éo k̃õn t̃ésukpɛ siaao é g̃õ kuu.

<sup>20</sup> Ɔf̃ant̃é é sia kú,  
m̃ovura é t̃ã lán aru bà  
ai Dii sugurɔ̀ ìsi gakuidee g̃õ g̃á ká,

<sup>21</sup> gb̃ɛ s̃ãnda p̃ingi k̀k̃e ãõè Dii s̃isino é b̃o.

<sup>22</sup> Isarailinɔ̀, à yā k̀k̃e ma. Lán á d̃õ a z̃indañe ñà, Luda Yesu Nazaret̃i òd̃baare a gb̃ɛ ù k̃õn dabuyānɔ̀ k̃õn ỳab̃onsaenɔ̀ k̃õn s̃èeda k̀k̃e à k̀k̃e à g̃az̃i a t̃énɔ̀. <sup>23</sup> Luda z̃èo a p̃oyezi k̃õn a d̃õnao guu w̃à à kp̃àawa, ben á t̃ò bori p̃ãndenɔ̀ à p̃à lía w̃à à d̃è. <sup>24</sup> Ben Luda ga bà p̃òtoa à à f̃ɛe, zaake à z̃é kuu k̀k̃e ga é f̃õ à g̃õ à k̃unaro. <sup>25</sup> Zaake Dauda à yā ò à bè:

M̃èè g̃õ Dii ee ma w̃éɛn gurɔ̀ p̃ingi,  
lán à kú ma ɔ̀plaazi ñà  
p̃óke é ma degero.

<sup>26</sup> Bee yānzin ma p̃oò è g̃õ nnazi,  
ma ñòseguu p̃ù.

Má t̃ãmaa ṽi k̀k̃e ma m̃è é g̃õ kuu,

<sup>27</sup> zaake ñé ma t̃ó mira guuro,

né we man gbē kè kú adona yai kūro.

<sup>28</sup> N ma da wēndi zéa,  
ma pɔnnaa égō pana n kiia.

<sup>29</sup> Ma gbēno, mé f̄s mà wa dezi káaku Dauda yā oare wásawasa. À gà wà à v̄i à mira kú wéte kèn ai kōn a gbāao. <sup>30</sup> À annabikεε guu à dō kè Luda lù sèare à bè, é a boriino doke ká à kpatan. <sup>31</sup> Dauda ḡiake à Mesaya fεena gaan è, ben à à yā ò à bè: Luda é à tó mira guuro, eé we à mè yai kūro. <sup>32</sup> Yesu p̄n Luda à f̄εe gaan. À sèedadeenɔn wa ũ wa p̄ngi. <sup>33</sup> V̄εena Luda ɔplaazi à à Ninii kè à à lé gbēwee si a Dea. Yā kè ée ee bensō ée maa tiaa de Luda Nini kè à p̄siwaa ũme. <sup>34</sup> Zaake èe ke Dauda bé à f̄εe à gàa ludamero, à bè:

Dii ò ma diine à v̄εe a ɔplaazi

<sup>35</sup> ai àgō à ibεenɔ kenε a tinti ũ.

<sup>36</sup> Isarailino, àgō d̄s s̄ans̄an kè Yesu kè a à pà lían Ludaa diε Dii ũ, Mesaya ũ do.

<sup>37</sup> Kè aō yā p̄i mà, à n̄ swè z̄ò, ben aō Pita kōn z̄iri kpaano là wà bè: Gbēno, wé ke diamε?  
<sup>38</sup> Ben Pita bène: A baade n̄se lie à batisi ke kōn Yesu Kirisi tóo, a durunno é kēawa é Luda Nini sí gbaa ũ. <sup>39</sup> Zaake lé kè Ludaa gbē p̄i de a pó ũme kōn a n̄no kōn gbē kè aō kú z̄ano, gbē kè Dii wa Luda é n̄ sísi p̄ino n̄ p̄ngi. <sup>40</sup> À yā p̄andenɔ òne pari à n̄k̄oer̄mma à bè: À a z̄inda b̄o t̄oorigbē zaaa k̄eno té. <sup>41</sup> Ben gbē kè aō à yā p̄i s̄ino batisi kè. Z̄i beean wà kàara n̄ té ḡoɔn b̄oro aagō. <sup>42</sup> Aō làakari d̄o z̄irino yādannenaa kōn k̄ogbēkenao kōn Dii p̄oblenao kōn aduakeno.

### *Yesudeenɔ kuuna k̄o*

<sup>43</sup> Z̄iri p̄ino e sèeda kōn yāb̄onsaenɔ keε, ben v̄ia baade p̄ngi k̄u. <sup>44</sup> Dii náanekerino p̄ngi ḡali d̄nk̄oε. Pó kè aō v̄ino ḡō aō p̄ngi pó ũ. <sup>45</sup> Tó aō n̄ pó kè aō v̄ino yà, aō è à ɔ kpaatetek̄ne lán baade b̄ok̄te de nà. <sup>46</sup> Lán guu e d̄o nà aōḡō k̄o kaak̄o Luda ua, aōḡō pó blee k̄o be kōn p̄onnaao kōn n̄seo do. <sup>47</sup> Aōḡō Luda tó kpa, bensō aōḡō nna kōn baade p̄ngio. Dii ègō gbē kè ée n̄ mì siino kaara n̄ té lán guu e d̄o nà.

## 3

### *Gōgbē εε kēk̄ana*

<sup>1</sup> Z̄ikea Pita kōn Yohanao gàa Luda ua f̄aantē mò aagō aduakeguro. <sup>2</sup> Gōgbē kee kú gwe wà à i εε ũme. Lán guu e d̄o nà wè à sé wà mó wà à diε Luda ua ḡanu kè wè be Ḡanu Maaa guu. Gwen ègō baa keε gbē kè aōεe ḡεe ua p̄i guunɔa. <sup>3</sup> Kè à Pita kōn Yohanao è, aōεe m̄o ḡε Luda ua, ben à baa k̄em̄ma. <sup>4</sup> Aō w̄εe p̄ea, ben Pita bène: N̄ wa gwa kè. <sup>5</sup> Ben à w̄εe p̄em̄ma èe n̄ gba d̄aa. <sup>6</sup> Ben Pita bène: Má ɔ v̄iro, m̄de pó kè má v̄in mé n̄ gba. Kōn Yesu Kirisi Nazareti tóo n̄ f̄εe n̄ táa o. <sup>7</sup> Ben Pita à k̄u a ɔplaa à à f̄εe à zè. Gwe ḡo à gb̄alano kōn à k̄εsewaaz̄ino gb̄aa k̄u. <sup>8</sup> À v̄i à zè, ben à nà táa'onaa. À ḡēnyo Luda ua, èe táa oo èe v̄iv̄i èe Luda s̄áabu kpa. <sup>9</sup> Baade p̄ngi à è èe táa oo èe Luda s̄áabu kpa, <sup>10</sup> ben aō à d̄o baakeri kè ègō v̄εe Luda ua Ḡanu Maaan ũ, ben yā kè à à lè n̄ k̄u gb̄aa à b̄o n̄ saε.

### *Pita waazikena Luda ua*

<sup>11</sup> Lán à na Pita kōn Yohanao nà guu kè wè be Sulemanu gb̄adaan, ben baade p̄ngi e ḡεe n̄ kiia, zaake yā p̄i b̄o n̄ saεme. <sup>12</sup> Kè Pita gbēno è, à bène: Isarailino, b̄oȳanzin yā p̄i b̄o à saezi? B̄oȳanzin a w̄εe f̄if̄iwa lezi? Ée daa wa z̄inda gb̄aaa kesō wa ludaȳadana bé à tò gbē kè táa ò gwεε? <sup>13</sup> Wa dezi káakuno Ibrai kōn Isaakuo kōn Yakubuo Luda gwena kpà a z̄ikeri Yesua. Apino s̄o a à kpà gb̄adeenɔa a b̄o à kpεε Pilati kè zè kōn à gbareno aε. <sup>14</sup> A b̄o Luda gbē maaa kè à kú adona p̄i kpεε, ben a w̄εe kè Pilatia à gb̄ēderi gbareare. <sup>15</sup> A W̄endikpammari dè, ben Luda à f̄εe b̄ona gaan. À sèedadeenɔn wa ũ. <sup>16</sup> Yesunaanekena bé à tò gōgbē kè á à d̄o ée à gwaa kè k̄ek̄o Yesu tó gb̄aa ȳanzi. Yesunaanekena bé à à gb̄a aafia a p̄ngi wáa. <sup>17</sup> Tia ma gbēno, má d̄o kè apino kōn a gb̄adeenɔ yā kè á kè né w̄ésia ȳame.

<sup>18</sup> Luda d̀ annabinɔne aε, ben ā gĩake wà ò ní pínɡi k̀ Mɛsaya é wéetámma e, bens̄ à k̀ le. <sup>19</sup> Bee yānzi à ǹse lie à aε d̀ Ludaa, a durunnɔ é k̄awa, le à móare ǹsekpaena<sup>20</sup> à Yesu k̀ à gĩake à à diεare Mɛsaya ũu p̀ zĩawa. <sup>21</sup> Séde àḡ k̀ musu gĩa ai gurɔ k̀ Luda é p̀ pínɡi k̄ke à ke dufu, lán à dà a annabinɔne nà ā ò zaa káaku. <sup>22</sup> Musa bè, Dii a Luda é a gb̄ke sé annabi ũ lán a bà. À yā k̀ eé oaree ma pínɡi. <sup>23</sup> Gb̄ k̀ èe annabi p̀ yā ma s̄ro, Luda é adee b̀ a té à à de. <sup>24</sup> Annabi k̀ ā Luda yā ònɔ pínɡi naana Samuelia gurɔ k̀ k̀ki baaru kpà. <sup>25</sup> Yā k̀ annabi p̀nɔ ò k̄n Luda bà k̀ k̀ k̄n a dezi káakunɔ g̀ a p̀ ũ, lán à ò Ibraĩne nà à bè é aubarika da anduna bori pínɡin à borii gāzĩ. <sup>26</sup> K̀ Luda a zĩkeri p̀ diε, à à zĩawa káaku, le à aubarika daagu, à a baade kpεε li a yāzaakenanɔne.

## 4

### *Yákpækɛna k̄n Pitao k̄n Yohanao*

<sup>1</sup> K̀ Pita k̄n Yohanao e yā oo gb̄nɔne, sa'orinɔ k̄n Luda kpé dogari gb̄nsio k̄n Sadusinɔ ḡnzi. <sup>2</sup> Ā p̀ f̄, k̀ āe yā daa gb̄nɔne yānzi, āe ḡnɔ f̄ena Yesu guu kpàakpa k̄ε. <sup>3</sup> Ben ā ní k̀ ā ní dá kpésiaan ai guu d̀, zaake guu gĩake à s̀ k̀. <sup>4</sup> M̀de gb̄ pari k̀ ā ní yā m̀nɔ Yesu náane k̀ ai ā ḡgb̄nɔ pari k̀ à k̀ ḡnɔ b̀rɔ s̄oro taka.

<sup>5</sup> K̀ guu d̀, Yuda gb̄adeenɔ k̄n gb̄nsinɔ k̄n ludayádannerinɔ k̀k̄sa Yerusalemu. <sup>6</sup> Sa'oriki Anasa k̀ gwe k̄n Kayafao k̄n Yohanao k̄n Alɛsandao k̄n gb̄ k̀ ā de sa'oriki p̀ danε ũunɔ ní pínɡi. <sup>7</sup> Wà m̀ k̄n Pitao k̄n Yohanao gb̄adee p̀nɔ aε, ben wà ní lá wà bè: B́ gb̄aa ke dé t́n a beee k̀o? <sup>8</sup> Ben Luda Nini s̀ Pitaa à bèn̄ne: Gb̄adeenɔ k̄n gb̄nsinɔ, <sup>9</sup> lán ée wa lalaa gb̄a nà yā maa k̀ wá k̀ εrene yānzi, dian wá k̀ à k̀k̄sa nà, <sup>10</sup> am̄anɔ k̄n Isarailinɔ pínɡi àḡ d̄ k̀ gb̄ k̀ zena a aε k̀ aafia è k̄n Yesu Kirisi Nazareti k̀ a à p̀ lía Luda à f̄ε b̄na gaan t́ome. <sup>11</sup> Lemε gb̄ k̀ am̄a kpéborinɔ a p̄ kpàzi bé à g̀ kpé gooda gb̄ m̀dee ũ. <sup>12</sup> Gb̄ p̄nde kee kuu k̀ eé gb̄ m̀ síro, zaake anduna guu pínɡi Ludaa e gb̄ke diε gb̄nteenɔne à ní m̀ síro, séde àpi.

<sup>13</sup> K̀ ā Pita k̄n Yohanao k̀gb̄akeε è, bens̄ ā d̄ k̀ talaka wéesiadeenɔme ní ũ, à b̀ ní saε, ben ā d̄ sa k̀ ā gĩake wà k̀ k̄n Yesuome yā. <sup>14</sup> Lán ā gb̄ k̀ k̀k̄sana p̀ è zε nà ní saε, āe f̄ wà yāke ò d̀ro. <sup>15</sup> Ā bèn̄ne ā b̄e, ben ā lé kpàk̄s̄ <sup>16</sup> wà bè: Wé ke dia k̄n gb̄ p̀nɔ? Zaake Yerusalemudeenɔ d̄ pínɡi k̀ ā dabuyā b́ta k̀, wé f̄ wà g̀ beeziro. <sup>17</sup> Le yā p̀ tón dagula de k̀laro, wà kpàk̄nzi p̄s̄ip̄s̄i āton yā o gb̄kenε k̄n t́ p̀o d̀ro. <sup>18</sup> Ben ā ní sísi ā yā diεn̄ne k̀ āton yā o kes̄ ā yā dān̄ne k̄n Yesu t́oro p̄tipati. <sup>19</sup> Ben Pita k̄n Yohanao w̄nla wà bè: À gwa a z̄ndanε. A yān wé maś, ke Luda p̀? À kp̄ree bé à maa Ludane? <sup>20</sup> Zaake wé f̄ wà g̀ wà yā k̀ wá mà bens̄ wá è oziro. <sup>21</sup> Gb̄adee p̀nɔ èara wà v̄ia dàdānzi, ben ā ní gb̄aε. Āe wéetámmana zé ero, zaake baade pínɡi e Luda sáabu kpaa yā k̀ k̀ p̀ yānzi. <sup>22</sup> Gb̄ k̀ ā k̀k̄sana dabuyā beee k̀ne p̀ zii de w̄ε baplaala.

### *Yesudeenɔ k̀gb̄a wéekɛna*

<sup>23</sup> K̀ wà ní gb̄aε, ben ā tà ní gb̄nɔ kiia, ā òn̄ne lán sa'orikinɔ k̄n gb̄nsinɔ òn̄ne nà. <sup>24</sup> K̀ ā m̀, ā wii p̀ Ludazi ledole wà bè: Dii, m̀be n musu k̀ k̄n t̄t̄e k̄n ís̄iaa k̄n p̀ k̀ k̀ ní guunɔ pínɡi. <sup>25</sup> N̄ dà n zĩkeri wa dezi Daudane k̄n n Ninii gb̄aa, ben à bè: B́yānz̄in boriinɔ e z̄ka kaazi?

À k̀ dia w̄ε lé p̄a kp̄ak̄s̄?

<sup>26</sup> Anduna k̄inanɔ e z̄ soru k̄ε, kpatablerinɔ e kaak̄sa Diizi k̄n Kí k̀ à k̀o.

<sup>27</sup> Yápuraame, Her̄du k̄n P̄ntiu Pilatio k̄ k̀k̄sa wéte k̀ guu k̄n Isarailinɔ k̄n bori p̄andenɔ n zĩkeri k̀ k̀ adona Yesu k̀ ní k̀ k̀ ũu p̀zi. <sup>28</sup> Ā k̀ lán n gĩake n zεo nà n gb̄aa k̄n n p̄yezinao guu. <sup>29</sup> Tia sa Dii, n̄ yā p̄s̄i k̀ ā ò ma gwe. Wam̄wa n z̀blerinɔ, n̄

wa gba lé wà n yā o kōn kùgbāaa maamaa. <sup>30</sup> Ñ ɔ dawa le wà gbēnɔ kēkōa wà dabuyānɔ kōn yābɔnsaenɔ ke kōn n zīkeri kè kú adona Yesu tóo. <sup>31</sup> Kè aɔ adua kè wà yāa, guu kè aɔo kōkākōan nīgā, Luda Nini sùmma ń píngi, ben aɔ gāa wèe Luda yā ooñne kōn kùgbāaa.

### *Yesudeenɔ ǹsɛd̀nk̀k̀ena k̀so*

<sup>32</sup> Yesu náanekerinɔ laasuu d̀nk̀ɔ vī kōn ledoleo. Aɔ gbēke è be a pó kè á vīinɔ né a pómɛ adoro. Aɔ pó píngi né aɔ píngi pómɛ. <sup>33</sup> Luda z̀irinɔ e Dii Yesu fɛena gaan yā oo gbēnɔne kōn gbāa bítao. Aɔ Luda gbēke bíta è ń píngi. <sup>34</sup> Pókee e kēsā ń gbēkearo, zaake gbē kè aɔ bú ke kpé vīinɔ è yá wà mó kōn a ɔo <sup>35</sup> wà kpá z̀irinɔa, le aɔ kpá baadea lán à à bɔk̀ɔte de nà. <sup>36</sup> Levi bori Yusufu kè b̀ Sipiru b̀sun kú ń té. Luda z̀irinɔ tó kpàne Banaba. Tó pì bè Làakarikpaeri. <sup>37</sup> Á bú kè à vīi yà, ben à mò à a ɔo kpá z̀irinɔa.

## 5

### *Anania kōn Safirao*

<sup>1</sup> Gōgbē kè wè bene Anania kuu d̀ kōn a naɔ Safirao. A tɔɔte yà, <sup>2</sup> à à ɔo kokè kōn a naɔ d̀nao, ben à gāa à à kpaaa kpà z̀irinɔa. <sup>3</sup> Ben Pita bène: Anania, b̀yānzin ń tò Setān d̀nnɛ ae le sɛɛ? N n tɔɔte ɔo kokè, ben n egɛɛ tò Luda Nininɛ. <sup>4</sup> Gurɔo kè nɛe tɔɔte pì yáro, n pónloo? Kè ń yà s̀, lán ń yezi nà, né ke kōn à ɔoɔroo? À kè dia n yā beee kena laasuu d̀anguu? Èe ke gbēnteen n egɛɛ t̀nɛro, Ludan ń t̀nɛ. <sup>5</sup> Kè Anania yā pì mà, à lèe à gà. Ben vīa gbē kè aɔ yā pì màno kù maamaa. <sup>6</sup> Gōkparenɔ gè aɔ bisa dààla, ben aɔ à sè wà gāa wà à vīi.

<sup>7</sup> Kè à kà lán awa aagɔo bà, yáke mana sai à naɔ mò à gè. <sup>8</sup> Ben Pita à là à bè: Ñ omɛ, a tɔɔte pì yà lán kè bàn yó? À wèàla à bè: Eè, lemɛ. <sup>9</sup> Ben Pita bène: B̀yānzin a Luda Nini lè á gwàzi? Gbē kè aɔ n zā vīinɔ kú kpɛɛɛ, aɔé n sé wà b̀nyo se. <sup>10</sup> Gwe gɔo à lèe à ae, à gà. Kè gōkparenɔ gè, aɔo è à gà, ben aɔ à sè wà gāa wà à vīi a zā saɛ. <sup>11</sup> Ben vīa s̀si gbēnɔ kù maamaa ń píngi kōn gbē kè aɔ yā pì màno ń píngi.

### *Dabuyānɔ kōn yābɔnsaenɔ*

<sup>12</sup> Luda z̀irinɔ e dabuyā kōn yābɔnsaenɔ keɛ pari gbēnɔ té. Yesudeenɔ è kōkākōaa ke ledole Sulemanu gbàdaan. <sup>13</sup> Gbē pāndenɔ è we wà nām̄maro, m̀de baade píngi è ń t̀nnaa sí, <sup>14</sup> m̀de gbē parii kè aɔo Dii Yesu náanɛ keɛnɔ, gōgbēnɔ kōn nōgbēnɔ ń píngi, aɔègō kaara ń té. <sup>15</sup> Ben wà gyāreenɔ sèe kōn daebɔnɔ kōn gyāresɛbɔnɔ wà ń káe zén, le tó Pita e gētɛɛ, à ninii e à da ń gbēkenɔla yānzì. <sup>16</sup> Parii b̀ wéte kè kú Yerusalemu saenɔn wà mò kōn gyāreenɔ kōn gbē kè zīnɔo e ìa daam̄manɔ, ben aɔ kēkōa ń píngi.

### *Wétamma m̀na z̀irinɔne*

<sup>17</sup> Ben sa'oriki kōn Sadusi gāli gbē kè aɔo de à gbē ūunɔ fèe wà ǹsegōaano kpànyo. <sup>18</sup> Aɔ z̀irinɔ kùkù aɔ ń ká kpésiaan, <sup>19</sup> ben Dii malaika mò à kpé pì zé wèñne gwāavī à ń b̀e à bè: <sup>20</sup> À gá àgō kú Luda ua, à wèndi dufu pì yā o baade píngine. <sup>21</sup> Z̀irinɔ yā pì mà, ben aɔ gāa Luda ua kōngɔ ide'ide aɔo yā daañne.

Kè sa'oriki kōn a gbēnɔ fèe, aɔ Isaraili gbāadeenɔ kōn ń gbēnsinɔ kākōa, ben aɔ dogarinɔ zī aɔ gá z̀irinɔ b̀e kpésiaan aɔ m̀nyo. <sup>22</sup> Kè dogari pìnɔ kà gwe, aɔo ń e kpénlo. Ben aɔ èara wà tà wà bènnɛ: <sup>23</sup> Kè wa ka kpé pì kiia, wá è gbànɔo tatana gíngin a dākparinɔo kú kpɛɛɛ, m̀de kè wá wè, wée gbēke enlo. <sup>24</sup> Kè Luda ua dākparinɔ gbēnsi kōn sa'orikinɔ yā pì mà, aɔ bídi kè lán yā pì de nà. <sup>25</sup> Ben gbēke mò à bènnɛ: À ma! Gbē kè a ń ká kpésiaa guunɔo kú Luda ua aɔo yā daañne. <sup>26</sup> Ben Luda ua dākparinɔ kōn ń gbēnsio gāa wà ń kùkù wà s̀nyo yáketɛ sai, zaake aɔo vīa keɛ gbēnɔne, le aɔton ń pápa gbèoro yānzì.

<sup>27</sup> Kè aɔ s̀nyo, aɔ ń zé gbāadeenɔ ae, ben sa'oriki ń lála yāzi à bè: <sup>28</sup> Wa giare pátipati à yā dañne kōn tó pìo, ben á tò yā pì kpé e daa Yerusalemula píngi, bensō á yezi à gbē pì ga

yā diwaś? <sup>29</sup> Ben Pita kōn zĭri kpaaanŋ wēnla wà bè: Luda yā bé à kō sio wà ma de gbēntee pōla. <sup>30</sup> Wa dezinŋ Luda bé à Yesu kè a à lògo lía á dè pì fēe. <sup>31</sup> Luda à sè à v̄ēe a ɔplaazi Kíne Mísiri ũ, le à Isarailinŋ gba zé ā n̄s̄e lie, à n̄ durunnŋ kḗn̄ne. <sup>32</sup> Yā pìnŋ sèedadeenŋ wa ũ, wapinŋ kōn Luda Nini kè Luda è kpá gbē kè ās̄e a yā maanŋao.

<sup>33</sup> Kè ās̄e yā pì mà, ās̄e pŋ fēe maamaa, ben ās̄e yezi wà n̄ d̄ede. <sup>34</sup> Farisi kè wè ben̄e Gamalieli kú n̄ té. Ludayādannerime, baade pín̄gi è à tó nnaa sí. À fēe à zè à bè wà bŋ kōn gbē pìnŋo gīa. <sup>35</sup> Ben à bè́n̄ne: Isarailinŋ, à làakari ke yā kè á yezi à ke gbē pìnŋnea. <sup>36</sup> À gurŋ e gí kero kè Tuda fēe èe a zīnda dīe a ka. Wà t̄ezi lán gōn wàa plaaà bà. Kè wà à dè, ben à ìbanŋ f̄aakōa, ben yā yāa. <sup>37</sup> À gbera Galili gbē Yudasi fēe gbēnaroguro à gbēnŋ ḡaè à nàawa pari. À ḡa se, ben à ìbanŋ f̄aakōa n̄ pín̄gi. <sup>38</sup> M̄ēe ooare tia, àton gbē pìnŋ yā daro, à n̄ tó. Tó ās̄e pŋ yezi kōn n̄ yākenanŋ bŋ gbēntee kiame, eé m̄i de. <sup>39</sup> Tó à bŋ Luda kiame s̄ō, é f̄s̄ à kpá́n̄nero. À làakari ke zĭkana kōn Ludaozi. <sup>40</sup> Ās̄e à yā mà, ben ās̄e zĭrinŋ s̄isi ās̄e n̄ gbē. Ās̄e ḡín̄ne ās̄e yā o kōn Yesu t̄o, ben wà n̄ gb̄āe.

<sup>41</sup> Zĭrinŋ bŋ gb̄aadeenŋ kiia kōn pŋnnao, zaake ās̄e è wà kà kè wà wí dar̄ma Yesu t̄o yānzi. <sup>42</sup> Lán guu e dŋ nà ās̄e ḡō yā daán̄ne Luda ua guu kōn n̄ bēenŋo, ās̄e ḡō Yesu baaru nnaa kpaán̄ne kámmabosai, ās̄e be àmbe M̄esaya ũ.

## 6

### *Dŋn̄l̄eri ḡōn sw̄ēplaaanŋ dīena*

<sup>1</sup> Gurŋ beea kè Yesu ìbanŋ e kaara, ās̄e Girikiyāmarinŋ e yākete kaa ās̄e Eberuyāmarinŋzi wà bè, tó wèe pŋblee kpaatete lán guu e dŋ nà, wè p̄a kpá n̄ gyaanŋozime. <sup>2</sup> Ben zĭri ḡōn kuri aw̄ēplaaanŋ Yesudeenŋ s̄isi n̄ pín̄gi wà bè: À zé v̄i wà p̄a kpá Luda yāzi wà làakari dŋ pŋble kpaatetenaaro. <sup>3</sup> À ḡōgbēnŋ bŋ a té ḡōn sw̄ēplaa, gbē maaa kè òndŋ p̄ek̄ōr̄em̄ma kōn Luda Ninionŋ, le wà n̄ dīe zīi pì gbēnsinŋ ũ, <sup>4</sup> wé làakari dŋ aduak̄ena kōn Luda yā'onnenao. <sup>5</sup> Yā pì k̄ḗn̄ne n̄ pín̄gi, ben ās̄e Sitivī kè Luda Nini p̄ek̄ōr̄ea kōn ludanaanek̄ena sè kōn Filipio kōn Porokoruo kōn Nikanŋo kōn Timŋo kōn Pam̄ena kōn Antiŋku gbē Nikola kè Yudanŋ dŋnzize sè yāao. <sup>6</sup> Wà ḡaányo zĭrinŋ kiia, ben ās̄e adua k̄ḗn̄ne ās̄e k̄ḗm̄a.

<sup>7</sup> Luda yā e daagula, Yesu ìbanŋ e kaara Yerusalemu maamaa, ben sa'orinŋ Yesu yā s̄i paripari.

### *Sitivī kana*

<sup>8</sup> Luda aubarika kōn gb̄aao p̄ek̄ōr̄e Sitivīa, ben èe dabuyā kōn yābŋnsaenŋ kee gbēnŋo té. <sup>9</sup> Aduak̄ek̄pe kee kuu kè wè be w̄ē̄en̄enŋ aduak̄ek̄pe. Ās̄e gbēkenŋ bŋ Sir̄eni kōn Alesandario kōn Silisia b̄usuo kōn Asia b̄usuo. Ben ās̄e ìbete kpá kōn Sitivīo ās̄e leokpakōa k̄eo. <sup>10</sup> M̄ode ās̄e à f̄s̄ro òndŋ kè Luda Nini à gbà yānzi. <sup>11</sup> Ās̄e té kà gbēnŋ, ben gbē pìnŋ bè: Wá mà à bŋ Musa kōn Ludao yā kp̄e. <sup>12</sup> Ās̄e Yudanŋ kōn n̄ gbēnsinŋ kōn ludayādannerinŋ làakari fēe, ben ās̄e ḡaà wà Sitivī k̄ū, ās̄e ḡaao n̄ gb̄aadeenŋ kiia. <sup>13</sup> Ben ās̄e m̄ò kōn sèedade egēenŋ ās̄e bè: Gbē kè bé èḡō Luda kp̄é kōn à dokao zaa boo yāana sai. <sup>14</sup> Zaake wá mà à bè Yesu Nazareti é kp̄é pì kaate à wa f̄ēeakaarayā kè Musa dàwee lie sé. <sup>15</sup> Ben gb̄aadee kè ās̄e v̄ē̄ena gweenŋo w̄ēe p̄e Sitivīa n̄ pín̄gi, ās̄e è à uu de lán malaika uu bà.

## 7

### *Sitivī yā'ona gb̄aadeenŋe*

<sup>1</sup> Ben sa'oriki Sitivī là à bè: N yā pìnŋ ò yāpuran yŋ? <sup>2</sup> Ben à bè: Ma gbēnŋ kōn ma denŋ, à ma! Luda Gakuide bŋ à m̄ò wa dezi káaku Ìbraĩzi gurŋ kè à kú M̄esŋpŋtamia b̄usun, zaale à kp̄é à ḡa v̄ē̄e Arana. <sup>3</sup> À bè̄n̄e: N̄ bŋ n̄ b̄usun n̄ dan̄enŋo té n̄ tá b̄usu kè mé ɔd̄ann̄ēen. <sup>4</sup> Ben à bŋ Kaladia b̄usu pì guu à ḡaà à v̄ē̄e Arana. À de gaa gbera Luda s̄uo b̄usu kè á kún tiaa

kè pìn. <sup>5</sup> Ludaa e bùsu pì tɔɔtɛ ke kpáa baa kèse doro, mɔde à à lé gbène à bè eé gō à pó ũ kōn à boriino. Gurɔ beeeaa sō Ibraī né vīro. <sup>6</sup> Luda bène lán kè bà: N boriino é nibɔ ble bùsu pānden. Gwen aṣé zò blen, weé wée tāmma ai wè wàa plaa. <sup>7</sup> Luda bè é ĩa da borii kè aṣé zò bleñnenɔa, Ibraī borii pino é bɔe wà mɔ wà dɔnzi keare gura kè pìn. <sup>8</sup> Ben Luda bāngukena yā dà Ibraīne a bà kuunao sèeda ũ. Kè à Isaaku ì, à bāngu kène à gurɔ sɔraagōdee zī. Len Isaaku kè Yakubune le dɔ, ben Yakubu kè wa dezi káaku gōon kuri awēplaaanone le se dɔ. <sup>9</sup> Ben wa dezi káaku pino nòsegōaanɔ kpà kōn n gbēndo Yusufuo, aṣ à yà wà tào Iqipiti. Ludaa kúo <sup>10</sup> à à bò à nawēa píngi guu. Luda Yusufu pì gbà òndɔ à tò à nna kōn Iqipiti kí Fili'aunao, ben à à diē Iqipiti bùsu gbēnsi ũ kōn a be uao. <sup>11</sup> Ben dekaa kà Iqipiti kōn Kanaa bùsuo píngi. Nawēa kè bíta, wa dezi pino e póke e wà blèro. <sup>12</sup> Kè Yakubu mà pówē kú Iqipiti, à wa dezi pino zī gwe. Aṣ gana káakudeen gwe. <sup>13</sup> À gèn plaadeen Yusufu a zīnda òdɔa a vīnɔne, ben Fili'auna Yusufu danenɔ dɔ. <sup>14</sup> Ben Yusufu gbē zī a de Yakubua à mɔ kōn a danenɔ n píngi. Aṣ píngi gōon baaagō akuri asɔromē. <sup>15</sup> Ben Yakubu gāa Iqipiti. Gwen à gān kōn wa dezi pino n píngi. <sup>16</sup> Wà sù kōn n gēnɔ Sekemu, ben wà n vī gbèwēe kè Ibraī lù mira ũ guu Amɔ nēnɔa à fīa bònne kōn kondogio.

<sup>17</sup> Kè lé kè Ludaa gbē Ibraīne gurɔ kà kī à papa, wa borii pari kú à kàara Iqipiti maamaa. <sup>18</sup> Ben kí dufu kè Yusufu dōroo kpata blè Iqipiti. <sup>19</sup> À pāsī kōn wa boriio à wēe tà wa dezinɔa, à tò aṣ n nēnɔ kwè aṣ gāga. <sup>20</sup> Gurɔ beeean wà Musa ì à àisi maa. Wà à gwà a de be mɔ aagōmē. <sup>21</sup> Kè wà à zīna, ben Fili'auna nēnɔgbē à sè à à gwà a zīnda né ũ. <sup>22</sup> Wà Iqipitino òndɔ dà Musane píngi, à gō gbēnsi ũ yā'ona guu kōn yākenao.

<sup>23</sup> Kè à kà wè baplaa, à dà a nòse guu à gá a Isaraili daanɔ gwa. <sup>24</sup> Kè à è Iqipiti gbē e ĩa daa a gbē mèn dooa, ben à yā sī kōn a gbēo à gēe bòa à à dè. <sup>25</sup> Kè Ludaa yezi à a gbēnɔ mì sí à gāzī, èe daa aṣ dōmē, mɔde aṣ dōro. <sup>26</sup> Kè guu dɔ, Isaraili gōon plaaanɔ e swēe kee, ben a mò à n yókōa à agbaa kpānne à bè: Ma gbēnɔ, à kè dia ée ĩa daakōa kō tēe? <sup>27</sup> Ben gbē kè èe ĩa daa a gbēndooa yīpa Musazi à bè: Dé bé à n ke kí yāgōgōri ũwee? <sup>28</sup> N yezi n ma de lán n Iqipiti gbē dè nà gīan yó? <sup>29</sup> Kè Musa yā pì mà, à bàa lè à tà Midiā bùsun. Gwen à négōgbēnɔ ìn gōon plaa.

<sup>30</sup> Wè baplaaa gberan malaika bò à m̀zi gbáan Sinai kpīii sae gyanto té guu. <sup>31</sup> Kè Musa dabuyā beee è, à bò à sae. Kè à s̀zi à gwa, à Dii kòto mà à bè: <sup>32</sup> Mámbe n dezinɔ Ibraī kōn Isaakuo kōn Yakubuo Luda ũ. Vīa Musa kù èe lugalugaa, èe fō à wēe sè à gwàro. <sup>33</sup> Ben Dii bène: N n kyatee bɔbɔ, zaake guu kè n zen kú adoname. <sup>34</sup> Ma wētāmma kè wèe mɔɔ ma gbē kè aṣ kú Iqipitino è sānsān ma n m̀bona mà, ben ma mɔ mà n mì sí. Mé n zī Iqipiti sa. <sup>35</sup> Musa kè aṣ gīne yā wà bè, dé bé à à kè kí yāgōgōri ũnne pìn Luda yā òne malaika kè bò à m̀zi gyanto guu gāzī, à à zī kína kè eé n gbare ũ. <sup>36</sup> Àmbe à b̀nyo à yābɔnsaenɔ kōn dabuyānɔ kè Iqipiti kōn Isia Tēaa kōn gbáa guuo wè baplaa. <sup>37</sup> Musa pì bé à bè Isarailino, Luda é n gbēke sé annabi ũ lán a bà. <sup>38</sup> Musa pì kú kōn gbē kè aṣ kakōana pino gbáan, à kú gwe kōn wa dezinɔ kōn malaika kè yā òne Sinai kpīii musuo. Àmbe à yā wèndideenɔ sī à kpáwa.

<sup>39</sup> Wa dezinɔ e à yā maro, ben aṣ gīzi aṣ laasuu èara à tà Iqipiti. <sup>40</sup> Aṣ bè Arunanē: N taa kenɔ kewe aṣ dɔwe ae, zaake Musa kè wa bɔe Iqipiti, wá dō yā kè à à lèro. <sup>41</sup> Gurɔ beeean aṣ taa pì lán zùswarene b̀ro bà, ben aṣ saa òa aṣ zībaa kè pó kè aṣ kè n zīdanē pì yā musu. <sup>42</sup> Ben Luda kpēe līnne à tò aṣ dɔnzi kè ludambe pónne lán wà kè annabinɔ takada guu nà wà bè:

Isarailino, èe ke mámbe a saa òma gbáan wè baplaaro.

<sup>43</sup> Taa Moleki bisa kutaan á sena kōn sɔsɔne taa Refā kè a zeo takao. Dii kè á pì a dɔnzi kènnenɔ yānzìn

mé tó wà táao Babilŏnu k̄aa kpa.

<sup>44</sup> Wa dezinŏ Luda bà kuunańyo kutaa vĭ gbáan. Luda à taka òdŏa Musane, ben wà kè lán Luda òne nà. <sup>45</sup> Kutaa pì gŏ Yŏsuanē kŏn wa dezinŏ, ben aŏ mò wà bori pānde kè Luda pèrĭmańnenŏ bŭsu sĭm̄ma. Kutaa pì kú gwe ai Dauda gurŏ. <sup>46</sup> Dauda pì nna kŏn Ludao, ben à wée k̄ea lē à e à kpé bo Yakubu Ludane. <sup>47</sup> Sulemanu bé à kpé pì bŏne. <sup>48</sup> Mŏde Luda Musude ègŏ kú kpé kè gbēnteenŏ bŏ guuro, lán annabi ò nà:

<sup>49</sup> Dii bè:

Musu né ma kĭblekitame,

tŏtē né ma tintime.

Kpé kparee takan é bomēe?

Mákp̄an ma pitakii kún?

<sup>50</sup> Mámbe ma pŏ píngi kèroo?

<sup>51</sup> Ludayādarisainŏn a ũ! A nŏse wēnaro! A swā gbāame! Ègŏ gii Luda Ninizi, ègŏ kee lán a dezinŏ bà. <sup>52</sup> Annabi kpareen a dezinŏ gĭ wée t̄azi? Aŏ gbē kè aŏ gĭake wà Gbē Maa mŏna yā ò pĭnŏ dēde. Adeē pĭn a bŏ à kpēe a à dē sa. <sup>53</sup> A doka kè malaikanŏ sŭo sĭ, mŏde ée zĭi ke à yāaro.

### *Sitivĭ papana gbèo*

<sup>54</sup> Kè aŏ yā pì mà aŏ pŏ fēzi, aŏ swaa sòzi. <sup>55</sup> Ben Luda Nini dĭ Sitivĭa à wée pè ludambēea, ben à Luda gakui è kŏn Yesuo zena à ŏplaazi. <sup>56</sup> Ben à bè: À ma! Ma ludambēe è wēna, Gbēntee Né zena Luda ŏplaazi. <sup>57</sup> Ben aŏ ŏ tàta n̄ swāle aŏ wii gbāaa lè, ben aŏ kŭsia lēdole. <sup>58</sup> Aŏ à gāe wà bŏo wéte kpēe, ben aŏŏe à pápaa gbèo lē wà à dē. Aŏ n̄ uta ìsinŏ bŏ wà kàe òwazi kè wè bene Solu sae. <sup>59</sup> Kè aŏŏe Sitivĭ pápaa gbèo lē, à adua kè à bè: Dii Yesu, n̄ ma ninii sí. <sup>60</sup> Ben à kŭe à wii gbāaa lè à bè: Dii, n̄ton n̄ durun kèkii daro. Yā beee ona gbēran à gā.

## 8

<sup>1</sup> Solu kú gbē kè aŏ Sitivĭ dēnŏ kpēe.

### *Solu wétāmma mŏna Yesudeenŏne*

Zĭ beeean wà nà wétāna sŏsi gbē kè aŏŏ kú Yerusalemunŏa maamaa. Zĭrinŏ baasi, aŏ fāakŏa n̄ píngi Yudea kŏn Samaria bŭsunŏ guu. <sup>2</sup> Ludayādari kenŏ Sitivĭ vĭi aŏ à gè ŏŏ dŏ kŏn wii gbāaa. <sup>3</sup> Ben Solu aĭa kè kŏn sŏsi gbēnŏ kaatenao. Ègŏ gēe ua kŏn uao àgŏ gŏgbēnŏ kŏn nŏgbēnŏ kŭkŭu àgŏ n̄ gáe à gā à n̄ ká kpésiaan.

### *Baarunnakpana Samaria bŭsun*

<sup>4</sup> Gbē kè aŏ fāakŏaano gāa wà Yesu baaru kpà gu sānda píngin. <sup>5</sup> Filipi gāa Samaria bŭsu wéte ken, ben à Mēsaya waazi kēńne. <sup>6</sup> Kè gbēnŏ Filipi yā mà, bensŏ aŏ dabuyā kè à kēnŏ è, aŏ làakari dŏ yā kè èe ooa kŏn nŏseŏ do. <sup>7</sup> Zaake gbē kè aŏ zĭnŏ gŏrĭmma kŏn wii gbāaaonŏŏ pari, bensŏ gbē kŏŏkŭnanŏ kŏn erenŏ kèkŏa pari. <sup>8</sup> Ben wà pŏnnaa kè maamaa wéte pì guu.

<sup>9</sup> Gŏgbē kee kú gwe zaa zi wè bene Simŏ. Ègŏ dabuyā kee à bŏ Samariadeenŏ sae, ben à a zĭnda dĭe gbē bēedeē ũ. <sup>10</sup> Né fēte gbēnsi píngi è làakari dŏ à yāa aŏ be: Gbē pì né gbē kè wè bene Luda Gbāabitadeeme. <sup>11</sup> Dabuyā kè ègŏ kee n̄ té zaa gĭkena n̄ kŭ gbāa. <sup>12</sup> Mŏde kè aŏ kpata kè bŏ Luda kiia baaru kè Filipi kpāńne kŏn Yesu Kirisi tŏo mà, aŏŏ sĭ, ben aŏ batisi kè gŏgbēnŏ kŏn nŏgbēnŏ n̄ píngi. <sup>13</sup> Baa Simŏ yā pì sĭ à batisi kè, ben à nà Filipia. Kè à dabuyā kŏn gbāa yā bita kè Filipi e keenŏ è, yā pĭnŏ bŏ à sae.

<sup>14</sup> Kè zĭrinŏŏ mà zaa Yerusalemu Samariadeenŏ Luda yā sĭ, aŏ Pita kŏn Yohanao zĭrĭmma. <sup>15</sup> Kè aŏ kà gwe, aŏ adua kēńne lē aŏ Luda Nini e yāanzi. <sup>16</sup> Wà n̄ batisi kè yā kŏn Dii Yesu tŏo, mŏde Luda Ninii e di aŏ gbēkearo. <sup>17</sup> Kè aŏ ŏ kēńma, ben aŏ Luda Nini è sa. <sup>18</sup> Kè Simŏ è aŏ Luda Nini è kŏn zĭrinŏ ŏnammanao, ben à mŏńne ŏŏŏ <sup>19</sup> à bè: À ma gba gbāaa pì se, lē gbē kè ma ŏ k̄ea é Luda Nini e. <sup>20</sup> Ben Pita bène: N ŏŏ kaatenyo, zaake nēe daa né ludangbaa



lú kōn ɔɔomε. <sup>21</sup> N ɔɔ kú zīi pì guuro, n baka kú à guuro, zaake n nòse maa Ludanero. <sup>22</sup> N̄ kpeε li n yā zaaa pìne n̄ adua ke Diia, ke eé sùu kenyo kōn n laasuu beee takao gwεε? <sup>23</sup> Zaake má è kè sεwεε kāsāa kú n guu, durun bà kànne. <sup>24</sup> Ben Simɔ bè: À adua kemε Diia le yā kè á ò ke tón ma lero yānzi.

<sup>25</sup> Kè Pita kōn Yohanao Dii sèeda kè aɔ à yā dàinne, ben aɔ èara aɔɔe taa Yerusalemu, aɔɔe baaru nnaa kpāa Samaria lakutunɔ guu pari.

### *Filipi kōn Etiopia gbāade keo*

<sup>26</sup> Dii malaika yā ò Filipine à bè: N̄ fεε n̄ gá sɔɔmete kpa. N̄ zé kè bò Yerusalemu à gāa Gaza sé, zé kè bòde gbāan. <sup>27</sup> Ben à dà zén. Etiopia gbēkee té zé pìn. Etiopia bùsu kína kè de nɔgbē ũu kè wè bene Kandase begwarimε, à auziki dākparinɔ gbēnsimε. À mò à dɔnzi kè Yerusalemu, <sup>28</sup> ben à liara èe taa v̄ena a s̄goro guu, èe annabi Isaya takada kyó keε. <sup>29</sup> Ben Luda Nini bè Filipine: N̄ gá n̄ s̄ s̄goro kèkāazi. <sup>30</sup> Ben Filipi bàa lè à gāa. À mà èe annabi Isaya takada kyó keε, ben à à là à bè: N̄ kyó kè n̄ee keε bok̄ote d̄s̄? <sup>31</sup> À wèala à bè: Tó gbēkee e à bok̄otemero, mé f̄ mà à d̄rɔ d̄s̄? Ben à Filipi sisi à gè à v̄ε à saε. <sup>32</sup> Yā kè èe à kyó keε pìn yè:

Lán s̄aa kè wèe gaa à kòto kpá bà,  
lán s̄ane b̄rɔ kè wèe à k̄a k̄ε bà,  
à ȳite kp̄ε èe lé w̄k̄aro.

<sup>33</sup> Wà wí dàa,  
wèe yākpae keo a zéaro.

Dé bé eé f̄ à à gurɔ gbēnɔ yā oo?

Zaake wà à wèndi bò anduna guu.

<sup>34</sup> Ben ḡgbē pì bè Filipine: N̄ omε, dé musun annabi yā beee ò s̄ɔ? À zīndan yó ke gbē pāndemε? <sup>35</sup> Naana Luda yā p̄ia Filipi Yesu baaru nnaa kp̄ane. <sup>36</sup> Kè aɔɔe gaa aε, aɔ kà í kiia, ben ḡgbē pì bè: N̄ í gwa kè. Bó bé eé kp̄ame mà batisi keε? <sup>37</sup> Ben Filipi bène: Tó n yā pì sì kōn nòseo do, né f̄. À wèala à bè: Má sì kè Yesu Kirisi né Luda Néme. <sup>38</sup> Ben à bè wà goro ze. Ben aɔ plaa n̄ p̄ingi aɔ p̄ita wà gè ín. Ben à à batisi kè. <sup>39</sup> Kè aɔ bik̄u baa, ben Dii Nini Filipi kp̄a guuzi, ḡgbē pì e à e d̄oro, ben p̄onnaa guu à gè zéla. <sup>40</sup> Filipi a zīnda è ze Azotu, ben à gāa à Yesu baaru nnaa kp̄a wéte kōn wéteo ai à gāa à kào Sizarea.

## 9

### *Yesu b̄o à m̄na Soluzi (Zīr 22:6-16, 26:12-18)*

<sup>1</sup> Gurɔ beea s̄o Solu e p̄o b̄o a ȳin, èe yā p̄as̄i oo Dii ibanɔ d̄edena yā musu. À gāa sa'oriki kiia, <sup>2</sup> à gbèkaa à takada k̄e Damasiku aduakekp̄edeenɔne à kp̄aawa, le tó à zé pì deenɔ è gwe, ḡgbēnɔ kōn nɔgbēnɔ n̄ p̄ingi, eé n̄ k̄k̄ū à sūnyo Yerusalemu. <sup>3</sup> Kè à dà zén, èe gaa à kà k̄i kōn Damasikuo, ben k̄ando gupuraa b̄o ludambe à damala. <sup>4</sup> À b̄o à lèe, ben à kòto mà à bène: Solu, Solu, bó bé à tò n̄ee w̄εe tāamaa? <sup>5</sup> Ben à bè: Dén n̄ ũu, Dii? Ben à wèala à bè: Mámbe Yesu kè n̄ee w̄εe tāaa ũ. <sup>6</sup> N̄ fεε n̄ ḡe wéte guu, weé onne yā kè né ke. <sup>7</sup> Gbē kè aɔɔe gaa l̄doonɔ ḡò s̄āii. Aɔ kòto pì mà, m̄ode aɔɔe gbēke ero. <sup>8</sup> Kè Solu f̄εε, à a w̄εe w̄è, ben èe guu ero. Ben wà à k̄ū a ɔɔa wà gāao Damasiku. <sup>9</sup> À kè gurɔ aaḡo gu'ena sai, èe p̄o b̄lero èe í miro.

<sup>10</sup> Yesude kee kú Damasiku kè wè bene Anania. Dii yā òne w̄εegupu'ena guu à bè: Anania. Ben à wèala à bè: Maε kè, Dii. <sup>11</sup> Ben Dii bène: N̄ fεε n̄ da zé kè wè be Súusun ai Yudasi bε ua n̄ Taasu gbē kè wè bene Solu gbeka. Èe adua keε gwe. <sup>12</sup> W̄εegupu'ena guu à n̄ e, n̄ m̄o n̄ ɔ k̄ea le à guu e. <sup>13</sup> Ben Anania bène: Dii, má mà wà gbē pì yā ò pari, lán à yā zaaa kè n̄ gbē kè aɔɔ kú Yerusalemunɔne n̄a. <sup>14</sup> Sa'orikinɔ à gbà zé à gbē kè aɔɔe n̄ sisii

gura kènɔ kŭkŭ. Beee yānzin à m̀zi. <sup>15</sup> Ben Dii bènɛ: N̄ gá, zaake ma gbē pì sè à gá ma tó bɔ bori pāndenɔne kōn n̄ kīnanɔ kōn Isarailinɔome. <sup>16</sup> Lán eé wéetamma e ma tó yānzi nà mé ɔɔane. <sup>17</sup> Ben Anania b̀ à g̀a à g̀e ua pìn, à ɔ kè Solua à bè: Solu ma gbē, Dii Yesu kè b̀ à m̀nzi zén gurɔɔ kè n̄e m̀ɔɔ kè, àmbe à ma zī le n̄ guu e Luda Nini summa yānzi. <sup>18</sup> Gwe g̀ɔ p̀ b̀e à w̄eɛn lán kp̀t̄eɛ bà āɔ l̄e, ben à guu è. Ben à f̄e à batisi kè. <sup>19</sup> Kè à p̀ blè, à gb̄aa è.

### *Solu waazikena zaa Damasiku*

Solu gurɔplaa kè kōn Damasiku Yesudeenɔ, <sup>20</sup> ben à nà Yesu yā waazikena g̀ɔ Yudanɔ aduakekp̄enɔ guu, à bè Yesu né Luda Némɛ. <sup>21</sup> Yā p̀ b̀ gbē kè āɔ m̀nɔ sae āɔ b̀: Gbē beee bé è gbē p̀ s̄isirinɔ ásarɔ k̄e Yerusalemuroo? Àmbe èe m̀ɔ kè à n̄ kŭkŭ à tányo sa'orikinɔ kiiaroo? <sup>22</sup> Solu s̄ gb̄aa èg̀ kaara, ben à yā Yuda kè āɔ kú Damasikunɔ f̀ à ɔɔān̄e kè Yesu né Mesayamɛ.

<sup>23</sup> Gurɔ plaaa gb̄era Yudanɔ lé kp̀k̄s̄s̄zi āɔ à de, <sup>24</sup> ben à n̄ lékp̀k̄s̄s̄naazii p̀ mà. Āɔe w̄eɛ b̄iilenɔ dákp̄aa f̄aant̄e kōn gw̄av̄iɔ le wà à de yānzi. <sup>25</sup> Gw̄av̄in̄ Solu gb̄enɔ à dà gb̄in̄ wà à gb̄are kōn bào bàazi b̀na b̄i musu.

### *Solu waazikena zaa Yerusalemu*

<sup>26</sup> Kè à kà Yerusalemu, à w̄eɛ à na Yesudeenɔa, ben āɔ v̄ia kènɛ n̄ p̄ngi, āɔe à Yesudeke w̄eɛ síro. <sup>27</sup> Ben Banaba à sè à g̀ao z̄irinɔ kiia, à gb̄ān̄e lán Solu Dii è zén nà kōn yā kè Dii òneɔ kōn lán à Yesu yā ò gupuraa nà zaa Damasikuo. <sup>28</sup> Ben Solu g̀e n̄ té à ligānyo Yerusalemu à yā ò gb̄enɔne kōn Dii t̄o gupuraa. <sup>29</sup> Kè à yā ò Yuda Girikiyāmarinɔne à leokpak̄a k̄enyoyo, ben āɔe w̄eɛ wà à de. <sup>30</sup> Kè à gb̄enɔɔ d̄s̄, āɔ g̀a wà z̄ene Sizarea, ben à tà Taasu.

<sup>31</sup> Beee gb̄era s̄osi kè kú Yudea kōn Galilio kōn Samaria b̀suo kuu aafia p̄ngi. Āɔe gb̄aa k̄u w̄e gaa āe v̄iakena Diine guu, āɔe kaara kè Luda Nini n̄ làakari kp̄ān̄e yānzi.

### *Ainea k̄ek̄ana*

<sup>32</sup> Pita è lili o w̄eɛ kōn w̄eɛo p̄ngi, ben à g̀a Luda gbē kè āɔ kú Lidano gwa. <sup>33</sup> À g̀gbē kè wè benɛ Ainea è gwe, à k̄ɔ k̄u kaena w̄e s̄raaḡs̄. <sup>34</sup> Ben Pita bènɛ: Ainea, Yesu Kirisi n̄ k̄ek̄a. N̄ f̄e n̄ n̄ p̄e koko. Ben à f̄e g̀ɔ. <sup>35</sup> Lidadeenɔ kōn Sarɔnudeenɔ à è, ben āɔ l̄e wà āe d̀ Diia.

### *Tabita f̄ena gaan*

<sup>36</sup> N̄gbē Yesude kee kú Yɔpa à t̄on Tabita, kōn Giriki yāo s̄ D̄okasi. Tó p̀ bè z̄s̄. Yā maa k̄ena p̄k̄r̄ea, bens̄ à takaasideenɔ w̄enda d̄s̄. <sup>37</sup> Gurɔ beean à gyāa kè à g̀a. Kè wà à zú ò, wà à sè wà dàe kp̄e musu guu. <sup>38</sup> Yɔpa s̄ɔ z̄à kōn Lidaoro. Kè Yesudeenɔɔ mà Pita kú gwe, āɔ n̄ g̀ɔn̄ plaaanɔ z̄ia āɔ w̄eɛ k̄ea wà bè: N̄ m̀ɔ wa kiia kpakpaa. <sup>39</sup> Ben Pita f̄e à g̀ānyo. Kè à kà, wà didio kp̄e p̀ musu. Ben gyaanɔn̄ s̄zi n̄ p̄ngi kōn s̄ɔ d̄ɔɔo, āɔ uta kōn p̄k̄as̄aa kè Tabita kè gurɔɔ kè à kp̄e kúnyonɔ ɔɔane. <sup>40</sup> Pita p̄m̄ma à n̄ b̄ɔe bàazi. À k̄u à adua kè, ben à āe d̀ g̀e p̄ia à bè: Tabita, n̄ f̄e. Kè à w̄eɛ w̄e, à Pita è, ben à f̄e à v̄e. <sup>41</sup> Pita à k̄u āɔ ā à f̄e à à z̄e. Ben à Luda gbē p̄inɔ s̄isi kōn gyaanɔn̄, ben à à kp̄am̄ma b̄e. <sup>42</sup> Yā p̀ dà Yɔpala p̄ngi, ben wà Dii náane kè gwe pari. <sup>43</sup> Pita gurɔplaa kè gwe zaa Simɔ Āa b̄e.

## 10

### *Pita kōn K̄neliuo*

<sup>1</sup> Gb̄eke kú Sizarea à t̄on K̄neliu. Àmbe soza ḡali kè wè be Itali ḡali gb̄ensi ũ. <sup>2</sup> Gbē p̀ né ludayādarimɛ, èg̀ Luda v̄ia v̄i, àpi kōn a b̄edeenɔ n̄ p̄ngi. È gba da maamaa, bens̄ èg̀ adua k̄e ḡen̄ baaaḡs̄. <sup>3</sup> Z̄ikea f̄aant̄e m̀ aaḡs̄ à Luda malaika è t̄t̄t̄t̄e w̄e gupu guu, à g̀e a b̄e à bène: K̄neliu. <sup>4</sup> Ben K̄neliu w̄e b̄ia kōn v̄iao, ben à bè: B̄óm̄e, Dii? À w̄eàla à bè: N̄ aduakena kōn n̄ gbadana gb̄enɔneɔ kà Luda kiia, ben à sì. <sup>5</sup> N̄ gb̄enɔ z̄i Yɔpa sa, le āɔ Simɔ

kè wè benε Pita sísi. <sup>6</sup> À pìta gbē kè wè benε Simŏ Āa be. À beε kú ísia léa. <sup>7</sup> Kè malaika pì tà, Kŏneliu a zĭkeri gŏŏn plaa kenŏ sisi kŏn soza ludayādari kè nazio. <sup>8</sup> Kè à yā pì tŏkēñne píngi, ben à n zĭ Yŏpa.

<sup>9</sup> Kè guu dŏ, ben aŏ dà zén aŏ kà kĭi kŏn wéte pìo. Gurŏ beea kè ɔfántē kà mĭdangura, Pita dĭ kpé musu le à adua ke. <sup>10</sup> Nŏaa e a deε à yezi à pŏ ble, ben gurŏ kè wèe pŏblee keε à wéegupu è. <sup>11</sup> À ludambeε è wēkŏana, pŏkee e pitaa lán bisa bíta bà. Bà dŏdŏna a gētēε mèn siigŏŏna píngi, èe suu gĭzĭ. <sup>12</sup> Pŏ bori píngi kú à guu, nŏbŏnŏ kŏn pŏtaa'onkuseano kŏn baano. <sup>13</sup> Ben wà bène: Pita, n fεε n de n só. <sup>14</sup> Ben Pita bè: Agya Dii. Méε tē pŏ ke pŏ gbāsĭ ble zikiro. <sup>15</sup> Ben à kŏto pì mà à gèn plaadeeo dŏ wà bè: Pŏ kè Luda bè à zēna, nton à tē boro. <sup>16</sup> À kè le gèn aagŏ, ben kāndo wà pŏ pì gà wà tào ludambe.

<sup>17</sup> Pita e bídi keε wéegupu kè à è pĭa, ben Kŏneliu zĭri kè aŏ Simŏ beε gbèkano kà gŏ, aŏ zena gānulea. <sup>18</sup> Aŏ lé zù wà gbèka tŏ gwen Simŏ kè wè benε Pita pĭtan. <sup>19</sup> Ai tia Pita e laasuu leε wéegupu kè à èa, ben Luda Nini bène: Gŏŏn aagŏŏŏ e n gbekaa. <sup>20</sup> N pita n gányo seka sai, zaake māmbe ma n zĭmma. <sup>21</sup> Ben Pita pĭta à gāa gbē pĭnŏ kiia à bè: Māmbe gbē kè ée gbekaa ũ. Bŏyānzĭn a mŏ kēzi? <sup>22</sup> Aŏ bè: Sozano gbēnsi Kŏneliu bé à wa zĭ. Gbē maaame, à Luda vĭa vĭ. Yudanŏ píngi è à tŏ nnaa sí. Luda malaika bène à n sísi n mŏ a be le à n yā ma. <sup>23</sup> Ben Pita gēnyo ua à n yāari kè.

Kè guu dŏ, à fεε à dànyo zén. Yŏpa Yesude kenŏ gāao ledŏ. <sup>24</sup> À gurŏ aagŏdeen aŏ kà Sizarea. Kŏneliu a danenŏ kŏn a gbēna fēfēnŏ kākŏa èe n dāa. <sup>25</sup> Kè Pita gē ua, ben Kŏneliu gāa à dààle à kùe à aezi. <sup>26</sup> Ben Pita à fεε à bè: N fεε n ze. Gbēnteen ma ũ se. <sup>27</sup> Èe yā ooo ai aŏ gāa wà gēo kpén, ben à gbēnŏ lè kakŏana gwe paripari. <sup>28</sup> À bèñne: Á dŏ kè Yudanŏ zé vĭ aŏ yākŏte kŏn bori pāndeŏ ai aŏ gē n uaro. Mŏde Ludaa òdŏame mātŏn gbēke gbāsĭ gwa ke mà à tē boro. <sup>29</sup> Beee yānzi kè wà ma sisi, ma mŏ seka sai. Má yezi mà yā kè a ma sisia ma sa. <sup>30</sup> Ben Kŏneliu bè: À gurŏ siigŏdeen yè, kè méε adua keε ma be ɔfántē mŏ aagŏ mŏndaa'i. Ben kāndo ma gbēke è zena ma ae à pŏkāsāa kè èe té keε dana <sup>31</sup> à bè: Kŏneliu, Luda n aduakena sì, n gbadana kàne. <sup>32</sup> N gbēnŏ zĭ Yŏpa Simŏ kè wè benε Pita sísi. À pĭta Simŏ Āa be zaa ísia léa. <sup>33</sup> Ben ma gbēnŏ zĭmma gŏ. Lán n mŏ nà à kè maa. Tia sa wa píngi wá kú kè Luda dŏna guu, le wà yā kè Dii ònne n owee ma yānzi.

### *Pitayá'onaa*

<sup>34</sup> Pita nà yā'onaa à bè: Má sì yāpura sa kè Luda è gbēke wéε gwaro. <sup>35</sup> Bori sānda píngi té gbē kè èe vĭa keεne, bensŏ è yā maaa keε, adee yā bé è káne. <sup>36</sup> N lékpāsā kè Ludaa kè Isarailinŏne dŏ, à kēnaao nna Yesu Kirisi gāzĭ baaru nnaa kpāñne. Àmbe bori sānda píngi Dii ũ. <sup>37</sup> Á yā kè kè Yudea gu sānda píngi dŏ, lán à nàa nà zaa Galili Yaaya waazikena batisikena yā musu gbera. <sup>38</sup> Á dŏ lán Luda a Ninii pĭsi Yesu Nazaretia nà, ben à kú kŏn gbāaaŏ à gāa wéte kŏn wéteŏ, à yā maaa kēñne à gbē kè Ibilisi n gāsā fĭñne n kpεenŏ kēkŏa, zaake Ludaa kúo. <sup>39</sup> Wámbe yā kè kè Yudea bŏsun kŏn Yerusalemuo píngi sēedadeeno ũ. Wà à lògo lía wà à dè, <sup>40</sup> ben Luda à fεε bŏna gaan à gurŏ aagŏdee zĭ à tŏ à a zĭnda òdŏawe. <sup>41</sup> Èe ke gbē sānda píngi bé à à èro, sé wamŏwa kè Luda gĭake à wa se à sēedadee ũunŏ. À fεena gaan gbera wa pŏ blè wa í mìo. <sup>42</sup> Ben à diewe wà waazi ke gbēnŏne wà oñne kè ambe gbē kè Ludaa diε gbē bēenŏ kŏn gèwāadeeno píngi yākpaekeri ũ. <sup>43</sup> Annabinŏ píngi à yā ò aŏ bè gbē kè aŏ à náane kēnŏ durunnŏ é kēmĭma à tŏ gāzĭ.

### *Luda Nini pitana bori pāndenŏ*

<sup>44</sup> Gurŏ kè Pita kpé èe yā pì oŏñne, Luda Nini pĭta gbē kè aŏe yā pì maano n píngi. <sup>45</sup> Yā pì bŏ Yuda Yesudee kè aŏ mŏ kŏn Pitaonŏ saε, kè baa bori pāndenŏn Luda a Ninii pĭsirĭmma gbaa ũ yānzi. <sup>46</sup> Zaake aŏ mà aŏe yāke borii oo aŏe Luda yābŏnsae kenano oo. Ben Pita

bè: <sup>47</sup> Gbē pìno Luda Nini è lán wa bà. Dé bé é f̄s à gínne ní batisikenazi? <sup>48</sup> Ben à bè wà batisi kèíne k̄n Yesu Kirisi t̄o. Ben ās wéé kèa à gur̄plaa kènyo.

## 11

### *Pita bori pānden̄o yā gbāna Yuda Yesudeen̄e*

<sup>1</sup> Z̄irin̄o k̄n Yesudee kè ās kú Yudean̄o mà lán bori pānden̄o Luda yā si nà se. <sup>2</sup> Kè Pita sù Yerusalemu, gbē kè ās zè k̄n bānguk̄eyāon̄o à taari è <sup>3</sup> ās bè: N gē gef̄odeen̄o be n p̄o blén̄yo. <sup>4</sup> Ben Pita f̄e è yā pì b̄ok̄t̄eíne zéazea à bè: <sup>5</sup> Má kú Ȳopame, méé adua kee, ben ma wéegupu è. Ma p̄oke è lán bisa bíta bà, bà d̄od̄ona à gēt̄e mèn siiḡon̄o, à b̄o ludambe èe pitaa ma kiia. <sup>6</sup> Ma wéé p̄ea tíii, ma n̄ob̄on̄o è à guu, s̄et̄ep̄on̄o k̄n p̄otaa'onkusean̄o k̄n bāan̄o. <sup>7</sup> Ben ma k̄oto mà wà bème: Pita, n̄ f̄e n̄ de n̄ só. <sup>8</sup> Ben ma bè, agya Dii, t̄e p̄o kes̄o p̄o gbās̄i kee e gē ma lén zikiro. <sup>9</sup> K̄oto pì b̄ona ludambe ḡèn plaadee bè d̄o, p̄o kè Ludaa kèke à ḡò wásawasa, màton à t̄e boro. <sup>10</sup> À kè le ḡèn aaḡo, ben wà èara wà gà píngi wà t̄o ludambe. <sup>11</sup> Gur̄o beee zakan ḡon̄o aaḡo kè wà ní z̄ima b̄ona Sizarean̄o m̄o ua kè má kún. <sup>12</sup> Ben Luda Nini bème mà gányo seka sai. Wa gbē ḡon̄o sw̄eedoo kèkiin̄o ḡamao l̄edo se, ben wa gē gbē kè gbē p̄ino z̄imaa be. <sup>13</sup> Ben à òwe lán a malaika è nà, à b̄o à m̄oazi a kp̄én à òare à gbē z̄i Ȳopa à ma sísi, <sup>14</sup> le mà yā kè eé a mì sí oare, api k̄n a b̄edeen̄o ní píngi. <sup>15</sup> Kè ma na yā'onaa, Luda Nini p̄itar̄ma lán à p̄itawa káaku nà. <sup>16</sup> Ben yā kè Dii ò kè d̄omaḡu kè à bè, Yaaya gbēno batisi kè k̄n ío, api s̄o é wa batisi ke k̄n Luda Ninio. <sup>17</sup> Kè Luda gba d̄onk̄o kèíne k̄n wam̄owa kè wa Dii Yesu Kirisi náane k̄en̄o, dén ma ū mà f̄s mà gí Ludan̄e? <sup>18</sup> Kè ās yā pì mà, ās̄e yāke o d̄oro, ben ās Luda t̄o b̄o wà bè: Wá è Luda èara à bori pānden̄o gbà zé d̄o ās n̄s̄e lie ās w̄endi kè è yāaroo e.

### *Antiokudeen̄o z̄ena k̄n Yesuo*

<sup>19</sup> W̄et̄am̄mana kè f̄e Sitiv̄i gaa gb̄era bé à t̄o gbēno f̄aak̄sa wà tà Fenisia b̄usun k̄n Sipiru b̄usuo k̄n Antiokuo, ās̄e Luda yā oo Yudan̄one n̄t̄e. <sup>20</sup> M̄ode ās gbē ken̄o né Sipiru b̄usu k̄n Sireni b̄usuo gbēn̄one, ben ās gàa Antioku ās̄e yā oo bori pānden̄one se d̄o, ās̄e Dii Yesu baaru nnaa kp̄aíne. <sup>21</sup> Dii e o daaíma, ben gbēno yā pì si pari ās ae d̄o Diia.

<sup>22</sup> Ben yā pì baaru kà Yerusalemu s̄osi gbēno kiia, ben ās Banaba z̄i Antioku. <sup>23</sup> Kè à kà gwe, à è lán Luda aubarika kèíne nà, ben à p̄o kè nna. À lé dàmma ní píngi ās z̄e k̄n Diio k̄n n̄s̄e o do. <sup>24</sup> Banaba né gbē maaame, Luda Nini k̄n ludanaan̄eken̄o p̄ek̄s̄rea, ben wà kàara Dii gbēno guu pari. <sup>25</sup> Ben Banaba gàa Taasu le à Solu wet̄e. <sup>26</sup> Kè à à è, ben à s̄uo Antioku. Ās̄eḡo kaak̄sa k̄n s̄osi gbēno paripari ās̄ḡo yā daaíne ai wè do papana. Antioku gwen wà Yesu íban̄o sisin Yesudeen̄o ū káaku.

<sup>27</sup> Gur̄o beeean annabin̄o b̄o Yerusalemu ās̄e m̄o Antioku. <sup>28</sup> Ās gbē kè wè ben̄e Agabu f̄e à zè à ḡiake à dekaa bíta kè eé ká anduna guu píngi yā òíne k̄n Luda Nini gbāaa. Kalaudiu kíblena gur̄on̄o dekaa pì kà. <sup>29</sup> Ben Yesudeen̄o z̄eò wà ní gbē kè ās kú Yudean̄o kámasa ke lán baade gbāaa kà nà wà kp̄as̄íne. <sup>30</sup> Ben ās kè le ās Banaba k̄n Soluo z̄i ās kp̄a ní gbēnsin̄o.

## 12

### *Yemisi d̄ena k̄n Pita dana kp̄ésiaan-o*

<sup>1</sup> Gur̄o beeean kí Her̄odu o p̄e Yesude ken̄o p̄as̄ip̄as̄i. <sup>2</sup> À Yohana v̄i Yemisi d̄e k̄n f̄eadao. <sup>3</sup> Kè à è yā beee kè Yudan̄one nna, ben à èara à Pita k̄u d̄o. À beee kè Bur̄edi Sése'ez̄esai z̄ibaa z̄ime. <sup>4</sup> Kè à Pita k̄u, à à dà kp̄ésiaan à à nà sozan̄one ní ōz̄i ās à d̄akpa. Soza p̄ino ḡáli doo né ḡon̄o siisiiḡome leo siiḡo. À dīe à yākp̄ae keo gbēno wáa Banla z̄ibaa gb̄era. <sup>5</sup> Ben wà Pita k̄una kp̄ésiaan, m̄ode s̄osi gbēno e adua keene z̄ena sai.

### *Pita b̄ona kp̄ésiaan*

<sup>6</sup> Zī kè tó guu dò kè Herōdu é bōo, zī beea gwāavīn Pita e ii oo soza gōon plaaano dagura yina kōn mōkyakoo mēn plaa, bensō gōon plaaano kú kpēlea aōe kpé pì dākpa. <sup>7</sup> Kāndo gōo Dii malaika gè gwe, ben kpé pì pù. À Pita lè a gbāntēa à à vù à bè: N fēe kpakpa. Ben mōkyakoo pīno bōe à oja. <sup>8</sup> Ben malaika pì bène: N n uta da n n kyatee kpá. Pita kè le, ben malaika pì bè: N n uta kakōa n kū n témazi. <sup>9</sup> Ben Pita bō à tēzi. Èe yā kè malaika e keene dō yāpuraa ūro, èe daa nanaan ée oo. <sup>10</sup> Aō gète gudākpari káakula kōn à plaadeeo, ben aō kà bīile. Bīile pì gbà né mōme, ben à wēñne kōn a zīndao. Aō bōe aōe gēe wētēn, ben gwe gōo malaika pì Pita tò zédaa guu. <sup>11</sup> Kè Pita wée kēkōa à bè: Má dō sānsān sa kè Dii a malaika zī, le à ma bō Herōdu ozi kōn yā kè Yudanō wée dōzi wà kemeeo píngi.

<sup>12</sup> Kè à làakari sù, à gāa Yohana kè wè bene dō Maaku da Mariama be. Wà kakōana gwe pari wèe adua kee. <sup>13</sup> Kè à gānu gbà lè, ben nōgbē zīkeri kè wè bene Roda gāa gwa. <sup>14</sup> Kè à Pita kòto dō, pōnnaa guu èe zé wēro, à bàa lè à èara à gāa à bèñne Pita ze kpēlea. <sup>15</sup> Wà bène: Īa e kaamman yó? Ben à zèo kè yāpurame. Ben wà bè: À malaikame. <sup>16</sup> Pita kpé èe gbà le. Kè aō wè, aō à è, ben yā pì bō n sae. <sup>17</sup> Ben à o kēñne yáku aō yīte, ben à tōkēñne lán Dii a bō kpésiaan nà. Ben à bè: À gá à o Yemisine kōn wa gbē kpaaano. Ben à bō à gāa gu pāndea dō.

<sup>18</sup> Kè guu dò, zōka gbāaa gè sozano dagura aōe kō lalaa: Bó bé à Pita lè? <sup>19</sup> Herōdu bè wà à wete. Kè wèe à ero, ben à yā làla gudākpari pīnoa, ben à bè wà n dede.

### *Herōdu gana*

Bee gbera Herōdu bō Yudea à gāa à gurōplaa kè Sizarea. <sup>20</sup> À pō fē Tayadeeno kōn Sidōdeenozi maamaa, ben gbē beeno ledole kè aō mò à gwa ledō. Aō gāa kīna pì begwari Blasatu kiia. Kè Blasatu n yāze è, aō gāa ledole ke kōn Herōduo, zaake aō būsū pōblee è bō à būsūme.

<sup>21</sup> Kè gurōo kè wà diè kà, Herōdu a kible'utano dà à gāa à vèe a tintia, ben à yā ò gbēno. <sup>22</sup> Gbēno wii lè wà bè: Luda ke bé èe yā oo, èe ke gbēnteenlo. <sup>23</sup> Gwe gōo Dii malaika à lè à nè, kè èe bitakee dō Ludanero yānzi, ben à mè kōkō kà à gā.

<sup>24</sup> Luda yā gō dagula èe kaara. <sup>25</sup> Banaba kōn Soluo sō, kè aō n kámasa yā kēke wà yāa, aō bō Yerusalemu aō Yohana kè wè bene Maaku sè wà tào.

## 13

### *Banaba kōn Soluo zīna*

<sup>1</sup> Annabino kōn yādannerino kú Antioku sōsi gbēno té, aō tón Banaba kōn Simeo kè wè bene Báasiaao kōn Sireni būsū gbē Lusiuo kōn Manae kè né blè kōn kí Herōduo ledoo kōn Soluo. <sup>2</sup> Gurōo kè aōe dōnzi kee Diine kōn léyinao, Luda Nini bè: À Banaba kōn Soluo diè ndona zī kè ma n sēa yānzi. <sup>3</sup> Kè aō lé yì aō adua kè, ben aō o didiñma aō n gbáe, aō dà zén.

### *Kuuna Sipiru būsūn*

<sup>4</sup> Kè Luda Nini Banaba kōn Soluo zī le, aō gāa Selusia. Zaa gwe aō gè goro'iten aō gāa Sipiru būsūn. <sup>5</sup> Kè aō kà Salami, aō Luda yā waazi kè Yudanō aduakekpēno guu. Yohana Maaku kúnyo dōnleri ū. <sup>6</sup> Aō bōe luan pīn ai Pafō, ben aō kpākōa kōn Yuda dabukeri kè de annabi egeē ūuo gwe. À tón Yesune. <sup>7</sup> Egō kú kōn būsū pì gbēnsi Segiu Pōluo. Gbēnsi pì né ōndōrime, ben à Banaba kōn Soluo sīsi kè à yezi à Luda yā ma yānzi. <sup>8</sup> Dabukeri pì tón Elima kōn Giriki yāo. À íbetē kpānyo, èe wete à gbēnsi pì swā gbāgbā le àton Yesu náane kero yānzi. <sup>9</sup> Ben Solu kè wè be dō Pōlu, Luda Nini dià, ben a wée pè Elimaa à bè: <sup>10</sup> Ibilisi néno doken n ū! Maa píngi kpaaside! Gbēntee kè yā zaa píngi pèkōrea! Wéezēri pāsī! Né Dii zé sūsū liena kpēegānda tóroo? <sup>11</sup> Tia sa Dii é o kúemma le n vīa kū. Né gurōplaa ke

ɔfántɛ'esai. Gwe gɔɔ Elima wée gò dāadāa, gusiaa kùea. Ben èe ɔ máemaεε à gbɛ wete à a ɔ kù. <sup>12</sup> Kè gbɛnsi pì yā kè kè pì è, à Dii náanε kè, zaake Dii yā kè Pɔlu dànε à kù gbāa.

*Kuuna Antio̅ku kè kú Pisidia b̀usun*

<sup>13</sup> Ben Pɔlu gè góro'iten kɔ̅n a gbɛ̅nɔ̅ aɔ̅ b̀ò Pafɔ̅ wà g̀a Pɛga, Pamfilia b̀usun. Gwen Yohana Maaku ń tón à èara à tà Yerusalemu. <sup>14</sup> Bɔna Pɛga aɔ̅ g̀a Antio̅ku kè kú Pisidia b̀usun. Kámmaboguro̅ zĩ aɔ̅ g̀a wà v̀èε aduakekpen. <sup>15</sup> Doka kɔ̅n annabinɔ̅ takadanɔ̅ kyókena gbera aduakekpe gbɛ̅nsinɔ̅ gbɛ̅ zĩ à bènnε: Gbɛ̅nɔ̅, tó á kaarana yáke vĩ à o gbɛ̅nɔ̅nε, à o. <sup>16</sup> Ben Pɔlu f̀εε à ɔ zùúnε à bè: Isarailinɔ̅ kɔ̅n bori p̀ande d̀onzirinɔ̅, à ma yā ma. <sup>17</sup> Isarailinɔ̅ Luda wa dezinɔ̅ sè, ben à ń borii k̀aara kè aɔ̅ kú Iyipiti b̀usun. Ben à b̀ónyo gwe kɔ̅n a gbāa bítao. <sup>18</sup> À ń gwa gbáan lán wè baplaaa bà. <sup>19</sup> À gbāaa blè Kanaa b̀usu bori m̀en swεεplaaanɔ̅, ben à ń b̀usu pì kp̀ámma. <sup>20</sup> À píngi kà wè ẁa plaakpé baplaa akuri taka. Beee gbera à yágg̅g̅rinɔ̅ dié̅nne ai à g̀a pé annabi Samuelia. <sup>21</sup> Kè aɔ̅ kína gbèka, ben Luda Kisi né Solu, Beyāmi borii dié̅nne. À kpata blè wè baplaa, <sup>22</sup> ben Luda à b̀ò kpatan à Dauda kà à g̅ε ũ. Luda Dauda yā ò à bè á è Yese né Dauda p̀ɔ̅ k̀are, eé a p̀oyezi píngi yā kemε. <sup>23</sup> À borii guu à Yesu b̀on Isarailinɔ̅nε M̀isiri ũ lán à à lé gbè nà. <sup>24</sup> Ai Yesu pì g̅ó gá m̀ó Yaaya g̅ake à waazi kè Isarailinɔ̅nε ń píngi, à ò́nne aɔ̅ ń ǹse lie aɔ̅ batisi ke. <sup>25</sup> Kè Yaaya zĩ kà yāana à bè: Dén ée daa má de a ũu? Gbɛ̅ kè á wée d̀ozin ma ũro. À ma! Adee e m̀ɔ̅ ma gbera, méε ká mà à kyatee b̀ob̀onero.

<sup>26</sup> Ma gbɛ̅nɔ̅, Ibraĩ borii nɔ̅ kɔ̅n bori p̀ande d̀onzirinɔ̅, wapinɔ̅n Luda m̀isina yā k̀kii kp̀asawe. <sup>27</sup> Yerusalemudeenɔ̅ kɔ̅n ń gbāadeenɔ̅ e Yesu d̀oro, aɔ̅e annabinɔ̅ takada kè wèg̅ó à kyó keε kámmaboguro̅ zĩ píngi zé d̀oro, ben aɔ̅ t̀ò annabi p̀inɔ̅ yā p̀apa aɔ̅ yā v̀èεa. <sup>28</sup> Aɔ̅e yáke ea kè à kà wà à dero, ben aɔ̅ wée kè Pilatia wà à de. <sup>29</sup> Kè aɔ̅ yā kè wà kè à yā musu kè píngi, wà à p̀ita lía wà à dàε mirawεen. <sup>30</sup> M̀ode Luda à f̀εε b̀ona gaan. <sup>31</sup> Guro̅ pariinɔ̅ guu à b̀ò à mò gbɛ̅ kè aɔ̅ b̀ò Galili aɔ̅ g̀aao Yerusalemunɔ̅zi. Aɔ̅mbe à s̀eedadeenɔ̅ ũ gbɛ̅nɔ̅nε. <sup>32</sup> Wapinɔ̅ s̅, wa m̀ɔ̅ à baaru nnaa kp̀aare. Lán Luda lé gbè wa dezinɔ̅nε nà <sup>33</sup> à kè wam̀owa kè wá de aɔ̅ borii ũunɔ̅nε, à Yesu f̀εε lán wà ò Saamu plaadee guu nà. Luda bè:

Ma nén n ũ,  
gbāan ma n i.

<sup>34</sup> Èe yai k̀uro, m̀ode Luda à f̀εε b̀ona gaan lán Ludaa ò nà yā à bè:

Mé kúadona aubarika keare yāpura  
lán má ò Daudanε nà.

<sup>35</sup> Ben wà ò gukea d̀ò wà bè:

Né we n gbɛ̅ kè kú adona yai k̀uro.

<sup>36</sup> Dauda s̅ Luda p̀oyezi kè a gurɔ̅a, à g̀a wà à mira kp̀ak̅zi kɔ̅n à dezinɔ̅ p̀óo, ben à yai k̀ù. <sup>37</sup> Gbɛ̅ kè Luda à f̀εε b̀ona gaan pì e yai k̀uro. <sup>38</sup> Ma gbɛ̅nɔ̅, àg̅ó d̅ kè durunɔ̅ k̀ennena waazi kè wée keεaree b̀ò Yesu g̀az̅imε. <sup>39</sup> Musa doka è f̅ à t̀ò yā b̀ónyo nnaro, m̀ode Luda è t̀ò yā b̀ò kɔ̅n gbɛ̅ kè aɔ̅e Yesu náanε keenɔ̅ nna à píngi guu. <sup>40</sup> À làakari ke, le yā kè annabinɔ̅ ò tón a lero <sup>41</sup> aɔ̅ bè:

À ma, a faborinɔ̅,  
à ke g̀iri à kaate,  
zaake mé yáke ke a gurɔ̅a.

Baa t̀ò wà òare, é síro.

<sup>42</sup> Kè Pɔlu kɔ̅n Banabao e b̀εε aduakekpen, wà k̀uè̅nne aɔ̅ εara wà m̀ó yā pì o̅nne kámmaboguro̅ làa d̀ò. <sup>43</sup> Kè wèe f̀aak̅a, Yudanɔ̅ kɔ̅n gbɛ̅ kè aɔ̅e d̀onzi ke̅nyonɔ̅ b̀ò wà t̀è Pɔlu kɔ̅n Banabaozi pari. Aɔ̅ yā ò́nne aɔ̅ lé dà̅mma, le aɔ̅g̅ó gaa aε kɔ̅n gbèkeε kè Ludaa k̀é̅nne.

<sup>44</sup> Kámmaboguro̅ làa wétεdeenɔ̅ k̀ak̅a ń píngi wà mò Dii yā ma. <sup>45</sup> Kè Yudanɔ̅ parii è le, aɔ̅ ǹsεg̅aano kp̀a maamaa, ben aɔ̅e Pɔlu yā εge boo wèe à s̅s̅ɔ̅. <sup>46</sup> Ben Pɔlu kɔ̅n Banabao

yā ònne kǝn kùgbāaaò wà bè: Ámbe à kǝ sio wà Luda yā oare gĩa káaku. Zaake a gizi ée daa ée ká à wèndi kè è yāaroo ero, wé ɛara wà aɛ dɔ bori pāndenɔa sa. <sup>47</sup> Zaake Dii yā kè diewe à bè:

Ma n diɛ gupuraa ũ bori pāndenɔnɛ,  
le n gá kǝn m̀sina yāo ai tɔtɛ lé zekiia.

<sup>48</sup> Kè bori pāndenɔ yā pì mà, aǝ pɔɔ kè nna aǝ bèɛ li Dii yānɛ, ben gbɛ kè Luda n díɛ wèndi kè è yāaroo pó ũunɔ Yesu náanɛ kè. <sup>49</sup> Ben Dii yā dà bùsu pila píngi. <sup>50</sup> Yudanɔ ɔ sǝ bori pānde nɔgbɛ dɔnziri bèɛdeenɔzi kǝn wéte gbāadeenɔ, ben aǝ wéɛ tǝ Pɔlu kǝn Banabaoa aǝ pèmma ǹ bùsun. <sup>51</sup> Aǝ lutɛ gògo ǹ gbánɔa aǝ tona kǝn Ludao sèeda ũ, ben aǝ gàa Ikɔniu. <sup>52</sup> Yesudeenɔ sǝ, Luda Nini pèkɔrɛmma kǝn pɔnnaao.

## 14

### *Kuuna Ikɔniu*

<sup>1</sup> Aǝ kè Ikɔniu lán aǝ kǝ dǝo nà, aǝ gè Yudanɔ aduakekpen aǝ yā ò ai Yudanɔ kǝn bori pāndenɔ Dii náanɛ kè paripari. <sup>2</sup> Ben Yuda kè aǝ gì yā pì sízinɔ bori pāndenɔ swā gbàgbā Yesudeenɔnɛ aǝ íbetɛ kpànyo. <sup>3</sup> Baa kǝn beeeo Pɔlu kǝn Banabao gurɔplaa kè gwe aǝ Dii yā ò kǝn kùgbāaaò, ben Dii ǹ gbá zé aǝ sèedanɔ kǝn dabuyānɔ kè, kè yāpuraa kpà a gbɛkeyā kè aǝo ooa. <sup>4</sup> Ben wétedeenɔ kèkèkǝa, gbɛkenɔ zè kǝn Yudanɔ, gbɛkenɔ sǝ kǝn zիրinɔ. <sup>5</sup> Ben Yudanɔ kǝn bori pāndenɔ kǝn ǹ gbāadeenɔ zèò wà wéɛ tǝmma wà ǹ pápa gbèò. <sup>6</sup> Kè Pɔlu kǝn Banabao ǹ yā dǝ, ben aǝ bàa sǝ wà tǝ Likaonia bùsu wétenɔ guu, Lisitira kǝn Debio kǝn ǹ lakutunɔ. <sup>7</sup> Ben aǝ kpé wèe baaru nnaa pì kpaañnɛ gwe.

### *Kuuna Lisitira*

<sup>8</sup> Gǝgbɛ kee kú Lisitira à gbánɔ fèfɛna. Zaa lán wà à ì nà ɛrɛmɛ, èe tǝa o zikiro. <sup>9</sup> Èe swā kpaa Pɔlu yāzi, ben Pɔlu wéɛ pèa tíii, à è à ludanaanekena kà à à kèkǝa, <sup>10</sup> ben à bènɛ kǝn kòto gbāaaò: Ǹ fɛɛ ǹ zɛ ǹ gbáa. Ben à vǝ à zè à nà tǝa'ona. <sup>11</sup> Kè gbɛnɔ è lán Pɔlu kè nà, ben aǝ wiili kàkún kǝn Likaonia yāo wà bè: Tǝanɔ li gbɛnteenɔ ũ aǝ pítawa. <sup>12</sup> Aǝ tǝ kpà Banabanɛ Zusu, Pɔlu sǝ ɛmesi kè àmbe è dǝnne aɛ kǝn yá'ona yānzi. <sup>13</sup> Zusu pì kpé kú wéte kpɛɛ, ben à gbàgbǝri m̀ kǝn zùswaree kè wà lávu zǝblebɔ kènnɛnɔ wéte bǝilea. À yezi gbɛnɔ saa oo zիրinɔ. <sup>14</sup> Kè Banaba kǝn Pɔluo yā pì mà, aǝ ǹ utanɔ gà wà kèkè, ben aǝ sǝ gbɛnɔ té kǝn wiili <sup>15</sup> wà bè: Gbɛnɔ, bǝyānzi ée keɛ lezi? Gbɛnteenɔn wa ũ se lán a bà. Baaru nnaan wéɛ kpaaare, le à kpɛɛ li pó gina kènnɛnɛ à aɛ dɔ Luda Wèndidea. Àmbe à musu kè kǝn tɔtɛo kǝn ísíaao kǝn pó kè kú à guunɔ píngi. <sup>16</sup> À bori píngi tò yā aǝ ǹ zǝnda zé sè. <sup>17</sup> Baa kǝn beeeo à a zǝnda dǝaare maakena guu. È tó lou maare le à pó kè a gurɔɔa. È a gba pǝble bíta le àgǝ kú pɔnnaa guu. <sup>18</sup> Baa kǝn yābee'ona, ɔsi kǝn ɔsiio aǝ gbasa wà gǝ gbɛnɔnɛ wà saa om̃ma.

<sup>19</sup> Ben Yudanɔ b̀ Antɔku kǝn Ikɔniu aǝ m̀ wà gbɛnɔ swā gbàgbā. Ben aǝ Pɔlu pàpa gbèò aǝ à gǝe wà b̀ò wéte kpɛɛ, aǝo daa à gǝmɛ. <sup>20</sup> Kè Yesudeenɔ kàkǝazi, ben à fèɛ à gè wéte guu. Kè guu d̀, àpi kǝn Banabao gàa Debi.

### *Zիրinɔ tana Antɔku*

<sup>21</sup> Kè aǝ baaru nnaa kpàñnɛ wéte pì guu, aǝ gbɛnɔ è pari. Ben aǝ ɛara wà gàa Lisitira kǝn Ikɔniu kǝn Antɔkuo, <sup>22</sup> aǝo Yesudeenɔ gbaa gbāaa, aǝo lé daařma aǝ zɛ gbāa Yesu náanekena guu wà bè: Séde wà nawɛa ke maamaa gĩa, gbasa wà gɛ kpata kè b̀ò Luda kiia guu. <sup>23</sup> Aǝ gbɛnsinɔ diɛñnɛ ɔsi kǝn ɔsio, ben aǝ adua kènnɛ kǝn léyinɔ aǝ ǹ ná Dii kè aǝ à náanɛ kè ɔzi.

<sup>24</sup> Kè aǝ b̀è Pisidia bùsu kpa, ben aǝ kà Pamfilia bùsun. <sup>25</sup> Aǝ Luda yā ò Pɛga, ben aǝ gàa Atalia. <sup>26</sup> Gwen aǝ gè gòro'itɛn, aǝ tǝ Antɔku, guu kè wà ǹ ná Ludanɛ a ɔzi yā, le à gbɛkɛɛ

keńne zīi kè aõ kè wà yàa tia yā musu. <sup>27</sup> Kè aõ kà, aõ sɔsi gbēno kàkõa aõ yā kè Ludaa kèńne gbāńne píngi, lán à bori pāndenɔ gbà zé aõ a náane kè nà. <sup>28</sup> Ben aõ gurɔplaa kèńyo gwe.

## 15

### *Yāgɔgɔna Yerusalemu*

<sup>1</sup> Gbēkenɔ bɔ Yudea aõ mɔ Antiokku, ben aõ yā dà Yesudeenɔne wà bè: Tó ée bāngu ke lán Musa diɛ nàro, é m̀sina ero. <sup>2</sup> Pɔlu kɔn Banabao zɔka kàńzi aõ leokpakõa kèńyo maamaa yā pì musu. Ben Yesudeenɔ zèo Pɔlu kɔn Banabao kɔn ń gbēkenɔ gá Yerusalemu le aõ yā pì gɔgɔ kɔn zīrinɔ kɔn gbēnsinɔ. <sup>3</sup> Aõ gàa wà zèńne, ben aõ b̀e Fenisia kɔn Samariao b̀usu kpaa. Aõ bori pāndenɔ ǹseliɛna yā t̀kè ń gbēnɔne gwe, ben aõ pɔɔ kè nna maamaa. <sup>4</sup> Kè aõ kà Yerusalemu, sɔsi gbēno kɔn zīrinɔ kɔn gbēnsinɔ gbāake kpàńzi, ben aõ yā kè Ludaa kèńne píngi baaru kpàńne. <sup>5</sup> Ben Farisi Yesude kenɔ f̀e wà bè: Séde bori pāndenɔ bāngu ke, wà ońne aõgɔ Musa doka k̀na. <sup>6</sup> Ben zīrinɔ kɔn gbēnsinɔ kɔ kàkõa aõe yā pì gwaa. <sup>7</sup> Kè yāgɔgɔna gbāa k̀, Pita f̀e à bèńne: Ma gbēno, á dõ kè Luda ma diɛ a té à g̀i kè, le bori pāndenɔ Yesu baaru nnaa ma ma lén aõ à náane ke. <sup>8</sup> Luda baade píngi ǹse dõ, ben à ń gbá a Ninii ń sina sèeda ũ lán à wa gba nà. <sup>9</sup> Ludaa e ń diɛ doodo kɔn wapinɔro. À ń ǹse p̀ipińne kè aõ Yesu náane kè yāńzi. <sup>10</sup> B́yāńzi ée Luda lee ée gwaa tiazí? Asoo kè wa dezínɔ f̀ua wà sé kɔn wapinɔ, àmbe á yezi à dińne? <sup>11</sup> Lenlo! Wá s̀i kè wé m̀sina e Dii Yesu gbēke yāńzi lán aõpinɔ bà se.

<sup>12</sup> Gbēno kè kítikiti ń píngi, ben aõ swā kpà Banaba kɔn Pɔluozi, aõe sèedanɔ kɔn dabuyā kè Ludaa kè ń gāzī bori pāndenɔ ténɔ oońne. <sup>13</sup> Kè aõ yā ò wà yàa, Yemisi f̀e à yā ò à bè: Ma gbēno, à ma yā ma. <sup>14</sup> Simɔ ò lán Luda wéé pà bori pāndenɔla káaku nà à gbēno sè ń té a pó ũ. <sup>15</sup> Annabinɔ yānɔ kɔ sè kɔn beeeo, zaake aõ bè:

<sup>16</sup> Beee gbɛra mé ɛara mà mó mà Dauda bezi bo,

mé à guforonɔ keke mà tata mà à f̀e,

<sup>17</sup> le gbēntee kpaaanɔ ma kii wete,

bori pānde gbē kè ma tó kúmma p̀inɔ ń píngi.

Dii kè èe yā pì kee bé à ò,

<sup>18</sup> àmbe à tò wà yā pì dõ zaa káaku.

<sup>19</sup> Beee yāńzi má è à maa wà yā kè zī'ũu diɛ bori pānde kè aõe ae dɔɔ Ludaanɔnero. <sup>20</sup> Wà takada kèńne aõ mì kè t̄aa p̀bleea kɔn pāpākenao kɔn ǹbɔ kòtokpasaio kɔn aruo. <sup>21</sup> Zaake à g̀i kè kè wègɔ Musa takada kyó kee aduakekpɛnɔ guu kámmabogurɔ zī píngi wègɔ à doka waazi kee wéte kɔn wéteo.

### *Gbēno zīna bori pānde Yesudeenɔa*

<sup>22</sup> Ben zīrinɔ kɔn gbēnsinɔ kɔn sɔsi gbēno píngi zèo wà gbēno bɔ ń té wà ń zī Antiokku kɔn Pɔluo kɔn Banabao. Ben aõ ń aede kenɔ b̀, Yudasi kè wè bene Basaba kɔn Silasio. <sup>23</sup> Wà ń zī láo, yā kè wà kè à guun yè:

Wamɔwa zīrinɔ kɔn gbēnsinɔ wa ì kpà amɔa wa gbē kè aõ de bori pānde ũunɔa zaa Antiokku kɔn Siria b̀suo kɔn Silisia b̀suo. <sup>24</sup> Wá mà wa gbēkenɔ gàa a kiia wa lé sae, aõ a ǹse yàkaare aõ a da bídin ń yā'ona guu. <sup>25</sup> Ben wa ledole kè wa zèo kè wà gbēno bɔ wà ń zīawa kɔn wa gbē yenzideenɔ Banaba kɔn Pɔluo <sup>26</sup> kè aõ g̀i ń wèndizi wa Dii Yesu Kirisi t̀bɔna yāńzi. <sup>27</sup> Beee yāńzi wéé Yudasi kɔn Silasio zīiawa, le aõ yā kè wá kè lán oare kɔn léo. <sup>28</sup> Zaake Luda Nini kɔn wapinɔ wa zèo wàton aso ke diarero, séde pó kè zé v̄i kèkiinɔ.

<sup>29</sup> À mì kè ǹbɔ kè wà saa òo t̄aaa kɔn aruo kɔn ǹbɔ kòtokpasaio kɔn pāpākenao. À maa à mì kè beeenɔa. Wà k̄ e aafia!

<sup>30</sup> Ben wà ń gbáe aõ gàa Antiokku. Aõ sɔsi gbēno kàkõa ń píngi, ben aõ lá pì kpàńma. <sup>31</sup> Kè aõ à kyó kè, ben aõ pɔɔ kè nna maamaa kɔn ǹseyĩkũyā p̀io. <sup>32</sup> Yudasi kɔn Silasio



né annabinɔme, ben aɔ lé dà n gbē pìnɔa maamaa aɔ n gbá gbāaa. <sup>33</sup> Kè aɔ gurɔplaa kè gwe, Yesudeenɔ lé zàmmá, ben aɔ tà n zírínɔ kiia aafia. <sup>34-35</sup> Pɔlu kɔn Banabao gò Antiokú. Kɔn gbē pari pāndenɔ aɔ Dii yā dànnɛ, aɔ baaru nnaa kpànnɛ.

### *Pɔlu kɔn Banabao kèkɔana*

<sup>36</sup> Gurɔ plaa gbɛra Pɔlu bè Banabanɛ: Wà ɛara wà gá wa gbēnɔ gwa wéte kè wa Dii yā waazi kèn yāanɔ guu, wàgɔ dɔ lán aɔ kuu ná. <sup>37</sup> Banaba yezi à Yohana Maaku sé à gányo, <sup>38</sup> ben Pɔlu e daa à maa aɔ gbē kè kèmmá Pamfilia à gí ténzi n zī guu sé dɔro. <sup>39</sup> Kè aɔɔe kɔ yā maro, ben aɔ kèkɔa. Banaba Maaku sè aɔ gè góro'iten aɔ gàa Sipiru. <sup>40</sup> Ben Pɔlu Silasi sè. Yesudeenɔ n ná Diine a ɔzī le à gbēkɛe kènnɛ, ben aɔ dà zén, <sup>41</sup> aɔ bɔɛ Siria kɔn Silisio aɔ ɔsɔi gbēnɔ gbà gbāaa.

## 16

### *Pɔlu wéteḡana kɔn Timɔtio kɔn Silasio*

<sup>1</sup> Pɔlu kà Dɛbi kɔn Lisitirao. Gwen Yesude kee kún à tón Timɔti. À da né Yuda Yesudeemɛ, à de sɔ né Girikimɛ. <sup>2</sup> À tɔ nna Yesudee kè aɔ kú Lisitira kɔn Ikɔniuonɔ kiia. <sup>3</sup> Pɔlu yezi à gáao, ben a bāngu kènɛ Yuda kè aɔ kú wéte pìnɔ guunɔ yānzi, zaake aɔ píngi dɔ kè à de né Girikimɛ. <sup>4</sup> Wéte kè aɔ gāan píngi, aɔ yā kè zírínɔ kɔn gbēnsinɔ dīe Yerusalemu ò ɔsɔi gbēnɔ aɔgɔ kúna. <sup>5</sup> Ben aɔɔe gbāa kúu n ludanaanekena guu aɔɔe pari kúu lán guu e dɔ ná.

### *Pɔlu wéegupu'ena Toroasi*

<sup>6</sup> Luda Nini ḡinnɛ aɔ gá Luda yā o Asia búsun, ben aɔ bɔɛ Firigia kɔn Galatia búsunɔ. <sup>7</sup> Kè aɔ kà Misia búsulén, aɔ yā wà gē Bitinia búsun, ben Yesu Ninii e weñnero. <sup>8</sup> Kè aɔ gè Misia búsula, ben aɔ kà Toroasi. <sup>9</sup> Gwāavī Pɔlu Masedonia búsun gbēke è zɛala wéegupu'ena guu, èe agbaa kpaanɛ à bè: N bikū n mɔ wa kiia Masedonia n dɔwalɛ. <sup>10</sup> Kè à wéegupu è le, ben wa Masedonia soru kè gɔɔ, zaake wá dɔ sa kè Luda bé èe wa sísi wà gá baaru nnaa kpànnɛ.

### *Lidia Yesu zé sɛna*

<sup>11</sup> Ben wa gē góro'iten Toroasi wa mì pè Samɔtarasia. Kè guu dɔ wa ka Nɛapɔli. <sup>12</sup> Bɔna gwe wa gaa Filipi. Àmbe Masedonia búsun kpadoo pì wétedaa ũ kè Romudeenɔ vī. Ben wa gurɔplaa kè wéte pì guu. <sup>13</sup> Kámmabogurɔ zī wa bɔ wéte kpɛɛ, wa gaa swaa saɛ, guu kè wá mà aduakɛkii kún. Ben wa vɛɛ wa yā ò nɔgbē kè aɔ kakɔana gweenɔne. <sup>14</sup> Nɔgbē kee kú gwe wè benɛ Lidia. Tiatira gbēme, bisa wéɛ tēa búgu yàrimɛ, bensɔ Luda dɔnzirimɛ. Èe yā kè Pɔlu e oo maa, ben Dii a swè wènnɛ à yā pì sɔ. <sup>15</sup> À batisi kè kɔn a bɛdeenɔ, ben à wéɛ kèwa à bè: Tó a ma Dii náanekena sɔ, à mɔ à pita ma bɛ. Ben wa à yāzɛ è.

### *Pɔlu kɔn Silasio dana kpésiaan Filipi*

<sup>16</sup> Zīkea kè wéɛ gaa aduakɛkiia, wa dakɔrɛ kɔn zònɔgbē kè mlè tāa vīio. À diinɔ è ɔɔ e maamaa à ziaiyá'onnɛna musu. <sup>17</sup> Ben à bɔ à téwazi, wapinɔ kɔn Pɔluo, èe wii lɛɛ à bè: Gbē kènɔ né Luda Musude zòblerinɔme, aɔɔe mìsina zé kpàakpa kɛɛare. <sup>18</sup> Ègɔ kɛɛ le lán guu e dɔ ná, ben yā pì Pɔlu à'á. À liɛ à bè zīn pìnɛ: Má ònnɛ kɔn Yesu Kirisi tóo n goa. Ben à ḡòa gɔɔ.

<sup>19</sup> Kè à diinɔ dɔ n àrɛ'ena à yā musu tāmaa yāa, ben aɔ Pɔlu kɔn Silasio kú aɔ n gáɛ wà gāányo gbāadeenɔ kiia yàra guu. <sup>20</sup> Aɔ gāányo yākpakɛrinɔ kiia aɔ bè: Gbē kènɔ né Yudanɔme, aɔɔe wa wéte yakaawe. <sup>21</sup> Fɛɛakaarayā kè wa Romudeenɔ doka gí wà sí ke wà kɛɛn aɔɔe daánnɛ. <sup>22</sup> Parii fɛɛnzi, ben yākpakɛri pìnɔ bè wà n pónɔ pitimma wà n léle ḡòo. <sup>23</sup> Kè wà gbēna maaa kènnɛ, ben wà n dá kpésiaan wà bè kpé pì dákparinɛ à n dákpa maamaa. <sup>24</sup> Kè wà ònɛ le, ben à n dá kpétu à n gbánɔ dà lín ḡínḡin.

<sup>25</sup> Lezāndo Pōlu kōn Silasio e adua kee aōe lè sii Ludane, gbē kpaaanɔ e swā kpaā n̄ yāzi. <sup>26</sup> Kāndo tɔɔte nīgānigā kōn gbāaa ai kpé pì gūno dège. Gwe gōo à gbàno wèwē píngi, ben pisinanɔ m̀òkyakoonɔ b̀èr̀m̀ma píngi. <sup>27</sup> Kè kpé dākpari pì vù, à gbàno è wèwēna píngi, ben à a fēdaa wòto à yezi à a zīnda de, zaake èe daa pisinanɔ bàa sìme. <sup>28</sup> Ben Pōlu pùtā kōn kòto gbāaa à bè: N̄ton n zīnda kari kero. Wá kú kè wa píngi. <sup>29</sup> Kpé dākpari pì bè wà mó fitiao, ben à sì n̄ té kōn bào à kùe Pōlu kōn Silasio ae èe lugalugaa. <sup>30</sup> À b̀ò̀nyo bàazi, ben à bè: Mareenɔ, dian mé ke mà mìsina ee? <sup>31</sup> Aō bène: N̄ Dii Yesu náane ke, né mìsina e, mpi kōn n b̀edeeno a píngi. <sup>32</sup> Ben aō Dii yā òne kōn a b̀edeeno n̄ píngi. <sup>33</sup> Lezāndo beean kpé dākpari pì n̄ sé à gàa à n̄ b̀ò̀no pìpìnn̄e, ben à batisi kè gōo kōn a gbēno n̄ píngi. <sup>34</sup> Ben à gènyo a be à pòblee kèr̀ne. Àpi kōn a b̀edeeno pɔɔ kè nna maamaa kè aō Luda náane kè yānzi.

<sup>35</sup> Kè guu d̀ò, yākpæk̄erino dogarino zī aō gá one à gbē pino gbar̄e. <sup>36</sup> Ben kpé dākpari pì bè Pōlune: Yākpæk̄erino gbēno zīma le mà a gbar̄e. À b̀ōe à tá aafia. <sup>37</sup> Ben Pōlu bè dogari pino: Aō wa gbē gbēno wáa yākpæk̄enawao sai aō wa da kpésiaan, wamɔwa kè Romudeenɔn wa ũ. Tia sa aō yezi wà wa b̀ōe asii guuó? O'o! Auo! Séde aō mó wà wa b̀ōe n̄ zīnda. <sup>38</sup> Dogari pino yā pì gbà yākpæk̄erino. Kè aō mà Romudeenɔn n̄ ũ, ben vīa n̄ kũ. <sup>39</sup> Ben aō mò wà agbaa kpànn̄e wà n̄ b̀ōe kpésiaan, ben wà wée kèr̀m̀ma aō b̀ò̀r̀ne n̄ wéte guu. <sup>40</sup> Kè aō b̀ōe kpésiaan, aō gàa Lidia be. Aō Yesudeeno lè gwe, ben aō n̄ ǹò̀se yīi kũnn̄e aō gè zéla.

## 17

### *Pōlu kuuna Tesalonika*

<sup>1</sup> Aō b̀ò̀e kōn Amfipol̄io kōn Apol̄oniao, ben aō kà Tesalonika, guu kè Yudanɔ aduak̄ekpe kún. <sup>2</sup> Ben Pōlu gè aduak̄ekpen lán à kō d̄o nà, à waazi kènn̄e yā kè kēna Luda yān musu kámmaboguro gènn̄ aaḡo. <sup>3</sup> Èe b̀ò̀k̄ò̀t̄eenn̄e lán à kō sìo Mesaya wét̄amma e nà à f̄e b̀ona gaan à bè: Yesu kè m̄eé à yā ooaree bé à Mesaya pì ũ. <sup>4</sup> Aō gbēkeno yā pì zé è, ben aō nà Pōlu kōn Silasioa. Len Giriki d̄onzirino n̄r̀mma le pari se ai kōn n̄gb̄e tódeenɔ pari d̀ò.

<sup>5</sup> Ben Yudanɔ ǹò̀seḡaano kpànyo, aō lilip̄ap̄'orino kàk̄ōa aō pari kũ, ben aō wéte lògo. Aō gàa wà liga Yas̄o beezi, aōe Pōlu kōn Silasio wete le wà n̄ kũ wà b̀ò̀nyo gupuraa. <sup>6</sup> Kè wèe n̄ ero, aō Yas̄o kōn Yesude pāndenɔ ḡae wà b̀ò̀nyo wéte gbāadeeno kiia, aōe wii le le wèe bee: Gbē pino né anduna guderinome. Aō mò kè, <sup>7</sup> ben Yas̄o n̄ díe a be. Gbē pino e p̄aa Siza dokane n̄ píngi, aōe be kina pāndee kuu wè bene Yesu. <sup>8</sup> Yā pì z̄ò gbēno pɔɔa kōn wéte gbāadeeno. <sup>9</sup> Ben aō ɔ̀̀ sì Yas̄o kōn a gbē kpaaano aō n̄ gb̄ae.

### *Pōlu kuuna Berea*

<sup>10</sup> Gwāav̄i beea gōo Yesudeeno Pōlu kōn Silasio gb̄are Berea. Kè aō kà gwe, ben aō gè Yudanɔ aduak̄ekpen. <sup>11</sup> Gbē beeno ǹò̀se maa de Tesalonikadeenola aō Luda yā sì ɔ̀̀plaplaa. Lán guu e d̀ò̀ nà aōeḡo Luda yā gwagwaa le wà d̄o tó Pōlu yā pino yāpuraa vī. <sup>12</sup> Aō gbēno Dii náane kè pari kōn Giriki n̄gb̄e b̀edeeno kōn Giriki ḡogbēno pari d̀ò. <sup>13</sup> Kè Tesalonika Yudanɔ̀̀ mà Pōlu e Luda yā waazi kee Berea d̀ò, ben aō mò gwe aō yākete dà gbēno té aō n̄ pɔɔ f̄e. <sup>14</sup> Ben Yesudeeno Pōlu gb̄are gōo ís̄iaa kpa, m̄ode Silasi kōn Timot̄io ḡò gwe. <sup>15</sup> Gbē kè aō gàa ze Pōlunenɔ ḡaao Ateni, ben aō èara wà tà Silasi kōn Timot̄io kiia kōn Pōlu légb̄eo, à bè aō mó wà a le kpakpaa.

### *Pōlu kuuna Ateni*

<sup>16</sup> Kè Pōlu e n̄ d̄aa Ateni, à ǹò̀se yàka kè à è t̄aa di wéte pì guu yānzi. <sup>17</sup> Ben à waazi kè Yudanɔne kōn bori pānde d̄onzirino aduak̄ekpen kōn gbē kè èḡo n̄ lee yàra guuno lán guu e d̀ò̀ nà. <sup>18</sup> Pōlu e yā leek̄zi kōn yāwaaripari kè wè n̄ sísi Epikurenɔ kōn Sotoikinɔ. Ben aō gbēkeno bè: Bó yān titimako kè e b̀ōe? Gbēkeno bè: Wée daa t̄aa dufuno yā kpàakpan èe kee. Aō ò̀ le kè èe Yesu yā kōn à f̄ena gaan-o baaru nnaa kpaañe yānzime. <sup>19</sup> Ben aō

Pɔlu sè wà gàao gbēnsinɔ kiia Areopagu aɔ bè: Né yā dufu kè nèè dañne oweroo? <sup>20</sup> Wa yābɔnsae mà n lézī, wá yezi wà à bɔkɔte dɔ. <sup>21</sup> Atenideenɔ píngi kɔn nibɔ kè aɔɔ kú gweenɔ aɔégɔ ye yā pāndeziro, séde yā dufu mana kɔn à wàaripanao.

<sup>22</sup> Ben Pɔlu fɛe à zè Areopagudee pìnɔ té à bè: Atenideenɔ, má è á m̀siena tãanɔne aĩa vī maamaa yā píngi guu. <sup>23</sup> Kè mée lili oo a wéte guu, mée pɔ kè eè dɔnzi keñnenɔ tàasi kee, ben ma sa'oki ke è, wà pɔ kèa wà bè: Luda kè wá dɔro pɔ. Luda kè á à dɔroo ée dɔnzi keene, à baarun mée kpaare. <sup>24</sup> Luda anduna kè kɔn pɔ kè kú à guunɔ píngi. Àmbe musu kɔn tɔtɔe Dii ũ, ègɔ kú kpé kè gbēnteenɔ bɔnenɔ guuro. <sup>25</sup> À bà kú kɔn gbēntee ɔdamma keoro. Àmbe è wèndi kɔn wesabonao kpá baade píngia kɔn pɔ píngio. <sup>26</sup> À bori píngi bɔ gbē mèn do kiiame, ben aɔɔ kú anduna gooda siigɔ píngia. A gĩake à gurɔɔ diēdie bori píngine kɔn guu kè aɔégɔ kún léo. <sup>27</sup> À n kè le aɔgɔ à wetee aɔɔ máemaē ai aɔ gá bɔa. Baa kɔn beeeo à zà kɔn wa gbēkeoro. <sup>28</sup> Zaake àmbe è tó wàgɔ wèndi vī wà wa mè sé wàgɔ kuu. Lán a kee kenɔ ò nà: À boriinɔn wa ũ se. <sup>29</sup> Lán Luda boriinɔn wa ũ nà, wàtongɔ daa Ludaa de lán tãa bàro kè gbēntee kè kɔn vuraò ke kondogi ke gbè kè à à ɔzī kèa a laasuaa. <sup>30</sup> Luda m̀kpɛe zù wa wéesiaguro yāne, m̀de èe yā diee gbēnɔa gu sãnda píngia tia le aɔ ǹse lie. <sup>31</sup> Zaake à gurɔɔ diē kè gbē kè à à sè yákpae ke kɔn andunao a zéa. À gbē kè à à sè pi fɛe bɔna gaan sèeda ũ baade píngine.

<sup>32</sup> Kè aɔ fɛe bɔna gaan yā pì mà, aɔ gbēkenɔ à fabò, m̀de aɔ gbēkenɔ bè: Wé n yā pì ma zĩkea dɔ. <sup>33</sup> Ben Pɔlu bɔ n kiia. <sup>34</sup> Gbēkenɔ nà, ben aɔ Yesu náane kè. Areopagu gbē kè wè bene Diɔnisiu kú n té kɔn nɔgbē kè wè bene Damario kɔn gbēkenɔ dɔ.

## 18

### *Pɔlu gurɔplaakena Kɔrinti*

<sup>1</sup> Beee gbera Pɔlu bɔ Ateni à gàa Kɔrinti. <sup>2</sup> À kpàkɔa kɔn Yuda keo gwe, Pɔntu bùsu gbē kè wè bene Akila kɔn a naɔ Pirisilao. Aɔ sù kɔn Itali bùsuo dufume, kè Siza Kalaudiu diē Yudanɔne aɔ bɔe Romu yānzi. Pɔlu gàa n kiia, <sup>3</sup> ben à pìtañma, èe zī keeñyo kè ɔzĩdɔnkɔkerinɔn n ũ yānzi. Zaake bisakutakerinɔn n ũ n píngi. <sup>4</sup> Kámmabogurɔɔ zī píngi è waazi ke aduakekpen èe wetee Yudanɔ kɔn Girikinɔ a yāze e.

<sup>5</sup> Kè Silasi kɔn Timotio bɔ Masedonia bùsun aɔ sù, Pɔlu zè kɔn waazikenao èe oo Yudanɔne wásawasa kè Yesun Mesaya ũ. <sup>6</sup> Kè Yudanɔ íbete kpàò aɔ à sòsò, ben à a pɔkàsãanɔ kpòkeñla à bè: Yā kè á kè wí a musu, ma yān dɔro. Zaa tia mé gá bori pāndenɔ kiiame. <sup>7</sup> Kè à bɔ gwe, à gàa à pita bori pānde dɔnziri kè wè bene Titiu Yusutu be aduakekpe pi sae. <sup>8</sup> Aduakekpe gbēnsi Kirisipu Dii náane kè kɔn a bēdeenɔ n píngi. Kɔrintidee kè aɔ Pɔlu yā mànɔ Yesu náane kè pari, ben aɔ batisi kè. <sup>9</sup> Gwãavī kea Dii ò Pɔlune wéegupu'ena guu à bè: Ǹton tó vīa n kũro, ǹton kámma bo kɔn yā'onnenao, <sup>10</sup> zaake gbēnɔ kú ma pɔ ũ pari wéte kè guu. Má kúnyo, gbēke é n kũ à ña dammaro. <sup>11</sup> Ben Pɔlu wè do kɔn m̀ swēdooo kè gwe ègɔ Luda yā daa gbēnɔne.

<sup>12</sup> Gurɔɔ kè Romu gbē Galio de Girisi bùsu gbēnsi ũ, Yudanɔ ledole kè, aɔ fɛe Pɔluzi, aɔ gàao yákpaekekiia <sup>13</sup> aɔ bè: Àmbe e té kaa gbēnɔn aɔgɔ dɔnziyā kè pà wa dokane kũna. <sup>14</sup> Kè Pɔlu yezi à yā o, ben Galio bè Yudanɔne: Yudanɔ, tó dà ke taari bíta keme yā, à kɔ sio mà menaao. <sup>15</sup> Lán ée yáketee kaa gbēnɔ tó yā musu nà kɔn a zĩnda dokao, beee gɔ a yā ũme. Ma gi yā beee taka kekenazi. <sup>16</sup> Ben à pèñma à n bɔe yákpaekekpen. <sup>17</sup> Ben parii aduakekpe gbēnsi Sɔsɔtene kù aɔ à gbègbē yákpaekekpe kpɛlea. M̀de èe ke Galione yāke ũro.

### *Pɔlu tana Antiɔku*

<sup>18</sup> Pɔlu gurɔplaa kè Kɔrinti dɔ, ben à lé zà Yesudeenɔa à gè góro'iten èe taa Siria bùsun. Pirisila kɔn Akilao gàao. À mì bɔ Kenkɛrea lu kè à sè Ludane yānzi. <sup>19</sup> Kè aɔ kà Efesu, Pɔlu

Pirisila kɔ̃n Akilao tò gwe. A gaa aduakɛkpen aɔ̃ yā lèkɔ̃zi kɔ̃n Yudano, <sup>20</sup> ben aɔ̃ wée kèa à gurɔ̃plaa kɛ̃nyo. Ben à gí, <sup>21</sup> mɔ̃de kè èe lé zaama à bè: Tó Luda wè, mé ɛara mà mó a gwa. Ben à gè góro'iten zaa Efesu. <sup>22</sup> Kè à kà Sizarea, à gaa à ì kpà sɔ̃si gbɛ̃noa zaa Yerusalemu, ben à tà Antiõku. <sup>23</sup> Kè à gurɔ̃plaa kè gwe à ɛara à dà zén à gaa wéte kɔ̃n wéte Galatia bɔ̃sun kɔ̃n Firigia bɔ̃suo à Yesudeeno gbà gbāaa n̄ píngi.

### *Apolo waazikena Efesu*

<sup>24</sup> Yuda kee kuu à tón Apolo, Alesandaria gbɛ̃me. À lé nna, bensɔ̃ à Luda yā dɔ̃ maamaa. <sup>25</sup> Wà Dii zé yā dāne, ben Yesu yādannena à swè blè. È dañne a zéa, mɔ̃de Yaaya batisikena yān à dɔ̃. À mò Efesu, <sup>26</sup> ben à nà yā'onaa aduakɛkpen kɔ̃n kùgbāaa. Kè Pirisila kɔ̃n Akilao à yā mà, ben aɔ̃ à sìsi aɔ̃ Luda zé yā bòkɔ̃tene sānsān. <sup>27</sup> Kè Apolo yezi à gá Girisi bɔ̃sun, Yesudeeno à gbà swè, ben aɔ̃ takada kè Yesudee kè aɔ̃ kú gweenone le aɔ̃ à kú ɔ̃plaplaa. Kè à kà gwe, à ɔ̃ dà gbè kè aɔ̃ Yesu náane kè Luda gbèke gāzīnoa maamaa. <sup>28</sup> Zaake à yā Yudano fù parii guu mámmam, à òdañne Luda yā guu kè Yesun Mesaya ũ.

## 19

### *Pɔlu kuuna Efesu*

<sup>1</sup> Gurɔ̃ kè Apolo kú Korinti, Pɔlu gè Asia bɔ̃su gura. Kè à kà Efesu, à Yesude keno lè gwe, <sup>2</sup> ben à n̄ lá à bè: Kè a Dii náane kè, a à Ninii ès? Ben aɔ̃ wèla wà bè: Auo, wée à Nini kuuna yā ma sero. <sup>3</sup> Ben à n̄ lá à bè: Batisi kpareen á kè? Aɔ̃ wèla wà bè: Yaaya pómɛ. <sup>4</sup> Ben Pɔlu bèñne: Yaaya gbɛ̃no batisi kè aɔ̃ nòseliɛna sèeda ũme. À ò gbɛ̃no aɔ̃ gbè kè eé mó a kpe náane ke. Yesun à téa gwe. <sup>5</sup> Kè aɔ̃ yā pì mà, aɔ̃ batisi kè kɔ̃n Dii Yesu tó. <sup>6</sup> Kè Pɔlu ɔ̃ kèmma, Luda Nini òmma, ben aɔ̃ yāke borii ò aɔ̃ annabikéyā ò. <sup>7</sup> Gbè pino n̄ píngi kà lán gɔ̃n kuri awɛplaa bà.

<sup>8</sup> Pɔlu ègɔ̃ gaa aduakɛkpen ai mɔ̃ aagɔ̃. À yā òñne kɔ̃n kùgbāaa, èe yā gágaanyo le aɔ̃ a yāze e kpata kè bò Luda kii musu. <sup>9</sup> Mɔ̃de aɔ̃ gbèkeno swāgbāaa kè aɔ̃e Luda yā síro, ben aɔ̃ zé pì zaa bò parii guu. Ben Pɔlu gbè kè aɔ̃ Yesu náane keno sèe aɔ̃ bò n̄ té. Ben ègɔ̃ yā gágaanyo Tiranu kyókpen lán guu e dɔ̃ nà. <sup>10</sup> À kè le ai wè plaa, ben Asia bɔ̃sudeeno Dii yā mà Yudano kɔ̃n Girikinɔ̃ n̄ píngi.

### *Seva néno*

<sup>11</sup> Luda Pɔlu gbà zé à dabuyā bɔ̃nsaeno kè. <sup>12</sup> Len baa tó wà ísimmagobono ke fùrano kè Pɔlu mèa wà gaa wà kè gyáreeno, aɔ̃ è kèkɔ̃ame aɔ̃ zīno è gomma. <sup>13</sup> Yuda zīngommari kè aɔ̃egɔ̃ lili oo keno wéte wà zīn go kɔ̃n Dii Yesu tó aɔ̃ bè: Wá òare kɔ̃n Yesu kè Pɔlu è à yā waazi ke tó, à gomma. <sup>14</sup> Yudano sa'oriki kè wè bene Seva négɔ̃gbè gɔ̃n swɛplaaano bé wè ke le. <sup>15</sup> Ben zīn bèñne: Má Yesu dɔ̃, bensɔ̃ ma Pɔlu baaru mà. Apino sɔ̃, dén a ũu? <sup>16</sup> Ben zīndee pì kùsimma à gbāaa mòñne, à n̄ né n̄ píngi à n̄ kenna, ben aɔ̃ bàa lè wà bòe ua pì guu bũ. <sup>17</sup> Kè Efesudeeno yā pì mà Yudano kɔ̃n Girikinɔ̃ n̄ píngi, vīa n̄ kũ, ben wà Dii Yesu tó sè lezī. <sup>18</sup> Ben gbè kè aɔ̃ Yesu náane keno mò aɔ̃e n̄ yākenano oo gupuraa pari. <sup>19</sup> Pɔdamari keno n̄ takadano nàkɔ̃a aɔ̃ mò wà kà tén parii wáa. Kè wà takada pino ɔ̃ dɔ̃, wà è à kà kondogi ɔ̃ mèn bɔ̃ro baplaa akuri. <sup>20</sup> Len Dii yā e daagula le èe gbāa kũ.

### *Yakete fɛna Efesu*

<sup>21</sup> Yā beeno kɛna gbera Pɔlu zèo a nòse guu kè eé bɔ̃e kɔ̃n Masedonia bɔ̃suo kɔ̃n Girisi bɔ̃suo à gá Yerusalemu à bè tó a gaa gwe, séde mà gá Romu. <sup>22</sup> Ben à a dɔ̃nleri gɔ̃n plaa keno zì Masedonia, Timoti kɔ̃n Erasatuo. Àmɔ̃ sɔ̃ gɔ̃ Asia bɔ̃sun gīa.

<sup>23</sup> Gurɔ̃ beean yakete fɛe maamaa Dii zé yā musu. <sup>24</sup> Kondogipiri kee kuu à tón Demeteriu, è Atemi tāakpe taka pi kɔ̃n kondogio. À piri daano è àre bita e zī pì. <sup>25</sup> Ben à n̄ kákɔ̃a kɔ̃n n̄ gbèdaaa kè aɔ̃e zī beee taka keno à bèñne: Gbɛ̃no, á dɔ̃ kè ɔ̃zī kèn wa blekii ũ. <sup>26</sup> Ée ee bensɔ̃ ée maa lán Pɔlu e kee nà, kè à bè taa kè wà n̄ píno né diinonlo. À gbɛ̃no

mì liē pari, aō à yāzē è. Èe ke Efesu kèn adoro ai kōn Asia būsū gu parideeome. <sup>27</sup> Yā kè é fō à mōnzi iwe fá. Èe ke wa ɔzī lēna adonlo, à yā é tó tāa nɔgbē bíta Atēmi kpé ke pā, tāa kè Asia būsudeenɔ kōn anduna gbēnɔ pīngi è dōnzi kenε pì gakui kò é é.

<sup>28</sup> Kè aō yā pì mà, aō pɔ fē, ben aō nà wiilēnaa wà bè: Efesudeenɔ Atēmi bíta. <sup>29</sup> Wéte lògo, gbēnɔ bàa lè aɔɔe sii kōkakōakekiin, ben wà Masedonia būsū gōn plaa Gayusi kōn Arisitaku kè aōè gá wétēn kōn Pɔluonɔ kù wà gāańyo gwe. <sup>30</sup> Pɔlu yezi à gē zà pì guu, ben Yesudeenɔ e wenεro. <sup>31</sup> Asia būsū gbēnsi kenɔ né à gbēnnanɔme, ben aō gbēnɔ zīa wà lē dàa àton gē zānlo. <sup>32</sup> Kakōana yàka, gbēnɔ e wii lē aɔɔe kō yā maaro, zaake aō paridee dō tó bōyānzin wà kākōaziro. <sup>33</sup> Yudanɔ ɔ sō Alēsandazi à yā o, ben zà guu gbēkenɔ e lé dɔɔa. Ben Alēsanda ɔ gbàkēńne lē aō yīte, à yezi à Yudanɔ bà bɔ yān gbēnɔ wāa. <sup>34</sup> Kè wà à dō Yuda ũ, ben aō pīngi wiii sīkōn lán awa plaaa bà aō bè: Efesudeenɔ Atēmi bíta.

<sup>35</sup> Ben wéte gbēnsi n zōka zè à bè: Efesudeenɔ, baade pīngi dō kè á de tāa bíta Atēmi kpé dākpari ũ kōn à lakpasagbeo. <sup>36</sup> Lán gbēke é fō à bɔ beee kpεero nà, à a zīnda kù tēεε. Àton yāke ke kōn nòse wāaoro. <sup>37</sup> A mɔ kōn gbē kēnɔ gura kè, aɔɔe ɔ ke wa tāakpe pōkearo aɔɔe wa tāa tó zaaa síro. <sup>38</sup> Beee yānzi, tó Demeteriu kōn a piri daanɔ yā vī kōn gbēkeo, yākpaekegurɔ kuu kōn yākekerinɔ. Aō gá kō káara ke gwe. <sup>39</sup> Tó á yā pānde vī dɔ, weé gōgōare kakōana kè gbāadeenɔ sisi guu. <sup>40</sup> Zaake weé fō wà wa taari e zōka kè wà kà gbāa kèkii yānzi. Wé yāzēdee e wà o zōka pì musuro, zaake à gbáze vīro. <sup>41</sup> Yābee'ona gberan à gbēnɔ gbàre.

## 20

### *Pɔlu gana Masedonia būsun kōn Girisio*

<sup>1</sup> Kè zōka yāa, Pɔlu Yesudeenɔ kākōa à n gbá swè à lé zām̄ma, ben à gāa Masedonia. <sup>2</sup> Kè èe gētēεε būsū beela, à gbēnɔ gbà swè kōn yānɔ pari ai à gāa à kào Girisi, <sup>3</sup> ben à mɔ aagɔɔ kè gwe. Kè èe gaa gē góro'iten lē à tá Siria būsun, à mà Yudanɔ lé kpākōsōazi, ben à zèo à εara à tá kōn Masedonia kpaa. <sup>4</sup> Gbē kè aō gāa zenenɔ tón yè: Berea gbē Piru né Sopata kōn Tesalonika gbē Arisitaku kōn Sekunduo kōn Debi gbē Gayusio kōn Timotio kōn Asia būsū gbē Tikiku kōn Torofimuo. <sup>5</sup> Gbē beeenɔ dōwe ae wà gāa, aɔɔe wa dāa Toroasi. <sup>6</sup> Wapinɔ sō Buredi Sése'ēzēsai zībaa gbera wa gē góro'iten Filipi, ben gurɔ sɔɔroo gbera wa n lé Toroasi. Gwen wa azuma doo dēn.

### *Yutiku lēna bōna windon*

<sup>7</sup> Azumanεngo zī wa kō kākōa, lē wà buredi só lēdo. Pɔlu e waazi keεńne. Kè à yezi à tá tó guu dɔ, ben à dà yāla ai lezāndo. <sup>8</sup> Fitia parii kú kpé musu guu kè wá kōkakōan. <sup>9</sup> Gōkpare kee vēna windo guu kè wè benε Yutiku, èe igoba paa. Kè Pɔlu waazikena kè gbāa, ii à lè, ben à bɔ zaa kpé musu pì lēo aagɔde windo guu à lēε, ben wà à sè gè ũ. <sup>10</sup> Ben Pɔlu pita à kùsia, ben à à sè à kpà a kùla à bè: Àton tó swè kēaguro, à kú wēndio. <sup>11</sup> Kè à εara à didi musu, à buredi lìlikōre a sò, ben à yā ò maamaa ai guu dɔ, ben à dà zén. <sup>12</sup> Ben wà tà kōn gōkpare pìo bēε, gbēnɔ nòse yīi kù maamaa.

### *Zaa Toroasi ai Miletu*

<sup>13</sup> Wapinɔ sō wa gaa wa gē góro'iten, wa dɔ Pɔlunε ae wa ta Aso, wéte kè wé à sén. Len à zèo lē, zaake à yezi à gá gwe kēsεme. <sup>14</sup> Kè à wa lē Aso, ben wa à sè wa gaa Mitileni. <sup>15</sup> Kè guu dɔ, wa bɔ gwe kōn góro'iteo wa gaa Kio. Gu sia dōnao wa gaa Samɔ, ben à gurɔ aagɔdee zīn wa ka Miletu. <sup>16</sup> Pɔlu zèo yā à dɔ Efesuzi lē gurɔ tón gēa Asia būsunlo yānzi, zaake èe wāa lē à e à ká Yerusalemu ai Pentikōsi zībaa gō káme, tó eé sí ke.

### *Pɔlu lézana Efesu gbēnsinɔ*

<sup>17</sup> Pɔlu gbēnɔ zī sɔsi gbēnsinɔa Efesu à bè aō mó Miletu. <sup>18</sup> Kè aō kà, ben à bèńne: Á dō lán mēε ke nà gurɔ kè má kúao zaa zī kè ma gbá pēε Asia būsun kè. <sup>19</sup> Ma zīi kè Diine

zīndabusana guu kōn wée'io. Ma nawēa kè Yudanŏ lékpakōsōnamazi yānzi. <sup>20</sup> Mée kaarana yāke utearero, ma waazi kèare má dàare gupuraa kōn a beeno. <sup>21</sup> Ma lé dà Yudanŏa kōn Girikinŏ ń píngi aō ae dŏ Ludaa aō wa Dii Yesu náane ke. <sup>22</sup> Tia sa mée gaa Yerusalemu lán Luda Nini ma dan nà, yā kè eé ma le gwe má dōro. <sup>23</sup> Wéte kōn wéteo Luda Ninii e oome kpésia kōn wéetāmmao e ma dāa. <sup>24</sup> Mōde ma wēndi bēe vīme dōro, séde mà yā kè mée pēea le mà zīi kè Dii Yesu dāmee ke mà à mì de. Àmbe Luda gbēke baarunnakpana gbēnoe ũ.

<sup>25</sup> Amŏa kè ma lili ò a té ma kpata kè bŏ Luda kiia waazi kèareno, má dŏ tia sa kè wé wée sikŏle dōro. <sup>26</sup> Beee yānzi má òare gbāa, tó a gbēke sāsā, ma yān beee ũ dōro. <sup>27</sup> Ma Luda poyezi píngi òare, mée à ke utearero. <sup>28</sup> À làakari dŏ a zīndaa kōn sāa kè Luda Nini a die ń gbēnsi ũuno ń píngi. À Luda sŏsi gbē kè à ń lú kōn a zīnda aruo pino gwa. <sup>29</sup> Má dŏ kè ma tana gbera lewan pásī kè aō sāano wēnda vīroono é si a té. <sup>30</sup> Baa a gbēkeno é fēe wà yālekpee dañe, le wà gbēno gá wà naríma. <sup>31</sup> Beee yānzi àgŏ kú a làakaria. Lán ma lé dà a baadea kōn wée'io nà fāantē kōn gwāavīo wē aagŏ dagura kámmabosai, à tó à yā gŏ dŏagu.

<sup>32</sup> Tia sa mée a naa Ludane a ŏzī kōn à gbēke yā kè eé fŏ à gbāaa kaaraareeo, à a gba zé le a baka gŏ kú kōn à gbēno ń píngi. <sup>33</sup> Mée gbēke ŏ ke à pŏkāsā ke ni dero. <sup>34</sup> Á dŏ a zīndane kè ma zīi kè kōn ma zīnda ŏome, ben ma pŏ kè wá à nii vī kōn ma gbēno è. <sup>35</sup> Má òdŏaare à píngi guu à zīi ke lán kè bà à gbāasaideeno ïan ká. Yā kè Dii Yesu ò gŏ dŏagu kè à bè gbadana pŏnnaa vī de gbasinala.

<sup>36</sup> Yābee'ona gbera à kùe a kosooa kōn ń baade píngio à adua kè. <sup>37</sup> Aō wée'i kàn ń píngi aō mlēmŏ Pŏlua aō lé pēpea. <sup>38</sup> Yā kè tò aō pŏŏ sia kù bíta bé à de kè à bè ń wée é sikŏle dōroo ũ. Ben aō zēne ai gŏro'ite kiia.

## 21

### *Pŏlu tana Yerusalemu*

<sup>1</sup> Wa kēnamma gbera wa gē gŏro'iten wa da zén wa mì pè Kosua. Gu làa dŏnao wa ka Rode, ben bŏna gwe wa gaa Patara. <sup>2</sup> Gwen wa gŏro'ite kè èe gaa Fenisia bŏsun è, ben wa gēn wa da zén. <sup>3</sup> Kè wa Sipiru è káaa, wa pāne ŏzēzi wée gaa Siria bŏsun, ben wa ka Taya, guu kè wà gŏro'ite asoo bŏen. <sup>4</sup> Wa Yesudeeno wéte, ben wa azuma doo kényo. Aō gbēkeno ò Pŏlune kōn Luda Nini gbāaao kè àton gá Yerusalemuro. <sup>5</sup> Mōde kè wa gurŏ beeno lé pà, wa fēe wée taa. Aō gàa zewe ń píngi kōn ń noŏno kōn ń néno wéte kpee ai ísia léa. Ben wa kue wa kosooa wa adua kè. <sup>6</sup> Kè wa lé zākŏa, wa gē gŏro'iten. Aŏmŏnno sŏ èara ń be.

<sup>7</sup> Bŏna Taya wa èara wa da zén ai wa ka Tŏlemai. Wa ì kpà Yesudeenoa wa kényo gurŏ do. <sup>8</sup> Kè guu dŏ, wa fēe wa gaa Sizarea. Wa gaa wa pita baarunnakpari Filipi be. Gŏon swēplaaa kè wà ń sé yāano dokeme. <sup>9</sup> À néno gbē annabino vī gŏon siigŏ aŏe zā ke kŏro. <sup>10</sup> Wa gurŏplaakena gwee guu annabi kè wè bene Agabu bŏ Yudea bŏsun à mò. <sup>11</sup> Kè à mò wa kiia, à Pŏlu utaba sè à a zīnda gbánŏ kōn a ŏno yìò à bè: Lán Luda Ninii ò nànyè: Gbē kè bà kè vīi, len Yudanŏ é à yi Yerusalemu aō à kpá bori pāndenŏa le. <sup>12</sup> Kè wa yā pì mà, wapino kōn wéte pì deeno wa agbaa kpà Pŏlune àton gá Yerusalemuro. <sup>13</sup> Ben à bè: Bŏyānzi ée ŏ dŏ ée ma nŏse yakaamezi? Àtongŏ yina ũ sero. Baa tó mé ga Yerusalemu Dii Yesu tŏ yānzi, ma sorumi mà. <sup>14</sup> Kè wèe fŏ wà mìle blèro, wa kámma bŏ wa bè: Dii poyezi ke. <sup>15</sup> Beee gbera wa soru kè, ben wa gaa Yerusalemu. <sup>16</sup> Yesudee kè aŏ kú Sizarea keno gàa wà pítawao Sipiru gbē Nasŏ be. Yesudeen à ũ zaa zi.

### *Pŏlu gana Yemisi gwa*

<sup>17</sup> Kè wa ka Yerusalemu, Yesudeeno wa si kōn pŏnnaao. <sup>18</sup> Kè guu dŏ, Pŏlu gàawao Yemisi be. Gbēnsino kakŏana gwe ń píngi. <sup>19</sup> Pŏlu ì kpāmma, ben à yā kè Ludaa kè a zīi gāzī bori pādenŏ té tŏkēñne mámmam zéazea. <sup>20</sup> Kè aō yā pì mà, aō Luda sáabu kpà. Ben aō bène: Ń yā pì gwa, wa gbē. Yudanŏ Yesu náane kè bŏro ũgbangba, ben aō píngi aña vī Musa doka

musu. <sup>21</sup> Aɔɔ mà kè nées yā daa Yuda kè aɔɔ kú bori pāndenɔ ténɔne aɔ kpɛɛ li Musa dokane, aɔton bāngu ke n nénɔnero aɔtongɔ n fɛɛakaarayānɔ kūnaro. <sup>22</sup> Wé ke diaa? Zaake aɔé gí n mɔna maziro. <sup>23</sup> N̄ ke lán wé onne nà. Wa té gɔɔn siigɔ kenɔ lù sè Ludane. <sup>24</sup> N̄ n̄ sé à gá gbāsī bɔ a zīndan, n̄ n̄ fīa bo le aɔ e wà mì bo, baade pínɡi gɔ dɔ kè yā kè aɔɔ mà n musu né yāpuranlo. Aɔé e kè mpi sɔ n̄ té Musa dokazi. <sup>25</sup> Bori pānde Yesudeenɔ sɔ, wa takada kè wá ònne wa zɛo aɔ mì kè nòbɔ kè wà saa òo tāaa kɔn aruo kɔn nòbɔ kòtokpasaiɔ kɔn pāpākenao.

<sup>26</sup> Ben Pɔlu gbē pìnɔ sè à tànyo. Kè guu dɔ, aɔ gbāsī bɔ n̄ zīndan, ben à gè Luda ua le à gbāsībɔguro lé diɛ kɔn saa kè weé o n̄ baadenɛo.

### *Pɔlu kūna Luda ua*

<sup>27</sup> Kè gbāsībɔna guro swɛɛplaa beee kà yāana, Asia būsɔ Yuda kenɔ Pɔlu è Luda ua. Aɔ té kà pariin, ben aɔ à kù. <sup>28</sup> Aɔɔe wii leɛ wà bè: Isarailinɔ, à wa faaba ke. Gbē kèkii bé ègɔ yā daa baade pínɡine gu pínɡia, kè bɔ wa gbēnɔ yā kpɛɛ kɔn wa dokao kɔn gura kèo. Bee gbera à dokè Luda uao dɔ à gènn kɔn Girikinɔ. <sup>29</sup> Aɔɔ ò le kè aɔ Efesu gbē Torofimu è kɔn Pɔluo wéte guu yā yānzime, ben aɔɔe daa Pɔlu gèo Luda uame.

<sup>30</sup> Wéte lògo, gbēnɔ wì kɔn bāo zaa gu pínɡia aɔ mò wà Pɔlu kù Luda ua aɔ à gàe wà bɔo. Gwe gɔɔ wà Luda ua pì gbànɔ tàta. <sup>31</sup> Kè aɔɔ yezi wà à de, yā pì baaru Romu sozanɔ gbēnsi kii lè, à mà Yerusalemu lògo. <sup>32</sup> Gwe gɔɔ à soza bàdeenɔ sè kɔn à bàsaideenɔ, ben aɔ gèñla kɔn bāo. Kè gbēnɔ sozanɔ gbēnsi pì è kɔn sozanɔ ledo, aɔ Pɔlu gbēna tò. <sup>33</sup> Ben gbēnsi pì sò Pɔluzi à à kù à bè wà à yi kɔn mòkyakoonɔ mèn plaa. À n̄ lá à bè: Dén gbē pì ũu? Bó yān à kè? <sup>34</sup> Ben zà guu gbēnɔ e wii leɛ aɔɔe yā dɔnkɔ ooro. Kè zɔka e tó gbēnsi pì fī à yā pì sānsān maro, à bè wà gáo sozanɔ be. <sup>35</sup> Kè wà kào didikiia, sozanɔ bé wà à sè gbēnɔ nanakɔana yānzi. <sup>36</sup> Zaake baade pínɡi tézi kɔn wiiio aɔɔe bee: À à de.

### *Pɔlu gina kɔn a zīndao*

<sup>37</sup> Kè wà yezi wà gē kɔn Pɔluo sozanɔ be, ben à gbēnsi pì là à bè: Né we mà yā oñneɔ? Ben à à là à bè: Nèè Giriki yā maɔ? <sup>38</sup> Iɡipiti gbē kè fè gbāadeenɔzi zīna à gàa gbáan kɔn būsuderi gɔɔn bɔɔ siigɔɔnɔn n ũroo? <sup>39</sup> Pɔlu wèala à bè: Yudan ma ũ. Wà ma i Taasu, Silisia būsomme. Wéte tósaideenlo. Ma wée kèmma n̄ ma gba zé mà yā o gbēnɔne. <sup>40</sup> À à gbà zé, ben Pɔlu zè didikiia à ɔ kè gbēnɔne yáku. Kè aɔ yīte kítikiti, à yā ònne kɔn Eberu yāo à bè:

## 22

<sup>1</sup> Ma gbēnɔ kɔn ma mareenɔ, à swā kpá à ma yāze ma tia. <sup>2</sup> Kè aɔɔ mà èe yā oñne kɔn Eberu yāo, aɔ zè kítikiti. Ben Pɔlu bè: <sup>3</sup> Yudan ma ũ, wà ma i Taasu, Silisia būsomme, ben ma né blè wéte guu kè. Gamalieli kiian ma doka kè wa dezino kūna dàdan a zéa. Má aīa vī Ludane lán á kuu nà gbāa a pínɡi. <sup>4</sup> Ma wée tà dɔnzize pì sèrinɔa ai aɔ gbēkenɔ gàga, ma gɔgbē kɔn nɔgbēnɔ kùkū ma n̄ ká kpésiaan. <sup>5</sup> Sa'oriki kɔn gbēnsinɔ de ma sèedadeenɔ ũ n̄ pínɡi. Ma takada kè aɔɔ kè Damasiku Yudanɔne s̄ n̄ ɔzī, mée gaa gwe mà gbē pìnɔ kùkū mà suñyo Yerusalemu wà wée tām̄ma.

### *Pɔlu a Yesu zé sena tskēnnena* (Zīr 9:1-19, 26:12-18)

<sup>6</sup> Kè má té zén, ma ka kī kɔn Damasikuo ɔfāntē kà m̄dangura, ben kāndo gupura bíta bɔ ludambe à dàkala. <sup>7</sup> Ma bɔ ma leɛ tɔɔte, ben ma kòto mà wà bème: Solu, Solu, à kè dia nées wée tāamaa? <sup>8</sup> Ben ma bè: Dén n̄ ũu, Dii? Ben à bème: Mámbe Yesu Nazareti kè nées wée tāaa ũ. <sup>9</sup> Gbē kè aɔɔ kúmaonɔ gupuraa pì è, m̄de aɔɔe gbē kè èe yā oomao kòto maro. <sup>10</sup> Ben ma à là: Bón mé kee, Dii? Ben à bème mà fɛɛ mà gē Damasiku. Gwen weé yā kè a dieme mà kee ome pínɡi. <sup>11</sup> Gupuraa pì í gbāaa tò ma wée e guu e dɔro, ben ma gbēnɔ ma kù ma ɔɔa aɔ gèmao Damasiku.

12 Dɔnziri kee kú gwe kè wè benε Anania. È mì siε Luda dokanε, bensō Damasiku Yudanɔ pínɡi è à tó nnaa sí. 13 À mò ma kiia à zè ma saε, ben à bèmε: Solu ma gbē, ñ εara ñ guu e. Gwe gɔɔ ma wée wè, ben ma à è. 14 À bè wa dezino Luda bé à ma se le mà wée si Gbē Maale mà yā ma à lén mà à pɔyezi dō. 15 À bè mégō de à sèedadee ũ màgō yā kè má è kōn yā kè má mào oo baade pínɡine. 16 Ben à bè bón mée dāa dɔɔ, mà fεε mà batisi ke ma durunnɔ é kēma kōn à sísinao.

### *Pɔlu zīna bori pāndenɔ kiia*

17 Kè ma εara Yerusalemu, mée adua keε Luda ua, ben ma wéeɡupu è. 18 Ma Dii è, à òmε mà ke kpakpaa mà bɔ Yerusalemu, zaake gbēnɔ é yā kè mée oo a musu síro. 19 Ben ma bè Diine, aɔɔ dō sānsān kè mēgō gēε aduakεkpε kōn aduakεkpεn-o le màgō à náanekerino kaa kpésiaan wāgō ñ gbēε. 20 Kè wèε à sèedadee Sitivī deε sō, mapi má kú gwe ma ze kōn à dèrinɔ, má ñ utanɔ kūnañε. 21 Ben Dii bèmε mà gá, é ma zī ai bori pāndenɔ kiia zāazā.

### *Pɔlu né Romu gbēme*

22 Aɔ swā kpà à yāzi ai à gāa à kà bori pāndenɔ yā pìà, ben aɔ nà wiiia wà bè: À à de! Gbē kè taka kuuna zé vīro! 23 Aɔɔe wii leε aɔɔe ñ utanɔ gbākeε aɔɔe bùsuti fāa musu. 24 Ben Romu sozanɔ gbēnsi bè wà gē kōn Pɔluo ñ be, wà à gbē kōn flāo ai à yāpuraā o wà e wà yā kè wèε wii dɔɔa à yānzi ma. 25 Kè wèε Pɔlu ɔɔnɔ poroo le wà à yi, à bè soza bàdee kè kú gweenε: A à zé vī à Romu gbē gbē yākpakesaió? 26 Kè soza pì yā pì mà, à gāa à bè ñ gbēnsine: Bón né keε? Gbē pì né Romu gbēme. 27 Ben gbēnsi pì mò à Pɔlu là à bè: Ñ omε, Romu gbēn n ũ? À wèàla à bè: Eè. 28 Ben gbēnsi pì bène: Ma ɔ bíta kpāme, ben ma gō Romu gbē ũ. Ben Pɔlu bène: Mapi sō wà ma i à ũmε. 29 Ben gbē kè aɔɔ yezi wà yā lalaa yāanɔ bòru kpεε gɔɔ. Kè gbēnsi pì dō kè Pɔlu né Romu gbēme, vīa à kù kè à tò wà mò kàa yānzi.

### *Yuda gbāadeenɔ yākpakeena kōn Pɔluo*

30 À guu dō kè gbēnsi pì yezi à yā kè Yudanɔ mòo sānsān ma, à mò pòroa, ben à sa'orikinɔ kōn Yuda gbāadeenɔ kākōa à mò kōn Pɔluo ñ aε.

## 23

1 Pɔlu wée pè gbāadeenɔa à bè: Ma gbēnɔ, yākee e ma swè vī Luda aεro ai kōn a gbāao. 2 Ben sa'oriki Anania ò a dogarinɔne aɔ à lé a léa. 3 Ben Pɔlu bène: Luda n lé se, gbēntee kākā be. Ñ vēena née yākpae keεmao doka musu, ben mpi sō n bɔ à kpεε, n bè wà ma lé. 4 Ben dogari pìnɔ bè: Mbe née Luda sa'oriki sōsɔɔ lés? 5 Pɔlu bè: Gbēnɔ, má dō sa'orikinlo, zaake wà kè Luda yān wà bè wàton wa bùsu gbāadee tó zaaá síro.

6 Pɔlu dō kè gbāadee pìnɔ gbēkenɔ né Sadusinɔmε, aɔ gbēkenɔ sō Farisinɔ, ben à òñne gbāngbān: Ma gbēnɔ, Farisin ma ũ, Farisinɔ nén ma ũ. Gèno fεεna tāmaa kè má vī yānzin ée yākpae keεmaozi. 7 Kè à yā pì ò, Farisinɔ kōn Sadusinɔ fεε kōo kōn leokpakōao, ben kakōana kpàate leo plaa. 8 Sadusinɔ è be gèno è fεero, bensō malaikanɔ kōn niniinɔ kuuro. Farisinɔ sō zè kōn yā pìnɔo pínɡi. 9 Zōka gbāaa gē ñ té, ben Farisi kè aɔè doka dañne kenɔ fεε kōn leokpakōa gbāaa aɔ bè: Wée yā zaa ke e gbē kèaro. Tó ninii ke malaika bé à yā òne sō né? 10 Kè leokpakōa gbāa kù, sozanɔ gbēnsi e vīa keε le gbēnɔ tón Pɔlu ke gyáigyairo yānzi, ben à ò a sozanɔne aɔ pita wà gē ñ té aɔ à kù wà gáo ñ be.

11 Zī beea gwāavī Dii bò à mò Pɔluzi à bè: Ñ làakari kpáε! Lán n ma yā ò Yerusalemu kè nà, séde ñ o Romu dɔ.

### *Lékpakōsōna Pɔluzi*

12 Kè guu dō, Yuda kenɔ kākōa asii guu aɔ la dà wà bè weé pó blero weé í miro ai wà gá Pɔlu deo. 13 Lékpakōsōri pìnɔo de gōon baplaaala. 14 Aɔ gāa sa'orikinɔ kōn gbēnsinɔ kiia aɔ



bèñne: Wá sî kǝn Ludao wa bè tó wée Pɔlu dero, tó wa pɔ blè, Luda láari kɛwa. <sup>15</sup> Apinɔ kǝn gbãadeenɔ a píngi à gá à o sozanɔ gběnsine à móare kǝn Pɔluo lán wà be á yezi à à yãnɔ tàasi ke tia de à káakupɔlaa bà. Wapinɔ sɔ wégɔ kú soru guu wà à de zén ai àgɔ gá ká kè.

<sup>16</sup> Kè Pɔlu dāre négɔgbè ní yā kè aɔ gɔgɔ pì mà, ben à gāa à gè sozanɔ be à ò Pɔlune. <sup>17</sup> Ben Pɔlu soza bàdee sîsi à bèñne: Ñ gá kǝn gɔkpare kèo a gběnsi kiia, zaake à yezi à baaru ke kpáneme. <sup>18</sup> Ben à à sè à gāao ní gběnsi kiia à bè: Pɔlu kè wà à dà kpén ma sîsi à kùeme mà mós n kiia kǝn gɔkpare kèo. À yāke vī à yezi à onne. <sup>19</sup> Ben gběnsi pì gɔkpare pì kù a ɔɔa à gāao gusae ní gɔɔn plaa, ben à à là à bè: Bó yān ní vī ñ omee? <sup>20</sup> Ben à bè: Yudanɔ bé wà lé kpàkɔsɔ, aɔ yezi wà kúenne ñ mós kǝn Pɔluo ní gbãadeenɔ zia, lán wà be aɔ yezi wà à yā gwa tia de à káakupɔlaa bà. <sup>21</sup> Ñton weñnero, zaake aɔ gbēnɔ e à dāa zén wà de gɔɔn baplaaala. Aɔ la dà wà bè weé pɔ blero weé í miro ai wà gá à deo. Aɔ sorumi mà kò, n yān aɔ swā dɔzi. <sup>22</sup> Gběnsi pì bè gɔkpare pìne: Ñton tó gbēke dɔ kè ní òmero. Ben à à gbàre.

### *Pɔlu gbarɛna Sizarea*

<sup>23</sup> Ben à soza bàde gɔɔn plaaanɔ sîsi à bèñne: À o soza fēedade gɔɔn wāa doonɔne aɔ soru ke wà gá Sizarea uusie úbleguro kǝn sode gɔɔn baaagɔ akurinɔ kǝn sáride gɔɔn wāa doonɔ. <sup>24</sup> À sɔ yā kèke Pɔlune à dia le wà gáo bùsu gběnsi Felisi kiia aafia. <sup>25</sup> Ben à takada kène à bè:

<sup>26</sup> Bùsu gběnsi Felisi, mamɔma Kalaudiu Lisia ma takada kè kèñne ma ì kpàmma.

<sup>27</sup> Yudanɔ bé wà gbē kèkii kù aɔ yezi wà à de. Kè ma à dō Romu gbē ũ, ben ma gaa kǝn sozanɔ ma à sîmma. <sup>28</sup> Kè má yezi mà à taari kè aɔ èa ma, ma à sè ma gāao aɔ yākpækèrinɔ kiia. <sup>29</sup> Gwen má dòn kè taari kè aɔ èa né ní doka yāme, èe yā kè kà wà à de ke wà à da kpésiaan kero. <sup>30</sup> Kè wà lé kpàkɔsɔzi, wà à kpāi kème, ben ma à gbàemma gɔɔ má ò yādeenɔne aɔ gá kǝn à yāo n kiia gwe.

<sup>31</sup> Ben sozanɔ kè lán wà òñne nà aɔ Pɔlu sè wà gāao Antipatari gwāavī. <sup>32</sup> Kè guu dò, soza kè aɔ taa oo kèse pìnɔ Pɔlu nà sodeenɔne ní ɔzī aɔ dɔo ae, ben aɔ èara wà tà ní be. <sup>33</sup> Kè sodeenɔ kà Sizarea, aɔ takada pì kpà bùsu gběnsi pia, ben aɔ Pɔlu nàne à ɔzī. <sup>34</sup> Bùsu gběnsi pì takada pì kyó kè, ben à Pɔlu là bùsu kè à bòn. À mà kè Silisia bùsun à bòn, <sup>35</sup> ben à bèñne: Tó gbē kè aɔ yā vīnyonɔ mò, mé ma lán aɔé o nà. Ben à bè wàgɔ à dākpaa Herɔdu pitakiia.

## 24

### *Yudanɔ Pɔlu káarakpana*

<sup>1</sup> Guro sɔɔroo gbera sa'oriki Anania mò Sizarea kǝn gběnsi kenɔ kǝn dokadɔri kè wè bene Tetuluo. Aɔ mò Pɔlu káara kpá bùsu gběnsi kiia. <sup>2</sup> Kè wà Pɔlu sîsi, Tetulu fēe èe yā daaàla à bè: Felisi, kǝn n aubarikao wa bùsu kaena aafia. N zia laasuulena bé à wa bùsu ke maa. <sup>3</sup> Wè n tó nnaa sí wàgɔ n sáabu kpaa gu píngia guro píngi. <sup>4</sup> Kè má yezi mà n yā gágaro, mé wée kemma ñ sùu kɛwao ñ wa yā néngo kèkii ma. <sup>5</sup> Wá è kè gbē pì né guderime. È yākete da Yudanɔ té anduna guu píngi, à de dɔnzize ege kè wè ní sîsi Nazaretideenɔ dɔn'aedee ũ. <sup>6</sup> Baa se à yezi à Luda ua gbāsī lé, ben wa à kù. <sup>7-8</sup> Tó n à lala n zīnda, né taari kè wá èa yāpura a dɔ. <sup>9</sup> Ben Yudanɔ yā'i kàara wà bè len yā pìnɔ de le.

### *Pɔlu gina kǝn a zīndao Felisi ae*

<sup>10</sup> Ben bùsu gběnsi pì mì kè degū Pɔlune le à yā o. Ben Pɔlu bè: Lán má n dɔ yākpækèri ũ bùsu kè guu à wè gí kè nà, beee yānzi mée ma mibɔna yā oo ma làakariazi. <sup>11</sup> Tó ní gbèka, weé onne kè ma gana Yerusalemu mà dɔnzi kèe de guro kuri awēēplaalaro. <sup>12</sup> Wèe ma e mée leokpakɔa kèe kǝn gbēkeo Luda uaro. Wèe ma e mée yākete daa aduakèkpenɔ guu ke wéte guuro. <sup>13</sup> Gbē pìnɔ é fɔ wà taari kè aɔ èmaa sēedadee ennero. <sup>14</sup> Má sî kè zé kè aɔ sîsî dɔnzize ege pì guun mée dɔɔ wa dezinɔ Ludazi. Má yā kè wà kè Musa doka guu kǝn

annabinɔ takadanɔ náanekena píngi. <sup>15</sup> Ma wée dɔ Ludazi lán aɔpinɔ bà kè gbē maaanɔ kɔn gbē zaaanɔ é fɛe bɔna gaan n píngi. <sup>16</sup> Beee yānzi mɛègɔ ma zīnda totoo gurɔ píngi le ma swè tóngɔ vīi Luda aɛ ke gbēntee aɛro. <sup>17</sup> Ma wèkɛna kɔn ma būsuo gbera ma ɛara ma su ma ɔ dàmma ma saa ò <sup>18</sup> Luda ua. Kè mée saa oo ma gbāsībɔna gbera, ben wà ma le gwe. Mée gbēnɔ kákɔaro, yāketete kuuro. <sup>19</sup> Asia būsuo Yuda kenɔn yādeenɔ ũ. Séde aɔ mɔ wà yā bɔ kɔ lén n kiia. <sup>20</sup> Tó lenlo, n tó gbē kè aɔ kú kènɔ dà kè aɔ ɛma gurɔ kè aɔ yākpae kèmao o. <sup>21</sup> Sé yā mèn doo kè má ònne kɔn kòto gbāaaɔ, gènɔ fɛena yā musun aɔɛe yākpae kɛmaozi.

<sup>22</sup> Felisi Yesu zé bokɔte dɔ, ben à lá kà Yudanɔ yāla à bè: Tó sozanɔ gbēnsi Lisia mɔ, mé a yā mɔ deare. <sup>23</sup> À ò soza bàdeenɛ àgɔ Pɔlu dākpaa, mɔde à à gba zé à ñam pá, à tó à gbēnɔ à ñan ká.

### *Pɔlu kuuna kpésiaan Sizarea*

<sup>24</sup> Gurɔ plaaa gbera Felisi mɔ kɔn a Yuda naɔ kè wè bene Durusilao. À Pɔlu sisi, ben à Kirisi Yesu náanekena yā maa. <sup>25</sup> Pɔlu e yā oo maakɛna musu kɔn zīndakūnadɔɔ kɔn yākpae kɛna kè èe mɔɔɔ, ben vīa Felisi kù à bè: N fɛe n tá gīa. Gurɔ kè ma ɔ lè mé ɛara mà n sisi. <sup>26</sup> À wée dɔ Pɔluzi kè eé ɔɔnkpɛɛgbaa daaremɛ, ben ègɔ à sisii gèn baaagɔ à mɔ fàadi boao. <sup>27</sup> Kè à kè wè plaa, Pɔsiu Fesutu vèè Felisi gèe ũ. Kè Felisi yezi àgɔ nna kɔn Yudanɔ yānzi, ben à Pɔlu tò da kpésiaan.

## 25

### *Pɔlu zè kɔn gana Siza kiiao*

<sup>1</sup> Fesutu vèena kpatan gurɔ aagɔ gbera à fɛe Sizarea à gàa Yerusalemu. <sup>2</sup> Gwen sa'orikinɔ kɔn Yuda gbāadeenɔ mɔ à kiia aɔ fɛe kɔn Pɔlu yāo. Aɔ wée kèa <sup>3</sup> à sùu ke à tó Pɔlu mɔ Yerusalemu. Zaake aɔ zèo wà takutɛe kpákpane zén wà à demɛ. <sup>4</sup> Ben Fesutu bènne: Pɔlu kú kpésiaan Sizarea, mapi sɔ mé tá gwe tia. <sup>5</sup> A gbāade kenɔ mɔ wà gámao. Tó à yā zaaa kème, é o.

<sup>6</sup> Fesutu kènyo lán gurɔ sɔraagɔ ke gurɔ kuri taka bà, ben à ɛara à tà Sizarea. Kè guu dɔ, à vèe a tintia à bè wà mɔ kɔn Pɔluo. <sup>7</sup> Kè wà mɔ, Yuda kè aɔ bɔ Yerusalemunɔ ligazi, ben aɔ yā bíta kè wèe fɔ wà à sèedadee èroonɔ dia paripari. <sup>8</sup> Pɔlu yā siñla à bè: Mée taari ke Yudanɔ doka ke Luda uanero, ke Siza. <sup>9</sup> Fesutu e wetɛe àgɔ nna kɔn Yudanɔ, ben à Pɔlu là à bè: Né we n gá Yerusalemu le mà yākpae kenyo gwe yā kènɔ musu? <sup>10</sup> Pɔlu bè: Siza doka kè kɔ sɔ wà yākpae keomee aezīn má zen kè. Mée taari ke Yuda kenɛro lán mpi n dɔ sãnsã nà. <sup>11</sup> Tó ma taari kè à kà wà ma deɛ kè, mée gízi mà garo. Mɔde lán mée yā kè gbē kènɔ e oo ma musu ke ke nàro, gbēke zé vī à ma kpámmaro. Gana Siza kiian ma zɛo. <sup>12</sup> Kè Fesutu lé kpákɔsɔ kɔn a gbēnɔ à bè: Kè Sizan n zɛo, à kiian né gán.

### *Gana kɔn Pɔluo kí Agaripa kɔn Benisio aɛ*

<sup>13</sup> Gurɔ plaaa gbera kí Agaripa kɔn Benisio mɔ Sizarea le wà ì kpá Fesutua. <sup>14</sup> Kè aɔɛe gurɔplaa kee gwe yānzi, Fesutu bɔ kɔn Pɔlu yāo kína pìne à bè: Gɔgbē kee kú kè kè Felisi à tò da kpésiaan. <sup>15</sup> Kè ma gaa Yerusalemu, sa'orikinɔ kɔn Yuda gbēnsinɔ mòmɛ kɔn à yāo wà bè mà sùu ke mà yā daàla. <sup>16</sup> Ma bènne tó gbē kè wà mɔ kɔn à yāo e zé e à kɔ e kɔn gbē kè aɔ yā vī ledoonɔ à yā siñlaro, wa Romudeenɔ weè à kpámmaro. <sup>17</sup> Kè wa su kè ledoo, mée yā gágaro. Kè guu dɔ gɔ, ben ma vèe ma tintia ma bè wà mómɛ kɔn adeeo. <sup>18</sup> Gbē kè aɔ taari èa pìno yā ò, aɔɛe yā zaaa kè mée kpákpa o à musuro. <sup>19</sup> Aɔ yāketete vīo n dɔnzize yā musu kɔn gɔgbē kè wè bene Yesu yāo. À gà, ben Pɔlu zè kɔn à kuuna wèndio yāo. <sup>20</sup> Ma bídi kè yā pì zé dɔnaa, ben ma à là tó à yezi à gá Yerusalemu wà yā pì gɔgɔne gwe. <sup>21</sup> Ben Pɔlu bè Romu kɔn a zɛo wàgɔ a kūna. Ben ma bè wàgɔ à dākpaa ai màgɔ gá à gbare Sizaa. <sup>22</sup> Ben Agaripa bè Fesutunɛ: Má yezi mà gbē pì yā ma ma zīnda. Ben Fesutu bè: Né yā ma à lén zia.

<sup>23</sup> Kè guu dō Agaripa kōn Benisio mò kōn gakui bítá, ben aō gè kōkākōakēkpen kōn sozano gbēnsinō kōn wéte gbē bēedeeno. Kè Fesutu yā ò, wà mò kōn Pōluo. <sup>24</sup> Ben Fesutu bè: Kí Agaripa kōn amōa kè á kúwao kēno píngi, a gbē kēkii èó? Yuda kè aō kú Yerusalemono kōn gura kēno n píngi gbē pì yā sè wà mōma, aōe wii lēma aō bè à maa àgō kuu dōro. <sup>25</sup> Mapi sō, mée e à yāke kè kè kà wà à dero, ben lán à zè kōn Sizao nà, ma zeo mà à gbarēa. <sup>26</sup> Mée yā pì gbá dō gbasa mà takada kē kínane à yā musuro. Beee yānzi ma mōo a ae, atēnsa mpi kí Agaripa, le yālalanāa gbēra mà yā e mà kē. <sup>27</sup> Zaake pisina gbarēmmana taari kè wà èa sānsān ona sai zé vī ma kiiaro.

## 26

### *Pōlu a zīnda yā bōkōtēna kí Agaripa ae*

<sup>1</sup> Ben Agaripa bè Pōlune: N zé vī n n yā o. Ben Pōlu o sè à a zīnda yā bōkōtē à bè: <sup>2</sup> Kí Agaripa, má è ma mīnnaa kè, kè má è mée ma zīnda yā bōkōtēe n ae gbāa taari kè Yudano dīma píngi yā musu. <sup>3</sup> Atēnsa kè n Yudano fēakaarayā dō píngi kōn n yāketeno. Beee yānzi ma wée kēmma n ma yā kè mame. <sup>4</sup> Yudano ma kuuna dō n píngi zaa ma né féte zī naana zaa ma būsun ai Yerusalemu. <sup>5</sup> Aō ma dō à gī kè. Tó aō yezi, aóé fō wà o kè má kú wa dōnzirinō gāli kè gbāa kōn Luda yāo kè wè be Farisinō té. <sup>6</sup> Tia sa wèe yākpae kēmao kè ma wée dō lé kè Ludaa gbē wa dezinōezi yānzi. <sup>7</sup> Wa bori mēn kuri awēplaaano ègō dō Ludazi fāantē kōn gwāavīo wēedōna légbēna dōnkō pìzi. Kí, tāmaa pì yānzin Yudano fēemazizi. <sup>8</sup> Bóyānzin Luda gēno fēena kēare yā zésaidee ūzi sēe?

<sup>9</sup> Mapi sō yā, ma zeo kè yā kè eé bō Yesu Nazareti kpēe píngin mégō kēe. <sup>10</sup> Len má kè le Yerusalemu. Sa'orikinō ma gba zé, ben ma Luda gbēno kà kpésiaan pari. Tó wèe n dēdēe sō, ma lé ègō kú à guume. <sup>11</sup> Mēègō gaa aduakēkpē kōn aduakēkpēo gēn baaagō màgō wée tāamma mà gā namma le aō lé sé Yesuzi. Ma pōo fēnañzi, ben mēè gā ĩa damma wéte swabaaano.

### *Pōlu a Yesu zé sēna yā'ona*

*(Zīr 9:1-19, 22:6-16)*

<sup>12</sup> Beee yānzi mée gaa Damasiku kōn iko kè sa'orikinō ma gbarēoozi. <sup>13</sup> Kí, kè má té zén kōn fāntēo di midangura, ma gupuraa è à bō ludambe à dāmala kōn ma gbēno, à pāsī de fāntēla. <sup>14</sup> Wa lēe tōte wa píngi, ben ma kōto mà wà bème kōn Eberu yāo: Solu, Solu, à kè dia nēe wée tāamaa? Lēzōna kōn gbáo kyatee sai e ĩa daamma fá! <sup>15</sup> Ma bè: Dén n ūu, Dii? Ben Dii bè: Mámbe Yesu kè nēe wée tāaa ū. <sup>16</sup> N fēe n ze. Ma bō ma mōnzi le mà n sé ma zīkeri ūme, ngō de yā kè n è kōn yā kè mé dōbannēe sēedadee ū. <sup>17</sup> Mé n mī sí Yudano ozi kōn bori pādeno. Mé n zīrīma <sup>18</sup> le n n wée kēñne, aō kpēe li gusiaane wà ae dō gupuraa, aō bō Setān gbāaan wà gē Luda pōn, le aō durunno e à kēmīma, aō baka gō kú kōn Luda gbēno ma náanekena yānzi.

### *Pōlu zīkena Yesune*

<sup>19</sup> Kí Agaripa, àmbe à tò mée gī ludambe gbē kè bō à mōmazi yāziro. <sup>20</sup> Ma waazi kè Damasiku gīa kōn Yerusalemuo, ben má kè Yudea būsū gu píngia kōn bori pādeno kiiāo. Má óñne aō nōse lie wà ae dō Ludaa, aō yā kè eé tó wà dō kè aō nōse lie kē. <sup>21</sup> Beee yānzin Yudano ma kū Luda uazi, aō yezi wà ma de. <sup>22</sup> Luda dōnlen má kuo ai kōn a gbāao, ben má zēna à sēedadee ū né féte kōn gbēnsinōne n píngi. Mēè yā pānde oro, sé yā kè annabinō kōn Musao ò à kēe baasiro. <sup>23</sup> Aō bè Mēsaya é mē'ōamma e, àmbe eé fēe bōna gaan káaku à gupura yā o Yudano kōn bori pādeno.

<sup>24</sup> Kè Pōlu e a zīnda yā bōkōtēe le, Fesutu wiii dōa à bè: ĩa kāmman yó Pōlu? N dōna bíta bé èe n mī liee. <sup>25</sup> Ben Pōlu bè: ĩa e kámāro, gbē bēede Fesutu. Yāzēdeen mée oo, bensō yāpuraame. <sup>26</sup> Kí, lán n yā beeno dō nà mé fō mà yā onne súusu vīa sai. Má dō kè à kee e ke n mī kpēero, zaake yā pì né gusae yānlo. <sup>27</sup> Kí Agaripa, n yā kè annabinō ò sīó? Má

dɔ kɛ́ n̄ s̄i. <sup>28</sup> Ben Agaripa bè Pɔlunɛ: Gurɔ zaka néngo kɛ́ guu néɛ daa né f̄ɔ̀ n̄ ma lie mà ḡɔ́ Yesudee ũn yó? <sup>29</sup> Pɔlu bè: Baa tia ke gikena má yezi, tó Ludaa wè. Èe ke ndonlo, kɔ́n gbɛ́ kɛ́ aɔ́ɛ ma yã maa gbàanɔ́ n̄ píngi, aɔ́ ḡɔ́ lán má de nà m̀k̄yakoo k̀enɔ́ baasi. <sup>30</sup> Ben kína pì kɔ́n bùsu gbɛ́nsio kɔ́n Benisio f̄ɛɛ kɔ́n gbɛ́ kɛ́ aɔ́ kakɔ́ana gweenɔ́. <sup>31</sup> Kɛ́ aɔ́ b̀ɛ, aɔ́ɛ o'ookɔ́nɛ: Gbɛ́ pì e yã kɛ́ kà wà à de ke wà à da kpésiaan kero. <sup>32</sup> Ben Agaripa bè Fesutunɛ: Tó gbɛ́ pì e zɛ kɔ́n gana Siza kiiao yãro, le wé f̄ɔ́ wà à gbare.

## 27

### *Gana kɔ́n Pɔluo Romu góro'ite guu*

<sup>1</sup> Kɛ́ wà z̀ɛ̀ wà da Itali zén, ben wà Pɔlu kɔ́n pisina kpaa kenɔ́ nà soza bàdee kɛ́ wè bene Yuliunɛ a ɔ́z̄i. À de soza gáli kɛ́ wè be Siza sozanɔ́ dɔ́n'aɛdeenɔ́ doke ũ. <sup>2</sup> Wa gɛ́ góro'ite kɛ́ b̀ Adaramitiumu guu, èe b̀ɛɛ kɔ́n Asia bùsu wétɛnɔ́, ben wa da zén. Masedonia bùsu gbɛ́ Arisitaku Tesalonika kúwao. <sup>3</sup> Kɛ́ guu d̀ wà ka Sid̄. Yuliu Pɔlu kúna kɔ́n ǹs̄ɛo do, ben à à gbà zé à gá a gbɛ́nɔ́ gwa le aɔ́ dɔ́nle kenɛ. <sup>4</sup> Kɛ́ wa b̀ gwe, wa ka í dagura. Kɛ́ ã e daawale yãnz̄i, ben wa d̀ Sipiru bùsuzi kpɛɛ kpa. <sup>5</sup> Táa'ona ís̄iaa dagura wa d̀ Silisia kɔ́n Pamfilia bùsunɔ́zi, ben wa ka Mira, Lisia bùsun. <sup>6</sup> Gwen soza bàdee pì Alesandaria góro'ite kɛ́ èe gaa Itali èn, ben à wa kan.

<sup>7</sup> Gurɔ kenɔ́ guu wa tá bùsa. Ɔsi kɔ́n ɔ́siion wa ka Sinidu léa. Kɛ́ ã e wewe wà gá súusuro, wa pãne wa b̀ Kereti bùsu kpɛɛ kpa Salamɔ́nɛ saɛ. <sup>8</sup> Ɔsi kɔ́n ɔ́siio wéɛ d̀ Keretizi, ben wa ka guu kɛ́ wè be Górodɔ́ki Maaan. À k̄i kɔ́n wétɛ kɛ́ wè be Laseao. <sup>9</sup> Lán wa ḡi kɛ́ zén nà, wa gana aɛ ḡɔ́ kari ũ, zaake Yudano léyigurɔ́ ḡɛ̀ k̀. Beee yãnz̄i Pɔlu lé dàmma <sup>10</sup> à bè: Gbɛ́nɔ́, má è tá k̀k̄ii é m̀ kɔ́n ásaruo bítao kɔ́n m̀nz̄io. Èe ke góro pì kɔ́n à asoonɔ́ adonlo, kɔ́n wapinɔ́mɛ se. <sup>11</sup> M̀de soza bàde górofir̄i kɔ́n górodeeo yã s̄i de Pɔlu yála. <sup>12</sup> Gu pì maa wà góro dɔ́n wà buusie ble gwero, ben gbɛ́ paridee zé kɔ́n dana zén-o. Aɔ́ yezi wà ká Fenisi, wétɛ kɛ́ kú Kereti ɔ́f̄ant̄ɛḡɛkpɛn kpa, tó eé sí ke wà buusie ble gwe.

### *Zàga'ia f̄ɛna ís̄iaala*

<sup>13</sup> Kɛ́ ã buse f̄ɛɛ s̄ɔ́mɛte kpa, aɔ́ɛ daa aɔ́é f̄ɔ́ wà n̄ p̄yezi kemɛ. Ben aɔ́ n̄ góro p̀ro wà dà zén aɔ́ɛ d̀ Keretizi k̄ik̄i. <sup>14</sup> Èe ḡi kero zàga'ia gbãaa kɛ́ wè be ã pãsi b̀ Kereti kp̄iii kpa. <sup>15</sup> À góro liɛ, wéɛ f̄ɔ́ wà m̀ d̄a d̀ro, ben wa ḡɔ́ tézi. <sup>16</sup> Kɛ́ à wa kpa luan néngo kɛ́ wè be Kodazi, à k̀wa s̄ò féte. Ɔsi kɔ́n ɔ́siion wa wa góronɛ m̀s̄ibo è wá k̀ gwe. <sup>17</sup> Kɛ́ aɔ́ s̀è wà g̀ɛ̀ góro ìsi guu, ben aɔ́ k̀k̄e aɔ́ bà ká góro ìsi p̄inɛ. Kɛ́ aɔ́ɛ v̄ia keɛ Libia bùsu ísararaa ḡɛnane yãnz̄i, ben aɔ́ góro kúra p̀è ìn aɔ́ ḡɔ́ té ãzi. <sup>18</sup> Kɛ́ guu d̀, lán zàga'ia ḡi e wa góro ȳip̄aȳip̄aa gbãngbãn nà, ben aɔ́ nà asoonɔ́ zuzunaa í guu. <sup>19</sup> À gurɔ aaḡɔ́dee z̄i aɔ́ n̄ góro z̄ik̄ebɔ́nɔ́ b̀ɛ aɔ́ kwèè n̄ z̄inda. <sup>20</sup> À kà gurɔ ũgbangba ɔ́f̄ant̄ɛ kɔ́n s̄ɔ́s̄ɔ́nɛnɔ́ e b̀ro, ã pãsi pì kɔ́n louo e kpáero. M̄s̄ina tãmaa kɛ́ wá v̄i yãa yãawa píngi.

<sup>21</sup> Wa gurɔplaa kɛ́ wéɛ e wa p̀ bl̀ero, ben Pɔlu f̄ɛɛ à bènnɛ: Gbɛ́nɔ́, tó a ma yã màme yã, le wéɛ f̄ɛɛ Kereti, m̀nz̄i kɔ́n ásaruo kɛ́ borii gbasa à wa lero. <sup>22</sup> Ai tia méɛ lé daaawa à a làakari kpáé! A gbɛ́ke é garo, séde góro pì yaka. <sup>23</sup> Ḡia gwãav̄i Luda kɛ́ má de à p̀ ũ méɛ d̀ɔ́zi malaika b̀ à m̀mazi <sup>24</sup> à bè: N̄ton v̄ia kero, Pɔlu. Séde n̄ Siza aɛ le. Luda gbɛ́ kɛ́ aɔ́ kúnyo góro guunɔ́ b̀nnɛ aafia n̄ píngi. <sup>25</sup> Beee yãnz̄i gbɛ́nɔ́, à a làakari kpáé! Má Luda náane v̄i kɛ́ eé ke lán à òmɛ nà. <sup>26</sup> Séde wà ká luan ke ísararaan.

<sup>27</sup> À gurɔ ḡero dosaidee z̄i gwãav̄i ã pãsi pì e wa gáɛɛ Adariatiki íla ai tia. Ben lezãndo góro gbɛ́nɔ́ e daa wa ka k̄i kɔ́n í baaomɛ. <sup>28</sup> Ben aɔ́ bà ílɔ́gwabɔ́ gbàre ìn, aɔ́ è gàsãsuu basiiḡɔ́. Kɛ́ à kɛ́ saa féte aɔ́ gbàre d̀, aɔ́ è à zã ká gàsãsuu baaaḡɔ́. <sup>29</sup> Aɔ́ɛ kp̄ana gbèlaa v̄ia keɛ, ben aɔ́ kúra m̀n siiḡɔ́ gbàre góro p̀rɔ kpɛɛ, ben aɔ́ɛ adua keɛ le guu d̄r̄mma. <sup>30</sup> Góro gbɛ́nɔ́ e zé wɛtɛɛ aɔ́ b̀ɛ góro guu aɔ́ bàà lé, ben aɔ́ɛ góro m̀s̄ibo pì pitaa aɔ́ da íla, aɔ́ɛ keɛ lán wà be wà yezi wà kúranɔ́ gbare góro aɛ bà. <sup>31</sup> Ben Pɔlu bè soza bàdeenɛ kɔ́n à bàsaideenɔ́:

Tó gbē beeenɔ e gō góro guuro, é f̄ à b̄oro. <sup>32</sup> Ben sozanɔ góro m̄isibɔ b̄anɔ z̄ōz̄ō āɔ tò à l̄èe ín.

<sup>33</sup> Kè guu yezi à d̄o, P̄olu agbaa kp̄àñne ní p̄íngi āɔ p̄ó ble à bè: À gurɔ ḡero dosain gb̄aa a gō logona p̄óblee sai. <sup>34</sup> M̄éé agbaa kp̄aaare à p̄ó ble, le à gb̄aaa e à b̄o aafia. Baa a m̄ik̄a m̄èn do eé l̄éero. <sup>35</sup> P̄olu ȳabee'ona gbera à bur̄edi s̄è à Luda s̄áabu kp̄à baade p̄íngi w̄aa, ben à lì èe soo. <sup>36</sup> Āɔ baade p̄íngi làakari kp̄àe, ben āɔ p̄ó bl̄è sa. <sup>37</sup> Wam̄owa k̄è w̄á kú góro guunɔ wa p̄íngi wa ka ḡōn w̄aa do kp̄é baaagō akuri aw̄eesw̄eedo. <sup>38</sup> Kè āɔ p̄ó bl̄è w̄á k̄á, āɔ p̄ów̄ee b̄èe w̄á k̄á ín, le góro e à futa k̄ū ȳanzi.

### *Góro'ite yakana*

<sup>39</sup> Kè guu d̄ò, āɔ s̄is̄īaa è āɔe d̄ōro. Kè āɔ ígukoto è k̄ōn b̄usu'āat̄ēo sarara, ben āɔ z̄èo w̄á ḡá k̄ōn góroo ígeezi, tó weé f̄. <sup>40</sup> Āɔ k̄úranɔ p̄òro āɔ dà í guu, ben āɔ górolibɔnɔ b̄à p̄òro ḡō. Āɔ góro ae bisa p̄òro ïane, ben āɔ m̄i p̄è ígeé p̄īa. <sup>41</sup> Ben āɔ s̄i b̄usu'āat̄ēn d̄ōna sai, ben góro z̄è gwe. B̄usu'āat̄ē p̄i góro ae k̄ū ḡíngin èe f̄ à niḡáro, ben ís̄okana k̄è e kakaa k̄ōn gb̄aaao e góro p̄òro kp̄ee yakaa. <sup>42</sup> Sozanɔ z̄èo w̄á p̄isinanɔ dede, le āɔ gb̄eke tón í kp̄á w̄á p̄itínguro ȳanzi. <sup>43</sup> M̄ode soza bàdee yezi à P̄olu m̄i sí, ben à ḡíñne āɔ ní p̄oyezi ke. À bè íkparinɔ d̄ōñne ae āɔ kusi ía āɔ bik̄ū, <sup>44</sup> gb̄ē kp̄aaanɔ gō té ní kp̄ee lí l̄èet̄egeenɔ ke góro kasonɔ musu. Len baade p̄íngi í baa l̄è aafia le.

## 28

### *P̄olu kuuna Malata luan*

<sup>1</sup> Kè wa í baa l̄è aafia, w̄á mà luan p̄i tón Malata. <sup>2</sup> B̄eedenɔ wa si k̄ōn yenzio maamaa. Āɔ gb̄aake kp̄aw̄azi, āɔ té s̄à l̄ewe, zaake lou n̄a manaa, ben ïa b̄èe. <sup>3</sup> P̄olu ȳaka kete k̄àk̄ōa à mò èe kaa t̄én, pitigoo kú à guu. Kè té puusu à p̄à, à b̄ò à P̄olu s̄ò a ɔɔa. <sup>4</sup> Kè b̄eedenɔ ml̄è p̄i è d̄o à ɔɔa, āɔ b̄èk̄ōne: Gb̄ē beee né gb̄ēderime ȳapura. Baa k̄è à bik̄ū íla aafia, ȳapuraa e wene àgō kuuro. <sup>5</sup> M̄ode P̄olu ml̄è p̄i gb̄àke à dà t̄én, èe p̄óke ken̄ero. <sup>6</sup> Gb̄ēnɔ w̄éé d̄ozi k̄è à ɔɔ é k̄á à l̄éé à ga gwe ḡōm̄e. Kè à ḡi k̄è, āɔ è p̄ókee e à lero, ben āɔ l̄é l̄iè āɔ bè, gb̄ē p̄i né t̄aa ïsi kem̄e.

<sup>7</sup> Guu p̄i saen luan gb̄ēnsi k̄è w̄è bene Publiu b̄ee k̄ún. À wa dīe gurɔ aagō à nib̄ok̄ee k̄èwe k̄ōn yenzio. <sup>8</sup> Publiu dee daena k̄ōn m̄èw̄āao èe b̄āndub̄āndu kee. Ben P̄olu ḡè à kiia à adua k̄èn̄e, à ɔ k̄èa à à k̄èk̄ōa. <sup>9</sup> Kè à k̄è le, luan p̄i gȳare kp̄aaanɔ mò à kiia, ben āɔ k̄èk̄ōa se. <sup>10</sup> Āɔ wa kpe dà maamaa. Kè w̄éé taa, āɔ k̄ūs̄āe k̄èwe d̄o.

### *P̄olu kana Romu*

<sup>11</sup> Wa kuuna luan p̄i guu m̄o aagō gbera wa ḡē góro'ite k̄è buusie bl̄è gween wa da z̄én. Góro p̄i b̄ò Alesandaria w̄á s̄ika t̄āanɔ s̄èeda k̄èa. <sup>12</sup> Kè wa ka Sirakusi, wa gurɔ aagō k̄è gwe. <sup>13</sup> B̄ona gwe wa d̄o ígeezi ai wa gaa k̄áo Regiumu. Kè guu d̄ò ïa b̄ò s̄ōm̄ete kpa, à gurɔ plaadeen wa ka Put̄oli. <sup>14</sup> W̄éte p̄i guun wa Yesudeenɔ l̄èn. Āɔ bè w̄á s̄ūu ke w̄á azuma doo k̄éñyo. W̄á k̄è le, ben wa da Romu z̄én. <sup>15</sup> Romu Yesudeenɔ wa baaru mà, ben āɔ mò dawale. Gb̄ēkenɔ wa le Apiu Ȳaran, gb̄ēkenɔ s̄ō guu k̄è w̄è be Pitakimen'aagōn. Kè P̄olu ní é, à Luda s̄áabu kp̄à à a làakari kp̄àe.

### *P̄olu waazik̄ena Romu*

<sup>16</sup> Kè wa ka Romu, w̄á P̄olu gb̄à z̄é àgō kuu adona k̄ōn soza k̄è eégō à d̄ākp̄aao. <sup>17</sup> Gurɔ aagō gbera P̄olu Yuda gb̄ēnsinɔ s̄isi. Kè āɔ k̄àk̄ōa, à b̄èñne: Ma gb̄ēnɔ, m̄éé z̄ā Yudan̄one ȳakearo. M̄éé b̄o wa dezinɔ f̄eakaaraȳake kp̄eero, ben w̄á ma k̄ū Yerusalemu w̄á ma kpa Romudeen̄a. <sup>18</sup> Āɔ ma lala ȳāzi āɔe ȳake e ma musu k̄è k̄á w̄á ma d̄ero, ben āɔ yezi w̄á ma gbar̄e. <sup>19</sup> Ben Yudanɔ b̄ò ma kp̄ee. Tiasi ma ze k̄ōn gana Siza kiiao, èe ke má ȳá v̄i k̄ōn ma b̄usu gb̄ēn̄onlo. <sup>20</sup> Beee ȳanzi ma a gb̄eka, le w̄á k̄ō e mà ȳá oao, zaake gb̄ē k̄è Isarailinɔ w̄éé d̄ozi ȳanzin w̄á mò k̄è k̄āmazi.

<sup>21</sup> Ben aã bène: Wée takada ke e à b̀ Yudea b̀sun n yã musuro. Wa gbẽke s̄o e b̀ gwe à s̀we k̄n n baaru zaaaoro. <sup>22</sup> Wá è à maa wà yã kè ñ v̄i ma n lézĩ, zaake wá mà kè wè d̄onzize pí zaa bo gu píngiamε.

<sup>23</sup> Aã gur̄o diεk̄ne k̄n P̄luo, ben aã mò à kiia ua kè à p̄tan paripari. À yezi āo a yãze d̄s Yesu yã musu, ben à nà Musa dokaa k̄n annabin̄o yãno, à kpata kè b̀ Luda kiia yã òñne à b̀k̄steñne zaa k̄nḡo ai uusie. <sup>24</sup> Gbẽken̄o yã kè èe oon̄o zé è, m̄ode gbẽken̄o ḡizi. <sup>25</sup> Kè āoε k̄εk̄o k̄n leokpak̄o, P̄lu yã mèn doo kàarañne à bè: Yã kè Luda Ninii dà annabi Isayanε à ò a dezin̄ne né yãpuraamε, kè à bè:

<sup>26</sup> Ñ gá ñ o gbẽ m̄n̄ne,  
aãéḡo swā kpaa yākemana sai,  
aãéḡo guu gwaa yāke'ena sai.

<sup>27</sup> Aã n̄se v̄iro le w̄aton ònd̄s k̄uro yãzi,  
aã swā gbāa le āton yã maro yãzi,  
aã w̄εε kpak̄rena le āton guu ero yãzi,  
zaake āo yezi wà ae d̄oma mà ñ gba aafiaro.

<sup>28-29</sup> Beee yãzi, àḡo d̄s kè Luda gb̄en̄o z̄i k̄n m̄isina yão bori p̄anden̄o. Āmbe weé sí.

<sup>30</sup> P̄lu kè kpé kè èe à f̄ia boo guu wè plaa mámmam. Èḡo gbẽ kè āè mó f̄aadi boon̄o k̄u oplaplaa ñ píngi. <sup>31</sup> À kpata kè b̀ Luda kiia yã waazi kèñne à Dii Yesu Kirisi yã dàñne k̄n làakario kpaena, gbẽkee e kpánero.

## ROMUDEENŃ

Baade píngi né durunkεrimε 1:1-3:20

Lán Luda è tó yā bɔ́nyo nna nà 3:21-4:25

Kuuna gbē dufunɔ ũ Kirisi guu 5:1-8:39

Yā kè Ludaa e wεtεε Isarailinɔ musu 9:1-11:36

Yesudeenɔ yákená 12:1-15:13

Pɔlu ikpamma 15:14-16:27

### *Pɔlu ikpana Romudeenɔ*

<sup>1</sup> Mamɔma Pɔlu, Kirisi Yesu zɔ̀bleri, Luda ma sisi à ma diε a z̄iri ũ, baaru nnaa <sup>2</sup> kè à ḡiake à à lé gbè à annabinɔne aɔ̀ kè à yān kpàri ũ. <sup>3-4</sup> À Né Yesu Kirisi wa Dii yān baaru nnaa pì ũ. À gbēnteekeε guu à bò Dauda borii guume. À ludaninikeε guu à fεena gaan ò̀ɔ̀awe kɔ̀n gbāaaò kè Luda Nén à ũ. <sup>5</sup> Kirisi ma gba zé màgɔ̀ de a z̄iri ũ bori píngine, le aɔ̀ e wà à náane ke aɔ̀ ḡɔ̀ à yāmarinɔ ũ le à tó bɔ̀. <sup>6</sup> Á kú gbē kè Yesu Kirisi n̄ sisi à n̄ sénɔ té se. <sup>7</sup> Ma takada kèkii kèare, a Romudee kè Ludaa yeazi à a sisi a ḡɔ̀ à gbēnɔ ũ píngi. Luda wa De kɔ̀n Dii Yesu Kirisio gbēkeε keare à a gba aafia.

<sup>8</sup> Káaku ḡiá ma Luda sáabu kè Yesu Kirisi ḡaz̄i a píngi yā musu, kè a ludanaanekena dà andunala píngi yānzi. <sup>9</sup> Tó méε adua keε gurɔ̀ píngi, a yā è sāmaguro. Ludan ma sèedadee ũ. Àpin méε dɔ̀ɔ̀zi kɔ̀n n̄̀seò do méε à Né yā baaru kpaa. <sup>10</sup> Meèḡɔ̀ wéε kea à zé kekeme lán à yezi nà, le mà e mà mó a gwa sa. <sup>11</sup> Ma wéesimalena nii e ma deε maamaa, le mà e mà Luda Nini gba ke daagu a kāsāpεena yānzi, <sup>12</sup> le a ludanaanekena kɔ̀n ma p̄ó e à wa baade gba swè. <sup>13</sup> Ma gbēnɔ, má yezi àḡɔ̀ d̄ɔ̀ kè meèḡɔ̀ gurɔ̀ diεε ḡèn baaaḡɔ̀ mà mó a gwa, le mà a z̄i gbè e a té lán má è bori pāndenɔ té nà, m̄ode ai tia méε zé ero. <sup>14</sup> Girikiyāmarinɔ kɔ̀n Girikiyāmarisaideenɔ n̄ píngi, d̄òrinɔ kɔ̀n d̄òrisaideenɔ n̄ píngi, n̄ yā ḡò ma yā ũ. <sup>15</sup> Beee yānzi ma mè wà mà baaru nnaa pì kpá a Romudeenɔne se. <sup>16</sup> Meè wí de kɔ̀n baaru nnaa pì yāoro, àmbe gbāaa kè Luda è gbē kè aɔ̀ɔ̀e à náane keεnɔ m̄i sío ũ, atēnsa Yudano, n̄ gbera bori pāndenɔ. <sup>17</sup> Baaru nnaa pì è owe lán Luda è tó yā bɔ́nyo nna nà. À de ludanaanekena yā ũ adome, lán wà kè Luda yān nà wà bè: Gbē kè Ludaa tò yā b̄ò nna à náane kè èε keε yānzi éḡɔ̀ kuu.

### *Gbēnteenɔ né taarideenɔme Luda kiia*

<sup>18</sup> Zaa musu Luda è a p̄ofē pita gbēntee kè n̄ zaakena è zé z̄ɔ̀ yāpuraanɔna n̄ pākpazina kɔ̀n n̄ zaakenaò yānzi. <sup>19</sup> Yā kè weé f̄ɔ̀ wà d̄ɔ̀ Luda yā musu utenañnero, Luda bé à yā pì b̄òñne gupuraaa. <sup>20</sup> Zaa gurɔ̀ kè à anduna kàε, à gbāaa kè è yāaro kɔ̀n à ludakeε kè wè e kɔ̀n wéεoroò b̄ò gupuraaa à z̄iinɔ guu wásawasa. Beee yānzi gbēnteenɔ agbaakpana v̄iɔ̀. <sup>21</sup> Aɔ̀ Luda d̄ɔ̀, m̄ode aɔ̀è bèε líne a zéa wà à sáabu kpáro. N̄ laasuunɔ kè p̄á, ben aɔ̀ ḡò gusiaan n̄ m̄isai yānzi. <sup>22</sup> Aɔ̀ n̄ z̄inda diε ò̀nd̄òrinɔ ũ, ben aɔ̀ ḡò m̄isaideenɔ ũ. <sup>23</sup> Aɔ̀è d̄onzi ke gbēntee kè aɔ̀è gaanɔ kɔ̀n b̄aanɔ kɔ̀n n̄̀b̄onɔ kɔ̀n p̄ótaa'onkuseanɔ takane Luda kè è garoo ḡεε ũ.

<sup>24</sup> Àmbe à tò Luda n̄ kpá gbāsīkenazi, le aɔ̀ wísaiyā ke k̄o, lán aɔ̀è à ni de n̄ n̄̀se guu nà. <sup>25</sup> Aɔ̀ Luda yāpuradee lendee kpá kɔ̀n εgeεo. Aɔ̀è d̄onzi ke Luda p̄ókenanɔne wà d̄onzi Luda kè p̄ó píngi kè ḡεε ũ. Aubarikadeen à ũ gurɔ̀ píngi! Aami.

<sup>26</sup> Beee yānzi Luda n̄ kpá wísaiyā nidεnaa. Baa n̄ n̄̀gbēnɔ yā kè wè keε lendee kpá kɔ̀n yā kè wè keroo. <sup>27</sup> Lemε se ḡɔ̀gbēnɔ yā kè wè ke kɔ̀n n̄̀gbēnɔ tò, aɔ̀è lugak̄zi. Ḡɔ̀gbē kɔ̀n ḡɔ̀gbēo è wísaiyā ke k̄o aɔ̀è à gbè e n̄ z̄inda n̄ sāsāna lén. <sup>28</sup> Zaake aɔ̀ɔ̀e we wà zé kɔ̀n Luda d̄onaoro, ben à n̄ laasuu kè lekpeε, le aɔ̀ yā kè de wà keroonɔ ke. <sup>29</sup> Yā zaa píngi p̄ek̄òrēm̄ma: N̄̀se p̄āsī, wéekaka, kena k̄o ñi, n̄̀seḡoanɔ, gbēdena,

swèe, gbēblena kōn mōnafikikena. KōmōtōdeenŃ n ũ, <sup>30</sup> gbēyakarino, Luda ibeenŃ, gbē takiikerino, yōkōdeenŃ, ĩadārinŃ, zaa laasuulinŃ, de kōn dao yāmarisaideenŃ, <sup>31</sup> mīsaideenŃ, náanesaideenŃ, gbēyākerisaideenŃ, sósobisaideenŃ. <sup>32</sup> AŃŃ dŃ kè Ludaa diē kè yā beee taka kèrinŃ kà wà n dede, mōde aŃè ze kōn à kenano adoro, aŃè té ká à kèrinŃmme dŃ.

## 2

### *Luda é yākpae ke a zéa*

<sup>1</sup> Beee yānzi mmōn kè neè gbē pānde taari ee, n agbaa vī n kpáro. Tó n gbē pānde taari è, n n zīnda dà yāmmē, zaake n gbētaari'eri neè ke le se dŃ. <sup>2</sup> Wá dŃ kè Luda yākpækēna kōn yā beee taka kèrinŃ kuu a zéame. <sup>3</sup> Mmōn kè neè yā beee taka kèrinŃ taari e, ben neè ke le se, née daa né bŃ Luda yākpækēnan yŃ? <sup>4</sup> Ke née dŃke kōn Luda nnakennēna bítao kōn à menao kōn à sùuomē? N dŃ kè Ludaa e à nnaa kēenne le n n nòse lie yānzinloo? <sup>5</sup> N swāgbāaa kè, née nòse liero, née pŃfē kaakōanzi ai Luda pŃfēpitammagurŃ zī, tó Luda yākpækēna kōn gbēnŃ a zéa bŃ gupuraa. <sup>6</sup> Eé fīa bo baadenē a yākenaa. <sup>7</sup> Gbē kè aŃŃe gakui kōn bèeo kōn mēvāsaio weteē bensŃ aŃŃe à maaa kee kōn menaonŃ é wēndi kè è yāaroo e. <sup>8</sup> Gbē kè n zīnda pŃyeziyā e dŃŃne ae aŃ gi yāpuraazi aŃŃ té à zaaazinŃ sŃ, Luda é pŃfē kōn pētēo pitaŃma. <sup>9</sup> Wétāmma kōn wāwāao é zaakeri píngi le, atēnsa YudanŃ, n gbera bori pāndenŃ. <sup>10</sup> Luda é maakeri píngi gba gakui kōn bèeo kōn aafiao, atēnsa YudanŃ, n gbera bori pāndenŃ. <sup>11</sup> Zaake Luda è gbēke wée gwaro.

<sup>12</sup> Gbē kè durun kè Musa doka dŃsai é kaate le doka pì sai. Gbē kè durun kè nana doka pì Ńzī sŃ, Luda é yākpae keo doka pì musumē. <sup>13</sup> Èe ke gbē kè èe doka maa kōn swāo bé à maa Luda kiiaro. Gbē kè èe zīi keea bé eé bŃ maa. <sup>14</sup> Tó borii kè aŃ Musa doka dŃroonŃ yā kè kŃ sŃo kè kōn n zīndao, aŃŃ doka vī n zīndaame. <sup>15</sup> AŃŃe ŃdŃŃawe kè yā kè kú doka pì guu kú n nòsemme. AŃ laasuu e yāpura kpaa dŃ, zaake aŃ laasuu mēn doro, à kenŃ è n da yān, à kenŃ è n bŃn. <sup>16</sup> Lemē yākpækēgurŃ zī Luda é yākpae ke kōn gbēnteenŃ yā kè utēna aŃ nòsen musu Kirisi Yesu gāzī, lán baaru nnaa kè mēe kpaa ò nà.

### *YudanŃ né dokadarisaideenŃmē*

<sup>17</sup> N Yuda ina, n ze kōn n Yudakēeo, n Musa doka náane vī, née yŃkŃ kee Ludao. <sup>18</sup> N Luda pŃyezi dŃ kōn yā kè zé vīo, kè wà doka pì dàdanne yānzi. <sup>19</sup> Néee daa n de vīanŃ wéedee ũ, gbē kè aŃŃ kú gusiaa guunŃ fitia ũ, <sup>20</sup> wéesiadeenŃ yādanneri ũ, gbē dufunŃ aufaa ũ. Néee daa Luda dokan dŃna kōn yāpuraao mì ũ. <sup>21</sup> Mmōn kè neè yā da gbē pāndenŃne, bŃyānzi neè da n zīndaneziroo? N bè wāton kpāi oro, mpi neè o sŃŃ? <sup>22</sup> Neè be wāton zina kero, neè zina ke sŃŃ? Neè kya ká tāanŃ, neè n kpé pŃnŃ kpāi o sŃŃ? <sup>23</sup> Neè yŃkŃ ke Luda doka musu, ben n doka pì danasai è Luda tó yaka. <sup>24</sup> Zaake a yānzin bori pāndenŃ ègŃ Luda tó zaaa siizi lán wà kè à yān nà.

<sup>25</sup> Tó n Luda doka kūna, ben bāngukēna àre vīnne. Tó néee à yā da sŃro, n sáa kōn gefŃdeenŃmē. <sup>26</sup> Tó gefŃdee Luda dokanŃ kūna, Luda é gefŃdee pì gwa sáa kōn gbē kè bāngu kèoro? <sup>27</sup> Baa tó n doka takada pì kūna bensŃ n bāngu kè, tó néee doka pì daro, bāngukerisaidee kè kūna é tó yā danla. <sup>28</sup> Kuuna Yuda ũ yāpuraa né mēbaayānlo, lemē bāngukēna yāpuraa né mēbaayānlo se. <sup>29</sup> Kuuna Yuda ũ yāpuraa né nòsguuyāme, lemē dŃ bāngukēna yāpuraa né nòseguuyāme se. Luda Nini zīime, èe ke doka takada yānlo. Luda bé è gbē beee taka sáabu kpá, èe ke gbēnteenlo.

## 3

<sup>1</sup> Kaarana kpareen Yudakēe vīi? Àre kpareen bāngukēna vīi? <sup>2</sup> À kaarana vī bíta yā píngi guu. Káaku gīa Luda a yā nānne n Ńzīme. <sup>3</sup> Kè aŃ gbēkenŃ náane vīro, bŃn beee vīi? AŃ



kuuna náane sai é Luda náane gboroó? <sup>4</sup> Auo! Lenlo! À tó Luda gō yāpuraa vī, baa kè gbē píngi né egedeeme, lán wà kè Luda yān nà wà bè:

Tó n yā ò, n yā égō zé vī,  
tó n yākpae kènyo, n yā é ble.

<sup>5</sup> Tó wa zaake è Luda maake bō gupuraa, bó yān wé oo? Wé be Ludaa maaro kè è pofē pitawa yānzin yó? Mée oo lán gbēntee ona bàme. <sup>6</sup> Auo! Lenlo! Tó Luda yāze vīro, à kè dia eé fō à yākpae ke kōn andunao? <sup>7</sup> Gbēke é be, tó a egedekere e Luda náane kaara bensō èe à tó bō, bóyānzin eé yā daala lán durunkeri bàzi? <sup>8</sup> Tó n ò le née bee wà yā zaa ke, yā maa é bōn. Gbēkeno ma tó zaa si wà bè len mēè o le. Luda yādanlana kō sīnyo.

### *Gbēkee maaro*

<sup>9</sup> Tò! Wa Yudanō wá sàon yó? Lenlo fá! Zaake ma Yudanō kōn bori pāndenō bōbō n dān n píngi kò, aō píngi né durun zōnōme. <sup>10</sup> Wà kè Luda yān wà bè:

Gbēkee maaro, baa mēn do.

<sup>11</sup> Làakaride kee kuuro, Luda kii weteri kee kuuro.

<sup>12</sup> Aō sāsā n píngi aō gō dōro sai,  
yāmaakeri kee kuuro, baa mēn do.

<sup>13</sup> Aō kòto de lán mira wēna bàme,  
aō è lēnnaa kásáñne,  
aō légbē né pitigoo sēwēeme,

<sup>14</sup> yā ñi kōn gbēkanao n lé pà.

<sup>15</sup> Aō wāa kōn gbēdenao,

<sup>16</sup> aō è kisia kōn pōsiaao kpánzi,

<sup>17</sup> aō aafia zé dōro,

<sup>18</sup> aō wée égō Luda wí vīro.

<sup>19</sup> Wá dō kè Luda doka píngi de gbē kè aō na doka pì ožīno pó ūme, le gbē píngi lé gō nakōana, anduna gbē píngi gō taaridee ū Luda kiia. <sup>20</sup> Zaake gbēke é bō maa Luda kiia doka pì kūna yānzīro. Luda doka bé è tó wà durun dō.

### *Dian Luda è tó yā bōnyo nna nà*

<sup>21</sup> Dian Luda è tó yā bōnyo nna nà bō gupuraa sa, lán à yā kēna Musa doka kōn annabinō takadanō guu nà. Èe ke à doka kūna yānlo. <sup>22</sup> Luda è tó yā bōnyo nna Yesu Kirisi náanekena yānzime. Gbē kè èe à náane kee píngi pómē. Gbēkee bōna adoro, <sup>23</sup> zaake baade píngi durun kè, aō kēsā Luda gakuizi. <sup>24</sup> Luda è tó yā bōnyo nna gbaa ū a gbēke yānzī Kirisi Yesu kè à n bó gāzī. <sup>25</sup> Àpin Ludaa kpà durun agbaakpabō ū gbē kè aōe à aru náane keenone, le à odo baade píngine kè eé yā ke a zéame. À mena yā, èe durun ziinō yā daro, <sup>26</sup> ben à dōañne tia kè eé yā ke a zéa. Dian Luda è yā ke a zéa nān gwe, bensō è tó yā bō kōn Yesu náanekerinō nna.

<sup>27</sup> Gbēnteenō é fō wà ña dā dō? Bee é sí kero. Bóyānzii? Zaake à de zīkena dokaa yā ūro, ludanaanekena yāme. <sup>28</sup> Zaake má è yā è bō gbēo nna Yesu náanekena yānzime, zīkena dokaa baasi. <sup>29</sup> Luda né Yudanō Ludame ítéé? Bori pāndenō Ludan seroo? Èe, bori pāndenō Ludame dō. <sup>30</sup> Zaake Luda mēn dome. Eé tó yā bō kōn gbē kè bāngu kèo nna a náane kè èe kee yānzime, bensō eé tó yā bō kōn gefōdeeo nna a náane dōnkō pì musu.

<sup>31</sup> Wée doka daa pōke ūro ludanaanekena yānzin yó? Lenlo, wée gbāaa kpaame.

## 4

### *Yā bōna Ibrañō nna ludanaanekena yānzī*

<sup>1</sup> Wa Yudanō, wé be diamē wa dezi káaku Ibrañ yā musuu? <sup>2</sup> Tó Ludaa tò yā bōo nna yā kè à kè yānzī, le à ñadāyā è, mōde èe fō à dà Luda aezīro. <sup>3</sup> Dian wà ò nà Luda yān? Wà bè Ibrañ Luda náane kè, ben Ludaa tò yā bōo nna a náane kè à kè yānzī. <sup>4</sup> Fīabona zīkerine

né gbēkekennenanlo, à asaiapome. <sup>5</sup> Baa tó gbē e yāke kero, tó èe Luda kè è tó yā bō kōn taarideenō nna náane kee, Luda é tó yā bōo nna a náane kè èe kee yānzi. <sup>6</sup> Dauda gbē kè Ludaa tò yā bōo nna yākekesai aubarika'ena yā ò à bè:

<sup>7</sup> Aubarikadeenōn gbē kè Luda pò kù n taarinōla à n durunō kèrmanō ũ.

<sup>8</sup> Aubarikadeen gbē kè Dii é à durun yā daroo ũ.

<sup>9</sup> Aubarika beee né gbē kè bāngu kè pómē adó, ke gefode pómē dō? Wà bè Ludaa tò yā bō kōn Ibraĩ nna, kè à à náane kè yānzi. <sup>10</sup> Ibraĩ de diamē gurō kè Ludaa tò yā bōo nnaa? À bāngukenaó ke gefodeemē? Èe bāngu kero, gefodeemē. <sup>11</sup> Ben à bāngu kè sèeda ũ kè Ludaa tò yā bōo nna à gefodekegurō yānzi. Len à de gefodee kè Ludaa tò yā bōnyo nnaano dezi ũ le n píngi n ludanaanekena yānzi. <sup>12</sup> À de gbē kè aō bāngu kēno dezi ũmē dō. Èe ke aō bāngukena yānzino, kè aō té wa dezi Ibraĩ kèsegebezi yānzime kè à Luda náane kè a gefodekegurō.

### *Dian Ibraĩ Luda náane kè nà*

<sup>13</sup> Luda lé gbē Ibraĩne kōn à boriino à bè anduna é gō n pò ũ. Èe ke à doka kūna yānzino, kè Ludaa tò yā bōo nna a náane kè à kè yānzime. <sup>14</sup> Tó gbē kè aō doka kūnanō bé weé kí ble, èndē ludanaanekena àre vīro bensō Luda légbēna kè famma, <sup>15</sup> zaake doka è mó kōn Luda pofōmē. Guu kè doka kúnlo, taari ègō kuuro. <sup>16</sup> Beee yānzi pò kè Luda a lé gbē ena né à náanekena yāme, le àgō de à gbēke yā ũ. Légbēna pì sō né Ibraĩ bori pino pómē n píngi, èe ke gbē kè aō Musa doka kūna ntēenōlo, kōn gbē kè aōe Luda náane kee lán Ibraĩ bānōmē dō. Ibraĩ né wa píngi dezime. <sup>17</sup> À de wa dezi ũ Luda kiia, lán wà kè Luda yān nà. Luda bè a à diē bori pariino dezi ũ. Ibraĩ Luda kè è wēndi kpá gēno à tó pò kè kuu yāroonō gō kuu náane kè. <sup>18</sup> À Luda náane kè à wée dō pò kè gbēke wée dōziroozì, ben à gō bori pariino dezi ũ lán Ludaa òne nà à bè, lemē à boriino égō de le. <sup>19</sup> Ibraĩ kà lán wē basōroo taka bà. Baa tó à laasuu lè a gōgbēkebōsaia kōn Sara né'iso tatanao, à ludanaanekena e busaro. <sup>20</sup> Èe seka ke lé kè Ludaa gbēnaro, èe gí Luda náane keziro, ben à gbāa è a ludanaanekena à Luda tó bō, <sup>21</sup> zaake à dō kè à yā fēna vīro, Luda é fō à lé kè à gbē pì ke. <sup>22</sup> Beee yānzino Ludaa tò yā bōo nnazi. <sup>23</sup> Wēe yā bōnao nnaa pì kē à mēn doo yānzino, <sup>24</sup> wà kè wamōwa kè Luda é tó yā bōwao nnaano yānzime dō, wamōwa kè wée Luda kè à wa Dii Yesu fēe bōna gaan náane keeno. <sup>25</sup> Luda à kpàmma le à e à wa taarino kēwe yānzime, ben à à fēe wēndio le yā e à bōwao nna yānzi.

## 5

### *Kena nna kōn Ludao*

<sup>1</sup> Lán Ludaa tò yā bōwao nna nà à náane kè wée kee yānzi, wá nnao sa wa Dii Yesu Kirisi gāzì. <sup>2</sup> À náanekena guu wa zé è à gāzì wa gē Luda gbēke kè wá kúo pì guu, ben wée pōnnaa kee kōn Luda gakui kè wá wée dōzio. <sup>3</sup> Èe ke beee adoro, wée pōnnaa kee kōn wa nawēakenao dō, zaake wá dō kè nawēa è mó kōn mēnao, <sup>4</sup> mēna è mó kōn dà maaao, dà maa è mó kōn tāmāao, <sup>5</sup> tāmāa sō è wa néro, zaake Luda a yenzi dà wa nōsen a Ninii kè à wa gbāa gāzì. <sup>6</sup> Wa gbāasai guu Kirisi gà wamōwa zaakerino gēe ũ gurō kè Ludaa diēa. <sup>7</sup> Gana gbē maa gēe ũu aagarō. Ke gbēke é we à ga gbē maa gēe ũ gwēe, <sup>8</sup> ben Ludaa òdōawe dian á yewazi nà, zaake wa durundekēe guun Kirisi gà wa gēe ũ. <sup>9</sup> Lán yā bōwao nna nà sa à aru yānzi, wa wa sina Luda pofēa à gāzì yā o dō? <sup>10</sup> Yá wá ñi kōn Ludao, ben wa keo nna à Né gana yānzi. Lán wa ke Ludao nna nà sa, wa wa mīsina à kuuna wēndio yānzi yā o dō? <sup>11</sup> Èe ke kēkiime adoro, wée pōnnaa kee kōn Ludao dō wa Dii Yesu Kirisi kè tò wa keo nnaa gāzì.

### *Kirisi yālekōzina kōn Adamuo*

<sup>12</sup> Gbē mèn doo yānzin durun gè anduna guu, ben durun gaa ì. Leme doo gaa kú baade píngia, kè baade píngi durun kè yānzi. <sup>13</sup> Durun kú anduna guu le Musa doka kpé à mó. Gurɔ kè doka kuuro, Ludaa e durun yā daro, <sup>14</sup> mɔde sɛna zaa Adamua ai à gàa pé Musaa ga kí blè baade píngia, baa gbē kè aɔɔe durun ke lán Adamu sāsána bàroonɔ. Adamu né gbē kè eé mó takame.

<sup>15</sup> Mɔde ludangbaa é sí lékɔzi kɔn Adamu taarioro, zaake lán gbēnɔ gà nà pari Adamu ado sāsána yānzi, Luda gbēke kɔn à gbaao kè kà gbēnɔa pari Yesu Kirisi ado gbēke yānzi de beeela. <sup>16</sup> Ludangbaa é sí lékɔzi kɔn gbē mèn do durun pìoro. Taari mèn doo pì bé à mò kɔn yākpakena, ben yā vèe gbēnteenɔa. Taarinɔ mò kɔn ludangbaao, ben yā bò kɔn gbēnɔ nna. <sup>17</sup> Lán Adamu ado taari bé à tò gaa mò à kí blè nà, Yesu Kirisi ado yā kè à mòo bíta de beeela. Beee yānzi gbē kè Luda gbēke kè kèné, kè à tò yā bɔnyo nna gbaa ũunɔ é kí ble wèndi kè è yāaroo guu. <sup>18</sup> Beee yānzi lán taari mèn doo pì tò yā vèe bori píngia nà, leme doo maakena mèn doo pì è tò bori píngi bɔ maa le aɔ wèndi kè è yāaroo e. <sup>19</sup> Lán gbē mèn do swāgbāaa bé à tò gbēnɔ gɔ durundeenɔ ũ parii nà, leme doo gbē mèn do yāmana é tò gbēnɔ bɔ maa pari le. <sup>20</sup> Doka mò le taari e àgɔ kaara yānzime, mɔde kè durun kàara, Luda gbēke kè kàara de beeela. <sup>21</sup> Lán durun kíblena mò kɔn gaao nà, len doo Luda gbēke kíblena è tò wà bɔ maa le, wà wèndi kè è yāaroo e wa Dii Yesu Kirisi gāzī.

## 6

### *Kuuna Kirisi guu*

<sup>1</sup> Wé be diamé? Wé gí wàgɔ durun kee le Luda gbēke e àgɔ kaaran yó? <sup>2</sup> Auo! Lenlo! Wamɔwa kè wá de gènɔ ũ durun yā musu, à kè dia wégɔ kpɛ wàgɔ durun kee doo? <sup>3</sup> Wamɔwa kè wa batisi kè Kirisi Yesu pɔ ũunɔ, á dɔ kè wá kúo à gaa guuroo? <sup>4</sup> Wa gao batisikena guu, wà wa vīio le wàgɔ kú kɔn wèndi dufuo, lán Kirisi fɛe gaan kɔn a De gbāa gakuio à kuu nà. <sup>5</sup> Lán wa gɔo mè dɔnkɔ ũ à gaa guu nà, len wé gɔo le à fɛena guu se. <sup>6</sup> Wá dɔ kè wa dà zii gào lía, le wa mè durundee kaate wàton zò ble durunne doo, <sup>7</sup> zaake gbē kè gà bò durun yāmmé. <sup>8</sup> Lán wa ga kɔn Kirisio nà, wá à náane vī kè wégɔ kuuo do. <sup>9</sup> Wá dɔ lán Kirisi fɛe gaan nà, eé ga doo, gaa gbāa vīa doo. <sup>10</sup> Zaake gana kè à gà, à gà durun yā musu gèn dome, kuuna kè à kuu tia sɔ, à kuu Luda pɔ ũme. <sup>11</sup> Len apinɔ se, à a zīnda die gènɔ ũ durun yā musu le, égɔ kuu Luda pɔ ũ Kirisi Yesu guu. <sup>12</sup> Beee yānzi àton tó durun kí ble a mè kè eé gaaa a dà zaaa doare ae doo. <sup>13</sup> Àton a mègu ke kpá durun-a yāzaakebɔ ũro. À a zīnda kpá Ludaa gbē kè aɔ fɛe gaan wà kuunɔ ũ, à a mèguunɔ kpáa yāmaakebɔnɔ ũ. <sup>14</sup> Àton tó durun gɔ gbāa vīawa doo, zaake á na doka ɔzīro, sé Luda gbēke.

### *Maakena zònɔ*

<sup>15</sup> Dian gwee? Lán wá kú doka ɔzī doo nà, sé Luda gbēke ɔzī, wégɔ kpɛ wàgɔ durun kee yó? Auo! Lenlo! <sup>16</sup> Á dɔ kè tó a a zīnda kpá gbēa ée mì siene, á de adee zò ũnloo? Tó durun a a zīnda kpáa, é game. Tó a mì sié Ludane sɔ, é bɔ maa. <sup>17</sup> Wa sáabu kè kɔn Ludao, zaake durun zònɔn a ũ yā, ben a mì sié yā kè wà dàare zéazeane kɔn nɔseo do. <sup>18</sup> A bɔ durun yān a gɔ maakena zònɔ ũ. <sup>19</sup> Mée yā pì oo lán gbēntee yā'ona bà a gbāasai yānzime. Lán a a mèguunɔ kpá yā pāpākena kɔn yā zaaa zònɔ ũ a yā zaaa kè nà, len tia do à a mèguunɔ kpá maakena zònɔ ũ le a kuuna gɔ adona. <sup>20</sup> Kè á de durun zònɔ ũ yā, a bà kú kɔn maakenaoro. <sup>21</sup> Àre kpareen á è yā kè á kè yā kè à kèare wíyā ũ tiaanɔ musuu? Yā pìnɔ mìdena né gaame. <sup>22</sup> Tia sa lán a bɔ durun yān nà ée doo Ludazi, a àren kuuna adona ũ, à mìdena sɔ né wèndi kè è yāroomé. <sup>23</sup> Durun asaia né gaame, mɔde gbaa kè Ludaa dàwe wa Dii Kirisi Yesu guun wèndi kè è yāaroo ũ.

## 7

*Wá kú Musa doka ɔzĩ dɔro*

<sup>1</sup> Ma gbēnɔ, mée yā ooare lán gbē kè aɔ Musa doka dɔnɔ bà. Á dɔ kè doka iko vī gbēa gurɔɔ kè à kú wèndionloo? <sup>2</sup> Len doka pì nɔzāree yì a zāa le gurɔɔ kè à kú wèndio. Tó à zā gà, ben doka pì è à gbare. <sup>3</sup> Gurɔɔ kè à zā kuu, tó à gò gò pānde pò ũ, weé bene zinakerime. Tó à zā gámé sɔ, doka pì à gbàren gwe. Tó à gò gò pānde pò ũ sa, beee né zina yāme dɔro. <sup>4</sup> Len apinɔ se ma gbēnɔ, a ga doka musu Kirisi mè gāzĩ, ben a gò gbē kè fēe bɔna gaan pì pò ũ, le wà e wà kaarana e Luda pò ũ. <sup>5</sup> Kè wa dà dɔwe ae yā, doka bé à tò durun nii wa de wa mè guu, ben wa kaarana è ga pò ũ. <sup>6</sup> Tia sɔ wa ga pò kè wa kũ zò ũu pì yā musu, wa bɔ dokan, ben wée dɔɔ Ludazi à Ninii zé dufu guu, èe ke doka takada zé ziinlo.

*Doka kɔn durun-o*

<sup>7</sup> Wé be diamé? Luda doka né durunn yó? Lenlo fá! Doka pì bé à tò ma durun dɔ. Tó doka e be wàton pò ni deroro, le má dɔ dian pónidena ègɔ de nàro. <sup>8</sup> Durun zekii è Luda yādiēna pì gāzĩ, ben à tò pò píngi nii ma de. Zaake kè má doka dɔro, durun demé yāke ũro. <sup>9</sup> Má kuu yā doka sai, mɔde kè ma yādiēna pì mà, durun vù iin, <sup>10</sup> ben ma ga. Yādiēna kè de à wèndi kpámaa pì mòmé kɔn gaao. <sup>11</sup> Durun zekii è yādiēna pì gāzĩ, ben à kèkè à ma de yā pì gāzĩ. <sup>12</sup> Lemé doka pì kuuna adona, bensɔ Luda yādiēna pì kuuna adona, à zé vī bensɔ à maa. <sup>13</sup> Yā maaa bé à tò ma gaó? Lenlo fá! Le durun e à bɔ gupuraa, à gaa ime yā maaa gāzĩ, le wà durun dɔ durun ũ yādiēna pì gāzĩ.

*Zìkana kɔn durun-o*

<sup>14</sup> Wá dɔ kè doka pì bɔ Luda kiiame. Mapi sɔ, dàdeen ma ũ, má na durun ɔzĩ. <sup>15</sup> Mèègɔ yā kè mée kee gbá dɔro, zaake mèè yā kè má yezi mà kee kero, yā kè má yezi mà keroon mèè ke. <sup>16</sup> Tó yā kè má kè e kɔ sé kɔn ma pɔyeziyāoro, ma we kè doka pì maa. <sup>17</sup> Èe ke mámbe mée keero, durun kè kú ma guume. <sup>18</sup> Má dɔ kè yā maaa kú ma guuro, ma dà maaro. Mèègɔ yezi mà yā maaa ke, mɔde mèè fɔ mà kero. <sup>19</sup> Yā maaa kè má yezi mà ke, mèè kero. Yā zaaa kè má yeziroon mèè ke. <sup>20</sup> Tó yā kè má yeziroon mée kee, èe ke mámbe mée keero, durun kè kú ma guume. <sup>21</sup> Má è tó má yezi mà à maaa ke, à zaaa bé è dɔme ae. <sup>22</sup> Luda doka bé è kemé nna ma swè guu, <sup>23</sup> mɔde má è iko pāndee kú ma mè guu, ègɔ zì kaa kɔn iko kè kú ma laasuu guuo, ben má na durun iko kè kú ma mè guu pì ɔzĩ. <sup>24</sup> Mamɔma wèndade ina, dé bé eé ma sí ma mè kè ma kpa gaazi kè ɔzĩ? <sup>25</sup> Ma sáabu kè kɔn Ludao! Kɔn wa Dii Yesu Kirisi gbāaa. Len má de zò ũ Luda dokane ma laasuu guu le, bensɔ má de zò ũ durun ikone ma dà guu.

## 8

*Zìblena kɔn Luda Nini gbāaa*

<sup>1</sup> Yā é vée gbē kè aɔ kú Kirisi Yesu guunɔa dɔro, <sup>2</sup> zaake kuuna Kirisi Yesu guu Luda Nini kè è wèndi kpámma gbāaa ma bɔ durun kɔn gaao ikon. <sup>3</sup> Yā kè Musa doka e fɔ à kèro gbēntee gbāasaiké yānzi, Ludaa kè. À a zīnda Né zì gbēntee ũ lán wamɔwa durundeenɔ bà durun kènnena yānzi, ben à wí dà durun-a a Né mè pì gāzĩ, <sup>4</sup> le yā kè doka e weteé yāpuraa kewa, wamɔwa kè wa dà è dɔwe ae dɔro, sé Luda Nini. <sup>5</sup> Gbē kè aɔ dà è dɔñne aenɔ è làakari dɔ nì dà yāa, gbē kè Luda Nini è dɔñne aenɔ è làakari dɔ Luda Nini yāa. <sup>6</sup> Dà dɔnnena ae né gaame. Luda Nini dɔnnena ae né wèndi kɔn aafiaome. <sup>7</sup> Dà dɔnnena ae né íbetekpana kɔn Ludaome. Adeé è mì sie Luda dokanero, eé fɔ sero. <sup>8</sup> Gbē kè aɔ dà è dɔñne aenɔ yā è ká Ludanero.

<sup>9</sup> Apinɔ sɔ, a dà è dɔare aéro, sé Luda Nini, tó à kú a guu yāpura. Tó gbē Kirisi Ninii vī sɔro, à de Kirisi pò ũro. <sup>10</sup> Tó Kirisi kú a guu, baa tó a mè gà durun yānzi, Luda Ninii deare

wèndi ùmε, kè Ludaa tò yā b̀ao nna yānzi. <sup>11</sup> Tó Luda kè Yesu f̀ε gaan Ninii kú a guu, Luda kè Kirisi p̀i f̀ε gaan é wèndi kpá a mè kè gà p̀ia à Ninii kè kú a guu gāzĩ.

<sup>12</sup> Beee yānzi ma gb̃εnɔ, tena wa dàzi né tiasinlo, p̀oyezime. <sup>13</sup> Tó á té a dàzi, é game. Tó a a yāzaakenanɔ mì dè k̃n Luda Nini gb̃aaao s̃, ég̃ kuu. <sup>14</sup> Gb̃ε kè Luda Nini è d̃ñne aenɔ bé wà Luda ñnɔ ù. <sup>15</sup> Zaake ninii kè è tó wà z̀ò ble k̃n ṽiaon á èro, Luda Nini kè tò a g̃ Luda ñnɔ ùun á ṽi, ben weè wii lé Ludaa k̃n à gb̃aaao wà be: Baa, wa De. <sup>16</sup> Ninii p̀i è o wa niniine kè Luda ñnɔn wa ù. <sup>17</sup> Lán à ñnɔn wa ù nà, à túbiblerinɔn wa ù. Luda túbiblerinɔn wa ù, wé ble ledò k̃n Kirisiomε. Tó wa nawēa k̀èò, wég̃ kúò à gakuì guu.

### *Wéed̃na Luda gakuizi*

<sup>18</sup> Má è wé f̃ wà gurɔ k̀ekii nawēa lék̃zi k̃n gakuì kè Luda é b̀owe gupuraaaro. <sup>19</sup> Luda p̀okenanɔ p̀ingi wéε d̃ à ñnɔ b̀ona gupuraaazi yāana sai. <sup>20</sup> Zaake Ludaa tò a p̀okenanɔ g̃è p̀ap̃akeε guu p̀ingi. Èε ke ã p̀oyezinlo, Luda bé à kè le, le ñ wéed̃zina guu <sup>21</sup> anduna b̀ yakana kè èε z̀ò bleenε guu, gbasa àg̃ a z̃inda ṽi Luda ñnɔ gakuì guu. <sup>22</sup> Wá d̃ kè Luda p̀okenanɔ p̀ingi e mboò k̃n wāwāo lán ñ'í p̀ò bà ai tia. <sup>23</sup> Èε ke beemε adoro, wam̃wa kè wá Luda Nini ṽi kp̃égaau ùunɔ, wéε mboò kp̃ai se ai Luda g̃ó gá wa mè lie à wa sí a ñnɔ ù. <sup>24</sup> Luda wa mì s̃i le wà wéε d̃ beeezi. P̀ó kè wà è k̃n wéεo né wéed̃zina yān d̃ro. Dé bé è wéε d̃ p̀ó kè à g̃iake à èzi? <sup>25</sup> Tó wa wéε d̃ p̀ó kè wéε erooz̃i s̃, weég̃ d̃aa k̃n menaomε.

<sup>26</sup> Lemε s̃ Luda Nini è d̃wale wa gb̃asai guu, zaake wá aduakena d̃ a zéaro, ben Luda Nini è kúε kewe Ludanε k̃n mbona kè à yā g̃è onalaa. <sup>27</sup> Luda è ñsε guu e bens̃ à a Ninii laasuu d̃, zaake Luda Nini è kúε ke Luda gb̃eñne lán Ludaa yezi ñamε. <sup>28</sup> Wá d̃ kè yā p̀ingi è b̀ maa gb̃ε kè ão ye Ludaziñne, gb̃ε kè à ñ sísi à ñ sé lán èε wetεε nanɔ. <sup>29</sup> Zaake Ludaa diε zaa káaku kè gb̃ε kè à g̃iake à ñ d̃ño b̀ok̃ba k̃n a Néo, le àg̃ de daudu ù d̃aro pariinɔ té. <sup>30</sup> Gb̃ε kè à ñ díε zaa káaku p̃iñn à ñ sísi, ben à tò yā b̀ò k̃n gb̃ε kè à ñ sísi p̃iño nna, ben à tò gb̃ε kè yā b̀ñyo nnaa p̃iño g̃ó gakuì ṽi.

### *Yenzi kè Ludaa ṽiwao Kirisi Yesu guu*

<sup>31</sup> Wé o diamε yā beeenɔ musuu? Lán Luda z̀ewao nà, dé bé eé f̃ à kpáwee? <sup>32</sup> Lán èé gí k̃n a z̃inda Néoro nà à à kpà wa p̀ingi yānzi, eé gí p̀ó p̀ingi naawe gb̃aa ù s̃zió? <sup>33</sup> Dé bé eé gb̃ε kè Luda ñ s̃ño káara keε? Luda bé è tò yā b̀ñyo nna. <sup>34</sup> Dé bé eé yā dawalaa? Kirisi Yesu gà, kè de beeelaa à èara à f̀ε à kú Luda oplaazi, èε kúε keenewe. <sup>35</sup> Bó bé eé wa k̃ Kirisi yenzia? Nawēa ke ìadamma ke wéētamma ke ñaa ke takaasi ke kari ke f̀εdaa, ã ke é f̃ó? <sup>36</sup> À k̃na Luda yān wà bè:

N yānzi wá kú gaa léz̃i zaa k̃ng̃ ai uusie,

wè wa diε lán s̃aa kè weé ñ k̀to kpánò bà.

<sup>37</sup> Yā beeenɔ guu p̀ingi wá de z̃iblerila gb̃ε kè yewazi gāzĩ. <sup>38</sup> Zaake má d̃ s̃ans̃an kè gaa ke wèndi ke malaikanɔ ke z̃inño ke tia yā ke zia yā ke gb̃adeenɔ <sup>39</sup> ke musu p̀onɔ ke t̃ote p̀onɔ ke Luda p̀okena p̃andenɔ, ã ke é f̃ à wa k̃ yenzi kè Ludaa ṽiwaoaro wa Dii Kirisi Yesu guu.

## 9

### *Luda Isarailiñ s̃ena a gb̃eñ ù*

<sup>1</sup> Mée yāpuraa oo Kirisi guumε, mée eg̃ε toro. Ma laasuu è wezi k̃n Luda Ninio se. <sup>2</sup> Ma p̀osiaa kè bíta, ma ñsε èg̃ yakana gurɔ p̀ingi. <sup>3</sup> Mé f̃ mà wéε ke Ludaa à ma k̃ Kirisia, à láari kema ma Isaraili daanɔ g̃ε ù. <sup>4</sup> Ãm̃ñññ Luda ñ sé a ñnɔ ù, à a gakuì òd̃ãñne, à bà kúñyo, à a doka kp̃ám̃ma, à d̃nzikena dànñe, à lé gb̃ènñe. <sup>5</sup> Ão de Luda gb̃ε káakuño boriiñ ù, bens̃ ã borii guun Kirisi kè de gb̃ε p̀ingilaa b̀ñ gb̃entee ù. Àmbe Luda kè de wàg̃ à s̃abu kpaa gurɔ p̀ingi ù. Aami.

<sup>6</sup> Èe ke yā kè Ludaa ò lèe pānlo, zaake Isaraili gbē pínɡin Isaraili yāpuraa ũro. <sup>7</sup> Èe ke Ibraĩ boriinŋ pínɡi bé Ibraĩ pì nénŋ ũ Luda kiiaro, zaake Ludaa bè Ibraĩne, Isaaku boriinŋn weégae beĩne à boriinŋ ũ. <sup>8</sup> Leme èe ke né kè à n í poyezionŋn Luda nénŋ ũro, né kè à n í Luda légbēna musunŋn borii pìnŋ ũ. <sup>9</sup> Zaake Luda lé gbè à bè: Mé eara mà mó zii mōndaa'i, Sara é né i gōgbē ũ. <sup>10-12</sup> Èe ke beee adoro. Luda è gbēnŋ sé lán èe wete nàme, èe ke aō yākena yānzinlo, kè à n sísi yānzime. Leme kè Rebeka sikanŋ nò sì kōn wa dezi Isaakuo, ai àgō gá n í, ai aōgō gá à maaa ke à zaaa ke, Luda bè Rebekane, à kè bō káaku égō né ũ gbē zāane. <sup>13</sup> Lán wà kè Luda yān nà wà bè:

Má ye Yakubuzi,  
Isau sō, ma gizi.

<sup>14</sup> Wé be diamε? Yā zaaa kú Luda kiian yó? Lenlo fá! <sup>15</sup> Zaake à bè Musane,  
gbē kè á yezi à sùu keon é keo,  
bensō gbē kè á yezi à wēnda dōnen é dōne.

<sup>16</sup> Beee yānzi Luda gbēnŋ sena e bō gbēnteenŋ poyezi gāzīro ke aō aĩakenan, à bō Luda sùu guume. <sup>17</sup> Zaake Ludaa ò Fili'aunanε a yān à bè: Ma n ka kpatan le mà a gbāaa òɔa gbēnŋne n musume, wà ma tó kpá anduna guu pínɡi. <sup>18</sup> Leme gbē kè à yezi à sùu keon è keo le, bensō gbē kè à yezi à à swā gbāgbān è gbāgbā.

### *Luda pɔfɛ kōn à sùu*

<sup>19</sup> A gbēke é ma la, bōyānzi Ludaa e gbēnŋ taari eezi dōɔ? Dé bé eé fō à gí Luda poyezizi? <sup>20</sup> N gbēntee ina, dén n ũ gbasa n yā sí Ludalaa? Oroo é a bōri la à be: Bōyānzi n ma bo lán kè bàzió? <sup>21</sup> Orobóri zé vī à oro swāde kōn à swāsaio bo kōn gù dōnkō kè à tōtooroó? <sup>22</sup> Tó Ludaa yezi à a pɔfɛ òɔaĩne le aō a gbāaa dō, ben à mena bíta kè kōn gbē kè aō de à pɔfɛ pitaĩma à n kaatenŋ sō né! <sup>23</sup> Tó à beee pì kè, le wamōwa kè à sùu kēwaonŋ a gakui bíta dō sō né, wamōwa kè à gĩake à wa keke le wà gē a gakui pì guunŋ! <sup>24</sup> Gbē kè Luda n sísi à n sé pìnŋn wa ũ. Èe ke Yudanŋme n̄tēero, kōn bori pāndenŋome se. <sup>25</sup> Lán Ludaa bè annabi Osea takadan nà

Borii kè aō de ma gbēnŋ ũroonŋn mé beĩne ma gbēnŋ.

Borii kè má yeñziroonŋn mégō yeñzi.

<sup>26</sup> Gura kè Luda bèĩne aō de a gbēnŋ ũro,  
gwen weé n sísi Luda Wēndide pì nénŋ.

<sup>27</sup> Isaya wii lè Isarailinŋ yā musu à bè:

Baa tó Isarailinŋ pari  
lán ísiale bùsu'āatē bà,  
aō kpaaa kè gō bé eé bō.

<sup>28</sup> Zaake Dii é yā kè à ò ke anduna guu,  
bensō eé à mì de zena saime.

<sup>29</sup> Lán Isaya gĩake à bè nà:

Tó Dii Zìkpedee e wa bori kenŋ tó yāro,  
le wa gō lán Sòɔmudeenŋ bà,  
le wa ke lán Gòmɔradeenŋ bà.

### *Isarailinŋ gina Kirisi baaruzi*

<sup>30</sup> Wé be diamε saa? Bori pāndenŋ e wete Luda tó yā bōnyo nnaro, ben à tò à bōnyo nna. À tò yā bōnyo nna a náane kè aō kè yānzi. <sup>31</sup> Isarailinŋ sō e wete Luda tó yā bōnyo nna doka musu, ben èe bōnyo nnaro. <sup>32</sup> Bōyānzii? Kè aō yezi Luda tó yā bōnyo nna n yākenaa yānzime, èe ke à náanekena yānzinlo. Aō gēn sì gbè kè è n pāea <sup>33</sup> lán wà kè Luda yān nà: N gwa, mée gbè kè è tó wà gēn sí die Zayon,  
gbèsi kè è tó wà fuu.  
Wí é gbē kè à à náane kè kuro.

## 10

<sup>1</sup> Ma gbě̀nɔ, yā̀ kè má yezi ma swè̀ guu mée a wée kee Ludaan Isarailinɔ̀ m̀sina ũ. <sup>2</sup> Mé f̄s mà n̄ sèeda ke kè aɔ̀ aĩa v̄i k̄n Luda yāo, m̀de aɔ̀ wée k̄naro. <sup>3</sup> Zaake aɔ̀ d̄s dian Luda è tó yā̀ b̄nyo nna n̄aro, ben aɔ̀eḡs wete e yā̀ b̄nyo nna k̄n n̄ z̄inda gb̄aaao. Dian Luda è tó yā̀ b̄nyo nna n̄a, aɔ̀e síro. <sup>4</sup> Zaake Kirisi Musa doka lé p̄apa, le yā̀ b̄ k̄n gb̄e s̄anda p̄ingi kè à à náane k̄e nname.

### *M̀sina né gb̄e p̄ingi p̄ome*

<sup>5</sup> Dian doka è tó yā̀ b̄nyo nna n̄an Musa ò a takadan à bè, gb̄e kè yā̀ p̄i kè bé é wèndi e à guu. <sup>6</sup> Dian ludanaanekena è tó yā̀ b̄nyo nna n̄a k̄na à yā̀n à bè:

Nton o n n̄sen n̄ be,

dé bé eé gá ludambe à Kirisi pitaro,

<sup>7</sup> ke dé bé eé gá gèw̄aan à Kirisi b̄o gaanlo.

<sup>8</sup> Yā̀ kè à òn yè:

Yā̀ p̄i kúnyo k̄i,

à kú n lén k̄n n n̄seo.

Ludanaanekena yā̀ kè weè à waazi kee yā̀ p̄i ũ. <sup>9</sup> Tó n̄ ò k̄n léo gupuraa kè Yesun Dii ũ bens̄ n̄ s̄i n swè̀n kè Luda à b̄o gaan, eé n m̀i sí. <sup>10</sup> Zaake yā̀ p̄i sina n swè̀n bé è tó yā̀ b̄nyo nna bens̄ yā̀ p̄i ona k̄n n léo bé è n m̀i sí. <sup>11</sup> À k̄na Luda yā̀n wà bè, wí é gb̄e kè èe à náane kee k̄i zikiro.

<sup>12</sup> Yudanɔ̀ k̄n bori p̄andenɔ̀ e b̄o doodo k̄oro, zaake aɔ̀ p̄ingi Dii d̄nk̄ome, è kaarana ke gb̄e kè aɔ̀ è à sísinɔ̀ne n̄ p̄ingi. <sup>13</sup> Zaake Dii s̄isirinɔ̀ é b̄o n̄ p̄ingi. <sup>14</sup> Dian gb̄e è à sísi à náanekena saii? Dian aɔ̀ è à náane ke à yā̀mana saii? Dian aɔ̀ è à yā̀ ma waazikeri saii? <sup>15</sup> Tó wèe waazikerinɔ̀ z̄immaro, dian aɔ̀ waazi keíne n̄a? À k̄na Luda yā̀n wà bè: Baarunnakparinɔ̀ m̄ona è keíne nna fá! <sup>16</sup> M̀de èe ke baade p̄ingi bé à baaru nnaa p̄i síro. Ben Isaya bè: Dii, dé bé à wa yā̀ sí? <sup>17</sup> Lem̄e ludanaanekena è b̄o à yā̀mana k̄iam̄e, yā̀ p̄i s̄i né Kirisi yā̀m̄e. <sup>18</sup> Ma bè ȳo! Aɔ̀e manloo? Aɔ̀ mà.

Aɔ̀ kòto dà andunala p̄ingi,

aɔ̀ yā̀'ona ḡa ai t̄ote lézekiia.

<sup>19</sup> Ma bè ȳo! Isarailinɔ̀ e d̄roó? Káaku ḡia Musa bè:

Mé tó aɔ̀ n̄seḡaano k̄pá k̄n borii kè aɔ̀ de ma gb̄e ũroonɔ̀,

mé tó aɔ̀ p̄o f̄e gb̄entee wéesiadeenɔ̀ yā̀ musu.

<sup>20</sup> Ben Isaya Luda yā̀ ò k̄n kù gb̄aaao à bè:

Gb̄e kè aɔ̀e ma k̄i weteroonɔ̀ bé wà ma e,

ma a z̄inda òd̄o gb̄e kè aɔ̀e ma gbekaroonɔ̀ne.

<sup>21</sup> Isarailinɔ̀ yā̀ musu à bè:

Zaa k̄ngɔ̀ ai uusie ma ò d̄o

bori swāgb̄aadee kè aɔ̀ f̄emaonɔ̀ne.

## 11

### *Ludaa e Isarailinɔ̀ z̄innaro*

<sup>1</sup> Ma bè ȳo! Luda a z̄inda gb̄e n̄ z̄innan ȳo? Lenlo fá! Mapi, Isarailin ma ũ. Ibraĩ boriin ma ũ Beyāmi borii guu. <sup>2</sup> Ludaa e a gb̄e kè à ḡiake à n̄ d̄nɔ̀ z̄innaro. Á Ilia yā̀ kè k̄na Luda yā̀n k̄k̄i d̄roo? Kè à ḡa k̄n Isarailinɔ̀ yā̀o Luda kiia, à bè: <sup>3</sup> Dii, aɔ̀ n̄ annabinɔ̀ d̄de aɔ̀ n̄ gb̄agb̄akiinɔ̀ gb̄oro. Mámbe ma ḡo mado, ben aɔ̀e ma w̄e. <sup>4</sup> Luda bè Iliane diam̄e? À bè, á gb̄e kè aɔ̀e kúe Baalineroonɔ̀ k̄na a p̄o ũ ḡon b̄o sw̄eplaa. <sup>5</sup> Lem̄e d̄o aɔ̀ gb̄e kpaaa kè Luda n̄ sé a gb̄eke guunɔ̀ k̄pé kuu ai gb̄aa. <sup>6</sup> Lán à n̄ sé a gb̄eke guu n̄a, èe ke aɔ̀ yākena yāzinlo. Tó lenlo, ènd̄e Luda gb̄eke eḡo gb̄eke ũro. <sup>7</sup> Dian gwee? Isarailinɔ̀ e yā̀ kè wèe wete ero, m̀de aɔ̀ gb̄e kè Luda n̄ s̄enɔ̀ è. Aɔ̀ gb̄e kè aɔ̀ ḡon n̄se t̄ata, <sup>8</sup> lán à k̄na Luda yā̀n n̄a wà bè:

Luda iwesaa kpànzì,  
ben aǎ wée e guu ero,  
aǎ swā e yā maro ai kǎn a gbāao.

<sup>9</sup> Dauda bè dǎ:

Aǎ zǐbaakena gǎńne takutεε ũ à n kǔ,  
à gǎńne gènsikii ũ le à yā lúńne.

<sup>10</sup> Aǎ wée sisi le aǎton guu ero,  
aǎ wó gǎ kokona gurǎ píngi.

<sup>11</sup> Ma bè yǎ! Kè Isarailinǎ gèn sì, aǎ lèe mámmann yǎ? Lenlo fá! Aǎ taarinǎ yǎnzin Luda bori pǎndenǎ mì sìzi, le Isarailinǎ nǎsegǎaanǎ kpányo yǎnzi. <sup>12</sup> Lán aǎ taarinǎ bé à tò anduna kaarana è nà, bensǎ aǎ funa bé à tò bori pǎndenǎ kaarana è, weé n lé papana yā o dǎ?

### *Bori pǎndenǎ mìsina*

<sup>13</sup> Mée yā oo a bori pǎndenǎne sa. Lán má de zǐri ũ bori pǎndenǎ kiia nà, mεè ĩa dǎ ma zǐrike yā musu, <sup>14</sup> le mà a zǐnda boriinǎ nǎse fεe aǎ nǎsegǎaanǎ kpá mà n gbēkenǎ mì sí. <sup>15</sup> Zaake Luda gina Isarailinǎzi bé à tò anduna kèo nna, tó à èara à n sí dǎ, beee égǎ de diame? Beee égǎ de wèndi ũ gènnε.

<sup>16</sup> Tó wà pǎ dufu dàe, à kpaaa gǎ aubarika pǎ ũme. Tó lí kǎsāa de Luda pǎ ũ, à gǎnnǎ de à pǎ ũme se. <sup>17</sup> Luda kù lí yǎpura gǎ kenǎ zǎzǎ, ben à mmǎn kè n de kùtε lí ũu pè à gbèn, le ngǎ kuu kǎn kù lí maaa kǎsā gbāao. <sup>18</sup> Nǎton kya ká kù lí yǎpura gǎ kè à zǎzǎnnlo. N ke dia née ĩa dǎa? N kuu lí kǎsāa yǎnzime, èe ke lí kǎsāa bé à kuu n yǎnziro. <sup>19</sup> Né be, à lígǎ pǎnǎ zǎzǎ le à n pé n gbèn yǎnzime. <sup>20</sup> Lemε, mǎde à n zǎzǎ kè aǎde a náane kero yǎnzi. Mmǎn sǎ, n zekii è kè née Luda náane kee yǎnzi. Nǎton wada kero. N làakari ke! <sup>21</sup> Lán Ludaa e gǐ kù lí yǎpura gǎnnǎ zǎzǎziro nà, eé gǐ n zǎzi sero. <sup>22</sup> N gwa lán Ludaa maa nà bensǎ à pǎsǐ. À pǎsǐ kǎn gbē kè aǎ fūannǎ, ben à maanne, tó n ze kǎn à maakεnao. Tó lenlo, eé n zǎme se. <sup>23</sup> Tó Isarailinǎ n ludanaanekesai tò, eé èara à n pé n gbèmmε, zaake à n pena n gbèn gbāa vǐ. <sup>24</sup> Tó Luda n zǎ kùtε lía à n pe kù lí yǎpuraa lán wè kero nà, kù lí gǎ yǎpuraannǎ èara à pena n zǐnda lía zé vǐ de beelaroo?

### *Isarailinǎ mìsina zāa*

<sup>25</sup> Ma gbēnnǎ, má yezi àgǎ asiyyā kèkii dǎ, le a wée tǎngǎ sia à a zǐnda die ĩadǎrinǎ ũro yǎnzi. Isaraili kpaaannǎ swāgbāa kù gǐa ai bori pǎndenǎ gēna kpata kè bǎ Luda kiia guu lé gǎ ká. <sup>26</sup> Beee gbera Luda é Isarailinǎ mì sí n píngi lán à kēna Luda yǎn nà kè wà bè:

Mìsiri é bǎ Zayǎn,  
eé Yakubu boriinǎ kē ludadǎsaia.

<sup>27</sup> Ma bà kuunańyo yǎn gwe  
gurǎnnǎ kè mé n durunnǎ kēńne.

<sup>28</sup> Baaru nnaa pǐ yā musu aǎ de Luda ibεenǎ ũ a yǎnzi. Luda gbēnnǎ sena yā musu aǎ de Luda yenzideenǎ ũ aǎ dezinǎ yǎnzi. <sup>29</sup> Zaake ludangbaannǎ kǎn gbē kè à n sisi à n sennǎ è sí liero. <sup>30</sup> A bori pǎndenǎ ée Luda yā ma yāro. Tia sa Luda sùu kèao kè Isarailinǎ e à yā maro yǎnzi. <sup>31</sup> Len Isarailinǎ gǐ Luda yā mazi le tia, le Luda e à sùu kèao, gbasa à sùu kēńyo. <sup>32</sup> Luda yāmasai kpà gbē sǎnda píngizi, le à e à sùu kēńyo n píngi yǎnzime.

### *Luda sáabukpana*

<sup>33</sup> Luda ǎndǎ kǎn a dǎnao bítakeε kà zǎ fá.

Gbēke é fǎ à bǎ yā kè à zèo asiiaro,  
weé fǎ wà à dǎnnǎ dǎro.

<sup>34</sup> Dé bé à Dii nǎse dǎo?

Dé bé à yā dàne à lédammari ũu?



<sup>35</sup> Dé fīa bé à dɔ Ludaa kè eé bonε?  
<sup>36</sup> Pó píngi bò à kiiame,  
 aɔ kuu kɔn à gbáaao,  
 bensɔ aɔ kuu à pɔ ũ.  
 Wàgɔ à tɔ bɔɔ gurɔ píngi. Aami.

## 12

### *Zíkɛna Ludane*

<sup>1</sup> Beee yānzi ma gbēnɔ, lán Luda wa wēnda dɔ le nà, ma wée kèawa à a zīnda kpáa sa'opɔ bēε seesai kè è kánε ũ. Àmbe a dɔnzikena a zéa ũ. <sup>2</sup> Àton té anduna tiaa kè tuubaziro. À tó Luda a dà liε, a láakari e à gɔ dufu, le à e à à poyezi dɔ, yá kè maa, ben à nna, ben à papana.

<sup>3</sup> Gbaa kè Ludaa dàme yānzin mée oo a pínginezi, àton a zīnda maa bo de a maa lélaro. A baade a zīnda die a yāpura lén lán Luda à gbà zé à a náane ke nà. <sup>4</sup> Gbēntee mē mēn doo guunɔ vī pari, aɔ baade kɔn a zīiome. <sup>5</sup> Leme, baa kɔn wa parikεεo, wa mē dɔnkɔ Kirisi guume, mēgu daanɔn wa ũ. <sup>6</sup> Wa gbaa bò doodo kɔne lán Ludaa dàwe nà a gbēkeε guu. Tó annabikεyā'ona gbaan n vī, n ke n ludanaanekena lén. <sup>7</sup> Tó zīrikεεme, n ke. Tó yādannename, n dañne. <sup>8</sup> Tó lédammaname, n dañma. Tó gbadaname, n da aaga. Tó dɔn'aedekεεme, n ke kɔn aīao. Tó wēndadɔnnename, n dɔñne kɔn pɔnnaao.

<sup>9</sup> À kɔ sio yenzi gɔ mɔnafiki sai. À kpεε li à zaaane, à ze kɔn à maaao. <sup>10</sup> Àgɔ nna kɔo kɔ gbēnɔ ũ. Àgɔ wāa kɔn bèelikɔnena. <sup>11</sup> Àgɔ aīa vī meā sai, a mē gɔ wāa Dii zīi guu. <sup>12</sup> À pɔnnaa ke yā kè a wée dɔzi yā musu. À mēna fɔ nawēakena guu. À mē kpá aduakεnaa. <sup>13</sup> À dɔnle ke Luda gbē kè pɔ e kēsāammanɔne. Àgae nibɔ ke. <sup>14</sup> À sa maaa o a wétāmmarinɔne. À sa maaa oñne, àton n káro. <sup>15</sup> À pɔnnaa ke kɔn pɔnakerinɔ. À ɔɔ dɔ kɔn ɔɔdɔrinɔ. <sup>16</sup> Àgɔ kú kɔo nna. Àton a zīnda sé lezīro. À gbēnna kpá kɔn takaasideenɔ. Àton a zīnda die yādɔrinɔ ũro. <sup>17</sup> Àton yā zaaa fīa bo kɔn à zaaaoro. Àgae yā kè maa baade píngine ke. <sup>18</sup> Tó eé sí ke, tó á à zé vī, àgɔ nna kɔn gbē sānda píngio. <sup>19</sup> Ma gbē yenzideenɔ, àton gēε bo gbēaro, à à tó kɔn Ludao. À kēna Luda yān wà bè:

Dii bè, ambe é gēε boñma,  
 ambe é fīa boñma.

<sup>20</sup> Tó nɔaa e n ibεε deε, n pɔbleε kpáa. Tó ímiime sɔ, n à gba í. Tó n kè le, née à ɔɔ kaane a lémmε. <sup>21</sup> Nton tó yā zaaa zī blemmaro. N zī blea kɔn à maaao.

## 13

### *Misiēna bùsu gbāadeenɔne*

<sup>1</sup> Baade píngi mì sie bùsu gbāadeenɔne, zaake iko kee kuu Luda lé saero. Luda bé à gbāadee kè aɔ kuunɔ diε n píngi. <sup>2</sup> Beee yānzi gbē kè bò gbāade yā kpεε, adee bò Luda yādiena kpεεme. Gbē kè bò n kpεεnɔ n zīnda dà yāmmε. <sup>3</sup> Èe ke maakerinɔ bé wè vīa ke kpatablerinɔnero, sé zaakerinɔ. Tó n yezi gbāadeenɔ vīa dadanziro, n yā maaa ke, eé n sáabu kpá. <sup>4</sup> Gbāadee né Luda zīkerime n aafia yānzi. Tó n yā zaaa kè sɔ, n vīa kεne, zaake à fēdaa logona pānlo. Luda zīkerime, é gēε bonε zaakeria. <sup>5</sup> Beee yānzi à maa à mì sieñne. Èe ke wétāmma yānzi adonlo, a laasuu yānzime dɔ. <sup>6</sup> Beee yānzin eè be'ɔɔ kpázi dɔ, zaake gbāadeenɔ né Luda zīkerinɔme, aɔɔe zīi pì kεenεme. <sup>7</sup> À baade fīa boñne píngi. À be'ɔɔ kpá à siria, à a laaanɔ takada sí dɔ. À mì sie gbē kè de à mì sienεne. À gbē kè de à yā da yā da.

### *Gurɔ kà kīi, wàgɔ yekɔzi*

<sup>8</sup> Àton gbēke fīa séro, sé yekɔzina fīa baasiro. Gbē kè ye a gbēdaaazi, Luda doka pèkɔreame. <sup>9</sup> Wà bè nton zina kero, nton gbē dero, nton kpái oro, nton gbē pɔ ni dero. Yā pìnɔ kɔn yādiena pānde kè aɔ kuunɔ píngi kú yā kèkii guume wà bè: Ngɔ ye n gbēdaaazi

lán n zĩnda wèndi bà. <sup>10</sup> Yenzi è tó gbě yā zaaa kè a gbědaaanero. Yenzin Luda doka papana ũ.

<sup>11</sup> À ke le, zaake á gurɔ kè wá kúa kè d̄s. A vuna iin gurɔ kà, zaake wa m̄sina k̄i tia de gurɔ kè wa Yesu náane k̄la. <sup>12</sup> Guu si à kà z̄à, gudɔna kà k̄i. Wà m̄i k̄e gusia yānɔa wà gupura ḡkeɔnɔ s̄e. <sup>13</sup> Wàḡɔ kú wa d̄ɔɔa fáant̄e gb̄enɔ ũ faasai k̄k̄ɔ k̄n w̄ed̄enaɔ sai, p̄p̄ak̄ena k̄n w̄isaiȳaɔ sai, leokpak̄sa k̄n zanguo sai. <sup>14</sup> À Dii Yesu Kirisi z̄ek̄p̄ae sé. Àton tó a dà zii d̄bare ae à à nidena kero.

## 14

### *K̄s taari'ena*

<sup>1</sup> À gbě kè buse ludanaanek̄ena guu die ȳakete sai. <sup>2</sup> Gb̄ekenɔ ludanaanek̄ena è p̄oke t̄e boro, ben gbě kè ās ludanaanek̄ena busananɔ è n̄bɔ sóro. <sup>3</sup> Gb̄e kè è p̄ó píngi ble tón kya ká gbě kè è p̄ó píngi bleroonlo, bens̄o gb̄e kè è p̄ó píngi bleroo tón gb̄e kè è p̄ó píngi blee taari ero, zaake Luda à s̄ime. <sup>4</sup> Dén n ũ kè n̄e danɔ z̄ikeri taari ee? Tó à f̄i ke à f̄uan yoo, à Dii yān gwe. Eé f̄i, zaake Dii gb̄aaa é tó à f̄i. <sup>5</sup> Gb̄ekenɔ si kè gurɔ kenɔ nna de à kenɔla, gb̄e p̄āndenɔ si kè gurɔ píngi s̄aame. Baade laasuu ḡs d̄nk̄s k̄n yā kè à z̄eoo. <sup>6</sup> Gb̄e kè è gurɔ b̄ɔ è b̄o Dii yānzime. Gb̄e kè è p̄ó píngi blee è ble k̄n Dii gb̄aaaome à Luda s̄áabu kpá. Gb̄e kè è p̄ó t̄e è t̄e Dii yānzime à Luda s̄áabu kpá. <sup>7</sup> Gb̄eke eḡo kuu a z̄inda yānziro, gb̄eke è ga a z̄inda yānziro. <sup>8</sup> Tó wá kuu, wá kuu Dii p̄ó ũme, tó wa ga, wa ga Dii p̄ó ũme. Wá kuun yoo, wa gan yoo, wá de Dii p̄ó ũme. <sup>9</sup> Zaake Kirisi gà à f̄e, le aḡo de ḡew̄āadeenɔ k̄n gb̄e b̄ēenɔ Dii ũme. <sup>10</sup> Kè n̄e n gb̄endoo taari ee s̄o né? M̄m̄n s̄o, à kè dia n̄e kya kaa n gb̄endoo s̄o? Luda eḡo v̄ēena a tintia, wa píngi wé b̄o wà z̄e à ae, <sup>11</sup> lán à k̄ena Luda yān nà Dii b̄e: K̄n ma kuunao, baade píngi é kúeme, gb̄e s̄ānda píngi é ma ludak̄e d̄s.

<sup>12</sup> Len baade é a z̄inda yā t̄k̄e Ludane le.

### *Àton yā kè eé tó a gb̄endoo fuu kero*

<sup>13</sup> Beee yānzi w̄aton k̄o taari e d̄oro. Kè de à k̄o taari e, à z̄eo kè é yā kè eé tó a gb̄endoo fuu kero. <sup>14</sup> Dii Yesu guu má d̄s s̄āns̄ān kè p̄oble ke eḡo gb̄ās̄i a z̄indaro. M̄ode tó gb̄e die kè p̄ó gb̄ās̄i, ben eḡo gb̄ās̄ine. <sup>15</sup> Tó n n gb̄endoo n̄se yākan̄e p̄ó kè n̄ bl̄e yānzi, n̄ yenzi v̄inero. P̄oble kè n̄ bl̄e yānzi n̄ton gb̄e kè Kirisi gà à yānzi kaatero. <sup>16</sup> Àton tó wà kya k̄are p̄ó kè á è à maanlo, <sup>17</sup> zaake kpata kè b̄o Luda kiia né p̄obl̄ena k̄n íminao yānlo. Yākena a z̄ea k̄n aafiao k̄n p̄onnaa kè Luda Nini è in̄neɔ yāme. <sup>18</sup> Gb̄e kè è d̄o Kirisizi lán beee bà yā è ká Ludane, bens̄o gb̄ēntee è à s̄áabu kpá. <sup>19</sup> Beee yānzi w̄agae k̄o aafia wete w̄aḡo k̄o s̄e lez̄i. <sup>20</sup> N̄ton Luda z̄i yaka p̄oble yānziro. P̄oble píngi maame, m̄ode p̄ó kè eé tó n gb̄endoo fuu bl̄ena maaro. <sup>21</sup> N̄b̄ɔsonan yoo, w̄ēminan yoo, yā kè eé tó n gb̄endoo fu píngi, à maa n̄ t̄eme. <sup>22</sup> P̄ó kè n̄ náane kè, n̄ tó à ḡōn̄ne k̄n Ludao. Aubarikadeen gb̄e kè è a z̄inda taari e k̄n p̄ó kè à z̄eroo ũ. <sup>23</sup> Tó gb̄e e seka kee p̄oble kè è blea s̄o, à a z̄inda dà yāme, kè è k̄o sé k̄n à ludanaanek̄enaoro yānzi. Yā kè è k̄o sé k̄n gb̄e ludanaanek̄enaoro né durumme.

## 15

### *W̄aḡo yek̄zi w̄ed̄na Ludazi guu*

<sup>1</sup> Wam̄owa kè wá gb̄aa ludanaanek̄ena guunɔ, séde wà gb̄e kè ās gb̄aaronɔ sé lez̄i ās gb̄asaik̄e guu. W̄atongae wa p̄oyezi kero. <sup>2</sup> Wa baade gae yā kè eé ke a gb̄ed̄aan̄e nnaa ke à b̄ona maaa yānzi k̄n à k̄as̄apēnao. <sup>3</sup> Zaake Kirisi e a z̄inda p̄oyezi kero. À k̄ena Luda yān wà b̄e, gb̄enɔ d̄k̄ena Ludao ḡōne. <sup>4</sup> Yā kè wà kè yā píngi, wà kè lédanawaa yānzime. Luda yā p̄i è wa gba m̄ena, è wa gba sw̄e le w̄aḡo t̄āmaa v̄i. <sup>5</sup> Luda kè è n̄ gba m̄ena à n̄ gba

swè tó àgõ nòsedõnkõ vĩ kõo lán Kirisi Yesu pò bà, <sup>6</sup> le à Luda wa Dii Yesu Kirisi De tó bõ kõn nòse dõnkõo kõn ledoleo.

<sup>7</sup> À kó sí lán Kirisi a si nà Luda tóbõna yānzi. <sup>8</sup> Mée ooare, Kirisi gò zìri ù Yudanõne, le à lé kè Ludaa gbè aõ dezinõne papa, aõgõ dõ kè Luda náane vĩ, <sup>9</sup> le bori pāndenõ Luda tó bõ à sùu yānzi lán à kēna Luda yān nà wà bè:

Bee yānzi mé n sáabu kpá boriinõ té,  
mé n tó kpá.

<sup>10</sup> Wà bè dõ:

Boriinõ, à pōnnaa ke kõn Luda gbēnõ.

<sup>11</sup> Wà bè dõ:

Amõa bori píngi à Dii tó kpá,  
amõa bùsu píngi gbēnõ à à táaki lé.

<sup>12</sup> Isaya bè dõ:

Yese kāsāa é pìto pá,  
eé fēe à kí ble bori pāndenõne,  
aõégõ wée dõzi.

<sup>13</sup> Luda kè gbē píngi wée dõzi tó pōnnaa pekõreawa kõn aafiao a náane kè ée kee yānzi, le a wéedõzina kaara kõn à Ninii gbāaaõ.

### *Põlu zĩkena Ludane*

<sup>14</sup> Ma gbēnõ, má dõ sānsān kè maakēe pèkõreawa, á yā píngi dõ wásawasa, é fõ à lé dakõa.

<sup>15</sup> Ma takada kè kēna guu ma yākenõ kè kõn kùgbāaaõ diena, le àgõ dõagu yānzi, zaake Ludaa ma gba zé <sup>16</sup> ma gõ Kirisi Yesu zĩkeri ù bori pāndenõne. Mée baaru nnaa kè bõ Luda kiia kpaañne, le aõ kuuna gõ adona Luda Nini gāzĩ, aõ gõ Ludane sa'obõ kè è kene ù.

<sup>17</sup> Kuuna Kirisi Yesu guu mée ãa dāa zĩ kè mée kee Ludane yā musu. <sup>18</sup> Zaake má yāke ona vĩro, tó èe ke yā kè Kirisi kè ma kiia baasiro. À tò bori pāndenõ Luda yā mà ma yā'ona kõn ma yākenao gāzĩ <sup>19</sup> kõn sèedanõ kõn dabudabuyānõ gbāaaõ kõn Luda Nini gbāaaõ. Bõna Yerusalemu ma liga wéte kõn wéteo ai Ilirikumu bùsun, ma Kirisi baaru kpāakpa kè papana. <sup>20</sup> Mèègõ yezi mà baaru nnaa pì kpá guu kè wèe Kirisi yā man zikiro, le màton bú ba gbē pānde pò gbēnlo yānzi. <sup>21</sup> Lán à kēna Luda yān nà wà bè:

Gbē kè wèe à yā oñne yāroonõ wée é kē,  
gbē kè aõõe à baaru ma yāroonõ é dõro dõ.

<sup>22</sup> Yā kè ègõ kpaa ma mōna a kiiane gèn baaagõn gwe. <sup>23</sup> À kà wèe ùgbangba kè mèègõ yezi mà mó a gwa. Tia sa lán yākee e gõme bùsu kèkiinõ guu dõro nà, <sup>24</sup> má támaa vĩ wà wée sikõle sa ma gana Sapaini bùsun guu. Tó ma gurõplaa kèao kõn pōnnao, é zé keme gana gwe. <sup>25</sup> Tia la mée gaa kõn dõnleõ Luda gbēnõne Yerusalemu, <sup>26</sup> zaake gbē kè aõõ kú Masedonia kõn Girisinõ zèò wà Luda gbē takaasidee kè aõõ kú Yerusalemunõ kámasa ke. <sup>27</sup> Aõ zèò, mōde tiasime, zaake lán Yudanõ Luda auziki li bori pāndenõzi nà, à maa bori pāndenõ n̄ anduna auziki li Yudanõzi se. <sup>28</sup> Tó ma gbaa pì nāñne n̄ õzĩ ma yāa, ma gana Sapaini guu mé bõe a kiia. <sup>29</sup> Má dõ kè tó mé mó a kiia, mé móare Kirisi aubarikao papanamē.

<sup>30</sup> Ma gbēnõ, ma naare wa Dii Yesu Kirisizi kõn yenzi kè Luda Nini è kpámmao, à fēe à ze à Luda wée kemao, <sup>31</sup> le à ma bõ Yudea Yesusaideenõ õzĩ, le zĩ kè mé ke Yerusalemu Luda gbēnõ té keñne nna, <sup>32</sup> gbasa mà a le kõn pōnnao, tó Ludaa wèe, mé mó kámma bo a kiia.

<sup>33</sup> Luda Aafiade gõ kúao a píngi. Aami!

<sup>1</sup> Mée wa dāre Febe, Kεnkerεa sɔsi dɔnleri naaare a ɔzĩ. <sup>2</sup> À à sí Dii guu, lán à maa Luda gbēnɔ ke kɔo nà. À dɔ̀ale kɔn pɔ̀ kè à yezi a kiiao píngi, zaake à dɔ̀ gbēnɔle pari kɔn mapio se.

<sup>3</sup> À ì kpá Pirisila kɔn Akilaoa. Ma zĩkeri daanɔme Kirisi Yesu zĩ guu. <sup>4</sup> Aɔ̀ sì wà ñ zĩnda da kari guu ma yānzi. Èe ke māmbe madoro, bori pānde sɔsinɔ gbēnɔ e ñ sáabu kpaa píngi dɔ̀.

<sup>5</sup> À ì kpá sɔsi gbē kè aɔ̀egɔ kɔ kaakɔa aɔ̀ bεε guunɔa.

À ì kpá ma gbē yenzide Epenetua, àmɔ̀ kè à Kirisi náane kè Asia b̀usun káaku.

<sup>6</sup> À ì kpá Mariamaa, àmɔ̀ kè zĩ kèare maamaa.

<sup>7</sup> À ì kpá Andarɔnikua kɔn Yuniao. Ma bori daa kè wà wa da kpésiaan ledoonɔme. Aɔ̀ tɔ̀ b̀ò Luda zĩrinɔ̀ té bensɔ̀ aɔ̀ kú Kirisi guu ma ā.

<sup>8</sup> À ì kpá Ampliatu kè de ma gbē yenzidee ũ Dii guua.

<sup>9</sup> À ì kpá Ubanu kè de wa zĩkeri daa ũ Kirisi zĩ guua kɔn ma gbē yenzide Satakio.

<sup>10</sup> À ì kpá Apεle kè à zena gbāa Kirisi guua.

À ì kpá Arisitɔbulu bεdeenɔa.

<sup>11</sup> À ì kpá ma Yuda daa Herɔdiɔa.

À ì kpá Nasisu bεdee kè aɔ̀ kú Dii guunɔa.

<sup>12</sup> À ì kpá Tirifεnaa kɔn Tirifosao. Nɔ̀gbē p̀inɔ̀ è zĩ ke Diine maamaa.

À ì kpá Pesia. Nɔ̀gbē yenzidee p̀i zĩ kè Diine maamaa.

<sup>13</sup> À ì kpá Rufu kè b̀ò ado Dii zĩ guua kɔn à da kè mée gwaa ma da ũuo.

<sup>14</sup> À ì kpá Asinkiritua kɔn Flegɔ kɔn Emesio kɔn Patarobao kɔn Emasio kɔn ñ Yesude daa kè aɔ̀ kú ledoonɔ̀ ñ píngi.

<sup>15</sup> À ì kpá Filɔgwa kɔn Yuliao kɔn Nεreuo kɔn à dāreo kɔn Olimpao kɔn Luda gbē kè aɔ̀ kú ledoonɔ̀ ñ píngi.

<sup>16</sup> À ì kpákɔa kɔn Luda gbēnɔ̀ lépemmaa. Kirisi sɔsinɔ̀ ì kpàawa ñ píngi.

### *Lézamma*

<sup>17</sup> Ma gbēnɔ̀, mée ooare à làakari ke gbē kè aɔ̀ b̀ò yā kè á dāda kpεenɔzi. Aɔ̀è gbēnɔ̀ kékɔa wà gbēnɔ̀ sāsā. À kēm̄ma, <sup>18</sup> zaake gbē beee takanɔ̀ è dɔ̀ wa Dii Kirisiziro, sé ñ gbεε yā. Aɔ̀è taarisaidenɔ̀ sāsā kɔn lénnaao kɔn yādɔ̀ɔ̀. <sup>19</sup> Baade píngi a m̀isiεna Diine baaru mà. Mée pɔ̀nnaa keε a yā musu. Má yezi àgɔ̀ à maa ɔ̀ndɔ̀ v̄i àgɔ̀ taarisaidenɔ̀ ũ à zaaa musu. <sup>20</sup> Luda Aafiade é Setān dúgu zɔ̀ a gbá gĩzĩ tia. Wa Dii Yesu gbēkeε keare.

<sup>21</sup> Ma zĩkeri daa Timɔ̀ti kɔn ma bori daanɔ̀ Lusiu kɔn Yasɔ̀o kɔn Sosipatao ì kpàawa.

<sup>22</sup> Mamɔ̀ma Tεtiu kè ma takada kè kè ì kpàawa Dii guu.

<sup>23-24</sup> Ma bεdee Gayusi kè sɔsi gbēnɔ̀ è kakɔa à bεε ì kpàawa. Wéte ɔ̀'uteri Erasatu ì kpàawa kɔn wa gbēndo Kaatuo.

### *Luda tɔ̀bɔna*

<sup>25</sup> Tia sa Luda é f̄ɔ̀ à a gba gbāa kɔn Yesu Kirisi baaru nnaa kè mée kpaa, lán asiiyā kè utena zaa tontori kè wà biameεo de nà. <sup>26</sup> Luda kè ègɔ̀ kuu gurɔ̀ píngi diε wà yā kè kēna annabinɔ̀ takadanɔ̀ guu p̀i b̀ɔ gupuraa sa, le bori píngi e à dɔ̀ aɔ̀ Luda náane ke aɔ̀ gɔ̀ à yāmarinɔ̀ ũ. <sup>27</sup> Wà Luda m̀en do ɔ̀ndɔ̀de tɔ̀ b̀ɔ Yesu Kirisi gāzĩ ai gurɔ̀ píngi! Aami.

## KƆRINTIDEENƆ TAKADA KAAKU

KƆrinti sƆsi gbēnƆ kēkēkēkōana 1:1-4:21

KƆrinti sƆsi gbēnƆ durunkena 5:1-7:40

Wàgō kú kōn lāakario gōna n̄ zīndane yā musu 8:1-11:1

Dɔnzikena 11:2-14:40

GēnƆ fēena 15:1-15:58

Pɔlu ikpamma 16:1-16:24

### *Pɔlu ikpana KƆrintideena*

<sup>1</sup> Mamɔma Pɔlu kè Luda ma sisi à ma se lán à yezi nà, ma gō Kirisi Yesu z̄iri ũ. Mapi kōn wa gbēndo Σοσπτεneo, <sup>2</sup> wámbe wa takada kè kè sƆsi kè kú KƆrintine. Luda a sisi a gbēnƆ ũ, a kuuna adona Kirisi Yesu guu lèdo kōn gbē kè aṣègō wa Dii Yesu Kirisi pì sisii gu pínɡianɔ, mɔwa kè wa Dii dōnkōnɔ. <sup>3</sup> Luda wa De kōn Dii Yesu Kirisio gbēkēe keare, à a gba aafia.

<sup>4</sup> Mèègō Luda sáabu kee gurɔ sánda pínɡi a yā musu gbēkēe kè à kèare a kuuna Kirisi Yesu guu yānzì. <sup>5</sup> Kuuna à guu pó pínɡi kàaraare, yā'ona pínɡi kōn dōna pínɡio, <sup>6</sup> zaake wa Kirisi yā'onaaree kāsāa pèe a guu, <sup>7</sup> ben Luda Nini gba kee e kēsāawaro, gurɔ kè a wéé dɔ wa Dii Yesu Kirisi a zīnda ɔɔanazi. <sup>8</sup> Wa Dii Yesu Kirisi é tó à ze gbāa ai gurɔ lé ká, le àgō kuu taari sai à mógurɔ. <sup>9</sup> Luda náane vī. Àmbe à a sisi, a gō kō gbē ũ kōn à Né Yesu Kirisi wa Diio.

### *KƆrinti sƆsi gbēnƆ kēkēkēkōana*

<sup>10</sup> Ma gbēnƆ, ma naare wa Dii Yesu Kirisizi, àgō lédole vī kōo a pínɡi, le kēkēkēkōana e à yāa a té, à kō kú kōn laasuu dōnkōo kōn n̄seɔ do. <sup>11</sup> Má mà Koloe bedeenɔ lézī kè yākete kú a té. <sup>12</sup> Lán má mà nàn yè: A gbēkenɔ bè, wà zè kōn Pɔluo. Gbēkenɔ bè, wà zè kōn Apoloo. Gbēkenɔ bè, wà zè kōn Pitao. Gbēkenɔ bè dɔ, wà zè kōn Kirisio. <sup>13</sup> Kirisi kēkēkēkōanan yó? Wà Pɔlu pà lía a yānzin yó? A batisi kè kōn Pɔlu tón yó? <sup>14</sup> Ma Luda sáabu kè, kè méé a gbēke batisi kero, séde Kirisipu kōn Gayusio baasiro. <sup>15</sup> Lán à de nà le gbēke é e à be a batisi kè, a gō ma ìba ũro. <sup>16</sup> Eè, ma Setefana bedeenɔ batisi kè dɔ. Bee baasiro, tó ma gbē pānde batisi kè, méé dɔn dɔro. <sup>17</sup> Kirisi e ma zī gbē batisikena yānziro, séde à baaru nna kpana. Èe ke kōn yādɔɔonlo, le à gana lía tón ke páro yānzime.

### *Kirisì né Luda ɔndɔ kōn à gbāaaome*

<sup>18</sup> Kirisi gana lía né mìsaiyāme gbē kè aṣɔe sāsāanɔne. Wamɔwa kè Ludaa e wa mì sínɔ sɔ, à dewe à gbāaa ũ. <sup>19</sup> À kēna Luda yān wà bè:

Mé ɔndōrinɔ ɔndɔɔ mì de,  
mé wéézērinɔ wéézēe ke pā.

<sup>20</sup> Ɔndōri kú máme? Takadadōri kú máme? Anduna tiaa kèki yāpingidōri kú máme? Ludaa e anduna ɔndɔɔ die mìsaiyā ũroo? <sup>21</sup> Luda ɔndɔɔ guu, èe tó anduna gbēnƆ a dō kōn n̄ zīnda ɔndɔɔoro. À kēne à gbē kè aṣɔe a náane keeno mì sí waazi kè wà die mìsaiyā ũu pì gāzī. <sup>22</sup> Yudanɔ ye dabudabuzi, Girikinɔ è ɔndɔɔ wete. <sup>23</sup> Wamɔwa sɔ, Kirisi gana lía kpàakpaan wée kee, ben è tó Yudanɔ kpagula, bori pāndenɔ è be mìsaiyāme, <sup>24</sup> mode gbē kè Luda n̄ sisi à n̄ sénɔ, Yudanɔ kōn Girikinɔ n̄ pínɡi, Kirisi deñne Luda gbāaa kōn à ɔndɔɔo ũ. <sup>25</sup> Luda mìsaiyā pì de gbēntee ɔndɔɔla. Luda gbāasaikēe pì de gbēntee gbāaala.

<sup>26</sup> Ma gbēnƆ, à gwa dian á de nà gurɔ kè Luda a sisi. Danɔ kiia a paridee ɔndōro, a paridee gbāadee ũro, a paridee kíne ũro. <sup>27</sup> Luda gbē kè aṣɔ de anduna mìsaidee ũunɔ sè, le à wí dao ɔndōrinɔ. À gbē kè aṣɔ de anduna gbāasaidee ũunɔ sè, le à wí da gbāadeena. <sup>28</sup> À gbē kè anduna n̄ díe kpēedeena ũ, kè wè kyakañgu bensɔ aṣ yā ègō kuuroonɔ sè, le à gbē kè aṣ yā ègō kuunɔ ke kpēedeena ũ, <sup>29</sup> le gbēke tón e à ìa dā Luda aero. <sup>30</sup> Apinɔ sɔ, Ludaa

tò á kú Kirisi Yesu guu, ben à g̃ò wa ònd̃ò ù. Kuuna Kirisi pì guu Ludaa tò yā bòwao nna, wa kuuna adona, bens̃ò à wa mì s̃ì. <sup>31</sup> Bee yānzi lán à kēna Luda yān nà, tó gb̃e yezi à ìa dā, à dā Dii yā musu.

## 2

### *Kirisi k̃n a gana lía yāo*

<sup>1</sup> Ma gb̃eñò, kè ma m̃ò a kiia, ma m̃ò Luda yā kpàakpaa keareme, èe ke ma m̃ò ònd̃ò gbāaa ke lénnaa kearenlo. <sup>2</sup> Ma z̃eo kè mé yāke oarero, séde Yesu Kirisi yā baasiro, atēnsa à gana lía yā. <sup>3</sup> Ma m̃ona a kiia guu ma m̃ò k̃n kùṽio k̃n ṽiao k̃n lugaluganao. <sup>4</sup> Ma waazikena guu m̃éé yā o k̃n lénnaao ke ònd̃òoro. Má ò k̃n Luda Nini gbāaa òd̃oanaome, <sup>5</sup> le a ludanaanekena tón b̃ò gb̃entee ònd̃ò guuro, sé Luda gbāaa guu.

### *Ònd̃ò kè Luda Nini è dañne*

<sup>6</sup> Baa k̃n beeeo weè ònd̃òyā o gb̃e kàsaañne. Èe ke anduna tiaa k̃eki ònd̃ò ke à gbāadee kè ãò gbāaa e yāaañò pónlo. <sup>7</sup> Luda ònd̃òn wée oo, à p̃oyezi kè utena yāa pì. À g̃iake à diè wa gakui ena yānzi zaale èe anduna káero. <sup>8</sup> Anduna tiaa k̃eki gbāadee ke ònd̃ò pì d̃oro. Tó ãò d̃ome yā, le ãòe Dii gakuide pá líaro. <sup>9</sup> Lán à kēna Luda yān nà wà bè:

Pó kè wée e ero bens̃ò swā e maro,  
à laasuu e g̃e gb̃eke swè guuro,  
àmbe Luda à soru kè gb̃e kè ãò yeziñne.

<sup>10</sup> Ludaa òd̃awe k̃n a Nini gbāaa, zaake à Ninii pì yā píngi tàasikena, baa k̃n Luda asii bítañò.

<sup>11</sup> Gb̃ekee a daa ñòse guu yā d̃oro, tó èe ke à ninii kè kú à guu baasiro. Lem̃e d̃ò gb̃ekee Luda ñòse guu yā d̃oro, tó èe ke Luda pì Ninii baasiro. <sup>12</sup> Anduna kè niniin wá èro, Ninii kè b̃ò Luda kiian wá è, le wà gb̃aa kè Ludaa dàwee d̃ò. <sup>13</sup> Yā kè wée oon gwe, èe ke yā kè gb̃entee ònd̃ò è dañnenlo, yā kè Luda Nini è dañneme. Len weè Luda Nini yā bok̃ote gb̃e kè ãò Luda Nini ṽiñne le. <sup>14</sup> Anduna gb̃e è Luda Nini yāñò síro, zaake à deñe mìsaiyā ùme. Eé f̃ò à à mì d̃ò sero, zaake Luda Nini pì gbāaan wè à yā zé d̃ò. <sup>15</sup> Gb̃e kè Luda Nini è d̃one aez̃i è yā píngi zé d̃ò, gb̃eke s̃ò zé ṽi à à zaa boro. <sup>16</sup> À kēna Luda yān wà bè: Dé bé à Dii ñòse d̃ò gbasa à lé daa? M̃ode wapiñò wá Kirisi ñòse ṽi.

## 3

### *Z̃ikena Ludane*

<sup>1</sup> Ma gb̃eñò, m̃éé f̃ò mà yā òare lán meè o gb̃e kè Luda Ninii d̃òñne aeñne bàro, ben má òare lán anduna gb̃eñò bà, zaake nékp̃ant̃eñon a ù Kirisi guu. <sup>2</sup> Zwiin má kpàawa, èe ke p̃ò l̃madeenlo, zaake ée ká k̃oro. Baa ai tia ée káro, <sup>3</sup> zaake dàdeeñon a ù ai tia. Lán á zak̃on nà, bens̃ò á yākete ṽi, dàdeeñon a ùroo? A dà bé à d̃oare ae. <sup>4</sup> Kè a gb̃eke bè a ze k̃n P̃oluo, ben gb̃e p̃ānde bè a ze k̃n Apoloo, á kú k̃n a dàon gweroo? <sup>5</sup> Dén Apoloo ùu? Dén P̃olu ùu? Z̃ikeriñon wa ù, ben a Kirisi náane kè wa g̃az̃i. Wa baade e z̃i kè Dii dàñe keeme. <sup>6</sup> Ma p̃ò t̃ò, Apolo í k̃ane, ben Ludaa tò à gb̃à. <sup>7</sup> Lem̃e p̃ót̃ori k̃n íkario de p̃óke ùro, sé Luda kè è tó à gb̃à. <sup>8</sup> P̃ót̃ori k̃n íkario sáame. Ãò baade é a àre e a z̃i lémm̃e. <sup>9</sup> Luda z̃ikeri daañon wa ù. Luda búgben a ù, Luda kpén a ù.

<sup>10</sup> Gbaa kè Ludaa dàme bé à tò ma èe kp̃àe lán èb̃ori gonidee bà, ben gb̃e p̃ānde mò èe kpé pì boo. Baade làakari ke a kpébonaa, <sup>11</sup> zaake gb̃eke é f̃ò à èe ke kp̃àe d̃oro, sé èe kè kpaena Yesu Kirisi ùu baasiro. <sup>12</sup> Tó gb̃e kpé pì d̃ò k̃n vurao ke kondogi ke gb̃e bèede ke tó à d̃ò k̃n lío ke lá ke s̃è, <sup>13</sup> baade z̃i yāpura é b̃ò gupuraa. Weé e yākp̃aek̃egur̃ò z̃i, zaake gu é d̃ò k̃n téome, weé baade z̃i taka gwa té pì guu. <sup>14</sup> Tó gb̃e z̃i kè à kè b̃ò tén aafia, adee é àre e. <sup>15</sup> Tó gb̃e z̃i té k̃ù, eé m̃ónzi e, adee é b̃ò òk̃ori lán wè b̃ò tén nà.

<sup>16</sup> Á d̃ò kè Luda kpén a ù, Luda Ninii kú a guuroo? <sup>17</sup> Tó gb̃e Luda kpé pì yāka, Luda é adee kaate, zaake kpé pì kuuna adoname, bens̃ò àmbe kpé pì ù.

<sup>18</sup> Gbēke tón a zĩnda sāsāro. Tó a gbēkee e a zĩnda diε anduna kèki òndōri ũ, à gōñne mĩsaidee ũ le à e à òndō kũ. <sup>19</sup> Zaake anduna kèki òndō de Ludane mĩsaiyā ũme. À kēna Luda yān wà bè: È òndōrinò kũ n wéεzεε guu. <sup>20</sup> À kēna dɔ: Dii dō kè òndōrinò laasuu pā. <sup>21</sup> Bee yānzi gbēke tón ĩa dā gbēntee yā musuro. Pó píngi né a pómε: <sup>22</sup> Pɔlu, Apolo, Pita, anduna, wèndi, gaa, tia pónɔ, zia pónɔn yoo, à píngi né a pómε. <sup>23</sup> Apinò sō, Kirisi pón a ũ, Kirisi sō né Luda pómε.

## 4

### *Kirisi zìrinò*

<sup>1</sup> Bee yānzi à wa gwa Kirisi zĩkerinò ũ, Luda asiiyā gwàrinò ũ. <sup>2</sup> À kōsìo gwàrinò gō náane vĩ. <sup>3</sup> Tó apinò ke gbēntee yākpækεrinò ma taari è, yā pāame ma kiia. Mèè ma zĩnda maakεε ke zaakεε ero. <sup>4</sup> Yākee e ma kù vĩro, mɔde bee é ma bɔro, Diin ma yākpækεri ũ. <sup>5</sup> Bee yānzi àton gĩake à gbēke taari e Dii mógurɔɔ āro. Àmbe eé guu pu pó kè utena gusiaan-a à nòse yā bɔ gupuraa. Zĩ beean baade é ma, dian Luda é a sáabu kpá nà.

<sup>6</sup> Yā kè má òaree kènɔ, má ò mapi kōn Apoloo yā musumε, le àgō yā kèkii dō: Wàton vĩ Luda yálaro. A gbēke tón ĩa dā, à ze kōn gbē dooo, à bɔ gbē doo kpεero. <sup>7</sup> Bó n deónlaa? Nĩ póke vĩ n zĩdane, kè wèè n gbaró? Wà n gba, ben néε ĩa dāa lán wèè n gbaroo bà? <sup>8</sup> A kán gwe kòs? A ke ɔdeeno ũn gwe kòs? Èe kí blee wa sain gwe? Má yezi àgō kí blee, wàgō lèdo. <sup>9</sup> Zaake má è wamɔwa Luda zìrinò, Luda wa diε zāa lán gbē kè wèè n de pari wáano bàme. Gu sānda píngi gbēno wéε fīwa, malaikanò kōn gbēnteenò n píngi. <sup>10</sup> Wa gō mĩsaideeno ũ Kirisi yānzi, ben kuuna Kirisi pì guu á de òndōrinò ũroo? Wá busana ben á gbāa vĩroo? Wá kpεbɔna ben á kpedanaroo? <sup>11</sup> Ai tia nɔaa kōn ímiio e wa deε, wá té bũu, wa gō pógbēnanò ũ, besaideeno ũ. <sup>12</sup> Weè zĩ gbāaa ke ai wà kpasá. Tó wà wa ka, weè sa maaa oñnemε. Tó wà ĩa dàwa, weè mena fō. <sup>13</sup> Tó wà wa sōsō, weè agbaa kpáánnemε. Ai tia wèè wa diε anduna bɔɔ pónò ũ, baade píngi bũsa ũ.

<sup>14</sup> Mée yā kèkii oare wídanaawaa yānzinlo. Mée a gbaa làakari ma né yenzideeno ũme. <sup>15</sup> Baa tó Kirisi guu a gwàrinò kà gōn ũgbangba, a de'ina pariro. Mámbe ma a i kōn Kirisi Yesu baarunnakpanaareeo, ben á kú à guu. <sup>16</sup> Bee yānzi mée agbaa kpaare, àgō té ma zékpaεzi. <sup>17</sup> Bee yānzin ma a né yenzide Timɔti zìawazi. Àpi né náanedeeme Dii guu, àmbe eé ma kuuna Kirisi guu yākena dɔagu. Yā kè mèè dañne sɔsinò guun gwe. <sup>18</sup> A gbēkenò e ĩa dāa, lán mé mós a gwaroo bà. <sup>19</sup> Tó Dii wè, mé mós a gwa tia, mé ĩadāri pìnò gbāa lé e, èe ke aō yā'ona adonlo. <sup>20</sup> Zaake kpata kè bò Luda kiia né yā'ona yānlo, gbāaamε. <sup>21</sup> Á yezi diamε? Mà mósazi kōn gòon yó, ke mà mós kōn yenzio kōn nòseyĩiomε?

## 5

### *Pāpākεna sɔsi gbēno té*

<sup>1</sup> Má mà pāpākεna gè a té, yā kè à taka kú baa kifinò té sero. Wà bè, a gbēno doke a de nɔɔ sì. <sup>2</sup> Ben ée ĩa dāa? À kōsìo a nòse yakamε, à gbē kè yā pì kè bɔ a té. <sup>3</sup> Baa tó má kúao, ma ninii kúao, ben ma yākpae kè kōn gbē kè yā pì kèo gō lán wà be má kú gwee bà. <sup>4-5</sup> Tó a kō kākōa, tó wa Dii Yesu gbāa kúao, tó ma ninii kúao, à gbē pì kpá Setān-a kōn wa Dii Yesu tóo, le à dà kaate, à ninii e à bɔ aafia Dii mógurɔɔ zĩ.

<sup>6</sup> A ĩadāna maaro. Á dō kè buredi èzē féte è flawadena bíta sésεeroo? <sup>7</sup> À buredi èzē zi kwée, é gō flawa dufu ũ a sésε'èzē sai, lán à kōsìo àgō de nà, zaake Kirisi gà wa Banla sáne bòro ũme. <sup>8</sup> Bee yānzi wàgō kuu buredi sésε'èzēsai zĩbaakerinò ũ yāpuraa guu kōn nòse puraa. Wàtongō kuu buredi sésε'èzē zi zĩbaakerinò ũ mɔnafiki kōn zaakenao guuro.

<sup>9</sup> Takada kè má kèare guu ma bè, àton kakōa kōn pāpākεrinòoro. <sup>10</sup> Èe ke anduna kè pāpākεrinò ke wākũdeenò kōn gbēblerinò ke tāagbāgbārinòonlo, zaake tó gbē beeenomε, séde é bɔ anduna guu. <sup>11</sup> Auo, má òare gbē kè wà bè wa gbēmε, bensō à de pāpākεri ke

wākūdee ke tāagbāgbāri ke gbēyakari ke wēderi ke gbēbleri ũ, àton kakōaoro, àton Ɔ kakōao sero. <sup>12</sup> Ma bà ũgba kōn yāgōgōna kōn YesusaideenƆ? A zīnda gbēnƆ bé à kōsìo à yā gōgōńyoroƆ? <sup>13</sup> Luda bé eé yākpae ke kōn YesusaideenƆ. À gbē zaaa pì bƆ a té.

## 6

### *Yākpaeƙena kō*

<sup>1</sup> Tó a gbēke yā vī kōn a Yesude daaaƆ, bōyānzì è gá yākpae ke kōn adeeo Luda gbēnƆ kiiapiroo, sé ludadōrisainƆ kiiƆ? <sup>2</sup> Á dō kè Luda gbēnƆ bé weé yākpae ke kōn andunaoroƆ? Lán ámbè é yākpae ke kōn andunao nà, ée ká à yāketenƆ gōgōroo? <sup>3</sup> Á dō kè wámbe wé yākpae ke kōn malaikanƆoroƆ? Weé anduna kèki pó o dō? <sup>4</sup> Tó á yā beee taka gōgōna vī, é gbē kè aō de sƆsi gbēnƆne póke ũroonƆ sé yāgōgōrinƆ ũ? <sup>5</sup> Ma beee ò le mà wí daawa yānzime. Á gbēke vī a té kè à òndō kà à a gbēnƆ yā gōgōńneroo? <sup>6</sup> Séto a gbē doo a gbēdaaa sísi yākpaeƙa YesusaideenƆ kiiƆ? <sup>7</sup> Lán á yā vī kōn kō nà, a sāsā yāa kò mámmam. Bōyānzìn é we wà a takii ƙeroo? Bōyānzìn é tó wà a bleroo? <sup>8</sup> ApinƆ eè gbē takii ƙe, eè gbē ble, baa a kō tē. <sup>9</sup> Á dō kè gbē zaaanƆ é gē kpata kè bò Luda kiiƆ guuroo? Àton a zīnda sāsāro, pāpāƙerinƆ ke tāagbāgbārinƆ ke zinakerinƆ ke gōgbē kaaruanƆ ke gbē kè aō de ƙe kōn n gōgbē daaaonƆ <sup>10</sup> ke kpainƆ ke wākūdeenƆ ke wēderinƆ ke gbēyakarinƆ ke gbēblerinƆ, aō gbēke é gē kpata kè bò Luda kiiƆ guuro. <sup>11</sup> A gbēkenƆ de lemē yā, ben a zú ò, a gō Luda pó ũ, Ludaa tò yā b̀ao nna kōn Dii Yesu Kirisi tóo kōn wa Luda Nini gbāaa.

### *Wà pāpāƙena tó*

<sup>12</sup> Eè be, á yā píngi ƙena zé vīme. Mòde yākenƆ àre vīro. Eè be, á yā píngi ƙena zé vīme. Mòde àton tó yāke bà káare a yīnlo. <sup>13</sup> Eè be dƆ, póblee né nòse pómē, bensō nòse né póble pómē. Baa kōn beeeo Luda é n píngi kaate. Mè né pāpāƙebonlo, Dii pómē, bensō Dii bé mè pì gwàri ũ. <sup>14</sup> Luda wa Dii b̀o gaan, bensō eé wa b̀o gaan kōn a gbāaa. <sup>15</sup> Á dō kè a mè bé Kirisi m̀eguunƆ ũroo? Weé Kirisi m̀egu sé wà ƙe kaarua m̀egu ũn yó? Wàton ero! <sup>16</sup> Á dō kè gbē kè kākōa kōn kaaruao k̀o mè dōnkōnloo? À ƙena Luda yān wà bè, aō gōon plaaa é gō mè doo ũ. <sup>17</sup> Gbē kè kākōa kōn Diio k̀o m̀en do Ninii guu. <sup>18</sup> À ƙe pāpāƙena. Durun pānde kè gbē è ƙe píngi bà kú à m̀ero. Pāpāƙeri sō è durun ƙe a m̀eneme. <sup>19</sup> Á dō kè a mè bé Ninii kè Luda a gba, kè kú a guu kpé ũroo? Ámbè á a zīnda vīro, <sup>20</sup> Luda a lu, à fīa b̀o. Bee yānzì à Luda tó b̀o kōn a mèo.

## 7

### *Ǹsena*

<sup>1</sup> Takada kè á kè yā musu, à maame gōgbē gō kuu nōgbē sai. <sup>2</sup> Mòde kè pāpāƙena dàgula yānzì, gōgbē píngi gō a zīnda nƆ vī, nōgbē píngi gō a zīnda gō vī. <sup>3</sup> Gōgbē gae pó kè kōsìo ƙe a naōne. Nōgbē gae ƙe a zāne le se dƆ. <sup>4</sup> Nōgbē mè kuu a zīnda pó ũro, sé à zā pó ũ. Lemē dƆ gōgbē mè kuu a zīnda pó ũro, sé à naō pó ũ. <sup>5</sup> Àton gíƙōnero, séde á màkōne, le à làakari dƆ aduakēnaa gīa, gbasa à a ƙena ƙe, le Setān tón òndō ƙeare, à fu menaaro yānzì. <sup>6</sup> Lén má dàawa, èe ƙe tiasinlo. <sup>7</sup> Má yezi baade píngi gō de lán ma bà, mòde baade kōn a gbaa kè Ludaa dàneome, gbē kè kōn a póo, gbē k̀k̀aa kōn a póo.

<sup>8</sup> Mée yā k̀k̀ii oo p̀seƙenƆne kōn gyaanƆ. À maa aōgō kuu ǹdo lán ma bà, <sup>9</sup> mòde tó aōé fō wà n zīnda k̀uro, aō nƆ sé, aō zā ƙe, zaake k̀sena maa de lugana k̀zila.

<sup>10</sup> Mée yā diē ǹdeenƆne kōn gōdeenƆ, èe ƙe mapinlo, Diime. Nōgbē tón gí a zāziro, <sup>11</sup> gōgbē tón pé a naōaro. Tó nōgbē gà à gí a zāzi, à gō p̀se kesō à ƙara a zāzi.

<sup>12</sup> Mée oo gbē kpaaanƆne, èe ƙe Dii bé à òro. Tó a gbēke nƆ Yesusaidee vī, ben nƆ pì yezi àgō kúo ledo, àton péaro. <sup>13</sup> Lemē dƆ tó nōgbē gō Yesusaidee vī, ben gō pì yezi àgō kúo ledo, àton gíziro. <sup>14</sup> Zaake Luda è gō Yesusaidee sí a naō yānzì, bensō è nƆ Yesusaidee sí a zā yānzì.



Tó lenlo, aã néno éḡḡ gbāsĩme. Mòde tia aã kuuna adona. <sup>15</sup> Tó Yesusaidee pì gízi, à gízi. Yã beee taka guu aã kuuna kŏn kŏo né tiasinlo. Luda a sisi, à a se àḡḡ kuu aafiamε. <sup>16</sup> Nɔgbē, ke né n zã mì sí, ñ dŏs? Gɔgbē, ke né n naŏ mì sí, ñ dŏs?

### *À ze kŏn a gwenao*

<sup>17</sup> Baade ze kŏn a gwenao kè Luda à dien-o gurɔɔ kè Dii à sisi. Len mèè dañne le sɔsino guu píngi. <sup>18</sup> Luda gbē sisi bāngukenan yoo, àton wete à ke gefɔɔdee ũro. Luda gbē sisi gefɔɔdeen yoo, àton bāngu kero. <sup>19</sup> Bāngukena yāke vīro, bensɔ gefɔɔ yāke vīro, sé àḡḡ yã kè Ludaa dieno kŏna. <sup>20</sup> Lán baade kuu nà gurɔɔ kè Luda à sisi, à zεo le. <sup>21</sup> Luda n sisi zò ũun yoo? Nton bídi kero. Mòde tó n ga n ḡŏna wēene ũ zé è, n bɔ zòbleen. <sup>22</sup> Zò kè Dii à sisi ḡḡ wēene ũ Dii pì guume. Lemε dɔ wēene kè Dii à sisi ḡḡ zò ũ Kirisi guu. <sup>23</sup> Luda a lu, à fīa bò. Àton ḡḡ gbēntee zò ũro. <sup>24</sup> Ma gbēno, lán baade kuu nà gurɔɔ kè Luda à sisi, à ze kŏn Ludao le.

### *Pɔsεno kŏn gyaanɔno*

<sup>25</sup> Pɔsεno yã musu mée yāke ma Dii kiiaro, mōde lán má náane vī Dii sùu guu nà, lán ma laasuu de nán mé oare. <sup>26</sup> Nawēa kè kuu tia bé à tò, mée daa à maa kè gbē ze kŏn a kuunao. <sup>27</sup> Tó ñ nɔɔ vī, nton be né à gbarero. Tó ñ vī sōro, nton wete n séro. <sup>28</sup> Tó ñ sè sō, née durun kero. Tó nɔkpare zã kè sō, èe durun kero. Gbē beeno é yã e andunan, ben má yezi beee taka a lero. <sup>29</sup> Ma gbēno, yã kè mée oon yè: Gurɔɔ e ḡḡ zāro. Zaa tia nɔdeen ḡḡ lán gbē kè vīroonɔ bà. <sup>30</sup> Ƴɔdɔrinɔ ḡḡ lán gbē kè aɔɔe ɔɔ dɔɔroonɔ bà. Pɔnnadeeno ḡḡ lán gbē kè aɔ pɔɔ nnaroonɔ bà. Pólurinɔ ḡḡ lán gbē kè aɔ pókε vīroonɔ bà. <sup>31</sup> Andunablerinɔ ḡḡ lán gbē kè aɔɔe bleeroonɔ bà, zaake lán anduna kè kuu nà tiaa e ḡētεmε.

<sup>32</sup> Má yezi àḡḡ kuu káhán saime. Pɔsε è làakari dɔ Dii yāno, yã kè kè Diinen è ke. <sup>33</sup> Nɔdee è làakari dɔ anduna yāno, yã kè kè a nañen è ke, <sup>34</sup> à laasuu éḡḡ kpàatena. Nɔgbē pɔsε ke nɔkpare è làakari dɔ Dii yāno, è a mè kŏn a niniio kpáa. Nɔzāree sō è làakari dɔ anduna yāno, yã kè kè a zānen è ke. <sup>35</sup> Èe ke mée gata kpaarenlo. Ma beee ò a aafia yānzime, le à yã ke a zéa, à a zīnda kpá Diia gu pānde gwana sai.

<sup>36</sup> Tó gbē nɔkpamma vī, tó à ségurɔɔ e ḡēε, ben à kēne wíyā ũ, tó à à kàka lán kè bà, à à sé lán à kēne nà, èe ke durun ũro. Aã kō sé. <sup>37</sup> Mòde tó à yã pì bò a nɔsemme, ben tiasi e à kákaro, ben à a zīnda kŏna dŏ, tó à dà a swèn kè é a nɔkpare pì séro, à kè maame. <sup>38</sup> Lemε gbē kè a pó sè kè maa, mōde gbē kè èe a pó séroo kè maa de beela.

<sup>39</sup> Nɔgbē né a zã pómε gurɔɔ kè à zã kú kŏn wèndio. Tó à zã gà à anduna tò, à zé vī à zã ke kŏn ḡɔɔ kè à yezi, mōde ḡɔɔ pì ḡḡ kuu Dii pó ũ. <sup>40</sup> Baa kŏn beeeo tó à ḡḡ pɔse, mée daa à pɔɔ éḡḡ nna de tó à zã kèla. Mée daa mapi, má Luda Nini vī se.

## 8

### *Sa'opɔblee*

<sup>1</sup> Sa'opɔblee yã musu, wá dŏ kè wa píngi wa dŏna vī. Dŏna sɔɔ yòkŏ vī, yenzi bé à kaarana vī. <sup>2</sup> Tó gbē e daa á yã dŏ, èe dŏ dian à kŏ sio à dŏ nà ḡiāro. <sup>3</sup> Tó gbē ye Ludazi, Ludaa à dŏ. <sup>4</sup> Tò, sa'opɔblena yã musu wá dŏ kè tãa né pókεmε anduna guuro, zaake Luda mèn do kuunan wá dŏ. <sup>5</sup> Baa tó pó kè wè beñne tãanɔ kú musu kŏn tɔɔteo, ben danɔ kiia tãanɔ dimme, diinɔ dimme, <sup>6</sup> wa kiia Luda mèn dome, àmbe wa De ũ, kè pó píngi bò à kiia bensɔ wá kuu à yānzi. Dii mèn dome dɔ, àmbe Yesu Kirisi ũ, kè pó píngi kè, bensɔ wá kuu à ḡāzī.

<sup>7</sup> Mòde baade píngi dŏ lero. Gbēkenɔ kŏ dŏ kŏn tãa yāo ai tia, ben aɔè pó kè wèe blee die sa'opɔblee ũ, aã yāke dŏkŏziro, ben aã laasuu kú zéa dɔro. <sup>8</sup> Póblee bé eé wa na Ludaaro. Tó wée blero, kēsānanlo. Tó wá blè, kaarananlo. <sup>9</sup> À làakari ke a kuuna wēenenɔ ũuzi, le àton ke ḡēnsikii ũ gbē kè ludanaanekena kēsānmanɔnero. <sup>10</sup> Mmɔn kè ñ dŏna vī, tó gbē kè yāke dŏkŏziroo n e, née pó blee tãa kuu, eé à gba swè à sa'opɔ ble seroo? <sup>11</sup> Tó ñ kè le, n

dōna n gbēdaaa kè ludanaanekena kēsāna kè Kirisi gā à yānzi kàaten gwe. <sup>12</sup> Tó a durun kè a Yesude daanone a gbē kè yāke dōkōziroo kari kèn gwe, bensō Kirisin a durun kèn. <sup>13</sup> Beee yānzi tó ma nòbōsona bé eé tó ma Yesude daa fu, mé só ziki dōro, le ma Yesude daa tón furo yānzi.

## 9

### *Zìrinò n zīnda busana Kirisi baaru nna yānzi*

<sup>1</sup> Má a zīnda vīnloo? Zìrin ma ūroo? Mée wée si wa Dii Yesuleroo? Ámbe á de ma zīi gbè ū Dii guu fá? <sup>2</sup> Baa tó má de zìri ū gbē pāndenōero, má deare à ū fá. Kuuna Dii guu ma zìrikee sèedan a ū.

<sup>3</sup> Yā kè mēè o ma zaaborinōnen yè: <sup>4</sup> Má pòblena kōn íminao zé vī ma zīi guuroo? <sup>5</sup> Má à zé vī màgō té kōn nō Yesudee guu kè mée gaan lán zìri kpaaano kōn Dii dāaronō kōn Pitao bàroo? <sup>6</sup> Mamōma kōn Banabao wa gōon plaa, wámbe wá zé vī wà wa zīi tónloo? <sup>7</sup> Dé bé è soza ble a zīnda bōkō ooo? Dé bé è lí ba, ben è à bee bleroo? Dé bé ègō zù dāa, ben è à zwii miroo?

<sup>8</sup> Baa kè gbēntee yākenanōn má lèkōzioare, à kú Musa doka guu leroo? <sup>9</sup> À kēna Musa doka takadan wà bè, àton lésō da zūne gurōo kè èe pówēe gbēero. Zùn Luda è làakari dōaó? <sup>10</sup> Wa yānzi à yā pì òziroo? Èè, wa yānzin wà yā pì kēzi, le búbari gae sè wa kōn tāmāao, pówēegbēri gae pò gbē kōn tāmāao, eé a baka e à guu. <sup>11</sup> Tó wa Luda yā tō a té, ben wa wa baka èawa, yāken yó? <sup>12</sup> Tó danō zé beee vīawa, wé wa pò o dōó? Wée sée zé beee guuro, wa yā píngi fō, le wàton zé zō Kirisi baaru nnaanero yānzi. <sup>13</sup> Á dō kè Luda ua zīkerinō è Luda ua pò bleroo? Luda gbāgbākii sa'orinō è n baka le gbāgbākii pì guuroo? <sup>14</sup> Len Dii diè a baarunnakparinō gō pò blee baaru pì kpana yā musu le. <sup>15</sup> Baa kōn beeeo mée zé pìnō ke séro, bensō mée beee oo le wà kemē yānzinlo. Gaa maame de beela. Gbēke é e à kpá ma ìadāna kēnero. <sup>16</sup> Kirisi baarunnakpana demē ìadāna yā ūro, tiasi bé à o tōma. Wāiyoo mapi, tó mée baaru nnaa pì kpaaro. <sup>17</sup> Tó mée zīi pì kee kōn ma zīnda poyeziome, ma wée dō asaiazime. Lán Luda bé à nāme ma zīi nà, à kō sio mà kemē. <sup>18</sup> Bóme ma asaia ūu? Tó ma baaru nnaa pì kpà osāsāna sai, tó mée iko kè má vī baaru nnaa pì kpana guu kerūmaro, ma asaian gwe.

<sup>19</sup> Baa kè gbēkee ma vīro, ma a zīnda diè zò ū gbē píngine, le mà gbēno e pari yānzi. <sup>20</sup> Kè má kú kōn Yudanō, ma gō lán n bā, le aō ma yāze e yānzi. Kè má kú kōn Musa dokadarinō, ma gō à dāri ū, baa kè à iko vīmaro, le à dārinō ma yāze e yānzime. <sup>21</sup> Kè má kú kōn doka pì dārisaideeno, ma gō lán n bā, le aō ma yāze e yānzi. Èe ke ma bō Luda doka zénno, Kirisi bé à iko vīma. <sup>22</sup> Kè má kú kōn gbē busananō, ma busa, le aō ma yāze e yānzi. Mēè gō pò píngi ū gbē píngine, baa dia, le mà e mà n gbēkenō mì sí. <sup>23</sup> Yā kè mēè ke píngi, mēè ke Kirisi baaru nna yānzime, le mà a baka e à aubarika guu.

<sup>24</sup> Bàkpakōsōna guu, gbē píngi bé è bàa lé, mōde á dō kè gbē mēn doo bé è bleroo? À bàa lé le se, à e à ble. <sup>25</sup> Kōkō'ori píngi è a zīnda tōto ke, è a zīnda foru ke yā píngi musu. È ke le fūra kè è yaka ena yānzi. Wamōwa sō, à kè è yakaro yānzime. <sup>26</sup> Beee yānzi bà kè mée lee, má dō pò kè mée peea, èe ke mée osi kaa gukorianlo. <sup>27</sup> Auo, mēè ìa da ma mēa, mēè ma mē takii ke, le ma waazikena danōne gbera, màton bō pāro yānzi.

## 10

### *Làakarikena tāagbāgbānazi*

<sup>1</sup> Ma gbēno, má yezi wa dezino yā kēkii dōagu. Aō tē téluguuzi n píngi, aō táa ò wà bōe Isia Tēaan n píngi. <sup>2</sup> Luda n batiasi kè téluguu pì guu kōn ísīaa pìo n píngi Musa ìbanō ū. <sup>3</sup> Aō Luda pòble dōnkō blè n píngi, <sup>4</sup> aō Luda í dōnkō mì n píngi, zaake aō Luda kpīii kè kúyō í mì. Kpīii pì sō bé Kirisi ū. <sup>5</sup> Baa kōn beeeo aō paridee yā e ká Ludanero, ben aō gè gō kpáe gbāan.

6 Yā pì dɛwe sèeda ũ, le wàton yā zaaa ni dɛ, lán aǎ à ni dè nàro. 7 Àtongõ dɛ tãagbãgbãrino ũ lán aǎ gbẽkeno bàro. À kěna Luda yān wà bè: Gbẽno wèe wèe pò blee, wèe í mii, ben aǎ fɛe wèe pãpãa kee. 8 Wàtongõ dɛ pãpãkerino ũ lán aǎ gbẽkeno bàro. Aǎ pãpãa kè, ben aǎ gàga guro dõnkõ zĩ gõn boro baro awɛɛ'aagõ. 9 Wàton Dii yõ wà gwa lán aǎ gbẽkeno bàro. Aǎ à yõ wà gwà, ben mlẽnó n soso aǎ gàga. 10 Àton wisõ ká lán aǎ gbẽkeno bàro. Aǎ wisõ kà, ben ga malaika n dède.

11 Yā pì n lé sèeda ũ wamowa kè wá kú guro zãannone, ben wà kè takadan le wà wa gbao làakari yānzi. 12 Gbẽ kè èe daa á zena gbãa, à làakari ke lɛnazi. 13 Yõagwana kee e a lero, séde kè è baade píngi lee baasiro. Luda náane vĩ, eé tó wà a yõ wà gwa dɛ a gbãa lélaro. Yõagwana guu eé a gba zé à mena fõ à bõn.

14 Beee yānzi ma gbẽ yenzideeno, à mì kè tãagbãgbãanaa. 15 Mée yā ooare làakarideeno ũ. À yā kè mée ooaree laasuu lé a zĩnda à gwa. 16 Togo aubarikadee kè wèe sáabu kpáo, tó wá mì, wa bà kú Kirisi aruoroo? Buređi kè wèe lílikõre, tó wá sò, wa bà kú Kirisi mèoroo? 17 Zaake buređi kõõ dome, baa kõn wa parikɛeo wa mè dõnkõme, wa baade a baka vĩ kõõ dõnkõ pì guume. 18 À gwa Isarailino. Gbẽ kè sa'opõ blè bà kú kõn Luda gbãgbãkiioroo? 19 Ma bè diamè? Mée bee tãa sa'opõblee né pòken yó? Ke aǎ tãano né pòkeme? 20 Lenlo, ma bè pò kè wà saa òo, wà ò tãaame, èe ke Ludaanlo. Má yezi a bà gõ kú kõn tãaoro. 21 É fõ à Dii togo í mi kõn tãa pòoro. É fõ à Dii pò ble kõn tãa pòoro. 22 Ke wá yezi wà Dii nõsegõaano fɛɛme? Wa gbãaa kà à ũn yó?

23 Èe be, yā píngi zé vĩ. Lemɛ, mɔde yā píngi àre vĩro. Èe be, yā píngi zé vĩ. Lemɛ, mɔde yā píngi kaarana vĩro. 24 Gbẽke zĩnda yā tón done aero, sé à gbẽdaaa yā. 25 À nõbo kè wèe yaa yàran só yáke gbekana sai a laasuu yānzi, 26 zaake tɔte kõn pò kè kúnno píngi né Dii pómɛ. 27 Tó Yesusaidee a sisi pòbleea, tó à kèare, tó a gaa, à pò kè wà kpàawaa ble yáke gbekana sai a laasuu yānzi. 28 Tó wà gà wà bèare sa'opõbleeme, àton blero laasuu yānzi kõn gbẽ kè òare yānzio. 29 Mée beee oo adee laasuu yānzime, èe ke a pónlo.

Gbẽ pãnde laasuu yānzin mégõ ma zĩnda vĩziro? 30 Tó ma pò blè kõn sáabukena, bõyānzin wè ma zaa bo pò kè ma sáabu kèzi pì yā musuu? 31 Yā kè ée kee píngi, ée pò bleen yoo, ée í miin yoo, àgõ à píngi kee Luda tóbõna yānzi. 32 Àton tó Yudanõ ke Girikino ke Luda sosi gbẽno fu a yákèna yānzio. 33 Len mèè ke le. Yā píngi guu mèè aĩa ke, le ma yā ká baade píngineme. Mèè ma zĩnda ponnaa wetero, sé parii pò, le aǎ e wà bõ yānzi.

## 11

1 Àgõ ma yákèna dadaa, lán mèè Kirisi pò dada nà.

### *Nõgbẽno pòkuna n mìa yā*

2 Ma a sáabu kpà kè ma yā ègõ dõagu yā píngi guu, bensõ á keatokõnepo kè má dàareeno kũna. 3 Má yezi àgõ dõ kè Kirisi bé gõgbẽ píngi mì ũ, gõgbẽ bé nõgbẽ mì ũ, bensõ Luda bé Kirisi mì ũ. 4 Gõgbẽ kè èe adua kee ke èe annabikɛyã oo kõn pò kuna a mìa e a mì kpe bõome. 5 Nõgbẽ kè èe adua kee ke èe annabikɛyã oo mĩgbã e a mì kpe bõome, à dɛ lán à mì potoopo bàme. 6 Tó nõgbẽ e pò kú a mĩaro, à a mĩkã kèe. Zaake mĩkãkèena ke mĩbona dɛ nõgbẽne wiyã ũ, à pò kú a mìa. 7 Èe kõ sío gõgbẽ pò kú a mĩaro, kè à dɛ Luda taka kõn à gakuio ũ yānzi. Nõgbẽ sõ bé gõgbẽ gakui ũ. 8 Zaake Luda e gõgbẽ bõ nõgbẽ guuro, nõgbẽn à bõ gõgbẽ guu. 9 Èe gõgbẽ ke nõgbẽ yānzio, nõgbẽn à kè gõgbẽ yānzi. 10 Beee yānzi kõn malaikano yão dõ, séde nõgbẽ gae pò kú a mìa a zã iko sèeda ũ. 11 Dii guu nõgbẽ kuu a zĩdane gõgbẽ sairo, gõgbẽ sõ kuu a zĩdane nõgbẽ sairo. 12 Zaake lán nõgbẽ bõ gõgbẽ guu nà, len dõ gõgbẽ è bõ nõgbẽ guu le, bensõ pò píngi è bõ Luda kiame.

13 À yā pì laasuu lé à gwa. Nõgbẽ aduakèna mĩgbã maaó? 14 Á dõ a zĩdane kè mĩkã gbãa dɛ gõgbẽne wiyã ũroo? 15 Mɔde tó nõgbẽ vĩ, à dene gakui ũme, zaake Luda nõgbẽ gbà mĩkã

à kúalame. <sup>16</sup>Tó gbēke yezi à Ìokpakōa ke, àgō dō kè wapinō kōn Luda sōsinō, wá yā pānde kúnaro, sé beee.

### *Dii póblee*

*(Mat 26:26-29, Maa 14:22-25, Luk 22:14-20)*

<sup>17</sup>Yā kè má yezi mà daare tiaa guu, mé a sáabu kpáro, zaake a kakōana è zaaa iare de à maaala. <sup>18</sup>Káaku gīa má mà, tó a kō kākōa, èè bō kō kpεε gāli kōn gāliomε. Ma yā pì sì kpado. <sup>19</sup>Séde kēkēkōana gō kú a té, le wà yāpuradeenō dō a té. <sup>20</sup>Tó a kō kākōa, èe ke Dii póbleen èè blero, <sup>21</sup>zaake a baade è wā a póbleezimε. Nōaa è gbēkenō de, wēε è gbēkenō de. <sup>22</sup>Á bεε vī à pó ble, à í minloo? Ke èè kya ká Luda sōsin à wí da pōsaideenōame? Mé oare diamε? Mé a sáabu kpán yó? Kài! Mé a sáabu kpá yā beee musuro.

<sup>23</sup>Yā kè má sì Dii kiia, má dàareen yè: Zī kè wà Dii Yesu kpámma, à gwāavī pià à buredi sè, <sup>24</sup>ben à aubarika dàn à lìlikōre, ben à bè, a mè kè à kpà a yānzin yè, àgaegō beee keε a yā dōnaagu yānzi. <sup>25</sup>Lεmε dō kè aō pó blè wà yāa, à togoo sè à bè, Luda bà kuuna kōn gbēno dufu a aru gāzīn yè. Tó ée mii, àgaegō mii à yā dōnaagu yānzi. <sup>26</sup>Zaake tó a buredi pì sò, tó a í pì mì, ée Dii gaa baaru kpaa ai àgō gá mómε.

<sup>27</sup>Bee yānzi tó gbē buredi pì sò, tó à Dii í pì mì, buredi kōn í pìo yādasai, à taari kè Diine à mè kōn à aruo yā musumε. <sup>28</sup>Baade a zīnda yā gwa, gbasa à buredi pì só, à í pì mi, <sup>29</sup>zaake tó gbē sò, tó à mì Dii mè gbádōsai, à yā dà a zīndalamε. <sup>30</sup>Bee yānzi gyāreenō kōn aafiaideenō pari a tézi, bensō gbē kè aō kè sainō kēsānaro. <sup>31</sup>Tó wé wa zīnda yā gwa, Dii é wa taari ero. <sup>32</sup>Tó à wa taari è, èe wa tootomε, le yā tón vēεwa kōn andunaoro yānzi. <sup>33</sup>Bee yānzi ma gbēno, tó a kō kākōa, ée Dii pó blee, àgae kō dā. <sup>34</sup>Tó nōaa e gbē deε, à pó ble a be, le a kakōana tón yā iarero yānzi. Mé yā kè gōnō bōkōtare, tó ma mō.

## 12

### *Luda Nini gbaano*

<sup>1</sup>Ma gbēno, Luda Nini gbaano yā musu, má yezi àgō dōna sairo. <sup>2</sup>Á dō kè gurō kè á de kifinō ū, tāa kè aōè yā oroonō bé wègō a gáεε, wàgō dōoare aε. <sup>3</sup>Bee yānzi má yezi àgō dō kè Luda Nini è di gbēa à Yesu láari kero, bensō gbēke é fō à be Yesun Dii ūro, séto Luda Nini dōne aε.

<sup>4</sup>Gba borii pari, mōde Luda Nini mèn doo pìme. <sup>5</sup>Zī borii pari, mōde Dii mèn doo pìme. <sup>6</sup>Gbāa sēedanō borii pari, mōde Luda mèn doo pìme, àmbe è à píngi ke baadenε. <sup>7</sup>Luda Nini è didi baadea gbē píngi kaarana yānzimε. <sup>8</sup>Luda Nini è gbēke gba zé à ōndō yā o, ben Nini mèn doo pì è gbē pānde gba zé à dōna yā o. <sup>9</sup>Nini mèn doo pì è gbē pānde gba ludanaanεkena zé, gbē pānde sō gbēkēkōana zé. <sup>10</sup>È gbē gba dabuyākεna zé, gbē pānde sō annabikεyā'ona zé. È gbē gba zé à niniino dōkōzi. È gbē gba zé à yāke borii o, è gbē gba yāke borii pì bōkōtεna zé. <sup>11</sup>Nini dōnkō mèn doo pì bé è à píngi ke, è gbaa pì da baadenε lán à yezi nà.

### *Mè kōn a guuno*

<sup>12</sup>Mè mèn doo guunō pari. Baa kōn à parikεεo, mè mèn doomε píngi. Len wa kuuna Kirisi guu de le se. <sup>13</sup>Wapinō píngi, Yudanō ke bori pāndenō, zōnō ke wēεnenō, Luda wa ke mè dōnkō ū kōn a Nini mèn doo pì gbāaaomε, à wa gba a Nini mèn doo pì, ben wá mì wa píngi. <sup>14</sup>Mèguunō pari, èe ke mèn donlo. <sup>15</sup>Tó gbá bè, lán oon a ūro nà, á de mè pō ūro, beee yānzi eégō de mè pō ūrozió? <sup>16</sup>Tó swā bè, lán wēεn a ūro nà, á de mè pō ūro, beee yānzi eégō de mè pō ūrozió? <sup>17</sup>Tó mè būnu de wéε ū, bón weé yā mao? Tó mè būnu de swā ū, bón weé pō gūu mao? <sup>18</sup>Lán à de nà, Luda mèguunō pèpekōre aō píngi, lán à yezi nà. <sup>19</sup>Tó aō píngi de mègu bori dōnkō ū, mè égō kú máme? <sup>20</sup>Tia la mèguunō pari, mè mèn domε. <sup>21</sup>Wéε é fō à be oonε a bà kúororo. Lεmε dō mì é fō à be gbáne a bà kúororo. <sup>22</sup>Mèguu kè wèe daa à kēsāna, mè é fō à ke à sairo. <sup>23</sup>Mèguu kè wèe daa à gakui vīro, wè à kpe da de

mègu kpaakaanla. À guu kè wèe à ena diε wíyã ũ, wè pó nazi de mègu kpaakaanla, <sup>24</sup> mɔde à kè maaa bà kú kŏn beeeoro. Kè Luda mè kàkŏa, à gakui kàara pó kè gakui e kēsāammanone de mègu kpaakaanla. <sup>25</sup> Le mè tóngŏ kpaatetenaro, à guunɔ kŏ yã dŏ. <sup>26</sup> Tó mèguunɔ dokee e nawēa keε, à mègu kpaakaanɔ píngi è keome. Tó wà mègunɔ doke kpe dà, à mègu kpaakaanɔ píngi è ponnaa keome.

<sup>27</sup> Ámbe Kirisi mè ũ, bensŏ a baade de mè pì guu ũ. <sup>28</sup> Káaku gĩa Luda zìrinɔ diε sŏsi guu, à plaadee annabinɔ, à aagŏde yādannerinɔ, beee gbera dabudabukerinɔ, beee gbera gbē kè à n̄ gbá gbēkēkŏana zénɔ kŏn dŏnlerinɔ kŏn yāgŏgŏrinɔ kŏn gbē kè aŏe yāke borii oonɔ. <sup>29</sup> Zìrinɔn n̄ ũ n̄ píngiŏ? Annabinɔn n̄ ũ n̄ píngiŏ? Yādannerinɔn n̄ ũ n̄ píngiŏ? Dabudabukerinɔn n̄ ũ n̄ píngiŏ? <sup>30</sup> Luda gbēkēkŏana gba dàne n̄ píngin yŏ? Aŏe yāke borii o n̄ píngin yŏ? Aŏe yāke borii bokŏte n̄ píngin yŏ? <sup>31</sup> À wée pé gbaa kè deñlaanɔ.

Tia sa mé zé kè maa deñlaa ɔbaare.

## 13

### Yenzi

<sup>1</sup> Tó ma yāke borii ò, gbēntee ke malaika pó, tó má yenzi vīro, ma kīi kè lán m̀lɛna ke s̀gēpana bàme. <sup>2</sup> Tó ma annabikεyā'ona gbaa è, tó ma yā píngi asii mà, bensŏ má dŏna píngi vī, tó ma ludanaanekena kà mà kpiii sŏki kpá, tó má yenzi vīro, pŏken ma ũro. <sup>3</sup> Tó ma pó kè má vīinɔ kpàate takaasideenone píngi, tó má tò wà té sŏma, tó má yenzi vīro, à àre vīmeɔ.

<sup>4</sup> Yenzi mena vī, à gbēkeε vī. Yenzi è ǹse gŏaanɔ kpányoro, è a zīnda sé lezīro, è ĩa dāro. <sup>5</sup> È wí dammaro, è a zīnda maaa wetero, è fēnzi kpaaro, è yā da a ǹse guuro. <sup>6</sup> È yāa dɔ à zaaaro, è ponnaa ke kŏn yāpuraaoε. <sup>7</sup> Yenzi è yā píngi fŏ, è yā píngi náane ke, ègŏ yā píngi tãmaa vī, è mena kŏn yā píngio.

<sup>8</sup> Yenzi yāana vīro. Mɔde tó annabikεyā'oname eé yāa, tó sŏ yākebori'oname à lé é ze, tó dŏname, eé gē zéla. <sup>9</sup> Zaake wa dŏna kŏn wa annabikεyā'onao e paparo. <sup>10</sup> Tó yā papana gurɔ m̀, à kè èe paparoo é gē zéla. <sup>11</sup> Kè má de né féte ũ, mèè né féte yā o, mèè né féte laasuu lé, mèè yā gwa lán né féte bà. Kè ma ke gbē ŏndŏna ũ, ma ɔ kpà néfetekeyāzi. <sup>12</sup> Tia la wée guu ee dígi guu dāadāa, zī beee sŏ wé wée sikŏle. Tia la ma dŏna e paparo, zī beee sŏ mé yā dŏ wásawasa lán Ludaa ma dŏ nà. <sup>13</sup> Tia sa yā m̀en aagŏ k̀enɔ bé wà gŏ: Ludanaanekena kŏn tãmaao kŏn yenzio, mɔde yenzi bé à deñla.

## 14

### Yākebori'ona kŏn annabikεyā'onao

<sup>1</sup> À tó yenzi ɔbare aε, à wée pé Luda Nini gbaanɔ, atēnsa annabikεyā'ona. <sup>2</sup> Gbē kè èe yāke borii oo e yā oo gbēnɔonlo, sé Luda, zaake gbēkee e maaro, èe asiiyā oo kŏn Luda Nini gbāaaome. <sup>3</sup> Gbē kè èe annabikεyā oo e yā oo gbēnɔome, èe n̄ gbaa gbāaa, èe lé daam̄mame, èe n̄ làakari kpáεñneme. <sup>4</sup> Gbē kè èe yāke borii oo e a zīnda kaaramε, gbē kè èe annabikεyā oo e sŏsi gbēnɔ kaaramε. <sup>5</sup> Má yezi à yāke borii o a píngi, mɔde má yezi à annabikεyā o de beela. Annabikεyā'ori de yākebori'orila, séto wée bokŏteε le sŏsi gbēnɔ e wà kaara.

<sup>6</sup> Ma gbēnɔ, tó ma m̀azi, ben ma yāke borii òao, bó àren à vīaree? Séde ma yā'ona gŏ de yāwεwēna ũ ke dŏna ke annabikεyā'ona ke yādannena. <sup>7</sup> Len à de le kŏn pŏɔborinɔ dɔ. Kure ke m̀ɔɔ, tó èe ó bɔ súusuro, weé fŏ wà dŏ dian èe oo nàŏ? <sup>8</sup> Tó kuu ó e bɔ súusuro, sozanɔ é zī soru kero. <sup>9</sup> Lemε apinɔ se, tó ée yāke borii oo, ben wée maaro, dian weé yā kè ée oo gbáze dŏ nà? A yā é gē ĩame. <sup>10</sup> Yānɔ borii pari anduna guu, aŏ kee bokŏtenasai sŏro. <sup>11</sup> Tó wée borii kè mèè à yā maroo oo, mégŏ de à òrine gbē zītɔ ũme, bensŏ eégŏ demε gbē zītɔ ũ se. <sup>12</sup> Lemε apinɔ sŏ, lán á aĩa vī kŏn Luda Nini gbaanɔ nà, à aĩa ke àgŏ gáo aε le sŏsi gbēnɔ e wà kāsāa péε.

<sup>13</sup> Beee yānzi yākebori'ori wée ke, le à e à yā kè èe oo bókòte. <sup>14</sup> Tó ma adua kè kōn yākebori'ona, ma ninii bé à kè, ma laasuu e dōme aero. <sup>15</sup> Tò, yā pì de diamé? Mé adua ke kōn ninii, mé ke kōn làakario dō. Mé lè sí kōn ninii, mé sí kōn làakario dō. <sup>16</sup> Tó n Luda tó nnaa sì kōn ninii, dian gbē dufu kè kú gwee é be, aami, sáabu kè n kpà yā musuu? Zaake èe yā kè n ò dōrō dōrō. <sup>17</sup> Baa tó n sáabu kpà a zéa, èe n Yesude daa gbāaa kaararo. <sup>18</sup> Ma Luda sáabu kè, kè mēè yāke borii o deala a píngi, <sup>19</sup> mōde kakōana guu tó ma yā mèn sōroo ò kōn làakario, ma yā dàoñne, à maame de mà yā mèn ũgbangba o kōn yākebori'onaola.

<sup>20</sup> Ma gbēnō, a laasuu tóngō de lán nēnō pò bàro. Àgō de lán né fétenō bà yāzaakena musu, mōde a laasuu gō de gbē òndōnanō pò ũ. <sup>21</sup> À kēna Luda yān wà bè:

Mé boriyā pānde o gbē kēkiinōne gbē zītōnō lén,  
baa kōn beeeo ašé swā kpà ma yāziro.

<sup>22</sup> Beee yānzi yākebori'ona de sèda ũ Yesudeenōero, sé Yesusaideenō. Len dō annabikēyā'ona e ke Yesusaideenō pòke ũro, sé Yesudeenō. <sup>23</sup> Tó sōsi gbēnō kō kākōa n píngi, ben ašōe yāke borii oo n píngi, tó gbē dufunō ke Yesusaideenō mō gwe, ašé be ïa kāmmanloo? <sup>24</sup> Tó baade píngi e annabikēyā oo sō, ben Yesusaidee ke gbē dufu mō gwe, eé n píngi yāze dō à a taari e, <sup>25</sup> asiyyā kè kú à nōsen é bō gupuraa, eé dae a puua à mì sie Ludane, gbasà à be, Ludaa kú a té yāpura.

### *Dōnzikēna zékpae*

<sup>26</sup> Wé be diamé ma gbēnō? Tó a kō kākōa, a baade gaegō lè vī ke yādannena ke yāwēwēna ke yākebori'ona ke yāke borii pì bókòtēna. À à píngi ke, le gbēnō e wà kāsāa péé. <sup>27</sup> Tó wēe yāke borii oo, gōn plaa ke aagō, àton de beeelaro. Aš kō gba zé, gbē mèn doo bókòte. <sup>28</sup> Tó à bókòteri kuuro, à lé nakōa kakōana guu, à a pò o ado kōn Ludao. <sup>29</sup> Annabikēyā'orinō gōn plaa ke aagōnō yā o, gbē kpaaanō laasuu lé aš yāa. <sup>30</sup> Tó Luda yā sù gbē kè vēnaa, gbē kè èe yā oo yīte. <sup>31</sup> A píngi é fō à annabikēyā o doodo, à yā dadakōne a píngi, à kō sé lezī. <sup>32</sup> Sé annabikēyā'orinō gō n lé kūna dō, <sup>33</sup> zaake Ludaa ye yā yāaaziro, sé à zédee.

Lán wé ke sōsinō guu nà píngi, <sup>34</sup> nōgbēnō lé gō yītena kakōana guu, zaake aš yā'ona zé vīro. Aš mì sie, lán wà ò Musa doka guu nà. <sup>35</sup> Tó aš yezi wà yāke dō, aš n zā gbekazi be, zaake nōgbē yā'ona kakōana guu né wiyāme. <sup>36</sup> A kiian Luda yā bōn yó? Ke a mèn do yānzin à mōzi?

<sup>37</sup> Tó gbē e daa annabikēyā'orin à ũ ke gbē kè Luda Ninii dōne ae, àgō dō kè yā kè má kēaree pì né Dii yādiename. <sup>38</sup> Tó gbē pā kpàzi, wéé pā kpàzi se. <sup>39</sup> Beee yānzi ma gbēnō, à wée pé annabikēyā'onaa, mōde àton gí yākebori'onaziro. <sup>40</sup> À yā píngi ke a zékpaea súusu.

## 15

### *Kirisi fēna gaan*

<sup>1</sup> Ma gbēnō, baaru nnaa kè má kpàare, kè á sì a zēon, má yezi mà εara mà dōagu. <sup>2</sup> Baaru nnaa pì bé eé a mì sí, tó á waazi kè má kēaree pì kūna. Tó lenlo, a Yesunaanekēna kè pāme. <sup>3</sup> Yā kè deñlaa kè má sì, má dàareen yè: Kirisi gà wa durun yānzi, lán à kēna Luda yān nà. <sup>4</sup> Wà à vī, ben à fēe à gurō aagōdee zī, lán à kēna Luda yān nà. <sup>5</sup> À a zīnda òdōa Pitane, ben à a zīnda òdōa a ïba gōn kuri awēēplaaanōne dō. <sup>6</sup> Beee gbera à a zīnda òdōa wa gbēnōne kè aš kō kākōa gu dōnkōn, aš de gōn wàa plaa kpé basōroola. Aš paridee kuu ai tia, mōde aš gbēkenō anduna tò. <sup>7</sup> Beee gbera à a zīnda òdōa Yemisine, ben à a zīnda òdōa zīrinōne n píngi. <sup>8</sup> Aš píngi gbera à bō à mōmazi, ben ma gō lán né kpàalaa'ii bà. <sup>9</sup> Zaake Luda zīrinō té māmbe kpēe, mēe ká wà bemē zīriro, zaake ma ïa dà Luda sōsia. <sup>10</sup> Gbaa kè Ludaa dāme yānzi má de gbē kè má de à ũu ũzi, bensō gbaa kè à dāme pì ginaro, zaake ma sōsi kà deñla n píngi. Māmbe má kēro, gbaa kè Ludaa dāme bé à tò má kè. <sup>11</sup> Tò, à bō ma kiian yoo ke aš kiia, yā kè wée à waazi kee á sìn gwe.

### Gèno fɛena gaan

<sup>12</sup> Zaake wée Kirisi fɛena gaan waazi kee, à kè dia a gbɛkeno è be gèno é fɛero? <sup>13</sup> Tó gèno é fɛero, èndɛ Kirisi e fɛero. <sup>14</sup> Tó Kirisi e fɛero sɔ, èndɛ wa waazikena kè pã, bensɔ a Kirisi náanekena kè pã, <sup>15</sup> wa gɔ Luda sèeda egedeeno ũ, kè wá bè à Kirisi fɛe yãnzɪ. Zaake tó gèno é fɛero, èndɛ Ludaa e à fɛero. <sup>16</sup> Tó Luda è gèno fɛero, èndɛ Kirisi e fɛero. <sup>17</sup> Tó Kirisi e fɛero, a Kirisi náanekena kè pã, ben á kú a durun guu ai tia, <sup>18</sup> gbɛ kè aɔ anduna tò Kirisi guuno sɔ sàsá. <sup>19</sup> Tó wa kuuna wèndio kè yãnzɪn wa wée do Kirisizi ado, le wèndadeenon wa ũ de baade pínɡila.

<sup>20</sup> Yápuraa guu Kirisi fɛe bɔna gaan, àmbe gàafɛe káaku ũ gbɛ kè aɔ dàe wà ii onɔ té. <sup>21</sup> Lán gaa bò gbɛntee gázɪ nà, len gèno fɛena bò gbɛntee gázɪ le. <sup>22</sup> Kuuna Adamu borii ũu tò gaa dà baade pínɡila. Lemɛ do gbɛ kè aɔ kú Kirisi guuno é wèndi e ní pínɡi. <sup>23</sup> Baade kɔn a gurɔome. Kirisi bé gàafɛe káaku ũ, à gbera à gbɛno é fɛe à móguro. <sup>24</sup> Gbasa guro lé ká, Kirisi é kíkɛe mì de pínɡi kɔn ikonɔ kɔn gbáaanɔ, eé a kpata tó De Ludanɛ. <sup>25</sup> Séde Kirisi gɔ kí blee ai Luda gɔ à ibeeno ke à tinti ũ. <sup>26</sup> Ibɛe kè eé à mì de zãan gaa ũ, <sup>27</sup> zaake Luda pò pínɡi nà Kirisine a ɔzɪ. Kè à bè, pò pínɡi kú à ɔzɪ, wá dɔ kè Luda kè pò pínɡi nàne a ɔzɪ pì baasime. <sup>28</sup> Tó à pò pínɡi nàne a ɔzɪ, àpin à Né kè à pò pínɡi nàne a ɔzɪ pì é mì siene, Luda pì é gɔ de à pínɡi ũ pò pínɡine.

<sup>29</sup> Gbɛ kè aɔ è batisi ke gèno gɛe ũ sɔ né? Tó gèno è fɛe yápuraro, bóyãnzɪ wè batisi ke aɔ gɛe úzi? <sup>30</sup> Wapino sɔ, bóyãnzɪ weègɔ wa zɪnda da kari guu guro pínɡizi? <sup>31</sup> Kɔn ïa kè mèè dã a yã musu kuuna Kirisi Yesu wa Dii guuo, mèègɔ kú gaa lézime lán guu e doo nà. <sup>32</sup> Tó ma zɪnda yãnzɪn ma ɔsi kàzi kɔn nòbɔ pásɪno zaa Efesu, bó àren à vimee? Tó gèno é fɛero, wà pò ble, wà í mi, zaake wé ga ziamɛ.

<sup>33</sup> Àton tó wà a sàsáro, gbɛnna zaaa è dà maaa yakamɛ. <sup>34</sup> À su a làakaria súusu, àton durun ke doo, zaake a gbɛkeno Luda dɔro. Ma beee ò le à a wiyã dɔ yãnzime.

### Gàafɛeno mè

<sup>35</sup> Gbɛkeno é be, gèno é fɛe diamɛ? Mè kparee takan aɔégɔ vɪi? <sup>36</sup> Yɔnkoyãme! Weè pò tɔ à bɔe fɔmbabɔna sairo. <sup>37</sup> Tó wà pò tɔ, gbadon yoo ke pówɛe pãnde, è bɔe pówɛe pì ũro. <sup>38</sup> Luda è tó à bɔe lán à diɛ nàme, baade kɔn a borii. <sup>39</sup> Pò wèndideeno pínɡi mè dɔnkɔro. Gbɛntee pò ado, nòbɔno pò ado, bãano pò ado, kpòno pò ado. <sup>40</sup> Ludambe pónɔ kuu, anduna pónɔ kuu. Ludambe pónɔ gakui ado, anduna pónɔ gakui ado. <sup>41</sup> ɔfãntɛ gakui ado, mɔvura pò ado, sɔsɔnenɔ pò ado. Baa sɔsɔne pino gakui bòkɔo doodo.

<sup>42</sup> Len eégɔ de le gèno fɛeguro zɪ. Wè gè vɪi à vã, eé fɛe vãna sai. <sup>43</sup> Wè gè vɪi bèe sai, mɔde eé fɛe kɔn gakuio. Wè gè vɪi gbãaa sai, mɔde eé fɛe kɔn gbãaa. <sup>44</sup> Wè gè vɪi anduna mè ũ, mɔde eé fɛe wèndi kè è yãaro mè ũ. Lán anduna kè mè kuu nà, lemɛ wèndi kè è yãaro mè kuu le do. <sup>45</sup> À kɛna Luda yãn wà bè, gbɛ káaku Adamu gò gbɛ bɛe ũ, mɔde Adamu zãa gò nini wèndikpammari ũ. <sup>46</sup> Èe ke wèndi kè è yãaro mè bé è do aɛro, anduna mè bé è do aɛ, à gbera sa wèndi kè è yãaro mè. <sup>47</sup> Gbɛntee káaku bò búsuti guumɛ, à plaadee bò ludambemɛ. <sup>48</sup> Gbɛ kè aɔ de tɔɔte pò ũunɔ bòkɔba kɔn gbɛ kè bò tɔɔten-o. Gbɛ kè aɔ de ludambe pò ũunɔ bòkɔba kɔn gbɛ kè bò ludambɛɛo. <sup>49</sup> Lán wá de gbɛ kè bò tɔɔten taka ũ nà, len wégɔ de gbɛ kè bò ludambɛɛ taka ũ le se.

<sup>50</sup> Yã kè má on yè ma gbɛno. Tó kpata kè bò Luda kiia bò gupuraaa, wé e wà ble kɔn wa mèoro. Wé e wàgɔ kú gu kè è vãroo guu kɔn wa mè kè è vãaro. <sup>51</sup> À ma, mé asiiyã oare. Wé ga wa pínɡiro, mɔde wé li wa pínɡi <sup>52</sup> kãndo lán wéé'ibakena bà kákáki zãade péguro zɪ. Zaake kákáki é ó bɔ, gèno é fɛe yaikúsai, wapino sɔ wé li. <sup>53</sup> Séde wa mè kè è vãa gɛ à kè è vãroo guu. Séde wa mè kè è gaa kè gɛ à kè è garoo guu. <sup>54</sup> Tó wa mè kè è vãa gɛ à kè è vãroo guu, bensɔ wa mè kè è gaa gɛ à kè è garoo guu, ben yã kè kɛna Luda yãn kè è papa wà bè:

Wà zǐ blè gaaa, à mì dè.

<sup>55</sup> Ga, n zǐblena tón diaa?

Ga, n sɛwɛɛ kú máme?

<sup>56</sup> Durun bé ga sɛwɛɛ ũ, durun gbāaa sɔ è bɔ doka guume. <sup>57</sup> Wà Luda sáabu ke, kè è tó wà zǐ ble wa Dii Yesu Kirisi gǎzǐ. <sup>58</sup> Beee yǎnzi ma gbɛ yenzideenɔ, à ze gbāa gíngin bɔru kpɛɛ sai. À wée tā Dii zǐzi gurɔ píngi, zaake á dɔ kè zǐ kè ée kee Diine páro.

## 16

### *Pɔlu wétɛgasorukena*

<sup>1</sup> Luda gbɛnɔ kámasakena yǎ musu, lán má ò Galatia bùsu sɔsinɔne nà, à ke le se. <sup>2</sup> Azumanengo kɔn Azumanengoo a baade gae ɔ kè à è a gbāa lén bɔ adona, àgɔ kaakɔa, le àton kámasa pì wete gurɔ kè ma mɔro yǎnzi. <sup>3</sup> Tó ma mɔ, mé gbɛ kè a n díe aɔ gánɔ zǐ Yerusalemu kɔn takadao kɔn kámasa kè á kàkɔaa pìo. <sup>4</sup> Tó à kɔ sio mà gáme sɔ, aɔé gá zeme.

### *Yá kè Pɔlu kpákpa à keenɔ*

<sup>5</sup> Tó ma bɔe kɔn Masedonia bùsuo, mé mó a kiia, zaake mé pǎ Masedonialame. <sup>6</sup> Mée kpákpaà mà gurɔplaa keao. Baa buusie se mégɔ yezi mà bleao, é gá zeme guu kè mé gán. <sup>7</sup> Tia la má yezi mà gɛala bàrararo, mée kpákpaà mà gurɔplaa keao, tó Dii wè. <sup>8</sup> Mé gɔ Efesu ai Pentikɔsi zǐbaa zǐme, <sup>9</sup> zaake Luda zé bɔme maamaa mà zǐ maaa ke, bensɔ ibeenɔɔ pari.

<sup>10</sup> Tó Timoti gá à mɔ, àton yǎ kene búgubugu à vǐa kearero, zaake èe zǐ kee Diine lán ma bàme. <sup>11</sup> A gbɛke tón kya kánlo. À kúsǎe kene, le à e à ká ma kiia aafia, zaake mapi kɔn ma gbɛnɔ wa wée dɔzi.

<sup>12</sup> Wa gbɛndo Apolo sɔ, mɛègɔ nakɔreɛa gɛn baaagɔ à mó à a gwa kɔn wa gbɛ kpaaanɔ. À ye mɔnazi gǎaro. Tó à zé è, eé mó.

### *Lédamma zǎa*

<sup>13</sup> Àgɔ kú a làakaria, àgɔ zena Yesunaanekena guu. Àgɔ wórɔngɔ vǐ, àgɔ gbāa. <sup>14</sup> À yǎ píngi ke kɔn yenzio.

<sup>15</sup> Á Setefana bɛdeenɔ dɔ, kè aɔmbe Yesude káakunɔ ũ Girisi bùsun, ben aɔ n zǐnda kpà wàgɔ dɔɔ Luda gbɛnɔ lé. Ma gbɛnɔ, ma wée kèawa, <sup>16</sup> à mì sie gbɛ beee takanɔne kɔn gbɛ kè aɔɔe aǐa kee ledɔ zǐ dɔnkɔ pì guunɔ n píngi. <sup>17</sup> Ma pɔɔ kè nna Setefana kɔn Fɔtunatuo kɔn Akaikuo mɔnaa, zaake aɔ gɔme a gɛɛ ũme. <sup>18</sup> Aɔɔ tò ma làakari kpàe kɔn a pɔo. À bèe lí gbɛ beee takanɔne.

<sup>19</sup> Asia bùsu sɔsinɔ ò kpàawa. Akila kɔn Pirisilao kɔn sɔsi gbɛ kè aɔé kɔ kakɔa n beenɔ ò kpàawa maamaa Dii guu. <sup>20</sup> Wa gbɛ kè wá ledoonɔ ò kpàawa a píngi. À ò kpákɔa kɔn Luda gbɛnɔ lépɛmmanao. <sup>21</sup> Mamɔma Pɔlu, ma ɔgben yè. Ma ò kpàawa. <sup>22</sup> Tó gbɛkee ye Diiziro, Luda láari kea. Wa Dii e mɔɔ. <sup>23</sup> Dii Yesu gbɛkke keare. <sup>24</sup> Má yeazi a píngi kuuna Kirisi Yesu guu.



## KƆRINTIDEENƆ TAKADA PLAADƆE

Pɔlu kɔn Kɔrinti sɔsi gbɛnɔ 1:1-7:16

Yudea Yesudeenɔ kámasakɛna 8:1-9:15

Pɔlu gina kɔn a zĩndao 10:1-13:14

### Làakarikpaena

<sup>1</sup> Mamɔma Pɔlu, Kirisi Yesu zĩri Luda pɔyezi guu kɔn wa gbɛ Timɔtio, wámbe wa takada kè kè sɔsi kè kú Kɔrintine kɔn Luda gbɛ kè aɔɔ kú Girisi b̀sunno ń pĩngi. <sup>2</sup> Luda wa De kɔn Dii Yesu Kirisio gbɛkɛe kɛare, à a gba aafia.

<sup>3</sup> Wà Luda wa Dii Yesu Kirisi De sáabu kpá, De Luda wɛndadɔnnɛri ǹsekpaeri pì. <sup>4</sup> È wa làakari kpáewe wa wahaa pĩngi guu, le wà e wà gbɛ kè aɔɔ kú baa wahaa kparee taka guuno làakari kpáéñne se kɔn làakarikpaebɔ kè Luda wa làakari kpàoweeo. <sup>5</sup> Lán nawɛa kè Kirisi kè è liwazi nà, lemɛ dɔ wa làakari è kpáe maamaa Kirisi yãnzì. <sup>6</sup> Tó wée nawɛa kɛe, a làakari kpaena kɔn a mìsinao yãnzime. Tó Luda wa làakari kpàe, a làakari kpaena yãnzime, le à e à nawɛa dɔnkɔ kè wée kɛe fɔ. <sup>7</sup> Wá tãmaa vĩ a yã musu seka sai, zaake wá dɔ lán a bà kúwao nawɛakɛna guu nà, len a bà kú kɔn wa làakari kpaena le dɔ.

<sup>8</sup> Wa gbɛnɔ, wá yezi àgɔ dɔ lán wà wée tàwa Asia b̀sun nà. Wà mè òwa maamaa de wa gbãa léla, baa wa wɛndi wá wée dɔzi sero. <sup>9</sup> Yá dàwala, wée daa wa game. Bee wa le, le wàton ze kɔn wa zĩnda gbãaaoro, séde kɔn Luda kè è gèno fɛe gbãaa. <sup>10</sup> À wa bɔ kari bíta guu, bensɔ eé wa bɔn. Apin wá wée dɔzi à wa bɔn dɔ <sup>11</sup> adua kè ée kɛewee gãzĩ. Lemɛ gbɛnɔ é sáabu kɛne pari wa yã musu gbɛkɛe kè à kèwe yãnzì gbɛ pariino aduakɛna sàabu.

### Pɔlu tá gborona

<sup>12</sup> Yá kè weè à ãa dãan yè: Wa laasuu e oowe kè kɔn Luda gbãaa wá kú kɔn ǹsepuraa mɔnafiki sai anduna guu, atɛnsa a kiia. Anduna ɔndɔɔn wá kúoro, séde Luda gbɛkɛe. <sup>13</sup> Weè lá ke kɛarero, séde kè é à kyó ke à dɔɔ baasiro. <sup>14</sup> Lán á wa dɔ nà fète tia, má yezi à wa dɔ sãnsã, le à ãa dã wa yã musu Dii Yesu mɔgurɔ zĩ, lán wé dã a yã musu nà.

<sup>15-16</sup> Bee náanekɛna guu má diɛ yã kè tó mée gaa Masedonia, mà bɔe a kiia mà a gwa káaku, mà ɛara mà su kɔn a kiio, le à aubarika e gènn plaa, gbasa à dɔnle kemɛ ma Yudea gana guu. <sup>17</sup> Kè ma tá beee diɛ, ma yã fɛe kèn yó? Tó má diɛ mà yã ke, anduna yã è dɔme aɛ mà be, lemɛ, lemɛ ke auo, auon yó? <sup>18</sup> Lán Luda náane vĩ nà, yã kè wá òare né lemɛ, èe ke auonlo. <sup>19</sup> Luda Né Yesu Kirisi kè mapi kɔn Silasio kɔn Timɔtio wa à yã waazi kɛare né gbɛ kè è be lemɛ, èe ke auonlo, àmbe Luda eè ù. <sup>20</sup> Zaake lé kè Ludaa gbè pĩngi yãpuraa è ke à guume. Beee yãnzì kɔn Yesu Kirisi tɔon wè be, aami, Luda tɔbɔna yãnzì. <sup>21</sup> Luda bé à wa kãsã pèe Kirisi guu kɔn apino, à wa diɛ a pó ù, <sup>22</sup> à a sèeda kèwa, à a Ninii dà wa swèn pó kè wé e kpégaau ù.

<sup>23</sup> Ludaa ma ǹse dɔ, àmbe ma sèedadee ù. Kè má yezi mà a bɔbɔ a dànlo yãnzin mée gá Kɔrintizi dɔro. <sup>24</sup> Èe ke wée gbãa mɔɔare a ludanaanekɛna musunlo, zaake a kãsã pèe kò, wée zĩi kɛeao a pɔnnaa yãnzime.

## 2

<sup>1</sup> Ben ma zeo kè mé mó a kiia kɔn ǹseyakanao dɔro. <sup>2</sup> Tó má tò a ǹse yàka, dé bé eé ma pɔɔ ke nnaa, tó èe ke amɔa kè ma a ǹse yàkaareno baasiroo? <sup>3</sup> Ma takada kèare le, le tó ma mɔ a gwa, amɔa kè á de à ma pɔɔ ke nnaano tón ma ǹse yakaro yãnzime. Má dɔ sãnsã kè ma pɔnnaa né a pĩngi pɔnnaame. <sup>4</sup> Ma takada pì kèare nawɛa guu kɔn pɔsia bítao kɔn wée'io plèple, èe ke le a pɔɔ yaka yãnzinlo, le àgɔ dɔ lán má yeazi nà yãnzime.

### S̀tukɛna kɔn taarideeo

<sup>5</sup> Tò, tó gbēke nòseyakana yā kè, èe ke ma nòsen à yàkaro, a píngi pón à yàka, ke a gbēkeno, le màton o à gē olaro. <sup>6</sup> Īaa kè a paridee dà adee pia mà. <sup>7</sup> Beee yānzi à sùu keo tia, à à làakari kpáene, le à pòsia bíta tón à kaatero yānzi. <sup>8</sup> Beee yānzi ma agbaa kpàare, à odoane tētētē kè á yezi. <sup>9</sup> Àmbe à tò ma takada kèkàa kèare, ma lí pèeoawa, le mà e mà dō tó a yā kè má òare kùna píngi. <sup>10</sup> Tó a gbē kè kōn à taario, mèè adee kē se. Zaake tó ma gbē yā kēne, tó yákee gàa gō kuu, mèè ke a yānzi Kirisi aezī, <sup>11</sup> le Setān tón òndō daewaziro yānzi, zaake wá à mōnafikino dō.

### *Luda zīkerino*

<sup>12</sup> Kè ma ka Toroasi le mà Kirisi baaru nnaa kpá, Dii zé bòmē, <sup>13</sup> mode ma làakari kpaenaro, kè mée ma gbēndo Titu ero yānzi. Ben ma lé zàmma gwe, ma da Masedonia zén.

<sup>14</sup> Ma sáabu kè Ludane, zaake ègō dōowe ae gurō píngi, weègō zìblerino ũ Kirisi guu, weè à dōna gūu dagula gu sánda píngia. <sup>15</sup> Zaake wá de tuaetiti gūnnadee kè Kirisi kpáta Ludane ũ gbē kè èe n̄ mì siino té kōn gbē kè aōe kaateeno. <sup>16</sup> Wá de gè gūu ũ gbēkenone, ben è gaa iñne. Wá de wèndi gūu ũ gbē kpaano, ben è wèndi iñne. Wa dé bé à kà à zī beee kee? <sup>17</sup> Wá de lán gbē kè aōègō laa taa kōn Luda yāono bàro. Kirisi guu weè yā o kōn nòsepuraao kōn Luda dōnao à zìrino ũ.

## 3

<sup>1</sup> Wa εara wée wa zīnda sáabu kpaan yó? Wa bà kú kōn sèeda takada kè wá kèaree ke kè á kèñneo lán gbēkeno bàn yó? <sup>2</sup> Àmbe wa takada pì ũ kè kēna wa swèa. Baade píngi é fō à dō à à kyó ke. <sup>3</sup> Èe odoaa gupuraa kè ámbe takada kè Kirisi kè à nàwe wa ozi ũ. Èe takada pì kē kōn āntu'ioro, à kē kōn Luda Wèndide Niniiomē. Èe kē gbè walaaaro, à kē a swèame.

<sup>4</sup> Yā kè wá à náane vīn gwe Luda aezī Kirisi gāzī. <sup>5</sup> Èe ke wa ka wa zīndane wà be, yā pì bō wa kiianlo, Ludan wa gbāaa ũ. <sup>6</sup> Àmbe à wa kaa, ben wá de à bà kuuna kōn gbēnoo dufu zīkerino ũ. Èe ke doka kè kēnanlo, Luda Nini yāme. Zaake doka è gaa iñne, Ninii pì sō, è wèndi iñne.

<sup>7</sup> Kè Luda doka kè gbè walaaa, à gakui bō Musa uua. Baa kè à tékena e gí kero, Isarailino e fō wá gwàro. Tó zé kè è gaa iñne pì bō kōn gakui beee takao, <sup>8</sup> weé Ninii pì zé gakui yā o dō? <sup>9</sup> Tó zé kè è yā dañlaa gakui vī, èndē zé kè è tó yā bōnyo nnaa gakui deàla zā. <sup>10</sup> Pó kè gakui vī yāa gakui vī dōro, gakui kè deàlaa pì yānzi. <sup>11</sup> Tó pó kè èe gí keroo bō kōn gakuio, pó kè ègō kuu gakui deàla zā.

<sup>12</sup> Zaake wá tāmaa beee taka vī, weè yā o kōn kùgbāaao, <sup>13</sup> èe ke lán Musa bàro, kè à sáta kù a uua le Isarailino tón à uu tékena kè è gí keroo yāana ero yānzi. <sup>14</sup> Mode aō swā gbāa, zaake ai gbāa tó aōe Luda bà kuunaño takada kyó kee, sáta dōnkō pì ègō da n̄ laasuulame. È goro, séto gbē kú Kirisi guu baasiro. <sup>15</sup> Ai gbāa tó aōe Musa takada kyó kee, sáta pì ègō da n̄ laasuulame. <sup>16</sup> Mode tó gbē ae dō Diia, sáta pì è goa. <sup>17</sup> Dii pìn Luda Nini ũ, bensō guu kè Dii Nini pì kún, è tó wá gō n̄ zīndane. <sup>18</sup> Wamōwa kè pó gò wa uano, wée Dii gakui odoañne lán dígi bà, weègō lii lán à bà gakui gō kaa gakuila. Dii kè de Luda Nini ũu pì kenan gwe.

## 4

### *Luda zìrino zī*

<sup>1</sup> Beee yānzi lán Luda zī beee dàwe a sùu guu nà, weè kpasoro. <sup>2</sup> Wa o kpà asii wísaiyānzi, weè yā ke kōn mōnafikioro, bensō weè Luda yā lie kpeegāndaro. Weè yāpuraa oñne súusu, le wá wa zīnda odoaa baade píngine Luda aezī. <sup>3</sup> Tó baaru nnaa kè wée kpaá utename, gbē kè aōe kaateeno à utenañne. <sup>4</sup> Zaake anduna kèkii dii Yesusaideeno wée vīa kùñne, le aōton baaru nnaa sí, Kirisi kè de Luda taka ũu gakui guu puñero

yānzime. <sup>5</sup> Wa zīnda kpàakpan wée keero, Yesu Kirisi diikee kpàakpan wée kee, bensō wée zīi keere à yānzi. <sup>6</sup> Luda bè, guu pu gusiaan, ben à guu pù wa swèn le do. Gupuraa pì de à gakui kè èe té kee Kirisi uua dōna ũ.

<sup>7</sup> Wá auziki beee vī wa mē kè de lán gù oroo bànɔ guu, le wà e wà dō kè gbāa bíta pì bō Luda kiiame, èe ke wa kiianlo. <sup>8</sup> Wègō ãa daawa kpa sānda píngia, baa kōn beeeo weè furo. Wè bídí ke, mode wa tāmāa è yāaro. <sup>9</sup> Wè wée tāwa, mode Luda è wa tónlo. Wè wa pāe, mode weè garo. <sup>10</sup> Gurɔ píngi wá kú Yesu gaa taka bori lézī, le à kuuna e à doɔa wa mēa yānzi. <sup>11</sup> Zaake wamɔwa kè wá bēenɔ weègō kú gaa lézī Yesu yānzi, le à kuuna e à doɔa wa mē kè eé gaa. <sup>12</sup> Len gaa pì e zīi kee wa guu le, bensō wèndi e zīi kee a guu. <sup>13</sup> À kēna Luda yān wà bè: Má Luda náane vī, ben ma yā ò. Wapinɔ sō wa Luda náane dōnkō pì kè, ben wée yā oo à yānzi. <sup>14</sup> Zaake wá dō kè lán Luda Dii Yesu fēe gaan nà, eé wa fēeo gaan se, eé wa káe a aezī ledo kōn apinɔ. <sup>15</sup> Yā kēnɔ píngi e wa lee a yānzi, le Luda gbēke kè èe lii gbēnɔzi pari e à sáabukpana kaara à tóbɔna yānzi.

### *Wéedɔna mē dufuzi*

<sup>16</sup> Beee yānzi weè kpasaro. Baa tó wa mēbaa e kaate, wa ninii ègō dufu kūu lán guu e doɔ nà. <sup>17</sup> Wa wétamma néngo kè eé gēte kèkii e gakui bíta kè è yāaroo iiwe, kè èe sí lékōziro. <sup>18</sup> Wa wée pé pò kè wè wée siàlero, sé pò kè wè wée siàleroo. Zaake pò kè wè wée siàle né gurɔplaapome. Pó kè wè wée siàleroo sō, ègō kuu gurɔ píngi.

## 5

<sup>1</sup> Wá dō kè tó wa sò kè wá kún kpé ũ anduna kè guu yàka, Luda é kpé kè wè do kōn ooro kpáwa a be ai gurɔ píngi. <sup>2</sup> Tia sō weè mbo sò pì guu, wá yezi wà ludambe pò pì da, <sup>3</sup> zaake tó wa bō sòn, wégō kuu mē sairo. <sup>4</sup> Gurɔ kè wá kú sò kèkii guu, weè mbo lán wá aso sena bà. Èe ke wá yezi wà bō à guunlo, wá yezi wà ludambe pò dame, le wèndi wa sò kè eé gaa pì mó. <sup>5</sup> Beee yānzin Luda wa soru kezi, ben à a Ninii kpàwa pò kè wé e kpégaau ũ.

<sup>6</sup> Beee yānzi wa kù ègō gbāa. Wá dō kè gurɔ kè wá kú mē kèkii guu, wá kú Dii kiiaro. <sup>7</sup> Zaake ludanaanekenan wá kúo, èe ke wésinaàle yānlo. <sup>8</sup> Wa swē ègō kpaena. Bona sò pìn gana Dii kiian wá yezi. <sup>9</sup> Kuuna mē guun yoo, bōna à guun yoo, weègō wete wa yā káne. <sup>10</sup> Zaake Kirisi ègō vēena a tintia, wa píngi wé bō wà ze à ae, eé fīa bo wa baadene à kuuna mē guu yākenaa, à maaa ke à zaaa.

### *Gbēnteenɔ kena nna kōn Ludao zīi*

<sup>11</sup> Lán wée vīa kee Diine le nà, weè wete gbēnɔ yā pì zé e. Ludaa wa dō sānsān, bensō wá yezi à wa dō a swèn le do. <sup>12</sup> Wée wa zīnda sáabu kpa a kiia donlo, wée a gbaa zé à ãa dā wa yā musume, le à e à yā we gbē kè è ãa dā kōn mēbaayāo, èe ke swē yānloola. <sup>13</sup> Tó ée daa wa mì liè, Luda yānzime. Tó wá kú wa dōɔa, a yānzime. <sup>14</sup> Zaake Kirisi yenzi bé èe té kaawagu. Wá è tó gbē mēn doo gà gbē píngi yānzi, aō gà n píngin gwe. <sup>15</sup> À gà gbē píngi yānzi, le gbē kè aō gōnɔ tóngō kuu n zīnda pò ũ do, sé gbē kè gà n yānzi à vù pò ũ.

<sup>16</sup> Beee yānzi weè gbēke gwa lán anduna gbēnɔ è gwa nà tia do. Baa kè wá Kirisi dō lán anduna gbēnɔ à dō nà yā, wá à dō le tia do. <sup>17</sup> Zaake tó gbē kú Kirisi guu, à gō gbē dufu ũ. À kuuna zii gēte, kuuna dufu bé à gōne. <sup>18</sup> Beee bō Luda kiiame píngi. À wa keao nna Kirisi gāzī, ben à gbēnɔ kenao nna zīi dāwe. <sup>19</sup> Kirisi guu Luda anduna kè a zīndao nna gbēnɔ taarinɔ yā dana sai, ben à gbēnɔ kenao nna pì yā nàwe wa zī. <sup>20</sup> Beee yānzi Kirisi gēenɔn wa ũ. Ludaa e gbēnɔ sisii wa gāzī. Wa agbaa kpàare Kirisi gbēn, à ke nna kōn Ludao. <sup>21</sup> Ludaa tò durunsaidee gō durun agbaakpabɔ ũ wa yānzi, le kuuna à guu Luda tò yā bōwao nna.

## 6

<sup>1</sup> Zaake Luda zīkeri daanŋn wa ũ, wa agbaa kpàare, àton Luda gbēkeε sí à à ke pāro.

<sup>2</sup> Luda bè:

Ma yā mām̄ma a gurɔɔa,  
ma dɔnle m̄sina gurɔ.

Gurɔɔ kà sa, gbàan m̄sina gurɔɔ pì ũ.

<sup>3</sup> Weè yā kè eé tó gbē fuu kero, le wàton wa zīi taari ero yānzi. <sup>4</sup> Weè wa zīinda ɔɔɔa gbēnɔne zé sānda píngi guu kè Luda zīkerinŋn wa ũ. Weè m̄ena f̄s maamaa kŋn ĩadammao kŋn nawēao kŋn wéetām̄mana. <sup>5</sup> Wà wa gbē, wà wa ka kpésiaan, wà f̄ewazi. Wa zī gbāaa kè, wée e wà ii òro, nɔaa wa de. <sup>6</sup> Wá òɔaíne kŋn n̄se puraa kŋn d̄nao kŋn s̄uuo kŋn maakenao kŋn Luda Ninio kŋn yenzi m̄nafiki saio <sup>7</sup> kŋn yāpura'onao kŋn Luda gbāaa. Wá yāmaakebɔnɔ kŋna wa ɔplaan kŋn wa ɔzeo. <sup>8</sup> Wè wa kpe da, wè wa kpe bɔ. Wè wa tó zaaa sí, wè wa tó nnaa sí. Yāpuradeenŋn wa ũ, ben wè wa die m̄nafikideenŋn ũ. <sup>9</sup> Tódeenŋn wa ũ, ben wè wa die lán gbē kè wà n̄ d̄roonɔ bà. Wá b̄é fá, ben wè wa die ḡenɔ ũ. Wè wa die p̄ógbēnanɔ ũ, m̄ode wè wa dero. <sup>10</sup> Wa pɔɔ èḡɔ nname, ben wèḡɔ wa die p̄osiadeenŋn ũ. Weè gbēnɔ ke auzikideenŋn ũ pari, ben wèḡɔ wa die takaasideenŋn ũ. Wá p̄ó píngi v̄i, ben wèḡɔ wa die p̄osaideenŋn ũ.

<sup>11</sup> Kŋrintideenŋn, wa yā òare s̄usu, wa wa n̄se w̄eare. <sup>12</sup> Wée wa n̄seguuyā utearero, m̄ode a a p̄ó ùtewe. <sup>13</sup> Ma yā òare lán ma n̄enɔ bà. Lán wa wa n̄se w̄eare nà, à a n̄se w̄ewe le se.

*Àton ke s̄enkpe kŋn Yesusaideenɔro*

<sup>14</sup> Àton ke s̄enkpe kŋn Yesusaideenɔro. Yā maa bàa ũgba kŋn à zaaao? B̄n gupura kŋn gusiaao v̄i kŋn k̄o? <sup>15</sup> Kirisi yā é k̄ sé kŋn Setān p̄ó diamε? Dian Yesudee bà éḡɔ kú kŋn Yesusaideo? <sup>16</sup> Luda kpé è k̄ sé kŋn tāanɔɔ? Zaake Luda W̄endide kp̄en wa ũ, lán à ò nà:

Méḡɔ kúnyo, méḡɔ té n̄ té,  
méḡɔ de n̄ Luda ũ,  
āéḡɔ de ma gbēnɔ ũ.

<sup>17</sup> Beee yānzi Dii bè:

À k̄r̄ma, àḡɔ kú adona,  
àton ɔ ke p̄ó gbās̄iāro,  
mé a sí, <sup>18</sup> méḡɔ dene De ũ,  
éḡɔ de ma néḡɔgbēnɔ ũ kŋn ma n̄enɔgbēnɔ.  
Dii Gbāapingide bé à ò.

## 7

<sup>1</sup> Ma gbē yenzideenŋn, lán Luda lé gb̄ewe le nà, wà mì k̄ yā kè è mè kŋn ninii gbās̄i léa mām̄mam, wà wa kuuna adona lé papa v̄iakena Ludane guu.

*P̄olu pɔɔ kè Kŋrintideenɔa nna*

<sup>2</sup> À tó wa yā ḡɔ kú a sw̄en. Wée taari ke gbēkenero, wée gbēke sāsāro, wée gbēke takii kero. <sup>3</sup> M̄é bee o mà yā daoalanlo. Má ò yā kè a yā kú wa sw̄en wà ga led̄o ke wàḡɔ kuu led̄ome. <sup>4</sup> Má a náanekena maamaa, m̄é lé gb̄e a yā musu maamaa. Wa nawēakena guu píngi ma làakari kpaena mét̄met̄e, ma pɔɔ kè nna à ḡè ɔla. <sup>5</sup> Baa kè wa ka Masedonia b̄usun, wa mè kpaenaro. Nawēa ligawazi kpa sānda píngia, wà f̄ewazi kŋn sw̄eoo, v̄ia ḡewagu. <sup>6</sup> Ben Luda kè è ȳesaideenŋn sé lez̄i wa se lez̄i Titu m̄na guu. <sup>7</sup> Èe ke à m̄nan adoro, kè a à sè lez̄i yānzime d̄o. À bèwe ée ma b̄ege keε, á kú tómad̄yāa guu, ma yā a kŋna gbāa sa, ben ma p̄onnaa kàara.

<sup>8</sup> Baa kè takada kè má kèaree a nòse yàka, mée ma nòse liero. Kè má è takada pì a nòse yàka gurɔ plaa, le ma nòse liè yā, <sup>9</sup> mode ma pɔɔ kè nna sa. Èe ke kè ma a pɔɔ yàkaare yānzinlo, kè a pɔsiaa tò a nòse liè yānzime. A nòseyakana pì bò Luda kiia. Beee yānzi wée ásarukerero. <sup>10</sup> Pɔsiaa kè bò Luda kiia, è tó gbě nòse liè à m̀sina e, eé tómadɔyāa kero. Anduna pɔsiaa bé è gaa ínne. <sup>11</sup> À gwa pò kè pɔsiaa kè bò Luda kiia pì ìare. A mè wā sa, a gi kɔn a zĩndao, a làakari fèe, vĩa a kũ, a bege kè, a wée tã, a n swā gà. Yā pì guu píngi a a zĩnda òɔa kè á taari vī yā pì guuro.

<sup>12</sup> Baa kè ma takada pì kèare, èe ke gbě kè taari kè ke gbě kè wà taari kènne yānzinlo, má kè Luda d̄na guume, le a yewazina e à b̄are gupuraa. <sup>13</sup> Beee yānzi wa làakari kpaena. Wa làakari kpaena pì gbera, wa pɔnnaa kàara maamaa Titu pɔnna yā musu, kè a píngi á tò à ninii sù yānzi. <sup>14</sup> Ma lé gbènne kɔn a yāo yā, eé tó wí ma kũro. Lán wa yāpuraa òare yā píngi guu nà, len wa légbèna Titune kè yāpuraa ũ le. <sup>15</sup> Lán a bèe lìnè nà, a à kpe dà, bensɔ a à yā mà a píngi, tó à d̀ a yā pìn, à yenaazii è kaaramè. <sup>16</sup> Ma pɔɔ ègɔ nna, kè má a náanekena yā píngi guu yānzi.

## 8

### *Kɔkamasakena*

<sup>1</sup> Wa gbẽnɔ, wá yezi àgɔ gběke kè Ludaa kè Masedonia b̀usu s̄sinɔne d̄s. <sup>2</sup> Aɔ yɔagwana kɔn wéetamma p̄s̄io guu, aɔ pɔɔ kè nna maamaa, ben baa kɔn n̄ takaaside búgubugukεεo aɔ gba dà à gè ɔla. <sup>3</sup> Má òare aɔ gba dà kɔn nòseo do n̄ gbāa lén, à de n̄ gbāaala se. <sup>4</sup> Aɔ wée kèwa n̄ zĩnda kúe kɔn kúeo, wà n̄ gba zé n̄ ɔ e àgɔ kú Luda gbẽnɔ kámasakena guu. <sup>5</sup> Aɔ kè de pò kè wa wée d̄zila, aɔ n̄ zĩnda kpà Diia gĩa kɔn wapinɔ d̄o Luda p̄yezi guu. <sup>6</sup> Beee yānzi wa wée kè Titua à gá kámasa yā kè à nàa a té mì de. <sup>7</sup> Zaake á gbāa yā píngi guu, ludanaanekena kɔn yā'onao kɔn d̄nao kɔn yā píngi aĩao kɔn yenzi kè á vīwao, àgɔ gbāa kámasa pì kena guu d̄o.

<sup>8</sup> Èe ke mée yā diεarenlo, aĩa kè gbě pāndenɔ kèn mée ooare, le mà a yenzi yāpuraa d̄s. <sup>9</sup> Á wa Dii Yesu Kirisi gběke d̄s. Pódee ina ḡs̄ p̄saidee ũ a yānzi, ben à p̄saidekeεε guu à a ke p̄deenɔ ũ. <sup>10</sup> Lán má è nà yā pì musun yè: À k̄ s̄io amɔa kè a ze kɔn yā p̄io zaa muyā bensɔ ée keεnɔ, <sup>11</sup> à yā pì mì de sa. Zaake a sorumi mà kɔn à kenao, à ke a gbāa lén. <sup>12</sup> Tó gbě gba dà kɔn nòseo do pò kè à vī lén, èe ke kɔn pò kè à vīroonlo, beee bé è ká. <sup>13</sup> Èe ke mée asoo lagoo gbě pāndenɔne, mée diiarenlo, le à ke s̄enkpeε. <sup>14</sup> Tia lán kè bà zaake pò diazi, à kpá gbě kè pò è kēsāmmaɔa, le zĩkea tó pò d̄ínzi, bensɔ pò kēsāawa, aɔé kpáawa. Lán beee bà ègɔ s̄enkpe. <sup>15</sup> Lán à kēna Luda yān nà wà bè:

Gbě kè s̄èe bíta pò e diziro,  
gbě kè s̄èe féte pò e kēsāro.

### *Titunɔyā*

<sup>16</sup> Ma sáabu kè kɔn Ludao, kè à tò a yā kú Titu swèn lán à kú ma swèn nà se. <sup>17</sup> À wa yā mà, à mè wā à mó a gwa, lán à pɔɔ yezi nà. <sup>18</sup> Wa gbě doo kè à tó dàgula s̄sinɔ té n̄ píngi baarunnakpana musun wá d̄ane. <sup>19</sup> Beee gbera d̄o s̄sinɔ à dà à gáwao kámasa z̄ii kè wée keε ke. Wée z̄ii pì keε Dii t̄ɔb̄na yānzime kɔn aĩa kè wá vīio. <sup>20</sup> Wá yezi gběke wa taari e lán wée keε nà kɔn gba bíta kè na wa ɔz̄i yāoro. <sup>21</sup> Èe ke yā kè maa Diinen wée p̄εea adoro, yā kè maa gběnteenɔnemε se. <sup>22</sup> Wa wa gbẽndo pānde d̄anne d̄o. Wa à làakari gwà à gèn lé vīro, wá è à aĩa vī yā píngi guu, bensɔ à aĩa èara à kàara tia, kè à a náanekena yānzi. <sup>23</sup> Titu daa s̄o, ma zĩkeri daa kè wee a maaa wete ledoon à ũ. Wa gbě kpaaanɔ s̄o, s̄sinɔ z̄irinɔme, aɔmbe Kirisi t̄ɔb̄rinɔ ũ. <sup>24</sup> Beee yānzi à ɔɔaĩne kè á yezi, le s̄osi pì gbẽnɔ d̄s kè lé kè wée gběe a yā musu né yāpuraame.

## 9

<sup>1</sup> Èe kŏ sío mà takada kēare Luda gbēnŏ kŏ kámasa kena pì yā musuro, <sup>2</sup> zaake má dŏ kè a nòse maaa dà, ben ma lé gbè Masedonia gbēnŏne ma bè, Girisi gbēnŏ sorumi mà zaa muyā. A aīakena pì n gbē parideenŏ mè fēe. <sup>3</sup> Ben ma wa gbē pìnŏ zīawa, le àgŏ kú soru guu lán ma ò nà, le lé kè wá gbè yā pì musu tón ke pāro. <sup>4</sup> Tó Masedonia gbēkenŏ tēmazi, tó aŏ mò wà è kè a sorumi e maro, wí é wa kŭ, kè wa a náanekena yānzi. Wee a pŏ o dŏŏ? <sup>5</sup> Beee yānzi má diè kè à maa mà o gbē pìnŏne aŏ dŏme ae, aŏ gbaa kè a gīake a à lé gbè yā keke káaku, le a sorumi ma, àgŏ de nòsedo gbaa ũ, èe ke gba tiasinlo.

*Gbadana kŏn nòseo do*

<sup>6</sup> Àgŏ yā kèkii dŏ:

Tó n tŏ féte, né kē féte,

tó n tŏ bíta, né kē bíta.

<sup>7</sup> Baade kpá lán à dà a swè guu nà uusisina sai tiasi sai. Ludaa ye gbē kè è gba da kŏn pŏnnaaozi. <sup>8</sup> Luda é fŏ à tó aubarika píngi gŏ diazi, le gurŏ píngi pŏ píngi móawa yā píngi guu ai à gŏ diazi à yā maa píngi keo. <sup>9</sup> Lán à kēna Luda yān nà wà bè:

È gba da takaasideenŏne maamaa,  
à yāmaakena yāana vīro.

<sup>10</sup> Lán Luda è pŏborii kpá pŏtŏria nà kŏn pŏ kè wè bleeo, eé pŏborii kpáawa, à kaaraare, le a maakena ŏgbē e à ŏ tá. <sup>11</sup> Eé a ke pŏdeenŏ ũ yā píngi guu, le àgŏ gba daa bítabita gurŏ píngi, gbēnŏ Luda sáabu kpá gbaa kè á dànnē wa gāzī yānzi. <sup>12</sup> Zaake Luda gbēnŏ pŏkēsamma bŏkŏten kámasa zīi pì e kee adoro, eé tó Luda sáabukpana dagula maamaame dŏ. <sup>13</sup> Gbēnŏ é Luda tó bŏ, zaake kámasa kè á kè pì é ŏdŏánnē, kè a mì siè Kirisi baaru nnaa kè a zeone, bensŏ a gbēkeke kēnnē kŏn gbē píngio kŏn nòseo do. <sup>14</sup> Aŏé adua keare kŏn a yāo dana n swèn Luda gbēkeke kè pìsiawa yānzi. <sup>15</sup> À Luda sáabu kpá à gbaa kè gè onala yānzi.

## 10

*Pŏlu gina kŏn a zīndao a zīyā musu*

<sup>1</sup> Mamŏma Pŏlu, ma agbaa kpàare kŏn Kirisi nòseyīio kŏn à busekeeo, mamŏma kè wè be, tó má kúao má busē, tó má kúaooro sŏ, meègŏ pásī. <sup>2</sup> Ma wée kèawa, tó ma mŏ, àton tó màgŏ pásīaoro, zaake mé fŏ màgŏ pásī kŏn gbē kè aŏè be anduna yā bé èe dŏwe aenŏ. <sup>3</sup> Wá kú anduna guume, mŏde weè zī ká lán anduna gbēnŏ bàro. <sup>4</sup> Wa gŏkebŏnŏ né anduna pŏnlo, Luda gŏkebŏ gbāaa kè weè zeki gbāaanŏ gboroonŏme. Weè ege leokpakŏanŏ gboroo <sup>5</sup> kŏn wada yā kè è gínnē wà Luda dŏŏo píngi. Weè laasuu píngi mile ble, le aŏ mì siè Kirisine. <sup>6</sup> Tó a mì siewe mámmam, wa yāa kè wà wée tā swāyāmarisaideenŏa.

<sup>7</sup> Èe yā gwa musume. Tó gbē a zīnda náanekena kè Kirisi pŏn a ũ, adee gŏ dŏn kè Kirisi pŏn wa ũ lán à bà se. <sup>8</sup> Baa tó ma lé gbè à kè bíta iko kè Dii kpàwa yā musu, wí é ma kŭro, zaake a kāsāpeena yānzime, èe ke a leena yānzinlo. <sup>9</sup> Àton ke lándŏ má yezi mà vīa dadaazi kŏn ma takadakēnao bàro. <sup>10</sup> Wè be ma takadanŏ bèe vī, bensŏ aŏ gbāa, mŏde tó wà wée sìmale, è n kŭ gbāaro, ma yā è ká pŏke lēzīro. <sup>11</sup> Gbē kè aŏe oo lenŏ gŏ dŏ kè lán wa yānŏ de nà takadanŏ guu tó wá kúaooro, len wé ke le, tó wa kŏ è.

<sup>12</sup> Dén kèwe wà wa zīnda ke sēnkpe kesŏ wà wa zīnda lēkŏzi kŏn gbē kè aŏe n zīnda sáabu kpaanŏ. Tó aŏ n zīnda kpàkŏsŏ kŏo kesŏ aŏ n zīnda lēkŏzi kŏo, aŏègŏ ŏndŏro. <sup>13</sup> Wamŏwa sŏ, wé lé gbē à gē ŏlaro. Wé lé gbē ikokekii kè Ludaa diewe lémmē, kè à kà a kiia se. <sup>14</sup> Lán wa ka a kiia nà, wée vīi wa ikokeki lēlaro, zaake wa mŏ kŏn Kirisi baaru nnao ai a kiia káaku. <sup>15</sup> Weè lé gbē à gè ŏla wà gbē pāndenŏ zī ká wa pŏlaro. Zaake a ludanaanekena e kaara, wá yezi zīi kè wée kee a té ŏ tá maamaa ai à ká ikokekii kè Ludaa diewe lén, <sup>16</sup> le wà gá wà baaru nnaa pì kpá bùsu kè kú a aenŏ guu, légbēna kŏn gbē pāndenŏ kāndagbebanao sai.

17 Tó gbē yezi à lé gbē, à gbē Dii yā musu. 18 Èe ke gbē kè è a zīnda sáabu kpá bé à maaro, sé gbē kè Dii è à sáabu kpá.

## 11

### *Pɔlu kɔn ziri egɛɛnɔ*

1 À mɛnamao kɔn ma yɔnkɔkɛɛo fɛte. Mɔde ée mɛnaa kò. 2 Lán Luda è nòsɛgɔaanɔ kpá nà, lɛn mée kpaa lɛ se a yā musu. Ma a kpa gɔ mèn dooa, àmbe Kirisi ũ, lɛ mà a kpāsāa nɔkparɛ lɛzii ũ. 3 Lán mlè ɔndɔɔ kè Awauzi nà à à sàsā, vīa e ma kūu kè eé a laasuu likɔaare lɛ se, lɛ à a nana Kirisia gbāsī sai kɔn nòsɛo do tó. 4 Tó gbēke mò à Yesu yā kè bò ado kɔn wa pɔo waazi kèare, eè wezi aaga. Eè ninii kè bò ado kɔn kè á sio sí, eè baaru nnaa kè bò ado kɔn kè á mào ma. 5 Mée daa má kēsāna ziri kè a n díe bíta m̀nɔzi yāke guuro. 6 Baa tó ma lé nnaro, má dōna vī. Wá òbaare a píngi tētētē yā píngi guu.

7 Kè ma baaru nnaa kè bò Luda kiia waazi kèare pɔsinaawaa sai, ben ma a zīnda bùsa a kaarana yānzi, ma taari kèn yó? 8 Ma sɔsi pāndenɔ takii kè, ma a asaia èm̄ma, lɛ mà e mà zīi kɛo a té yānzi. 9 Gurɔ kè má kúao, tó pɔ e kēsāama, m̄e ĩa da gbēkearo. Wa gbē kè aɔ bò Masedonia bùsunno m̀m̄e kɔn pɔ kè èe kēsāamao. Mée we mà ke a gbēkenɛ asoo ũro, bensɔ mé we mà ke a gbēkenɛ asoo ũro. 10 Kɔn Kirisi yāpuraa kè kú ma guuo, gbēke é kpám̄e mà lé pì gbē Girisi bùsunlo. 11 Bóyānzin má ò lezi? Ludaa dɔ kè má yeazi.

12 Yā kè mée kɛɛ, mégɔ kɛɛm̄e, lɛ mà gbē kè aɔɛ n zī lɛkɔzi kɔn wa pɔonɔ kāsāa k̄ɛ kɔn n̄ légbēnanɔ. 13 Gbē beee takanɔ né ziri egɛɛnɔm̄e! Zikeri m̀nɔnafikideenɔm̄e! Aɔé li Kirisi zirinɔ ũ. 14 Yābɔnsaenlo. Baa Setān pì è li gupura malaika ũ se. 15 Zaake lem̄e, tó à zikerinɔ li yā maa zikerinɔ ũ, yābɔnsaenlo. Zāazāa aɔé n̄ yākɛna gbè e.

### *Pɔlu nawēakɛna a zirikɛɛ guu*

16 Ma ɛara mée oo dɔ, gbēke tón ma gwa yɔnkɔɔ ũro. Tó lɛn sɔro, àgɔ ma diɛɛ lán yɔnkɔɔ bà, lɛ mà e mà lé gbē fɛte. 17 Yā kè mée oo, Dii bé à ma danlo. Lé kè mée gbēɛ ma zīnda náanekɛna guu, mée gbēɛ m̄isaikɛɛ guum̄e. 18 Zaake gbēnɔɔ e lé gbēɛ n̄ zīnda yā musu pari, mapi se mé gbē. 19 Zaake a ɔndɔrinɔ eè m̄ena fɔ kɔn m̄isaideenɔ kɔn pɔnnaao. 20 Tó wèe a kɛɛ zòno ũ, tó wèe a aru mii, tó wèe a takii kɛɛ, tó wèe denlaa ɔɔɔaare, tó wèe a swān kɛɛ, eè m̄ena fɔ. 21 Yāpuram̄e, wá buse kɔn yā beeenɔ kɛnao! Beee k̄em̄e wiyā ũ! M̄ode pɔ kè gbē náanekɛna, èe à lé gbēɛ, má à náanekɛna se. Mée beee oo yɔnkɔkɛɛ guum̄e. 22 Eberunɔn n̄ ũs? Àmbe ma ũ se. Isarailinɔn n̄ ũs? Àmbe ma ũ se. Ibraī boriinɔn n̄ ũs? Àmbe ma ũ se. 23 Kirisi zikerinɔn n̄ ũs? Má à zikeri ũ deñla. Mée oo lán ĩadee bàme. Ma zīi kè deñla, wá ma da kpésiaan deñla, má a gbēna gèn lé dōro, ma kuuna gaa lézī gèn lé vīro. 24 Yudanɔ ma gbē kɔn flào lé baplaa mèn dosai ai gèn sɔɔro. 25 Wà ma lele kɔn gòo gèn aagɔ. Wà ma papa kɔn gbèo gèn do. Góro'ite lé kùɛmao gèn aagɔ, ma ke gurɔ do ísīaa guu fāantē kɔn gwāavīo. 26 Ma wétegana paridee guu m̄eégɔ kú kari guu: Swa kari, kpāi wéedewenɔ kari, Yudanɔ kari, bori pāndenɔ kari, wéte guu kari, s̄ete kari, ísīa kari, Yesude egɛɛnɔ kari. 27 Ma zī gbāaa kè kɔn wāwāao, ma itē kè à gèn lé vīro, nɔaa ma de, ím̄ii ma de, m̄eégɔ kuu póblee sai gèn baaagɔ, má té b̄uu ĩa guu. 28 À kpaaanɔ ona baasi sɔsinɔ píngi laasuu è ĩa dama lán guu e dɔɔ nà. 29 Dé bé eé busa, mà gí busazii? Dén weé k̄e zéa à gí ɔmazii?

30 Tó à k̄s̄o mà lé gbē, mé gbē ma gbāasaikɛɛ musum̄e. 31 Luda wa Dii Yesu Kirisi Dee dɔ kè mée egɛɛ tooro. Wàgɔ à sáabu kpaa gurɔ píngi! 32 Gurɔ kè má kú Damasiku, ben kí Areta asakpaa bè wà wéte pì b̄iilenɔ dākpa, lɛ wà e wà ma kū yānzi, 33 ben wà ma bɔ windo guu, wà ma pita kɔn b̄ao gbíi guu b̄i k̄pɛɛ, ben ma bàa sì.

## 12

### *Pɔlu wéegupu'ena*

<sup>1</sup> À kù tiasi mà lé gbě. Baa kè à àre vīro, mé lé pá wéegupu'enanɔa kōn yā kè Dii òdɔamεεnɔ sa. <sup>2</sup> Má gběke dō Kirisi guu, wà à sè wà gāao ai ludambe aagōdeen, à wè gēro dosain yè. À gāa kōn mēon yó, mē sain yó, má dōro, sé Luda. <sup>3</sup> Má dō kè wà adee pì sè wà gāao ai auzennamme. À gāa kōn mēon yó, mē sain yó, Luda bé à dō. <sup>4</sup> À yā kè è sí oroo mà, kè gbēntee é fō à tōkēroo. <sup>5</sup> Mé lé gbě adee yā musu, mé gbě ma zīnda yā musuro, sé ma gbāasaikεε yā. <sup>6</sup> Baa tó mé lé gbě, èe ke má yōnkōnlo, zaake yāpuraan mé o. Mòde mé lé gbēro, le gběke tón ma die de pó kè à èma ke yā kè à mà ma lénlaro. <sup>7</sup> Le màton ìa dā yā bíta kè Ludaa òdɔamεεnɔ musuro yānzi, à pó sòtɔ ma mē guu Setān zīri ũ, àgō wéε tāama, le màton ìa dāro yānzi. <sup>8</sup> Ma wéε kè Diia gēn aagō yā pì musu, le à pó pì bɔ ma mēn, <sup>9</sup> ben à bèmε, a gběkeε kè eè kemεε mōma. Gbāasaikεε guun a gbāa papana è bɔn. Beeε yānzi mé lé gbě kōn pōnnao ma gbāasaikεε musu, le Kirisi gbāaa gō kú ma guu. <sup>10</sup> Àmbe à tò mèε pōnnaa ke kōn gbāasaikεεo kōn wídammao kōn nawēao kōn ìadammao kōn wéētammao Kirisi yānzi, zaake gurɔ kè ma gbāaa kēsāman mèégō gbāa.

### *Kōrintideenɔ yā Pɔlu kūna gbāa*

<sup>11</sup> Ma yōnkoyā kè, àmbe a ma dan. Àmbe à de yā à ma sáabu kpá. Baa tó má kuu póke ũro, má kēsāna zīri kè a n díε bíta mōnɔzi yāke guuro. <sup>12</sup> Ma a zīrikεε òdɔaare kōn mēnao maamaa sèedakenanɔ kōn yābɔnsaenɔ kōn dabuyānɔ guu. <sup>13</sup> Bó bé à a kēsā sɔsi kpaaanɔ? Ke kè mée gō a gběkenε asoo ũro yānzimε? À sùu kemao kōn taari beeeo! <sup>14</sup> Tia sa ma soru kè mà mó a kiia à gēn aagōdeeo, mé sō gō a gběkenε asoo ũro. Àmbe mée a wεtεε, èe ke a pónɔn mée wεtεero. Zaake denɔ bé wè auziki die n nēnɔnε, èe ke nēnɔ bé wè dieñnerɔ. <sup>15</sup> Mé fō mà pó kè má vīi deare píngi, mà a zīnda kpáawa kōn pōnnao. Tó ma yeazina e kaara, a yemazina é lagon yó? <sup>16</sup> Baa kè a wezi kè mée gōare asoo ũro, gbēnɔ è be wéεzērin ma ũ, ma pó siawa kōn òndɔɔ. <sup>17</sup> Ma a ble gbě kè ma n zīawaanɔ ke gāzīs? <sup>18</sup> Ma kúε kè Titunε à gá a kiia, ben ma wa gbēndoo dànε. Titu a blen yó? Wa nòse dōnkōnloo? Wa tuuba dōnkōnloo?

<sup>19</sup> Ée daa yā wéε bɔkii wεtεen yó? Lenlo! Wéε yā oo kōn Luda dōnao kuuna Kirisi guumε. Ma gbě yenzideenɔ, ma beee òare píngi a kāsápeena yānzimε. <sup>20</sup> Vīa e ma kúu kè tó ma mɔ a kiia, mé a le lán má yezi nàro, bensō é ma e lán éε kpákpa nàro. Mée vīa keε swèene kōn nòsegōaanɔ kōn pɔfēo kōn aīa pásīo kōn kōyakanao kōn kōpenao kōn ìadānao kōn zɔkakanao. <sup>21</sup> Vīa e ma kúu kè tó ma εara ma mɔ a kiia, ma Luda é tó wí ma kú a aezī. Gbē kè aō durun kè yā, aō gbāsī kè, aō pāpāa kè, aō wísaiyā kēnɔ, tó aōε nòse lie wà mì kè yā pīnɔro, mé pɔsīaa keñyo.

## 13

### *Lédammaana zāa*

<sup>1</sup> À gēn aagōdeen yè kè mé mó a gwa. Wè yā píngi yāpuraa ma sèedade gōn plaaa ke gōn aagō lézī. <sup>2</sup> Ma gīake ma lé dà gbě kè aō durun kēnɔa yā kōn gbě kpaaanɔ dɔ ma mōna a kiia gēn plaadeeo, tia ma εara mée lé daarmma dɔ baa kè má kúaoro, tó ma εara ma mɔ dɔ, mé n gběke tóro yoo. <sup>3</sup> Ée sèeda wεtεε kè Kirisi e yā oo ma gāzīn yó? Tò! Ée ke Kirisi gbāaa sainlo, à gbāa a té. <sup>4</sup> Baa kè à gā lía gbāasaikεε guu, à kuu tia kōn Luda gbāaaomε. Leme kuuna à guu wá kú kōn gbāasaikεεo le se, mōde wégō kúo a té kōn Luda gbāaa.

<sup>5</sup> À a zīnda tāasi ke à gwa, tó á kú Yesu Kirisi náanekena guu. À keke à a zīnda gwa. Á dō kè Kirisi kú a guuroo? Tó lenlo, a funamε. <sup>6</sup> Má dō kè é e kè wéε furo. <sup>7</sup> Wéε wéε keε Ludaa, le àton à zaa ke kero. Èe ke le gbēnɔ wa zī sáabu kpá yānzinlo, le à à maaa ke yānzimε, baa tó wè wa gwaa gbě funanɔ ũ. <sup>8</sup> Wé fō wà bɔ yāpuraa kpεero, sé wà zéo. <sup>9</sup> Tó wá gbāa vīro bensō á gbāa, wa pɔɔ ègō nnamε. Weè adua keare, le à keke à bɔ maa. <sup>10</sup> Ma yā beenɔ



kèare kè má kúáoro, le tó ma mɔ, màton keare pāsī kōn iko kè Dii kpàmaaoro. À kpàma a kāsāpεεna yānzimε, èe ke a λεεna yānzinlo.

<sup>11</sup> Tò, ma gbēnɔ, à pɔnnaa ke. À yā keke à bɔ maa. À ma lédamma ma. À lédole ke àgɔ nna kɔo, Luda yenzide aafiadee gɔ kúáo. <sup>12</sup> À ì kpákɔa kōn Luda gbēnɔ lépεmmanao. Luda gbēnɔ ì kpàawa ń píngi. <sup>13</sup> Dii Yesu Kirisi gbēkeε keare, Luda gɔ yeazi, kɔgbēkeε gɔ kú a té kōn Luda Ninio a píngi.

## GALATIANS

### *Baaru nna pāndee kuuro*

<sup>1-2</sup> Mamoma Pɔlu Luda z̄iri kɔn ma Yesude daa kè wá lèdoonɔ pínɡi, wámbe wa takada kè kè sɔsi kè kú Galatia b̀usu guunɔ deenɔne. Ma z̄irikɛe e bɔ gb̄enɔ kiia ke gb̄entee gāz̄iro, Yesu Kirisi kɔn De Luda kè à à f̄e bɔna gaan-o bé à ma z̄i. <sup>3</sup> Wa De Luda kɔn Dii Yesu Kirisio gb̄ekɛe keare, à a gba aafia. <sup>4</sup> Kirisi ḡi a w̄endizi wa De Luda pɔyezia, à wa durun kèwe, le à wa bɔ anduna tia zaaa kèkiin. <sup>5</sup> Luda bé à gakuí v̄i gurɔ pínɡi! Aami.

<sup>6</sup> Kè ée kpɛe lii Luda kè à a sisi a gb̄ekɛe guune kpakpaa le, à ae d̀ò zé pāndea, yā p̄i b̀ò ma sae maamaa. <sup>7</sup> Baaru nna pānde kee kuuro. Gb̄e kè aɔɔ yezi wà Kirisi baaru p̄i lienɔɔ e a liikɔame. <sup>8</sup> Baa tó wapinɔ ke malaika kè b̀ò ludambe baaru nnaa kè èe k̄ó sé kɔn kè wá òareero waazi kèare, Luda láari kea. <sup>9</sup> Wá òare yā bens̄ó m̄ee ooare d̀ò, tó gb̄eke baaru nnaa kè èe k̄ó sé kɔn kè á màoro waazi kèare, Luda láari kea.

<sup>10</sup> M̄ee sáabu wetee gb̄enteean yó, ke Luda? M̄ee wetee ma yā ká gb̄enteenen yó? Tó gb̄enteen má yezi à káñne ai tia, ènd̄e Kirisi z̀òblerin ma ūro.

### *Yesu Pɔlu s̄ena a z̄iri ū*

<sup>11</sup> Ma gb̄enɔ, má yezi à d̄ó kè baaru nnaa kè m̄eè kpáaree e bɔ gb̄entee kiiaro. <sup>12</sup> M̄ee ma gb̄entee kiiaro, gb̄eke bé à dàmero, Yesu Kirisi bé à b̀ò à m̀òome.

<sup>13</sup> Á mà lán má kuu nà yā Yudanɔ d̄onzizen. Ma w̄ee tà Luda sɔsi gb̄enɔa p̄as̄ip̄as̄i, má w̄ete mà n̄ kaate. <sup>14</sup> Ma Yudanɔ d̄onzize p̄i yā k̄ù ɔplaplaa de ma s̄aanɔla pari, ma aña deñla wa dezinɔ f̄eakaarayā p̄i guu. <sup>15</sup> M̄ode Luda ma die a p̄ó ū zaa ma da gb̄eeen. Kè ma sisina a gb̄ekɛe guu gurɔ k̄ame, <sup>16</sup> ben à a Né gb̄àrema, le mà à baaru nnaa kpá bori pāndenɔne. M̄ee gá dada gb̄eke gāz̄iro, <sup>17</sup> m̄ee gá Yerusalemu gb̄e kè aɔɔ kuu z̄irinɔ ū ma āanɔ kiiaro, ma gaa Larubunɔ b̀usun ḡɔɔme, ben ma εara ma su Damasiku.

<sup>18</sup> W̄e aaḡɔɔ gberan ma gaa Yerusalemu, le wà k̄ó d̄ó kɔn Pitao, ben ma keo gurɔ ḡero. <sup>19</sup> M̄ee z̄iri pānde ero, sé Dii d̄aaro Yemisi. <sup>20</sup> Yā kè má kèaree p̄i, má s̄i kɔn Ludao kè eḡeen má tòro. <sup>21</sup> Beee gberan ma gaa Siria b̀usun kɔn Silisia b̀usuo. <sup>22</sup> Gurɔ beea Kirisi sɔsi gb̄e kè aɔɔ kú Yudeanɔ e w̄ee simalero, <sup>23</sup> m̄ode aɔɔ mà wà bè, gb̄e kè èe w̄ee t̄aam̄ma yā bé èe d̄onzize kè à w̄ete à kaate p̄i waazi ke tia sa, <sup>24</sup> ben aɔ Luda tó b̀ò ma yā musu.

## 2

### *Pɔlu k̄yāmana kɔn z̄iri kpaaanɔ*

<sup>1</sup> W̄e ḡero dosai gbera ma εara ma gaa Yerusalemu kɔn Banabao. Ma Titu s̄e, à ḡawao se. <sup>2</sup> Ma gaa gwe, kè Luda bé à b̀ò à m̀òmazi à bè mà gá yānzime. Ben ma baaru nnaa kè m̄eè kpá bori pāndenɔne b̀òk̄ote gb̄e kè aɔɔ de gb̄ensi ūunɔne n̄t̄e, le z̄i kè má kè kɔn kè m̄ee keeo tón ke p̄aro. <sup>3</sup> Titu kè wá lèdo, baa kɔn a Girikik̄eeo, aɔɔe gā naa à b̄angu kero. <sup>4</sup> Yā p̄i f̄e Yesude eḡee kè aɔ ḡewazi kp̄ainɔ musume. Aɔ ḡewazi le wà wa w̄enek̄ena Kirisi Yesu guu asii gwa aɔ wa da z̀òblenamme, <sup>5</sup> ben weè we wà mì sièñnero baa f̄ete, le à e aḡɔ baaru nnaa p̄i yāpura k̄una yānzi. <sup>6</sup> Gb̄e kè w̄e n̄ gwaa gb̄ensi ūunɔ e yāke kaaramero. Lán aɔɔ de nà e kem̄e yāke ūro, zaake Luda è gb̄eke w̄ee gwaro. <sup>7</sup> Aɔɔ è Luda baaru nna kpana bori pāndenɔne n̄ame ma ɔz̄i, lán à à kpana Yudanɔne nà Pitane a ɔz̄i nà. <sup>8</sup> Zaake lán Luda z̄i kè Pita gāz̄i nà a z̄irike yā musu Yudanɔ té, len à z̄i kè ma gāz̄i bori pāndenɔ té le. <sup>9</sup> Yemisi kɔn Pitao kɔn Yohana kè w̄e n̄ gwaa Luda sɔsi wesagba ūunɔ gbaa kè Ludaa dàmeè d̄ò, ben aɔ ɔ kp̄awa, wam̄owa kɔn Banabao k̄gb̄ek̄ee s̄eda ū. Aɔɔ s̄i wà gá bori pāndenɔ kiia,

aṣmṁnnṁ sṣ Yudanṁ kiia. <sup>10</sup> Yā kè aṣṁ yezin yè, n̄ takaasideenṁ yā gṣ dṁwagu. Gurṁ beee sṣ wa mè wà kṁn à kenao kò.

### *Yesu náanekena bé è wa mì sí*

<sup>11</sup> Kè Pita mò Antiṁku, ma gine tētētē, kè à zā yāa yānzi. <sup>12</sup> Zaake ai Yemisi z̄irinṁ gṣ gá ká, è pṁ ble kṁn bori pāndenṁomε. Kè aṣ kà, ben à b̄oru kpεε à kēm̄ma, kè èe v̄ia keε Yuda kè aṣ zè kṁn b̄angukena yāonṁne yānzi. <sup>13</sup> Yuda kpaaanṁ n̄a m̄nafikikena pì guu. Baa Banaba se aṣ à gà wà n̄ám̄ma. <sup>14</sup> Kè má è aṣ baaru nna yāpura k̄una a zéaro, má ò Pitane aṣ p̄ingi wáa: N Yuda ina n̄ kuu lán bori pānde bà, èe ke lán Yuda bànlo. À kè dia neè gā na bori pāndenṁa, le aṣgṣ Yudanṁ yā k̄una?

<sup>15</sup> Yudanṁn wa ū ina guu, bori pānde durunkerinṁn wa ūro. <sup>16</sup> M̄ode wá dṣ kè gbēke è bṁ maa doka pì kena yānz̄iro, séde Yesu Kirisi náanekena ado. Baa wapinṁ, wa Kirisi Yesu náane kè, le wà e wà bṁ maa wa Kirisi náanekena pì yānz̄ime, èe ke doka pì kena yānz̄inlo, zaake gbēke è bṁ maa dokak̄una yānz̄iro. <sup>17</sup> Gurṁ kè wée wetεε wà bṁ maa Kirisi guu, tó wá è durunkerinṁn wa ū se, beee bè Kirisi e durun gbaa zén yó? Auo! <sup>18</sup> Tó ma εara méε doka kè má gb̄oro kekεε, doka pì taarideen ma ū gwe. <sup>19</sup> Zaake ma gṣ gè ū doka pì musu, ben ma kpεε l̄ine, le màgṣ kuu Luda pṁ ū yānzi. Ma ga lía kṁn Kirisio. <sup>20</sup> Mámbe má kuu d̄oro, Kirisi bé à kú ma guu. Tia sa ma gb̄enteekεε guu má kú Luda Né kè yemazi à gí a wèndizi ma yānzi náanekena guume. <sup>21</sup> Mée Luda gb̄ekεε da p̄aro. Tó gb̄è è bṁ maa doka pì yānz̄ime, èndē Kirisi gà p̄ame.

## 3

### *Musa doka kṁn ludanaanekena*

<sup>1</sup> A Galatia m̄isaideenṁ! Wà pṁ d̄aawan yó? Wa Yesu Kirisi gana lía òṁaare à è s̄ans̄an. <sup>2</sup> Má yezi mà yā mèn doo gbekaawa. A Luda Nini è dokak̄una yānz̄in yó, ke yā kè á mà pì náanekena yānz̄ime? <sup>3</sup> À kè dia a gṣ m̄isaideenṁ ū lán kè bà? A naa kṁn Luda Nini gb̄aaa, ben ée mì dεε kṁn a z̄inda gb̄aaaó? <sup>4</sup> A nawēa bíta kè p̄an yó? Auo, èe ke p̄aro. <sup>5</sup> Luda a Ninii kp̄aawa, à dabuyānṁ kè a té a dokak̄una yānz̄in yó, ke yā kè á mà pì náanekena yānz̄ime?

<sup>6</sup> À gwa Ibraña. À Luda náane kè, ben Ludaa tò yā b̄o nna a náane kè à kè yānzi. <sup>7</sup> Àgṣ dṣ kè gb̄è kè aṣṁe Luda náane keenṁ bé Ibrañ boriinṁ ū. <sup>8</sup> Luda yā takada ḡiake à à baaru kp̄a Ibrañe à bè, Luda é aubarika da bori p̄ingin à ḡaz̄i, zaake Luda yā takada pì ḡiake à dṣ kè Luda é tó yā bṁ nna kṁn bori pāndenṁ a náane kè aṣé ke yānzi. <sup>9</sup> Len Luda è aubarika da gb̄è kè aṣṁe à náane keenṁn le, lán à kè a náanekeri Ibrañe nà. <sup>10</sup> Gb̄è kè zè kṁn dokak̄una gṣ láari pṁ ūme, zaake à kēna Luda yān wà bè, gb̄è kè yā kè aṣṁ kú doka takada guunṁ k̄una p̄ingi a zéaroo né láari p̄ome. <sup>11</sup> Wá dṣ s̄ans̄an kè Luda è tó yā b̄onyo nna dokak̄una yānz̄iro, zaake wà bè, gb̄è kè Ludaa tò yā b̄o nna a náane kè èe keε yānzi bé eégṣ kuu. <sup>12</sup> Doka e kṁ e kṁn ludanaanekenaoro, zaake wà bè, gb̄è kè yā pì kè, adee é wèndi e à guu. <sup>13</sup> Kirisi gṣ láari pṁ ū wa ḡεε ū, à wa bṁ doka láari guu, zaake à kēna Luda yān wà bè, gb̄è kè wà lògo lía né láari p̄ome. <sup>14</sup> Beee kè le le aubarika kè Ludaa dà Ibrañ e à gṣ bori pāndenṁne Kirisi Yesu ḡaz̄ime, le wà Ninii kè Luda à lé gb̄è e à náanekena yānzi.

### *Musa doka kṁn Luda légb̄ēnao*

<sup>15</sup> Ma gb̄ēnṁ, gb̄ēntee yākēna takan méε ooare. Tó gb̄è légb̄e diε, bensṁ à s̄edadeenṁ v̄i, weé f̄ṣ wà gbororo, weé f̄ṣ wà yāke kaaranlo. <sup>16</sup> Len Luda lé gb̄è Ibrañe le kṁn à borio. Luda yā takada e be kṁn à boriinṁ lán gb̄è pariinṁn à tēm̄ma b̄aro, à bè kṁn à borioime. Gb̄è mèn don à téa, àmbe Kirisi ū. <sup>17</sup> Yā kè má yezi mà oon yè: Luda ḡiake à lé gb̄ēne yā à bè a bà égṣ kúo. Wè wàa plaa kṁn mèn baaakurio gberan doka mò. Doka pì é f̄ṣ à légb̄ēna pì gbororo, eé f̄ṣ à à ke p̄aro. <sup>18</sup> Tó wè Luda aubarika e dokak̄una guu, èndē èe bṁ à légb̄ēna

guu dɔro. Mɔde Luda gbɛkɛɛ kɛ Ibraĩne, kɛ à à lé gbɛne yānzime. <sup>19</sup> Bóyānzi à doka d̄ezi dɔɔ? À doka kàara ai Ibraĩ borii kɛ Luda lé gbɛ à yā musu gō mómɛ, le gbɛnɔ e wà d̄ɔ kɛ wà de taarideenɔ ũ Luda kiia yānzi. Luda a doka p̄i kpà malaikanɔa, aɔ nà yākekɛrinɛ a ɔz̄i, à diɛ gbɛnɔnɛ. <sup>20</sup> Luda légbɛna s̄o, à yāme ado, à bà kú k̄ɔn yākekɛrioro.

<sup>21</sup> Tò, doka p̄i b̄ò Luda légbɛna kpɛɛn yó? Lenlo! Tó doka kɛ è wèndi kpáríma kuu yā, le wa b̄o maa doka p̄i yānzi. <sup>22</sup> À kɛna Luda yān wà bè, durun gbɛ s̄anda píngi kà kpén, le aubarika kɛ Luda à lé gbɛ p̄i e à gō Yesu Kirisi náanɛkɛrinɔ p̄o ũ à náanɛ kɛ aɔɔe kɛ p̄i yānzi.

<sup>23</sup> Zaale Yesunaanɛkɛna e m̄oro, doka wa ka kpén, à wa k̄una p̄isinaanɔ ũ ai Yesunaanɛkɛna kɛ èe m̄oɔ gà à b̄ò gupuraa. <sup>24</sup> Len doka p̄i de wa gwàri ũ le yā ai Kirisi gō m̄o, le yā b̄owao nna à náanɛkɛna yānzi. <sup>25</sup> Lán Yesunaanɛkɛna sù nà sa, wa b̄o wa gwàri yān.

<sup>26</sup> Kuuna Kirisi Yesu guu á de Luda nénɔ ũ a píngi à náanɛ kɛ ée kɛɛ yānzi, <sup>27</sup> zaake amɔa kɛ a batisi kɛ Kirisi p̄o ũnɔ, a Kirisi dà s̄eɛ. <sup>28</sup> Yudanɔ k̄ɔn bori p̄andenɔ, z̄onɔ k̄ɔn wɛɛnenɔ, gōgbɛnɔ k̄ɔn n̄ogbɛnɔ doodona k̄ɔnero, zaake a píngi p̄o d̄ɔnk̄ɔn a ũ kuuna Kirisi Yesu guu. <sup>29</sup> Tó á de Kirisi p̄o ũ, á de Ibraĩ boriinɔ ũme, bens̄o á de aubarika kɛ Luda à lé gbɛne blèrinɔ ũ.

## 4

<sup>1</sup> Mée ooare, gurɔɔ kɛ túbibleri de né ũ, baa tó à de auzikinɔɔ de à p̄o ũ píngi, à de z̄ɔlaro. <sup>2</sup> È mì sie gwàrinɔnɛ k̄ɔn gbɛnsinɔ ai gurɔɔ kɛ à dee diɛa. <sup>3</sup> Len wapinɔ se, gurɔɔ kɛ wée kàsa k̄uro, wè z̄ò ble anduna p̄o kɛ wè mì sieñnenɔnɛ. <sup>4</sup> Kɛ gurɔɔ kɛ Ludaa diɛ kà, à a Né z̄i, wà à ì gbɛntee ina ũ Musa doka guu, <sup>5</sup> le à wamɔwa kɛ wée z̄ò blee Musa dokanɛnɔ bo, wà gō à nénɔ ũ. <sup>6</sup> Luda a Né Ninii dà wa swè guu, kɛ wá de à nénɔ ũ yānzi. Ninii p̄i è wii lé à be: Baa, ma De! <sup>7</sup> Beee yānzi z̄on n ũ dɔro, nén n ũ. Lán Luda nén n ũ nà, à n ke a túbibleri ũme.

### *Pɔlu bídikɛna Galatianɔ yāa*

<sup>8</sup> Gurɔɔ kɛ á Luda d̄oro, èe d̄o p̄o kɛ de Luda ũroonɔzi. <sup>9</sup> Lán á Luda d̄o nà tia sa, atɛnsa kɛ Ludaa a d̄o, bóyānzi a ɛara ée aɛ d̄o p̄o gina futa gbāasai p̄inɔazi d̄oɔ? Bóyānzin a ɛara á yezi à d̄onzi d̄ozi? <sup>10</sup> Èe gurɔ kenɔ k̄ɔn m̄o kenɔ k̄ɔn z̄ibaa kenɔ k̄ɔn wè kenɔ t̄e bo. <sup>11</sup> V̄ia ma k̄u a yā musu. Ase z̄i p̄aan má kɛ a t̄és?

<sup>12</sup> Ma gbɛnɔ, ma wée k̄awa, à gō lán ma bà, zaake ma gō lán a bà. Ée taari kemɛ yāro. <sup>13</sup> Á d̄o kɛ gyākɛna guun ma baaru nnaa kp̄aare káaku. <sup>14</sup> Baa kɛ ma gyākɛna k̄eare yōagwana ũ, ée kya kámaguro, ée lóu sumaro, a ma si lán Luda malaika kes̄o Kirisi Yesu bàme. <sup>15</sup> Aubarika kɛ ée kɛɛme yāa kɛ diaa? Mé f̄s mà o a yā musu mà be, tó eé sí ke yā, le a a wée b̄òb̄o á kp̄ama. <sup>16</sup> Kɛ ma yāpuraa òare yānzin ma gō a zanguri ũzi saó? <sup>17</sup> Gbɛ m̄onɔ mè wà k̄ɔn a yāo, m̄ode à maaa yānzinlo. Aɔɔ yezi à k̄ewame, le à nam̄ma. <sup>18</sup> Mèwāna k̄ɔn gbɛ yāo à maaa yānzi bé à nna. Ma mè wà k̄ɔn a yāo gurɔ píngime, èe ke gurɔɔ kɛ má kúao adonlo. <sup>19</sup> Ma né yenzideenɔ, mée a ina wāwāa kɛɛ d̄o ai Kirisi gō s̄ò ke a guu. <sup>20</sup> Má yezi màgō kúao tia, le mà a yā'ona liɛ, zaake ma bídi kɛ a yāame.

### *Agyara k̄ɔn Sarao*

<sup>21</sup> À omɛ, amɔa kɛ á yezi doka gō iko v̄iawaanɔ, ée yā kɛ à kɛna Musa doka takada guu maroo? <sup>22</sup> Wà bè Ibraĩ négōgbɛnɔ ì ḡɔɔn plaa. À à doo ì k̄ɔn z̄omɛ, ben à à doo ì k̄ɔn wɛɛnɛo. <sup>23</sup> Z̄ò p̄i né ì gbɛntee kɛ guumɛ, ben wɛɛnɛ a p̄o ì Luda légbɛna yānzi. <sup>24</sup> N̄ogbɛ p̄inɔ yā d̄ewe yáasi taka ũ, Luda bà kuunañyo yā leo plaa ũ. À doo b̄ò Sinai kp̄ii kiiame, è z̄òkɛ in̄ne. Àmbe Agyara ũ. <sup>25</sup> À de Sinai kp̄iii kɛ kú Larubunɔ bùsun yáasi taka ũ. Yerusalemu tiaa de à ũ d̄o, zaake èe z̄ò blee k̄ɔn a gbɛnɔ ñ píngime. <sup>26</sup> Yerusalemu kɛ kú musun wɛɛnɛ ũ. Àmbe wa da ũ. <sup>27</sup> Zaake à kɛna Luda yān wà bè:

Ñ pɔnnaa ke, n pāaa kè néé né iro!  
 Ñ guda ke, mmɔn kè néé nòwāwāa kero!  
 Zaake mmɔn kè n zā pā kpànzi,  
 n né parii de nɔgbē kè a zā ae dāa pōla.

<sup>28</sup> Amɔanɔ sɔ ma gbēnɔ, Luda légbēna nénɔn a ũ lán Isaaku bà. <sup>29</sup> Né kè wà ì gbēnteekeε guu ĩa dà né kè wà ì kɔn Luda Nini gbāaaoa. Len à de le kɔn à tiaao. <sup>30</sup> À kēna Luda yān diamε? Wà bè: Ñ pé zò pìà kɔn a néo, zaake zò né é túbi ble kɔn wēεne néoro. <sup>31</sup> Beee yānzi ma gbēnɔ, zò nénɔn wa ũro, wēεne nénɔn wa ũ.

## 5

### *Gɔna wēεnenɔ ũ Kirisi guu*

<sup>1</sup> Gɔna wēεnenɔ ũ yānzin Kirisi wa bozi. À zεo gíngin, àton tó wà εara wà bà káare a yīn zòno ũ dɔro.

<sup>2</sup> Mamɔma Pɔlu méε ooare, tó á tò wà bāngu kèare, Kirisi é kaarana kearero. <sup>3</sup> Ma εara má ò, ma kaaraare, gbē kè tò wà bāngu kèare, séto à mì sie Musa dokanε píngi. <sup>4</sup> Amɔa kè ée wεtεε à bɔ maa doka guunɔ, a a zīnda kè Kirisia, a kē Luda gbēkεεa. <sup>5</sup> Yesu náanekena guu wá bɔna maaa tāmaa vī, wa wée dɔzi kɔn à Ninii gbāaa. <sup>6</sup> Kirisi Yesu guu bāngukena ke bāngukenasai yāke vīro, séde Yesu náanekena kè è yenzi iínε.

<sup>7</sup> Ée gaa ae yā maamaa. Dé bé à tεna yāpuraazi zé zòaree? <sup>8</sup> Yā kè a à zé è e bɔ Luda kè à a sisi à a sεε kiiaro. <sup>9</sup> Buredi ēzē néngo è flawadεna sése píngi. <sup>10</sup> Má a náanε vī Dii guu, kè é nòse pānde daro. Gbē kè èe a liikɔa sɔ é a zī gbè e, baa déme. <sup>11</sup> Mapi sɔ ma gbēnɔ, tó bāngukena waazin méε keε ai gbāa, bóyānzin wèe wée tāmazi dɔɔ? Tó lemε, le Kirisi gana lía yā é ɔ gbēkearo. <sup>12</sup> Gbē kè aɔε a liikɔa kɔn bāngukεyāonɔ gá wà ñ zīnda fēε ke se.

<sup>13</sup> Amɔanɔ sɔ ma gbēnɔ, Luda a sisi à gɔ wēεnenɔ ũme, mɔde àton tó a gɔna wēεnenɔ ũu pì gɔare pɔyezikenεa zé ũro. Àgɔ mì siekɔne kɔn yenzio, <sup>14</sup> zaake yā mèn doo kèkiin Musa doka píngi mì ũ: Ñgɔ ye n gbēdaaazi lán n zīnda wèndi bà. <sup>15</sup> Tó ée swaa tētēkɔa ée kɔ sósoo, à làakari ke kɔkaatenazi.

### *Luda Nini dɔnnεna ae*

<sup>16</sup> Méε ooare, à tó Luda Ninii dɔare ae, a gbēnteekeεpɔyezi é mì de. <sup>17</sup> A gbēnteekeεpɔyezi è kɔ sé kɔn Luda Nini pɔoro, bensɔ Luda Nini pɔyezi è kɔ sé kɔn a gbēnteekeεpɔoro. Aɔè gíkɔzimε, beee yānzi eè fɔ à yā kè á yezi kero. <sup>18</sup> Tó Luda Ninii e dɔare ae, doka iko vīawaro.

<sup>19</sup> Wá wa gbēnteekeεdanɔ dɔ sānsān: Pāpākenεa, gbāsīkenεa, wísaiyā, <sup>20</sup> tāagbāgbāna, ēzēdekeε, zangu, swée, nòsegɔaanɔ, nòεwāaa, denlawetεna, kēkēkɔana, kɔkpaatεna, <sup>21</sup> kenεa kɔo ĩi, wēdεna, kɔkɔpāpā'ona kɔn yā beee takanɔ. Ma à lé dàawa lán má dàawa nà yā, yā beee taka kèrinɔ é kpata kè bɔ Luda kiia blero.

<sup>22</sup> Luda Nini sɔ è yenzi iínε kɔn pɔnnaao kɔn aafiao kɔn menao kɔn gbēkεεo kɔn maakenao kɔn náanεo <sup>23</sup> kɔn busεkeεo kɔn zīndakūnadɔo. Doka ke è gí yā beeno takaziro. <sup>24</sup> Gbē kè aɔ de Kirisi Yesu pɔ ũunɔ ñ gbēnteekeεda pà lía kɔn a pónidenanɔ kɔn a pɔyezino ledɔ. <sup>25</sup> Lán wá kú Luda Nini gāzī nà, wà à dɔro sé. <sup>26</sup> Wàtongɔ wada vīro, wàton kɔ dɔkɔaro, wàton nòsegɔaanɔ kpá kɔoro.

## 6

### *ɔdana kɔa*

<sup>1</sup> Ma gbēnɔ, tó a gbēke gá à sāsá à durun kè, amɔa kè Luda Ninii e dɔare aenɔ à gɔgɔo busεbusε, à làakari ke le wàton a yɔ wà gwa sero. <sup>2</sup> Àgae kɔ aso sé. Ée Kirisi doka papaan gwe. <sup>3</sup> Tó gbēkee e a zīnda gwaa pòke ũ, bensɔ à kuu pòke ũro, èe a zīnda sāsāamε. <sup>4</sup> Baade

a yākena tàasi ke, gbasa à ãa dā. Àton a yā lekōzi kōn gbē pānde póro, <sup>5</sup> zaake baade é a zīnda aso séme.

<sup>6</sup> Gbē kè wèe Luda yā daane, à a auziki li a dannerine.

<sup>7</sup> Àton a zīnda kekero, Ludaa e sí faboro. Pó kè gbē tòn è kē. <sup>8</sup> Tó gbē tò a gbēntekedaa, eé kaatena ine. Tó gbē tò Luda Nini dōnena ae guu sō, eé wèndi kè è yāaroo ine. <sup>9</sup> Wàton kpasa kōn maakenaoro, zaake tó wée kámma booro, wé àre e a gurōōa. <sup>10</sup> Beee yānzi tó wa zé è, wàgae à maaa ke baade píngine, atēnsa wa Yesu náanekeri daano.

### *Lézamma*

<sup>11</sup> À wēzā gbèregbere kè má kè kōn ma zīnda oōo gwa sa.

<sup>12</sup> Gbē kè aōōe yā kee gbēno wée yānzino bé wèe gā naaawa kōn bāngukeyāo, le wàton wée tām̄ma zena kōn Kirisi gana lía yāoro yānzi. <sup>13</sup> Baa bāngukeri pino see doka kūnaro. Aōō yezi à bāngu ke, le wà e wà ãa dā a sèeda pì yā musu yānzime. <sup>14</sup> Mé ãa dā póke yā musuro, séde wa Dii Yesu Kirisi gana lía yā baasiro, zaake beee yānzi anduna gōme gè ūzi bensō ma gō gè ū andunane. <sup>15</sup> Bāngukena ke bāngukenasai yāke vīro, séde gōna gbē dufu ūu.

<sup>16</sup> Luda gbēkee ke gbē kè aō yā pì kūnanone, à ní gba aafia. Aōmbe Isaraili yāpuraano ū.

<sup>17</sup> Zaa gbàa gbēke tón wée tām̄ma doro. Ìaa kè wà dāma Yesu yānzi bōgbē kpé kú ma mēa.

<sup>18</sup> Ma gbēno, wa Dii Yesu Kirisi gbēkee keare! Aami.

## EFESUDEENŊ

### *Gbêkɛɛ kɛ Ludaa kɛwe Kirisi guu*

<sup>1</sup> Mamɔma Pɔlu, Kirisi Yesu z̄iri Luda pɔyezina guu, mámbe ma takada kɛ kɛ Luda gbê kɛ aɔɔe Kirisi Yesu náanɛ kɛɛ zaa Efesunɔnɛ. <sup>2</sup> Wa De Luda kɔn Dii Yesu Kirisio gbêkɛɛ keare, à a gba aafia.

<sup>3</sup> Wà Luda wa Dii Yesu Kirisi De sáabu kpá! Wa kuuna Kirisi guu Luda a Ninii aubarika píngi dàwagu zaa musu. <sup>4</sup> À wa se a guu anduna kaena ã, le wa kuuna gɔ denɛ adona see sai. Yenzi guu <sup>5</sup> à ḡiake à wa diɛ a nɛnɔ ũ Yesu Kirisi ḡaz̄i lán èe wetɛɛ a pɔyezi guu nà, <sup>6</sup> le à tó bɔ a gbêkɛ gakuidee kɛ à kɛwe a Né yenzidee guu yānzi. <sup>7</sup> À guu à wa bo kɔn a aruo. À wa taarinɔ kɛwe a gbêkɛ bíta <sup>8</sup> kɛ à kɛwe à gè ɔla yānzi. Ŋndɔ píngi kɔn wéɛzɛ píngio guu <sup>9</sup> à tò wa a pɔyezi asii d̄ò lán à zèò à ke Kirisi ḡaz̄i nà. <sup>10</sup> Tó à pɔyezi pì kegurɔ kà, eé pó píngi kakɔa Kirisi n̄ Mideenɛ, pó kɛ kú musu kɔn tɔtɛo píngi. <sup>11</sup> Luda kɛ è yā píngi ke lán à zèò a pɔyezi guu nà ḡiake à wa diɛ lán èe wetɛɛ nà, à wa se a pó ũ Kirisi guu, <sup>12</sup> le wamɔwa kɛ wa wéɛ dɔ Kirisizi zaa káakunɔ wàgɔ de à tó gakuide b̄orinɔ ũ. <sup>13</sup> Apinɔ s̄o, a yāpura yā mà, a baaru nnaa kɛ à a mì s̄i p̄i s̄i. À guu Luda a z̄inda sèeda kèawa à Ninii kɛ à à lé gbè ũ. <sup>14</sup> Àmbe túbi kɛ wé e kpégaau ũ ai Luda gɔ gá a gbɛnɔ bo, le aɔ à tó gakuidee bɔ yānzi.

### *Pɔlu aduakɛna Efesudeenɔnɛ*

<sup>15</sup> Bee yānzi zaa gurɔ kɛ ma a Dii Yesu náanɛkɛna mà kɔn yenzi kɛ á v̄i kɔn Luda gbɛnɔ n̄ píngi, <sup>16</sup> mée kámma bo kɔn Luda sáabukpanao a yā musuro. A yā ègɔ dɔmagu ma aduakɛna guu. <sup>17</sup> Mèè wéɛ ke kɛ De gakuide, wa Dii Yesu Kirisi Luda à a gba ŋndɔ à a wéɛ kɛare kɔn a Ninii gbāaa, le à e à à d̄ò wásawasa. <sup>18</sup> Mèè wéɛ kea à a n̄sɛ wɛare, le à e à t̄amaa kɛ à a sisia d̄ò, à túbi gakuidee auziki kɛ à diɛ a gbɛnɔnɛ <sup>19</sup> kɔn a gbāa bíta b̄onsae kɛ èe z̄i kɛ wamɔwa kɛ weè à náanɛ kɛenɔ guuo. Gbāa bíta p̄i z̄i kɛ Kirisi guu <sup>20</sup> gurɔ kɛ Luda à fɛɛ gaan à à v̄ɛɛ a ɔplaaɔi zaa musu. <sup>21</sup> Gwen Kirisi den kpatablerinɔ kɔn ikodeenɔ kɔn gbāadeenɔ kɔn diinɔla n̄ píngi kɔn tó kɛ wè mì siɛnɛnɔ píngi. Èe ke anduna tiaa kèkii adonlo, kɔn à kɛ eé móme dɔ. <sup>22</sup> Ludaa tò à iko v̄i pó píngia, ben à à diɛ baabɔ píngi m̄idee ũ s̄osinɛ. <sup>23</sup> S̄osi p̄in Kirisi mè ũ, à de Kirisi kɛ è pó píngi papa gu píngia papana ũ.

## 2

### *Fɛɛ b̄ona gaan ḡɛna w̄ɛndin*

<sup>1</sup> Á de yā ḡɛnɔ ũ Ludanɛ a taarinɔ kɔn a durunɔ yānzi. <sup>2</sup> Á té anduna kèki tuubazi, a mì siɛ ãa gbāadeenɔ k̄inanɛ, Setān kɛ kpé d̄ona ludayāmarisaideenɔnɛ aɛ p̄i. <sup>3</sup> Wa píngi wá de lán n̄ bà yā se. Weè pó kɛ wa mè yezi kɔn yā kɛ wa p̄ɔ gbào ke. Wa ina guu wá de gbê kɛ Luda é pofɛ pitammanɔ ũ lán danɔ bà, <sup>4</sup> m̄ode Luda s̄uu bíta, à yenzi v̄iwe maamaa. <sup>5</sup> Gurɔ kɛ wá de ḡɛnɔ ũ wa taarinɔ yānzi, à wa fɛɛ kɔn Kirisio ledɔ. À a mì s̄i a gbêkɛ guu. <sup>6</sup> Kirisi Yesu guu à wa se à wa v̄ɛɛo zaa musu, <sup>7</sup> le à e à a gbêkɛ bíta b̄onsae ɔd̄oan̄ne anduna kɛ eé mó guu yānzi yā maaa kɛ à kɛwe kuuna Kirisi Yesu guu musu. <sup>8</sup> Luda a mì s̄i a gbêkɛ guu Yesu náanɛ kɛ á kɛ yānzi. Bee e bɔ a k̄ianlo, Luda bé à a gba. <sup>9</sup> A m̄isina e bɔ a yākɛna ḡaz̄inlo, le gbêke tón ãa d̄aoro yānzi. <sup>10</sup> Luda ɔgbɛn wa ũ. Kirisi Yesu guu à wa ke le wàgɔ kú kɔn yā maaa kɛ à ḡiake à diɛwee kenao.

### *Ḡɔna mè d̄ɔnk̄s̄ ũ Kirisi guu*

<sup>11</sup> Amɔa kɛ á de bori pāndenɔ ũ ina guu, à laasuu lé a kuuna z̄iia. Bàngudeenɔ è beare gɛfɔɔdeenɔ, m̄ode aɔ b̄angukɛna de gbɛntee ɔgbɛ ũmɛ. <sup>12</sup> Gurɔ beea á kuu Kirisi sai, á de gbê z̄itɔnɔ ũ Isarailinɔnɛ. A baka kú Luda bà kuunañyo kɔn à légbɛñnenao guuro. Á kú

anduna guu tãmaa sai ludadõsai. <sup>13</sup> Kirisi Yesu guu tia, amɔa kè á zã kɔn Ludao yãanɔ a sɔzi kii kɔn Kirisi aru gbãaa. <sup>14</sup> Àmbe wa kuuna kɔo nnaa ũ, à tò Yudanɔ kɔn bori pãndenɔ gò mè dɔnkɔ ũ. À mè guu à íbetɛ kè da n dagura bii ũu gbòro, <sup>15</sup> à Musa doka kpà guuzi kɔn à yãdienanɔ, le à tó aɔ plaa n píngi gɔao gbɛ dufu mèn doo ũ. Len à n ké kɔo nna le. <sup>16</sup> À íbetɛ yãa, à n plaa n píngi kè nna kɔn Ludao mè dɔnkɔ pì guu a gana lía yãzi. <sup>17</sup> À mò à kena nna kɔn Ludao baaru kpà amɔa kè á zã kɔn Ludaonɔne kɔn gbɛ kè aɔo kiiɔnɔ do. <sup>18</sup> Kirisi yãzi wa píngi wá zé vī wà sɔ De Ludazi kɔn à Nini dɔnkɔ gbãaa.

<sup>19</sup> Beee yãzi á de gbɛ zìtɔnɔ ke bàmɔnɔ ũ dɔro, a gɔ bɛdeenɔ ũ kɔn Luda gbɛnɔ, à uadeenɔ. <sup>20</sup> Àmbe kpé kè Ludaa bò ɛɛ kè zìrinɔ kɔn annabinɔ dàea ũ, bensɔ Kirisi Yesun à ɛdaɛgbɛ ũ. <sup>21</sup> À guun kpé pɔ píngi è kɔ kùn, ègɔ gbãa Luda kpé ũ Dii guu. <sup>22</sup> À guu apinɔ se, á de kpé pì bobɔnɔ ũ, àmbe Luda Nini kúkii ũ.

### 3

#### *Pɔlu zĩkena bori pãndenɔ té*

<sup>1</sup> Beee bé à tò mamɔma Pɔlu má de pisina ũ Kirisi Yesune a bori pãndenɔ yãzi. <sup>2</sup> Ée ma lán Luda a gbɛkekennena zii dàmɛ mà ke a téroo? <sup>3</sup> Luda a asiiyã òdɔamɛ, má kèare féte kò. <sup>4</sup> Tó a à kyó kè, é fɔ à dɔ lán ma wée kè nà Kirisi asiiyã musu. <sup>5</sup> Luda e yã pì o gbɛkenɛ yãro, ben tia sa à òdɔa a zìrinɔ kɔn a annabinɔne kɔn a Ninii gbãaa. <sup>6</sup> Yã kè utena yãa pìn yè: Kirisi Yesu guu baaru nna mana yãzi bori pãndenɔ gɔ Luda túbiberinɔ ũ lɛdo kɔn Yudanɔ, aɔ gònyo mèdɔnkɔdeenɔ ũ. Aɔ baka kú lé kè Ludaa gbè guu. <sup>7</sup> Ma gɔ baaru nnaa pì kpàri ũ gbaa kè Ludaa dàmɛ yãzi kɔn à gbãaa kè èe zii kɛɛ ma guuo. <sup>8</sup> Mamɔma kè má kèsana Luda gbɛnɔ té, Luda gbaa pì dàmɛ, ben mée Kirisi auziki yãanasai baaru kpaa bori pãndenɔne, <sup>9</sup> mée asiiyã kè Ludaa e wɛtɛɛ gbɛ sãnda píngine bɔɔnne gupuraa. Asiiyã pì utena Luda kè pɔ píngi kè kiia zaa káaku, <sup>10</sup> ben tia sa à tò kpatablerinɔ kɔn ikodee kè aɔo kú musunɔ a òndɔ bori pariinɔ dɔ sɔsi gãzi. <sup>11</sup> Luda pɔyezi kè kuu zaa gurɔ píngi pì lé pàpa Kirisi Yesu wa Dii gãzi. <sup>12</sup> À guu wá zé vī wà sɔ Ludazi kɔn swèò kpaena à náanekena yãzi. <sup>13</sup> Beee yãzi ma wée kèawa àton tó a nòse yaka nawèa kè mée kɛɛ a musu yãziro. A bɔna maaa yãnzime.

#### *Kirisi yenzi*

<sup>14</sup> Beee yãzi mè kúɛ De Ludane. <sup>15</sup> À kiian à bɛdee kè aɔo kú musu kɔn tɔɔteonɔ n tó èn n píngi. <sup>16</sup> Mèè wée kea à a gba gbãaa a nòse guu kɔn a Ninii gbãaa a auziki gakuide lén, <sup>17</sup> le Kirisi vɛɛ a swèn a náane kè ée kɛɛ yãzi, a kãsãpɛena gɔ gbãa yenzi guu, <sup>18</sup> le à e à à yenzi yàasa kɔn à gbãao kɔn à leziɔ kɔn à lɔo gbáze dɔ kɔn Luda gbɛnɔ píngi, <sup>19</sup> le à e à à yenzi kè weé fɔ wà à lé dɔ píngiroo dɔ, Luda papana píngi pekɔreawa.

<sup>20</sup> Luda bíta! Eé fɔ à kɛwe de lán weè à wée ke ke weè à laasuu lé nàla maamaa kɔn gbãaa kè èe zii kɛɛ wa guuo. <sup>21</sup> Wàgɔ à tó bɔo sɔsi kɔn Kirisi Yesuo guu ai wa boriia gurɔ sãnda píngi! Aami.

### 4

#### *Mèdɔnkɔkena*

<sup>1</sup> Mamɔma kè má de pisina ũ Diine, ma wée kèawa a kuuna gɔ de lán Luda a sisi àgɔ de nà. <sup>2</sup> À kɔ fɔ àgɔ yekɔzi zĩndabusana guu kɔn nòseyĩio kɔn menao. <sup>3</sup> À wée tã àgɔ lédole kè bò Luda Nini kiia vī bà kè è a dɔkɔa ũ. <sup>4</sup> Mè mèn dome, bensɔ Ninii pì mèn dome. Len tãmaa kè Luda a sisia mèn do le se. <sup>5</sup> Dii mèn do bensɔ dɔnzize mèn do kɔn batisi mèn dooo. <sup>6</sup> Luda mèn dome wa píngi De ũ. Àmbe à iko vī wa baadea, ègɔ zii kɛɛ wa baade píngi guu, à kú kɔn wa baade píngio.



<sup>7</sup> Kirisi gbēkεε kè wa baadenε, lán à gba dàwe nà lén. <sup>8</sup> Beee yānzi à kēna Luda yān wà bè:

Kè à fεε à tà musu, à dò zìzɔnɔne aε,  
à gba dà gbēnɔne.

<sup>9</sup> À fεε à tana musu beee de diamε? Beee bè à pìta ai tɔɔte gĩzĩ gĩa. <sup>10</sup> Gbē kè pìta pìme gbē kè fεε à tà ludambe musumusū ũ, le à gu sānda píngi pa. <sup>11</sup> Àmbe à gbēkenɔ gbà zé aǵǵ de zìrinɔ ũ, gbēkenɔ annabinɔ, gbēkenɔ baarunnakparinɔ, gbēkenɔ pasitɔnɔ ke yādannerinɔ, <sup>12</sup> le Luda gbēnɔ gǵ kú à zĩ soru guu, le Kirisi mè gbāa kú, <sup>13</sup> ai wa píngi wǵǵ gá ká Luda Né náane dǵnkǵ kenaa à dǵna dǵnkǵ guu, le wà gǵ gbē papananɔ ũ Kirisi kè pǵ píngi pèkǵrea bíta lén. <sup>14</sup> Tó lemε wégǵ de né féte kè wè ǵndǵ kǵn mǵnafikio keńzi wà n sāsānɔ ũ dǵro, kè yā dufu dannena è n sé lán ĩa ke ísǵ bà. <sup>15</sup> Auo, wé yāpuraa o kǵn yenzio wà gbā yā píngi musu Kirisi kè de à mì ũu guu. <sup>16</sup> À guun mēgu píngi è kǵ kǵn aǵ nakǵa kǵn tǵinɔ gbāaa, ben mēguunɔ è zĩ ke a zéa, mè ègǵ gbāa àgǵ kaara kǵn yenzio.

### *Kuuna zi kǵn kuuna dufuo*

<sup>17</sup> Beee yānzin mée yā ooare kǵn Dii tǵo, mée a gbaao làakari. Àtongǵ kuu lán kifii kè aǵ nǵsefutakεε dǵńne aenɔ bàro. <sup>18</sup> Aǵ laasuu n kè yǵnkǵ, aǵ zà kǵn wēndi kè Luda è kpámmao, kè aǵ wée sia, bensǵ aǵ swā gbāaa yānzi. <sup>19</sup> Aǵ nǵse vǵro, aǵ n zĩnda kpà wísaiyāa, aǵ dà zaa bori píngi kēna nii vǵ. <sup>20</sup> Amɔanɔ sǵ, ée Kirisi yā dada lero. <sup>21</sup> A à yā mà, ben Yesu guu a yāpuraa kè à vǵi dàda. <sup>22</sup> Wà òare à ɔ kpá a dà zii kè dǵare aεzi, kè yàka a pǵnidena zaaanɔ yānzi. <sup>23</sup> Wà òare à a nǵse lie a laasuu gǵ dufu, <sup>24</sup> é dà dufu kè Ludaa kè lán a pǵ bà sé, a kuuna égǵ adona kuuna yāpuradee ũ yázedekena guu.

<sup>25</sup> Beee yānzi à ɔ kpá mǵnafiki yāzi, a baade gae yāpuraa o a gbēdaaanε, zaake mēdǵnkǵdeenɔn wa ũ. <sup>26</sup> Tó a pǵ fē, àton durun kero. Àton tó ɔfántē gē kpén àgǵ kpεε pǵfēnaro, <sup>27</sup> le àton Ibilisi gba zéro yānzi. <sup>28</sup> Gbē kè è kpāi o yā kpāi tó. À wée tā à zĩ maa ke kǵn a ɔɔ, le à pǵ e à takaasideenɔ gba. <sup>29</sup> Àton tó yā zaa ke bǵ a lénlo, séde à zédee kè eé gbē kaara, à ke àre ũ gbē kè aǵce maanɔne. <sup>30</sup> Àton Luda Nini kè kú adona da pǵsiaanlo. À de sēeda kè Ludaa kēawa ai a bogurǵzĩ ũ. <sup>31</sup> Àton ke ĩi kǵn gbēkeero. À pǵfē tó kǵn pētēo kǵn patana gbāaa kǵn gbēsǵsǵnao kǵn pāsĩ bori sānda píngio. <sup>32</sup> Àgǵ gbēkεε vǵi kǵo. Àgǵ kǵ wēnda vǵi. À sùu ke kǵo lán Luda sùu kēao nà Kirisi guu.

## 5

### *Kuuna gupuraan*

<sup>1</sup> Lán á de Luda né yenzideenɔ ũ nà, à à zékpae sé. <sup>2</sup> Lán Kirisi yewazi nà à gǵ a wēndizi wa yānzi sa'obɔ kè à gǵ nna Ludanε ũ, à tó yekǵzina dǵare aε le se.

<sup>3</sup> Lán á de Luda gbēnɔ ũ nà, èe kǵ sío wà pāpākēna ke dà zaa bori píngi ke wākū yā ma a té sero. <sup>4</sup> Wísaiyā'ona kǵn yā dǵrǵsai onao kǵn fāadi zaa bonao e kǵ síaro dǵ, sé sáabukpana yā. <sup>5</sup> Àgǵ dǵ sānsān kè pāpākēri ke dàzaade ke wākūde ke é kpata kè bǵ Luda kiia ble ledɔ kǵn Kirisioro. Pǵ kè gbē è à wākū kεε gǵ à dii ũme. <sup>6</sup> Àton tó gbēke a sāsā kǵn yā pā korioro. Yā beee takanɔ bé eé tó Luda pǵfē pita a yāmarisaideenɔa. <sup>7</sup> Àton tó a bà gǵ kúnýoro. <sup>8</sup> Á kú gusiaan yā, tia sa Dii guu á kú gupuraan. Àgǵ kuu gupura gbēnɔ ũ, <sup>9</sup> zaake gupuraa è maa bori sānda píngi ínne kǵn yázedeo kǵn yāpuraa. <sup>10</sup> À yā kè è ká Diine dada. <sup>11</sup> A bà tóngǵ kú kǵn gusia yākēna kè à kaarana vǵrooro. À yā beenɔ bǵbǵ gupuraa. <sup>12</sup> Baa yā kè gbē pǵnɔ è ke asii guu ona né wiyāme. <sup>13</sup> Tó wà bǵ kǵn yāo gupuraa, wè à sānsān dǵ, <sup>14</sup> zaake gupuraa è tó wà pǵ píngi e. Beee yānzi wè be:

I'ori n vǵ n fεε bǵna gēnɔ té,  
Kirisi é guu punne.

<sup>15</sup> Àgõ a taa'ona dõ maamaa. Àtongõ de yõnkõõõ ùro, sé òndõrino. <sup>16</sup> Àgae yã kè Luda à zé bðaree ke, zaake gurõ kèkiinõõ zaa. <sup>17</sup> Beee yãnzì àtongõ mìsaideeno ùro, àgõ dõ lán Dii poyezi de nà. <sup>18</sup> Àtongõ kú kõn wèdenaoro, è pãpãa zĩmmane, mode à tó Luda Nini gõ zĩi ke a guu papana, <sup>19</sup> gbasà à fàadi bo kõõ kõn saamuo kõn Luda tókpanao kõn lè kè Luda Nini è daareeo. À lè sí à Dii tó kpá a swè guu, <sup>20</sup> àgõ De Luda sáabu kee gurõ píngi yã píngi guu kõn wa Dii Yesu Kirisi tóo. <sup>21</sup> À mì siekõne Kirisi vĩa kè á vĩ yãnzì.

### *Gõgbẽ kuuna kõn a naõo*

<sup>22</sup> A nõgbẽõõ, a baade gae mì sie a zãne lán Diin ée keene bà. <sup>23</sup> Zaake gõgbẽn nõgbẽ mì ù, lán Kirisi de sõi kè de à mè ùu mì ù nà kõn à Mìsìrio. <sup>24</sup> Lán sõi è mì sie Kirisine nà, leme se nõgbẽõõ gae mì sie ñ zãõne le yã píngi guu.

<sup>25</sup> A gõgbẽõõ sõ, a baade gõ ye a naõzi lán Kirisi ye sõi sizi nà, à gí a wèndizi à yãnzì. <sup>26</sup> À à gbãsi bòn kõn ío a yã gãzì le àgõ de a pó ù, <sup>27</sup> le à à kpan'ae ke kõn gakuio pógbe sai yitookũna sai see sai gbãsi sai taari sai. <sup>28</sup> Len à kõ sio gõgbẽ píngi gõ ye a naõzi le lán a zĩnda mè bà. Gbẽ kè ye a naõzi ye a zĩndazime. <sup>29</sup> Gbẽke è gí a zĩnda mèziro. È pòblee kpáa è làakari dõa lán Kirisi è ke sõi sine nà, <sup>30</sup> kè wá de à mèguunõ ù yãnzì. <sup>31</sup> Beee yãnzì gõgbẽ é a de kõn a dao tó, a sé nakõa kõn a naõo, aõ gõõõn plaaa é gõ mè doo ù. <sup>32</sup> Asii bíta kú yã pì guu, má è à de le Kirisi dagura kõn a sõiõ. <sup>33</sup> Baa kõn beeo à de a yã ù se dõ. A baade gõ ye a naõzi lán a zĩnda bà. Nõgbẽ sõ a zã yã da.

## 6

### *Néno yã*

<sup>1</sup> A néno, Dii guu àgae a de kõn a dao yã ma, zaake beee bé à maa. <sup>2-3</sup> À bèe lí a de kõn a daone, le àgõ aafia à gí ke anduna guu. Yã kè Ludaa diè káaku kõn légbènaon gwe.

<sup>4</sup> A denõ sõ, àton a néno nõse yakaro. À ñ toto à lé dañma Yesude négwana ù.

### *Zõno yã*

<sup>5</sup> A zõno, àgae a anduna kè diinõ yã ma kõn nõseo do kõn vĩaõ kõn luganao, lán Kirisin ée keene bà. <sup>6</sup> Àton zĩi keñne ñ wée yãnzìro. Àgae Luda poyezi ke kõn yãpuraao kè ámbè Kirisi zõno ù yãnzì. <sup>7</sup> Àgae zĩi ke kõn aĩaõ lán Diin ée keene bà, èe ke gbènteenlo. <sup>8</sup> Àgõ dõ kè Dii é baade maakena fĩa bone, zò kesõ wèene.

<sup>9</sup> A diinõ sõ, àgae keñne le se. À yã pásì onnena tó. Àgõ dõ kè aõpinõ kõn apinõõ píngi, a Dii kú musu, è yã ke gbẽke wée yãnzìro.

### *Gõkebo kè Ludaa kpàawaano*

<sup>10</sup> Yã kè gõn yè: Àgõ gbãa Dii guu kõn à iko gbãa bítao. <sup>11</sup> À gõkebo kè Ludaa kpàawaano da píngi, le à e à ze gíngin à Ibilisi òndõõ fõ. <sup>12</sup> Zaake èe ke gbènteenõn wée sõi kaañyoro, séde nini zaaa kè aõõ kú musunõ. Aõõ de anduna kèkii gusia kíblerino ù kõn ñ mèdeeno kõn ñ ikodeeno. <sup>13</sup> Beee yãnzì à gõkebo pìnõ sée à da píngi, le à fõ à ze à gí gurõ zaa zĩ, gbasà à gõ zena gíngin à píngi kena gbera. <sup>14</sup> Àgõ zena gbãa, à yãpuraa dõ a pii asaa ù, à yãzede da mò uta ù. <sup>15</sup> À kena nna kõn Ludao baaru nnaa kpá kyatee ù, le àgõ kú kõn soruo. <sup>16</sup> Àgõ ludanaanekena kũna sengbango ù gurõ píngi, le à fõ à Setãn kà tédeeno de píngi. <sup>17</sup> À mìsina sé à kú mofura ù, àgõ Luda yã kè de à Ninii fèedaa ù kũna. <sup>18</sup> Àgaegõ adua kee gurõ píngi, àgõ Luda dõnle gbekaa yã píngi guu kõn à Ninii dõnne'aeo. Àgae itè ke kõn mena bítao, àgõ adua kee Luda gbèõõne ñ píngi. <sup>19</sup> À adua kemè dõ, le tó mée yã oo, Luda ma gba lé mà a baaru nnaa asii onne vĩa sai. <sup>20</sup> Baaru nnaa pì yãnzì má de Luda wéedee kè wà dà kpésiaan ù. Àgõ adua keeme, le mà baaru nnaa kpá vĩa sai lán à kõ sio mà kpá nà.

### *Lézammana*

<sup>21</sup> Wa gbēndo yenzide Tikiku, Dii zĩkeri náanɛdee é ma baaru kpáare pínɡi, ɛ à e àgõ ma kuuna dõ kõn pó kè mée kεεo. <sup>22</sup> Ma à zĩawa, ɛ à wa kuuna oareme, a nòse e à yĩ kũ.

<sup>23</sup> Wa gbēnɔ, De Luda kõn Dii Yesu Kirisio a gba aafia, à a yekõzina kaaraare kõn a ludanaanekenaο. <sup>24</sup> Luda gbēkεε ke gbē kè aõ ye wa Dii Yesu Kirisizi yãana sainɔne n pínɡi.

## FILIPIDEENŃ

### *Pɔlu aduakena FilipideenŃe*

<sup>1</sup> Mamɔma Pɔlu kɔn Timɔtio Kirisi Yesu zɔblerino wámbe wa takada kè kè Luda gbè kè aɔ kú FilipinŃe kuuna Kirisi Yesu guu kɔn n̄ gbènsino kɔn n̄ donlerino. <sup>2</sup> Luda wa De kɔn Dii Yesu Kirisio gbèkɛ kɛare, à a gba aafia.

<sup>3</sup> Gurɔ kè a yā dɔmagu pínɡi, mɛègɔ ma Luda sáabu kpaame. <sup>4</sup> Ma aduakena guu pínɡi mɛègɔ adua kɛare a pínɡi kɔn pɔnnao, <sup>5</sup> kè a ɔ kàkɔamao baaru nna kpana guu zaa gurɔ kè á mà ai kɔn a gbáao yānzi. <sup>6</sup> Má dɔ sãnsãn, lán Luda zī maaa dàe a té nà, eégɔ kɛ ai à gá mì deo Kirisi Yesu mógurɔzī. <sup>7</sup> À maa kè má a yā kúna a pínɡi le, zaake a yā kú ma swèn. Má da kpésiaann yoo, má ze kɔn baaru nnaa pio a yápura ona yānzin yoo, a pínɡi á baka vī zé kè Luda ma gbaa guu. <sup>8</sup> Ludaa dɔ kè mée a begɛ kɛ a pínɡi kɔn Kirisi Yesu yenzi borii. <sup>9</sup> Mɛè adua kɛare, le a yenzi gɔ kaara àgɔ gaa dɔna guu kɔn wéékènao súusu, <sup>10</sup> le à yā kè kɔ sio à kɛ dɔ, àgɔ kuu nɔsepuradeenŃ ũ taari sai Kirisi mógurɔzī. <sup>11</sup> Àgɔ pana kɔn yā maaa kè è bɔ Yesu Kirisi kiianŃ, le wà Luda tó bɔ wà à sáabu kpá.

### *Kirisin Pɔlu wèndi ũ*

<sup>12</sup> Ma gbènŃ, má yezi àgɔ dɔ kè yā kè ma le té kà baaru nna gana aemme, <sup>13</sup> ben soza kibe dogarino pínɡi kɔn gbè kpaanŃ dɔ kè Kirisi yānzin wà ma dà kpésiaanzi. <sup>14</sup> Ma dana kpésiaan yānzi wa gbè parideenŃ Dii náane kè de yāala, ben aɔ kùgbāaa kàara, aɔe Luda yā oo gbènŃe vīa sai.

<sup>15</sup> Yápurame, aɔ gbèkenŃ è Kirisi yā waazi ke denlana yānzi kɔn nɔsegɔaanŃ, gbèkenŃ sɔ kɔn nɔse maaao. <sup>16</sup> Gbè kèkiino è ke kɔn yenziome, zaake aɔ dɔ kè má zena kɔn Yesu baarunnakpanao yānzin má yina kèzi. <sup>17</sup> NɔsegɔaanŃdee pino sɔ è Kirisi yā waazi ke denla'ɔɔannena yānzime, èe ke kɔn nɔse puraaonlo. Aɔe daa wèe ma kuuna kpésiaan nawēa kaaramɛ. <sup>18</sup> Yāken yó? Mɔnafiki guun yoo, yápuraa guun yoo, à pínɡi dé, wèe Kirisi yā waazi kɛmɛ. Ma pɔɔ nna kɔn beeeo, bensɔ eé ɛara à ke nna dɔ, <sup>19</sup> zaake má dɔ kè adua kè ée kɛmɛ kɔn Yesu Kirisi Ninii donleo é tó mà bɔ. <sup>20</sup> Ma wée dɔzi, bensɔ má à náane vī maamaa, kè wí é ma kú yáke guuro. Tia sa lán a zii bà kɔn kùgbāaa mé Kirisi tó bɔ ma mè guu, má kuun yoo kesɔ ma gan yoo. <sup>21</sup> Zaake Kirisi yānzin má kuuzi, gaa demɛ àre ũ. <sup>22</sup> Tó ma kuuna wèndio demɛ zī àredee ũ, má dɔ à kè mé séro, <sup>23</sup> ma laasuu kpaatename. Má yezi mà tá, le màgɔ kú kɔn Kirisio. Gwee maame de gura kèla zà. <sup>24</sup> Mɔde à maa màgɔ kú wèndio a yānzi. <sup>25</sup> Beee yā fɛena vīro. Má dɔ kè mé gɔ kè màgɔ kúao a pínɡi, le à e à gá ae kɔn pɔnnao ludanaanekena guu.

<sup>26</sup> Len gurɔ kè mé ɛara mà mó a gwa le, é zé e à ãa dā Kirisi Yesu guu maamaa ma yānzi. <sup>27</sup> À pínɡi dé, tó ma mɔ a gwa ke mée móro yoo, à tó a kuuna kɔ sé kɔn Kirisi baaru nnao, le tó mée a baaru maa, mà ma kè á zena gínɡin kɔn lédoleo, ée ɔsi kaa kɔn nɔseo do baaru nnaa pi zé yānzi. <sup>28</sup> Àton tó a ibeenŃ yáke vīa a kúro. Beee égɔ deñne sèeda ũ kè aɔ mì pè kaatena, amɔanŃ sɔ é bɔ maa. Luda kenan gwe. <sup>29</sup> Zaake Luda a gba zé à nawēa ke Kirisine, èe ke à náanekena adonlo. <sup>30</sup> ɔsii kè á è mée kaa yā, bensɔ á mà mée kaa ai tia, apino á kú ɔsi dɔnkɔ pi guume.

## 2

### *Zīndabusana*

<sup>1</sup> Tó a kuuna Kirisi guu lédamma vī, tó à yenzi e té kaaagu, tó á lédole vī kɔn à Ninii, tó á kɔ wènda vī kɔn sùuo, <sup>2</sup> à laasuu dɔnkɔ ke, àgɔ yenzi dɔnkɔ vī lédɔnkɔdeenŃ ũ, pɔyeziyádɔnkɔdeenŃ ũ, le ma pɔnnaa gɔ papana. <sup>3</sup> Àton yáke ke denlana ke yòkòkèna

yānzīro. Zīndabusana guu à a gbēdaaa diè bēè vī de a zīndala. <sup>4</sup> Gbēke tón laasuu lé a zīnda mèn do yāaro, à gbē pāndenɔ pɔ lé do. <sup>5</sup> Àgɔ nòse kè Kirisi Yesu vī vī se.

<sup>6</sup> À ludakεε guu èe a zīnda kena sēnkpe kōn Ludao yā daro,

<sup>7</sup> ben à a zīnda gwena tòn, à zīrikεε sè,

à gò gbēntee ũ, à gbēnteekeε sè.

<sup>8</sup> À a zīnda bùsa,

à mì sīe ai à gàa à gào,

ai líkpangbāroo gaaa.

<sup>9</sup> Beee yānzi Luda à sè lezī,

à tó kè de tó píngilaa kpàne,

<sup>10</sup> le tó wà Yesu tó sī,

gbē sānda píngi é kúene

ludambe kōn tɔtɔe kōn tɔtɔe gīzīo,

<sup>11</sup> gbē sānda píngi é o a léo

kè Yesu Kirisi bé Dii ũ

De Luda tóbɔna yānzi.

### *À guu puíne anduna guu*

<sup>12</sup> Beee yānzi ma gbē yenzideenɔ, lán eè ma yā ma gurɔ kè má kúao nà, atēnsa kè má kúao tia dɔro, àgɔ a bɔna maa lé paazi kōn vīao kōn luganao. <sup>13</sup> Zaake Luda bé èe zīi keε a guu, le àgɔ ye à pɔyezizi gbasa à ke. <sup>14</sup> À yā píngi ke wisɔ kōn leokpaakɔao sai, <sup>15</sup> le àgɔ taari sai, gbāsī sai, Luda né seesaideenɔ ũ tɔɔrigbē sāsāna nòsepāsīdeenɔ té, kè ée guu puíne anduna guu lán sɔsɔnenɔ bà, <sup>16</sup> àgɔ wèndi yā kūna, le mà e mà ìa dāao Kirisi mógurɔzī yānzi. Tó ée keε le, le mée bà pā léro bensɔ mée zī pāa kero. <sup>17</sup> Baa tó ma aru é kwée a ludanaanekena sa'o'i ũ, ma pɔɔ égɔ nna, mée pɔnnaa keεao a píngi. <sup>18</sup> Apinɔ sɔ, à pɔnnaa ke le, wà ke ledò.

### *Timɔti kōn Epafarɔdituo*

<sup>19</sup> Kōn Dii Yesu aubarikao mé Timɔti zīawa tia, le mà e mà a baaru ma, ma làakari kpáe.

<sup>20</sup> Má gbēke vī kè à ye a yāzi kōn yāpuraao lán à bàro. <sup>21</sup> Baade píngi zīnda yā bé è dɔne ae, èe ke Yesu Kirisi yānlo. <sup>22</sup> Á dɔ lán Timɔti aīa kè nà, à baaru nna zīi kèmao lán né kōn a deo bà. <sup>23</sup> Tó má a zena dɔ súusu, má yezi mà à zīawa gɔɔ. <sup>24</sup> Má Dii náane vī kè mé mó tia ma zīnda.

<sup>25</sup> Ma gbē Epafarɔditu, ma zīkeri daa, ma kòdekeri daa kè a à zī à dɔmale kōn pɔ kè mée à ni deenɔ, má è à maa mà à gbareawame. <sup>26</sup> Èe a bege keε a píngi, bensɔ à nòse yàka, kè a à gyākena baaru mà yānzi. <sup>27</sup> À gyāa kè yāpura ai à kà gana, ben Luda à wènda gwà. Èe ke àpi adonlo, kōn mapiomε se, le ma pɔsīaa tón kaararo yānzi. <sup>28</sup> Beee yānzīn mée wāa mà à gbareawazi, le a wée sikɔle, a pɔɔ ke nna, ma làakari kpáe. <sup>29</sup> À gbāake kpázi Dii guu kōn pɔnna bítao. À bēè lí gbē beee takane. <sup>30</sup> À gò féte kè eé ga Kirisi zī yānzi. À a zīnda kpà gaaa, le à e à dɔnle kè é fɔ à kemeroo kemε yānzi.

## 3

### *Kirisi dōna*

<sup>1</sup> Ma gbēnɔ, yā kè gòn yè: À pɔnnaa ke Dii guu. Mé gí yā kè má òare yāa gbè sisiziro. Àmbe aafia ũare. <sup>2</sup> À làakari ke lewan mònɔzi, zaakeri kè aṣè ñ ke gyáigyai pìnɔ! <sup>3</sup> Wamɔwa kè weè dɔnzi ke Ludane kōn à Ninii gbāaao, weè ìa dā Kirisi Yesu guu, weè náane kpá wa zīnda yāaro wámbe bāngude yāpuraanɔ ũ. <sup>4</sup> Mapi, má zé vī mà náane kpá ma zīndaa. Tó gbē e daa á a zīnda náanekena, ma pɔ deàla. <sup>5</sup> Ma bāngu kè ma gurɔ sɔraagɔdee zī. Isarailin ma ũ ina guu, Bēyāmi borii, Eberu bori yāpuraa. Musa doka musu má kú Farisinɔ gāli guu.

<sup>6</sup> Ma aĩa kẹ̀, ma wée tã sɔsi gbẽnɔ. Yākɛna a zéa Musa doka guu, gbēkee e f̃ à ma taari èro. <sup>7</sup> Mɔde yā kẹ̀ má kũna àre ũ yāa pìnɔ g̃m̃e àre sai tia Kirisi yānz̃i. <sup>8</sup> À kẹ̀ deñlaa ma yā pínzi diè àre sai ma Dii Kirisi Yesu d̃na kẹ̀ de à pínzila yānz̃i. Kirisi p̃i yānz̃in ma ɔ gbàre yā pínzigi bùsa ũzi, le màg̃ɔ à ṽi, <sup>9</sup> màg̃ɔ kú à guu k̃n yā kẹ̀ è tó wà ke nna k̃n Ludao a náanekɛna yānz̃io. Luda è tó yā b̃nyo nna dokakũna yānz̃inlo, è tó yā b̃nyo nna Kirisi náanekɛna yānz̃ime. <sup>10</sup> Yā kẹ̀ má yezi bé à de mà Kirisi d̃ k̃n gbāaa kẹ̀ à f̃eɔ b̃na gaan-o, le ma bà g̃ɔ kú à nawēakɛna guu, mà g̃ɔ lán à bà à gaa guu <sup>11</sup> gbasa mà g̃ɔ g̃aaf̃e ũ.

### *Pó kẹ̀ n̄e p̄eɛa lena*

<sup>12</sup> Èe ke má lè pínz̃inlo bens̃ó má papana g̃īaro. M̄e p̄eɛame, le mà yā kẹ̀ Kirisi Yesu ma se a pó ũ yānz̃i sí ma pó ũ. <sup>13</sup> Ma gbẽnɔ, m̄e sé kẹ̀ má lè má kù k̃ro. Yā m̄n doon m̄e kee, m̄e n̄nɔ pó kẹ̀ kú ma aezi, pó kẹ̀ kú ma kp̄e laasuulena sai. <sup>14</sup> M̄e p̄e pó kẹ̀ ma wée d̃zia, le mà àre kẹ̀ Luda wa sisia gana musu e Kirisi Yesu g̃z̃i. <sup>15</sup> Wam̄wa gb̄e papananɔ, w̄g̃ɔ laasuu beee ṽi. Tó á laasuu p̄ande ṽi, Luda é a wée k̄are yā beee musu. <sup>16</sup> À pínzi dé, guu kẹ̀ wa kan kẹ̀, wà gá ae zé d̃nk̃ó p̃i guu.

<sup>17</sup> Ma gbẽnɔ, à ma zékpaɛ sé, lán wa à taka k̄are nà, a wée g̃ɔ té gb̄e kẹ̀ ās kuuna k̃ s̃ionzi. <sup>18</sup> M̄e g̃ɔ ooare yā g̃n̄ baaag̃ɔ, bens̃ó ma ɛara m̄e ooare tia d̃ k̃n w̄e'io, gbẽnɔ kuu pari kẹ̀ ās yākɛna n̄ ké Kirisi gana lía ibeɛnɔ ũ. <sup>19</sup> Ās m̄i p̄e kaat̄ena. Ās gb̄eɛn̄ n̄ dii ũ, w̄iyān̄ n̄ ñadāb̄o ũ, anduna yān̄ ās laasuu èg̃ɔ kúa. <sup>20</sup> Wapinɔ s̄, ludambe gbẽnɔn wa ũ, wa w̄e d̃ M̄isiri kẹ̀ eé b̄o gweezi, àmbe Dii Yesu Kirisi ũ. <sup>21</sup> Eé wa m̄e gb̄asainɔ li lán a m̄e gakuidee bà k̃n a gbāaa kẹ̀ eé f̃ à tó pó pínzi m̄i siareeo.

## 4

### *Lédamma*

<sup>1</sup> Beee yānz̃i ma gb̄e yenz̃idee kẹ̀ m̄e a bege keɛnɔ, am̄a kẹ̀ á de ma ñadāb̄o kẹ̀ m̄e p̄onnaa keo ũunɔ, àg̃ɔ zena g̃ing̃in Dii guu le, ma gbẽnɔ.

<sup>2</sup> Ma agbaa kp̄a Yuodiane k̃n Sintisio āg̃ɔ lédole ṽi Dii guu. <sup>3</sup> Mm̄n s̄ ma gbẽndo náanede, ma w̄e k̄emma, n̄ d̃o n̄gb̄e p̃inle, zaake ās ɔsi k̄amao baaru nna kpana guu k̃n Kelementio k̃n ma z̄ikeri daanɔ. Ās tó kú w̄endi takadan.

<sup>4</sup> Àg̃ɔ p̄onnaa kee Dii guu gurɔ pínzi. Má òare d̃o, à p̄onnaa ke. <sup>5</sup> À a z̄inda busa baade pínzine. Dii m̄na kà k̄i. <sup>6</sup> Àton yāke k̄h̄an̄ k̄ero. Yā pínzi guu à adua ke à yā gbeka Ludaa k̃n s̄abukɛnao, à a yā'ɔammanɔ on̄e, <sup>7</sup> eé a n̄s̄e k̃n a làakario kp̄aɛare Kirisi Yesu guu. N̄s̄ekpaɛna p̃i b̄ita, à de gb̄ntee d̃nala.

<sup>8</sup> Ma gbẽnɔ, yā kẹ̀ g̃ɔaren ȳe: Yā kẹ̀ yāpuraa ṽi bens̃ó à bèe ṽi, yā kẹ̀ zé ṽi bens̃ó à gb̄as̄i ṽi, yā kẹ̀ nna bens̃ó à aubarika ṽi, yā kẹ̀ maa bens̃ó w̄e à s̄abu kp̄a, àgae laasuu lé yā beeenɔ musu. <sup>9</sup> Yā kẹ̀ má dàare á s̄i, yā kẹ̀ á mà ma léz̄i bens̃ó á èma, à yā beeenɔ ke, Luda Aafiade èg̃ɔ kúa.

### *P̄lu Filipideenɔ s̄abukpana*

<sup>10</sup> Ma p̄o nna b̄ita Dii guu, zaake a laasuu ɛara à sù ma yā sa. A bà kúmao zaa zi, m̄de z̄én ée ero. <sup>11</sup> M̄e o le kẹ̀ m̄e takaasi kee yānz̃inlo, zaake má dà ma z̄indane màg̃ɔ s̄abu ṽi gwena pínzi guu. <sup>12</sup> Má takaasikɛna d̃s̄ bens̃ó má nnamana d̃s̄. Gurɔ pínzi gu pínzia k̄ana ke n̄aa, p̄odinzi ke p̄ók̄s̄ammana yāke ṽime d̃ro. <sup>13</sup> Mé pó pínzi f̃ Kirisi kẹ̀ è ma gba gbāaa yānz̃i. <sup>14</sup> Baa k̃n beeeo kẹ̀ a bà kú k̃n ma takaasikɛnao, a yā maa kẹ̀.

<sup>15</sup> Filipideenɔ, á d̃s̄ a z̄indane, ma baaru nna kpanaare káaku guu, kẹ̀ ma b̄o Masedonia b̄usun, s̄osi kee kuu kẹ̀ ɔ d̄ama k̃n ɔ b̄ok̄ɔteoro, sé apinɔ. <sup>16</sup> Baa gurɔ kẹ̀ má kú Tesalonika, a pó kẹ̀ m̄e à ni deɛnɔ kp̄as̄ame de g̃n̄ doola. <sup>17</sup> Èe ke gbaan m̄e wet̄eero, a àre kaarana Luda kiian m̄e wet̄e. <sup>18</sup> Ma pó kẹ̀ á kp̄as̄ame è, à p̄apa ai à d̄izi. Epafarɔditu a gbaanɔ kp̄ama, pó m̄ma sa. À de sa'ob̄o kẹ̀ à g̃u nna Ludane bens̃ó è k̄ane à sí ũ. <sup>19</sup> Ma Luda é pó

kè á à nii vĩno kpáawa Kirisi Yesu guu à auziki gakuide lén. <sup>20</sup> Wàgõ wa Luda wa De tó bõõ gurõ píngi! Aami.

*Lézammana*

<sup>21</sup> À ì kpá Luda gbẽnõa ñ píngi kuuna Kirisi Yesu guu. Ma gbẽ kè wá kú lèdoonõ ì kpàawa. <sup>22</sup> Luda gbẽnõ ì kpàawa ñ píngi, atẽnsa gbẽ kè aõõ kú Siza bεεnõ. <sup>23</sup> Dii Yesu Kirisi gbẽkεε kεare a niniin.

## KOLŌSEDEENŌ

### *Sáabukpana kŏn aduakenaŏ*

<sup>1</sup> Mamŏma Pŏlu, Kirisi Yesu zŏri Luda pŏyezi guu kŏn wa gbĕ Timŏtio, wámbe wa takada kĕ kĕ <sup>2</sup> wa gbĕ náanĕdee kĕ aŏ kú adona Kirisi guu zaa Kŏlŏsenŏne. Luda wa De gbĕkĕe keare, à a gba aafia.

<sup>3</sup> Gurŏ pŏngi tŏ wĕe adua keare, weĕgŏ Luda wa Dii Yesu Kirisi De sáabu kpaame, <sup>4</sup> zaake wa a Kirisi Yesu náanĕkena baaru mà kŏn yenzi kĕ á vĭ wa gbĕnŏneo nĭ pŏngi, <sup>5</sup> kĕ a wĕe dŏ pŏ kĕ dienaare ludambĕezi yánzi. A yápara yá mà zaa zi baaru nnaa kĕ wá kpàaree guu. <sup>6</sup> Baaru nnaa pì e né ii è daagula anduna guu pŏngi, lán à kĕ a té nà zaa gurŏ kĕ á mà, ben a Luda gbĕkĕe sãnsã dŏ. <sup>7</sup> Wa gbĕ yenzide wa zĭkeri daa Epafara bé à yá pì dàare wa gĕe ũ. Kirisi zĭkeri náanĕdeeme, <sup>8</sup> àmbe à yenzi kĕ Luda Nini a kaa òwe.

<sup>9</sup> Beee yánzi zaa gurŏ kĕ wa a baaru mà, weĕgŏ wĕe keare Ludaa yãana sai, le à tŏ à a pŏyezi dŏ wásawasa, à Ninii a gba ŏndŏ kŏn wĕezĕeo pŏngi, <sup>10</sup> le àgŏ kuu lán Dii yezi nà, a yá pŏngi kánĕ, le a yá maa pŏngi kena gŏ daagula, a Luda dŏna gŏ kaara, <sup>11</sup> le àgŏ gbãa yá pŏngi guu à gbãa gakuide lén, le à pŏ pŏngi fŏ kŏn menao kŏn pŏnnao, <sup>12</sup> le àgŏ De Luda sáabu kpa, zaake à wa ka baka kĕ à diĕ a gbĕnŏne gupuraan-a. <sup>13</sup> À wa bŏ gusia ikon, à wa kpa a Né mĕn do yenzide kpatan. <sup>14</sup> À gázĭn wa gŏ wĕenŏ ũ, wa durun kĕwa.

### *Kirisi de pŏ pŏngila*

<sup>15</sup> Kirisi né Luda kĕ wĕ e kŏn wĕeroo takame, àmbe daudu ũ Luda pŏkenanŏ té pŏngi.

<sup>16</sup> Luda pŏ kĕ kú musu kŏn tŏtŏeo kĕ pŏngi à gázĭ, pŏ kĕ wĕ eenŏ kŏn pŏ kĕ wĕ eroonŏ, kpatablerinŏn yoo ke diinŏ ke gbãadeenŏ ke ikodeenŏ.

Pŏ pŏngi bŏ à kiiame, bensŏ aŏ kuu à pŏ ũ.

<sup>17</sup> À kuu pŏ pŏngi ã, pŏ pŏngi kuu à gázĭme.

<sup>18</sup> Àmbe sŏsi kĕ de à mè ũu mì ũ. Àmbe naana ũ, gàafee káaku ũ, le à gŏ pŏ pŏngi mĕdee ũ.

<sup>19</sup> Zaake à kà Ludane a kĭke pŏngi pékŏrea. <sup>20</sup> À tŏ pŏ pŏngi kĕao nna à gázĭ, pŏ kĕ kú tŏtŏe ke musunŏn yoo. À aru kĕ kwĕe lía bé à mò kŏn kena nnaa pìo.

<sup>21</sup> A kĕ Ludaa yá. À ibĕenŏn a ũ a laasuu kŏn a zaakenanŏ yánzi, <sup>22</sup> ben Ludaa tŏ a keao nna Kirisi gana a gbĕnteekeme guu yánzi sa, le à a kpan'ae ke gbãsi sai, see sai, taari sai, <sup>23</sup> tŏ á zĕna gbãa a ludanaanĕkena guu degena sai gĭngin, tŏ ée kĕ tãmaa kĕ á vĭ baaru nnaa kĕ á mà guuaro. Wà baaru nnaa pì kpà gbĕ kĕ Ludaa kĕ tŏtŏe kĕnŏne pŏngi kĕ mamŏma Pŏlu, ma gŏ à kpàri ũ.

### *Pŏlu sŏsi zĭkena*

<sup>24</sup> Tia sa mĕe pŏnnaa kee kŏn nawĕa kĕ mĕe kee a yánzio. Nawĕa kĕ Kirisi kĕ sŏsi kĕ de à mè ũ yánzi, mĕe pŏ kĕ gŏ papaa ma mè guu. <sup>25</sup> Luda zĭ dàmĕ, ben ma gŏ sŏsi dŏnleri ũ. À ma zĭ mà a yá oare papana. <sup>26</sup> Asiiyã kĕ utena gbĕnŏne zaa káaku zaale Ludaa e anduna káeroo bé à bŏ Luda gbĕnŏne gupuraaa sa. <sup>27</sup> Ludaa yezi aŏ dŏ lán asiiyã pì gakuì bĭta nà bori pãndenŏ kiia. Asii pŏn yĕ: Kirisi kú a guu, ben a wĕe dŏ gakuizi. <sup>28</sup> À waazin weĕ ke gbĕ pŏngine, weĕ lé daomma, weĕ yá dao baade pŏngine kŏn ŏndŏ pŏngio, le wà gá kŏn



baadeo papana Luda aezĩ Kirisi guu. <sup>29</sup> Beee yānzi mée zĩ kee, mée aĩa kee kōn à gbāaa kè èe zĩ kee ma guuo gbāngbān.

## 2

<sup>1</sup> Má yezi àgō aĩa bíta kè mée keearee dō, apino kōn Laodiseadeenō kōn gbē kè wée wée sikōleroonō pínghi, <sup>2</sup> le aō swè e à kpáe, aō ledole ke kōn yenzio, le aō wée kē wásawasa, aōgō Luda asiyyā kè de Kirisi pì ũu dō. <sup>3</sup> À kiian òndō kōn dōnao auziki pínghi uten. <sup>4</sup> Mée beee ooare, le gbēke tón a sāsā kōn lénna leokpakōaoro yānzi. <sup>5</sup> Baa tó má kúaoro, ma ninii kúao, má é ée yā kee a zéa, bensō a Kirisi náanekena gbāa, ben ma pōo kè nna.

### *Pó pínghi papamma Kirisi guu*

<sup>6</sup> Lán a Kirisi Yesu sì a Dii ũ nà, àgō kú à guu le, <sup>7</sup> a kāsāa gō pēena à guu. À kaara à guu, àgō gbāa à náanekena guu lán wà dàare nà. Àgō kú kōn sáabukpanao maamaa. <sup>8</sup> À làakari ke le gbēke tón dōna gbāaa kásaare à a sāsā kōn gbēntee òndō pā korioro. Yā beeenō è bō fēeakaarayānō kōn anduna yākenanō kiiame, èe ke Kirisi kiianlo. <sup>9</sup> Zaake Luda kíkē pínghi pèkōre Kirisia a gbēnteekeeme guu. <sup>10</sup> Kuuna gbē kè de gbāa pínghi kōn iko pínghio mīdee ũu pì guu, à pínghi pèkōreawa. <sup>11</sup> À guun a bāngu kèn à bō a dà ziin ũ. Èe ke bāngu kè gbēntee è keñnenlo, bāngu kè Kirisi è keñneme. <sup>12</sup> Zaake batisikena guu wà a vīio, ben a fēeo, kè a gbāaa kè Luda à fēeo bōna gaan náane kè yānzi. <sup>13</sup> Á de gènō ũ yā Luda kiia a taarinō kōn a dà ziinō yānzi, ben Luda a gba wēndi dufu ledō kōn Kirisio, à sūu kèwao kōn wa taarinō pínghi. <sup>14</sup> Luda wa taari takada kè wa da yān gōgo, à sè à pà lía. <sup>15</sup> Kirisi gana lía gbāaa sì diinō kōn gbāadeenōa, à bōnyo gupuraaa à n kpe bō, à n kpan'ae kè zizōnō ũ.

<sup>16</sup> Beee yānzi àton tó gbēke a taari e pōblena ke ímina ke zībaa ke mō dufu bōna ke kámmabogurōzĩ yā musuro. <sup>17</sup> Yā beeenō pínghi né yā kè wà bè eé mó takame, yā pino yāpuraan Kirisi ũ. <sup>18</sup> Àton tó gbē kè è a zīnda busa ege pō ũ kè è dōnzi ke malaikanōne a sāsā à a kē pō kè a wée péaaro. Wéegupu'ena yā bé ègō gbāa gbē beee takane, ben è a zīnda sé lezĩ pā a gbēnteekeeda laasuunō yānzi. <sup>19</sup> À pena Kirisi kè de mī ũuaro. Kirisi guun mēgu pínghi è kō kūn, aō nakōa kōn tīino gbāaao, mē pì ègō gbāa lán Ludaa yezi à gbā nà.

<sup>20</sup> Zaake a ga kōn Kirisio anduna yākenanō musu, bōyānzin eè n yādiennenanō ma lán anduna gbēnō bàzi? <sup>21</sup> Wè be, òton kèkii na n oziro, òton kèkii dāro, òton o ke kèaro. <sup>22</sup> Pō beeenō pínghi è yāa kōn n aufānikenaome. Gbēntee yādannenan beeenō ũ. <sup>23</sup> Yā beeenō de lán òndō yā bāme, zaake aōè dōnzi yā tiasi dañe kōn zīndabusanao kōn ïadana n zīnda mēao. Baa kōn beeeo è kpá wa dānōnero.

## 3

### *Kuuna wēndi dufu guu*

<sup>1</sup> Lán a fēe kōn Kirisio nà, à tó ludambe yā dōare ae, zaake gwen Kirisi vēen Luda oplaazi. <sup>2</sup> À tó a laasuu gō kú ludambe yānōa, àtongō kú anduna pōaro. <sup>3</sup> Zaake a ga, a wēndi utena kōn Kirisio Luda guu.

<sup>4</sup> Lán Kirisi de a wēndi ũ nà, tó à bō gupuraaa, apino se é bōo kōn gakuio sa. <sup>5</sup> Beee yānzi à anduna yā kè aō kú a nōse guunō de: Pāpākēna, wiyā, mēfēena, yā zaa nidena kōn wākūo. Pō kè gbē è à wākū kee gōne à dii ũme. <sup>6</sup> Yā beeenō yānzin Luda é pōfē pita a yāmarisaideenōa. <sup>7</sup> Apino se, á kú yā pino guu yā, aō dōare ae. <sup>8</sup> À o kpá yā kè takanōzi sa: Pōfēna, zōkakana, nōse pāsī, gbēsōsōna kōn yāpāpā'ona. <sup>9</sup> Àtongae ege tokōnero, zaake a a dà zii kōn à yākenanō gōala, <sup>10</sup> a à dufu sè kè à kēke èe dufu kuu dōna guu le à gō lán a Keri pō bà. <sup>11</sup> Gwe Yudanō kōn bori pāndenō dōnkōme kōn bāngudeenō kōn gefōodeenō kōn sētē gbēnō kōn wēsiadeenō kōn zōnō kōn wēenenō. Kirisin n pínghi ũ, à kú n guu n pínghi.

<sup>12</sup> Beee yānzi, lán Luda a se a gbē yenzideenŋ ũ nà, dà kè aŋŋ de à daalaanŋ yè: Wēndaa, gbēkēē, zīndabusana, busēkēē kŋn mēnao. <sup>13</sup> À kŋ fŋ. Tó yāke gà à a ka kŋo, à sùu kē kŋo. Lán Dii sùu kèao nà, à kē kŋo lē se. <sup>14</sup> À píngi musu à yenzi kè è yā pìno kakŋa wásawasa daala. <sup>15</sup> À tó aafia kè bŋ Kirisi kiia kí ble a swè guu, zaake kuuna kŋo aafian Luda a sisi mēdŋnkŋdeēnŋ ũzi. Àgŋ Luda sáabu kpaa. <sup>16</sup> À tó Kirisi yā vēekii e a nŋsen maamaa. À yā dakŋne, à lé dakŋa kŋn ŋndŋ píngio. Sáabukpana guu à lè sí Ludane a swè guu kŋn saamuŋo kŋn tŋkpanao kŋn dŋnzi lēnŋ. <sup>17</sup> Pŋ kè ée kēē ke kè ée oo píngi, à kē kŋn Dii Yesu tŋo, à De Luda sáabu kpá à gāzī.

### *Luda gbēnŋ kuuna kŋo*

<sup>18</sup> A nŋgbēnŋ, a baade gae mì sie a zāne. Len à kŋ sio à kē Dii guu lē. <sup>19</sup> Gŋgbēnŋ, a baade gaegŋ ye a naŋzi. Àtongŋ pāsīnyoro. <sup>20</sup> Nénŋ, à a de kŋn a dao yā ma yā píngi guu, zaake beee bé è ká Diine. <sup>21</sup> Denŋ, àton a néno nŋse fēē à n pŋo yakaro. <sup>22</sup> Zŋnŋ sŋ à a anduna diino yā ma yā píngi guu. Àton zīi kēine n wēē yānziro. À zīi kēine kŋn nŋseo do, zaake Dii vīakerinŋn a ũ. <sup>23</sup> Yā kè ée kēē píngi, àgae kē kŋn yāpuraao, lándŋ Diin ée kēene bà, èe kē gbēnteenlo. <sup>24</sup> Àgŋ dŋ kè é Dii láada e a baka ũ. Dii Kirisin ée dŋozi. <sup>25</sup> Zaakeri é a zaa gbē e. Luda è gbēke wēē gwaro.

## 4

<sup>1</sup> A diino, à a zŋno gwa a zéa súusu. Àgŋ dŋ kè apino se á Dii vī musu.

<sup>2</sup> À a zīnda kpá aduakēnaa kŋn itēkēnao kŋn sáabukpanao. <sup>3</sup> À wēē kēwe Ludaa dŋ, à zé bŋwe wà à yā waazi kē, wà Kirisi asiiyā oŋne. Beee yānzin wà ma da kpésiaanzi. <sup>4</sup> À wēē kēme mà yā pì o wásawasa, lán à kŋ sio mà o nà. <sup>5</sup> Àgŋ a zīnda kŋna dŋ Yesusaideenŋ té kŋn ŋndŋo. Àgae yā kè Luda à zé bŋaree kē a gurŋo. <sup>6</sup> À tó a légbē gŋ nna àgŋ kaarana vī, lē àgŋ dŋ lán é yā lí baadea nà.

### *Lézammana*

<sup>7</sup> Wa gbē yenzide Tikiku é ma baaru kpáare píngi. Àmbe zīkeri náanēdee ũ, wa zŋbleri daame Dii zīi guu. <sup>8</sup> Beee yānzin mēē à zīiawa, lē à wa kuuna oare, à làakari e à kpáe.

<sup>9</sup> A gbēndo ŋnesimu, wa gbē yenzide náanēdee e mŋo. Aŋé pŋ kè wá kú à guu gura kè oare píngi. <sup>10</sup> Arisitaku kè wá kú lēdo kpésiaan i kpàawa kŋn Banaba dāaro Maakuŋo. Wà Maaku yā òare kŋ. Tó à mŋ a kiia, à gbāake kpázi. <sup>11</sup> Yesu kè wè bene Yusutu i kpàawa dŋ. Yuda kè wēē kpata kè bŋ Luda kiia zīi kēē lēdoonŋ lén gwe. Ma làakari kpaenaŋyo. <sup>12</sup> A gbēndo Epafara, Kirisi Yesu zŋbleri i kpàawa. Ègŋ aīa kēē kŋn aduakēnaareeo gurŋo píngi, lē à e à kāsara kŋ àgŋ papana Luda pŋyezi guu. <sup>13</sup> Mé fŋ mà à sēeda kē kè èe zīi kēēare maamaa, amŋanŋ kŋn Laodiseadeenŋ kŋn Ierapolideenŋ. <sup>14</sup> Wa likita yenzide Luku kŋn Demasio i kpàawa. <sup>15</sup> À i kpá wa gbē kè aŋŋ kú Laodiseanŋa kŋn Nimfao kŋn sŋsi gbē kè aŋé kŋ kakŋa à beēnŋ. <sup>16</sup> Tó a takada kè kyó kè, à kpá Laodisea sŋsi gbēnŋa aŋ à kyó kē, gbasa à n pŋ kyó kē se. <sup>17</sup> À o Akipune, à làakari dŋ Dii zīi kè wà dāne, à à mì de. <sup>18</sup> Mamŋma Pŋlu māmbe ma yā kè kè kŋn ma zīnda ŋo, ma i kpàawa. À tó ma kuuna kpésiaan yā gŋ dŋagu. Luda gbēkēē kēare.

## TESALONIKADEENŌ TAKADA KAAKU

### *TesalonikadeenŌ zé'ɔɔannena*

<sup>1</sup> Mamɔma Pɔlu kɔn Silasio kɔn Timɔtio, wámbe wa takada kèkii kè Tesalonika ɔsi gbē kè aɔ kú De Luda kɔn Dii Yesu Kirisio guunɔne. Luda gbēkɛɛ keare, à a gba aafia. <sup>2</sup> Wa aduakɛna guu a yā ègɔ ɔwagu gurɔ píngi, weègɔ Luda sáabu kpaa a píngi yā musu. <sup>3</sup> Lán èe zīi kɛɛ a ludanaanekɛnaa nà, èe aīa kɛɛ yenzi guu, bensɔ èe mena kɛɛ wéedɔna wa Dii Yesu Kirisizi yānzi, yā pìnɔ ègɔ ɔwagu Luda wa De aezī. <sup>4</sup> Wa gbē Luda yenzideenɔ, wá dɔ kè Luda a se, <sup>5</sup> zaake kè wa baaru nnaa kpàare, wée mó kɔn yā'onaŋo adoro, wa mɔ kɔn Luda Nini gbāaaomɛ, yā pì wa kūna gbāa maamaa. Á dɔ lán wá kú a té nà a aafia yānzi, <sup>6</sup> ben a gɔ wapinɔ kɔn Diio dàdarinɔ ũ. Nawēa bíta guu a yā pì sɔ kɔn pɔnnaa kè Luda Nini dàaguuo, <sup>7</sup> ben a zé ɔɔa Yesudee kè aɔ kú Masedonia bùsu guunɔne kɔn Girisi bùsuo píngi. <sup>8</sup> Dii yā bò a kiia, èe ze Masedonia kɔn Girisio adoro, a Yesu náanekɛna yā dàgula píngi, à baarukpana vī ɔro. <sup>9</sup> Wée oo lán wa zé è a kiia nà, lán a kpɛɛ lì tãanɔne, a ae dɔ Ludaa nà, ben èe ɔɔ Luda Wèndide yāpuradeezi, <sup>10</sup> èe à Né Yesu kè à à fɛɛ bɔna gaan dāa ai à bɔ ludambe, à mó wa sí pɔfɛ kè Luda é bɔbɔmāa.

## 2

### *Pɔlu zīkɛna Tesalonika*

<sup>1</sup> Ma gbēnɔ, á dɔ a zīndanɛ, kè wa zé ena a kiia e ke pāro. <sup>2</sup> Á dɔ lán wà wée tàwa nà, wa nawēa kè káaku zaa Filipi, ben Luda wa gba kùgbāaa, wa à baaru nnaa kpàare ɔsi kɔn ɔsio. <sup>3</sup> Wa nakɔreɛnaawaa de ege zé yā ũro. Wée kɛɛ laasuu zaaa ke a takiikɛna yānzinlo. <sup>4</sup> Lán Luda wa ka a baaru nna kpanaa nà, len weè kpánne le, èe ke gbēntee pɔyezín wée wetɛero, sé Luda wa laasuu tàasikeri pɔ. <sup>5</sup> Á dɔ kè wée yā nnannaa o gbēkenɛro, bensɔ wée yáke ke kɔn mɔnafikio wákū yānziro. Ludan wa sèedadee ũ. <sup>6</sup> Wée sáabu wete gbēntee kiiaro, apinɔ ke gbē pāndenɔ. <sup>7</sup> Baa kè wá à zé vī wà gɔare asoo ũ wa Kirisi zīrike yānzi, wá kèao busebuse, lán nɔgbē nédandee è làakari ɔ a néa nà. <sup>8</sup> Kè wá yezi maamaa yānzi, wée zeo wà baaru nnaa kè bò Luda kiia kpàare adoro, kɔn wa zīnda kpanaawaaomɛ ɔ, zaake a gɔ wa gbē yenzideenɔ ũ. <sup>9</sup> Ma gbēnɔ, à tó wa zīkɛna kɔn nawēao yā ɔagu. Gurɔ kè wée baaru nnaa kè bò Luda kiia pì kpaaare, weègɔ zīi kɛɛ fāantɛ kɔn gwāavīo, le wàton gɔ a gbēkenɛ asoo ũro yānzi. <sup>10</sup> Ámbe wa sèedadeenɔ ũ, kɔn Ludao ɔ, kè wá kú amɔa kè a Yesu náanɛ kènɔ té a zéa nòsepuradeenɔ ũ taari sai. <sup>11</sup> Á dɔ kè wa yā kè a baadenɛ lán de è ke a nénɔne nà. <sup>12</sup> Wa lé dàawa, wa a nòse kpàare, wa nakɔreawa, le a kuuna ke sɛnkpe kɔn gbē kè Luda n ká kpata gakuidee kè bò à kiiannɔ.

<sup>13</sup> Kè a Luda yā kè wá òaree pì mà, èe die gbēntee pɔ ũro, á sɔ lán à de nà, Luda yā yāpura a ũ. Ámbe e zīi kɛɛ amɔa kè èe à náanɛ kɛɛnɔ guu. Bee yānzi ɔ weègɔ Luda sáabu kpaa yāana sai. <sup>14</sup> Wa gbēnɔ, a yā kè sɛnkpe kɔn Luda gbē kè aɔ kú Kirisi Yesu guu zaa Yudeanɔ, zaake a bùsudeenɔ wée tàawa se lán Yudanɔ tãrma nà. <sup>15</sup> Yudanɔ Dii Yesu de kɔn annabinɔ ɔ, bensɔ aɔ pèwa. Aɔ yā è ká Ludanero, aɔ íbetɛ kpà kɔn gbē sãnda píngi. <sup>16</sup> Aɔ è kpáwe wà yā kè Luda è gbē mì sío o bori pāndenɔne. Len durun kè aɔègɔ kɛɛ gurɔ píngi ègɔ diiàle le. Luda pɔfɛ pitarma sa.

### *Timɔti zīna Tesalonika*

<sup>17</sup> Wa gbēnɔ, kè wa kèkɔa gurɔ plaa, wée bé èe kɔ ero, mɔde wa laasuu kúawa. Wa a begɛ kè maamaa, wa mè wà wà wée sikkɔle. <sup>18</sup> Wá yezi wà mó a gwa ɔ. Mamɔma Pɔlu ma mɔna zé wète à de gèn do ke gèn plaaala, ben Setān kpáwe. <sup>19</sup> Tó wa Dii Yesu mò, dé bé èégɔ de

wa tãmaa kɔ̃n wa pɔ̃nnao kɔ̃n wa gàsazubɔ̃ ũ à aε a baasii? <sup>20</sup> Zaake ámbé wa gakui kɔ̃n wa pɔ̃nnao ũ.

### 3

<sup>1</sup> Kè wée fɔ̃ wà mɛna dɔ̃ro, wa zεo wà gɔ̃ Ateni wa t̃εε, <sup>2</sup> wa wa gb̃endo Timoti, Luda zĩkeri daa Kirisi baarunnakpana guu z̃lawa, lε à a gba gb̃aaa, à a ñsε kp̃ácare a ludanaanekena guu, <sup>3</sup> lε a gb̃eke làakari tón f̃εε w̃éetãmmãna pì yãnzìro. Á d̃s̃ a zĩndanε kè Luda beee taka d̃iεwe. <sup>4</sup> Gurɔ̃ kè wá kú a kiia, wa gĩake wá òare kè weé w̃éε t̃awa, ben à kè lε lán á d̃s̃ nà. <sup>5</sup> Bee yãnzì kè mé fɔ̃ mà mɛna dɔ̃ro, ma à z̃i à a ludanaanekena gwa. Ke Ibilisi a lε à a gwa, wa z̃i kè p̃an yoo, wá d̃s̃ro.

<sup>6</sup> Kè Timoti sù sa, à a ludanaanekena kɔ̃n a yenzio baaru kp̃awe. À bè wa yã ègɔ̃ dɔ̃agu kɔ̃n laasuu maaao, bens̃ó ée wa bεge k̃εε lán wée a bεge k̃εε nà. <sup>7</sup> Ma gb̃enɔ̃, a ludanaanekena yã bé à tò wa làakari kpaena a yã musu wa w̃éetãmmãna kɔ̃n wa naw̃εao guu píngi. <sup>8</sup> Zaake á zena gíngin Dii guu, tia wa ãampà sa. <sup>9</sup> Wé fɔ̃ wà Luda sáabu kp̃á a yã musu. Wa wa Luda sáabu kp̃á maamaa kɔ̃n pɔ̃nna bíta kè weé ke à aε a yãnzio. <sup>10</sup> Gwãavĩ kɔ̃n f̃ãant̃εo weégɔ̃ w̃éε k̃εε maamaa, lε wà e wà w̃éε sik̃s̃le, wà pó kè k̃ès̃á a ludanaanekena guu papaare.

<sup>11</sup> Luda wa De kɔ̃n wa Dii Yesuo zé b̃owe wà mó wà a gwa. <sup>12</sup> Dii yenzi kè á ṽi k̃s̃o kɔ̃n baade píngio kaaraare, à dadaala lán yenzi kè wá ṽiao bà, <sup>13</sup> à a sw̃è gba gb̃aaa lε àgɔ̃ kuu gb̃ás̃i sai taarisaideenɔ̃ ũ Luda wa De aε wa Dii Yesu kɔ̃n a gb̃enɔ̃ píngi mógurɔ̃ z̃i.

### 4

#### *Kuuna lán Ludaa yezi nà*

<sup>1</sup> Yã kè g̃ñ yè, ma gb̃enɔ̃, á mà wa lén lán à maa a kuuna ká Ludanε nà. Á kuuna dε lε kò, m̃ode w̃éε w̃éε k̃εεawa, w̃éε agbaa kp̃aaare wa Dii Yesu guu, àgɔ̃ kuu lε àgɔ̃ gaao. <sup>2</sup> Á yã kè wá dàare kɔ̃n Dii Yesu t̃o d̃s̃. <sup>3</sup> Ludaa yezi a kuuna g̃s̃ adona, à mì k̃ε p̃ap̃ak̃enaa. <sup>4</sup> A baade g̃s̃ a zĩnda k̃una d̃s̃ kɔ̃n bèεo gb̃ás̃i sai, <sup>5</sup> èe k̃ε kɔ̃n dà zaa nid̃ena lán kifii kè ãs̃o Luda d̃s̃roonɔ̃ bànlo. <sup>6</sup> Yã pì musu gb̃eke tón a gb̃édaaa takii ke ke à taari keñero, zaake Dii é w̃éε t̃a yã beee taka k̃er̃inɔ̃ lán wa gĩake wá òare nà, wa a sw̃á gào. <sup>7</sup> Ludaa e wa sísi wàgɔ̃ kú kɔ̃n gb̃ás̃ĩoro, séde wa kuuna g̃s̃ adona. <sup>8</sup> Bee yãnzì gb̃é kè g̃i yãdanñena k̃ezi, èe k̃ε gb̃enteen à g̃iz̃iro, Luda kè è a Ninii kè kú adona dawaguun à g̃iz̃i.

<sup>9</sup> Wé e wà yek̃z̃ina yã oarero, zaake a zĩndanε Luda yek̃z̃ina dàare. <sup>10</sup> Á kuuna dε lε kò, á ye wa gb̃é kè ãs̃o kú Masedonia bùsu guuñzi ñ píngi. Ma gb̃enɔ̃, wa lé dàawa, àgɔ̃ k̃εε lε àgɔ̃ gaao, <sup>11</sup> à zé w̃εt̃ε àgɔ̃ kuu yãkete sai, à a zĩnda yã ke à a zĩnda z̃i ke, lán wá d̃iεare nà, <sup>12</sup> lε a kuuna e à ká bàazideeñne, lε àton fu a zĩndaa à da gb̃ékeziro.

#### *Dii m̃na*

<sup>13</sup> Ma gb̃enɔ̃, wá yezi àgɔ̃ yãpuraa d̃s̃ gb̃é kè ãs̃ anduna tònɔ̃ yã musu, lε a p̃oɔ tóngɔ̃ sia lán gb̃é kè ãs̃ tãmaa ṽĩroonɔ̃ bàro yãnzì. <sup>14</sup> Zaake wá sì kè Yesu g̃a à f̃èε, len d̃o Luda é tó gb̃é kè ãs̃ anduna tò Yesu guuño εara wà móo led̃o.

<sup>15</sup> Yã kè wée ooaree k̃èki né Dii yãdanñename. Wam̃owa gb̃é kp̃aaa kè wég̃o kuu ai Dii mógurɔ̃ z̃iño, wé d̃o gb̃é kè ãs̃ anduna tò p̃iñone aεro. <sup>16</sup> Dii bé eé b̃o ludambe, à pita kɔ̃n yãdienñena kɔ̃n malaika gb̃ensi kòtoo kɔ̃n Luda k̃ák̃áki s̃o, gb̃é kè ãs̃ g̃a Kirisi guuño é f̃εε b̃ona gaan káaku, <sup>17</sup> beee g̃bera wam̃owa gb̃é kp̃aaa kè wá kuuño, weé wa séé̃nyo led̃o ai ludambe luguun wà da Diile ãa guu, gbasa wàgɔ̃ kúo ari gurɔ̃ píngi. <sup>18</sup> Bee yãnzì à k̃s̃ làakari kp̃áε kɔ̃n yã p̃io.

### 5

<sup>1</sup> Ma gb̃enɔ̃, yã pì kena ke à k̃εgurɔ̃ onaare zé ṽĩro, <sup>2</sup> zaake á d̃s̃ s̃ans̃an lán kp̃ái è mó gwãavĩ nà. Len eég̃o dε lε Dii mógurɔ̃ z̃i. <sup>3</sup> Tó gb̃enɔ̃ e bee, wá aafia, wá kú wa làakaria,

kaatena é mórímma kãndo lán né'iwāwāa è mó nòsindadeea nà, aǎé boro. <sup>4</sup> Apinɔ sɔ wa gbɛnɔ, á kú gusiaanlo, gurɔɔ pì é suawa lán kpáì bàro, <sup>5</sup> zaake gupura gbɛnɔn a ũ, fáantɛ gbɛnɔn a ũ a píngi. Gwāavĩ ke gusia gbɛnɔn wa ũro. <sup>6</sup> Beee yānzi wàton ii o lán danɔ bàro. Wà itɛ ke wàgɔ kú wa làakaria. <sup>7</sup> I'orinɔ è ii o gwāavĩ, wɛderinɔ sɔ è wɛdɛɛ ke gwāavĩ. <sup>8</sup> Wapinɔ sɔ, zaake fáantɛ gbɛnɔn wa ũ, wàgɔ kú kɔn làakario, wà ludanaanekena kɔn yenzio da mò uta ũ, wà m̀sina tãmaa kú m̀fura ũ. <sup>9</sup> Zaake Ludaa e wa diɛ à pɔfɛ pitawaro. À wa diɛ à wa mì sí wa Dii Yesu Kirisi gāzĩmɛ. <sup>10</sup> Àmbe à gà wa yānzi lɛ wàgɔ kúo, tó wá bɛɛ ke wa anduna tòn yoo. <sup>11</sup> Beee yānzi à lé dakɔa, à kɔ gba gbāaa, lán ée keɛ nà.

*Pɔlu yādiɛna Tesalonikadeenɔnɛ*

<sup>12</sup> Ma gbɛnɔ, wa wɛɛ kèawa, à bɛɛ lí gbɛ kè aǎè zĩ ke a ténɔnɛ, kè aǎ iko vĩawa Dii guu, aǎɔe a daa zéanɔ. <sup>13</sup> À n̄ gakuì dɔ́nɛ maamaa yenzi guu zĩ kè aǎɔe keɛ yānzi. Àgɔ nna kɔo. <sup>14</sup> Ma gbɛnɔ, wa lé dàawa, à faasaideenɔ da zéa, à gbɛ yĩnɔ gba swɛ, à làakari dɔ gbāasaideenɔa, à mena kɔn baade píngio. <sup>15</sup> À làakari ke, a gbɛke tón à zaaa fĩa bo kɔn à zaaaoro. À zé wɛɛ àgɔ à maa keɛkɔnɛ kɔn gbɛ píngio gurɔ píngi.

<sup>16</sup> Àgɔ kú pɔnnaa guu gurɔ píngi. <sup>17</sup> Àgɔ adua keɛ yāana sai. <sup>18</sup> Àgɔ Luda sáabu kpaa yā píngi musu. Beee bé à dɛare à pɔyezi ũ Kirisi Yesu guu. <sup>19</sup> Àton Luda Nini té kè è kángu dɛdɛro, <sup>20</sup> àton kya ká annabikɛyānlo. <sup>21</sup> À yā píngi tàasi ke, àgɔ à maa kũna, <sup>22</sup> à mì kɛ zaakena bori píngia.

<sup>23</sup> Luda Aafiade tó a kuuna gɔ kú adona yā sãnda píngi guu, à a nini kɔn a wèndio kɔn a mèò dákpaare aafia taari sai ai wa Dii Yesu Kirisi mógurɔɔ zĩ. <sup>24</sup> Luda kè à a sisi à a sɛ náanɛ vĩ, éé yā pì keare.

<sup>25</sup> Ma gbɛnɔ, à adua kewe. <sup>26</sup> À ì kpá wa gbɛnɔa n̄ píngi kɔn Luda gbɛnɔ lépɛmmanao. <sup>27</sup> Ma naare Diizi, à takada kè kyó ke wa gbɛnɔnɛ n̄ píngi. <sup>28</sup> Wa Dii Yesu Kirisi gbɛkeɛ keare.

## TESALONIKADEENŃ TAKADA PLAADĒE

### *Yakpaekena Kirisi mógurɔɔ zĩ*

<sup>1</sup> Mamɔma Pɔlu kɔn Silasio kɔn Timɔtio, wámbe wa takada kèkii kè Tesalonika sɔsi gbē kè aɔɔ kú Luda wa De kɔn Dii Yesu Kirisio guunɔne. <sup>2</sup> De Luda kɔn Dii Yesu Kirisio gbēkɛe keare, à a gba aafia.

<sup>3</sup> Wa gbēnɔ, à kɔ sio wàgɔ Luda sáabu kpa a yā musu gurɔ pínɡi, lán à maa nà, zaake a ludanaanekena e gaa ae maamaa, bensɔ yenzi kè a baade vĩ kɔo e kaara. <sup>4</sup> Beee yānzi weè lé gbē a yā musu Luda sɔsi kɔn sɔsio guu, lán ée wétamma kɔn nawēa pínɡio fɔɔ nà kɔn menao kɔn ludanaanekena. <sup>5</sup> Beee òɔba kè Luda è yā gɔgɔ kɔn gbēnɔ a zéame. Beee yānzi a ka à gē kpata kè bò Luda kiia guu kè ée nawēa kɛe à yānzi. <sup>6</sup> Luda è yā ke a zéame. Ée wée tā gbē kè aɔɔe wée tāaawaanɔ, <sup>7</sup> ée amɔa kè wée wée tāaawaanɔ gba ãmpakii kɔn wapinɔ, tó Dii Yesu bò ludambe kɔn a malaika gbāanɔ <sup>8</sup> kɔn tévurao. Ée wée tā ludad̄risai kè aɔɔe wa Dii Yesu baaru nnaa síroonɔ. <sup>9</sup> Kaatena yāana sain Luda é wée tāom̄ma. Weé ñ kpake Dii aezĩ kɔn à gbāa gakuideeo. <sup>10</sup> Tó à mò gurɔɔ pì zĩ, ée tó bɔ a gbēnɔ yā musu, gbasa à náanekeri pìnɔ é à maa bo ñ pínɡi. Égɔ kú ñ té, zaake a yā kè wá òaree s̄i.

<sup>11</sup> Beee yānzin weègɔ adua keare k̄s̄k̄s̄zi, le wa Luda tó a kuuna ká gwena kè à a sisia, à yā maa kè a ze kɔn à kɛnaonɔ kɔn zĩ kè ée kɛe à náanekena guunɔ pínɡi papaare kɔn a gbāaao. <sup>12</sup> Dii Yesu é tó bɔ a musu, apinɔ s̄ é tó bɔ à musu wa Luda kɔn Dii Yesu Kirisi pìo gbēkɛe yānzi.

## 2

### *Ludayādarisai*

<sup>1</sup> Wa gbēnɔ, Yesu Kirisi mɔna kɔn wa kakɔanao le wà daàle yā musu, wa wée kèawa, <sup>2</sup> àton tó a làakari fɛe aagaro. Tó annabi yā ke waazi ke takada kè wà bè à bò wa kiia bè, Dii mógurɔɔ kà kò, àton bídi kero. <sup>3</sup> Àton tó gbēke a sās̄a kɔn yā beee takaoro, zaake gurɔ beee é m̄ro, séto gbēnɔ bɔna Luda kpɛe gurɔɔ kà ḡia kɔn ludayādarisai kè mì pè kaatezea bɔna gupuraaao. <sup>4</sup> Ée gí pò kè wè ñ die dii ũunɔzi kɔn pò kè wè d̄nzi k̄n̄nɔ pínɡi, ée a z̄inda sé lez̄i deñla, ée gá à v̄e Luda kpén, à a z̄inda die Luda ũ se. <sup>5</sup> Gurɔɔ kè má kúao ma yā pì òare. Ée d̄nloo? <sup>6</sup> Á d̄s̄ pò kè èe à dādāa, le àton bɔ a gurɔɔ āroó? <sup>7</sup> Zaake ludayādasai e ɔ taa asii guu kò. Ée b̄oro, séto gbē kè èe kpaane gù zén baasiro, <sup>8</sup> ludayādarisai pì é gbasa à bɔ sa. Dii Yesu é à de kɔn a lé'iao, à à kaate kɔn a mɔna gakuio. <sup>9</sup> Ludayādarisai pì é mó kɔn Setān gbāaao à dabuyānɔ kɔn yāb̄nsaenɔ ke kɔn s̄eda ege bori pínɡio. <sup>10</sup> Ée m̄nafiki bori pínɡi ke gbē kè aɔ mì pè kaatezeanɔne, kè aɔ ḡi yāpura kè ée ñ mì sízi yānzi. <sup>11</sup> Beee yānzi Luda é lik̄sa pās̄i z̄im̄ma le aɔ ege náane ke. <sup>12</sup> Yā é gbasa à v̄e gbē kè aɔɔe yāpura síroo kè aɔe p̄nnaa ke kɔn à zaaaonɔ ñ pínɡi.

### *Luda a se le à a mì sí*

<sup>13</sup> Wa gbē Dii yenzideenɔ, à maa wàgɔ Luda sáabu kpa a gurɔ pínɡi a yā musu, zaake Luda a se zaa káaku, le à bɔ kɔn à Ninii kè tò wa ḡo a pò ũ gbāaao a yāpura sina yānzi. <sup>14</sup> Luda a sisi à a se baaru nnaa kè wá kpàare yānzi, le a baka ḡo kú wa Dii Yesu Kirisi gakui guu. <sup>15</sup> Beee yānzi wa gbēnɔ, à ze gbāa, àḡo yā kè wá dàare kɔn léo ke takada guu kúna. <sup>16</sup> Wa Dii Yesu Kirisi kɔn Luda wa Deo yewazi, à gbēkɛe guu à wa làakari kpàewe ai gurɔ pínɡi, à t̄amaa maa dàwagu. <sup>17</sup> À a làakari kpàeare, à a gba gbāa yāmaakena kɔn yāmaa'onao guu pínɡi.

### 3

#### *À adua kewe*

<sup>1</sup> Yã kè gòn yè, wa gběno, à adua kewe, le Dii yã e à dagula kpakpaa, àgõ bèe vĩne lán à vĩ a kiià nà. <sup>2</sup> À adua kewe, le à wa bõ gbě zaa mìsaideenõ ɔzĩ, zaake èe ke gbě sãnda píngi bé à Luda yã sìro. <sup>3</sup> Dii náane vĩ, eé a gba gbãaa, eé a sí à zaaaa. <sup>4</sup> Wa a náane kè Dii guu kè ée yã kè wá òareenõ kee, bensõ égõ kee. <sup>5</sup> Dii tó à Luda yenzi kõn Kirisi menao gbáze dõ a swèn.

#### *Wàton meà kero*

<sup>6</sup> Wa gběno, wa naare Dii Yesu Kirisizi, à kē wa gbě kè aõ meà vĩnoa, kè aõè zĩ ke kõn yã kè wá dànéoroonõ. <sup>7</sup> Á dõ a zĩndane, kè à maa àgõ té wa zékpaezi, zaake wée meà ke gurõ kè wá kú a téro. <sup>8</sup> Wée gběke pòblee sí wá blè fiabona sairo, wa zĩ kè gwãavĩ kõn fáantẽo, wa nawẽa kè ai í sìwa, le wàton gõ a gběkenõ asoo ũro yãnzĩ. <sup>9</sup> Wá à zé vĩ à dõwale, mode wá kè le, le à wa zékpae sé yãnzime. <sup>10</sup> Gurõ kè wá kúao, wá diè kè gbě kè ye zĩkenaziroo é pò blero. <sup>11</sup> Wá mà kè a gběkenõ meà vĩ, aõè pòke kobiro, sé gudẽe. <sup>12</sup> Wá diè gbě beee takanõne, wa náne Dii Yesu Kirisizi, aõ vèeki kũ wà zĩ ke wà ní zĩnda gwao.

<sup>13</sup> Apinõ sõ wa gběno, àton kpasa kõn yãmaakenaoro. <sup>14</sup> Tó gběkee e yã kè wá òare takada kè guu daro, à à yã bõ à diè. Àton kakõa kõn adeero, le wí e à à kũ yãnzĩ. <sup>15</sup> Mode àton íbetè kpáoro, à lé daa a gbẽndoo ũ.

<sup>16</sup> Dii Aafiade a gba aafia gurõ píngi yã píngi guu. Dii gõ kúao a píngi. <sup>17</sup> Mamõma Põlu mámbe ma ikpammana kèkii kè kõn ma zĩnda ɔɔo. Beeen ma takada píngi sèeda ũ, len mèè kē le. <sup>18</sup> Wa Dii Yesu Kirisi gběkee keare a píngi.

## TIMŌTI TAKADA KAAKU

### *Yādannerinɔ gbana làakari*

<sup>1</sup> Mamɔma Pɔlu, Kirisi Yesu z̄iri, lán Luda wa Mìsiri kɔn Kirisi Yesu kè wa wée dɔzio dieme nà, <sup>2</sup> ma takada kè kènne Timoti, ma né'inaa Yesu zé guu. De Luda kɔn wa Dii Kirisi Yesuo gbēkēe kenne kɔn sùuo, à n gba aafia.

<sup>3</sup> Lán ma nakɔemma nà gurɔ kè mée gaa Masedonia bùsun, n̄ gɔ Efesu, n̄ o gbēkenɔne aɔton yā kè è kɔ sé kɔn Luda yāoro dañne dɔro. <sup>4</sup> Aɔton làakari dɔ gara kɔn dezinɔ tó kɔwena kè lé vīroooa dɔro. Beee è mó kɔn leokpakɔaome. È tó Luda z̄i kè è bɔ à náanekena guu gá aéro. <sup>5</sup> Ma yā pì diè le aɔgɔ yenzi vī yānzime, yenzi kè è bɔ n̄separa kɔn laasuu kena d̄nkɔ kɔn ludanaanekena mɔnafiki saio guu. <sup>6</sup> Gbēkenɔ pà yā pìnɔne, aɔ gè yāpāpā'onan. <sup>7</sup> Aɔ yezi wàgɔ de Musa doka yādannerinɔ ũ, mɔde aɔ yā kè aɔe oo gbáze dɔro ke yā kè aɔ zèanɔ.

<sup>8</sup> Wá dɔ kè doka pì maa, tó gbē e z̄i keea a zéa, <sup>9</sup> zaake wá dɔ kè Ludaa e doka diè gbē maaanɔ yānziro, séde dokadarisaideenɔne kɔn swāgbāadeenɔ kɔn ludawēkerisainɔ kɔn durunkerinɔ kɔn ludad̄risainɔ kɔn d̄nzikerisaideenɔ kɔn de kɔn dao d̄erinɔ kɔn gbēderinɔ <sup>10</sup> kɔn zinakerinɔ kɔn pāpābēkerinɔ kɔn gbēserikpāinɔ kɔn egedeenɔ kɔn yād̄mmarinɔ kɔn gbē kè aɔe bɔ yādannena zédee kp̄enɔ n̄ píngi. <sup>11</sup> Yāzede pì kɔ sè kɔn baaru nnaa gakuidee kè Luda aubarikadee à kpana nàme ma ɔz̄i.

### *Lán Luda gbēkēe kè Pɔlunɔ nà*

<sup>12</sup> Ma Kirisi Yesu wa Dii kè ma gba gbāaa sáabu kè, zaake à ma náane kè, à ma se mà z̄i keare. <sup>13</sup> Ma à tó zaaa s̄i yā, ma wée t̄a à gbēnɔa, ma gbāaa m̄ñne. Baa kɔn beeeo à sùu kèmao, zaake má kè wéesiake kɔn à náanekenasaiio guume. <sup>14</sup> Ben wa Dii gbēke bíta kème, à tò ma a náane kè, ben má yenzi kè de wa pò ũ kuuna Kirisi Yesu guu vī. <sup>15</sup> Yā kèkii né yāpuraame, à kɔ s̄io wà s̄i ɔplaplaa. Kirisi Yesu m̄ anduna guu durunkerinɔ m̄sina yānz̄i. Mapi, ma durun bé à de danɔ p̄la, <sup>16</sup> ben Luda ma wēnda gwà, le mēna bíta kè Kirisi Yesu kè kɔn mamɔma durunkeri kāsarao bɔ gupuraa, le àgɔ de sèeda ũ gbē kè aɔe à náane ke, aɔ wēndi kè è yāaroo eenɔne. <sup>17</sup> Luda mèn do léle, gurɔ píngi Kína kè è garo bens̄o wè à e wéeroo gɔ b̄e vī kɔn gakuio gurɔ píngi, aami.

<sup>18</sup> Ma né Timoti, lán wà ḡiake wà annabikēyā ò n yā musu nà, mée yā pì daanne, le n̄gɔ k̄una, n̄ z̄i maa káo <sup>19</sup> ludanaanekena guu kɔn n̄sekpaena. Gbēkenɔ yā pìnɔ kpà swākoto, ben aɔ ludanaanekena è lé kúe. <sup>20</sup> Imen̄eu kɔn Alesandao kú n̄ té. Ma n̄ kpà Setān-a, le aɔgɔ d̄s̄ kè wè d̄ke kɔn Ludaoro.

## 2

### *D̄nzikena*

<sup>1</sup> Káaku ḡia ma lé dàmma, à adua ke baade píngine, à zé gbekañne, à kúe ke Ludane n̄ yānz̄i kɔn s̄abukpanao. <sup>2</sup> À adua ke k̄inanɔne kɔn gbāadeenɔ n̄ píngi, le wà e wàgɔ kuu aafia yākete sai ludayādarinɔ ũ, wa kuuna gɔ b̄e vī. <sup>3</sup> Beee bé à maa, è ká Luda wa M̄sirine <sup>4</sup> kè à yezi baade píngi m̄sina e, aɔgɔ yāpuraa d̄s̄.

<sup>5</sup> Zaake Luda mèn dome,  
bens̄o yākek̄eri kuu mèn do  
Luda kɔn gbēnteenɔ dagura,  
àmbe gbēntee Kirisi Yesu ũ.

<sup>6</sup> À a z̄inda kpà à baade píngi b̄o,  
ben wà à sèeda kè a gurɔa.



<sup>7</sup> Beee yānzin Luda ma die à kpàakpakeri kōn à zìrio ūzi, le mà à dōnzi zé yāpuradee da bori pāndenōne. Yāpuraan mée oo, èe ke egeenlo.

<sup>8</sup> Má yezi gōgbēno adua ke gu sānda píngi, aō ɔ sé musu gbāsī sai, pofē kōn leokpakōaoo sai. <sup>9</sup> Má yezi dō nōgbēno n zīnda keke a zéa yòkōkena sai, zīndamōnnena baasi. Èe ke kōn mì yòkōde tānao ke vura kōn òso nōmaablebōno ke bisa ɔdeenoonlo. <sup>10</sup> Aō n zīnda keke kōn maakenao, lán à kō sio nōgbē dōnzirinō ke nà. <sup>11</sup> Nōgbēno yā dada wàgō yītena, aō mì sie yā píngi guu. <sup>12</sup> Mèè wezi nōgbēno yā dada gōgbēno ke aōgō iko vīmmaro, séde aōgō yītena kítikiti. <sup>13</sup> Zaake Adamun Ludaa kè káaku, à gbera Awau. <sup>14</sup> Èe ke Adamun wà sāsāro, nōgbēn wà sāsā à gō taaride ū. <sup>15</sup> Mōde tó à mēna fī kōn ludanaanekena kōn yenzio kōn kúadonao zīndamōnnena baasi, eé né i aafia.

### 3

#### *Sōsi gbēnsino*

<sup>1</sup> Yā kèkii né yāpuraame: Tó gbē yezi à ke gbēnsi ū, èe zī maaa nii dee. <sup>2</sup> Gbēnsi gō kuu taari sai, nōmēndodee ū, làakaridee ū. Àgō a zīnda kūna dō gbē dōrodee ū, nibōfiri ū, gbē kè eé fō à yā dañne ū. <sup>3</sup> Àtongō de wēderi ke gbē pāsī ūro. Àgō de nōsedode yāketesaidēe ū. ɔ tón dōne aero. <sup>4</sup> Àgō a ua kūna dō, à nēno gae mì siene, aōgae à ɔdōkii gwa. <sup>5</sup> Zaake tó gbē a ua kūna dōro, eé ke dia à fō à Luda sōsi gbēno gwaa? <sup>6</sup> Àtongō de Yesude dufu ūro, le àton ĩa dā, à a zīnda da yān lán Ibilisi bàro yānzi. <sup>7</sup> Àgō tó nnaa vī Yesusaideeno kiia dō, le wàton à tó zaa sí, à gē Ibilisi takutēenlo yānzi.

#### *Sōsi dōnlerino*

<sup>8</sup> Lemē dō dōnlerino gō de gbē bēedeeno ū. Aōtongō de léplaadeeno ūro. Wē yā tón dōne aero. Aōtongō de ɔzaaweterino ūro. <sup>9</sup> Aōgō Yesu yā asiino kūna kōn nōsepuraao. <sup>10</sup> Wà n yā gwa gīa, tó wēe yāke emmaro, gbasa wà n die dōnlerino ū. <sup>11</sup> Lemē dō n nōno gō de nōgbē bēedeeno ū, làakarideeno ū, aōgō náane vī yā píngi guu. Aōtongō de kōmōtodeeno ūro. <sup>12</sup> Dōnleri gō de nōmēndodee ū, àgō a ua kōn a nēno kūna dō. <sup>13</sup> Gbē kè aō n zīi kè a zéano gwena égō maaa, n làakari égō kpaena n Kirisi Yesu náanekena guu maamaa.

#### *Wa dōnzize asii bíta*

<sup>14</sup> Baa kè mée yā kēno oonne, má diē mé mó n gwa saa. <sup>15</sup> Tó ma mōna gà à gi kè, má yezi ñgō dō lán à kō sio wàgō kuu Luda uadeeno ū nà. Wámbe Luda Wēndide sōsi gbēno ū, yāpurapekii ū kōn à gbāa'ekiio. <sup>16</sup> Wa dōnzize asii kè bō gupuraa bíta yāpurame:

À bō à mò gbēntee ū,  
Luda Nini yāpuraa kpàa,  
malaikano à è.  
Wà à yā waazi kè boriino té,  
wà à náane kè anduna guu,  
Luda à sè à tào gakui guu.

### 4

#### *Tēyā*

<sup>1</sup> Luda Ninii ò wásawasa kè guro zāano gbēkeno é pā kpá Yesu zézi, aō té yā kè zīno è egeeno da à onanzi, aō n sāsā. <sup>2</sup> Mōnafikidee pino à maaa dōkōzi kōn à zaaoro, aō nōse gana lán wà be gē wāaan wà kēo bà. <sup>3</sup> Aōè gbēno dādā nōsenazi kōn zākenao, bensō aōè poble tèbona da gbēno, poble kè Ludaa kè a náanekeri kè aō yāpuraa dōno yānzi, kè de aō ble kōn sáabukpanao. <sup>4</sup> Pó kè Ludaa kè píngi maame. Wàton à ke tè boro, wà ble kōn sáabukpanao, <sup>5</sup> zaake Luda yā kōn wa aduakenao gbāsī bōn.

#### *Kirisi Yesu zikeri maaa*

<sup>6</sup> Tó n yā pìnɔ dà n gbēnɔne, négɔ de Kirisi Yesu zīkeri maaa ũ kè wà gwà kɔn wa dɔnzize yānɔ kɔn yādanne maaa kè n tēzio. <sup>7</sup> N̄ m̄ kē fεεakaara gara kè è kɔ sé kɔn Luda yāoroa. N̄ n zīnda tòto ke, le ñgɔ de ludayādari ũ. <sup>8</sup> M̄etotona àre vī féte, m̄ode dena ludayādari ũu àre vī yā pínɡi guu, zaake beee è mó kɔn w̄endio gbàa kɔn ziaao. <sup>9</sup> Yā kèkii né yāpuraame, à kà wà sí ɔplaplaa. <sup>10</sup> Weè zīi ke, weè ɔsi ká à musu, zaake wa wée dɔ Luda W̄endidezi. Àmbe gbē s̄anda pínɡi M̄isiri ũ, atēnsa à náanekerino.

<sup>11</sup> N̄ yā pìnɔ diéne n̄ dadañe. <sup>12</sup> N̄ton tó wà dɔkenyo kè n̄ de gɔkpare ũ yānziro. N̄ tó n kuuna zé ɔɔa Yesudeenɔne yā'ona guu kɔn yākenao kɔn yenzio kɔn ludanaanekena kɔn kuuna gbāsī saio. <sup>13</sup> Ai màgɔ mó, n̄ aīa ke n̄ Luda yā kyó ke gbēnɔne, n̄ dañe n̄ lé daom̄ma. <sup>14</sup> Gbaa kè Ludaa d̄anne gurɔ kè wà annabikee kè n̄ yā musu, bens̄o gbēnsinɔ ɔ d̄idimma, n̄ton p̄a kpáziro. <sup>15</sup> N̄ làakari dɔ yā pìnɔa n̄ mè kpáa, le baade pínɡi n̄ gana ae e. <sup>16</sup> N̄ n zīnda yā kɔn n̄ yādannenao tàasi ke. Ñgɔ gaa ae kɔn yā pìnɔ. Tó n̄ kè le, né n̄ zīnda m̄i sí kɔn gbē kè aɔɔe swā kpaa n̄ yāzinɔome.

## 5

### *Gyaanɔnɔ kɔn dɔn'aɛdeenɔ yā*

<sup>1</sup> N̄ton kpākē mare ìsizi. N̄ lé daa lán n̄ de bà. N̄ lé da gɔkparenɔa lán n̄ v̄i kɔn n̄ d̄aronɔ bà. <sup>2</sup> N̄ lé da nɔgbē ìsia lán n̄ da bà, n̄ lé da nɔ gbāaaa lán n̄ d̄are bà kɔn n̄ɔse puraao.

<sup>3</sup> N̄ dɔ gyaanɔ kè aɔ gbēke v̄iroonɔ le. <sup>4</sup> Tó gyaanɔ néno ke dionɔ v̄i, aɔ n̄ danenɔ gwana dada gīa n̄ dɔnzikena guu, aɔ fīa bo n̄ denɔne kɔn n̄ danɔ, zaake beee è ká Ludane. <sup>5</sup> Gyaanɔ kè gbēke v̄iro wée dɔ Ludazi, àgɔ adua kee àgɔ dɔnle gbekaaa gwāavī kɔn f̄aant̄e. <sup>6</sup> Gyaanɔ kè à zīnda p̄oyezi è dɔne ae né ḡeme, baa tó à b̄e. <sup>7</sup> N̄ yā pìnɔ dañe le gbēke tón n̄ taari ero. <sup>8</sup> Tó gbē e a danenɔ gwaaro, atēnsa à uadeenɔ, à b̄ò Luda yā kpεεme, Yesusaidee d̄eàla. <sup>9</sup> Nɔgbē kè de wà da gyaanɔnɔ tén yè: Nɔgbē kè kà wè baaagɔ, bens̄o à zā kè ḡen do, <sup>10</sup> wà à d̄ɔ maakeri ũ, négwari maaa ũ, nibɔf̄ori Luda gbēnɔ gbá p̄ipiri ũ, takaasidee d̄onleri ũ, nɔgbē kè mè kpà yāmaakena pínɡia ũ. <sup>11</sup> N̄ton gyaanɔ nɔ gbāaanɔ danlo, zaake tó aɔ ḡo nidena f̄e, aɔ nana Kirisia é busame, aɔégɔ yezi wà zā ke, <sup>12</sup> aɔ n̄ zīnda da yān, kè aɔ lé kè aɔ gbēne yā gbòro yānz̄i. <sup>13</sup> Beee gb̄era aɔè mèa dada, aɔégɔ d̄ɔɔɔ ualezi. Èe ke m̄eadeenɔ n̄ ũ adoro, aɔè ḡo gbēperi guderino ũme dɔ, aɔè yā kè de wà oroo o. <sup>14</sup> Beee yānz̄i má yezi gyaanɔ nɔ gbāaanɔ zā ke, aɔ né i, aɔ làakari dɔ b̄eaa, le wàton wa ib̄enɔ gba zé aɔ wa tó zaaa síro yānz̄i. <sup>15</sup> Aɔ gbēkenɔ b̄ò wà t̄e Setānz̄i kò. <sup>16</sup> Tó Yesude nɔgbē ke gyaanɔnɔ v̄i a b̄e, àgae d̄ónle. Àton tó aɔ ḡo ɔsi gbēnɔne asoo ũro, le aɔ e wà dɔ gyaanɔ kè aɔ gbēke v̄iroonɔ lé yānz̄i.

<sup>17</sup> Gbēnsi kè è d̄ónne ae a zéa kà wà fīa bone leo plaa, atēnsa gbē kè waazikena kɔn yādannenao aīa v̄i. <sup>18</sup> Luda yā bè: Àton lésɔ da zù kè èe p̄o gbēenero. À bè dɔ: Zīkeri kà à a asaia e. <sup>19</sup> N̄ton gbē kè mò kɔn gbēnsi káarao yā síro, séto s̄eedadeenɔ kà ḡɔn plaa ke aaḡo baasiro. <sup>20</sup> N̄ kpākē gbē kè aɔ durun k̄enɔzi baade pínɡi wáa, le v̄ia e à gbē kpaaanɔ k̄u. <sup>21</sup> Ma nanne Luda kɔn Kirisi Yesuoz̄i kɔn malaika kè à n̄ séno, ñgɔ yā pìnɔ k̄una, n̄ton gbēke bà b̄oro. N̄ton yāke ke gbēkene úblembe yānz̄i. <sup>22</sup> N̄ton wā n̄ ɔ di gbēa n̄ à da Luda zīnlo. N̄ton tó n̄ ɔ ḡo kú gbēke durun guuro. Ñgɔ n̄ zīnda k̄una gbāsī sai. <sup>23</sup> N̄ton í p̄aa mi at̄ero. Ñgae geepiw̄e gá féte n̄ n̄ɔse yānz̄i kɔn n̄ gyākena ḡen baaaḡo.

<sup>24</sup> Gbēkenɔ durun è b̄o gupuraaa ai wàgɔ gá à yā ḡoḡonyo, gbēkenɔ s̄o n̄ p̄o è b̄o kpakpaaro. <sup>25</sup> Lem̄e dɔ yāmaakena è b̄o gupuraaa, baa à kè wèe ero eé e à ḡo utenaro.

## 6

<sup>1</sup> Gbē kè aɔɔ de zò ũunɔ n̄ diinɔ die gbē bèedeeno ũ aɔ m̄i siéne à pínɡi guu, le wàton Luda tó kɔn yā kè weè dañeoo zaa boro yānz̄i. <sup>2</sup> Gbē kè aɔ diinɔ de Yesudee ũunɔ tón d̄okeñyo

kè aõ de kō gbēno ũ yānzīro. Aõ zīi kēíne maamaa, zaake gbē kè aõe ní zī àre bleeno né Yesudeenome, aõ gbē yenzideenome. Ñ yā pìno daíne, ñ lé daómma.

### *Yena ɔɔzi*

<sup>3</sup> Tó gbēkee e yā pānde daaíne, bensõ èe ze kōn wa Dii Yesu Kirisi yāzedeo kōn wa zé yādannenaoro, <sup>4</sup> wadadeeme, à yāke dōro, leokpakōa kori kōn yāgwana yāanasaio à kù gyāa ũ. Yā beeno è tó gbēno wée dokōne, aõ swèe ke, aõ kō sōsō, aõ laasuu zaaa lékōzi, <sup>5</sup> aõgō ñi kōo. Gbē pìno laasuu kotina, yāpura ní kē, aõègō daa dōnzize né ɔɔwetezeme. <sup>6</sup> Dōnzikena àre bíta yāpura, tó gbē zè kōn pó kè à vīio. <sup>7</sup> Zaake wée mó kōn pókeo anduna guu kèro, wé sō tá kōn pókeoro. <sup>8</sup> Tó wá póble kōn pókāsāano vī, beee m̀. <sup>9</sup> Gbē kè aõ yezi wà gō auzikidee ũuno è ní zīnda da yōagwana takutēn. Pónidena m̀sai kari è gēngu à ní kpá m̀onzi kōn kaatenaozi. <sup>10</sup> Yena ɔɔzi bé à de yā zaa píngi kāsāa ũ. Gbēkeno à kōde kè ai wà kè wa dōnzizea aõ wāwā bíta kpà ní zīndazi.

### *Ñosi maaa ká*

<sup>11</sup> Zaake Luda gbēn n ũ, ñ bàa sí yā pìno, ñ tó yā maaa gaegō dōonne ae kōn yākena a zéao kōn ludanaanekena kōn yenzio kōn menao kōn busεkeεo. <sup>12</sup> Ñ wa dōnzize ɔsi maaa ká, ñ wēndi kè è yāaro sí, zaake been Luda n sisia gurɔ kè n lé maaa gbēne parii wáa. <sup>13</sup> Ma nanne Luda kè è wēndi kpá pó píngiazi kōn Kirisi Yesu kè yā maaa ò Pōntiu Pilatino, <sup>14</sup> ñgō yā kè wà dienne kūna gbāsī sai taari sai ai wa Dii Yesu Kirisi mógurɔ zī. <sup>15</sup> Gbāade m̀en do Aubarikade, kínano Kína, diino Dii bé eé Kirisi pì bɔ gupuraa a gurɔa. <sup>16</sup> À m̀en doo bé è garo, ègō kú gupuraa kè wè f̄ wà sōziroo guu. Gbēkee e wée siàlero, weé f̄ sero. Àmbe à gakui kōn gbāaao vī gurɔ píngi, aami.

<sup>17</sup> Ñ o anduna tiaa kèkii auzikideenone, aõton ña dāro. Aõton gbāa e ɔɔda náanesaiaro, aõ gbāa e Luda kè è pó píngi kpáwa bíta wà pōnnaa keoa. <sup>18</sup> Ñ oíne aõ à maaa ke, aõ nnaa kēíne, aõ ɔ poróne, aõgō gbēkeε vī. <sup>19</sup> Lán beee bà aóé kūsāe maaa di ní zīdane auzenna pó ũ, aóé wēndi kè de wēndi ũ yāpuraa e.

<sup>20</sup> Timoti, ñ yā kè Ludaa nanne n ɔzī kù gbāa. Ñ m̀i kē ludadōsai yā pāpá'ona kōn yálekpe'ona kè wè be dōnao. <sup>21</sup> Gbēkeno zèo, ben aõ pà wa dōnzizene.

Luda gbēkeε keare.

## TIMŌTI TAKADA PLAADĒE

### *Pɔlu tɛkana Timŏtin*

<sup>1</sup> Mamɔma Pɔlu, Kirisi Yesu z̄iri Luda pɔyezi guu wɛndi kɛ̀ à à lé gbɛ̀ Kirisi Yesu guu yā musu, <sup>2</sup> māmbe ma takada kɛ̀ kɛ̀nnɛ, ma né yenzide Timŏti. De Luda kɔn wa Dii Kirisi Yesuo gbɛ̀kɛɛ kɛnnɛ kɔn sùuo, à n gba aafia.

<sup>3</sup> Ma sáabu kɛ̀ ma dezino Ludanɛ kɛ̀ mɛ̀ dɔzi kɔn nɔsɛ puraaɔ, zaake n yā ègɔ dɔɔmagu yāana sai ma aduakɛna gwāavī kɔn fáantɛɔ guu. <sup>4</sup> Tó wɛɛ'i kɛ̀ bɔmma yā dɔmagu, mɛ̀ n bɛgɛ kɛmɛ, mɛ̀gɔ yezi wà wɛɛ sikɔlɛ, lɛ ma pɔnnaa kɛ́ bíta. <sup>5</sup> N ludanaanɛkɛna kɔn nɔsɛo do yā dɔmagu. N dazi Loisi kɔn n da Yunisio Luda náanɛ kɛ̀ lɛ se, bensɔ́ má dɔ́ sãnsãn kɛ̀ nɛ́ kɛɛ lɛ se.

<sup>6</sup> Beee yãnzɛ mɛ̀ dɔɔngu, ñ tɛ́ ká gbaa kɛ̀ Ludaa dãnneɛn gurɔɔ kɛ̀ ma ɔ̀ dɔmma, <sup>7</sup> zaake Ninii kɛ̀ è wa gba gbāa kɔn yenzio kɔn z̄indakūnadɔɔon Ludaa kpàwa, èe kɛ̀ nini v̄iapɔnlo. <sup>8</sup> Beee yãnzɛ ñton wí de kɔn wa Dii yā onnɛnaoro. Ñton wí de ma yāoro, mamɔma kɛ̀ wà ma da kpɛ́siaan Kirisi yãnzɛ. Ñ nawɛa kɛ̀ wè kɛ̀ à baaru nna kpana yãnzɛ kɛmao kɔn Luda gbāaaɔ. <sup>9</sup> Àmbe à wa mì sɔ̀, à wa sisi wa gɔ́ a pɔ́ ũ. Èe kɛ̀ yā kɛ̀ wá kɛ̀ yãnzɛnlo, à z̄inda pɔyezi yãnzɛmɛ kɔn gbɛ̀kɛɛ kɛ̀ à kɛ̀weeɔ zaalɛ gurɔɔ e naoro. <sup>10</sup> Gbɛ̀kɛɛ pì bò gupuraa wa Mìsiri Kirisi Yesu pì mɔna guu sa. À ga gbāaa kàate, à wɛndi kɔn kuuna gurɔɔ p̄ngio bòwe gupuraa a baaru nnaa kɛ̀ wè kpá guu. <sup>11</sup> Luda ma diɛ a z̄iri ũ, lɛ mà baaru pì kpàakpa kɛ̀ mà à yā daíne. <sup>12</sup> Beee yãnzɛ mɛ̀ nawɛa kɛ̀ kɛɛzi, mɔde wí è ma k̄uro, zaake má gbɛ̀ kɛ̀ ma à náanɛ kɛ̀ dɔ́, bensɔ́ má dɔ́ sãnsãn kɛ̀ eé f̄ɔ́ à yā kɛ̀ à nãme ma ɔ̀z̄i dākpa ai a mógurɔɔ z̄i. <sup>13</sup> Ngɔ́ yā kɛ̀ ñ mà ma léz̄i ai a lòn pì k̄una yāzededannɛna zékpae ũ kɔn ludanaanɛkenao kɔn yenzi kɛ̀ wá v̄i Kirisi Yesu guuo. <sup>14</sup> Ñ yā maa kɛ̀ Ludaa nãnnɛ n ɔ̀z̄i k̄u gbāa kɔn à Ninii kɛ̀ kú wa guu gbāaaɔ.

<sup>15</sup> Ñ dɔ́ kɛ̀ Asia b̄usudeenɔ́ ma z̄inna ñ p̄ngi. Figɛlu kɔn Emɔgenɛo kú ñ tɛ́. <sup>16</sup> Dii wɛnda dɔ́ ɔ̀nesif̄ru bɛdeɛnɛ! Zaake à mò à ma nɔsɛ kpàemɛ à gɛ̀n lé v̄iro, èe wí de kɔn ma dana kpɛ́siaan yāoro. <sup>17</sup> Kɛ̀ à mò Romu gɔ́, à ma wete ai à gàa à bòma. <sup>18</sup> Dii wɛnda d̄ɔne yākpaekɛgurɔɔ z̄i. Ñ dɔnle bíta kɛ̀ à kɛ̀mɛ zaa Efesu yā dɔ́ sãnsãn.

## 2

### *Kirisi Yesu z̄ikari maa*

<sup>1</sup> Mpi sɔ́ ma né, ñgɔ́ gbāa kɔn gbɛ̀kɛɛ kɛ̀ Ludaa v̄iwao Kirisi Yesu guuo. <sup>2</sup> Yā kɛ̀ ñ mà má ò parii wáa, ñ na gbɛ̀ náanɛdeɛnɛ ñ ɔ̀z̄i, kɛ̀ aɔ́ f̄ɔ́ wà dada gbɛ̀ pãndenɛ. <sup>3</sup> Ñ nawɛa f̄wao Kirisi Yesu z̄ikari maa ũ. <sup>4</sup> Anduna yā b̄okɔte è dɔ́ z̄ikari kɛ̀ kú z̄ilanne aɛro, lɛ à yā ká à diine yãnzɛ. <sup>5</sup> Bàkpakɔs̄ori sɔ́, tó èe bàa lé a zéaro, eé z̄iblena f̄ura ero. <sup>6</sup> À kɔ́ s̄io búbari kɛ̀ z̄i gbāaa kɛ̀ a baka sé káaku. <sup>7</sup> Ñ laasuu lé yā kɛ̀ má ò pinɔzi, zaake Dii é n gba ɔ̀ndɔ́ à p̄ngi guu.

<sup>8</sup> Ñ dɔn kɛ̀ Yesu Kirisi né Dauda boriime, bensɔ́ à f̄ɛɛ b̄ona gaan. Baaru nnaa kɛ̀ mɛ̀ kpán gwe. <sup>9</sup> Beee yãnzɛ mɛ̀ nawɛa kɛɛzi. Wà mò kama lán dàkeri bà, mɔde Luda yā e sí mò káaro. <sup>10</sup> Beee yãnzɛ mɛ̀ yā p̄ngi f̄ɔ́ gbɛ̀ kɛ̀ Luda ñ s̄ɛnɔ́ yãnzɛ, lɛ aɔ́pinɔ́ se Luda ñ mì sí, aɔ́ gakui kɛ̀ è yāaroo e kuuna Kirisi Yesu guu. <sup>11</sup> Yā kèkii né yāpuraame: Tó wa gao, wégɔ́ kúo.

<sup>12</sup> Tó wa mɛna f̄ɔ́, wé kí bleo.

Tó wa lé s̄ɛzi, eé séwazi se.

<sup>13</sup> Tó wá náanɛ v̄iro, à kpé náanɛ v̄i, zaake eé we à lé sé a z̄indaziro.

### *Dii zĩkeri maa kɔn lɛokpakɔsaoro*

<sup>14</sup> N̄ yā pìnɔ dɔ n gbɛ̀nɔn, n̄ nańne Ludazi aɔton lɛokpakɔsa ke yānɔ musuro. À àre vĩro, è gbɛ̀ kè aɔɔe maanɔ yakame. <sup>15</sup> N̄ aĩa ke le Luda n sáabu kpá, zĩkeri kè è yā yāpuraa wɛ̀kɔańne súusu ũ, kè wí è à kũ à zĩ yā musuro. <sup>16</sup> N̄ pā yābɔena pāa kè è kɔ sé kɔn Luda yāoroone. È gbɛ̀nɔ ludayādasai kaarańne, <sup>17</sup> ben yā kè aɔè dańne è dańla lán fɔ̀ bà. Imeneu kɔn Filetuo kú n̄ té. <sup>18</sup> Aɔ̀ kè yāpuraa, aɔ̀ è be wà fɛ̀e bɔna gaan kɔ̀, aɔ̀ è gbɛ̀kenɔ ludanaanekena yakańne. <sup>19</sup> Baa kɔn beeo ɛ̀e kè Ludaa dàe zena gbāa, wà yā kèkii kèa: Dii gbɛ̀ kè aɔ̀ de a pó ũunɔ dɔ. Gbɛ̀ kè è Dii sísi mì kè yā zaaaa.

<sup>20</sup> Ua daa ègɔ̀ pónɔ vĩ pari. Wà à kenɔ kè kɔn vuraɔ kɔn kondogio yātiisikebɔ ũ, bensɔ wà à kenɔ kè kɔn lío kɔn gũo yānengokebɔ ũ. <sup>21</sup> Tó gbɛ̀ ɔ̀ bɔ̀e yā bɛ̀esaidee guu, eé gɔ̀ yātiisikebɔ ũ, eé gɔ̀ aufāni vĩ Diine, eé gɔ̀ kú adona maakena pínɡi soru guu. <sup>22</sup> N̄ bàa sí gɔ̀kpare pónidenanɔne, n̄ tó maakena kɔn ludanaanekena kɔn yenzio kɔn kuuna kɔo nnao dɔnne aɛ ledɔ kɔn gbɛ̀ kè aɔ̀ è Dii sísi kɔn nɔ̀se puraaonɔ. <sup>23</sup> N̄ ɔ̀ bɔ̀e mĩsai lɛokpakɔsa kè dɔna ke vĩroon. N̄ dɔ̀ kè è swèe da. <sup>24</sup> À maa Dii zòbleri gɔ̀ swèe vĩro. À nɔ̀se gɔ̀ do kɔn baade pínɡio, yādanneri maaa kè è gbɛ̀ fɔ̀ ũ, <sup>25</sup> à gbɛ̀ kè aɔ̀ è à yā síroonɔ gba làakari busɛbusɛ. Wègɔ̀ dɔro ke Luda é fɔ̀ à n̄ gba zé aɔ̀ nɔ̀se lie wà yāpura sí, <sup>26</sup> aɔ̀ bɔ̀ Ibilisi kè à n̄ kũ à n̄ dá a pɔ̀yezi guu bàn, n̄ làakari surĩma.

## 3

### *Gbɛ̀nteenɔ yākɛna guro zāanɔ*

<sup>1</sup> N̄gɔ̀ dɔ̀ kè guro zāanɔ ègɔ̀ pāsĩ. <sup>2</sup> Gbɛ̀nɔ zĩnda yā é dɔńne aɛ, ɔ̀ é n̄ swè ble. Aɔ̀égɔ̀ de wadadeenɔ ũ, ãadārinɔ, gbɛ̀sɔ̀sɔ̀rinɔ, de kɔn dao yāmarisaideenɔ, guturunɔ, ludayādarisainɔ, <sup>3</sup> nɔ̀sesaideenɔ, agbaawerisaideenɔ, gbɛ̀yakarinnɔ, faasaideenɔ, aĩapāsĩdeenɔ, yā maa ibɛ̀enɔ, <sup>4</sup> bɔ̀nkprɛ̀deenɔ, laasuusaideenɔ, yòkɔdeenɔ. Aɔ̀égɔ̀ ye pɔ̀nnakenazi de Luda yāla. <sup>5</sup> Aɔ̀ è dɔnzi ke, mɔ̀de aɔ̀ ye à gbāaaziro. N̄ kè gbɛ̀ beee takanɔa. <sup>6</sup> Aɔ̀ gbɛ̀kenɔ è gɛ̀ nɔ̀gbɛ̀ kè aɔ̀ è mì gbākenneroonɔzi, aɔ̀ n̄ fu kɔn léo. Durun sò kè nɔ̀gbɛ̀ pìnɔn, dà zaaa bé à gɔ̀ńne, <sup>7</sup> aɔ̀ègɔ̀ yā dadaa guro pínɡi, mɔ̀de aɔ̀ è fu yāpura kũnaa. <sup>8</sup> Lán Yanɛ kɔn Yamberesio bò Musa kprɛ̀e nà, len gbɛ̀ pìnɔ è bɔ̀ yāpuraa kprɛ̀e le. Aɔ̀ laasuu lekprɛ̀eme, wa dɔnzize guu pó ginzinanɔme. <sup>9</sup> Aɔ̀ ɔ̀ gana aɛ vĩ dɔro, zaake baade pínɡi n̄ mĩsaikɛe dɔ̀, lán wà Yanɛ kɔn Yamberesio pó dɔ̀ nà.

### *Luda yā àre*

<sup>10</sup> Mpi sɔ̀, n̄ témazi. N̄ ma kuuna dɔ̀ kɔn ma yādannenaɔ kɔn yā kè mée pɛ̀eao kɔn ma ludanaanekenaɔ kɔn ma menakɛeɔ kɔn ma yenzio kɔn ma zena gbāaao <sup>11</sup> kɔn wée kè wà tãmao kɔn nawēa kè má kèo. N̄ yā kè ma le Antiokku kɔn Ikɔniuo kɔn Lisitirao dɔ̀ kɔn wétãmma bíta kè má fɔ̀o. Mɔ̀de Dii ma bɔ̀ à pínɡi guu. <sup>12</sup> Gbɛ̀ kè aɔ̀ yezi wàgɔ̀ kuu ludayādarinnɔ ũ Kirisi Yesu guunɔ é wétãmma e. <sup>13</sup> Gbɛ̀ zaaanɔ kɔn mɔ̀nafikideenɔ zaake ègɔ̀ kaaramɛ. Aɔ̀ è gbɛ̀nɔ sāsā, aɔ̀pinɔ ègɔ̀ sāsāna. <sup>14</sup> Mpi sɔ̀, n̄ ze kɔn yā kè n̄ dàda n̄ sì yāpuraa ũuo. N̄ gbɛ̀ kè aɔ̀ dàdannɛenɔ dɔ̀, <sup>15</sup> zaake n̄ Luda yā dɔ̀ zaa n̄ néngo zĩ. Eé fɔ̀ à n̄ gba ɔ̀ndɔ̀ à n̄ ká Kirisi Yesu náanekena kè è n̄ mì sía. <sup>16</sup> Yā kè kú Luda yān bò Luda kiia pínɡime. À àre vĩ, zaake è yāpuraa dańne, è n̄ egɛe káńne n̄ ɔ̀zĩ, è n̄ gba làakari, è lé darĩma yākɛna a zéa guu, <sup>17</sup> le Luda gbɛ̀ sorumi ma yāmaakena pínɡi zé guu.

## 4

<sup>1</sup> Ma nanne Ludazi kɔn Kirisi Yesu kè eé ɛara à mó à kpata ble à yākpae ke kɔn gbɛ̀ bɛ̀enɔ kɔn gèwāadeenɔ, <sup>2</sup> n̄ Luda yā waazi ke. Tó à zé kè kesɔ̀ èe zé kero, n̄gɔ̀ kúo. N̄ yā dieńne, n̄ kpākɛńzi, n̄ lé darĩma, n̄ yā dańne kɔn mena bítao. <sup>3</sup> Zaake gurɔke é mó kè gbɛ̀nɔ é we

wà swā kpá yāzēdedannēnaziro. Ašé yādannerinŋ kakōānzi n zīnda poyeziamē, le aš yā kē kānne dañne. <sup>4</sup>Ašé n mikpēē zu yāpuraane wà ae dŋ garanŋa. <sup>5</sup>Mpi sŋ, ngŋ làakari vī yā pīngi musu. N nawēa fŋ, n baarunnakpari kena ke, n n zī lé papa.

*Pɔlu kuuna gaa lézī zaa Romu*

<sup>6</sup>Ma gurŋŋ pàpa kò, weé ma aru kwéē sa'o'i ū tia. <sup>7</sup>Ma ɔsi maaa kà, ma bàa lè ma bœzi. Má Yesu yā kūna ma à lé pàpa. <sup>8</sup>Kuuna maa fūra diena, èe ma dāa sa. Dii yākpækēri maaa bé eé kúme yākpækēgurŋŋ zī. Èe ke māmbee madoro, kŋn gbē kē aŋŋ ye à mŋnazinŋ n pīngime.

<sup>9</sup>N zé wete n mó ma kiia kpakpaa. <sup>10</sup>Demasi ma ton à tà Tesalonika, kē à ye andunazi yānzi. Kerēsēni tà Galatia būsun, bensŋ Titu tà Dalamatia būsun. <sup>11</sup>Luku bé à gŋmao ado. N Maaku sé à mó lēdo, zaake è dŋmale zī guu maamaa. <sup>12</sup>Ma Tikiku gbàre Efesu. <sup>13</sup>Tó nēe mŋŋ, n ma utagyaba kē má tò Kaapu be zaa Toroasi sé n móome kŋn ma takadanŋ, atēnsa à kē wà kē kŋn báaonŋ.

<sup>14</sup>Alesanda sia yā zaaa kēme maamaa. Dii é yā kē à kē pī fīa bonē. <sup>15</sup>N làakari kezi, zaake à bŋ wa yā kpēē pāsīpāsī. <sup>16</sup>Yākpækēnamao káakupŋ guu gbēkee e zemaoro, aš ma ton n pīngi. Luda tŋn n yā pī daro. <sup>17</sup>Dii zēmao à ma gba gbāaa, ben ma zé è ma waazi kē ma à lé pàpa, bori pāndenŋ mà n pīngi. À ma bŋ músu lézī. <sup>18</sup>Dii é ma bŋ yā zaaa guu pīngi, eé ma mì sí ai mà gá káo à kpatan musu. Àmbe à gakui vī gurŋŋ pīngi, aami.

*Lézammana*

<sup>19</sup>N i kpá Pirisila kŋn Akilaoa kŋn Ōnesifŋru bēdeenŋ. <sup>20</sup>Erasatu gŋ Kŋrinti. Ma Torofimu tò kŋn gyāao Miletu. <sup>21</sup>N zé wete n mó ai buusie gŋ ká. Yubulu kŋn Pudēnio kŋn Linuo kŋn Kalaudiao kŋn wa gbēnŋ pīngi i kpàmma. <sup>22</sup>Dii gŋ kúnyo. À gbēkēē keare.

## TITU

### *Titu zĩkena Kereti bũsun*

<sup>1</sup> Mamoma Pɔlu, Luda zòbleri, Yesu Kirisi zĩrin ma ũ. À ma zĩ mà gbẽ kè Luda n sɛno kaara a náanekenan mà tó aɔ à donzize yápuraa dɔ, <sup>2</sup> le aɔ wée gɔ dɔ wɛndi kè è yáaroozi, kè Luda à lé gbè zaale anduna e káero. Eè egɛe to sɔro. <sup>3</sup> Ben yā pì bò gupuraaa a gurɔɔa waazi kè Luda wa Mìsiri dàme ma keɛ guu lán à diɛ nà. <sup>4</sup> Mámbe ma takada kè kènne Titu, ma né yápuraa Yesu zé kè wá kún ledoo guu. De Luda kɔn Kirisi Yesu wa Mìsirio gbẽkeɛ kenne, à n gba aafia.

<sup>5</sup> Ma n to Kereti, le n yā kè gò gweeno gɔgɔ, n gbɛnsino diɛ wéte kɔn wéteo lán má ònne nà. <sup>6</sup> À maa gbɛnsi gɔ kuu taari sai nɔmɛndodee ũ. À nɛno gɔ de ludanaanekerino ũ, wàtongɔ n dɔ né zàzari swāgbāadeeno ũro. <sup>7</sup> Zaake gbɛnsi né Luda zĩ gwàrimɛ, àtongɔ de taaridee ke wadadee ke pɔfɛri ke wɛderi ke gbẽ pásĩ ke ɔɔzaawɛteri ũro. <sup>8</sup> Sé àgɔ de nibɔfɛri ũ, làakaridee kè zè kɔn maakenao ũ, gbẽ súusu kè kú adona bensɔ à a zĩnda kúna dɔo ũ, <sup>9</sup> gbẽ kè zè gbāngbān kɔn yā náanɛdee kè wè dańne ũ, le à e à lé da gbẽ pāndenɔa kɔn yāzɛdedannɛna pìo, à gbẽ kè bò à yā kpɛeno egɛe káinne n ɔzi.

<sup>10</sup> Zaake swāyāmarisaidee kè aɔè gbɛno likɔa kɔn n yā'onaonɔo pari, atɛnsa gbẽ kè aɔ zè kɔn bāngukɛna yāono. <sup>11</sup> Aɔè ua lezii yaka. À maa wà léso dańne. Aɔè yā kè de wà dańneroo dańne ɔ zaa ena yānzi. <sup>12</sup> Kereti bũsu annabi ke bè, Keretino né egɛdeenɔme, nòbo pásĩnɔme, ye'uzi meadeenɔme. <sup>13</sup> Yā pì né yápuraaɛ. Beee yānzi n kpākɛńzi maamaa, le aɔgɔ donzize kúna gbāa. <sup>14</sup> Aɔton làakari dɔ Yudanɔ garaaro ke gbẽ kè aɔ kè yápuraaa yādiɛnanɔ. <sup>15</sup> Póke ègɔ gbāsĩ gbāsĩsaideenɔnero, bensɔ póke ègɔ gbāsĩsai ludayādarisai gbāsĩdeenɔnero, kè aɔ laasuu kɔn n nòseoo zaa yānzi. <sup>16</sup> Aɔè be wà Luda dɔ, ben aɔ yākena è n egɛ bo. Bɛgizinɔme, aɔè yā maro, aɔè fɔ wà yā maa ke kero.

## 2

### *Yadannɛna zédee*

<sup>1</sup> Mmɔn sɔ, n yā kè è kɔ sé kɔn yāzɛdedannɛnao dańne. <sup>2</sup> N da mare isinɔne aɔgɔ n zĩnda kúna dɔ gbẽ bèedeeno ũ làakarideeno ũ. Aɔgɔ donzize kúna gbāa kɔn yenzio kɔn mɛnao. <sup>3</sup> N da nɔgbɛnsinɔne dɔ aɔ kuuna gɔ de donziri maaano kuuna ũ. Aɔtongɔ de gudɛri ke wɛ zòno ũro. Aɔ yā maaa dańne, <sup>4</sup> le aɔ lé da nɔzāreenɔa aɔ baade gɔ ye a zāzi kɔn a nɛno, <sup>5</sup> aɔgɔ de làakarideeno ũ gbāsĩ sai, aɔ làakari dɔ n ua zĩia, aɔ baade mì sie a zāne le wàton Luda yā zaa boro yānzi.

<sup>6</sup> N lé da gɔkparɛnɔa dɔ aɔgɔ làakari vĩ. <sup>7</sup> N yāmaakɛna zé ɔɔańne à píngi guu. N yādannɛna gɔ bèe vĩ à kɔ sé kɔn n yākenao <sup>8</sup> kɔn yāzɛdee kè weé fɔ wà à egɛ boroo, le wí gbẽ kè aɔ bò n kpɛeno kú, aɔton yā zaaa e wà o wa yā musuro yānzi.

<sup>9</sup> N lé da zònoa aɔ mì sie n diinɔne yā píngi guu, aɔ yā kè eé káinne ke. Aɔton yā síńlaro. <sup>10</sup> Aɔton kpāi om̄maro. Aɔ tó wàgɔ n dɔ gbẽ náanɛdeenɔ ũ maamaa, le Luda wa Mìsiri yā kè weè dańne wée bo yā píngi guu.

<sup>11</sup> Zaake Luda gbẽkeɛ kè mò kɔn m̀sinao baade píngine bò gupuraaa. <sup>12</sup> Gbẽkeɛ pì e daawe wà kpɛe li yā kè èe kɔ sé kɔn Luda yāoroone kɔn anduna pónidenano, le wàgɔ wa zĩnda kúna dɔ gbẽ maaano ũ, ludayādarino ũ anduna tiaa kèkii guu, <sup>13</sup> wa wée gɔ dɔ gurɔ aubarikadee kè wée dāazi. Àmbe wa Luda bíta wa Mìsiri Yesu Kirisi mógurɔ gakuidee ũ. <sup>14</sup> À a zĩnda kpà wa yānzi, à wa bo zaa píngi guu, à wa gbāsĩ gògo, le wà gɔ a zĩnda gbẽ kè aɔo maakɛna aĩa vĩno ũ. <sup>15</sup> N yā pìno dańne n lé daom̄ma. N kpākɛńzi kɔn iko kè n vĩio píngi. Nton tó gbẽke kya kánguro.

## 3

*Wà làakari dɔ maakɛnaa*

<sup>1</sup> Ñ dɔ n gbɛ̀nɔn aɔ̀ mì siɛ gbãadeenɔnɛ kɔ̀n ikodeenɔ, aɔ̀ ñ yã ma, aɔ̀gɔ̀ kú kɔ̀n maakɛna píngi soruo. <sup>2</sup> Aɔ̀ton gbɛ̀ke tɔ̀ zaaa síro. Aɔ̀gɔ̀ de nɔ̀sɛdode yãketesaideenɔ ù kè aɔ̀ busana baade píngine. <sup>3</sup> Zaake wapinɔ se, wá faa ví yáro, ludayádarisainɔn wa ù. Wa sã́sã́, wá de pɔ̀nnakɛna kɔ̀n dà zaa píngio zɔ̀nɔ ù. Weègɔ̀ kú kɔ̀n nɔ̀sɛ zaaao kɔ̀n nɔ̀sɛgɔ̀aanɔ. Wá de begizinɔ ù, wa zakɔ̀n. <sup>4</sup> Baa kɔ̀n beeeo kè Luda wa Mìsiri gbɛ̀ke kɔ̀n à yenzio bɔ̀ gupuraa, <sup>5</sup> ben à wa mì sì. Èe ke wa maakɛna yãnzinlo, kè à wɛ̀nda dɔ̀we yãnzimɛ. À wa zú ò à wa i dufu, à tò wa gɔ̀ gbɛ̀ dufunɔ ù kɔ̀n a Ninii <sup>6</sup> kè à pìsiwa gbãaaao Yesu Kirisì wa Mìsiri gã́zì. <sup>7</sup> Beee yãnzì yã bɔ̀wao nna à gbɛ̀ke yãnzì, wa gɔ̀ túbiberinɔ ù, wá wéɛ dɔ̀ auzennazì. <sup>8</sup> Yã pì né yãpuramɛ.

Má yezi ñ gã na yã pìnɔ onaa maamaa, le ludanaanɛkerinɔ e wà mè kpá maakɛnaa. Beee maa, à kaarana ví gbɛ̀nɔnɛ.

<sup>9</sup> Ñ bàa lé mìsai yãgagananɛ kɔ̀n dezinɔ tɔ̀ kɔ̀wɛnao kɔ̀n swèeo kɔ̀n leokpakɔ̀akɛna Musa doka yã musuo, zaake yã pãanɔmɛ, aɔ̀ kaarana víro. <sup>10</sup> Ñ kpãkè gbɛ̀ kè è tó wà kèkɔ̀azi baa gɛ̀n plaa, gbasa ñ péa. <sup>11</sup> Ñgɔ̀ dɔ̀ kè gbɛ̀ beee taka sã́sã́. Durunkɛrimɛ, à a zĩnda bɔ̀bɔ̀.

*Lézammana*

<sup>12</sup> Tó ma Atema ke Tikiku zĩmma, ñ zé wɛtɛ ñ mó ñ ma le Nikɔ̀pɔ̀li, zaake ma zɛo mà buusie de gwe. <sup>13</sup> Ñ aĩa ke ñ kúsãɛ ke bùsu dokadɔ̀ri Zenasinɛ kɔ̀n Apoloo le póke tón kɛ́sã́rĩmaro ñ tá guu. <sup>14</sup> À maa wa gbɛ̀nɔ maakɛna dada aɔ̀ ñ zĩnda kpáa, aɔ̀ yã kè kɔ̀ sìonɔ bɔ̀kɔ̀tɛ le wàtongɔ kuu pãro. <sup>15</sup> Gbɛ̀ kè wá kú ledoonɔ ì kpamma ñ píngi. Ñ ì kpá gbɛ̀ kè aɔ̀ yewazi Yesu zé guunɔa. Luda gbɛ̀kɛɛ kɛare a píngi.



## FILIMÓ

### *Pɔlu Filimó sáabukpana*

<sup>1</sup> Mamɔma Pɔlu kɛ wà ma da kpésiaan Kirisi Yesu yānzi kɔn wa Yesude daa Timɔtio, wámbe wa takada kèkii kɛnne, wa zíkari daa yenzide Filimó <sup>2</sup> kɔn sɔsi gbɛ kɛ aɛ kɔ kakɔa n beɛnɔ kɔn wa nɔgbɛ yenzide Afiao kɔn wa zíkari daa Akipuo. <sup>3</sup> Luda wa De kɔn Dii Yesu Kirisio gbɛkɛ kenne, à n gba aafia.

<sup>4</sup> N yā ègɔ dɔmagu gurɔ píngi ma aduakɛna guu, mɛègɔ ma Luda sáabu kpaa, <sup>5</sup> zaake ma Dii Yesu náane kɛ né kɛ baaru mà kɔn yenzi kɛ n vī kɔn Luda gbɛnɔ n píngi. <sup>6</sup> Mɛègɔ wée kɛ, lɛ wa kuuna kɔo Yesu zén tó n wée kɛ à maaa kɛ wá vī kuuna Kirisi guu píngi musu. <sup>7</sup> Ma gbɛ, n yena Luda gbɛnɔzi ma pɔɔ kɛ nna maamaa, à ma làakari kpàeme, zaake n n làakari kpàɛnne.

### *Pɔlu agbaakpana Filimone Onesimu yā musu*

<sup>8</sup> Beee yānzi, baa kɛ ma zé kà Kirisi guu mà yā kɛ maa n kɛ dienne, <sup>9</sup> baa kɔn beeeo ma agbaa kpàne kɔn yenzio. Mamɔma Pɔlu, mare isi ina kɔn ma kuuna kpésiaan tia Kirisi Yesu yānzio, <sup>10</sup> ma agbaa kpàne Onesimu yā musu kɛ à gò ma né ũ Yesu zé guu kpésiaan kɛ yānzi. <sup>11</sup> À aufāni vīnne yāro, mɔde tia à aufāni vī mapi kɔn mpionɛ. <sup>12</sup> Ma à gbàemma, àmbe ma swè ũ. <sup>13</sup> Ma kuuna kpésiaan baaru nna kpana yānzi, má yezi àgɔ kú ma saɛ, lɛ àgɔ dɔmale n gɛ ũ, <sup>14</sup> mɔde má yezi mà yāke kɛ n lé saero, lɛ nton yā maaa kɛme tiasioro, séde kɔn pɔyezinao. <sup>15</sup> Eégɔ Onesimu kɛmma yā gurɔ plaa lɛ à eara à summa àgɔ kúnyo gurɔ píngi yānzime. <sup>16</sup> À kuu lán zò bà dɔro, zaake à de zòla, à de n gbɛ yenzidee ũ kuuna Kirisi guu. Ma gbɛ yenzideeme. Weé mmɔn kɛ à de n zò ũ, bensɔ à gò n gbɛ ũ Dii guu pɔ o dɔɔ?

<sup>17</sup> Beee yānzi tó n ma die n gbɛndoo ũ, n gbàake kpázi lán né kpámazi nà. <sup>18</sup> Tó à zàne yākea ke tó à n fīa kūna, beee gò ma yā ũ. <sup>19</sup> Ma Pɔlu mámbe ma yā kèkii kɛ kɔn ma zīnda ɔɔ, mé n fīa bonne. Kɛ n ma fīa kūna n zīnda wèndi ũ, mé lé páaro. <sup>20</sup> Tò, ma gbɛ, kuuna Dii guu n à maaa kɛme, n ma làakari kpàeme wa kuuna Kirisi guu yānzi.

<sup>21</sup> Ma takada kɛ kɛnne, kɛ má dɔ kɛ né ma yā ma, bensɔ né kɛ de yā kɛ má ònneela. <sup>22</sup> Beee gbera n pitakii kɛkɛme dɔ, zaake má wée dɔzi Luda é ma bɔare wéeke kɛ ée kɛea yānzi.

### *Lézammana*

<sup>23</sup> Epafara kɛ wá kú lɛdo kpésiaan Kirisi Yesu yānzi i kpàmma <sup>24</sup> kɔn ma zíkari daano Maaku kɔn Arisitakuo kɔn Demasio kɔn Lukuo. <sup>25</sup> Dii Yesu Kirisi gbɛkɛ keare.

## EBERUNO

Kirisi de malaikanola 1:1-2:18

Kirisi de Musala 3:1-4:13

Kirisi de Aruna bori sa'orinola 4:14-7:28

Kirisi sa'orikere deñla 8:1-10:39

Wà Luda náane ke 11:1-12:25

Lédamma 13:1-13:25

### *Luda Né de malaikanola*

<sup>1</sup> Luda yā ò wa dezinone yā káaku annabino gāzī gèn baaagō zénon pari, <sup>2</sup> mode à yā òwe a Né gāzī guro zāa kènon sa. Né pì gāzīn Luda anduna kè, à diè kè àmbe eégō pò sānda píngi vī. <sup>3</sup> Àmbe Luda gakui tékena ũ, à de à kuuna sānsān ũ. Àmbe à pò sānda píngi kūna kōn a yā'ona gbāaa. Gbēno durunkēnnena gbera à vèe musu Luda bíta ɔplaazi. <sup>4</sup> Lán tó kè à blè pì de malaikanò pòla nà, len à bíta deñla le. <sup>5</sup> Luda yā kèkii ò malaika kene yāó?

Ma Né n ũ, gbāan ma n i,

Kesō:

Mégō de De ũ,

eégō de ma Né ũ.

<sup>6</sup> Kè Ludaa tò a daudu mò anduna guu à bè:

A malaikanò donzi kene n píngi.

<sup>7</sup> Malaikanò yā musu à bè:

Eè a zīrinò li ãa ũ,

a zīkerinò sōo tévura ũ.

<sup>8</sup> À Né yā musu sō à bè:

Luda, négō vèena kiblekitaa ai guro píngime,

neégō n kíkēgo kūna yāzede ũ.

<sup>9</sup> N ye maakenazi, n za zaakenan.

Beee yānzi Luda, n Luda, n ka kpatan,

à ponnaa pìsimma de n gbēnola.

<sup>10</sup> Wà bè do:

Dii, n anduna kāsāa pèe zaa káaku,

musu né n ɔzīime.

<sup>11</sup> Aō píngi é gēte, mode négō kuu.

Aōé zi kū lán pókāsāa bà,

<sup>12</sup> né n koko lán uta bà,

né n lie lán pókāsāa bà.

Mpi sō, n kuuna ègō dōnkō,

n gurōo yāana vīro.

<sup>13</sup> À yā kèkii ò malaika kene yāó?

N vèe ma ɔplaazi

ai màgō n ibēno kenne n tinti ũ.

<sup>14</sup> Malaikanò né nini zīkerinome n píngi. Luda è n zī le aō do gbē kè aōé mīsina enoleme.

## 2

### *Mīsina bíta*

<sup>1</sup> Beee yānzi wà yāpuraa kè wá mà kū ɔplaplaa gínginzi, le wàton kè zéaro yānzi. <sup>2</sup> Zaake yā kè Ludaa diè malaikanò gāzī né tiasime, ben wà fīa bò gbē kè aō gī mazi aō mīkpeè zūnenone a zéa, <sup>3</sup> tó wée mīsina bíta pì yā da sōro, wé bōó? Mīsina yā pì bò Dii kiiame,

ben gbē kè aṣṣo mànṣo yāpuraa kpàa. <sup>4</sup> Luda èara à yāpuraa kpà yā pìà kṣn sèedano kṣn yābṣnsaenṣo kṣn dabuyā pari kenano kṣn a Ninii gbaa kè à kpàateteínenṣo a poyezia.

*Yesu gṣna gbēntee ũ lán wa bà*

<sup>5</sup> Èe ke malaikanṣon Luda anduna ziaa kè wée à yā oo nànnε n̄ ɔzĩro. <sup>6</sup> À kú Luda yān gukea wà bè:

Bón gbēntee ũ kè à yā ègṣ dṣnguu?

Bón à ũ kè neè làakari dṣa?

<sup>7</sup> N à kè kēsāna malaikanṣozi féte,  
n à kpà kín kṣn gakuio kṣn bèεo,

<sup>8</sup> n̄ tò pṣ sānda píngi mì siεε.

Kè Ludaa tò pṣ sānda píngi mì siεε, èe à ke tó mìsiεnanε sairo. Tia la, wée e kè pṣ sānda píngi mì siεε gĩaro, <sup>9</sup> mṣde wá è kè Yesun wà téa. Luda à kēsā malaikanṣozi ai gurṣo plaa, le Luda gbēkeε guu à ga gbē píngi gēε ũ, ben à à kpà kpatan kṣn gakuio kṣn bèεo ga nawēa kè à kè yānzi.

<sup>10</sup> Lán pṣ sānda píngi bṣ Luda kiia nà, bensṣo pṣ sānda píngi de à pṣ ũ, kè à yezi à gē kṣn gbēṣo pari a gakui guu a néno ũ, à kṣ sio à gbē kè mìsina zé bṣnnε ke papana nawēakena guu. <sup>11</sup> Gbē kè aṣ gṣ Luda gbēṣo ũ kṣn gbē kè è n̄ ke Luda gbēṣo ũuo, n̄ píngi de dṣnkṣmε. Beee yānzi n̄ sisina a gbēṣo ũu è à wí kũro. <sup>12</sup> À bè:

Mé n tó bṣ ma gbēṣo té,  
mé n sáabu kpá kakṣana guu.

<sup>13</sup> À bè dṣ:

Mé à náanε ke.

À bè dṣ:

Máε kè kṣn né kè Ludaa kpàmaanṣo.

<sup>14</sup> Zaake né pìnṣo né gbēnteenṣmε, àpi se gṣ gbēntee ũ lán n̄ bà, le à ga à Ibilisi kè è mó gaaṣo kaate, <sup>15</sup> à gbē kè aṣṣe vĩa keε gaanε wée zṣ blee ai n̄ wèndi lénṣo bo. <sup>16</sup> Yāpuraa guu malaikanṣon èe ɔ daármaro, Ibraĩ boriinṣmε. <sup>17</sup> À kṣ sio à gṣ lán a dāaronṣo bà yā sānda píngi guu, le à gṣ Sa'oriki sùude náanεdee ũ Luda zĩi guu, gbēṣo durun agbaakpabṣo ũ dṣ.

<sup>18</sup> Zaake à nawēa kè à yṣagwana fṣ, eé fṣ à gbē kè wée n̄ leε wà n̄ gwaanṣo faaba ke.

### 3

*Yesu de Musala*

<sup>1</sup> Beee yānzi ma gbēṣo, amṣa kè Luda a sisi a mṣo a kiianṣo, à laasuu lé Yesu kè Luda à zĩ Sa'oriki kè wa zεo ũua. <sup>2</sup> Náanεdeemε Luda kè à à diεne lán Musa de nà Luda ua guu. <sup>3</sup> Lán uakaeri bèe ègṣ de uala nà, len Yesu gakui bíta de Musa pṣla le. <sup>4</sup> Ua sānda píngi a kaeri vĩ, bensṣo pṣ sānda píngi Kaerin Luda ũ. <sup>5</sup> Luda ua zĩkeri náanεdeen Musa ũ, yā kè Luda é oo sèedadeemε. <sup>6</sup> Kirisi sṣ bedee pì néme. Luda a ua n̄anε à ɔzĩ. Wámbe ua pì ũ, tó wá kpé wée tāmaa kè wá vĩ lé gbēε kṣn swēo kpáena.

*Luda gbēṣo kámmabokii*

<sup>7</sup> Beee yānzi lán Luda Ninii ò nà:

Tó a Luda kòto mà gbāa,

<sup>8</sup> àton swāgbāaa ke lán a dezinṣo kè n̄aro,

kè aṣ ma le wà ma gwa gurṣo kè aṣ bṣ ma kpεε gbáan.

<sup>9</sup> Baa kè aṣ ma yākenano è wèe baplaa,

aṣ ma le wà ma gwa gwe, aṣ ma gbāa lé gwà.

<sup>10</sup> Ben ma pṣ fē gbē pìnṣozi,

ma bè gbē sāsānanṣon n̄ ũ,

aṣṣe ma zéno dṣro.

11 Ben ma la dà ma pɔfɛ guu ma bè,  
aɔ́é gɛ ma kámmabokiinlo fá.

12 Ma gbɛ̀nɔ, à làakari ke a gbɛ̀ke tóngɔ swè zaa ludanaanekesai ví ai à gá kɛ̀o Luda Wèndidearo. 13 Guu kè è dɔ kè eè be Gbàame píngi, àgɔ lé daakɔa, le durun tón a gbɛ̀ke sàsá à swāgbāa kúro yānzi. 14 Kirisi gbɛ̀nɔn wa ũ, tó wá náane kè wá ví zaa káaku kúna gbāngbān ai à léa. 15 Lán wà ò nà:

Tó a à kòto mà gbàa,  
àton swāgbāaa ke lán a dezinɔ kè nà  
gurɔ kè aɔ̀ bò ma kpɛɛro.

16 Dénɔn gbɛ̀ kè aɔ̀ Luda kòto mà aɔ̀ bò à kpɛɛnɔ ũ, tó è ke gbɛ̀ kè Musa n bɔ́e Igitipinɔ baasiroo? 17 Dénɔn Luda pɔ̀ fɛ̀nzi ai wè baplaa, tó è ke gbɛ̀ kè aɔ̀ durun kè, aɔ̀ gè gò kaena gbāa guunɔ baasiroo? 18 Dénɔn à la dà́nne kè aɔ́é gɛ a kámmabokiinlo, tó è ke gbɛ̀ kè aɔ̀ gí à yá mazinɔ baasiroo? 19 Wá è kè aɔ́e e wà gè̀nlo aɔ̀ ludanaanekesai yānzi.

## 4

1 Zaake gɛ̀na kámmabokiin kè Luda à lé gbè kpé kuu, wà làakari ke, le wa gbɛ̀ke tón koraziro. 2 Zaake wa baaru nnaa mà lán n bame, mɔde yā kè aɔ̀ mà pì àre ví́nɛro, kè aɔ́e ma kɔ̀n ludanaanekenaoro yānzi. 3 Wamɔwa kè wa yā pì sìɔ, weè gɛ kámmabokii pìn. Aɔ̀pinɔ sɔ̀ Luda bè:

Ma la dà kɔ̀n pɔfɛo ma bè,  
aɔ́é gɛ ma kámmabokiinlo.

À yā beee ò, baa kè à a zīi mì dè zaa andunakaegurɔ, 4 zaake wà gurɔ swɛɛplaade yā ò Luda yān gukea wà bè, gurɔ swɛɛplaadee zī Luda kámma bò kɔ̀n zīi kè à kè̀nɔ píngi. 5 Wá mà tia à bè, aɔ́é gɛ a kámmabokiinlo. 6 Zaake gbɛ̀ kè aɔ̀ baaru nnaa pì mà zaa káakunɔ e gè̀nlo, kè aɔ́e síro yānzi, ben à gɛ̀na gò gbɛ̀ pāndenɔne. 7 Ben Luda èara à gurɔ ke diè dɔ wè be Gbàa, beee gbɛ̀ra à gí kè ben à Dauda gbà lé, à ò lán wà ò nà tia:

Tó a à kòto mà gbàa,  
àton swāgbāaa kero.

8 Tó Yɔsua gè̀nyo kámmabokii pìn yā, le Ludaa e gurɔ pānde yā o zāaro. 9 Àmbe à tò kámmabokii gò Luda gbɛ̀nɔ pɔ̀ ũ. 10 Zaake gbɛ̀ kè gè̀ Luda kámmabokiin kámma bò kɔ̀n a zīiome, lán Luda kámma bò kɔ̀n a zīio nà. 11 Tó lemɛ, wà wée tã wà gɛ kámmabokii pìn, le wa gbɛ̀ke tón gí Luda yā mazi, à fu lán n bāro yānzi. 12 Luda yā bɛ̀e bensɔ̀ à gbāa, à lé nna de fɛ̀da kpa plaplaaala. È n zɔ̀ à gɛ̀ nɔse guu ai niniin, è gɛ̀ mɛ̀pɛ̀pɛ̀kɔ̀rekiin ai wá ufun, è laasuu kɔ̀n nɔse yāo gwagwa. 13 Luda pɔ̀kena kee utenanero, à ke kpáne guuziro. Luda kè wé wa yānɔ sée wà sinnɛ è pɔ̀ sānda píngi e ai a biia.

### *Yesu de sa'orikinla*

14 Zaake wá sa'oriki ìsi kè ludambɛɛ wèkɔa ai Luda kiia ví Luda Né Yesu ũ, wàgɔ zé kè wá sè yā kúna gíngin. 15 Zaake wá sa'oriki ví kè eé fɔ̀ à wa wènda dɔ wa gbāasaikɛɛ guu. Wà à yò wà gwà lán wa bà yā píngi guu, èe durun kero. 16 Beee yānzi wà sɔ̀ Luda Gbɛ̀kɛ̀kɛ̀nneri kiblekitazi kɔ̀n swè̀o kpaena, le à wa wée gwa à gbɛ̀kɛɛ kewe à gurɔa.

## 5

1 Wè sa'oriki píngi sé gbɛ̀nɔ téme, wè à diè n wéedee ũ Luda kiia, àgɔ gba kpáa, àgɔ à gbāgbāánnɛ n durunɔ yānzi. 2 Eé fɔ̀ à ke kɔ̀n gbɛ̀ kè aɔ̀ sàsá aɔ̀ dɔnasaikɛɛ guunɔ busebuse, zaake àpì kú kɔ̀n gbāasaikɛɛome se. 3 Beee yānzi séde à saa o a zīnda durun yā musu, lán è o gbè kpaanɔ pɔ̀ musu nà se dɔ. 4 Gbɛ̀ke è a zīnda ká kpata pìnlo. Luda bé è à kán, lán à Aruna kàn nà.

5 Len se Kirisi e a zīnda ká sa'oriki kpatanlo, Luda bé à à kàn à bè:

Ma Nén n ũ,  
gbàan ma n i.

<sup>6</sup> À bè Luda yān gukea dɔ:

Négɔ de sa'ori ũ ai gurɔ píngi Mɛlɛkizɛdɛki zékpaɛa.

<sup>7</sup> Gurɔ kɛ Yesu kú anduna guu à adua kɛ kɔn wii gbāaa kɔn wée'io, à kúe kɛ Luda kɛ eé fɔ à a sí gaaanɛ, ben Luda à yā mà, kɛ è à yā da yānzi. <sup>8</sup> Baa kɔn à Ludanɛkɛɛo, à mìsiɛna Ludanɛ dàda a nawēakɛna guu. <sup>9-10</sup> Kɛ maaa pèkɔrɛa à yāa, Luda à kà sa'oriki ũ Mɛlɛkizɛdɛki zékpaɛa, ben à gò mìsina kɛ è yāaroo bókii ũ gbɛ kɛ aɔè à yā maanɔnɛ ní píngi.

### *Làakarikɛna funazi*

<sup>11</sup> Yā beee musu wá yā vī pari wà oare, mɔde à bókɔtɛna zī'ũmɛ, zaakɛ eè yā dɔrɔ dɔ kpaaro. <sup>12</sup> Amɔa kɛ a gí kɛn lán kɛ bà, à maa àgɔ de yādannerinɔ ũmɛ, mɔde ai tia á kpé de wà ɛara wà Luda yā kɛ wè dada gbɛ dufunɔnɛ dadaare dɔ. Yɔ'i bé à kɔ siao, ée ká à ú blero. <sup>13</sup> Zaakɛ yómiri píngi né néme, èe ká à ɔzɛɛ dɔkɔzi kɔn ɔplaaoro. <sup>14</sup> Ú sɔ né gbɛ kàsara kɛ aɔ kɔ dɔnɔ pómɛ. Aɔ à maa kɔn à zaaao dɔkɔzina dàda.

## 6

<sup>1</sup> Beee yānzi wà Kirisi yādannɛna káakupɔnɔ kpá kɛɛ, wà gá ɛe ai wà gɔ gbɛ papananɔ ũ. Èe kɛ wé ɛara wàgɔ yātákpaɛna kɛnɔ gbɛ sísi dɔnlo: Kpɛɛlina yā gɛnɔnɛ, ludanaanɛkɛna, <sup>2</sup> batisi yādadana, ɔnammana, gɛnɔ fɛɛna ke zia yákpakɛna. <sup>3</sup> Tó Ludaa wè, wé yā beeenɔ kpá kpado wà gá ɛe. <sup>4</sup> Zaakɛ tó gbɛ wée kɛ, à ludangbaa è, à baka kú Luda Nini guume, <sup>5</sup> tó à Luda yā kɔn anduna kɛ èe mɔɔ gbāaa dā à gwà, à à nnaa dɔ <sup>6</sup> gbasaa à fù, zé kuu kɛ à ɛara à nɔsɛ liɛ dɔro, zaakɛ èe Luda Né paa lía dɔmɛ, èe wí daaa gupuraaamɛ. <sup>7</sup> Tó lou e maa tɔtɛa gɛn baaagɔ èe mɔdɔ ee, ben à pó kɛ àrɛ vī búbarinɔnɛ bɔɛ, Luda è aubarika dan. <sup>8</sup> Tó à lè kɔn lèkarao bɔɛ sɔ, à ginamɛ, à zà kɔn lékɛnaoro. Eé mì de kɔn téomɛ.

<sup>9</sup> Apinɔ sɔ ma gbɛ yenzideenɔ, baa kɛ wá ò lɛ, wa làakari kpaɛna a yā musu kɛ á kú kɔn yā maaa kɛ bò mìsina zé guunɔ. <sup>10</sup> Luda è yā kɛ a zéa, a yákenanɔ kɔn yenzi kɛ á vīoo é sánlo, zaakɛ a dɔnlɛ kɛ à gbɛnɔnɛ, bensɔ á kpé ée kɛɛ. <sup>11</sup> Wá yezi a baade gɔ aīa vī lɛ ai à léa, lɛ àton seka ke pó kɛ a wée dɔzi yā musuro. <sup>12</sup> Àton mɛa kero. À gbɛ kɛ aɔɛ Luda náanɛ kɛɛ kɔn menao aɔɛ pó kɛ Luda à lé gbɛ èenɔ zékpaɛ sé.

### *Lé kɛ Ludaa gbɛ seka vīro*

<sup>13</sup> Gurɔ kɛ Ludaa e lé gbɛɛ Ibraīnɛ, kɛ gbɛkɛe kuu deàla à síoro, beee yānzin à sì kɔn a kuunaozi <sup>14</sup> à bènɛ, é aubarika dan yāpura à tó à borii kaaranɛ. <sup>15</sup> Ibraī mɛna fɔ, ben à pó kɛ Luda à lé gbɛnɛ è. <sup>16</sup> Wè yā sí kɔn gbɛ kɛ deñla tóomɛ. Ladana bé è tó wà yā yāpuraa dɔ, bensɔ è lɛokpakɔa kɛkɔañnɛ. <sup>17</sup> Ludaa yezi à ɔdɔa gbɛ kɛ à légbɛna é gɔ ní pó ũunɔnɛ wásawasa kɛ à lé liɛna vīro, ben à sì kɔn a kuunao. <sup>18</sup> Lemɛ yā mèn plaaa kuu kɛ liɛna vīro, Luda é fɔ à ɛgɛɛ to à musuro. Yā pìnɔɔ e wamɔwa kɛ wa nazinɔ gbaa swè maamaa, lɛ wà tāmaa kɛ wa wée dɔzi da seka sai. <sup>19</sup> Wá tāmaa beee vī wa wèndibadɔɔ ũ. À náanɛ vī, bensɔ à gbāa, è gɛwao lábure kɛɛ ai Luda kúkiia, <sup>20</sup> guu kɛ Yesu gīakɛ à gɛnwe à gò sa'oriki ũ ai gurɔ píngi Mɛlɛkizɛdɛki zékpaɛa.

## 7

### *Sa'oriki Mɛlɛkizɛdɛki*

<sup>1</sup> Mɛlɛkizɛdɛkin Salɛmu kína ũ yā, Luda Musude sa'orimɛ. Gurɔ kɛ Ibraī zì blè kínanɔa èe suu, ben Mɛlɛkizɛdɛki gaa à dààlɛ, à sa maaa ònɛ, <sup>2</sup> ben Ibraī auziki kɛ èe suuo píngi kuridee kpàa. Mɛlɛkizɛdɛki tó kɛ bè yázede kí. Beee gbera Salɛmu kína beee bè, aafia kí. <sup>3</sup> À de kɔn dao kɔn dezinɔ vīro, à wèndi naana ke mìdɛna vīro. À bò lán Luda Né bàme, sa'orin à ũ ai gurɔ píngi.

<sup>4</sup>À gwa lán à bíta de nà. Wa dezi tontori Ibraĩ auziki kè à sèè zìlan kuridee kpàa. <sup>5</sup>Musa doka diè Levi borii kè aṣo de sa'ori ùnunne, aṣ pò kuridee sí n̄ Isaraili daana, baa kōn n̄ Ibraĩ borikεεo. <sup>6</sup>Melekizedeeki né Levi boriinlo. Baa kōn beeeo à Ibraĩ póno kuridee si, à sa maaa ò Ibraĩ kè Luda lé gbènenε. <sup>7</sup>Seka sai gbē kè sa maaa ò gbēne bíta de gbē kè à sa maaa ònela. <sup>8</sup>Sa'ori kè aṣè pò kuridee sí pìno né gbē kè aṣè gaanome. Melekizedeeki sō, gbē kè wà bè ègō kuu ai gurō pìngin à ù. <sup>9-10</sup>Gurō kè Melekizedeeki gaa à dà Ibraĩle, wèe Levi i kòro, à kú a dezi de Ibraĩ plèmmε. Beee yānzi weé fō wà be sé, gurō kè Ibraĩ pò kuridee pì kpà, Levi borii kè wè pò kuridee kpámmanò bé wà kpà.

### *Yesu de lán Melekizedeeki bà*

<sup>11</sup>Levi bori sa'ori pìnon doka kè Musa kpà Isarailinò kāsāa ù. Tó aṣé fō wà tó gbēno gō papana, weégō sa'ori pānde nii vī lán Melekizedeeki bà doro, sé Aruna bori sa'ori zékpaε.

<sup>12</sup>Tó sa'orinò liε, séde doka liε. <sup>13</sup>Gbē kè wà yā beeno ò à musu né Isaraili borii kè à gbēkee e sa'ona zīi ke zikiroomε. <sup>14</sup>Zaake wá dō sānsān kè wa Dii bò Yuda borii guume. Wèe ma kè Musa sa'ona yā ò borii pì musuro. <sup>15</sup>Yā kè yā pì wéε bòn yè: Sa'ori pānde bò lán Melekizedeeki bà. <sup>16</sup>À gōna sa'ori ùu né doka ke borikε yānlo. À wèndi kè è yāaro gbāaa yānzimε. <sup>17</sup>Zaake wà bè:

Négō de sa'ori ù ai gurō pìngi Melekizedeeki zékpaεn.

<sup>18</sup>Wà doka kè kuu yāa pì kpà kpado, kè à gbāaro, bensō à kuu pòke ùro. <sup>19</sup>Zaake doka pì e tó gbēke gō papanaro. Ben tāmaa kè sàò zé bòwe, kè wa sōo Ludazi.

<sup>20</sup>Beeε gbera Luda e beee ke ladana sairo. Gbē kpaaano gō sa'orinò ù ladana saime, <sup>21</sup>mòde Yesu gō sa'ori ù kōn ladanao, kè Luda bène:

Dii la dà eé lé sokparo,

à bè eégō de sa'ori ù ai gurō pìngi.

<sup>22</sup>Ladana pì yānzi Yesun kpégaaudee ù kè tò Luda bà kuunaño dufu de a ziila. <sup>23</sup>Beeε gbera sa'orinò pari yā, zaake gaa è tó aṣgō kú n̄ zīi guu gurō pìngiro. <sup>24</sup>Mòde kè Yesu kuu ai gurō pìngi yānzi, à sa'orikεε gēεblena vīro. <sup>25</sup>Beeε yānzi eé fō à gbē kè aṣè sō Ludazi à gāzīno mì sí mámmam, zaake à kuu ai gurō pìngime, ègō kúε keéne Ludane.

<sup>26</sup>Sa'oriki beee taka bé à kō sīwao. À kuuna adona. À yā zaaa ke gbāsī vīro. Luda à kèkōa kōn durunkerinò, à à sè à tào musu ai a kiia. <sup>27</sup>À bà kú kōn sa'ona lán guu e dōo nào lán sa'oriki kpaaano bàro. Gbē pìno è saa o n̄ zīnda durunno yānzi kōn n̄ gbēno póno dō. Àpì sōo ò gèn dome, kè à a zīnda kpà. <sup>28</sup>Musa doka è gbēno ká sa'orikinò ù aṣ gbāasaikεε guume, mòde kè Ludaa la dà doka pì diena gbera, ben à a Né kè gō papana ai gurō pìngi kàn.

## 8

### *Yesun wa Sa'oriki ù*

<sup>1</sup>Yā kè wéε oo mìn yè: Wá sa'oriki beee taka vī vēna kiblekitaa musu Luda Bítadee oplaazi. <sup>2</sup>È zīi ke Ludakukiia, bisakuta yāpuraa kè Dii dòn, èe ke pò kè gbēnteenò dònlo.

<sup>3</sup>Zaake gbadana kōn sa'onao yānzin wè sa'oriki pìngi kázi, à maa àpì gō pò vī à kpá se. <sup>4</sup>Tó à kú anduna guu, eégō de sa'ori ùro, zaake sa'ori kè aṣè gbaano kpá lán doka diè nānoo kuu kò. <sup>5</sup>Zīi kè aṣoε keε né pò kè kú musu takame, à niniime. Beeε yānzi kè Musa yezi à bisakutaa dō, Luda bène à làakari ke à pò kè a à taka òdōanε kpīii musu ke lán à de nà pìngi.

<sup>6</sup>Yesu bé Luda bà kuunawao yākekeri ù. Zaake Luda bà kuunawao pì de à bà kuunaño ziila, zīi kè wà dànε de sa'oriki pìno pòla. Luda bà kuunawao pì légbēna de à ziila dō. <sup>7</sup>Tó Luda bà kuunaño zii pì papaname yā, le à plaadee zé vīro. <sup>8</sup>Kè Dii Isarailinò taari è à bè:

À gurōo e mōo kè mé ma bà kuuna

kōn Isarailinò kōn Yudanò dufu ke.

<sup>9</sup>Eégō de lán ma bà kuuna kōn n̄ dezinòo

gurōo kè ma n̄ kú n̄ oja

ma n b́e Igipiti bàro.

Zaake aṣṣe ze kṣn ma bà kuunańyooro,

ben ma n tón.

<sup>10</sup> Ma bà kuuna kṣn Isarailinṣ gurṣ beeenṣ gbera yān yè:

Mé ma dokayānṣ dańne n nṣse guu,

mé kē n swèa.

Mégṣ de n Luda ũ,

aṣégṣ de ma gbēnṣ ũ.

<sup>11</sup> Aṣ gbēke é yā dada a daanero,

aṣ gbēke é ma dōna da a gbēnero,

zaake aṣ píngi égṣ ma dōme,

né féte gbēnsi n píngi.

<sup>12</sup> Mé sùu keńyo kṣn n taarinṣ,

mé n durunnṣ yā da doro.

<sup>13</sup> Kè Luda bà kuunańyo dufu pì yā ò, à à káakupṣ zi b̀. Pó kè zi kù à bùsa, à kpana guuzi z̀aro.

## 9

### *Luda bà kuunańyo zi sa'ona*

<sup>1</sup> Luda bà kuunańyo káaku dṣnzi zékpaenṣ vī kṣn Ludakukii kè kú tṣṣe. <sup>2</sup> Fitia kṣn teebu kè wè buredi káea Ludanero kú gānu kè wè be guu kè kú adonan. <sup>3</sup> Kpéne kè wè be Ludakukii pì kú lábure plaadee kpé. <sup>4</sup> À guun tuaetiti kpatakii kè wà pì kṣn vura kún kṣn Luda bà kuunańyo àkpati kè vura kúea mámmam-o. Vura loo kè mana kú à guu kú àkpati pì guu kṣn Aruna gò kè lá b̀ro kùo kṣn Luda yādiēna gbè walaanṣ. <sup>5</sup> Àkpati pì musu kerubu gakuideenṣ kú durunkēnnekiila. Pó pìnṣ b̀kṣtēna doodo gurṣṣn ỳero.

<sup>6</sup> Lán aṣ kaena le, sa'orinṣ ègṣ gēe gānun gēn baaagṣ aṣ n sa'ona zīi ke. <sup>7</sup> Sa'oriki bé è gē kpétu gēn do wè doo guu, bensṣ è gē aru sairo. È aru pì fāfā a zīnda durun yānzi kṣn a gbēnṣ pó kè aṣ kè dṣnasaikēe guuo. <sup>8</sup> Luda Ninii e ṣṣṣawe, gurṣṣ kè kpé káaku pì kuu, Ludakuki zé wēnaro. <sup>9</sup> Bee e yā lekṣziwe kṣn tia yāo à bè, pó kè dṣnziri è Luda gbaanṣ kṣn sa'opo kè è kpáanṣ è fṣ à à kù ke gbāa mámmamlo. <sup>10</sup> Yā diēna pìnṣ né mèbaayāme. Póble kṣn íminao kṣn gbāsībṣna bori sānda píngio yāme. Wà diē ai zé dufu gurṣṣ gṣ káme.

### *Luda bà kuunańyo dufu sa'ona*

<sup>11</sup> Ben Kirisi mò yā maaa kè kà tiaa sa'oriki ũ. À gè bisakutaa kè bíta bensṣ à papana de à káakupṣlaa guu, kè gbēntee bé à d̀ro, anduna kēki pón s̀ro. <sup>12</sup> Èe gē Ludakukiin kṣn blè ke zù aruro, à gē kṣn a zīnda aruo gēn dome, à gbēnṣ b̀o ai gurṣ píngi. <sup>13</sup> Zaake wè blè aru kṣn zùsware aruo kṣn zùnunu kè wà kpàta túbuo fāfā gbē kè aṣ gbāsīnṣa wà gbāsī b̀ońgu, <sup>14</sup> weé Kirisi pó o d̀ó? À a zīnda kpà Ludaa see sai kṣn Ninii kè ègṣ kuu ai gurṣ píngi gbāaa. À aru è wa swè pípiwe b̀na kekēkēna gè pìnṣ guu, le wà zīi ke Luda Wēndidenē.

<sup>15</sup> Beee yānzi Kirisi bé Luda bà kuunańyo dufu yākekeri ũ, le gbē kè Luda n sísinṣ auzenna kè à à lé gbè e yānzi. À gà le à n bo, à taari kè aṣ kè Luda bà kuunańyo zi yā musunṣ kēńne. <sup>16</sup> Tó wà yezi wà zīi ke gbē légbēdiēnaa, sé wāgṣ dṣ sānsān kè adee gà, <sup>17</sup> zaake gaa gberan légbē ègṣ gbāaa vī. Tó légbēdiēri kpé bēe, légbē ègṣ gbāaro. <sup>18</sup> Beee yānzin wèe Luda bà kuunańyo káakupṣ pì kya ke aru sairo. <sup>19</sup> Kè Musa doka yādiēnanṣ ò baade píngi wáa, à sākā tēa zónzon kṣn sēsṣvlāo sè à z̀ zùswarene b̀ro kṣn blèkofii aru kè wà yākṣte kṣn íoa, à fāfā Musa dokaa kṣn gbēnṣo dṣ n píngi <sup>20</sup> à bè, Luda bà kuunańyo arun gwe, kè à diēare à kūna. <sup>21</sup> Len Musa aru fāfā bisakutaaa kṣn sa'ona zīkebṣnṣo dṣ píngi. <sup>22</sup> Doka guu aru bé è gbāsī bṣ pó paride píngin. Arukwēna sai durunnṣ kēnnēna kuuro.

*Kirisi a zīnda kpà sa'opɔ ũ durun mīdena yānzi*

<sup>23</sup> Zaake à kō sio wà gbāsī bɔ pɔ kè kú ludambɛɛ taka pìnɔn lán beee bà, sa'opɔ kè de beelaa kō sī kōn ludambɛ pɔ pìnɔ. <sup>24</sup> Zaake Kirisi e gē Ludakukii taka kè gbēntee dōnlo, à gē à yāpuradeen ludambɛmɛ, guu kè à kún tia wa Zenyodee ũ Luda aezī. <sup>25</sup> Sa'oriki è gē Ludakukiin kōn pókāde aruo wè kōn wèò, mɔde Kirisi e gē lɛ à a zīnda kpá gèn baaagɔ yānziro. <sup>26</sup> Tó èe ke lero, lɛ èe nawēa kee gèn baaagɔ zaa andunakaɛgurɔ. Yāpuraa guu à mò gèn dome gurɔ kè anduna kà a kákii sa, à a zīnda kpà sa'opɔ ũ, lɛ à durun mī de. <sup>27</sup> Ludaa diɛ gbēnteeɛ à ga gèn do, gbasa à yākpae keo, <sup>28</sup> len Kirisi a zīnda kpà gèn do lɛ, à gbē pariinɔ durun dī a mīa. Eé ɛara à mó à gèn plaadeeo, èe ke durun yānzin dɔro, lɛ à gbē kè aɔ wée dɔzinɔ mī sí yānzime.

## 10

<sup>1</sup> Musa doka né yā maaa kè èe mɔɔ takamɛ, èe ke yā pìnlo. Beee yānzi sa dōnkɔ pì ona gèn baaagɔ wè kōn wèò è fɔ à gbē kè aɔɔe sɔɔ Ludazinɔ ke papana zikiro. <sup>2</sup> Tó saa pì ona gbāsī bɔ dōnzirinɔn gèn do ai gurɔ pínigimɛ yā, lɛ aɔ kù kè gbāa, wà à ona tò. <sup>3</sup> Yāpuraa guu sa'ona pì bé è gbēnɔ durun yā dōngu wè kōn wèò. <sup>4</sup> Zaake zùsware kōn blèkoffio aru è fɔ à durun kēm̄ma zikiro. <sup>5</sup> Beee yānzi kè Kirisi e mɔɔ anduna guu, à bè Ludanɛ:

Ŋ ye sa'opɔ ke gbaaziro,  
ben n gbēntee mè kēmɛ.

<sup>6</sup> Sa'pɔ kè wè ká tén à té kū  
kōn sa'opɔ kè wè o durun yā musuo  
è kénnero.

<sup>7</sup> Ben ma bè: Maè kè!  
Lán wà kè takadan ma yā musu nà,  
ma mɔ n pɔyezi kemɛ, Luda.

<sup>8</sup> Káaku gīa à bè, sa'ona kōn gbāao kōn saa kè wè ká tén à té kūo kōn saa kè wè o durun yā musuo è ká Ludanero, à yeziro, baa kè doka bé à diɛ. <sup>9</sup> Ben à bè, áe kè, a mɔ à pɔyezi kemɛ. À à káakupɔ kpà kpadozi à plaade diena yānzi. <sup>10</sup> Luda pɔyezi pì kena guu Yesu Kirisi a zīnda kpà sa'opɔ ũ gèn do, à tò wá kú adona Luda gbēnɔ ũ.

<sup>11</sup> Gurɔ pínigi sa'orinɔ ègɔ kú n zī guumɛ, aɔgɔ sa dōnkɔ kè è fɔ à durun kēñne zikiroo oo gèn baaagɔ. <sup>12</sup> Kirisi sɔ saa ò durun yānzi gèn dome ai gurɔ pínigi, ben à gāa à vèe Luda ɔplaazi. <sup>13</sup> Zaa gurɔ beean à kú gwe, èe dāa Luda a ibeenɔ keare a tinti ũ. <sup>14</sup> Zaake sa'ona gèn doo pì guu, à tò gbē kè à gbāsī bōngunɔ gɔ papana ai gurɔ pínigi. <sup>15</sup> Luda Nini ɛara èe yā pì oowe dɔ à bè:

<sup>16</sup> Ma bà kuunaño gurɔ beeenɔ gbera yān yè:  
Mé ma dokayānɔ dañne n nòse guu,  
mé kē n swèa.

<sup>17</sup> Gbasa à bè:  
Mé n durun kōn n taarinɔ yā da dɔro.

<sup>18</sup> Lán à n durun kēñne nà, sa'ona n yānzi zé vī dɔro.

*Wà sɔ Ludazi*

<sup>19</sup> Beee yānzi ma gbēnɔ, kōn Yesu aru gbāaao wá gēna Ludakukiin zé vī kōn swèò kpaena, <sup>20</sup> zaake à wèndi zé dufu bōwe a mè gāzī à gèwao lábure kpɛɛ. <sup>21</sup> Lán wá sa'ori isi vī nà Luda uakūri ũ, <sup>22</sup> wà sɔ Ludazi kōn nòseo do kōn à náanekena seka saio kōn swè kè wà pìpi wà taari laasuu bɔ à guuo kōn mè kè wà à zú ò kōn í wásawasao. <sup>23</sup> Wàgɔ tāmāa kè wa zɛo kūna gíngin, zaake Luda à lé gbè, bensɔ à náane vī. <sup>24</sup> Wà làakari dɔkɔa, wà té ká kōn yenzi kōn maakɛnao yā musu. <sup>25</sup> Wàton pā kpá wa kakɔanazi lán gbēkenɔ è ke nàro. Wà lé dakɔa, atēnsa lán á è Dii sugurɔ e kaa kī nà.



26 Tó wa yāpuraa mà wá d̄, tó wá kpé wée durun kee gĩanzi, sa'ona kè eé durun kēwa kuu d̄ro. 27 Pó kè ḡwee bé à de wàḡ wée d̄o yākpaezi ũ k̄n swèkēnguo k̄n té gbāaa kè eé Luda ibeeno kaateo. 28 Wè gbē kè gi Musa doka dazi de à wée gwana sai ḡon plaa ke aaḡ sèedakena musu. 29 Tó gbē kèse pèe Luda Néa, ben à kya kà Luda bà kuunaño aru kè à gbāsī b̄agun, ben à Nini Gbēkekenneri s̄s̄, àḡ d̄ kè à wétamma éḡ bíta de beeela maamaa. 30 Zaake wá yā kèkii òri d̄ à bè, áambe é ḡe boíma, áambe é f̄ia boíne. Wà bè d̄, Dii é yākpae ke k̄n a gbēno. 31 Yā p̄s̄ime, tó n l̄e n da Luda Wèndide ozi.

32 À laasuu lé a kuuna yāaa. A wékēna gbera a nawēa f̄ a ozi bíta kana guu. 33 Ziken̄a wè a s̄s̄, wè wée t̄awa parii guu. Ziken̄a eè ze k̄n gbē kè wèe wée t̄amma lán beee b̄ano. 34 A pisinano wēnda d̄. Kè wà a p̄no siawa, a wezi k̄n p̄nnaao, zaake á d̄ kè a auziki maa kè eéḡ kuu ai gur̄ píngi v̄i. 35 Beee yānzi àton tó a w̄ronḡ kè àre v̄iare bíta kēawaro. 36 Séde àḡ mena v̄i, l̄e à pó kè Luda à lé gbē e à p̄yezi kena gbera.

37 Zaake à ḡ f̄etem̄, eé gi kero, kè gbē kè èe mō é pita.

38 Gbē maa éḡ kuu ma náane kè èe kee yānzi, mōde tó à s̄kpa kpē, ma p̄o éḡ nnaro.

39 Gbē kè āe b̄oru kpē ā n̄ z̄inda kaaten̄on wa ũro. Gbē kè ā Luda náane kè ā m̄isina ènon wa ũ.

## 11

### *Gbē káakun̄o ludanaanekena*

1 Ludanaanekenan t̄amaad̄naa seka sai ũ, yā kè wè wée siàlero sina yāpuraa ũ. 2 Gbē káakun̄o ludanaanekena bé à tò Luda n̄ s̄abu kpà.

3 Wa ludanaanekena bé à tò wá d̄ kè à yā'ona bé à anduna k̄e. Pó kè wè wée siàleoron à pó kè wè wée siàle k̄e.

4 Abila ludanaanekena bé à tò à sa'ona Ludaa maa dè Kaini p̄la. À ludanaanekena yānzin Luda à s̄abu kp̄zi, à à dīe gbē maa ũ, ben à à gbaa si. Baa kè à gà, wá kpé wée à yā maa Luda náane kè à kè p̄i yānzi.

5 En̄oku ludanaanekena bé à tò Luda à s̄e, l̄e àton garo yānzi. Wèe à e d̄ro, kè Luda à s̄e b̄ona anduna guu yānzi. Ai Luda ḡ gá à sé, à à s̄abu kpà, à bè à yā k̄are. 6 Gbēke yā è ká Ludane à náanekena sairo. Séde gbē kè èe s̄ozi sí kè à kuu bens̄ è f̄ia bo a kii weterin̄e.

7 Kè Luda lé dà Nuua yā kè wèe e yāroo musu, ben à Luda náane kè, à à yā mà, à goro'ite kè, à a uadeeno m̄i s̄io. À ludanaanekena bé à tò yā v̄e andunaa, bens̄ Ludaa tò yā b̄o nna a náane kè à kè p̄i yānzi.

8 Kè Luda Ibraī s̄isi l̄e à gá b̄usu kè é kp̄aa àḡ v̄i guu, ben Ibraī Luda náane kè, à Luda yā p̄i mà. À b̄o be, baa kè à guu kè èe gaan p̄i d̄ro. 9 À Luda náane kè, ben à bee p̄e bisakutaa ũ b̄usu kè Luda à lé gbēne p̄i guu nib̄o ũ. Lem̄e d̄o Isaaku k̄n Yakubuo, zaake Luda légbēna p̄i ḡ n̄ pó ũme. 10 Zaake wéte kè Ludaa k̄e à b̄o à k̄s̄apeenan Ibraī wée d̄zi.

11 Sara ludanaanekena bé à tò à zé è à nò s̄i, baa kè p̄aame, bens̄ à zi k̄i, zaake à d̄ kè Luda kè lé gbēare náane v̄i. 12 Baa kè à zi k̄i, ḡgbē m̄en doo p̄i borii kè pari lán s̄os̄oneno ke ísiale b̄usu'āatē bà, weé f̄ wà à lé d̄ro.

13 Gbē p̄ino ḡaga n̄ píngi n̄ ludanaanekena guu, pó kè à à lé gbēnn̄eno ena sai. Āo è k̄aa wà gb̄aake kp̄zi. Āo bè, nib̄o k̄n b̄am̄on̄on n̄ ũ anduna guu kè. 14 Gbē kè āe o l̄eeno e o d̄oawe kè wèe n̄ z̄inda b̄usu nii deeme. 15 Tó b̄usu kè āo b̄on b̄egen āo kee yā, l̄e āo zé è āo èara wà tà gwe. 16 Mōde b̄usu kè maa de beeelaan āo à nii dee, àambe ludambe pó ũ. Beee yānzi tó wà Luda s̄isi n̄ Luda ũ, è kene w̄iyā ũro, zaake à wétadaa k̄e n̄ pó ũ.

17-18 Kè Luda Ibraī ȳ à gwà, ben Ibraī Luda náane kè, à Isaaku kpà sa'opo ũ. Luda lé gbēne yā à bè, Isaaku boriin̄on weégae bene a boriino ũ. Baa k̄n beeeo à zè k̄n a né m̄en

doo pì kpanao. <sup>19</sup> À sì kè Luda gbāaa é f̄s̄ à gèno f̄e b̄ona gaan, ben à de lándõ wà be à èara à Isaaku è b̄ona gaan bà. <sup>20</sup> Isaaku Luda náane kè, ben à sa'ole kè Yakubu k̄on Isauone. <sup>21</sup> Kè Yakubu kú gaa lézĩ, ben à Luda náane kè, à sa'ole kè Yusufu n̄en̄one, ben à gbāa è a gòa à d̄onzi kè. <sup>22</sup> Kè Yusufu kà gana, ben à Luda náane kè, à Isarailino b̄ona Iyipiti yá ò k̄on lán āé ke k̄on à gèwao nà.

<sup>23</sup> Musa de k̄on à dao Luda náane kè, ben ās̄ à ùte ai mo aagõ à ina gbera, kè ās̄ è à àisi maa yānzi. Ās̄e v̄ia ke doka kè Fili'auna dienero. <sup>24</sup> Kè Musa bíta kù, ben à Luda náane kè, à ḡizi wà à sísi Fili'auna n̄en̄ogb̄e né ũ. <sup>25</sup> À sì wà w̄e t̄awa k̄on Luda gb̄en̄o de kuuna k̄on p̄onnao durun guu gur̄o plaaala. <sup>26</sup> À dīe kè wí kè wè dar̄ma Kirisi yānzi de Iyipiti auzikila, zaake ziaa zĩ láadan à w̄e kúa. <sup>27</sup> À ludanaanekena bé à tò à b̄o Iyipiti, èe v̄ia ke Fili'auna p̄f̄enero, à zè ḡinḡin lándõ à Luda kè wè e k̄on w̄eoro è bà. <sup>28</sup> À ludanaanekena bé à tò à Banla z̄ibaa dīe k̄on aru mámana kp̄e ele ḡuao, le malaika gb̄ed̄ed̄eri t̄on ò ke n̄ daudun̄aro yānzi. <sup>29</sup> Isarailino Luda náane kè, ās̄ bikù Isia T̄eaaa lán t̄ote kori bà. Kè Iyipitino ȳa le, ben í dànl̄a. <sup>30</sup> Isarailino Luda náane kè, ās̄ t̄aa ò wà liga Yerikozi ai gur̄o sw̄eplaa, ben à b̄i kwè. <sup>31</sup> Kaarua Rahabu Luda náane kè, à gu'asiigwarino dīe à n̄ gwá maamaa, ben èe kaate k̄on ludayādarisain̄oro.

<sup>32</sup> Mé be dia d̄o? Mé zé e mà Gid̄on yá oro ke Baraki ke Samus̄i ke Yef̄eta ke Dauda ke Samueli ke annabino. <sup>33</sup> Ās̄ Luda náane kè, ben ās̄ z̄i bl̄e k̄inan̄a, ās̄ yá ḡõḡõ gb̄en̄one a z̄ea, ās̄ lé kè Ludaa gb̄èn̄ne gb̄è è, ās̄ músun̄o lé n̄ak̄õa, <sup>34</sup> ās̄ té p̄as̄i d̄e, ās̄ b̄o f̄e daa lézĩ, ās̄ gbāaa è n̄ gbāasaik̄e guu, ās̄ p̄as̄i kù z̄i guu, ās̄ p̄e bori p̄ande z̄ikp̄een̄a, <sup>35</sup> ās̄ n̄ogb̄en̄o né ḡen̄o f̄e b̄ona gaan ās̄ kp̄ám̄ma. Wà mè ò n̄ gb̄eken̄a, ben ās̄ ḡizi wà n̄ gbar̄e, le wà f̄e b̄ona gaan wà b̄o maa yānzi. <sup>36</sup> Wà n̄ gb̄eken̄o fabò, wà n̄ gb̄e k̄on fl̄ao. Wà mò kà n̄ gb̄eken̄a, wà n̄ ká kp̄esiaan. <sup>37</sup> Wà n̄ pápa gb̄eo wà n̄ déde, wà n̄ z̄õk̄õre plaa k̄on sagasigio, wà n̄ déde k̄on f̄e daao. Ās̄ t̄aa ò s̄a báa k̄on bl̄e báao dana. Ās̄ ḡõ kori, wà w̄e t̄ám̄ma, wà ïa dànm̄ma. <sup>38</sup> Anduna kuuna e k̄õ sínyoro. Ās̄ lik̄õaa z̄õ s̄en̄ k̄on kp̄iii musun̄o, ās̄ kú gb̄ew̄een̄o k̄on kokot̄ew̄een̄o guu. <sup>39</sup> Baa kè Luda gb̄e p̄ino s̄áabu kp̄a n̄ p̄ingi a náane kè ās̄ kè yānzi, ās̄e p̄ó kè à à lé gb̄èn̄ne ero, <sup>40</sup> Luda ḡiake à dīe, wà gwena maa e de n̄ p̄olaa, le ās̄tonḡõ papana wa sairo.

## 12

### *Luda a gb̄en̄o totona*

<sup>1</sup> Beee yānzi wapino se, lán s̄eedadeen̄o diwazi nà le, wà ò kp̄a p̄ó kè è kp̄aw̄een̄zi k̄on durun kè è wa kak̄un aagao p̄ingi, wà bàkp̄ak̄õs̄õna kè Ludaa dīewe lé k̄on men̄ao. <sup>2</sup> Wà w̄e pé Yesua kè b̄o k̄on wa ludanaanekena z̄éo bens̄o à zé p̄i kè papana. À gana lía f̄s̄, èe à w̄iyā daro p̄onnaa kè dienan̄e ena yānzi, ben à ḡaa à v̄e Luda k̄iblekita òplazi. <sup>3</sup> À laasuu lé à yāa, lán à men̄a f̄s̄ k̄on durunker̄i kè ās̄ íbete beee taka kp̄aon̄o, le àton kpasa a k̄a garo yānzi. <sup>4</sup> Zaake a òsikana k̄on durun-o guu, ée ze a gi ai a gaa a gaoro. <sup>5</sup> N̄õseȳik̄üyā kè wà òare lán n̄en̄o bà s̄aagun yó? Wà bè: Ma né, tó Dii e n̄ totoo, n̄ton dīe p̄aro.

Tó à kp̄ak̄enzi, n̄ton tó n̄ k̄a garo.

<sup>6</sup> Zaake gb̄e kè Dii yezin è toto, è w̄e t̄a gb̄e kè à sì a né ũua.

<sup>7</sup> À w̄et̄amma dīe totona ũ. Luda bé èe beee keare, kè à n̄en̄on a ũ yānzi. Né kee kuu kè à de ḡi à à totoz̄i? <sup>8</sup> Tó èe a toto lán a né kp̄aaan̄o bàro, ènd̄e à n̄en̄on a ũro, ḡitas̄õn̄en̄on a ũ. <sup>9</sup> Wá den̄o v̄i anduna kè ās̄ wa toto, ben wa n̄ yā mà. Lán à de le nà, wà mì sie wa ninii Den̄e de beela wàḡõ kuu. <sup>10</sup> Wa den̄o wa toto gur̄o plaap̄o ũ ās̄ ònd̄õ lén. Luda è wa toto wa

kaarana yānzime, le wa kuuna e àgõ adona lán à bà. <sup>11</sup> Totona kee pɔnnaa vī a gurɔɔro, sé pɔsīaa, mɔde gbē kè totona pì n kékèno è à gbè e zāa bɔna maa kɔn aafiao ũ.

<sup>12</sup> Beee yānzi à a ɔɔ kè aõ gõ dɔazino kɔn a gbá kè aõ gõ teeno gba gbāaa, <sup>13</sup> à zé sé súusu, le amɔa kè ée tɔtɛno tón kɔɔ kũro, aõ gõ kɔn aafiao.

<sup>14</sup> À wete àgõ nna kɔn baade pínɡio, a kuuna gõ adona, zaake tó gbē kuuna adonaro, eé Dii ero. <sup>15</sup> À làakari ke, a gbēke tón kora Luda gbēkekennenzi à gõ fīndio'a ũ a té, à ĩa da gbēnoa pari à n yakaro. <sup>16</sup> A gbēke tóngõ de pāpākeri ke ludayādarisai ũ lán Isau bàro. À a daudukeze yà pó gèn do blena yānzi. <sup>17</sup> Á dõ kè à sa'ole wete a dea zāa, ben Luda gine. Baa kè à wete kɔn wée'io, èe zé e à yā kè à kè liero.

### *Luda bà kuunaño zi kɔn à dufuo*

<sup>18</sup> Èe ke Sinai kpīi kè weé f̄ wà ɔ kean a sōziro, kè èe té kũu à gusiaa vī kɔn gu bũgubuguo kɔn zàga'iao <sup>19</sup> kɔn kākāki'ɔo kɔn Luda koto gbāaa. Kè Isarailino koto pì mà, aõ agbaa kpāne wà bè àton yāke oñne dɔro, <sup>20</sup> zaake aõé yā kè à diéne kèkii f̄ro à bè: Baa pókādee bé à nà kpīi pìà, wà pápa gbèo wà de. <sup>21</sup> Luda pitana pì né vīa yāme maamaa ai Musa bè, vīa a kũ, ée lugalugaa.

<sup>22</sup> Mɔde a sō Zayon kpīizi kɔn Luda Wèndide wete Yerusalemu kè kú musuo kɔn à malaika pariparii kè aõ kakōana gweeno <sup>23</sup> kɔn daudu kè aõ tó kēna gweeno kakōanao kɔn Luda kè de gbē sānda pínɡi yākpākeri ũuo kɔn gèwāa gbē maa kè aõ gõ papanano <sup>24</sup> kɔn Yesu kè de Luda bà kuunaño dufu yākekeri ũuo kɔn à aru fāfāna kè èe yā maa o de Abila pólao.

<sup>25</sup> À làakari ke àton gí yā'ori pì yā maziro. Lán gbē kè aõ gí Luda lédamma mazi tɔte kèno e boro nà, wapino se, lán Ludaa e lé daawa zaa musu, tó wa kpeε line, weé wa pó o dɔ? <sup>26</sup> À koto tɔte lugaluga yā, ben à lé gbè à bè, é guu lugaluga gèn do dɔ, èe ke tɔte adonlo, kɔn musuome sa. <sup>27</sup> Kè à bè, gèn do dɔ, beee e beewe Luda pókēna kè ée lugalugaa pino é gē zélame, le pó kè è lugaroono e àgõ kuu. <sup>28</sup> Beee yānzi lán wée kpata kè è nigāroo blee nà, wà Luda sáabu kpá, wàgõ dɔnzi keene lán à yezi nà, wàgõ mì siene vīakenane guu. <sup>29</sup> Zaake wa Luda né té kè è kũmmame.

## 13

### *Lédamma*

<sup>1</sup> À wée tā àgõ gbēkeε vī kōo. <sup>2</sup> À làakari dɔ nibɔyaarikēnaa, zaake len gbēkeno malaikano yàari kè dōna sai le. <sup>3</sup> À tó gbē kè wà n ká kpésīaa guuno yā dɔagu lán á kúnyo kpésīaan bà, kɔn gbē kè wèe wée tāammanɔ, lán ámbè wèe wée tāaawa bà. <sup>4</sup> Baade gae nɔsena da yā bèedeε ũ. Añton n daekii gbāsī kpáro, zaake Luda é yākpae ke kɔn zinakerino kɔn pāpākerino. <sup>5</sup> Yena ɔzi tón dɔare aero. À ze kɔn pó kè á vīo, zaake Luda bè:

Mé n tónlo,  
mé pā kpanzi zikiro.

<sup>6</sup> Beee yānzi weé kũgbāaa ke wà be:

Diin ma dɔnleri ũ,  
vīa é ma kũro.

Bón gbēntee é f̄ à kemεε?

### *Sa yāpura ona*

<sup>7</sup> À tó a dɔn'aεdee kè aõ Luda yā òareno yā dɔagu. À n kuuna tàasi ke ai à léa à Luda náane ke lán n bà. <sup>8</sup> Yesu Kirisi dɔnkō gĩa kɔn gbāao ai gurɔ pínɡi. <sup>9</sup> Àton tó wà a sāsā kɔn yā nibɔ pari dannenanɔoro. À maa wa swègbāaa e Luda gbēkeε guu, èe ke sa'opɔble yā kè è àre ke ke gbē kè aõ zèonɔneronlo. <sup>10</sup> Bisakuta sa'orino zé vī wà sa'okii kè wá vī póbleε blero. <sup>11</sup> Sa'oriki é gē Ludakukiin kɔn tubɔ aruo durunno kēnena yānzi, ben wè à gè kpata bùra

kpεε. <sup>12</sup> Beee yānzi Yesu gà wéte kpεε se, à gbāsī b̀̀ gbēn̄n̄n̄ k̄n̄ a zīnda aruo. <sup>13</sup> Wà b̀̀ wà gá à kiia bùra kpεε, wí wa k̄ũo se. <sup>14</sup> Zaake wá wéte kè eéḡõ kuu v̄i k̄ero, wéte kè èe m̄õn̄ wa wée d̄õzi. <sup>15</sup> Beee yānzi wàḡõ Luda sáabu kpá yāana sai Yesu gāzī wa sa'ona ũ. Gbaa kè à s̄isirin̄ è m̄õn̄ gwe. <sup>16</sup> À làakari d̄õ maakena k̄n̄ k̄õgb̄ek̄ena. Sa beee taka ona bé è ká Ludan̄. <sup>17</sup> À a d̄õn'adeen̄ yā ma à m̄i s̄iēn̄e, le aō e wà zīi ke k̄n̄ p̄õnnao, zaake aō de gb̄e kè aōé n̄ zī yā t̄õk̄e Ludan̄ ũ. Tó aōe zīi kee k̄n̄ l̄esuuo, eé àre kearero.

### *Lézammana*

<sup>18</sup> À adua kewe. Yákee e wa sw̄è v̄iro, weèḡõ yezi wàḡõ kú wa d̄õr̄õa yā p̄ingi guu. <sup>19</sup> Má wée keawa à adua kem̄e, atēnsa mà e mà m̄ó a kiia kpakpaa.

<sup>20</sup> Luda Aafiade kè wa Dii Yesu f̄e b̄õna gaan s̄ād̄ariki ũ a bà kuunawao gur̄õ p̄ingi aru gāzī, <sup>21</sup> à a keke k̄n̄ maa p̄ingio, le à à p̄oyezi ke à yā kè k̄an̄e ke wa guu Yesu Kirisi gāzī. Àmbe à gaku v̄i gur̄õ p̄ingi, aami.

<sup>22</sup> Ma gb̄en̄, ma wée kèawa àḡõ l̄édamma yā p̄i k̄ūna k̄n̄ m̄ena, zaake takada kè má k̄èaree b̄itaro. <sup>23</sup> Àḡõ d̄õ kè wà wa gb̄endo Tim̄oti gb̄are. Tó à kà kè tia, wé m̄ó a gwa l̄edo. <sup>24</sup> À ì kpá a d̄õn'adeen̄õ n̄ p̄ingi k̄n̄ Luda gb̄en̄ p̄ingi. Itali b̄usudeen̄ ì kpàawa. <sup>25</sup> Luda gb̄ek̄ee keare a p̄ingi.

## YEMISI

### *Yṣagwana*

<sup>1</sup> Yemisi, Luda kṣn Dii Yesu Kirisio zòbleri bé à ì kpà Isaraili bori kuri awεεplaaa kè aṣṣ fāakṣananṣa.

<sup>2</sup> Ma gbēnṣ, nawēa borii pari. À pò kè eé a lee die pṣnna yā ũ, <sup>3</sup> zaake á dṣ kè a ludanaanεkεna yṣagwana é mεna iare. <sup>4</sup> À tó mεna papaawa, le àgṣ de gbē kàsarano ũ wásawasa yāke kēsānaawaa sai. <sup>5</sup> Tó ṣndṣṣ e kēsāa a gbēkea, à wée ke Ludaa, eé à gba, zaake è baade píngi gba pò nṣεo do taari'ena sai. <sup>6</sup> Tó à wée kèa sṣ, à à náane ke seka sai, zaake sekadee de lán ko vlāa bàme. Guu kè ìa kàkan, gwen è gbēen. <sup>7</sup> Gbē beee taka tóngṣ daa é pò e Diiaro, <sup>8</sup> zaake à nṣε kuu plaplaame, ben ègṣ seka kee yā kè èe kee guu píngi.

<sup>9</sup> Takaasidee kè kú wa té pṣnnaa ke, kè Luda à sè lezī yānzi. <sup>10</sup> Auzikidee pṣnnaa ke, kè Luda à bùsa yānzi, zaake auzikideenṣ é gē zéla lán lávu kwena bàme. <sup>11</sup> Ṗfāntē è fεε kṣn à puusu gbāaa, à lá è kori kú à vú è kwé à maakεε è yāa. Len auzikidee é kpá guuzi a bṣkṣtenano guu le.

<sup>12</sup> Aubarikadeen gbē kè è yṣagwana fṣ ũ, zaake à bṣna maaa gberan Luda é auzenna kè à à lé gbē gbē kè aṣṣ yeazinṣne kεne yàari ũ. <sup>13</sup> Tó yṣagwana gbē lè, àton be Ludanlo, zaake weé fṣ wà Luda yṣ wà gwa kṣn à zaaaoro, bensṣ àpi è gbēke yṣ à gwa kṣn à zaaaoro. <sup>14</sup> Baade yṣagwana è bṣ à pónidεna kiiame, ben è à wée ble à à gáε. <sup>15</sup> Ben pónidεna pì è nṣ sí à né i durun ũ. Tó durun bíta kù sṣ, è gaa ime.

<sup>16</sup> Ma gbē yenzideenṣ, àton a zīnda sāsāro. <sup>17</sup> Gba maa wásawasa píngi è bṣ musu De Luda pò gupurinṣ Kèri kiiame. È liero, à gupura'i è lagoro. <sup>18</sup> À pṣyezi guu à wa i kṣn a yā yápuradeeo, le wà e wàgṣ aε à pókεnanṣ té.

### *Yamana kṣn à kεnao*

<sup>19</sup> Ma gbē yenzideenṣ, à yā kè ma. Àgae yā ma kpakpaa a píngi, mṣde àton yā o kpakpaaro, àtongae pṣ fε kpakpaaro. <sup>20</sup> Zaake gbēntee pṣfē è mó kṣn yā maaa kè Ludaa yezioro. <sup>21</sup> Beee yānzi à ṣ kpá dà zaaa kṣn yā pásī kè dàgulaanṣzi píngi. À yā kè wà tṣ a swēn, kè eé fṣ à a mì sí sí kṣn zīndabusanao.

<sup>22</sup> Àton a zīnda sāsāro, àton yā pì ma kṣn swāo páro, à zīi kea. <sup>23</sup> Zaake gbē kè è yā ma, ben è zīi keoroo de lán gbē kè èe a zīnda gwaa dígi guu bàme. <sup>24</sup> À zīnda gwana gbera, tó à gē zéla, lán à de nà è sán gṣṣme. <sup>25</sup> Gbē kè wée té Luda doka papanazi kè è tó wà gṣ wēeneno ũ, ben ègṣ gaao aε, è ma à sánlo, è zīi keame, Luda é aubarika da adeen à yákenan.

<sup>26</sup> Tó gbē a zīnda diε dṣnziri ũ, ben è a lé fṣro, èe a zīnda kekεeme, èe dṣnzi kee páme. <sup>27</sup> Dṣnzikεna wásawasa kè taari vī De Ludaneroon yè: Wà toneno kṣn gyaanṣṣo gwa aṣ wēndakeε guu, wàgṣ wa zīnda kúna dṣ gbāsī sai anduna yā musu.

## 2

### *Gbē wée gwana*

<sup>1</sup> Ma gbēnṣ, amṣa kè eé wa Dii Gakuide Yesu Kirisi náane kεenṣ, àton gbē wée gwaro. <sup>2</sup> Tó gbē gē a kakṣana guu vura tānga kṣn pókāsā tékenao dana, tó takaasidee kè bisa kāsā gbāsī dana gē se, <sup>3</sup> tó a wée té gbē kè pókāsā tékena danazi, tó a bène à mó à vεε gumaaan, tó a bè takaasideene à gá à ze kāa, kesṣ à mó à vεε a gbá saε, <sup>4</sup> ée kṣ tē boome, ée yā gwaa mṣnafikion gweroo?

<sup>5</sup> À ma, ma gbē yenzideenṣ. Luda gbē kè aṣṣ de gbāasaideenṣ ũ anduna gbēnṣne sè aṣṣ gbāa à náanekεna guu, le wà kpata kè à à lé gbē gbē kè aṣṣ yezinṣne ble. <sup>6</sup> Apinṣ sṣ, ée gbāasaidee pṣno kpe bṣṣ. Auzikideenṣ bé wè gbāaa bleawaroo? Aṣmbe aṣè a gáε wà gáao

yákpaekekiiaroo? <sup>7</sup> Aĩmbe ašè tó nnaa kè kúawaa yakaroo? <sup>8</sup> Luda doka mĩdee bè àgõ ye a gbèdaaazi lán a zĩnda wèndi bà. Tó á yá pì kúna yápara, ée yá kee a zéame. <sup>9</sup> Tó ée kó wée gwaa sã, ée durun keeme. Doka pì vèewa a gõ taarideenõ ùn gwe. <sup>10</sup> Zaake tó gbè doka kúna píngi, tó à fù mèn dooa, à gõ taaridee ù à píngi guume. <sup>11</sup> Luda bè àton zina kero. À bè dõ àton gbè dero. Baa tó née zina kero, tó n gbè dè, n gõ dokadarisaidee ùme. <sup>12</sup> Amõa kè Luda é yá gõgõao doka kè è tó wà gõ wèeneno ùu musu, àgae yá o àgae yá ke lán à kã siao nà. <sup>13</sup> Luda é yákpae ke kõn sùusaideenõ sùu sai, mode yá é bõ kõn sùudee nna.

### *Ludanaanekena kõn maakenao*

<sup>14</sup> Ma gbẽnõ, tó gbè bè ée Luda náane kee, tó è pòke kero, bó yãn gwee? Ludanaanekena beee taka é fõ à à mì sí? <sup>15</sup> Tó a gbè mèn do, gõgbè ke nõgbè e pókãsa kõn pòblee takaasi kee, <sup>16</sup> tó a gbèke bène: Luda n gba aafia! Nton tó ãa n dero! N pò ble n kã! Tó è wèndibadõbõ kpáaro, bõn beee ùu? <sup>17</sup> Leme se ludanaanekena ado pòkekesai né yá gème.

<sup>18</sup> Tó gbè n bè, née Luda náane kee, bensõ mée yá kee, mé benne, n n ludanaanekena pòkekesai õbame, mé ma ludanaanekena õbanne ma yãkena guu. <sup>19</sup> N si kè Luda mèn dome. À maa. Baa tãanõ se, aõ dõ le, ben ašègõ lugalugaa. <sup>20</sup> Misaide! Pó kè tó ludanaanekena pòkekesai pã, n yezi mà kãnnè n õzĩ? <sup>21</sup> Kè wa dezi káaku Ibraĩ a né Isaaku kpà sa'opõ ù, yá e bõo nna à yãkena yãnziroo? <sup>22</sup> N ès? À ludanaanekena kõn à yãkenao kpákõzime. À yãkena bé à à ludanaanekena bõezi. <sup>23</sup> Ben Luda yá kèkii pàpa kè à bè, Ibraĩ Luda náane kè, ben Ludaa tó yá bõo nna a náane kè à kè yãzi. Ben wà tó kpàne Luda gbẽnna. <sup>24</sup> Á ès? Yãkena bé è tó yá bõ gbèo nna, èe ke ludanaanekena adonlo. <sup>25</sup> Leme dõ kaarua Rahabu kè nna kõn Ludao a yãkena yãzi, gurõ kè à gu'asiigwarinõ diè à n gbare zé kpai guu. <sup>26</sup> Lán mè ninisai de gè ù nà, len ludanaanekena pòkekesai de gè ù le se.

## 3

### *Léřna*

<sup>1</sup> Ma gbẽnõ, àton ke yádannerinõ ù pariõ, zaake á dõ kè Luda é wée piti wa yádannerinõa yákpaekegurõ zĩ de gbè kpaaanõla. <sup>2</sup> Wa píngi weègõ zãa yãa baabõreme. Tó gbè lé è à ásarõ kero, taarisaideeme, ée fõ à a mè píngi gbãaa fõ. <sup>3</sup> Weè aizi ká sõne, le à wa yá ma yãnzime, ben weè à mìle ble. <sup>4</sup> Kesõ à goro'ite gwa ísiaala. Baa kõn à bítakeeo kõn zàga'ĩa gbãaa kè è vuao, à fibõ néngome. Àmbe è à mìle ble, ben à firi è a poyezi dane. <sup>5</sup> Leme sõ, néne né mègu néngome, ben è ãa dã kõn yá bítão.

À gwa lán té néngõ è sè bíta kpáta nà. <sup>6</sup> Néne de lán té bàme, àmbe anduna zaaa ù wa mè guu. È tó gbãsi gõ kpá wa mèa píngi. Gèwãate bé è nakõre nénea, ben néne è té kpá wa anduna kuunan. <sup>7</sup> Gbẽntee nõbõsètenõ tòto kè píngi kõn bãanõ kõn pótãa'onkuseanõ kõn kpõnõ, à kpé èe kee ai tia, <sup>8</sup> mode gbèke è fõ à a néne tòto kero. Àmbe pò zaaa kè è ze teeroo ù. À pana sewettõ. <sup>9</sup> Nénen weè Dii wa De sãabu kpáo, ben weè eara wà gbẽntee kè à kè lán a bà káo dõ. <sup>10</sup> Lé dõnkõ pìn sãabukpana kõn gbèkanao è bõn. Ma gbẽnõ, àtongõ de lero. <sup>11</sup> Íbõkii è í nna kõn í kyãkyão bõ wèe dõnkõ guu? <sup>12</sup> Ma gbẽnõ, kãkã lí é né i kù ús? Geepi lí é né i kãkãa ús? Leme dõ íbõki í sùkusukudee é í nnaa bõro.

### *Õndõ kè è bõ musu*

<sup>13</sup> A té, dén yãdõri õndõdee ùu? À õbãne a kuuna maa guu kõn a yãkenanõ kõn zĩndabusana kè è bõ õndõ guuo. <sup>14</sup> Tó á nõsegõaanõ pãsi kõn denlawetenao ví a swè guu sõ, àton ãa dãro, àton gí yãparaaziro. <sup>15</sup> Õndõ beee taka è bõ musuro, anduna pómè, a dà pómè, Ibilisi pómè. <sup>16</sup> Zaake guu kè nõsegõaanõ kõn denlawetenao kún, gwen kõyãmasai kõn yá zaa píngio ègõ kún. <sup>17</sup> Tó gbè õndõ kè è bõ musu ví, káaku ègõ gbãsi víro, à gbera ègõ

yākete vīro, è a zīnda busaíne, è gbě yā ma, à sùu papana kōn maakenao. È gbě tè boro, bensō ègō mōnafiki vīro. <sup>18</sup> Íbetemideri è kena kōo nnaa tō, ben è yā maaa kē.

## 4

### *Gbēnnakpana kōn andunao*

<sup>1</sup> Bó bé è swèe kōn lēokpakōao da a tée? Aṣè bọ a poyezi kè aṣo kōdεε keε a mēguunō kiianloo? <sup>2</sup> Èègō ye pōzi, mōde eè ero, ben eè gbě de. Èè pō ni de, ben eè pō kè ée pεea lero. Ben eè lēokpakōa ke, eè swèe ke. Á vīro, kè eè wée ke Ludaaro yānzime. <sup>3</sup> Tó à wée kè, eè ero, kè eè wée ke nòse maaaoro yānzime, zaake eègō yezi à a bōkōte ke a pōnidenanō guume. <sup>4</sup> Náanesaideenō, á dō kè gbēnnakpana kōn andunao né íbetekpana kōn Ludaonloo? Gbē kè yezi à ke anduna gbě ũu gò Luda íbεε ũme. <sup>5</sup> Kè wà kè Luda yān wà bè, Ninii kè Ludaa dà wa guu nòsegōaanō vī, ée daa yā pāameō? <sup>6</sup> Mōde gbēkeε kè Ludaa vīwao de beeela, zaake wà kè Luda yān wà bè:

Luda è íbete kpá kōn íadārinō,  
mōde à gbēkeε vī kōn zīndabusarinō.

<sup>7</sup> Beee yānzi à mì sie Ludane. Á gí Ibilisine, ée bàa síare. <sup>8</sup> Á sō Ludazi, ée sōazi. Durunkerinō, à o bọ durunn. Nòseplaadeenō, à a swè pípi. <sup>9</sup> Á sō dō kōn pōsiao kōn wēndaaō. Á a yáadōna lie sōdōna ũ, à a pōnnaa lie nòseyakana ũ. <sup>10</sup> Á a zīnda busa Dii aezi, ée a sé lezi.

<sup>11</sup> Ma gbēnō, àton kō tó zaaa síro. Gbē kè à a Yesude daa tó zaaa sì ke à à zaa bō, à Luda doka sèeda zaaa kè à à zaa bō. Tó n Luda doka zaa bō sō, à mārín n ũro, à zaaborin n ũ. <sup>12</sup> Ludan dokadieri ũ kōn yākpækεriō. Àmbe à gbě mìsina kōn à kaatenao gbāa vī. Mpi sō, dén n ũ, ke neè n gbēdaaa zaa boo?

### *Luda bà bōna*

<sup>13</sup> Á yā ma sa, amōa kè eè be, gbāa ke zia é gá mεεwi, é vεε gwe wè do, é laa tá à àre e. <sup>14</sup> Á yā kè eé a le ziaa dōs? Á dō lán a wēndi de nās? Á de lán sukāa bàme. Tó à kpà féte, ben è gē zéla gō. <sup>15</sup> Yā kè de à oon yè: Tó Dii wè, ben wá aafia, wé ke lán kè bà ke lán kè bà. <sup>16</sup> Tia sō ée ía dāa, a Luda bà bō. Íadāna beee taka borii maaro. <sup>17</sup> Gbē kè maakεna dō ben èe kerōo durun kè.

## 5

### *Kpākēna auzikideenōzi*

<sup>1</sup> Amōa auzikideenō, à yā ma sa. Á sō dō à wii lé mōnzi kè eé a le yānzi. <sup>2</sup> A auzikinō yāka, kōkōnō a pōkāsāanō blè. <sup>3</sup> A o kōtē kpà, ben à kōtēkpana pì é a da yān, ée a mè piti lán té bà. A auziki zi dì gurō zāanōa. <sup>4</sup> À ma! A kpasekēri kè aṣ a bura pōnō kēareenō blè, ben o pì yā Luda kii lè. Pōkēri pìnō wiipena gè Dii Zìkpεde swān. <sup>5</sup> A a mè nnaa mà tōtε kè a poyeziyākεna guu. A mè kpà kaatεgurō pō ũ. <sup>6</sup> A yā dà gbě maaanōla a n dεde, aṣo gíarero.

### *Mena*

<sup>7</sup> Beee yānzi ma gbēnō, àgō menaa ai Dii mógurō zī. Á gwa lán búbari è a burapō bèede kēgurō dā nà. È mena fō zaa pótōtōgurō ai kwεε. <sup>8</sup> Apinō sō, à mena fō à ze gbāa, zaake Dii mógurō kà kīi. <sup>9</sup> Ma gbēnō, àton yākete kákōziro, le Luda tón yākpae keaoro yānzi. Yākpækεri pì zεna kpεεle fá! <sup>10</sup> Ma gbēnō, annabi kè aṣ yā ò yā kōn Dii tōnō, à mena kè aṣ kè nawēakεna guu zékpae sé. <sup>11</sup> Weè be aṣ aubarika vī, kè aṣ mena fō yānzime. A Ayuba menakεna baaru mà, á mà lán Dii kēne nà zāa, zaake wēnda kōn sùuo papana Diia.

<sup>12</sup> Atēnsa ma gbēnō, àton la daro. Àton be á sì kōn ludambεεo ke tōtεo kesō pō pāndeoro. À tó a eè gō eè. À tó a auo gō auo, le yā tón vεεawaro yānzi.

### *Aduakεna ludanaanεkena guu*

<sup>13</sup> A gbēkee e nawēa kee? À adua ke. A gbēke pɔɔ nnaó? À Luda sáabu kpá. <sup>14</sup> A gbēkee e gyāa kee? Ade e sɔsi gbēnsinɔ sísí aɔ adua keke aɔ nɔsi kúa kɔn Dii tó. <sup>15</sup> Adua kè wà kè ludanaanekena guu é gyáree pì kékɔa. Dii é à gba aafia. Tó à durun kè yā sɔ, eé kēne. <sup>16</sup> Beee yānzi à a durunɔ okɔne à adua kekɔne, le à aafia e. Gbē maaa aduakena gbāa, è zīi ke maamaa. <sup>17</sup> Iliá né gbēnteeme lán wa bà. À adua kè maamaa, le lou tón maro, ben lou e tɔ tɔtɔaro ai wè aagɔ kɔn mɔ sweedooo. <sup>18</sup> À èara à adua kè dɔ, ben lou'i bɔ maamaa, tɔte pɔblee kè.

<sup>19</sup> Ma gbēnɔ, tó a gbē mèn doo kè yāpura zéa, ben a gbēke èara à à dà zéa, <sup>20</sup> agɔ dɔ kè gbē kè tò durunkeri pì bɔ sāsāzen à èara à sù, à à sì gaaame, bensɔ à lá kù durunnɔla pari.



## PITA TAKADA KAAKU

### *Tāmaa kè è n̄ n̄eroo*

<sup>1</sup> Mamoma Pita, Yesu Kirisi z̄iri bé à takada kè kè Luda gbē kè aṣo de nibonṣo ũ anduna kè guu, kè aṣo fāakṣana b̄usu kèkiinṣo guunṣone: P̄ontu, Galatia, Kapadosia, Asia k̄on Bitiniao.

<sup>2</sup> De Luda ḡiake à a d̄o, ben à a se, a ḡo à p̄o ũ k̄on à Ninii gbāaaṣo, le à m̄i sie Yesu Kirisin̄e, à aru a gbās̄i gogo. Luda gbēke k̄on aafiaṣo kaaraare.

<sup>3</sup> Wà Luda wa Dii Yesu Kirisi De s̄áabu kpá! À s̄u b̄ita guu à wa i dufu k̄on Yesu Kirisi f̄ena gaan gbāaaṣo, ben wá tāmaa kè è n̄ n̄eroo v̄i, <sup>4</sup> zaake t̄ubi kè dienaare ludamb̄e p̄i è yakaro, è gbās̄i kpáro, à maaa è yāaro. <sup>5</sup> Luda sorumi mà, le à a m̄i sí a náane kè ée k̄e yānzi, ben èe a d̄akpa k̄on a gbāaaṣo ai à gá b̄o m̄isina p̄io gupuraaṣo gur̄o z̄āanṣo. <sup>6</sup> Ée p̄onna k̄e k̄on yā p̄io, baa kè é nawēa ke ḡi f̄ete ȳagwana bori s̄anda p̄ingi yānzi. <sup>7</sup> Lán wè vura maaa d̄o té guu nà, len ȳagwana p̄inṣo e a ludanaan̄kena ȳo à gwa le, zaake a ludanaan̄kena p̄i b̄e v̄i de vura kè à gakui è yāala maama. Tó a b̄o maa, Luda é a s̄áabu kpá Yesu Kirisi sugur̄o z̄i, eé a kpe da k̄on gakui. <sup>8</sup> Baa kè ée à ero, á yezi. Baa kè ée w̄e siàle zikiro, ée à náane k̄e, ben ée p̄onna b̄ita kè ḡe onalaa k̄e, <sup>9</sup> kè ée a ludanaan̄kena gbè ee a m̄isina ũ yānzi.

<sup>10</sup> Annabinṣo ḡiake wà gbēk̄e kè Luda é keao yā ò, aṣo m̄isina p̄i yā gwà, aṣo à tàasi kè. <sup>11</sup> Kirisi Ninii kè kú n̄ guu ḡiake à nawēa kè Kirisi p̄i é k̄e òn̄e k̄on gakui kè eé e à gberaaṣo, ben aṣo w̄ete wà yā p̄i zé d̄o k̄on à gur̄o. <sup>12</sup> Ben Ludaa tò aṣo d̄o kè yā kè aṣo oo p̄i de n̄ gur̄o p̄o ũro, a p̄ome. Tia sa baarunnakparinṣo yā p̄i òare k̄on Luda Nini kè Luda p̄i z̄i b̄ona ludamb̄e gbāaaṣo. Baa malaikanṣo e ṣsi kaa yā p̄i d̄onazi.

### *Kuuna adona*

<sup>13</sup> Beee yānzi à a laasuu vu iin, àḡo a z̄inda k̄una d̄o, a w̄e ḡo d̄o gbēk̄e kè Luda é keare Yesu Kirisi sugur̄o z̄izi seka sai. <sup>14</sup> Lán á de Luda né kè aṣo à yā maanṣo ũ nà, àton tó dà zaaa kè á v̄i yā a w̄esiagur̄o d̄bare aero. <sup>15</sup> Ludaa kú adoname. Lán à a sisi à a se nà, àḡo kú adona a yākena p̄ingi guu. <sup>16</sup> Zaake wà kè Luda yān wà bè:

Àḡo kú adona,  
zaake má kú adoname.

<sup>17</sup> Zaake Luda é yākp̄e ke k̄on baadeo a yākena n̄ w̄e gwana sai, tó ée à sisii De, à v̄ia k̄ene a nib̄k̄e guu kè. <sup>18</sup> Á d̄o lán Luda a b̄o kuuna kori kè de a f̄eakaarayā ũu guu nà. Ludaa e a bo k̄on p̄o kè à gakui è yāaro lán vura ke kondogi bà, <sup>19</sup> à a bo k̄on Kirisi aru gakuideeome, kè de lán s̄ane b̄ro kè b̄ogbe v̄iro à gbās̄i v̄iroo bà. <sup>20</sup> Luda ḡiake à à dīe zaale èe anduna k̄ero, ben à b̄oore gupuraaṣo gur̄o z̄āa k̄enṣo z̄i. <sup>21</sup> Beee yānz̄in ée Luda náane k̄ezi. Luda à b̄o gaan à gakui kp̄aa, le à e à a náane ke, a w̄e ḡo d̄ozi.

<sup>22</sup> Lán m̄isina yāpuraane a gbās̄i ḡogo nà, ben á gbēk̄e v̄i k̄o m̄onafiki sai, àḡo yek̄zi k̄on n̄seṣo do. <sup>23</sup> Luda a i dufu k̄on a yā w̄endidee kè èḡo kuu gbāaaṣo. Yā p̄i de p̄oborii kè è gaa ũro, p̄oborii kè è garoom̄e.

<sup>24</sup> Baade p̄ingi de lán s̄e bàme,  
aṣo gakui de lán s̄evu bàme p̄ingi.

S̄e è gaga, à v̄u è kwé,

<sup>25</sup> m̄ode Dii yā èḡo kuu gur̄o s̄anda p̄ingi.  
Yā p̄i bé à de baaru nnaa kè wà kp̄aree ũ.

<sup>1</sup> Beee yānzi à yā zaa píngi tó kǎn egetona píngio kǎn mǎnafikio kǎn nǎsɛgǎaano kǎn kǎnyakanao. <sup>2</sup> Lán nǎkpǎntǎnǎn ɛgǎ yǎ'i nǎ dɛɛ nǎ, àgǎ Luda yā kɛ dɛ lán zwi'ipu wásawasa bà nǎ dɛɛ lɛ se, lɛ à e à bíta kǎ a mǎsina zé guu, <sup>3</sup> tia sa kɛ á dǎ kɛ Dii maa. <sup>4</sup> Á sǎzi, àmbe gbɛ wǎndidee kɛ wà gǎzi ũ, mǎde Luda à sɛ bɛɛdee ũ. <sup>5</sup> Apinǎ sǎ, àmbe gbɛ wǎndidee kɛ Ludaa e a kpé ɛɛ booonǎ ũ. Ámbe à gbǎgbǎrinǎ ũ, eɛ saa kɛ è kǎn o kǎn à Ninii gbǎaaao Yesu Kirisi gǎzǎ. <sup>6</sup> Zaake wà kɛ Luda yǎn wà bè:

N gwa, mɛɛ gbɛ diɛɛ Zayǎn,  
ɛdaɛgbɛ bɛɛdee kɛ má sɛ ũ.

Wí é gbɛ kɛ è à náanɛ kɛɛ kǎro.

<sup>7</sup> Á dɛ gbɛ bɛɛdee ũ amǎa kɛ ée à náanɛ kɛɛnǎnɛ, mǎde à dɛ lɛ gbɛ kɛ aǎɔe à náanɛ kɛɛroonǎnɛro.

Gbɛ kɛ kpéborinǎ pǎ kpàzi

bé à gǎ kpé gooda gbɛ mǎdee ũ.

<sup>8</sup> Lɛmɛ dǎ à dɛ:

Gbɛ kɛ wɛ gǎn sía ũ,

gbɛsi kɛ wɛ kpáàla wà lɛɛ ũ.

Aǎ gǎn sía, kɛ aǎɔe Luda yā daro yānzi. Lɛn Ludaa diɛnɛ lɛ.

<sup>9</sup> Ámbe borii kɛ Luda nǎ sɛnǎ ũ, kǎnanǎ kǎn sa'orinǎ ũ, à gbɛ kɛ aǎɔ kú adonano ũ, lɛ àgae Luda kɛ à a sisi a bǎ gusiaan, à gǎao a gupura bǎnsaɛ guu sáabu kpá.

<sup>10</sup> Á dɛ Luda gbɛnǎ ũ yǎro,

mǎde tia a gǎ nǎ ũ.

Ludaa e sùu kɛao yǎro,

mǎde tia à kǎao.

### *Kuuna ludanaanɛkerisainǎ té*

<sup>11</sup> Ma gbɛ yenzideenǎ, lán á dɛ nibǎ kǎn bǎamǎnǎ ũ nǎ anduna kɛ guu, mɛɛ lé daaawame, à mǎ kɛ a dà zaaa kɛ aǎɛ zǎ kǎaonǎa. <sup>12</sup> Àgǎ kuu gbɛ bɛɛdeenǎ ũ kifinǎ té. Lɛmɛ baa tó aǎ a diɛ zaakerinǎ ũ, tó aǎ yā maaa kɛ ée kɛnǎ è, aǎɛ Luda sáabu kpá gurǎ kɛ eé mǎnzi.

<sup>13</sup> Á mǎ siɛ ikodee kɛ gbɛntee diɛnǎnɛ nǎ píngi Dii yānzi, kǎna kɛ gbǎa ví dɛnlaan yoo,

<sup>14</sup> ke gbǎadee kɛ à diɛ à wɛɛ tǎ zaakerinǎa à maakɛrinǎ sáabu kpá. <sup>15</sup> Luda pǎyezín yɛ:

A yǎmaakɛna sáabu é yǎnkǎ wɛɛsiadeenǎ lé yǎtɛnɛ. <sup>16</sup> Àgǎ wɛɛnɛnǎ ũ, mǎde àton tó a gǎna wɛɛnɛnǎ ũu gǎare zaakɛna zé ũro. Àgǎ kuu Luda zǎblierinǎ ũ. <sup>17</sup> Á bɛɛ lí gbɛ pínginɛ. Àgǎ ye a Yesude daanǎzi. Á vía kɛ Ludanɛ. Á bɛɛ lí kǎnanɛ.

<sup>18</sup> Zǎkɛrinǎ, à mǎ siɛ a diinǎnɛ, à bítakeɛ dǎnɛnɛ yā píngi guu. Èe kɛ dii maa nǎsɛdodeenǎnɛ nǎtɛnlo, mǎde kǎn nǎ gbɛ pǎsǎnǎomɛ se. <sup>19</sup> Tó wà wɛɛ tǎawa pǎ, tó a mɛna fǎ Luda yānzi,

bee sáabu víare. <sup>20</sup> Tó wà a gbɛ a taari yānzi, tó a mɛna fǎ, bee tó nnaa ví máa? Mǎde tó a

nawɛa kɛ yā maaa kɛ á kɛ yānzi, tó a mɛna fǎ, Luda é a sáabu kpá. <sup>21</sup> Beee yānzín Luda a sisi à a sɛzi. Kirisi nawɛa kɛare, à zé bǎbaare, lɛ àgǎ té à kɛsɛgbɛzi yānzi.

<sup>22</sup> Èe durun kɛro,

wɛɛ ma à ɛgɛ tǎro.

<sup>23</sup> Kɛ wà à sǎsǎ, èe yā sínlaro. Kɛ à nawɛa kɛ, èe yā pǎsǎ ke oónɛro, à zɛ kǎn Luda yǎkpækɛri

maaaomɛ. <sup>24</sup> Ámbe à wa durunnǎ di a mǎa à gǎo lía, lɛ wa bà tǎngǎ kú kǎn durunnǎ dǎro,

wǎgǎ kú maakɛna guu. Á flǎgbɛnǎ bé wà wa gba aafia. <sup>25</sup> Zaake a sǎsǎ lán sǎanǎ bà yā,

ben a aɛ dǎ a Dǎri kǎn a Dǎkparioa tia sa.

## 3

<sup>1</sup> Nɔgbɛnɔ sɔ̄, à a zĩnda kpá a zãna. Tó ās gbɛkenɔ e Luda yã daaro, a kuuna é n̄ lie. Baa tó ée yãke oñnero, <sup>2</sup> āsé e kè á kuu gbãsi sai, bensɔ a a zĩnda kpàríma. <sup>3</sup> Àton tó a nɔmaakεε gɔ̄ mɛbaa pɔ̄ ũro, mitãna ke nɔmaablebɔnɔ ke pókãsadanan yoo. <sup>4</sup> Mɔde àgɔ̄ de a nɔse guu yã kè è yãaroo ũ, nɔseyĩ kɔn zĩndabusanao. Beee bé à bèe vĩ Ludanε. <sup>5</sup> Zaakε len nɔgbɛ dɔnziri kè ās wéε dɔ Ludazi yãanɔ n̄ zĩnda kèkε le, ās n̄ zĩnda kpà n̄ zãna. <sup>6</sup> Len Sara de le, è Ibraĩ yã ma, è à sísi Baa. Tó ée yã maaa kεε, tó ée pɔ̄ kè wè vĩa kenε yã daaro, a Sara dà sɛn gwe. <sup>7</sup> Gɔgbɛnɔ sɔ̄, àgɔ̄ kúnyo nɔgbɛkεε dɔnañne guu, àgae yã mañma, le pɔ̄ke tón kpáare a aduakεna guuro, zaakε á de wèndi ghablerinɔ ũ ledome.

<sup>8</sup> Beee gbera àgɔ̄ ledole vĩ kɔo a píngi. Àgɔ̄ kɔ wènda dɔ, àgɔ̄ yekɔzi, àgɔ̄ gbɛkεε vĩ kɔo, à busakɔne. <sup>9</sup> Àtongae à zaa fĩa bo kɔn à zaaoro. Àtongae gbɛ kè à a sɔ̄sɔ̄ sɔ̄sɔ̄ro. À sa maaa one, zaakε Luda a sisi, le à aubarika daagu yãnzime.

<sup>10</sup> Gbɛ kè yezi a wèndi gɔ̄ maa, bensɔ à yezi a kuuna gɔ̄ nna, à a lé kú kɔn yãzaa'onao, àton tó εgεε bɔ a lénlo.

<sup>11</sup> Adeε kpeε li à zaaanε, à à maaa ke, à aafia zé wete, àgɔ̄ tézi.

<sup>12</sup> Zaakε Dii ègɔ̄ gbɛ maaanɔ tãasi ke, è swã kpá n̄ aduakεnanɔzi, mɔde è mìkpeε zu zaakerinɔne.

### *Nawɛakεna maakεna yãnzĩ*

<sup>13</sup> Tó á aĩa vĩ kɔn maakεnao, dé bé eé wéε tãawaa? <sup>14</sup> Baa tó a nawɛa kè maakεna yãnzĩ, à aubarika vĩ. Àtongae vĩa ke ās wétãmmananero, àton tó a swè degero. <sup>15</sup> À Kirisi dɔ Dii ũ a swè guu. Àgɔ̄ kú soru guu gurɔ píngi, le à e à yã we gbɛ kè èe a laa yã kè á wéε dɔzi mìzila. <sup>16</sup> Àgae oñne busebuse kɔn bèelinnenao. À oñne kɔn nɔsepuraaoo dɔ, le wí gbɛ kè āsɔe a sɔ̄sɔ̄ a yãmaakεna Yesu zén yãnzinɔ kú. <sup>17</sup> Nawɛakεna Luda pɔyezi guu yãmaakεna yãnzĩ maa de nawɛakεna yãzaakεna yãnzila.

<sup>18</sup> Kirisi gà gèn do durunkɛnnena yãnzĩ. Taarisaidee gà wamɔwa taarideenɔ yãnzĩ, le à e à gáwao Luda kiia. Wà à dè mɛbaa guu, ben Luda à vù ninikεε guu. <sup>19</sup> À ninikεε pì guu à gàa à waazi kè gèwãadee kè wà n̄ ká kpésiaannɔne. <sup>20</sup> Ās bɔ Luda yã kpeεme yã, gurɔ kè à mɛna ai Nuu gàa à góro'ite kè à yãao. Gbɛ kè ās bɔ ín aafia góro pì gãzĩnɔ̄ pariro, gɔ̄n sɔraagɔ̄mε. <sup>21</sup> Í pì bé à de a batisikεna kè è a mì sí tiaa taka ũ. Batisikεna pì né mè gbãsiogogona yãnlo, légbɛna Ludanε kɔn nɔsepuraaome. È n̄ mì sí, kè Yesu Kirisi bɔ gaan yãnzĩ. <sup>22</sup> À gbãaa blè malaikanɔa kɔn tãanɔ kɔn n̄ gbãadeenɔ kɔn n̄ ikodeenɔ, ben à tà ludambε, à kú Luda ɔplaazi.

## 4

### *Bɔna kuuna ziin*

<sup>1</sup> Lán Kirisi nawɛa kè a mɛbaan nà, apinɔ se à nɔse beee bori sé, zaakε gbɛ kè nawɛa kè a mɛbaan, adeε mì kè durun-amε. <sup>2</sup> Gurɔ kè gɔ̄are a kuuna guu, a dà zaaa tóngae dɔare aε dɔro, sé Luda pɔyezi. <sup>3</sup> A kuuna kifinɔ yãkεna guu yãa mò le. Yã á kú wísaiyãkεna guu kɔn mɛbaayã nidenao kɔn wèdekεnao kɔn pãpã kɔkɔo kɔn wémikɔkɔ bèeo kɔn tãagbãgbãna kè Luda zàn-o. <sup>4</sup> Kè èe kakɔañyo ās pãpã bíta pì kεna guu dɔro, è kɛñne yãbɔnsae ũ, ben āsé a tó zaaá sí. <sup>5</sup> Āsé n̄ yãkenanɔ tókε Ludanε, kè à yãkpaekεna kɔn gbɛ bèenɔ kɔn gèwãadeenɔ sorumi mà. <sup>6</sup> Wà baaru nnaa kpà baa gèwãadee pinɔne se, le ās e wàgɔ̄ kú ninikεε guu lán Luda bà, baa kè yã vèrĩmma mɛbaa guu lán gbɛ píngi bà.

### *Ludayádarinɔ*

<sup>7</sup> Pó píngi yāana kà kīi. Beee yānzi àgō kuu làakarideenō ũ, àgō a zīnda kūna dō, le àgō adua kee yānzi. <sup>8</sup> Yā kè de à píngilaan yè: Àgō yekōzi kōn nòseo do, zaake yenzi è pó kúe durunnōa pari. <sup>9</sup> À kō yàari ke yāketekana sai. <sup>10</sup> Lán Luda gba dà a baadenē nà, à dōokōle ludangba bori doodo zīkeri maaanō ũ. <sup>11</sup> Gbē kè de waazikeri ũ, à Luda yā oñe. Gbē kè de dōnleri ũ, à dōnle kōn gbāaa kè Luda à gbào, le à Luda tó kpá yā píngi guu Yesu Kirisi gāzī. Àmbe à gakuí vī kōn gbāaa guo píngi! Aami.

### *Nawēakena tena Yesuzi yānzi*

<sup>12</sup> Ma gbē yenzideenō, àton tó yōagwana pāsī kè èe a lee bō a sae lán yā dufu bé à a lee bàro. <sup>13</sup> Lán a bà kú Kirisi nawēakena guu nà, à pōnnaa keo, le à e àgō pōnna bíta vī guo kè Kirisi pì é bō gupuraa kōn gakuio. <sup>14</sup> Tó wà a sōsō Kirisi tó kè kúawa yānzi, á aubarika vī, zaake Luda Nini Gakuidee kúawa. <sup>15</sup> A gbēke tón nawēa ke gbēdena ke kpāi'ona ke zaakena ke gude yānzīro. <sup>16</sup> Tó a nawēa kè a Yesudeke yānzi, àton keare wíyā ũro. À Luda sáabu kpá ke Yesu tó kúawa yānzi. <sup>17</sup> Zaake wétāmmaguro kà, Luda gbēnōn à nàaño. Lán wámbe à nàawao káaku nà, eé mì de kōn gbē kè aō gi Luda baaru nnaa mazinōo diamē?

<sup>18</sup> Zaake gbē maaanō mīsina kè zī'ū, yā é bō kōn ludayādarisainō kōn durunkerinōo diamē?

<sup>19</sup> Beee yānzi gbē kè aōe nawēa kee Luda poyezi guunō n zīnda na n Kèri náanēdeenē a ozi, aōo kpé gō yā maa kee.

## 5

### *Luda sà kpàsa gwana*

<sup>1</sup> Mée lé daa a gbēnsinōa sa. Gbēnsin ma ũ se. Má de nawēa kè Kirisi kè sèedadee ũ, bensō ma bà kú kōn gakuí kè eé bō gupuraaao se. <sup>2</sup> Àgō de kpàsa kè Ludaa kàearee dàrinō ũ. À o ligazi kōn poyezinao, èe ke tiasinlo, lán Ludaa yezi nà. Èe ke oowetena yānzīnlo. À ke kōn nòseo do. <sup>3</sup> Àtongae gbāaa ble gbē kè wà n náare a ozi pìnōaro. À tó a kuuna gō a sāa pìnō daa zéa, <sup>4</sup> é kífura kè à gakuí è yāaroo e guo kè Sādāriki é mó.

<sup>5</sup> A gōkparenō sō, à a zīnda kpá gbēnsinōa. A píngi à a zīnda busakōne, zaake: Luda è íbete kpá kōn íadārinō, mōde à gbēkee vī kōn zīndabusarinō.

<sup>6</sup> Beee yānzi à a zīnda busa Luda gbāadeenē, eé a sé lezī guo kè à diēa. <sup>7</sup> À a yā'ōammanō tōne píngi, zaake è làakari dōawa.

<sup>8</sup> A wée gō dō, àgō kú a làakaria. A íbee Íbilisi de lán músu ódōri bàme. Èe kpáe keeazi, èe gbē weteē à kú. <sup>9</sup> À gíne, à ze gbāa ludanaanekena guu, zaake á dō kè a Yesude daa kè aōo kú anduna guunō n píngi e nawēa dōnkō pì keeme se. <sup>10</sup> Luda Aubarikapingide a sisi a gakuí kè è yāarooa Kirisi guu. Tó a nawēa kè féte, eé a bō maa, eé a ze gíngin, eé a gba gbāaa, eé a kāsāa pée. <sup>11</sup> Àmbe à gbāa vī ai guo píngi! Aami.

### *Lézammana*

<sup>12</sup> Wa gbēndo Silasi bé à lá néngo kè kēmēare. À kuume gbē náanēdee ũ. Ma lé dàawa, má de à sèedadee ũ kè yā kè má ò de Luda gbēke yāpuraa ũ. À zeo gíngin. <sup>13</sup> Babilōnu gbē kè Luda n sé lán a bānō ì kpàawa. Ma né Maaku ì kpàawa dō. <sup>14</sup> À ì kpákōa kōn lépekōanao yenzi guu. Luda amōa kè á kú Kirisi guunō gba aafia a píngi.

## PITA TAKADA PLAADDEE

### *Yapurakpana sisina kè Luda wa sisia*

<sup>1</sup> Ma Simo Pita, Yesu Kirisi zòbleri, à zìri, mámbe ma takada kè kè gbê kè wa Luda wa Mìsiri Yesu Kirisi n' gbá zé aó a náane kè lán wa bà a maakeε gāzĩnɔne. <sup>2</sup> Gbêke kɔn aafiao gō papanaawa Luda kɔn wa Dii Yesuo dōna guu.

<sup>3</sup> Luda wa se wāgō kú a gakui kɔn a maakeεo guume, à tò wá a dō, ben à ludakegbāaa wa gba pò kè kō sio wāgō vīi, le wa kuuna e à ke sēnkpe kɔn à yāo. <sup>4</sup> Len à yā bíta bèede kè à à lé gbèweeno kèwe le, le à yānzi wà bɔ anduna dà zaaa kè è n' yaka guu wà Luda kuuna taka sé. <sup>5</sup> Yā beee yānzi à aīa ke maamaa, à Luda náane ke maakeεna guu, à yā maaa ke dōna guu, <sup>6</sup> àgō dōna vī a zīnda kūna guu, àgō a zīnda kūna dō mena guu, àgō mena vī nana Ludazi guu, <sup>7</sup> àgō nana Ludazi kōgbêkeε guu, àgō gbêkeε vī kōo yenzi guu. <sup>8</sup> Zaake tó á yā beeenɔ kūna, ben aōɔe kaara, égō kuu pā kaarana sairo wa Dii Yesu Kirisi dōna guu. <sup>9</sup> Gbê kè yā beeenɔ kūna sōro, à a wée kpākōre, à gō vīa ūme. À sán kè Luda durun kè à kè yāanɔ kèare. <sup>10</sup> Beee yānzi ma gbēnɔ, à aīa ke à yāpura kpá sisina kè Luda a sisi à a seεa. Tó ée yā beeenɔ keε, é fu zikiro. <sup>11</sup> Len weé gbāakeε kpáazi maamaa le, égō kú kɔn wa Dii wa Mìsiri Yesu Kirisio à kpata kè è yāaroo guu.

<sup>12</sup> Beee yānzi, baa kè á yā beeenɔ dō, bensō a kāsāpεena yāpuraa kè á kūna guu, mégō yā pìno dɔagume. <sup>13</sup> Gurɔ kè má kpé kú ma sò guu, méε daa à maa mājō té kaaagu yā pìno dɔaguna yānzi. <sup>14</sup> Má dō kè ma bɔna ma sòn gurɔ é ká tia, lán wa Dii Yesu Kirisi gīake à òme nà. <sup>15</sup> Mé aīa ke, le yā pìno e àgō dɔagu gurɔ pìngi ma gaa gbera.

### *Kirisi gakui sèedadeenɔ*

<sup>16</sup> Kè wa wa Dii Yesu Kirisi suna kɔn gbāaaò òare, wée té gara kè wà dà kɔn òndɔɔziro. Wa wée sī à bitakeεleme, <sup>17</sup> gurɔ kè De Luda bèe līne à à tó bò. À Luda bíta gakuide kòto mà à bè a Né mèn do léle yenzideen à ū, à yā è káare. <sup>18</sup> Wa kòto kè bò ludambεε pì mà gurɔ kè wá kúo kpīi kè à kú adona musu. <sup>19</sup> Beee òdɔawe kè yā kè annabinɔ ò né yāpurame. À maa à làakari dɔ yā pīa fitia kè èe gu b̀gubugu puu ū ai gudɔnao sɔsɔne gō gá fεe a swèn, le guu dɔawa. <sup>20</sup> À kè deñlaa sa àgō dō kè gbêke è fō à yā kè annabi kè Luda yān b̀kòte a zīndaro. <sup>21</sup> Annabinɔ yāke è bɔ gbēntee poyezi guuro, aó Luda yā ò lán à Ninii d̀nne ae nàme.

## 2

### *Egeyādannerinɔ*

<sup>1</sup> Annabi egeεnɔ b̀ yā Isarailanɔ té. Len egeyādannerinɔ é bɔ a té le se. Aóé egeε kè è tó wà kaate ká Luda yādannεn, aó lé sé Dii kè n' bózi, aóé n' zīnda kaate kāndo. <sup>2</sup> Weé téñzi pari aó wísai yākena guu, weé yāpura zé zaa bo aó yānzi. <sup>3</sup> Aó wākūkεna guu aóé a ble kɔn egeε kè aóé bleao. Yākpae v̀eñma à gī kè, ii è na n' Kaateri wéenlo.

<sup>4</sup> Zaake Ludaa e malaika kè aó durun kènɔ tóro, à n' ká kokotēweε siaa kè kú gīzīgīzī guu, àgō n' kūna ai yākpaeεgurɔ zī. <sup>5</sup> Èe anduna zi kɔn a yādarisaidee kè aó kú à guunɔ tóro, à tò í dàñla. Mòde à Nuu kè è maakeεna waazi keε b̀ kɔn gōɔn swεεplaa pāndenɔ. <sup>6</sup> À yā dà Sɔdɔmu kɔn Gɔmɔraola à n' káate aó gō túbu ū, à n' ké le yā kè eé ludayādarisainɔ lee sèeda ū. <sup>7</sup> Mòde à Lutu b̀, gbê maaa kè à ǹse yāka dokadarisaidee pìno wísaiyākena yānzi. <sup>8</sup> Gbê maaa pì kú n' té, yā zaaa kè èe ee bensō èe maa lán guu e dɔo nà òa kè à ǹse maa yānzi. <sup>9</sup> Tó leme, le Dii gbê kè naaziinɔ bɔna yōagwana guu zé dō, bensō à gbê zaaa kūna dō le à wée taa yākpaeεgurɔ zī. <sup>10</sup> À pāsīn sa gbê kè aóé kya ká dokannɔ ū, aó mè dà zaaanɔ bé è d̀nne ae gbāsīkena guu.

Eggyādanneri pìnɔ né kùgbāade wadadeenɔmɛ. Dɔkena kɔn malaika gakuideenɔ è n̄ v̄ia kũro. <sup>11</sup> Malaika kè aɔ gbāa kɔn n̄ ikoo de eggyādanneri pìnɔlaanɔ è we wà n̄ tɔ zaaa sí aɔ yā dir̄ma Dii aero. <sup>12</sup> Gbē pìnɔ è yā kè aɔ à gbá d̄roo zaa bomɛ. Gbēntee báa bé à dañla, aɔ laasuu v̄iro. Wà n̄ í, le wà n̄ kũkũ wà n̄ dede yānzimɛ. Aɔé kaate lán n̄bɔnɔ bà, <sup>13</sup> weé à zaaa kè aɔ kè f̄ia boñne. Dàzaakena fáantē è keñne nna. Gurɔ kè aɔe pɔ bleeao, aɔe pɔnnaa ke kɔn n̄ pónidenanɔ. Aɔ kuuna a té né seeme kɔn gbās̄io. <sup>14</sup> Zinakena kú n̄ wéea, durunkena è móm̄maro. Aɔè mɔnafiki ke gbē kè Luda yā e kās̄aa péé n̄ guuroonɔne. Wākũ n̄ swè blè. Luda lé kèñnemɛ. <sup>15</sup> Aɔ s̄as̄ā, aɔ kè zé súusua, aɔ zé d̄nk̄ɔ sè kɔn Beɔ né Balamu kè ye ɔ zaaazio. <sup>16</sup> Zaaki p̄legboo'ina yā òne lán gbēntee bà, à kp̄k̄ēzi à zaakena yā musu, à ḡine kɔn à mìsaiyākenao. <sup>17</sup> Gbē beenɔ de lán bia kè aɔ í bàbanɔ bàme, lán lousisina kè ḡè zéla kɔn ãao bà. Gusia níginigin Ludaa dièñne yàari ũ. <sup>18</sup> Aɔè ãa kori bíta d̄ā, aɔè ònd̄ɔ ke gbē kè aɔ b̄ s̄as̄āzen dufunɔne kɔn dàzaayāo kɔn w̄isaiyāo. <sup>19</sup> Yā kè è n̄ yaka z̄onɔn n̄ ũ, ben aɔè ḡona w̄eenenɔ ũ lé gbēñne. Zaake baade píngi né yā kè à à swè blè z̄omɛ.

<sup>20</sup> Tó aɔ b̄ anduna yāgbās̄ikenan wa Dii wa M̄siri Yesu Kirisi d̄na ḡāz̄i, ben aɔ tò yā p̄i èara à n̄ kagura kè, à n̄ swè blè, aɔ kuuna z̄aa zaa de à k̄akup̄ola. <sup>21</sup> Tó aɔe yāpura zé d̄s̄ yāro, le beee maañne de kè aɔ d̄s̄ gbasa wà kp̄ee lì Luda yā kè wà dàñnenela. <sup>22</sup> Yáasi kè wà kè k̄enɔ p̄apa n̄ musu yāpura: Gbē è èara a pisizi. Leme d̄o: Aléde kè wà à zú ò è èara à máemaɛ b̄ɔtɔngammɛ.

### 3

#### *Dii mógurɔ z̄i*

<sup>1</sup> Ma gbē yenzideenɔ, lá plaadee kè má k̄eareen yè. Lá m̄en plaaa pìnɔ guu píngi ma yā d̄bagu, le à vu iin kɔn laasuu maaaomɛ. <sup>2</sup> Má yezi yā kè Luda annabinɔ ò yāanɔ d̄bagu kɔn yā kè wa Dii wa M̄siri diè a z̄irinɔne aɔ òareeo. <sup>3</sup> Àḡɔ d̄s̄ zaa k̄aku kè gurɔ z̄aanɔa z̄indap̄oyezikerinɔ é mó wà a lalandi ke <sup>4</sup> wà be: Èe a m̄ona lé gbēroo? À kú máa? Wa denɔ ḡa, m̄ode pɔ píngi kú a gb̄en zaa lán Luda anduna k̄ae n̄ame. <sup>5</sup> Kè Luda yā ò yā à musu kɔn andunao kè, aɔ yā p̄i kp̄a swākoto. À t̄ɔte b̄ò ín, à à kè í p̄i ḡāz̄i, <sup>6</sup> í p̄i bé à dà anduna k̄akup̄ola, à à k̄ate. <sup>7</sup> Luda yā'ona d̄nk̄ɔ p̄i bé à tò musu kɔn anduna tiaa k̄eo diena té pɔ ũ ai gurɔ kè eé yākp̄ae ke kɔn a yādarisaideenɔ, à n̄ kaate.

<sup>8</sup> Ma gbē yenzideenɔ, àton tó yā kè s̄aguro: Gurɔ doo de Diine lán w̄è w̄aa s̄ɔroo bàme, w̄è w̄aa s̄ɔro s̄ɔ denɛ lán gurɔ doo bàme. <sup>9</sup> Dii mèkp̄ete v̄i kɔn yā kè à à lé gb̄e kenao lán gb̄ekenɔ e daa n̄aro, èe m̄ena k̄eaaomɛ. À yezi gb̄eke kaatero, à yezi gb̄e s̄anda píngi n̄d̄se liemɛ. <sup>10</sup> Dii mógurɔ z̄i éḡɔ de lán kp̄ai m̄ona bàme. Z̄i beeeaa musu é ḡè zéla bìoo, à p̄onɔ é té kũ wà pia, t̄ɔte kɔn pɔ kè kú à guunɔ éḡɔ kuu d̄ro. <sup>11</sup> Zaake pɔ píngi é kaate le, gb̄e kp̄aree boriin éḡɔ de à ũu? À tó a kuuna ḡɔ adona ludayādarinɔ ũ <sup>12</sup> w̄éed̄na à mógurɔzi, à aña ke gurɔ p̄i k̄a kp̄akpaa. Z̄i p̄ia musu é kaate kɔn téo, à puusu w̄aaa é à p̄onɔ yó. <sup>13</sup> Wapinɔ s̄ɔ, wa w̄é d̄o ludambe dufu kɔn t̄ɔte dufuoz̄i kè Luda à lé gb̄ewe. Gwen maakena éḡɔ kún.

<sup>14</sup> Beee yānzi ma gbē yenzideenɔ, a w̄éed̄na gurɔ p̄izi guu à aña ke àḡɔ kuu see sai taari sai, àḡɔ nna kɔn Ludao. <sup>15</sup> À wa Dii m̄enakena diè m̄isina ũ, lán wa gbē yenzidee P̄olu takada k̄eare nà kɔn ònd̄ɔ kè Luda à gb̄ao. <sup>16</sup> Yā p̄inɔn P̄olu ò takada kè à k̄enɔ guu píngi. À lá p̄i gukenɔ d̄ro d̄na z̄i'ũ. W̄ésiadeenɔ kɔn gb̄e kè aɔ z̄ena gb̄aaronɔ è yā pìnɔ liè kp̄eeḡanda, lán aɔè ke nà kɔn Luda yā takada kp̄aaanɔ. Len aɔè n̄ z̄inda da kaatenan le.

<sup>17</sup> Apinɔ s̄ɔ ma gbē yenzideenɔ, lán á yā p̄i d̄s̄ nà k̄ò, à làakari ke, le dokadarisaideenɔ tón a s̄as̄ā kɔn n̄ eḡeero. Àton b̄o a zena gb̄aaan à léero. <sup>18</sup> Àḡɔ gb̄aa wa Dii wa M̄siri Yesu Kirisi gb̄eke kɔn à d̄nao guu. Àmbe à gakui v̄i zaa tia ai gurɔ píngi! Aami.

## YOHANA TAKADA KAAKU

### *Yā wèndidee*

<sup>1</sup> Yā kè kuu zaa káaku, kè wa à yā mà, ben wa à è kōn wéεo, wa à gwà, wa ɔ kèa, Yā wèndidee pì baarun wée kpaaare. <sup>2</sup> Wèndidee pì bò gupuraa, wa à è, wámbe à sèdadeenɔ ũ. Wèndidee pì kú De Luda kiiame yā, ben à bò à mòwazi. À baarun wée kpaaare. <sup>3</sup> Yā kè wá mà bensɔ wá èn wée ooare, le apinɔ se à e àgɔ kúwao kɔ gbēnɔ ũ, zaakε wá kuu kɔ gbēnɔ ũ kōn De Ludaomε kōn à Né Yesu Kirisi pìo. <sup>4</sup> Wée yā kènɔ ooare le wa pɔnnaa e àgɔ papana.

### *Luda né gupuraame*

<sup>5</sup> Baaru kè wá mà à kiia, wée kpaaareen yè: Luda né gupuraame, gusiaa kú à kiiaro, baa féte. <sup>6</sup> Tó wa bè wá kúo kɔ gbēnɔ ũ, ben wá kú gusiaan, εγεεn wée too, wée zīi ke yāpuraaro. <sup>7</sup> Tó wá kú gupuraan, lán Ludaa kú gupuraan nà, èndē wá kuu kɔ gbēnɔ ũ, à Né Yesu aru è wa durun píngi kēwa.

<sup>8</sup> Tó wa bè wá durun víro, wée wa zīinda kekεεmε, yāpuraa kúwaro. <sup>9</sup> Tó wa wa durunnɔ ò Ludanε, à náanε vī è yā ke a zéa, eé wa durun pìnɔ kēwa, eé yā zaa píngi worowa. <sup>10</sup> Tó wa bè wée durun kero, wa Luda diε εγεdee ũmε, à yā kú wa swè guuro.

## 2

<sup>1</sup> Ma né yenzideenɔ, mée yā beee ooare, le àton durun kero yānzimε. Mɔde tó a gbēke durun kè, wá zenyodee vī De Luda kiia, àmbe taarisaiide Yesu Kirisi ũ. <sup>2</sup> Àmbe wa durunnɔ agbaakpabɔ ũ. Èe ke wa durunnɔn adoro, kōn anduna píngi gbēnɔ pómε.

<sup>3</sup> Tó wá yā kè à dienɔ kūna, beee òɔawε yāpura kè wá à dɔ. <sup>4</sup> Tó gbē bè á à dɔ, ben à à yā kè à dienɔ kúnaro, εγεdeemε, yāpuraa kú à swè guuro. <sup>5</sup> Gbē kè à à yā kūna sɔ, Luda yenzi papana à guu yāpura. Pó kè eé tó wà dɔ kè wá kú à guun yè: <sup>6</sup> Gbē kè bè á kú à guu, séde àgɔ kuu lán Kirisi kuu nà yā.

### *Yā dufu diena*

<sup>7</sup> Ma gbē yenzideenɔ, èe ke yā dufun mée ooarero, yā zii kè wà diεare zaa káakumε. Yā zii pìn yā kè á mà ũ. <sup>8</sup> Baa kōn beeeo yā kè mée ooaree dufumε ɔ, wè à yāpuraa e à kiia kōn a kiiaro, zaakε gusiaa e gētεε, ben gupura yāpura e puu sa.

<sup>9</sup> Gbē kè bè á kú gupuraan, ben à za a gbēdaaan, adee kú gusiaa guumε ai tia. <sup>10</sup> Gbē kè ye a gbēdaaazi kú gupuraan, à yāke è tó gbēke furo. <sup>11</sup> Gbē kè za a gbēdaaan kú gusiaan, à té gusiaan, à dɔ guu kè èe gaanlo, kè gusiaa à vīa kù yānzī.

<sup>12</sup> Ma né yenzideenɔ, mée beee ooare kè a durunnɔ kèawa à tó gāzī yānzimε.

<sup>13</sup> Mareenɔ, mée beee ooare kè á gbē kè kuu zaa káaku dɔ yānzimε.

Gɔkparenɔ, mée beee ooare kè a zī blè Setān-a yānzimε.

Ma né yenzideenɔ, má òare kè á De Luda dɔ yānzimε.

<sup>14</sup> Mareenɔ, má òare kè á gbē kè kuu zaa káaku dɔ yānzimε. Gɔkparenɔ, má òare

kè á gbāa vī, Luda yā kú a swè guu, bensɔ a zī blè Setān-a yānzimε.

<sup>15</sup> Àtongõ ye andunaziro ke pò kè kú à guunɔ. Tó gbě ye andunazi, à ye De Ludaziro. <sup>16</sup> Zaake yā kè kú anduna guu píngi, m̀e pónidena kɔn sánkarawεεo kɔn auziki iadānao e bɔ De Luda kiiaro, à b̀o anduna kiiame. <sup>17</sup> Anduna e g̀eteε kɔn a pónidena, m̀ode ludapɔyezikeri égõ kuu gurɔ píngime.

### *Kirisi ibεε*

<sup>18</sup> Ma né yenzideenɔ, gurɔ zāan wá kún kè. Lán á mà kè Kirisi ibεε e m̀oo nà, à ibεεnɔ g̃iake wà kè pari. Beeε òɔawe kè wá kú gurɔ zāanɔa. <sup>19</sup> Gbẽ p̀inɔ b̀o wa kiiame, m̀ode wa gbēnɔnlo. Tó wa gbēnɔme yā, le aɔo kúwao. Aɔ b̀o, le wà d̃o kè aɔ gbēkee kuu wa gbẽ ũro yānzime.

<sup>20</sup> Apinɔ s̃o, Luda a Ninii diare, ben á yāpuraa d̃o a píngi. <sup>21</sup> Ma beε òare, kè á yāpura d̃o yānzime, èe ke kè á d̃oro yānzinlo. Á d̃o kè εge ke è b̀o yāpuraa guuro. <sup>22</sup> Dén εgedee ũu? Gbẽ kè g̀i Yesu mesayakεεzime. Gbẽ been Kirisi ibεε ũ, à g̀i De Ludazi kɔn à Néome. <sup>23</sup> Gbẽ kè g̀i Luda Nézi De Luda ṽiro. Gbẽ kè zè kɔn Luda Néo bé à De Luda ṽi.

<sup>24</sup> À tó yā kè á mà zaa káaku g̃o kú a swè guu. Tó yā kè á mà zaa káaku p̀i kú a swè guu, apinɔ s̃o, égõ kú Luda Né guu kɔn à Deo. <sup>25</sup> Pò kè Kirisi à lé gbèween wèndi kè è yāaroo ũ.

<sup>26</sup> Ma yā beε òare gbẽ kè aɔo a sāsāanɔ yā musu. <sup>27</sup> Amɔanɔ s̃o, Ninii kè á è Kirisia kú a guu. A bà kú kɔn gbēke yādadanaareero, zaake à Ninii e yā píngi dadaaare, à yāpuraa ṽi, εgeε kú à guuro. Lán èe dadaaare nà, àgõ kú Kirisi guu le.

<sup>28</sup> Tia sa ma né yenzideenɔ, àgõ kú à guu, le gurɔ kè à b̀o gupuraa, wa swè g̃o diena, wí tón wa kú à sugurɔro.

<sup>29</sup> Zaake á d̃o kè Ludaa maa, àgõ d̃o kè yāmaakeri píngi né à néme.

## 3

### *Luda nénɔ*

<sup>1</sup> À gwa lán De Ludaa yewazi à kè bíta nà ai è wa sisi a nénɔ. Wá s̃o de à ũ! Anduna wa d̃oro, kè èe à d̃oro yānzi. <sup>2</sup> Ma gbẽ yenzideenɔ, Luda nénɔn wa ũ tia, dian wégõ de nà e b̀o gupuraa k̀oro. Wá d̃o kè gurɔ kè eé b̀o gupuraa, wégõ de lán à bà, zaake wé wée siàle wà e lán à de nà. <sup>3</sup> Gbẽ kè wée d̃ozi le è a swè pípi, lán Kirisi swè pipina nà.

<sup>4</sup> Gbẽ kè durun kè b̀o doka kpeεme, zaake durunkena né b̀ona doka kpeεme. <sup>5</sup> Á d̃o kè Kirisi m̀o durunkennena yānzime, durun s̃o kú à swè guuro. <sup>6</sup> Gbẽ kè kú à guu égõ kpeε g̃o durun keero. Durunkeri kee e à ero, èe à d̃oro.

<sup>7</sup> Ma nénɔ, àton tó gbēke a sāsāro, yāmaakeri bé à maa, lán Kirisi maa nà. <sup>8</sup> Gbẽ kè è durun keε né Ibilisi pómε, zaake Ibilisi durun kè zaa káakume. Ibilisi yānɔ kaatena yānzin Luda Né m̀ozi. <sup>9</sup> Gbẽ kè Ludaa ì égõ kpeε g̃o durun keero, zaake Luda borii bé à kú à guu. Eé f̃o àgõ kpeε g̃o durun keero, kè Luda à ì yānzi. <sup>10</sup> Dian wá Luda nénɔ d̃ok̃ozi kɔn Ibilisi nénɔon yè: Gbẽ kè è yā maa kero ke gbẽ kè ye a gbēdaaziroo né Luda nénlo.

### *Yek̃ozina*

<sup>11</sup> Yā kè á mà zaa káakun yè: Wàgõ yek̃ozi. <sup>12</sup> Àtongõ de lán Kaini bàro. À kuu Setān pò ũme, ben à a dāaro dè. Bóyānzin à à d̃ezi? Kè à yākena zaa, bens̃o à dāaro pò maa yānzime. <sup>13</sup> Ma gbēnɔ, tó anduna zāagu, àton tó à b̀o a saero. <sup>14</sup> Wá d̃o kè wa b̀o gaan wa g̃e wèndi guu, kè wá ye wa Yesude daanɔzi yānzi. Gbẽ kè ye gbēziroo né gème ai tia. <sup>15</sup> Gbẽ kè zà a gbēdaaan né gbēderime. Á d̃o kè gbēderi ke égõ wèndi kè è yāaroo ṽi a guuro.

<sup>16</sup> Yā kè wá yenzi p̀i d̃ān yè: Kirisi a zīnda kpà wa yānzi. Wapinɔ s̃o, séde wà wa zīnda kpà wa Yesude daanɔa. <sup>17</sup> Tó gbẽ anduna pò ṽi, ben à è a Yesude daa kú pónidena guu, tó èe à wènda d̃oro, Luda yenzi kú à swè guu? <sup>18</sup> Ma né yenzideenɔ, wàtongõ yek̃ozi kɔn léoro. Wàgõ yek̃ozi yāpuraa guu kɔn wa yākena. <sup>19</sup> Beeε òɔawe kè yāpura gbēnɔn wa



ũ, gbaswa wa swè e àgõ diena Luda ae. <sup>20</sup> Tó wá laasuu e wa kù vīi sō, wá dō kè Luda bíta de wa laasuula, à yā pingi dō.

<sup>21</sup> Ma gbē yenzideenō, tó wá laasuu e wa kù vīro, wa swè égõ diena Luda ae, <sup>22</sup> kè wá yā kè à diēnō kūna, ben wée yā kè è káne kee yānzi, wé pó kè wá gbèkaa e. <sup>23</sup> Yā kè à diēween yè: Wà à Né Yesu Kirisi náane ke, wégõ yekõzi lán à diēwe nà. <sup>24</sup> Gbē kè yā kè à diēnō kūna kú à guu, Luda pì kú adee guu se. Wá dō kè à kú wa guu à Ninii kè à kpàwa yānzi.

## 4

### *Niniinō dōkōzina*

<sup>1</sup> Ma gbē yenzideenō, àton nini píngi náane kero. À niniinō tàasi ke à gwa, tó aō bō Luda kiiame, zaake annabi egēenō pari kù anduna guu. <sup>2</sup> Yā kè eé tó à Luda Nini dōn yè: Ninii kè bè Yesu Kirisi mō gbēntee ũ bō Luda kiiame. <sup>3</sup> Ninii kè Yesu dō leroo e bō Luda kiiaro. Kirisi ibee kè á mà èe mōn gwe. À sō kú anduna guu kò.

<sup>4</sup> Ma né yenzideenō, Luda gbēnōn a ũ, a zī blè annabi egēe pìnōa, zaake gbē kè kú a guu bíta de gbē kè kú anduna guula. <sup>5</sup> Anduna gbēnōn n ũ. Beee yānzin ašè yā o anduna zékpaee guuzi, ben anduna gbēnō è n yā ma. <sup>6</sup> Luda gbēnōn wa ũ. Gbē kè Luda dō è wa yā ma, gbē kè kú Luda pó ũroo è wa yā maro. Àmbe à tò wá Nini Yāpurade dōkōzi kōn nini egēdeeo.

### *Ludan yenzi ũ*

<sup>7</sup> Ma gbē yenzideenō, wàgõ yekõzi, zaake yenzi è bō Luda kiiame. Gbē kè yenzi vī né Luda néme, à Luda dō. <sup>8</sup> Gbē kè yenzi vīroo Luda dōro, zaake Ludan yenzi ũ. <sup>9</sup> Dian Luda a yenzi òdōawe gupuraa nàn yè: À a Né mèn do léle zī anduna guu, le wà wèndi e kōn à gbāaa. <sup>10</sup> Yenzi pìn yè: Èe ke wámbe wá ye Ludaziro, Luda bé à yewazi, ben à a Né zī wa durunnō agbaakpapō ũ. <sup>11</sup> Ma gbē yenzideenō, lán Ludaa yewazi le nà, séde wàgõ yekõzi. <sup>12</sup> Gbēkee e wée si Ludale zikiro, Mōde tó wá yekõzi, Ludaa kú wa guu, ben à yenzi pì papana wa guu.

<sup>13</sup> Wá dō kè wá kú à guu bensō à kú wa guu, kè à a Ninii kpàwa yānzi. <sup>14</sup> Wá è, ben à sèedadeenōn wa ũ, kè De Luda a Né zī anduna Mìsiri ũ. <sup>15</sup> Gbē kè ò gupuraan kè Yesu né Luda Néme, Ludaa kú à guu, bensō à kú Luda guu. <sup>16</sup> Wá Luda yenawazii dō, ben wá à náane vī.

Ludan yenzi ũ. Gbē kè ègõ yenzi vī kú Luda guu, ben Ludaa kú à guu. <sup>17</sup> Pó kè tò yenzi pì papana wa guun yè: Wa swè égõ diena yákpakegurō zī. Zaake lán Kirisi de nà, wapinō se, len wá de le anduna kè guu. <sup>18</sup> Yenzi pì ègõ vīa vīro. Yenzi wásawasa è pé vīaa, zaake vīa né wétamma yāme. Vīadee yenzi ègõ wásawasaro.

<sup>19</sup> Wapinō, wá yenzi vī, kè Luda gīake à yewazi yānzime. <sup>20</sup> Tó gbē bè á ye Ludazi, ben à zà a Yesude daaan, egēdeeme. Zaake gbē kè ye a Yesude daaa kè èe eeziro, eé fō àgõ ye Luda kè èe à eroozí? <sup>21</sup> Yā kè à diēween yè: Gbē kè ye Ludazi, séde àgõ ye a Yesude daaazi.

## 5

### *Luda Né náanekena*

<sup>1</sup> Gbē kè è Yesu náane ke Mesaya ũ, Luda bé à adee ì. Gbē kè ye dezi ye à nézime se. <sup>2</sup> Tó wá ye Ludazi, ben wá yā kè à diēnō kūna, beee bé à òdōawe kè wá ye Luda nēnōzi. <sup>3</sup> Zaake yena Ludazi bé à de yā kè à diēnō kūna ũ. Yā kè à diē pìnō kuu asoo ũ sōro. <sup>4</sup> Zaake gbē kè Ludaa ì è zī ble andunaame. Wa ludanaanekena bé è tó wá zī ble andunaa. <sup>5</sup> Dé bé è zī ble andunaa? Sé gbē kè sī kè Yesu né Luda Néme.

### *Yesu Kirisi sèedadeenō*

<sup>6</sup> Yesu Kirisi pìn gbē kè mō à batisi kè à a aru kwèe ũ. Èe ke batisime adoro, à batisi kè à a aru kwèe se. Luda Ninin à sèedadee ũ, zaake àmbe yāpuradee ũ. <sup>7</sup> Sèedadeenō kuu mèn

aagõme. <sup>8</sup> Luda Nini kõn í pìo kõn aru pìo. Pó mèn aagõ pìnõ píngi dõnkõme. <sup>9</sup> Lán weè gbẽntee sèedadekena sí nà, Luda sèedadekena de beeela, zaake Luda yã pì ò a Né yã musu. <sup>10</sup> Gbẽ kè è Luda Né náane kee sèeda pì vī a swè guu. Gbẽ kè èe Luda yã síroo Luda pì diè egèdee ũme, zaake èe yã kè Ludaa ò a Né musu síro. <sup>11</sup> Yã kè à òn yè: Luda wa gba wèndi kè è yáaroo, wèndi pì sō kú à Né kiiame. <sup>12</sup> Gbẽ kè Luda Né vī wèndi kè è yáaroo vī. Gbẽ kè Né pì vīroo wèndi pì vīro.

### *Wèndi kè è yáaroo*

<sup>13</sup> Mée yã beenõ ooare, amõa kè ée Luda Né náane keeõ, le àgõ dõ kè á wèndi kè è yáaroo vī. <sup>14</sup> Pó kè tò wa swè ègõ diena Luda aen yè: Tó wa pó wée kèa lán à pō yezi nà, è síwe. <sup>15</sup> Lán wá dõ kè è wa wéke ma nà, wá dõ kè pó kè wa wée kèa pì wa gīake wá è kò.

<sup>16</sup> Tó gbẽ a Yesude daaa è, èe durun kè è n kaateroo kee, à wée ke le Luda à gba wèndi. Durun kè è n kaateroon má téa. Durun kè è n kaate kuu, èe ke been ma bè à wée ke à musuro. <sup>17</sup> Yãzaakena píngi né durumme, mode durun kè è n kaateroo kuu.

<sup>18</sup> Wá dõ kè gbẽ kè Ludaa ì ègõ kpee gõ durun keero, zaake Luda Né è à dākpa, Setān è fõ à õ keero. <sup>19</sup> Wá dõ kè Luda gbẽõn wa ũ, baa kè anduna píngi kú Setān õzĩme. <sup>20</sup> Wá dõ kè Luda Né mò, ben à wa wée kè, le wà e wà Yāpuradee dõ. Wá kú Yāpuradee pì guu kõn à Né Yesu Kirisio. Àmbe Luda yāpuradee pì ũ. Àmbe wèndi kè è yáaroo ũ.

<sup>21</sup> Ma né yenzideenõ, à làakari ke tãanõzi.

## YOHANA TAKADA PLAADDEE

### *Yápura kǝn yenzio*

<sup>1-2</sup> Mamɔma gbēnsi, mámbe ma takada kè kè nɔgbē kè Ludaa sènɛ kǝn a néno. Má yeazi yápuraa guu, yápuraa kè kú wa guu, bensɔ eégɔ kúwao gurɔ píngi yánzi. Mámbe madoro, kǝn gbē kè aɔ yápuraa pì dɔnɔmɛ ní píngi. <sup>3</sup> De Luda kǝn a Né Yesu Kirisio gbēkɛɛ kɛare kǝn sùuo, aɔ a tó aafiao yápura kǝn yenzio guu.

<sup>4</sup> Kè má è a né kenɔ kú yápuraa guu lán De Ludaa diɛwe nà, ma pɔɔ kè nna maamaa. <sup>5</sup> Tia sa nɔgbē, mée wée kɛemma. Èe kɛ dokayá dufun mée oonnero, yá kè wá vī zaa káakumɛ. Wàgɔ yekɔzi. <sup>6</sup> Yenzin yè: Wàgɔ dokayá kè Ludaa diɛno kǝna. Yá kè Ludaa diɛ pìn yè: Wàgɔ kú yenzi guu lán á mà zaa káaku nà.

<sup>7</sup> Gbēkɛkerinɔ dàgula anduna guu pari, aɔè be Yesu Kirisi e mó gbēntee ũro. Gbē beee takanɔ né gbēkɛkerinɔmɛ, Kirisi ibɛɛnɔmɛ. <sup>8</sup> À làakari kɛ, àton tó zī kè á kè kɛ pāro. À tó à a láada e papana. <sup>9</sup> Gbē kè vī Kirisi yádannelaa Luda dǝro. Gbē kè zè kǝn yá pìo De Luda vī kǝn à Néó ní píngi. <sup>10</sup> Tó gbē mò yá dadaare, tó à yá beee kǝnaro, àton à síro. Àton gbāake kpá adeezi sero. <sup>11</sup> Zaake gbē kè gbāake kpàzi bà kú kǝn à zaakenanɔmɛ.

### *Lézammana*

<sup>12</sup> Má yá vī pari mà oare, mɔde má yezi mà kɛare takada guuro. Má tãmaa vī mà mó wée kpáɛazi, wà yá o kɔo wéedewɛ, le wà pɔnnaa e àgɔ papana. <sup>13</sup> N vīi kè Ludaa sè néno ì kpàawa.

## YOHANA TAKADA AAGƆDEE

### *Luda zĩkerinɔ sina*

<sup>1</sup> Mamɔma gbɛnsi, mámbe ma takada kè kè ma gbɛ yenzide Gayusine. Má yenzi yápuraa guu. <sup>2</sup> Ma gbɛ yenzide, mɛ̀gɔ adua keenne, le ñgɔ aafia, yá píngi e à bɔnyo nna lán n kuuna maa ná. <sup>3</sup> Kè wa gbɛnɔ m̀, aɔ̀ òme lán n yápuraa kũna ná, bensɔ́ n kú à guu, ma pɔ̀ kè nna maamaa. <sup>4</sup> Gurɔ̀ kè má mà kè ma nɛ̀nɔ̀ kú yápuraa guu píngi, pɔ̀nna kee demɛ beelaro.

<sup>5</sup> Ma gbɛ yenzide, n náane vĩ zĩ kè neè ke wa gbɛnɔne guu, atɛnsa nibɔnɔ. <sup>6</sup> Aɔ̀ n yenzi yá ò wa sɔsi gbɛnɔne. N kũsáe keíne, lán à maa wà ke Luda zĩ guu ná. <sup>7</sup> Zaake aɔ̀ dà zén kɔ̀n Kirisi tó, aɔ̀be dɔ̀nle e Yesusaideenɔ kiiaro. <sup>8</sup> À kɔ̀ sio wàgɔ gbɛ beee takanɔ yàari kee, le wàgɔ de aɔ̀ zĩkeri daanɔ ù yápuraa baarukpana guu.

<sup>9</sup> Ma takada ke kè n sɔsi gbɛnɔne, mɔ̀de Dioterefe denlaweteri ye wa yáziro. <sup>10</sup> Beee yánzi tó ma mɔ̀, mé bɔ kɔ̀n yá kè è keeno kɔ̀n yá zaaa kè è diwaanɔ. Yá pí è káne póke ũro, è wa gbɛnɔ síro, baa se è gí gbɛ kè aɔ̀ yezi wà n sínɔne, è sɔsi zé zɔ́ne.

<sup>11</sup> Ma gbɛ yenzide, ñton yá zaaa dadaro, sé yá maaa. Gbɛ kè è yá maaa keen Luda pɔ̀ ù, gbɛ kè è yá zaaa kee Luda dɔ̀ro. <sup>12</sup> Baade píngi è Demeteriu tó nnaa sí. Baa yápuraa a zĩndandaa è à sáabu kpá se. Wapinɔ weè à sáabu kpá dɔ̀, ben n dɔ̀ kè wa sèedadeke náane vĩ.

### *Lézammana*

<sup>13</sup> Má yá vĩ pari mà onne, mɔ̀de má yezi mà kenne takada guuro. <sup>14</sup> Má támaa vĩ wà wée sikɔ̀le tia, wà yá o kɔ̀o wéedewe.

<sup>15</sup> Luda n tó aafiao. N gbɛnnanɔ̀ ì kpàmma. N ì kpá wa gbɛnnanɔ̀a doodo.

## YUDA

### *Egɛyadannerinɔ*

<sup>1</sup> Ma Yuda, Yesu Kirisi zòbleri, Yemisi dāaro, bé à takada kè kè De Luda gbɛ yenzidee kè à n sísí, à n kúna kuuna Yesu Kirisi guunɔnɛ. <sup>2</sup> Luda sùu kɔn aafiao kɔn yenzio kaaraare.

<sup>3</sup> Ma gbɛ yenzideenɔ, má yezi mà takada kɛare yā wa pínɡi mísica yā musu, ben má è à kɔ sio kè tiasimɛ mà kɛare, mà lé daoawa à gí kɔn a zĩndao Yesu yā kè Ludaa nàare a ɔzĩ gènn do ai gurɔ pínɡi musu. <sup>4</sup> Zaake ludayādarisainɔ gè wa té kpāi, aɔ̀gɔ wa Luda gbɛkɛe ee n wísaiyākɛna zé ũmɛ, aɔ̀ è lé sé wa Dii mèn do Yesu Kirisizi. Wéé kè Luda é tām̃ma kú Luda yān zaa gikɛna.

<sup>5</sup> Kè Dii Isarailinɔ bò Igipiti, à gberan à gbɛ kè aɔ̀ɔe a náane keroonɔ dèdɛ. Má yezi mà yā pì dɔagu, baa kè á d̃ kò. <sup>6</sup> Malaika kè aɔ̀ɔe zɛ kɔn n gwenaoro, ben aɔ̀ pā kpà n kúkiizino s̃, Luda n ká gusiaan yiyina kɔn m̀kyakoo kè d̃m̃ma gurɔ pínɡio ai a yākpakɛgurɔ bíta zĩ. <sup>7</sup> Lemɛ dɔ Sɔdɔmu kɔn Gɔmɔrao kɔn wéte kè aɔ̀ liganzi gbɛnɔ yā beee taka kè le se, aɔ̀ n zĩnda kpà pāpākɛnaa kɔn yā d̃ɔrsaikɛnao. Aɔ̀ kaatena né wéetām̃ma kɔn té kè è garoo sèedamɛ.

<sup>8</sup> Ludayādarisai nana'ori pìnɔ è ke le se dɔ. Aɔ̀ è n zĩnda da yāgbāsīkɛnan, aɔ̀ è gí dokazi, aɔ̀ è d̃kɛ kɔn malaika gakuideenɔ. <sup>9</sup> Baa malaikanɔ kina Mikaeli, gurɔ kè èe leokpakɔa kɛe kɔn Ibilisio Musa gè yā musu, èe we à à s̃s̃ à yā dààlaro, m̃de à bène, ma n to Diine. <sup>10</sup> Gbɛ pìnɔ s̃ è yā kè aɔ̀ à gbá d̃roo zaa bo. Ɔnd̃ɔ kè wà n íon aɔ̀ vī laasuu sai lán ñbɔnɔ bà, ben è gɛ́nyo kaatenan. <sup>11</sup> Wāiyoo gbɛ pìnɔ, aɔ̀ Kaini zé sè. Aɔ̀ s̃s̃ lán Balamu bà ɔ yānzi. Aɔ̀ bò Luda kpɛe lán Kora bà, ben aɔ̀ yāka lán à bà. <sup>12</sup> Aɔ̀ de seedeeno ũ a k̃gbɛke p̃oblekiia. Aɔ̀ è p̃ bleao, wí è n k̃uro. Aɔ̀ zĩnda gbɛe yān aɔ̀ d̃. Aɔ̀ de lán lousisina kè è g̃te kɔn íao mana sai bà. Aɔ̀ gà gènn plaa lán lí né'isai kè biè bà. <sup>13</sup> Aɔ̀ de lán ís̃pɛena p̃s̃i bà, aɔ̀ è futa zaaa bo aɔ̀ wísaiyākɛnanɔ ũ. Aɔ̀ de lán s̃ɔs̃ɔnɛ lili'orino bà, gusia níginigin Ludaa diéne yàari ũ gurɔ pínɡi.

<sup>14</sup> Eñoku kè de Adamu nasio dio ũu g̃iake à n yā ò à bè, á è Dii e m̃ɔ kɔn a gbɛ kè aɔ̀ parii lé ṽroonɔ <sup>15</sup> le à yākpakɛ ke kɔn baade pínɡio, à yā da a yādarisai durunkɛrinola n pínɡi, yā kè aɔ̀ kè a yādasaike guu yānzi kɔn a tó zaaa kè aɔ̀ s̃nɔ pínɡi.

<sup>16</sup> Gbɛ pìnɔ né yāketedeeno m̃e, yāke è kánɡuro. Aɔ̀ pónidena bé è d̃ñne aɛ, aɔ̀ è n zĩnda sáabu kpá bíta, aɔ̀ è lénnaa kása gbɛñne àre'ena yānzi.

### *Kɔ gbana gbāaa*

<sup>17</sup> Apinɔ s̃ ma gbɛ yenzideenɔ, à tó yā kè wa Dii Yesu Kirisi z̃irinɔ g̃iake wà òaree d̃agu. <sup>18</sup> Aɔ̀ bèare, gurɔ zāanɔa gbɛ kè aɔ̀ p̃ nidena ludayādasai è d̃ñne aenɔ é a lalandi ke. <sup>19</sup> Gbɛ pìnɔ è tó à k̃k̃amɛ, aɔ̀ zĩnda p̃yezi bé è d̃ñne aɛ, aɔ̀ Luda Nini ṽro. <sup>20</sup> Apinɔ ma gbɛ yenzideenɔ, à k̃ gba gbāaa a d̃nzize guu, àg̃ɔ adua kɛe kɔn à Ninii gbāaa. <sup>21</sup> Àg̃ɔ zena Luda yenzi guu, àg̃ɔ wéé d̃ɔ wa Dii Yesu Kirisi sùu kè eé wa ká wèndi kè è yāaroozi.

<sup>22</sup> À wènda d̃ gbɛ kè aɔ̀ kuu sekasekanɔnɛ. <sup>23</sup> À gbɛkenɔ sí téa à n m̃i sí. À wènda d̃ gbɛ pāndeñne kɔn làakario, baa aɔ̀ p̃kāsāa kè gbāsī kpà aɔ̀ zaakɛna guunɔn, à zan.

### *Sáabukpana*

<sup>24-25</sup> Luda mèn do wa M̃isiri é f̃ à a dākpa le àton furo. Eé a kpan'aɛ ke a gakui guu see sai kɔn p̃onnao kɔn wa Dii Yesu Kirisi gbāaa. Àmbe à gakui ṽ kɔn bítakɛe kɔn gbāaa kɔn ikoo zaa le gurɔ e naaro kɔn à tiaao ai gurɔ pínɡi. Aami.

## ZIA Yǎ BIIANA YOHANANƐ

Kirisi ena wéegupu guu 1:1-1:20

Lákēna sɔsi mèn swεεplaaanɔnɛ 2:1-3:22

Takada kokona kɔn à kǎε'ɔ mèn swεεplaaanɔ gogonaɔ 4:1-8:1

Kākāki mèn swεεplaaanɔ pena 8:2-11:19

Kwǎ isi kɔn nòbɔ pāsī mèn plaaanɔ 12:1-14:20

Luda pɔfē zubɔ mèn swεεplaaanɔ εena andunaa 15:1-19:5

Kirisi suna à kí ble andunaa 19:6-20:15

Musu dufu kɔn tɔɔtɛ dufuo 21:1-22:21

### *Takada kè bɔkii*

<sup>1</sup> Luda yǎ kè èe mɔɔ keε dà Yesu Kirisinɛ, le à biia a zòblerinɔnɛ, ben à a malaika zǐ mamɔma Yohana a zòbleria, à tò ma yǎ pì dǒ. <sup>2</sup> Luda yǎ kè Yesu Kirisi à sèeda kèn má è, ben méε oo. <sup>3</sup> Aubarikadeen gbē kè zia yǎ kèki kyó kè ũ kɔn gbē kè aǎ à yǎ mà aǎ kǔnanɔ, zaake à gurɔɔ kà kǐi.

<sup>4</sup> Ma Yohana mǎmbe ma takada kèkii kè sɔsi mèn swεεplaa kè aǎ kú Asia bùsu guunɔnɛ. Luda kè kuu yǎ, à kuu ai tia, bensɔ èe suu kɔn à Nini mèn swεεplaa kè aǎ kú à kíta aenɔ <sup>5</sup> kɔn Yesu Kirisi kè de sèeda yǎpuradee ũuo gbēkeε keare, aǎ a gba aafia. Yesu pìn gǎafεε káaku ũ, àmbe anduna kǐnanɔ gbāadee ũ. À yewazi à wa bɔ wa durunnɔn kɔn à aru gbāaaɔ <sup>6</sup> à wa ka kpatan Luda a De gbāgbārinɔ ũ. Àmbe à gakui kɔn gbāaaɔ vī gurɔ pǐngi! Aami. <sup>7</sup> À gwa, èe mɔɔ ludambe luguun. Baade pǐngi é wéε siǎle, baa gbē kè aǎ à zǎnɔ, anduna bori pǐngi é sósobi ɔɔ dɔ à yǎ musu. Lemε! Aami.

<sup>8</sup> Dii Luda bè: Mámbe Alafa kɔn Omεgao ũ, Gbāapingide kè má kuu yǎ, má kuu ai tia, bensɔ méε suu.

### *Yesu Kirisi bɔ à mɔna Yohanazi*

<sup>9</sup> Ma Yohana a gbēndoo kuuna Yesu guu kɔ gbēnɔn wá ũ nawēa guu, kǐblena guu, menakena guu. Má kú yǎ ísia luan kè wè be Patamɔ Luda yǎ kè Yesu à sèeda kè ona yǎnzi.

<sup>10</sup> Dii gurɔɔ zǐ Luda Nini sùma, ben ma kòto gbāaa mà ma kpεε lán kākāki'ɔ bà <sup>11</sup> à bè: Ñ pó kè ñ è kē takada guu ñ kpāsā sɔsi mèn swεεplaa kè aǎ kú wéte kènɔ guunɔnɛ: Efesu, Simina, Pegamumu, Tiatira, Saadi, Filadelfia kɔn Laodiseao.

<sup>12</sup> Ben ma lie le mà gbē kè èe yǎ oomao pì e. Kè ma lie le, ma vura dabu è mèn swεεplaa. <sup>13</sup> Ma gbēke è dabu pìnɔ té lán gbēntee né bà. À utagyaba dana, èe gáεzi, vura asaa dɔ à kùsea. <sup>14</sup> À mìkǎ de pú fénfen lán sākā ke buu bà, à wéε de lán ténene bà. <sup>15</sup> À gbá e té keε lán mògotē kè wèe baasaa tévura guu bà. À kòto de lán ísókana kǐi bà. <sup>16</sup> À sɔsɔnɛnɔ kǔna a ɔplaan mèn swεεplaa, fēeda lé nna kraplaplaaa e bɔɔ à lén. À uu e té keε lán ɔfǎntē gbāaa bà.

<sup>17</sup> Kè ma à è, ma leε à gbá saε ma gɔ sǎii. Ben à a ɔplaa nàma à bè: Ñton tó vīa n kǔro. Mámbe Aede kɔn Zāadeeo ũ, <sup>18</sup> gbē kè ègɔ kuu ũ. Ma ga, má kuu, bensɔ mégɔ kuu ai gurɔ pǐngi. Má ga kɔn gèwǎao m̀nɛnɔ kǔna. <sup>19</sup> Ñ pó kè ñ è kē, pó kè kuunɔ kɔn pó kè eé mó à kpεenɔ pǐngi. <sup>20</sup> Sɔsɔnɛ mèn swεεplaa kè ñ è ma ɔplaan pìnɔ kɔn vura dabu mèn swεεplaa pìnɔ asiin yè: Sɔsɔnɛ mèn swεεplaa pìnɔ né sɔsi mèn swεεplaa pìnɔ zǐrinɔmε, dabu mèn swεεplaa pìnɔ né sɔsi mèn swεεplaa pìnɔmε.

## 2

<sup>1</sup> Ñ kē Efesu sɔsi zìrine: Mamɔma kè má sɔsɔne mèn swεεplaaanɔ kũna ma ɔplaan, kè mée taa oo vura dabu mèn swεεplaaanɔ té, mámbe ma yá kèkii ò. <sup>2</sup> Má n yákenanɔ dɔ kɔn zĩi kè née keeo kɔn n menakenao. Neè we ñ gbē zaaanɔ diero. Gbē kè aṣè ñ zĩnda diε Luda zìrinɔ ũ, bensɔ aṣo de à ũro, n ñ yɔ ñ gwà ñ è egedeenɔn ñ ũ. <sup>3</sup> N mena fṣ, n nawēa kè ma tó yānzi, née kpasaro. <sup>4</sup> Mɔde má yā vīnyo. Yenzi kè ñ vīme káaku bùsa. <sup>5</sup> Ñ tó n kuuna zi zaale née busaro yā dɔngu. Ñ nòse lie ñgɔ yā kè neè ke yāanɔ keε. Tó née ke lero, mé mɔnzi mà n dabu sɔki kpá. <sup>6</sup> Baa kɔn beeeo ñ yā kèkii vī, ñ za Nikolaitānɔ yákenan lán ma zàn nà. <sup>7</sup> Gbē kè swā vī à yā kè Luda Ninii e oo sɔsinɔne ma: Mé gbē kè zĩ blè gba zé à lí wèndidee kè kú Luda swadako guu bæε ble.

### *Siminadeenɔ yā*

<sup>8</sup> Ñ kē Simina sɔsi zìrine: Mamɔma kè má de Aede kɔn Zāadeeo ũ kè ma ga ma εara ma fεε, mámbe ma yā kèkii ò. <sup>9</sup> Má wéetamma kè wèe mɔɔnnεε dɔ kɔn n takaasikeeo. Baa kɔn beeeo auzikideen n ũ. Gbē kè aṣè be Yudanɔn ñ ũ bensɔ aṣo de à ũroonɔ, kè aṣ aduakεkpe de Setān pɔ ũ, má dɔ dian aṣè yā dimma nà. <sup>10</sup> Ñton vīa ke nawēa kè né keenero. Ñ ma, Ibilisi é a gbēkenɔ ká kpésiaan, le à a yɔ à gwa, eé wée tāawa ai gurɔ kuri. Ñgɔ náane vī ai ñ gá gao, mé auzenna kenne yàari ũ. <sup>11</sup> Gbē kè swā vī à yā kè Luda Ninii e oo sɔsinɔne ma: Ga plaade é ña da gbē kè zĩ blèaro.

### *Pegamumudeenɔ yā*

<sup>12</sup> Ñ kē Pegamumu sɔsi zìrine: Mamɔma kè má fēeda lé nna kraplaplaaa vī, mámbe ma yā kèkii ò. <sup>13</sup> Má n kúkii dɔ, guu kè Setān kíblekita kúmme. Ñ ma yā kũna, née lé sémaziro, baa gurɔ kè wà ma sèeda yápurade Antipa dè n wétén, guu kè Setān kún pì. <sup>14</sup> Mɔde má yā vīnyo féte. Ñ gbēnɔ vī gwe kè aṣo Balamu yā kũna. Balamu pì bé à dà Balakinε à Isarailinɔ gàè à ñ dá taa pɔbleen kɔn pāpākenao. <sup>15</sup> Lemε dɔ ñ gbēnɔ vī gwe, aṣo Nikolaitānɔ yā kũna. <sup>16</sup> Beee yānzi ñ nòse lie. Tó née ke lero, mé mɔnzi tia mà zĩ kányo kɔn fēεdaa kè kú ma lén-o. <sup>17</sup> Gbē kè swā vī à yā kè Luda Ninii e oo sɔsinɔne ma. Mé gbē kè zĩ blè gba mana kè utena, mé à gba gbè puraa kè wà tó dufu kèa dɔ. Gbēke tó pì dōro, séde gbē kè má kpàa pì.

### *Tiatiradeenɔ yā*

<sup>18</sup> Ñ kē Tiatira sɔsi zìrine: Ma Luda Né kè ma wée de lán ténεne bà bensɔ ma gbá de lán mògotē bà, mámbe ma yā kèkii ò. <sup>19</sup> Má n yákenanɔ dɔ, n yenzi, n ludanaanekena, n zĩkena kɔn n menakenao. Má dɔ dɔ kè yā kè née keε zāa maa de à káakupɔla. <sup>20</sup> Mɔde má yā vīnyo. N nɔgbē Yezεbeli kè à a zĩnda diε annabi ũu gbà zé. Èe ma zɔblerinɔ sāsāa èe daáne aṣ pāpāa ke aṣ taa pɔ ble. <sup>21</sup> Ma à gbà zé à nòse lie, mɔde à yezi à a nòse lie à pāpākena tóro. <sup>22</sup> Ñ ma, mé kpázi mé tó gbē kè aṣ pāpāa kèonɔ nawēa bíta e, tó aṣo nòse lie wà à yā tòro. <sup>23</sup> Mé à ìbanɔ dede gagyāao, sɔsinɔ píngi é dɔ ke mámbe mεè gbēnɔ laasuu kɔn ñ swèo tàasi ke, mé fīa bo a baadene a yákenaa. <sup>24</sup> A Tiatira gbē kpaa kè á yā pì kũnaro bensɔ á yā kè wè be Setān asii bíta dōroonɔ, mé aso pānde diarero. <sup>25</sup> À ɔ didi yā kè á kũnaa ai màgɔ gá su. <sup>26</sup> Gbē kè zĩ blè bensɔ à yā kè má yezinɔ kũna ai a léa, mé à gba zé à iko vī boriinɔa. <sup>27</sup> Eé kí bleńma kɔn mò gòo à ñ wíwi lán wè gù oroo wíwi nà, lán ma De ma gba zé nà. <sup>28</sup> Mé à gba gudɔna sɔsɔne dɔ. <sup>29</sup> Gbē kè swā vī à yā kè Luda Ninii e oo sɔsinɔne ma.

## 3

### *Saadideenɔ yā*

<sup>1</sup> Ñ kē Saadi sɔsi zìrine: Mamɔma kè má Luda Nini mèn swεεplaaanɔ kũna kɔn sɔsɔne mèn swεεplaaanɔ, mámbe ma yā kèkii ò. Má n yákenanɔ dɔ. Kuuna bæε tó bé à dɔmma, mɔde gèn n ũ. <sup>2</sup> Ñ itē ke ñ gbē kè aṣ gònneenɔ gba gbāaa ai aṣgɔ gá ga, zaake má è n yákee

bɔezina ma Ludanero. <sup>3</sup> Beee yānzi yā kè ní mà ben ní sɪ̀ n̄ tó àgɔ̀ dɔngu, ñgɔ̀ kũna n̄ n̄sɛ̀ lie. Tó n̄eɛ̀ it̄e kero, mé m̄nzi lán kp̄aì bà, n̄gɔ̀ gurɔ̀ zaka kè mé m̄o d̄ro. <sup>4</sup> Baa k̄n beeeo ní gb̄enɔ̀ v̄i Saadi gwe féte kè aɔ̀e ní p̄ókāsānɔ̀ gb̄as̄i kp̄aro. Wé t̄aa o l̄edo k̄n p̄o puraaɔ̀o dana, zaake aɔ̀ kà à l̄éz̄i. <sup>5</sup> Len gb̄e kè z̄i bl̄e égɔ̀ p̄ókāsā puraa dana le. Mé à t̄o d̄ede w̄endi takadan zikiro. Mé z̄eo ma De k̄n a malaikanɔ̀ aɛ. <sup>6</sup> Gb̄e kè swā v̄i à yā kè Luda Ninii e oo s̄osinɔ̀ne ma.

### *Filad̄eḷfiadeenɔ̀ yā*

<sup>7</sup> Ñ k̄e Filad̄eḷfia s̄osi z̄irine: Mamɔ̀ma kè má kú madona yāpuradee ũ, kè má Dauda m̄n̄e kũna, kè m̄eɛ̀ z̄é w̄e gb̄eke è f̄s̄ à tataro, kè m̄eɛ̀ z̄é tata gb̄eke è f̄s̄ à w̄ero, m̄ambe ma yā k̄ekii ò. <sup>8</sup> Má n̄ yākenanɔ̀ d̄s̄. Ñ ma, ma z̄é w̄enn̄e n̄ aɛ, gb̄eke é f̄s̄ à tataro. Baa k̄e n̄ gb̄aa bítaro, ní ma yā kũna n̄eɛ̀ lé s̄émaziro. <sup>9</sup> Set̄an̄ aduakekpe gb̄e kè aɔ̀e ní z̄inda die Yudano ũ bens̄o aɔ̀ de à ũroonɔ̀, mé t̄o eḡeɛde p̄inɔ̀ m̄o wà kúenne, aɔ̀e d̄s̄ kè má yenzi. <sup>10</sup> Zaake ní yā kè má dienne kũna n̄ f̄s̄ n̄ mena, mé n̄ b̄o naw̄eā kè èe m̄oo anduna p̄ingia guu le à gb̄e kè aɔ̀o kú t̄oɛanɔ̀ lé à ní gwa. <sup>11</sup> Mé m̄o tia. Ñgɔ̀ p̄o kè ní v̄i kũna gb̄aa, le gb̄eke t̄on n̄ láada s̄immaro yānzi. <sup>12</sup> Mé gb̄e kè z̄i bl̄e ke ma Luda kp̄é wesagba ũ. Eé b̄o zikiro. Mé ma Luda t̄o k̄ea k̄n ma Luda w̄ete Yerusalemu dufu kè eé pita b̄ona à kiia zaa musu t̄o k̄n ma t̄o dufuo. <sup>13</sup> Gb̄e kè swā v̄i à yā kè Luda Ninii e oo s̄osinɔ̀ne ma.

### *Laodiseadeenɔ̀ yā*

<sup>14</sup> Ñ k̄e Laodisea s̄osi z̄irine: Mamɔ̀ma Aami, s̄èda náanede yāpuraa kè má de p̄o kè Ludaa k̄enɔ̀ m̄idee ũ, m̄ambe ma yā k̄ekii ò. <sup>15</sup> Má n̄ yākenanɔ̀ d̄s̄. Ñ ȳīro bens̄o ní w̄aaro. Má yezi ñgɔ̀ ȳī kes̄o w̄aa. <sup>16</sup> Lán ní l̄ógol̄oḡo n̄a, ní w̄aaro, bens̄o ní ȳīro, mé n̄ pisime. <sup>17</sup> N̄eɛ̀ be ɔ̀ode auzikidee kè p̄oke nii v̄īroon n̄ ũ. Ñ d̄s̄ kè gb̄e p̄a b̄u baakeri w̄endade takaaside v̄ian n̄ ũro. <sup>18</sup> M̄eɛ̀ lé daamma n̄ vura baasana lú ma kiia, le n̄ ke ɔ̀odee ũ. Ñ p̄ókāsā puraa lú n̄ da, le n̄ n̄ b̄uuk̄ee ute n̄ b̄o w̄in. Ñ w̄eɛ̀ ēz̄ē lú n̄ ká n̄ w̄een le n̄ guu e. <sup>19</sup> M̄eɛ̀ kp̄ak̄e gb̄e kè má yeñzin̄zi mà ní t̄oto ke. Beee yānzi, n̄ aīa ke n̄ n̄sɛ̀ lie. <sup>20</sup> À gwa, má zena kpeele m̄eɛ̀ gbá leɛ. Tó gb̄e ma k̄oto mà, ben à z̄é w̄em̄e, mé ḡe mà p̄o bleo eé blemao. <sup>21</sup> Mé gb̄e kè z̄i bl̄e gba z̄é à v̄eɛmao ma k̄itaa, lán mapi ma z̄i bl̄e ma v̄e k̄n ma Deo a k̄itaa n̄a. <sup>22</sup> Gb̄e kè swā v̄i à yā kè Luda Ninii e oo s̄osinɔ̀ne ma.

## 4

### *D̄onzik̄ena Ludan̄e zaa musu*

<sup>1</sup> Beee gbera ma z̄é è w̄ena ludambe. Ben ma k̄oto kè má mà káaku lán k̄ak̄aki'ɔ̀ bà mà d̄o à bè: Ñ m̄o kè, mé yā kè eé m̄o beee gberaa ɔ̀ɔanne. <sup>2</sup> Gwe ḡo Luda Nini m̄oma, ben ma k̄iblekita è ludambe gwe, gb̄ekee v̄eɛa. <sup>3</sup> Gb̄e kè v̄eena p̄i e té kee lán gb̄e bèeɛde kè w̄e be dayano bà kes̄o kaanelia. Ludambef̄eɛdaa liga k̄ita p̄izi, à í de lán lá'i taka bà lán em̄eradi bà. <sup>4</sup> K̄iblekita m̄en baro aw̄eɛsiiḡɔ̀n̄ɔ̀ ligazi, gb̄ensi ḡɔ̀n̄ baro aw̄eɛsiiḡɔ̀n̄ɔ̀ v̄eɛv̄eena báa p̄in̄ɔ̀a. Aɔ̀ p̄o puraa dadana, aɔ̀ vura f̄ura kukuna. <sup>5</sup> Lou e pii èe b̄oo k̄ita p̄i kiia, èe p̄ūtāa èe v̄i. Fitia nana k̄ita p̄i aɛ m̄en sw̄eɛplaa, aɔ̀mbe Luda Nini m̄en sw̄eɛplaaanɔ̀ ũ. <sup>6</sup> Dígi kú k̄ita p̄i aɛ lán ís̄iaa bà, èe té kee lán gb̄edigi bà.

P̄o b̄eɛ m̄en siiḡɔ̀n̄ɔ̀ liga k̄ita p̄izi k̄ik̄i. W̄eɛ f̄if̄im̄ma kpeɛ k̄n aɛo. <sup>7</sup> P̄o b̄eɛ p̄in̄o káakup̄o de lán m̄usu bà, à plaadee de lán z̄uswaree bà, à aaḡoɛde uu de lán gb̄entee uu bà, à siiḡoɛde de lán kúu kè èe v̄iaa bà. <sup>8</sup> P̄o b̄eɛ m̄en siiḡoɛ p̄in̄o baade d̄ebe v̄i m̄en sw̄eɛdodo. W̄eɛ f̄if̄i n̄ d̄ebe p̄in̄o à guu k̄n à kpeɛo. F̄aant̄e k̄n gw̄aav̄io aɔ̀èḡo bee yāana sai:

Kúadona, kúadona, kúadona,  
Dii Luda Gb̄aapingide.

Ñ kuu yā, ní kuu tia, bens̄o n̄eɛ̀ suu.



<sup>9</sup> Gurɔ̀ kè pɔ̀ bɛ̀e mèn siigɔ̀ pìnɔ̀ gbɛ̀ kè vɛ̀ena kítaa kè ègɔ̀ kuu gurɔ̀ pínɡi pì tó kpà, aɔ̀ bɛ̀e línɛ aɔ̀ à sáabu kpà, <sup>10</sup> gbɛ̀nsi gɔ̀ɔ̀n baro awɛ̀esiigɔ̀ pìnɔ̀ è daɛdaɛ à aɛ wà dɔ̀nzi kɛ̀nɛ, aɔ̀ è n fùra gogo wà káɛ kíta pì aɛ aɔ̀ be:

<sup>11</sup> Dii wa Luda, n ka wà n tó kpá,  
wà bɛ̀e kɔ̀n gbáaao dɔ̀nnɛ,  
zaake n pɔ̀ pínɡi kè,  
aɔ̀ kɛ̀na kɔ̀n n kuunao né n pɔ̀yezinaɛ.

## 5

### *Sãne Bòrɔ̀ kɔ̀n takada kokonao*

<sup>1</sup> Ben ma takada kokona è na gbɛ̀ kè vɛ̀ena kítaa pì ɔ̀piaan, wà yá kɛ̀a aɛ kɔ̀n kpɛ̀eɔ̀ pínɡi, wà à lé kùkù kɔ̀n káɛ'ɔ̀ leo swɛ̀eplaaao. <sup>2</sup> Ben ma malaika gbáadee è, è kpàakpa kɛ̀e kɔ̀n kòto gbáaao à bè: Dé bé à kà à káɛ'ɔ̀ kɛ̀nɔ̀ gogo à takada kè poroo? <sup>3</sup> Mɔ̀de gbɛ̀kee kú ludambɛ ke tɔ̀tɛa ke tɔ̀tɛ gĩzĩ kè eé fɔ̀ à takada pì poro à gwaro. <sup>4</sup> Ma ɔ̀ dɔ̀ maamaa, zaake wèe gbɛ̀ke e kè kà à takada pì poro à gwaro. <sup>5</sup> Ben gbɛ̀nsi pìnɔ̀ doke bèmɛ: Nton ɔ̀ dɔ̀ro. N gwa, Yuda bori Músu kè de Dauda kpata kè pìto pà Kína ũu zĩ blè. Àmbe eé fɔ̀ à káɛ'ɔ̀ mèn swɛ̀eplaa pìnɔ̀ gogo à takada pì poro. <sup>6</sup> Ben ma Sãne Bòrɔ̀ è zɛ̀na kíta pì sae kíkĩi pɔ̀ bɛ̀e mèn siigɔ̀ pìnɔ̀ kɔ̀n gbɛ̀nsi pìnɔ̀ té. À de lán wà à kòto kpà bà. À koba vĩ mèn swɛ̀eplaa kɔ̀n wéɛo mèn swɛ̀eplaa. Luda Nini mèn swɛ̀eplaa kè à n zĩ anduna gu pínɡianɔ̀n gwe. <sup>7</sup> À gaa à takada pì sɔ̀ gbɛ̀ kè vɛ̀ena kítaa pì ɔ̀zĩ. <sup>8</sup> Kè à takada pì sɔ̀, ben pɔ̀ bɛ̀e mèn siigɔ̀ pìnɔ̀ kɔ̀n gbɛ̀nsi gɔ̀ɔ̀n baro awɛ̀esiigɔ̀ pìnɔ̀ kùekuɛ Sãne Bòrɔ̀ pì aɛ. Aɔ̀ baade mɔ̀rɔ̀ kúna kɔ̀n vura zubɔ̀ kè tuaetiti kán à pàò. Tuaetiti pì né Luda gbɛ̀nɔ̀ aduakɛ̀nanɔ̀mɛ. <sup>9</sup> Aɔ̀ lè dufu sɔ̀ wèe bee:

N ka n takada pì sí n káɛ'ɔ̀ pìnɔ̀ gogo,  
zaake wà n de,  
n gbɛ̀nɔ̀ bò Ludanɛ kɔ̀n n aruo  
bori pínɡi guu, boriyá pínɡi guu,  
gbɛ̀ pínɡi guu, bùsu pínɡi guu.

<sup>10</sup> N n kpá kpatan,  
aɔ̀ gɔ̀ wa Luda gbàgbárinɔ̀ ũ,  
aɔ̀égɔ̀ kí blee tɔ̀tɛa.

<sup>11</sup> Ben ma malaikanɔ̀ è ligana kíta pìzi kɔ̀n pɔ̀ bɛ̀e pìnɔ̀ kɔ̀n gbɛ̀nsi pìnɔ̀ paripari, aɔ̀ parii kà bɔ̀rɔ̀ ũgbangba, weé fɔ̀ wà n lé dɔ̀ro. Ma n kĩi mà, <sup>12</sup> aɔ̀ bè kɔ̀n kòto gbáaao:

Sãne Bòrɔ̀ kè wà dè kà  
wà iko dɔ̀nɛ kɔ̀n auzikio  
kɔ̀n ɔ̀ndɔ̀ɔ̀ kɔ̀n gbáaao kɔ̀n bèɛo,  
wà à sáabu kpá, wà à tó kpá.

<sup>13</sup> Ben pɔ̀ kè Ludaa kè musu kɔ̀n tɔ̀tɛo kɔ̀n tɔ̀tɛ gĩzĩo kɔ̀n ísɛa guuo pínɡi, pɔ̀ kè kú baama pínɡinɔ̀, má mà aɔ̀ bè:

Wàgɔ̀ bèe kɔ̀n gbáaao dɔ̀  
gbɛ̀ kè vɛ̀ena kítaanɛ  
kɔ̀n Sãne Bòrɔ̀,

wégɔ̀ n sáabu kpaa,  
wàgɔ̀ n tó kpaa gurɔ̀ pínɡi.

<sup>14</sup> Pɔ̀ bɛ̀e mèn siigɔ̀ pìnɔ̀ bè, aami. Ben gbɛ̀nsi pìnɔ̀ dàɛdaɛ wà dɔ̀nzi kɛ̀nɛ.

## 6

### *Káɛ'ɔ̀gogona*

<sup>1</sup> Má è Sãne Bòro kãe'ò mèn swεεplaa pìnò káakupò gò. Ben má mà pò b̄εε mèn siiḡõ pìnò doke yã ò lán lapatana bà à bè: Ñ mól! <sup>2</sup> Ben ma s̄õ puraa è, gb̄ε kè dia sá kũna. Wà kífura kũne, ben à b̀ z̀bleri ũ, le à gá z̀ ble.

<sup>3</sup> Kè Sãne Bòro kãe'ò plaadee gò, má mà pò b̄εε plaadee bè: Ñ mól! <sup>4</sup> S̄õ pãnde b̀ d̀, à de t̄ε zónzon. Wà gb̄ε kè dia gbà zé à aafia sí andunaa, le gb̄ẽno k̄õ dede. Wà f̄εda ìsi kpàa.

<sup>5</sup> Kè Sãne Bòro kãe'ò aaḡõdee gò, má mà pò b̄εε aaḡõdee bè: Ñ mól! Ben ma s̄õ siaa è, gb̄ε kè dia zaka kũna. <sup>6</sup> Ma k̄i mà lán gb̄ẽntee kòto bà, à b̀ pò b̄εε mèn siiḡõ pìnò té à bè: Ése zaka lé don gurò do z̄i ò ũ. Gbado zaka lé aaḡõn gurò do z̄i ò ũ. Ñton tó kù línò k̄õn geepi línò yakaro.

<sup>7</sup> Kè Sãne Bòro kãe'ò siiḡõdee gò, ma pò b̄εε siiḡõdee kòto mà à bè: Ñ mól! <sup>8</sup> Ben ma s̄õ pufau è, gb̄ε kè dia tón Gaa, Gèwãa tézi. Wà ñ gbá zé āḡõ iko v̄i anduna gb̄ẽno leo siiḡõdeea, ā ñ dede k̄õn z̄iò k̄õn dekaao k̄õn gagyãao k̄õn ǹb̀ p̄s̄ĩno.

<sup>9</sup> Kè Sãne Bòro kãe'ò s̄õrodee gò, ma gb̄ε kè wà ñ déde Luda yã ona k̄õn Yesu sèedakenao yãnz̄i gèwãadeeno è tuaetitikpatakii ḡĩz̄i. <sup>10</sup> Ās̄ wii gbãaa lè wà bè: Dii kè kú adona yãpurade, b̄oren né yãkp̄e ke k̄õn gb̄ε kè āõ kú t̄õteano ñ wa dena ḡεe bor̄mmaa? <sup>11</sup> Ben wà utagyaba puraa dàda ñ baadene, wà bèñne ās̄ mena f̄ete ai ñ Yesu z̀bleri daaa kè weé ñ dede lán ñ b̄ano lé gá káo.

<sup>12</sup> Kè Sãne Bòro kãe'ò swεedodee gò, má è t̄õte nìḡanigã p̄s̄ip̄s̄i, òf̄ant̄e sia kù níginigi lán bisa kè wà dà òsin bà, m̄ovura t̄ea kù lán aru bà mámmam. <sup>13</sup> S̄õs̄õneno b̀ ludambe ās̄ kwè t̄õte lán zàgã'ia è líbe ísi woro nà. <sup>14</sup> Ludamb̄ε kèk̄õa à kòkokoko lán pè bà. K̄piiino k̄õn ísia luanno s̄õki kpà píngi. <sup>15</sup> Anduna k̄inano k̄õn kpatablerinò k̄õn soza gb̄ẽnsino k̄õn auzikideeno k̄õn gbãadeeno k̄õn gb̄ε píngio z̀no ke w̄ẽnenò ùte gbèw̄enenò k̄õn gbèkotoono.

<sup>16</sup> Ās̄ wiii ḡõ d̀:

K̄piiino k̄õn gb̄ẽno à dawala,  
à wa ute gb̄ε kè v̄ena k̄itaane,  
à wa sí Sãne Bòro p̄f̄ea.

<sup>17</sup> Zaake ās̄ p̄f̄epitammagurò ìsi kà. Dé bé eé f̄õ à b̄on?

## 7

### *Sèedakena Luda z̀blerino*

<sup>1</sup> Beee gb̄era ma malaika ḡõn siiḡõno è zεzε anduna gooda siiḡõnoa, ās̄ baade a gooda ña kũna, le ña tón vu t̄õte ke ís̄iaa ke lí kearo yãnz̄i. <sup>2</sup> Ben ma malaika pãnde è, à b̀ à f̄ε òf̄ant̄eb̄e kpa, à Luda Wèndide sèedak̄eb̄o kũna. À lé gbãaa z̀ malaika ḡõn siiḡõ kè wà ñ gbá zé ās̄ t̄õte k̄õn ís̄iaa yaka pìnòzi <sup>3</sup> à bè: Àton t̄õte ke ís̄iaa ke línò yakaro ai wà sèeda ke wa Luda z̀blerino m̀'ãenoa. <sup>4</sup> Ben wà gb̄ε kè wà sèeda p̄i kènm̄ano lé òm̄e, ās̄ ḡõn b̄oro baswεεplaa awεεsiiḡõm̄e. Ās̄ b̀ Isaraili bori píngi guu:

<sup>5</sup> Yuda boriino ḡõn b̄oro kuri awεεplaa,  
Rubeni boriino ḡõn b̄oro kuri awεεplaa,  
Gada boriino ḡõn b̄oro kuri awεεplaa,

<sup>6</sup> Asa boriino ḡõn b̄oro kuri awεεplaa,  
Nafatali boriino ḡõn b̄oro kuri awεεplaa,  
Manase boriino ḡõn b̄oro kuri awεεplaa,

<sup>7</sup> Sim̄e boriino ḡõn b̄oro kuri awεεplaa,  
Levi boriino ḡõn b̄oro kuri awεεplaa,  
Isaka boriino ḡõn b̄oro kuri awεεplaa,

<sup>8</sup> Zebuluni boriino ḡõn b̄oro kuri awεεplaa,  
Yusufu boriino ḡõn b̄oro kuri awεεplaa,  
Beyãmi boriino ḡõn b̄oro kuri awεεplaa.

*Bori píngi kakšana ludambe*

<sup>9</sup> Beee gbera ma gbēno è paripari, weé fɔ wà n lé dōro. Aɔ bò b̀usu píngi guu, bori píngi guu, gbē píngi guu, boriyā píngi guu. Aɔ zezena kiblekita kōn Sāne B̀roo ae. Aɔ utagyaba puraa dadana, kpakpa lánoo nana n̄ ɔzĩ. <sup>10</sup> Aɔe wii gbāaa lɛ wèe bee:

M̀sina è b̀ wa Luda kè v̄ena k̄taa  
kōn Sāne B̀roo k̄iamɛ.

<sup>11</sup> Malaikanoo zezena wà liga k̄ta kōn gbēnsino kōn p̀ b̄e mèn siiḡoozi n̄ píngi, ben aɔ k̀ekue k̄ta p̀ ae wà d̄onzi kè Ludanɛ <sup>12</sup> wà b̀e:

Aami! Wa Luda bé à t́ v̄i kōn gakuio  
kōn ɔnd̄oo kōn sáabuo kōn b̀eo  
kōn ikoo kōn gbāao gur̄o píngi. Aami!

<sup>13</sup> Ben gbēnsi p̄no doke ma la à b̀e: D̄onon gyabapuradari k̄no ũu? Aɔ b̀o máme? <sup>14</sup> Ma b̀ene: Baa, r̄be n̄ d̄o. Ben à b̀ene: Gbē kè aɔ b̀o w̄et̄amma bíta guunomɛ. Aɔ n̄ utagyaba p̄no p̄ipi Sāne B̀roo aru guu à pura k̀.

<sup>15</sup> Beee yānzin aɔ kú Luda k̄ta aezĩzi,  
aɔe d̄oozi a kp̄en f̄ant̄e kōn gwāav̄io.  
Gbē kè v̄ena k̄taa p̀ é a kuta kúńla.

<sup>16</sup> N̄aa ke ímii é n̄ de zikiro,  
ɔf̄ant̄e é n̄ léro, guu é w̄am̄maro,

<sup>17</sup> zaake Sāne B̀roo kè kú k̄ta p̀ gura súusu é ke n̄ D̄ari ũ,  
eé d̄one ae ai í w̄endide b̀k̄iia,  
Luda é gbasa à n̄ w̄e'e'í gogońne píngi.

**8***K̄e'ɔ sw̄eplaae gona*

<sup>1</sup> Kè Sāne B̀roo k̄e'ɔ sw̄eplaae gò, ludambe kè k̄itikiti lán minti baaakuri taka bà.

<sup>2</sup> Ben ma malaika ḡoon sw̄eplaaa kè aɔḡo zezena Luda aeno è, wà k̄ak̄aki kp̄amma mèn sw̄eplaa.

<sup>3</sup> Ben malaika p̄ande m̀ à zè tuaetitikpatakii kè wà p̀ kōn vuraoo sae, à tésibo kè wà p̀ kōn vuraoo k̄na. Wà tuaetiti kp̄aa bítabita, le à kak̄o kōn Luda gbēno píngi aduak̄enan̄o à kpata, ben à kp̄ata kiblekita ae tuaetitikpatakii p̄ia. <sup>4</sup> Ben tuaetiti tésukpe kōn Luda gbēno aduak̄enan̄oo f̄e malaika ɔzĩ Luda ae. <sup>5</sup> Ben malaika p̀ tésibo sè, à té s̄io tuaetitikpatakii a à p̄a, ben à zù t̄ote. Lou e v̄i, èe p̄t̄aa èe pii, ben t̄ote n̄ḡaniḡa.

*Kak̄aki mèn sw̄eplaaan̄o pena*

<sup>6</sup> Malaika ḡoon sw̄eplaaa kè aɔ k̄ak̄aki mèn sw̄eplaa k̄na p̄no à pena soru kè. <sup>7</sup> À k̄ak̄adee a k̄ak̄aki p̄e, ben wà loughɛ kōn téo kakšana kōn aruo k̀ t̄otea. T̄ote leo aaḡodee té k̀, l̄no leo aaḡodee té k̀, s̄e ísi té k̀ m̄om̄io.

<sup>8</sup> Malaika plaadee a k̄ak̄aki p̄e, ben p̀o t̄e dee b̀o à s̄i ísiaan lán kp̄ii bíta bà. Ísia leo aaḡodee li aru ũ, <sup>9</sup> ben ísia p̀o b̄eno leo aaḡodee ḡaga, goro'iteno leo aaḡodee ȳaka.

<sup>10</sup> Malaika aaḡodee a k̄ak̄aki p̄e, ben s̄os̄one bíta kè èe té k̄u lán s̄ete bà b̀o ludambe à l̄e à dà swaan̄o kōn bian̄o leo aaḡodeela. <sup>11</sup> S̄os̄one p̀ t̄on s̄ewe. Í leo aaḡodee li s̄ewe ũ, ben gbē kè aɔ í p̀ m̄ino ḡaga pari à kȳkȳa ȳanzi.

<sup>12</sup> Malaika siiḡodee a k̄ak̄aki p̄e, ben wà ɔf̄ant̄e leo aaḡodee lè kōn movura leo aaḡodee kōn s̄os̄onen̄o leo aaḡodee, le aɔ leo aaḡodee sia k̀ ȳanzi. Ben f̄ant̄e leo aaḡodee ḡo gupuraa sai, len à de le gwāav̄i d̄o. <sup>13</sup> Ben ma k̄uu è èe v̄iaa musumusu. Má mà à wii gbāaa lè à b̀e: W̄aiyoo, w̄aiyoo, w̄aiyoo gbē kè aɔ kú t̄oten̄o malaika ḡoon aaḡoo kè aɔ ḡo p̄no k̄ak̄aki'ɔ kè eé b̀o ȳanzi.

## 9

<sup>1</sup> Malaika sɔɔrodee a kākāki pè, ben ma sɔsɔne è à bò ludambe à lèe tɔɔte. Ben wà gèwāa wèe zòoto m̀ne kpàa, <sup>2</sup> ben sɔsɔne pì Gèwāa wèe zòoto pì zé wè. Tésukpe bòn lán m̀date bíta tésukpe bà, ben gèwāa wèe pì tésukpe ɔfántē sia kù, guu kè sí níginigi. <sup>3</sup> Sutēno b̀e tésukpe pì guu aɔ dà tɔɔtela. Wà n̄ gbá gbāaa lán anduna swínɔ gbāaa bà. <sup>4</sup> Wà bè́ne aɔton ãa da s̀earo ke lá ke lí ke, séde gbē kè aɔ Luda sèeda vī n̄ m̀'aearoonɔ. <sup>5</sup> Wèe n̄ gba zé aɔ gbēno d̀edero, m̀de aɔé wāwā kpáńzi ai m̀ sɔromɛ. Aɔ wāwāa de lán swí gbēpana wāwāa bàme. <sup>6</sup> Gurɔ beeenɔa gbēno é gaa wetɛ, aɔé ero. Ga nii é n̄ de, m̀de gaa é bàa lénne.

<sup>7</sup> Sutē p̀nɔɔ de lán s̄ kè n̄ sorumi mà k̄n z̀onɔ bà. Aɔ p̀oke kukuna lán vura f̀ura bà, aɔ uu de lán gbēntee uu bà. <sup>8</sup> Aɔ m̀kā vī gbāagbāa lán n̄gbē m̀kā bà, aɔ swaanɔ vī lán músu swaa bà. <sup>9</sup> Aɔ k̀se de lánd̄ aɔ m̀ uta dadana bà, aɔ d̀be k̄i d̄ lán goro parii kè s̄nɔ e gáee z̄i guu k̄i bà. <sup>10</sup> Aɔ vlāa vī k̄n kào lán swí p̀o bà. Aɔ gbāaa kú n̄ vlāa p̀nɔa, le aɔ ãa dao gbēnɔa ai m̀ sɔro. <sup>11</sup> Gèwāa wèe zòoto malaika p̀n̄ n̄ kína ũ. K̄n Eberu yāo à tón Abad̄. K̄n Giriki yāo s̄ Ap̄līs. <sup>12</sup> Wāiyoo káakupɔ g̀ete, m̀en plaaanɔ e m̀ɔ à kpeɛ d̄.

<sup>13</sup> Malaika swɛedodee a kākāki pè. Ma k̀to mà à b̀o Luda ae tuaetikpatakii kè wà p̀i k̄n vuraɔ koba siiḡɔnɔ kpa. <sup>14</sup> À bè malaika swɛedodee kè kākāki k̄nanɛ: N̄ malaika ḡɔn siiḡɔ kè aɔ yiyina swadaa kè wè be Yuflat̄i saenɔ poro. <sup>15</sup> Ben à malaika ḡɔn siiḡɔ kè wà n̄ soru kè wè beea m̀ beea gurɔ beea gurɔ zaka beee yānz̄inɔ p̀oro, le aɔ gbēnteenɔ leo aaḡɔdee d̀ede yānz̄i. <sup>16</sup> Wà soza s̄deenɔ pari lé òme, aɔ ḡɔn m̀līs wàa domɛ. <sup>17</sup> Wéegupu'ena p̀i guu lán ma s̄ p̀nɔ k̄n n̄ d̀irinɔ è n̄an̄ yè: Aɔ m̀ utanɔ dadana t̄e lán té bà, búgu lán bulu bà, kpà'ikpa'i lán ɔfántēgb̄o bà. S̄ p̀nɔ m̀i de lán músu m̀i bà. Té k̄n tésukpeo k̄n ɔfántēgb̄o e b̄ɔ n̄ lén. <sup>18</sup> Kisia m̀en aaḡɔ k̄enɔ, té k̄n tésukpeo k̄n ɔfántēgb̄o kè èe b̄ɔ n̄ lé guuo bé à gbēnteenɔ leo aaḡɔdee d̀ede. <sup>19</sup> Zaake s̄ p̀nɔ gbāaa kú n̄ lé guu k̄n n̄ vlāao d̄. Aɔ vlāa de lán ml̄e bà, aɔ m̀i vī kè aɔè ãa dao gbēnɔa.

<sup>20</sup> Gbē kpāaa kè aɔe gaga kisia p̀nɔ musuroonɔ e ǹse lie wà p̀o kè aɔ kè yāa t̀oro. Aɔ kpé wèe kuɛe t̄aanɔne k̄n p̀o kè aɔ kè k̄n vuraɔ k̄n kondogio k̄n m̀got̄e k̄n gb̀e k̄n lío. P̀o p̀nɔ è guu ero, aɔè yā maro, aɔè t̄aa o s̄ro. <sup>21</sup> Aɔe ǹse lie wà n̄ gb̀eɔna t̀oro ke aɔ p̀dammana ke aɔ p̀p̄ak̄ena ke aɔ kp̄ai'ona.

## 10

*Malaika k̄n takada porona néngoo*

<sup>1</sup> Ben ma malaika gbāade pānde è, à b̀o ludambe èe pitaa. Ludambe luguu ligazi, ludambef̄eɔdaa kú à m̀la. À uu de lán ɔfántē bà, à gbánɔ de lán t̄enene bà. <sup>2</sup> À takada néngo kè porona k̄na. À a gbá ɔplaa z̄e ís̄iaaa, à a gbá ɔze z̄e tɔɔtea. <sup>3</sup> À wii gbāaa lè lán músu p̀t̄ana bà. Kè à wii lè, lapatana m̀en swɛeplaaanɔ yā ò. <sup>4</sup> Kè lapatana m̀en swɛeplaa p̀nɔ yā ò le, má yezi mà k̄e takada guu, ben ma k̀to mà, à b̀o ludambe à bè: Nḡo yā kè lapatana m̀en swɛeplaaa p̀nɔ ò k̄na asii guu, n̄ton k̄ro. <sup>5</sup> Malaika kè má è zena ís̄ia k̄n tɔɔtea p̀i a ɔplaa s̄ à d̀o musu, <sup>6</sup> ben à s̄i k̄n Luda kè kuu gurɔ p̀ngio kè musu k̄n tɔɔteo k̄n ís̄iaao kè k̄n p̀o kè kú n̄ guunɔ p̀ngi à bè: Eé gi ke d̄ro. <sup>7</sup> Malaika swɛeplaade kākāki p̀egurɔ z̄i, t̀o èe m̀o p̀é, Luda p̀oyezi kè utena é ke, lán à à baaru kpà a z̀bleri annabinɔne n̄a.

<sup>8</sup> Ben ma k̀to kè má mà à b̀o ludambe p̀i mà d̄ à bè: N̄ gá n̄ takada kè porona à na malaika kè zena ís̄ia k̄n tɔɔtea ɔz̄i sí. <sup>9</sup> Ben ma gaa malaika p̀i kiia ma bène à takada néngo p̀i kp̄ama, ben à bème: N̄ sí n̄ só. Eé ḡo nna n̄ lén lán z̄o bà, m̀de eé ḡi n̄ s̄rozi. <sup>10</sup> Ben ma takada néngo p̀i s̄i malaika p̀i ɔz̄i má s̄o. À kè nna ma lén lán z̄o bà. Kè má m̀, à ḡi ma s̄rozi. <sup>11</sup> Ben wà bème mà annabik̄eyā o d̄ maamaa boriinɔ k̄n b̀usunɔ k̄n boriyānɔ k̄n k̄inanɔ yā musu.

## 11

### *Sèedade g̃ɔn plaaanɔ*

<sup>1</sup> Ben wà kàba kpàma p̃yɔbɔ ũ wà bèmɛ: N̄ fɛɛ n̄ Luda kpé ỹ k̃ɔn à gbāgbākiiio, n̄ d̃ɔnziri kè ãɔ kú gweenɔ naro. <sup>2</sup> N̄ à ua tó, n̄ton ỹro, zaakɛ wà kpà boriinɔamɛ. Ãé kèɛ p̃éɛɛ Luda wétedaaa ai m̃ɔ baplaa awɛɛplaa. <sup>3</sup> Mé ma sèedade g̃ɔn plaaanɔ gba zé ãɔ annabikɛyá o gurɔ wàa swɛɛdo k̃ɔn baaag̃ɔɔ pì guu p̃ɔsia utanɔ dadana. <sup>4</sup> Gb̃ɛ p̃inɔn kù lí mèn plaa k̃ɔn dabu mèn plaaa kè zena anduna Dii aenɔ ũ. <sup>5</sup> Tó gb̃ɛ e wetɛɛ à ïa dańma, té é bɔ n̄ lén à n̄ ibɛɛ p̃inɔ kpáta. Len gb̃ɛ kè èe wetɛɛ à ïa dańma é ga lɛ. <sup>6</sup> Ãɔ ludambɛ zé tatana gbāa vī, lɛ lou tón ma gurɔ kè ãɔɛ annabikɛyá ooro yānzí. Ãɔ í liena aru ũ gbāa vī dɔ. Ãé kisia bori sānda p̃ingi kpá andunazi gurɔ kè ãɔ yezia.

<sup>7</sup> Tó ãɔ n̄ sèedadekena yāa, n̄bɔ pāsī kè è bɔ gèwāa wɛɛ zòoto guu é z̃i kányo à z̃i blem̃ma à n̄ dɛdɛ. <sup>8</sup> Ãɔ gènɔ é̃g̃ɔ kaena wétedaa kè wà n̄ Dii pà lía zédaa guu. Yáasi guu wè wétedaa pì sísi Sɔd̃omu ke Icipiti. <sup>9</sup> Gb̃ɛ p̃ingi k̃ɔn bori p̃ingio k̃ɔn boriyá p̃ingio k̃ɔn b̃usu p̃ingi gb̃ɛnɔ é n̄ gènɔ gwagwa ai gurɔ aag̃ɔ k̃ɔn a kusuo, ãé we wà n̄ vīro. <sup>10</sup> Gb̃ɛ kè ãɔ kú t̃ɔtɛanɔ é p̃onnaa ke ãé z̃ibaa ke ãé gba dak̃ɔnɛ, kè annabi g̃ɔn plaaa kè wāwāa kpānzí p̃inɔ gāga yānzí. <sup>11</sup> Gurɔ aag̃ɔ k̃ɔn a kusuo pì gbera Ludaa tò wesa wèndidee gèńgu, ben ãɔ fɛɛ wà zè. Vīa gb̃ɛ kè ãɔ n̄ éno kù maamaa. <sup>12</sup> Ben annabi p̃inɔ kòto gbāaa mà à b̃ɔ ludambɛ à bèńne: À fɛɛ à mó kè. Gurɔ kè ãɔ ibɛɛnɔ wɛɛ f̃im̃ma, ben ãɔ fɛɛ wà tà musu ludambɛ luguu guu. <sup>13</sup> Z̃i beea t̃ɔtɛ n̄gānigā pāsīpāsī, wétedaa pì lɛo kuridee gb̃oro, ben g̃ɔn b̃ɔɔ swɛɛplaaanɔ gāga t̃ɔtɛnigānigāna pì guu. Vīa gb̃ɛ kpaaanɔ kù, ben ãɔ bèɛ l̃i Luda Musudenɛ. <sup>14</sup> Wāiyoo plaadee gètɛ, à aag̃ɔdee e kaa sa.

### *Kākaki swɛɛplaade pɛna*

<sup>15</sup> Malaika swɛɛplaadee a kākaki pè. Kòto gbāaanɔ b̃ɔ ludambɛ wà bè:

Anduna kpata g̃ɔ wa Dii p̃ó ũ  
k̃ɔn kina kè à kào,  
eé̃g̃ɔ kí blee gurɔ p̃ingi.

<sup>16</sup> Gb̃ɛnsi g̃ɔn baro awɛɛsiig̃ɔ kè ãɔ ṽɛṽɛna n̄ k̃itaa Luda aɛ p̃inɔ kùekue ãɔ d̃ɔnzí kènɛ  
<sup>17</sup> wà bè:

Dii Luda Gbāapingide  
kè n̄ kuu yā b̃ens̃ n̄ kuu ai tia,  
wa n̄ sáabu kè,  
zaakɛ n̄ b̃ɔ k̃ɔn n̄ gbāa bítaomɛ,  
gbasa n̄ na kíblenaa.

<sup>18</sup> Boriinɔ p̃ɔ f̃ɛ,  
ben n̄ p̃of̃ɛ p̃itar̃ma.  
N̄ yākpæk̃ena k̃ɔn gèwāadeenɔ gurɔ kà.  
Né f̃ia b̃o n̄ z̃òbleri annabinɔnɛ  
k̃ɔn n̄ gb̃ɛ kè ãɔɛ vīa k̃ɛnnɛnɔ,  
né féte gb̃ɛnsi,  
né andunaderinɔ dɛdɛ.

<sup>19</sup> Ben wà Luda kpé kè kú musu wè, ben wà Luda bà kuunańyo àkpati è à guu. Lou e pii, èè vīi, èè pūtāa. T̃ɔtɛ n̄gānigā, lougbe pāsī kwè.

## 12

### *Nɔgb̃ɛ k̃ɔn kwā isio*

<sup>1</sup> Ben ma wɛɛ s̃i sèeda bíta b̃onsaɛɛ ludambɛ. Nɔgb̃ɛ kee ɔfánt̃ɛ yina bisa ũ, m̃ɔvura kú à gbá g̃í̃z̃i, à s̃ɔs̃ɔnɛ mèn kuri awɛɛplaaanɔ kuna kifura ũ. <sup>2</sup> À n̄sina, ben n̄wāwāa f̃ɛɛa, èè né'iwāwā wii lɛɛ. <sup>3</sup> Ben ma wɛɛ s̃i p̃ó pāndelɛ ludambɛ sèeda ũ. Kwā is̃i t̃ɛa zónzon kú gwe,

à mì mèn swεεplaa, à koba mèn kuri. À kífura mèn swεεplaaano kukuna. <sup>4</sup>À sɔsɔnenɔ lɛo aagɔdee wòro ludambe kɔn a vlāao à kwèe tɔtɛ, ben à mò à zè nɔgbɛ kè yezi à né ii pì ae, le à e à né kè eé ii pì só yānzi. <sup>5</sup>Ben nɔgbɛ pì nɛgɔgbɛ kè eé kí ble bori píngia kɔn mò gòo ì. Ben wà né pì sè wà tàò Luda kɔn a kítào kiia. <sup>6</sup>Nɔgbɛ pì bàà lè à tà sèn, guu kè Ludaa kèkenɛ, le wà à gwa gurɔ wàa swεedo kɔn baaagɔɔo guu.

<sup>7</sup>Ben zì fɛɛ ludambe, Mikaeli kɔn a malaikano zì kà kɔn kwā pìo, kwā kɔn a ìbano zì kànyo. <sup>8</sup>Ben aɔ gbāaa kèsā, aɔɔe vɛekii e ludambe dɔro. <sup>9</sup>Wà pè kwā ìsi pìà wà à bò. Àmbe mlè zii kè wè be Ibilisi ke Setān, anduna píngi sāsāri ũ. Wà à bò wà zù tɔtɛ kɔn a ìbano lɛdo. <sup>10</sup>Ben ma kòto gbāaa mà ludambe à bè:

Wa Luda zì blè sa,  
à gbāa kɔn à kpatao bò gupuraa,  
à iko kpà kí kè à kàa.  
Zaake wà pè yādimmaria wà à bò.

Àmbe ègɔ wa gbɛno yakaa wa Ludane fāantɛ kɔn gwāavio.

<sup>11</sup>Wa gbɛno zì blèa kɔn Sāne Bòro aru gbāaa  
kɔn n̄ sèedadekeyāo.

Aɔ gì n̄ wèndizi ai aɔ gàa gào.

<sup>12</sup>Bee yānzi amɔa kè á kú ludambeno à pɔnnaa ke.

Wāiyoo tɔtɛ kɔn ísiao,  
zaake Ibilisi pitaawa kɔn pɔfɛ bítaome,  
kè à dɔ kè gurɔ kè gòare kpáaro yānzi.

<sup>13</sup>Kè kwā è wà a zu tɔtɛa, ben à pèe nɔgbɛ kè à nɛgɔgbɛ ì pìzi. <sup>14</sup>Ben wà kúu bíta dèbe mèn plaaa kpà nɔgbɛ pìà, le à vīa à ke zà kɔn mlè pìo, à tá guu kè wà kèkenɛ sèn, le wà à gwa gwe wè aagɔ kɔn a kusuo. <sup>15</sup>Mlè pì í pìsi nɔgbɛ pì kpɛɛ lán swaa bà, le ísɔ e à à sé, <sup>16</sup>ben tɔtɛ nɔgbɛ pì mì sì, à a lé wè à í kè bò kwā lén pì mì. <sup>17</sup>Ben kwā pì fɛ nɔgbɛ pìzi, à gàa zì ká kɔn à borii kè aɔ gònɔ, gbɛ kè aɔo Luda yā kè Yesu à sèeda kè kúnano. <sup>18</sup>Kwā pì zena ísia léa.

## 13

### *Nòbo pāsī mèn plaaano*

<sup>1</sup>Ben ma nòbo pāsī è èe bɔo ísiao pì guu, à mì mèn swεεplaa à koba mèn kuri. Koba mèn kuri pìno kífura kukuna. Dɔkena kɔn Ludao tó kèna à mì pìnoa. <sup>2</sup>Nòbo pāsī kè má è pì bò lán gbèka bà, à ɔo pāsī maamaa. À lé de lán músu lé bà. Kwā a gbāaa kpàa kɔn a kiblekitaò kɔn a iko bítao. <sup>3</sup>À mì pìno doke de lán wà à kari kè ai à kà gana bà, ben à bò pì yāa. À yā bò anduna gbɛ píngi sae, ben aɔ tɛzi. <sup>4</sup>Ben aɔ dɔnzi kè kwā pìne, kè à a iko kpà nòbo pāsī pìà yānzi. Aɔ dɔnzi kè nòbo pāsī pìne dɔ aɔ bè: Dé bé à kà nòbo pāsī pì ũu? Dé bé eé fɔ à zì káo?

<sup>5</sup>Wà wada yā'ona lé kpà nòbo pāsī pìà à Luda tó zaaa sío, ben wà à gbà zé à iko ke ai mɔ baplaa awεεplaa. <sup>6</sup>Ben à nà dɔkenaa kɔn Ludao à à tó zaaa sì kɔn à kúkiiò kɔn gbɛ kè aɔo kú gweeno. <sup>7</sup>Wà à gbà zé à zì ká kɔn Luda gbɛno à zì bleríma. Wà à gbà zé dɔ àgɔ iko vī bori píngia kɔn gbɛ píngio kɔn boriyā píngio kɔn bùsu píngio. <sup>8</sup>Gbɛ kè aɔo kú tɔtɛno é dɔnzi ke nòbo pāsī pìne n̄ píngi, gbɛ kè aɔ tó kú wèndi takadanloonɔ. Takada pì né Sāne Bòro kè wà dè le Ludaa kpé à anduna káe pómɛ. <sup>9</sup>Gbɛ kè swā vī à ma.

<sup>10</sup>Gbɛ kè Ludaa diè wà à kú zìzo ũu weé à kúme.  
Gbɛ kè Ludaa diè wà à de fɛɛdaao fɛɛdaan weé à deo.  
Bee e oo Luda gbɛnoe aɔgɔ mena vī, aɔgɔ náane vī.

<sup>11</sup>Ben ma nòbo pāsī pānde è èe bɔo tɔtɛn. À koba vī mèn plaa lán sāne bòro pò bà, mɔde à yā ò lán kwā bàme. <sup>12</sup>À nòbo pāsī káakupo pì iko píngi kè à wáa. À tò tɔtɛ kɔn gbɛ kè aɔo

kúnno dɔnzi ke nɔ̀bo pāsī káakupɔ̀ kè wà à kari kè ai à kà gana à bò yāa pìne. <sup>13</sup> À dabuyā bítano kè, baa se à tò té bò ludambe à lèe tɔ̀tɛa gbēno wáa. <sup>14</sup> À gbē kè aɔ̀ kú tɔ̀tɛano sāsā kɔ̀n dabuyā kè wà à gbà zé à kè nɔ̀bo pāsī káaku pì wáano. À bè́ne aɔ̀ nɔ̀bo pāsī kè wà à kari kè kɔ̀n fēdaao, ben à kpé bēe taka ke. <sup>15</sup> Wà à gbà zé à wèndi kpà nɔ̀bo pāsī taka pì, ben nɔ̀bo pāsī taka pì yā ò à tò wà gbē kè aɔ̀ gí dɔnzi kenɛzinɔ̀ dèdè. <sup>16</sup> À tò wà sèeda kè n̄ baade pínɡi ɔ̀plaaa ke n̄ m̄'ae, né féte gbēnsi, auzikideeno kɔ̀n takaasideeno, zòno kɔ̀n wēeno. <sup>17</sup> Gbē kè nɔ̀bo pāsī pì tó sèeda vīro kesɔ̀ à tó lamba, adee é f̄s̄ à p̄s̄ yá kesɔ̀ à lúro. <sup>18</sup> Ɔ̀ndɔ̀yān yè. Gbē kè wéezēe vī, à nɔ̀bo pāsī pì lamba dɔ̀dɔ̀, zaake gbēntee tó lambame. À lamba né wàa aagɔ̀ kɔ̀n baaagɔ̀ awēeswēedomē. (666)

## 14

### *Sāne Bòro kɔ̀n gbē kè à n̄ bóno*

<sup>1</sup> Ben ma Sāne Bòro pì è zena Zayon kp̄iia. Gɔ̀n boro wàa swēplaa awēeaagɔ̀ kúo. À tó kɔ̀n à De tóo kēna n̄ m̄'ae. <sup>2</sup> Ma k̄i mā à bò ludambe lán ís̄kana k̄i bà, lán lapatana gbāaa bà. K̄i kè má mā pì de lán m̄or̄lerino m̄or̄'ò bà. <sup>3</sup> Gɔ̀n boro wàa swēplaa awēesiigɔ̀ p̄ino e lè dufu sii k̄ita kɔ̀n p̄o bēe mèn siigɔ̀no kɔ̀n gbēnsino ae. Gbēkee e f̄s̄ à lè pì dàdaro, sé gbē kè wà n̄ bó anduna guu p̄ino. <sup>4</sup> Aɔ̀mbe gbē kè aɔ̀e gbāsī ke kɔ̀n nɔ̀gbēnooron̄ ũ, kè aɔ̀ kuu lezi. Aɔ̀èḡs̄ té Sāne Bòrozi guu kè è gán pínɡi. Wà n̄ bó gbē káakuno ũ Ludane kɔ̀n Sāne Bòro p̄io. <sup>5</sup> Wēe ma ziki kè aɔ̀ egēe tòro, aɔ̀ taari vīro.

### *Yákpækeguro baarukpana*

<sup>6</sup> Ben ma malaika pānde è èe vīaa musumusu. À baaru nnaa kè kuu guro pínɡi k̄una le à kpá gbē kè aɔ̀ kú tɔ̀tɛno, b̄usu pínɡi, bori pínɡi, boriyā pínɡi kɔ̀n gbē pínɡio. <sup>7</sup> À ò gbāngbān à bè: À vīa ke Ludane à bèe líne, zaake à yákpækēna kɔ̀n gbēnoo guro kà. À dɔnzi ke Luda kè musu kɔ̀n tɔ̀tɛo kɔ̀n ísiaao kɔ̀n biano kēne.

<sup>8</sup> Malaika plaadee té à kp̄e à bè: Babilonu gbòro! Wétēda b̄ita pì gbòro! À tò bori pínɡi a p̄ap̄akēna wēe kè è mó Luda p̄f̄eo m̄i.

<sup>9</sup> Malaika aagɔ̀dee té n̄ kp̄e, à ò gbāngbān à bè: Tó gbē dɔnzi kè nɔ̀bo pāsī p̄ine kɔ̀n à takao à à sèeda s̄i a m̄'aea kesɔ̀ a ɔ̀, <sup>10</sup> àmbe eé Luda p̄ētē wēe kè wà kà à p̄f̄e togoon atēe m̄i, eé wāwāa ma té kɔ̀n ɔ̀f̄antēgb̄o guu zaa Luda malaikano kɔ̀n Sāne Bòro aeZ̄i. <sup>11</sup> Aɔ̀ wétamma tésukpe éḡs̄ d̄o guro pínɡi. Gbē kè aɔ̀ dɔnzi kè nɔ̀bo pāsī p̄ine kɔ̀n à takao aɔ̀ à tó sèeda kēno ĩampana vīro f̄aantē kɔ̀n gwāav̄io. <sup>12</sup> Bee e oo Luda gbēnoe aɔ̀ḡs̄ mēna vī, gbē kè aɔ̀ yā kè à d̄ieno k̄una aɔ̀e Yesu náane kēeno.

<sup>13</sup> Ben ma kòto mā à bò ludambe à bè: N̄ kèkii kē. Aubarikadenon gbē kè aɔ̀é ga Dii guu zaa tiaano ũ. Luda Nini bè: Lemē! Aɔ̀é kamma bo kɔ̀n n̄ z̄io, zaake aɔ̀ maakēna gbè tēz̄i.

### *Tɔ̀tɛ p̄ono kēkēna*

<sup>14</sup> Ben ma ludambe lugu puraa è, p̄okee vēea lán gbēntee bà. À vura f̄ura kuna, à konto lēnna k̄una. <sup>15</sup> Ben malaika pānde bò Luda kp̄én à lé gbāaa zù gbē kè vēena ludambe luguuazi à bè: N̄ konto ká p̄ozi n̄ kē, zaake tɔ̀tɛ p̄ono mā, à kà kēna. <sup>16</sup> Ben gbē kè vēena ludambe luguua a konto m̄ae tɔ̀tɛ à tɔ̀tɛ p̄ono kēkē.

<sup>17</sup> Malaika pānde bò musu Luda kp̄én, à konto lēnna k̄una d̄o. <sup>18</sup> Ben malaika pānde kè té iko vī bò sa'okiia. À lé gbāaa zù gbē kè konto lé nna k̄una p̄izi à bè: N̄ n̄ konto lēnna ká geepi kò kè aɔ̀ kú tɔ̀tɛanozi n̄ z̄z̄s̄, zaake à bēe m̄a. <sup>19</sup> Ben malaika p̄i a konto m̄ae tɔ̀tɛ à geepi kòno z̄z̄s̄ à kà geepi'if̄eki b̄ita kè de Luda p̄f̄epitab̄o ũu guu. <sup>20</sup> Wà kēse p̄eep̄e geepi kò p̄ino wétē kp̄e, ben aru b̄e geepi'if̄ekii guu à d̄agula ai kiloo wàa do kp̄é bas̄oro, à lez̄i kà s̄o aizi lén.

## 15

### *Kisia zāade mèn swεεplaaanɔ kpánzina*

<sup>1</sup> Ben ma sèeda pānde è ludambe, à bíta à bò ma saε. Malaika gɔɔn swεεplaaanɔ kisia zāade mèn swεεplaaanɔ kūna. Beeen Luda é a pɔfɛpitamma mi dεo.

<sup>2</sup> Ben ma pòke è lán sèbe bà, à de lán dígi bà kakɔana kɔn téo. Ma gbě kè aɔ zǐ blè nòbɔ pāsǐ pía kɔn à takao kɔn à tó lambaonɔ è zεna sèbe kè de lán dígi bà pì saε, aɔ mɔɔ kè Ludaa kpàámmanɔ kùkūna. <sup>3</sup> Aɔɔe Luda zòbleri Musa lè sii kɔn Sāne Bòɔ lèo wà bè:

Dii Luda Gbāapingide,  
n yākenanɔ bíta, aɔ bò wa saε.  
Bori píngi Kína,  
nεè yā ke a zéa kɔn yāpuraao.

<sup>4</sup> Dii, dé bé à n vīa vīroo?

Dé bé eé gí n tó kpázii?  
Zaake n mèn do, míbe n kú adona.  
Bori píngi é mó donzi kenne,  
zaake n maakenanɔ bò gupuraa.

<sup>5</sup> Beee gbera ma Luda kpé è wēna musu, àmbe bisakutaa kè à doka kún ũ. <sup>6</sup> Ben malaika gɔɔn swεεplaa kè aɔɔ kisia mèn swεεplaa kúnanɔ bòe kpé pì guu. Aɔ táaru bisa pura fénfen kè èe té keε kúnla, vura asaa dɔdɔ n kùsea. <sup>7</sup> Ben pò bēε mèn siigɔɔnɔ doke vura zubbɔ kpà malaika gɔɔn swεεplaa pìnɔ baadea, Luda kè ègɔ kuu gurɔ píngi pɔfɛ kán à pà. <sup>8</sup> Luda gakui kɔn a gbāaaò tésukpe kpé pì pà. Gbēke é fɔ à gēnlo ai malaika gɔɔn swεεplaa kisia mèn swεεplaa pìnɔ gāa à mi dèo.

## 16

### *Luda pɔfɛ pitana andunazi*

<sup>1</sup> Ben ma kòto gbāaa mà bɔna Luda kpén, à bè malaika gɔɔn swεεplaa pìnɔne: À gá à Luda pɔfɛ kè kú zubbɔ mèn swεεplaa pìnɔ guu εε andunaa. <sup>2</sup> À káakudee gāa à a zubbɔ èε andunaa. Ben bògǐi zaa pāsǐnɔ bò gbě kè aɔɔ nòbɔ pāsǐ sèeda vī, kè aɔɔ donzi ke à takanenɔa.

<sup>3</sup> À plaadee a zubbɔ èε ísiaaa. Ben ísia'i gǔ lán gè aru bà, pò bēε kè aɔɔ kú à guuno gāga píngi.

<sup>4</sup> À aagɔdee a zubbɔ èε swaanɔ kɔn bianɔa, ben í pìnɔ lè aru ũ. <sup>5</sup> Ben má mà malaika kè í iko vīi bè:

Kuadonade, mmɔn kè n kuu yāa,  
bensɔ n kuu kɔn a tiaao,  
n yākpae kènyo a zéame.

<sup>6</sup> Aɔ n gbēnɔ kɔn n annabinɔ aru kwèε,  
ben n aru kpàámma aɔɔ mi.

À kɔ sìnyo εε.

<sup>7</sup> Ben ma kòto mà bɔna sa'okiia à bè:

Lεmε, Dii Luda Gbāapingide,  
n yākpae kènyo a zéame,  
bensɔ n yāpuraa vī.

<sup>8</sup> À siigɔdee a zubbɔ èε ɔfāntēa, à tò à té gbēnteenɔ kpàta. <sup>9</sup> À puusu gbāaa n pá, ben aɔ Luda kè kisia beeenɔ iko vī tó zaaa sì. Aɔɔe nòse lie wà bèε línεro.

<sup>10</sup> À sɔɔrodee a zubbɔ èε nòbɔ pāsǐ kiblekita, ben gusiaa dà à kpatala. Gbēnɔ e n lé yāakɔte wāwāa guu, <sup>11</sup> ben aɔ Luda Musude tó zaaa sì aɔ wāwā kɔn n bògǐo yānzi. Aɔɔe nòse lie wà kpeε lè n yākenanɔnεro.

<sup>12</sup> À swεedodee a zubbɔ èε swadaa kè wè be Yuflatia, ben swaa pì í bàba, ben zé bò ɔfāntēbɔe kpa kínanɔne. <sup>13</sup> Ben ma zīnɔ è mèn aagɔ lán blònɔ bà aɔɔe bɔɔ kwā kɔn nòbɔ pāsǐo kɔn annabi εγεεo lén. <sup>14</sup> Zīn dabuyākerinɔmε. Aɔɔe gaa anduna píngi kínanɔ kiia, le



wà n̄ kak̄ṣa ā z̄i ká Luda Gbāapingide gur̄ṣ bíta z̄i yānzi. <sup>15</sup> À ma! Mé m̄ lán kp̄ai bàme. Aubarikadeen gb̄ē k̄e a w̄éé ḡṣ d̄ṣ ũ, à a p̄ókásāan̄ṣ dana, l̄e àton b̄ṣ b̄ūu wà à b̄ūuk̄e ero yānzi. <sup>16</sup> Ben z̄in̄ p̄in̄ k̄ina p̄in̄ k̄ak̄ṣa guu k̄e w̄e be k̄ṣn Eberu yāo Amaged̄ṣ.

<sup>17</sup> À sw̄eēplaaḁee a zub̄ṣ èe ãaa. Ben k̄oto gb̄āaa b̄ṣ k̄ita kiia Luda kp̄én à bè: À k̄èn gwe. <sup>18</sup> Lou e pii, èe v̄i èe p̄ūtāa. T̄ṣṣe n̄igānigā p̄āsīp̄āsī. Zaa lán wà gb̄ēntee k̄e t̄ṣṣe nà, à taka borii e k̄e zikiro, à p̄āsī k̄e bíta. <sup>19</sup> W̄étēda t̄ṣṣee kp̄āatek̄ṣe l̄eo aaḡṣ, ben bori p̄ingi w̄étēdaan̄ṣ gb̄oro. W̄étēda t̄ṣṣe Babil̄nu yā d̄ṣ Ludan, ben à a p̄ṣf̄ē p̄āsī w̄ē togoo kp̄aa à mì. <sup>20</sup> Ísia luann̄ṣ ḡè z̄éla p̄ingi, w̄e w̄éé si kp̄iinn̄ṣ d̄ro. <sup>21</sup> Lougb̄e bítan̄ṣ b̄ṣ ludambe, āṣ k̄a kiloo baplaa. Āṣ sisi gb̄ēnteeṣ, ben āṣ Luda t̄ṣ zaaa si lougb̄e kisiadee p̄i yānzi, zaake kisia p̄i p̄āsī maamaa.

## 17

### *Kaarua k̄e di n̄ṣṣ p̄āsī*

<sup>1</sup> Malaika ḡṣṣn sw̄eēplaa k̄e āṣ zub̄ṣ m̄èn sw̄eēplaa k̄ūna p̄in̄ṣ doke bème: N̄ m̄ṣ mà yā k̄e eé w̄i kaarua t̄ṣṣee k̄e v̄ēena swaa pariinn̄ṣ ṣṣṣanne. <sup>2</sup> Anduna k̄inan̄ṣ p̄āp̄āa k̄eṣ, anduna gb̄ēn̄ṣ à p̄āp̄ākena w̄ēe mì wà k̄ā. <sup>3</sup> Luda Nini m̄ṣnama guu malaika p̄i ḡāmao gb̄āan. Ben ma n̄ṣgb̄e ke è dina n̄ṣṣ p̄āsī t̄ēaaa. D̄ṣkena k̄ṣn Ludao t̄ṣṣn̄ṣ f̄if̄ia, à mì m̄èn sw̄eēplaa, à koba m̄èn kuri. <sup>4</sup> N̄ṣgb̄e p̄i bisa gaarura'ide k̄ṣn à w̄éé t̄ēadeeo yina, à z̄ābleṣṣ k̄e wà p̄i k̄ṣn vuraon̄ṣ dana k̄ṣn gb̄e b̄ēedeenn̄ṣ k̄ṣn ṣṣṣn̄ṣ. À vura togo k̄ūna, t̄ē p̄ṣṣn̄ṣ k̄ṣn à p̄āp̄ākena gb̄āsīn̄ṣ k̄ān à p̄ā. <sup>5</sup> Wà t̄ṣ asiidee k̄e à mì'aea wà bè:

W̄étēda t̄ṣṣe Babil̄nu,

kaaruan̄ṣ k̄ṣn anduna t̄ē p̄ṣṣn̄ṣ da.

<sup>6</sup> Má è n̄ṣgb̄e p̄i Luda gb̄e k̄e wà n̄ṣ déde Yesu s̄eedakena yānzinn̄ṣ aru mì à k̄ā èe à d̄eē.

K̄e ma à è, à yā b̄ṣ ma sae maamaa. <sup>7</sup> Ben malaika p̄i ma la à bè: B̄óyānzinn̄ṣ à yā b̄ṣ n̄ saezi? Mé n̄ṣgb̄e p̄i asii onne k̄ṣn n̄ṣṣ p̄āsī k̄e à à sena asiio, k̄e à mì m̄èn sw̄eēplaa à koba m̄èn kuri p̄i. <sup>8</sup> N̄ṣṣ p̄āsī k̄e n̄ è p̄i kuu yā, ben à kuu tia d̄ro, bens̄ṣ eé b̄ṣ ḡewāa w̄ēe z̄oto guu à mì p̄é kaatēnaa. Gb̄e k̄e āṣ k̄ú t̄ṣṣe, k̄e āṣ t̄ṣ k̄ú w̄ēndi takadan zaa anduna daegur̄ṣaroon̄ṣ, t̄ṣ āṣ n̄ṣṣ p̄āsī k̄e kuu yā, ben à kuu tia d̄ro, m̄ode eé eara à m̄ṣ p̄i è, à yā é b̄ṣ n̄ sae.

<sup>9</sup> Laasuudee k̄e ṣnd̄ṣṣ v̄i yān̄ṣ yè. Mì m̄èn sw̄eēplaa p̄in̄ṣ né s̄is̄i m̄èn sw̄eēplaa k̄e n̄ṣgb̄e p̄i v̄ēenaan̄ṣme. K̄i ḡṣṣn sw̄eēplaaan̄ṣme d̄ṣ. <sup>10</sup> Āṣ ḡṣṣn s̄ṣṣroo l̄ē, gb̄e doo kuu, gb̄e doo kp̄é. T̄ṣ à m̄ṣ, eé ḡi k̄ero. <sup>11</sup> N̄ṣṣ p̄āsī k̄e kuu yā, ben à kuu tia d̄roo p̄i né k̄ina s̄raaḡṣdeeme. Ḡṣṣn sw̄eēplaa p̄in̄ṣ dokeme d̄ṣ. Èe mì p̄eē kaatēnaa. <sup>12</sup> Koba m̄èn kuri k̄e n̄ è p̄in̄ṣ né k̄i ḡṣṣn kuri k̄e āṣṣe kpata ble k̄ṣroon̄ṣme. M̄ode āṣé k̄i ble gur̄ṣ zaka f̄éte guu k̄ṣn n̄ṣṣ p̄āsīṣo l̄edo. <sup>13</sup> Āṣ ḡṣṣn kuri p̄in̄ṣ l̄é d̄ṣnk̄ṣme. Āṣé n̄ gb̄āa k̄ṣn n̄ṣ ikoo kp̄a n̄ṣṣ p̄āsī p̄ia. <sup>14</sup> Āṣé z̄i k̄a k̄ṣn S̄āne B̄ṣṣṣ, m̄ode eé z̄i bleṣṣma, zaake diinn̄ṣ Diime, k̄inan̄ṣ K̄iname. À gb̄e n̄āan̄ṣdee k̄e à n̄ṣ s̄isi à n̄ṣ s̄enn̄ṣ k̄úo. <sup>15</sup> Ben malaika p̄i bème: Swaa k̄e n̄ è kaarua v̄ēenaṣṣman̄ṣ né gb̄ēn̄ṣ k̄ṣn pariinn̄ṣ k̄ṣn boriinn̄ṣ k̄ṣn boriyānn̄ṣme. <sup>16</sup> N̄ṣṣ p̄āsī k̄ṣn koba m̄èn kuri k̄e n̄ è p̄in̄ṣ é za kaarua p̄in̄. Āṣé à kaate āṣ à t̄ṣ b̄ūu. Āṣé à s̄ṣ āṣé t̄é s̄ṣa. <sup>17</sup> Zaake Luda a p̄oyezi d̄ānn̄ṣ n̄ sw̄ēn̄ āṣ l̄edole k̄eme. Āṣé n̄ kpata kp̄a n̄ṣṣ p̄āsī p̄ia ai Luda yā ḡa papao. <sup>18</sup> N̄ṣgb̄e k̄e n̄ è p̄i né w̄étēda t̄ṣṣee k̄e iko v̄i anduna k̄inan̄ṣame.

## 18

### *Babil̄nu l̄ēna*

<sup>1</sup> Beee gb̄era ma malaika p̄ānde è b̄ṣna ludambe. À iko bíta v̄i, à gakui anduna p̄u. <sup>2</sup> À wii gb̄āaa l̄e à bè:

Babil̄nu l̄ē, w̄étēda t̄ṣṣee p̄i l̄ē.

À ḡṣ z̄inn̄ṣ k̄úkii ũ, t̄āa bori p̄ingi t̄ṣ ũ,

bāa kè wè ní tē bo wà zaŋguno bæ ũ.

<sup>3</sup>Zaake bori píngi à pāpākena wēε  
kè è mó Luda pofēo mi.

Anduna kīnanɔ pāpāa kèo,  
ben anduna laatarinɔ kè auzikideenɔ ũ  
à nnamana bíta guu.

<sup>4</sup>Ben ma kòto pānde mà bɔna ludambe à bè:

À bɔε à guu ma gbēnɔ,  
le a ɔɔ tóngɔ kú à durunnɔ guu  
yā kè weé mónenɔ tón a lero yānzi.

<sup>5</sup>Zaake à durunnɔ gbà à zò ludambeεa,  
ben à dàkenanɔ dò Ludan.

<sup>6</sup>À fīa bonε yā kè à kēńnea,  
à kenε à yākenaa leo plaa.

À pofē wē káne a togoon  
de pó kè à kánnela leo plaa.

<sup>7</sup>À wāwā kōn wēndaaɔ kpázi,  
lán à tó kè nnamana guu lén nà.

Zaake è be a swē guu,  
kīnan a ũ vēena a kītaa,  
gyaanɔ takaasideen a ũro,  
é sósobi ke zikiro.

<sup>8</sup>Bee yānzi kisia kèkiinɔ é à le gurɔ dozi,  
gagyā kōn wēndaaɔ kōn nɔaaɔ.

Té bé eé à kpáta,  
zaake Dii Luda à yākpækεri gbāa.

<sup>9</sup>Anduna kīna kè aš pāpāa kèo aš nnaa màonɔ, tó aš à tékūna luguu è, ašé ɔɔ do ašé  
kpāngeda ke. <sup>10</sup>Ašé ze kāa vīa guu wāwāa kè wà kpāzi yānzi aš be:

Wāiyoo, wāiyoo, wétēda bíta!

Wétēda ikode Babilɔnu!

Yā mò à vēemma gurɔ do gɔɔ?

<sup>11</sup>Anduna laatarinɔ é ɔɔ do se, ašé sósobi kenε, kè gbēke é ní laa kèkiinɔ lúmma dɔro yānzi:

<sup>12</sup>Vura, kondogi, gbè bèēdeenɔ, òsonɔ, bisa ɔɔdeenɔ, bisa tēa kōn à gaarura'ideenɔ, siliki, lí  
maa bori pínginɔ, pó kè wè ke kōn wesaswaaonɔ kōn lí bèēdeenɔ kōn m̀ogotēnɔ kōn m̀osinɔ  
kōn gbè puraanɔ píngi, <sup>13</sup>lítεε gū nnannaanɔ, dò pónɔ, tuaetitinɔ, lí'ɔ gū nnannaanɔ,  
geepiwēε, nósi, flawa, pówεenɔ, zùnɔ, sāanɔ, sōnɔ kōn ní góronɔ, zònɔ kōn gbēntee wēndinɔ.

<sup>14</sup>Weé benε: Pó maaa kè nēè à ni deenɔ yāamma píngi. N nnamana kōn n gakuio p̀tingu  
píngi, né e ziki dɔro.

<sup>15</sup>Laatari kè aš kè auzikideenɔ ũ wétēdaa p̀i gāzīnɔ é ze kāa vīa guu wāwāa kè wà kpāzi  
yānzi. Ašé ɔɔ do wà sósobi ke <sup>16</sup>aš be:

Wāiyoo, wāiyoo wétēda tóde!

À táaru bisa yì yā  
kōn bisa gaarura'ideeo kōn à wéε tēadeeo.

À zāblebɔ kè wà p̀i kōn vuraonɔ dà yā  
kōn gbè bèēdeenɔ kōn òsonɔ.

<sup>17</sup>À auziki píngi kàate gurɔ do gɔɔ.

Góro'ite diinɔ kōn táa'orinɔ kōn góro gbēnɔ kōn gbē kè ašé zīi ke ísiaalaanɔ é ze zāazā ní  
píngi. <sup>18</sup>Tó aš wétēdaa p̀i tékūna luguu è, ašé wii lé wà be: Wétēda kee kuu yā kè à bíta kà  
wétēdaa kèkii ũro. <sup>19</sup>Ašé ɔɔ do ašé kpāngeda ke, ašé sósobi ke ašé wii lé wà be:

Wāiyoo, wāiyoo wétēda tóde!  
Gbē kè aǎ góro'ite vī ísiaalaano píngi  
kè auzikideeno ũ wétēdaa pì auziki kè dìn sàabu,  
ben à gǎ bezi ũ gurɔ do gǎ.

<sup>20</sup> À pɔnnaa ke à yā musu ludambēdeeno kɔn Luda gbēno kɔn à zիրino kɔn à annabino,  
zaake Luda bé à gēε bōaare.

<sup>21</sup> Ben malaika gbāadee gbē kè kà wísilɔgbε gbēntē ũu sè à zù ísīaa guu à bè:  
Len weé wétēda tóde Babilɔnu zun le kɔn gbāaa,  
weé wétēdaa pì e ziki dɔro.

<sup>22</sup> Weé mɔro ke gǎgǎ'  
ke kure ke kākāki'ɔ ma n guu ziki dɔro.  
Weé ɔzikeri ke e n guu ziki dɔro.  
Weé wísilɔgbε kīi ma n guu ziki dɔro.

<sup>23</sup> Weé fitia gupuraa e n guu ziki dɔro.  
Weé nɔsekīi ma n guu ziki dɔro.  
N laatarino né anduna gbēnsinɔmε yā,  
n pɔ dà bori píngia n nì mī liε.

<sup>24</sup> Wà annabino kɔn Luda gbēno aru è à guu kɔn gbē kè wà n dēde anduna guuno n píngi.

## 19

### *Pɔnnakena ludambe*

<sup>1</sup> Beee gbera ma kòto gbāaa mà ludambe lán parii yā'ona bà à bè:  
Aleluya!

Wa Luda bé à zī blè!  
Ambe gakui kɔn gbāaa vī ado,  
<sup>2</sup> zaake è yākpae ke a zéa kɔn yāpuraaomε.

À yākpae kè kɔn kaarua tódee  
kè anduna yàka kɔn a pāpākenao.  
À a zòblerino dēdēna gēε bōa.

<sup>3</sup> Aǎ bè dɔ:  
Aleluya!

À tésukpe égɔ dɔ gurɔ píngimε.

<sup>4</sup> Gbēnsi gɔon baro awεεsiigɔonɔ kɔn pɔ bēε mēn siigɔonɔ dàēdaε wà dɔnzi kè Luda kè vēena  
a kītaane aǎ bè:  
Aami! Aleluya!

### *Sāne Bòro nɔseɔpblee*

<sup>5</sup> Ben ma kòto mà bɔna kīta pì kiia à bè:

À wa Luda tó kpá amɔa à zòblerino a píngi,  
amɔa kè á à vīa vīino né féte gbēnsi.

<sup>6</sup> Ben ma kòto mà lán pari yā'ona bà, lán ísɔkana kīi bà, lán lapatana gbāaa bà à bè:  
Aleluya!

Dii wa Luda Gbāapingide nà kíblēnaa.

<sup>7</sup> Wà pɔnnaa ke wà yāa dɔ wà à tó kpá,  
zaake Sāne Bòro nɔseɔgurɔ kà,  
à nɔɔ sorumi mà.

<sup>8</sup> Wà táaru bisa pura fénfen kè èe té keε kpàa à yi.  
Táaru bisa pì né Luda gbēno yāmaaakenanɔmε.

<sup>9</sup> Malaika bèmε: N kē. Aubarikadeenɔn gbē kè wà n sīsi Sāne Bòro pì nɔseɔpbleeanɔ ũ. À  
bème dɔ: Luda yā yāpuraan gwe. <sup>10</sup> Ma daε à aezī le mà dɔnzi keε, ben à bèmε: N beee

tó. Ñ dɔnzi ke Ludanɛ. N zòbleri daan ma ũ kɔn n gbɛ kè aɔ yá kè Yesu à sèeda kè kúnano. Zaake yá kè Yesu à sèeda kèn annabikéyá'ona mì ũ.

### *Kirisi mɔna dina sɔ puraaa*

<sup>11</sup> Ben ma ludambɛɛ è wɛkɔana, ben sɔ puraa bò, gbɛ kè dia tón Náanede Yápurade. È yákpae keńyo, è zì kányo a zéa. <sup>12</sup> À wée de lán tévura bà, à kífura kukuna pari. Tó ke kèna à mì'aea, gbɛke tó pì yáasi dɔro, séde àpi. <sup>13</sup> À uta kè wà dà aru guu dana. À tón Luda Yá. <sup>14</sup> Ludambɛ zìkpɛɛnɔ tɛzi, aɔ didi sɔ puraanɔa kɔn táaru bisa pura féfen-o dadana. <sup>15</sup> Fɛɛda lé nnaa e bɔɔ à lén, le à boriino léo. Eé kí blerímma kɔn mò gòo eé kèse péé geepi bɛɛnɔa geepi'ifékii guu, àmbe Luda Gbáapingide pɔfɛ pásí ũ. <sup>16</sup> Wà tó kèkii kè à utaa kɔn à gbádaao:

Kínano Kína, diino Dii.

<sup>17</sup> Ben ma malaika è à zena ɔfántɛn. À lé gbáaa zù bāa kè aɔɔe víaa musumusunɔzi píngi à bè: À mɔ à kakɔa à pòble bíta kè Ludaa kèaree ble, <sup>18</sup> le à e à kínano gè só kɔn soza gbɛnsino kɔn gbáadeenɔ kɔn sɔnɔ kɔn n dírino kɔn gbɛ píngio, wɛɛnɛnɔ kɔn zòno, né féte gbɛnsi. <sup>19</sup> Ben ma nòbɔ pásí è kɔn anduna kínano kɔn n zìkpɛɛnɔ, aɔ kɔ kàkɔa wà zì ká kɔn gbɛ kè di sɔa pìo kɔn à zìkpɛɛnɔ. <sup>20</sup> Wà nòbɔ pásí pì kù ledò kɔn annabi egeɛ kè dabuyānɔ kè à aeo. Dabuyā pìnɔn à gbɛ kè aɔ nòbɔ pásí sèeda ví aɔ dɔnzi kè à takanɛnɔ sàsāo. Wà n zú té sèbe kè è kù kɔn ɔfántɛgbɔo guu bɛe aɔ plaa n píngi. <sup>21</sup> Gbɛ kè di sɔa gbɛ kpaaanɔ dède kɔn fɛɛdaa kè bò à lé guuo, ben bāanɔ n gèno blè aɔ kà píngi.

## 20

### *Kirisi kíblena anduna guu wè wàa sɔɔro*

<sup>1</sup> Ben ma malaika è bɔna ludambɛ à gèwāa wèe zòoto mɔne kúna kɔn mòkyako gbèreo. <sup>2</sup> À kwā kè de mlè zii ũu kè wè be Ibilisi ke Setān kù, ben à mò kàa ai wè wàa sɔɔro. <sup>3</sup> Malaika pì à zù gèwāa wèe zòoto pì guu, à gbà tàtaàle à kwado sikhɔrea, le àton boriino sàsāro ai wè wàa sɔɔroo pì gá papao. Beee gbera weé à gbarɛ féte.

<sup>4</sup> Ben ma kitanɔ è kɔn gbɛ kè aɔ vɛɛnaanɔ. Wà n gbá zé aɔ yákpae ke kɔn gbɛnɔ. Ma gbɛ kè wà n mì zò Luda yá kè Yesu a sèeda kè ona yānzino è. Aɔɔe dɔnzi ke nòbɔ pásí ke à takanero. Aɔɔe à sèeda ke n mì'ae ke n ɔɔaro. Aɔ fɛe bɔna gaan aɔ kí blè kɔn Kirisio wè wàa sɔɔro. <sup>5</sup> Gèno fɛena káakupɔn gwe. Gè kpaaanɔ e fɛero ai wè wàa sɔɔroo pì gà à pàpao. <sup>6</sup> Aubarikadeenɔn gbɛ kè aɔ baka kú gèno fɛena káakupɔ guunɔ ũ, aɔ kú adona. Ga plaade iko vīmmaro. Aɔégɔ de Luda kɔn Kirisio gbàgbārinɔ ũme, aɔégɔ kí bleo ai wè wàa sɔɔro.

### *Setān zuna tén*

<sup>7</sup> Tó wè wàa sɔɔroo pì pàpa, weé Setān bɔ wà à gbarɛ. <sup>8</sup> Eé gá borii kè aɔ kú anduna gooda siigɔanɔ sāsa, Gɔgu kɔn Magɔguo, eé n kakɔa le aɔ zì ká. Aɔɔe pari lán ísiale bùsu'āatɛ bà. <sup>9</sup> Aɔ dà andunala aɔ liga Luda gbɛnɔ bùrazi kɔn wétɛdaa kè Ludaa yezio, mɔde té bò ludambɛ à n kpáta. <sup>10</sup> Wà Ibilisi kè n sāsā sè wà zù té sèbe kè è kù kɔn ɔfántɛgbɔo guu, guu kè wà nòbɔ pásí kɔn annabi egeɛo zùn. Aɔégɔ wāwāa keɛ fáantɛ kɔn gwāavíio gurɔ píngi.

### *Yákpae zāade kɛna*

<sup>11</sup> Ben ma kiblekita pura bíta è kɔn gbɛ kè vɛɛao. Tɔɔte kɔn musuo gusii lè à ae, guu kúine dɔro. <sup>12</sup> Ben ma gèwāadeenɔ è, né féte gbɛnsi, aɔ zena kíta pì ae. Wà takadanɔ wèwɛ, ben wà takada pānde wè dɔ wèndi takada ũ. Wà yákpae kè kɔn gèwāadeenɔ aɔ yákenaa lán à kèna takada pìnɔ guu nà. <sup>13</sup> Ísīaa gèwāadee kè aɔ kú a guunɔ kpà. Ga kɔn gèwāao gèwāadee kè aɔ kú n guunɔ kpà se. Ben wà yákpae kè kɔn baadeo a yákenaa. <sup>14</sup> Wà ga

kōn gèwāao zù té sèbe guu. Té sèbe pì né ga plaadeeme. <sup>15</sup> Gbē kè wèe ní tó e wèndi takada guuroonon wà ní zú té sèbe pì guu.

## 21

### *Tɔɔte dufu kōn musu dufuo*

<sup>1</sup> Ben ma tɔɔte dufu kōn musu dufuo è, zaake tɔɔte káakupɔ kōn musu káakupɔo gète, bensɔ ísīaa kuu dɔro. <sup>2</sup> Ben ma Luda wéteda Yerusalemu dufu è bɔna musu Luda kiia èe pitaa. Wà kèke lán nɔgbē kè à zākēna sorumi mà bà. <sup>3</sup> Ben ma kòto gbāaa mà bɔna kiblekita kiia à bè: Luda vèe kōn gbēnteenɔ sa, eégɔ kúnyo, aṣégɔ de à gbēnɔ ũ. Luda pì égɔ kúnyo a zīnda ní Luda ũ. <sup>4</sup> Eé ní wée'i gogoñne píngi. Gaa égɔ kuu dɔro ke sósobi ke sódɔna ke wāwāa, zaake yā ziino gète.

<sup>5</sup> Ben gbē kè vèena kitaa bè: Ñ ma! Mée pɔ píngi kee dufu. Ben à bème: Ñ kē, zaake yā kènɔ náane vī, bensɔ yāpuraame. <sup>6</sup> Ben à bème: À kèn gwe. Mámbe Alafa kōn Omegao ũ, Naana kōn Midena. Gbē kè ímii e à dee, mé à gba bia í wèndidee. <sup>7</sup> Gbē kè zì blè bé eégɔ pɔ kènɔ vī píngi. Mégɔ de à Luda ũ, eégɔ de ma né ũ. <sup>8</sup> Mɔde vīadeenɔ kōn náanesaideenɔ kōn zaakerinɔ kōn gbēderinɔ kōn zinakerinɔ kōn ēzēdeenɔ kōn tāagbāgbārinɔ kōn mɔnafikideenɔ píngi, aṣ baka égɔ de té sèbe kè è kū kōn ɔfāntēgbɔo ũme. Ga plaadeen gwe.

### *Yerusalemu dufu*

<sup>9</sup> Malaika gɔɔn swēeplaaa kè aɔɔ zubɔ mèn swēeplaa kūna, kisia zāade mèn swēeplaaa kán à pà pìnɔ doke mò à bème: Ñ mɔ mà Sāne Bòrɔ nɔ dufu ɔɔanne. <sup>10</sup> Luda Nini mɔnama guu malaika pì ma se à gāamao kpīi bíta lezīa. À Luda wéteda Yerusalemu ɔɔame bɔna musu Luda kiia, èe pitaa. <sup>11</sup> Èe té kee kōn Luda gakuio èe pii lán gbè bèede bà, lán dayamɔ bà. <sup>12</sup> À bīi bíta lezī vī. À gānu mèn kuri awēeplaame, malaika gɔɔn kuri awēeplaaanɔ zezenan. Isaraili bori mèn kuri awēeplaaanɔ tó kēna gānu pìnɔa. <sup>13</sup> Gānu mèn aagɔɔ kú ɔfāntēbɔe kpa, mèn aagɔɔ kú gu'igbāroo kpa, mèn aagɔɔ kú sɔɔmete kpa, mèn aagɔɔ kú ɔfāntēgēkpen kpa. <sup>14</sup> Wà bīi pì ēe dàe gbè mèn kuri awēeplaaanɔa. Sāne Bòrɔ zīri gɔɔn kuri awēeplaaanɔ tó kēna gbè pìnɔa.

<sup>15</sup> Malaika kè èe yā oome pɔyɔbɔ kè wà pì kōn vurao kūna, le à wétēdaa pì yɔo kōn à gānunɔ kōn à bīio. <sup>16</sup> Wétēdaa pì gooda siigɔme, à gbāa kōn à yāasao sáame. Ben à wétēdaa pì yɔ kōn pɔyɔbɔ pìo. À gbāa né kiloo wàa kuri awēeplaame. À gbāa kōn à yāasao kōn à lezīo píngi sáame. <sup>17</sup> À à bīi yɔ dɔ, à lezī gāsāsuu baswēeplaa awēesiigɔ. Malaika pì yɔ gbēntee gāsāsuu gbāa lémmē. <sup>18</sup> Wà bīi pì kè kōn dayamɔo. Wétēdaa pì né vurame atēe wásawasa lán dígi bà. <sup>19</sup> Wà gbè kè wà wétēdaa pì bīi dàea kèke kōn gbè bèede bori sānda píngio.

Wà gbè káakupɔ kèke kōn dayamɔo,

à plaadee kōn safiao,

à aagɔdee kōn agatao,

à siigɔdee kōn emeradio,

<sup>20</sup> à sɔɔrodee kōn onisio,

à swēedodee kōn kaaneliao,

à swēeplaadee kōn kisolitio,

à sɔraagɔdee kōn berilio,

à kēndodee kōn topazao,

à kuridee kōn kisopazao,

à kuri awēedodee kōn yasintio,

à kuri awēeplaadee kōn ametisio.

<sup>21</sup> Gānu mèn kuri awēeplaaa pìnɔ né ɔso mèn kuri awēeplaaanɔme. Wà ní píngi kè kōn ɔsoo mèn doodo. Wétēdaa pì zéda né vurame atēe, wè guu en lán dígi bà.

<sup>22</sup> Mée Luda kpé e wétēdaa pì guuro, zaake Dii Luda Gbāapingide kōn Sāne Bòrɔon kpé pì ũ. <sup>23</sup> Wétēdaa pì bà kú kōn ɔfántē ke mɔvura gupunaoro. Luda gakui bé è wétēdaa pì pu, bensō Sāne Bòrɔ de à fitia ũ. <sup>24</sup> Boriino é táa o à gupuraazi, anduna kínano é gēn kōn n̄ auzikino. <sup>25</sup> À gānuno éǵō tatana fāantē zikiro, gwāavī éǵō kú gwe sōro. <sup>26</sup> Weé gēn kōn boriino auzikino kōn n̄ pó ɔɔdeenɔ. <sup>27</sup> Mɔde pó gbāsī ke é gēnlo ke wíyākeri ke mɔnafikidee, séde gbē kè Sāne Bòrɔ n̄ tó kè wèndi takada guuno.

## 22

<sup>1</sup> Ben malaika pì swa'i wèndidee kè èe bɔɔ Luda kōn Sāne Bòrɔo kíta kiia òɔbame, èe té kee lán gbèdigi bà. <sup>2</sup> Èe bàa lee wétēda zédaa gura súusu. Lí wèndide kú à baa kāa kpa kōn à baa kè kpaa, è né i wè do gēn kuri awēplaa, mɔ kōn mɔɔo gēn doodo. Lí pì lán né boriino aafia'ekiime. <sup>3</sup> Pó kè Luda lé kēne ke éǵō kuu dɔro. Luda kōn Sāne Bòrɔo kíta éǵō kú wétēdaa pì guu, à zòblerino sō é dɔzi. <sup>4</sup> Aǵé à e wéedewe, bensō à tó éǵō kú n̄ mì'aea. <sup>5</sup> Gwāavī éǵō kuu dɔro, gbēke bà éǵō kú kōn fitia ke ɔfántē gupuraaoro, kè Dii Luda é guu puñne yānzi. Aǵéǵō kí blee ai gurɔ pínghi. <sup>6</sup> Ben à bème: Yā beeno náane vī bensō yāpuraame. Dii Luda kè è dɔ annabinone ae bé à a malaika zī, le à zòblerino yā kè eé mó tiaa dō.

### *Yesu é mó tia*

<sup>7</sup> N̄ gwa, mé mó tia. Aubarikadeen gbē kè takada kè annabikēyāno kūna ũ.

<sup>8</sup> Ma Yohana mámbé ma yā beeno mà má è. Kè má mà bensō má è, ma kue malaika kè yā pino òɔbamee aezī mà dɔnzi kee. <sup>9</sup> Ben à bème: N̄ beee tó. N̄ dɔnzi ke Ludane. N zòbleri daan ma ũ kōn n̄ annabi gbēdaano kōn gbē kè aǵō takada kè yāno kūnana. <sup>10</sup> Ben à bème: N̄ton pó kúe takada kè annabikēyānoaro, zaake à gurɔ kà kīi. <sup>11</sup> Gbē zaaa aīa ke àǵō à zaaa kee. Gbāsīdee aīa ke àǵō gbāsī. Gbē maaa aīa ke àǵō à maaa kee. Gbē kè kú adona aīa ke àǵō kú adona.

<sup>12</sup> N̄ gwa, mé mó tia, méǵō láada kūna, le mà fīa boo baadene a yākenaa. <sup>13</sup> Alafa kōn Omegaon ma ũ, Aede kōn Zāadeeo, Naana kōn Midena. <sup>14</sup> Aubarikadeenon gbē kè aǵō n̄ utagyaba pìpino ũ. Aǵéǵō zé vī aǵō gē wétēdaa pì gānuno guu, aǵō lí wèndide bee ble. <sup>15</sup> Mɔde lewannō éǵō kú gwero, ēzēdeenō kōn pāpākerino kōn gbēderino kōn tāagbāgbārinō kōn gbē kè aǵō ye mɔnafiki yākenazino.

<sup>16</sup> Ma Yesu ma a malaika zī àǵō deare yā pino sèedadee ũ sɔsinone. Mámbé Dauda borii ũ, à kpata kè pìto pà kína ũ, gudɔna sɔsone i nnaa ũ. <sup>17</sup> Luda Nini kōn Sāne Bòrɔo nɔ dufuo è be, n̄ mó. Gbē kè yā pì mà sō, à be, n̄ mó. Gbē kè ímii e à dee, à mó. Gbē kè ye í wèndideezi, à sí gbaa ũ.

<sup>18</sup> Mée bee gbē kè aǵō takada kè annabikēyā mánone n̄ pínghi, tó gbē yāke kàara à guu, Luda é kisia kè à yā kú takada kè guuno kaara adeene. <sup>19</sup> Tó gbē yāke bò takada kè guu sō, Luda é adee baka bɔ a wétēdaan kōn lí wèndidee kè à yā kú takada kè guuo.

<sup>20</sup> Gbē kè de yā pino sèedadee ũu bè: Yāpurame, mé mó tia.

Aami! Dii Yesu, n̄ mó!

<sup>21</sup> Dii Yesu gō gbēke vī kōn a gbēno n̄ pínghi. Aami!